

---


This is a reproduction of a library book that was digitized by Google as part of an ongoing effort to preserve the information in books and make it universally accessible.

Google<sup>TM</sup> books


<http://books.google.com>











2



FCC  
14 257











# THESAURUS

M 32C  
II

## NOVUS ANECDOTORUM.

TOMUS SECUNDUS,

IN QUO CONTINENTUR

16257

URBANI PAPÆ IV. EPISTOLÆ LXIV.

CLEMENTIS PAPÆ IV. EPISTOLÆ DCCXI.

JOANNIS XXII. Processus varii in Ludovicum Bavarum & ejus Affeclas.

INNOCENTII VI. Registrum Epistolarum anno M. CCC LXI.


Aliaque plura de Schismate Pontificum Avenionensium

MONUMENTA.

Prodit nunc primùm studio & operâ

Domni EDMUNDI MARTENE & Domni URSINI DURAND,

Presbyterorum & Monachorum Benedictinorum è Congr. S. Mauri.



LUTETIÆ PARISIORUM,

Sumptibus

FLORENTINI DELAULNE,

HILARII FOUCAULT,

MICHAELIS CLOUZIER,

JOANNIS-GAUFRIDI NYON,

STEPHANI GANEAU,

NICOLAI GOSSELIN,

Bibliopolarum Parisiensium.

M. DCCXVII.

CUM PRIVILEGIO REGIS ET SUPERIORUM PERMISSU.







## P R Æ F A T I O.



E contentis secundo hoc tomo paucis te monitum volo, Lector erudite. Cum Anecdota nostra omnia quatuor distribuissimus in classes, atque in prima virorum illustrium epistolas & diplomata constituissimus, nec omnia complecti posset tomus primus; ea in secundum rejicere visum est, quæ singulari ratione spectabant ad sedem apostolicam, ac unum veluti epistolarum aut veterum monumentorum corpus efficiebant. Habes itaque hic Urbani papæ IV. epistolas sexaginta tres, Clementis papæ IV. quindecim supra septingentas, Johannis XXII. processus in Ludovicum Bavarum & ejus asseclas aliave id genus instrumenta quadraginta, Innocentii VI. registrum epistolarum anno MCCC LXI. scriptarum, & Varia monumenta de schismate pontificum Avenionensium.

URBANI IV. epistolas fere omnes subministravit nobis antiquus codex manu exaratus bibliothecæ illustrissimi Joachimi *de Colbert* episcopi Montis-pestulani, cui plurimum nos debere profitemur, Urbani ipsius pene ætate scriptus Earum nonnullas tamen aliunde collegimus, quas in margine annotare non negleximus. Præcipuæ respiciunt Terræ-sanctæ subsidium, quam de manibus infidelium in primis eripere cupiebat summus pontifex, at longe plures tangunt negotium regni Siciliæ, quod in Carolum Andegaviæ comitem S. Ludovici Francorum regis fratrem transmittere moliebatur. De ipso autem Urbano pluribus hic disserere supervacaneum existimamus. Omnes enim norunt eum fuisse Gallum, Trecis in Campania humili loco natum, sed cum ingenio non vulgari, & virtute polleret insigni, primum Trecensem canonicum, deinde archidiaconum Laudunensem, tum episcopum Viridunensem ac patriarcham Hierosolymitanum extitisse, varias legationes summi pontificis nomine obiisse, ac tandem post Alexandrum IV. apostolicæ sedis thronum ascendisse, in quo omnibus sanctissimi pontificis muniis rite perfunctus est.

CLEMENTIS IV. epistolarum plures præ manibus habuimus codices: duos ex bibliotheca illustrissimi episcopi Montis-pestulani, primum recenter scriptum epistolas circiter quingentas & quinquaginta continentem, alterum antiquiorem epistolas habentem circiter centum viginti, ex quibus aliquæ in primo codice reperiiebantur, sed longe plures ab iis erant diversæ. Tertium, codicem in quo quadringentæ circiter erant Clementis epistolæ, invenimus inter insignis ecclesiæ Lemovicensis libros manuscriptos. Quartum suppeditavit Oratorii Trecensis bibliotheca, in qua Petri Pithœi viri sua ætate eruditissimi codices manuscripti asservantur: cujus quidem codicis copiam nobis procuravit reverendissimus Pater *de la Tour* congregationis Oratorii præpositus generalis. Codicis ætatem discimus ex hac inscriptione, quæ ejus extat in calce. *Scriptum est tam Arausica, quam Avenioni xviii. die Novembris anno Domini MCCCXXII. Pontificatus domini Johannis anno VII.* Quintum olim Gemmeticensis nunc Parisiensis S. Germani à Pratis monasterii Clementis ætate scriptum;



sextum & septimum ex ditissima bibliotheca Colbertina habuimus: in quibus uti & in Gemmeticensi atque in Trecensi epistolæ continebantur circiter quingentæ & quinquaginta. Hos omnes codices cum præ manibus haberemus diligenter contulimus, variantes lectiones vel minimas annotavimus, ac singulas epistolas, quæ in manuscriptis perturbato erant ordine, secundum tempus quo scriptæ fuerunt pro modulo distribuimus. Præter contentas autem his in codicibus epistolas nonnullas aliunde collegimus, nonnullas etiam aliunde jam collegerat, qui primum codicem illustrissimi episcopi Montispeffulani descripserat, eas ut arbitror, publici juris facturus aliquando, si se opportuna dedisset occasio, quas omnes suo loco collocavimus, annotatis locis unde eas acceperamus.

Porro his in epistolis totam vitæ Clementis IV. papæ seriem habes, natale solum, parentes, quæ obiiit munia, quas obtinuit dignitates, quas gessit legationes, denique summum pontificatum ab eo adeptum. In his suspicere licet præclaras ejus virtutes, stupendam prorsus in summo gradu humilitatem, maximam inter divitias paupertatem, admirandam in rebus gerendis prudentiam, nec minorem in superandis arduis fortitudinem, erga omnes justitiam. In his non sine admiratione videbis qualis fuerit erga reges & principes, præclara ab eo data eis monita, præscriptas regni recte administrandi regulas, intrepidum in corrigendis eorum vitiis aut indebitis gratiis ipsis denegandis animum: qualis erga episcopos & prælatos, quanta curaverit vigilantia ut nonnisi probis moribus & doctis viris prælaturæ & aliæ dignitates ecclesiasticæ conferrentur, ut à sedibus episcopalibus indigni omnino removerentur, ut ecclesiastica disciplina facta & integra apud eos conservaretur: qualis denique erga religiosos, quam paternò eos foverit affectu, eorum libertates & privilegia tutatus fuerit, atque ab omni oppressione aut vexatione defenderit. Non solum autem Clementis vitam ejusque virtutes his in ejus epistolis habemus, sed totam pontificatus illius historiam, Terræ sanctæ ab infidelibus dilapidatæ desolationem, subsidium ei à nostro Clemente, qui nec sumtibus, nec laboribus pepercit, præstitum, S. Ludovici regis Francorum aliorumque transfretationem, reportatas de Saracenis à regibus Hispaniæ victorias, regnum Siciliæ ad Carolum Andegaviæ & Provinciæ comitem S. Ludovici fratrem translatum, imperium inter duos contententes post Frederici augusti depositionem divisum, tandem Tartarorum principem fidei christianæ addictum.

JOHANNIS XXII. PAPÆ processus adversus Ludovicum Bavarum, quem imperii invasorem judicabat, aliosque principis illius assecclas debemus humanitati illustrissimi episcopi Montispeffulani, qui antiquum manu exaratum codicem in quo continebantur nobiscum ultro communicavit. Præcipui processus sunt adversus Ludovicum ipsum, natum ipsius Marchionem Brandeburgensem, Johannem de Claromonte & Bertholdum de Niffen comites, Jacobum episcopum Castellanum, Petrum de Corbario antipapam, cujus hic habes resipiscentiam & pœnitentiam, Michaëlem de Cesana ordinis Minorum generalem ministrum, qui antipapæ adhaerebat, Bonamgratiam & Guillelmum Okam qui Ludovico Bavaro & dictis & scriptis patrocinebantur. Quid vero magno illi dissidio occasionem dederit explicamus in admonitione prævia, quam, lector erudite, velim consulas.

INNOCENTII VI. PAPÆ Registrum litterarum anni MCCCLXI. descripsit ex manuscripto codice illustrissimi domini Boherii in Senatu Divionensi præsidis noster Guillelmus *Aubrée*, tunc in Divionensi S. Benigni asceta. Scriptus est hic codex olim ex antiquiori, qui hodie penes dominum *Guy de Vormes* Divionensem senatorem existit, cujus copiam mihi habere non licuit. Continet epistolas ducentas & quinquaginta, quarum præcipuæ sunt eæ quas ad reges & principes direxit, ut eos ad pacem inter se aut inter alios ineundam hortaretur, vel ut impias armatorum quorundam societates, quæ vi & armis in Sancti Spiritus villam irruerant, atque extremum Avenioni excidium minabantur, comprimerent.

ACTA VARIA DE SCHISMATE post Gregorii XI. mortem inter pontifices

Avenionenses exorto plures jam ante nos ediderunt, imprimis eruditi Historiæ ecclesiasticæ scriptores Odoricus Raynaldus & Abrahamus Bzovius. Multa etiam noster Acherius in Spicilegii tomo IV. cujus pars maxima hujusce rei monumenta continet; multa & doctissimus Cæsar Egasius Bulæus, qui historiam Universitatis Parisiensis sex amplissimis tomis persecutus est, in quibus acta quam plura de infauustissimo ac nefandissimo hoc schismate retulit. His accedit Stephanus Baluzius de republica litteraria jam diu bene meritus, qui in notis ad vitas Paparum Avenionensium non pauca congeffit instrumenta authentica, quæ hanc schismatis materiam tangunt. Verum amplissimam segetem eorum nullus, sed nec omnes simul totam messuerunt. Cum intricatissimum esset perniciosissimum ac diuturnum illud schisma, nec utrique contendendum deessent validæ in speciem rationes, quibus non sine difficultate responderi poterat, scripta, quibus jus suum uterque defendere nitebatur, prodire innumera, plures etiam ad principes, ad episcopos, ad Universitates epistolas scripsere contententes aut ipsis faventes, ut ab adversario suo separatos sibi adscicerent, sed nec pauca à viris piis perinde ac doctis ad contendendum pertinaciam frangendam edita fuere opuscula, quibus mirum in modum illustratur illorum temporum historia. Hæc omnia cum hætenus exhaustiri non potuerint, nec forte in posterum poterunt, è re nostra existimavimus, in gratiam litterarum, ea quoad fieri valeat, undequaque colligere, quæ necdum in lucem prodierunt; essetque nobis religioni permaximæ tot antiquitatis monumenta, quibus virorum eruditorum dirari queunt bibliothecæ, diutius in tenebris & in quibusdam forulis cum tineis & blattis certantia detinere. Quæ autem hic damus ea præsertim eruimus ex tribus amplis voluminibus Gemmeticensis monasterii tempore Simonis abbatis, qui auctoritate regia extinguendo schismati non parum laboravit, exaratis; ex ditissima Coisliniana illustrissimi episcopi Metensis bibliotheca; ex codicibus Colbertinis & Bigotianis, & aliunde. His vero in actis quæ publici juris facimus plura reperient viri eruditi hætenus aut ignota aut saltem minus cognita, præsertim in prolixissima epistola Bonifacii Ferrerii majoris Carthusiæ prioris, tam ad sui quam ad Benedicti XIII. defensionem edita, quam quidem epistolam sive tractatum ex ms. codice Carthusiæ Vallis-Christi in regno Valentiniæ olim mihi describi curavit noster Jacobus de la Gorée, tunc prior monasterii S. Andreæ prope Avenionem, quo in codice ad marginem capitis 137. hæc leguntur: *Eriam dominus Bonifacius recessisset à Benedicto post concilium Constantiense, sicut recessit frater suus S. Vincentius, immo pater Bonifacius recessit quoque in vita sua. Nam cum anno mccccxvii. esset in villa de Perpiniano una cum fratre suo S. Vincentio & rege Ferdinando & imperatore Sigismundo, ibi postquam omnibus innotuit, nolle Benedictum renuntiare ad instantiam omnium ibi collectorum, prædicavit S. Vincentius in die Epiphaniæ contra illum, & post predicationem lectum fuit edictum subtractionis obedientiæ in his regnis, quo peracto, unusquisque reversus est ad sua, sperans quid concilium Constantiense disponderet & ordinaret: Sed dominus Bonifacius ante electionem Martini V. diem clausit extremum.* Porro hic Bonifacius tantæ fuit sanctitatis, ut etiam post mortem miraculis curuscaret, & ex herba quæ ex ejus tumulo excrecebat, non pauci sanarentur infirmi. Inter epistolas oratorum Universitatis Colonienfis in concilio Constantiensi septima in primis observanda venit, in qua zelus doctorum universitatis Parisiensis maxime commendatur his verbis: *Universitas Parisiensis bene se habet in negotiis ecclesiæ, & habet magnam audientiam. Solent enim in arduis doctores & magistros suæ universitatis Constantiæ existentes cc. in numero vel plures congregare, & de consilio eorum concludere.* Pagina 1669. extat Lamberti de Stipite monachi Leodiensis S. Laurentii & Prioris de Bertraio epistola ad episcopum Rigensem de citatione Petri de Luna, nomine concilii Constantiensis ab eo facta. De ipso autem Lamberto hæc legimus in schedis S. Laurentii ad nos transmissis. *Anno mccccxv. delegatus fuit ad concilium Constantiense ex parte episcopi Leodiensis capitulique S. Lamberti Dominus Lambertus de Stipite, inde reversus adiit PETRUM DE LUNA papam intrusum, coram quo habuit concionem, cujus textus hic erat: Hodie si*

vocem ejus audieritis, nolite obdurare corda vestra. *Quibus actis præfatus Petrus de Luna respondens sic effatus est: Quadraginta annis proximis fui generationi huic, & dixi semper hi errant corde & singulis Lamberti dictis concludebat se verum & legitimum papam. Quibus auditis, D. Lambertus ibi petivit in scripto instrumentum super his: quo accepto, recta ad concilium Constantiense rediens, illa omnia prout gesta erant retulit, unde supra fatus Petrus per dictum concilium tamquam hæreticus adjudicatus & condemnatus est, & anno sequenti, videlicet mccccxvij. duobus ita summi pontificis dignitate privatis, Sigismundi imperatoris mandato cardinales intrauerunt conclave, quibus cibos ministrabat, ad hoc ipsum destinatus Lambertus de Stipite: ubi in papam tandem una voce electus fuit Odo de Columna, vocatus Martinus hoc nomine V. quorum omnium notitiam recepit clerus Leodiensis per præfatum Lambertum. In quo concilio instigante eodem Lamberto fuit denumeratio monasteriorum ordinis S. Benedicti in tota christianitate existentium, in quibus ad minimum sex monachi residerent; inventumque fuit esse numero quindecim millia centum & septem monasteria, præter prioratus unius, duorum vel trium monachorum. Quo auctore ibidem investigatum quot sancti canonizati essent in ordine eodem, & annumerati sunt triginta quinque millia & quadringenti Johannis de Turena cardinalis litteræ ad Johannem comitem Armaniacum universosque fideles de publicatione electionis Benedicti XIV. ab ipso in papam temere electi non oscitanter percurrenda est. Nam, si me mea non fallit opinio, nullus hætenus illius antipapæ meminit. Longe plura hujusmodi observare possemus nisi nos præfationis brevitatis cœrceret.*

Ut autem hujus voluminis justa moles existeret, his omnibus haud spernenda aliqua monumenta adjecimus, scilicet Guillelmi de Perreriis auditoris apostolici orationem in electione summi pontificis, Roberti Gislebii Maximiliani Romanorum regis & Philippi Austriæ archiducis oratoris ad sedem apostolicam orationem coram summo pontifice de episcopatu Tornacensi, Leonelli Concordiensis episcopi orationem in funere Innocentii VIII. Bernardini Carvajal episcopi Pacensis orationem de eligendo summo pontifice, & Christophori Marcelli electi Corcirensis orationem ad Leonem X. Pontificem maximum de sumenda in Turcas provincia.





# I N D E X

## C H R O N O L O G I C U S

### C O N T E N T O R U M

#### H O C I N V O L U M I N E

#### U R B A N I P A P Æ E P I S T O L Æ L X I I I .

Epist. I.	<b>A</b> D Archiepiscopos Hispaniæ.	Pag. 1	ad eundem.	60	xxviii.
II.	Ad Theobaldum regem Navarrae & comitem	2	Ad archiepiscopos episcopos abbates, &c.	62	xxix.
	Campaniæ & Briæ.		Ad Simonem cardinalem sedis apostolicæ lega-	63	xxx.
III.	Ad abbatissam & conventum B. Mariæ ad Mo-	3	tum.	63	
	niales Trecenses.		ad eundem.	Ibid.	xxxi.
IV.	Ad archiepiscopum Magdeburgensem & Colonien-	6	ad eundem.	64	xxxii.
	sem electum		ad eundem.	ibid.	xxxiii.
V.	Ad archiepiscopum Tyrensem.	7	ad eundem.	65	xxxiv.
VI.	Ad Ægidium archiepiscopum Tyrensem.	8	ad eundem.	ibid.	xxxv.
VII.	Proponit conditiones sub quibus Carolum Andega-		ad eundem.	66	xxxvi.
	via & Provinciæ comitem regno Siciliae inve-	9	ad eundem.	ibid.	xxxvii.
	stiri cupiebat.		ad eundem.	67	xxxviii.
VIII.	Conditionibus in primâ epistola allegatis modum	19	ad eundem.	ibid.	xxxix.
	adhibet.		ad eundem.	68	xl.
IX.	Ad Albertum apostolicæ sedis notarium.	21	ad eundem.	69	xli.
X.	ad eundem.	23	ad eundem.	70	xlii.
XI.	Balduini imperatoris Constantinopolitani ad Man-	23	ad eundem.	ibid.	xliii.
	fredum Siciliae regem.		ad eundem.	72	xliv.
XII.	Ad Albertum apostolicæ sedis notarium.	26	ad eundem.	74	xlvi.
XIII.	ad eundem.	28	Ad archiepiscopum Auxitanum.	75	xlvii.
XIV.	Ad episcopum Trecensem.	28	Ad Simonem cardinalem apostolicæ sedis lega-	76	
XV.	Ad Albertum apostolicæ sedis notarium.	30	tum.	76	
XVI.	ad eundem.	33	ad eundem.	ibid.	xlviii.
XVII.	ad eundem.	35	ad eundem.	77	xlix.
XVIII.	ad eundem.	43	ad eundem.	79	l.
XIX.	Ad Ægidium archiepiscopum Tyrensem & Johan-		ad eundem.	ibid.	li.
	nem de Valencenis.	47	ad eundem.	80	lii.
XX.	Ad omnes colligendis decimis pro subsidio Terræ-	48	ad eundem.	ibid.	liii.
	sanctæ destinatos.		ad eundem.	81	liv.
XXI.	Præscribit cautiones cum quibus Carolus comes		ad eundem.	ibid.	lv.
	Andegaviæ & Provinciæ Urbis senatum tenere	49	ad eundem.	82	lvi.
	debeat.		Ad Carolum Andegaviæ & Provinciæ comi-	86	lvii.
XXII.	Ad Simonem cardinalem apostolicæ sedis lega-	52	tem.	86	
	tum.		Ad Simonem apostolicæ sedis legatum.	87	lviii.
XXIII.	ad eundem.	53	ad eundem.	89	lix.
XXIV.	ad eundem.	ibid.	Ad Manfredum quondam principem Tarenti-	90	lx.
XXV.	ad eundem.	ibid.	num.	90	
XXVI.	Ad archiepiscopos episcopos abbates & regni		Responsio Manfredi.	91	lxi.
	Franciæ, &c.	54	Ad archiepiscopum Bituricensem.	94	lxii.
XXVII.	Ad Simonem cardinalem apostolicæ sedis lega-	59	De modo dicendi officium divinum in terris strictis-	94	lxiii.
	tum.		simo interdicto suppositis.		

# INDEX CHRONOLOGICUS

## CLEMENTIS PAPÆ IV. EPISTOLÆ DCCXV.

I.	<b>G</b> uidonis cardinalis & episcopi Sabinensis ad Carolum Andegavia & Provinciae comitem.	Pag. 97	eidem.	Pag. 127	LIV.
			eidem.	128	LV.
II.	Regi Aragonum.	98	Regi Franciæ.	128	LVI.
III.	Ad Simonem cardinalem S. Cæcilie apostolicæ sedis legato.	101	A. SS. Apostolorum presbytero, R. S. Angeli, J. S. Nicolai in carcere Tulliano, J. S. Mariæ in Cosmedim, diaconis cardinalibus.	130	LVII.
IV.	ad eundem.	Ibid.	Regi Franciæ.	130	LVIII.
V.	ad eundem.	102	Senescallo Franciæ regis in partibus Carcas-sonæ.	131	LIX.
VI.	ad eundem.	104	Simoni cardinali apostolicæ sedis legato.	132	XX.
VII.	ad eundem.	103	Nobili viro Fortibrach de Romagnola.	133	XXI.
VIII.	ad eundem.	ibid.	S. tituli S. Martini presbytero cardinali.	134	XXII.
IX.	ad eundem.	ibid.	Regi Cypri.	135	XXIII.
X.	Potestati Capitano & Ancianis prope sam.	106	Ad prelatos in quorum diocesi sunt fratres B. Mariæ de Monte Carmelo.	135	XXIV.
XI.	Nobilibus Urbis.	106	S. tituli S. Martini presbytero cardinali.	136	XXV.
XII.	Vicario Urbis.	107	Archiepiscopo Hispalensi.	137	XXVI.
XIII.	eidem.	ibid.	R. S. Angeli diacono cardinali.	138	XXVII.
XIV.	Capitano, Ancianis, consulibus & collegio mercatorum Lucensium.	108	Simoni cardinali apostolicæ sedis legato.	138	XXVIII.
XV.	Regi Navarræ illustri.	109	eidem.	139	XXIX.
XVI.	Reginæ Navarræ illustri.	109	Abbati & conventui Majoris-Monasterii.	140	XXX.
XVII.	Ad Simonem cardinalem S. Cæcilie apostolicæ sedis legatum.	110	Magistro & fratribus ordinis Predicatorum.	141	XXXI.
XVIII.	ad eundem.	ibid.	Comiti Provinciae.	141	XXXII.
XIX.	ad eundem.	ibid.	Sicardo Alemanni.	142	XXXIII.
XX.	ad eundem.	ibid.	S. tituli S. Martini presbytero cardinali.	143	XXXIV.
XXI.	Dilecto filio Petro de S. Ægidio.	ibid.	R. sancti Angeli diacono cardinali.	143	XXXV.
XXII.	Simoni cardinali apostolicæ sedis legato.	110	Ad fratres Predicatores.	144	XXXVI.
XXIII.	eidem.	111	Archiepiscopo Hispalensi.	144	XXXVII.
XXIV.	eidem.	ibid.	S. tituli S. Martini presbytero cardinali.	145	XXXVIII.
XXV.	eidem.	112	S. Basilicæ XII. apostolorum presbytero, S. S. Nicolai in carcere Tulliano & J. S. Mariæ in Cosmedim diacono cardinali.	146	XXXIX.
XXVI.	Archidiacono Stampensi in ecclesia Senonensi.	112	Olivario de Terminis.	147	XXXX.
XXVII.	Simoni cardinali apostolicæ sedis legato.	113	M. S. Mariæ in Porticu diacono cardinali.	147	XXXXI.
XXVIII.	eidem.	113	Potestati Castellaniensi concilio & comitatui.	148	XXXXII.
XXIX.	eidem.	113	Guidoni titulo S. Laurentii in Lucina presbytero cardinali.	148	XXXXIII.
XXX.	eidem.	114	Simoni cardinali apostolicæ sedis legato.	149	XXXXIV.
XXXI.	eidem.	115	M. Veronensi electo.	150	XXXXV.
XXXII.	eidem.	115	Simoni cardinali apostolicæ sedis legato.	151	XXXXVI.
XXXIII.	Reginæ Angliæ.	116	Ricco Bonaguide, Nero Fornarii & Angelerio Bonelle Florentinis mercatoribus.	152	XXXXVII.
XXXIV.	Simoni cardinali apostolicæ sedis legato.	116	Simoni cardinali apostolicæ sedis legato.	152	XXXXVIII.
XXXV.	eidem.	117	C. regi Siciliæ.	153	XXXXIX.
XXXVI.	Simoni cardinali apostolicæ sedis legato.	118	M. S. Mariæ in Porticu diacono cardinali.	154	XC.
XXXVII.	Carolo Andegavia & Provinciae comiti.	119	Petro priori S. Pastoris Cisterciensis ordinis.	155	XCI.
XXXVIII.	Simoni cardinali apostolicæ sedis legato.	120	Nobili viro P. de Marerio.	156	XCII.
XXXIX.	eidem.	120	Guidino Adillano juveni duci Sueviæ.	156	XCIII.
XL.	eidem.	121	Decanis & capellanis ecclesiæ & provinciæ Re-mensis.	157	XCIV.
XLI.	eidem.	121	Decanis & capellanis ecclesiæ & provinciæ Lug-dunensis.	159	XCV.
XLII.	eidem.	122	Carolo regi Siciliæ.	160	XCVI.
XLIII.	eidem.	123	S. tituli S. Martini presbytero cardinali.	160	XCVII.
XLIV.	eidem.	124	Archiepiscopo Cusentino & episcopo Avenionen-si.	161	XCVIII.
XLV.	eidem.	125	Episcopo Aretino.	161	XCIX.
XLVI.	Regi Franciæ.	126	M. S. Mariæ in Porticu diacono cardinali.	162	C.
XLVII.	Magistro Petro notario.	127	S. tituli S. Martini presbytero cardinali.	162	CI.
XLVIII.	Simoni cardinali apostolicæ sedis legato.	127	Potestati capitano & communi Urbinati.	163	CII.
XLIX.	Henrico regis Navarræ germano.				
L.	Regi Navarræ.				
LI.	Simoni cardinali apostolicæ sedis legato.				
LII.	Archiepiscopo Tyrensi.				
LIII.	eidem.				
LIV.	Simoni cardinali apostolicæ sedis legato.				

# CONTENTORUM.

III.	<i>M. S. Mariæ in Porticu diacono cardinali.</i>	163	<i>Simoni cardinali apostolicæ sedis legato.</i>	201	CXLIX.
IV.	<i>Quinque cardinalibus qui sunt in urbe.</i>	163	<i>Nobili viro domino Bocii Potestati Mediolanenfi.</i>	202	CL.
V.	<i>Regi Franciæ.</i>	165	<i>C. regi Siciliæ illustri.</i>	203	CLI.
VI.	<i>O. S. Adriani diacono cardinali.</i>	166	<i>Archiepiscopo Cusentino.</i>	203	CLII.
VII.	<i>J. S. Nicolai in carcere Tulliano diacono cardinali.</i>	167	<i>Fundatio Collegiatae ecclesiæ S. Urbani Trecentis.</i>	204	CLIII.
VIII.	<i>Archiepiscopo Narbonensi.</i>	167	<i>Simoni cardinali apostolicæ sedis legato.</i>	207	CLIV.
IX.	<i>Simoni cardinali apostolicæ sedis legato.</i>	168	<i>Ad Theobaldum regem Navarræ, Campaniæ &amp; Briæ comitem.</i>		CLV.
X.	<i>Patriarchæ Ierosolymitano, archiepiscopis &amp; episcopis &amp; Magistris Hospitalis S. Johannis &amp; domus militiæ templi Ierosolymitani &amp; Gaufrido de Sarginis &amp; aliis universis baronibus regni Ierosolymitani.</i>	169	<i>Potestati consilii &amp; communi Eugubino.</i>	209	CLVI.
XI.	<i>Regi Armeniæ.</i>	170	<i>eidem.</i>	ibid.	CLVII.
XII.	<i>Abbati &amp; Capitulo generali Cisterciensi.</i>	171	<i>Petro nobili viro illustri Aragoniæ primogenito.</i>	210	CLVIII.
XIII.	<i>G. Marchioni Montes-ferrati.</i>	172	<i>Nobili viro Jacobo.</i>	211	CLIX.
XIV.	<i>Potestati consilio &amp; communi Radicofanensi.</i>	172	<i>O. S. Adriani diacono cardinali apostolicæ sedis legato.</i>	211	CLX.
XV.	<i>M. S. Mariæ in Portitu diacono cardinali patrimonii B. Petri in Tuscia rectori, apostolicæ sedis legato.</i>	173	<i>Ad fratres ordinis Prædicatorum.</i>	212	CLXI.
XVI.	<i>Regi Siciliæ.</i>	173	<i>Domino Octaviano.</i>	213	CLXII.
XVII.	<i>Archiepiscopo Cusentino.</i>	175	<i>Reginæ Franciæ.</i>	213	CLXIII.
XVIII.	<i>Cardinalibus qui sunt in Urbe.</i>	176	<i>Reginæ Angliæ.</i>	213	CLXIV.
XIX.	<i>Simoni cardinali apostolicæ sedis legato.</i>	177	<i>S. tituli S. Cæciliæ presbytero cardinali apostolicæ sedis legato.</i>	213	CLXV.
XX.	<i>eidem.</i>	178	<i>R. S. Angeli diacono cardinali.</i>	215	CLXVI.
XXI.	<i>Episcopo Aretino.</i>	180	<i>Nobili viro Malatesti civi Ariminensi.</i>	215	CLXVII.
XXII.	<i>eidem.</i>	181	<i>S. tituli S. Martini presbytero cardinali apostolicæ sedis legato.</i>	216	CLXVIII.
XXIII.	<i>Episcopo Bajocensi.</i>	181	<i>Nobili viro Taddæo comiti Feltrensi Potestati Ariminensi.</i>	216	CLXIX.
XXIV.	<i>Episcopo Atrebatensi.</i>	181	<i>Potestati &amp; communi Ariminensi.</i>	217	CLXX.
XXV.	<i>S. tituli S. Martini presbytero cardinali ducatus Spoleti &amp; Marchiæ Anconitanæ rectori apostolicæ sedis legato.</i>	182	<i>Abbati monasterii S. Benedicti de Nursia.</i>	217	CLXXI.
XXVI.	<i>Regi Aragonum illustri.</i>	182	<i>Abbati Casæ Dei.</i>	218	CLXXII.
XXVII.	<i>M. S. Mariæ in Porticu diacono cardinali, patrimonii B. Petri in Tuscia rectori, apostolicæ sedis legato.</i>	183	<i>Carolo regi Siciliæ.</i>	219	CLXXIII.
XXVIII.	<i>eidem.</i>	184	<i>eidem.</i>	220	CLXXIV.
XXIX.	<i>Illustri regi Franciæ.</i>	184	<i>Simoni cardinali apostolicæ sedis legato.</i>	238	CLXXV.
XXX.	<i>J. S. Nicolai in carcere Tulliano diacono cardinali.</i>	185	<i>eidem.</i>	238	CLXXVI.
XXXI.	<i>Nobili viro Philippo de Monte-forti.</i>	185	<i>Regi Siciliæ.</i>	239	CLXXVII.
XXXII.	<i>Illustri regi Siciliæ.</i>	186	<i>Ermengaud de Melgorio militi.</i>	239	CLXXVIII.
XXXIII.	<i>J. S. Nicolai in carcere Tulliano diacono cardinali.</i>	186	<i>Regi Franciæ.</i>	240	CLXXIX.
XXXIV.	<i>S. illustri regi Siciliæ.</i>	187	<i>O. S. Adriani diacono cardinali apostolicæ sedis legato.</i>	240	CLXXX.
XXXV.	<i>Illustri regi Franciæ.</i>	187	<i>Regi Franciæ.</i>	241	CLXXXI.
XXXVI.	<i>S. tituli S. Cæciliæ presbytero cardinali apostolicæ sedis legato.</i>	189	<i>Simoni tituli S. Cæciliæ presbytero cardinali apostolicæ sedis legato.</i>	243	CLXXXII.
XXXVII.	<i>O. S. Adriani diacono cardinali apostolicæ sedis legato.</i>	190	<i>Clero Gallicano.</i>	243	CLXXXIII.
XXXVIII.	<i>Episcopo Magalonensi.</i>	191	<i>Archiepiscopis ac universo clero per Lugdunensem Viennensem, Ebredunensem, Tarentasiensem, Bisuntinam, Arelatensem, Aquensem, Burdegalensem, &amp; Auxitanam, nec non &amp; Tornacensem ac Cameracensem civitates &amp; dioceses constitutis.</i>	244	CLXXXIV.
XXXIX.	<i>Regi Aragoniæ illustri.</i>	192	<i>Simoni cardinali apostolicæ sedis legato.</i>	244	CLXXXV.
XL.	<i>A. S. Mariæ in Porticu diacono cardinali patrimonii S. Petri in Tuscia rectori apostolicæ sedis legato.</i>	192	<i>eidem.</i>	245	CLXXXVI.
XLI.	<i>Regi Castellæ &amp; Legionis illustri.</i>	193	<i>eidem.</i>	245	CLXXXVII.
XLII.	<i>Simoni cardinali apostolicæ sedis legato.</i>	194	<i>eidem.</i>	246	CLXXXVIII.
XLIII.	<i>Carolo regi Siciliæ illustri.</i>	195	<i>Carolo regi Siciliæ.</i>	246	CLXXXIX.
XLIV.	<i>Simoni cardinali apostolicæ sedis legato.</i>	196	<i>O. S. Adriani diacono cardinali apostolicæ sedis legato.</i>	247	CXC.
XLV.	<i>eidem.</i>	ibid.	<i>Simoni cardinali apostolicæ sedis legato.</i>	248	CXCI.
XLVI.	<i>eidem.</i>	199	<i>Caroli regi Cæciliæ.</i>	249	CXCII.
XLVII.	<i>Episcopo Altiissiodorensi.</i>	200	<i>Gardiano &amp; fratribus Minoribus Montis flascenis.</i>	250	CXCIII.
XLVIII.	<i>O. S. Adriani diacono cardinali apostolicæ sedis legato.</i>	200	<i>O. cardinali S. Adriani apostolicæ sedis legato.</i>	250	CXCIV.
			<i>Carolo regi Siciliæ.</i>	251	CXCV.
			<i>S. tituli S. Martini presbytero cardinali.</i>	253	CXCVI.



# INDEX CHRONOLOGICUS

CXC VII.	Carolo regi Siciliae.	254	Patriarchae Ierosolymitano.	293	CCLXVIII.
CXC VIII.	Simoni cardinali apostolicae sedis legato.	255	S. cardinali S. Martini presbytero cardinali Marchiae Anconitanae & ducatus Spoleti rectori apostolicae sedis legato.	293	CCLXIX.
CXC IX.	Carolo regi Siciliae.	256	Archiepiscopo Bracharensi & episcopis Portugalliae.	294	CCL.
CC.	Agathensi, Biterrensi Lodovensi, & Magalonensi episcopis.	256	S. Sanctae Caeciliae presbytero cardinali.	295	CCLI.
CCI.	Episcopo Biterrensi.	256	eidem.	297	CCLII.
CCII.	Abbati monasterii Anianensis ordinis S. Benedicti Magalonensis diocesis.	257	Ad priorem B. Mariae de Tabulis.	298	CCLIII.
CCIII.	Carolo regi Siciliae.	257	R. Episcopo Albanensi apostolicae sedis legato.	298	CCLIV.
CCIV.	eidem.	ibid.	Simoni cardinali apostolicae sedis legato.	300	CCLV.
CCV.	Potestati, concilio & communi Cornetanensi.	258	Alphanto de Terrascone militi.	300	CCLVI.
CCVI.	Potestati Tuscanensi.	258	O. S. Adriani diacono cardinali apostolicae sedis legato.	301	CCLVII.
CCVII.	Potestati Vetrallensi, item Ortanensi, item de Montecalto.	258	Regi Castellae & Legionum in regem Romanorum electo.	303	CCLVIII.
CCVIII.	Simoni cardinali apostolicae sedis legato.	258	Simoni cardinali apostolicae sedis legato.	304	CCLIX.
CCIX.	G. tituli S. Laurentii in Lucina presbytero cardinali apostolicae sedis legato.	259	A. Comiti Pictaviensi & Tholosano.	305	CCLX.
CCX.	Carolo regi Siciliae.	260	R. episcopo Albanensi apostolicae sedis legato.	305	CCLXI.
CCXI.	Archiepiscopo Tyrensi apostolicae sedis legato.	261	C. Regi Siciliae illustri.	306	CCLXII.
CCXII.	Simoni cardinali apostolicae sedis legato.	262	S. tituli S. Martini presbytero cardinali apostolicae sedis legato.	309	CCLXIII.
CCXIII.	Gaufrido de Bello monte cancellario Bajocensi apostolicae sedis legato.	263	C. regi Siciliae illustri.	310	CCLXIV.
CCXIV.	R. episcopo Albanensi & A. tituli S. Praxedis presbytero, G. S. Georgii ad Velum aureum, & M. S. Mariae in Porticu diaconis cardinalibus.	263	S. tituli S. Martini presbytero cardinali apostolicae sedis legato.	311	CCLXV.
CCXV.	Carolo regi Siciliae.	264	S. tituli S. Caeciliae presbytero cardinali apostolicae sedis legato.	312	CCLXVI.
CCXVI.	Ad consules & universitatem Montispeffulani.	265	Comiti Pictaviensi & Tolosano.	313	CCLXVII.
CCXVII.	Carolo regi Siciliae.	266	Archiepiscopo Tyrensi.	313	CCLXVIII.
CCXVIII.	Archiepiscopo Cusentino.	266	Ermengauda de Melgorio militi.	314	CCLXIX.
CCXIX.	Carolo regi Siciliae.	267	Petro Raymbaldo de Carumbo.	315	CCLXX.
CCXX.	eidem.	268	Episcopo Albanensi.	315	CCLXXI.
CCXXI.	eidem.	268	eidem.	316	CCLXXII.
CCXXII.	Simoni cardinali apostolicae sedis legato.	269	S. S. Martini presbytero cardinali Marchiae Anconitanae, & ducatus Spoleti rectori apostolicae sedis legato.	316	CCLXXIII.
CCXXIII.	Belae regi Hungariae.	271	O. S. Mariae in Via-lata diacono cardinali.	317	CCLXXIV.
CCXXIV.	Carolo regi Siciliae.	273	Consulibus villae Montis-peffulani.	317	CCLXXV.
CCXXV.	eidem.	274	J. S. Nicolai in carcere Tulliano apostolicae sedis legato.	318	CCLXXVI.
CCXXVI.	M. quondam principi Tarentino.	274	Consilio & communi Lucano.	318	CCLXXVII.
CCXXVII.	Gaufrido de Bello monte cancellario Bajocensi.	276	O. S. Adriani diacono cardinali apostolicae sedis legato.	319	CCLXXVIII.
CCXXVIII.	Carolo regi Siciliae.	276	C. regi Siciliae illustri.	320	CCLXXIX.
CCXXIX.	Regi Aragoniae.	277	C. regi Siciliae illustri.	320	CCLXXX.
CCXXX.	eidem.	278	eidem.	320	CCLXXXI.
CCXXXI.	Regi Aragoniae.	279	Vicario Urbis & consilio generali.	321	CCLXXXII.
CCXXXII.	Carolo regi Siciliae.	280	Fratribus Lotaringo & Cathalano ordinis Militiae Virginis.	321	CCLXXXIII.
CCXXXIII.	Ad definitores capituli generalis ordinis fratrum Praedicatorum.	281	Simoni cardinali apostolicae sedis legato.	322	CCLXXXIV.
CCXXXIV.	Ad capitulum generale ordinis Praedicatorum.	282	J. Sancti Nicolai in carcere Tulliano, J. S. Mariae in Cosmedim, M. S. Mariae in Porticu diaconis cardinalibus.	324	CCLXXXV.
CCXXXV.	Caroli regis Siciliae epistola ad Clementem papam IV.	283	Abbati monasterii S. Aegidii.	325	CCLXXXVI.
CCXXXVII.	S. tituli S. Martini presbytero cardinali.	285	S. tituli S. Martini presbytero cardinali, Marchiae Anconitanae & ducatus Spoleti rectori apostolicae sedis legato.	326	CCLXXXVII.
CCXXXVIII.	Simoni cardinali apostolicae sedis legato.	286	L. regi Francorum illustri.	327	CCLXXXVIII.
CCXXXIX.	S. tituli S. Martini presbytero cardinali, &c.	286	O. S. Adriani diacono cardinali apostolicae sedis legato.	328	CCLXXXIX.
CCXL.	Archiepiscopo Narbonensi & ejus suffraganeis.	287	Praposto & capitulo Vecetienfi.	329	CCXC.
CCXLI.	Regi Franciae.	288	Nobili viro Baralo domino Baucii.	334	CCXCI.
CCXLII.	Barralo Domino Baucii Potestati Mediolanensi.	289	Episcopo Albanensi apostolicae sedis legato.	335	CCXCII.
CCXLIII.	Simoni cardinali apostolicae sedis legato.	289	Universis regni Galliae nobilibus.	335	CCXCIII.
CCXLIV.	Comiti Augi.	290	Regi Navarrae illustri.	337	CCXCIV.
CCXLV.	Comiti Pictaviensi & Tholosano.	291	Episcopo		
CCXLVI.	Magistro & fratribus hospitalis S. Johannis Ierosolymitani.	291			
CCXLVII.	Ferrando priori domus S. Aegidii Hospitalis S. Johannis Ierosolymitani.	292			

# CONTENTORUM IN HOC TOMO.

ccxcv.	Episcopo Ebroicensi.	337	Guillelmo de Porta Jurisperito seniori.	ibid.	ccccxxx.
ccxcvi.	J. Sancti Nicolai in carcere Tullianensi diacono cardinali.	338	J. S. Nicolai in carcere Tulliano diacono cardinali.	ibid.	ccccxli.
ccxcvii.	Abbati Monasterii S. Johannis Angeriacensis.	339	Episcopo Rutenensi.	376	ccccxlii.
ccxcviii.	Episcopo Albanensi apostolicæ sedis legato.	340	C. regi Sicilia illustri.	377	ccccxliii.
ccxcix.	eidem.	341	R. episcopo Albanensi.	ibid.	ccccxliv.
ccc.	Simoni cardinali apostolicæ sedis legato.	341	Reſtoribus & communi Florentiæ.	378	ccccxlv.
ccci.	eidem.	343	Poteſtati & communi Reatiniensi.	ibid.	ccccxlv.
ccci.	eidem.	ibid.	C. regi Sicilia illustri.	ibid.	ccccxlvii.
ccci.	eidem.	344	Simoni cardinali apostolicæ sedis legato.	379	ccccxlviii.
ccci.	eidem.	ibid.	eidem.	381	ccccxlix.
ccci.	eidem.	ibid.	eidem.	382	cccc.
ccci.	S. S. Martini presbytero cardinali Marchiæ Anconitanæ & ducatus Spoleti reſtori apoſtolicæ sedis legato.	345	eidem.	383	cccci.
cccv.	Ad episcopum Calaguritanum.	345	eidem.	ibid.	ccccii.
cccv.	Archiepiscopo Aquensi.	346	Decano Pariſienſi.	384	ccccliii.
cccv.	Magistro B. Languiſelli archidiacono Lantarenſi in eccleſia Tolofana.	350	Simoni cardinali.	385	ccccliv.
cccx.	Simoni S. Cæciliæ presbytero cardinali.	352	Nobili viro A. comiti Piſtaviensi & Tolofano.	ibid.	cccclv.
cccx.	eidem.	353	Simoni cardinali.	386	cccclv.
cccx.	Priori provinciali fratrum Prædicatorum Provincie.	353	H. comiti Lucelburgensi.	387	cccclvii.
cccx.	B. Imperatori Conſtantinopolitano illuſtri.	354	Simoni cardinali.	387	cccclviii.
cccx.	Simoni cardinali apoſtolicæ sedis legato.	355	Comiti Juliacensi.	388	cccclix.
cccx.	O. S. Adriani diacono cardinali apoſtolicæ sedis legato.	355	Nobili viro domino de Heuſaliſe.	388	ccccx.
cccx.	Episcopo Albanenſi apoſtolicæ sedis legato.	356	Radulfo episcopo Albanenſi apoſtolicæ sedis legato.	ibid.	ccccxi.
cccx.	Episcopo Belvacenſi.	357	Simoni cardinali apoſtolicæ sedis legato.	389	ccccxii.
cccx.	Rogero dicto Baccon.	358	J. S. Nicolai in carcere Tulliano & M. S. Mariæ in porticu diaconis cardinalibus.	389	ccccxiii.
cccx.	Episcopo Vicentino.	358	R. episcopo Albanenſi apoſtolicæ sedis legato.	390	ccccxiv.
cccx.	Priori & Leſtori Fratrum Prædicatorum, Gardiano & leſtori fratrum Minorum in Monte-Peſſulano.	359	Regi Aragonum illuſtri.	391	ccccxv.
cccx.	Ad Theobaldum regem Navarræ.	360	Ja. filio regis Aragonum.	392	ccccxvi.
cccx.	S. S. Martini presbytero cardinali, Marchiæ Anconitanæ & ducatus Spoleti reſtori, apoſtolicæ sedis legato.	361	Patriarchæ Jeroſolymitano & Hospitalis & templi præceptoribus ac Gaufrido de Sarginis regis Jeroſolymitani ſeneſcallo.	392	ccccxvii.
cccx.	Lotheringo & Cathalano ordinis militiæ Virginis reſtoribus, conſilio & communi civitatis Florentinæ.	361	Revocata quædam privilegia.	393	ccccxviii.
cccx.	J. regi Aragonum illuſtri.	363	Episcopo Urbe-vetano.	394	ccccxix.
cccx.	J. S. Nicolai in carcere Tulliano diacono cardinali.	363	Raymundo dicto Acbran ordinis fratrum Minorum.	395	ccccxx.
cccx.	Simoni cardinali apoſtolicæ sedis legato.	364	R. episcopo Albanenſi apoſtolicæ sedis legato.	395	ccccxxi.
cccx.	S. S. Martini presbytero cardinali, Marchiæ Anconitanæ & ducatus Spoleti reſtori, apoſtolicæ sedis legato.	365	Capitulo fratrum Prædicatorum.	397	ccccxxii.
cccx.	Abbati monasterii S. Johannis Angeliacensis.	365	Episcopo Cenomanenſi.	398	ccccxxiii.
cccx.	M. reginæ Franciæ illuſtri.	365	Caroli Sicilia regis ad Clementem papam IV.	398	ccccxxiv.
cccx.	Simoni cardinali apoſtolicæ sedis legato.	366	R. episcopo Albanenſi apoſtolicæ sedis legato.	400	ccccxxv.
cccx.	eidem.	367	L. regi Francorum illuſtri.	401	ccccxxvi.
cccx.	R. Episcopo Albanenſi apoſtolicæ sedis legato.	368	Episcopo Magalonenſi.	403	ccccxxvii.
cccx.	C. regi Sicilia illuſtri.	368	Inquiſitoribus contra Tolofanum episcopum deputatis.	404	ccccxxviii.
cccx.	J. S. Nicolai in carcere Tulliano diacono cardinali.	370	L. Francorum regi illuſtri.	405	ccccxxix.
cccx.	C. Regi Sicilia illuſtri.	371	C. regi Sicilia illuſtri.	406	ccccxxx.
cccx.	Ad S. Ludovicum regem Francorum.	371	Patriarchæ Jeroſolymitano & Magiſtris hoſpitalis & Templi Gaufrido de Sarginis, &c.	408	ccccxxxi.
cccx.	C. regi Sicilia illuſtri.	372	C. regi Sicilia illuſtri.	409	ccccxxxii.
cccx.	Dilecto filio magistro Helie cappellano noſtro.	373	J. electo Remenſi.	409	ccccxxxiii.
cccx.	S. tituli S. Martini presbytero cardinali.	374	O. S. Adriani diacono cardinali apoſtolicæ sedis legato.	411	ccccxxxiv.
cccx.	Simoni cardinali apoſtolicæ sedis legato.	375	Guidoni de Alvernia præpoſito Inſulenſi Monienſis diocæſis.	412	ccccxxxv.
			S. S. Cæciliæ presbytero cardinali, &c.	412	ccccxxxvi.
			O. S. Adriani diacono cardinali apoſtolicæ sedis legato.	413	ccccxxxvii.

# INDEX CHRONOLOGICUS

CCCLXXXVII.	R. episcopo Albanensi apostolicæ sedis legato.	414	R. episcopo Albanensi apostolicæ sedis legato.	451	CCCCXLI.
CCCLXXXIX.	R. episcopo Albanensi apostolicæ sedis legato.	414	Bertrando Albæ militi.	ibid.	CCCCXLII.
CCCLXXX.	Regi Francorum illustri.	415	Regi Siciliæ illustri.	ibid.	CCCCXLIII.
CCCLXXXI.	S. Tituli S. Cecilie cardinali apostolicæ sedis legato.	ibid.	S. titulo S. Cecilie cardinali, &c.	452	CCCCXLIV.
CCCLXXXII.	S. Tituli S. Martini, &c.	416	Priori & conventui Silviniacensi.	453	CCCCXLV.
CCCLXXXIII.	S. tituli S. Cecilie cardinali, &c.	416	Capitano & patri Guelforum Florentinorum.	454	CCCCXLVI.
CCCLXXXIV.	Magistro de S. Amore.	417	Magistro B. præposito, &c.	ibid.	CCCCXLVII.
CCCLXXXV.	Civitatis Florentinæ regentibus, &c.	418	Ar. priori Provinciali Romanensi & priori fratrum Prædicatorum Florentiæ.	ibid.	CCCCXLVIII.
CCCLXXXVI.	R. S. Angeli diacono cardinali.	419	Baillivis consulis & communitati villæ Montispeffulani.	455	CCCCXLIX.
CCCLXXXVII.	Simoni cardinali apostolicæ sedis legato.	ibid.	Potestati consilio & civibus Florentinis.	456	CCCC.
CCCLXXXVIII.	eidem.	420	Potestati capitaneo & ancianis populi Pisan.	457	CCCCI.
CCCLXXXIX.	eidem.	ibid.	Ad superiores monasteriorum Magalonensis diocesis.	459	CCCCII.
CCCC.	eidem.	421	Episcopo Magalonensi.	ibid.	CCCCIII.
CCCCI.	eidem.	ibid.	Abbatissæ & conventui Montispeffulani ordinis S. Clare.	460	CCCCIV.
CCCCII.	O. S. Adriani apostolicæ sedis legato.	422	Abbatibus, prioribus, achipresbyteris, &c.	ibid.	CCCCV.
CCCCIII.	Raymundo Alfredi Canonico Aniciensi.	423	Episcopo & capitulo Magalonensi.	461	CCCCVI.
CCCCIV.	Simoni cardinali apostolicæ sedis legato.	424	Nemausensibus & Biterrensibus civibus.	461	CCCCVII.
CCCCV.	eidem.	ibid.	Lugdunensi electo.	462	CCCCVIII.
CCCCVI.	Nobili viro comiti Angulariæ.	425	S. tituli S. Cecilie præbytero cardinali.	462	CCCCIX.
CCCCVII.	Regi Francorum illustri.	426	Consulis & universitati Montispeffulani.	463	CCCCX.
CCCCVIII.	Nobili viro A. comiti Pictaviensi & Tolosano.	427	G. tituli S. Laurentii in Lucina præbytero cardinali apostolicæ sedis legato.	464	CCCCXI.
CCCCIX.	Refforibus capitaneis prioribus artium & populo Florentino.	ibid.	Episcopo Albanensi apostolicæ sedis legato.	ibid.	CCCCXII.
CCCCX.	Episcopo capellano & clero Florentino.	428	Episcopo Lincolniensi.	466	CCCCXIII.
CCCCXI.	Universis civibus Florentinis.	ibid.	O. S. Adriani diacono cardinali apostolicæ sedis legato.	ibid.	CCCCXIV.
CCCCXII.	Lotheringo & Cathalano refforibus civitatis & civibus Florentinis.	429	eidem.	467	CCCCXV.
CCCCXIII.	Jacobo de Collemedio.	429	Universis ecclesiæ Romanæ fidelibus per ducatum Spoletanum & Anconitanam marchiam constitutis.	ibid.	CCCCXVI.
CCCCXIV.	S. Toletano electo.	430	Regi Aragonum illustri.	468	CCCCXVII.
CCCCXV.	Armano Asturicensi electo.	431	Patriarchæ Jerosolymitano sedis apostolicæ legato & Hospitalis & templi sacre militiæ, Teutonicorum magistris nobili viro de Serginis, &c.	469	CCCCXVIII.
CCCCXVI.	Helie de Caturco canonico Parisiensi, 1813.	ibid.	P. imperatori Græcorum illustri.	ibid.	CCCCXIX.
CCCCXVII.	C. regi Siciliæ illustri.	ibid.	Regi Armeniæ illustri.	470	CCCCXX.
CCCCXVIII.	Regi Franciæ illustri.	432	S. tituli S. Cecilie cardinali, &c.	472	CCCCXXI.
CCCCXIX.	Magistro B. &c.	433	Ad abbatem Nantensem.	473	CCCCXXII.
CCCCXX.	S. tituli S. Martini præbytero cardinali apostolicæ sedis legato.	434	S. tituli S. Martini cardinali, &c.	473	CCCCXXIII.
CCCCXXI.	Simoni cardinali apostolicæ sedis legato.	ibid.	Episcopo Uctensi.	374	CCCCXXIV.
CCCCXXII.	Lotheringo & Cathalano, &c. civibus Florentinis.	436	Ad capitulum generale ordinis fratrum Prædicatorum.	ibid.	CCCCXXV.
CCCCXXIII.	C. regi Siciliæ illustri.	437	Archiepiscopo Hispalensi.	475	CCCCXXVI.
CCCCXXIV.	H. Filio F. quondam regis Castellæ.	438	Statuta pro ecclesiâ Aniciensi.	476	CCCCXXVII.
CCCCXXV.	Episcopo Albanensi apostolicæ sedis legato.	ibid.	Regi Castellæ & Legionum in regem Romanorum electo.	488	CCCCXXVIII.
CCCCXXVI.	Patriarchæ Constantinopolitano.	439	Ar. Capocci capitaneo urbis Romæ.	489	CCCCXXIX.
CCCCXXVII.	Regi Aragonum illustri.	440	Regi Castellæ illustri.	ibid.	CCCCXXX.
CCCCXXVIII.	Capitano Guelforum.	440	Ad Theobaldum regem Navarræ.	490	CCCCXXXI.
CCCCXXIX.	C. Regi Siciliæ illustri.	441	ad eundem.	491	CCCCXXXII.
CCCCXXX.	eidem.	ibid.	Ad prælatos & personas ecclesiasticas regni Navarræ.	492	CCCCXXXIII.
CCCCXXXI.	M. ordinis fratrum Minorum capellano nostro.	442	Magistro ordinis fratrum Prædicatorum.	493	CCCCXXXIV.
CCCCXXXII.	Odoni Gualducci civi Pisano.	442	A. comiti Pictaviensi & Tolosano.	494	CCCCXXXV.
CCCCXXXIII.	R. episcopo Albanensi apostolicæ sedis legato.	443	eidem.	495	CCCCXXXVI.
CCCCXXXIV.	C. regi Siciliæ illustri.	444	R. Seguni de Melgorio.	ibid.	CCCCXXXVII.
CCCCXXXV.	Episcopo Albanensi apostolicæ sedis legato.	445	Episcopo Avenionensi, & decano domino Utericæ germano ejus.	496	CCCCXXXVIII.
CCCCXXXVI.	Magistro & prioribus provincialibus ordinis Prædicatorum.	446			CCCCXXXIX.
CCCCXXXVII.	Episcopo Albanensi apostolicæ sedis legato.	447			CCCCXL.
CCCCXXXVIII.	Regi Aragonum illustri.	448			
CCCCXXXIX.	J. Archiepiscopo Remensi.	449			
CCCCXL.	L. relicte quondam Atrebas militis.	450			
	Nicolao Capellano, &c.	ibid.			

# CONTENTORUM IN HOC TOMO.

XXXX	Nobili viro Baudono domino Castri novi. <i>ibid.</i>	C. Regi Siciliae illustri.	529	DXXXVII.
XXXX	Regi Castellae & Legionis in regem Romanorum electo.	G. de Medio-Bladi militi regni Siciliae citra Farum capitaneo generali.	530	DXXXVIII.
CCCCI.	Abbati Psalmodiensis.	Regi Bohemiae illustri.	531	DXXXIX.
CCCCII.	Regi Castellae in regem Romanorum electo.	Parisiensi episcopo.	532	DXL.
CCCCIII.	Potestati consilio & communi Mantuano. <i>ibid.</i>	Fratrī Ph. de Euglis hospitalis Ierolymitani, & aliis ejusdem ordinis fratribus in regno Siciliae constitutis.	532	DXLI.
CCCCIV.	S. comiti Tusciae Palatino.	G. de Medio-bladi militi regni Siciliae citra Farum capitaneo generali.	533	DXLII.
CCCCV.	Episcopo Avinionensi.	Episcopo Biterrensi.	533	DXLIII.
CCCCVI.	<i>eidem.</i>	Amalrico de Rape Magistro domorum Militiae templi in Francia.	534	DXLIV.
CCCCVII.	<i>eidem.</i>	Regi Castellae & Legionum illustri in regem Romanorum electo.	534	DXLV.
CCCCVIII.	Ademaro de Pictavia comiti Valentiniensi.	G. titulo S. Laurentii in Lucina presbytero cardinali apostolicae sedis legato.	535	DXLVI.
CCCCIX.	Ad fratres ordinis Praedicatorum.	Episcopo Albanensi apostolicae sedis legato. <i>ibid.</i>	536	DXLVII.
D.	Archiepiscopo Remensi.	<i>eidem.</i>	536	DXLVIII.
DI.	S. tituli S. Ceciliae presbytero cardinali, &c.	Archiepiscopo Narbonensi.	537	DXLIX.
DII.	Episcopo Albanensi apostolicae sedis legato.	Regi Siciliae illustri.	537	D.
DIII.	Fr. Thomae de Aquino ordinis fratrum Praedicatorum.	<i>eidem.</i>	538	DLI.
DIV.	C. regi Siciliae illustri.	Abbati & conventui monasterii S. Aegidii.	538	DLI.
DI.	Abbati monasterii Montis-majoris Arelatensis diocesis.	Episcopo Vercellensi.	538	DLI.
DVI.	Priori Praedicatorum & Gardiano fratrum Minorum Belvacensium.	Nobili viro H. nato clarae memoriae Regis Castellae & Legionum, senatori Urbis Romae.	539	DLI.
DVII.	Jacobo regi Aragonum illustri.	S. tituli S. Ceciliae presbytero cardinali apostolicae sedis legato.	539	DLI.
DVIII.	P. filio F. quondam regis Castellae & Legionum, Urbis senatori, consilio & communi etiam Urbis.	Adversus Henricum regis Castellae filium Urbis senatorem.	540	DLI.
DIX.	Archiepiscopo Cantuariensi.	Regi Siciliae illustri.	542	DLI.
DI.	Episcopo Claromontis.	<i>eidem.</i>	542	DLI.
DII.	O. S. Adriani diacono cardinali apostolicae sedis legato.	O. S. Adriani diacono cardinali apostolicae sedis legato.	542	DLI.
DIII.	Vicario nostro in Urbe.	Nobili viro Barallo domino Baucii regis Siciliae Majori Justuario.	543	DLI.
DIII.	Episcopo Senensi.	ReCTORIBUS Romanensis fraternitatis.	544	DLI.
DIV.	Baronibus & Nobilibus, potestatibus & rectoribus, &c. per patrimonium S. Petri in Tuscia constitutis nostris & Ecclesiae Romanae rectoribus.	C. regi Siciliae illustri.	545	DLI.
DIV.	Magistro Heliae Peleti Capellano nostro canonico Belvacensi.	<i>eidem.</i>	545	DLI.
DVI.	<i>eidem.</i>	Abbati & conventui monasterii Cluniacensis.	545	DLI.
DVII.	C. regi Siciliae.	R. Episcopo Albanensi apostolicae sedis legato.	546	DLI.
DVIII.	<i>eidem.</i>	C. Regi Siciliae illustri.	546	DLI.
DIX.	Magistro Heliae Peleti capellano nostro canonico Belvacensi.	<i>eidem.</i>	547	DLI.
DIX.	Viro illustri & magnifico principi in gente nobili Tartarorum Elchani Apacha.	<i>eidem.</i>	547	DLI.
DXXI.	Archiepiscopo Ravennensi apostolicae sedis legato.	Nobili viro Infanti H. clarae memoriae F. illustri regis Castellae filio senatori Urbis.	548	DLI.
DXXII.	Bertrando Tholosanae ecclesiae praeposito.	Trevirensis archiepiscopum ab officio & beneficio suspendit.	549	DLI.
DXXIII.	Potestati consilio & communi Cornetanensi.	C. Regi Siciliae illustri.	554	DLI.
DXXIV.	Episcopo Senensi.	Nobili viro Infanti H. clarae memoriae F. illustri regis Castellae filio senatori, Urbis.	555	DLI.
DXXV.	Regi Siciliae.	<i>eidem.</i>	556	DLI.
DXXVI.	Regi Francorum illustri.	S. tituli S. Ceciliae presbytero cardinali, &c.	557	DLI.
DXXVII.	Bertrando archiepiscopo Arelatensi.	<i>eidem.</i>	557	DLI.
DXXVIII.	S. tituli S. Ceciliae Presbytero cardinali.	R. Martini civi Montis pessalani.	558	DLI.
DXXIX.	Magistro Heliae Peleti canonico Belvacensi.	Archiepiscopi Narbonensis ad Clementem papam.	559	DLI.
DXXX.	C. Regi Siciliae illustri.	Nobili viro Al. comiti Pictaviensi & Tolosano.	561	DLI.
DXXXI.	<i>eidem.</i>			
DXXXII.	<i>eidem.</i>			
DXXXIII.	S. tituli S. Ceciliae presbytero cardinali apostolicae sedis legato.			
DXXXIV.	Nobili viro P. Romani proconsuli Romano-			
DXXXV.	rum.			
DXXXVI.	Abbati monasterii S. Aegidii.			
DXXXVII.	Nobili viro A. comiti Pictaviensi & Tolosano.			



# INDEX CHRONOLOGICUS

II

DLXXX.	Episcopo Albanensi apostolicæ sedis legato.	562	Episcopo Senonensi.	557	DCXXIV.
DLXXXI.	idem.	ibid.	C. Regi Sicilia illustri.	ibid.	DCXXV.
DLXXXII.	S. tituli S. Cæcilie presbytero cardinali, &c.	ibid.	Universis Christi fidelibus in Tusciae partibus Romano subiectis imperio constitutis.	588	DCXXVI.
DLXXXIII.	Regi Francorum illustri.	563	Nobili mulieri Isabella illustris regis Franciæ germanæ.	ibid.	DCXXVII.
DLXXXIV.	Rectoribus consilio & universitati civitatis Castellæ.	565	Nobili viro comiti Pictaviensi.	589	DCXXVIII.
DLXXXV.	Nobili viro Jacobino Rubeo civi Pavinensi.	566	Decano & capitulo ecclesiæ Insulensis Tornacensis diæcesis.	ibid.	DCXXIX.
DLXXXVI.	Episcopo Cumanensi & germanis ejusdem.	ibid.	Episcopo Albanensi apostolicæ sedis legato.	ibid.	DCXXX.
DLXXXVII.	Archiepiscopo Ravennatensi apostolicæ sedis legato.	567	Dilectæ filiæ Alvicæ relicte Guillelmi Bulbonensis militis.	590	DCXXXI.
DLXXXVIII.	Universis civibus Brixen. per quos nunc civitas regitur.	ibid.	Magistro N. rectori ecclesiæ Volubricæ capellano nostro.	591	DCXXXII.
DLXXXIX.	R. Episcopo Albanensi apostolicæ sedis legato.	ibid.	Dilecto filio P. Rambaldi & G. uxori ejus.	ibid.	DCXXXIII.
DXC.	Episcopo Claromontensi.	568	Dilectæ filiæ Cæcilie Fulcodiæ.	ibid.	DCXXXIV.
DXCI.	Nobili viro Gastoni Vice-comiti Biarnensi.	569	Nobili viro Johanni Ambaldo proconsuli Romanorum.	ibid.	DCXXXV.
DXCII.	Regi Sicilia illustri.	ibid.	Dilecto filio O. Veronensi electo ducatus spoletini & Marchiæ Anconitanæ rectori.	593	DCXXXVI.
DXCIII.	Potestati consilio & communi Cremonensi.	ibid.	R. Episcopo Albanensi apostolicæ sedis legato.	ibid.	DCXXXVII.
DXCIV.	idem.	570	idem.	594	DCXXXVIII.
DXCV.	Nobili viro Amato de Amatis potestati Mercandiæ Cremonensi.	ibid.	Abbati & conventui Craassensis monasterii.	ibid.	DCXXXIX.
DXCVI.	R. Episcopo Albanensi apostolicæ sedis legato.	571	Archiepiscopo Ravennatensi apostolicæ sedis legato.	597	DCXL.
DXCVII.	Jacobo regi Aragonum illustri.	ibid.	Dilecto filio Giraud Longo potestati Urbisvetanæ.	ibid.	DCXLI.
DXCVIII.	Nobili viro H. Clara memoriæ F. illustris regis Castellæ filio, &c.	572	Regi Sicilia illustri.	598	DCXLII.
DXCIX.	Abbati Monasterii S. Ægidii.	ibid.	Episcopo Conseranensi, 1817.		
DCC.	G. dicto Bota civi Massiliensi.	ibid.	Venerabilibus fratribus archiepiscopis episcopis & dilectis filiis abbatibus, &c. in regno Sicilia constitutis.	ibid.	DCXLIII.
DCCI.	Henrico nato Hugonis comitis Ruthenerfis.	1816	Regi Sicilia illustri.	599	DCXLIV.
DCII.	Regi Angliæ illustri.	573	Abbati & conventui S. Dionysii.	ibid.	DCXLV.
DCIII.	C. regi Sicilia illustri.	ibid.	Abbati S. Dionysii.	600	DCXLVI.
DCIII.	idem.	574	Abbati & conventui S. Dionysii.	601	DCXLVII.
DCIII.	Nobili viro H. Illustris regis Castellæ filio, &c.	575	Abbati S. Dionysii.	ibid.	DCXLVIII.
DCIV.	Nobili viro Manfredo & Monello marchionibus Malaspinae.	ibid.	Dilecto filio Ysnardo Ugolino militi vicario illustris regis Sicilia in civitate Florentina.	602	DCXLIX.
DCV.	R. Episcopo Albanensi apostolicæ sedis legato.	ibid.	Dilecto filio Hugoni dicto sicut capitaneo Aquilæ.	ibid.	DCL.
DCVI.	Regi Bohemiæ illustri.	576	Reginæ Franciæ illustri.	603	DCLI.
DCVI.	Episcopo Lismorensi.	577	Regi Aragonum illustri.	603	DCLII.
DCVII.	Episcopo Albanensi apostolicæ sedis legato.	ibid.	Regi Francorum illustri.	604	DCLIII.
DCVIII.	Episcopo Wintoniensi.	578	Venerabilibus fratribus suffraganeis & dilecto filio capitulo Tarraconensis ecclesiæ.	605	DCLIV.
DCIX.	C. Regi Sicilia illustri.	579	Dilectis filiis præposito archidiacono & aliis ecclesiæ Tarraconensis canonicis universis.	ibid.	DCLV.
DCXI.	G. de Medio-Bladi capitaneo regni Sicilia citra Farum.	ibid.	Magistro & Prioribus ordinis Prædicatorum.	606	DCLVI.
DCXII.	Regi Franciæ illustri.	580	Dilecto filio Archidiacono Barchinonensi.	607	DCLVII.
DCXIII.	Archiepiscopo Senonensi.	ibid.	Dilectis filiis præposito & capitulo ecclesiæ Tarraconensis.	ibid.	DCLVIII.
DCXIV.	G. de Medio-Bladi capitaneo, &c.	581	L. regi Francorum illustri.	ibid.	DCLIX.
DCXV.	Ad Theobaldum Navarra regem.	ibid.	Magistro Girardo de Ramplion canonico Senonensi.	608	DCLX.
DCXVI.	R. Episcopo Albanensi apostolicæ sedis legato.	582	Officiali & Magistro Helie de Caturco canonicis Parisiensibus.	608	DCLXI.
DCXVII.	idem.	583	Dilecto filio Ma. Veronensi electo, ducatus spoletini & Marchiæ Anconitanæ rectori.	609	DCLXII.
DCXVIII.	Provisori pauperum Magistrorum & ipsis Magistris in Theologiæ facultate studentibus in Vico ad Portas ante palatium de Terminis Parisiensibus sub vite communi de gentibus.	583	Dilectis filiis Potestati capitaneo consilio civibus Perusinis.	ibid.	DCLXIII.
DCXIX.	Episcopo Magalonensi.	584			
DCXX.	Episcopo Albanensi apostolicæ sedis legato.	ibid.			
DCXXI.	Abbati Monasterii S. Johannis Angeriensis.	585			
DCXXII.	Episcopo Reatino.	ibid.			
DCXXIII.	L. regi Francorum illustri.	586			
				Fratri	

# CONTENTORUM IN HOC TOMO.

DLXIV.	<i>Fratri de Rocelene ordinis fratrum Minorum.</i>		<i>Capitano Guelphorum Bononiensium.</i>	621	DCLXXV.
	<i>ibid.</i>		<i>S. tituli S. Cæcilie presbytero cardinali apostolica sedis legato.</i>	<i>ibid.</i>	DCLXXVI.
DCLXV.	<i>C. regi Siciliae illustri.</i>	610	<i>Malatestæ.</i>	<i>ibid.</i>	DCLXXVII.
DCLXVI.	<i>L. regi Francorum illustri.</i>	<i>ibid.</i>	<i>Veronensi electo vel ejus locum tenentibus.</i>	622	DCLXXVIII.
DCLXVII.	<i>O. S. Adriani diacono cardinali apostolica sedis legato.</i>	611	<i>Ad Theobaldum regem Navarrae.</i>	<i>ibid.</i>	DCLXXIX.
DCLXVIII.	<i>Consulibus Montispeffulani.</i>	612	<i>Caroli regis Siciliae ad Clementem papam xv.</i>	624	DCXC.
DCLXIX.	<i>Dilectis filiis nobili viro Guidoni Guerra comiti Tusciae Palatino, Hysnardo Hugolino regio vicario, consilio &amp; communi civitatis Florentinae.</i>	613	<i>Regi Siciliae.</i>	625	DCXCI.
DCLXX.	<i>Dilecto filio Jacobo nato quondam Dinsalvi civi Senensi.</i>	<i>ibid.</i>	<i>Potestati, consilio &amp; communi Reatino.</i>	626	DCXCII.
DCLXXI.	<i>Magistro &amp; fratribus ordinis Prædicatorum &amp; Generali ministro &amp; fratribus ordinis Minorum.</i>	614	<i>Nobili viro Malatestæ de Veriolo comiti Tadeco de Monte-Feltro.</i>	627	DCXCIII.
DCLXXII.	<i>Potestati, consilio &amp; communi civitatis Florentinae.</i>	615	<i>Abbati S. Savini de Firmo.</i>	<i>ibid.</i>	DCXCIV.
DCLXXIII.	<i>Fratri Guillelmo de Tonneux.</i>	<i>ibid.</i>	<i>H. Ostiensi &amp; Velleitrensi episcopo.</i>	<i>ibid.</i>	DCXCV.
DCLXXIV.	<i>Regi Siciliae.</i>	<i>ibid.</i>	<i>Regi Siciliae illustri.</i>	628	DCXCVI.
DCLXXV.	<i>Potestati &amp; consilio &amp; communi Assisinati.</i>	616	<i>Abbati Appamiensi.</i>	628	DCXCVII.
DCLXXVI.	<i>Archidiacono Luxoviensi in ecclesia Bisuntina &amp; decano S. Stephani Trecentis.</i>	<i>ibid.</i>	<i>Lamfranquino Malese &amp; Lucerio civibus Januensibus.</i>	<i>ibid.</i>	DCXCVIII.
DCLXXVII.	<i>Episcopo Aretino.</i>	618	<i>Veronensi electo.</i>	629	DCXCIX.
DCLXXVIII.	<i>Dilecto filio Cinthio Remensi canonico.</i>	<i>ibid.</i>	<i>Regi Siciliae illustri.</i>	<i>ibid.</i>	DCC.
DCLXXIX.	<i>Fratri G. de Tonneux ordinis Prædicatorum.</i>	<i>ibid.</i>	<i>Regi Francia.</i>	<i>ibid.</i>	DCCI.
DCLXXX.	<i>Nobili viro Henrico domino Soliaci.</i>	619	<i>Regi Siciliae.</i>	630	DCCII.
DCLXXXI.	<i>Archipresbytero S. Germani.</i>	<i>ibid.</i>	<i>Archiepiscopo Surrentino.</i>	<i>ibid.</i>	DCCIII.
DCLXXXII.	<i>Abbati monasterii S. Germani.</i>	<i>ibid.</i>	<i>Ad Theobaldum regem Navarrae &amp; Campaniae comitem.</i>	631	DCCIV.
DCLXXXIII.	<i>Hysnardo Hugolino vicario in Florentia.</i>	620	<i>Cinthio rectori consilio &amp; communi Cornetano.</i>	632	DCCV.
DCLXXXIV.	<i>Potestati, capitaneo, ancianis, consilio &amp; communi Bononiensi.</i>	<i>ibid.</i>	<i>Regi Siciliae.</i>	<i>ibid.</i>	DCCVI.
			<i>Magistro ordinis hospitalis Jerosolymitani.</i>	633	DCCVII.
			<i>Fratri Philippo de Aegris ordinis hospitalis Jerosolymitani.</i>	<i>ibid.</i>	DCCVIII.
			<i>Regi Siciliae.</i>	634	DCCIX.
			<i>J. SS. Cosmae &amp; Damiani diacono cardinali.</i>	<i>ibid.</i>	DCCX.
			<i>Caroli Siciliae regis ad Gregorium X. papam.</i>	635	DCCXI.

## JOHANNIS PAPÆ XXII.

### PROCESSUS VARII IN LUDOVICUM BAVARUM IMPERATOREM, ET EJUS ASSECLAS.

**P**rocessus contra usurpantes vicariatum imperii eo vacante, 641.

**Primus processus.** Contra Bavaram quod resiliat à fautoria hæreticorum & rebellum Ecclesiæ, ut deserat administrare ac vocare se regem, donec per Ecclesiam approbetur, 644.

**Secundus processus.** Ad supplicationem nunciorum Bavari differtur declaratio pœnarum & sententiarum, quas incurrit ipse Bavarus favendo rebellibus & administrationem ac titulum regiae non deferendo, 647.

**Tertius processus** sententiæ latæ in dictum ducem Bavariæ discorditer electum in regem Romanorum, 652.

**Quartus processus** privationis juris, si quod duci Bavariæ discorditer in regem Romanorum electo competiit in regno eodem, 660.

**Quintus processus** privationis ducatus Bavariæ & omnis juris, si quod ei in eodem ducatu competeat & omnium feudorum Ecclesiasticorum & Imperialium, 671.

Citatur Bavarus ad audiendum sententiam super crimine hæresis, 682.

Monetur Bavarus quod exeat Lombardiam, 684.

Theauri Anecd. Tom. II.

**Sextus processus.** Contra Ludovicum de Bavaria primogenitum Bavari, ac Ulricum & Guicherum comites de Lundolbe, 688.

Executoria dicti processus iudicibus missa, 691.

**Processus Habiti** contra nonnullos prælatos & alias personas ecclesiasticas adherentes & obediens Bavaro. Privantur Marsilius & Johannes cum duobus aliis & excommunicati ac suspensi ceteri prælati adherentes Bavaro nuntiantur, 692.

Judicatur hæreticus Bavarus & inhibetur universis & nominatim certis communitatibus ne sibi faveant in aliquo vel adhæreant, 698.

Judicantur hæretici Marsilius de Padua & Johannes de Janduno, 704.

**Processus major** indulgentiæ ac prædicationis crucis contra Bavaram & sequaces, 716.

**Processus minor** indulgentiæ impugnantibus Bavaram concessæ, 722.

Contra Pisanos & alias communitates quibus ne adhererent Bavaro, nec subsidia præstarent inhiberetur fuerat, quod declarentur pœnas incurrisse, 723.

d

# INDEX CHRONOLOGICUS

- Decernuntur irrita coronatio Bavari & alia circa ipsum & sequaces præsenta in Urbe, 727.*  
*Processus contra Romanos quod expellant Bavaram & sequaces ab Urbe, 736.*  
*Citatio Castrucii defautoria hæreticorum dam-nati, 743.*  
*Privatio & citatio Jacobi olim episcopi Castel-lani, 746.*  
*Nota indulgentiæ super statu totius universalis ecclesiæ, 748.*  
*Contra generalem olim fratrum Minorum, 749.*  
*Contra mordentes constitutiones, 752.*  
*Pronuntiantur Bertholdus de Nyffen & alii duo fautores hæreticorum, & irritantur quæ pro Bavaro egerunt in partibus Lombardiæ, 754.*  
*Privantur Minores Saonenses privilegiis propter fautoriam Michaelis de Cesana olim gene-ralis ministri, 757.*  
*Processus contra Minores fratres Saonenses, 760.*  
*Processus habitus contra Petrum de Corvaria de ordine fratrum Minorum hæreticum & schis-maticum, 763.*  
*Sextus processus contra Bavaram, per quem declaratur in hæresim incidisse & velut hæ-reticus reprobatur ac pronuntiatur, 771.*  
*Processus prædicationis crucis contra Bavaram, 777.*  
*Processus contra Michaëlem de Cesana decla-ratum hæreticum & schismaticum, 782.*  
*Executoria processus præcedentis, 786.*  
*Aggravatio contra Bavaram ac sibi adherentes ne quis eis assistat, 787.*  
*Executoria processus præcedentis, 792.*  
*Processus contra Johannem de Claromonte, 792.*  
*Executoria præcedentis processus, 796.*  
*Processus contra Bertholdum de Nyffen, 797.*  
*Executoria præcedentis processus, 800.*  
*Responsio facta super tractatu pacis Bavari facta nunciis regis Bohemiæ & archiepiscopi Trevirensis & ducis Austriæ, 800.*  
*Johanni regi Bohemiæ illustri scribit Johannes papa xxii. 800.*  
*Recognitio & confessio eorum facta per fratrem Petrum de Corbario, 806.*  
*Denuntiatur Bavarus aliis narratis processibus in excommunicationis sententiam incidisse, &c. 816.*  
*Executoria subsequentiis immediate processus, 816.*  
*Executoria contra Mendicantes, 825.*  
*Processus contra Michaëlem de Cesana & com-plices ejus executoria, 828.*  
*Processus contra Bertholdum de Nyffen, 832.*  
*Processus contra Jacobum olim episcopum Castel-lanum, 835.*  
*Processus contra Johannem de Claromonte exe-cutoria, 838.*

## INNOCENTII PAPÆ VI.

### REGISTRUM ANNI MCCCLXI.

i.	<b>A</b> d Angelum Tavernini civem Viterbien-sem. 843	<i>Ad Johannem Buccanigrum ducem Januen-sem. 858</i>	xi.
ii.	<i>Ad Dominicum de Campo-casseo canonicum Ja-nuensem. 845</i>	<i>Ad Carolum imperatorem Romanorum. 859</i>	xx.
iii.	<i>Ad Patriarchas archiepiscopos &amp; episcopos, &amp;c. 845</i>	<i>Ad Johannem episcopum Argentinum &amp; Guil-elmum decanum Vifsegradensem. 861</i>	xxi.
iv.	<i>Ad Ludovicum electum Valentinensem. 846</i>	<i>Ad Rodulfum ducem Austriæ. 862</i>	xxii.
v.	<i>Ad Mariam Imperatricem Constantinopolita-nam. ibid.</i>	<i>Ad Amedeum comitem Sabaudia. 864</i>	xxiii.
vi.	<i>Ad septem reformatores, consilium, populum-que Romanum. 847</i>	<i>Ad ducem &amp; ducissam Britannia. 865</i>	xxiv.
vii.	<i>Ad Johannem de Aredia Castellatum Empo-ste. ibid.</i>	<i>Ad cives Massilienses. 866</i>	xxv.
viii.	<i>Ad Philippum ducem Burgundia. 848</i>	<i>Ad Robertum dominum de Fienes. 867</i>	xxvi.
ix.	<i>Ad Guillelmum de Verzerio dominum de Mi-rabello, Delphinatus gubernatorem. 849</i>	<i>Ad Petrum regem Aragonum. ibid.</i>	xxvii.
x.	<i>Ad Amedeum comitem Sabaudia. 850</i>	<i>Ad Elionoram reginam Aragonum. 868</i>	xxviii.
xi.	<i>Ad Elionoram reginam Aragonum. 850</i>	<i>Ad Petrum Sicardi canonicum Narbonen-sem. 869</i>	xxix.
xii.	<i>Ad Johannem regem Francorum. 851</i>	<i>Ad regem &amp; reginam Sicilia. 870</i>	xxx.
xiii.	<i>Ad Cives Ebredunenses. 852</i>	<i>Ad Nicolaum de Aczarocis comitem Melfien-sem. 871</i>	xxxi.
xiv.	<i>Ad Carolum ducem Normannia. 854</i>	<i>Ad Ademarium comitem Valentinum. 872</i>	xxxii.
xv.	<i>Ad Johannem comitem Armaniaci. 855</i>	<i>Ad Ludovicum electum Valentinensem. 873</i>	xxxiii.
xvi.	<i>Ad Johannem filium Johannis comitis Arma-niaci. 856</i>	<i>Ad Amedeum comitem Sabaudia. 873</i>	xxxiv.
xvii.	<i>Ad Episcopum Aniciensem. 857</i>	<i>Ad archiepiscopum Lugdunensem. 874</i>	xxxv.
xviii.	<i>Ad Johannem episcopum Gurcensem. 857</i>	<i>Ad Eleonoram reginam Aragonum. 875</i>	xxxvi.
		<i>Ad Bernardum de Capraria. ibid.</i>	xxxvii.
		<i>Ad Petrum regem Aragonum. ibid.</i>	xxxviii.
		<i>Ad . . . . . 876</i>	xxxix.
		<i>Ad Andream episcopum Ariminensem. 876</i>	xl.

# CONTENTORUM IN HOC TOMO.

Ad Florentinos.	877	Mediolanensem.	926	
Ad Petrum Eraudi priorem S. Eutropii, Jacobum Barravi & Arnaldum de Borruvea.	878	Ad Galeatium de Vicecomitibus militem Mediolanensem.	926	xciii.]
Ad eosdem.	879	Ad quosdam praelatos.	926	xciv.
Ad Philippum ducem Burgundiæ.	880	Ad patriarchas, archiepiscopos, episcopos.	927	xcv.
Ad Johannem de Ria dominum de Blacon.	881	Ad quosdam praelatos.	928	xcvi.
Ad priorem S. Eutropii.	882	Ad septem reformatores, consilium, populumque Romanum.	928	xcvii.
Ad Walterium militem Johannem Scakaik & Ricardum Mussatum.	882	Ad Hugonem de Lisignano senatorem Urbis.	929	xcviii.
Cardinalibus, &c.	883	Ad civitatem Verulanensem.	930	xcix.
Ad Neapolitanos.	883	Ad Honoratum comitem Fundorum.	931	c.
Ad Ægidium episcopum Sabinensem.	886	Ad Johannem de comite.	931	ci.
Ad Dominicum de Campo-cassio canonicum Januensensem.	888	Ad Matthæum de Celano.	932	cii.
Ad Jordanum de filiis Urbs, &c.	889	Ad Ægidium episcopum Sabinensem.	932	ciii.
Ad patriarchas, archiepiscopos & episcopos, &c.	890	Ad Matthiam de Giofvaldo senescallum Provinciae.	933	civ.
Ad archiepiscopos & episcopos, &c.	890	Ad ancianos & consules civitatis Bononiensis.	933	cv.
Ad Simonem de Buccanigro ducem Januensensem.	891	Ad Ægidium episcopum Sabinensem.	934	cvi.
Ad Philippum episcopum Florentinum.	891	Ad Johannem episcopum Vercellensem.	934	cvi.
Ad Johannem episcopum Vercellensem.	892	Ad capitulum generale fratrum Predicatorum.	936	cvi.]
Ad Johannem regem Francorum.	893	Ad Reginaldum episcopum Æduensem.	937	cix.
Ad Eduardum regem Anglorum.	893	Ad universos fideles.	938	cx.
Ad Androynum abbatem Cluniacensem.	894	Ad Androynum abbatem Cluniacensem.	940	cx.
Ad Carolum ducem Britanniae.	895	Ad Johannem regem Francorum.	942	cxii.
Ad Johannis regis Franciae commissarios.	895	Ad episcopum Morinensem.	943	cxiii.
Ad Androynum abbatem Cluniacensem.	896	Ad Engelbertum episcopum Leodiensem.	944	cxiv.
Ad Ægidium episcopum Sabinensem.	897	Ad Rodulfum ducem Austriae.	944	cxv.
Ad eundem.	901	Ad Rogerium de Pinibus.	945	cxvi.
Ad Arelatensem Januensensem & Pisanum episcopos.	905	Ad imperatorem Romanorum.	946	cxvii.
Ad universos Christi fideles.	906	Ad eundem.	ibid.	cxviii.
Ad Bernaborem de Vicecomitibus militem Mediolanensem.	907	Ad Rodulfum ducem Austriae.	947	cxix.
Ad Arelatensem, Januensensem & Pisanum archiepiscopos.	907	Ad Petrum regem Aragonum.	948	cxix.
Ad Simonem Buccanigrum ducem Januensensem.	909	Ad eundem.	ibid.	cxxi.
Ad Ægidium episcopum Sabinensem.	909	Ad Ludovicum regem & Johannam reginam Siciliae.	949	cxxi.
Ad Johannem regem Francorum.	910	Ad Robertum imperatorem Constantinopolitanum.	950	cxxi.]
Ad Robertum de Fienes comitem Stabuli.	911	Ad Philippum de Tarento & Mariam filiam Caroli ducis Calabriae.	951	cxxiv.
Ad Rodulfum ducem Austriae.	911	Ad Ægidium episcopum Sabinensem.	952	cxv.
Ad patriarchas archiepiscopos episcopos, &c.	911	Ad Johannem Delphinum, ducem consilium & commune Venetiarum.	953	cxvi.
Ad Simonem Buccanigrum ducem Januensensem.	912	Ad Ferdinandum de Eredia Castellatum Emposæ.	954	cxvii.
Ad Johannam comitissam Duratii.	912	Ad Johannem Delphinum consilium & commune Venetiarum.	955	cxviii.]
Ad Ludovicum de Duratio.	913	Ad Ludovicum regem & Johannam reginam Siciliae.	956	cxix.
Ad Ludovicum regem Siciliae.	913	Ad Nicolaum comitem Melfiensem.	957	cxix.
Ad Bertrandum archiepiscopum Neapolitanum.	915	Ad Geraldum archiepiscopum Beneventanum.	958	cxxi.
Ad Nicolaum comitem Melfiensem.	916	Ad Beneventanum Neapolitanum & Salernitanum archiepiscopos.	960	cxxi.]
Ad Ludovicum de Duratio.	917	Ad Geraldum archiepiscopum Beneventanum.	961	cxxi.]
Ad Johannem episcopum Vercellensem.	919	Ad Petrum regem Castellæ & Legionis.	962	cxxiv.
Ad quosdam praelatos.	920	Ad Ferdinandum episcopum Astoricensem.	962	cxv.
Ad Ægidium episcopum Sabinensem.	921	Ad Ogerium de Offerano abbatem sacularem S. Marcelli Legionensis.	963	cxv.]
Ad archiepiscopum Ravennatem.	921	Ad Guidonem episcopum Portuensensem.	964	cxvii.]
Ad Ildebrandinum Marchionem Estensem.	922	Ad capitulum ecclesiæ Astoricensis.	ibid.	cxviii.]
Ad eundem.	ibid.	Ad capitulum ecclesiæ Legionensis.	965	cxvix.]
Ad Nicolaum comitem Melfiensem.	923	Ad Cantuariensem archiepiscopum.	ibid.	cxl.
Ad Ludovicum regem Siciliae.	923			
Ad eundem & Johannam reginam Siciliae.	924			
Ad Bernaborem de Vicecomitibus militem				



# INDEX CHRONOLOGICUS

CXLI.	Ad Stephanum priorem S. Leonardi & Johannem Raymundi.	969	Ad Guillelmum abbatem S. Germani Autissiodorensis.	1021	CXCII.
CXLII.	Ad Aegidium episcopum Vicentinum.	970	Ad Johannem Marchionem Montis-Ferrati. <i>ibid.</i>		CXCIII.
CXLIII.	Ad eundem.	971	Ad regimen consilium & commune Perusii.	1022	CXCIV.
CXLIV.	Ad eundem.	973	Ad Thomesium Rectorem civitatis Bononiensis.	1023	CXCV.
CXLV.	Ad Marchionem Brandeburgensem.	974			
CXLVI.	Ad imperatorem Romanorum.	975	Ad Malatestam de Malatestis.	<i>ibid.</i>	CXCV.
CXLVII.	Ad eundem.	976	Ad Florentinos.	<i>ibid.</i>	CXCVI.
CXLVIII.	Ad Ludovicum regem Hungariae.	978	Ad Bononienses.	1024	CXCVII.
CXLIX.	Ad Johannem Marchionem Moraviae.	979	Ad Galeotum de Malatestis.	1025	CXCVIII.
CL.	Ad Johannem episcopum Garcensem.	980	Ad Eduardum regem Anglorum.	1026	CXCIX.
CLI.	Ad Arnestum episcopum Pragensem.	<i>ibid.</i>	Ad episcopum Ilerdensem.	1027	CC.
CLII.	Ad eundem.	981	Ad Americum electum Ulteranum.	1028	CCI.
CLIII.	Ad Carolum imperatorem Romanorum.	983	Ad Petrum regem Portugalliae.	1029	CCII.
CLIV.	Ad Rodulfum ducem Austriae.	984	Ad eundem.	1030	CCIII.
CLV.	Ad Johannem episcopum Luttomussensem.	986	Ad Johannem electum Beneventanum.	1031	CCIV.
CLVI.	Ad Carolum Romanorum imperatorem.	<i>ibid.</i>	Ad eundem.	1033	CCV.
CLVII.	Ad quosdam prelatos.	989	Ad Patriarchas, archiepiscopos, episcopos, &c.	<i>ibid.</i>	CCVI.
CLVIII.	Ad Carolum Romanorum imperatorem.	<i>ibid.</i>			
CLIX.	Ad Petrum Eraudi priorem S. Eutropii & Jacobum Barravi.	990	Ad Mathiam de Giosvaldo militem senescallum Provinciae.	1034	CCVII.
CLX.	Ad Ludovicum regem & Johannam reginam Siciliae.	992	Ad Nicolaum magnum senescallum Siciliae.	1035	CCVIII.
CLXI.	Ad Petrum regem Aragonum.	<i>ibid.</i>	Ad Franciscum de Carraria.	1036	CCIX.
CLXII.	Ad Ludovicum regem Hungariae.	993	Ad Eduardum regem Anglorum.	<i>ibid.</i>	CCX.
CLXIII.	Ad Aegidium episcopum Sabinensem.	994	Ad Eduardum principem Walliae.	1038	CCXI.
CLXIV.	Ad Johannem Ferdinandi de Eredia Castellani Empostae.	995	Ad Eliam abbatem S. Salvatoris de Blavia & Petrum Brunelli.	1039	CCXII.
CLXV.	Ad eundem.	<i>ibid.</i>	Ad Petrum Brunelli & Bertrandum de Chaneyo.	1040	CCXIII.
CLXVI.	Ad Petrum regem Castelle & Legionis.	997	Ad Dominicum de Lestar.	<i>ibid.</i>	CCXIV.
CLXVII.	Ad Guidonem episcopum Portuensensem.	998	Ad Jacobum de Priolis & Mariam filiam Nicolai Fuscari de Venetii.	1041	CCXV.
CLXVIII.	Ad Petrum regem Castelle & Legionis.	<i>ibid.</i>	Ad Johannem de Cavanhaco decanum ecclesiae Compostellanae, &c.	<i>ibid.</i>	CCXVI.
CLXIX.	Ad Johannem Marchionem Montis-ferrati.	999	Ad Petrum de Cuyfiaco canonicum S. Justi Lugdunensis.	1042	CCXVII.
CLXX.	Ad Simonem Buccanigrum ducem concilium & commune Januensium.	1000	Ad Henricum comitem de Traстамара.	1043	CCXVIII.
CLXXI.	Ad Carolum Romanorum imperatorem.	<i>ibid.</i>	Ad Cuillelmum abbatem S. Sophie Beneventane.	1044	CCXIX.
CLXXII.	Ad capitulum Magdeburgensem.	1001	Ad Mathiam de Josualio militem senescallum Provinciae.	1045	CCXX.
CLXXIII.	Ad episcopum Clusinum & Johannem de Lamanhaina canonicum Agennensem.	<i>ibid.</i>	Ad Johannem electum Beneventanum.	<i>ibid.</i>	CCXXI.
CLXXIV.	Ad Carolum Romanorum imperatorem.	1003	Ad eundem.	1046	CCXXII.
CLXXV.	Ad Theodoricum archiepiscopum Magdeburgensem.	1004	Ad Guillelmum abbatem S. Sophie Beneventane.	1047	CCXXIII.
CLXXVI.	Ad Aegidium episcopum Vicentinum.	1005	Ad Johannem Mucii electum Theanensem.	1048	CCXXIV.
CLXXVII.	Ad Simonem Buccanigrum ducem & consilium Januense.	1006	Ad capitulum Carnotense.	1049	CCXXV.
CLXXVIII.	Ad Bertrandum abbatem de Toroneto & Gerardum Mercaderii.	1007	Ad Bernardum Rascacii & Neapoleonem de Posterolis.	<i>ibid.</i>	CCXXVI.
CLXXIX.	Ad Cennum Benvenutum de Vigiano.	1008	Ad Johannem Bruni archidiaconum Venetensem.	1050	CCXXVII.
CLXXX.	Ad Bertrandum episcopum Convenarum.	1009	Ad Bertrandum abbatem de Toroneto & Gerardum Mercaderii.	1051	CCXXVIII.
CLXXXI.	Ad Carolum ducem Britanniae.	<i>ibid.</i>	Ad Bertrandum episcopum Lubicensem.	1054	CCXXIX.
CLXXXII.	Ad Guillelmum abbatem Salmuriensem.	1010	Ad Wilhelmum Horborch Baccarium in decretis.	1055	CCXXX.
CLXXXIII.	Ad universos fideles.	<i>ibid.</i>	Ad Woldemarum regem Dacie.	<i>ibid.</i>	CCXXXI.
CLXXXIV.	Ad Carolum imperatorem Romanorum.	1012	Ad Deodatum episcopum Agennensem.	1056	CCXXXII.
CLXXXV.	Ad Rodulfum ducem Austriae.	1013	Ad comitem Pardiaci.	1057	CCXXXIII.
CLXXXVI.	Ad Petrum Domaudi.	1014	Ad Gherlatum de Honvels Cantorem & Johannem de Marborch canonicum ecclesiae Magdeburgensis.	<i>ibid.</i>	CCXXXIV.
CLXXXVII.	Ad Guillelmum Gilberti canonicum Narbonensem.	1016	Ad Hermannum de Werberghe & Bernardum de Seulenborgh canonicos Magdeburgenses.	1058	CCXXXV.
CLXXXVIII.	Ad archiepiscopum Cantuariensem, episcopum Oxoniensem, & abbatem Cluniacensem.	<i>ibid.</i>			
CLXXXIX.	Ad Johannem Delphinum ducem consilium & commune Venetorum.	1018			
CXC.	Ad Johannem Marchionem Montis-Ferrati.	1019			
CXCI.	Ad Simonem Buccanigrum ducem & consilium Januense.	1020			

## CONTENTORUM IN HOC TOMO.

CCXXVI.	Ad Johannam reginam Jerusalem & Sici- liæ.	1059	Ad Eduardum principem Walliæ.	1065	CCXLIII.
CCXXVII.	Ad Eduardum regem Angliæ.	1059	Ad Eduardum regem Anglorum.	1065	CCXLIV.
CCXXVIII.	Ad Eduardum principem Walliæ.	1060	Ad Eduardum principem Walliæ.	1066	CCXLV.
CCXXIX.	Ad Guidonem de Brien militem.	1061	Ad Androynum cardinalem.	1068	CCXLVI.
CCXL.	Ad Johannem regem Franciæ.	1062	Ad Aegidium episcopum Sabinensem.	ibid.	CCXLVII.
CCXLI.	Ad Andruynum cardinalem.	1063	Ad eundem.	1069	CCXLVIII.
CCXLII.	Ad Eduardum regem Anglorum.	1064	Ad eundem.	1070	CCXLIX.
			Ad eundem.	1072	CCL.

## ACTA VARIA DE SCHISMATE PONTIFICUM AVENIONENSIIUM.

<p><b>E</b>pistola Anglici Albanensis episcopi &amp; Petri tituli S. Anastasiæ presbyteri, cardinalium ad Petrum Gandelini Castellani S. Angeli. 1073</p> <p>Sermo factus per dominum patriarcham Constantinopolitanorum ad depositionem Urbani quondam Barrensis archiepiscopi. 1075</p> <p>Littera domino cardinali Morinenfi missa de Roma per quemdam suum olim familiarem domesticum. 1081</p> <p>Allegationes electi Faventini nuncii B. factæ coram rege Castellæ. 1083</p> <p>Probata coram rege Castellæ pro parte collegii &amp; domini Clementis contra B. intrusum. 1094</p> <p>Copia Litteræ domino nostro papæ Clementi transmissæ super declaratione Hispaniæ, quæ applicuit Avenioni die penultima Maii. 1098</p> <p>Acta domini Toletani super facto schismatis ad dominum S. Eustachii cardinalem de necessitate &amp; utilitate concilii generalis concludens. 1099</p> <p>Oratio facta ad Cæsarem per dominum Raymundum Bernardi militem &amp; legum doctorem consiliarium regis Franciæ &amp; ducis Calabriæ &amp; Andegavensis ad declarationem juris domini Clementis papæ VII. contra intrusum in Roma. 1120</p> <p>Certificatio collegii cardinalium nomine cardinalis Albanensis. 1128</p> <p>Epistola episcopi Condomensis ad regem Francorum Carolum VI. data an. 1393. 1129</p> <p>Item ad Summum pontificem. 1130</p> <p>Tractatus super materia schismatis per dominum episcopum Condomensem compilatus &amp; compositus ac regi Franciæ transmissus, anno Domini mcccxciii. 1131</p> <p>Littera ex parte dominorum archiepiscoporum Coloniae &amp; magnatum ac domini ducis Bavarie post mortem Clementis regi Franciæ directæ. 1132</p> <p>Littera ex parte domini Benedicti papæ XIII. directæ regi Aragoniæ. 1134</p> <p>Littera ex parte domini Philippi de Alenconio universitati Parisiensi directæ, an. 1395. die 7. Maii 1135</p> <p>Requæstæ factæ regi Franciæ per universitatem super facto unionis ecclesiæ, traditæ consilio regis ultima die Augusti, anno mcccxcv. 1135</p> <p>Copia litteræ regis Castellæ cardinalibus directæ in qua conqueritur de facto processu super Thesauri Anecd. Tom. II.</p>	<p>unionem ecclesiæ absque suo scitu, &amp; hæc translata est de Hispano in Gallicum. 1136</p> <p>Practica pro unionem ecclesiæ, quæ primo per cedulam tradita fuit pro parte domini Benedicti dominis ducibus ex parte regis ad eum missis. 1138</p> <p>Practica pro unionem ecclesiæ habenda, quam post illam quæ hic scribitur dicitur aperuisse dominus Benedictus ex parte sua missa regi per nuntios regis Castellæ, quæ multum immutat de illa quam prius tradiderat. 1140</p> <p>Sequitur additio regis Aragonum, &amp;c. 1141</p> <p>Verba episcopi Abulensis, qui ex parte domini Benedicti practicam supra scriptam cum additione regis Aragonum supra scripta domino nostro regi præsentabat, &amp;c. 1143</p> <p>Sequuntur aliqua quæ supplenda videntur ad practicam quam secunda vice aperuit dominus Benedictus, &amp; per quæ potest videri &amp; colligi quomodo in multis discrepabat à practica primo per eum tradita. 1147</p> <p>Ratio opportunior ad tollendum schisma æstimata est abrogatio seu cessio utriusque partis contententis. 1149</p> <p>Via regis Castellæ. 1149</p> <p>Practica viæ cessionis per regem &amp; ejus consilium avisata, &amp; in effectu inseritur infra litteram quæ facta fuit de subtractione. 1150</p> <p>Lettres de Charles VI. Roy de France, par laquelle il commande au Senechal du Rouergue d'empêcher en sa Senechaussée de dogmatiser, &amp; donner des écritures contraires à la voye de cession qu'il avoit choisie pour ôter le schisme de l'Eglise. 1151</p> <p>Litteræ Caroli VI. regis quod gratiæ factæ per dominum Benedictum non sortiantur effectum. 1153</p> <p>Caroli VI. Francorum regis declaratio, quomodo scribitur pontificatus in instrumentis durante subtractione. 1154</p> <p>Epistola Collusi Florentini viri utique doctissimi, directæ Jodoco Marchioni Brandeburgensi Marchioni Moraviæ pro facto unionis Ecclesiæ, laudans viam cessionis. 1155</p> <p>Effectus propositionis factæ per dominum abbatem S. Michaëlis coram rege Aragoniæ quando fuit missus ibi per regem, pro facto unionis ecclesiæ ad inducendum regem prædictum ad viam cessionis amplectendam, &amp;c. 1165</p> <p>Copia consultationis &amp; litteræ, quibus dominus</p>
---	---

# INDEX CHRONOLOGICUS

- Rupertus dux Heydelbergensis informavit dominum Wenceslaum regem Bohemiae qualiter se deberet habere & respondere in dieta ordinata ab ipso & domino rege Francia, & quomodo nullo modo deberet nec posset declinare ab obedientia domini Bonifacii, &c.* 1172
- Consultatio de recusanda obedientia Petro de Luna.* 1177
- Tractatus cardinalis Pictaviensis, qui etiam Praenestinus dicebatur, in quo exponit quaedam motiva ad concilium generale convocandum pro tollendo schismate.* 1193
- Conradi de Geilenhusen ecclesiae Wormatiensis praepositi tractatus de congregando concilio tempore schismatis.* 1200
- Scriptura brevis eorum quae verbo proposuit cardinalis Praenestinus coram dominis ducibus & consilio regis ultima die mensis Novembris anno mccc. priusquam recederet de Parisius.* 1226
- Copia appellationis interpositae per Leodienses à papa eorum, post subtractionem obedientiae per eos sibi factam.* 1250
- Epistola à reverendissimo patre domino Simone de Gramaudo patriarcha Alexandrino super materia unionis Ecclesiae composita, missa per eum domino archiepiscopo Cantuariensi.* 1230
- Litterae Ludovici II. regis Jerusalem & Siciliae de restitutione obedientiae facta Benedicto XIII. papae.* 1263
- Tractatus & concordia habita inter dominum Benedictum & cardinales publicatus in praesentia dominorum Burgundiae & Bituriae Parisius in domo Tonrellarum, anno Domini mccccxii. die xxix. Maii.* 1266
- Compromissum dominorum cardinalium in conclavi post obitum Bonifacii papae IX.* 1274
- Epistola de electione Innocentii papae VII.* 1277
- Copie de la Cédule bailliée au Roy & à Nosseigneurs par les Ambassadeurs du Roy de Castelle, l'an mccccv. contenant en effet ce qu'ils avoient exposé de bouche, & qu'ils disoient être à faire en la poursuite de l'union de l'Eglise.* 1278
- Littera Colonienſi universitati directa per collegium dominorum cardinalium tribus sigillis sigillata.* 1280
- Littera universitatis Colonienſis ad cardinalem Leodiensem promotorem.* 1282
- Ejusdem ad Gregorium papam XII.* 1283
- Ejusdem ad Collegium cardinalium.* 1284
- Bulla credentiae domini Papae universitati Colonienſi missa.* 1285
- Rescriptio universitatis super eadem bulla.* 1285
- Copia bullae missae universitati Parisienſi per dominum Gregorium ultimo electum in Roma.* 1286
- Copia litterarum domini cardinalis Aquilegienſis.* 1288
- Copia litterarum domini cardinalis Leodiensis ad universitatem Parisienſem.* 1291
- Copia litterarum domini cardinalis de Thureio ad universitatem Parisienſem.* 1292
- Litterae missae domino duci Bituriae per dominos cardinales.* 1293
- Appellatio interposita per universitatem Parisienſem à domino Benedicto, anno Domini mccccvi. die Januarii.* 1295
- Copia instrumenti de deliberatione praelatorum Parisius congregatorum, anno ccccv. super facto collationis beneficiorum in regno.* 1307
- Sequitur additio declarationis quae postmodum facta fuit per praelatos, & concilium praedictum super materia dicti instrumenti, &c.* 1310
- Littera regis super libertate ecclesiae Gallicanae & Delphinatus, quoad provisiones in dignitatibus & beneficiis faciendas.* 1311
- Littera regis super libertate ecclesiarum regni & Delphinatus, quoad exactiones annatas & gravamina per papam imposita.* 1311
- Deliberatio & conclusio habita per praelatos super facto unionis ecclesiae in concilio Parisius congregato, anno mccccvi.* 1312
- Capitula accordata in Massilia anno Domini mccccvi.* 1312
- Capitula accordata in Massilia, anno Domini mccccvi. die xxi. Aprilis inter dominum Benedictum ex una parte & legatos Gregorii, &c.* 1314
- Epistola oratorum regis ad Benedictum missorum ac ejusdem oratoris ad Gregorium XII.* 1320
- Publicum instrumentum securitatis omnimoda datae Gregorio XII. & cardinalibus ejus, Saonam ad tractandam ecclesiae unionem profecturis.* 1322
- Acceptilatio ducentorum florenorum acceptorum à nunciis regis ad pontificem Romanum pro unione ecclesiae.* 1326
- Petri episcopi Cameracensis, Philippi abbatis S. Dionysii, Johannis Gersonii cancellarii, & Jacobi de Nornano rationes ad differendam subtractionem.* 1329
- Epistola Johannis le Maingre Francia marescalli Januae gubernatoris ad regis Christianissimi oratores ad Gregorium XII.* 1331
- Epistola ejusdem ad eosdem oratores.* 1334
- Epistola A. Bononiensis episcopi ad eundem Johannem le Maingre.* 1335
- Responsio ipsius Johannis ad episcopum Bononiensem.* 1335
- Publicum instrumentum de imponenda nova decima ad prosequendam schismatis extirpationem.* 1335
- Litterae scriptae de Villa-Franca prope Nyciam cardinalibus.* 1338
- Gregorii XII. bulla ad Johannem ducem Bituricensis.* 1339
- Schedula adversus Benedictum XIII.* 1340
- Credentia magistro Johanni Francisci regi, dominis ducibus Bituricensi, Aurelianensi & Burgundiae & Universitati.* 1344
- Memoria pro vera serie eorum quae gesta sunt in facto unionis ecclesiae, anno mccccvi. per dominum nostrum regem Francia, &c.* 1347
- Littera regis super instructione data ambaxiatoribus ex parte sua missis, pro facto unionis Ecclesiae ad papam Benedictum, & ad illum de Roma.* 1357
- Instruction de ceux qui sont ordonnés par le Roy & l'Eglise de France & le Dalphiné, pour*

# CONTENTORUM IN HOC TOMO.

- pourchassier la paix & union de l'Eglise, entre le pape Benedict & celuy qu'on appelle Gregoire à Rome & leurs Colleges.* 1358
- Extractum de quodam instrumento faciens ad pratticam agendorum in facto unionis, & habendi papam unicum.* 1363
- Responsio data per Gregorium ambassiatoribus domini Benedicti, anno Domini mccccvii. die Veneris xxix. Julii.* 1366
- Responsio per dictum dominum Gregorium in Roma ambaxiatoribus domini Benedicti, & ambaxiatoribus regis Francie pro facto unionis, anno mccccvii. ultima Julii.* 1367
- Alia responsio adhuc data per dictum dominum Gregorium, anno prædicto xii. Augusti in Roma.* 1374
- Responsio cardinalium de Roma data ambaxiatoribus regis Francie ad certam requestam per eos eis factam, quando volebant de Roma recedere.* 1375
- Supplicatio facta papæ in Marsilia per illos de ambaxiata regis, qui ibi dimissi fuerant secundum ordinationem totius ambaxiatae.* 1376
- Litteræ per quinque cardinales papæ directæ, per quas consulebant offerri civitatem Pisanam.* 1377
- Responsio data per dominum Benedictum, anno mccccvii. ii. Septembris ambaxiatori domini Gregorii petenti mutationem loci de Saona.* 1378
- Istud quod Gregorius fecit prædicari & publicari die omnium sanctorum Senis, anno Domini mccccvii. pro excusatione sua de hoc quod non viverat Saonam.* 1382
- Tres viæ seu modi exhibiti seu oblatis domino Benedicto pro parte Gregorii apud Saonam, anno mccccvii.* 1385
- Copia litterarum regis Ladislai ad dominum Gregorium, per quas apparet eum non disconsulere conventionem ad locum Saonæ.* 1386
- Responsio data per dominum Benedictum ambaxiatoribus Gregorii apud Saonam, super hoc quod sibi offerebant aliqua loca ad conveniendum.* 1386
- Acta oratorum regis Castellæ ad Benedictum xiii.* 1390
- Consilium de modo procedendi ad tollendum schisma.* 1391
- Versus qui dicebantur super collusionem quam super papatu dicebantur habere P. de Luna dictus Benedictus XIII. & Angelus Corvario dictus Gregorius XII.* 1394
- Copia appellationis interpositæ inter cardinales illius de Roma à papa suo, postquam ipsi ab eo recedentes venerunt de Luca apud civitatem Pisanam.* 1394
- Quædam deliberata per concilium ecclesiæ Gallicanæ Parisius durante subtractione servanda circa quatuor. Primo circa absolutionem peccatorum reservatorum. 2. Circa dispensationes, &c.* 1398
- Litteræ Januensium de neutralitate seu de non obediendo alteri contendendum de papatu.* 1408
- Sequuntur aliqua propositiones utiles ad exterminationem schismatis per viam consilii tractatæ per episcopum Cameracensem.* 1409
- Responsio cardinalium de obedientia Gregorii data ambassiatoribus Venetorum & Florentinorum, &c.* 1411
- Memoire donné à Maître Adrien Cottin, pour le fait des libertez de France.* 1419
- Litteræ Johannis ducis Bituricensis, quibus episcopatum Biterrensem & bona restitui jubet Bertrando de Maumont episcopo, qui tempore neutralitatis aliquandiu remanserat cum Petro de Luna.* 1425
- Epistola magistri Johannis Guiart de sua ad Benedictum apud Perpinianum legatione.* 1426
- Fragmentum tractatus de potestate & jure cardinalium ad convocandum concilium tempore schismatis.* 1428
- Epistola Johannis papæ XXIII. ad Bernardum comitem Armaniaci.* 1432
- Ejusdem ad Bonam comitissam Armaniaci.* 1433
- Ejusdem ad Johannem Vicecomitem Leomanie.* 1433
- Ejusdem ad Glayolum militem magistrum hospitii comitis Armaniaci.* 1433
- Ejusdem ad Bernardum de Labatut consiliarium comitis Armaniaci.* 1433
- Ejusdem ad Guillelmum de Solagiis militem consiliarium comitis Armeniaci.* 1433
- Ejusdem ad Raymundum de Sestariolis.* 1433
- Ejusdem ad Alamannum archiepiscopum Pisanum & Gaufridum electum Xanctonensem.* 1433
- Bonifacii Ferrerii majoris Carthusiæ prioris tractatus pro defensione Benedicti XIII. & seq.* 1455
- Epistola Bonifacii Ferrerii prioris majoris Carthusiæ ad fratrem Bernardum.* 1529
- Epistola Benedicti XIII. ad cap. gen. ordinis Carthusiensis.* 1533
- Avisamenta petita per anticardinalem Barensem Italicum quem intrusus Johannes Bononiensis, olim dictus cardinalis mittendum antilegatum ad partes istas decreverat, anno mccccx.* 1534
- Instrumentum publicum editum in concilio Parisiensi de deputandis ex provincia Rothomagensi ad concilium Constantiense, & de subventionem ipsis faciendam.* 1538
- Litteræ vicariorum generalium G. episcopi Ebroicensis continentes litteras concilii Constantiensis ad Ludovicum Rothomagensis archiepiscopum & ejus suffraganeos de subsidio concedendo ad dictum concilium deputatis.* 1541
- Instrumentum publicum deliberationum nationis Gallicanæ in concilio Constantiensi super materia annatarum.* 1543
- Varie epistolæ oratorum Universitatis Colonienfis ad concilium Constantiense directorum aliorumque, & nonnulla monumenta de schismate & actis in concilio Constantiensi.* 1609.
- & seq.*
- Epistola seu littera universitati Colonienfi directæ per ambaxiatores ejusdem.* 1609
- Oratorum ejusdem universitatis ad eamdem.* 1611
- Eorundem ad eamdem.* 1612
- Eorundem ad eamdem.* 1613




# INDEX CHRONOLOGICUS

<i>Eorundem ad eandem.</i>	1613	<i>Responsio finalis facta domino imperatori per Petrum de Luna in Perpinione xlii. Octobris mccccxv.</i>	1648
<i>Responsio domini nostri papæ ad petitiones nationum, quibus petebatur constitutio procuratoria, &amp; quod concilium non dissolvatur ante perfectam unionem, &amp;c.</i>	1614	<i>Cedula præsentata in Perpinione xlv. Octobris mccccxv.</i>	1648
<i>Epistola oratorum universitatis Colonienfis ad ipsam.</i>	1616	<i>Pro vero statu dicti domini P. post ejus renuntiationem sibi offerenda.</i>	1649
<i>Copia bullæ domini Johannis papæ xlii. super cessione sui papatus.</i>	1618	<i>Epistola Wladislai Poloniae regis ad concilium Constantiense.</i>	1650
<i>Copia litteræ quam in crastino S. Benedicti misit papa domino regi Romanorum post recessum ejus occultum de Constantia.</i>	1618	<i>Epistola oratorum universitatis Colonienfis ad ipsam.</i>	1654
<i>Epistola ambaxiatorum universitatis de Constantia ad eandem.</i>	1618	<i>Eorundem ad eandem.</i>	ibid.
<i>Cedula affixa ad valvas palatii episcopalis Constantiensis die Lunæ vlii. Martii mccccxv.</i>	1620	<i>Epistola Jacobi Turonensis archiepiscopi ad concilium Constantiense.</i>	1655
<i>Duodecim propositiones quas in vigilia palmarum proposuit, coram omnibus prælatis &amp; aliis in concilio existentibus eximius sacre Theologiæ doctor cancellarius Parisiensis.</i>	1623	<i>Epistola Sigismundi regis Romanorum ad concilium Constantiense.</i>	1656
<i>Decreta &amp; definita in prima cessione, &amp;c.</i>	1624	<i>Epistola oratorum universitatis ad ipsam.</i>	1656
<i>Decreta &amp; definita in secunda sessione, &amp;c. ibid.</i>	ibid.	<i>Littera missa regi Romanorum post substr. Elix. nem obedientiæ.</i>	1658
<i>Littera universitatis Parisiensis ad concilium Constantiense.</i>	1625	<i>Copia subtractionis per regem Aragonum factæ domino P. de Luna, &amp;c.</i>	1659
<i>Copia litteræ Parisiensis universitatis ad suos nuncios missa, cui littera quam scribunt papæ est inserta.</i>	1625	<i>Copia Litteræ clausæ ex parte domini regis Aragonum directæ domino imperatori.</i>	1659
<i>Sessio quinta.</i>	ibid.	<i>Epistola Sigismundi imperatoris ad Ludovicum Bavariæ ducem.</i>	1659
<i>Epistola oratorum universitatis Colonienfis ad ipsam.</i>	1625	<i>Epistola oratorum universitatis Colonienfis ad ipsam.</i>	1660
<i>Bulla papæ in qua allegat metum.</i>	1626	<i>Eorundem ad eandem.</i>	1661
<i>Littera ducis Austriæ.</i>	1626	<i>Eorundem ad eandem.</i>	1661
<i>Littera concilii scripta universitati Colonienfis.</i>	1626	<i>Eorundem ad eandem.</i>	1662
<i>Epistola oratorum universitatis Colonienfis ad ipsam.</i>	1629	<i>Eorundem ad eandem..</i>	1663
<i>Decreta in sessione xv. post recessum papæ.</i>	1630	<i>Alphonfi regis Aragonum venerabilibus cardinalibus, &amp;c. patribus Constantiæ congregatis.</i>	1664
<i>Epistola oratorum universitatis Colonienfis ad ipsam.</i>	1630	<i>Oratorum universitatis Colonienfis ad ipsam.</i>	1665
<i>Eorundem ad eandem.</i>	1632	<i>Eorundem ad eandem.</i>	1666
<i>Littera quam unus Carthusianus scripsit alteri de reductione &amp; suspensione papæ, &amp;c.</i>	1634	<i>Eorundem ad eandem.</i>	1667
<i>Sententia lata xlv. Maii.</i>	1635	<i>Eorundem ad eandem.</i>	1668
<i>Epistola oratorum universitatis Colonienfis ad ipsam.</i>	1636	<i>Eorundem ad eandem.</i>	1669
<i>Sententia qua Johannes xlii. privatur papatu per generale concilium Constantiense quæ lata fuit xlix. Maii.</i>	1637	<i>Littera quam unus nuntiorum qui per concilium Constantiense fuerunt missi ad citandum Petrum de Luna scripsit episcopo Rigenfi.</i>	1669
<i>Copia litteræ quam Johannes papa propria manu scripsit domino regi.</i>	1638	<i>Oratorum universitatis Colonienfis ad ipsam.</i>	1673
<i>Epistola oratorum universitatis Colonienfis ad ipsam de cessione papatus facta à Gregorio xlii.</i>	1638	<i>Eorundem ad eandem.</i>	1674
<i>Eorundem ad eandem.</i>	1639	<i>Eorundem ad eandem.</i>	1675
<i>Eorundem ad eandem.</i>	1641	<i>Eorundem ad eandem.</i>	1676
<i>Epistola nuntiorum concilii Constantiensis ad Petrum de Luna.</i>	1642	<i>Eorundem ad eandem.</i>	1676
<i>Epistola Ferdinandi Aragonum regis ad Sigismundum Romanorum regem.</i>	1643	<i>Eorundem ad eandem.</i>	1677
<i>Ejusdem epistola altera ad eundem.</i>	1644	<i>Schedula cardinalium Constantiensis concilii in gratiam Sigismundi Romanorum regis &amp; de reformatione Ecclesiæ procuranda.</i>	1678
<i>Ejusdem ad eundem.</i>	1645	<i>Sententia lata contra Petrum de Luna.</i>	1680
<i>Epistola scripta concilio Constantiensi per Angelum Corrario.</i>	1645	<i>Consultatio Theologorum de nonnullis propositionibus erroneis circa materiam unionis.</i>	1680
<i>Epistola oratorum universitatis Colonienfis ad ipsam.</i>	1647	<i>Oratorum universitatis Colonienfis epistola ad rectorem ejusdem.</i>	1685
		<i>Responsio.</i>	1686
		<i>Epistola universitatis Colonienfis ad T. archiepiscopum Coloniensem.</i>	1687
		<i>Martini papæ V. epistola ad universitatem Coloniensem.</i>	1688
		<i>Epistola Collegii cardinalium ad universitatem Coloniensem.</i>	1690
		<i>Instrumentum studii Heydelbergensis traditum nuntio sibi nuntianti electionem domini Martini</i>	

# CONTENTORUM IN HOC TOMO.

<i>ini papæ V.</i>	1692	<i>nedicti xrv. antipapæ ab ipso electi in pa-</i>	
<i>Oratorum universitatis Colonienfis epistola ad</i>		<i>pam.</i>	1714. & seq.
<i>ipsam.</i>	1694	<i>Litteræ Johannis comitis Fuxensis ad dominum</i>	
<i>Eorundem ad eandem.</i>	1695	<i>d' Audous &amp; Nicolaum de Bologne.</i>	1748
<i>Eorundem ad eandem.</i>	ibid.	<i>Litteræ Caroli VII. regis Francorum de præ-</i>	
<i>Eorundem ad eandem.</i>	1696	<i>standa Eugenio IV. obedientia.</i>	1749
<i>Avisamentum circa collationem beneficiorum, &amp;</i>		<i>Epistola universitatis Cracoviensis ad Parisien-</i>	
<i>gratias expectativas.</i>	1696	<i>sem.</i>	1751
<i>Epistola universitatis Colonienfis ad præcedentes</i>		<i>Oratio Guillelmi de Perreriis in electione summi</i>	
<i>responsiva.</i>	1697	<i>pontificis.</i>	1753
<i>Litteræ Johannis Ostiensis episcopi ad universi-</i>		<i>Roberti Gislebii Maximiliani Romanorum regis</i>	
<i>tatem Coloniensem.</i>	1699	<i>&amp; Philippi Austriæ archiducis oratoris ad</i>	
<i>Epistola universitatis Colonienfis ad concilium</i>		<i>sedem apostolicam, de episcopatu Torna-</i>	
<i>Constantiense.</i>	1708	<i>centi.</i>	1760
<i>Ejusdem epistola ad Theodoricum de Monasterio,</i>		<i>Innocentii papæ VIII. epistola ad Maximilia-</i>	
<i>&amp; Johannem de Monte, de Johanne de Prus-</i>		<i>num Romanorum regem, de episcopatu Torna-</i>	
<i>sia suspecto de hæresi.</i>	ibid.	<i>centi.</i>	1765
<i>Alia ejusdem universitatis epistola ejusdem ar-</i>		<i>Epistola sacri collegii dominorum cardinalium,</i>	
<i>gumentum.</i>	1710	<i>ad eundem regem de eodem.</i>	1767
<i>Alia ejusdem ad Johannem Ostiensem episco-</i>		<i>Leonelli episcopi Concordienfis oratio in funere</i>	
<i>pum.</i>	1711	<i>Innocentii papæ VIII.</i>	1768
<i>Ejusdem ad eundem.</i>	ibid.	<i>Johannis Valesii epistola ad Didacum de Mu-</i>	
<i>Epistola Giraldi de Brie ad consules Albien-</i>		<i>ros archidiaconum Cremonensem.</i>	1773
<i>ses.</i>	1712	<i>Bernardini Carvajal episcopi Pacensis oratio de</i>	
<i>Epistola Sigismundi imperatoris ad B. tituli S.</i>		<i>eligendo summo pontifice.</i>	1775
<i>Clementis S. R. E. cardinalem.</i>	1713	<i>Christophori Marcelli electi Corcirensis oratio</i>	
<i>Johannis de Thurena anticardinalis litteræ ad</i>		<i>ad Leonem X. pontificem Maximum de su-</i>	
<i>Johannem Armaniaci comitem, &amp; universos</i>		<i>menda in Turcas provincia.</i>	1787
<i>Christi fideles de publicatione electionis Be-</i>			





# I N D E X

## A L P H A B E T I C U S

### E O R U M A D Q U O S S C R I P T Æ S U N T

### H U J U S T O M I E P I S T O L Æ .

---

#### E P I S T O L A R U M U R B A N I I V .

- Æ** *Gidio archiepiscopo Tyrensi*, 7. 8. 47.  
*Alberto apostolicæ sedis notario*, 21. 23.  
26. 28. 30. 33. 35. 43.  
*Archiepiscopis, episcopis abbatibus, &c. regni*  
*Franciæ, &c.* 54.  
*Archiepiscopis, episcopis abbatibus, &c.* 62.  
*Archiepiscopis Hispaniæ*, 1.  
*Auxitano archiepiscopo*, 75.  
*Bituricensi archiepiscopo*, 94.  
*Carolo Andegaviæ & Provinciæ comiti*, 9. 19.  
49. 86.  
*Collectoribus subsidii Terræ Sanctæ destinati*,  
48.  
*Coloniensi archiepiscopo*, 6.  
*Magdeburgensi archiepiscopo*, 6.  
*Manfredo Siciliæ regi epistola Balduini impe-*  
*ratoris Constantinopolitani*, 23.  
*Manfredo quondam Tarentino principi*, 90.  
*Simoni cardinali apostolicæ sedis legato*, 52. 53.  
59. 60. 63. 64. 65. 66. 67. 68. 69. 70. 72. 74.  
76. 77. 79. 80. 81. 82. 87. 89.  
*Theobaldo regi Navarræ*, 1.  
*Trecensi episcopo*, 28.  
*Trecensi B. Mariæ ad moniales abbatißæ, &c.*  
3.  
*Urbano IV. rescriptum Manfredi*. 91.

---

#### E P I S T O L A R U M C L E M E N T I S P A P Æ I V .

- A** . *Basilicæ XII. apostolorum presbytero*  
*cardinali*, 146.  
*A. SS. Apostolorum presbytero, R. S. Angeli,*  
*J. S. Nicolai in carcere Tulliano, J. S.*  
*Mariæ in Cosmedim diaconis cardinalibus,*  
130.  
*A. titulo S. Praxedis presbytero cardinali*, 263.  
*Abbatibus prioribus archipresbyteris, &c.* 460.  
*Abbatißæ & conventui Montispeßulani ord. S.*  
*Clare*, 460.  
*Ademaro de Pißavia comiti Valentinenfi*, 502.  
*S. Ægidii abbati*, 325. 528. 538. 572.  
*Azaihenfi episcopo*, 256.  
*Albanensi episcopo*, 315. 316. 335. 340. 356. 438.  
464. 505.  
*Alphanto de Terrascone militi*, 300.  
*Alphonso comiti Pißaviensi & Tholosano*, 241.  
300 305. 313. 385. 427. 494. 495. 529. 561.  
589.  
*Alviciæ relicte Guillelmi Bulbonensis militis*,  
590.  
*Amalrico de Rupe Magistro domorum militiæ*  
*templi in Francia*, 534.  
*Amato de Amatis*,  
*Angelerio Bonellæ mercatori Florentino*,  
152.  
*Angeriacensis monasterii S. Johannis abbati*,  
339. 365. 585.  
*Angliæ reginæ*, 115. 213. 573.  
*Angulariæ comiti*, 425.  
*Anianensis monasterii abbati*, 257.  
*Aniciensis ecclesiæ statuta*, 476.  
*Appamiensi abbati*, 628.  
*Aquensi archiepiscopo* 346.  
*Ar. Capocii capitaneo urbis Romæ*, 489.  
*Aragonum regi*, 98. 139.  
*Aragonum illustri regi*, 182. 277. 278. 391. 440.  
448. 468. 603.  
*Archiepiscopis ac universo clero per Aquensem,*  
*&c. civitates & dioceses constitutis*, 244.  
*Archiepiscopis ac universo clero per Auxitanam,*  
*&c. civitates & dioceses constitutis*, 244.  
*Archiepiscopis ac universo clero per Bisuntinam*  
*&c. civitates & dioceses constitutis*, 244.  
*Archiepiscopis ac universo clero per Burdeg-*  
*lensem, &c. civitates & dioceses constitutis*,  
244.  
*Archiepiscopis, episcopis & abbatibus, &c. in*  
*regno Siciliæ constitutis*, 598.  
*Aretino episcopo*, 161. 180. 181. 618.  
*Ariminenfi potestati & communi*, 217.  
*Armano Asturiensi electo*, 431.

# INDEX ALPHABETICUS

- Armeniae regi*, 170.  
*Assisnati potestati, & consilio & communi*, 616.  
*Atrebatensi episcopo*, 181.  
*Avenionensi episcopo & decano, domino Uteriae ejus germano*, 496.  
*Avenionensi episcopo*, 501.  
*Augi comiti*, 290.  
*Autissiodorensi episcopo*, 200.  
*Magistro B. Languiselli archidiacono Lantarenensi in ecclesia Tolosana*, 350.  
*Magistro B. &c.* 433.  
*Magistro B. praeposito, &c.* 454.  
*Bajocensi episcopo*, 181.  
*Balduino imperatori Constantinopolitano*, 354.  
*Barchinonensi archidiacono*, 607.  
*Baronibus & nobilibus potestatibus & rectoribus per patrimonium S. Petri in Tuscia constitutis nostris & ecclesiae Romanae rectoribus*, 513.  
*Nobili viro domino Baucii Potestati Mediolanensi*, 202. 289. 334. 543.  
*Baudono domino castri-novi*, 496.  
*Bela regi Hungariae*, 271.  
*Belvacensi episcopo*, 357.  
*S. Benedicti de Nursia abbati*, 217.  
*Bertrando archiepiscopo Arelatenensi*, 521.  
*Bertrando Tholosanae ecclesiae praeposito*, 518.  
*Bertrando Albae militi*, 451.  
*Biterrensi episcopo*, 256. 533.  
*Biterrensibus civibus*, 461.  
*Bohemiae regi illustri*, 531. 576.  
*Potestati capitaneo ancianis consilio & communi Bononiensi*, 620.  
*Bracharensi archiepiscopo*, 294.  
*Brixen. universis civibus, per quos nunc civitas regitur*, 567.  
*Ceciliae Fulcodiae*, 591.  
*Calaguritano episcopo*, 345.  
*Archiepiscopis & universo clero per Cameracensem, &c. civitates & dioceses constitutis*, 244.  
*Cantuariensi archiepiscopo*, 510.  
*Carcassonensi senescallo*, 131.  
*Cardinalibus qui sunt in Urbe*, 163. 176.  
*Carolo Andegaviae ac Provinciae comiti*, 97. 117. 141. 186. 187. 153. 160. 173. 195. 203. 219. 220. 239. 246. 249. 251. 254. 256. 257. 260. 264. 266. 267. 268. 273. 274. 276. 280. 306. 310. 320. 368. 371. 372. 377. 378. 406. 409. 431. 437. 441. 444. 451. 505. 515. 516. 520. 524. 525. 529. 537. 544. 545. 546. 547. 554. 569. 573. 574. 579. 587. 598. 599. 610. 615. 625. 628. 629. 630. 632. 634.  
*Casa Dei abbati*, 218.  
*Castellae & Legionis regi*, 193. 303. 488. 489. 496. 499. 534.  
*Castellanensi Potestati consilio & comitatui*, 148.  
*Castelli rectoribus consilio & universitati*, 565.  
*Fratri Cathalano ordinis militiae virginis*, 321. 361.  
*Cathalano rectori civitatis Florentinae*, 429. 436.  
*Cenomanensi episcopo*, 398.  
*Cinthio Remensi canonico*, 618.  
*Cinthio rectori consilio & communi Cornetano*, 632.  
*Cisterciensi abbati & capitulo generali*, 171.  
*Clarimontis episcopo*, 511. 568.  
*Clementi papae IV. epist. Caroli regis*, 283. 624.  
*Clero Gallicano*, 243.  
*Cluniacensi abbati*, 545.  
*Constantinopolitano Patriarchae*, 439.  
*Cornetanensi potestati consilio & communi*, 258. 519.  
*Crassensi abbati & conventui*, 594.  
*Cremonensi potestati, &c.* 569. 570.  
*Cusentino archiepiscopo*, 161. 175. 203. 266.  
*Cypri regi*, 135.  
*S. Dionysii abbati*, 599. 600. 601.  
*Archiepiscopis ac universo clero per Ebredanensem, &c. civitates & dioceses constitutis*, 244.  
*Ebroicensi episcopo*, 337.  
*Viro illustri & magnifico principi in genti nobili Tartarorum Elchani Apacha*, 517.  
*Ermengauda de Melgorio militi*, 239. 314.  
*Potestati consilio & communi Eugubino*, 209.  
*Ferrando priori domus S. Aegidii hospitalis S. Johannis Ierosolymitani*, 292.  
*Florentinae civitatis rectoribus*, 361. 378. 418. 428. 429. 436. 456. 613. 615.  
*Fortibrach de Romagniola*, 133.  
*G. S. Georgii ad Velum aureum diacono cardinali*, 263. 464. 535.  
*G. Marchioni Montis-ferrati*, 172.  
*G. de Medio - Bladi militi regni Siciliae citra Farum capitaneo generali*, 530. 533. 579. 581.  
*G. dicto Bota civi Massiliensi*, 572.  
*Galliae nobilibus universis*, 335.  
*Gardiano fratrum Minorum Belvacensium*, 509.  
*Gardiano & fratribus Minoribus Montis-falconis*, 250.  
*Gordiano & lectori fratrum Minorum in Montepessulano*, 359.  
*Gastoni vice comiti Biarnensi*, 569.  
*Gaufrido de Bello-monte cancellario Bajocensi apostolicae sedis legato*, 263. 276.  
*Gaufrido de Sarginis regis Ierosolymitani senescallo*, 169. 392. 408. 468.  
*S. Germani abbati*, 619.  
*S. Germani archipresbytero*, 619.  
*Girardo de Ramplion canonico Senonensi*, 608.  
*Gregorio X. epistola Caroli regis Siciliae*, 635.  
*Girardo Longo potestati Urbevetanae*, 597.  
*Guelforum capitaneo*, 440.  
*Guelforum Bononiensium capitaneo*, 621.  
*Guelforum Florentinorum capitaneo & Patri*, 454.  
*Guidino Adillano Juveni duci Sueviae*, 156.  
*Guidoni S. Laurentii in Lucina presbytero cardinali*, 148. 259. 464. 535.  
*Guido de Alvernia praeposito Insulensi Morinensis diocesis*, 411.  
*Guidoni Guerrae comiti Tusciae Palatinae*, 613.  
*Guillelmo de S. Amore*, 417.  
*Guillelmo de Portu Jurisperito seniori*, 375.  
*Guillelmo de Tonneux ordinis Praedicatorum*, 615. 618.  
*H. Ostiensi & Velletrensi episcopo*, 627.  
*H. comiti Lucelburgenfi*, 387.  
*Heliae capellano*, 373.  
*Heliae de Caturco canonico Parisiensi*, 608.  
*Heliae Peleti capellano canonico Belvacensi*, 514. 516. 523.  
*H. filio F. quondam regis Castellae*, 438.  
*Henrico nato Clarae memoriae A. regis Castellae*  
f ij

- & Legionum senatori Urbis, 537. 548. 555.  
 556. 572. 575.  
*Adversus Henricum regis Castellæ filium Urbis  
 senatorem.* 540.  
*Henrico regis Navarrae germano,* 124.  
*Henrico domino Soliaci,* 619.  
*Nobili viro domino de Heufalife,* 388.  
*Hispalensi archiepiscopo,* 137. 144. 475.  
*Hugoni dico Staqua capitaneo Aquilæ,* 602.  
*J. SS. Cosmæ & Damiani diacono cardinali,*  
 634.  
*J. S. Mariæ in Cosmedim diacono cardinali,* 130.  
 146.  
*J. S. Nicolai in carcere Tulliano diacono cardi-  
 nali apostolicæ sedis legato,* 130. 146. 167.  
 185. 186. 318. 324. 338. 363. 370. 375. 389.  
*Jacobino Rubeo civi Pavinensi,* 566.  
*Jacobo regi Aragonum illustri,* 362. 371.  
*Jacobo filio regis Aragonum,* 211. 392.  
*Jacobo de Collemedio,* 429.  
*Jacobo nato quondam Dinsalvi civi Senensi,* 613.  
*Jerosolymitano patriarchæ, archiepiscopis, & epis-  
 copis, &c. universis etiam baronibus regni Je-  
 rosolymitani,* 169.  
*Jerosolymitano patriarchæ,* 293. 392. 408. 468.  
*Præceptori Hospitalis & Templi Jerosolymi-  
 tani,* 392.  
*Johanni electo Remensi,* 409.  
*Johanni archiepiscopo Remensi,* 449.  
*Johanni Ambaldo proconsuli Romanorum,* 591.  
*Inquisitoribus contra Tolosanum episcopum de-  
 putatis,* 404.  
*Insulensis ecclesiæ decano & capitulo Tornacen-  
 sis diocesis,* 589.  
*Isabellæ illustris regis Franciæ germanæ,* 588.  
*Juliacensi comiti,* 388.  
*L. Relictæ quondam Areasbæ militis,* 450.  
*Lanfranguino Malese & Lucerto civibus Ja-  
 nuensibus,* 628.  
*Lincolniensi episcopo,* 466.  
*Lismorensi episcopo,* 577.  
*Lodovensi episcopo,* 256.  
*Lotharingo ordinis militiæ virginis,* 321. 361.  
*Lotharingo rectori civitatis Florentinæ,* 429.  
 436.  
*Lucano consilio & communi,* 318.  
*Ludovico regi Franciæ illustri,* 122. 128. 130.  
 165. 184. 240. 241. 288. 327. 371. 401. 405.  
 415. 426. 432. 521. 563. 580. 586. 603. 604.  
 607. 610. 629.  
*Lugdunensi electo,* 462.  
*Archiepiscopis ac universo clero per Lugdunen-  
 sem Viennensem, &c. civitates & dioceses  
 constitutis,* 244.  
*Decanis & capellanis ecclesiæ & provinciæ Lug-  
 dunensis,* 159.  
*Luxoviensi archidiacono in Ecclesia Bisuntina,*  
 616.  
*M. S. Mariæ in Porticu diacono cardinali,* 147.  
 154. 162. 163. 173. 183. 184. 192. 263.  
*M. Ordinis fratrum Minorum capellano nostro,*  
 442.  
*Magistris & fratribus hospitalis S. Johannis &  
 domus militiæ templi,* 169. 291. 408. 468.  
 633.  
*Magalonensi episcopo,* 191. 256. 403. 459. 461.  
 584.  
*Ad superiores monasteriorum Magalonensis dio-  
 cesis,* 459.  
*Malatestæ,* 621.  
*Malatestæ civi Ariminensi,* 215. 627.  
*Majoris monasterii abbati & conventui,* 140.  
*Manfredo Veronensi electo,* 150. 609.  
*Manfredo quondam principi Tarentino,* 274.  
 275.  
*Manfredo Marchioni Malæ-spinae,* 575.  
*Mantuanopotestati consilio & communi,* 499.  
*Margaritæ reginæ Franciæ,* 213. 365.  
*B. Mariæ de Tabulis priori,* 298.  
*Generali ministro & fratribus ordinis Minorum,*  
 614.  
*Monello Marchioni Malæ-spinae,* 575.  
*De Monte-alto potestati,* 258.  
*Montis-majoris abbati Arelatensis diocesis,* 508.  
*Ad Montispeffulani consules & universitatem,*  
 265. 317. 455. 463. 612.  
*Ad Nantensem abbatem,* 473.  
*Narbonensi archiepiscopo,* 167. 287. 536. 559.  
*Navarræ regi,* 109. 125. 337.  
*Navarræ reginæ,* 109.  
*Nemausensibus civibus,* 461.  
*Nero Fornarii mercatori Florentino,* 152.  
*Nicolao capellano, &c.* 450.  
*Nobilibus Urbis,* 106.  
*Nicolao rectori ecclesiæ Volubricæ capellano no-  
 stro,* 591.  
*O S. Adriani diacono cardinali apostolicæ sedis  
 legato,* 166. 186. 190. 200. 211. 240. 247. 250.  
 301. 319. 328. 355. 413. 422. 466. 467. 511.  
 542. 611.  
*O S. Mariæ in via lata diacono cardinali,* 317.  
*O. Veronensi electo ducatus Spoleti & Marchiæ  
 Anconitanæ rectori,* 593.  
*Ottaviano,* 213.  
*Odoni Gualducii civi Pisano,* 442.  
*Olivario de Terminis,* 147.  
*Ortanensi potestati,* 258.  
*P. imperatori Græcorum,* 468.  
*P. Romani proconsuli Romanorum,* 527.  
*P. de Marerio,* 156.  
*Parisiensi episcopo,* 531.  
*Parisiensi decano,* 384.  
*Perusinis,* 609.  
*Petro illustris regis Aragoniæ primogenito,* 210.  
*Petro de S. Ægidio,* 110.  
*Petro Notario,* 123.  
*Petro priori S. Pastoris Cisterciensis ordinis.* 155.  
*Petro Raymbaldo de Carumbo,* 315.  
*P. Rambaldi & G. uxori ejus,* 591.  
*Philippo de Monte-forti,* 185.  
*Philippo de Ægris ordinis hospitalis Jerosolymi-  
 tani,* 633.  
*Ph. de Euglis Hospitalis Jerosolymitani, &  
 aliis ejusdem ordinis fratribus in regno Siciliæ  
 constitutis,* 532.  
*Potestati capitaneo & Ancianis prope Pisam,*  
 106. 457.  
*Portugalliæ episcopis,* 294.  
*Portugalliæ episcopis,* 294.  
*Magistro & fratribus ordinis Prædicatorum,* 141.  
 144.



144. 212. 446. 493. 502. 606. 614.  
*Ad definitores capituli generalis ordinis fratrum Prædicatorum*, 281. 282. 397. 474.  
*Priori provinciali fratrum Prædicatorum Provinciae*, 353.  
*Priori & lectori fratrum Prædicatorum in Monte pessulano*, 359.  
*Ad capitulum generale ordinis fratrum Prædicatorum*, 444.  
*Magistro ordinis fratrum Prædicatorum*, 493.  
*Ad fratres ordinis Prædicatorum*, 502.  
*Priori Prædicatorum Belvacensium*, 509.  
*Provisori pauperum magistrorum, & ipsis magistris in Theologiae facultate studentibus in Vico ad portas ante palatium de terminis Parisiensibus sub vita communi degentibus*, 583.  
*Psalmodiensi abbati*, 498.  
*Radicofanensi potestati consilio & communi*, 172.  
*Radulfo episcopo Albanensi cardinali*, 263. 298. 305. 368. 377. 388. 390. 395. 400. 414. 443. 445. 447. 451. 535. 536. 546. 562. 567. 571. 575. 577. 582. 583. 584. 589. 593. 594.  
*Raymundo dicto Acbran ordinis fratrum Minorum*, 395.  
*Raymundo Alfredi canonico Aniciensi*, 423.  
*Ravennensi archiepiscopo apostolicæ sedis legato*, 518. 567. 597.  
*Reatino episcopo*, 585.  
*Reatinensi potestati & communi*, 378. 626.  
*Remensi archiepiscopo*, 503.  
*Decanis & capellanis ecclesiæ & Provinciae Remensis*, 157.  
*Ricco Bonagnida mercatori Florentino*, 152.  
*Richardo S. Angeli diacono cardinali*, 130. 33. 143. 215. 419.  
*R. Sequini de Melgario*, 495.  
*R. Martini civi Montispessulani*, 558.  
*Fratri de Rocelene ordinis fratrum Minorum*, 609.  
*Rogero dicto Baccon*, 358.  
*Romanensis fraternitatis rectoribus*, 544.  
*Ruthenensi episcopo*, 376.  
*S. Toletano electo*, 430.  
*S. comiti Tusciæ Palatino*, 500.  
*S. Savini de Firmo abbati*, 627.  
*Senensi episcopo*, 513. 520.  
*Senonensi archiepiscopo*, 580. 587.  
*Sicardo Alemanni*, 142.  
*Silviniacensi Priori & conventui*, 453.  
*Simoni cardinali S. Cæcilie apostolicæ sedis legato*, 101. 102. 104. 105. 110. 111. 112. 113. 114. 115. 116. 118. 119. 120. 121. 122. 123. 125. 127. 128. 132. 138. 139. 149. 151. 152. 168. 177. 178. 189. 194. 196. 199. 201. 207. 213. 238. 243. 244. 245. 246. 248. 255. 258. 262. 269. 286. 289. 295. 297. 300. 304. 312. 322. 341. 343. 344. 352. 353. 355. 364. 366. 367. 375. 379. 381. 382. 383. 385. 386. 387. 389. 412. 415. 416. 419. 420. 421. 424. 434. 452. 462. 472. 504. 522. 526. 539. 557. 562. 621.  
*Simoni Tituli S. Martini presbytero cardinali Marchiæ Anconitanæ ducatus Spoletini rectori apostolicæ sedis legato*, 134. 136. 143. 145. 160. 162. 182. 216. 253. 285. 286. 293. 309. 311. 316. 326. 345. 361. 365. 374. 416. 434. 473.  
*Universis ecclesiæ Romanæ fidelibus per ducatum Spoletanum & Anconitanam Marchiam constitutis*, 467.  
*Stampensi archidiacono in ecclesia Senonensi*, 112.  
*Surrentino archiepiscopo*, 630.  
*Taddæo comiti Feltrensi Potestati Ariminensi*, 216. 627.  
*Archiepiscopis ac universo clero per Tarentinensem, &c. civitates & dioceses constitutis*, 244.  
*Suffraganeis & capitulo ecclesiæ Terraconensis*, 605.  
*Præposito, archidiacono, & aliis ecclesiæ Terraconensis canonicis universis*, 605. 607.  
*Theobaldo regi Navarræ campaniæ & Briæ comiti*, 208. 360. 490. 581. 622. 631.  
*Fratri Thomæ de Aquino ordinis fratrum Prædicatorum*, 505.  
*Archiepiscopis & universo clero per Tornensem, &c. civitates & dioceses constitutis*, 244.  
*Trecensis ecclesiæ S. Stephani decano*, 616.  
*Trevirensi archiepiscopo*, 549.  
*Tuscanensi potestati*, 258.  
*Universis Christi fidelibus in Tusciæ partibus, Romano subjectis imperio, constitutis*, 588.  
*Tyrensi archiepiscopo*, 126. 127. 261. 313.  
*Ucetienensi episcopo*, 474.  
*Ucetienensi præposito & capitulo*, 329.  
*Vercellenensi episcopo*, 538.  
*Veronensi electo vel ejus locum tenentibus*, 622. 629.  
*Vetrallensi Potestati*, 258.  
*Vicentino episcopo*, 358.  
*S. Urbani collegiata Trecensis fundatio*, 204.  
*Urbe-vetano episcopo*, 394.  
*Urbis vicario*, 107. 321. 510. 512.  
*Urbinate potestati capitaneo & communi*, 163.  
*Wintoniensi episcopo*, 578.  
*Ysnardo Ugolino militi vicario illustris regis Siciliæ in civitate Florentina*, 602. 613. 620.

## EPISTOLARUM INNOCENTII VI.

- A** Demaro comiti Valentino, 872.  
*Adriensis civitatis universitati*, 885.  
*Ægido episcopo Sabinensi*, 886. 897. 901. 909. 921. 932. 934. 952. 971. 973. 994. 1068. 1069. 1070. 1072.  
*Thesauri Anecd. Tom. II.*  
*S. Agathæ comiti*, 886.  
*Alatrinensis civitatis concilio & communi*, 930.  
*Alenconii comiti*, 856.  
*Alexandro Brancatio regni Siciliæ marescallo*, 886.

- Amedeo comiti Gebennensi*, 856.  
*Amedeo comiti Sabaudie*, 750. 864. 873.  
*Americo electo Wulterano*, 1028.  
*Andree episcopo Ariminensi apostolice sedis nuntio*, 844. 876.  
*Androino abbati Cluniacensi*, 894. 896. 940.  
*Postea cardinali*, 1063. 1068.  
*Andryno de Aera Thesaurario comitatus Venayssini*, 1010.  
*Angelo Tavernini civi Viterbiensi*, 843. 889.  
*Aniciensi episcopo*, 857.  
*Antonio comiti Casertano*, 886.  
*Antonio comiti Catauzerii*, 886.  
*Antonio de S. Severino*, 886.  
*Aquila civitatis universitati*, 885.  
*Archiepiscopis episcopis*, &c. 890.  
*Arelateni Januensi & Pisano archiepiscopis*, 905. 907.  
*Aretino consilio & communi*, 1022.  
*Arnaldo de Borruvea*, 878. 879.  
*Arnesto episcopo Pragensi*, 980. 981. 986.  
*Johanni de Artesia*, 856.  
*Astoricensis ecclesie capitulo*, 964.  
*Aversane civitatis universitati*, 885.  
*Augerio de Offerano abbati seculari S. Marcelli Legionensis*, 963.  
*Augi comiti*, 856.  
*Autissiodorensi comiti*, 856.  
*Baroli Universitati*, 885.  
*Bellimontis domino*, 856.  
*Bernabovi de vicecomitibus militi Mediolanensi*, 907. 926.  
*Bernardo de Capraria militi*, 851. 875.  
*Bernardo Rasacacii & Neapoleoni de Postorolis*, 1049.  
*Bernardo de Seulenborgh canonico Magdeburgensi*, 1058.  
*Bertrando archiepiscopo Neapolitano*, 915. 952. 957.  
*Bertrando episcopo Lubicensi*, 1054.  
*Bertrando episcopo Convenarum*, 1009.  
*Bertrando abbati de Toroneto & Gerardo Mercaderii*, 1007. 1051.  
*Bertrando de Casthaneyo*, 1040.  
*Blaghiaci comiti*, 856.  
*Bononiensis civitatis, Ancianis! & consulibus*, 933. 1024.  
*Brandeburgensi Marchioni*, 974.  
*Britannie duci & ducisse*, 865.  
*Brundisine civitatis universitati*, 885.  
*Burchardo comiti Magdeburgensi*, 982.  
*Domino de Camera vice comiti Maurianensi*, 856.  
*Cantuariensi archiepiscopo & ejus suffraganeis*, 965.  
*Cantuariensi archiepiscopo, episcopo Oxoniensi & abbati Cluniacensi*, 1016.  
*Capuana civitatis universitati*, 885.  
*Carnotensi capitulo*, 1049.  
*Carolo imperatori Romanorum*, 859. 983. 986. 989. 1000. 1003. 1012.  
*Carolo duci Britannie*, 895. 1009.  
*Carolo duci Normannie*, 854.  
*Cenno Benevenuto de Vignano*, 1008.  
*Cluniacensi abbati*, 1016.  
*Clusino episcopo & Johanni de Lamanhaina canonico Agennensi*, 1001.  
*Comiti de Crao*, 856.  
*Conrado de Heygenstad canonico Friginsensi*, 864.  
*Corrado de Aqua-viva comiti S. Valentini*, 886.  
*Cusentina civitatis universitati*, 885.  
*Deodato episcopo Agennensi*, 1056.  
*Dominico de Campo Casseo canonico Januensi*, 845. 888.  
*Dominico de Lestar*, 1040.  
*Eboracensi archiepiscopo & ejus suffraganeis*, 969.  
*Ad cives Ebredunenses*, 852.  
*Eduardo regi Anglorum*, 893. 1026. 1036. 1059. 1064. 1065.  
*Eduardo principi Wallie*, 1038. 1060. 1065. 1066.  
*Eduardi regis Anglie commissariis*, 896.  
*Elie abbati S. Salvatoris de Blavia, & Petro Brunelli*, 1016. 1039.  
*Elionora regine Aragonum*, 850. 868. 875.  
*Engelberto episcopo Leodiensi*, 944.  
*S. Eutropii Priori*, 882.  
*Falconi Perrieri preposito ecclesie Valentinen-sis apostolice sedis nuncio*, 1043.  
*Ferdinando episcopo Astoricensi*, 962.  
*Ferdinando de Eredia Castellano Emposte*, 954.  
*Fernando Petri regis Portugallie primogenito*, 1030.  
*Fernando Gondisalvi Cogominho militi, regis Por-tugallie consiliario*, 1030.  
*Florentinis*, 877. 1023.  
*Fogie universitati*, 885.  
*Francisco de Baucio duci Andrie*, 886.  
*Francisco de Carraria*, 1036.  
*Gaillardo de Balasaco in ecclesia Lodoveni sub-colleктору*, 1043.  
*Galeacio de Vice.comitibus militi Mediolanensi*, 926.  
*Galeoto de Malatestis*, 1025.  
*Gastoni comiti Fuxensi*, 856.  
*Geraldo archiepiscopo Beneventano*, 916. 958. 960. 961.  
*Gerardo Mercaderii*, 1007. 1051.  
*Gherlato de Honvels cantori, & Johanni de Maboch canonico ecclesie Magdeburgensi*, 1057.  
*Gilberto episcopo Carleolensi*, 1060.  
*Godefrido comiti Squillatii*, 886. 952. 957.  
*Gomesio militi civitatis Bononiensis rectori*, 1029.  
*Guidoni episcopo Portuensi*, 890. 964. 998.  
*Guidoni de Brien militi*, 1061.  
*Guillelmo episcopo Vintoniensi*, 1060.  
*Guillelmo abbati S. Germani Autissiodorensis*, 1021.  
*Guillelmo abbati Salmuriensi*, 1010.  
*Guillelmo abbati S. Sophie Beneventane*, 1044. 1047.  
*Guillelmo decano Vissgrandensi*, 861. 982. 986.  
*Guillelmo Gilberti canonico Narbonensi*, 1016. 1043.  
*Guillelmo Tardini decano ecclesie Aniciensis*, 1043.  
*Guillelmo comiti de Alperch*, 886.

- Guillelmo Palasimi Baccalario in decretis canonico Insule Jordani*, 1043.  
*Guillelmo de Verzerio domino de Mirabello Delphinatus gubernatori*, 849.  
*Henrico comiti Montis-Beliardi*, 859.  
*Hermannno de Werberghe, & Bernardo de Seulenborgh canonicis Magdeburgensibus*, 1058.  
*Honorato comiti Fundorum*, 931.  
*Hugoni de Liffignano, senatori Urbis*, 929.  
*Hugoni de Vienna domino S. Crucis*, 856.  
*Jacobo de Sabaudia militi*, 856.  
*Ad Jacobum Barravi*, 878. 879. 990.  
*Jacobo de Priolis & Mariæ filia Nicolai Fuscari de Venetiis*, 1041.  
*Januensi archiepiscopo*, 905. 907.  
*Ildebrandino Marchioni Estensi*, 922.  
*Ilerdensi episcopo*, 1027.  
*Imperatori Romanorum*, 946. 975. 976.  
*Domino de Intermontibus*, 856.  
*Johannæ reginæ Jerusalem & Sicilia*, 1058.  
*Johannæ ducissæ Britannia*, 1010.  
*Johannæ comitissæ Duratii*, 912.  
*Johanni archiepiscopo Eboracensi*, 1060.  
*Johanni episcopo Argentino, & Guillelmo decano Vissegradensi*, 861. 982. 986.  
*Johanni episcopo Gurcensi*, 857. 980.  
*Johanni episcopo Lincolnensi*, 1060.  
*Johanni episcopo Luthomuslensi*, 982. 986.  
*Johanni episcopo Olomucensi*, 982. 986.  
*Johanni episcopo Vercellensi*, 892. 919. 934.  
*Johanni electo Herfordiensi*, 1061.  
*Johanni Mucii electo Theanensi*, 1048.  
*Johanni electo Urbevetano*, 1031. 1033. 1045. 1046.  
*Johanni Garrigæ præposito ecclesiæ Barchinonensis*, 1043.  
*Johanni de Cavanhaco decano ecclesiæ Compostellane*, 1041.  
*Johanni de Bouquinghan decano ecclesiæ Lichefeldensi*, 1061.  
*Johanni Bruni archidiacono Venetensi*, 1050.  
*Johanni de Lamanhaina canonico Agennensi*, 1001.  
*Johanni de Marborch canonico Ecclesiæ Magdeburgensis*, 1057.  
*Johanni Raymundi canonico S. Petri Puellarum*, 882.  
*Johanni regi Francorum*, 851. 893. 910. 942. 1062.  
*Johannis regis Franciæ commissariis*, 895.  
*Johanni Buccanigro duci Januensi*, 858.  
*Johanni Delfino duci, consilio & communi Venetiarum*, 953. 955. 1018.  
*Johanni comiti Montis-fortis*, 895.  
*Johanni marchioni Moravia*, 979.  
*Johanni marchioni Montis-ferrati*, 999. 1019. 1021. 1034.  
*Johanni comiti Armaniati*, 855.  
*Johanni filio Johannis comitis Armaniati*, 856.  
*Johanni comiti Richemondia nato Eduardi regis Angliæ*, 1060.  
*Johanni de Aredia Castellano Emposta*, 847. 995.  
*Johanni de Comite*, 931.  
*Johanni de Ria domino de Blancon*, 881.  
*Johanni Raymundi*, 969.  
*Johanni Scakaik*, 882.  
*Johannoto Extamardo regni Siciliae marescallo*, 886.  
*Jordano de filiis Ursi, &c.* 889.  
*Laureti comiti*, 886.  
*Legionensis ecclesiæ capitulo*, 965.  
*Ludovico electo Valentiniensi*, 846. 873.  
*Ludovico imperatori Bulgaria*, 885.  
*Ludovico regi Hungariæ*, 993. 978.  
*Ludovico regi Sicilia*, 913. 923.  
*Ludovico regi & Johanne reginæ Sicilia*, 924. 949. 956. 992.  
*Ludovico comiti Flandrensi*, 856.  
*Ludovico de Duracio*, 885. 913. 917.  
*Lugdunensi archiepiscopo*, 874.  
*Magdeburgensi capitulo*, 1001.  
*Malatestæ de Malatestis*, 1023.  
*Manfredonia universitati*, 885.  
*Mariæ imperatrici Constantinopolitana*, 846.  
*Mariæ filia ducis Calabria*, 951.  
*Mariæ filia Nicolai Fuscari de Venetiis*, 1041.  
*Massiliensibus*, 866.  
*Matthæo de Cclano*, 932.  
*Matthiæ de Giosvaldo senescallo Provincia*, 933. 1034. 1045.  
*Monopolitana civitatis universitati*, 885.  
*Montispeffulana universitatis consulibus gubernatori & rectori*, 890.  
*Montis Odorisi comiti*, 886.  
*Morello de Fiemnensi marescallo Franciæ*, 856.  
*Morinensi episcopo*, 943.  
*Neapoleoni de filiis Ursi comitis Manupelli*, 886. 957.  
*Neapoleoni de Posterolis*, 1049.  
*Neapolitanis*, 883.  
*Nicolao de Aczarolis comiti Melfiensi*, 871. 886. 916. 923. 952. 957. 1035.  
*Nicolao de filiis Ursi comiti Nolano*, 957.  
*Nicolao comiti Nolano*, 886.  
*Norvegiæ regi*, 1055.  
*Oxonienſi episcopo*, 1016.  
*Patriarchis archiepiscopis, &c.* 845. 876. 883. 890. 911. 920. 926. 927. 928. 989. 1033.  
*S. Pauli comiti*, 856.  
*Perdiaci comiti*, 1057.  
*Perusii regimini consilio & communi*, 1022.  
*Petro episcopo Petraboricensi*, 1016.  
*Petro Gervasi canonico Aniciensi apostolicæ sedis nuncio*, 1043.  
*Petro de Cuyfiaco canonico S. Justi Lugdunensis*, 1042.  
*Petro Sicardi canonico Narbonensi*, 869.  
*Petro Eraudi priori S. Eutropii, Jacobo Barravi & Arnaldo de Boruvea*, 878. 879. 990.  
*Petro regi Aragonum*, 867. 875. 948. 992.  
*Petro regi Castellæ & Legionis*, 962. 997. 998.  
*Petro regi Portugallia*, 1029. 1030.  
*Petro Brunelli*, 1039.  
*Petro Brunelli & Bertrando de Castaneyo*, 1040.  
*Petro Domaudi*, 1014.  
*Philippo episcopo Florentino*, 891.


*Philippo duci Burgundiae*, 848. 880.  
*Philippo duci Turonensi*, 855.  
*Philippo de Tarento & Mariae filiae ducis Calabriae*, 951. 957. 885.  
*Philippo de Sanginato comiti Alti-montis*, 886.  
*Pennensis civitatis universitati*, 885.  
*Pisano archiepiscopo*, 905. 907.  
*Pisano consilio & communi*, 1022.  
*Capitulo generali fratrum Praedicatorum*, 936.  
*Raymundo comiti Soleti*, 886.  
*Raymundo de Baucio comiti Spoleti magno Siciliae camerario*, 957.  
*Ravennati Archiepiscopo*, 921.  
*Septem reformatoribus, consilio, populoque Romano*, 847. 928.  
*Reginaldo episcopo Aduensi*, 937.  
*Ricardo comiti Arondelliae*, 1061.  
*Ricardo Mussato*, 882.  
*Roberto imperatori Constantinopolitano*, 885. 950. 957.  
*Roberto domino de Fiennes*, 867. 911.  
*Rodulpho duci Austriae*, 862. 911. 944. 947. 984. 1013.  
*Radulfo duci Saxoniae*, 982.  
*Rogério comiti Celani*, 886.  
*Rogério de Pinibus*, 945.  
*Rogério de S. Severino*, 886.  
*Salernitano archiepiscopo*, 960.  
*Salernitanæ civitatis universitati*, 885.  
*Comiti de Sanserra*, 856.  
*Senensi consilio & communi*, 1022.  
*Regi & reginae Siciliae*, 870.  
*Simoni archiepiscopo Cantuariensi*, 1060.  
*Simoni Buccanigro duci Januensi*, 891. 909. 912. 1000. 1006. 1020.  
*Comiti Stamparam*, 856.  
*Stephano priori S. Leonardi & Johanni Raymundi*, 969.  
*Suecia regi*, 1056.  
*Sulmonensis civitatis, universitati* 885.  
*Tancarville comiti*, 856.  
*Tarentinæ civitatis universitati*, 885.  
*Theodorico aichiepiscopo Magdeburgensi*, 1004.  
*Theoderico episcopo Mindensi*, 982. 986.  
*Thornesio rectori civitatis Bononiensis*, 1023.  
*Thomæ episcopo Dunebriensi*, 1060.  
*Thomæ comiti Warvyci*, 1061.  
*Thomasio comiti Cereti*, 886.  
*Thomasio & Hugoni de S. Severino fratribus*, 886.  
*Thomasio Jacobo & Francisco de S. Severino fratribus*, 886.  
*Tirnetanæ civitatis universitati*, 885.  
*Tranensis civitatis universitati*, 885.  
*Trojanæ civitatis universitati*, 885.  
*Verulanensi civitati*, 930.  
*Comiti de Ventador*, 856.  
*Vicentino episcopo*, 1028.  
*Viennensi archiepiscopo*, 874.  
*Vivariensi episcopo*, 874.  
*Universis Christi fidelibus*, 906. 938. 1010.  
*Urgellensi episcopo*, 1028.  
*Walterio militi, Johanni Scakaik, & Ricardo Mussato*, 882.  
*Wastmonasterii abbati*, 1061.  
*Wilhelmo electo Roffensi*, 1061.  
*Wilhelmo episcopo Vintoniensi*, 1065.  
*Vilhelmo Horborch. bacalario in decretis*, 1055.  
*VVoldemaro regi Dacie*, 1055.





# URBANI PAPÆ IV. EPISTOLÆ LXI.

*Omnes fere ex manuscripto illustrissimi episcopi Montispeffulani.*



## EPISTOLA PRIMA ad Archiepiscopos Hispaniæ.

*Mandat ut regis & Reginæ Navarræ exsequias in omnibus ecclesiis faciant celebrari, cum eos à sæculo migrare contigerit.*

Anno 1261.  
Ex cartario  
Campaniæ.



URBANUS episcopus servus servorum Dei venerabilibus fratribus archiepiscopis per regnum Hispaniæ constitutis S. & A. B.

Quia præsentis vitæ brevitæ statum habet instabilem, proinde pensat agiturque salubriter qui

studiis piæ vitæ præveniens diem mortis, tam honorum operum, quàm devotarum orationum sibi suffragia præparat, ut cum fuerit de hujus valle miseriæ revocatus ad patriam, apud æterni clementiam judicis misericordiam consequatur. Repletis itaque Spiritu timoris Domini carissimo in Christo filio nostro rege Navarræ illustri comite Campaniæ & Briæ, ac carissima in Christo filia nostra illustri regina uxore sua cupientibus fidelium orationibus adjuvari. Nos eorum supplicationibus inclinati, universitatem vestram rogamus & hortamur attente, per apostolica vobis scripta mandantes, quatinus cum ad notitiam vestram pervenerit, quod ipsos Altissimus de terrenæ servitutis ergastulo traxerit, pro ipsis exequias celebretis, & faciatis in omnibus ecclesiis ac monasteriis & aliis piis locis civitatum, diocesum & provinciarum vestrarum

*Thesauri Anecd. Tom. II.*

A tam ab episcopis quàm aliis prælati & clericis religiosi & sæcularibus earundem solemniter celebrari. Ita quod cedat eisdem regi & reginæ ad æternæ beatitudinis præmium, & augeatur exinde meritorum vestrorum cumulus apud Deum. Datum Viterbii vi. nonas Decembris, Pontificatus nostri anno 1.

## EPISTOLA II.

B Ad Theobaldum regem Navarræ, comitem Campaniæ & Briæ.

*Commendat ei Feliciū abbatem Cellæ Trecensis consanguineum suum.*

URBANUS episcopus servus servorum Dei Anno 1262.  
carissimo in Christo filio regi Navarræ Ex cartario  
illustri, salutem & apostolicam benedictionem. Campaniæ.

Circa curam quarumlibet ecclesiarum studio paternæ sollicitudinis intendentes, loca religiosa potissimum intenta mente prospicimus, & speciali affectione fovemus, ut eo potius in prospero salubri statu persistant, quo gratior in illis impenditur virtutum Domino famulatus. Sanè dilectus filius noster WILLELMUS quondam monasterii S. Petri de Cella Trecensi Ordinis sancti Benedicti abbas ad apostolicam sedem

A



accedens, & intendens ejusdem monasterii regi-  
mini cedere, nobis humiliter supplicavit; ut ces-  
sionem ejus recipere curaremus. Nos autem ad  
magnam ipsius instantiam, hujusmodi ab eo ces-  
sione recepta, nolentes quòd monasterium ipsum  
remaneat diutius pastoris solatio destitutum; di-  
lectis filiis de Nigella-Gileberti & de Villa-  
Mauri prioribus, Simoni præposito & Johanni  
præfati monasterii monachis apud sedem aposto-  
licam constitutis viva voce præcepimus, ut cum  
consilio dilectorum filiorum Cluniacensis, Præ-  
monstratensis, & Virziliacensis abbatum, ac ma-  
gistri Theobaldi dicti Faltrarii capellani nostri  
constitutorum apud sedem eamdem, pro eo  
quod ipsi plenioram notitiam de personis par-  
tium illarum habebant, de aliqua persona ido-  
nea cogitarent, per quam possit idem monaste-  
rium salubriter gubernari, & illam nobis nomi-  
nare curarent. Itidem quoque convenientes in  
unum simul, diligenti deliberatione ac tractatu  
præhabitis, dilectum filium FELICIUM tunc  
monasterii S. Vincentii Ordinis S. Benedicti  
Laudunensis diocesis monachum, nobis tam-  
quam idoneum ad regimen monasterii nomi-  
narunt, ac supplicarunt instanter, ut ipsum ei-  
dem monasterio S. Petri in abbatem præficere  
curaremus. Nos autem licet ad id carnalitatis  
allici videremur affectu, cum idem FELICIUS  
nobis consanguinitatis linea sit conjunctus, ipso-  
rum petitioni non promte duxerimus annuen-  
dum: eorum tamen attendentes instantiam, ac  
nolentes quod idem monasterium S. Petri va-  
cationis prætextu pateretur in spiritualibus &  
temporalibus detrimentum: sperantes quoque  
quod per ipsius F. circumspeditionis industriam  
salubria in utrisque suscipiat idem monasterium,  
auctore Domino, incrementa; prædictum FELI-  
CIUM ipsi monasterio de apostolicæ plenitudi-  
ne potestatis præfecimus in abbatem. Ideoque  
regiam serenitatem rogamus & hortamur at-  
tente, quatenus ob reverentiam apostolicæ se-  
dis & nostrarum precum obtentu eundem ab-  
batem & dictum monasterium S. Petri cum  
membris, hominibus, & rebus eorum habeas  
favorabiliter commendata, nec permittas à bal-  
livis sive præpositis tuis seu quibuscumque personis  
aliis tibi subditis indebite molestari: ita quod  
exinde gratiarum actiones à nobis, & à Domino  
perenne præmium consequi merearis. Datum  
Viterbii nonis Maii, Pontificatus nostri anno 1.

## EPISTOLA III.

Ad abbatissam conventum B. Mariæ ad mo-  
niales Trecenses.

*Exemplo Gregorii Magni & Gregorii IX. sum-  
morum pontificum ecclesiam in domo paterna  
ædificari desiderans; eandem domum quæ ad  
moniales B. Mariæ jamdudum pertinebat, sibi  
vendi postulat.*

Anno 1162.  
Ex archivio  
S. Urbani  
Trecensis.

URBANUS episcopus servus servorum Dei  
dilectis in Christo filiabus abbatissæ, &  
conventui monasterii B. Mariæ ad moniales  
Trecenses ordinis S. Benedicti, salutem &

A apostolicam benedictionem.

Redemptor & Salvator humani generis Do-  
minus noster JESUS-CHRISTUS, B. Petrum  
apostolorum principem in ipsâ primâ ejus assum-  
ptione, sicut in evangelio legitur, mutato Simonis  
nomine, Cephas, quod interpretatur Petrus,  
voluit appellari, unde & Romani Pontifices  
ipsius principis successores, cum assumuntur ad  
regimen generalis Ecclesiæ, novi nominis titu-  
lum sortiuntur; Jacob etiam pater Israëliti  
populi, videns Dominum facie ad faciem, ab  
eo suscipere meruit nomen novum, eodem Do-  
mino sibi dicente, *Nequaquam Jacob, sed Israël  
appellabitur nomen tuum.* Egregius quoque ille  
doctor gentium & vas electionis ad ministe-  
rium apostolatûs assumptus, Pauli nomen ob-  
tinuit, qui Saulus antea dicebatur. Nos igitur  
quos idem Dominus suâ virtute, quâ sibi est  
facile honestare subito pauperem ex omni car-  
ne, & ab omni vivente ad offerendum ei sacri-  
ficiu & judicandum gentem suam in justitia,  
& ut essemus Caput fidelium prælegit, & qui  
nomen beati Urbani papæ ac martyris in die  
quo summi sacerdotii conscendimus cathedram,  
ex cælesti fuimus nominatione seu vocatione  
fortiti, cupientes ut hujusmodi memoria nomi-  
nis etiam post nostri dissolutionem corporis  
perpetua remaneat in civitate Trecensi, cui,  
pro eo quod nos ex ipsa originem traximus,  
non immerito dici posset, *Et tu Trecensis civitas  
nequaquam minima es inter famosas Galilæ civita-  
tes: Ex te enim exiit Dux qui Christianum regit  
populum & gubernat*, disposuimus illo auctore,  
qui sicut in Ecclesiastico legitur, *Exaltavit  
super terram habitationem nostram*, ad hoc ut  
locus nostræ originis ex dono superiori vobis  
clementer indulto fiat celebris, & reddatur  
insignis in domo nostrâ paternâ, quæ nobis &  
nostræ nativitatis die, quo peregrinationis sæcu-  
li hujus iter assumimus, præparavit hospitium:  
Creatori nostro domum orationis erigere, il-  
lamque in honorem prædicti martyris cultui  
divini nominis deputare, ut in eâ pro tanto be-  
neficio reddantur Deo actiones perpetuæ gra-  
tiarum, & fiat domus hæc super quam ejusque  
habitatores effundere dignetur Dominus *Spiri-  
tum gratiæ atque precum, domus Dei, & porta  
cæli*, per quam digne valeant in conspectu Altis-  
simi vota & orationes fidelium introduci, ita  
quod & nos etiam ei quem cælum & cæli cœ-  
lorum capere non possunt humiliter cum David  
dicere valeamus, *Quis ego sum, Domine, & quæ  
domus mea*, quia me huc usque adducere voluistis  
possimus etiam ad ipsum cum eodem prophetâ  
orare dicentes: *Benedic, Domine, domum servi  
tui, ut sit in sempiternum coram te, Domine, stabi-  
lita.* Et cum Salomone devote supplicemus ei-  
dem, *ut sint oculi ejus aperti super domum hanc  
die ac nocte, ac exaudiat in ea deprecationes ser-  
vorum suorum & populi sui Israel: & quicumque  
oraverit in loco isto habitaculi sui, exaudiat in  
cælis, & cum exauditus fuerit, cælestis propitiatio-  
nis præmia consequatur.* Porro, dilectæ in Do-  
mino filiæ, ad ædificandum hujusmodi domum  
nomini Domini Dei Israël, non solum ferven-

tis devotionis affectus, quo noster continuè accenditur animus, ad obsequia prædicti martyris, cui tam in nomine quàm in apostolicâ dignitate successimus, verùm etiam & non nullorum patrum exempla sanctorum, qui sub diversitate temporum Ecclesiæ Romanæ, cui nos licet immeriti præsumus, regimini præfuerunt, quâdam delectabilis odoris fragrantia nos suaviter attrahunt, cum & sanctissimæ memoriæ B. Gregorius Papa in propriis laribus, qui sibi ex hereditariâ parentum successione proveniant, in urbe Romana, de quâ ex illustri prosapia ortus extitit, nobilem ecclesiam ædificaret Altissimo, quæ vocabulo sui nominis insignita ejusdem sancti memoriam reddit Christi fidelibus celebrem & solemnem; & felicis recordationis Gregorius papa IX. prædecessor noster, in patrimoniali solo quod habebat in Anagninensis territorio civitatis, venerabile monasterium Florentis Ordinis, & infra septa ipsius monasterii ecclesiam in honorem B. Mariæ Virginis fundaverit & dotaverit affluenter, statuens in eodem monasterio conventum honorabilem monachorum quærentium Dominum & requirentium faciem Dei nostri, qui pro salute fidelis populi, & remedio animæ prædecessoris ejusdem maculant jugiter in conspectu Regis æterni *vitulum laborum*. Verum quia tam diu est quod prædictam domum nostram paternam monasterio vestro pro remedio animarum parentum nostrorum donationis titulo duximus concedendam: nos volentes retrahere illam pro hujusmodi tam pio tamque devoto opere, quod ædificare cogitavimus Deo salutari nostro, de cujus manu recognoscimus quidquid *vivimus, dominamur, & sumus*, universitatem vestram cum magnâ fiduciâ rogandam duximus attentius & hortandam, per apostolica scripta vobis mandantes, quatenus prædictam domum cum omnibus juribus & pertinentiis suis, & si quas alias domos seu plateas juxta illam habeatis, dilectis filiis magistro Joanni Garfie Capellano nostro, & Theobaldo de Acenai civi Trecensi, quos nostros ad hoc procuratores duximus statuendos, aut eorum alteri nostro nomine vendere pro competenti pretio, in alias possessiones ad opus dicti monasterii convertendo, sublatâ quâlibet aliâ difficultate, curetis: nos enim ad hoc ut hujusmodi preces & mandatum nostrum efficacius exequi valeatis, vendendi tam prædictam domum nostram paternam, quam etiam alias domos & plateas, si quas habetis adjacentes eidem, & convertendi earum pretium in possessiones ad opus ipsius monasterii, prout superius est expressum, non obstantibus quibuscumque contrariis consuetudinibus & statutis, juramento vel quâcumque firmitate aliâ roboratis, nec non & juramento, si quod, tu filia abbatissa, de non alienandis bonis ipsius monasterii præstitisti, plenam & liberam vobis concedimus auctoritate præsentium facultatem. Datum Viterbii decimo tertio Calendas Junii, Pontificatus nostri anno primo.

## EPISTOLA IV.

Ad archiepiscopum Magdeburgensem & Coloniensem electum.

*Mandat ut centesimam reddituum ecclesiasticorum in terræ sanctæ subsidium concessam colligi faciant in Alemannia.*

URBANUS episcopus servus servorum Dei venerabilis fratri archiepiscopo Magdeburgensi & dilecto filio electo Coloniensi salutem & apostolicam benedictionem.

Anno 1269

Clamat instanter ad nos pro festino succursu terra sancta, Christi aspersa sanguine. Clamat, inquam, in angustiis vehementibus posita, tribulationibus afflicta continuis, durisque attrita flagellis, & secundum dolorum suorum multitudinem amariùs voces suæ lamentationis replicat & exaltat. Nos autem miserales ipsius terræ voces patulis suscipientes auribus, & dolendum illius statum amara consuetudine pensantes, pio corde tantis ejus miseriis condolemus, tantoque vehementius ad ejus auxilium inardescimus, quantò vires hostium conspiciamus fortius invalescere contra eam. Volentes igitur eidem terræ de oportuno subsidio providere, hoc tempore, quo succursus est ei magis necessarius, propter gentis Tartaricæ feritatem, quæ vexat ipsam multipliciter & molestat, centesimam omnium ecclesiasticorum proventuum regni Alemanniæ usque ad triennium, eidem terræ pro ejus succursu, de fratrum nostrorum consilio, duximus concedendam. Ideoque fraternitati vestræ per apostolica scripta in virtute obedientiæ districtè præcipiendo mandamus, quatenus vos vel alter vestrum hujusmodi centesimam annuatim usque ad prædictum triennium per vos vel per alium, seu alios integrè colligentes, quicquid collectum fuerit deponatis sub fide dignarum personarum testimonio in aliquo tuto loco, rescripturi nobis quid & quantum, & à quibus de prædicta centesima colligi contigerit, & ubi illud duxeritis deponendum: contradictores autem, si qui fuerint, vel rebelles, monitione præmissa, per censuram ecclesiasticam appellatione postposita, compescendo: nonobstante, si prælatis, personis, capitulis, collegiis, conventibus, & locis aliquibus exemptis & non exemptis à sede apostolica sit indultum, quòd ad exhibendum alicui subsidium pecuniarum minimè teneantur, quodque ad id compelli, aut quòd interdici, suspendi, vel excommunicari non possint per litteras apostolicas plenam & expressam non facientes de indulto hujusmodi mentionem, & qualibet alia præfata sedis indulgentia, per quam præsentibus non expressam, aut de verbo ad verbum non insertam, tam pium subsidium impediri valeat vel differri, & constitutione de duabus dietis edita in concilio generali. Datum Viterbii nonis Julii, Pontificatus nostri anno 1.

## EPISTOLA V.

Ad archiepiscopum Tyrensem.

*Designatam terræ sanctæ negotio centesimam reddituum ecclesiasticorum in regno Franciæ colligere mandat.*

Anno 1263

**U**RBANUS episcopus servus servorum Dei venerabili fratri archiepiscopo Tyrensi salutem & apostolicam benedictionem.

Clamante instantè ad nos pro festino succursu terra sancta Christi respersa sanguine, ipsaque cum sit in angustiis vehementibus posita, tribulationibus afflicta, continuis & diris attrita flagellis, secundum dolorum suorum multitudinem suas lamentationes amarius replicante, nos miserabiles ipsius terræ voces patulis suscipientes auribus, ac dolendum illius statum amara consideratione pensantes, & volentes eidem de opportuno subsidio providere, centesimam omnium ecclesiasticorum proventuum regni Franciæ ac civitatis & totius diocesis Cameracensis usque ad quinquennium eidem terræ, pro ejus succursu, de fratrum nostrorum consilio duximus concedendum: venerabili fratri nostro... archiepiscopo Rothomagensi, & dilecto filio magistro Odoni de Lorriaco canonico Bajocensi per nostras sub certa forma litteras injungentes, ut hujusmodi centesimam annuatim, usque ad prædictum quinquennium, per se vel per alium seu alios integrè colligentes; quicquid colligeretur tibi, & dilecto filio nobili viro JOHANNI VALENCENIS domino Cayphe assignare sine qualibet diminutione curarent, in ipsius terræ subsidium, cum consilio carissimi in Christo filii nostri... illustris regis Francorum per eos fideliter convertendum: rescripturi nobis quid, & quantum, & à quibus, de prædicta centesima colligi, & quantum etiam tibi & ipsi nobili contingeret assignari. Sed idem archiepiscopus aures suas ad hujusmodi ipsius terræ clamores obturans, claudensque penitus, quod eum non decuit, compassionis viscera circa illam ad cujus profectus, saltem ob illius reverentiam, qui eam sui asperione sanguinis rubricavit, ferventer intendere debuisset, mandatum super hoc apostolicum exequi pro sua voluntate contempsit: propter quod, & quia etiam quidam prælati dicti regni hujusmodi intellecto negotio, ad sedem propter hoc apostolicam appellarunt, aliquod eidem terræ commodum ex hujusmodi gratia non provenit. Nos igitur qui ejusdem terræ angustias & pressuras oculata fide cognovimus, & propriis quasi palpavimus manibus, cupientes christianitatis reliquiis quæ remanserunt ibidem, & ipsi etiam terræ de opportuno subsidio, hoc præsertim tempore, quo ex persecutione Tartarica magnum eis periculum imminet, apostolica sollicitudine subvenire: quia nolumus quod eidem terræ omissa in hoc ab ipso archiepiscopo diligentia sit damnosa, te cujus sollicitudinem & vigilantiam pro ipsius terræ negotio experimento cognovimus, ad colligendam hujusmodi centesimam duximus deputandum. Cum itaque prædictorum nuntiis prælatorum

A in nostra præsentia constitutis per nos fuerit, præhabita fratrum nostrorum deliberatione, responsum, quod non obstante appellatione hujusmodi, quam frivolum reputavimus, in eodem procedi negotio juxta formam prædictis archiepiscopo & canonico super hoc traditam faceremus: fraternitati tuæ per apostolica scripta districtè præcipiendo mandamus, quatenus ad prædictum regnum te personaliter, conferens, prædictam centesimam in regno civitate & diocesi supradictis per te, vel per alium, seu alios efficaciter colligere studeas, juxta prædictarum directarum super hoc eidem archiepiscopo & canonico continentiam litterarum. Verumtamen volumus, ut quicquid per te vel per alium seu alios de centesima præmissa collegeris, sub fide dignarum personarum testimonio deponas fideliter in aliquibus tutis locis, convertendum postmodum de mandato nostro, cum consilio prædicti regis & dilecti filii GUILLELMI electi Jerosolymitani, in utilitatem & subsidium dictæ terræ. Quid autem & quantum de centesima ipsa collectum fuerit, & ubi, & carum quibus illud deposueris, & hujusmodi etiam depositi quantitatem nobis tuis litteris studeas fideliter intimare. Datum apud Urbem-veterem v. Idus Januarii, Pontificatus nostri anno 11.

## EPISTOLA VI.

Ad Ægidium archiepiscopum Tyrensem.

*De collectione subsidiorum terræ sanctæ.*

**U**RBANUS episcopus servus servorum Dei venerabili fratri ÆGIDIO archiepiscopo Tyrensi salutem & apostolicam benedictionem. Anno 1263

Inter occupationes multiplices & immensas quibus assidue angimur & distrahimur supra vires, de subsidio terræ sanctæ vehementius cogitantes, ad hoc intenta sollicitudine & attentione sollicita instantius vigilamus, ut ejusdem terræ succursui opportuno provideatur remedio, & crucis ac Crucifixi negotium, auctore Domino, feliciter dirigatur. Et licet nonnulli prædecessores nostri grandis ad hoc diligentiae studio ferventer institerint; nos tamen qui statum terræ illius præsentialiter novimus, quique ipsius discrimina experientia palpavimus manuali, totis desiderantes affectibus eidem terræ celeri & efficaci subsidio subvenire, libenter obstacula, per quæ ipsius terræ subsidium impediri vel defraudari valeat, submovemus. Cum igitur negotium crucis pro prædictæ terræ subsidio tibi in regno Franciæ, nec non in Cameracensi, Tullensi, Leodiensi, Metensi & Virdunensi civitatibus & diocesibus per nostras diversas sub certa forma litteras duxerimus committendum, & sicut accepimus, nonnulli executores ab apostolica sede concessi plerisque personis & locis ecclesiasticis & sæcularibus exemptis & non exemptis, super quibusdam concessionibus de redemptionibus votorum cruce signatorum, nec non de legatis datis, obventionibus relictis subventioni terræ prædictæ, & aliis deputatis ad subventionem eamdem in regno Franciæ, ac in

civitatibus & diocesibus memoratis per nos & prædecessores nostros, seu alios de mandato dictæ sedis factis, modum in colligendis prædictis excedant, aliasque in talibus perniciosè versentur. Nos nolentes ista sub dissimulatione transire, ne in grave, quod absit, vergant ejusdem terræ per subtractionem vel diminutionem præfati subsidii detrimentum: fraternitati tuæ per apostolica scripta mandamus, quatenus in locis in quibus tibi ipsius negotium est commissum, per te, vel per alium, seu alios omnibus executoribus, eisdem personis & locis deputatis à prædicta sede, super hujusmodi concessionibus ex parte nostra firmiter inhibere procures: ne quoquo modo ad colligendum præmissa procedant; eos si contra hujusmodi tuam inhibitionem procedere fortè præsumserint, à præsumptione hujusmodi per censuram ecclesiasticam, appellatione postposita, compescendo, & nihilo minus qua auctoritate, quibusque personis & locis, sub qua forma, & in qua quantitate fuerint prædicta concessa, & quæ, & quot, & in quibus locis ab eisdem executoribus fuerint collecta pro eis diligentius inquirens, ea nobis per tuas litteras fideliter intimare procures. Nos enim concessionem prædictas aliquem vigorem habere, ac illarum prætextu quicquam percipi nolumus: donec per tuam insinuationem sciamus super præmissis plenius veritatem, ac de his, prout expediens fore viderimus, disponamus. Tu autem interim redemptiones, legata, relicta, data & obventiones hujusmodi, per te vel per alium, sive alios quos ad hoc idoneos esse cognoveris, integrè colligens, quicquid de his collectum fuerit, in aliquo tuto loco sub fide dignorum testimonio, sine aliqua diminutione deponas, rescripturus nobis fideliter quid & quantum & à quibus collectum fuerit, & ubi illud duxeris deponendum: non obstante si personis, vel locis, aut ordinibus aliquibus à memorata sit sede indultum, quòd interdici, suspendi vel excommunicari non possint per litteras apostolicas plenam & expressam non facientes de indulto hujusmodi, & eorum nominibus mentionem, & constitutione de duabus dietis edita in concilio generali, contradictores censura simili, appellatione postposita, compescendo. Datum apud Urbem-veterem iv. Idus Martii, Pontificatus nostri anno 11.

## EPISTOLA (\*) VII.

*Proponit conditiones sub quibus Carolus Andegavia & Provincia comitem regno Siciliae investire cupiebat.*

Anno 1163

**I**STÆ sunt conditiones super negotio regni Siciliae & totius . . . ad confinia terrarum Romanæ Ecclesiæ, excepta terra inferius annotata . . . emanabit, nobili viro CAROLO Andegaviæ ac Provinciæ comiti, ostendendæ.

Remanebit Romanæ Ecclesiæ tota terra quæ remansit eidem per pacem olim initam inter dilectum filium nostrum O. Sanctæ Mariæ in via lata diaconum cardinalem, tunc in regno Sici-

liæ apostolicæ sedis legatum, & MANFREDUM quondam principem Tarentinum, & ultra etiam usque Beneventum, per viam Vallis-gaudii, & ipsa Vallis-gaudii. Dictus comes terram ipsam cum omni diligentia & studio acquireret, & totaliter liberabit, & acquisitam ac liberatam statim Ecclesiæ tradet, & assignabit eidem. Fines autem ipsius terræ inferius exprimentur.

Item, civitas Beneventana, quam hætenus Romana Ecclesia sibi retinuit, & in suum demanium & dominium cum omnibus juribus suis, & pertinentiis reservavit, & totum tenimentum civitatis ejusdem cum finibus ejus antiquis, eidem Ecclesiæ & in ejus proprietate liberè remanebit, nullo jure ipsi comiti vel cuicumque alii de regno prædicto ibidem retento, seu quomodolibet reservato. Fines autem seu termini territorii seu districtus aut tenimenti civitatis ejusdem, cum de illis ad præsens constare non possit, tempore quo tractatus sive negotium consummandum erit, per aliquas deputandas ad hoc personas idoneas distinguantur.

Idem autem comes & sui heredes in dicta civitate, & ejus territorio, aut in alia terra quæ ipsi remanebit Ecclesiæ, vel in Urbe, seu in Campania, vel maritima, sive in ducatu Spoletano, aut Marchia Anconitana, vel in patrimonio B. Petri in Tuscia, seu in aliis quibuscumque terris, aut demaniis, sive feudis ipsius Ecclesiæ ubilibet constitutis, ex successione, vel legato, aut venditione, seu donatione, aut alio quocumque jure, vel titulo, seu contractu, nihil umquam sibi acquirant vel vindicabunt, seu poterunt acquirere, vel quomodolibet vindicare, ac nullam potestariam, seu capitaneam, vel rectoriam, nullumque alium honorem, nullamque potestatem, senatoriam, vel quamcumque aliam, aut administrationem, vel commendam, nec quodcumque aliud officium recipient seu recipere poterunt in eisdem.

Item, pro prædicta civitate Beneventana hac vice reficienda per Beneventanos, exponet per septennium pro lignaminibus omnia nemora prædictorum regni & terræ, & omnem materiam ad ædificia opportunam, puta lapides, arenam quæ Puteolana vocatur, cæmentum, & similia, sine præjudicio juris singularum personarum, ad unam dietam prope Beneventum. Præstabit quoque ipsis Beneventanis securitatem per totum regnum & terram prædictam, nisi in terra sua de novo delinquant, propter quod ad ipsum de jure, justitia pertinebit. Privilegia etiam dictæ civitatis à regibus & principibus concessa, illibata servabit. Omnia statuta per quondam FR. olim Romanorum imperatorem seu quoscumque alios reges Siciliae, facta contra libertatem civitatis ejusdem, revocabit, & in omnibus & per omnia quæ libertatis fuerint, ceteris regnicolis pacificabit eandem. Nec aliqua statuta, seu aliquas leges conderet in posterum, per quæ dictæ civitati directè vel indirectè possit præjudicium generari . . . olomei patroni civitatis ejusdem reverentia fidantias ab omnibus . . . faciet & remittet.

(\*) Istius epistolæ nulla est in ms. inscriptio, verum Alberto notario, cui negotium regni Siciliae cum Carolo Andegaviæ &

Provinciæ comite tractandum commissum fuerat, scriptam fuisse constat ex sequentibus. Idem dicendum de sequenti.  
A ii



tet eisdem. Fidantiarum autem remissio est concessio libertatis, ut .... es Beneventani possint liberè proprias vineas & terras excolere, ipsarumque fruges & fructus recolligere, ac easdem vineas & terras vendere, & de ipsis pro sua voluntate disponere sine aliqua exactione, vel munere, vel etiam datione.

Item, totum ejusdem regni residuum perpetuò concedetur in feudum eidem comiti, & heredibus suis ex eo legitimè descendantibus, sub infra scriptis conditionibus, quæ, prout competet, in concessionis privilegio exprimentur; ita videlicet, quòd si in ejus vel heredum ipsorum obitu legitimum heredem de proprio corpore ipsos, quòd absit, non habere contigerit, regnum ipsum ad Romanam Ecclesiam ejusque dispositionem liberè revertatur.

Item, pro toto generali censu ipsorum regni & terræ, duo millia unciarum auri, ad pondus Romanum, in festo Beati Petri, ubicumque Romanus Pontifex fuerit, ipsi Romano Pontifici & Romanæ Ecclesiæ annis singulis persolventur. Si verò idem comes, vel illi qui ei in prædictis regno & terra succedent, aliquo termino non solverint censum ipsum, & expectati per duos sequentes menses de illo non satisfecerint; eo ipso erunt excommunicati: & si in secundo termino in ipsius census solutione defecerint, nec satisfecerint de ipso infra alios proximos duos menses; regnum & terra prædicta interdicto ecclesiastico subjacebunt, salvis aliis pænis & processibus, quæ vel qui de jure inferri, & haberi poterunt per Romanum Pontificem in hoc casu.

Item, postquam dictus comes præfatum regnum, vel tantum de ipso acquisierit & habuerit, quòd etiam si aliqua civitates, vel munitiones, aut aliqua alia loca ipsius regni adhuc ei rebellia fuerint, reputetur & possit ipsius regni rex & dominus reputari, solvet Romanæ Ecclesiæ quinquaginta millia marcarum sterlingorum, per certos & diversos terminos ad hoc statuendos, tempore quo erit tractatus sive negotium consummandum. Quòd si dictus comes in hujusmodi terminis illa non solverit, liberum erit Romano Pontifici contra ipsum comitem pro singulis terminis ad pænas spirituales procedere, prout sibi videbitur expedire.

Item, in quolibet triennio dabit rex Romano Pontifici unum palafidum album, pulcrum, & bonum in recognitionem veri dominii eorumdem regni & terræ.

Item, quancumque Romanus Pontifex qui pro tempore fuerit, asseruerit vel dixerit Romanam Ecclesiam indigere, ita quòd super ejus indigentia hujusmodi ipsius Romani Pontificis simplici verbo stetur, idem comes vel heredes ejus requisiti ab eo ad Urbem, in Campaniam & maritimam, in patrimonium B. Petri in Tuscia, ducatum Spoletanum, Marchiam Anconitanam, & in præmissam terram, vel ipsius regni partem quæ remanebit Ecclesiæ, & in omnes alias terras Ecclesiæ ipsius per Italiam, trecentos milites equis & armis bene ac decenter munitos & paratos: ita quòd unusquisque ipso-

rum habeat quatuor equitaturas ad minus, in obsequium & subsidium Ecclesiæ prædictæ transmittent, per tres menses integros in ipsius, vel dictorum heredum sumtibus & stipendiis, semel tamen in anno, in servitio ejusdem Ecclesiæ moraturos, mensibus ipsis, à die, quo iidem milites terram sui dominii vel fines sui districtus egressi fuerint, per vulgares diaras & solitas computandis. Quòd si maluerit .... ingruenti necessitate, super qua stetur verbo Romani Pontificis, ut est dictum, navali juvari exercitu, prædicti milites, debita taxatione, ac recompensatione præhabita, in navale stolium commutentur.

Item, tam ipse, quàm hæredes sui domino papæ suisque successoribus canonicè intrantibus, & Ecclesiæ Romanæ ligium homagium facient, & juramentum fidelitatis præstabunt secundum formam inferiùs annotatam; & singulis ipsis successoribus & eidem Romanæ Ecclesiæ renovabunt tam ipsum homagium, quàm hujusmodi juramentum. In optione autem & beneplacito erit Romanæ Ecclesiæ ipsum & heredes suos vocare ad præstandum personaliter juramentum fidelitatis, & ligium homagium Romano Pontifici, & eidem Ecclesiæ, dummodo ad hoc sibi tutum locum statuunt & assignent, vel aliquem cardinalem ipsius Ecclesiæ, seu alium, qui vice Romani Pontificis juramentum juxta eandem formam & homagium recipiat, destinare.

Item, dictus comes & ejus heredes regnum & terram præfata nullatenus dividant; sed semper illa unus tantum sub ipsis conditionibus immediate, ac in capite à Romana tenebit Ecclesia, & tam idem comes quàm ipsius heredes nobis & successoribus nostris canonicè intrantibus, & Ecclesiæ Romanæ ligium homagium facient, & fidelitatis juramentum præstabunt in hunc modum.

Ego ... plenum & ligium vassalagium faciens Romanæ Ecclesiæ pro regno Siciliae, & tota terra quæ est circa farum, usque ad confinia terrarum ipsius Ecclesiæ, excepta terra .... ( & exprimentur terra & limites ejus ) ab hac hora inantea fidelis & obediens ero B. Petro & domino meo Papæ, suisque successoribus canonicè intrantibus, sanctæque apostolicæ Romanæ Ecclesiæ. Non ero in consilio, aut consensu, vel facto, ut vitam perdant vel membrum, aut capiantur mala captione. Consilium quod mihi credituri sunt per se, aut per nuntios suos, sive per litteras, ad eorum damnum me sciente nemini pandam: & si scivero fieri, vel procurari, sive tractari aliquid, quod sit ad ipsorum damnum, illud pro posse impediam: & si impedire non possem, illud eis significare curabo. Papatum Romanum & regalia S. Petri tam in regno Siciliae & terra prædictis, quàm alibi existentia, adjutor eis ero ad retinendum & defendendum ac recuperandum, & recuperata manutenendum contra omnem hominem. Universas & singulas condiciones contentas in apostolico privilegio, super ipsorum regni & terræ concessione confecto, ac omnia & singula quæ continentur in eodem privilegio, plenariè adimplebo, & inviolabiliter observabo, nec ullo umquam tem-



„pore veniam contra illa. Sic me Deus adjuvet & hac sancta Dei Evangelia.


Item, ipse & singuli heredes sui Romano Pontifici, & singulis successoribus suis, & Ecclesie Romanæ, quando præstabunt huiusmodi iuramentum fidelitatis, jurabunt, se ad hoc specialiter obligantes, quod numquam per se, vel alios, seu quocumque modo procurabunt, ut eligantur vel nominentur in regem vel imperatorem Romanum, vel regem Theotonie, seu dominum Lombardie aut Tuscie, vel majoris partis earumdem Lombardie vel Tuscie: & si electionem vel nominationem ad imperium vel regnum Romanum, seu ad regnum Theotonie, aut ad dominium Lombardie vel Tuscie, seu majoris partis earum, de ipsis celebrari contigerit, nullum huiusmodi electioni vel nominationi assensum præstabunt, nec intromittent se ullo modo de regimine ipsius imperii vel regni Romani, seu regni Theotonie, aut Lombardie, seu Tuscie, vel majoris partis earum, ad quodcumque horum nominati fuerint vel electi. Quod si ipse vel aliquis heredum suorum, studentibus & procurantibus eis ad imperium ipsum, sive ad dictum regnum Romanum, seu regnum Theotonie, aut dominium Lombardie seu Tuscie, vel majoris partis earum, electi vel nominati fuerint, si hoc verum & manifestum fuerit, aut si post talem electionem vel nominationem de imperii, vel regni Romani, seu regni Theotonie, aut Lombardie seu Tuscie, vel majoris ipsarum partis, regimine se manifestè intromiserint; eo ipso à jure prædictorum regni Sicilie & terræ cadant ex toto, ipsaque prorsus amittant. Si autem electioni vel nominationi factæ, non procurantibus ipsis, aut procurantibus consenserint, & ut huic electioni seu nominationi vel juri omnino renuntient, & quod de imperio seu de aliquo alio præmissorum, ad quod electi seu nominati fuerint, se nullatenus intromittant, moniti infra quatuor mensium spatium, post monitionem huiusmodi tali electioni seu nominationi vel juri non renuntiaverint, vel de ipso imperio seu aliquo præmissorum, ad quod electi vel nominati fuerint, se intromiserint quoquomodo; ex hoc sint eisdem regno Sicilie, & terra, & omni eorum prorsus jure privati. Si verò ad ipsum comitem vel ejus heredes non poterit commodè talis monitio pervenire, super quo utique impedimento, videlicet quod moneri commodè nequeant, credetur & stabitur assertioni Romani Pontificis, sive dicto: sufficiet pro ea super hoc ipsius Romani Pontificis monitio publica & solemnitas: ita quod si infra sex menses post illam non renuntiaverint, aut de imperio, seu de aliquo alio prædictorum ad quod electi seu nominati fuerint, se quomodolibet intromiserint; cadant ex hoc ab omni jure ipsorum regni & terræ. Ceterum si contigerit aliquem de suis heredibus, qui deberet in prædictis regno Sicilie & terra succedere, in regem vel imperatorem Romanum, seu regem Theotonie, vel dominum Lombardie aut Tuscie, seu majoris partis earumdem nominari, seu eligi, vel assumi, nullatenus possessionem eorumdem regni Sicilie ac terræ nancisca-

atur vel habeat, nec se de illorum cura seu dominio & regimine per se vel per alios aliquatenus intromittat, nisi prius imperio vel regno Romano, seu regno Theotonie, aut dominio Lombardie vel Tuscie, seu majoris earum partis, ad quodcumque eorum electus nominatus fuerit vel assumtus, & omni juri competenti sibi in illis omnino renunciaret, & illorum regimen nec de jure nec de facto illud gerens vel retinens, omnino dimittat, ipsum nullo umquam tempore resumturus. Alioquin cadat ab omni successione ac jure, quæ in regno Sicilie ac terra prædictis sibi competere ipsi facto: ita quod eadem regnum Sicilie & terra ad Romanam Ecclesiam ejusque dispositionem plenè ac liberè devolvantur. Quod, si non extantibus masculis, femina in eisdem regno & terra successerit, illa regi vel imperatori Romano, seu in regem vel imperatorem Romanum electo, aut regi vel electo in regem Theotonie, seu domino Lombardie vel Tuscie, aut majoris partis earum, seu electo ad illarum dominium, numquam matrimonialiter copuletur: & si contrarium fecerit, eo ipso cadat à Sicilie regno & terra prædictis, maneatque prorsus ipsorum jure privata. Si autem ipse vel aliquis heredum suorum contra hæc venerint, eo ipso excommunicati, & insuper labe ac reatu perjurii respersi & notati existant. In huiusmodi quoque juramento additur expressè, quod nullo umquam tempore regnum seu imperium Romanum, aut regnum Theotonie, vel dominium Lombardie, sive Tuscie, seu majoris earum partis, aut easdem Lombardiam vel Tusciam, vel majorem partem ipsarum per se, vel per alios seu alium occupabunt, capient, vel acquirant, aut sibi aliàs quomodolibet vindicabunt; & si secus fecerint, similes secundum præscriptam formam pœnas incurrant.

Item, si fortè, deficientibus masculis, contigerit feminam in regno succedere, illa maritabitur personæ quæ ad ipsius regni regimen & defensionem existat idonea: Romani tamen pontificis prius super hoc consilio requisito, nec nubet nisi viro catholico & Ecclesie Romanæ devoto, & si contra hæc fieret, licebit eidem Romano pontifici contra ipsam ad privationem prædictorum regni & terræ sine figura judicii, & absque omni juris solemnitate, in quacumque ætate filia ipsa consistet, procedere, si hoc ei videbitur expedire.

Item, in regnum & terram prædicta nullus succedet, qui non fuerit de legitimo matrimonio procreatus.

Item, regnum Sicilie ac terra prædicta imperio nullo modo subdetur, seu sibi ullo umquam tempore in eadem persona quomodolibet unientur, & præcisè super hoc articulo tam per pœnas spirituales, quàm alias cautiones cavebitur, juxta Ecclesie voluntatem: cum prorsus intentionis sit Romanæ Ecclesie, ut regnum & terra prædicta nullo umquam tempore imperio uniantur, ut scilicet unus Romanus imperator, & Sicilie rex existat. Quod autem circa unionem ipsorum regni & terræ cum imperio dicimus, hoc ipsum circa unionem eorum regni & terræ cum regno Romano aut regno Theotonie, seu cum



Lombardia vel Tuscia, sive cum majori parte ipsarum Lombardiæ & Tusciæ intelligimus, & volumus esse dictum.

Item, si ipse vel sui hæredes prædictam terram, quæ remanebit Ecclesiæ, vel aliquam ejus partem, aut Campaniam, vel maritimam, seu urbem, vel ducatum Spoletanum, aut marchiam Anconitanam, sive patrimonium B. Petri in Tuscia, aut alias quascumque terras Romanæ Ecclesiæ ubilibet constitutas occupaverint vel occupari fecerint, aut super his offenderint, vel molestaverint Ecclesiam, seu fecerint molestari; & postquam super hoc à Romano Pontifice moniti & requisiti fuerint, vel si commodè moneri aut requiri nequiverint, juxta ipsius Romani Pontificis assertionem vel dictum, postquam de hoc ipse publicè ac solemniter eos monuerit, infra tres menses non restituerint integrè omnia occupata, eo ipso ab eorumdem regni Sicilia & terræ jure cadant totaliter, ipsaque regnum & terram prorsus amittant. Quod si etiam restituerint occupata, nihilominus ad plenum de universis injuriis & damnis illatis ad mandatum ejusdem Romani Pontificis satisfacere teneantur.

Item, omnibus Ecclesiis tam cathedralibus quàm aliis regularibus & sæcularibus, nec non & omnibus prælatis & clericis, & universis personis ecclesiasticis sæcularibus & religiosis, & quibuscumque religionis locis plenariè dimittentur & restituentur integrè omnia bona eorum immobilia, à quibuscumque ablata vel occupata sint, & per quoscumque detineantur. Mobilia verò quæ extant & poterunt inveniri simili modo restituentur eisdem. Hæc autem restitutio fiet absque contradictione, seu difficultate qualibet, sicut nanciscatur prædictorum regni Sicilia ac terræ possessionem hoc modo, scilicet quod statim in illa parte ipsorum regni & terræ quæ sibi obediatur restitutio ipsa fiet, ipsaque postmodum confirmabitur successivè, sicut eadem regnum habebuntur & terra. Ne autem super his rebus restituendis ingeri possit aliqua difficultas, deputabuntur à Romano Pontifice aliqui viri discreti, ad quorum mandatum & arbitrium, jurium & rerum immobilium & mobilium quæ extant, restitutio plena fiet: ita quod ea de quorum dominio vel proprietate seu possessione notorium fuerit, ad eorum mandatum & arbitrium mox reddentur. In dubiis verò, per ipsos de plano & absque judicii strepitu veritas diligentius inquiretur. Sufficiet autem vocari camerarium, vel procuratorem, seu baillivum, in cujus jurisdictione vel balliva seu territorio bona de quibus agatur, consistent ad videndum jurare testes qui in hujusmodi inquisitione deponent.

Item, omnes Ecclesiæ tam cathedrales quàm aliæ regulares & sæculares, nec non & omnes prælati & clerici, & universæ personæ ecclesiasticæ sæculares & religiosæ, ac quæcumque religionis loca cum omnibus bonis suis in electionibus, postulationibus, nominationibus, provisionibus, & omnibus aliis, plena libertate gaudebunt; nec ante electionem, sive in electione, vel post, regius assensus vel consilium

A aliquatenus requiretur. Quam utique libertatem ipse & hæredes sui semper manutenebunt & conservabunt, & manu teneri & conservari facient ab omnibus subditis suis, dictæque Ecclesiæ ac personæ utentur liberè omnibus juris & juribus suis, salvo ei & suis hæredibus jure patronatus in Ecclesiis, in tantum quantum in hac parte patronis ecclesiarum canonica instituta concedunt, ubi antiqui reges Sicilia hujusmodi jus patronatus in ipsis ecclesiis habuerunt. B Omnes etiam causæ ad forum ecclesiasticum pertinentes liberè & absque ullo impedimento agitantur, tractantur, & ventilantur coram ordinariis & aliis ecclesiasticis judicibus, & terminantur per eos: ac si ad sedem apostolicam super hujusmodi causis appellari contigerit, tam appellantes, quàm appellati ad eandem venire sedem pro appellationum prosecutionibus liberè & absque inhibitione aliqua permittentur. Sacramenta verò fidelitatis præstabitur secundum antiquam & rationabilem C consuetudinem, prout canonica instituta permittunt, ab illis ecclesiarum prælatis, quorum prædecessores antiquis illa Sicilia regibus præstiterunt. Ab illis autem prælatis & ecclesiis qui regalia sive temporalia bona tenent, si qui tamen sunt qui hujusmodi bona teneant à domino regni & aliis dominis temporalibus, & qui ratione hujusmodi bonorum, ab antiquo consueverunt regibus & ipsis dominis temporalibus servitia exhibere hujusmodi, honesta & antiqua servitia eis secundum rationabilem & D antiquam consuetudinem, & sicut instituta patiuntur canonica, impendentur; salva semper circa ecclesias cathedrales & alias regulares & sæculares ac personas & loca ecclesiastica tam in faciendis provisionibus & electionibus confirmandis, quàm in omnibus quibuscumque aliis, Romani Pontificis & Ecclesiæ Romanæ jurisdictione ac auctoritate plenaria & libera potestate.

Item, revocabit omnes constitutiones seu E leges per prædictum FR. vel per reges Sicilia, sive per CONRADUM ipsius FR. filium aut MANFREDUM quondam principem Tarentinum, qui de facto regnum ipsum detinet occupatum, editas contra ecclesiasticam libertatem, nec statuta vel constitutiones aliquas edet aut etiam promulgabit, per quæ juri vel libertati ecclesiasticæ derogetur.

Item, comes promittet quod nullus clericus vel persona ecclesiastica eorumdem regni & terræ in civili vel criminali causa convenietur coram iudice sæculari, nisi per feudis iudicio F petitoris conveniatur civiliter, sed omnes ecclesiæ ac personæ ecclesiasticæ omnimodè erunt liberæ, & in nullo regi vel principi subjacebunt.

Item, nullas tallias vel collectas imponet ecclesiis, monasteriis, clericis & viris ecclesiasticis, vel rebus eorum.

Item, in ecclesiis vacantibus rex nulla habebit regalia, nullosque fructus, redditus, & proventus, nullas etiam obventiones, ac nulla prorsus alia percipiet ex eisdem, custodia earundem

rumdem ecclesiarum interim libera remanente penes personas ecclesiasticas juxta canonicas sanctiones.

Item, comites, barones, milites, & universi homines totius regni & terræ prædictæ vivent in ea libertate, & habebunt illas immunitates, illaque privilegia, ipsisque gaudebunt, quas & quæ tempore claræ memoriæ GUILLELMI secundi Siciliæ regis & aliis antiquis temporibus habuerunt.

Item, omnes exsules regni Siciliæ & terræ prædictæ, cujuscumque conditionis existant, ad mandatum Ecclesiæ reducentur in regnum & terram prædicta, ipsisque de bonis & juribus eis debitæ restitutio plena fiet. In hujusmodi autem restitutione, secundum præscriptam formam in capitulo de bonis ecclesiarum restituendis contentam, tam in notoriis quam dubiis procedetur.

Item, nullam confederationem seu pactio- nem vel societatem faciet cum aliquo imperatore, vel rege, seu principe, vel barone, Saraceno, Christiano, vel Græco, aut cum aliqua provincia, seu civitate, aut communitate, vel loco aliquo, contra Romanam Ecclesiam, vel in damnum Ecclesiæ.

Item, omnes captivos & obsides qui tenentur in regno & terra prædictis, Romanos, regnicolas, & alios de terra Ecclesiæ, Tuscos, Lombardos, & illos de Marchia Tervisina pro posse suo bona fide restituet libertati. Super civitatibus verò & aliis, si qua in regno & terra prædictis Romanæ Ecclesiæ fidelibus à regibus & principibus sunt concessa, salvum omnino erit jus ipsius Ecclesiæ ac fidelium eorumdem, nec per ipsorum regni & terræ concessionem, comitatum seu concessorum eorumdem cuiquam, quo ad proprietatem seu possessionem, præjudicium generabitur, regio in his omnibus jure salvo.

Item, idem comes veniet cum mille ad minus ultramontanorum militum comitiva, quorum quilibet equitaturas quatuor secum ducet. Habebit etiam idem comes trecentos balistarios & tot alios bellatores, quot ad prosecutionem negotii sufficere videbuntur.

Item, dictus comes usque ad annum à die consummationis tractatus hujusmodi computandum sic munitus cum tota sua hujusmodi comitiva fines comitatus Provinciæ versus Italiam sit egressus, & ex tunc infra tres menses immediate sequentes sit in terris conterminis regno Siciliæ, nisi forsitan in Italia hostium impediatur obstaculo vel occurso: quorum impugnationi & debellationi quamdiu taliter munitus perseveranter institerit, intelligatur negotium prosequi, nec tempus prædictorum trium mensium ei currat. Quod si dictus comes sic munitus usque ad annum hujusmodi non fuerit fines prædicti comitatus egressus, vel si infra eosdem tres menses, tali non prædictus obstaculo, non fuerit in terris eidem Siciliæ regno conterminis cum comitiva hujusmodi constitutus, vel in quocumque casu, eo prosecutioni negotii oportunam non impendente

*Theſauri Anecd. Tom. II.*

A operam, ad easdem terras conterminas dicto regno infra ipsos tres menses non venerit sic munitus; liberum erit Romano Pontifici, ac in ipsius potestate remanebit dicere, pronuntiare, vel proferre in scriptis vel sine scriptis, de consilio vel sine consilio fratrum suorum, eodem comite vel alio etiam quocumque cujus forsitan interesset non vocatis, & absque omni juris solemnitate, concessionem eidem comiti & ejus heredibus de regno & terra prædictis factam, vacuum omnino esse, nullumque robur vel valorem habere, ac eam revocare, cassare, & irritare, ac ipsam cassam & irritam nuntiare. Liberum quoque erit eidem Romano Pontifici hoc idem facere, si, quod absit, dictus comes vel longa præpeditus valetudine, vel morte præventus dictum negotium juxta eandem formam non assumerit, vel assumptum non fuerit prosecutus, nisi fortè talis persona & tam idonea juxta formam eandem vices ejus vel suorum heredum in hac parte suppleverint, quæ merito ad hoc sufficiens possit & debeat à Romana Ecclesia reputari.

Item, postquam dictus comes prædicta regnum Siciliæ ac terram habuerit, jurare faciet omnes eorumdem regni & terræ comites, barones, nobiles, ac milites, cives, & burgen- ses, ceterosque alios, quòd toto posse facient, & curabunt quòd dictus comes & ejus heredes omnes & singulas hujusmodi condiciones, ac universa & singula præmissa inviolabiter observabunt; nec ullo umquam tempore venient contra illa; & si eum vel heredes suos à prædictis regno & terra in quibuscumque casibus juxta tenorem conditionum & pœnarum cadere contigerit, vel ipsos juxta eundem tenorem illis privari, seu concessionem factam eis de ipsis evacuari & irritari per Romanum Pontificem; nullatenus eis, sed Romano tantum Pontifici obedient, & intendent tamquam regi Siciliæ & ipsorum domino temporali. Hoc etiam juramentum de decennio in decennium renovabitur, & tam idem comes quam singuli heredes sui, qui in eisdem regno & terræ succedent, illud perpetuò singulis continuis decenniis renovari facient & præstari.

Item, omnes præmissas condiciones quæ in persona comitis apponentur, circa ipsius etiam heredes comites intelligimus & volumus esse dictas.

Item, postquam tractatus hujusmodi negotii fuerit concorditer consummatus, fiet super hoc privilegium concessionis à domino papa, subscriptionibus cardinalium Romanæ Ecclesiæ roboratum; & comes dabit privilegium suum eidem domino papæ ac Romanæ Ecclesiæ aurea bulla bullatum, in quo proprio juramento fatebitur & recognoscet expressè regnum Siciliæ, ac totam terram quæ est circa farum usque ad confinia terrarum Romanæ Ecclesiæ, excepta terrâ quæ Ecclesiæ remanebit eidem, ex sola gratia ac mera liberalitate sedis apostolicæ sibi suisque heredibus de novo fore concessa, seque recipere ac tenere regnum & terram hujusmodi à dicta Romana Ecclesia, sub con-

B

ditionibus & pactis hinc inde tractatis.

Fines autem terræ quæ remanebit Ecclesiæ isti sunt. Terra Laboris ex parte una continuata est cum principatu, & dividitur per flumen quod dicitur Sarnum, & quod intrat mare sub civitate quæ dicitur Castrum maris de Surrento, sive Stabium, & procedunt fines versus Montem-Lauri, & versus Palmam. Et hæc sunt loca ex illa parte superiori. Castrum sive civitas quæ dicitur Sarnum, Castrum Montis-Lauri, Palma, Avellum, Summa, Nola, Cicula, & comitatus Acerrarum, Argentum, & Arpagia, Montalonum, comitatus Casertæ & Thelesæ, Rocca, Capuæ, Caiazza, Castrum S. Angeli, baronia de Draconibus, baronia Mazan, baronia illorum de Bosel, & sicut currit fluvius Capuæ usque ad comitatum Molisii, Vayranum, Præsenzanum, Minianum, S. Germanus, & tota terra monasterii Casinensis, Arnum & tota terra quæ dicitur Commum, Sora, Insula Arpinum, Fontana, Monteningrum, Castrum-celli, Rocca & Villa-artis, Pontecurvum, & insula inferior. Ex parte maris Castrum Schiffari, quod situm est ubi flumen Sarni intrat mare, Neapolis, Castrum Salvatoris supra mare, duæ insulæ, quorum altera dicitur Capri, & altera Procida. Item, altera quæ dicitur Insula, & est civitas Puteolana, Averfa, Capua, villa quæ dicitur Baronia, castrum Maris de Vulturno, Rocca montis Draconis, civitates Calinenfis, Calvensis, Theanensis & Sueffanensis, baronia Rogerii de Gallutio, Trajectum, Gaiera, comitatus Fundanus, Rocca Guillelmi, & quædam alia sunt juxta illos fines. Extra istos verò fines vel nulla loca sunt, vel pauca non magni valoris. Vallis-gaudii, Ayola, Montifarculum, Toccum, baronia Feniculi, & castrum S. Martini. Beneventum cum suo tenimento est in fine hujus vallis cum toto territorio suo. Datum apud Urbem-veterem xv. Calendas Julii Pontificatus nostri anno secundo.

#### EPISTOLA VIII.

*Conditionibus in prima Epistola allegatis modum adhibet.*

Anno 1263

**I** Stæ sunt modificationes conditionum. Si postquam ille qui mittitur diligenter tractaverit, & institerit quod præfata terra, de qua agitur, Ecclesiæ Romanæ remaneat, hoc obtinere non poterit, nec ad id comitem inclinare; & idem comes omnino habere voluerit integrum regnum Siciliæ, & totam terram quæ est circa Farum, usque ad confinia terrarum Romanæ Ecclesiæ: ita quod, excepta civitate Beneventana cum omnibus districtibus & pertinentiis suis, nihil eidem Ecclesiæ de terra prædicta remaneat ad ampliationem census seu pensionis, sicut oblatum est per nuntios ejusdem comitis, videlicet ad annum censum, seu annuam pensionem decem millium unciarum auri ad pondus ipsius regni pro toto regno & terra prædictis: ipse qui mittitur sapienter & cautè procedat, salva semper exce-

A ptione prædictæ civitatis Beneventanæ cum suis districtibus & pertinentiis, prout in secundo articulo plenius & expressius continetur.

Item, si articulus qui sic incipit: *Item totum ejusdem regni residuum* &c. non admittitur sicut est scriptus, cum hac adjectione *modificari poterit*, videlicet: si contigerit dictum comitem decedere sine liberis ex eo legitimè descendentes, possit ei in regno & terra prædictis succedere, nobilis vir ALFONSUS comes Pictaviensis germanus ejusdem: & si dictus ALFONSUS eidem CAROLO non superviveret, possit ei succedere unus ex filiis LUDOVICI illustris regis Franciæ, videlicet major natu post illum qui succedit in regno Francorum, & hæc gratia vel successio tam ex parte ipsius CAROLI, quàm ex parte illorum erit tantummodo personalis: ita scilicet quod ad nullum filiorum vel heredum ipsius ALFONSI, si ALFONSUM ipsum præmori CAROLO prædicto contigerit, hujusmodi major natu succedet in regno Siciliæ & terra prædictis. Similiter etiam nullus filiorum vel heredum ipsius majoris natu; si idem major natu præfato CAROLO non supervixerit, hujusmodi successionem habebit; sed regnum Siciliæ ac terra prædicta ad Romanam Ecclesiam ejusque dispositionem liberè devolventur. Si verò ALFONSUM & majorem natu prædictos præmori CAROLO præfato contigerit, nullus alius ipsi CAROLO sine liberis ex ipso legitimè descendentes decedenti in eisdem regno & terra succedet; sed liberum erit eidem Romanæ Ecclesiæ de ipsis regno Siciliæ ac terra disponere juxta suæ beneplacitum voluntatis. Si autem præfatos ALFONSUM vel majorem natu post successionem hujusmodi, aut eorum heredes sine liberis ex ipsis legitimè descendentes mori contigerit: regnum Siciliæ & terra prædicta similiter ad eandem Romanam Ecclesiam ejusque dispositionem liberè revertentur.

Item, circa articulum qui sic incipit: *Item dictus comes & ejus heredes regnum & terram præfata nullatenus dividant* &c. talis modificatio poterit adhiberi, si non admittatur ut jacet, videlicet quod regno & terra prædictis eorumque dominio semper remanentibus penes unum, nec ratione hereditatis, vel successionis, aut concessionis, seu donationis, nec quocumque alio prætextu, aliqua divisio vel diminutio fiet de ipsis regno & terra, per quam utique divisionem seu diminutionem ipsorum regni & terræ dominium deformiter mutiletur, vel regiæ dignitatis seu potestatis status enormem sustineat vel recipiat læsionem. Sed si qui partes aliquas forsan habuerint de regno & terra prædictis, illas tenebunt in feudum à rege Siciliæ, ipsumque regem exinde superiorem & dominum recognoscent, eique certa servitia pro hujusmodi partibus exhibebunt.

Item, illa pars articuli in quo agitur de restitutione captivorum & obsidum, quæ utique pars sic incipit: *Super comitatibus verò & aliis* &c. Si ab eodem comite non admittitur sicut jacet; talibus modificari poterit, videlicet



quod illud quod ibi dicitur comitatibus & aliis quæ in regno & terra prædictis Romanæ Ecclesiæ sunt concessa, totaliter auferatur, & fiat tantum mentio de illis comitatibus, & in aliis quæ in eisdem regno & terra ipsius Ecclesiæ fidelibus à regibus & principibus sunt concessa.

Item, si comes omnino habere voluerit sub annuo censu decem millium unciarum auri totum & integrum regnum Siciliae, & totam terram quæ est citra farum usque ad confinia terrarum Romanæ Ecclesiæ: ita quod nihil de ipsis regno & terra, excepta civitate Beneventana cum districtibus & pertinentiis suis, eidem Romanæ Ecclesiæ remaneat, prout in primo modificationum articulo plenius continetur, circa solutionem ejusdem sensus per infra scriptas pœnas erit ipsi Ecclesiæ providendum: videlicet quod idem comes vel ejus heredes quocumque termino non solverint integrè censum ipsum, & expectati per duos menses terminum ipsum immediatè sequentes, de illo ad plenum non satisfecerint, eo ipso erunt excommunicationis vinculo innodati. Quod si in secundo termino & infra subsequentes duos menses eundem censum sine diminutione qualibet non persolverint, totum regnum Siciliae ac tota terra prædicta erunt supposita interdicto. Si verò nec in tertio termino, nec infra duos menses proximos, per plenam satisfactionem illius ejusdem censu sibi duxerint consulendum: ita quod transactis eodem tertio termino & duobus proxime subsequentibus mensibus, non sit de decem millibus hujusmodi primi termini ipsi Ecclesiæ integrè satisfactum, ab eisdem regno & terra ipsorumque jure cadent ex toto. Si autem de censu decem millium unciarum hujusmodi primi termini infra dictos tertium annum & duos sequentes menses plenariè satisfecerint, nihilominus semper pro singulis decem millibus unciarum singulorum terminorum, si simili modo in eorum solutione cessaverint, vel illa non solverint, similes pœnas incurrunt. Datum apud Urbem-veterem xv. Calendas Julii, Pontificatus nostri anno II.

### EPISTOLA IX.

Ad Albertum apostolicæ sedis notarium.

*Si negotium de regno Siciliae felicem sortiatur effectum, promittit Carolo comiti decimas reddituum ecclesiasticorum per triennium, & protectionem sedis apostolicæ.*

Anno 1263. **U**RBANUS episcopus servus servorum Dei dilecto filio magistro ALBERTO notario nostro salutem & apostolicam benedictionem.

Cum te ad dilectum filium nobilem virum CAROLUM Andegaviæ & Provinciæ comitem pro negotio regni Siciliae specialiter destinamus, præsentium tenore scire te volumus, quod si contingat dictum negotium secundum condiciones tibi à nobis traditas inter Romanam Ecclesiam & eundem comitem consummari, taliter super infra scriptis petitionibus

*Theſauri Anecd. Tom. II.*

A quas propter hoc dictus comes per suos nobis porrexit nuntios, intendimus, auctore Domino, condescendere votis ejus, quod propter ea dictum impediri vel retardari negotium non continget. Petitiones autem sunt hæ, videlicet, ut nos decimam omnium ecclesiasticorum proventuum regni Franciæ ac comitatus Provinciæ, necnon & Lugdunensis, Viennensis, Ebredunensis, Tarentasiensis & Bisuntinæ provinciarum eidem comiti pro ipsius prosecutione negotii per triennium concedamus, & faciamus verbum crucis proponi contra MANFREDUM quondam principem Tarentinum & Sarracenos Luceriæ per omnes terras in quibus decima concedetur eidem comiti, ac etiam per Lombardiam, Tusciam, Marchiam Anconitanam, & alias terras dicto regno Siciliae adjacentes, in quibus verbum hujusmodi poterit securre proponi, illamque indulgentiam ac illa privilegia & illas immunitates his qui contra MANFREDUM & Sarracenos prædictos signum crucis assumerint largiamur, quæ transfretantibus in terræ sanctæ subventionem in generali concilio sunt concessa. Demus etiam dicto comiti omnes redemptiones votorum personarum illarum, quæ signum crucis in subsidium dicti negotii duxerint assumendum, & redimere voluerint hujusmodi vota sua. Totam quoque terram ipsius comitis, & terras illorum qui secum propter hoc venerint, sub nostra & apostolicæ sedis protectione recipiamus, durante ipsius prosecutione ac promotione negotii, & in omnes illos qui comitem & alios prædictos in terris eorum turbare, molestare, aut violentiam inferre præsumserint, generalem excommunicationis sententiam proferamus; nec ullo umquam tempore consentiamus quod CORRADIUS puer natus quondam CORRADI filii quondam FR. olim Romanorum imperatoris, vel aliquis per descendantem eorumdem FR. & CORRADI lineam quomodolibet procreatus, aut etiam aliquis qui se in præfato regno Siciliae vel aliqua ejus parte contenderet, seu posset contendere jus habere, imperii Romani culmen ascendat, & ut dictum MANFREDUM eodem regno Siciliae & omnibus aliis terris quæ in regno ipso infra confinia terrarum dictæ Ecclesiæ Romanæ detinet, si comes ipse voluerit, per diffinitivam sententiam privare curemus, ac publicari faciamus ubique omnes spirituales & temporales sententias latas jam & ferendas in eum & in omnes consiliarios, adjutores, & fautores ipsius. Omnes insuper illos qui eidem MANFREDO postquam dictum regnum Siciliae fuerit comiti prædicto concessum adhærere præsumserint: universis terris, feudis, bonis, & juribus quæ à prædicta Romana & aliis quibuscumque Ecclesiis & personis ac locis Ecclesiasticis obtinent, apostolica auctoritate privemus. Denique ut vinculum confederationis & pacis fieri procuremus inter omnes illas personas, quas idem comes nobis nominaverit, dummodo personæ tales existant, quarum confederatio vel unitas aut unanimitas nobis expediens videatur. Datum apud Ur-

B ij



Urbem-veterem vi. Calendas Julii pontificatus A  
nostri anno 11.

### EPISTOLA X.

Ad Albertum apostolicæ sedis notarium.

*Mittit ei Balduini imperatoris Constantinopolitani  
litteras ad Manfredum à Malatesta in  
itinere comprehensas.*

Anno 1263

**U**RBANUS episcopus servus servorum Dei dilecto filio magistro ALBERTO notario nostro salutem & apostolicam benedictionem. Ad tuam notitiam præsentium tenore deferimus, quod cum nobilis vir MALATESTA DE VERNULO Potestas Ariminensis vias & transitus Ariminensis civitatis & diocesis, ad hoc specialiter fidelibus adhibitis custodibus, artavisset: ut nullus de partibus regni Siciliae in favorem MANFREDI, quondam principis Tarentini, persecutoris Ecclesiæ manifesti, versus Tusciam, seu Lombardiam, aut de Tuscia, vel Lombardia in dictum regnum cum litteris, vel aliàs quomodolibet transire valeret; tandem contigit quod quidam cursor carissimi in Christo filii nostri BALDUINI illustris imperatoris Constantinopolitani, qui ab eodem imperatore ad dictum MANFREDUM cum quibusdam suis litteris, quarum tenor interclusus est præsentibus, mittebatur, à prædictis custodibus interceptus extitit, & prædicto MALATESTÆ cum eisdem litteris assignatus. Idem verò MALATESTA quia semper fuit Romanæ fidelis ac devotus Ecclesiæ; apertis hujusmodi litteris & perlectis, & comperto in illis quod nostro & apostolicæ sedis expediebat honori litteras videre ac habere prædictas; ipsas nobis per suum specialem nuncium fideliter destinavit. Nos verò hujusmodi earum lecto & intellecto tenore, ipsum tibi fore providimus transmittendum: discretionis tuæ per apostolica scripta mandantes, quatenus tenorem ipsum diligenter inspiciens, dilectum filium nobilem virum CAROLUM Andegaviæ ac Provinciæ comitem reddas sollicitum & attentum, ut sibi & negotiis suis à prædicto imperatore, cum fautor prædicti MANFREDI per ea quæ in præmissis continentur litteris videatur, penitus studeat præcavere; ac nihilominus hoc ipsum carissimo in Christo filio nostro LUDOVICO illustri regi Francorum diligenter exponas, si videris expedire. Datum apud Urbem-veterem v. Calendas Augusti, pontificatus nostri anno 11.

### EPISTOLA XI.

Balduini imperatoris Constantinopolitani ad  
Manfredum Siciliae regem.

*Tenor litterarum interclusarum litteris immediate  
præcedentibus.*

Anno 1263

**E**Xcellentissimo domino M. Dei gratia regi Siciliae illustri, amico suo, quam plurimum diligendo, BALDUINUS eadem gratia imperator Romanus semper augustus, salutem & prosperitatis continuum incrementum.

Excellentiæ vestræ volumus esse notum, quod

cum nos redeuntes de Hispania ad partes Franciæ venissemus; invenimus quod dominus rex Franciæ receperat à curia Romana litteras & rumores querulos de vobis plurimum onerosos: & eidem domino regi mandaverant aliqui quod tractatus pacis, qui inter vos & Ecclesiam tractabatur, de quo idem rex rogaverat, & pro bono totius christianitatis laboraverat: erga ipsos per vos remanserat, & totum illud quod tractatum fuerat ruperatis. Mandaverunt etiam quod nec voluntatem habebatis quod pax fieret, nec affectum: & quicquid super tractatu prædicto videbamini facere, faciebatis fraudulenter, & hæc erat vestra intentio, ut Ecclesiam ipsam possetis decipere, & mala voluntas quam habebatis circa Ecclesiam satis fuerat manifesta. Unde hæc verba & alia plurima dicto domino regi scripserant, quæ vobis erant magno oneri, de quibus ipsum valde animo motum invenimus & gravatum, & super hoc non sufficiebat etiam admirari. Propter quod nos qui honori & exaltationi vestræ intendimus toto mentis desiderio, tum propter onus quod vobis imponitur, tum propter pericula & impedimenta quæ imminet, & possunt accidere, valde irati animo fuimus & dolentes, utpote qui honorem & promotionem vestram diligimus, & ex cordis intimo affectamus, & de vestro dispendio & gravamine contristati sumus mirabiliter & dolemus, sicut pro posse ad honorem vestrum laborando ostendimus, & in quantum poterimus ostendemus, quod satis vos intellexisse credimus à pluribus fide dignis. Ea propter vestræ serenitati tenore præsentium intimamus, quod sicut nobis videtur, expedit honori vestro, & est bonum & utile, ut exonerare vos de talibus debeatis; quod vos ad partes istas Franciæ aliquem nuntium, qui secum deferat litteras vestras credentiæ, transmittatis, qui ad nos & ducem Burgundiæ directè veniat, & à vobis habeat in præceptis quod dicat & faciat illud, quod nos & dictus dux sibi, prout Dominus Deus nobis ministraverit, consulemus ipsi Domino Regi Franciæ enarrare: & etiam dictus nuntius alias litteras credentiæ deferat ipsi domino Regi Franciæ & Reginæ, per quas litteras vestras & nuntium ipsum innocentiam vestram melius quam poteritis excusetis, ac ipsam rei veritatem declaratis, & in quo remansit concordia; nisi vos culpabiles esse noveritis, quod nullatenus crederemus. Quod si de concordia ipsa habueritis voluntatem, cum ipsa excusatione, quam Domino Regi feceritis, adjungat preces ipsi Domino Regi vestra serenitas, ut super his diligentius inquirat veritatem; Et si invenerit vos in hoc esse culpabilem, & quod per vos concordia præfata remanserit, sicut fuit eidem intimatum, vos parati eritis factum ipsum rectificare per ipsum & per ipsius consilium bono animo emendare: regratiantes eidem per vestras litteras & ipsum nuntium vestrum ore tenus, quod circa factum vestrum laborare dignatus est, & dominum papam super hoc deprecari. Vestra etiam novit industria, quod vos semper rogavimus, & vobis consilium de-

dimus pro vestro commodo & honore, quatinus ad hoc in quantum poteritis vos ardetis, ut cum ipsa Ecclesia pacem & concordiam habeatis: & nos adhuc rogamus super hoc & vobis consulimus in quantum possumus, plusquam umquam fecerimus, pro vestro honore, & commodo quod videmus in concordia, & propter plurima mala & pericula, quæ ex defectu concordie evenire possint & evenient, nisi super hoc dignetur divina clementia providere. Quod si vestra serenitas perficiendi, & firmiter tenendi firmam concordiam habeat voluntatem, ea quæ superius dicta sunt adimplere, quam citius poteritis festinetis, antequam res prædictæ deteriorari incipiant, & plusquam adhuc acceperunt, graviores finem accipiant in futurum, & maxime dum nos in partibus Franciæ commoramur: nam tales rumores ad nos dirigi poterunt, quod nos oportebit ad alia loca iter recipere pro nostris negotiis promovendis: & si ad partes prædictas Franciæ nuntium vestrum miseritis, dum sumus in illis partibus, nos pro vobis ibidem locum obtinere poterimus, & pro vobis efficaciter assistemus. Talem etiam nuntium mittat vestra serenitas, qui omnia sibi à vobis injuncta sciat narrare & exponere, & in quo & propter quod est dicta concordia annullata. Sic autem dictus nuntius secreta veniat, quod aliquibus non possit percipi vester esse nuntius, sive pro vestris negotiis advenire: qui etiam ad ipsum ducem Burgundiæ directe veniat, & nobis adventum suum nunciet, ubicumque nos esse sciverit, & expectet donec eidem nostram rescripserimus voluntatem, qui etiam quantumcumque sit persona authentica, secretius & cum majori artitudine heresiarum, sive rerum & gentium quam poterit gradiatur. Si verò prædicta, sicut superius expressum est, feceritis festinanter, speramus in Domino, per quem bona omnia prosperantur, quod exinde bonum aliquod poterit provenire, ad quod parati erimus omne consilium, & omnem diligentiam, quam poterimus adhibere, per quod bonum totius christianitatis, & honor vester & commodum prosperetur. Vestram etiam volumus excellentiam non latere, quod quam citò ea intelleximus, quæ superius dicto domino regi diximus intimata, nos pro vestro bono & honore vestro, ac commodo, & pro malis periculis evitandis, quæ exinde possunt accidere, vobis ea quam citius potuimus curavimus intimare. Et nos ad Dominum cunctipotentem preces nostras effundimus, quod super hoc vobis præstare dignetur purum & maturum consilium, & det vobis viam eligere meliorem, quæ vobis & toti christianitati melior & utilior esse possit. Præterea cum nos pluries excellentiæ vestræ intimaverimus quod dominus JOHANNES DE VALENTIA dominus de Cayphas pro vobis assistit ubicumque bona fide, quod etiam nuntii vestri, qui nobiscum fuerunt in curia Romana, visibiliter perpenderunt, nobis videtur bonum, & vobis utile, quod super eisdem eidem J. litteras vestras dirigatis, & per vestrum

A etiam nuntium eundem de voluntate vestra consilium faciat. Nos enim credimus, quod hoc vobis multum valere poterit, & vobis locum optimum obtinere. Ceterum vestram celsitudinem requirimus & rogamus, de qua plenam fiduciam gerimus, quatenus negotia nostra & imperii Romani habentes propensius commendata, consilium vestrum & auxilium in his sicut plene de vestra benignitate confidimus, apponaris: ita quod laudes ab hominibus, & à Domino Deo æterno retributionis meritum reportetis, propter quod vobis etiam fortius teneamur. Datum Parisius die Lunæ post festum B. Petri & Pauli apostolorum, imperii nostri xxiv.

## E P I S T O L A XII.

Ad Albertum apostolicæ sedis notarium.

*Approbat electionem Caroli comitis Andegaviæ in Senatorem Urbis, modo non sit ad vitam.*

**U**RBANUS episcopus servus servorum Dei dilecto filio magistro ALBERTO notario nostro salutem & apostolicam benedictionem. Intelleximus quod illi boni homines, qui Urbem ad præsens regere, ipsiusque statum reformare dicuntur, dilectum filium nobilem virum CAROLUM Andegaviæ ac Provinciæ comitem in Senatorem ipsius Urbis, vel Dominum elegerunt, utrum autem ipsum ad certum tempus, vel perpetuò ad vitam suam ad ejusdem Urbis elegerint regimen ignoramus. Quia igitur pensata moderni temporis qualitate, considerata etiam promotione negotii regni Siciliæ per ipsum comitem, auctore Domino, assumendi, tam nobis & Romanæ Ecclesiæ eidem comiti plurimum expedire videtur, ut ipse in prædicta Urbe gubernaculis præsideat senatoriæ potestatis: prædicto comiti per nostras litteras, sincera qua eum in Domino caritate complectimur, suademus, ut in omnem eventum oblatum sibi ejusdem Urbis regimen ad laudem & gloriam divini nominis, sublato cujuslibet difficultatis obstaculo, recipiat & assumat: non obstante quod in conditionibus, quas tu sibi jam, ut credimus, ex parte nostra super præfato dicti regni negotio præsentasti, continetur expresse, quod dictæ Urbis regimen, seu dominium per ipsum, vel illos quæi deberent in prædicto regno succedere, nullis umquam futuris temporibus assumatur. Speramus etenim, & in superni Regis virtute confidimus, quod si ipsum comitem dictum regni negotium assumere, ipsiusque Urbis dominium obtinere contigerit, promotio & expeditio prædicti negotii facilius & liberior, quam idem comes posset credere, subsequetur: & dubitamus etiam ne, ipso comite dictum regimen recusante recipere, regimen ipsum ad carissimum in Christo filium nostrum illustrem regem Aragonum, qui MANFREDO proxima est affinitate conjunctus, & qui in senatorem ipsius Urbis, eodem comite dictum non acceptante regimen, electus esse dicitur, vel ad alium per quem ipsius comitis ad dictum regnum progressus ac præmissi

B iij

negotii posset impediri promotio, quomodolibet perveniret. Verumtamen quia ipsius Urbis dominium & electio senatoris ad nos & Romanam Ecclesiam plenè pertinere dignoscitur, propter quod nullatenus pateremur, quòd aliquis, quantumcumque nobis & ecclesiæ prædictæ devotus, dictam Urbem perpetuò vitæ suæ tempore gubernaret; dicto comiti per easdem litteras intimamus, quòd omnino volumus, ut si ejusdem Urbis gubernacula ab ipso gerenda toto tempore vitæ suæ, sibi forsitan offerantur, ipse tibi recipienti nostro nomine secretè corporale exhibeat juramentum, quòd ipsius Urbis regimen geret & exercebit usque ad nostræ beneplacitum voluntatis, illudque ad requisitionem & mandatum nostrum dimittet, ac se de ipso post requisitionem & mandatum hujusmodi per se, vel alium nullatenus intromittet, suasque de hoc patentes litteras suo sigillo munitas tibi ad cautelam nostram, & ecclesiæ prædictæ concedat, nobis per te fideliter destinandas. Nos enim tibi absolvendi eum nostra auctoritate à juramento, si quod communi ejusdem Urbis, vel ipsius communis syndico de retinendo & exercendo hujusmodi regimine vita sua idem jam præstitit, vel eum forsitan præstare contigerit, plenam & liberam concedimus per alias nostras litteras facultatem. Hoc autem ideo fieri volumus, ut à tam magno præjudicio memoratæ præcaveatur Ecclesiæ, & carissimo in Christo filio nostro RICCARDO in Romanum regem electo & coronato nullam injuriam facere videamur: qui cum olim electus esset ad præfata Urbis regimen vita sua, nos nullatenus sustinere volumus, ut ipse illud taliter obtineret: quin immo nos ei super hoc constanter opposuimus sicut nosti. Si ergo Ecclesia de comite ipso permetteret, quòd de nihilo noluit tolerare, ille hoc non immerito revocaret ad animum, magnamque sibi injuriam à nobis & ipsa Ecclesia fieri reputaret. Ideoque discretionis tuæ per apostolica scripta mandamus, quatenus præmissis omnibus attenta meditatione pensatis, eidem comiti ex parte nostra suadeas, ut sic se exhibeat in his vigilem, sollicitum, & attentum, quòd ea quæ sibi pro communi sua & ipsius Ecclesiæ utilitate consulimus, per eum fideliter & efficaciter impleantur, & senatoriam dignitatem, vel potestatem devoti ad alium in suum & ipsius Ecclesiæ dispendium non contingat. Si verò eadem dignitas, vel potestas sibi ad vitam suam oblata est, vel offerri contigerit, volumus, tibi que districtè præcipimus, ut eundem comitem cum ea quæ expedit requiras instantia, quòd juramentum, super hoc tibi nostro illud recipienti nomine secretè, secundum præmissam formam exhibeat, suasque de hoc patentes litteras suo sigillo munitas tibi ad cautelam nostram & Ecclesiæ prædictæ concedat, prout superius est expressum, hujusmodi nobis litteras, postquam eas habueris, fideliter transmissurus. Datum apud Urbem-veterem III. Idus Augusti, pontificatus nostri anno II.

A

## EPISTOLA XIII.

Ad Albertum apostolicæ sedis notarium.

*Ejusdem argumenti.*

**U**RBANUS episcopus servus servorum Dei dilecto filio magistro ALBERTO notario nostro salutem & apostolicam benedictionem. Intellecto quod illi boni homines, qui Urbem ad præsens regere ipsiusque statum reformare dicuntur, dilectum filium nobilem virum CAROLUM Andegaviæ & Provinciæ comitem, in senatorem, seu dominum elegerunt: nos pati nolentes, quòd aliquis quantumcumque nobis & Ecclesiæ Romanæ devotus, Urbem ipsam perpetuo tempore suæ vitæ gubernet: eidem comiti per nostras injungimus litteras, ut si regimen ipsius Urbis ab ipso gerendum toto tempore vitæ suæ forsitan offeratur, ipse tibi recipienti nostro nomine secreto exhibeat juramentum, quòd ipsius Urbis regimen geret & exercebit usque ad nostræ beneplacitum voluntatis, illudque ad requisitionem & mandatum nostrum omnino dimittet, ac se de ipso post requisitionem & mandatum hujusmodi per se, vel per alium nullatenus intromittet, suasque tibi super hoc patentes litteras suo sigillo munitas ad cautelam nostram, & Ecclesiæ prædictæ concedat. Ut igitur idem comes eo liberius nostram super hoc voluntatem adimplere valeat, quo specialius in hac parte sibi apostolica fuerit auctoritate provisum, discretionis tuæ, de quo plenam in Domino fiduciam obtinemus, absolvendi auctoritate nostra prædictum comitem à juramento, si quod ipse communi ejusdem Urbis, vel ipsius communis syndico, de retinendo vel exercendo hujusmodi dictæ Urbis regimine vita sua, præstitit jam, vel ipsum forsitan præstare contigerit, plenam & liberam concedimus auctoritate præsentium potestatem. Nostri namque voti nostræque intentionis existit, ut idem comes dictum recipiat & assumat regimen, illudque dimittat cum super hoc à nobis requisitus fuerit, prout per alias nostras tibi litteras intimamus. Datum apud Urbem-veterem III. Idus Augusti, Pontificatus nostri anno II.

B

C

D

E

## EPISTOLA XIV.

Ad episcopum Trecesem.

*Mittit ei pecuniam ad foundationem anniversarii sui in cathedrali ecclesia, in collegiata S. Stephani, B. Mariæ ad Moniales, & B. Mariæ de Pratis.*

**U**RBANUS episcopus servus servorum Dei venerabili fratri episcopo Trecenti, salutem & apostolicam benedictionem.

Cum nihil sit morte certius, nihilque incertius horâ mortis, non potest senex, vel juvenis potens, vel impotens, sui finis certitudinem obtinere: propter quod in Job legitur, *nescio quamdiu subsistam, & si me tollat factor meus*. Nam etsi Deus mensurabiles hominis dies posuerit, quid tamen de numero dierum hujusmodi sibi desit, ei censuit illâ ratione potissimum occul-

Anno 1263

Anno 1273.  
Ex arch. in 23  
S. Urbani  
Trecensis.

tari, ut dum homo ipse diei novissimæ ignoraret instantiam, omnes horas suspectas haberet, sicque bonis operibus jugiter inhæreret, tamquam inevitabile sibi quotidie adverteret, posse etiam quâ non putatur horâ, mortis imperium imminere, his etiam, prout expedit, sedulâ meditatione pensatis, bonum dum tempus habemus ad omnes disponimus operari, & illis præcipuè nostræ perpetuæ sollicitudinis studium, pietatis munere volumus elargiri, de quibus in antiqua familiaritate spem indubitatam habemus, crebris eorum orationibus vallari dum vivimus, & postquam de hoc mundo vocati fuerimus, congruis apud Deum ipsorum suffragiis adjuvari. Hinc est quod cum quadringentas marchas sterlingorum per mercatores nostros pro hujusmodi pia largitione tuæ mandemus fidei, de qua plenè confidimus, exhiberi; fraternitati tuæ per apostolica scripta mandamus, quatenus pecuniam ipsam à mercatoribus requiras eisdem, ipsamque receptam ecclesiæ cathedrali, in quâ conversati à pueritiâ nostra fuimus, & ecclesiæ sancti Stephani, & monasterio beatæ Mariæ Trecensis, Ordinis sancti Benedicti, in cujus monasterii parochiâ nati sumus, & per susceptionem lavacri baptismalis renati, nec non & monasterio beatæ Mariæ in Pratis juxta Trecas, Cisterciensis Ordinis, ubi matris nostræ sepultum est corpus, ita quod ecclesiarum & monasteriorum ipsorum cuilibet centum marchas pro redditibus emendis studeas assignare: ut ecclesiarum & monasteriorum ipsorum capitula, & abbatissæ atque conventus pro suscepto beneficio ex debito caritatis se nobis, quâ Deo potius obnoxios cognoscentes, unam missam de Spiritu sancto dum vixerimus in fragilitatis nostræ suffragium secundo nonas Septembris; & postquam migraverimus de hoc mundo, in anniversario nostri obitus unam defunctorum missam, cantatâ præcedenti die novem lectionum vigilia, pro nostræ animæ remedio annis singulis tam ipsis quam & qui eis in eisdem ecclesiis & monasteriis successerint, statuto super hac edito, faciant solemniter celebrari, statutum hujusmodi, ut sit memoriale perpetuum posteris, in eorum calendariis & libris aliis, prout expedire melius noverint, annotando. Ut autem consolatio ex hoc illis proveniat qui laborant, volumus ut redditus hujusmodi qui eisdem ecclesiis annuatim provenient, inter ipsarum ecclesiarum canonicos, ut moris est, qui tam missæ de Sancto Spiritu, quam & missæ ac vigiliæ pro defunctis, ut supra dicitur, celebrandis personaliter interesse curaverint, dividantur, & dictorum monasteriorum portio conventibus eorumdem ad pitantiarum consolationem accedat. Porro quia in talibus operibus omnis est tarditas excludenda: volumus ut cum omnimodâ celeritate, quæ tamen emtoribus nocumentum non afferat, hujusmodi redditus, pro quibus emendis in congruo loco dictam pecuniam tibi assignari mandamus, requisitis capitulis & conventibus suprascriptis, ut & ipsi de hoc sint tecum solliciti, studeas invenire: ita quod tua nobis in hoc prudens diligentia

A te commendet, & cor nostrum, dispositione hujusmodi juxta desiderium nostrum obtinente effectum, in Domino jocundetur. Quod autem inde feceris, tuis nos litteris harum seriem continentibus intimare procures. Datum apud Urbem-veterem quinto idus Septembris, Pontificatus nostri anno III.

## EPISTOLA XV.

Ad Albertum apostolicæ sedis notarium.

B *Mittit certas cautiones, sub quibus Carolus comes Andegaviæ Urbis senatoriam dignitatem acceptare debeat.*

U R B A N U S episcopus servus servorum Dei dilecto filio magistro ALBERTO notario nostro salutem & apostolicam benedictionem. Anno 1263

Cum regni negotium tuæ prosecutioni commissum satis planè procederet, & nos plenè discussis petitionibus comitis à te missis, mittendas tibi responsiones ad eas cum multa diligentia de fratrum nostrorum consilio formassimus: novitas superveniens de senatoria potestate dilecto filio CAROLO comiti Provinciæ prædicto à civibus Romanis oblata, & per eundem comitem acceptata, cautione tibi nos præstita quam tu nosti, non mediocriter omnium, sed aliquorum gravius nostrorum tetigit corda fratrum, quorum est concors sententia, sine nostro & Romanæ Ecclesiæ gravissimo præjudicio, nostræque discrimine libertatis tolerari non posse, quòd comes, vel quivis alius etiam minus potens, ad vitam vel longum tempus dictam obtineat dignitatem: cui si regnum contingeret adjici: tunc proculdubio ex ipsius penderet a bitrio, quantum saltem ad temporalia pertinet, Romani pontificis potestatem deprimere, & in ipsis spiritualibus plurimum perturbare. Sanè deliberatione super his habita, in hoc nostrum refedit consilium, quòd nisi nobis ab eodem comite caveatur de senatu prædicto contra nostrum, vel nostri beneplacitum successoris, nulla ratione tenendo, tractatus habitus super regno penitus conquiescat: ne dum syllam vitare cupimus: in carybdis voraginem incidamus. Verùm super genere cautionis & forma, fratrum votis in diversa divisus, quamvis cum majori parte ipsorum in partem aliquam declinemus, & nobis sit liberum illam eligere, cum nobis videbitur oportunum: adhuc tamen nihil volumus diffinire, cum non expediat scandalum suscitari, ex quo nulla prorsus utilitas expectatur, de qua si certitudinem haberemus, illud minime timeremus. Formam igitur duplicem cautionis in cedula tibi mittimus præsentibus litteris interchusa, quarum primam in tantum aliqui fratrum approbant, quòd ea non habitari potius eligunt sumtum totiens & resumtum super regno tractatum, quàm in ea procedi ulterius etiam cum secunda. Et in hac firmanur sententia non levis auctoritatis, nec pauci numero cardinalium. Alii verò magnæ dignitatis & plures numero cardinales, primam quidem formam præeligunt: sed si comiti sit suspecta, nec eandem præstare voluerit, trans-



eundem judicant ad secundam : qua præstita in manu cardinalium, quos in Franciam destinabimus, comite regnum sub conditionibus, quas bullatas tibi transmittimus, acceptare parato, qui missi fuerint, possint eidem dicere nostro nomine, & concedere regnum Siciliae sibi dandum, cum quaestio regis Angliæ pace vel iudicio pro liberatione Romanæ Ecclesiæ fuerit diffinita, paxque inter eundem comitem & reginam Franciæ, si partium voluntates concurrerint, reformata, vel talis saltem per cardinales eosdem tractatus habitus super ea, quo carissimus in Christo filius noster illustris rex Franciæ sit contentus, nec non & incerta via pacifica, per quam decima haberi valeat sine gravi scandalo ecclesiæ Gallicanæ. Ceterum ut intelligat dictus comes, quàm explicitè, quàm sincerè volumus agere cum eodem; hæc omnia diligenter expones eidem, & si accpetaverit primam formam, erit ejus ingressus pacificus, plurimumque Deo & nobis acceptus. Nec diffidat quin cum Romanis inveniatur, quod eundem ad vitam suscipere Urbis regimen non artabunt, ex quo finalem ejus agnoverint voluntatem. Hæc etenim & majora apud illos de facili poterit obtinere. Quod si formam secundam acceperit, nec in prima voluerit consentire, & sub dictis conditionibus regnum recipere sit paratus, mittemus cardinales, qui juxta formam præmissam ad eam cum ipso firmitatem procedent, per quam nostrum & suum propositum immobiliter solidatum finem laudabilem sortietur. Nec timeat negotium regni Angliæ, quod adeo trivimus, tam attentè discussimus, ut nihil supersit penitus, nisi sola sententia, seu potius declaratio notæ pluribus vel notoriæ veritatis. Ad quam si rex & ejus filius ad terminum sibi præfigendum venerint, sive non venerint, incunctanter & liberè procedemus. Sed nec in tantum fratrum discordiam vereatur, ut ob hoc solum resiliat ab inceptis: cum credamus quod postquam eum audierunt consensisse, ad nostram & suam voluntatem implendam erunt omnes & singuli promptiores. Quocirca discretionis tuæ præcipimus, quatenus super his universis & singulis negotiis cum comite, prout decet & expedit, instanter pariter & prudenter, & ejusdem nobis rescribas quantocius voluntatem, & in his omnibus tecum habeas venerabilem fratrem nostrum archiepiscopum Cusentinum. Super hoc autem loqui poteris, prout videris expedire, magistro Johanni de Monciaco capellano nostro, cui communicavimus omnia supradicta. Si verò eodem comite prædictas conditiones acceptare parato, alteram de prædictis cautionibus elegerit idem comes; rescribes nobis, & in continenti dictus archiepiscopus ad ea fideliter exequenda; quæ circa negotium regis Angliæ & ejus filii eidem injunximus, cum omni procedere diligentia non postponat. Quod si comes neutram dictarum approbaverit cautionum, vel recipere regnum noluerit sub conditionibus memoratis, & sic in totum tractatus habitos rumpere videatur: tu quidem non rumpes, sed dices te nobis om-

nia relaturum, & suspenso dicti archiepiscopi processu, ad nos ambo redibitis festinanter. Datum apud Urbem-veterem VIII. Calendas Januarii, pontificatus nostri anno III.

*Cedula interclusa litteris supra proximo scriptis.*

**C**ardinalis iturus ad comitem certificabit eundem, sicut & alias per litteras apostolicas certificatus fuit, quod Ecclesia Romana sustinere non posset, quod ipse, vel quivis alius teneat senatum civitatis Romanæ ad vitam; & ideo negotiabitur cardinalis cum eo de certo tempore præfigendo, ultra quod per se, vel per alium senatum non teneat, & incipiet à triennio, & poterit ascendere usque ad quinquennium, sed non ultra. Jurabit igitur comes, & dabit litteras suas patentes, & promittet sub pænis infra scriptis, quod ultra tempus de quo cum eo conveniet cardinalis, non tenebit senatum, nec de eo per se vel per alium intromittet quoquomodo, & quod si infra illud tempus conventum, regnum Siciliae totum, vel majorem ejus partem, cui minor non possit resistere, acquisierit, ad mandatum Romani pontificis qui pro tempore fuerit, dimittet senatum omnino ex tunc, per se vel alium non retenturus eundem. Et hæc omnia & singula se firmiter, ac fideliter servaturum firmabit proprio juramento; quod si contra præmissa, vel aliquid de præmissis venerit, vel fecerit; præter reatum perjurii, incurreret excommunicationis sententiam ipso facto, & terra sua ubilibet constituta sententiam interdicti. Quas sententias, si per mensem sustinuerit: cadat à jure senatus ipso facto; & si postea de facto senatum tenere contenderit, seu per se, vel per alium, de ejus regimine se quoquomodo intromiserit: ipso facto cadat ab omni jure sibi quaesito in regno Siciliae. Quod si hujusmodi promissio de non regendo Urbem ultra dictum tempus à comite haberi non poterit; promittat comes, quod bona fide dabit operam, ut Romanam non juret regere Urbem ad vitam, sed quamdiu sibi placuerit tenere senatum. Quod si juret comes quod non tenebit senatum ultra quinquennium, seu ultra illud tempus citra quinquennium, de quo conventum fuerit inter ipsum & cardinalem; & quod si infra illud tempus conventum regnum Siciliae totum, vel majorem ejus partem, cui minor non possit resistere, acquisierit; ad mandatum Romani pontificis, qui pro tempore fuerit, dimittet senatum omnino, ex tunc per se vel alium non restitutus eundem.

Si autem comes à populo Romano obtinere non possit, quod non teneatur regere Urbem ad vitam: promittet quod postquam concesserimus ei regnum Siciliae, & ipse totum illud, vel majorem partem ipsius acquisierit, vel si fortè, quod absit, postquam liquidò constiterit, quod acquirere illud non possit; ipse dimittet senatum, cum à nobis, vel successore nostro de pleno, non servata juris solemnitate,



tate, decretum fuerit quod illud debeat dimittere, adjecto expresse in eodem decreto, quod illum senatum sine Ecclesiæ Romanæ præjudicio & animæ suæ periculo tenere non potest, & quod dictum senatum potest dimittere de jure sine offensa juramenti quod præstitit, vel præstiterit in adventu suo Romano, & tunc, ut dictum est; eundem senatum omnino dimittet: & hæc omnia jurabit & promittet sub poena & cautionibus supradictis.

Tertio, promittet quod in dimissione senatus dabit operam bona fide, ut ad ordinationem Romani pontificis & Ecclesiæ revertatur: cives scilicet Romanos ad hoc sicut melius & honestius poterit inducendo; & hoc jurabit, ut supra. Jurabit etiam quod dum senatum tenuerit, nihil scienter in terris Ecclesiæ, demaniis scilicet & feudis in ejusdem Ecclesiæ præjudicium, vel suorum faciet contra jura Romanæ Ecclesiæ & ecclesiasticam libertatem. Quod si ipse, vel sui facerent, id sine moræ dispendio revocabit; & istæ cautiones omnino habeantur ad manus, & etiam meliores si poterunt obtineri.

### EPISTOLA XVI.

Ad Albertum sedis apostolicæ notarium.

*Approbat additiones à Carolo comite Andegaviæ factas conditionibus super negotio Sicilia ei propositis.*

ANNO 1264.

**U**RBANUS episcopus servus servorum Dei dilecto filio magistro ALBERTO notario nostro salutem & apostolicam benedictionem. Olim cum te ad dilectum filium nobilem virum CAROLUM Andegaviæ ac Provinciæ comitem pro negotiis regni Siciliae duximus destinandum, quamdam tibi apostolicam tradidimus litteram, continentem quod si contingeret dictum negotium secundum conditiones tibi traditas, inter Romanam Ecclesiam & eundem comitem consummari, taliter super petitionibus in eadem contentis littera, quas propter hoc dictus comes per suos nobis porrexerat nuncios, intendebamus, auctore Domino, condescendere votis ejus, quod propterea non contingeret dictum negotium impediri. Verum quia dictus comes nuper per dilectum filium magistrum Johannem de Monciaco capellanum nostrum nuncium suum quasdam misit adjectiones, petens per eum petitiones easdem cum adjectionibus ipsis à nobis admitti. Nos quasdam ex eisdem adjectionibus, quas rationabiles fore decrevimus, duximus admittendas, tenorem prædictæ litteræ quoad petitiones easdem, quarum aliquibus adjectiones hujusmodi sicut liquido perpendere poteris sunt annexæ, præsentibus inseri facientes, qui talis est, videlicet: ut nos decimam omnium ecclesiasticorum proventuum regni Franciæ, ac terrarum ad dilectam in Christo filiam nobilem mulierem comitissam Flandriæ ratione domini, vel feudorum suorum spectantium in Cameracensi & Tornacensi diocesibus, nec non & decimam comitatus Provinciæ, ac Lugdunensis, Viennensis, Ebre-

*Theſauri Anecd. Tom. II.*

**A**dunensis, Tarentasiensis & Bisuntinæ provinciarum, eidem comiti pro ipsius promotione negotii per triennium concedamus, & faciamus verbum crucis proponi contra MANFREDUM quondam principem Tarentinum & Sarracenos Luceriæ per omnes terras, in quibus decima comiti conceditur eidem; ac etiam per Lombardiam, Tusciam, Marchiam Anconitanam, & alias terras dicto regno Siciliae adjacentes, in quibus verbum hujusmodi poterit securè proponi, illamque indulgentiam, ac illa privilegia, & illas immunitates his qui contra MANFREDUM & Sarracenos prædictos signum crucis assumerint largiamur, quæ transfretantibus in terræ sanctæ subventionem in generali concilio sunt concessa, omnibus qui propter hoc se crucis caractere insigniverint, generalem terminum quo iter veniendi arripiant tempore quo fiet dicti regni concessio præfixuri. Demus etiam dicto comiti omnes redemptiones votorum personarum illarum, qui signum crucis in subsidium dicti negotii duxerint assumendum, & redimere voluerint hujusmodi vota sua. Totam quoque terram ipsius comitis, & terras illorum qui secum propter hoc venerint sub nostra & apostolicæ sedis protectione recipiamus, durante ipsius prosecutione, ac promotione negotii, & in omnes illos qui comitem aliosque prædictos in terris eorum turbare, molestare, ac violentiam inferre præsumserint, generalem excommunicationis sententiam proferamus: conservatores eis nihilominus deputando: & si dictum comitem in hujusmodi prosecutione negotii, quod absit, decedere fortè contigerit, dilectam in Christo filiam nobilem mulierem... comitissam Provinciæ uxorem & liberos ejus eorumque terras sub nostra & prædictæ sedis protectione recipere ac etiam generalem excommunicationis sententiam in omnes illos qui comitissam eandem ejusque liberos in terris eorum turbaverint, molestaverint, aut intulerint violentiam proferre, ejusque conservatores ad hoc deputare curemus, nec ullo umquam tempore consentiamus, quod CONRADUS puer natus quondam CONRADI filii quondam FR. olim Romanorum imperatoris, vel aliquis per descendentem eorundem FR. & CONRADI lineam, quomodolibet procreatus, aut etiam aliquis, qui se in præfato regno Siciliae, vel aliqua ejus parte contenderet, seu posset contendere jus habere, imperii Romani culmen ascendat; & ut dictus MANFREDUS eodem regno Siciliae & omnibus aliis terris quæ in regno ipso infra confinia terrarum dictæ Romanæ Ecclesiæ detinet, si comes ipse voluerit, per diffinitivam sententiam privetur à nobis, ac singulis diebus Dominicis & Festivis pulsatis campanis & candelis accensis publicari solemner faciamus ubique, omnes spirituales & temporales sententias latas jam & ferendas in eum, & in omnes consiliarios adjutores & fautores ipsius. Omnes insuper illos qui eidem MANFREDO postquam dictum regnum Siciliae fuerit comiti prædicto concessum adhærere

C

præsumserint, universis terris, feudis, bonis, & juribus, quæ à prædicta Romana & aliis quibuscumque ecclesiis & personis, ac locis ecclesiasticis immediatè, vel mediatè obtinent, apostolica auctoritate privemus. Procuremus insuper vinculum confœderationis & pacis fieri inter omnes illas personas, quas idem comes nobis nominaverit, dummodo personæ tales existant, quarum confœderatio, vel unitas, aut unanimitas nobis expediens videatur. Denique ut revocemus omnes concessiones comitatum, baroniarum, feudorum & aliorum quorumcumque bonorum & jurium factas in prædicto regno Siciliæ per FR. CONRADUM & MANFREDUM prædictos, eorumque officiales, familiares, & fautores, post depositionis sententiam in ipsum FREDERICUM per felix recordationis INNOCENTII Papam IV. prædecessorem nostrum in Lugdunensi concilio promulgatam. Datum apud Urbem-veterem VII. Idus Januarii, Pontificatus nostri anno III.

## EPISTOLA XVII.

Ad Albertum sedis apostolicæ notarium.

*Respondet ad temperamenta quæ conditionibus super negotio Siciliæ adhiberi postulabat Andegaviæ comes.*

Anno 1264

**U**RBANUS episcopus servus servorum Dei dilecto filio magistro ALBERTO notario nostro salutem & apostolicam benedictionem.

Nuper nobis quamdam misisti cedula tuis litteris interclusam, quatuordecim continentem articulos de apostolica littera tibi tradita super conditionibus negotii regni Siciliæ dilecto filio nobili viro CAROLO Andegaviæ & Provinciæ comiti ostendendis exceptos, ex quibus aliquos, ut asseris, & ipsius cedulæ series manifestat, idem comes sub certa forma modificari postulat, quosdam penitus amoveri, & ejusdem cedulæ tenor talis.

Primus articulus de terra retinenda qui incipit: Remanebit Romanæ Ecclesiæ terra, &c. totaliter amoveatur & ponatur census loco terræ, ac super censu fiat moderatio talis: quod si contingat dominum comitem, vel ejus heredes expendere proventus totius regni in defensione regni, vel ecclesiæ, fiat remissio census totaliter illo tempore. Si verò contingat ipsum vel heredes suos expendere partem proventuum regni in defensione regni vel ecclesiæ, fiat ipsius census remissio pro rata, sicut fieret, si terra petita Ecclesiæ remaneret.

In tertio articulo qui incipit: Idem autem comes & sui heredes, &c. petitur ut addatur, in regno, ne si filii sui qui non debent succedere in regno aliquid contra hujusmodi articulum attentarent, fieri posset præjudicium illi qui succederet in regno.

In sexto articulo qui incipit: Item totum ejusdem regni residuum, &c. vult comes quod expresse dicatur quod omnes à Domino comite & filiis & filiabus, & si deinceps exeuntes, sive in recta linea, sive ex transverso ad-

**A** mittantur ad successionem regni moderatione per dominum papam magistro ALBERTO tradita nihilominus remanente.

In septimo articulo quod incipit: Item pro toto generali censu, &c. petitur ut locus tutus & certus ponatur, in quo fiat solutio census ejusdem: quia cum census ipse decem millium unciarum sit, non potest securè ita de facili ad locum quemlibet deportari. Petit etiam quod prorogetur tempus in quo possit purgare moram super solutione prædicta.

**B** Item, decimo capitulo ubi loquitur de numero equitaturarum quod incipit: Item quandoque Romanus Pontifex, &c. petit ut amoveatur numerus equorum, cum sufficiat dicere bene & decenter munitos & paratos.

In duodecimo capitulo quod incipit: Item dictus comes & ejus heredes, &c. fiat moderatio per Dominum Papam magistro Alberto commissa.

**C** In tertio-decimo capitulo quod incipit: Item ipse & singuli heredes sui, petitur ut exprimat quod si ille qui debet in regno succedere propter imperium ad quod fortè electus fuerit, vel propter quamcumque aliam causam successionem recusaverit dicti regni, dictum regnum ad ipsius recusantis fratrem, seu proximum alium devolvatur, qui à comite supra dicto descenderit quoquo modo, legitimo tamen.

**D** In vigesimo-seculo capitulo quod incipit: Nullas tallias, vel collectas, &c. ubi dicitur in fine, rebus eorum; petitur ut addatur, ecclesiasticis, salva nihilominus eorum libertate in rebus patrimonialibus de regni consuetudine, si quam habent.

In vicesimo-sexto capitulo quod incipit: Item, nullam confœderationem, seu pactionem, vel societatem faciet, &c. petitur ut addatur: scienter, & si etiam faceret, ignoranter, teneatur ad mandatum Ecclesiæ revocare.

**E** In vicesimo-octavo capitulo quod incipit: Super comitatibus verò & aliis, &c. petitur ut ubi loquitur de concessionibus, addatur: legitime factis, & quæ debent valere de jure, salva moderatione per Dominum Papam magistro Alberto concessa.

**F** In vicesimo-nono capitulo quod incipit: Item dictus comes veniet, &c. petitur ut ubi loquitur de numero militum, amoveatur ipse numerus, si dictus comes in propria persona vadat: quia non vult quod sibi, si personaliter vadat certus numerus præfigatur: quia multò majorem duceret quàm dicatur. Sed si fortè personaliter non iret, bene placet eidem, quod prædictus numerus statuatur. Et ubi dicitur quod quilibet habeat quatuor equitaturas, addatur secundum magis & minus: ita scilicet, quod mille milites habeant ad minus quatuor millia equorum.

In tricesimo capitulo quod incipit: Item dictus comes usque ad annum, &c. petit addi: nisi fuerit legitimo impedimento detentus, de quo Dominus Papa cognoscere debeat, & prout expedire sibi videbitur judicare. Item, in eo-

dem capitulo ubi dicitur morte præventus, similiter addatur vel alio detentus impedimento legitimo, de quo similiter Dominus Papa cognoscat & judicet, prout secundum Deum fuerit faciendum.

Item tricesimum - primum capitulum quod incipit : Item postquam dictus comes prædicta regnum Siciliae & terram habuerit, &c. petitur totaliter amoveri : quia contumeliosum esset comiti, & homines regni essent minus obediens eidem. Daretur etiam per hoc hominibus dicti regni occasio contra regem insurgendi : & quia non fuit cum suis nunciis de hoc tactum aliquid in tractatu : & quia satis ligatus est rex per præcedentia ad præmissorum observationem, & quod gravius est, Dominus rex Franciæ & ipsius consilium nullatenus consulunt, nec etiam consentirent : immo graviter gerit idem rex Franciæ istud capitulum quod petitur à comite supradicto : nam videtur eisdem quod tale quid esset ab infidelibus & sæpe contumacibus exigendum, & non à fidei aliquo christiano. Item petitur quod ubicumque fit mentio de amissione regni, si non paruerit monitionibus sibi factis, addatur, vel si noluerit stare juri, petitur etiam quod augeatur tempus monitionis hoc modo : Quod si in propria persona monitus fuerit, habeat sex menses : si per procuratorem vel publicè, habeat annum : quia posset esse quod illis temporibus esset ultra mare, vel in remotis partibus orientis vel occidentis. Alia omnia capitula absolute & simpliciter conceduntur.

Deliberatione igitur cum fratribus nostris habita, licet condiciones quas tibi tradidimus exacta diligentia fuerint exaratae, & de fratrum nostrorum consilio tibi tradita, æquitatem per omnia nostro judicio continentes : quia tamen & ipsum comitem super his instare scripsisti, nec non & carissimum in Christo filium nostrum LUDOVICUM illustrem Francorum regem, qui condiciones easdem audire voluit & discutere sigillatim : super dictis articulis quos misisti, sic tibi ducimus respondendum.

In primo quidem articulo dictæ cedulæ qui incipit, primus articulus de terra, &c. in quo agitur quod tota terra remansit Ecclesiæ per pacem olim initam inter dilectum filium nostrum O. Sanctæ Mariæ in via-lata diaconum cardinalem tunc in regno Siciliae apostolicæ sedis legatum & MANFREDUM quondam principem Tarentinum, & ultra etiam usque Beneventum, &c. eidem remanebit Ecclesiæ. Et in quarto qui incipit In septimo capitulo, &c. in quo agitur quod pro toto generali censu ipsorum regni & terræ duo millia unciarum auri ad pondus Romanum, &c. in quo etiam agitur de pœnis quas comes incurreret, si non solverit in terminis censum ipsum. Et in octavo qui incipit in vicesimo-secundo capitulo in quo agitur quod nullas tallias vel collectas imponeret ecclesiis vel personis aut rebus ecclesiasticis. Et in quarto-decimo seu ultimo qui incipit : Item petitur quod ubicumque fit mentio de amissione regni, si non paruerit moni-

*Theſauri Anecd. Tom. II.*

tionibus sibi factis, additur, vel si noluerit stare juri, nihil duximus immutandum, sed omnes in eo tenore permaneant quo tibi fuerunt traditi, prout in data tibi littera plenius continetur, salvis modificationibus, si quas tibi tradidimus super illis vel aliquo eorumdem.

Verum in sexto articulo ejusdem cedulæ qui incipit, in duodecimo capitulo quod incipit : Item dictus comes & ejus heredes regnum & terram præfata nullatenus dividant, sed semper illa unus tantum sub ipsis conditionibus immediate ac in capite à Romana tenebit Ecclesia &c. in quo quidem articulo petitur quod fiat moderatio per nos tibi concessa, nihil intelleximus novum peti, & idcirco quod petitur duximus concedendum.

In quinto articulo qui incipit : In decimo articulo &c. in quo de trecentis militibus in servitium Ecclesiæ dicitur quod singuli quatuor equitaturas habeant, addi volumus, vel tres ad minus, nec enim esset de paucioribus tolerandum.

In nono articulo ejusdem cedulæ qui incipit : In vicesimo-sexto capitulo &c. in quo tangitur quod nullam confederationem vel pacem, aut societatem faciet &c. in quo etiam petitur ut addatur, Scienter, & si etiam faceret ignoranter, teneatur ad mandatum Ecclesiæ revocare : moderationem hujusmodi admittimus quam postulat idem comes.

In decimo verò qui incipit : In vicesimo-octavo &c. in quo quidem habetur quod super comitatibus & aliis, si qua in regno & terra prædictis Romanæ Ecclesiæ, aut aliis Romanæ Ecclesiæ fidelibus à regibus & principibus sunt concessa, salvum omnino erit jus ipsius Ecclesiæ & fidelium eorumdem &c. nostræ intentionis existit, quod secundum condiciones & modificationes tibi traditas, regnum Siciliae, excepta civitate Beneventana & omnibus districtibus & pertinentiis suis, comiti concedatur eidem, salvo jure quod heredes quondam RICHARDI comitis Sorani germani felicitis recordationis INNOCENTII Papæ III. prædecessoris nostri habent in comitatu Sorano, salvo etiam jure aliorum Ecclesiæ fidelium, quoad donationes eis in ipso regno factas à regibus & principibus, prout in eisdem conditionibus & modificationibus plenius continetur.

Ceterum ut ad illos articulos qui magis videntur impliciti redeamus. Ad secundum articulum ejusdem cedulæ qui sic incipit : In tertio articulo &c. ubi habetur quod comes & heredes sui in civitate Beneventana & ejus territoria aut in alia terra quæ ipsi remanebit Ecclesiæ, vel in Urbe, seu in Campania vel maritima, sive in ducatu Spoletano, aut Marchia Anconitana, vel in Patrimonio B. Petri in Tuscia, seu in aliis quibuscumque terris aut demaniis sive feudis ubilibet constitutis, nihil unquam sibi acquirerent vel vendicabunt &c. respondemus quod de illis heredibus ejusdem comitis intelligimus, qui dicto comiti in Sicilia regno succedent. Nolumus enim quod delictum aliorum heredum qui succedent ei in co-

C ij

mitatibus & aliis terris suis, in pœnam heredis, qui est ei successurus in regno, aliquatenus extendatur. Verumtamen in hoc articulo, ubi dicitur quod nihil umquam sibi acquirere vel vindicabunt, seu poterunt acquirere, vel quomodolibet vendicare, addi volumus, quod nihil umquam recipient, habebunt, vel retinebunt, seu poterunt recipere, habere vel etiam retinere. In illo quoque loco ejusdem articuli, in quo dicitur, nec quodcumque aliud officium recipient, vel recipere poterunt in eisdem addi volumus habebunt, seu retinebunt, vel habere seu retinere poterunt in eisdem. Ne verò hujusmodi alii heredes ipsius comitis contra ea quæ in eodem tertio continentur articulo aliquo forsan tempore venire præsumant acquirendo vel vendicando aut recipiendo, vel habendo seu retinendo sibi aliquid in terris in articulo ipso expressis; vel recipiendo, habendo seu retinendo in eisdem terris potestariam seu capitaniam, aut aliquid aliud de his quæ in articulo continentur eodem: Sic super hoc duximus providendum, ut videlicet nulli etiam hujusmodi aliorum heredum ejusdem comitis ullo umquam tempore liceat sibi quicquam in eisdem terris acquirere, seu vendicare, recipere, habere, vel etiam retinere aut recipere, vel habere, seu retinere potestariam seu capitaniam, vel rectoriam, aut aliquid aliud ex his, quæ, prout dictum est, in eodem articulo plenius exprimuntur. Quicumque autem ipsorum secus præsumserit, eo ipso excommunicatus existat, nec ipse, nec ejus posterius in perpetuum possint in eodem regno succedere, si eis in casu aliquo hujusmodi successio deferretur. Sed ab illa repellantur omnino, & nihilominus ille qui tunc ejusdem regni gubernaculis præsidebit, Romano Pontifici contra eum potenter assistere teneatur. Quod autem dicimus nos intelligere in dicto tertio articulo de heredibus comitis, hoc ipsum etiam intelligi volumus in octavo conditionum articulo, in quo agitur de trecentis militibus ad servitium Ecclesiæ destinandis: & in nono ubi agitur de homagio faciendo per ipsum comitem & ejus heredes, in quo quidem nono addi volumus, quod idem comes & ejus heredes Romano Pontifici homagium facere, ac juramentum fidelitatis præstare juxta formam in littera conditionum expressam, si Romanus Pontifex in Italia fuerit infra sex menses: si verò eum extra Italiam esse contigerit infra annum, postquam regni dominium adepti fuerint, teneantur. Et in decimo in quo agitur quod dictus comes & ejus heredes regnum & terram præfatam nullatenus dividant &c. Ac in duodecimo in quo dicitur quod ipse & singuli heredes sui Romano Pontifici & singulis successoribus suis & Ecclesiæ Romanæ, quando præstabunt juramentum fidelitatis, jurabunt se ad hoc specialiter obligantes, quod numquam per se vel per alios, seu quocumque modo procurabunt, ut eligantur vel nominentur in imperatorem &c. In vicesimo-nono quoque in quo dicitur quod omnes præmissas conditiones quæ in persona

A comitis apponentur, circa ipsius etiam heredes comitis intelligimus & volumus esse dictas. Verumtamen in ipso vicesimo-nono hujusmodi fiat adjectio, videlicet salvis omnibus quæ circa alios heredes ipsius comitis à nobis ordinatæ consistunt, prout in præsentibus continetur. Et etiam in quinto-decimo in quo utique quinto decimo prohibentur comes & sui heredes occupare terras Ecclesiæ, quæ in quinto-decimo exprimuntur eodem: sed in ipso quinto-decimo addi volumus, quod etiam hujusmodi alii heredes ipsius comitis occupare vel facere occupari easdem terras Romanæ Ecclesiæ, seu molestare, aut molestari facere super illis eadem Ecclesiam non attentent; quodque illi qui secus attentaverint, præmissas pœnas, ut videlicet eo ipso sint excommunicati, & tam ipsi quam eorum posteritas in perpetuum ad successionem prædicti regni, si in aliquo fortè casu eadem successio devolveretur ad ipsos, nullatenus admittantur, incurrant: & quod rex Siciliæ, qui tunc erit, teneatur assistere Romano Pontifici contra ipsos, prout superius est expressum. Licet autem in quinto conditionum articulo, qui sic incipit: Item, totum ejusdem regni residuum perpetuò concedetur in feudum eidem comiti & heredibus suis, &c. fiat heredum mentio, nullam tamen expedit declarationem in illo fieri de heredibus comitis successuris in regno, cum idem articulus sufficientem de hoc declarationem contineat in seipso.

Ad tertium autem articulum dictæ cedulæ qui sic incipit: In sexto articulo qui incipit: Item, totum ejusdem regni residuum perpetuò concedetur in feudum eidem comiti & heredibus suis &c. licet non sit sextus, sed quintus, prout superius est expressum, declarationem hanc addimus, quod si comes regnum à nobis receperit, descendentes per rectam lineam ex eodem & ipsius heredibus Siciliæ regibus mares & feminæ in eodem regno succedent, sic tamen quod de liberis duobus maribus in eodem gradu per eandem lineam concurrentibus primogenitus, & de duabus feminis primogenita, & de mare aut femina in eodem gradu similiter concurrentibus, masculus omnibus aliis præferatur. Si verò, quod absit, ipsum comitem sine liberis mori contingeret, succedent dilectus filius nobilis ei ALFONSUS comes Piçtaviæ ac filius regis Franciæ post illum qui succedet in regno Franciæ major natu, juxta formam quæ in littera moderationum nostrarum tibi tradita continetur. Sed si aliquem de successoribus ejusdem comitis regem Siciliæ sine prole legitima sui corporis mori contingerit in futurum, succedens eidem servatis gradibus, si superstitēs fuerint hæ personæ, videlicet regis sine prole legitima sui corporis decedentis frater vel soror innupta, fratris filius aut etiam innupta filia, nepos etiam sive neptis innupta ex filio vel filia fratris aut sororis regis præmortui descendentes, & sicut inter has personas gradus servari volumus, ut scilicet prior gradus posteriori gradui præferatur; Sic



& in eodem gradu pluribus concurrentibus A priorem natu posteriori & marem feminæ in hujusmodi successione volumus anteferri. Circa nuptas autem intuitu ejusdem comitis, cui gratiam in hoc intendimus facere specialem, hoc volumus observari, ut si ejusdem comitis filius rex Siciliæ, nullo ejus fratre superstiti sine sui corporis legitima prole decesserit, etiam sorore ejus nupta ipsius comitis filia si regi præmortuo supervixerit, dummodo sit prior natu aliis ejusdem comitis filiabus, ejus quoque ac etiam fratris ipsius regis filia nupta in suo casu, in eodem regno succedant, successione hujusmodi ad alias sui generis nuptas, nisi secundum præscriptam formam nullatenus extendenda. Personarum autem hujusmodi nulla superstiti, regnum ipsum ad Romanam Ecclesiam libere revertatur. Quæ autem de rege decedente sine liberis diximus & succedentibus eidem in regno, dicimus de regina, si contingeret regnum ad feminam casu quocumque devolvi.

In septimo articulo ejusdem cedulae qui sic incipit: In tertio-decimo capitulo quod incipit, Item ipse & singuli heredes sui Romano Pontifici & singulis successoribus suis & Ecclesiae Romanæ quando præstabunt hujusmodi juramentum fidelitatis, jurabunt se ad hoc specialiter obligantes quod numquam per se, vel per alios, seu quocumque modo procurabunt ut eligantur vel nominentur in regem vel imperatorem &c. cum tamen iste articulus non sit tertius-decimus sed duodecimus, moderationem hujusmodi duximus adnectendam, ut si forte in posterum regem Siciliæ in imperatorem contingat eligi postquam regni fuerit possessionem adeptus, non transeat ad imperium, alioquin in pœnas incidat in littera conditionum quam tibi dedimus comprehensas. Quod si regni possessione prædicti nondum agnita seu obtenta, in imperatorem electus transire voluerit ad imperium, in manu prius Romani Pontificis, vel illius quem ad hoc idem Pontifex duxerit destinandum, filium suum successurum in regno, cujuscumque fuerit ætatis, emancipet, & regno renunciât, nihil juris in eo retinens clam vel palam, nec cujuslibet etiam potestatis, nec ipsum filium ad servitium vel subsidium aliquod faciendum, juramento vel voto, stipulatione vel pacto, sibi vel successoribus suis atringat, sicque factus sui juris ab eodem Romano Pontifice, vel alio destinato ab ipso protinus investiat de regno, ad cujus regis successorem, si forte decederet sine liberis, nullo tempore pater veniat imperator existens. Sed si imperio & omnibus quæ ad imperium pertinent, idem pater renunciare voluerit, & regno tantum esse contentus, post renunciationem hujusmodi ad illius successorem libere admittatur: & tunc ab ipso Romano Pontifice vel alio destinato ab eo investituram recipiat regni ejusdem. Quod si dictus filius sic ad regnum assumptus major annis decem & octo fuerit, libere administret, sed quamdiu minor extiterit, tam ipse quam regnum ipsius in custodia Romanæ Ecclesiæ maneat, donec ipse impleverit prædictam ætatem fructibus & ob-

ventionibus regni, ex quibus sumtus necessarij faciendi pro ejusdem regni custodia deducantur regi conservandis eidem, & lucro alterius ratione ipsius custodiæ non cessuris. Quæ verò de filio diximus, ut ei videlicet regnum possit sub observatione præmissa, à patre ad imperium transeunte dimitti in filia, sive nupta fuerit sive innupta, penitus prohibemus. Verum si rex non habens filios in imperatorem electus ad imperium transire voluerit, & de personis quas supra diximus liberis non extantibus, in regno posse succedere mares aliqui superstites fuerint, quæ de filio præordinavimus observentur in illis, excepto emancipationis articulo, quæ in solis illis procedere poterit, quæ capaces emancipationis existent ratione patriæ potestatis. Declaramus etiam in articulo de imperio quod si regi Siciliæ sine filio decedenti superstes sit filia, quæ imperatori dum viveret fuerat desponsata vel nupta, non succedat in regno, & si regno sibi delato imperatori nupserit, cadat protinus ab eodem, nisi vir ejus imperio prorsus renuntians regno solummodo sit contentus. In primo autem casu, repulsa filia, ad personas illas, servatis gradibus, regnum perveniat, quas prænotavimus in regno posse succedere, si regi præmortuo liberi non supersint. In secundo autem casu regnum ipsum ad Romanam Ecclesiam devolvatur.

In duodecimo verò articulo ejusdem cedulae qui sic incipit: In tricesimo capitulo quod incipit: Item dictus comes usque ad annum &c. consummationis tractatus hujusmodi computandum &c. poni volumus à die quo fieri collatio de regno Siciliæ computandum: & in eodem capitulo ubi habetur quod liberum erit eidem Romano pontifici hoc eidem facere, si, quod absit, dictus comes vel longa præpeditus valetudine, vel morte præventus dictum negotium non assumerit, vel assumptum non fuerit prosecutus, nisi forte talis personæ &c. adjectionem hanc fieri volumus, videlicet quod si dictus comes alio forsan impedimento legitimo fuerit irretitus, & hoc significaverit Romano pontifici, & in potestate remanebit ipse vel dicere, pronunciare ac proferre juxta formam in capitulo ipso contentam, concessionem eidem comiti & ejus heredibus factam de regno & terra prædictis vacuum omnino esse, nullumque valorem vel robur habere, ac eam revocare, cassare & irritare, & ipsam cassam & irritam nuntiare, vel talem personam, & tam idoneam assumere, vel admittere ad dictum negotium, quæ merito ad hoc ab ipso sufficiens reputetur.

In articulo autem penultimo dictæ cedulae, in quo de juramento regnicolarum agitur, in hoc volumus comitem honorare, quod postquam ipse suum nobis præstiterit juramentum, juramenta baronum & hominum dicti regni semel tantum in ipsius vita præstentur: sed post decessum ejusdem jurabunt Romano Pontifici successores ipsius, & nihilominus barones & homines dicti regni juxta formas in conditionibus quas tulisti diligentius exaratas, juramen-



tis dictorum baronum & hominum de decennio in decennium renovandis.

Quod verò de quinquaginta millibus marcarum remittendis eidem, tam ab ipso quam à rege postulari scripsisti, nulla credimus ratione petendum, cum sit satis modica quantitas, sintque maxima onera sedis hujus: cum tamen negotium de quo agitur, Deo dante, feliciter consummari contigerit, petitionem ejusdem comitis ex parte saltem aliqua, de qua nobis ad grates teneri debeat, audiemus.

Denique ubicumque conditionibus vel modificationibus nostris habetur in pœnam quòd comes & ejus heredes cadant à regno vel sint ipso regno privati, addatur semper quòd regnum ipsum ad Romanam Ecclesiam devolvatur. Hæc sunt quæ apud nos plena deliberatione statuimus, in quibus, qualiter, & quo tibi sit ordine procedendum per alias litteras quas cum præsentibus tuæ discretioni transmittimus plenè poteris edoceri, in quibus utique litteris rationes urgentes invenies, quæ ad firmandam responsionem hujusmodi nos moverunt. Datum apud Urbem-veterem v. Idus Januarii, pontificatus nostri anno III.

### EPISTOLA XVIII.

Ad Albertum apostolicæ sedis notarium.

*Scribit ei rationes responsionum suarum in superiori epistola expressarum.*

Anno 1264

URBANUS episcopus servus servorum Dei dilecto filio magistro ALBERTO notario nostro salutem & apostolicam benedictionem. Tuis nuper receptis litteris cum quadam cedula interclusa, nonnullos articulos ex parte dilecti filii nobilis viri CAROLI Andegaviæ & Provinciæ comitis tibi redditos cum adjunctis petitionibus continentes ad singula plenè respondimus, sicut in alia tibi littera scribimus seriatim. Sanè quia forsitan aliqui mirabuntur cur super eisdem articulis tam variè responderimus, quamquam omnibus liqueat quòd pro varietate factorum responsiones oportet sæpius variari: placuit tamen nobis singulis nostris responsionibus rationes accommodas præsentì pagina comprehendere, non ut cuilibet quærenti respondeas, nec ut prævenias non quærentes, sed ut in singulis factus instructor respondere non timeas, quibus, ubi, & quando, pro quærentium reverentia vel utilitate negotii tibi crediti videris respondendum. Verùm ab articulis sumentes initium in quibus nihil ducimus iminutandum, in primo articulo dictæ cedula qui sic incipit: Primus articulus de terra &c. in quo petitur quòd si per comitem vel successores ipsius pro regni defensione suscepti facere sumtus contigerit, fiat ei remissio canonis usque ad concurrentem cum sumtibus quantitatem. Qualiter, aut quo pacto peti potuerit vel debuerit non videmus. Ad hoc enim vocamus eundem, ut cum Ecclesiæ magno subsidio juxta suum tuumque tractatum regnum Siciliæ potenter acquirat, & defendat viriliter acqui-

situm, in cujus defensione si forsitan sumtus fecerit, suum gerens negotium, sibi neminem obligabit, cum onera defensionis hujusmodi emolumenta fructuum comitentur, prout in emphyteosis communiter & fructuariis ac vassallis, secundum juris communis regulas, observatur. Hac via si quidem posset Ecclesia suo jure fraudari, multisque materia quæstionibus & scissuris inter sedem apostolicam & illum qui rex Siciliæ pro tempore fuerit, pararetur: & ideo petitioni prædictæ non duximus annuendum.

Illi autem secundo articulo qui sic incipit: In tertio capitulo &c. subjuncta petitio quantum ad primam partem admitti non potuit, ut scilicet ad heredes regni dumtaxat articulus arctaretur, cum in demaniis aut feudis Ecclesiæ potentes viros nec velimus, nec debeamus admittere: & hoc ipsum in terris propriis eundem comitem & alios mundi principes credimus observare. Parti tamen ultimæ petitionis ejusdem consuli volumus, prout in alia nostra littera continetur.

Ad quartum articulum qui sic incipit: In septimo capitulo &c. per aliam nostram litteram data responsio roboratione non indiget: quia loci petita præfixio sine partis utriusque periculo fieri non valeret, & ad moram purgandam tempus sufficiens est præfixum.

Octavus articulus qui sic incipit: Item vicésimo-secundo capitulo &c. sibi sufficit & adjectio postulata cleri detraheret libertati, quam vel minuere, vel ambiguis verbis involvere nec volumus nec debemus.

Undecimus articulus qui sic incipit: In vicésimo-nono &c. substantiam tangit negotii; cum rei cujuslibet pars potissima sit principium, quòd si forsitan esset debile, inimicorum cornua minimè frangerentur: nec potuimus illud admittere, ut secundum magis aut minus evectionum numerus ad equorum quatuor millia reduceretur. Sic enim contingeret, quòd si unus viginti duceret, multi possent cum unico remanere. Quòd si quis objecerit satis posse relinqui comitis providentiæ sui discussionem periculi & cautelam, cum istud principaliter eum tangat; dicimus quòd nihilominus & nos tangit & ipsam Ecclesiam, quæ si, quòd absit, in hoc facto semel attentato deficeret, consequenter sentiret hostium acriores insultus.

In sequenti articulo qui sic incipit: In tricésimo &c. nihil addendum duximus propter utilitatem Ecclesiæ manifestam, quam teneri non expedit in suspenso, nec ad singula quæ videntur probabili ratione subnixa se vult astringere pactionibus, in quibus tamen cum id suggerit æquitas & suadet necessitas, non se reddit difficilem, omni pactione cessante.

Ultimus autem articulus qui sic incipit: Item petitur &c. inter initia litem offerens, nostris & fratrum nostrorum auribus malè sonuit, cum sedes apostolica non intendat super suis conventionibus litigare: quæ sicut dubia pro certis non recipit, sic nec certa pateretur in dubium revocare: præsertim cum facta sunt talia, quæ non possunt non esse notoria si sunt vera.

Ceterum in articulo tertio qui sic incipit: A In sexto verò articulo &c. si quærat cur non omnibus concedamus heredibus indistinctè ut futuris pro tempore regibus in eodem regno succedant; responsio est in promptu. Rei suæ siquidem moderator & arbiter unusquisque incundo super ea contractui legem potest imponere quam voluerit ab eo cum quo contrahit vel intendit contrahere, si & ei placuerit, acceptandam. Quare de regno Siciliae agimus ut de nostro, conditionibus additis, quas & nobis & idem regnum de nostris manibus accepturo, B æquitate pensata, credimus fructuosas. Nec omitimus quod in negotio de quo agitur, non solam personam eligimus, sed & genus cujus sinceritas multis jam retroactis temporibus à progenie in progenies derivata in illis præsumitur in futurum tenaciùs conservanda, qui suum stipitem & ipsius stipitis puritatem, linea rectiore suspicient, minusque mixturam sanguinis sapient alieni. Scias insuper in humanis legibus reperiri imperatorem olim catholicum decrevisse, ne urbis Constantinopolitanæ major Ec-

NOTA. C

clesia emphitheoticum contractum extenderet in tertium aliquatenus successorem. Nos verò in sedis apostolicæ tam nobili patrimonio in recta linea descendantium à Siciliae regibus in infinitum admittimus successores, & usque ad quartum gradum in illa linea transversali, quæ à fratre ducit originem, sicut modificatio nostra declarat. Non ergo artamus iustitiam, sed favorem & gratiam ampliamus, quod equidem reprehensioni non subiacet, sed gratiarum potius dignum est actione.

In septimo verò articulo qui sic incipit: In tertio-decimo capitulo &c. nihil dubium, nihil respondemus onerosum, circa quem ad hoc nostra tendit intentio, ne regnum & imperium in eadem persona concurrant, quorum conjunctio & apostolicæ sedi nocuit & regnum ipsum ad extremam fere reduxisse dinoscitur egestatem. Si quem verò moveat, quod ad regni successionem; filiis non extantibus, filiam nuptam admittimus; nullisque liberis supersti-

E

tibus, sororem innuptam recipimus, nuptamque dicimus repellendam; quiescat ejus animus, nec miretur; si recta linea descendantibus manum extendimus largiorem, præsertim cum sit moris universis principibus altius & honestius nuptui dare filias quàm sorores, propter quod meritò ad regnum hujusmodi videri possunt rectius & securius admittendæ.

Articulus quidem penultimus dictæ cedulæ in quo de juramento agitur baronum & hominum dicti regni, comitem scandalizare non debuit, cum in omnium tractatum nostrorum serie sit expressum, quod sufficienter nobis caveri debeat de pactis & conventionibus observandis, Nos enim nec reges, nec principes, nec famosas mercatorum societates sponsores vel fidejussores dari nobis petivimus ab eodem, sed illam elegimus cautionem, quam sibi magis facilem, minusque prospeximus onerosam, nec contumeliæ notam habet, si jurant subditi quòd dominus ipse jurat, nec ex hoc

dabitur eis occasio malignandi, qui se soli Romanæ Ecclesiæ talibus juramentis astringent, cum qua nihil possent contra Dominum machinari, quem semper Ecclesia Romana tuebitur & fovebit. Unde potest & debet sufficere comiti moderatio quam eidem articulo diximus adnectendam.

Ceterum his ita dispositis, ut ad tuæ tenorem litteræ redeamus, nosse te volumus, quod dubitationis nobis ingessit materiam quod scripsisti, dictum scilicet comitem omnes articulos quos tecum tuleras, his exceptis quos evolvimus acceptasse, cum ex alia parte scripseris carissimum in Christo filium nostrum illustrem regem Francorum dixisse quòd cardinales mittere curarem, qui tam illos quàm alios possent liberè moderari. Ex quibus duabus clausulis innui videbatur prædictum comitem sine regis consilio suam firmasse sententiam, aut regem eundem providentiæ comitis non inniti, plura pro ipso petentem, quàm intendat aut postulet idem comes. Rursum cum tibi quatuor specialiter injunxerimus tenenda memoriter & investiganda prudenter comitis scilicet promptitudinem ad negotium, regis assensum, viam pacis inter reginam & comitem, motum etiam circa decimam prælatorum: quamvis de prompta comitis voluntate aliqua nobis scripseris, & de assensu regio quasdam probabiles conjecturas, de duobus tamen articulis aliis non scripsisti, quamquam non leviter, immo medullitus ipsum negotium tangere videantur, & efficacius promovere, cum facienda D videbitur cardinalium missio. Ex his igitur potes colligere manifestè nondum ad illum statum venisse negotium de quo agimus, ut destinandi fuerint cardinales, quos pro sua gravitate non expedit currere in incertum. Si ergo prædictum regem Franciæ super hujusmodi in missione suspensa videris admirari, plenam habes excusationis materiam ex præmissis, cum hæc tibi sufficiant, qui ex convictu curiæ diuturno, & Romanorum familiaritate pontificum didicisti, quot præmissis discussionibus, quot demum consiliis inculcatis ad tam insignes personas & ad tantæ loca distantia JESU-CHRISTI vicarius mittere consueverit fratres suos. Collectis itaque omnibus supradictis, intermissum resume tractatum, & responsiones quas dedimus ad articulos nobis missos, tam regi, quàm comiti diligenter expone, & tam finalem responsionem eorum, quàm ea quæ circa pacem comitis cum regina, necnon & prælatorum proposito super decima poteris explorare, nobis quàm citius scribere non postponas. Imple demum in omnibus virum providum & fidelem, sicut hætenus in commissis tibi negotiis id fecisti: ita quod dictum negotium per tuæ diligentia studium, gratia tibi cooperante divina, ad laudem & gloriam divini nominis & honorem præfatæ Romanæ Ecclesiæ prosperitatis incrementa suscipiat, tuque nostram & memoratæ sedis gratiam uberius exinde consequi merearis. Datum apud Urbem-veterem v. Idus Januarii, pontificatus nostri anno III.

## EPISTOLA XIX.

Ad Ægidium archiepiscopum Tyrensem  
& Johannem de Valencenis.

*Mandat ut subsidia terræ sanctæ a collectoribus  
recipiant ac fideliter expendant.*

Anno 1264.

**U**RBANUS episcopus servus servorum Dei  
venerabili fratri nostro E. archiepiscopo  
Tyrensi & dilecto filio JOHANNI DE VA-  
LENCENIS Domino *Caiphe* salutem & apo-  
stolicam benedictionem.

Cum nos diversa pecuniaria subsidia sub-  
ventioni terræ sanctæ duxerimus deputanda,  
mandantes hujusmodi subsidia per omnia chri-  
stiana regna mundi & provincias colligi per  
certos prædicatores, executores, seu collectores,  
ad hoc deputatos à nobis, & ad opus ipsius  
terræ vobis ab eisdem collectoribus assignari;  
nos de fidelitate ac circumspectione vestra plenam  
in Domino fiduciam obtinentes, attendentes  
etiam zelum devotionis & intimi affectum  
desiderii, ac vehementem sollicitudinem quibus  
circa liberationem dictæ terræ corda vestra du-  
cuntur, partem onerum negotiorum ejusdem ter-  
ræ non minimam vestris humeris eò fiducialius  
duximus imponendam, quò certius speramus &  
firmius vos hujusmodi onera promptioribus ani-  
mis supportare. Cum igitur nos prædictis col-  
lectoribus per nostras sub certa forma litteras  
injungamus, ut ea quæ de prædictis subsidiis  
collecta sunt hactenus vel in posterum colli-  
gentur, vobis sine diminutione qualibet assi-  
gnare procurent, præsentium vobis auctoritate  
mandamus, quatenus omnia prædicta pecunia-  
ria subsidia collecta jam & quæ deinceps colli-  
gi contigerit ab eisdem executoribus seu colle-  
ctoribus per vos vel per alium, seu alios exi-  
gentes ac recipientes integrè illa quæ recepe-  
ritis in utilitatem prædictæ terræ convertere  
fideliter & sine qualibet diminutione curetis,  
nobis quid & quantum & à quibus de hujusmo-  
di subsidiis receperitis fideliter rescripturi. Tu  
verò, frater archiepiscope, dictos prædicatores,  
executores, seu collectores, quod hujusmodi  
pecuniaria subsidia in manibus vestris vel illo-  
rum, quos ad hoc duxeritis deputandos, assi-  
gnent, per censuram ecclesiasticam per te vel  
per alium seu alios, appellatione remota, com-  
pellas: non obstante si aliquibus à sede apo-  
stolica sit indultum, vel contigerit indulgeri, quòd  
interdici vel excommunicari nequeant aut sus-  
pendi, & qualibet alia indulgentia dictæ sedis  
generali vel speciali, cujuscumque tenoris exi-  
stat, quibuscumque dignitatibus, ordini vel  
personis concessa, per quam mandati nostri  
executio impediri valeat vel differri, & de  
qua in nostris litteris de verbo ad verbum  
& eorum dignitate, ordine, vel nominibus fie-  
ri mentio debeat specialis, & constitutione de  
duabus dietis edita in concilio generali. Datum  
apud Urbem-veterem VII. Calendas Februarii,  
Pontificatus nostri anno III.

## EPISTOLA XX.

Ad omnes colligendis pro subsidio terræ sanctæ  
destinatos.

*Ut in injuncto sibi commissio diligenter & strenue  
se gerant.*

**U**RBANUS episcopus servus servorum Dei  
venerabilibus fratribus universis archiepiscopis  
& episcopis, ac dilectis filiis abbatibus,  
prioribus, decanis, archidiaconis, nec non  
prioribus Prædicatorum ministris, custodibus  
seu guardianis Minorum ordinum, ceterisque  
personis ecclesiasticis vel religiosis, per omnia  
christiana mundi regna & provincias ad cru-  
cis negotium & ad colligenda subsidia pecunia-  
ria pro terræ sanctæ subsidio à sede apostolica  
deputatis, & in posterum deputandis, salu-  
tem & apostolicam benedictionem.

Etsi ad universas mundi provincias, quæ chri-  
stiana professione censentur, nostræ diligentiae  
studium diffundamus, eo tamen sollicitius &  
frequentius ad statum terræ sanctæ, quæ undi-  
que peccatis exigentibus, & Sarracenorum &  
Tartarorum furenti feritate concutitur, nostræ  
dirigimus considerationis intuitum, nostræque  
mentis reflectimus oculos, quò artius ad ejus-  
dem terræ profectus ob illius reverentiam qui  
salutem humani generis extitit operatus in ipsa  
& qui eam sui aspersione sanguinis rubricavit,  
nos recognoscimus obligatos. Cum igitur exe-  
cutionem negotii crucis, ac collectionem di-  
versorum subsidiorum pro eadem terra vobis  
deputatis ad hoc per diversas nostras sub certis  
formis litteras in omnibus christianis mundi  
regnis & provinciis duxerimus committenda:  
nos cupientes per vos in his quæ pro dicta ter-  
ra vobis commissæ sunt, vel committi contige-  
rit in futurum, cum omni diligentia & attentio-  
ne procedi, universitatem vestram monendam,  
rogandam, attentè duximus & hortandam,  
per apostolica vobis scripta districtè præcipien-  
do mandantes, quatinus singuli vestrum, sicut  
divinam & nostram ac apostolicæ sedis caram  
habetis gratiam ad executionem negotiorum  
hujusmodi juxta formas vobis ad hoc deputa-  
tis traditas, sic ferventer, sicque diligenter &  
efficaciter procedatis, ut unigenitus Dei Filius  
JESUS-CHRISTUS cujus causa speciali-  
ter agitur, in hac parte labores vestros, & hic,  
& in cœlesti patria condignis præmiis recom-  
penset, nosque devotionis vestræ promptitudi-  
nem debitis laudum præconiis attollentes, mul-  
tiplices vobis propter hoc non immerito gra-  
tias referamus. Ceterum volumus & vobis uni-  
versis & singulis in obedientiæ virtute districtè  
præcipimus, ut omnem pecuniam cunctaque alia  
collecta jam per vos de hujusmodi subsidiis &  
colligenda deinceps venerabili fratri nostro E.  
archiepiscopo Tyrensi & dilecto filio nobili  
viro JOHANNI DE VALENCENIS do-  
mino *Caiphe*, ejusdem terræ nunciis vel illis  
quos ipsi ad hoc duxerint deputandos integrè  
ac fideliter & sine diminutione qualibet assi-  
gnare

Anno 1264.

gnare curetis, per eos in ejusdem terræ subsidium totaliter convertenda, rescripturi nobis fideliter quid de hujusmodi subsidiis & gratum & quibus duxeritis assignandum. Datum apud Urbem-veterem VII. Calendas Februarii, Pontificatus nostri anno III.

## E P I S T O L A X X I.

*Præscribit cautiones cum quibus Carolus comes Andegaviae & Provinciae Urbis senatum tenere debeat &c.*

Anno 1264 **U**RBANUS episcopus servus servorum Dei ad perpetuam rei memoriam.

Dicit Jeremias quod omne malum ab Aquilone pandetur. Nos autem dicimus quod non jam ab Aquilone, sed à regno Siciliae nobis & vobis panditur omne malum, nam de ejus divitiis magna pars mundi corrumpitur, Ecclesiae patrimonium laceratur, & viæ nostræ & ad nos venientium ex parte jam maxima sepiuntur. Ut autem tot malis quibus modis poterimus occurramus, aliqua cogimur tolerare, quæ hujusmodi causis cessantibus minimè paterebimur. Unde quia procedente tractatu inter nos & dilectum filium nobilem virum CAROLUM Andegaviae ac Provinciae comitem, de regno Siciliae sub certis conditionibus ei dando, contigit eundem comitem in senatorem Urbis assumi. Nos qui nullum principem præter Romanum Pontificem, si vel prosperitas arrideret, vel saltem levior urgeret calamitas, dominari vellemus in Urbe, nunc malis crescentibus eidem comiti in senatoria dignitate ad tempus obtinenda, ad hoc ut liberior & facilius aditus ei ad dictum regnum exinde pateat, cogimur assentire. Quamvis autem vestra in hac parte fuerint divisa consilia, omnibus tamen provida meditatione pensatis, nobis videtur utile, & hoc tempore necessarium, ut juxta ejusdem comitis & carissimi in Christo filii nostri LUDOVICI Francorum regis illustris desiderium, dilectum filium nostrum S. tituli S. Ceciliæ presbyterum cardinalem sine moræ dispendio destinemus ad ipsos, qui ad primam de illis duabus viis, quas dilectus filius magister ALBERTUS notarius noster eidem comiti nuper secum tractando proposuit, comitem ipsum diligentibus monitis & quibuscumque poterit modis inducat, ad quod obtinendum, eundem cardinalem per nostras litteras ad ipsos regem & comitem dirigendas juvare curabimus, scribendo eidem quanto affectuosius scribere poterimus in hac parte. Verumtamen si nullo modo possent induci ad hujusmodi primam viam, volumus quod idem cardinalis antequam oporteat prædicti regni dissolvi tractatum, transeat ad secundam viam seu formam, senatus articulum contingentem. Et si cum eodem comite volente juxta formam cavere secundam, super ipsius regni negotio convenire potuerit, procedat in utroque negotio juxta formas inferius annotatas. Duæ autem viæ seu formæ propositæ dicto comiti de senatu sunt

*Theauri Anecd. Tom. II.*

**A** illæ, quas nuper legimus, nunc iterum recitamus.

Prima forma cautionis quæ videtur à comite requirenda hæc est: Præfigetur ei tempus triennii vel quadriennii, vel ad plus quinquennii, ultra quod nequeat tenere senatum, & dabit suas patentes litteras, & promittet sub poenis infra scriptis, quod ultra tempus de quo cum eo conventum fuerit, non tenebit senatum, nec se de eo quoquo modo per se vel per alium intromittet; & quod si infra illud tempus, de

**B** quo conventum fuerit, regnum Siciliae totum vel majorem partem ejus, cui minor non possit resistere, acquisierit; ad mandatum Romani Pontificis qui pro tempore fuerit, senatum dimittet omnino, ex tunc per se vel per alium non resumturus eundem: & hæc omnia & singula se firmiter ac fideliter servaturum firmabit proprio juramento. Quod si contra præmissa vel aliquod de præmissis venerit vel fecerit, præter reatum perjurii, idem comes excommunicationis, & terra sua ubilibet constituta interdicti incurrant sententias eo ipso quas sententias si per mensem sustinuerit, eo ipso cadat à jure senatus: & si postea de facto senatum tenere contenderit, seu per se vel per alium, de ejus regimine se quoquo modo intromiserit, cadat eo ipso ab omni jure sibi quæsito in regno Siciliae.

**C** Secunda forma hæc est. Promittet comes quod bona fide dabit operam, ut Romanis non juret regere Urbem ad vitam; sed quamdiu sibi placuerit tenere senatum. Quod si obtinere hoc poterit; juret comes quod non tenebit senatum ultra quinquennium, seu ultra illud tempus citra quinquennium, de quo conventum fuerit inter ipsum & dictum cardinalem: & quod si infra illud tempus, de quo conventum fuerit, regnum Siciliae totum vel majorem ejus partem, cui minor non possit resistere, acquisierit, ad mandatum Romani Pontificis qui fuerit pro tempore dimittet senatum omnino, ex tunc per se vel per alium non retenturus eundem. Si autem dictus comes à populo Romano obtinere non possit quod non teneatur Urbem regere vita sua; promittet comes quod postquam concefferimus ei regnum Siciliae, & ipse totum illud vel majorem partem ipsius acquisierit, vel si fortè, quod absit, illud acquirere non poterit, postquam de hoc liquido constiterit, ipse dimittet senatum, cum à nobis vel successore nostro de plano non servata juris solemnitate, decretum fuerit, quod illud debeat dimittere, adjecto expressè in eodem decreto, quod senatum sine Ecclesiae Romanæ præjudicio & animæ suæ periculo tenere non potest, & quod dictum senatum potest dimittere de jure sine offensa juramenti quod præstitit vel præstabit in adventu suo Romanis; & tunc ut dictum est, eundem senatum omnino dimittet; & hæc omnia jurabit & promittet sub poena & cautionibus suradictis.

**D** Tertio promittet quod in dimissione senatus dabit operam bona fide, ut idem senatus ad ordinationem Romani pontificis & Ecclesiae reverteratur, cives scilicet Romanos ad hoc sicut me-

lius & honestius poterit inducendo. Jurabit etiam quoddam senatum tenuerit, nihil scienter in terris Ecclesiæ; demaniis scilicet & feudis in ejusdem Ecclesiæ præjudicium vel suorum faciet contra ipsam & ecclesiasticam libertatem. Quod an ipse vel sui fecerint, id sine moræ dispendio revocabit. Et istæ cautiones omnino habeantur ad minus, meliores si poterunt obtineri. Si autem dictus comes prædictas promissiones & cautiones facere recusaverit, idem cardinalis dimisso regni negotio ad sedem apostolicam revertatur, præmissa protestatione de jure Romanæ Ecclesiæ in senatu; & reddat in hoc placabilem regem Franciæ, Romanam Ecclesiam excusando, cum per eam non stet quin negotium cum eodem comite modo debito consummetur. Hoc autem modo super senatus articulo datis consiliis diffinimus, hoc addito quod [ si ] idem cardinalis super regni negotio cum dicto comite non potuerit convenire, nec in prima, nec in secunda forma, nec in alia qualibet procedat super senatus articulo cum eodem. Immo jus nostrum & Romanæ Ecclesiæ in dicti regis præsentia contestetur eidem, & dicat expressè quod sine animæ suæ periculo & Romanæ Ecclesiæ præjudicio nequit susceptum Urbis regimen retinere... Sane super dicti regni negotio diffinimus dandam fore à nobis potestatem cardinali prædicto super modificationibus ex parte dicti comitis postulatis: ita quod idem cardinalis negotietur prudenter cum eo, ne se minus exhibeat facilem ad assensum; sed cum deliberatione morosa stet pro utilitate Ecclesiæ quantum poterit, & possit censum, de quo est actum, minuere in duobus millibus unciarum, & non ultra: & ad hanc diminutionem simul non veniat, sed gradatim. Circa articulum etiam juramenti regnicolarum, reddat se omnino difficilem, & tentet si illum, sicut jacet, poterit obtinere: & si hoc non potest, remittatur in vita comitis hujusmodi juramentum; & si nec hoc potest, extendatur ejusdem juramenti remissio ad primum heredem. Et si nec istud, inquirat dictus cardinalis an aliquam securitatem aliam in locum juramenti hujusmodi velit idem comes offerre. Quod si in his omnibus defecerit, & in aliis convenire poterit cum eodem, possit articulum juramenti prædicti totaliter amovere. De aliis autem conditionibus quarum modificatio petitur, sicut eas legimus nuper vobis, potestatem habeat cardinalis modificandi & limitandi easdem cum prædicti regis consilio, prout honori & hujus Ecclesiæ ac nostro & felici promotioni negotii viderit expedire. Provisurus attentius, quod expressionem taxati numeri militum non remittat, nisi dictus comes possit eidem ostendere manifestè quod id expediens sit negotio potius quam personæ. Ceterum postquam super omnibus supradictis cum eodem comite concordaverit, scribantur vel legantur omnia in ejusdem regis præsentia. Et possit præfatus cardinalis promittere dicto comiti nostro & Ecclesiæ Romanæ nomine, quod postquam sine gravi scandalo ecclesiæ Gallica-

na de assignanda sibi decima quam petit, ordinatum fuerit & concessum, & negotium pro quo carissimus in Christo filius noster H. rex Anglorum illustris, & EADMUNDUS natus ejus sunt auctoritate nostra citati, fuerit per nos, Deo favente, decisum, & pax inter carissimam in Christo filiam nostram MARG. illustrem reginam Francorum & ipsum comitem fuerit reformata, vel saltem per eundem cardinalem vel per alium seu alios quos idem Francorum rex ad hoc duxerit deputandos, super pace hujusmodi talis tractatus processerit, quo ipse Francorum rex contentus existat, dabitur eidem à nobis regnum Siciliæ cum juribus & pertinentiis suis sub conditionibus tractatus, & hinc inde firmatis seu acceptatis, non mutandis nec augendis vel minuendis in totum vel aliquam sui partem: & sic de dando regno prædicto, dabit suas litteras dicto comiti cardinalis, & de sic recipiendo comes versa vice suas litteras cardinali. Finalem autem concessionem & investituram regni prædicti nobis duximus reservandam. Et hoc super senatus & regni prædictorum negotiis diffinivimus, & hujusmodi volumus firmam, inconcussam, & stabilem, ac immutabilem, & inviolabilem permanere. Actum apud Urbem-veterem in camera palatii episcopalis præsentia fratrum nostrorum collegio VII. Calendas Maii, pontificatus nostri anno III.

## EPISTOLA XXII.

Ad Simonem cardinalem apostolicæ sedis legatum.

*Concedit facultatem absolvendi à censuris quas statutorum Galonis legati infractores incurrerant.*

URBANUS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Anno 1164

Cum sicut accepimus, felicitis recordationis G. papa prædecessor noster, & bonæ memoriæ GUALO tituli S. Martini presbyter cardinalis; tunc in regno Franciæ apostolicæ sedis legatus in nonnullis monasteriis tuæ legationis statuta quædam præceperint observari, decernentes illos qui contra illa venire præsumerent excommunicationis vinculo subiacere, præsentium tibi auctoritate concedimus, ut si quas religiosas personas inveneris hujusmodi sententiam incurrisse, ipsis absolutionis beneficium imperiri valeas: & si forsan sic ligatæ sacros susceperint ordines vel ministraverint in illis, cum eisdem super irregularitate hujusmodi, prout animarum suarum saluti expedire videris, dispensari valeas. Datum apud Urbem-veterem v. Calendas Maii, pontificatus nostri anno III.





## EPISTOLA XXIII.

Ad Simonem cardinalem sedis apostolicæ  
legatum.

*Facultatem testandi ipsi tribuit.*

Anno 1264

**U**RBANUS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Precibus tuis benignum impartientes assensum, condendi testamentum de bonis ecclesiasticis mobilibus, quæ habes & habueris, ac disponendi & ordinandi de ipsis, prout salutis animæ tuæ videris expedire, plenam & liberam tibi auctoritate præsentium concedimus facultatem. Datum apud Urbem-veterem Calendis Maii, pontificatus nostri anno III.

## EPISTOLA XXIV.

Ad Simonem cardinalem apostolicæ sedis  
legatum.

*Permittit ei duos vel tres instituere tabelliones ad  
opus suæ legationis.*

Anno 1264

**U**RBANUS episcopus servus servorum Dei dilecto filio S. tituli S. Cecilie presbytero cardinali apostolicæ legato salutem & apostolicam benedictionem.

Cum te, quem, utpote virum circumspectum & providum, carum habemus admodum & acceptum, ad partes Franciæ & quasdam alias pro quibusdam Ecclesiæ Romanæ negotiis commisso tibi plenæ legationis officio, destinemus, quia forsan oportebit te habere ad hujusmodi exequenda negotia personas per quas contractus legitimi publica manu ad cautelam præsentium & futurorum memoriam annotentur, concedendi auctoritate nostra duabus vel tribus personis idoneis, si expedire videris, tabellionatus officium juxta formam, qua illud sedes apostolica concedere consuevit, tibi auctoritate præsentium concedimus facultatem, injuncto eis quibus officium ipsum commiseris, ut illud prudenter & fideliter exequantur. Datum apud Urbem-veterem Calend. Maii, pontificatus nostri anno III.

## EPISTOLA XXV.

Ad Simonem cardinalem sedis apostolicæ  
legatum.

*Dispensat eum à numero evectionum à concilio  
Lateranensi præfixarum.*

Anno 1264

**U**RBANUS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Cum te, quem, utpote virum circumspectum & providum, carum habemus admodum & acceptum, ad partes Franciæ & quasdam alias pro quibusdam Ecclesiæ Romanæ negotiis commisso tibi plenæ legationis officio destinemus;  
*Theſauri Anecdor. Tom. II.*

**A** quia forte plerumque, te oportebit ex causa evectiones habere ultra numerum in concilio Lateranensi taxatum, te ad servandum hujusmodi numerum volumus non adstringi. Datum apud Urbem-veterem Calendis Maii, pontificatus nostri anno III.

## EPISTOLA XXVI.

Ad archiepiscopos, episcopos, abbates & c.  
regni Franciæ, &c.

**B**

*Expositis damnis & injuriis à Manfredò Ecclesiæ  
illatis, hortatur ut Carolo comiti Andegaviæ  
& Provinciæ ad ultionem injuriarum se paranti  
decimas reddituum ecclesiasticorum per triennium  
solvant.*

**U**

**U**RBANUS episcopus servus servorum Dei Anno 1264  
venerabilibus fratribus universis archiepiscopis & episcopis, & dilectis filiis abbatibus, prioribus, decanis, archidiaconis, præpositis, & aliis ecclesiarum prælatis, necnon capitulis, collegiis & conventibus, ceterisque personis ecclesiasticis, sæcularibus & regularibus, exemptis & non exemptis, per regnum Franciæ ac terras ad dilectam in Christo filiam nobilem mulierem comitissam Flandriæ ratione domini veldororum suorum in Cameracensi & Tornacensi diocesibus pertinentes, per comitatum etiam Provinciæ & alias dilecti filii nobilis viri CAROLI Andegaviæ & Provinciæ comitis, & vassallorum suorum terras, ac per Lugdunensem, Viennensem, Ebredunensem, Tarentasiensem & Bisuntinam provincias constitutis salutem & apostolicam benedictionem.

**C****D****E****F**

Dolorum urgentium multitudo, quibus his temporibus ut parturiens Ecclesia Romana circumdatur, clamare ipsam & dicere: ventrem meum doleo, cum propheta compellit, & cogit exponere vobis angustias & ærumnas, quibus universum ejus corpus à planta pedis usque ad verticem indefinenter concutitur & turbatur. Vos igitur, ô vos fratres & filii, clamores ipsius Ecclesiæ patulis suscipientes auribus, compatimini ejus duris & diris passionibus pio corde, ut secundum dolorum suorum multitudinem vestræ consolationes tristem ejus lætificent animam, quam eorundem dolorum acerbitas velut acutus gladius pertransivit. Liqueat namque omnibus qualiter à diebus quondam FR. olim Romanorum imperatoris, Sicilia regnum vim patitur, & viperea ejus generatio prædatione illud diripit violenta, quoniam idem FR. ejusque nati & posterii aliorum tyrannorum excedentes tyrannidem, gravioribus illud affecerunt injuriis, & oppressionibus durioribus affligerunt, & velut in cædem & exterminium ejus tendentes furoris arcum, & feritatis gladium acuentes, diris illud tribulavere flagellis, & usque ad interiora profundis illatis vulneribus sauciarunt: quia in hoc pravo genere patrum in filios cum sanguine derivata malitia, sicut carnis propagatione, sic imitatione operum nati genitoribus successerunt. Et licet prædicta Ecclesia, memorato FR. & CONRA-

D ij

do ipsius nato sublati de medio, ad prædictum regnum habens maternæ compassionis affectum ardenti consurrexerit desiderio, ut regnum ipsum, quod ad eam pertinet pleno jure & de cujus opulentia ejus persecutores & æmuli multipliciter impinguati, ipsam sub diversitate temporum graviter impugnarunt, ad optatæ salutis, libertatis solitæ, pacisque solidæ statum plenè reduceret, & illud in eo firma stabilitate, favente Domino, perseveraret: quia tamen MANFREDUS quondam princeps Tarentinus, cujus personam Ecclesia eadem in regno ipso beneficiis largis & amplis extulerat, suis in dicto regno processibus damnabiliter obviavit, ineundo colligationes malignitatis cum Sarracenis Luceriæ, cum quibus exercitum ejusdem Ecclesiæ pro ipsius regni commodo & tranquillitate directum offendit graviter, infidelium agmina commovens contra catholicos & fideles, non potuit ipsa Ecclesia juxta sui affectus plenitudinem salubre de regno ipso suæ intentionis propositum obtinere. Nam idem MANFREDUS eorumdem Sarracenorum contra ipsam Ecclesiam telis armatus, ad occupationem ipsius regni præsumtuosa cupiditate procedens, ut Sarracenos ipsos haberet sibi contra Ecclesiam favorabiles & suæ consentaneos pravitati, nonnulla loca ipsius regni quæ nec prece, nec pretio, nec violentia poterat ab Ecclesiæ fidelitate ac devotione subducere, proditorialiter à Sarracenis eisdem, qui fidelium eorumdem locorum sitiebant sanguinem, nocturno tempore capi fecit, illaque funditus dissipari, ac in cinerem redigi & favillam, eorumdem locorum incolas utriusque sexus, præter illos quos indifferenter manus inimica peremit, eorumdem Sarracenorum in injuriam christianæ fidei subjiciens servituti. Postquam autem regnum ipsum cum eorumdem Sarracenorum auxilio totaliter occupavit, sic protinus in superbæ altitudinem est elatus, & in sævitæ acerbitem obriguit, quod de virtute divina non tremuit, humanamque parvipendit potentiam, & honorem prædictæ Ecclesiæ ac libertatem ecclesiarum & hominum dicti regni tyrannide furibunda depreffit. De multiplici

\* F. angulo namque necessitatis \* angusto in quo serpens iste latuerat, ad affluentis copię amplitudinem famelicus & sitibundus exiliens rabido cœpit ore regnum laniare præfatum. Nam Sarracenorum ritus amplectens, ac ipsos in quotidianis obsequiis notabiliter secum tenens, illorum præcipuè consilio, auxilio, & favore, præfatum regnum ad tantam exinanitionem servitutemque redegit, quod omnibus ejus incolis penè penitus nihil habentibus, & quamplurimis exinde probis ejectis, illos qui remanserunt ibidem sub servili vivere conditione compellit: sicque in bona & personas ipsius regni anxia exarsit & exardet ingluvie, quod hæc insatiabili rapacitate decerpens, illud, proh dolor! ferus plus fera qualibet fere penitus absorbit in utrisque; nec sexum, nec ætatem, nec ordinem prætermittens, neque ecclesias etiam, & personas ecclesiasticas ipsius regni, eorumque

A jura & bona ejus furor præteriit: sed in hæc eò excanduit ferocius, quò quicquid ecclesiastico discernitur nomine abhorret odio graviore: quoniam archiepiscopales, episcopales & alias regni prædicti ecclesias & monasteria detinet seu detineri facit damnabiliter occupata, in eorum aliqua fictos & perniciosos intrudendo ministros, vel jam intrusos nefariè confovendo, quædam verò pro suo commendando libito, & illorum in usus proprios convertendo periculosè proventus. Quid plura? tanta impietate corpus ibidem obtrectavit Ecclesiæ, quò ipsum ferè ad nihilum jam redegit. Nam illud rabiosis demembrans morsibus, totam demum carnem voravit, ipsius corrodit etiam ossa, & insuper medullas exsuxit. Idem quoque MANFREDUS multis injuriis & diversis offensis, quibus memoratam in ejusdem regni occupatione inhumanitè vexavit Ecclesiam, non contentus, ad Anconitanam Marchiam & quàm plures alias terras ipsius Ecclesiæ, & demum ad quamdam partem Tusciæ, quæ Romano imperio subjacet, UBERTO marchione Palavicino, & nonnullis aliis ejusdem Ecclesiæ persecutoribus & proditoribus, sibi per iniquarum colligationum fœdera contra ipsam Ecclesiam copulatis, avidas & occupatrices manus extendens, & eandem Ecclesiam in quadam quodammodo sagena concludens, continuis illam aggressibus impetit, assidua vexatione concutit, rabie tyrannica distrahit, & diversis aliis tribulationum generibus incessanter affligit: adeo quòd eadem Ecclesia tot malis afflicta, tot attrita molestiis, totque flagellis oppressa, vix potest ab hujusmodi oppressionibus respirare: quoniam ex hoc pullulant fere ubique per Italiam hæreses, cultus divinus minuitur, fides catholica premitur, immo deprimitur, & opprimitur status fidelium, ancillantur ecclesiastica libertates & jura ecclesiastica conculcantur. Prælati quoque & alii clericali militia præsigniti pœnas subire coguntur exilii, capiuntur & ignominiosè tractantur, ac in atroces detruduntur carceres, mutilantur & morte turpissima condemnantur; spoliuntur sacra & pia loca tam religiosa quàm alia possessionibus & aliis bonis suis, & cum sint divino dicata cultui, ad usus deputantur illicitos & profanos, despiciuntur & abominationibus ac spurcitiis sordidantur. Nonnulli quoque clerici divina coguntur officia in locis ecclesiastico interdicto suppositis in contemptum clavium ecclesiæ celebrare, & exhibere sceleratis & excommunicatis ac impiis ecclesiastica sacramenta. Pontificalis parvipenditur auctoritas & potestas, ecclesiastica censura contemnitur, pereunt animæ, trucidantur corpora, incenduntur urbes, destruuntur castra, infringitur stratarum securitas, spoliuntur viatores, Sarraceni & schismatici Christicolis præferuntur, defenduntur hæretici; adeo quòd in nonnullis locis non audemus procedere contra ipsos, in aliquibus verò terris prædicatores evangelicæ veritatis verbum Dei proponere fidelibus prohibentur, & hæreses publicè prædicantur. Quàm plura insuper alia detesta-

bilia & abominabilia committuntur, quæ divinæ oculos majestatis offendunt, scandalum in Ecclesia commovent, & tremendum ecclesiasticæ censuræ vigorem debilitant & conculcant. Nec potest ipsa Ecclesia prædicti MANFREDI invalescentibus viribus opportunum super his remedium adhibere, cum nuper etiam idem MANFREDUS truculentas manus in viscera ejus immittens, quosdam Teothonicos suæ utique persecutionis ministros in patrimonium B. Petri in Tuscia, in quo nos cum tota nostra curia residemus, destinare præsumserit in asperiores & duriores vexationem ipsius Ecclesiæ,urbationem provinciæ, nostrorumque fidelium nocumentum. Quia igitur à prædicto regno Sicilia panditur omne malum ipsius Ecclesiæ, & tantorum periculorum tam animarum quam corporum causa procedit, omnino expedit eidem Ecclesiæ circa statum ipsius regni aliter cogitare, quam si Ecclesia plenâ suâ libertate ac auctoritate in regno gauderet eodem, & aliquis princeps catholicus ejus gubernaculis præsideret, innumerabilia & inestimabilia bona non solum eidem Romanæ, verum etiam universali Ecclesiæ, & potissimè terræ sanctæ, ac Constantinopolitano imperio spiritualiter & temporaliter provenirent, nec oporteret eandem Romanam Ecclesiam sic frequenter ad Ultramontanas ecclesias pro ejus necessitatibus habere recursum, ipsasque totiens aggravare. Sufficeret enim ei suum patrimonium & regni census ejusdem, si hæc pacificè possideret, multaque temporalia bona perciperet ab ecclesiis dicti regni, quæ suas necessitates non modicum relevarent, quemadmodum temporibus devotorum & catholicorum regum Sicilia hæc percipere consuevit. Cogitantes itaque & diligentius inquirentes vias & modos quibus Ecclesia ipsa hoc tempore juvari valeat, & à tot calamitatibus liberari, universorum orthodoxorum regum & principum orbis terræ aptitudine ad hoc & promptitudine cum multa deliberatione pensatis, tandem ad dilectum filium nobilem virum CAROLUM Andegaviæ ac Provinciæ comitem, principem utique strenuum, industrium, & fidelem, ac de illa regia stirpe progenitum, de qua suscepit semper & suscipit eadem Ecclesia filios benedictionis & gaudii, filios factis & fama pollentes, filios opportuni auxilii & favoris, in quibus suavem delibat dulcorem reverentiæ filialis & innatæ devotionis insumit odorem, oculos mentis nostræ convertimus, direximus, animum, intentionem extendimus, & in ipso, immo potius in carissimo in Christo filio nostro LUDOVICO illustri rege Francorum, cujus germanus existit, ac famosissimo & christianissimo regno suo post Deum quo ad ipsius Ecclesiæ ab inimicis qui incircuito ejus sunt, liberationem firmiter defiximus anchoram spei nostræ, sperantes in illo qui reges & regna constituit, & qui dominatur super regnum hominum, & qui illud cui-cumque vult liberaliter elargitur. Quod si negotium prædicti regni Sicilia in personam ejusdem CAROLI, divina favente clementia, promoveri, & regnum ipsum in eum transferri

De regia  
spe Gal-  
licana Ec-  
clesia sep-  
per suscipit  
filios bene-  
dictionis.

A contigerit, illam eandem liberationem, illamque consolationem in hujusmodi necessitatis articulo prædicta per eum consequetur Ecclesia, quam per claræ memoriæ magnificum CAROLUM Pipini filium, ejusdem progenitorem comitis, in cujus personam Romanum imperium Ecclesia de Græcis transtulit in Germanos, eidem Ecclesiæ legitur antiquis temporibus in necessitate simili provenisse. Verum quia idem comes tam arduum tamque difficile negotium, pensatis ejus facultatibus, magnificentius aggredi sicut foret expediens, sine magno & prompto Ecclesiæ subsidio non valeret, ad vos principalius, tamquam ad illos qui estis bases immobiles, super quas ejusdem Ecclesiæ structura nobilis pro majori parte consurgens, indeficientis soliditatis obtinet firmamentum, fiducialiter duximus recurrendum: universitatem vestram monentes, rogantes, & hortantes attentius, ac per apostolica vobis scripta districtè præcipiendo mandantes, ac obsecrantes vos nihilominus per asperionem sanguinis JESU-CHRISTI quatenus tot sanguinum qui ad nos & ad vos etiam de terra clamant effusis vocibus provocati, tot lacrymarum fluentium ab oculis innocentum commoti decursibus, totque angustiarum & tribulationum querimoniis excitati, condoleatis dolenti Ecclesiæ, & compatiamini passionibus proximorum, eandemque ecclesiam ac prædictum comitem in tam utilis tamque pii promotione negotii, in quo non solum Romanæ & universalis Ecclesiæ relevatio: verum etiam exaltatio & promotio fidei, salus animarum, corroboratio status fidelium, infidelium debilitatio, & divini cultus augmentum agitur, efficacibus & promptis subventionibus adjuvetis, eidem comiti decimam omnium vestrorum ecclesiasticorum proventuum per triennium, divinæ majestatis intuitu, ob reverentiam quoque apostolicæ sedis & nostram, & dicti regis obtentu, pro ipsius promotione, ac prosecutione negotii libenter & liberaliter concedentes: ita quod exinde vestra devotio cælestis benedictionis gratiam consequi mereatur, & prædicta Ecclesia id in æternæ memoriæ libro conscribens, vobis & ecclesiis vestris remaneat ob hoc perpetuis temporibus obligata, idemque comes, ac etiam prædictus rex, qui progenitorum suorum inhærendo vestigiis, semper fuit in conservatione libertatis ecclesiasticæ pervigil & attentus, in ecclesiarum aliorumque piorum locorum constructione benivulus, in eorum dotatione ac ditatione largifluus, & in gratiis ac beneficiis erga personas ecclesiasticas sæculares & regulares valde munificus, teneantur pro tanto pietatis opere tam vobis quam prædictis vestris ecclesiis grata pro loco & tempore vicissitudine respondere. Ceterum quia dilectum filium nostrum S. Tituli S. Cecilie presbyterum cardinalem, quem inter alios fratres nostros, Romanæ videlicet Ecclesiæ cardinales, benevolentia multa prosequimur, ad partes illas commissio ei pro ejusdem promotione negotii plenæ legationis officio de fratrum nostrorum consilio destinamus, omnino

D iij

volumus ut eidem cardinali in cujus labiis infusa est cœlitus gratia, ut sciat necessarium proferre sermonem tempore opportuno, fidem indubitatam in his quæ vobis super præmissis ex parte nostra dixerit, adhibere, illaque efficaciter adimplere curetis. Datum apud Urbem-veterem v. nonas Maii, pontificatus nostri anno III.

## EPISTOLA XXVII.

Ad Simonem cardinalem apostolicæ sedis legatum.

*Mandat ut archiepiscopos & episcopos hortetur ad solvendas per triennium Carolo principi decimas.*

Anno 1264

URBANUS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Cum nos venerabiles fratres nostros archiepiscopos & episcopos, & dilectos filios abbates, priores, decanos, archidiaconos, præpositos & alios ecclesiarum prælatos, nec non capitula, collegia & conventus, ceterasque personas ecclesiasticas sæculares & regulares, exemptas & non exemptas, per regnum Franciæ ac terras ad dilectam in Christo filiam nobilem mulierem comitissam Flandriæ ratione domini, vel feudorum suorum in Cameracensi & Tornacensi diocesibus pertinentes, per comitatum etiam Provinciæ, & alias dilecti filii nobilis viri CAROLI Andegaviæ ac Provinciæ comitis & vassallorum suorum terras, ac per Lugdunensem, Viennensem, Tarentasiensem, Ebre-dunensem, & Bisuntinam provincias constitutos, per nostras sub certa forma litteras expositis eis doloribus, tribulationibus, angustiis & pressuris, quibus Romana mater Ecclesia durius & asperius solito his diebus affligitur, fiducialiter requiramus, ut compatiens ejusdem ecclesiæ passionibus, pio corde decimam omnium suorum ecclesiasticorum proventuum dicto comiti pro prosecutione negotii regni Siciliæ, quod in personam ipsius comitis pro liberatione dictæ Ecclesiæ ab imminentibus ei periculis promovere, Domino favente, proponimus, prompta per triennium liberalitate concedant: discretionis tuæ de qua plenam in Domino fiduciam obtinemus, per apostolica scripta mandamus, quatenus archiepiscopos & episcopos aliosque prædictos generaliter & singulariter, prout expedire videris, attentis & efficacibus inductionibus exhorteris, ut se in hoc faciles, benignos, & benivolos exhibentes, preces & mandata apostolica in hac parte studeant promptis animis adimplere, ipsos ad id, si necesse fuerit, auctoritate nostra, sublato cujuslibet appellationis obstaculo, compellendo; non obstante si eis vel ipsorum aliquibus à sede apostolica sit indultum, quod interdici, suspendi, vel excommunicari, quodque ad exhibendum alicui subsidium pecuniarum compelli non possint per litteras apostolicas, plenam & expressam ac de

A verbo ad verbum non facientes de indulto hujusmodi mentionem, & quibuslibet aliis præfata sedis indulgentiis, cujuscumque tenoris existant, per quæ hujusmodi negotium impediri valeat vel differri, & de quibus in nostris litteris mentio fieri debeat specialis. Datum apud Urbem-veterem v. nonas Maii, Pontificatus nostri anno III.

## EPISTOLA XXVIII.

Ad Simonem cardinalem apostolicæ sedis legatum.

*Constituit eum sedis Apostolicæ legatum in Franciam, &c.*

URBANUS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem. Anno 1264

Desideravit & desiderat anxie Romana mater Ecclesia, ut populus ille regni Siciliæ, qui tanto tempore duces sequendo nequitia, declinavit à semita mandatorum Domini, & per inobedientiæ invium oberravit, ad viam rediret rectitudinis & salutis; & cæcitatibus excussa caligine, in lumine rectæ intelligentiæ ambulans, regrederetur ad ipsius Ecclesiæ gremium, & sinceris ac devotis ejus filiis ad salutarem præceptorum suorum observantiam uniretur: ut ad fidelium communionem reversus, in devotione cum eis stabili mente persisteret, & omnipotentis iram, quam diutinis provocavit offensis, sedula humilitate placaret. Affectavimus etiam quod scelestus ille malitiæ fomes & minister sævitia, MANFREDUS videlicet, quondam Princeps Tarentinus, ad cor suum de tot prævaricationibus rediens, dimissis ejus pravitatibus & perversitatibus, in quibus obfirmatus existit, suæ induratae contumaciæ deponeret supercilia, & sub potenti manu Dei humiliter se prosternens, prædictæ Ecclesiæ pro tot injuriarum & offensarum cumulibus, quos in eam non expavit congerere, satisfactionem plenariam exhiberet. Vehementer quoque optavimus & optamus, ut præfatum regnum quod velut ovis devians, ignorantia tenebris obscuratum, in præcipitia labitur, ad aliorum fidelium regnorum consortium veræ lucis illustratum radio remearer, & ut regnum ipsum quod assiduis doloribus premitur, affligitur angustiis, gravatur dispendiis, & jugi discrimine ruit & vastatur in suis, tot instantia sibi pericula cogitaret; & infra se suum miserabilem lapsum & casum attendens de sua foret salute sollicitum, & studeret à tot flagellis eripi, totque oppressione liberari; sed illud tamquam miserum statuens oculos suos declinare in terram, ut quasi sua & suorum mala non cernat, & diræ servituti dorsa submittens, ad ferendam cujuslibet gravaminis sarcinam de sua dissipatione suoque curare opprobrio, tamquam hebes, languens & torpidum non videtur, quin immo ex assueta impositione ponderum, ac si callosam in humeris jam contraxisset duritiam, sine querela & murmure serviliter mala

sustinet universa. Unde nos illi miserabili populo, A  
 qui prostrato animo & inflexa cervice ad ruinam  
 perditionis per eundem MANFREDUM absque  
 clamore liberè trahitur, paterno compatientes  
 affectu, ipsum de faucibus illius draconis eri-  
 pere, ac reducere ad statum tranquillitatis &  
 pacis, & post diversos tractatus per prædictam  
 Ecclesiam super dicti regni negotio cum di-  
 versis catholicis mundi principibus habitos,  
 tandem ad devotum & strenuum principem,  
 videlicet dilectum filium nobilem virum CA-  
 ROLUM Andegaviæ ac Provinciæ comitem, B  
 germanum carissimi in Christo filii nostri  
 LUDOVICI Francorum regis illustris oculos  
 mentis nostræ direximus, sperantes negotium  
 ipsum in personam ejus, si Dominus ex alto  
 conceaserit, efficaciter promovere. Quia igitur  
 tanti negotii promotio personam exigit, quæ  
 sua instanti diligentia & providentia eximia,  
 summaque insuper experientia illius magnitu-  
 dini congruat: providimus te ad regnum Fran-  
 ciæ pro eodem negotio, tamquam illum de  
 cujus circumspeditione, industria, & maturitate  
 inter ceteros fratres nostros, Romanæ videlicet  
 Ecclesiæ cardinales, plenam & firmam obti-  
 nemus fiduciam, specialiter destinare: Ideoque  
 discretionis tuæ per apostolica scripta manda-  
 mus, quatenus hujusmodi onus prona & promta  
 mente suscipiens, ad regnum ipsum de divina  
 gratia & apostolica auctoritate confisus acce-  
 das, omnem circa negotium ipsum ejusque  
 promotionem diligentiam & solertiam impen-  
 surus. Ut autem eo libentiùs & efficacius hoc  
 exequi valeas, quo ampliori circa id fueris  
 potestate munitus, tibi in prædicto regno Fran-  
 ciæ & in terris ad dilectam in Christo filiam  
 nobilem mulierem... comitissam Flandriæ ra-  
 tione domini, vel feudorum suorum in Came-  
 racensi & Tornacensi diocesis spectantibus,  
 necnon in comitatu Provinciæ & aliis prædicti  
 comitis de vassallorum suorum terris, ac Lug-  
 dunensi, Viennensi, Ebredunensi, Tarentasiensi  
 & Bisuntina Provinciis, in aliis quoque terris  
 ad quas ratione ipsius negotii te devenire con-  
 tingerit, plenæ legationis officium de fratrum  
 nostrorum consilio, præsentium auctoritate  
 committimus, ut ibidem evellas & destruas,  
 dissipas & disperdas, ædifices & plantes sicut  
 videris expedire: concessa tibi contradictores  
 & rebelles quoslibet per censuram ecclesiasti-  
 cam, appellatione postposita, compescendi,  
 quibuscumque privilegiis seu indulgentiis apo-  
 stolicis, per quæ nullum cuiquam in hac parte  
 volumus afferri suffragium, nequaquam ob-  
 stantibus, libera facultate. Datum apud Urbem-  
 veterem v. nonas Maii, pontificatus nostri  
 anno III.



## EPISTOLA XXIX.

Ad archiepiscopos, episcopos, abbates, &c.

*Mandat ut Simonem cardinalem apostolicæ sedis  
 legatum honorificè suscipiant.*

URBANUS episcopus servus servorum Dei... venerabilibus fratribus universis  
 archiepiscopis & episcopis & dilectis filiis abba-  
 tibus, prioribus, decanis, archidiaconis, præ-  
 positis, & aliis ecclesiarum prælati, necnon  
 capitulis, collegiis & conventibus, ceterisque  
 personis ecclesiasticis sæcularibus & regularibus,  
 exemptis & non exemptis, per regnum Franciæ  
 ac terras ad dilectam in Christo filiam nobilem  
 mulierem comitissam Flandriæ ratione domini  
 vel feudorum suorum in Cameracensi & Torna-  
 censi diocesis pertinentes, per comitatum  
 etiam Provinciæ & alias dilecti filii nobilis viri  
 CAROLI Andegaviæ ac Provinciæ comitis &  
 vassallorum suorum terras, ac per Lugdunen-  
 sem, Viennensem, Ebredunensem, Tarentasiensem,  
 & Bisuntinam provincias constitutis salu-  
 tem & apostolicam benedictionem.

Desideravit & desiderat, &c. *ut in præce-*  
*denti usque ad hæc verba:* Quia igitur tanti  
 negotii promotio personam exigit quæ sua in-  
 stanti diligentia & providentia eximia, sum-  
 maque insuper experientia illius magnitudini  
 congruat, ecce dilectum filium nostrum S. tituli  
 S. Cecilie presbyterum cardinalem apostolicæ  
 sedis legatum, virum utique scientia præditum,  
 morum honestate decorum & consilii maturi-  
 tate præclarum, ad regnum Franciæ pro eo-  
 dem negotio tamquam illum de cujus industria  
 & circumspeditione inter ceteros fratres nostros,  
 Romanæ videlicet Ecclesiæ cardinales, plenam  
 & firmam obtinemus fiduciam, commisso ei  
 tam in prædicto regno Franciæ & in terris ad  
 dilectam in Christo filiam nobilem mulierem  
 comitissam Flandriæ ratione domini vel feudo-  
 rum suorum in Cameracensi & Tornacensi dio-  
 cesibus spectantibus, ac in comitatu Provinciæ  
 & aliis prædicti comitis & vassallorum suorum  
 terris, quàm in Lugdunensi, Viennensi, Ebre-  
 dunensi, Tarentasiensi, & Bisuntina provinciis,  
 & in aliis terris ad quas ratione ipsius negotii  
 eum devenire contingerit, plenæ legationis of-  
 ficio, ut ibidem evellat & destruat, dissipet  
 & disperdat, ædificet & plantet, sicut viderit  
 expedire, & concessa sibi contradictores &  
 rebelles quoslibet per censuram ecclesiasticam,  
 appellatione postposita, compescendi, quibuli-  
 bet privilegiis seu indulgentiis apostolicis, per  
 quæ nullum cuique in hac parte volumus afferri  
 suffragium, nequaquam obstantibus, libera fa-  
 cultate, specialiter destinamus. Ideoque uni-  
 versitatem vestram monemus, rogamus & hor-  
 tamur attentè, per apostolica vobis scripta di-  
 strictè præcipiendo mandantes, quatenus eum-  
 dem cardinalem, immo potius nos in ipso be-  
 nigne recipientes & honorificè pertractantes,  
 eidem tamquam apostolicæ sedis legato inten-  
 datis humiliter, & devotè ipsius monita & præ-



cepta & ea quæ vobis ex parte nostra injun-  
xerit, efficaciter adimplendo: alioquin senten-  
tias quas idem legatus per se vel per alium  
seu alios tulerit in rebelles, ratas habebimus,  
& faciemus auctore Deo usque ad satisfactio-  
nem condignam, appellatione remota, invio-  
labiliter observari. Datum apud Urbem-vete-  
rem v. nonas Maii, pontificatus nostri anno III.

## EPISTOLA XXX.

Ad Simonem cardinalem sedis apostolicæ  
legatum.

*Facultatem tribuit absolvendi ab irregularitate.*

Anno 1264

**U**RBANUS episcopus servus servorum Dei  
dilecto filio S. tituli S. Cecilie presbytero  
cardinali apostolicæ sedis legato salutem &  
apostolicam benedictionem.

Ut eò efficacius commissum tibi negotium,  
regni Siciliæ promovere valeas, quò majori  
per nos fueris auctoritate munitus: providentiæ  
tuæ præsentium auctoritate concedimus, ut  
si qui prælati vel aliæ personæ ecclesiasticæ tuæ  
legationis excommunicando contra tenorem  
constitutionis felicitis recordationis INNOCENTII  
papæ prædecessoris nostri suspensionis senten-  
tiam incurrerunt, & sic suspensi se divinis offi-  
ciis ingesserunt, possis cum eis super irregula-  
ritate sic contracta, prout expedire videris,  
dispensare. Datum apud Urbem-veterem v.  
nonas Maii, pontificatus nostri anno III.

## EPISTOLA XXXI.

Ad Simonem cardinalem sedis apostolicæ  
legatum.

*Facultatem tribuit absolvendi excommunicatos à  
delegatis sedis apostolicæ.*

Anno 1264

**U**RBANUS episcopus servus servorum Dei  
dilecto filio S. tituli S. Cecilie presbytero  
cardinali apostolicæ sedis legato salutem &  
apostolicam benedictionem.

Ut eò efficacius commissum tibi nego-  
tium regni Siciliæ promovere valeas, quò  
majori per nos fueris auctoritate munitus:  
providentiæ tuæ præsentium auctoritate con-  
cedimus, ut illis qui per delegatos aposto-  
licæ sedis vel subdelegatos eorum excommuni-  
cationis sunt sententia innodati, & absolvi non  
possunt, cum hujusmodi iudices viam sint uni-  
versæ carnis ingressi, vel alias excommunica-  
torum suorum jurisdictio expiravit, absolutionis  
beneficium dummodo satisfaciant super his pro  
quibus excommunicati fuerunt, valeas juxta  
formam Ecclesiæ impertiri. Datum apud Ur-  
bem-veterem v. nonas Maii, Pontificatus nostri  
anno III.



## EPISTOLA XXXII.

Ad Simonem cardinalem apostolicæ sedis  
legatum.

*Permittit innodatos irregularitate pro indebita  
ordinum susceptione solvere.*

**U**RBANUS episcopus servus servorum Dei Anno 1264  
dilecto filio S. tituli S. Cecilie presbytero  
cardinali apostolicæ sedis legato salutem &  
apostolicam benedictionem.

Ut eò efficacius commissum tibi negotium  
regni Siciliæ promovere valeas, quò majori  
per nos fueris auctoritate munitus: discretioni  
tuæ præsentium auctoritate concedimus, ut  
cum personis ecclesiasticis tam sæcularibus  
quàm regularibus tuæ legationis, quæ vinculo  
interdicti, suspensionis, vel excommunicatio-  
nis astrictæ sacros susceperunt ordines, vel mi-  
nistrarunt in illis, possis super irregularitate  
hujusmodi, prout animarum suarum saluti ex-  
pedire videris, dispensare. Datum apud Urbem-  
veterem v. nonas Maii, Pontificatus nostri  
anno III.

## EPISTOLA XXXIII.

Ad Simonem cardinalem apostolicæ sedis  
legatum.

*Concedit facultatem dispensandi ordinandos super  
defectu ætatis.*

**U**RBANUS episcopus servus servorum Dei Anno 1264  
dilecto filio S. tituli S. Cecilie presbytero  
cardinali apostolicæ sedis legato salutem &  
apostolicam benedictionem.

Ut eò efficacius commissum tibi negotium  
regni Siciliæ promovere valeas, quò majori  
per nos fueris auctoritate munitus: discretioni  
tuæ dispensandi cum personis ecclesiasticis de-  
fectum ordinum, & ætatis patientibus tuæ le-  
gationis, & maxime cum illis quarum dispen-  
sationem promotioni commissi tibi negotii ex-  
pedire videris, quòd hujusmodi non obstante  
defectu beneficia ecclesiastica, etiam si curam  
habeant animarum annexam, assequi libere  
valeant & habere, dummodo patientes defe-  
ctum ætatis vigesimum annum attingant, &  
faciant se ad ordines quos beneficiorum suo-  
rum cura requirit, statutis temporibus promo-  
veri, & aliud canonicum non obsistat, plenam  
& liberam concedimus auctoritate præsentium  
facultatem. Datum apud Urbem-veterem v.  
nonas Maii, Pontificatus nostri anno III.



EPISTOLA

## EPISTOLA XXXIV.

Ad Simonem cardinalem apostolicæ sedis  
legatum.

*Facultatem tribuit cum clericis dispensandi super  
natalium defectu.*

Anno 1264

**U**RBANUS episcopus servus servorum Dei  
dilecto filio S. tituli S. Cecilie presbytero  
cardinali apostolicæ sedis legato salutem &  
apostolicam benedictionem.

Ut eò efficacius commissum tibi negotium  
regni Siciliæ promovere valeas, quò majori per  
nos fueris auctoritate munitus, discretioni tuæ  
dispensandi cum clericis tuæ legationis defe-  
ctum natalium patientibus, quòd hujusmodi  
non obstante defectu, in susceptis ministrare  
ordinibus, ascendere ad majores, & ecclesiastica  
beneficia cum cura & sine cura obtinere va-  
leant, dummodo ipsorum aliquis de incestu vel  
adulterio aut regulari genitus non existat, nec  
sit paternæ incontinentiæ imitator; sed bonæ  
conversationis & vitæ, ac scientiæ competentis,  
aliasque sibi merita suffragentur ad hujusmodi  
dispensationis gratiam obtinendam, plenam &  
liberam concedimus auctoritate præsentium  
facultatem. Datum apud Urbem-veterem v.  
nonas Maii, Pontificatus nostri anno III.

## EPISTOLA XXXV.

Ad Simonem cardinalem apostolicæ sedis  
legatum.

*Facultatem tribuit dispensandi quinque personas,  
ut in quarto consanguinitatis gradu matrimo-  
nium possint contrahere.*

Anno 1264

**U**RBANUS episcopus servus servorum Dei  
dilecto filio S. tituli S. Cecilie presbytero  
cardinali apostolicæ sedis legato salutem &  
apostolicam benedictionem.

Ut eò efficacius commissum tibi negotium  
regni Siciliæ promovere valeas, quò majori per  
nos fueris auctoritate munitus, discretioni tuæ,  
de qua plenam in Domino fiduciam obtine-  
mus, dispensandi auctoritate nostra cum quin-  
que personis utriusque sexus tuæ legationis,  
etiamsi magnates fuerint, ut earum quælibet  
cum alia quarto sibi consanguinitatis vel affi-  
nitatis gradu conjuncta matrimonium licitè  
contrahere: vel si jam contraxit, in sic contra-  
cto liberè remanere valeat, impedimento hu-  
jusmodi nonobstante, prout promotioni com-  
missi tibi negotii expedire videris, plenam con-  
cedimus auctoritate præsentium potestatem.  
Datum apud Urbem-veterem v. nonas Maii,  
Pontificatus nostri anno III.

*Theſauri Anecd. Tom. II.*

## EPISTOLA XXXVI.

Ad Simonem cardinalem apostolicæ sedis  
legatum.

*Ut quinque ex suis clericis possit impertiri beneficia  
in ecclesiis suæ legationis.*

**U**RBANUS episcopus servus servorum Dei Anno 1264  
dilecto filio S. tituli S. Cecilie presbytero  
cardinali apostolicæ sedis legato salutem &  
apostolicam benedictionem.

Ut eò efficacius commissum tibi negotium  
regni Siciliæ promovere valeas, quò majori  
per nos fueris auctoritate munitus; discre-  
tioni tuæ faciendi recipi quinque ex clericis  
tuis, quos ad hoc idoneos esse cognoveris,  
in totidem ecclesiis tuæ legationis cathedrali-  
bus vel aliis: ita quòd unus in una tantum re-  
cipiatur ecclesia, & providendi eis de præben-  
dis, & duobus ex eis de personatibus vel digni-  
tatibus, etiamsi curam habeant animarum, si  
in eisdem ecclesiis vacant, vel quàm citò ad  
id se facultas obtulerit, nec non & contradi-  
ctores super hoc per censuram ecclesiasticam,  
appellatione postpositâ, compescendi, plenam  
& liberam concedimus auctoritate præsentium  
facultatem: non obstantibus consuetudinibus  
quibuscumque & statutis de certo canonicorum  
numero, juramento, confirmatione apostolica,  
vel quacumque firmitate alia roboratis, aut si  
pro aliis in eisdem ecclesiis scripta sedis apo-  
stolica sunt directâ, quibus volumus auctoritate  
præsentium præjudicium generari. Aut si dicti  
clerici aliàs beneficiati existant, seu si personis  
vel locis aliquibus ab eadem sit sede indultum,  
quòd ad receptionem vel provisionem alicujus  
minimè teneantur, quodque ad id compelli,  
aut quòd interdicti, suspendi, vel excommuni-  
cari non possint, per litteras apostolicas ple-  
nam & expressam ac de verbo ad verbum non  
facientes de indulto hujusmodi mentionem, &  
quibuscumque aliis præfatæ sedis indulgentiis, cu-  
juscumque tenoris existant, per quas eorundem  
clericorum receptio & provisio impediri valeat  
vel differri, & de quibus in nostris litteris mentio  
fieri debeat specialis. Datum apud Urbem-  
veterem v. nonas Maii, Pontificatus nostri  
anno III.

## EPISTOLA XXXVII.

Ad Simonem cardinalem apostolicæ sedis  
legatum.

*Permittit ei secum retinere aliquos ex Fratribus  
Prædicatoribus & Minoribus, & eis uti  
prout opportunum viderit.*

**U**RBANUS episcopus servus servorum Dei Anno 1264  
dilecto filio S. tituli S. Cecilie presbytero  
cardinali apostolicæ sedis legato salutem &  
apostolicam benedictionem.

Discretionis tuæ assumendi & retinendi ad  
tua obsequia quotcumque & quoscumque vo-  
lueris de fratribus Prædicatorum & Minorum

E

ordinum tuæ legationis, ac mittendi illos quos idoneos esse cognoveris, quandocumque & ubicumque expedire videris, committendi quoque illis negotiorum quorumcumque executionem, prout opportunum fore cognoveris, compescendi quoque contradictores per censuram ecclesiasticam, appellatione remotâ, non obstantibus quibuscumque privilegiis & indulgentiis eisdem ordinibus eorumque fratribus ab apostolica fide concessis, per quæ nullum eis suffragium afferri volumus in hac parte, plenam & liberam concedimus auctoritate præsentium facultatem. Datum apud Urbem-veterem v. nonas Maii, Pontificatus nostri anno III.

## EPISTOLA XXXVIII.

Ad Simonem cardinalem apostolicæ sedis legatum.

*Permittit ei concedere indulgentias in dedicatione ecclesiarum Carnotensis, Rotomagensis & Laudunensis.*

Anno 1264

URBANUS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Ut eò efficacius commissum tibi ab apostolica sede negotium regni Siciliae promovere valeas, quò majori per nos fueris auctoritate munitus: discretioni tuæ concedendi auctoritate nostra trium annorum indulgentiam in diebus dedicationum ecclesiarum Carnotensium, Rotomagensium & Laudunensium, si earum dedicationibus te interesse contigerit, omnibus verè poenitentibus & confessis, qui ad easdem ecclesias in diebus dedicationum ipsarum accesserint, plenam & liberam concedimus auctoritate præsentium facultatem. Datum apud Urbem-veterem v. nonas Maii, Pontificatus nostri anno III.

## EPISTOLA XXXIX.

Ad Simonem cardinalem apostolicæ sedis legatum.

*Permittit ei in ecclesiis cathedralibus & collegiatis instituere canonicos.*

Anno 1264

URBANUS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Ut eò efficacius commissum tibi negotium regni Siciliae promovere valeas, quò majori per nos fueris auctoritate munitus: discretioni tuæ instituendi per te vel per alium seu alios in Ecclesiis tuæ legationis cathedralibus & aliis collegiatis clericos idoneos, & faciendi eos recipi in ecclesiis, in quibus eos instituendos duxeris in canonicos & in fratres, dummodo unus in una tantum recipiatur ecclesia, & providendi eis de præbendis & personatibus vel dignitatibus, etiam si curam habeant animarum, si in eisdem ecclesiis vacant, vel quàm citò ad

A id se facultas obtulerit; dummodo ad id prælatorum, seu illorum ad quos huiusmodi præbendarum, personatum & dignitatum spectat collatio, accedat assensus, necnon & contradictores super hoc per censuram ecclesiasticam, appellatione postpositâ compescendi plenam & liberam concedimus auctoritate præsentium facultatem: non obstantibus statutis de certo canonicorum numero, juramento, confirmatione apostolica vel quacumque firmitate alia roboratis. Aut si pro aliis in eisdem ecclesiis scripta sedis apostolicæ sunt directâ, quibus volumus auctoritate præsentium, præjudicium generari; aut si dicti clerici aliâs beneficiati existant, seu si personis vel locis aliquibus ab eadem sit sede indultum, quod ad receptionem vel provisionem alicujus minimè teneantur; quodque ad id compelli, aut quòd interdici, suspendi, vel excommunicari non possint per litteras apostolicas plenam & expressam ac de verbo ad verbum non facientes de indulto huiusmodi mentionem, & quibuscumque aliis præfatæ sedis indulgentiis, cujuscumque tenoris existant, per quas eorumdem clericorum receptio & provisio impediri valeant vel differri, & de quibus in nostris litteris mentio fieri debeat specialis. Datum apud Urbem-veterem v. nonas Maii, Pontificatus nostri anno III.

## EPISTOLA XL.

Ad Simonem cardinalem sedis apostolicæ legatum.

*Ut possit dispensare cum quinque clericis super beneficiorum pluralitate.*

URBANUS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Ut eò efficacius commissum tibi negotium regni Siciliae promovere valeas, quò majori per nos fueris auctoritate munitus; discretioni tuæ dispensandi cum quinque clericis tuæ legationis, quos huiusmodi gratia noveris esse dignos, quòd eorum quilibet plura ecclesiastica beneficia, personatus vel dignitates, etiam si curam habeant animarum annexam, licitè recipere, si sibi canonicè offerantur, ac liberè retinere valeat, constitutione generalis concilii non obstante, prout promotioni commissi tibi negotii expedire videris, plenam & liberam concedimus auctoritate præsentium facultatem. Datum apud Urbem-veterem v. nonas Maii, Pontificatus nostri anno III.

Anno 1264



## EPISTOLA XLI.

Ad Simonem cardinalem apostolicæ sedis  
legatum.

*Ut clericorum secum defunctorum beneficia  
possit aliis conferre.*

Anno 1264

**U**RBANUS episcopus servus servorum Dei  
dilecto filio S. tituli S. Cecilie presbytero  
cardinali apostolicæ legato salutem & aposto-  
licam benedictionem.

Ut eò efficacius commissum tibi ab aposto-  
lica sede negotium regni Siciliæ promovere  
valeas, quò majori per nos fueris auctoritate  
munitus; discretioni tuæ, de qua plenam in  
Domino fiduciam obtinemus, præsentium  
auctoritate committimus, ut si post tuum ab  
apostolica sede discessum, aliquem vel aliquos  
de clericis tuis decedere, vel beneficiis suis  
ecclesiasticis, etiamsi sint personatus vel digni-  
tates & curam habeant animarum, in manibus  
tuis cedere fortè contigerit, possis hujusmodi  
beneficia tam decedentium quàm cedentium  
conferre personis idoneis & Ecclesiæ Romanæ  
devotis, & facere illos, quibus ea contuleris,  
in ecclesiis cathedralibus vel aliis in quibus  
beneficia ipsa consistunt, in canonicos & fratres  
admitti, & contradictores super hoc per censu-  
ram ecclesiasticam appellatione remotâ com-  
pescere valeas, non obstantibus statutis de certo  
canonicorum numero, juramento, confirma-  
tione apostolica, vel quacumque firmitate alia  
roboratis, seu si clerici, quibus ea contuleris,  
alias beneficiati existant, aut si pro aliis in eis-  
dem beneficiandis ecclesiis scripta sedis aposto-  
licæ sint directâ, vel contigerit dirigi, vel si  
aliqui litterarum ejusdem, vel legatorum ejus  
auctoritate in eisdem ecclesiis in canonicos sunt  
recepti, vel ut recipiantur insistant, quibus  
omnibus nullum per hoc volumus, quo ad alia  
beneficia, præjudicium generari, vel si personis  
aliquibus à prædicta sit sede indultum, quòd ad  
receptionem vel provisionem alicujus minimè  
teneantur; quòdque ad id compelli, aut quòd  
interdici, suspendi, vel excommunicari non  
possint, per litteras apostolicas plenam & ex-  
pressam non facientes ac de verbo ad verbum  
de indulto hujusmodi mentionem, & quibuscumque  
aliis apostolicis privilegiis, cujuscumque tenoris  
existant, per quæ hujusmodi facta tibi gratia  
impediri valeat vel differri, & de quibus in  
nostris litteris mentio fieri non debeat specialis,  
præsentibus usque ad tuum reditum valituris.  
Datum apud Urbem-veterem v. nonas Maii,  
Pontificatus nostri anno III.



## EPISTOLA XLII.

Ad Simonem cardinalem sedis apostolicæ  
legatum.

*Ut clerici, qui secum erant, beneficiorum redditibus  
gauderent perinde ac si residerent.*

**U**RBANUS episcopus servus servorum Dei Anno 1264  
dilecto filio S. tituli S. Cecilie presbytero  
cardinali apostolicæ sedis legato salutem & apo-  
stolicam benedictionem.

Ut eò efficacius commissum tibi negotium  
regni Siciliæ promovere valeas, quò majori per  
nos fueris auctoritate munitus; discretioni tuæ  
faciendi per te vel alium seu alios integrè mi-  
nistrari clericis qui tecum permanserint, &  
quos pro commissis tibi ab apostolica sede ne-  
gotiis duxeris destinandos, quamdiu tecum  
fuerint, vel negotiis ipsis de mandato tuo insti-  
terint, peragendis, beneficiorum suorum pro-  
ventus, distributionibus quotidianis dumtaxat  
exceptis, ac si personaliter in ecclesiis in qui-  
bus beneficia ipsa obtinent, residerent, quibus-  
libet privilegiis, & indulgentiis, statutis, &  
consuetudinibus, juramento seu quacumque fir-  
mitate vallatis, etiamsi contineatur in eis, quòd  
nullus possit contra illam gratiam apostolicam  
impetrare, seu uti etiam impetrata, vel si pri-  
mam & consuetam in eisdem ecclesiis prædicti  
clerici non fecerint residentiam personalem,  
quam ipsi residentes à tuis obsequiis facere te-  
neantur, nequaquam obstantibus, & contra-  
dictores per censuram ecclesiasticam appella-  
tione postpositâ compescendi plenam & liberam  
concedimus auctoritate præsentium facultatem:  
provisio semper quod in his quæ animarum cu-  
ram habent annexam per idoneos interim vi-  
carios serviatur. Datum apud Urbem-veterem  
v. nonas Maii, Pontificatus nostri anno III.

## EPISTOLA XLIII.

Ad Simonem cardinalem apostolicæ sedis  
legatum.

*Mandat ut verbum crucis adversus Manfredum &  
Saracenos in sua legatione prædicari faciat.*

**U**RBANUS episcopus servus servorum Dei Anno 1264  
dilecto filio S. tituli S. Cecilie presbytero  
cardinali apostolicæ sedis legato salutem &  
apostolicam benedictionem.

Pia matris Ecclesiæ studia circa prosecutio-  
nem negotii regni Siciliæ, quod est sedis apo-  
stolicæ speciale, reliquiarum quondam FR. olim  
Romani imperatoris proterva temeritas & su-  
perba rebellio dudum impiè impedivit. Nam  
MANFREDUS ipsius FR. filius eidem Ecclesiæ  
ad evacuandam ejus in hac parte sollicitudi-  
nem suorumque labores fidelium non veritus  
cum infidelibus obviare, Sarracenis Luceriæ  
detestabiliter & impudenter adhæsit, eisque  
nefando fœdere copulatus, ipsorum præcipuè  
contra Christianos prælegit & assumpsit auxi-  
lium, propugnatores Ecclesiæ & defensores li-

E ij

bertatis & fidei damnabiliter cum illorum juribus in injuriam Christiani nominis obpugnando, dictæque Ecclesiæ in tam boni executione propositi se cum inimicis crucis & fidei damnabiliter opponendo, quorum telis armatus, postquam prædictum regnum totaliter occupavit, non cessavit Ecclesiam ipsam continuis impetere aggressibus, assidua prosecutione concutere, distrahere tyrannica rabie, ac diversis aliis generibus tribulationum affligere, adeo quod eadem Ecclesia tot persecutionibus ejus afflicta, tot attrita molestiis, totque flagellis oppressa, vix potest ab hujusmodi oppressionibus respirare. Nam præter id quod idem MANFREDUS, qui eorundem Sarracenorum ritus amplectitur, ac illos in quotidianis ejus obsequiis notabiliter secum tenet, & præfert ipsos in opprobrium catholicæ fidei Christianis, Sarracenorum ipsorum præcipue consilio, auxilio, & favore præfatam impugnât Ecclesiam. Præter illud etiam quod archiepiscopales, episcopales & alias prædicti regni Ecclesias & monasteria detinet seu detineri facit damnabiliter occupata, in eorum aliqua fictos & perniciosos intrudendo ministros, vel jam intrusos nefarie confovendo, quædam verò pro suo commendando libito & illorum convertendo in usus proprios periculosè proventus, pullulant ferè ubique per Italiam hæreses, cultus divini nominis minuitur, fides catholica premitur, immò deprimitur & opprimitur status fidelium, ancillantur ecclesiasticæ libertates, & jura ecclesiastica conculcantur: prælati quoque & alii clericali militia præsigniti, poenas subire coguntur exilii, capiuntur, ignominiosè tractantur, ac in atroces detruduntur carceres; mutilantur, & morte turpissima condemnantur. Expoliantur sacra & pia loca, tam religiosa quam alia, possessionibus & aliis bonis suis; & cum sint divino dicata cultui, ad usus deputantur illicitos & profanos, despiciuntur, & abominationibus ac spurcitiis sordidantur. Nonnulli quoque clerici divina coguntur officia in locis ecclesiastico interdicto suppositis in contemptum clavium Ecclesiæ celebrare, & exhibere sceleratis, excommunicatis & impiis ecclesiastica sacramenta. Pontificalis parvipenditur auctoritas & potestas, ecclesiastica censura contemnitur, pereunt animæ, trucidantur corpora, incenduntur urbes, destruuntur castra, infringitur stratarum securitas, spoliuntur viatores & peregrini, Sarraceni & Schismatici Christicolis & fidelibus præferuntur, deffenduntur hæretici: adeo quod in nonnullis locis non audemus procedere contra ipsos; in aliquibus verò terris prædicatores evangelicæ veritatis verbum Dei proponere fidelibus prohibentur, & hæreses publicè prædicantur: quàm plura insuper alia detestabilia & abominabilia committuntur quæ divinæ oculos majestatis offendunt, scandalum in Ecclesiâ commovent, & tremendum ecclesiasticæ censuræ vigorem debilitant & conculcant; nec potest ipsa Ecclesia prædictorum MANFREDI & Sarracenorum invalescentibus viribus opportunum super his remedium adhi-

bere. Profectò si bene à fidelibus & diligenter attenditur, in quantum Ecclesiæ opprobrium, animarum dispendium, & detrimentum catholicæ fidei hæc redundent, non jussi, non rogati, non moniti animis deberent promptis consurgere, ac in unum omnes contra MANFREDUM Sarracenosque prædictos potenter congerere vires suas. Cum igitur apostolica sedes pro ipsius defensione fidei, eamque impugnantium debellatione salubri, ad remotiora mundi climata copiosa subsidia censuerit destinare, suffragantibus ad hoc largas remissiones & indulgentias concedendo. Nos attendentes quod pestis Sarracenorum hujusmodi Romanæ Ecclesiæ matri fidelium tam vicina pestilentior esse posset, si ad eam radicitus extirpandam, ne deterius & perniciosius circumposita loca corrumpant, provisionis apponere opportuna consilia, suæque ulterius ipsa Ecclesia conflare differret molimina potestatis: discretioni tuæ per apostolica scripta mandamus, quatinus tam per te, quàm per alios quos ad hoc idoneos fore cognoveris, proponens juxta datam tibi & eis quibus hoc commiseris à Deo prudentiam, per regnum Franciæ & alias terras tuæ legationis Christi fidelibus verbum crucis, ipsos, ut contra MANFREDUM & Sarracenos eosdem tamquam contra ipsius hostes fidei signum salvificæ crucis assumant, & posito cum Moïse gladio super femur, in nostrum & Ecclesiæ adjutorium viriliter exsurgentes, ad conterendam ipsorum insolentiam & pestem tam noxiam de medio fidelium auferendam, cum dilecto filio nobili viro CAROLO Andegaviæ & Provinciæ comite, cui hujusmodi negotium, à quo terræ sanctæ ac imperii Constantinopolitani liberatio dependere dignoscitur, commisimus fideliter exequendum, vel cum ejus capitaneo absque tarditate procedant, studeas sedulis monitis & attentis inductionibus exhortari. Nos enim de omnipotentis Dei misericordia & beatorum Petri & Pauli apostolorum ejus auctoritate confisi, & illa quam nobis Deus licet indignis ligandi atque solvendi contulit potestate, omnibus verè poenitentibus & confessis, qui Ecclesiæ ac prædicto comiti in dicti prosecutione negotii efficax in personis vel bonis juvamen impenderint, illam suorum peccaminum veniam indulgemus, ipsosque illo privilegio, eaque volumus immunitate gaudere, quæ terræ sanctæ subvenientibus in generali concilio sunt concessa. Datum apud Urbem veterem ix. nonas Maii, Pontificatus nostri anno III.

## EPISTOLA XLIV.

Ad Simonem cardinalem apostolicæ sedis legatum.

*Mittit ei indulgentias & immunitates olim cruce signatis ab Innocentio papa concessas.*

URBANUS episcopus servus servorum Dei Anno 1264 dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.



Ut de privilegiis, indulgentiis & immunitatibus; quæ illis qui signum crucis assumunt pro subsidio terræ sanctæ in generali concilio sunt concessa, certitudinem habeas pleniorē; ecce tenorem hujusmodi privilegiorum, indulgentiarum & immunitatum sumtum ex regeſto felicis recordationis INNOCENTII Papæ III. prædeceſſoris noſtri, præſentibus fecimus anno-  
 » tari, qui talis eſt. . . AD LIBERANDAM terram  
 » ſanctam de manibus impiorum ardenti deſiderio  
 » aspirantes. *Et infra.* Sacerdotes autem & alii  
 » clerici qui fuerint in exercitu chriſtiano tam  
 » ſubditi quam prælati, orationi & exhortationi  
 » diligenter inſiſtant, docentes eos verbo pariter  
 » & exemplo, & timorem & amorem divinum  
 » ſemper habeant ante oculos, ne quid dicant  
 » aut faciant quod divinam majeſtatem offendant;  
 » & ſi aliquando lapſi fuerint in peccatum, per  
 » veram pœnitentiam mox reſurgant, gerentes  
 » humilitatem cordis & corporis, & tam in victu  
 » quàm in veſtitu mediocritatem ſervantes, diſ-  
 » ſenſiones & æmulationes omnino vitando, ran-  
 » core & livore à ſe penitus religatis; ut ſic ſpi-  
 » ritualibus & materialibus armis muniti, adver-  
 » ſus hoſtes fidei ſecurius prælientur, non de ſua  
 » præſumentes potentia, ſed de divina virtute  
 » ſperantes. Iſtis autem clericis indulgemus ut  
 » beneficia ſua integrè percipiant per trien-  
 » nium, ac ſi eſſent in eccleſiis reſidentes; & ſi  
 » neceſſe fuerit, ea per idem tempus pignori valeant  
 » obligare. Ne igitur hoc ſanctum propoſitum  
 » impediri vel retardari contingat, univerſis ec-  
 » cleſiarum prælatiſ diſtrictè præcipimus, ut ſin-  
 » guli per loca ſua illos qui ſignum crucis diſ-  
 » poſuerint reſumere, ac tam illos quàm alios  
 » cruce ſignatos, & quos adhuc ſignari contigerit,  
 » ad reddenda Domino vota ſua diligenter mo-  
 » neant & inducant; & ſi neceſſe fuerit, per  
 » excommunicationis in perſonas & interdicti  
 » ſententias in terras ipſorum, omni tergiverſatio-  
 » ne ceſſante, compellant: illis dumtaxat exceptis,  
 » quibus tale impedimentum occurreret, propter  
 » quod ſecundum ſedis apoſtolicæ providentiam  
 » votum eorum commutari merito debeat vel  
 » differri. Ad hæc ne quid in negotio JESU-  
 » CHRISTI de contingentibus omittatur, volu-  
 » mus & mandamus, ut patriarchæ, archiepif-  
 » copi, epiſcopi, abbates, & alii qui curam obti-  
 » nent animarum, ſtudioſè proponant commiſſis  
 » ſibi populis verbum crucis, obſecrantes per Pa-  
 » trem & Filium & Spiritum-ſanctum, unum  
 » ſolum, verum, æternum Deum, reges, duces,  
 » principes, marchiones, comites & barones,  
 » alioſque magnates, necnon & communia civi-  
 » tatum, villarum & oppidorum, ut qui perſo-  
 » naliter non acceſſerint, in ſubſidium terræ ſan-  
 » ctæ competentem conferant numerum bella-  
 » torum cum expenſis ad triennium neceſſariis  
 » ſecundum proprias facultates in remiſſionem  
 » peccatorum ſuorum, prout in generalibus lit-  
 » teris eſt expreſſum, & ad majorem cautelam  
 » etiam inferius exprimetur, cujus remiſſionis

A volumus eſſe participes non ſolum eos qui ad  
 hoc naves proprias exhibebunt, ſed illos qui  
 propter hoc opus naves ſtuduerint fabricare.  
 Renuentibus autem, ſi qui fortè tam ingrati  
 fuerint Domino Deo noſtro, ex parte apoſto-  
 lica firmiter proteſtentur, ut ſciant ſe ſuper hoc  
 nobis in noviffimo diſtricti examinis coram tre-  
 mendo iudice reſponſuros; prius tamen conſi-  
 derantes qua conſcientia, quave ſecuritate com-  
 parere potuerint coram unigenito Dei Filio  
 JESU-CHRISTO, cui omnia dedit Pater in  
 manus, ſi ei pro peccatoribus crucifixo ſervire  
 renuerint, in hoc negotio quaſi propriè ſibi  
 proprio, cujus munere vivunt, cujus beneficio  
 ſuſtentantur, quin etiam cujus ſanguine ſunt  
 redempti. *Et infra.* Sane quia juſto iudicio cæ-  
 leſtis imperatoris obſequiis inhærentes, ſpeciali  
 decet prærogativa gaudere, cum tempus pro-  
 ficifcendi annuum excedit in modico, cruce ſi-  
 gnati à collectis vel talliis aliſque gravamini-  
 bus ſint immunes, quorum perſonas & bona  
 poſt crucem aſſumptam ſub B. Petri & noſtra  
 protectione ſuſcipimus: ſtatuentes ut ſub archi-  
 epiſcoporum & epiſcoporum, ac omnium præ-  
 latorum Eccleſiæ Dei deſenſione conſiſtant,  
 propriis nihilominus protectoribus ad hoc ſpe-  
 cialiter deputandis. Ita (a) nam in Domino fidu-  
 ciam obtinemus, per apoſtolica ſcripta manda-  
 mus quatinus in hujusmodi crucis negotio effi-  
 caciter procedere ſtudeas juxta traditam per  
 prædictas ejusdem prædeceſſoris litteras tibi  
 formam. Datum Peruſii Calendis Martii, Pon-  
 tificatus noſtri anno I.

## EPISTOLA XLV.

Ad Simonem cardinalem apoſtolicæ ſedis  
 legatum.

*Concedit ipſi facultatem agendi in negotio regni  
 Siciliae & Senatus Urbis ſecundum præſcriptas  
 ſupra epiſtola xxxi. cautiones.*

E URBANUS epiſcopus ſervus ſervorum Dei  
 dilecto filio S. tituli S. Cecilie præſbytero Anno 1264  
 cardinali apoſtolicæ ſedis legato ſalutem &  
 apoſtolicam benedictionem.

Super regni Siciliae ac Senatus Urbis negotiis,  
 quæ aguntur inter Eccleſiam Romanam & di-  
 lectum filium nobilem virum CAROLUM Ande-  
 gaviæ ac Provinciæ comitem nuper inter fratres  
 noſtros, quorum ſuper his requiſieramus con-  
 ſilia, diſſinivimus in hac forma. URBANUS  
 epiſcopus ſervus ſervorum Dei ad perpetuam  
 rei memoriam. Dicit Jeremias, &c. uſque in  
 finem. . . Cum igitur nos de tua diſcretionem,  
 circumſpectionem, ac diligentiam plenam in Do-  
 mino fiduciam obtinentes, te in regnum Fran-  
 ciæ pro eiſdem negotiis commiſſo tibi plenæ  
 legationis officio de fratrum noſtrorum conſilio  
 deſtinemus; prudentiæ tuæ faciendi & promit-  
 tendi ſuper dictis negotiis, prout in diſſinitione  
 hujusmodi, quam tibi ſub bulla noſtra tradi-

(a) Quæ ſequuntur novam in mſ. incipiunt paginam, videntur  
 que pertinere ad aliquam Clementis IV. epiſtolam qui Peruſii  
 primo pontificatus ſui anno curiam habebat, cum Urbanus apud

Urbem-veterem reſideret, hancque epiſtolam non primo ſed  
 ſectio pontificatus ſui anno ſcripſerit.

dimus continetur, ipsius diffinitionis forma & tenore servatis, plenam concedimus auctoritate præsentium potestatem. Nulli ergo omnino hominum liceat hanc paginam nostræ concessionis infringere, vel ei ausu temerario contraire. Si quis autem hoc attentare præsumserit, indignationem omnipotentis Dei & beatorum Petri & Pauli apostolorum ejus se noverit incursum. Datum apud Urbem-veterem 11. nonas Maii, Pontificatus nostri anno 111.

## EPISTOLA XLVI.

Ad archiepiscopum Auxitanum.

*Hortatur ut facilem se præbeat in solvenda Carolo Andegaviæ & Provinciæ comiti decima, suosque ad solvendum suffraganeos inclinet.*

Anno 1264

**U**RBANUS episcopus servus servorum Dei venerabili fratri archiepiscopo Auxitano salutem & apostolicam benedictionem.

Dolores, afflictiones, angustias, & pressuras, quibus Romana mater Ecclesia his diebus atteritur, necnon & ejusdem Ecclesiæ in Italia partibus statum debilem & flebilem in aliis nostris, quas universitati prælatorum regni Franciæ mittimus litteris, perpendere poteris evidenter. Verum quia ejusdem regni prælatos per easdem litteras, expositis eis hujusmodi ejusdem Ecclesiæ calamitatibus, cum omni attentione ac affectione requirimus, ut dolenti Ecclesiæ condolentes, decimam omnium suorum ecclesiasticorum proventuum per triennium dilecto filio nobili viro CAROLO Andegaviæ & Provinciæ comiti, in cujus personam negotium regni Siciliæ, à quo utique regno ipsius Ecclesiæ panditur omne malum, promoveri, Deo favente, proponimus, pro ejusdem promotione ac prosecutione negotii prompta & prona liberalitate concedant; fraternitatem tuam, de qua plenam in Domino fiduciam obtinemus, monendam, rogandam attentè duximus & hortandam, per apostolica tibi scripta mandantes, ac nihilominus in remissione peccaminum injungentes, quatenus necessitatis articulum in quo prædicta Ecclesia est hoc tempore constituta diligenter advertens, sicut honorem ipsius Ecclesiæ diligis, ac nostram & apostolicæ sedis gratiam caram habes, & tu ipse ad hujusmodi concessionem decimæ facilem te exhibeas & benignum, & prælatos alios tuæ provinciæ, qui libenter in talibus tuis inhærent consiliis, juxta datam tibi à Deo prudentiam, ad hoc ut liberaliter nostræ in hac parte satisfaciant beneplacito voluntatis, attentis & efficacibus inductionibus exhorteris, sciturus quod vix hoc tempore posses pro nobis aliquid facere quod nobis amplius complaceret. Taliter igitur preces & mandatum super hoc apostolicum studeas adimplere, ut nos qui in hoc specialiter tuam circa nos & prædictam Ecclesiam devotionem volumus experiri, gaudeamus in te id quod circa exequenda nostra beneplacita reperire speravimus invenisse, tuque à Deo exinde præmium, & tam ab ipsa Ecclesia, quam à præ-

**A** dicto comite, necnon à carissimo in Christo filio nostro LUDOVICO illustri Francorum rege, qui sicut credimus in ejus persona recipiet quicquid in parte pro ipso comite duxeris faciendum, condignæ retributionis gratiam uberius consequi merearis. Datum apud Urbem-veterem nonis Maii, Pontificatus nostri anno 111.

## EPISTOLA XLVII.

**B** Ad Simonem cardinalem apostolicæ sedis legatum.

*Concedit facultatem procedendi super modificationibus in negotio regni Siciliæ alias propositis.*

**U**RBANUS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem. Anno 1264

Cum in diffinitione nostra quam super negotio regni Siciliæ ac Senatus Urbis inter fratres nostros nuper edidimus, tibi que bullatam tradidimus, inter alia contineatur expresse dandam tibi fore potestatem à nobis super modificationibus ex parte dilecti filii nobilis viri CAROLI Andegaviæ ac Provinciæ comitis postulatis, nosque modificationes hujusmodi in aliis nostris litteris duxerimus inferendas: discretionem tuam, de qua plenam in Domino fiduciam obtinemus, procedendi liberè ad modificationes hujusmodi faciendas cum consilio carissimi in Christo filii nostri LUDOVICI Francorum regis illustris, prout honori Romanæ Ecclesiæ ac nostro & felici promotioni commissi tibi negotii videris expedire, plenam & liberam concedimus auctoritate præsentium potestatem. Datum apud Urbem-veterem nonis Maii, Pontificatus nostri anno 111.

## EPISTOLA XLVIII.

Ad Simonem cardinalem sedis apostolicæ legatum.

**E** De dispensatione super residentia clericorum suorum.

**U**RBANUS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem. Anno 1264

Cum te in regnum Franciæ, commisso tibi plenæ legationis officio, de fratrum nostrorum consilio destinemus, clericis tuis qui tecum permanferint, & quos pro commissis tibi ab apostolica sede negotiis duxeris destinandos, illis videlicet qui in ecclesiis, in quibus beneficiati existunt, primam & consuetam fecerint residentiam personalem, auctoritate præsentium indulgemus, ut tempus quo iidem obsequiis tuis, vel eisdem negotiis peragendis institerint, computetur in alia residentia, quam tenentur facere in eisdem ecclesiis: ita quod sequentis temporis residentiam continuare valeant, juxta ecclesiarum consuetudinem earundem, nec non & toto ipso tempore pro residentibus in

eisdem ecclesiis habeantur, & proventus beneficiorum quæ in ecclesiis ipsis obtinent, cum ea integritate, distributionibus quotidianis dumtaxat exceptis percipiant, cum qua illos perciperent, si personaliter in eisdem ecclesiis residerent: non obstantibus contrariis ecclesiarum ipsarum consuetudinibus vel statutis, juramento, confirmatione sedis apostolicæ, vel quacumque firmitate alia roboratis, & qualibet indulgentia sedis ejusdem, de qua cujusque tenore de verbo ad verbum oporteat in nostris litteris plenam & expressam mentionem fieri, & per quam hujusmodi gratia impediri valeat vel differri. Nulli ergo omnino hominum liceat hanc paginam nostræ concessionis infringere, vel ei ausu temerario contraire. Si quis autem hoc attentare præsumserit, indignationem omnipotentis Dei & beatorum Petri & Pauli apostolorum ejus se noverit incursurum. Datum apud Urbem veterem nonis Maii, Pontificatus nostri anno III.

## EPISTOLA XLIX.

Ad Simonem cardinalem apostolicæ sedis legatum.

*Mittit ei temperamenta à Carolo comite proposita Alberto notario.*

Anno 1264

**U**RBANUS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Cum in diffinitione nostra, quam super negotio regni Siciliæ & Senatus Urbis inter fratres nostros nuper edidimus, tibi bullatam tradidimus, inter alia contineatur expresse dandum tibi fore potestatem à nobis super modificationibus ex parte dilecti filii nobilis viri CAROLI Andegaviæ ac Provinciæ comitis postulatis, præsentium tenore scire te volumus, quod de illis modificationibus & non de aliis intelligimus, quas sicut ab eodem petita sunt comite & continentur in litteris dilecti filii magistri Alberti notarii nostri, præsentibus fecimus annotari, quarum tenor talis est: CUM ECCLESIA omni casu contingente intendat & velit habere censum annum decem millium unciarum, nec intendat aliquid de censu remittere, etiamsi dominus comes expenderet omnes proventus totius regni vel majorem partem proventuum in defensione regni vel Ecclesiæ, & iste census videatur gravis & nimis magnus domino regi & domino comiti, maxime cum iste census propter cladem aliquam seu casum supervenientem secundum intentionem Ecclesiæ non debeat remitti nec etiam diminui; petit dominus comes quod in principio contractus minuatur census, & super moderatione dicti census detur potestas cardinalibus, maxime cum videatur domino regi & domino comiti, quod etiamsi idem comes non reciperet in se periculum casuum supervenientium, nihilominus prædicta summa decem millium unciarum esset diminuenda. Unde cum dominus comes propter pacem & voluntatem

A Ecclesiæ recipiat in se pericula casuum supervenientium, Ecclesia debet esse favorabilior & promptior ad faciendam majorem diminutionem summæ prædictæ, & ad istam diminutionem faciendam debet de facili induci Ecclesia, maxime quia oportebit eum multas donationes & in mobilibus & in immobilibus facere propter suam novitatem, & quia extra-neus erit in terra illa, & quia oportebit quod multos magnates ducat secum, quos sine magnis donationibus non posset in illis partibus de facili retinere.

B Secundò petit dominus comes quod dilatetur successio collateralium superiorum, ut puta patrini & avunculi amite & materteræ, & sum usque ad quartum gradum, & collateralium superiorum, utpote nepotis vel neptis ex fratre vel sorore, & inferius usque ad quartum gradum, petit etiam quod in collateralium successione, & aliis articulis de feminis loquentibus admittantur nuptæ sicut innuptæ: dum tamen sint nuptæ fidelibus & devotis Ecclesiæ. Videtur enim domino comiti quod si excluderentur nuptæ feminæ, expectantes successionem regni, differrent contrahere matrimonium propter spem successionis: & ita ex hoc posset impediri bonum matrimonii; & ex hoc posset citius deficere genus: & ex hoc etiam posset dari feminis occasio delinquendi. Et est notandum quod dominus comes petit dilatari successione collateralium ex eo provenientium, & non collateralium, quos nunc habet dominus comes; sed in illis collateralibus remaneat ordinatio facta.

C Tertiò petit dominus comes quod ubicumque prohibetur, ut ipse vel heres non recipiat majorem partem Tusciæ vel Lombardiæ, addatur ibi *Scienter*; quia posset esse quod dominus comes vel ejus heres ignorarent quæ esset major pars Tusciæ vel Lombardiæ: sed bene vult dominus comes quod si etiam ignoranter reciperet majorem partem Tusciæ vel Lombardiæ, teneatur eam dimittere ad mandatum Ecclesiæ, & si tunc dimitteret ad mandatum Ecclesiæ non incideret in pœnam statutam in illo articulo. Si verò monitus non dimitteret ad mandatum Ecclesiæ, bene remaneat pœna, pro ut est statuta in illo articulo.

D Quartò petit dominus comes quod in illo articulo, ubi dicitur quod post dilatam successionem regni, tamen ante adeptam possessionem, ille cui fuerit delata successio regni convolaverit ad imperium vel regnum Alemaniæ vel dominium Tusciæ, vel Lombardiæ, vel majoris partis earundem, deferatur regni successio ad sequentem masculum, provideatur feminis descendantibus & collateralibus, sicut provisum est masculis.

E Quintò petit idem comes quod si vadat in propria persona ad acquirendam possessionem regni, numerus militum suo arbitrio relinquatur; & dominus comes promittat bona fide quod veniet ad acquirendam possessionem regni bene munitus secundum quod utilitati sanctæ Romanæ Ecclesiæ & negotii & personæ viderit

„expedire, & hoc petit idem comes propter multas rationes, quas bene dicet cardinalibus „quando venerint, & credit pro certo quod cardinales reputabunt eas bonas, sed non vult eas „mandare per litteras.

„Sexto petit Dominus coines quod amoveantur totaliter juramenta comitum & baronum, „& magnatum & aliorum regni Siciliae, & innovationis dictorum juramentorum de decennio „in decennium facienda: & hoc petit quantum „ad personam suam & heredes suos: quia videtur Domino regi & domino comiti quod talia „juramenta non consueverint exigi, nisi contra „tales qui consueverunt esse infideles & indevoti „dominis suis. Videtur etiam Domino comiti „quod juramentum suum & heredum suorum „debeat sufficere sacro sanctæ Romanæ Ecclesiæ „cum aliis poenis tam sententiarum excommunicationis, & interdicti, & privationis regni, „& amissionis regni Siciliae ipso facto, quæ etiam „poenæ multis videntur graves & etiam inhonestæ. Datum apud Urbem-veterem v. Idus Maii, Pontificatus nostri anno III.

## EPISTOLA L.

Ad Simonem cardinalem sedis apostolicæ legatum.

*Concedit facultatem convocandi concilium etiam generale.*

Anno 1264 **U**RBANUS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Ut commissum tibi negotium, quod acceleratione multa indiget, expeditius & celerius exequaris, convocandi tuæ legationis, cum expedire videris, etiam generale concilium, plenam & liberam tibi concedimus auctoritate præsentium facultatem. Datum apud Urbem-veterem vi. Idus Maii, Pontificatus nostri anno III.

## EPISTOLA LI.

Ad Simonem cardinalem apostolicæ sedis legatum.

*Ut possit permittere Fratribus Prædicatoribus & Minoribus quos secum habebat equitare & monasteria monialium ingredi.*

Anno 1264 **U**RBANUS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Cum te in regnum Franciæ, commissio tibi plenæ legationis officio, de fratrum numero destinemus, discretionis tuæ concedendi licentiam fratribus ordinum Prædicatorum & Minorum, quos ad tua obsequia duxeris retinendos, & quos etiam pro commissis tibi negotiis per te mitti contigerit, equitandi liberè & ingrediendi monasteria monialium quorumcumque ordinum, mittendi quoque ipsos pro eis-

dem negotiis singulariter, cum expedire videris, contrariis prædictorum ordinum consuetudinibus vel statutis seu regulis nequaquam obstantibus, plenam & liberam concedimus auctoritate præsentium facultatem. Datum apud Urbem-veterem v. Idus Maii, Pontificatus nostri anno III.

## EPISTOLA LII.

Ad Simonem cardinalem sedis apostolicæ legatum.

*Ut possit permittere nobilibus mulieribus semel in anno ingressum monasteriorum ordinis Cisterciensis & S. Clare.*

**U**RBANUS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Cum te in regnum Franciæ commissio tibi plenæ legationis officio de fratrum nostrorum consilio destinemus, discretionis tuæ concedimus licentiam nobilibus mulieribus tuæ legationis ingrediendi semel in anno cum honesta mulierum societate monasteria Cisterciensis & S. Clare ordinum, contrariis eorundem monasteriorum & ordinum consuetudinibus vel statutis nequaquam obstantibus, plenam & liberam concedimus auctoritate præsentium facultatem. Datum apud Urbem-veterem v. Idus Maii, Pontificatus nostri anno III.

## EPISTOLA LIII.

Ad Simonem cardinalem apostolicæ sedis legatum.

*Facultatem ei concedit per censuras ecclesiasticas cogendi quos viderit expedire.*

**U**RBANUS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Ut eò efficacius commissum tibi negotium regni Siciliae promovere valeas, quò majori per nos fueris auctoritate munitus, discretionis tuæ exercendi liberè censuram ecclesiasticam in omnes tam cathedralium quàm aliarum ecclesiarum prælatos exemptos & non exemptos, in universa quoque capitula & conventus, duces, marchiones, comites, necnon barones, & quoslibet alios nobiles, in rectores etiam, ballivos, potestates, consiliarios, universitates, populos, & quascumque personas ecclesiasticas & seculares, etiam si militiæ templi & hospitalis S. Johannis Hierosolymitani, vel S. Mariæ Theotonicorum, seu Cisterciensis, Cluniacensis, Minorum aut Prædicatorum ordinum fuerint, & in quolibet alias publicas vel privatas tuæ legationis, cum videris expedire, indulgentiæ sedis apostolicæ, si quam habent, quòd interdicti, suspendi vel excommunicari non possint, & quibuslibet aliis apostolicis, vel legatorum sedis ejusdem privilegiis & indulgentiis nequaquam

quam obstantibus, plenam & liberam concedimus auctoritate præsentium potestatem. Datum apud Urbem-veterem IV. Idus Maii, pontificatus nostri anno III.

## E P I S T O L A L I V.

Ad Simonem cardinalem apostolicæ sedis legatum.

*Ut procuraciones in ecclesiis & monasteriis Franciæ archiepiscopus Tyrensis non accipiat.*

Anno 1264

**U**RBANUS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Cum Ecclesia Gallicana super quam plurimum nunciorum sedis apostolicæ procuracionibus sit gravata, & oporteat eam tibi, quem in regnum Franciæ commisso tibi plenæ legationi officio de fratrum nostrorum consilio destinemus; necnon & venerabili fratri nostro episcopo Sabineni apostolicæ sedis legato, si regnum Angliæ ingredi forsan nequiverit, debitas procuraciones exsolvere: nos eidem ecclesiæ paterno compatiens affectu, ac volentes super tot ejus gravaminibus providere; discretionis tuæ per apostolica scripta mandamus, quatinus si de carissimi in Christo filii nostri LUDOVICI regis illustris, qui & terræ sanctæ statum novit, & gravatis ecclesiis pio corde compatitur, beneplacito & voluntate processerit, tu venerabili fratri nostro archiepiscopo Tyrensi ex parte nostra inhi-beas, ut prætextu negotii dictæ terræ, quod in partibus illis gerit, procuraciones aliquas ab ecclesiis & monasteriis dicti regni Franciæ recipere ulterius non attentet, injungens eidem, ut apostolicis litteris, quas de recipiendis hujusmodi procuracionibus sibi tradidimus, in tuis manibus resignatis, expensas suas recipiat de proventibus centesimæ ecclesiasticorum proventuum dicti regni Franciæ, & de aliis etiam subsidiis, quæ præfatæ terræ duximus deputanda. Datum apud Urbem-veterem Idus Maii, Pontificatus nostri anno III.

## E P I S T O L A L V.

Ad Simonem cardinalem apostolicæ sedis legatum.

*Scribit ei solutam obsidionem castri Vici.*

Anno 1264

**U**RBANUS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Volentes certificare te de his quæ acta sunt in his partibus his diebus, tenore tibi præsentium innotescat, quod Vicarius populusque Romanus post recuperationem civitatis Sutrinæ, quam PETRUS DE VICO invaserat, ad obsidendum castrum Vici viriliter & unanimiter processere: sed propter frequentes pluviarum inundationes, & quia tempus instabat messium, obsidionem ipsius castri firmare, donec labe-

*Theſauri Anecd. Tom. II.*

A retur tempus hujusmodi distulerunt, sicque ad Urbem, maxime pro colligendis messionibus sunt reversi. Sed ne idem Petrus, cujus confracta sunt brachia, possit interim resumere vires, multiplicamus exercitus, augemus stipendia, invocamus auxilia, & omnia quæ ad elidendam intentionem ipsius & aliorum indevotorum Ecclesiæ, & tenendam patriam, quæ ut nosti parata est ad malum, possint proficere vigilantibus studio, non sine intolerabilium expensarum oneribus procuramus. Quia verò tot & tantas

B expensas etiam ad breve tempus tolerare aliquatenus non possemus, circumſpectionem tuam sollicitamus attentè per apostolica tibi scripta mandantes, quatenus id, & quod interſitantes sanguinem nostrum degimus diligenter attendens, ad facienda ea quæ super negotio regni Siciliæ, quod inter Ecclesiam Romanam & dilectum filium nobilem virum CAROLUM comitem Provinciæ agitur, tibi commissa sunt, sine mora procedens, reddas nos protinus per tuas litteras de voluntate ipsius comitis certiores, pro certo sciturus, quod nisi dictus comes sine dilatione aliqua negotium ipsum assumat, partes istas, in quibus propter inhabitantium maliciam nullus prædecessorum nostrorum hactenus proficere potuit, coacti necessitate inevitabili deferemus. Datum apud Urbem-veterem XIII. Calendas Julii, Pontificatus nostri anno III.

## E P I S T O L A L V I.

Ad eundem.

*Certum eum facit de rebus in Italia ab ejus discessu gestis.*

**U**RBANUS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem. Anno 1264

Fili nobis tot curarum mole depressis, totque laborum tædiis fatigatis, magnum tua dedisset sollicitudo levamen, & solamen non modicum præbuisse, si post tuum ab apostolica sede discessum reddidisses nos per tuas litteras de tui status continentia certiores: quia non sic de filii progressu dubius patris anxietur animus, neque sentiret mens nostra illos cogitationum stimulos, quibus eam inter alias undique nos angustantes angustias tui status incertitudo titillat. Nam licet viderimus aliquos, qui asseruerunt se tibi & in Cisalpinis & in Transalpinis partibus obviaſſe: quia tamen ipsi nullum nobis præsentaverunt ex tua parte rescriptum, nullam super hoc cordi nostro speratæ consolationis sufficientiam attulerunt. Ut autem laboriosus & tædiosus status Ecclesiæ in Italiæ partibus, & pericula quibus nos & eadem Ecclesia hoc tempore subjacemus, ac ea quæ postquam recessisti à nobis in eisdem partibus acciderunt, tibi plenius innotescant; ad notitiam tuam præsentium tenore deferimus, quod post debellationem Theotonicorum, quos PETRUS DE VICO manifestus Ecclesiæ proditor in civitatem Sutri-

F



nam prodicionaliter procuraverat introduci, quam utique debellationem tibi per nostras meminimus litteras intimasse, senatus populusque Romanus, qui sub vexillis dilecti filii nobilis viri CAROLI Andegaviæ ac Provinciæ comitis, senatoris Urbis, sub ducatu quoque JACOBI GANTELINI ejus in Urbe vicarii, contra Theotonicos ipsos Urbis jam fines exiverant, adversus castrum de Vico, in quo dictus PETRUS se receperat unanimiter procedentes, & figentes in ipsius castri territorio castra sua, illud nobili obsidione cinxerunt. Nos autem quia item vicarius expensas ad prosecutionem tanti negotii non habebat, de camera nostra protinus sibi fecimus omnes sumtus ad hoc necessarios abundanter & liberaliter ministrari. Cùmque hujusmodi negotium laudabiliter convalesceret, & successibus prosperis firmaretur, tandem quibusdam magnis & potentibus Romanis amicis ipsius PETRI procurantibus extitit impeditum, Romano populo de ipsius castri obsidione consueta inconstantia subito recedente. Videns ergo dictus PETRUS DE VICO, qui se reputaverat ex toto confusum, quòd furorem & impetum tunc evaserat Romanorum, resumtis audaciæ cornibus, ac reliquiis prædictorum Theotonicorum quæ dispersæ erant per loca vicina, & eorundem amicorum suorum viribus collectis in unum, in Tuscanenses fideles nostros, qui tunc quoddam castrum ALBONETI Ecclesiæ proditoris obsiderant, subito irruens, de ipsis, circa idem castrum incauta securitate manentibus, victoriam reportavit. Propter quod tam ipse PETRUS quàm hujusmodi Theotonicorum reliquiæ nequioris superbiæ ac superbioris nequitiae spiritum assumentes, fidelibus nostris de patrimonio B. Petri in Tuscia, quantumcumque nos septingentos milites sub nostris stipendiis retineamus ibidem, multa & gravia furtivè tamen inferunt nocumenta. Rebus igitur in eodem patrimonio sic se habentibus, MANFREDUS quondam princeps Tarentinus volens dicto PETRO DE VICO succurrere, universis suorum militum tam Theotonicorum, Saracenorum, Cumanorum, quàm aliorum, quos habebat in regno Siciliæ, copiis congregatis, personaliter usque ad ipsius regni confinia versus Campaniæ partes accessit, sperans habere transitum per easdem partes ad Urbem, ad cuius turbationem vehementius aspirabat, pro ut ab aliquibus sibi fuerat damnabili præsumptione promissum. Sed quia requisitis Campanis, ut ei per terras suas securum præberent transitum, & fodrum seu victualia ministrarent, invenit gentem illam supra firmam petram fidei stabilitam, & promptam etiam, ac paratam cum eodem MANFREDO configere, si suam ingredi provinciam attentasset. Dictus MANFREDUS sua intentione frustratus in Apuliam rediit, suis consuetis delitiis potiturus. Misit verumtamen totum exercitum quem habebat cum quodam PERCIVALLO DE ORIA cive Januensi, quem in capitaneum exercitui præfecit eidem, ad castrum de Cellis situm in

A ipsius regni confinibus & civitati Tiburtinæ vicinum, sperans adhuc, sicut sibi dabatur intelligi, posse per hoc pacificum & tranquillum statum Urbis evertere, ac de Capitolii arce dejicere prædictum vicarium, & potestatem senatoriam obtinere: propter quod nos volentes vicarium ipsum in arce fortificare prædicta, suumque regimen solidius roborare, ducentos milites de Campania sub nostris per eum conduci fecimus sumtibus in sui regiminis fulcimentum. Sub tali ergo spe turbandæ Urbis, dictus PERCIVALLUS cum toto ipso exercitu in præfato castro de Cellis per mensem & amplius moram trahens, ac demum videns quòd inutiliter morabatur ibidem, de Urbis quoque turbatione desperans, coepit versus ducatum Spoletanum cum toto ipso exercitu, suas dietas continuando procedere, nullamque inferens territorio civitatis nostræ Reatinæ, per quod transierat, læsionem: tandem cum eodem exercitu pervenit ad flumen Arronis, ubi tum propter ipsius fluminis impetum & periculosum ejus transitum, tum etiam propter incertitudinem voluntatum hominum habitantium citra flumen, processus ipsius exercitus fuit diebus aliquibus præpeditus. Sed quia videbatur eidem PERCIVALLO, quod tempus inutiliter sic stando consumeret, transire disposuit flumen ipsum, in quo utique flumine postquam illud suorum militum multitudo transierat, idem PERCIVALLUS, qui Ecclesiæ factus erat hostis in capite, justo Dei judicio submersus extitit, & in aquis validissimis suffocatus. Nos autem, quos ad defensionem Ecclesiæ dura conditio temporis & urgens evidensque necessitas reddunt plus solito sollicitos & attentos, dilectum filium BONIFACIUM DE CANOSSA marescallum nostrum cum octogentis militibus & ducentis balistariis, quos de novo stipendiari fecimus, contra prædictum exercitum illico duximus destinandum. Misimus quoque dilectos filios nostros, A. videlicet basilicæ duodecim apostolorum presbyterum ad Narniensem, & O. S. Adriani ad Perusinam, Tudertinam, & Assisinatam, & M. S. Mariæ in Porticu diaconos cardinales ad Spoletanam civitates & dioceses ad congregandum earundem civitatum populos contra exercitum prædictum. Verumtamen credimus eos parum apud prædictas posse proficere civitates propter maliciam & perfidiam incolarum. Sumus etiam in tractatu cum fratribus nostris præficiendi dilectum filium J. S. Mariæ in Cosmedim Diaconum cardinalem patrimonio B. Petri in Tuscia, & exercitibus Ecclesiæ in capitaneum & rectorem. Et quia oportet nos hoc tempore circa strepitus armorum & bellorum tumultus intendere, causarum strepitus duximus suspendendos. Neque illa quæ in Anconitana Marchia gesta sunt postquam à nostra præsentia recessisti, & quæ nos pro ipsius Marchiæ defensione facimus incessanter, fore providimus omittenda. Cùm enim dilectus filius M. Veronensis electus, tunc rector ipsius Marchiæ fuisset ab hostium interceptus insidiis & ab eisdem hostibus in Apu-

liam destinatus, nos ne illa terra, quæ in dicta Marchia tunc adhærebat ecclesiæ, totaliter perderetur & adversarii vires in illis partibus fortius invalescerent, in ipsius Ecclesiæ suorumque fidelium nocumentum, statim dilectum filium nostrum S. Tituli S. Martini presbyterum cardinalem ad eandem Marchiam, plenè legationis officio ei commisso, transmisimus, qui militibus quingentis de pecunia nostra quam sibi tradidimus & totidem aliis de communitatibus terrarum adhærentium Ecclesiæ congregatis, Marchiam eandem potenter ingressus, & recuperatam terram in Ecclesiæ devotione conservat, & recuperavit jam illius terræ quam hostes occupaverant magnam partem. Nec ignorare te volumus periculosioris machinamenta nequitiae, quæ dictus MANFREDUS contra nos & dictam Ecclesiam his diebus per Italiam procurare non cessat. Ipse namque credens se cum Ecclesia pacem juxta suum libitum habere non posse, nisi per nostram, quod absit, & fratrum nostrorum, Romanæ videlicet Ecclesiæ cardinalium captionem, ad obsidendum nos & curiam nostram in civitate Urbeveta-  
C tana, in qua personaliter residemus, cuncta suæ prævæ intentionis studia dicitur convertisse. Ordinatur enim, sicut accepimus, & disponit cum Florentinorum, Pisanorum, Senensium, Pistoriensium, Aretinorum & aliorum suorum fautorum exercitibus, & cum mille militibus Theotonicis quos habet in Tuscia, ceterisque suorum agminum & cohortum prædiis, & cum toto etiam posse suo personaliter ad territorium prædictæ Urbe-vetanæ civitatis accedere, ac nos & fratres nostros in ipsa civitate hostiliter obsidere, nosque per hoc ac fratres ipsos artare ad assentiendum, quod absit, suæ iniquæ libito voluntatis. Licet igitur, dilecte in Domino fili, obsidionem & quam plura alia persecutionum genera duriora & asperiora præteritis expectantes, inter scorpiones & serpentes venenosissimos habitemus, sperantes tamen quod memoratus comes Provinciæ infra festum B. Michaelis proximo venturum, sicut præstito juramento promisit, ad Urbem venire debeat, & confidentes in ejus adventu Ecclesiam ab inimicis ejus qui in circuitu ejus sunt, auctore Domino, liberari, continuare tot effusiones sumtuum, totque imminetia nobis subire pericula usque ad hujusmodi terminum nullatenus formidamus. Et scias quod expensæ quas hac occasione hætenus fecimus, usque ad summam ducentarum millium librarum Senensium jam ascendunt, & nihilominus sub spe adventus ipsius comitis terram istam usque ad prædictum terminum conservare proponimus, non parcendo laboribus vel expensis. Et procul dubio noveris quod si, quod absit, dictus comes in prædicto termino non veniret, oporteret nos pro eo, quod ad hæc non sufficeremus ulterius, prædictam terram omnino dimittere, ac de statu nostro & Ecclesiæ aliter cogitare: ideoque discretionis tuæ sub obtentu gratiæ nostræ ac devotionis illius vinculo, quam ad personam nostram habere te credimus, firmiter præci-

*Theauri Anecdor. Tom. II.*

piendo mandamus, quatenus tum ex ipsius adventu comitis dependeat in his partibus status noster, remotis quibuscumque dilationis & difficultatis obstaculis, nobis, priusquam alicui alii hoc significes, vel id possit ad aliorum pervenire notitiam, fideliter intimes, si & quando dictus comes venturus sit ad partes istas, & quid super negotiis quæ tibi principaliter sunt commissa feceris cum eodem. Quod si forsan statim de ipsius adventu comitis & aliis tibi commissis plenariam certitudinem habere non posses, pro eo fortè quod hoc ex sua vel aliorum pleniori deliberatione penderet, omnino volumus, quod tu nihilominus quid de adventu ejusdem comitis & negotiis sperare prædictis, aut verisimiliter credere valeas, nobis protinus cum omni attentione & acceleratione rescribas, causas & rationes te moventes ad credendum illa quæ scribere te contingeret per tuas nobis litteras expressurus. Ceterum quia comes ipse venire ad Urbem personaliter, prout præmissum est, præstito juramento tenetur, nos certos efficias, utrum credas eum venturum infra dictum festum, vel prorogationem hujusmodi termini petiturum. Datum apud Urbem-veterem xvi. Calendas Augusti, Pontificatus nostri anno III.

## EPISTOLA LVII.

Ad Carolum Andegaviæ & Provinciæ comitem.

*Monet eum ut caveat à veneno quod ei parabat Manfredus.*

URBANUS episcopus servus servorum Dei dilecto filio nobili viro CAROLO Andegaviæ ac Provinciæ comiti salutem & apostolicam benedictionem.

Fili per quosdam de majoribus familiaribus MANFREDI quondam principis Tarentini nobis innotuit, quod idem MANFREDUS quemdam apostatam ordinis militiæ S. Jacobi nomine Cavalcantum cum duobus Afisinis & quinquaginta generibus venenorum seu toxicorum insidiaturum vitæ tuæ sub spe ac conductu nobilis viri ducis Burgundiæ in Franciam jam transmisit: propter quod dignum fore providimus reddere super hoc aciem tuæ circumspectionis attentam, ut cautius & melius tibi scias à talibus insidiis præcavere, ex hoc percepturus attentius quod idem MANFREDUS nobis ex locorum propinquitate vicinus, in necem nostram per similia extinctionum genera multò frequentius machinatur: & tamen omnipotens Dominus, in cujus manu mors & vita consistit, personam nostram hætenus à tam pravis ejus machinationibus præservavit. Verum quia nos considerantes, quod si dictus MANFREDUS terram Ecclesiæ his, quod absit, temporibus occuparet, majora difficultatis obstacula tibi ad regnum Siciliæ venienti in terra pararetur eadem, & plures ac vehementiores te in removendis hujusmodi obstaculis oporteret subire labores, quam in regni acquisitione prædicti:

F ij

facinus quicquid possumus, immo ultra quam possumus, pro conservatione ipsius terræ, de qua per Dei gratiam nihil amisimus, effundendo sumtus ad hoc inæstimabiles pro diversis militum copiis variisque exercitibus, quos in patrimonio B. Petri in Tuscia & in ducatu Spoletano, & etiam in Anconitana Marchia sub nostris stipendiis retinemus. Et scias quod huiusmodi sumtus continuare proponimus usque ad festum B. Michaelis proximo futurum, in quo utique termino speramus in manu forti & brachio extento, divina tibi prævia gratia, te venturum. Ideoque nobilitatem tuam monendam, rogandam attentè duximus & horandam quatenus sic tuum ad partes istas adventum cum omni acceleratione festines, ut spe quam de te in hac parte concepimus non fraudemur: & nihiloominus statim nobis significes, si & quando iter arripere debeas veniendi, quoniam si, quod absit, infra prædictum terminum non venires, oporteret nos pro eo quod tantorum sumtuum onera non possemus ulterius sustinere, & prædictam terram dimittere, & de statu nostro aliter cogitare. Ceterum quia propter occupationes multas quibus distrahimur oblivioni tradidimus illa secreta vocabula, sub quibus tibi scribere debebamus, pro ut per dilectum filium Dionysium de Essartis clericum tuum tibi duximus intimandum: ideo si tibi sub prædictis vocabulis non scribimus, non mireris. Datum apud Urbem-veterem v. Calendas Augusti, Pontificatus nostri, anno 111.

## EPISTOLA LVIII.

Ad Simonem Cardinalem apostolicæ sedis legatum.

*Laudat ejus prudentiam in tractando Siciliae negotio.*

Anno 1264

URBANUS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Fili, receptis tuis litteris & perlectis, ex earum tenore collegimus evidenter, quod & in via & in patria labores multiplices pertulisti, dum in via longa terrarum peragrande per abrupta montium, per paludum & fluminum obstacula, per impedimenta torrentum, & quod periculosius exitit, per vigiles prædonum insidias transeundo delicatum & tenerum corpus tuum insuetis laboribus & squaloribus illud innumeris exponendo periculis macerasti. & in patria, ubi quies tibi debuit sperata succedere, oportuit te itinere tam longo confractum, & fatigationibus tot attritum, novis laboribus in ipsa tui novitate adventus exponere ac exhibere, recentem prosequendo & promovendo tractatum negotii regni Siciliae, quod confidenter tuæ industriæ commisimus promovendum. Et quidem dum oculi nostri huiusmodi labores tuos acie intenta perlegerent, in patre protinus fuit erga filium compassionis

A spiritus suscitatus: sed dum desideratam fructuum ubertatem, qui cœperunt jam nobis & Romanæ Ecclesiæ matri tuæ de huiusmodi tuis laboribus provenire diligenter advertimus, Deo salutari nostro devotè diximus cum propheta: *Secundum multitudinem dolorum meorum in corde meo, consolationes tue, Domine, lætificaverunt animam meam.* Vidimus etenim in eisdem litteris totum processum habitum inter te & dilectum filium nobilem virum CAROLUM Andegaviæ ac Provinciæ comitem super negotio supradicto. Vidimus, inquam, & lætati sumus, quoniam ea quæ per te acta sunt hætenus circa idem negotium nobis plurimum placuerunt, cum sciamus te ad illa cum multo & magno caritatis zelo, quo dictum prosequeris negotium, & cum ingenti sollicitudine processisse: & ideo efficax tuæ diligentie studium, & studiosum, qui in ipso negotio ex tuis provenit laboribus primariæ promotionis effectum dignis in Domino laudibus fore decrevimus multipliciter attollendum, sperantes in Altissimo & in tua probitate probata, & experta providentia confidentes, quod eidem negotio prosperè & salubriter per tuam circumspectam solertiam, vigilemque prudentiam divina tibi assistente gratia, consummatione laudabili concludetur. Et scias quod nobis nequaquam venit in dubium, quin utilius pro Romana Ecclesia dictum negotium promovisses, si præfatus comes non fuisset ab aliquibus, prout tuæ continebant litteræ, super ejusdem negotii conditionibus præmunitus.

D. Verum quia dum easdem perlegeremus litteras, nobis in illis occurrit, quod ex tuorum immensitate laborum discratiam febrilem incurreras, gaudium quod ex grati annunciatione rumoris dictæ litteræ nobis attulerant, fuit subito in nobis mutatum in amaritudinem & conversum. Sed quia per subsequencia de tua nobis convalescentia constitit, prioris serenitas gaudii, quam nubila tui significatio languoris obduxerat, rediit, & nobis ad cumulum lætitiæ majoris & amplioris accrevit. Cum igitur memoratum

E negotium, sicut ex prædictis apparet litteris, sub tua circumspectione votivis jam firmari successibus videatur, nos considerantes attentius quod vix potuisset ad promovendum illud persona tam utilis inveniri, & propter hoc de tuis felicibus processibus non indignè gaudentes, in laudis supernæ jubilum exinde lætanter assurgimus, ac referimus ei à quo bona cuncta procedunt, & qui negotium ipsum in tuis manibus prosperè dirigit, gratiarum devotas & humiles actiones. Ideoque discretionis tuæ per apostolica scripta mandamus, quatinus indefessa sollicitudine laborare non desinas, sicut jam laudabiliter inceptisse dinosceris, ad hoc ut idem negotium ad laudem & gloriam divini nominis expectatum & desideratum exitum sortiatur, personæ tuæ ac ipsius negotii statum nobis frequentius sicut per prædictas nobis promissisti litteras intimando. Datum apud Urbem-veterem 11. nonas Septembris, Pontificatus nostri anno 14.

## EPISTOLA LIX.

Ad Simonem cardinalem apostolicæ sedis legatum.

*Ut Alberto notario præcipiat ut ad pontificem revertatur.*

Anno 1264

**U**RBANUS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Fili, quia gravia & importabilia onera quibus in multorum legatorum & nunciorum apostolicæ sedis frequenter immo indefinenter quasi euntium & redeuntium procuracionibus Gallicana Ecclesia hoc tempore prægravatur, nostris totaliter incumbere humeris reputamus, & sentimus in nobis tot & tantorum suorum ponderum gravitatem, nos circa tuum ab apostolica sede recessum tibi mandasse recolimus viva voce, ut dilecto filio magistro ALBERTO notario nostro ex parte nostra præciperes, quod statim postquam tu & dilectus filius nobilis vir comes Provinciæ super conditionibus negotii nostri Siciliæ concordēs essetis, ad sedem apostolicam sublata qualibet mora & difficultate rediret. Injunximus quoque ei per nostras litteras, ut tibi in his quæ super ipsius reditu ex parte nostra diceret, fidem plenariam adhiberet: quod ideo fecimus, ut à suis procuracionibus eadem alleviaretur ecclesia, quemadmodum exonerata extitit à procuracionibus venerabilis fratris nostri.... Tyrensis archiepiscopi, non sine magna consolatione & exultatione prælatorum ejusdem ecclesiæ, prout tua providentia nobis scripsit. Verum quia sicut habetur in quadam ex cedulis in iisdem tuis litteris interclusis, idem notarius hujusmodi nostris receptis litteris tibi apertè intentionem nostram eidem circa ipsius reditum exprimentī respondit, quod pro executione quorundam aliorum negotiorum volebat adhuc in regno Franciæ remanere; nos non immeritò de hujusmodi ejus insperata responsione commoti, volumus & præsentium tibi auctoritate mandamus, quatenus statim receptis præsentibus, eidem notario cui super hoc etiam nostras dirigimus litteras, auctoritate nostra destitute præcipias, ut executione quorumlibet negotiorum nequaquam obstante, protinus ad nostram præsentiam revertatur: eidem expresse prædicens, quod nisi litteris nostris tuoque in hac parte præcepto paruerit, nos contra se graviter provocabit. Denique super provisione dilecti filii nostri A. Basilicæ duodecim apostolorum presbyteri cardinalis tibi sub breviloquio respondemus, quod si, prout tibi dum adhuc esses nobiscum mandavisse meminimus, absque scandalo per te poterit in illius executione procedi, gratum habebimus quicquid eidem cardinali super hoc duxeris faciendum. Alioquin cum prælatos & alias personas ecclesiasticas regni Franciæ prætextu ipsius provisionis scandalizare nolumus, ad executionem illius cum scandalo non procedas.

A Datum apud Urbem-veterem nonis Septembris, Pontificatus nostri anno iv.

## EPISTOLA LX.

Ad Manfredum quondam Principem Tarentinum.

*Hortatur ut rediens ad cor Veronensem electum à suis detentum in vinculis libertate donet.*

**B**LICET enormes injurias & atroces injurias adversus Deum & Romanam ecclesiam commiseris hactenus; & tam nos quam felices recordationis INNOCENTIIUM & ALEXANDRUM Romanos pontifices predecessores nostros & sedem apostolicam plurimis & continuis molestiarum & vexationum cumulis provocaris: speramus tamen quod aliquando ad cor rediens, & te graviter offendisse considerans, in conspectu Altissimi pœnitentiæ dona & contriti cordis ac humiliati spiritus holocaustum offerres, & studes tibi recuperare per prompta & condignæ satisfactionis opera prædictæ sedis gratiam, quam tuis gravissimis culpis exigentibus perdidisti. Sed quia tu, quod dolentes referimus, curare de tua fama tuoque honore aliquatenus non videris, cum non cesses mala malis adjicere, offensas inculcare offensis, & injurias injuriis cumulare. Nos qui tuum nos cognoscimus esse patrem, considerantes quod tenera patris affectio de duris etiam filiis tamen cogitare compellat; quia numquam sic pater potest suorum natorum excessibus provocari, quin ipse nativi foederis unione constrictus, de illis velut timens & per vigil meditatur; numquam duximus obmittendum, quantumcumque nobis & ecclesiæ injuriosus existas, & filialis prorsus devotionis oblitus, contra apostolicæ benignitatis clementiam utaris privigni duritiam, quin te ad illa litteris inducamus & monitis, per quæ honori tuo tuæque consulas & saluti. Sane quamquam effectum discretionis judicium cujuslibet rationis, adeo contra prædictam ecclesiam error sensualitatis & libitum voluntatis extinguerit, quod hactenus quid tibi tuoque statui expedierit, qualiter & apud eandem ecclesiam tuos debueris procurare profectus discernere quomodo libet nequivisti. Nequaquam tibi cedere possumus, quod in agro tui pectoris adeo providentiæ vigor marcuerit, quod prorsus ignores quid deceat, quidve dedebeat, & in quantum subditus Domino teneatur, & ideo securius tibi pro dilecto filio scilicet M. Veronensi electo, quem in tam justitiæ defensione, quam justī prosecutione negotii per tuorum militum agmina captivatum tuus tenet carcer inclusum, nostrarum precum primitias duximus dirigendas. Sperantes quod tu saltem in hoc Deum habebis præ oculis, & verecundus nostris in hac parte desiderii.... preces hujusmodi eo promptius.... in posterum, quo de sinceriori affectu procedere dignoscuntur. Maxime cum rogemus pro viro erga Deum & prædictam ecclesiam fide ac devotione præclaro, vitæ munditia &

Anno 1265  
Ex ms. S.  
Martini  
Turonensis.

F iij



morum honestate decoro, qui suæ probitatis exigentibus meritis ad pontificalem dignitatem per providentiam apostolicæ sedis electus, factus levita Domini & Christi minister, qui per prophetam tangi Christos suos & in prophetis suis malignitatem prohibuit exerceri. Tuam igitur Nobilitatem rogamus & tibi attente per apostolica scripta mandantes, quatenus attendens provide quod homo qui tibi nequaquam in aliquo tenebatur, potuit iuste pro nobis & prædictam ecclesiam, qui ejus sumus Domini spirituales, ad mandatum nostrum Anthonam, Marchiam, & alias terras ipsius ecclesiæ defendere. Propter quod non debes in eum aliquatenus deservire, considerans etiam quia cum Deo & nobis gratitudinis præstabis obsequium, si uteris benignitate ac clementia erga ipsum, curaveris eum dimittere à vinculis absolutum ob reverentiam memoratæ sedis, & nostram, tuumque honorem, prædictum electum dones Deo ac nobis & prædictæ ecclesiæ, in signum quod aliqua in te divini timoris sintilla remanserit, libertati pristinæ restitutum. Ita quod ille qui converti vere desiderat peccatores, tui recordare dignetur, tibi cogitandi quæ recta & agendi gratiam largiatur. Nos quoque videntes & recognoscentes, quia nostris in hoc beneplacitis coaptando incipias bonitates & pietatis operibus delectari; teneamur exinde devote & ad Deum vota dirigere, & efficacibus insistere supplicationibus apud eum, ut te sic sua virtute humiliare dignetur ad bonum, seu quoque facere susceptibilem & capacem, quod & in præsentem gratiam, & gloriam assequi valeas in futuro; & ecce dilectum filium & fratrem S. de Ordine Minorum nuncium nostrum, virum utique providum & discretum & religione conspicuum, & nostris ac nostrorum fratrum oculis gloriosum, ad tuam præsentiam propter hoc duximus destinandum, cui in his quæ tibi super præmissis ex parte nostra dixerit, adhibere fidem, illa quæ efficaciter adimplere procures. Accelera igitur ut remotis quibuscumque difficultatibus & dissolutionum obstaculis, ad lætificandum patris animum de filii liberatione festina electum ipsum statim nobiscum cum eodem nuncio, in nostrum & prædictæ ecclesiæ gaudium remittendo, quoniam non minus de spe quæ nobis in hoc de tua conversione præbetur, quam de illius remissione gaudebimus, ut condignas altissimo gratias referemus.

## EPISTOLA LXII.

*Responsio Manfredi.*

*Ex ms. S.  
Martini  
Turonensis.*

**S**UB simplicis humilitatis officio, integræ devotionis affectu, tamquam novi muneris grande mysterium, & utinam spei uberis promissum, Sanctitatis vestræ recepi litteras. Paternæ dilectionis increpationes audiavi, & jussionis dominicæ monita reverentius intellexi, factus repente stupidus, & referendo quodammodo verecundus, quod adversus Deum & sanctam Romanam Ecclesiam, quam Chri-

**A** stianæ fidei magistræ & dominam recognosco, injuriarum atrocium lator intitutor, & offensarum enormium irrogator appellor, de quibus si pectoris mei claustra discutio, conscientiæ meæ nulla nota redarguit, nec probabilis stimulus veritatis impugnat. Nam licet bonarum sit mentium ibi culpas agnoscere, ubi noxa non præfuit: si de nullis offensis poenientiæ dona non obtuli: si de nullis injuriis humilitati spiritus tributum non solvi, nescio cur injuriator extitero, vel cur deplantator excessuum **B** humanitate compingor, nisi ea forsitan quod contra vos & prædecessores vestros offensionis & culpæ gravitate respergor, quod voluntati vestræ super hereditatis privatione non parui, & reconciliationis optatæ gratiam, quam multifarie multisque modis expetii, hoc usque non potui promereri. Nunc ergo præceptis salutaribus monitus, & objurgationibus vestris, quæ circa duritiam filiorum clementiam patris insinuant, persuasus gaudeo satis quod excitare me litteris & corripere monitis paterna dignatur affectio, ex quibus spei fertilis judicia colligo, & fiduciæ facilis argumenta compono. Et cum non semper osculandus à patre sit filius, sed dura interdum castigatione premendus, jam me velut ingratum, de cujus se asserit salute sollicitum, quem gratiæ communionem non abdicat, suavitatis materno gremio non excludit. Sed datur alterius Pater, piissime, sinistrae suspicionis occasio ut invitatus quærilus de sincera quodammodo ut patris affectione diffidam, & de matris tenera pietate desperem, dum sicut vulgaris jam notio prædicat, transverso verbo **D** tenus ordine, successionis in exterminium hosti adversus me panditis ostium, & illum in regno mihi ex conceptæ contra me forte indignationis animo adversarium erexistis. De quo præter alia emolumenta quam plurima, quæ per me Ecclesiæ poterant provenire, de conditionibus omnibus quæ de me protinus, si veritatem dicere liceat, utilitas expetatur, sicque dum verba patris, quasi modesta cum de filii conversione titillant, accurare desidero, desperare commoveor; & dum extrinseca commemoro, desperare compellor. In cujus desperationis excessu & vehementis doloris incendium, ea maxime ratione promoveor, quod venerabilis vir Dominus S. titulo Martini presbyter cardinalis apostolicæ sedis legatus in Marchia per suas litteras temerarium prædonem me publicat, & persecutorem publicum, ut satanæ filium licentia labiis laxata divulgat: qui per hoc verum mihi soli, etsi aliqua ratione non placeo, læsionis offendicula attenderet, sed ad universale quasi gentis dispendium non minus, **E** prohi dolor! occasione suspiraret, dum fideles **F** Christicolas, quorum festiva subsidia terræ sanctæ negotium à nobis olim procuratore, nunc Domino, longis desideriis expectaret, & novo bellandi genere nunc per arma in filios ut ad christiani regis spolia crucis signat. Consideret ergo, si placet, Vestræ Pietatis integritas, qualiter si secundum carnem unitur prædicto, de prædicta debeat intendere precibus, & tot gravibus laceffit injuriis superioris ob-

*Locus intricatus.*



secundare præceptis. Hac itaque varietate perplexus, eligo me sanius me totum beneplacitis vestris exponere; si totus admittar, & vestris obtemperare mandatis, si tamen innocentiae meae causam levitas non exasperat mandatoris. Non sic enim propriae voluntatis arbitrio sublevor, nec sensualitatis incentivo dissolvor. Quin plane discernens inter dexteram & sinistram aperte videam, & evidenter agnoscam quid rationis iudicio debeat. Propter quod universa quæ scribitis debita meditatione compensans, mandatorum vestrorum precumque primitias pro liberatione providi viri M. Veronensis electi, ad cuius laudabilis famæ præconia, tam clara sufficiunt testimonia laudatoris, reverenter accipio, & eo libentius ad effectum debitæ prosecutionis ac compendii scribendi tam sanctis initiis debentur, de cuius captionis adventu Deum & ecclesiam exinde graviter offendisse me dicitis, minus digne, si dici liceat, sævitiae mihi versutiis adscribitur, & prohibitionis supernæ pertinax refragator accusor. Quamquam & tam rex ille pacificus, quæ ministris ecclesiae legata pacis hominibus erogando commisit, in Christo suos propheticos tangi prohibeat, aut in eos malignitatis molestiam exercendi. Si tamen interdum minus id passis imputari debet ad vitium, tam facientibus ad delictum. Cum igitur ad partes Marchiae, dum in amicorum subsidium, qui ob zelum devotionis & fidei demum augustum felicitis memoriae Dominum FEDERICUM patrem meum tenaciter habere in me quasi novæ dilectionis fragrantia redolebant, quamdam quantitatem militum in favoris suffragium destinassem, discedentibus inter se partibus, pro ut moris est, vel erroris potius inter eos radicavit antiquitas, idem electus, non pacifer, sed belliger inventus; non altaris levita, sed equo leviter elevatus; non Dei minister, sed excidii ministrator, inter agmina militum incidit, & ad privatam honestamque custodiam bellicus eventus ipsum adduxit, de cuius liberatione festina, si ad præsens dominationis vestrae voto non parco, molestum quæso, Pater Pie, non geratis, cum absque amicorum meorum, quorumdam marchionum comitum vel magnalium consilio, ad quos ut hoc præcipue interesse versatur, aliud fieri honeste posse non videar: Sed quam cito ad iustantiam nuntiorum meorum super hoc eorumdem nobilium mihi conscientia patefiat, tam in his quam in aliis, quæ sanctitatis vestrae grata sint animo, & affectui blandiantur, per evidentiam operum non injuriam quæ vestram paternæ caritatis affectio placida relatione cognoscam, signa promptissimæ dilectionis ostendam. Interim tamen ipsum, ob reverentiam apostolicæ sedis & vestram, non ea quæ captis ex hostium conculcatione debetur, sed quæ humilitati conveniat ut æquipolleat libertati, honesta custodia faciam sociari: ut quæ ad præsens in totum ostendi non potuit, mea saltem in parte dilectio agnoscat.

## EPISTOLA LXII.

Ad archiepiscopum Bituricensem.

*Ut assensum præbeat compositioni quam Albienſis episcopus cum rege meditabatur.*

URBANUS episcopus servus servorum Dei venerabili fratri archiepiscopo Bituricensi S. & A. B.

Significavit venerabilis frater noster episcopus Albienſis, quod cum dudum inter ipsum & carissimum in Christo filium nostrum illustrem regem Franciæ super temporali jurisdictione civitatis Albienſis vel parte ipsius, quam idem rex ad se spectare asserit, quamque idem episcopus & prædecessores sui Albienſes episcopi, qui fuerunt pro tempore ipsam exercuerint à tempore cuius memoria non existit, suborta sit materia quæstionis: dictus episcopus & Albienſis ecclesia, occasione quæstionis huiusmodi, sustinuerunt multa damna & injurias, ac subierunt gravia onera expensarum. Cum autem iidem rex & episcopus, sicut accepimus intendant compositionem inire, nos de te qui ejusdem episcopi metropolitanus existis, & à quo sicut ipse asserit huiusmodi jurisdictionem tenet in feudum, gerentes fiduciam pleniorē, fraternitati tuæ per apostolica scripta mandamus, quatenus eidem episcopo ineundi compositionem, super hoc cum eodem rege, si ecclesiæ ipsi expedire videris, auctoritate nostra licentiam largiaris, non obstante si ad id non intervenerit capituli Albienſis assensus, nisi eum negaverint ex rationabili causa præstare. Datum apud Urbem veterem Idus Decembris, Pontificatus nostri anno secundo.

Anno 1162  
Ex cartarib  
archiepiscopo  
Bituricensi.

## EPISTOLA LXIII.

*De modo dicendi officium divinum in terris strictissimo interdicto suppositis.*

URBANUS episcopus servus servorum Dei ad certitudinem præsentium & memoriam futurorum, &c.

Dudum felicitis recordationis ALEXANDER papa prædecessor noster primo & nos postmodum civitates & loca plurima MANFREDO quondam principi Tarentino ac UBERTO marchioni Pelavicino, & aliis ecclesiæ persecutoribus contra salutem propriam adhærentia, loca etiam ad quæ dictus MANFREDUS, RICHARDUS GASERTANUS & THOMAS Acerrarum comites, ac GALVANNUS & FREDERICUS LANCEA fratres devenire contingeret, quamdiu ibi forent strictissimo ecclesiastico supposuimus interdicto; sed quia nonnulli atchiepiscopi & episcopi, abbates, priores, alique prælati & religiosi ac clērici & aliæ quam plures personæ utriusque sexus à sede apostolica & per litteras & ore tenus sibi post-

Anno 1162  
Ex ms. P.  
Prædicato-  
rum Rotom.  
magistri.

modum obtinere concedi, ut non obstantibus huiusmodi interdicti sententiis, liceret eis sub certa forma, in certis ecclesiis sive locis eadem interdicto subpositis celebrare ac audire divina: nos, ut interdictum ipsum artius servaretur, in octavis festivitatis B. Martini proxime præteritæ, præsentem tunc multitudinem fidelium copiosam, omnes concessionem huiusmodi quocumque modo & sub quacumque forma factas à sede apostolica prædicta, omnes quoque litteras, indulgentias, cunctaque privilegia super hoc ab ipsa obtenta totaliter auctoritate apostolica duximus revocanda, universis cujuscumque status, ordinis, conditionis, honoris & dignitatis existerent, eadem auctoritate sub pœna excommunicationis districtius inhibentes, ne huiusmodi concessionum seu alio quocumque prætextu contra earundem sententiarum interdicti tepores in aliquibus ecclesiis seu locis interdicto subiectis divina officia celebrare vel audire quomodolibet attentarent. Hoc autem ideo fecimus, ut locorum homines eorundem tanti saltem consideratione descriminis, ad Ecclesiæ redirent humiliter unitatem. Verum quia ipsi maliciis propriis excœcati, & in suis defixi fecibus, nec ex antidoto medicinali salutem, nec ex vexatione recipiunt intellectum. Nos nolentes ulterius ob eorum nequitiam personas ecclesiasticas inter eos degentes divinis officiis penitus defraudari, de fratrum nostrorum consilio eisdem personis ecclesiasticis in-

A dulgemus, ut in collegiatis ecclesiis sæcularibus in civitatibus & locis huiusmodi constitutis clericis ecclesiarum ipsarum, & in religiosorum conventibus fratribus religionis ejusdem pœnitentiæ, Eucharistiæ, extremæ quoque unctionis sacramenta recipere ac voce submissa clausis januis, non pulsatis campanis, interdictis & excommunicatis, & personis omnibus aliis cujuscumque conditionis aut sexus exclusis, divina officia liceat divisim vel insimul celebrare. A generalitate tamen excludendorum excepimus tam religiosas personas quam sæculares clericos viatores, quos & in religiosorum & in sæcularium clericorum ecclesiis admitti permittimus ad divina in procinctu itineris constitutos, vel infra diem tertium recessuros. In monasteriis etiam monialium & laïcorum religiosorum, tam Humiliatorum, quam aliarum civitatum & locorum huiusmodi Domino famulantium, licebit eisdem monialibus & religiosis suum vel alienum ad celebranda divina cum duobus honestis clericis vocare vel admittere sacerdotem. Conversi quoque monasteriis servientes ipsarum, divinis officiis poterunt interesse cum ipsis. Præterea venerabiles fratres nostros patriarchas, archiepiscopos, & episcopos ad loca huiusmodi declinantes, illius uti volumus privilegio libertatis, quod episcopis in favorem pontificalis officii constitutio concilii generalis indulget. Datum apud Urbem-veterem Idibus Januarii, Pontificatus nostri anno III.





# C L E M E N T I S

## P A P Æ I V.

### E P I S T O L Æ.

*Ex pluribus codicibus manuscriptis.*

#### (a) E P I S T O L A I. (a)

Guidonis Cardinalis & episcopi Sabinensis ad  
Carolus Andegaviæ & Provinciæ comitem.

*Electus à Romanis ut regeret Urbem quomodo  
erga eos se gerere debeat, & qualis esse debeat  
vicarius ipsius ab eo mittendus.*

Anno 1265  
Ex ms. Ora-  
torii Tre-  
centis.



ILLUSTRI ac magnifico viro  
Domino C. comiti Andegaviæ &  
Provinciæ GUIDO miseratione  
divina Sabinensis episcopus salu-  
tem & paratam ad ejus honorem  
& beneplacitam voluntatem.

Romanorum populus alti nominis & magni  
spiritus, qui ad Urbis regimen vos vocavit,  
vestram faciem videre desiderans, cum magna  
est interim distractione tractandus. Volunt enim  
Romani rectores suos & gestus magnificos, &  
verba tonantia, & facta terribilia præ ceteris  
habere principibus, mundi dominium (b) sub-  
reptum sibi postquam translatus ad alios judi-  
cantes. Laudamus in his vestrum vicarium  
Dominum J. GANTELM principaliter & ejus  
socios juxta vires, sed numeri paucitas, & te-  
nuitas expensarum ejus, & vestram in eo minuit  
dignitatem. Multa enim superflue expendi opor-  
tebat in Urbe, quæ tamen utiliter expendun-  
tur, ut superflua non superessuant, prout mos  
exigit rationis. Unum etiam nuper audivimus,  
quod nobis displicuit, videlicet quod illa vetus  
apostolorum contentio, quis eorum major aliis  
videretur latenter oritur inter vestros, super  
quo eos arguere proponimus, & vos consilium  
apponatis. Roma enim condita, non potuit  
duos reges, nec bene nunc Urbem regerent,  
qui de ipso regimine invicem dissiderent. Si

A ergo urbem tenere proponitis, quam ad præsens  
in nullo casu sine confusione possitis dimittere,  
mittite plures nobiles, qui velint & valeant sibi  
commissa prosequi, & majori humilitate obe-  
dire. Dispensatorem vero non novum & inex-  
pertum, sed virum consilii, & exercitatum in  
sumptibus ministrandis, & scientem discernere  
quid tempori, quid personis, quid patriæ sit  
conveniens; quid servandum, quid fuerit effun-  
dendum, sine moræ dispendio transmittatis. Ad  
hæc enim qui missus est, licet habeat bonum  
zelum, sufficiens non videtur. Illud autem  
certum est apud multos, quod si regnum obla-  
tum recipitis, Urbs est vestra, per quam est  
regnum acquirere, & à Romana ecclesia quod  
vobis expedierit & ipsa dare decreverit obti-  
nere poteritis, & in ipsa Urbe quid etiam vobis  
placuerit facere. Quin etiam si regnum vobis  
recipere propter conditionum onera non pla-  
ceret, non est Urbs subito proinde dimittenda;  
sed personis consulendum quas misistis, quæ  
non levi discrimini subiacebunt, si sibi populus  
arbitretur illusum. Super his igitur quid vobis  
liceat, quid deceat & quid expediat vobis  
aperiat Deus omnium cognitor futurorum: &  
qui vobis magnificum nomen dedit, proposi-  
tum det magnanimum saluti vestræ congruens  
& honori. Vestra valeat in perpetuum magni-  
tudo. In vigilia Epiphaniæ.

#### E P I S T O L A I I.

Regi Aragonum.

*Rogat ut detentum à Manfredi electum Veronensem  
libertate donari procuret.*

CLEMENS episcopus servus servorum Dei Anno 1265  
carissimo in Christo filio regi Aragonum  
illustri.

phanæ antequam Carolus veniret in Urbem, & in eam mensē  
Junio ejusdem anni jam esset ingressus, ulterius differri aut rejici  
non potest.

(b) Al. subjectum.

G

(a) Hæc epistola, quam in codice Oratorii Trecentis inter  
Clementis IV. epistolas reperimus scripta fuit ab ipso Clemente  
Cardinali sede adhuc vacante ante suam electionem, quæ v.  
Februarii contigit 1265. Nam cum data fuerit in vigilia Epi-

Quod negotium, pro quo magnitudini tuæ præfens à nobis pagina mittitur, nostræ mentis intima quadam & propensiori domesticæ sollicitudinis stimulatione (a) titillet, ex eo potissime tuæ circumspectionis industria certum indicium & evidens sumere poterit argumentum, quod nos Naviculæ Petri, quam nobis Altissimus committere voluit, suscepto regimine, dum adhuc esset cor nostrum ex frequenti negotiorum inundantium super nos undique fragore concussum, & ex consideratione nostræ insufficientiæ nostræque humilitatis attonitum, antequam imbecillitas virtutis nostræ consideret sinuosa ipsius naviculæ vela ventis (b) explicata tradere, cogitare cœpimus vias diligenter & modos, quibus nostræ de ipso negotio (c) salubre possemus intentionis propositum obtinere. Post intentam igitur nostræ super hoc disquisitionis diligentiam, & diligentem apostolicæ perscrutationis indaginem, noster in tuæ pietatis promptitudinem spiritus requievit; & sperantes nonnisi per tuæ (d) prudentiæ studium satisfieri posse in hoc plenariè votis nostris, hanc nostræ sinceritatis epistolam, tamquam velocem adauctæ tibi benevolentiae prænuntiam, & certissimam confidentiæ nostræ (e) arrham, pias precum nostrarum primitias, & salutifera petitionum nostrarum initia continentem, mansuetudini tuæ destinandam fore prævidimus, firma concepta fiducia, quòd dictum negotium eo (f) promptius & libentius tua sublimitas ad effectum optatæ prosecutionis & finem votivæ perfectionis adducet, quo huiusmodi nostra preamina de interioris affectionis ubertate prove- niunt, & quo brevioris emolumenta compendii deberi huius primarii nostri apostolatus apicibus recognoscet. Sanè olim dum in Anchoni- tanæ Marchiæ partibus contra Romanam Ecclesiam procella persecutionis, commovente illam MANFREDO, nato quondam FREDERICI olim Romanorum imperatoris, excresceret, felicitis recordationis URBANUS papæ præde- cessor noster dilectum filium nostrum M. Veronensem electum, virum utique generosum, industrium, strenuum & fidelem, cujus in de- vorione Ecclesiæ inconcussam constantiam, & stabilem firmitatem sui generis experta in ad- versis fidelitas, & evidentia suorum laudabilium operum testimonia, sub diversitate (g) tem- poris compararunt, deffensionem ejusdem Mar- chiæ, assignata sibi quadam comitiva militum, deputavit: sub cujus studioso ducatu, licet ejus- dem Ecclesiæ negotium in ipsa Marchia diri- gere ac prosperis successibus firmare cœpisset Altissimus, demùm tamen, invalescentibus ejus- dem MANFREDI viribus, contigit quòd idem electus, dum suorum castrorum acie ordinata contra hostium agmina sub vexillis Ecclesiæ consueto sui animi vigore procederet, in causæ

A tam justæ defensione, ac etiam justis prosecu- tione negotii, in adversariorum manus incidit, ipsumque ad privatam dicti MANFREDI custo- diam bellicus eventus adduxit. Et quamquam dictus prædecessor dum adhuc viveret ad eum- dem MANFREDUM nuncialem & litteras effi- caces pro ipsius electi liberatione transmisserit, idemque MANFREDUS certam ei de hoc spem fallaci promissione præbuerit, adhuc tamen electum ipsum (b) MANFREDUS tenet in carcere inclusum. Non speramus per alicujus, nisi tantum per tuæ interventionis præsidium eum posse absolvi à vinculis & restitui pristinae libertati. Ideoque Serenitatem tuam, quam adimplendis nostris beneplacitis semper prom- tam invenimus & paratam, rogandam duxi- mus attentius & hortandam, in remissione tibi peccaminum nihilominus suadentes, ac pro speciali munere à te postulantes, quatinus pie- tatis intuitu ob nostræ quoque personæ reve- rentiam, apud eundem MANFREDUM, quem nullum in hoc tibi, si penes eum diligenter institeris, difficultatis repugnaculum, nullum- que dilationis obstaculum ingerere credimus, sic interponas pro (i) liberatione ipsius electi efficaciter partes tuas, mittendo propter hoc ad eum protinus litteras & nuncium seu nun- cios speciales, ac petendo instanter ab eo, ut electum ipsum donet Deo ac tibi in signum amoris, quem ad inclytam personam tuam habere se asserit, à carceribus liberum & à vinculis absolutum, ut te obtinente ab eo quod petimus, & donum tam acceptabile (l) tam- que votivum primitivis nostræ promotionis aus- pitiis offerente, nos evidentius agnoscamus qualem ac quantum in pectoris regalis arma- rio apostolicæ preces locum obtinent ac favo- rem, ac teneamur Celsitudini tuæ pro tantæ clementiæ opere, pro quo etiam fiet tibi Rex regum propitius retributor, grata, favente Domino, vicissitudine respondere. Rescribas autem nobis per latorem præsentium, quem ad te propter hoc specialiter mittimus quic- quid super hoc duxeris faciendum. Ceterum quia omnipotens Dominus nos licet immeritos ad supremæ speculationis altiora provexit, po- suitque in culmine verticis sæculorum, firmiter in animo gerimuste, quem sincerè dileximus hactenus, eò sinceriori affectu & fervore pro- sequi promptiori, quò ampliorem & plenioram nobis in terris divinæ miserationis abundantia contulit potestatem. Tu ergo de nobis, sicut de patre benevolo & benigno confidens, ad nos in omnibus quæ tuam exaltationem tuorumque spiritualium & temporalium profectum & in- crementa respiciunt, recursum habeas, quo- tiens fuerit opportunum. Datum Perusii vi. Calendas Martii, Pontificatus nostri anno I.

In Man-  
fredi ma-  
nus incidit.

(b)

Ut pro il-  
lius liberta-  
te se inter-  
ponat Rex  
Aragonum  
rogatur.

(i)

(l)

M. electo  
Veronensi  
Ecclesiæ  
defensio  
committitur.

(a) Al. Scintiller.  
(b) Al. Explicita.  
(c) Al. Salubriter.  
(d) Al. Providentiæ.  
(e) Al. Archam.

(f) Al. Pronius.  
(g) Al. Temporum.  
(b) Al. Ejusdem Manfredi tenet carcer inclusum.  
(i) Al. Libertate.  
(l) Al. Tamquam.

## EPISTOLA III.

Ad Simonem cardinalem S. Cecilie.

*Legationem Gallie ipsi committit, ad Sicilie negotium cum Carolo Provinciae comite promovendum.*

Anno 1265

CLEMENS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Summa rei ecclesiasticæ ac libertatis publicæ necessitate cogente, quæ tibi plenè nota, sine universali periculo negligi non poterat, nec postponi, ad Franciæ ac nonnullas partes alias Romana Ecclesia te honorabile sui membrum corporis destinavit, promotioni negotii, quod cum dilecto filio nobili viro CAROLO Andegaviæ ac Provinciae comite super Siciliæ regno ipso inchoaverat Ecclesia, vacaturum. Igitur cum tu benedictionis filius, multos quos ob id pertulisti labores & varia non vitando pericula, susceptæ legationis ministerium in spiritu devotionis & obedientiæ promptitudine, sicut ipse rei fructuosus docet exitus, debita sollicitudinis laudabilis vigilantia fueris executus, & inter alia quævis magna & ardua inhærentia cordi nostro finalem & felicem prælibati consummationem negotii specialius affectemus, cujus anxia cura durè premit, acriterque dilacerat mentem nostram: discretioni tuæ per apostolica scripta mandamus, quatenus nulla mora, nullave occasio seu cujusvis præpeditio obstatulum te detineat, quin universis singulis negotiis aliis quantumcumque urgentibus & arduis tibi incumbentibus, in cujuscumque status continentia fuerint, omnino postpositis, statim visis præsentibus, absque ullo dilationis medio, in Provinciam studeas te conferre, ut nuntii per nos illuc pro sæpe dicto negotio juxta deliberationem nostram jam habitam in proximo destinandi cum prælibato comite ibidem inveniant te paratum; nec tuæ pretextu absentiae ipsius expeditio negotii prorogationis alicujus capiat detrimentum, cujus acceleratio per tuæ gratæ copiam præsentis fiducialiter expectatur. De his verò quæ ad decimam pertinent, quam à te instantè exigit idem comes, per prefatos nuntios plenius instrueris. Datum Perusii iv. Calendas Martii, Pontificatus nostri anno i.

## EPISTOLA IV.

Simoni Cardinali apostolicæ sedis legato.

*Commendat ipsi quosdam mercatores Senenses.*

Anno 1265

CLEMENS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Tuæ circumspectionis industriam latere non credimus, qualiter felicitis recordationis URBANUS prædecessor noster dilectos filios Rolan-  
*Theauri Anecd. Tom. II.*

A dum Bonsignoris, Bonaventuram Bernardini, Ranerium Jacobi & Franciscum Guidi cives & mercatores Senenses inter familiares suos caros habuit, eosque ac socios ipsorum universos & singulos pro devotione, quam circa prædecessorem ipsius & Romanam Ecclesiam habuerunt, à sententia excommunicationis quam in cives Senenses generaliter promulgavit, nec non ab inhibitione quam fecit ne mercatoribus Senensibus de suis debitis responderetur, exclusit de certa scientia & gratia speciali. Sanè de nobis, id circa eos tibi volumus fore notum, quod nos tam præmissa, quam etiam affectum quem ipsi circa personam nostram, dum in minori essemus officio constituti, eos gessisse recolimus, ad memoriam reducentes, ac etiam tum propter hoc, tum etiam propter devotionis instantiam, quam circa nos & eandem Ecclesiam postquam divina dispositione fuimus ad apostolici culminis dignitatem assumpti, continuare student sollicitè, ipsos dignos specialis favoris gratia reputantes, personas & omnia bona ipsorum & cujuscumque ipsorum sub B. Petri & nostra protectione suscepimus, districtius inhibentes, ne quis ipsos & singulos eorum in personis & bonis eisdem impedire aut molestare præsumat. Quia verò illud oblivioni non tradimus, quod ipsi dudum dicti prædecessoris nostri & nuper nostri obtentu certis personis familiaribus dilecti filii nobilis viri.... Comitum Provinciae pro ipso liberè mutuarunt non modicas pecuniæ quantitates, ac propter hoc dignè in votis nostris geritur, ut eisdem mercatoribus de hujusmodi protectione nostra optatum commodum producat, discretionem tuam rogandam attentè duximus & monendam, per apostolica tibi scripta mandantes, quatenus Facium Junctæ, Hugonem Jacobi, Bonsignorem Raynerii, Tholomeum Manentis, Manum & Blandum Addebrandi, Guscum Trapillicini, Lottum Hugolini, Jacobum Gili, Bindum Ildebrandini, Aldebrandum Ildebrandini, Paltonem Deutesalve, Vivolum Salvaneli, Gregorium Rigoli, Dentavivam Guidi, Bindum Falconis, Bonfilium Contadini, Incontratum Philippi, Facium Berignonis, Jacobum Skermi, Conradum Jacobi, Bettum Ferrantis, Tholomeum Jacobi, Thomam Viviani, Leonardum Jannis, Facium Ranerii, Pacchinam Ranerii, Meum Monalderti, & alios socios mercatorum ipsorum cives & mercatores Senenses, qui in terris & locis tuæ legationis existunt, vel ad ea devenient pro apostolicæ sedis & nostra reverentia efficaciter habeas commendatos, tuique præsidio favoris protegens, eis prætextu quorumcumque litterarum dicti prædecessoris directarum, aut quorumlibet processuum contra Senenses cives generaliter habitorum, vel cujuscumque diffidationis factæ occasione Pelavicini nequissimi, seu discessionis inter Gallicos & Lombardos exortæ, seu cujuscumque concessionis per prædecessorem factæ prædictum, de civibus Senensibus & eorum bonis liberè capiendis nullam dictis mercatoribus in personis aut rebus & debitis suis molestiam aut injuriam per te aut

G ij





alios inferas, aut quantum in te fuerit ab aliquibus inferri permittas: ita quod eis de protectione prædicta nostrisque precibus & mandato fructum debitum reportasse gaudentibus, nos tibi exinde speciales gratias referamus. Datum Perusii 11. Calendas Martii Pontificatus nostri anno 1.

## EPISTOLA V.

Simoni cardinali apostolicæ sedis legato.

*Ut de decima in Francia collecta septem millia librarum Senensibus mercatoribus solvat.*

Anno 1265

CLEMENS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Ex devotione sincera, quam dilecti filii Rolandus Bonseignoris, Bonaventura Bernardini, Ranerus Jacobi, & Franciscus Guidi cives & mercatores Senenses circa Romanam Ecclesiam & dilectum filium nobilem virum C. comitem Provinciæ jamdudum efficaciter habuerunt, processisse dignoscitur, quod ipsi olim intuitu felicitis recordationis URBANI papæ prædecessoris nostri, dum adhuc viveret, Urbis vicario pro negotio quod ibidem nomine ipsius comitis agitur, duo millia librarum Turonensium absque omnium usurarum seu lucri onere mutuarunt. Nuper verò cum nobilis vir TANCREDUS DE SCHARLINO familiaris & nuncius ejusdem comitis, considerans hujusmodi negotium pro expensarum defectu in proximo perituum, ac non modicum in acquirendo mutuum pro ipsius negotii subsidio se laborasse, nec aliquod posse invenire se asserens, ad nos propter hoc suppliciter recurrit, pro parte dicti comitis deprecans, ut super hoc adhiberemus auxilium & consilium opportunum. Tandem dictus Franciscus & Raynerius ejus socius suorum & sociorum suorum nomine obtentu nostri eidem nobili pro dicto comite habenti ab eo speciale de mutuo contrahendo mandatum, sub liberalitate simili septem millia librarum Turonensium mutuare curarunt, prius tamen humiliter petentes à nobis, ut indemnitati eorum in hac parte in posterum præcaveretur, decimam ecclesiasticorum proventuum, quæ in Francia pro negotio regni Siciliæ ad opus comitis supradicti colligitur, usque ad summam hujusmodi septem millium librarum obligare, ac tibi per nostras demandare litteras, quod eis de prædicta decima hujusmodi pecuniam sine dilatione integrè solveres curaremus. Nos itaque pro zelo caritatis internæ, quam ad personam ejusdem comitis nobis in Christo carissimam gerimus, pari nolentes, ut prædictum Urbis negotium, quod non sine antedicti comitis honoris detrimento periclitabatur omnino, talis defectus occasione periclitetur, & quod etiam mercatores ipsi damnum inde incurrerent, unde favorem & gratiam obtinere deberent: eis decimam ipsam necnon cameram nostram & Romanam Ecclesiam, maximè cum alias hujus-

A modi mutuum inveniri non posset, volente ac postulante dicto T. duximus obligandas. Ad hæc tantam sinceritatem eorum ac etiam purum affectum, quem ipsos circa personam nostram, dum in minori essemus officio constituti, gessisse recolimus, ad memoriam reducentes, ac etiam tum propter hoc, tum propter devotionis instantiam, quam circa nos & eandem ecclesiam, postquam divina dispositione fuimus ad apostolici culminis dignitatem assumpti, studio efficaci continuant, ipsos dignos specialis favoris gratia reputantes, personas & omnia bona eorum & cujuslibet ipsorum sub B. Petri & nostra protectione suscepimus, restrictius inhibentes, ne quis eos & singulos eorum in personis & bonis eisdem temerè impedire aut molestare præsumat. Quia verò indecens & indignum existeret, ut mercatoribus ipsis exinde dispendium immineret, vel quod Ecclesia ipsa processu temporis inveniretur in hac parte obnoxia calumniis aut jacturis; nos C. digne tam eisdem mercatoribus quam Ecclesiæ in posterum volentes consulere in hac parte, discretionis tuæ per apostolica scripta mandamus, quatinus de hujusmodi decima proventuum ecclesiasticorum tuæ legationis, quam hactenus collegisti seu colligis aut facis, vel facies colligi, supra dicta septem millia librarum Turonensium Facio Junctæ, Hugoni Jacobi, & Lotto Hugolini, vel uni eorum, sociis mercatorum ipsorum propter hoc ad tuam præsentiam accedentibus, sine omni dilatione seu difficultate persolvas, vel facias cum integritate persolvi, nec ab eisdem sociis seu socio mercatorum ipsorum instrumenta publica, per quæ præfata decima, camera & Ecclesia eisdem mercatoribus obligata super præmissis esse noscuntur, requiras seu requiri facias, maximè cum nos instrumenta ipsa propter viarum discrimina faciamus penes nostrum camerarium conservari. Ceterum de solutione hujusmodi pecuniæ confici facias duo similia publica instrumenta, quorum unum penes te retineas, reliquum verò nobis per fidelem nuntium quanto citius destinare procures. Datum Perusii 11. Calendas Martii, Pontificatus nostri anno 1.

## EPISTOLA VI.

Simoni cardinali apostolicæ sedis legato.

*Permittit ei dispensare ab irregularitate in sua legatione.*

F CLEMENS episcopus servus servorum Dei Anno 1265 dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Ut eò efficacius commissum tibi negotium regni Siciliæ promovere valeas, quò majori per nos fueris auctoritate munitus, discretionis tuæ ad instar felicitis recordationis URBANI papæ prædecessoris nostri, præsentium auctoritate concedimus, ut cum personis ecclesiasticis tam secularibus quam regularibus tuæ legationis, quæ vinculo interdicti suspensionis vel excommuni-

cationis astrictæ sacros susceperunt ordines, vel ministrarunt in illis, possis super irregularitate hujusmodi, prout animarum suarum saluti expedire videris, dispensare. Datum Perusii Calend. Martii, Pontificatus nostri anno 1.

## EPISTOLA VII.

Simoni cardinali apostolicæ sedis legato.

*Et possit absolvere ab excommunicatione statuta Gregorii papæ violantes.*

Anno 1265 **C**LEMENS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Cum sicut accepimus felicis recordationis (a) G. papa prædecessor noster & bonæ memoriæ GUALA tituli S. Martini presbyter cardinalis, tunc in regno Franciæ apostolicæ sedis legatus, in nonnullis monasteriis tuæ legationis statuta quædam præceperint observari: decernentes eos qui contra illa venire præsumserint excommunicationis vinculo subiacere; ad instar felicis recordationis URBANI papæ prædecessoris nostri, præsentium tibi auctoritate concedimus, ut si quas religiosas personas inveneris hujusmodi sententiam incurrisse, ipsis absolutionis beneficium juxta formam Ecclesiæ impartiri valeas: & si forsan sic ligatæ sacros susceperint ordines vel ministrarint in illis, cum eisdem super irregularitate hujusmodi, prout animarum suarum saluti expedire videris, dispensare. Datum Perusii Calend. Martii, Pontificatus nostri anno 1.

## EPISTOLA VIII.

**H**Æc epistola data Calendis Martii, Pontificatus anno 1. ejusdem est tenoris cum Urbani IV. epistola xxxv.

## EPISTOLA IX.

Nobili viro Carolo comiti Provinciæ.

*Arguit eum de damnis illatis ecclesiæ Asteni, monetque ut similia vitet.*

Anno 1265 **Q**UANTO te Dominus donis præcipuis & bonis potioribus insignivit, tanto tibi est solertiùs vigilandum, ut & conscientiam tuam in omnibus illæsam custodias, & in gloriam tui nominis maculam non admittas. Cum igitur super damnis & spoliationibus, quibus Astensem ecclesiam diceris afflixisse, clamor sit contra te validus apud nos, & in multis partibus Lombardiæ: nobilitatem tuam monendam duximus & hortandam, & in remissionem tibi peccami-

(a) Gregorius papa IX. qui optima pro ordine S. Benedicti condidit statuta, quæ apud Mathæum Paridem extant, & in quibusdam bibliothecis manu exarata reperiuntur.

(b) Al. Fructum.

(c) Al. Congaudemus.

(d) Al. Pacem.

A num injungendum, quatinus Dei negotium in regno Siciliæ promoturus, in his & aliis sic tuæ consulas puritati, ne vel tui culpa fructum laboris impediat, vel infamia plurimos scandalizet, quibus magnum terrorem incuties, si tu, qui tamquam Ecclesiæ verus pugil ad ipsius defensionem assumeris, jura dictæ Ecclesiæ tibi vindicas sine causa.

## EPISTOLA X.

B Potestati, Capitaneo, & Ancianis prope Pisan. Spiritum consilii sanioris.

*Laudat eos de proposito redeundi ad Ecclesiæ gremium.*

**L**ITTERAS vestras recepimus, & quæ Anno 1265 lator earum pro vobis proposuit intelleximus plenius, & de pio vestro proposito gratulamur, quod acceptum habemus in germine, & profecto fiet acceptius, si ad (b) finem pervenerit consummatum. Sanè sicut de casu dolemus peccantium, sic volentibus surgere manum sumus prompti porrigere (c) sublevantem. Quo (c) circa discretionem vestram rogandam duximus & hortandam, quatinus dum tempus habetis, & (d) patrem vobis Dominus obtulit (e) sui (d)(e) quidem prædecessoris inferiorem meritis, fed (f) morum mansuetudine successorem, ut animi nostri gratiam, quam, nisi per vos steterit, invenire poteritis fructuosam, nullatenus refutetis. Verùm super prædecessorum nostrorum processibus revocandis petitiones vestras intempestivè nimis oblatas exaudire nequivimus, cum id nec justitiam sapiat, nec nostram deceat honestatem. Sed si ad Ecclesiæ gremium via regia redieritis, quicquid contra vos actum injustè viderimus, amovebimus & rigorem justitiæ dulcore temperabimus pietatis. Datum Perusii vi. nonas Martii, Pontificatus nostri anno 1.

## EPISTOLA XI.

E Nobilibus Urbis.

*Laudat eos quod urbis defensorem eligerint Carolum Provinciæ comitem.*

**D**EVOTIONEM & fidem quam ad Romanam Ecclesiam vestrorum progenitorum sinceritas in vos quodam hereditario jure transfudit, vestra probat strenuitas successivis operum testimoniis multo jam tempore roborata. Sanè inter omnia quæ ad honorem ipsius Urbis aggredi placuit, (g) illud quàm maximè reputamus, quod in tantæ persecutionis instantia, (h) exterius hostibus debaccantibus, & in Urbe (h) fortè latentibus, defensionem Urbis & dilecti filii nobilis viri comitis Provinciæ in eadem potenter & viriliter assumistis, quam nocturnis vigiliis diurnisque laboribus (i) prosequi vos oportet. (i)

(e) Al. Suis quidem prædecessoribus.

(f) Al. In omni mansuetudine.

(g) Al. Id quod maximum.

(h) Al. Externis.

(i) Al. Persequi.

(a) tuit, quibus multum comparimur, (a) quamvis finem propinquum ipsorum, divina annuente gratia, per præsentiam ejusdem comitis expectemus. Ad id vero quod quæritis, si quod absit, eum contingeret præfixo sibi termino non venire, sicque Urbem hostes intrarent, quod vobis daremur auxilium, resistantiam assumentibus contra ipsos, vestræ providentiæ respondemus, nos firmiter credere comitem infra terminum esse venturum. Quod si non esset, & hostibus pateret ad Urbem aditus, polliceri nolumus quod facere non possemus, cum enim ab eo speremus auxilium, atque habendum subsidium ecclesiarum Franciæ, & plurium aliorum eidem comiti præparavimus, nec circa nos habeamus militiam, nec pecuniam, nec sciamus quo & quanto egeritis auxilio, nec etiam ad quod tempus, certum non possumus vobis dare responsum. Sed ex litteris quas ex dilecto filio magistro PETRO notario nostro recepimus, indubitanter collegimus quod infra Dominicam proximam tam per legatum Franciæ, quam per ipsum, sic de omnibus quæ tangunt comitem & negotium instruemur, quod vobis & vicario fere similia postulanti, dante Deo, poterimus certiùs respondere. Hoc tamen secure dicimus, quod his & aliis nostris ac vestris negotiis, si impotentia non nocuerit, nostra desidia non nocebit.

## EPISTOLA XII.

V

*Vicario similis paucis verbis mutatis.*

## EPISTOLA XIII.

Vicario Urbis spiritum consilii fanioris.

*Arguit eum de commissis in ecclesiam excessibus.*

Anno 1265

SCRIPSIMUS tibi nuper ex sinceræ compassionis affectu, mirari nos plurimum, quod salutem tuam videris negligere, dum manum ad ea porrigis quæ cedunt in præjudicium ecclesiasticæ libertatis, & à Christi corpore quæ est Ecclesia te præcidunt: Quo fit, ut non sine cordis amaritudine mutato stylo tibi scribere compellamur, donec meliori fretus consilio, viam eligas (b) salutarem. Pauci dies elapsi fuerant, ex quo sanctam ecclesiam Lateranensem effregeras, & audimus subsequenter, quod quemdam tenes presbyterum compeditum; & dum vincula tibi multiplicas, & animam tuam involvis durius, & majorem maculam in gloria tua ponis: quod quantum sit à tui splendore generis alienum, facile videre poteris, si tuam originem (c) fidei contemplaris intuitu, & ex tuorum progenitorum actibus amplectendæ in omnibus honestatis tibi cernis necessitatem inductam. Ad satisfaciendum igitur de

(a) Ita codices mss. duo. Gemmericensis vero ita legit *quamvis propinquum uxorum auxilium*. Lemovicensis autem, *quamvis finem propinquum vobis auxilium*.

(b) *Al. Tutiozem.*

(c) *Al. Fido. Al. Fideli.*

A prædictis, & abstinendum in posterum à similibus, te paterna sollicitudine invitare volentes, litteris tuis breviter respondemus, quod presbyterum quem retinere diceris, restitui nobis volumus, vel rectoribus nostris in Urbe, nostro custodiendum nomine, cum nobis de ipsius excessu constiterit pro meritis recepturum. Sanè cum nostris expensis Urbem deffendere nobili viro comiti Provinciæ minimè teneamur, sed ad ipsum pertineat ejus deffensio, cujus recepit regimen, & fructus percipit ac proventus, cur nobis pro habenda pecunia totiens scribas & scripseris non videmus; cum scire possis, & notum sit omnibus, nos in (d) pàpali camera nec invenisse pecuniam, nec ad ea porrigere manus nostras, quæ nostram dedeçant honestatem.

Negar pecuniam.

(d)

Debes iterum illud advertere, quod cum diebus proximis procuratori dicti comitis quinque millia librarum Turonensium mutuari fecerimus, expresse diximus dilectis filiis Ysnardo, Hugolino, Dionysio (e) clerico, & Tancredo, quod ex tunc omnem spem obtinendæ à nobis pecuniæ tibi præscindebamus & ipsis; de qua tamen pecunia tria millia librarum fuerunt aliquibus reservata, & à nobis (f) interim novum mutuum petebatur. Unde scire te volumus, quod ad hoc non sufficimus, & sicut viris nobilibus embassatoribus tuis diximus, Romanam Ecclesiam pro subventionem hujus nolumus obligare. Sed volentibus tibi credere decimam collectam in Francia pro certa quantitate pecuniæ libenter obligabimus; & tu videas, an id credas comiti fore gratum, nec enim ipsius bene gerere vellemus negotium, si moleste laturum subsidium hujuscemodi crederemus.

(e)

(f)

Ad id demùm quod te mittendo filio tuo scripsisti, devotionem tuam plurimum commendantes, tibi duximus respondendum, quod ad præsens tibi parcere volumus, cum nobis jam aliter sufficienter duxerimus providendum.

## EPISTOLA XIV.

Capitano, Ancianis, consulibus & collegio mercatorum Lucensium Spiritum gratiæ salutaris.

*Spem propinqui auxilii eis offert.*

PIUM propositum, quod à Domino & in Domino concepistis, favore benevolo prosequentes, etsi nondum provenerit ad effectum, ad stabilitatem ejusdem devotionem vestram obnoxius invitamus, quod tanto gratius erit Deo, cum (g) eodem auctore fuerit consummatum, quanto (h) nobis nedum aliis videtur gravius post tanti temporis exhibita Deo servitia ad hostile Dominium transmigrasse. Sanè licet status vester, qualis est modo, nec ad momentum à nobis valeat approbari, quia

(g)

(h)

(d) *Al. Populi.*

(e) *Al. Clericis.*

(f) *Al. Iterum.*

(g) *Al. Eodem adjectore,*

(h) *Al. Vobis in ipsis.*

Anno 1265

tamen scimus angustias, quæ vos obsident, quibus etiam diu fuistis oppressi; ad præsens nolumus vos exponere discrimini; sed spem vobis offerimus propinqui subsidii, quod cum in Januis fuerit, quid vobis agendum erit statim curabimus intimare. Super aliis à vestris nunciis nobis propositis, eis respondemus, quod litteris nolumus commendare, sed super his quæ vobis dixerint credatis eisdem.

## E P I S T O L A X V.

Regi Navarra illustri.

*Concedit petitam pro fratre suo dispensationem.*

Anno 1265

**S**I tu nostro, fili carissime, prout scribis, congaudes honori; compati te volumus nihilominus oneri, quod nostros adeo premit & aggravat humeros imbecilles, intrante prælationis ascensu, considerantibus nobis fideliter quod & quantum onus imminet, circa eum occurrere non queat quid delectat. Ille tamen nos recreat, qui creavit, & in illo consolationem recepimus, qui sperantes in se non deserit; lasso virtutem tribuens, & his qui non sunt lassi robur multiplicans, ab ecclesiæ nascentis initis mundi hujus infirma eligens, & per ea fortia subigens & confundens. Sanè tuæ serenitatis receptis litteris, quæ tuæ devotionis fervorem, quem ad nos & Romanam Ecclesiam habere te asseris, ostendebant, capitulum nostrum pro se verba facientem audivimus, & hiis quæ hoc tempore poterant expediri breve sibi responsum dedimus, petitam dispensationem pro dilecto filio viro nobili fratre tuo absolutam, tibi per proprium tuum nuntium remittentes, ad quam nos movit affectio specialis, quam ad domum tuam habemus, optantes eam ex omni latere numerosæ prolis accessione firmari. Tu vero, si pro fratre vigilas, prout decet, illam eidem eligas in uxorem, quæ Deo placeat, regnum Francorum diligat, atque tuum, & sit de genere nobis & nostris fratribus non suspecto, ut exaudiris in hiis precum tuarum primitiis, merearis pro tempore in similibus vel majoribus exaudiri.

## E P I S T O L A X V I.

Reginæ Navarra illustri.

*Laudat ipsius erga ecclesiam affectum.*

Anno 1265

**T**UÆ serenitatis apices multæ devotionis proferentes indicia gratanter accepimus, tibi meritò congaudentes, quod paterna sequens vestigia, regis te filiam, sicut esse constat origine, & moribus prosteris, & purgatissimi sanguinis sapiens, puritatem ad Ecclesiam matrem fidei veritatis magistrum tuum (a) pium convertis affectum. Quas ergo congratulans nostro statui litteras applausorias destinasti, (b) gratiarum digna prosequimur actione, licet ibi (c) demones invenisse lætitiā, ubi nos nobis haurimus lacrymas, dum & honorem super merita nos

(a) Al. Piè.

(b) Al. Te gratiarum.

**A** recepisse dinoscimus, & onus humeris nostris impositum supra vires. Ceterum tuam sinceritatem in Domino commendantes, ad ea quæ salutem tuam & domus tuæ respiciunt exaltationem ejusdem apertos habemus oculos & cor promptum, largitorem bonorum omnium deprecantes, ut te tuumque virum suæ favore gratiæ prosequatur, copia liberorum honoret, & de præeminencia solii temporalis demum ad gaudia transferat sempiterna.

B

## E P I S T O L A X V I I.

**D**Ata VI. nonas Martii, Pontificatus anno 1. ejusdem est tenoris cum Urbani IV. epistola l.j.

## E P I S T O L A X V I I I.

**D**Ata eodem die & anno ejusdem est tenoris cum Urbani IV. epistola xxxi.

## E P I S T O L A X I X.

**D**Ata IV. nonas Martii, Pontificatus anno 1. ejusdem est tenoris cum Urbani IV. epistola xxxij.

## E P I S T O L A X X.

**D**Ata eodem die & anno ejusdem est tenoris cum Urbani IV. epistola xxij.

## E P I S T O L A X X I.

Dilecto filio Petro de S. Ægidio.

*Monet nepotemve, ne de sua exaltatione extollatur, ne sorori in nuptias altiore gradum querat, &c.*

**M**U L T I S de nostra promotione gaudentibus, nos soli sumus qui certius immensitatem oneris experimur, quod aliis gaudium, nobis metum subministrat & fletum. Sanè ut scias qualiter his auditis debeas te habere. Scire te volumus, quod humilior debes esse: neque enim quod nos vehementer humiliat, debet nostros extollere, maximè cum honor sæculi momentaneus sicut ros transeat maturinus. Nec ad nos te vel fratrem tuum, vel ex aliis nostris aliquem venire volumus, sine nostro speciali mandato; quia spe sua frustratos, si secus venire præsumerent, oporteret redire confusos. Sed nec in tuæ sororis nuptiis gradum quæras propter nos altiore, nec enim nos haberes propitios, nec in aliquo adjutores. Si tamen eam filio simplicis militis desponsaveris, in CCC. libris Turonensibus tantum tibi promittimus subvenire. Et si altiora quæsieris, nec à nobis denarium speres unum. Et hoc ipsum secretissimum esse volumus, & tibi & matri solummodo notum esse. Illud etiam scias quod nullum nullamque de sanguine nostro sub nostræ sublimationis obtentu inflari volumus: sed tam MABILIAM quam CÆCILIAM illos viros habere

(c) Al. Te monstres.

volumus, quos haberent si essemus in simplici clericatu. GILIAM visita, & dic ei quod locum non mutet, sed remaneat apud Suyſam, & omnem maturitatem & habitus honestatem observet, & preces nobis pro aliquo non præsumat assumere. Nam & ei pro quo fierent essent inutiles, & ipsi quæ rogaret damnosæ. Et si forte per aliquos ex hac causa sibi munera offerantur, ea respuat, si vult nostram gratiam retinere. Saluta matrem & fratres. Non scribimus tibi nec familiaribus nostris sub bulla, sed sub piscatoris sigillo, quo Romani Pontifices in suis secretis utuntur. Datum Perusii in festo Perpetuæ & Felicitatis.

## EPISTOLA XXII.

Simoni cardinali apostolicæ sedis legato.

*Ut Carolum comitem de privilegiis Cisterciensium & aliorum turbatum sedare studeat.*

ANNO 1265 CLEMENS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Quia Cistercienses, ac Templarii, & Hospitalarii, & quidam alii religiosi tuæ legationis, se, prout nosti, à præstatione decimæ ecclesiasticorum proventuum, quàm pro negotio regni Siciliæ colligis, per sedis apostolicæ privilegia excusantes, ac importunè nimis hac occasione clamantes, tuos super negotio ejusdem decimæ quoad ipsos conantur impedire processus: volumus & præsentium tibi auctoritate mandamus, quatinus, si contigerit dilectum filium nobilem virum CAROLUM Andegaviæ ac Provinciæ comitem scandalizari propter hoc forsitan vel turbari, tu comitem ipsum animes & confortes, dicendo eidem, quod nos, Deo auctore super hoc ordinare proponimus, quod Ecclesiæ ac ipsius comitis honori melius viderimus expedire. Datum Perusii xviii. calendas Aprilis, Pontificatus nostri anno i.

## EPISTOLA XXIII.

Simoni cardinali apostolicæ sedis legato.

*Ut possit de rebus suis disponere.*

ANNO 1265 CLEMENS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Devotioni tuæ benignum impertientes ascensum, disponendi de rebus tuis habitis & habendis liberè plenam tibi concedimus auctoritate præsentium facultatem. Datum Perusii xiv. calendas Aprilis, Pontificatus anno i.



## EPISTOLA XXIV.

Simoni cardinali apostolicæ sedis legato.

*Ut possit dispensare à suspensione.*

CLEMENS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem. Anno 1265

Ut commissum tibi legationis officium eò melius exequi valeas, quò majori per nos fueris auctoritate munitus; dispensandi prout expedire videris, cum clericis tam sæcularibus quàm regularibus tuæ legationis, qui suspensi pro eo quod contra tenorem constitutionis felicitis recordationis (a) J. papæ prædecessoris nostri, sine scriptis in aliquos promulgarunt excommunicationis sententiam, divinis se immiscuerunt officiis, vel sacros ordines susceperunt, plenam tibi concedimus auctoritate præsentium facultatem. Datum Perusii xiv. calendas Aprilis, Pontificatus nostri anno i.

## EPISTOLA XXV.

Simoni cardinali apostolicæ sedis legato.

*Ejusdem argumenti.*

CLEMENS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem. Anno 1265

Ut commissum tibi legationis officium eò melius exequi valeas, quò majori fueris per nos auctoritate munitus, præsentium tibi auctoritate concedimus, ut cum personis ecclesiasticis tam sæcularibus quàm regularibus tuæ legationis, qui suspensi pro eo quod pro alienis debitis se, seu proprias obligantes ecclesias suas, litteras vel instrumenta publica propriis munita figillis dederunt, divinis se immiscuerunt officiis, vel sacros susceperunt ordines, dispenses, prout animarum suarum saluti videris expedire, injuncta eis poenitentia salutari, & quod in similibus de cetero non excedant. Datum Perusii xiv. calendas Aprilis, Pontificatus nostri anno i.

## EPISTOLA XXVI.

Archidiacono Stampensi in ecclesia Senonensi.

*Ut Simonem cardinalem S. Martini Turonensis thesaurarium molestantes per censuras ecclesiasticas compeſcat.*

CLEMENS episcopus servus servorum Dei dilecto filio... Archidiacono Stampensi in ecclesia Senonensi salutem & apostolicam benedictionem. Anno 1265

Dolentes bona quæ ad dilectum filium nostrum S. tituli S. Cecilie presbyterum cardinalem apostolicæ sedis legatum ratione præbendæ

(a) Innocentii iv.

&



& thesaurariæ quas in ecclesia S. Martini Turonensis obtinet, à malignorum incurſibus [non] eſſe tuta, diſcretioni tuæ per apoſtolica ſcripta mandamus, quatenus non permittas ipſum ſuper eiſdem donis contra tenorem privilegiorum, indulgentiarum, & gratiarum ſibi à ſede apoſtolica conceſſarum, ab aliquibus aliquatenus moleſtari: moleſtatores ejus, ſi qui fuerint, per cenſuram eccleſiaſticam, appellatione poſtpoſita, compeſcendo. Non obſtante ſi aliquibus quod excommunicari, ſuſpendi, vel interdici non poſſint, à ſede apoſtolica ſit indultum. **B** Datum Peruſii xiv. calendas Aprilis Pontificatus noſtri anno 1.

## EPISTOLA XXVII.

**D**ata xiiii. calendas Aprilis, Pontificatus anno 1. ejuſdem eſt tenoris cum Urbani iv. epistoła xxxvi.

## EPISTOLA XXVIII.

Simoni cardinali apoſtolicæ ſedis legato.

*Ut quatuor nobilibus mulieribus poſſit permittere ſemel in anno ingreſſum monaſteriorum ordinis Cisterciensis & S. Clare.*

Anno 1265 **C**LEMENS episcopus ſervus ſervorum Dei dilecto filio S. tituli S. Cecilie preſbytero cardinali & apoſtolicæ ſedis legato ſalutem & apoſtolicam benedictionem. **D**

Conſuevit interdum apoſtolica ſedes perſonas nobiles gratia proſequi & favore, ut Deo & eidem ſedi reddantur exinde plus devotæ: propter hoc ſiquidem concedendi licentiam quatuor nobilibus mulieribus, quod earum quælibet cum tribus honeſtis mulieribus ſemel in anno durante tua legatione poſſint monaſteria Cisterciensis & S. Clare ordinum ejuſdem legationis, cauſa devotionis intrare, non obſtante ordinum ipſorum quibuſlibet contrariis conſtitutionibus vel ſtatutis, diſcretioni tuæ liberam concedimus auctoritate præſentium facultatem, dummodo eædem nobiles in monaſteriis eorundem religioſorum aliquatenus non pernoctent. Datum Peruſii xiii. calendas Aprilis, Pontificatus noſtri anno 1.

## EPISTOLA XXIX.

**D**ata xiiii. calendas Aprilis, Pontificatus anno 1. ejuſdem eſt tenoris cum Urbani iv. epistoła xliij.

## EPISTOLA XXX.

Anno 1265 **E**JUSDEM eſt tenoris cum Urbani papæ iv. epistoła xliiii. ſed in fine hæc adduntur: Adjicientes quod ſi juxta facultatem tibi traditam, aliquem vel aliquos in aliquibus eccle-  
Theſauri Anecdor. Tom. II.

**A** ſiis instituendos duxeris, valeas quicquid contra institutionem hujusmodi attentatum fuerit decernere irritum & inane. Datum Peruſii xiii. calendas Aprilis, Pontificatus noſtri anno 1.

## EPISTOLA XXXI.

Simoni cardinali apoſtolicæ ſedis legato.

*Facultatem tribuit indulgentias concedendi in dedicationibus eccleſiarum.*

**C**LEMENS episcopus ſervus ſervorum Dei Anno 1265 dilecto filio S. tituli S. Cecilie preſbytero cardinali apoſtolicæ ſedis legato ſalutem & apoſtolicam benedictionem.

Ut eo efficacius commiſſum tibi ab apoſtolica ſede negotium regni Siciliae promovere valeas, quo majori per nos fueris auctoritate munitus, diſcretioni tuæ concedendi in dedicationibus eccleſiarum tuæ legationis, in translationibus quoque reliquiarum ſanctorum, in ſolemnibus feſtivitatis, ſi eiſdem contigerit te perſonaliter intereſſe, nec non in ſolemnibus prædicationibus & congregationibus, quas te facere pro dicti negotii promotione contigerit, unius anni indulgentiam, ſicut expedire videris, ad inſtar felicitis recordationis URBANI papæ prædeceſſoris noſtri, plenam & liberam concedimus auctoritate præſentium facultatem. Datum Peruſii xiii. calendas Aprilis, Pontificatus noſtri anno 1.

## EPISTOLA XXXII.

Simoni cardinali apoſtolicæ ſedis legato.

*Ut crucem prædicans poſſit indulgentias ad concionem accedentibus concedere.* Anno 1265

**C**LEMENS episcopus ſervus ſervorum Dei dilecto filio S. tituli S. Cecilie preſbytero cardinali apoſtolicæ ſedis legato ſalutem & apoſtolicam benedictionem.

**E** Cum tibi à ſede apoſtolica ſit injunctum, ut in terris tuæ legationis contra MANFREDUM quondam principem Tarentinum crucem prædices & facias prædicari, ut idem officium eo melius exequi valeas, quò magis convenientibus ad hujusmodi prædicationem eſſe poteris gratioſus: ut tu unius anni, illi verò quibus idem officium commiſeris centum dierum indulgentias omnibus verè poenitentibus & confetiſſis, qui ad veſtras ſolemnes prædicationes acceſſerint, poſſitis concedere, plenam tibi concedimus auctoritate præſentium facultatem. Datum Peruſii xii. calendas Aprilis Pontificatus noſtri anno 1.



## EPISTOLA XXXIII.

Carissimæ in Christo filiæ reginæ Angliæ illustri.

*Missurum se in Angliam nuncium promittit.*

Anno 1265 **C**ùm sit nobis cordi negotium Angliæ, nec à nostra memoria possit excidere indecens & probrosa depressio carissimi in Christo filii nostri illustris regis Angliæ viri tui, ac totius etiam domus suæ, nuncios tuos, quos ad nostram præsentiam destinasti, benignè recepimus & audivimus patienter, & auditis diligenter quæ coram nobis ac nostris fratribus proponere curaverunt, legatum in Angliam proponimus destinare. Verùm ad memoriam reducentes contemtum, quem Anglici erga personam nostram, dum essemus in minori officio constituti, per eorum opera pertinaciter ostenderunt, decens æstimavimus ad culmen sedis apostolicæ sublimati, expectare paulisper, an nunc fortè ducti consilio meliore, suis relictis erroribus, ad Ecclesiæ Romanæ redire voluerint unitatem, & apostolicis iussionibus obedire. Tu ergo, filia carissima, dilationem huiusmodi, quæ mensis unius spatium non excedit, prudenter & æquanimiter studeas tolerare, illam de nobis gerens fiduciam, quod si eorum (a) insolentiam viderimus indurari, talem ad eos personam curabimus mittere, qualem requirat (b) protervitas eorum. Datum Perusii x. Calendas Aprilis anno 1.

## EPISTOLA XXXIV.

Simoni cardinali apostolicæ sedis legato.

*Permittit de decima comiti Provinciae subsidium ministrare, si cum eo Sicilia negotium felicem sortiatur exitum.*

Anno 1265 **C**LEMENS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Cùm dilecto filio nobili viro C. Andegaviæ ac Provinciae comiti, carissimi in Christo filii nostri regis Francorum illustris germano, per venerabilem fratrem nostrum B. archiepiscopum Cusentinum, & dilectum filium magistrum PETRUM notarium nostrum pro expeditione negotii quod inter ipsum & ecclesiam præ manibus agitur, certam formam de fratrum nostrorum consilio transmittamus. Nos ad accelerationem ejusdem negotii attentius intendentes, volumus & per apostolica tibi scripta mandamus, quatenus si dictus comes formam acceptet eandem, tu inspecta negotii qualitate, & considerato statu & necessitate ipsius comitis, ad prosecutionem ejusdem negotii de decima ecclesiarum regni Franciæ ac Provinciae ad hoc

(a) *Al. Insolentiam.*  
(b) *Al. Pravitas.*

A collecta, competens subsidium subministres eidem ad sedem apostolicam accedenti. Datum Perusii vi. calendas Aprilis, Pontificatus nostri anno 1.

## EPISTOLA XXXV.

Simoni cardinali apostolicæ sedis legato.

*Ut patentes & authenticas litteras de negotio Siciliae à Comite Provinciae requirat.*

**C**LEMENS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Cùm secundum tenorem definitionis nuper à nobis super negotio regni Siciliae dilecto filio nobili viro CAROLO Andegaviæ ac Provinciae comiti concedendi, de fratrum nostrorum consilio & assensu editæ, patentes & authenticæ litteræ ipsius comitis totum tenorem paginæ bullatæ super definitione huiusmodi continentes, sint ab eodem comite super acceptatione ordinationis à nobis factæ super senatus articulo, quæ in ipsa pagina est inserta, necnon & aliorum quæ in eadem habentur pagina, tibi vel alii personæ, quam ad hoc deputandam duxerimus, exhibendæ; nosque ipsum comitem requiramus, nostris ei dantes litteris in mandatis, ut huiusmodi suas patentes & authenticas litteras, prout in definitione continetur eadem, tibi, si præsens fueris; alioquin dilecto filio magistro PETRO notario nostro, quem ad eum mittimus, nostro & Ecclesiæ Romanæ nomine exhibeat & assignet; discretionis tuæ per apostolica scripta mandamus, quatinus ab eodem comite huiusmodi suas patentes & authenticas litteras requirere ac recipere vice nostra procures, illasque facias duplicari: ita quod earum alteras ad nos mittas, reliquas vero nostro & ipsius Ecclesiæ nomine deponas in aliquo tuto loco ad opus nostrum & ejusdem Ecclesiæ inibi fideliter conservandas. Datum Perusii vi. calendas Aprilis Pontificatus nostri anno 1.

## EPISTOLA XXXVI.

Simoni cardinali apostolicæ sedis legato.

*Ut à comite Provinciae super negotio senatus Urbis duplices patentes litteras requirat de juramento ab ipso præstito.*

**C**LEMENS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Cùm in ordinatione, quam nuper de fratrum nostrorum consilio super articulo senatus Urbis edidimus, contineatur expresse, ut nobilis vir... comes Provinciae super certis capitulis in ordinatione ipsa expressis juramentum exhibeat in præsentia fide dignarum personarum, quarum

tres vel duæ ad minus sint pontificali prædictæ dignitate; detque super juramento hujusmodi & promissione quam faciet suas patentes litteras, sigillis tam suo quàm hujusmodi duorum vel trium pontificum sigillatas, in quibus utique litteris nomina personarum, coram quibus hujusmodi juramentum præstabitur, exprimentur: quòdque hujusmodi assignentur litteræ duplicatæ tibi, si præsens fueris, vel alii personæ quam ad hoc duxeris deputandam: Ecce nos prædictum comitem per nostras requirimus litteras, ut tibi, si præsens fueris, alioquin dilecto filio magistro PETRO notario nostro hujusmodi suas litteras duplicatas exhibeat & assignet. Ideoque discretionis tuæ per apostolica scripta mandamus, quatenus ab eodem comite hujusmodi suas duplicatas litteras requiras & recipias vice nostra: quarum alteras mittas ad nos, & reliquas nostro & Ecclesiæ Romanæ nomine deponas in aliquo tuto loco ad opus nostrum & ipsius Ecclesiæ inibi fideliter conservandas. Datum Perusii v. calendas Aprilis Pontificatus nostri anno 1.

## EPISTOLA XXXVII.

Nobili viro Carolo Andegaviæ & Provinciæ comiti.

*Ut patentes litteras super negotio senatus Urbis  
Simoni cardinali & apostolicæ sedis legato  
concedat.*

ANNO 1265 CLEMENS episcopus servus servorum Dei dilecto filio nobili viro CAROLO Andegaviæ ac Provinciæ comiti salutem & apostolicam benedictionem.

Cum secundum tenorem diffinitionis nuper à nobis super negotio regni Siciliæ tibi, auctore Deo, concedendi de fratrum nostrorum consilio & assensu editæ, tuæ patentes & authenticæ litteræ totum tenorem paginæ bullatæ super diffinitione hujusmodi continentes, sint à te super acceptatione ordinationis à nobis factæ super senatus articulo, quæ in ipsa pagina est inserta: nec non & aliorum quæ in eadem habentur pagina, dilecto filio nostro S. tituli S. Cecilie presbytero cardinali apostolicæ sedis legato, vel alii personæ, quam ad hoc deputandam duxerimus exhibendæ; nobilitatem tuam affectuosè requirimus ac rogamus & hortamur attentè, per apostolica tibi scripta mandantes, quatenus hujusmodi tuas patentes & authenticas litteras, prout in diffinitione continetur eadem, prædicto cardinali, si præsens fuerit, alioquin dilecto filio magistro PETRO notario nostro, quem ad tuam præsentiam mittimus, Ecclesiæ Romanæ ac nostro nomine exhibeas & assignes. Datum Perusii v. calendas Aprilis Pontificatus nostri anno 1.



*Theſauri Anecd. Tom. II.*

## EPISTOLA XXXVIII.

Simoni Cardinali apostolicæ sedis legato.

*Ut, si necessitas compellat, decimas à Cisterciensibus  
& aliis exigat.*

CLEMENS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem. ANNO 1265

Quia Cistercienses ac Templarii & Hospitalarii & quidam alii religiosi tuæ legationis à præstatione decimæ ecclesiasticorum proven-  
tuum, quam pro negotio regni Siciliæ colligis, se per sedis apostolicæ privilegia excusantes, post te, sicut nosti, & post nos etiam, statim postquam cervicibus nostris fuit jugum apostolicæ servitutis impositum, importunè clamabant, se ac ecclesias, monasteria & alia loca eorum eximi à solutione ipsius decimæ postulantes; nos tibi meminimus nostris sub certa forma dedisse litteris in mandatis, ut ipsos occasione prædictæ decimæ nullatenus molestares; sed supersederes ejusdem collectioni decimæ quoad ipsos, donec duceremus super hoc aliter ordinandum. Verum quia prædictum negotium regni Siciliæ videtur jam in consummatione consistere, volumus & præsentium tibi auctoritate mandamus, quatinus si contigerit ex hoc fortè, quod absit, dictum impediri negotium, ac præfatum scandalizari comitem & turbari, tu eisdem litteris nequaquam obstantibus, ejusdem decimæ negotium, quo ad religiosos prædictos, in eum statum auctoritate nostra reducas, in quo erat priusquàm à nobis litteræ hujusmodi emanarent. Datum Perusii iii. calendas Aprilis Pontificatus nostri anno 1.

## EPISTOLA XXXIX.

Simoni cardinali apostolicæ sedis legato.

*Ut Carolo comiti factum cum eo tractatum  
implenti subsidium de decima collectam  
tribuat.*

CLEMENS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem. ANNO 1265

Cum in diffinitione ac ordinatione, quam super negotio regni Siciliæ in persona dilecti filii nobilis viri CAROLI Andegaviæ ac Provinciæ comitis sub certa forma, Deo favente, complendo, de fratrum nostrorum consilio & assensu nuper edidimus, decreverimus, quod eodem comite ordinationem à nobis factam super senatus articulo, quæ inserta est in nostris litteris super eisdem diffinitione & ordinatione confectis, nec non & alia quæ in eisdem continentur litteris acceptante, & super acceptione hujusmodi suas patentes & authenticas litteras totum tenorem earundem litterarum nostrarum habentes, tibi vel alii personæ quam ad hoc deputandam duxerimus exhibente, ac

H ij

arripiente iter ad sedem apostolicam veniendi, tu de proventibus decimæ quam collegisti vel colliges congruum eidem comiti subsidium largiaris, prout in prædictis nostris litteris plenius continetur, volumus & præsentium tibi auctoritate mandamus, quatenus congruum subsidium de huiusmodi ejusdem decimæ proventibus dicto comiti implenti præmissa, prout tua providentia statui prædicti negotii, & tam Ecclesiæ quàm ipsius comitis honore pensatis, expedire viderit, subministres: contradictores per censuram ecclesiasticam, appellatione postposita, compescendo. Datum Perusii III. calendas Aprilis Pontificatus nostri anno 1.

## EPISTOLA XL.

Simoni cardinali apostolicæ sedis legato.

*Ad accelerandum Siciliæ negotium, decimam regi Francorum obligare permittit, si ille mutuum germano suo præstare voluerit.*

Anno 1165 CLEMENS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Novit tua prudentia dilecto filio nobili viro C. Andegaviæ ac Provinciæ comiti grande regni Siciliæ negotium imminere. Novit quanta idem negotium acceleratione indigeat, quantos sumtus exposcat: nec te latet, quod collectio decimæ prosecutioni ejusdem negotii deputatæ majores, quàm accelerandæ procul dubio prosecutionis ejusdem qualitas exposcat, moras habet: quæ nisi contra eas per carissimum in Christo filium nostrum... Regem Francorum illustrem ipsiusque subventionis auxilium succurratur, possent contra prædictum negotium graviores, quàm forsitan creditur, difficultates ingerere, ac expensarum importabilium gravamina inculcare: propter quod regi eidem nostras sub certa forma litteras destinamus, ipsum attentè rogantes, ut pecuniam usque ad quantitatem dictæ decimæ de ipsius proventibus rehabendam, quam sibi propter hoc volumus obligari, memorato comiti nomine mutui de regia liberalitate concedat, ad idem negotium celerius & commodius proseguendum. Ideoque discretioni tuæ obligandi decimam ipsam ejusque proventus præfato regi pro quantitate prædicta, si eandem dicto comiti ad præmissa de tua voluntate duxerit mutuandam, plenam ac liberam auctoritate præsentium concedimus potestatem. Datum Perusii II. calendas Aprilis Pontificatus nostri anno 1.



## EPISTOLA XLI.

Simoni cardinali apostolicæ sedis legato.

*Ut cum quinque personis possit dispensare super matrimonio in quarto consanguinitatis gradu contrahendo.*

CLEMENS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem. Anno 1165

Ut eò efficacius commissum tibi regni Siciliæ negotium promovere valeas, quo majori fueris auctoritate munitus; discretioni tuæ dispensandi cum quinque personis utriusque sexus tuæ legationis, etiam si magnates fuerint, ut earum quælibet cum alia quarto sibi consanguinitatis vel affinitatis gradu conjuncta matrimonium licite contrahere, vel si jam contraxit, in sic contracto liberè remanere valeat, impedimento huiusmodi non obstante, prout promotioni commissi tibi negotii expedire videris, plenam ad instar felicitis recordationis URBANI papæ prædecessoris nostri concedimus auctoritate præsentium potestatem: ita quod personæ illæ cum quibus auctoritate apostolica jam forsitan dispensasti, in huiusmodi quinquenario numero computentur. Datum Perusii II. calendas Aprilis Pontificatus nostri anno 1.

## EPISTOLA XLII.

Simoni cardinali apostolicæ sedis legato.

*Gratam sibi fore ab ecclesiis Venesini præstationem decimæ pro Siciliæ negotio.*

CLEMENS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem. Anno 1165

Olim felicitis recordationis URBANUS papa prædecessor noster universis personis ecclesiasticis in regno Franciæ, comitatu Provinciæ, ac aliis certis locis & provinciis constitutis suis, sub certa forma dedit litteras in mandatis, ut dilecto filio C. Andegaviæ ac Provinciæ comiti omnium proventuum ecclesiasticorum decimam in subsidium regni Siciliæ exhiberent. Verum cum in Venesino, quod est Arelatenensis provinciæ, aliquæ sint dioceses, quæ sicut nostris est auribus intimatum, nec in regno Franciæ, nec in comitatu Provinciæ, nec locis aliis, in quibus eidem comiti præfata decima est concessa consistunt, quorum prælati parati sunt in exhibitione huiusmodi decimarum suam metropolitanam ecclesiam imitari, dummodo id existeret de nostræ cognoscerent beneplacito voluntatis; nos qui ad omnem felicem & utilem ejusdem regni Siciliæ negotii promotionem intendimus, nolentes quòd ob nostræ super hoc voluntatis ambiguum, utilitas huiusmodi retardari debeat negotio supradicto, discretioni tuæ per apostolica scripta mandamus, quatinus earumdem diocesum ecclesiarum prælati ex

parte nostra studeas intimare, beneplaciti nostri fore, immo id gratum gerimus & acceptum, quod eandem metropolitanam ecclesiam in præstatione hujusmodi, si ad hoc ipsorum voluntates recesserint, imitentur. Datum Perusii II. Calendas Aprilis Pontificatus nostri anno I.

## EPISTOLA XLIII.

Simoni cardinali apostolicæ sedis legato.

*Declarat ipsius legationem per obitum Urbani pape non expirasse.*

Anno 1265

CLEMENS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Ex parte tua fuit propositum coram nobis, quod cum felicis recordationis URBANUS papa prædecessor noster tibi tam in regno Franciæ, quam in quibusdam aliis partibus plenæ legationis officium duxerit committendum, nonnulli dubitationem sollicitam excitantes, dubitare se asserunt, an commissum tibi hujusmodi legationis officium post ejusdem prædecessoris obitum duraverit, vel illius fuerit potius morte finitum. Quare humiliter petebatur à nobis, ut dubitationem hujusmodi nostræ declarationis oraculo sopiremus. Nos igitur legatos quibus in provinciis certis, ut inibi evellant & dissipent, ædificent & plantent, committitur legationis officium, ad instar proconsulum ceterorumque provinciarum præsidum, quocumque speciali nomine censeatur, quibus certæ sunt decreta provinciæ, quarum illis moderatio demandatur, ordinariam gerere dignitatem, & provinciarum sibi commissarum ordinarios reputantes, præfenti declaramus edicto, præfatum legationis officium à dicto tibi prædecessore commissum, nequaquam per ipsius obitum expirasse. Datum Perusii V. Idus Aprilis Pontificatus nostri anno I.

## EPISTOLA XLIV.

Simoni Cardinali apostolicæ sedis legato.

*Declarat ecclesias in Hannonia constitutas solvendæ decimæ esse astrictas.*

Anno 1265

CLEMENS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Felicis recordationis URBANUS papa prædecessor noster prælatos, capitula, collegia, & conventus, ceterasque personas ecclesiasticas, sæculares & regulares, exemptas & non exemptas, per terras ad dilectam in Christo filiam nobilem mulierem comitissam Flandriæ ratione domini & feudorum suorum in Cameracensi & Tornacensi diocesisbus pertinentes, constitutas, inter alios regni Franciæ & quarundam aliarum provinciarum prælatos & clericos per suas sub certa forma litteras requisivit, ut in subsidium negotii regni Siciliæ decimam omnium suorum

ecclesiasticorum proventuum exhiberent, te ad hoc executore per alias litteras deputato, prout in hujusmodi litteris plenius continetur. Præsentium igitur tenore scire te volumus, quod nos non solum comitatum Flandriæ, sed etiam tam comitatum Hannoniæ quam cetera loca, quæ ad prædictam comitissam ratione domini & feudorum suorum pertinent, & sunt infra prædictas Cameracensem & Tornacensem dioceses constituta, sub hujusmodi terrarum ipsius comitissæ vocabulo intelligimus comprehendere. Datum Perusii III. Idus Aprilis Pontificatus nostri anno I.

## EPISTOLA XLV.

Simoni cardinali apostolicæ sedis legato.

*Ut ad festinatum Urbi subsidium ferendum comitem Provinciae inducat.*

CLEMENS episcopus servus servorum Dei dilecto filio S. tituli S. Cecilie presbytero cardinali & apostolicæ sedis legato salutem & apostolicam benedictionem.

Quantum est de nostræ ac fratrum nostrorum incolumitate personarum, bene est nobis & eis per Dei gratiam: licet tam noster quam eorum animi nimia anxietate premanur, propter multiplices quas Ecclesia in diversis mundi partibus patitur molestias & pressuras, & specialiter ob subversionem status Urbis, quæ imminet ex hostium astuciis, nisi celeriter succurratur eidem. Ideoque discretionis tuæ mandamus, quatinus dilectum filium nobilem virum CAROLUM comitem Provinciæ protinus efficaciter inducere non postponas, ut ad Urbem paratam excidio festinatum studeat subsidium destinare. Pecuniam verò quam in subsidium gentis ejusdem comitis, ad Urbis custodiam deputatæ, per mercatores nostros & alios fecimus mutuari, eisdem creditoribus de collecta vel colligenda decima sine omni difficultate persolvas. Datum Perusii XVIII. Calendas Maii Pontificatus nostri anno I.

## EPISTOLA XLVI.

Regi Franciæ illustri.

*Indulget ne latis aut ferendis ab eo sententiis astringatur.*

NE generales sententiæ, quas interdum inevitabili necessitate cogente proferimus, te involvant, vel in dubio (a) tuæ teneræ conscientie scrupulum perplexitatis immittant, tuam specialiter volentes honorare personam, tibi tenore præsentium indulgemus, ne latis à nobis vel ferendis sententiis generalibus astringaris, nisi de tua persona expressis nomine proprio & regia dignitate fiat mentio in eisdem: quam gratiam eatenus duximus extendendam, ut nec illi qui tuo mandato speciali circa ea paruerint, pro quibus dictæ sententiæ latæ

(a) Al. Tuæ menti.



(a) sunt vel ferentur, (a) iisdem sententiis sint  
(b) astricti. Datum Perusii xii. Calendas (b) Maii  
Pontificatus nostri anno 1.

## EPISTOLA XLVI.

Dilecto filio magistro Petro notario nostro.

*Ut rescribas quid cum comite, quid cum nuncio  
apostolico egerit in Provincia.*

Anno 1265

**H** Abuisse te iter prosperum usque Januam intelleximus, & te inde profectum in Provinciam in viii. die post pascha: cupientes sanè scire sæpe quid agas, quibusve negotiis occuperis, discretioni tuæ per apostolica scripta mandamus, quatinus ubi & quando comitem invenisti, & an venerit in partem Provincia dilectus filius noster S. tituli S. Cecilie presbyter cardinalis apostolicæ sedis legatus, & quid egisti cum alterutro, vel utroque, & quid intendit facere idem comes, & qualiter ad veniendum se præparat, & qua via, nobis rescribere non postponas. Gens enim sua in Urbe est in magno discrimine, & nisi celeri succurratur auxilio, proculdubio amitteretur. Unde te decet comitem, & plus ejus consilium stimulare, ut cito ad Urbem accedat. Nam si Romani contemptos se viderint, satis erunt & ipsi faciles ad contemptum, Et si Urbs ad inimicos se transferat, accumulatur pericula, accumulatur expensæ, & difficile redditur quod de plano poterit expediri. Sed & cardinali secreto loquaris de solvendis pecuniis, quas à diversis recepimus creditoribus, & vicario Urbis misimus ad salutem. Demum, quid de nostris familiaribus negotiis per ALPHANTUM nepotem nostrum, vel est actum, vel agitur, litteris tuis inferere non omittas, & omnia & singula quæ tuæ discretioni commisimus, diligentius exequaris, nobisque rerum exitum plena descriptione rescribe. Datum, Perusii vii. calendas Maii anno 1.

## EPISTOLA XLVIII.

Simoni cardinali apostolicæ sedis legatio.

*Ut Florentinis mercatoribus tria librarum  
millia solvat.*

Anno 1265

**C**LEMENS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Cum pro expensarum defectu de casu & periculo negotii timeretur, quod pro dilecto filio nobili viro C. comite Provincia in Urbe agitur: nos, ipsius negotii necessitate urgente, à dilectis filiis Jacobo Ricomanni & Albertino Rota civibus & mercatoribus Florentinis, mutantibus & numerantibus pro se & Bardo Lamberti Friscobaldi & aliis eorum sociis, ad instantiam nobilis viri Jacobi Gantelmi vicarii pro comite memorato in Urbe, & Dionysii procuratoris

(a) *Al.* Hujusmodi.

(b) *Al.* Trecentis codex habet Martii.

ipsum comitis, cum ipsi aliàs non possent mutuum invenire, tria millia librarum Turonensium mutuo recepimus, eisdem mercatoribus vel eorum nuntio reddenti instrumentum, per quod Ecclesia Romana & camera nostra sunt super hoc obligatæ, infra proximum festum Assumptionis B. Mariæ apud Trecas, si erunt nundinæ, vel apud S. Genovesam Parisius solvendarum. Volentes igitur super his indemnitati mercatorum ipsorum, nostræ etiam & ejusdem ecclesiæ providere, discretioni tuæ per apostolicâ scripta mandamus, quatinus præfatis mercatoribus, vel eorum alteri, seu nuntio tibi prædictum instrumentum reddenti, de pecunia collectæ vel colligendæ decimæ, memoratam trium millium librarum summam facias ad liberationem nostram & ecclesiæ ac cameræ prædictarum sine dilatione cum integritate persolveri. De qua quidem solutione confici facias duo similia publica instrumenta, quorum unum penes te retinens, reliquum verò nobis per fidelem nuntium quantotius destinare procures. Datum Perusii vii. Calendas Maii Pontificatus nostri anno. 1.

## EPISTOLA XLIX.

Dilecto filio nobili viro Henrico carissimi in Christo filii nostri illustris regis Navarræ germano.

*Concedit facultatem contrahendi matrimonium in quarto gradu consanguinitatis.*

**E**T si conjunctio copulæ conjugalis in quarto consanguinitatis & affinitatis gradu sacris sit canonibus interdicta, Apostolicæ tamen sedis providentia rigorem mansuetudine (c) temperans, super his dispensat interdum, & quod negat juris severitas, de gratia benignitatis indulget; præsertim cum necessitas exigit, & causa rationabilis id exposcit. Nos igitur attendentes, quod carissimus in Christo filius noster illustris rex Navarræ frater tuus diu sine liberis fuerit, & te ac ipsum dumtaxat superstites habeat (d) tanta domus, quam siquidem numerosæ proles accessu cuperemus ex omni latere stabiliri, tuis supplicationibus inclinati, ut liberius ac honestius ad majorem tui splendorem generis, tibi valeas conjugem sociare cum qualibet muliere nobili, filiabus nobilis viri SIMONIS Lycestriæ, & omnium adherentium ei dumtaxat exceptis, si tibi quarto consanguinitatis vel affinitatis gradu conjuncta fuerit, & aliud canonicum non obstat, hac vice matrimonium contrahendi, dum tamen de carissimi in Christo filii nostri illustris regis Franciæ ac præfati regis Navarræ fratris tui consilio & assensu id facias, liberam tibi auctoritate præsentium concedimus facultatem. Nulli ergo, &c. concessionis, &c. Si quis &c. Datum Perusii quinto Calendas Maii anno primo.

(c) *Al.* Reparans.

(d) *Al.* Ipsa domus.

## EPISTOLA L.

Regi Navarræ illustri.

*Mittit ei dispensationem pro fratre suo.*

Anno 1265 **S**I tu nostro, fili carissime, prout scribis, congaudes honori, compati te volumus nihilominus oneri quod nostros adeo premit & aggravat humeros imbecilles, ut in tantæ prælationis ascensu considerantibus nobis fideliter, quod & quantum oneris imminet, (a) citra Deum occurrere nequeat quod delectet. Ille tamen nos recreat qui creavit, & in illo consolationes recipimus, qui sperantes in se non deserit, lassio virtutem tribuens, & iis qui non sunt lassus robur multiplicans, ab ecclesiæ nascentis initiis mundi hujus infirma eligens, & per ea fortia subigens & confundens. Sanè tuæ serenitatis receptis litteris, quæ tuæ devotionis fervorem, quem ad nos & Romanam Ecclesiam habere te asseris, ostendebant, dilectum filium magistrum Petrum Bonam-diem capellanum nostrum pro te verba facientem audivimus, & in his quæ hoc tempore poterant expediri, breve tibi responsum dedimus, petitam dispensationem pro dilecto filio viro nobili fratre tuo absolutam tibi per proprium tuum nuncium remittentes, ad quam nos movit affectio specialis, quam ad domum tuam habemus, optantes eam ex omni latere numerosæ prolis accessione firmari. Tu verò si pro fratre vigilas, prout decet, illam eidem eligas in uxorem quæ Deo placeat, regnum Francorum diligat atque tuum, & sit de genere nobis & nostris fratribus non suspecto, ut exauditis in his precum tuarum primitiis, merearis pro tempore in similibus vel maioribus exaudiri.

## EPISTOLA LI.

Simoni cardinali apostolicæ sedis legato.

*Ut mercatoribus Senensibus duo librarum millia solvat.*

Anno 1265 **C**LEMENS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Urgente necessitate negotii, quod pro nobili viro C. comite Provincia in Urbe agitur, cum pro expensarum defectu de ipsius negotii casu & periculo timeretur, dilecti filii Bonaventura Bernardini, Raynerius Jacobi, & Franciscus Guidi cives & mercatores Senenses nobis & eidem comiti satagentes indefesso devotionis studio complacere, dilectis filiis magistro Dionysio clerico & procuratori, ac nobili viro Jacobo Gantelmi comitis ejusdem in Urbe Vicario præter septem millia, in quibus alias tum tempore felicitis recordationis URBANI papæ prædecessoris nostri, tum nostro, necessitatibus prædicti negotii gratuito mutuo subvenerunt, nuper reverentiæ nostræ obtentu ac in spe gratiæ

(a) Lemovicensis codex solus legit circa eum.

**A** ipsius comitis plenius obtinendæ duo millia librarum Turonensium nomine suo & sociorum suorum absque alicujus lucri commodo prædicto comite liberaliter mutuarunt. Nos autem qui personam ejusdem comitis tamquam nobis in Christo carissimam sinceræ caritatis brachiis amplexamur, pati nolentes ut prædictum Urbis negotium, quod non sine ipsius comitis honoris detrimento casus periculum incurrebat, defectus hujusmodi occasione periret, quodque etiam mercatores ipsi damnum incurrerent, unde obtinere deberent favoris & gratiæ incrementa, cum alias hujusmodi mutuum inveniri non posset, ad instantiam procuratoris & vicarii prædictorum, mercatoribus ipsis pro prædicta duorum millium librarum summa cameram nostram & Romanam Ecclesiam duximus obligandas. Quia igitur indecens & indignum existeret, si mercatoribus ipsis ex tua devotione dispendium immineret, vel Ecclesia ipsa in hac parte processu temporis inveniretur obnoxia calumniis & jacturis: nos volentes indemnitati tam mercatorum ipsorum, quam ipsius Ecclesiæ providere, discretionem tuam per apostolica scripta mandamus, quatenus præfata duo millia librarum Turonensium Facio Junctæ, Hugoni Jacobi, Jacobo Egidii, & Lotto Hugolini, sociisque prædictorum mercatorum, vel eorum uni præsentibus tibi litteras deferenti, facias sine dilatione cum integritate persolveri, nec ab eisdem sociis seu socio mercatorum ipsorum instrumentum publicum, per quod prædictæ camera & Ecclesia eis super hoc obligatæ noscuntur, requiras vel requiri facias, maximè cum nos instrumentum ipsum faciamus penes nostrum camerarium conservari. Ceterum de solutione hujusmodi pecuniæ confici facias duo similia publica instrumenta, quorum unum penes te retineas, reliquum verò nobis per fidelem nuncium quantotius destinare procures. Datum Perusii v. Calendas Maii Pontificatus nostri anno 1.

## EPISTOLA LII.

Archiepiscopo Tyrensi.

*Ut ad collectionem centesimæ proventuum ecclesiasticorum procedat.*

**C**LEMENS episcopus servus servorum Dei venerabili fratri archiepiscopo Tyrensi salutem & apostolicam benedictionem.

Felicitis recordationis URBANUS papa prædecessor noster volens terræ sanctæ de opportuno subsidio providere, centesimam omnium ecclesiasticorum proventuum regni Franciæ ac civitatis & diocesis Cameracensis usque ad quinquennium eidem terræ pro ejus succursu de fratrum suorum consilio apostolica auctoritate concessit; te cujus sollicitudinem & vigilantiam pro ipsius terræ negotio experimento cognoverat, ad colligendam hujusmodi centesimam deputato, prout in ipsius prædecessoris litteris super hoc obtentis plenius continetur. Nos igitur ipsius terræ profectibus, ob illius

reverentiam, qui eam asperzione sui sanguinis A  
rubricavit, ferventer intendere cupientes, fraternitati tuæ adinstar prædecessoris ipsius per apostolica scripta mandamus, quatinus ad colligendam prædictam centesimam in regno civitate & diocesi supradictis, sicut hætenus laudabiliter fecisse dignosceris, per te vel per alium seu alios procedas efficaciter juxta prædictarum ipsius prædecessoris continentiam litterarum. Datum Perusii v. Calendas Maii Pontificatus nostri anno i.

## EPISTOLA LIII.

Archiepiscopo Tyrensi.

Anno 1265

CLEMENS episcopus servus servorum Dei venerabili fratri EGIDIO Tyrensi archiepiscopo & dilecto filio nobili viro JOHANNI DE VALENCENIS Domino Cahipha salutem & apostolicam benedictionem.

Cum sedes apostolica diversa pecuniaria onera subsidia subventioni terræ sanctæ, &c. ut in *Urbani papæ xv. epistola lrv. pauculis verbis convenienter mutatis*. Datum Perusii iv. Calendas Maii Pontificatus nostri anno i.

## EPISTOLA LIV.

Simoni cardinali apostolicæ sedis legato.

*Ut mutuata à Florentinis mercatoribus summa solutionem Senensium non impediatur.*

Anno 1265

CLEMENS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Præter illa septem millia quæ primò, & alia duo millia librarum Turonensium, quæ secundo nostri mercatores Senenses pro negotio, quod pro nobili viro C. comite Provinciæ in Urbe agitur, liberaliter mutuarunt. Nunc etiam quatuor millia librarum à mercatoribus Florentinis mutuo recepimus pro negotio antedicto, sicut in aliis litteris nostris, quas super solutione ipsius mutui facienda tibi dirigimus continetur. Ne verò occasione hujus mutui à dictis mercatoribus Florentinis facti prædictorum mercatorum Senensium debiti solutio retardetur, volumus quòd de prædictis novem millibus librarum Turonensium primò eisdem mercatoribus Senensibus satisfiat. Datum Perusii iv. calendas Maii Pontificatus nostri anno i.



## EPISTOLA LV.

Simoni Cardinali apostolicæ sedis legato.

*Ut Florentinis & Perusinis mercatoribus libras mille de collecta decima persolvat.*

CLEMENS episcopus servus servorum Dei Anno 1265  
dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Cum pro expensarum defectu de casu & periculo negotii timeretur, quòd pro dilecto filio nobili viro C. comite Provinciæ in Urbe agitur, nos ipsius negotii necessitate urgente, à dilectis filiis Bindo Galigarii de Maccis, Circulo, Girardino, Bonino, & Argutio Oliverii civibus & mercatoribus Florentinis & Perusinis mutantibus pro seipsis ad instantiam nobilis viri Jacobi Gantelmi vicarii pro comite memorato in Urbe, & Dionysii procuratoris ipsius comitis, cum ipsi aliàs non possent mutuum invenire, mille libras Turonenses mutuo recepimus, eisdem mercatoribus vel eorum nuncio reddenti instrumentum, per quod Ecclesia Romana & camera nostra sunt super hoc obligatæ, infra proximum festum assumptionis B. Mariæ apud Trecas, si erunt nundinæ, vel apud S. Genovesam Parisius solvendarum. Volentes igitur super his indemnitati mercatorum ipsorum, nostræ etiam & ejusdem Ecclesiæ providere; discretionis tuæ per apostolica scripta mandamus, quatenus præfatis mercatoribus, vel eorum alteri seu nuncio tibi prædictum instrumentum reddenti, de pecunia collectæ vel colligendæ decimæ memoratam millium librarum summam facias ad liberationem nostram & Ecclesiæ ac cameræ prædictarum sine dilatione confici persolvi duo similia publica instrumenta, quorum unum penes te retineas, & reliquum verò nobis per fidelem nuncium quanto citius destinare procures. Datum Perusii iii. Calendas Maii Pontificatus nostri anno i.

## EPISTOLA LVI.

Regi Franciæ illustri.

*Paternum ei pandit affectum, monetque eum de tribus magni momenti negotiis.*

ILLA (a) solidæ dilectionis sinceritas, quam Anno 1265  
ad domum tuam habuimus priusquam notus (a)  
facie nobis esses, ex quo postmodum tuæ familiaritatis gratiam obtinuimus, per gradus singulos incrementa (b) suscipiens, esse nos tui non sinit immemores, immò nunc solito ferventior eò magis ac magis incenditur, quò mutatus amicus in patrem, affectione veteri non deposita, ad plura pariter & majora quàm antea novi nominis adjectione tenetur. Olim siquidem extitit nobis gratum, erat etiam & justum nominare te Dominum; pulcrum etiam, nam & verum, dicere te amicum, sed ad summi Pontificatus apicem sola Dei miseratione pro-

(a) Al. Solitæ.

(b) Al. Suscipientes.

recti,

(a) vesti, dulciori te nomine Filium appellamus, ut adnexa dulcedo nomini dulcorem intimæ dilectionis ostendat. Sane venientes ad nostram præsentiam dilectum filium magistrum JOHAN-  
(a) NEM de Trecis archidiaconum in ecclesia Ba-  
jocensi, & Fratrum Rogerium priorem (a) Vallis  
viridis Carthusiensis ordinis, tuæ nuncios celsi-  
tudinis læti recipimus, eo lætiores effecti, quò  
de tuo, tuæque domus regiæ statu prospera  
nuntiantes, de tam lætis rumoribus potuerunt  
nos reddere certiores, quorum petitiones quas  
tuo duxerunt nomine offerendas diligenter  
inspeximus, & deliberatione præhabita, licet  
modica, tamen admodum necessaria, quæ te  
petere & nos decuit indulgere, liberaliter &  
benigne concessimus, nec repulimus aliqua quæ  
possemus sine scrupulo conscientie & aliorum  
scandalo concessisse, certam de tuæ magnitu-  
dinis circumspectione fiduciam obtinentes, quod  
probrosus tibi non reputes, nostræ ac tuæ ho-  
nestatis intuitu, pati in aliquibus te repulsam,  
qui legisse te recolis & audisse Vas electionis  
præclarum apostolorum principis coapostolum  
non auditum petitione tertio repetita.

Ad tuam demum memoriam verba duximus  
sub compendio reducenda, quæ tecum fami-  
liariter pridie quàm Parisius exiremus, habui-  
mus circa tria, libertatem videlicet ecclesiasti-  
cam conservandam, & prælatorum scandala  
præscindenda, qui de crebris ballivorum tuo-  
rum vexationibus & etiam tuæ curiæ quere-  
bantur, pacem etiam inter carissimam in  
Christo filiam nostram tuam serenissimam con-  
jugem & dilectum filium virum nobilem comi-  
tem Provinciæ fratrem tuum amicabiliter &  
utiliter reformandam, necnon & ea salubriter  
complananda, quæ circa terram tuam & con-  
finia terræ Provinciæ inter te & fratrem tuum  
eundem dissensionis spiritum & materiam mi-  
nistrabant: quæ siquidem tua serenitas cordi  
habeat, diligenter attendens, non solum quid  
appareat, sed quid lateat in eisdem, & quæ,  
quot, & quanta, quorum, & quantum dis-  
pendia parare valeant in futurum, nisi fuerint  
à radice præcisæ. Demum ne tuam lateat cel-  
situdinem status noster, nosce te volumus ex-  
teriolem hominem perfrui sanitate, sed laborat  
interior, & affligitur, afflictiones intuens po-  
puli (b) christiani, & ruentem in præcep-  
(c) (c) Francorum numerum infinitum, dum nec  
oppressis præsidium dare possumus, quod vel-  
(d) (d) lemus nec (d) præcipites ad exitium cohibere.  
In his tamen confugimus ad illius auxilium,  
quod continua orationum efflagitamus instantia,  
cui subest posse cum velit, cui nihil est impos-  
sibile, cui facile est de tribulationum angustiis  
potenter eripere, quos sanguinis sui commercio  
miseri corditer voluit liberare.

Illud scias quod in suscepto regimine non

(a) Vallis viridis monasterium Carthusiensis ordinis in sub-  
urbio Parisiensi ab ipso S. Ludovico fundatum.

(b) Gemmet, Romani.

(c) Al. Stratorum. Al. Stultorum.

(d) Al. Præcipitantes.

(e) Al. Etiam committere dedignantur.

(f) Al. Opibus venit.

Theſauri Anecd. Tom. II.

A honor nos erigit in superbiam, quam onus im-  
portabile comitatur; nec dissolvunt deliciae,  
quas conflictus curarum eliminat; nec divitiæ  
sibi subjiciunt, quas numquam nobis permisimus  
dominari: immò quod læti referimus, quem  
servum habere nequeunt & (e) etiam comitem  
dedignantur. Super his tandem quæ circa blas-  
phemos & alia quæ divinum honorem respi-  
ciunt intimasti, licet subito facere nequiveri-  
mus quod petebas, cito tamen proponimus  
quod acceptum Deo viderimus ordinare. Da-  
tum Perusii octavo Idus Maii anno 1.

## EPISTOLA LVII.

Dilectis filiis A. Sanctorum Apostolorum pres-  
bytero, R. S. Angeli, J. S. Nicolai in carcere  
Tulliano, & J. S. Mariæ in Cosmedim diaconis  
cardinalibus.

*Prænnuntiat eis proximum comitis adventum.*

H Ac die martis inter nonam & vespas Anno 1265  
mercatores Lucani à suis sociis in galeis  
comitis venientibus litteras receperunt scriptas  
characteribus peregrinis, quas ex usu legere di-  
dicerunt, & legerunt protinus coram nobis,  
inter cetera continentes, quod in crastino As-  
censionis Dominicæ comes cum octoginta li-  
gnis connumeratis parvis & magnis (f) venit (f)  
ad portum Veneris summo mane, licet tempus  
habuisset adversum. Unde justè eum citò præ-  
sumimus venturum ad Urbem, si temporis qua-  
litas patiat, & hostium non (g) obstat occursum, (g)  
de quo scire non possumus veritatem, quam  
tamen quantum possumus exploramus, quibus-  
dam dicentibus, iv. tantum galeas Siciliæ visas  
in mari, aliis susurrantibus quod à Cajeta citra  
procedunt aliæ quinquaginta. Vos igitur quan-  
tumcumque, salva commoditate, poteritis, ac-  
celerate prudenter. Nam (h) masnata Sabinæ, (h)  
quæ subito dicitur recessisse, an se subito possit  
obicere viæ vestræ, vel moliri vobis insidias  
ignoramus. Confidimus tamen in Domino,  
cujus negotia prosequimini, quod ante vos  
semper Angelum suum mittet.

## EPISTOLA LVIII.

Regi Franciæ illustri.

*Queritur de gravaminibus illatis Narbonensibus  
Archiepiscopo à Senescallo Carcassonenſi.*

C Aritas insolubilis, quæ ad ecclesiæ Narbo- Anno 1265  
nensis honorem & commodum (i) no- (i)  
stram vertit sollicitudinem incessanter, quotiens  
ejus statum prosperum intelligimus, vultum &

(g) Al. Obstat.

(h) Masnata seu Mainada vulgo sumitur pro familia. Sed hic  
militarem catervam, maxime prædonum & latrunculorum seu  
piratarum significat. Quo sensu multoties sumitur à scriptoribus  
infimæ latinitatis. Codex Trecentis legit Masnata Gemmeticensis  
mansueta vitio aut dubium scriptoris.

(i) Al. Nos transvertit sollicitudine.

(a) animum (a) nostrum exhilarat; & cum ejus indebitas vexationes audimus, ad remedia debita cura pervigili properamus.

Sanè nuper ad aures nostras pervenit, venerabili fratre Narbonensi archiepiscopo insinuante, quod tuus in Carcassonæ partibus senescallus castrum (b) Quillani, & quamdam domum sitam in civitate Carcassonensi ab eo nititur vendicare; mandans etiam nihilominus, ut tabelliones suos in terra Minerbesii suæ diocesis permittat conficere testamenta & (c) nuptialia documenta, cum per notarios ejusdem archiepiscopi, & per nullum alium confici consueverunt, de antiqua & approbata consuetudine, & hætenus pacificè observata; quod etiam eundem archiepiscopum alias multipliciter aggravat & molestat. Verùm cum multi fuerint senescalli archiepiscopos ecclesiæ supradictæ totis viribus persecuti; hæc hætenus quæ eadem Narbonensis ecclesia longis retrò temporibus absque omni contradictione possidet, numquam in juris vel facti controversiam deduxerunt: & nunc iste quem credebamus majori ad Ecclesiam devotione vigere, pilum in ovo de perverso quærens consilio, consilia cogitat, quæ non poterit stabilire. Quocirca serenitatem tuam, quæ ecclesiarum concussoribus suæ clypeum protectionis opponere consuevit, hortandam duximus & rogandam, quatenus hoc fieri non permittens, dictum facias senescallum sua sorte contentum, ab ejusdem archiepiscopi molestatione desistere in præmissis, ne & tantæ ecclesiæ (d) perimatur justitia, & eodem archiepiscopo jura sua spiritali gladio deffendente, crescat materia quæstionis. Debes siquidem ecclesiam illam, fili carissime, favore prosequi speciali, cujus rectores tuis juribus defendendis & propulsandis injuriis potenter ac viriliter retroactis temporibus astiterunt, & quam in nostro (e) recessu tuæ gratiæ commendavimus, & nunc iterum commendamus. Datum Perusii VIII. Idus Maii anno 1.

### EPISTOLA LIX.

Dilecto filio nobili viro carissimi in Christo filii nostri regis Franciæ in partibus Carcassonæ senescallo.

*Ejusdem argumenti.*

Anno 1265 (f) **E**T si generalis (f) ecclesiarum cura nostris humeris ex suscepto officio apostolicæ servitutis incumbat, ex favore tamen speciali & caritate insolubili quam habemus ad ecclesiam Narbonensem, cum ipsius indebitas vexationes audimus, noster animus sauciatus ad remedia properat opportuna. Sanè ad nostram nuper audientiam, Venerabili fratre nostro Narbonensi

(a) *Al.* Nostros.

(b) *Al.* Villam.

(c) *Trec.* imperiacia.

(d) *Al.* Prematur.

(e) Ipse siquidem Clemens fuerat archiepiscopus Narbonensis

A archiepiscopo insinuante, pervenit, quod tu, &c. ut supra usque juris controversiam deduxerunt, verbis competenter mutatis. Cum igitur ab ejusdem Ecclesiæ injuriis tantò fortius te debeat abstinere, quantò magis eas nedum divinam verùm etiam præfati regis (g) noverimus offendere majestatem. Discretionem tuam rogamus, monemus & hortamur attentè, per apostolica tibi scripta mandantes, quatenus super præmissis ab ejusdem archiepiscopi & ecclesiæ suæ vexatione & molestia conquiescas, quin immo ipsarum jura sic habere velis ob reverentiam apostolicæ sedis & nostram propensius commendata, quod per tui favoris præsidium optata suscipere valeant auctore Domino incrementa. Datum Perusii v. (h) Idus Maii anno 1.

### EPISTOLA LX.

Simoni Cardinali apostolicæ sedis legato.

*Ut de primiciis decimæ creditoribus satisfaciat.*

**C**LEMENS episcopus servus servorum Dei Anno 1265 dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Secunda feria post Ascensionem Dominicam litteras tuas accepimus, processus tui seriem continentes, quem una cum dilecto filio magistro Petro notario nostro super negotio regni Siciliæ cum dilecto filio nobili viro comite Provinciæ prudenter & providè prosecutus, quæ tibi commissa fuerant efficaciter adimplesti; tuncque de comitis ejusdem adventu prorsus incerti, quem venerabilis frater noster archiepiscopus Cusentinus & dilectus filius Gaufridus de Bellomonte capellanus noster, & Guillelmus de Playssi clericus tuus prævenerant, de die in diem expectabamus eundem, dilectis filiis nostris A. tituli SS. Apostolorum presbytero, R. sancti Angeli, J. sancti Nicolai in carcere Tulliano, & J. sanctæ Mariæ in Cosmedim diaconis cardinalibus destinatis ad Urbem in occursum & jocundam receptionem ipsius. Sanè audivimus & sollicitè ponderavimus quæ nobis per eosdem Archiepiscopum, Gaufridum de Bellomonte & Guillelmum de Playssi tuum clericum intimasti, in quibus licet multa nobis occurrerint propter indispositum adventum comitis meritò formidanda; nos tamen de divina pietate confisi, principii debilis meliorem exitum expectantes, discretionem tuam, quam satis attentam credimus in hac parte, excitandam duximus ex affectu, ut circa decimam colligendam dies laboriosos, noctesque pro tempore ducas insomnes, cum moram sapiat ipsa celeritas; & exactissima diligentia, dum negotii

priusquam ad summum pontificatum eveheretur,

(f) *Al.* Ecclesiæ status.

(g) *Al.* Novimus.

(h) Ita quatuor codices, duo etiam legunt vi. Idus Maii.



status attenditur, magna remissio videatur. Apud nos siquidem difficilis admodum & ferè penitus facta est impossibilis pecuniarum inventio. Causantur etenim creditores quantitates innumeras & immensas, quas ab Anglicis & Theutonicis recuperare non possunt: difficultatem insuper viarum omnium, quas per terram malitia Lombardorum, & per aquam ipsius comitis promptæ manus ad bona transeuntium capienda videntur undique conclusisse: sed & debita, quæ pro ejus amore contraximus, suo tempore non soluta terruerunt non leviter creditores eosdem, ne quid velint ulterius credere, donec videant an possint credita rehabere. Quocirca discretionis tuæ, sicut olim mandavimus, ecce nunc iterum præcipiendo mandamus, quatenus creditoribus nostris, de quibus scripsimus tibi nuper, satisfacere non postonas de primiciis decimæ supradictæ. Nam quæ ab eis recepimus, gens ipsius comitis habuit, quæ si nostro caruisset subsidio, & seipsam perdidisset & Urbem. Verum nec per tuas, nec per dicti notarii nostri litteras, nec per alium quemquam didicimus, quid sit actum de decima exemptorum: circa quos eam debes habere cautelam, ut his quibus indulgentiæ apostolicæ suffragantur, jus suum non adimas. Sicut enim in tui adjumentum officii nuper frivolas appellationes cassavimus, sic iustis ratione prævia deferemus, licet quantum poterimus, inoffensa iustitia, tuum defendere proponamus honorem. Porro nos scias & fratres nostros ac tuos circa dictum negotium sustinendum quibuscumque modis scimus & possumus laborare: sed nisi tuo vigili ministerio relevemur, periculum imminet, quod scribi non expedit, cum id tædeat cogitare. Demum contentum rebellium qui tuam prudentiam non immerito provocarunt, de nostro consilio dissimulabis ad præsens, si ad obedientiam tuam redierint, ne scissuræ detur occasio gravioris: Tempus enim veniet opportunum quo licebit eximere gladium in vaginam ex hac causa conversum: Non parcas nunciis, sed sæpius statum tuum, carissimi in Christo filii nostri regis Francorum illustris, & regni, ac alia quæ nostris auribus digna credideris nobis scribas. Datum Perusii xiv. calendas Junii Pontificatus nostri anno i.

## EPISTOLA LXI.

Nobili viro Fortibrach de Romagnola spiritum consilii sanioris.

*Promittit ei suam protectionem.*

Anno 1265

**S**I parentum exempla sequeris, qui sedi Apostolicæ retroactis temporibus prudenter & fideliter adhæserunt, viam ingrederis tuæ salutis & honori sanguinis tui congruam, per quam tutus incedere poteris, & pes tuus in devium non (a) impinget. Sanè salutem omnium sitien-

- (a) Al. Impugnet.  
(b) Al. Al. Noveris:  
(c) Al. Hac die.  
(d) Al. Reciperent.

*Theauri Anecd. Tom. II.*

tēs, ubi comitem advenisse noverimus, super his sibi scribere secreto curabimus, cum eidem assistere totis viribus proponamus, & in ipsius amicitia illos jungere in quibus credamus eundem decipi non debere. De quorum numero te esse censentes, tuum in hac parte quæremus commodum & honorem, si te talem exhibere (b) volueris, ut in te stabile jacere possimus fundamentum. Datum Perusii xiii. calendas Junii anno i.

## EPISTOLA LXII.

Dilecto filio S. tituli S. Martini presbytero cardinali Ducatus Spoleti & Marchiæ Anconensi rectori sedis apostolicæ legato.

*De adventu comitis Provinciæ in Urbem.*

**D**E adventu comitis Provinciæ prænuntios multos habuimus, & (c) hanc novissimè certitudinem, quod quia infra festum Pentecostes, sicut Romanis juraverat, Urbem intrare non poterat, angustia temporis obistente, dedit se mari, & in crastino Ascensionis Domini cum octoginta lignis connumeratis parvis cum magnis, in portu Veneris visus fuerit, in cujus occursum dilectos filios, cardinales duximus destinandos, qui eum vel in Urbe (d) reperirent, vel inibi expectabunt. Ipse verò magnam militiam secum ducit, & militiæ partem aliam per Italiam vult transire. Cum igitur in ejus auxilium, ex quo pendet nostri negotii consummatio, vires nostras excedere nos oporteat, preces tuas super addendis stipendiis ad præsens non possumus exaudire, nec timeas hostes tuos. Nam sicut militia PETRI (e) DE VICO & alia quæ cum Annibaldensibus Sabiniam jam invaserat ad odorem adventus comitis recesserunt, sic potes confidere, quod in Marchia nulla (f) morabitur, cum MANFREDUS intra regnum suos colligat quantum potest. Sanè animare poteris Marchianos, ut instante collectione fructuum se defendant. Venit enim tempus, ut credimus, quo & fidelibus benefacere & domare poterimus infideles. Anconitanos remisimus vacuos, nec aliud à nobis, quantumcumque sint improbi, extorserunt, nisi quod tuis pareant monitis & mandatis, quæ iusta semper fore præsumimus & modesta, & si quid eis imponeres aliud, ad nos tunc demum poterunt habere recursum. Firmanos nondum audire potuimus, licet venerint, sed firmos nos invenient, Domino concedente. Datum Perusii (g) xiii. calendas Junii anno i.



- (e) Al. De Rico.  
(f) Al. Morantur.  
(g) Al. Trecentis codex habet xii. Calendas.

## EPISTOLA LXIII.

Illustri regi Cypri.

*Dispensat cum eo ut matrimonium contrahere possit cum filia Johannis Domini Beriti.*

Anno 1265

**E**tsi conjunctio copulæ conjugalis, &c. ut in  
 (a) quadam directâ (a) germano regis Navarræ  
 usque id exposuit. Sanè cum te, fili carissime, qui  
 in regno Cypri solus & in solidum heres existis,  
 & nondum annos pubertatis, prout asseritur,  
 (b) attigisti, cum iis (b) deceat jungere amicitias,  
 qui tam potentia, quàm vicinia tibi regnoque  
 tuo consilium & auxilium impertiri valeant op-  
 portuna; nos habentes præ oculis solum Deum,  
 cui placere quærimus, non hominibus, in hac  
 parte tuæ necessitatis intuitu, sed & tui &  
 Hierosolymitani regnorum utilitate pensata,  
 quibus multum accrescere credimus, si ad mu-  
 tuum impendendum subsidium efficacius obli-  
 gentur, ut tibi cum una ex filiabus quondam  
 viri nobilis JOHANNIS Domini Beriti  
 quarto tibi consanguinitatis gradu conjunctis  
 contrahere valeas licitè matrimonium, hujus  
 impedimento non obstante, auctoritate præsen-  
 tium duximus indulgendum. Nulli ergo, &c.  
 Si quis, &c. Datum Perusii XII. calendas Junii  
 anno anno 1.

## EPISTOLA LXIV.

Ad prælatos quorum in diocesi sunt fratres  
B. Mariæ de Monte Carmelo.*Ne fratribus iisdem sint molesti.*

Anno 1265

**V**enerabilibus fratribus Patriarchis, archie-  
 piscopis & episcopis, in quorum civitati-  
 bus vel diocesis fratres ordinis B. Mariæ de  
 Monte Carmelo consistunt, salutem & apostol-  
 icam benedictionem.

Ad audientiam nostram pervenit, quod licet  
 dilecti filii fratres ordinis B. Mariæ de Monte  
 Carmeli in omni patientia & humilitatis spiritu  
 se nobis devotos & placidos studeant exhibere,  
 mandatis nostris in omnibus quæ institutis ejus-  
 dem ordinis non obviant, prompta devotione  
 parendo, nihilque velint facere, per quod ec-  
 clesiis in quarum morantur parochiis aliquod  
 præjudicium vel dispendium generetur; nihilo-  
 minus tamen quidam vestrum fratres eosdem  
 nimium comprimentes, ipsos in oratoriis sui  
 ordinis in eorum civitatibus vel diocesis con-  
 stitutis divina celebrare officia pro suæ volunta-  
 tis arbitrio non permittunt, aliàs graves exi-  
 stentes eisdem plurimum & infesti: propter  
 quod duxerunt ad apostolicæ sedis auxilium  
 recurrendum. Cum igitur indignum existat, ut  
 iidem fratres eos molestos sentiant, qui ipsos  
 suæ religionis obtentu tenentur in visceribus  
 gerere caritatis. Nos circa religionis augmen-  
 tum & animarum profectum vigilantes inveniri  
 volentes, fraternitati vestræ ad instar felicitis re-  
 cordationis ALEXANDRI papæ prædecessoris

(a) Extrat supra epistola 49.

(b) Al. Debeas.

**A** nostri per apostolica scripta firmiter præcipien-  
 do mandamus, quatenus quamdiu prædicti fra-  
 tres mandatis nostris juxta præmissum modum  
 devotè obedire curaverint, ab ipsorum mole-  
 stiis & gravaminibus desistentes, ac subditos  
 vestros ab ipsorum inquietatione penitus com-  
 pescentes, permittatis ipsos, maxime cum jam  
 oratoria & collegia habeant in civitatibus &  
 diocesis vestris, prout decet viros religiosos  
 approbati ordinis, divina officia in eisdem ora-  
 toriis liberè celebrare: ita ut fratres prædicti  
 propter hoc ad nos recurrere ulterius non co-  
 gantur. Datum Perusii x. calendas Junii Pon-  
 tificatus nostri anno 1.

## EPISTOLA LXV.

Dilecto filio S. tituli S. Martini presbytero cardi-  
nali ducatus Spoleti & Marchiæ Anconensi  
rectori sedis apostolicæ legato.*De receptione comitis Provinciæ in Urbe & de  
carcere episcopi Forosimphronii.*

**D**ile Jovis ante Pentecosten dilectus filius Anno 1265  
comes Provinciæ venit ad S. Paulum,  
 & in festi vigilia ad ecclesiam & palatium S.  
 Petri receptus honorificè à Romanis cum gau-  
 dio ineffabili & in conspectu omnium gratiosus,  
 ad quem de civitate confluunt (c) circumquaque  
 alii cum muneribus, alii verò cum laudibus, &  
 omnes suum obsequium ei liberaliter offerentes.  
 Inter hæc autem populi votis celebribus occu-  
 patus, nondum sui processus ordinem nobiscum  
 potuit diffinire: quod cum fiet discretionis tuæ  
 curabimus intimare.

Via sanè ad Urbem undique adeo sunt se-  
 curæ, ut aggressores itinerum sepulti potius quam  
 perterriti videantur. Verùm audita crudeli ma-  
 litia, quam Forosimphronenses in viros nobiles  
 GUIDONEM & fratres ejus transacta die Veneris  
 consummarunt, episcopum Forosimphronen-  
 sem vocavimus, quem stolta verba proferen-  
 tem, custodiæ dedimus carcerali; & quia non  
 potest currere apud nos liberè inquisitio contra  
 eum, si possese eum & securè recipere, & tenere  
 securum, eum tibi libentissimè traderemus, ut  
 contra eum inquireret, ubi posset suorum scele-  
 rum, quæ prorsus inficiatur ut innocens, veritas  
 inveniri. Appellationes de quibus memoriale de-  
 disti procedere liberè prohibemus, & ad te  
 remitteremus à tuis iudicibus appellantes, dum  
 tamen eos sine diffugiis facias expediri. Quod  
 si per te non fieret, admittere cogeremur eos-  
 dem. Procede viriliter contra Forosimphronien-  
 ses, & alios proditores, & terram aliam, quia  
 Deus benefaciet nobis & ipsis. Tempus enim  
 propinquare credimus, quo de credentium fini-  
 bus perfida debeat gens auferri. De mittendis  
 paucis ambaxatoribus Marchiæ bonum credi-  
 mus, quamquam non noceat aliquantulum re-  
 tardari. Cum enim fratrum nostrorum, quos  
 ad Urbem transmisimus, litteras receperimus,  
 consilium tibi certius rescribemus. Datum Pe-  
 rusii VI. calendas Junii. anno 1.

(c) Al. De civitatibus.

## EPISTOLA LXVI.

Archiepiscopo Hispalensi.

*Quædam negotia ei committit cum rege  
Castellæ tractanda.*

Anno 1265

**C**UM sit nobis cordi & olim fuerit, carissimum in Christo filium nostrum illustrem regem Castellæ & Legionis in regem Romanorum electum, multis donis insignibus à patre luminum prædotatum, à perditionis via retrahere, & ad iter dirigere salutare, hoc præcipue tempore ad id credimus laborandum, quò eò purgator debet incedere, quo graviora flagella sustinet, & inter dubios bellorum eventus debet esse paratior, ne in ejus lateat conscientia, quod divinæ possit offendere perspicacem intuitum majestatis. Hinc est quòd illam rapinam vilissimam tam damnabilem quam damnosam, cui, nescimus quo spiritu, tam ardentem incubuit, de tertia videlicet fabricabili, quam annis pluribus subtraxit ecclesiæ terræ suæ, volentes modis omnibus spoliatis earumdem rectoribus resignari, per clausas tibi litteras scribimus, quæ nequaquam credidimus patentibus inferendum, fraternitati tuæ per apostolica scripta mandantes, quatenus sicut sedis apostolicæ gratiam caram habes, prudenter negotieris cum ipso, & antequam litteras reducas in publicum, super decima tibi missas proponas ei simpliciter & secreto, (a) quòd cum peccato notorio & mortali, cum quo damna ecclesiarum continuè perseverant, petitam gratiam de subsidio ei facere, salva nostra honestate, non possumus, immo nec sine scrupulo conscientiæ, cum sit indecens & indignum, quod spoliatori subsidium conferant spoliati, & sic induces eundem ad ea quæ, nobis tacentibus, facere teneretur: quis enim sapiens bellico se committit discrimini, cui conscientia bellum intestinum indicit? Quod si adhuc eum inducere non poteris, melius est suppressi litteram super decima impetratam, quàm post publicationem ejusdem executionem omitti. Rursum volumus & mandamus, ut cum tibi visum fuerit opportunum familiariter conferas cum eodem, ut honesto modo à negotio Romanorum imperii discedere sibi placeat, ex quo multa subiit onera, nec aliquem reportavit honorem, nec est levis offensio Salvatoris (b) impeditum tenere negotium, ex quo fructus aliquis non speratur, tale tantumque præsertim, quo bene disposito, refloreret proculdubio status orbis, quo in sua desolatione manente, naufragatur ex parte maxima populus christianus. Nec agimus de adversario ejus præferendo, qui captivus ab alio detinetur, sed de tertio potius ad exaltationem fidei assumendo, cum nostra, prout juris est, providentia, quem timemus à principibus Alemanniæ contra Deum in sedis apostolicæ præjudicium, ipsiusque regis & adversarii contemptum, non tam eligi, quàm intrudi. Quidquid

(a) *Al.* Quod ipso existenti in peccato notorio & mortali, in quo cum damno ecclesiarum perseverat.

**A**utem super his feceris vel inveneris, nobis scribere sine moræ dispendio non postponas, cautè processurus in omnibus juxta peritiam, quam à Domino credimus tibi datam.

## EPISTOLA LXVII.

Dilecto filio (c) R. S. Angeli diacono cardinali. (c)

*Conqueritur de ipso, suspendetque processum  
M. cardinalis.*

**N**EC nostrum nec tuum honorem sapiunt, nostro judicio, litteræ quas misisti, quibus fideles nominas manifestos Ecclesiæ proditores, & falsum esse credis, ut asseris, quod esse notorium communis relatio asseverat; nec illud, ut credimus, inferere debuisses, quod in terra, in qua totum tibi regimen competit, nulla per alium rectorem vel vicarium jurisdictio debeat exerceri, cum in eos qui nostram majestatem offendunt, nobis liceat & per nos & per alium apostolicæ sedis injurias vindicare: quamvis communes redditus, quos habemus alicubi, concesserimus cardinali, quem non in æqualitatem potestatis admittimus, sed emolumento potius temporali non sine honoris participio stabilimus. Sane ne tuis precibus, quæ ad gratiam declinabant, deesse totaliter videremur, dilecti filii nostri M. sanctæ MARIE in Porticu diaconi cardinalis patrimonii B. Petri rectoris sui que vicarii processum suspendimus, usque ad nostræ beneplacitum voluntatis, & interim ad civitatem Castellanam mittemus inquisituri super objectis plenius veritatem: quam si, prout notoria dicuntur, invenerimus; justè quod justum fuerit prosequemur, non rigori per omnia, sed æquitati potius inhæsurus. Illud quidem docentes subjungimus, quod qui tuo vel tuorum subsunt regimini, gravius ceteris nos offendunt; & ne longè petantur exempla, Cornetum, Spoleum, & Castellana civitas hoc testantur, ut de Petro de Vico & personis aliis singularibus taceamus, quæ quam graviter nos offenderint non ignoras. Datum Perusii (d) v. calendas Junii anno 1. (d)

## EPISTOLA LXVIII.

Simoni cardinali apostolicæ sedis legato.

*Caroli comitis in Urbem adventum scribit, &  
ut colligendæ decimæ vigilem se exhibeat.*

**C**LEMENS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem. Anno 1268

Nobilem virum CAROLUM Senatorem Urbis, Andegaviæ ac Provinciæ comitem ad Urbem venisse noveris pecunia carentem & equis: unde cum nec persona comitis nec ne-

(b) *Al.* Negotium Romanæ ecclesiæ impedire.

(c) *Al.* Richardo.

(d) *Al.* xv. Calendas,

gotium quod agitur sit in tuto, nisi ei pecunia celeriter ministretur, circa decimam colligendam non oportet alicujus desidii vel negligentiae somno torpere; sed prudentiam tuam ad hoc tota mente nocte dieque sollicitè vigilare, quòd idem comes pecuniam quantamcumque ex eadem decima colligi facies habeat tempestivè. Datum Perusii III. nonas Junii Pontificatus nostri anno I.

## EPISTOLA LXIX.

Eidem.

*Ut viginti librarum millia mercatoribus Senensibus solvat.*

Anno 1265.

CLEMENS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Dilectus filius nobilis vir CAROLUS, filius claræ memoriæ regis Franciæ, senator Urbis; Andegaviæ & Provinciæ comes dilectum filium magistrum Dionysium de Effartis clericum suum ad præsentiam nostram transmittens, data sibi per suas litteras contrahendi mutuum nomine prædicti comitis usque ad summam viginti millium librarum Turonensium à quibuscumque mercatoribus Senensibus vel Florentinis, aut quibuscumque aliis, & obligandi propter hoc mercatoribus, cum quibus hujusmodi contraheret mutuum, decimam proventuum ecclesiasticorum pro negotio regni Siciliæ in regno Franciæ, ac quibusdam aliis certis terris, atque provinciis, civitatibus & diocesibus prædicto comiti ab apostolica sede concessam, plena & libera potestate, nobis suis litteris humiliter supplicavit; ut obligationi hujusmodi apostolicum præberemus assensum. Nos itaque prædicti comitis petitionibus, quantum cum Deo possumus, favorabiliter annuere cupientes, nostrumque super hoc benignè præbentes assensum, dilectum filium Bonaventuram Bernardini, Franciscum Guidi, & eorum socios cives & mercatores Senenses, qui ad personam nostram & Romanam Ecclesiam affectum gerunt benevolentiae specialis, quique nobis & eidem Ecclesiæ in aliquo necessitatis articulo non desunt, sed student potius gratis devotisque obsequiis complacere, cum multarum instantia precum induximus, ut mutuum hujusmodi magistro concederent supradicto. Idem igitur mercatores tam nostris quàm prædicti comitis votis ac beneplacitis obsequentes, prædicto magistro nomine præfati comitis viginti millia librarum Turonensium, eis usque ad festum B. Michaelis proximo futurum persolvenda, liberaliter mutuarunt: idemque magister eis super hoc prædictam decimam obligavit, & nos hujusmodi obligationi nostrum præbentes assensum, nostra & Ecclesiæ Romanæ bona eisdem mercatoribus, si dictus comes in solutione pecuniæ prædictæ fortè cessaret, per dilectum

A filium P. camerarium nostrum fecimus obligari, prout in instrumentis publicis super hoc confectis plenius continetur: quorum tenores sub bulla nostra tibi mittimus interclusos. Quia verò cupimus ut iidem mercatotes de liberalitate sua commodum consequantur & fructum, discretioni tuæ per apostolica scripta mandamus, quatinus receptis præsentibus, Facio & Rostanno Juncte, Hugoni Jacobi, Lotto Hugolini, Jacobo Egidii & Gasconi Trapilicini lociis Bonaventuræ & Francisci prædictorum, vel eorum uni de decima satisfacere incipiens, antedictam illam sociis assignes eisdem, & ab ipsius collectoribus in Remensi, Senonensi, Rotomagensi & Turonensi provinciis deputatis faciat integrè ac sine difficultate qualibet assignari: Ita quòd prædictis mercatoribus de præfatis viginti millibus librarum Turonensium ex prædicta decima ante festum prædictum vel saltem in festo ipso sit plenariè satisfactum. Et quidem expedit pro utilitate comitis, quòd prædictis mercatoribus celeriter de præfata pecunia satisfiat, eo quòd ad ipsos intendit in brevi habere in simili casu recursum. Quicquid autem super his proposueris faciendum, nobis per latorem præsentium significare procures. Ceterum quia prædicta instrumenta propter viarum pericula non possunt ad partes illas deferri, volumus ut de eo quòd prædictis Facio & aliis aliorum alicui assignaveris & assignari feceris, refutationem & quittance nostram & Ecclesiæ prædictæ ac ejusdem comitis nomine recipias, prout videris expedire. Ad hæc super solutione facienda prælibatis mercatoribus de novem millibus librarum Turonensium, super qua alias tibi direximus scripta nostra, nihil tibi scribimus, cum credamus eis esse de ipsis tuæ sollicitudinis studio satisfactum. Illud autem attentè provideas, quòd debita illa omnia pro quibus creditoribus comitis Ecclesiam esse constiterit seu apparuerit obligatam, expediantur quantocius, & creditores ipsi aliis omnibus in hujusmodi debitorum solutionibus præferantur. Datum Perusii III. nonas Junii Pontificatus nostri anno I.

## EPISTOLA LXX.

Abbati &amp; conventui Majoris-monasterii.

*Omnia eorum privilegia confirmat.*

CLEMENS episcopus servus servorum Dei dilectis filiis abbati & conventui Majoris-monasterii Turonensis, ad Romanam ecclesiam nullo medio pertinentis, ordinis S. Benedicti, salutem & apostolicam benedictionem.

Devotionis vestræ precibus benignum impertientes assensum, omnes libertates & immunitates à prædecessoribus nostris Romanis pontificibus monasterio vestro concessas, nec non libertates & exemptiones sæcularium exactio- num à regibus & principibus, ac aliis Christi fidelibus rationabiliter vobis indultas, sicut eas

Anno 1265  
Ex auro-  
grapho.

justè ac pacificè obtinetis, vobis & per vos eidem monasterio auctoritate apostolica confirmamus, & præsentis scripti patrocinio communimus. Nulli ergo omnino hominum liceat hanc paginam nostræ confirmationis infringere vel ei ausu temerario contrariare. Si quis autem hoc attentare præsumserit, indignationem omnipotentis Dei & Beatorum Petri & Pauli apostolorum ejus se noverit incursurum. Datum Perusii iv. Idus Junii Pontificatus nostri anno primo.

## EPISTOLA LXXI.

Magistro & fratribus ordinis prædicatorum.

*Ut possint in vacantibus ecclesiis, quibus viventibus episcopis gaudebant, uti facultatibus confessiones audiendi, &c.*

Anno 1265

Ex archivio  
fr. Prædi-  
cat. To o-  
f. 100. 100.

CLEMENS episcopus servus servorum Dei dilectis filiis magistro & fratribus ordinis Prædicatorum salutem & apostolicam benedictionem.

Exigentibus vestræ devotionis meritis, votis vestris libenter annuimus, & petitiones vestras, quantum cum Deo possumus, favorabiliter exaudimus. Ex parte siquidem vestra fuit propositum coram nobis, quod licet vobis à nonnullis patriarchis, archiepiscopis, & episcopis, aliisque ecclesiarum prælatis, audiendi confessiones subditorum suorum, necnon prædicandi, & aliqua vota in alia pietatis opera commutandi, in suis civitatibus & diocesisibus licentia sit concessa: quia tamen eisdem prælatis decedentibus, uti licentia hujusmodi, ecclesiis sic vacantibus, dubitatis; nobis humiliter supplicastis, ut providere vobis super hoc paterna diligentia curaremus: vestris igitur supplicationibus inclinati, præsentium vobis auctoritate concedimus, ut in hujusmodi casu possitis uti tamdiu liberè prædicta licentia, donec viduatis ecclesiis provisum fuerit de pastore. Nulli ergo omnino hominum liceat hanc paginam nostræ concessionis infringere, vel ei ausu temerario contrariare. Si quis autem hoc attentare præsumserit, indignationem omnipotentis Dei & beatorum Petri & Pauli apostolorum ejus se noverit incursurum. Datum Perusii xvii. calendas Julii Pontificatus nostri anno. i.

## EPISTOLA LXXII.

Dilecto filio nobili viro comiti Provinciæ.

*Queritur de suo in palatium Lateranense ingressu.*

Anno 1265

ET si personam tuam sinceræ ac teneræ caritatis brachiis amplectamur, filere tamen non possumus, cum commissæ nobis Ecclesiæ pericula imminencia intuemur; & malum obstare principiis, quam post causam remedium

A quærere vulneratam. Attentasti sanè pro libito voluntatis, & forsitan sine alicujus necessitatis intuitu, quod nullus principum devotorum hætenus attentavit, dum gens tua Lateranense palatium tuo mandato, ut dicitur, indecenter intravit: quamquam à quibusdam dicatur, quod alicujus auctoritatem habuit, vel assensum, cui nec de jure, nec de nostro beneplacito potestas in hoc aliqua competebar; & liceat antea tuæ litteræ continerent, quod confidens de nostra gratia facturus eras, quod tamen jam feceras; hoc scire te volumus, & pro certo tenere, quod numquam nobis placere poterit, senatorem Urbis, quantacumque sit celsitudinis, quantocumque favore sit dignus, in alterutro palatiorum nostrorum in Urbe moram trahere, cum & futuro prospicere velimus discrimini, & Ecclesiæ, cui præsidemus immeriti, præminentiam singularem nolumus nostro tempore dejici, per te maximè, quem ad ejus exaltationem vocavimus & honorem. Tu ergo, dilecte fili, hoc molestè non ferens, constitutus in Urbe, quæ tot abundat domibus spatiosis, ad locum alium conferre te satage, nec te dicas de domibus nostris inhonestè dejectum; sed potius honestati tuæ consultum, si te nostræ voluntati contemperas, quæ nec levi præcipitatur judicio, nec ad tuam declinat injuriam, utens ex causa tam necessaria jure suo, cum nec tibi placere debeat pro tua utilitate tam modica, nos ingens & irreparabile subire discrimen. Demum super eo quod quatuor fratribus committeremus negotium, quinto ab Urbe volente recedere, priusquam id peteres feceramus; & quamvis nostri, in te reficerentur oculi: quia tamen excusationem tuam intelleximus esse justam, quod tibi est utilius nobis acceptius esse debet. Datum Perusii (a) xiv. calendas Julii anno i.

## EPISTOLA LXXIII.

Dilecto filio nobili viro (b) Sicardo Alemanni.

E Gratanter accepit veteris ejus affectionis indicia.

TUæ devotionis litteras certa veteris affectionis indicia, quam ad nostram personam ab olim habuisse dinosceris perferentes, gratanter accepimus, & obsequii promittitudinem quam nobis pariter intulisti. Sanè cum tempora sint turbata, & viæ ad nostram præsentiam multis obstaculis impeditæ, labori tuo parcimus, cui si nostra necessitas id requireret, & oportunitas temporis hoc haberet, minime parceremus. Datum Perusii xii. calendas Julii anno primo.



(a) Al. xiii. Calendas Junii.

(b) Trac. codex legit Vilcardo sed refragantur omnes alii codices.



## EPISTOLA LXXIV.

Dilecto filio S. tituli S. Martini presbytero cardinali, ducatus Spoleti & Marchiæ Anconitanæ rectori, apostolicæ sedis legato.

*Scribit ei de pluribus, sed præsertim de proditiōe episcopi Firmani.*

Anno 1265

**I**nter læta & tristia, quæ promiscuè nobis scribis, superabundans læticia nos exhilarat, dum è cælo datur tibi victoria à Principe regum terræ, qui terribilis est apud omnes, non in exercitus multitudine, sed in sui virtute brachii deponit adversarios, spiritum miscens vertiginis in medio eorundem. Multum siquidem de Recanato gaudemus, sed non minus de Firmani episcopi proditiōe detecta, quem, Domino concedente, ad extremum deducemus opprobrium pro suorum exigentia meritorum. Mitte igitur ad nos capellanum ejusdem episcopi, & tu sub fida custodia & firmis vinculis tene eum, tuam etiam auge (a) mainatam, & nos tibi Perusii de paupertate nostra faciemus quatuor millia librarum hujus monetæ tenuis assignari. Sanè te scire volumus, quod ambaxiatores Auximi & Montis-sancti aut malè intellexerunt quod diximus, aut tibi mendaciter retulerunt. Numquam enim te diximus aliquam habuisse pecuniam, sed hoc nos dixisse meminimus, quod cum nihil de Marchia haberemus, incessanter impendere & nihil recipere, erat nobis plus oneri quam honori. De treuga verò Recanatensi & aliorum, nisi tu aliter sentias, credimus expedire quod fiat. Datum Perusii XII. calendas Julii anno 1.

## EPISTOLA LXXV.

Dilecto filio R. sancti Angeli diacono cardinali.

*Revocat eum ad collegium.*

Anno 1265

**Q**uatuor angulis domus Job altera Ecclesia sancta concutitur, & aggravatis rumoribus de Terræ sanctæ & Hispaniæ multiplicatis periculis ignoramus quid agere debeamus. Ut tamen quod in nobis est faciamus, discretionem tuam rogandam duximus & hortandam, quatinus, si sine personæ discrimine potest fieri, redeas ad collegium nobiscum coram Domino (b) portaturus & daturus consilium quod tibi magni consilii Angelus inspirabit. Quod si tibi salutis propriæ cernis imminere discrimen, super quo te tuæ relinquimus conscientiæ, malumus te carere in modicum quàm in longum. Tu tamen ita necessitati tuæ provideas, ut ea per Dei gratiam relevata, ad nostram reverti præsentiam, quàm cito celerius poteris, non omitas. Datum Perusii XI. calendas Julii anno 1.

(a) Quid sit *mainata*, seu *manada* superius diximus: nimirum familia, seu armatorum copiz. In Trecenti codice solo pro *mainatam* legitur *monetam*.

## EPISTOLA LXXVI.

Ad fratres Prædicatores.

*Ut intrantes ordinem possint à sententiis excommunicationis solvere.*

**C**LEMENS episcopus servus servorum Dei dilectis filiis magistro & prioribus universis, ac eorum vices gerentibus, Ordinis fratrum Prædicatorum salutem & apostolicam benedictionem.

Anno 1265  
Ex ms.  
Patrium  
Prædicatorum  
Romano  
magenfium

Cælestis amor patriæ mentes vestras sic allexisse prospicitur, ut hoc solum delectationi vobis tribuat, quod divinæ voluntati sit placitum, & salutem proferat animarum. Procedit ex hoc quod nos vestris piis petitionibus favorem largiri benevolum delectantes, maxime cum ex apostolici cura teneamur officii, circa religionis augmentum attenti & vigiles inveniri, vobis auctoritate præsentium indulgemus, ut volentibus vestro aggregari collegio; qui suspensionis, aut interdicti, vel excommunicationum sententiis à jure vel à iudice promulgatis generaliter sunt ligati, absolutionis beneficia, observata forma canonica, impertiri, & ipsos in fratres recipere, ac eos qui post assumptum habitum, professionem emissam recoluerunt se talibus in sæculo fuisse sententiis innodatos, secundum formam ipsam valeatis absolvere, & cum irregularitatibus dispensare, si forsan talibus innodati sententiis vel in locis ecclesiastico interdicto suppositis divina præsumserint officia celebrare, vel ordines receperunt: ita tamen quod si aliqui ex eisdem hujusmodi sententiis propter debitum sunt astricti, satisfaciant ut tenentur. Ceterum vestra discretio caute provideat, ut apostolicæ sedis, legatorum ipsius, & ordinariorum locorum in absolutionibus hujusmodi scandalum evitetur. Nulli ergo, &c. Datum Perusii x. calendas Julii Pontificatus nostri anno. 1.

E

## EPISTOLA LXXVII.

Venerabili fratri archiepiscopo Hispalensi.

*Regi Castellæ concedit decimam conventuum ecclesiasticorum.*

**D**esiderantes carissimo in Christo filio nostro regi Castellæ ac Legionis illustri contra Sarracenorum insidiosos insultus, qui malitiæ innatæ conceptum producentes in actum, captata opportunitate, terram regis ejusdem nuper invadere præsumserunt, remediis quibus possumus subvenire; tibi per nostras sub certa forma litteras duximus committendum, ut decimam omnium proventuum ecclesiasticorum, tam in subjectis regi eidem, quam in Portugalliæ regnis, servato tamen moderamine, quod tibi per alias exprimemus litteras, usque ad certum tempus colligere, ac ipsi regi assignare curares. Ut igitur moderamen hujusmodi tibi plenius inno-

Anno 1266

(b) Videtur deesse *onus*, vel legendum cum uno codice colbertino *plurimum non portaturus*.

rescat,

(a) tescat, illud tibi præsentibus explicamus. Volumus itaque quod ante omnia (a) paterne memorato regi exponas, quod in animæ suæ dispendium & famæ nihilominus detrimentum, sicut olim in minori officio constituti, suæ consideratione salutis, & honoris obtentu, ei scripsisse meminimus, tertiam ecclesiasticorum proventuum recipit ad ecclesiarum fabricam deputatam, & ipsum solerter inducas quod tibi nomine nostro & ecclesiarum regnorum prædictorum expresse promittat, & litteras super hoc patentes exhibeat, quod exacto prædicto tempore ad colligendam præfatam decimam præfinito, tam ab ipsius decimæ, quam à præfata tertiæ perceptione omnino desistet, & ecclesias ac loca, de quorum proventibus decima ipsa percipitur, & ad quæ dicta tertia pertinet, super eisdem tertiæ & decima ex tunc nullatenus molestabit. Concedimus tamen quod post promissionem & litterarum accessionem, hujusmodi tertiam eandem per totum idem tempus libere percipiat, & omnia quæ hætenus percepit ex illa, in instantis negotii subsidium licite convertere valeat, nec ad ipsorum restitutionem aliam teneatur. Quod si promissionem hujusmodi tibi facere suasque dare litteras super illa vel grave vel indecens sibi dixerit vel crediderit, nihilominus ad decimæ collectionem procedas, & eam eidem assignes, sicut in alia littera, quam tibi mittimus, super ea plenius continetur: denunciaturus eidem, quod quæcumque de tertia fabricabili ultra tempus gratiæ sibi factæ percepit hætenus, malè retinet, & quæ percepit non sunt sua, nec etiam sua faciet quæ percipiet in futurum. Nec possumus non timere, quin hæc & similia multum possint, quod avertat Altissimus, suis profectibus adversari.

In præfato verò regno Portugalliæ te de collectione hujus decimæ nullatenus intromittas, si carissimo in Christo filio nostro regi Portugalliæ illustri ad præsens in eodem regno suo guerra contra Saracenos immineat, aut in proximo imminere visibiliter timeatur. Idem, si forte idem Rex Portugalliæ præfatum memorati regis Castellæ negotium assumat personaliter, ac eidem in hoc competens subsidium, prout ejusdem negotii qualitas exigit, & ipsum regem Portugalliæ decet impendat. Datum Perusii VIII. calendas Julii anno 1.

## EPISTOLA LXXVIII.

Dilecto filio S. tituli S. Martini presbytero cardinali apostolicæ sedis legato ducatus Spoleti & Marchiæ Anconitanæ rectori.

*Ut Firmanum episcopum excommunicatum facias denunciari.*

Anno 1265 (b) Discretioni tuæ præsentium auctoritate mandamus quatenus (b) J. episcopum Firmanum tamquam perjurum, inobedientem, & contumacem, ac ex his causis à nobis sen-

(a) Al. Patens.

(b) Al. G.

(c) Trecentis codex legit ix calendas.

*Theauri Anecd. Tom. II.*

A tentia excommunicationis innodatum per omnia loca tuæ legationis, in quibus expedire videris, facias solemner nunciari. Datum Perusii (c) VIII. calendas Julii anno 1.

(c)

## EPISTOLA LXXIX.

Dilecto filio A. Basilicæ XII. Apostolorum Presbytero, R. S. Nicolai in carcere Tulliano & J. S. Mariæ de Cosmedim diacono cardinali.

B *Permittit eis Romæ remanere suis consiliis adjuturis comitem Provincie.*

A ffectantes vos personaliter esse nobiscum, quia delectabilis plurimum nobis est vestra præsentia, & Ecclesiæ multipliciter fructuosa, pridem vobis scripsimus, ut negotio regni Siciliæ in persona dilecti filii nobilis viri C. Andegavensis ac Provinciæ comitis consummato, ad nos, cum grandia & gravia nunc Sedi Apostolicæ immineant, ad comportandum unâ nobiscum incumbentia nostræ debilitati universalis sollicitudinis onera, rediretis. Sed idem comes attendens vestram in Urbe moram esse sibi & suis ad magnum solatium & vigorem, & ad ipsius negotii adjutorium & profectum, penes nos institit & insistit; ut considerato suo (d) statu, cum vos sibi sitis salubre consilium, favor validus, juvamen efficax, recta via, mandemus vobis, quod remaneatis in Urbe ipsa, & ad nos modo, ne tanto ipse destituatur auxiliis, & ne tot ei subtrahantur commoda, minimè redeatis. Pensatis igitur quantum est Ecclesiæ utile, quod nobis præsentialiter assistatis, maxime pro difficilibus & arduis, in quibus vestrâ oculatâ circumspectione ac profunda industria nimium indigemus. Pensantes etiam quantum nunc expedit ipsum comitem vestra confortari & roborari præsentia, dictumque negotium vestro magisterio dirigi & disponi: & considerantes quod si ad vestrum intendimus reditum, de multa versus eundem comitem duritia & inhumanitate notamur, multumque dicimur ipsi negotio derogare, & si fortè inuimus vel suggerimus vobis moram, videmur eidem sedi opportuna sibi detrahare consilia, magnumque inferre confluentibus ad ipsum undique negotiis nocumentum, & personas vestras exponere (e) flammis Romanis aëris ardoribus consuetis pro corruptionis suspitione vitari, deliberamus & eligimus in hac meditatione sic implicita & perplexa, quod nullam in his vobis imponamus necessitatem, sed totum vestro arbitrio relinquamus, ut prospectis diligenter omnibus, sicut decet, ad moram vel reditum flectamini, sicut vultis. Vos itaque provide attendentes, quæ tam circa dictum comitem & suos, quàm circa ipsum negotium, quod plenè novistis, fuerint attendenda, & super his sollicitè conferentes, moremini vel revertamini pro vestræ bene placito voluntatis. Datum Perusii v. calendas Julii anno 1.

(d)

(e)

(d) Al. Mortu.

(e) Trecentis codex legit *Flammivomis*.

K

## EPISTOLA LXXX.

Dilecto filio nobili viro olivario de Terminis.

*Laudat ipsius propositum ad terram Sanctam proficiscendi.*

Anno 1265

(a)

**D**E igne torris (a) exutus, terram sanctam sicut vir strenuus ab adolescentia tua bel-lator adiisti, ubi vitam tuam finire disponens, vitæ (b) mercaris aditum melioris. Laudamus tuum, fili, propositum, & admissio subdimus calcar equo, tuam sinceritatem hortantes, quatinus illius sanguinem ante oculos mentis habens, qui tanto precio nos redemit, tuum pro ipso fundere, si res exigat, non formides, sicque crucis negotium prosequaris, ut in hujus vitæ miseria Christo cruci confixus, & suæ sis particeps passionis, & efficiaris in gloria socius Crucifixi. Datum Perusii iv. Calendas Julii anno 1.

## EPISTOLA LXXXI.

Dilecto filio M. S. Mariæ in Porticu diacono cardinali, patrimonii B. Petri in Tuscia rectori, apostolicæ sedis legato.

*Scribit ei de pluribus negotiis.*

Anno 1265

(c)

(d)

(e)

(f)

(g)

**C**Um Tudertinis agere poteris, sicut videris expedire. Quod enim diximus de dissimulando in tempus, bonum credidimus; & quantum in nobis est, sententiam non mutamus. Sed quia tu conditiones civitatis & civium, tuæque potentia noster melius, te tuæ dimittimus libertati. Sane (c) Hortani à Bertoldo vicario tuo se male conqueruntur tractatos, & si vera sunt quæ dixerunt, non solum malè cum eis actum esse dinoscitur, sed etiam inhonestè. Petuntur etiam insuper ab eisdem fidejussores, quos parati sunt dare, ut dicunt, dum tamen vel in civitate recipiantur eorum, vel detur eis securus adventus ad vicarium, & reditus ab eodem, cum suspicionem ingesserit, quod in (d) concives inordinatè extitit attentatum. Unde discretionem tuam rogandam duximus & hortandam, quatinus cum omni dulcedine prosequaris justitiam, nec tuos ad libitum debacchari permittas, cum interdum inordinatio modica magnum processum maculet, & longam rerum seriem particulare vitium decoloret, adhuc placet suspendi negotium Castellani. Quem enim ad te mittere destinavimus, ex causa retinuiamus, propter quorundam nunciorum (e) eventum, sed cito per te transitum est facturus. Comitem (f) Angulariæ lætanter & cum honore recepimus, (g) præteritis compatiētes angustiis, & de sua liberatione gavisi,

(a) *Al.* Erutus.

(b) *Al.* Mercaris.

(c) *Al.* Hortarii.

(d) *Al.* Confules.

(e) *Al.* Adventum.

(f) *Al.* Anglaviæ.

A quem & te diligere voluimus, & ejusdem assistere commodis & honori. Datum Perusii ii. calendas Julii anno 1.

## EPISTOLA LXXXII.

Castellanensi Potestati, consilio, & comitatui Spiritum consilii sanioris.

*Mandat, ut idoneos mittant ministros ad faciendam treugam.*

B

**C**Um nos diu per verba traxeritis fundamento carentia veritatis, experiri volentes, an adhuc obedire velitis, vobis districtè præcipiendo mandamus, quatinus infra diem Jovis proximam, vel saltem in ipsa, ad nostram præsentiam destinetis personam seu personas sufficienter instructas, ad treugam faciendam & firmandam idoneis cautionibus inter vos & viros nobiles Marchiones de Monte Misani. & alios exules vestrae civitatis: alioquin ex tunc contra vos, prout expedire viderimus, temporaliter & spiritualiter procedemus. Datum Perusii calendis Julii anno 1.

Anno 1265

## EPISTOLA LXXXIII.

Dilecto filio GUIDONI titulo S. Laurentii in Lucina presbytero cardinali apostolicæ sedis legato.

*Ut ad capitulum Cisterciense se conferat lites inter patres abbates exortas compositurus.*

**I**Nter dilectos filios abbates & fratres alios Cistercensis ordinis, gravi (b) dissensione suborta, quæ maculam non mediocrem in ejusdem ordinis gloria ponere videbatur, nos qui nuper in minori officio constituti eorundem compatiēbamur angustiis & scissuris, mox ut Dei disponente clementia, ad summi fuimus apostolatus apicem evocati, cor nostrum dedimus ad reformandum in ordine supradicto, in pacis vinculo spiritus unitatem, sicque periculis obviamus animarum, ut quæ priscis simpliciter observata temporibus modernorum subtilitas nube quadam dubietatis obvolverat, nostræ definitionis luculento tenore firmata, nec scrupulum ambiguitatis admittant, nec simplicibus oculis materiam offerant quæstionis. Licet autem circa diffinitores capituli generalis aliquid provide statuerimus, quæ dilectorum filiorum nostrorum Claravallensis & aliorum quorundam abbatum, ut dicitur, animos turbaverunt: nos tamen, ut eorum desiderium impleamus, aliqua circa hæc ordinavimus, quæ viris providis & discretis, quos secundum cor nostrum eligimus, aliqua duximus committenda, & in instanti capitulo generali explicanda, quæ pla-

Anno 1265

(b)

(g) *Al.* Præ ceteris.

(b) Hujus dissensionis causa dicitur in veteri ms. abbas Claravallensis, qui cum Cisterciensem, ad quam aspirabat, insulam impetrare nequiverat, alios patres ad abbatis Cisterciensis iudicium auctoritatem concitavit.

care turbatos poterunt & satisfacere, nisi fallimur, quibuscumque quantumlibet importunis. Cum igitur & te ordo nutrierit, & in eo successivis proficiens incrementis (a) Pater fueris omnium aliorum, (b) discretioni tuæ per apostolica scripta mandamus, quatinus in remissionem tuorum peccaminum, ad instans proximè capitulum generale te conferens, juxta datam tibi à Domino peritiam, salutaria verba proponas ibidem, quæ pacem nutrant inter ipsos, & attentè provideas, ut processus totius capituli sit pacificus, & si qui fuerint cervicosi, vel in verba proruperint indecentia, liberè corripas inquietos, & si tibi restiterint insolenter, per censuras ecclesiæ, poenas etiam depositionis ab officiis, si hoc videris expedire; compescendi eosdem auctoritate præsentium plenam & liberam tibi concedimus facultatem. Datum Perusii v. nonas Julii anno i.

## EPISTOLA LXXXIV.

Simoni cardinali apostolicæ sedis legato.

*Ut præter novem librarum millia etiam viginti millia solvere non postponat Senensibus mercatoribus.*

Anno 1165

CLEMENS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Miramur, nec immeritò, quòd cum nos tibi expressè per nostras dederimus litteras in mandatis, ut novem millia librarum Turonensium, quarum dilecti filii Bonaventura Bernardini, Raynerius Jacobi, & Franciscus Guidi cives & mercatores Senenses partem de mandato felicitis recordationis URBANI papæ prædecessoris nostri, partem verò ad instantiam nostram procuratoribus carissimi in Christo filii nostri C. comitis Provinciæ, nunc Siciliæ ac Apuliæ regis illustris, pro necessitate negotii quod per eundem regem agitur, liberaliter mutuarunt, & pro quibus ipsi decimam habent & Romanam Ecclesiam obligatas, de decima ipsa per te collecta vel colligenda solvere procurares, ac debitum ipsum omnibus aliis debitis in solutione præferres, tu mandato nostro, quod non decuit, voluntati tuæ postposito, tuas nostris, cum tamen non æquiponderent, promissionibus anteponis, satisfacto quibus placuit, præfatis mercatoribus adhuc prædictam pecuniam solvere, sicut dicto Francisco referente accepimus, non curasti. Ideoque discretioni tuæ per apostolica scripta mandamus, quatinus præfata pecuniæ summam, nec non viginti millia librarum Turonensium, pro quibus prædictæ decima & Ecclesia obligatæ noscuntur, sicut per alias litteras nostras mandavimus, solvere ulterius non

(a) Guido enim fuerat abbas Cisterciensis vir eximiis meritis commendandus & ab Urbano papa iv. in purpuratorum collegio adlectus anno 1163.

(b) *Al.* Districte tibi.

*Theauri Anecd. Tom. II.*

A retardes; sed solutionem hujusmodi ante alia omnia debita studeas quantocius expedire: ita quod commissi delictum per celeris satisfactionis diligentiam corrigatur, & iidem mercatores, qui per devotionis promptitudinem gratiam meruerunt, ex dilatione solutionis dispendium non incurrant, aut Ecclesia non cogatur jacturis vel calumniis subjacere: sciturus quòd licet dictas decimam & Ecclesiam, his & aliis mercatoribus pro dicto negotio, urgente multæ necessitatis instantia, hætenus fecerimus obligari; eas tamen, cum decima ipsa sit eidem regi pro eodem negotio assignata, postquam de prædictis debitis fuerit mercatoribus satisfactum, de cetero non intendimus pro aliis hujusmodi negotii debitis obligari. Unde cum negotium collectionis prædictæ decimæ, ex eo quod ex ipsa tota vis totusque processus ac profectus ipsius dependeant, desideret festinatum, omnis vigilantia omnisque sollicitudinis studium adhibeas circa eandem decimam cum omni celeritate & festinantia colligendam, ac per litteras tuas nobis fideliter significare procures quid & quantum de præfata decima est collectum quantumque inde speretur habendum. Datum Perusii x. nonas Julii Pontificatus nostri anno i.

## EPISTOLA LXXXV.

Dilecto filio M. Veronensi electo.

*Scribit ei quid pro sua libertate præstiterit obtinenda.*

D

I Nter cetera quæ te reddunt Deo & hominibus commendabilem, illud non mediocriter est laudandum, quod sicut verus & constans filius, disciplinam Domini non abiciens, portasti sine murmure virgam ejus, & sicut aurum in fornace probatum ad purum excoquitur, sic in tribulationis multiplicis conflatorio examinatus ad plenum, omni remota rubigine, teipsum Domino vas purissimum obtulisti. Sanè licet tibi superesset certissimus ex hujusmodi tentatione proventus, nos tamen tuis compassi languoribus & ærumnis, semper parati fuimus vias exquirere, quibus tuam possemus personam squalore carceralis custodiæ relevare: sed cum nostrum ad hoc non (c) sufficiat studium, sicut ille placuit, in cujus manu sunt corda regum, Carissimus in Christo filius noster illustris rex Aragonum tuæ compatiens probitati, & in tua liberatione, quam impetrat, nobis placere desiderans, pro eadem feliciter (d) consummanda, misit dilectum filium archidiaconum Vicennensem in multis laboribus & expensis, qui sui jam fructum laboris obtinuit; si tamen caveris quod viro nobili M. quondam Principi Tarentino, nec in terra quam tenet in regno Siciliæ, ducatu Apuliæ, (e) & Capuæ principatu, nec

Anno 1165

Latidat ejus  
in carcere  
patientiam.

(c)

(d)

(c) *Al.* Sufficeret.

(d) *Al.* Conservanda.

(e) Ita Trecentis codex, alii legunt *Campania*.

(\*) in terris aliis ubicumque te cum armis opponas, A  
nec ducatum(\*) nec capitaneatum masnata militum vel exercitus cujuscumque recipias contra ipsum. Nos igitur quia te tanti cordis & fidei esse credimus, quod hæc sine nostra licentia forsitan non promitteres, discretioni tuæ per apostolica scripta in virtute sanctæ obedientiæ, & sub pœna nostræ gratiæ in perpetuum amittendæ, districtè præcipiendo mandamus, quatenus juxta consilium præfati archidiaconi Vicen. pro tua liberatione complenda dictam cautionem exponere, additis & detractis quæ ipse duxerit vel dictaverit, & proprii juramenti religionem firmare nec differas, nec postponas. Satis enim in armis parcere tibi possumus, in quorum exercitio sic te reddidit magnanimitas virtuosum, sic ostendit experientia diligentem, ut à modo tamquam miles emeritus, non ignavus, ad labores alios valeas reservari, nec marcere apud nos otio verearis cum multi nobis casus immineant, sub diversis mundi climatibus: in quibus circumscriptis armorum fragoribus devotos nostros possumus exercere. Datum Perusii nonas Julii anno primo.

## EPISTOLA LXXVI.

Simoni cardinali apostolicæ sedis legato.

*Scribit regem Siciliae regno investitum, & ut cito decimæ collectam ei mittat.*

Anno 1265 CLEMENS episcopus servus servorum Dei dilecto filio S. tituli S. Cecilæ presbytero cardinali apostolicæ sedis legato salutem & apostolicam benedictionem.

Magnificet anima tua Dominum, qui negotium Ecclesiæ super regno Siciliae, pro quo specialiter fuisti ab apostolica sede missus in Franciam, dignoscitur non sine tuo studio ex eo consummatum per gratiam Dei feliciter, quod idem regnum carissimo in Christo filio nostro CAROLO regi Siciliae illustri de fratrum nostrorum consilio est collatum, ipso de eo solemniter investito. Cum igitur idem rex adeo succursu militum & aliis subventionibus egeat, quod etiam ipsa celeritas est morosa, discretioni tuæ per apostolica scripta mandamus, quatinus ad hoc totum illud quod collectum est vel colligetur de decima Ecclesiæ Romanæ pro negotio prædicto concessa, eidem regi vel procuratoribus suis, ejus nomine facias omni mora & occasione postpositis assignari, mercatoribus quibus pro eodem rege prædicta se obligavit Ecclesia, primitus de ipsa decima satisfacto, attentius provisurus ut circa collectionem ipsius decimæ, ex qua processus immo successus prædicti pendet negotii, sic sis sollicitus & attentus, quod possis proinde apud Deum & homines non immerito commendari; & nos qui plusquam dici valeat id gratum & acceptum habebimus, te dignis in Domino laudibus attollamus. Datum Perusii nonis Julii Pontificatus nostri anno 1.

(\*) Al. Vel capitulum.

## EPISTOLA LXXXVII.

Ricco Bonaguide Nero Fornarii & Angelério Bonelle Florentinis mercatoribus.

*Ratum habet mutuum quatuor millium librarum.*

CLEMENS episcopus servus servorum Dei Anno 1265 dilecto filio Ricco Bonaguide, Nero Fornarii & Angelerio Bonelle mercatoribus Florentinis salutem & apostolicam benedictionem.

B Cum dilectus filius PETRUS camerarius noster archidiaconus Senonensis à Lottherio de Bonasce cive & mercatore Urbe-vetano mutuantem suo & nostro nomine quatuor millia librarum Turonensium pro Ecclesia Romana de mandato nostro receperit nomine mutui, certis nobis loco & termino persolvenda, prout in publico instrumento inde confecto manu Noclerii Scriniarii de Urbe plenius continetur, nos quod ab ipso camerario factum est in hac parte ratum habentes & gratum, volumus inviolabiliter observari. Datum Perusii vii. Idus Julii Pontificatus nostri anno 1.

## EPISTOLA LXXXVIII.

Simoni cardinali apostolicæ sedis legato.

*Ut mercatoribus Florentinis & Lothario Bonasce civi Urbe-vetano quatuor millia librarum solvat.*

CLEMENS episcopus servus servorum Dei Anno 1265 dilecto filio S. tituli S. Cecilæ presbytero cardinali apostolicæ sedis legato salutem & apostolicam benedictionem.

E Cum urgente necessitate negotii carissimi in Christo filii nostri C. nunc Siciliae regis illustris, dilectus filius PETRUS archidiaconus Senonensis camerarius noster à Lottherio Bonasce cive & mercatore Urbe-vetano mutuantem pro se, Ricco Bonaguide, Nero Fornarii & Angelerio Bonelle mercatoribus Florentinis quatuor millia librarum Turonensium nomine Romanæ Ecclesiæ pro dicto negotio de mandato nostro receperit nomine mutui, certis sibi loco & termino persolvenda, ac eis propter hoc Romanam Ecclesiam & nostram cameram obligarit, sicut in instrumento venerabilis fratris R. Albanensis episcopi & dilectorum filiorum nostrorum G. S. Georgii ad Velum aureum, & J. SS. Cosmæ & Damiani diaconorum cardinalium confecto, eorumque ac camerarii prædicti signato sigillis plenius continetur: discretioni tuæ per apostolica scripta mandamus, quatinus præfatam pecuniæ summam dictis mercatoribus, vel eorum uni, aut certo nuntio eorumdem instrumentum prædictum & papales tibi litteras deferenti, juxta ipsius instrumenti tenorem sine difficultate persolvas: ita quod camera nostra vel ecclesia præfata ex dilatione solutionis dispendium non incurrat. Datum Perusii vi. Idus Julii Pontificatus nostri anno 1.



A Perusii v. Idus Julii anno primo.

## EPISTOLA LXXXIX.

Carissimo in Christo filio C. regi Siciliæ illustri.

*Gaudet de regia ipsius dignitate, hortaturque ad omnes superandas difficultates.*

Anno 1265

**T**Uæ magnitudinis nobis litteræ per nostrum nuper nuncium assignatæ, regii nominis novum titulum & excellentiæ regalis (a) solii exterioribus oculis offerentes totum nostrum interiorem hominem tanto gaudio perfuderunt, ut levatis in cælum manibus, dicere Domino cogeremur: *Confirma Deus hoc quod in nobis es operatus.* Sanè confidimus in eodem, cujus perfecta sunt opera, quod tuæ promotionis initia successu firmaturus optato, corroborabit in iudicio & iustitia regnum tuum, hostes sub pedibus tuis conteret, & tibi barbaras subiciet nationes. Si igitur tam felicibus tuis auspiciis non tibi subito cuncta cedunt ad votum, si quæ forsân difficultates se ingerunt, numquam tuus deiciatur animus, numquam tua (b) langueat animositas, numquam tua (b) nutet soliditas, numquam concidat vultus tuus. Sic enim Dominus semper cum filiis agere consuevit, prius eis ostendens aspera, prius dura, ut eò gravior sit subiecta prosperitas, quod perplexior eam præcesserit difficultas. Veniunt quidam rumores prosperi de partibus transalpinis, (c) quorum licet auctoritatis mediocris videri possint æmulis relatores, multiplicatio fidem facit, & ex natura negotii redduntur credibilia testimonia eorundem, una voce clamantium, quod Francia tota se preparat, tota Provincia se accingit, quodque carissimus in Christo filius noster Rex Franciæ illustris frater tuus ad te gerens affectum, sed (d) ostendens effectum, pro te factus est prædicator, barones & alios ad tuum subsidium excitans & invitans, nec dubium quin suum adhibeat, ut efficacius exigat alienum. Nos autem inde Ecclesiam Dei sponsam multis sperantes honoribus sublimari, sicut primordiis tuæ promotionis adstitimus, sic & futuris profectibus ex affectu proponimus non deesse. Quod igitur postulasti de vicario in Campania novo creando, juxta tuum beneplacitum adimpletur, mutuum quæri fecimus quantum possumus, nostris & tuis interpositis prosenetis, quod quia quantum vellemus, hic non credimus posse inveniri, vide fili, quid in Urbe poteris reperire, ubi sunt plures abundantes in sæculo multas divitias obtinentes. Regi etiam fratri tuo scribimus, ut rogasti, nec pro negotio Terræ sanctæ, quod in summo periculo cernimus, quicquam facimus, quod in nostri tuique negotii vergere valeat detrimentum. De aliis quæ scripsisti, quod poterimus faciemus; & si vires beneplacito responderent, nihil nobis difficile quod tibi saltem utile videretur. Datum

(a) *Al.* Solium.(b) *Al.* Mutetur.(c) *Al.* Qui licet auctoritatis mediocris videri possint, æmulamèn relatores multiplicato fidem faciunt.(d) *Al.* Excidens officium.(e) *Al.* P. Giraudi.

## EPISTOLA XC.

Dilecto filio M. sanctæ Mariæ in Porticu diacono cardinali patrimonii sancti Petri in Tuscia rectori apostolicæ sedis legato.

*Scribit ei de variis negotiis.*

Anno 1265

**D**E nostrorum fratrum consilio, qui Perusii nobis assistunt, tuo etiam & aliorum absentium, viro nobili P. de Vico largæ sinum misericordiæ aperire volentes, transacta proxima die Veneris, Silvestri de Carbonagio procuratoris sui recepimus juramentum in forma, quam sub bulla nostra dilectus filius P. (e) Guimundi capellanus noster tibi offeret interclusam, quam eidem nobili & capellano præsentibus, testibus aliis nihilominus evocatis, aperies, & in forma subscripta procedes. Primò legetur eidem nobili procuratoris juramentum & fideliter exponetur, & ipse in manu tua idem faciet juramentum, & dabit fidejussores magis idoneos de contentis in eodem juramento (f) complendis & fideliter observandis, sub pœna trium millium marcarum, & de his recipies fidejussores magis idoneos quos habere poteris; & de numero tuo relinquimus arbitrio. Unam de (g) roquis suis ponet in manu tua nostro nomine, quam tã elegeris, quamdiu nobis placuerit à nobis tenendam, & his factis mittes eum ad nos per te nostro nomine ab excommunicationis vinculo absolutum, & per eundem capellanum nostrum mittes nobis publicum instrumentum de hujusmodi securitate & processu tuo confectum. Scire autem te volumus, nostrum esse propositum dare ei mandata de abjurando MANFREDO quondam principe Tarentino, & omnes conventiones cum eo habitas, quas denunciabimus nullas esse, penitus abrumpendo: & quod Ecclesiæ Romanæ nullo tempore se opponat, nec ejus inimicis scienter assistat, auxilium, consilium vel favorem impendat, & quod nobis & successoribus nostris & Romanæ Ecclesiæ perpetuo sit fidelis, & ad hæc omnia successores suos astringat, & quod contra terram illam, de qua inter felicis recordationis URBANUM papam prædecessorem nostrum & ipsum (h) conquestio mota fuit, & dictum nostrum, cui se stare juraverit, expectans, nihil innover; nullum pactum, nullam conventionem faciat cum quacumque persona, quibuscumqueve personis sine nostra licentia speciali, & quod jura B. Petri & nostra non impugnet in posterum: immo viriliter & ex fide defendat, & si quæ similia, quæ ad fidelitatis consolidationem pertineant, fratres duxerint (i) admittenda. Sane providebimus eidem super pœnis & processibus inflētis vel habitis contra ipsum, & illas specialiter & generaliter, prout ei utilius (l) omne videbitur, prosequemur. De terra autem, quam dictus præ-

De reconciliatione Petri de Vico.

(e)

(f)

(g)

(h)

(i)

(l)

(f) *Al.* Plene & fideliter observandis.

(g) Rogua seu roga est quædam navis species.

(h) *Al.* Quæstio.(i) *Al.* Adnectanda.(l) *Al.* Esse videbimus.

decessor noster petiit, nihil definiemus, donec fratres adfuerint qui nunc absunt. Indigemus enim specialiter dilecti filii nostri J. sancti Nicolai in carcere Tulliano diaconi cardinalis consilio ad illam materiam ordinandam, super qua cum eo pluries habitus est tractatus. Sic tamen ordinabimus quod majori dominio penes Ecclesiam remanente, ipse sub honestis cautionibus terram ipsam cum utili dominio & pleno imperio sibi & suis successoribus retinebit. Credimus etiam ex hac suspensione sibi parari responsum, tam ad interpellationem regis, quam ad Romanorum clamorem, ut secure respondat. Pendet lis coram papa & absolvi non potui, donec super ea juravi stare mandatis ejusdem. Unde donec me expedierit, facere cum aliis nihil possum, ne ad duas partes involvar, sed tamen dixit mihi papa quod reversis ad ipsum fratribus, qui nunc absunt, mandata sua proferet super illa; & tunc liberior vobis potero respondere. Multi jam nobis obloquuntur, quod ad misericordiam tendimus dissolutam: sed novit Altissimus quod ex fide procedimus, dantes aliquid, immo multum tempori & personis; nec est quod in hoc facto tantum nos terreat, quantum clamor illorum fidelium, qui in guerra ejusdem vel membris truncati sunt propriis, vel propinquos amiserunt in bello, vel carceribus macerati redemptiones importabiles subierunt: quibus quid responderi valeat ignoramus, & si tua discretio videat aliud quod in hac parte remedium, tam de hoc quam de aliis quæ ad negotii instructionem pertinent, nos cura reddere certiores. Datum Perusii v. Idus Julii anno 1.

## EPISTOLA XCI.

Dilecto filio Fratri Petro priori S. Pastoris Cisterciensis ordinis.

*Ut Philippum de Marerio à vinculo excommunicationis absolvat, eique crucem adversus Manfredum & Saracenos tribuat.*

Anno 1265

(a) CUM in conversione peccantium jocundemur, quorum nostri Salvatoris exemplo mortem non cupimus, sed salutem tuam discretionis committimus, per apostolica scripta mandantes, quatenus viri nobilis PHILIPPI DE (a) MARERIO recipias juramentum de parendo mandatis nostris, etiam à vinculo excommunicationis absolvens, confessione ejus audita, à peccatis quæ tibi confessus fuerit nihilominus absolvas eundem, & in omnium delictorum suorum remissionem & satisfactionem plenariam, salva tamen restitutione eorum in quibus est obligatus, crucem ei ex parte nostra propria manu tradas, quam contra MANFREDUM quondam principem Tarentinum, Saracenos Luceriæ, & alios fautores ejusdem facimus prædicari, & coram testibus fide dignis, qui celare sciant & velint quæ viderint, de his confici facias publi-

(a) Al. De Marecio. Al. De Mareno.  
(b) Al. De Morcio.

A cum instrumentum, & per fidelem nuncium id nobis mittere non postponas, & si tibi crediderit expedire quod ad presens publice crucem non ferat, mittat ad nos dilectum filium Martinum Judicem de Reate, per quem suam nobis explicet, & nos nostram per eum eidem explicabimus voluntatem. Datum Perusii v. Idus Julii anno 1.

## EPISTOLA XCII.

B Nobili viro P. de (b) Marerio Spiritum consilii sanioris.

(b)

*Ut spiritum sanctum sanctiora afflantem non extinguat.*

P ER dilectum filium Martinum Judicem de Reate de tuo proposito aliqua intelleximus, quæ nostrum animum magna lætitia perfuderunt. Quo circa hortandum te duximus & monendum, ut in te Dei spiritum non extinguas, sed bonum tibi divinitus inspiratum lætanter suscipiens, & fideliter promovens, ad ejus obsequium te inclines, cui melius servire non poteris, quam si nostris consiliis acquiescas, qui vicem ejus in terris gerimus, & sine acceptione qualibet personarum illos diligimus, qui eum diligunt, nec quicquam volumus, nisi quod ei credimus acceptum. Et si viam nostram securus fueris, non solum tuæ salutem animæ procurabis, sed & honorem stabilem status tui, & promotionem in melius, nobis dantibus opem & operam, fiducialiter poteris expectare. Datum Perusii iv. Idus Julii anno 1.

## EPISTOLA XCIII.

Dilecto filio (c) Guidino Adillano juveni duci Sueviæ, præposito Wislegrandæ.

(c)

*Ipsam ad se conveniendum invitat.*

C UM nostris fratribus sis ignotus, & ob multa quæ nosti, nostra sit tibi præsentia necessaria, expedire tibi non dubites, te sine moræ dispendio nostris ac fratrum oculis præsentari. Nec enim præcipitari te volumus, sed potius sic tibi consulere, ut animæ tuæ provideas, & domui possis disponere, & cum tua, si tibi placuerit, reverti ad propria libertate. Id tamen tibi credimus necessarium, ut duabus viis terram ingredi non disponas, ad rem certam alliges mentem tuam, & militiam illam (d) præcurras ad quam te Dominus quantum exterioribus liquet indiciis, multorum judicio præelegit. Datum Perusii &c.

(d)



(c) Al. Vvandillano juveni duci Sleviz. Al. Vv. Andillano juveni duci Sueviz. (d) Al. Præferas.

## EPISTOLA XCIV.

Dilectis filiis decanis & capellanis Ecclesiæ & provincie Remensis.

*Eorum querimoniis respondet.*

Anno 1265

**D**ilectum filium magistrum Petrum Ambianensis Ecclesiæ præcentorem, procuratorem vestrum, in nostra ac fratrum nostrorum præsentia constitutum, multa gravamina proponentem, quibus vehementer asseruit vos esse per sedem apostolicam oneratos, patienter audivimus, & intelleximus diligenter: quæ tamen sicut ab eodem fuerunt prudenter proposita non repetimus, cum satis ostendat responsio propositionis substantiam, licet in omnibus ejusdem ordinem non observet. Fatemur sanè Remensem ecclesiam & provinciam Romanæ Ecclesiæ non mediocriter caras esse, quin potius eas inter sibi carissimas reputasse, quas utique spectabilium excellentia prælatorum, ecclesiarum nobilitas & scientia (a) plurimorum, probata fides omnium, obsequiosa devotio singulorum, latitudo diocesum, temporalium eminentia principatum, diversorum emolumenta proventuum, sublimes dudum adeo demonstrarunt, ut ambigere nulli liceat, de rore coeli & terræ pinguedine eas ab olim & hodie benedictionem à Domino, vel ut loquamur verius, benedictionum pluvias meruisse. Unde sanctissima sedes ista, cui licet immeriti præsidemus, præventis à Domino tot benedictionibus filiabus carissimis non invidens, sed congaudens, se semper, prout decuit, eis exhibuit favorabilem, in suis necessitatibus eis astitit, eas congruis exaltavit honoribus, & suis privilegiis communiavit, Petri gladium in adversarios (b) eorum exercens, & tyrannorum rabiem ecclesiastica censura compescens. Hæc est sollicitudo pervigilantis nostræ, hæc affectionis sinceritas, hæc caritatis sunt verba, hæc viscera pietatis, hæc stillicidia gratiarum, quibus affluens mater ad filias, dum incessanter eisdem suæ ministerium exhibet servitutis, si spiritualia seminans, metit pro tempore spicas aliquas temporalium, quod plerumque magis indicit necessitas, quam voluntas; nec gravat, nec spoliatur, nec dici debet à sapientibus onerosa. Ut autem ad species descendamus, quis redemptus sanguine Salvatoris, & in sortem ejus assumptus sub characteris testimonio clericalis dicere debeat se gravatum, si juxta felicitis memoriæ prædecessoris nostri Papæ URBANI providentiam, centesimam suorum proventuum in subsidium conferat Terræ sanctæ, quam sua Dominus in carne veniens honoravit præsentia corporali, in qua evangelica verba, tamquam vitæ perennis semina publicavit, quam sui moriens aspersione cruoris voluit consecrare, quanta tamen hunc (c) levem articulum difficultas obsederit, quot excursus sunt habiti, quot recessus, quot consilia

**A**refricata, vos nostis, & nunc, quod dolentes referimus, probat exitus melius quam vellemus. Si autem Domino aliter complaceret, Dei non hominum provisum fuisset consilio, ut Terræ dictæ pararetur auxilium, cuius vicinum imminabat exitium, illi notum qui novit omnia antequam fiant, cui nec præterita transeunt, nec futura succedunt. Jam enim audisse vos credimus quæ nuper in ea contigit, stragem populi Christiani, subventiones castrorum, & hostilem potentiam, quæ solito acrius inardescens absorptis pluribus (d) non miratur, sperans quod totus populus noster transmarinus, quod absit, influat in os ejus. Additur tamen, & nobis objicitur: Si tolerabile videbatur, imponi clero centesimam, ex hac causa decima superveniens, quomodo non gravaret, cum levibus levibus superaddita conjunctim onerent, quæ gravitare non poterant sigillatim? Sed hæc quæstio facile solvetur, si rei gestæ tempus & ordo pensentur. Idem siquidem noster piæ memoriæ prædecessor Ecclesiæ sibi creditæ circumfluentes angustias & pressuras per dilectum filium nostrum S. titulo S. Cecilie presbyterum cardinalem legatum in Franciam destinatum, virum nobis utique non ignotum, nullaque ratione suspectum, probatæ conversationis & vitæ, multæque providentiæ ac industriæ familiariter nobis exposuit, viam etiam qua sibi consuli providebat per carissimi in Christo filii cardinalis ministerium, tunc minori dignitate fulgentis, nunc illustris regis Siciliæ, si tamen sibi daretur decima in subsidium expensarum, quarum immensitas necessaria ex conditione negotii poterat omnibus esse nota, nosque verbis ejusdem cardinalis auditis, sicut devoti filii nostris compatientes ærumnis, in dandam decimam in pleno consilio consentistis, vel aliis consentientibus tacuistis. Postquam tamen mortem nostri prædecessoris audistis, per errorem opinione concepta, quod ejusdem cardinalis legatio expirasset, ad appellationis inane præsidium convolastis. Jam quidem idem cardinalis in præsentia nostra, cum tunc essemus in Francia in minori officio constituti, dicto CAROLO nunc regi Siciliæ Romanam Ecclesiam obligaverat sub oculis solis hujus, & carissimi in Christo filii nostri L. regis Franciæ illustris, aliquorum etiam prælatorum, & idem CAROLUS periculis omnibus pro devotione Ecclesiæ liberaliter se exponens, se Romanæ Ecclesiæ obligaverat vice versa. Unde & nos ad officium apostolatus assumpti, luce clarius intuentes, quod (e) nullus poenitentiae locus erat, nec quæ providè facta fuerant, poterant sine magno status nostri discrimine & (f) læsione fidelium, & perpetuo hujus sedis opprobrio retractari, per nostras mandavimus litteras integrè solvi decimam, factis & faciendis appellationibus non obstantibus, cum nec aliud temporis & negotiorum conditio patèretur, latas autem sententias in rebelles, qui parere mallent humiliter quam perire, sine difficultate qualibet per car-

(a) *Al.* Personarum.  
(b) *Al.* Etigens earum.  
(c) *Al.* Brevem.

(d) *Al.* Nunc minatur.  
(e) *Al.* Nulli.  
(f) *Al.* Elusione.

Ludovici.

(e)

(f)

dinalem eundem volumus, & nunc volumus relaxari, & super irregularitatibus, si quæ forsitan ex hac causa contractæ fuerant, dispensari. Quod autem de multiplicatione conquerimini transeuntium legatorum, excusant casus inevitabiles, & necessitates diversæ, sæpius quàm vellemus, in diversis provinciis emergentes, quibus consulere nos oportet, cum simus omnibus debitores, nec possunt transvolare legati, qui per vos transeunt, vel ad partes vestras ex necessaria causa divertunt, cum tamen vobis non debeat esse oneri, præsertim transitus cardinalium, quorum vobis jocundus, ut credimus, est occursum, qui Ecclesiæ universali serviunt, & nobiscum super se positum orbem portant. De nobis autem dicimus confidenter, quod per vos transitum facientes, in nullius facie legimus, quod graves ei ad videndum essemus, & ut loquamur liberius (a) si vobis gravamen intulimus, non minus affligebatur inferens patiente, cum ibidem mora prolixior visa nobis tunc sterilis, mentem nostram acerrimè cruciaret. Ceterum procurationum onera quantum potuit hæc Ecclesia relevavit. Nam centesimæ collectores (b) archiepiscopum Tyrensem de centesima iussit vivere, & missorum attenuavit numerum nunciorum, & ut brevius concludamus filiorum pro viribus indemnitati consulens, quamvis sibi ab æmulis non parcat, parcat tamen universis & singulis, & devotis præcipuè quantum potest. Quocirca cum unum corpus in Christo, & invicem membra simus, membra quidem viva per gratiam, non emortua, non sit vobis onerosum, nec pigrum, compati patientibus, & indigentibus fratribus subvenire, nedum piissimæ matri vestræ, quæ inserviens pietati non quæstui, quæ Dei sunt quærit assidue, non quæ sua. Nos enim, ô filii prædilecti, licet ejus vicem geramus in terris, qui universorum est Dominus, cui nihil datur, aut redditur, nisi quod suum est, vestra spolia non inquirimus, nec vestris carnibus cupimus saturari, sed assumptum pro Deo negotium nec volumus interrompere, nec valemus. Urget enim nos Christi caritas, zelus fidei, salus populi christiani, & cum ad omnia vires nostræ sufficere nequeant, temporalem subventionem à membris accipimus, à quibus non compassionem majorem exigimus, quàm ad eos, prout novit scrutator cordium, habeamus. Datum Perusii III Idus Julii anno I.

## EPISTOLA XCV.

*Scriptum fuit juxta prædictam formam in provincia Lugdunensi, adjecto quod infra sequitur.*

Anno 1265 **S**olvite igitur in pace decimam, solvite pariter & centesimam, omni diffugio, omni exceptione, omni contradictione & appellatione sublati. Alioquin latas & ferendas sententias in rebelles, non ea qua jussimus facilitate

(a) *Al.* Si cui.

(b) Hic videtur aliquid deesse.

A dissolvi volumus, sed usque ad satisfactionem condignam cum debito rigore justitiæ inviolabiter observari præcipimus & mandamus: quod quidem à nobis petatum fuerat, ut certam aliquam pecuniæ quantitatem, vel pro tota provincia, vel pro diocesibus singulis recipere mandarem, exaudire nequivimus, cum ex hoc evidens dicto regi Siciliae præjudicium pararetur, cui jam totam decimam dudum mandavimus assignari. De hoc tamen cum cardinali agendum est vobis, qui ad id forsitan inducere poterit collectores.

## EPISTOLA XCVI.

Carissimo in Christo filio Carolo illustri regi Siciliae.

*Ut Manfredi Tiburtinae civitati insidianti occurrat.*

**G**Ravis & ex parte fidei (c) personæ insinuatione didicimus, quod quicquid MANFREDUS manifestus tuus & Ecclesiæ inimicus simul et sive fingat, ad hoc suam intentionem specialiter dirigit, & toto posse laborat, ut civitatem Tiburtinam obtineat, in qua dicuntur nonnulli existere proditores. Unde quia id in Ecclesiæ & tuum, nec non Campaniæ & maritimæ, omniumque fidelium circumadjacentium regionum gravissimum periculum redundaret, expedit omnino quod tanto discrimini cum festinantia occurratur. Tua igitur Excellentia super his, sublata qualibet mora provideat, quod persecutoris in hac parte totaliter elidatur, & evacuetur intentio, & civitas ipsa in tua & ejusdem ecclesiæ fidelitate, ac devotione stabiliter præservetur. Datum Perusii (d) III. Idus Julii anno I.

Anno 1265

(c)

(d)

## EPISTOLA XCVII.

Dilecto filio S. tituli Sancti Martini presbytero cardinali, ducatus Spoleti & Marchiæ Anconitanæ rectori, apostolicæ sedis legato.

*Ut sibi mittat clericum de Monte-santo & articulos adversum Firmanum episcopum.*

**S**uccedentibus prosperis congaudemus, maxime per quæ superbia deprimiur hostium, & corda fidelium roborantur, quod nuper accidit civitatis novæ perfidis per gentem tuam magnifice superatis. Sanè quia Firmanus episcopus (e) apud nos venit, ad cujus confusionem intendimus, quantum justitia patietur, discretionis tuæ per apostolica scripta mandamus, quatenus clericum ejus in Monte-santo detentum ad nostram mittas præsentiam. Quod si forte fieri nequit, per loca Firmanæ diocesis, quæ tibi obediunt, quære diligenter, & cautè cum religiosis & clericis quascumque litteras ejusdem

Anno 1265

(e)

(c) *Al.* Per insinuationem.

(d) *Al.* iv. Idus.

(d) *Al.* Ad nos venit.

episcopi

episcopi missas ad eos occasione quacumque A  
poteris invenire nobis transmittre, ut ex com-  
paratione ipsarum convincamus ejus menda-  
cium, invecundè negantis suam fuisse litteram  
proditoriam, quam dictus clericus defere-  
bat. Sed & articulos nobis mittas de diversis  
ejus malitiis, prodicionibus, sive dolis, super  
quibus eum interrogare possimus, & quas super  
eisdem probationes habeas indilate rescribas.  
Idem de Forosēproniano dicimus, licet contra  
ipsum plures articulos habeamus à Fratre M.  
&c. Datum Perusii 11. Idus Julii anno 1.

## EPISTOLA XCVIII.

Archiepiscopo Cusentino & episcopo  
Avinionensi.

*Ut in Urbe comprehendi curent Ecclesie & comiti  
Provinciae adversarios.*

Anno 1265 C Um nonnulli filii Belial tam clerici quàm  
laici sub habitibus diversis accedere dicantur  
ad Urbem, in ejusdem Urbis subversionem,  
ac personæ dilecti filii nobilis viri C. comitis  
Provinciae, senatoris Urbis, ejusque familiae no-  
cumentum; ne hujus iniquitatis ministri, præ-  
textu ordinis clericalis, quo damnablem abu-  
tuntur, judicium ultionis evadant; capiendi  
tales seu faciendi capi, cujuscumque conditio-  
nis, ordinis vel dignitatis extiterint, ac faciendi  
eosdem in arto carcere, sicut expedire vide-  
ritis, detineri, necnon officiales seu familiares  
ipsius comitis absolvendi hac vice juxta formam  
ecclesiae ab excommunicationis sententia, si  
quam pro injectione manuum violenta in cle-  
ricos, seu alias personas ecclesiasticas incurre-  
runt, vobis & utrique vestrum auctoritate præ-  
sentium concedimus facultatem. Datum Perusii  
11. Idus Julii anno 1.

## EPISTOLA XCIX.

Episcopo Aretino.

*Ut ecclesie hostibus nullam ferat auxilium.*

Anno 1265 C Um hostes Ecclesie contra fideles nostros  
& terram in gravi multitudine parent exer-  
citum, prout fertur, fraternitati tuæ per apo-  
stolica scripta præcipiendo mandamus, quatinus  
de Cortona & alia terra tua eisdem in armis  
vel victualibus, vel quibuscumque rebus aliis nul-  
lum impendi promittas auxilium vel favorem;  
cùm nedum ad ista, sed & ad resistendum eis-  
dem, & juvandos fideles eosdem, si se offerret  
opportunitas quam speramus, viriliter ac po-  
tenter intendere te velimus. Datum Perusii 11.  
Idus Julii anno 1.



*Theauri Anecd. Tom. II.*

## EPISTOLA C.

Dilecto filio M. sanctæ Mariæ in Porticu  
diacono cardinali, patrimonii B. Petri in  
Tuscia rectori, apostolicæ sedis legato.

*Ne procedat adversus Ortanos & Tudertinos.*

Anno 1265 C Um hostis erectis cornibus de die in diem  
Urbis partibus appropinquet, non expedit  
nostram turbare provinciam, nec causam præ-  
cipitii (a) verbis vel factis fidelibus ministrari. (a)  
Ecce Tudertini miserunt nuper Ortanis auxi-  
lium, pollicentes plenius fieri (b) cùm requi- (b)  
rerent. Narnienses & Spoletani, licet non mi-  
serint, obtulerunt, & ad id asserunt se paratos.  
Instat penes nos carissimus in Christo filius il-  
lustris rex Siciliae, ut omnes has exactiones con-  
quiescere faciamus. Quocirca imminentium  
contemplatione discriminum, & precibus ejus-  
dem regis inducti, discretionis tuæ per apo-  
stolica scripta mandamus, quatenus solum factum  
Cornetanorum prosequaris juxta traditam tibi  
formam, & cùm omni mansuetudine, non  
tamen penitus dissoluta, contra Ortanos &  
Tudertinos ulterius non procedas, donec aliud  
mandaverimus: nec enim in hoc pendulo diu  
potest persistere principale negotium, quod si  
processerit ut speramus, sine arcu & gladio cor-  
rigi poterunt corrigenda. Nec te moveat quod  
preces regis à tuis forsan æmulis procurantur;  
nam & sine his, idem tibi per omnia, sic se rebus  
habentibus, mandaremus. Datum Perusii xvii.  
calendas Augusti anno 1.

## EPISTOLA CI.

Dilecto filio S. tituli S. Martini presbytero  
cardinali, ducatus Spoleti & Marchiæ Ancho-  
nitane rectori, apostolicæ sedis legato.

*Ut bellum non inferat Urbinatibus.*

E Intelleximus, & non (c) mediocriter fuimus Anno 1265  
admirati, si tamen dictis veritas suffragatur, (c)  
quod Urbinatibus guerram paras; cùm tamen  
hoc tempore novæ guerræ non placeant, (d) & (d)  
in via, præcipuè tam expectatæ militiæ, quam  
his ad curiam venientibus & ab eadem redeun-  
tibus opportuna. Unde tuam discretionem hor-  
tamur, mandantes, quatenus, si ita est, mutato  
proposito convertas gladium in vaginam, ut  
detur aliquid tempori, & malignis subtrahatur  
F occasio gravius malignandi.



- (a) Al. Veris vel fictis.  
(b) Al. Si requirerent.  
(c) Al. Modicum.  
(d) Al. Et injuriæ.



## EPISTOLA CII.

(a) Dilectis filiis (a) potestati, capitaneo, & communi Urbinat.

*Quod pro ipsis scripserit cardinali S. Martini.*

ANNO 1165

**Q**uia ea de quibus scribitis ignoramus, dilecto filio nostro S. tituli S. Martini, &c. scribimus, ut si quid habeat adversum vos, id nobis scribere non postponat, à vestra interim molestatione desistens; discretionem vestram hortantes & monentes attentè, ac vobis per apostolica scripta mandantes, quatinus si eundem in aliquo offendistis, humiliter & benignè satisfaciatis eidem. Si quid autem erit ambiguum, nos postquam ad nostram fuerit perlatum notitiam, salubre, favente Domino, consilium apponemus.

## EPISTOLA CIII.

Dilecto filio M. sanctæ Mariæ in Porticu diacono cardinali, patrimonii B. Petri in Tuscia rectori, apostolicæ sedis legato.

(b) **M**etuimus quod tu & metuis, & quod æstimas suspicamur; & ideo regi scribimus, ut animositatis suæ progressum freno reprimat rationis, & dilectis filiis nostris cardinalibus in Urbe morantibus nostris damus litteris in mandatis, ut ad id eum inducant efficaciter, prout eis Dominus ministrabit. Excusamus apud eundem Urbe-vetanorum angustias, Tuscanensium paupertatem, Perusinarum obligationem ad Urbe-vetanos emissam, Viterbiensium (b) & aliorum tepidorum subterfugia, sicut possumus coloramus, & ex istis concludimus non mirandum, si de terra Ecclesia minus habet auxilii quàm speraret: quod quanto erit exilius, tanto te minus decet ad Urbem accedere cum eodem. Datum Perusii xv. calendas Augusti anno 1.

## EPISTOLA CIV.

Quinque Cardinalibus qui sunt in Urbe.

*Ne rex Carolus præcipiti impetu tam cito in hostes irruat.*

(c) **C**arissimi in Christo filii nostri C. regis Siciliae illustris magnanimum laudaremus propositum, si (c) prudente crederemus consilio solidatum. Sed in illa spiritualium enumeratione donorum, quam Propheta sapienter prosequitur, sex prima collocans per binarios, jungit consilio fortitudinem præmittens, dirigens ex se-

A quenti, ut alterius roborata suffragiis, nobilioribus honorentur effectibus, quæ societatis tam utilis emolumenta communicant invicem juventia, sic plerumque vacua remanent & inania separata. Ecce scripsit rex per Provinciam se in hostis occursum iturum, si contingat eundem (d) egredi fines regni. Quod si de vestro procedit assensu, miramur plurimum & dolemus simul, si vel nostra sententia nec requiritur, vel contemnitur requisita. Stupemus utique & confundimur, nec levi timore concutimur, dum prospicimus tantum negotium tanto exponi discrimini sine causa. Si enim nullum expectaret à partibus transmontanis subsidium, si intima adversarii cogeret, color se aliquis excusationis offerret. Sed jam magnam militiam Albam venisse didicimus, & adjectione continua venientium cumulari, & tanta gens nec ad modicum expectabitur, cum strenuus miles unicus per dies plurimos consueverit à quingentis militibus expectari? Demus regem cum suo exercitu proficisci, & illum adversarium ver Cellarum vel (e) Viconari fines attigisse cum suis bellatoribus, habet, ut fertur, locorum situs, ut pugnet si (f) voluerit, & si duxerit abstinendum, non est ad eum non sine magno periculo amissionis accessus. Si ergo standum est regi nostro, quis in solitudine tantam poterit multitudinem panibus saturare? Quis populum continere Romanum? Quin potius, vel paucis ad reditum acclamantibus, dictum facile multitudo sequitur, & puniri non poterit contumacia, & contemtum non parere impunita. Demum quæ verecundia regi nostro, si non exit ad hostem, Urbis planitiem non (g) intrantem, cum hoc fixum sit apud omnes, quod ad solam ostentationem accedit, & ut regem provocet ad egressum potius quàm congressum. Hoc enim magnum esset in ejus oculis, si videret à rege nostro in campis supervacue fatigari Romanos: tunc enim sua dimissa militia, ad suas rediret de more solito voluptates. Quo circa discretionem vestram (h) rogandam duximus & hortandam per apostolica vobis scripta mandantes, quatinus diligentius attendentes pondus negotii & sequelam, cum eodem rege, cui super his scribimus, collatione habita, eum moneatis & efficaciter inducatis, ne se ipsum præcipitet, & nos & universalem Ecclesiam huic exponat discrimini, sed saniore fretus consilio superveniens expectans auxilium, suam patiatur audaciam freno prudentiæ interim cohiberi. Datum Perusii xv. calendas Augusti anno 1.



(a) Al. Duranti capitaneo.  
(b) Al. Et similia.  
(c) Al. Prudentiæ.  
(d) Al. Aggredi.

(e) Al. Viconari.  
(f) Al. Solverit.  
(g) Al. Intrando.  
(h) Al. Monendam.

## EPISTOLA CV.

Illustri regi Franciæ.

*Hortatur ut fratri suo regi Siciliæ subsidia conferat.*

ANNO 1165

**A**D serenitatis tuæ notitiam pertulit jam saltem fama celerior, qualiter Carissimus in Christo filius noster CAROLUS Siciliæ rex illustris germanus tuus volens, quod indicit sibi radicata sui generis bonitas, & laudabilis in eo nutritura confirmat, Romanis quidem se certo tempore venturum, ad eorum regimen personaliter assumendum, sub jurisjurandi religione promiserat servare promissum, ac desiderans tamquam benedictionis filius Ecclesiæ occurrere dispendiis contra inimicos ipsius, qui pro libito in ejus patrimonium grassabantur; nec hostis horrens insidias, nec vitans pericula maris (a) imminetia, sed sub Dei fiducia, & innatæ virtutis audacia, incerto se ventorum committens imperio, Romam sine pecunia & equis, cum decenti tamen comitiva pervenit. Verum sicut Pharaon contemptus surgit in scandalum, sic perditionis (b) nutricius, & iniquitatis alumnus MANFREDUS, quondam princeps Tarentinus, videns ipsius adventum, & prævidens exinde se præcipitio proximum, & debitæ ruinæ vicinum, ex eo spiritu nimis temerariæ præsumptionis assumpto, quod idem rex suum præmissis ex causis iter accelerans venerat, equis, ut præmittitur; & pecunia immunitus, quodque militiæ regis ejusdem per eundem M. variis impedimentis oppositis, via non patet, nisi forsitan in magna multitudine veniat, tunc præsertim cum auxilio Mediolanensium facile transitura, vires suas conflavit in unum, fatagens præfatum regem, vel per repulsæ opprobrium, vel per conclusionis dispendium confundere in sinu Ecclesiæ matris suæ, ac ipsam Ecclesiam in eodem. Ecce, fili, satis clamat ad te facti istius qualitas, satis etiam fratris caritas interpellat. Amanti enim sufficit nunciare, sufficit ut noveris, tu, qui quos debes amare non deferis. Sufficit, ut firmiter credimus, immo pro certo supponimus, matri tam pio filio suas necessitates exponere. Sufficit fratri apud fratrem gerentem nihilominus erga se patris affectum talibus interpellare precibus, & ipsum ad succursus accelerandi remedium taliter provocare. Accendatur itaque zelus filii, fratris, & patris, nec in tanta necessitate affectio sic accumulata deficiat matri, filio, & germano: ad quod & nos ex intimo mentis affectu, quas possumus deprecatorias persuasiones & preces adjicimus, pietatem regiam monentes, hortantes, & obsecrantes in Domino JESU-CHRISTO, ac in remissione tibi peccaminum suadentes, quatinus prædicta, pia qua decet meditatione, considerans, memorato regi compatiaris, & nobis, ad subventionem ipsius & nostram modis, quos ad hoc utiles & efficaces fore putaveris, dexteram potentiæ regalis extendens. Et cum par-

(a) Al. Innumera. (b) Al. Nuncius.  
*Theauri Anecd. Tom. II.*

**A**tticularis solutio decimæ in subsidium negotii, quod regi eidem imminet, deputatæ prosecutioni negotii ejusdem accelerationem omnino-dam exigentis, omnino non congruat; sed multiplicandarum expensarum discrimina, & alia graviora pericula, quæ avertat Dominus comminentur; placeat excellentiæ regiæ usque ad vires ipsius decimæ, quæ tuam non possunt latere notitiam, mutuam præfato regi concedere, integre ac sine damno aliquo ex ipsa decima rehabendum, sicque piæ matris & cari fratris ac filii necessitati succurrendo, quasi in extremis necessitatibus & periculis occurrendo, non tam memorato regi & nobis, quàm illi præcipue scenerare pecuniam, à quo sperare debes te infallibilis promissionis centuplum, & æternæ vitæ possessionem, inæstimabile quidem interusurium recepturum. Datum Perusii xv. calendas Augusti anno 1.

## EPISTOLA CVI.

Dilecto filio (c) O. S. Adriani diacono (c)  
cardinali apostolicæ sedis legato.*Ut nullos pacis tractatus in Anglia admittat.*

**B**enedictus Deus, qui vertiginis spiritum miscuit inter Anglicos, viam tibi præparans, quæ multis difficilis videbatur. Sic sic, fili, operatur Altissimus, sic de sui profunditate judicii negotia suscitans præfocata, superbos dejicit, erigit humiles in sublime, qui revelat profunda de tenebris, & abscondita producit in lucem. Ecce nunc tempus acceptabile, ut perditionis filius reveletur, non ad premendos populos, ut hactenus; sed ad suæ prodicionis supplicia sustinenda. Curre igitur, fili carissime, propera quantum poteris, nec te nimis teneat soli natalis alleciva dilectio: tempus enim sine recuperatione prætervolat, & interdum hora plus die, & plus anno dies efficere consuevit. Cave verò cum veneris ne dolosis tractatibus, sub prætextu mansuetudinis indiscretè falsæ pacis tractatus admittas, cum nulla Deo placere possit vel nobis, nisi dictus vir pestilens cum tota sua progenie de regno Angliæ evelatur, & angeli satanæ digna factis recipiant, salva misericordia moderata. Statum tuum & commissi tibi negotii sæpe scribere non postponas. Benedicat te Deus, & dirigat iter tuum. MANFREDUS cum suo exercitu Saracenorum & aliorum infidelium venit Cellas, & si Urbem appropinquavit, quod non creditur, timemus de congressu cum carissimo in Christo filio rege nostro, qui in hoc animosior quàm vellemus, nulla potest ratione compesci. Datum Perusii xiv. calendas Augusti anno 1.



(c) Ottobono.

## EPISTOLA CVII.

Dilecto filio J. sancti Nicolai in carcere Tulliano diacono cardinali apostolicæ sedis legato.

*Ne se committat itineri nisi sanitate restituta.*

Anno 1265

**Q**ui tuas nobis litteras præsentavit, nostrum exhilaravit animum, cum te fratresque tuos jam venisse Viterbium nunciavit. Quia tamen apertis litteris intelleximus quamdam te pati (a) discratiam, quæ tui continuationis itineris interrumpat, compassi fuimus patienti, & maluimus te ibidem usque ad plenam convalescentiam moram trahere, quàm cum aliquo tuæ sanitatis discrimine ad nostram præsentiam propere. Expecta igitur, fili carissime, beneficium sanitatis ibidem, quam divinæ benedictionis, & nostræ munere, absentes corpore, præsentem spiritu subarramus, missuri medicos quos volueris, si eorum consiliis posse te credas citius liberari. Datum Perusii xi. calendas Augusti anno primo.

## EPISTOLA CVIII.

Archiepiscopo Narbonensi.

*Conqueritur de ejus in coepiscopos sententiis.*

Anno 1265

**A** nostra non excidit, nec à tua credimus excidisse memoria, quanta te monuerimus diligentia, inter promotionis tuæ initia, cum tunc minori officio fungeremur, omnia agere cum consilio, nihil ex levitate decernere, & ante mentis oculos illud sæpe revolvere, quòd inter munda animalia nullum recipitur nisi ruminet, & findat ungulam: quorum alterum ad deliberationis maturitatem, alterum ad discretionis vigorem noscitur pertinere. Sanè tu, prout dicitur, quod & dolentes accepimus, sic sententias tuas præcipitas, quod nec cum laicis pacem habeas, nec cum fratribus & coepiscopis tuis, quam habere te convenit, unitatem. Quorum aliquibus, si semper tibi non respondent ad votum, cum urgeat ad oppositum conscientia, impropere diceris, quod in nobis suam ponunt fiduciam, nec alium Deum habent. Nos verò non credimus in tuum prejudicium verbis istis. Si tamen vera sint, malè utique in ore tuo sonare poterant, cum nullus in nobis idolatret, nec Deum nos reputet, quamquam Dei vicarium possit dicere confider, quod nemini ad injuriam debes obijcere, sed noster in sede Narbonensis Ecclesiæ immediatus successor, tibi plus ceteris ad honorem & gloriam vindicare. Verum inter cetera mirati fuimus, quod venerabilem fratrem nostrum Tolosanum episcopum, de felicis recordationis prædecessoris nostri mandato à tuis & aliorum sententiis absolutum, cum in tuam provinciam rediisset, nec citatum, nec monitum, ex causis ex quibus eum antea excommunicaveras, innodare denuo attentasti contra

(a) Discrasia est intemperies.

**A** multorum consilia sapientium, quamvis apostolicæ sedi, cui singulariter subes, ut nosti, & nobis, qui immerito præsidemus eidem, deferre merito debuisses: propter quod ad nos redeuntem eundem oportuit iterum absolvere ad cautelam, multis mirantibus, quòd hoc attentare volueris, juris ordine non servato. Quocirca fraternitatem tuam rogandam duximus & hortandam, per apostolica tibi scripta mandantes, quatinus diligenter attendens & suscepti gravitatem officii, & ecclesiæ quam gubernas honorem, necnon & provinciæ statum quæ abundat in sapientibus, qui satis discernunt facile, quid sit inter dextram & sinistram, sic facta tua ponderes, sic verba dispenfes, ut tuum honorificetur ministerium, & in tuis legatur actibus quicquid decet pontificem, quicquid convenit sapienti, nec enim cujusquam insolentiam contra te mittere disponimus, sed omnes tibi subditos tibi volumus reverentiam plenam & debitam exhibere, contra illos, qui tibi contumaciter resisterent, nostra semper fulcire parati, quam habes jure ordinario potestatem. Datum Perusii xi. calendas augusti anno 1.

## EPISTOLA CIX.

Simoni cardinali apostolicæ sedis legato.

*Ut 2932. libras mercatoribus solvat ex decima collecta.*

**C**LEMENS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Olim dilecti filii Teghia Jacobi de scala Florentina & Franciscus Guidi Senenses cives & mercatores dilecto filio Dionysio de Asartiis clerico, ac nobilibus viris Jacobo Gantelmi vicario Urbis, & Jordano de Turnutio procuratoribus dilecti filii nobilis viri CAROLI senatoris Urbis, Andegaviæ & Provinciæ comitis, habentibus ab ipso de mutuo contrahendo mandatum, prout in litteris ipsius comitis super hoc confectis evidenter apparet, mille trecentas & triginta duas libras Turonenses liberaliter mutuarunt, prout in instrumento publico inde confecto plenius continetur. Postmodum verò dilectus filius noster R. S. Angeli diaconus cardinalis suo proprio nomine duo millia librarum Provinensium senatus valentia mille sexcentas libras Turonenses pro negotiis præfati comitis recipiens mutuo à mercatoribus supradictis, ea eidem Dionysio ad opus ipsius comitis assignavit. Sane idem comes cupiens de hujusmodi pecuniarum summis prænominatis mercatoribus satisfactionem plenariam exhiberi, obligandi propter hoc mercatoribus ipsis decimam proventuum ecclesiasticorum sibi in regno Franciæ, ac quibusdam aliis certis terris & locis pro negotio regni Siciliæ ab apostolica sede concessam, eidem Dionysio liberam tribuit per suas litteras potestatem. Idem verò Dionysius in dilecti filii P. Camerarii nostri præsentia constitutus, teneri eundem comitem memoratis

Anno 1265

mercatoribus in duobus millibus nongentis & triginta duabus libris Turonensibus recognoscens, ipsius comitis nomine promisit eisdem se ipsis prædicta duo millia nongentas & triginta duas libras usque ad festum B. Michaëlis proximo futurum Parisius soluturum, prout in instrumento publico super hoc confecto plenius continetur. Nos itaque ad supplicationem dicti comitis nunc Siciliæ regis illustris, discretionis tuæ per apostolica scripta mandamus, quatinus Thomasio Spiglato, Facio Juncte, Maineto Spine, Hugoni Jacobi sociis prædictorum mercatorum de præfatis duobus millibus nongentis & triginta duabus libris loco & termino constitutis ex prædicta decima satisfacere non postponas, & postmodum prædictas litteras & instrumentum confectum super mutuo contracto per clericum & nobiles prædictos tibi restitui faciens, de prædictis duobus millibus nongentis & triginta duabus libris nomine cardinalis & comitis prædictorum, cum instrumentum præfatum confectum super recognitione hujusmodi, quod propter viarum pericula securè non poterat ad partes illas deferri, penes prædictum camerarium remanserit, refutationem recipias sicut decet. Quicquid autem super præmissis duxeris faciendum nobis per tuas litteras harum seriem continentes studeas fideliter intimare. Datum Perusii x. calendas Augusti Pontificatus nostri anno i.

## EPISTOLA CX.

Venerabilibus fratribus patriarchæ Jerosolymitano, archiepiscopis & episcopis, & dilectis filiis hospitalis S. Johannis & domus militiæ Templi Jerosolymitani magistris, nec non & nobilibus viris Gaufrido de Sarginis, & aliis universis baronibus regni Jerosolymitani.

*Eorum erigit animos, promittitque auxilium ex parte regis Franciæ, & Marchionis Brandeburgensis.*

Anno 1265

(a) (b) Q Uod permittente Domino iniquitatis filius post obtentam Cæsaream & (a) everfam obtinuit nihilominus Azotum, (b) captivatis ex Dei populo pluribus, & non paucis, ut fertur, occisis, prout per litteras vestras recepimus, nostrum & fratrum nostrorum animos ineffabili mœrore perfudit, cum stragem populi christiani nec audire sine cordis amaritudine, nec auditam recolere sine cordis tristitia valeamus. Sane quia, non sufficit in tantæ necessitatis (c) articulis, lacrymis indulgere, quæ quamvis divinam impetrent indulgentiam, à propriis tamen viribus exercendis hominem non excusant, manum illico misimus ad remedia, illustrem regem filium nostrum in Christo carissimum & alios barones Franciæ, prout decuit, excitantes ad vestrum, immo potius Crucifixi subsidium,

(a) Codex Trecentis legit *Aversam*, quæ urbs est Campaniæ non Palæstinæ.

A & nunc ad dilectum filium O. Marchionem Brandeburgensem mittimus, cui dudum Dominus inspiravit, ut ad idem opus viriliter se accingat, ad quod efficaciter animamus eundem, & tam pium ejus propositum hætenus occultatum, pro cujus prosecutione aperta suum nuper ad nos miserat nuncium specialem, per nostra salubria monita promovemus, confidentes in nostri misericordia Redemptoris, quod in brevi videbitis ejus auxilium opportunum. Tu ergo, frater & vos carissimi filii, viriliter agite, nec dejiciantur animi, nec concidant vultus vestri. Nec enim abbreviata est manus Domini, ut salvare vos nequeat; nec auris ejus, ut non audiat, aggravata, nec vos terreat, si seditiones & prælia audieritis cismarina. Quamvis enim universis & singulis nos oporteat respondere; cordi tamen nostro ab olim infixum negotium transmarinum nulli alii potest cedere, sed suum sibi vindicans privilegium apud nos inter alia semper præcipuum judicatur. Datum Perusii viii. calendas Augusti anno. i.

## EPISTOLA CXI.

Illustri regi Armeniæ.

*Commendat ipsi ordinem S. Johannis Jerosolymitani.*

Q Uanto te Dominus in populo Christiano amplioris regni folio voluit honorare, tanto erectum altius obligavit ad sui cultum nominis dilatandum, & inimicos fidei Christianæ pervigilis curæ studio deprimendos. Nosti sanè, fili carissime, quod cum multa cordis amaritudine nuper accepimus, quàm (d) insolenter irruens in christicolæ ille proditor, qui Soldanus Ægypti dicitur, Cæsaream violenter obtinuit & Azotum, effuso sanguine Christi militum, & nonnullis ex eis, quod est multis morte lugubrius, captivatis, propter quod inter damna communia Terræ sanctæ, specialiter Hospitaliorum S. Johannis gravius ceteris, ut audivimus, ordo percussus, magnam vel maximam conventus sui partem amisit, licet amissi dici non debeant, qui pro suæ fragilitatis modulo Crucifixo debitum reddentes obsequium, suæ biberunt calicem passionis. Verùm cum tu speciali, ut credimus, affectione dilexeris ordinem memoratum, quod in diversis casibus reipsa diceris comprobasse, Serenitatem tuam hortandam duximus & rogandam, quatinus fratribus ejusdem ordinis, in tot & tantis angustis constitutis, cum ab eis super hoc fueris requisitus, assistas efficacius consilio & auxilio opportunis; & licet pro eisdem specialiter te rogemus, nihilominus & pro omnibus te rogamus, qui in terra prædicta invocant nomen Christi: in remissione peccaminum suadentes, ut sic ad ipsos te habeas, ut dolere videaris injurias Crucifixi, & fraternæ caritatis illos

(b) *Al.* Captivatis.  
(d) *Al.* Insolenter.

(c) *Al.* Actibus.

L iiij

jungi consortio, à quibus in catholicæ professione fidei non discordas. Datum Perusii vii. calendas Augusti anno primo.

A apostolicam finis negotio imponatur. Datum Perusii vi. calendas Augusti anno i.

## EPISTOLA CXII.

Dilecto filio abbati & capitulo generali Cisterciensi.

*Ut auctoritate sua corrigat quæ in professione fratrum de Calatrava sunt emendanda.*

Anno 1265

**C**onquerente dilecto filio fratre JACOBO pro se & aliis ordinis Calatravæ clericis, nuper accepimus, quod licet olim pro statu ejusdem ordinis à felicis recordationis INNOCENTIO papa iv. prædecessore nostro inter cetera fuerit ordinatum, quod clerici ejusdem ordinis clericum priorem habeant sui ordinis, in cujus manu professionem faciant regularem, quod magistri tamen laici ejusdem ordinis clericorum professionem recipiunt eorumdem, nec sustinent quod habeant priorem clericum, quamvis dilectus filius abbas Morimundi vestri ordinis ad domum Calatravam tres miserit monachos, unum priorem instituens, alium subpriorem, tertium socium eorumdem, quorum nullus professionem eorum recipit clericorum, nec ad recipiendum debet idoneus judicari, cum non sint eorum ordinis, immo ab eisdem tam habitu quàm variis observantiis distinguantur. Unde cum dictus magistrorum abusus in recipiendis professionibus clericorum, non solum ordinationi obviet supradictæ, quin etiam ordinis clericalis multum detrahat honestati, petiit suo & aliorum clericorum ordinis ejusdem nomine, super his sibi per sedem apostolicam paterna sollicitudine provideri. Nos igitur attendentes, quod prout & idem frater J. ore proprio est confessus, & ejusdem prædecessoris nostri exprimit ordinatio, ordo dictus Calatravensis monasterio Morimundi vestri ordinis sub certa forma noscitur esse subjectus, licet à vobis tam habitu quam certis observantiis discernantur, eundem fratrem ad vestræ discretionis providentiam duximus transmittendum, discretioni vestræ per apostolica scripta præcipiendo mandantes, quatenus quæ in eis contra sedis apostolicæ privilegia temere inveneritis attentata, tam vestra auctoritate, quàm nostra, de plano, & sine figura judicii in statum debitum reducentes, sic super his tam plene quàm celeriter (a) paci dictorum clericorum providere curetis, ut ipso vel aliis ad nos ex causa simili venientibus, iteratò committi non oporteat aliis extra ordinem, quod per vos maluimus salubriter & utiliter terminari, attentius provisuri, ne eundem fratrem impediatis in aliquo, vel per alium vestri vel sui ordinis impediri sinatis, quominus hujus prosecutioni negotii, quod laudabili cœptum videtur proposito, liberè ac licenter intendat, donec per vos, ut diximus, vel vobis negligentibus per sedem

(a) Al. Parti.

(b) Al. Terrenis.

## EPISTOLA CXIII.

Dilecto filio nobili viro G. Marchioni Montis-ferrati.

*Scribit non posse ei petitum conferre subsidium.*

**E**tsi pia mater Ecclesia suis congaudeat filiis, qui malorum nolentes inquinari contagiis, in suis regionibus fovant justitiam, pacemque defendunt, & personas ecclesiasticas reverentur, non tamen potest omnium onera temporaliter supportare, quamquam spiritali gladio malos coerceat ad justorum præsidium & quietem. Quod si sumtus in bellis (b) legitimis teneretur Ecclesia ministrare suæ sibi nequaquam sufficerent facultates, cum requirant expensas innumerabiles Hispania, Constantinopolis, Terra sancta, Prussia, Livonia, & multæ aliæ regiones, in quibus fidelium cum infidelibus fere continuus est conflictus. Ideoque mirari non debet tua, fili dilecte, nobilitas, si guerras Lombardiæ nostris humeris non imponimus. Nam imperii onera, ad quæ vix sufficit ipse imperator, ferre nulla ratione possemus, & præsertim hoc tempore, quo ea premimur paupertate, ut ipsis quotidianis & domesticis sumtibus minus plene respondere possimus. Cum igitur inquietemur in patrimonio & in marchia ab hostibus nostris continuo, & fere totus sit orbis sub gladio, postulatum à te subsidium in militia vel pecunia tibi dare nos possumus, quod pro nostris necessitatibus non habemus, quod & tibi per dilectum filium abbatem Fructuarianensem dudum præcepimus intimari. Non ergo ascribas injuriæ, si non facimus quod ex aliquo iuris vinculo facere non tenemur; nec contentui imputes, si ad gratiam non procedimus, ad quam nostra se his temporibus possibilitas non extendit. Datum Perusii (c) iii. calendas Augusti anno i. (d)

## EPISTOLA CXIV.

Dilectis & fidelibus nostris Potestati, consilio, & communi Radicofanensi.

*Promittit eis auxilium.*

**A**ntiquæ fidei, quæ in progenitoribus vestris viguit, & per generationes singulas ad vos usque hereditario jure pervenit, semper memores, prout planè confidimus, perseverabitis in eadem, nec timere debetis millia populi circumdantis, cujus Dominus (d) dentes conteret, & in brevi potentiam enervabit. Viriliter igitur agite, & defenso murorum vestrorum ambitu, de rebus exterioribus non curetis. Indemnitati enim vestræ providebitur de bonis,

(c) Al. 11. Calendas.

(d) Al. Gentes.

Anno 1269

(d)



dante Domino, Senensium perfidorum. Nos autem ad vestrum auxilium opem & operam dabimus efficacem, & celerem toto posse. Datum Perusii II. calendas Augusti anno I.

## EPISTOLA CXV.

Dilecto filio M. sanctæ Mariæ in Porticu diacono cardinali, patrimonii B. Petri in Tuscia rectori, apostolicæ sedis legato.

*Commendat ei Radicofanenses.*

Anno 1265

(\*)

**E** Julantibus coram nobis nuper nuntiis Radicofanensibus pro subsidio sibi dando, cum victualia sibi deesse clamarent, quingentas libras Perusinae monetæ fecimus eis dari, dicentibus quod hostium non timebant adventum, si quinquaginta ballistarii adderentur eisdem ultra numerum quem decreveras destinandum. Nunc autem ad nos clamitant (\*) iterato dicentes, quod ab hostibus sunt obfessi, & centum indigent ballistariis, & fortè super hoc alios nuncios ad te destinarunt. Cum igitur tu, qui patrimonium nostrum regis, conditiones ejus melius scire possis, discretioni tuæ per apostolica scripta mandamus, quatinus quicquid auxilii & consilii impendere eis poteris, necessitati potius consulens, quàm clamori respondens, ministrare nec differas, nec postponas, ne tam nobilis thesaurus Ecclesiæ negligi videatur, cum sit longè majoris prudentiæ, dudum acquisita defendere, quàm nova quærere, vel acquirere; & injurias præsentis repellere, quàm præteritis vindicare. Datum Perusii II. calendas Augusti anno. I.

## EPISTOLA CXVI.

Regi Sicilia illustri.

*Monet subsidium ei ferre non posse, & ut ad regem Franciæ recurrat.*

Anno 1265

(\*)

(c)

(d)

**F** Requens nos & assidua sollicitudo perturbat, qua non leviter angimur, dum communis statum negotii mente volvimus & revolvimus, imminetia videmus pericula, nec prompta possumus invenire remedia, dum è vicino non suppetit possibilitas, & à remotis ingeritur difficultas. Illud quidem scire te volumus, quod ex animo laboravimus & continuè laboramus ad omnia quæ & vires valeant hostiles reprimere, & tuis adjicere cupitum incrementum; & qui aliter de nobis judicant, aut tamquam cæci palpitant imperitia, aut tamquam (b) filii diaboli ex conflata malitia mentiuntur. Non sunt hoc tempore sub latibulo vires nostræ, fideles non obediunt, licet (c) quidam debitum verbalis devotionis exsolvant, argumentum (d) circumvolant inimici, & multa credunt se facere, si ad aliud non porrigunt

(\*) Al. In taretto.  
(c) Al. Quoddam.

(b) Duo codices legunt. Dii diaboli.

**A** manus suas. Si quid tamen in eos statuere volumus ex imperio, terga vertere verbis duplicibus comminantur. Thesaurus apud nos nullus latet, nec nos eum multiplicare proponimus, illis modis quibus multi homines vellent. Vide partes orbis concussas, & scire poteris causas inopiæ. Anglia adversatur, Almannia vix obedit, Francia gemit & queritur, Hispania sibi non sufficit, Italia non subvenit, sed emungit, & unde potest Romanus Pontifex, si Deum timet vel reveretur homines, sibi vel aliis in militia vel pecunia subvenire? Hæc fuit ratio, fili carissime, quare fuit ad decimam laboratum, ut per alium hæc sedes faceret, quod per se facere non valebat. Quamvis noster piæ memoriæ prædecessor, tunc habens multa reposita, quæ in hæc tempora forsitan reservabat, coactus fuerit ante tempus universa consumere, quod dolentes referimus, sine fructu. Quocirca quia & tuam necessitatem audimus, & nostrum non possumus non sentire defectum, expectatione frustrati, quam de Franciæ partibus habebamus, venerabilem fratrem nostrum Avinionensem episcopum ad te mittimus cum litteris, quas dilectus filius noster S. Tituli sanctæ Cecilie presbyter cardinalis nudius-tertius nobis misit, per quas & si multum videatur ei & aliis provisum negotium de quo agitur, nobis videtur contrarium, salvo consilio meliori. Voluimus sane quod per dilectum filium nostrum J. S. Nicolai in carcere Tulliano diaconum cardinalem transitum faceret idem episcopus, & audito ejus consilio, dilectorum filiorum nostrorum A. basilicæ XII. apostolorum presbyteri, & R. S. Angeli diaconi cardinalis tecum audiret consilia. Nec enim omnibus communicare volumus, quia non omnium unus est animus, & defectuum publicatio posset parere detrimentum. Quod si nostrum requiris consilium, licet nunquam in negotio aliquo major perplexitas nobis occurrerit; scribimus tamen nihilominus quod sentimus. Si procedit ordinatio quam littera continet cardinalis, nihil tibi exercitus proderit, si non habes, & interim negotium prosequeris, unde te & tuos valeas sustentare. Unde si ad utrumque non poterit cardinalis sufficere, scilicet ad stipendiandum exercitum, & suis sumtibus providendum, longe fuisset melius mitti pecuniam & exercitum in suis venturum sumtibus expectari, quam accelerationem ejusdem ea pecunia emere, quæ tibi pro expensis illorum quos habes & de terra tua expectas debuit destinari.

**E** Necessarium igitur judicamus quod personas discretas duas mittas festinanter in Franciam ad carissimos in Christo filios nostros regem & comitem fratres tuos, nostrumque legatum, quæ defectus tuos & nostros exponant diligenter eisdem, ut quicquid sit de exercitu, quem sine pecunia nequis aliquatenus expectare, pecunia tibi sufficiens destinetur; & exprimas necessariam tibi summam. Nosque per easdem vel alias scribemus eisdem, ut te omnibus modis juvent, sperantes firmissimè, quod licet, prout

(d) Al. Auris circumvolat inimici. Al. Aurum circumvolat inimici.

ab eodem accepimus cardinali, nostræ super hoc apud regem litteræ non profecerint, tamen ubi tuas angustias intellexerit, non poterit ejus pectus adeo fore saxeum, quin & fraterna caritas & necessitas imminens eum moveat ad tuæ subsidium indigentia in hoc casu. Consulimus nihilominus, quod tu interim, si qua habes mobilia in Provincia, vel illa vendas, necnon & tuos redditus ad annos aliquos des ad firmam, ut sic per omnem viam tibi consulas, & de contingentibus nihil omittas. Et si queritur quid nos subsidii impendamus, jam respondimus quod non possumus, & si fortuna nobis pinguior arderet, adjectis viribus voluntas libera non deesset. Super mutuo de quo tractas, & ecclesiarum possessionibus obligandis, fratres, licet bis contradixerint, consulimus iterato, & dilectum filium Meldensem archidiaconum retinuimus pro finali reportando responso. Ceterum scripsit nobis secretissimè legatus Franciæ, & id ipsum tibi scripsisse commemorat, motum contra te carissimi in Christo filii nostri illustris regis Franciæ fratris tui. Tu ergo considerans quid possit parere hic conceptus, da operam totis viribus ad (a) pacandum ipsius animum, quod qualiter fieri posse credamus sine prejudicio juris tui, eidem Avenionensi episcopo duximus exprimendum, quamquam super omnibus supradictis tuam nobis non differas scribere voluntatem. Datum Perusii calendis Augusti anno 1.

## EPISTOLA CXVII.

Archiepiscopo Cusentino.

*Facultatem ei tribuit absolvendi ab excommunicatione redeuntes ad Ecclesiæ gremium, &c.*

Anno 1265

**E**Xcommunicatis pro auxilio vel favore M. quondam principis Tarentini ad Ecclesiæ reverti volentibus unitatem, cujuscunque nationis vel conditionis existant, nec non & illis qui in comitiva sunt vel erunt carissimi in Christo filii nostri C. regis Siciliæ illustris, qui pro violenta manuum injectione in clericos religiosasque personas in canonem latæ sententiæ inciderunt, absolutionis beneficium impendendi juxta formam quam tibi tradidimus, pro Romanis, dum tamen hujusmodi manuum injectorum excessus non fuerint adeo difficiles & enormes, quod iidem injuriatores ad sedem apostolicam sint necessario destinandi, liberam tibi concedimus auctoritate præsentium facultatem, ita tamen quod pro qualitate personarum liceat tibi de solemnitate dictæ Ecclesiæ formam detrahare, juramenti substantia non mutata. In civibus tamen Romanis nihil volumus de forma prætermitti. Datum Perusii calendis Augusti anno 1.



(a) Al. Pacandum.

(b) Al. S. Georgii.

## EPISTOLA CXVIII.

Cardinalibus qui sunt in Urbe.

*De obligandis ecclesiarum Urbis possessionibus ad ferendum regi Siciliæ auxilium.*

**P**ost recessum venerabilis fratris nostri Avenionensis episcopi quem ad carissimum in Christo filium nostrum C. illustrem regem Siciliæ præmisimus, consilium cum fratribus nostris ac vestris habuimus super Ecclesiarum Urbis possessionibus obligandis pro mutuo, quod sic & non aliter rex prædictus in Urbe poterat invenire, & ut ad finem consilii veniamus, non sine cordis amaritudine concesserunt, quod scimus & firmiter credimus, quod dictum mutuum infra terminum quo de decima solvi possit, obligemus pro rege usque ad centum millia librarum proventus & ecclesiarum possessiones, exceptis Ecclesiis Lateranensi, & S. Petri, & ecclesiis cardinalium, & manualibus eorumdem, & ecclesia (b) S. Gregorii, & hospitalibus: sed & in possessionibus ecclesiarum aliarum quas obligari permittunt, castra earum non intelligunt nec ipsas ecclesias, nec domos, in quibus eorum habitant servitores. Expresse etiam caveatur, quod possessiones hac occasione hujus mutui obligandæ, pro nullo alio debito possint à creditoribus retineri, sive ab ipso comite, sive à Romana ecclesia aliquid aliud debeat eisdem, immo soluto hoc debito præcise & absque omni dilatione & diffugio ipsi creditores eas reddere teneantur, & sit licitum ipsis ecclesiis seu earum oeconomicis auctoritate propria possessionem (c) recuperare ipsarum, & ipse rex & ejus curia ad juvandas ecclesias teneantur, immo ad omnem possessorem alium sine omni juris ordine amovendum. Et in hoc casu adjiciunt, quod à rege fiat omnis cautio, quæ convenienter poterit exigi ab eodem, quod possessiones ipsas liberet infra terminum, & hæc omnia suo juramento confirmet. Et si, quod absit, hoc juramentum ad quod præcise tenebitur non impleret, & ob hoc dictas possessiones, vel aliquam earum contingeret à creditoribus occupari, teneatur nihilominus dictas ecclesias servare indemnes in omnibus, & easdem possessiones ipsis ecclesiis reddere liberatas, & in possessionem vacuum eas reducere earumdem, & defendere reductas in ipsam. Quod si nulla nobis est spes, quod infra terminum dictum mutuum solvi debeat, & sic omnino per consequens possessiones ipsas ad manus pervenire oporteat Romanorum; sunt qui non consulunt, & sunt qui consulunt obligari. Et qui non consulunt, dicunt ita: si Romani possessiones occupant, (d) rehabendi imminet difficultas, ecclesiæ desertæ remanent, clericis vel monachis proventus solitos non habentibus, oritur Ecclesiæ scandalum: ad papam current miseri ut ab eo pascantur. Dicunt iterum: si procedit hoc mutuum, non diu durare poterit, nec per istud regis poterit satisfieri indigentia. Cum ergo consum-

(c) Al. Recipere.

(d) Al. Recuperandi.

tum

tum fuerit, eadem erit regis necessitas, nec quicquam ei crederent Romani, nisi eis ecclesiarum arces immo & nostræ propriæ obligentur, (a) & nunc prout tunc poterit perdurante necessitatis articulo allegare, sicque pacem numquam habebit Ecclesia, quæ idcirco providebit de decima, ut possit expensarum onera evitare. Qui verò consulunt simpliciter obligari, salva tamen restitutione prædicta, dicunt quod in necessitate huiusmodi excedendus est omnis modus, & sic providendum est regi, ut futurus eventus soli Domino reservetur, & si quid obicitur in contrarium, non solvunt aliter, nisi quod tanta necessitas lege caret, in qua modus est modum penitus non servare, alioquin cadit negotium, ruit rex inclytus, & Romanam Ecclesiam in præcipitium secum trahit. Vivendum est igitur quantum licebit vivere, & futuris temporibus Dominus providebit. Inter hæc angimur, nec videmus consilium utile, cum ex omni latere sint angustiae, quamquam sit multis facile dicere, fiat, fiat, & papam solum sequatur exitus difficultas, & præter periculum conscientiae perpetua comiteretur infamia, quod sit (b) Ecclesiae dissipator. Vos igitur, carissimi filii, quibus Deus omnipotens & pater luminum intellectum tribuit luminosum, vestrum date consilium, quod & fratres (c) vestri nobiscum expectant. Vidistis enim litteram legati Franciæ fratris nostri, qui cum nos certos reddiderit, quod in tempus longum, nihil potest regi mittere pro expensis, si quid ei (d) consulendum imponimus, sufficienter remanet excusatus. Demum licet discretus sit nuncius quem transmisimus, quia tamen verba sunt immobilia, quæ litteris commendantur, plenum & planum vestrum consilium nobis scribere nullatenus omittatis. Datum Perusii III. nonas Augusti anno I.

## EPISTOLA CXIX.

Simoni cardinali apostolicæ sedis legato.

*Ut Florentinis mercatoribus tria librarum millia persolvat.*

Anno 1265 CLEMENS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Cum dilectus filius P. archidiaconus Senonensis camerarius noster à Peregrino Sassinii cive Florentino, nomine Albertini Roce, Coppi Joseppi, & Puzini Amatoris, civium & mercatorum Florentinorum de ipsorum pecunia mutuante, tria millia librarum Turonensium pro necessitate negotii, quod per carissimum in Christo filium nostrum C. Siciliæ regem illustrem agitur, de mandato nostro receperit nomine mutui certis eis loco & termino persolvenda, ac propter hoc usque ad prædictam

summam Romanam Ecclesiam, & cameram nostram, nec non decimam ecclesiasticorum proventuum regni Franciæ eisdem mercatoribus obligarit, prout in instrumento publico per manus Noclerii Scriniarii de Urbe inde confecto plenius continetur; discretionis tuæ per apostolica scripta mandamus, quatinus prædictam summam pecuniæ mercatoribus ipsis, vel eorum aliquibus, aut uni, vel certo nuncio eorundem, instrumentum ipsum tibi & præsentibus ac alias ratificationis nostræ litteras deferenti, juxta ejusdem instrumenti tenorem sine difficultate persolvas: ita quod ex dilatione solutionis camera nostra seu præfata Ecclesia dispendium non incurrat. Datum Perusii II. nonas Augusti, Pontificatus nostri anno I.

## EPISTOLA CXX.

Dilecto filio S. tituli S. Cecilie presbytero cardinali apostolicæ sedis legato.

*Significat ei anxietatem suam in subventionem regi Siciliæ ministranda.*

VISÆ tuæ litteræ, quas nuper recepimus, cum post adventum carissimi in Christo filii nostri C. regis Siciliæ illustris, multa de quibus facis mentionem, in eis (e) numquam viderimus, nostrum animum non mediocriter perturbant. Scripsisti siquidem inter cetera, quod jam carissimi in Christo filii nostri... regis Franciæ illustris & aliorum magnorum quorundam sequutus consilia, quibus indecens iudicasti non acquiescere, cum tibi nostrum propter temporis brevitatem requirere non liceret, ad milites stipendiandos (f) convertens decimam, in tantum processeras, quod solutis debitis quibus in Provincia te astrinxeras, & illis quæ postmodum solvi mandavimus, in longum tempus nihil poteras comiti mittere pro expensis. Sane unde hæc providentia venerit ignoramus, & si forsitan Spiritus Dei fuit, spiravit tibi voluit. Sed cum liceat atque libeat verum dicere, nescimus unde veniat, aut quo vadat. Prius enim fuerat cogitandum, & utiliter ordinandum, unde se rex Siciliæ equis instrueret, unde se & suos stipendiarios in victualibus sustentaret, unde in Lombardia amicos faceret, quæ sibi transitum præpararent, & his ritè compositis, de nova militia poterat cogitari, quæ si sine stipendiis citra pascha haberi non poterat, longè melius fuerat regem interim cum suis stabilire in suo statu, & ad tempus expectare gratuitos, quàm ad propinquiorem terminum dare stipendia, & regis alimonias in usum convertere alienum. Numquid enim de vento creditur posse vivere, cui omni die cum suis & Campanis, quos ad suum necessariò traxit obsequium, sunt necessariae mille libræ Provisenorum & prout credimus Turonensium, & habet nihilominus magnam partem

(a) Al. Et quicquid nunc potest, tunc poterit perduranti necessitatis articulo allegari.

(b) Al. Ecclesia dissipata.

*Theauri Anecd. Tom. II.*

(c) Al. Nostri.

(e) Al. Quam.

(f) Al. Converteras.

(d) Al. Solvendum.

suorum, qui equis carent, ad quorum emtionem magna pecunia indigeret. Quod si dixeris te & alios credidisse, quod apud curiæ creditores sufficiens mutuum inveniret, minus probabiliter hoc credebas. Tu enim in Francia mercatoribus tradere debuisses, quod ei in Urbe refunderent, cum illi qui apud nos sunt, nihil velint (a) credere nisi nobis, sed nec nunc nobis, quia dubitant, ne in Francia recta solutio eis fiat, cum necdum intellexerint factam esse, (b) sed quicquid hactenus (b) factum fuerit, quid fiet à modo? cum creditores in longum terminum nihil credant, & tu scripseris quod in longum tempus ei non poteris subvenire. Ecce in confectione præsentium persecutor Ecclesiæ in multitudine gravi in finibus regni erat, & in Tuscia grandem habebat exercitum, qui totum Ecclesiæ patrimonium tremere faciebat, quem ad Urbis viciniam evocaverat, ut ibi concurrerent cum eodem, & rex cum solis Romanis inveniebat mutuum centum millium librarum Provesinorum non tamen aliter quam si eis obligarem possessiones ecclesiarum Urbis, ab eisdem, si solutio eis in termino certo non fieret, auctoritate propria occupandas: & dum ad consistorium instarem, tuæ supervenerunt litteræ, quæ nobis antea perturbatisurbationem maximam addiderunt. Nam licet ante periculum timeremus, si modo quolibet ad Romanorum manus possessiones huiusmodi devenirent, unum erat nobis solatium quod decima (c) subveniret, & ante terminum tota pecunia solveretur, sed ut tuas vidimus litteras, spe præcisa, dereliquit nos virtus nostra: certificati enim quod solvi non poterat, necesse habuimus hoc inferre, quod possessiones à creditoribus occupandæ ad ecclesias non redirent de facili, & interim omnes illæ magnæ ecclesiæ suis obsequiis fraudarentur, cum clerici quid comederent non haberent; & tamen tuas litteras Venerabilibus fratribus nostris Tusculano & Albanensi episcopis cum multa cordis amaritudine ostendentes, exhibere noluimus in communi, & adhuc pendet consilium fratribus nostris aliter & aliter sentientibus; & si non fiat, regem oportet vel fame deficere vel aufugere; & si fiat, ecclesiarum periculum imminet, & ei ad tempus modicum providebitur, quo elapso, eadem eum necessitas occupabit, sed auxilium non inveniet iteratum. Vide igitur fili, quid faciendum sit tibi, & à stipendiis manum retrahere, nisi tantum invenias mutuum, ut & solvendis stipendiis, & necessariis regis Siciliæ sumptibus valeas subvenire: sciturus quod nisi tanta detur pecunia mercatoribus Franciæ, ut in regis obsequium eam faciant redundare, rex deficit, perit negotium, & nos cum eo cadimus quoad illud, nec remedium aliquod possumus adhibere, nec enim thesaurum habemus, nec acquirere volumus inhonestè, nec honestum credimus, quod multi licitum iudicarent. Cum Pelavicino multipliciter attentato nihil (d) profuimus. Nam auro inebriatus Apuliæ, verba

(d)

(a) *Al.* Tradere.(c) *Al.* Superveniret.(b) *Al.* deest factum.(d) *Al.* Proficimus.

A salutis non recipit, & tamen ne contemnere videretur, conditiones à nobis petiit contra Deum & omnem iustitiam, quas, si nos caperet cum collegio non haberet. Mediolanenses bene loquuntur, an bona cogitent, vel finaliter bona facient, Deus novit. Aggrediuntur enim nos petitionibus indecentibus, de quibus ut intelligas aliquas, unam esse noveris, quod Mediolanensem archiepiscopum ad locum alium transferamus, substituiamus Cumanum episcopum, vel saltem legatum per Italiam & Romaniam & utramque Marchiam faciamus, quod etiam omnia damna data ecclesiis, & executiones à clero factas remittamus eisdem, processus omnes prædecessoris nostri contra eos in communi, vel in personas singulares, clericos vel laicos habitos revocemus, & alia multa petunt non parvis ponderis, sed iniustitiæ non minoris, quos cautè per verba ducimus, quia occasiones videntur quærere, quasi velint discedere ab amico. Dilectum filium nostrum Ottobonum S. Adriani diaconum cardinalem, & venerabilem fratrem nostrum patriarcham Antiochensem rogavimus, & etiam arctius eisdem injunximus, ut per terram Januensem venturæ militiæ transitum obtinerent, & virum nobilem (e) Bernabo ad regis Siciliæ gratiam traherent & favorem; sed responsum nullum recepimus ab eisdem. Illud credimus, quod si quasi iturus ultra mare navalis processisset exercitus, Siciliam habuisset. Scribe nobis frequentius, ut tuo & negotii statu cognito, tibi similiter quæ apud nos fuerint certius rescribamus. Datum Perusii nonis Augusti anno 1.

(e)

## EPISTOLA CXXI.

Episcopo Aretino.

G Audium & exultatio cordi tuo debet accedere, dum evidenter intelligis carissimi in Christo filii nostri illustris regis Siciliæ promptitudinem, qui te nec plene visum nec cognitum, ad nostrum testimonium, & te in sui partem corporis, (f) propter te alios tam liberaliter, tam libenter admisit. Quocirca fraternitatem tuam qua possumus attentione rogamus, tibi nihilominus sub attestazione divini iudicii præcipiendo mandantes, quatenus manum mittas ad fortia, utaris temporis opportunitate, quam tibi Dominus subministrat. Nihil enim prudenti præterit otiosum, & si bene incœperis, ut speramus, exitus melior subsequetur. Nos autem qui de te plenius confidimus, ut debemus, hoc cupimus, hoc optamus, ut rex idem in nostro testimonio veritatem inveniat tuis magnificis actibus comprobendam. Datum Perusii viii. Idus Augusti anno 1.

Anno 1269

(f)

(e) *Al.* Barnabæ, *Al.* Bernardum.(f) *Al.* Prope.

## EPISTOLA CXXII.

Episcopo Aretino.

*Judicem de Reate aliqua ei revelaturum ipse mittit.*

Anno 1265 **V**enientem ad tuam præsentiam Martinum judicem de Reate audias patienter, & cum mansuetudine verba ejus suscipias de quadam tecum materia loquuturum, quæ poterit esse perutilis, si prosperum sortiatur effectum, nec te tædeat audire plurimos: nihil enim deperit in hoc tibi, cum his possis instrui, & de multis eligere, quod magis videris expedire.

(a) Datum Perusii (a) III. Idus Augusti anno. I.

## EPISTOLA CXXIII.

Episcopo (b) Bajocenſi.

*Ut in litigando cautum se præbeat.*

Anno 1265 (c) **A**d scribendum fraternitati tuæ super negotio quod inter te & Robertum (c) Malturnum vertitur, nulla nos personæ affectio impulit, sed dumtaxat zelus justitiæ & pacis aviditas, quam coepiscopos & fratres nostros tam ferventer quam providè vellemus amplecti, ut supervacaneis litibus non insisterent, nec de sua potentia confidentes, justitiam alienam opprimere sibi possibile judicarent. Nos sanè nec laqueum tibi (d) mittere, nec scandalum in Ecclesia tua ponere volumus, sed te cautum sufficit reddidisse, ut sic tibi provideas in negotio, ne non sine tui honoris macula & sumtus amittas & causam, sciturus quod nec offendimur nec turbamur, si jus tuum juste prosequeris cum ea quæ decet Pontificem honestate.

## EPISTOLA CXXIV.

Episcopo Atrebatensi.

*Ut acceptas pro filio usurarii litteras contemnat.*

Anno 1265 **M**issas tuæ fraternitati litteras facultatis pro quodam, quem asseris magni filium usurarii, si de tuo fuerunt petitiæ consilio, ea facilitate potes respuere, qua probasti: quod si de tuo beneplacito earum (e) impetratio non processerit, nec in eis quicquam invenies, quod tibi aliquam necessitatem (f) indicat, nec uti illis cogeris, quas nullo tempore acceptasti: Illud sanè scire te volumus, quod cum circa foeneratorum filios promovendos te copia reddat inopem, nec adjunctione indigeat plenitudo, ne dum si facultatem dederimus: (g) quoniam etsi pro tali vel talibus quantumcumque præcisum mandatum receperis, volumus quod non pareas, immo statim judices nos circumventos.



(a) Al. 17. Idus.

(b) Al. Linocenſi. Al. Ruthenenſi.

(c) Al. In altum. Trecentis vero codex legis Martinum.

(d) Al. Injicere.

(e) Al. Procuratio.

*Theſauri Anecd. Tom. II.*

## EPISTOLA CXXV.

Dilecto filio S. tituli S. Martini præbytero cardinali, ducatus Spoleti &amp; Marchiæ Anconitanæ rectori, apostolicæ sedis legato.

*Scribit nullum se posse et mittere subsidium.*

**L**itteras tuas vidimus continentes, quòd totam illam pecuniam, quam ex visceribus nostræ paupertatis avulsumus, in stipendia militum jam disperſeras; quam tamen te credimus sic suis dispensaturum temporibus, ut eo posset subvenire negotio commodius, quo in tempus & tempora foret consultius distributa. Sane si redimere potest temporis brevitas, quod expectata prolixitas effecisset, hoc ipsum gratum tibi accipimus. Quòd si credis nos fontem habere pecuniæ, qui quasi semper scaturiens nequeat exhauriri, falleris, fili carissime, cum nec manus se offerant largientium, nec nos extortionibus intendamus. Ex nunc igitur scire te volumus, & in secreto tenere, quòd nisi sibi Marchia ipsa providerit, à nobis auxilium in pecuniâ vel militibus non habebit; suisque singulos relinquemus arbitriis, ut si fideles esse voluerint, stent pro fide: qui verò facilitate solita fieri fortè voluerint infideles, tempora præstolabimur, quibus eos possimus conterere, vel successoribus reservabimus conterendos.

Frustra igitur nobis scribes postulaturus subsidium, frustra consummationem negotii pollicaberis, (b) cum diu jam fuimus expectatione decepti; frustra mensis vel mensium terminus proponetur, in quibus nullam invenimus veritatem: litus enim aravimus & aramus, & fructus terræ sterilis nolumus amplius expectare. Ceterum si in terra potes ordinare militiam, sicut in alia littera tibi scribimus, qua terra defendi valeat, & hostilis malitia profligari, tunc laudare poterimus Marchianos, qui tot sumtibus inutilibus nos & prædecessores nostros hætenus prægravarunt.

## EPISTOLA CXXVI.

Regi Aragonum illustri.

*Gratias agit pro missis muneribus, hortaturque ut cesset ab ecclesiarum vexatione.*

**M**issa nobis tuæ serenitatis pretiosa munera, ipsa quidem materia, nec minus opere superante materiam, lætanter accepimus; quæ veteris amicitiae renovantes memoriam, in tuo probant animo non elapsam, si quid ad tuam excellentiam devotionis habuimus cum minori officio fungeremur. Sanè, fili carissime, cordi nostro à prima fere notitia semper infixus, ab intimæ brachiis caritatis excidere numquam apud nos poteris: tuum est vigilare, ut Deo placeas, cujus vices in terris gerimus, licet immeriti, & Ecclesiam sponsam suam, quam com-

(f) Al. Inducat.

(g) Al. Quin etiamſi.

(h) Al. Cujus.



mercio proprii sanguinis acquisivit, habeas in honore, & sicut per alias litteras latius tibi scribimus, à cleri & ecclesiarum oppressionibus reverenter abstineas, quod omni nostra monitione cessante facere te deceret. Porro debet illud advertere tua sublimitas, quòd si per juris tramites ordinatè vellemus incedere, nullum tibi fuisset impendendum subsidium ab ecclesiis terræ tuæ, donec gravamina revocasses earum. Nos tamen acutius intuentes, quod obsequio vincitur animus generosus, & facilius ducitur, quàm retrahatur, eo ipso ad dilectionem earum te prospeximus arctius obligari, quo durante injuriarum instantia gratiofior est subventio, quæ quantumlibet istis opportuna temporibus, ex his causis honestè poterat prorogari. Tuæ igitur consulens honestati, nostris pariter parces angustiis, si ecclesiis quarum justas querelas aure furda præterire non possumus, sub ea libertate dimiseris, quam & à jure obtinent, & retroactis temporibus à te & tuis antecessoribus habuerunt: ad quod te sollicitamus precibus, in quo si, quod absit, deficeres, id promptius sequeremur, quod tuæ saluti crederemus expediens, quam quod tibi contra justitiam tuæ voluntatis motus aut imperus ministraret. Sic enim in quocumque statu fuerimus, caros nostros dileximus, ut iisdem libentius utilia, quam placentia & molesta dixerimus quàm damnosa. Datum Perusii Idus Augusti anno 1.

## EPISTOLA CXXVII.

Dilecto filio M. Sanctæ Mariæ in Porticu diacono cardinali patrimonii B. Petri in Tuscia rectori, apostolicæ sedis legato.

*Certo se scire quæ ipsi scripserat de subsidio Radicofani, &c.*

Anno 1265

**E**X tuarum serie litterarum interdum conjecimus, & dilecti filii magistri B. Languifelli capellani nostri relatione percepimus, quòd quotiens aliqua tibi scribimus super statu Provinciæ fluctuantis, suggerentibus æmulis nimis creduli, scribebamus asperius quàm oporteat, falsis aliquorum narrationibus circumventi. Sanè minimè dubitamus, quin nobis promiscuè vera suggerantur & falsa, sed tardi sumus plurimum ad credendum, ne tamen in ambiguo serpent discrimina scribere cogimur, quæ pertinere credimus ad cautelam. Et ideo quæ de subsidio Radicofani, de expeditione celeri negotii Cornetani, de civitate Reatina à reatu perfidia præservanda, diversis temporibus tibi scripsimus, non tamquam suppositis quæ vere relata fuerant scribebamus, sed ut factus instructior, qui melius scire poteras veritatem, & ad eam sollicitè requirendam ex officio tenebaris, viam in omnibus præligeres meliorem. Mentiti siquidem sunt nobis Radicofani dicentes, quod cum eis ab initio misisses aliquos in auxilium, tribus tantum exceptis aut quatuor, omnes re-

**A** cesserant, adhuc stante exercitu contra ipsos. Mentiti etiam fuerant Cornetani, quod eosdem per verba ducebas de die in diem procrastinans, & eos dilationum multiplicatione fatigans. Quid ergo tibi scribere poteramus, nisi sub verbis generalibus, ut tu, cui mentiri non poterant, faceres quod deceret, nec quicquam aliud tibi meminimus nos scripsisse. Ceterum si civitas Reatina inter duas aquas natere proposuit, hoc ipsum æquanimius toleramus, quàm si in contentus voraginem verteretur. Non enim patitur qualitas hujus temporis, ut frigidos tepidis præferamus. Sed hora venit, dante Domino, nec tardabit, cum responderi poterit meritis singulorum. Datum Perusii xviii. calendas Septembris anno 1.

## EPISTOLA CXXVIII.

**C**Dilecto filio M. Sanctæ Mariæ in Porticu diacono cardinali patrimonii B. Petri in Tuscia rectori, apostolicæ sedis legato.

*Ut requirat à Petro de Vico reddi sibi arcem Vici vel Bletæ.*

**S**atis hætenus nostrum suspendit animum Anno 1265  
vir nobilis Petrus de Vico, qui juxta nostri mandati tenorem nullam tibi reddidit adhuc arcem: quod ulterius dissimulare nolentes, discretionis tuæ per apostolica scripta præcipiendo mandamus, quatinus ab eodem sub debito præstiti juramenti requiras, ut arcem Vici vel (1) Bletæ tibi reddat nostro nomine expeditam & vacuam à suis hominibus, his solis quos tu ibi posueris remansuris in ea, nec aliquam de suis arcibus aliam acceptamus. Sive autem paruerit, sive parere noluerit, plenam nobis rescribi volumus veritatem, nec in hoc facto de statu Provinciæ vel qualitate temporis disputationem admittimus. Omnibus etenim his pensatis, istud decernimus faciendum. Datum Perusii, ut supra.

## EPISTOLA CXXIX.

Illustri regi Franciæ.

*Ut corrigat excessus commissos in priorem de Olozanicis.*

**A**D aures nostras, dilecte fili (b) Ranulpho Stephano canonico Nemausensi ordinis S. Augustini priore de (c) Olonzanicis referente, pervenit, quòd quàm plures homines castri Calvitionis Nemausensis diocesis, Senescalliæ Bellicadri, maligno spiritu agitati, ad dictum prioratum de nocte hostiliter accedentes cum armis, ecclesiam & domum prioratus ejusdem ausu sacrilego debellantes, dictum priorem graviter vulneraverunt, & multis plagis impositis, semivivum relinquentes eundem, bladum ipsius prioris, quod in ejusdem

(a) Al. O'etz (b) Cod: x Trecentis legit Stephano, Framulfo.  
(c) Al. Ozarani. Al. Ololannicis.

area invenerunt, igne appposito combusserunt, nec his contenti, in domos ejusdem ecclesiæ irruentes, pannos, utensilia, & res alias ceperunt, & secum nihilominus asportaverunt, eidem priori plura alia damna gravia inferentes. Licet igitur ballivi tui in illis partibus inquisiverint de præmissis, quia tamen ad correctionem eorum modo debito non processerunt, dictoque priori debita satisfactio non pervenit, cum tuam non deceat celsitudinem, tam graves excessus clausis oculis pertransire, Serenitatem tuam, quam in protegendis personis & juribus ecclesiasticis attentam novimus rogandam duximus attentius & hortandam, quatinus ad corrigendos excessus hujusmodi, citra mortem tamen & membri abscissionem, eam cures de solita justitia (a) diligentiam adhibere, quod dicti sacrilegi deinceps attentare similia non præsumant, & prædicto priori de tantis damnis & injuriis plenariè (b) satisfaciant. Datum Perusii (c) xviii. calendas Septembris anno i.

## EPISTOLA CXXX.

Dilecto filio J. S. Nicolai in carcere Tulliano diacono cardinali.

Anno 1265 **E**T processus & præcedentium zelum circa factum Viterbiensium intelligimus sinceritate fulciri: de uno possumus dubitare an congruant tempori hi rigores, etiam multa mansuetudine temperati, cum vicinus sit hostis, & circumvolet (d) aurum ejus, & sint homines modicæ fidei in contracta. Hæc tamen omnia tuæ & legati discretionis committimus ponderanda. Resumptis viribus tua frui præsentia plurimum affectamus. Salvet te Dominus, qui solus omnium est Salvator. Datum Perusii (e) xv. calendas Septembris anno i.

## EPISTOLA CXXXI.

Dilecto filio nobili viro Philippo de Monte-forti.

*Promittit ei suum erga Siciliæ regem patrocinium.*

Anno 1265 (f) **S**I hætenus tibi non scripsimus, ne mireris, nec te credas ex hoc à nostra (f) solida gratia cecidisse: continua enim occupatio, & magna negotiorum instantia, quæ assidue animum nostrum premunt, nos frequenter cogunt omittere, quod non essemus alias omitturi, illud autem volumus tuam nobilitatem tenere, quod eam ad te sinceram dilectionem gerimus, quam olim habuimus in minoribus constituti, & in his quæ tuo commodo cederent, & honori te prosequi favorabiliter intendentes, ad augendam tibi gratiam apud carissimum in Christo filium nostrum C. illustrem regem Siciliæ opportunis temporibus intendemus. Da-

(a) Al. Justitiam. (b) Al. faciat.  
(c) Al. viii. Trecentis vero calendas Septembris.  
(d) Al. Legit aures, ac præferenda videtur nostra lectio quam

A tum Perusii (g) xiv. calendas Septembris anno i. (g)

## EPISTOLA CXXXII.

Illustri regi Siciliæ.

*Mittit ei formam sub qua creditoribus ecclesiæ possessiones possunt obligari.*

**T**uis nunciis sæpe diximus, & per litteras Anno 1265 tibi sæpius intimavimus, quod tuis, ut vellemus, subvenire defectibus non valemus, & quotiens replicatur: Cadit ergo negotium, si non facitis; nos subjungere cogimur: Cadet Ecclesia, si quod postulatur implemus. Sane visa littera cardinalis, qui quæ prius scripserat, iterum nobis scripsit, firmiter asseverans quod in longum nihil potest tibi mittere pro expensis, quin immo venerabili fratri nostro Aquensi archiepiscopo & dilecto filio decano Meldensi mandavit, quod Provincialibus nihil mitteret, cum non sufficeret ad stipendia militum Franciæ persolvenda, sicut per venerabilem fratrem Avinionensem episcopum tibi mandamus, à contrahendo mutuo manum totaliter retrahemus, sic nec nos super eo ulterius inquietes, nec enim destruere creditam nobis sedem, nec mentiri volumus creditoribus, quibus de nostro volumus & de tuo non possumus satisfacere, decima magni temporis jam exhausta. Verumtamen mittimus tibi formam, in qua pro te possessiones ecclesiarum Urbis, licet non omnium, poterunt obligari, de concordia fratrum consilio solidatam, & cum inveneris creditores ad mutuandum paratos, mittemus aliquos cum nostris litteris, qui forma servata possessiones hujusmodi poterunt obligare. Datum Perusii (b) xiii. calendas Septembris anno i. (b)

## EPISTOLA CXXXIII.

Dilecto filio J. S. Nicolai in carcere Tulliano diacono cardinali.

**A**ngit nos cogitatus assiduus de paupere Anno 1265 statu nostro, cujus relevationem Deo committimus, pro cujus amore, & proximorum exemplo, nostram æquanimiter patimur paupertatem, & ab omni extorsionis & quæstus specie abstinemus. Sanè cum ad diversas provincias, sicut nosti, quæ argentum & aurum mittere consueverunt, sint legati de nostro latere destinati, qui sic vices nostras in eisdem supplebunt, ut de nostra vel de nostrorum fratrum præsentia terrarum illarum homines parum curent, finitimas volumus, licet sint tenues, rehabere, & ideo dilectos filios nostros S. tituli S. Martini presbyterum & M. S. Mariæ in Porticu diaconum cardinalem ad nostrum proponimus revocare consilium, & jam militiam quærimus ad terras proprias, ut poterimus defen-

plures habent mss.  
(f) Al. Solita.  
(b) Al. xviii.

(e) Al. xviii.  
(g) Al. xviii. calendas.

dendas, donec regi Siciliae meliorem exitum quam ostendat initium videamus. Hæc autem tibi prius intimanda decrevimus, & specialis familiaritatis obtentu, & ut leviter feras, si non facimus quod in nostro fecissemus ingressu, nisi captio comitis Angulariæ nobis contrarium suavisset. Datum, *ut supra*.

## EPISTOLA CXXXIV.

Carissimo in Christo filio C. illustri regi Siciliae.

*Licentiam adipiscendi possessionem regni Siciliae ipsi elargitur.*

Anno 1265

**C**UM in te claritate fidei, & devotionis sinceritate, quam tu & progenitores tui ad Apostolicam Sedem semper habuisse noscimini, præminencia generis, strenuitate personæ, ceterisque donariis gratiarum, quibus te divinæ bonitatis affluentia honoravit, providæ considerationis lance pensatis, regnum Siciliae, debita maturitate consilii, ac diligenti cum fratribus nostris deliberatione præhabitis, tibi ad honorem Dei & sacro sanctæ Romanæ Ecclesiæ omnium fidelium Christi matris, ad tranquillitatem & pacem ejusdem regni, sub certis conditionibus inter nos & te habitis & firmatis, duxerimus conferendum, teque per vexillum investiri solemniter fecerimus de eodem: ingrediendi regnum prædictum vel partem, undecumque & qualitercumque melius poteris, & apprehendendi ac adipiscendi possessionem ipsius auctoritate tibi præsentium plenam & liberam licentiam elargimur. Datum Perusii (a) XIII. kalendas Septembris anno 1.

## EPISTOLA CXXXV.

Illustri regi Franciæ.

*Exponit regis Siciliae angustias, quid pro eo præstiterit, rogatque ut ei de pecunia subveniat.*

Anno 1265

(b)

**E**T temporis qualitas, & (b) perurgens nos cogit necessitas, tuam, fili carissime, magnitudinem excitare ad compatiendum Ecclesiæ matri tuæ, quam licet aliquibus retro temporibus nunc ex uno latere, nunc ex alio, vel bella finitima vel remota concusserint, jam, Domino permittente, quasi quatuor ventis cœli in maris medio confligentibus, undique concurrentia mala perturbant, & ad partem quamcumque se verterit, præter regnum tuum à Domino benedictum, quod pro sua pietate Dominus conservet, audit continuos ecclesiarum gemitus, oppressiones pauperum, scissuras principum, tumultus frementium populorum, videt corda calcari fidelium, & exaltari cornua impiorum. Sanè nuper ad ejusdem subsidium zelo devotionis accensus carissimus in Christo filius noster C. illustris rex Siciliae, frater tuus cum multa celeritate deproperans de marinis peri-

(a) *Al.* III. Calendas.(b) *Al.* Pungens.

culis erutus, cum ea comitiva, quam ad manum tunc habere poterat, promptus animo, promptus fide, quoad alia (c) nimis imparatus, ut cernitur, urbem tandem Romanam intravit, & cum crederet & speraret per celerem decimæ missionem suos è vestigio suppleri defectus; spe demum frustratus accepit, quod eidem, prout necesse fuerat, dilectus filius noster S. Tituli S. Ceciliae presbyter cardinalis legatus à nostro latere destinatus in Franciam, nequaquam poterat subvenire, magna jam parte decimæ soluta tardius quam deceret, & aliam in solutionem quam plurium debitorum exhausta, & ejusdem residuo ad stipendia danda militibus, qui subsequi eum debeant, reservato. Ecce, sicut eidem scripsimus cardinali, visus fuit nobis & aliis ordo multum præposterus, ut adeo laboraret exercitus, nudo principe derelicto, cum esset certò certius eum non equos, non pecuniam detulisse, nec posse de vento vivere tot & tantos, nec creditores (d) ultroneos invenire, qui se velint hoc tempore ad mutuum dandum exponere, præsertim cum audiant malè prioribus satisfactum. Quod si quæritur quid nos facimus, scire tuam volumus excellentiam, quod fecimus hætenus supra vires, ei quærendo mutuum quod habere potuimus, & ut posset in Urbe plenius invenire, possessiones monasteriorum Urbis cum castris & villis, exceptis solis castrorum arcibus, ei permisimus in tantæ necessitatis articulo, non sine eorumdem monasteriorum discrimine, Romanis creditoribus obligare. Sed hæc penitus non sufficiunt, cum sint expensæ maximæ, & in hujusmodi foeneraticiiis pactionibus magnam partem sortis absorbeat fames insatiabilis creditorum. Angimur igitur & dicere cogimur quod regnum utinam non fuisset, pro quo peregrinari voluit tantus homo, si non aliter subvenitur eidem. Quidquid enim sibi conventum fuerat adimplevimus, & ultra pacta fecimus quod valuimus, nec possumus continuare quod coepimus, cum jam notum sit creditoribus, quod eis nequit in Francia satisfieri, nec eis fuit, sicut debuit, satisfactum; qui tamen etsi debita recepissent, nollent ulterius viarum periculis se exponere, sed quod eis in Francia fuerit assignatum, in Urbe, prout asserunt, reddere sunt parati pro temporis interusurio modica quantitate contenti.

Moveant igitur te viscera pietatis ad fratrem, moveant & ad matrem, quam ut suæ, immo verius plusquam suæ, fratris afflictiones affligunt. Ipsa quidem perire non potest, & ad flagella multis assueta temporibus, etsi temporalibus nudaretur, suam haberet consolationem in sponso, qui crebris verberibus visitatam eam non deseret in æternum. Sed doleret absque remedio, si vir magnificus, vir insignis, suum & Ecclesiæ promovens ex fide negotium, confusionem, quod absit, reciperet, cum sit unum quod sapientis contristet animum, deficiens per inopiam vir bellator. Alias autem tibi nos scripsisse meminimus, hoc solum superesse consilii cernimus,

(c) *Al.* Minus bene paratus.(d) *Al.* Ultraneos.

si eum adjuvare volueris in pecunia, de solutionibus imminentibus decimæ recepturus eamdem: quod ut facere tibi placeat, semel & iterum te rogavimus, & adhuc tuam regiam celsitudinem prece tertio repetita rogamus, & id tibi quod credimus meritorium, in tuorum remissionem peccaminum suademus. Statum terræ, totiusque negotii dilectus filius P. lator præsentium, dapifer mensæ nostræ tibi plenius referabit. Datum Perusii x. calendas Septembris anno i.

## EPISTOLA CXXXVI.

Dilecto filio S. Tituli S. Cecilie presbytero cardinali apostolicæ sedis legato.

*Suas & Ecclesiæ angustias ei exponit.*

Anno 1265 **T** Enoris ejusdem diversas litteras tibi misimus, inter cetera continentes, quod nos  
(a) attonitos (a) reddidisti, dum addendum robur exercitus ei quem diligis decrevisti, & unde viveret ipse vel ejus familia non curasti. (b) Ecce cameræ nostræ clericum tibi mittimus, qui totius statum negotii tibi narret explicitè, ut de implicitis taceamus, quæ tua prudentia facile poterit conglobare, particularibus circumstantiis evolutis. Sanè te scire volumus, quod mox ut litteram tuam recepimus, quæ de illa librata providentia, & multis excocta consiliis differebat, venerabili fratri nostro Avinionensi episcopo tunc in nostra præsentia constituto familiariter eam legimus, qui mandati carissimi in Christo filii nostri C. illustris regis Siciliæ, quod de militibus stipendiandis fecerat, se nihil umquam scivisse penitus est confessus, & statim eum ad regem misimus, ut suorum discriminum providus contemplator, habito consilio nobis rescriberet per eundem, quid proponeret, quid eligeret, ad quam mens ejus sententiam declinaret, & nihilominus ei scripsimus, quid nobis in hac materia tutius videretur; & cum jam fere per mensem moram traxerit idem episcopus apud ipsum, nec recepimus litteram, nec responsum: immo multis mirantibus, vel divinum videtur expectare miraculum, vel in totum committere se fortunæ. Sed & de facto carissimi in Christo filii nostri illustris regis Franciæ atque suo circa partes (c) Bellicadri, quod nobis secretius intimasti, eidem scripsimus, & non curat, nos ei subvenire non possumus, & nostræ tenuitatem cameræ non attendens graviter indignatur, quamvis de omnibus quæ promiseras, unum iota non fuerit incompletum. De privilegiatorum decimis ei dedimus optionem, vel quod juris expectaret eventum, si justis possent exceptionibus se tueri, vel ad vitandum periculum, illis manentibus liberis, Leodiensem & Viridunensem civitates & dioceses, & quod eidem dederat de Cameracensi & Tornacensi diocesibus obliga-

(a) Al. Dimisisti.

(b) Al. Ecce P. latorem præsentium ad te mittimus,

A remus ad decimam ei dandam, & nullum potuimus habere responsum.

Persecutor magnum habet exercitum, & consumit pecuniam infinitam, & in ingressu ducatus nostri abstulit nobis Cassiam, & aliquantulum retrocessit, sed in finibus regni nobis propinquioribus commoratur. Ecce pro ipso possessiones ecclesiarum Urbis, exceptis S. Petri & S. Johannis Lateranensis & cardinalium ecclesiis & hospitalium & monialium, obligavimus usque ad centum millia librarum Provenien-  
B si ea poterit invenire, & exponimus ecclesias magno periculo; tamen etsi inveniat, non sufficient, cum de eis jam debeat infra Urbem xl. ut dicitur, vel l. millia librarum Proveniensium, & usura detracta de summa totali, qualem voluerint habere Romani, ad quantitatem modicam totum residuum reducetur. Quocirca tua prudentia pervigil esse debet, nec omni vento circumferri doctrinæ. Fuiisti quidem inconfatorio curiæ, ubi discere potuisti quomodo rerum initia mediaque cum finibus conferuntur, & utilitates & damna non perfunctoriè, sed cum magna deliberatione pensantur, & licet aliquando pro conditionis humanæ miseria error incidat in consiliis, licet rarò, nihil tamen omittitur quod humana solertia debeat providere. Illud teneas, quod & alias tibi scripsimus, quod nisi pecuniam des in Francia mercatoribus eandem in Italia assignandam, labore inani consumeris. Nec enim dabunt eam Italici mercatores recipiendam in Francia, nisi carissimi in Christo filii nostri regis Franciæ illustris habuerint litteras; nam super illas crederent confidenter. Aliqua tibi narrabit alia lator præsentium viva voce, cui fidem adhibeas, & quid feceris, quid possis facere, quid proponas, quod & quorum auxilium invenies, sine mora per eundem rescribe. Datum Perusii (d) x. calendas Septembris anno i.

## EPISTOLA CXXXVII.

E Dilecto filio O. sancti Adriani diacono cardinali apostolicæ sedis legato.

*Scribit de pluribus quæ acciderant.*

**I**N confectioe præsentium sani eramus per Dei gratiam, cum nostris ac tuis fratribus ituri Assisium, & consecrata S. Claræ ecclesia, Perusium dante Domino redituri. Nec enim alibi possumus gradum figere, cum terræ aliæ patrimonii guerris intendunt, vel victualibus non abundant. (e) Venerat MANFREDUS Ecclesiæ persecutor usque ad Cellas, & aliquandiu fuit ibi cum exercitu copioso, ad civitatem Tiburtinam anhelans, quam sperabat sibi proditionaliter reddi, in quo deficiens, inflexo per gyrum itinere, venit ad matricem, & eam obtinuit, & proditores nostri (f) Cassiani se redderunt eidem, cumque ducatus planitiem in-

(c) Al. Bellicardi.

(e) Al. Venit.

(d) Al. ix.

(f) Al. Cussiani.

gredi minaretur, accepit de regno nuncium, A  
& quicquid ipse tulerit, quod nescimus, in regnum rediit festinanter, dimissa militia in Cornari. Rex autem Siciliae moratur in Urbe, cui necessitate cogente concessimus possessiones ecclesiarum Urbis pro mutuo, si id ibidem inveni-  
(a) sed exitit per revelatores (a) consilii impeditum. Unde superveniens Pelavicinus cum paucis,  
(b) & paulatim (b) aggregans multitudinem copiosam, xiv. de majoribus Cremonam duxit cum familiis eorundem. Senenses abstulerant Urbevetanis duo castra, & per biduum fuerunt ante Radicofanum, postea retrocesserunt, & audito quod rex Siciliae misit Urbevetanis auxilium, recessere confusi, & Urbevetani castris recuperatis intraverunt terram Senensium usque ad viii. milliaria prope civitatem, & magna præda abducta, & villis Campanis consumptis incendio C  
redierunt. Viterbienses inquisitionem hæreticæ pravitatis malè seu pessimè tolerantes, seditionem fecerunt, rectore præsentè; & factò conflictu inter partes, duo interfecti fuerunt. Transientem regis militiam juxta eos recipere noluerunt, & breviter si opportunitatem haberent, mala facerent graviora. Marchia satis volubilis nullum penitus habet statum. Ad Reatinam ecclesiam viduatam episcopum transtulimus Tiburtinum. Fame-gustanæ providimus de fratre Valasco, Fanensi de priore fratrum Prædicatorum Perusii, ecclesiæ de civitate Castelli de abbate S. Severi. Apud nos alia non sunt nova. Scribe nobis omnia quæ scire nos expedit vel oportet. Datum Perusii viii. calendas Septembris anno i.

## EPISTOLA CXXXVIII.

Episcopo Magalonensi.

*Ut pacem inter Narbonensem archiepiscopum  
& Biterrensem antistitem componat.*

Anno 1265

(c) C Um, sicut intelleximus, inter venerabiles fratres nostros archiepiscopum Narbonensem & episcopum (c) Biterrensem discordiam seminaverit humani generis inimicus; nos qui ex injuncto nobis apostolatus officio pacem desideramus omnibus & salutem, & his præcipuè quos affectu diligimus singulari, fraternitati tuæ per apostolica scripta mandamus, quatinus partes tuas interponas ad pacem & concordiam inter eos taliter reformandam, quod sicut eos diligimus, & ipsi nos diligunt versa vice, sic se invicem sincera in Domino diligant caritate. Datum Assisii ii. calendas Septembris anno i.

(a) Al. Consilium.

(b) Al. Congregans.

## EPISTOLA CXXXIX.

Carissimo in Christo filio regi Aragoniæ illustri.

*Gratias ei agit de liberatione electi Veronensis, eique commendat archidiaconum Vicens.*

D Evotionis tuæ promptitudinem, quam ad Anno 1265 Romanam Ecclesiam ostendisti, super liberatione dilecti filii MANFREDI Veronensis electi, quem MANFREDUS quondam Princeps Tarentinus persecutor Ecclesiæ detinebat, quam fieri procurasti, quò nihil nobis gratius facere poteras, dignis in Domino laudibus attollentes, magnitudinem tuam multarum gratiarum prosequimur actione. Quanto tamen studio & sudore, quanta sollicitudine, quanto discrimine, quantis etiam personæ periculis dilectus filius R. archidiaconus Vicens. cui onus hujusmodi injunxisti, super hoc laboravit, brevi non posset explicari sermone. Propter quod gratiam meruit apostolicam obtinere, & tua in ipso gratia, licet eum illam habere antea crederemus, debet exinde non modicum suscipere incrementum. Quocirca tuam rogamus serenitatem attentè, quatinus ob reverentiam apostolicæ sedis & nostram, nec non & ejusdem archidiaconi merita, quem speciali volumus prosequi gratia & favore, sic specialiter habere velis commendatum eundem, quod idem archidiaconus hujus nostræ intercessionis suffragium apud tuam celsitudinem sibi non in vacuum affuisse lætetur, & nos tibi proinde opportunis temporibus exponere teneamur apostolicæ benignitatis affectum; nec mireris quia moram traxit idem archidiaconus in istis partibus longiorem, cum frequenter negotium ad eum statum devenerit, ut omni spe præcisa, videretur totaliter impeditum, propter quod ipsum ire oportuit sæpius, & redire. Datum Assisii (d) ii. nonas Septembris anno i.

(d)

## EPISTOLA CXL.

Dilecto filio M. sanctæ Mariæ in Porticu diacono cardinali, patrimonii S. Petri in Tuscia rectori, apostolicæ sedis legato.

*Excusat se quod non possit facere quæ ab eo petierat.*

S I ad omnem malitiam hostium compescendam prompta nobis esset militia, ex adverso promptus adesset animus ad eorum cornua confringenda; sed nec ad danda stipendia nunc sufficimus, nec carissimum in Christo filium nostrum C. illustrem regem Siciliae super dandis militibus duximus requirendum, quoniam si facultas adesset, à nobis potius adjuvari deceret, quamquam principaliter eum tangat facta Romanis injuria. Per consequens non possumus ergo facere quod petisti, nec necessitatem im-

Anno 1265

(c) Al. Rutanensem.

(d) Al. Nonas.

minere



minere videmus, quam si pandi contingeret, A  
ab ipsa terrâ quærere subsidium: nos enim ad  
expediendum in ea sumus penitus imparati.  
Datum Assisi nonis Septembris anno 1.

## EPISTOLA CXLI.

Carissimo in Christo filio regi Castellæ  
& Legionis illustri.

*Excusat se quod non potuerit concedere, quæ circa  
provisionem Toletanæ ecclesiæ postulabat.*

Anno 1265

**L**æta nobis tuæ lætitiæ præsentavit nuper  
indicia magnæ tuæ devotionis & fidei te-  
stis epistola quam misisti, magnum illud gau-  
dium exprimens, quod ex nostræ promotionis  
rumoribus, prout scribere tibi placuit, conce-  
pisti, non mediocriter nihilominus nostro no-  
mini congaudens pro B. Clementis martyris  
debita reverentia tuis dulciter insonans auribus,  
in cujus festo te, prout asseris, olim uterus  
maternus effudit, & annis pluribus revolutis  
recensita Sancti festivitas te & recordationis  
inclytæ patrem tuum multis ac magnis succes-  
sibus honoravit. Sanè licet de tanto gaudio,  
(a) quod se tuis (a) infudit visceribus, cum nos  
supra meritum ad honorem & supra vires ad  
onera vocatos, ut credis, cælitus audivisti,  
assurgamus, ut tenemur, ad grates multorum:  
tamen grandium defectuum nobis conscii, qui  
terrorem nobis incutiunt & tremorem, quantæ  
folium celsitudinis ascenderimus, quantis etiam  
& quantis patribus successerimus intuentibus  
flendi potius quàm gaudendi materiam inveni-  
mus: nec tamen animus noster dejicitur, cui  
consolationis remedium ingerit inexhausta di-  
vinæ pietatis abyssus, quæ quos conformes suo  
(b) invenit beneplacito, non sic (b) elevat ut alli-  
dat, immo potius opus imperfectionis abhor-  
rens, sicut humiles erigit in sublime, sic & lo-  
cum humilitatis propriæ conservantibus reve-  
renter, manum non subtrahit adjutricem. Sub  
illius igitur confidentia, qui sperantes in se non  
deserit, ad fortia manum misimus, & ad gravia  
coaptavimus humeros imbecilles, & quod pos-  
sibilitas nostra non obtinet, in eo nos posse  
confidimus, apud quem non est impossibile om-  
ne verbum.

Verùm totius populi christiani, cujus pon-  
dus impositum nobis novimus, compatientes  
angustis & pressuris, eò tuis angimur gravius  
inter alias, quo profundius tangimur in eisdem.  
Quamobrem per diversos jam nuncios tuæ  
Serenitatis piis petitionibus intellectis, eos  
quanto celerius licuit expedivimus in his quæ  
vidimus opportuna negotio, & tuæ benivolen-  
tiæ desideriis grato concurrentes assensu, & si  
qua forsitan non admisimus, vel aliter quàm  
peterentur concessimus, sciat tua serenitas, non  
ex contemptu aliquo vel durtia, sed ex sano sa-  
lubrique consilio processisse, cum nonnumquam  
ipsi legati principum suæ prudentiæ innitentes,

(a) *Al. Effudit.* (b) *Al. Allevat.*  
*Theauri Anecdor. Tom. II.*

petant ea quæ non expediunt etsi liceant, &  
interdum etiam quæ non licent: quibus utilius  
circa talia favor subtrahitur, quàm præstetur.  
Porro tui conservationem honoris, ejusdem-  
que augmentum prosperum exoptantes, & ad  
ea quæ secundum Deum tibi placuerunt exhi-  
bere nos promptos & faciles proponentes, præ-  
lia Domini & prosecutionem ipsorum juxta  
morem à tua domo regia jam præscriptum, Ec-  
clesias insuper regni tui, jura, & libertates ea-  
rum, tuæ mansuetudini commendamus, per  
viscera misericordiæ Dei nostri obsecrantes  
eamdem, quatinus sic te strenuè Christi pugi-  
lem, sic custodem populi sui vigilem, operum  
attestatione demonstres, ut cum hætenus in  
hac parte multos magnos alios reges viceris,  
nunc vincere satagas & te ipsum. Demum non  
miretur tua sublimitas, si circa provisionem Ec-  
clesiæ Toletanæ juxta tuas litteras non proces-  
simus, quæ licet zelum tuum (c) exprimerent  
(c) & affectum, quem diversis ex causis arduis &  
honestis ad ecclesiam habes eandem; enerva-  
tionem tamen justitiæ continebant, quam ad-  
mittere nos non convenit, qui quàmvis legibus  
non ligemur humanis, lege adstringimur con-  
scientiæ, quæ pendens electionis negotium inter  
duos, & secundum juris canonici regulas mar-  
te suo procedens, à tertio superinducendo nos (d)  
retinuit, donec vel alter vel ambo decident,  
(d) vel unus de jure superior dici possit, & alter  
mediante justitia repellatur. Datum Assisi VIII.  
Idus Septembris anno 1.

## EPISTOLA CXLII.

Simoni Cardinali apostolicæ sedis legato.

*Ut inquirat de statu monasterii Vizeliacensis, quod  
in spiritualibus & temporalibus graviter  
collapsum ferebatur.*

**C**LEMENTIS episcopus servus servorum Dei  
dilecto filio S. tituli S. Cecilie presbytero  
cardinali apostolicæ sedis legato, salutem &  
apostolicam benedictionem.

Etsi nobis ex suscepti apostolatus officio ec-  
clesiarum omnium cura immineat generalis,  
illis tamen quæ immediatè apostolicæ sedi  
subsunt, eò diligentius invigilare nos convenit,  
quò incolumitas status earum principaliter de  
manibus nostris exquiratur, & in nostrum re-  
dundat honorem. Sanè sicut dolentes audivi-  
mus & referimus; monasterium Virgiliacense  
ad Romanam Ecclesiam nullo medio persinens,  
Ordinis S. Benedicti Eduensis diocesis in tem-  
poralibus graviter diminutum, & in spirituali-  
bus enormiter deformatum, tantò premitur  
onere debitorum, quòd usurarum voragine om-  
nes facultates ipsius penè penitus absorbente,  
idem monasterium irreparabili lapsui subjacens  
& ruinæ, vix post lapsum adjiciet ut resurgat.  
Super quo tanto gravius perturbamur, quantò  
idem monasterium tamquam hortus deliciarum

(c) *Al. Non exprimerent.*

(d) *Al. Trahit.*

N

& paradísus Domini consuevit divitiarum affluentia conspectius abundare, & in spiritualibus quasi totum carismatum donis plenum sanctius & carius præfulgere. Volentes igitur de statu prædicti monasterii effici certiores, discretioni tuæ per apostolica scripta mandamus, quatinus quod super his in illis partibus bonæ gravesque personæ sentiant, quid vulgaris opinio teneat, quid de abbate ac aliis ejusdem monasterii officialibus & monachis ibidem degentibus communis locutio protestetur, quidve de eis communiter & singulariter, & quorum malitia vel incuria & deliramentis dictum monasterium prædictis debitis aggravatur, & aliàs ad hujusmodi statum devenerit, communis fama proclamet, nobis non differas tuis litteris fideliter intimare, ut ex litterarum inspectione tuarum sufficienter instructi, provideamus super his prout secundum Deum viderimus providendum. Datum Perusii III. Idus Septembris, Pontificatus nostri anno I.

## EPISTOLA CXLIII.

Carolo regi Siciliae illustri.

*Regem cruce signatum contra Manfredum & omnes ejus terras sub sedis apostolicæ protectione suscipit.*

Anno 1265 CLEMENS episcopus servus servorum Dei carissimo in Christo filio CAROLO illustri regi Siciliae salutem & apostolicam benedictionem.

Cum tu, fili carissime, zelo fidei & devotionis accensus, assumpto vivificæ crucis signaculo, contra MANFREDUM quondam principem Tarentinum, manifestum persecutorem Ecclesiæ, ac Sarracenos Luceriæ potenter & magnificè te accingas, nos tuis postulationibus favorabiliter annuentes, totam terram tuam, nec non & terras illorum qui tecum contra eosdem MANFREDUM & Sarracenos accesserint, quamdiu in prosecutione hujusmodi negotii fueris, sub B. Petri & nostra protectione suscipimus, & præsentis scripti patrocinio communimus: inhibentes districtius ne quis te aut alios prædictos contra hujusmodi nostræ protectionis tenorem in eisdem terris turbare, molestare, aut tibi vel illis violentiam inferre præsumat, & in omnes qui contra hanc nostram inhibitionem facere vel venire tentaverint, excommunicationis sententiam promulgamus. Nulli ergo omnino liceat hanc paginam nostræ protectionis & inhibitionis infringere, vel ei ausu temerario contraire. Si quis autem hoc attentare præsumserit indignationem omnipotentis Dei & Beatorum Petri & Pauli apostolorum ejus se noverit incursum. Datum Perusii II. Idus Septembris, Pontificatus nostri anno I.



## EPISTOLA CXLIV.

Simoni Cardinali apostolicæ sedis legato.

*Ut prædicationi in subsidium negotii regni Siciliae intendat.*

CLEMENS episcopus servus servorum Dei dilecto filio S. tituli S. Ceciliae presbytero cardinali apostolicæ sedis legato salutem & apostolicam benedictionem.

Rationem quare prædicationi crucis superferis, cum tibi ad certum non fuerit commissum terminum, non videmus: ideoque discretioni tuæ per apostolica scripta mandamus quatenus ipsius prædicationi in subsidium negotii regni Siciliae intendas, juxta formam à sede apostolica tibi datam. Datum Perusii XVIII. calendas Octobris, Pontificatus nostri anno I.

## EPISTOLA CXLV.

Simoni cardinali apostolicæ sedis legato.

*Indulgentias & varia privilegia concedit cruce signatis adversus Manfredum.*

CLEMENS episcopus servus servorum Dei dilecto filio S. tituli S. Ceciliae presbytero cardinali apostolicæ sedis legato salutem & apostolicam benedictionem.

De venenoso genere velut de radice colubri virulenta progenies MANFREDUS quondam princeps Tarentinus egressus, ab ineunte ætate paternis se conformans nequitii, visus est quantum potuit paternam sævitiam superare, qui sicut impius in pessimis rebus exultans, gloriatus est esse ac dici Ecclesiæ persecutor, ad depressionem orthodoxæ fidei, enervationem juris ecclesiastici, & jugem turbationem Italiae, prout patet per opera, damnabili progenitoris imitatione suspirans; in qua voluntate perfida non solum perseverans, sed crescens quantum in eo est, profanavit sacra, religiosa cœdavit, destruxit ecclesias, afflixit viros ecclesiasticos, & alios tam nobiles quam populares, & pupillis & viduis non pepercit, aliàs molitus totis viribus conceptum virus effundere, ac iniquitatem tam innatam quam à patre propagatam in matrem Ecclesiam parturire, & ut ad suæ intentionis perfidiam posset pervenire facilius, Sarracenis & aliis inimicis Ecclesiæ in Christianorum dispendium speciali se amicitia copulavit. Idem quoque regnum Siciliae ad Romanam Ecclesiam pertinens, ut de aliis taceamus, invadens, ac regnicolas perfidia inhumana contractans, quantum ex ipsius regni opibus lædat Ecclesiam, turbet Italiam, & alias etiam remotas partes concutiat, non solum vicinis est notum, sed ad extremos orbis angulos jam pervenit. Et licet Ecclesia tamquam pia mater longo tempore dissimulaverit ista, credens ut ille ad cor rediens pœnitentiam ageret de commissis: quia tamen de die in diem fiebat deterior, & pejora pejoribus cumulabat; quadam inevitabili necessitate oportuit nos pro Ecclesiæ defensione Athletam assumere ipsumque erigere

ad illius proterviam retundendam: cuius rei causa carissimum in Christo filium nostrum CAROLUM regem Sicilia illustrem, quem more progenitorum suorum apostolica sedes semper invenit ad beneplacita sua paratum, vocavimus ad huiusmodi negotium, eique prædictum regnum de fratrum nostrorum consilio duximus conferendum, firma spe fiduciaque tenentes, quod per ipsius strenuitatem, fidelitatem, & potentiam, idem regnum optata pace fruetur, gaudebit Italia à bellis & turbationibus intestinis quiescens, imperii Romani status reformabitur, & terræ sanctæ in manu valida succurreretur. Cum igitur idem rex pro fidei catholicæ incremento, Ecclesiæ honore, bono statu totius Italia, ac optata quiete fidelium, zelo fidei & devotionis accensus, assumpto crucis signaculo, contra prædictum MANFREDUM & Sarracenos Luceriæ accingat se viriliter ac potenter: nos attendentes quod Christiani populi, & maxime Italiae interest, ut tam salubre negotium, à cuius successu dependet plurimum quam credatur tranquillitas, in manu forti & robusta procedat, Italicos & alios fideles ad hoc salutare JESU-CHRISTI exercitus tyrocinium, non solum piis exhortationibus, sed etiam superabundantibus gratiis invocamus, & ut universi & singuli ad id eò libentius & animosius intendant, quò exinde dona spiritualia, quæ temporalibus præferenda sunt, perceperint potiora, nos de omnipotentis Dei misericordia & beatorum Petri & Pauli apostolorum ejus auctoritate confisi, & illa quam nobis Deus licet indignis ligandi atque solvendi contulit potestate, omnibus qui assumpto crucis signaculo ad eundem regem ituri, cum eo contra MANFREDUM & Sarracenos prædictos in propriis personis & expensis accesserint, plenam suorum peccaminum veniam indulgemus, & in retributione justorum salutis æternæ pollicemur augmentum. Eis autem qui non in propriis personis hoc fecerint, sed in suis dumtaxat expensis juxta facultatem & qualitatem suam viros idoneos destinaverint, & illis similiter qui licet in alienis expensis, in propriis tamen personis accesserint, & eis qui quartam seu majorem partem proventuum & obventionum de redditibus suis pro huiusmodi negotio, collectoribus ad hoc deputatis seu deputandis erogaverint, plenam suorum concedimus veniam peccatorum. Hujus quoque remissionis volumus & concedimus esse participes juxta quantitatem subsidii & devotionis affectum, omnes qui ad subventionem ipsius negotii de bonis suis decimam vel aliam partem prædictis collectoribus ministrarint, aut circa prædicta consilium & auxilium impenderint opportunum, & qui pro eodem negotio auctoritate nostra prædicaverint verbum crucis. Volumus etiam cruce signatos & cruce signandos illo privilegio, eaque immunitate gaudere, quæ in generali cruce signatorum indulgentia sunt concessa. Si qui vero proficiscentium illuc ad præstandas usuras juramento tenentur adstricti, creditores ipsorum ut remittant eis præstitum juramentum, & ab usurarum exactione desistant, de

*Theſauri Anecd. Tom. II.*

A plano & absque solemnī strepitu, veritate cognita, ecclesiastica præcipimus districtione compelli. Quod si quisquam creditorum eos ad solutionem coegerit usurarum, eum ad restitutionem earum sub forma prædicta simili cogi animo adversione mandamus. Judæos vero ad restituendas usuras, ea qua convenit præcipimus censura compelli, & donec illas remiserint, fidelium eis communio denegetur. Presbyteris autem & clericis qui assumpto vel assumendo crucis signaculo pro prædicto negotio sunt personaliter profecturi, & clericis parochiales ecclesias non habentibus, qui fideliter tantum transmiserint, per bellatores idoneos quantum expenderent, si personaliter illuc irent, præsentium auctoritate concedimus, ut proventus beneficiorum suorum quæ perciperent tempore motionis vel missionis, quotidianis distributionibus dumtaxat exceptis, integrè percipiant per triennium, ac si personaliter in ecclesiis in quibus beneficia ipsa obtinent residerent, & si necesse fuerit, per idem tempus vendere vel pignori valeant obligare: non obstante contraria ipsarum ecclesiarum consuetudine, vel statuto, juramento, vel confirmatione sedis apostolicæ, aut quacunque firmitate alia roboratis, vel litteris apostolicis, de quibus specialem & expressam oporteat in præsentibus fieri mentionem, seu etiam quod ipsorum aliqui de non impetrandis aliquibus indulgentiis vel non utendis impetratis aut concessis juramento præstito promiserunt, & tam cruce signatos quam cruce signandos postquam receperint signum crucis, cum uxoribus familiis & omnibus bonis ipsorum sub apostolicæ sedis protectione suscipimus, eisque nihil hominū indulgemus, ut extra suas dioceses auctoritate litterarum apostolicæ sedis vel legatorum ejus nequeant ad judicium evocari: statuentes ut bona ipsorum ex tunc integra maneant & quietas, donec de ipsorum redditu vel obitu certissimè cognoscatur. Archiepiscopi verò, & episcopi diocesani eorundem cruce signatorum, nec non & archidiaconi, & eorum officiales nostra freti auctoritate, non permittant prædictos cruce signatos contra protectionis & indulgentiæ nostræ tenorem ab aliquibus indebitè molestari: molestatores huiusmodi per censuram ecclesiasticam, appellatione postposita compescendo. Præterea volumus, & præsentium auctoritate concedimus, ut clerici & laici cruce signati & cruce signandi decimas non ratione ecclesiarum pacificè detinentes, fructus earum hætenus perceptos in huiusmodi negotii subsidium convertere valeant per seipsos, vel prædictis collectoribus secura conscientia exhibere. Quocirca discretionī tuæ per apostolica scripta mandamus, quatinus per regnum Franciæ & alias terras tuæ legationis crucem prædices, & facias prædicari contra MANFREDUM & Sarracenos prædictos, & proponas & proponi facias per illos, quos ad hoc idoneos noveris, verbum crucis; eos ad id, si necesse fuerit, per censuram ecclesiasticam, appellatione postposita, compescendo. Et ut fideles Christi libentius & ferventius currant ad verbum Domini au-

N ij

diendum, omnibus verè pœnitentibus & confessis, qui ad tuam & illorum quibus id commiseris solemnem prædicationem accesserint in qualibet civitate, villa vel oppido, in qualibet convocatione seu statione, decem, vel viginti, seu triginta, vel quadraginta dierum indulgentiam, prout tu & illi quibus officium prædicationis committendum duxeris, largiaris, prout videris expedire. Ut autem nihil omnino desit ad commissum tibi officium exequendum; absolvendi juxta formam Ecclesiæ manuum injectores in clericos sæculares & personas religiosas, ac incendiarios, & excommunicatos pro decima vel vicesima deputata pacis & fidei ac terræ sanctæ negotio non soluta, nec non sacrilegos, fortilegos, & eos qui contra prohibitionem apostolicæ sedis vel legatorum ipsius sepulcrum Domini visitaverint, ac eos qui portaverunt ferrum, arma, lignamina, & merces prohibitas Sarracenis, vel aliàs contra Christianos dederint eis consilium, auxilium vel favorem, nec non clericos qui excommunicationis sententiam incurrerunt per legatos apostolicæ sedis in concubenarios promulgatam, & illos clericos in prælaturis, dignitatibus & personatibus constitutos, nec non presbyteros & religiosos quoslibet qui contra constitutionem Ecclesiæ, leges vel physicam audierint, ac dispensandi cum irregularibus quos præmissa occasione, vel pro eo quod fortè excommunicati vel suspensi, seu alias irregularitatem aliquam incurrerunt, dum tamen pro hujusmodi negotio recipiant signum crucis. *Reliqua desunt.*

## EPISTOLA CXLVI.

Dilecto filio S. tituli S. Cecilie presbytero  
cardinali apostolicæ sedis legato.

*Scribit se non posse subvenire regis Siciliae necessitatibus, & ut cum Franciæ regi commendet.*

Anno 1265

**C**onsiderato carissimi in Christo filii nostri illustris Siciliae regis statu, si circa subventionem ejusdem in tempus, ut scripsisti, prolixum tua forsitan impotentia perseverat, quomodo possit subsistere, circumscripto divino miraculo, non videmus, nisi carissimus in Christo filius noster illustris rex Franciæ fratri suo subveniat, dando mutuam sibi de decima suo tempore (a) persolvendum. Quamvis autem super hoc sapius ei scripserimus, nec fuerimus exauditi, nunc tamen eodem rege Siciliae ob hanc causam ad ipsius præsentiam certos suos & speciales nuncios destinante, de eadem materia litteras innovamus, tuæ discretionis per apostolica scripta mandantes, quatinus per te facias quicquid poteris in prædictis, & nuncios ipsos dirigas in agendis. Vires enim nostræ deficiunt, & qui malè nobis sufficimus, aliis subvenire non possumus, ut vellemus. Datum Perusii XVII. calendas Octobris, Pontificatus nostri anno primo.

(a) *Al. Solvenda.*(b) *Al. Confirmari.*

## EPISTOLA CXLVII.

Episcopo Altissiodorensi.

*Hortatur ut crucem cum rege Siciliae sumere ac viriliter pro ipsius negotio laborare velit.*

**S**i Ecclesiæ Dei compatiens, si carissimi in Christo filii nostri C. illustris regis Siciliae laboribus jam susceptis intendens, urgente stimulo pietatis, crucem velles recipere, & cum eodem rege tam salubriter quam feliciter laborare, nostrum multum lætificares animum, & tam regem quàm negotium regium promoveres. Dedit etenim tibi Dominus Spiritum sapientiæ, sed & linguam contulit eruditam, sensum tuum insuper multi jam temporis experientia solidavit, ut nihil tibi desit, in ulla gratia, qua tam pium negotium valeat promoveri. Quocirca fraternitatem tuam monendam duximus & hortandam, quatinus Deum habens præ oculis, & afflictis Romanæ Ecclesiæ atque regi tuæ viscera pietatis aperiens, in tuorum remissionem peccaminum teipsum Deo & cruci offeras in odoriferum holocaustum, & ad regem eundem, prout tuam decet solertiam, sicut fidei pugil accedas: quod ut liberius & libentius exequaris, peregrinandi ex causa hujusmodi tibi concedimus facultatem.

## EPISTOLA CXLVIII.

Dilecto filio O sancti Adriani diacono  
cardinali apostolicæ sedis legato.

*De sua in Angliam legatione, de crucis prædicatione & quorundam episcoporum absolutione.*

**L**æta nobis & tristia nunciasti: læta quidem, in regni nobilis Anglicani liberatione vicina, quam initiatam virorum sceleratorum occubitu tua speramus industria (b) consummari: sed mœrore perfusa, dum viros tanti sanguinis, quos exigentibus culpis propriis excommunicationis olim innodavimus sententia, nec Dei nec sui memores intelleximus decessisse. Sanè quod à te ex parte dilecti filii nobilis viri (c) E. carissimi in Christo filii nostri illustris regis Angliæ primogeniti petebatur, audivimus; quia tu magis ac melius scire potes quid deceat, quid expediat, de tua providentia firmam fiduciam obtinentes, discretionis tuæ per apostolica scripta mandamus, si securum potes habere transitum, intres Angliam in nomine Domini nostri JESU-CHRISTI, & ad regis stabilimentum & liberorum suorum, & regni, & (d) honorem ipsorum efficaciter & solerter intendas. Si quam inveneris resistantiam in eodem, quæ tibi probabiliter videatur durioribus indigere remediis, crucem prædica infra regnum, & indulgentias præbe juxta traditam tibi formam. Quod si regnum non potes ingredi, nec per regis vel filiorum potentiam tibi posse confidis aditum aperiri, prædica crucem, si expedire credideris

(c) *Eduardi.*(d) *Al. Regimen.*

in maritima cismarina, & in terris Angliæ ultra mare, & citra, ubi secure poteris prædicare; & si urget necessitas, etiam in regno Alemaniarum, quantum utile tibi videbitur, quamvis legationem non intres ejusdem. Sed & ad carissimum in Christo filium nostrum L. regem Franciæ illustrem recurras in omnibus confidenter, quem pro sua bonitate credimus solito promptiorem ad opem & consilium tibi super his omnibus impendenda. Ceterum quantumcumque obedientiam offerant, quantumcumque auxilium Londonensis, Wigorniensis, Lincolnensis, & Eliensis episcopi, ad absolutionem valeas procedere personarum, forma Ecclesiæ servata: sed nullius utilitatis intuitu, nullius potestatis obtentu gratiam aliquam eis facias; immò si, prout dicitur esse notorium, vel SIMONI quondam comiti Leycestræ, vel suis complicibus adhæserunt, vel interdictum à nobis non servaverunt, suspensos ab officio & beneficio (a) nobis reserves animadversione debita puniendos, quod & de aliis fieri volumus, quorum hæc culpas pro (b) sua gravitate cognoveris; meruisse verum de recognoscendo dominio Romanæ Ecclesiæ & recuperandis ejusdem viribus, & spoliatis prælatis, clericis, & aliis restituendis canonicè, nullam tibi doctrinam tradimus, cum id solum commemorare sufficiat, ut locorum & temporum opportunitate servata, nec ex incuria facienda dimittas, nec collidentibus invicem se negotiis ea præcipiti festinatione confundas. Bene est nobis & tuis fratribus per Dei gratiam, sed venturam militiam & pecuniam anxiiis animis expectamus. Datum Perusii (c) XIII. calendas Octobris anno I.

## EPISTOLA CXLIX.

Simoni cardinali apostolicæ sedis legato.

*Ut Petro de Cassiliaco mercatori Montis-pestulani libras mille persolvat.*

ANNO 1267, CLEMENS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Contrahendi mutuuum usque ad quatuor millium librarum Turonensium summam, & obligandi propter hoc creditoribus decimam proventuum ecclesiasticorum carissimo in Christo filio nostro CAROLO illustri regi Siciliæ ab apostolica sede concessam, dilecto filio magistro PETRO notario nostro tunc in Provinciæ partibus constituto, & Ecclesiæ Romanæ, cujus erat nuncius, commissa sibi à nobis negotia prosequenti, per tuas sub certa forma tribuisti litteras facultatem, ex cujus beneficio facultatis notarius ipse à Petro de Cassillaco laico mercatore de Monte-pestulano recepit mutuo mille librarum monetæ hujusmodi quantitatem, sicut eodem notario audivimus exponente. Quia igitur omnino intendimus, ut qualibet occasione

(a) Al. Non reserves.

(b) Al. Tua.

A submotâ dicto mercatori de pecunia ipsa recepta mutuo satisfactio perveniat festinata; discretioni tuæ per apostolica scripta mandamus, quatinus de his quæ ad te ratione hujusmodi decimæ provenerunt, præfato mercatori de pecunia eadem nec non damnis expensis interesse juxta pactiones & conventiones inter prædictos notarium & mercatorem contractus tempore habitas absque alicujus mora aut dilationis impedimento, usuris omnino cessantibus, satisfactionem exhibeas quæ debetur. Nos enim qui te super hujusmodi debito indemnem omnino disponimus conservare, antedictas litteras, quæ portandæ per mare cum rebus notarii prælibati, nondum ad eundem notarium pervenerunt, quam citò notarius ipse illas habuerit, ad manus nostras recipere, ac eas usque ad tuum, præstante Domino, ad apostolicam sedem redditum conservare curabimus, in eodem tibi redditu tam libenter quàm liberaliter exhibendas. Instrumentum autem super mutuo memorato confectum à nominato mercatore tibi facias exhiberi, ac de satisfactione hujusmodi, postquam illam duxeris impendendam, publicum prout expediens fuerit, quittance, refutationis & finis confici facies documentum; ac instrumentum & documentum eadem penes te diligentius conservabis nobis in prædicto redditu deferenda. Datum Perusii XII. calendas Octobris, Pontificatus nostri anno I.

## EPISTOLA CL.

D Nobili viro B. Domino Baucii Potestati Mediolanensi spiritum consilii sanioris.

*Se non posse eum absolvere.*

ANNO 1267, A D confusionem tibi reputas quod salutationis verbum subtrahimus tibi pro nostris & regis negotiis, ut dicis, laboranti; sed quod aliter scribere non valemus, non mentem tuam plusquam nostram offendit. Satis quidem expertus es hactenus, quod in tuis periculis minimè delectamur; immo, ut nosti, cum te tam terræ quàm animæ tuæ discrimini videremus expositum, subvenimus, ut potuimus, & per Dei gratiam fructuose. Sane scire te volumus quod etsi nec Pelavicini fautor nec damnorum Ecclesiæ à clero Mediolanensi illatorum auctor extiteris; latæ tamen ex his causis sententiæ in Potestatem & alios qui eo tempore horum fuerunt auctores in te transeunt, qui eisdem in officio successisti, cum nondum fuerit satisfactum, nec est à medico quærenda cura vulneris, ferro sagittæ vel lanceæ in vulnere permanente. Verum si rebus aliter non dispositis te vellemus absolvere, vel dicere te non ligatum, nihil aliud esset hæc facere, quàm penitus jura confundere juris interpretem & auctorem. Non miretur itaque tua prudentia, si votis tuis, quæ si, graviter non repugnarent justitiæ, nostræ forent consona voluntati, non annuimus, ut desideras, cum id nostræ debitum honestatis

(c) Al. Calendis.

N iij





minimè patiatur. Venientibus autem ad nostram præsentiam ambaxatoribus Mediolanensium, speramus in Domino viam aliquam, si per eos non steterit, inveniri, ad ipsorum & tuam salutem efficaciter procurandam, quamvis nobis displiceat quod in hoc statu maneat etiam per momentum. Datum Perusii x. calendas Octobris anno i.

## EPISTOLA CLI.

Carissimo in Christo C. regi Siciliæ illustri.

*Proponit ei archiepiscopum Cusentinum mittendum nuncium in Longobardiam.*

Anno 1165

**L**ombardiæ statu tempestatibus multis exposito, & ab olim, quod dolentes referimus, pluribus lacerato scissuris, ad visitationem ejusdem mittere cogimur aliquem pacis angelum, qui præ oculis Deum habens zelo ferveat animarum, & ea polleat sapientia, ut fideles in sua devotione firmare, & à damnabili pertinacia indevotos sciat, velit, & valeat revocare. Licet autem hoc dudum inhæserit menti nostræ, hoc tamen tempore accelerandum credimus, quo te fidei prosequente negotium, multisque ad idem tuo jam accensis exemplo, militia nobilis de Galliarum partibus expectatur, per Lombardiæ fines favente Domino transitura, quæ legati ejusdem auxilio & consilio multum poterit adjuvari. Mittendum ergo decrevimus, si acceptum habueris, venerabilem fratrem nostrum archiepiscopum Cusentinum, quem ad suscipiendum hoc onus per litteras nostras inducimus, si de tuo fuerit beneplacito, reddendas eidem, & tu etiam tuis precibus eum inducere non postponas. Quod si tibi ejus missio non placuerit, vel quia alium utiliore existimes, vel quia tuum ex hoc credens consilium nimis detruncatum, supprimes litteras quas ad eum dirigimus, & de alio cogitabimus, licet parum penuriam habeamus, & tempus labatur continuè, non sine discrimine, propter mutationem temporum & inconstantiam animorum. [a] Datum Perusii (a) ix. calendas Octobris anno primo.

## EPISTOLA CLII.

Archiepiscopo Cusentino.

*Mittit eum nuncium in Longobardia.*

Anno 1165

**L**ombardiæ, &c. ut in superiori usque mittendum ergo... Ad hoc autem officium te frater eligimus, te vocamus, nec recuses laborem tuæ & multis utilem animabus, quarum sitire credimus te salutem. Nec te terreat magnitudo negotii, quod proponimus quibuscumque poterimus congruis & honestis remediis levigare, & in omnibus aderit tibi Dominus, & nos qui vicem ejus in terris gerimus assistemus. Quocirca fraternitati tuæ per apostolica scripta præcipiendo

(a) Al. xi. Calendas.

A mandamus, quatinus in obedientiæ meritum hoc suscipiens, ad nos venias iter tuum exinde versus easdem partes prospere directurus, & in occursum venientis militiæ, consolatione tua laudificaturus eandem (b) & salubri consilio directurus. Datum ut supra.

(b)

## EPISTOLA CLII.

Fundatio Collegiæ S. Urbani Trecensis ecclesiæ.

B

**C**LEMENS Episcopus servus servorum Dei, dilectis filiis decano & canonicis ecclesiæ sancti Urbani Trecensis, tam presentibus quam futuris canonicè substituendis in perpetuum.

Anno 1165  
Ex archiepis  
S. Urbani  
Trecensis.

Etsi universæ orbis ecclesiæ apostolicæ sedi, quæ disponente Domino super ipsas ordinariæ potestatis obtinet principatum, subesse noscantur, aliquas tamen interdum de suæ auctoritatis plenitudine sedes eadem specialiter sibi subditas, sic eas à cujuslibet alterius jurisdictione prorsus eripiens, ut nullum nisi solum Romanum Pontificem superiorem & dominum recognoscant, constituendo ipsas quodam singulari privilegio liberas penitus & exemptas. Unde felicitis recordationis Urbanus papa prædecessor noster ad ecclesiam sancti Urbani Trecensis, quæ in fundo sive solosue paternæ domus est, Ecclesiæ Romanæ constructa sumtibus & dotata, specialem gerens affectum, & volens, ut sicut ipsius prædecessoris erga eam in dilectione abundabat gratia, sic exuberaret in opere circa ipsam, providit singularibus illam privilegiis plenisque libertatibus insignire, ut cum magis apostolico suffulta favore fuerit, eò amplius circa præfatam sedem devotione concreverat. Verum idem prædecessor morte præventus, quod super hoc in affectu gerebat perducere non potuit ad effectum. Quapropter, dilecti in Domino filii, nos hujusmodi ejusdem prædecessoris propositum attendentes, ac aliqua de iis quæ præordinaverat exequentes, prædictam sancti Urbani sæcularem ecclesiam in jus & proprietatem B. Petri & prædictæ sedis assumimus, & præsentis scripti privilegio communimus, ab omni jurisdictione, potestate ac dominio, tam episcopi Trecensis, & archiepiscopi Senonensis, qui pro tempore fuerint quam cujuslibet alterius prælati ceu ecclesiasticæ personæ, illam totaliter & perpetuo eximentes: ita quod nec idem episcopus & archiepiscopus, nec quævis alia persona ecclesiastica eam, utpote prorsus exemptam, vel personas, ceu canonicos ipsius Ecclesiæ, sive clericos ejus, qui continuè in divinis officiis servierint in eadem, aut servientes personarum & canonicorum prædictæ ecclesiæ, qui tamquam ipsorum familiares domestici eorum obsequiis morabuntur, interdicere, suspendere, vel excommunicare valeat, seu quomodocumque alias in præfatam ecclesiam & prædictos vel eorum aliquem, potestatem vel jurisdictionem aliquam exercere: & si contra forte præsumtum fuerit, sit omnino vanum

(b) Al. Quæ sequuntur desunt in codice Trecensi.

irritum & inane. Porro ut numerus personarum in eadem ecclesiâ Domino famulantium ipsius facultatibus proinde coaptetur, duodenarium canonicorum numerum cum decano, cantore, thesaurario, quos in huiusmodi numero computari volumus, in ecclesiâ prædictâ præsentium auctoritate statuimus, & quod collatio præbendarum thesaurariæ & cantoriæ in ea pertineat ad decanum; præcipientes ut ecclesiâ ipsa prædicto numero sit contenta, & districtius inhibentes, ne aliquis in illa ultra numerum ipsum in canonicum admittatur absque speciali licentiâ sedis ejusdem, faciente plenam & expressam de statuto & inhibitione huiusmodi mentionem. Nos enim irritum & inane decernimus, si secus à quoquam fuerit attentatum.

Statuimus etiam ut decanus prædictæ ecclesiæ ab ejus canonicis eligatur, & præsentetur ipsius electio Romano Pontifici confirmanda per eum: sed nihilominus interim ante suam confirmationem, si concorditer electus fuerit, in spiritualibus & temporalibus, ne forte incurrat in his ecclesiâ ipsa dispendium, administret: sic tamen ut de rebus illius nihil penitus alienet. Verumtamen infra sex mensium spatium postquam electus fuerit à canonicis confirmatio electionis ejusmodi ab eodem Romano Pontifice postuletur. Quod si forte neglectum fuerit, ex tunc eisdem canonicis eligendi alium idoneum in decanum libera sit facultas. Decanus autem postquam confirmatus fuerit, successive ad omnes ordines statutis temporibus teneatur se facere promoveri, & ad continuam residentiam in eadem ecclesiâ faciendam, super quibus ipse in confirmatione sua præstet coram dicto Romano Pontifice, vel coram illo cui dictus Romanus Pontifex hoc, vel confirmationem huiusmodi commiserit, corporaliter iuramentum, & nihilominus postquam redibit ad dictam ecclesiâ (electionis suæ confirmatione obtentâ) super confirmatione sua & præstatione huiusmodi iuramenti litteras testimoniales ipsius Romani Pontificis, vel illius cui dictus Romanus Pontifex confirmationem electionis suæ commiserit, capitulo ecclesiæ prædictæ reportet. Liceat autem sibi duobus mensibus annis singulis extra dictam ecclesiâ pro suis negotiis moram facere, & si eum pro negotiis ejusdem ecclesiæ de licentiâ ipsius capituli interdum abesse contigerit, propter hoc absens minimè reputetur. Ordinamus quoque, ut tu fili, decane, & successores tui circa spiritualia prædictæ ecclesiæ, & habeatis plenam curam, & in illius personas, canonicos, clericos, & ministros, ac eorum servientes, sive clerici fuerint, sive laici, tamquam vobis subditos spirituales jurisdictionem, ita quod in eos censuram ecclesiasticam valeatis libere exercere, & nullus alius jurisdictionem & censuram huiusmodi sibi in prædictos quomodolibet vindicare præsumat. Sanè à vobis & successoribus vestris eligatur unus præpositus sive camerarius annuatim, qui omnium temporalium ejusdem ecclesiæ curam gerat, ac redditus & proventus ipsius colligi faciat, & conservet, distribuendo pro-

portionaliter per eum inter canonicos & personas ecclesiæ memoratæ: ita quod decanus duas, thesaurarius vero & cantor, videlicet uterque eorum unam & dimidiam ex redditibus & proventus huiusmodi percipient portiones, & ne prædicta ecclesiâ debitis obsequiis defraudetur, volumus & statuimus quod portio ex huiusmodi redditibus & proventus assignetur tantum illis canonicis & personis, qui personalem residentiam fecerint, & interfuerint horis canonicis in ecclesiâ memoratâ, eâ servatâ formâ quod in singulis horis huiusmodi juxta taxationem prædictorum decani & capituli certum quid ex prædicta portione præsentibus assignetur. Absentes verò personæ, & canonici, & præsentibus etiam, nisi pro tempore quo interfuerint horis prædictis, portionem non recipiant supradictam nisi fortè absentes tali detineantur debilitate vel infirmitate, quod non possint in dicta ecclesiâ commode deservire, aut aliâ justâ causâ & legitimâ excusentur. Sed & absentes de licentiâ prædictorum decani & capituli apud sedem apostolicam pro negotiis ipsius ecclesiæ, aut si in peregrinatione fuerint, vel in scholis: tunc, ac si essent præsentibus, integre, suam percipiant portionem. Huiusmodi autem præpositus sive camerarius rationem administrationis suæ reddat in præsentia dictorum decani & capituli bis in anno. Et si facultates prædictæ ecclesiæ adeo excreverint, quod singulæ portiones summam annuam quinquaginta librarum Turonensium (qua singulos Canonicos dictæ ecclesiæ annuatim volumus esse contentos) possint excedere: illud quod superfuerit de huiusmodi summâ fideliter conservetur, in possessiones pro prædicta ecclesiâ, vel alias utilitates ipsius ecclesiæ per dictos decanum & capitulum totaliter convertendas. Ad hæc liceat vobis chrisma, & oleum sanctum, consecrationes altarium prædictæ ecclesiæ, ordinationes quoque clericorum vestrorum, qui ad ordines fuerint promovendi, petere ac recipere à quocunque malueritis catholico episcopo, gratiam & communionem apostolicæ sedis habente, qui nostrâ fretus auctoritate, vobis quod postulatis impendat. Quod si forte à Trecensi episcopo, qui erit pro tempore, hoc postulaveritis & receperitis, nihil omnino juris propter hoc, seu jurisdictionis, domini, aut potestatis, idem episcopus vel ecclesiâ Trecensis in vobis sibi vindicet vel acquirat, nec ex eo materiam vel occasionem seu causam præscribendi aliquam contra vos possit sumere vel habere. Statuimus insuper ut in ipsa S. Urbani ecclesiâ fiat quotidie in missarum solemnibus commemoratio de prædicto prædecessore, ipsius suppresso nomine, & pro Romano Pontifice, præterquam in præcipuis festivitibus, oratio specialis: nec non pro Romanis Pontificibus defunctis missa ibi semel ad minus in hebdomada celebretur. Ad indicium autem huiusmodi perceptæ à sede apostolica libertatis, memorata ecclesiâ S. Urbani unum obolum aureum in festo Omnium Sanctorum persolvat nobis nostrisque successoribus annuatim. Decernimus ergo ut nulli omnino hominum liceat præ-

dictam ecclesiam temere perturbare, aut ejus A possessiones auferre, vel ablatas retinere, minuere, seu quibuscumque vexationibus fatigare: sed ea omnia integra conserventur, eorum pro quorum gubernatione & sustentatione concessa sunt usibus omnimodis profutura, præfata sedis auctoritate in omnibus semper salvâ. Si qua igitur in futurum ecclesiastica secularive persona hanc nostræ exemptionis, reservationis, constitutionis, ordinationis, prohibitionis & concessionis paginam, sciens contra eam temere B venire tentaverit, secundò tertiove commonita, nisi reatum suum congruâ satisfactione correxerit, potestatis honorisque sui careat dignitate, reamque se divino judicio existere de perpetrata iniquitate cognoscat, & à sacratissimo Corpore & Sanguine Dei & Domini redemptoris nostri Jesu Christi aliena fiat, atque in extremo examine districtæ subiaceat ultioni. Cunctis autem eidem Ecclesiæ jura servantibus, sit pax Domini nostri Jesu Christi, quatenus & hic fructum bonæ actionis percipiant, & apud districtum judicem præmia æternæ pacis inveniant. Amen. Amen. Amen.

Ego C L E M E N S Catholicæ Ecclesiæ Episcopus.

† Ego Stephanus Prænестinus episcopus.

† Ego Fr. Joannes Portuensis & S. Rufinæ episcopus.

† Ego Radulphus Albanensis episcopus.

† Ego Henricus Ostiensis & Velletrensis episcopus.

† Ego Ancherus tit. S. Praxedis presbyter cardinalis.

† Ego Guillelmus tit. S. Marci presbyter cardinalis.

† Ego Fr. Ambaldus Basilicæ XII. Apostolorum presbyter cardinalis.

† Ego Octavianus S. Mariæ in Via-lata diaconus cardinalis.

† Ego Joannes S. Nicolai in Carcere Tulliano diaconus cardinalis.

† Ego Jacobus S. Mariæ in Cosmedin diaconus cardinalis.

† Ego Gottifridus S. Georgii ad Velum aureum diaconus cardinalis.

† Ego Ubertus S. Eustachii diaconus cardinalis.

† Ego Jordanus SS. Cosmæ & Damiani diac. card.

Datum Perusii per manum magistri Michaëlis sanctæ Romanæ Ecclesiæ vicecancellarii, octavo Calendas Octobris, Indictione viiiij. Incarnationis Dominicæ Anno millesimo ducentesimo sexagesimo quinto, Pontificatus vero Domini Clementis Papæ quarti anno primo.



## EPISTOLA CLIV.

Simoni cardinali apostolicæ sedis legato.

*Ut mercatoribus Florentinis quinque librarum millia solvat.*

C L E M E N S episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem. Anno 1265

Cum dilectus filius P. archidiaconus Senonensis camerarius noster ab Albertino Rote, Lotterio Ferucii, Coppe Joseppi, Apo Lamberti & Puncino Amatoris civibus & mercatoribus Florentinis quinque millia librarum Turonensium pro necessitatibus Ecclesiæ Romanæ de mandato nostro receperit nomine mutui certis eis loco & termino persolvenda, prout in instrumento publico manu Noclerii scrinarii confecto exinde plenius continetur: discretioni tuæ per apostolica scripta mandamus, quatenus præfatam pecuniæ quantitatem de decima ecclesiasticorum proventuum regni Franciæ mercatoribus ipsis, vel eorum aliquibus, aut uni, seu certo nuntio eorumdem prædictum instrumentum tibi cum præsentibus & aliis nostris litteris resignanti, juxta ipsius instrumenti tenorem sine difficultate persolvas. Datum Perusii v. calendas Octobris, Pontificatus nostri anno i.

## EPISTOLA CLV.

Ad Theobaldum regem Navarræ, Campaniæ & Briæ comitem.

*Commendat ei ecclesiam Trecentem S. Urbani.*

C L E M E N S episcopus servus servorum Dei, carissimo in Christo filio Illustri Regi Navarræ salutem & apostolicam benedictionem. Anno 1265 Ex archiepis S. Urbani Trecentis.

Corde hilari meditantes quod pietatis operibus per Dei gratiam multipliciter es intentus, firmam & securam gerimus de tua serenitate fiduciam, ut quibuscumque tuæ terræ ecclesiis & personis ecclesiasticis, sed illis præcipue, quas ad Romanam Ecclesiam percipis immediate spectare, obtentu ipsius Ecclesiæ matris tuæ, nostrique intuitu precamini, benignus & benevolus opportuno tempore habearis. Sane felicitis recordationis Urbanus Papa prædecessor noster ad ecclesiam sancti Urbani Trecentis, quæ in fundo seu solo suæ paternæ domus, Ecclesiæ Romanæ sumptibus constructa est & dotata, specialem dum viveret gerens affectum, & volens ut sicut sua circa eam abundabat affectio, sic exuberaret effectus operis erga illam, providit circa vitæ suæ dies ultimos singularibus ipsam privilegiis, plenisque libertatibus insignire, ut quo magis apostolico favore suffulta existeret, eo amplius circa præfatam sedem speciali

speciali devotione concresceret & ferveret. Verum idem prædecessor morte præventus, quod super hoc gessit in animo, perducere non potuit ad effectum. Nos itaque tandem suum in hac parte propositum attendentes, ac aliqua de iis quæ idem super hoc præordinaverat, excerpentes, prædictam sancti Urbani ecclesiam in jus & proprietatem Beati Petri & prædictæ sedis assumimus, eamque ab omni jurisdictione, potestate, & dominio, tam diæcesani, quam metropolitani loci, quam cujuslibet alterius prælati, seu ecclesiasticæ personæ totaliter & perpetuò duximus eximendam. Hinc est, fili carissime, quod nos dictam sancti Urbani ecclesiam cupientes statum tranquillum & pacificum, divinâ propitiante clementiâ, tuâque cooperante potentia, obtinere; magnitudinem tuam affectuosè rogandam duximus & monendam, in remissionem tibi peccaminum suadentes, ut generatim ad supradictam ecclesiam sancti Urbani, pro divinâ & apostolicæ sedis, ac ejusdem sancti reverentiâ, oculum benignitatis dirigens, ipsam & personas ejus efficaciter commendatas habeas, & jura ejusdem ecclesiæ manu teneas, & defendas; ita quod prædicta ecclesia sancti Urbani, te protegente, possit in statum optatæ prosperitatis dirigi, & à læsionis incurso cujuslibet, Deo propitio, præservari. Ac nos qui hujusmodi preces tibi ex intimo cordis affectu dirigimus, excellentiæ tuæ proinde speciales gratias referamus. Datum Perusii 11. Calendas Octobris Pontificatus nostri anno primo.

## EPISTOLA CLVI.

(a) Dilecto filio Potestati consilii & communi (a) Eugubino.

*Robertum de Robertis eis concedit Potestatem.*

Anno 1265

Nuper nobis Assisii exeuntibus nuncios æ vestras litteras destinastis, inter cetera continentes, apud vos extitisse concorditer ordinatum, quod illum in Potestatem reciperetis pro anno instante à Calendis Januarii inchoando sub certis conventionibus nobis missis, quem vestræ vellemus præficere civitati. Nos igitur, licet omnium civitatum rectores probatæ discretionis & fidei esse plurimum affectemus: illos tamen præcipue quos elegimus, ea cupimus sinceritate pollere, ut mundo corde & manibus innocentibus suum officium exercentes, & Deo placeant, & hominibus sint accepti. Ideoque deliberatione præhabita virum nobilem & fidelem & de domo fideli progenitum magnæ prudentiæ & experientiæ longioris, dilectum filium Robertum de Robertis nunc Capitaneum Perusinum vobis in Potestatem concedimus ad annum prædictum, sub illis conventionibus vel conditionibus, quas scripsistis, & ne de illis valeat dubitari, eas ei tradidimus cum ipsis nostris litteris nullo addito vel etiam diminuto.

(a) Al. Eugalianens.

*Theauri Anecd. Tom. II.*

A Vestrum est ex nunc ejus adire præsentiam, & ab eodem exigere pacta debita, & eidem permittenda permittere vice versa. Sanè preces quas ab aliquibus vestrum recepimus pro persona alia concedenda venerunt aliquantulum nimistardè, cum jam per interpositas personas verbum de hac materia fecissemus eidem, & ideo preces hujusmodi, honestate salva, nequivimus exaudire. Datum Perusii 11. calendas Octobris anno 1.

## EPISTOLA CLVII.

*Eidem Roberto juxta eandem formam.*

## EPISTOLA CLVIII.

Dilecto filio nobili viro Petro carissimi in Christo filii nostri illustris regis Aragoniæ primogenito.

*Laudat ejus in Sarracenos zelum, eique Ecclesiam commendat.*

Persuadet ingenita tibi nobilitas his rebus <sup>Anno 1265</sup> intendere, illis studiis inhærere, quæ & gratiam tibi divinam impetrent, & laudem apud homines tuæ titulis probitatis acquirant. Hoc sane probat non levibus argumentis laudabilis illa constantia, qua fidei zelo succensus, dum circa partes Murciæ Sarracenorum audisses agmina congregata sanguinem sitientium populi Christiani, objecisti te perfidæ gentis insultibus, & infra civitatem eandem adeo, prout fertur, eosdem artasti, quod victualium defectu compressi non possunt effugere manus tuas. In his igitur tuæ strenuitatis initiis grato tibi congratulantes applausu, nobilitatem tuam rogandam duximus & hortandam, quatenus bene cœpta pervigili cura continuans, magnanimitatis paternæ providus imitator, sic ad finem negotium perducas optatum; sic ubicumque potueris, pugil Christi cultum ejus, repressis crucis hostibus studeas propagare, ut in tuis processibus Dei lætifies civitatem, & ab omnium retributore bonorum beatitudinis æternæ præmium assequaris. Verum quia penes matrem fidelium fidei residet magisterium, & Ecclesiæ fideique negotia adeo sunt connexa, quod neutrum sine altero (b) poterit legitime promoveri, nobilitati tuæ consulimus, te rogamus, & hortamur attentè, quatenus Ecclesiam & personas ecclesiasticas semper habeas in honore, & sic in devotione hujusmodi tam solides juventutem, ut cum ætatis provectionis fueris, & curis majoribus occupatus, portas assueta suavius, & in tam piis actibus magis ac magis quotidie delecteris, statuens ante oculos mentis tuæ, quibus hactenus incrementis profecerunt devoti principes, & ecclesiasticæ libertatis amici, quamque viliter & abjectè ceciderunt, qui viam

(b)

NOTA.

(b) Al. Potest.

O

aliam, immo potius devium sunt secuti. Nos sane sicut carissimum in Christo filium nostrum patrem tuum sincerè dileximus, sic & te tenerè brachiis dilectionis amplectimur, tuum in Domino desiderantes profectum, quia te credimus ad magna Deo placentia reservari. Datum Perusii 11. calendas Octobris anno 1.

## EPISTOLA CLIX.

Dilecto filio nobili viro Jacobo carissimi in Christo filii nostri regis Aragoniæ illustris primogenito.

*Ejusdem argumenti.*

Anno 1265 **P**ersuadet ingenua, &c. *ut in precedenti usque* probitatis acquirant. Ad hoc satis movere te possent exempla domestica à tuis retro progenitoribus, avis & proavis, continua temporum serie in carissimum in Christo filium nostrum patrem tuum feliciter derivata, qui præcedentium actus magnificos non tam prosequens, quàm accumulans; expulsis perfidis de suis finibus, divini cultus fidelissimus extitit ampliatus, tibi tradens doctrinam operis efficaciorē longè quam verbi, ut & tu ad similia te coaptans catholicæ fidei pugil assiduus esse velis. Verum quia, &c. *ut supra in proxima usque ad finem.*

## EPISTOLA CLX.

Dilecto filio O. sancti Adriani diacono cardinali apostolicæ sedis legato.

*Ut Hostiensis episcopo aliquod Angliæ beneficium det in commendam.*

Anno 1265 **G**randis caritatis affectus, quem ad personam Venerabilis fratris nostri H. episcopi Hostiensis & Velletrensis gerimus sæpe nobis cogitare de ipsius persona suadet, sæpe pro ejus commodis animum nostrum pulsat, & dum ejusdem episcopi genus & mores, probitatem & puritatem attendimus, inhonestum & absurdum etiam reputamus, ut dictus episcopus, qui est magnum & honorabile membrum Ecclesiæ, quemque inter alios, qui nobis in exequendo apostolatus officio & adjuvatores & cooperatores existunt, affectione magna prosequimur, ante conspectum nostrum egeat, & paupertate gravetur. Unde non indignè providemus relevare ipsius egentiam, & eidem in forma subscripta cclx marchas sterlingorum secundum communem æstimationem annuas in regno Angliæ assignare. Quocirca discretionis tuæ per apostolica scripta mandamus, quatenus affectum nostrum attendens diligentius in hac parte, unum vel duo beneficia in eodem regno vacantia, vel quam primum ad id facultas se obtulerit, quæ ad hæc congrua & sufficientia putaveris, sicut præbendæ vel personatus in ecclesiis cathedralibus vel aliis, seu parochiales ecclesiæ, ad cujuscumque collationem seu præsentationem spe-

**A** stantes, prædicto episcopo seu procuratori suo ejus nomine auctoritate nostra studeas commendare, & in corporalem inducas possessionem, ac defendas inductum in ea: ita quod eadem beneficia per te ipsi auctoritate nostra commendanda, sic commendata per se vel per alium, quamdiu nobis placuerit, habeat & teneat, ac obventiones seu fructus & redditus eorum ad suam sustentationem percipiat, & faciat ipsos suos, non obstante si archiepiscopi, vel episcopi, vel quicumque alii prælati seu personæ, capitula, conventus, & quivis alius, sæculares vel regulares ipsius regni, cujuscumque dignitatis, conditionis, vel religionis existant, ad quorum collationem seu præsentationem prædicta beneficia pertinent, sint de mandato apostolicæ sedis vel legatorum ejus super simili vel alia provisione gravati; aut si eis à sede indultum existat eadem, quod interdici, suspendi, vel excommunicari, seu ad provisionem alicujus compelli non possint per litteras apostolicas non facientes plenam & expressam de indulto hujusmodi, vel de religione ipsorum, vel ordine mentionem, seu qualibet alia indulgentia ejusdem sedis, vel privilegio cujuscumque tenoris existat, aut statuto juramento vel confirmatione sedis apostolicæ roborato, seu constitutione, seu contraria quavis consuetudine, de quibus vel eorum tenoribus de verbo ad verbum totaliter exprimendis oporteat in nostris litteris omnimodam fieri mentionem, & per quæ præsentium effectus impediri possit aliquatenus vel differri, invocato ad hoc si opus fuerit auxilio brachii sæcularis, contra per censuram ecclesiasticam, appellatione postposita, compescendo. Datum Perusii nonas Octobris anno 1.

## EPISTOLA CLXI.

Ad Fratres ordinis Prædicatorum.

*Concedit indulgentias in festis Dedicationis, B. Mariæ, S. Dominici, & S. Petri Martyris.*

**C**LEMENTIS episcopus servus servorum Dei, Anno 1265  
Magistro & prioribus & universis fratribus *Ex ms. R.P. Predicatorum Rotomagensium.*  
Ordinis fratrum Prædicatorum salutem & apostolicam benedictionem.

Loca sanctorum omnium pia & prompta devotione sunt à Christi fidelibus veneranda, ut dum Dei veneramur amicos, ipsi nos amabiles Deo reddant, & illorum nobis vindicantes quodammodo patrocinium apud ipsum, quod merita nostra non obtinent, eorum mereamur intercessionibus obtinere. Cupientes igitur ut Ecclesiæ locorum vestrorum congruis honoribus frequententur, omnibus vere pœnitentibus & confessis, qui Ecclesias ipsas in dedicationibus ipsarum & anniversario dedicationum earum die, ac usque ad octo dies sequentes, nec non in B. Mariæ Virginis, sanctorum Dominici confessoris, & Petri martyris, ac etiam aliorum sanctorum, in quorum honore altaria majora in Ecclesiis ipsis sunt constructa, festivitibus,



causa devotionis venerabiliter visitaverint, de omnipotentis Dei misericordia & Beatorum Petri & Pauli Apostolorum ejus auctoritate confisi, centum dies indulgentiæ de injunctis sibi pœnitentiis, annis singulis misericorditer relaxamus. Datum Perusii v. Idus Octobris, Pontificatus nostris anno 1.

## EPISTOLA CLXII.

*In eodem modo pro Domino Octaviano de cccxxx. Marchis, ut supra episcopa clx. Datum Perusii xiiii. calendas Novembris anno 1.*

## EPISTOLA CLXIII.

Carissimæ in Christo filiæ reginæ Franciæ illustris.

*Excusat se quod ei non miserit Berardum notarium.*

Anno 1265

**M**issionem dilecti filii magistri Berardi notarii nostri, cujus præsentia multum nobis est necessaria, subito facere non potuimus, cum nec honestam causam missionis hujus post legatum à latere destinatum haberemus ad præsens, sicque visum aliquibus, quod ex hoc posset idem aliquatenus provocari legatus, præsertim cum apostolica sedes suos ad remota notarios mittere minime consueverit, sine certæ titulo potestatis, qui sibi dari non poterat, quin in aliquo videretur detractum alterius potestati. Cogitamus tamen, & viam inquirimus, per quam cum honore nostro, & sine alterius scandalo serenitatis tuæ beneplacitum impleatur. Datum Perusii xv. calendas Novembris anno 1.

## EPISTOLA CLXIV.

*In eodem modo reginæ Angliæ.*

## EPISTOLA CLXV.

Dilecto filio S. tituli S. Cecilie presbytero cardinali apostolicæ sedis legato.

*De angustiis regis Siciliæ.*

Anno 1265

**A**dversantes tibi sententiæ, quæ plerumque nostris influunt auribus, ambiguitatis non levem scrupulum frequenter ingerunt cordi nostro, & quia cordium latentes angulos non videmus, quorum solus est cognitor, conditor eorundem, nunc falsa pro veris, nunc dubia pro certis recipimus, nec debemus improvidè de levitate notari, cum non ad omnium moveamur eloquia, sed illorum quorum auctoritas, vel nobilitate juvatur originis, vel dignitatis eximie gravitate fulcitur. Hinc est, fili carissime, quod tuis litteris, quibus innuitur, quod circa illa quæ tibi scripsimus, nimis creduli fortè fuerimus, breviter respondemus, quod cum & nobis & carissimo in Christo filio nostro C. il-

*Theſauri Anecd. Tom. II.*

**A**lustri regi Siciliæ intimasses, quid de contractis debitis ordinaveras, quid de crucibus transfereendis, quid de militibus stipendiandis decreveras, & nos mirati fuimus, & rex ipse quod sibi victum simplicem non habenti grandis exercitus pararetur, ipso quasi de vento victuro soli & incertæ derelicto fortunæ, adeo ut improvise sibi, & subitum suum nobis mœrorem denuncians nobis scripserit, & per Venerabilem fratrem nostrum Avenionensem episcopum & dilectum filium G. cancellarium Bajocensem protinus intimaverit, se quo se verteret ignorare, confusum reputans, quod dabatur militibus quod ad suam sustentationem debuerat destinari, nosque qui tunc paratum nuncium habebamus, scripsimus tibi quæ scripsimus, & tu scribis quod ejus mandato hæc facta fuerant: Ipse negat. Quocumque tamen abire res debeat, crescunt ejus defectus quotidie, & id ipsum quod de mutuo centum millium librarum Turonensium in Urbe recipiendarum tractatum extitit, quamvis ecclesiarum bona, quæ in Urbe sunt, pro eodem rege exposuerimus obliganda, jam deficit vel vacillat, jam Romani resiliunt creditores, nec bene confidimus, quod optatum tractatus hujusmodi sortiatur effectum. Salem Provinciæ (a) multis vocibus prædicatum in istis partibus non sentimus, & sicubi miserabilis est vita principis, apud ipsum quærat, qui suum & suorum vestitum & victum in sudore vultus sui mendicat, in manus respiciens creditorum qui sanguinem ejus ebibunt, quod non valet duos denarios solido vendentes eidem, & nec hoc ipsum occurrit liberè, sed cum multis blanditiis & humilioribus precibus quàm deceret, cum difficultate non modica reperitur. Nobis igitur stylo uno, sibi verò & suis altero non eadem sed opposita scriptitans, quem decipis? nos, vel te (b) potius, vel se ipsum? Id ad presens judicio tuo relinquimus, nec te manum jubemus retrahere à stipendiis, nec porrigere suademus ad danda. Quod carissimis in Christo filiis L. Franciæ & C. Siciliæ regibus ordinare placuerit, sit lex scripta. Nos autem in simplicitate nostra vivemus, rerum felices exitus præstolantes, & quod poterimus eidem regi Siciliæ, subsidium & auxilium, & consilium impendemus, quamvis dato quod non oportet conclusio similis subsequatur. Verum vias quas nobis scripsisti de nova decima indicenda, & de quærendo in Anglia mutuo, multum difficiles & fratrum nostrorum proposito malè consonas arbitramur. Circa alia cogitabimus quid expediat, & quid deceat, & quod Deo credemus acceptius & utilius esse negotio eligemus.

**F** De privilegiatorum decimis, quorum nullum exemimus, immo scripsimus, quod nobis sufficit injuriam eis non fieri, si suis valeant privilegiis se tueri, novo responso non indiges. Exactionem quidem suspendimus ab initio, sed postmodum per dilectum filium magistrum P. notarium nostrum, litteras tibi misimus suspensionem hujusmodi revocantes, salvis tamen justis deffensionibus eorundem. Ceterum & crucis

(a) *Al. Multorum vocibus.*

(b) *Al. Porro hæc seipsum.*

prædicationem continuari volumus, donec duxerimus aliud ordinandum. Tu verò tempus statue, quod pro tua prudentia duxeris statuendum. Ad animam humilem quam misisti, non est dandum modo responsum: nondum enim inter emeritos reputaris. Illud demum scire te volumus, quod nisi pecunia veniat, cadet negotium, nisi Deus miraculum operetur, & humani defectum consilii sua suppleat bonitate. De quotidianis ejusdem regis expensis non dubites, quin diebus singulis ad mille & cc. libras Turonenses, & plus frequenter ascendant. Quo ibunt cum major affuerit multitudo, non sine cordis amaritudine cogitamus, videntes quod tota decima primi anni in negotii solis præludiis expendatur. Datum Perusii (a) xiv. calendas Novembris anno i.

(a)

## EPISTOLA CLXVI.

Dilecto filio R. sancti Angeli diacono cardinali.

*Ipsius prudentiæ committit, an regi Siciliae ipsius desideranti præsentiam, annuere debeat.*

Anno 1265

**A** Carissimo in Christo filio nostro C. illustri rege Siciliae preces obnixas acceperimus, petentes ex affectu, ut tuam sibi concederemus præsentiam, hoc sibi tempore admodum necessariam: causam tamen necessitatis hujusmodi non expressit. Licet autem ex causa, loco, & tempore, ac aliis circumstantiis tam negotii quam personæ, precum nunc dependeat exaudicio, nunc repulsa; quia tamen regium volumus explorare secretum, tuæ totum discretioni committimus, ut tu fili, qui conscius es ministerii, scisque tuam præsentiam nostris consiliis opportunam, diligenter attendas, quæ sit regis utilitas, quæ necessitas, & si talem eam cognoveris, quæ movere nos deberet (b) expresse, ejus, volumus te, si & tibi placuerit, satisfacere voluntati. Datum Perusii xii. calendas Novembris anno i.

(b)

## EPISTOLA CLXVII.

(c) Dilecto filio nobili viro (c) Malatesti civi Ariminensi.

*Congaudet ejus prosperis.*

Anno 1265

**T**uas nuper tribulationes audivimus, & prout decuit, compassi fuimus patienti: tuas postmodum consolationes audivimus, in eis tecum pariter consolati, dum ex fida relatione didicimus, te in civitate Ariminensi à dilectis filiis Potestate & civibus cum gaudio & honore receptum. Sicut igitur te ad pacem nuper facilem & tractabilem præbuiisti, sic ad eam ex parte tua tenendam & in aliis (d) mittendam curam impendas pervigilem; nec injuriæ transactæ meminêris, sed posteriorum

(d)

(a) Al. Calendas Novembris.

(b) Al. Expresse,

(c) Al. Malatesti.

(d) Al. Nutriendam.

**A** oblitus, ad anteriora te conferas, & attendas non te tibi sed multis genitum, privatis commodis debere publica anteferre. Nos verò qui tuis semper profectibus congraudemus, ad ea quæ tui sunt commodi vel honoris, cum hæc hætenus actus tui meruerint, promptam habemus per omnia voluntatem. Datum Perusii vii. calendas Novembris anno i.

## EPISTOLA CLXVIII.

Dilecto filio S. Tituli S. Martini presbytero cardinali, Marchiæ Anconitanæ & ducatus Spoleti rectori, Apostolicæ sedis legato.

*Ut factam cum Ariminensi civitate pacem foveat.*

**Q**uod rex ille pacificus, qui viros pacificos in speciales filios adoptavit, pacis eisdem statuens testamentum, Ariminensem civitatem nuper misericorditer voluit visitare, reddita pace discolis, unitate divisus, per tuas primo, deinde per dilectorum filiorum virorum nobilium TADDÆI, GUIDONIS GUERRÆ, & G. de Salvaticis comitum litteras insinuatione fidei recepimus, magno perfusi gaudio, magna consolatione refecti. Verum quia quantumlibet videantur extincta facile pullulant odia (e) rediviva, discretionem tuam hortandam duximus & rogandam, quatenus tam salubri concordie cunctis nostris fidelibus amplectendæ, quæ pro data tibi à Deo prudentia, & ab ejus vicario potestate, videris necessaria, adhibere non differas fulcimenta; cum specialiter inter cetera officio sacerdotis incumbat infidelium cordibus ignem caritatis accensum, subministratis lignis, jugiter enutrire, quod prudenter implebis, si personaliter ad locum accedens, congratulationibus debitis, exhortationibus sedulis, & cautelis idoneis, transactionibus solidis, (f) & sicut videbitur opportunum mutuis parentelis, sic pacem firmaveris inter partes, ut quantum potest fieri, humani consilii providentiâ nulla remaneat justa suspicio recidivi, & confidas in Domino, quod te quod tuum est exsequente, quod suum est faciet, sine quo facere nihil potes. Datum Perusii vii. calendas Novembris anno primo.

C

D

E

## EPISTOLA CLXIX.

Dilecto filio nobili viro TADDÆO comiti Feltrensi Potestati Ariminensi.

*Laudat eum de pace reddita Ariminensi civitati, hortaturque ut eam foveat.*

**D**eo gratias agimus, qui civitatem Ariminensem sub tuo reformavit regimine, pace reddita civibus, quæ non solum in suum, sed etiam in totius provinciæ periculum vacillabat. Gaudemus, fili, de tanto munere Salvatoris, & tuæ congraudemus industriæ, qui zelo fidei, &

(e) Al. Recidiva.

(f) Al. Et si tibi videbitur.

Anno 1265

ad nostram ac Romanæ Ecclesiæ devotionem accensus, pacis consilia prudenter ac fideliter iniisti, ut merito & in præsentī gaudium, & in futuro præmium assequaris. Verum quia non minor est virtus, quam quærere, pax tueri; nobilitatem tuam rogandam duximus & horandam in remissionem tibi peccaminum suadentes, quatinus ad initiatam Deo gratam concordiam nutriendam, omnemque materiam recidivi discriminis amputandam, des opem & operam efficacem, ut in hoc tuo placeas redemptori, & nos qui personam tuam ac domum sinceræ brachiis caritatis amplectimur, ex hac causa diligere te propensius teneamur. Datum Perusii vii. calendas Novembris anno 1.

## EPISTOLA CLXX.

Dilecto filio Potestati & communi Ariminensi.

*Laudat eos de facta pace.*

Anno 1265

**Q**uantum Deo placeat pax, quantum in viris pacificis delectetur Veritas, aperit scripturarum testimonium perhibentium, quod Rex novus nascens ex Virgine, pacis edictum proposuit, angelorum præconiis promulgatum. Pacem relinquit discipulis moriturus, pacem resurgens a mortuis nunciavit. Nos sanè qui vices ejus in terris gerimus, & ipsius cupimus nos voluntati, quantum nostra fragilitas patitur, conformare, sicut de læsa inter eos caritate fuimus nec immerito conturbati, sic nuper rumoribus melioribus insonantibus, vos ad mutuam rediisse concordiam magna spiritus exultatione perfusi, Deo gratias immensas exsolvimus, qui plebem suam tam salubriter voluit visitare. Quocirca vestram, dilecti filii, devotionem & fidem in Domino commendantes, hortandos vos duximus & rogandos, quatinus omnī rancore deposito, sicque funditus extirpato, ne qua radix amaritudinis sursum germinans, inter vos aliquam valeat innovare scissuram, sitis omnes unanimes & concordēs, ut uno spiritu in devotione sanctæ matris nostræ Romanæ Ecclesiæ inconcussa soliditate firmati, valeatis, ut expedit, in pacis multitudine delectari, sic quod pacis Angeli vobis congaudeant, & nos qui vos sinceræ brachiis caritatis amplectimur, in vobis sicut in veris pacificis, & pacis filiis, delectabiliter gloriemur. Datum *ut supra*.

## EPISTOLA CLXXI.

Dilecto filio abbati monasterii S. Benedicti de Nurcia & fratribus ejus.

*Commendat ei fratres Minores.*

Anno 1265

**D**ilectos filios Minores, quos trahebat devotio ad locum sibi in Nurcia obtinendum, de quo vitæ vir venerabilis gratia Benedictus & nomine, prout legitur, traxit originem, non ex hoc vobis reputare debetis infestos, cum id sine vestra vellent injuria, nec erat verisimile, quod

A qui pro Deo reliquerant voluntarie propria, contra Deum appeterent aliena. Quocirca vobis per apostolica scripta mandamus, quatinus sub nostra protectione securi, eos solitæ caritatis dulcedine prosequentes diligatis & honorētis eosdem, nec ab eis quicquam timeatis adversi, qui suæ contenti funiculis paupertatis, nec locum illum, nec alium sibi vindicare proponunt in juris præjudicium alieni. Datum Perusii iiii. calendas Novembris anno 1.

## EPISTOLA CLXXII.

Dilecto filio abbati monachorum Casæ Dei.

*Ut graviter non ferat, quod cardinales de bonis monasteriorum vivant.*

**S**I Romanæ statum Ecclesiæ multorumque Anno 1265 fratrum nostrorum inopiam perspicaci consideratione notares, paupertati ipsorum compatereris, ut decet, & prout expedit congaudeas, cum compassionis materiam præbeat eorumdem necessitas, & causam gaudii subministret puritas manuum & sinceritas animorum, quæ apud eandem ecclesiam, licet omni tempore fuerit, plus tamen solito toti mundo innotescit. Unde & te mirari non decuit, si fratrum volumus relevare hoc tempore indigentiam de bonis ecclesiarum & monasteriorum, pro quorum utilitate vigilant, ceteris dormientibus, fratres ipsi, qui de vento vivere nequeunt, nec manus porrigunt ad illicita, nec possunt de nostra quæ satis tenuis est camera sustentari. Licet autem Venerabili fratri nostro H. Ostiensis episcopo alibi providerimus, & ob hoc querimonia tua cesset, diu tamen parcere non proponimus, quin fratrum onera indigentium aliquorum tibi & aliis tolerabiliter partiamur, quod si æquanimiter tuleris, ad matrem tuam humanitatem te gerere comprobabis. Nos quidem, si de nostro possemus eis consulere, aliis libentissimè parceremus. Demum scire te volumus, quod tui monasterii minuere non intendimus libertatem, quod sinceræ complectimur brachiis caritatis: sed ubi privilegia cernimus juri divino contraria & humano, licet eadem innovare nolimus, satis tamen nos reddimus gratiosos, si ea non adimimus quæ rationabiliter annullare possemus, & quamvis nostris prædecessoribus, prout honestas exigit, geramus honorem, multa tamen eorum aliquibus placuerunt, quæ nobis imparibus meritis & scientia nulla possent ratione placere. Datum Perusii iiii. calendas Novembris anno 1.



## EPISTOLA CLXXIII.

Carissimo in Christo filio nostro C. regi Siciliae illustri.

*De ipsius angustiis ei scribit & de nuncio ad eum mittendo.*

Anno 1265

**Q**Uantum nostrum tangat & angat animum necessitatum tuarum instantia, novit cordium perscrutator, quarum dum altitudinem, longitudinem, & profundum inspicimus, explicare nescimus nec possumus, quo sit ordine procedendum: & tamen quod in nobis est omittere nolumus, & humano deficiente consilio, divinum auxilium cogimur invocare. Sanè si, quod absit, militia tua non venerit, unde vivas sub expectatione ejusdem, quo ingenio Urbem tenere valeas, qua potentia impeditum semel militiae transitum aperire, liquido non videmus: & si venerit, ut speratur, unde tantus exercitus valeat sustentari, non minus judicamus obscurum. Nos enim apud nos necessarium tibi mutuum invenire nequivimus; & apud fratres tuos carissimos in Christo filios nostros inclitum regem Franciæ, & nobilem Pictavensem comitem ternam repulsam invenimus super tuo præsidio precibus tertiis repetitis. Sed & legatus Franciæ excitatus à nobis, ut mutuum magnum quæreretur super decimam, nobis rescripsit, quod requisitis episcopis, abbatibus, baronibus & mercatoribus, nihil prorsus invenerat, nisi quod à dilecto filio præfato comite Pictavensi fratre tuo quatuor millia marcharum argenti, & quinque millia librarum Turonensium ex mutui causa receperat in festo Purificationis proximo persolvenda, quæ tamen unde solveret nesciebat, nisi tunc apud eundem comitem dilationis gratiam inveniret. Hoc autem non scribimus, ut tuam prosternamus constantiam, sed ut diligentiam excitemus ad quærendum remedium opportunum, ne fortunæ solius eventibus committens, videaris improvidus, vel torpens otio, vel auxilium de cælo præstolans, tentare Dominum judicaris. Quidnam fuit, fili carissime, pro tanto negotio contra nostrum consilium Meldensem archidiaconum in Franciam destinare, cum tibi (a) consuluerimus aperte, quod vel venerabilem fratrem nostrum archiepiscopum Cusentinum vel Avinionensem episcopum illuc mitteres? Legationi quidem non parum adjicit gravitatis ejus qui destinatur auctoritas, ut de prudentia & rerum experientia taceamus. Nec sufficit te fidelem mittere, nisi mittas pariter & prudentem, non illa prudentia fragili, ex qua multis inaniter nomen prudentis imponitur, qui in magnis negotiis positi, eorum ingressum vel exitum non vident. Non tu talibus consiliariis indiges, sed ad regnorum potius gubernacula Regum lateribus debent assistere, qui scirent regere (b) ipsa regna. Et qui sunt illi quos quærimus? illi utique qui nec minutis al-

NOTA.  
(b)

(a) Al. Consulimus.

(b) Al. Ipsi.

**A** liciuntur munusculis, nec magnis muneribus excœcantur, ingenio naturali dotati, litterarum scientia præditi, vel multa & grandia saltem experti, puro corde, purisque manibus, non præcipientes in consilio, non inciviles in verbo, non somno, non otio, non crapulæ dediti, non impatientes consortii. Sciunt, volunt, & audent suis Dominis bene consulere, qui etiam impotentiam eorumdem, si non statim satisfaciunt indigentibus; negligentiam vel duritiam, si non semper, ut decet, vel recipiant venientes, vel respondeant aliqua postulantibus, curialiter noverint excusare. Ne contempnas quod inseruimus de audacia: numquam enim bonum consiliarium habere poteris, quem non reddideris animosum. Nam si timidum habere volueris, aut tibi blandiens te seducet, aut penitus fortè tacens abire te sinet in tuæ præcipuum voluntatis. Ad hoc ergo consulimus quod mittas alterum de duobus, archiepiscopo scilicet & episcopo supradictis. Sed nos de episcopo crederemus consultius, cum sit tibi archiepiscopus necessarius, quia regni melius condiciones intelligit, cui se regnicolæ familiariter exhibent & exponunt. Nos autem si hoc tibi placuerit, mitemus quem miseris verbis vestris & scripturis, tam ad regem & comitem supradictos, quam ad cardinales & prælatos sufficienter instructum, & credimus ac speramus corda quantumlibet sæxea sic movere, ut & tuis compatiuntur angustiis, & nostris persuasionibus, nostrisque necessitatibus acquiescant in his & aliis quæ præfatus Cusentinus archiepiscopus tibi dixerit, credas ei in cujus ore posuimus verba nostra. Datum Perusii III. calendas Novembris anno I.

## EPISTOLA CLXXIV.

Carolo regni Siciliae illustri.

*Infœdatio regni Siciliae per Dominum papam Clementem IV. Domino Carolo S. Ludovici regis Franciæ fratri*

**E** CLEMENS episcopus servus servorum Dei dilecto filio CAROLO regi Siciliae illustri salutem & apostolicam benedictionem. Anno 1265  
Ex ms. S. Vincentis Bisuntini.  
Constituti ab eo per quem reges regnant & principes imperant, & qui solum habet in regno hominum potestatem super gentes & regna, necesse habemus interdum regnis ipsis, & specialiter quæ Romanæ Ecclesiæ juris & potestatis existunt, cum fratribus nostris ad pacem & justitiam populorum perpetua stabilitate disponere, ac in eorum solis ad regimen gentium subjectarum quos dignos credimus sublimare; & quia instructi ab eo, qui spiritus angelos suos facit, super hujusmodi dispositione regnorum nonnumquam aliquibus ex fratribus ipsis aliqua committimus peragenda, ut ea quæ ab ipsis fratribus super illis cum maturitate debita rite ac provide ordinantur, eo ipso quod constat ipsa de nostra fieri jussione, robur obtineant firmitatis: ne tamen vacillent in posterum vel

cavillationi subjaceant, eo sunt fortius apostolico munimine roboranda. Quocirca majora, in quibus majus periculum formidatur, major est cautelæ discretio adhibenda. Sane porrecta nobis tuæ filialis devotionis petitio continebat, quod cum, regno Siciliae & tota terra citra Pharum usque ad confinia terrarum Romanæ Ecclesiæ, quæ de prædicto Siciliae regno esse dignoscitur, ad dispositionem & ordinationem sedis apostolicæ, ad quam specialiter pertinet, plene ac libere devolutis, sedes ipsa obtentu devotionis, qua persona tua erga prædictam Romanam fulget Ecclesiam, & pro fidei puritate, qua Christianissimum genus tuum semper noscitur claruisse, perpenso consilio disposuerit ad laudem Dei & honorem & pacem ipsius Ecclesiæ & tranquillitatem & profectum fidelium regni ejusdem de regno ipso personam ac domum tuam regiam honorare, habitis diligentibus & diutinis inter te & sedem eandem tractatibus de prædictis regno & terra in feudum tibi & tuis heredibus concedendis, nos ad finalem consummationem eorundem tractatum & negotii regni prædicti nostrum animum firmiter dirigentes, dilectis filiis nostris AMBALDO basilicæ duodecim apostolorum presbytero, RICHARDO S. Angeli, JOHANNI S. Nicolai in carcere Tulliano & JACOBO S. Mariæ in Cosmedim diaconis cardinalibus dedimus litteris in mandatis, ut juxta condiciones & formam tibi per venerabilem fratrem nostrum B. archiepiscopum Cusentinum & dilectum filium magistrum PETRUM notarium nostrum præsentatas, (quas condiciones & formam & nostram super dicto negotio diffinitionem, aliaque ipsi opportuna negotio sub bulla nostra eisdem cardinalibus miseramus), ad plenariam executionem ejus negotii, & ad collationem & investituram tibi de prædicto regno auctoritate nostra faciendam efficaciter procedere procurarent, concessa eisdem per dictas litteras à nobis de ipsorum fratrum consilio & assensu procedendi ad consummationem, collationem, investituram hujusmodi plena & libera potestate. Qui considerantes ad diffinitionem prædictam à nobis super dicti regni negotio editam nostra & fratrum nostrorum subscriptionibus & bulla, nec non eorundem fratrum sigillis ad perpetuam memoriam roboratam, & etiam prædictas condiciones & formam per prædictos archiepiscopum & notarium tibi ex parte nostra novissime præsentatas, ac diligentius attendentes, quod ea quæ ante consummationem prædicti negotii tibi facienda & implenda incumbabant, & forma prædicta per te facta fuerant & etiam adimpleta, ad plenariam consummationem ejusdem negotii collationem & investituram faciendam tibi de regno & terris prædictis juxta præstitas condiciones & mandato nostro & potestate tibi super hoc tradita processerunt, tibi que totum regnum Siciliae & totam terram quæ est citra Pharum usque ad confinia terræ prædictæ Romanæ Ecclesiæ, excepta civitate Beneventana cum toto territorio & omnibus distractionibus & pertinentiis suis per Romanum

A Pontificem distractis, vel in posterum distrahendis, quam sibi Ecclesia Romana usque ad tempus istud retinuisse & reservasse dignoscitur, & tunc etiam expresse retinuit, & ad suum dominium reservavit in feudum, perpetuo tuisque heredibus ex te legitimè descendentibus, prædictum consummando negotium, sub prædictis conditionibus tibi plenius expressis & expositis conferentes etiam & concedentes investierunt, & per vexillum ecclesiæ præsentialiter de eisdem à te vice nostra & prædictæ Romanæ Ecclesiæ fidelitatis juramento recepto, juxta formam in eisdem conditionibus comprehensam, receptione homagii, quod teneris nobis & dictæ Ecclesiæ reddere, nobis specialiter reservata, prout patentibus litteris dictorum cardinalium inde confectis & ipsorum sigillis pendentibus communitatis plenius continetur. Ut autem collatio seu concessio & investitura prædictæ sub prædictis forma & conditionibus expressis & appositis robur obtineant firmitatis perpetuæ, humiliter supplicasti, eas sub ipsis forma & conditionibus apostolicæ confirmationis munimine roborari. Nos igitur volentes tibi & heredibus tuis in posterum super his salubriter providere, tuis supplicationibus inclinati, collationem, concessionem, investituram prædictorum regni & terræ sub conditionibus & forma prædictis à prænominatis cardinalibus tibi & heredibus tuis factas, ac regnum ipsum ac totam terram prædictam tibi & prædictis heredibus ex certa scientia & fratrum nostrorum consilio & assensu auctoritate apostolica confirmamus, ac præsentis scripti patrocinio communimus. Ceterum quia in quibusdam articulis seu capitulis conditionum ipsarum expressius continetur, quod in certis casibus tu & tui heredes excommunicationum sententias incurratis, & dictum regnum & tuæ ac ipsorum heredum terræ sint ecclesiastico subpositæ interdicto: nos & nunc hujusmodi sententias videlicet excommunicationis in te ac eisdem heredes & interdicti in prædictum regnum, ac terras prædictas, si tui vel ipsorum culpa hujusmodi casus emerferint, de dictorum fratrum nostrorum consilio auctoritate apostolica promulgamus, tenorem prædictarum litterarum cardinalium eorundem de verbo ad verbum inseri facientes, qui talis est.

Illustri & magnifico principi Domino CAROLO illustri regi Siciliae, nato claræ memoriæ LUDOVICI regis Franciæ, miseratione divina fratres AMBALDUS Basilicæ XII. apostolorum presbyter, RICHARDUS S. Angeli, JOHANNES S. Nicolai in carcere Tulliano, & JACOBUS S. Mariæ in Cosmedim diaconi cardinales ad perpetuam rei memoriam. Quoniam ad subsistentiam multorum & regimen præesse oportuit unum singulare principium, pro eo quod pluralitas in præsentia scissuram induceret & solidam gubernaculi dirumperet firmitatem, præminent singulis regnis & mundi provinciis singula regnantium solia, & singulæ principantium potestates: quia dum reges regnant, prospere imperant & populi regibus reverenter intendunt, hi humiliter subsunt, & illi



benigne præsumunt, dum congruis præerunt iussibus & devotis isti animis obsecuntur, viget ex hoc in eisdem populis concordium animorum unitas, misericordia & veritas sibi obviant, ac iustitia & pax se invicem amplectuntur. Ideo namque ex summo illo cælesti Rege, per quem singuli reges regnant & principes principantur, temporalis gladii ad malorum vindictam laudemque bonorum regibus terrenis attributa est potestas, ut ipsi assumpto dominandi officio iudicent in æquitate populos & dirigant in terris subjectas sibi gentium nationes, quatinus sit voluntas eorum in executione iustitiæ, ac meditatio in lege rectitudinis, & ob reverentiam sanctæ pacis. Sane regno Siciliae & tota terra Pharus usque ad confinia terrarum Romanæ Ecclesiæ, quæ de prædicto regno Siciliae esse dignoscitur, ad dispositionem & ordinationem sedis apostolicæ, ad quam specialiter pertinent, plene & libere devolutis, sede ipsa circa statum ejusdem regni sollicitè cogitante, illiusque regimen alicui catholico & devoto principi cupiente committere, qui ad laudem Dei, honorem & pacem Ecclesiæ, & tranquillitatem fidelium ipsius regni ejus solio præsideret, tandem quia persona vestra multa erga Romanam Ecclesiam devotione refulget, vestrumque christianissimum genus præcipuè semper fidei claudit puritate, sedes ipsa consilio perpetuo disposuerit vos de regno ipso domumque vestram honorare, habitis igitur diligentibus diutiniisque tractatibus inter eandem sedem de prædictis regno & terra in feudum vobis vestrisque heredibus concedendis, demùm Sanctissimus Pater & Dominus noster, Dominus CLEMENS Sacro-sanctæ Romanæ & universalis Ecclesiæ Pontifex ad salutarem consummationem eorumdem tractatum & negotii regni Siciliae suum animum firmiter dirigens, suas transmisit nobis litteras in hac forma:

CLEMENS episcopus servus servorum Dei dilectis filiis AMBALDO Basilicæ XII. apostolorum presbytero, RICHARDO S. Angeli, JOHANNI S. Nicolai in carcere Tulliano, & JACOBO S. Mariæ in Cosmedim diaconis cardinalibus salutem & apostolicam benedictionem. Plene vos scire credimus conditiones & formam dilecto filio nostro CAROLO Andegavensi & Provinciæ comiti per venerabilem fratrem nostrum B. archiepiscopum Cusentinum & dilectum filium magistrum PETRUM notarium nostrum super negotio regni Siciliae ex parte nostra vobis novissime præsentatas, cum & nos illas necnon & nostram super negotio ipso definitionem & alia eidem opportuna negotio nuper vobis sub bulla nostra duxerimus destinanda. Volumus igitur, & de fratrum nostrorum consilio & assensu vobis per apostolica scripta mandamus, quatinus ad plenariam consummationem ipsius negotii, & ad collationem & investituram de prædicto regno ipsi comiti faciendam auctoritate nostra juxta easdem conditiones & formam efficaciter procedatis. Nos enim procedendi ad consummationem, collationem, & investituram hujusmodi plenam & liberam de ipsorum fratrum

A consilio & assensu vobis concedimus auctoritatem: nobis tamen receptione homagii, quod per ipsum comitem sine interpretatione ministri volumus nobis opportuno tempore præsentialiter exhiberi, specialiter reservata: non obstante quod dictus comes ex forma diffinitionis hujusmodi tenebatur infra festum B. apostolorum Petri & Pauli ad nostram venire præsentiam, collationem & investituram easdem, & etiam ipsius consummationem negotii de nostris manibus recepturus. Datum Perusii XI. B. calendas Julii Pontificatus nostri anno I.

Nos itaque considerantes diffinitionem ab ipso summo pontifice editam super dicti regni negotio, & ejusdem Domini papæ & fratrum suorum subscriptionibus, ejusque bulla, & eorumdem fratrum sigillis ad perpetuam memoriam roboratam ac formam & conditiones & per venerabilem patrem B. archiepiscopum Cusentinum & discretum virum magistrum PETRUM notarium ipsius summi pontificis super ipso negotio nobis ex parte ipsius summi pontificis novissime præsentatas, ac diligentius attendentes ea quæ ante consummationem prædicti negotii vobis facienda & implenda incumbabant ex forma prædicta per vos facta sunt & etiam adimpleta, ad plenariam consummationem ejusdem negotii, & ad collationem & investituram faciendam vobis de regno & terra prædictis, juxta prædictas conditiones & formam, ex mandato ipsius summi pontificis, & potestate tradita nobis, per supradictas litteras duximus procedendum.

Ad honorem igitur Dei omnipotentis Patris & Filii & Spiritus sancti, & B. & gloriose semperque Virginis Mariæ, Beatorum quoque apostolorum Petri & Pauli, nec non prædicti D. CLEMENTIS papæ IV. & sacro-sanctæ Romanæ Ecclesiæ totum regnum Siciliae & totam terram quæ est citra Pharus usque ad confinia terrarum Romanæ Ecclesiæ, excepta civitate Beneventana, cum toto territorio & omnibus districtibus & pertinentiis suis, quam Romana Ecclesia hætenus sibi reservat, in feudum vobis vestrisque heredibus ex vobis legitime, sicut infra dicitur, descendentibus sub infra scriptis conditionibus auctoritate & potestate nobis in hac parte concessa, dictum ejusdem regni negotium consummando concedimus atque conferimus, vosque de ipsis regno & terra per vexillum Ecclesiæ præsentialiter investimus, non obstante quod ex forma dictæ diffinitionis tenebamini infra instans Beatorum Apostolorum Petri & Pauli ad ipsius summi pontificis personaliter præsentiam collationem & investituram easdem & totam ipsius negotii consummationem de suis manibus recepturi. Recipimus etiam vice ipsius summi pontificis & Ecclesiæ Romanæ juramentum fidelitatis à vobis secundum formam in eisdem contentam conditionibus & inferius annotatam, nec non & aliorum super quibus secundum tenorem conditionum ipsarum Romano Pontifici & prædictæ Ecclesiæ præstare tenemini juramenta, receptione homagii prædicto summo pontifici generaliter reservata. Omnes quoque concessionem

communitatum

NOTA.

communitatum, baroniarum, feudorum, & aliorum quorumcumque bonorum & jurium factas in prædicto regno Siciliae per quemdam FRIDERICUM, olim Romanorum imperatorem, & CONRADUM, & MANFREDUM natos ejus, ipsorum officiales, familiares, fautores, post depositionis sententiam in ipsum Fridericum per felicitis recordationis dominum INNOCENTIUM papam IV. promulgatam in Lugdunensi concilio revocamus. Conditiones autem sunt hæc:

Conditio-  
nes novo  
regi Siciliae  
impositæ.

1. Si in vestro & heredum vestrorum obitu legitimum, prout sequitur, heredem vos aut ipsos, quod absit, non habere contigerit; regnum ipsum ad Romanam Ecclesiam, ejusque dispositionem libere revertatur. Descendentes autem ex vobis & vestris heredibus Siciliae regibus mares & feminae in eodem regno succedent: sic tamen quod de liberis duobus maribus eodem gradu per eandem lineam concurrentibus, primogenitus; & de duabus feminis primogenita, & de mari & femina in eodem gradu similiter concurrentibus, masculus omnibus aliis præferatur. Si vero vos, quod absit, sine liberis ex vobis legitime descendentes mori contigerit, possit vobis in regno & terra prædictis succedere dumtaxat nobilis vir ALPHONSUS comes Pictavenis germanus vester. Et si dictus ALPHONSUS vobis non supervixerit, possit vobis succedere unus ex filiis Domini LUDOVICI illustris regis Francorum, videlicet major natu post illum, qui succedit in regno Francorum. Et hæc gratia vel successio tam ex parte vestra, quam ex parte illorum erit tantummodo personalis: ita scilicet quod ad nullum filiorum vel heredum ipsius ALPHONSI, si Alphonsus ipsum præmori vobis contigerit, hujusmodi successio se extendet; sed hujus major natu succedat in regno Siciliae & terra prædictis; similiter & nullus filiorum vel heredum ipsius majoris natu, si idem major natu vobis non supervixerit, hujusmodi successionem habebit, sed regnum Siciliae & terra prædicta ad Romanam Ecclesiam, ejusque dispositionem libere devolventur. Si vero ALPHONSUM & majorem natu prædictos præmori vobis contigerit; nullus alius vobis sive liberis ex vobis legitime descendentes in eisdem regno & terra succedit; sed liberum erit eidem Romanæ Ecclesiæ de ipsis regno & terra disponere, juxta suæ beneplacitum voluntatis. Si autem prædictos ALPHONSUM & majorem natu post successionem hujusmodi, aut eorum heredes, sine liberis ex ipsis legitime descendentes mori contigerit; regnum Siciliae & terra prædicta similiter ad eandem Romanam Ecclesiam ejusque dispositionem libere revertentur. Sed si aliquem de aliis successoribus vestris regem vel reginam Siciliae sine legitima prole sui corporis mori contigerit, in futurum succedent eidem, servatis gradibus, si superstites fuerint, hæc personæ, videlicet regis vel reginæ sine prole legitima sui corporis descendentes, frater vel soror ac collaterales superiores, mares & feminae, utpote patrui & avunculi, amitæ & materteræ, & sursum usque ad

*Theauri Anecd. Tom. II.*

A quartum gradum dumtaxat, illis collateralibus, quos vos habebitis ad præsens dum vixeritis, & qui post obitum forsitan ex eisdem orientur exceptis, collaterales etiam inferiores succedunt similiter mares & feminae; utpote nepos & neptis ex fratre vel sorore & inferius usque ad eundem tantummodo quartum gradum. Quod autem de feminabus rectæ lineæ & collateralium superius est expressum; intelligendum est tam de nuptis, quam de innuptis; dummodo nuptæ sint, fidelibus & Romanæ Ecclesiæ devotis. Et sicut inter eas personas gradus servari volumus, ut scilicet prior gradus posteriori gradui præferatur; sic in eodem gradu pluribus concurrentibus; priorem natu posteriori & marem feminæ in hujusmodi successionibus volumus anteferri. Personarum autem hujusmodi nulla superstite, regnum ipsum, ut præfertur, ad Romanam Ecclesiam & ejus dispositionem libere revertatur. Quod si forte deficientibus masculis, contigerit feminam innuptam in regno succedere, illa maritabitur personæ quæ ad ipsius regni regimen & defensionem existat idonea, Romani tamen pontificis super hoc consilio requisiti. Nec nubat nisi viro Catholico, & Ecclesiæ Romanæ devoto. Et si contra hoc fecerit, licebit eidem Romano pontifici contra ipsam ad privationem regni & terræ prædictorum, sine figura judicii, & absque omni juris solemnitate, in quacunque ætate femina ipsa constet, procedere, si hoc videbitur expedire. In regnum vero & terram prædictam nullus succedet qui non fuerit de legitimo matrimonio procreatus.

2. Adhuc tam vos quam viri in regno heredes regnum & terram prædictam nullatenus dividatis, sed semper illa unus tantum sub ipsis conditionibus in membris ac in capite ab Ecclesiâ Romanâ tenebit.

3. Vos autem, nobis recipientibus vice prædicti Romani summi pontificis & Ecclesiæ Romanæ, præstabitis ad præsens juramentum fidelitatis reservata receptione homagii eidem summo pontifici juxta ipsius mandatum, & tam vos sibi, quam ejus successoribus canonicè intrantibus expressis eorum nominibus & ipsi Ecclesiæ, quam vestri in prædicto regno heredes sub propriis nominibus ligium homagium facietis, & dictum juramentum fidelitatis faciendo mentionem de præsentis instrumento seu litteris præstabitis in hunc modum: *Ego CAROLUS Dei gratia rex Siciliae plenum & ligium homagium faciens Ecclesiæ Romanæ pro regno Siciliae & tota terra quæ est citra Phatum usque ad consinia servatum ipsius Ecclesiæ, exceptis civitate Beneventana cum toto territorio & omnibus districtibus & pertinentiis suis secundum antiquos fines territorii pertinentiarum & districtus civitatis ejusdem per Romanum Pontificem distinctos vel in posterum distinguendos; ab hac hora in antea fidelis ero & obediens B. Petro & Domino meo Domino CLEMENTI Papæ IV. suisque successoribus canonicè intrantibus & Sanctæ Apostolicæ Romanæ Ecclesiæ non ero in consilio aut consensu vel facto, ut vitam perdant aut membrum, aut capiantur mala captione. Consilium quod mihi credituri sunt per se aut*

P

*nuncios suos sive per litteras ad eorum damnum illud Pro posse impediam, & si impedire non possum illud, eis significare curabo. Papatum Romanum & regalia S. Petri, tam in regno Siciliae & terra predictis, quam alibi existentia, adjutor eis ero ad retinendum & defendendum ac recuperandum & recuperata manutendum contra omnem hominem. Universas & singulas condiciones contentas in presenti instrumento seu litteris plenarie super ipsorum regni & terrae concessionem confectis, & omnia & singula quae continentur in eodem instrumento, seu litteris adimplebo & inviolabiliter observabo, nec umquam tempore ullo veniam contra illa. Sic me Deus adjuvet & haec sancta Dei evangelia.*

Hujusmodi autem homagia vos & dicti heredes facere & juramentum fidelitatis praestare secundum formam praescriptam, si Romanus Pontifex in Italia fuerit, infra sex menses; si vero eum extra Italiam esse contigerit, infra annum, postquam regni dominium adepti fueritis, teneamini, & singulis ipsis successionebus & eidem Ecclesiae Romanae renovabitur tam ipsum homagium, quam hujusmodi juramentum. In optione autem & beneplacito erit Romanae Ecclesiae vos vel heredes vestros vocare ad praestandum personaliter juramentum fidelitatis & ligium homagium Romano Pontifici & eidem Ecclesiae, dummodo ad haec vobis locum tutum statuatur & assignent; vel aliquem cardinalem ipsius ecclesiae alium, qui vice Romani Pontificis juramentum juxta eandem formam & homagium recipiat destinare, vosque praedicto Summo Pontifici & Ecclesiae in vestris nominibus manibus junctis ad praesens vos ad haec specialiter obligantes, & tam vos singulis ejus successoribus quam vestri in dicto regno heredes praefato summo pontifici & singulis ejus successoribus ac praedictae Ecclesiae, quando praestabitis hujusmodi juramentum fidelitatis, jurabitis vos ad haec specialiter obligantes, quod numquam per vos vel alios seu quocumque modo perjurabitis, ut eligamini vel nominemini in regem vel imperium Romanum, vel regem Teutoniae, seu dominum Lombardiae seu Tusciae, vel majoris partis earundem Lombardiae vel Tusciae. Et si electionem vel nominationem ad imperium vel regnum Romanum, seu regnum Teutoniae, aut ad dominium Lombardiae vel Tusciae, seu majoris partis earundem de vobis celebrari contigerit; nullum hujusmodi electioni vel nominationi assensum praestabitis, nec intromittetis vos ullo modo de regimine ipsius imperii vel regni Romanorum, seu regni Teutoniae aut Lombardiae seu Tusciae vel majoris partis ipsarum, ad quodcumque horum nominati fueritis vel electi. Quod si vos vel aliqui vestrorum in regno sedentium heredum eodem, procurantibus vobis aut eis ad imperium ipsum sive ad dictum regnum Romanorum, sive regnum Theotoniae, aut dominium Lombardiae seu Tusciae vel majoris partis earum electi vel nominati fueritis vel fuerint; si hoc verum & manifestum fuerit, aut si post talem electionem vel nominationem de imperii regni Romanorum seu regni Teutoniae aut Lombardiae seu Tusciae seu majoris ipsarum partis regimine vos

A manifeste intromiseritis, vel intromiserint; eo ipso à jure regni Siciliae & terrae praedictae cadatis vel cadant ex toto, ipsaque prorsus amittatis & amittant, & eadem regnum & terra ad Romanam Ecclesiam libere devolvatur. Si autem vos aut aliquis ex praedictis heredibus electioni vel nominationi factae seu juri omnino renunciatis & renuncient, & quod de imperio seu aliquo alio praemissorum, ad quod electi seu nominati fueritis vel fuerint, vos nullatenus intromittatis & intromittant, moniti infra quatuor mensium spatium post nominationem hujusmodi, tali electioni vel nominationi seu juri non renunciaveritis vel renunciaverint; vel de ipso imperio vel de aliquo praemissorum ad quod electi seu nominati fueritis, vel fuerint, vos intromiseritis vel intromiserint quoquo modo, ex hoc sitis & sint eisdem regno Siciliae & terra & omni prorsus jure eorundem privati; & ut dictum est, eadem regnum & terra ad Romanam Ecclesiam libere devolvatur. Si vero ad vos vel in dicto regno heredes vestros non poterit commodè talis monitio provenire, super quo utique impedimento, videlicet quod moneri commodè nequeatis vel nequeant, credetur, & stabitur assertioni Romani Pontificis, monitio publica & sollemnis: ita quod si infra vi. menses post illam non renunciaveritis seu renunciaverint, aut de imperio seu de aliquo alio praedictorum ad quae vos vel dicti heredes electi seu nominati fueritis vel fuerint, vos quolibet modo intromiseritis, vel intromiserint; ex hoc cadatis vel cadant omni jure ipsorum regni & terrae, & regnum & terra ipsa ad Romanam Ecclesiam libere devolvatur. Ceterum si contigerit aliquem ex vestris heredibus, qui deberent in praedictis regno Siciliae & terra succedere, in regem vel imperium Romanorum seu in regem Teutoniae vel dominium Lombardiae seu Tusciae sive majoris partis earum nominari seu eligi vel assumi, nullatenus possessionem eorum regni Siciliae & terrae nanciscatur & habeat, nec se de illorum cura seu dominio & regimine per se vel per alios aliquatenus intromittat, nisi prius imperio vel regno Teutonico aut dominio Lombardiae vel Tusciae, seu majoris earum partis, ad quodcumque eorum electus seu nominatus fuerit vel assumtus; & omni juri sibi in illo competenti omnino renunciaret, & illorum regimen nec de jure; nec de facto illud gerens vel retinens, omnino dimittat, ipsum nullo umquam tempore resumturus: alioquin cadat ab omni successione & jure, quae in regno Siciliae & terra praedictis sibi competere ipso facto, ita quod eadem regnum Siciliae & terra ad Romanam Ecclesiam ejusque dispositionem libere devolvatur. Quod si, non extantibus masculis, femina in eisdem regno & terra successerit, illa regi vel imperatori Romanorum seu in regnum & imperium electo, aut regi vel electo Teutoniae aut domino Lombardiae seu Tusciae aut majoris partis earum seu electo ad earum dominium, numquam matrimonialiter copuletur; & si contrarium fecerit, eo ipso cadat à Siciliae regno & terra praedictis, maneatque prorsus ipsorum jure privata, ipsis

regno & terra Siciliæ ad eandem Ecclesiam devolutis. Si autem vos vel aliquis vestrum in regno heredes contra hoc veneritis vel venerint, eo ipso excommunicati, & insuper labe & reatu perjurii resperfi & noti existatis vel existant. In hujusmodi quoque juramento vos addetis, & tam per vos quam vestros in dicto regno heredes addetur expressè, quod nullo umquam tempore regnum seu imperium Romanorum, aut regnum Teutoniæ vel dominium Lombardiæ, vel Tusciæ, vel majorem partem ipsarum, per vos vel per alium aut alios occupabitis, capietis, vel acquiretis, aut vobis alias quolibet modo vindicaveritis; & si secus feceritis secundum præscriptam formam pœnas similes incurratis. Quod autem dicitur de majori parte Lombardiæ sive Tusciæ, intelligitur scienter; si vero ignoranter, eam ad mandatum ecclesiæ dimittere teneamini, & si eam ad mandatum dimittat, non incidatis in pœnam in isto articulo & in consimilibus constitutam. Si vero moniti non dimittatis, remaneat pœna prout est in hoc articulo & in similibus constituta. Quod si forte in posterum regem Siciliæ contingat in imperatorem eligi, postquam fuerit regni Siciliæ possessionem adeptus, non transeat ad imperium; alioquin in pœnas incidat in hoc articulo vel aliis similibus comprehensas. Quod si regni possessione prædicti nondum habita seu obtenta, in imperatorem electus, transire voluerit ad imperium, in manu prius Romani Pontificis, vel illius quem ad hoc idem pontifex duxerit destinandum filium suum successurum in regno cujuscunque fuerit ætatis emancipet, & regno renunciât, nihil juris in eo retinens clam vel palam, nec cujuslibet etiam potestatis nec ipsum filium ad servitium seu subsidium aliquod faciendum juramento vel voto, stipulatione vel pacto, sibi vel successoribus suis astringat, sicque factus filius sui juris, ab eodem Romano Pontifice vel alio destinato ab ipso protinus investiat in regno, ad cujus regni successionem, si forte decederet sine liberis, nullo umquam tempore pater veniat imperator existens. Sed si imperio & omnibus quæ pertinent ad imperium idem pater renunciare voluerit, & regno tantum esse contentus, post renunciationem hujusmodi ad illius successionem libere admittatur: & tunc ab ipso Romano Pontifice vel alio destinato ab eodem investituram recipiat regni ejusdem.

4. Quod si dictus filius ad regnum assumptus major annis xviii. fuerit, libere administret: sed quamdiu minor extiterit, tam ipse quam regnum ipsius in custodia Romanæ Ecclesiæ remaneat, donec ipse impleverit supradictam ætatem, fructibus & obventionibus regni, ex quibus sumtus necessarij faciendi pro ejusdem regni custodia deducantur regi conservandis eidem, & lucro alterius ratione ipsius custodiæ non cessuris. Quæ vero de filio dicuntur, ut ei videlicet regnum possit sub observatione præmissa à patre ad imperium transeunte dimitti, de filia etiam duximus concedendum. Et si rex non habens filium in imperatorem electus, ad imperium transire voluerit, & de personis, quas

*Theſauri Anecd. Tom. II.*

supra diximus, liberis non extantibus, in regno posse succedere, aliqui superstites fuerint, quæ de filio & filia præordinavimus observentur in illis, excepto emancipationis articulo, quæ in solis ipsis procedere poterit, qui capaces emancipationis existant ratione patriæ potestatis.

5. Declaramus etiam, si illi regi Siciliæ sine filio decedenti superstes sit filia vel mulier alia, quæ juxta prædictam formam debeat ad hujusmodi successionem admitti, quæ imperatori, dum ipse rex viveret, fuerat desponsata vel nupta, succedat in regno, & si regno sibi delato imperatori nupserit, cadat protinus ab eo, nisi vir ejus imperio prorsus renuntiâns, regno solummodo sit contentus; imperio autem casu repulsis filia & alia prædicta, ad personas ipsas servatis gradibus regnum perveniat, quas prænotavimus in regno posse succedere, si rege præmortuo filii non supersint. In secundo autem casu regnum ad Romanam Ecclesiam devolvatur, regnum quoque Siciliæ & terra prædicta imperio nullo modo subdentur, seu sibi nullo umquam tempore in eadem persona quolibet modo venient, & præcise super hoc articulo, tam per pœnas spirituales, quam alias cautiones, cavebitur juxta Ecclesiæ voluntatem, quandoque Romanus Pontifex duxerit requiringdum; cum intentionis sit Romanæ Ecclesiæ, ut regnum & terra prædicta nullo umquam tempore imperio uniatur, ut scilicet Romanus imperator & Siciliæ rex existat. Quod autem circa unionem ipsorum regni & terræ cum imperio dicimus, hoc ipsum circa unionem regni & terræ cum regno Romano, aut regno Teutoniæ, seu cum Lombardia, seu Tuscia, seu cum majori parte ipsarum Lombardiæ vel Tusciæ intelligimus, & volumus esse dictum.

6. Pro toto vero generali censu octo millia unciarum auri ad pondus ipsius regni in festo S. Petri, ubicunque Romanus Pontifex fuerit, ipsi Romano Pontifici, & Romanæ Ecclesiæ annis singulis persolventur. Si vero vos vel vestri in dicto regno heredes quocunque termino non solveritis integre ipsum censum, & expectato per duos menses terminum ipsum immediate sequentes, de illo ad plenum non satisfeceritis, eo ipso eritis excommunicationis vinculo innodati. Quod si in secundo termino infra sequentes duos menses eundem censum sine diminutione qualibet non persolveritis, totum regnum Siciliæ ac tota terra prædicta erunt supposita interdicto. Si vero nec in tertio termino, nec infra duos menses proximos per plenam satisfactionem illius ejusdem census vobis duxeritis consulendum; ita ut transactis eodem termino tertio & duobus mensibus proxime sequentibus, non sit de octo millibus hujusmodi prædicti termini ipsi Ecclesiæ integrè satisfactum; ab ipsis regno & terra ipsorumque jure cadatis ex toto, & regnum ipsum & terra ad Romanam Ecclesiam integrè & libere revertatur. Si autem de censu octo millium unciarum hujusmodi prædicti termini inter dictos tertium terminum & sequentes duos menses plenarie satisfeceritis, nihilominus semper pro singulis octo millibus

P ij



unciarum singulorum terminorum, si solummodo in eorum solutione cessaveritis, vel ipsas non solveritis, pœnas similes incurreritis, salvo aliis pœnis & processibus, quæ vel qui de jure inferri vel haberi poterunt per Romanum Pontificem in hoc casu.

7. In quolibet etiam triennio dabitur vos & vestri in dicto regno heredes Romano Pontifici unum palefridum album pulcrum & bonum in recognitionem veri domini eorundem regni & terræ.

8. Adhuc priusquam prædictum regnum vel tantum de ipso acquisiveritis, vel adhibueritis quod etiam si aliqua ipsius regni civitates vel munitiones aut aliqua alia loca adhuc vobis rebellia fuerint, reputemini & possitis ipsius regni rex vel dominus reputari, solveritis Romanæ Ecclesiæ quinquaginta millia marcharum sterlingorum per infra scriptos terminos, scilicet quod infra sex menses postquam dictum regnum acquisiveritis, prout dictum est, solveritis eidem Ecclesiæ x. millia marcharum sterlingorum, & infra singulos sex menses successive sequentes solveritis singula x. millia, donec tota prædicta quinquaginta millium summa fuerit integrè persoluta. Quod si vos in hujusmodi terminis illa non solveritis, liberum erit Romano Pontifici contra vos pro singulis terminis ad pœnas spirituales procedere, prout sibi videbitur expedire. Quia vero, sicut in tractatu negotii actum exitit, tempore quo esset tractatus sive negotium consummandum, dominus Papa petitionem super remittendis vobis eisdem x. millibus marcharum factam crederet ex parte saltem aliqua, de qua vos teneri sibi ad gratiam deberetis, nolimus quod per præfixionem hujusmodi aliquod in hoc vobis faciet vobis per gratiam de prædicta summa x. millium marcharum deducatur.

9. Quodcumque autem Romanus Pontifex qui pro tempore fuerit, asseruerit, vel dixerit Romanam Ecclesiam indigere, ita quod super indigentia hujusmodi ipsius Romani Pontificis simplici verbo stetur, vos vel vestri in dicto regno heredes requisiti ab eo, in Urbem, in Campaniam, in Maritimam, in patrimonium B. Petri, Tusciam, ducatum Spoletanum, Marchiam Anconitanam, & in præmissam civitatem Beneventanam, ac ejus territorium & pertinentias, quæ remanebunt Ecclesiæ, & omnes terras alias ipsius Ecclesiæ per Italiam trecentos milites equis & armis bene & decenter munitos & paratos, ita quod unusquisque ipsorum habeat quatuor equitaturas vel tres ad minus in Ecclesiæ prædictæ obsequium & subsidium transmittetis, per tres menses integros in vestris vel dictorum in regno heredum sumtibus & stipendiis semel tantum in anno in servitio ejusdem Ecclesiæ maturaturos, mensibus ipsis à die quo iidem milites terram vestri domini vel fines vestri districtus egressi fuerint, per vulgatas dietas & solitas computandis. Quod si maluerit Ecclesia eadem ingruenti necessitate, qua stetur verbo Romani Pontificis, ut dictum est, navali in mari exercitu prædicti milites, debita taxatione & recompensatione præhabita, in navale stolium commutetur.

A 10. Verum prædicta civitas Beneventana, quam hætenus Romana Ecclesia sibi retinuit, & in suum domanium & dominium cum omnibus juribus & pertinentiis reservavit, & totum tenementum civitatis ejusdem cum finibus ejus antiquis, quos Romanus Pontifex quodcumque semel, cum sibi placuerit, bona fide distinguet, eidem Ecclesiæ & in ejus proprietate libere remanebit, nullo jure nobis, vel cujuscumque cuicumque alii de regno prædicto seu quolibet reservato. Distinctioni quoque per Romanum Pontificem semel faciendæ, ut dictum est, stabitis absque contradictione seu refragatione quacumque, prout ipsa distinctio per apostolicas litteras apparebit.

B 11. Pro prædicta quoque civitate Beneventana hac vice reficienda per Beneventanos, exponetis per septennium pro lignaminibus omnia nemora ipsorum regni & terræ, & omnem materiam ad ædificia opportuna, puta lapides, avenam quæ Puteolana vocatur, cæmentum & similia, sine præjudicio juris singularum personarum ad unam dietam prope Beneventum.

C 12. Præstabitur etiam ipsis securitatem per totum regnum & terram prædictam, nisi in terra vestra de novo delinquant, propter quod ad vos de jure justitia pertinebit.

D 13. Privilegia insuper dictæ civitatis à regibus & principibus concessa illibata servabitis. Omnia statuta per FRIDERICUM olim Romanum imperatorem, seu quoscumque alios reges Siciliae facta contra libertatem civitatis ejusdem revocabitis in omnibus, & per omnia quæ libertatis fuerint ceteris regnicolis purificabitis illa, nec aliqua statuta seu aliquas leges condetis in posterum, per quæ dictæ civitati directe vel indirecte possit præjudicium generari, ac pro apostolicæ sedis & B. Bartholomæi patroni civitatis ejusdem reverentia, fidancias ab omnibus remitti facietis & remittetis eisdem. Fidanciarum autem remissio est concessio libertatis, ut cives Beneventani possint libere proprias vineas & terras excolere, ipsarumque fruges & fructum colligere, & eadem vineas ac terram vendere, & de ipsis pro sua voluntate disponere sine aliqua exactione vel munere vel etiam datione. Vos autem & vestri in regno Siciliae heredes in dicta civitate ac ejus territorio & pertinentiis quæ remanebunt in Ecclesia vel Urbe, seu Campania vel Maritima, seu in ducato Spoletano aut Marchia Anconitana, aut in Patrimonio B. Petri in Tuscia sive aliquibuscumque terris aut dominiis sive feudis ipsius Ecclesiæ ubilibet constitutis, ex successione vel legato aut conditione sive donatione, aut alio quocumque jure, vel titulo, seu contractu, nihil umquam vobis acquireritis vel vindicabitis, seu poteritis acquirere vel quolibet modo vindicare, & nihil umquam recipietis, habebitis, & retinebitis, seu poteritis recipere habere vel retinere, ac nullam potestariam, capitaneam vel rectoriam, nullum alium honorem, dignitatem, seu potestatem senatoriam, aliam administrationem vel commendam, nec quodcumque officium recipietis, seu recipere poteritis, habebitis, vel retinebitis, seu habere vel retinere poteritis in eisdem. Hoc



autem intelligimus de illis heredibus vestris qui vobis in eodem Siciliae regno succedent. Nolumus enim quod delictum vobis in comitatibus & aliis terris vestris in poenam heredis, qui est vobis successurus in regno aliquatenus extendatur. Ne vero huiusmodi alii heredes vestri contra ea, quæ continentur in isto articulo, forsan aliquo tempore venire præsumant, acquirendo vel vindicando, aut recipiendo, vel habendo seu retinendo aliquid in terris in articulo ipso expressis, vel recipiendo, habendo, seu retinendo in eisdem terris potestariam seu capitaniam, vel aliquid aliud de his quæ articulo continentur eodem sic semper hoc duximus concedendum, ut videlicet nulli etiam huiusmodi aliorum heredum vestrorum nullo umquam tempore liceat sibi quicquam in eisdem terris acquirere vel vindicare, recipere, habere vel retinere potestariam, sive capitaniam vel rectoriam aut aliquid aliud ex his quæ, prout dictum est, in eodem articulo plenius exprimuntur. Quicumque autem ipsorum secus præsumserit, eo ipso excommunicatus existat, nec ipse, nec ejus posterius in perpetuum possint in eodem regno succedere, si eis in casu aliquo huiusmodi successio devolveretur; sed ab illo repellatur omnino, & nihilominus ille qui huiusmodi regni gubernacula possidet, Romano Pontifici contra eum patenter assistere teneatur. Si vero vos vel vestri in regno heredes prædictam Beneventanam civitatem, territorium, vel pertinentias ejus, quæ remanebunt Ecclesiæ, vel aliquam partem earum, aut Campaniam, aut Maritimam, seu urbem aut ducatum Spoletanum, vel Marchiam Anconitanam, sive patrimonium B. Petri in Tuscia, aut alias quascumque terras Romanæ Ecclesiæ ubilibet constitutas occupaveritis, vel occupari feceritis, aut molestari; & postquam super hoc à Romano Pontifice moniti vel requisiti fueritis, vel commode moneri aut requiri nequiveritis juxta ipsius Romani Pontificis assertionem vel dictum, postquam de hoc tempore publice aut solemniter vos monuerit infra tres menses non restitueritis integre omnia occupata, eo ipso ab ejusdem regni Siciliae & terræ jure cadatis totaliter. Ipsaque regnum & terram prorsus amittatis, & hæc ad Romanam Ecclesiam libere devolvantur.

Quod si etiam restitueritis occupata, nihilominus ad plenum de universis injuriis & damnis illatis ad mandatum ejusdem Romani Pontificis satisfacere teneamini, alii quoque heredes vestri, videlicet qui vobis non succedent in regno, occupare vel facere occupari easdem terras Romanæ Ecclesiæ, vel molestare & molestari facere super illis eandem Ecclesiam non attentent. Illi vero qui secus attentaverint, præmissas poenas, ut videlicet eo ipso sint excommunicati, & tam ipsi quam eorum posteritas in perpetuum ad successionem prædicti regni, si aliquando forte casu ejusdem successio devolveretur ad illas, nullatenus admittantur, incurrant; & rex Siciliae qui tunc erit, teneatur assistere Romano Pontifici contra ipsos, prout superius est expressum.

14. Sane omnibus ecclesiis tam cathedralibus

A quàm aliis regularibus & quibuscumque religiosis, sæcularibus, necnon omnibus prælati & clericis, ac universis personis ecclesiasticis, sæcularibus & regularibus, & quibuscumque religionis locis plenarie dimittentur & restituentur integre omnia bona eorum immobilia à quibuscumque ablata vel occupata sint, & per quoscumque detineantur. Mobilia vero quæ extant & poterunt inveniri simili modo restituentur eisdem. Hæc autem restitutio fiet absque contradictione vel difficultate qualibet, sicut nanciscemini prædictorum regni Siciliae & terræ possessionem, hoc modo, scilicet quod statim in illa parte ipsorum regni & terræ quæ vobis obediunt restitutio ipsa fiet, ipsaque successive consummabitur, sicut eadem regnum & terra habebuntur. Ne autem super his rebus restituendis ingeri possit aliqua difficultas, deputabuntur à Romano Pontifice aliqui juris discreti, ad quorum mandatum & arbitrium jurium & rerum immobilium & mobilium quæ extant restitutio plenè fiat: ita quod de his de quorum dominio vel proprietate seu possessione notorium fuerit, ad eorum mandatum & arbitrium mox reddentur. In dubiis vero per ipsos de plano & absque strepitu judicii veritas diligentius inquiretur. Sufficit enim vocari Cam. seu Bailium, in cujus jurisdictione vel ballivia seu territorio bona, de quibus agetur, consistent, ad videndum jurare testes, qui in huiusmodi inquisitione deponent.

D 15. Omnes insuper ecclesiæ tam cathedrales quam aliæ regulares & sæculares, nec non & omnes prælati & clerici, & omnes personæ ecclesiasticæ sæculares & religiosæ, & quæcumque religionis loca cum omnibus bonis suis in electionibus, postulationibus, nominationibus, provisionibus & omnibus aliis plena libertate gaudebunt, nec ante electionem sive in electione vel post, assensus vel consilium aliquatenus requiretur. Quam utique libertatem vos & vestri in prædicto regno heredes semper manutenebitis & conservabitis & manuteneri facietis quod in omnibus aliis plena libertate gaudebunt, nec ante electionem sive in electione vel post regius assensus vel consilium aliquatenus requiretur. Quam utique libertatem vos & vestri in prædicto regno heredes semper manutenebitis & manuteneri facietis ab omnibus subditis vestris, dictæque ecclesiæ ac personæ utentur libere omnibus bonis & juribus suis, salvo vobis & vestris in regno heredibus jure patronatus in ecclesiis in tantum quantum vel antiqui reges Siciliae huiusmodi jus patronatus in ipsis ecclesiis habuerint.

F 16. Omnes etiam causæ ad forum ecclesiasticum pertinentes libere & absque ullo impedimento agitabuntur, tractabuntur & ventilabuntur coram ordinariis & aliis ecclesiasticis judiciis, & terminabuntur per eos. Et si ad sedem apostolicam super huiusmodi causis appellari contigerit, tam appellantes quam appellati ad eandem venire sedem pro appellationum executionibus libere & absque aliqua inhibitione permittantur.

17. Sacramenta vero fidelitatis præstabuntur secundum antiquam & rationabilem consuetudinem, prout canonica statuta permittunt, ab illis ecclesiarum prælatis, quorum prædecessores antiquis illa Sicilia regibus præstiterunt. Ab illis autem prælatis ecclesiasticis, qui temporalia sive regalia bona tenent, si qui tamen sunt, qui hujusmodi bona tenent à Domino rege vel aliis dominis temporalibus, & qui hujusmodi ratione bonorum ab antiquo consueverunt regibus & ipsis dominis temporalibus servitia exhibere, hujusmodi honesta & antiqua servitia eis secundum rationabilem & antiquam consuetudinem, & sicut antiqua patiuntur canonica statuta impendantur, salva semper circa ecclesias cathedrales & alias regulares & sæculares, ac personas & loca ecclesiastica, tam in faciendis provisionibus & electionibus confirmandis, quam in omnibus quibuscumque aliis Romani Pontificis & ecclesiæ Romanæ jurisdictionibus ac auctoritate plenaria & libera potestate revocabitis, quæque omnes constitutiones seu leges per dictum FRIDERICUM vel per reges Siciliae, seu per CONRADUM ipsius Friderici filium, aut MANFREDUM principem Tarentinum, qui de facto retinet ipsum regnum occupatum, editas contra ecclesiasticam libertatem, nec statuta vel condiciones aliquas edetis, aut etiam promulgabitis, per quæ juri aut ecclesiasticæ libertati derogetis.

18. Promittetis etiam quod nullus clericus vel persona ecclesiastica eorumdem regni & terræ in civili vel criminali causa convenietur coram iudice sæculari, nisi super feudis iudicio petitorio conveniatur civiliter, sed omnes personæ ecclesiasticæ omnimodè erunt liberæ, & in nullo regi vel principi subjacebunt.

19. Nullas insuper tallias vel collectas imponetis ecclesiis, monasteriis, clericis & nostris ecclesiis vel rebus eorum, & in ecclesiis vacantibus, vos vel vestri in regno heredes nulla habebitis regalia, nullosque fructus, redditus & proventus, nullas obventiones, ac nulla prorsus alia percipietis ex iisdem, custodia earumdem ecclesiarum interim libere remanente penes personas ecclesiasticas juxta canonicas sanctiones.

20. Comites vero, barones, milites, & universi homines totius regni & terræ prædictæ vivent in ea libertate, & habebunt illas immunitates, illaque privilegia, ipsisque gaudebunt, quas & quæ tempore claræ memoriæ GUILLIELMI II. Siciliae regis, & aliis antiquis temporibus habuerunt.

21. Omnes exsules regni Siciliae & terræ prædictæ, cujuscumque conditionis existant, ad mandatum Ecclesiæ reducantur in regnum & prædictam terram. Ipsisque de bonis & juribus eis debitis restitutio plena fiet, in hujusmodi autem restitutione secundum prædictam formam in capite de bonis Ecclesiasticis tuendis contentam tam in notoriis quam in dubiis procedetur, omnesque captivos & obsides, qui tenentur in regno & terra prædictis, Romanos regnicolas, & alios de terra Ecclesiæ, Tuscos & Lombardos, & illos de Marchia Tarvisina

A bona fide restituetis libertati pro posse.

22. Heredibus vero quondam RICARDI comitis Sorani germani felicitis recordationis INNOCENTII papæ IV. jus quod in comitatu Sorano & aliis Ecclesiæ Romanæ fidelibus illud in aliis comitatibus & bonis, si qua eis in regno & terra prædictis à regibus & principibus concessa obtinent, erit salvum, nec per præsentem ipsorum regni & terræ cessionem comitatum sic concessorum eorumdem cuique ad proprietatem seu possessionem præjudicium generetur, regio in his omnibus jure salvo.

23. Nullam etiam confederationem vel pacem, seu societatem cum aliquo imperatore, vel rege, vel principe, seu barone Saraceno, Christiano, vel Græco, aut cum aliqua provincia seu civitate aut communitate vel loco aliquo scienter contra Romanam Ecclesiam, vel in damnum Ecclesiæ facietis, & si feceritis ignominanter, teneamini ad mandatum Ecclesiæ revocare.

24. Habeatis autem mille ad minus Ultramontanorum militum comitivam: quorum quilibet equitaturas quatuor secum habebit. Habebitis etiam trecentos balistarios & tot alios bellatores, quod ad prosecutionem negotii fidei sufficere videtur, & usque ad annum à præsentis die computandum sic muniti cum tota vestra hujusmodi comitativa esse teneamini, & sitis extra fines comitatus Provinciae versus Italiam vel in Italia, & ex tunc infra tres menses immediate sequentes esse teneamini, & sitis in terris contiguis regno Siciliae, nisi forsitan in Italia hostium obstaculo impediamini vel occursum, quorum impugnationem & debellationem quamdiu taliter muniti perseveranter institeritis, intelligamini negotium prosequi, nec vobis tempus prædictum trium mensium currat. Quod si vos sic muniti usque ad hujusmodi annum non fueritis extra fines prædicti comitatus, vel si infra eosdem tres menses tali non præpediti obstaculo non fueritis in terris eisdem Siciliae regno conterminis cum comitiva hujusmodi constituti, vel in quocumque casu prosecutionem negotii opportunam non impendentibus operam in eisdem terris conterminis dicto regno infra ipsos tres menses non fueritis sic muniti, liberum erit Romano Pontifici ac in potestate remanebit ipsius, dicere, pronunciare, vel proferre in scriptis vel sine scriptis, de consilio vel sine consilio fratrum, vobis aut alio etiam quocumque cujus forsitan interesset non vocatis, & absque omni juris solemnitate, collationem, concessionem, investituram, vobis & heredibus vestris de regno & terra prædictis factas vacuas omnino esse, nullumque robur vel valorem habere, ac eas revocare, cassare, irritare, ac ipsas cassas & irritas nunciare.

25. Liberum quoque erit eidem Romano Pontifici hoc idem facere, si, quod absit, vel longa præpediti valetudine vel morte præventi dignum negotium juxta eandem formam non assumeritis, vel assumptum non fueritis prosecuti, nisi forte talis persona & tam idonea juxta formam eandem vices vestras vel vestrorum

heredum in hac parte suppleverit, quæ merito A  
ad hoc sufficere & possit & debeat à Romana  
Ecclesia reputari. Quod si forte vos aliquo im-  
pedimento fueritis irretiti, & hoc significave-  
ritis Romano Pontifici, in potestate remanebit  
ipsius dicere, pronunciare & approbare & pro-  
ferre juxta formam in capitulo ipso contentam  
collationem, concessionem & investituram hu-  
jusmodi vobis & heredibus vestris factas de re-  
gno & terra prædictis vacuas omnino esse, nul-  
lumque valorem & robur habere ac eas revocare,  
cassare & irritare, & ipsas cassas & irritas  
nunciare, vel talem personam & totam idoneam B  
assumere vel admittere ad dictum negotium,  
quæ merito ab ipso sufficiens reputetur. Deinde  
omnes præmissas condiciones, quæ in persona  
vestra apponuntur, circa vestros etiam in dicto  
regno heredes & successores intelligimus & vo-  
lumus esse dictas, salvis omnibus quæ circa alios  
heredes ordinata consistunt, prout superius est  
expressum.

26. Vos etiam dabitis privilegium vestrum  
domino Papæ ac Romanæ Ecclesiæ, ac bulla  
aurea bullatum, in quo proprio juramento fa-  
tebimini & cognoscetis expressè regnum Siciliae  
& totam terram quæ est citra Pharum usque ad  
confinia terrarum Romanæ Ecclesiæ, excepta  
civitate Beneventana cum territorio & pertinen-  
tiis ejus, quæ Ecclesiæ remanebit eidem, ex sola  
gratia & mera liberalitate sedis apostolicæ vobis  
vestrisque heredibus de novo fore concessa, vos-  
que recepisse ac tenere regnum & terram hu-  
jusmodi à dicta Romana Ecclesia sub pactis &  
conditionibus supradictis. Ut autem prædicti  
negotii consummatio, & hæc nostra collatio, D  
concessio & investitura, ac revocatio, ac alia  
præmissa illibata perpetuo maneant & incon-  
cussam semper obtineant firmitatem, præsens  
instrumentum, seu præsentis litteras sigillorum  
nostrorum munimine roboratas vobis duximus  
concedendas. Actum Romæ apud Lateranum  
in basilica S. Salvatoris, quæ appellatur Constan-  
tiniana, ante sacratissimum altare ipsius basilicæ  
iv. calendas Julii anno Domini m c c l x v. Pon-  
tificatus vero prædicti C L E M E N T I S papæ iv. E  
anno primo. Nulli ergo omnino hominum li-  
ceat hanc paginam nostræ confirmationis in-  
fringere, vel ei ausu temerario contraire. Si  
quis autem hoc attentare præsumserit, indi-  
gnationem omnipotentis Dei & beatorum Petri  
& Pauli apostolorum ejus se noverit incurfu-  
rum. Datum Perusii per manum magistri Mi-  
chaelis de Tholosa S. R. E. vice-cancellarii ii.  
nonas Novembris indictione nona, Incarna-  
tionis Dominicæ m c c l x v. Pontificatus vero  
Domini Clementis papæ iv. anno primo. F



## EPISTOLA CLXXV.

Simoni cardinali apostolicæ sedis legato.

*Mittit ei privilegium confirmationis & concessionis  
regni Siciliae Carolo regi factæ sua manu  
subscribendum.*

C L E M E N S episcopus servus servorum Dei Anno 1265  
dilecto filio S. tituli S. Ceciliae presbytero  
cardinali apostolicæ sedis legato salutem &  
apostolicam benedictionem.

Ecce mittimus tibi privilegium bulla nostra  
& fratrum nostrorum, qui nunc in curia sunt  
præsentis, subscriptionibus roboratum, carissimo  
in Christo filio nostro C. illustri regi Siciliae  
super ipsius regni confirmatione ab apostolica  
sede concessum; discretionis tuæ per apostolica  
scripta mandantes, quatinus & tu ipse in privi-  
legio subscribas eodem, eo non obstante quod  
præter morem Romanæ Ecclesiæ & ordinem  
consuetum bullæ appensio subscriptionem fra-  
trum plenariam antecessit. Datum Perusii iii.  
nonas Novembris, Pontificatus nostri anno i.

## EPISTOLA CLXXVI.

Simoni Cardinali apostolicæ sedis legato.

*Ut reformationi monasterii S. Bertini serio  
incumbat.*

C L E M E N S episcopus servus servorum Dei Anno 1265  
dilecto filio S. tituli S. Ceciliae presbytero  
cardinali apostolicæ sedis legato salutem &  
apostolicam benedictionem.

In vinea Domini Sabaoth licet insufficienti-  
bus meritis cultores positi & custodes, non pos-  
sumus non turbari, cum eam intelligimus in  
aliqua parte lædi; sed tunc profecto acerbiori  
dolore confodimur, cum ubi speciosior esse  
solet, ibi enormius deformatur, non sine vici-  
narum partium detrimento. Sanè ad aures no-  
stras pervenit quod monasterium S. Bertini or-  
dinis S. Benedicti Morinensis diocesis, cui olim  
Dominus in rore cæli & terræ pinguedine bene-  
dixit, & quod tamquam hortus deliciarum &  
paradisus Domini consuevit in spiritualibus san-  
ctius resorere, ac in temporalibus conspectius  
abundare, nunc per negligentiam vel malitiam  
potius tam... abbatis ipsius quam aliarum per-  
sonarum degentium in eodem, in utrisque adeo  
est collapsum, majori parte monachorum ex  
eo expulsa, quod nisi celeriter succurratur, vix  
adjiciet ut resurgat. Cum igitur instantia nostræ  
quotidiana sit omnium ecclesiarum sollicitudo  
continua, ne in his torpere aliqua negligentia  
videamus, nobisque ipsius monasterii deforma-  
tio possit aliquatenus imputari, si audita defor-  
matione hujusmodi ad reformationem ipsius  
consilium quod poterimus non duxerimus appo-  
nendum: discretionis tuæ per apostolica scripta

mandamus, quatinus prædictum monasterium revocato ad illud conventu ejusdem, qui per diversa loca, sicut accepimus, est dispersus, per te vel per alios zelum Dei habentes, quos ad hoc idoneos videris, visitans, diligenter tam in capite quam in membris prudenter corrigas, & reformes ea quæ correctionis & reformationis officio noveris indigere: contradictores per censuram ecclesiasticam appellatione postposita compescendo, non obstante si prædictis abbati & conventui communiter vel divisim à sede apostolica sit indultum, quod excommunicari, suspendi, vel interdici, aut extra certa loca trahi non possint per litteras apostolicas non facientes plenam & expressam de verbo ad verbum de indulto hujusmodi mentionem, sive quavis alia dictæ sedis indulgentia, de qua cujusque toto tenore specialem & expressam oporteat in nostris litteris mentionem fieri, & per quam effectus præsentium quomodolibet impediri valeat vel differri. Datum Perusii III. calendas Novembris, Pontificatus nostri anno primo.

## EPISTOLA CLXXVII.

Carissimo in Christo filio regi Siciliæ illustri.

*Commendat ei Jacobinum civem Cremonensem exulem.*

Anno 1165 **D**E viro nobili Jacobino cive quondam, sed dudum exule Cremonensi, fide digna recipimus testimonia, quod fidelis semper extiterit, & quia pro justitia stare voluit, & viam noluit iniquitatis amplecti, bonis omnibus spoliatus, & prolixo maceratus exilio, coactus est huc illuc discurrere vagabundus. Hinc est quod ad tuam præsentiam accedentem, licet causam ignoremus accessus, tuæ benevolentia duximus commendandum, attentius rogantes, quatinus cum benigne recipias, audias patienter, & si qua petenda duxerit, quæ tuam facere liceat vel expediat aut deceat magnitudinem, eum à tua gratia non repellas. Datum Perusii calendis Novembris anno 1.

## EPISTOLA CLXXVIII.

Dilecto filio Ermengaudò de Melgorio militi.

*Snadet ei viduitatis statum.*

Anno 1165 **U**Xoris tuæ mortem audivimus, quam ei credimus fuisse felicem, cum laudabiliter & bene vixerit, ideoque non potuit male mori. Tu ergo, fili, debitam consolationem recipiens, non te præcipientes ad conjugium iteratum, donec tuum statum & totius domus tuæ considerans, quid agendum sit tibi videas inter moras. Nunc

**A** in tuæ viduitatis recentia, multos in intimis cordis tui impulsus pateris, qui post deliberationem habitam conquiescent, & est melius repentinum propositum ad tempus suspendere, quam post factum non sine levitatis macula poenitere. Datum *ut supra*.

## EPISTOLA CLXXIX.

**B**, Carissimo in Christo filio regi Franciæ illustri.

*Ut fratri suo compatiatur & subveniat populo christiano.*

**N**uper tibi, fili carissime, per tuum specialem cursorem cum quo lator præsentium venerat, nostrum & Romanæ Ecclesiæ statum satis lucidè intimavimus, nec postmodum novum emerfit aliquid, quod tibi scribere valeamus, cum multa pendeant ex adventu ultramontanæ militiæ, quam de die in diem nos & fratres nostri suspensis animis cum universis hujus terræ fidelibus expectamus, sperantes firmiter quod & transitum liberum habeat, & ad regnum prosperum aditum in negotio pro quo venit, felici nequeat consummatione frustrari, dum tamen non desit pecunia necessaria, cui male respondet decima, sicut ex litteris nuper accepimus dilecti filii nostri S. tituli S. Cecilie presbyteri cardinalis. Tu ergo, Christianissime principum, fratri tuo compatere, subveni populo Christiano, & cum in manu tua sit decima, cujus pars maxima intra tui regni viscera concluditur, impende subsidium quod potes facere sine tua jactura. Datum Perusii II. Idus Novembris anno 1.

## EPISTOLA CLXXX.

Dilecto filio O. sancti Adriani diacono cardinali apostolicæ sedis legato.

**E** *Scribit se cardinalium inopia providisse, & ut nullam gratiam faciat Vigornensi, Londonensi, Lincolnensi & Eliensi episcopis.*

**U**ltramontanam nondum habemus militiam, quam tamen venturam in proximo præstolamur, cujus timor super omnes fideles Italiæ & regni præcipue ad quod properat jam adeo noscitur cecidisse, ut videantur manus hostium deficere ante pugnam, & genua tremore dissoluta. Bene est nobis & fratribus per Dei gratiam, quamvis nec affluamus deliciis, nec divitiis abundemus. Propter fratrum inopiam, quam æquo animo tolerare non possumus, nuper decrevimus singulis fratribus indigentibus, si nihil omnino habeant, trecentas marcas reddituum commendare, donec aliter sit provisum aliquid, sed minus habentibus eandem quantitatem supplere, tantum vel plus possidentibus nihil dare: & ideo jam tibi scripsimus pro duobus ab hoc scripturi pro pluribus, licet non in tanta

ranta summa, ut credimus, sed minori. Tu ergo, fili carissime, labora, & inuncto negotio tam fideliter quàm instanter, & honorem matris tuæ considera. Illis tamen episcopis, de quibus tibi olim scripsimus, Wigornienſi, Londonienſi, Lincolnienſi, & Elienſi, nullam prorsus facias gratiam, cùm in nullo magis possemus offendi, nisi quod ab excommunicationis vinculo, qua tenentur, possis eos absolvere juxta formam Ecclesiæ, quos tamen suspensos teneas, donec aliud nostrum mandatum recipias, quod videbis in proximo, Domino concedente. Datum Perusii 11. Idus Novembris anno 1.

## E P I S T O L A C L X X X I.

Carissimo in Christo filio regi Franciæ illustri.

*Scribit ei de angustiis regis Siciliæ fratris sui.*

Anno 1265

**C**lamavimus, nec cessamus, immo potius quasi tuba vocem nostram exaltare compellimur, fidei christianæ naufragium, & Ecclesiæ sanctæ Dei, ac carissimi in Christo filii nostri C. illustris regis Siciliæ perspicacibus oculis intuentes angustias, quibus volumus & volumus, quamvis non valuerimus, ut vellemus, tam utiliter quam celeriter subvenire. Concessæ quidem decimæ dicto regi per regnum Franciæ & provincias aliquas adjacentes, vel malè ab ecclesiis persolutæ, vel à collectoribus minus diligenter exactæ, vel in usus alios quàm oportuisset expensæ. Diu subsidium expectatum nostrum & regis ipsius animos quantum spe recreaverat, tantum afflictione (a) perturbat. Sed in novissimo veritate comperta, spe nostra penitus frustratos nos vidimus, cùm anni primi decima jam fere totaliter dicatur assumpta. Sanè, fili carissime, (b) scire tuam volumus excellentiam quid nos fecimus, fidem namque fratri tuo servavimus, conventiones singulas inter nos & ipsum initas implentes ad litteram tempore opportuno, & cùm ante ipsius adventum gentem quam tenebat in Urbe, procurassemus utiliter creditorum aliquorum auxilio sustentari, postquam venit rex idem diversis nos creditoribus obligavimus pro eodem, & cùm apud nos pecuniam sibi sufficientem invenire non possemus, possessiones majoris partis ecclesiarum Urbis usque ad centum millia librarum Turonensium pro eodem exposuimus obligandas Romanis, qui hæc & majora (c) sponponderant, si à nobis posset hæc liberalitas obtineri: & cùm ventum esset ad verum, vix ibidem xxx millia librarum habere potuit ex prædictis possessionibus obligatis aliquibus quæ ipsis creditoribus placuerunt. Cùmque ad nos denuò recurrisset, vocatis omnibus curiæ mercatoribus, ultra quatuordecim millia librarum Turonensium non invenimus, & cum hæc omnia non sufficerent, vel ad victum quotidianum ejusdem vel ad contracta in Urbe debita persolvenda, iteratis

**A** ejus suspiriis provocati, nos liberaliter exposuimus ad nostram cameram specialiter creditoribus quibuscumque, & Ecclesiæ Romanæ bona generaliter obliganda, sed nec hoc sufficit, immo nec proficit, cùm sint magnæ ejus expensæ, magnæque debita, & cùm militia supervenerit, cujus felicem transitum præstolamur, oportebit eas tunc forsitan duplicari, nec potest ipse, nec nos mutuam invenire. Quod si fortè miraris illas magnas pecuniæ quantitates apud nos inveniri non posse, scire te volumus, quod eos terruit exploratus & (d) cognitus decimæ persolvendæ defectus, & quod est durius, ille magnus Ecclesiæ persecutor, ut pro certo relatum est nobis, in Urbe, qui nihil sitit aliud, auro sparso creditorum manus continuit, qui multa promiserant se facturos. Quid plura, nihil dolum vel fraudem sapiens incredibile est de illo, qui penes talium machinationum artifices enutritus, & (e) infectæ radices sapit originem, & tales sibi congregat, qui quod ipse subtiliter concipit, instanter & sollicitè pertrahant ad effectum. Si igitur in adventu tam nobilis, tam gloriosi exercitus rex noster deficit in expensis, quid poterimus dicere, nisi quod navis in portu perit? Quid inimici clamabunt, nisi quod ecce vidimus hominem qui ædificare cœpit, nec potuit consummare? Non credimus molestè te ferre, si ex aggregatis clamoribus in tantæ necessitatis articulo interpellamus te totiens; sed si molestum etiam id tibi fore, quod non est verisimile, crederemus; tamen omittere non possemus, quin Ecclesiæ matris tuæ, cuique germani pericula nostrâ tibi describeremus epistolâ, ut aut nudata veritas te moveret, aut saltem nobis restantibus veritatem & suffragia opportuna quærentibus nihil nobis in hoc negotio Deus ad culpam, nihil homines ad infamiam imputarent. Quocirca tu, fili carissime, qui numquam pectus saxeum habuisti, qui misericordiæ visceribus affluens, nedum tuorum, quin etiam exterorum pio miseras animo sublevastis; respice matrem tuam & carnem tuam in fratre tam utili ne despexeris succurrere, sine damno cùm possis, (f) quoniam pro tali damnum negligere teneris. Procura modis omnibus ut de tua vel mutuanda pecunia Senensibus mercatoribus, qui sunt in Francia, tantum detur, quod in his partibus se possint effundere ad subsidium socii eorundem, alioquin cogita quod cum magno dolore concludimus, ut pares redditum fratri tuo, sanumque recipias pariter & confusum, nosque mari & ventis expositos derelinques. Quod si feceris, illo nihilominus roborante, qui & isti & illis imperat, in spe & silentio expectabimus ejus auxilium, dorsum dabimus ad flagella, ire parati pro ipso, si res exegerit, in carcerem & in mortem. Demum quia non esset facile negotii singulas circumstantias epistolari brevitate concludere, mittimus ad tuæ Serenitatis præsentiam Venerabilem fratrem nostrum Avenionensem episcopum, quo nullus fidelius astitit fratri tuo, quo nemo novit

(a) Al. Turbarat.

(b) Al. Te scire volumus.

(c) Al. Ponderant.

(d) Al. Cogitatus.

(e) Al. Imperfectæ.

(f) Al. Qui.



melius intima cordis ejus, quo nullus certius & constantius in mari & terra ejus communicavit angustiis & molestiis, qui quæ defunt epistolæ veridica narratione supplebit, cui fidem habere te volumus sicut nobis. Datum  
(a) Perulii (a) xv. calendas Decembris anno i.

## EPISTOLA CLXXXII.

Dilecto filio S. tituli sanctæ Ciciiliæ presbytero cardinali apostolicæ sedis legato.

*Ejusdem argumenti.*

Anno 1265

**C**lamavimus, &c. *ut supra usque* nec potuit consummare. Videat igitur tua discretio, in quo sumus periculo, quo urgetur discrimine rex Siciliae noster filius, noster baculus senectutis. Videat diligenter quis rerum erit exitus, si deficiat in expensis, & per consequens in negotio rex præfatus. Audemus dicere, & scribere non veremus, quod nihil nobis tristius esse potest, quod utinam hodie sanus & incolumis esset in Francia vel Provincia, si eum Dominus defecurum prævidit, cum longè melius vel potius minus malum, ratione prævia, censeremus, ipsum saltem ex hac peste salvari, nobis solis in carceris vel mortis laqueis derelictis, quàm pro fide ecclesiæ laborantem nobiscum non ad solatium, sed ad luctum pari damno confusionis perpetuæ, ut pejore transeamus, involvi. Quære ergo mutuum quod des Senensibus, illud regi in istis partibus per socios suos refusuris. Quære cum rege, quære cum fratre, quære cum prælatis, quære cum religiosiis, quære cum burgen-sibus, quære cum usurariis, quære cum omnibus, et si decies repulsam passus fueris apud ipsos. Nos enim & carissimo in Christo filio nostro L. illustri regi Franciæ & dilecto filio comiti Pictaviæ ac prælatis & clero scribimus super istis, prout tibi venerabilis frater noster Avinionensis episcopus referabit, cum aliis quæ tangunt negotium, cui in omnibus fidem indubitam habeas sicut nobis. Datum *ut supra*.

## EPISTOLA CLXXXIII.

Clero Gallicano.

*Ejusdem argumenti.*

Anno 1265

**C**LEMENS episcopus servus servorum Dei venerabilibus fratribus archiepiscopis & episcopis, ac dilectis filiis electis, abbatibus, prioribus, decanis, præpositis, archidiaconis, archipresbyteris, plebanis, & aliis ecclesiarum prælatis, ac ecclesiasticis personis, religiosiis, & aliis, eorumque capitulis & conventibus, exemptis & non exemptis ac universo clero in regno Franciæ constituto salutem & apostolicam benedictionem.

Clamavimus, &c. *ut in precedenti usque* nec  
(a) *Id. xvi. Calendas.*

**A** potuit consummare. *Deinde sequitur.* En dilectissimi fratres & filii, si qua sunt vobis viscera pietatis, larga se vestris ingerit animis compassionis materia, dum Romanam Ecclesiam matrem vestram, dum virum magnificum & illustrem, non sibi sed mundo genitum, præfatum regem Siciliae in tantis auditis angustiis constitutos, cum etiam totius populi christiani discrimina ex præmissis potestis colligere; cum si, quod absit, inimicus Dei & catholicæ fidei persecutor Christi & nostro pugili, peccatis exigentibus, prævaleret, primis malitiæ suæ finibus non contentus, conatum suum ad majora porrigeret, quæ nondum vidit oculus, nec cujusquam auris audivit, nec in cor hominis ascenderunt. Cum igitur inter alia quæ sapientis contristant animum, vir bellator deficiens per inopiam numeretur, in tanta regis nostri, quam ex nobis supplere non possumus, indigentia, universitatem vestram monendam, hortandam duximus, & rogandam, & per asperionem pretiosissimi Christi sanguinis obsecrandam, quatenus ad requisitionem dilecti filii nostri S. tituli S. Ciciiliæ presbyteri cardinalis apostolicæ sedis legati duorum annorum instantium decimam prompta liberalitate solvatis. Nos autem de divina pietate confisi, omnibus tam piæ exhortationi nostræ liberaliter acquiescentibus, illam indulgentiam ad plenum concedimus, quæ pro eodem negotio personaliter laborantibus indulgetur. Pro qua decima persolvenda, beneficia vestra ad annum vel biennium vel triennium, si res exigat, vobis liceat obligare. Datum Perusii xv. calendas Decembris, Pontificatus nostri anno i.

## EPISTOLA CLXXXIV.

**C**LEMENS, &c. archiepiscopis, &c. ac universo clero per Lugdunensem, Viennensem, Ebredunensem, Tarentasensem, Bisuntinam, Arelatensem, Aquisensem, Burdegalem & Auxitanam, nec non & Tornacensem, ac Cameracensem civitates & dioceses ac provincias constitutis salutem & apostolicam benedictionem.

Clamavimus, nec cessamus, &c. *ut in proxima precedenti littera.*

## EPISTOLA CLXXXV.

Simoni cardinali apostolicæ sedis legato.

*Ut religiosos omnes ad solutionem decimæ compellat.*

**C**LEMENS episcopus servus servorum Dei dilecto filio S. tituli S. Ciciiliæ presbytero cardinali apostolicæ sedis legato salutem & apostolicam benedictionem.

De religiosorum decima in subsidium regni Siciliae persolvenda semel & iterum, & nisi fallimur, jam tertio tibi scripsimus, & adhuc scribendum duximus, quod visis indulgentiis sin-

gulorum, qui dictam decimam solvere noluerunt, nisi per eas se tueri potuerint à decimæ præstatione prædictæ, ad solutionem ejusdem eos ecclesiastica censura compellas. Nos siquidem nullum exemimus, sed ab initio ab aliquibus eam exigi prohibuimus, donec aliud mandarem: sperantes quod carissimo in Christo filio nostro C. illustri regi Siciliæ per viam aliam satisfacere valeremus: sed cum nullam invenire possemus, mandavimus in negotio, & mandamus, non obstante dicta prohibitione, procedi. In his igitur ea vigiles diligentia, ut eidem regi Siciliæ non supersit materia conquerendi. Datum Perusii xi. calendas Decembris, Pontificatus nostri anno i.

## EPISTOLA CLXXXVI.

Simoni Cardinali apostolicæ sedis legato.

*Ut mentientes circa beneficii sui redditus, ut à solvenda decima se eximant beneficio ipso privet.*

Anno 1265 **C**LEMENS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Cum à te de multorum tuæ legationis prælatorum assensu fuerit ordinatum, quod habentes ecclesiastica beneficia, quæ valorem annui redditus quindecim librarum Turonensium non excedunt, à præstatione decimæ, quam carissimo in Christo filio nostro CAROLO illustri regi Siciliæ in subsidium assumpti negotii dari iussimus, essent liberi & immunes: & aliqui, prout fertur, pinguiora beneficia obtinentes, nihil solvant vel solverint propriæ salutis obliti, se minus habere in redditibus mentientes, discretionis tuæ per apostolica scripta mandamus, quatinus nostra fretus auctoritate constituas, ut quisquis veritate suppressa indebitam sibi in hac parte vindicaverit libertatem, nisi infra duos menses ex quo statutum hujusmodi publicaveris, plenè satisfecerit de subtractis, suo sit beneficio ipso jure privatus, quod alii postmodum conferendi tibi damus auctoritate præsentium liberam facultatem. Datum Perusii xi. calendas Decembris, Pontificatus nostri anno i.

## EPISTOLA CLXXXVII.

Dilecto filio S. tituli S. Cecilie presbytero cardinali apostolicæ sedis legato.

*De solutione decimæ.*

Anno 1265 **D**E religiosorum decima in subsidium regni Siciliæ persolvenda semel & iterum & nisi fallimur, jam tertio tibi scripsimus, & adhuc scribendum sic duximus, quod visis indulgentiis singulorum, qui dictam decimam solvere noluerint, nisi per eas se tueri poterunt à decimæ præstatione prædictæ, ad solutionem ejusdem eos ecclesiastica censura compellas. Nos siqui-

*Theſauri Anecd. Tom. II.*

**A**dem nullum exemimus, sed ab initio ab aliquibus eam exigi prohibuimus, donec aliud mandarem, sperantes quod carissimo in Christo filio nostro C. illustri regi Siciliæ per viam aliam satisfacere valeremus; sed cum nullam invenire possemus, mandavimus in negotio, & mandamus, non obstante dicta prohibitione procedi. In his igitur ea vigiles diligentia, ut eidem regi Siciliæ non supersit materia conquerendi. Datum Perusii xi. calendas Decembris anno primo.

## EPISTOLA CLXXXVIII.

Simoni cardinali apostolicæ sedis legato.

*Nullum se exemisse à solvenda decima.*

**C**LEMENS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

**C** Ut negotium decimæ integrum sine diminutione procedat, noveris quod nulli super hoc immunitatem concessimus, quamquam à pluribus instanter fuerimus requisiti. Licet autem non credamus, quod à nobis aliquæ litteræ super immunitate hujusmodi emanarint, ut tamen aliquid cautelæ non desit: discretionis tuæ per apostolica scripta mandamus, quatinus si super hoc aliquæ tibi fuerint ex parte nostra litteræ præsentatæ, ipsis supersedeas, donec à nobis super immunitate illius pro quo scribitur, alias receperis litteras facientes plenam de præsentibus mentionem. Datum Perusii viii. calendas Decembris, Pontificatus nostri anno i.

## EPISTOLA CLXXXIX.

Carissimo in Christo filio C. regi Siciliæ illustri.

*Ut Lucanorum Oratores benigne recipiat.*

**A**ccedentes ad tuam præsentiam Lucanorum ambaxiatores benigne recipias, & audias patienter. Nescimus enim (a) an via remaneat libera post militiæ tuæ transitum, quem prosperum Deus faciat, eorum vestigia secuturis, vel à tuo exercitu ad sua pro tempore redituris. Non enim tibi sufficit transitus venientium, nisi viam aliquam habeant opportunam quæ venire valeant & redire, nunc centum, nunc pauciores vel plures, prout occasio se obtulerit, cum magnus exercitus recedentium minoratur absentia, sic novorum egeat supplemento. Sanè quod id per Januam esset commodius ac liberius, & hî dicunt quod eis est facile, Januam etiam in hoc statu, quam contra nostrum beneplacitum habet, ad favorem tuum convertere consulimus, quod eos intelligas, & vias quas tibi monstrabunt diligenter scruteris, & Venerabili fratri nostro Avinionensi episcopo quæ tibi utilia videbuntur injungas; & si à te petierint aliqua-

(a) (b) *Al. Quæ via.*

Q ij

tenuis portabilia, non ea respuas, sed potius ad illa quæ proficere posse videris, etsi non sint prorsus perspicua, te coarctes, cum ex hoc multa possent vitari contraria, & multa commoda procurari. Datum Perusii III. calendas Decembris anno 1.

## EPISTOLA CXC.

Dilecto filio O. sancti Adriani diacono cardinali apostolicæ sedis legato.

*Ut Londoniensem Wigornensem, & Wintoniensem episcopos coram se citet.*

Anno 1265

**S**Uscpta legatione in Angliam, Walliam & Hyberniam, tunc in minori officio constituti, & injunctum nobis officium tam utiliter quam humiliter exequi cupientes, præmissis ad carissimum in Christo filium nostrum illustrem regem, prælatos & principes Angliæ litteris, quæ nostrum pacificum prænunciabant adventum, viros pacificos non invenimus, suam in illis partibus exercente tyrannidem illo tempore **SIMONE** (a) quondam Leycestriæ comite, cum aliis quos infecerat sub simulatæ specie pietatis, qui etiam nostris retentis litteris & suppressis, nostros detinuit nuncios, & à suis detineri permisit, & ne nobis posset esse ambiguum quicquid malignitatis conceperat contra Romanam Ecclesiam matrem suam, & Dominum suum regem, reginam & liberos eorundem, ob quorum consilium & auxilium mittebamur, nobis per suas litteras intimavit suo & aliorum quos ad suum errorem traxerat communitas sigillis, quod ad partes Angliæ nobis illo tempore aditus non daretur, verbis nonnullis adjectis, & in ore suorum positis nunciorum, quæ in ejusdem Ecclesiæ & personæ nostræ manifestam injuriam redundabant. Nos verò tam suam quam sibi adhærentium & præcipue prælatorum admirantes insaniam, eo prius & suis complicibus excommunicationis sententiâ innodatis, tam terris ipsorum quam adhærentium ecclesiastico suppositis interdicto, cum magna difficultate potuimus obtinere, quod ad nostram venirent præsentiam aliqui prælati Angliæ, quorum ab initio petieramus occursum. Sed tandem Londoniensis, Wigorniensis, & Wintoniensis episcopi, cum aliquibus nobilibus laicis, quos, ut fertur, ultor iniquitatum gladius nuper assumsit, comparuerunt Boloniæ coram nobis, quos benigne recepimus & audivimus patienter. Cum autem mellitis eorum sermonibus fellis amaritudinem contegi sentiremus, subdolan recessus occasionem captantibus primo quidem Wintoniensi, deinde duobus aliis licentiam recedendi dedimus, & conductum, processibus nostris contra dictum **SIMONEM** & fautores ejus habitis, lectis prius eisdem & in scriptis ostensis & traditis, in virtute obedientiæ & sub pœna excommunicationis, quam incurrerent ipso facto, præcipientes eisdem, quod nostras servarent sententias, & in

(a) *Al.* Quodam.

luis diocesibus singuli facerent observari, & denunciarent aliis observandas. Sanè à nostra facie recedentes, & se prosperè recipientes in Angliam, suæ salutis immentores præceptorum nostrorum non solum temerarii, sed etiam notorii transgressores, prophanare divina usurpata licentia præsumserunt, nec vitantes excommunicatos eosdem, nec interdictum à nobis positum observantes: verum contemtum addentes contemtui, ex quo fuimus licet immeriti ad summi apicem pontificatus assumpti, nec ad nostram venerunt præsentiam, nec nuncium, nec litteras transmiserunt; sed in sua perseverantes nequitia, corda sua adinstar lapidis indurarunt, velut incus malleatoris pertinacia solidata constructi. Nos igitur non personæ nostræ simpliciter, sed sedis apostolicæ dolentes injuriam, ut tenemur, discretionis tuæ per apostolica scripta præcipiendo mandamus, quatinus dictos tres episcopos, si eorum copiam habere poteris, citare non differas, eis sub pœna depositionis, in quam incidant ipso facto, si citationi hujusmodi non paruerint, in virtute obedientiæ præcipiendo districtè, quatinus in Dominica qua cantabitur *Letare Jerusalem* nostro se personaliter conspectui præsentare non postponant, pro meritis recepturi: eisdem aperte prædicens, quod si non venerint in termino supradicto, nos ex tunc contra eos ad pœnam prædictam, vel ad alias, vel ad illam vel illas, prout juri consonum esse viderimus, auctore Domino procedemus. Quod si tu (b) citiorem eisdem terminum assignasti, quo in nostra præsentia compareant personaliter, illum in suo robore volumus permanere, nisi eum usque ad terminum quem præfigimus, ex causa duxeris prorogandum. Citationem autem cum die & forma & omnibus contingentibus hoc negotium, quæ in partibus illis erunt notoria, vel per facti evidentiam, vel per te fuerint inquisita, tuo consignata. sigillo per fideles & diligentes nuncios non simul, sed divisim, cum omni cautela venturos nobis mittere non postponas. Datum Perusii III. calendas Decembris anno 1.

(c)

## EPISTOLA CXCI.

Simoni cardinali apostolicæ sedis legato.

*Ut decem librarum millia Senensibus mercatoribus persolvat.*

**C**LEMENTIS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem

Cum dilectus filius magister **PETRUS** archidiaconus Senonensis camerarius noster de speciali mandato nostro à dilectis filiis Bonaventura Bernardini ac ejus sociis civibus & mercatoribus Senensibus decem millia librarum Turorensiarum nostro & Ecclesiæ Romanæ nomine mutuo recepisset, eis certis loco & termino per-

(b) *Al.* Certiorem.

Anno 1265

solvenda, ac propter hoc ipsis eandem Ecclesiam & ipsius bona, nec non cameram nostram specialiter obligasset, prout in instrumento publico super hoc confecto plenius continetur; tandem dictus camerarius pecuniam huiusmodi venerabili fratri nostro Avinionensi episcopo, & aliis nunciis carissimi in Christo filii nostri CAROLI illustris regis Siciliae pro ipsius ac regni Siciliae negotiis exhibere curavit, pro qua integre persolvenda ecclesiasticorum proventuum decimam, quæ in regno Franciæ ac locis aliis pro prædicti regni Siciliae negotio colligitur, dictus rex nobis & eidem Ecclesiæ obligavit, prout in ipsius regis litteris est expressum. Cum igitur velimus, & etiam ejusdem regis intentionis existat, ut prædictis mercatoribus de pecunia ipsa plenarie ac sine moræ dispendio satisfiat, discretionis tuæ præsentium auctoritate mandamus, quatinus Hugoni Jacobi, Restauro Junctæ, Jacobo Gilii, & Gasco Trapillicini sociis prædictorum mercatorum in Francia commorantibus de pecunia ipsa ex proventibus prædictæ decimæ sine dilatione & difficultate qualibet satisfacere non postponas: ita quod sollicitudinem tuam possimus exinde merito commendare. Ceterum cum instrumentum prædictum penes camerarium præfatum remanserit, pro eo quod non poterat propter discriminarum ad partes illas secure deferri, cum mercatoribus de pecunia satisfeceris memorata, nostro & prædictæ Ecclesiæ nomine ab illis refutationem & quitacionem recipies, prout videris expedire. Datum Perusii 11. calendas Decembris, Pontificatus nostri anno 1.

## EPISTOLA CXCI.

Carissimo in Christo filio C. regi Siciliae illustri.

*Pisanos omni gratia indignos, si se emendaverint, benigne admissurum se promittit.*

Anno 1265

[A]

**A**bsolutio civium Pisanorum dudum nobis, fili carissime, placuisset: tum quia salutem omnium cupimus animarum, tum quia tam (a) viatorum quam ad curiam accedentium per hos transitus terra marique posset facilius expediri. Sane licet inter rebelles alios ipsi gravius & diutius Romanam Ecclesiam offenderint, & ingrati gratiæ sibi factæ, sua male servaverint juramenta, nos tamen nunc misericordiæ largo sinu parati recipere redeuntes, hanc in eis invenimus contumaciam, quod nec pro ecclesia guerram facerent, nec MANFREDI gentes ab ingressu suorum finium, nec suas à regnicolarum commerciis & convictu aliquatenus cohiberent, sicque terram duabus viis ingredi molientes, absolutiois gratia se probarunt indignos, cum duobus Dominis prorsus contrariis nemo servire valeat juxta sententiam Salvatoris. Si ergo dilectus filius TANCREDUS miles tuus non plus invenit quam invenimus, nec nos ultra quam obrulerimus faciemus. Malumus enim eos sine culpa nostra in præcipitio suo dimittere, quam eisdem peccandi concedere libertatem, quæ non solum Deum

(a) Al. Tuorum.

**A** offenderet, sed & nostris fidelibus esset in scandalum & stuporem. Quod si dictus miles devotiores solito, quod non credimus, eos reperit, revertentes, ut decet, admitteremus ad gratiam iteratam, & quamquam durum pluribus videatur absque omni satisfactione recipi pertinaces, dabimus tamen tempori, dabimus & negotio, quod non essemus alias concessuri. Datum Perusii VII. Idus Decembris anno 1.

## EPISTOLA CXCI.

Dilecto filio Gardiano & fratribus Minoribus Montisblasconis.

*Ut corpus Rostagni de Alvenco apud eos sepulti reddant alibi tumulandum.*

**D**evotionem dilecti filii HUGONIS SAGETI militis Arelatensis & aliorum suæ cognitionis militum annuentes, qui debito humanitatis affectu propinqui sui ROSTAGNI de Alvernico commilitis, in Ecclesiæ Romanæ obsequio mortui, corpus apud vos tumulatum, ad majorum suorum sepulcra transferre desiderant, vobis per apostolica scripta præcipiendo mandamus, quatinus eidem militi in carissimi in Christo nostri C. illustris regis Siciliae exercitu militanti, dictum corpus sine difficultate reddatis ad partes suas libere transferendum. Datum *Ut supra in proxima.*

Anno 1265

D

## EPISTOLA CXCI.

Dilecto filio O. Sancti Adriani diacono cardinali apostolicæ sedis legato.

*Quod ccc. marchas argenti annuas cardinalibus assignaverit, & ut Hostiensi & B. Mariæ in Via lata cardinalius faciat provideri de aliquo beneficio.*

**I**mportabilis fratrum penuria, quæ fonte liberalitatis ipsius, qui ad Romanam Ecclesiam de mundi diversis partibus fluere consuevit, pene vel quasi penitus arefacto crescit, nec cessat crescere in immensum, ad aliqua nos compellit, quæ si via nobis pateret alia vitaremus. Sanè cum nostra camera, quæ sibi non sufficit eisdem subvenire non possit, nec ferrea sint nobis viscera, ut tales ac tantos fratres & filios vel spernere vel negligere valeamus, congregatis eisdem in unum, nec invenientibus formam aliquam, qua communis posset inopia sublevari, hoc tandem obtulimus, quod nihil habentibus in redditibus, ccc. Marchas argenti annuas ex commendatione nostra ad nostrum beneplacitum obtinendas assignaremus alicubi, & minus habentibus suppleremus. Quod cum omnes cum gaudio suscepissent, ut cor nostrum posuimus ad provincias, in quibus assignationes huiusmodi faceremus, & jam tibi fili carissime, scripsimus pro duobus, & adhuc pro pluribus scribi oportebit, si tua legatio sortiatur exitum quem optamus. Quod autem de beneplacito nostro &

Anno 1265

Q iij

commendatione posuimus, ea intentione nos noveris id fecisse, ut nostræ liberalitates hujusmodi morte nostra claudantur, & alterum de duobus eveniat, ut vel substituendi nobis pontificis juxta morem ordinatione dilata, liberum sit prælatis provisiones fratribus à nobis factas in alias transferre personas, vel si Romanæ Ecclesiæ provideri celerius solito, Deo favente, contigerit factum nostrum eo sit gratius, quò fructuosius censeri poterit ex eventu. Vigilet igitur tua discretio, & fraterna fratribus affectione compatiens, immo Patri qui cum afflictis affligitur, & eorum cruciatibus cruciatur, satagas totis viribus, ut Venerabili fratri H. Ostiensi episcopo, & dilecto filio nostro O. sanctæ Mariæ in Via-lata diacono cardinali, sicut per nostras alias tibi litteras scripsimus, facias provideri, vitato scandalo quantumcumque poteris, quod tamen nasci permittes (a) utilius, nisi prorsus intolerabile fuerit, quàm & nostrum mandatum eludas, & eos pro quibus scripsimus, in supremæ necessitatis articulo derelinquas. Demum de te conqueri cogimur, quod atramento & calamo nimis parcas, cum statum tuum & commissi tibi negotii ad quamcumque partem vergere videatur, sæpe nobis deberes scribere, de quo penitus nihil scimus, nisi quod advenæ nobis referunt in incerto, in confusione præsentium militia transmontana in subsidium veniens regis nostri, Mediolanum nondum transierat, sed erat in ejus finibus, quam de die in diem progressurum feliciter expectamus. Datum Perusii v. Idus Decembris anno i.

## EPISTOLA CXCV.

Carissimi in Christo filio nostro C. regi  
Siciliæ illustri.

*Excusat se quod ad Urbem coronam ei impositurus  
accedere non possit.*

Anno 1165 **F**ervens, fili carissime, desiderium, quod de patris obtinenda præsentia concepisti, negare non possumus, circumscriptis aliis (b) negotiis, laude dignum, quorum tibi subducit notitiam ipse tuæ devotionis (c) excessus, dum ad ea flectis intuitum, quæ tuo nunc judicas convenire proposito, & quid nobis & multis aliis, quorum statum nostra regit stabilitas, liceat vel expediat non attendis. Sane si cum patre contenderes, qui diligere vellet, & diligi pari passu, sed honorans se crederet aliquantulum amplius honorandum, ut sic aliquem obtineret de suæ potestatis auctoritate primatum, tibi facile responderet: non me subtraho, tu te retrahis, & paterna præsentia frustratum te quereris, quam honesto modo & debito non inquiris. Sed quid dicunt quos destinas? quid allegant? non licet, inquiunt, Domino nostro regi extra Urbem recipere regium diadema. Scandalum enim Romanis fieret, qui se dicerent in hac parte contentos. O mira res! coronatio regis Siciliæ (d) nobis debetur, nec Urbi de consuetudine, vel

A de jure, & in scandalum laberentur ultronei, qui nullam injuriam patientur? Numquid sepulta est adeo pontificalis auctoritas, ut propter populares seipsam & suam curiam perturbare cogatur? Scias, fili, quod civitates & castra nobis possunt auferri, sed eripi numquam poterit nostræ defensio libertatis, cum etiam si vinculis teneremur, non esset verbum Domini alligatum. Ecce nos, sicut sæpe jam scripsimus, prompti sumus & fuimus committere alii hoc officium, ne ipsorum offensam incurras, & licet decentius videretur quod à nobis coronam reciperes cominus constitutis, non sic sumus honoris avidi, quin malimus tuæ necessitati consulere, quam honorem nobis in hoc negotio cum tuo vel tuorum periculo reservare. Illud pro certo teneas, quod quicquid tuis instillent auribus qui sunt tecum, quicquid tibi suggerant, qui nobiscum, fixa est apud nos ista sententia, quod hoc tempore cum multorum præjudicio curiam non turbabimus, nec peccare nos credimus, si ad tempus præferimus orbem Urbi; quamvis eam præ ceteris orbis partibus caritatis sinceræ brachiis amplectamur. Si ergo veneris tu, tuus erit nobis & nostris fratribus gratus nimis & jocundus adventus, & tuo capiti coronam regiam imponemus. Quod si tuum adventum impediatur necessitas vel voluntas, mittere tibi proponimus unum ex episcopis cardinalibus, duos presbyteros, & vel unum vel duos diaconos cardinales, & tu alium tecum habes, ut sic celeriter & celebriter coronatio tua fiat, & si tibi defuerit impositio manus nostræ, cordis appositio numquam deerit, Domino concedente, quod applicabimus ex affectu ad ea quæ tui respicient commodi vel honoris augmentum. Si verò de die vis habere consilium, valde crederemus honestum, quod in die Epiphaniæ Domini, quo tres illi reges sanctissimi Regem regum & Dominum honorarunt, regii diadematis honorem reciperes cum invocatione nominis excellentis Domini JESU-CHRISTI, qui sicut illos ad optatum finem itineris stella duce perduxit, sic te gratia sua præveniens, cursum tuum pacificè dirigat, & utiliter inchoandum negotium exitu meliore concludat. Quod si placent quæ scribimus, scribe cito, ne brevitatis temporis intermediarii ordinationem impediatur tam salubrem. Quia vero nunc tibi grandia superveniunt, in hoc demum cautum te reddidimus, & in hoc volumus esse sollicitum, ut inter diversa, & interdum adversa consilia quæ implent, & ut credimus, onerant (e) aures tuas, non te des facilem in partem alteram, nec quicquid molle senseris æstimes esse bonum. Nam à longis retro temporibus in domibus regum sunt, & easdem libenter inhabitant & frequentant hi, qui molibus vestiuntur, supponentes pulvillos cubitis, & capitibus oleum infundentes: & nisi dirigente te Domino viros tecum habueris timoratos, qui nec capiantur munusculis, nec muneribus corrumpantur, grande tibi discrimen imminet, præsertim cum (f) contraria, suadentibus & volenti-

(a) Al. deest utilius. (b) Al. Circumstantiis quarum.  
(c) Al. Accessus.

(d) Al. Nec nobis. (e) Al. deest Aures tuas.  
(f) Al. Omnia.



(\*) bus placere vix possis; sed si tenueris viam regiam, non declinans ad dextram vel sinistram, si super inhæseris veritari, Deum solum habens præ oculis, & plusquam hominibus placere desiderans, si argutus fueris in consiliis, si fidelis exiteris in promissis, communis omnibus in judiciis, pronus ad dandum, pronior ad reddendum, ad votum tibi succedent omnia, & adulantium evades laqueos, & morsus detrahentium non timebis. Datum Perusii (a) XIII. calendas Januarii anno 1.

## EPISTOLA CXCVI.

Dilecto filio S. Tituli S. Martini presbytero cardinali, ducatus Spoleti & Marchiæ Anconitanæ rectori, apostolicæ sedis legato.

*De spoliatis Callensium mercatoribus, & de nobili Renaldo exule.*

Anno 1265  
(b)

(\*) **O** Nerant (b) aures nostras clamores Callensium, qui contra nostri tenorem mandati à viro nobili RAYNALDO exule, vel ejus complicibus mercatores suos asserunt spoliatos, & sub certis cautionibus liberatos, præter alia damna varia sub nostræ protectionis fidei positis eisdem sæpius irrogata. Clamat à diverso RAYNALDUS potens plurimum in clamorem se dudum jussu restitui, & nondum prout jussu fuerat restitutum, sed amicos suos postmodum spoliatos, quia quod tempore nostro contigit acrius id prosequitur, & voces validas usque in cælum attollit. Inter hæc igitur hoc ordine credimus procedendum. In primis cautiones à mercatoribus datas facias relaxari, quod in nostram injuriam factum fuit. Mittas autem in civitatem Callensem, & causam expulsionis novorum exulum, quæ justa dicitur à quibusdam, diligenter inquiras per cives ibidem, & extra per alios, ut decebit. Si quid etiam Callenses objiciunt restitutioni RAYNALDI, id audias, & his omnibus de plano sine advocatorum strepitu indagatis, vel quod statuendum credideris statuas, vel si in aliquo dubitas, nobis acta remitte, & nostrum tibi consilium rescribemus. Illud scias quod de xv. (c) militibus impositis nuper Callensibus, eis v. duximus remittendos ad præsens, quod te æquanimiter ferre volumus, quod ex causa hoc fecimus, quam dante Domino cito scies. Datum Perusii (d) XI. calendas Januarii anno 1.



(a) Al. 111. Calendas. (b) Al. Vulnerant.

(c) Al. xv. Militibus. Al. xxv. Militibus.

(d) Al. Calendas Januarii.

(e) Al. Novissimum.

(g) Al. Et pars una.

## EPISTOLA CXCVII.

Carissimo in Christo filio C. regi Siciliae illustri

*De Lucanis an sibi sint utiles.*

(\*) **S**I Lucanorum obsequiis indiges, satis pos-  
sunt articuli temperari, qui ad plenam concordiam, prout asserunt, non venerunt. Ille verò quem præter eorumdem conscientiam, prout dictum, posuisti (e) novissime, quia præcedentium omnium vigorem evacuat, utpote quo manente cives eis non crederent, nec quicquam se fecisse putarent, si præmissis opemque tolerantibus, favorem etiam ultimus prorsus tolleretur, hoc posset moderamine dulcorari, ut infra annum secretum istud non exiret in publicum, nisi quod tibi vel nobis præveniendus terminus videretur, nam totius consummationem negotii vel tantæ partis, cui minor non posset resistere, dare terminum licet hoc tempore minus anno speremus; terret tamen homines propter ipsam incertitudinem & ambiguum futurorum eventum. Quod si quæris an Lucanos eosdem tibi vel necessarios, vel utiles judicemus; fixum non possumus dare responsum. Adhuc enim favorem Januensium, saltem ad transitum gentis tuæ liberum concedendum, tibi quam necessarium crederemus: nec enim partes Brixiae transire poterit turma quælibet, ut transivit exercitus conglobatus, & si ad hoc posse pertingere te confidis, non Lucanis proculdubio indigeres: quod si credis contrarium, dicere non audemus; quin ad hoc utiles tibi essent; nam ad quacunque partes remotas etiam confuderis adversarium, ab his qui eidem assisterent propius, longè liberius deferetur. Unde circa istum articulum subdividimus quæstionem. Aut enim statim regnum intendis ingredi, quod impossibile hoc tempore multi judicant; aut non vis, aut non potes, & si forsan & vis & potes ingredi, tota indiges gente tua: & si Lucanos recipis, prout postulant, fautorum tui adversarii magnam partem in Tuscorum negotiis occupabis. Si verò vel non vis, vel non potes, noster in nobis spiritus anxiatur collatione domestica perquirentibus, ubi gens tanta morabitur, & insuper unde vivet; & si casus iste contingeret (f) & pars bona mitteretur in Tusciam, & sufficientem victum acquireret, & cum hostis opprobrio tibi gloriam reportaret, & tui timorem culminis affluenter expanderet super regnum.

Super his ergo omnibus deliberandum est tibi, priusquam exercitus veniat (g) ut si dirigendus est aliter, non postquam ad te venerit, retrocedat, sed partim in Marchiam, partim in Tusciam, (h) vel totus in partem alteram destinetur, (i) quem infra Urbem gubernandam dimittes, si te ire contigerit ubi rursus & qualiter carissimam in Christo filiam nostram reginam

(f) Al. Ut sit dirigendus aliter, ne postquam à te venerit retrocedat.

(g) Al. Vel potius.

(h) Al. Quomodo tunc Urbem gubernandam dimittes.

(a) locabis, considerare te convenit. Unde etiam A  
haberi pecunia poterit, in qua (a) multum defi-  
cimus, Senensibus mercatoribus parvum sub-  
sidium offerentibus. Si tamen Tuscia terreretur,  
credimus, & nobiscum hoc credunt plurimi,  
quod non dumtaxat mutuum, sed etiam redem-  
tiones plurimæ offerentur. Porro si regnum po-  
teris ingredi, similiter creditur quod ejus ac-  
quisitio successiva continuam opulentiam secum  
trahet. De Pisani nullam habemus fiduciam,  
quod aliquid boni faciant, cum multum facere  
judicent si non noceant. Demum cautum te B  
reddidimus, fili carissime, ne illorum illectus  
consiliis, qui placentia tibi prædicant, & præ-  
dicunt, illos respuas qui tibi scienter & pote-  
runt aperire, quid sit tibi in ingressu vel in pro-  
gressu timendum. Audire quidem expedit hos  
& alios, & omnium dicta colligere, ut discernas  
quid cui sit merito præferendum. Reges enim  
Israël & Juda longe consultius Michæam mala  
prophetantem audissent, quam falsiloquos ut  
placerent semper prospera nuntiantes. Datum C  
Perusii x. calendas Januarii anno i.

## EPISTOLA CXCVIII.

Simoni cardinali apostolicæ sedis legato.

*Ut in dioecesi Augustensi decimas colligi faciat.*

Anno 1265 CLEMENS episcopus servus servorum Dei  
dilecto filio S. tituli S. Cecilie presbytero  
cardinali apostolicæ sedis legato salutem &  
apostolicam benedictionem.

Cum civitas Augustensis ejusque diocesis de  
provincia Tarentasiensi esse noscantur; discre-  
tioni tuæ per apostolica scripta mandamus,  
quatinus in eisdem civitate ac diocesi decimam  
ecclesiasticorum proventuum ad opus carissimi  
in Christo filii nostri CAROLI regis Siciliae il-  
lustris integrè, prout colligitur in aliis civita-  
tibus & diocesibus ejusdem provincie, colligi  
facias pro tempore præterito & futuro, contra-  
dictores per censuram apostolicam compescen-  
do, non obstante si aliquibus de partibus illis  
quod excommunicari, suspendi vel interdici  
non valeant à sede apostolica sit indultum, &  
quavis alia ipsius sedis indulgentia generali vel  
speciali cujuscumque tenoris existat, per quam  
id impediri vel differri valeat, & de qua cujusque  
roto tenore plenam & expressam fieri oporteat  
in præsentibus mentionem, & constitutione de  
duabus dietis edita in concilio generali. Datum  
Perusii x. calendas Januarii Pontificatus nostri  
anno i.



(a) Al. Male deficiamus.

## EPISTOLA CXCIX.

Carissimo in Christo filio C. regi Siciliae illustri.

*De exercitu Ultramontano recipiendo.*

Quod per tuas à nobis litteras requisisti, Anno 1265  
feceramus ante receptionem illarum. Scri-  
psimus enim, sed nunc scribimus nihilominus  
iteratò dilecto filio nostro S. tituli S. Martini,  
&c. ut per Marchiam de ultramontano exer-  
citu venire volentes benigne recipiat; & tam  
victualia, quam alia eis ad ipsorum transitum  
necessaria faciens præparari, in omnibus quæ  
poterit, eos dirigere non postponat. Datum  
Perusii viii. (b) calendas Januarii anno i. (c)

## EPISTOLA CC.

Agathensi, Bitterrensi, Lodoveni, Magalonensi  
episcopis.

*Quod validior est operum attestatio quam clamor  
verborum.*

Vestras nuper accepimus litteras, quarum Anno 1265  
tenore diligentius intellecto, flendum esse  
cum flentibus vidimus, qui libentius cum gau-  
dentibus gauderemus. Sanè arduum negotium  
agimus, nec aditum habens facilem, nec exitum  
expeditum, & quamvis moræ periculum sit an-  
nexum; quia tamen in talibus validior est ope-  
rum attestatio, quam verborum, cogimur ex-  
pectare clamorem operis, & exaggerare dila-  
tionis instantiam: monitiones & consilia, sicut  
accepimus, præmissuri, quæ vel fructum affe-  
rant quem optamus, vel saltem nobis viam  
aperiant aliter ad alia procedendi. Datum vii.  
calendas Januarii anno i.

## EPISTOLA CCI.

Episcopo Bitterrensi.

*Gratias agit pro muneribus.*

Fraternitatis tuæ litteras benigne recepimus, Anno 1265  
& quod offers, & alias obtulisti, quamvis sit  
supervacuum, cum in te nostro tua noverimus  
esse nostra. Ob devotionis tamen iudicium, &  
habemus & habuimus acceptum. Sanè in tuis  
(c) nolumus benedictionibus præveniri, sed quæ  
tibi dedit & dabit Dominus conservabis com-  
municanda nobis pro tempore, cum id duxeri-  
mus requirendum. Statum autem nostrum &  
curiæ nostræ & alia quæ eidem injunximus di-  
lectus filius S. de sancta Maria presbyter plenius  
tibi dicet. Datum ut supra in proxima.

(b) Al. viii. Calendas. Al. ix. Calendas.

(c) Al. Volumus.

## EPISTOLA CCII.

Dilecto filio abbati monasterii Anianensis ordinis S. Benedicti Magalonensis diocesis.

*Gratias agit pro muneribus.*

Anno 1165 **D**évotionis tuæ munera, quæ nobis offerre curasti, licet remittenda crederimus ab initio, post deliberationem super hoc habitam, ne secunda provocareris repulsa, nobis placuit retinere, & eorundem latorem nostris obsequiis implicare. Pro oblati assurgentes ad grates, non solum munerum magnitudinem, quin etiam tuæ piæ compassionis effectum, quo statum nostrum respicere voluisti, benignis oculis intuentes. Datum *ut supra in proxima.*

## EPISTOLA CCIII.

Carissimo in Christo filio C. regi Siciliae.

*Mittit ad ejus coronationem Berardum notarium, cui aliqua dicenda commiserat.*

Anno 1165 **L**itteras tuæ magnitudinis vidimus, & eisdem rationes insertas, quæ licet non multum urgeant, non tamen ad disputationem nos provocant; sed tuo contenti iudicio eis potius cedendum duximus quam credendum. Mittimus ergo ad tuam coronationem quos possumus. Mittimus & cum eis virum consilii, virum profundi pectoris, probatæ fidei, & gravitatis exactæ, dilectum filium magistrum BERARDUM notarium & familiarem nostrum, qui tibi ex parte nostra secretò dicet aliqua quæ scripto nolumus commendare, de quo per omnia volumus te confidere, sicut & nos confidimus de eodem. Nec animum tuum in hac parte concutiant linguæ vipereæ susurronum si quæ forsitan in ejus innocentiam impeerint: nisi enim integritas cognita nobis esset, & specialiter circa regni negotium, in quo utiliter promovendo cura pervigili laboravit, nec ipsius (a) acceptare mandarem obsequium, nec tibi commendarem eundem. Eum igitur pro nostra & sedis apostolicæ reverentia suisque meritis benignè recipiens, in his quæ tibi ex parte nostra dixerit, ei credas. Datum Perusii v. calendas Januarii anno 1.

## EPISTOLA CCIV.

Carissimo in Christo filio C. regi Siciliae.

Anno 1165 **I**n scriptis litteris quas misisti super deliberatione habita de corona in die Epiphaniæ Domini tibi danda, per dilectum filium magistrum BERARDUM notarium, quem ad te mittimus, tam scripto quam verbo cito proponimus respondere, hoc interim intimantes, quod quos paratos habere possumus, tibi mittimus fratres nostros. Datum *ut supra in proxima.*

(c) *Al. Acceptoremus obsequium. Al. vero acceptum haberemus obsequium.*

*Theſauri Anecd. Tom. II.*

## EPISTOLA CCV.

Dilecto filio Potestati, Consilio & Comuni Cornetanensi.

*Ne de familia Bertrandi judicis assumant capitaneum.*

Anno 1165 **N**on sine magnæ temeritatis excessu Bertrandus judex, ut dicitur, carissimi in Christo filii nostri C. illustris regis Siciliae cum quibusdam aliis ad nos veniens, postulavit instantè, ut de ejus familia capitaneum vobis assumeretis hoc anno. Ideoque universitati vestræ sub debito fidelitatis, quæ nobis & Ecclesiæ Romanæ tenemini, & sub pœna mille marcharum argenti, strictè præcipiendo mandamus, quatinus id minime faciatis, & si forte fecistis, protinus revocetis, & si facere promissistis, promissionem hujusmodi, ad quam vos non teneri decernimus, non servetis: alioquin & per pœnam prædictam, & alias specialiter & temporaliter contra vos exigente justitia procedemus. Datum Perusii iv. calendas Januarii anno 1.

## EPISTOLA CCVI.

*In eodem Tuscanensi.*

## EPISTOLA CCVII.

*Item (b) Vetrallensi. Item Ortanensi. Item de Monte. alto.*

(b)

## EPISTOLA CCVIII.

Simoni cardinali apostolicæ sedis legato.

*Ut quingentas libras Senensibus mercatoribus solvat.*

Anno 1165 **C**LEMENS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Cum dilectus filius magister PETRUS archidiaconus Senonensis camerarius noster de speciali mandato nostro à dilecto filio Bonaventura Bernardini, ac ejus sociis civibus & mercatoribus Senensibus quingentas libras Turoenses nostro & Ecclesiæ Romanæ nomine mutuo recepisset, eis certis loco & termino persolvendas; ac propter hoc ipsis eandem Ecclesiam, & ipsius bona, necnon cameram nostram specialiter obligasset, prout in instrumento publico super hoc confecto plenius continetur. Tandem dictus camerarius pecuniam hujusmodi venerabili fratri nostro. Avinionensi episcopo & aliis nunciis carissimi in Christo filii nostri CAROLI illustris regis Siciliae pro ipsius ac regni Siciliae negotiis exhibere curavit, pro qua

(b) *Al. Bitrallensi.*

integre perfolvenda ecclesiasticorum proven-  
tuum decimam, quæ in regno Franciæ ac aliis  
locis pro prædicti regni Siciliæ negotio colli-  
gitur, dictus rex nobis & eidem Ecclesiæ obli-  
gavit, prout in ipsius regis litteris est expressum.  
Cum igitur velimus, & etiam ejusdem regis in-  
tentionis existat, ut prædictis mercatoribus de  
pecunia ipsa plenarie & sine moræ dispendio  
satisfiat, discretionis tuæ præsentium auctoritate  
mandamus, quatinus Hugoni Jacobi, Reustau-  
ro Junctæ, Jacobo Gili, Gasco Trapilicini sociis  
prædictorum mercatorum in Francia commo-  
rantibus, de pecunia ipsa ex proventibus dictæ  
decimæ sine dilatione ac difficultate qualibet  
satisfacere non postponas: ita quod sollicitudi-  
nem tuam possimus exinde merito commendare.  
Ceterum cum instrumentum prædictum penes  
camerarium præfatum remanserit, pro eo quod  
non poterat propter discrimina viarum ad par-  
tes illas securè deferri, cum mercatoribus ipsis  
de pecunia satisfeceris memorata, nostro & præ-  
dictæ Ecclesiæ nomine ob illis refutationem &  
quittationem recipies prout videris expedire.  
Datum Perusii III. kalendas Januarii, Pontifi-  
catus nostri anno I.

## EPISTOLA CCIX.

Dilecto filio G. tituli S. Laurentii in Lucina  
presbytero cardinali apostolicæ sedis legato.

*Ut Danica legatione contentus, alienam non  
ambiat.*

Anno 1165

**V** Iſis tuæ dilectionis litteris, de tua tuæ-  
que familiæ sospitate, & felici ad civita-  
tem Colonienſem adventu, & gestis prospere  
in itinere læti fuimus, sed de petitione subjun-  
cta nec leviter nec parum admirari. Nam cum  
magnæ modestiæ virum semper prætulæris oculis  
intuentium, & armatum magnificè contra ja-  
cula paupertatis, non potuimus non admirari,  
quod de fratrum nostrorum consilio tibi & di-  
lecto filio tituli S. Adriani diacono cardinali  
provincias Alemanniæ distributas, præter alias  
quas tibi dedimus, forte tua tunc contentus,  
ut decuit, nunc ad illam portionem anhelas,  
cui dictus O. ingressus, ut fertur, Angliam, nunc  
incumbit: cum tamen inter duos legatos, nec  
re conjunctos, nec verbo (a) jus non habeas  
accreſcendi. Sanè cum nedum tot & tantæ pro-  
vinciæ, quin etiam pauciores uni legato suffi-  
ciant, qui Dei quærat gloriam & non suam,  
qualem te judicant fratres tui, & adjectione non  
egeat plenitudo; petitionem tuam ad præſens  
non duximus admittendam: quod æquo porta-  
bis animo, nec injuriam tibi cedere reputabis,  
si Pauli reminisci volueris, cujus fuit repulsa  
pètitio licet tertio repetita. Illud quidem te  
decet attendere, quod ad regnum Daciæ prin-  
cipaliter destinatus, ex quadam necessitate for-  
titus es alia, quæ ad regnum pertinent excellen-  
tius, nec oportet totam Germaniam adjici

(a) *Al.* Jus non habeat locum accreſcendi.

**A** Dacorum negotio; quod sine tanto terrarum  
numero feliciter poterit expediri. Quod si debi-  
tam & optatam consummationem reciperet, non  
est in illa dispositione Teutonia, ut legato, sic  
se rebus habentibus, indigeret. Porro quot  
& quantas Ecclesias perturbaverunt non tantum  
moræ, sed etiam transitus legatorum, nos uti-  
que scire cogimur, ad quos veniunt querimo-  
niæ regionum propter quod facti pluribus odiosi,  
quantumcumque in his quæ ad nos pertinent  
agamus leviter cum eisdem, eos tamen placare  
non possumus, gravamina quæ ab aliis sentiunt  
in nos quodam perverso judicio detorquentes.  
**B** Tu igitur ea tibi sufficere judicans, quæ tibi,  
ingressu alio partes illas quas postulas, suffeci-  
ſent, & impositum tibi legationis officium ex  
zelo prosequens caritatis ad pacem regni Daciæ,  
& plenam reformationem ipsius studium tuum  
applica. In aliis nihilominus tuæ providentiæ  
debitum impleturus, illo tibi suam addente  
gratiam & continuè cumulate, qui Spiritu  
sapientiæ te replevit, & in Ecclesia sua sancta  
ſucceſſivis bonorum gradibus ſublimavit. Datum  
**C** Perusii II. kalendas Januarii anno I.

## EPISTOLA CCX.

Carissimo in Christo filio C. regi Siciliæ illustri.

*Theſaurum Ecclesiæ pro eo se obligasse ſcribit, &  
ut caveat paratas ſibi inſidias.*

**D** **Q** Uamdiu super mutuo laboraverimus, ut  
tuis possit necessitatibus aliquatenus ſub-  
veniri; & mercatoribus modicum offerentibus  
timeremus imminere defectum, cum nec blan-  
ditiis, nec terroribus flecterentur, tandem as-  
ſiſtente nobis & nos fideliter adjuvante dilecto  
filio nostro J. sancti Nicolai in carcere Tulliano  
diacono cardinali, cum multis conatibus obti-  
nuimus ab eisdem, quod si daremus pignora,  
majorem darent pecuniæ quantitatem: unde  
cum via nobis alia non pateret, vasa aurea &  
argentea cum pretiosis lapidibus, & generaliter  
totum theſaurum Ecclesiæ eisdem obligavimus  
præter morem, & cum tanta licet insolita cau-  
tione de quinquaginta millibus libris Turonen-  
ſibus habendis non subito, neque simul, (b)  
sed satis prope, satisque continuè aliquam spem  
habemus. De majori verò pecuniâ nullam, quia  
nec pignora tantum valent. Cogita ergo, fili  
carissime, quid tuæ necessitati incumbat  
circa ſubventionem tuorum, qui tuo lateri  
hactenus aſtiterunt, & eorum qui veniunt, &  
qui Mediolani, vel alibi in Italia remanserunt,  
unde ſcilicet eis poterit ſatisfieri, unde & ubi  
poterunt ſuſtentari; & si regnum ingrederis,  
unde pecunia tibi veniat, unde victualia te ſe-  
quantur, & delibera nihilominus super aliis,  
quæ ſcripſimus tibi nuper. Illud ſcias quod tibi  
super omnia, si non fallimur est cavendum, ne  
gentem tantam in Urbe teneas cum Romanis.  
Vix enim poſſent diu cum eis ſine jurgio con-

Anno 1165

(b)

(b) *Al.* Neque ſatis prope continuè.

versari. Fatemur ignorantiam nostram, & impotentiam nostram non celamus, nec ad præmissa scimus dare consilium, nec auxilium valemus impendere quod vellemus: parati tamen facere quod poterimus. In defectu humanæ prudentiæ, illustrationis divinæ, quam non meruimus, de pura gratia beneficium expectamus. Venit demum ad nos secretissimus & pro meritis fide dignus, qui nobis dixit, quod acriores solito parantur insidiæ vitæ tuæ, quas parant illi quorum non vitas accessum. Conserve ergo te Dominus dissipans iniquorum consilia, tuque quod tuum est facere non omittas. Super aliis verò quæ per dilectum filium fratrem Arnulphum ordinis militiæ templi nobis intimare curasti, dilectus filius noster M. sanctæ Mariæ in Porticu diaconus cardinalis tibi plenius respondebit. Datum Perusii 11. calendas Januarii anno 1.

## EPISTOLA CCXI.

(\*) Archiepiscopo (a) Tyrensi apostolicæ sedis legato.

*Ut Senenses, Florentinos & Italicos excommunicatos non absolvat.*

Anno 1266

Cum Senenses præ ceteris Romanam molestant Ecclesiam, & carissimi in Christo filii nostri C. illustris regis Siciliæ honorem impediunt quantum possunt, paucis dumtaxat exceptis, qui testimonium suæ fidei per litteras nostras receperunt: indignum credimus, ut præsidio crucis gaudeant persecutores in nobis & Ecclesia crucifixi. Quocirca fraternitati tuæ per apostolica scripta in virtute obedientiæ districtè præcipiendo mandamus, quatinus nullum Senensem, Florentinum, vel Italicum alium excommunicationis sententia, quam contra persecutorem Ecclesiæ & fautores ejus tulimus, innodatum, sine nostro speciali mandato ab eadem absolvas, etsi etiam super hac generalem à nobis vel aliquo prædecessorum nostrorum aliquando perceperis potestatem. Si quos autem hætenus aliter absolvisti, sub receptæ crucis obtentu, vel oblatis præsidii terræ sanctæ, eos protinus in pristinam reducas sententiam, nudatos privilegiis, quæ cruce signatis favorabiliter sunt indulta; & eos ubi videris expedire excommunicatos facias nunciare, & ab omnibus jubeas artius evitari, donec à nobis vel alio cui expresse duxerimus injungendum absolutionis assequi beneficium mereantur. Datum Perusii calendis Januarii anno primo.



(\*) Al. Tyrensi.

*Theauri Anecd. Tom. II.*

## EPISTOLA CCXII.

Simoni Cardinali apostolicæ sedis legato.

*Ut Senensibus mercatoribus librarum millia sexaginta cum quingentis solvat.*

CLEMENS episcopus servus servorum Dei Anno 1266 dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Cum dilectus filius magister PETRUS archidiaconus Senonensis camerarius noster à dilecto filio Bonaventura Bernardini ejusque sociis civibus & mercatoribus Senensibus decem millia & quingentas libras Turonenses nostro & Ecclesiæ Romanæ nomine pro negotio regni Siciliæ mutuo recepisset; nos tibi super satisfactione ipsis facienda de illis ex proventibus decimæ proventuum ecclesiasticorum carissimo in Christo filio nostro CAROLO regi Siciliæ illustri in regno Franciæ, & quibusdam aliis locis pro prædicto negotio ab apostolica sede concessæ, litteras nostras sub certa forma duximus dirigendas: postmodum verò dictus Bonaventura & Franciscus Guidi pro se & sociis suis, qui semper nobis & dicto regi exhibuerunt se in dicto negotio & aliis nostris necessitatibus liberales, nec umquam nobis vel eidem Ecclesiæ in aliquo necessitatis articulo defuerunt, attendentes quod de aliis pecuniarum summis quas nobis & eidem regi hætenus diversis temporibus occasione dicti negotii mutuarunt, per te illis fuit integrè satisfactum, super quo nobis & dicto regi grates multiplices retulerunt, nosque proinde tuam discretionem & sollicitudinem dignam laudibus commendamus, nobis quinquaginta millia librarum Turonensium pro negotio memorato nomine mutui liberaliter tradiderunt, quæ nuntiis dicti regis idem camerarius assignavit, eisdem mercatoribus de speciali mandato nostro illa promittens nos & ecclesiam Romanam certis loco & termino soluturos, propter hoc ipsis ejusdem Ecclesiæ bona & thesaurum nostrum specialiter obligavit. Licet autem dicti mercatores in mutuando nobis prædicta quinquaginta millia librarum promptum habuerunt animum & paratum: quia tamen aliorum tempestiva & benigna tua satisfactio debitorum in hoc eos reddidit promptiores, nos cupientes sicut hætenus sic & in posterum te in prædictæ ecclesiæ negotiis sollicitum inventre, discretionem tuam per apostolica scripta mandamus, quatinus receptis præsentibus, de proventibus prædictæ decimæ si quos habes, vel de pecunia, si qua à carissimo in Christo filio nostro... rege Franciæ illustri aut alia persona mutuo sit recepta prætextu negotii antedicti, in totum vel in partem prænominata decem millia & quinquagintas libras ac quinquaginta millia librarum nunc mutuata Hugoni & Raynerio Jacobi, Facio, Ristauo, & Guidoni Junctæ, Jacobo Egidii, Gasconi Trapellicino, & Lottho

R ij



Hugolini focis prædictorum mercatorum in A  
Francia commorantibus, vel eorum uni, post-  
quam nostras apertas litteras super hoc rece-  
peris, sine difficultate qualibet solvere non post-  
ponas. Hoc autem tibi propter hoc scribimus,  
ut pecuniam quam de prædicta decima vel me-  
morato mutuo recipere te contingeret, penes te  
ad liberationem nostram & Ecclesiæ Romanæ  
conserve: non obstante quod tibi nostras dire-  
ximus litteras, ut quid de dicta decima perci-  
peres, prædicti regis Siciliæ procuratoribus vel B  
nunciis assignares. Datum Perusii calendas Ja-  
nuarii Pontificatus nostri anno 1.

## EPISTOLA CCXIII.

Dilecto filio Gaufrido de Bello-monte cancel-  
lario Bajocensi apostolicæ sedis legato.

*Revocat eum à Longobardiæ legatione mittendum  
ad regem.*

Anno 1266

**L**ombardiæ status, si tamen instabilitas  
statum habet, & Ecclesiarum paupertas  
minimè patiuntur nostro ac fratrum nostrorum  
iudicio legatum hoc tempore inibi conversari,  
cum nec victualia sibi suppetant, nec ejus mora  
videatur in aliquo fructuosa. Quocirca discretioni  
tuæ per apostolica scripta mandamus, quatinus à  
suscepto legationis officio, quod gessisti fideliter  
& utiliter absolutus, ad nos redeas inde te  
translaturus ad regem suis instruendum con-  
siliis, & obsequiis solitis adjuvandum. Datum  
Perusii III. nonas Januarii anno 1.

## EPISTOLA CCXIV.

Venerabili fratri R. episcopo Albanensi, &  
dilectis filiis A. titulo S. Praxedis presbytero,  
G. sancti Georgii ad Velum-aureum, & M.  
sanctæ Mariæ in Porticu diaconis cardinali-  
bus, vel illis qui ex iis reperientur in Urbe.

*Adversus Urbis vicarium.*

Anno 1266

**C**um quidam ex habitatoribus castri Asperæ,  
nostri & Romanæ Ecclesiæ proditores quem-  
dam familiarem carissimi in Christo filii nostri  
C. illustris regis Siciliæ in Potestatem elegerint,  
universitate castri ejusdem alium exigente, qui  
etiam hodie castri Potestariam obtinet antedicti,  
Urbis vicarius, prout dicitur, fideles nostros qui  
familiarem ejusdem voluerunt admittere, citat  
& multipliciter inquietat. Nos verò super hoc  
eidem regi scribimus, prout credimus expedire,  
discretionem vestram per apostolica scripta man-  
dantes, quatinus ad regem eundem personaliter  
accedentes, eum efficaciter inducat, ut eidem  
injungat vicario, ne procedat, alioquin omittere  
non poterimus, quin contra temere proceden-  
tem nos ratione prævia procedamus. Datum  
Perusii (a) VII. Idus Januarii anno 1.

(a)

(a) Al. VIII. Idus.

## EPISTOLA CCXV.

Carissimo in Christo filio C. regi Siciliæ  
illustri.

*De excessibus ab eo & ejus officialibus commissis.*

**S**æpe nobis, immo sæpissime, nec pauca Anno 1265  
nobis, nec levia scandala suscitata diversis  
& perversis gentis tuæ processibus animum no-  
strum amaricant; nec mirari sufficimus, cur  
nobis hæc ingeras offendicula, qui dudum in  
minori, ne dicamus officio, quin etiam statu  
simplici constituti, tuum dileximus & (a) dili-  
gimus totis viribus honoris augmentum: prout  
Deo placuit, ultra vires & meritum, ad ma-  
jora provecti, cælo mutato non animo, continuæ  
caritatis instantia quod laudabiliter cœperamus,  
laudabilius fuimus profecuti, & hoc adeo ut,  
teste conscientia, quid ultra facere potuerimus  
nec fecerimus ignoremus. Ecce, fili carissime,  
quot & quanta in terris nostris tuo nomine fue-  
rint attentata te nescire nolumus, dum fere sin-  
gula tuæ intimanda duxerimus magnitudini,  
quamvis forsan omnia nequiverimus molestia-  
rum frequentia & missione litterarum inutili  
fatigati, & quotiens ista scribimus, tuo negas  
facta mandato, nihil tamen revocas, nec ex-  
cessum punis mandantium, nec eos, quibus in-  
justa sub tui nominis terrore mandantur, de  
voluntati tuæ contraria verbo vel litteris cer-  
tioras. Quadam sanè distinctione nunc uteris,  
ut si tuis officialibus quis non pareat, offensum  
te reputes, an bene vel male præceperint non  
discusso: si vero Romanam offendunt Eccle-  
siam, dicis te minimè hoc mandasse, sed tuum  
in Urbe vicarium morem senatorum secutum,  
nihil novum asseris usurpasse, & æquanimiter  
nos ferre debere contendis in officialibus tuis,  
quod in Romanis qui pro tempore fuerunt se-  
natoribus Romani Pontifices tolerarunt. Ad hoc  
autem, licet sit vera responsio, circa factum quod  
senatores Romani plura & pluries in terris ec-  
clesiæ mandaverunt; non tamen paritum eis  
fuit, ut si forsan interdum aliqui pusillanimes  
paruerunt, numquam Romana consensit Ec-  
clesia, sed viriliter contradixit. Ut tamen hæc  
leviter transeamus, scire te volumus, non ad  
hoc te vocatum, ut aliorum imiteris errores,  
non ut Ecclesiæ jus absorbeas; sed tuo jure con-  
tentus, & Romanam primo & principaliter, &  
alias consequenter defendas Ecclesias. Unde si  
bene recolis quod ad id te specialiter jusjurandi  
vinculo astrinxisti, quod ejusdem Romanæ Ec-  
clesiæ jura defendas, & in nullo diminuas vel  
perturbes; verum nuper cum judex tuus quidam  
Mediolanensis BERTRANDUS diversas terras  
patrimonii peragrasset, & quidam alii circui-  
sissent Campaniam, ea mandantes quæ ad te mi-  
nimè pertinebant, scripsisti nobis hoc de tuo nec  
processisse mandato, & quamvis hoc non suf-  
ficeret, succrescentibus tamen occupationibus  
aliis, oblivioni fere jam dederamus quod men-  
tem nostram graviter perturbaverat, sed con-

(a) Al. Direximus.

tinuò nova querimonia supervenit, quod scilicet tuus in Urbe Vicarius fideles nostros de castro Asperæ in Sabina inquietat, quia quemdam de tua familia nolunt admittere in rectorem, quem pauci ex eis nostri & Ecclesiæ proditores elegisse dicuntur, aliis non in ipsum, sed in alium dirigentibus vota sua, quem etiam jam receperunt.

Quo igitur pacto noster quiescet spiritus, dum totiens infestamur, & repetitis laceßiti molestiis oblivisci veterum non permittimur, quod novis cessantibus libentissimè faceremus. Scias, fili carissime, nobis viam penitus aliam eligendam, & à modo omittere non poterimus, quin tuorum officialium insolentiam spirituali gladio compescamus, & aliàs, prout expedire viderimus, resistamus eisdem, nec credas quod pro singulis excessibus eorum, cum regnum intra-veris, ad te nostros mittemus nuncios: Jam enim & hic & alibi ex tempore multo didicimus, quid prosint hujusmodi missiones. Quocirca Serenitatem tuam monendam duximus & hortandam, quatinus & illum qui pro regimine dicti castri contendit, quem etiam si esset communiter electus, præesse dicto castro minimè pateremur, à petitione hujusmodi desistere jubeas, & tuum vicarium à processu, & sic tuam universis & singulis circa talia voluntatem aperias, ut ab inceptis desistant, & in futurum similia non attentent. Datum Perusii vii. Idus Januarii anno i.

## EPISTOLA CCXVI.

Ad consules & universitatem Montis-peffulari.

*Ut extra diocesim coram judice non possint evocari.*

Anno 1265

**D**ilectis filiis consulibus & universitati hominum Montispeffulari Magalonensis diocesis salutem & apostolicam benedictionem.

Sinceræ devotionis integritas & constantis fidei plenitudo de quibus velut obedientiæ filii retroactis studuistis temporibus, ac studeatis assidue sedi apostolicæ complacere, nostrum non indignè sollicitant animum, ut apostolica vos benevolentia prosequentes, personas vestras congruis foveamus favoribus, & specialis privilegio gratiæ muniamus. Hinc est quod nos vestris supplicationibus grato concurrentes assensu, ut vos vel aliqui seu aliquis vestrum extra Magalonensem diocesim super iis quæ infra eandem habetis, aut super actionibus personalibus, dummodo infra diocesim ipsam parati extiteritis de vobis conquerentibus coram competenti judice justitiæ plenitudinem exhibere, non possitis ad iudicium evocari per litteras sedis apostolicæ vel legatorum ejus impetratas, per quas nondum ad citationem partium sit processum, seu etiam impetrandas, cujuscunque tenoris existant, nisi eadem apostolicæ litteræ impetrandæ plenam & expressam de hac indulgentia fecerint mentionem, auctoritate vobis præsentium indulgemus. Nulli ergo hominum liceat hanc paginam nostræ concessionis infringere, vel ei ausu temerario contraire. Si quis autem hoc attentare præsumserit, in-

adignationem omnipotentis Dei & beatorum Petri & Pauli apostolorum ejus se noverit incursurum. Datum Perusii v. Idus Januarii, Pontificatus nostri anno i.

## EPISTOLA CCXVII.

Carissimo in Christo filio C. regi Siciliae illustri.

*Ut abbatem S. Polycarpi securum ad se remittat.*

Anno 1266

(\*)

**D**ilectum filium abbatem S. Polycarpi Narbonensis diocesis pro monasterii (\*) Electensis negotiis in nostra curia constitutum, incidente tractatu de Petro de S. Columba milite, qui tuis adversariis astitit, ad tuam gratiam reducendo, tuam præsentiam adire præcepimus, & quod negotio hujusmodi esset utile de tuo consilio promoveri. Tu verò, ut audivimus, nec nobis, nec ipsius religioni deferens, eum fecisti cum tota ipsius familia personaliter detineri: quod quidem quæ auctoritate tentaveris ignoramus. Quocirca Serenitatem monemus & hortamur attente, per apostolica tibi scripta mandantes, quatinus eum & ejus familiam cum rebus ipsorum, qui sub nostræ securitatis fiducia ad te venerant, ad nos remittere non differas liberos & securos. Datum Perusii iv. Idus Januarii anno i.

## EPISTOLA CCXVIII.

Archiepiscopo Cusentino.

*Ut libertatem abbatis S. Polycarpi procuret.*

Anno 1266

**M**iramur plurimum te sustinere aliquatenus potuisse, quod dilectus filius abbas sancti Polycarpi Narbonensis diocesis, de nostro speciali mandato regiam adiens magnitudinem, personaliter captus fuerit & detentus, cum tu conscius esses omnium quæ tractata fuerant per eundem, nec scimus nec possumus æstimare unde venerit hæc præsumptio, ut sub nostra fiducia vel regis utilitate transmissus abbas præcipuè caperetur: qui sine excommunicationis vinculo capi non potuit, in quam utique capientes & capi mandantes pariter inciderunt, nullis litteris nostris obstantibus, si quæ forsitan emanarunt de suspectis clericis capiendis, quæ ad abbates majoresve prælatos minimè porriguntur: & si de illis, quod non credimus, facerent mentionem, eas penitus revocamus. Quia igitur male Polus carpitur ubi tam impudenter sanctus offenditur Polycarpus, fraternitati tuæ in virtute obedientiæ districtè præcipiendo mandamus, quatinus visis litteris eundem abbatem cum familia sua & rebus eorum, à quibuscumque detineantur personis, cujuscumque sint dignitatis, gradus, vel excellentiæ liberari procures, personas hujusmodi, ad liberationem eorum per censuras ecclesiæ, si oportuerit, appellatione postposita, compellendo, nonob-

(\*) Al. Electense monasterium olim insigne ordinis S. Benedicti in diocesi Narbonensi in Cathedrali ecclesia erectum Johannes xxii.

stante si cui vel aliquibus à sede apostolica sit indultum, quod excommunicari, suspendi, vel interdici non possunt per litteras apostolicas non facientes plenam & expressam de indulto huiusmodi mentionem, vel alia, quavis ejus sedis indulgentia generali vel speciali, cujuscumque tenoris existat, etiamsi de ipsius toto tenore in nostris litteris plena & expressa mentio sit habenda. Quod si forsitan tibi ad nostram præsentiam accedenti inter Montem Flasconem & Urbem, hæ litteræ fuerint assignatæ, protinus retrocedas, & mandatum nostrum fideliter & viriliter exequaris. Datum Perusii iv. Idus Januarii anno 1.

## EPISTOLA CCXIX.

Carissimo in Christo filio C. regi Siciliæ illustri.

*Ut fidelibus & prudentibus utatur consiliariis, & de querela regis Franciæ.*

Anno 1266

**P**rofecturum ad bellum principem pacem decet in domo propria solidare, ne dum pugna domestica laceffente distrahitur, minus ab exteris timeatur. Inter omnia sanè prælia illud magis est intimum, id debet rectius dici intestinum, quod sub Dei solius oculis conscientia secretissimo sinu geritur, quæ nunc rodit, nunc lacerat, nunc concutit, nunc prosternit, & alternis vicibus nunc superior, nunc inferior quietem animi vel prorsus dejicit, vel perturbat. Ergo, fili carissime, cum jam (b) manum mittas ad fortia, contra fortem fortis & fortiter pugnaturus, vide prius quid domi agitur, & si forsân tumultum faciunt, si tibi movent prælium in eadem, non paucæ numero, sed nec leves injuriæ; quas ecclesiis, quas baronibus, quas militibus, quas plebi, in terris tuis fecisse diceris, & usque ad Italiam perduxisse. Prius consule te & tibi, & ne tuæ prudentiæ contra sapientis consilium innitaris; viris fidelibus & prudentibus & audacibus aperi veritatem, qui profecto velint & valeant, sciant & audeant sanum tibi dare consilium, & cum magna sit differentia mentalis examinis ad forense judicium advocatorum, diffugiis non utaris, quibus tuæ salutis negotium nullo (c) credideris tempore committendum. Offert tibi Dominus in hoc tempore viros multa peritia præditos, multa fide pollentes, & specialiter inter illos Venerabilem fratrem nostrum Altissiodorensē episcopum, & dilectum filium P. Cambellanum militem, qui te numquam decipient, nec ad tuum dispendium tuam faciem verebuntur, quorum consilio si te rexeris, nihil regiæ magnitudini disperibit. Nam te regens & alios, & rectitudinis regulæ te subiciens, regis nomen & meritum (d) rectius obtinebis. Verum inter cetera ad id tuam memoriam duximus reducendam, quod sæpe ac sæpius tuis auribus inculcavimus de querela carissimi in Christo filii L. regis illustris, quem Gabella, quam percipis de sale terræ ipsius graviter scandalizat, serenitatem

(b) *Al.* Nitariis ad fortia.

(c) *Al.* Credas.

(d) *Al.* Totius.

A tuam rogantes & hortantes attentè, quatinus specialiter super illa ad tuam præsentiam accedentibus dilectis filiis P. Cambellano prædicto, & fratri Johanni de Manso ordinis fratrum Minorum benignam præbeas audientiam, & ad ea quæ proposuerint verbo taliter factoque respondeas, ut & tuam liberes animam, & fratris animum pacatum reddas pariter & placatum. Datum Perusii iiii. Idus Januarii anno 1.

## EPISTOLA CCXX.

Carissimo in Christo filio C. regi Siciliæ illustri.

*Ut Senensibus aliquam militiam, si possit, ad tempus dimittat.*

**V**examur à Senensibus & aliis extrinsecis fidelibus, & à nostris similiter Marchianis, ut tuam magnitudinem excitemus ad militiam aliquam dimittendam eis ad tempus, quæ, prout asserunt, cum eorum auxilio, & inimicos Dei confunderet, expeditis amicis eorundem, obsequium tibi pinguius ministraret. Unde cum tu longè melius scias quid valeas & velis circa ista, Serenitatem tuam duximus rogandam & hortandam, quatinus omnibus compensatis, quod utilius esse credideris, exequaris. Etsi forsân habes aliquos, quibus plenè ad præsens nequeas de stipendiis respondere, dicunt aliqui, quod si equos & arma haberent, & victum apud eos acquirerent, & unde parare se possent plenius ad tua prosequenda negotia lucrarentur. In his autem & aliis tuas Dominus actiones aspirando præveniat, & adjuvando salubriter prosequatur. Datum Perusii iiii. Idus Januarii anno primo.

## EPISTOLA CCXXI.

Carissimo in Christo filio nostro C. regi Siciliæ illustri.

*Ut Barralum Baucii dominum suo lateri adhærere cupientem, aut ducentis præfici militibus, ab officio Potestatis civitatis Mediolanensis revocet.*

**L**ongis attritos laboribus pro loco & tempore recreare volentibus, eo credimus procedendum ingenio, vel ut quietem præbeant post laborem, vel commutato laboris genere, laborantes continuè sola releventur oneris novitate. Sanè dilectus filius vir nobilis Barralus Baucii Dominus, sicut nosti, se totum & totaliter tuis dudum obsequiis deputans, ut teneatur, in civitatis Mediolanensis regimine, tuo nuper beneplacito constitutus, licet credat civibus se acceptum, & ibidem ad tuæ serenitatis honorem fideliter egerit quicquid potuit; prudenter tamen considerans & attendens quod honestius esset sibi tuam videre faciem & assistere tuo lateri, quam diutius inibi sub Potestatis nomine commorari, tædio premitur & afficitur; cum à modo tibi credat inutilem moram suam, nisi forsân illos cc. milites illuc mitteres, quas dicta civitas à te petit, quibus si eundem præficeres, & necessaria non deessent, tuum ex animo promoveret honorem; quamquam longè

Anno 1266

magis eligeret tuæ magnitudinis gloriosis interesse triumphis. Quocirca, fili carissime, quia tu nosti plenius industriam dicti nobilis, & prudentiam, quam tibi in præcipuis crederemus negotiis fructuosam, serenitatem tuam rogandam duximus ex affectu, quatinus ejus satisfaciens desiderio, parcas ei, nec eum ex tunc jubeas fungi officio Potestatis, sed in aliis eum exerceas, quæ tibi placeant, & nihilominus tibi profint, nisi fortasse filii, quem tecum habes, contentus obsequio, patrem ad proxima duxeris remittendum, quod tamen an placeret eisdem penitus ignoramus. Datum Perusii II. Idus Januarii anno primo.

## EPISTOLA CCXXII.

Simoni cardinali apostolicæ sedis legato.

*Ut Senensibus mercatoribus sexaginta millia librarum & quinquagintas solvat.*

Anno 1266

CLEMENS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Nuper tibi nostris dedimus litteris in mandatis, ut proventus decimæ concessæ carissimo in Christo filio nostro CAROLO illustri regi Siciliæ pro regni Siciliæ negotio ab apostolica sede colligere sollicitè ac etiam conservare curares, ita quod de ipsis sociis dilectorum filiorum Bonaventuræ Bernardini, & Francisci Guidi civium & mercatorum Senensium de debito quinquaginta millialibrarum Turonensium, quod eramus contracturi cum eis, pro dicto negotio satisfaceret, non obstante quod tibi per alias nostras scripseramus litteras, ut quicquid colligeres de dicta decima ejusdem regis procuratoribus assignares. Sanè postmodum dilectus filius magister Petrus archidiaconus Senonensis camerarius noster de speciali mandato nostro recepit mutuo à prædictis mercatoribus hujusmodi quinquaginta millia librarum Turonensium, eis usque ad festum resurrectionis dominicæ venturum proximo persolvendas, & propter hoc Romanam Ecclesiam ejusque bona, cameram & thesaurum nostrum consistentem in vasis aureis & argenteis, lapidibus pretiosis, crucibus, thuribulis, ornamentis, & rebus aliis obligavit, prout in instrumento publico super hoc confecto plenius continetur, ac pecuniam hujusmodi fratri Arnulpho de Parisius ordinis militiæ templi & Miloni de Meldis clerico familiaribus procuratoribus & nunciis dicti regis ejus nomine pro negotio ipso & aliis ejusdem regis necessitatibus totaliter assignavit, dictusque rex decimam antedictam nobis & eidem Ecclesiæ pro dicta pecunia duxit specialiter obligandam. Cùm autem in multis & magnis obsequiis prædictorum mercatorum circa nos & prædictam Ecclesiam cognoverimus & agnoscamus fidei puritatem, sicut & tibi per facti evidentiam innotescit: nos dignum arbitantes & congruum, ut ipsi quibus

A inos plurimum teneri fatemur, nullum inde incurrant dispendium unde præmium promerentur: discretionem tuam quanta possumus affectione requirimus, & rogamus, per apostolica tibi scripta mandantes, quatinus attentè considerans quod nos & prædictus rex sæpe mercatorum ipsorum suffragio indigemus, & quod ipsi nobis dictoque regi liberaliter ac devotè subveniunt temporibus opportunis, de prædictis quinquaginta nec non de decem millibus & quingentis libris Turonensibus, quas alias dictus camerarius occasione dicti negotii nomine mutui recepit à mercatoribus memoratis, & super quibus nos tibi scripsisse meminimus, ex prædictis proventibus ipsius decimæ dilectis filiis Hugoni Jacobi, Faccio, Restauo, & Guidoni Junctæ, Bartholomæo Henrici, Gasconi Trapilicino, Jacobo Ægidii, & Lotto Hugolini sociis prædictorum mercatorum in Francia commorantibus, vel eorum uni, non expectatis terminis, in totum vel in partem, non obstantibus aliquibus aliis nostris litteris tibi directis, satisfacere non postponas, & ut eis citius satisfiat, universis collectoribus dictæ decimæ districtè præcipias, ut quicquid de ipsa percipient, prædictis sociis nostro & Ecclesiæ prædictæ nomine vel eorum alicui assignare procurent, nec interim procuratoribus, nuntiis, creditoribus, & specialiter Romanis sive aliis quibuscumque personis per litteras dicti regis, vel ad supplicationem seu suggestionem aliquorum prælatorum vel principum aliquid de dicta decima exhibeas vel assignes, quo usque prædictis mercatoribus de prælibatis debitis fuerit integraliter satisfactum; & nos & thesaurus noster ab ipsis fuerimus totaliter liberati. Scire quidem verè potes, quod summa necessitas nos coëgit dictum obligare thesaurum, cùm in hoc nostram nos oportuerit universis detegere paupertatem. Ceterum ab ipsis sociis nostro & Ecclesiæ prædictæ nomine de solutionibus quas ipsis facies, quittance recipies competentem, nobis qui non modicum affectamus, ut prædictus thesaurus de mercatorum ipsorum manibus liberetur, sæpe sæpius rescripturus quicquid super his duxeris faciendum. Demum si, prout per venerabilem fratrem nostrum episcopum Avinionensem mandavimus, mutuum recipere in Francia vel alibi te contigerit, etiam de illo dictis te volumus satisfacere mercatoribus, si aliunde non posses. Quia verò pro necessitate regis ejusdem Romanis mercatoribus nostram cameram obligavimus in quinquaginta & quinque millibus librarum Turonensium & amplius, quas ad tardius citra festum S. Johannis Baptistæ persolvi modis omnibus oportebit; de his etiam persolvendis, prius Senensi debito persoluto, sic tibi, dilecte fili, provideas, ne Urbis ecclesiæ irreparabile damnum subeant, possessionibus earundem à creditoribus occupatis: quod qualiter possis facere, scribas nobis lucidè & apertè, ut tuam impotentiam vel potentiam plenius agnoscentes, quid nobis agendum fuerit videamus. Datum Perusii XIV. calendas Februarii, Pontificatus nostri anno I.

## EPISTOLA. CCXXIII.

Carissimo in Christo filio Belæ regi Hungariæ illustri.

*Rogat ut Timotheum Zagabriensem episcopum, cui hactenus adversarius fuit, episcopatu pacifice frui sinat.*

Anno 1168

**R**erum providus omnium ordinator omnes homines lege propagandos communi ex similibus nasci feminibus, eodem cœlo contegi, similique gaudere spiraculo voluit, nudos in mundum ingredi, nudos egredi, pari ratione decrevit, non à servo distinguens liberum, non ab egeno divitem, non à rege plebeium in omnibus supradictis, sed in terra multiplicatis hominibus, & eorum nonnullis voluntatis indomitæ motus agiles & effrænes libertati propriæ relinquentibus, aliis autem saniore consilio rationis imperio suas subdentibus voluntates, istos illis merito præfici sola persuasit honestas, sed necessitas etiam publica contulit anteferri, ut qui suis perfectius dominabantur animis expugnatoribus urbium, meliores exerceant in alios principatum, & repressis improborum excessibus, societatis humanæ fœdera sub jocundæ tranquillitatis præsidio (a) salvarentur.

(b) Non abnuimus, fili carissime, quin (b) alicubi, Domino permittente, potestatis usurpata præsumptio thronum aliquibus dederit principalem; sed illa, quam præmisimus, recta fuit occasio, immo causa rectissima, quos natura pares produxerat, sublimitatis fastigio & subjectionis obsequio discretionem discernendi quæ diversitas statuum nihil habet adversum, si subiectus se meritis imparem, & prælatus natura se confitetur & agnoscit æqualem. Sic igitur successivis temporibus propagata prælatio splendore morum à patribus acquisita populorum populari assensu, quem annosa consuetudo confirmavit in posteros derivata nobilitate laudabilem, & ab hominibus honorandam dedit originem, prædotavit effectum, ut ex nobilibus nascantur nobiles, & quod natura nescierat, usus hominum humano generi non mediocriter utilis superaddat, quæ res divinæ gratiæ non præscribit, quin parvis & magnis, servis & liberis pro suæ beneplacito voluntatis illabens, nunc hos, nunc illos erigat vel dejiciat juxta sui dispositionem arbitrii, quod non fallitur, licet ejus arcana nequeant ab omnibus comprehendere.

Sanè cum venerabilem fratrem nostrum TIMOTHEUM Zagabriensem episcopum à felicis recordationis URBANO papa prædecessore nostro promotum, & ab ipso dum viveret, & à nobis qui eidem, licet immeriti, successisse dignoscimur, tuæ benevolentiae commendatum adeo, prout ipsa se veritas exhibet, abhorrueris, nec precibus acquiescens, nec consiliis te coaptans, nec obtemperans monitis, nec mandatis obediens, eum duxeris admittendum, vel ab

(a) *Al. Conservat.*

(b) *Al. Aliquando.*

**A** apostolica sede & ab eo nihilominus missum fratrem GALTERUM capellanum & poenitentiarium episcopatus ejusdem permiseris pacifica possessione gaudere; mirati fuimus & miramur, & intenditur admiratio, dum attendimus ignorare te non debere Regem regum & Dominum dominantium, per quem ceteri reges regnant, sic regibus sæcularibus rerum regnum sæcularium concessisse, ut ad spiritualia disponenda manus suas, cum eisdem non competat, non extendant, sed illius hoc relinquatur judicio, qui vicem in terris obtinens Domini nostri JESU CHRISTI, vel per se vel per alios in sollicitudinis partem admissos spiritualibus spiritualia comparans, ea spiritualiter administrat. Scimus equidem jam diversis temporibus tuos ad apostolicam sedem nuncios accessisse, & quod primi dixerant, refricabant sequentes, quorum unus, immo novissimus dilectus filius magister DEMETRIUS Strigonienſis archidiaconus in nostra nuper & nostrorum fratrum præsentia, à tua magnitudine sibi, ut assererat, injuncta proposuit, qui nisi tuo proposuisset nomine, cum sua non interesset in aliquo, vel nullam, vel modicam super eis audientiam habuisset: pro tua tamèn reverentia patienter auditus, & sicut vir eloquens & peritus, pulchrè proponens turpia, & decenter inferens indecentia, personam episcopi multipliciter asserens contemtibilem, tum defectu consilii, tum originis vilitate, quin immo conditione servili, tum ex causis quibusdam aliis indignum tuo latere multiplici ratione conclusit; sed & magnatum regni tui litteras nobis reddidit, quas tamen legi publicè non permisimus, quia nec tuam nec alterius poterant causam instituere, sine juris suffragio, solam injuriam continentes. Verùm si retines quæ præmisimus, frustra certas de conditione personæ, cui suam Dominus infundere potest gratiam, & infundit cum sibi placuit, qui non est personarum acceptor, sed nec ei posset obesse originalis servitus, etiam si de ipsa constaret, quam dignitas episcopalis absorbit, & elisit; nec injuriam lateri tuo faciet pauper assidens à dextris vel sinistris, si non assidentis originem, sed sacerdotii dignitatem attenderis, si reminisci volueris summi Regis, qui commensales & socios, operisque sui vicarios, & quod est amplius cohæredes in regno habere voluit pauperes piscatores. Demum si ad tui culminis gloriam tuæ providentiæ direxeris aciem, quis, quæsumus, honor est tibi, excellentiæ tantæ regem adversus pauperem dimicare, stipulam siccam persequi, & contra virum simplicem potentiam tuam ostendere? Leones scimus contra vermiculos non armari, ad passeres aquilas non volare; & tu vir atque princeps magnificus sudabis instantia ad unius dejectionem episcopi, cui quod objicis dato per omnia quod sit verum, imputare non potes, qui cum seipsum non fecerit, sed à Domino factus fuerit, nec parentes eligere nobiles sibi potuit, nec peccavit si illos habuit quos Dominus ei dedit. Si qua tandem objicienda contra consecratum episcopum viderentur, prodeunte qui posset objicere, non esset ei deneganda possessio,



sio; sed ea sibi concessa primitus exinde forsitan A  
esset de meritis inquirendum quantum justitia  
pateretur. Ceterum si super hoc negotio variè  
tibi scripsimus, non mireris spirituales quidem  
medicum nunc lenibus, ut decet, nunc asperis  
& juxta parabolam evangelicam vinum & oleum  
simul vel alternis vicibus infundere sauciati vul-  
neribus, ut nec aspera nimis exasperent, nec  
lenia plusquam oporteat blandiantur. Si igitur,  
quod vix credimus, nec prædicti fratris GAL-  
TERII, nec venerabilis fratris nostri Strigonien-  
sis archiepiscopi, cui seriò scripsimus, acquievis-  
ti B monitis salutaribus, excellentiam tuam per as-  
persionem sanguinis tui & omnium Redemito-  
ris multiplicatis precibus obsecramus, in remis-  
sionem tibi peccaminum injungentes, quatinus  
tua nunc saltem indignatio conquiescat, &  
eundem episcopum admitteris ad gratiam, re-  
rum episcopaliū & jurium possessionem eidem  
liberam cum fructibus facias assignari, ut &  
tuæ animæ provideas, & sedem apostolicam,  
quam in omnibus habuisti propitiam, non of-  
fendas. Scire quidem te volumus, quod illius C  
inhærentes vestigiis, quantum scimus & possu-  
mus, qui defendens christos suos, non reliquit  
eis nocere hominem, immo reges corripuit pro  
eisdem: omittere non poterimus, quin causam  
pauperis, qui relictus est Domino, prosequamur:  
nec te turbet aliquorum suggestio clericorum,  
qui, prout dicitur, episcopatum potius quam  
episcopum insequentes, ad viventis successionem  
aspirant, quam profectò nobis viventibus per  
hanc viam, vel verius inviam non habebunt.  
Datum Perusii XII. calendas Februarii anno I.

## EPISTOLA CCXXIV.

Carissimo in Christo filio C. regi Siciliae  
illustri.

*Scribit Senenses ei præparasse pecuniam.*

Anno 1266

N On negamus, quam arguis, Senensium  
mercatorum desidiam, nec malitiam excu-  
samus, sed potius & minis & terroribus frangi-  
mus, prout possumus, & continuis increpationi-  
bus perurgemus. Sanè congregaverunt, ut di-  
cunt, pecuniam, quam parati invenient tui  
nuncii, quos expectant. Statum tuum & profe-  
ctum negotii quod prosequeris, nobis frequenter  
non desinas intimare, nec te frangat laboris  
asperitas, quam divina consolatio levigat, &  
hac tibi gloria triumphali deposita, & reposita  
corona justitiæ in futurum. Datum.



*Thesauri Anecd. Tom. II.*

## EPISTOLA CCXXV.

Carissimo in Christo filio C. regi Siciliae  
illustri.

*Excusat se de impotentia majora subministrandi  
subsidia.*

N Ec montes nec fluviis habemus aureos, Anno 1266  
nec tuo possumus desiderio satisfacere,  
& quantumcumque necessitas urgeat, nihil possu-  
mus ultra posse. Fecimus autem liberaliter quod  
potuimus, & quod poterimus eommodè facie-  
mus. Sed exhaustis jam viribus, & mercatori-  
bus fatigatis, cur nos ulterius inquietes videre  
non possumus, nisi forsitan requiras miraculum,  
ad quod nobis nequaquam merita suffragantur,  
ut in aurum terram vel lapides convertamus.  
Sanè frater ARNULFUS Templarius nostras  
tuæ magnitudini litteras præsentabit, quæ si  
C tuæ necessitati non consulant, nostram saltem  
impotentiam excusabunt.

## EPISTOLA CCXXVI.

Nobili viro M. quondam Principi Tarentino.

*Scribit Carolam non venisse ius alienum invadere,  
sed ecclesiæ honorem promoveri: Manfredam  
gratiam sprevisse, quam revocare non potest.*

L Ecta nuper littera, viri magis magniloqui Anno 1266  
quàm magnifici stylum sapiens, nec favo-  
rem promeruit veritati contraria, nec timorem  
incutere potuit homini timorato. Dicò autem  
hominem timoratum, qui singularitèr Deum  
timet, de quo rectè quod scriptum est intelli-  
gitur, qui timet Dominum nihil trepidat. Sicut  
enim singularitèr vult Dominus intelligi, sic  
etiam & timeri, ut quemadmodum nihil est  
diligendum nisi Deus, & quod est diligibile pro-  
pter Deum; sic nec timendum est aliquid nisi  
Deus, & quod est formidabile propter ipsum.  
E Unde etiam in evangelio docet homines non  
esse timendos, qui cum corpus occidunt, ultra  
non habent quid faciant. Illum solum docet esse  
timendum, qui corpus & animam potest mit-  
tere in gehennam. Sanè veritati contrariam  
epistolam esse dixi, quia comparationes profe-  
quitur odiosas, & quadam narratione profusa,  
nunc impotentiam, nunc superbiam, nunc alia  
imponit præter verum viro nobili, quem poten-  
tem & humilem nemo dubitat, & de potentis-  
sima & humilissima domo natum. Et si poten-  
tiæ probatio quæritur, videbit omnis oculus  
in processu negotii, non solum quid homo va-  
leat, sed quid in homine possit Deus. Venit igitur  
CAROLUS Deo & hominibus totus carus. Olen  
enim totum significat lingua græca, non ut sibi  
jus rapiat alienum, sed ut Ecclesiæ jura profe-  
quens, & honorem ejus promoveat, & suum  
pariter inquirat commodum juxta providen-  
tiam sibi factam ex indulgentia apostolicæ lar-  
gitatis. Quod si viarum difficultas objicitur, si  
S

terrarum marisque conclusio, si Saracenorum & excommunicatorum promiscua multitudo, si cujuslibet barbaræ nationis ammixtio; potens est Deus aperire conclusa, & colligata dissolvere, & in paucis multos subigere; qui de cælo contra Sisaram dimicavit, qui hostes innumerales in manu fidelissimi Machabæi cum inermi & modica comitiva subegit, & ut præveniam objurgantes, si permisit Deus contrarium, datis in manus hostium isto scilicet Carolo cum fratribus & baronibus (a) regis Franciæ tempore retroactio, brevis est hujus objectionis solutio, quia Deus eos probare voluit, & captos casu flebili eventu jocundissimo subito liberavit: nec est sperandum hostibus, ut contingant similia, sed potius formidandum, immò potius obnixè tenendum quod omnium Dominus afflictionem non iteret, sed pro suo semel contritis nomine (b) sui reddat lætitiā salutaris: non enim irascetur Dominus in perpetuum, nec comminabitur in æternum. Verum sciat M. quod fuit tempus in quo gratiam repulit, cui parata per omnia videbatur, & quæ postmodum haberi non potuit tempore minus opportuno quæsitā. Omnia siquidem tempus habent, sed tempus non habet

Isaïæ 49. 8.

Scriptum est enim *Tempore placito exaudivi te*, non est res integra, nec integrari possibilis. Jam in publicum prodiit fortis armatus, ad radicem posita est securis. Nunc mundi judicium imminet, ut foris ejici debeat princeps mundi, & si secus Deus disposuit, quod non creditur à fidelibus Dei, qui Dei sunt ad omnia parati flagella, quicquid ei placuerit æquanimiter tolerabitur. VILUIT enim terra his qui cælum animo concupiscunt. Unum scio quod qui Romanam regit Ecclesiam in Domino figens anchoram spei suæ, neminem vult decipere, nullius delectatur excidio, nec in sanguinis effusione lætatur, sed pacem sicut potest inquit, & quam in se quæsitā invenire non potuit, in suo quærit opposito; sed coactus stabilitum siquidem à suo prædecessore negotium promovens, sicut debuit eundem CAROLUM sublimavit in regem, quoniam sanctum & terribile nomen ejus & regio diademate dignum. Sed propter hoc hodie non dimitteret quin filios quantumlibet à salute propria elongatos ad sinum misericordiæ lætus exciperet, si juxta formam sacrorum canonum remedium postularent. Demum Dei negotium agitur, in cujus manu regnum est, immo omnia sunt jura regnorum. Ejus ergo judicium expectetur, & quod in ipsius oculis bonum erit, suscipiatur ab omnibus, & à singulis approbetur.

## EPISTOLA CCXXVII.

*Familiaritas inferiorum vitanda, nec modica esse spernenda.*

Anno 1266  
(c)

Scribit piscator custodi carceri Tulliani: Verba sunt Juris-consulti (c) Mandatis ad.

(a) Al. Regni Franciæ.  
(c) Al. Mandantis.

(b) Al. Suo.

A jicitur, ne præfides provinciarum in ulteriorem familiaritatem provinciales admittant. Nam ex conversatione æqualis contemptus nascitur dignitatis, & ita summatim: ita jus reddi debet, ut auctoritatem suæ dignitatis augeat. Item Poëta dicit: *Principiis obsta, sero medicina paratur*. Et idem alibi: *Nam neglecta solent incendia sumere vires*. Et idem alibi: *Felix quem faciunt aliena pericula cantum*. Negotietur ergo circa ista vir prudens, nec judicet levia, quæ promptum habent transitum in exemplum, mentor Ecclesiastici dicentis: *Qui spernit modicā paulatim decidet*, & (d) dictum ad hoc aliter transferat intellectum. Vitasti grandia, cave ne obruaris arena. Circa hæc & majora verbis opus est potius quam scriptura, & argumentosis apibus ad flores colligendos emissis, si vento quatiuntur aut imbris non melius potest consuli, quam quod acceleratis passibus ad suum alveum revertantur. Sed in his omnibus cum particularium consideratio certa lege limitari non possit, negotiatoris prudentiæ plurima relinquuntur.

C

## EPISTOLA CCXXVIII.

Dilecto filio Gaufredo de Bellomonte cancellario Bajocensi.

*Raimundi Bertrandi hæretici relatiōis non facile credendum.*

PER Raymundum Bertrandum hæreticum, prout credimus, & mendacem, qui nos suis aliis circumvenit mendaciis, quædam nobis nuper scripsisti, quæ licet in se ardua viderentur, nobis tamen ex vilitate nunciū viluerunt. Verum si tibi aliunde constaret, quod in eis posses proficere, placeret nobis plurimum, sed in uno cavendum est, ne in fabulis Lombardorum intendens, te ipsorum involvas tractatibus, qui longas telas ordiri consueverunt hactenus & tunc demum succidere, cum fructus aliquis (e) speratur. Datum Perusii (f) xi. calendis Februarii anno 1.

E

## EPISTOLA CCXXIX.

Carissimo in Christo filio C. regi Siciliæ illustri.

*Commendat ei quosdam nobiles Avenionenses & Arelatenses.*

QUIA juxta sapientis sententiam firmatur clementiā thronus regis, decet te, fili carissime, caritatis abundare visceribus, & præsertim ad illos, qui tibi fideliter obsequentes, semetipsos dederunt periculis, continuare parati quod cœperant, si paupertas extrema non premeret, quam non induxit incuria, non prodigiarum consumptio, sed potius casualis eventus,

(d) Al. Dicte.

(f) Al. xv. Calendas.

(e) Al. Expectatur. Al. Speraretur.

qui nec vitari potuit, nec humano consilio provideri. Cum igitur quidam Avinionenses & Arelatenſes boni & nobiles ſint in Urbe, qui equis quos adduxerant vel morte ſublatis, vel ob vitæ neceſſitatem diſtractis, res ſuas neceſſario vendiderunt, & hodie, ut didicimus, ſua diſtrahunt veſtimenta, Serenitatem tuam rogandam duximus & hortandam, quatinus eis compatiens, ſi, quod credimus, eis ſubvenire non poteſ, deſaltem redeundi licentiam, ne cogantur cum ſuo & ſuorum opprobrio, tuæque majeſtatis injuria mendicare. Datum Peruſii XIII. calendas Martii (a) anno II.

## E P I S T O L A CCXXX.

Cariſſimo in Chriſto filio regi Aragoniæ illuſtri.

*Recuſat ejus ſolvere matrimonium.*

Anno 1266

Q uanto perſonam tuam affectu ſinceriori diligimus, tanto familiarius te corripimus, illius ſententiæ memores, qua monſtratur patrem diligere filium quem ſalubriter corripit; & odire convincitur vice verſa, qui corripiendo diſſimulans parcit virgæ. Sanè cum inter alios mundi principes, quos literalis ſcientia non inſtruxit, te Dominus excellenter ingenio naturali dotaverit, & experientia multa didiceris, & libenter audieris ſapientum ſententias, & tenaci memoriæ commendaveris; miramur plurimum qua licentia, quo inſtinctu nobis petitionem obtuleris Deo contrariam, abominabilem angelis, & hominibus monſtruoſam. Non enim credere debuisti, quod verum matrimonium vellemus diſſolvere, & conjunctionis illicitæ pollui participio ex conſenſu. Scire quidem ab olim te credimus, quod cum nobilem mulierem TERISIAM per verba de futuro, prout tua littera continet, deſponſaſti, licet verum non fuerit matrimonium, ſic tamen initiatum extitit, ut verum & conſummatum fieret carnali copula ſubſequuta. Quos ergo Deus conjunxit, Dei vicarius quomodo ſepararet? Abſit à nobis hoc ſcelus, ut leges Domini violemus, & ut hominibus placeamus, creatorem & redemptorem hominum offendamus. Quod ſi inter te & ipſam matrimonium nullum eſſet, iſtam quam ſuperinducere tibi placuit, aut in uxorem aut in pellicem elegiſti, ſi uxorem habere volebas, quam ſpuriam conſiteris, & hanc in tua gloria ponere maculam minimè verebaris; numquam credere debuisti, quod ad tui culminis tam vile quam ignobile præcipitium impenderemus ſuffragium diſpenſando. Quod ſi tibi concubinatum ipſius elegeras, nec colorem habuit, nec ſaporem regia poſtulat, cum ſperare non debeas auctorem fieri turpitudinis JESU-CHRISTI vicarium, omnia turpia deteſtantes. Si quæris forſitan quid tibi faciendum incumbat, cum ſine corporis tui periculo primæ cohabitare non poſſis: ſatis eſt in promptu reſponſio. Suſtine manum Domini. Quod for-

(a) Al. Anno primo.

*Theſauri Anecdor. Tom. II.*

A tuitus caſus induxit, culpæ non imputes patientis. An credis quod ſi omnes reginæ per mundi climata conſtitutæ leproſæ fierent, daremus reſibus ob hanc cauſam licentiam cum aliis mulieribus contrahendi? Scias pro certo quod omnes & ſinguli paterentur repulſam, etiamſi domus regiæ nulla prole ſuperſtite in radice prorſus areſcerent, & in ramis. Ea propter, fili cariſſime, Dominum habens præ oculis, & illum benigniſſimum regem Franciæ, cum quo tuam amicitiam copulaſti, tibi ſtatuens in exemplum, vide quantum in diebus tuis proceſſeris, vide beneficia, quæ de manu Altiffimi recepiſti, vide crucem quam tuis humeris affixiſti, vide bellorum diſcrimina, quibus te multum animoſè committis, & ne addas inceſtui adulterium; cum ex hoc & bona quæ agis tibi reddas ſterilia, & iram Domini in die judicii theſauriſes. Nec te dicas continere non poſſe. Nam dudum peremta eſt hæc querela. Quomodo enim juſtus & rectus Dominus indiceret omnibus ab illicito coitu continentiam, ſi vel unus poſſet objicere præceptum impoſſibile non debere ſervari. Sed mos eſt omnium peccatorum, ſicut dicit Beatus Jeronymus, ut ad ſui excuſationem erroris non poſſe ponant in cauſa, cum ſit nolle tantum in culpa. Juſtè igitur tuum in hac parte deſiderium nolumus implere contra Deum, qui in licitiſ & honeſtiſ, cum neceſſitas vel utilitas exigit, nos tibi reddimus favorabiles & benignos. Datum Peruſii XIII. calendas Martii anno II.

## E P I S T O L A CCXXXI.

Cariſſimo in Chriſto filio regi Aragoniæ illuſtri.

*Ei concedit decimas per triennium.*

C um, graſſantibus in Hiſpanos chriſticolis perfidis Sarracenis, accenſus zelo fidei pro negotio laboraveris & labores continuè Crucifixi, multis ob hoc oneratus expenſis, quas bellicæ res deſiderant, quæ nonnumquam regum theſauros exhauriunt, quantumcumque fuerint opulenti, volumus & concedimus, ut conceſſam tibi in ceteris regionibus decimam ad triennium, ſi tantum protraheretur negotium, habeas integrè per annum inſiſtendo negotio, etiamſi ulterius minimè tenderetur, in omnibus aliis litterarum noſtrarum forma ſervata, quas ad Venerabiles fratres noſtros archiepiſcopum Tarraconenſem & epiſcopum Valentinum direximus ſuper decima memorata. Datum Peruſii ut ſupra in proxima.

Anno 1266



## EPISTOLA CCXXXII.

Dilecto filio S. tituli S. Martini presbitero cardinali Marchiæ Anconitanæ & ducatæ Spoleti rectori apostolicæ sedis legato.

*Ipsius poscit suffragium de Manfredi principe Tarentino & Uberto Pelavicino, an pro contumacibus haberi debeant, &c.*

Anno 1166

**V** Idisti pariter & audisti multos processus habitos prædecessorum nostrorum tempore, contra viros licet genere nobiles, tamen moribus pestilentes, M. quondam principem Tarentinum & UBERTUM PELAVICINUM Marchionem ejusdem socium & sequacem. Nos sanè, licet immeriti ad apicem apostolatus assumpti, dictis processibus evolutis, quamvis eorumdem evidens contumacia multis solidata contemtibus, non tam humanitatis gratiam, quam vindictæ rigorem exposceret, experiri tamen volentes an fidei radix aliqua in dictis contumacibus remansisset, terminos eis dedimus competentes, in quibus se nostro conspectui per se vel per procuratores idoneos præstarent, super hæreseos crimine, de quo dudum suspecti fuerant, justam sententiam audituri, nisi forsan infra eosdem terminos suam possent & vellent innocentiam congrua purgatione monstrare. Quod si velle & posse se dicerent, eisdem personaliter venientibus obtulimus securitatem plenariam ad nostram præsentiam accedentibus, morantibus inibi, & exinde recedentibus, & specialiter de carissimo in Christo filio nostro C. rege Siciliæ illustri, dum tamen eam requirerent tempore opportuno. Verùm in novissimo termino dicto M. præfixo, scilicet in festo Purificationis B. Virginis proximè jam transacto, vel infra eundem terminum dictus M. non venit, sed misit duos procuratores ad offerendum purgationem, quam aliàs per se fecerat, & suam absentiam excusandam, & prædecessoris nostri processus per quasdam calumnias impugnandos, & tandem nobis ac nostris fratribus extitit manifestum, dictum M. in novam contumaciam incidisse; dictus vero UBERTUS in hujus initio quadragesimæ, termino peremptorio sibi dato, nec venit nec procuratorem misit, nec excusatorem simplicem, utpote contemtor notorius sedis hujusce. Cumque de ferenda contra eos sententia ageretur, & omnes concorditer dicerent, dictum UBERTUM posse & debere pro meritis velut hæreticum condemnari, cum ex justis causis diu fuerit de hæretica pravitate suspectus, & forma generalis concilii servata fuerit contra ipsum; de M. cœperunt aliqui dubitare, an scilicet ex eo quod multo tempore claves Ecclesiæ contemserit, orta sit illa suspicio, de qua concilium loquitur generale. Unde variis varia sentientibus, aliis omnibus jam auditis, tuum consilium expectamus, discretionis tuæ per apostolica scripta mandantes, quatinus quod tibi videbitur nobis rescri-

**A** bere non postponas. His autem quæstionibus respondebis, an scilicet excusari possit M. absentia personalis propter hostem in januis constitutum, quem posset non hostem facere, si quod malè possidet bene dimitteret & consuleret. Item si petierit ad se mitti cardinales, vel alios coram quibus purgare se debebat, an sit ei hæc gratia facienda. Item an ex his quæ acta sunt contra ipsum, te in curia existente, possit à modo condemnari. Item an expediat etiam si liceret, & si licet & expediat, qualis sententia sit præferenda. Datum Perusii ix. calendas Martii anno secundo.

## EPISTOLA CCXXXIII.

Carissimæ in Christo filio C. regi Siciliæ illustri.

*Arguit eum, quod plus æquo tribuat Marchianis, mandatque ut benignè recipiat Foro-Simpronienfes.*

**A** Udimus quotidie quæ non placent, vel si vera sunt, quia mala; vel si falsa sunt quia falsa; quæ tamen in dubio tibi scribimus, ut advertas quid te facere deceat & expediat, & quid nobis debeas respondere. Dicitur quidem nobis, quod sic te in manus aliquorum de Marchia contulisti, ut ex eorum arbitrio pendeat tui tota censura judicii: qui quos volunt occidunt & spoliunt, vulnerant & affligunt, redemptiones ab eis recipiunt, nec prodest tui tutela præsidii, cui illi non deferunt, in quos volunt, & quantum & qualiter damnabili libertate grassantes. Sanè nuper tibi scripsimus, & nunc scribimus id expressius, quod fidelibus Marchianis nec in fidei suæ pretium, nec in suæ devotionis premium sanguinem dari volumus vicinorum, qui licet mali fuerint & rebelles, non sunt ab ipsis, sed à Romana Ecclesia puniendi, nec sub nostri favoris nomine procedentes ex odio fieri volumus ultiones. Quocirca dilectioni tuæ per apostolica scripta mandamus, quatinus hæc vel similia à nullo penitus attentari permittas, sed quos semel receperis, sic ab omnibus aliis tuearis, ac si semper in fide debita perstitissent, prout dictaverit æquitas apostolici censura judicii corrigendos. Demum volumus & mandamus, ut Foro-Simpronienfes ad nos, sicut asserunt, redire paratos benigne recipias, & tam juramentis, quam aliis cautionibus, quas idoneas esse credideris, adstringas eos de mandatis nostris ac tuis plenariè adimplendis, nec propter Favenses, vel alios hoc dimittas; non quia jura Favensium, quibus sumus in gratia debitores, mutilari velimus, sed quia justo tramite debent persequi quod petere justè potuerunt, nolumus vel ad modicum salutem hominum qui converti desiderant, impedire. Ad nos ante miserant, sed ut tuum servaremus honorem, eos ad te duximus remittendos. Datum Perusii vi. Calendas Martii anno primo.

## EPISTOLA CCXXXIV.

Ad definidores capituli generalis ordinis  
fratrum Prædicatorum.

*Scribit eis de pluribus ordinis gloriam & disciplinam  
spectantibus.*

Anno 1266  
Ex Ms. RP.  
Prædicatorum Tolos.  
**C**LEMENS episcopus servus servorum Dei dilectis filiis diffinitoribus capituli generalis ordinis fratrum Prædicatorum salutem & apostolicam benedictionem.

Circa curam gregis dominici, vestri videlicet ordinis multiplicem decet sollicitudinem adhiberi, ne quidquam in eo reperiatur incongruum, seu cuiusvis indecentiæ nota respersum, sed in omnibus circa ipsum splendor honestatis eluceat, quò in sui nitore delectetur Altissimus & ecclesia generalis exultet. Interest itaque nostra super his juxta commissum nobis ministerium sollicitè providere, sicque solertis diligentiae studium impertiri, ut ad Dei laudem & gloriam, ad felicem statum ipsius ordinis, quæ ad eum pertinent salubriter dirigantur. Cum igitur nuper fuerint nobis quidam articuli recitati in plerisque dictum ordinem contingentes, illos fecimus præsentibus annotari, ut eis diligenter inspectis, quid honestius, quid utilius, quidve salubrius sit in illis agendum plenius & maturius discernere valeatis. Dicti autem articuli tales sunt, quod fratres ejusdem ordinis quos necessario deputari contigerit ad morandum in domibus prælatorum seu quorumcumque magnatum sint maturitate præditi, discretionem præclari, moribus & vita probati, quorum conversatio laudabilis ædificet per exempla virtutum: & si qui sunt in hujusmodi domibus positi de quorum vita seu conversatione meritò dubitetur, vel eis contrarium forsitan appareat, revocentur ad claustrum, & eorum loco magis idonei deputentur. Fratres quoque sine magistri licentia & urgentissima necessitate seu evidentissima causa & utili ad sedem apostolicam non accedant, nec se notabiliter ingerant curiis prælatorum. Adjicitur etiam, quod fratres cum teneantur in humilitatis spiritu se cunctis exhibere pacificos, ecclesiarum prælatos, in quorum civitatibus seu diocesibus commorantur, nullatenus scandalisent: sed potius circa eos se habeant reverenter. Præterea discreti fratres atque periti deputentur ad audiendum confessiones, & prædicationis officium exercendum, & à talibus ministeriis minus idonei retrahantur. Studium insuper in ordine vigeat, maximè Parisius, Bononiæ, ac in locis aliis ubi vigere consuevit studium generale: ibique de doctoribus & magistris, qui fuerint magis sufficientes & idonei, debeat provideri. Inter fratres cuiuslibet provinciae servetur honestas, sanctimonia, zelus animarum, correctio, disciplina, observantiarum norma regularium, & concordia unitatis. Ceterum circa recipiendos ad habitum regularem cautela diligens habeatur, ne insufficientes scien-

**A**tia vel moribus admittantur: ex quorum receptionibus ordo venire valeat in contemptum. Ad hoc discursus inutiles & familiaritates notabiles, ex quibus eidem ordini succrescere nota possit infamiæ, penitus evitentur. Ideoque discretionem vestram monemus & hortamur in Domino, vobis nihilominus per apostolica scripta mandantes, quatinus super eisdem articulis existentes circumspecti, diligentes, & providi circa eos consulta deliberatione providere statuatis quod ad salubrem ejusdem ordinis statum videritis pertinere. Ita quod sit vobis ad commendationem & præmium, si digni fructus ex sollicitudine vestra perveniant, quam in hac parte paternis inducti monitis duxeritis adhibendam. Datum Perusii vi. Kalendas Martii Pontificatus nostri anno ii. anno Domini MCCCLXVI.

## EPISTOLA CCXXXV.

Ad capitulum generale ordinis Prædicatorum.

*Commendat eorum precibus ecclesiæ necessitates.*

**C**LEMENS episcopus servus servorum Dei dilectis filiis & capitulo generali salutem & apostolicam benedictionem.

Anno 1266  
Ex Ms. RP.  
Prædicatorum Tolos.

Innuat sacræ lætationis eloquium, quod ordo vester, veri filii, urbem fortitudinis representat, quam justa gens apertis portis ingreditur, custodiens veritatem: vobis enim justitiæ zona præcinctis, janua misericordiæ cælestis aperitur ad gratiam, dum summæ veritatis, quæ Christus est, mandata servatis, & eorum observantiam summo opere custoditis, eundem ordinem velut tabernaculum suum Altissimus & in eo sibi habitaculum præparavit, constituens lucernam in populis viam salutis & gratiæ fidelibus ostensuram, qui quasi sol in Dei templo resurgens, & quasi cipressus in altitudinem se extollens respicientium eum mentes illuminat, & quietis umbraculum sub mundanæ miseriæ sarcina fatigatis. Hic est ager dominicus superioris benedictionis rore perfusus, requirens cultores industrios, pudicitiae nitore præclaros, argumentosa probitatis munera præditos, nullius inquinamenti labe respersos; ut milites in terris triumphare mereantur in cælis, & currentes in solis studio beatitudinis æternæ brachia apprehendant. Hic est profecto fertilitatis ager fructus uberes proferens. Nam semina in ipso sparsa non pereunt, flores editi non arescunt, & tamen ex multiplicatis manipulis graminum gloriæ colliguntur. Propterea ordinem ipsum quem sic in domo Domini præluere conspiciamus, tenerrimè diligimus, & corde tenemus, paterna circa eum sollicitudine vigilantes, ut protegatur à noxiis, salubria semper suscipiat incrementa, & caritativæ pacis effluat ubertate. Ut ergo erga cultum divini nominis constituti, quid saluti animarum expediat, quid honori debeat ecclesiæ, quidve præfati ordinis felix status exposcat, juxta vobis datam divinitus gratiam ex propriis diligentius & intelligentius



colligatis, debito tamen officii pastoralis inducimur, filiales affectus etiam patris & ejusdem ecclesiæ beneplacitis vestra in his studia se coarcent in eo promptioribus ad illa prosequenda studiis consurgentes, ad promissionis illius in cuius humilitatis obsequio securius percurratis. Ideoque universitatem vestram rogamus & obsecramus in domino JESU-CHRISTO, quatinus Verbum Domini, quod non est gerendum labiis alligatum, ex cuius operatione corda fidelium expiantur vitiis, & virtutibus muniuntur, prout desursum industriæ nostræ permittitur, in gentibus effundatis. Ceterum cum ecclesiam Dei variis in diversis partibus vexatam contumeliis, dirisque flagellis suorum persecutorum immanitate concussam, devotorum intercessionibus deceat adjuvari, sui sponsi misericordiam suppliciter imploretis, ut tempestuosa procellarum turbine quiescente, ad tranquilla tempora felicitis auris serenitatis perveniat, & ab hostium formidine, Deo propitio, liberata respiret. Inter cetera vero convenit nostris insidere præcordiis, ut caritatis & unionis vestræ funiculus sicut alimento veræ pacis & inviolabilis concordiae foveatur, qui nullam sui partem cuiusvis debilitatis seu commotionis compulsus, quin potius illæsus & stabilis nullius corruptionis maculam habiturus perpetuo conservetur. Super quo sunt vobis in speculum & exemplar illius almi merita confessoris, qui prædictum ordinem instituit, institutum coluit, & cultum claritate beatitudinis illustravit. Profecto quæ vobis scribimus ex intimi affectus caritate procedunt, ut quanto laudabiliores & utiliores in domo Dei fructus feceritis, sub assumpto ministerio servitutis, tanto magis matrem ecclesiam, quæ multipliciter in vobis exultat, devotio vestra lætificet, & plenius apud divinam clementiam vestris meritis præsentatis quod promissum est benedictionis filiis ad perennem gloriam præparetur. Datum *ut supra*.

## EPISTOLA CCXXXVI.

Caroli regis Siciliæ ad Clementem papam IV.

*Certum eum facit de victoria à se de Manfredo reportata.*

Anno 1266

**S**anctissimo in Christo Patri ac Domino suo C. divina providentia sacro sanctæ Romanæ Ecclesiæ & universalis Ecclesiæ Summo Pontifex CAROLUS Dei gratia &c. cum omni reverentia & honore devota pedum oscula beatorum.

Multum meis reputans successibus adjici, si Romana mater Ecclesia de felicibus filii processibus, in quibus sua causa provehitur, certa fiat. Ecce significo vobis ad gaudium, quod postquam MANFREDUS publicus hostis, victus olim apud S. Germanum, à Capua quoque, ubi se

**A** jactabat velle resistere, confusus abscessit, accepi quod idem hostis cum suarum reliquiis virium, quæ de S. Germano per fugam evaserant, profugus per terram Laboris se transtulit Beneventum. Ego autem meas (a) continuando dietas per (b) Aliphanos & Telesinos campos contra hostem ipsum, omisso itinere Capuæ, duxi in cælestis virtute præsidii procedendum: sicque factum est, quod die Veneris xxvi. præsentis mensis Februarii, quodam desiderio perveniendi citius Beneventum, meum meorumque animos stimulante ac viarum & passuum multorum difficultatibus & asperitatibus, quales vix transiveramus antea, superatis, ad montem quemdam perveni, unde subjectus & admodum patens campus ordinatas jam hostium acies ostendebat. Propter quod ego licet equos commilitonum meorum præ malitia & longitudine itineris cognoscerem plurimum fatigatos, & propterea ad sustinendum pondus prælii minus aptos, instructis tamen meis in illius nomine, cujus agebatur negotium, (c) aciebus, ex adverso ad pugnam processi, & quamvis per magnam horam fuerit utrimque pugnatum, cedentibus tamen divinæ potentiae, non meis viribus, duabus prioribus hostium aciebus, omnes aliæ cum non confiderent aggredientium posse impetum sustinere, se fugæ remedio commiserunt, factaque est in ipso prælio hostium tanta strages, quod celant campum oculis superjacentia corpora occisorum, nec tamen omnes fugientes fugæ (d) remedium salvos fecit, quin major pars fugientium in gladio nostrorum ipsos persequentium eò copiosius ceciderit, quò dispersius fugiendo, nec unus tuebatur alterum, nec eis locus ad quem fugerent apparebat. Magnum ergo numerum captivorum ad carcerem nostrum hujusmodi bellicus eventus adduxit, inter quos JORDANUS & BARTHOLOMÆUS dictus SIMPLEX, qui nomen sibi comitum hactenus (e) usurparant, eorumque fratres, nec non & (f) PERUSINUS de Florentia perfidissimus Gibellinæ factionis auctor in vinculis detinentur. De his qui de (g) primoribus partibus partis adversæ in prælio corruerunt, certam nondum habentes notitiam, nihil vobis exprimimus, propter festinam præsentium missionem, licet GALVANUS & (h) HENRISNETUS dicti comites mihi à pluribus asserantur in ipso prælio corruisse. De MANFREDO verò utrum ceciderit in conflictu, vel captus fuerit, vel evaserit, certum adhuc id non habetur. Dextrarius tamen armatus, cui insedisse dicitur, & quem habemus, sui casus affert non modicum argumentum. Hæc igitur quæ de manu Domini me suscepisse cognosco, ideo Beatitudini Vestræ denuncio, ut omnipotenti Deo, qui per ministerium meum Ecclesiæ causam prosequitur, devotas pro tanto triumpho gratias referentes, certam spem & fiduciam habeatis, quod eradicatis de regno Siciliæ scandalis & seminariis scandalorum, illud ad antiquam & consuetam devotionem Roma-

(a) *Al.* Continuandas.

(b) *Al.* Alefarcos.

(c) *Al.* Copiis.

(d) *Al.* Refugium.

(e) *Al.* Usurpaverunt.

(f) *Al.* Petrus Afinus Trecentis vero pessimus.

(g) *Al.* Prioribus.

(h) *Al.* Hunrigertus. *Al.* Henriquetus. *Al.* Henrignetus.

na Ecclesiæ plenè reducam, ad laudem & gloriam divini nominis, exaltationem & pacem ipsius Ecclesiæ, & incolarum ejusdem regni statum prosperum & tranquillum. (a) Data Benevente xxvii. Februarii, indictione viii. Regni nostri anno 1.

## EPISTOLA CCXXXVII.

Dilecto filio S. tituli S. Martini presbytero cardinali in Marchia Anconitana & ducatu Spoleti rectori apostolicæ sedis legato.

*Ut quid sit rei de postulatis Marchianorum investigans sibi renunciet.*

Anno 1266

**N**osti, fili, quantum expenderit nostro & prædecessoris nostri temporibus Ecclesia Romana in volubili Marchia, quibusque fuerit oneribus aggravata. Quamobrem in hoc tempore acceptabili vigilandum est nobis & tibi, ut & nostra procuretur indemnitas, & malorum edometur audacia, & in paucis fidelibus quantumlibet modica fides nutriatur. Sanè postulantibus Marchianis, ut & perfidi punirentur, & fidelibus super damnis eis illatis provisio fieret, opportuna nostra fuit responsio, quod sciremus prius per te conditionem provinciæ, culpasque delinquentium, & prout æquitas suaderet, nec misericordiam prorsus evacuans, nec justitiam usquequaque dissolvens, cum tuo & aliorum fratrum nostrorum consilio viam Deo acceptam & universis utilem sequeremur. Tu ergo quem experientia docuit, de negotii circumstantiis caute in omnibus ambulans, vide ne conditiones reversuris vel reversis concedas, quæ nostram contrahant libertatem, & cum universa diligenter appenderis, certiorabis nos de singulis, & nostram postmodum vel recipiens per epistolam vel per nuncium audiens voluntatem. Illud quidem placere non potest, quod ad beneplacitum Marchianorum, quantumcumque fideles fuerint, in puniendis procedatur excessibus; sed simpliciter redeuntes recipias absque pacto; nec permittas ab ipsis fidelibus in personis vel rebus damnificari reversos: sed nostrum in omnibus expectetur judicium circa ista, quod te tuo consilio præ omnibus aliis volumus & proponimus moderari. Datum Perusii (b) calendis Martii anno 11.



(a) Al. Plures mss. legant anno 11. sed mendose, nisi annum Regni Caroli secundum incipiant ab initio anni Incarnationis Dominicæ, non ab initio anni quo regno Siciliæ investitus est.

(b) Al. x. Calendas.

## EPISTOLA CCXXXVIII.

Simoni cardinali apostolicæ sedis legato.

*Mittit ei Caroli regis Siciliae litteras de Victoria ab ipso in Manfredum reportata.*

**C**LEMENS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Offerimus in sacrificium laudis Altissimo vitulum labiorum, quod ipse de suæ pietatis plenitudine, quæ merita supplicum excedit & vota, sanctam matrem Ecclesiam & fideles ejus ineffabilis oculo misericordiæ benignè respiciens, & in ipsa carissimum in Christo filium nostrum C. illustrem regem Siciliae immensitate supernæ virtutis exaltans, nuper eidem regi gloriosam dignatus est contra MANFREDUM quondam principem Tarentinum Ecclesiæ inimicum tribuere victoriam, non humanæ virtuti, sed divinæ dono clementiæ potius adscribendam. Ut igitur de qualitate negotii & serie veritatis plenior notitiam tua sinceritas comprehendat, tenorem litterarum quas super hoc 111. calendas instantis mensis Martii ab eodem rege per suum nuntium specialem recepimus de verbo ad verbum notatum in cedula præsentibus interclusa, ut exultes plenius in Domino gaudiis, tibi duximus cum ingenti lætitia destinandum. Datum Perusii 111. nonas Martii Pontificatus nostri anno 11.

## EPISTOLA CCXXXIX.

Dilecto filio S. tituli S. Martini presbytero cardinali Marchiæ Anconitanæ & ducatus Spoleti rectori apostolicæ sedis legato.

*De regis victoria & aliis pluribus ipsi scribit.*

**Q**uod scripsisti, dilecte fili, de exactione poenarum in octavam Paschæ qua te cum Marchianis habiturum generale colloquium polliceris, quo fructu vel fide scripseris ignoramus, quia nec aperis quid in eodem attendas facere parlamento. Sanè si prorsus est, aut esse creditur infructuosa dilatio, tempus perdere non est bonum. Quod si forsan eam utilem æstimas, bonum credimus quod nobis per litteras vel per nuntium utilitatem exponas, quamvis satis hoc dubium videatur radicitus amovisse. Felix victoria regis nostri, qui prostratis equis & turribus Pharaonis, captisque bellatorum capitibus vel peremtis, non solum quæ reperit in campo certaminis, sed etiam elata dudum per totam Italiam confregit cornua peccatorum. Tempus quidem imminet amodo ad eum qui te misit, triumpho jam habito, revertaris, quod adhuc tibi præcisè non scribimus: sed tamen volumus quod à vacantium & vacaturorum

- (a) beneficiarum (a) collationibus, & procuratio-  
nibus exigendis ab Ecclesiis, quas non visitas,  
ex nunc abstineas, cum sint pauperrimæ, & de  
multis oneribus conquerantur. Demum de no-  
stris proditoribus, qui in civitate Firmanensi  
sibi præsidium elegerunt, breviter tibi scribi-  
mus, quod si jurare voluerint & dare castrorum  
suorum idoneas cautiones, eos recipias; quorum  
aliqui, prout dicitur, jam rediissent, nisi tui  
motum animi præsensissent; quod tamen non  
expedit hoc tempore, cum omnes, quantum-  
cumque fuerint hætenus cervicosi, ad mandata  
nostra venire oporteat, vel voluntarios vel in-  
vitos. Ceterum quæ superius super his scripsi-  
mus, à quibus te velimus abstinere, nulli com-  
municasse nos noveris, sed secretius pan-  
(b) denda decrevimus, ut tibi liceat (b) illud ex  
compassione dimittere, quod teneris ex supe-  
rioris voluntate vitare. Demum à Perusio quàm  
citò poterimus recessuri, elegeramus nobis de  
(c) fratrum consilio Viterbii mansionem, sed (c)  
exaratis conditionibus & juratis, publicata post-  
modum regis victoria tam solemni, suspendi-  
mus nostrum propositum, cum multis ex fra-  
tribus videatur eundem in Campania, quod  
cum fuerit solidatum, discretioni tuæ curabi-  
mus intimare. Datum Perusii 11. nonas Martii  
anno 11.

## EPISTOLA CCXL.

Archiepiscopo Narbonensi & ejus suffraganeis. D

*Ut gratias Deo referant de reportata à  
Carolo rege in Manfredum victoria.*

Anno 1266

Missam de cælo victoriam carissimo in  
Christo filio nostro C. regi Sicilia illustri,  
& in ipso Ecclesiæ sanctæ suæ, fraternitati ve-  
stræ ad exultationem & gaudium duximus inti-  
mandam. Cum enim Rex idem & gloriosus  
ejus exercitus villam S. Germani, quæ inexpu-  
gnabilis credebatur, multis nobilibus & poten-  
tibus per suas turmas & acies ad ipsius defensi-  
onem dispositis, divina favente gratia, subactis  
hostibus, potenter intrassent, & multis Sara-  
cenis & aliis tam Teutonicis quam Lombardis  
occisis, versus Capuam properassent, ubi sibi præ-  
sidium elegisse M. audierant quondam Princi-  
pem Tarentinum; idem M. eorum adventum  
intelligens & viciniam ægre sustinens, relicta  
(d) Capua, se statim (d) transtulit Beneventum.  
Sanè Rex dictus cum persequens è vestigio, ad  
partes protinus Beneventanas se transtulit cum  
toto suo exercitu, viarum asperitate gravatus,  
& tandem sexta feria ante Dominicam quæ can-  
tavit Ecclesia *Oculi mei ad Dominum*, exivit ei  
obviam dictus hostis in multitudine nobilium ac  
magnatum, equitum & peditum in multa super-  
bia vexillis erectis, & prudenter dispositis acie-  
bus, sicque facto utrimque congressu, juxta  
missæ introitum ea die cantatum, signum in

(a) Al. Collectionibus.

(b) Al. Velut.

(c) Al. Exjuratis.

(d) Al. Contulit.

A bonum fecit Dominus regi nostro, dans ei no-  
bilem & felicem de inimico triumphum, in quo  
MANFREDUS idem cum GALVANO comite,  
multique alii milites & pedites, quorum nu-  
merus magnus dicitur, vitam malam morte pes-  
sima terminarunt, captis ibidem JORDANO &  
BARTHOLOMÆO comitibus, & fratribus ac  
nepotibus eorum, & multis aliis quorum no-  
mina ignoramus. Persuademus igitur vobis non  
de strage tot hominum, non de sanguinis effu-  
sione gaudendum, sed de prostrata malorum  
B superbia & exaltatione bonorum. Ex hoc  
enim spoliata restituntur ecclesiæ, redu-  
cuntur exules innocentes, cadit perfidia, sur-  
git fides, refloret Tuscia, tota demum Italia re-  
viviscit, levatur Achaia, Terra sancta respirat.  
Hujus igitur auctori victoriæ Deo vivo, qui tam  
misericorditer quàm potenter, tam magnificè  
quàm benignè suam in hoc negotio respexit  
Ecclesiam, gratias agite, & levatis in cælum  
manibus, ei devotissime supplicate, ut suæ dona  
C continuans largitatis, cœptum tam honorificè  
suum & Ecclesiæ suæ negotium consummare  
dignetur, & gentem perfidam de credentium  
finibus auferat, & suis fidelibus barbaras subi-  
gat nationes. Ceterum præter commune gau-  
dium, quod in istis successibus nobis offertur, ex  
honore Ecclesiæ matris vestræ, in hoc nihilo-  
minus vobis credimus esse lætandum, quod  
quicquid in hujus negotii contulisti subsidium  
tam salubriter quàm utiliter est expensum, ut  
nec de persoluta decima murmurare vos deceat,  
nec difficiles vos reddere oporteat in solvenda.  
Datum Perusii viii. Idus Martii anno 11.

## EPISTOLA CCXLI.

Carissimo in Christo filio regi Franciæ illustri.

*Quod semper sit paratus justè postulata ei  
concedere.*

E Hanc in nobis, fili carissime, te volumus ha-  
bere confidentiam, quod quæcumque à  
nobis petieris, ea semper maturitate liberabimus,  
ut quæ pia & utilia, & tuæ utilitati accommodata,  
& aliis non damnosa viderimus, tibi sine difficul-  
tate aliqua concedamus. Quod si perpenso judicio  
interdum aliqua non admittimus, certum ha-  
beas, quod ad id nostræ deliberationis calcu-  
lus terminatur, ut plus nobis & tibi consulere  
id negando credamus, quàm si daremus liberè  
postulata, & si forsitan tibi contrarium videretur,  
non erubescas patris sequi judicium in hac  
F parte, qui sincerè tuam diligit animam & ho-  
norem tuum & regni, suæque salutis non im-  
memor, sic cupit gratiofus esse principibus, &  
tibi principaliter inter ipsos, ut principum Do-  
minum non offendat, cujus solius judicio stat aut  
cadit. Verùm si quid tibi negatum videris, quod  
tuum mordeat animum, & in aliquam admira-  
tionem inducat, scribe nobis & plenam tibi red-  
demus de omnibus rationem. Datum Perusii vii.  
Idus Martii anno 11.

Anno 1266

EPISTOLA

## EPISTOLA CCXLII.

Nobili viro Barralo Domino Baucii, Potestati  
Mediolanensi Spiritum consilii sanioris.

*Ut nuncium ad regem mittat optatam ab eo gratiam  
petiturum.*

Anno 1266

(a) **C**arissimo in Christo filio nostro C. regi Sici-  
liae illustri pro te nos dudum scripsisse no-  
veris, ut vel te ad suam (a) vocaret praesentiam,  
vel militiae illi praeficeret quam Mediolanum  
mittere tenebatur, vel aliter sicut vellet dispo-  
neret, te à civitatis Mediolanensis regimine li-  
berato: qui postmodum per suas nobis rescriptis  
litteras, quod procuremus dilectum filium no-  
bilem virum PHILIPPUM DE MONTE-FORTI  
post te in civitate eadem fieri Potestatem, & sic  
tu liberè ad eundem posses accedere in suo  
cum aliis obsequio permanens. Nos vero dili-  
gentius attendentes minus plenè nobis respon-  
sum, quodque nobis non erat possibile, nec ad  
nos aliquatenus pertinebat talia procurare, no-  
luimus tibi haec scribere, sperantes per alios  
aliquid melius obtinere, quod quia non possu-  
mus discretionis tuae consulimus, quatenus his  
pensatis, quid tibi fuerit agendum diligenter  
attendas, tu super his nuncium proprium ei mit-  
tas, nunc enim post obtentum de hostibus tam  
insignem triumphum, nullo penitus resistente,  
contentus esse valeat paucioribus, dabit tibi  
fortasse licentiam, eo viso ad propria redeundi.  
Sic tibi scribimus, quia scire te credimus datam  
sibi de cælo victoriam, in qua omnes ejus ini-  
mici cum capite sunt prostrati, in qua etiam tuus  
filius in prima acie cum PHILIPPO praedicto &  
(b) Marefcallo de Mirapice (b) Capitaneus hono-  
rem tuum & tui generis dicitur promovisse.  
Datum Perusii vi. Idus Martii anno 11.

## EPISTOLA CCXLIII.

Simoni cardinali apostolicæ sedis legato.

*Ut Romanis mercatoribus quinque librarum millia  
& quingentas solvat.*

Anno 1266

**C**LEMENS episcopus servus servorum Dei  
dilecto filio S. tituli S. Cecilie presbytero  
cardinali apostolicæ sedis legato salutem &  
apostolicam benedictionem.

Attendentes quod carissimus in Christo filius  
noster C. Siciliae rex illustris de pecunia dilec-  
torum filiorum Johannis Toque ac Johannis  
Calixti, suorumque sociorum civium & merca-  
torum Romanorum gratum in sua recepit op-  
portunitate succursum, quodque propter hoc  
bona Ecclesiarum Urbis sub duris & gravibus  
conditionibus sunt eisdem mercatoribus obli-  
gata, decet & expedit attentam sollicitudinem  
adhiberi, ut ipsis creditoribus celeriter de suis

(a) *M. Revocaret.* (b) *M. Capitaneum.*  
*Theauri Anecd. Tom. II.*

**A** creditis satisfiat: tum quia ecclesiarum praedictarum,  
si satisfactionem retardari contingeret, gravis-  
simis dispendiis subjacerent, & tum etiam quia  
rex praefatus apud nos per suas speciales litteras  
preces interposuit efficaces, ut pro satisfactione  
dictorum mercatorum, tam pro liberatione  
ipsarum ecclesiarum, quam ut eos inveniat op-  
portunis temporibus circa sua beneplacita prom-  
tiores, tibi scribere curaremus: ideoque discre-  
tioni tuae per apostolica scripta mandamus, qua-  
tenus de sex millibus librarum & quingentis  
libris Turonensibus quas memorati mercatores  
super possessionibus earumdem ecclesiarum mu-  
tuasse noscuntur, de proventibus decimæ dicto  
regi concessæ in statuto super hoc termino di-  
ctis mercatoribus debitam satisfactionem im-  
pendas: ita quod in hac parte ipsius regis bene-  
placito satisfiat, & eadem ecclesiarum ab obliga-  
tionis onere liberentur ab eisdem mercatoribus  
vel eorum procuratore plenum ad hoc man-  
datum habente, plenaria Ecclesiarum Romanarum  
nomine de praemissis refutatione recepta, & fa-  
cias super ipsa refutatione fieri publicum instru-  
mentum, cassatis nihilominus & annullatis om-  
nibus obligationibus factis & habitis, ac restitu-  
tis quibuscumque instrumentis & litteris, super eis-  
dem debitis & obligationibus sub quavis forma  
& verborum conceptione confectis. Licet autem  
per quamdam importunam precum instantiam  
mercatorum Senensium tibi mandasse dicamur,  
ut eos aliis in debitorum satisfactione praeferes;  
volumus tamen, hoc non obstante, jam dictos  
Johannem Toque, Johannem Callixti, & eorum  
socios, ac alios etiam mercatores Romanos,  
quibus praedictarum ecclesiarum possessiones  
sunt pro hujusmodi debitis obligatae, cum in  
contractibus habitis tempore aliis sint priores,  
in debitorum eorumdem solutione ceteris ante-  
poni, ut dicti regis beneplacitum impleatur, &  
maximè quod dictarum ecclesiarum periculum  
evitetur. Datum Perusii v. Idus Martii Ponti-  
ficatus nostri anno 11.

E

## EPISTOLA CCXLIV.

Dilecto filio nobili viro comiti Augi.

*Annunciat ipsi gloriosum regis Caroli de hoste  
triumphum.*

**A** Carissimo nostro in Christo C. illustri rege Anno 1266  
Siciliae nuper habitum de hoste trium-  
phum, nobilitati tuae duximus intimandum.  
Cum Rex idem capta villa S. Germani in manu  
potenti, victis ibidem multis comitibus, cum  
Sarracenis & Teutonicis, qui villam eandem  
munierant, versus Beneventum, subactis locis  
mediis, processisset, tandem vi. feria ante Do-  
minicam qua cantatur *oculi mei semper ad Do-  
minum* cum hoste praedicto, M. scilicet quondam  
principe Tarentino campum intrans certaminis,  
felicem obtinuit, Domino favente, victoriam,  
ipso M. cum multis nobilibus ibidem perempto,  
multisque captis aliis & occisis. Nos igitur de  
T

(a) Divinæ gratiæ beneficiis, non de sanguinis effusione lætantes, tanti successus gloriam, cujus te facit participem sanguis regius, cujus generosa communio te decorat, eò libentius aperimus, quò te devotius in exaltatione Romanæ Ecclesiæ & ejusdem regis Siciliæ honori (a) victoriosè gaudere gaudemus; & nos quod in Hispaniæ partibus te accepimus carissimo in Christo filio nostro regi Castellæ illustri fideliter adstitisse, & nominis Christiani gloriam procurasse viriliter & promovisse feliciter cum eodem. Datum Perusii iv. Idus Martii anno 11.

## EPISTOLA CCXLV.

Dilecto filio nobili viro comiti Picaviensi & Tholosano.

*Decimam pro negotio terræ sanctæ ipsi dare recusat.*

Anno 1266

**P**er dilectos filios J. de Nantolio militem & Guichardum clericum tuum petitiones tuas audivimus & exaudivimus bono animo. Si quas autem repulimus aut suspendimus; scire debeas viam nos illam in omnibus elegisse, quam magis gratam Deo credidimus, nostroque statui & præsentis temporis conditioni opportunam. Sanè circa tuum subsidium pro negotio terræ sanctæ, nec videre potuimus, nec videmus, quod de decima ecclesiæ Gallicanæ provisio tibi fieri posset, ad quam prælati & clerus non inveniuntur ultronei, nec esset expediens eos cogi, quibus ita deferimus, quos etiam pro inculcatis eisdem omnibus adeo supportamus, ut ad eorum beneficia obtinenda juxta prædecessorum nostrorum consuetudinem minimè procedamus. Quo fit ut molestè ferre non debeas, si pro tuis beneficiandis clericis ad præsens dare nolumus litteras postulas, quod quidem præsentis temporis minimè congruebat: & si quid in hoc tuum mordicat animum, amore nostri id ferre te volumus patienter. Datum Perusii iv. Idus Martii anno 11.

## EPISTOLA CCXLVI.

Dilectis filiis Magistro & fratribus hospitalis S. Johannis Jerosolymitani.

*Ferrandum priorem S. Ægidii apud se retinet.*

Anno 1266

**R**egionum magna distantia, cui non parum adjicit immensa pelagi vastitas interjecta, vobis & aliis transmarinis multa de statu personarum occultat, quæ in his partibus converfantur: quo fit, ut plerumque scribere vos oporteat tamquam veritatis ignaros, quæ minimè scriberetis, si expeditum haberet & liberum ad vos veritas ipsa volatum. Sanè cum nuper ad nostrum pervenisset auditum, vos dilectum filium fratrem Ferrandum priorem S.

(a) Al. Victoriofo.

**A** Ægidii ad vestram præsentiam evocasse, nos diligentius attendentes moram ejus in prioratu prædicto fuisse & esse vobis & vestræ domui fructuosam, & expedire credentes eum in suis partibus remanere, procuraturum, sicut & hactenus, ordinis vestri negotia in administratione vestra præcipuè, quam patenter & laudabiliter ampliavit: considerantes insuper personæ suæ statum, qui laboris remissionem hujusmodi merebatur, eum duximus retinendum: præcipientes eidem in nostra præsentia constituto, quod ad suum regrediens prioratum, & in devotione solita perseverans, ad directionem eorum quæ ad passagium imminens pertinebant, nec non & alia sibi commissa negotia explicanda opem daret & operam efficacem. Vos igitur, ut benedictionis filii, paternum judicium amplectentes, excusatum habebatis eundem, cujus industriæ fructum non modicum, sicut probastis pluries, sic & ad hoc dante Domino sentietis. Nos, qui personam ejus sinceræ caritatis brachiis amplectimur, ordinem vestrum, quem semper dileximus, personæ ipsius intuitu, si cara vobis fuerit, ut decuerit, magis ac magis favente Domino diligemus. Datum ut supra in proxima.

## EPISTOLA CCXLVII.

Dilecto filio Ferrando priori domus S. Ægidii hospitalis S. Johannis Jerosolymitani.

*Remittit eum ad suum prioratum.*

**C**um dilecti filii magister & fratres hospitalis S. Joannis Jerosolymitani te ad suam, prout nuper accepimus, præsentiam evocassent, præcepto tibi dato in instantis mensis Augusti passagio transfretandi; nos diligentius attendentes moram tuam in commisso tibi prioratu fuisse & esse ordini tuo admodum fructuosam, & nobis & aliquibus necessariam, considerantes etiam personæ tuæ statum, qui laboris remissionem hujusmodi merebatur, te in nostra præsentia constitutum in cismarinis partibus duximus retinendum. Quocirca discretionis tuæ per apostolica scripta in virtute obedientiæ districtè præcipiendò mandamus, quatenus ad prædictum rediens prioratum, & in devotione, cura, & sollicitudine solita perseverans, ad ipsius negotia utiliter promovenda adeo studiosè intendas, quod per tuum studium & ordo tuus in illis partibus auctore Domino suscipiat incrementum, & Dei ac sanctæ sedis apostolicæ gratiam perinde uberius merearis, nec transgressionis culpam vel notam timeas, à qua te penitus liberum esse volumus in hac parte, de plenitudine apostolicæ potestatis, cui cedit sicut & subjacet inferiorum auctoritas prælatorum. Datum Perusii 11. Idus Martii anno 11.





## EPISTOLA CCXLVIII.

Patriarchæ Jerosolymitano.

*Ut possit dispensare super gradu consanguinitatis  
inter filiam regis Armeniæ & filium Balduini  
de Bilmo matrimonium contrahere volentes.*

(\*) **P**rovidentia sedis apostolicæ magnitudinem excellentium personarum advertens, & attentè considerans quod eorum inclyta devotio favoris & gratiæ plenitudinem promeretur, dignum & congruum reputat, immo potius debitum arbitratur, eis gratiosè concedere, quod nonnumquam aliis interdixit, maximè cum speratur quod gratia quæ illis impenditur, ipsas Ecclesiæ Romanæ devotiores efficiat, & quod eorum obsequiosa devotio terræ sanctæ utilitatis efferat incrementum. Cùm itaque, sicut ex parte carissimi in Christo filii regis Armeniæ illustis, & dilecti filii nobilis viri Balduini de (a) Bilmo fuit propositum coram nobis, & dilecta in Christo filia puella nata regis ejusdem, & dilectus filius natus præfati B. consanguinitatis & affinitatis tertio & quarto gradibus invicem se contingant, nos eorundem regis & nobilium precibus inclinati, fraternitati tuæ præsentium auctoritate committimus, ut si quod de gradibus eisdem proponitur veritate nitatur, & aliàs ejusdem terræ statui videris expedire, cum præfatis puella & nato, quod, impedimento hujusmodi nonobstante, possint ad invicem matrimonialiter copulari, auctoritate nostra dispenses. Datum Perusii xvi. Calendas Aprilis anno ii.

## EPISTOLA CCXLIX.

Dilecto filio Martini S. tituli S. Marchiæ Anconitanæ & Ducatus Spoleti rectori,  
apostolicæ sedis legato.

*De variis ipsi scribit negotiis.*

ANO 1266 **L**icet nuncii Firmanorum, si vera dicerent, justa petere viderentur; quia tamen nec eis, nec aliis in honoris tui præjudicium credimus, increpatos de factis præteritis, & in præsentibus non auditos, ad tuam prudentiam duximus remittendos. Sanè dicebant se quodam castro à te contra justitiam spoliatos, & quod eis mandata dederis sub pœnis gravibus, de quibusdam eorum nobilibus civibus expellendis, & quod Potestati eorum, qui de tuo beneplacito Firmanensis civitatis assumerat regimen, potestariam trium castrorum abstuleras, licet municipes eorundem, quibus, ut asserunt, ex consuetudine competit, eum sibi in rectorem concorditer elegissent. Tu igitur in his omnibus diligenter attendens, quid liceat, deceat, & expediat, sic jura conserves Ecclesiæ, ut non

(a) Al. De Lihunio. Al. De Ibilino. Al. De Lisbuino.  
*Theauri Anecd. Tom. II.*

**A** præjudices juribus alienis. Dictos autem nobiles licet dicantur pessimi proditores, ad mandata potes admittere cum idoneis cautionibus, & postquam idoneè caverint, si tranquillitati provinciæ videris expedire, eosdem punire poteris vel multare, & à tota provincia, vel parte ejusdem relegare perpetuò, vel ad tempus, prout tibi videbitur opportunum. Quia verò nuper scripsisti, quod tibi videbatur expediens condemnationes differri, donec indictum cum Marchianis tenueris parlamentum, nullatenus te omittere volumus, quin (b) colligationes inter civitates & castra per barones factas casses & irrites, & sub multa gravissima inhi-beas faciendas, & volumus quod vel ante parlamentum vel statim postea, unum de tuis iudicibus nobis mittas, qui nobis aperiat contra quos & in quantum intendas procedere, ut nostro firmatus consilio, procedas in omnibus confidentius, & ut nos promptius eis silentium possumus imponere, qui processus tuos infringere postea molirentur. Verùm potestatem & ambassiatores Camerinensium monuimus, ut episcopum suum recipiant, & honore debito prosequantur, discretionis tuæ per apostolica scripta mandantes, quatenus tu super hoc ipsi commune moneas, & si nostris ac tuis monitis obtemperare noluerint, ad id omnes & singulos ecclesiastica censura compellās. Ceterum ægrè ferimus plusquam credas, quod RAYNALDUS, in suis confidens clamoribus, in nostram evidentem injuriam, per ignem & gladium cives Callenses molestare præsumit, & quamvis super hoc aliàs tibi scripserimus, tu tamen eum compescere noluisti. Ideoque volumus & mandamus, ut sic eum cohibeas, sic ejus frangas superbiam, ut & damna data restituat, & similia non attentet. Quod si te facere posse negas, cur majora attentes aggredi non videmus; & si potes, sed renuis, nostra tam patens offensio non satis tibi videtur esse cordi. Demum expresse statuas & edicas, ut nulla civitas, nulla privata persona, sine nostra vel tua licentia, alteri guerram moveat, nullus sibi jus dicat, sed si quis ab alio injustum aliquid patitur, ad judicarium recurat ordinem, ad insolentium compescendum audaciam constitutum. Datum Perusii xv. calendas Aprilis anno ii.

## EPISTOLA CCL.

Ad archiepiscopum Bracharensem & ad episcopos Portugalliæ.

**F** *Ut festa SS. Dominici & Petri martyris solemniter celebrent.*

**C**LEMENS episcopus servus servorum Dei venerabilibus fratribus archiepiscopo Bracharensi, & episcopis per regnum Portugalliæ constitutis, ad quos litteræ istæ pervenerint, salutem & apostolicam benedictionem.

De meritorum excellentia, quibus Beati

(b) Al. Obligationes.

DOMINICUS confessor & PETRUS martyr ordinis fratrum Prædicatorum claruerunt in hujus mundi tenebris sub vitæ studio innocentis, processisse dignoscitur, quod eos sedes apostolica post felicem eorum obitum ascripsit catalogo beatorum, festa confessoris & martyris eorumdem celebrando solemniter annuatim ad illius gloriam & honorem, qui utrique ipsorum diversis illustrato miraculis contulit præmia perpetuæ claritatis, sicut ad generalem notitiam cunctorum Christi fidelium à multis annis præteritis pervenisse credimus multis modis, & præcipue per supradictum ordinem, quem scilicet præfatus confessor, illectus amore cælestium, cum despectione omnimoda terrenorum per inspirationis divinæ gratiam adinvenit; quemque memoratus martyr tamquam vir in divinæ legis meditatione sedulus, & in operibus bonis assidue studiosus diligenter & constanter observans, tandem pro defensione catholicæ fidei martyrii palmam meruit adipisci. Cum itaque res tam celebris & sollemnis vobis & ceteris fidelibus regni Portugalliæ non inculta vel incognita, sed modis omnibus debeat esse reverenda, universitatem vestram rogamus & hortamur attente, per apostolica vobis scripta firmiter præcipiendo mandantes, ac in remissione peccaminum injungentes, quatenus festum confessoris ejusdem nonis Augusti, ac sollemnitate præfati martyris III. Calendas Maii, diebus videlicet quibus iidem Sancti absolutis mortis vinculis ad perennis vitæ delicias pervenerunt, celebretis annis singulis, & ab universis vestris subditis præfati regni celebrari cum debita reverentia faciatis, ipsorum festa in vestris & illorum calendariis conscribi nihilominus procurantes, ut id vobis de thesauris cælestibus eorum pia intercessione perveniat, quod uterque ipsorum, præstante Dei filio, percepisse dignoscitur & possidere perpetuò gloriatur. Datum Perusii XIII. calendas Aprilis, Pontificatus nostri anno secundo.

## EPISTOLA CCLI.

Dilecto filio tituli S. Cecilie presbytero cardinali apostolicæ sedis legato.

*Ut contractis pro Sicilia negotio debitis solvendis omnem adhibeat diligentiam.*

Anno 1266

**E**Xcitati ab intimis, & angustæ sollicitudinis instantia propulsati, ut negotium carissimi in Christo filii nostri C. illustris regis Sicilia, quod utique nostrum est & sanctæ matris Ecclesiæ, prosperum divina favente clementia fortiretur effectum, dum inter ipsa naufragari videretur initia, deficientibus ob inopiam bellatoribus, & ipso rege unde sibi & ipsis succurrerent non habente, maluimus nos exponere discrimini, quàm electum confundi pugilem & perire negotium, in quo tanto fuerat labore sudatum: & ideo conspicientes olim eundem regem in illius necessitatis articulo constitutum,

**A**ut exhaustus expensis in suis processibus, non proficere, sed potius deficere videretur, decrevimus ipsum apostolici manu sustentare præsidii, ut nec eum debilitari mente vel viribus, neque tantum negotium quod prosequendum assumerat, contingeret in aliquo deperire. In subsidium itaque dicti regis à nonnullis mercatoribus & civibus Romanis diversis & gravibus debitis, certis locis & terminis persolvendis, prout urgens imminebat necessitas nostra, per quosdam nuncios ad hoc deputatos à nobis nostra auctoritate contractis, cameram nostram & bona ejusdem Ecclesiæ, nec non & possessiones & jura quamplurium ecclesiarum, monasteriorum, & aliarum domorum religiosarum Urbis, sine quibus iidem contractus expediri non poterant, tolerantes potius illa, quàm eundem regem vel statum ejus periculo subjici, sub ea forma fecimus creditoribus obligari; quod nisi prædicta debita fuerint eisdem locis & terminis secundum legem contractuum persoluta, possessionem bonorum ecclesiarum & monasteriorum eorumdem præfatis mercatoribus statim elapsis terminis liceat occupare, certis aliis diris & duris conditionibus in detentionem dictorum bonorum & eorum onus adjectis, prout omnia patent publicis documentis. Rex autem præfatus hujusmodi mutuum pro suis necessitatibus & ad suam utilitatem contrahi recognoscens, & volens tam ejusdem cameræ, quàm ecclesiarum, monasteriorum & domorum earumdem indemnitati cavere, sponte & expressè promisit, cameram, & ecclesias, domos, & monasteria præfata infra dictos liberare terminos ab eorumdem oneribus debitorum, & ad majorem cautelam præmissa omnia & singula præstato super hoc corporaliter per quemdam familiarem ipsius in animam suam, & ejus præsentia, de speciali quoque mandato suo, juramento firmavit, nihilominus expressè consentiens, ut nos in eum excommunicationis, & in omnes terras suas ferremus interdicti sententias: ita quòd si non servaret hujusmodi juramentum, & auctoritate apostolica monitus de prædictis non satisfaceret infra mensem, ipso facto dictam excommunicationis sententiam incurreret, & prædictæ terræ suæ interdicto ecclesiastico subjacerent. Cùm autem rebus prosperè succedentibus, hoste principali interemto, ejusque lateribus omnibus, excepto GALVANO & comite camerario, qui se fugæ dedere præsidio, captis in prælio vel occisis, vel (a) sub regia potestate curvatis, jam sine qualibet resistentia sit regni negotium expeditum, capiendis in proximo Saracenis in Luceriæ civitate conclusis, superest ut & nobis & prædictis provideamus ecclesiis, quæ si semel in fauces caderent creditorum, esset nimis difficilis (b) ereptio earumdem. Ideoque discretionis tuæ per apostolica scripta mandamus, quatenus provide pensans, & attenta meditatione considerans supradictum periculum, quod plusquam valeamus exprimere formidamus, præsertim cùm præter damna ecclesia-

(a) *Al.* Vel pace facta, sub regia potestate.

(b) *Al.* Exceptio.

rum enormia, nedum aliis, quin & nobis horribile videretur regem novum excommunicationis, & terras ejus interdicti sententiis alligari, ut de perjurio, quod est gravissimum, taceamus; in hoc studeas, hoc attendas, hoc postpositis universis negotiis prosequaris, in hoc tua sollicitudo versetur, tuique vigilant affectus & ferveant, ut non transeat dies, nec, quantum in te fuerit, hora prætereat, quin præscriptis locis & terminis, de jam dictis debitis creditoribus integrè satisfiat: & si forsan, quod non credimus, de decima dicto regi concessa plena satisfactio provenire non poterit, contrahas omnino mutuum à prælatis tam cathedralium, quàm aliarum ecclesiarum regularium & sæcularium tuæ legationis; vel etiam à fœneratoribus, si non posses aliter pecuniam invenire, quia minus damnosè tolerari poterit, in hac parte pecuniale dispendium, quàm periculum quod ex prædictis conditionibus immineret. Ut autem de intentione nostra & totius negotii qualitate certior habearis, ecce formam contractuum, & receptas mutuo quantitates per latorem tibi præsentium distinamus, ut omnibus prudenter & diligenter inspectis ad executionem eorum quæ tuæ sinceritati mandantur, melius & efficacius habita plena super singulis instructione procedas. Nec te retrahat à præmissis, quod tibi scripsimus nuper de nostris Senensibus mercatoribus in L. millibus librarum Turonensium Romanis & omnibus aliis præferendis. Hoc enim intelleximus, nisi Romani ipsi vel alii sicut tempore, sic & jure fuerint, potiores, cum intentionis nostræ non fuerit, quicquam statuere in præjudicium juris alieni. Verba demum multiplicare non expedit, sed scire te volumus, sic in isto discrimine nos ac fratres nostros & tuos esse perplexos, ut ecclesiarum multarum ruinæ nullum prorsus inveniamus remedium, nisi per tuam industriam prudenter & utiliter occurratur eadem. Datum Perusii xi. calendas Aprilis anno secundo.

## EPISTOLA CCLII.

Simoni Cardinali apostolicæ sedis legato.

*Ipse commendat F. de Baratio.*

Anno 1166

**C**LEMENS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Cum dilectus filius Frater F. de Baratio prior domorum Hospitalis Jerosolymitani in Provincia, ex devotione sincera quam ad nos & Romanam gerit ecclesiam, & amicitia speciali quam olim ad personam nostram habuit, etiam dum eramus in minori constituti officio, nos nuper visitaverit præsentiam nostram personaliter adiens, licet tu, prout dicitur, citatione prævenisses eundem; discretionis tuæ per apostolica scripta mandamus, quatinus ipsum habens pro nostra & apostolicæ sedis reve-

rentia propensius commendatum, sententias quaslibet, si quas in eum, sive personas alias, vel ecclesias, aut domos Hospitalis ejusdem tuæ legationis, occasione decimæ carissimo in Christo filio nostro C. regi Siciliae concessæ forsitan protulisti, absque difficultate relaxes, & super ipsius decimæ negotio, auditis suis privilegiis & excusationibus, statuas quod fuerit statuendum. Datum Perusii x. calendas Aprilis, Pontificatus nostri anno 11.

## EPISTOLA CCLIII.

Ad Priorem B. Mariæ de Tabulis.

*Ut adversus fratres Montis-majoris abbate destitutos ulterius non procedat, donec pastorem sibi elegerint.*

**D**ilecto filio priori sanctæ Mariæ de Tabulis de Monte-pestulano Magalonensis diocesis salutem & apostolicam benedictionem. Anno 1168

Nuper ad nostrum pervenit auditum, quod cum quidam cives & mercatores Florentini dilectos filios priorem & conventum monasterii Montis-majoris ad Romanam Ecclesiam nullo medio pertinentis ordinis S. Benedicti Arelatensis diocesis, coram te auctoritate litterarum apostolicarum, ut dicitur, super debitis & rebus aliis convenissent in eodem monasterio abbatis regimine destituto, prædictos priorem & conventum prætextu dictarum litterarum, habitis contra eos diversis processibus, multiplici inquietatione vexasti. Cum autem idem monasterium carens ad præsens legitimo defensore, gravia per hoc posset incurrere detrimenta; nos circa statum ejus prosperè conservandum, cum ipsum monasterium paterno prosequamur affectu, & partes paternæ sollicitudinis apponentes, discretionis tuæ per apostolica scripta mandamus, quatenus quibuscumque excommunicationis, suspensionis & interdicti sententiis latis contra præfatos priorem & conventum seu dictum monasterium penitus relaxatis, processus habitos super principali suspendere, ac eidem negotio subfodere procures, donec præfato monasterio fuerit, quod erit in brevi, annuente Domino, de pastore provisum. Nos enim decrevimus irritum & inane, si secus extiterit attentatum. Datum Perusii ix. calendas Aprilis, Pontificatus nostri anno 11.

## EPISTOLA CCLIV.

Venerabili R. episcopo Albanensi apostolicæ sedis legato.

*Causatur de excessibus ab exercitu Caroli regis apud Beneventum commissis, mandatque ut compellat eum ad restitutionem.*

**A**ntequam à nobis proficisceris in regnum, mentem nostram non leviter perturbaverat vix credibilis, turpis tamen & exaggerata credulitas, quam malè christianus exercitus in

T iij

hac parte in civitatem effuderat Beneventi, nec possumus omnino filere, quod carissimus in Christo filius noster C. illustris rex Siciliæ, qui jura Romanæ Ecclesiæ se nuper promiserat servaturum, & proprio juramento firmaverat, si provide voluisset advertere, quid & quantum matri debebat & dominæ, civitatem prædictam in qua penitus nihil juris habet, quam in conventionum nostrarum principio prænotavimus singulariter nostram esse, non tam immaniter invasisset; nec potest illa ratione causari, in furore vel belli impetu factum esse, quod diebus octo perseverans ibidem, & momenta per singula

(a) (a) continuans, multorum boum & ovium Dominus, oviculam nostram unicam peregrinis suis apposuit & exposuit, proprio gregi parcens, ut aperte jam eum teneat illa Nathan prophetæ parabola, quam David regi proponens ab eodem extorsit sententiam, qua se ipsum rex nesciens condemnavit. O quàm malum ad futura passagium, si de factis in viridi facienda in arido præsumantur! O quàm detestandus cruce-signatorum excessus, qui data sibi de cælo victoria,

Reg. I. 1.

manus nefarias innocentum sanguine cruentarunt, spoliis ecclesiarum & hominum nostrorum impleti, quæ in suarum perniciem detinent animarum. Quis enim nesciat Beneventanos ab olim FREDERICO quondam & ejus successoribus usque ad sanguinem restitisse, & omni tandem destitutos auxilio portasse in angaria usurpatum dominium eorumdem? Quod si MANFREDUS venerat Beneventum, & inde forsitan progressus in campum ex eis aliquos secum duxerat, quod tamen non poterit, prout fertur, de x. inveniri personis: constat omnibus quod muro carentes & (b) vallis, nec resistere poterant, nec audebant; & si rei fuissent, etiam non à non Domino, sed à nobis erant prævia ratione plectendi. Si bona fuerant publicanda, non regi, non aliis, quàm Romanæ Ecclesiæ poterant publicari. Unde, frater, quod scribimus, & apud te diligenter observa, nam non est abbreviata manus Domini, nec humanis judiciis alligata. Erigit enim & deprimit; & sicut exaltat humiles, sic & frangit cornua superbiorum: & si videbitur aliquibus quòd à nulla sit parte timendum, habet utique multas muscas, habet etiam apes aliquas, quibus si forsitan sibilare voluerit, facile deducet in publicum quod humanæ considerationis oculis est occultum. Ecce dum hostis publicus gentem nostram assidue (c) dehonorat,

(c) Dei præstolabamur auxilium in silentio, & quæsitum pro nobis pugilem quot honoribus prævenimus, quibus auxiliis fulciendum duxerimus, quale regnum & quantum ei dederimus, ipse nosti; & hæc est retributio quam recepimus in principio, mala quidem peior & pessima, (d) premens innoxios, terrens devotos, & nostros lætificans inimicos. Quocirca quia principiis est obstandum; & ne vires sumant neglecta incendia, provide dilectum filium quem in civitate prædicta & districtu ipsius seu (e) territorio & pertinentiis nostrum vicarium constituimus, tuæ

(a) Al. Comminuens.  
(c) Al. Devorabat.

(b) Al. Vallatis.  
(d) Al. Præveniens.

A benivolentiæ quanto propensius possumus commendantes, fraternitati tuæ per apostolica scripta mandamus, quatinus consilio & auxilio eum prosequens opportunis, ipsum & jura nostra defendas viriliter & potenter, & regem moneas specialiter, & omnes de exercitu in communi, ut his exceptis quæ in victu suo, vel equorum suorum, cum essent Beneventi, consumserunt ibidem, cetera quæ extant tibi restituant nostro nomine, vel pretium si non extant, infra terminum quem eis duxeris statuendum: eis denunciatis, quod nisi ad nostrum vel tuum arbitrium satisfecerint de ablatis, eos ad id per censuram ecclesiasticam, sicut expedire viderimus, compellemus. Datum Perusii viii. calendas Aprilis, anno ii.

## EPISTOLA CCLV.

Simoni Cardinali apostolicæ sedis legato.

C Ut Florentinis mercatoribus quinque librarum millia persolvat.

CLEMENS episcopus servus servorum Dei Anno 1266 dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Quondam Albertinus Rota & socii sui cives & mercatores Florentini nobis quinque millia librarum Turonensium mutuarunt, eisque propter hoc Ecclesiam Romanam & cameram nostram fecimus obligari, sicut in instrumento publico inde confecto plenius continetur. Unde cum pecunia ipsa carissimo in Christo filio nostro C. Siciliæ regi illustri extiterit persoluta; volumus & per apostolica tibi scripta mandamus, quatenus prædicta quinque millia librarum Turonensium juxta continentiam litterarum dilecti filii P. archidiaconi Senonensis camerarii nostri, quas super hoc tibi specialiter destinat, cum scribat negotii veritatem, absque difficultate persolvas, receptis prius ab eisdem sociis instrumento prædicto & litteris apostolicis confirmatoriis inde confectis, & de ipsis quinque millibus librarum refutatione solemni; ita quod Ecclesia & camera prædictæ ab hujusmodi obligationis onere liberentur. Datum Perusii viii. calendas Aprilis, Pontificatus nostri anno ii.

## EPISTOLA CCLVI.

Dilecto filio Alphanto (f) de Terrascone (f) militi.

Permittit ei ad se venire mox redituro.

PEREMTO MANFREDO, & adhærentibus ei Anno 1266 partim occisis, partim receptis ad gratiam, carissimus in Christo filius noster illustris rex Siciliæ jam habet Apuliam, & in Siciliam misit Vicarium nobilem virum PHILIPPUM DE MONTE-FORTI, & Sarraceni (g) Luceriæ ci-

(e) Al. Tentorio.  
(g) Al. Lucensem.

(f) Al. De Tuscia.

(g)

vitatem reddiderunt eidem cum omnibus armis suis, personas & omnes res suas ipsius beneplacito exponentes. Ad id autem quod postulas, ut demus tibi licentiam præsentiam nostram adeundi tibi taliter respondemus. Consideravimus quod tibi circa nos nullus est status, quia nullum habemus officium, quod tibi possimus committere, ut vellemus: nec est nostra curia militum, sed tantum clericorum; & si nos videre desideras, venire poteris protinus rediturus, & si qui aliud tibi scripserint minimè credas eis. Satis quidem deliberavimus in hac parte, & si aliter posset fieri, illud antea scripsissemus: sed nec ROSTANNUM ducere te oportet, si veneris; quia eum studere Bononiæ nolumus, cum ibidem nec ad nostrum honorem, nec ad suum posset aliquatenus sustentari. Unde melius judicamus, quod apud Montem-pestulanum inceptum studium proseguatur. Illud autem providere te volumus, quod si forsân ad nos veneris, & regem Siciliae non adieris, offendetur; & si accesseris ad eum, vix erit quin aliquo negotio te involvat, & multa alia super his poteris cogitare, quæ scripto non duximus exprimenda. Per quam verò viam venire valeas ignoramus, cum transitus Lombardiæ paucis & inermibus Provincialibus non sit tutus, eo quod multi de Lombardia & Tuscia, tam in (a) Lombardia quàm in Apuliæ prælio perierunt. De his autem quæ ab episcopo Avinionensi accipies, placet nobis eleemosynam fieri quam petisti filia Dulciæ de S. Georgio: si tamen ipsa filia votum non fecit, quod eam impediât ad matrimonium contrahendum. Demum consideratis omnibus supradictis, credimus esse consultius, quod accedere ad nos differas, donec apertius status terrarum sit pacificus, & videas aliquos de comprovincialibus tuis à regis exercitu redeuntes, per quos possis in omnibus plenius informari. Tuæ tamén te relinquimus voluntati, qui si scires quæ & quanta à Pontifice Romanorum nepotibus exiguntur, citò nostris consiliis acquiesceres, maximè cum nos noveris pompis hujusmodi non gaudere, quas si sequi volueris, non valebis; & si sequi nolueris, contemneris. Datum Perusii VIII. calendas Aprilis anno II.

## EPISTOLA CCLVII.

Dilecto filio O. sancti Adriani diacono  
cardinali apostolicæ sedis legato.

*Scribit ei reportatam à Carolo rege victoriam &  
felices ipsius successus.*

Anno 1166 **E**Xcitatus à somno Dominus mari & ventis imperavit, multis concussam fluctibus Petri naviculam pietatis osculo benigno respexit, & confractis cornibus impiorum, multos per erroris abductos invium, quibus dedisse videtur vexatio intellectum, ad Ecclesiæ gremium jam reduxit, & ut tibi omnia ad plenum liqueant, scire te

(a) *Al. Lombardiæ.*

**A** volumus, quod cum carissimus in Christo filius C. Siciliae illustris castrum inexpugnabile, scilicet Roccam arcis in regni Siciliae obtinuisset ingressu die Martis post *Esto mihi*, villam S. Germani invadens, quam CASERTANUS & JORDANUS comites cum multis Teutonicis & Lombardis & Saracenis munierant, manuali congressu violenter intravit, multis ex hostibus interemtis ibidem, capto MANFREDO dicto Lancea, & dictis comitibus effugatis. Exinde verò profectus, & continuato progressu terram acquirens, adiit Beneventum, quò se contulerat MANFREDUS quondam (b) princeps, Ecclesiæ persecutor, & tandem die Veneris ante *Oculi mei*, cum utrimque procederent acies ordinatæ, commisso prælio, dictus MANFREDUS cecidit, & fere tria millia cum eodem, captis JORDANO & BARTHOLOMÆO comitibus & nepotibus eorumdem. Cumque comes camerarius cum ipsius Manfredi camera effugisset, postmodum ad cor rediens, cum ipsa camera regi se reddidit, sic reconciliatus eidem. Uxor verò MANFREDI cum liberis à Tranensibus infra castrum tenebatur inclusa, nec evadere poterat manus regis. Casertanus & Acerrarum comites pacem cum rege fecerunt. Sarraceni Luceriæ civitatem, personas & bona regis ejusdem beneplacito subjecerunt. Soli GALVANUS & CONRADUS DE ANTIOCHIA in Aprucio remanserunt, quærentes pacem, quam adhuc obtinere minimè potuerunt. Vir nobilis PHILIPPUS DE MONTE-FORTI vicarius missus est in Siciliam cum Venerabili fratre nostro archiepiscopo Cusentino, quem ad ecclesiam transtulimus Mesanensem. Marchia nostra ad nos rediit, quia non invenit adversarium cui valeat O. adhærere. Florentini & Aretinenses ad mandata venerunt. Pisani etiam ad idem se offerunt certis modis, quos admittere nolumus nisi redeant absolute. A Pelavicino recepimus nuncios, qui se nostris mandatis exponit, quem tamen recipere nondum volumus, quia de cautionibus disputamus. In fundo Sacci, quod agrè ferimus, remanent Januenses periculosius ceteris, prout credimus, si diligentius advertatur, quanto possunt subjacere discrimini inter Provinciam & Apuliam constituti. Legatum autem in regnum misimus Venerabilem fratrem nostrum R. episcopum Albanensem. Hæc tibi, fili dilecte, scripsimus, ut matri tuæ congaudeas, quæ post multiplices tempestates recepta tranquillitate, lætatur in Domino, videns illabi desuper flumina pacis, videns cultum reparari divinum, ecclesias surgere, reduci exules innocentes, annum placabilem Domino inchoari, quem si divina largitas consummaverit, dici profectò poterit, jubilemus. Datum Perusii VIII. calendas Aprilis anno II.



(b) *Al. Principalis.*





## EPISTOLA CCLVIII.

Carissimo in Christo filio regi Castellæ & Legionum illustri in regem Romanorum electo.

*Scribit in provisione ecclesiæ Toletanæ facturum se quod Deo acceptius crediderit & ipsi utilis. Negat ipsi dispensationem pro matrimonio contrahendo, inter filium Balduini imperatoris Constantinopolitani & filiam ipsius.*

Anno 1166

(a) **M**irari possumus, immo cogimur, quod tu, fili carissime, tantæ urbanitatis existere diceris, ut injusta petentibus pudeat te negare quod postulant, & dum plures diversa desiderant & adversa, pro his preces porrigis & pro illis, quas sicut impossibile est concurrere, sic impossibile exaudiri. Hæc quidem probavimus his diebus, dum per tuæ Serenitatis litteras preces recepimus pro Venerabili fratre nostro episcopo (a) Gehennitense præficiendo ecclesiæ Toletanæ, & preces iterum pro dilecto filio S. nato carissimi in Christo filii nostri regis Aragonum illustris, quas pro utroque pluries inculcasti, & cum latores omnium litterarum ejus apud nos fidei velles esse, ut super his quæ viva voce proponerent, crederemus eisdem, qui pro uno instabant, dicebant te scripsisse pro altero non ex animo, sed ex multa precum importunitate devictum; & qui stabant pro altero, simile per contrarium vice versa dicebant. Sanè licet in ecclesiis ordinandis, non ad affectiones hominum, non ad preces nostrum animum alligemus, dum tamen mentis nostræ intuitum ad tuæ vertimus excellentiam magnitudinis, pro qua, si qua jam fecimus, plura libentius sine nostræ discrimine conscientiae faceremus; volumus, consulimus, & rogamus, quatenus varietatem hujusmodi, quæ non splendorem sed maculam in gloria tua ponit, à te prorsus abjicias, & nunquam alicui, sed præsertim vicario JESU-CHRISTI pro illorum promotione supplices, quos non desideras promoveri. Verùm circa dictæ (b) promotionem ecclesiæ, quod acceptum Deo ipsique ecclesiæ ac regno tuo utile crediderimus, multorum meritis evolutis, qui & intra, & extra nostram curiam nostræ considerationi se offerunt, de fratrum nostrorum consilio faciemus. Ceterùm quia Patrum Sanctorum canones in ea sunt soliditate fundati, ut ab eis nullatenus recedi deceat aut oporteat, nisi magna id suadeat utilitas, aut necessitas justa compellat, quorum neutrum videre potuimus, in filia tuæ & carissimi in Christo filii nostri B. imperatoris Constantinopolitani nati copula, pro qua nostræ dispensationis gratia petebatur, ægrè non feras quod eam negavimus, quam nec Deo placere credidimus, nec tibi etiam expedire. Larga siquidem in hac materia retroactis facta temporibus diversarum effusio gratiarum multos reddidit sub spe veniæ faciles ad incestum: tantum crimen eo levius, licet temere ju-

(a) Al. Gehennuense.

(b) Al. Provisionem.

A dicantes, quo facilius ante conjunctionem vel postea dispensationis gratia poterat obtineri. Datum Perusii 11. calendas Aprilis, anno 11.

## EPISTOLA CCLIX.

Simoni cardinali apostolicæ sedis legato.

*Ut decimas à Cisterciensibus non exigit.*

**C**LEMENTIS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

De religiosorum decima in subsidium negotii regni Siciliae persolvenda pluries tibi scripsisse meminimus, & tandem inter cetera mandavisse, quod visis indulgentiis singulorum qui dictam decimam solvere noluerunt, nisi per eas se possent ab ipsius decimæ præstatione tueri, tu eos ad præstationem censura ecclesiastica coarctares. Sanè sicut audivimus, dilectis filiis Cisterciensibus, de Firmitate, de Pontiniaco, de Claravalle, de Morimundo abbatibus Cisterciensis ordinis pro se ac toto eodem ordine coram te comparentibus, & exhibentibus varias indulgentias, & alias papales litteras, per quas allegabant ad solutionem prædictæ decimæ memoratum ordinem non teneri, tu juramentum ab eorum singulis, quod ipsi monasteria sua & ordinem prædictum alia privilegia & indulgentias habere credebant, per quæ unà cum jam exhibitis ordinem & monasteria ipsa defendere poterant à præstatione decimæ supradictæ; quodque petitio qua insistebant ad habendam dilationem ad ostendendum privilegia & indulgentias hujusmodi non procedebat ex malitia, recepisti, & tandem ipsis usque ad diem Martis proximum post instans festum B. Marci terminum peremptorium, prout petierant, assignasti, ad habendum consilium & deliberandum cum suis conventibus & coabbatibus ejusdem ordinis in prædictis, & ad comparendum in tua præsentia, necnon & producendum in jure alia privilegia, indulgentias & munimenta omnia, si qua fors dicta monasteria vel ordo super prædictis haberent, & super eisdem immunitatem suam & ejusdem ordinis, si eis competeret, ostensuri, ac audituri, & recepturi super his quod duceres ordinandum. Verùm quia dextra Domini fecit virtutem, & dicti regni negotium jam feliciter expedivit, utpote carissimo in Christo filio nostro CAROLO rege Siciliae illustri, confectis viriliter hostibus, jam regnum prædictum totaliter obtinente, nos ad ipsum ordinem suæ religionis obtentu piæ gerentes compassionis affectum, deliberavimus eidem regi per nostras litteras suggerendum, ut Domini beneficia recognoscens, & ob ipsius reverentiam necessitatibus locorum & personarum ordinis memorati compatiens, ad exactionem prædictæ decimæ quoad ipsa de cetero non insistat. Quocirca discretionis tuæ per apostolica scripta mandamus, quatenus ad decimæ hujusmodi exactionem, quantum ad personas

sonas & loca eadem, usque ad octavas festi B. A  
Johannis Baptistæ venturi proximo non proce-  
dens, prædicta personas & loca propter hoc in-  
terim in aliquo non molestes. Datum Perusii III.  
nonas Aprilis, Pontificatus nostri anno II.

## EPISTOLA CCLX.

Dilecto filio nobili viro A. comiti Piætavienfi  
& Tholosano.

*Ut excessus in Vasionensem ecclesiam à ballivis  
suis commissos compeſcat.*

Anno 1266

**Q**Uanto sinceriori personam tuam, suaden-  
tibus tuæ devotionis laudabilibus meritis;  
prosequimur in Domino caritate; tanto stu-  
diosius ab his te cupimus abstinere; quæ saluti  
tuæ vel famæ possint quomodolibet derogare.  
Sanè sicut ex parte venerabilis fratris nostri  
episcopi & dilectorum filiorum capituli Vasio-  
nensis, nostris est auribus intimatum, ipsi à non-  
nullis ballivis tuis illarum partium super suis  
& Ecclesiæ Vasionensis juribus, multas frequen-  
ter molestias & injurias patiuntur. Cum igitur  
idem episcopus & capitulum multo graventur  
onere paupertatis, nec tuam magnitudinem de-  
ceat hujusmodi gravamina eis per tuos illata  
sub dissimulatione transire, qui eos debes potius  
ab oppressione aliorum tueri, nobilitatem  
tuam rogandam duximus attentius & hortan-  
dam, quatenus ob reverentiam divini nominis;  
& apostolicæ sedis, ac nostram, necnon & tui  
honoris intuitu; prædictos episcopum & capi-  
tulum vel eorum ecclesiam in suis juribus, &  
specialiter super his, de quibus inter te & ipsos  
ordinavimus olim in minori officio constituti;  
non permittas à dictis ballivis; vel ab aliis sub-  
ditis tuis aliquatenus molestari; preces nostras  
super his taliter impleturus, quod præfati epis-  
copus & capitulum tuæ protectionis præsidium  
in hac parte sibi sentiant affuisse; & nos devo-  
tionis tuæ promptitudinem dignis exinde in Do-  
mino laudibus merito commendare possumus.  
Datum Perusii VIII. Idus Aprilis anno II.

## EPISTOLA CCLXI.

Venerabili fratri R. episcopo Albanensi  
apostolicæ sedis legato.

*De absolutione Conradi de Antiochia.*

Anno 1266

**I**nterpellati sæpius, ut absolutionem CON-  
RADI DE ANTIOCHIA committere personis  
aliquibus dignaremur, neminem; etiam fratrem  
supplicantem audire voluimus, sed id tuæ pru-  
dentia duximus reservandum. Fraternitati tuæ  
per apostolica scripta mandamus, quatinus cum  
idem CONRADUS noster fuit & Ecclesiæ instan-  
tissimus persecutor in Marchia, tu ab eodem  
sufficientem & idoneam suscipias cautionem de  
mandatis nostris plenariè observandis, & eidem

*Theſauri Anecdor. Tom. II.*

certum præfigas terminum, quo se nostro vel  
personaliter vel per procuratorem idoneum  
conspicui repræsentet, mandata nostra audi-  
turus humiliter, & fideliter impleturus. Sanè  
quia, ut nosti, captus olim in Marchia, apud  
Monticulum extitit, prout creditur, non sine  
corruptione aliqua liberatus, eum juramento  
adstrictum cum solo abbate sancti Johannis &  
auditor tuo & notario secretissime requirere  
non omittas super modo liberationis ipsius, quo-  
rum consilio & conscientia, opè etiam extitit  
liberatus, & apud quos inde exiens declinavit;  
& quid & quantum dedit aut promisit, & qui-  
bus pro sua liberatione complenda vel etiam  
procuranda, & specialiter an Ballonus civis Pe-  
rusinus tunc rector Monticuli conscius fuerit  
liberationis ejusdem, & an aliquid inde habuit;  
vel ei promissum fuerit, & super hoc non solum  
cum eodem, sed & cum aliis qui cum eo erant;  
(a) & eum comitati sunt, veritatem inquiras;  
& quod inveneris sub sigillo tuo per fidelem nun-  
cium nobis remittere non postponas. Datum  
Perusii IV. Idus Aprilis anno II.

## EPISTOLA CCLXII.

Carissimo in Christo filio C. regi Siciliæ  
illustri.

*De excessibus ab ipſius exercitu in civitatem  
Beneventanam commissis.*

**E**X grandi ac gloriosa victoria tam apud S. Anno 1266  
Germanum quam in campo Florido (b) (b)  
prope civitatem Beneventanam cælitus tibi  
data inexplicabilis munus jocunditatis jampri-  
dem suscepimus. Quod quidem quodammodo  
minuit repentina turbatio ex ipsius subsequuta  
continuo excidio civitatis: ita quod ex ipsa risus  
conceptus victoria mixturam protinus mœroris  
accepit; & luctus gaudii extrema graviter occu-  
pavit. Cum enim suffragante proculdubio Beato  
Bartholomæo, qui ejusdem civitatis patronus  
existit, de suis & tuis hostibus incredibiliter  
triumphasses; erat profectò ejus ecclesia regiis  
decoranda muneribus; erat & ipsa civitas ho-  
noranda, ut ubi regni Siciliæ bravium finaliter  
percepisti, tantæ vigerent victoriæ monumenta;  
& fieret triumphi fama perennis, in posteros  
tuæ largitatis munere prorogata, ad quod tuo-  
rum laudabilia provocare te poterant proge-  
nitorum exempla. Sed te in considerationem  
regiam id minimè deducente, in contrarium;  
quod dolentes referimus, præter spem hominum  
est res versa, ex eo quod tuorum etiam sa-  
cratis personis mucro non deferens, sed tam  
ipsarum quam aliorum civium civitatis ejusdem;  
sine delectu sexus, ordinis, & ætatis inebriatus  
cruore, tamquam sui non coercitus principis  
aliqua jussione, in vaginam non rediens, hæu  
nimis exertus ad effusionem sanguinis innocen-  
tis, & quod ad cumulum tantæ transgressionis  
accedit, non cupiditatis, nec luxus tanta cru-  
delitas execrabili caruit comitiva, cum dilectum

(a) Al. Et conjurati sunt.

(b) Al. Dominico.

V

filium electum Beneventanum, monasteria, ecclesias, & civitatis ejusdem personas rebus propriis iidem tui prorsus nudare præsumserint, & virgines, proh dolor! rapere, prout fertur, flagitiosa; tamquam divinum non timerent iudicium, libidine deflorandas, quodque indevotionis, & omnis irreverentiæ quodammodo fomentum habuisse videtur, ligneas sanctorum imagines ipsorum consideratione à Christi fidelibus venerandas, nec non & trabes, & alia ecclesiarum lignamina, aliorum lignorum tamquam positi juxta silvas non patientes defectum, heu! ignis incendio nequiter deputarunt: vasis & indumentis sacris divino cultui dedicatis manu subtractis avara: ita quod jam propter ipsorum defectum non possunt in ipsis missarum solemnias ecclesiis celebrari. Ecce qua Deo, qui tamquam bellator fortis ipsos victores tunc fecerat, gratitudine responderunt. Ecce quibus ipsum honoraverunt obsequiis, quibusve respexerunt impendiis, qui ipsos prostratis hostibus non absque grandi periculo incolumes præservavit. Non enim tantum civibus hactenus obfuit iniqui Cæsaris immanitas supradictis, quia etsi ad demolitionem ejusdem civitatis ipsius processerit edictum, ut aratrum passa, nec nomen, nec titulum resumeret civitatis: personis tamen ex humanitatis imperio censuit ignoscendum, eis octo dierum indulto spatio, ut quocumque vellent interim res suas sine mutilationis dispendio seu impedimento deferrent. Porro non talibus erat prosequenda dispendiis ejusdem devotio civitatis, quæ ad ejusdem regni perventurum fastigium te jamdudum ex intimis affectavit, innatam pectori tuo illam sperans clementiam, qua in Dei conspectu & hominum tui progenitores consueverant redolere. Sed quid? Etsi præmissorum consideratio te non movit, si ad misericordiam pietas te non flexit, cur saltem ad Ecclesiam Romanam non habuisti respectum? Defferens matri in filia, quæ ex omnibus ejusdem regni civitatibus ipsam sibi civitatem decrevit, tamquam præcipuam filiam reservandam, sicut in conventionibus inter te & ecclesiam ipsam initis, ad quarum observationem quanto potuimus artius te adstrinximus, plenius & expressius continetur. Sed utinam, sicut jam multi ex talibus judiciis seu auspiciis informati præfagiunt, istud eidem non officiat civitati, asserentes illud occasionem & causam ei pro firmo fuisse tantorum discriminis & jacturæ, quod sub tuo non erat dominio remansura, quod non levi firmare videtur iudicio, cum in civitates & loca alia tui juris, non sic ira tuæ gentis exarsit, & ut demum propheticam resumamus parabolam: Tu multarum dominus ovium, quibus parcere voluisti, singularem nostram oviculam peregrinis tuis apponere & exponere minimè formidasti. Dicent fortè qui blandiri tibi voluerint, & quid egimus? Beneventum hostes receperat, inde prodierunt in campum. Quo pacto igitur eundem cum hostibus calicem bibere non debebant? Sed elidit objectionem hujusmodi rei veritas omnibus manifesta. Urbs quidem patens & absque murorum ambitu Be-

neventum hostilem militiam & malitiam nec intrantem repellere, nec ingressam poterat superare. Quid ergo meruit grex pusillus, si non repulit irruentem exercitum Manfredinum, cujus pars minima totam posset evertere civitatem? Sciunt omnes regnicolæ, sciunt & incolæ adjacentium regionum, quantum & qualiter hæc nostra civitas domui restitit magnifici pariter & malefici FREDERICI, quam nec potentia tanti principis frangere, nec blandimenta seducere, nec damna personarum & rerum à devotione apostolicæ sedis avertere potuerunt, donec cives omnium auxilio & consilio destituti, attenuati fame gravissima, jugum ejus subire compulsi, diram ejus tyrannidem diu quidem, sed in angaria portaverunt. Non hoc, fili carissime, in exercitus impetu, non hoc in belli furore, quod etsi culpam non prorsus excluderet, tamen attenuaret excessus, dignoscitur esse factum: sed quasi consultò, & ex proposito ad id processisse convincitur malè libratum iudicium invasorum, dum moram ibidem te per dies octo continuam contrahente, interim non decreverit. Utinam aucta non fuerit, nec aliquam interruptionem receperit molestia tanti mali, quin immo quantò fuerit mora tua apud ipsos protractior, tanto perniciosior extitit ipsi terræ, quæ quidem non afficienda dispendiis, sed recreanda favoribus ex tunc merito fuerat, cum ipsius ecclesiæ Romanæ censeatur camera specialis, regię præsentia majestatis, ut fracto jugo & compede servitutis contrito, & in tuo jocundo adventu libertatis prosperitas, quam dudum optaverat arrisisset. Sed cur pro Deo, dum tanti mali moles, te præsentem, fidelibus nostris ingruerit, regius præco delituit? Cur prohibitionis edictum non processit in publicum, flagitiorum hujusmodi voce valida repressivum? Insultant igitur nostri & tui æmuli sumta materia ex præmissis, & dicunt: Ecce qualis ex tam aspero potest initio sperari prosecutio in futurum. Ecce qualem Ecclesia (a) eligit filium, qui matrem in his quæ amplius diligit taliter amaricare conatur, sicque congratulantur æmuli, turbantur amici, & patris viscera tot concussa relatibus quatuntur. Et tamen propter hoc erga te non omitimus, quæ sunt patris, immo benivolo mentis affectu sollicitè cogitamus, ut te quem præelegimus filium singularem & dextrum Ecclesiæ brachium, in ipsius necessitatibus advocandum, possimus in Dei timore pariter & amore, qui (b) mira in præsentem, ut te sublimem efficeret, operari indignatus est, conservare ad tui nominis gloriam, & illorum gaudium, qui tuam magnificentiam salubriter amplectuntur. Ut igitur voce paterna per corporis aures suscepta, & in tuum animum salubriter inde deducta, nostris super hoc desideriis satisfiat, Serenitatem regiam rogamus & hortamur attentè, per apostolica tibi scripta mandantes, quatenus tuæ saluti consulens & honori, eidem civitati de damnis datis, ut præter conscientiam videantur esse illata, satisfieri facias condecenter, nec tantum prosperitate tua confidas, quin coram

(a) *Al.* Diligit.(b) *Al.* In nostra præsentia.

Deo, à quo bona cuncta procedunt, semper A humiliter temetipsum, & illius quem vicarium habet in terris monita, quæ tibi pro tua porrigantur salutē adimpleas reverenter; sciturus quod sicut per Ecclesiæ auxilium honoris titulum accepisti, & nomine inter magnos suscepto, ad honoris gloriam es perductus, sic in prosecutione & conservatione ipsorum, quæ ab eadem Ecclesia obtines, ipsius Ecclesiæ fulcramento auxilii jugiter indigebis, & propterea B ipsius non parvipendas correctiones & monita, præsertim cum his omnibus non tam suum quam tuum intendat prosequi interesse, ac sive blandiendo insistat, sive disciplinam correctionis inferat, semper erga te actura sit quæ sunt matris. Datum II. Idus Aprilis anno II.

## EPISTOLA CCLXIII.

Dilecto filio S. tituli S. Martini presbytero cardinali, Marchiæ Anconitanæ & ducatus Spoleti rectori, apostolicæ sedis legato.

*Acta ab eo approbat.*

Anno 1186

T Am memoriale quam scripta cetera per tuos nuncios nobis oblata diligenter inspe-  
(\*) ximus. Sed an meritis plenè respondeant, tu magis scire potes, qui conditiones hominum & locorum in (a) schola experientiæ didicisti. Unum scias, quod æquanimus toleramus etiam in perversis misericordia emolli rigorem, quam in austeritatis excessu culpas rebellium ex condigno puniri. Placet sanè quod providè, prout credimus, ordinasti tam circa statuta quæ legimus, quam circa condemnationes universitatum & singularium personarum, in quarum executione non simul aggredi multos te (b) decet, sed executioni dispensare prudenter, ne dispersus terror in plurimos colligationibus viam aperiat; & conglobatis rebellibus audaciam præbeat resistendi. Tu igitur vir consilii, vir providus, vir fidelis, procede prosperè, Deum semper habens præ oculis, & dum congruum tempus habes, nullomodo prætereas otiosum, sicque colligere, quæ justè poterunt haberi, procures, ut & nostra releveatur paupertas ex debito, & tuæ simul consulere valeamus. Verùm de privilegiis & libertatibus reddendis rebellibus, quibus pro meritis sunt privati, tenere te nolumus, quod tenendi sunt in suspenso donec id solverint in quo fuerint condemnati; & si humiliter obedierint, tunc demùm de tuo consilio quod æquum videbitur faciemus. De muris locorum certorum & turribus diruendis adhuc credimus differendum, non tamen omittendum in tempore opportuno. Datum Perusii II. Idus Aprilis anno II.



(\*) Al. In sola experientiæ. (b) Al. Oportet, Theauri Anecd. Tom. II.

## EPISTOLA CCLXIV.

Carissimo in Christo filio C. regi Siciliæ illustri.

*Certum eum facit de Florentinorum reconciliatione.*

D Udum floruerat, sed effloruit postmodum Anno 1186 civitas Florentina; nunc tamen per Dei gratiam refflorere desiderans; ut videtur, ab erroris invio rediens viam salutis aggreditur, cum super his pro quibus excommunicationis & interdicti sententias; contumacia exigente, sustinuerat moderata; nec non & super pace inter intrinsecos & extrinsecos reformanda, se nostris subjiciens beneplacitis & mandatis, datis cautionibus sufficientibus ex facilitate conveniendi idoneis & ex opulentia facultatum. Ecce, fili carissime, janua panditur ad salutem totius Tusciæ. Jam namque viam tenet eamdem Pistorium, eamdem Aretium, sed & Pisæ, si tamen idoneè cavere voluerint quod (c) probavimus, sed an facturi sint ignoramus. Hæc igitur tibi scribimus, ut congaudentibus nobis congaudeas de recuperatione gratissima tot pereuntium animarum, in quo tibi præcipuè credimus esse gaudendum, quod provisum ab ecclesia per tuum ministerium adimplendum populi christiani subsidium nuper initiatum in regno Siciliæ ad partes jam alias longè latèque diffunditur, sine, favente Domino, tam optato, quam debito consummandum; si victoriæ titulus non hominibus, sed (d) invincibili, prout decet, bonorum omnium ascribitur auctori. Sanè in his omnibus quæ facta sunt & continuè fiunt in Tuscia, providum promotorem & fidelem persecutorem habuimus dilectum filium nostrum O. sanctæ Mariæ in Via-lata diaconum cardinalem, quem utique cum domo sua consanguineis & amicis tuæ benivolentiæ commendamus, paratum ad omnia quæ tuum & apostolicæ sedis respiciant commodum & honorem, quod profecto cognoscere poteris cum id volueris experiri. Verùm non solum suos, sed & omnes cives & singulos civitatis ejusdem habeas commendatos, nec eos in tuis finibus patiaris offendi. Nos enim dilectis fidelibus nostris Guelfis Florentiæ & locorum aliorum confinium pacem quærimus fructuosam, de ejus consummatione felici per concordiam partium spem habemus, quam si, quod absit, nos frustrari contingeret, potestatem habemus ex nobis & voluntatem (e) accommodam potestati eam salubriter & utiliter faciendi. Datum Perusii Idus Aprilis anno II.



(c) Al. Probabimus. (d) Al. Inenarrabili. (e) Al. Accommodatam.

## EPISTOLA CCLXV.

Dilecto filio S. tituli S. Martini diacono cardinali, Marchiæ Anconitanæ & ducatus Spoleti rectori, apostolicæ sedis legato.

*Varias ei præscribit regulas quas in sua legatione sequi debeat.*

Anno 1266

**Q**uia linguis loquuntur variis Marchiani, quibus nostras & fratrum nostrorum aures eorum aliqui jam multis acclamationibus impleverunt; ex quibus perpendimus evidenter, quod qui via pari non ambulant, parem sibi finem præstittunt, & diversas habentes facies, caudas habent invicem colligatas. Aliqua tibi scribenda duximus, quæ prudentiæ nostram intentionem aperient, & te nihilominus dirigent in agendis. Quosdam siquidem ex eis invenimus, qui cum bene se olim habuerint, & modernis tandem temporibus plura commiserint execranda, compensationis auxilio satagunt excusare commissa. Sunt & nonnulli, quibus nulla temporis ratio suffragatur, sicque petunt misericordiam invalescere, ut prostrata cadat justitia. Sunt & alii qui suas insolentias & excessus excusare nituntur ex defectu subsidii, & impotentia resistendi. Sunt & quidam qui diei pondus portaverunt & æstus, & in fidei suæ præmium quicquid habent de bonis Ecclesiæ sibi jure perpetuo reputant acquisitum. Nos sanè circa primos attendimus quod infidelitatis & fidei nulla recipitur compensatio, alioquin illa sententia Domini reprobata videtur, per quam voce prophetica diffinivit virum justum se à sua justitia avertentem, sic æternæ supplicio mortis obnoxium, ut in oblivionem transeant omnes ejus justitiæ præcedentes. Inficiari tamen nolumus, quin cum tali agendum sit mitius, si de pœnæ judicio temporali agatur, nisi facti posterioris enormitas bene gestis in tantum præponderet, ut judex justius ad rigorem quàm ad clementiam moveatur. De secundis verò tenemus quod sanctæ memoriæ magnus doctor Ecclesiæ & in numero sanctorum non modicus prælatorum providus eruditor, edocuit scribens inter cetera, sicut nosti, quod disciplina vel misericordia destitueretur, si una sine altera teneatur: nec decet repetere singula quæ adnectit sacræ scripturæ fidelissimis testimoniis roborata. Illos autem licet forsitan à tanto, non tamen à toto credimus excusabiles, vel in totum, quos in tertio nostræ distinctionis loco posuimus, cum sit patens illa canonice veritatis auctoritas, quæ cavetur melius esse omnia mala tolerare, quàm malo cuilibet consentire: quamvis multi excusationes in peccatis quærentes, ponere consueverunt in causa non posse, cum sit verius in occasione non velle. Verùm de nostris fidelibus hoc concludimus, quod licet fecerant quod debuerunt, quia tamen non ab eis eam perfectionem exigimus, ut juxta Domini nostri JESU-CHRISTI doctrinam servos se debeant inutiles

**A** reputare, dignos fatemur gratia, dignos præmio: sed de spoliis matris suæ ac Dominæ eos omnino non credimus (a) impinguandos, cum quibus satis agitur gratosè, si eorum quæ multis temporibus perperam usurpata cum suarum animarum discrimine possederunt, dimissis fructibus jam perceptis, & occupationis injustæ nihilominus culpa remissa, ad Ecclesiæ nostrumque Dominium nuda possessio revertatur.

His igitur instructus regulis, nostræque conficius voluntatis, procede viriliter & potenter, justum te omnibus exhibens, misericordiam non omittens, judicem æquum omnibus, & cum expedire id videris, bene meritis gratiosum. Ad hanc tamen gratiam inclinare te nolumus, ut apostolicæ sedis castra vel loca alia quibuscumque personis, quorumcumque meritorum obtentu concedas, vel etiam ab eis usurpata dimittas. Si qui tamen referunt controversiam, & de jure suo confidunt, tu sicut fidelis & prudens ex officio sine figura judicii, & cum omni mansuetudine de plano jus examina possidentium, & decernens quod justum fuerit, habens præ oculis solum Deum. Demum si qui non jurius innituntur, sed viribus; & tu vires Ecclesiæ vice versa non differas (b) aperire: privans prius omnibus privilegiis contumaces, & utroque gladio jus nostrum prosequere, quod tanto tempore neglectum exitit vel ablatum. Nec te terreant clamores appellantium, sed nec munerum latores: quotquot enim ad nos excesserint proclamantes injustè, sicut vacui venerint, ita vacui revertentur: & si suas voluerint jactare pecunias, eis utique eas dabunt, quorum preces, quorum præsidia sibi comperient non prodesse.

## EPISTOLA CCLXVI.

Dilecto filio S. tituli S. Cecilie presbytero cardinali apostolicæ sedis legato.

*Terræ sanctæ subsidium prosequendum scribis.*

**Q**ui verbum olim abbreviatum fecerat super terram, abbreviato jam opere Siciliæ regni, negotium, quod multis impossibile, cunctis ferè difficile videbatur, feliciter & salubriter & utiliter expedivit, dato regno in manu carissimi in Christo filii nostri C. regis illustris cum perempti jam hostis uxore, liberis, & thesauro. Cum sit à modo ad terræ sanctæ subsidium laborandum, discretionis tuæ per apostolica scripta mandamus, quatenus à crucis prædicatione desistens, prædicantes crucem in ejusdem terræ præsidium prosequaris, eisdem totiens auxilium in consilium præbiturus, quotiens fueris requisitus, quibus nihilominus eos prævenias, cum id cognoveris opportunum. Datum Perusii xviii. calendas Martii anno 11.

Anno 1266



(a) Al. Expurgandos.

(b) Al. Experiri.



## EPISTOLA CCLXVII.

Dilecto filio nobili viro comiti Piſtavienſi & Tolofano.

*Subſidia ei nulla adminiſtrare poſſe.*

ANNO 1266

**N**ovit Altiffimus cujus oculis nota ſunt omnia & aperta, quod ſatis anxiamur in nobis, quia viam invenire non poſſumus ad ſubſidium competens pro terræ ſanctæ præſidio tuæ nobilitati, quam ſincerè diligimus, miniſtrandum. Circumſpeximus etenim regiones, nec invenimus ubi pedem figere valeamus. Nam Angliam regi ſuo multis attritam moleſtiis, exhaustam ſumtibus, dudum decrevimus ſubvenire. Francia verò, ut noſti, pro regno Sicilia trienniali gravata eſt decima, nec gratuita preces reciperet, nec præceptum ſi fieret, æquanimiter toleraret. Hiſpania ſuis regibus diſtributa, nec ſibi nec eis ſufficit. Alemannia variis lacerata ſciſſuris languet & deficit; & cum magni ſit ſupercilii, nec tibi, nec alii exteræ nationi aliquatenus ſubveniret. Inſpeximus iterum congregatam pecuniam de centeſimâ multipliciter eſſe diſtractam, & quibuſdam certam partem pecuniæ jam ſolutam, aliis in tempore promiſſam, aliis ſedi apoſtolicæ reſervatam. Unde quid habeat in reſiduo ignoramus. Tu tamen cum cariſſimo in Chriſto filio noſtro illuſtri rege Franciæ fratre tuo, & venerabili fratre noſtro archiepiſcopo Tyrenſi diligenter inquiras, an inde tibi poſſit aliquod amminiculum miniſtrari; quod cum ſcierimus, libentiſſimè faciemus quod Deo gratum & utile tibi videbimus, ſi propoſitis in brevi ſuccurrere dictæ terræ, quam timeamus vix poſſe ſuſſistere, niſi ſibi celerius ſuccurratur. Non igitur nobis imputes, ſi tuis petitionibus non annuimus, quas ſine gravi ſcandalo nequaquam exaudire poſſemus, quod utique probatione non indiget, cum omnibus ſe exhibeat rei veritas manifeſta. Datum *ut ſupra in proxima.*

## EPISTOLA CCLXVIII.

Archiepiſcopo Tyrenſi.

*Permittit ei ad Tyrenſem ſe eccleſiam recipere.*

ANNO 1266

**D**um labores intendimus quos ſubiſti, dum evolvimus onera quibus humeros ſubje-  
ciſti, ut terræ ſanctæ neceſſitatibus ſubvenires, prout à feliciſ recordationis URBANO papa prædeceſſore noſtro & à nobis poſtmodum receperas in mandatis, & tuis congaudemus proſectibus, & fragilitati compatimur, quam licet ex primaria complexione contractam laborum ſuccedentium aggravaffet instantia: anxius tamen, ut tuæ prætendunt litteræ, quartana ſuper-  
veniens; quæ prout ſcribis, vires tuas exhaustans, te minus idoneum effecit ad ea quæ cœ-

**A** peris proſequenda. Sanè quia poſtulas tamquam emeritus à nobis liberaliter indulgeri, ut onere tanto depoſito, ad Tyrenſem poſſis eccleſiam remeare, diem ibi, ſi Deo placuerit, clauſurus extremum: Nos tuis, ut decet, deſideriis annuentes, fraternitati tuæ quod petis duximus indulgendum, tali tibi prius ſubſtituta perſona, quæ ad exequendum tibi commiſſum officium, tam tibi, quàm cariſſimo in Chriſto filio noſtro regi Franciæ illuſtri ad id idonea videatur: quam cum elegeris, nobis protinus ſcribas, & tibi datas indulgentias, quæ contingunt negotium nobis mittas, noſque protinus negotio providebimus de eadem; tu verò interim ſicut poteris ſaltem per alios Dei negotium exequaris. Datum Peruſii xviii. calendas Maii anno 11.

## EPISTOLA CCLXIX.

Dilecto filio Ermengaudo de Melgorio militi.

*Laudat in eo ſeculi fugam.*

**Q**uæris à nobis conſilium, quod apud te rectius poteris invenire. Si enim Dominus inſpiravit, relicto ſæculo, vitæ frugem appetere melioris; Dei ſpiritum, ſicut non poſſumus, ſic nec volumus prohibere; præſertim cum filium habeas bene diſciplinatum, ut credimus, qui tuæ ſciat domui providere. Quod ſi propoſito non mutato ſciſcitaris ulterius, quem tibi ex fratrum Prædicatorum & Minorum ordinibus præeligendum credamus; id præcipuè conſcientiæ tuæ relinquimus. Magis enim tu ſcire poteſ utriuſque ordinis obſervantias, quæ non ſunt pares in omnibus, & in diverſis articulis excedentes ſunt, & exceſſæ. Alteri quidem iſtorum ordinum lectus eſt durior, nuditas gravior, & ut nonnulli judicant, paupertas profundior: & alteri cibus parcius, longiora jejunia, & ut quamplures aſſerunt, ſeverior diſciplina. Neutrum ergo neutri præferimus; ſed in una & in illa altiſſima paupertate fundatos ad unum tendere credimus, ſalutem ſcilicet animarum, & ideo ſive hunc, ſive illum elegeris, artam viam aggredieris, & per portam intrabis ad terram mellifluam & præ ceteris ſpatioſam. Unde hæc apud te pondera, hæc diligenter adverte, quis magis animo tuo placeat, quem tu ſperes melius portaturum. Sic uni converſatione adhæreas, ut amore ab altero non recedas. Frater enim Prædicator eſt reprobus, qui Minores non dilexit: & execrabilis frater Minor, qui vel odit Prædicatorum ordinem vel contemnit. Datum Peruſii xiiii. calendas Maii anno 11.



## EPISTOLA CCLXX.

Dilecto filio Petro Raymbaldo de Carumbo.

*Scribit ei à quo cingulum militiæ recipere debeat.*

Anno 1266 **I** Am sèro super tua militia, super quo scilicet cingulum militare recipias, nostrum consilium requisisti, & licet ab huiusmodi quæstionibus nostrum animum dudum averterimus, utpote posteriorum obliti, in anteriora protendimus, & majora; ne tamen reputes te contemptum, & jam penitus oblivioni traditum, tibi breviter respondemus, quod inter vicinos (a) nobiliores tibi crederemus utilius à domino Narbonensi recipere. Quod si in magnis ambulas, & ad regum aspiras palatia, quod magnæ prudentiæ non adscribimus; esset tibi consultius, ut putamus, ad illustrem regem Aragonum declinare. Ad nullum tamen nostras expectes litteras seu preces. Quæstam enim quam pro nobis non facimus, pro aliis quantumcumque nobis conjuncti fuerint, minimè faciemus. Datum Perusii XIII. calendas Maii anno. 11.

## EPISTOLA CCLXXI.

Episcopo Albanensi.

*Ut inquirat de receptoribus auri Manfredini.*

Anno 1266 **S** Tatum nostrum & fratrum prosperum per Dei gratiam esse noveris, & jam egressi Perusium venimus Urbem-veterem, citò, favente Domino, Viterbium ingressuri, & si cum creditoribus nostris Romanis convenire poterimus, ad Urbem vita comite hieme proxima transferemur. Sanè quia utile multum est subditorum nostrorum non tam vultus quàm voluntates agnoscere, saltem exterioribus conjecturis; & carissimus in Christo filius noster CAROLUS illustris rex Sicilia, prout fertur, in quaternis suis inveniat qui fuerunt in patrimonio & Tuscia & aliis Italiae partibus auri Manfredini retractis temporibus receptores, fraternitati tuæ per apostolica scripta mandamus quatenus cum dilecto filio ROBERTO DE BARO super hæc familiariter conferas, & si quid invenire potueris, saltem de patrimonio nostri aut (b) Marchiæ nostræ hominibus, quid, quantum, & per cujus manus receperint rescribere non postponas. Verùm quod sæpe experti sumus eorum, qui pro eodem rege in Urbe morantur, improbitatem in nostros, ex quo præsumimus quod facile Beneventanos molestant; volumus & mandamus, quatenus eorum quieti provideas, & à rege, suis ballivis, & iusticiariis omnibus inhiberi procures, ne (c) quicquam sibi auctoritatis aut jurisdictionis, aut præcepti cujuslibet in eis usurpent, & tu nihilominus contrarium attentantes

(a) *Al. Nobis.*  
(c) *Al. Quisquam.*

(b) *Al. Patriæ nostræ.*

**A** excommunicationis protinus mucrone percellas. Nam qui eos tetigerit, pupillam oculi nostri tangit, nec æquanimiter tolerabimus, si hoc nostrum modicum patrimonium contra tantarum conventionum fœdera molesteretur. Dilectus filius noster J. sancti Nicolai in carcere Tulliano diaconus cardinalis adhuc in renibus suis patitur, sed melius habens solito, subjacere discrimini non censetur. Datum apud Urbem-veterem VIII. calendas Maii anno 11.

## EPISTOLA CCLXXII.

Episcopo Albanensi.

*De inquisitione facienda de objectis Firmano episcopo.*

**N** Osti super gravem infamiam dudum contra Firmanum exortam episcopum: qui tamen super universis & singulis, super quibus infamatus extitit, ponens mendacium, ut videtur, spem suam, negat omnia sigillatim. Unde fraternitati tuæ per apostolica scripta mandamus, quatenus cum comitibus & aliis familiaribus quondam M. principis Tarentini diligenter inquiras, an idem episcopus in curia fuerit personaliter dicti nobilis, & annuncios vel litteras ei miserit, & quæ invenire potueris scribas nobis. Oneri enim est nobis, & multum turbabimur, si veritas de tali homine tanto tempore publicata ex solo probationum defectu succumbat, quem si possemus credere innocentem, dimitteremus cum gaudio absolutum. Datum apud Urbem-veterem VIII. calendas Maii anno 11.

## EPISTOLA CCLXXIII.

Dilecto filio S. tituli S. Martini presbytero cardinali, Marchiæ Anconitanæ &amp; ducatus Spoleti rectori, apostolicæ sedis legato.

*Ipsius prudentiæ relinquit quomodo se debeat gerere erga Anconitanos.*

**L** icet interdum materiam opus superet, in operibus tamen justitiæ sic videtur materiæ qualitas attendenda, ut intra reorum merita ex æquitatis interdum moderatione subsistat, potiusquam ultra conantibus liberis evagetur, nisi forsitan multis grassantibus sit opus exemplo, & rigor in aliquibus inflexibilis ausum in aliis reprimat delinquendi. Harum autem varietatem causarum ille solus examinat plenius & discernit, qui sensibilibus palpat negotium, & corporaliter intuetur, quem experientia erudit, cui nulla doctrina similis, quibuscumque vivæ vocis vel mortuæ adminiculis adjuvetur. Tu ergo, dilecte fili, sicut alias tibi scripsimus, qui sensisti Anconitarum aculeos, qui probasti eorum infidias, longè potes procedere confidentius, quam nos tibi consulere, quid vel qualiter agere

debeas cum eisdem. Et idcirco tuæ prudentiæ te A  
committimus, de quo planè confidimus, quod  
personarum & rerum circumstantiis evolutis,  
& servabis justitiam misericordia non contem-  
ta, & flectetur misericordia, non calcata justitia  
nec sepulta. Datum apud Montem Flasconis III.  
calendas Maii anno II.

## EPISTOLA CCLXXIV.

Dilecto filio O. sanctæ Mariæ in Via-lata B  
diacono cardinali.

*Erga Guidonem Novelli paterna viscera non esse  
claudenda.*

Anno 1266 **L**icet comitem GUIDONEM NOVELLI ad  
mandata nondum duxerimus admitten-  
dum, qui gravius ceteris nos offendit, & illius  
hominis pestilentis, quem subduxit Deus de me-  
dio, principaliter vices gessit: quia tamen fina-  
liter sinum paternæ non clausimus pietatis, cre-  
dimus expedire, quod ex parte ipsius nihil fiat,  
quoad gratiam difficilius admittatur. Quocirca  
discretionis tuæ per apostolica scripta manda-  
mus, quatenus, prout honestius poteris, satagas  
& procures, ut filios Petri Tholomei, castra  
etiam quæ tenet in Lucanam diocesim ad im-  
perium pertinentia in aliam viam non trans-  
ferat, ut quæ suis non obtinet meritis, assequi  
valeat alienis adjutus. Datum Viterbii II. calen-  
das Maii anno II.

## EPISTOLA CCLXXV.

Consulibus villæ Montipessulani.

*Commendat eis Lucanos.*

Anno 1266 **D**ilectis filiis consulibus villæ Montispe-  
ssulani salutem & apostolicam benedictio-  
nem.

Clara devotio communis Lucanorum meruit  
ab antiquo, ut favorem apostolicum in suæ ci-  
vitatibus suorumque civium utilitatibus promo-  
vendis inveniat propitium, favorabilem & be-  
nignum, nec super eo quod hætenus colla sub  
persecutoris Ecclesiæ, qui tunc erat, iugo flexe-  
runt, possunt rationabiliter inculpari, cum ad  
hoc eos deduxerit extrema necessitas, non vo-  
luntas. Unde cum ad mandata nostra & Ec-  
clesiæ devotè redierunt, nosque ipsos & civi-  
tatem eandem, ac ipsorum bona sub nostra &  
ipsius Ecclesiæ protectione duxerimus admit-  
tenda; universitatem vestram rogamus & hor-  
tamur attentè, quatenus mercatores ipsius ci-  
vitatibus in terra & districtu Montipessulani tam  
in personis quam in bonis eorum habeatis fa-  
vorabiliter commendatos: ita quod dignos-  
centur sub vestræ defensionis præsidio confo-  
veri, vestraque devotio possit exinde meritò  
commendari. Datum Viterbii II. calendas  
Maii, Pontificatus nostri anno II.

## EPISTOLA CCLXXVI.

Dilecto filio J. sancti Nicolai in carcere  
Tulliano apostolicæ sedis legato.

*Ut sanitati conservandæ invigilet.*

**A** Perusio venientes Viterbium, cum de Anno 1266  
tuo statu requirimus, quem quanto desi-  
derio fore prosperum multo tempore cupiamus,  
novit ille qui cordium non ignorat occulta;  
varia nobis referunt, non quod aliter de te sen-  
tiant hi & illi, sed quod tu medicis operanti-  
bus, tu fratribus assistentibus, tu pueris obse-  
quentibus, & de tua convalescentia validè præ-  
sumentibus, licet in omnibus breve sentiant  
& consentiant, non assentis: & quamvis poeta  
scripserit, *Et sum quam medico notior ipse mihi*;  
ubi tamen exterius prominent manifestè, seque  
sensui efferunt proximæ sanitatis indicia, non  
oportet infirmum sic sequi propriæ æstimationis  
arbitrium, ut morbum adjuvet, naturam-  
que debilitet, cum plerique, dum æstiment,  
faciunt se infirmos. Tu ergo, fili carissime, di-  
ligenter advertens, quanta sit nobis tuisque  
fratribus, imo verius toti curiæ, tuarum com-  
munio passionum, tuam Domino præordinanti  
salutem cooperator assistere: & quia, quod læ-  
tanter accepimus, in ipsis afflictionibus corpo-  
ralibus propter Dominum hilarescis, gaudeas  
nihilominus, si ut ei diutius milites, Deus por-  
rigat dies tuos, qui quamvis bonorum tuorum  
non egeat, eget utique ejus vicarius, indigent &  
cum ipso qui in partem, suæ sollicitudinis sunt  
vocati, quam tu cum aliis prosequendo, &  
majus meritum in præsentis, & in futuro præ-  
mium assequaris. Vivificet te Dominus, conser-  
vet, fili carissime, diesque tuos in multa tem-  
pora producat, ad gloriam sui nominis & patris  
& fratrum gaudium & profectum Ecclesiæ suæ  
sanctæ. Datum Viterbii VI. nonas Maii anno  
secundo.

## EPISTOLA CCLXXVII.

Dilecto filiis consilio & communi Lucano.

*Ut Guidonem Guerram suæ civitati præficient.*

**Q**uam fideliter, quam constanter dilectus Anno 1266  
filius noster, nobilis vir GUIDO GUERRA  
comes Palatinus Tusciæurbationum tempore  
se habuerit, quæ fideles Ecclesiæ multipliciter  
affligerunt, cum sit notum finitimis & remotis,  
nobis notius esse non potest: inter quos, sicut  
nostis, diutius conversatus, se nobiscum peri-  
culis multis exposuit, & honorem nostrum, ut  
credimus, quantum scivit & potuit procuravit.  
Sanè cum ad rempublicam gubernandam illi  
sint aliis præferendi, quorum fides est cognita,  
quorum industria comprobata, universitatem  
vestram rogandam duximus & hortandam, qua-  
tenus eundem nobilem, quem affectu sincerè  
prosequimur, ad civitatis vestræ regimen assu-

mere vobis placeat, qui & utilitati vestræ proficere sciet & poterit, & in apostolicæ sedis gratia eò propensius conversare, quo in nostris & fratrum nostrorum oculis gratis obsequiis & continuis se magis reddidit gratiosum. Datum Viterbii VIII. Idus Maii anno secundo.

## EPISTOLA CCLXXVIII.

Dilecto filio O. Sancti Adriani diacono,  
cardinali apostolicæ sedis legato.

*De rebus Anglicis, & de felici successu Caroli  
Siciliæ regis.*

Anno 1266

**L**itteras tuas pluries recepimus statum Angliæ describentes, & has novissimè, quæ multa circa eandem dubia continebant, sed habebant interclusam cedulam, quæ concordiæ reformandæ inter regem & maris latrunculos spem aliquam præferebat. Sed & processus continebatur in littera quem habueras contra Londoniensem & Cicestrensem episcopos, contra duos alios post resurrectionem Dominicam processurus. Sanè confidimus in Domino & omnipotentia virtutis ejus, quod qui tibi hactenus astitit, non te deseret in futurum, & inchoatum feliciter reformationis terræ negotium

(a) ad quam te misimus, licet tua satis amaro animo præsentia caruerimus, longè felicius consummabit. Numquam ergo te scandala terreant magna pondere, vel multa numero, si te causam non dante consurgant. Nam qui ventis & mari imperat, fulgura in pulverem faciens, & procellam in auram statuens, dabit quietia tempora sublato turbine, & tempestate repressa. Ecce apud nos illæ maris elationes mirabiles siluerunt, prostrata superbia, quæ cælum vertice tangere videbatur. Carissimus C. rex Siciliæ illustris tenet pacificè totum regnum, illius hominis pestilentis cadaver putridum, uxorem, liberos obtinens & thesaurum. Marchia ad nos rediit. Florentini, Pistorienses, Senenses & Pisani ad mandata venerunt. UBERTI PELAVICINI & Placentinorum habemus nuncios, & Cremonensium expectamus, qui volunt facere illud idem, & de Januensibus aliquam spem habemus. Alia tibi non scribimus expectantes

(b) Theodisium, quem in proximo scripsisti venturum. Citationem carissimi in Christo filii nostri Richardi in regem Romanorum electi cum omni diligentia facias. Nam expedit modis omnibus imperii negotium terminari, cum multi laborent ad CORANDINUM præficiendum eidem, quod quanti posset esse discriminis ipse vides. Datum Viterbii VIII. Idus Maii anno II.



(a) Al. Ad quod.

(b) Al. Theodorum. Al. Thecium.

## EPISTOLA CCLXXIX.

Carissimo in Christo filio C. regi Siciliæ  
illustri.

*Rogerium & Grimaldum exules ipsi commendat.*

**V**enerabilis frater noster patriarcha Hierosolymitanus ROGERIO & GRIMALDO regni exulibus nobilibus domicellis de conversatione laudabili in partibus transmarinis perhibens testimonium, nobis recommandavit eisdem, & ut tibi recommendaremus rogavit. Quocirca tuam rogamus sinceritatem attentè, quatenus indagata eorum origine & fide parentum pariter & ipsorum, cum personæ sint satis amabiles ex aspectu, eis te exhibeas favorabilem, quantum honestas & justitia patientur.

Anno 1266

## EPISTOLA CCLXXX.

Carissimo in Christo filio C. regi Siciliæ  
illustri.

*Archiepiscopum Salernitanum ipsi commendat.*

**A**ccedentem ad tuam præsentiam Venerabilem fratrem nostrum M. Salernitanum archiepiscopum, natum in regno, probatum in cursu, scientia magna præditum, & morum honestate conspicuum pro nostra & sedis apostolicæ reverentia, benignè suscipiens, fidem ei indubitatam habeas super omnibus quæ ex parte nostra tibi duxerit proponenda.

Anno 1266

## EPISTOLA CCLXXXI.

Carissimo in Christo filio C. regi Siciliæ  
illustri.

*Commendat ipsi Philippum de Macerio.*

**D**ilectus filius nobilis vir PHILIPPUS DE MARCERIO tamquam Ecclesiæ Romanæ devotus & regiæ serenitati fidelis, à servitio MANFREDI quondam principis Tarentini persecutoris ejusdem Ecclesiæ se retraxit, & priusquam ad partes istas regalis exercitus pervenisset, idem nobilis super excommunicationis sententia, quâ prætextu dicti MANFREDI tenebatur astrictus, meruit per sedem apostolicam absolutionis beneficium obtinere, nec intelleximus quod postmodum recidivum passus extiterit, adhærendo dicto M. vel ei favorem aut auxilium impendendo. Unde cum ipse regia mandata facturus, ad præsentiam tuam, sicut asserit, venire disponat, & nonnullos habeat inimicos, à quibus sibi, cum potentes existant, expedit præcavere; celsitudinem tuam rogamus & hortamur attentè, quatenus de securo con-

(c)

(c) Al. De Macerio.

ductu

ductu provideri facias, & aliàs ipsum cum tuo se conspectui præsentabit, benignè recipias, & favore benevolo prosequaris; ita quod à tui aspectus serenitate lætatus, gaudeat regalem excellentiam sibi propitiā invenisse.

### EPISTOLA CCLXXXII.

Dilecto filio vicario Urbis & Consilio generali.

*Revocat etiam bene facta præter suam voluntatem à Guidone de Pileo.*

Anno 1266

**D**ilectus filius GUIDO DE PILEO Sueffionensis archidiaconus & patrimonii nostri rector, commissam sibi nuper provinciam visitans, in aliquibus municipiis ab eorumdem incolis fidelitatis, quam Romanæ debent Ecclesiæ, juramenta recepit, & ex zeli cujusdam fervore quodcumque aliud juramentum Romano populo vel cuilibet alii præstitissent, abjurare fecit eosdem. Licet autem, si hoc ipsum quod fecerat ad iudicii traheretur examen, posset iustitia mediante defendi: nos tamen diligentius attendentes, quod à nobis receperat in mandatis, nihil prorsus insolitum aggredi sine nostra licentia speciali, illiusque memores sanctionis, quæ non laudat industriam militis, qui rem fecit à duce prohibitam, quantumcumque rem bene gesserit, sic abjuramentum huiusmodi ratam habere nolumus, immo ex causa prædicta eam duximus revocandam, eos qui eam fecerant quoad dictæ abjuramentis articulum à iuramento præstito absolventes. Datum Viterbii IV. Idus Maii anno 11.

### EPISTOLA CCLXXXIII.

(a) Dilectis filiis fratribus Lotaringo & (a) Cathalano ordinis militiæ Virginis gloriosæ.

*Ut civitatis Florentinæ regimen assumant.*

Anno 1266

**S**i sæcularibus implicari negotiis abhorretis, qui quondam sæculo, sed nunc Domino militatis, laudamus propositum & religiosum commendamus affectum. Scire tamen vos volumus, quod religio non deseritur, sed fovetur, si ad ejus qui jubere potest imperium à mundanis tumultibus avulsus animus ad eosdem pro tempore non amandos, sed potius tolerandos, pro salute reducitur proximorum. Cum igitur civitas Florentina, quæ dudum peccatis exigentibus effloruerat, refluere nostris temporibus videatur, ne, quod absit, novi flores emarceant ex defectu regiminis non suspecti, multorum iudicio tam intrinsecis quàm extrinsecis civitatis ejusdem civibus utile videatur nostro regi consilio civitatem, nostraque saltem ad tempus aliquod providentia gubernari: discretionem vestram per apostolica scripta præcipiendo mandamus, & in remissionem vobis injungimus peccatorum, quatinus dictæ regimen civitatis assumentes, ad præsens in pace & iustitia gubernetis eandem, donec ei, quam ad antiquam, favente Domino disponimus unitatem, provi-

(a) Al. Et Thainano.

*Theauri Anecd. Tom. II.*

A deatur aliter, inter cives pace salubriter reformata. Datum Viterbii IV. Idus Maii anno 11.

### EPISTOLA CCLXXXIV.

Simoni cardinali apostolicæ sedis legato.

*Ut factam canonice abbatis S. Genovesæ electionem confirmet.*

**C**LEMENS episcopus servus servorum Dei Anno 1266 dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Cunctas ecclesias, ad quarum sollicitudinem quotidiana nos urget instantia, & religiosas maximè, quæ potiori suffragio indigent, tenemur diligere juxta nostri officii debitum, ac fovere. Sed quamquam huiusmodi debitum ad singulas easdem ecclesias exsolvere cupiamus, ad monasterium tamen S. Genovesæ Parisiensis ad Romanam Ecclesiam nullo medio pertinentis ordinis S. Augustini attentius nostræ mentis oculos dirigentes, in his quæ ipsius deposcit utilitas tantò propensius provisionis nostræ vigilantiam adhibemus, quantò artius illud nobis vicissitudo caritatis astringit. Nam præter id quod monasterii ejusdem, quod superiorem alium quàm Romanum non habet Pontificem, specialior imminet nobis cura, dum ingentis in personis ibidem degentibus sinceræ devotionis obsequia, quibus frequenter in nostram venientibus memoriam, personæ ipsæ nobis tunc in minori adhuc officio constitutis, & trahentibus ibi moram, ac insuper nostri contemplatione familiaribus nostris se multipliciter acceptabiles reddiderunt; honestatis quoque ipsius loci merita recta consideratione attendimus; dignum utique reputamus, ut amplius idem monasterium in sinu nostro favoribus foveamus, nec ab illius necessitatibus, prout nec debemus, etiam ulla-tenus avertamus faciem, quin secundum quod loci & temporis suaserit qualitas, nostræque possibilitati à superna concessum fuerit clementia, eidem circa id de opportuna subventionis remedio consulamus. Proinde sanè processit quod per obitum THEOBALDI abbatis præfati monasterii, qui apud sedem apostolicam, ad quam personaliter accesserat, per universæ carnis semitam de sæculi huius nuper eductus fuit nequitia, monasterio eodem abbatis solatio destituto, licet ad ipsius ordinationem possemus procedere, si prædecessorum nostrorum Romanorum Pontificum in hac parte vestigia sequeremur: suggerente tamen dilectionis affectu, quo dilectos filios priorem & conventum prædicti monasterii velut peculiare filios ipsumque monasterium complectimur: suadente præterea illa quæ de sinceritate ipsorum nobis consurgit fiducia, quod ipsi videlicet qui personarum & loci conditionum habent notitiam, privatis, ut convenit, postpositis commodis ad publicum ipsius monasterii bonum, quod ex ejus procuratur provisione salubri, efficaciter intenderent, eis in hac parte benignè & favorabiliter deferentes, potestatem providendi præli-

X



bato monasterio de abbate, per electionem A tamen canonicam, devotioni eorumdem prioris & conventus de mera gratia reservamus, ipsos rogantes, monentes attentius & hortantes, ac eis per nostras litteras nihilominus injungentes, ut ad unitatem & concordiam, divisione sum-mota qualibet, suos animos præparantes, talem sibi eligant in abbatem, qui oneri hujusmodi congruat & honori. Cum igitur monasterii præfati expensis & laboribus parcere cupiamus; tibi, cujus desideria circa fructuosam ipsius ordinationem monasterii cum nostris credimus B votis concurrere, per apostolica scripta mandamus, quatinus si electionem quam de abbate inibi celebrari, tibi que præsentari contigerit, inveneris de persona idonea canonicè celebra-tam, illam apostolica auctoritate confirmans, facias eidem obedientiam & reverentiam de-bitam exhiberi, ac munus benedictionis im-pendi. Recepturus ab eo postmodum pro nobis & Romana Ecclesia fidelitatis solitæ juramen-tum juxta formam quam tibi sub bulla nostra mittimus interclusam. Alioquin ea ritè cassata, rescribas nobis fideliter quidquid exinde duxeris faciendum ut eidem monasterio, cujus provisio-nem nobis duximus reservandam, providere de persona idonea salubriter, auctore Domino, valeamus: contradictores per censuram eccle-siasticam appellatione postposita compescendo. Formam autem juramenti, quod ipse præstabit, de verbo ad verbum nobis per ejusdem paten-tes litteras suo sigillo signatas per proprium nun-cium quantocius destinare procures. Datum Viterbii III. Idus Maii Pontificatus nostri D anno II.

#### FORMA JURAMENTI.

**E** Go abbas monasterii S. Genovefæ pari-sien-sis ad Romanam Ecclesiam nullo me-dio pertinentis ordinis S. Augustini ab hac hora in antea fidelis & obediens ero B. Petro, san-ctæque apostolicæ Romanæ Ecclesiæ, & Domi-no meo papæ CLEMENTI, suisque successoribus canonicè intrantibus. Non ero in consilio, aut consensu, vel facto, ut vitam perdant aut mem-brum, aut capiantur mala captione. Consilium verò quod mihi credituri sunt per se aut per nun-cios suos sive per litteras ad eorum damnum, me sciente, nemini pandam. Papatum Roma-num & regalia S. Petri adjutor eis ero ad re-tinendum & defendendum, salvo meo ordine, contra omnem hominem. Legatum apostolicæ sedis eundo & redeundo honorificè tractabo, & in suis necessitatibus adjuvabo. Vocatus ad syno-dum veniam, nisi præpeditus fuero canonica præ-peditione. Apostolorum limina singulis bienniis visitabo aut per me aut per meum nuncium, nisi apostolica absolvar licentia. Possessiones ve-rò ad meum monasterium pertinentes non ven-dam, neque donabo, neque inpignoro, ne-que de novo infeudabo, aut aliquo modo alie-nabo, inconsulto Romano pontifice. Sic me Deus adjuvet & hæc sancta evangelia,

#### EPISTOLA CCLXXXV.

Dilectis filiis J. sancti Nicolai in carcere Tul-liano, J. S. Mariæ in Cosmedim, M. S. Mariæ in Porticu diaconis cardinalibus.

*Scribit eis de tribus quæ ab ipso petebat rex Siciliae.*

**V** Enientes ad nostram præsentiam solem-nes nuncios carissimi in Christo filii no-stri C. regis Siciliae illustris benignè recepimus, & audivimus diligenter; qui præmissis excusa-tionibus de sua missione dilata, tria finaliter petierunt, quæ communi fratrum consilio in-digere ratione multiplici videbantur. Primum fuit, ut cum non tam ipsi, quam imposito sibi negotio, & Ecclesiæ Romanæ per consequens, esset omnimodis necessarium adhuc Urbis domi-nium ab eodem rege diutius obtineri, super hoc taliter provideremus eidem, ut sine perjurii, excommunicationis, & aliarum pœnarum dis-crimine posset de gratia speciali ad tempus ali-quod obtinere senatum. Secundum fuit, ut de quinquaginta millibus marcharum, ad quorum se solutionem adstrinxit ei gratiam faceremus. Tertium, ut daremus ipsi consilium qualiter erga Saracenos Luceriæ se haberet. Cumque ve-  
stram causaremur absentiam, & ipsi è contrario moram intolerabilem allegarent, nos habita-collatione cum fratribus, licet nihil fixum sine vobis respondere vellemus, quia tamen impor-tunitate petentium urgebamur, circa primum articulum eis respondimus, quod via nobis pro-visionis hujus non patebat. Aut enim rex ipse sibi providerat, senatu, ut decuit, resignato; aut de hoc non curaverat. In primo casu, cum senator esse desiisset, & senatum resumere, sal-vo juramento, non posset, nisi ei nostra pro-deret delatio, etiam si liceret resumere, esset denuo eligendus; & si eum eligi iteratò contin-geret, juramentum quod de non resumendo præstiterat, obstaret eidem. Quod si nondum senatum dimiserat, & ex hoc in reatum perjurii, & sententiam excommunicationis inciderat, non fuisse quod fuerat minimè facere potera-mus.

His autem auditis, concorditer adjecerunt, quod cum ad nos de jure pertineret senatus, ipsum ad tempus secretò concederemus eidem. Ad quod respondimus, quod cum Romanus populus in possessione jam sit, & dudum fuerit ordinandi senatum, à possessione hujus-modi, quantumlibet sit injusta, causa non cognita, nec interpellatione præmissa, de-jicere non debebamus eundem, nec nostram decebat, nec etiam regiam honestatem, pro Romanis eum tenere publicè, quod à nobis accepisset occultè, ut de periculis taceamus, quæ ex duplicitate hujusmodi tam nobis quam ipsi poterant pro-venire. Post verò ejusdem regis litteras nobis & nostris fratribus ostenderunt, quas ad populum Romanum destinabat, inter cetera continentes, quod cum Romana Ecclesia ad se de jure dispo-sitionem diceret pertinere senatus, nec scan-

Anno 1268

dalizare matrem volebat, senatum resignabat A eumdem, rogans ipsos, ne ipsi matrem scandalizarent, sed hoc potius haberent acceptum. Et quamvis series litterarum provocativa magis quàm repressiva scandali videretur, tamen per verba huiusmodi super resignatione senatus, & super inductione civium Romanorum, quam ipse promiserat, ad plenum satisfacere se credebat, quamvis dicti nuncii moram aliquam Romæ traxerint, & adhuc officiales regis in suis officiis perseverent. Et nos nunciis patenter diximus, quod verbalis resignatio, facto manente contrario, regem à pœnis & à periculis minimè liberabat. Scireque vos volumus, quod post resignationem prædictam diversas litteras nobis misit, in quibus se more solito almæ Urbis senatorem appellat. De primo igitur articulo facto transitu ad sequentes, sub obtentu vestri habendi consilii, respondere distulimus; dilectioni vestræ per apostolica scripta mandantes, quatenus tam super iis quæ circa primum supplendum quàm super his quæ in duobus aliis duxeritis consulsenda, quod vobis visum fuerit per latorem præsentium sine moræ dispendio rescribatis. Expectant enim responsum nuncii, ut sciant quid oporteat regem agere in præmissis. Datum Viterbii Idus Maii anno 11.

## EPISTOLA CCLXXXVI.

Dilecto filio abbati monasterii S. Ægidii.

*Ut reformationi monasterii incumbat.*

Anno 1166

**S**I vocationem tuam attenderis, si vocantis intuitum & affectum, grandem tibi prospectus necessitatem incumbere, sic commissæ tibi regimen abbatiæ non ad oculum sed sincere tractare, ut in abbatis officio nominis impleas intellectum, patrem te subjectis exhibens & pastorem. Satis equidem hætenus luminosus videri consueveras, & notare magnos ac multos in monasterio tuo defectus circa monasticæ disciplinæ censuram. Nunc gradum altiolem adeptus, ne forsitan ea non videas quæ videbas, vel non videre te simules quæ vidisti; nec te putes in certis articulis non judicari ab aliis, in quo alios iudicasti, sicque te decet in omnibus agere, ut & prudentibus nullam scandali ministros materiam, & ignorantiam facias obmutescere hominum imprudentium. Generaliter igitur religionem servabis, & ab aliis facies observari, diligentius provisurus, ut qui ordinem voluntariè non tenuerunt, saltem ab ordine teneantur inviti. Semper tamen in corrigendis excessibus & iuste misericors, misericorditer iustus eris. In ecclesiæ tuæ superiori parte, quæ caput est omnium platearum dispergi lapides sanctuarii minimè patiaris; quod profectò contingeret, si tuos monachos illuc ascendere sine causa, ibi currere & discurrere, videri pariter & videre, nugis & fabulis, cachinnis & risibus occupari permitteres: quod quantorum causa malorum extiterit, quantæ fuerit diffamationis origo, sciunt qui confitentium examinant conscientias, sciunt qui audiunt mala quàm bona

*Theauri Anecd. Tom. II.*

libentius publicantes, ut sanè brevior sit epistola, discretioni tuæ per apostolica scripta mandamus, quatenus vocatis illis quos in tuo credideris monasterio zelum veræ religionis habere, collige quæ videris cum eisdem ad reformationem ejusdem sufficere. Collige nihilominus, constitutionibus legatorum inspectis, quæ non sine animarum periculo negliguntur, si qua sunt ibi quæ non expediat observari, & cum hæc omnia nobis miseris, & statuenda firmabimus, & quæ viderimus ressecanda, ne sint in laqueum & ruinam, tollemus. Demum ad justiciam in villa tenendam communibus oculis vigila, nec te des in partem parti, ubi de jure tractabitur, præferendam; sed ad omnium labora concordiam, & coge spiritali gladio renitentes. Illos tamen semper plus diligas, quos à Deo plus diligere, & plus Deum diligere (a) certis indiciis æstimabis. Quid plura? Imple tibi creditum ministerium in honorem divini nominis, & sui sanctissimi confessoris & nostrum, ut qui de tuis fratribus, tibi forsitan non imparibus in honore, hac vice prætulimus, tuis actibus comprobantibus, nostrum de vultu Domini prodiisse iudicium gaudeamus. Pudet autem inserere tam solemni materiæ, quam nostro patrimonio longo jam tempore tuus fecit prædecessor injuriam: cum tamen nec in monasterium, nec in eum nos meminimus adeo deliquisse, ut nobiscum pro meritis tam crudeliter ageretur, quod Judæo forma justitiæ non neganda sæpe nobis extitit denegata. Videre tamen volumus quid tu facies, & si duxeris continuandam injuriam, remedium forsitan durius, justum tamen per omnia apponemus, cum jus nostrum dare non deceat nos ingratis.

## EPISTOLA CCLXXXVII.

Dilecto filio S. tituli S. Martini presbytero cardinali, Marchiæ Anconitanæ & ducatus Spoleti rectori, apostolicæ sedis legato.

*Ut Rainaldum civitatem Callensem molestantem compestat.*

**Q**UAM sit impudens & imprudens vel excessus vel conatus illorum, qui illos qui post lapsum ad matrem piissimam Romanam Ecclesiam revertuntur, ausu proprio vel concutiunt, vel molestant, nulli veniret in dubium, qui vigorem judicarium idcirco in medio intelligeret constitutum, ne quis sine iudicio sibi sumeret ultionem. Sanè dilectus filius vir nobilis RAYNALDUS à civitate Callensi exasperatus, ab olim cives civitatis ejusdem, postquam ad matris gremium redierunt, bonorum suorum incendiis & rapinis, cum nonnullis suis complicibus sæpe fertur aggressus, super quo, cum jam pluries tibi scripsimus, nostræ tamen non extitit paritum voluntati. Cum igitur te non deceat, quod pro nostra & Ecclesiæ Romanæ reverentia fieri vel servari mandamus, prosequi perfunctoriè, vel totaliter præterire, discretioni tuæ per apostolica scripta mandamus, quatenus

(a) Al. Cunctis.

X ij

Anno 1167

tam eidem RAYNALDO, quam aliis districtè præcipias, ne civitatem dictam aut cives auctoritate propria molestare præsumant, sed id patienter expectet, quod circa indemnitatem eorum justitia suadebit, quæ celerius poterit expediri, cum factam inquisitionem pro ipso & sibi adhærentibus ad stateram reduceris æquitatis, inquirendo similiter contra ipsum, ut utriusque partis excessibus, vel alterius innocentia plenius intellectis, vel pax fiat liberius, vel eò securius, quò & certius jus dicatur. Quod si tuis noluerint parere monitis vel mandatis, pœna subjecta doceat in nostris injuriis te offendi, reque præsumptione damnabili laborantibus in aliorum præjudicium non blandiri.

### EPISTOLA CCLXXXVIII.

Carissimo in Christo filio nostro L. regi Francorum illustri.

*Certum eum facit de prospero statu suo & Ecclesiæ, de Angliæ, Hispaniæ, Germaniæ & Terræ sanctæ periculis.*

Anno 1266

**Q**uod de statu nostro certificari desideras adscribentes præscriptæ hætenus caritati, acceptum habuimus & habemus, & serenitati tuæ breviter rescribentes, quod homo noster exterior, licet quotidie corrumpatur, satis tamen se habet melius quam meruit, juxta nostræ conditionem ætatis, quam multis circumveniri decet incommodis, multisque molestiis atteri, cum sit prope interitum quod senescit. Sanè homo noster interior inter diversa fluctuans, nunc videns prospera, nunc adversa, trahitur & distrahitur, & angustiis multis premitur; sed in eo figit anchoram spei suæ, qui sperantes in se non deserit, & humano consilio destitutos, cum prostrati putantur elevat, moerentes (a) erigens sospitate. Ecce per Dei gratiam Sicilia rediviva nuper à mortuis resurrexit. Ecce Tuscia, ecce Pelavicinus marchio cum Cremonensibus & Placentinis, & aliis partis suæ nobilibus ad ecclesiæ redire mandata: de quorum constantia licet tenuem afferat confidentiam status præteritis eorumdem, quia tamen non est nostrum judicium de occultis, aperuimus cum gaudio gremium redeuntibus, & gaudentibus angelis de unius pœnitentia peccatoris, in conversione tot millium congaudemus. Verum in nobis hanc quantumlibet magnam lætitiā interrumpit periculosus status Angliæ, periculosus Hispaniæ, periculosus Germaniæ, periculosior Terræ sanctæ, sicque risus dolore miscetur, sicque extrema gaudii luctus occupat, ut flere libeat, gaudere vix liceat; quamquam alternis vicibus tam lacrymis quam lætitiæ contingat & oporteat nos vacare. Ceterum scire volumus tuam magnitudinem, quodquamvis regnum nobile, plenum deliciis & divitiis acquisierit frater tuus; timeamus plurimum ne segnius quam oporteat terram custodiat acquisitam. Multos enim abire permisit, quos fuisset expediens tenuisse, qui sicut teneri non poterant sine donis, sic libenter

(a) Al. Erigit.

astitissent eidem feudis decentibus (b) honoranti. Néc credas quòd nostra defuerit admonitio, quam utique & per litteras ei misimus, & in ore posuimus magnorum & fidelium nuntiorum. Tu igitur, fili carissime, ex præmissis potes colligere statum nostrum, quem sicut prosperum scire desideras, sic nos tuum, quem conservet Altissimus, & ad meliora promoveat nunc & in tempora longiora. Datum Viterbii XVIII. calendas Junii anno 11.

### EPISTOLA CCLXXXIX.

Dilecto filio O. sancti Adriani diacono cardinali apostolicæ sedis legato.

*Hortatur ut in negotio quod suscepit perseveret.*

**D**um tuum ac tibi commissi negotii statum dubium per tuas litteras intelligimus, & relatu percipimus aliorum, mens nostra rapitur in diversa, & quid è duobus eligere deceat vel expediat dubitamus. Patet siquidem universis, quod hoc tempore terram deferi, quam eandem reformaturus intrasti, nihil aliud esset penitus, nisi totum everti negotium, regem, reginam, ac liberos tradi morti, & ecclesiæ Romanæ feudum tam nobile sine spe qualibet recuperationis amitti. Rursum te satis pavidum, ut videtur, & in castrum receptio, quod inhabitas, attestatur; exponere mortis discrimini, vel confusionis extremæ, non paternum in nobis sapere videtur affectum, sed crudelitati potius adscriberetur à multis. Sanè si veritatem sequimur scripturarum, ubi persecutio gravis urget, si persona quæritur, dicimus persecutioni cedendum; si fides impeditur, si justitia impugnatur, non est fugæ captandum præsidium, sed veritas tunc instantius prædicanda, ne nautam arguat recto judicio deserta navis in tempore tempestatis. Quod si quis dixerit hanc inesse nautis prudentiam, ut naves deserant, quas salvari non posse perspiciunt, maluntque sine ipsis propriæ salutis consulere, quam cum ipsis pari discrimini subiacere: nobis superest hæc responsio, quod navis Simonis in hoc differt ab aliis, quod quantiscumque fluctibus agitata finale naufragium non formidat. Inter hæc igitur, tibi, fili, te ipsum committimus, ipse respice, ipse judica quid tibi faciendum immineat, quid vitandum; si terram deferis, & sinistram, quod absit, emergat; tibi totum ab omnibus imputabitur. Sed qui omnia novit Deus, & in sua dispositione non fallitur, tecum aget, prout merueris, patiens & misericors, justus tamen. Si remanseris & profeceris, cedit tibi ad meritum, nobisque & tuis fratribus ad gloriam & honorem. Si manseris & defeceris, aderit tibi Deus, cum te forsan consumtum putaveris, velut lucifer oriens exultabis. Demum non te in partem alterutram moveant verba nostra contra propriam conscientiam: magis enim diligentia scribimus quam urgentia. Tu verò in igne positus, flammarum vim experientiæ magisterio melius scire potes quam nos, qui longè positi ea fortè confidentia de pres-

(b) Al. Honorati.

furis loquimur alienis', qua de jejunio disputat venter plenus. Ceterum illud scias quod ad omnes litteras, quas diversis nobis temporibus destinasti, plenè tibi respondimus: an ad manum tuam pervenerint ignoramus. Episcoporum autem (a) iudicia suspendemus, donec de statu tuo & regni plenior certitudinem habeamus.

(b) Datum Viterbii xvii. calendas (b) Junii anno ii.

### E P I S T O L A CCXC.

Præposito & capitulo Vcetiensi.

*Sententiam olim ab eo latam & ordinationem factam super collatione beneficiorum confirmat.*

Anno 1266

Ex tabulario Uticensis capituli.

**D**ilectis filiis præposito & capitulo Ecclesiæ Uticensis ordinis S. Augustini salutem & apostolicam benedictionem.

Ea quæ iudicio vel concordia terminantur, firma debent & illibata persistere, & ne in recidivæ contentions scrupulum relabantur, apostolico convenit præsidio communiri. Vestra sanè nobis exhibita petitio continebat, quod vacantibus archidiaconatu & præcentoria Ecclesiæ Uticensis, Venerabilis frater noster episcopus Uticensis archidiaconatum & præcentoriam huiusmodi, vobis irrequisitis, contulit pro suæ libito voluntatis. Negotio itaque collationis huiusmodi per appellationem ad Narbonensem curiam devoluto, tandem partes ordinationi nostræ, dum adhuc Narbonensi Ecclesiæ præessemus, super hoc & super declaratione seu determinatione sub qua personatus & beneficia ipsius Ecclesiæ Uticensis forent in posterum conferenda, se submittere curaverunt. Nos autem tunc iuribus partium plenè discussis, negotium ipsum per quamdam ordinationem acceptatam ab eisdem partibus duximus terminandum, prout in instrumento publico inde confecto plenius continetur. Nos igitur vestris supplicationibus inclinati, ordinationem huiusmodi ratam & firmam habentes, eam ex certa scientia auctoritate apostolica confirmamus, & præsentis scripti patrocinio communimus. Transcriptum autem ipsius instrumenti sumtum de patentibus litteris venerabilis fratris nostri episcopi Nemausensis & R. archidiaconi Posqueriarum [in] ecclesia Nemausi signatis eorum sigillis propriis, nobisque ut olim eis mandavimus destinatis, de verbo ad verbum præsentibus (c) firmitus annotari, quod tale est. Anno ab Incarnatione Domini millesimo ducentesimo sexagesimo primo, scilicet ii. calendas Martii, regnante LUDOVICO rege Francorum. Notum sit universis quod cum venerabilis pater BERTRANDUS Uticensis episcopus vacante nuper archidiaconatu Uticensis Ecclesiæ per mortem Raymundi de Buxedone archidiaconi Uticensis Ecclesiæ, eundem archidiaconatum vacantem Raymundo de Salve præcentori ejusdem Ecclesiæ, præcentoriam Raymundo de Bugarius priori S. Laurentii contulisset; Raymundus præpositus, Guillelmus sacrista & plures alii canonici Uticenses colla-

(a) *Nl.* Negotio (b) *Nl.* Julii.

tionem dictorum personatum coram venerabili patre Domino GUIDONE Dei gratia sanctæ Narbonensis ecclesiæ archiepiscopo, ad quem se ante collationem & postea legitimè appellasse dicebant, multipliciter impugnaverunt. Et cum idem archiepiscopus quæstiones prædictas per appellationem ad eum delatas viro discreto Berengario sacristæ Narbonensi commisisset examinandas, sibi sententia reservata; placuit partibus viam eligere breviorē & ordinationi archiepiscopi ejusdem super declaratione seu determinatione formæ, in qua personatus & beneficia Uticensis ecclesiæ sint in posterum conferenda, se committere in hac forma, quam eidem per suas patentes litteras sigillis episcopi [ & ] capituli communitas per suos solemnes nuncios destinaverunt. Tenor autem dictarum litterarum hic est. REVERENDO in Christo Patri ac Domino Dei gratia sacro-sanctæ Narbonensis ecclesiæ archiepiscopo B. eadem gratia Uticensis episcopus & R. humilis Uticensis præpositus salutem cum reverentia & honore. Vobis tamquam patri & Domino tenore præsentium notificamus, nos ad invicem convenisse, habito consilio Uticensis capituli & assensu, quod quæstionem archidiaconatus & præcentoriæ Uticensis, quam habemus ad invicem, ponamus in manu vestra terminandam de jure; quod & facimus sub hac forma, videlicet quod a vobis, si placet, tam de facta ordinatione personatum prædictorum, quam de jure partium breviter & summatim, si vobis videbitur, cognito & discusso, facta ordinatio, si stare debet, de jure remaneat in suo robore firmitatis, alioquin per vos sententialiter revocetur. Amotis verò per sententiam illis quibus personatus prædicti collati sunt, si fuerint amovendi, de jure ordinatio personatum prædictorum & aliorum quæ sequuntur hac vice resideat in dispositione legalitatis vestræ, prout utilitati Uticensis ecclesiæ videritis expedire, & quod postmodum inspectis privilegiis & consuetudine Uticensis ecclesiæ disponatur qualiter in futurum absque contentione ordinatio personatum ecclesiæ Uticensis & administratio, seu prioratum ad collationem Uticensis præpositi pertinentium fieri debeat in ecclesia Uticensi, ut sic inter nos nulla possit de cetero quæstio suboriri. Hinc est quod paternitati vestræ reverendæ humiliter supplicamus quatenus quam brevius & quam citius poteritis, dignemini Uticensē ecclesiam visitare, causâ pacis faciendæ, ut sic quæstionibus præsentibus & futuris per vos finis debitus imponatur, & vitentur discrimina & expensæ quæ proveniunt tota die, nec non status Uticensis ecclesiæ, quæ prætextu quæstionum prædictarum periclitatur admodum, per vos tamquam per patrem & dominum reformetur. Actum Uctiæ anno Domini millesimo ducentesimo sexagesimo primo ii. calendas Decembris. RECEP.TIS autem litteris supradictis, idem archiepiscopus paci consulere cupiens Uticensis ecclesiæ & quieti, & ad eandem accedens personaliter, prædictis litteris lectis in præsentia

(c) *Forse* fecimus.

X iij

dictorum episcopi & capituli Uticensis, & ab eisdem denuo approbatis, eosdem novis cautionibus super ordinatione ejusdem archiepiscopi observanda adstrinxit, sicut plenius continetur in instrumento per manum Bertrandi B O N - H O M M E notarii confecto. Tandem idem archiepiscopus terminum peremptorium partibus assignavit, crastinum scilicet conversionis S. Pauli cum continuatione diei sequentis ad ejus ordinationem, mandatum & sententiam audiendum apud Narbonam. Quibus die & loco dictis episcopo, Raymundo de Salve & R. de Bagarius personaliter comparentibus, & pro præposito & capitulo & aliis contradictoribus procuratoribus eorundem, idem archiepiscopus diem prorogans & diebus dies continuans venit Ucetiam prima die lunæ quadragesimæ, quam continuavit usque in crastinum. Cum verò tractatu habito sigillatim cum partibus supradictis, archiepiscopus ad concordiam eos revocare non posset, eisdem partibus sententiam ferre postulantibus, dicta die, scilicet prima Martis quadragesimæ, ad decisionem negotii memorati processit, dictum suum seu ordinationem in præsentia partium prædictarum pronunciavit in hac forma: Nos GUIDO Dei gratia Sanctæ Narbonensis ecclesiæ archiepiscopus post potestatem nobis à Venerabili fratre nostro B. Uticensi episcopo, R. præposito & capitulo Uticensi, Raymundo de Salvis, & R. de Bagarius, ut dictum est superius, nobis datam, inquisitione præmissa diligenti super ordinatione archidiaconatus & præcentoriæ hac vice facta per eundem fratrem nostrum Uticensem episcopum, in qua dictum R. de Salve creavit archidiaconum & R. de Bagarius præcentorem Ecclesiæ Uticensis, nec non super forma, quæ à longis retro temporibus observari in hujusmodi ordinationibus consuevit, inspectis etiam privilegiis à sede apostolica ecclesiæ memoratæ concessis, quæ ex usu contrario videntur abolita vel turbata, cum in ordinatione prædicta dictus venerabilis frater noster episcopus Uticensis formam non servaverit hætenus observatam, nec juri communi nec privilegiis supradictis inhæserit, ordinationem eandem de archidiaconatu dicto R. de Salve & præcentoria R. de Bagarius collatis non vitio personarum ipsarum, sed propter formam debitam non servatam, & aliquorum contemptum, decernimus irritam & inane, & quatenus de facto processit, irritamus & revocamus eandem. Ne verò in posterum super ordinationibus dignitatum vel personatum, quorum collatio ad episcopum, & aliorum beneficiorum seu prioratum quorum collatio ad præpositum in eadem ecclesia pertinet, propter formæ incertitudinem possit discordia laboriri, dicimus & disponimus, præcipimus & emendamus, quod ex nunc in perpetuum in collationibus antedictis hæc forma servetur. Quotiens archidiaconatum, sacristiam, vel præcentoriam in Uticensi ecclesia vacare contigerit, Uticensis episcopus præpositum Uticensem certificet, qua die statuatur idem episcopus ad ordinationem procedere dignitatis sive perso-

natus per quatuor dies ante; & idem præpositus vocet priores vicinos Utenses canonicos infra sex leucas ab Ucetia constitutos, denunciatione missa ad prioratus eorum, quæ sola & unica sufficiat ad vocationem eorum, sive inveniantur, sive non inveniantur ibidem. Cum verò dies venerit ab episcopo ad ordinationem præfixa, intret capitulum idem episcopus, fratribus in eodem ad sonum campanæ more solito congregatis, quibus proponat adventus sui causam, ordinationem scilicet imminentem, & postea surgat vocato præposito; surgant & alii qui personæ vocantur; & sic tam præpositus quam ipsæ personæ, nullis vocatis aliis, secedant cum episcopo in dormitorium, nec aliquis alius eos sequatur, vel tractatibus eorum se ingerat non vocatus. Cum autem intraverint dormitorium, ut est dictum, ante omnem tractatum alios tres vocent de fratribus, quos maturioris & sanioris crediderint esse consilii; & nihilominus priorem claustralem, qui pro tempore fuerit, & si quod absit de dictis tribus vocandis convenire non possent, vocent quatuor, duos scilicet quos episcopus & duos quos præpositus nominabunt, priore claustrali nihilominus advocato. Quibus congregatis in forma prædicta, proponat episcopus quid ei placuerit in personam vacantem, sicut ei bonum & honestum videbitur nominando. Et si per familiarem collationem convenire potuerit cum eisdem super certa persona, redeat ad capitulum, & secundum concordiam cum eis habitam, vacantem conferat dignitatem seu etiam personatum. Quod si forte, quod Deus avertat, hujusmodi familiaris collatio in dormitorio habitare venire nequiverit ad concordiam, tunc idem episcopus præcipiat in virtute obedientiæ præposito & personis, & aliis vocatis ad consilium in forma prædicta, quod eidem de persona quam ipse dicet & credit ad dignitatem seu personatum vocantem idoneam... & fidele consilium de pura conscientia, postpositis odio & amore; & si vel sic ei consentire noluerint, procedat ad ordinationem, ut prius. Si verò omnes dissenserint, vel pars major, laboret unâ die vel pluribus, ut eos revocet ad consensum. Quod si facere non potuerit, teneantur qui in contradictione perstiterint, causam sufficientem episcopo dicere in secreto, quæ eos retrahat à consensu. Et si episcopo suspicante calumniam vel timenti eodem requirenti juraverint, quod nec odio, nec favore cujusquam, sed ex conscientia potius, & propter utilitatem ecclesiæ se opponunt, non procedat episcopus, donec illa vel alia circa personam nominatam vel aliam postea nominandam partem majorem numero vel æqualem contradicentibus sua semper connumerata persona, illa tamen quam promovere intendit exclusa, trahere vel inducere potuerit ad consensum. Sive autem in primo tractatu, sive in sequentibus pars major consenserit, in forma prædicta liberè ad ordinationem procedat, non obstantibus reclamationibus aliorum, etiamsi rationabiliter quicquam opponere videantur, cum in hoc casu



sufficere decernamus requisitum esse ipsorum consilium, nec expectandum assensum; sed etsi & præposito & personis omnibus episcopo consentientibus, alii plures numero dissentirent, in hoc casu præferri volumus dissentientium numero consentientium dignitatem. Verum si in hoc casu superius posito, ubi scilicet vel omnes vel majorem partem contingeret nolle episcopo consentire, si forsitan vel causam noluerit sufficientem exponere, vel post eam expressam jurare noluerit in forma quam duximus episcopo requirenti, libere procedat ad ordinationem episcopus, omnimoda contradictione hujusmodi nonobstante. In omnibus tamen id diligenter observet, ut nulli personatum vel dignitatem conferat, qui non sit verè canonicus Uticensis in ecclesia Uticensi professus. Ceterum in administrationibus aliis seu prioratibus à præposito conferendis hæc perpetuò forma servetur. Certificet episcopus præpositum de prioratu vacante, & de die ordinationis futuræ conveniat cum eodem, quam infra decem dies episcopus sibi dixerit vel elegerit opportunam, ad quam vocet idem præpositus priores vicinos, quos supra diximus, & in forma eadem evocandos. Cum autem die præfixa cum episcopo & fratribus fuerit in capitulo, proponat præpositus coram omnibus, ut est moris, congregatis causam de prioratu scilicet conferendo: quo dicto surgat, & reverenter vocet episcopum: quo surgente, surgant similiter & personæ, & secedant in dormitorio cum eisdem & de numero postea vocando, collatione etiam familiari habenda, consiliis etiam per ipsum præpositum requirentibus, & aliis omnibus observandis in consensu vel dissensu omnium, vel partis majoris, vel æqualis, omnia & singula per præpositum observentur, quæ in collationibus dignitatum seu personatum supra decrevimus per ipsum observari, his exceptis quod ubi jurandum fuerit, episcopus pro sua reverentia non jurabit. Præceptum etiam in virtute obedientiæ de dando sano & fideli consilio non dabit præpositus, sed episcopus à præposito requisitus; sed & sicut supra diximus consentientibus omnibus personis, episcopus in ordinatione dignitatum seu prioratum, licet plures dissentiant, prælato numero dignitatum, sic dicimus in prioratibus si præposito episcopus & personæ consentiant. Illud autem addimus, quod quicumque canonicus de manu præpositi recipit prioratum, statim de manu episcopi recipere debet curam, juxta consuetudinem longis retro temporibus observatam. Quæ autem per episcopum in collationibus ad eum spectantibus & per præpositum in pertinentibus ad eundem supra præcipimus observari, hæc eadem vices eorum gerentibus in præmissis, canonicis tamen ejusdem ecclesiæ decernimus observanda eisdem episcopo & præposito vel eorum altero in longa absentia constitutis, vel impedimento aliquo præpeditis. In his autem omnibus quæ perpetuò servari statuimus & mandamus, retinemus nobis potestatem interpretandi & declarandi, si quæ dubia apparuerint vel obscura, præcipientes tam

NOTA.

A dicto venerabili fratri nostro Uticensi episcopo, quam præposito & capitulo in virtute præstiti juramenti, quod hanc formam expresso consensu roborent. Acta sunt hæc in capitulo Uticensi coram testibus infra scriptis; videlicet Petro de Lunello decano S. Ægidii, archidiacono Posqueriarum, magistro Bertrando Belin præcentore Agatensi, Magistro Petro Rostagno Gobi officiali Uticensi, Petro de Vicenobrio milite, Magistro Petro Gaucelini, Raymundo de Croso clerico, Ramone de Uceria clerico, Magistro Raymundo Riotas, Magistro Petro de Marfanicis, Rostagno de Albanhaco jurisperito, Petro Bruni clerico, Magistro Nicolao de Fontahesio, & coram me Bertrando BONHOMME notario publico Domini archiepiscopi, qui hanc cartam scripsi & signavi. NULI ergo hominum liceat hanc paginam nostræ confirmationis infringere, vel si ausu temerario contraire. Si quis autem hoc attentare præsumserit, indignationem omnipotentis Dei & Beatorum Petri & Pauli apostolorum ejus se noverit incursurum. Datum Viterbii viii. calendas Junii Pontificatus nostri anno secundo.

## EPISTOLA CCXCI.

Anno 1266

Nobili viro Barrao Domino Baucii spiritum consilii sanioris.

*Ut regis in fide perseveret.*

**P**RO absolute tua scribimus venerabili fratri nostro Albanensi episcopo apostolicæ sedis legato, quam cum receperis, ex tunc sicut cupis & cupimus, stylo poterimus scribere pulchriori. Sanè quia per fide dignos accepimus, quod carissimus in Christo filius noster C. rex illustris Siciliæ fixum habet propositum & immobile, te secum, tuo remisso filio, retinendi, scribendum ei non duximus, ut peristi. Non enim delectat nos multum pati repulsam, licet eam nos apud nonnullos, quos multum honoravimus sæpius patiamur. Sed in regis ejusdem debes confidere bonitate, quod obsequiorum non immemor ex condignis præmiis compensabit. Tu verò proseguere quod cæpisti, & in ejus fide quam hætenus multorum operum testimonio comprobasti, cum ea diligentia persevera, ut tam tibi quam tuis obnoxius suæ (a) nobilitatis obtentu erga te faciat quæ desideras, & decet regis præeminentiam majestatis. Illud sibi consulimus bona fide, quod à Lombardorum regimine, & omnium quos includit Italia, prorsus abstineas, nisi superioris imperium urgeat: Quod etiam si instaret, crederemus tibi consultum non contumaciter ei resistere; sed discrimen imminens multiplicatis precibus declinare. Datum Viterbii v. calendas Junii anno secundo.



(a) *Al. Liberalitatis.*

## EPISTOLA CCXCII.

Episcopo Albanensi apostolicæ sedis legato.

*Ut absolvat à censuris Barralum dominum de Bauciis.*

Anno 1266

**N**Ota est nimis oppressio Mediolanensis ecclesiæ & archiepiscopi spoliatio, nota cleri gravamina cum multo præjudicio ecclesiasticæ libertatis, quæ in Mediolano sub UBERTO PELAVICINO incepta, sub aliorum continuata regimine in diem hodiernam damnabiliter perseverant. Sanè cum vir nobilis BARRALUS Dominus Baucii, licet horum malorum non auctor, successor tamen prædonum hujusmodi extiterit in regimine, sicque non pari culpa, sed pari cum eis sententia extitit involutus, volentem nunc saniore consilio, administratione, ut dicunt, deposita, suæ providere salutis, fraternitati tuæ committimus absolvendum, recepto ab eo juramento, litterisque parentibus, quod nostris parebit in omnibus, pro quibus excommunicationis incurrit sententiam, beneplacitis & mandatis, ad quæ audienda præfiges ei terminum competentem, quo se nostro conspectui personaliter repræsentet. Datum *ut supra in proxima.*

## EPISTOLA CCXCIII.

Universis regni Galliæ nobilibus.

*Infelici Terræ sanctæ statu exposito, hortatur, ut ad ipsius defensionem viriliter se accingant.*

Anno 1266

**C**LEMENTIS episcopus servus servorum Dei dilectis filiis nobilibus viris, comitibus, baronibus, ceterisque magnatibus, & aliis Christi fidelibus regni Franciæ cruce signatis in subsidium Terræ sanctæ, salutem & apostolicam benedictionem.

De partibus orientis tubæ terribilis his diebus horrendus clangor intonuit, tristitia repetens, luctuosa commemorans, mœsta denuncians, & infesta promittens. Gravibus etenim subjecta periculis, & quasi fatali addicta discrimini Terra sancta clamat & ejulat se diutinis & immensis pressuris oppressam, enervatam viribus, exinanitam incolis, evacuatam opibus, ope desertam, & necessariæ defensionis auxilio destitutam. Lacrymabili recentium oppressionum commemoratione succinctè præmissa denunciatur, quòd licet post strages fidelium varias multiplicatas inhabitatores ipsius ætate præterita, post proditoriam occupationem Cesareæ metropolis Palæstinæ, post valde damnosam eversionem Arsuri, & destructionem aliorum locorum partium prædictarum, Babilonicæ persecutionis instantia remissa diebus aliquibus videretur, in remissione tamen hujusmodi persecutio eadem non otiosa, sed eò magis insidiosa & periculosa

**A** delituit, quò interim collectis undique viribus & multiplicatis insidiis intensior quasi è vestigio insurrexit. Si quidem, prout habet litterarum nuper de terra illa missarum & nuntiorum exinde venientium infausta relatio, nefandissimus Soldanus Babiloniæ persecutionis & persecutorum christiani nominis dux & incitator infestus, necessariis bellatorum usibus medio tempore præparatis, uberius & ipsorum inæstimabili multitudine congregata, tempora solita & his in illis partibus apta præveniens, ex Ægypto **B** egressus instructior, & Neapolim Samariæ, præmissa magna exercitus sui parte, ad abolendum de terra illa christianum nomen & cultum, immo ad omnino exterminandum exinde modicum christianitatis residuum, ardenti suspirat desiderio, & proposito damnando festinat, tantò certior, nisi perversis ejus restiterit potentia divina conatibus, de suæ iniquitatis effectu, quantò ejusdem terræ præmissa conditio catholicorum mundi principum & aliorum fidelium non fulta suffragio, minorem sufficientis resistentiæ verisimilitudinem repromittit. Quamquam enim in residuis christicolis, proh dolor! paucis admodum, quos ad defendendum terram ipsam cælestis inibi miseratio præparavit, voluntatis ad id promptitudo non desit, nec strenuitas aut virtus deficiat animorum, ipsorum tamen paucitas non creditur posse aliquo modo sufficere ad sustinendum tantæ multitudinis impetus & insultus. Ecce filii, quàm difficilibus est exposita terra sancta periculis, quàm parata irreparabilem prorsus ad casum: & profectò nisi vestro & aliorum fidelium defensetur, aut manu teneatur auxilio, timendum proculdubio, nec immeritò est timendum, ne irreparabiliter corruat, & irrecoverabiliter in manus incidat immanium barbarorum. Ad vos itaque terra eadem oculos suos levat, de vobis potissimè sperat sibi auxilium proventurum. Ne igitur hujusmodi spe fraudata deficiat, & votum crucis assumptum à vobis votivo quod absit frustretur effectu, universitatem vestram monemus, rogamus & hortamur attentè, in remissionem vobis peccaminum injungentes, quatinus ad redimendam hereditatem Dominicam, arbitrio, ut præmittitur, impiorum expositam, illius obtentu, qui pro redemptione humani generis in terra prædicta se crucis patibulo & mortis exposuit passioni, potenter & viriliter exurgentes, in proximo si præhabita super hoc præparatio id permittit; alioquin in passagio mensis Martii primò venturi, ad terram eandem, inibi auctore Domino profecturi feliciter ad animarum vestrarum salutem ejusdem terræ negotium, omni occasione postposita transfretetis, ut ex impendendo præsentialiter ipsi terræ vestro salutari auxilio eidem liberatio desiderata proveniat, vobisque laudis titulus in præsentis & in futuro retributio æternæ mercedis accrescat. Datum Viterbii v. calendas Junii, Pontificatus nostri anno 11.

EPISTOLA

## EPISTOLA CCXCIV.

Regi Navarræ illustri.

*Ut terræ sanctæ per se & per alios succurrat.*

ANNO 1266 **C**LEMENS episcopus, servus servorum Dei carissimo in Christo filio... regi Navarræ illustri salutem & apostolicam benedictionem.

De partibus orientis, &c. *ut supra in epistola præcedenti usque ad illa verba* in manus incidat immanium barbarorum. *Deinde sequitur.* Propter quod licet nonnullos alios orbis terræ prædictæ litteris nostris hortemur: quia tamen tuum specialiter, Rex inclyte, orat & implorat auxilium causa Christi, Serenitatem regiam moneamus, rogamus & obsecramus in Domino JESU-CHRISTO, in remissionem tibi peccaminum suadentes, quatinus ad redimendam hereditatem dominicam, arbitrio ut præmittitur, impiorum expositam, illius obtentu qui pro redemptione humani generis in terra prædicta se crucis paribulo & mortis exposuit passioni, potenter exurgens, terræ præfatæ, vel per te ipsum, si ad hoc paratus existas, vel aliàs aliquod efficaciter remedium celeris ac opportunæ subventionis impendas. Sic ceteros magnates & alios, illosque specialiter qui ad succurrendum terræ prædictæ vexillum crucis vivificæ assumerunt, salutari-  
busque persuasionibus, prout decuerit excellentiam regiam, & laudabili ad id inducturus exemplo, quod terra eadem tuo & ipsorum subsidio adjuncta celeriter, nequaquam inimicorum immanitati succumbat; sed sic ad desideratam ipsius terræ liberationem tua & eorumdem accelerata subventio & exhibita in temporis opportunitate proficiat, quod vobis exinde titulus in præsentem & in futuro retributio æternæ salutis accrescat. Datum Viterbii v. cal. Junii Pontificatus nostri anno 11.

## EPISTOLA CCXCV.

Episcopo Ebroicensi.

*Quod non debeat causari de gravamine.*

ANNO 1266 **N**on te, nec alios ecclesiæ Gallicanæ prælatos nos gravasse meminimus, immo verius, nisi fallimur, plus eisdem detulimus, quam à longis retro temporibus sit delatum. Sanè interdum compellimur & te rogare & alios pro clericis benemeritis, nonnumquam ad instantiam venientium; quod præcipue nobis contigit in occursum exercitus euntis in Apuliam & de Apulia redeuntis. Cogimur scribere etiam ignotis. Licet autem preces Romani Pontificis apud sollicitudinis suæ participes habere debeant vim præcepti; is tamen cui scribitur, si forsan habet aliquid, quod scribentem movere debeat ad preces omnino tollendas, vel in tempus aliud differendas; debet hoc ipsum ei scri-  
*Thesauri Anecd. Tom. II.*

**A**bere reverenter, ut cesset omnis contentus suspicio, à qua non penitus excusatur, si nec impleverit quod rogatur, nec ei cur distulerit duxerit intimandum. Tuam igitur commendantes prudentiam, gratum habuimus quod scripsisti, quodque nostro satis est conforme consilio plenè instructum te credimus, qualiter in hujusmodi deceat te (a) conversari. Datum Viterbii 11. calendas Junii anno 11.

## EPISTOLA CCXCVI.

Dilecto filio (b) J. sancti Nicolai in carcere Tullianensi diacono cardinali.

*Gratulatur de recuperata sanitate, consulitque eum de regula Sororibus S. Clare danda.*

**D**E statu tuo audivimus prospera, expectantes quotidie meliora, de illius misericordia confidentes, qui opus imperfectionis non novit, & quoniam in sui dispositione non fallitur, sicut mortificat, sic vivificat; & sicut percutit, sic & medetur. Tu ergo à Domino ad salutem, non ad exitium verberatus, nosti, ut credimus, sugere mel de petra immensam colligens ex pœnarum acerbitate dulcedinem, quibus (c) assatus egisti gratias, contra Deum nec murmure nec querimonia resonante. Sanè in ipsa tuæ convalescentiæ novitate, ne membra tenera laboribus repentinis relabantur, cavendum est tibi plus solito, & quieti, ut credimus, opportunè propensius indulgere te convenit, cum sit melius vires lassati corporis in domo propria cum domesticis experiri, quam itineris laboriosi discrimini se committere, donec corporis partes omnes, illæ tamen præcipue quæ gravius passæ fuerant plenè fuerint solidatæ. Verùm Sorores ordinis S. Clare venerunt Viterbium pro multarum terrarum Sororibus, quarum mora in curia nec olim tibi placuit, nec hodie nobis placet. Sunt omnes in hoc proposito, quod tuam regulam non recipiant, sed vel statum observent pristinum, vel si ille videtur dubius, vivendi formam quam habet dilecta in Christo filia Soror regis Franciæ, acceptabunt. Super quo intentionem tuam ad plenum nobis per tuas intimes litteras, aut si mavis ad tuam eas mittemus præsentiam, ut celeriter eas expedias, tuâ ipsis saltè per alium expositâ voluntate, super quorum alterutra tuam scire volumus voluntatem. Datum Viterbii 11. calendas Junii anno 11.

(a) *Al. Verf. fi.*(c) *Al. Accessarius.*(b) *Al. Johanni.*

## EPISTOLA CCXCVII.

Dilecto filio abbati monasterii S. Johannis  
Angeliacensis.

*Ut R. Albanensi episcopo fortiter collaboret futuræ  
consolationis ipsius socius.*

Anno 1266

**S**tudium diligens & diligentia studiosa quibus te occupas in venerabilis fratris nostri R. Albanensis episcopi obsequiis, augent tibi gratiam, quam apud nos dudum ratione multiplici meruisti, in quo nobis eo servitur acceptius, quod eundem sincerius exequi novimus, magni quidem meriti, sed non levis laboris officium, multis perplexum involucris, multis perplexitatibus involutum. Certus igitur quod si tribulationum es socius, in consolationibus emolumentum societatis habebis; collabora, sicut bene coepisti, viro fideliter laboranti, & inter homines profundæ pectoris constituto cura pervigili (a) suæ comes peregrinationis assiste, ne quod absit, involvi vicinorum astutiis, vel precibus aliunde transmissis sua frangi vel flecti valeat rectitudo. Si qua sanè quarumlibet personarum in repulsa precum huiusmodi formidanda videtur offensa, volumus quod securè nostrum obtendatur imperium, nostris totum humeris imponatur. Pauci siquidem ad eum venient interventus, qui à nobis (b) explicitè repulsi non fuerint, vel honestis & curialibus responsis elusi: unde totum una claudit responsio, quod dandum rogantibus non crediderit, aut simpliciter deneget, aut ad nos saltem (c) explicità veritate remittat. Ex his enim quæ patimur satis novimus quanta illuc oporteat eum pati. Grata nobis tua fuerunt munera: sed non credas quod hætenus pigrum calamum excitaverunt ad scribendum; immo verius quæ palparamus quotidie nos sub compendio quæ præmisimus scribere compulerunt. Datum Viterbii nonis Junii anno 11.

## EPISTOLA CCXCVIII.

Episcopo Albanensi apostolicæ sedis legato.

*Scribit ei de pluribus.*

Anno 1266

**S**i pro aliquibus tibi scribimus sapidiores litteras quam oporteat, habet hoc stylus dictantium, non scribentis intentio: quamquam si bene recolimus, si quid habet excessus narratio, conclusio provida moderetur. Quod si forsan omissum fuerit, semper tuæ fraternitas fixum teneat, nostri nunquam fuisse propositi, postquam tantum tribunal ascendimus, personas honorare reprobas, vel indignè pollicere dignitates indignis. Per hoc sanè soluta est quæstio de JACOBO monasterii de Wulturno,

(a) *Al.* Sic comes.(b) *Al.* Implicite.(c) *Al.* Insinuare veritati.

**A** nescimus cujus precibus, præferendo, quem maluimus deprimi, quam levare, si ejus merita hoc requirunt. Per hoc tollitur quod miraris de JOHANNÉ de PROCIDA, cui nullam recolimus gratiam nos fecisse, nisi quod ad fratrum nostrorum quorundam instantiam, regi & tibi scripsimus satis, ut credimus temperatè. Cui quidem ad nostram præsentiam accedenti, pedes & tibias nostras ostendimus, sed recipere nobis non placuit quam dictaverat medicinam, & summo Medico nos committimus, qui nobiscum misericorditer nimis agens, non quantum meruimus voluit nos torquere. Dictus autem magister Jo. dilecto filio nostro J. sancti Nicolai in carcere Tulliano diacono cardinali adhsistit, quem in convalescentia positum sanum citò speramus recipere, Domino concedentè. Virum sanguinum comitem Acerrarum ad nos venire nolumus, non ut parceremus eidem, sed nobis potius, quia gravis nobis existeret ad videndum, & haberet vel sibi faceret aliquos amicos in curia, qui diabolo cras assisterent cum muneribus venienti. PETRUM SARRACENUM olim fratrem, nunc adversarium teneri facias in catenis. Illum quondam archidiaconum qui de nostro effugit carcere adducas carceri semipiterno. Nullius te preces moveant ad gratias Deo contrarias faciendas, non regis, non cardinalium, sed nec nostra quantumcumque præcisa mandata, nisi plenè credideris talem esse conditionem negotii, ut facti plenà cognitâ veritate verisimile judicetur, nos ad talem misericordiam facile inclinari. Libros quos remisisti recepimus, & tibi mittimus quem petisti. Ora pro nobis. Datum Viterbii nonas Junii anno 11.

## EPISTOLA CCXCIX.

Episcopo Albanensi apostolicæ sedis legato.

*De indulgentiis & potestate absolvendi concessa  
laborantibus in regno Siciliae.*

E

**A**d exercitus christiani solatium hunc in regno Siciliae profecturi, quibusdam fratribus laborantibus cum eodem, & dandi in sermonibus indulgentiam, & aliquos redeuntes ad Ecclesiæ gremium absolvendi, donec esset negotio delegato provisum, & ejusdem in regno haberetur præsentia, nos dedisse meminimus potestatem. Usurpatum igitur noveris quidquid post tuum in præfatum regnum ingressum dicti fratres in prædictis articulis attentaverunt, quorum simplicitati parcere poteris, vel punire stultitiam, si præsumptionem inveneris. Tuam tamen decet mansuetudinem in hoc dubio viam eligere tutiorem: sic tamen ut id eis inhibeas, cum potestas eorum fuerit limitata, quam nunc etiam revocamus, salvâ gratiâ, quam his fecimus qui prædicant in præsentia carissimi in Christo filii nostri regis illustris Siciliae, quam manere volumus illibatam. Datum ut supra in proxima.

Anno 1266

## EPISTOLA CCC.

Simoni cardinali apostolicæ sedis legato.

*Hortatur ad crucem pro Terra sanctæ subsidio prædicandum.*

Anno 1266 **C**LEMENS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

De summis cælorum Dominus terram suæ nativitatis & passionis inspiciens, dum per singulos dies in illa variis provocatur injuriis, nec exsurgit populus quem ipse redemit ad vindicandum crucis opprobrium, ex eo præcipue indignatione terribili commovetur, quod locus ille sanctissimus, ubi cæli Regem Virgo puerpera genuit, locus ubi poni meruit sepulcri dominici firmamentum, & quem resurgens Christus à mortuis resurrectionis suæ gloriâ multipliciter illustravit, coinquinatum pedibus teritur, & alienarum subvertitur tympanide nationum; quodque suum patrimonium continuæ vexationis incitatur angustiis, & successivis diffidiis laceratur. Quò igitur filiorum lucis intentio tendere? circa quid eorum debent assidue revolvì præcordia & sollicitudo versari, nisi quod illius terræ, quam in hereditatem suam Dei filius prælegit, abominationes expiare contentur, & potenti manu resistere polluentibus ipsam filiis tenebrarum? Hæc profectò dissimulari non debent, vel obtusis auribus præteriri, ne Redemptoris indago perspicua ingratitude vitio redemptos laborare comperiens, ab eis faciem iratus avertat, eosque velut indignos paternâ gratiâ derelinquat. Consurgant igitur strenui Gallie præsules & athletæ Christi ad opus tam sanctum & laudabile virium suarum extrema constantes, armentur protinus crucis galea contra illos qui sancta sanctorum coinquinant, & decorem ejus inficiunt. Consurgant in succursum ejus viriliter ad ulciscendum illius injuriam, qui in forma servi carnem nostræ mortalitatis indutus, crucis non meruit subire tormentum, ut mortem nostram moriendo destrueret, & vitam resurgendo fidelibus repararet. Cum igitur de te, qui Deum diligis, & ad prosequendum ejus beneplacitum aspiras, quique multiplicibus donis virtutum præditus, laudabiliter proficis, ubi labores impendis, magnam in Domino fiduciam habeamus, ut in præsentis prosecutione negotii ferventer militans, illud efficacibus studiis & plenis debeas affectibus promovere; discretionem tuam rogamus & hortamur attentè, in remissionem tibi peccaminum injungentes, quatinus providè pensans quod in regno Siciliæ, ad cujus recuperationem Christi fideles olim mandavimus invicari, divinâ miseratione dies advenire salutis, & quod illud sub imperio carissimi in Christo filii nostri C. ejusdem regni regis illustris devotè consistit, miserabilem terræ prædictæ

*Theſauri Anecd. Tom. II.*

A statum, multipliciter infidelium feritate collisum, Christi fidelibus tuæ legationis per te, cum ad hoc commodè vacare poteris, seu per Ecclesiarum prælatos, vel alios viros religiosos & sæculares partium illarum, quos ad hoc idoneos esse cognoveris, diligenter exponas, eisque proponas efficaciter verbum crucis, ac ipsos juxta datam tibi à Domino gratiam atteritis inducas monitis, & sedulis prædicationibus exhorteris, ut cogitantes prudenter quod multò plus solito, sicut fide dignâ nuper quorundam solemnium nuntiorum relatione didicimus, nunc indigeat præfata terra succursu, ad subventionem ejus promptis intendant animis, & viribus totis exsurgant, crucisque suscepto signaculo, illuc spiritualibus armis & materialibus præmuniti, de divina quoque sperantes potentia, cum festinatione procedant; & ut circa id ed libentiùs ac animosiùs intendant, quò exinde dona spiritualia, quæ temporalibus præferenda sunt, perceperint potiora: nos de omnipotentis Dei misericordia & beatorum Petri & Pauli apostolorum ejus auctoritate confisi, & illa quam nobis licet immeritis ligandi atque solvendi contulit potestate, omnibus qui laborem istum in propriis personis subierint & expensis, plenam suorum peccaminum veniam indulgemus, & in retributionem justorum salutis æternæ pollicemur augmentum. Eis autem qui non in propriis personis illuc accesserint, sed in suis dumtaxat expensis juxta facultates & qualitates suas viros idoneos destinaverint, & illis similiter qui licet in alienis expensis, in propriis tamen personis accesserint, plenam suorum concedimus veniam peccatorum. Hujus quoque remissionis concedimus esse participes, juxta quantitatem subsidii & devotionis affectum, omnes qui ad subventionem ipsius terræ de bonis suis aliquam portionem congruam ad arbitrium tuum miserint, vel aliàs consilium & auxilium impenderint opportunum. Volumus etiam crucesignatos & crucesignandos in dictæ terræ subsidium illo privilegio, illaque immunitate gaudere, quæ in generali crucesignatorum indulgentia continentur. Ut autem commissum tibi hujusmodi ministerium faciliùs & utiliùs exequi valeas, tibi & prædictis prælati atque religiosi & sæcularibus, quos ad hoc cooperatores elegeris, convotandi ob id quotienscumque & ubicumque videritis expedire, eleros & populos locorum in quibus vos proponere contigerit verbum crucis, ut processionaliter cum devotione prædicationibus vestris intersint, & ad hujusmodi prædicationes ferias, sicut expedire videritis indicendi; concedendi quoque omnibus verè pœnitentibus & confessis, qui ad convocationes & prædicationes easdem accesserint illas indulgentias, quæ in aliis apostolicis litteris super crucis prædicatione tibi traditis sunt expressæ, plenam tibi & aliis quibus hoc committendum duxeris, concedimus auctoritate præsentium potestatem. Taliter igitur tu & alii prædicti mandatum apostolicum super hoc exequi procuretis, quod palmam gloriæ, quæ bellum Dei gerentibus in retributionem

Y ij



ab ipso impenditur, vestra devotio dignè con-  
sequi mereatur. Datum Viterbii viii. Idus Junii  
Pontificatus nostri anno 11.

## EPISTOLA CCCI.

Simoni cardinali apostolicæ sedis legato.

*Ut mille quingentas libras Laurentio Odonis  
Serroniani solvat.*

Anno 1266

**C**LEMENS episcopus servus servorum Dei  
dilecto filio S. tituli S. Cecilie presbytero  
cardinali apostolicæ sedis legato salutem &  
apostolicam benedictionem.

Dilectus filius Laurentius Odonis Serroniani  
civis & mercator Romanus in nostra proposuit  
præsentia constitutus, quod ipse dilecto filio  
Jacobus canonico & custodi basilicæ principis  
apostolorum de Urbe habenti à nobis speciale  
mandatum nostro & Ecclesiæ Romanæ nomine  
de mutuo contrahendo, ac eandem Ecclesiam  
& cameram nostram necnon possessiones & bona  
tam ecclesiarum quàm monasteriorum & alia-  
rum religiosarum domorum Urbis creditoribus  
obligandi, mille & quingentas libras Turo-  
nenses mutuavit eidem L. in festo Assumptionis  
B. Mariæ Virginis proxime futuro (a) Pari-  
sius persolvendas. Propter quod idem cano-  
nicus ei quasdam non modicas possessiones dic-  
tarum ecclesiarum Urbis sub certis conditioni-  
bus obligavit, prout in instrumento publico  
inde confecto, dicti canonici signato sigillo ple-  
niùs dicitur contineri. Unde cum eadem pecu-  
nia recepta fuerit & expensa pro negotio caris-  
simi in Christo filii nostri C. regis Siciliæ illu-  
stris, volumus & per apostolica tibi scripta man-  
damus, quatenus de decimis proventuum ec-  
clesiasticorum regni Franciæ collectis vel colli-  
gendis nomine dicti regis, pecuniam eandem  
præfato mercatori vel ejus procuratori suo no-  
mine juxta ipsius instrumenti tenorem facias  
sine difficultate persolvi: ita quod propter hoc  
ad nos iteratò recurrere non cogatur, & ec-  
clesiæ prædictæ remaneant ab hujusmodi obli-  
gationum onere liberatæ. Prædictum verò in-  
strumentum, & quæcumque alia super debito  
vel obligationibus confecta prædictis, & nihilo-  
minus refutationem solemnem de his omnibus  
ab ipso tibi facias exhiberi. Datum Viterbii v.  
Idus Junii, Pontificatus nostri anno 11.

## EPISTOLA CCCII.

*Eidem.*

Anno 1266

**D**E mille septingentis libris Turonensibus  
à Johanne Pantaleonis de S. Angelo mu-  
tuatis, *ejusdem est tenoris cum præcedenti.*

(a) *Ab. Forte. Trevis vel Parisius, ut in duabus sequentibus  
epistolis.*

## EPISTOLA CCCIII.

*Eidem.*

**D**E quingentis libris à Leonardo Pauli Cui-  
thii de Turre, totidem à Nicolao muto  
de Papazuris, & totidem à Luca Petri de Cicca  
mutuatis, *ejusdem est tenoris cum præcedente.*

Anno 1266

## EPISTOLA CCCIV.

Simoni cardinali apostolicæ sedis legato.

*Ut undecim librarum millia mercatoribus Florenti-  
nis solvere non negligat.*

**C**LEMENS episcopus servus servorum Dei  
dilecto filio S. tituli S. Cecilie presbytero  
cardinali apostolicæ sedis legato salutem &  
apostolicam benedictionem.

Anno 1266

Dilectus filius Barducius Friscobaldi & ejus-  
dem socii mercatores Florentini nobis exponere  
curaverunt, quod quondam Albertinus de Rota  
& Jacobus Riccomanni socii eorumdem unde-  
cim millia librarum Turonensium dilecto filio  
P. archidiacono Senonensi, camerario nostro,  
Ecclesiæ Romanæ nomine diversis eis terminis  
persolvenda, sub variis contractibus & diversis  
temporibus mutuarunt, prout in pluribus in-  
strumentis inde confectis plenius dicitur conti-  
neri. Unde cum eadem pecunia recepta fuerit  
& expensa pro negotio carissimi in Christo filii  
nostri C. Siciliæ regis illustris, nosque tibi de-  
derimus nostris litteris in mandatis, ut cum pro  
ipsa pecunia Ecclesiam Romanam & cameram  
nostram fecerimus dictis mercatoribus obligari,  
eam de decimis regni Franciæ collectis seu col-  
ligendis faceres eidem mercatoribus sine diffi-  
cultate persolvi, ut Ecclesia & camera prædictæ  
possent ab hujusmodi debitorum onere liberari:  
Tu, sicut accepimus, id facere hætenus omi-  
sisti, licet solutionum termini sint elapsi,  
propter quod iidem mercatores ad nostram pro-  
videntiam recurrerunt: Ideoque volumus, &  
per apostolica tibi scripta mandamus, quatenus  
eisdem mercatoribus juxta tenorem eorumdem  
instrumentorum & litterarum apostolicarum  
super confirmatione obligationum hujusmo-  
di præfatis mercatoribus concessarum satis-  
fieri facias de debitis supradictis, prout alias in  
mandatis à nobis diceris recepisse: ita quod ipsi  
propter hoc ad nos iteratò recurrere non co-  
gantur, & Ecclesia & camera supradictæ non  
remaneant in his amplius obligatæ. Instrumenta  
verò & prædictas litteras apostolicas tam con-  
firmatorias, quàm alias confecta super debitis  
eisdem, & nihilominus refutationem solemnem  
à prædictis mercatoribus tibi facias exhiberi.  
Datum Viterbii v. Idus Junii, Pontificatus  
nostri anno 11.

Habetur in quaternis dilecti filii P. archidia-  
coni Senonensis camerarii nostri quod ipse rece-  
pit à Jacobo Riccomanni, & quondam Alber-  
tino Rotæ civibus & mercatoribus Florentinis

eorumque sociis tria millia librarum Turonensium, de quibus per te sibi satisfactum esse iidem socii recognoscunt. Item ab eodem Albertino & Coppo Josephi pro se & sociis suis mutuantibus recepit idem camerarius tria millia librarum Turonensium. Item recepit ab eodem Albertino quinque millia librarum Turonensium. Item eodem Albertino mortuo recepit à Jacobo quondam Riccomanni socio, ut dicebatur, ejusdem A. tria millia librarum Turonensium. Præsentem autem cedula ad hoc fecimus præsentibus intercludi, ut tibi super his veritas plenius patefiat.

## EPISTOLA CCCV.

Dilecto filio S. tituli S. Martini presbytero cardinali, Marchiæ Anconitanæ & ducatus Spoleti rectori, apostolicæ sedis legato.

*De remissione facienda Anconitanis & quibusdam aliis.*

Anno 1266 **S**cripsimus tibi nuper de gratia limitata Anconitanis civibus, prout tibi videbitur, facienda. Sed quia plures murmurant (a) æstimantes agendum mitius cum eisdem, non tibi præcipimus quod remittas, sed remittendi alia v. millia concedimus facultatem, si dignum æstimaveris, & negotio videris expedire. In uno cavendum credimus, ne te mediatoribus in hac parte committas, qui te nesciente fortasse venderent, quod nostro mandato seu beneplacito libenter indulgeres. Sed & illud attendas, ne de jure transigas ANIBALDI, quod licet sit minus quam prædicet, multa tamen petit, & magna, quæ non parum magnificant aliqui fratres nostri. De poenis seu multis aliis quas locis aliquibus indixisti, placet nobis etiam in parte perfidorum consuli paupertati. Sanè CONRADUS de Antiochia per venerabilem fratrem R. episcopum Albanensem absolutus cavit idoneè apud eum de stando nostris beneplacitis & mandatis. Unde diligenter inquiras, quæ damna data nobis nostrisque fidelibus per eundem magis notoria, magisque dicere possimus notabilia, ut ex his formare congrua valeamus mandata, quæ per ipsum episcopum Albanensem proferri faciamus in regno, & super his certiores nos reddere, quam cito poteris, non omittas. Datum Viterbii (b) III. Idus Junii anno II.

## EPISTOLA CCCVI.

Ad episcopum Calaguritanum.

*Ut Theobaldum Navarra regem & episcopum Pamilonensem, & ejus capitulum ad concordiam revocet.*

Anno 1266 **C**LEMENS episcopus servus servorum Dei Venerabili fratri episcopo Calaguritano salutem & apostolicam benedictionem.

Quantò carissimus in Christo filius noster

(a) Al. Testimoniantes,

(b) Al. Idus Junii.

**A** illustris rex Navarra comes Campaniæ, majoris apud Deum & Romanam Ecclesiam devotionis caritate præfulget, tantò potioribus attolli per eam favoribus promeretur. Propter quod dignum duximus, ut votis suis, in his præcipue quæ ad augmentum cultus divini nominis pertinent, promptis effectibus annuamus. Sanè idem rex significare curavit, quod dudum inter claræ memoriæ regem Navarra patrem suum primò aceum postmodum ex una parte, & venerabilem fratrem nostrum episcopum & capitulum Pamilonense ex altera, super quibusdam castris, villis, & rebus aliis orta extitit materia questionis. Cum autem nominatus rex cupiat, sicut asserit, super his amicabiliter cum episcopo & capitulo componere supradictis, à nobis humiliter petiit, ut ejus in hac parte desiderium benigno favore prosequi curaremus. Quocirca fraternitati tuæ per apostolica scripta mandamus, quatenus partes super his ad concordiam secundum datam tibi à Deo prudentiam studeas revocare. Quòd si fortè inter partes ipsas concordia nequiverit provenire, nobis celeriter causam impediementi rescribas. Datum Viterbii III. Idus Junii, Pontificatus nostri anno II.

## EPISTOLA CCCVII.

Archiepiscopo Aquensi.

*Ut Massiliam se conferat, & fratribus Minoribus à Prædicatoribus injuria affectis, satisfactionem fieri procuret.*

**P**aupertatis altissimæ professoribus, & divinæ præconibus voluntatis ed parat subtiliores insidias humani generis inimicus, quò eosdem conspiciat ceteris animosius spirituales ingredi campum certaminis, à rerum temporalium sarcinis expeditos, scuto protectos fidei, & evangelicæ gladio prædicationis accinctos, & non suæ tantummodo prosequentes salutis negotium, quin etiam molas iniqui contere, & de faucibus ejus prædam eripere satagentes. Hoc autem studium sibi elegisse noscuntur dilecti filii Minorum & Prædicatorum ordinis fratres, quos licet ab invicem discernat habitus, & distinguat professio regularis, voto tamen consimili, pari cursu, finem istum sibi præstituant, ut tam clerum quàm populum verbis ædificent & exemplis, & evulsis in agro Domini hæreticæ sentibus pravitate pro tam piæ servitutis obsequio grande fœnus in præmium præstolantes, carnis demùm solutis vinculis, onereque deposito, justum & æquum judicem & propitium sibi sentiant & inveniant liberalem. Quantam sanè concordiam, quantam pacem, quàm profundam, quàm solidam vinculum caritatis esse deceat inter ipsos, & perfectio status indicat, & salubris propositi sancta conceptio, ejusdemque sedula persecutio, labor insuper, & finis operis manifestant: quo fit ut inter eos seminante discordiam hoste publico, colubro tortuoso, miserabili se committant discrimini, qui procul

dubio dæmonum adjutores, accensum ignem eorum studio tamquam lignis nutrientes injectis, inter eos exorta scandala verbo vel facto solidant. Illi verò præcipuè, qui ex altero dictorum ordinum vel utroque quod extinguere deberent incendium, fovere temere non verentur.

Hinc est, quod dolentes accepimus, in Provincia partibus dictos ordines ad illud devenisse dissidium, ut se laceffentes injuriis, invicem se mordere, invicem diffamare præsumant, eò usque prolapsa tanta temeritatis audacia, ut dilectum filium fratrem MAURINUM ordinis fratrum Minorum, inquisitorem in illis partibus hæreticæ pravitatis, fratres aliqui Prædicatores, ut fertur, Massiliæ publicè diffamaverint in multorum præsentia prælatorum, & fidelium multitudine inibi congregata, eidem fratri tamquam excommunicato persuaserint non parendum. Sed & alii ejusdem ordinis subsequenter, subprior scilicet domus prædictæ Massiliæ & frater JOHANNES GUIDONIS de conventu ejusdem contra eundem inquisitorem, tunc apud sedem apostolicam constitutum, coram non suo iudice apud Massiliam, & quod est durius, coram laico testes duos iniquos presbyteros recipi procuraverunt, qui deponere præsumserunt falsò aliqua contra eum, super turbatione civium civitatis ejus, imò potius (a) aversione ipsorum à fide debita carissimo in Christo filio nostro C. regi Siciliae illustri, & conversione damnabili ad persecutorem Ecclesiæ MANFREDUM olim principem Tarentinum ab eodem inquisitore prædictis civibus persuasis. Quæ si forent veritate subnixa, dictus frater MAURINUS non excommunicatus dumtaxat, sed & Dei ac noster proditor meritò censetur. Ad hoc verò dilectus filius noster Fr. GUILLELMUS BERTRANDI ejusdem Minorum ordinis & coinquisitor fratris MAURINI prædicti, ex fraterna, ut dicitur, provocatus injuria, dictos cepit presbyteros, qui publicè sunt confessi, se falsa testimonia protulisse à dictis fratribus invitatos; & ideo fratres ipsos, qui testes hujusmodi recipi procuraverant, sui reputans perturbatores officii, & ad præsentiam suam evocans, ac juramento de veritate dicenda, prout credidit justum, astringens, super prædictis requisivit eosdem; & cum ad quasdam interrogationes ipsum negotium suo iudicio contingentes interrogati, nullum vellent dare responsum, eò quòd eas dicerent impertinentes, penitus ad prædictum officium sicut de peritorum consilio se habere dicebant, ipse frater G. ex hoc reputans eos contumaces, excommunicationis sententiam in eos protulit, judicans sapientum communicatis consiliis, prout asserit, & eandem fecit Massiliæ publicari: quamquam iidem fratres prædicti eum, ut asserunt, appellatione legitimâ prævenissent. Propter quod ad sedem apostolicam venire compulsi, provideri sibi à nobis instanter & humiliter petierunt. Nos igitur attendentes quod licet dicti fratres subprior & JOHANNES GUIDONIS graviter excessissent, appellationi tamen eorum, si legi-

tima extitit, idem frater G. deferre, suadente justitiâ; & etiam si non fuerit legitima, contra fratres illius ordinis non tam citò procedere, sed nos potius vel dilectum filium nostrum J. sancti Nicolai in carcere Tulliano diaconum cardinalem consulere debuisset, dictos fratres, subpriorem videlicet & JOHANNEM absolvi fecimus ad cautelam.

Porro tot malorum materiam à radice præcindere cupientes, fraternitati tuæ per apostolica scripta mandamus, quatenus personaliter ad civitatem Massiliam te conferens, in die festivo, clero & populo convocatis, coram omnibus auctoritate nostra decernas, omnibusque denunciis receptionem dictorum testium iniquorum contra dictum fratrem MAURINUM, non sine notabili pariter & damnabili temeritate præsumtam, nullius penitus extitisse momenti; sed & sequenti depositioni testium eorumdem contra dictos fratres Prædicatores, vel alios quos sui sceleris asserunt (b) conscios vel actores, nullam fidem penitus adhibendam, cum evidenter appareat eos esse perjuros, qui suam turpitudinem propalantes, duo prorsus opposita deposuere jurati. Sed quo ad se in hoc iniquis testibus nocere volumus, nisi quod beneficiis, si quæ habent, auctoritate nostra prives eosdem, & ad habenda redditos prorsus inhabiles, & perpetuò ab omni sacrorum ordinum executione suspensos, in aliquod monasterium acturos poenitentiam eadem auctoritate detruas; vel si tibi melius visum fuerit, ordinario suo poenam carceris decennalis, nisi cum eis per sedem apostolicam misericorditer actum fuerit, portaturos. Dictos autem fratres subpriorem scilicet & Johannem, quibus pro suarum qualitate culparum injungi fecimus poenitentiam salutarem, facias nihilominus te præsentem, & aliis quos vocare volueris, in capitulo fratrum Minorum Massiliæ ad pedes eorum inquisitorum, vel alterius qui præsens fuerit, vel eisdem absentibus Gardiani, seu locum tenentis ipsius, cum humilitate prosterni & veniam petere de excessu.

Ceterum ne similia præsumantur in posterum, & scissura dictorum ordinum augeatur, prohibemus omnino ne frater Prædicator contra fratrem Minorem, vel frater Minor contra fratrem Prædicatorem ex commisso vel committendo sibi in posterum inquisitionis officio hujusmodi, quantumcumque sciat aut æstimet eum reum, aliquâ ratione procedat, sed ejusdem superiori denunciaret quod crediderit corrigendum, vel ad sedem apostolicam referat, si maluerit & viderit expedire. Et si secus fuerit attentatum, processum hujusmodi decrevimus non tenere. Ne tamen ex hoc detur malis audacia clam vel palam inquisitionis officium perturbandi, omnes fratres utriusque ordinis, qui scienter hoc fecerunt, ab omnium sacrorum ordinum executione suspendimus, & immediatum prælatum eorum similiter, si hoc sciens punire neglexerit, & si affectaverit ignorantiam, poena simili teneatur.

(a) *Al.* Conversione.

(b) *Al.* Conscios.

Volumus etiam & mandamus, quatenus ad A  
 tuum præceptum frater BENEDICTUS ejusdem  
 Prædicatorum ordinis, qui publicè os suum  
 aperuit in prædicti fratris MAURINI non mo-  
 dicam contumeliam, quem ab objectis immu-  
 nem in omnibus & per omnia reputamus, pu-  
 blicè coram cleri ac populi multitudine convo-  
 catâ, Massiliæ prostratus petat veniam ab eo-  
 dem: & si idem frater M. absens fuerit, à dicto  
 fratre G. Bertrandi coinquisitore ipsius, vel à  
 te nostro nomine, si contigerit hos abesse, &  
 petitam veniam assequatur, confessione prius  
 ibidem emissâ, quod in ipsum peccavit graviter,  
 & quod eum poenitet eorum quæ dixit, & quod  
 quidquid aliquando inconsultè crediderit de  
 eodem, nunc credit eum ab objectis fuisse &  
 esse innoxium & immunem, cum hoc à nobis  
 audierit, & ad nostram suam velit & debeat  
 conscientiam informare.

His autem satisfactionibus, quas dictis inqui-  
 sitoribus ratione officii fieri volumus, sic ex-  
 pletis, nihilominus dictis fratribus subpriori C  
 videlicet & JOHANNI ac BENEDICTO præcipias,  
 quod ad domum fratrum Minorum accedant,  
 & in capitulo prostrati petant veniam ab eisdem;  
 in quantum ordinem in ipsis fratribus offende-  
 runt, & hæc omnia in tua præsentia complean-  
 tur. Quod si quis ex dictis fratribus tibi pa-  
 rere contemserit in prædictis, statim eum ex-  
 communicationis mucrone percellas. Quibus  
 sic ritè peractis; utriusque ordinis fratribus  
 constitutis ibidem in suorum remissionem pec-  
 catorum suadeas, & injungas, quod ad solitam D  
 redeant unitatem, & tam ibi quàm alibi suis  
 viribus ad reformationem civitatis intendant;  
 inquisitionem adjuvent, & consilium ad pro-  
 motionem ejusdem præbeant requisiti: scituri  
 quod si, quod absit, super istis ad nos pervenerit  
 iterata querela, ferent profectò qui rei fuerint  
 onus sententiæ gravioris. Sed nec illud relinqui  
 volumus impunitum, si tamen dicto veritas suf-  
 fragatur, quod scilicet officialis venerabilis fra-  
 tris nostri Massiliensis episcopi receptionem te-  
 stium prædictorum personæ laicæ contra fra-  
 trem sæpèdictum MAURINUM dicitur commi-  
 sisse, quod ex mero inquirens officio, si verum  
 inveneris, suspensum ab officio & etiam bene-  
 ficio, si quod habet, ab officialatu per eum-  
 dem episcopum indilatè jubeas amoveri, præ-  
 fixo ei termino peremptorio & competenti, quo  
 se nostro conspectui recepturus pro meritis re-  
 præsentet. Datum Viterbii II. Idus Junii anno  
 secundo.

*Eandem Epistolam avenionensi & Carpentoratenfi  
 episcopis directam reperi in Tholosano fratrum Præ-  
 dicatorum codice manuscripto.*



## EPISTOLA CCCVIII.

Dilecto filio Magistro B. Languiselli archidia-  
 cono (a) Lantarensi in Ecclesia Tolosana (\*)  
 capellano nostro.

*Mittit ei formulam sub qua reconciliari debeant  
 Senenses.*

**A** Longis retro temporibus vidimus in civi- Anno 1266  
 tatibus & locis aliis ac populosis extolli  
 aliquos supra merita, qui simplicium & fidelium  
 animis immutatis quærunt quod sibi est utile,  
 non quod multis, & confictis mendaciis ex in-  
 genio pro republica stare se asserunt, cujus  
 tamen utilitatem impediunt & impugnant. Hi  
 sunt tauri quorum congregatio in variis popu-  
 lorum elata eos qui probati sunt argento non-  
 numquam excludit, dum & sibi ducatus illiciti  
 auctoritatem arripiunt, & probatæ virtutis ad  
 consortium justî regiminis non admittunt. Sanè  
 si cives Senenses, quorum salutem quærimus,  
 diligenter attenderent, quanto jam tempore  
 tenebris involuti, à via veritatis erraverunt,  
 quantum Deum offenderint & Ecclesiam, piæ  
 matri, sinum eis misericordiæ offerenti salubri-  
 ter se committerent, nec illatis difficultatibus,  
 & frivolis disputationum involucris vitæ suæ ne-  
 gotium impedirent. Quod itaque à cæcis du-  
 cibis seducti faciunt, qui ad eâ nos aspirare  
 confingunt, quæ numquam in nostrum animum  
 ascenderunt; & cum tibi pluries, ut audivimus,  
 jam illuserint, contemptu nuncii non contenti,  
 nobis etiam parare laqueum moliantur. Verùm  
 quia frustra rete jacitur ante oculos pennato-  
 rum, nec nos latent eorum astutiæ, qui plebem  
 simplicem suis figmentis illiciunt & decipiunt,  
 nolentes te ulterius verbis inanibus detineri,  
 discretionis tuæ per apostolica scripta præcipien-  
 do mandamus, quatenus si ea complere value-  
 rint & compleverint, quæ in forma sub bulla  
 nostra quam tibi mittimus, continentur, rata  
 manente absolutione; bonâ fide licet præpro-  
 pere à te facta, cujus ex tunc apostolica sup-  
 plemus auctoritate defectum: tam eis quàm alijs,  
 quos res tangit assignes terminum competen-  
 tem, quo se nostro conspectui repræsentent, ut  
 ad pacem inter eos celeriter reformandam, invo-  
 catâ Spiritus sancti gratiâ procedamus. Quod si  
 formam non acceptaverint supradictam, cui  
 nec addi nec detrahi volumus unum iota, tu  
 protinus, excusso pedum pulvere, ad nos redeas,  
 ut apostolica benedictio ab eam nolentibus elon-  
 getur, & ad nos revertatur pax nostra; pacis  
 ibidem filiis non inventis. Quo casu pristinas ex-  
 communicationis & interdicti sententias inno-  
 vamus, quæ de facto ex abundanti gratiâ per  
 te fuerant relaxatæ.



(a) Al. Lantarensi.

## FORMA SUPRADICTA.

(a) **S**uper quæstionibus Senensium intrinsecorum & extrinsecorum cautio talis fiat. Syndicus communis seu universitatis Senensium promissit per stipulationem solemnem & sub pœna xx. millium marcharum argenti magistro Bernardo Languiselli, &c. ad hoc missa à domino CLEMENTE Papa IV. & ejusdem domini papæ nomine stipulanti, se & dictum commune seu universitatem ejusdem parituros & staturos universis mandatis & singulis ab eodem domino papa vel ab alio ejus mandato unâ vice vel pluribus proferendis, vel eidem universitati, seu ipsius rectoribus vel rectori per ejusdem domini papæ nuncios vel litteras intimandis super guerris & dissentionibus inter ipsos & sui comitatus ac districtus homines & fautores eorum ex una parte, & Senenses extrinsecos seu intrinsecos & fautores eorum ex altera dudum exortis, & super damnis & injuriis irrogatis invicem, seu datis, & generaliter super omnibus quæstionibus subortis ex guerris & dissentionibus supradictis. Dicta autem pœna totiens admittetur, quotiens contra dicta papæ mandata ex parte Senensium ventum fuerit seu factum, nisi infra mensem post monitionem ejusdem domini papæ eis missam, vel apud Romanam curiam in audientia publica satisfecerint competenter. Promittit etiam idem syndicus eidem Magistro B. nomine domini papæ stipulanti, quod ipse & dictum commune Senensium juxta ejusdem domini papæ beneplacitum treugam quam mandaverit, & pacem cum præceperit, cum dictis suis adversariis facient & firmabunt. Et pro his omnibus complendis & observandis, & pro pœna prædicta solvenda, quotiens commissa fuerit, omnia bona præsentia & futura dicti communis eidem magistro B. nomine dicti papæ idem syndicus obligavit. Hoc acto expresse, quod dicta pœna commissa semel vel pluries, & exacta mandata domini papæ, quæ tunc prolata fuerunt, in plena remaneant firmitate, & potestas alia proferendi penes ipsum remaneat illibata. Ad majorem autem omnium prædictorum firmitatem, idem syndicus hæc omnia & singula in suam & potestatis ac capitanei & aliorum officialium & omnium consiliariorum in generali consilio ad sonum campanæ more solito congregatorum, ipsis præsentibus & sigillatim mandantibus, tactis sacro-sanctis evangeliis juravit, & pro his omnibus observandis constituerunt se tales fidejussores & principales debitores, quisque in solidum: renuntiantes epistolæ divi Adriani, & constitutioni de duobus reis debendi, & beneficio quod fidejussoribus datur de principali prius conveniendo, & omni alii juris auxilio, quo se possent defendere vel vindicare contra prædicta, vel aliquid de prædictis. Dederunt etiam & concesserunt omnes & singuli, syndicus scilicet communis nomine, & fidejussores pro se & nomine proprio eidem magistro B. & per eum domino papæ prædicto plenam & liberam potestatem, si, quod absit, contingeret mandata

(a) *Al. Deest & extrinsecorum.*

**A** ejusdem domini papæ non servari, & propter hoc pœnam in forma præscripta cum effectu committi, capiendi, & capta distrahendi, seu alienandi omnia bona eorum mobilia & se moventia, & jura, & nomina ubilibet constituta, & quibuscumque voluerit assignandi.

**B** Actum est autem quod si Senenses extrinseci pro se & suis obligationem similem domino papæ non præstiterint infra mensem, cautiones intrinsecorum, quoad ea quæ tangunt extrinsecos, cassæ remaneant & inanes, de hoc fiant publica instrumenta.

Item, fiat publicum parlamentum, & juret syndicus quæ ad universitatem pertinent in animas singulorum, & fiant publica instrumenta.

Similis cautio fiat super guerra Urbeventanorum & Senensium, seu addantur hæc clausulæ (b) *addictum est autem expresse*. Quod si de castris vel villis, vel terris aliis, vel limitibus comitatum sive districtuum quæstiones aliquæ sunt (c) inter ipsos ab antiquo seu guerram novissimam, de qua sopienda nunc agitur, parti alterutri competentes: de omnibus hujusmodi dominus papa partes debet audire de jure, & easdem concordia, si inter partes venire potuerit, alioquin judicio terminare. De his autem castris, villis, aliis immobilibus quæ in guerra prædicta pars alterata occupavit, quæ quidem tempore motæ guerræ minimè possidebat, audito jure partium, sine figura judicii & de plano præcisè stabitur Domini papæ mandatis, sicut de aliis damnis datis.

## EPISTOLA CCCIX.

Simoni S. Cecilie presbytero cardinali.

*Ut ecclesias & monasteria Urbis ab obligatione in negotio regni Sicilia contracta solvere quantocius laboret.*

**C**LEMENTIS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem. Anno 1266

Cum Ecclesia Romana diversas pecuniarum summas ad opus carissimi in Christo filii nostri CAROLI regis Siciliae illustris, cui eadem pecuniarum summæ pro negotio regni Siciliae fuere traditæ, mutuo à quibusdam Romanis mercatoribus receperit, pro quibus possessiones ecclesiarum & monasteriorum Urbis pro magna illarum parte sunt mercatoribus ipsis specialiter obligatæ, ac in nostro habeatur beneplacito, ut Ecclesia eadem à debitis & obligationibus hujusmodi celeriter liberetur, volumus & præsentium tibi auctoritate mandamus, quatenus ad hanc liberationem sollicitè procurandam intendens, præfatis mercatoribus instrumenta sive cartas vel litteras super eisdem confecta debitis resituentibus, ac refutationem finem & quietationem super debitis ipsis, prout opportu-

(b) *Al. Actum est autem expresse.*

(c) *Al. Super.*

num



num fuerit, ac tuæ discretionis providentia expedire viderit, facientibus de prælibatis pecuniarum summis ex decima proventuum ecclesiasticorum, quæ pro negotio supradicto per te auctoritate apostolica colligitur, & si decima eadem non sufficeret, aliis modis congruis quibuscumque poteris satisfactionem debitam & condignam absque difficultatis seu impedimenti vel tarditatis cujuslibet obice non differas exhibere. Datum Viterbii Idus Junii Pontificatus nostri anno II.

## EPISTOLA CCCX.

Dilecto filio S. tituli S. Cecilie presbytero cardinali apostolicæ sedis legato.

*Anxietatem suam de Senatoribus Urbis duobus aperit, & Pelavicini conversionem.*

Anno 1266

**E**cce Roma suæ redditæ libertati in sua conversa jam viscera nescit legem. Duo facti sunt senatores; prædones & fures intus & extra liberè debacchantur. Angimur enim ab eisdem; præcipuè propter debita quæ tu nosti, & pro quibus obligatæ possessiones ecclesiarum Urbis extiterunt; & nisi subvenias, ad casum labimur graviolem. Si qua ergo tibi compassio, si qua viscera pietatis, patri subveni, matri succurre, & de ore leonum nos libera rugientium. Succedent enim prosperè universa; si factum istud fuerit expeditum. PELAVICINUS cum Cremona, Placentia & nobilibus plurimis mandata nostra sine conditione qualibet juraverunt. Dilectus filius noster J. Sancti Nicolai in carcere Tulliano diaconus cardinalis gravem & prolixum passus languorem, per Dei gratiam jam convaluit extra periculum constitutus. Datum Viterbii xvii. calendas Julii anno II.

Johannes.

## EPISTOLA CCCXI.

Dilecto filio priori provinciali fratrum Prædicatorum Provinciæ vel ejus locum tenenti.

*Scribit ei de excessibus à quibusdam ex suis in Maurinum ordinis Minorum inquisitorem commissis, & ut eos in alias provincias transferat.*

Anno 1266

**G**raues fratrum tuorum excessus, BENEDICTI scilicet, & subprioris domus ordinis tui Massiliensis & JOHANNIS GUIDONIS de conventu ejusdem, in fratrem MAURINUM de ordine fratrum Minorum inquisitorem hæreticæ pravitatis in certis regionibus diligenter & attentè discussimus: eò gravius tulimus, quò plurimam ministrarent materiam scandalorum. Quis enim admirari sufficiat BENEDICTUM prædictum in tam illicitam prorupisse licentiam, ut coram populo Massiliensi publicè convocato, sub prælatorum ac clericorum præsentia, dictum fratrem M. diversis affecerit contumeliis, *Theſauri Anecd. Tom. II.*

A nec religioni deferens, nec officio, nec proprii etiam ordinis honestati? Quis postremo non stupeat prædictos alios duos fratres tam insolite præsumptionis audacia contra fratrem eundem absentem, & à nullo citatum judice, testes procurasse produci super non levi crimine, sed gravissimo, coram laico, nullamque penitus potestatem habentē. Sanè quantò sincerius ordinem tuum diligimus, tantò durius perturbamur, cum ab illis polluitur, qui profitentur eundem. Quod si tu, sicut debueras, inter ipsa temeritatis initia correxisses, profectò perditò nomine Babylonis, nec germen nec progenies, nec reliquæ tam damnabiliter processissent; non fratres in fratres exacuissent ut gladios linguas suas; versi in cleri fabulam, derisum populi & contentum. Unde licet tribus prædictis fratribus tui ordinis injungi poenitentiam salutare fecerimus; volumus, & tibi in virtute obedientiæ firmiter præcipiendo mandamus, quatenus dictum fratrem BENEDICTUM in provinciam Franciæ, & duos alios in provinciam Narbonensem mittere non postponas, postquam illa compleverint, quæ eisdem per venerabilem fratrem nostrum Aquensem archiepiscopum injunguntur; dictoque fratri BENEDICTO inhi-beas, ne in partem aliquam tuæ provinciæ infra triennium veniat, dictisque duobus aliis fratribus, ne Narbonensem provinciam exeant infra idem terminum auctoritate districtius interdicas. Quod si tuum, imò nostrum interdictum hujusmodi violaverint; in eos ex nunc excommunicationis sententiam promulgamus; quam tu eis tum exhibitione præsentium coram fratribus tuis decem ad minus insinues, sic singula quæ præmisimus peracturus, ne quod absit, te hætenus à negligentia non immunem de inobedientia quantò justius tantò severius arguamus. Datum Viterbii xvi. calendas Julii anno II.

## EPISTOLA CCCXII.

E Carissimo in Christo (a) B. imperatori Constantinopolitano illustri.

**C**ommuhe gaudium Deum amantium si te, ut asseris, propter Deum & in Deo lætificat, reddit te commendabilem in hac parte; quamvis olim notatus fueris, quod cum hoste pestifero M. nunc prostrato foedus contraxeras amicitiae; nec Deo, nec hominibus gratiosum. Sanè si spondeant nobiles, si potentes auxilium ad negotium (b) Romanæ Ecclesiæ, divino muneri congaudemus; Dei clementiam deprecantes; ut illorum confirmet consilium ad sui exaltationem honoris. Nos enim illorum promovere propositum eo possumus confidentius, quò regni Siciliae acquisitio ad inimicos Ecclesiæ prosternendos, ex omni latere (c) expeditius iter parat; licet quod implicas de Teutoniæ Angliæque subsidiis locum hoc tempore

(a) Balduino.  
(b) Al. Expedientius.

(c) Al. Romanum.

sibi non vindicet, terris & adjacentibus intestinis periculis involutis. Sed speramus in Domino quod assumentibus dictum negotium ad honorem & gloriam sui nominis Deus manum non subtrahet adjutricem. Datum Viterbii xvi. calendas Julii anno 11.

## EPISTOLA CCCXIII.

Simoni cardinali apostolicæ sedis legato.

*Ut collecta aut colligenda à defuncto Tyrensi archiepiscopo recipiat.*

Anno 1266

CLEMENS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Discretionis tuæ per apostolica scripta mandamus, quatinus universa quæ bonæ memoriæ E. Tyrensis archiepiscopus pro subsidio terræ sanctæ collegerat vel colligere poterat, ubilibet constituta, & à quibuscumque personis debita exigas & recipias: detentores & debitores eorum per censuram ecclesiasticam, appellatione postposita, compescendo: non obstante si aliquibus à sede apostolica sit indultum, quod excommunicari, suspendi, vel interdici non possint per litteras dictæ sedis non facientes plenam & expressam ac de verbo ad verbum de indulto hujusmodi mentionem, & alia qualibet ejusdem sedis indulgentia generali vel speciali, cuicumque personæ, ordini, vel dignitati etiam episcopali concessa, cujuscumque tenoris existat, per quam præsentibus non expressam aut totaliter non insertam, effectus præsentium impediri valeat vel quomodolibet retardari. Datum Viterbii xvi. calendas Julii Pontificatus nostri anno 11.

## EPISTOLA CCCXIV.

Dilecto filio O. sancti Adriani diacono cardinali apostolicæ sedis legato.

*Ut confirmet electionem abbatis de Evesham.*

Anno 1266

OLIM in minori officio constitutis post susceptam legationem in Angliam felici recordationis URBANUS papa prædecessor noster suis nobis commisit litteris examinationem dilecti filii GUILLELMI de MALEBERGE in abbatem monasterii de Evesham ad Romanam Ecclesiam nullo medio pertinentis electi, ad confirmationem ejusdem, si personam ejus inveniremus idoneam ad hujus regimen abbatiæ. Sed præcluso nobis per Anglicos legationis ingressu, & obitu superveniente, mandatum explere nequivimus quod nobis injunctum extiterat ab eodem. Compatientes igitur ejusdem calamitatibus & pressuris, angustiis etiam & oneribus, quibus causis ex variis dicitur prægravari, discretionis tuæ per apostolica scripta mandamus,

A quatenus cum electionis forma tamquam canonica ab eodem prædecessore nostro fuerit approbata, tu personam examinans, si sufficientem inveneris & idoneam, electionem de ipso factam auctoritate confirmans, munus ei facias benedictionis impendi, juramento ab eo recepto juxta formam quam sub bulla nostra tibi mittimus interclusam: alioquin eadem electione cassata, de persona idonea, si in ipso fuerit monasterio; aut si ibi reperta non fuerit, aliunde eidem monasterio studeas providere: B Forma autem juramenti quam ipse, &c. Datum Viterbii xiv. calendas Julii anno 11.

## EPISTOLA CCCXV.

Episcopo Albanensi apostolicæ sedis legato.

*De reconciliatione comitum Casertani & Acerrarum, de provisione ecclesiarum vacantium, deque clericis concubinariis.*

CASERTANUM & ACERRARUM comites vidimus & recepimus, non ut comites, sed ut verè vel fictè conversos, quamquam de comite Casertano, propter matris devotæ consilium, opinio melior habeatur. Ammonitionem eis fecimus salutare, sed nihil injunximus ex imperio, ignari si quid eis præcipere deberemus. Tua verò fraternitas animosè procedat, & personis ecclesiasticis ablata reddi faciat, nisi fortan amicabiliter convenerint cum eisdem, & ne oblivioni dederis venerabilem fratrem nostrum episcopum Aquinatum. Ammonitionem abbatis sancti Petri de Ara gratam habuimus & ratam. Provide monasterio ejus, diffugio non obstante. De episcopis infelicibus, qui misericordiam nostram expectant, magnum macellum exigentibus, eorum demeritis in proximo faciemus. Provisionem in tua legatione vacantium ecclesiarum cathedralium, quarum numerum nobis scribes, nobis duximus reservandam. In vacaturis autem tam cathedralibus, quam aliis collegiatis ecclesiis, earumdem capitulis, & conventibus eligendi liberam reddimus facultatem, nisi specialiter eam nobis duxeris reservandam. Sanè de clericis concubinariis, quorum premeris multitudine, certum tibi non possumus dare consilium: sed credimus expedire, quod aliquos & non paucos à beneficiis prorsus amoveas; illos præcipuè qui diutius & impudentius deliquerunt, & quorum poena majoris esse terroris poterit & exempli: quos etiam si dispensatione indigent, longa tenere te convenit expectatione suspensos; & cum aliis misericorditer agere poteris, sic tamen ut ecclesias non retineant propter scandalum, in quibus publicè peccaverunt. Sed cum multas vacare oporteat per alternam translationem rectorum, prout tibi videbitur, consuli poterit talium paupertati. Porro cum intellexerimus quod carissimus in Christo filius noster C. illustris rex Siciliæ, quem per litteras & per nuncios sæpe direximus in agendis, sua nimis prorogat parlamenta, non sine plurimorum dispendio, quorum petitiones variæ pariter protrahuntur, processus tuos sub

Anno 1266

spe hujusmodi ultra non protrahas, cum perpendere satis valeas, quo proposito seu quo fine oppressorum negotia protelentur. Demum preces multas recipere, & à multis te credimus, & pro multis, quas si sanè intelligas, uno loquendi genere satis potes, & debes credere pretiosas: sed nullius tibi sint pretii, sicut Dei per gratiam caram habes & nostram, & in tuam excusationem præendas id à nobis tibi prohibitum, si vereris faciem aliorum. Datum Viterbii (a) XII. calendas Julii anno 11.

(a)

## EPISTOLA CCCXVI.

Episcopo Belvacensi.

*Quod injustè queratur super collatione præbendarum, gratias agit de collata nepoti suo.*

Anno 1266

TUæ litteras fraternitatis accepimus, genus mirabile querimoniarum continentem, tamquam te gravaverimus pro personis aliquibus preces porrigendo, nudas prorsus & simplices, cum nec unam in tua ecclesia præbendam dederimus, nec litteras monitorias, nec executorias pro eadem. Sanè venit & rediit per nos ille gloriosus exercitus, quem sic Dominus honoravit, ut elatam ad nubes superbiam hostis publici in eorum manus prosterneret in momento; & si factum diligenter attenderes, deberes potius admirari, quod centum præbendas in diversis ecclesiis cum litteris urgentissimis ad petitionem non dedimus redeuntium, quam quod tibi preces porreximus pro duobus. Fateris nihilominus quod dedisti principibus, & de rogante conquereris, qui suum à te querit & non tuum; Non sic tecum, ut credimus, in hoc casu prædecesores nostri egissent, non sic ager fortasse successor. Sed moris est multis portare levius ex imperio procedentes, quam in sua simplicitate benivola precibus insistentes, quamquam eas conditiones tacite comitentur; si persona videlicet pro qua scriptum fuerit id meruit; si Ecclesiæ id exposcit utilitas, si jus alterius non offenditur, si profectò provisio non tardatur. Verum de præbenda nostro, ut asseris, collata nepoti, fixum habemus, quod de nostra actum non extitit conscientia. Quod si facere legato placuit, ut licuit, res non magni favoris extitit, si (b) luctari contra justitiam voluisti: sed id ipsum ne parvipendere videamur, gratiarum prosequimur actione. Ceterum tuas & tuæ pressuras Ecclesiæ, quas scripsisti, quarum (c) aliquid dudum novimus, diligenter evolvimus, & querelis generalibus expeditis, quas nobis dilectus filius archidiaconus Parisiensis & JACOBUS Belvacensis canonicus obtulerunt super illis, quæ tuam singulariter tangunt & angunt ecclesiam, de fratrum nostrorum consilio omne remedium, quod honestè po-

(b)

(c)

(a) Al. xi. Calendas.

(b) Al. Lucrari.

(c) Al. Baton.

(c) Al. Aliquas.

(c) Bonum-cor.

Thesauri Anecd. Tom. II.

terimus apponemus. Datum Viterbii x. calendas Julii anno 11.

## EPISTOLA CCCXVII.

Dilecto filio fratri Rogerio dicto (d) Baccon ordinis fratrum Minorum. (d)

*Librum quemdam sibi mitti mandat.*

B

TUæ devotionis litteras gratanter recepimus, sed & verba notavimus diligenter, quæ ad explanationem earum dilectus filius G. dictus (e) BONECOR miles viva voce nobis proposuit tam fideliter quam prudenter. Sanè ut melius nobis liqueat quid intendas, volumus & tibi per apostolica scripta præcipiendo mandamus, quatenus, non obstante præcepto prælati cujuscumque contrario, vel tui ordinis constitutione quacumque, opus illud quod te dilecto filio RAYMUNDO DE LAUDUNO communicare rogavimus in minori officio constituti; scriptum de bona littera nobis mittere quam citius poteris non omittas, & per tuas nobis declares litteras, quæ tibi videntur adhibenda remedia circa illa, quæ nuper occasione tanti discriminis intimasti, & hoc quanto secretius poteris facias indilate. Datum Viterbii x. calendas Julii anno 11.

Anno 1266

(e)

## EPISTOLA CCCXVIII.

Episcopo Vicentino.

*Horatur ut in episcopatu perseveret, gratias quoque agit de libro sibi misso.*

C

Consideratis omnibus quæ scripsisti, prout in te variae sibi cogitationes (f) intercedunt, & in diversa mens rapitur, consultius tibi credimus inter maris elationes mutabiles fluctuanti (g) inundationes ejus quasi lac sugere, & de coelo auxilium præstolari, quam dimisso navis remigio eam ventis exponere cum tuorum discrimine subjectorum. Nec nos movet quod interdum tuo judicio littus aras, dum auditoribus prædicas obstinatis. Hujusmodi quidem (h) sermo ab illa parabola multum discrepat, quæ profectum extollit seminis, & inscio seminante crescentis. Sic debes præsumere quod & proficis sermo tuus, cum eundem (i) quemcumque judicas otiosum, qui tamen etsi in aliis non proficeret, tibi saltem fructum salutis acquirit, dum quod tuum est faciens, mereris præmium, de contingentibus nihil omittens. Librum verò quem nobis misisti lætanter recepimus: magnæ quidem instructionis est nobis, nec quicquam gratius mittere potuisti. Hanc enim ab olim gratiam contulit nobis Dominus, ut semper ad-

Anno 1266

(f)

(g)

(h)

(i)

(f) Al. Succedunt.

(b) Al. Sermonis veritas.

(g) Al. Intonantes.

(i) Al. Quandocumque.

discere volumus, semper nobis accepta fuerit A  
eruditio sapientum. Demum secretum tuum  
legimus, quod non credimus publicandum,  
nisi forsân id alicui vel aliquibus crederes pro-  
futurum, vel in mortis articulo, vel in vita,  
vel si publicè crederes expedire, juxta Moïsis  
& Johannis exemplum de te cautè quasi de  
alio loquereris. Carus es nobis, & parati ad ea  
quæ tibi profint, nos tuis orationibus commen-  
damus. Datum Viterbii x. calendas Julii anno  
secundo.

## EPISTOLA CCCXIX.

Dilecto filio priori &... lectori fratrum Præ-  
dicatorum, Gardiano &... lectori fratrum  
Minorum in Monte-pestulano morantium.

*Ut fratres suos invicem se mordentes compeſcant.*

Anno 1266

**A**grè ferimus, & amaro animo vobis ad-  
modum recensemus, quod à multis  
nuper accepimus, quosdam scilicet ex vestris  
fratribus in tam illicitam prorupisse licentiam,  
ut invicem se occultè mordeant, & quod est  
gravius, etiam in sermonibus ad clerum habitis  
vel ad plebem verba effundere præsumserint  
detractoria in alterutrum vestrorum ordinum  
non levem infamiam, & certarum nihilominus  
personarum. Ut igitur extingatur in posterum  
pravum seminarium tanti scandali, & inter vos  
fraterna caritas, prout decet, conservetur &  
maneat illibata, discretionis vestræ per aposto-  
lica scripta firmiter præcipiendo mandamus, in  
remissionem vobis peccaminum injungentes,  
quatenus si quos ex utroque vel alterutro ve-  
strorum ordinum fratres in Carcassonenſi &  
Bellicadri Senescalliis, vel Provinciæ & Fol-  
calqueriæ comitatibus, Arelatenſi & Avinio-  
nenſi civitatibus, & alibi in Arelatenſi (a) pro-  
vincia reos esse noveritis in prædictis, eos ad  
satisfaciendum personis & ordini quos verbo  
scandalizaverunt vel facto, eo modo quem ho-  
nestiorem esse videritis efficaciter inducatis. Et  
si quis ex eis ordinationi vestræ pertinaciter se  
opposuerint, exercendi in eos censuram eccle-  
siasticam, ipsorum ordinum vel alterius ipsorum  
privilegiis non obstantibus, tenore præsentium  
vobis concedimus facultatem. Datum Viterbii  
viii. calendas Julii anno ii.

(a)

(a) Al. Ecclesia.

## EPISTOLA CCCXX.

Ad Theobaldum regem Navarra.

*Ut liberis Saraceni cujusdam baptizati bona  
restitui faciat.*

**C**LEMENTIS episcopus servus servorum Dei Anno 1266  
carissimo in Christo filio THEOBALDO il- Ex carta-  
lustræ regi Navarra salutem & apostolicam be- rio compa-  
nedictionem. ria.

Dilecti filii Johannes clericus, Didacus,  
Sanctius, Petrus & Martinus laici fratres, filii  
& heredes quondam Martini Sancii, sua nobis  
petitione monstrarunt, quod olim idem M.  
pater eorum, relicta Saracenorum perfidia,  
inter quos de nobilioribus terræ suæ originem  
traxerat, præſente claræ memoriæ rege Portu-  
galliæ ac quinque militibus christianis, quos ab  
eo detentos in carcere libertati restituit, secun-  
dum formam Ecclesiæ exitit baptizatus, tra-  
dens christianis castra sua, quæ pacificè posside-  
bat, & tandem ad regnum tuum se transferens,  
& in eo quamdam mulierem christianam ma-  
trimonialiter sibi copulans, procreavit decem  
filios ex eadem. Verum FORTUNIVS abbas sæcu-  
laris ecclesiæ S. Benedicti de Miranda ejusdem  
regni contra eundem patrem ipsorumodio con-  
citatus iniquo, cupiens bona confiscari ejusdem,  
ac falso conſingens eum fore Saracenum, à Se-  
nescallo tuo capi procuravit eundem, à quo  
ut confiteretur se Saracenum esse, tortoribus &  
cruciatibus traditus per annum & amplius,  
squallores carceris propter Deum sustinuit pa-  
tienter, ipsumque præter id quod credens in  
huiusmodi mori tormentis petebat Euchari-  
stiam & alia ecclesiastica Sacramenta, testimo-  
niales quas habebat de suscepto baptismo lit-  
teræ ab huiusmodi angustiis nullatenus defen-  
derunt, qui demum spoliatus ab ipso Senescallo  
bonis suis omnibus quæ in ipso regno habebat,  
evadens de carcere ad apostolicam sedem cum  
tribus ex eisdem filiis super hoc ejus providen-  
tiam imploraturus accessit: ubi sicut Domino  
placuit diem clausit extremum. Quia verò re-  
gum est proprium facere judicium & justitiam,  
ac defendere vi oppressos; Serenitatem tuam  
rogamus & hortamur attentè, quatenus, si ita  
est, & aliud rationabile non obſistat, facias dictis  
filiis & heredibus integrè restitui bona sua, non  
permittens eos, quantum in te fuerit, ab ali-  
quibus tuæ ditioni subjectis indebita molestari.  
Datum Viterbii iiii. calendas Julii, Pontificatus  
nostri anno ii.

F



## EPISTOLA CCCXXI.

Dilecto filio S. tituli S. Martini presbytero cardinali, Marchiæ Anconitanæ & ducatus Spoleti rectori, apostolicæ sedis legato.

*Malatestæ quingentas libras Ravennenses dare secreto jubet, & quomodo se erga Anconitas gerere debeat.*

Anno 1266

**D**ilecti filii nobilis *Malatestæ* & plurium aliorum de Marchia petitiones accepimus, sed eas nequivimus exaudire, cum de comitatibus, castris, & terris ageretur, quæ nec danda, nec confirmanda duximus, fratrum concordii consilio repugnante. Verum quia dictus nobilis familiariter nobis exposuit, gravatum se debitis & oneratum expensis, quæ per nos petiit aliquatenus relevari, discretioni tuæ per apostolica scripta mandamus, quatenus quam primum poteris, sexcentas libras Ravennenses des ei nostro nomine tam secretè, ut te & ipso dumtaxat consciis ad aures non transeat aliorum. Denique circa factum Anconitarum legem tibi non ponimus, sed videtur nobis & aliquibus conscientiam sanam habentibus, quod si ab eis decem millia librarum habueris, decet & expedit exactionem residui in suspenso manere, donec plenius videamus, quid futura pariant tempora, quæ ex causis latentibus adhuc credimus æstimanda suspecta. Datum Viterbii (a) iv. nonas Julii anno 11.

(a)

## EPISTOLA CCCXXII.

Dilectis filiis fratribus Lotheringo & Cathalano ordinis militiæ Virginis gloriosæ rectoribus, consilio, & communi civitatis Florentinæ.

*Providet eorum paupertati, mandatque ut Teutonicos à civitate expellant.*

Anno 1266

**C**ertificati per litteras vestras de redituum paucitate, qui Florentinæ proveniunt civitati, discretionem vestram tenere volumus, de beneplacito nostro esse, quod pro vestris & vestrorum officialium ac ambaxiatorum expensis necessariis & honestis, ac castrorum & civitatis honesta custodia collectæ civibus interioribus imponantur, juxta vestræ prudentiæ moderamen: sed exterioribus in hoc tempore nihil volumus prorsus imponi, cum satis aliàs sint afflicti. Sanè quia nec vestræ convenit honestati nostros & fidei inimicos in nostra necessitate teneri, dignosque supplicio ditari dispendiis, & infideles obsequiis fidelium honorari: universitati vestræ per apostolica scripta districtè præcipiendo mandamus, quatenus omnes Teuto-

(a) *Al.* Nonas Julii.(b) *Al.* Stipendiis.

**A**nicos ibidem in armis morantes aut consuetos morari tamquam perfidos, & excommunicatos, & persecutores ecclesiæ manifestos licentiat, & à vobis abjiciatis omnino: ita quod nec in civitate vestra remaneant, nec etiam in districtu, nec in vestris (b) dispendiis alibi ubicumque. Et hæc vobis fratribus in virtute obedientiæ, & civibus in virtute præcipimus de parendo mandatis nostris præstiti juramenti, vestram in hoc (c) providentiam non artantes, quominus per viros catholicos & fideles, ac communionem & gratiam apostolicæ sedis habentes, civitatem vestram faciatis, ut expedierit, custodiri. Datum Viterbii 111. nonas Julii anno 11.

(b)

(c)

## EPISTOLA CCCXXII.

Carissimo in Christo filio J. regi Aragonum illustri. JACOBUS

*Congratulatur ei de reportata victoria, hortaturque ad carnis victoriam à se adulteram repellendo.*

**D**atam tibi de cælo victoriam, quam tuis litteris & tui destinatione vexilli, nostris & fratrum nostrorum auribus simul & oculis injecisti, cum multa cordis exaltatione recepimus; & ei qui bella conterit, & cornua peccatorum confregit, grates debitas exsolventes, qui te suæ militiæ magistrum eligens, inimicos fidei Christianæ olim in tuis frontariis tua manu pessumdans, nunc in terris etiam alienis Murciam famosam satis inter alias civitatem tuâ curâ, tuâ industriâ, tuo studio, tuâ potestate perdomuit, & ad carissimi in Christo filii nostri illustris regis Castellæ dominium, à quo præsumpta recesserant rebellione reduxit. Sanè quantò (d) victoriosior existis in præliis, tantò humilior debes esse in ceteris, ut divino nomini soli debitam tibi gloriam non adscribas; quamquam in hac re gloriæ propriæ non deceat zelatorem, ut tecum pugnantiem Dominum non impugnes, & qui hostes exteriores superas ab interioribus minimè supereris. **E** Quid enim prodest reges in campo prosterne, & ab ancilla vel servo in domo viliter subjugari? Hæc scribimus, fili carissime, quia quod ægrè ferimus, tantorum victor hostium, à propria carne sic vinceres, ut divino timore postposito, illicitam tibi copulam non tuæ statuens mulieris, cum multorum scandalo circumducas (e) adulteram, & incestu cumulans adulterium, graviter oculos divinæ majestatis offendas. O quantam in tua gloria ponis maculam! O quantum sanguini tuo detrahis! Quantum honori derogas regiæ majestatis! Quanto te demum exponis discrimini vivens sub sorte misera, captivatus à muliercula, & velut bos ductus ad victimam trahi ad inferos te permittis! Quid tibi proderunt tuæ victoriæ? Quid trium-

Anno 1269

(d)

(e)

(c) *Al.* Vestram prudentiam non hortantes.(d) *Al.* Virtuosior.(e) *Al.* Adulterium.

Z iij



phi? Quid sanguis regius? Quid potestas, si velut jumentum in terra fœcibus computrescas? Scito, quæsumus, & considera, quoniam advesperascit, & inclinata est à modo tibi dies, currisque cum ceteris ad finem inevitabilem, quem præfinivit Dominus omni carni. Nec te decet extrema polluere vitæ tuæ, quam nisi exitus honoraverit impollutus, ad regnum attingere numquam poteris, in quo nihil coinquinatum incurrit. Quocirca obtentu veteris amicitiae, & paternæ compassionis affectu, serenitatem regiam monendam duximus & hortandam, quatenus ad cor rediens, te ipsum contra faciem tuam statuas, & quod inconsultè fecisti, consilio revocans saniori, mulierem mœcham abjicias, immo nequam, ut tam salubriter, quam (a) pudicè in bono compleas dies tuos, & de regno quod obtines temporali ad regni gloriam venias sempiterni. Datum Viterbii III. nonas Julii anno 11.

## EPISTOLA CCCXXIV.

Dilecto filio J. sancti Nicolai in carcere Tulliano diacono cardinali.

*De providendo custodiae castri Collis.nigri, quod ipsius sororius & nepos olim obtinebant.*

Anno 1266

**D**Udum tibi de subscripta materia scripsissemus, si fuisset expediens tuo statui tristitia nunciari: sed quia credebamus contrarium, cum tuis egimus quod tecum rectius actum esset. Cum enim ad nostrum pervenisset auditum, cives Romanos nobiles RICHARDUM PETRI, & PETRUM RICHARDI tuos sororium & nepotem carnis commune debitum exsolvisse, & propter hoc castrum Collis-nigri, quod ad vitam tantum habuerant, prout loci dicebant homines, ad Romanam Ecclesiam devolutum, nos timentes ne Romanorum audacia castrum dictum violenter intraret, unum ex nostris misimus capellanis, qui nostro nomine dicti castri possessionem accepit, nobis vel ei qui jus haberet in eo pacificè conservandum. Sanè postmodum intellectâ veritate negotii, quod dictus sororius tuus ritè condiderat testamentum, in quo animæ suæ consulens, jura Romanæ Ecclesiæ declaraverat, quæ diu fuerant occultata, quin à nobis possessio peteretur, nunc pro sorore tua quæ prægnans dicitur, nunc pro filia testatoris, nos demum ad petitionem dilecti filii nostri nobilis viri NEAPOLEONIS fratris tui in manu dilecti filii nostri J. sanctorum Cosmæ & Damiani diaconi cardinalis castrum dictum posuimus, quod utique posuissimus in tua sicut & tunc apertè diximus, si tibi tunc loqui de talibus licuisset. Nec credas contra jus aliquid nos fecisse. Vacantem enim possessionem accepimus, quam etiam si fuisset proprietas testatoris, donec nascatur posthumus, qui à patre dicitur institutus, vel quod absit, alium finem habeat, filiæ

(a) Al. Publice.

**A** tradere minimè debebamus. Sed nec pro tua sorore petita fuerat legitimè, nec testamentum videre potuimus sæpius requisitum, ut ex ipso possemus instrui, quæ deberet provisio fieri prædicto posthumo seu matri. Cum igitur minimè dubitemus quin tibi sit cordi & animæ defuncti consulere, & jura nostra quæ lacerata sunt in Sabinia conservare, discretionis tuæ per apostolica scripta mandamus, quatenus dictum testamentum quod scripsit Jo. Gregorii assignari tibi & nobis exhiberi procures, nosque de tuo consilio juxta etiam votum tuum de ipso castro & ejus pertinentiis taliter ordinabimus, quod nec tuo detrahetur honori, nec tua justitia deperibit. Datum Viterbii VIII. Idus Julii anno secundo.

## EPISTOLA CCCXXV.

Simoni Cardinali apostolicæ sedis legato.

**C** *Ut mercatoribus de mutuo contracto facere satis invigilet.*

**C**LEMENTIS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem. Anno 1268

Pluries nobis tuis litteris intimasti, quod nomina mercatorum Urbis, qui pro negotio carissimi in Christo filii nostri C. Siciliæ regis illustri sub nostro & Ecclesiæ Romanæ nomine pecuniam mutuarunt, & quantitatem mutuatae pecuniæ ignorabas. Volentes itaque super his te reddere certiore, nomina & quantitates hujusmodi per singula tibi transmittimus in cedula præsentibus interclusa. Licet postmodum à quibusdam aliis mercatoribus Romanis simile contraxerimus mutuum, pro quibus jam nostras, ut credimus, litteras recepisti. Præterea intelleximus quod illis mercatoribus Romanis, qui tibi instrumenta super eisdem confecta mutuis detulerunt, debitorum medietatem fecisti persolveri, & aliam medietatem sub certis conditionibus persolvere detulisti, prout in instrumento publico per manum Jacoppi Jacobi de Florentia inde confecto dicitur plenius contineri. Nos itaque solutionem hujusmodi factam illis mercatoribus, quorum nomina & quantitates debitorum in prædicta cedula continentur, ratam habentes, volumus & præsentium tibi auctoritate mandamus, quatenus omnibus in cedula præfata contentis, quibus non est satisfactum, satisfacere non omittas, ut eis Ecclesia Romana, & alia loca ecclesiastica Urbis propter hoc non remaneant obligata: provisio quod antequam eis satisfiat omnia instrumenta super debitis confecta prædictis, & nihilominus refutationem solemnem ab eisdem mercatoribus vel eorum idoneis procuratoribus tibi facias exhiberi. Datum Viterbii VI. Idus Julii, Pontificatus nostri anno 11.

## EPISTOLA CCCXXVI.

Dilecto filio S. tituli S. Martini presbytero  
cardinali, Marchiæ Anconitanæ & ducatus  
Spoleti rectori apostolicæ sedis legato.

*Ut erga Urbinates faciat quod juris fuerit, an  
apud Forum-Simpronii faciendæ sint munitiones  
ipsum relinquit iudicio.*

Anno 1266

**P**lusquam multis placuerit, & forsan adhuc  
placeat tibi detulimus, & nihilominus scri-  
bis nobis quasi vir providus, ac si nostram ti-  
meas inconstantiam, quam tamen hætenus non  
probasti: immo verisimiliter æstimare potes &  
debes, quod qui clamores Anconitanorum,  
Firmanorum tonitrua, & aliorum plurium verba  
comminatoria non timuimus, ad vocem non  
movebimur Urbinatum. Fac ergo utiliter quic-  
quid tibi faciendum incumbit, sub iustitiæ  
tamen regula, cum iratus fueris misericordiæ  
reminisceris. Nos enim pro te scribimus, sicut  
& stetimus, quantumcumque patietur honestas.  
De fortalitia apud Forosimphronium faciendâ  
tu magis scire potes quid deceat, quid expediat,  
& id tuæ committimus voluntati. Hoc dum-  
taxat attendas quod possit perfici & facta utiliter  
custodiri. Datum Viterbii (a) vi. Idus Julii  
anno ii.

## EPISTOLA CCCXXVII.

Dilecto filio abbati monasterii S. Johannis  
Angeliacensis.

*De solvendo ipsius debito.*

Anno 1266

**S**i melius æstimas Deo & ejus vicario com-  
placere, quæ recta sunt consulendo, quàm  
aliorum favorem quærere, qui ut de circum-  
stantiis non loquamur, ducuntur propriæ bene-  
placito voluntatis, facile timorem abjicies, qui  
sine culpa tibi videtur incuti, & etiam sine causa,  
nec caret admiratione condigna, quod qui in  
talibus apud nos precibus nihil possunt, credunt  
in locis obtinere remotis, quod à nobis dene-  
gatur expressè: præsertim cum sciant Venera-  
bilem fratrem nostrum R. Albanensem episco-  
pum ea nobis affectione junctum, ut patri  
debitam reverentiam non ignorans, sciat utique  
quid veteri debeat amico, quid apostolicæ  
sedis honori, quæ si suos contemptus in hoc tem-  
pore vindicare neglexerit, multis dabit auda-  
ciam committendi similia vel pejora. Finem  
ergo loquendi recale. Deum time, & mandata  
ejus observa, hoc est enim omnis homo. Verùm  
super tuo debito, de quo scribis, licet olim spo-  
ponderimus quod scripsisti, mutavimus tamen  
sententiam, ut parati ad detrahendum aliqui  
nihil possint invenire quod mordeant in ejus-

(a) Id. ii. Idus Julii.

**A**dem fratris nostri processibus, nec maculam  
possint ponere in tantæ gloria puritatis. Facie-  
mus ergo Franciscum quiescere, & datum tibi  
solutionis terminum prorogare. Quod si non  
faceret, debitum persolveremus, & idcirco non  
timeas juramentum. Tu verò cogita si de tui  
monasterii prioratibus vacaturis duobus aut  
tribus retinendis ad tempus tibi consuli bonum  
esset, vel legationis finem expecta, vel si forsan  
honestum aliquod emolumentum ob aliquorum  
reatum in eadem emergat, unde tibi valeat  
provideri: alioquin de nostro servare malimus  
te indemnem, quàm legatum & ejus latera  
peracutis exponere dentibus amulorum. Da-  
tum Viterbii v. Idus Julii anno ii.

## EPISTOLA CCCXXVIII.

Carissimæ in Christo filiæ M. reginæ Franciæ  
illustri.

**I**nter condiciones ceteras quibus viro magni. Anno 1266  
fico, quem tu nosti, datus est nobilis princi-  
patus, illa pluribus fuit adstricta tuniculis, quam  
tua Serenitas plus videtur habere suspectam.  
Unde scire te volumus, quod tanta diligentia,  
tantaque prudentia, circa illa extitit laboratum,  
quod nec tibi nec alii superest aliquid ex illa  
parte timendum. Quod autem de tua littera  
fecimus, si tibi videbitur, sic facias tu de nostra.  
Datum Viterbii iii. Idus Julii anno ii.

## EPISTOLA CCCXXIX.

Simoni cardinali apostolicæ sedis legato.

*Ut nobili viro Thomæ de Cociato ad terræ sanctæ  
defensionem se præparanti subsidium conferat.*

**C**LEMENS episcopus servus servorum Dei  
dilecto filio S. tituli S. Cecilie presbytero  
cardinali apostolicæ sedis legato, salutem &  
apostolicam benedictionem.

Anno 1266

Clara merita dilecti filii nobilis viri THOMÆ  
DE COCIATO nostri & ecclesiæ Romanæ de-  
voti nomen devotionis laudabilis & magnæ  
strenuitatis sibi vindicasse noscuntur. Et licet  
vir semper famosæ bonitatis extiterit, in ne-  
gotio tamen Ecclesiæ & carissimi in Christo filii  
nostri C. Siciliæ regis illustris, sic se reddidit  
famosum, promptum, & strenuum, quod de ipso  
multa laudabilia prædicantur, plura etiam quàm  
præsentibus enarrentur. Porro ut suæ devotio-  
nis claritas plenius elucescat, & ut crescat potius  
apud Deum suorum cumulus meritorum, pro-  
ficisci disponit, sicut nobis exposuit, pro cultu  
Christiani nominis in subsidium terræ sanctæ.  
Verùm quia pro Ecclesiæ ac regis prædictorum  
negotio prosequendo magna, sicut asserit, subiit  
onera expensarum, seque gravibus debitis hac  
occasione subjecit, eratque prius, ut asserit,  
aliis gravibus debitis obligatus, foret ei difficile,

immò verius importabile, ultramarinum laborem aggredi, nisi necessario sibi contingeret auxilio provideri. Nos igitur qui circa dictæ terræ succursum intenta sollicitudine cogitamus, cum venerabili fratre nostro... episcopo Tusculano & dilecto filio nobili viro PETRO Camerlingo, qui qualitatibus & conditionibus dicti nobilis plenioribus dicuntur habere notitiam, collationem habentes, invenientes quod sicut de illorum consilio procedere videbatur, quod illi terræ per ejusdem nobilis præsentiam, annuente Domino, salubria poterunt commoda pervenire, nobilem eundem ad exsequendum conceptum in hac parte propositum duximus paternis exhortationibus inducendum. Ideoque discretionem tuam rogamus & hortamur attentè, per apostolica tibi scripta mandantes, quatinus præmissis provida consideratione pensatis, eidem pro tam salubris executione propositi, de centesima & redemptione votorum collectis in regno Franciæ pro dictæ terræ subsidio, de consilio carissimi in Christo filii nostri... regis Francorum illustris, cui super hoc scribimus, congruè subvenire procures: ita quod hujusmodi subventionis defectu terra præfata non perdat tanti viri servitium: quin immo per ejus strenuitatis sollicitudinis & devotæ promptitudinis studium sperata commoda, divina faciente clementia, consequatur. Datum Viterbii 11. Idus Julii, Pontificatus nostri anno 11.

## EPISTOLA CCCXXX.

Simoni cardinali apostolicæ sedis legato.

*Ut Gaufrido Forrier cruce signato provideat.*

Anno 1266 CLEMENS episcopus, servus servorum Dei dilecto filio S. tituli sanctæ Cecilie presbytero cardinali apostolicæ sedis legato salutem & apostolicam benedictionem.

Zelo devotionis accensus dilectus filius nobilior vir GAUFRIDUS dictus *Forrier* de Vernolio Andegavensis diocesis, prout ipse nobis exposuit, in terræ sanctæ subsidium cum uno milite, quem propriis secum ducet expensis, crucis assumpto signaculo transfretare proponit. Nos, igitur propositum ejus in hac parte laudabile commendantes, illudque favoribus apostolicis prosequentes, discretionem tuam per apostolica scripta mandamus, quatenus eidem nobili parato hujusmodi propositum adimplere, de centesima reddituum ecclesiasticorum regni Franciæ cruce signatis in subsidium prædictæ terræ concessa, juxta suæ nobilitatis decentiam, & secundum quod expedire videris, de consilio carissimi in Christo filii nostri... Regis Francorum illustris ei provideas, vel facias per alium provideri, ut votum suum per hoc liberius & efficacius exsequatur. Datum Viterbii Idibus Julii, Pontificatus nostri anno 11.

## EPISTOLA CCCXXXI.

R. Episcopo Albanensi apostolicæ sedis legato.

*Arnulfum capellanum suum ei commendat.*

Sicut omnes quadam dulcedine natale solum sallicere consuevit, sic & terret ad exterarum & invisarum præcipue nationes translatio; nisi forsitan cogat necessitas, quam plerumque sano consilio transfert vir sapiens in virtutem, & ubicumque sibi Deum adesse confidens patriam sibi judicat esse solum. Sanè dilectus filius ARNULPHUS capellanus noster, ad ea quæ nosti nuper familiariter invitatus à nobis, spiritum promptum habens, carnem autem infirmam, de nostri & dilecti nostri filii G. tituli S. (a) Marci presbyteri cardinalis, tuam adit præsentiam, ut videat quod offertur, cum subjecta res oculis reddat fidelius testimonium, quam dimissa per aures vel litteras se fraternitati finaliter, prout credimus & speramus, judicio pariter & consilio commissurus. Verum quoniam ex condictione sic ad præsens recedit à nobis, ut si sibi terra non placeat, ad nos redeat graciosus; sic & ipsum ad te transmittimus, ut si forsitan illuc duxeris retinendum, eum benignè promoveas, & promptum fulcire non desinas consilio & auxilio opportunis; & si reditum præelegerit, sicut cum nostra, sic & cum tua gratia revertatur. Datum Viterbii Idus Julii anno 11.

Anno 1266

(a) Guillelmi.

## EPISTOLA CCCXXXII.

Carissimo in Christo filio C. regi Siciliæ illustri.

*Totus in ejus effertur laudibus, suadetque ut fideles suos secum retineat, dimissosque revocet.*

Avus paternæ dulcedinis erga te, quem anima nostra prædiligit, de labiorum nostrorum eloquio cum rore suavitatis emanet, dum ex intimo tibi propinamus affectu, quæ tuis inhærentia sensibus, delectationis augmentum præbeant, fructum salutis germinent, & regalem præminentiam nominis sui que magnificos titulos honoris extollant, de plenitudine quidem caritatis talis confurgit affectio, mentem patris instantia quotidiana sollicitans, ut amantissimum filium frequenti visitatione lætificet, ac eum assidue benedictionis aspersione fecundans; intenta, vigili & curiosa meditatione prævideat, quod laus ejus & gloria & apud Deum crescat, & in gentibus exalteretur; quod felix status suæ celsitudinis præservetur, quod

Anno 1266

(a) Al. S. Martini.

eventus

eventus cautela aut futuros anticipet, ne felicitatis angusta tempora quicquid sub nubilourbationis vel adversitatis angustet. Profecto, fili carissime, circa conservandam status tui gloriam non indignè pensamus. Tu enim es electus à Domino in sui populi defensionem. Tu genibus quæ (a) ambulabant in tenebris serenitatem lucis secundum datam tibi divinitus gratiam reddidisti. Tu quies ecclesiæ, tu pax fidelium turmarum, securitas & tranquillitas regionum. O cum quanta mentis anxietate quælivimus, quàm profundis cogitationibus nos, & nonnulli prædecessores nostri Romani pontifices cum fratribus nostris adhibuimus labores & studia, ut te nobis in adiutorem ipsius Ecclesiæ divina clementia largiretur, quod tuo studio ab innumeris, quibus subiacebat oppressionibus eadem ecclesia liberata sub gaudio libertatis (b) in Domino respiraret: Et quia summa providentia nostris desideriis condescendens, te nobis pia miseratione concessit, tibi que contra hostes de victoria gloriosa providit, & regnum Siciliae imperio tuo sic victoriosè subjecit, nos & universalis Ecclesia tamquam de multiplicium anxietate laborum ad optatæ quietis votiva solatia redeuntes, plenis in Deo nostro gaudiis exultamus; in hoc potissimè nostrorum plenitudinem cogitatum effundentes, ut sublimia tui solii culmina magnifica semper incrementa suscipiant, nullius inquietudinis turbine perturbata. Videmus igitur multipliciter expedire, ut ad ipsius regni custodiam argumentosâ solertiâ diligenter intendas. Nam sicut D in manu forti exitit (c) acquisitum, sic te non minus forti, sed fortiori decet sollicitè custodire: Ad quod (d) decet, & convenit multiplici ratione dextram regiæ liberalitatis extendi. Operatus est enim totum ex alto Deus, & præter communis opinionis iudicium manum gratiæ cælestis aperiens, tibi & exercitui tuo, extremas quasi patientibus inopias & defectus, capite bellatorum prostrato, in tuis manibus dictum regnum tam nobile, & ejus opulentiam inæstimabilem cum multis magnatibus & eorum E liberis ac uxoribus ac thesauris sub paucorum dierum brevitate conclusit; quadam infert tacita consequentia, ut effundi liberalius, discretionis tamen iudicio, debeant, quæ Dei providentia simul ac subito tibi concedenda decrevit. Est & aliud quod regum excellentia sicut divitiis affluit, sic ab ipsa requiritur, ut affluentia liberalitate dispenset suæ beneficia largitatis. Est nihilominus advertendum, quod in ipsius acquisitione regni, & tui prosecutione regiminis, licet ad omnia te justè processisse credamus; tamen plurimos offendisti, plerique animo tibi sunt hostes & æmuli, qui devotum prætendentes aspectum, ad tuam offensam forsitan insurgerent, si, quod absit, loci vel temporis opportunitas se offerret. Quid est igitur, quod talibus non pensatis, nonnullos ex defectu (e) decentium præmiorum abire de tua sequela permittis, quos utiles & valde necessarios tuæ

A societati cognoscis? Numquid non merentur consolationis fieri participes, qui pœnarum & laborum tecum fuere cōsortes? Numquid tutum reputas, ut solus remaneas inter extremas nationes, ubi fortè plures habes occultos æmulos quàm amicos? Attende situm quam obtines regionis: an enim inter scorpiones nunc habites ignoramus. Sed si latera tua respexeris, hinc Saracenos, hinc Græcos, hinc civitates maritimas magni nominis, hinc Teutonicos, hinc multos barbaros circumjacere reperies, qui nec te possunt, nec tuam diligere nationem. B Quæsumus igitur, ut cumulus tibi potentiam subjectorum tecum plurimos retinere studeas, de quorum probata fidelitate & strenuitate confidis, & etiam de aliis revoces quos strenuos & fideles, tibi que devotos recedere permisisti, nec eisdem bona feuda ac pingua distribuere verearis. Satis enim feliciter abdicantur, quæ residua majora conservant, ad quod tui sanguinis exempla te provocant, qui de terris quas acquisierant portiones non modicas his qui bellifudores pertulerant contulerunt, ne quivis defectus intercitat, quo in eodem regno multis parto laboribus aliquid in tuam contumeliam velurbationem emergat, sed tamquam rex magnanimus ad Dei laudem & præfati regni munimen liberales manus aperiatis. Nam qui te provexit ad grandia, potens est ut tuum superexaltet solium, & efferat te ad sublimioris excellentiam dignitatis.

## EPISTOLA CCCXXXIII.

Dilecto filio J. sancti Nicolai in carcere  
Tulliano diacono cardinali.

*De absolute Neapolconis & fratris ejus & commissis ipsi castris Mon. S. Pauli.*

Venientes ad nostram præsentiam Ja. Neapolionis & fratrem ejus ac R. interfectorem quondam Bufardi de consilio fratrum nostrorum absolvimus, juramentis eorum receptis, & fidejussoribus idoneis de nostris parendo mandatis super his pro quibus excommunicati erant & super offensis in nos & te in Sabinia commissis. Ad danda autem mandata non processimus nisi super castris Mon. sancti Pauli, quæ eidem reddimandavimus. Super aliis autem si in adventum suum dilata fuerint, tuum dabis consilium, qui de multis scire poteris melius veritatem; & si antè danda fuerint, id nihilominus requiremus. Datum Viterbii xvii. calendis Augusti anno ii.



(a) Al. Ambulant. (b) Al. Posset in Domino respirare.  
(c) Al. Exquisitum, (d) Al. Oportet & convenit.

*Thesauri Anecd. Tom. II.*

(e) Al. Decedentium.

## EPISTOLA CCCXXXIV.

Carissimo in Christo filio C. regi Siciliæ illustri.

*Ut amicitabiliter cum fratre suo rege Francorum componat de gabella Rodani.*

Anno 1266

**Q**uantò carissimo in Christo filio nostro regi Franciæ illustri germano tuo te novimus cariorum, teque multis ex causis eidem ad vicissitudinem caritatis adstrictum; tantò tibi propensius credimus laborandum, ut inter te & ipsum omnem materiam scandali, omnem causam dissensionis abscindas, in his præcipue quæ juri sunt (a) consona, quamquam ad alia quæ gratiam saperent facilem te reddere deberes. Novit sanè tua serenitas, quotiens te litteris, quotiens vivâ voce, quotiens ministerio bonorum & fidelium nunciorum excitandum duxerimus, ut quæstionem gabellæ Rhodani multis suspensam tractatibus, ex qua processerunt multa inepta, multumque turbatus est animus fratris tui, per viam amicabilem ad finem perducere congruum procurares; quod quia factum non exitit, idem rex frater tuus satis ægrè ferre videtur, prout & litteræ nobis indicant aliquorum, & verba nihilominus fide digna. Nunc autem suos ad te destinat nuncios, qui super hæc te conveniant reverenter, & quæ fratri debes insuper à te petant, scilicet VIII. mil. marcharum argenti de dote sibi cum carissima filia nostra uxore sua promissa, & alia septem millia quæ tibi credidit ad bonæ memoriæ foci tui debita persolvenda. Quocirca tuam duximus excellentiam monendam pariter & rogandam, quatenus eorum nunciorum verba & patienter audiens, & benignè suscipiens, non turberis, sed fraternæ gratiæ non (b) ingratus, & eorum quæ tibi liberaliter ultra mare donavit, memoriam semper habeas, & debita repenti satisfacias nunc si potes; aut saltem sic respondeas, ut placari tuo responso debeat (c) potius quàm turbari. Datum Viterbii (c) XVII. calendas Augusti anno II.

## EPISTOLA CCCXXXV.

Ad S. Ludovicum regem Francorum.

*Ei commendat abbatiam S. Ægidii.*

Anno 1266  
Exarchivis  
S. Ægidii.

**C**LEMENTIS episcopus servus servorum Dei Carissimo in Christo filio regi Francorum illustri salutem & apostolicam benedictionem. Nostram non præterit memoriam, quod nobis villa S. Ægidii ortum dedit, & monasterium inibi situm, dum conditionis nostræ status circa minora versabatur officia, nos multipliciter honoravit. Hoc enim affectum nostrum

(a) Al. Contraria.

Al. (b) Ignarus.

(c) Al. xv. Calendas.

**A** sollicitat, ac nihilominus illius loci sanctitas & honestas nostrum inducit animum, ut ad monasterium ipsum specialis dilectionis considerationem habentes, illud internæ mentis aspiciamus oculis, & ad ejus incrementa libenter in quibus expedit operam præbeamus. Licet igitur regalis pietas ad divini cultum dedita nominis, circa bonorum jurium & libertatum conservationem ecclesiasticorum se promptam exhibeat & benignam, cunctique religiosi de tui favoris patrocinio gratulentur, nos tamen spem grandem ac plenam fiduciam obtinentes, ut cari nostri, quos tibi specialiter commendamus, nostri, obtentu te gratiosum amplius & favorabilem debeant invenire, pro dilectis filiis abbate & conventu monasterii supradicti serenitatem regiam rogamus & hortamur attentè, & requirimus ex affectu, quatenus eosdem abbatem & conventum, dictumque monasterium habens, pro nostra & apostolicæ sedis reverentia, propensius commendata, libertates & privilegia eis à progenitoribus tuis concessa, illis servare velis integra & illæsa, in manu, tenendis ac ab injuriis, jacturis & molestiis, protegendis suis bonis & juribus eis aliis, quantum in te fuerit opportunum, favoris & consilii auxilium impensurus: ita quod ipsi abbas & conventus intercessionem nostram sibi cognoscant, ut optamus, utiliter affuisse, ac nos regali excellentiæ speciales proinde gratias cum laudibus dignis rependere debeamus. Datum Viterbii xv. calendas augusti, Pontificatus nostri anno secundo.

## EPISTOLA CCCXXXVI.

Carissimo in Christo filio L. regi Siciliæ illustri.

*Commendat ipsi fratres Cartusienfes, sed præsertim Parisienses quos fundaverat.*

**C**artusienfis ordinis, cujus sinceritas in sua simplicitate non deficit, sed quasi lux splendens usque ad diem perfectum crescit, Domino promovente oblivisci non possumus, & ex nostro affectu alios æstimantes, quem amamus tenerrimè amicis specialibus commendamus. Hoc probavit tua serenitas, cum minori fungeremur officio. Nam quotiens à te recessimus, nisi fallimur, ultima verba nostra recommendationem ejusdem ordinis continebant. Aucta igitur in nobis ad eundem dilectio pro eo scribere tuæ celsitudini nos compellit, quam (d) attentius duximus deprecandam; quatenus totum ordinem, sed specialiter domum Vallis-viridis prope Parisius, quam plantasti, pro nostra & sedis apostolicæ reverentia, in tuorum remissione peccaminum, oculo pietatis respiciens, sis eis benevolus & beneficus, & eisdem defensor assistas consiliis & auxiliis opportunis. Datum Viterbii xv. calendas Augusti anno II.

Anno 1266

(d)

(d) Al. Hactenus.



## EPISTOLA CCCXXXVII.

Dilecto filio magistro Helix capellano nostro.

*Ut cives Pisanos sub certis conditionibus ab excommunicatione & interdicto absolvat.*

Anno 1266

**A**D nostram nuper accedentes præsentiam viros providos & discretos Gerardum Rubicum, Gerardum Vice-comitem judicem, Lambertucium <sup>(a)</sup> Armigossi juris professorem, <sup>(b)</sup> Tempaveillum judicem, Guidonem Pauciam, & Raynerium de sancto Cassiano judicem communis Pisanensis ambaxiatores seu nuncios recepimus; & licet eisdem publicam obtulerimus audientiam, ipsi tamen privatâ contenti, nobis humiliter supplicarunt, ut sicut aliquæ Tusciæ civitates datis cautionibus competentibus de nostris parendo mandatis, gratiam absolutionis à nobis habuerant, sic in suas latas personas & terram excommunicationis & interdicti sententias faceremus misericorditer relaxari, quod à te obtinere nequiverant, ut dicebant, licet juratorias & pignoratitias cautiones, quas exegeras ab eisdem tibi nostro nomine requirenti non sine magno gravamine præstitissent. Sanè tuis edocti litteris, eisdem respondimus, quod per eos & eorum concives steterat, quominus per tuum ministerium factum <sup>(c)</sup> esset quod à nobis decreverant postulandum, cum tu eos velles absolvere, ut à nobis receperas in mandatis. Sed apertè prædicebas eisdem quod si regnum forsitan <sup>(c)</sup> Turritanum vel alias Sardinia partes invaderent, eo ipso in pristinas relaberentur sententias; & ipsi absolutionem tuam, licet pura non conditionalis existeret, cum hac tamen prædictione recipere noluerunt, de quo nobis per publicum constitit instrumentum. Tandem ipsis rem gestam sub alio renore narrantibus, & finaliter postulantibus, ut nostram tibi scriberemus lucidè voluntatem, votis annuimus eorumdem, discretioni tuæ per apostolica scripta mandantes, quatenus si commune Pisanense & cives transferendi depositi, quod tu Pisis penes aliquas personas Ecclesiasticas collocasti, plenam tibi concesserint libertatem, ab excommunicationum sententiis juxta traditam per primas litteras tibi formam absolvas eosdem, & sententiam seu sententias interdicti in civitatem Pisanam & ejus districtum relaxes publicè & apertè, prædicens eis, quod si translationi prædicti depositi verbo vel facto se opposuerint, vel impedimentum quodcumque præstiterint, vel præstari per alios procuraverint, clam vel palam, vel cum prohibere possint, non prohibuerint; in pristinas interdicti & excommunicationis sententias, ipsi & eorum civitates & districtus, eò ipso protinus relabentur. Idem erit per omnia si judicatum seu regnum <sup>(d)</sup> Turritanum invaserint, vel in eo Ecclesiæ Romanæ possessionem turbaverint, vel alias

<sup>(a)</sup> Al. Arangossi.

<sup>(b)</sup> Al. Tebanullum.

<sup>(c)</sup> Al. Curritanum. Al. Turrianum. <sup>(d)</sup> Al. Curritanum.

*Theauri Anecd. Tom. II.*

**A** partes Sardinia, quas ab olim non possederint intraverint, animo possidendi, vel jus sibi vel auctoritatem aliquam in eadem sine apostolica sedis licentia acquirendi seu etiam obtinendi. Nos enim in eos & civitatem ac districtum ejusdem, si contra prædicta venerint, vel aliqua de prædictis, dictas interdicti & excommunicationis sententias tulimus, contra eos gravius processuri, si, quod absit, hoc exigit contumacia eorumdem, & si non humiliter obdierint, adeo benivolè laborabimus quæ ad pacem eorum pertinent & salutem. Datum Viterbii xiv. calendas Augusti anno 11.

## EPISTOLA CCCXXXVIII.

Dilecto filio S. tituli S. Martini presbytero cardinali, Marchia Anconitana & ducatus Spoleti rectori, apostolicæ sedis legato.

*Ipsus committit prudentiæ agenda cum Firmanis.*

**I**N nostra præsentia constitutus Laurentius, <sup>Anno 1266</sup> Teopoli civitatis Firmanensis potestas, multis propositis, in summa tria petiit attenuari, scilicet quantitatem quam petebas à civibus, & tam solutionis terminum, quam alium quem eis dederas ad jura sua tuo exhibenda judicio prorogari; quo prout decuit, de fide veteri commendato, & de novis excessibus increpato, nihil à nobis habere potuit, nisi quod nostrum tibi beneplacitum scriberemus. Attendat igitur tua discretio pro conditione personarum & temporum, quid tibi cum eis videatur agendum, quod nobis utique melius scire potes. Firmani siquidem, licet retroactis temporibus se interdum bene habuerint, istis tamen à felicitis recordationis ALEXANDRO & URBANO prædecessoribus nostris, tamquam Romanæ proditores, & novissimæ factionis auctores expressè fuerunt, & publicæ excommunicationis vinculo innodati: quos si in gratia Anconitanis æquaveris, vide an justum reputetur aut æquum. Totum tamen prudentiæ tuæ committimus, quamquam in duobus terminis cum termino debito prorogandis, te possis reddere facilè gratiosum: Unum scias quod nos cum venientibus ex his causis ad nullum finem venire volumus, ut & tuo provideamus honori, & ut eis negotiandi materiam apud nos auferamus, quam si apud latera tua invenerint, & quod tu debes recipere alii deglutiverint, nimis ægrè feremus, laturo æquanimiter quod de tua liberalitate procedet. Datum Viterbii xi. calendas Augusti anno 11.



## EPISTOLA CCCXXXIX.

Simoni cardinali apostolicæ sedis legato.

*Ut prædicationi crucis per se aut per alium  
inset.*

Anno 1266

**C**LEMENS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Quæ nobis per dilectum filium JOHANNEM DE VALENCENIS militem vel publica vel secreta scripsisti, diligenter inspeximus, post deliberationem aliquam de his tibi per proprium nostrum nuntium rescripturi. Interim autem per te & alios crucis negotium diligenter prosequere, quod tibi plenius commitemus; sic tamen ut quando & quotiens tibi placuerit subducere possis humeros oneri, si te gravet: quod apud te volumus & præcipimus esse secretum. Nos verò te & Romanam Ecclesiam liberare satagas à Romanis. Datum Viterbii xi. calendas Augusti, Pontificatus nostri anno 11.

## EPISTOLA CCCXL.

Dilecto filio Guillelmo de Portu Jurisperito seniori.

*Approbat quæ fecerit super nata in Rodano  
insula.*

Anno 1266

**Q**uæstionem de finibus inter vos & monasterium S. Ægidii super quadam insula nata in Rodano dudum exortam electus à dilectis filiis abbate & conventu ejusdem monasterii ex una parte, & Petri Reybaldi ex altera, arbitrator aut arbiter, loca tuis subjiciens oculis diceris decidisse. Licet autem incerta locorum imaginatio & nova nomina (a) possessorum veritatis substantiam occultaverint: nos tamen de tua fide, quam dudum probavimus, præsumentes, firmiter credimus de te bono & æquo in omnibus & per omnia processisse: & ideo dictum tuum ex certa scientia approbantes, confirmavimus quod fecisti, & quod pro his tibi placuit laborare, devotionem tuam debitâ gratiarum actione prosequimur. Datum Viterbii viii. calendas Augusti anno 11.

## EPISTOLA CCCXLI.

Dilecto filio J. sancti Nicolai in carcere Tulliano diacono cardinali.

*De inquisitionibus adversus Rutenensem episcopum  
faciendis.*

Anno 1266

**Æ**Quanimiter moram tulimus; quam traxisse Perusii noscitur venerabilis frater noster Rutenensis episcopus, sub tuæ, ut cre-

(a) Al. Possessionum.

**A**ditur, expectatione salutis, qua ex causa processum suspendimus contra ipsum inchoatum ibidem, non sine Ecclesiæ sibi creditæ discrimine pariter & jactura & continua oblocutione multorum. Sanè jam tibi reddita divinæ providentiæ munere sanitate, crescit contra nos obsequentium murmur, immo veriùs insultantium objurgatio manifesta, illâ ratione præsertim, quia contra Tholosanum episcopum procedi facimus incessanter, & contra istum quem detestabilis turpitudinis urgent indicia non procedimus, tamquam sit apud nos personarum acceptio, quam in aliis reprobamus. Quocirca nolentes imperfectum relinquere quod incœpimus, ad nostram præsentiam eum duximus per latorem præsentium advocandum, & præfigere ei terminum, quo coram examinatoribus testium seu inquisitoribus, quos in partibus suis dedimus, personaliter vel per procuratorem sufficienter instructum compareat, prout magis negotio crediderimus expedire. In hoc tamen gerimus tibi morem, quod si lectis præsentibus litteris differri aliquantulum tibi placuerit citationem ejusdem, quod tibi conscientia dictaverit in hac parte, sustinebimus patienter. Nam latorem istarum instruximus, quod litteras nostras alias dicto non reddat episcopo, donec tuam super hoc sentiat voluntatem. Tu verò, fili prædilecte, considera quid Deo gratius, quid suæ convenientius æstimes honestati. Datum Viterbii vii. calendas Augusti anno 11.

## EPISTOLA CCCXLII.

Episcopo Rutenensi.

*Ut coram se processum inquisitionis adversus ipsum  
consummaturo infra die viii. compareat.*

**C**um dilecti filii nostri J. sancti Nicolai in carcere Tulliano diaconi cardinalis diu Perusii moram trahens desideratam à nobis expectaveris sanitatem, & jam Deus ipsum respiciens & optatæ saluti restituens, nos ac fratres nostros reddiderit lætiores; tempus esse credimus, ut ad nos venias, & propositum nostrum intelligas, & de inquisitionis processu contra te inchoatæ, quam ad finem quem Deus dederit, cupimus consummari. Ideoque fraternitati tuæ in virtute obedientiæ firmiter præcipiendo mandamus, quatenus infra dies viii. post receptionem præsentium personaliter coram nobis compareas, nostrum super hoc beneplacitum auditurus. Datum *ut supra in proxima.*

Anno 1266



## EPISTOLA CCCXLIII.

Dilecto in Christo filio C. regi Siciliæ illustri.

*Consolatur eum de fuga Galvani, monet ut ad se redeuntibus affabilem se præstet.*

Anno 1266 **S**I GALVANUS factus est transfuga, si de obside transierit in hostem, tua sinceritas non turbetur. Neceſſe est enim ut veniant scandala, sed vix illis qui faciunt. Absit autem ut illis sit quibus fiunt, parata forsitan videbatur ejus evasio, cum tua gratia (a) salutaris. Sed placuit cordium inspectori eum sic dimittere, ut suæ redditus libertati, iret volens in præcipitium, qui ad pacem ducebatur invitus. Hoc sanè & similia, si contigerint, sustine patienter, sperans semper ex tentatione proventum, dum tamen excessibus nec occasionem præstes, nec causam. De hoc enim te notant aliqui, quod eos qui voluntariè ad te redeunt, & tuæ gratiæ se committunt, capis subito, eo ipso suspicionem ingerens audientibus, ne ad te veniant poenam pro gratia (b) recepturi. Non hæc, fili carissime, decent principem: quin immo tantâ decet etiam inimicos redeunt ad gratiam prosequi pietate, ut alii provocati, laudandæ bonitatis exemplo, se committere principi minimè vereantur. Sanè tuis receptis litteris, nuncium proprium ad civitatem misimus Reatinam; potestati & communi mandantes, quod GOLIOTUM & bona mobilia, quæ secum tulerat, arrestarent, & quid de ipsis vellemus fieri per nostras eis litteras mandarem. Quem autem res exitum habitura sit ignoramus. In omni autem casu proponimus ea facere, quæ Romanæ Ecclesiæ jure salvo, (c) honori tuo crediderimus expedire. Datum Viterbii vi. calendas Augusti anno 11.

## EPISTOLA CCCXLIV.

R. Episcopo Albanensi.

*Ut destitutos Abbates ad sua claustra remittat, monasterioque Capuano S. Mariæ provideat.*

Anno 1266 **A**Bbatis Florentini & coabbatum sui ordinis negotium, qui in abbatiis quas obtinent, jus penitus nullum habent, fraternitati tuæ committimus, ut eis primitus destitutis, ad sua loca reducas, aut transponas, aut remittas ad claustrum, sicut videris expedire. Monasterio etiam S. Mariæ de Capua providendi, vel de illa quam nominas, vel de aliqua persona idonea liberam tibi concedimus facultatem. Datum Viterbii vi. calendas Augusti anno secundo.



(a) Al. Solutarius.

(b) Al. Subituri.

## EPISTOLA CCCXLV.

Dilectis filiis Rectoribus &amp; Comuni Florentiæ.

*Scribit in gratiam civium Florentinorum.*

**E**X partibus concivium vestrorum quos in confinibus aliquamdiu tenuistis nobis extitit supplicatum, ut cum ipsi nullum offenderint vel proponant offendere, & damna plurima sustinuerint sine culpa, negotiationes suas & negotia liberè prosequi non valentes, ingressu in civitatem & mora in eadem sibi diutius interdictis, cum eisdem misericorditer ageremus. Quocirca eorum precibus inclinati, discretioni vestræ per apostolica scripta mandamus, quatenus receptis idoneis cautionibus de nostris parendo mandatis, & civitate minimè perturbanda, eos ad sua domicilia tutè & liberè remittatis. Datum Viterbii vi. calendas Augusti anno secundo.

## EPISTOLA CCCXLVI.

Dilecto filio Potestati &amp; communi Reatinensi.

*Ut Galiotum apud eos transfugam cum rebus suis detineant.*

**P**ER carissimum in Christo filium nostrum C. illustrem regem Siciliæ intelleximus, quod Galiotus Galvani Lanceæ filius, cum argento & auro & mobilibus paternis aliis, à regno Siciliæ fugiens, ad vos nuper sub spe quadam securitatis habendæ transfugit. Quocirca vobis firmiter præcipiendo mandamus quatinus eundem Galiotum & res prædictas, visis litteris, detinere nullatenus prætermittatis, facturi de ipsis, quod vobis duxerimus intimandum. Ut autem hæc fiant melius quò & certius, mittimus ad vos dilectum filium Raynaldum ostiariarium nostrum, cui in his quæ ex parte nostra præceperit parere vos volumus & mandamus. Datum Viterbii vi. calendas Augusti anno secundo.

## EPISTOLA CCCXLVII.

Carissimo in Christo filio C. regi Siciliæ illustri.

*Mittit ad eum P. Cambellanum, ut ipsius utatur consilio.*

**D**ilectum filium nostrum Gaufridum de Bello-monte capellanum nostrum, cancellarium Bajocensem, quem ad nostram destinasti præsentiam, diligenter audivimus, & super multis articulis differentem verba ejus pleno collegimus intellectu, qui responsiones

(c) Al. Bonorum tuorum.

(a) nostras ad singulos, qui ad præsens certo claudi consilio poterunt, unâ cum dilecto filio P. (a) Cambellano milite de nostro consilio ad tuam præsentiam redeunte, tibi poterit explicare. Veniunt etiam ad te nuncii carissimi in Christo filii germani tui L. regis Franciæ illustris, ad quos sicut in aliis litteris tibi scribimus te habebis. Sanè quia prædictum P. Cambellanum ab obsequio germani tui prædicti ad præsens retrahimus, & ad tuam induximus resumendum, serenitatem tuam rogandam duximus attentius & hortandam, quatenus eo & aliis sapientibus qui tuo assistunt lateri, sic utaris, ut se juxta eorum recta consilia regnum tuum providè gubernante, & de fructu laboris proprii, & de tui honoris gaudeant incremento. Datum Viterbii III. calendas augusti anno II.

## EPISTOLA CCCXLVIII.

Simoni cardinali apostolicæ sedis legato.

*Ut in subsidium terræ sanctæ per se & alios prædicet, concessis cruce signatis indulgentiis.*

Anno 1266

CLEMENS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

De summis cælorum Dominus terram suæ nativitatis & passionis aspiciens, dum per singulos dies in illa variis provocatur injuriis, nec exurgit populus quem ipse redemit ad vindicandum crucis opprobrium, ex eo præcipue non immeritò addi ad dolorem vulnerum suorum reputat, quòd locus ille sanctissimus, in quo ipsum cæli regem Virgo puerpera genuit, continuæ vexationis laxatur angustiis, & successivis dissidiis laceratur, nunc in illum Sarracena furente sævitia, nunc in eundem furoris immanitate Tartarici sexui vel ætati parcere nescia sæviente. Ad hoc enim præcipue filiorum lucis intentio tendere, circa id eorum debent assidue revolvì præcordia, & sollicitudo versari, ut illius terræ, quam in hereditatem sibi Dei Filius prælegit, abominationes expiare conentur, & potenti manu resistere polluentibus ipsam filiis tenebrarum. Hæc profectò dissimulari non debent, vel obtusis auribus præteriri, ne Redemptor noster cuncta prævidens, falli nescius, ingratitude vitio redemptos laborare comperiens, ab eis faciem iratus avertat, eosque velut indignos paterna gratia derelinquat. Non sint igitur filii devotionis immemores, quòd ipse Christus in terra illa in forma servi carnem nostræ mortalitatis indutus, crucis non metuit subire tormentum, ut mortem nostram moriendo destrueret, & vitam resurgendo fidelibus repararet. Quæsumus diligenter attendant qualiter illa miserabilis regio depressa jacet diris angustiata flagellis, quòdque in eam pestis Tartarica supervenit, cujus tantò potius nimirum futuri vicinique formidantur

(a) Al. Cambello.

A incurfus, quantò gravius ille sævus & damna-  
bilis Tartarorum populus terram quam suæ  
subjicit servituti, intolerabilibus exactionibus  
opprimens, sic illius incolas torquet immaniter  
& affligit, quòd degehtes sub eorum tyrannide  
libentius metas mortis eligerent, quàm sic vi-  
vendo tanta subire genera tormentorum. Exu-  
gant itaque fidei zelatores ad defensionem  
dictæ regionis ejusdem Redemptoris martyrio  
consecratæ, nec ad id tepescant eorum animi,  
sed ferventibus desideriis accendantur. Hoc  
enim ipse Dei Filius inter cetera sollicitudinis  
humanæ servitia gratissimum reputat, & ob id  
illa rependit præmia, quæ principaliter affec-  
tare debemus & petere, dum in valle positi  
præsentis miseriæ indulta nobis excurtimus tem-  
pora servitutis. Cum igitur de te, quem habere  
credimus timorem Domini & amorem, quique  
multiplicibus donis virtutum præditus, lauda-  
biliter scis & vales proficere ubi labores im-  
pendis, magnam in Domino fiduciam habea-  
mus, sperantes ut in prosecutione præsentis ne-  
gotii constanter militans, illud efficacibus studiis  
& plenis debeas affectibus promovère: discre-  
tioni tuæ per apostolica scripta mandamus, in  
remissionem tibi peccaminum injungentes, qua-  
tinus hujusmodi prædictæ terræ statum Christi  
fidelibus in regno Franciæ nechon in Camera-  
censi, Tullensi, Leodiensi, Metensi, & Virdu-  
nensi civitatibus & diocesibus, ac in quibuscumque  
partibus legationis tuæ per te, vel per alium,  
seu alios ecclesiarum prælatos & clericos reli-  
giosos & sæculares, cujuscumque dignitatis vel  
ordinis fuerint, quos ad hoc idoneos esse co-  
gnoveris, diligenter exponens, eisque proponens  
sollicitè verbum crucis, ipsos juxta datam tibi  
à Domino gratiam intentis inducas monitis,  
& sedulis prædicationibus exhorteris, ut cogi-  
tantes prudenter quantum nunc indigeat ip-  
sorum præfata terra succursu, ad subventionem  
ejus promptis intendant animis, & viribus totis  
exsurgant, crucisque suscepto signaculo, illuc  
spiritualibus armis & materialibus præmuniti,  
de divina quoque sperantes potentia cum festi-  
natione procedant. Et ut circa id eò libentius  
& animosius intendant, quò exinde dona spiri-  
tualia temporalibus proculdubio præferenda  
perceperint potiùs: nos de omnipotentis Dei  
misericordia & beatorum Petri & Pauli aposto-  
lorum ejus auctoritate confisi, & illâ quam nobis  
Deus, licet indignis, ligandi atque solvendi  
contulit potestate, omnibus verè poenitentibus  
& confessis qui hujusmodi laborem in propriis  
personis subierint & expensis, plenam suorum  
peccaminum veniam indulgemus: eis autem  
qui non propriis personis illuc accesserint, sed  
in suis dumtaxat expensis juxta facultates &  
qualitates suas viros idoneos destinaverint, &  
illis similiter qui licet in alienis expensis, in  
propriis tamen personis accesserint, plenam  
suorum concedimus veniam peccatorum. Hujus  
quoque remissionis volumus & concedimus esse  
participes, juxta quantitatem subsidii & devo-  
tionis affectum, omnes qui ad subventionem  
ipsius terræ de bonis suis aliquam portionem

vel aliàs consiliū & auxilium impenderint opportunum. Volumus etiam cruce signatos illo privilegio illaque immunitate gaudere, quæ in generali cruce signatorum indulgentia continentur. Ut autem commissum tibi huiusmodi ministerium facilius & utiliùs exequi valeas, tibi & prædictis quos in hoc cooperatores elegeris, convocandi ob id quotiescumque & ubicumque videris expedire, cleros & populos locorum, in quibus te vel ipsos proponere contigerit verbum crucis, ut processionaliter cum devotione conveniant, & prædicationibus vestris intersint, cleros ipsos ad id si necesse fuerit, per censuram ecclesiasticam, appellatione postpositâ, compellendi, ac pro eisdem prædicationibus ferias, prout expedire videris, indicendi; concedendi quoque omnibus verè pœnitentibus & confessis qui ad easdem convocationes & prædicationes vestras accesserint, centum dierum indulgentiam plenam concedimus auctoritate præsentium potestatem: non obstantibus, si aliquibus cujuscumque ordinis vel dignitatis existant, quod interdici, suspendi, vel excommunicari nequeant, à sede apostolica sit indultum, & quibuscumque indulgentiis, privilegiis seu litteris ab eadem sede obtentis vel obtinendis, per quæ prædicta impediri vel defraudari possint, & de quibus specialem oporteat in nostris litteris fieri mentionem. Taliter igitur tu & alii quibus huiusmodi prædicationis officium duxeris committendum, mandatum apostolicum super hoc exequi procuretis, quod palmam gloriæ quæ bellum Dei gerentibus in retributionem ab ipso rependitur, vestra devotio consequi mereatur. Datum Viterbii III. calendas Augusti, Pontificatus nostri anno II.

## EPISTOLA CCCLIX.

Simoni cardinali apostolicæ sedis legato.

*Guidoni Flandriæ comiti ad transfretandum se accingenti viginti librarum millia distribui jubet.*

Anno 1266

CLEMENS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Apostolicæ sedis ampla benignitas, quæ ad omnes Christi fideles generaliter affectum caritatis extendit, illos specialis gratiæ patrocínio confovere tenetur, quos circa divinum obsequium & christianitatis honorem invenit suo loco & tempore promtiores. Cum igitur dilectus filius nobilis vir G. comes Flandriæ zelo fidei & devotionis accensus vivificæ crucis assumpto signaculo proponat, sicut accepimus, in manu potenti & brachio extento in illius terræ subsidium, quam unigenitus Dei Filius Dominus JESUS-CHRISTUS pro redemptione humani generis proprio sanguine consecravit, ad vindicandam ipsius injuriā proficisci; nos devotionis suæ plenitudinem favore benivolo prosequentes,

A discretionem tuam per apostolica scripta mandamus, quatenus ad opus ejusdem nobilis, ut prædictæ sedis fultus auxilio suum in hac parte propositum honorabilius deducere valeat ad effectum, de centesima proventuum ecclesiasticorum, quam olim sedes ipsa supradictæ terræ sanctæ subsidio deputavit, ac de redemptionibus votorum cruce-signatorum, necnon de legatis in subsidium dictæ terræ viginti millia librarum Turonensium in illis locis Cameracensis, Tornacensis, & Attrebatensis diocesum quæ sunt extra regnum Franciæ, si ex eis huiusmodi summa pecuniæ haberi valeat: alioquin quod de summa ipsa defuerit, in aliis locis extra regnum ipsum, in quibus tibi videbitur expedire, colligi facias; & dicto nobili, cum se ad iter transmarinum accinxerit, integrè assignari: contradictores per censuram ecclesiasticam, appellatione postpositâ, compescendo. Datum Viterbii III. calendas Augusti, Pontificatus nostri anno II.

## EPISTOLA CCCL.

Simoni cardinali apostolicæ sedis legato.

*Collectionem centesimæ proventuum ecclesiasticorum ad subsidium terræ sanctæ ei committit.*

CLEMENS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem. Anno 1266

Dudum felicitis recordationis V. papa prædecessor noster centesimam omnium ecclesiasticorum proventuum regni Franciæ ac civitatis & diocesis Cameracensis usque ad quinquennium de fratrum suorum consilio terræ sanctæ pro ipsius succursu concessit, injuncto venerabilibus fratribus nostris: Archiepiscopo Rotomagensi & magistro ODONI DE LORRIACO episcopo, tunc canonico Bajocensi, primò, & postmodum bonæ memoriæ EGIDIO Tyrensi archiepiscopo per suas diversas litteras, ut huiusmodi centesimam annuatim usque ad prædictum quinquennium colligere procurarent. Cum autem idem Tyrensis archiepiscopus viam sit universæ carnis ingressus, nos cupientes ut huiusmodi negotium felicem consequatur effectum, collectionem prædictæ centesimæ tam in prædictis regno, civitate & diocesi pro tempore quod de dicto quinquennio superest, quam in Metensi, Tulensi, Leodiensi & Virdunensi civitatibus & diocesibus, pro tempore de quinquennio huiusmodi, quo ibi collecta non extitit, tibi decrevimus committendum. Quocirca discretionem tuam per apostolica scripta mandamus, quatinus prædictam centesimam pro tempore quod de huiusmodi restat quinquennio per te colligas, vel per alium aut alios fideliter colligi facias, & in aliquo tuto loco deponas, expendendam postmodum in ipsius terræ succursu, prout tibi videbitur expedire: non obstante si aliquibus à sede apostolica sit indultum, quod interdici, suspendi, vel excommunicari non possint per



litteras apostolicas non facientes plenam & expressam de indulto hujusmodi mentionem: contradictores per censuram ecclesiasticam, appellatione postpositâ, compescendo. Datum Viterbii 11. calendas Augusti, Pontificatus nostri anno 11.

## EPISTOLA CCCLI.

Simoni cardinali apostolicæ sedis legato.

*Ejusdem argumenti.*

Anno 1266 CLEMENS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Quia pro firmo didicimus, quod igne caritatis qua ducimur ad terræ sanctæ subsidium es accensus, sub certa forma tibi dedimus per nostras litteras in mandatis, quod centesimam ecclesiasticorum proventuum, legata, obventiones, redemptiones votorum & omnia alia ad hujusmodi subsidium ipsius terræ sanctæ spectantia in terris tuæ legationis, necnon in Cameracensi, Leodiensi, Tullensi, Metensi & Viridunensi civitatibus & diocesibus integrè colligas, & quicquid de his contigerit colligi, deponere in aliquo tuto loco sub fide dignorum testimonio non omittas. Hinc est quod nos de tua circumspectione indubitata fiduciam obtinentes, præsentium tibi auctoritate commitimus, ut id in ejusdem terræ succursum, prout videris expedire, convertas. Datum Viterbii 11. calendas Augusti, Pontificatus nostri anno 11.

## EPISTOLA CCCLII.

Simoni cardinali apostolicæ sedis legato.

*Ut de bonis mobilibus archiepiscopi Tyrensis defuncti, nonnulla occasione seu pretextu procuratorum ab eo collecta sibi assignari faciat.*

Anno 1266 CLEMENS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Licet bonæ memoriæ A. Tyrensis archiepiscopus prosequendo negotium terræ sanctæ, pretextu suarum procuratorum, ab ecclesiis regni Franciæ, antequam sedes apostolica concessio- nem super hoc illi factam pro relevandis ecclesiarum ipsarum gravaminibus revocasset, tantum percepisse dicatur, quod de hoc non solum tunc & usque ad exitum vitæ suæ sustentari potuit, verum etiam exinde non modica pecuniæ summa remansit: ipse tamen pro eo quod dicta sedes, facta revocatione hujusmodi, concessit eidem quod de proventibus & bonis ad dictam terram sanctam spectantibus posset vivere, plura de proventibus & bonis hujusmodi ex tunc pro

fuis expensis asseritur recepisse. Nos itaque continuis ejusdem terræ sanctæ necessitatibus paterno compatiens affectu, discretionis apostolicæ tuæ per scripta mandamus, quatinus de bonis mobilibus quæ idem archiepiscopus habuit in partibus cismarinis, non obstantibus quacumque ordinatione, dispositione, sive testamento contrariis, de his per archiepiscopum ipsum editis, aut litteris apostolicis super executione ipsorum obtentis, tantum tibi assignari facias, quantum supradictæ revocationis tempore præfato archiepiscopo, deductis expensis congruis anterioris temporis, de hujusmodi procuratoribus inveneris remansisse, idque in ipsius terræ sanctæ succursum cum integritate convertas: contradictores per censuram ecclesiasticam, appellatione postpositâ, compescendo. Datum Viterbii 11. calendas Augusti, Pontificatus nostri anno 11.

## EPISTOLA CCCLIII.

Decano Parisiensi.

*Ut Odoni de Corpelay legatas in subsidium terræ sanctæ centum libras tradi faciat.*

Anno 1266 CLEMENS episcopus servus servorum Dei dilecto filio... decano Parisiensi salutem & apostolicam benedictionem.

Oddo de Corpelay miles cruce signatus Melensis diocesis in nostra proposuit præsentia constitutus, quod quondam Johannes de Caires, miles executor testamenti quondam Simonis de Rali militis Senonensis patris sui, eidem O. dummodo transfretaret in subsidium terræ sanctæ dare promisit centum libras Turonenses, quas ipse testator pro ipsius terræ subsidio in ultima voluntate legavit. Cum autem idem O. votum crucis quo se astrinxerat in hujusmodi proficisci subsidium commutasset in servitium carissimi in Christo filii nostri C. Siciliæ regis illustris, seque ad ejusdem regis obsequium transtulisset, non fuit ei dicta pecunia persoluta. Unde cum adhuc idem miles crucis assumpto signaculo, sicut asseris, transfretare proponat, & tantò sit ei major gratia facienda, quanto promptius & ferventius se videtur exponere ad servitium Crucifixi: nos propter hoc facientes ei gratiam specialem, volumus & per apostolica tibi scripta mandamus, quatinus dilectum filium magistrum Guillelmum de Rampillione archidiaconum Parisiensem, quem idem executor in executione ipsius testamenti dimisit, ut dicitur, loco sui, vel quemvis alium ejusdem testamenti executorem, quod easdem centum libras, si nondum sunt alii, juxta dispositionem ejusdem testatoris exhibita, præfato O. parato in prædictæ terræ subsidium proficisci, sine difficultate qualibet exhibere procuret, monitione præmissa, per censuram ecclesiasticam appellatione remotâ compellas, recepturus nihilominus ab eodem O. idoneas cautiones, quod ipse proficiscetur in dictæ terræ subsidium, vel restituet integraliter

integraliter pecuniam memoratam. Datum A  
Viterbii 11. calendas Augusti, Pontificatus nostri  
anno 11.

### EPISTOLA CCCLIV.

Simoni cardinali apostolicæ sedis  
legato.

*Ut cum rege conferat super subsidio Pictaviensi  
comiti tribuendo.* B

Anno 1266

CLEMENS episcopus servus servorum Dei  
dilecto filio S. tituli S. Cecilie presbytero  
cardinali apostolicæ sedis legato salutem &  
apostolicam benedictionem.

Sæpe & sæpius ex parte dilecti filii viri no-  
bilis... comitis Pictaviensis nobis extitit suppli-  
catum, ut eidem ad sui promotionem itineris,  
quod in terræ sanctæ subsidium juxta votum  
accelerare desiderat, subsidium ei competens  
præberemus: Nos autem, sicut aliàs ei scripsi-  
mus, nec in regno Franciæ possumus, multis  
præstationibus jam attrito; nec in Anglia, in  
qua decimam dedimus regi suo; nec in Hispa-  
nia, quæ suis satis gravatur oneribus; nec in  
Germania, quæ male paret apostolicis iussioni-  
bus: & idcirco confundimur, quia viro tanto  
& quem tantum diligimus satisfacere non va-  
lemus. Videat igitur tua discretio & cum caris-  
simo in Christo filio nostro... rege Francorum  
illustri conferat, an aliqua via pateat, per quam  
ei utiliter sine scandalo subvenire possimus, &  
rescribe quod senseris. Quicquid enim honestè  
poterimus pro ipso libentissimè faciemus. Da-  
tum Viterbii 11. calendas Augusti, Pontificatus  
nostri anno 11.

### EPISTOLA CCCLV.

Dilecto filio nobili viro A. comiti Pictaviensi  
& Tolosano.

*Excusat se de subsidii ipsi tribuendi  
impotentia.*

Anno 1266

ERubescere nos fatemur, quia totiens re-  
quisiti quæ petis implere non possumus,  
cùm & favor personæ tuæ, quam sincerâ in Do-  
mino caritate diligimus, & necessitas terræ ad  
cujus subsidium te crucis assumpto signaculo  
astrinxisti, ad largam tibi gratiam exhibendam F  
instanter nos excitet & invitet. Sanè sicut aliàs  
tibi scripsimus, tui desiderii complementum, non  
apud nos voluntas impedit, sed potius impoten-  
tia, & impotentiae proxima prompto carens re-  
medio difficultas, quæ facile tua prudentia po-  
terit invenire, si terrarum statum consideres,  
sicut aliàs per nostras tibi litteras nos memi-  
nimus declarasse. Verùm dilecto filio nostro S.

*Theauri Anecd. Tom. II.*

titulo sanctæ Cecilie presbytero cardinali, cui  
negotium crucis commisimus, super his scribi-  
mus, & si via tui subsidii per ipsum vel per  
aliud nobis pateat opportuna; nihil nobis erit  
acceptius in hac parte, quàm ad ea intendere  
quæ ad tuæ magnitudinis cedant commodum  
& honorem. Datum Viterbii 11. calendas Au-  
gusti anno 11.

### EPISTOLA CCCLVI.

Simoni cardinali apostolicæ sedis  
legato.

*Ut Gueldriæ comiti ad transfretandum se præpa-  
ranti viginti librarum millia distribuatur.*

CLEMENS episcopus servus servorum Dei Anno 1266  
dilecto filio S. tituli S. Cecilie presbytero  
cardinali apostolicæ sedis legato salutem &  
apostolicam benedictionem.

Ad consequendam gloriam, quam Dei pietas  
se diligentibus repromisit, dilectus filius nobilis  
vir comes Gueldrensis ferventer aspirans, crucis  
signaculum in subsidium terræ sanctæ, prout  
accepimus, reverenter assumpsit: intendens illuc  
in primo futuro passagio à sede apostolica sta-  
tuendo, Christo duce, honorificè proficisci.  
Quia verò nos merita ipsius nobilis tam præ-  
clara sollicitant, ut circa eum specialem expo-  
namus benignitatis affectum, discretioni tuæ  
per apostolica scripta mandamus, quatenus de  
centesima ecclesiasticorum proventuum, legatis,  
obventionibus, votorum redemptionibus, & om-  
nibus aliis ad ipsius terræ sanctæ succursum spec-  
tantibus, quæ in Colonienfi, Treverenfi, &  
Maguntina provinciis, & aliis locis extra regnum,  
videlicet Franciæ, collecta sunt, vel etiam col-  
ligentur, & ad tuas manus pervenient, usque  
ad summam viginti millium librarum Turo-  
nensium tribuas seu tribui facias in suarum ex-  
pensarum subsidium, cum se ad iter accinxerit  
transmarinum, maximè cùm, sicut accepimus,  
eidem nobili ab his qui hujusmodi prosequun-  
tur negotium, firma spes facta fuerit de hujus-  
modi pecunia pro eodem subsidio consequendo:  
contradictores per censuram ecclesiasticam, ap-  
pellatione postposita, compescendo. Datum  
Viterbii calendis Augusti, Pontificatus nostri  
anno 11.



## EPISTOLA CCCLVII.

**Q**ua conceditur H. comiti Luocelburgenſi ſumma quindecim millium librarum Turo-  
nenſium, ejuſdem eſt tenoris cum præcedenti.

## EPISTOLA CCCLVIII.

Simoni cardinali apoſtolicæ ſedis legato.

*Ut detentores bonorum defuncti Ægidii archiepiſ-  
copi Tyrenſis, per cenſuras eccleſiaſticas ad  
reſtitutionem compellat.*

Anno 1266 **C**LEMENS episcopus ſervus ſervorum Dei  
dilecto filio S. tituli S. Cecilie præſbytero  
cardinali apoſtolicæ ſedis legato ſalutem &  
apoſtolicam benedictionem.

Sicut ex inſinuatione dilectorum filiorum...  
Decani Pictaviensis, & Magistri Gaufridi de  
Fonte-Ebraudi archipreſbyteri de Lugduno Pic-  
taviensis diocesis, & quorundam aliorum fide  
dignorum accepimus, bonæ memoriæ Æ. Ty-  
renſis archiepiſcopus exiſtens in partibus Fran-  
ciæ pro negotio crucis, quæ prædicatur ibidem  
in ſubſidium terræ ſanctæ, de bonis mobilibus  
quæ habebat in partibus ciſmarinis in ultima  
voluntate ſua teſtamentum ſeu ordinationem  
providam condidit, ac dictos decanum & ar-  
chipreſbyterum executores huiusmodi teſta-  
menti ſive ordinationis ſub ea forma reliquit,  
ut illa ſecundum conſilium dilectorum filiorum  
Nicolaï de Montibus Minorum, & Adæ dicti  
Moven Prædicatorum ordinum fratrum de-  
beant executioni mandare; ſed huiusmodi exe-  
cutio pro eo non poteſt integrè adimpleri: quia  
nonnulli iniquitatis filii, quos iidem executores  
prorſus ignorant, multa de bonis huiusmodi  
malitiouſè detinent occultata in propriæ ſalutis  
diſpendium & plurium piorum locorum ac re-  
ligioſarum perſonarum & pauperum, quibus ea  
ex teſtamento ipſo ſive ordinatione debentur,  
non modicum detrimentum. Quare dicti exe-  
cutores humiliter petebant à nobis, ut provi-  
dere ſuper hoc paternâ diligentia curaremus.  
Quocirca diſcretionis tuæ per apoſtolica ſcripta  
mandamus, quatinus omnes huiusmodi occul-  
tos detentores bonorum ipſorum publicè in  
eccleſiis coram populo per te, vel per alium,  
aut alios, moncas diligenter, ut infra compe-  
tentem terminum, quem ad hoc eis præfixeris,  
ea dictis executoribus integrè reſtituant & re-  
velent: Alioquin ex tunc in eos, niſi infra alium  
terminum peremptorium competentem, quem  
ad id duxeris præfigendum, huiusmodi monitis  
parere curaverint, generalem ſeras excommu-  
nicationis ſententiam, faciens eam ubi & quando  
expedire videris uſque ad ſatisfactionem con-  
dignam ſolemniter publicari. Datum Viterbii  
calendas Auguſti, Pontificatus noſtri anno 11.

## EPISTOLA CCCLIX.

**Q**ua concedit comiti Juliacenſi decem millia  
librarum Pariſienſium ejuſdem eſt tenoris  
cum epiſtola ccclvii.

## EPISTOLA CCCLX.

**B** **Q**ua concedit nobili viro Domino de Heufa-  
liſe ſummam mille librarum Turonenſium  
ejuſdem eſt tenoris cum epiſtola ccclvii.

## EPISTOLA CCCLIX.

Radulfo Episcopo Albanenſi apoſtolicæ ſedis  
legato.

*Ut in ſua Sicilia legatione patienter  
perſeueret, &c.*

**Q**uamvis tuis compatiamur laboribus, &  
inviti tuâ præſentia careamus: quia tamen  
regnum Sicilia multis ſubjectum defectibus ſine  
legato relinquere non poſſumus, nec raptorem  
tibi expedit ſubſtitui, tuis precibus condeſcen-  
dere, noſtræque conſolationi conſulere non  
valemus. Porta igitur propter Chriſtum angu-  
ſtias, & labores ſuſtine, ne deficienti animo  
fatigeris, qui necdum uſque ad ſanguinem reſ-  
tituti. Quod ſi de perſonarum, quas credis ad  
onera neceſſarias, paucitate conquereris, aſſume  
quos volueris, & idoneos eſſe credideris, ſapien-  
tiâ, fide, famâ; nec turberis, ſi dum uni vacas  
negotio, aliqua ſuſpendeduntur. (a) Nec enim  
à te Deus opus requirit miraculi quod habet  
fieri in inſtanti; ſed ſucceſſivis operibus te aſ-  
trinxit: nec te reum putaveris, dum vel utiliter  
unum agis, qui non omnia ſimul poteſ. Confor-  
tare in Domino, qui tibi aſtitit & aſſiſtit, nec  
in tempore malo te deſeret, vacillantem con-  
ſilio muniens, & auxilio roborans laborantem.  
Demum juxta noſtrum conſilium redit ad ca-  
riſſimum in Chriſto filium noſtrum regem Si-  
ciliae illuſtrem dilectus filius P. cambellanus,  
probaturus iterum quod probavit; & ſi littus  
arare ſe viderit, credimus quod in Franciam  
revertetur. Ecce venit ad noſtram præſentiam  
dilectus filius Sancius, filius regis Aragonum,  
valde bene compoſitus, & in noſtris ac fratrum  
noſtrorum oculis gratioſus. Die Jovis inſtante  
Illuſtris viri imperatoris Conſtantinopolitani  
præſtolamur adventum. Datum Viterbii iv.  
nonas Auguſti anno 11.

Anno 1266

(a)



(a) Al. Nec enim à te Deus operas requirit invitari, quæ  
ſunt in inſtanti.

## EPISTOLA CCCLXII.

Simoni cardinali apostolicæ sedis legato.

*Ut regem Franciæ consulat de subsidio Petro comitis  
Britanniæ filio, ad terram sanctam transfretare  
se disponenti concedendo.*

ANNO 1266

**C**LEMENS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Volens, ut asserit, dilectus filius nobilis vir **PETRUS** filius nobilis viri comitis Britanniæ Domino reddere quod promisit, crucis signaculum pro terræ sanctæ subsidio assumendo, cum decenti bellatorum comitiva in ejusdem succursum disposuit proficisci. Ut autem facilius & efficacius exequi valeat votum suum, postulavit à nobis quod redemptiones votorum cruce-signatorum in Turonensi, Andegavensi & Nannetensi civitatibus & diocesibus, ac legata in succursum ipsius terræ relicta, obventiones quoque à quibuscumque provenientes personis, sentibus videlicet & clericis, valetudinariis, mulieribus & aliis inhabilibus ad pugnandum, & etiam nolentibus & non valentibus in hujusmodi proficisci succursum, necnon & quascumque alias obventiones ex causa quacumque provenientes ipsius terræ succursui deputatas, ac insuper de centesima ecclesiasticorum proventuum, quam felicitis recordationis **URBANUS** papa prædecessor noster in regno Franciæ mandavit colligi pro terræ subsidio memoratæ, quinque millia librarum Turonensium per nostras concedere litteras curaremus. Quia igitur carissimus in Christo filius noster rex Francorum illustris ipsius terræ negotium intimo affectu complectitur, ipsumque specialiter comedit zelus ejus: discretionis tuæ per apostolica scripta mandamus, quatinus super hoc ejusdem regis requiras consilium, & in præmissis facias prout idem rex consuluerit, & ipsius terræ necessitas, cujus plenam ipsum regem credimus habere notitiam, suadebit. Datum Viterbii III. nonas Augusti, Pontificatus nostri anno II.

## EPISTOLA CCCLXIII.

Dilecto filio J. sancti Nicolai in carcere Tulliano & M. sanctæ Mariæ in Porticu diaconis cardinalibus.

*Petit ab eis consilium an Sancio regis Aragonum  
filio Toletana cathedra sit concedenda.*

ANNO 1266

**A** Vestra non credimus excidisse memoria, quod cum olim de provisione ecclesiæ Toletanæ vestra & fratrum aliorum nostrorum audivissemus consilia, & aliquorum inclinarentur animi ad dilectum filium **SANCTIUM** natum *Theauri Anecd. Tom. II.*

**A** regis illustris Aragonum eidem præficiendum ecclesiæ, multæque aliæ nominatæ personæ, nos tandem negotium in suspensio dimisimus, nec causam expressimus suspensionis hujus, sed habet hoc veritas Deo nota, quod dictum **SANCTIUM** non vocavimus, sed interim sicut potuimus inquisivimus, & statum & staturam ipsius, necnon scientiam & mores. Sanè cum venerabilis frater noster Silvensis episcopus, remearet ad propria, dictum Sancio extra regnum Castellæ ad nostram præsentiam properantem invenit, & de mandato carissimi in Christo filii nostri regis Castellæ illustris per litteras quas & nobis exhibuit, sibi facto, ad nos rediit cum eodem. Licet autem de bonis ejus conditionibus quarum aliqua se oculis exhibent, laudabile testimonium recepimus de eodem; quia tamen multos trahere poterat specialis affectio, multos retrahere timor sublimium personarum, omisiss ceteris, litteras vobis mittimus dilecti filii nostri fratris (a) **R. de Pennaforti** præsentibus interclusas, quibus fides sincerior in quantum se vires earum porrigunt videretur habenda. Verum magnus est in juvene defectus ætatis, quamvis magna sit moles corporis & venusta: ordinatè loquitur & grammaticè, sed non attingit illam scientiam quam exigeret dignitas de qua agitur. Suffragatur honestas in moribus, & exterior gravitas, quæ magis grandævum quàm juvenem repræsentat, ut a primæva videatur ætate (b) nostra vestigia comitatus. Auditis igitur fratrum, quos habemus nobis cum consiliis quæ duximus requirenda, discretionis vestræ per apostolica scripta mandamus, quatenus per latorem præsentium rescribatis quid consulatis agendum, an scilicet dispensativè providendo de illo, an eo dimisso ad alium aliquem vestros oculos dirigatis. Instant enim canonici ejusdem Ecclesiæ discordes in aliis, sed in hoc concordantes, quod in omnem casum expedit consuli hoc modo vel alio, quæ à Rege Castellæ miserabiliter conculcatur. Datum Viterbii nonas Augusti anno II.

## EPISTOLA CCCLXIV.

R. Episcopo Albanensi apostolicæ sedis legato.

*Ut episcopo Minorensi facta inquisitione, si nihil  
obstet, manus imponat.*

**A**D nostram nuper audientiam dilectus filius **ANNO 1266**  
**F** Odo veniens, qui se dicit de Minorensi ecclesia à felicitis recordationis **URBANO** papa prædecessore nostro fuisse provisorum, ad te nostras litteras impetravit, hanc sententiam, nisi fallimur, continentes, ut eidem, qui propter **MANFREDI** potentiam ad ecclesiam dictam vel regimen venire non potuit consecrandus, non

(a) Raimundus de Pennaforti tertius ordinis fratrum Prædicatorum magister generalis, Gregorii papæ IX. poenitentiarius, qui ex regibus Aragonum originem ducebat, cujus pietas cum scientia certabat.

(b) *Al.* De vestigio comitatus omisso nostra.

obstante constitutione à felicis recordationis Alexandro papa prædecessore nostro contra electos edita negligentes, munus ei consecrationis impenderes, vel per alium impendi faceres, si hæc vera essent, & fautor Manfredi non extitit, & aliud canonicum non obstaret. Sanè tuis postea receptis litteris, cum iis quæ super crimine falsitatis dudum inventa fuerant contra ipsum, eum ad præsentiam nostram vocavimus, qui omnia contingentia dictum crimen figillatim inficiens, dixit ea contra se per bonæ memoriæ Salernitanum archiepiscopum, Dei & Ecclesiæ inimicum malitiosè confecta. Ad te igitur eum remittimus cum litteris & actis quæ miseris, qui negotii merita melius scire poteris, præfixo ei termino peremptorio toto scilicet hoc mense Augusto, infra quem tuo se conspectui repræsentet, fraternitati tuæ per apostolica scripta mandantes, quatenus quæcumque litterarum sit forma, quas à nobis obtinuit, sive in termino comparuerit, sive non, canonico impedimento cessante, tam super his quæ nobis asseruit, quæ nobis plurimum sunt suspecta, cum & amicum Johannis de Procida extitisse se confessus fuerit coram nobis, & nihilominus suum prosequi in regno negotium asserat nequivisse, quam super dicto crimine falsitatis, & aliis quæ indaganda credideris; inquisitâ ex officio plenius veritate, per te vel alium, si tibi merita suffragantur, consecrationis munus ei impendas, vel exigente justitiâ eum prorsus amoveas ab ecclesia Minorensi: & si forsan juxta morem rebellium amotus duxerit appellandum, bona dictæ ecclesiæ & proventus facias sequestrari, appellatione hujusmodi non obstante, præfixo ei termino peremptorio competenti, quo se nostro conspectui personaliter repræsentet, quod dictabit justitia recepturus. Datum Viterbii vii. Idus Augusti anno ii.

## EPISTOLA CCCLXV.

Carissimo in Christo filio regi Aragonum illustri.

*Suum ipsi scribit consilium super matrimonio contrahendo inter ipsius filium & comitis Sabaudie filiam.*

Anno 1266 **S**I serenitati tuæ placet in arduis apostolicam sedem consulere, (quod & utinam hæcenus placuisset,) tuam in hoc prudentiam plurimum commendamus. Per illam enim quæ te sincerè (a) diligit plenius dirigeris, nec errare poteris in judicio, quod ejus fuit assensu firmatum. Sanè super matrimonio de quo consulis inter dilectum filium Ja. natum tuum & dilectam filiam natam bonæ memoriæ comitis Sabaudie contrahendo, nihil aliud porius tibi respondere, nisi quod si conditio personarum attenditur, domus Sabaudie nobilis & antiqua mulieres produxit electas, quæ diversis jam regibus placuerunt. Et si ad hoc tuos verteris

(a) *Al. Addit.*

oculos, nihil invenies, si persona placuerit, quod tibi debeat displicere. Genus enim illud viros etiam habuit strenuos, & nunc habet, & ad terras finitimas & remotas suos palmites jam extendit. Verum si quæris consilium, an jus habeat in comitatu puella; scire vel dicere præcisè non possumus, cum jura feudorum partim ex imperialibus legibus, partim ex terrarum consuetudine in locis diversis à successione hujusmodi mulieres excludant. Sed ut factum attendamus ad verum, securè dicimus, quod etiam si jus habeat, nisi forsan ex pacto ingressus pacificus tuo daretur filio, longus esset tractus judicii, & executio difficilior, quàm si velles manu armatâ prosequi, duos expenderes comitatus & finem non attingeres peroptatum. Hoc ergo videat, hoc discutiat, tam tua quàm filii circumscriptio, ut circumscripto penitus comitatu, si pacificè obtineri non possit, dos tibi placeat quæ offertur: quam si ambo duxeritis acceptandam, & persona conveniens invenitur, non occurrit in ceteris quod debeat reprobari. Quod si dos non complacuerit, nosti satis quod ex causa ejus incompleta conjugia pluries remanserunt. Datum Viterbii iii. Idus Augusti anno secundo.

## EPISTOLA CCCLXVI.

*In eadem forma Ja. ejusdem filio verbis competentem mutatis.*

## EPISTOLA CCCLXVII.

Venerabili fratri Patriarchæ Jerosolymitano, & dilectis filiis hospitalis & templi præceptoribus, ac viro nobili Gaufrido de Sarginis regis Jerosolymitani senescallo.

*Consolatur eos de irruptione Soldani, eosque ex diversis orbis partibus auxilia sperare jubet.*

Anno 1266 **S**uccensa velut ignis impietas persecutoris Ecclesiæ crudelissimi, Soldani videlicet Babiloniæ, prout nobis epistolæ vestræ series patefecit, opportuna tempora non observans, conflatis viribus fines improvisus intravit, & tamquam rete jaciens in incertum, dum nescitur quem suæ nequitie finem præstituat, multos timore concutit, & omnes onerat expensis gravibus pro locorum custodia, quibus est meritò tam gravis multitudinis formidandus conventus. Sanè licet post nostras querimonias totiens inculcatas, & spem datam subsidii ceteris, consolatores dicamur forsitan onerosi: tacere tamen non possumus, nec per singula momenta facere quæ temporum & locorum dispositor juxta leges singulis (b) inditas posuit in successu, quo fit ut eorum in tristitia nonnumquam impediant vel suspendant promptas & fervidas suorum fidelium voluntates. Ecce regni Siciliæ tam præclaro negotio consummato, excreverunt Francorum animi ad terræ subsidium animati: parant

(b) *Al. Judicans.*



se ad procinctum itineris incessanter. Ecce de Germaniæ partibus Luceburgensis & Juliaci comites, Leodiensis episcopus, & barones quamplures crucis signum vivificæ suis humeris impresserunt. Crux prædicatur in Anglia, & paratur magnum subsidium ex eadem. Quid igitur facient cum rumores audierint tam infaustos, quos utique significamus eisdem, ut tempora sibi præstituta præveniant, & ad dilecti filii nostri S. titulo S. Cecilie presbyteri cardinalis apostolicæ sedis legati monita & mandata mare transeant, tempestivi & periculis obvient imminuentibus, ne neglecta, quod absit, incendia vires fumant. Profectò credimus homines tanti sanguinis, tanti zeli, quos parentum exempla provocant, quos perurget assidua prædicatio, quos impellit ipsa necessitas, sic sublatis moræ dispendiis animandos, ut ad ejus redimendas injurias properent, cujus sanguine sunt redempti. Quocirca sinceritatem vestram hortandam duximus & attentè monendam, quatinus cogitantes eum qui pro nobis tot & tanta sustinuit, non fatigemini deficientibus animis; sed de cælo pariter, & de terra præstolantes auxilium, steteris viriliter contra hostes, sperantes firmiter, & absque dubitatione tenentes, quod exsurgat à somno desidiæ populus cismarinus, qui & vobis feliciter aggregatus non solum quaesita tuebitur, sed etiam reddere poterit quæ dudum amissa fuerant, cultui Christiano. Datum Viterbii 11. Idus Augusti anno 11.

## E P I S T O L A C C C L X V I I I.

*Revocat quadam privilegia.*

Anno 1266  
Ex autographo. CLEMENS episcopus servus servorum Dei ad perpetuam rei memoriam. Sedes apostolica interdum quæ benignè concesserat, utilitate suadente, consultius revocat, per hoc non tam in suis actibus varia, quam providentiæ suæ remedia subditorumque varietati ac necessitati coaptans. Probat hoc præsentis necessitas sanctionis, quæ illorum compescit audaciam, qui ad sui juris defensionem contra injuriosos immunitate per ipsius sedis indultâ muniti, quod ad tuitionem eis concessum fuerat, in aliorum molestias & injurias convertentes, suis indulgentiis & privilegiis multipliciter abutuntur. Sicut enim ad nos frequenti querela pervenit, pro eo quod sedes eadem personis diversis tam ecclesiasticis religiosis & aliis, quam etiam laicis quibusdam sine præfinitione temporis; aliis verò ad tempus sub formis variis indulgisse dicitur, quod interdicti à quoquam vel excommunicari non possint, nec terræ ipsorum ecclesiastico interdicto supponi, personæ ipsæ de indultis hujusmodi confidentes, alios fidentiùs in suo jure molestant, & asserentes quod nec locorum ordinarii possunt in ipsos excommunicationis vel interdicti ferre sententiam, etiam ipsorum ordinariorum jurisdictionem contemnant pariter & eludunt; sicque personarum ipsarum excessus remanent incorrecti, & nervus

A disrumpitur ecclesiasticæ disciplinæ. Nos itaque intendentes in hoc salubre remedium adhibere, omnes indulgentias & privilegia hujusmodi, quibuscumque singularibus personis ecclesiasticis vel sæcularibus, cujuscumque sint præeminentiæ, dignitatis, conditionis aut status, sub quacumque verborum forma concessa illis: per quæ regibus & reginis eorumve filiis, necnon & religiosis quibusdam, non personarum tantum, sed ordinum vel privilegiatorum locorum in hoc ratione habita, immunitas hujusmodi conceditur, dumtaxat exceptis: de fratrum nostrorum consilio ad ordinariorum sententias & processus edicto perpetuo prohibemus extendi: & si forsàn quoad sententias & processus hujusmodi aliqua concessa inveniantur, expressè ad instar felicitis recordationis ALEXANDRI papæ prædecessoris nostri, ea in quantum per ipsa ordinariorum judicum jurisdictione tangitur, penitus revocamus, nihilominus locorum diocesanis & quibusvis aliis ordinariis judicibus, & in suos subditos, prout ad eos pertinet, indulgentiis & privilegiis ipsis nequaquam obstantibus, jurisdictionem suam & censuram ecclesiasticam exercere libere valeant, concedentes. Nulli ergo omnino hominum liceat hanc paginam nostræ prohibitionis, revocationis & concessionis infringere, vel ei ausu temerario contraire. Si quis autem hoc attentare præsumpserit, indignationem omnipotentis Dei & Beatorum Petri & Pauli apostolorum ejus se noverit incursurum. Datum Viterbii Idibus Augusti, Pontificatus nostri anno 11.

## E P I S T O L A C C C L X I X.

Episcopo Urbevetano.

*Interdictum in Urbevetanos suspendit, artius observandum si non emendaverint.*

Anno 1266 QUAntò cives Urbevetani à transactis retrò longè temporibus apostolicæ sedi fidelius adhæserunt, tantò gravius ferimus cum à via veritatis exorbitant, & ad nostra mandata salubria suos nolunt errores corrigere; sed præsumtâ quadam audaciâ volunt improvidè defendere. Sanè licet ex eo quod statuta quædam ediderant in ecclesiasticæ præjudicium veritatis, multi ex eis excommunicationis sententia sint ligati, & nihilominus ex causis aliis supposita civitas ecclesiastico fuerit interdicto, nec citati curaverint comparere, (quod dolentes referimus) salutis propriæ contemtores: nos tamen eos favore prosequi non cessavimus apostolico; sed ad pacem dandam eisdem, & concives eorum de domo carceris educendos, damus & dedimus opem & operam efficacem. Verùm ut cumula gratia revelet oculos eorundem, de Matris & Virginis meritis gloriosæ, quam cum essemus inibi in minori officio constituti, per eos vidimus exterioribus saltem obsequiis honorari, ad honorem ejusdem in instanti festo Assumptionis ipsius & per dies VIII. sequentes

B b iij

dictum suspendimus interdictum, fraternitati tuæ per apostolica scripta districte præcipiendo mandantes, quatenus nisi interim nostris satisfecerint beneplacitis, & de hoc tibi per litteras nostras constiterit, dictum ex tunc interdictum observes, & ab omnibus facias arctius observari, eis aperte denunciando, quod si in sua persiste- rint contumacia, circa eos spiritualiter & tem- poraliter gravius procedemus. Datum Viterbii Idibus Augusti anno 11.

### EPISTOLA CCCLXX.

(a) Dilecto filio Fratri Raymundo dicto (a) Acbran ordinis fratrum Minorum.

*Ut Johanni de Crusol qui admodum juvenis reli- gionem ingredi promiserat, si stare nolit promissis, facultatem tribuat matrimonium contrahendi.*

Anno 1166

**S**Uâ nobis dilectus filius Jo. de Crusol, civis Montispeffulani insinuatione monstravit, quod cum tertium decimum annum vel circiter ageret, quarto decimo non expleto, in duorum tui ordinis fratrum manibus sine voto promisit quod eorum religionem intraret, ad quem ani- mum non applicans, eam postmodum non in- travit, nunc aspirans ad copulam conjugalem: sed ne dubius se exponat discrimini, petit à nobis humiliter ab hujus laqueis ambiguitatis absolvi. Sane licet vix sit intelligibile, quod pro- missionem hujusmodi fecerit sine voto, nisi forsi- tan, aut præcipiti mentis impetu, aut jocosè hu- jusmodi verba protulerit, quæ ex certa & pro- videra intentione prolata proferentem effica- citer obligarent. Quia tamen ætatis legitimæ ad votandum minimè videbatur, discretionis tuæ per apostolica scripta mandamus, quatenus conscientiam ejus diligenter examinans, si nar- ratis veritas suffragatur, salutaribus monitis, non sermonibus illectivis inducas eundem, ut intret ordinem memoratum, vel alium si ad hoc suum potes animum informare. Alioquin eum suæ libertati committens, des ei in foro pœni- tentiæ, nullis super hoc litteris dandis, licentiam matrimonium licitè contrahendi, nisi forsan ex ejusdem confessione tibi constiterit, quod post xiv. annos in proposito adeo se firmaverit, ut quod primæ promissioni deerat, rati habitio soli- daverit subsequata. Datum Viterbii Idibus Au- gusti anno 11.

### EPISTOLA CCCLXXI.

R. Episcopo Albanensi apostolicæ sedis legato.

*De censu à rege Sicilia solvendo, de vacantibus ecclesiis, & aliis nonnullis.*

**D**Uo nobis scripsisti, ad quæ stupere compellimur. Primum quod non adverteret de-

(a) Al. Achem.

**A**bere se censum tamquam oblitus rex termini, & quod est durius juramenti. Secundum, quod numquam credidit de quinquaginta marcarum millibus se aliquid soluturum. De censu igitur sciat tua fraternitas, quod tardè petita dilatio simpliciter extitit denegata, hoc salvo quod dictum fuit nunciis, quod omnino solutio fieret infra mensem Augustum. Hic enim erit finis duorum mensium, & ex tunc si non solverit, excommunicatus remaneat ipso facto, à te & aliis omnino vitandus. Sanè de dictis quinquaginta millibus marcarum, ad quas sicut ad alia juramento tenetur, cum major pars fratrum nostrorum in remittendis de toto dumtaxat quinque millibus conveniret; tandem cum magno conatu ad decem millia eos traximus, pro rata de solutionibus singulis detrahenda: ita videlicet quod sicut solutiones singulæ de decem millibus marcarum esse debebant, sient de viii. millibus, factâ de tempore sibi gratiâ, ut scilicet à calendis Augusti proximè præteritis in sex menses fiat prima solutio, & exinde per similes terminos alios subsequenter. De remis- sione verò quam sibi esse factam asserit ab Episcopo Sabinensi & dilecto filio nostro S. tituli S. Cecilie presbytero cardinali, per omnia ve- rum dicit. Sed remissionis fuit hæc causa, quia plus impossibilis quàm difficilis videbatur tam festina negotii expeditio. Unde credebant me- ritò tantum durare negotium, quod non solum illa non petere, sed etiam alia superaddere oportet. Et cum in conditionibus tractaretur de gratia facienda, ideo determinatum non extitit, quia dubius bellorum eventus & incerta pro- tractio majorem vel minorem gratiam admitte- bat. Nunc autem præter spem omnium celeri fine habito, collectâ etiam ab ecclesiis decimâ tanti temporis, & de regno tot spoliis habitis, cur sibi judicet onerosum quod debet solvere, non videmus. Verum pro censu nulla recipias pignora, sed nec censum posses recipere, cum ex pacto perfolvi debeat ubi sumus, nec mutare velimus infirmatis conditionibus unum iota, nec reciperemus pignora si nobis etiam mitte- rentur. Ceterum consultationi tuæ de abbâtibus nuper respondimus, & illi de restitutionibus faciendis; illi verò de suspensis episcopis, & vacantibus ecclesiis cathedralibus citò tibi per proprium nuncium respondebimus. De electis verò postquam regnum intraisti, ante nostram gratiam de restitutione electionum libera publi- catam, volumus quod omnes denuncies esse nullas. Si quos tamen electos inveneris, quos reputes esse dignos, pensatâ qualitate locorum, providendi de ipsis ecclesiis, ad quas temere electi fuerant, tibi concedimus facultatem: quamvis autem civitas Accorâ venerabili fratre nostro patriarcha Jerosolymitano & dilectis filiis magistris hospitalis & templi, non scribatur obsessa, nec periclitetur hoc tempore, quo na- vium instat accessus, quæ de diversis partibus in Septembri, dante Domino, inibi applicabunt, placet tamen omnibus, quod crucem in regno prædices, & ab aliis facias prædicari. Datum Viterbii Idibus Augusti anno 11.

## EPISTOLA CCCLXXIII.

Capitulo fratrum Prædicatorum.

*Eorum se precibus commendat, hortatur ut dignum eligant ordinis magistrum, & ut circa sepulturas & testamenta moderati fiant.*

Anno 1266

**C**ælo mutato, non animo, devotionem, quam hætenus ad ordinem vestrum habuimus, fervore solito prosequentes, convenientibus vobis in unum fragilitatis nostræ memoriam commendamus, qui tantò pluribus indigemus suffragiis, quantò majoribus perturbamur molestiis, & oneribus subjacemus gravioribus, & curis amplioribus perurgemur. Detur ab omnibus aliquid & à singulis, prout ex corde suo quilibet destinavit, episcopo satis pauperi subsidia salutaria mendicanti, ut ad locum discretionis tertio jam translatus, vestris demùm orationibus à periculis eruatur, & ad optatæ portum felicitatis attingat. Sanè cum immineat de creando magistro tractatus, juxta morem laudabilem hætenus observatum, talem eligere studeatis, qui non solum utilem ordini, sed & orbi se reddere voluerit, velit & valeat, prout negotiorum exposcit varietas, & etiam tanto magisterio reverendum, & ex humili ministerio gloriosum. Demùm cautos vos reddimus, ut circa vestræ religionis statum sollicitudine debitâ invigiletis, ne, quod absit, in vestra gloria macula valeat reperiri, quæ velut inæstimabili altitudinis & firmamentum multiplici syderum luce coruscans universam ecclesiam multis temporibus illustravit. Ad hæc autem scribenda nos monent diversarum ecclesiarum querelæ, quæ multis ex partibus ad nos veniunt, quia sciunt ordinem nos diligere familiariter, conquerentes quod sepulturis eisdem ablatis, ad extremam venerunt paupertatem, propter contentiones & lites quæ pro cadaveribus ipsis exeunt, dum mortuus clericis impetentibus & fratribus defendentibus trahitur & distrahitur, & inter manus distrahentium, quod est durius, impulsionebus mutuis, clamoribus, & convitiis caritas laceratur. Quid igitur vobis dicimus faciendum? Numquid vos cedere volumus juri vestro? Nolumus in hac parte præcipitare sententiam; sed sicut aliquando uni ex vobis scripsimus, utinam numquam volucres super cadavera descendissent! Utinam descendentes pater ordinis vester aut noster Abraham abegisset. Hoc sanè consulimus quod circa sepulturas & testamenta moderamen aliquod apponatis, quo vestra sinceritas fulciatur, & tam natis quàm nascituris scandalo occurratur. Ceterum quia posset casus contingere, qui vestram nobis præsentiam exhiberet, scribimus pauciora, certi quod ex paucis multa colligere, sicut vobis est facile, sit & promptum. (a)

(a)

(a) Hanc epistolam in solo reperimus codice Trecenti hic loci collocatam, quam à Clemente necdum pane scriptam existimamus, cum jam tertium obtineret episcopatum, scilicet anno 1265, quo in magistrum generalem ordinis prædicatorum electus est Joannes de Vercellis.

## EPISTOLA CCCLXXIV.

Episcopo Cenomanensi.

*Ut differat conferre præbendam Jo. de Mosnilio.*

**S**icut noster exultat animus, cum porrectæ Anno 1266 pro personis idoneis preces nostræ tam apud te, quàm alios fratres optatum & debitum consequuntur effectum: sic æquanimiter toleramus, si certis interdum ex causis nunc probabilibus nunc necessariis, salvâ semper obedientiæ promptitudine suspenduntur. Nuper sanè pro dilecto filio Jo. de Mosnilio presbytero elemosynario carissimi in Christo filij nostri C. illustri Siciliæ regis, in Cenomanensi ecclesia recipiendo in canonicum & in fratrem, tibi & Cenomanensi capitulo, & præbenda ecclesiæ, si tunc vacabat, aut quamprimum ad id se facultas offerret, per te, ad quem in ea præbendarum collatio pertinet, conferenda, preces nostras tibi direximus & mandata; quæ tu effectui mancipare ideo distulisti, quia dilecto filio Magistro AMERICO de S. Aniano officiali tuo felicitis recordationis URBANI papæ prædecessoris nostri, & GUILLELMO (a) Perribolæ socio tuo auctoritate nostrâ dudum in eadem receptis ecclesia per litteras facultatis indebitas, videbas evidens præjudicium generari. Sed & tertium P. de Glis in eadem receptum de tuo consensu dicebas auctoritate dilecti filij nostri S. tit. S. Cecilie presbyteri cardinalis apostolicæ sedis legati, quam à nobis habebat ex indulgentia speciali. Nos igitur tuam prudentiam in his omnibus commendantes, fraternitati tuæ per apostolica scripta mandamus, quatenus ob causas prædictas dicti J. receptionem differas, per quam tribus prædictis vel eorum alicui, quos omnes in assécutione præbendarum suarum eidem volumus anteferri, nullum volumus præjudicium generari; sed nec aliis; sed qui auctoritate apostolicâ recepti sunt in eadem ecclesia; eidem Jo. exigente justitiâ præferendi. Datum Viterbii XII. calendas Septembris anno 11.

(a)

## EPISTOLA CCCLXXV.

CAROLI SICILIÆ REGIS

Ad Clementem papam IV.

*De dilatione solutionis census debiti.*

**S**anctissimo in Christo Patri & Domino suo, Anno 1266 Domino CLEMENTI divina providentiâ Ex Ms. S. Vincentii Bisuntini, Sacro-sanctæ Romanæ Ecclesiæ & universalis Ecclesiæ summo Pontifici CAROLUS Dei gratiâ rex Siciliæ, ducatus Apuliæ & principatus Capuæ, Andegavi, Provinciæ & Forcalquerii comes, cum omni reverentia & honore devota pedum oscula beatorum.

(a) Al. Sibolz,

**Vestras litteras** Sanctitatis in hæc verba recepi: **CLEMENS** episcopus servus servorum Dei carissimo in Christo filio **CAROLO** Sicilia regi illustri salutem & apostolicam benedictionem. Habet hæc humana fragilitas, & primorum transgressione parentum ignorantie nebula, & irruentium multiplicatione phantasmatum involuta, ut dum de multis sollicita erga plurima procurabatur, omnium nequeat habere memoriam, & diversis dubitationum ambagibus fluctuare coacta, excusabiliter omittit aliqua, quæ ex certa scientia potius ne malitia damnabiliter præteriret. Sanè quamvis censum annuum octo millium unciarum auri ponderis regni Sicilia nobis & Ecclesie Romanæ debitum solvendum in suo termino, festo videlicet principali B. Petri proximè jam transacto, nobis non solveris: quia tamen in solutione ipsius non ex malitia nec ex dolo cessasti, præsertim cum plurimi tibi suaderent, quod regnum totaliter non es adeptus, in quo gravem paterebaris adhuc & pateris resistantiam, ad solutionem minimè tenebaris: propter quod & gravia quæ urgebant negotia de lapsu termini minùs sollicitus extitisti, & nihilominus ad cautelam venerabili fratri nostro Albanensi episcopo apostolicæ sedis legato sufficientia pignora ad valorem census ejusdem & ultra liberaliter obtulisti: quæ ipse recipere noluit, sicut per ejus litteras nobis constitit, omissionem seu concessionem hujusmodi ad reatum vel notam perjurii tibi nolumus imputari, sed potius excusationibus tuis admissis, quas nobis tuis litteris intimasti, immunem te à perjurio nihilominus reputantes, quod nihil eo nomine tibi valeat objici seu impingi tenore præsentium declaramus. Ad hæc volentes, si nobis infra mensem Augusti non solveris dictum censum, hac vice tibi de gratia speciali dictæ solutionis terminum usque ad calendas Novembris proximas prorogamus: infra quas si non solveris dictum censum, in sententiam incidas excommunicationis. Per hanc autem datæ dilationis gratiam, conditionum sive conventionum dictarum tenorem in nulla volumus parte sua divelli, vel in aliqua immutari: immò tenore præsentium declaramus apertè, nostræ intentionis existere, & hoc insuper protestamur, quòd subsequen-  
tium solutionum dicti census annui termini in perpetuum in eodem festo principali B. Petri consistant; nihilominus quoad pœnas contra tuam & hæredum tuorum in regno personas vestraque bona, si dictus census nobis nostrisque successoribus & ipsi Romanæ Ecclesie suo tempore minimè solveretur, in eisdem conventionibus ordinatis, & tam nostro quàm tuo consensu firmatis, statuta in eis tempora ab eodem festo volumus computari. Tu ergo fili carissime, diligenter attendens quod & qualiter nobis promiseris, tuæ semper salutis non immemor, atque famæ, gratiam apostolicam reverenter suscipias, & caveas in posterum, ne discrimini te exponens ab ejus corpore, cujus es membrum nobile, nullo, quod agrè ferremus, tempore præcidaris. Datum Viterbii Pontificatus nostri anno 11. Ego ergo, Pater Sanctis-

A sime, pro tanta gratia vobis & vestris fratribus ad gratiarum actiones inclinans, & omnibus & singulis supra contentis assentiens, sic ad vos & sanctissimam matrem meam Ecclesiam in his & aliis Dei sultis auxilio me habebo, quod devotionis meæ patentibus incrementis, in conspectu Dei & hominum reddar ipsius munere gratus. Datum apud Lacum-pensilem per manum Roberti de Maro regni nostri Siciliae Prothonotarii primo Septembris indictione x. anno Domini mclxvi. Regni verò mei anno secundo feliciter.

## EPISTOLA CCCLXXV.

R. Episcopo Albanensi apostolicæ sedis legato.

*Scribit ei de pluribus negotiis.*

**Q**ui ex oculati aut aliàs mutilari, aut contumeliis, aut damnis affecti extra solum politum non fuerunt, jure exsules dici nequeunt: sed quia passi sunt, ut apparet omni exilio graviora, licet ex verbis conditionum tenor eos attingere minimè videatur, satis tamen videtur in eis sententia comprehendi: quod tamen nec diffinire volumus, nec à te pro jure servari. Sed inducens regem, ut eis jura sua restituat, qui si audire noluerit, suæ conscientie relinquatur, salvâ tamen justitiâ, si eam duxerint, judiciario ordine requirenda.

**JOHANNEM DE DOACO** perfidum & gyrovagum, & prout creditur, furem, etiam insuper proditorem, alicubi detrudes in carcerem, donec plenius deliberatum fuerit de eodem.

De bonis quæ Rex receperit ab officialibus quondam **MANFREDI**, licet nostra sint, & non sua, dissimulare te volumus, nec facias inde verbum.

Quæris quando restitutio electionum in regno fuerit publicata, quod tu utique scire debes: nos enim eam non publicavimus, sed eam per te jussimus publicari.

Monasterium sanctæ Trinitatis quod nominas non cognovimus, an sit illud quod monialibus Cisterciensis ordinis collatum extitit ignoramus: quicquid autem sit, tibi committimus ordinandum, si tamen litigiosum non est, prout Deo gratum credideris & acceptum.

(a) **ALEFINUM** electum minùs grammaticum ad episcopatum **Quinque-vinc**; si tamen vita ejus aliquatenus supplet defectum scientiæ, æquanimius præfici tolerabimus, quàm religiosum, qui plus præesse desideret, quàm prodesse, & non subesse plus appetat quàm præesse.

De concubinariis dudum tibi respondimus, tuæ providentiæ committentes: sic tamen, ut amotis aliquibus, dispenses cum aliquibus, morum emendationem considerans in his cum quibus fuerit dispensandum, quos non illis dimittes beneficiis, in quibus plebi fuerunt scandalo, sed ad alia transferens, prout videris expedire.

(a) *Al. Alicium.*

Cum

Cum nato ex adulterio quācumque sit bonæ indolis, extra religionem nolumus dispensari.

Procuratorem episcopi Squillacensis non vidimus; & si dictus episcopus litteras quas habere se jactat ostendere tibi nequiverit, certificati à te, quid agendum fuerit rescribemus.

BERTRANDUM Cusentinum canonicum ex tuo sanctificandum consortio, si tibi videtur utilis, tuis potes obsequiis applicare. Proponimus tibi mittere fratrem Marcum.

Sororem comitis Camerarii non solum fieri nolumus abbatissam, quin etiam licentiarium de regno mandamus. Et illud teneas incunctatum, quod nostræ intentionis non est viduam vel aliam corruptam alicubi fieri abbatissam: quod vitium, ut audivimus, multum inolevit in regno.

Quod de abbate S. Johannis scripsisti, gratum habuimus & acceptum. De quondam Petri ad Aram, & (a) Canen. abbatibus satis scripsimus tibi cautè, nec proponimus tibi aliud scribere: quia sufficit quod scripsisti.

Non eas Luceriam, sed mitte, si credideris proficere. Melius quidem in aliis ad præsens negotiis occuparis. O quàm amare nostrum pertulit animum, quod de archidiacono Agenensi scripsisti! Dum enim his similia frequenter audimus, renovatur quotidie dolor noster, & morimur, frater carissime, incessanter. Eum tamen ut sic possit evadere, invitum volumus facere correptorem. Magister ELIAS adhuc à Pisis non rediit. Quo reverso, nostram tibi scribemus quàm citiùs voluntatem. Brevibus clausulis & diffusis tibi rescribimus, quia multiplicata problemata hoc requirunt. Datum Viterbii 11. nonas Septembris anno 11.

## EPISTOLA CCCLXXVI.

Carissimo in Christo filio nostro L. regi Francorum illustri.

*Regem nullum jus habere in comitatu Melgoriensis.*

Anno 1166

Quia quidam ex ignorantia, quidam ex certa malitia veritatem interdum sepeliunt, & interdum quibusdam coloribus adulterinis obducunt: ideo, fili carissime, rectè agis, si quotiens tibi dubia referuntur, quorum tibi expediat plenam habere notitiam, causam quam nescis diligentius investigas: quia sicut judicio cognita, sic incognita casu constant. Sanè tua nuper à nobis serenitas requisivit, quid de comitatu Melgoriensis, quem venerabilis frater noster Magalonensis episcopus possidet, sentiremus; cum tuæ celsitudini sit suggestum, quod vel tibi, vel dilecto filio P. Poleti Domino Alesti vassallo tuo fiat injuria: ad quod tibi breviter respondemus, quod prout constat ex vetustissimis apostolicæ sedis documentis, comitatus prædictus feudum est Romanæ ecclesiæ censuale, quod justè tenuit, ut communiter dici-

(a) Al. F. Cavenfi.

*Theſauri Anecd. Tom. II.*

tur, aliquo tempore bonæ memoriæ BERTRANDUS comes abavus dicti P. sed & comites Tolosani justè ut ipsi dicebant, injustè, ut plurimi sentiebant, illud diversis temporibus tenuerunt. Verum cum comes Tolosanus pater quondam comitis Tolosani proximè jam defuncti ex causis ad judicium apostolicum ratione fidei pertinentibus per felices recordationis INNOCENTII papam prædecessorem nostrum terris suis & honore privatus, suis meritis congruentem sententiam excepisset; bonæ memoriæ P. de Berruento subdiaconus & notarius prædecessoris ejusdem, tunc in illis partibus apostolicæ sedis legatus, comitatum prædictum, quod idem comes eo tempore possidebat, ad jus Romanæ Ecclesiæ sicut debuit revocavit, quod tempore procedente R. Peleti proavus dicti P. restitui sibi petiit à legato prædicto, qui nolens, sicut nec debuit eidem negare justitiam, auditore sibi concessio, G. tunc Magalonensem episcopum constituit ad jus Romanæ Ecclesiæ defendendum; fuitque in eodem negotio eò usque processum, quod lite contestata fuit ex parte procuratoris exceptum quod idem comitatus libram auri debebat annuam Romanæ Ecclesiæ censualem, & erat de ipsius dominio, quam non solverat à multo tempore retroacto, quod idem actor fuit de plano confessus, & nihilominus ad probandum jus suum, quod fuerat à procuratore negatum testes produxit plurimos; sed quicquid in causa fuerit, remansit consilium indecisum. Sed tempore consequenti cum videret Romana Ecclesia dictum R. intentionem suam in judicio non fundasse, quod etiam si fecisset, sibi prodesse non poterat propter cessationem diutinam annui canonis non soluti, remque litigiosam non esse perpendens, quam sine speciali mandato legatus memoratus non potuit deducere in judicio, dicto prædecessori nostro placuit sæpèdictum comitatum Magalonensi episcopo, & suis successoribus sub censu annuo in feudum concedere, sicque ipse & ejus prædecessor ex tunc pacificè possederunt, hoc salvo quod defunctus ultimò comes Tolosanus Melgorium, & quædam castra alia episcopo abstulit supradicto. Sed postmodum ad cor rediens, ei reddidit liberaliter atque libenter. Et hæc quidem, quæ de dicto legato præmissimus, facta noveris antequam recordationis inclytæ pater tuus Franciæ rex effectus negotium assumeret Albiensem: immo & antequam patre vivo, crucis sacræ suscepto caractere, civitatem adiens Tolosanam potenter ac viriliter eam obsidione vallasset. Nos autem qui dictum P. & prædecessores suos sincerè dileximus ab antiquo, hæc omnia sæpè revolvimus, & fideliter laboravimus in statu alio constituti, ut Magalonensis ecclesia eis aliquid daret, sed non potuimus obtinere. Nuper verò, ex quo licet immeriti sedem conscendimus altiore, ad ejusdem P. devotam instantiam venerabili fratri nostro episcopo Magalonensi dedimus potestatem aliquos ei redditus assignandi: ad quod itaque nos induxit ejusdem P. domusque suæ dilectio jam præscripta. Sed honor ejusdem epis-

Cc





copi & utilitas, cui credebamus expediens, & A  
scrupulum conscientiae, si quis erat, redimere,  
& vulgi clamoribus satisfacere, omni juris ne-  
cessitate cessante, & dictam domum satis sibi  
vicinam in sua gratia retinere. Quocirca, fili  
carissime, nemo tibi suadet præjudicium in his  
omnibus vel eorum aliquo tibi factum, nisi  
forſan ad id velint se committere, qui de  
ſede apostolica malè sentiunt, ut inquirent  
quomodo Romana Ecclesia in regno Franciæ  
ſeuda habere potuerit, ſicut aliquos interdum  
audivimus ſuſurrantes: quibus dicimus quod  
habet utique hæc & alia, nec eſt aliquid quod  
impediat, cum nec regnum cum regibus natum  
fuerit, nec à ſolis regibus acquiſitum. Et ſi ve-  
teres legant historias de Narbonenſis acquiſi-  
tione provinciæ, personales labores invenient  
Romanorum Pontificum & ſudores, qui non  
tam regum fuerunt ſocii in victoriis, quam re-  
ges nunc ſequaces, nunc ſocios & habuerunt  
tamquam negotii (a) Narbonenſis domini prin-  
cipales. Tuis ergo contentus juribus & regni  
latitudine, quod virtute mirificâ noſtris tem-  
poribus Dominus ampliavit, dictum episcopum  
& in ipſo Romanam Eccleſiam non pèrturbes,  
nec ſuſurrarionum ſomniis irriteris: qui quando-  
que loquentes placentia credulis auribus fel-  
mellitum inſtillant, quod in te fieri poſſe non  
credimus, tuæ dudum conſtantiam circumſpec-  
tionis experti. Ceterum de moneta Miliarenſi  
quam idem episcopus cudi facit, ut dicitur, in  
ſeudis Eccleſiæ, ei ſcribimus quod etiam juri  
contrarium arbitramur, & chriſtianæ inconve-  
niens honeſtati. Datum Viterbii (b) xvii. calen-  
das Octobris anno ii.

## EPISTOLA CCCLXXVII.

Episcopo Magalonensi.

*Nil ab eo timendum eſſe pro comitatu Melgorii;  
& ut monetas percutere ceſſet.*

Anno 1266

Irritatus à ſuſurronibus cariffimus in Chriſto  
filius noſter L. rex Franciæ illuſtris ſuper  
Melgorii comitatu, quem in ejus præjudicium  
& injuriam à te poſſideri dicebant, prudenter &  
providè nos conſuluit; cui plenam reſcripſimus  
veritatem, qua & ipſum credimus fore conten-  
tum; & idcirco nullius concuſſionem aut minas  
timeas, nam qui te tanget, pupillam oculi noſtri  
tanget. Noſtrum enim in hac parte negotium  
agitur, & non tuum. Sanè de moneta (c) Mi-  
liarenſi quam in tua diœceſi facis cudi, mira-  
mur plurimum cujus hoc agis conſilio; non  
quòd injuriam facis regi Franciæ, ſi in ſeudis  
non fabricatur ipſius; ſed Regi gloriæ, extra  
cujus dominium, nec hoc potes, nec aliud ope-  
rari. Quis enim catholicus monetam debet cu-  
dere cum titulo Machometi? Quis etiam licitè  
eſſe poteſt alienæ monetæ percuſſor? Cum enim  
nulli liceat eam cudere, niſi cui vel ſummi pon-

(a) *Al.* In Trecenti deſcit Narbonenſis.(b) *Al.* xvi. calendas.(c) *Al.* Miliariacenſi.

tificis, vel principis auctoritate conceditur  
quam nullus, inquam, ſic effuſè concedit, ut  
omnis generis monetam faceret, data auctoritas  
ad rem certam quonam pacto ad aliam exten-  
detur? Si conſuetudinem forſan allegas; in adul-  
terino negotio te & prædeceſſores tuos accuſas  
potius quam excuſes, cum perversæ conſuetu-  
dines dici debeant corruptelæ. Quod ſi, con-  
ſuetudine, & jure ceſſantibus, lucro inhias;  
vide quantum dedecet excellentiæ pontificalis  
honorem negotiationem huiusmodi exercere,  
quam in inferioris gradus clericis reprobamus.  
Certè ſi venerabilem fratrem noſtrum Agathe-  
ſem episcopum in hac parte per te requireres,  
audires utique ab eodem quantum ei diſſuaſi-  
mus ad opus ſimile provocato, cum eſſemus in  
ſtatu alio conſtituti. Hinc eſt quod fraternitati  
tuæ per apostolica ſcripta percipiendo manda-  
mus, quatenus ſi in regis ſeudis hoc facias,  
pareas prohibenti: Et ſi alibi, nihilominus om-  
nino deſiſtas, cum & Deo & nobis diſpliceat,  
& ſit tuæ contrarium honeſtati. Datum Viter-  
bii (d) xvi. calendas Octobris anno ii.

## EPISTOLA CCCLXXVIII.

Inquisitoribus contra Tolosanum episcopum deputatis.

*De inquisitionibus contra & pro episcopo Tolosano  
faciendis.*

Querulas venerabilis fratris noſtri episcopi Anno 1264  
Toloſani litteras nuper recepimus, inter  
cetera continentes, quòd contra tantam multi-  
tudinem teſtium adverſus eum à nobis recep-  
tam, & ad bonam famam ſuam probandam,  
ad tam modicum artatur numerum, ut hoc  
ſolo deſenſio neceſſaria ei ſubtrahi videatur.  
Nec advertit quanta prærogativa gaudeat, qui  
teſtes poteſt reprobare productos, & contra  
ſuos (e) reprobatores alios non expectat, cum  
nullus promotor inquisitionis appareat, niſi du-  
xerimus aliter providendum. Sanè licet iſtâ  
contentus gratiâ ſatis deberet in ſe quieſcere,  
ut tamen aliquatenus ejus ſingultibus ſatiſfiat,  
diſcretionem veſtræ per apostolica ſcripta man-  
damus, quatenus ad reprobationem teſtium,  
quos inquisitione completâ, tam ſuper infamia,  
quàm ſuper criminum veritate recipitis contra  
ipſum, uſque ad centum teſtes recipiatis pro  
ipſo; ſi tamen tot duxerit producendos. Verum  
ſuper bona fama ipſius, quantum ad fratricidii  
& ſimonix crimina tot recipi volumus, quot  
ſuper infamia recepisti. Ceterum quia nec pro  
ipſo, nec contra ipſum impune volumus à ve-  
ritate aliquos deviare, vobis diſtictè præcipien-  
do mandamus, ut omnes illos qui pro ipſo vel  
contra ipſum depoſuerint mendaciter, vel de-  
ponent, excommunicetis ſolemniter, & excom-  
municatos publicè nuncietis: & ſi ſunt clerici,  
beneficiis ſuis ipſo facto auctoritate noſtrâ pri-

(d) *Al.* xvii. calendas.(e) *Al.* Reprobatorios.

vetis, à qua excommunicationis sententia à nullo absolvi valeant sine nostro speciali mandato, cujuscumque specialis vel generalis potestatis obtentu, nisi forsan in mortis articulo, in quo si fuerint absoluti, & infra mensem, sanitate receptâ, vobis vel duobus vestrum non aperuerint veritatem; ipso facto in eadem sententia relabantur. Quod si vobis aperiendam duxerint, eam per manum conscriptam publicam nobis transmittere non tardetis. Quia verò tantus numerus testium infra tempus, quod per alias litteras vobis præfiximus, examinari non posset, vobis committimus, ut eo nonobstante tempore prorogetis, prout naturæ negotii videritis expedire. Datum Viterbii XII. calendas Octobris anno II.

## EPISTOLA CCCLXXIX.

Carissimo in Christo filio L. Francorum regi illustri.

*Ut in Aquarum-mortuarum porta possit villam edificare, & ad id vectigal imponere.*

Anno 1266

(a)  
(b)

Um in portu, qui Aquarum-mortuarum vulgariter appellatur, in Nemaufensi diocesi, turrim dudum extruxeris opere sumtuoso, ut tam peregrini quàm etiam mercatores in terram sanctam exinde profecturi, cum rebus suis (a) salvi consistere valeant in eodem; nec eorum (b) possint ad plenum commoditas & securitas procurari, nisi locus fiat ex concursu inhabitantium populosus, interpellatus es pluries & à pluribus, ut audivimus, & rogatus ut ibidem competens loci spatium murorum ambitu claudi faciās, infra quem possint incolæ domos constituere, quæ non solum ab hostium eos reddant tutos incursibus, sed etiam à ventorum prosecutione deffendant, qui dum undique flatu libero locum pulsant, arenarum cumulis excrecentibus, inhabitabilem eum reddunt: & ne vel ex loci clausura, vel ejusdem custodia prægraveris; placet, ut dicitur, mercatoribus tam in Montepessulano, quàm in locis insignibus adjacentibus constitutis, quod de mercibus in eundem portum per mare causâ mercimonii inducendis vel educendis, ex eo vectigal competens imponatur, à te & tuis posteris recipiendum ibidem. Sanè quamvis aliquibus videatur, quod tu tamquam rex in regno proprio hoc possis statuere cum evidenti venientium & transeuntium utilitate, vel potius necessitate pensatâ: ut tamen eò procedas tutius quò nostrum consultius super hoc requisisti consilium & assensum. Nos igitur qui loci situm & statum oculatâ fide cognovimus, & ab olim optavimus ibi fieri villam bonam pro commoditate multorum, præsertim cum in mari mediterraneo nullum aliam portum habeas regni tui peregrinis accommodum, qui præ ceteris fidei zelo succensi ad terræ sanctæ subsidium sæpius se accingunt, tuæ celsitudini tenore præsentium in-

(a) *Al. Salvis.* (b) *Al. Possit.*  
*Theauri Anecdor. Tom. II.*

A dulgemus, ut prælatis Narbonensis provinciæ & vicinis loco baronibus, Montipessulani consulibus, & locorum comitatibus adjacentium ad tuam vel illius, quem ad hoc illuc mittendum duxeris, evocatis præsentiam, de consilio illorum possis statuere, quod tam pio negotio videbitur opportunum, provisorius attentius, ut & moderatum vectigal imponatur ibidem, & futuris temporibus nequeat augmentari. Datum Viterbii XI. calendas Octobris anno III.

B

## EPISTOLA CCCLXXX.

Carissimo in Christo filio C. regi Siciliæ illustri.

*Arguit eum de pluribus in ipso & suis emendandis.*

Um omnia quæ secundum ordinem fiunt, ex ipso ordine recipiant pulcritudinem & splendorem, decet te, fili carissime, in omnibus & per omnia ordinate procedere, ne tu forsan, ad cujus pendet arbitrium ordinatio tanti regni, minùs justè quæras in subditis, quæ in te ipso nequiverint inveniri. Hæc est sanè nostri summa propositi, ut tuum studium excitemus ad tui stabilimentum honoris, & statum pacificum nationum tuo regimini subjectarum, cujus rei principium esse credimus & fixum ac solidum fundamentum, si te, tuos & tua, tam prudenter quàm providè duxeris ordinanda. Ad tuam autem ordinationem hoc pertinet, ut Deum timens ac diligens, nihil ex certa scientia in salutis tuæ dispendium teneas alienum. Quod si geris, prout debes, in votis; & canonicis Pini, & monachis S. Victoris Massiliæ castra sua restitues, & Arelateni ecclesiæ jura sua similiter & Astensi: quæ omnia specialiter duximus exprimenda: quia nota sunt & notoria. Sed nihilominus de aliis quæ non ita novimus, omnino reddimus te sollicitum, de gabellis salis videlicet, quarum originem vidimus vitiosam: in his etiam, quæ veteres appellantur, ut de aliis taceamus, quæ tuo sunt tempore, sicut dicitur, in multorum præjudicium introducta. His est consequens quòd inhumanus diceris, & ad nullum afficeris, prout dicitur, amicitia, quod ex eo à multis præsumitur, quod tuos Provinciales tamquam eos in servos emeris ad onera supra vires adstrictos, & tibi fideliter obsecutos suis fraudas stipendiis, quorum multi perierunt inedia, multi contra suæ nobilitatis & non minùs tuæ honorem in hospitalibus pauperum jacuerunt, multi te (c) pedites sunt secuti. Languet in carcere filius nobilis viri JORDANI DE INSULA Mediolani detentus. Languet Novariæ miles tuus SORDELLUS, qui emendus esset immeritus, nedum pro meritis redimendus, multique alii qui tibi in Italia servierunt, nudi & pauperes ad propria sunt reversi. Addimus juxta famam communem, quod homines regni tui etiam videre contemnis, & justitiam eorum procrastinas, & si quando à te, prout dicitur,

Anno 1266

Ecclesiis  
castra resti-  
tuenda.In ipso quæ  
reprehenden-  
denda.

(c)

(c) *Al. Tepide.*

Cc ij

quod rarò accidit, possint intrare, quibus si nec visibilis fueris, nec adibilis, si nec affabilis, nec amabilis, & eisdem volueris principari, profectò in manu gladium & in dorso loricam, & à latere præparatum exercitum habere te jugiter oportebit. Et quæ erit hæc vitæ species, nisi mortis imago miseræ suspectos semper habere subditos, & suspectum semper esse subjectis? Verùm his verbis, quæ si judicas aspera, rectius judicabis utilia, quæ te tamen magis prudentiâ quàm experienciâ addicere volumus & optamus, providentiæ tibi viam non claudimus, nec te credere omni spiritui suademus, nec vulgi te manibus exponi volumus attractandum; sed ad tuam instructionem sufficiat, quòd prudentium jam dudum legitur diffinitione provisum, ut

(a) qui præsumunt provinciis & faciles ad (a) eundem se præbeant, & in familiaritatem ulteriorem subditos non admittant; sed sic eorum necessitatibus se coaptent, ut semper ingenio augeant dignitatem.

In iis quæ  
ejus lateri  
assistunt.

Nunc ad tuos discedimus, illos scilicet, qui vel tuo assistunt lateri, vel ad terrarum tuarum regimen destinantur, & de istis communiter dicitur, quod tibi subtrahunt & tuis auferunt quidquid possunt, & tamen dicunt singuli: inquiratur quisnam hoc facit? & fortè non minùs clamitant magis rei. Nam & sigillatim interrogantibus apostolis Dominum post prolatam ab ipso de futuro traditore sententiam, numquid ego sum, Domine? fecit & ipse proditor inter ceteros quæstionem eandem; & tamen universis clamantibus solus taces, & ignorantiam (b) detestabilem affectare videris, ubi de tuo periculo & damno agitur & tuorum. Quod si rapina hujusmodi excusabilis esse posset, hoc solum videtur ad excusationem prodesse, quod tu fures videris facere, quibus non reddis debita, nec assignata certa stipendia, sed hoc eos excusare non potest, quamvis te valeat de negligentia non mediocriter accusare.

In ejus  
consiliariis

Transeundum ad consilia quibus uteris. Ecce, ut fertur, publicè dantur tibi consilia à peritis, quæ cum audieris, seorsum abiens, iudicio subicis imprudentium, & aut tuæ innitens prudentiæ, præfers omnibus id quod sentis, aut peritorum responsa ab illis sustines judicari, qui non intelligunt se vel illos. Hoc interdum vidimus in Provincia, & ideo in Apulia posse fieri non impossibile judicamus. Crede, fili carissime, jam nobis sæpè contingit in hac sede, cui licet immeriti præsidemus, ut habitis fratrum nostrorum consiliis, quamquam contrarium credere-mus utilius eorum tamen sententias sequebamur, ubi tale erat negotium, quod sine peccato fieri poterat vel omitti: & movebat nos ista ratio, quia temerarium censebamus tot prudentium iudicio sententiam nostri capitis anteferre. Elige ergo, fili, consiliarios tibi non suspectos, & cum suspectos habere cœperis non retineas, quia bellum continuum cogitationum invicem confligentium non evaderes; sed nulum habeas ex levi causa suspectum, quod utique communi iudicio nationis est vitium Gal-

(a) Al. Ad eundem.

(b) Al. Delectabilem.

Alicanæ. Sunt enim aliqui quibus moris est, ut cum audierint aliquos consulentes, secretà confabulatione captatà, dicant tibi vel aliis: Hoc verbum quod ille dixit, notastis Domine, propter hoc dictum fuit, & ii sunt pessimi detractores, Deo odibiles, verborum salubrium subdoli glossatores: sed quid fiet? Sunt regnicolæ in consilio, numquid erunt eo ipso suspecti? Audemus tibi dicere, quod sine eis bene regnum non reges, & in eis, & ex eis invenies, qui tuam felicitatem participant, & stante te subsistunt, quod avertat Dominus, caderent te cadente. Unde ergo suspicio est in talibus, si aliunde non surgat, quorum honor pendet ex tua gloria; quorum periculum à tuo nequit aliqua ratione disjungi?

Nunc dimissis consiliariis ad domum tuam descendimus, quam adeo deordinatam in omnibus mundus clamat, ut tot in ea sint domini, quot sunt capita, quorum aliqui tibi sumunt & mutant officia prout volunt: alii tot simul se implicant quod nihil bene peragunt, dum ad multa festinant. Durum tibi fortè videbitur, quod de talibus taliter tibi scribimus: scias tamen quod curam non assumimus domus tuæ, sed dissipationem ipsius in tuum dispendium & infamiam, nec lætanter, nec libenter audimus. Vidimus enim aliquos laborantes hoc vitio, qui libentiùs multa perderent, quàm vel modica alia largirentur: nec est peior aliqua prodigalitas quàm æquanimiter sustinere, ut à partibus furibusque consumatur, quod in usus honestos tam salubriter quàm utiliter posset & deberet expendi. Demùm sufficiat hoc scripsisse, & ut finis concordet principio, & tuos & tua sic ordina, quod & Deo cedat ad gloriam, tibi etiam ad commodum, tuis & ad gaudium & ad exemplum. Latori præsentium in his credas, quæ ex parte nostra duxerit proponenda. Datum Viterbii x. calendas Octobris anno 11.

## EPISTOLA CCCLXXXI.

Venerabili fratri Patriarchæ Hierosolymitano & dilectis filiis magistris Hospitalis & Templi, nobili viro Gaufrido de Serginis & aliis Christi fidelibus in transmarinis partibus in negotio fidei laborantibus.

*Compatitur eorum tribulationibus.*

Nec aures surdæ, nec pectus saxæum, nec viscera nobis sunt ferrea, ut vel vestris lacrymosis clamoribus audientiam negaverimus, aut auditis doloribus compassionis affectum. Conscientiâ teste, scribimus, quod catholicos ubique principes excitavimus, & adhuc jugiter excitamus, ut effusi pro se sanguinis in suæ redemptionis pretium, non immemores, terræ sanctæ succurrant. Et quamvis multi dormiant vel dormitent, quamvis devotionem multi convertant in questum, & petant subsidia quæ habere non possunt: sunt tamen multi per Dei gratiam, qui ad id viriliter se accingunt,

Anno 1266

& speramus quod plures erunt, cum audierint tribulationum instantiam, quæ vexant vos acrius quam vellemus. Ad hoc toto studio laboramus, in hoc noctes insomnes ducimus & ducemus, ut maturum & commodum habeatis auxilium; & idcirco vestræ manus, dilectissimi filii, non deficient, nec genua dissolvantur, sed æstimantes, ut decet, quod filiorum non possumus oblivisci, expectate paulisper donec magnum suffragium veniat, particularibus interim sustentandi: nec enim abbreviata est manus Domini, nec ipsius ratio consopita, qui vestrum periculum suum judicat, & in comparisonem vestri delicti alia omnia vilipendit. Datum Viterbii 11. calendas Octobris anno 11.

## EPISTOLA CCCLXXXII.

Carissimo in Christo filio C. regi Siciliæ illustri.

*Non posse ei concedere petitas indulgentias.*

Anno 1266

**N**Ec colorem, habet aliquem nec saporem, quod pro juvandis filiis excommunicatissimi quondam Philippi Chonardi indulgentia detur quam postulas: quantumcumque Græci sint & fuerint odiosi, alioquin contra Saracenos adjuvantibus Tartaris, vel contra alterutros ipsis Græcis indulgentia danda esset, quod nullus rectè sentiens crederet faciendum. Sanè si illi qui detinent insulam, de qua agitur, in tuis vel aliarum personarum bonarum manibus eam ponerent nomine nostrorum, vel carissimi in Christo filii B. imperatoris Constantinopolitani tenendam, salvo jure liberorum dictorum, si quod habent forsitan in eadem, & de hoc cautio competens haberetur; tunc militibus qui se offerunt ad auxilium, nec sunt ad terræ subsidium obligati, dicta indulgentia dari posset, quæ non est ita passim omnibus concedenda, ut quod statutum est in salutis remedium, in fabulam & ludibrium convertatur. His ergo pensatis intelligere potest tua prudentia, quo tibi sit ordine procedendum, præsertim cum de damno vitando non certes, nec jus aliquod habeas in eodem. Datum Viterbii calendis Octobris anno secundo.

## EPISTOLA CCCLXXXIII.

Dilecto filio J. electo Remensi.

*Arguit eum quod pecuniis inhiet, & ecclesiam Remensem obligaverit.*

Anno 1266

**I**N odore tui sinceri nominis hætenus delectati, nuper tamen aliquibus intellectis, quæ à tua non modicum nobilitate degenerant, non leviter fuimus perturbati, matri similes aliquatenus, quæ præstolans de conceptu lætitiæ, peperisse demùm se reperit abortivum. Nosti, fili, quantam servavimus in regno tuo puritatem,

A quot & quibus modis occurrimus nostrum volentibus fermentare processum. Et tu, prout apud nos dicitur, non in angulis, sed in capite potius omnium platearum, cum aliquibus, qui Deum nesciunt, mercatus pariter & (a) mercatus effusâ pecuniâ, sed tuâ celebri famâ confusâ, tuum tam honorabile ministerium polluiti, & Remensem ecclesiam ultra omnia, quæ nobis nec sperantibus, nec avidè sitientibus fratrumque nostrorum obtulisti collegio, in x. millia librarum Turonensium obligasti.

B O si vera essent quæ dicuntur, quantò melius tibi foret, nec exceptum genibus, nec lactatum uberibus, post conceptum statim in utero perierisse! Quidnam tibi valet prælatio purè data ab eo qui dare potuit, & ab aliis qui nihil poterant inquinata? Nec confidas si tecum fuerit per aliquem dispensatum, cum super hoc nullus nostram obtinuerit specialiter, nec concessione generali receperit potestatem. Quo fit, ut dispensatio, si facta extitit, potius præsumpta infructuosa fuerit, quam & nos coram Deo &

C angelis reprobamus. Ut igitur nostra super his conscientia serenetur, discretionis tuæ per apostolica scripta in virtute sanctæ obedientiæ districtissimè præcipiendo mandamus, quatenus si prædicta in totum vel in partem aliquam magnam vel modicam, veritate nituntur, nobis solum per tuum secretum nuncium & fidelem rescribere non postponas, quid & quantum, & quibus dederis vel promiseris, vel promissum ab alio te sciente, vel inscio, postmodum ratum habueris, & quis eorum extiterit mediator

D sive in facto, seu ante factum, vel post factum; & ut tuo statui consulere valeamus, & in futuris negotiis hujus sanctæ sedis honorem melius conservare. Quod si in his ex certa scientia nobis celaveris veritatem, excommunicationis te vinculo innodamus, à qua per neminem absolvi valeas, nisi per Romanum Pontificem, vel alium de ipsius licentia speciali, præter quam in mortis articulo; in quo si forsitan absolutus, insperatam receperis sanitatem, & infra duos menses ea nobis superstitibus clarè scribere &

E apertè distuleris, in eandem sententiam recidas ipso facto, sciturus nihilominus quod si te veritatem celante, eam per alios potuerimus invenire, te à nostra gratia penitus alienum de ore nostro & corde, non sine gravi mentis angustia removemus. Hæc autem secreta sint apud te nulli penitus revelanda, nisi ei quem noveris vel credideris id celare mysterium, & tuam salutem quærere ac honorem. Datum Viterbii nonis Octobris anno 11,

F



(a) Al. Metarufque. Al. Et mecatus.

## EPISTOLA CCCLXXXIV.

Dilecto filio O. sancti Adriani diacono cardinali  
apostolicæ sedis legato.

*Ut personarum ecclesiæ Romanæ addictarum  
notitiam ipsi tribuat.*

Anno 1266

**C**um multum nobis expediat bonarum habere notitiam personarum de regno Angliæ, quæ & Romanæ Ecclesiæ sunt devotæ, & in persecutionis instantia vel magis commendabiles vel magis excusabiles extiterint; sinceritatem tuam quanto carius possumus adjuramus, quatenus secretissime sub tuo inclusa sigillo plurimum nomina cum circumstantiis debitis, nobis mittas, ut si forsan nobis occurrant in viduatis ecclesiis, si quæ fuerint, de personis hujusmodi providere securius valeamus. In hac autem littera sigillum piscatoris agnosce. Datum Viterbii v. Idus Octobris anno 11.

## EPISTOLA CCCLXXXV.

Dilecto filio Guidoni de Alvernia præposito  
Insulensi Morinensis diocesis.

*Ejus in archiepiscopum Viennensem postulationem  
etsi non rejecerit, tamen non admisisse, eo quod  
plura indebitè beneficia obtineret, super quibus  
nihilominus eum dispensat.*

Anno 1266  
(a)

**V**acante nuper ecclesiâ Viennensi & dilectis filiis ejusdem Viennensis & (a) Romanensis Ecclesiæ capitulis, ad quos pertinet archiepiscopi Viennensis electio, ad providendum viduatæ ecclesiæ de pastore pluries congregatis; tandem votis omnium qui legitime vocati voluerunt & valuerunt commodè interesse, in dilectum filium PHILIPPUM Lugdunensem electum, ejusdem ecclesiæ Viennensis decanum unanimi voluntate transfusus, concessio ab omnibus & promisso quod illum reciperent in pastorem, quem ipse duceret eligendum vel etiam postulandum; idem electus in te oculos suos dirigens, te adhuc in minoribus ordinibus constitutum vice suâ, & utriusque capituli nominans, in ejusdem ecclesiæ pastorem postulavit, & postulationem hujusmodi coram dictis capitulis primò, & postmodum coram clero & populo publicavit. Sanè dil. fil. (b) P. de Marianis & (c) G. de Limonen. (c) Viennensis diocesis ac (d) Mallecius Veraceno Romanensis, dictorum capitulorum canonici & procuratores solemnes ad nostram destinati præsentiam, postulationem hujusmodi à nobis admitti, & te eisdem in Pastorem concedi humiliter & suppliciter petierunt. Verum quod notum erat apud nos & in partibus tuis

(a) Romanum antiqua ordinis nostri abbatia à S. Barnardo archiepiscopo Viennensi fundata, & à multis retrò sæculis in collegiatam ecclesiam conversa, cujus abbas est archiepiscopus Viennensis, sicut & S. Theoderii in diocesi Viennensi, unde mi-

**A** notorium, quod tu plura beneficia ecclesiastica obtinebas, inter quæ præter præbendas, quas in diversis habebas ecclesiis, erat præpositura ecclesiæ Insulensis Morinensis diocesis, & archidiaconatus Ecclesiæ Morinensis, ac secularis abbatia S. Germani Claromontensis diocesis; sed & scholasticam Coloniensem olim tibi collatam accepisse, & quamdam præposituram eidem annexam dicebaris aliquo tempore possidisse, quæ sine sedis apostolicæ indulgentia canonice obtinere non poteras; inquisivimus an super his tecum fuisset per sedem dispensatum eandem, & exhibito nobis sub sigillo dilecti filii off. quodam exemplo indulgentiæ tibi à felicitis recordationis INNOCENTIO papa prædecessore nostro concessio patuit evidenter quod indulgentiæ dictæ vires ad tot beneficia, personatus, & dignitates nullâ poterant porrigi ratione, propter quod postulationem de te factam admittere non debuimus nec volumus, cum in defectibus non reatibus sedes ista superveniat postulatis: eandem tamen non reprobavimus, nec responsum dare volumus, sed ex causa teneri placuit totum negotium in suspenso. Ceterum & tuæ saluti consulere, & à te impedimentum hujusmodi amovere volentes, ut beneficia quæ nunc possides cum dignitatibus, seu personatibus antedictis valeas retinere, necnon & quod fructus, quos ex eis hactenus percepisti, ob defectum dispensationis prædictæ restituere minimè tenearis, non obstante constitutione Lateranensis concilii, vel quavis aliâ, tenore præsentium indulgemus, dum tamen ea canonice obtinueris, quæ obsequiis consuetis & debitis volumus non fraudari. Ut autem ad nostram gratiam pro loco & tempore reddaris habiliior: discretionis tuæ per apostolica scripta firmiter & districtè præcipiendo mandamus, quatinus in ordinibus proximis in subdiaconatum, te facias promoveri. Quod si canonico impedimento cessante distuleris, præsentem indulgentiam carere volumus & decrevimus robore firmitatis. Datum *ut supra*.

## EPISTOLA CCCLXXXVI.

Dilecto filio S. titulo S. Cecilie presbytero  
cardinali, &c.

*Ut inscio rege decimam fratrum Prædicatorum  
solvat, quam ille relaxari petebat.*

**L**itteras carissimi in Christo filii nostri L. Illustris regis Franciæ nuper recepimus deprecantis, ut tuæ prudentiæ mandarem, quod à fratribus Fontis-Bleaudi & S. Mauritii, nihil decimæ nomine sineres extorqueri. Sanè durum est nobis non annuere ejus precibus; sed longè durius occasionem dare carissimo in Christo filio nostro C. regi Siciliæ illustri, & nostris

rum videri non debet, quod in electione Viennensis archiepiscopi canonici Romanenses vocem haberent.

(b) Al. P. De Marais. (c) Al. Lunonenis.

(d) Al. Mallenus.



fratribus obloquendi, quod de promissis eidem, A  
vel unum iota ex parte nostra minui videatur,  
cum & terræ sanctæ necessitas & aliquarum per-  
sonarum paupertas nostris adjectis precibus eum  
flectere potuerunt ad unum denarium personæ  
vel personis aliquibus dimittendum. Hæc autem  
signata sint apud te, cum & ejus duritiam, &  
quam passi sumus jam pluries repulsam in non  
mediocrem verecundiam, non expediat publi-  
cari. Sed tamen volumus & mandamus quod  
explores secretiis ad quam summam decima  
fratrum Prædicatorum ascendit, & eam de B  
nostro solvi facias, prædicto regi Franciæ peni-  
tus ignorante. Nos enim mercatoribus Senen-  
sibus Parisiis commorantibus per eorum socios,  
qui apud nos sunt, mandari facimus, ut tibi  
liberè summam tradant pecuniæ, quam ab eis  
nostro nomine duxeris exigendam, & nos  
quam te recepisse ab eis per litteras tuas confi-  
teberis, tamquam receptam à nobis in nostro  
computo quod habemus cum sociis eorundem  
recipi faciemus. Datum Viterbii (a) III. Idus C  
Octobris anno 11.

## EPISTOLA CCCLXXXVII.

Dilecto filio O. sancti Adriani diaconi cardina-  
lis apostolicæ sedis legato.

*Ut acta inordinate ab episcopo Wintoniensi in  
ipsius ecclesia reformet.*

Anno 1266 **I**nter cetera quæ JOHANNES Wintoniensis  
adhuc episcopus contra Deum dicitur per-  
petrasse, illud fertur esse notorium, quod Win-  
toniensis ecclesiæ statum omnino confundens,  
pro voto mutavit officia, destituit quos voluit  
& instituit. Cum tamen id non ad ipsum, sed  
ad capitulum seu (b) conventum ejusdem ec-  
clesiæ pertineret. Quocirca discretionis tuæ per  
apostolica scripta mandamus, quatenus ex of-  
ficio statum solitum ipsius ecclesiæ, quem ab  
ipso contra morem indebitè turbatum invenies,  
seu mutatum per te vel per alium studeas refor-  
mare, episcopali in omnibus jure salvo, & si quid  
fuerit inquirendum constituas aliquam perso-  
nam idoneam & juratam pro episcopo ab ad-  
ministratione suspenso, qui te vel illum, cui id  
commiseris, de juribus episcopalibus sciat vel  
valeat informare. Quæ siquidem lædi nolumus,  
sed illibata penitus conservari. Bona autem  
episcopalia sic custodiri facias ne pereant, nec  
ad manus veniant iniquorum, & de omnibus  
reddi tibi facias, quotiens id expedire videris,  
rationem. Datum Viterbii 11. Idus Octobris  
anno 11.



(a) Al. VIII. Idus Octobris.

(b) Al. Hinc colliges Wintoniensem insignem in Anglia  
Cathedralem ecclesiam à monachis Benedictinis æmpore Cle-  
mentis adhuc fuisse possessam.

## EPISTOLA CCCLXXXVIII.

Venerabili fratri R. episcopo Albanensi  
apostolicæ sedis legato.

*Ut episcopum Gravinensem denunciet depositum &  
degradatum, cum spe restitutionis aliquorum or-  
dinum, si claustrum ingressus biennio post professio-  
nem religiose conversatus fuerit.*

**G** Ravinensem episcopum lapsum graviter & Anno 1266  
gravibus pœnis obnoxium, si coram M.  
quondam principe Tarentinensi post latus à præ-  
decessoribus nostris sententias, missas prout di-  
citur, celebrasse & ejusdem oblationes rece-  
pisse, & pro eo orasse & orari publicè procu-  
rasse reperis; nihil aliud superest, nisi ut eum  
eductum de carcere, nostrâ auctoritate, clero &  
populo convocatis, denuncies depositionis & de-  
gradationis incurrisse sententiam ipso facto à  
felicis recordationis ALEXANDRO papa præde-  
cessore nostro prolata, & idcirco de nostro  
mandato pronuntiare te volumus eum esse omni  
honore pontificali & omnium sacrorum ordi-  
num executione privatum, sine spe cujuslibet  
indulgentiæ, nisi fortè aliquam de religionibus  
artis intraverit, in qua si per biennium post profes-  
sionem emissam laudabiliter fuerit conversatus,  
circa restitutionem ad aliquos sacros ordines  
vel ad omnes spem non duximus præcidendam.  
D Quod si religionem hujusmodi non intraverit,  
injungas ei poenitentiam salutarem, ingressum  
& moram civitatis & diocesis Gravinenfis ei  
perpetuò interdicens. Si quos autem ex nunc  
in celebratione missarum hujusmodi inveneris  
alios ei similes, censurâ simili contra ipsos pro-  
cedere, & ecclesiis à quibus amoti fuerint de  
personis idoneis providere, nullius obstante  
contradictione, non postonas. Nos enim de-  
crevimus irritum & inane, si quid secus contin-  
geret attentari. Datum Viterbii 11. Idus Octo-  
bris anno 11.

## EPISTOLA CCCLXXXIX.

Venerabili fratri R. Episcopo Albanensi  
apostolicæ sedis legato.

*Respondet ei super restitutionis negotio.*

**C**irca restitutionis negotium à te & carissimo  
in Christo filio nostro rege Siciliæ illustri  
quæstioni propositæ respondemus, quod licet  
civili cautum sit sanctione, quod adversus id  
quod vi factum est nulla exceptio locum habeat,  
quia tamen per leve compendium in grave dis-  
pendium nonnullos vidimus imprudenter inci-  
dere, fraternitati tuæ per apostolica scripta man-  
damus, quatenus si fundatâ intentione agentium,  
in inquisitione quam facis exceptiones objici  
videris, quæ de jure non possent respui, si ordi-  
nariè actum esset, eadem manente figurâ pro-

cessus, eas patienter admittas, licet pauca valeant inveniri, quæ restitutionem impediunt spoliati, sicque provideas ut per multa diffugia iusta petentium non eludatur intentio; nec per negata defensionis suffragia cuiusquam innocentia opprimatur. Datum Viterbii *ut supra*.

## EPISTOLA CCCXC.

Carissimo in Christo filio regi Francorum illustri.

*Lætitiam ei aperit de nunciorum adventu, & scriptas antea ad ipsum litteras revocat.*

Anno 1266 **S**ecundo Idus Octobris dilectus filius G. archidiaconus Parisiensis ecclesiæ, & J. (a) de Valentinis dominus *Gaise*, tuas nobis litteras attulerunt, quæ quantum gaudium nobis attulerunt, novit ille qui cordium secreta rimatur, præsertim cum divino consilio factum fuerit, ut de finibus tam remotis nostra & tua concurrerint voluntates. Pœnitentes siquidem responsionis illius, quam tibi per alias litteras feceramus, (b) intimis cruciabamur angustiis, epistolam revocatoriam præsentibus interclusam manu propriâ scripseramus, parato jam nuntio ad easdem tibi sine aliqua dilatione mittendas. Hæsitaverat tamen animus, & aliquandiu missionem suspenderat, sed dictorum nunciorum adventus scrupulum dubitationis amovit, & protinus eas dedimus tuis nunciis per expeditiorem cursum tuæ celsitudini præferendas. Age ergo viriliter, fili carissime, fili benedictionis & gratiæ, & post conceptum laudabilem (c) laudabilius pariens mittas manus ad fortia. Aderit enim tibi Dominus & ejusdem vicarius tuis invigilabit pro viribus commodo & honori. Datum Viterbii 11. Idus Octobris.

## EPISTOLA CCCXCI.

Dilecto filio S. Tituli S. Cecilie, &c.

*Mittit ipsi pro Franciæ episcopis litteras.*

Anno 1266 **L**icet carissimus in Christo filius noster rex Franciæ illustris signum crucis nondum suscepit, sicut nosti, quod sub spe nostri subsidii creditur suscepturus: discretionis tuæ tamen mittimus litteras ad prælatos & clerum Franciæ, quas servabis in tempore quo ejusdem regis intentio in effectum publicè exibat, & ex tunc convocatis illis ad quos litteræ diriguntur, nostrum eis affectum & intentionem exponas, & ad ea complenda quæ ipsis litteris continentur, amicabiliter & salubriter induces eosdem, & ab eis responsum exiges, quod & nobis cum omni celeritate transmittes, cum scire valeas, quod in tanto negotio, quod Dei non hominis est censendum, dicto regi non possumus negare consilium & auxilium opportuna, quem perso-

(a) Al. Cevalentinus. Al. Te Valentinus.

(b) Interim.

(c) Laudabiliorem.

nali libentius juvaremus præsentia, si dignitas status apostolici pateretur. Datum *ut supra*.

## EPISTOLA CCCXCII.

Dilecto filio S. tituli S. Martini, &c.

*De Marchianis, Firmanis & Urbinatibus.*

**Q**uæ de statu nobis scripsisti Marchiæ pleno collegimus intellectu, nec magnam vim facimus in legatis, quos ad suum destinant idolum, adolescentem scilicet Corradinum, cujus statum ad plenum novimus, quem intelleximus eò usque prostratum, ut nec sibi consulere, nec suis cultoribus valeat subvenire. Hæc est sanè mira prorsus & stupenda vesania, ut stulti & miseri Marchiani vel alii suspicentur carissimum in Christo filium nostrum C. regem Siciliæ illustrem regnum plenissimè possidentem, uni puero nudo & pauperi facile non posse resistere, qui prudentem & divitem possessorem in XXI. diebus regno simul & vitâ privavit. Si dicatur quod digitus Dei fuit; & hoc dicimus & fatemur, & hunc affore regi nostro confidimus contra omnes qui regnum ipsius & Romanæ pacem Ecclesiæ perturbare nitentur. Frange ergo, si prævalet, Firmanorum superbiam, & nihilominus satage ut Urbinatibus melius resistatur, qui collectis undique viribus contra fideles ecclesiæ nimis libere debacchantur, & usque ad collem de Pegula stratas faciunt esse suspectas. Illud tamen concludimus quod vel pacem habeas cum omnibus honorificam, vel guerram facias exequendo justitiam benevivam. Ceterum de PETRO DE COLUMBA milite, de quo aliàs tibi scripsimus, rescribe an tibi sit necessarius, & cum quot sociis, ne eundem verbis inanibus teneamus. Datum Viterbii XVII. calendas Novembris anno 11.

## EPISTOLA CCCXCIII.

Dilecto filio S. tituli S. Cecilie, &c.

*Arguit eum quod legationi præferat prædicationem.*

**C**um prædicandæ crucis officium tibi commisimus, intentionis nostræ fuisse noveris non prædicationi legationem, sed legationi prædicationem adnectere, quæ tibi videri poterat ob concurrentium negotiorum instantiam onerosa, subjunximus opportunum remedium, ut videlicet causam committeres aliis prædicandam. Hæc sanè fuit causa justissima quæ nos movit, ut juxta formam bonæ memoriæ Tyrensi archiepiscopo olim traditam reperta competentia mitteremus, non tuam in hac parte confusionem quærentes, quam te non meruisse fatemur; sed quod congruebat materiæ prosequentes, & illis eam concludentes limitibus, ut & negotii promotioni sufficeret, & in minorem personam caderet, te vices tuas alii committente.

mittente. Verum nosti quod de novæ legatio. A  
nīs officio committendo novus erat cum fratri-  
bus tractatus habendus, ad quem aditus non  
parebat nisi veniret in publicum, quia celare  
proponimus & debemus donec tempus se offerat  
opportunitum: quod cum venerit, & utinam  
non tardetur, annuente Domino, sic procedent  
omnia, quod nihil prorsus de contingentibus  
amitteretur, quod ad promotionem negotii  
pertinet terræ sanctæ. Demum quod aliquos  
murmurare scripsisti, quasi tuum sit finitum of-  
ficium, regno Siciliae acquisito, tuum animum B  
non concutiat, cum æquanimiter toleremus  
tua te more solito uti libera potestate infra ter-  
minum concessæ decimæ regi Siciliae, nisi à nobis  
aliud recipias in mandatis. Datum Viterbii xvi.  
calendas Novembris anno 11.

## EPISTOLA CCCXCIV.

Dilecto filio magistro de Sancto amore.

*Scribit ei de ipsius libro.*

Anno 1166

- SI circa veritatis indaginem elaboras, si cau-  
telas Ecclesiæ colligis ex scripturis, dum  
tamen sobrius indagator existas, & activum  
evites scandalum, non te credimus arguendum,  
sed cavendum est tibi, ne vel præteritorum tuo  
(a) hæreat animo nimis tenax memoria, & sub  
doctrinæ specie detractoris colores insidias, vel  
illam objurgationem merearis audire; qua D  
Paulum tetigit Festus dicens: *Te multæ litteræ  
faciunt insanire.* Sanè libellum novum (b) legere  
cœpimus quem misisti, qui licet interdum alias  
(c) atiras (r) circinet, veterem tamen multum sa-  
pit, & eum excussus & discussus, licet colora-  
rior in aliquo videatur, totam primi substan-  
tiam comprobabitur retinere. Verum quia to-  
tum non legimus, nihil tibi possumus respon-  
dere, nisi quod provida diligentia cor tuum  
munias, ne sub boni specie te seducat, qui se  
ut lateat in lucis angelum transfigurat. Nos E  
autem cum nobis legerimus hoc opusculum, &  
aliis amatoribus veritatis & eandem intelligen-  
tibus communicaverimus, tunc quod nobis vi-  
debitur tibi dabimus intimare. Sed quia res for-  
sitan abibit in longum propter negotiorum in-  
stantiam, qui de mundi diversis partibus nos  
solito acrius inquietant, dilectum filium magi-  
strum THOMAM supradicti præsentatorem  
operis ultra nolumus detinere. Datum Viterbii  
(d) (d) xv. calendas Novembris anno 11.



(a) Al. Exeat. Al. Habeat.

(b) Al. Evolvere.

(c) Al. Continet.

(d) Al. xi. Calendas.

*Theſauri Anecd. Tom. II.*

## EPISTOLA CCCXCV.

Dilectis filiis fratribus civitatis Florentinæ re-  
gentibus, vel eorum alteri consilio, prioribus  
artium, & communi civitatis ejusdem.

*Mandat ut Theutonicos expellant, & coram ipso  
compareant super objectis responsuri.*

MUltis nos aliis occupatos negotiis vestra-  
rum zelus compulit animarum, vos ad  
Ecclesiæ gremium, ab eodem propter multipli-  
ces & enormes excessus plurimum elongatos, in  
lenitatis spiritu revocare, & aperto sinu latif-  
simæ pietatis, præter juris formam & ordinem  
à diversis excommunicationum sententiis ab-  
solvī vos fecimus, relaxata nihilominus inter-  
dicti sententia in vestras civitatem & diocesim  
promulgata, quamquam causæ satis essent no-  
torix, ob quas erant dictæ latæ sententiæ. Sic  
quia relaxationem earum, si scripti juris seque-  
remur angustias, satisfactio competens antecede-  
re debuisset, sanè cum firmam haberemus  
fiduciam, quod vos tantæ gratiæ non ingrati,  
præcipue post juramenta præstita de nostris  
parendo mandatis, humiliter eadem cum vobis  
innotescerent impleretis; mox tamen ut expe-  
riri volumus facti exterioris judicio quem ad  
nos & Romanam Ecclesiam animum haberetis,  
invenimus rebellionem in limine. Nam cum  
vobis per nostras litteras mandassemus, quod  
sceleratos Theutonicos ejiceretis à vobis tam-  
quam excommunicatos, & perfidos ac sedis  
apostolicæ inimicos, & dilectum filium JACO-  
BUM DE COLLEMEDIO militem, quem vobis  
dedimus Potestatem per vestrum syndicum ad  
nostram missam præsentiam honoraretis salario  
competenti, & honestæ militum comitivæ pro-  
videretis in sumtibus, per quam posset civitatis  
vestræ statum pacificum conservare, nihil horum  
efficere voluistis, immo clarius & apertius  
respondistis, quod ea vel eorum aliquod mi-  
nimè faceretis. Quamvis autem de vestra con-  
tumacia satis liqueat ex prædictis, ut machina-  
tiones abditas taceamus ad præsens, quas post-  
modum contra Romanam Ecclesiam & caris-  
simum in Christo filium C. regem Siciliae in  
remotis & finitimis partibus attentastis; quia  
tamen ulteriorem volumus in his quæ ad Dei  
honorem pertinent processum aggredi, quod  
deposcit protervia, quid demum inobedientia  
mereatur, universitatem vestram monendam  
duximus & hortandam, vobis sub debito præ-  
stiti juramenti districte præcipiendo mandantes,  
F quatenus infra decem dies à perceptione præ-  
sentium, dictis ejectis Theutonicis de civitate  
& diocesi supradictis, coram nobis compareatis  
per syndicum sufficienter instructum, ad au-  
dienda & fideliter adimplenda nostra mandata,  
quæ super articulis pro quibus generaliter vel  
specialiter excommunicati fuistis proferenda  
duximus, salvo aliis suo tempore proferendis:  
quam diem pro peremptorio vobis præfigimus  
D d

termino, tenore vobis denuntiantes præsentium, quod si veneritis, si non; in negotio prout nobis visum fuerit procedemus: vobis nihilominus districtius prohibentes, ne contra extrinsecos Florentinos vel alios in confiniis positos juris vel facti processum aliquem attenteris, donec in potestatem acceperitis militem supradictum penes quem solum in jure permanent & consistunt infra tempus quod ei dederimus vestræ regimen & jurisdictio civitatis.

## EPISTOLA CCCXCVI.

R. Sancti Angeli diacono cardinali.

*Ut cum Sicilia rege conferat super subsidio terræ sanctæ tribuendo.*

Anno 1266

**A**D tuam credimus pervenisse notitiam durum & asperum terræ sanctæ dispendium in accelerata captione Sapheti, cum multorum strage bonorum, & confusione non modica populi christiani. Cum igitur post tot damna, quæ longa jam temporum series successivis adversitatibus in transmarinis partibus christianis influxit, non immerito casus gravior timeatur, habito fratrum consilio, destinavimus & in Angliam & in Franciam & Germaniam, & alias nationes nuncios cum litteris excitatoriis mittere pro ejusdem terræ subsidio: discretionis tuæ per apostolica scripta mandantes, quatenus cum carissimo in Christo filio nostro C. illustri rege Siciliæ super his conferas & prudenter indages, quid sibi videretur agendum, quid etiam ipse posset & vellet facere, qui vicinior est negotio, & præ ceteris mundi principibus posset ei & celerius subvenire, & tam tuum quam suum consilium & propositi promptitudinem nobis rescribere non postponas. Datum Viterbii (a) XIV. calendas Novembris anno 11.

(\*)

## EPISTOLA CCCXCVII.

Simoni cardinali apostolicæ sedis legato.

*De collectis pro Terræ sanctæ subsidio.*

Anno 1266

**C**LEMENTIS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Cum negotium crucis in subsidium terræ sanctæ in regno, &c. ut epistola sequenti usque ad illa verba videris expedire. Deinde contradictores per censuram ecclesiasticam appellatione postposita compescendo: non obstante si aliquibus à sede apostolica sit indultum quod interdicti, suspendi, vel excommunicari non possint per litteras apostolicas non facientes plenam & expressam de indulto hujusmodi mentionem. Datum Viterbii XIV. calendas Novembris, Pontificatus nostri anno 11.

(a) Al. VIII. Calendas.

## EPISTOLA CCCXCVIII.

Simoni cardinali apostolicæ sedis legato.

*Ut collectam in subsidium terræ sanctæ ad annum & consilium regis Franciæ distribuatur.*

**C**LEMENTIS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

Anno 1266

Cum negotium crucis in subsidium terræ sanctæ in regno Franciæ & quibusdam aliis partibus, terris, & locis tibi à sede apostolica sit commissum; nos volentes ut hujusmodi negotium felicem consequatur effectum, tibi nostris dedimus litteris in mandatis, ut centesimam omnium proventuum ecclesiasticorum ejusdem terræ subsidio à sede apostolica deputatam, redemtionem votorum cruce signatorum, legata relicta hujusmodi subsidio, necnon obventiones quascumque provenientes subsidio prædicto in regno & partibus, terris & locis hujusmodi per te vel per alium aut alios fideliter colligas, & convertas in hujusmodi subsidium, prout videris expedire. Quia verò carissimus in Christo filius noster, illustris Rex Franciæ hujusmodi negotii præcipuus promotor existit; volumus & præsentium tibi tenore mandamus, quatenus centesimam & alia prædicta de consilio ipsius regis in subsidium prædictum convertas. Datum Viterbii XIII. calendas Novembris, Pontificatus nostri anno secundo.

## EPISTOLA CCCXCIX.

Simoni cardinali apostolicæ sedis legato.

*Ut cruce signatis terminum ad transfretandam constituat.*

**C**LEMENTIS episcopus, servus servorum Dei dilecto filio S. tituli sanctæ Cecilie presbytero cardinali apostolicæ sedis legato salutem & apostolicam benedictionem.

Anno 1266

Cum terra sancta, Christi repleta pretioso sanguine, diutius paganorum insultibus lacerata, continuo & festino auxilio Christi fidelium indigere noscatur: nos pio corde suis condolentes angustiis & pressuris, ferventi desiderio cupimus per potentiam eorundem fidelium periculis ipsius terræ occurrere, suisque necessitatibus subvenire. Hinc est quod nos discretionis tuæ, ejus vota cum nostris super his in idipsum concurrere novimus, per apostolica scripta mandamus, quatinus cruce signatis & cruce signandis in regno Franciæ in supradictæ terræ sanctæ subsidium, necnon in Cameracensi, Tullensi, Leodiensi, Metensi, & Viridunensi civitatibus & diocesibus, ac in quibuscumque partibus tuæ legationis certum terminum ad transfretandum statuens, prout tibi videbitur expedire, illos

cujuscumque ordinis, dignitatis & potestatis fuerint, quod ad exequendum suum votum in ipsius terræ succursum, in hujusmodi termino se accingant, & per te vel alios, si necesse fuerit, monitione præmissa per censuram ecclesiasticam appellatione remota compellas: non obstante si aliquibus à sede apostolica sit indultum, vel in posterum indulgeri contingat, quod suspendi, vel interdici, aut excommunicari non possint per ipsius sedis litteras non facientes plenam & expressam de indulto hujusmodi mentionem, seu constitutione de duabus dietis edita in concilio generali. Datum Viterbii XII. calendas Novembris, Pontificatus nostri anno II.

## EPISTOLA CCCC.

Simoni cardinali apostolicæ sedis legato.

*Ut in collectione centesimæ vices suas alteri committere valeat.*

Anno 1266

**C**LEMENS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato, salutem & apostolicam benedictionem.

Bonæ memoriæ AEGIDIO Tyrensi archiepiscopo, cui collectio centesimæ pro terræ sanctæ subsidio in regno Franciæ ac Cameracensi civitate & diocesi, prædicatio crucis tam in prædictis regno & diocesi, quam in Tullensi, Leodiensi, Metensi & Virdunensi civitatibus & diocesibus, necnon & quædam alia circa hujusmodi negotium erant per litteras apostolicæ sedis commissa, viam universæ carnis ingresso, nos cupientes ut prædictum negotium felicem consequatur effectum, tibi, de cujus circumspeditione plenam in Domino fiduciam obtinemus, eadem omnia duximus committenda. Ut autem prædictum negotium possit facilius explicari, committendi vices tuas in toto vel in parte in omnibus pro eodem negotio tibi commissis in prædictis regno, civitatibus & diocesibus, ceterisque terris & locis tuæ legationis alicui personæ idoneæ, quam ad totum negotium considerata qualitate ipsius duxeris eligendam: ita quod persona ipsa in prædictis omnibus per se vel per alium, aut alios possit procedere juxta traditam sibi formam, liberam tibi concedimus auctoritate præsentium facultatem. Datum Viterbii XII. calendas Novembris, Pontificatus nostri anno II.

## EPISTOLA CCCCI.

Simoni cardinali apostolicæ sedis legato.

*Ut ei crucem prædicanti adfidentes indulgentiis alliciantur.*

Anno 1266

**C**LEMENS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem.

*Theauri Anecd. Tom. II.*

**A** Cùm negotium crucis pro subsidio terræ sanctæ in regno Franciæ, & quibusdam aliis partibus tibi sub certa forma duxerimus committendum: nos volentes, ut Christi fideles ipsius regni & partium earumdem spiritualium largitione munerum ad assumendum hujusmodi negotium facilius inclinentur, præsentium tibi auctoritate concedimus, ut cùm te propter hoc contigerit proponere verbum Dei, omnibus verè pœnitentibus & confessis, qui ad tuam prædicationem accesserint, unum annum & quadraginta dies de injunctis sibi pœnitentiis misericorditer valeas relaxare. Datum Viterbii XI. calendas Novembris, Pontificatus nostri anno secundo.

## EPISTOLA CCCCII.

Dilecto filio O. sancti Adriani apostolicæ sedis legato.

**C** Infelicem terræ sanctæ statum ei exponit, mandatque ut denuò Crucis prædicationi ferventius instet.

**C**rucifixi negotium in verbo crucis infra fines tuæ legationis omnibus exponendum tuæ sollicitudini dudum commisimus: quod si forsitan credidisti intermittendum ad tempus, ecce Dominus clamore vicarii non contentus, clamat ipse clamore valido, clamat, inquam, tuba terribili, clamat verbis, clamat verberibus, quibus suam hereditatem atterens, terram illam, quam suo sanguine consecravit, notam sibi per omnia veritatem, ex nunc in publicam vult produci notitiam, an sit qui vicem suam doleat, an omnino derelinquant subditi sibi suas injurias vindicandas. Ecce, fili, Dominus omnium qui non multos ante jam dies Azotum & Cæsaream à Saracenis diripi suo justo judicio, licet nobis occulto, permisit, consequenter Sapheti castrum in manus tradi voluit eorundem: dicemus voluit, an permisit? Casum novimus, sed cælestis abyssum judicii penetrare non possumus. Et idcirco quod nescimus metuemus, & id plangimus quod videmus. Ecce nobile domus hospitalis Jerosolymitani collegium, annus præteritus centenario fratrum numero mutilatum hostiliter deformaverat. Ecce sequens domus Templi tam celebrem, tam famosam militiam datam in manus gladii, quasi prorsus redigit ad nihilum personarum substitutione nobilium necessario raparandam, ut de equis & armis & castrorum instructionibus perditis taceamus, quæ inestimabilis ferè pretii subtrahita fidelibus, & fidei tam crudelibus inimicis abjecta jactura duplici Christianæ religionis pugiles affecerunt. Clamat ergo Christi crux, clamat pretiosus sanguis crucifixi, clamat ipse qui denuò crucifigitur, & cùm paucos inveniat inculcatis clamoribus auditores, credimus non immerito formidandum, ne & ipse clamantes non audiat, spernentes se spernat, & novissimè nesciat nescientes. Ea propter tuam prudentiam duximus excitandam per apostolica scripta tibi man-

Anno 1266

D d ij



dantes, quatenus, omni occasione postposita, per te & alios in legationis tuæ finibus novas prædices ignominias crucifixi, & ad ejus opprobria vindicanda fideles excites universos, cum sit in perditionis discrimine terra sancta, quam si forsan, quod absit; perdi contingeret, ad recuperationem ejusdem aditus non pateret. Verum cum ejusdem defensoribus ex parte maxima jam assumtis, ut ei sit necessarium promptum subsidium ad continuam sustentationem ejusdem, donec fiat passagium generale, procurare te volumus, ut de pecunia in partibus Anglicanis pro eadem collecta, per manus aliquorum fidelium Anglicorum quingentis peditibus balistariis ministrentur stipendia, qui instanti passagio Martii transeant ad terræ defensionem ejusdem: qui siquidem in Angliæ partibus non habentur idonei, circa partes Viennensis, Arelatensis, Narbonensis provinciarum poterunt inveniri. Ceterum ad pacem Angliæ reformandam, ad quam fideliter laborasti, te necessitas ista provocet: sed & regem & suos excitet & moveat, adversarios omnes pulset, ut suarum injuriarum immemores, Redemptoris injurias prosequantur; cum sit melius ante tempus occurrere, quam tardatum querere remedium post ruinam. Demum quid super his facias vel possibile fieri judices, quod etiam subsidium possit dari laborare volentibus, nobis quam cito poteris rescribere non postponas. Datum Viterbii (a) viii. calendas Novembris anno 11.

(a)

## EPISTOLA CCCCIII.

(b) Dilecto filio Raymundo (b) Alfredi canonico Aniciensi.

*Scribit ei super desiderio quod Bononiæ studendi habebat.*

Anno 1266

Quod te scripsisti velle studere Bononiæ, nec reprobare possumus nec probare, cum nomen studii sumtum propriè censeatur adeo favorabile, ut aures mulceat audientium, quibus offertur aliquis amator studii vel solo nomine studiosus, quamquam multotiens unum agatur & aliud simuletur. Sanè in dubiis præsumentes in dextram potius quam sinistram, tuum propositum circa studium quod ab olim nutrivimus, commendamus. Sed an tuo proposito locus congruat ipse despice, cum sit ex insolentia modernorum supervacuis expensis obnoxius, ut necessarias omittamus, ad quas situs civitatis invitat, quæ in via publica constituta, multorum exhibet studentibus ibi præsentiam verecundam, non obsequentibus onerosam. Tuæ igitur te deliberationi committimus, ut vires tuas fideliter metiaris. Nec enim ut papæ nepos ibi vivere poteris; & si vixeris, ut RAYMUNDUS, forsan à pluribus contemneris. Quod si adeo fortis es animi, ut contemnere scias & valeas te contemni, hic est gradus humilitatis sublimior, ad quem pauci te

NOTA.

(a) Al. ix. Calendas. (b) De Engoyssolis.

A judicant ascendisse. Et si datum est tibi desuper, refer gratias largitori gratiarum benivolo: alioquin consultius tibi credimus alium locum eligere, proposito tam laudabili non mutato. Ne culpes nuncium de mora diutina, quem ideo detinuius, ut per eum ordinationem Aniciensis Ecclesiæ committeremus. Sed tandem æstimavimus melius per alium eam destinari. Datum Viterbii iv. calendas Novembris anno 11.

## EPISTOLA CCCCIV.

Simoni cardinali apostolicæ sedis legato.

*De subsidio Terræ Sanctæ.*

CLEMENS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem. Anno 1266

Dudum felicitis recordationis V. papa prædecessor noster centesimam omnium ecclesiasticorum proventuum regni Franciæ ac civitatis & diocesis Cameracensis usque ad quinquennium de fratrum suorum consilio terræ sanctæ pro ipsius succursu concessit, injuncto venerabilibus fratribus nostris archiepiscopo Rothomagensi & magistro ODONI DE LORRIACO episcopo, tunc canonico Bajocensi primò, & postmodum bonæ memoriæ ÆGIDIO Tyrensi archiepiscopo per suas diversas litteras, ut hujusmodi centesimam annuatim usque ad prædictum quinquennium colligere procurarent. Cum autem idem Tyrensis archiepiscopus viam sit universæ carnis ingressus, nos cupientes ut hujusmodi negotium felicem consequatur effectum, collectionem prædictæ centesimæ tam in prædictis regno, civitate & diocesi, ceterisque terris & locis tuæ legationis, &c. prout in quadam supra scripta littera continetur. (c) Datum Viterbii iv. calendas Novembris, Pontificatus nostri anno 11.

(c)

## EPISTOLA CCCCIV.

Simoni cardinali apostolicæ sedis legato.

*Ut cedenti archiepiscopo Senonensi pensionem, aut cedere nolenti coadjutorem tribuat.*

CLEMENS episcopus servus servorum Dei dilecto filio S. tituli S. Cecilie presbytero cardinali apostolicæ sedis legato salutem & apostolicam benedictionem. Anno 1266

Venerabili fratre nostro G. archiepiscopo Senonensi gravi & incurabili, ut fertur, languore detento regimini Senonensis ecclesiæ multipliciter dicitur deperire; dum ipse pastorale nequit, ut expedit, officium exercere: super quo tam archiepiscopo quam ecclesiæ gerimus debitæ compassionis affectum, cum illius infirmitas, hujusque læsa conditio in alterutrius dispendium vergere dignoscantur. Unde cum,

(a) Al. Ita in manuscripto.

sicut accepimus, idem archiepiscopus hoc prudenter advertens, intendat potius cedere, quam velit ipsam ecclesiam sub suo regimine gubernari: nos utrique juxta sollicitudinis apostolicæ debitum providere volentes, ut ipse non ferat onus inutile, istaque tali prætextu detrimentum spiritualiter vel temporaliter non incurrat, discretionem tuam per apostolica scripta mandamus, quatinus si dictus archiepiscopus cedere sit paratus, cessionem ejus admittas, sibi que de bonis archiepiscopatus Senonensis, facultatibus ejusdem provida consideratione pensatis, provisionem statuas competentem, unde cum decenti familia possit honorificè sustentari. Si autem cedere fortè noluerit, tu ei de consilio majorum capituli Senonensis, prout salva utilitate ipsius ecclesiæ sine scandalo archiepiscopi fieri poterit, aliquem providum & idoneum coadjutorem associes, per quem tam archiepiscopo, quam ecclesiæ consulatur, adhibiturus prosecutionem celerem in præmissis, cum nonnumquam tarditas in talibus sit damnosa, sicque negotium ipsum solita circumspeditione provideas, quod nobis vel tibi nequeat quicquam reprehensionis impingi: quin immo per hoc eidem ecclesiæ in spiritualibus & temporalibus, auctore Domino, proveniat incrementum. Datum Viterbii iv. nonas Novembris, Pontificatus nostri anno secundo.

## EPISTOLA CCCCVI.

Dilecto filio nobili viro comiti Angulariæ.

*Quanta pro ipso sedes apostolica fecerit exponit, nec esse quod nova ab ea beneficia petat, quæ tamen sperare jubet.*

Anno 1266

**R**eceptis litteris quas misisti, gratum habuimus, quod devotionis tuæ promissionem & constantiam ad nostrum obsequium obtulisti, nec abnuimus quod addiscere placuit, te in Ecclesiæ Romanæ servitio laborantem, in manus hostium non sine multis dispendiis incidisse. Licet autem ex his concludere visus fueris, expectare te satisfactionem hujusmodi damnorum à nobis, scire te volumus, quod inter damna quæ sustinuisse te quereris, Ecclesia non transivit indemnis. Nam cum te carcer maceraret hostilis, nec vassallorum nec propinquorum tuorum posses potentia liberari, felicitis recordationis URBANUS papa prædecessor noster pro te cameram suam exhauriens, dilectum filium M. sanctæ Mariæ in porticu diaconum cardinalem, qui tuæ liberationis zelator præcipuus existeret, liberaliter & effusè stipendians milites, magnas fecit expensas, quo incompleto negotio ab hac luce subtracto, eas diu continuavimus, nec easdem continuare destitimus, donec te pristinae reddi fecimus libertati, quam ut assequeremur facilius, de jure sedis apostolicæ multa dimisimus, quæ non fuissent aliàs dimittenda. Hæc sanè si diligenter attendas, tam humiliter quam prudenter inclinatus

**A**d grates, petitionibus non insisteres, quæ nullum habent justitiæ fundamentum, quamquam sperare debeas, quod si in ecclesiæ devotione perstiteris, eam invenies gratiosam, prout tua requirent merita, & Romanis pro tempore Pontificibus offeret se facultas. Nos etiam tuæ fidei & nobilitatis intuitu, & dilectorum fratrum nostrorum J. sancti Nicolai in carcere Tulliano & M. sanctæ Mariæ in porticu diaconorum cardinalium, quorum es affinis obtentu, te sicut filium specialem in universis & singulis quæ tuum commodum & honorem respiciant, quantum cum Deo poterimus habere volumus commendatum. Datum Viterbii iii. nonas Novembris anno ii.

## EPISTOLA CCCCXVII.

Carissimo in Christo filio regi Francorum illustri.

*Scribit ei de terræ sanctæ subsidio, & ut pacem componat inter Barrensem & Luceburgensem comites.*

**L**icet dilectum filium Petrum Cambellarium militem carissimo in Christo filio nostro illustri regi Siciliæ fratri tuo perutilem & necessarium videremus: quia tamen consideravimus ejus præsentiam fore magis in hoc tempore apud te fructuosam, ei ad reditum aspiranti facilè assensum præbuimus, ut sicut suum, sic & tuum in hoc negotio desiderium impleretur. Sanè super negotiis terræ sanctæ diffusè tractavimus cum eodem, qui & dicti fratris tui propositum & affectum erga terræ sanctæ subsidium, necnon & nostrum studium circa subventionem ejusdem serenitati tuæ diligenter exponet, & cum audieris, credimus expedire, quod ad sustentationem terræ ejusdem in passagio Martii cum legati subsidio elaborares, ita videlicet quod balistarii pedites usque ad duo millia ad civitatem transeant Aconensem, & nos unà cum dicto rege Siciliæ, dante Domino, procurabimus quod (a) xxx. galeæ transeant dictam civitatem, & adjacentem maritimam contra soldani potentiam deffensuræ, nisi rumores quos de die in diem de illis partibus expectamus, aliter persuaserint succurrendum. Verum quoniam inter dilectum filium nobilem virum Barrensem & Luceburgensem comites guerram intelligimus gravem (b) esse ortam, ad pacem inter eos celeriter reformandam dare te convenit operam efficacem, ad quod dictus P. Cambellanus sicut libenter sic & utiliter laborabit. Tu igitur, fili carissime, circa ea quæ scripsimus tibi nuper cogitans & recogitans, & Dei beneplacitum ex evidentibus conjecturis intelligens, quod acceptius Deo credideris ad effectum perducere non postponas. Datum Viterbii vi. Idus Novembris anno ii.

(a) 42. xlv. Galeæ.

(b) 42. Exoriam.

## EPISTOLA CCCCVIII.

Dilecto filio nobili viro A. comiti Pictaviensi  
& Tolosano.

*Excusat se quod subsidium tribuere ipsi non potuerit,  
quod tamen sperare jubet.*

Anno 1166

**T**Uæ devotionis laudabilis cum instantissima terræ sanctæ necessitate concursus nostrum non leviter excitat desiderium, ut tuo quàm citius & commodius fieri poterit satisfaciat. Sed semel & iterum tuæ nobilitati rescripsimus, sicut nosti, conditiones regnorum & ecclesiarum statum gravissimum, quæ licet nostram nobis eripere nequeant libertatem, arctant tamen quodam honestatis objectu, quæ nos monet cum multa modestia potestatis plenitudinem exercere, qua nos Dominus sic uti voluit, ut patrem magis, quàm dominum semper sapere videamur. Illud sanè scire te volumus, quòd infra tempus, ut credimus, modicum, ipsa evidentia te docebit, cordi nobis esse, etiam te tacente, tuum procurari subsidium suo tempore. Sed sunt aliqua quæ nos detinent in suspensio, quibus profectò pendentibus, pendet subsidii tui qualitas cum eisdem, quorum cum certitudinem habuerimus, certius tibi poterimus respondere. Tu ergo, dilecte fili, aliquantisper expecta, nec dormire nos credas in his quæ tuum respiciunt commodum & honorem; cum non simus immemores gratiarum quas apud nobilitatem tuam invenimus in minori officio constituti, tibi semper pro receptis obnoxii, & propter tuam promptitudinem nihilominus pro oblatis. Datum Viterbii Idibus Novembris anno 11.

## EPISTOLA CCCCIX.

Dilectis filiis Rectoribus, Capitaneis, Prioribus  
artium, & populo Florentino.

*Laudat eorum zelum, promittitque missurum se  
capellanum qui eorum constantiam corroboret.*

Anno 1166

**S**I jam vestris temporibus reffloruerit, quæ jam multis effloruit civitas Florentina, cor nostrum in Domino dilatabitur, cum ex hoc & multarum salus pendeat animarum, & totius Tusciæ status pacificus expectetur. Vobis sanè consilio opus est, & non modica providentia, ut quod supra nostri vires propositi Dominus inchoavit, prosequamini sapienter, & in omnibus servantes modestiam, inter vos pacis vinculum insolubile roboretis, & tamquam lapides angulares diversos exterorum parietes, quantum bono modo poteritis in nobis connectere studeatis, & si qui fuerint pertinaces, eorum frangere contumaciam cum favore nostro & illorum auxilio, qui se nostris coaptaverint beneplacitis, facile nobis erit. Verùm vestris petitionibus annuentes, ad vos unum de nostris

A capellanis protinùs destinabimus, qui sciat, velit, & valeat vice nostra vestram solidare constantiam, vestramque dirigere civitatem, donec vobis miserimus, sicut aliàs ordinavimus, potestatem. Datum Viterbii xii. calendas Decembris anno 11.

## EPISTOLA CCCCX.

B Venerabili fratri episcopo & dilecto filio capellano, ac universo clero Florentino.

*Ut Eliæ Peleti suo nomine mandatis pareant.*

**C**UM dilectum filium magistrum HELIAM PELETI capellanum nostrum, generalem causarum nostri palatii auditorem, virum utique circumspectum, & à nobis ac felicitis recordationis URBANO papa prædecessore nostro probatum, pro statu civitatis Florentinæ & circumadjacentis provinciæ reformando, ad partes illas duxerimus destinandum, universitati vestræ per apostolica scripta mandamus, quatenus super his quibus ab eo requisiti fueritis, consilium & auxilium impendentes eidem, mandatis ejus devotè & humiliter pareatis, scituri quòd sententias quas ipse ritè tulerit in rebelles, ratas habebimus & faciemus, auctore Domino, usque ad satisfactionem condignam inviolabiliter observari. Datum Viterbii x. calendas Decembris anno 11.

Anno 1166

## EPISTOLA CCCCXI.

Dilectis filiis universis civibus Florentinis  
intrinsecis & extrinsecis.

*Ejusdem argumenti.*

**R**Eformatione civitatis Florentinæ Dei potius digito quàm humano consilio tam salubriter quàm feliciter inchoata, ne per insolentiam aliquorum valeat perturbari, dilectum filium Magistrum HELIAM PELETI capellanum nostrum, generalem causarum nostri palatii auditorem, ad eandem misimus civitatem, ut quæ laudabili sunt initiata principio, ejus providentiâ conserventur, & ad exitum veniant meliorem. Unde vobis districtè præcipiendo mandamus, quatenus civitatis ejusdem & districtus ipsius pacem turbare nullatenus præsumatis, & ejusdem capellani mandatis in omnibus pareatis. Nos enim poenas & multas, &c. Datum, *ut supra.*

Anno 1166



## EPISTOLA CCCCXII.

Dilectis filiis fratribus Locharingo & Cathalano  
rektoribus civitatis & universis civibus  
Florentinis.

*Ut mandatis Eliæ Peleti pareant. Licentiam etiam  
recedendi tribuat.*

Anno 1266

**V**erbi memores, in quo vobis nuper spem dedimus, dilectum filium magistrum **HELIAM** PELETI capellanum nostrum, generalem causarum nostri palatii auditorem, virum utique circumspectum, a nobis & a prædecessore nostro probatum, ad vos duximus destinandum: cujus vos regi consilio ac censura, cujus in omnibus obedire præceptis volumus & mandamus, usque ad Potestatis, quam proximè vobis mittemus, adventum. Nos autem poenas & multas quas rebellibus, si qui fuerint, duxerit indicendas, nec non & excommunicationum & interdicti sententias, quas tulerit in eosdem, usque ad satisfactionem, faciemus inviolabiliter observari. Sanè vobis, dilecti filii Lotharinge & Cathalane fratres, qui ex nostro mandato in Florentinæ civitatis regimine per tempus aliquod laborastis, petitam sæpe recedendi licentiam, ut vestro religioso proposito vacare liberius valeatis, tenore præsentium duximus concedendam. Datum Viterbii x. calendas Decembris anno 11.

## EPISTOLA CCCCXIII.

Dilecto filio nobili viro Jacobo de Collemedio.

*Ipsum ad se vocat mittendum ad Florentinos.*

Anno 1266

**D**ivina providentia reproborum curvante superbiā, freta nuper meliore consilio civitas Florentina viam sibi salutarem elegit, & electis pariter & (a) erectis personis communibus, quæ statim quærunt pacificum civitatis, qui eandem diu turbaverant exierunt, & qui ejusdem regimen voluerunt & valuerunt per Dei gratiam retinere; mitti sibi potestatem a nobis humiliter petierunt. Nos igitur attendentes tempus nobis redditum opportunum, quo civitatem eandem, & per ipsam totam pacificare Tusciam valeamus, discretionis tuæ per apostolica scripta mandamus, quatenus omnibus aliis negotiis sequestratis, omnique dilatione & occasione postpositis, ad nostram protinùs accedas præsentiam, inde Florentiam profecturus, & ut scias qualiter oporteat accedere, scias hanc esse rectorum consuetudinem, quod secum duos vel tres adducant milites, & vi. iudices, & xii. tabelliones, quibus omnibus sicut sibi & altæ familiæ suæ de suo salario satisficient, & duodecim habebunt alios servientes in armis ad diversa explenda mandata, quibus duodecim respondebitur à communi. Verum licet eo tem-

(a) *Al. Relictis.*(b) *Al. Tolosano electo.*

**A**pore, quo te vocandum duximus, decreverimus te solum in regimine remansurum; nunc populo suscitato tolerare nos convenit & decet, quod sit aliquis ibi populi capitaneus, sed fidelis & de parte ecclesiæ, & qui te in omnibus adjuvet, nec possit jurisdictionem tuam in aliquo enervare. Quocirca venias indilatè, cum sit in mora periculum, & immineat grande negotium ad honorem Dei & Ecclesiæ Romanæ, & utilitatem carissimi in Christo filii mei C. regis Siciliæ consummandum. Et qua die sis expectandus per latorem nobis præsentium clarè & apertè rescribere non postponas. Datum Viterbii ix. calendas Decembris anno 11.

## EPISTOLA CCCCXIV.

Dilecto filio S. (b) Toletano electo.

(c)

*Interpat eum quod iniquis commerciis famam suam denigraverit, & suæ ecclesiæ facultates effuderit.*

**C**ogis nos, fili, de te dicere quæ nolumus **cre**dere præmaturè, qui post salubria nostra monita, post exhortationes arcanas, ut puritatem in omnibus conscientiæ conservares, dedisti te ad iniqua commercia, & de nostra recedens curia, honorem nostri non tantummodo tui nominis infecisti, cum multorum opinio teneat & tenuerit in tuæ promotionis negotio sinceritatem debitam non servatam. Sanè dicis, ut dicitur, quod ex pacto per te vel alium **D**inito, te sciente, nec dedisti quicquam alicui, nec te ad dandum in posterum obligasti. Quod si forsan veritatem haberet, quisnam eam posset imprimere cordibus auditorum; cum sint notæ conditiones hominum, de quibus quæ hætenus sunt audita, certa præbent indicia de futuris. Verum dicere possumus, quod non minus soldano Babiloniæ quàm eisdem ad (c) antedicta tenebaris: nec enim opus erat hominis, sed Dei potius per sui vicarii ministerium cum fratrum suorum consilio non emto, non vendito, sed ex conscientia promulgato. Post hanc verò turbationem, quam non levem æstimavimus, nec mediocrem, alia postmodum gravior supervenit. Nam cum Montem-pessulanum venisses, & carissimus in Christo filius noster illustris rex Aragonum pater tuus (d) **PETRUM** RAYMBALDI fecisset militem, te eidem ad immensam summam pecuniæ dandam in certo termino per tuas litteras obligasti. Et quid gravius facere potuisti ad famam nostram violentis suspicionibus denigrandam? Numquid redditur pro bono malum, dum patri suam honestatem amanti, & quibus potest consiliis circa linguas maledicas deffendenti, parat ingratus filius sub obsequii colore laqueum, ut credamur sub cujusdam liberalitatis imaginè, quod recipere nolumus, aliis facere ministrare. Quod si pater tuus excesserat patrimonii sui Dominus, numquid & tu ecclesiæ tuæ bona debebas effundere, quorum tibi creditur dispensatio, sed

(c)

(d)

(c) *Al. Antedicta. Al. Antidona.* (d) *Al. Patrimonium.*

injusta consumptio denegatur? Da igitur Deo gloriam, & offensum non leviter nec immerito placare patrem. Nos enim illi præcipimus sub amittendæ perpetuæ gratiæ nostræ poena, quod tibi litteras tuas restituat cancellatas, tibi que in virtute obedientiæ districtius inhibemus ne pecuniam promissam persolvas, nec in fraudem promissionis hujusmodi quicquam facias vel attentes. Datum Viterbii v. calendas Decembris anno 11.

## EPISTOLA CCCCXV.

(\*) Dilecto filio Armano (a) Asturienſi electo.

*Episcopatum quem recusabat acceptare jubet, eum que super defectibus, quos prætendebat, dispensat.*

Anno 1166

Cum vacante Asturienſi Ecclesia & postulatione majoris partis capituli dilectum filium ejusdem archidiaconum postulantis de fratrum nostrorum consilio non admissa, de re multo tempore nobis noto, qui siquidem olim Parisius noster in domo fuisti socius & in scholis, eidem duxissemus providendum. Tu tandem nostra voluntate percepta, ad nostram præsentiam accessisti, petens humiliter ac instanter, ut cum ab olim te totum dedisses studio, & jam satis ætate provectus ad laborem pontificalis officii non sufficiens, te ab hujusmodi onere relevare misericorditer dignaremur. Quod cum à nobis obtinere non posses, nobis demum humiliter revelasti, quod de sacerdote genitus & soluta, licet dudum gratiam obtinueris apostolicam, quod ad sacros ordines promoveri, & ad ecclesiasticas posses dignitates assumi, super episcopali tamen tecum non fuerat dispensatum; sicque dictum episcopatum recipere, sicut non poteras, sic nec etiam ambiebas. Nos igitur nostrum nolentes eludi propositum, quod ex solida conscientia super tua promotione concedimus, magis etiam intendentes providere Ecclesiæ quàm personæ, ut defectu proposito non obstante, ad episcopalem & archiepiscopalem assumi valeas dignitatem, tenore tibi præsentium indulgemus, in remissione tibi peccaminum injungentes, ut Asturienſis Ecclesiæ regimen mente prompta suscipiens, ad eandem gubernandam accedas, quàm citius facultas se obtulerit in presbyterum promovendus & in episcopum consecrandus. Datum Viterbii viii. Idus Decembris anno 11.

## EPISTOLA CCCCXVI.

Carissimo in Christo filio C. regi Siciliæ illustri.

*Hortatur ut fidem datam à suo Mareſcallo Galvano promissam servet.*

Anno 1166

EX tuis litteris intelligimus FREDICUM & GALVANUM fratres, quos in Calabria

(\*) Al. Hanc epistolam tamquam scriptam Bertrando Aurelianensi electo edidit Stephanus Balusius miscellaneorum tom. 6. pag. 438. Verum quo anno scripta fuit Aurelianensis sedes non vacabat, sed eam occupabat Robertus de Curtenaco. Nostri autem

A obsessos tenueras, Terracinam venisse, quorum alterum GALVANUM, scilicet cum rebus suis tibi restitui postulabas. Sanè post hujusmodi receptas litteras nobis novus nuncius supervenit, afferens inter cetera, quod dictos fratres à tua recedere rebellione volentes, tuus (b) inibi marescallus asscuravit cum omnibus mobilibus bonis suis, prout constat per rei evidenciam & publicum instrumentum, quos etiam in terræ tuæ galeis, sub tui securitate vexilli in portum (c) Terracinensem receperunt benignè, & visis prædictis indicis, affidarunt, etsi nunc fortè causaris, quod G. ad pacem recipere tuus non poterat marescallus, nec hoc ipsum discutere tuis civibus incumberebat. Ea propter, fili carissime, provide famæ tuæ. Jam enim tibi à nonnullis impingitur, quod nec tuo, nec tuorum conductui quicquam sine periculo se committit, dum quod fidei bonæ creditur, ad anfractus traducitur quæstionum. Nos tandem in prædicto negotio faciemus quod juri credimus consonum, & nostræ conveniens honestati. Datum Viterbii (d) xix. calendas Januarii anno 11.

## EPISTOLA CCCCXVII.

Carissimo in Christo filio regi Franciæ illustri.

*Ut unam præbendam in ecclesia Remensi procuraret G. S. Marci presbytero cardinali.*

D L Attere tuam nolumus celsitudinem, quod dilecto filio J. Remensi electo de nostrorum fratrum consilio confirmato, nos dilectum filium nostrum G. tituli S. Marci presbyterum cardinalem favore volentes prosequi speciali, ordinationem ejus dedimus Laudun. & Rem. quas electus memoratus habuit præbendarum. Si tamen Remensis à confirmationis electi tempore, quod plurimi afferebant, ad collationem regiam sicut de jure sic de consuetudine non spectabat. Idem sanè cardinalis dictam præbendam contulit cuidam clerico tali digno, ut asserit, & majori, cum multa nos rogans instantia, ut te sollicitis precibus inducamus ad effectum hujusmodi, sine tuo in posterum præjudicio, tolerandum. Quod si tibi placuerit, nostras litteras dabimus de hoc efficaces; alioquin placeat saltem eidem omnino cedenti in favorem cardinalis ejusdem præbendam de novo concedere memoratam. Nos igitur qui jus tuum, si de consuetudine illud potes defendere nec volumus nec volumus perturbare, serenitatem tuam rogandam duximus, quatinus per alteram dictarum viarum desiderio satisfacias cardinalis & nostro. Quod si tibi non placet uti te jure tuo sine nostra & Romanæ Ecclesiæ injuria æquanimiter toleramus. Datum Viterbii xv. calendas Januarii anno 11.

codices manuscripti constanter legunt *Asturienſi*, uno excepto Colbertino. (b) Al. In aliis partibus. (c) Al. Tetracinum. (d) Al. x. Calendas.

EPISTOLA



## EPISTOLA CCCCXVIII.

(a) Dilecto filio magistro B. &amp;c.

*De testibus audiendis in defensionem R. episcopi Tolosani.*

Anno 1167

**T**ua nobis venerabilis frater noster R. Tholosanus episcopus insinuatione monstravit, quod cum ad innocentie sue praesidium tam super fama sue integritatis, quam reprobatione testium contra ipsum a nobis super ejus infamia, nec non & veritate criminum receptorum, testes aliquos produxisset, alios nihilominus producturus infra tres septimanas, ut dicitur, quae sibi supererant de termino in nostris praefixo litteris: aliae nostrae supervenerunt litterae, quibus visis ad plures testes reprobatorios producendos eum admittere noluisse, cum numerum centenarium posterioribus contentum litteris impleisset, sicque spe sua sine culpa frustratus, ut asserit, trium septimanarum tempus amisit, & ex causa hujusmodi XL. & VIII. testes remanent multum reprobi, quos ex causis certis & variis reprobare proponit, si audientia sibi detur, nobis humiliter supplicans, ut dictas tres septimanas amissas reddi jubeamus eidem. Licet autem suspicione non careat processus episcopi, qui forsitan animosior creditur in hujusmodi, quia testes suos non sperat per alios reprobari; ne tamen corruat veritas in plateis, discretionis tuae per apostolica scripta mandamus, quatenus vos vel duo vestrum infra tres septimanas testes recipiatis ejusdem, quos contra singulos XLVIII. testes duxerit producendos, sic quod contra singulos tantummodo tres producat, & ne probi per reprobos reprobentur, volumus & mandamus quod ex officio post modum inquiratis, nullis datis articulis, cuicumque personae cujuscumque conditionis, opinionis, & famae ac fidei sint illi, quos idem episcopus ad suam famam probandam, vel ad reprobationem produxerit aliorum. Testes autem quos ad hoc necessarios credideris, cujuscumque sint status, dignitatis, aut ordinis, per censuram Ecclesiae compellatis veritati testimonium perhibere, non obstante aliqua indulgentia, cuicumque personae, dignitati, vel ordini ab apostolica sede concessa, per quam mandati nostri executio impediri posset aliquatenus, vel etiam retardari, & de qua cujuscumque toto tenore de verbo ad verbum in nostris esset litteris plena & expressa mentio facienda. Quicquid autem super his inveneritis, nobis sub vestris conclusum sigillis cum actis aliis mittere non tardetis. Quod si terminum aliquem eidem episcopo accedenti ad nostram praesentiam praefixistis, illum ut qualitas requireret negotii prorogetis. Datum Viterbii xv. calendas Januarii anno II.



(a) Al. Inquisitori Tolosano.

*Theauri Anecd. Tom. II.*

## EPISTOLA CCCCXIX.

Dilecto filio S. tituli S. Martini presbytero cardinali Marchiae &amp; ducatus Spoleti rectori apostolicae sedis legato.

*De prodicione Laurentii Teupoli.*

**P**rodit in publicum dudum in latebris solida proditio Laurentii Teupoli, qui nostrorum fidelium innocentium sanguinem sitiens, & quosdam poenis pecuniariis, quosdam subversione domorum, quosdam impudenter affligens; inter alios, dilectum filium G. latorem praesentium, G. Cervicium ire mandavit ibidem a potestate Ternibii prodicionaliter occidendum; si tamen ejus precibus pareretur. Hunc sane virum subdolum, virum praeter ceteris pestilentem vellemus comprimere, & de Marchiae finibus exturbare. Et ut hoc nostrum desiderium impleatur, pacem utinam cum aliis facere, & ad ipsum cum Firmanis & aliis proditoribus eidem adherentibus propellendum, totum tuum conferres studium, quibus nullum dignoscimus superesse praesidium. Sicut enim a partibus Alamanniae frustra subsidium praestolatur, sic & apud nos a nemine juvari poterunt, sicut nec hactenus potuerunt. Quod si Deo placere desideras, si patris gratam curam habes; ad hoc, fili, labora, ut tanta militia conflatis viribus consternatur; & si tempus non suppetit, parentur interim necessaria, ne hora transeat otiosa. Demum dicto G. cum uxore & liberis exsulanti de aliquo officio providere te volumus, in quo possit utcumque transigere vitam suam, donec arrideant tempora meliora. Iterum & iterum discretionis tuae praecipuum negotium commendamus. Datum Viterbii xi. calendas Januarii anno secundo.

Anno 1167

## EPISTOLA CCCCXX.

E Simoni cardinali apostolicae sedis legato.

*Exponit flebilem Terrae sanctae statum hortaturque ad crucem praedicandam.*

**C**LEMENS episcopus servus servorum Dei dilecto filio S. tituli S. Ceciliae presbytero cardinali apostolicae sedis legato salutem & apostolicam benedictionem.

Anno 1167

Si Salvator humani generis, in cujus solo salus omnium consistit arbitrio, cuique reparandi collapsa, restaurandi disperdita, plena est in velle facultas, civitatem Jerusalem videns & praevidens ruituram flevisse scribitur super eam; quanta nobis plangendi ratio, quam gravis causa lamenti, qui vices, licet insufficientibus meritis, gerentes illius, non solum civitatis praedictae desolationem deflemus antiquam, verum etiam totius Terrae sanctae ruinam, jam non tam futuram pertimescimus, quam instantem, apertissime sine desiderati & necessarij remedij sufficientia intuemur? Ut enim afflictiones innumeras, & immensas ejusdem terrae pressuras,

Isaie 49:8.

E e

ac flagella gravissima in eam multis retrò multiplicata temporibus, per quæ jam dudum sufficientibus deficiens viribus & necessariis sumtibus, impar effecta, defensionis propriæ inhabilis reddebatur. Quamquam illa facti evidentia dissimulari non sinat, sub dissimulatione silentii transeamus, quo modo tam longis discriminiibus guerrarum attrita, diutina bellorum vastitate confecta, & laborum diuturnitate laxata subsistere poterit contra superinductæ de novo tribulationis impetum, aut illius acerbissimam assiduam, & assiduitatem acerrimam sustinere? Quam putas igitur, fili, amaras movere potest ad lacrymas, ad quàm profunda suspiria provocare consideratio miserabilis status ejus, si nequitia instantis persecutoris attenditur, si persecutionis instantia qua decet attentione pensatur, si damna his quasi diebus eidem terræ illata, si accumulata vix adhuc elapso triennio discrimina in eandem, si occupata inibi, si destructas civitates, munitiones, & castra; si maximè innumerabiles & horrendas fidelium cædes & strages; si tanta demùm christianitatis opprobria meditatio pia recenscat, & compassio debita meditetur, profectò furore in populum suum iratus videtur Altissimus, & hereditatem suam contemtu tradidisse, dum sic eos in manibus inimicorum concludi patitur, sic illos exterminari permittit, ut vix absterfis de ipsorum casu priori lacrymis, succedat asperior, & materiam non minoris amaritudinis ingerens, & causam continuandi mœroris inducens. Ecce etenim de hostili destructione castris *Saphet*, & inhumana trucidatione fidelium ipsius tunc defensionis vacantium, quasi nondum plenè divulgato rumore; supervenit de partibus eisdem infausta relatio lachrymosè denuncians, quod inter fratres hospitalis Jerosolimitani & inimicos fidei nefarissimos Agarenos congressu habito, de fratribus ipsis quadraginta & plures in gladio ceciderunt. Quid plura? suscitatus adversus terram prædictam falsiloquus, implissimus videlicet Soldanus Babiloniæ christianitatis hostis, cunctis prædecessoribus suis infestior, illi superbè comminans, & sibi christianæ religionem fidei detestando publicè ante faciem contradicens, sic collegit adversus eam furorem suum, sic in exterminationem ipsius conflatis undique viribus conatus suos tota intentione constringit, sic eam terribilibus oculis ab olim intuitus, in ipsam temporibus istis dentibus suis infremuit, quòd deletis pro magna parte christicolis in eisdem partibus bellum Christi gerentibus, reliquis longa & assidua infestatione guerrarum ope destitutis & opibus, quàm pluribus insuper eorum civitatibus, castris, & munitionibus aliis, nunc occupatis insidiis, nunc insultibus superatis, & nonnullis eorum exterminatis ad libitum; quibusdam verò ad majoris offensæ dispendium conservatis, & pro conservantium voto munitis, ut ad reliquorum exterminium facilius obtinendum, ipsis christicolis munitiones suæ in formidinem ponerentur, sicut litterarum missarum & nunciorum de partibus illis venientium habet

A assertio, nisi terræ prædictæ accelerandæ subventionis remedia suffragentur, nulla verisimilitudinis conjectura subsistit, quòd adversus tam diræ persecutionis instantiam sic laxatæ, sic attritæ christianitatis ipsius viribus ulterius resistatur. Excitat itaque nostræ humilitatis officium urgens ejusdem terræ necessitas, angit ad christianitatis in ea residuum paterna compassio, ut eis quibus possumus remediis succurramus, quò interim alicujus saltem sustentationis subsidis ministratis eisdem, subsistere valeant, & expectare sufficiant, ut convertatur & ignoscat Dominus, & generali divina concedente clementia procurato passagio, ab inimicorum incursumus Domini hereditas liberetur. Verum licet nos ad hoc paternus, quem ad terram illam gerimus, zelus afficiat: quia tamen nec ad subventionem hujusmodi sufficit cameræ nostræ tenuitas, quæ vires suas etiam sub dispensationis providæ moderamine vix ad quotidianos sumtus extendit; volumus, & præsentium tibi auctoritate mandamus, quatinus tanto ejusdem terræ discrimini debita pietate compatiens, de centesima ipsius terræ subsidio deputata, nec non de redemptionibus votorum cruce signatorum, obventionibus quoque ac legatis, & aliis ex quacumque causa dictæ terræ sanctæ debitis, in locis videlicet legationis tuæ procures eidem in instanti passagio mensis Martii subventionem quantò uberiores ipsius centesimæ & aliorum prædictorum collecta seu etiam colligenda quantitas patietur, sine tarditatis alicujus dispendio, quam non admittit extrema ejusdem terræ necessitas, exhiberi. Ceterum licet aliqui cruce signati ad terræ prædictæ succursum obtinuerint à nobis subventionem sibi de centesima & aliis prædictis concedi, scire tamen te volumus quod in concessionibus hujusmodi consultò adjecimus, quod si forsitan impetrantes iter suum in terram prædictam differre contingeret, & interim terræ ipsius status exigeret, etiam quod sic contederetur eisdem volebamus & volumus in succursum terræ prædictæ memoratæ converti. Unde si aliquid circa hoc à te petatum fuerit, facias tibi concessionis nostræ litteras exhiberi, ut ex earum inspectione colligas quid ipsis impetratoribus debeat. Datum Viterbii 11. calendas Januarii Pontificatus nostri anno 11.

## EPISTOLA CCCCXXI.

Dilectis fratribus Lotheringo & C. rectoribus  
(a) xxx. & viii. personis communibus & universis civibus Florentinis.

F Scribit ut ejiciant Teutonicos & nullam regiminis ordinationem faciant sine Guelforum consensu.

P Acis bonum quod bona continet universa, quanto utilius & communius judicatur, tanto sincerius est quærendum, & inventum attentius conservandum. Pacem autem illam dumtaxat dicimus, quæ non tantum in verbis & factis applausibus ostentatur, sed in cordibus radicata ipsa operum exhibitione monstratur.

(a) Al. xxvi.

Anno 1266

Alioquin illos notandos credimus non laudandos, quos describit sermo propheticus, *Qui loquantur pacem cum proximo suo, mala autem in cordibus eorumdem*, cum pax vera illis solum promissa fuerit, qui bonæ per omnia voluntatis existunt. Sanè vestris & dilecti filii magistri HÆLIÆ capellani nostri, quem ad tempus pro bono statu servando palatio nostro subduximus, nuper receptis litteris continentibus inter externos Gibellinos & Guelfos pacem esse paratam, tamquam pro negotio solidato, sed aliquatenus inchoato, ad horam exultavimus, expectantes quotidie meliora: & ne posset occasio suboriri recidivæ discordiæ inter partes, carissimo in Christo filio nostro C. illustri regi Siciliæ persuasimus & mandavimus, quod in Guelforum subsidium milites nullos mitteret, quos profecto paraverat, sicut nobis per litteras suas intimarat. Nunc autem pro certo didicimus, quod GUIDO novellus Dei & Ecclesiæ pervigil inimicus multis excommunicationum sententiis irretitus, qui sibi adhærentibus Guibellinis, tenet illos Theutonicos excommunicatos & perfidos, quos tenebat cum vobiscum Florentiæ moraretur, quod quale præferat pacis iudicium satis est manifestum. Nolentes igitur exponere Guelfos discrimini, qui nobis & regi prædicto constanter & fideliter servierunt, vobis universis & singulis sub debito juramenti, quo nobis tenemini, per apostolica scripta præcipiendo mandamus, quatenus ad relegandos de vestris finibus dictos Theutonicos maledictos, totis viribus detis opem & operam efficacem. Quod si factum infra VIII. dies à præsentium receptione non fuerit, solvemus vincula manus regiæ, mitti militiam procurabimus, quæ fidelibus in auxilio & infidelibus in excidio pro singulorum meritis Dei fulta præsidio respondebit. Demùm quia dilectus filius JACOBUS DE COLLEMEDIO, quem præficere vobis volumus potestatem, ex causis probabilibus oblatum sibi recusavit officium, nec pacem vestram credamus nomine pacis dignam, sub ejusdem debito juramenti vobis districtius inhibemus, ne ad novi ordinationem regiminis sine partis Guelforum procedatis assensu, vel si hoc vobis videretur difficile, mittatis ad nos personas sufficienter instructas, quarum consiliis informati, bonam vobis valeamus eligere potestatem. Quod si secus acceptaveritis, id decrevimus irritum & inane, processuri ad alia, prout expedire viderimus, & vestra contumacia suadebit. Datum Viterbii vi. calendas Januarii anno II.

## EPISTOLA CCCCXXII.

Carissimo in Christo filio C. regi Siciliæ illustri.

*Ut operam det efficacem ad matrimonium inter H. regis Castellæ filium & filiam Micalipi.*

Anno 1267

UT ad matrimonium inter dilectum filium nobilem virum H. claræ memoriæ F. illustris regis Castellæ filium, & filiam viri nobilis *Theauri Anecd. Tom. II.*

A (a) Micalipii contrahendum efficaciter labores, nuper etiam per alias nostras litteras duximus Magnitudinem exhortandam. Quia verò hujusmodi matrimonium si consummatum fuerit, carissimo in Christo filio nostro imperatori Constantinopolitano illustri & dilecto filio viro nobili nato ejus, Ecclesiæ Romanæ ac toti populo christiano plurimum credimus fructuosum, serenitatem tuam iterato rogamus & hortamur, quatenus ad dicti consummationem matrimonii totis des viribus opem & operam efficacem. B Datum Viterbii nonis Januarii anno II.

## EPISTOLA CCCCXXIII.

Dilecto filio nobili viro H. filio claræ memoriæ F. quondam regis Castellæ.

*Avertit eum ab ingressu Sardiniae, monetque se scripsisse regi Siciliæ pro ipsius matrimonio.*

A D (b) tuæ claritatem originis attendentes, Anno 1267 & illius devotionis fervorem quam ad (b) Romanam habes Ecclesiam, tui promotionem honoris, quibus possumus studiis procuramus. Et quoniam ad regnum Sardiniae tuos oculos direxisti, super quo cum N. milite Januensi longam satis collationem habuimus, scire te volumus, quod post recessum ipsius, inspecta plenius conditione negotii, multò tibi utilius judicamus id non aggredi, quod multis sumtibus indigeret, præsertim cum Pisanos haberes adversarios, qui positi è vicino & ingredientem impedire valerent, & ingressum continuè molestant. Unde carissimo in Christo filio nostro C. illustri regi scripsimus, eundem instantius exhortantes, ut ad matrimonium inter te & filiam viri nobilis (c) Micalipii contrahendum det operam efficacem: quod si contigerit consummari, non tibi soli, sed carissimis in Christo filiis nostris imperatori Constantinopolitano illustri & ejus filio esse poterit fructuosum, nobis etiam & toti populo Christiano. Datum Viterbii nonis Januarii anno II.

## EPISTOLA CCCCXXIV.

Carissimo episcopo Albanensi apostolicæ sedis legato.

*De abbatibus vitiosis amovendis & idoneis substituendis.*

D E abbatibus Florinensis ordinis per alias Anno 1267 litteras Fraternitati tuæ respondimus. Nunc autem de illis de ordine S. Guillelmi, quos abbates appellas, & de aliis ordinis S. Benedicti, quos asseris vitiosum habuisse ingressum, tam amovendis quàm aliis substituendis eisdem, sive ante susceptam à te legationem monasteria illa vacaverint, sive postea, liberam tibi tenore præsentium, concedimus facultatem. Idem etiam per omnia dicimus de Neapolitanis abbatibus, qui in tuis manibus resignaverunt. Illud videat tua prudentia, ut quantum possibile fuerit

(a) Al. Micalicii. Al. Metarpsilii.

(b) Al. Ad tui claritatem ordinis. (c) Michelicii. Al. Mitalipii.

(a) bonæ præfician tur ubique personæ, cum sit A & fuerit inter regnicolas magna (a): infectio prælatorum. Venerabilis frater noster, si tamen hoc habent ipsius merita, JACOBUS Si- pontinus archiepiscopus juramento requisitus a camerario nostro, dixit se numquam in aliquo favisse MANFREDO præter quam in locutione, de quo multi mirantur. Tu ergo inquiras inquisitione plenaria & secreta sine juramento quid de hoc posset, si solemnitas inquisitio fieret, inveniri, & scribe quod inveneris festinanter.

## EPISTOLA CCCCXXV.

Venerabili fratri patriarchæ Constantinopolitano.

*Deslet Terræ sanctæ afflictionem, quæritque opportunum ei subsidium.*

Anno 1267

**E**X abyssis divini judicii diuturnis retrò temporibus super sortem justorum virga pertransiit peccatorum, & in diversis jam regionibus infideles fidelibus prævalentes, captis castris & civitatibus, viris & mulieribus captivatis, loca quondam divino cultui mancipata nunc gentes obtinent, quæ nomen Domini non noverunt. Inter hæc sanè deplorandam credimus Terræ sanctæ miseriam, quam Soldani Babilonici rabies sic oppressit, ut ab illo relicta videatur aliquibus, qui eam suo sanguine consecravimus, quod tamen nec recto judicio creditur, cum illius finaliter nequeat oblivisci, qui tot eam prævenit honoribus, quam etiam tam benignè nostris priscis temporibus sæpius visitavit, ut cum consumpta penitus putaretur, oriretur ut lucifer, nec est abbreviata manus Domini, nec artata misericordia, cui subesse potest cum velit, cui semper est proprium misereri. Anxiamur igitur animo circa terræ dictæ subsidium, ad quod populum Christianum pusillos cum majoribus excitamus, grande conquirentes auxilium, quo non solum reprimi valeat impetus inimici, sed etiam virtus ejus usquequaque prosterni. Cum tamen hoc tractatum (b) habeat & magnum desideret apparatus, juvandam credimus terram interim antedictam galearum subsidio competenti. Etiam carissimus in Christo filius noster C. Sicilia rex illustris promisit nunciis in instanti passagio Martii galeas illuc xv. destinare, & nihilominus laboramus, ut de Provincia aliquas habeamus. Ceterum dilecto filio duci & civibus Venetorum scribimus affectu quo possumus obsecrantes, ut & ipsi tamquam fidei pugiles mittant suas, ut per hujusmodi providentiam ad damnum fidelium viæ maris nequeant aggravari, & Soldanus per tale navigium in Ægypti partibus perturbatus, relinquere partes Syriæ compellatur. Quocirca fraternitatem tuam rogandam duximus & hortandam, in remissione tibi peccaminum injungentes, quatinus apud ducem & cives prædictos tam attentè quam sollicitè insistas, ut in his taliter audiant & exaudiant preces nostras, quod & à Deo præmium condignæ retributio-

(a) Al. Interfectio.

(b) Al. Exactum.

nis accipiant, & nos eis pro tam piæ devotionis obsequio ad grates uberes arctius oblige- mur. Sed & dilecto filio Guillelmo de Placentia capellano latori præsentium fidem indubitata habere in his quæ tibi ex parte nostra dixerit circa illa quæ contingunt negotium memoratum. Datum Viterbii 11. Idus Januarii anno 11.

## EPISTOLA CCCCXXVI.

B Carissimo in Christo filio regi Aragonum illustri.

*Monet infructuosam fore ipsius in Terræ sanctæ subsidium transfretationem, nisi incestuosam dimittat copulam Berengariæ.*

**T**Uæ serenitatis litteras recepimus inter alia continentes, quod ad transfretandum in terræ sanctæ subsidium pro vindicanda Crucifixi injuria te disponere proponebas; quod licet cum gaudio receperimus, scire tamen te volumus, quod illius obsequium Crucifixus non recipit, qui incestuoso contubernio se commaculans, in se ipsum iterum crucifigit. Ideo serenitati tuæ, sicut alias, sic & nunc iterato familiariter rogamus, monemus, & hortamur attentè, quatenus nobilem feminam BERENGARIAM, quam in carnale commercium, non absque nota incestus, & salutis tuæ discrimine, admisisti, à te prorsus abjicias, nec ei ulterius copula commiscearis carnali. Aliàs enim complacere non poteris Crucifixo, nec injurias ejus redimere, si ab ejus injuriis ipse nolueris abstinere. Insuper autem scire te volumus, nisi nostris monitis acquieveris, nos te ad dimit- tendam eandem per censuram ecclesiasticam compulsiuros. Datum Viterbii xvii. calendas Februarii anno 11.

## EPISTOLA CCCCXXVII.

Dilecto filio Capiteo Guelforum.

*De militia ipsis mittenda.*

**Q**UARTA dies est hodie, ex quo ad carissimum in Christo filium nostrum C. illustrem regem Sicilia nuncium missimus specialem præcisè consulentes eidem, quod ad partes Tusciæ mittat militiam competentem: alioquin denuntiamus eidem, grave sibi periculum imminere, cui forsitan non valebit occurrere quando voler. Si ergo vultis quod nuncii reditus expectetur; Florentinis nihil scribemus ad præsens; & si creditis melius esse contrarium, rescribatis nobis, & statim præcipiemus eisdem, quod capitaneum prorsus expellant, & unum de tribus advocent, qui in potestatem fuerant nominati. Quia verò centum boni Teutonici & fideles sunt apud (c) Aquasparham, bene in equis & armis instructi; credimus quod si eos haberetis vobiscum saltem ad unum mensem vel duos, inimici vestri plurimum terrerentur, & crederent

(c) Al. Aquasparham. Al. Aquaspartam.

contra se majora parari. Scire verò vos volumus, nobis esse familiariter intimatum, quod citò vobis reditus in Florentiam offeretur. Sed tot erunt parati Senenses Teutonici, & Pisani cum vestris adversariis, quod vos omnes in ipso reditu, vel majorem partem vestrum, quod Deus avertat, involverent. Et ideo volumus & consulumus, quod in verbis nostris, dilecti filii, columbina simplicitas simplicem comitem semper habeat prudentiam serpentinam. Datum Viterbii xv. calendas Februarii anno ii.

## EPISTOLA CCCCXXVIII.

Carissimo in Christo filio C. regi Siciliae illustri.

*Ut redeuntes ad gremium Ecclesiae Pisanos benigne suscipiat.*

Anno 1267

**L**icet transeuntium mutatio temporum nostrum ex suo transitu non immutet iudicium, mutat tamen affectum in melius conditio melior personarum, quo mutare in statum alterum meliora subsidia promerentur. Sanè cives Pisani qui ab olim multa grata servitia nostris prædecessoribus exhibuerant, proximis retrò temporibus in arcum conversi perversum nuper Dei gratiâ à Domino visitati, ad Ecclesiae gremium redierunt, ad cuius reverentiam, quantum exterioribus perpendere valemus indiciis, suæ parant & exhibent promptitudinem voluntatis. Cum te igitur non deceat à tua gratia illos excludere, qui Romanam ecclesiam matrem tuam promptis volunt obsequiis honorare, tibi-  
**C** que carissimo nostro filio, quibus modis efficacius poterunt complacere, serenitatem tuam rogandam duximus & attentius exhortandam, quatinus cives eosdem, quos non solum nobis & tibi utiles fore posse perspicimus, nec non & miseræ terræ sanctæ, quæ ab ipsis sustentatur quotidie, & speratur in posterum adjuvanda, nec abhorreas nec abjicias; sed ad tuum illos favorem admittens, te illis velis reddere favorabilem & benignum, nec ex illis temporibus occasiones assumas, quæ tempora status possunt redimi studio melioris. Datum Viterbii iv. calendas Februarii anno ii.

## EPISTOLA CCCCXXIX.

Carissimo in Christo filio C. regi Siciliae illustri.

*In gratiam Pisanorum.*

Anno 1267

**N**uper editum, prout accepimus, à tua serenitate processit, ut omnes cives Pisani qui sunt in tuo regno vel districtu, cum omnibus mercimoniis & aliis bonis suis exeant, nec ultra proximas calendas Martii ibidem remanere præsumant. Cum igitur ab ipsis civibus, qui, prout per exteriora perpendere indicia possumus, tam Ecclesiae Romanæ, quam tuo beneplacito modis quibus poterunt se coaptare proponunt, terra sancta quotidie sustentetur, & speretur in posterum adjuvari, & propter hoc

**A** non credamus expediens ipsos exturbari ad præsens: magnitudinem tuam rogandam duximus attentius & hortandam, quatenus si fortè prout per alias nostras litteras tibi scribimus, ad tuum favorem non vis eos admittere, quod nec nobis, nec tibi, nec etiam ipsius terræ sanctæ negotiis credimus expedire, præfixum saltem terminum, cum citra illum tempus ad navigandum non consueverit aptum esse, in ulteriorem tibi placeat prorogare, quo dicti cives cum omnibus bonis suis liberius exire valeant terram tuam, vel tecum interim concordare. Datum Viterbii iii. calendas Februarii anno ii.

## EPISTOLA CCCCXXX.

Dilecto filio M. ordinis fratrum minorum capellano nostro.

*Ut quadriennales inducias, inter Pisanos & Lucanos firmari curet, & galeas à Pisanis saltem x. exigat.*

**M**andatum Pisanis dedimus de captivis  
 Lucanis quos detinent, pace inter eos  
 vel saltem treuga ad quadriennium firmata, reddendis. Quod si neutrum procedere contingat, præcipimus eisdem ut illos restituant, quos extra suum districtum, Lucanis existentibus in Ecclesiae Romanæ devotione, ceperunt. Quocirca discretionis tuæ per apostolica scripta mandamus, quatenus, si inter ipsos plena in pacem fieri non contigerit, interponas sollicitudinis tuæ partes ad treugam saltem firmandam ad quadriennium inter eos. Speramus enim in Domino, quod per hanc viam inter partes pax perpetua reformetur. Quia verò iidem Pisani Romanam Ecclesiam multipliciter offenderunt, volumus quod ex parte nostra injungas, ut eisdem certum galearum numerum, x. ad minus bene paratas mittant instanti mense Martii in subsidium Terræ sanctæ, nec ullam in hoc difficultatem ingerant, cum sit hujusmodi satisfactio modica, consideratis eorum excessibus, quos in Romanam Ecclesiam commiserunt. Ex parte etiam nostra eisdem præcipias, quod pro nostra & apostolicæ sedis reverentia nullum onus datæ, seu collectæ captivis dictis imponant, quod si fecerint, pro certo teneant, quod de pignoribus, quæ ab eis recepimus, conferabimus (a) omnes captivos indemnes. Datum Viterbii iii. nonas Februarii anno ii.

(a)

## EPISTOLA CCCCXXXI.

Dilecto filio Odoni Gualducii civi Pisano.

*Hortatur ad promptum Terræ sanctæ subsidium.*

**D**evotionem quam ad Romanam Ecclesiam, & affectum quem ad Terram sanctam gerere diceris, dignis in Domino laudibus commendantes, sinceritatem tuam rogamus & hortamur attentè, in remissionem tibi peccaminum suadentes, quatenus periculofum statum

Anno 1267

(a) Al. Ipsos captivos.

Ee iij



dictæ terræ diligenter attendens, ad illius injuriam ulciscendam, qui pro te voluit crucifigi, labores non differas exponere personales, per nullum enim aliud obsequium magis Ecclesiæ Romanæ poteris complacere, quam si tibi complacuerit virtuosè in prædictæ terræ subsidium personaliter laborare, nosque te ex inde habebimus propensius commendatum. Datum Viterbii III. nonas Februarii anno 11.

## EPISTOLA CCCCXXXII.

R. Episcopo Albanensi apostolicæ sedis legato.

*Improbat collectas à rege factas.*

**D**E collecta quam in regno rex Siciliæ vel motu proprio vel suorum consilio fecit, tua sciat fraternitas quod sicut Deo displicet, sic & nobis. Et si quis tibi dixerit quod de nostra facta fuerit etiam conscientia, in caput suum illum noveris esse mentitum. Immo vagantibus in verbis regis nuntiis coram nobis, & quasi non quærendo quærentibus quid rex faciet? unde suis stipendiariis satisfaciet? Unde solvet ecclesiæ debita, si collectas non facit? Nos respondemus plus eorum intentioni quam verbis, quod ad eas procedere sine suæ salutis discrimine (a) non valebat, sine hominum terræ consilio & assensu gratuito, non per aliquam (b) impressionem extorto. Unde quia nobiscum non colligit, verendum credimus ne dispergat. Multa quidem contra ipsum parantur alibi, & si regnum contra se provocat, & aliunde venerint adversarii, & quod est gravius, Deum sibi constituit adversarium, non immeritò formidamus, ne nos & se in extremam, quod absit, confusionem adducat. Nam quòd dicat se pauperem, quod recedere servientes de castris, quod necessitatem urgere, sibi imputet, qui se in hujusmodi necessitatem immergit, suas destruens (c) massarias de quibus vivere poterat abundanter. Hæc est enim vita regum Siciliæ. Et si hodie haberet Sardiniam, sic eum vivere oporteret. Sed quid ad Rumbum? Si pauper est qui terram magnam & redditus multos habet, (d) nonne de suo ad tempus redditu (e) obligando vel aurum & argentum, etiam lapides distrahendo sibi consulere deberet, non de spoliis alienis? Suæ tamen ad præsens conscientia relinquatur. Quod autem ab hominibus Ecclesiarum accipiat non sustineas, nec sub prætextu requisitionis ipsius baillivorum suorum frangere differas contumaciam. Nam hac via nervum dissolveres Ecclesiasticæ disciplinæ. Verum hominum suorum, quos citra promissionem spoliat, dissimulare potes injuriam, cum nulla querimonia differatur, ad quam eos provocare non debes. Et si te ad ipsam venire contigerit, expedire tuæ quieti credimus quod ad nos remittas eandem, ne quærentibus negando justitiam, ab ipsis qui modò te diligunt contemnaris. Has autem lit-

(a) *Al.* Non valet. (b) *Al.* Impressionem ex toto.  
(c) *Al.* Massaria seu, ut loquuntur Itali, massaritia, seu massarum est prædium rusticum. Hujus vocis frequens occurrit mentio in chronico Casauriensis edito Spicilegii tom. 5.

teras (f) clam interclusas solus legito, postquam eas plenè collegeris comburendas. Græci sunt apud nos, quorum credentes expeditionem instare, tibi que rescribere, diutius nuncium tuum tenuimus, & ideo moram ei non adscribas ad culpam. Datum Viterbii nonis Februarii anno 11.

## EPISTOLA CCCCXXXIII.

Carissimo in Christo filio C. regi Siciliæ illustri.

*Nihil ipsi concedere posse ecclesiasticæ libertati contrarium, nec probare ipsius ad sedem apostolicam advenum, sed nec injustas ipsius exactiones.*

**D**UAS tuæ magnitudinis litteras nuper recepimus, quarum primæ duos certos articulos, aliæ vero generalem habebant tenorem, finaliter concludentes quod venerabili fratri nostro Salernitano archiepiscopo & dilectis filiis P. de Monteforti & R. de Lavena super his quæ ex parte tua proponerent crederemus. Ad primas igitur respondemus, quamvis pleno te diligamus affectu, preces tuas exaudire non possumus, in his quæ vergunt in ecclesiarum injuriam, & ecclesiasticæ præjudicium libertatis. Unde cum ab ecclesiarum hominibus exigere nihil valeas, omni conventionem submotâ, nisi quod tibi jure scripto de consuetudine approbata (g) debere constaret eisdem, multò minus exigere (h) debes indebitum conventionibus tam expressis artatus. Quod si tuam intentionem aliquo jure vallari confidis, coram venerabili fratre nostro R. Albanensi episcopo apostolicæ sedis legato debes proponere familiariter & sine contentionis specie seu figura, & (i) interim ab exactione desistere, qui nec tuam justitiam minui, nec ecclesiarum jura permittet extinguere. Quod si pravo ductus consilio, viam Deo & æquitati contrariam ingredi tibi placet, te quidem caritate paterna debemus corripere, non ipsum ab executione justitiæ prohibere. Illud enim pro certo volumus te tenere, quod in universis & singulis conventionum articulis, quas nobiscum valida spon- sione firmasti, unum iota nullatenus immutarem: quod adeo apud nos & fratres nostros noveris esse fixum, ut non solum mutari non liceat, sed quod nec de mutandis eisdem vel ipsorum aliquo fratrum consilia sunt quærenda. Sanè ex commissa sibi credentia, tui nobis proposuerunt nuncii supradicti, quod iter jam arripueras ad nostram præsentiam, si de beneplacito nostro procederet, personaliter accessurus. Et cum super hoc quid nobis placeret exquirerent, eis viva voce de consilio fratrum nostrorum respondimus, sed & tibi tenore præsentium intimamus, quod licet multis sapientibus videatur te hoc tempore regnum tuum ad tempus vel modicum dimittere non debere, quibuscumque munitum præditiis, quibus omni-

(d) *Al.* Unde suos ad tempus redditus obligando.  
(e) *Al.* Obligando & lapides.  
(f) *Al.* F. alia. (g) *Al.* Deberet stare.  
(h) *Al.* Debere. (i) *Al.* In terram.

bus tua prævalet personalis præsentia, propter hoc & quædam alia quæ ex his quæ præmissimus colligere satis potes, non judicant nobis tutum tibi consulere, quod ad nos venias hoc tempore, ex conceptu subito, & non satis; prout eis videtur (a) excocto. Scire tamen tuam volumus excellentiam, quod si ex tuo arbitrio veneris, jocundo animo atque serena facie suscipiemus filium, sed non quemlibet, sed carissimum venientem, licet ob ea quæ possent contingere, nec requirere, nec consulere audeamus adventum. Quia verò non patitur civitatis Viterbiensis angustia, si cum magna veneris multitudine, te & tuos recipi infra ejusdem ambitum, tibi que non expedit venire cum paucis, decet ut prius nos certifices de adventu, quem si præcisè duxeris eligendum, cum tuorum qui apud nos remanent conscientia & consilio, parari tibi locum prout fieri poterit, faciemus.

NOTA. Scire tamen volumus, quod cum Romani principes convenire consueverunt cum papa, expansis tentoriis morabantur in castris, & si illis instructus veneris convenientius poteris quod intendis explere. Sit tecum Dominus in hoc consilio & in omnibus factis tuis: tuum enim honorem & nostrum, quantum decet & expedit, satis appendimus æqua lance. Demum super exactionibus quas facis in regno, quæ multorum exasperant animos; excusationibus tuis inspectis, blandiri tibi nolumus, nec dicere malum bonum, sed te tuæ relinquimus conscientia. Et si forsitan aliqui tui nuncii tibi dixerint quod ab eis super ista materia tuo nomine requisiti, non assensum expressum, sed quamdam patientiam dederamus; scias eos à veritate recedere in hac parte: numquam enim consensimus, nec præstitimus conniventiam, sed tunc diximus quod & nunc scribimus, te videlicet prælatis & baronibus & locorum communitatibus convocatis, tuæ necessitatis instantiam & utilitatem deffensionis eorum debere patienter exponere, & de ipsorum ordinare consensu, quale tibi à tuis impenderetur auxilium; quo contentus & aliis tuis juribus, eos in suâ dimitteres (b) libertate. Quod si tibi vis esse liberum quantum volueris, quando & quotiens tibi placuerit exigere ab eisdem; scire potes hanc amarissimæ speciem servitutis tuorum in te animos provocare, & hæc eadem satis expressimus dilecto filio nostro R. sancti Angeli diacono cardinali, tunc in regnum dirigeret iter suum. Datum Viterbii viii. Idus Februarii anno ii.

## EPISTOLA CCCCXXXIV.

Carissimo episcopo Albanensi apostolicæ sedis legato.

*De monachis ipsi mittendis ad monasteriorum reformationem.*

Anno 1267

Venientes ad curiam monachos circumspicimus, & quos tibi possumus mittere non habentes, novos quotidie præstolamur. Tua tamen fraternitas pium suspendat propositum,

(a) Al. Excocto;

(b) Al. Potestate

A si qui tibi boni occurrerint, de his prout tibi videbitur collapsis monasteriis providendi. Sanè duos invenimus bonos clericos de Alvernia, prudentes pariter & fideles prorsus secundum cor nostrum, & ad obediendum paratos, in jure peritos & exercitatos in causis, quos ad te volumus mittere, nescientes an mensæ tuæ patia-  
tur angustia majorem numerum convivarum; quod si eisdem indiges & eis potes sufficere, scribe nobis & protinus transmittemus, quorum unus ab olim re nobis est notus & nomine; B alter nostris experientia, vestris fama. Datum Viterbii viii. Idus Februarii anno ii.

## EPISTOLA CCCCXXXV.

Magistro & prioribus provincialibus ordinis Prædicatorum.

*Monialium ordinis S. Augustini eis curam committit.*

Dilectis filiis magistro & prioribus provincialibus ordinis Prædicatorum salutem & apostolicam benedictionem. Anno 1267

Affectu sincero sit vestri ordinis decus & decorem diligimus, quod super omnibus spectantibus ad ipsius honestatem & vestrarum pacem mentium nos benignos & benevolos exhibemus. Sanè quamvis piæ memoriæ Romani Pontifices prædecessores nostri per suas litteras & mandata vobis seu quibusdam vestrum diversa monialium seu sororum monasteria ordinis S. Augustini perpetuò regenda commisisse dicuntur: Nos tamen ita illarum utilitatibus volentes per vestrum ministerium provideri; quod cursus prædicationis, quam ex injuncto vobis officio diligentius exercetis, animarum curandis languoribus fructuosius concursu occupationum multiplicium nequeat retardari; præsentium auctoritate statuimus, ut moniales seu sorores hujusmodi vobis aut illis vestrum; quibus sunt per eosdem prædecessores, ut prædictum est, commissæ, vel quæ per te fili magister, seu prædecessores qui fuerunt pro tempore, aut per capitula generalia prædicti ordinis sub vestra seu aliquorum ex vobis cura sine cujuscumque præjudicio sunt receptæ, hoc à vobis hujusmodi commissionis vel receptionis beneficio consequantur, videlicet quod ipsæ sub vestro ministerio & doctrinâ vestrorumque successorum, qui pro tempore fuerint in perpetuum debeant permanere, ipsas quoque ac earum monasteria vobis & eidem ordini ac successoribus auctoritate apostolica de novo committimus ad cautelam, ut animarum ipsarum sollicitudinem gerentes, & curas eisdem de constitutionibus vestri ordinis quæ ipsis competunt exhibentes, eadem monasteria seu moniales & sorores prædictas per vos vel alios ipsius ordinis vestri fratres, quos ad hoc idoneos esse noveritis, quotiens expedierit visitetis, corrigendo & reformando ibidem tam in capite quam in membris, quæ correctionis & reformationis officio judicetis indigere. Instituat autem nihilominus & destituatis monasteriorum hujusmodi priorissas;

ac circa easdem priorissas & moniales seu sorores ac monasteria prædicta commissos & familiares in ipsis monasteriis continuò degentes mutetis & ordinetis, prout secundum Deum videritis expedire. Electio tamen priorissarum dictarum liberè ad conventus monasteriorum pertineat prædictorum, quarum confirmatio ad te, fili magister, ubique, & ad singulos vestrum, filii priores, in vestra præsentia, vel ad eos quibus commiseritis, præcipuè pertinebit. Confessiones verò per vos vel fratres eosdem audiat illarum, & ministretis ecclesiastica sacramenta. Verùm ne pro eo quod in aliquibus ex eisdem monasteriis fratres vestri ordinis residere continuò non tenentur, pro defectu sacerdotis possit eisdem monialibus seu sororibus detrimentum in spiritualibus imminere, ad confessiones earum in necessitatis articulo audiendas, & sacramenta huiusmodi ministranda deputeris aliquos discretos & providos capellanos, quos vobis deputare ac mutare liceat, prout vobis videbitur expedire, nonobstante aliqua contraria constitutione prædicti ordinis vestri, & quacumque apostolicæ sedis indulgentia concessa, vel in posterum concedenda, de qua in vestris litteris fieri debeat mentio specialis, vel quibusdam litteris felicis recordationis INNOCENTII papæ prædecessoris nostri, per quas vos ab illarum cura dicitur absolvisse, seu quibuscumque privilegiis, indulgentiis, sive litteris apostolicis vobis aut ordini vestro seu monialibus & sororibus supradictis sub quacumque verborum forma in contrarium fortè obtentis, de quibus oporteat in præsentibus plenam & perpetuam seu de verbo ad verbum fieri mentionem. Nos enim nihilominus universas interdicti, suspensionis & excommunicationis sententias, quas in vos vel vestrum aliquem, seu ipsius ordinis vestri fratres & loca vel moniales aut sorores easdem seu ipsarum monasteria, sive commissos præfatos occasione præmissorum, vel alicujus eorum per quemcumque, apostolica vel quavis auctoritate alia promulgari contigerit, irritas decernimus & inanes, ac in aliquo penitus non tenere. Nulli ergo omnino hominum, &c. Constitutiones, &c. Si quis autem. Datum Viterbii VIII. Idus Februarii Pontificatus anno II.

## EPISTOLA CCCCXXXVI.

Carissimo episcopo Albanensi apostolicæ sedis legato.

*Scribit ei de pluribus disciplinam tangentibus.*

Anno 1267

**E**cclésiis regni vacantibus citò providere proponimus, quamvis tuo iudicio nimis tardatum fuerit, dante causam dilationi huiusmodi multorum instantia, qui à nobis episcopatus petebant pro suis domesticis minus dignis. Et est nostræ intentionis aliquibus pastores præficere, aliis electiones suas reddere de tuo faciendas assensu. De Cassanensi ecclesia locuti

(a) *Al.* Rescribenda credimus.

(b) *Al.* Cum quo debebit.

(c) *Al.* Arnaudum Maichum Gezarensem monachum sancti.

(d) *Al.* Et rejecit.

**A** fuimus magistro HELIÆ, & non placuit dilecto filio nostro Jo. S. Nicolai in carcere Tulliano diacono cardinali, cujus consilio se commisit. De matrimoniis contra statuta canonum celebratis nihil tibi rescribendum credimus, cum sufficere (a) tibi debeat ea dirimere cum ordine, (b) cum, quo debebat, veritas fuerit patefacta. Nos enim in huiusmodi nolumus dispensare, nisi forsan evidenter causa nos moveat ad faciendam gratiam, quod est rarum. Minorensem A. electum dudum ad te remisimus, juxta merita judicandum: & si latitat, citatum solemniter inventum detine, reum condemnâ, ecclesiæ provide, prout videris expedire. (c) Arnaudum Monachum Gerarensem monasterio S. Facundi præficimus, (d) & recessit. (e) Episcopari nolumus Theobaldum qui dicitur Saracenus. Uniones episcopatum quamvis valdè sint tenues, nostris non placent fratribus, quia multiplicatio cathedrarum sæpe apostolicæ sedi profuit, ut posset facile necessitate instante à prope magnam synodum congregare. De inconstante Constantino quondam archidiacono Nimocensi placet quod carcerem habeat, & adhuc habeatur in carcere: ita tamen quod nec fame nec frigore pereat, sed salva custodia vita sibi misera reservetur. Johannem (f) de Toaço potes dimittere satis hætenus maceratum. Ecclesiæ Lavellensi provideas de pastore, prout videris expedire. Cum clericis secularibus, qui ab intrusis scienter ordines receperunt, dispensandum non credimus, nisi religionem intraverint, vel sint aliàs valde boni. Quod si per ignorantiam, cum ipsis valeas dispensare. Cum religiosis autem & his qui religionem intrare voluerint, vel quos utiles aut necessarios suis Ecclesiis esse videris, sed & cum Castrensi episcopo, quem asseris boni nominis & honestum super ætatis defectu in littera suæ provisionis tacito valeas dispensare. Cum LOMBARDIA quondam etiam Marchionis Lanceæ filia volumus quod dispenses, & eam facias abbatissam, defectu natalium, si quis est, non obstante. Datum Viterbii (g) v. Idus Februarii anno II.

## EPISTOLA CCCCXXXVII.

Carissimo in Christo filio regi Aragonum illustri.

*Ipsum increpat de incestuoso ipsius adulterio.*

**Q**ui rectè diligit, sic ad amicum afficitur, ut eum diligit, & ejus vitia persequatur: nec amicitia certius est indicium, quàm persequi in amico quæ ipsius corpus & animam trahunt ad exterminium sempiternum. Numquid ergo tuæ magnificentia nostram subtrahimus gratiam, si peccatum tuum arguimus, quod contra Deum inverecundè committens, ob injuriam Creatoris pœnis sempiternis obnoxius, tuam nihilominus exeris & propalas infamia

(e) *Al.* Episcopari volumus Theobaldum. Sed omnes alii ms. constanterr retinent nolumus.

(f) *Al.* De Toaquo. *Al.* De Duaco.

(g) *Al.* VII. Idus. *Al.* Idus.

miam

miam totî mundo? Non est hoc, fili carissime, A subtrahere gratiam, sed augere: quem enim filium pater diligit, hunc castigat, è contrario parcens virgæ pater filium odisse comprobatur. Sanè quod ad circumspiciendas remotas & finitimas regiones, & earum principes nos transmittis, in quibus dicis fieri quæ non facis, malè nostrum pacavit animum, cùm aliquantulum in hac parte pharisæi sententiam videaris amplexis, qui seipsum non sicut ceteros hominum esse jactans, iustificare se voluit, alios contemnendo; cui tamen Dominus prætulit publicanum seipsum accusantem humiliter & alios non mordentem. Numquid æger si prudens fuerit, dicet medico, cur me curas? Quid ad tot infirmorum alibi laborantium medicinale studium non exerces? Nonne rectius ei dicet, gratias ago tibi, qui multis ægrotantibus curam mei specialem assumis? Scis autem quod licet à te incœpisse nos credas, jam ad plurimos misimus manum nostram principes & prælatos; quibus parcere non intendimus, ne silentio tam damabili, quàm damnofo, eorum vitiis involvamus. Sed quid addis? Confiteris in quo jaces peccatum, sed procuras amotionem obstaculi; dum probare proponis te antequam cum nobili muliere TERESIA convenisses, ejusdem consanguineam in gradu tertio convenisse. Vide, fili, ne testes habeas, quales bonæ memoriæ comes Tolosanus produxit, ut à tua valeret amicitia separari. Quod si fortè præsumseris, in laqueum inestimabilem te involves; & si testes legitimi fuerint, excusabitur aliquatenus adulterium, & remanebit incestus. Adhuc adjicis, quod peccatum tuum potest per poenitentiam dilui: quod concedimus, mœcha dimissa; sed quid facies interim semper servus manens diaboli, nullum habens cum Christo commercium, à sacramento corporis & sanguinis alienus? Quis certitudinem tibi dedit, ut possis cum volueris confiteri. Eia fili carissime, non tardes converti ad Dominum, & mulierem relinquere, quam in Dei contemptum ad tuum (a) contubernium admisisti. Alioquin scire te volumus, quod quantò sincerius te diligimus, tantò minus in salutis tuæ dispendium tuæ magnificentix blandiemur. Datum Viterbii v. Idus Februarii anno 11.

## EPISTOLA CCCCXXXVIII.

(b) J. Archiepiscopo Remensi.

*Ut oppressam suam ecclesiam parsimonia relevet.*

Anno 1267

F Raternitatis tuæ litteras latantes recepimus, & licet tua nobis placuerit excusatio, nihilominus erubescimus, quod ob nostrum & curiæ nostræ servitium tam enormiter tuam ecclesiam exhaustisti. Satage, frater carissime, relevare sponfam tuam oppressam, parsimoniæ studio, salva tua in omnibus honestate, nec pompis sæculi delecteris, sed ad ædificationem animarum intendens, ad temporalia refo-

(a) Al. Concubinium.

(b) Johannis scilicet de Courtenay Roberti &amp; Mathildis de Thesauri Anecdor. Tom. II.

manda piam des operam consequenter, ut eisdem bene dispositis; spiritualibus eò plenius quo liberius valeas indulgere. Datum *ut supra in proxima.*

## EPISTOLA CCCCXXXIX.

Dilectæ in Christo filiæ mulieri L. relictæ quondam Atreasbæ militis.

B *Novo ipsius matrimonio mittit benedictionem, liberorum cum in ipsi commendat, & alia dat monita.*

L itteras tuas vidimus, novum nobis conjugium nuntiantes: quod sua Dominus benedictione perfundat, & nos qui licet immeriti vices ejus in terris gerimus nostram utique conjugii benedictionem transmittimus ad Dei gloriam & honorem. Tu verò, filia, quæ diu circa liberos laborasti, non te subtrahas eorundem consilio, nam te dum vixeris indigebunt, qui licet ab uberibus carnis tuæ dudum fuerint ablactati; cùm tamen multum sint teneri, adhuc proculdubio lactis indigent alimonia melioris. Assiste ergo salubribus monitis & consiliis melioribus, insta orationibus, jacta tuum in Domino cogitatum, vigilias & jejunia cum discretionē prosequere. Confessorem elige quem volueris, cui damus audiendi confessionem tuam & à peccatis omnibus & ab excommunicationum sententiis absolvendi te auctoritate nostra plenam & liberam potestatem. Datum Viterbii 111. Idus Februarii anno 11.

Anno 1267

## EPISTOLA CCCCXL.

Dilecto filio Nicolao capellano, &amp;c.

*Ut abbati Cassinensi in subsidium fidelium adversus Saracenos misso pecuniam tribuat.*

E cce nostrum pulsavit auditum Sarraceno- rum Luceriæ præconcepta malitia, qua spiritu rebellionis præsumptæ partes regni sibi conterminas assidua, prout fertur, impugnatione concutiunt, insertis sibi quibusdam proditoribus solo nomine Christianis. Volentes igitur his malis occurrere, præsertim in carissimi in Christo filii nostri C. regis Siciliae illustris absentia, dilecto filio abbati Cassinensi viva voce præcepimus, ut acceptis secum ducentis militibus de Campania, illuc se conferat in subsidium Christi fidelium, & regni defensionem ejusdem. Quia verò propter viarum pericula pecuniam eis dare nequimus transferendam, discretioni tuæ, de qua fiduciam plenam gerimus, rogamus attentius, quatenus eidem abbati usque ad mille uncias auri, cùm à te eas petierit; subministres; quas ex nunc tradimus Bonaventuræ & ejus sociis mercatoribus & civibus Senensibus tuo nomine possidendas, & cui, ubi, & quando volueris assignandas. Hæc autem taliter implere studeas, ut negotium fidei quod habemus cordi, præ ceteris non tardetur. Datum Viterbii xv. calendas Martii anno 11.

Anno 1267

Magdano filio.

F f

## EPISTOLA CCCCXLI.

R. Episcopo Albanensi apostolicæ sedis legato.

*Scribit se ducentos milites adversus Saracenos de Luceria ducendos abbati Cassinensi commisisse, & regem absentem revocasse.*

Anno 1267

**A** Uditis rumoribus de Lucerianis, dilectum filium abbatem Cassinensem vocavimus in nostra præsentia constitutum; cui & fratri ejus archiepiscopo Neapolitano injunximus, ut ad te festinanter alter accederet; alter verò, abbas scilicet cc. milites de Campania in nostris stipendiis secum duceret, & cum eis ad tuam præsentiam se conferret, facturus quod eis duceres injungendum. Regem rursus nuntiis inculcatis per nostras litteras revocamus ad regnum, & speramus in Domino quòd hoc malum multorum erit bonorum occasio, quæ rectè non poterant aliter obtineri. Esto igitur constans, nec concidat vultus tuus, nec animus prosternatur. Omnia enim ad bonum venient exitum, ad laudem bonorum, & maleficorum vindictam. Datum Viterbii *ut supra in proxima.*

## EPISTOLA CCCCXLII.

Dilecto filio Bertrando Albæ militi.

*Ut per alios suà cum rege Siciliae promoveat.*

Anno 1267

(a)

**P** Er Venerabilem fratrem nostrum Arelatensem archiepiscopum, vel per tuum sororium Marescallum (a) debes, fili, cum carissimo in Christo filio nostro C. illustri rege Siciliae promovere quòd per nos fieri postulabas, cum nos non deceat super talibus regi scribere. Damus tamen tibi consilium, quòd contra te eum non provocas, cujus semel amissa gratia de facili postea non habetur. Datum Viterbii vi. calendas Martii anno III.

## EPISTOLA CCCCXLIII.

Carissimo in Christo filio regi Siciliae illustri.

*De domibus, quas fratribus Prædicatoribus Capuæ & Salmonæ donaverat.*

Anno 1267

**G** Raves admodum nostris omnibus, nec minus animo, tua credat serenitas, onerosas religionum pauperum contentiones & lites, quæ nonnullis suspicionem ingerunt, quòd de multis multum contenderent, si multa licitè possiderent. Quæ quantum licuit circumcise in illo modico, quòd eisdem auferri fragilitatis humanæ necessitas non permisit, minus pacificè quàm velleimus, sese compati nostris temporibus, prout dicitur, incoeperunt: quamquam in omni statu eas tenerrimè dilexerimus, & tandem ad majora provecti eis nos reddiderimus favorabiles & benignos. Sanè nobis per tuas litteras intimasti, quòd cum Capuæ dilectis filiis fratribus Prædicatoribus locum quemdam

(a) *Al.* Debes illi cum.

**A** restituum duxeris, quem M. quondam Ecclesiæ persecutor eis abstulerat, dilecti filii fratres Minores in tua proposuerunt præsentia, quòd locum eundem dictis fratribus Prædicatoribus non licebat habere juxta nostræ provisionis indultum, cum ab ecclesia eorumdem trecentarum annorum spatio non distaret: nec obstabat si forsan diceretur quòd locum ipsum quem restitueras ante nostrum indultum fratres Prædicatores possederant, cum ab illo eum habuerint, qui nullum jus habuit conferendi. **B** Adjecisti insuper in tuis litteris quòd cum in Sulmona eisdem fratribus Prædicatoribus locum qui capella & palatium regis dicitur, ab ipsorum fratrum Minorum ecclesia dicto spatio non distantem regia liberalitate contuleris, dicti fratres Minores postulant, ut revoces quòd fecisti. Quia verò tua prudentia circumspecta, nos super his duxit, ut debuit, consulendos, consultationi tuæ breviter respondemus, quòd donationem quam fratribus Prædicatoribus in Sulmona fecisti de rebus ad te jure regio pertinentibus, ratam volumus permanere, indulto hujusmodi non obstante. De his autem quæ Capuæ fratribus Prædicatoribus reddidisti, conqueri & contendere ad fratres Minores non pertinet, sed arbitrio tuo committimus, vel si tuæ placeat magnitudini, ibidem remaneant dicti fratres: alioquin quòd à prædonibus habuerunt, tibi remaneat: ita tamen quòd si semel sacer extitit dictus locus, nullatenus profanetur, sed divinis semper obsequiis maneat mancipatus. Datum Viterbii vi. Idus Martii anno III.

## EPISTOLA CCCCXLIV.

Dilecto filio S. titulo S. Cecilie, &c.

*Ut possit admittere postulationem G. de Alvernia in archiepiscopum Viennensem.*

**V** Acante ecclesia Viennensi per mortem Anno 1267 bonæ memoriæ J. archiepiscopi ejusdem ecclesiæ, dilecti filii capitulum Viennense, dilectum filium G. de Alvernia præpositum In- Guidonem sulensem, tunc ad sacros ordines non promotum, in suum archiepiscopum & pastorem à nobis concorditer postularunt, prout nobis per litteras paruit eorumdem, & assertionem procuratorum ipsorum quos ad promotionem postulationis ejusdem ad nostram præsentiam destinarunt. Sanè licet prædicta postulatio ex forma & tenore decreti nobis & nostris fratribus favore digna, si canonicum aliud non obstitet, videretur: quia tamen idem postulatus plura beneficia videtur habere, quæ sine sedis apostolicæ gratia tenuisse non poterat nec tenere, postulationem eandem non subito duximus admittendam, & quamquam in hoc postea sit nobis adeo satisfactum, ut ei nec objici valeat non obesse, quia tamen in aliis tu melius scire potes quid expediat ecclesiæ memoratæ, quæ tali persona propter circumstantium principum & magnatum, qui ejusdem ecclesiæ oppido sunt infesti, malitiam multum



dicitur indigere; discretioni tuæ de ipsorum fratrum consilio committimus, ut ipsius ecclesiæ utilitate & necessitate pensatis, auctoritate nostra, si videris expedire, postulationem admit- tens eandem, de prædicto præposito Insulensi ecclesiæ memoratæ provideas & promotum, per singula ordinationum tempora successive in episcopum per illos ex suffraganeis Vien- nensibus, quibus hoc duxeris committendum, eadem auctoritate facias consecrari. Quod si tibi forsan visum fuerat ex causis aliis non fore postulationem huiusmodi admittendam: quæ te ad istud moverint, nobis statim scribere non omittas, provisionem ejusdem ecclesiæ nobis hac vice reservans, & eidem capitulo interdicens ne procedant ad electionem postulatione qua- cumque. Nostra nihilominus auctoritate decer- nens irritum & inane, si quid secus fuerit at- tentatum, administrationem bonorum & ju- rium archiepiscopaliū personis idoneis de eo- dem capitulo in hoc casu committas, donec super his aliud duxerimus ordinandum. Datum Viterbii III. Idus Martii anno III.

## EPISTOLA CCCCXLV.

Priori & conventui Silvinianensi.

*Indulgentias concedit accedentibus ad translationem corporis S. Majoli.*

Anno 1267

CLEMENS episcopus servus servorum Dei dilectis filiis priori & conventui monaste- rii Silvinianensis, Cluniacensis ordinis, Claro- montensis diocesis, salutem & apostolicam be- nedictionem. Clara sanctorum merita, quibus catholicorum ecclesia conspectius rutilans, à sui primordio felicibus profecisse & jugiter pro- ficere noscitur incrementis, à Christi fidelibus præcipua reverentia venerari, & fideles ipsos ad sedulam & solertem imitationem huiusmodi meritorum salubriter allicere cupientes, liben- ter eos spiritualium largitione munerum re- creamus, quibus desideranter illecti, ad immar- cessibilem sanctorum ipsorum gloriam obtinen- dam, laudabilibus exemplis & meritis, perdu- cantur. Cum itaque sicut ex vestra insinuatione accepimus, propter merita gloriosa sanctorum confessorum MAJOLI ET ODILONIS, quorum corpora in vestra ecclesiâ requiescunt, mirabi- lis Deus in sanctis suis, multa quotidie miracula operatur ibidem, propter quæ ad eandem ec- clesiam de diversis partibus, fidelium multitu- dine conflante, corpus prædicti S. Majoli ad alium locum ipsius ecclesiæ magis venerabilem, & decentem, intenditis cum debita veneratione transferri. Nos ut dictorum fidelium devotio spe desiderabilium præmiorum erga dictam ecclesiam augeatur, & ad huiusmodi transla- tionis corporis dicti sancti solemnia, major po- pulorum confluat multitudo: de omnipotentis Dei misericordiâ, & beatorum Petri & Pauli apostolorum ejus auctoritate confisi, omnibus verè pœnitentibus & confessis, qui ad dictam ecclesiam in die translationis sancti ejusdem accesserint, unum annum & quadraginta dies

*Theauri Anecd. Tom. II.*

A hac vice, illis autem, qui illic infra octo dies immediate sequentes, & in anniversario die translationis ipsius venerabiliter & devotè ac- cesserint, centum dies de injunctis sibi pœniten- tiis misericorditer relaxamus. Datum Viterbii secundo Idus Martii, Pontificatus nostri anno tertio.

## EPISTOLA CCCCXLVI.

B Dilectis filiis capitaneo & patri Gelforum Florentinorum,

*Commendat R. præpositum Florentinum.*

L Evate capita vestra, quia redemptio vestra appropinquat, sitis tamen viri pacifici & in humilitatis spiritu divinæ gratiæ beneficium ex- pectantes. Sanè dilectum Magistrum R. præpo- situm Ecclesiæ Florentinæ capellanum nostrum vestræ devotioni recommendantes obnixius, universitati vestræ per apostolica scripta man- damus, quatenus in his quibus vestro consilio indiguerit vel auxilio, vos eidem ob reveren- tiam apostolicæ sedis & nostram tam fideliter quam viriliter assistatis. Datum Viterbii II. calendas Aprilis anno III.

Anno 1267

## EPISTOLA CCCCXLVII.

D Dilecto filio Magistro B. præposito, &c.

*Ut in rebus agendis prudenter se gerat.*

T Uæ prudentiæ diligentiam commendantes in omnibus, zeli tui fervorem providentiæ fræno reprimas, nec incipias aliquid quod te posse non æstimes (a) probabiliter consummare. Quod si tibi cessurum credis prosperè quod in- tendis, sic te decet in omnibus laborare, quod ordinis tui periculum non incurras. Verum illis quos credimus in tuis negotiis fore utiles (b) scribemus ut rogasti. Tu verò diligenter attende velut servus fidelis & prudens, quod amicorum sic utendum est opera, ut felix rerum exitus judicii præcipitio non turbetur. Tu tamen magis scire potes quid liceat, quid deceat, quid expediat; & idcirco, salvo statu intimo civi- tatis, quem nulla volumus nec velle te credi- mus ratione turbari, te in aliis tuæ prudentiæ duximus relinquendum. Datum Viterbii II. calendas Aprilis anno III.

Anno 1267

(a)

(b)

## EPISTOLA CCCCXLVIII.

F Dilecto filio fratri Ar. priori provinciali Roma- nensis & priori fratrum Prædicatorum Florentiæ.

*Ut possint absolvere ab excommunicatione eos qui non consenserunt receptioni capitanei Florentini.*

C Um cives Florentini post juramenta de nostris mandatis implendis præstita, fidem

Anno 1267

(a) Al. Probabiliter conservare;

(b) Al. Scribimus;

F f ij

primam irritam facientes contra nostrum mandatum expressum per dilectum filium magistrum Eliam Capellanium nostrum inibi promulgatum, P. Bernardini civem Urbevetanensem in capitaneum nuper receperint, ob quam causam excommunicationis sententiam incurrerunt; discretioni vestræ committimus, quatinus vos vel alter vestrum, omnes illos, qui suo juramento firmaverunt se capitanei receptionem ejusdem minimè procurasse, nec etiam procurantibus omnino voluntariè consensisse, à dicta excommunicationis sententia secundum formam ecclesiæ absolvatis. illos autem non omnino voluntarios intelligimus, qui timore potentiarum vicinorum receperunt eundem, eum alias, si resistere potuissent, minimè recepturi. Eorum vero nomina quos absolveritis in scripturam fideliter redigatis, & nobis remittatis eandem. Datum *ut supra in proxima.*

## EPISTOLA CCCCXLIX.

Ballivis, consulibus & communitati villæ Montispeffulani.

*Ne clericos exactionibus aut aliis indebitis processibus molestant.*

Anno 1267

*Ex tabulario domus communis Montispeffulani.*

Dilectis filiis bailivis consulibus & communitati villæ de Montepessulano Magalonenensis diocesis salutem & apostolicam benedictionem.

Pervenit ad audientiam nostram, Venerabili fratre nostro Magalonenfi episcopo intimante, quod ut deceret minimè attendentes, quod laicis in personis vel bonis ecclesiasticis nulla est potestas attributa, clericos Magalonenensis diocesis dugariis & parangariis & aliis exactionibus indebitis aggravatis, interdum quoque ipsos non sine sacrilegio ausu temerario, divino timore postposito & amore, capere & aliàs adversus eos procedere quandoque; insuper quod est gravius & intolerabilius, eos ad mortem conamini condemnare. Quoniam igitur hujusmodi in derogationem evidentem cedunt ecclesiasticæ libertatis, quam tenemur pro viribus deffensare, universitatem vestram rogamus & hortamur attentè, per apostolica vobis scripta mandantes, quatenus inconsultos vestros ac indebitos in hac parte processus, prout convenit rationi, & idcirco pro nostra & apostolicæ sedis reverentia cohibentes, à clericorum ipsorum vexationibus & molestiis desistatis penitus in præmissis: ita quod vestra devotio apostolicis, sicut dignè debet, beneplacitis reverenter obtemperans commendetur, nec nos qui libertati derogari prædictæ, vel damnum hoc nequaquam permittere volumus nec debemus, circa id provisionis modum excogitare alium compellamus. Datum Viterbii nonis Aprilis Pontificatus nostri anno III.

(a) *Al.* Contritia & Cortandus Capetia.  
(b) *Al.* Apud sedem apostolicam.

## EPISTOLA CCCCCL.

Dilectis filiis potestati, consilio, & universis civibus Florentinensibus.

*Ut Sicilia regem adversus Conradinum cum exercitu procedentem adjuvent.*

DE radice colubri venenosus egressus regulus, suis jam inficit flatibus partes Tusciæ, viperarum genimina, viros utique pestilentes, & tam nostros quam vacantis imperii nec non & carissimi in Christo filii nostri C. Sticiliæ regis inclyti proditores, suo concordēs proposito, suæ voluntati conformes, ad diversas destinat civitates, ad viros nobiles, ad villas, & castrum transmittit; & per exquisita mendacia fimbrias suas magnificans, quosdam precibus, quosdam pretio à via nititur incessanter avertere veritatis. Hinc est quod tangimus quem notamus. Adolescens improvidus CONRADINUS FREDERICI nepos quondam principis Romanorum, tam à Deo quàm ab ejus vicario justo judicio reprobati, cujus organa sunt grandiloqua viri reprobi. G. novellus CONRADUS (a) Trincia & Conradus Capetia cum multis aliis, qui nefandum hoc idolum in Tuscia moliantur eligere, nec cessant, ut dicitur, clam & palam stipendiare Teutonicos, inire fœdera, conjurationes & pacta cum illis, qui pari scelere sunt polluti; quorum aliquis se vicarium ejus dicit, & in eam prolabantur insaniam, ut & eum publicè regem nominent, & eundem ad id induxerint, quod sigillo jam utens regio, regis Siciliæ sibi nomen usurpat. Sanè carissimus in Christo filius noster præfatus C. verus & unicus rex Siciliæ tantum opprobrium (b) sedem apostolicam, & suum æquanimiter ferre non valens, citò vestram aditurus præsentiam; suæ partem præmittit militiæ ad hujus factionis auctores de (c) Tusciæ partibus expellendos, & ut pacis exturbatores exturbet, & viros sobrios ac pacificos in multitudine pacis faciat delectari. Cum igitur idem rex tamquam pugil ecclesiæ singularis, in his omnibus nostra fretus auctoritate procedat, universitati vestræ per apostolica scripta firmiter præcipiendo mandamus, quatinus (d) sicut caram habetis nostram gratiam, sic & ejus quos ad hoc destinat capitaneis consilium & auxilium in tam pio negotio impendatis. Regem enim eundem è vestigio suam militiam secuturum in vestris partibus constituendum duximus (e) ad vestrum beneplacitum paciariarium generalem, ut dum vacat imperium, cujus tuitio ad eum pertinet, tam in vicino patrimonio nostro regno perversorum malitia nequeat lacerari, sed majores, mediocres & minores, propriis juribus, sui que status honore contenti, alias discant potius justè & pie vivere quàm aliorum spoliis

(c) *Al.* Tusciæ civitatibus expellendos.

(d) *Al.* Sicut coram habetis.

(e) *Al.* Ad nostrum beneplacitum vicarium generalem.

impinguari. Ceterum nullus timeat quod se faciat pantiarium, quem paciarium nominamus, communem etenim cum omnibus esse volumus, qui vitam tranquillam eligeret & quietam, & eidem obediens dum officio tali fungetur. Quod si malleus fuerit contumacium, non id nobis, non ei, sed ipsorum erit malitiis adscribendum. Datum Viterbii 15. Idus Aprilis anno tertio.

## E P I S T O L A C C C C L I.

Dilectis filiis potestati, capitaneo & ancianis populi Pisani.

*Eorum de militia regis Siciliaeurbationem sedare conatur.*

Anno 1267

**T**urbatos vos fuisse scribitis in adventu militiae carissimi in Christo filii nostri C. illustris regis Siciliae ab eodem in partes Tusciae destinatae, de nostra, ut asseritis, conniventia seu etiam voluntate, per quam dicitis terras aliquas deformatas, vel verius desolatas. Et cum tanta novitatis suspicio in discrimen totius provinciae, amicorum nostrorum, (a) & vestrorum vergere videatur, vos exinde iusto timore concepto, equis & armis & aliis necessariis gentem vestram instruitis, supplicantes ne vestrorum suggestio mentem nostram concutiat æmulorum, cum hoc facere minimè proponatis in nostri vel regii derogationem honoris. Sanè perturbatum Herodem legimus & omnem Ierosolymam cum eodem, ortu Salvatoris audito, qui ante receptum tantæ novitatis iudicium; Pilatum virum pessimum adjacenti provinciae præsentem, vel volens, vel dissimulans toleraverat, & vos quod pudet dicere, regis nostri catholici novam viciniam abhorretis, cum MANFREDUM diaboli filium in ulteriorem familiaritatem admissum in vestrarum animarum perniciem olim duxeritis multipliciter honorandum? Verum ut vestris litteris, si non juxta scripturæ seriem, tamen ejus collecta sententia, responsum congruum refundamus, volumus vos advertere quam periculosè fundabatur in Tuscia perfidissima machinatio perditorum, quæ non in angulis delitescens, sed sub omnium oculis denudata, novum idolum jam expectat, CORRADINUM nominans sibi regem, castris Imperii, immo cameris specialibus occupatis; & si illos amicos dicitis, scriptum esse noveritis, quod amicus studiorum similis efficitur eisdem. Si non illos amicorum nomine intelligitis, nescimus alios, qui per dictæ manum militiæ, status sui scripserint detrimentum; & hi quidem justè multorum iudicio, quia factis digna recipiunt, digni recipere graviora. Quod fide nostra tacite requiritis convenientia, vel prout adjicitis, voluntate; vestram prudentiam volumus non latere, quod cum ad regis supradicti notitiam pervenisset, quod fiebat in Tuscia, quorumque studiis aleretur, nobis secretius in-

(a) Al. Et omnium.

**A**timavit quod contra omnes CONRADINI fautores, illuc mittere militiam proponeret, nisi nos aliud mandarem, super hoc nostrum sibi postulans beneplacitum, operari. Quid ergo vos creditis fuisse nobis eo tempore respondendum? Numquid expediens fuit dicere ipsius aunciis, stet in pace, nec aliquo sibi provideat, donec pedes suorum hostium sint in regna. Ecce vobis provideris, ut scribitis, adhuc nemine vos tangente; & ipse tam crudeliter imperitus & tactus, in regni nomen & titulum alio jam intruso, prohibendus erat à nobis inter ipsa malitiæ procedentis initia vires hostium enervare? Jam sui proditores & nostri apud Tuscos famæ celebris & magni nominis habebantur. Jam creatus erat vicarius inimicus à non ente, & verus & unicus rex Siciliae dormire debuit, aut positis manibus sub acellis, tantæ nequitiae, tantæ fraudis perniciosum exitum tacitus præstolari? Nos autem temporis & negotii circumstantiis evolutis, nec præcisè consilium, nec omnino suadere volumus rem ambiguam, ne si forsitan sinistrum aliquid evenisset, nostræ posset imprudentiæ imputari. Sed nec ejus impedire propositum nobis placuit, ne manu malignantium roborata, regis damnum possit impingi. Suae tamen eum relinquimus libertati, prædicantes pericula quæ utrimque poterant verisimiliter formidare. At si quæritis cur vobis aut aliis manifesta non fecimus, satis est in promptu responsio. Dicti namque regis arcanum nos cum ejus periculo minimè decuit publicare. Nec intelleximus nostram vel aliam Tusciae civitatem sibi ex aliquo privilegio vendicare, quod eandem provinciam nulla debeat intrare militia, vobis aut aliis provincialibus inconsultis. Si verò vos vel alii privilegium hoc habentes, cur suppressum extiterit retroactis temporibus, cum militia plena Tuscia peragrabat, contra Deum & Romanæ Ecclesiæ & suorum subversionem fidelium non videmus. Et si dicitis quod de nostro fiebat assensu, vestram utique turpitudinem allegatis. Desinite igitur turbare de Christianissimi regis excessibus, qui reformatum extimat quod esse creditis deformatum. Nos verò communibus oculis intuemur negotium, suam cuique, cum ad nos venerit, dante Deo, justitiam reddituri. Ad id quod ultimi de gentis nostræ instructione scribitis breviter respondentes, quod nec vobis prudentiæ viam claudimus, nec si cum impiis vos involverit, indemnitate aliquam pollicemur. Si tamen, prout alias spondidistis, amicitiam regis quæritis, ad eam, prout vobis expediet, acquirendam libenter dabimus opem & operam, & si Deo placuerit efficacem. Datum Viterbii vi. calendas Maii anno 111.



ff m

## EPISTOLA CCCCLII.

Ad Superiores Monasteriorum.

*Ne impuberes ad habitum religionis admittant.*

Anno 1267

**D**ilectis filiis universis abbatibus & abbatissis, necnon prioribus & gardianis, ceterisque fratribus Prædicatorum & Minorum, & conventibus monasteriorum & aliorum locorum religiosorum de Montepessulano, & ejusdem suburbii, Cisterciensis, Præmonstratensis, seu cujuscumque alterius ordinis Magalonensis diocesis salutem & apostolicam benedictionem.

In superni patris obsequio constituti, devotam habere tenemini considerationem ad ipsum, ut animarum salutem potius quam temporalia commoda quærere vestra devotio dignoscatur. Sanè miramur & meritò, quod, sicut ad nostrum pervenit auditum, nonnumquam pueros & puellas impuberes, consideratione bonorum quæ habituræ essent, si in sæculo remanerent, trahitis ad suscipiendum habitum regularem, quod non omninò censetur honestum; sed videtur potius quædam simulata species honestatis. Ne igitur in his Deum contingat offendi, aut famæ vestræ religionis in aliquo derogari, nolumus, & auctoritate vobis præsentium inhibemus, ne aliquorum filios familias vel alios impuberes tutores habentes absque voluntate parentum & tutorum suorum ad suscipiendum prædictum habitum in monasteriis vestris admittatis; ita quod exinde nequeatis rationabiliter ulterius reprehendi. Datum Viterbii v. calendas Maii, Pontificatus nostri anno tertio.

## EPISTOLA CCCCLIII.

Venerabili fratri Episcopo Magalonensi, salutem &amp; apostolicam benedictionem.

Anno 1267

**A**d nostrum pervenit auditum, quod quidam Johannes Luciani de Montepessulano, de quibusdam suis possessionibus eo modo in ultima voluntate disposuit, ut illi qui possessiones obtinent easdem, lectum congruè paratum haberent, in quod deferrentur ad sepulturas corpora pauperum defunctorum. Quidam verò licèt dictas possessiones detineant, tamen hujusmodi lectum juxta testatoris dispositionem exhibere contemnunt in suarum periculum animarum. Ideoque fraternitati tuæ per apostolica scripta mandamus, quatenus si est ita, detentores possessionum earumdem, quod in hac parte prædictam dispositionem observent, monitione præmissa per censuram ecclesiasticam, sicut justum fuerit, per te vel per alium appellatione remota compellas. Datum Viterbii III. calendas Maii, Pontificatus nostri anno III.

## EPISTOLA CCCCLIV.

Abbatissæ &amp; conventui Montispeffulani ordinis S. Claræ.

*Indulgentias concedit earum ecclesiam in festo S. Damiani visitantibus.*

**D**ilectis in Christo filiabus abbatissæ & conventui monasterii sancti Damiani de Montepessulano, ordinis S. Claræ, Magalonensis diocesis, salutem & apostolicam benedictionem.

Anno 1267

Licèt is de cujus munere venit, ut sibi à fidelibus suis dignè ac laudabiliter serviat, de abundantia pietatis suæ merita supplicum excedit & vota, bene servantibus multò majora tribuat quàm valeant promereri: nihilominus tamen cupientes reddere Domino populum acceptabilem, fideles Christi ad complacendum ei, quasi quibusdam illecebris præmiis, & indulgentiis scilicèt & remissionibus invitamus, ut exinde reddantur divinæ gratiæ aptiores. Cupientes igitur ut ecclesia monasterii vestri in honorem S. Damiani constructa congruis honoribus frequentetur; omnibus Christi fidelibus jure pœnitentibus & confessis, qui eandem ecclesiam per octo dies post ejusdem sancti festum immediatè sequentes annis singulis visitaverint reverenter, de omnipotentis Dei misericordia & Beatorum Petri & Pauli apostolorum ejus auctoritate confisi, quadraginta dies de injunctis sibi pœnitentiis misericorditer relaxamus. Datum Viterbii III. calendas Maii, Pontificatus nostri anno III.

## EPISTOLA CCCCLV.

Dilectis filiis abbatibus, prioribus (a) archipresbyteris, &amp;c.

(a)

**E** Destinatum ad Urbem pro reliquiis inquirendis capellanum commendat.

**A**trendentes sanctorum merita, quorum suffragiis indigemus, pro ipsorum reliquiis requirendis, Magistrum Bn. subdiacōnum & capellanum nostrum ad Urbem, & partes circumadjacentes duximus destinandum, universitati vestræ per apostolica scripta mandantes, quatenus in his quæ circa illas à nobis ex parte nostra requisierit, pro nostra & apostolicæ sedis reverentia, erga ipsum sic favorabiles reddatis, quod nos id gratum habentes devotionem vestram proinde commendare possimus. Datum Viterbii (b) III. calendas Maii anno III.

(b)



(a) Al. Archiepiscopis.

(b) Al. Calendas Maii.

## EPISTOLA CCCCLVI.

Episcopo &amp; capitulo Magalonensi.

*Ne de glenis pauperum clerici decimas exigant.*

Anno 1167

**V**enerabili fratri episcopo & dilectis filiis capitulo Magalonensi salutem & apostolicam benedictionem.

In villa Montispeffulani, sicut accepimus, sæpe contingit, quod rectores & clerici ecclesiarum loci ejusdem ad extorquendum de glenis à pauperculis decimas notabiliter avidas interdum manus extendunt. Unde cum hujusmodi decimæ in Christi cadere debeant portionem potiusquam captandi lucrum sint totaliter extorquendæ; volumus & per apostolica vobis scripta mandamus, quatenus super his decenter providere curetis, quod justitia non lædatur, honestatis servetur debitum, nec pietatis officio derogetur. Datum Viterbii v. nonas Maii Pontificatus nostri anno III.

## EPISTOLA CCCCLVII.

Nemaufensibus &amp; Bitterrensibus civibus:

*Ut ad constructionem pontis super fluvium Levi manus conferant adjutrices, elemosynas erogantibus indulgentias concedit.*

Anno 1267

**U**niversis Christi fidelibus in Magalonensi, Nemaufensi, & Biterrensi civitatibus constitutis salutem & apostolicam benedictionem.

Quoniam, ut ait apostolus, omnes stabimus ante tribunal Christi, prout in corpore gessimus sive bonum fuerit, sive malum recepturi, oportet nos diem messonis extremæ misericordiæ operibus prævenire, ac æternorum intuitu seminare terris, quod reddente Domino cum multiplicato fructu colligamus in cælis, firmamque tenentes, quoniam qui parce seminat, parce & metet, & qui seminat in benedictionibus, de benedictionibus & metet vitam æternam. Cum itaque sicut accepimus super fluvium Levi, ubi dictum *Vadum juvenale* in territorio de Montepessulano Magalonensis diocesis, quidam pons valde necessarius inceperit ædificari de novo structura operis sumtuosi, nec perfici commodè valeat, nisi super hoc per elemosynarum largitionem inibi manus auxilii porrigatur. Universitatem vestram rogamus, monemus & hortamur in Domino in remissionem vobis peccaminum injungentes, quatenus de donis vobis à Deo collatis pias ibidem elemosynas & grata caritatis subsidia erogetis, ut per subventionem vestram opus prædictum consummari valeat, & vos per hoc & alia bona quæ Domino inspirante feceritis, ad æternæ possitis felicitatis gaudia pervenire, nos de ejusdem omnipotentis Dei misericordia & beatorum Petri &

(a) Philippus à Sabaudia ex Valentinenſi electo Lugdunenſis etiam electus est anno. 1254. duoſque episcopatus nullo suscepto ſacro ordine diutissime tenuit, ſed tandem utrumque reliquit factus Sabaudiz comes: & ducta Alceide Burgundiz comitiſſa,

**A** Pauli apostolorum ejus auctoritate confisi, omnibus inde pœnitentibus & confessis, qui ad hoc manum porrexerint adjutricem, quadraginta dies de injuncta sibi pœnitentia misericorditer relaxamus, præsentibus post triennium minime valituris. Datum Viterbii iv. nonas Maii, Pontificatus nostri anno III.

## EPISTOLA CCCCLVIII.

Dilecto filio (a) Lugdunensi electo.

(a)

*Increpatum de negligentia sacros ordines suscipiendi, mandat ut prælatus agat, aut episcopatus cedat.*

**N**osti quantum & quam pacificè sustinui-  
mus negligentia tuæ defectum, qui dudum ad sacros ordines debuisses ascendere, & munere consecrationis obtento, intendere diligentius saluti crediti tibi gregis. Sanè quod tanta patientia prærogata, tot apostolicæ sedis gratis inculcatis, ulterius pati nolumus animarum dispendia, quæ pastoris diu regimine caruerunt, non ex odio, sed ex vera dilectione processit, quàm sic ad te habere volumus, ut utilitatem multorum nudo tuo beneplacito præferamus. Cum igitur in duarum viarum capite dudum steteris, tempus est ut in altera te stabilias, nec ancipiti volvaris proposito, sed vel à modo prælatum impleas, vel Ecclesiæ Lugdunensi amplius non illudas. Nos verò suspensionis sententiam, quam in te olim tulimus, ad tempus prorogavimus ad preces venerabilis fratris nostri H. episcopi Ostiensis. Datum Viterbii III. nonas Maii anno III.

Anno 1267

## EPISTOLA CCCCLIX.

Dilecto filio S. tituli S. Ciciiliæ presbytero cardinali legato Franciæ.

*Laudat eum quod executionem testamenti episcopi Belvacensis suspendisset, mandatque ut legata ab eo x. millia librarum in subsidium terræ sanctæ instruendis navibus impendat.*

**D**E multorum admiratione miramur, qui  
rationis judicium non sequentes, sed legem sibi statuentes ad libitum contrariam, ut dicitur, providentiam murmurarunt, quam commendare potius debuissent dum executionem testamenti bonæ memoriæ G. Belvacensis episcopi præcepisti suspendi, donec super ea responsum apostolicum habuisses. Sanè qui totiens audierunt, qui in suis legerunt codicibus, quibus sit finibus tam prælatis quam clericis limitata potestas de suis (b) pecuniis in supremæ voluntatis judicio disponendi, quid objicere tibi valeant non invenient. Qui si forsitan adjuvare consuetudine se voluerint, an sit rationalis deberent inspicere, an rectius

Anno 1267

ex qua nullis liberis procreatis, defunctus est 1285. apud Altamcumbam ordinis Cisterciensis monasterium sepultus.

(b) Al. Ecclesiis.

Guillelmi de gressibus.

(b)



corruptela dicenda, ut cuidam hujusmodi A  
obtentu contra sanctiones canonicas non sua  
distribuere, legare liceat aliena. Verum nihil  
ad præsens super hoc diffinire volentes, de spe-  
ciali gratia ejusdem episcopi voluntatem, quam  
nobis acceptabilem faciunt testatoris devotio,  
& tot congesta opera pietatis, plenè volumus  
executioni mandari. Tu verò de illis x. millibus  
(\*) Turon. quæ subsidio terræ sanctæ reliquit, cum  
aliis adminiculis quæ occurrerunt, galeas insti-  
tuas in ejusdem succursum celerius destinandas.  
Datum Viterbii (a) nonis Maii anno III.

## EPISTOLA CCCCLX.

Consulibus & universitati Montispeffulani.

*Ut pro privatorum delictis non possint interdicto  
supponi.*

Anno 1167

Dilectis filiis consulibus & universitati villæ C  
Montispeffulani Magalonenfis diocesis sa-  
lutem & apostolicam benedictionem.

Quanto pleniori studio sedem apostolicam  
vestra devotio reveretur, tantò benignius &  
favorabilius nos in iis quæ dignè cupitis exau-  
dimus. Lecta coram nobis siquidem vestra pe-  
titio continebat, quod sæpe contingit pro pri-  
vatarum personarum villæ Montispeffulani Ma-  
galonenfis diocesis delictis, non solum in ipsas  
privatas personas, quæ nec ejusdem villæ do-  
minium obtinent, nec ullum gerunt publicæ  
administrationis officium in eadem, ob earum  
delictum seu contumaciam suspensionis vel ex-  
communicationis sententias promulgari: unde  
etiam præfatam villam supponi ecclesiastico  
interdicto in aliorum gravamen, qui delicti hu-  
jusmodi fautores seu participes non existunt,  
nec alias culpabiles in prædictis; super quo  
salubre adhiberi remedium per apostolicæ sedis  
providentiam humiliter postulastis. Nos igitur  
attendentes, quod illos poena tenere non de-  
bet, quos à culpa reddit innocentia excusatos,  
ne pro delicto vel contumacia hujusmodi pri-  
vatarum personarum memorata villa ecclesia-  
stico interdicto supponi valeat, dummodo tam  
vos quàm loci dominus non sitis in prædictis  
culpabiles, seu negligentes, vel remissi in exhi-  
benda super eisdem justitia; auctoritate præ-  
sentium districtè inhibemus: quod si contra  
factum fuerit; vos ad observationem interdicti  
hujusmodi non teneri, præsentibus post trien-  
nium minimè valituris. Nulli ergo omnino ho-  
minum liceat hanc paginam nostræ inhibi-  
tionis & constitutionis infringere, vel ei ausu F  
temerario contraire. Si quis autem hoc atten-  
tare præsumserit, indignationem omnipotentis  
Dei & beatorum Petri & Pauli apostolorum  
ejus se noverit incursum. Datum Viterbii  
nonis Maii, Pontificatus nostri anno III.



(b) Al. II. Nonas,

## EPISTOLA CCCCLXI.

Dilecto filio G. tituli S. Laurentii in Lucina  
presbytero cardinali apostolicæ sedis legato.

*Laudato ipsius zelo, cum à legatione revocat.*

Multa nobis de Dacia, non pauca de Ger-  
mania referuntur, quæ mentem nostram  
non levi, sed mediocri ratione concutunt, quæ  
te ferre molestius (b) æstimamus, qui cernis co-  
minùs & palpas jugiter multo tempore jam ex-  
pertus ferocitatem gentium, quæ in suis erro-  
ribus plusquàm eis expediat solidatæ; nec in-  
crepationem recipiunt, nec salutem. Sanè cum  
tibi Dominus cor docibile dederit ab infantia,  
& ex domo Dei proficiens, doctus à Domino  
plures docueris vacillantes, plurimos confir-  
maverit manus tua, materiæ vitium non artificis  
æstimamus, sinon quantum conceperas apud illos  
ad quos missusextiteras profecisti. Nam & ille qui  
quandoque pugnavit ad bestias, sibi semper  
proficiens proficere voluit, sed non valuit apud  
omnes: ei tamen non defuit approbati laboris  
meritum, qui ex fide negotium prosequens, quod  
susceperat peragendum, fecit quod potuit, de  
contingentibus nihil omittens. Tempus igitur  
arbitrantes à tuis laboribus requiescendi, ad  
eum qui te misit à modo revertaris. Discretionis  
tuæ per apostolica scripta mandamus, quate-  
nus tua, ut poteris, commoditate servata, ad  
nostram præsentiam accedere non postponas,  
una cum tuis fratribus quotidiana apostolicæ  
sedis onera portaturus, quæ causis variis con-  
fluentibus, sic nos angunt, ut moram tuam in  
curia longè magis credamus utilem, & longè  
pluribus fructuosam. Datum Viterbii VIII. Idus  
Maii anno III.

Anno 1167

(b)

## EPISTOLA CCCCLXII.

Carissimo episcopo Albanensi apostolicæ  
sedis legato.

*Scribit ei quæ Siciliæ regi dederit monita, Fran-  
corum regem cum multis nobilibus cruce-signatum  
fuisse, ac se aliquibus ecclesiis providisse.*

Nuncium tuum tenuimus, ut moræ fruc-  
tum quem carissimus in Christo filius  
noster C. rex Siciliæ illustris in nostra fecit  
curia rescribere tibi certius valeamus. Sciat au-  
tem tua fraternitas, quod intellectis ab olim  
pluribus, quæ in status tui discrimine vergere  
videbantur, eundem monuimus diligenter, ut  
& nobis & sibi providens, ea consultius emen-  
daret; alioquin everfionis periculum non im-  
merito poterat formidare; inter quæ expressi-  
mus ea, sibi verbo commendantes & scripto, ut  
videlicet ad restitutiones injunctas sibi, vel in  
posterum indicendas facilem & benevolum se  
præberet, justitiam faceret in regno servari,  
officialibus certa salaria constitueret, ultra illa

Anno 1167

(b) Al. Excusamus.

quicquam

recipientes juxta ipsorum merita seu demerita A  
in aliorum puniret exemplum, stipendiariis debita solveret, ab eisdem regnicolas concuti non permetteret, domum suam disponderet, officiales singulos officiis suis uti sineret, nec promiscuis actibus usum confunderet eorumdem, singulis suis quæstum sub æquo moderamine limitaret, sapientium consiliis acquiesceret, suæ prudentiæ non innitens, expensis inutilibus parceret; temporibus competentibus super eis rationem audiret, adibilem & affabilem pro loco & tempore subditis & legatis ad eum venientibus se præberet, prælatis quos ad suum vocabat consilium certa vadia constitueret, libertatem ecclesiasticam tam ecclesiis quam ecclesiarum hominibus conservaret, jura suorum libera esse sineret, nisi forsân personarum suspicio aliud suaderet, à collectis indebitis & albergis omnino abstinere, probis demum militibus & fidelibus servientibus terras daret, qui servire tenerentur eidem eò fidelius & instantius, quò non ejus dumtaxat, sed suum negotium prosequi tenerentur. Hæc & alia ei diximus, non sub tali epilogo, sed intelligibiliter & diffuse; ad quæ omnia brevè respondens, proficere sibi suisque poterit, si fecerit quod spondit. Sanè circa restitutiones, quæ nimis dilatæ sunt, faciendas, non ut tuo derogemus honori, sed ut onera relevemus, certas personas citra Farum duximus destinandas, & tu interim in Sicilia facias quod incumbit. Scire rursus te volumus, quòd in die Annunciationis Dominicæ carissimus in Christo filius L. rex Francorum illustris cum tribus filiis suis, P. J. & P. crucem assumit, & cum eo Atrebatensis, Britannia, Flandria, Augi & quidam alii Comites, Barones, & milites alii in magno numero, qui per Dei gratiam de die in diem augetur. Tempus autem passagii nondum scitur, sed subsidium militum ad terræ sanctæ sustentationem interim destinatur. Prædictus rex Siciliae potestariam Florentia & quarundam aliarum terrarum in Tuscia usque ad calendas Januarii, & inde usque ad vi. annos recepit, & jam multum depressa est potentia

(a) Gibellina. (a) Bethlemitanum episcopum quondam ad ecclesiam Cusentinam transtulimus.

(b) N. Remensem canonicum in Tranensem, in Acherotinam fratrem Laurentium, Petrum Romani seu de Surrentino capellanus nostrum posuimus in Sorana, ad montis regalis ecclesiam Corinthiensem duximus transferendum, nec de nostra disputes conscientia, quia sana fuit & integra in hac parte, sicut ex altera inclusa præsentibus tibi fieri poterit manifestum. Super ecclesia Cassinensi tuæ satisfaciemus voluntati, & de quibusdam aliis tibi scribemus id quod credimus expedire. Datum Viterbii (c) vi. Idus Maii anno III.



(a) Al. Beteamitanum.

(b) Ita omnes mss. uno excepto Colbertino, qui legit N. Tarsensem episcopum in Tranensem. (c) Al. vii. Idus. Al. viii. Idus.

Theauri Anecdor. Tom. II.

## EPISTOLA CCCCLXIII.

Episcopo Lincolnensi.

*Increpat eum quod regis secreta pandat, mandatque ut pacem procuraturus ad suam revertatur ecclesiam.*

S Uadente dilecto filio nostro O. S. Adriani Anno 1167  
diacono cardinali apostolicæ sedis legato, deliberandum duxeramus circa tuum negotium, quid Deo placeat, quid requirat justitia, quidque demum misericordia patiatur. Sed ægrè non immeritò ferimus, si veritatem habent, quæ relata sunt nobis, quod videlicet in Franciam veniens cum carissimi in Christo filii nostri illustris regis Anglorum hostibus conventicula frequentare non times, & ejusdem regis secreta pandere non vereris, dasque eisdem de tuis aliquos, per quos possint in Anglia, quæ per se nequeunt, seminare. Non hæc facta misericordiam postulantis, sed in se potius severitatem judicis provocantis. Quonam pacto illos familiares habeas, quos à corpore præcisos Ecclesiæ non ignoras? Quomodo picem tangere valeas & ab ea non infici non videmus? Licet autem persuasum sit nobis, quod sicut in Franciam, sic ad nostram venire præsentiam sine magna difficultate valeres: tuo tamen adhuc parcere labori volentes, fraternitati tuæ per apostolica scripta præciplendo mandamus, quatinus à malo & à spe mali, prout decet & expedit, abstinens in præmissis, sine moræ diffugio ad ecclesiam propriam revertaris, desque quam poteris opem & operam ad honorem regis & regni statum pacificum procurandum. Datum Viterbii v. Idus Maii anno III.

## EPISTOLA CCCCLXIV.

Dilecto filio O. sancti Adriani diacono cardinali apostolicæ sedis legato.

E *Suspensum se habere Lincolnensis episcopi negotium, regem Siciliae Tusciam intrasse scribit.*

V Enerabilis fratris nostri Lincolnensis te- Anno 1167  
nebimus in suspensio negotium, donec Londoniensis, Vintoniensis, Cicestrensis episcoporum negotia sine debito terminemus, quod sine causa non faciemus, sed ut dissimilium conditionum personis inferamus diversa stipendia meritorum. Sanè noveris carissimum in Christo filium nostrum C. regem Siciliae illustrem venisse Viterbium, & ibidem super multis articulis magnum nobiscum habuisse tractatum, cujus finem tibi non possumus indicare, donec certior habeatur. Intravit tamen Tusciam & Florentiam, atque Pratum. Assumserunt eundem in potestatem usque ad calendas Januarii, & inde ad vi. annos. Idemque Pistorium faciet. Magna verò de CORRADINO finguntur, quæ licet non omnino velimus contemnere, nullam tamen in eis invenimus adhuc

substantiam veritatis. Datum *ut supra in proxima.*

## EPISTOLA CCCCLXV.

Dilecto filio O. sancti Adriani diacono cardinali apostolicæ sedis legato.

*Permittit ei ut Maliensi & Cassinensi ecclesiis pastores provideat.*

Anno 1267

(a)

(b)

**D**E fraternitatis tuæ providentia, quam ab olim probavimus, certis indiciis plenius confidentes, tenore præsentium concedimus & committimus (a) Maliensi & Cassinensi ecclesiis cathedralibus de personis quas idoneas æstimaveris providere auctoritate valeas in episcopos & pastores, & eis quas præfeceris munus consecrationis impendi, in possessionem ecclesiarum ipsarum per te vel per alium eadem auctoritate indulturus easdem & tuiturus inductas. Datum Viterbii (b) Idibus Maii anno tertio.

## EPISTOLA CCCCLXVI.

Dilectis filiis universis Ecclesiæ Romanæ fidelibus per Ducatum Spoletanum & Anconitanam Marchiam constitutis.

*Detegit eis Firmanorum proditioes.*

Anno 1267

(c)

**N**on vos decipiant Firmanorum mendacia, non L. dicti Theopoli, qui cæcus dux cæcorum effectus, eos secum traxit ad foveam, in profundo malorum veniens cum eisdem. Simulator quidem & callidus idem ductor, verusque seductor carissimum in Christo filium nostrum C. illustrem regem Sicilia circumveniens, se admitti ad ejus consilium procuravit, cujus fraudem ipsi regi deteximus, ut consultius à se abjiciat hominem pestilentem & apostolicæ sedis ac nostrum capitalem ac publicum inimicum: qui nobis, prout debuit, tam benignè quàm devotè respondit, quod personam hujusmodi nobis justa ratione suspectam indignam familiaritate regia judicabat. Nos igitur tam ipsum L. quàm Firmanos Romanæ Ecclesiæ pessimos proditores apertè dicimus, & manifestè testamur nostros publicos inimicos, universitati vestræ per apostolica scripta præcipiendo mandantes, quatenus ad dilecti filii nostri S. tituli S. Martini presbyteri cardinalis apostolicæ sedis legati mandatum, sicut viri potentes & fideles Ecclesiæ filii, in eosdem viriliter insurgatis, quorum bona mobilia, dum in sua perfliterint contumacia, vobis exponimus auctoritate apostolica, eorum qui eadem occupaverunt usibus & dominio applicanda. Personarum tamen (c) mutilationem aut cædem nec quærimus nec appetimus, quarum vitia sic persequimur, ut salutem animarum & corporum in ipsius persecutionis instantia sitiamus. Datum *ut supra.*

(a) *Al. Massanenſi. Al. Malcenſi. Al. Maltenſi.*  
(b) *Al. vi. Idus. (c) Al. Multitudini.*

## EPISTOLA CCCCLXVII.

Carissimo in Christo filio regi Aragonum illustri.

*Proponit ei matrimonium contrahendum inter filiam suam, & H. filium regis Castellæ, hortaturque ad transfretandum in terræ sanctæ subsidium.*

B

Anno 1267

**E**Sse in curia nostra noveris dilectum filium H. filium claræ memoriæ F. regis Castellæ illustris, quem carissimus in Christo filius noster C. rex Sicilia illustris, sub spe tenet vel in terra sua vel juxta (d) providendi eidem, quamquam nobis esset acceptius, quod à laribus propriis non se penitus elongaret. Sanè super ea quæ magnificentia tua scripsit, locuti fuimus ei secretiùs, quod cum multa gratiarum actione suscipiens, non reputavit id adeo validum ut à rege Sicilia multa sibi spondente sub incerto spei propositæ crederet recedendum: quia tamen, ut credimus, non fiet subito quod à rege promittitur eidem, H. prudens & strenuus ad natale solum esset revocandus omninò, nec est aliquis quem melius filiam tuam deceat, ut videtur. Cogita fili carissime, negotiari prudenter, & illam pro te & carissimo in Christo filio nostro rege Castellæ illustri procura mittere certitudinem, quæ eundem possit allicere & ad propria revocare. Verùm dudum audivimus quem & quantum affectum habes ad subsidium Terræ sanctæ, ad quem carissimus in Christo filius noster illustris rex Francorum intendens, signum crucis vivificæ cum tuo genero & filiis aliis duobus assūpsit, multum desiderans te habere consortem. Sed & nos plurimum idem affectamus, quia nullus utilius, prout credimus, transfretaret. Sed dum orbem undique circumspicimus, unde tibi subsidium competens ministremus, invenire non possumus. Levandam siquidem vicesimam reddituum ecclesiasticorum decrevimus de terris populi christiani in cismarinis partibus constitutis, exceptis Angliæ, Franciæ, Hispaniæ, & Hungariæ regnis, quæ aliis sunt prægravata. Nec scimus, an in terris aliis nostrum propositum assequamur, tum quia gueris variis affliguntur, tum quia si barones eorum cruce signari contigerit, eos præferri in terris propriis circa subventionem hujusmodi personis exteris oportebit. Quocirca tua sciat sinceritas quod certum promittere non possumus, sed si nobis occurreret, vel aliquatenus eveniret, id libentissimè faceremus. Datum Viterbii Idibus Maii anno III.

F



(d) *Al. Providebit.*

## EPISTOLA CCCCLXVIII.

Venerabili fratri Patriarchæ Hierosolymitano apostolicæ sedis legato, & dilectis filiis hospitalibus, & Templi sacra militiæ Teutonicorum magistris, nobili viro de Serginis, & aliis Christi fidelibus ac defensoribus Terræ sanctæ.

*Ut regi Armeniæ ferant auxilium.*

Anno 1267

**C**um carissimus in Christo filius noster rex illustris Armeniæ, Domino permittente, qui quotquot recipit filios corrigit & castigat, per Babilonici furorem exercitus attritus graviter fuerit & oppressus, & sit eo dignius in suis necessitatibus adjuvandus, quò ad nostram tuitionem se reddidit, hactenus promptiorem vestram devotionem hortandam duximus & attentius obsecrandam, quatinus salva terrarum vestrarum custodia, omne consilium & auxilium quod poteritis impendatis eidem, ad terram suam, si opus fuerit, & tam ei quàm dilecto principi Antiocheno ad civitatem Antiochenam contra inimicos fidei defendendam. Datum Viterbii xvi. calendas Junii anno 111.

## EPISTOLA CCCCLXIX.

(a) Viro magnifico (a) P. imperatori Græcorum illustri viam agnoscere veritatis.

*Hortatur ut ad ecclesiæ gremium rediens, Terræ sanctæ ferat subsidium.*

Anno 1267

**S**i pressuris compateris Terræ sanctæ, si carissimi in Christo filii nostri regis illustris Armeniæ, prout scribis, damna deploras; tuum in hac parte commendamus affectum; quem propensius utique laudaremus, si affectui responderet effectus. Ecce siquidem si ex animo crucis persequeris inimicos, tempus imminet satis proposito tuo congruum. Jam quidem carissimus in Christo filius noster L. rex Francorum illustris cum filio primogenito & duobus sequentibus crucis se caractere insignivit cum multis comitibus & baronibus, militibus & plebeis. Et ne tantum negotium perfunctorie prosequi videatur, illud duxit longo præsidio fulciendum, tres filios jam adultos, sed multum juvenes secum ducens, ut si divina forsan ordinatio ex eis aliquem in præfenti peregrinatione subtraheret, supersint alii qui velint & valeant rem inceptam feliciter cursu prospero consummare. Sanè totum occidentalem populum excitamus, qui tam nostris hortationibus, quàm Francorum provocatus exemplis, ad opus simile se accingit. Si ipsis ex uno latere impugnantibus Agarenos, tu ex altero certare volueris contra ipsos, ex propinquo jam poterunt inimici crucis & fidei, sectæ suæ pestiferæ præsto-

(a) Michaëli Palæologo, qui tunc Græcorum imperium à latinis recuperaverat. Codex Colbertinus hanc epistolam inscribit, *Petro imperatori*, &c.

*Theauri Anecd. Tom. II.*

**A**lari ruinam. Quod si dicis te timere Latinorum incursum, si terram quam possides, ducto tecum exercitu, nudam relinqueres, & quasi penitus immunitam, non est longè quærenda responsio. Nam in te est terrorem hujusmodi à radice præscindere, si ad Romanæ Ecclesiæ rediens unitatem, ejus consiliis salutaribus acquiescens, proferendis rigore justitiæ temperato mandatis humiliter obedire volueris. Nec tuæ potest excusationi proficere, quod scripsisti prælati scilicet & clero, non tibi vel tuo populo impingendum, si nobis obedientia debita non impenditur ab eisdem; cum certò certius habeatur quod tu in prælatos & clerum longè majorem quàm deceat obtines potestatem, quibus etiam contra Deum & omnem justitiam in errore hujusmodi credere non deberes, sed eosdem tamquam schismaticos evitare, si coercere adeo non valeres. Ceterum cum tenore præsentium, quem postremum misisti magnitudinis tuæ legatum tibi remittimus satis celeriter expeditum. Primum autem apocrisarium Logothetam virum providum & prudentem, invitum non tenuimus, sed (b) ultroneum & nostros apocrisarios expectantem quos in brevi cum ipso ad tuam celsitudinem transmittemus. Datum Viterbii xvi. calendas Junii anno 111.

## EPISTOLA CCCCLXX.

Carissimo in Christo filio regi Armeniæ illustri.

*Ipsius calamitatibus compatitur, atque auxilium ex parte præsertim regis Franciæ promittit.*

**I**njunctæ nos excitat servitutis officium, doctrina nos ammonet apostolica, ut ex paternæ compassionis affectu infirmemur cum infirmantibus, & cum scandalisatis uramur, quod in tuis calamitatibus, fili carissime, nuper plusquam vellemus experti, salvo tamen in omnibus divinæ beneplacito voluntatis, cui nos decet nostram in omnibus conformare. Casu (c) liberorum tuorum, excidio tuæ gentis, ac depopulatione auditis in multa cordis amaritudine, regiæ majestati compassi, damnaque tuâ, totius populi christiani jacturam recto judicio deputantes, flendum credimus esse cum flentibus, consolationis divinæ benivolum expectantes solatium, qui post tempestatem tranquillum facit, & post mœrorem & lacrymas exultationem infundit. Scimus quidem quod & tota proficitur ecclesiæ, etiam te transmarinum Latinum populum ex variis nationibus inibi congregatum, diversis pro tempore liberasse præfidiis, te civitatis Antiochenis civibus in suis necessitatibus assistisse, te crucis hostibus viribus restitisse, ceteris omnibus nationibus Francorum amicitias prætulisse, te sedis apostolicæ preces & monita seu mandata cum omni reverentia suscepisse. Quis

(b) M. Ystrionem.

(c) Quippe unus liberorum necatus, alter fuerat captus, ac tota ipsius ditio vastata.

igitur praestolari non debeat ejus tibi misericor- A  
diam affuturam, qui super te tot & tanta fla-  
gella multiplicans, tuam voluit examinare con-  
stantiam, ut eò purior exear de fornace, quò  
flamma fueris acerbior purgatus. Sanè tuis &  
totius Terræ sanctæ pressuris, quas tuæ conti-  
nent litteræ magnitudinis, intellectis, reges &  
principes & totum populum cismarinum ea qua  
decurt diligentia paternis monitis excitavimus  
ad vindicandas injurias Crucifixi & ecclesiæ,  
per Dei gratiam excitationis nostræ primitias  
fecit Dominus & exhibuit gloriosas: nam in B  
festo Annunciationis Dominicæ jam transacto  
carissimus in Christo filius noster & Regi regum  
omnium devotissimus L. rex Francorum illu-  
stris (a) crucis humiliter accepit signaculum,  
& ejus primogenitus ac duo sequentes filii cum  
eodem, & alii multi in ipsa hora cum ipso,  
quorum tibi nomina mittimus in quadam sedula  
præsentibus litteris interclusa; qui se omnes ea  
die ad sui Redemptoris opprobria redimenda,  
viriliter ac potenter armarunt, qua in mundum  
venire voluit Dei filius homo factus & homi- C  
nes redempturus. Verùm post tot magnos & stre-  
nuos, quos ad crucis obsequium peperit dies  
illa, dilecto filio S. tituli S. Cecilie presbytero  
cardinali apostolicæ sedis legato crucem in re-  
gno Francorum prædicante, fit in regno (b)  
commotio generalis. Certatim barones occur-  
runt, milites & plebeis, & jam exsurgit magna  
pars Alamanniæ, jam consurgunt & aliæ regio-  
nes exemplis tam sublimibus provocatæ. Quem  
enim non commoveat regis Francorum exem-  
plum, qui laborum & sumtum, quibus extitit  
in Terræ sanctæ finibus prægravatus, quasi pror- D  
sus oblitus, nunc novus & recens athleta, Do-  
mini campum intrat certaminis, & ne forsitan  
pugnaturus credatur ad horam, filios ducit?  
Crede, fili, non humani, sed divini consilii  
opus est, quod audis. Jam quidem aliorum re-  
gum intentionem audivimus, qui ad idem totis  
viribus aspirant, infra breve tempus conceptum,  
ut credimus, & speramus, pluri propositum  
opere completuri. Leva igitur ad cælum oculos,  
auxilium imminens patienter expecta, particu-  
lari subsidio interim distinendo, quo terræ va- E  
leat sustentari. Nec te tuosve terreat male so-  
lida Babilonici Soldani superbia, quam ad tem-  
pus ascendere permisit Dominus, ut elatum  
allideret gravius; & fidelem populum humi-  
liari voluit, ut gloriosius exaltaret. Demum  
apocrisiarios tuos benignè recepimus, & tuæ  
devotionis munera gratiarum actione prosequi-  
mur, tuis petitionibus quantum licuit & de-  
cuit exauditis. Datum Viterbii ut supra.



(a) Huc spectare videntur ea quæ de S. Ludovico Francorum rege legi in veteri cartario Ecclesiæ Parisiensis in hæc verba.

Anno Domini mcccix. mense Martio pridie Idus die Veneris post dominicam qua cantatur *Reminiscere* Ludovicus rex Franciæ arripuit iter ad partes transmarinas de S. Dionysio, & ibi accepit peram & baculum peregrinationis suæ, quos benedixit & tradidit sibi in ecclesia S. Dionysii RADULFUS episcopus Albanensis, tunc apostolicæ sedis legatus in Francia & partibus transmarinis. Die

## EPISTOLA CCCCLXXI.

Dilecto filio S. Tituli S. Cecilie, &c.

*Novam ei in Franciam legationem tribuit, pluramque ei de Terræ sanctæ negotio, & de rebus Italiae scribit.*

Licet tua præsentia multum nobis esset ac- Anno 1257  
cepta, & Romanæ Ecclesiæ pro negotiis  
emergentibus admodum fructuosa: quia tamen  
crucis negotium universis & singulis aliis servus  
debet præponere Crucifixi, novam tibi legatio-  
nem ob causam hujusmodi in regno Fran-  
corum duximus concedendam, figentes anco-  
ram spei nostræ in omnium Redemptore, de  
cujus bonitate præsumimus, quod sicut libera-  
tionem regni Siciliae per tuum ministerium ad-  
juvit plurimum, & adjutum feliciter consum-  
mavit; sic & istud quantiscumque prolixitati-  
bus involutum, ad sui gloriam nominis attinget  
fortiter, suaviterque disponet. Sanè dilectum  
filium G. in Parisiensi ecclesia archidiaconum,  
& H. de Consentiis militem carissimi in Christo  
filii nostri illustris regis Francorum Marescal-  
lum, suos ac tuos nuncios benignè recepimus,  
diligenter audivimus, & gratiosè remittimus  
expeditos, tantam eidem regi in regno suo, &  
in quibusdam regionibus adjacentibus gratiam  
facientes, ut aut nihil superfit, aut parum quod  
aliis facere valeamus. Illud autem tuam pru-  
dentiam scire volumus, quod in nostrum non  
cadit animum de perpenso processisse judicio,  
tot regis filios & maximè primogenitum crucis  
caractere insigniri, & quamvis alias audierimus  
ad oppositum rationes, vel omnino decipimur,  
vel nihil habent penitus rationis. Verum nobis  
ac tuis fratribus in confectioe præsentium erat  
bene. Rex verò Siciliae carissimus in Christo filius  
noster nobiscum est Viterbii, quem vacante  
imperio capitaneum Tusciæ proponimus con-  
stituere. Etiam Florentini, Lucani, Pistorenses,  
& quædam alia loca celebria eundem Potesta-  
tem usque ad calendas Januarii, & inde ad  
vi. annos continuos elegerunt, & per eum hodie  
gubernantur; & quamvis Senenses hæsitent,  
missa tamen militia procul dubio domabun-  
tur. Multa nobis de CONRADINO dicuntur,  
cui locus qui parabatur in Tuscia tenendus;  
prout credimus, erit exclusus. Civitates Lombar-  
diæ pacem fecerunt ad invicem nostris nunciis  
mediantibus, sola Papia excepta, sed speratur  
in proximo quod ab aliis non discordet. Ce-  
terum & regem Siciliae pauperem esse noveris;  
& inordinatè consumere bona sua, quem dili-  
gere cupimus, quantum possumus, cum ad id  
caritas nos compellat, & imminentis cautela  
discriminis nos invitet, cujus utique non im-  
merito formidamus eventum, cum sit onerosus

vetò sabbati in crastino Idus Martii, accepit licentiam in ultimo  
suo recessu in ecclesia Parisiensi, & venit ad dictam ecclesiam de  
domibus suis Parisiensibus discalciatus, & dominus PETRUS filius  
suis similiter cum eo nudus pedes. Dominus PHILIPPUS primo-  
genitus suus, & dominus ROBERTUS comes Attrebatensis, & quam-  
plures alii non discalciati venerunt cum eo.

(b) Al. Sermo generalis.



ecclesiis & regnicolis universis, & quod dolentes referimus, nec suis, nec exteris gratus: ad terram verò sanctam in verbis generalibus maximum zelum habet; sed cum venit ad spem, nihil certum habere possumus ab eodem, nec de galeis mittendis vult facere quod spontit, & idcirco timemus plurimum ne pauca bene peragat, dum ad multa festinat. Hæc autem omnia clausa teneas, nec divulges, si tamen non notoria esse possunt. Datum Viterbii x. calendas Junii anno III.

## EPISTOLA CCCCLXXII.

Ad abbatem Nantensem.

*In gratiam monasterii Bonævallis.*

Anno 1267  
Ex schedis  
Colbertinis.

**C**LEMENS episcopus servus servorum Dei dilecto filio abbati Nantensi Ruthenensis diocesis salutem & apostolicam benedictionem.

Obviare malitiis perversorum; & quieti religiosarum consulere personarum pastoralis sollicitudine commonemur, ut & illorum peccandi refrænetur audacia, & ipsæ eo devotius quo quietius Domino valeant famulari. Cum itaque dilecti filii abbas & conventus monasterii Bonævallis Cisterciensis ordinis Ruthenensis diocesis à nonnullis, qui nomen Domini in vacuum recipere non formidant; multiplices patiantur molestias & jacturas; nos volentes & eorundem abbatis & conventus providere quieti, & molestantium malitiis obviare, discretioni tuæ per apostolica scripta mandamus; quatenus eisdem abbati & conventui præsidio defensionis assistens, non permittas ipsos contra indulta privilegiorum apostolicæ sedis ab aliquibus indebitè molestari, molestatores hujusmodi per censuram ecclesiasticam, appellatione postposita, compescendo; attentius provisorius; ne de his quæ causæ cognitionem exigunt, vel quæ indulta hujusmodi non contingunt, te ulla tenus intromittas. Nos enim, si secus præsumseris, tam præsentis litteras, quam etiam processum, quem per te illarum auctoritate haberi contigerit, omnino carere juribus ac nullius fore decernimus firmitatis. Hujusmodi ergo mandatum nostrum sic prudenter ac fideliter exsequaris; ut ejus fines quomodolibet non excedas, præsentibus post triennium minime valituris. Datum Viterbii nono calendas Junii, Pontificatus nostri anno tertio.

## EPISTOLA CCCCLXXIII.

Dilecto filio S. Tituli S. Martini, &amp;c.

*De abbate Farfensi & de Conradino.*

Anno 1267

**N**Ullas litteras tibi mittimus quæ suo careant condimento: ut ex ipsarum serie manifestè possis advertere, quia sic aliis volumus jura servare, quod jus nostrum & Romanæ Ecclesiæ semper maneat inconcussum, & idcirco non cogaris ea facere, quæ dilectus, & utinam diligendus, filius abbas Farfensis per

A mendacium impetravit. Sanè volumus quod cum poteris diligenter inquiras quod alienavit (a) in Marchia, & qualiter inveniri valeat, & inventum rescribere non postponas. Demum nos & fratres nostros turbat non leviter, quod licet sæpius mandaverimus, contra nostrum manifestissimum proditorem CONRADUM TRINCII nihil fecisti. Unde quanto arctius possumus discretioni tuæ per apostolica scripta mandamus, quatenus ad demolitionem bonorum ipsius absque omni dilatione procedas. Datum Viterbii viii. calendas Junii anno III.

## EPISTOLA CCCCLXXIV.

Episcopo Uctienensi.

*De collatione vacantium beneficiorum.*

**V**enerabili fratri episcopo Uctienensi salutem & apostolicam benedictionem.

Anno 1267  
Ex archivis  
Anticenis  
Ecclesiæ.

Honore illo tuam favorabilem prævenire personam intendimus, unde beneficiendi & gratificandi aliis tibi possibilitas tribuatur. Hinc est quod devotionis tuæ supplicationibus inclinati, conferendi personis idoneis beneficia ecclesiastica, personatus & dignitates cum cura & sine cura, quæ in tua civitate & diocesi tanto tempore vacaverunt, quod illorum collatio est ad sedem apostolicam juxta Lateranensis statuta concilii legitime devoluta, (si tamen beneficia eadem alias ad donationem tuam pertineant, & de illis non mandaverimus alicui alii specialiter provideri), inducendi quoque personas eadem in corporalem possessionem beneficiorum ipsorum, & inductas defendendi, necnon contradictores super hoc per censuram ecclesiasticam appellatione postposita compescendi, non obstantibus si aliquibus à sede apostolica sit indultum, quod interdici, suspendi, vel excommunicari non possint per litteras apostolicas quæ de hoc indulto plenam & expressam non fecerint mentionem, aut quavis alia præfata sedis indulgentia, de qua in nostris litteris specialis & expressa mentio sit habenda, sive per quam id impediri valeat quomodolibet aut defferri, fraternitati tuæ plenam & liberam concedimus auctoritate præsentium facultatem. Datum Viterbii viii. calendas Junii, Pontificatus nostri anno III.

## EPISTOLA CCCCLXXV.

Ad capitulum generale ordinis fratrum Prædicatorum.

*Eorum se commendat precibus.*

**C**LEMENS episcopus servus servorum Dei dilectis filiis magistro & fratribus ordinis Prædicatorum Bononiæ convenientibus in capitulo generali salutem & apostolicam benedictionem.

Anno 1267  
Ex mss. R.R.  
P.P. Prædicatorum T. g.  
rojanorum.

Ille summus & mirabilis opifex, cujus mira & proculdubio admiranda sunt opera, qui suam ædificavit ecclesiam super Petram, & ne um-

(a) Al. Marchio.

G g iij

quam fides ejus deficeret exoravit, illave solida firmitate stabiliens, eam non solum ad ornatus decentiam, sed ad exigentiam inexpugnabilis firmitatis ordinum & religionum diversitate munivit, ut sic varietate circumdata, & sicut turris David cum propugnaculis ædificata fortissimis, ex qua mille clypei pendeant, omnis fortium armatura, horum eadem ecclesia fulta suffragiis, quasi bellatorum stipata cuneis, & velut castrorum acies ordinata, terribilis, securam cum hoste transgreditur, & non solum ad confutandas spirituum malignorum insidias, & insidiosos repellendos insultus, sed ad apertos ascendendum ex adverso impetus superandos imperterrita & immota consistit. Sanè quo magis inter ceteros belligeros sacri vestri ordinis professores ab ordinis ipsius exordio congressibus hujusmodi vacaverunt instantius, & efficacius institerunt, atque ipsorum suffragia imbecillitati nostræ desideramus & confidimus utilius suffragari; tanto adhæsit eidem ordini anima nostra ferventius, & ad conservandam integritatem prosperi status ejus ardentius aspiramus. Ideoque universitatem vestram monemus, rogamus & hortamur attentè, in remissionem vobis peccatorum injungentes, quatenus in hoc salubri congregationis vestræ capitulo illis vacetis unanimiter, & concorditer intendatis, per quæ saluti animarum vestrarum & aliorum possitis vacare salubrius, & illibatam famam vestram & ejusdem ordinis conservare. Ceterum licet speremus indubie, quod vos caritatis igne in ara cordium vestrorum ardente succensi, paternum affectum quem ad vos & eundem ordinem gerimus attendentes, patri gratam filialis dilectionis vicissitudinem rependatis, vestrarum orationum nos frequenti opitulatione juvantes: nihilominus tamen ne tantam nobis gratiam negligere videamur, earum pro nobis frequentiam humiliter imploramus, instanter petimus, ut sic nos assiduis suæ caritatis velut Abisai Sunamitis adolescentula virgo vestra immaculata religio foveat, quod in nobis quod nec senis David vires accingimus, debitus prosequendi suscepti fervor officii, nullo umquam tempore frigescat. Datum Viterbii vi. calendas Junii, Pontificatus nostri anno III.

## EPISTOLA CCCCLXXVI.

Archiepiscopo Hispalensi.

*De decimis proventuum ecclesiasticorum pro rege Castellæ & Legionis colligendis.*

Anno 1267 **S**icut tua fraternitas non ignorat, anno primo quo fuimus ad summi gradum Pontificatus assumpti, carissimo in Christo filio nostro regi Castellæ & Legionis illustri ecclesiasticorum proventuum regnorum suorum & Portugalliæ sub certo moderamine decimam duximus concedendam, per te vel alios, quibus velles committere, colligendam, & assignandam eidem. Datur tibi per alias nostras litteras in

mandatis, quod ante omnia paternè memorato regi exponeres, quomodo in animæ suæ dispendium & famæ nihilominus non modicum detrimentum, sicut olim in minori officio constituti suæ consideratione salutis & honoris obtentu ei scripsisse meminimus, tertiam eorundem ecclesiasticorum proventuum recipit ad ecclesiarum fabricam deputatam, & ipsum solerter inducens, quod tibi nomine nostro & ecclesiarum regnorum prædictorum expressè promitteret, & patentes litteras super hoc exhiberet, quod exacto tempore ad colligendam præfatam decimam præfinito, tam ipsius decimæ quàm à præfata tertiæ perceptione omnino desisteret, & ecclesias ac loca de quorum proventibus decima illius ipsa percipitur, ad quæ dicta tertia pertinet, super eisdem tertiæ & decima ex tunc nullatenus molestaret. Concessimus tamen quod post provisionem & litterarum concessionem hujusmodi tertiam eandem per totum idem tempus liberè perciperet, & omnia quæ perceperat ex illa in instantis tunc negotii subsidium licitè posset convertere, nec ad ipsorum restitutionem aliam teneretur. Tu verò, prout ex parte regis ejusdem accepimus, in collectione prædictæ decimæ minimè processisti, causam tamen quare cessaveris ignoramus, & idcirco per alias nostras litteras tibi scribimus ut procedas juxta priorum continentiam litterarum. Sed ne credat rex idem, quod ultra finem primi triennii fabriles litteras de nostro percipere possit assensu, fraternitati tuæ per apostolica scripta mandamus, quatenus nisi suas det tibi patentes litteras, tot numero, ut singulis archiepiscopis regnorum suorum singulas valeas assignare, de decimis fabricalibus supradictis post triennii dicti finem dimittendis omnino, & à se vel à suis successoribus nullo tempore percipiendis ulterius, in exactione prædictæ decimæ non procedas. Sed nec hujusmodi litteris ab ipso rege, habitis in regno Portugalliæ te de collectione hujus decimæ aliquatenus intromittas, si carissimo in Christo filio nostro regi Portugalliæ illustri ad præsens cum eodem regno suo guerra contra Sarracenos immineat, aut in proximo imminere visibiliter timeatur, vel si fortè præfatus rex Portugalliæ præfatum memorati regis Castellæ negotium assumat personaliter, eidem in hoc competens subsidium, prout ejusdem negotii qualitas exigit, & ipsum regem Portugalliæ decet, impendat. Datum Viterbii calendis Junii anno III.

## EPISTOLA CCCCLXXVII.

**F** Statuta à Clemente papa IV. pro ecclesia Aniciensi condita.

*Ad perpetuam rei memoriam.*

**I**nter ceteras sollicitudines quibus animus noster jugiter ad diversa trahitur, frequenter ad statum Aniciensis ecclesiæ vertimus apostolicæ considerationis intuitum, & multiplex ratio nos invitat, ut ad ipsam specialis affectionis animum habeamus. Non enim sumus, nec esse

Anno 1267  
Ex archivio  
Aniciensi  
ecclesiæ.

(1)

debemus immemores, quod in illa dudum honoris incrementa suscepimus, in ea promoti fuimus ad episcopalis (a) apicem dignitatis, apud illam aliqua tempora ætatis nostræ percurrimus, ut inde faciente Domino, cum gradatim habuerimus ad altiora progressum, respiciamus eandem ecclesiam more patris ut filiam, & in mente nostra ferventi desiderio geritur, ut ecclesia ipsa spiritualiter & temporaliter augmentetur, ac in omnibus prosperè dirigatur. Porro quia consuetudines & conditiones ejus agnovimus, & ibidem aliqua vidimus, quæ decentiorem modum in observantiis exigebant, cordi nobis admodum extitit, ut utile &..... consilium apponere curaremus. Verum cum dilecti filii capitulum ejusdem ecclesiæ venerabili fratri nostro Aniciensi episcopo commisissent, ut vice ipsorum statueret, ordinaret & faceret, quæ ad conservandum & reformandum prosperum & honestum ipsius ecclesiæ statum competere, & cognosceret pertinere; ac idem episcopus & tres ecclesiæ præfate canonici, quos ipsi sibi super hoc adjunxit, de ipsius capituli voluntate, prout eis visum extitit, super aliquibus providissent, nos illa quæ sub certis videbantur ordinasse capitulis præsentata nobis diligenti examinatione discussimus, & eis juxta studium apostolicæ providentiæ limitæ correctionis expositis quamplura solerter adjecimus, & quædam exinde jussimus rescanda. Consideratis autem omnibus quæ circa præmissa fore prævidimus attendenda, statuta quædam & ordinationes edidimus in forma annotatas, quæ in prædicta ecclesia jubemus & volumus perpetuis temporibus observari.

Canonici  
qui saltem  
hora in cho-  
ro interfuit  
quotidie.

i. Quare de apostolicæ plenitudine potestatis statuimus & ordinamus quod quilibet canonicus Aniciensis ecclesiæ, & in dignitate seu personatu quolibet constitutus, chorum ipsius ecclesiæ semel ad minus in die ingredi teneatur, & ibidem alicui horæ canonicæ interesse diei, & quod de cetero de illis quatuor solidis Podiensis monetæ, qui pro libratione claustrum consueverant singulis canonicis exhiberi, cuilibet eorum dentur duo; reliqui verò duo solidi ratione illius horæ cui interfuerit, librentur unicuique. Quod si non interfuerit, nequaquam percipiat, & loco quotidianarum distributionum, quæ dari solent in horis, in posterum habeantur. Hoc autem salvo quod in theologia nunc & in posterum studentibus, quantum ad hos duos solidos, nullum præjudicium generetur: quos etiam percipiat qui præsens in civitate Aniciensi aliqua hora diei per absentiam, vel per aliam justam causam forsitan impeditus, ipsum chorum ingredi non valebit.

Similiter &  
clerici, &  
bis in heb-  
domada  
matutinis.

ii. Item, Quod quilibet clericus ejusdem ecclesiæ semel ad minus in die chorum ipsum teneatur intrare, & alicui horæ canonicæ, in qua etiam distributiones infra scriptæ non fient, & bis in hebdomada matutinis officiis interesse;

(a) Ex Archidiacono Aniciensis episcopus electus est anno 1259. factus anno sequenti archiepiscopus Narbonensis, postea Cardinalis, ac tandem summus Pontifex.

A alias ipsa die quæ defecerit, vel proxima quæ post defectum hujusmodi clericis primum libabitur, superpellicii ipso facto sit libratione privatus. Et salvo, quod vicariis canonicis pauperibus & clericulis inferius est statutum.

iii. Item, Quod omnes vicarii & capellani vicarii & capellani & canonici pauperes ejusdem ecclesiæ singulis horis diurnis interfint, cum ad hoc sint specialiter deputati, præsertim totæ missæ, horæ primæ, & ipsi \* primæ horæ nonæ & vespers & completorio, & ter ad minus in hebdomada interfint matutinis. Et si defuerint in una horarum prædictarum, in media libratione superpellicii ipso facto, in duabus vel pluribus, tota libratione diei ejusdem vel proximæ, in qua post defectum hujusmodi primum libabitur priventur, nisi infirmitate impediti fuerint, vel alia justa causa. Omnes etiam prædicti teneantur ibidem ad residentiam personalem.

iv. Item, Clericuli omnibus horis interfint, & si duabus horis diurnis vel nocturnis defecerint, priventur libratione superpellicii ipsa die. Et si succentor negligens fuerit circa correctionem eorum, die illa qua ipsos non correxerit negligentes, claustrum libratione puniatur. Et si legitime monitus in negligentia hujusmodi perseveraverit, amoveatur ab officio succentoris per capitulum memoratum.

v. Item, Quod canonici pauperes circa officiandam ecclesiam & sepulturam canonicorum majorum ipsius ecclesiæ se habeant ex antiqua observantia sicut debent: si defecerint per se vel per vicarium minimè serviendo, amittant duodecim denarios Viennenses, quos recipiat departiendos eis qui hujusmodi officium pro eis fecerint illa die, nisi justa & necessaria causa extiterint impediti.

vi. Item, Quod officiatores, quibus officium chori injungitur in principio matutinarum & vespersarum ante finem classi, & in principio introitus missæ, chorum ipsum teneantur intrare: ita ut illi cui officium committeretur, nisi tunc intraverit, vel in officio hujusmodi defecerit, si præsens est canonicus in medio claustrum, libratione superpellicii puniatur diei ejusdem, vel illius in qua librari contigerit, quæ librationes suppleant officium hujusmodi deputentur.

vii. Item, Quod in missa majori clerici vel canonici existentes in choro sedere minimè incipiant ante epistolam, nisi ultima ipsius missæ oratione completa.

viii. Item, Quod quilibet sive canonicus, sive clericus vel in dignitate qualibet constitutus, bis in septimana ad minus teneatur interesse scilicet matutinis, processioni, & missæ defunctorum: alias in libratione superpellicii diei sabbati septimanæ ejusdem vel sequentis diei, in qua primum libabitur, si fortè ipsa die sabbati librari non contigerit, puniatur, nisi absentia, infirmitate, vel alia justa causa valeat excusari.

(b) Classus est signum ad officium, quod cum omnibus campanis pulsatur.

*Clerici sint  
in ecclesia  
decem.*

ix. *Item*, Quòd sit certus numerus clericorum in ipsa ecclesia, scilicet decem, ultra quem numerum præcentor sine consensu capituli à modo nullum ponat sive introducat in ecclesia memorata.

*Clericuli  
ante annum  
xx. non ad-  
mittendi.*

x. *Item*, Quòd idem præcentor aliquem clericulum non possit facere, seu clargastrum donec vigesimum annum attingat, nisi alias talis arbitrio capituli appareret, quod merito deberet fieri ante tempus prædictum, nec etiam aliquem clericulum faciat seu introducat de novo postquam tempus attigerit memoratum, & nisi sufficiens idoneus examinatus prius in officio ecclesiæ sit inventus.

*Distributio-  
nes.*

xi. *Item*, Quòd ad distributiones: illis omnibus portantibus in dicta ecclesia superpellicium, qui horis canonicis in præfato choro intererint, faciendas assignet episcopus ipsius ecclesiæ centum libras Viennenses censuales, vel semel centum libras Viennenses pro se & successoribus suisolvere teneatur.

*Potationes  
& archa cle-  
ricorum.*

xii. *Item*, Quòd potationes & archa clericorum chori servitio deputentur, prout alias cum fiebant distributiones huiusmodi factum fuit: ita quòd capitulum ipsius ecclesiæ faciat valere dictas potationes seu beuendas quinquaginta libras Viennenses: Clerici verò alias quinquaginta libras Viennenses archam prædictam supplendo, si quid defuerit de summis præfatis.

*Clerici por-  
tantes su-  
perpellicium.*

xiii. *Item*, Quòd quilibet clericus portans nunc & etiam in futurum superpellicium in ecclesia memorata, non habens aliud officium vel beneficium ibidem præter superpellicium, teneatur assignare infra sex annos decem solidos Podiales debitaes, velolvere decem libras Podienses pro emendis redditibus ad servitium dicti chori, & interim donec assignaverit, solvat quindecim solidos Podienses annuatim.

*Dignitates  
seu perso-  
natus.*

xiv. *Item*, Quòd tam in dignitatibus seu personatibus constituti, quàm canonici & alii clerici, qui ultra superpellicium aliquod officium seu beneficium in ipsa habent ecclesia, viginti solidos Podienses infra sex annos singuli teneantur in redditibus assignare, velolvere viginti libras Podienses pro redditibus emendis exinde, & interim donec assignaverint velolverint dictos viginti solidos annuatim persolvant. Quæ omnia tam de his qui nunc sunt, quàm de his qui in posterum fuerint canonici vel clerici in ipsa ecclesia, vel etiam dignitates inibi seu personatus habentes volumus observari.

*Magister  
hospitalis.*

xv. *Item*, Quòd magister hospitalis ejusdem loci, qui nunc est, & quilibet qui in posterum pro tempore fuerit, ultra id quod ut simplex clericus dare tenetur ratione magisterii, decem solidos Podienses det ad idem servitium annuatim.

xvi. *Item*, Quòd quilibet clericus seu clericulus, qui ex nunc seu in futurum superpellicium de novo portabit, & quilibet qui in canonicum ejusdem ecclesiæ fuerit receptus, vel dignitatem seu personatum adeptus, nihil percipiat de librationibus superpellicii vel prælendæ, prima libratione dumtaxat excepta,

A donec ad idem servitium centum solidos Viennenses clericus, canonicus verò sive fuerit dignitatem seu personatum adeptus, solverit decem libras: quas summas prædictorum quilibetolvere sit adstrictus.

xvii. *Item*, Quòd de præfata pecunia ad ipsius chori servitium deputata singulis canonicis clericis, clericulis, ac in dignitate seu personatu quolibet constitutis, qui in ipso choro singulis intererint officiis matutinis dentur duodenarii Podienses, & tantundem his qui intererint missæ majori: illis etiam qui vespers intererint distribuatur tantundem.

*Duodenarii  
his qui missæ,  
matutinis & vespers  
intererint distribuendi.*

xviii. *Item*, Quòd annuatim tempore quo creantur bajuli clericorum, recipiendi & distribuendi dictos denarios, & rationem reddendi cura duobus viris idoneis à capitulo & ipsis clericis committatur, præstato ab eis personatiter juramento, prout ab aliis clericorum bajulis fieri consuevit, de prædictis fideliter adimplendis.

*Distributio-  
num cura  
duobus assignanda.*

C xix. Quòd ad distributiones solis canonicis & constitutis in dignitate seu personatu etiam faciendas, ipsorum quilibet, qui nunc sunt vel pro tempore fuerint, ratione præbendæ, necnon & succentori ejusdem ecclesiæ infra quinque annos assignent viginti solidos Podienses censuales, vel viginti libras Podienses pro redditibus emendis persolvant, interim nihilominus donec assignaverint velolverint, ipsos viginti solidos annis singulis soluturi.

D xx. *Item*, Quòd tertia pars eorum omnium, quæ absentes & residentiam minimè facientes de ecclesia seu bonis ipsius ecclesiæ qualiacumque annuatim percipiunt, servitio chori pro emendis redditibus ad dictas distributiones faciendas canonicis deputetur: absens verò quantum ad hoc intelligatur, qui per sex menses continuos in dicta ecclesia minimè residebit, nisi studii, peregrinationis, infirmitatis, vel alia justa causa fuerit impeditus: & hæc etiam omnia intelligantur tam de canonicis, quàm de aliis, dignitates, personatus, officia, pensiones, terras, vel ecclesias in ipsa ecclesia, vel ejus ratione habentibus ubicumque, & tam de præsentibus quàm futuris.

E xxi. *Item*, Quòd dignitates seu personatus, officia, terras, seu pensiones habentes in ipsa ecclesia, vel ratione ejusdem, qui nunc sunt, vel pro tempore fuerint, in sui ratione ultra ea quæ ut canonici & clerici tenentur facere, prout superius continetur, decanus scilicet præpositus, & abbas, seu ipsorum quilibet ad faciendas distributiones easdem, solvant viginti libras Viennenses, & in posterumolvere teneantur. Abbas verò S. Petri de Turre quindecim, abbas S. Evodii decem, præcentor decem, thesaurarius decem libras, foris decanus major centum solidos: minor verò foris decanus quinquaginta solidos, cellararius quinquaginta solidos, Sescalcus quinquaginta solidos, punctuarius quindecim solidos, magister scholarum quinquaginta solidos, marglarius decem solidos, thuribularius decem solidos, sacrista altaris crucis decem solidos, sacrista altaris Dei & S. Jacobi viginti

*Dignitates  
quæ solveri  
debeant ad  
faciendas  
distributiones.*



viginti annos. Terrarii autem ipsius ecclesiæ seu personatus habentes, quicumque sint vel fuerint in futurum, sive canonici simplices, sive personatus & officia obtinentes, dent annuatim centesimam partem omnium reddituum, quos ratione ipsius ecclesiæ percipiunt, hoc salvo nihilominus, quod de absentibus superius est statutum.

*Fructus vacantium beneficiorum chori servitio assignandi.*

xxii. *Item*, Quod fructus præbendarum, dignitatum & personatum, abbatibus dumtaxat exceptis, beneficiorum & officiorum quorumlibet ejusdem ecclesiæ, necnon ecclesiarum & terrarum, ad cuiuscumque collationem pertineant, ex quo vacaverint, scilicet primi anni à vacationis tempore computandi, & quamdiu vacaverint, si ultra annum vacare contigerit, chori servitio pro emendis redditibus deputentur, ad distributiones faciendas eisdem: ita quod ipsorum canonicorum bajulus, vel quem ipsum capitulum ad hoc elegerit, recipiendi & distribuendi canonicis dictos denarios curam gerat, & rationem reddendi, ut superius est expressum, hoc salvo quod in eo quod de ipsarum præbendarum vacantium fructibus consuevit ab antiquo recipere, ex hoc nullum præjudicium generetur.

*Distributiones faciendas his qui matutinis missis & vesperis intererunt.*

xxiii. *Item*, Quod de dicta pecunia distributionibus faciendis canonicis, & in dignitatibus seu personatibus constitutis, ut dictum est superius, deputata, singulis canonicis & in dignitatibus seu personatibus constitutis, qui intererint matutinis officiis singulis diebus Dominicis, Mercurii & Veneris, dentur ultra prædicta sex denarii Podienses: his verò qui majori missæ intererint quatuor, illis etiam qui vesperis intererint tantundem, illi insuper tantundem habeant, qui quodcumque toti missæ B. Virginis intererint horæ primæ.

*Distributio quando facienda.*

xxiv. *Item*, Quod eadem distributiones dandæ in missa, prout superius continetur, nec canonicis nec clericis dentur, nec aliis quibuslibet, donec ipsius missæ *Agnus Dei* fuerit decantatum. Et si antea inde exierit aliquis ex eisdem absque causa rationabili, nec postea ad eandem missam redierit, de distributionibus missæ ejusdem aliquam non recipiat portionem.

*Distributio officii augenda si redditus augentur.*

xxv. *Item*, Quod si pecunias dictarum distributionum faciendarum vel solis canonicis & in dignitate seu personatu constitutis, vel etiam clericis in ipsa ecclesia superpellicium portantibus universis, ut supra dictum est, aut etiam redditus contingeret in posterum augmentari, distributiones etiam prout commodius fieri poterit augmententur.

*Distributio officii facienda.*

xxvi. *Item*, Quod canonicis officiaris in choro prædicto qualibet vice percipiat sex denarios Podienses, clericus vero canonici supplens defectum, vel etiam alias officiaris, quatuor habeat de communibus distributionibus supradictis.

*Præbenda sacerdotales diaconales & subdiaconales.*

xxvii. *Item*, Quod in ipsa ecclesia duæ præbendæ proximè inibi vacaturæ, postquam illi qui jam in canonicos recepti ibidem præbendas fuerint assecuti, sint sacerdotales & hebdomadales, ultra illas quatuor quæ sunt & esse debent sacerdotales in ea, & præbendam etiam, quam

*Theauri Anecdor. Tom. II.*

tenebat ibidem jamdudum Guillelmus de Monte-revello senior, quæ sacerdotalis extitit ab antiquo; sive etiam sex diaconales præbendæ, illa quam tenet ibidem Petrus Aspasii, quæ diaconalis extitit inclusa, & sex subdiaconales, quas habentes officium per se vel per concanonicum diebus solemnibus & ix. lectionum festis serviendo majori altari adimpleant, prout à succentore ordinabitur juxta ordinem vicis suæ, & ibidem residentiam faciant personalem.

xxviii. *Item*, Quod subdiaconis & diaconis canonicis prædictis ipsi altari majori servientibus, clericali subdiaconi, & clerici diaconi, qui assistere in ipso officio tenentur eisdem, recipiant quod consueverunt recipere ab antiquo.

xxix. *Item*, Quod ipsi diaconi & subdiaconi canonici supradicti de dictis distributionibus duodecim denarios Podienses percipiant diebus singulis quibus dictum exercebunt officium, præter alias distributiones præfatas.

xxx. *Item*, Quod ipsi diaconi & subdiaconi canonici qui in officio suo prædicto per se vel concanonicum non deservierint, illa die in media libratione claustris, vel quam primum libabitur puniantur: quæ libratio supplenti defectum ejus in officio hujusmodi deputeretur.

xxxi. *Item*, Quod quodcumque canonici & dignitates seu personatus habentes super capituli tractatibus contigerit in ipso capitulo convenire in unum, pulsetur tribus vicibus campana ad hæc specialiter ab ipso capitulo deputanda, prout in aliis Galliarum ecclesiis observatur. Post ejus pulsationem tertiam, in his quæ præsentibus expediri consueverunt, vel possunt ab illis qui convenerint, procedatur, aliorum absentia non obstante, & valeant quæ facta fuerint ab eisdem.

*Diaconi & subdiaconi in suo officio non servientes puniendi. Capitulum ad campana pulsam.*

xxxii. *Item*, Quod ter ad minus in hebdomada, diebus scilicet Lunæ Mercurii & Veneris, ipsi canonici & dignitates seu personatus habentes in capitulo conveniant, de negotiis ac de utilitate ecclesiæ tractaturi: ita quod post horæ primæ exitum ter vel quater tantummodo pulsetur ad januam, post cujus tertiam pulsationem vel quartam, succentore sine dilatione ad eam, sicut moris est, cum processione eunte, ipsa campana tunc incontinenti pulsetur, & ab illis, sicut dictum est, qui venient procedatur.

*Ter in hebdomada congregandum.*

xxxiii. *Item*, Quod in ipsis tractatibus & negotiis, sicut juris communis esse dignoscitur, stetur majori & seniori parti ipsius capituli, partibus non obstante minus rationabili contradictione minoris, seu quod contrarium ibidem servatum est hætenus per abusum: ita tamen quod voluntas canonicorum ipsorum non singulariter extra capitulum, sed in capitulo ipso communiter saltem, & officiorum quorumlibet collatio à modo palam & non occultè in ipso fiat capitulo ab his ad quos spectat ordinatio eorundem.

*In quo prevalere majores & seniori parti.*

xxxiv. *Item*, Quod dignitates seu personatus, officia, terras, vel pensiones habentes nunc, vel etiam in posterum habituri, teneantur ibidem residentiam facere personalem, & tenere hospitium.

*De residentia & hospitio.*

Hh



tia, scilicet decanus, præpositus & abbas, seu ipsorum quilibet ad minus cum sex clericis superpellicium portantibus, vel canonicis ecclesiæ memoratæ, quorum librationes percipiant sicut hæcenus fieri consuevit. Abbas autem S. Petri de Turre cum quatuor, Abbas S. Evodii cum tribus; thesaurarius verò & præcentor, unusquisque eorum cum tribus; quilibet verò canonicus habens quadraginta libras Viennenses in redditibus qualitercumque ab ipsa ecclesia, vel de bonis ejusdem ultra suam præbendam cum duobus, nisi absens fuerit idem canonicus causa studiorum. Quod si quis in dignitate vel personatu constitutus de terris ipsius ecclesiæ dictas quadraginta libras haberet, ratione eorum, clericorum etiam numerum teneatur augere, ultra illum quem tenebantur habere ratione dignitatis ipsius.

\* F. carum,

Beneficio-  
rum plura-  
litas dam-  
nata.

xxxv. *Item*, Quod si quis canonicus habens nunc vel habiturus in posterum terras ejusdem ecclesiæ, dignitatem ibidem adeptus fuerit vel personatum, ipso jure vacent terræ ipsæ prædictæ.

xxxvi. *Item*, Quod nullus clericus in civitate Aniciensi præfata duas possit canonicas seu præbendas habere, scilicet in majori ecclesia & in collegiatarum aliqua aliarum; sed vacet ipso jure prima postquam secundam fuerit assecutus: his tamen exceptis qui jam sunt in utraque recepti.

Capellani.

xxxvii. *Item*, Quod nullus à modo constitutur ad serviendum capellæ vel altaribus ejusdem ecclesiæ, nisi sit ipsius ecclesiæ clericus, qui teneatur chori servitio interesse.

Superpellicium quibus non concedendum.

xxxviii. *Item*, Quod nulli in ipsa ecclesia superpellicium concedatur, nisi de legitimo matrimonio, bonæ famæ, sanus corpore, videlicet membrorum non patiens maculam, vel læsionem enormem, vel alias morbo incurabili non laborans, & conversationis existat honestæ, nec aliquam religionem ingressus, habens etiam unde possit commodè sustentari; alias dum residens fuerit, providere qui ipsum introduxerit egenium teneatur eidem.

Quibus datur fidei iuramentum præstans.

xxxix. *Item*, Quod quilibet clericus cui à modo superpellicium concedetur, juret capitulo ipsius ecclesiæ fidelitatem servare, & tam jura ipsius ecclesiæ bona fide defendere, quam universitatem etiam clericorum ipsorum.

xl. *Item*, Quod quilibet clericus ipsius ecclesiæ bona ejusdem ecclesiæ & clericorum ipsius pro posse defendere teneatur, nec contra tam consilium vel auxilium audeat impertiri. Quod si legitime monitus contra fecerit, superpellicio spoliatur.

xli. *Item*, Quod nullus canonicus vel clericus quicumque ipsius ecclesiæ contra concanonicum vel conclericum pro extraneis præstet publicè consilium vel juvamen.

Magister scholarum sit canonicus.

xl. *Item*, Quod Magister scholarum ejusdem ecclesiæ quicumque pro tempore fuerit, à modo sit ejusdem ecclesiæ canonicus, & quod præbendam percipiat, juxta suæ receptionis ordinem sibi debitum, sine tamen eorum præjudicio, qui jam recepti expectant præbendas vacaturas

A ibidem, qui legere in facultate theologica, & facere personalem continuam residentiam, nec non tenere hospitium ad minus cum tribus clericis ipsius ecclesiæ inibi teneatur: ita quod interim etiam antequam præbendam fuerit assecutus, distributiones chori, sicut unus ex aliis canonicis habeat: quindecim tamen denariis Podiensibus, quos de libratione claustrum ab antiquo consuevit recipere computatis, ad quas distributiones sicut & alii canonici teneantur conferre, ut superius est expressum. Si verò idem magister absque præfati licentia capituli se voluntarie absentavit, fructus scholasticæ amittat, quamdiu absens fuerit, qui tunc & etiam cum ipsam scholasticam vacare contigerit, & cum ceteris bonis ipsius successori debeant fideliter & absque diminutione qualibet conservari. Quod si per capitulum legitime monitus, absens non redierit; per ipsum capitulum amoveatur omnino, & alii idoneo conferatur. Eidem autem scholasticæ de terris ipsius ecclesiæ ad collationem decani spectantibus usque ad annum valorem quinquaginta librarum Viennensium confueris canonicis ejusdem conferri, si vacaret ad præsens, vel quam primum ad id offerret se facultas, non obstante si pro aliis superassignandis seu conferendis terras hujusmodi direximus scripta nostra, quibus nolumus auctoritate præsentium præjudicium generari, per episcopum ejusdem ecclesiæ volumus & præcipimus auctoritate apostolica assignari, contraditores per censuram ecclesiasticam appellatione postposita compescendo: ita quod collatio scholasticæ ejusdem, quæ nunc ad decanum Aniciensis ecclesiæ cum certo canonicorum numero pertinet, concedi cum consensu ipsius capituli vel majoris vel sanioris partis in ipso facienda capitulo, prout in ipsorum canonicorum creationibus consuevit fieri, pertineat ad eandem.

xl. *Item*, Quod clerici, qui à modo portabunt superpellicium in ecclesia memorata, examinentur prius an sint idonei in legendo & cantando officio ecclesiæ per aliquem virum discretum ad hoc per ipsum capitulum deputandum. Aliter non introducantur, illis tamen exceptis, de quibus ipsi capitulo alias videbitur expedire.

xliv. *Item*, Quod nullus canonicus clericus vel etiam in dignitate seu personatu quolibet constitutus; cum divina officia in choro ipsius ecclesiæ cantabuntur, in plano seu platea ejusdem ecclesiæ extra chorum ipsius, à choro scilicet seu altari crucis versus majus altare, nisi fortè transeundi necessitate vel peregrinorum occasione, stare, ire audeat, vel sedere, vel nisi in capellis vel subtus altare Dei ecclesiæ memoratæ.

xl. *Item*, Quod si qui publici concubinarij, vel lucra exercentes inventi fuerint inhonesti, vel si qui servitio altaris seu custodiæ deputati, prædicti de incontinentiæ vitio fuerint diffamati ab altaris servitio & ecclesiæ expellantur.

xlvi. *Item*, Quod omnes tam canonici quam clerici quicumque prædictæ ecclesiæ in choro, cum divina officia celebrabuntur, in stando &

\* F. tertius

Clerici recipiendi examinandis.

Canonici cum celebrantur officium extra chorum non sint.

Modestia in choro.

sedendo honestè se habeant, non ridendo, non loquendo, non confabulando, sed debitum silentium continendo, gestum congruum, faciem & corpus honestum ostendant.

*Et extra  
chorum.*

XLVII. *Item*, Quod extra chorum infra ipsam ecclesiam nullus clamare, rixari, seu inverecundè ad invicem vel cum mulieribus, seu aliis inhonestis personis confabulari audeat, nec per viam currere, seu currendo transire.

*Stabularii  
& alberga-  
rii.*

XLVIII. *Item*, Quod stabularii seu albergarii ejusdem loci nihil à modo percipiant in his quæ altaribus ecclesiæ offerunt peregrini, nec ad ipsa altaria eos ducant, nec aliqui alii ipsos peregrinos clamando maximè inducant, seu attrahant ad ipsius ecclesiæ altaria vel capellas.

*Cum eccle-  
sia habitu  
extra eccle-  
siam non  
standum.*

XLIX. *Item*, Quod nec canonici nec clerici quilibet cum habitu ecclesiæ claustrum limites transgredi præsumant, nec per claustrum seu villam sine cappa vel mantello extra hospitium incedant, nec publicè per villam canonicus sine clerico, vel alia honesta persona, nec clericus sine socio, nec ibi in carreria seu platea publica, sine competenti habitu stare seu sedere præsumat.

*De habitu  
canonico-  
rum.*

L. *Item*, Quod nullus canonicus vel clericus quilibet sine capa vel mantello argando seu tabardo per civitatem Aniciensem audeat equitare, nec manticam seu torseriam post se deferre.

LI. *Item*, Quod portantes de novo à modo superpellicium in ipsa ecclesia habeant raubam novam ad minus, scilicet superpellicium & cappam ecclesiæ, si ibidem voluerint residere.

LII. *Item*, Quod ipsi clerici vel canonici cum habitu ecclesiæ palam non deferant chirothecas, nec caligis albis utantur, nec supertunica scissa seu partita à latere deferant, nec cappas quarum capucia alterius coloris existat, nec cum capellis seu coiffis lineis apparentibus incedant ibidem.

*Tabernaculi  
non fre-  
quentent.*

LIII. *Item*, Quod à modo canonicus, vel clericus aliquis ipsius ecclesiæ Aniciensis tabernaculi non intret, nec domos eis contiguas, causa in eis potandi seu comedendi, & maximè mense Augusti juxta abusum antiquum.

*Nec choreas*

LIV. *Item*, Caligis rubeis maximè tempore paschali pannis de serico transgulgatis seu reatis à modo non utantur, nec anulos publicè deferant, nec choreas cum laicis aut mulieribus intrare præsumant.

LV. *Item*, Quod ille qui institutus est ad pulsandas campanas campanilis majoris ecclesiæ memoratæ, novas etiam teneatur pulsare campanas horis debitis & diebus, juxta ipsius ecclesiæ observantiam & arbitrium duorum honestorum virorum, quos ad hoc dictum capitulum duxerit deputandos, ipsorum nihilominus arbitrio, si circa hoc negligens aut rebellis exiterit, puniendus.

LVI. *Item*, Quod librationes superpellicii ipsius ecclesiæ quas amittent canonici vel clerici, quilibet ejusdem, vel alii in dignitatibus constituti incidentes in poenam, juxta ordinationem præmissam, chori servitio deputentur, recipiendæ per illos quibus cura recipiendi dena-

*Theauri Anecd. Tom. II.*

rios dictis deputatis distributionibus committentur. Librationes vero claustrum quas amittent canonici, vel in personatibus constituti, ipsorum specialibus distributionibus applicentur.

LVII. *Item*, Quod quicumque sive canonicus, sive clericus, vel in dignitate seu personatu quolibet constitutus in poenam amissionis librationis claustrum, vel superpellicii in toto vel in parte incidens juxta ordinationem præsentem, eam ex certa scientia receperit, seu recipi fecerit, vel recepto pro ipso ab alio libratoribus non restituerit quam primum, habebit certificatus super hoc facultatem, ex tunc per mensem ab ingressu ecclesiæ & perceptione librationis superpellicii, sit ipso facto suspensus, nisi legitime monitus restituerit, omni beneficio ipsius ecclesiæ spoliatur.

LVIII. Præterea statuimus & auctoritate apostolica ordinamus, quod nullus nisi constitutus in sacris in decanum dictæ ecclesiæ possit à modo eligi seu assumi, nec aliter alicui de ipso decanatu apostolica seu quavis auctoritate alia valeat provideri, decernentes quod secus actum fuerit non valere.

*Decanus  
eligendus  
sit in sacris.*

LIX. *Item*, Quod tam idem decanus quam præpositus ejusdem ecclesiæ in sacerdotes: abbates vero sæculares in diaconos, habentes officia scilicet præcentor, & thesaurarius, foris decani in subdiaconos, qui nunc sunt & pro tempore fuerint, sine dilationis medio statutis temporibus se faciant promoveri, alioquin quo usque adimpleverint, dignitatibus, officiis, & beneficiis hujusmodi, eo ipso, penitus sint suspensi. Quod si suspensionem hujusmodi per sex menses sustinuerint, ipsis eos esse privatos volumus, ea ex tunc vacare decernentes omnino per eos, ad quos spectat illorum ordinatio seu collatio liberè ordinanda aut etiam conferenda.

*Dignitates  
ad sacros  
ordines pro-  
movere debent.*

LX. *Item*, Quod nullus canonicus major viginti-quinque annis, postquam per quinquenium canonicus exiterit ecclesiæ supradictæ, sede Aniciensi vacante, ab ipso capitulo ubi-  
cumque fuerit, ad electionem vocetur episcopi, nisi ad sacros ordines promotus, nec ex hoc possit dicere se contentum. Ad eam tamen veniens admittatur.

*Ad electio-  
nem episcopi  
non vocandi  
in sacris non  
constituti.*

LXI. *Item*, Sanè cum super cura canonicorum ipsorum ac constitutorum in personatibus seu dignitatibus quibuscumque, nec non clericorum quorumlibet & familiarum ipsorum orta fuerat dubitatio longis temporibus retroactis: adeo ut ex hoc error quidam non absque animarum ipsorum periculo procedere videretur, statuimus ut decanus ipsius ecclesiæ, qui nunc est & pro tempore fuerit, curam ipsorum omnium, necnon aliorum quæ ad hospitale B. MARIE ejusdem loci prædiorum pertinent habeat, quam per se & alios, quos ad hæc idoneos noverit, & illa tantummodo quæ ad forum poenitentiale pertinent exerceat, videlicet confessiones audiendo, & poenitentias injungendo, ad ea quæ judicalem indaginem, jurisdictionem seu correctionem alias exigunt, potestatem suam minimè extensurus. Episcopus vero Aniciensis

*Cura cano-  
nicorum  
quibus com-  
missa.*

H h ij

ipsius decani curam juxta hunc modum, qui eidem decano circa prædictos traditur, gerere debet & habere. Magister verò hospitalis pauperum prædictorum qui nunc est & pro tempore fuerit, curam ipsorum pauperum ac donatorum hospitalis ejusdem & aliorum habeat, quam à decano recipiendam prædicto per se & alios idoneos, de quibus secundum Deum viderit expedire, valeat exercere.

*Magister  
scholarum  
& abbas  
Casa-Dei  
statuta fa-  
ciant obser-  
vare.*

LXII. Ceterum quia parum prodesse statuisse præmissa, nisi conatibus contrariis præsumendum obvietur; ordinamus & volumus, quod magister scholarum præfatus, & dilectus filius abbas monasterii Casa-Dei ordinis S. Benedicti Claromontensis diocesis, qui pro tempore fuerint, vel alter eorum per se vel alios seu alium requisiti super hoc, possint & debeant ad prædicta omnia & singula inviolabiliter observanda per censuram ecclesiasticam, & poenas etiam alias moderatas auctoritate nostra contradictores cogere quoslibet ac rebelles, quod fideliter exsequendum eisdem in virtute obedientiæ injungimus, & districtè præcipimus & mandamus.

*Cura tem-  
poralium  
vacantis  
episcopatus  
duobus com-  
mittenda.*

LXIII. Ordinamus insuper, quod quandoque in posterum sedem contigerit Aniciensem vacare, dictum Aniciense capitulum duos vel tres de ipso collegio viros idoneos & omni suspitione carentes sine moræ dispendio assumere teneatur, quibus ab ipso cura administrandi bona universa episcopatus ipsius quamdiu vacaverit committatur: ita tamen quod illi, qui ad onus hujusmodi assumentur, sine dilatione qualibet de bonis ipsis mobilibus inventarium facere teneantur, ac interdicto eis cujuslibet alienationis genere, de conservando & defendendo fideliter bona & jura episcopatus, & etiam de tenendo seu exercendo justitiam per se vel per alios, necnon de reddenda administrationis suæ futuro episcopo ratione, cum restitutione bonorum, quæ deductis necessariis expensis ad eos pervenerint, sub obligatione bonorum suorum promittant eidem capitulo recipienti pro eodem episcopo, præstito super hoc ab eis ad sancta Dei evangelia corporaliter juramento: super quibus omnibus confici volumus publicum instrumentum. Quam etiam rationem, si ipsam sedem diutius vacare forsitan, quod absit, contigerit; teneantur ipsi capitulo reddere de sex mensibus in sex menses. Ad suscipiendum autem officium hujusmodi per subtractionem beneficiorum, quæ ab ipsa obtinebunt ecclesia, possit & debeat idem capitulum compellere quoslibet refractores.

Prædicta autem omnia statuimus observanda, non obstantibus aliquibus aliis consuetudinibus vel statutis ejusdem ecclesiæ hactenus observatis, seu quibuscumque privilegiis vel indulgentiis ab apostolica sede quibuscumque personis, locis, dignitatibus, vel ordinibus generaliter vel specialiter, sub quacumque verborum forma concessis, aut etiam concedendis, per quæ nullum

(\*) Olim triplex fiebat imperatoris coronatio. In prima quæ Aquisgranî celebrabatur argentea corona ab archiepiscopo Coloniensi imponebatur, in secunda Modoëtiæ ferrea, in tertia Romæ

contra præmissa volumus obstaculum interponi, seu si aliquibus communiter & divisim ab eadem sede indultum existat, vel contingat in posterum indulgeri, quod interdicti, suspendi, vel excommunicari non possint per litteras apostolicas non facientes plenam & expressam ac de verbo ad verbum de indulto hujusmodi mentionem, & qualibet alia indulgentia dictæ sedis generali vel speciali, cujuscumque tenoris existat, per quam effectus præsentium possit quomodolibet impediri, & de qua in eis fieri debeat mentio specialis. Nulli ergo omnino hominum liceat ordinationes & statuta prædicta seu eorum aliquod infringere, vel ipsis ausu temerario contraire. Si quis autem hoc attentare præsumserit, indignationem omnipotentis Dei & beatorum Petri & Pauli apostolorum ejus se noverit incursurum. Datum Viterbii IV. nonas Junii, Pontificatus nostri anno III.

### EPISTOLA CCCCLXXVIII.

Carissimo in Christo filio illustri regi Castellæ & Legionum in regem Romanorum electo.

*Agit de ipsius coronatione.*

Quantò divinæ gratiæ potioribus donis abundas, quantò regnis pluribus præsidens locum obtines celsiorem, tantò plus tuæ convenit excellentiæ, quæ assumis negotia eâ circumspeditione discutere; ea maturitate librare, ut nihil in eis lateat, nihil promineat, quod justitiam non redolet, quod exactam non sapiat gravitatem. Sanè dudum in regem Romanorum electus à felicis recordationis URBANO papa prædecessore nostro petisti, quod & ab ejus, ut dicitur, prædecessoribus petieris, ad coronam imperii te vocari; & procuratore tuo petitionem eandem coram nobis semel & iterum refricante, fuit ex adverso propositum, quod per saltum promoveri volebas, qui nondum recepta (\*) Coloniæ regni Romanorum corona requirebas prope venerandum imperii diadema. Licet ad objectionem hujusmodi, ut de aliis taceamus, responsum multiplex tui tibi dederint sapientes: nos tamen quos juris veritas & facti tranquillitas non latebant, per aliam divertimus viam, ut tunc melius consuleremus honori, & negotio, prout decuit, ordinato, præfiximus terminum peremptorium, quo tuus & adversarii tui procuratores se nostro conspectui repræsentent, interim diebus & terminis assignatis suos articulos probaturi. Verum urgente nos stimulo caritatis, qua te, Deo teste, diligimus ex affectu, dilectum filium R. de Orabazan capellanum nostrum & nostræ conscium voluntatis, ad te duximus transmittendum, in cujus ore verba nostra secreta posuimus, quæ tibi referet viva voce. Ejus fidem dudum probavimus, & industriam, cui te credere volumus incunc-

anrea à summo Pontifice, qua de re vide quæ scripsimus in lib. 3. de antiquis ecclesiæ ritibus cap. 9. p. 144.

tanter. Ejus igitur verbum, tu fili carissime, diligenter considerans, quid liceat, quid deceat, quid expediat, tuum nobis citò rescribere non postponas beneplacitur. Nec enim imperii questionem nimis hætenus indecèter & damnosè dilatatam tenere possumus amplius in suspenso; cum sit ejus dilatio cum Ecclesiæ Romanæ jactura, & totius discrimine populi christiani. Datum Viterbii (c) nonis Junii anno 1111.

(\*)

## EPISTOLA CCCCLXXIX.

Dilecto filio nobili viro Ar. Capocci capitaneo urbis Romæ.

*Dolet de Urbis rebellionem, ad quam sedandam duos mittit antistites.*

Anno 1267

**L**itteras tuas nuper recepimus ortam rebellionem in Urbe contra te continentes, & quod lator litterarum ipsarum aliqua nobis diceret, quibus nos credere postulabas: qui tamen nostram non vidit faciem, nec quicquam viva voce vel scripto nobis alter nuntiavit. Sanè de tua & Urbis perturbatione dolentes, cujus nec sumus, nec fuimus, sicut quidam mentiuntur, auctores, sicut omnes sincere brachiis caritatis amplectimur, pacem omnium totis visceribus affectamus. Ideoque venerabiles fratres nostros Cusentinum archiepiscopum & episcopum Spoletanum ad eandem fideliter procurandam duximus destinandos, discretionis tuæ per apostolica scripta mandantes, & nihilominus consulentes, quod tamquam vir pacificus & modestus, memor semper devotionis illius quam domus tua ad Ecclesiam Romanam habuit, nostris in hac parte beneplacitis te coaptas, qui commune bonum inquirimus, & omnium volumus gratam esse concordiam. Et sic Urbem ex animo cupimus gubernari, quod vigore manente justitiæ status debitus universis & singulis conservetur. Demùm super his & aliis quæ dicti archiepiscopus & episcopus tibi dicent, eis te volumus fidem indubitatam habere. Datum Viterbii vii. Idus Julii anno 1111.

## EPISTOLA CCCCLXXX.

Carissimo in Christo filio illustri regi Castellæ.

*Non posse ejus præsentia frui, & quam cito ei reliquias transmissurum.*

Anno 1267

**L**icet gratissima nobis esset loco & tempore opportunitas tuæ præsentia magnitudinis: quia tamen partes Italiæ sine magno discrimine impræsentiarum relinquere non possemus, nec tuum, nec nostrum possumus desiderium adimplere: subest tamen & alia ratio, quam tibi per

(c) Al. 111. Nonas.

**A** nostrum specialem nuncium intimamus. Nescimus tamen quid lateat in divino consilio super rerum eventibus futurorum, qui forsitan necessitatem ingerent tam te, quam alios mundi principes ad honorem divini nominis congregandi. Multa quidem status orbis præfert indicia commotionum instantium, de quibus nihil certum pronunciare possumus, cum ea Pater omnium in sua posuerit potestate. Verùm reliquias quas petisti non habebamus nobiscum, & idcirco colligi facimus excellentiæ tuæ quam citò poterimus transmittendas. Datum Viterbii v. Idus Junii anno 1111.

## EPISTOLA CCCCLXXXI.

Ad Theobaldum regem Navarræ.

*Concedit ei per triennium decimam proventuum ecclesiasticorum in regno Navarræ.*

**C**LEMENS episcopus servus servorum Dei carissimo in Christo filio Th. regi Navarræ illustri salutem & apostolicam benedictionem. Anno 1267 Ex cartario campania.

In spiritu pietatis mentem tuam ad Christum, fili carissime, conscendisse percepimus. Nam dum in terris corpore militas, cælestem militiam ad quam suspiras animo contemplaris. Hic profecto labores complecteris, ut ibi quietis perpetuitate læteris. Hic etiam indefessum te pugilem exhibes, ut ibi percepto gloriæ præmio veluti magnificus triumphator exultes. Tu quidem Terræ sanctæ pressuras oculo clementis propitiationis advertens, & nunc ipsam solito diutius affligi conspiciens, quam manus Agarenorum impia usque ad intimam lacerat & enervat, motus erga eam internæ compassionis affectu, & ad vindicandam Redemptoris injuriam, qui terram eandem in proprium sibi patrimonium prælegit, tamquam princeps victoriosus exurgens, ut miserearis illius regionis oppressæ, cujus miserendi tempus advenisse speratur, crucis signaculum cum copiosa tuorum fidelium tam baronum quam militum & aliorum multitudine recepisti, personaliter illuc in brevi, dante Deo, profecturus. Super quo laudes & gratias Altissimo, qui hoc tibi dinoscitur inspirasse referimus, ejusque clementiam, ut votum tuum dignetur pro favore prosequi suppliciter exoramus. Quod autem hujusmodi votum eò plenius & efficacius implere valeas, quò manum apostolicæ potestatis magis tibi senseris adjutricem, decimam reddituum & proventuum ecclesiasticorum regni Navarræ per triennium inchoandum immediate post finitum tempus ad solvendum in diocesi Pampilonensi decimam carissimo in Christo filio illustri regi Aragonum deputatam, illis proventibus & redditibus qui ad loca quævis hospitalis S. Johannis, ac domorum militiæ Templi Jerosolymitani, & S. Mariæ Teutonicorum, sive ad ecclesiasticas personas signo crucis assumpto in primo generali passaggio in prædictæ terræ subsidium profecturas, quas

Hh iij



ab huiusmodi præstatione decimæ, à tempore A  
susceptæ crucis ipsius haberi volumus excusatas,  
pertinent, dumtaxat exceptis. Redemptiones quo-  
que tam crucis quam aliorum votorum, nec  
non legata in dictæ terræ subsidium ibidem re-  
licta, subventiones etiam faciendas ab illis de  
prædicto regno, qui signo crucis assumpto, non  
in personis propriis votum suum extiterint exe-  
cuti, sed de bonis propriis aliquam exhibere  
voluerint pecuniæ quantitatem: quibus juxta  
largitatem subsidii & devotionis affectum pec-  
catorum suorum veniam & salutis pollicemur B  
augmentum, tibi de fratrum nostrorum consilio  
præsentium auctoritate concedimus, secundum  
providentiam tuam in præfatæ terræ subsidium  
convertenda. Nulli ergo omnino hominum li-  
ceat hanc paginam nostræ concessionis infringere,  
vel ei ausu temerario contraire. Si quis  
autem hoc attentare præsumserit, indignatio-  
nem omnipotentis Dei & beatorum Petri &  
Pauli apostolorum ejus se novit incursurum.  
Datum Viterbii v. Idus Junii, Pontificatus no-  
stri anno III.

## EPISTOLA CCCCLXXXII.

Ad eundem.

*Eum & sua suorumque sub sedis apostolicæ protec-  
tione suscipit.*

Anno 1267  
Ex cartario  
Campania.

CLEMENS episcopus servus servorum Dei  
carissimo in Christo filio TH. regi Navarræ  
illustri salutem & apostolicam benedictionem.  
Aspiciens Terræ sanctæ pressuras, quam ma-  
nus Agarenorum impia solito durius lacerat,  
immaniter affligit, in ejusdem subsidium tam-  
quam princeps catholicus zelo fidei & devotio-  
nis accensus vivificæ crucis signaculum assum-  
psisti. Nos itaque volentes ut votum tuum eo  
ferveatius exequaris, quo præsidia sedis aposto-  
licæ tibi adesse perceperis promptiora, personas  
tuam & illorum quos tecum duxeris, cum fa-  
miliis, regno Navarræ, Campaniæ & Briæ comi-  
tatibus, castris, terris, villis, possessionibus &  
ceteris bonis mobilibus & immobilibus, quæ im-  
præsentiarum rationabiliter possideris, sub B.  
Petri & nostra protectione suscipimus, & præ-  
sentis scripti patrocinio communimus: distric-  
tius inhibentes ne quis in præmissis vel eorum  
aliquo vos offendere, perturbare, seu quolibet  
modo molestare præsumat, ac nihilominus sta-  
tuentes ut ea omnia sine læsione ac diminutione  
qualibet integra maneant & quæta, donec de  
vestro reditu vel obitu certissime cognoscatur.  
Nulli ergo omnino hominum liceat hanc pagi-  
nam nostræ protectionis, inhibitionis, & con-  
stitutionis infringere, vel ei ausu temerario con-  
trahere. Si quis autem hoc attentare præsumse-  
rit, indignationem omnipotentis Dei & B. Petri  
& Pauli apostolorum ejus se noverit incursum.  
Datum Viterbii v. Idus Junii Pontificatus  
nostri anno III.

## EPISTOLA CCCCLXXXIII.

Ad prælatos &amp; personas ecclesiasticas regni Navarræ.

*Ut regi concessam decimam liberaliter, & sine  
difficultate solvant.*

CLEMENS episcopus servus servorum Dei  
venerabilibus fratribus archiepiscopis, epis-  
copis, ac dilectis electis, abbatibus, prioribus,  
decanis, archidiaconis, præpositis, archipres-  
byteris & aliis ecclesiarum prælati, necnon ca-  
pitulis, collegiis, conventibus, ceterisque per-  
sonis ecclesiasticis, sæcularibus & regularibus,  
exemptis & non exemptis, per regnum Navarræ  
constitutis salutem & apostolicam benedictio-  
nem.

Anno 1267  
Ex cartario  
Campania.

Quiescere videmus interdum commotiones  
fluctuum, circa marium tempestates, & dissen-  
sionum fluctuationes nonnumquam silere con-  
spicimus in negotiis terrenorum: illis æris data  
temperie, istis animorum concordia restituta.  
Sed prohi dolor! statui miserabili Terræ sanctæ  
diutius depressæ, languoribus gravissimis diu la-  
cessitæ, jacturis & varietate multiplicis crucia-  
tus afflictæ, nondum advenit expectata sereni-  
tas, & mentes fidelium gentis porissimum cis-  
marinæ tamquam illius regionis oblita compati  
sibi juxta pietatis debitum in tantis & tam diris,  
tamque prolixis afflictionibus aspernantur. Heu  
præclara Salvatoris hereditas pretiosissimi san-  
guinis ejus profluvio consecrata, pedibus abomi-  
nabilium nationum conculcari conspiceris, ho-  
stiliū incursum insatiabili feritate deprime-  
ris & derelinqueris non adjuta! Numquid me-  
ruisse probaris quod cari tui tua tormenta dissi-  
muleris, erga te ferrea gestent viscera, sicque  
te miserabiliter perire permittant? Meruit hoc  
ille Unigenitus Dominus JESUS-CHRISTUS,  
quod eadem hereditas, in qua pro nostra re-  
demptione crucifigi voluit, & mortis subire pe-  
riculum, defensionis non debeat invenire præsi-  
dium à redemptis? Profecto silere non possumus  
& veremur, quod dum ipse Christus crucifigen-  
dus iterum quæritur, qui licet in se denuò mori  
nequeat, pati se fatetur in suis quos Agareno-  
rum impietas rigore carceris macerat, mole  
famæ attenuat, incessanter obsidionibus artat,  
& plurimos eorum ultimis tradit suppliciis, nec  
exsurgit populus quem redimit ad tantum ejus  
opprobrium vindicandum, ab eisdem redemptis  
faciem iratus averteret, comperiens illos ingra-  
titudinis vitio laborare. Hoc autem carissimus  
in Christo filius noster TH. rex Navarræ illu-  
stris prudenter advertens, divino excitatus Spi-  
ritu, terræ præfatæ negotium duxit, assumpto  
vivificæ crucis signaculo, noviter assumendum,  
in ipsius terræ subsidium, tum baronum, mi-  
litum aliorumque suorum fidelium multitudine  
copiosa brevi, dante Domino, profecturus. Hic  
est princeps verè catholicus, Deo peramabilis



& dignis laudibus extollendus, qui gestans Redemptorem suum in cordis visceribus figuratum, non parcit in Christi servitio sibi nec suis, pensans quod Pater æternus pro nostræ salvationis præmio Filio proprio non pepercit. Credentes itaque congruum, immò dignissimum reputantes ut idem rex in tanti prosecutione negotii apostolicis & nostris præsiidiis adjuvetur; decimam reddituum & proventuum ecclesiasticorum regni Navarræ, per triennium inchoandum immediate post finitum tempus ad solvendum in diocesi Pampilonensi decimam carissimo in Christo filio nostro illustri regi Aragonum deputatam, illis proventibus & redditibus ad loca quævis hospitalis S. Johannis ac domorum militiæ Templi Jerosolymitani & S. Mariæ Theutonicorum, sive ad ecclesiasticas personas ligno crucis assumpto in primo generali passagio in prædictæ terræ subsidium profecturas, quas ab hujusmodi præstatione decimæ à tempore susceptæ crucis ipsius haberi volumus excusatas, pertinent, dumtaxat exceptis: redemptiones quoque tam crucis quam aliorum votorum, necnon legata in dictæ terræ subsidium ibidem relicta, subventiones etiam faciendas ab illis de prædicto regno, qui signo crucis assumpto non in personis propriis votum suum extiterint exsecuti; sed de bonis propriis aliquam exhibere voluerint pecuniæ quantitatem: quibus juxta largitatem subsidii & devotionis affectum peccatorum suorum veniam salutis pollicemur augmentum, eidem regi de consilio fratrum nostrorum concessimus secundum providentiam suam in præfatæ terræ subsidium convertenda. Quocirca proposito vestris oculis pretiosissimo sanguine crucifixi, per asperionem obsecramus ipsius, vestram in Domino caritatem nihilominus monentes ac intimis affectibus exhortantes, quatenus erga dictum regem manus vestras liberaliter extendatis, & ad dandam ei hujusmodi decimam juxta concessionis nostræ tenorem promptum & facilem præbeatis assensum, ut ex hoc Regis æterni gratiam, apostolicæ sedis favorem, & christianissimi principis vestri benevolentiam promereri plenius vestra devotio mereatur. Datum Viterbii v. Idus Junii anno III.

## EPISTOLA CCCCLXXXIV.

Dilecto filio magistro ordinis Fratrum  
Prædicatorum.

*Petit ab eo aliquos ex suis fratribus ad Græcos  
redire cupientes ad Ecclesiæ gremium mittendos,  
eosque de vera fide instruendos.*

Anno 1267

**Q**Uantum & quotiens, quot etiam ministerio sapientum Romana Ecclesia laboraverit ad Græcorum indomita colla domanda, scissamque ab eisdem Domini tunicam inconfutilem reparandam, nec te nec fratres ordinis tui latuit, quorum aliqui non sine laboribus personalibus, non sine vitæ propriæ discrimine,

A injunctam sibi per sedem apostolicam in opere tam laudabili sollicitudinem exsecuti, nihil tamen de contingentibus, prout creditur, omiserunt. Licet autem multo labore sudatum fuerit circa ipsos, nec, quod dolentes referimus, sit eorum rubigo consumpta: quia tamen ex quibusdam indiciis, quæ per litteras & legatos insinuant, ad salubrem videntur reditum anhelare: nos probare si ex Deo sint spiritus cupientes, suæ professione fidei, quam miserunt, accepta, quam in multis erroneam & in multis invenimus diminutam, nuper eis in scriptis misimus quæ cum tota latina etiam firmiter credimus, & simpliciter confitemur; promittentes eisdem, quod temporis opportunitate captata, apocrisarios nostros mitemus eisdem, de ea quæ in nobis est fide & spe juxta verbum apostolorum principis paratos reddere rationem. Verum cum sit cordi nobis ad hoc mittere homines qui testamenti scientia polleant utriusque, & ingenio nihilominus præditi naturali, nec sint in gestibus incompositi, nec in responsione præcipientes, sed exacta potius gravitate sciant in tempore proferre sermonem, & eorum jactantiam, quorum scientia multum est tenuis, æquanimiter tolerare; discretionis tuæ per apostolica scripta præcipiendo mandamus, quatenus ex fratribus tuis tui ordinis, quos ad hoc magis idoneos juxta dictas circumstantias esse noveris, ad nos mittere sine moræ dispendio non omittas; quibus hujus prosecutionem negotii turè committere valeamus; ut si Deo placuerit, per eorum industriam Græci dudum per invium aberrantes viam modò veritatis agnoscant, & profitentes agnitam, ad sedis apostolicæ redeant unitatem; vel eorum detectis fraudibus & mendaciis, manus nostras servemus innoxias, ne à nobis nunc vel in posterum eorundem sanguis à Domino requiratur. Demum ne credas ex his quæ tibi scribimus quamdam tibi necessitatem indici discutendi per totum ordinem fratrum merita, & ex universis tres eligere ad hujusmodi ministerium potiores. Sed scire te volumus, nobis sufficere de illis quos tecum habes, vel infra fines Italiæ ad hoc credis idoneos, illos eligere. Non enim Græci ad disputationem se offerunt, sed paratos se dicunt inoffensam sibi percipere veritatem, suntque apud nos rationes illorum, quibus suum errorem fulciunt baculis arundineis innitentes. Datum Viterbii v. Idus Junii anno III.

## EPISTOLA CCCCLXXXV.

Dilecto filio nobili viro A. comiti Picravienfi  
& Tolosano.

*Promittit ei pecuniarum subsidium in Terræ  
sanctæ auxilium.*

**N**Ota nobis à multo tempore tuæ devotionis sinceritas, sed & illa compassio quam ad Terræ sanctæ miserandas angustias ha-

Anno 1267

buisse dignosceris, in cuius subsidium licet olim A  
personaliter laboraveris, adhuc tamen instan-  
tius laborare proponis, efficacius nos invitant,  
ut cum ad ejusdem Terræ-sanctæ succursum  
cum decenti ac nobili comitiva tuis tecum pro-  
fectum stipendiis te accingas, cum facultas  
nobis occurrerit de tantarum relevatione ex-  
pensarum & onerum gratum tibi subsidium of-  
feramus. Verum cum ad partes diversas legatos  
mittere proponamus, quorum incumbet officio  
tertiam ecclesiasticorum, reddituum colligere B  
portionem, de qua speramus supradictæ terræ  
grande satis subsidium proventurum, de eodem,  
cum primum collectum fuerit, dari tibi, fa-  
vente Domino, xxx. millia librarum Turonen-  
sium faciemus. Datum Viterbii iv. Idus Junii  
anno 111.

### EPISTOLA CCCCLXXXVI.

Dilecto filio nobili viro A. comiti Pictaviensi  
& Tolosano.

*De subsidio ei destinato.*

Anno 1117 C Rucis subsidia quæ possunt in regno Fran-  
corum variis rationibus provenire, carissi-  
mo in Christo filio nostro germano tuo illustri  
regi Francorum dedimus, terris tuis quas in  
eodem regno obtines in hujus gratia de tuo  
comprehensus assensu, licet nostri fuisset pro-  
positi eas tuo succursui reservare. Nihil autem  
ad manum habentes, quod tibi dare manuali-  
ter valeamus, fecimus quod potuimus; quod ut  
secretius propter concursum petentium teneat-  
ur, factam super hoc litteram in manu dulcis-  
simi filii nostri J. sancti Nicolai in carcere Tul-  
liano diaconi cardinalis posuimus, ne nobis sub-  
ductis de medio possit gratia deperire. Accipe  
ergo quod offerimus ex affectu quo sincera ca-  
ritate diligimus, & sicut vir strenuus & magni-  
ficus vorum crucis prosequere. Jam agnosce,  
prius tamen terris tuis ex ordine visitatis, & tuis  
ac focii fore factis plenius emendatis. Immolan-  
tium enim ex iniquo vota non probat Altissi-  
mus, nec prodest corporis exercitium dum pre-  
mit animum sua mole peccatum. Datum Viter-  
bii 11. Idus Junii anno 111.

### EPISTOLA CCCCLXXXVII.

Dilecto filio R. Seguini de Melgario.

*Prorogat terminum transitus sui in Terram-sanctam.*

Anno 1167 C Um ex mandato Venerabilis fratris nostri  
Magalonensis episcopi te ad partes Acco-  
nenses transferre in instanti passagio sub jura-  
menti debito tenearis, quia tuæ paupertati com-  
patimur, transitus tui terminum usque ad caris-  
simi in Christo filii nostri illustris regis Franco-  
rum & aliorum cruce signatorum generale pas-  
sagium tibi de speciali gratia prorogamus. Da-  
tum Viterbii Idibus Junii anno 111.

### EPISTOLA CCCCLXXXVIII.

Venerabili fratri episcopo Avinionensi & dilecto  
filio nobili viro decano Domino (a) Uteriae  
germano ejus.

*Ut pacem inter duos dissidentes componant.*

Anno 1167 L icet pacis consilia generaliter nobis pla-  
ceant, ad quam omnes libenter induci-  
mus, qui pacis filii esse volunt; illos tamen quos  
diligimus specialius ad eandem monemus at-  
tentius, & efficacius invitamus. Quocirca cum,  
sicut nosti, inter nos & dilectum filium P.  
Raymbaldi nobiscum ex uno latere, & dile-  
ctum filium virum nobilem Odiaconetum  
Montis-Albani ex altero dissensio longa fuerit;  
prudentiam vestram rogamus & monemus at-  
tentè per apostolica scripta mandantes, qua-  
tenus juxta dilectorum filiorum fratris Ray-  
mundi de Medallis Prædicatorum ordinis, &  
C. de Melgorio militis consilium, ad pacem  
habendam cum eo vos promptos & faciles ha-  
beatis, ut ex hoc & vestrarum animarum salu-  
tem (b) & cum divina gratia nostram vobis  
benevolentiam augeatis. Datum ut supra in  
proxima.

### EPISTOLA CCCCLXXXIX.

Dilecto filio nobili viro (c) Baudono Domino  
Castri-novi.

*Ut cum uxore sua cohabitaret, eamque honore  
prosequatur.*

Anno 1167 M ulta nobis in tuis occurrunt actibus ad-  
miranda, nam nec ad liberos nec ad fra-  
tres te, ut deceret, hactenus habuisti, nec ad  
sociam thori tui nobilem utique mulierem & à  
te multipliciter honorandam, tuæ vel suæ no-  
bilitati deffers, prout lex divina requirit, &  
tuum insuper deceret honorem. Quocirca tuam  
discretionem rogandam duximus & hortan-  
dam, tibi per apostolica scripta mandantes,  
quatenus eam ad tuam cohabitationem redu-  
cas, & eandem maritali affectione pertractans,  
infirmiori vasculo debitum impartiaris hono-  
rem. Alioquin ad id, vel si expedire viderimus,  
ad dotem restituendam eidem te per censuram  
ecclesiasticam compellemus. Datum ut supra  
in proxima.

### EPISTOLA CCCCXC.

Carissimo in Christo filio regi Castellæ & Legio-  
nis in regem Romanorum electo.

*Mittit ei excerpta ex Registro Innocentii Papæ  
III. de coronatione Ottonis & Philippi de  
imperio contententium.*

Anno 1204 P ost claræ memoriæ H. quondam Rom.  
imperatoris decessum, votis principum ad  
quos electio pertinebat divisus, quidam eorum

(a) Al. Viteriæ.

benevolentiam augeatis.

(b) Al. Et cum gratia nostra vobis

(c) Al. Randono.

nobilem

nobilem virum PHILIPPUM quondam ejusdem imperatoris fratrem, ducem Sueviæ: alii OTTONEM quondam filium H. ducis Saxonie in Romanos reges in magna & periculosa discordia nominarunt: quorum uterque fecit se in regem à diversis, & in diversis tam locis quam temporibus coronari, & ambo per suos seu electorum suorum solemnes nuncios à felicis recordationis INNOCENTIO Papa III. prædecessore nostro petierunt imperii diadema. Diu igitur questione pendente & utrosque non solum juribus, sed & viribus contra alterum confligente, idem prædecessor noster multa scripsit super dicto negotio, sicut homo qui multa legerat, & suorum prædecessorum scripta revolverat, multorumque suffultus fuerat in hac parte consilio sapientum. Ex quibus aliqua quæ ex ejus regestis collegimus tibi duximus transmittenda, ut ex eis instructus plenius, rectius tuæ consulas celsitudini, & fidelius ponderes quid circa imperium petere possis aut debeas, juris & facti pariter ignorantia relegata. Cum enim esset alter ex dictis nobilibus OTTO, scilicet à Colonienſi archiepiscopo Aquisgrani: alter verò, PHILIPPUS videlicet in loco alio per Tarentasiensem archiepiscopum coronatus, idem INNOCENTIUS super diversis articulis negotium contingentibus nunc respondens scribentibus, nunc eosdem præveniens, multas decentes epistolâs edidit, tam facti certitudine, quam juris firmitate vallatas. Unde archiepiscopis & episcopis & aliis ecclesiarum prælatis, potestatibus, consulibus & rectoribus, marchionibus, & comitibus & aliis nobilibus Lombardiæ sic scribit: *Novit scrutator renum & cordium Dominus JESUS-CHRISTUS, &c.* Et infra: *Postquam à nobis unctio; consecratio; coronatio postulatur, sicut utraque pars à nobis sæpius postulavit, &c.* Et in eisdem litteris de PHILIPPO sic loquitur: *Præterea idem dux noster ubi debuit coronam & unctiorem accepit: memoratus verò rex, Otto scilicet, & ubi debuit, videlicet Aquisgrani, & à quo debuit, scilicet à venerabili fratre nostro, Colonienſi archiepiscopo recepit utrumque, quod ad Colonieſem archiepiscopum hæc pertinent.* Idem scripsit Trevirenſi archiepiscopo in hunc modum: *Cum venerabilis frater noster Tarentasiensis archiepiscopus, qui quod fieri sibi nollit, aliis non debuit irrogare; mirum satis duximus & moleſtum, quod saltem in messem alterius mittere non expavit, & sibi alienum temeritate propria usurpare.* Et infra: *Cum etiam dubiam non exiſtat coronationem regum Alamannorum ad venerabilem fratrem Colonienſem archiepiscopum pertinere, nec ipse delinquerit, quare sua meruit dignitate privari; cum ſi etiam delinquiſſet, per eundem Tarentasiensem archiepiscopum suo non erit jure privandus, cujus ipse jurisdictioni minime subiacebat, ipse maturitate pontificali neglecta; nec considerans quæ* (a) *debebat; nobilem virum PHIL. ducem Sueviæ, in regem temere coronavit, &c.* Petitioni verò ejusdem PHILIPPI porrectæ per electores ipsius, sic idem prædecessor respondet: *Litteræ quæ nobis fuerunt ex parte quorundam vestrum per di-*

*lectum filium P. Judicem Placentinum nuper oblatae, &c.* Infra: *Cum autem imperialis corona sit à Romano Pontifice concedenda, & rite prius electo in principem & post in regem legitime coronato, talem secundum antiquam & approbatam consuetudinem libenter ad coronam suscipiendam vocabimus, & his de more perfectis, quæ ad coronationem principis exiguntur, eam sibi favente Domino solemner conferemus.* Idem Innocentius Colonienſi archiepiscopo ita scripsit: *Ex uno eodemque negotio te nobis & nos tibi credimus obligatos, &c.* Et infra. *Cum apostolica sedes illam imperatorem debeat coronare, qui rite fuerit coronatus in regem, &c.* Idem universis tam ecclesiasticis quam sæcularibus principibus: *Quantum ex imperii divisione dispendium, &c.* Et infra: *Cum & negotium imperii ad nos principaliter pertinere noscatur; principaliter quidem, quia per Rom. Ecclesiam fuit à Græcia pro ipsius specialiter defensione translatum: finaliter autem quoniam eſſi ab alio regni coronam recipiat, à nobis tamen coronam imperii recipit imperator.* Qualiter autem OTTONIS coronatio facta fuerit Aquisgrani, idem Innocentius scribit archiepiscopo Moguntinensi, eidemque Sabinienſi episcopo sic dicens: *Sollicitanda in devotione sedis apostolicæ fides tua, &c.* Et infra: *Noveris igitur, immo jam nosti, quod post H. quondam imperatoris decessum vota se principum diviserunt; quod quidam eorum OTTONEM H. quondam ducis Saxonie filium; quidam vero PHILIPPUM quondam fratrem dicti H. imperatoris nominarunt in regem. Venerabilis autem frater noster Colonienſis archiepiscopus, & alii qui in nominatione prædicti O. favorem præstiterant, & assensum, congregato exercitu obsederunt pariter Aquisgram; & eo capto, prædicto O. in sede posito Augustali dictus archiepiscopus regni coronam imposuit, sicut ad ipsum de jure dicitur pertinere.* Multa quidem & alia sunt; poterant de Regesto, sed hoc sufficere posse credimus ad tuum & prudentum tuorum consilia dirigenda. Tuâ verò sublimitas sic deliberet, ut undique circumspiciens rerum exitus, prudenter & fideliter metiatur, cum dilatum diu negotium sic disponere intendamus, ut per nos vel per successores nostros initio præstito, finem possit accipere Deo gratum & necessarium toti mundo. Datum Viterbii (b) XIV. calendas Junii anno III.

(b)

## EPISTOLA CCCCXCI.

Dilecto filio abbati Psalmodienſi.

*Ut optimum equum tapellano suo in Hispaniam misso donet.*

**F**UM dilectum filium R. de Mahazan capellanum nostrum ad partes Hispaniæ, pro quibusdam arduis negotiis nostris & Ecclesiæ Romanæ destinemus: discretionis tuæ per apostolica scripta districtè præcipiendo mandamus, quatenus cum per eum vel certum ejus nuncium fueris requisitus, unum bonum equum, expeditum, fortem, quo idem R. sit contentus, sibi pro nostra & apostolicæ sedis reverentia tra-

Anno 1167

(a) Al. Debeat.

Theſauri Anecd. Tom. II.

(b) Al. XVII. Calendas.

dere non postponas, recuperandum, si redu-  
xerit eum saluum, alioquin de ipsius pretio tibi  
ad plenum satisfieri faciemus. Datum *ut supra*.

*Eodem modo abbati S. Egidii. Item abbati S.  
Andree Avinionensis diocesis. Item abbati Massi-  
liensi. Item priori S. Saturnini de Portu.*

### EPISTOLA CCCXCII.

Carissimo in Christo filio regi Castellæ in regem  
Romanorum electo.

*Sedat eum super rumoribus falsis de collato imperio  
Carolo regi Siciliae.*

Anno 1267

**Q**uia lingua tertia multos commover, mul-  
tos deicit; & quæ pio fuerunt proposito,  
prava nonnumquam & subdola falsitatis admix-  
tione pervertit; ex his quæ juxta nos intelle-  
ximus attentata, posse pejora subsequi in terris  
remotioribus præsumentes, ut tua præmunita  
sinceritas aurem mendaciis non accommodet,  
eorum quæ gessimus, & eorum quæ habuimus  
& habemus veram & simplicem puritatem tibi  
tenore præsentium duximus propalandas. Sciat  
igitur tua sublimitas, quod cum sublato de me-  
dio MANFREDO quondam Dei persecutore &  
nostro, filii Satanæ familiares ipsius in Tusciæ  
& Lombardiæ partibus se videntes acephalos,  
CONRADINI nomen invocare cœpissent, jam  
Tusci quemdam proditorem Ecclesiæ tamquam  
ejus vicarium erexissent: nos videntes discrimen  
in limine, pacem per Tusciam jurari man-  
davimus, & carissimum in Christo filium C.  
regem illustrem Siciliae, non imperii sicut qui-  
dam mentiuntur in contrarium, sed pacis con-  
stituimus servatorem: quem ad hoc eò magis  
idoneum esse credimus, quò in partibus illis  
factus erat robustior, Florentinis, Pistoriensibus  
(\*) Præcensibus & quibusdam aliis in Po-  
testatem assumtus. Sanè, similia à nostris præ-  
decessoribus facta legimus, quæ non solum va-  
cante imperio legitimè possunt fieri, sed etiam  
fluctuante. Cautionem tamen ab eo recepimus  
quod imperio ordinato, datum sibi deponat  
officium infra mensem. Hæc autem ideo tibi  
scribimus, ne veritatis immutator occultus  
vel publicus, quicquam in tuum vel alterius  
præjudicium in hac parte nos mentiens ordinasse  
tuam possit prudentiam perturbare. Datum  
Viterbii xvii. calendas Julii anno iii.

### EPISTOLA CCCXCIII.

Potestati, consilio & communi Mantuano  
spiritum consilii sanioris:

*Hortatur eos ut sedi apostolicæ inhaerant, nec  
diutius latas in ipsos sententias ferant.*

Anno 1267

**Q**uia memores illius devotionis antiquæ;  
quam dudum ad Romanam habuistis ec-  
clesiam, omni studio laborantes, ad machina-  
tiones hostium elidendas, quas ipsi contra nos  
& carissimum in Christo filium nostrum illustrem  
regem Siciliae moliantur, sollicitudinem vestram

(\*) Al. Præcensibus;

A Domino commendamus, universitatem ves-  
tram rogantes attentius & hortantes, ut sicut  
olim, sic adhuc continuè ad eà quæ ad hono-  
rem & exaltationem ecclesiæ cedere videritis,  
laboretis. Speramus enim firmiter, quòd per  
hoc in sua pace disponit Dominus actus nostros.  
Super his autem quæ vestræ litteræ contine-  
bant, nos unà cum rege prædicto, auxiliante  
Domino, opportunum consilium apponemus.  
Illud sanè nostrum pungit animum, quòd sen-  
tentias in vos latas tamdiu in vestrarum sustinui-  
stis periculum animarum. Ideo discretionem ves-  
tram attentè duximus adhortandam, quatenus  
sic vos nostris & Ecclesiæ beneplacitis ac man-  
datis coaptare curetis, quod vos tamquam bene-  
dictionis filios favore benivolo prosequi pater-  
na sollicitudine meritò debeamus, cum hoc  
ipsum non mediocriter vobis valeat esse mole-  
stum, quoniam in ipso litterarum exordio, quas  
pro tempore vobis mittimus, apostolicæ bene-  
dictionis eulogia cum salute vobis scribere non  
valemus. Datum Viterbii (b) ix. calendas Julii  
anno iii.

### EPISTOLA CCCXCIV.

Dilecto filio nobili viro S. comiti Tusciæ  
Palatin.

*Damna ipsi illata fore reparanda, si regi soli  
adherere velit.*

**S**i quæ tibi data sunt damna in Tusciæ fini-  
bus, ut scripsistis, nec de nostro mandato;  
nec etiam simplici conscientia noveris irrogata.  
Nos enim in Tusciam nullam militiam destina-  
vimus, sed carissimum in Christo filium nostrum  
C. illustrem regem Siciliae pacis in illis partibus  
fecimus servatorem, ad illorum reprimendam  
malitiam, qui contra nos & ipsum cornua jam  
erexerunt, nomen pueri CONRADINI  
pueriliter invocantes. Si igitur pacem jurare vo-  
lueris, regi fideliter adherere, nos libenter  
scribemus eidem, quod ad suam gratiam te  
recipiat, & non solum te in posterum non of-  
fendat, sed de damnis quæ illata tibi contra  
justitiam esse dicis, prout bonum & æquum  
videbitur, satisfiat. Quòd si melius esse volueris,  
ut nec pro sis nec noceas dicto regi, sitque terra  
tua communis omnibus tam devotis quàm  
infidelibus, tam inimicis quàm & amicis, in hoc  
tibi non possumus condescendere nec regem  
inclinare possemus. Tua ergo discretio sapienter  
advertat, quid tibi fuerit eligendum: si enim  
fidem habebas, de qua à viris religiosis pluri-  
mum commendaris, non utique stabis in verbis,  
sed eandem probabis carni & sanguini Domini,  
cujus negotium agitur, ubicumque pax rectè  
quæritur, antepone, quæ per suum oppositum  
licetè procuratur, cum insolentia continuantium  
id exposcit. Datum Viterbii iii. calendas Julii  
anno iii.



(b) Al. viii. Calendas;

## EPISTOLA CCCCXCV.

Episcopo Avinionensi.

*Quatuor ei proponit personas ipsius loco Avinionensi, ecclesie præficiendas.*

Anno 1167

**Q**uatuor tibi personas scribimus, in quarum altera Avinionensi præficienda Ecclesie, si in tuam translationem ad Valentiam consenseris, te volumus consentire, si in eam consenserint deputandi ab Avinionensi capitulo electores, quibus in nullam ex eis consentire volentibus, tu unam præficias ex eisdem, juxta traditam per alias litteras tibi formam. Personæ autem quatuor prædictæ sunt hæ: R. Archidiaconus Nemausensis prior ecclesie Posqueriarum, B. de Gardiis canonicus Nemausensis, Magister P. (a) Gaucelini Massiliensis canonicus, Magister R. de Nemauso philosophicus & capellanus noster, Massiliensis præpositus. Quas prout tuæ fraternitati videbitur vel simul, vel sigillatim electoribus nominabis, & si non fuerint faciles ad consensum, finaliter melius fore videbitur simul eas nominare eisdem, ut ex eis eligant alterum quem utiliore suæ ecclesie æstimabunt. Datum Viterbii 11. Nonas Julii anno 1111.

## EPISTOLA CCCCXCVI.

Episcopo Avinionensi.

*De Archidiacono Nemausensi non præficiendo ecclesie Avinionensi nisi consensiant electores.*

Anno 1167

**L**icet inter personas quas tibi scripsimus dilectum filium archidiaconum Nemausensem consanguineum tuum inseruerimus, ea tamen intentione id fecimus, ut si electores in eum consenserint, possis & tu, si tua sustinet conscientia, consentire. Eis autem dissentientibus, auctoritate nostra eum nolumus præfici, cum antiquam ejus infamiam timeamus, & quantumcumque diligamus eundem, honori nostro expedire non credimus quod ex officio eum demus. Datum ut supra in proxima.

## EPISTOLA CCCCXCVII.

Episcopo Avinionensi.

*Ut ecclesiam Valentensem ad quam eum transfert sollicitè gubernet.*

Anno 1167

**C**um in jure peritus existas, duplex esse divortium non ignoras, quorum alterum Bona gratia satis dulci satis venusto nomine nuncupatur. Te igitur ad Valentiam ecclesiam transeuntem, & sic à prima sponsa, Avinionensi scilicet, divertente curam habe de bono nomine, nec ecclesiam spolies, quam dimittes, ne & conscientie tuæ laqueis involvaris, & irritam faciens fidem primam, recedas cum infamia, Deo pariter & nobis offensis. Cum autem ad ecclesiam te transtuleris memoratam, licet

(a) Al. Tantelini Al. Gacelmi.

Theſauri Anecd. Tom. II.

**A** negligentem te nolumus temporalia: adverte tamen quanto jam tempore in eadem & sua dioecesi spiritualia sint neglecta. Et idcirco sicut curam nostram gratiam habes; inter sæculares clericos sæculariter non victurus, sic eorum infirmitatibus condescendas, quod tui ordinis non præcipites honestatem. Habet siquidem illa natio stultitiæ comitem levitatem. Habet enim in vestibus, sellis, & frenis indecenter excessum, & in choreis & canticis, ludibriis & cachinnis aut nullum aut debile frenum habet, quæ omnia sine hypocrisis detestaberis, & in habitu circumcissus & gestu, liberalis in mensa tam domesticis quam extraneis, pauperibus & afflictis affabilis & compatiens, sic ecclesiam tibi traditam gubernabis; quod Deo cedat ad gloriam, tibi ad meritum, subditis ad exemplum, nobis autem ad gaudium, ut semper placeat, numquam autem poeniteat hominem nos fecisse. Ademorum consanguineum tuum diligenter observare, ne gravatus recalcitret, vel contentus remurmuret, vel superbiat dominari permissus. Circa quæ providere disponenda certam regulam tibi dare non possumus; quæ nunc arte, nunc juribus, & interdum melius viribus procurantur. Demum super negotio castri Cristæ tuæ debet esse intentio, ut si jus deficit, pax quærat, cum semper fugienda sit guerra; vitandumque ligium sine justo ac solido fundamento. Datum Viterbii nonas Julii anno 1111.

## EPISTOLA CCCCXCVIII.

**D**ilecto filio nobili viro Ademaro de Pictavia comiti Valentiniensi.

*Ut episcopum Valentinum honore prosequatur.*

**L**audabili desiderio satisfecimus, dum ecclesie Valentinae providimus de persona provida & discreta, & tui sanguinis propinquitate conjuncta. Tuam sinceritatem monendam duximus & hortandam, per apostolica scripta tibi mandantes, quatenus & episcopum & ecclesiam fide pura, & devota prosequaris reverentia, sic ipsorum beneplacitis te coaptas, quod vitæ præmium merearis æternæ, & nos qui te dudum dileximus, ad ea quæ tui erant honoris & commodi artius obligemur. Datum Viterbii nonis Julii anno 1111.

Anno 1167

## EPISTOLA CCCCXCIX.

Ad Fratres ordinis Prædicatorum.

*Confirmat eorum breviarium.*

**C**LEMENS episcopus servus servorum Dei dilectis filiis magistro & fratribus ordinis Prædicatorum salutem & apostolicam benedictionem.

Anno 1167  
Ex ms. R. P.  
Prædicatorum  
Rosenmagenſium.

Conſurgit in nobis ſpiritualis multitudo lætitiæ; quando personas deditas divino cultui concordie qualitate virtutum cernimus fœderari, & hoc in votis habere potiffimum, ut ad divini honorem nominis in eis ita vigeat sanctæ studium unitatis, quod status earum sit firma pace

I i ij





ac devotione tranquilla præditus, & super his quæ regularis requirit honestas semper appareat salubriter ordinatus, occurrente hinc inde gratulandi materia, dum in personis hujusmodi sic una splendet fides mentium & pietas actionum, ut hoc de ipsarum religione famosa possit assumi præconium, quod in se decus habeat perfectæ pulcritudinis, & prorsus ab omni macula decentissime sit immunis. Jocundo siquidem spiritu petitionis vestræ seriem audivimus, continentem quod cum præclarus ordo vester à mari usque ad mare jam per Christi gratiam suos palmites extendisset, proptervarias provinciarum consuetudines contingebat divinum officium in ordine ipso uniformiter non servari. Quapropter vos tamquam ministri Dei mites & humiles ac saluberrimæ unitatis sincerissimi amatores, laudabiliter meditando quod hujusmodi prætextu differentiæ aliquid affectibus sanctis opponitur, vel fortè scandali gravis occasio in ordine ipso poterat evenire; dilecto filio fratri UMBERTO quondam magistro ejusdem ordinis concorditer commissum est, ut ipse prædictum officium ad illam uniformitatem reduceret, quam universitas fratrum ipsius ordinis per orbis terræ latitudinem reverenter & humiliter observaret. Verum cum tandem prædictus frater officium ipsum juxta commissionem hujusmodi prudenter ordinaverit, & decenter, vos in tribus capitulis generalibus prædicti ordinis ex tunc immediate sequentibus, diligenti deliberatione præhabita, statuistis, ut ordinatio hujusmodi per universas partes ipsius ordinis debeat observari. Quare humiliter petebatis à nobis, ut per hoc apostolici muniminis firmitatem adjicere dignæmur. Nos itaque vestris supplicationibus inclinati, ordinationem eamdem, sicut provide facta est, ratam & firmam habentes, eam in domibus vestris propriis dumtaxat observari auctoritate apostolica statuimus, confirmamus & præsentis scripti patrocinio communimus, districtius inhibentes, ne aliquis sine speciali licentia sedis apostolicæ circa prædictum officium, contra confirmationis & constitutionis nostræ ac ordinationis prædictæ tenorem aliquid immutare præsumat. Nulli ergo, &c. Datum Viterbii nonis Julii, Pontificatus nostri anno tertio.

## EPISTOLA CCCCC.

Archiepiscopo Remensi.

*De expensis à cardinali S. Martini pro negotio Remensi factis.*

Anno 1167

Queritur inter suos domesticos dilectus filius noster G. tituli S. Martini presbyteri cardinalis de gravamine expensarum, quas in Remensis prosecutione negotii asserit se fecisse. Sanè licet super refusionem eorum, nullam spem ei vel alii dederimus, quia tamen id honori tuo credimus convenire, fraternitati tuæ consulimus te obnixè rogantes, quatinus in hac parte sic eum respicias, ut eidem qui erga te obsequiosum se præbuit, non videaris ingratus, nec causare potes ignorantiam cum apud te sit

A procurator ipsius in eodem negotio, per quem de sumtuum quantitate, pro majori saltem parte, ut credimus, scire poteris veritatem, & quæ nosse non poteris tua liberalitate supplere. Datum Viterbii iv. Idus Julii anno 1111.

## EPISTOLA CCCCCI.

Dilecto filio S. tituli S. Cecilie presbytero cardinali, &c.

*Ut archiepiscopo Senonensi det coadjutorem.*

SI languente venerabili fratre nostro Senonensi archiepiscopo ipsa languet Senonensis ecclesia: si prædonibus jacet exposita, datisque temporalibus bonis in prædam, spiritualia negliguntur, justè populus murmurat, justè clerus voces exaggerat, justè provincia tota suspirat, justè nos querimus, cum in nostrum cedat dispendium gravamen omnium subditorum. Sanè nec cor est nobis saxæum, nec viscera gestamus ferrea, ut non compatiamur archiepiscopo, quem manus Domini tetigit pro suæ beneplacito voluntatis: compatimur utique, nec de poenis aliorum ridemus, qui de nobis, quid Deo placeat ignoramus; sed ad ejus pertinere salutem, vel ad consolationem proficere suæ lapsum ecclesiæ, cum tam longo, tamque continuo detrimento nec credere possumus, nec ulterius defectum ejus volumus tolerare. Quocirca ne de bonis ejusdem ecclesiæ satietur illorum ingluvies, qui eam devorant, prout dicitur, ore toto; discretionis tuæ per apostolica scripta mandamus, quatinus omni dilatione postposita, omni occasione semota, coadjutorem providum & fidelem des eidem archiepiscopo, qui & ejus necessitatibus consulat, ac proventus & redditus cum omnibus bonis & juribus ipsius ecclesiæ diligentia conservet exacta, nisi forsan idem archiepiscopus cedendum duxerit sine mora. Quo in casu tu ejusdem cessione recepta, ei congruam (\*) provisionem assignes. Sic tibi super hoc alias direxisse nos credimus scripta nostra, nec te retrahat aut retardet ab istius executione mandati difficultas aliqua, quam circa decimam carissimo in Christo filio nostro regi Sicilia illustri concessam timeas imminere. Nam si ventum quemlibet observaveris, semper metues seminare; & si nubes consideraveris, numquam metes. Hæc igitur quæ sub divini contestatione judicii tibi scribimus, quod nobis & tibi, si negligentes fuerimus, erit merito formidandum, cum ea studeas celeritate complere, ne de nostris vel tuis manibus ecclesiæ tantæ subversio, cum provincie suæ jactura, in adventu supremi judicis requiratur. Quid autem inde feceris vel facere disposueris, nobis rescribere non omittas. Datum ut supra.



(\*) Al. F. Pensionem.

## EPISTOLA CCCCCII.

Carissimo episcopo Albanensi apostolicæ  
sedis legato.

*De translatione episcopi Gabulensis.*

Anno 1267

**N**E ulterius importabili paupertate prematur, & incertæ mendicitatis aduratur opprobrio venerabilis frater noster Gabulensis episcopus; fraternitati tuæ per apostolica scripta mandamus, quatenus eum auctoritate nostra à vinculo quo ecclesiæ Gabulensi tenetur absolvens, ad ecclesiam transferas Potentivam, quæ sic vacare dicitur, ut ejus sit ad nos ordinatio seu provisio devoluta; faciens eidem à suis subditis debitam obedientiam & reverentiam exhiberi contra, &c. Datum Viterbii 11. Idus Julii anno 1117.

## EPISTOLA CCCCCXIII.

Dilecto filio fratri Thomæ de Aquino ordinis  
fratrum Prædicatorum.

*Ut duos fratres concedat episcopo Gabulensi.*

Anno 1267

**C**UM sit bonum pariter & jocundum habitare fratres in unum, & omnem alium sibi similem diligere; nos venerabilis fratris nostri episcopi Gabulani conceptum, quo ad sui ordinis fratres efficitur, quorum cupit consortio recreari, favore benevolo prosequentes, discretionis tuæ per apostolica scripta mandamus, quatenus duos fratres tui ordinis, unum scilicet clericum & alterum laicum eidem assignes, qui eundem associant; salva majorum suorum in ordine obedientia, eidem obediant & intendant.

## EPISTOLA CCCCCIV.

Carissimo in Christo C. regi Sicilia illustri.

*Regi egregia dat monita.*

Anno 1267

**U**Rget nos Christi caritas, urget nos illa specialis affectio, quam ad tui gerimus conservationem honoris; aliqua tibi scribere quæ & vivæ vocis suffragio memoriæ tuæ commendavimus: quibus lectis & plenius intellectis, & quieti regni tui provideas, periculis imminenti-bus eo otius quo prudentius via gradiens æquitatis occurras. Sanè tibi summopere credimus expedire, ut mortalis philosophi sequens consilium, tribus temporibus te dispenses: præterita quidem recolens, præsentia ordinans, futura præcavens, sicut vir providus & in omnibus circumspectus. Si præterita recolis, semper eris ante Deum humilior, & ferventiùs efficiaris ad regnum tot sudoribus, tanto discrimine, non humano consilio, sed divina virtute quæsitum. Si hoc sæpe mente pertractas; Romanæ Ecclesiæ matri tuæ semper eris devotior; quæ te fidei pugilem eligens, honoravit sublimius, honorabilius sublimavit. Ad ordinationem verò

A præsentium pertinet principaliter, quod te primum, ac deinceps ordines domum tuam & regnum; & te quidem, ut Deum diligas, & ejus honorifices sacerdotes, tuo jure contentus, nec capias nec retineas aliena, teque tuis adibilem præbeas quotiens opus fuerit, tutela tui corporis; loci ac temporis opportunitate servatis. Domum autem sic ordina, ut habeas bona latera, viros sapientes, providos & fideles, te ex animo diligentes, nec sibi invicem invidentes, sed nec tantæ necessitudinis vinculo colligatos, ut plures personæ numero unam repræsentent. B Sint distincta singulorum officia. Sciat quisque quid sibi faciendum incumbat, & promiscuis actibus non turbetur. Sit in tua domo religiosus aliquis vel miles affabilis, vel afflictis compatiens, cui specialiter committatur, ut illis quos audire nequiveris vel nolueris benignè respondeat, & ipsorum petitiones vel verbo tibi referat, vel in scriptis assignet. C Ad quarum expeditionem celerem quò fieri poterit congruentius per te vel alios prima ratione procedas. Sit tibi honesta familia & urbana, quæ venientes benignè suscipiat, & quos admittere pro temporis qualitate non poterit, sine contumelia cum honesta excusatione repellat.

Legationes principum & civitatum pro honore tuo, quantum & vos decebit, honores, & à tuis jubeas honorari, ut nomen tuum apud externos & domesticos clarius & celebrius habeatur. Sigillo tuo certam legem impone, ut tollatur infamia de horrendis exactionibus eo nomine sæpe factis, quibus similes nullus audivit; quod quicumque habuerit, à te distictè sub juramenti debito recipiat in mandatis, quòd citò, prout poterit, satisfaciat litteras expectantibus, cum interdum ipsa dilatio solum quæstum sapere videatur. Sedeant in domo tua, cum tu ipse vacare non poteris; omni die juridico, aliqui sapientes, qui ea quæ poterunt expedire; ibidem expediant; & ea quæ tantum pondus habebunt, tibi renuncient, vel forma expeditionis detur, ut ad suos judices remittantur. Conquerentes de te vel tuis officialibus patienter audias, citius quàm alios illos expedias, nec convitiis afficias, nec comminationibus detereri permittas. Si prælatos de tuo parlamento feceris, ad certa parlamenta veniant annuatim; quibus certa vadia constituas, cum nec ecclesias suas deferere dici debeat, nec in tuo servitio suis stipendiis militare. Nec omittimus quòd circa tuæ domus expensas vigilantior esse debes, aut aliquam personam maturam habeas & honestam, quæ videat & provideat, quòd nec ex minima parcitate tuo quicquam honori depereat, nec ex defectu debitæ providentiæ bona tua à garrionibus & gulosis hominibus; aut aliis personis turpibus consumantur. Nec te pudeat de receptis & expensis certis temporibus rationem audire, cum & hoc sit tibi perutile, & ad hoc etiam omnium magnatum provoceris exemplis; & nihilominus rationales habeas non levis opinionis homines, sed exploratæ fidei & gravitatis exactæ.

Ad ordinationem autem regni tui spectare

II iij

videtur, quod judiciarios & judices bonos habeas, puras habentes manus; & quod eos publicè juramento astringas; quod scilicet sine personarum & rationum acceptione jus reddant, ab omnium munere seu dono abstineant, exceptis esculentis & poculentis quorum summa in mense auri unciam non excedat, nec aliquatenus in eorum juramentis adjicias quod sine tua licentia non recipiant. Est enim hæc conditio suspectissima, & in bonorum auribus non bene sonat; & habeant singuli certa salaria, quibus maneant omnino contenti, ut liberè fiat justitia; magistratus in suo officio non impedias, nec incepta coram eis negotia ad audientiam tuam revoces ad instantiam aliquorum, nisi magna & evidens causa urgeat; sed lites suo cursu procedant, & gravati, si viderint expedire appellent.

Occasionales inquisitiones, quæ nihil aliud quàm quæstum sapiunt, fieri non permittas; quarum exemplum ponimus in his, quas audivimus factas in regno contra possessores equorum vel pecorum, quibus imponitur equos illos vel pecora fuisse MANFREDI: quod cum probari nequeat, eis indicitur probandi necessitas, unde eos habuerint. Aliis imponitur quod cum eo fuerunt in bello, quod cum probari nequeat, indicitur probandi necessitas, ubi erant in die belli. Hæc & his similia dicta sunt nobis damabilia pariter & damnosa nullatenus toleranda.

(a) Capi homines qui satis dare (a) poterunt non permittas, nisi quantum in casibus specialibus id jura permittunt. Innocentem autem pro nocente capi, quantumcumque sit sanguine & affinitate nocenti conjunctus, non tolere; nisi ad hoc pacto proprio fuerit obligatus. Cogi personas honestas ad recipiendum hospites omnino prohibeas, nisi forsan in loco fueris ubi domus stabulariorum non sufficiunt genti tuæ, & tunc illis defferas quibus debet honor propensior exhiberi.

Matrimonia esse libera debeant, filias militum qui nec sunt comites, nec barones, nec castrorum fortium possessores, & similiter burgensium & aliarum privatarum personarum, & a parentibus superstitibus liberè nuptui tradere sinas, & parente vel parentibus sublati de medio, nubant liberè suo motu vel suorum consilio amicorum. Sed & de filiabus comitum & baronum viventium sustinere debes, quod eas cum pecunia tradant nuptui quibus voluerint, qui tibi non debeant esse suspecti. Si verò cum terris eas maritare voluerint; decens est ut tuus requiratur assensus, quem negare non debes, nisi personæ suspicio suadeat contrarium evidenter. Orphanæ autem filiae comitum & baronum amicorum suorum consilio & tuo maritentur assensu: sic tamen quod hac occasione non cogas eas hominibus nubere, quibus eas non deceat copulari. Tutelas impuberum testamentariis legitimisve tutoribus contra jura non auferas, nec consuetudinem in hac parte tyrannorum observes, quam felices reges Siciliae nullo tempore tenuisse dicuntur; in qua duplex

(a) Al. F. Non poterunt.

A versatur iniquitas, dum tutores suo jure privantur, & impuberes quibus ratio nulla redditur, bonorum suorum fructibus spoliantur. Collectas ab ecclesiis vel monasteriis vel domibus aliis religiosis aut quibuscumque personis ecclesiasticis sæcularibus aut regularibus, aut de rebus, aut bonis earum numquam exigas. An verò ab ecclesiarum hominibus seu vassallis, in quibus habent jurisdictionem ordinariam & tu merum imperium, mediante justitia vel interveniente concordia decidetur. Verum etiam ut officiales tui & consilarii à muneribus abstineant, metu pœnæ, quos à malo non revocaverit timor Dei. Consulimus tibi, quod quisquis contra fecerit, cum infamia ab officio in quo erit privetur, idem vel aliud in regno tuo nullo tempore habiturus: dans verò munera tertia parte bonorum mobilium denudetur, aut ad tempus aut in perpetuum relegatur. Et ut hæc celari non possint, fiat frequens inquisitio per personas religiosas, non amantes pecuniam contra ipsos. Quia verò scandalum magnum est in regno tuo de collectis quas hoc anno levasti, consulimus tibi, quod vocatis baronibus & prælatis & personis egregiis civitatum & locorum salubrium, tractetur forma competens, ut sciatur in quibus casibus in tuis vel alienis hominibus collectas levare valeas, & speramus quod tibi utilis & terræ portabilis poterit inveniri, ad quod peragendum legatus esse poterit fructuosus.

#### EPISTOLA CCCCCV.

Dilecto filio abbati monasterii Montis-majoris Arelatensis diocesis.

*De eleemosynis ad corpus S. Antonii factis.*

Cum villa S. Antonii sit principalis ecclesia seu (b) prioratus S. Antonii ad tuum monasterium pertinens; cujus quidem prioratus tu rector existis, in quo corpus sancti requiescit, quod frequentat peregrinantium multitudo, sit & in villa eadem domus magni nominis, quæ hospitale vel Eleemosyna S. Antonii appellatur, in qua domus & fratres ejusdem illos recipiunt, qui morbo quem ignem S. Antonii vulgus appellat, miserabiliter laborantes ad ejusdem sancti limina visitanda spe salutis veniunt obtinenda. Quæsisisti à nobis utrum legata quæ beato Antonio vel ibi vel alibi relinquuntur, necnon promissiones, & vota quæ sancto sunt eidem, dictæ ecclesiæ seu prioratui in qua sunt sancti ejusdem corpus pariter & altare; an ipsi hospitali seu Eleemosynæ, ubi recepti pauperes ejusdem sancti precibus, cujus prius altare visitant, miraculosè curantur, licet ibi ejusdem sancti non sit corpus nec altare, debeant assignari. Nos igitur consultationi tuæ breviter respondentes ex recta & propria assi-

(b) Iste prioratus in insignem abbatiam auctoritate Bonifacii papæ VIII. conversus est caput ordinis S. Antonii in diocesi Viennensi, à jurisdictione abbatis, Montis-majoris omnino segregatus.

gnatione verborum, si legantis, promittentis, voventis voluntas, alia non appareat in assentione legatorum, promissorum & votorum huiusmodi, ecclesiam ipsam dictæ Eleemosynæ dicimus præferendam. Datum Viterbii xvi. calendas Augusti anno III.

## EPISTOLA CCCCXVI.

Dilecto filio priori Prædicatorum & Gardiano fratrum minorum Belvacensium.

*Ut electum Belvacensem à censuris ad cautelam absolvant.*

Anno 1267 (a) **C**Um Ecclesiæ Belvacensi dilectum filium (a) R. decanum ejusdem juxta votum apostoli concesserimus in episcopum & pastorem, prout nobis aliqui postea nunciarunt, quidam conservatores carissimi in Christo filii nostri C. regis Siciliæ & suorum, qui sæpe suo abutuntur officio, sicut dicitur, eum vel excommunicaverunt vel in nostram incidisse sententiam publicaverunt. Nos nolentes eidem electo ex hoc aliquod impedimentum afferri, discretionis vestræ per apostolica scripta mandamus quatenus vos vel alter vestrum eundem electum tam à nostra, si, quod non credimus, in eam incidit, quam ab illorum ad cautelam absolvatis sententia. Nos autem si quod electioni de ipso factæ, vel confirmationi nostræ, seu provisioni securè ex hac causa parabatur obstaculum, illud tollimus & penitus abolemus de nostræ plenitudine potestatis.

## EPISTOLA CCCCXVII.

Carissimo in Christo filio Jacobo regi Aragonum illustri.

*De regno Sardinie.*

Anno 1267 (a) **T**ardè nimis tua misit serenitas dilectum filium Majoricensem archidiaconum & Vicensem capellanum nostrum. Jam enim cum duobus tractatus processerat super regno Sardinie (b) Carissimo in Christo filio nostro C. rege Siciliæ illustri, & dilecto filio nobili viro (c) H. fratre carissimi in Christo filii nostri regis Castellæ illustris. Est alia tarditas in negotio, quoniam inter moras illam partem amisimus, judicatum videlicet Turritanum, per quem dare poteramus ingressum ei qui conveniret nobiscum. Unde tuam magnitudinem non lateat, quod nec tibi illud concedere possemus, nec ad præsens id dabimus alterutri de prædictis; sed tenebimus in suspensio negotium, donec aliud videamus: malentes ad tempus perdere quod jamdudum perdidimus, quam inter personas nobiles grave scandalum suscitare. Verum de ejusdem archidiaconi quem misisti ne-

(a) Reginaldum de Nantolio, de quo Jacobus de Virriaco libro 3. Historie occidentalis & Matthæus Paris. in Historia Anglicana.

(b) Al. Carissimo scilicet in Christo filio nostro H. fratre, &c.

(c) Al. Heliz.

gligentia nulla tibi superest quarimonia, cum de improbitate ejusdem & instantia nimia nos conqueri potius valeamus, quam semper continuat, sui desiderii exitum meliorem expectans. Datum Viterbii x. Calendas Augusti anno III.

*In eodem modo Jacobo filio suo verbis competenter mutatis.*

## EPISTOLA CCCCXVIII.

**B** Dilecto filio nobili viro P. nato claræ memoriæ F. regis Castellæ & Legionum illustris, Urbis Senatori, consilio etiam, & communi Urbis ejusdem.

*De concordia inter ipsum & regem Siciliæ.*

**Q**uam sit orbi & Urbi utilis, quamque Anno 1267 Deo pariter & hominibus esse debeat & possit accepta vestra cum carissimo in Christo filio nostro C. rege Siciliæ firma concordia, persuasione non indiget ut probetur. Ipsa enim se veritas exhibet, ipsa aperientibus oculos se ostendit. Quocirca cum aliqua audierimus quæ inter ipsum & vos possent non modicum scandalum suscitare, quibus inter ipsa decet initia obviari, dilectum filium B. can. Basilicæ S. Petri capellanum nostrum ad vos duximus destinandum, cui super his quæ ex parte nostrâ dixerit indubitanter credatis, sicque paternis beneplacitis coapteris, quod pacis & concordie viri probe-mini zelatores, quibus nihil Deo gratius, nihil ad reipublicæ vestræ statum utilius esse potest. Datum Viterbii vii. calendas Augusti anno tertio.

## EPISTOLA CCCCXIX.

Archiepiscopo Cantuariensi.

*Ut apostolicæ sedis legato in negotiis regni collaboret.*

**L**icet tibi negare justitiam non velimus, Anno 1267 satis tamen amare gerimus, regno præcipue perturbato, si nudæ voluntatis arbitrio dilecti filii nostri O. sancti Adriani diaconi cardinalis apostolicæ sedis legati justos niteris impedire processus, cujus te debes, quantum honestè poteris, beneplacitis coaptare, & eidem assistere in angustiis, quibus premitur pro salute publica, nec pericula veritus, nec labores, Quocirca fraternitatem tuam rogandam duximus & hortandam, per apostolica tibi scripta mandantes, quatinus nostram in ipso personam intuens, & eidem reverenter obediens laboranti collaborare studeas & compati patienti, & sic ad regni negotia, quæ legatus ex fide prosequitur memoratus, humeros applicare non cesses, ut à nobis & ipso pro meritis valeas commendari. Sanè licet beneficia, quæ dilectus filius (d) P. frater tuus nunc comes Burgundiæ, tunc verò Lugdunensis electus in tua diocesi obtinebat, dudum, nostræ collationi reservaverimus de-

(d) Al. Scilicet Philippus à Sabaudia ad quem extat epistola nostri Clementis.

cernentes irritum & inane, si quid super, ipsis per te vel alium contingeret attentari, nos tamen de altero quod majoris valoris dicitur alicui bonæ personæ de tuo libenter providemus consilio, quæ linguam Anglicæ nationis haberet, & esse posset utilis animabus. Datum Viterbii VII. calendas Augusti anno III.

EPISTOLA CCCCXC.

Episcopo Clarimontis.

*Incipit eum quod grangiam Obasinenfis monasterii retineat.*

Anno 1267 **S**æpe mirati fuimus, cum minori officio fungeremur, multorum studia prælatorum attentissime contemplantes, qui suis sedibus opulentis & pinguibus non contenti, religiosorum prioratus & grangias nunc blanditiis, terroribus nunc subrepticiis apostolicæ sedis indultis, sibi dari ad temporis certum spatium, vel quo adventu procurabant; de bonis pauperum, quæ ab olim fidelium commendanda danda devotio usibus aliis deputaverat, suam ingluviem satiantes. An verò in eorum te numero ponere debeamus, hæsitare nos cogunt fratrum & sororum de (a) Obasina clamor assiduus & querela continua, quarum unam grangiam ab abbate dumtaxat eorum obtinuisse diceris, non interveniente conventus assensu, quam etiam multipliciter dissipas, aliqua ad ipsam grangiam pertinentia (b) emens ab aliis, & tuis vel tuorum usibus applicans, sub hujus emtionis obtentu. Quocirca cum hæc quæ diximus, si eis veritas suffragatur, tanto magis nostrum amaricent animum, quanto sincerius te diligimus, quantoque Pontificalis gravitatis honori, sed & tuæ religionis proposito gravius adverfantur; fraternitatem tuam rogandam duximus attentius & hortandam, per apostolica tibi scripta mandantes; quatenus Deum habens præ oculis, non negligens famam tuam; si hæc ita se habent, sic te ipsum emendare procures, ne cogente justitia, ictus sentias mallei durioris. In his enim tibi parcere non possemus, si ad nos super his querelam devenire contingeret iteratam. Datum Viterbii VII. calendas Augusti anno III.

EPISTOLA CCCCXCI.

Dilecto filio O. sancti Adriani diacono cardinali apostolicæ sedis legato.

*Ut certum eum faciat de beneficiis quæ Philippus electus Lugdunensis in Anglia possidebat.*

Anno 1267 **C**um ab olim dilectum filium P. tunc Lugdunensem electum, nunc Burgundicæ comitem, si certis terminis, quos tunc sibi præfiximus ad sacros ordines, & demum ad sacerdotium non ascenderet, beneficiis omni-

(a) Obasina insigne monasterium duplex, virorum unum, alterum feminarum, utrumque ordinis Cisterciensis in diocesi Lemovicensi fundatum à S. Stephano abbate, cujus vitam habes in Miscellaneis Baluz. torni. 4:

(b) Al. Erucens.

bus, dignitatibus, & personalibus privaverimus excepta prælatione ecclesiæ Lugdunensis, collationi nostræ eadem reservantes. Decernentes insuper irritum & inane, si quid per quamcumque personam super eis contingeret attentari, discretionis tuæ per apostolica scripta mandamus, quatenus nos quam citius poteritis certificari procures quæ beneficia idem Ph. ad præsentationem non pertinentia laicorum in Anglia possidebat. Datum ut supra in proxima.

EPISTOLA CCCCXCII.

Vicario nostro in Urbe.

*Scribit se regem Sicilia in Tuscia constituisse pacis restauratorem, atque excommunicasse omnes pacis inimicos.*

**A** Fidelibus & devotis ecclesiæ, quos in partibus Tusciæ duræ jugum tribulationis (c) oppresserat, carissimus in Christo filius noster rex illustris Sicilia C. in eorum vocatus auxilium, & primum à civibus Florentinis, de hinc ab aliis civibus & locis celebribus in rectorem ad tempus assumptus, suam illuc misit militiam, ut cornua confringeret superbiorum, & potentibus de sede depositis humiles exaltaret. Nos sanè datam nobis opportunitatem de cælo protinus attendentes & sperantes obnixius per eum salutem Tusciæ dari posse, per quam dum olim regeretur à perfidis, hostes Ecclesiæ fuerant roborati, multi fidelium bonis propriis spoliati, multi macerati carceribus, multi in exilium dati, multi more bidentium cæsi gladiis, multi membris aliquibus mutilati, nostros in ipsum direximus oculos, & jam ex parte pacis turbatoribus exturbatis, & erectis cornibus devotorum, intelligentes regiæ celsitudinis brachium confirmatum, eidem regi de fratrum nostrorum consilio pacis tutelam in Tusciæ finibus, quæ vacanti subsunt imperio, duximus committendam, eundem inibi paciariū statuentes, data sibi sub certa forma plenaria potestate, omnes illos qui pacem jurare nollent, aut juratam violare præsumerent, comprehendendi. Cum igitur rex idem, sicut Ecclesiæ fidelis filius devotissimus, onus hujus officii assumsisset, & nedum cum benevolis, sed etiam cum his qui pacem oderant vellet esse pacificus: quia tamen in locis aliquibus pacis filios non invenit, attentè considerans, & prudenter attendens, quod juxta sanctorum sententias, pax tantum est bonum, ut per suum licitè quæratur contrarium, si nequeat aliter obtineri; subegit aliquos manu valida, & nonnullos obsidione vallavit, illuc se conferens personaliter, ut non solum utilius, quin etiam citius & humanius captum tantum negotium consummetur. Ne igitur aliquorum insana temeritas pacis angelum, Christi pugilem memoratum perversis pariter & adversis audeat impedire conatibus, sicut dudum omnes qui regnum ejus & terras adjacentes eidem perturbare præsumserint, excommunicationis mucrone percutimus, sic & nunc in omnes qui

(c) Al. Oppressit.



in dictis Tusciae finibus ei seu genti suae se opposuerit, vel opponentibus consilium operumve praestiterint, excommunicationis sententiam promulgamus, locos quibus se opposcentes eidem recepti fuerint, ecclesiasticis interdictis supponentes, Fraternitati tuae in virtute obedientiae districtè praecipiendo mandamus, quatenus ut haec per Urbis ecclesias publicas aut per alios facias publicari.

*In eodem modo praelatis in Tuscia & in Romaniola & Lombardia constitutis. Datum Viterbii v. calendas Augusti anno III.*

### EPISTOLA CCCCCXIII.

Episcopo Senensi.

*Permittit ei ut ad Senenses se recipiat, aut in Sabina episcopale officium exercent.*

Anno 1267 **S**I natalis aëris intemperies tibi licet indigenae non pepercit, minus siquidem miramur; sed non minus pietate suggerente compatimur, si domesticam tuam familiam molestavit, densis Urbis vaporibus insuetam. Sanè cum Senenses se penitus nescientes in erroris deciderint labyrinthum, & tot nostris ingrati gratiis mala malis accumulanti, clerum spoliati, opprimunt innocentes, quid apud eos facias aut proficias, si illuc ieris, non videmus. Dati enim in sensum reprobum, ut videtur, Domini & hominum reverentiam abjecerunt, ne doctrinam sanam recipiant, doctrinis variis & peregrinis abducti. Verum tuae committimus providentiae viam tuam, ut si vel eorum vocatio te invitat, vel inspiratio secretorum ammonet, ut aberrantem visites gregem tuum, eas ad illos; vel si, quod probabilius creditur, posse te prodesse diffidis, intres Sabiniam, & ibidem exerceas episcopale officium vice nostra, tua semper opportunitate servata, donec vires resumes ad plenum. Quod si nec illa tibi terra placuerit, elige quem malueris aërem, ubi saltem ad tempus valeas cum familia respirare. Si Sabiniam tibi elegeris, ab omnibus & in omnibus tibi facias de nostris iuribus responderi: Quid autem ex praedictis elegeris, nobis rescribere non omit-  
(a) tas. Datum Viterbii (a) III. calendas Augusti anno III.

### EPISTOLA CCCCCXIV.

Dilectis filiis universis baronibus & nobilibus, potestatibus & rectoribus, capitaneis, consulibus, comitatibus, & universitatibus civitatum, castrorum & villarum per patrimonium B. Petri in Tuscia constitutis nostris & Ecclesiae Romanae rectoribus.

*Ut H. Urbis Senatori non pareant.*

Anno 1267 **N**ihil iustitiae dissonum, nihil contrarium aequitati videtur. Nuper devotioni vestrae scripsimus, cum ad nostrum perveniret auditum, quod nobilis vir H. senator Urbis, vobis & vestrum aliquibus direxerat litteras, & nun-

(a) Al. x. Calendas.

*Theauri Anecd. Tom. II.*

**A** cios speciales, multa vobis sub certis poenis praecipiens, quae in grave Ecclesiae Romanae praedictum verumque dispendium redundabant. Nos siquidem his auditis, qui sic omnibus jura servari volumus, ut nostra minimè negligamus, & eidem super hoc aperuimus per litteras nostras mentem nostram, & vobis universis & singulis sub debito fidelitatis, quo Ecclesiae praefata tenemini, & sub poenis per nostrum vobis arbitrium inferendis districtè praecipiendo mandavimus, & nunc etiam iterato mandamus, **B** quatinus mandatis hujus, si qua vobis per separatorem eundem jam facta fuerant, vel similibus, si in posterum vobis fierent, minimè pareatis; & si forsitan non omnino his verbis usi fuimus, hanc fuisse intentionem nostram minimè dubitetis, quam ex forma litterarum priorum satis committere poteratis. Datum Viterbii ut supra proxima.

*In eodem modo per Sabiniam constitutis.*

### EPISTOLA CCCCCXV.

**C** Dilecto filio Magistro Heliae Pelgeri capellano nostro canonico Belvacensi.

*Ut tam in castra Podii Boniti, quam apud Pisanos & Senenses pacem stabilire studeat.*

**S**I filius noster carissimus in Christo C. rex Anno 1267 Illustris Siciliae paciarius constitutus à nobis in Tusciae finibus subjectis imperio nunc vacanti, pacis inibi generaliter filios invenisset; super omnes utique tam pax nostra requiesceret, quam sua, sed obstantibus ejus proposito viris dycolis, qui viam pacis minimè cognoverunt, ecce quod dolentes referimus, factus aliquibus in crudelē, ferro compellimur mederi vulneribus, quae fomento non sentiunt medicinam. Sanè nos qui iustitiam, cujus pax opus est, sic diligimus, ut etiam ipsis pietatis paternae viscera non claudamus, te cujus fidem dudum probavimus & industriam, ad dictas partes duximus destinandum, per apostolica scripta tibi firmiter praecipiendo mandantes, quatenus tam homines castri Podii Boniti, quod à gente praedicti regis esse obsessum dicitur, quam Pisanos, perfidosque Senenses, & omnes rebelles alios, finium eorumdem, ad dicti regis obedientiam in officio quod eidem commisimus salutaribus monitis diligenter & prudenter inducas, ipsumque regem reddas eis placabilem. Qui saniori forte consilio tuis monitis acquieverint, sic eorum securitati provideas, salva semper in omnibus moderatae iustitiae disciplina, quod tam gravi tempestate sedata, illa pars Tusciae, quae tot malis dedit originem, quae tot ecclesiae suisque fidelibus scandala suscitavit, nunc saltem dormita per eundem, in pulcritudine pacis sedeat in tabernaculis fiduciae & requie opulenta; eos verò qui in suis facibus quiescentes obtemperare tibi noluerint, post insinuatam eis sententiam, quam in eos tulimus, qui dictum regem in commisso sibi per nos officio perversis & adversis conatibus tentaverunt impedire, necnon & omnes qui hoc consilium vel opem

Kk

dederint, excommunicatos terrasque in quibus A  
recepti fuerint ecclesiastico interdicto suppositas  
denuntiare publicè non omittas. Datum Viter-  
bii 11. nonas Augusti anno 111.

EPISTOLA CCCCXVI.

(a) Dilecto filio Magistro Helix Peleti capellano  
nostro canonico Belvacensi.

*Missum in Tuscia jubet emendare quæ Siciliae  
regem possant offendere.*

Anno 1267

Cum te ad partes Tusciæ nunc vacanti im-  
perio subjectas destinemus, discretioni  
tuæ per apostolica scripta mandamus, quate-  
nus si in terra dilecti filii nostri O. sanctæ Mariæ  
in Via-lata diaconi cardinalis, postquam caris-  
simi in Christo filii nostri C. illustris regis Si-  
ciliæ partes Tusciæ gens intravit, aliqua com-  
missa dicuntur aut dicerentur dum ibi fueris,  
ex quibus rex idem aut sui reputare possint aut  
debeant se offensos, tu super his ex officio de  
plano & sine spiritu ac figura iudicii veritatem  
inquirens, ad plenum ea facias emendari: aut  
si casus tibi nimis difficilis visus fuerit, nos con-  
festim consulere non postponas, responsum no-  
strum protinus habiturus. Non tameningas  
difficile quod non erit, ne non tam consilium  
quàm subterfugium quærere videaris. Datum  
ut supra in proxima.

EPISTOLA CCCCXVII.

Carissimo in Christo filio C. regi Siciliæ  
illustri.

Anno 1267

*Ut victorem se potius quam ultorem exhibeat, nec  
illum officium exerceat in terra O. cardinalis.*

(b)

Cum firmetur clementia thronus regis, de-  
cet te, fili carissime, Deum semper habere  
præ oculis, cujus geris negotium, viris pacificis  
pacem nutriendis, & eam offerens inde votis. Sanè  
quamvis tantum sit pacis bonum, ut per suum  
licetè quæratur contrarium, si fortè aliter ne-  
queat obtineri: quia tamen imitari te convenit  
illum pro viribus, qui cum irascitur, semper  
minimè recordatur; serenitatem tuam rogan-  
dam duximus & hortandam, quatenus in tuis  
actibus & tuorum crudelitatem evitans, victo-  
rem potius impleas, quàm ultorem; & quieti  
provinciæ consulens, diligi magis eligas quàm  
timeri; eo semper adhibito moderamine, ut  
nec terror (b) errorem habeat, nec dissoluta  
pariat mansuetudo contemptum. Sanè licet in  
Tusciæ finibus te paciariū constituimus ge-  
neralem, mirari non debes aliquatenus aut tur-  
bari, si forsan aliquid speciale statuimus in terra  
dilecti filii nostri O. sanctæ Mariæ in Via-lata  
diaconi cardinalis, qui cum sit nobile corporis  
nostri membrum, non eadem cum aliis est cen-  
sura tractandus. Ad terram igitur ejus, quam  
fuisse & fore tibi spondet pacificam, commis-  
sum tibi non extendas officium, si quæ contra

(a) Al. In Trecenti codice reperitur inscriptio eadem ab alijs  
pretermissa.

te vel tuos facta dicuntur inibi, vel dicuntur;  
ecce mittimus dilectum filium magistrum H.  
Peleti capellanum nostrum canonicum Belva-  
censem, qui veritatem inquiret, & emendanda,  
faciet emendari; in difficilioribus, si emergerint  
nostrum consilium petiturus, qui etiam super  
his nostrum propositum tibi plenius denudabit,  
cui te credere volumus tamquàm nobis. Car-  
dinalis quidem injuriām æquo animo tolerare  
minimè valeremus, quo offenso seu læso, & nos  
& fratres nostri per consequens læderemur.

B Datum ut supra in proxima.

EPISTOLA CCCCXVIII.

Carissimo in Christo filio C. Regi Siciliæ  
illustri.

*Contra Senatorem.*

Anno 1267

Sæpe cogimur scribere senatori, quod se-  
ductus consilio aliquorum, & aliorum exci-  
tatus impulsibus, tentat plurima, quæ in nostro-  
rum actuum videntur cedere præjudicium &  
gravamen. Licet autem verba verbis reddiderit,  
& jam substituerit in aliquibus & in aliis pertran-  
sierit perfunctoriè; nos tamen solis adhuc com-  
minationibus insistentes, non processimus contra  
ipsum, cum nec occasio se præbuerit importa-  
bilis, nec in cœptis perseveraturus credatur, à  
multis sapientibus, prout dicitur; increpatus.  
Verum ad id quod ultimo tuis receptis litteris de  
occupatis, (c) Rota & Castro in regni tui finibus  
scripsimus, nondum ejus responsum habuimus;  
id, mox ut venerit, tuæ cum ipsius litteris magni-  
tudini transmissuri. Demum stantes suspensis  
auribus cum multitudine copiosa fidelium obfi-  
dionis, qua tot vallasti perfidos, felicem equi-  
dem, sed humanum expectamus eventum, ex  
quo pender hostium tuorum confusio; non il-  
lorum dumtaxat, quos inibi conclusisti, sed ubi-  
libet consistentium; quorum utique, si quos ob-  
sides obtinueris, frangentur animi, cadent ma-  
nus, genua dissolventur. Confidimus autem in  
Domino, quod qui te suum ministrum inter  
catholicos principes elegit, ad impiorum su-  
perbiam emendandam, in hoc negotio te non  
deseret, sed inceptum feliciter longè feliciter  
conservabit. Datum Viterbii Idibus Augusti  
anno 111.

(c)

EPISTOLA CCCCXIX.

Dilecto filio Magistro Helix Peleti capellano  
nostro canonico Belvacensi.

*Ut faciat revocare comitem Hugolinum Ecclesiæ  
Romanæ infesum.*

F

Quas ex nostro speciali mandato inhibito-  
nes Pisani feceris de Sardinia finibus non  
intrans, cum commissa tibi magna negotia  
prosequens moram traheres apud eos, à tua non  
credimus excidisse memoria; sed jam suæ salutis  
immemores, in arcum pravum, prout dicitur,

Anno 1267

(b) Al. Honorem, F. horrorem.  
(c) Al. Recta.

sunt commissi. Nam comes HUGOLINUS eorum civis non minimus in manu valida iudicatum Turritanum seu regnum invasit cum Tuscio Ruffo & aliis perfidis, Ecclesiæ Romanæ fideles infestans, secum habens in isto scelere adiutores, de communis Pisani speciali mandato, Pisanos omnes qui à Sardinia moram trahunt, prout dilectus filius Magister G. Gellonis capellanus noster, quem dudum in illis partibus nostrum vicarium constituimus, nobis scripsit. Quocirca discretionis tuæ per apostolica scripta mandamus, quatenus eisdem moneas, & eisdem districtè nostra fretus auctoritate præcipias, quatenus sine moræ dispendio revocent dictum comitem, & per ipsum vel alios sui districtus vel alterius dictum regnum & specialiter homines Cassari non infestent, & de damnis eis & aliis nostris fidelibus irrogatis satisfaciant indilate, alioquin sententiis ratis manentibus, in quas incidisse creduntur, omittere non poterimus, quin contra ipsos acrius exigente iustitia procedamus. Datum Viterbii Idibus Augusti anno III.

## EPISTOLA CCCCCXX.

Viro illustri & magnifico principi in gente nobili Tartarorum Elchani Apacha in præsentem gratiam Creatoris, & in futuro gloriam obtinere.

*Ei gratulatur quod Christianæ fidei sit addictus, ac Dei protectionem ei pollicetur.*

Anno 1187.

**N**uper virum nobilem tuæ magnitudinis nuncium benignè recepimus, & ab eo super tuo nomine quasdam recepimus litteras, & quæ nobis per interpretem exponere voluit, intelleximus diligenter. Sanè licet litteras quas exhibuit nullus de his qui erant in nostra curia legere nobis scivit, nec tu, sicut alias feceras, in lingua latina scripseras nobis quicquam, solum verbis illius qui eas attulit oportuit nos intendere, & juxta qualitatem illarum tuæ magnificentia respondere. In primis igitur gratias agimus Domino Deo nostro bonorum omnium largitori, qui tui cordis illuminavit oculos, ut eundem agnosceres, & ejus Filium unigenitum pro salute humani generis crucifixum humiliter adorares, & crucis suæ vexillum reverenter honorares. Ecce gaudes, ut asseris, de victoria quam habuimus in regno Siciliae, cujus MANFREDUS filius FREDERICI quondam imperatoris Romani temerarius occupator, per manum validam carissimi in Christo filii nostri C. cui regnum idem concessimus, in bello campestri regno cecidit privatus & vita, cum perfidorum Saracenorum multitudine copiosa. Ecce reges Franciæ & Navarræ cum multis comitibus, baronibus, & militibus, & aliis infinitis, Terræ sanctæ negotium assumentes, crucis insigniti caractere, contra crucis & fidei inimicos se viriliter præparant & potenter. Jamque de regionibus aliis multi magni & parvi eorum provocantur exemplo, ut Christi nomen totis & exaltent viribus & potentiam Saracenorum, sectam etiam, & nomen extingant. Verùm super his quæ scrip-

*Theſauri Anecd. Tom. II.*

**A**ſſi, quod videlicet simul cum tuo focero adjuvare Latinos intendis, grates tibi referimus copiosas: quo tamen nostri venire proponant itinere tibi rescribere non possumus, regibus inconsultis; sed eisdem significabimus tuum & foceri tui consilium, ut melius deliberare valeant quid eis videatur agendum, & super his per certum nuncium tuam magnificentiam possumus reddere certiore. Sta igitur, Princeps magne, in salubri proposito, nam sperare debes in Domino, quod si bene ei servieris, tuum firmabit solium & multipliciter exaltabit. Sua est potentia, suum est regnum, in manu ejus sunt omnia corda regum: quos vult humiliat, & quos vult exaltat, ejus nutu universa reguntur, nec est qui valeat ejus resistere voluntati. Datum Viterbii anno III.

## EPISTOLA CCCCCXXI.

Archiepiscopo Ravennensi apostolicæ sedis legato.

*Firmam de Deo spem habens, ejus se committit voluntati.*

**D**E adventu juvenis CONRADINI multa dudum audivimus, quæ sicut hætenus æstimavimus, sic & probavimus esse falsa. Sanè tuam laudamus prudentiam, quia nobis quæ recipis scribere non omittas, quod & continuare te volumus, cum ad nostram instructionem utilia, & ad exercitationem fidelium videantur quàm plurimum opportuna. Nos verò Dei nos beneplacito conformantes, æquanimiter ferre proponimus quicquam ei placuerit: non sic tamen ut tentantes eundem imminentibus rerum eventibus nos absque providentia commitemus; sed facturi quicquid poterimus, ut Ecclesiæ status pacificus conservetur. Si consistant adversum nos castra, quantumcumque sint valida, non timebimus; & si exurgat adversus nos prælium, sperabimus in hoc ipso. Tua igitur circumspecta fraternitas onus impositæ legationis exsequens, sic instet, sic vigilet, sic laboret in omnibus, ut in terris tuæ gubernationi commissis & fidelium fulciatur devotio, & marcescat improbitas perfidorum. Datum Viterbii (a) xvii. calendas Septembris anno III.

Anno 1167

(a)

## EPISTOLA CCCCCXXII.

Bertrando Tholosanæ ecclesiæ præposito.

*Questionem inter abbatem Fuxensem & Rogerium comitem Fuxensem terminandam committit.*

**C**LEMENS episcopus servus servorum Dei dilecto filio Bertrando præposito ecclesiæ Tholosanæ salutem & apostolicam benedictionem.

Anno 1267  
Ex archivis  
ecclesiæ To-  
losanæ.

Dudum inter dilectos filios abbatem & conventum monasterii Fuxensis ordinis S. Augustini ex parte una, & quondam ROGERIUM comitem Fuxensem & vicecomitem Castriboni Tholo-

(a) Al. xv. Calendas.

K k ij

ſanenſis dioceſis ex altera, ſuper mutuis ſpoliationibus ſeu diſaiſimentis ac damnis hinc inde datis, & nonnullis poſſeſſionibus & diverſis aliis quaſtionum articulis, orta materia quaſtionis: tandem partes in nos, dum adhuc regimini Narbonenſis eccleſiæ præſeſſemus, ſic ut in iudicem conſenſerunt, & de mutuis ſpoliationibus, diſaiſimentis ac damnis huiusmodi per nos & perſonas idoneas de plano & ſine ſtrepitu iudiciali ex officio noſtro per modum inquisitionis veritatem inquirere, & ſecundum quod invenerimus, h. . . inter partes diſſimulare poſſemus. Super præmiſſis verò poſſeſſorium contingentibus partes ipſæ appellationis beneficio renunciaverunt expreſſe: ſuper hæc autem quæ ad petitorium pertinent, mutuas petitiones partium audientes definiremus, iuſtitia mediante, hoc excepto quod quaſtio caſtri de Fuxo ſub ordinatione huiusmodi non veniret, de faciendis & complendis dicto & ſententia noſtris, præſtito ab utraque parte corporaliter iuramento: ita tamen quod iuramentum ipſum neutræ parti obſtaret, quin in quaſtionibus iudicii petitorii poſſet in conſeſſis à iure caſibus appellari, prout in publico inſtrumento conſecto exinde plenius dicitur contineri. Licet igitur nos tunc huiusmodi compromiſſo recepto, in eodem negotio duxerimus aliquamdiu procedendum: quia tamen in collegium ſanctæ Romanæ Eccleſiæ proceſſu temporis admiſſi fuimus, & tandem ad regimen apoſtolice dignitatis aſſumpti, huiusmodi negotium per nos non extitit ſententialiter terminatum: volentes itaque quod negotium ipſum, quod adhuc inter eoſdem abbatem & conventum ex parte una, & dilectum filium nobilem virum ROGERIUM BERNARDUM natum & heredem prædicti comitis ex altera vertitur, finem debitum fortiatur: diſcretionis tuæ, de conſenſu partium, per apoſtolica ſcripta mandamus, quatenus partibus convocatis, in prædicto negotio, ſervato tamen proceſſu olim habito coram nobis, de plano ſine iudiciali ſtrepitu procedens, illud debito ſine decidas, faciens quod decreveris per cenſuram eccleſiaſticam firmiter obſervari, proviſo ne in terram nobilis prædicti, aut in Fuxenſem vel Caſtriboni univerſitates excommunicationis vel interdicti ſententiam proferas, niſi à nobis ſuper hoc mandatum receperint ſpeciale. Teſtes autem qui fuerint nominati, ſi de gratia, odio, vel timore ſubtraxerint, per cenſuram eandem, appellatione ceſſante compellas veritati teſtimonium perhibere. Actum Viterbii xiv. calendas Septembris, Pontificatus noſtri anno III.

## EPISTOLA CCCCCXXIII.

Dilectis filiis poteſtati, conſilio & communi Cornetanenſi.

*Ut Senatori & populo Romano non pareant.*

Anno 1267

**L**icet dilecti filii nobilis vir ſenator & populus Romanus, quorum iura nolimus intervertere, ſic iure ſuo deberent eſſe contenti, quod non invaderent alienum, quia tamen, prout

accepimus, in terra Romanæ Eccleſiæ iurisdictionem ſibi temere uſurpantes, à nobis, & aliis noſtris & ejuſdem Eccleſiæ Romanæ fidelibus multa exigunt in noſtram injuriam & noſtræ præjudicium libertatis. Vobis univerſis & ſingulis ſub debito fidelitatis, quo nobis & Eccleſiæ ipſi tenemini, & ſub poena v. millium marcarum auri & amiſſionis omnium privilegiorum & libertatum, quæ à ſede apoſtolica ullo tempore habuiſtis, per apoſtolica ſcripta diſtinctè præcipiendo mandamus, quatenus venientibus ipſis vel nunciis eorundem in huiusmodi minime pareatis; ſed nec eis contra nos vel cariſſimum in Chriſto filium noſtrum C. regem Siciliae illuſtrem, vel quaſcumque terras noſtras conſilium & auxilium vel favorem aliquem impendatis, alioquin & in poenas incidatis ipſo facto. Datum Viterbii xiii. calendas Septembris anno III.

## EPISTOLA CCCCCXXIV.

Episcopo Senenſi.

*Ut Senenſes ad Romanæ Eccleſiæ gratiam ſtudeat revocare.*

**C**um potens ſit Dominus de lapidibus filios Abrahæ ſuſcitare, ſi à ſuis erroribus tuum populum revocaret, cum ſanctis angelis ſuper tot peccatoribus agentibus poenitentiam gauderemus. Quocirca cum ad eos de noſtra properes licentia ſpeciali, fraternitatem tuam rogandam duximus & hortandam in remiſſionem tibi peccaminum injungentes, quatenus materna viscera cum paternis verberibus eis exhibens, ad noſtram & Romanæ Eccleſiæ gratiam eos reducere ſtudeas, ut melioribus intenti ſtudiis in pace pectoris pacem temporis valeant obtinere. Nos enim eis ad cor humiliter revertentibus, quantumcumque nobis illuſerint, quantumcumque ſe in præceps dederint, parati ſumus pandere ſinum mellis ſuæ pietatis. Datum Viterbii xiii. calendas Septembris anno III.

Anno 1267

## EPISTOLA CCCCCXXV.

Cariſſimo in Chriſto filio noſtro regi Siciliae illuſtri.

*Differt ſolutionem cenſus annui.*

**C**ompatiantur tibi fratres; & tamen ſuam aliqui paupertatem cauſantur, ut non ſit eis facile ſucceſſivis dilationibus ſpe certi debiti defraudari. Sanè quia tuæ proſpiciamus neceſſitudinis inſtantiam, votis tuis ad præſens annuimus, nolentes incurrere te perjurium, ſi eundem cenſum in calendis Septembris proximis vel antè non ſolveris, dum tamen ſi interim ſolvere illum opportunè nequiveris, ſaltem infra feſtum S. Michaelis proximè veniens illum ſolvas. Ulteriore autem dilationem non expectes, tenens certiſſimè quod proſus deficeres in eodem. Datum Viterbii xiii. calendas Septembris anno III.

Anno 1267

## EPISTOLA CCCCCXXVI.

Regi Francorum illustri.

*Collatam ipsius auctoritate in ecclesia Remensi præbendam juri regio nolle præjudicare.*

Anno 1167

(a)

(b)

**C**Um filius noster (a) G. titulo S. Marci presbyter cardinalis, auctoritate nostra sibi à nobis oraculo vivæ vocis commissa, præbendam quæ in Remensi ecclesia per promotionem venerabilis fratris nostri (b) J. archiepiscopi Remensis tunc canonici ejusdem ecclesiæ olim dignoscitur vacasse, dilecto filio magistro Johanni de Villausico Remensi canonico contulisset; nos collationem hujusmodi ratam habentes & firmam, eam auctoritate apostolica duximus confirmandam, certo super hoc per nostras litteras executore concessio, qui eundem magistrum in possessionem ipsius præbendæ auctoritate litterarum dictarum dicitur induxisse. Verum quia tu ea ratione, videlicet quod vacantes conferre in ecclesia ipsa præbendas, à tempore quo eandem ecclesiam pastoris regimine contingit destitui, donec substitutus illi archiepiscopus, ex regulis juris, hujusmodi collationem in præjudicium tuum asseris factam. Nos qui à cujuscumque de pusillis quantumcumque minimis scandalo abstinere intendimus, te quem pro tuis clarissimis meritis internæ complectimur brachio caritatis, super hoc scandalizare nolentes, dilecto filio Dionysio canonico ejusdem ecclesiæ damus sub certa forma nostris litteris in mandatis, ut à dicto magistro Johanne consignationem ipsius præbendæ liberam auctoritate nostra recipere non omittat. Verum cum eidem Dionysio per alias nostras litteras injungamus, ut ab eodem magistro Johanne juxta priorum litterarum nostrarum tenorem libera ipsius præbendæ consignatione recepta, eam vacantem postmodum præfato magistro Johanni auctoritate nostra per se vel per alium conferat & assignet, ac eum in possessionem illius inducat, & defendat inductum, contradictores, persona tuæ excepta, per censuram ecclesiasticam, appellatione postposita compescendo; nos quod per præmissa usui, quo in præfata ecclesia circa collationem præbendarum ipsarum uteris, præjudicare nolumus, nec etiam intendimus, has litteras nostras in testimonium sublimitati regię duximus concedendas. Datum Viterbii Idus Septembris, Pontificatus nostri anno III.

## EPISTOLA CCCCCXXVII.

Venerabili fratri Bertrando archiepiscopo

Arelatensi.

*Permittit ei ut Crux coram eo deferatur in Provincia Arelatensi.*Anno 1167  
Ex Pontificatus  
Arelatensi  
qui in  
Bertrando

**A**D rememorandum sacramentum Dominicæ passionis, quæ fuit nostra redemptio, mortis nostræ destructio, & vitæ reparatio salutaris, crucem quam ipse Redemptor nos redimen-

(a) Guillelmus. (b) Johannes de Corternaco;

**A**do sublit, gerimus figuratam interius, & in crucifixi memoriam devotis mentibus exterius adoramus. Illius quoque mirificæ crucis signum Romani Pontifices velut Christi vicarii habent suis gressibus (c) præmium, ut in eis signum cum signato concordet, ac (d) ejus vices gerunt in terris, vestigia prosequi (e) dignoscant. Licet igitur deferendæ crucis dignitas solis eisdem Pontificibus convenire noscatur, dignum tamen duximus ut Arelatensem ecclesiam, quam propter laudabilia suorum qui fuerunt pro tempore merita prælatorum, grandium honorum conspicimus titulis insignitam hujusmodi, apostolicæ dignitatis participem faciamus. Quare ad tui & ipsius ecclesiæ decoris augmentum, tam tibi quàm tuis successoribus in perpetuum faciendi coram vobis deferri crucem per Arelatensem provinciam ex præsentis privilegio, quo prædictam ecclesiam de speciali gratia præsignimus, plenam præsentium auctoritate concedimus facultatem. Datum... Pontificatus nostri anno III.

(c)  
(d)  
(e)

## EPISTOLA CCCCCXXVIII.

Dilecto filio S. tituli S. Cecilie presbytero cardinali.

*Appellationem ad ipsum Remensis, Senonensis & Rothomagensis ecclesiarum se non admisisse.*

**U**T os suum omnis opilet iniquitas, & sermonibus veritatis detrahare non præsumat, his qui præsumunt non mediocriter pro loco & tempore credimus expedire, imprudentium hominum ignorantiam sic obstruere, sed impudentium multo magis audaciam sic reprimere, ut à voce tonitruum formidantes, sua se plusquam licet, decet, aut expedit erecti in suam demum resiliat parvitatem, ad quam si sano consilio tam humiliter quàm fideliter se inclinaverint, aperiendum eis benivolæ sinum misericordiæ non negamus. Sanè nuper recepimus dilectorum filiorum decanorum & capitulorum Remensis, Senonensis & Rothomagensis ecclesiarum & suffraganeorum suorum procuratores & litteras voce nobis & scripto plurima proponentes, quæ supplicatione hujusmodi clauderentur, cum carissimus in Christo filius noster L. rex Francorum illustris decimam vel aliquam ecclesiasticorum beneficiorum in Francia portionem pro Terræ-sanctæ subsidio à nobis petere diceretur, in supplicatione hujusmodi nos taliter haberemus, quod sancta mater Ecclesia temporibus nostris de variis oppressiōibus respiraret, ad pacem & ad tranquillitatem resurgerent, hanc suam conclusionem in suarum serie litterarum multis prius instruxerant argumentis, quorū quædam in dubiis, quædam in falsis, quædam in prorsus impertinentibus fundabatur. Verum dicti procuratores litterarum narratione simplici non contenti, subjunxerunt ex-

Anno 1167

(c) F. Præsumunt.  
(e) F. Dignoscantur.

(e) F. Cujus.

K k iij



pressius aliqua, quæ conceptam malitiam dete-  
gerunt, inter cetera verba blasphemiae propo-  
nentes, quod si decimam concederemus peti-  
tam, mallent dicta capitula excommunicatio-  
num sustinere sententias, quàm in hoc casu  
nostris obedire mandatis, cum apud ipsos com-  
muniter diceretur, quod non cessaret exactio  
tributorum. Nos igitur insolentiam contemto-  
rum merito contemnentes, litteras litteris, &  
verbis verba reddidimus, supplicationem ipso-  
rum, quam jam gratia nostra regi facta præ-  
venerat repellentes, & appellationem à te in-  
terpositam, quia supplicationes eorum non ad-  
miseras, prout asserunt, reprobantes, cum sit  
nostrum immobile fixumque propositum dic-  
tam gratiam executioni mandare, non obstante  
appellationis cujuslibet vel contradictionis ob-  
jectu. Quocirca discretionis tuæ per apostolica  
scripta mandamus, & in tuorum remissionem  
tibi peccaminum injungimus, quatenus juxta  
traditam tibi formam in prædicto procedens  
negotio, ad collectionem decimæ supradictæ,  
per te & alios, prout expedire cognoveris, pro-  
cedas viriliter & instanter, non obstantibus ap-  
pellationibus interpositis, vel interponendis in-  
posterum, privilegiis, vel indulgentiis, seu lit-  
teris quibuscumque impetratis vel impetrandis,  
cujuscumque tenoris existant, etiam si in eis  
contineatur expresse, vel in jure sit cautum,  
quod eis apostolicæ litteræ non præjudicent,  
nisi de ipsorum tenore de verbo in verbum,  
vel aliqua religione, vel ordine, vel loci ullius  
nomine vel personæ, quacumque alia circum-  
stantia, fiat in eis mentio specialis, vel aliqua  
exceptione seu defensione quacumque, per  
quam exactio dictæ decimæ impediri valeat vel  
deferri: contra Ecclesiæ rebelles, cujuscumque  
conditionis vel dignitatis, etiam episcopalis, aut  
archiepiscopalis existant, per censuram eccle-  
siasticam, appellatione postposita, compellendo:  
non obstante si aliquibus à sede apostolica est  
indultum, quod excommunicari, interdicti ne-  
queant, aut suspendi, &c. Datum Viterbii xviii.  
calendas Octobris anno iii.

## EPISTOLA CCCCCXXIX.

Dilecto filio Magistro Helix Peleti canonico  
Belvacensi.

*Facultatem ei tribuit mutuum contrahendi  
pro ecclesia.*

Anno 1267

**D**E prudentia tua plenius confidentes, re-  
cipiendi mutuum usque ad xxx. millia  
librarum Turonensium nomine Romanæ Ec-  
clesiæ simul aut divisim aut separatim à mer-  
catoribus, aut quibuscumque, ac propter hoc  
cameram nostram & bona ejusdem ecclesiæ  
ipsis mercatoribus obligandi, necnon promit-  
tendi eisdem quod in locis & terminis quæ cum  
eis ordinanda duxeris, pecuniam sibi quam  
mutuo ab illis receperis, aut confessus fueris  
recepisse, cum (a) expensis damnis & interesse,

(a) F. Expenſa damno.

A quæ illis promiseris, si in solutione statutis per  
te eis locis & terminis cessaretur, solvi cum in-  
tegritate plenariè faciemus, quodque ratum  
habebimus, quicquid super his duxeris facien-  
dum, discretionis tuæ de fratrum nostrorum  
consilio auctoritate præsentium plenam conce-  
dimus facultatem; statuentes quod pecuniam  
ipsam fore conversam in utilitatem nostram &  
ipsius Ecclesiæ Romanæ prætextu, alicujus con-  
stitutionis canonicæ vel civilis, memoratis mer-  
catoribus probandi necessitas non incumbat.  
B Datum Viterbii xvii. (b) calendas Octobris  
anno iii.

(b)

## EPISTOLA CCCCCXXX.

Carissimo in Christo filio C. regi Siciliæ illustri.

*Causatur de ipsius officialibus.*

**N**Ova de CONRADINI adventu, quantum-  
cumque crebrescant, citò casura credi-  
mus, sicut & hætenus ceciderunt. Verum si  
venerit in Italiam, quod non credimus, nulla-  
tenus expedit quod ei occurras, nec à regno  
tanto terrarum spatio segregatus tuis hostibus  
aggrediendi quæ timent audaciam præbeas op-  
portunam. Et hoc sentiunt apud nos qui te  
diligunt universi. Sanè cum regnum tuum pes-  
simè laceretur à tuis, tuæ adscribitur culpæ,  
quod eis indigens, existentibus tuis officiis fu-  
ribus & latronibus opulentis, qui ea in regno  
tuo faciunt, quæ Deus sustinere non poterit,  
contra quem nullo potes consilio te munire.  
Ibi enim officiales raptus & adulteria, prout  
à viris religiosis accepimus fide dignis, cum  
variis exactionibus & rapinis exercere in publico  
non verentur. Et cum totiens super his fueris  
increpatus, nec ea correxeris aut punieris; pro-  
fectò vitiis pollutus remanes alienis. Quis ergo  
tuam plangere poterit paupertatem, qui de  
regno non potes, aut nescis vivere, de quo vir  
E nobilis FREDERICUS Romanorum olim impe-  
rator, ut nosti, majores te sumtus faciens in  
immenſum se suosque dirabat, & insuper Lom-  
bardiam & Tusciam, & utramque Marchiam &  
Alamanniam satiabat. Verum non speres in  
nostra curia mutuum invenire. Si tamen hostis  
tuus prædictus in potestate venerit formidanda,  
fratres nostri, ut credimus & speramus, consen-  
tient quod pro quærenda tibi pecunia quam  
petisti, demus potestatem alicui Romanam Ec-  
clesiam obligandi, receptis à te magnis & ar-  
duis cautionibus pro eadem Ecclesia indemni  
servanda. Datum ut supra.

Anno 1267



(b) Al. xvi. Calendas.

## EPISTOLA CCCCCXXI.

Carissimo in Christo filio C. regi Siciliae illustri.

*Mittit ei litteras ab Albanensi episcopo acceptas.*

Anno 1267

(-)

Litteras venerabilis fratris nostri Albanensis Episcopi apostolicæ sedis legati recepimus, continentes interclusas quasdam alias litteras dilecti filii nobilis viri FULCONIS DE PODIO Ricarii vicarii tui in Sicilia, quas interclusas presentibus tibi duximus destinandas, ut, earum inspecto tenore, deliberes ac provideas circa dictarum continentiam litterarum, prout videris expedire. Datum Viterbii (a) xvii. calendas Octobris anno 111.

## EPISTOLA CCCCCXXII.

Carissimo in Christo filio C. regi Siciliae illustri.

*Significat ei hostes in Siciliam intrasse, nec debere Lombardiam penetrare.*

Anno 1267

Non libentius sed lætantiùs blanda quàm aspera nuntiamus, cum illis pro tempore arridente blanditiæ sperni valeant, & in aliis imminentes angustia nec ad horam providentiæ dilationem admittant. Sanè navim quamdam pro certo comperimus de Sicilia venientem appulisse Neapolim, & qui in ea venerunt Neapolitani fideles tui narrant de Tunicii partibus hostes tuos intrasse Siciliam, in castro receptos quod dicitur Achium, & inde ad Agrigentinam civitatem vocatos, ad quam tamen utrum transierint, ignoratur. Et dicitur quod in eis erant ccc. Teutonici & c. Latini milites, & c. cum arcubus Saraceni: an à tergo maiorem expectarent comitivam nesciebatur; sed certum est quod contra eos tota Sicilia procedebat. Turbati sunt regnicolæ circa Farum in mutuo, & exactionibus aliis plusquàm credere velis aut valeas. Utinam magis crederes & plenius scire velles. Nullo quidem poteris juvari consilio, nullo fulcieri auxilio, si tu ipse qui te Domini pugilem confiteris, ipsum in suis ecclesiis, & personis ecclesiasticis, viduis, orphanis, aliis membris suis impugnas. De his autem omnibus scribit tuæ, prout credimus, magnitudini venerabilis frater noster Albanensis episcopus. Venturus est in proximo frater Amalricus de Rupe, per quem super his omnibus scire poteris veritatem. Illud verò iteratò concludimus, quod & scripsimus tibi nuper, ut ad Lombardiam intrandam nullatenus te involvas, ne ad interiora progrediens, & posteriorum oblitus, quod avertat Dominus, non proficias, sed deficias in utrisque. De urbe adhuc non habemus, nisi quod paulatim multiplicantur milites apud Sutrinum, & Se-

(a) xl. Calendas.

A nator magnas machinas imponi facit turribus, quasi magnum aliquid tentaturus, an sint ista terroris præsidia, an aliquid sibi arbitretur possibile penitus ignoramus. Demùm quamvis de tuis aliqui nobis scripserint, & etiam tui nuncii dixerint, quod parandum esset in Urbe diffidium: scias tamen post collationes diversas, nos adhuc nullum aditum invenisse. Pars enim non confidit de parte, & ambæ timent Senatorem ut fulgur, nec juxta se potentiam magnam conspiciunt, per quam possent expedite juvari; quam etiam si viderent, non essent ea contenti, nisi eisdem pecuniæ puteus inexhaustibilis pararetur. Quicquid autem scribimus, finaliter credimus, quod si te Dei beneplacito coaptaveris, in te & tuis corrigens quæ tam Dei quam hominum oculos offendunt, benefaciet tibi Dominus. Alioquin non credimus, quod dolentes referimus, in tua nostraque negotia eo cursu posse procedere, quo cœperunt. Datum Viterbii xv. calendas Octobris.

## EPISTOLA CCCCCXXIII.

Dilecto filio S. tituli S. Cecilie presbytero cardinali apostolicæ sedis legato.

*Respondet ipsius dubiis super postulatione ecclesiæ Viennensis.*

Anno 1267

Super dubiis, quæ in negotio Viennensis Ecclesiæ tibi scribis & asseris occurrisse, quæ sine nostra decidere conscientia noluit, tuam prudentiam commendamus; non quasi ad huiusmodi & maiora luculentius explicanda defectum aliquem patiaris; sed quia mandati quod à nobis receperas, si quid forsàn ambiguum continebat, nullus rectius nobis poterat, nullus securius verba discutere, & eorum mentem excutere, & excussum discretioni tuæ planius quò & plenius intimare. Sanè rectè de nobis sentiunt, qui nostræ intentionis asserunt non fuisse quod admitteretur postulatio alicujus quem excommunicatum fuisse constaret, eo tempore quo fuerat postulatus. Nec possumus intelligere quid ad credendum oppositum aliquorum animos inclinaverit, cum in litteris quas tibi direximus excommunicationis mentio nulla penitus habeatur, sed inobedientiæ parcebatur, si postulati procuratores, quibus injuncta fuerat solutio decimæ quam debebant, facta non extitit tempore competentis, ut si culpam domini de suis bene procuratoribus sentientis, eorum negligentia excusari non poterat, attenuare tamen videbatur in tantum, ut digna venia videretur. Quod si præter huiusmodi notam inobedientiæ excommunicationis obstaculum gravius supervenit, adhuc tamen, si dolo caruit postulatus, procuratorum se fidei committens, si personarum conditio hoc habebat, ut eisdem committere meritò se deberet, licet expers culpæ non fuerit, qui negotiari cautius non curavit, adhuc tamen novam gratiam ei facimus, ad quam dictum non extendebatur

rescriptum, ut si probaverit vel juraverit, se prædictis procuratoribus solutionem prædictæ decimæ ante adventum termini injunxisse, & postulationis suæ tempore credidisse, per eosdem procuratores extitisse solutam tempore præstituto, & ut scivit contrarium restitutione celeri sibi providisse, & absolutionis privilegium impetrasse: tu si canonicum aliquod non obstat, & alias ad Viennensis ecclesiæ regimen inveneris eum idoneum, auctoritate nostra, postulatione cassata, ipsi ecclesiæ de eodem provideas ex nostra plenitudine potestatis. Illud autem obesse nolumus, quod aliquorum spiritum perturbavit, quod scilicet dilectis filiis venerabili capitulo de futuri pastoris electione tractantibus, unus ex eis in hæc vel æquipollentia verba prorupit: Quid quæritis de archiepiscopo? Inter nos habemus bonum GUIDONEM scilicet DE ALVERNIA, quem sigillatim protinus approbarunt omnes, & singuli pariter in unum: qui tamen postmodum in eundem consentiens, in hoc se petiit honorari, ut daretur sibi potestas ab omnibus eligendi sibi pastorem ecclesiæ supradictæ, & ipse GUIDONEM postulare eundem: cui dicta potestas concessa dicitur, & dicto G. providisse nulla de concessione hujusmodi habita mentione, quamquam omnium esset intentio, quod de illo & non de alio provideretur eisdem. Verum si omnes qui simul in unum quasi per aspirationem consenserant, illam formam voluissent assumere, ut in unam convenirent personam, quæ consensus, singulares, eorum una pronuntiatione communis electionis exprimeret, & hoc in publico fieret, non in angulis, & antequam ad alia diverteretur negotia, quis hoc diceret viciosum? Hoc quippe in electionibus & compromissariis faciunt, qui cum in unam personam eligendam conveniunt, uni ex seipsis tribuunt potestatem illam, & nullam aliam eligendi. Cur ergo, quod licet compromissariis sic concordibus, toti capitulo in sua concordia non licebit? Ceterum quod diximus hoc obesse nos nolle, nec diffiniendo protulimus, nec jus etiam statuendo: sed si quis & hic defectus extitit, supplendum eum duximus & supplemus. Tu ergo sicut fidelis & prudens prædictæ ecclesiæ compatiens, procede viriliter in negotio juxta prius & nunc etiam traditam tibi formam, Deum semper habens præ oculis, cujus utique peculiare negotium agitur, quotiens de pontificis electione tractatur. Datum Viterbii XIII. calendas Octobris anno III.

## EPISTOLA CCCCXXXIV.

Dilecto filio nobili viro P. Romani proconsuli Romanorum.

*Ut memor gratiarum acceptarum fidelem erga Romanam ecclesiam se semper exhibeat.*

Anno 1167

**A** Tua non credimus excidisse memoria, post offensas non modicas nec paucas, quibus unicam matrem tuam Ecclesiam Romanam molestaveras, quam grates, quam plenè,

quàm celeriter, quàm jocundè te ad gremium redeuntem ejusdem cum omni mansuetudine receperimus; nec tibi grave vel asperum quicquam injunximus, quamvis ad nostra facienda mandata ante absolutionem obtentam jramento astrictus fueris, quo & adhuc obligatus existis. Non oblivioni tradimus quàm generaliter, quàm effusè & tua nobis obtuleris absolutus, spondens & vehementer affirmans, quod à devotione maternâ ac nostra nulla posses in posterum ratione divelli. Tuæ igitur incumbit prudentiæ, ut eorum non immemor, quæ per manum Romanæ Ecclesiæ domum tuam multipliciter impugnarunt, & gratiæ per nos postea tibi factæ, necnon & obligationis qua permanes illigatus; sic ad nos & matrem tuam te in omnibus gerere, ne videaris ingratus filius, & indignus, obtentis gratiis, & inhabilis ad futuras. Nec quæras pilum in ore seu nodum in cyrpo, ex causis frivolis contra fideles nostros colligens argumenta. Scimus enim quis dixit: *Occasiones querit qui vult recedere ab amico*; sed ambula in veritate nobiscum, nullius enim justitiam vel absorbere cupimus, vel in modico mutilare; sed æquanimiter ferre non possumus, quod nobis omnino contemptis, justitiam nemini denegantibus, terra nostra hostiliter invadatur. Datum Viterbii XI. calendas Octobris anno III.

## EPISTOLA CCCCXXXV.

Dilecto filio abbati monasterii S. Ægidii ad Romanam ecclesiam nullo medio pertinentis ordinis S. Benedicti Nemausensis diocesis.

*Eorum privilegia & in villam S. Ægidii jurisdictionem confirmat.*

**C**Um de villa S. Ægidii ad tuum monasterium pertinente traxisse noscamur originem, in qua nos tam longa, quam ibidem habuimus, conversatio, quam familiaris & crebra privilegiorum tuorum inspectio nos ignorare non sinunt, quod in villa eadem & ejus districtu in clerum & populum exercendi censuram ecclesiasticam habeas & habueris, tuique prædecessores habuerunt hætenus plenariam potestatem, quam & tibi tuisque successoribus nihilominus duximus concedendam exercendi eandem in omnes qui in dictis villa & ejus territorio seu districtu delinquerint seu contraxerint, vel rei ratione in ejusdem villa aut territorio consistentis, ad tuum judicium fuerint evocati, cujuscumque conditionis aut religionis seu ordinis vel etiam dignitatis extiterint, episcopali dumtaxat, quoad delicta & contractus excepta, auctoritate præsentium plenam & liberam vobis concedimus facultatem; non obstantibus privilegiis aut indulgentiis quibuscumque, religionibus aut personis religiosis vel secularibus ab apostolica sede concessis, seu etiam concedendis, cujuscumque tenoris existant, etiam si in eis, de ipsis religionibus, vel ordinibus, aut personarum nominibus, aut alia quolibet

Anno 1167

libet circumstantia, aut ipsorum privilegiorum seu indulgentiarum tenore in totum vel in partem etiam de verbo ad verbum oporteat fieri mentionem: salva tamen, quod ad privilegiatos & exemptos attinet, moderatione seu declaratione felicitis recordationis Innocentii Papæ IV. prædecessoris nostri, cui superaddendum duximus in hac parte, ut occasione nostræ liberalitatis huiusmodi generalis, in exemptis seu privilegiatis personis ad delicta quæ ad correctionem pertinent regularem manus vestras minime porrigatis, ut puta si prælatis suis non obedirent, si habuerint proprium, si citra raptum seu violentiam carnis lubricum passi fuerint, quæ cum suis filiabus maioribus eis relinquere volumus corrigenda. Nam & civili cautum legimus sanctione, quod licet militum delicta coram ad provinciæ præsidis pertineant notionem, militaria tamen magistri militum iudicio relinquuntur. Nulli ergo, &c. Datum *ut supra*.

## EPISTOLA CCCCCXXXVI.

Dilecto filio nobili viro A. comiti Pictaviensi & Tolosano.

*Majora ipsi spondere non posse.*

Anno 1167 **C**um ad ipsum quod tibi dare proponimus, in promptu non habeamus, nec adhuc nobis liqueat qua via super eo vestrorum actuum desideria compleamus, quomodo majora tibi aut alii spondeamus, nulla ratione videmus. Quamvis enim lata sit nobis benefaciendi voluntas, arctant Ecclesiarum miseriæ facultatem, quarum ubique gemitus & suspiria nostras aures quotidie inquietant. Ab his ergo quæ scribimus non recedemus, nec de plurimis scribere volumus in incertum, cum semper quando facultas aderit tibi & aliis benemeritis benefacere valeamus. Datum Viterbii (a) vii. calendas Octobris anno 111.

## EPISTOLA CCCCCXXXVII.

Carissimo in Christo filio C. regi Siciliæ illustri.

*Ut H. regis Castellæ filii pecuniam sibi concreditam restituat.*

Anno 1167 **C**onquestus est nobis dilectus filius nobilis vir H. natus claræ memoriæ F. regis Castellæ Senator Urbis, quod super quadam pecuniæ summa apud te deposita injuriarum eidem. Unde cum non te deceat rem suam detinere contra voluntatem ipsius, celsitudinem tuam rogamus & hortamur attentè, quatinus provideas super hujus restitutione depositi, quod tuæ famæ per hoc in aliquo non decrescat, nec ei remaneat de te materia conquerendi, sciturus quod eidem in hac parte suam querimoniam prosequenti, negare non poterimus justitiæ complementum. Datum Viterbii (b) vi. calendas Octobris anno 111.

(a) Al. Calendas.

(b) Al. viii. Calendas.

*Theſauri Anecd. Tom. II.*

## EPISTOLA CCCCCXXXVIII.

Dilecto filio G. de Medio Bladi militi regni Siciliæ citra Farum capitaneo generali.

*De captione patriarchæ Aquilegiensis à comite Goricensi, & de inquisitione faciendâ in Feltrensem episcopum, qui captioni consenserat.*

Anno 117 **H**orrendum facinus & sacrilegium detestabile, quod comes Goricensis in venerabilis fratris nostri G. patriarchæ Aquilegiensis captione commisit, multos merito perturbavit; auditum nostrum tamen ac nostrorum fratrum præcipue, quos eo gravius ex hac causa vulneravit dolor in intimis, quo præter excellentiam dignitatis, habent hæc (a) temporalia dicti merita patriarchæ, qui tam apud sedem apostolicam commorans, quam ad varia destinatus officia, debono proficiens semper in melius, sibi multipliciter comparavit, propter quod eidem factam injuriam nobis ipsis vindicavimus illatam; nec tam crudeliter tangi potuit, quin in eo nos pariter tangeremur. Addit sanè super nostrum dolorem vulnèrum nuper ad nos missa delatio de venerabili fratre nostro Feltrensi episcopo, qui non solum hujus tam scelestæ conficius factionis, quin etiam vel intentor vel actor dicitur ab aliquibus extitisse. Quod si veritatem haberet, tantò damnabilius esset in ipso, quanto idem Aquilegiensis ecclesiæ suffraganeus, & patriarchæ prædicto juramento duplici fidelitatis adstrictus, multisque præventus honoribus & beneficiis ab eodem, timore Dei postposito, & honoris sacerdotalis gloria maculata, fracto jugo, ruptisque vinculis, in patrem & dominum gravius & enormius impegisset. Verum licet idem episcopus hæc ab æmulis sibi dicat imposita, qui confictis mendaciis ejus innocentiam opprimere moliantur, de his tamen in partibus Foro-julii dicitur apud bonos & graves publicè infamatus, & non levis surgere contra ipsum ex eo suspicio, quod duos ex suis fratribus captioni memorati patriarchæ interfuisse non neget, quamvis dicat ignorantes venisse, nec ad ipsam opem vel operam præstitisse. Sed objicitur ex adverso, quod non possunt per ignorantiam excusari, qui non solum capi viderant, sed etiam comitem associaverunt eundem usque ad castrum Goricii, Patriarcham ipsum perducentem captivum: quos post scelus huiusmodi dictus episcopus in suis domibus receptasse dicitur, sicut prius; & post captionem multa verba dixisse, per quæ apertius indicabat, sibi quod factum fuerat placuisse. Necnon & de ipso asseritur, quod liberationem Patriarchæ non est veritus impedire: quod tamen memoratus episcopus inficitur omnino. Nos igitur qui iudicium nostrum impendere, & justitiam ponere volumus in mensura, cum in tanto negotio nihil agi deceat perfunctoriè, sed exacta sit diligentia providendum, ne vel veritas occultata nocentem liberet, vel divulgata falsitas obruat innocentem; fraternitati vestræ per

(a) Al. Spiritualia.

apostolica scripta in virtute obedientiæ distri-  
ctè præcipiendo mandamus, quatenus ad partes  
Fori Julii personaliter accedentes in locis, in  
quibus expedire videritis, super articulis, quos  
una cum interrogatoriis ab eodem episcopo  
nobis datis sub bulla nostra vobis mittimus  
interclusas, veritatem diligentissimè perqui-  
ratis, & inquisitam nobis remittere per nun-  
cium proprium, quantò poteritis citius nulla-  
tenus omittatis. Contra, &c. Testes, &c. Datum  
Viterbii anno III.

### EPISTOLA CCCCCXXXIX.

Carissimo in Christo regi Bohemiæ illustri.

*Gratias agit de procurata Aquilegiensis patriarchæ  
libertate, hortaturque ne fœdus inerat cum  
hostibus Ecclesiæ.*

Anno 1267

**E**xcellentia tuæ dudum probata devotio,  
quam ad Romanam geris Ecclesiam, & ad  
personas ecclesiasticas in necessitatibus eorum-  
dem ostendis, eo nuper iudicio manifestius cla-  
ruit, quod capto nuper venerabili fratre nostro  
patriarcha Aquilegiense, te ad procurandam  
liberationem ipsius, promptum nobis per tuas  
litteras obtulisti; & ne tam piam & humilem  
suspensionem occupatio quævis suspenderet, per  
te & venerabilem fratrem nostrum N. Salisbur-  
gensis archiepiscopum nepotem tuum abso-  
lutionem ejusdem efficaciter procurasti, prius-  
quam super oblatis nostrum posses habere res-  
ponsum. Quocirca de provisione tam grata &  
ejus adimplerione tam prospera grates tibi quam-  
plurimas referentes, serenitatem tuam rogan-  
dam duximus & hortandam, quatenus, sicut  
hactenus, sic in posterum in devotionis instan-  
tia perseverans, de bono semper procedas in  
melius, ut à Rege regum & Domino dominan-  
tium in præsentem gratiam & in futuro gloriam  
consequaris. Et nos qui licet immeriti vices ejus  
in terris gerimus, ad ea quæ tui sunt commodi  
& honoris accensi, tuis semper crescentibus  
meritis vehementius animemur. Verum licet  
pacem amare nos deceat, si comitem habeat  
veritatem: quia tamen sub pacis specie multa  
sæpe pati contraria procuratur, magnitudinem  
regiam attentam reddimus, & cautam esse vo-  
lumus ac rogamus, ne cum inimicis ecclesiæ  
fœdus ineas, nec amicitia iis qui sunt contra  
Deum conjungaris: salvo tamen in omnibus  
caritatis affectu, quem ipsis etiam inimicis præ-  
cepit Dominus exhiberi; sciens quod hujusmodi  
fœdera multorum merita denigrasse dicuntur,  
quorum opera Deo placuerant, ob hoc solum  
à Domino reprobata. Datum Viterbii II. ca-  
lendas Octobris anno III.

### EPISTOLA CCCCCXL.

Parisiensi episcopo.

*De immunditiis à circuitu ecclesiæ Meldensis  
removendis.*

Anno 1267  
Ex Archi-  
vis Ecclesiæ  
Meldensis.

**C**LEMENS episcopus servus servorum Dei Ve-  
nerabili fratri episcopo Parisiensi S. & A.B.

Sua nobis dilecti filii decanus & capitulum  
Meldense petitione monstrarunt, quod in cir-  
cuitu Meldensis ecclesiæ multæ immunditiæ &  
turpitudines committuntur, quæ horribiles sunt  
visui, & per eas in illis partibus grave scandalum  
generatur. Cum autem iidem decanus & capi-  
tulum circa muros ipsos in eorum territorio  
quamdam clausuram facere velint, ad hujus-  
modi turpitudines & immunditias evitandas,  
præpositi & ballivi & nonnulli alii homines ci-  
vitatibus Meldensis, qui decorem domus Domini  
non diligunt, quominus ipsi decanus & capitu-  
lum hujusmodi clausuram facere possint, quam-  
quam ex hoc nullum alicui præjudicium gene-  
retur; contra justitiam impedire præsumunt.  
Quare dicti decanus & capitulum nobis humi-  
liter supplicarunt, ut dictos præpositos & bal-  
livos & homines compesci ab impedimento hu-  
jusmodi faceremus. Quocirca fraternitati tuæ  
per apostolica scripta mandamus, quatenus vo-  
catis qui fuerint evocandi, & auditis hinc inde  
propositis, quod justum fuerit, appellatione  
remota, decernas: faciens quod decreveris per  
censuram ecclesiasticam firmiter observari,  
provisio ne in universitatem Meldensem excom-  
municationis vel interdicti sententiam proferas,  
nisi à nobis super hoc mandatum receperis spe-  
ciale. Testes autem qui fuerint nominati, si se  
gratia, odio vel timore subtraxerint, censura  
similiter, appellatione cessante, compellas ve-  
ritati testimonium perhibere. Datum Viterbii  
II. Idus Octobris, Pontificatus nostri anno III.

### EPISTOLA CCCCCXLI.

Dilectis filiis fratri Ph. de Euglis Hospitalis  
Jerosolymitani, & aliis ejusdem ordinis  
fratribus in regno Siciliae constitutis.

*Hortatur ut arma sumant adversus regis  
Siciliæ hostes.*

**L**icet vestri ordinis habeat observantia con-  
tra solos arma vos sumere Saracenos, quia  
tamen parum à Saracenis differunt, immò  
aliqui sunt deteriores eisdem, carissimi in Christo  
filii nostri C. illustris regis Siciliae proditores,  
qui primò ad Saracenos Tunicii transfugerunt,  
& inde postmodum ingressi Siciliam cum incre-  
dulæ gentis auxilio, quietem provinciae pertur-  
barunt, se Deo & Romanæ Ecclesiæ ac ipsi  
regi proditorialiter opposcentes, impugnandi  
eos cum armis viriliter & potenter, in ecclesiæ  
& ejusdem regis subsidium, nullo privilegio  
sedis apostolicæ, nullaque constitutione vel ob-  
servantia seu consuetudine vestrae religionis ob-  
stantibus, plenam vobis & liberam tenore præ-  
sentium concedimus facultatem: & laborem  
quem pro tam pio negotio assumendum duxe-  
ritis, in remissionem vobis proficere peccami-  
num volumus, præsentibus post annum minimè  
valituris. Datum Viterbii Idibus Octobris anno  
III.





## EPISTOLA CCCCXLII.

Dilecto filio G. de Medio. Bladi militi regni  
Siciliæ citra Farum capitaneo generali.

*De morte filie regis Siciliæ.*

Anno 1267

(\*)

**T**Uam commendamus prudentiam quia sicut læta, sic tristitia nobis hunciat, quia scire nonnumquam expedit hæc ut illa. Sanè licet de transitu talis ac tantæ filie tum propter carissimum in Christo filium nostrum C. regem Siciliæ illustrem, tum propter communes eorum liberos, inoffenso divino beneplacito, doleamus; in his tamen consolationem recepimus, quia plenè confidimus, quod quæ tam piè, tam laudabiliter vixerat, vitam invenerit meliorem. In his ergo quæ ad ejus suffragia pertinebunt intenti, eidem regi consolatores mittimus magnos viros, qui dolorem ipsius (a) leniant, de cujus speramus constantia, quod quantumcumque in casu asperè dolendum videat, gaudendum in Domino minimè dubitabit.

## EPISTOLA CCCCXLIII.

Episcopo Biterrensi.

*Ut latam in vicarium comitis Tolosani sententiam  
excommunicationis ob depredatam episcopi  
domum confirmet.*

Anno 1267  
Ex Archi-  
bis ecclesiæ  
Tolosanæ.

**C**LEMENS episcopus servus servorum Dei venerabili fratri episcopo Biterrensi salutem & apostolicam benedictionem.

Significavit nobis venerabilis frater noster episcopus Tolosanus, quod cum fama volante in illis partibus mendaciter diceretur, quod ipse viam fuerat universæ carnis ingressus, Vicarius in Tolosa dilecti filii nobilis viri... comitis Tolosani, prætextu regalium, quæ in bonis episcopatus Tolosani, eidem comiti indebitè vendicare contendit, domos, cameras episcopales temerario ausu intrare, ac bona ipsius episcopi ibidem inventa nequiter occupare præsumsit: certis tandem custodibus ad præmissarum domorum bonorum & camerarum custodiam deputatis. Verùm cum hujusmodi præsumptionis excessus, adeo esset notorius, quod nulla posset tergiversatione celari... officialis Tolosanus in dictum vicarium & omnes dantes, & super hoc auxilium & favorem, canonica monitione præmissa, excommunicationis sententiam exigente justitia promulgavit. Quare dictus episcopus nobis humiliter supplicavit, ut sententiam ipsam robur faceremus firmitatis debitum obtinere. Quocirca fraternitati tuæ per apostolica scripta mandamus, quatenus sententiam ipsam, sicut rationabiliter est prolata, facias auctoritate nostra, usque ad satisfactionem condignam, appellatione remota, inviolabiliter observare. Datum Viterbii xiii. calendas Novembris, Pontificatus nostri anno iii.

(\*) Al. Levigent.

*Theſauri Anecd. Tom. II.*

## EPISTOLA CCCCXLIV.

Dilecto filio fratri Amalrico de Rupe magistro  
domorum militiæ templi in Francia.

*Ipsius erga regem Siciliæ affectum laudat.*

**I**Ntelleximus quod tu carissimi in Christo filii nostri C. regis Siciliæ illustris necessitati attendens, ac gerens ad eum piæ compassionis affectum, domus militiæ templi in magistratu Franciæ tuæ gubernationi commissas nonnullis mercatoribus obligare proponis pro quibusdam pecuniarum summis, certis eis terminis persolvendis: quas idem rex pro suis necessitatibus intendit mutuo recipere ab eisdem. Nos igitur tam piùm in hac parte tuum propositum gratum & acceptum habentes, devotionem tuam in Domino commendamus, nihilominus dantes tibi faciendi obligationem hujusmodi plenam auctoritate præsentium potestatem. Obligationem autem quam dictus rex tibi faciet de te & dictis domibus super hoc indemnibus conservandis, cum eam videbimus sigillo regio communitam, confirmatione sedis apostolicæ curabimus roborare. Datum Viterbii x. calendas Novembris anno iii.

## EPISTOLA CCCCXLV.

**D** Carissimo in Christo filio regi Castellæ & Legionum illustri, in regem Romanorum electo.

*Gratulatur de victoria in regem Granatæ  
reportata.*

**D**E tuis successibus in omnibus & per omnia gratulantes, in his gaudium majus cepimus; in quibus & tuæ Celsitudinis honorem promotes temporalem, & quod majus est & jocundius, incrementis proficiens, subactis hostibus fidei, christiani nominis cultum amplias & dilatas honorem. Hæc quidem nobis tuâ nuper declaravit epistola, qua nobis intimare curasti, qualiter auctore Domino, detestabilis ille proditor subdolos inimicus rex Granatæ suam cervicem ferream tuo tandem submisit imperio, & speratur quod reliquiæ barbarorum rebellium in brevi simile facere compellantur. Benedicamus igitur Deum, qui tuo laudabili ministerio ecclesiam suam respiciens, bella conterit, fidei comprimit adversarios in Hispaniæ partibus, tam benevolè favorem victoriæ ad partes alias, cum in oculis ejus acceptum fuerit, extensurus. Sanè super his quæ scripsisti circa factum imperii, in quo videris conqueri de brevitate finalis termini, & incertis auditoribus testium deputatis, tuam scire volumus magnitudinem, nos omnia hæc propenso statuisse iudicio. Loca enim quæ & quot petiit, tuo procuratori dedimus ad probandum: quamquam tunc nullus crederet audientium, quod in tot locis probationes haberes, & jam ad singula misimus personas providas & discretas, quæ

Anno 1267

L l ij

535  
testes audient, qui eis fuerint præsentati, quæ A  
profecto copiam sui facient, & suam præsen-  
tiam in locis publicis exhibebunt, ne procu-  
ratores partium, si affuerint, in incerto vagen-  
tur: nec brevem debes causari terminum, qui  
ferè anni spatium comprehendit, si pericula  
mundi circumspicis, si scissuras imperii, si  
detrimenta continua, si confusionem Italiæ,  
si Theotonix scandala, si ecclesiarum dil-  
crimina, si cetera tam in genere quam in  
specie perscrutaris, quæ ex pace pendent im-  
perii vel scissura. Verum circa hæc paucis agi-  
mus, quia per dilectum filium nostrum R. de  
Massano capellanum nostrum plurima tibi scrip-  
simus, & eidem dicenda commisimus; quæ te  
super universis & singulis reddere poterunt cer-  
tiorum. Datum Viterbii x. calendas Novem-  
bris anno III.

EPISTOLA CCCCXLVI.

Dilecto filio G. titulo S. Laurentii in Lucina  
presbytero cardinali apostolicæ sedis legato. C

*Ut citius ad sedem apostolicam revertatur.*

Anno 1267 **D**udum tibi sub certa forma scripsimus,  
quod & nobis videbatur expediens, &  
tuo consonum desiderio, ut rediturus ad re-  
quiem post laborem, ad nostram præsentiam te  
conferres, quod tamen ex causis credimus tibi  
magis quam nobis cognitis distulisti. Sanè cogi-  
mur in instantis necessitatis articulo ad partes  
Alemanniæ generalem destinare legatum, nec  
id ulterius differre possumus, existente in januis  
semine reguli CORRADINO, qui Tridentum  
veniens & transire desiderans ad (a) Veronam,  
tempestatis magnæ materiam jam in Italiæ fini-  
bus concitavit. Quapropter discretionis tuæ per  
apostolica scripta mandamus, quatenus honori  
tuo consulens, adventum legati venturi præve-  
nias, cum longe sit honestius eum tibi succe-  
dere redeunti, quam te eidem cedere venienti.  
Datum Viterbii vii. calendas Novembris anno  
III.

EPISTOLA CCCCXLVII.

Episcopo Albanensi apostolicæ sedis  
legato.

*De monialibus supra vires facultatum numerum  
sororum multiplicandis, & de providendo  
Casertana & Minorensi ecclesiis.*

Anno 1267 **D**E tuo reditu in Siciliam, cum magis scire  
potes, quia terræ vicinior, quid expediat;  
idcirco tuæ prudentiæ te committimus, sic te  
volentes providere negotio, quod provideas &  
personæ, nec inutiliter discrimini te exponas.  
Dari autem ecclesias monialibus, quæ supra  
vires facultatum suarum numerum sororum  
multiplicant, nostræ intentionis nec exitit nec  
existit. Sed si pro monialibus tibi scripsimus de  
Guilleto, quæ de suis se asserunt facultatibus  
sustentari non posse, invitandi sunt circumqua-  
(a) Al. Neronam.

que fideles ad subventionem earum, & moniales  
per alia ejusdem ordinis monasteria disper-  
genda, eisque numerus præfigendus, ad quem  
si semel redierint, eum ulterius non excedant.  
Confessionem Eunichii committisse Casertana  
penes nos esse non novimus, & quid super ea  
responderi debeat ignoramus; nec nos scienter  
tali commisimus administrationem ecclesiæ Ca-  
sertana; sed volumus quod, non obstante com-  
missione hujusmodi, ad provisionem ejusdem  
ecclesiæ procedere non postponas. Idem dici-  
mus de Minorensi ecclesia cum qui se pro  
electo gerebat, citatus, ut asserit, coram te  
noluerit comparere, & satis postea fuerit expec-  
tatus. Datum ut supra.

EPISTOLA CCCCXLVIII.

Episcopo Albanensi apostolicæ sedis  
legato.

*De promovendis ad episcopatum commendatis sibi  
à rege fratribus Minoribus, & de rebus Tusciæ.*

**I**nquietamur incessanter à rege pro fratre P. Anno 1267  
de Corneliaco & Olivario Minorum ordinis  
cathedrandis, & inculcanter nuncii & suppli-  
cationes exaggerantur in mensem; nec recipe-  
rent qualescumque ecclesias, sed opulentas ex-  
pectant. Rescribat nobis tua fraternitas ubi eos  
collocare possemus. Rex adhuc est in Tuscia,  
CORRADINUS Tridenti, ubi crescit ejus so-  
cietas; & timemus ne crescat amplius, quia  
ejus avunculi duces Baviaræ cum rege Bohe-  
miæ pacem habent, sicut rex ipsemet nobis  
scripsit. Mediolanenses autem cum parte sua  
veniunt Brixiam in manu valida, qui ad cer-  
tamen se offerunt cum eodem, nec creditur  
quod invitis eisdem intrare valeat Lombardiam.  
Datum ut supra.

EPISTOLA CCCCXLIX.

Archiepiscopo Narbonensi.

*Arguit ejus dicta de Sacramento Eucharistiæ.*

**Q**uanto sincerius personam tuam diligimus, Anno 1267  
tanto gravius perturbamur, cum ad nos  
ea de te proveniunt, quæ tui non decent officii  
gravitatem, præsertim cum instantius in tui  
vergunt periculum honoris. Sanè familiariter  
tibi scribimus, illo dumtaxat consorte, qui  
præsentem exaravit scripturam, ad nostrum  
provenisse nuper auditum, quod tu in nostra  
nuper existens curia, cuidam magno viro tecum  
de sacramento altaris conferenti dixisti (b) Cor-  
pus Domini nostri JESU-CHRISTI sacratissimum  
essentialiter in altari non esse, sed tantum sicut  
signatum sub signo: & hanc celebrem esse opi-  
nionem Parisius adjecisti. Repsit autem hic  
sermo latenter inter aliquos divulgatus, & ad  
nos demum postremo perveniens, scandaliza-  
vit nos plurimum, nec facile nobis exitit cre-

(b) His litteris acceptis Narbonensis archiepiscopus impositam  
sibi calumniam professus est, misitque ad Clementem apologeti-  
cum de fide sua libellum, quem hic habes infra.

dere talia te dixisse, quæ hæresim continent manifestam, & illius sacramenti derogant veritati, in quo fides eo negotiatur utilius, quo sensum superat, intellectum captivat, & suis legibus subjicit rationem. Ea propter tuæ fraternitati consulimus, ut non plus sapias quàm oporteat, non imponas Parisiensibus quod non sentiunt, sed fatearis humiliter, & firmiter teneas quod communiter tenet Ecclesia, quod sancti docent & prædicant, sub speciebus scilicet panis & vini, post sacra verba juxta ritum ecclesiæ ore sacerdotis prolata, esse verè, realiter, & essentialiter corpus & sanguinem Domini nostri JESU-CHRISTI, licet localiter sit in cælo. Et si forsitan habes memoriam cui vel quibus asserueris, id scripto vel verbo revoces, ne de te malè sentiant, qui malè judicant de tam insigni mysterio te sentire. Datum Viterbii v. calendas Novembris anno III.

## EPISTOLA CCCCCL.

Carissimo in Christo filio C. regi Siciliæ illustri.

*Ut marescalli servitia pro meritis recompenset.*

Anno 1167

Cum dilectus filius J. marescallus tuus tibi fideliter & instanter servierit, pro honore tuo multis periculis corpus suum exponens, nec quicquam grave reputans quod utile tibi crederet vel etiam acceptum, daret tuam, ut credimus, excellentiam, ejus laboribus respondere pro meritis, & devotum militem favore prosequi gratiose. Quocirca magnificentiam tuam rogandam duximus & hortandam, quatenus vel de castro de Trues, de quo totiens tractatum est tecum, vel de castro Missonis in Provincia, vel alio, quod & dantem & accipientem deceat, taliter ei providere procures, quod & honori proprio satisfaciatur, & idem miles recepisse se gaudeat fidelis obsequii tam prolixa continuatione proventum. Datum Viterbii VIII. Idus Novembris anno III.

## EPISTOLA CCCCCLI.

Carissimo in Christo filio C. regi Siciliæ illustri.

*Dispensas ipsas liberos de matrimonio in quarto affinitatis gradu contrahendo.*

Anno 1167

Et si conjunctio copulæ conjugalis in quarto consanguinitatis & affinitatis gradu sacris sit canonibus interdicta, apostolicæ tamen sedis providentia rigorem mansuetudine temperans super his dispensat interdum, & quod negat juris severitas, de gratia benignitatis indulget, præsertim cum necessitas exigit, & causa rationalis id exposcit. Cupientes igitur statum tuum ex omni latere stabiliri, & ut liberos tuos

utriusque sexus quibuscumque personis matrimonialiter valeas copulare, etiam si quarto affinitatis vel consanguinitatis gradu invicem se contingant, dummodo aliquod canonicum non obstat, auctoritate tibi præsentium duximus indulgendum. Nulli ergo, &c. nostræ constitutionis, &c. Si quis, &c. Datum ut supra.

## EPISTOLA CCCCCLII.

Dilecto filio abbati & conventui monasterii S. Egidii, &c.

*Mittit eis S. Georgii brachium.*

Ad decus & decorem monasterii vestri & devotionem peregrinorum & fidelium augendam, qui B. Egidii limina visitant & in posterum visitabunt, pretiosas reliquias vobis mittimus, brachium S. Georgii cum duobus candelabris, quæ in processionibus vestris solemniter cum cereis facibus idem brachium antecendant, statuentes ut quicumque dictas reliquias extrahere inde tentaverit, anathemati sempiterno subjaceat ipso facto. Datum Viterbii VII. Idus Novembris anno III.

Anno 1167

## EPISTOLA CCCCCLIII.

Episcopo Vercellensi.

*Absoluto ab irregularitate commendat Tarentusensem archiepiscopatum, munitaque episcopalia exercere permittit.*

Cum ex causis diversis rerum exitus malè considerans excommunicationis & suspensionis sententias incurrisset, & nihilominus divina celebrans & exercens episcopale officium, magno te exposuisses discrimini, tandem in nostra fratrumque nostrorum præsentia constitutus, in primis errorem tuum humiliter confitens, in quem te jurisperitorum consilia traxerant minus sana, nostram misericordiam non judicium postulasti. Nos igitur attendentes quod in Ecclesiæ generali negotio te laudabiliter habuisti, & Vercellensem specialiter civitatem in devotione Romanæ Ecclesiæ direxisti, secundum formam Ecclesiæ munus tibi fecimus absolutionis impendi, & super irregularitate contracta, quoad sacerdotale officium exercendum, tecum dispensavimus liberaliter & benignè, tibi que sub debito præstiti juramenti dedimus in mandatis, quod venerabilem fratrem nostrum Tarentusensem archiepiscopum, & si quos irreverenter offenderas, vel alios ad sedem apostolicam accedentes, vel ab eadem ad propria remeantes per te vel alium non præsumas, nec in tuis diocesi & civitate (a) permittas ab illis quibus possis resistere molestari, quodque nuncios hujus sedis & litteras benignè recipias, & quæ tibi mandata fuerint, fideliter exequaris,

Anno 1167

(a)

(a) Al. Dimittas.

Ll iij

nec quicquam facias aut procures, quominus ad te liberè vel securè valeant pervenire: & si impendirentur per alios, impedimentum amoveas toto posse, quodque in octava festivitatis Annunciationis Dominicæ proximè ventura personaliter coram nobis compareas, mandatis nostris aliàs pariturus, nostramque sententiam, si quam dandam duxerimus, auditurus. Interim autem tibi de speciali gratia indulgemus, quod confirmandos chrismate valéas & clericos ordinare, chrisma conficere, tenere synodum, & in magnis festivitibus, necnon & pro defunctis, ubi ad funus præsens fueris evocatus, in pontificalibus celebrare. Tu igitur in his fideliter observandis te taliter habere procures, ut ad largioris misericordiæ tibi gratiam exhibendam tuis meritis inducamur. Datum Viterbii

(\*) IV. Idus Novembris (a) anno III.

#### EPISTOLA CCCCCLIV.

Dilecto filio nobili viro H. nato claræ memoriæ C. F. regis Castellæ & Legionum Senatori Urbis Romæ.

*Super ea quæ scripserat promium pollicetur responsum.*

Anno 1267

**T**uas pridie litteras & earundem latores benignè recepimus, & quæ tuo nomine proponere voluerunt pleno collegimus intellectu, quibus voce respondimus, & tuæ nobilitati tenore præsentium respondemus, quod cum super tractatu quem nosti ad carissimum filium nostrum C. illustrem regem Siciliæ nuncium miserimus virum prudentem & providum magistrum B. Languiselli archidiaconum Lautaresii in ecclesia Tolosana domesticum nostrum, & nostræ conscium voluntatis; donec redierit, tibi præcisum & certum non possumus dare responsum. In ejus verò reditu, quem celerem expectamus, cum eidem injunxerimus quod se verbis non sineret detineri, certius tibi poterimus respondere, & cum ad te mentem benivolam habeamus, utile tibi credimus, quod ejusdem nuncii regressum expectes. Nam quodcumque nobis verbum attulerit, facile videre poterimus, an rex expeditionem vel ad dilationem intendat, & in utroque casu responsum habebis à nobis quam habere debebis acceptam. Datum Viterbii Idibus Novembris anno III.

#### EPISTOLA CCCCCLV.

Dilecto filio S. tituli S. Cecilie presbytero cardinali apostolicæ sedis legato.

*Ut Infanti Castellæ de collecta decima solvas à rege Siciliæ ei debita.*

Anno 1267

**C**um carissimus in Christo filius noster C. illustris rex Siciliæ pecunia nunc indigeat, & maxime pro debito solvendo, quo tenetur dilecto filio nobili viro Infanti H. nato claræ memoriæ regis Castellæ, quod eidem dudum

(a) Al. Anno IV.

debuisset solvisse; discretionis tuæ per apostolicæ scripta mandamus, quatenus de dicto debito usque ad summam quam in ejusdem regis Siciliæ litteris videris contineri, procuratoribus seu nunciis ejusdem Infantis, de collecta jam in tua legatione decima, eidem regi debita, vel etiam colligenda tam promptè, tam celeriter facias satisfieri, quod Infans idem & procuratores ipsius expensis & laboribus pro repetitione ejusdem debiti ulterius non graventur, nec inter eosdem Regem & Infantem scandalum aliquod valeat suscitari. Datum *ut supra*.

#### EPISTOLA CCCCCLVI.

Ad perpetuam rei memoriam.

*Adversus Henricum regis Castellæ filium Urbis senatorem.*

**N**Ovi & diri vulneris aculeus nos tangit & pungit intrinsecus, & in nobis quasi universalis Ecclesiæ corporis interiora rimatur, dum nos reperientes in electis filiis & personis sublimibus pravitatem, & ab hoste non expectatò vulnera perferentes, ex jam attentandæ contra nos & eandem ecclesiam tantæ temeritatis initiis (b) deterioris & nequioris successione dispendia (c) verisimiliter formidamus. Ex manifestis siquidem indiciis & evidentibus argumentis non solum colligimus & liquido intuemur, sed quodammodo sensibilibus experimur, quod nobilis vir H. carissimi in Christo filii nostri regis Castellæ illustris germanus, senator Urbis, mansuetudinis regalis oblitus & generosos & solitos mores ex assumptione officii corrumpens, contra eandem ecclesiam matrem suam non leviter excessisse videtur, dum ipse in senatoris assumptus officium, contra Ecclesiam ipsam, ejusdem devotos, ad ipsius Ecclesiæ terram nostro quasi subjectam conspectui, manus (d) quasi occupatrices extendens, & bona fidelium absque miseratione devastans; & GALVANUM LANCEAM in Urbem cum armatis, expanso CORRADINI vexillo, inducens, se publicum prædictæ Ecclesiæ & carissimi in Christo filii nostri C. illustris regis Siciliæ hostem, ac manifestum ejusdem Corradini se fautorem exhibuit, & luculentis operibus publicavit: dumque nobiles viros dil. fil. Neapolionem & Matthæum fratres, Angelum Malabranca, Johannem Sabelli, Petrum Stephani, Ricardum Petri Ambaldi germanos & consanguineos dilectorum filiorum R. sancti Angeli, J. sancti Nicolai in carcere Tulliano, J. sanctæ Mariæ in Cosmedim, & M. sanctæ Mariæ in Porticu diaconorum cardinalium, non ut in eos tamquam facinorosos animadverteret, vel etiam delinquentes, non ut honori vel suo regimini provideret, sed ut contra eandem Ecclesiam prædictamque regem Siciliæ suos amaros (e) pavidosque conceptus in eosdem nobiles protervus pareret, & impetuosos ac iracundos fluctus, quibus contra prædictam Ecclesiam & eundem

Anno 1267

(b)

(c)

Henricus.

(d)

(e)

(b) Al. Deterioribus.

(d) Al. Deest quasi.

(c) Al. Universaliter.

(e) Al. Nudolque.

Siciliæ regem altiori indagatione & nequiorum odio intumescens effertur, inducere super illos de tam numeroſo Romano populo, eos quaſi ipſius Eccleſiæ devotiores, & prædilectos filios, & dilecti regis Siciliæ præcipuos amatores præeligens; & ut ipſorum ſubmotis obſtaculis, liberior ei inſerviendi in fideles reliquos facultas pateret, & præarriperet fortiores, injurioſe cepit, & carceri mancipavit, in gravem & intolerabilem noſtram & apoſtolicæ ſedis injuriam & ſubverſionem Romani populi libertatis. Nos igitur ad ſubvertendos tam animoſos & inconſultos præcipiteſque dicti H. proceſſus, tantò animoſiori virtute conſurgimus, & propenſius provocamur, quantò per hoc dictum H. in fidelium perniciem, ad continuanda hujus inceptæ ſuæ indignationis ſtudia conſpicimus aſpirare, ipſius temerariis conatibus obviare volentes, ac ſi impiam manum ejus contra nos aggravari contigerit, eumque ira graviore ſuccendi, ipſorum nobilium gravaminibus remediis occurrere opportunis, prædictos cardinales fratres, ac nepotes eorum, ipſorumque familias, ac vaſſallos, caſtra, domos, ceteraque ipſorum mobilia & immobilia bona & jura ſub apoſtolicæ ſedis protectione ſuſcipimus, ipſosque & præmiſſa omnia ab omni jurisdictione, juſſione, imperio, obedientia & poteſtate prædicti Senatoris, vicarii, & officialium ejus, ac communis Urbis eodem H. inibi præſidente, ipſiusque officialium vel miniſtrorum, donec nobis & Romanæ Eccleſiæ, & dictis ejus fidelibus ſatiſfecerint, penitus eximentes; & omnia ſtatuta, ordinationes, monitiones, citationes, omneſque condemnationes, poenas, & banna, publicationes bonorum, ceterosque proceſſus, quæ prædictos H. commune, vicarios, judices, aut miniſtros eorum, quocumque nomine cenſeantur, aut prædictorum ſeu alterius eorum auctoritate ſeu mandato contra prædictos cardinales fratres, & nepotes eorum, ipſorumque familias aut vaſſallos, aut ipſorum aliqua caſtra, domos, bona, & jura quomodolibet fieri, vel promulgari contigerit, ſeu haberi, apoſtolica auctoritate caſſamus, & nullius decernimus exiſtere firmitatis. Eadem auctoritate ſtatuentes dictum H. & commune, omneſque qui eis vel eorum alteri contra hujusmodi noſtrum decretum auxilium, conſilium præſtiterint, vel favorem; ſi prædictos cardinales, fratres, aut nepotes, ipſorum vel eorum aliquem hujusmodi prætextu incurrere aliqua detrimenta ſeu damna contigerit, ad plenam ſatiſfactionem præſtandam, ipſosque ſervandos prorsus indemnes in ſolidum & præciſe teneri, non obſtantibus quibuscumque ſtatutis, conſuetudinibus, vel ordinationibus, juramento, vel quacumque alia firmitate vallatis, nec non & juramentis, cautionibus, obligationibus quibuscumque, ſeu poenis à prædictis, vel ipſorum aliquo præſtitis vel exhibitis, ſeu eorum fidejuſſoribus, à quibus tam ipſos quam fidejuſſores prædictos duximus abſolvendos. Datum Viterbii xvi. calendas Decembris anno III.

## EPISTOLA CCCCCLVII.

Cariſſimo in Chriſto filio C. regi Siciliæ illuſtri,

*Duo unciarum auri millia de regis cenſus ibi ſoluta fuiſſe agnoſcit.*

**D**ilectus filius P. Farinelli clericus tuus ad noſtram præſentiam accedens, duo millia unciarum auri, quæ de cenſu regis Siciliæ à te debito in ſolutione proximè præterita nobis remanſerant perſolvenda, & de quibus uſque in præſentem diem tibi conceſſeramus inducias dil. fil. archid. Senonenſi camerario noſtro ex parte tua juxta noſtrum beneplacitum & mandatum nomine noſtro perſolvit. Ideoque camerarius litteras ſuas ſuper hoc clerico præfato conceſſit, nos quoque nihilominus ſolutionem hujusmodi ratam habemus, & de prædictis duobus millibus unciarum nobis dicimus eſſe ſatiſfactum. Datum Viterbii (a) xiv. calendas Decembris anno III. Anno 1267

## EPISTOLA CCCCCLVIII.

Cariſſimo in Chriſto filio C. regi Siciliæ illuſtri.

*De his quæ fecit Senator in Urbe.*

**Q**uod in Urbe accidit ſcripſimus tibi nuper, licet autem Senator ut liberaret quos cepit à cardinalibus fuerit requiſitus, eos tamen noluit liberare, donec videret quem haberet exitum tractatus quem noſti. Ideoque ſerenitatem tuam rogamus & hortamur attentè, quatenus dilectum filium magiſtrum R. Languſelli capellanum noſtrum, quem ad te miſimus, non teneas diutius, ſed eum remittas quàm citius. Datum Viterbii xii. calendas Decembris anno tertio. Anno 1267

## EPISTOLA CCCCCLIX.

Dilecto filio S. Adriani diacono cardinali apoſtolicæ ſedis legato.

*Reditum ei permittit, informatque eum de ſua & Italiæ ſtatu.*

**C**um & nobis tua præſentia, quam Romanæ Eccleſiæ multum utilem eſſe novimus, plurimum ſic accepta, & negotium regni Angliæ nimis tenerum, ſi te cito eidem ſubtraxeris, pati poſſet naufragium repentinum, quid tibi ad reditum ſpiranti reſpondendum ſit ignoramus. Laboraſti ſiquidem ſatis diu, & te Dominus in tuis laboribus honeſtavit, & humano judicio complevit eoſdem, niſi forſitan Anglicanæ gentis mobilitas, quod timetur, iteratò ſurgat in ſcandala ſolita levitate. Sanè quia tu melius ſcire poteſ, quid te deceat, quid expediat regno Angliæ, quid Eccleſiæ matri tuæ, te tuæ pru-

(\*) Al. xvi. Calendas.



dentia duximus & committimus, & in tua po-  
 nimus libertate, moram pariter & recessum:  
 sperantes quod rem sic temperes, ut & tuæ per-  
 sonæ periculo, ipsius terræ naufragio, temporis  
 opportunitate servata, remediis obvies oppor-  
 tunis. Quod si, prout nobis est intimatum, le-  
 gationem exiens, beati Jacobi limina visitandi  
 petis licentiam, eam tibi concedimus liberaliter  
 & benignè; aut si fortasse de tuis pensatis viri-  
 bus executio voti gravat, ad nos redeas recta  
 via, & tibi providebimus, voto in melius com-  
 mutato. Quod si in omnibus modis illuc eun-  
 dum duxeris, discretionis tuæ per apostolica  
 scripta mandamus, quatenus statum ecclesia-  
 rum Hispaniæ, qui multum collapsus est, dili-  
 genter inquiras, ut super eo in tuo reditu, quem  
 prosperum Deus faciat, nos possis reddere cer-  
 tiores. De statu nostro noveris quod corporis  
 sospitate gaudemus, angustiis variis circum-  
 scripti. Rex Sicilia diu fuit in Tuscia, & adhuc  
 in obsidione Podii Boniti detinetur, Potestas  
 factus Florentiæ, Pistorii, Lucæ & aliarum qua-  
 rundam terrarum, & à nobis paciarius Tusciæ  
 constitutus, adversantibus eidem Senensibus &  
 Pisanis, & multis & pluribus Guibellinis, cum  
 quibus Romani societatem inire disponunt cum  
 Senatore suo H. regis Castellæ filio, qui (a) Si-  
 cerinum nobis abstulit & (b) Vetrallam vastavit  
 exterius, & in Urbe cepit viros Neapolensem  
 & Matthæum fratres, Angelum Malabranca,  
 & Johannem Sabelli, P. Stephani, & Richar-  
 dum Petri Ambaldi, quorum aliquos de nocte  
 extrahens transtulit Monticellum, multique  
 alii magni in suis castris morantur, nec ad eum  
 volunt accedere de se simile formidantes. Nos  
 quantum possumus guerram fugimus Roma-  
 norum, sed timemus ne & nos & regem Sicilia  
 cum eisdem finaliter malè concordare possi-  
 mus. CORRADINUS est Veronæ cum LUDOVICO  
 duce Baviaræ & comite Tirolensi & modica  
 militum comitiva, sed habet totam Lombar-  
 diam, præter Papiam, & Marchiam Tervisi-  
 nam contrarias, & credimus quod cum con-  
 fusione recedet, si Lombardi stabiles perseve-  
 rant. Pars magna Sicilia rebellavit cum qui-  
 busdam, quorum factus est capitaneus FREDE-  
 RICUS regis Castellæ filius de Tunicio veniens  
 cum eisdem. Sicut fuerit voluntas Dei in cælo,  
 fiat. Sic in Deo confidimus, & quod est homi-  
 nis faciemus, orationes nobis congregat devoto-  
 rum. Nam illis plurimum indigemus. Datum  
 Viterbii (c) ix. calendas Decembris anno III.

## EPISTOLA CCCCCLX.

Dilecto filio nobili viro Barallo domino Baucii  
 Regis Sicilia majori iustitiario.

*Scribit se de fidelitate ipsius spem certam habere.*

Anno 1267

**N**on sine cordis amaritudine cogimur tibi  
 scribere quod dudum utique scripsisse-  
 mus, si fidem subito dedissemus auditis; sed jam  
 totiens inculcatis rumoribus, tacere non possu-

(a) Al. Surium.  
 (c) Al. Calendis.

(b) Al. Varallan.

**A**mus quod mirabiliter abhorremus. Jam pluries  
 de Marchia per diversos scriptum est nobis,  
 quod LAUR. (d) TEPULI noster & Romanæ Ec-  
 clesiæ pestilentissimus inimicus in Potestatem se  
 fecit eligi denuò Firmanorum, tuis ostensis  
 litteris continentibus quod securè hoc faceret,  
 nec regem in hoc formidaret. Sanè si nobis  
 guerram faceret totus mundus, te numquam  
 habere speramus inimicum, cui semper fuimus  
 gratiosi, cui cor nostrum in omnibus aperuimus,  
 tuis compassi molestiis & profectibus congau-  
 dentes. Habemus etiam unum malum rei hu-  
 jus indicium, quia cum pluries de Aprutinis  
 conquesti fuimus, qui Firmanis favebant, quam-  
 vis regis & tuum responsum habuimus multum  
 plenum, non tamen nobis profuit, immò in  
 damno nostro jugiter perseverant. Ubi igitur  
 fides, ubi devotio, si jam nobis illi deficient,  
 quibus facimus quicquid possumus? Novos  
 certè faciemus amicos à veteribus derelicti, &  
 accidat quod accidere poterit, quia suam Deus  
 Ecclesiam non relinquet. Datum Viterbii ix.  
 calendas Decembris anno III.

## EPISTOLA CCCCCLXI.

Dilectis filiis rectoribus Romanensis  
 fraternitatis.

*Mittit ei sententiam in Conradinum, & alios  
 ab eos latam Romæ promulgandam.*

**M**ittimus vobis per latorem præsentium  
 sententias quas in octavis B. Martini tu-  
 limus contra CORRADINUM quondam FRE-  
 DERICI Romani imperatoris nepotem, Pisanos,  
 & Senenses & fautores eorum; discretionis vestræ  
 in virtute obedientiæ per apostolica scripta  
 mandantes, quatenus in B. Petri & aliis Urbis  
 ecclesiis, quibus huiusmodi publicatio fieri con-  
 suevit, per vos vel alios publicetis easdem, &  
 quos per eas ligavimus, singulis diebus domi-  
 nicis & festivis pulsatis campanis & candelis  
 extinctis, excommunicatos denunciatis, aut  
 denunciari per alios faciatis. Datum Viterbii vi.  
 calendas Decembris anno III.

## EPISTOLA CCCCCLXII.

Carissimo in Christo filio C. regi Sicilia  
 illustri.

*Mittit ei Vuleranum presbyterum.*

**D**ilectum filium archipresbyterum Vulte-  
 ranum, capellanum nostrum, qui de ter-  
 rarum istarum & personarum conditionibus  
 multa novit, in quo confidere bene possumus,  
 ad tuæ magnitudinis destinamus præsentiam;  
 qui specialiter super his, quæ negotium Urbis  
 contingunt plenius poterit te instruere, cui cre-  
 das in his quæ ex parte nostra duxerit propo-  
 nenda. Datum Viterbii ut supra.

EPISTOLA

(d) Al. Theupili.

## EPISTOLA CCCCCLXIII.

Carissimo in Christo filio C. regi Siciliæ illustri.

*De excessibus à Senatore in Urbe commissis.*

Anno 1267

**Q**UOD in Urbe contingit scripsimus tibi nuper, injuriam scilicet viris nobilibus consanguineis, & amicis delictorum filiorum nostrorum J. S. Nicolai in carcere Tulliano, J. sanctæ Mariæ in Cosmedim, M. sanctæ Mariæ in Porticu diaconorum cardinalium, ipsorum captionem per Senatorem illatam; qua Senator ipse postmodum non contentus, uxores & familias nobilium eorumdem, domus suas exire compulit, & tam illas quam Ecclesiam S. Petri & domum nostram, quam ibidem habemus propria temeritate occupans, Teutonicis & aliis Ecclesiæ inimicis munivit, & prout humano potest perpendi judicio, facere deteriora proponit. Ideoque venerabilem fratrem nostrum archiepiscopum Tyrensem ad tuæ celsitudinis præsentiam duximus destinandum, cui in his quæ circa præmissa ex parte nostra tibi dixerit, fidem indubitatam habere procures. Datum ut supra.

## EPISTOLA CCCCCLXIV.

Dilectis filiis abbati & conventui monasterii Cluniacensis.

*Hortatur eos ut fratres Minores in villa Cariloci sedem figere permittant.*

Anno 1267

**O**Rta dudum inter vos & dilectos filios priorem & conventum Cariloci ex una parte, & dilectum filium ministrum & fratres Minores Burgundiæ ex altera, occasione domus cujusdam, quam in villa Cariloci acquisierant, in qua sibi mansionem elegerant, pro salute fidelium quibus inibi posse multum proficere se credebant, vobis & dictis monachis Cariloci verbis simul & factis opposentibus vos eisdem, gravis materia quæstionis: pro hujusmodi tollenda discordia, olim multa à felicis recordationis ALEXANDRO & URBANO Romanis Pontificibus prædecessoribus nostris diversa & sub formis diversis noscuntur emanasse rescripta. Sed & carissimus in Christo filius noster L. Rex Francorum illustris, & plures alii magni viri plurimum laborarunt: nos insuper, cum minori fungeremur officio, ad hoc dedimus opem & operam quas potuimus, sed pax hætenus nulla potuit inveniri. Sanè dilecto filio nostro abbate Cluniacensi & Fratrum Minorum Burgundiæ procuratoribus in nostra præsentia constitutis, sustinere noluimus inter eos ordinari judicium, sed ex nostro dumtaxat officio indulgentias & rescripta quibus poterant se juvare nobis fecimus exhiberi, quibus diligenter inspectis, quamvis magnum favorem exprimerent, quem ad fratrum Minorum ordinem apostolica sedes habuit, cujus judicio specialiter regitur totus ordo: nos nihilo-

*Theſauri Anecdor. Tom. II.*

**A** minus advertentes quod & vos estis Romanæ Ecclesiæ filii speciales, procedendum duximus ad contentionem hujusmodi finaliter dirimendam. Sed volumus quod superfedeant dicti fratres à prædicti prosecutione negotii, donec aliquid nobis placuerit ordinare. Cum igitur iidem nostris per omnia beneplacitis æquanimiter se coaptent, devotioni vestræ per apostolica scripta mandamus, quatenus & vos ad eos de caritatis visceribus affluentes, & deliberetis nobiscum quid magis vos deceat, quid & vobis magis expediat: an benivole fratres admittere certis pacis adhibitis; an sedis apostolicæ præstolari censuram, quæ peculiari gregi suo compatiens multo forsân tempore sustinere non poterit suorum scandala pusillorum. Datum Viterbii 11. Idus Decembris anno 1111.

## EPISTOLA CCCCCLXV.

R. episcopo Albanensi apostolicæ sedis legato.

*Approbat quosdam ex fratrum Minorum ordine ad episcopatum ab eo proventus.*

**L**icet nostris tibi dederimus litteris in mandatis, ut fratres Minores, qui post constitutionem ad apostolica sede super hoc editam, essent ad archiepiscopatus vel episcopatus aut alias dignitates absque generalis ministri ordinis eorum vel provincialium, qui fuerint pro tempore, licentia & consensu, aut prædictæ sedis speciali mandato in tua legatione promovendi & promoti ad nos ab officio & beneficio mittere procurares suspensos. Quia tamen venerabilem fratrem nostrum MARCUM episcopum Cassanensem, qui absque ministri sui licentia & mandato tuo consenserat, confirmasti, & tam ipsum, quam venerabiles fratres nostros Philippum Casertinum & Æsculanum episcopos, de Casertinæ & Æsculanæ ecclesiis provideas, fecisti in episcopos consecrari; fraternitati tuæ in hac parte defferre & eorum ecclesiis providere volentes; quod per te actum est super his circa illos ratum habemus & firmum, ac robur firmitatis volumus obtinere defectum, si quis in præmissis extitit, supplentes de apostolicæ plenitudine potestatis, constitutione prædicta quantum ad fratres alios in suo robore duratura.

## EPISTOLA CCCCCLXVI.

Carissimo in Christo filio C. regi Siciliæ illustri.

*Mittit ei litteras ab ipsius consanguineo ad Urbevetanos missas, hortatur ut in suum redeat regnum.*

**E**Xiit jam in publicum consanguinei tui conceptio, qui se jam Tusciæ capitaneum generalem appellat, sicut tibi monstrabit exemplar litterarum, quas misit Urbevetanis civibus, quod tuæ magnitudini mittimus præsentibus interclusum. Expectat autem de Tuscia milites,

M m

Anno 1267

cum quibus, prout dicitur, apponat aggredi regnum tuum, quod tamen nec omnino credere possumus, nec nimis volumus abhorre. Verum in omnem casum tibi credimus expedire, quod relicta ad præsens Tuscia sub illa ordinatione quam ei dare poteris, ad regni tui visitationem accedas, & prout credimus & speramus apud nos multa audies quæ tibi poterunt complacere. Quod si tuum adventum distuleris, adversus Perusium vel Assisium transferre nos curiam oportebit, quod tamen nolumus publicari. Datum Viterbii XIX. calendas Januarii anno III.

### EPISTOLA CCCCCLXVII.

Carissimo in Christo filio C. regi Siciliæ illustri.

*De mittendis ad regem Aragonum.*

Anno 1267  
(a)

**S**I mittendum putas juxta nostrum consilium ad regem Aragonum fratrem G. (a) de Tornenx ordinis prædicatorum, vel alium, vel alios quos volueris, nobis rescribe nomina mittendorum, ut eosdem nostris munire litteris valeamus. Nos enim fratrem prædictum retinendum duximus ex hac causa, donec tuas super hoc litteras videamus. Est tamen tua præsentia magis grata, quam pro tua necessitate & tuorum cum magno desiderio præstolamur. Datum Viterbii XVI. calendas Januarii, Pontificatus nostri anno III.

### EPISTOLA CCCCCLXVIII.

Carissimo in Christo filio C. regi Siciliæ illustri.

*Suadet ei secundum cum filia regis Aragonum matrimonium, ac de rebus Urbis ei scribit.*

Anno 1267

(b)

**E**T venerabilem fratrem nostrum Tirensem archiepiscopum & dilectum filium fratrem G. (b) de Tornenx ordinis Prædicatorum, & magistrum B. Languiselli archidiaconum Lutaresii in ecclesia Tolosana patienter audivimus super omnibus quæ nobis singuli super his quæ eis injecta fuerant ex parte tua, proponere voluerunt: ad quæ sic tibi duximus respondendum. Scimus satis eo modo quo talia sciri possunt, expedire tibi & tuo statui, quam citò poteris, & se congruens facultas obtulerit, ad secundas nuptias convolare; & sicut aliàs tibi scripsimus, non videmus matrimonium tibi conveniens, nisi cum filia carissimi in Christo filii nostri regis Aragonum illustris, aut filia Marchionis Brandeburgensis, quem nuper audivimus decessisse: de qua tamen cujus ætatis sit aut staturæ, multoque minus cujus hætenus educationis extiterit ignoramus: & finaliter si aliæ consonant circumstantiæ, melius & utilius fœdus hujusmodi nuptiale cum prædicta regis Aragonum filia judicamus, ad quod tractandum nuncius unus

(a) Al. De Tovenx. Al. de Conenx. Al. De Tongiis.  
(b) Al. De Tovens. Al. De Conenx.

non sufficit, quoniam multi possunt casus fortuiti impedire. Ideo videtur nobis congruum quod duo mittantur, quorum unus sit frater G. prædictus, & dabis ei socium quem volueris, & libenter tibi juxta desiderium tuum offeremus ALPHANTEM nepotem nostrum, sed multum est debilis, quoniam quartana sua magis crudeliter quam fideliter comitatur: sperat tamen quod infra Epiphaniam Domini, si contrarium aliquod non emerferit, valeat proficisci.

**B** Sanè de facto Urbis & nobilium subsidio Romanorum, scire te volumus quod negotium tuum agitur. Jam quidem sicut per litteras Senatoris eorum evidenter apparet, tecum intraverunt in campum. Dum enim ipse capitaneum se dicit Tusciæ generalem, & tu vicarium te dicis imperii & Tusciæ paciariam esse; necessarium esse cernimus, ut aut tu ipse, aut quod esset decentius tibi subsit, aut alteruter cedat, cum ambo eidem præesse provinciæ non possitis. Audis etiam quod Senenses pariter & Pisanos confederatos Romanis asserit, & eos partem alteram Urbis vocat, an ista te tangant, an angant, quid etiam sequi valeat ex prædictis tecum prudenter pertracta. Nos enim minimè dubitamus, quin hæc omnia diligenter appensa in status tui præjudicium sint conflata, quia in omnibus tuis tractatibus, semper aliquid ferventer inquiris, quod ad tuum respiciat commodum speciale. Scias, fili, quod si potes senatum Urbis acquirere ad tempus competens, tolerabimus, juramento quod super hoc præsteris, usque ad certum terminum nonobstante. Et idcirco versus nos propera, & omnia dante Domino ad statum optimum deducuntur. Nos enim donec tuum audierimus finalem responsum, milites quos misisti esse facimus otiosos, ne te forsitan guerris involvant, quæ tibi postmodum displicent, quibus tamen utemur, si magna necessitas id exposcat. Datum Viterbii XVI. calendas Januarii anno III.

### EPISTOLA CCCCCLXIX.

Dilecto filio nobili viro Infanti H. claræ memoriæ F. illustris regis Castellæ filio, Senatori Urbis.

*Arguit eum quod duabus viis ambulet, & Galvanum ecclesiæ hostem in Urbem admiserit.*

**D**isplicet nobis, & debet meritò displicere, quod duabus viis incedis, & interdum te dilecto filio nostro J. sancti Nicolai in carcere Tulliano diacono cardinali videris confidere, quem ad tuum commodum & honorem vigilantem invenimus plus forsitan quam deceret. Et nunc scribis quod ad ejus instantiam carissimum in Christo filium nostrum C. illustrem regem Siciliæ excitavimus, quod ad terram comitis Angulariæ D. milites (c) mitteret, quod utique non est verum. Nec enim per

(c) Al. Duceret.

ipsum rogati fuimus, nec est factum: quamvis hæc & alia possent fieri, si negotiorum conditio id exigeret: quod tamen utinam numquam erit. Non ergo te decet imponere tanto viro duplicitatis maculam, quem inter fratres nostros ac suos veracem semper invenimus & sincerum. Sanè de receptione GALVANI proditoris notorii & perjuri, nec te competenter excusas, nec prudenter minaris, quod ipsum quæres & alium, quem dicti regis noveris inimicum. Malè quidem fecisti recipiendo ipsum in Urbe cum vexillo CORRADINI explicito, & pejus facies, si eundem receperis iterum, vel vocaveris, & debes credere quod qui cum MANFREDO regni tam nobilis eo tempore possessore regi nostro nequivit resistere, malè juvare te poterit, si contra regem negotium duxeris assumendum. Quid tibi adversarium sine causa constituis, te Tusciæ capitaneum in tuis litteris inscribendo, quas Urbevetanis & Tuderinis satis improvidè destinasti? Ecce quibus te consiliis, ecce quibus te involvis negotiis, & ad ingressum facile non quantum expedit contemplaris egressum: cum tamen virum deceat sapientem metiri rerum exitus & præsertim in rebus bellicis, quarum quidem eventus est dubius, & in omnibus judicatur consultius prudentiæ se committere quàm fortunæ. Ad cor ergo tuum revertere, & ecclesiæ matri tuæ subjice caput tuum, qua ducè proficere poteris, qua offensa non poteris prosperari. Datum Viterbii XIV. calendas Januarii anno III.

## EPISTOLA CCCCLXX.

Ad perpetuam rei memoriam.

*Trevirensis archiepiscopum ab officio & beneficio suspendit.*

Anno 1267

**Q**uia rectitudinis plures ducit in devium, plures à patrum terminis trahit in exterminium effrons malitia prælatorum, qui de sua præsumentes potentia, dum peccandi sibi pro libito vindicant libertatem, à subditorum animis Dei prorsus timorem abigunt, qui non esse timendum æstimant quod à suis vident pastores non timeri. Verus ergo vicarius JESU-CHRISTI, cui cura debet esse in omnibus, cum sit datus à Deo super cunctis ecclesiis speculator, licet in tantà nequeat multitudine populi christiani singulorum vultus agnoscere, debet saltem diligenter attendere & fideliter indagare præsentium famam & vitam, ne cum tandem ad manum venerit munerantis, ab eo grex perditus requiratur, tamquam qui gregem ipse perdiderit, & ab ejus custodia furem vel mercenarium non amovit.

Hinc est quod felicis memoriæ prædecessor noster URBANUS, cum ad ejus pervenisset auditum, quod HENRICUS Treverensis electus, pallio non obtento, in suis litteris archiepiscopum se nominare præsumens, in Rheni flumine thelonium sive pedagium proprio motu insti-

*Theauri Anecd. Tom. II.*

**A**tuerat, hoc ipso ligatus excommunicationis sententia, divina celebrabat officia; immò quantum erat in ipso potius profanabat, erat insuper simonia, perjurio, sacrilegio, homicidio & aliis criminibus irretitus, bona Treverensis ecclesiæ dilapidans & consumens, inquisitiones super præmissis omnibus primùm venerabilibus fratribus nostris Wangiensi & Spirensi episcopis, & dilecto filio abbati de Rodequira Præmonstratensis ordinis sub certa forma commisit, quorum processus sibi exhibitos prædecessor idem reputans defectivos, idem negotium fratribus Rullo & Rorito ordinis fratrum Minorum iterato commisit: qui licet diu juxta datam sibi peritiam, magis fortè fideliter quàm prudenter in negotio laborassent: quia tamen juris apices in omnibus non attenderant, nos eorundem processum nobis exhibitum de fratrum nostrorum consilio justitia cassavimus exigente, prædicentes eidem electo tunc in nostra præsentia constituto, quod inquisitionem contra ipsum ab eodem prædecessore commissam, per nos vel alios, prout videremus expediens, prosequi volebamus. Cumque postmodum sub certis articulis sibi traditis respondisset, nunc à nobis, nunc ab aliis, quibus hoc interdum commisimus, requisitus, à nonnullis Treverensis Ecclesiæ canonicis sæpe excitati, ut responsiones ipsius discuteremus ad plenum, cum per eas, ut firmiter asserebant, ab ejusdem jugo pestifero dicta posset ecclesia liberari: Sanè licet id distulerimus multo tempore, negotiorum undique diffluentium impediti concursu, responsiones tandem colligentes eisdem & excusationes ab eodem oblatas, tam super articulum de rescripto prædecessoris nostri contentis, quàm super aliis quæ postmodum nostro tempore emerferunt, collationem cum fratribus nostris habuimus diligentem.

**E**t quidem ut omisso quod se non habens pallium archiepiscopum nominaverat: quod licet esset erroneum, simplicitati vel errori scriptoris poterat imputari, à theloneo quod imposuisse dicitur sumamus initium; ex confessione liquet ipsius quod uno illud anno magno vendiderat pretio, & perceperat: quod utique novum esse non potest ambigi, nisi concessione seu privilegio principis, aut continuata perceptione à tempore cujus non extdet memoria, valeat excusari. Quod si novi pedagii fuit impositor, latus dudum contra tales à Romanis pontificibus & annis singulis innovatas sententias non evasit, nec juvare se poterat, ut videtur, litteris bonæ memoriæ H. tituli S. Sabinæ presbyteri cardinalis, à quo vel cujus auctoritate fuerat absolutus, qui licet sedis apostolicæ poenitentarius generalis existeret, & à sententiis posset absolvere generalibus, si non obstarat: ab hac tamen nequivit absolvere, cum super eam facta esset per nostrum prædecessorem, ut diximus, certis personis commissio specialis, pro qua etiam mandabatur citari, ut veniret ad curiam pro meritis recepturus, cum nec generalis legatus in causis commissis alii specialiter quicquam possit, & in omni jure generali per spe-

Trevirensis electus inexcusabilis quod theloneum imposuerit.

M m ij

cialem derogetur. Sed nec absolutio fratris Martini pœnitentiarii minoris eidem utilis videbatur, ratione consilii, non obstante, quod ejus littera continebat, se de dicti prædecessoris nostri speciali mandato ab omni eum excommunicationis sententia absolvisse, cum de mandato non constet: & si constaret, hujusmodi generalitas illam specialem sententiam non includeret, de qua non extitit cogitatum, nisi de speciali commissione prædicta facta fuisset mentio in mandato. Sed nec ad istam sententiam de qua agimus absolutio potest extendi, super qua absolutis intentio minimè ferebatur, cum prorsus incredibile, quin etiam detestabile videatur, ut ligatus pro certa pecuniæ quantitate, quam papali debebat cameræ, & à tali absolutus sententia, nisi prædictam pecuniam certa die non solveret, non in illam solummodo, sed in alias relaberetur sententias, sicut habet series litteræ fratris Martini prædicti. Unde rectus non patitur intellectus, quod de aliis sententiis senserit, quàm de illis quæ eum fortasse pluries olim ob dictam pecuniam, quam soluturum juraverat, prout dicitur, fuerant promulgatæ. Ex quo potest concludi ulterius, quod nec ab illis extitit absolutus, si de aliis tacuit, cum talis absolutio prodesse nequeat, cum obreptitia sit censenda. Quam etiam veritatem intelligens nullatenus exhibere deberet. Quod verò ad defensionem dicebatur ipsius, latam contra impositores sententiam eum non tangere, cum prædecessor ipsius dictum pedagium percepisset, & sic non ipse impositor dici poterat, sed impositoris successor, satis validè & ad ejus defensionem sufficiens aliqui reputabant, cum nec nominis dicatur impositor, quicumque nominat alium suo nomine, sed qui primus imposuit ipsum nomen. Ad quod poterat responderi, quod de factis licitis & illicitis non est dandum iudicium uniforme. Quæ enim licitè prædecessor obtinuit, quodam jure continuo ad ejus transeunt successorem: unde & una persona à talibus æstimatur. Ubi verò de illicitis agitur seu delictis, decessorem cum successore non unam personam dicimus, sed capita post singulorum inspicimus qui delinquant. Et idcirco promissoris qui vim promisit non facere, (a) vis alia dicitur quàm heredis, nec est propriè continuïtas in illicitis. Unde vitiosa possessio alteri, vel ei altera non accedit. Sanè quotquot succedunt novum ponentes pedagium, cum scelus proprium prosequantur, impositores utique sunt censendi. Nam in Machabæorum historiis de filiis legitimis Alexandri, quod imposuerunt sibi diademata ipsi & filii eorundem post ipsos. Quod profectò sic debes intelligi, quod cum in regnis per violentiam occupatis, jus aliquod non haberent, novam singuli committebant injuriam, & ideo singuli sibi diademata imponebant. Hoc etiam satis approbat canon antiquus, qui episcopis prohibet ex usu etiam gravamen seu servitium imponere subditis, evidenter insinuans, quod præcedens usus illicitus prosequentem usum hujusmodi imposi-

(a) At Jus in alia dicitur.

toem non prohibet nominari. Civili autem cautum est sanctione quod licet exercitor pro magistri delicto, quem non ipse sed alius præposuerat, teneatur interdum ignorans, si tamen scit & patitur ipse, adeo imposuisse videtur, ut secundum communem & celebrem intellectum, non quasi pro imposito alio teneatur, sed potius à seipso. Si ergo, ut dicit, percipiebat novum pedagium prædecessoris, successor utique qui scivit & passus est percipi, imposuisse dicendus est veriùs quàm impositum percepisse.

B Secundò videbatur electus perniciosè fuisse negligens, cum per vi. annos & amplius in pallii, quod instanter petere debuisset, petitione cessasset: & hoc ipso jure juxta sacrorum canonum sanctiones dignitate commissa carere debebat, qui licet felicitis recordationis Urbani & Alexandri temporibus prædecessorum nostrorum, se id petisse per suos nuncios speciales assereret, addens quod etiam vacante Ecclesia id petierat à collegio cardinalium; confessus est tamen, quod nostro tempore non petierat, quia à fratribus nostris aliquibus ei dictum extiterat, ut dicebat, quod contra ipsum, inquisitione pendente, nullomodo daretur eidem.

C Tertiò videbatur inexcusabilis, qui prout confessus est coram nobis, P. H. (b) quondam Metensem episcopum confirmavit & consecrari mandavit, quem negare non poterat pati intolerabilem in litterarum defectum, cum id esset in partibus illis notorium, nec eum latere poterat, qui decanus Metensis Ecclesiæ fuerat multo tempore, in qua idem P. H. erat canonicus cum eodem. Nec sufficere videbatur ad excusationem ipsius, quod non ipse examinaverat, sed examinandum commiserat personis probis & discretis: cum patenter indigni examinandi non sint, sed limine potius repellendi. Nec excusat negotiorum instantia quam allegat, cum ipsius defectum tam patulum, quamvis plenariè sibi notum deprehendere facile etiam in transcurso potuisset, & aliis in judicio publicare. Quanti similiter reatus existat indignos ecclesiis privilegiatis præficere satis indicat generale concilium, dum testatur nihil magis ecclesiis Dei officere: ex quo sequitur nihil superioribus arctius evitandum, nihil in transgressoribus acrius puniendum.

E Quarto verò reperiebatur culpabilis, quia cum per vi. annos & amplius sacerdos fuerit, nec unam missam, prout habet ejus confessio, celebravit: quod quàm gravis sit culpæ, satis indicat generale concilium, quod tam graviter illos arguit ac etiam puniendos ostendit, qui non celebrant ter vel quater in anno. Et quod dixit ab initio se excusans quia pallium non habuerat, frivolum esse liquet, cum ante receptum pallium, licet quædam pontificalia non debuerit exercere, licet tamen & liberè poterat celebrare. Sed non prodest quod addit, quod habuerit conscientiam aliquantulum scrupulosam, quia eo peccavit gravius, quod salutari remedio sibi non providit.

(b) Philippus de Florenge ex S. Arnulfi genealogia ortus, qui postea abdicare coactus fuit.

Quod pallium petere neglexit.

Quod Metensem episcopum confirmavit & consecrari mandavit.

Quod Missam per annos sex non celebravit.



Quod consecrante episcopum consecrator extiterit.

Quod fuerit perjurus.

Quinto constabat per confessionem ipsius, quod pia memoria prædecessori nostro **URBANO** altare quoddam in Urbe - veteri consecrante, ipse inter episcopos alios assistentes eidem unâ cum eis consecrationis peregit officium; quod sibi videbatur inhibitu, pallio nondum habito, cum non sit ratio cur cum alio debeat alibi consecrare, qui in sua non existens diœcesi vel provincia præsumere talia non deberet.

Sexto reus perjurii videbatur, quod per publicum instrumentum sigillo roboratum ejusdem evidentius apparebat, quod certam quantitatem argenti in transacto jam diu termino quibusdam Senensibus mercatoribus solvere debuisset, quibus adeo satisfacere non curavit: quod etiam eisdem conquerentibus coram nobis, contendere quàm cedere maluit, cum eis litem in judicio contestatus, ad sui defensionem proposuit quod contractus hujusmodi extitit simulatus, conditionalis etiam, & non purus, facti processum in hunc modum proponens. Dixit siquidem quod licet dictum contineat instrumentum se fuisse confessum, quod sexcentas marcas acceperat, nec spe futura munerationis sibi faciendæ istud confessus fuerat, immò cum alio tractatum habuerat, quod à rege **RICHARDO XII.** millia marcarum argenti sibi dari efficaciter procuraret, quæ prædecessori nostro idem rex dare voluerat, & si hoc, ut prædictum est, ille cum quo tractaverat procuraret, tunc idem electus sexcentas marcas dare debebat ei per manus mercatorum dictorum, & ideo se dictis mercatoribus alligavit in sexcentis marcis prædictis, quas tamen nec ipsi mercatores dare illi tertio, nec ipse electus mercatoribus tenebatur, donec essent præmissa per illum tertium efficaciter procurata. Verùm continetur in instrumento prædicto quod si marcas prædictas in termino præfixo non solveret, nec pallium, nec consecrationem peteret, nec reciperet, donec esset prædicta quantitas persoluta, & ad prædicta complenda juramento prædicto proprio se astrinxit. Ex his autem grandis objectio contra eum insurgere videbatur. Nam si quæ asserit non probaverit, cum stare oporteat instrumento, convincitur de perjurio manifesto. Si vero probaverit quod proponit, commississe videtur evidentissime simoniam, quam committi testantur canones, si detur vel promittatur seu recipiatur pecunia, ut spirituale quid fiat. Cum igitur iste receperit mutuum sub conditione saltem, ut dictum est, & donec solvisset, ad non recipiendam consecrationem, & pallium non petendum se juramento constrinxit, censendus est Simoniacus, ut videtur: nec proderit si dicatur, quod defecit conditio, & idcirco contractus est habendus pro infecto. Nam in contractibus conditionalibus & potest suspendi obligatio, & purè simonia committi, sicut in usurariis judicamus. Nam & qui promittit pecuniam, si ecclesia sibi det, & qui promittit usuram, si fortè non solvat certa die, reus est criminis, etiam si conditio non existat. Nec est in casu hujusmodi simonia solius intentionis quæ debetur per pecuniam; cum sit

intentio non occulta, sed certis pactionibus denudata.

Septimo dicebatur quod excommunicacionem incurrerat, quia abbatem **S. Michaelis** & duos ejus monachos sacerdotes in castro ejus captivos nec liberaverat, nec procuraverat liberari. Ad quod responderat se fecisse quod poterat, quia officialis Treverensis & prior fratrum Prædicatorum & Gardiano fratrum Minorum in Confluentia mandaverat, quod morderent eum qui castrum tenebat, ut eos redderet, alioquin denunciarent excommunicatum eum, & comminarentur eidem quod feudis quæ à Treverensi tenebat ecclesia privaretur. Ex his verò suam malitiam satis detegere videbatur. Nec enim fideliter fecerat quæ facere debuisset. Nam licet habeat communis opinio, quod dictus abbas, quem ipse reputat inimicum, captus fuerit saltem in favorem ipsius, & ipse electus plus non fecerit; cum tamen excommunicacionem exequi per alium potuisset, & excommunicasse & excommunicacionis aggravasse sententiam multis modis, non caret scrupulo societatis occultæ, tam manifesto facinori desinens obviare.

His igitur & aliis quæ ad præsens discuti poterant diligenter inspectis, licet multis prudentibus videtur, quod nos contra memoratum electum procedere gravius valeremus, quia cum aliqua de facto proposuit, quæ eum in aliquo forsitan relevarent, ut eò justius quod & certius in negotio procedamus, ad aliquam infra certum probandi terminum eum admittere proponentes, prout requireret justitia & æquitas suadebit, ne in ipsius manibus Treverensis ecclesia interim naufragetur, ab officio & beneficio eum suspendimus, summam aliquam taxaturi, quæ eidem ad prosecutionem negotii de redditibus sepefactæ Treverensis ecclesiæ ministraretur, per eos quibus administrationem ejusdem ecclesiæ in spiritualibus & temporalibus commitemus, potestatem nobis plenam & integram reservantes ex eisdem, de quibus jam liquet contra eundem electum nullis aliis probationibus aut processibus inspectis, quando & quotiens nobis expedire videbitur ad alia procedendi etiam graviora allegationibus juris ejusdem juxta factum de quo constiterit audientia minimè deneganda. Datum Viterbii xiv. calendæ Januarii anno iii.

Quod abbatem & monachos per suum capitaneum incarcerari siverit.

## EPISTOLA CCCCLXXI.

Carissimo in Christo filio C. regi Siciliæ illustri.

**F** Contra duces Bavariæ processuram se promittit. De litteris regis Bohemiæ & consanguinei ipsius.

**C**ontra duces Bavariæ suo libenter tempore non sicut petis, sed sicut expedit & mos habet Romanæ Ecclesiæ procedemus. Malè quidem cuncta ministrat impetus, & majori soliditate fundantur, quæ congruum tenent ordinem in fornace deliberationis excocta. Nostrum

Anno 1167.

M m iij

sanè lætificaverunt animum carissimi in Christo filii nostri regis Bohemiæ illustris litteræ, quarum nobis exemplum misisti, quem magnitudinem tuam decet ea benivolentia prosequi, ut in tua devotione firmatus, à te nequeat quavis occasione divelli. Mittimus autem tibi litteras præsentibus interclusas, quas à consanguineo tuo recepimus; & nihilominus scire te volumus, quod prout nuper à fide dignis recepimus. Multa tibi mala parantur in regno, ad cujus visitationem te nuper monuimus, & iteratò monemus, non immeritò formidantes, ne dum quæris lucrum in aliis, damnum in propriis patiaris. Datum Viterbii XII. calendas Januarii anno III.

## EPISTOLA CCCCCLXXII.

Dilecto filio nobili viro filio claræ memoriæ, &c.  
Senatori Urbis.

*De excessibus à Gibellinis in Hispanos, & ab eo in Romanam ecclesiam commissis.*

Anno 1267

**H**Orrendum nimis & detestabile facinus, quod in gentem tuam, & specialiter carissimi in Christo filii nostri regis Castellæ inclyti germani tui solemnes nuncios Guibellini Tusciæ, quorum tamen desideras amicitias, commiserunt, ad tuam credimus pervenisse notitiam; per quos bonæ memoriæ Silven is episcopus cum multis aliis est occisus, decanus Salamanticensis unus de nunciis vulneratus & captus, & plures alii cum eodem tam vivis quàm mortuis, bonis omnibus spoliati. Et licet mala sint opera, quæ præmisimus, & non sine quàm maximo dolore narrando: ex his tamen, ut credimus, posses instrui, quorum & qualium societatem appetis, qui dati utique in sensum reprobum, nec Deum timent, nec hominem reverentur. Nec est ullatenus dubitandum quin eosdem sua peccata teneant, ut vel Dei vel hominis gladium non evadant, nisi quod magis placeret, dignos poenitentiae fructus agant. Sanè quia dicti episcopus & decanus pro negotiis arduis fratris tui & pro factis imperii specialiter ad nostram præsentiam mittebantur, bene facies si ad deliberationem intenderis captivorum & litterarum recuperationem, quas secum portabant; & cum eas recuperaveris, redde nobis vicem, & mitte sicut & nos mittimus tibi. Tandem miramur plurimum quod necdum nostris satiatus injuriis, domos nostras ad sanctum Petrum detines, quod cum quondam carissimus in Christo filius noster C. illustris rex Siciliae sub amoris nostri fiducia attentasset, sustinere noluimus: quod ut nobis molestum aspexit, mox exivit. (a) Sutrinum adhuc detines, & in Rispanipano & Vicerelano publicorum itinerum aggressores, qui exenia victualium, licet non magni pretii, quæ nobis nuper mittebantur ad festum, violenter latoribus abstulerunt. Adhuc nostras litteras non habuimus, quas tui (b) Tu-

(a) *Al. Succum.*(b) *Al. Currexii.*

**A**rerii rapuerunt. Adhuc tenes Romanos nobiles, in quo dilectos filios nostros cardinales Romanæ ecclesiæ graviter & acerrime scandalifas, nec illatis damnis contentus, minaris addere graviora. Porro nec sic Romanam Ecclesiam subiges, quæ licet in filiorum suorum offensa non mediocriter offendatur, numquam tamen hujusmodi se subjiciet servituti, ut pro suorum redemptione fidelium suum dare vel perdere patrimonium compellatur. Cum ergo videas manifestè, quod hac via non proficis, immò deficis, & peccatis gravibus animam tuam illaqueas, nobilitatem tuam rogandam duximus & ammonendam, per apostolica tibi scripta mandantes, quatenus & satisfacias de commissis & à committendis abstineas: & si hætenus contra te non processimus quantum licuit, non idcirco superbias, immò nostris humiliter beneplacitis te coaptas. Diu quidem omittere non poterimus, si tua exegerit contumacia, quin saltem spirituale gladium exeremus, qui nec imperatoribus, nec regibus, nec principibus aliis, eorum meritis exigentibus, parcere consuevit. Super his autem omnibus responsionem per tuas & latorem præsentium nobis mittas. Datum Viterbii V. calendas Januarii anno III.

## EPISTOLA CCCCCLXXIII.

Dilecto filio nobili viro filio claræ memoriæ, &c.  
Senatori Urbis.

*Ut desistat à persecutione cardinalis S. Nicolai in carcere Tulliano.*

**C**Ur tam acriter & tam durè contra dilectum filium nostrum J. sancti Nicolai in carcere Tulliano diaconum cardinalem tua nobilitas moveatur videre non possumus, cum nullus eò certius, nullus instantius ad tuum laboraverit commodum & honorem, donec mala pro bonis recipiens, in suis fratribus & amicis à te fuerit tam graviter sauciatus; sed nec postea destitit eadem prosequi, donec ipsius nunciis ad tuam præsentiam accedentibus satis incurialiter aditum denegasti. Imponis autem nunc eis plurima quæ tibi relata per alios nimis credulus pro veris recipis: cum tamen sit scriptum, quod non omni spiritui est credendum; tuque, ut verum dicamus, multos homines maligni spiritus tecum habes, qui si eis credis, tuum perverterent animum, & sub amoris specie tibi gravius quàm nunc videas scandalum suscitabunt. Parce igitur persequi cardinalem prædictum, quem tamquam specialem Ecclesiæ filium, immò nobile membrum ejus non potes tangere, nobis & aliis fratribus nostris intactis, cum in Domino corpus unum & invicem singuli membra simus. Quod autem nobis de tuo & tuæ militiæ versus Sutrinenses prænunciasti, adventum habere non possumus non suspectum, cum ratio sit tenuis quam prætendis. Quocumque tamen ieris, Deum time, quem si quæris offendere, ut cœpisti, semper habeas in memoria

Anno 1267

quantum potest qui & suos confundit adversarios in presenti & potestatem habet corpus & animam mittere in gehennam. Verum ipse cor tuum illustret, ut viam veritatis agnoscas, tuam temere salutem non negligas, in qua tibi ipsi crudelis, quod dolentes referimus, conjurasse videris. Datum Viterbii *iii. calendas Januarii* anno tertio.

## EPISTOLA CCCCCLXXIV.

Dilecto filio S. tituli S. Cecilie presbytero  
cardinali apostolicæ sedis legato.

*De decimis pro terræ sanctæ negotio.*

Anno 1268 **T**erræ sanctæ miseria, quam audivimus quotidie gravioribus subiacere periculis, promptis eget subsidii, quæ augeri deceret potius quam arte qualibet defalcari. Sanè quia, quod pudet scribere, multorum corda adeo sunt ferrea, quod illius vicem dolere nesciunt, qui dolores nostros sua pietate portavit, & velle-mus omnes in pace solvere crucifixo quod pro ejus negotio duximus imponendum ecclesiis; placet nobis quod prælatis & aliis, quos præci-puè tangit negotium, convocatis, eis nostrum insinues intellectum; quod scilicet de decima jam concessa juxta nostræ concessionis tenorem eximi nequeunt quotidianæ distributiones, sicut nec alias exemptæ fuerunt, cum pro eodem terræ sanctæ negotio ad tempus extitit decima affi-gnata, quamvis in decima data regi Siciliae secus fuerit: quia sic extitit inter te & prælatos libera voluntate conductum. Ceterum si prælatis pla-cuerit, & aliis qui tanguntur præcipuè in hoc facto datam à nobis decimam ad tres annos prorogari in quartum; placet nobis quod pro-rogationem hujusmodi auctoritate nostra facias, & ad quatuor annos illam inducas, infra quos de quotidianis distributionibus nihil præstent, & universis qui fideliter & libenter solvent dic-tam decimam, illam suorum indulgentiam pec-catorum eadem auctoritate concedas, quam habent pro eodem negotio personaliter labo-rantes, similemque gratiam illis facias, quos ad vicesimam colligavimus, & ipsi pro quatuor annis nostro ac tuo beneplacito se coaptent. Datum Viterbii *Idibus Januarii* anno *iii.*

## EPISTOLA CCCCCLXXV.

Dilecto filio S. tituli S. Cecilie presbytero  
cardinali apostolicæ sedis legato.

*Ut inquirat de sibi legatis.*

Anno 1268 **I**nquirere te volumus per abbatis & canoni-corum Bononiæ juramenta de relictis nobis à J. Manselli vestibus veritatem, & in eos qui eas celaverint vel fraudem nobis fecerint in hac parte, vel consenserint facientibus excommuni-cationis ferre sententiam, à solo Romano Pon-tifice relaxandam, & tam calicem quam vestes prædictas cum eas habueris simul vel separatim

**A** nobis mittere non omittas, nisi tibi persona oc-currerit cui merito committenda videatur. Da-tum *ut supra.*

## EPISTOLA CCCCCLXXVI.

Dilecto filio R. Martini civis Montispeffulani.

*Dehortatur eum à secundo matrimonio  
contrahendo.*

B

**A**dhuc fluctuas, ut audivimus, adhuc na-  
vigas in interitum, licet tibi luce clarius pateat, quibus sit laqueis involuta in te conju-galis anxietas, prout satis experientia magisterio didicisti. Hanc profectò soliditatem non habent ipsæ feræ vel volucres, sed nec pisces, ut li-benter ad laqueos redeant, quos vel semel fe-liciter evaserunt. Quid ergo faciendum est ho-mini qui rationis imperio regitur, si ratione ca-rentia nudæ quodam æstimationis intuitu peri-culosa vitant itinera, vias eligunt tutiores? Dices forsitan, & quid faciam? Soboles non est mihi, unus sum & secundum non habeo; si sic morior, nomen meum & patris, & domus meæ gloria à radice succisa pariter interibunt. Audi nunc, fili, & fidelia suscipe verba patris. Si repetis matrimonium, unde certus efficieris quod pro-lem suscites ex uxore? Unde scies quod diu vi-vere valeat suscitata? Unde scies quod futura sit utilis ejus vita? Multi quidem in conjugio steriles in hoc ipso graves patiuntur molestias dum ignorant an sibi, an suis debeant impu-tare conjugibus, an fortè peccatis propriis, an divinæ misericordiæ quod præoptatæ sobolis spe frustrantur. Et hoc ipse, ne longè perantur exempla, probasti; sed nec omnes qui habent filios sunt securi, cum sit sententia sapientis, *quod sit melius sine liberis mori, quam relinquere filios sceleratos.* Unde & quidam peritissimus ita dixit: *melius heres eligitur, quam necessario relin-quatur.* Ipse tandem conjugii Dominus institu-tor viam aliam eminentiorem ostendens, eu-nuchis utique qui ejusdem custodiunt sabbata sua, propria voluntate viam eligunt continen-tiæ, nomen melius à filiis & à filiabus promittit. Adde forsitan quod lubricum carnis times. Ad quod aliud tibi non possumus respondere, nisi quod vires tuas fideliter metiaris, quam-quam nulli, ut credimus, sis in parte hac sus-pectus. Adjuvabit enim te Dominus continere volentem. Quod si omnino diceres, te carnis stimulis superari, tunc ab illa doctoris gentium recedere non possumus sententia, qua melius esse, quam uri, nubere judicavit. Sed quoniam hoc in te locum firmiter credimus non habere, devotionem tuam hortandam duximus & ro-gandam, quatenus divino beneplacito te com-mittens, in sortem ejus transeas ascribendus sine moræ diffugio clericali militiæ, in quam Deo servire poteris, tibi proficere, & esse pluribus fructuosus, quod & nobis cedet ad gaudium, qui te semper dileximus, & si statum ipsum elegeris, affectu pariter & effectu longè fer-

ventius & tenerius diligemus. Datum *ut supra*. A vos scire nullatenus dubitamus quod quatuor

## EPISTOLA CCCCCLXXVII.

Archiepiscopi Narbonensis ad Clementem papam.

*Purgat se à calumnia sibi inflicta de fide Eucharistiae.*

Anno 1168

**R**em horrendam, summè detestabilem hæresim manifestè continentem pio motu sancta vestra paternitas suo devoto filio decenter scripsit, nos dixisse cuidam magno viro, dum olim essemus in Romana curia conferendo cum eodem, adjicientibus nobis Parisius celebrem esse opinionem Corpus Christi nonessentialiter & verè esse in altari, sed sicut signatum in signo, prout repfit postmodum latenter sermo ad nostram audientiam pervenit. Quod si memores essemus non dixisse, aut forsan lingua labente dixissemus, studeremus revocare quod nequaquam cogitavimus, nec os nostrum polluimus errore tanto, vel minore in aliqua facultate testimonio Parisiensium doctorum. Quod si quis vellet in dicti falsi impositione contra nos persistere, promptos nos inveniet in mortem & in vitam ire. Sed, Pater sanctissime, narrauerunt mihi iniqui fabulationes, sed non ut lex vestra & nostra tenet, immò verbum iniquum constituerunt adversum me tam imprudenter quam irreverenter, non parcentes pontificali, quàm fortè desiderant, dignitati; sed in præfati dicti insaniam stimulati à Satana inciderunt transcendentibus, qui Dei virtutem juxta modum naturalium rerum metientes, audacius ac periculosius veritati contradixerunt, ut Magister Lombardus recitat in principio decimæ distinctionis quarti Sententiarum, asserentes in altari non esse corpus Christi vel ejus sanguinem, nec substantiam panis & vini in substantiam carnis & sanguinis converti, sed ita Christum dixisse *Hoc est corpus meum*, sicut dicit Apostolus ad Corinthios *Petra autem erat Christus*; dixerunt ibi esse corpus tantum in sacramento, id est in signo, & solum in signo à nobis manducari. Et hæc prima hæresis facta est in discipulis Christi dicentis: *Nisi manducaveritis carnem & sanguinem, non habebitis vitam æternam*. Dixerunt: *Durus est hic sermo, quis potes eum audire*; abierunt retrò, instruente Christo illos duodecim, qui remanserunt, & dicente: *Spiritus est qui vivificat, caro verò non prodest quicquam. Verba quæ loquor vobis, Spiritus & vita sunt*, quia sacramentum quod vobis commendavi spiritualiter intellectum vivificabit. Vobis caro non prodest quicquam, hoc est idem corpus de quo Eusebius ait: *Hoc corpus assumptum ablaturus erat ab oculis, & illaturus sideribus*, necesse erat ut die cœnæ sacramentum Corporis & Sanguinis consecraret & commendaret nobis, ut coleretur jugiter per mysterium qui semel offerebatur in pretium. Forma dicta à Domino consecratione verbi cælestis, quod corpus sit consecratum, seu caro Christi interiorem hominem reficit spiritualiter & saginat. Non tamen lateat, Pater Sancte, quod

modis dicitur sumi. Primò similitudine, ut species panis & vini, & hoc improprie. Secundo materialis caro Christi crucifixi & lanceata, quæ prius de Virgine sumpta est, & sic proprie accipitur. Tertio ipsa Ecclesia vel ejus unitas mystica. Quarto ipsa caro Christi spiritualis, quæ verè cibus est: quam carnem qui manducant spiritualiter, veritatem carnis & sanguinis Domini sumere: quia ipsam efficientiam ipsorum peccatorum remissionem habent, pro qua sic oratur cum dicitur: *Perficiant, quæsumus Domine, tua sacramenta quod continent, ut quod nunc specie gerimus, rerum veritate capiamus*. Id est prædictam efficientiam & etiã verum corpus Christi, quod sic sumitur, quod verisimile est in altari, ut etiã dicit D. Augustinus visibiliter in cælo, quia in forma humana, sed in altari invisibiliter in forma humana quod sub speciebus panis & vini operitur, ubicumque in altari celebretur integrum est, non per partes discerptum, ut illi dixerunt, qui retrò abierunt. **C** Verus ergò Deus & verus homo in hoc est sacramento, quod est Corpus Christi plenum gratia & divina majestate, realiter veritatem & naturam in se continens consecratione panis in corpus & vini in sanguinem substantialiter conversum vi verbi divini & secreta potestate creaturam mutantis in memoriam Dominicæ passionis, sicut per Spiritum sanctum, ut ait Augustinus, vera caro sine coitu creata est in aula virginali. Secundo sumtum est de Virgine in cruce lanceatum crucifixum idem numero post resurrexit, & in cælum ascendit. Ut enim ait Gregorius, quis fidelium habere dubium possit in ipsa immolationis hora ad sacerdotis vocem cælos aperiri, in illo sanctissimo Christi mysterio angelorum choros adesse, summa & ima associari: ut in eodem momento substantia panis & vini in Corpus Christi seu totam substantiam conversum mirabiliter & immutatum, quod est cæleste in cælum rapitur ministerio angelorum corpus Christi consociandum, quod ante oculos sacerdotis in altari videtur, sub speciebus videlicet panis & vini esse verè, non ut asserunt hæresis publicæ falsi Christi discipuli, ut signatum solum in signo vel sub signo, à veritatis tramite & orthodoxæ fidei Catholicæ recedentes per errorem. Ut igitur fides habeat meritum, & non esset horror carnis & sanguinis, nec ridiculum à paganis, nec sub humana specie sumitur, sed sub speciebus sacramentalibus panis & vini. Unde dicit Hilarius, propter quod non est quantitas visibilis in hoc æstimanda mysterio, sed spiritualis virtus sacramenti, id est, non est ibi in ulla repræsentatione, quæ humanis sensibus subjici valeat repræsentari. Vera tamen substantia & quantitas corporis Christi & virtus sacramenti spiritualis videlicet, uniens cum corpore mystico, secundum quod dicit Hugo de S. Victore. Sed de his hæcenus, quia mysterium fidei credi salubriter potest, investigari autem quandoque salubriter non potest: voluntati ejus atque potentiae salubre atque mirabile hoc sacramentum & supra naturam penitus adscribatur,

batur, sed Deus hujus sæculi operatur in illis A diffidentia filiis, qui non rationi voluntatem sub-  
jiciunt: insipientia verba contra nos callidè  
coaptare nituntur, non veri sed placiti ratio-  
nem sectantes, quos iniqua voluntas, non intel-  
ligentia veritas incitat, dum ad fabulosam ca-  
lumniam se convertunt, loquentes mendaciter  
hypocrisis, quia in verbis eorum pietas, quam  
amisit conscientia prædicando, Narbonensis  
diocesis illius tempore hinc inde discerpitur,  
malè regitur. Idiota prælatus est, impudenter-  
que per multa media sagaci diligentia serpunt, B  
& se latenter ingerunt, ut locum habeat sequens  
relatio prælationis ambitæ in animæ suæ peri-  
culum: quod nequaquam avertunt ambitionis  
desiderio, velante (a) oculum rationis verbo-  
rum mendacio, piam fidei sanctitatem in eo  
in quo est denigrare molientes, sine fide contra  
veritatem fidei, quæ in nobis est à sacro fontis  
baptismate, culpabiliter bellant, quam postmo-  
dum Parisiense studium clarius confirmavit, ex-  
cussa prorsus à nobis illa damnabili & execra-  
bili hæresi, quam nobis imponunt, virus suæ  
nequitia in nos transferendo, in electorum glo-  
ria maculam ponentes. Si autem apostolicam  
(b) bibulam invenirent & lucernam veritatis, si  
quam sibi placitam in nobis Deus misericorditer  
exaltavit, quæ paternitati vestræ ab initio bene  
complacuit, immò benignè & efficaciter pro-  
movit, & nos cum multa cordis amaritudine  
jurgio jugiter exposuit. Nec tamen patienter  
sustinere deberemus quod dicitur in proverbiiis:  
*Cor quod novit amaritudinem animæ suæ, ut in*  
*gaudio ejus misceatur extraneus* Absit ergo, Pater D  
sanctissime, quod contra Dominicæ fidei pro-  
fessionem per viperæ doctrinæ fraudulentiam  
in aliquo infidelitatis aut sacrorum fermenta-  
tioni vel satanæ aditum pandamus, ut à san-  
ctorum patrum vestigio atque sanctæ matris  
Ecclesiæ discedamus limitibus & vestris. Hæc  
manus nostra rudi calamo conscripsit per ve-  
stram sententiam præminentemque sapientiam  
corrigennda suis sententiis aut verbis. Sanctitatem  
vestram conserveat Dei filius in longitudine die-  
rum. Amen.

## EPISTOLA CCCCCLXXIX.

Dilecto filio nobili viro Al. comiti Pictavenfi  
& Tolosano.

*Commendat ipsi Jordanum de Insula.*

Anno 1268

E A quam de te habuimus, dum minori fun-  
geremur officio, notitiam, firmam fiduciam  
imprimit cordi nostro, ut ad eā potissimum quæ  
divinum beneplacitum, tuum & sedis apostolicæ  
respiciunt honorem, promptus & facilis habearis.  
Cum igitur dilectus filius nobilis vir Jordanus de  
Insula fidelis tuus in servitio carissimi in Christo  
filii nostri C. illustris regis Siciliæ fratris tui  
contra hostes Dei & Ecclesiæ ac regis ejusdem  
laudabiliter se habuerit hætenus, & adhuc in

(a) Al. Officium. (b) Unus codex colbertinus legit epistolam.  
*Theauri Anecd. Tom. II.*

eo laudabilius perseveret, nobilitatem tuam ro-  
gamus & hortamur attentè, quatenus eum pro  
nostra & apostolicæ sedis reverentia, ac ejus-  
dem regis intuitu, necnon & ipsius nobilis me-  
ritorum obtentu, habens propensius commen-  
datum, te sibi exhibeas pro loco & tempore in  
tuo favore munificum & in cunctis opportunita-  
tibus gratiosum, ita quod tam ipse quàm alii  
ejus exemplo per virtuosos actus dignis in Do-  
mino proficiant incrementis, & nos devotionis  
tuæ promptitudinem uberius providè commen-  
dare possimus.

## EPISTOLA CCCCCLXXX.

Episcopo Albanensi apostolicæ sedis  
legato.

*Ut episcopatibus modici valoris provideat, & de  
aliquibus fratribus Minoribus promovendis.*

L Icet de quibusdam episcopatibus nobis Anno 1268  
scripseris, quod valorem xxx. unciarum  
auri excedunt, quantum plus valeant non scrip-  
sisti. Et idcirco quæ personæ quærendæ sunt ad  
earum regimen ignoramus. Si ergo modicus est  
excessus, provideat eis tua fraternitas, prout  
viderit expedire, sciasque quod nobis frequenter  
extitit supplicatum pro fratre PHILIPPO Mi-  
nore, qui diu lector fuit in ordine, & minister,  
ut dicitur, provincialis in regno, & in prædi-  
cationibus plurimum gratiosus. Da ei locum si  
potes, & nos iterum instrue quid de fratre P. de  
Corneliaco facere debeamus. Ad abbatias de  
quibus nobis scripsisti regendas bonos quære-  
mus monachos, si eos possumus invenire. Datum  
Viterbii xix. calendas Februarii anno III.

## EPISTOLA CCCCCLXXXI.

Episcopo Albanensi apostolicæ sedis  
legato.

*Ut ad se accedat cum rex Siciliam intraverit.*

E Q Uia multa tibi habemus dicere, quæ scri- Anno 1268  
pris nolumus commendare, volumus quod  
postquam carissimus in Christo filius noster rex  
Siciliæ regnum suum intraverit, ad nos venias  
personaliter, tua tamen legatione manente, &  
ibidem dimisso vicario, qui absentiam tuam sup-  
pleat, donec redieris ad eandem. Datum *ut  
supra.*

## EPISTOLA CCCCCLXXXII.

Dilecto filio S. tituli S. Cecilie presbytero  
cardinali apostolicæ sedis legato.

*Consolatur eum de casu & infortunio, eique  
de Italie statu scribit.*

E Quum tuum nuper audivimus cecidisse, & Anno 1268  
in casu te læsum in tibia, quod non leviter  
nos turbavit: in hoc tamen gavisos quod qui te  
lædi permisit, collidi noluit, sed supposuit ma-  
num suam. Omne igitur gaudium, cum in varias  
incideris tentationes existima, & easdem tam-  
N n



quam solennes nuncios summi regis lætanter excipe; quos nec vacuos, nec sine honore dimittas: quod utique facies, si disciplinam Domini non abiciens, agensque gratias inter verbera patrem intelligas verberantem, qui filium illum quem diligit ad internecionem non percutit, sed potius ad salutem. Nos sanè sanctorum orationibus personarum juvari te apud Dominum faciemus, quibus nostras licet eisdem inferiores immiscebimus, in te sanitatem optantes hominis utriusque. Tu verò cum receperis corporis sanitatem, per tuas litteras patrem lætifica, audire de te prospera cupientem. De statu Italiæ noveris eum non mediocriter esse turbatum. Adhuc CORRADINUS, LUDOVICUS dux Baviaræ, & comes Tirolensis cum pluribus aliis sunt Veronæ, & cum finitimas civitates allicere sibi nequeant, intendunt venire Papiam si possunt. Quod si poterunt, timetur probabiliter ne grandis concussio subsequatur. Rex noster obtento per pacem Castro Podii Boniti, licet à nobis fuerit revocatus, ut damnis occurreret regni, & potissimè in Sicilia, cujus partem magnam amisit, in tantum in Pisanos exarsit, quod eorum fines depopulans, regnum proprium videtur penitus oblivioni dedisse; quod multum nobis displicet, & utinam ejus intentio felicem exitum sortiatur. Datum *ut supra in proxima.*

## EPISTOLA CCCCCLXXXIII.

Carissimo in Christo filio regi Francorum illustri.

*Scribit ei de pluribus negotiis.*

Anno 1268

**Q**Uæ per filium dilectum R. priorem Vallisviridis juxta Parisius Cartusienfis ordinis tua nobis sublimitas intimavit, diligenter audita pleno collegimus intellectu: ad quæ taliter respondemus, quòd de passagio est depositum, licet protractio sit in terræ sanctæ discrimine; tolerandum est tamen, & carebit periculo si terra interim providè sustentetur. Sanè dilectus filius vir nobilis EDUARDUS carissimè in Christo filii nostri illustris regis Angliæ primogenitus nuper petiit à nobis consilium de voto crucis, ad quod erat dispositus, emittendo, petens auxilium, ut ejusdem propositum (a) laudaremus; ad quod urgente conscientia non sine magna deliberatione respondimus, quòd cum pax Angliæ multum sit tenera, & amaricati multorum animi proni credantur & faciles ad malitiæ veteris recidivum, patrem senem dimittere inter tales minimè tutum putabamus, sed nec à nobis auxilium expectare poterat quod petebat, cum subiecta quatuor oneribus Anglicana ecclesia, quantum commodè nequeat expectare. Primum fuit quod in schismate suscitato prælati singuli importabiles portaverunt expensas. Secundum quod prædonibus, nemine cohibente, grassantibus, extiterunt omnes Ecclesiæ spoliata. Tertium quod cum in partibus (b) ultramarinis, exercitum contra se dirigi formidarent, famosis regni baronibus de pro-

(a) F. Laudavimus.

(b) Al. Cismarinis.

**A** ventibus ecclesiasticis decimam concesserunt. Quartum quòd nos in prædicti pœnam excessus, cum essemus ad apicem apostolatus assumpti, aliam decimam dari mandavimus regi suo. Verum de collectis ab olim in illis partibus pro subsidio terræ sanctæ, quantum possent ascendere, & an inde competenter juvari posset, erat nobis incognitum; sed hoc melius scire poterat per legatum. Ad hæc autem dicenda, ut diximus, conscientia tibi facere vim noluit, nos coëgit, & forsitan aliud dixissemus. Quantum ad primum articulum, de cruce scilicet assumenda, si tibi consulere valeremus, quod te & tuos firmis astringens cautionibus de juvanda fideliter domo Angliæ, si filio tecum prosequente negotium, in regno Angliæ, guerra (c) nova domui moveretur eidem. Sed de hoc, quia tibi non credebamus expediens, nullam omnino fecimus mentionem. Claræ memoriæ B. illustris regina Siciliæ an testata decesserit vel intestata nescimus; sed faciemus secretius inquiri per venerabilem fratrem nostrum R. episcopum Albanensem, & quicquid invenerimus, illud scies. Porro de quæstionibus quas habes cum carissimo in Christo filio nostro C. illustri rege Siciliæ, credebamus tibi responsum, necnon & de decima regni Siciliæ per dilectum filium Gaudfridum de Bellomonte cancellarium Bajocensem. Nam nobis rex idem condixerat in Viterbio de certis responsionibus tuæ magnitudinè faciendis, quæ licet ad unguem expositæ non essent, satis tamen poterant tolerari. Sed quoniam à nostra recedens memoria diu distulit emittere, potuit mutare consilium, variare responsum, super quo eum, cum de Tuscia venerit, alloquemur. Ad carissimum in Christo filium nostrum illustrem regem Aragonum legatum mittere cardinalem, nec decet, nec expedit, quia tenuis esset legatio & angusta, nec regnorum suorum decima ad x. millia, prout dicitur, librarum ascendit. Paratus tamen rex esset ad transitum, si pecunia non deesset. Dūdum autem in Alamanniam misissemus, sed ad quærendam personam idoneam laboramus, quam expedit talem esse, quæ te & fratrem diligat, sciat, velit & valeat, elusis CORRADINI conatibus, honorem Ecclesiæ ad bonum statum imperii promovere, & insuper viris illustribus de imperio contendentibus nulla ratione suspecta; purum habeat animum, puras manus, & quod hic deest, sub sigillo tibi scribimus piscatoris. De quotidianis distributionibus & indulgentia danda solventibus fideliter decimam legato Franciæ respondemus, de clericis conjugatis juribus contenti jam scriptis, nihil adhuc duximus innovandam: quamquam pluries inter fratres de hoc movimus quæstionem. Demum si gratiam tibi & primogenito tuo factam in evidens præjudicium prælatorum, de qua nobis pluries sunt conquesti, ad alios filios & nepotes extendere nolumus, tua serenitas non miretur. Minuenda sunt enim scandala non augenda, quod dolentes referimus, (d) de te & tuis conqueruntur plures ecclesiæ regni tui, pro

(c) Al. Longa.

(d) In Trecenti codice deest, de te & tuis.

quibus sæpius tibi scripsimus, non audivimus. A  
aliquid emendatum. Quid ergo est aliud, ut  
Deo magis quam homini complacemus, præ-  
latis Ecclesiæ arma suæ defensionis auferre,  
quàm inermes eos exponere spoliandos senes-  
callis, præpositis, & bedellis, etiam viris aliis  
pestilentibus, qui nec Deum timent, nec ho-  
minem reverentur. Scimus quod cum hæc fiunt,  
dicitur, quod hæc credimus de tua conscientia  
non procedere: sed quid prodest quod de tua  
non exeunt conscientia, & in tuam venire scien-  
tiam non sinuntur? Quid si super his litteræ B  
pluries inculcatæ tuæ sunt celsitudini vel tuis  
consiliariis onerosæ, scire te volumus quod  
propter hæc desistere non proponimus ab in-  
cepto, quia parum te diligunt, qui palliationes  
quærent in talibus, tuque minus, si quod absit,  
salubris exhortationis impatiens magistros pru-  
rientes auribus coacervas. De comitissa Leyce-  
stræ & ejus liberis scias, fili carissime, quod  
eisdem in justitia non deerimus, nec defuimus;  
& illustris rex Angliæ nostri propositi non igna-  
rus, suum habuit & habet contra eos in nostra C  
curia defensorem, sed quiescere potuit hæc-  
tenus, pro eis nemine comparente. Equanimiter  
porta quod scribimus de locis aliquibus seu per-  
sonis à decima eximendis. Quod ad nostram  
secretam litteram respondisti gratum habuimus  
& acceptum. Datum Viterbii xix. calendas Fe-  
bruarii anno iiii.

## EPISTOLA CCCCCLXXXIV.

Rectoribus, consilio, & Universitati civitatis  
(a) (a) Castelli spiritum consilii sanioris.

*Ut pro excessibus satisfaciant.*

Anno 1268

Cum & nos & Romanam Ecclesiam multi-  
pliciter offenderitis, sic vobis consulimus  
graves vestros excessus congrua satisfactione re-  
dimere, quàm accumulatis offensis, poenis nos  
gravioribus obligare. Vobis universis & singulis,  
sub debito juramenti, quo nobis & Ecclesiæ  
Romanæ tenemini, & poena mille marcarum, E  
salva semper impositione majoris, si facti qua-  
litas hoc exegerit per apostolicam sedem, dis-  
trictè præcipiendo mandamus, quatenus ad  
(b) diruendas domos seu alia bona dissipanda,  
(c) quæ quondam (c) HUGUICHIO vester conficius,  
miserabili nuper sorte peremptus, mortis suæ  
tempore detinebat, manus vestras extendere  
minimè præsumatis: alioquin omittere non po-  
terimus, quin contra vos & vestra temporaliter  
& spiritualiter quantum expedire viderimus pro-  
cedamus. Tamen quia bona eadem cum dictis  
domibus pro Romana vindicamus Ecclesia,  
cumque dilectus filius noster O. sanctæ Mariæ  
in Via-lata diaconus cardinalis ea firmiter as-  
serit esse suæ, nostroque incumbit officio tam  
nostra quam ejusdem cardinalis, si qua sunt,  
jura defensionis nostræ præsidio communire,  
&c. Datum Viterbii xvii. calendas Februarii  
anno iiii.

(a) Al. Castellæ. (b) Al. Dirigendas. (c) Al. Hugonetus.  
*Thesauri Anecd. Tom. II.*

## EPISTOLA CCCCCLXXXV.

Dilecto filio nobili viro Jacobino Rubeo civi  
Pavinenfi.

*Potestatem Firmanensem non posse ei concedere.*

IN terris fidelium si tibi forsitan regimen Anno 1268  
offerretur, tuo multum congauderemus ho-  
nori, cum te tuamque domum nobis & Ecclesiæ  
Romanæ devotam & fidelem in omnibus arbi-  
tremur. Sanè cum civitas Firmanensis super  
omnes alias terras nostra infidelitate sit plena,  
nec jus habeat potestatem creandi, quo semper  
per sententiam est privata, sitque locus suppo-  
situs interdicto, & cives insuper excommuni-  
cationis sententia innodati, in hoc tibi favere  
non possumus, ut de nostro beneplacito in tuæ  
salutis interitum paris excommunicationis la-  
queis te imprudenter involvas, reprobatum  
eorum officium assumendo ut reprobatum. Si  
enim tibi talem daremus assensum, & peccati  
essemus auctores, & jus quo sunt justè privati  
reddere videremur eisdem, quod utique non in-  
tendimus: immò quicquid inde accedere possit  
aut debeat, procedemus, favente Domino, gra-  
vius contra ipsos. Datum ut supra in proxima.

## EPISTOLA CCCCCLXXXVI.

Venerabili fratri episcopo Cumanensi & dilectis  
filiis nobilibus viris germanis ejusdem.

*Facta Brixie emendare promittit.*

Cum inter Ecclesiæ Romanæ devotos, quos Anno 1268  
Italiae spatia continent, domus vestra fa-  
voris præcipui communi judicio possit & debeat  
gloriarī, si quid Brixie factum fuit, quod am-  
bigua relatione didicimus, vestro statui vel ho-  
nori contrarium, id nobis noveritis displicere.  
Verum quia variis varia referentibus, rei gestæ  
plenam notitiam non habemus, venerabilem  
fratrem nostrum G. Bethleemitanum episcopum  
vobis nostrumque fidelem amicum ad partes  
illas duximus destinandum, qui venerabilem  
fratrem nostrum archiepiscopum Ravennacen-  
sem apostolicæ sedis legatum excitet, sed & ipse  
quod poterit (d) faciat ad scissuram prædictam (d)  
ad honorem divini nominis & utilitatem totius  
provinciæ tum nostro beneplacito reparandam,  
& ea rediens nobis nuntiet quæ nos reddant  
& teneant lætiores. Ipsi autem episcopo super  
his quæ vobis ex parte nostra dixerit, fidem vos  
volumus indubitam habere. Datum Viterbii  
(e) xiii. calendas Februarii anno iiii. (e)



(d) Al. Faciet.

(e) Al. xvi. Calendas.

N n ij

## EPISTOLA CCCCLXXXVII.

Archiepiscopo Ravennacensi apostolicæ  
sedis legato.

*Scribit ei mittere se episcopum Bethleemitanum ad  
Brixie scissuram reparandam.*

Anno 1268

**V**ariis varia referentibus de scissura quam nuper ambigua relatione didicimus Brixie contigisse, multum nobis noveris displicere, si quid factum fuerit, quod statui derogat vel honori dil. fil. nobil. vir. de Turre, quorum domus inter alios Ecclesiæ Romanæ devotos, quos Italia, continet devotionis fervore præcipuo potest & debet communi iudicio gloriari. Verum quia rei gestæ plenam notitiam non habemus, venerabilem fratrem nostrum G. Bethleemitanum episcopum ad partes illas duximus destinandum, ut & tuam sollicitudinem excitet, sed & ipse quod poterit faciat ad scissuram ad honorem divini nominis & utilitatem totius provinciæ reparandam, ut ad nostram præsentiam rediens ea nobis valeat nunciare, quæ nos reddere debeant lætiores. In his verò quæ tibi ex parte nostra dixerit, sibi fidem indubitata volumus te habere. Datum *ut supra in proxima.*

## EPISTOLA CCCCLXXXVIII.

Dilectis filiis universis civibus Brixen. per  
quos nunc civitas regitur.

Anno 1268

**D**E discretione & puritate animi venerabilis fratris nostri Bethleemitani episcopi plenam in Domino fiduciam obtinentes, eum ad partes vestras duximus destinandum, per quem quædam vobis duximus proponenda, super quibus eidem fidem indubitata volumus vos habere. Datum *ut supra.*

*In eodem modo dilecto filio nobili viro (a)  
(a) Tayono de Minervia.*

## EPISTOLA CCCCLXXXIX.

R. episcopo Albanensi apostolicæ  
sedis legato.

*De pace facta regem inter & Pisanos.*

Anno 1268

**S**cripsit nobis dilectus filius J. de Braisilva carissimi in Christo filii C. illustris regis Siciliæ marescallus, quod Pisani cum eodem rege pacem fecerunt post damna intolerabilia quæ sunt passi, quæ multum est honorabilis ipsi regi, quæ vicinorum eidem adversantium fregit cornua, quæ CORRADINUM recedere faciet, quæ Romanum contineat senatorem, quæ Siculos etiam proditores spe frustratos subsidii extrema, prout credimus, desperatione confundet. Sanè quia dictum est nobis quod claræ memoriæ B. illustris regina Siciliæ condidit testamentum, fraternitati tuæ per apostolica scripta mandamus, quatenus id secretò ac

(a) Al. Talcno de Minervio.

**A** diligenter explores, & si copiam ejusdem habere potueris quo quomodo, vel alias discere veritatem, id nobis quanto secretius poteris nec omittas nec differas intimare. Sed & illa quæ de Beneventano electo reperies nobis mittas, cum apud nos instetur assidue pro expeditione ipsius, quam distulimus & differimus per te instrui cupientes. Datum Viterbii (b) xi. calendas Februarii anno 111.

(b)

## EPISTOLA CCCCCXC.

Episcopo Claromontensi.

*Postulationem de ipso factam ad Lugdunensem  
archiepiscopatum non posse admittere.*

**L**icet tuæ fraternitatis honorem ab olim dilexerimus, & quò sincerius possumus diligamus: sic tamen eum quærimus, ut Deus omnium honoretur in omnibus, ipsius honor præcipuus omnibus aliis præferatur. Sanè cum ad nostrum pervenisset auditum, quod ad Lugdunensem Ecclesiam fueris postularus, gavisi fuimus, cum eidem posses esse plurimum fructuosus. Sed cum formam postulationis audivimus & processum, cessavit gaudium, nec putavimus promovendum negotium carens solido fundamento, immò potius erubuimus, & confestim nos dedimus ad viam aliam peragendam, quæ & facta postulatione de tua persona & electione de... Decano Lugdunensi omittis, præceremus tertium Lugdunensi ecclesiæ supradictæ. Verum scire te volumus dilectum filium magistrum G. (c) Rollandi archidiaconum Ruthinensem in hoc debitam observasse cautelam, quòd tuo nomine nihil petiit vel proposuit, sed nec etiam nomine fratris tui, qui te postulaverat, quicquam dixit quod ambitionis tuæ notam quoquo prætereundum videretur indicio; sed simpliciter factum narrans ad id suam intentionem direxit, ut & conscientia tuæ puritas innotesceret, & germanus innocens haberetur, & quod factum fuerat de decano excogitata, ut dicebat, malitia cassaretur. Tene igitur in omni patientia locum tuum, nec à nobis reputes te despectum, quem ex toto corde diligimus, & hoc ipsum ad majoris favoris specialis indicium in thesauro cordis tui consignes, quod & tuæ justitiæ non detraximus, & nostræ satisfacimus honestati. Demùm dictum archidiaconum Ruthinensem, quod si alias haberes ignotum, pro sua diligentia præsentis negotio habere te convenit multipliciter commendatum, in tuorum catalogo devotorum confidenter adscribas, cum in dicto negotio de contingentibus nihil omittens, decenter laboraverit & fideliter pro eodem. Datum *ut supra in proxima.*

1.2



(b) Al. xv. Calendas. (c) Al. Jocardii.

## EPISTOLA CCCCXC.

Dilecto filio nobili viro Gastoni vicecomiti  
Biarnensi.

*De matrimonio Henrici filii regis Castellæ  
tractanda.*

Anno 1268 **I**ntelleximus quod vir magnificus carissimus  
in Christo filius rex Castellæ & Legionis  
illustris, germanum suum H. nunc senatorem  
Urbis reconcilians sibi, terram ei competen-  
tem consignat. Tu igitur scire potes, an tibi  
placeat, circa fœdus matrimonii contrahendum,  
cum eodem habere tractatum, de quo alias tibi  
scripsimus, an ad aliam magis partem inclines,  
de qua nobis etiam tu scripsisti, ut ex eis tua  
voluntate percepta, quid tibi fuerit & utilius  
(a) & acceptius eligatur. Datum Viterbii (a) viii.  
calendas Februarii anno rrr.

## EPISTOLA CCCCXCII.

Carissimo in Christo filio C. regi Siciliæ  
illustri.

*Interceptas Teutonicorum litteras ei mittit.*

Anno 1268 **P**ro sedanda discordia Lombardiæ ad partes  
illas venerabilem fratrem nostrum G. Berh-  
leemitanum episcopum, quem nobilibus viris de  
Turre & toti negotio fore credimus utilem de-  
stinamus. Nos sancte tuum ad regnum Siciliæ  
certis ex causis desiderantes adventum, lre-  
rarum transcriptum, quas Teutonici, qui sunt  
Senis, tuo consanguineo senatori Galvano &  
inimicis aliis destinabant, tibi mittimus præsen-  
tibus interclusas, ut eo inspecto plenius delibe-  
rare valeas, quod tibi super his, quæ ipsæ vi-  
dentur tangere litteræ, sit agendum. Datum  
ut supra.

## EPISTOLA CCCCXCIII.

Dilectis filiis potestati, consilio & communi  
Cremonensi.

*Episcopum Berhleemitanum eis destinatum ad  
pacem reformandam mittit.*

Anno 1268 **D**evotionem vestram, prout decet, in Do-  
mino commendantes quam multipliciter  
comprobatam; nunc ex eo certissimis (b) pro-  
batu indicis quod divulsos fideles Ecclesiæ plan-  
gitis & in pristinam reduci petitis unitatem.  
Ut vestro vestrorumque pariter desiderio satis-  
fiat, venerabilem fratrem nostrum Berhleemi-  
tanum episcopum ad partes vestras duximus  
destinandum, non ut in aliquo derogemus ve-  
nerabilis fratris nostri Philippi archiepiscopi  
Ravennacensis apostolicæ sedis legati officio,  
seu etiam potestati; sed ut missio specialis no-  
strum expressius affectum indicet, quem habe-  
mus ad pacem Ecclesiæ & suorum fidelium con-  
servandum. Quocirca sinceritatem vestram ro-  
gandam duximus & hortandam, quatenus eum-

(a) Al. ix. Calendas,

(b) Al. Prolatis,

**A**dem Berhleemitanum episcopum favore debito  
prosequentes, unâ cum memorato legato, qui  
nostram apud vos repræsentant personam, ad ea  
quæ pacis sunt, juxta datam vobis à Deo pe-  
ritiam dirigatis & efficaciter adjuveris, ut à  
scintilla ignis augeri nequeat, & vestræ status  
provinciæ, quam prævenisse Dominus in bene-  
dictionibus creditur, novis dissentionibus non  
turbetur. Datum Viterbii viii. calendas Fe-  
bruarii anno rrr.

## EPISTOLA CCCCXCIV.

Dilectis filiis potestati, consilio & communi  
Cremonensi.

*Ejusdem argumenti.*

Anno 1268 **M**illum nobis ex parte vestra Fredericum  
latorem præsentium diligenter audivi-  
mus, qui prudenter quæ sibi fuerant injuncta  
proponens, de his quæ contingunt negotium  
nihil omisit. Sanè jam inscius ipsius adventus,  
paraveramus venerabilem fratrem nostrum  
Berhleemitanum episcopum, quem in Lombar-  
dia mittimus, pro factis de quibus scribitis pro-  
movendis, firmam in Domino gerentes fidu-  
ciam, quod auctoritate venerabilis fratris nostri  
archiepiscopi Ravennacensis apostolicæ sedis  
legati præambula, idem episcopus tam fideliter  
quam utiliter cum nostro & fidelium aliorum  
auxilio laborabit. Datum ut supra.

## EPISTOLA CCCCXCV.

Dilecto filio nobili viro Amato de Amatis  
potestati mercandiæ Cremonensi.

*Commendat ei Berhleemitanum episcopum in  
Longobardiam missum.*

Anno 1268 **I**n devotione dudum Ecclesiæ educatus, &  
ex devotis parentibus trahens originem, am-  
monitioni frequenti non indiges, ut quæsitos  
tibi ab olim condignæ laudis titulos sinceræ fidei  
prosecutione confirmes, in quos sic tuum æsti-  
mamus propositum solidatum, ut nec descen-  
dens pluvia, nec flumina venientia, nec etiam  
venti flantes, conscientia tuæ domum possint  
evertere, supra firmam petram ab antiquo fun-  
datam. Verum quia nihil nocet admissio sub-  
dere calcar equo, tuam industriam tenore præ-  
sentium duximus excitandam, & affectu paterno  
dulciter exhortandam, quatenus ad unitatem &  
pacem civitatis Cremonensis conservandam unâ  
cum dilecto filio R. (c) Secci potestate Cremon-  
ensi, de quo multum confidimus, des opem se-  
culam & studium indefessum, & nihilominus Ve-  
nerabili fratri nostro Berhleemitano episcopo,  
quem ad Lombardiam ad certa negotia mitti-  
mus, in his quæ tibi dixerit credas, & eidem  
consilium & auxilium, cum ab eo fueris requi-  
situs, impendas, ut ex hoc Deo placeas, &

(c) Al. Scoris

apostolicæ sedis gratiam, quam te dudum meruisse cognovimus, amplius merearis. Datum *ut supra in proxima.*

## EPISTOLA CCCCCXCVI.

R. Episcopo Albanensi apostolicæ sedis legato.

*Ut præficiat abbatem monasterio S. Trinitatis de Venusio.*

Anno 1268

**P**lacet nobis, quod priorem Montispilosi monasterio S. Trinitatis de Venusio, sicut videtur idoneus, juxta temporis & patriæ qualitatem præficias in abbatem, licet juvenis videatur, cum ætatem supplere valeat in eo commendabilis, prout fertur, discretio præmatura. Datum Viterbii vii. calendæ Februarii anno 111.

## EPISTOLA CCCCCXCVII.

Carissimo in Christo filio Jacobo regi Aragonum illustri.

*Calamitates terræ sanctæ peccatis christianorum adscribit, sperans nihilominus de Dei misericordia.*

Anno 1268

**T**erræ-sanctæ miseras successivis relationibus plenius agnoscentes, timemus nec immerito, ne dilata subsidia cismarina tantum hostibus spatium tribuant debaccandi, quod vix relinquatur remedium post ruinam, nisi Deus misericorditer plebem suam respiciens, processus hostium impedierit, vel eosdem elevari permiserit ut allidat. Non hæc habent, fili carissime, quod dolentes referimus, populi merita christiani, cui nulla noceret adversitas, si nulla dominaretur iniquitas, sed in tot mundi partibus in semetipsum dividitur, tot peccatis inficitur, tot involvitur fraudibus, tanta demum indevotione dissolvitur, ut à Domino derelictus, ab inimicis etiam contemnatur. Verum quia non obliviscitur Dominus misereri, qui in tanta peccantium multitudine multa sibi virorum millia reservavit, quos arcano suo consilio tamquam vasa misericordiæ præordina- vit ad vitam, in ipsius bonitatem confidimus, quod illorum ministerio quos elegit dabit nomini suo gloriam, & hostili fracta potentia, fidei suæ cultum latius propagabit. O quanto gaudio repleremur, si tuæ magnitudini videremus suppetere facultatem, cui talem adesse cernimus voluntatem, nihil tibi solidum, nihil fixum tuæ benivolentiæ ad hoc possumus polliceri; sed fideliter laboramus, ut & nostrum & tuum desiderium impleatur. Ad hoc super his quæ de viro nobili H. Urbis senatore scripsisti, tua sumus responsione contenti: sanum enim habuisti consilium, quod si modò cognoscas (cognoscas utique certius ex eventu) & audiens interim quæ venerabilis frater noster Ellenensis episcopus tibi dicet, ne sis negligens circa tuum honorem quærendum, cum tempus se offerat opportunum. Datum *ut supra in proxima.*

A

## EPISTOLA CCCCCXCVIII.

Dilecto filio nobili viro H. claræ memoriæ, &c. Urbis Senatori.

*Ne se facilem præbeat credendis rumoribus.*

**C**um novissimas tuas litteras recepimus, jam fratres Alf. & L. Caltranenses recesserant, quibus timentibus ubi timendum non erat, eisdem dedimus litteras de conductu; & unum de nostra familia, qui eosdem venerabili fratri nostro Aretino episcopo repræsentet; cui eos per nostras litteras efficaciter commendamus, per amicos suos usque ad locum in quo se tutos reputent perducendos. Non ergo sis nimis credulus, sicut & ipsi fuerunt, multa enim dicuntur quæ nullam continent veritatem, & qui cito credit, levis in corde in sacra pagina judicatur. Datum Viterbii iv. calendæ Februarii anno 111.

Anno 1268

C

## EPISTOLA CCCCCXCIX.

Dilecto filio abbati monasterii S. Ægidii.

*Ut filii P. Guillelmi de Monte-pesato studio vacantis expensis provideat.*

**C**um dilectum filium natum quondam P. Guillelmi de Monte-pesato monachum tuum docilem, bonæ indolis esse, quod gaudentes accepimus, audierimus, patris merita contemplantes, qui tuo monasterio fidelis extitit & devotus, nosterque fuit, dum vixit, familiaris amicus; discretionem tuam per apostolica scripta mandamus, quatenus taliter ei provideas, quod in studio possit proficere; nec ab eodem expensis deficientibus retrahatur. Datum Viterbii iii. calendæ Februarii anno 111.

Anno 1268

## EPISTOLA DC.

Dilecto filio G. dicto (a) Bota civi Massiliensi.

*Certum eum facit de sua dilectione.*

**T**uam dudum dilectionem experti, quam erga nos multis indiciis comprobasti, cum minori fungeremur officio, scias illam à nostra numquam excidisse memoria, sed & nostra circa te numquam tepuit, immò eò sincerius te diligimus ad majora provecti, quò nunc habemus, quem amicum retroactis temporibus habebamus. Quocirca super bonis quæ de manu Domini recipis, & eidem vice versa refundis; plurimum gratulantes, discretionem tuam rogandam duximus & hortandam, quatinus more solito ad pietatis opera te exercens, de bono in melius incessanter proficias, ut de nostra dilectione securus, ab eo diligi, cujus licet immeriti vices gerimus, merearis. Datum *ut supra in proxima.*

Anno 1268



(a) Al. Rota.



## EPISTOLA DCI.

Carissimo in Christo filio regi Angliæ illustri.

*De causa comitissæ Leicestriæ.*

Anno 1268

**D**ilecti filii Boneti clerici ac procuratoris tui prudentiam & industriam meritò commendantes, eum tibi censem amabilem & favore benivolo carius amplectendum. Sanè petitiones quas tuo nomine nobis obtulit, diligenter inspeximus, respondentes ad singulas, prout Deo gratus esse credidimus, tuis quantum potuimus votis ac desideriis annuentes. Verùm super eo quod te, fili carissime, reputabas gravatum, quia dilectam in Christo filiam nobilem comitissam Leycestriæ de tua celsitudine conquerentem in nostra curia volebamus audiri adrespondendum termino tibidato, breviter respondemus, quod sic jura nostra servare volumus, ut tua nullatenus invadamus; sed donec liqueat ex forma petitionis quam offert, an ad forum nostrum pertineat ejus causa, aures ei claudere non valemus: quam tamen liberè remitteremus, si ipsa negotium prosequente, ex parte tua quicquid rationabile proponatur, per quod forum nostrum mediante justitia valeas declinare. Datum Viterbii vii. Idus Februarii anno III.

## EPISTOLA DCII.

Carissimo in Christo filio C. regi Siciliæ illustri.

*Ut duci & comiti Veneriarum navem mercibus onustam vi ventorum in Calabriam pulsam reddi faciat.*

Anno 1268

**J**uri divino consonat & humano, & naturalis æquitas persuadet, fideles quoslibet, & præcipuè principes Christianos quoslibet, afflictis compari, condolere dolentibus, & miseris misereri. Cum igitur nuper ex parte dilectorum filiorum ducis & comitis Veneriarum nobis fuerit innotatum, quod quædam eorum (a) tareda multis onusta mercibus, capta prius à Januensibus, & vi ventorum postmodum ad fines tracta Calabriæ, passa fuerit ibidem naufragium, & jam merces per Dei gratiam in potestatem venerunt gentis tuæ, serenitatem tuam rogandam duximus & hortandam, quatenus merces ipsas, quas sine salutis discrimine retinere non posses, eidem reddi jubeas & liberaliter assignari. Datum *ut supra in proxima.*

(a) Ex hoc loco patet Taredam seu Taretam aliud nihil esse quam navem onerariam, quam Tartanam vulgò appellant.

## EPISTOLA DCII.

Carissimo in Christo filio C. regi Siciliæ illustri.

*An melius sit ei hosti occurrere, an ad regnum suum reverti.*

**S**uper tribus deliberasse te novimus, nec sic in partem aliquam inclinatum, quin velis & valeas, si res exigat, mutare consilium, quod tam fixum ac solidum esse nequit rebus bellicis, quin id oporteat semel & sæpius pro locorum & temporum differentia variari. Sunt quidem aliqui qui te provocant ad eundem in hostis imprudentis occursum; sed non cogitant quæ requirant impendia, quæ discrimina secum trahat (b) involutio cum Lombardis, à regni finibus elongatio, & postremo prolixitas ipsa negotii, & multorum incertitudo casuum, qui nullo possunt consilio provideri. Sunt qui putant quod melius sis in Tuscia, inter regnum tuum medium & Lombardos, ut ad partem alterutram possis facile te convertere, si necessitas idem requirat. Nobis verò visum est hætenus, sicut pluries tibi scripsimus, quod in regno tuo esses utilius, ubi cornua multorum frangeres, & ingressos inimicos expelleres, te & tuos equis & armis instrueres, & finitimos ac remotos ampliori terrore concuteres, si terram tuam pacificè possideres. Quamvis autem nobis placuerit, quod audito hostis adventu, tuum in regnum reditum suspendisti, ut obsequentium ora clauderes, qui te fortè fugere dicerent, ad propria providè redeuntem: nisi tamen Papiæ fixerat ille gradum, & à te satis expectatus non venerit, quin ad regnum tuum redire valeas, sine nota confusionis cujuslibet non videmus, dimissa tamen Tuscis militia, quæ in eis primos hostis intrantis impetus ad tempus valeat sustinere, donec tu regno tuo pacato, & resumptis ibidem viribus, ad Tuscos redeas, si visum fuerit expedire, & posset esse quod interim Romam posses ad tuum obsequium inclinare: quod si fieret, ad tuorum dejectionem hostium tuumque cederet commodum & honorem. Etsi quid circa hoc in Tusciæ partibus occupatò fuerit attentatum, det Deus bonum exitum; sinistrum enim plurimum formidamus. Quia tua serenitas melius scire potest pro locorum conditionibus & illarum cum quibus militas personarum, quid te deceat facere, quid expediat, nihil certum volumus diffinire, nisi plenius nos instruxeris super his quæ nobis sunt dubia, tibi nota. Nos autem in ambiguo positi, nec nos volentes novis bellis involvere cum Romanis, ad terræ nostræ defensionem dabimus operam quam poterimus; & si, quod absit, regnum invadi contigerit in Apulia, consilium & auxilium quod poterimus dabimus genti tuæ. Datum Viterbii vii. Idus Februarii anno III.

(b) *Al. Involutis.*

## EPISTOLA DCIII.

Dilecto filio nobili viro H. &amp;c. Urbis senatori.

*Ut sua potestate modestè utatur.*

Anno 1168

**D**isplicet nobis plurimum quod contra fratres nostros, quos sincerè diligimus, tantum odium concepisti, qui cum te numquam nocuerunt, à te gravissimè sunt offensi. Sanè quod de comite Angulariæ nobis scribis, scire te volumus nobis esse prorsus ignotum: nam nec patienter ferremus quod in certis terris nostris quemquam offenderet, nec ei terram nostram dum innoxius fuerit honestè possumus inhibere. Tu ergo tuæ nobilitatis honorem attendens, utere omni modestia potestate quam habes: non enim est hereditarium, nec supra petram solidam est fundatum, cum ex multorum pendeat voluntatibus, quas juxta sui libertatem arbitrii frequenter vidimus & audivimus variari. Sed si justitiæ cultor extiteris, si acceptor non fueris personarum, si ab injuriis omnium abstinueris, tua patientia poterit solidari: sine his autem nedum impulsus ab aliis corrues, immò nec stare poteris nemine impellente. Datum Viterbii v. Idus Februarii anno III.

## EPISTOLA DCIV.

Dilecto filio nobili viro Manfredo &amp; Monello marchionibus Malæ-spinæ.

*Respondet eorum petitionibus.*

Anno 1168

**V**estras petitiones audivimus per dilectos filios O. sanctæ Mariæ in Via-lata & V. S. Eustachii diaconos cardinales diligenter expositas, ad quarum primam, de jure videlicet dilectæ in Christo filiæ matris vestræ, vobis breviter respondemus, quod parati sumus in nostra curia pacificè & benignè procuratorem suum audire. Nam tantum negotium Romanæ Ecclesiæ contingens patrimonium extra curiam committere non debemus, ne prædecessorum nostrorum morem laudabilem infringamus. Sanè quod secundo petistis committi vobis in terra Sardinia vicariam exaudire nequivimus; cum nec nos terram possideamus in pace; nec, si possideremus ad plenum eandem, conveniens videretur, quod nos nostros constitueremus vicarios, qui pro parte non modicâ petitores estis ejusdem. Scire tamen vos volumus quod & jus vestrum servare per omnia vobis volumus, & tam vestræ quam vestrorum majorum devotionis intuitu in quibus honestè poterimus honorare. Datum *ut supra in proxima.*

## EPISTOLA DCV.

R. Episcopo Albanensi apostolicæ sedis legato.

*Ut cracem prædicet adversus Sarracenos Luceria.*

Anno 1168

**S**arraceni Luceria, quam non meruerunt, apud carissimum in Christo filium C. illustrem regem Sicilia, præter spem omnium gra-

**A**tiam assecuti, nunc in arcum pravum conversi, rebellionis, prout dicitur, spiritum conceperunt, quod non sine justo Dei judicio credimus toleratum, ut in similibus rex ipse sit cautior, & novum eorundem delictum vetera faciat recenseri. Sanè cum eorum malitiis & infidelium aliorum qui adhærent eisdem sit modis omnibus obviandum, fraternitati tuæ per apostolica scripta mandamus, quatenus contra eos & falsos christianos eorum complices seu consortes crucem prædices, & per alios quos ad hoc idoneos reputaveris facias prædicari eam, omnibus qui crucem ob hanc causam receperint, indulgentiam largiturus, quæ pro terræ sanctæ subsidio laborantibus indulgetur, juxta distinctionem laboris & meriti in consilio generali contentam. Quod si eam per te vel alios prædicasti vel prædicaveris priusquam ad te litteræ præsentis pervenerint, quicquid per te super ea vel dandis indulgentiis illis est vel fuerit ordinatum, niti perpetua volumus firmitate, nec in aliquo trepides, immò solito sis constantior. Nunc est enim mundi judicium, nunc revelabuntur cogitationes, nunc granum in regno purgabitur, & à palea secernetur. Nec enim Ecclesiæ & regi resistere in longum poterunt infideles. Datum Viterbii II. Idus Februarii anno III.

## EPISTOLA DCVI.

Carissimo in Christo filio regi Bohemiæ illustri.

D

*Scribit ei de Corradini in Italiam conatibus.*

**E**Cce, fili carissime pandere tibi cogimur conatus fatuos adolescentis stolidi CORRADINI, qui vocatus à perfidis, in Italiam proficiscens primò venit Veronam, & inde contulit se Papiam, nitens subvertere, prout fertur, opus nobile quod in diebus nostris voluit Dominus operari, carissimum scilicet in Christo filium nostrum C. regem Sicilia illustrem mirabiliter promovens & sublimans. Sanè tua non credat sublimitas, quod eundem prævalere posse credamus: sed hæc tibi scribenda duximus, ut & ejus scias stultitiam, & tuorum insaniam vicinorum ducum Bavarie, qui puero puerilius sentientes, ductum eum ad Ligures, potiusve seductum in hoc periculo dimiserunt, quodam sibi custode dimisso, qui ducem Austriæ se appellat, Ceterum quia de tua bonitate confidimus, sinceritatem tuam rogandam duximus & hortandam, quatenus hæc, quæ parat infidelium machinatio contra matrem suam sanctam Romanam Ecclesiam tibi displiceant, & prudenter intelligas & benignè recipias quæ tibi dilectus filius Augustinus clericus tuus & nuncius ex parte nostra duxerit proponenda. Datum Viterbii III. calendas Martii anno IV.

Anno 1168

## EPISTOLA

## EPISTOLA DCVII.

Episcopo Lismorensi.

*De collectis pro terra sancta negotio.*

Anno 1268

**T**erræ sanctæ negotium eo semper favore prosequimur, ut quæ in ipsius deputata subsidium nosse possumus, in usus alios convertere seu transferre nullo tempore proponamus. Tuam sanè diligentiam commendantes, quam in quærendis & eidem negotio reservandis quæ in Hibernia debebantur juxta nostri mandati tenorem habueras, sicut nobis per tuas litteras intimasti, fraternitati tuæ per apostolica scripta mandamus, quatenus dilecto filio nostro O. S. Adriani diacono cardinali apostolicæ sedis legato respondeas de collectis, & colliges nihilominus colligenda, ut ejusdem terræ sanctæ necessitatibus valeat subveniri, quæ carissimi in Christo filii nostri Regis illustris & aliorum baronum Franciæ generale passagium malè poterit expectare, nisi opportunis subsidiis interim succiatur. Demùm super eo quod nobis de juven-  
dis cruce-signatis Hiberniæ significare curasti, ipsi legato nostram scribimus voluntatem. Datum Viterbii III. calendas Martii anno IV.

## EPISTOLA DCVIII.

Carissimo episcopo Albanensi apostolicæ sedis legato.

*Scribis ei de Corradino, de rebus Italiae & ecclesiarum diversarum.*

no 1268

**C**ORRADINUM noveris Papiæ cum gente non magna, nec bene instructa, multaque paupertate deprehen-  
sa, nec potest procedere, cum non audeat; nec retrocedere, cum via sibi non pateat; sed ibi sicut potest in dolore & angustia transit vitam suam, desertus ab avunculo ducē Bavarie & à Vitrico comite, Triburiensi, dimissus cuidam nobili, qui ducem Austriæ se appellat, licet nec passum pedis teneat in ducatu, quem in solidum possidet filius noster in Christo carissimus Bohemiæ rex illustris. Rex noster hactenus revocari non potuit à nobis requisitus, à Lombardis revocatus, ut Papiam obsideat, quod eidem quantum potuimus dissuasimus, & credimus quod plus eos retrahet defectus sumtuum, quam nostra dissuasio, quamvis sana. Verùm vastatis locis pluribus Pisanorum, & damnis inestimabilibus eis datis, & castris pluribus occupatis, castrum, prout dicitur (a) Mulceronis obsedit ad instantiam Lucanorum, quod infra paucos dies creditur obtenturus: & habet Marchiones Malæ-spinæ & (b) Pontremulum, & sic CORRADINO non patet transitus ad Pisanos, quo sic obstru-  
cto, regem credimus ad regnum prosperè rediturum. Nos autem misimus dilectum filium nostrum abbatem Casinensem ad partes Campaniæ pro stipendiandis sec. militibus in capi-

(a) Al. Mulceronis.

(b) Al. Pontem tremulum.

*Theauri Anecd. Tom. II.*

**A** tanei vel auxilium, vel prout tua fraternitas duxerit ordinandum. Machinationes verò GALVANI & JOHANNIS (c) de Marerio nos non latent, quibus ut possumus obviamus, lara sententia excommunicationis in omnes qui regnum invaserint, & si fuerit sub nostro & Romanæ Ecclesiæ dominio temporali, eos tamquam reos læsæ majestatis damnavimus, de omnibus terris Ecclesiæ in perpetuum relegatos, bonorum omnium amissione, & expositione corporum citra mortem & membri mutilationem multatos. **B** Senator Urbis quamvis de rege nostro sine ratione queratur, regnum invadere non intendit, immo scimus per aliquos nobiles se ab hujusmodi temeritate retraxisse, quo tamen in hac parte ducantur spiritu ignoramus; & ideo nihil diminui volumus de cautela. Ecclesiæ Surrentinæ præfecimus fratrem P. de Corneliaco. De aliis nondum deliberavimus. Sunt enim apud nos plurimi, qui nos incessanter infestant pro suis familiaribus cathedrands, quorum intentio satis patet. Sed nos tibi mittemus aliquos, quibus cum bona conscientia poteris providere. **C** Dilectus filius legatus Franciæ de equo cecidit, fractaque tibia languet aliquantulum; quæ consolidata ad plenum per Dei gratiam restitutus est sanitati. Obiit apud nos Wintoniensis episcopus, cui Vigornensem substituímus, magistrum scilicet NICOLAUM, quem vidisti Parisius regentem, nisi fallimur, in theologiæ facultate, & fratrem P. de Confluentia præfecimus Corinthiensi ecclesiæ, & Colinbriensem episcopum ad Ecclesiam Compostellanam transtulimus, & adhuc multæ Ecclesiæ ordinandæ supersunt, ad quas paratos cernimus pauperum religionum professores longè avidius quàm vellemus. Scribemus alia cum evenerint in bonum publicum, favente Domino, successum. De transcripto testimonii quod nobis misisti in publicum sermo non veniat. Scandalizaretur enim forsitan rex, si sciret, & notarius puniretur. Datum Viterbii VI. nonas Martii anno IV.

## EPISTOLA DCIX.

Episcopo Wintoniensi.

*De ejus ad Wintoniensem episcopatum translatione.*

**D**um pensaremus de provisione Wintonensis Ecclesiæ, quæ per mortem quondam J. Wintonensis episcopi, pastoris, erat regimine destituta, direximus confidenter ad personam tuam considerationis intuitum, & sperantes quod per tuæ celsitudinis studium poterat salubriter dirigi & utiliter gubernari, te ipsi Ecclesiæ præfecimus in episcopum & pastorem, licet præteritorum memoria nobis contrarium suggerere potuisset. Nosti enim, quod olim, dum minori officio constituti legationem suscepissemus in Angliam, te specialiter in appellationibus contra nos & processus nostros frivole interpositis cum aliis prælatis illarum partium invenimus non sine conspiratione deliquisse. Hoc autem

Anno 1268

(c) Al. De Laterio.

impedimenti causam tibi non præstitit, quin A  
voluerimus & honorare tuam personam, & etiam  
ipsius ecclesiæ commodo providere. Nemo sanè  
blandiatur, aut sibi tamquam tui fuerit procu-  
rator honoris, nec hujusmodi capiaris menda-  
ciis, cum habentes præ oculis solum Deum, te  
ad dictam ecclesiam transferendum duxerimus,  
ut Romanæ Ecclesiæ matri tuæ tantò quidem  
obsequaris humilius, quantò ab eadem merue-  
ras venerari. Quare fraternitatem tuam roga-  
mus & hortamur attentè, per apostolica scripta  
tibi mandantes, quatenus sic consultè in om-  
nibus te gerere studeas, & sic providè ad quæque  
salubria dirigaris, scilicet quod gratiam aposto-  
licæ sedis & nostram tua circumspèctio merea-  
tur, nec in posterum ex tuis eveniat actibus,  
unde reminisci culpæ præteritæ debeamus. Da-  
tum *ut supra*.

## EPISTOLA DCX.

Carissimo in Christo filio C. regi Siciliæ  
illustri.

*Nunciat illi mortem Mariæ filie regis  
Aragonum.*

Anno 1268 **P**ost recessum fratris G. de Tornoux, quidam  
venit de Aragonia clericus satis notus, no-  
bis nuncians viva voce claræ memoriæ MA-  
RIAM filiam carissimi in Christo filii nostri regis  
illustris Aragonensis naturæ debitum solvisse,  
cujus obsequiis interfuisse dicit, quæ tam patre  
quàm fratribus longè agentibus, congregatis  
prælati & baronibus in urbe fuit Cæsaraugu-  
stana sepulta. Datum Viterbii vi. Idus Martii  
anno iv.

## EPISTOLA DCXI.

Dilecto filio G. de Medio-bladi capitaneo regni  
Siciliæ citra Farum.

*Scriptisse in ejus favorem abbati Sancti  
Salvatoris.*

Anno 1268 **D**ilecto filio abbati S. Salvatoris nostris  
mandamus litteris, ut castra sua diligen-  
ter custodiens, inimicis regis, quos hostes Ec-  
clesiæ confitemur, nullum aditum, nullum con-  
silium, vel auxilium, seu favorem impendat,  
gentique tuæ se præbeat favorabilem & beni-  
gnum & opportunum, prout poterit, adiutorem.  
Sanè de castris Johannis de Marerio scire te  
volumus, quia licèt sint in imperio, sub nostræ  
tamen defensionis præsidio, favore, vel gratia  
non consistunt, dum regis inimicis adhærent.  
Datum *ut supra*.



## EPISTOLA DCXII.

Carissimo in Christo filio regi Franciæ  
illustri.

*Scribit ei in gratiam archiepiscopi Senonensis.*

**C**elsitudo regia, sicut credimus, non igno-  
rat, quod venerabilis frater noster archi-  
episcopus Senonensis ab olim felicitis recordatio-  
nis URBANI prædecessoris nostri, & postmo-  
dum camerarius noster existens, adeo feliciter  
nobis & Ecclesiæ Romanæ servivit, quod quàm-  
plurimum circa ipsum afficimur, & eum in ca-  
ritatis visceribus præ dilectione portamus.  
Dignè igitur ipsum plena benivolentia profe-  
quentes regalem magnificentiam paterno roga-  
mus & exhortamur affectu, quatenus eundem  
archiepiscopum, pro quo mentem nostram tibi  
fiducialiter aperimus, & ecclesiam suam habeas  
favorabiliter commendatos, sic eos sub regis  
favoris gratia confovendo, quod nostro tuum  
in hoc specialiter conformare beneplacitum  
dignoscaris. Quidquid enim sibi feceris gratiæ  
vel honoris, nobis reputabimus fore factum.  
Si verò, prout aliquis dicitur retulisse, dictus  
archiepiscopus tibi super eo delatus extiterit,  
quòd aliquod impedimentum contra te in ne-  
gotio decimæ præstitisset; profectò scire te vo-  
lumus delationem ejus non habere suffragium  
veritatis, cum ipsum tam tui quàm tuorum  
honoris & commodi percepimus intimum zela-  
torem. Et ideo tantum virum habeat circa talia  
tua magnificentia, quæsumus, excusatum. Datum  
Viterbii v. Idus Martii anno iv.

## EPISTOLA DCXIII.

Archiepiscopo Senonensi.

*Ut regi declaret archidiaconatum Senonensem  
à Papa conferendum esse.*

**E**X parte carissimi in Christo filii nostri regis  
Franciæ illustris nobis extitit supplicatum, Anno 1268  
ut super collatione archidiaconatus Senonensis,  
quem obtinebat electus, jus suum conservare-  
mus eidem. Nos verò qui beneficia quæ in curia  
vacare contingit nostræ dudum collationi re-  
servasse dignoscimur, decernentes irritum &  
inane quicquid per alium super eis contingeret  
impetrari, archidiaconatum eundem te con-  
secrato vacantem conferre liberè poteramus;  
sed sicut eidem regi antea scripseramus, colla-  
tionem distulimus, donec ipsum vidisses, &  
eidem jus nostrum plenius ostendisses. Licèt  
autem cordi sit in omnibus & per omnia jura  
regia conservare; quia tamen nostrum negli-  
gere nolumus, in his maximè quæ salutem res-  
piciunt animarum, fraternitati tuæ per aposto-  
lica scripta mandamus, quatenus viso rege, &  
jure nostro, quod multum est liquidum, ei ple-  
nius patefacto, dictum archidiaconatum aucto-  
ritate nostra vel magistro AIMERICO præcen-  
tori conferre ullatenus non omittas, nisi forsan  
ex parte regis ejusdem audiveris aliquid quod

te moveat ad collationem hujusmodi differendam: in quo casu processum tuum & dilationis causam nobis rescribere non omittas. Ceterum si, prout dicitur, quod non credimus, idem rex nobis non defferens, sicut nos ei detulimus, archidiaconatum cuiusdam contulit memoratum, suspendas ab officio & beneficio possessorem, præfixo eidem termino peremptorie duorum mensium, quo se nostro conspectui personaliter repræsentet. Quod si nondum possessionem apprehendit ejusdem; aut eidem renunciet, aut citatus veniat, ut est dictum, pariter & suspensus. Datum *ut supra*.

## EPISTOLA DCXIV.

Dilecto filio G. de Medio-bladi, &c.

*Corradinum ad extremas redactum esse angustias.*

Anno 1268

**L**itteras tuas, quas nobis per latorem præsentium cum interclusis duabus aliis transmisisti, læti recepimus; quas & carissimo in Christo filio nostro regi Siciliae illustri mittimus, per quem inimicorum cornua confringentur. CORRADINUS Papiæ somniat egestate depressus, & gentem habens modicam, vilem etiam, nec armis instructam, quem, si venire vellet, parva satis impediret militia, cum castra in via posita, in manu regia jam sint data. Pascat igitur GALVANUS Siculos suis mendaciis, pascat & quivis alius. Cito quidem mendaces & perfidi subvertentur, & procedet liberè veritas, & impii in tenebris conrescent. (a) Datum Viterbii (a) XVII. calendas Aprilis anno IV.

## EPISTOLA DCXV.

Ad Theobaldum Navarrae regem.

*Commendat ei electum Pampilonensem.*

Anno 1268  
Ex cartario  
Campania.

**C**LEMENS episcopus servus servorum Dei carissimo in Christo filio regi Navarrae illustri salutem & apostolicam benedictionem.

Ad hoc sollicitudo nostra invigilat, & cura habetur propensior, ut viduatis ecclesiis possit de prælatis utiliter provideri: quia tunc dominicus græx rectè dirigitur, & in saluberrimis pascuis commoratur, si præsidentes ei pastores vitam exornant moribus honestatis, & plebem sibi creditam ad salutem erudiunt ipsam reficiendo pabulo verbi Dei. Sanè Pampilonensis ecclesia pastoris solatio destituta, major pars capituli ejusdem ecclesiae dilectum filium PELEGRINUM archidiaconum mensæ in ipsa ecclesia in Pampilonensem episcopum concorditer elegerunt. Sed hujusmodi electionis negotio per appellationem ad sedem apostolicam legitime devoluto, nos in negotio ipso dilectum filium nostrum R. sancti Angeli diaconum cardinalem dedimus partibus auditorem. Comparentibus itaque dilectis filiis Petro Sancio clerico procuratore eligentium archidiaconum memora-

*Theauri Anecd. Tom. II.*

tum, qui electionis hujusmodi prosequeretur negotium, ac Raimundo Guillelmi, Johanne Petri canonicis dictæ ecclesiae, qui se ipsi electioni pro se dumtaxat opponebant, coram cardinali prædicto, oblatoque libello, ac lite in causa hujusmodi coram eo legitime contestata etiam de veritate dicenda præstito à partibus juramento, factisque positionibus, & ad quasdam earum responsionibus subsecutis, tandem Raymundus & Johannes prædicti proposuerunt contra archidiaconum ipsum, quod tantum patiebatur in litteratura defectum, quod penitus erat inhabilis ad obtinendam pontificalis apicis dignitatem. Propter quod nos ipsum archidiaconum ad nostram fecimus præsentiam evocari. Prædicto itaque archidiacono in nostra præsentia constituto, quidam clerici asserentes se procuratores esse quorundam canonicorum & personarum prædictæ ecclesiae ipsorum nomine, super hoc de novo se opposuerunt archidiacono memorato. Unde dictus archidiaconus diligenter attendens, quod præfata ecclesia, propter vacationem diuturnam poterat in spiritualibus & temporalibus incurrere detrimentum, juri quod sibi ex electione hujusmodi fuerat acquisitum, cessit in manibus nostris spontanea voluntate, nobis humiliter supplicans, ut de persona idonea provideremus eidem. Nos igitur profectibus ipsius sollicitè cogitantes, & ne ipsa Pampilonensis ecclesia ex iteratæ dissensionis dispendio pateretur enorme discrimen, de tali eidem persona providere volentes, quæ subditis verbo proficeret & exemplo, de dilecto filio ANDENAGOGO archidiacono Toletano capellano nostro, viro utique scientia prædito, honestate morum & conversatione laudabili commendato, de fratrum nostrorum consilio eidem Pampilonensi ecclesiae duximus providendum, firmam spem fiduciamque tenentes, quod sæpe dictam ecclesiam auctore Domino, salubriter gubernabit. Quocirca celsitudinem regiam rogamus & hortamur attentè, quatenus electum ipsum ad commissam sibi divina & apostolica auctoritate providentia prædictam Pampilonensem ecclesiam cum gratiæ nostræ plenitudine accedentem habens propensius commendatum, sibi & eidem ecclesiae favorabilem & benevolum te impendas: ita quod exinde tibi Deum reddas propitium, & sedem apostolicam in tuis beneplacitis promptiorem. Datum Viterbii XVI. calendas Aprilis, Pontificatus nostri anno IV.

## EPISTOLA DCXVI.

R. episcopo Albanensi apostolicæ sedis legato.

*Ut abbatem de Puzalia ad aliam ipsi convenientem transferat abbatiam.*

**C**UM dilectus filius Ar. abbas monasterii (b) de Puzalia Sabinensis diocesis dudum prædecessorum nostrorum & nostro tempore com-

(a) Al. XVI. Calendas.

(b) Al. Puzilia, Al. Puzalia.

O o ij



missa sibi in illis partibus Ecclesiæ Romanæ negotia utiliter administrans, fidele semper eis obsequium præbuerit & devotum: nunc autem propter malitiam temporis in monasterio suo non possit proficere, prout animæ salutis & ejusdem utilitati monasterii expediret: nos attendentes quod qui fidelis invenitur, in pace debet constitui supra multa, eum ad te duximus destinandum, fraternitati tuæ per apostolica scripta mandantes, quatenus aliquam abbatiam de nunc vacantibus infra tuam legationem, quam sibi magis convenire videris, transferre procures, contra, &c. Datum Viterbii XII. calendas Aprilis anno IV.

## EPISTOLA DCXVII.

R. episcopo Albanensi apostolicæ sedis legato.

*Ut abbatem S. Theodori de Trebis episcopum ordinet.*

Anno 1268

**D**ilecti filii Bartholomæi abbatis S. Theodori de Trebis capellani nostri fidelitatem & industriam attendentes, quod in commissis sibi & dilecto filio magistro B. de Castaneto capellano nostro collega suo in Lombardia, Ecclesiæ Romanæ negotiis plenè probavimus, qui talentum sibi creditum multiplicatum mirabiliter reportavit, eum ad te duximus destinandum; fraternitati tuæ per apostolica scripta mandantes, quatenus eum quem propter suam conversationem laudabilem, litterarum scientiam competentem, & alia ipsius merita probitatis, & quia eum firmiter credimus zelum animarum habere, dignum pontificali reputamus honore, in aliqua tuæ legationis ecclesia cathedrali de nunc vacantibus, quæ plus quieta & Campaniæ sit vicinior, in episcopum præficias & pastorem, &c. Datum, *ut supra.*

## EPISTOLA DCXVIII.

Anno 1268

**D**ilecto filio provisorio pauperum magistrorum & ipsis magistris in theologica facultate studentibus in vice ad portas ante palatium de Terminis Parisiensibus sub communi vita degentibus salutem & apostolicam benedictionem.

*Eorum approbat institutum.*

Suadente vobis gratia bonitatis, quæ sacræ paginæ cupitis muniri dogmatibus, & in his alios erudire, in unum convenistis, & vivendi commercium, & commune vobis habitaculum elegistis. Volentes itaque vobis & statui vestro apostolicum exhibere favorem, convictum, aliàs conventum, cohabitationem vestros duximus approbandos, jure venerabilis fratris nostri Parisiensis episcopi semper salvo: inhibentes ne quis domos, possessiones, & alia bona vestra, quæ in præsentis possidetis, aut in futurum habere poteritis, ipsa occupare præsumat. Nihilominus quoque statuimus, ut te filio provisorio obeunte,

**A** nullus in locum tuum per fraudis astutiam apponatur, nisi quem loci archidiaconus, cancellarius Parisiensis, ac magistri Parisius actu regentes in theologica facultate, nec non decretistarum & medicorum decani, rector universitatis Parisiensis, procuratores quatuor nationum communiter, vel major pars eorum duxerit deputandum & apponendum. Item quod provisor in congregatione vestra pauperes magistros & idoneos qui rexerunt in artibus, de quacumque sint natione, possint admittere, & exinde minus idoneos amovere, qui & de dictorum magistrorum receptis & expensis annis singulis archidiacono, cancellario & aliis supradictis vel aliquibus ex ipsis, vel majori parte ipsorum, qui ad hæc extiterint deputati, teneantur reddere rationem. Archidiaconus insuper, cancellarius, & alii memorati, seu major pars eorum provisorum quem duxerint statuendum (a) admoveere valeant, prout viderint faciendum, &c. x. calendas Aprilis, Pontificatus nostri anno IV.

## EPISTOLA DCXIX.

Episcopo Magalonensi.

*Ut xl. libras Terræ-sanctæ subsidio destinatas collectoribus decimæ consignet.*

**C**um sicut intelleximus, dilectus filius Pontius Armandi rector ecclesiæ de (b) Monte-aureo Uticensis diocesis de mandato tuo penes Jo. Columberii Campforem de Monte-pessulo deposuerit xl. libras Turonenses, quas idem rector juxta mandatum nostrum dare in Terræ-sanctæ subsidium tenebatur, fraternitati tuæ per apostolica scripta mandamus, quatenus hujusmodi xl. libras à dicto Campfore aut alio quolibet, qui eas penes se habuerit, recipias, easque collectoribus decimæ carissimo in Christo filio nostro L. illustri regi Franciæ pro dicta Terræ-sanctæ subsidio concessæ non differas assignare, contra, &c. rescripturus nobis per tuas patentes litteras quidquid duxeris faciendum. Datum Viterbii II. Idus Aprilis anno IV.

Anno 1268  
(6)

## EPISTOLA DCXX.

Carissimo episcopo Albanensi apostolicæ sedis legato.

*Scribit ei de Corradino.*

**Q**uarta feria ante festum pascalis hebdomadæ regem læti suscepimus, qui apud nos adhuc moratur regnum suum proximè intraturus. CORRADINUS autem in die coenæ Domini in Pisanorum navigiis Pisas intravit, quingentos, ut fertur, milites secum habens, nec ausus fuit Pisas venire per terram, cum rex noster loca media inter Papiam & Pisas ad

Anno 1268

(a) F. Amerino.

(b) Al. De monte Arcosolo.

suam traxerit voluntatem. Quo autem exinde A  
idem CORRADINUS sit iturus adhuc scire non  
possumus, quibusdam asserentibus cum navigio  
venturum ad Urbem, aliis existimantibus quod  
intret aliquam partem regni; aliis verò dicen-  
tibus quod intrabit Siciliam, se suis ibi fautoribus  
adjuncturus. Sanè vix scire possumus quod Urbs  
eum recipiat, vel quod regni locum aliquem  
circa Farum audeat ingredi cum tam modica  
comitiva, nisi sit aliqua tractata proditio, cujus  
indicia non habemus. Si tamen intraret Sici- B  
liam, ubi fortè nocere plus posset propter po-  
puli levitatem, è contrario posset ibi facilius  
comprehendi. Quocumque tamen ierit, regem  
habebit ad talos, qui super omnia desiderat ejus  
occursum. Verum placet nobis quod princeps  
& alii qui sunt Fogiæ & alibi contra Luceriam  
parcant (a) aggressibus, regem suam infra quin-  
denam, ut credimus, habituri, qui Saracenos  
& alios perfidos exterminabit, veniens de regno  
suo scandala sublaturus, qui cum toto exercitu  
feria secunda post pascha de manu nostra, &  
illorum quibus commisimus, recepit vivifica C  
crucis signum: quod si malitiam Campanorum,  
de qua tibi scripsimus non vidisti; non miretur  
tua fraternitas; nam ex cogitata fraude impe-  
dimentum ejus extitit in Campania procura-  
tum, prout dilectus filius abbas Montis Casini  
tibi plenius enarrabit. Confortare igitur, frater  
carissime, alios consolare, nec audita te mo-  
veant, cito enim videbis & audies Dei magnalia,  
quæ mirabiliter operabitur in erectione fide-  
lium, & depressione novissima damnatorum.  
Datum ut supra.

## EPISTOLA DCXXI.

Dilecto filio abbati Monasterii S. Johannis  
Angeliacensis.

*Ejus laboribus congaudet.*

Anno 1268

Bonorum laborum gloriosus est fructus, &  
idcirco non tam compati quàm congaudere  
tuis laboribus debemus, in quibus & apostolicæ  
sedis gratiam promereris, & æternæ beatitudi-  
nis præmium cum fiducia præstolaris. Per siste  
igitur in inceptis. Jam enim auxilium est in  
promta, prout plenius hoc intelliges ex litteris,  
quas venerabili fratri nostro Albanensi episcopo  
destinamus. Datum ut supra.

## EPISTOLA DCXXII.

Episcopo Reatinensi.

Anno 1268

Fraternitati tuæ per apostolica scripta man-  
damus quatenus nostrum depositum apud  
te & dilectum filium abbatem Casinensem mo-  
nasterii assignatum, eidem tradas præsentem  
tibi litteras assignanti. Datum ut supra.

(a) *al.* Aggressionibus.

(b) *al.* De Soletis.

## EPISTOLA DCXXIII.

Carissimo in Christo filio L. regi Francorum  
illustri.

*Respondet ad plura ab eo postulata.*

Vementes ad præsentiam nostram dilectos A  
filios fratrem JOHANNEM de Manso or-  
dinis fratrum Minorum primò, & postmodum  
HENRICUM de (b) Consentiis marescallum  
tuum diligenter audivimus, & quæ tuo propo- (b)  
suerunt nomine pleno collegimus intellectu.  
Jam sanè super singulis, nisi fallimur, respon-  
sum acceperas, quod nunc reperimus, ut pa-  
terter intelligas, an super eis aliquid desit. Ad  
primum quidem articulum de dilectis filiis J.  
comite Nivernensi & P. natæ tuæ, ac R. Atre-  
batenfi comite à nullo excommunicandis ex  
causa quacumque, dudum tibi respondimus,  
vel tuis nunciis, quod gravis est petitio, quæ  
ordinariorum jurisdictionem absorbet, nec um-  
quam tibi vel alii dari debuit, quamvis tibi  
(c) concessa fuerit illo dumtaxat obtentu, quia (c)  
sedes apostolica de te specialiter bene præsu-  
mens, non te facile credidit ea committere,  
propter quæ justè valeas anathematis sententia,  
licet medicinali, feriri, & sicut alias tibi scrip-  
simus, indulgentias tales dare nihil aliud est,  
quàm prælatos inermes exponere principum  
aggressionibus. Sunt enim & reges alii ac infe-  
riores barones, qui à nobis petentes similia,  
non absque scandalo sunt repulsi, quos licet  
tibi credamus meritis impares, malè tamen  
sonat hæc excusatio in auribus eorumdem, ut  
scilicet in depressionem eorum tuæ laudis titulos  
attollamus. Non enim omnibus omnia verò  
placent: sed nec prælati libenter hæc audiunt,  
ut de tua potius innocentia, quàm eorum pru-  
dencia ac modestia præsumamus. Habes autem  
legatum tuum tecum, habes archiepiscopos  
bonos viros, per quos potest oppressis consuli,  
& inferiorum excessus censura debita castigari.  
Quare nec tuam petere magnitudinem, nec  
nostram concedere decet providentiam, quod  
illorum jurisdictionem evacuat, qui nobiscum  
onus portant officii pastoralis, quorum multum  
honoris detrahatur, si de tribus adolescentibus  
quantumcumque sint bonæ indolis præsumatur,  
quod majori discretionem polleant in vitandis  
excessionibus, quàm exacta gravitatis pontifices  
in eisdem pro tempore corrigendis.

Quod secundò super Cisterciensium decima  
requisiti, dudum fuerat expeditum, cum super  
ea dilecto filio nostro S. tituli S. Céciliæ pres-  
bytero cardinali apostolicæ sedis legato, prout  
ante petieras, scripsissemus.

Quod tertio de captivis Gajetanæ domus  
petisti, placet nobis multum, ad quorum libe-  
rationem intendimus, sicut possumus, nec spe-  
ramus eosdem nisi in manu valida dimittendos,  
sed in Deo confidimus, quod consanguinei tui

(c) Istud privilegium S. Ludovico concessit Alexander papa  
iv. dato diplomate pontificatus sui anno 2. edito Specilegii rom.  
6. pag. 486.

tyrannidi Romani cives in patientia solita citò A colla subducent.

Quarto loco patienter audivimus quæ carissimum in Christo filium nostrum C. illustrem regem Siciliae contingebant, super quibus dilectus filius frater Jo. de Manso nostrum tibi referet viva voce responsum.

(a)

Quintò verò pro (a) Ægidia paupere muliere venerabili fratri nostro P. Senonensi archiepiscopo scribimus bono modo. Quamvis enim religionem, quam non habemus ut deceret, in nobis, in aliis diligamus; religiones B tamen multiplicare volentibus non favemus.

Ultimò de legatis duobus tibi plenè respondimus, & nunc maximè per dilectum filium magistrum B. de Castaneto capellanum & subdiaconum nostrum, per quem etiam nosse potes quare legatio in Teutonium tantum fuerat prorogata. Demùm de blasphemis & pœnis blasphemantium deliberare volumus, ut respondere certius valeamus. Datum Viterbii xvii. calendas Maii anno iv.

## EPISTOLA DCXXIV.

Episcopo Senonensi.

*Quod possit satisfacere desiderio Ægidie pauperis domum religiosam edificari cupientis.*

Anno 1268

(b)

A Carissimo in Christo filio nostro regi Francorum illustri fuimus requisiti pro (b) Ægidia paupere muliere parochiana tua, ut eidem volenti domum religiosam construere, apostolicum dignaremur impertiri favorem. Nos verò qui religionum multiplicationem nequaquam amplectimur, aures nostras hactenus petitioni regie nolimus aperire, sed nunc tuæ duximus prudentiæ committendum, quatenus quantum cum Deo poteris, sine juris præjudicio alieni, vitato scandalo, honesto desiderio prædictæ satisfacias mulieris: & si quod tibi dubium circa illud occurrerit, si consilio nostro indiges, scribere nobis poteris responsum. Datum ut supra.

## EPISTOLA DCXXV.

Carissimo in Christo filio C. Regi Siciliae illustri.

*Constituit eum imperii vicarium in Tuscia.*

Anno 1268

A Multo tempore scissuris variis provinciam Tusciae laceratam ad pacem reducere cupientes; te, cujus in majoribus longè negotiis fidem probavimus & industriam, in ipsius Tusciae finibus Romano subjectis imperio, dudum constituimus Paciarium; sed cum pacis filios in diversis civitatibus & locis earum partium non inveneris, immò potius turbatores, ne officii commissi tenuitas nostrum possit propositum & tuum impedire processum, nos qui fluctuantis imperii curam gerimus, te vicarium ipsius im-

(a) Al. Edigia.

(b) Al. Edigia.

perii in dictis partibus constituimus generalem. Confortare igitur, fili carissime, & esto robustus, & sic stude quod injungitur exequi, ut qui pacem diligunt, pacem habeant, & qui eam turbare voluerint, ejus beneficio careant, damnaque propria culpa senserint, non utique nobis aut tibi, sed temerariis suis ausibus adscripturi. Datum Viterbii xv. calendas Martii anno iv.

## EPISTOLA DCXXVI.

Universis Christi fidelibus in Tusciae partibus Romano subjectis imperio constitutis.

*Ejusdem argumenti.*

A Multo tempore, &c. usque constituimus Anno 1268 generalem verbis prudenter mutatis. Quocirca universitati vestræ per apostolica scripta districtè præcipiendo mandamus, quatenus in prædictum regem sicut ejusdem imperii in illis finibus generalem vicarium intendentes, tam ei quàm ipsius vicem gerentibus fideliter & devotè pareatis. Nos enim tam multas quas (c) induxerint, quàm processus eorum habitos in rebelles ratos habebimus, & usque ad satisfactionem condignam faciemus inviolabiliter observari. Datum ut supra.

(c)

## EPISTOLA DCXXVII.

Dilectæ filiae in Christo nobili mulieri Isabellæ carissimæ in Christo filii nostri illustris regis Franciæ germanæ.

*De capite S. Pauli.*

S Cias, filia, apostolorum capita Romæ indubitanter haberi, quæ felicitis recordationis GREGORIUS Papa ix. prædecessor noster de Sanctis Sanctorum suis manibus extrahens, Romano populo patenter exhibuit, & in locum suum restituit cum debita reverentia præsentibus & scientibus universis. Quod si forsitan caput B. Pauli apostoli apud te esse putes, depone conscientiam, ne fallaris, nec proponas scandalum matri tuæ Ecclesiæ Romanæ, quæ deceptionem hujusmodi non posset æquanimiter tolerare. Si verò Græci aliquo tempore se illud habere dixerunt, ne mireris. Nam odio Latinos habentes facile tibi formaverunt mendacium, qui de fide mentiri catholica, quod est majus, minimè dubitarunt. Bene igitur facies, si quod habes dilecto filio nostro S. tituli S. Cecilie presbytero cardinali apostolicæ sedis legato nomine nostro reddideris, nobis per eundem mittendum: ne si ad alias manus devenerit, possit inde cum erroris periculo scandalum suscitari. Datum Viterbii xiiii. calendas Maii anno iv.

Anno 1268



(a) Al. Indixerint.

## EPISTOLA DCXXVIII.

Dilecto filio nobili viro comiti Pictavenfi.

*De subsidio ei præstando.*

Anno 1268

**D**ilectum filium fratrem Philippum ordinis fratrum Minorum, quem ad nostram destinasti præsentiam benignè recepimus, & super his quæ ex parte tua coram proposuit nobis, audivimus patienter, & petitiones quas nobis tuo nomine obtulit liberaliter admisimus, quantum nostram honestatem decuit. Sanè super tui subsidio passagil tua noscat nobilitas, quod nihil certum tibi ad præsens possumus respondere, donec legatum in Alamanniam destinemus. Sed tunc auxiliante Domino, poterimus inde necessitati tuæ consulere. Datum Viterbii v. calendas Maii anno iv.

## EPISTOLA DCXXIX.

Dilecto filio decano &amp; capitulo ecclesiæ Insulensis Tornacensis diocesis.

*Ut possint præpositum sibi influere.*

Anno 1268

**V**estrae compatiens ecclesiæ longis retro temporibus in manum data juvenum, qui neglectis spiritalibus, prout dicitur, malè satis temporalia tractaverunt, providendi de persona idonea, in præpositum assumenda, quæ sit in sacris ordinibus & ætatis legitimæ ac scientiæ competentis, auctoritate præsentium vobis concedimus facultatem. Quod si nostra forsitan abusi gratia secus facere præsumseritis, ad irritum esse decernimus & inane. Datum Viterbii iv. calendas Maii anno iv.

## EPISTOLA DCXXX.

Carissimo in Christo episcopo Albanensi apostolicæ sedis legato.

*Rogem te suum regnum proficisci, & et salutaria dedisse monita scribis.*

Anno 1268

**E**xivit heri Viterbio filius noster in Christo carissimus C. rex Siciliæ illustris in regnum dirigens iter suum, ad Sarracenorum Luceriæ & aliorum perfidorum exterminium animatus, cui inter cetera illud duximus specialiter injungendum, quod in restitutionibus faciendis non se reddat difficilem, cum ad eas sit artificimè obligatus, sed & multa in fratrum nostrorum præsentia ei diximus, quæ ad plenam ordinationem domus suæ & regni pertinent: quæ si, prout speratur, impleverit, honor erit Dei, & pax ejus ac omnium subditorum. Subacta verò Luceria, bonum credimus, te relicto in regno vicario, prout aliàs tibi scripsimus, ad nostram præsentiam properare, legationis officio non deposito, ut super his quæ nosti tecum familiariter conferamus, & tuam, ut optamus, faciem

A videamus. Datum Viterbii calendis Maii anno quarto.

## EPISTOLA DCXXXI.

Dilectæ filiæ (a) Alviciæ relicte Guillelmi Bulbonensis militis. (a)

*Neptem consolatur de morte viri sui, eamque à secundis nuptiis dehortatur.*

**A**d compassionem nos excitant erga te, Anno 1268  
filia, flagella Domini, quæ tibi pro suæ beneplacito voluntatis infixit, quæ tamen si prudenter & æquanimiter tuleris, prodesse tibi poterunt ad salutem. Vivente siquidem viro tuo, cujus te Deus subjecerat pro lege matrimonii potestati, te vidimus patientem incommoda, ad quorum relevationem operam dedimus, & suasionibus pluribus te prævenimus, sed nec profecimus ut voluimus, aut quia Deus noluit, aut quia tu nostris consiliis acquiescere noluisti: sed à lege viri soluta, plura, ut dicitur, pertulisti cogitationibus variis perturbata: adeo quod, ut fertur, ad secundum interdum conjugium aspirasti, quod miserabile judicavimus, quod non tam veritas, quàm quoddam somnium videbatur, cum ad illud non sis idonea, nec tibi sit utile virili denuò jugo subijci, status tui qualitate pensata, quod in tantum notum est nobis, ut nos credere non oporteat assertionibus alienis. Sanè quia per tuas litteras frequenter recepimus de germano tuo querelas, de eundem super his allocuti, & ipsius duritiam, si fuisset verum quod scripseras, durius increpantes, ab eodem accepimus quod circa te misericordem se semper exhibet & exhibuit ac benignum, nec de bonorum tuorum fructibus aliquid tibi subtrahit. Immo placet eidem quod ipsos habeas, & in tuam utilitatem convertas, quamvis bona ipse ne pereant tibi semper studuerit conservare. Cum sit ergo vir prudens, & juxta vires suas tuis velit necessitatibus subvenire, tibi bona fide consulimus, & tamquam nepti dilectæ mandamus, quatenus te ipsius regas consilio, nec te ipsam improvida cogitatione perturbes. Nos enim ei præcepimus quod fragilitati tuæ benevolè condescendat, si nostram gratiam caram habet: sed & tibi sub eadem comminatione præcepimus, quod tu ipsi reverentiam exhibens ut majori, in statu quem Dominus tibi dedit in paterna domo vivas pacifica, humilis, & quieta, & memòr bonæ memoriæ matris tuæ, quæ inter amaritudines & immunditias hujus sæculi impolluto calle pertransiens, & Deo placuit quem elegit, & mundo nihilominus quem contempsit. Nos autem dilecto filio & capellano nostro magistro N. rectori ecclesiæ Castri Volubricæ nostris damus litteris in mandatis, ut sive ex parte ipsius, sive ex parte tua mandatum nostrum fuerit violatum, nobis plenam rescribere non differat veritatem, ut contra culpabilem gravius procedamus. Datum ut supra.

(a) Al. Alaisiæ.

## EPISTOLA DCXXXII.

Dilecto filio magistro N. rectori ecclesie  
Volubricæ capellano nostro.

*Scribit in gratiam neptis sue, quæ se gravatam  
à fratre querebatur.*

Anno 1288

(a)

**A**fflictis compati nos oportet, illis tamen præcipue quos tetigit manus Domini, cujus inscrutabilia sunt judicia, cujus nemo potest resistere voluntati. Sanè (a) ALAZACIA neptis nostra relicta G. de Bulbon militis, ex ægritudine quadam quam habuit, rationis usu non modicum hebetato, in quamdam venerat insipientiam, antequam nostram Provinciam exiremus, quod à quibusdam suis conceptibus nec minis nec blanditiis poterat cohiberi. Nam & nos in utrisque defecimus, sed damnare nolimus nostris consiliis acquiescere non valentem potius quam nolentem. Verum sæpe nobis per suas litteras deferentem quod ALPHANTUS germanus ipsius eidem erat & fuerat inhumanus, nunc per nostras consolamur, comminatione subiecta, quod sive ipsa in non credendo fratri qui major est ea, sive frater in ejus gravamine vel neglectu culpabilis fuerit, contra delinquentem gravius procedemus: cujus rei te conscium esse volumus & nobis rescribere veritatem. Quocirca discretionis tue per apostolica scripta mandamus, quatenus ipsam visitans aliquando, scias statum & defectum ipsius, & arguas ejus duritiam cum modestia, ne forsitan exasperata graviter gravius excandescat. Videas etiam & scire velis, qualiter fratres & domus ejus se habeant ad eandem, & quantum poteris sedes eos, & finaliter quod inveneris nobis rescribere non omittas. Datum Viterbii *ut supra*.

## EPISTOLA DCXXXIII.

Dilecto filio P. Rambaldi & G. uxori ejus.

Anno 1268

**S**cripsimus vobis nuper, nec occurrit aliud quod scribamus, nisi quod Dominum timeatis, & mandata ejus fideliter observetis, qui eum timentibus nihil deest necessarium ad salutem. Statum autem nostrum ALPHANTUS nepos noster lator præsentium vobis dicet. Datum *ut supra*.

## EPISTOLA DCXXXIV.

*In eodem modo dilectæ filiæ Cecilie Fulcodiæ  
plurali in singulari mutato.*

## EPISTOLA DCXXXV.

Dilecto filio nobili viro JOHANNI AMBALDO  
proconsuli Romanorum.

*De excessibus Romæ commissis.*

Anno 1268

**A**B antiquis retrò temporibus Urbs Romana contumaces sibi subjiciens nationes,  
(a) Al. Alaicia.

**A** & regum plurium balteis dissolutis, in superbiam posita, sanctorum apostolorum demum honorata præsentia, & eorundem sanguine consecrata, illum excellentiæ gradum attigit, ut in ea prælationis duplicis, sacerdotii scilicet & imperii collocata fastigio, corporali spatio minor orbe, major dignitate, cuilibet non tam jure quam suis viribus antea præfuisset; ex tunc tamen titulo meliori prælata, pontificalis honorem cathedræ divinæ beneplacito voluntatis obtinuit, & imperialis excellentiæ gloriam quam demeruerat non amisit. Non hoc sanè illius temporis debebatur hominibus sanguinis effusoribus innocentis; sed ille cujus oculis nuda sunt omnia, fidelem populum & catholicum in eadem pro tempore nasciturum præviderat, qui sanctorum honoraret reliquias, subjectionis debitæ reverentiam successoribus apostolorum impenderet, dotaret, & ditaret ecclesias, & ministros enutrirer earum per terras suæ ditioni subiectas, cultum divini numinis ampliaret: quod probavit felicissimus rerum exitus ex illius ordinatione procedens, qui in sua dispositione non fallitur, dum tales multo tempore genuit Roma filios, tales educavit alumnos, qui præmissis & aliis pietatis operibus jugiter insistentes, orbis climata bonitatis suæ radiis illustraret. Hinc est si quidem quod non leviter nos conturbat, non mediocris nostrum vel fratrum nostrorum animos perpungit doloris aculeus, quod in Urbe tam clari nominis obscuratum videtur aurum, & color optimus immutatus, dum in ipsa mutatis legibus, & juris fœdere dispensato, spoliatur ecclesiæ, rapiuntur deposita, malè tractantur clerici, carceri mancipantur: quæ quamvis sapientibus displicere credamus, magnam tamen in sua gloria ponunt maculam, qui peccatis alienis communicant, dum ea fieri patiuntur. Quid enim superest, nisi ut ipsa Veronica cum apostolorum capitibus transportetur, & Urbs tanto spoliata thesauro, confusio- nis induta diploide, hanc in æternum quod lugeat, & à tantis dilapsa divitiis non adjiciat in perpetuum ut resurgat. Ecce tibi & aliis Urbis nobilibus Urbs ipsa relinquitur. Contestamur omnibus fusum pro cunctis sanguinem crucifixi: proponimus sanctorum pignora inibi constituta, quorum sedes ausu sacrilego invaduntur, quorum violatur securitas, quorum ministri viriliter conculcantur. Requirit hoc Deus ab omnibus qui dissimulant, & qui ejus injurias non defendunt. Quocirca nobilitatem tuam rogamus duximus & monendam, ac per aspersio- nem Dominici sanguinis adjuvandam, quatinus ante mentis reducens oculos tam honores quam commoda, quæ domus tua per Romanam recepit Ecclesiam, tantis ejus occurras opprobriis, tantis periculis obvies; alioquin cum non sit artior solito manus Domini, per viam aliam laborabitur, & tu semper inexcusabilis remanebis. Datum Viterbii v. nonas Maii anno quarto.

*In eodem modo P. Proconsuli Romanorum.*

EPISTOLA



## EPISTOLA DCXXXVI.

Dilecto filio O. Veronensi electo ducatus Spoleti  
& Marchiæ Anconitanæ rectori.

*Firmanis si redire ad gremium ecclesiæ voluerint  
promittit conductum.*

Anno 1168

**Q**Uantumcumque profundè peccaverint insolentes Firmani, quia tamen ad nos volunt accedere sub conductu, nos eorum nuncios seu syndicis, si parati veniant nostris stare mandatis, ad nostrum parere arbitrium, absolute conductum dedimus, & recipiemus eosdem. Quod si nobis illuserint, sicut hactenus, erit culpa illorum gravior suo tempore ferienda: nunc quidem à rege militiam habere non possumus, cum magnam in Lombardia, majorem in Tuscia, magnam in Urbis finibus, & magnam in Siciliam sit missurus. Expedito tamen facto Luceriæ, credimus quod habere possemus. Illud scias quod tædet nos plurimum expendere semper in Marchia, in qua modicum aut nullum invenimus fidei fundamentum. In prædicanda verò cruce supersedeas, si videris expedire. Datum Viterbiæ iv. nonas Maii anno iv.

## EPISTOLA DCXXXVII.

R. episcopo Albanensi apostolicæ sedis legato.

*Confirmat ejus sententiam, quæ electionem Petri de Romana in Liciensem episcopum nullam declaraverat, mandatque ut eidem ecclesiæ provideat.*

Anno 1168

**V**Acante Liciensi ecclesiæ, & ejusdem canonicis duodecim numero, per viam scrutinii sibi providere volentibus de pastore, scrutatoribus tandem duobus de collegio ipso datis, & perfecto scrutinio, & postmodum publicato, evidenter apparuit quod quinque in Petrum de Romana canonicum ejusdem ecclesiæ consenserant, quinque in Guillelmum de Ecclesiâ postulandum, Petrus verò de Romana Basilium nominavit, & in his finibus subsistens, collatione non habita, nec aliqua in communi electione vel postulatione secuta, processit tandem eorum hujusmodi per procuratores tibi, ut eis placuit, præsentato, fuit à te nomine eorum petiti, ut electionem de dicto P. de Romana factam tamquam canonicam confirmares: tu verò licet quoddam monstraretur decretum, à quodam conscriptum notario, qui scrutinio non interfuerat, sed quod ei à canonicis dictum fuerat imprudenter redegerat in scripturam, quod electionem de dicto P. factam sonare seu sapere videbatur veritatem: tamen per ipsius Petri & aliorum juramenta comperta patuit manifestè nullam electionem factam fuisse de ipso. Et quia quod factum non fuerat, non poterat confirmari, tu eundem P. nullum jus ex electione hujusmodi habuisse tua sententia declarasti, à qua dicti canonici appellarunt. Ipso

*Theauri Anecdor. Tom. II.*

**A**rum igitur procuratore in nostra præsentia constituto, & processum hujusmodi ac tuam nobis sententiam exhibente, nos eorumdem stultitiam admirati, malè eos appellasse, & te bene pronunciasse cognovimus, tuam sententiam de fratrum nostrorum consilio confirmantes, fraternitati tuæ nihilominus per apostolica scripta mandantes, quatenus eidem Ecclesiæ de persona idonea provideas auctoritate nostra in episcopum & pastorem, & à subditis suis facias obedientiam debitam ac reverentiam exhiberi, contra &c. Datum Viterbii v. Idus Maii anno quarto.

## EPISTOLA DCXXXVIII.

R. episcopo Albanensi apostolicæ sedis legato.

*Ut regi bene consulat.*

**R**Egis frui præsentia jam te credimus, quam ferventer tibi & non immeritò sitiebas. Utere ergo illo ad divini cultus honorem, & ejusdem sollicita celsitudinem ad domum suam ordinandam & regnum, ad succurrendum Siculis, ad regni fines Urbi proximos subacta licentia revivendos. Ad hæc enim vigilant inimici, ut cum CORRADINO, si poterunt, conglobati in regnum irruant, si resistantiam non invenerint quam formident. Datum Viterbii ut supra.

Anno 1168

## EPISTOLA DCXXXIX.

Abbati & conventui Crassensis monasterii.

*Privilegia eis à Jacobo Aragonum rege concessa confirmat.*

**D**ilectis filiis abbati & conventui monasterii Crassensis ad Romanam ecclesiam nullo medio pertinentis, ordinis S. Benedicti Carcassensis diocesis salutem & apostolicam benedictionem.

Anno 1168  
Ex libro videri servato in archivio monasterii Crassensis.

Devotionis vestræ merita nos inducunt, ut quod à nobis suppliciter petitis, ad exauditionis gratiam, quantum cum Deo possumus, favorabiliter admittamus. Ex parte siquidem vestra fuit propositum coram nobis, quod carissimus in Christo filius noster JACOBUS rex Aragonum illustris vos & monasterium vestrum, cum castris, villis, & locis omnibus ad monasterium vestrum spectantibus, sitis in districtu regis ejusdem, cum hominibus etiam & mulieribus in castris, villis & locis hujusmodi habitantibus & habitaturis, ac omnibus aliis bonis vestris & hominum prædictorum sub sua custodia & protectione recipiens devotioni vestræ concessis, quod vos & successores & officiales vestri justitias civiles & criminales, & temporalem jurisdictionem omnimodam in castris, villis & locis prædictis exercere plenè & liberè valeatis, & quod aliquis bajulus seu vicarius dicti regionon

P p

possit, nec debeat ab hominibus in castris & villis sive locis eisdem habitantibus vel habitaturis homagium seu fidelitatem aliquam recipere: quin immò præfatos homines absolvit ab omni homagio, si quod fecerant aliquibus officialibus dicti regis: quasdam alias libertates vobis & prædictis hominibus nihilominus concedendo, prout in diversis litteris inde confectis ejusdem regis sigillo munitis plenius continetur. Nos itaque vestris supplicationibus inclinati, quod super hoc ab eodem rege provide factum est, ratum & firmum habentes, illud auctoritate apostolica confirmamus, & præsentis scripti patrocinio communimus, tenores dictarum litterarum de verbo ad verbum præsentibus inferi facientes, quæ tales sunt: NOVERINT universi quod nos JACOBUS Dei gratia rex Aragonum, Majoricarum & Valentiarum, comes Barchinonæ & Urgelli, & Dominus Montispeffulani, præcipimus & constituimus in nostra protectione & custodia, commenda, & nostro guidatico speciali vos venerabilem & dilectum nostrum REMUNDUM & per eundem abbatem monasterii Crassensis, & vestrum monasterium cum castris, villis & locis omnibus ad ipsum monasterium pertinentibus & pertinere debentibus, & ejus monachis & aliis quibuscumque hominibus & feminis in dicto monasterio, & in castris villis & locis prædictis habitantibus & habitaturis, & omnibus aliis bonis vestris & monasterii prædicti, & omnium prædictorum ubique habitis & habendis, eundo, stando, & redeundo per omnia loca regnorum, terrarum, & dominationis nostræ: ita quod nullus sit ausus vos vel prædictum monasterium, vel monachos, vel homines prædictos aut feminas, vel aliquid de prædictis alicubi invadere, capere, derinere, impedire, marchare, vel pignorare, culpa, crimine vel debito aliquo, nisi vos vel successores vestri vel dicti monachi aut homines seu feminae debitores vel fidejussores fuerint manifesti; nec in iis casibus, nisi in vobis vel dictis monachis & hominibus feminis fatigua prius inventa fuerit & directa. Concedimus etiam & indulgemus per nos & nostros vobis prædictis abbati & successoribus vestris, & dicto monasterio vestro in perpetuum, quod aliqui vel vicarii vel bajuli, vel locum nostrum tenentes seu nuncii curiæ nostræ non possint vel debeant umquam de cetero distringere vos, vel aliquem hominem vestrum, vel aliquid de rebus vestris, vel dicti monasterii, vel castrorum, villarum & locorum prædictorum ad vestrum monasterium pertinentium, ad jus faciendum vel firmandum pro aliqua querimonia civili vel criminali, nisi prius in nobis manifesta fatiga juris inventa fuerit cum denunciatione legitima præcedente. Volentes etiam & concedentes quod vos & successores vestri vel officiales vestri exerceatis, possitis exercere in omnibus castris vestris, villis, & locis vestri monasterii, omnes justitias & jurisdictiones civiles & criminales liberè atque plenè, & quod aliquis bajulus noster seu vicarius de cetero non possit vel debeat ab hominibus in aliquibus castris & locis prædictis vestri

A monasterii habitantibus vel habitaturis, homagium fidelitatis accipere, seu fidelitatem aliquam nomine homagii, absolventes dictos homines omnes & singulos ab omni homagio, si quod fecerunt aliquibus officialibus nostris vel locum nostrum tenentibus ratione fidelitatis: ita quod de dicto homagio in aliquo minimè teneantur. Hoc tamen retento, quod si homines nostri fatigam juris in vobis vel vestris officialibus invenerint; homines vestri de quibus nostri homines conquerentur, teneantur venire in posse nostri vel vicariorum nostrorum, & in nostro vel eorum posse firmare & facere eis justitiæ complementum. Mandamus igitur vicariis, bajulis, & universis aliis officialibus, & subditis nostris præsentibus & futuris, quod hoc guidaticum nostrum, & omnia & singula supradicta à nobis concessa firma habeant & observent, & contra ea non veniant, nec aliquem venire permittant aliquo modo vel aliqua ratione. Quicumque autem contra venerit, iram & indignationem nostram, & poenam quingentorum marabotinorum se noverit incursum, damno illato plenariè restituto. Datum apud Perpinianum octavo Idus Januarii anno Domini mccclij. Signum JACOBI Dei gratia regis Aragonum, Majoricarum & Valentiarum, comitis Barchinonæ & Urgelli, & Domini Montispeffulani. Testes sunt Bernardus de Anglaria, Gancerandus de Pinos, Bu Aug de Serra longa, R. de Termino, Afurdus, Signum Petri Andreæ, qui mandato Domini regis hæc scribi feci loco, die, & anno præfixis. JACOBUS Dei gratia rex Aragonum Majoricarum & Valentiarum, comes Barchinonæ & Urgelli, & Dominus Montispeffulani fidelibus suis bajulis & vicariis Perpiniani, Rossilionis & Confluentis salutem & gratiam. Noveritis nos confirmasse abbati Crassensi cartam quam ei fecimus super justitiis civilibus & criminalibus, ut in eadem carta plenius continetur. Unde mandamus vobis firmiter, quatenus prædictam cartam concessionis dicto abbati in omnibus observetis, & faciatis in omnibus firmiter observari. Et si aliquis vel aliqui ex dictis justitiis aliquid noviter perceperint contra tenorem dictæ cartæ, illud totum eidem abbati restitui faciatis. Hæc autem ratione aliqua non mutetis. Datum in Montepessulano iv. Idus Novembris anno Domini mcccxvj. JACOBUS Dei gratia rex Aragonum, Majoricarum & Valentiarum, comes Barchinonæ & Urgelli, & Dominus Montispeffulani, fidelibus suis vicariis, & universis aliis officialibus & subditis nostris, ad quos præsentis pervenerint salutem & gratiam. Sciatis nos vidisse cartam quam abbas monasterii Crassensis & dictum monasterium habent à nobis super justitiis civilibus & criminalibus exercendis, per quam abbatem seu officiales suos, in castris, villis, & locis ipsius monasterii, & prout in dicta carta quam inde à nobis habent plenius continetur. Unde facimus vobis scire, quod nos intelligimus, quod dictus abbas dicti monasterii & officiales villarum & locorum ejusdem possint ratione dictæ cartæ truncare manus & pedes, & alia membra

1253.

1266.

1266.

mutilare, & suspendere in castris, villis monasterii antedicti: mandantes vobis quatenus super hoc nullum eis impedimentum vel contradictionem faciatis, nec fieri permittatis, dummodo contra cartam prædictam non exercent iustitias antedictas, & hoc non mutetis. Datum in Montepessulano xiv. calendas Februarii anno Domini mclxvi. NULLI ergo omnino hominum liceat hanc paginam nostræ confirmationis infringere, aut ei ausu temerario contraire. Si quis autem hoc attentare præsumpserit, indignationem omnipotentis Dei & beatorum Petri & Pauli apostolorum ejus se noverit incursum. Datum Viterbii 11. Idus Maii, Pontificatus nostri anno iv.

## EPISTOLA DCXL.

Archiepiscopo Ravennatensi apostolicæ sedis legato.

*Quod pudere debeat Longobardos, quod Corradinum territi transire permiserint.*

Anno 1268

**E**A te credimus industria præditum, & ea devotione firmatum; ut impediendis inimicorum nostrorum processibus nihil omittens de contingentibus, commissum tibi legationis officium prudenter ac fideliter prosequaris. Sanè si Lombardos puduerat CORRADINO perditionis filio de Verona venienti Papiam nullum obstaculum præstitisse: longè magis pudere nunc potest à te monitos & vocatos transeuntem ejus militiam per viscera Lombardiæ, ne dum, ut tu volueras, impedisse; sed nec etiam terruisse. Hæc tamen ad eorum reprehensionem non scribimus, quos Romanæ Ecclesiæ matri suæ credimus esse devotos, sed eorum verecundiam ægrè ferimus, & hostium insolentiam de sua gloriantium probitate, quam ex eo sibi vindicare dicuntur, quod viros longè meliores plus terrore quàm gladio, prout asserunt, subegerunt. Verùm quamvis in manu Domini rerum sit exitus futurorum; credimus tamen firmiter & speramus triumphum de perfidis inimicis Ecclesiæ aliis reservatum; sed tam ipsis quam ceteris Christi fidelibus profuturum. Tua ergo fraternitas vigilam curam habeat de provincia confortanda. Audins enim, Domino concedente, quæ tibi placere potuerunt, & universis qui Deum diligunt & honorem Ecclesiæ complacerebunt. Demùm statum tuum & fidelium civitatum sæpe nobis rescribere non postponas. Datum Viterbii Idibus Maii anno quarto.

## EPISTOLA DCXLI.

Dilecto filio Giraudo Longo potestati Urbis veteris.

*Suam ipsi promittit dilectionem.*

Anno 1268

**L**icet nobis facie non sis notus: quia tamen certa recepimus testimonia, quod ex domo fideli prodiens, Dominum & Ecclesiam longo tempore dilexisti; diligere te proponimus in *Theauri Anecdor. Tom. II.*

**A** devotione solita persistentem. Sanè quamvis dilectum filium Bartholomæum Quirinum capellanum nostrum caritatis sinceræ brachiis amplectamur, & ejusdem, quantum cum Deo possumus, sciamus honorem: quia tamen universis & singulis suscepta servitus nos in iustitia efficit debitores, indiscussum negotium nuda voluntate decidere, salva conscientia, non valemus: tamen vias quærimus & quæremus, per quas ipsum negotium ad utilitatem ecclesiæ Castellana tam celeriter quàm utiliter terminetur. Datum *ut supra.*

## EPISTOLA DCXLII.

Carissimo in Christo filio regi Siciliæ illustri.

*Prorogat tempus solutionis census annui apostolicæ sedi à rege debiti.*

**C**UM existens imperii in Tuscia (a) vicarius multum subieris onera expensarum; ac nunc regnum tuum ingressus, longè plura cogaris expendere, ad peccatorum cornua confringenda, qui contra te, cum agebas in remotis, suum temerè supercilium erexerunt; nobis humiliter supplicasti, ut solutionem census viii. millium unciarum auri, quæ in instanti festo apostolorum Petri & Pauli solvere nobis & Ecclesiæ Romanæ teneris, prorogare in tempus ulterius dignaremur. Nos igitur tuis compatiens laboribus & oneribus, ac etiam volentes tibi gratiam facere specialem, solutionis prædictæ terminum usque ad instans festum S. Michaëlis archangeli, hac vice de fratrum nostrorum consilio duximus prorogandum, ut ex hoc in posterum solutionis annuæ terminus non mutetur, sed in festo eorundem apostolorum fiat solutio annis singulis sub pœnis conventis, sicut in conventionibus inter nos & te habitis plenius continetur: & tu nihilominus pœnis tenearis eisdem, si in prædicto festo S. Michaëlis non solveris, quibus, cessante hac gratia, si in proximo festo ipsorum apostolorum non solveres, tenebaris: In hoc tamen attentum te reddimus, & sine præjudicio concessæ gratiæ volumus esse cautum. Quod si medio tempore, succedentibus prosperis, prorogatum volueris terminum prævenire, nostræ & fratrum necessitati consulere & beneplacito satisfacere non omittas. Datum Viterbii xv. calendas Junii anno iv.

## EPISTOLA DCXLIII.

**V**enerabilibus fratribus archiepiscopis & episcopis & dilectis filiis abbatibus, prioribus & aliis ecclesiarum prælatis, eorumque capellanis & conventibus exemptis & non exemptis in regno Siciliæ constitutis.

*Ut publica instrumenta quibus regis jura stabiliantur eidem regi tradant.*

**S**icut regiæ defensionis præsidio & quietius vivitis & jura vestra plenius obtinetis, sic

(a) *Al. Dux Vicarius.*

P p ij

vos decet ex mutuo caritatis officio, regem ipsum in suis juribus obtinendis illis promptius adjuvare suffragiis, quæ nec vobis præjudicent, nec ecclesiam gravent, aut minuant libertatem. Quocirca cum sit nostris auribus intimatum, quod apud vos vel vestrum aliquos sunt instrumenta publica & alia documenta, quibus rex idem plurimum juvaretur in suis juribus assequendis, vobis universis ac singulis per apostolica scripta districtè præcipiendo mandamus, quatenus eadem apud vos secreto scrutinio perquirentes, si qua talia inveneritis, quæ cum ipsius commodo & sine Ecclesiarum vestrarum periculo exhibere possitis, eorum ei copiam faciatis. Datum *ut supra*.

## EPISTOLA DCXLIV.

Carissimo in Christo filio regi Siciliæ illustri.

*De matrimonio contrahendo inter ipsum aut alterum ex ejus natis & filiam comitis Glovernae.*

Anno 1268

**E**X parte dilectæ in Christo filiæ nobilis mulieris ISABELLÆ DE CLARA comitissæ Montis-ferrati nobis extitit supplicatum, ut ad matrimonium inter te & dilectam in Christo filiam nobilem mulierem MARGARITAM, dilecti filii nobilis viri G. comitis Glovernae sororem, speciosam puellam, cum qua dos magna offertur in pecunia, partes nostras interponere curaremus. Quod si non potest fieri, quia jam fortè cum alia contraxisti, vel contrahere ordinasti, saltem ad filium majorem cum alia minore dicti comitis & comitissæ sorore, si posset fieri: alioquin ad tuum minorem cum ejusdem comitis filia matrimonialiter copulandos, opem & operam præberemus. Hæc autem tuæ celsitudini duximus intimanda, ut pleniori deliberatione habita, quid tibi super his sit agendum, rescribas nobis quàm citò poteris tuæ beneplacitum voluntatis: ita quod eidem comitissæ certum dare valeamus responsum. Datum Viterbii *ut supra*.

## EPISTOLA DCXLV.

Abbati & conventui S. Dionysii.

*Indulgentias ecclesiam S. Dionysii in ipsius sancti festis, in dedicatione & parasceve visitantibus indulget.*

Anno 1268

**D**ilectis filiis abbati & conventui monasterii S. Dionysii in Francia ad Romanam ecclesiam nullo medio pertinentis, ordinis S. Benedicti, Parisiensis diocesis salutem & apostolicam benedictionem.

Licet is de cujus munere venit, ut sibi à fidelibus dignè ac laudabiliter serviatur, de abundantia pietatis suæ, quæ merita supplicum excedit & vota, bene servantibus multò majora retribuit quàm valeant promereri. Nihilominus tamen cupientes reddere Domino populum acceptabilem, Christi fideles ad complacendum ei quasi quibusdam illektivis præmiis, in-

**A**dulgentiis scilicet & remissionibus invitamus, ut exinde reddantur divinæ gratiæ aptiores. Affectantes igitur ut ecclesia monasterii vestri congruis honoribus frequentetur, omnibus verè pœnitentibus & confessis, qui ecclesiam ipsam in beatorum Martyrum S. Dionysii & sociorum ejus ac inventionis eorumdem festivitatis, nec non in dedicationis ejusdem ecclesiæ ac parasceve diebus, ac usque ad octo dies post festivitatem ipsam Martyrum prædictorum, in quibus illuc, ut dicitur, reverenter solet confluere **B**populi multitudo, devotè ac venerabiliter visitaverint annuatim, unum annum & quadraginta dies, de omnipotentis Dei misericordia & beatorum Petri & Pauli apostolorum ejus auctoritate confisi, de injuncta sibi pœnitentia misericorditer relaxamus. Datum Viterbii x. calendas Junii, Pontificatus nostri anno iv.

## EPISTOLA DCXLVI.

Abbati sancti Dionysii.

*Tribuit ei facultatem indulgentias concedendi ad solemnes ejus predicationem & missam accedentibus.*

**D**ilecto filio abbati monasterii S. Dionysii in Francia ad Romanam Ecclesiam nullo medio pertinentis, ordinis S. Benedicti, Parisiensis diocesis salutem & apostolicam benedictionem. Anno 1268

**E**Grata sinceræ devotionis obsequia, qua tu ac degentes in monasterio tuo regularis ordinis professores, nobis qui dum minori fungeremur officio ad monasterium ipsum aliquando declinavimus, ac ibidem moram contraximus aliquam, promptis placere affectibus studuistis, suscipientes in bonum, illa dignè notavimus ac memoriæ duximus commendanda. Præter hæc autem personam tuam variis virtutum muneribus tribuente Domino insignitam fore novimus & dotatam, dictumque monasterium non habens superiorem alium quàm Romanum Pontificem, multæ nobilitatis titulis ac magnæ privilegio dignitatis conspiciamus coruscare, ibidemque religionis cultum vigere laudabiliter & servari. Quibus ex causis, quas rationabiles reputamus, locum illum ac servientes inibi Deo viros prærogativa benevolentiae prosequimur & favoris, ac non immeritò inducimur, ut idem monasterium in te specialium gratiarum largitionibus honoremus. Ut igitur Christi fideles ad audiendum in ecclesia præfati monasterii divinum officium & suscipiendum inibi pabulum verbi Dei, ecclesiam ipsam eò adeant libentius quo exinde dona se consequi perceperint potiora, omnibus verè pœnitentibus & confessis, qui ad solemnes prædicationes tuas, ad missarum solemnias, quæ in dicta ecclesia in festis solemnibus te contigerit celebrare, accesserint, & ea reverenter audiverint & devotè, quadraginta dies de injunctis sibi pœnitentiis relaxandi, plenam & liberam tibi concedimus auctoritate præsentium facultatem. Datum Viterbii x. calendas Junii, Pontificatus nostri anno iv.

## EPISTOLA DCXLVII.

Abbati &amp; conventui S. Dionysii.

*Ecclesias de Sergiaco, de Caillanel, & de Vallibus  
eis confirmat.*

Anno 1268

**D**ilectis filiis abbati & conventui monasterii S. Dionysii in Francia, ad Romanam ecclesiam nullo medio pertinentis, ordinis S. Benedicti, Parisiensis diocesis, salutem & apostolicam benedictionem.

Iustis petentium desideriis facilem nos convenit præbere consensum, & vota quæ à rationis tramite non discordant, effectu prosequente complere. Sanè petitio vestra nobis exhibita continebat, quod vos ac prædecesores vestri de Sergiaco S. Johannis, & S. Mariæ de Caillanel prope Calvum-montem, ac S. Mariæ de Vallibus parochiales ecclesias ad vestrum monasterium pleno jure spectantes, Rotomagensis & Pictaviensis diocesum, per sexaginta annorum spatium & amplius ad manus vestras quietè & pacificè tenuistis. Nos itaque vestris supplicationibus inclinati, ut veris existentibus supradictis, ecclesias ipsas, sicut illas justè hæcenus, sic & in posterum ad manus ipsas retinere valeatis, vobis auctoritate præsentium indulgemus. Nulli ergo omnino hominum liceat hanc paginam nostræ concessionis infringere, vel ei ausu temerario contraire. Si quis hoc attentare præsumserit, indignationem omnipotentis Dei & beatorum Petri & Pauli apostolorum ejus se noverit incursurum. Datum Viterbii x. calendas Junii, Pontificatus nostri anno iv.

## EPISTOLA DCXLVIII.

Abbati sancti Dionysii.

*Facultatem primam tonsuram conferendi monasterii  
sui manumissis ei tribuit.*

Anno 1268

**D**ilecto filio abbati S. Dionysii in Francia, ad Romanam ecclesiam nullo medio pertinentis, ordinis S. Benedicti, Parisiensis diocesis, salutem & apostolicam benedictionem.

Suadente tuorum gratia meritorum te honoris prævenire volentes munere speciali, devotionis tuæ precibus inclinati, ut personis literatis clericali militiæ adscribendis, qui monasterio tuo servili conditione tenentur, postquam eadem legitimè fuerint manumissæ ac traditæ libertati, de tui consensu conventus primam possis conferre tonsuram, dummodo tibi ab episcopo secundum morem præficiendorum abbatum manus impositio facta esse noscatur, & te constet existere sacerdotem, tibi personaliter auctoritate præsentium duximus concedendum. Nulli ergo, &c. Datum Viterbii viii. calendas Junii, Pontificatus nostri anno iv.

## EPISTOLA DCXLIX.

Dilecto filio Ysnardo Ugolino militi vicario  
illustris regis Siciliae in civitate Florentina.*Commendat ejus pro rege solertiam.*

**L**itteris tuis diligenter inspectis, tuam prudentiam in his vigilem, quæ ad bonum statum Ecclesiæ & carissimi in Christo filii nostri C. illustris regis Siciliae pertinent, & de tanta commendamus solertia, & ad studium indefessum in similibus & majoribus paternis monitis excitamus. Sanè cum rex idem contra Saracenos Luceria suam direxit aciem, & relicta parte militiæ in Urbis finibus, aliam miserit in Siciliam, quod multiplicet eam in Tuscia ei consulere non audemus, sed speramus quotidie certos audire rumores, quibus Saraceni prædicti vel violenter subacti, vel per pacem ejecti de regno in perpetuum nuncientur: ut tunc ei sit liberum mittere quos voluerit ad hostes alibi prosternendos. Tu ergo interim cum dilecto filio J. Marescallo ejusdem, & aliis ejus fidelibus diligenter prosequere quod cœpisti. Confidimus enim in Domino, quod citò tibi poterimus intimare quod cupis ad hostium exterminium, fidelium gaudium & honorem. Datum Viterbii v. calendas Junii anno iv.


Anno 1268

## EPISTOLA DCL.

Dilecto filio Hugoni dicto Staqua capitaneo  
Aquilæ.*Laudat & excitat ejus zelum erga regem.*

**L**itteras tuas vidimus, sollicitam diligentiam, quam in custodia terræ geris, quam tibi carissimus in Christo filius noster C. illustris rex Siciliae tibi credidit, nec non & promptitudinem quam ad repressionem hostium habuisti plurimum commendantes. Scias autem quod CORRADINUS est Pisis, Lucanos velle aggredi jactans, ut noceat, vel fortè simulans, ut dum illuc contra eum inceditur, versus Urbem liberius gradiatur. Sanè dilectus filius J. Marescallus & comites in Tuscia partibus agunt prosperè, sicque CORRADINUM prædictum detinent occupatum, quod in quadam perplexitate moratur, cum dimittere Pisanos non audeat, nec eisdem ut vellet, valeat suffragari. Tu ergo utiliter facta regis prosequere. Nam in Deo confidimus, cujus negotium rex prosequitur, quod subacta Luceria, sine difficultate poterit cornua frangere superborum. Datum Viterbii iv. calendas Junii anno iv.

Anno 1268





## EPISTOLA DCLI.

Carissimæ in Christo filiæ reginæ Franciæ  
illustri.

*De juramento à rege Sicilia in Provincia exacto.*

Anno 1268 **T**urbavit plurimos carissimus in Christo filius noster C. rex Sicilia illustris in exacto per totam Provinciam juramento, quod ad suam securitatem respiciens, in aliorum præjudicium visus est pluribus exegisse, nec potuimus invenire, licet satis exactè quæsierimus, quorum consilio id fecerit; sed à suis habuisse dicitur juristis, quod in terris Provinciæ obtinet usumfructum, quem sibi satagens confirmare, prælatorum atque nobilium habere voluit juramenta, ut nedum ab aliis, sed nec à liberis suis posset vivens molestiam sustinere. Sanè nullus à nobis petiit confirmationes terrarum, nec hoc ipsum quod scripsimus per eum novimus, sed relatu communi ad nostrum pervenit auditum, nec tuam decet timere magnitudinem à nobis posse aliquid per eum vel alium obtineri in præjudicium juris tui, quod esset utinam ita declaratum, ut inter te & ipsum, tuos & suos posteros quæstionis nulla materia penitus remaneret. Datum Viterbii 11. calendas Junii anno IV.

## EPISTOLA DCLII.

Carissimo in Christo filio regi Aragonum  
illustri.

*De licentiis dandis doctoribus.*

Anno 1268 **C**ontra venerabilem fratrem nostrum Magalonensem episcopum, quem in minori constitutum officio dilexisse non modicum videbaris, rancorem aliquem tuam magnitudinem concepisse litterarum inspecta series, quas ex parte tua nuper recepimus, manifestat, inter cetera continentium, quod episcopus memoratus in evidens præjudicium juris tui, in G. Seguerii & omnes auditores ipsius excommunicationis sententiam tulerat, cui licentiam dederas in Monte-pestulano jura docendi civilia, cum ad hoc tibi videretur idoneus & juris in eadem facultate prudentibus, quorum consilia requisisti, & idcirco petebas ab eodem episcopo latas sententias sine difficultate qualibet relaxari. Sanè quia via judicii non patebat ad tuum desiderium adimplendum, sæpedito episcopo non præsentem, nec citato vel ab homine, vel à jure, nec iudicibus committi negotium credebamus expediens, cum nec etiam id postulares, aliqua regiæ celsitudini familiariter duximus perstringenda, quibus plenius instrui valeas ad ea quæ te decet eligenda. De licentiandis quidem doctoribus in scientiarum variis facultatibus aliud canonica jura diffiniunt, aliud principum sanctiones, sed & ipsæ consuetudines pro diversitate diocesum aut locorum in hujusmodi dandis licentiis variantur. Verùm ex Synodo papæ EUGENII canon præcipit ab universis epis-

**A** copis omnem curam habendam, ut magistri & doctores constituentur, qui studia litterarum, liberalium artium dogmata assidue doceant: quia in his maximè divina manifestantur atque mandata declarantur. Lex autem humana discernit similiter civilis sapientiæ professores magistralem ascendere cathedram non debere, donec ab ordine decurionum fuerint approbati: Pro tempore tamen loquitur, quo censura Ecclesiæ non vigeat, quo etiam matrimoniales causæ per laicos tractabantur. Porro casus novus à te propositus ex ipsius qualitate negotii dubitationem recipere non videtur, si purgatis oculis veritas attendatur. Constat enim Magalonensem episcopum à longissimis retrò temporibus dedisse licentias in aliis facultatibus, consueta forma servata; & si dare non consuevit in ista, quia nec etiam petebatur, nec petendi erat occasio, ubi nec studentium vel docentium numerus exigebat, quod in aliis est servatum, & in ista videtur servandum, sic & hodie servaretur, si quis vellet legere Arithmetica, quæ nullo forsitan ibi lecta fuit tempore. Nam quod dicitur, quod præscripsit aliquibus juribus episcopalibus, cetera quibus præscribens usus non est, remanent prorsus non præscripta, in rebus diversi generis observamus. Sed si una ecclesia parochialis alterius præscripserit decimam per tempus legitimum de frumento & ordeo, eam percipiens; si postea milium seminetur, vel fortasse legumen, quod nullo ibi tempore fuit seminatum, æque de illis percipiet decimam, sicut de aliis, cum sit ejusdem generis, licet alterius speciei. Et quidem genus istæ communicant, licet differant specie aliquatenus facultates. Sed & cancellarius caput studentium post episcopum, in quacumque legat vel doceat facultate, ab episcopo ordinatur. Unde idem episcopus est caput studii principale. Demùm de dilecto filio B. de Castaneto capellano nostro, scire te volumus, quod cum minori fungeremur officio, de felicitis memoriæ URBANI papæ prædecessoris nostri speciali mandato, in aula ejusdem episcopi, doctorum & scholarium multitudine convocata, nos ei licentiam dedimus, & librum tradidimus solita solemnitate servata. Quocirca si aliud ad jus tuum pertinens non occurrit, nullam tibi factam injuriam intelligimus. Quod si novum aliquid intimetur, prompti sumus regium jus defendere, & quid idem episcopus injustè fecerit revocare. Datum Viterbii 11. calendas Junii anno quarto.

## EPISTOLA DCLIII.

Carissimo in Christo filio regi Francorum illustri.

*De decimis.*

**P**etierat tua serenitas, & à dilecto filio nostro **Anno 1268** S. tituli S. Cecilie presbytero cardinali apostolicæ sedis legato nobis scriptum extiterat, quod ad cleri tollendum scandalum, quotidianas distributiones à decima permanere vellemus immunes, si tamen dati tibi triennii decimæ

anni quarti præstatio jungeretur: quòd cum nuper eo modo quo fuerat postulatum à nobis liberaliter fuisset indultum; per dilectum filium magistrum G. de Nova-villa petisti annum quartum adjici, & decimam distributionum earumdem persolvi: super quo plurimum admirati, quia præter tuæ consuetudinem bonitatis hæc variatio videbatur, petitionem hujusmodi nolimus exaudire. Non enim expedit Gallicanæ ecclesiæ successive tot scandala inferre, cum amarè ferant & tulerint id ipsum, quod de decima præordinavimus triennali. Datum *ut supra*.

## EPISTOLA DCLIV.

Venerabilibus fratribus suffraganeis & dilecto filio capitulo Terraconensis ecclesiæ.

*Ut ad electionem episcopi circa calendas Augusti non procedant.*

Anno 1268

Cum ad aures nostras pervenerit bonæ memoriæ Terraconensem archiepiscopum naturæ debitum exsolvisse, universitati vestræ per apostolica scripta districte præcipiendo mandamus, quatenus ad providendum eidem ecclesiæ de pastore circa proximas calendas Augusti nullatenus procedatis. Nos enim ex nunc decernimus irritum & inane sequi, quicquid per vos vel vestrum aliquos secus fuerit attentatum. Sanè non ista scribimus, ut ex tunc vestram velimus eripere libertatem; sed quoniam indecens arbitramur, ut illis ejusdem ecclesiæ canonicis absentia sua noceat, qui pro ipsius statu nobis humiliter intimando ad nos accesserunt pro salubri remedio procurando. Datum *ut supra*.

## EPISTOLA DCLV.

Dilectis filiis præposito, archidiacono, & aliis ecclesiæ Terraconensis canonicis universis.

*Ut securius procedant in episcopi electione eos à censuris absolvit.*

Anno 1268

Cum sicut ex parte vestra fuit propositum coram nobis, occasione discordiæ inter bonæ memoriæ archiepiscopum Terraconensem ex parte una & vos ex altera dudum exortæ, tam per eundem archiepiscopum, quam per officialem ipsius seu alios ipsorum auctoritate vel mandato, quam etiam per delegatos apostolicæ sedis, vel subdelegatos ab eis diversis temporibus ex causis variis ab ipsius discordiæ fomite directè vel indirectè descendentes, seu pro quibusvis Terraconensis ecclesiæ negotiis, questionibus, seu causis, nunc generaliter, nunc verò in quorundam vestrum personas specialiter, nec non & participantes eisdem fuerint excommunicationis, suspensionis, interdicti sententiæ promulgatæ, ac nonnulli læsam habent conscientiam similes sententias incurrisse, pro eo forsitan quod decimam carissimo in Christo filio nostro J. regi Aragonum illustri à sede apostolica concessam, in præfixis ad hæc terminis non solverunt, nos vestris devotis supplicationibus inclinati, ad vestras conscientias sere-

nandas, & ut ad securius providendum vestræ ecclesiæ viduatæ pastore procedere valeatis, ab omnibus & singulis prædictis, & generaliter ab aliis quibuscumque sententiis à canone sive ab homine promulgatis, vos omnes & singulos de apostolicæ plenitudine potestatis absolvimus, easque penitus relaxamus, vobiscum super irregularitatibus, si quas eisdem ligati sententiis divina officia celebrando vel immiscendo vos illis, aut in vestris ordinibus ministrando, hactenus contraxistis, misericorditer dispensantes. Hanc verò generalem absolutionem & dispensationem cum volumus obtinere vigorem, ac si de singulis prædictis sententiis fieret in præsentibus mentio specialis. Volumus autem ut infra mensem postquam electio vel postulatio in vestra ecclesia fuerit celebrata, solvatis prædictam decimam, damna & injuriam passis satisfaciatis competenter, si fortè interim non fuerit satisfactum. Alioquin ipso facto in pristinas sententias noveritis vos reductos. Nulli ergo, &c. nostræ absolutionis & dispensationis, &c. Datum Viterbii vii. Idus Junii anno iv.

## EPISTOLA DCLVI.

Magistro & prioribus ordinis Prædicatorum.

*Ut fratres ad episcopatos assumti, libros ante consecrationem suis prioribus resignent.*

Anno 1268

Dilectis filiis Magistro & universis prioribus & fratribus ordinis Prædicatorum, salutem & apostolicam benedictionem.

Providentia laudabilis & salubris in cunctis vestris habere debet operibus, ut exinde claritatem nominis in conspectu Dei & hominum habeatis. Cum itaque, sicut asseritis, contingat interdum, quod illi ex vobis qui de ordine vestro ad archiepiscopatus & episcopatus & alias prælaturas ecclesiasticas assumuntur, non considerantes quòd ex professione in ipso emissæ ordine nihil habeant proprium, quod sibi specialiter valeant obtinere, libros & alia quæ apud eos hujusmodi tempore promotionis habent, usibus propriis applicare, secumque portare præsumant in propriæ salutis dispendium & dicti ordinis non modicum detrimentum. Nos præsumptioni hujusmodi volentes salubriter refragari, universis fratribus dicti ordinis, ad hujusmodi archiepiscopatus, episcopatus, & prælaturas de cetero assumendis, auctoritate præsentium districtius inhibemus, ne consecrationis munus quoquo modo recipiant antequam libros & bona contingentia ordinem memoratum, quæ apud eos tempore suæ promotionis habere contigerit, prioribus & conventibus, de quibus assumti fuerunt, cum integritate resignent, nisi forsitan iidem priores de consensu ipsorum conventuum usum illorum ad certum tempus eis duxerint concedendum. Alioquin eo ipso ab executione pontificalis ministerii noverint se suspensos. Inter hujusmodi autem libros non intelligimus comprehendere quaternulos & illas cartulas vel membranas in quibus dicti fratres

certa notabilia cum aliquibus privatis sermonibus collegerunt. Nulli ergo, &c. Datum Viterbii v. Idus Junii, Pontificatus nostri anno quarto.

## EPISTOLA DCLVII.

Dilecto filio archidiacono Barchinonensi.

*Ut à beneficiis amoveat non legitime institutos ab archiepiscopo Terraconensi.*

Anno 1168

**A**D nostrum pervenit auditum quod bonæ memoriæ B. Terraconensis archiepiscopus, dum vivebat, nonnullas dignitates, personatus, administrationes, & officia quæ in ecclesia Terraconensi tanto vocaverunt tempore, quod earum collatio erat ad sedem apostolicam secundum statutum Lateranensis concilii legitime devoluta, personis diversis auctoritate propria duxerat de facto pro suæ voluntatis libito conferenda: quæ quidem personæ talium collationum prætextu dignitates & alia supradicta illicitè detinent occupata, non sine suarum periculo animarum. Volentes itaque super hæc apostolica sollicitudine providere, discretioni tuæ per apostolica scripta mandamus, quatenus si de plano & absque judicii strepitu constiterit ita esse, collationibus eisdem penitus revocatis, quoslibet tales per alium seu alios à dignitatibus administrationibus & officiis amoveas supradictis. Contra, &c. Invocato, &c. *usque ad mentionem*, &c. Datum Viterbii Idibus Junii anno iv.

## EPISTOLA DCLVIII.

Dilectis filiis præposito & capitulo ecclesiæ Terraconensis.

*Ut exclusis novitiis ad electionem episcopi possint procedere.*

Anno 1168

**C**Um ecclesia vestra vacare dicatur ad præsens, sitque de futuro pontifice à vobis electio celebranda, volumus & per apostolica scripta vobis mandamus, quatenus ad electionem vel postulationem pastoris, novitiis vestris qui nondum professionem ibidem fecerunt tacitè vel expresse, hac vice ad electionem vel postulationem hujusmodi non admissis, contradictione qualibet non obstante, liberè procedatis. Datum *ut supra*.

## EPISTOLA DCLIX.

Carissimo in Christo filio L. regi Francorum illustri.

*De archidiaconatu Senonensi.*

Anno 1168

**I**N archidiaconatus Senonensis negotio nobiscum curialius agere tua, fili carissime, circumspècta prudentia potuisset; nec peccabimus si dixerimus debuisset: cum pro jure salvando regio, si quod erat vel esse poterat, viam nobis placuisset eligere generosam, quam acceptam te habere decuisset, cum de illorum numero credaris, qui suam fortitudinem legem justitiæ

**A** esse volunt. Sanè nullus manus nostras ligaverat, nemo linguam, quin nos statim venerabili fratri nostro P. Senonensi archiepiscopo consecrato, archidiaconatum conferre liberè potuissemus ejusdem, quem etiam poteramus conferre infra tempus de consecrandis episcopis à canone diffinitum ex apostolicæ plenitudine potestatis, sed neutro istorum usi, tuæ benevolentia moreremur, nec humilitatis nostræ fructum alium reportamus, nisi quod efficaciter docti sumus, cum se facultas obtulerit in similibus, inoffensa semper justitia, cautius nos habere, Tu ergo, fili carissime, diligenti meditatione pensabis, an bene feceris, an patri benevolo vicem dignam rependeris, quod defendi posse non credimus, nisi sacrorum canonum fundamenta totaliter à radicibus evellantur. Nos autem cum adversario, quem nobis constituere voluisti, jus nostrum prout expedire viderimus prosequemur. Datum *ut supra*.

## EPISTOLA DCLX.

Dilecto filio magistro Girardo de Ramplion canonico Senonensi,

*Ut archidiaconatus Senonensis fructus non percipiat, donec se ejus conspectui repræsentet.*

**C**Um archidiaconatus major Senonensis ecclesiæ in curia nostra vacaverit, venerabili fratri nostro P. Senonensi archidiacono in Senonensem archiepiscopum consecrato, in quo, prout audivimus, jus asseris te habere; per apostolica tibi scripta in virtute sanctæ obedientia districte præcipiendo mandamus, quatenus possessionem ejus, vel aliquid pertinens ad eundem, per te vel alium, clam vel palam, nec recipias nec attingas, nec te de ipso aliquatenus intromittas, donec te nostro conspectui personaliter præsentaveris, tuam nobis justitiam ostensurus. Quod si secus egeris, ipso facto, sententiam excommunicationis incurras, privatus omnibus ecclesiasticis beneficiis, inhabilis nihilominus maneat ad habenda. Si verò possessionem ejusdem es nactus, sub eadem forma tibi scribimus, quod dimittas, & nisi feceris, eisdem sententia excommunicationis & pœnis aliis maneat involutus. Datum *ut supra*.

Anno 1168

## EPISTOLA DCLXI.

Dilectis filiis officiali & magistro Helia de Carturco canonicis Parisiensibus.

**F** *Ut litteras suas coram testibus tradant Gerardo de Ramplion canonico Senonensi.*

**D**iscretionem vestram in virtute obedientia per apostolica scripta mandamus, quatenus magistrum Gerardum de Ramplion Senonensem canonicum ad vestram evocantes præsentiam, & venire per censuram Ecclesiasticam compellentes, litteras quas dirigimus ad eundem, quas & vobis sub bulla nostra interclusas, sub bonarum

Anno 1168

bonarum & gravium testimonio personarum legatis, & lectas tradatis eidem, & si copiam alicujus vestri scrinarii habueritis, dilectione & traditione hujusmodi faciatis fieri publicum instrumentum. Alioquin in testimonium rei gestæ vestras nobis patentes litteras transmittatis. Datum *ut supra*.

## EPISTOLA DCLXII.

Dilecto filio Ma. Veronensi electo, ducatus Spoleti & Marchiæ Anconitanæ rectori.

*De Marchianorum infidelitate & perfidia.*

Anno 1268 **L**itterarum tuarum series satis indicat, quod ab olim credimus, nos videlicet aut fideles in Marchia non habere, aut raros, ut eos non expediat numerari: quæ enim major perfidia, quam quod eos in Castri Leonis negotio Deum & Romanam ecclesiam, nos & te & tuos certum est prodidisse? Utinam dies veniat, quam cum summo desiderio præstolamur, ut talem eorum cervicibus præponamus, qui colla ferrea simili jugo comprimatur, & de tot proditoribus quam meruerunt faciat ultionem. Demum possessiones omnes dicti castri applica fisco nostro, & an expensis levibus ibi posset aliquod conveniens palatium construi, & homines illuc reduci qui non essent suspecti. Videmus enim quid Firmani facient; videbimus etiam exitum CORRADINI & Senatoris antequam quidquid arduum attentemus. Datum Viterbii (a) Idibus Junii anno IV.

## EPISTOLA DCLXIII.

Dilectis filiis potestati, capitaneo, consilio, civibus Perusinis.

*Eos adversus Corradinum mittendos vocat.*

Anno 1268 **D**iversis diversa narrantibus, sed finaliter in hanc unam sententiam concordantibus, quod CORRADINUS à viris perfidis inductus in Tuscia, & exinde traducendus ad Urbem, juxta nos transitum est facturus. Licet ad ejus impediendum transitum nequeamus habere militiam numerosam: placuit tamen nobis de nostris & Ecclesiæ fidelioribus aliquos habere nobiscum, quorum gratissimo ministerio ceteros fideles Ecclesiæ robaremus. Et ideo vos vocavimus quorum fidem præ ceteris & modernis & antiquis temporibus novimus approbatam. Nec extra contractam mittere vos intendimus; sed vestro potius consilio dirigi & præsentia recreari. Datum *ut supra*.

## EPISTOLA DCLXIV.

(b) Dilecto filio fratri (b) de Rocelene ordinis fratrum Minorum.

Anno 1268 **N**on intendimus guerram Romanis facere ex abrupto, licet multum deliquerint, & matrem suam offenderint insolenter, sed quia

(a) *Al. v. Idus.*

(b) *Al. De Orative.*

*Theauri Anecdor. Tom. II.*

**A** magna viderentur imminere negotia, dilectos filios Perusinos vocavimus, ut eorum fulciamur consiliis & præsentia recreemur. Datum *ut supra*.

## EPISTOLA DCLXV.

Carissimo in Christo filio C. regi Siciliæ illustri.

*De Tusciæ subsidio.*

**M**ittunt ad te Tusci pro militari subsidio, Anno 1268 pro quibus tibi scribere cogimur, sed tu nosti quid tibi liceat, quid deceat, quid expediat. Idcirco statu tuo pensato, sic eis respondeas, quod nec tuum periculum, nec ipsorum corda formidolosa perturbes. Datum *ut supra*.

## EPISTOLA DCLXVI.

Carissimo in Christo filio L. regi Francorum illustri.

*Scribit ei in gratiam episcopi Vivariensis.*

**C**redit mundus, & nos dudum probavimus, Anno 1268 quod ex certa scientia nullum deprimis, nullum graves; sed non omnia scire potes quæ aguntur in finibus regni tui. Sed nec factis ipsis auditis, quo pondere, qua mensura sint facta, seu recta nosce vales indagare. Et idcirco multa plerumque transeunt incorrecta, vel quia ad magnitudinis tuæ præsentiam, obfistentibus civibus, veritas non permittitur ingredi, vel ingressa non invenit per quem tibi, qui eam diligis, valeat aperiri. Hæc constantius scribimus, quæ interdum oculis nostris vidimus, & eundem defectum in nostra curia sæpius experimur, & ex nobis intelligimus quæ sunt proximi, te & alios principes ad condignam sollicitudinem potius excitantes, quam in eis omissionem aut negligentiam arguentes, cum nos nullo possimus ingenio huic morbo plenum antidotum reperire: nec præcisè damnamus in aliis quæ in nobis usquequaque non cernimus emendatum. Sanè Vivariensis episcopus & ecclesia querelas nobis suspiriis & clamoribus intimarunt, quod à tuis officialibus miserabiliter opprimuntur: qui cum soli, ut asserunt, subsunt imperio, ad judicium evocantur ab eis, & ipsorum vassalli similiter; & si non venerint, multantur, etiam pignorantur, & in civilibus & criminalibus judicantur. De his autem quæ novimus, Serenitati tuæ duximus intimandum, fines quidem imperii discretos à finibus regni tui in nulla scriptura vidimus, & eosdem distinguere nesciremus, quamvis audierimus ab antiquis, quod in locis aliquibus distinguuntur per flumina, in aliquibus per provincias, in aliquibus per dioceses, hæc penitus ignoramus. In hac tamen specialiter quæstione circa regni tui principium cum Peregrinus (c) Lacimarius esset Bellicadri Senescallus, & cum bonæ memoriæ

(c) *Al. Latinianus.*

BREMENDO tunc Vivariensi episcopo multas in hac causa haberet dissensiones: nos tunc in statu alio constituti, unâ cum quodam Raymundo de Variaco milite de communi consensu partium Vivarium ivimus, & tam in episcopi quàm in capituli nobis apertis (a) oculis archivis, omnia eorundem privilegia vidimus, quæ quidem erant imperialia, nec unum invenimus inter illa, quæ à multis retrò temporibus non indicabant dictam ecclesiam cum suis juribus ad imperium pertinere: sed & vetera nobis ostenderunt vexilla imperialia, quibus episcopus Vivariensis pro tempore usus fuerat, nec quicquam aliud receptis juramentis aliquibus, potuimus invenire. Quod cum Senescallo renunciassemus eidem, retentis paucis feudis, quæ sibi fecerat tuo nomine recognosci, substitit patienter. Quocirca celsitudinem tuam rogandam duximus & hortandam, quatenus dictis episcopo & ecclesiæ mansuetudini regia deferens, nunc præsertim dum vacat imperium, eos non permittas indebitè molestari; cum in tuis regeſtis ut credimus invenire non possis, quòd episcopi retroactis temporibus tuum dominium recognoverunt, & eisdem imperatoribus subfuisse certo certius habeatur. Porro si jus tuum ad ipsos extenditur, quod nullo volumus tempore nec vellemus in posterum mutilari, rectius juribus recuperari posse quàm viribus minimè dubitamus. Datum *ut supra*.

## EPISTOLA DCLXVII.

O. Sancti Adriani diacono cardinali apostolicæ sedis legato.

*Ut Castellæ regem ad ferendum terræ sanctæ auxilium excitet.*

Anno 1268

(b)

TERRA sancta diris assidue vexata molestiis, & intolerabilibus oppressa jacturis, (b) paratioribus solito præfidiis indiget, quæ à Christi fidelibus sine intermissione clamoris pro remedio expectatæ respirationis implorat. Unde cum sicut accepimus carissimus in Christo filius noster rex Castellæ ac Legionis illustris ad terram eandem super ejusdem angustiiis gerat piæ compassionis affectum, & ad juvandum illam se disponere videatur; volumus & per apostolica scripta tibi mandamus, quatenus si contingat te, prout intelleximus, adire partes Hispaniæ, ac ad eundem regem in tui prosecutione itineris, pervenire, ipsum ad succurrendum eidem terræ juxta tibi datam à Deo prudentiam studio efficacis exhortationis, inducas. Quod si fortè non habueris transitum per eundem, aliquibus prælatis illarum partium, de quibus videris expedire, committas, ut ipsum regem excitare sollicitè, ac prudenter animare procurent, quod dictæ terræ negotium sive personaliter, sive aliàs peroptativa velit studia promovere. Datum Viterbii x. calendas Julii anno iv.

(a) *Al. F.* Omnibus.(b) *Al.* Potioribus.

## EPISTOLA DCLXVIII.

Consulibus Montis-pestulani.

*De lectis defunctorum corporibus ad sepulturam deferendis destinatis.*

Dilectis filiis consulibus Montis-pestulani, Magalonensis diocesis, salutem & apostolicam benedictionem.

Sicut pernicioſa consuetudo, ne in privilegiorum jus à reprobis assumatur, velut corruptela pestifera est celeriter abolenda; sic laudabilis & honesta, quæ ad animarum profectum & ecclesiarum provenit incrementum, inviolabiliter est servanda, cum illa inolita corruptelam indicat, & ista servata honestati consulat & saluti. Sanè sua nobis dilectus filius prior sancti Firmini Montis-pestulani Magalonensis diocesis petitione monstravit, quod licet de antiqua & approbata consuetudine sit obtentum, ut corpora defunctorum, quorum ad hoc suppetunt facultates, in lectis propriis deferuntur ad cimiterium ipsius Ecclesiæ tumulanda, & quod eidem ecclesiæ de cujus parrochia pro majori parte homines loci existunt, lecti hujusmodi dimittuntur; ad audientiam tamen nostram perlato, quod quondam Johannes Lucianus laicus loci prædicti de quibusdam suis possessionibus & maximè in sua disposuisset voluntate ultima, ut illi qui possessiones obtinerent easdem, lectum congruè paratum haberent ad deferendum ad sepulturas corpora pauperum defunctorum, & quod quidam licet possessiones detinerent prædictas, hujusmodi tamen lectum habere juxta dispositionem testatoris ejusdem pro suo libito contemnebant in suarum periculum animarum; venerabili fratri nostro Magalonensi episcopo nostris dedimus litteris in mandatis, ut si esset ita, detentores possessionum ipsarum, quod in hac parte dispositionem servarent eandem, monitione præmissa, per censuram ecclesiasticam, sicut justum foret, per se vel per alium, appellatione postposita, coarctaret. Porro vos ex hac occasione indebitè assumentes, non requisito eodem episcopo, sed absque auctoritate ipsius, detentores prædictarum possessionum quemdam lectum facere computastis, in quo, prædicto priore invito ac penitus renuente, non solum pauperum, quorum pauperibus deferendis congruus est & decens lectus in eadem ecclesia deputatus, sed etiam aliorum corpora mortuorum qui commodè lectos habere de propriis bonis possunt facitis sepelienda portari, in ipsius prioris & dictæ ecclesiæ præjudicium & gravamen. Quare cum per hoc consuetudo probabilis pia devotione fidelium introducta, sub simulatæ specie pietatis penitus infringatur, & dicta ecclesia jure sibi per eandem consuetudinem acquisito indebitè defraudetur, idem prior nobis humiliter supplicavit, ut providere super hoc sibi & dictæ ecclesiæ paterna sollicitudine curarem. Cum igitur intentionis nostræ non fuerit, ut prædictarum litterarum nostrarum prætextu, consuetudo salubris, quæ à sola devotione



fideliū sumsit initium, aboleatur de ecclesia memorata, eique per hoc præjudiciū generetur, quin potius volentes eamdem consuetudinem pietate continua fortius roborare, prudentiam vestram rogandam, monendam duximus attentius & hortandam, per apostolica vobis scripta mandantes, quatenus proinde attendentes, quod valens ad omnia pietas promissionem vitæ quæ nunc est obtinet & futuræ, quodque meritò sibi damnationem inducit, qui pias consuetudines de ecclesiis nititur abrogare, prædictam consuetudinem, prout pia devotione fideliū introducta dignoscitur, observetis, & faciatis ab aliis observari, præfatis priori & ecclesiæ S. Firmini de damnis eis ex hoc illatis satisfactionem congruam exhibendo, & deinceps similia nullatenus attentando: ita quòd exinde divinam evitetis offensam, & dictus prior justam de vobis non habeat materiam conquerendi, nosque super hoc eidem ecclesiæ providere non cogamur. Datum Viterbii vii. calendis Julii, Pontificatus nostri anno iv.

## E P I S T O L A D C L X I X.

Dilectis filiis nobili viro Guidoni Guerræ comiti Tusciæ Palatinæ, Hysnardo Hugolino regio vicario, consilio, & communi civitatis Florentinæ.

*Consolatur eos de casu Tusciæ, excitatque ad resistendum hosti.*

Anno 1268 **D**E casu flebili qui nuper in Tuscia contigit genti carissimi in Christo filii nostri C. regis Siciliæ illustris, de quo accepimus vos tristari, licet nobis & aliis Ecclesiæ Romanæ fidelibus sit dolendum, non tamen est doloribus, sed contra hostes fortius & animosius insistendum. Non ergo ex hoc concidant vultus vestri, aut animi prosterantur, sed tamquam viri perfectæ fidei & virtutis, assumpto fortitudinis spiritu, hostibus viriliter resistatis. Nos sanè dilectum filium G. Senescallum Provinciæ, quem ad vos cum militia remitti petitis, ad præfens remittere non valemus, cum jam Viterbium venerit, ubi expectat beneplacitum dicti regis, cui per nostros bonos nuncios ipsum negotium & Tusciæ periculum duximus intimanda. Speramus in Domino quod rex ipse impendet in brevi super his consilium & auxilium opportuna. Datum Viterbii iv. nonas Julii anno iv.

## E P I S T O L A D C L X X.

(a) Dilecto filio Jacobo nato quondam (a) Diusalvi civi Senensi.

*Judicatus & Tabellionatus officium ipsi confert.*

Anno 1268 **C**Um æmula juris alieni cupiditas novas quotidie pariat quæstiones, ne immortales existerent & vitam litigantium superarent, congrua fuit deliberatione provisum, ut certæ

(a) M. Dicti Salvi.

*Theſauri Anecd. Tom. II.*

**A** personæ adjudicatus sumerentur officium, per quos ortæ lites sine debito sopirentur, sed & ne contractuum memoria deperiret, inventum est tabellionatus officium, quo contractus legitimi ad cautelam præsentium & memoriam futurorum manu publica notarentur. Hinc est quod prædicta judicatus & tabellionatus officia cum potestate dandi tutores & curatores & decreta interponendi, alimenta decernendi, testes recipiendi, & publicandi instrumenta, acta & protocolla exemplandi, necnon & auctoritatem præstandi, emancipare, manumittere, adoptare volentibus, ad quæ fuisti repertus idoneus, tibi duximus concedendum, ut illa prudenter & fideliter exequaris, & ad te cum necesse fuerit, in omnibus quæ ad officia ipsa pertinent recurratur. Nulli ergo, &c. nostræ concessionis, &c. Datum Viterbii nonis Julii anno iv.

## E P I S T O L A D C L X X I.

**C** Magistro & fratribus ordinis Prædicatorum & Generali ministro & fratribus ordinis Minorum.

*Ut privilegia fratrum Prædicatorum & Minorum episcopi, & alii prælati interpretari non possint.*

Anno 1268

**O**Rdinis vestri sacra religio, sub qua virtutum Domino in humilitate spiritus laudabiliter deservistis, promeretur, ut nos ipsum ordinem sincera diligentes in Domino caritate, illa vobis libenti animo concedamus, per quæ materia submota gravaminis, status vestri tranquillitas procuretur. Sanè transmissa nobis conquestione monstratis, quod nonnulli archiepiscopi & episcopi & alii ecclesiarum prælati vestris libertatibus derogantes, indulgentias seu privilegia vobis ab apostolica sede concessa interpretari, & ad suum intellectum trahere moliuntur, quamquam intellectum ipsum verba indulgentiarum & privilegiorum hujusmodi exprimere videantur, ac vos juxta ipsorum interpretationem privilegia ipsa servare compellunt in vestrum non modicum præjudiciū & gravamen. Quia verò super hoc apostolicæ provisionis remedium implorastis, nos vestris supplicationibus annuentes, ne præfati archiepiscopi & prælati alii prædicta privilegia & indulgentias, sive clara quæ interpretatione non indigent, sive dubia contineant, de cetero interpretari præsumant, auctoritate præsentium districtius inhibemus: volentes ut cum ejus sit interpretari, cujus est condere, interpretatio super hujusmodi dubiis & obscuris dictæ sedis judicio requiratur. Nulli ergo omnino hominum liceat, &c. Datum Viterbii nonis Julii, Pontificatus nostri anno iv.



## EPISTOLA DCLXXII.

Dilectis filiis potestati consilio & communi  
civitatis Florentinæ.

*Eorum constantiam laudat & excitat.*

Anno 1268

**Q**uia sicut per vestras accepimus litteras, nonobstante casu flebili qui nuper genti carissimi in Christo filii nostri C. illustris regis Sicilia in Tuscia contigit, vos nihilominus in fide & devotione Ecclesiæ ac regis ejusdem unanimiter permanetis; devotionem vestram in Domino commendantes, universitatem vestram rogamus, monemus & hortamur attentè, per apostolica vobis scripta mandantes, quatenus in fide & devotione hujusmodi eò fidelius & constantius persistatis, quo in casu graviore probata majori favore digna poterit meritò reputari. Nos autem super absolutione vestris civibus impendenda, ab excommunicationis sententia qua tenentur pro salario, quod dilecto filio nobili viro Jacobo de Collemedio debetur, dilecto filio fratri Guillelmo de Tonneux ordinis fratrum Prædicatorum per nostras litteras sub certa forma committimus vices nostras. Datum Viterbii viii. Idus Julii anno iv.

## EPISTOLA DCLXXIII.

Fratri Guillelmo de Tonneux.

*Ut nonnullos cives Florentinos ab excommunicationis vinculo solvat.*

Anno 1268

**C**um nonnulli cives Florentini, ratione salarii, quod dilecto filio nobili viro Jacobo de Collemedio debetur, excommunicationis sint vinculo innodati; nos animarum ipsarum sitientes salutem, discretioni tuæ per apostolica scripta mandamus, quatenus eisdem civibus vel dictum salarium solventibus, vel de ipso in competenti termino persolvendo præstantibus tibi bonas fidejussorias per mercatores videlicet curiæ cautiones, ab hujusmodi excommunicatione juxta formam ecclesiæ beneficium absolutionis impendas. Datum Viterbii viii. Idus Julii anno iv.

## EPISTOLA DCLXXIV.

Regi Siciliæ.

*Ut B. reginæ corpus apud fratres Hospitalis Jerosolymitani sepeliri faciat.*

Anno 1268

**C**um ultimæ decedentium voluntates sint omnino inviolabiliter observandæ & inter illas ordinatio claræ memoriæ B. reginæ Siciliæ illustris uxoris tuæ tibi specialiter debeat esse

**A** cordi, quæ propter specialem affectum, quem ad domum fratrum hospitalis sancti Jo. Hierosolymitani, in qua corpus bonæ memoriæ R. comitis Provinciæ patris sui jacet tumulatum, gerebat, corpus suum cum eo ibidem pariter tumulandum elegit; serenitatem tuam rogamus & hortamur attentè, quatenus intuitu pietatis, & ob memoriam dilectionis, quam ad eam habebas, hujusmodi voluntatem ipsius executioni facias demandari, cum fratres prædicti parati sint corpus ejus recipere, & cum reverentia & honore juxta ordinationem ipsius facere sepeliri. Datum Viterbii v. Idus Julii anno iv.

## EPISTOLA DCLXXV.

Potestati & consilio & communi Assisinati.

*Excusat se quod suam eis militiam non remisit.*

**C**um eveniat juxta nos transitus CORRADINI infra diem Lunæ vel diem Martis proximam, prout creditur, consummandus, patienter ferat vestra devotio, si adhuc vestros milites retinemus. Indecens enim credimus, si eos remitteremus incompleto negotio, qui nobis hætenus fideliter altiterunt. Consummato verò ipso negotio, eos ad vos cum gratiarum actionibus remitteremus. Datum Viterbi Idibus Julii anno iv.

Anno 1268

## EPISTOLA DCLXXVI.

Archidiacono Luxoviensi in ecclesia Bisuntina, & decano S. Stephani Trecensis.

*Ut Trecenses S. Mariæ moniales quæ archiepiscopum Tyrensem cimiterium canonicis sancti Urbani benedicere volentem impederunt, ad satisfactionem compellant.*

**C**LEMENTIS episcopus servus servorum Dei, dilectis filiis archidiacono de Luxovio in ecclesia Bisuntina, & decano ecclesiæ S. Stephani Trecensis, capellanis nostris, salutem & apostolicam benedictionem.

Quamvis nos, volentes quod ecclesia S. Urbani Trecensis, quæ fundata de bonis Romanæ ecclesiæ, juris & proprietatis B. Petri existit, congruis attollatur honoribus, venerabilibus fratribus nostris episcopo Autissiodorensi primò, & postmodum Tyrensi archiepiscopo, se tunc ad partes Franciæ conferenti sub certa forma dederimus nostris litteris in mandatis, ut apud ecclesiam S. Urbani ad opus canonicorum & clericorum ipsius ecclesiæ, suorumque familiarium decedentium cimiterium benedicerent: tamen abbatissa & nonnullæ de monialibus monasterii S. MARIÆ Trecensis ordinis S. Benedicti cum pluribus armatis hominibus, sicut dilecti filii decanus & capitulum ipsius ecclesiæ S. Urbani nobis significare curarunt, adversus

Anno 1268

dictum archiepiscopum volentem exequi apostolicum in hac parte mandatum, clausa porta ipsius ecclesie, insurgere præsumserunt, eum dictam ecclesiam ingredi non sinentes: & quamvis idem archiepiscopus illas monuerit diligenter, eisque sub excommunicationis pœna mandaverit, ut ipsam ecclesiam prædictam ejusque portam aperiri permitterent: ipsæ tamen excessus excessibus cumulantes, eum ne illam intraret ad hujusmodi mandatum apostolicum exequendum, manibus injectis in ipsum, timore Dei postposito, temere violentis nequiter repulerunt. Postmodum vero eodem archiepiscopo illuc pro ipsius executione mandati redire volente, se moniales ipsas, illi super hoc in strata publica exponentes, ne ad dictam rediret ecclesiam manuum injectione similiter retraxerunt, firmiter asserentes, quod sicut prius impedirent: præsertim cum dictæ abbatissæ & conventus ejusdem monasterii, ex eo vocem appellationis ad sedem apostolicam se dicerent emisisse, quod eis pro domibus, redditibus, censibus, juribus, jurisdictionibus, & rebus aliis, quarum prætextu fuit inter partes orta materia quæstionis, juxta tenorem quarundam litterarum nostrarum certis directarum personis, recompensatio non erat impenſa, quæque personæ ipsæ in quas ab utraque parte super recompensatione hujusmodi compromissum fuerat super hoc, pronunciationem aliquam non tulissent. Quæ si facta fuisset, dictus decanus & capitulum erant plenariè adimplere parati: quare iidem decanus & capitulum humiliter petebant à nobis, ut cum hujusmodi clericos & laicos prorsus ignorent, providere super hoc paterna sollicitudine curaremus. Quocirca discretionem vestram per apostolica scripta in virtute obedientiæ firmiter præcipiendo mandamus, quatenus clericos & laicos in iis assistentes abbatissæ & monialibus memoratis, quorum dicti decanus & capitulum non habent notitiam, publice in ecclesiis coram populo auctoritate nostra per vos aut alium moneatis, ut infra quindecim dies post monitionem hujusmodi plenariè satisfaciant de præmissis, alioquin ex tunc in eis nisi infra terminum alium competentem, quem ad hoc ipsis peremptorie præfixeritis, hujusmodi monitioni efficaciter parere curaverint, generalem excommunicationis sententiam promulgetis, quam singulis diebus dominicis & festivis, pulsatis campanis, & candelis accensis, per omnia loca in quibus expedire videritis, faciatis solemniter publicari. Datum Viterbii Idibus Julii, Pontificatus nostri anno iv.



## EPISTOLA DCLXXVII.

Episcopo Aretino.

*Commendat ei Odonem de Cortona, quem gravibus negotiis destinat.*

**C**UM dilectum filium nobilem virum Odonem de Cortona nostrum & Ecclesie Romanæ, ac carissimi in Christo filii nostri C. illustris regis Siciliæ devotum, pro facto dilecti filii BERTRANDI de *Albe* militis, de quo scripsimus tibi nuper, quem intelleximus captum in nemoribus detineri, & pro quibusdam aliis nostris negotiis destinemus, fraternitatem tuam ea qua possumus affectione rogamus, quatenus ob reverentiam sedis apostolicæ ac nostram super his negotiis & aliis quæ sibi per dilectum filium nobilem virum Guillelmum (a) Estandardi Senescallum Provinciæ sunt injuncta, eidem impendas, & per tuos impendi facias consilium & auxilium opportuna: ita quod nos exinde tuæ devotionis promptitudinem, quam in aliis probavimus, commendare uberius merito valeamus. Datum Viterbii xvi. calendas Augusti anno quarto.

*Potestati, capitulo, consilio & communi Aretinæ in eundem modum.*

## EPISTOLA DCLXXVIII.

Dilecto filio Cinthio Remensi canonico.

*Laudat ipsius in Ecclesiam Romanam affectum.*

**D**Evotionis indicia, quæ nobis tam per litteras quam per nuncium ostendisti, in his quæ Romanæ ecclesie honorem respiciunt, gratanter accepimus; licet etiam antea certam gereremus fiduciam, quod eo zelo in talibus ferveas, ut sub eadem debeas honorari. Quocirca scire te volumus, quod te sicut filium specialem sinceræ caritatis brachiis amplectimur, & affectum quem ad te gerimus tuis exigentibus meritis ostendemus libentius per effectum. Datum Viterbii xiv. calendas Augusti anno iv.

## EPISTOLA DCLXXIX.

Fratri G. de Toneux ordinis Prædicatorum.

*Ipsam ad se accersit.*

**I**N virtute obedientiæ per apostolica scripta tibi præcipiendo mandamus, quatenus post receptionem præsentium, si hora hoc patitur, ipsa die immediatè sequenti iter ad nos veniendi arripas, ad nos venias, & continuatis diebus tuam nobis exhibere præsentiam non postponas, cavens sub ordinis tui periculo, ne quid novi facias fierive consentias circa Florentinæ statum aut regimen civitatis, donec ore ad os nobis locutus fueris, & ad plenum nobis narraveris,

(a) Al. Stardi. Al. Eustardi.

Qq iij

quæ pro bono statu civitatis ejusdem æstimas A  
facienda, & sic à nobis instructus regredi valeas  
ad ea quæ utilia fuerint exequenda.

### EPISTOLA DCLXXX.

Dilecto in Christo nobili viro Henrico  
Domino Soliaci.

*Scribit in gratiam comitis Vindocinensis.*

Anno 1268 Juxta nostrum & tuum consilium ac man-  
datum dilectus filius nobilis vir B. comes  
(a) Vindocinensis saisinam castri (a) de Tron. in  
manu carissimi in Christo filii nostri L. regis  
Francorum illustris posuit, qui eandem bajulo  
in Andegavia carissimi in Christo filii nostri C.  
regis Siciliae illustris ejusdem nomine assignavit,  
sub spe conventionis implendæ, juxta tractatum  
super hoc habitum, quem tu nosti. Quia verò  
non expedit dictum comitem de nostro tuoque  
consilio detrimentum aliquod reportare; dis-  
cretionem tuam ex affectu rogandam duximus  
& hortandam, quatenus viam cogites, per quam  
possit consuli comiti suprascripto, cum impedire  
videatur negotium superveniens captio mares-  
calli: Et cum super his nobis scripseris, scribe-  
mus dicto regi Siciliae, prout viderimus expedire.  
Quod si nulla superest via, oportebit per viam  
(b) v. calendas Augusti anno iv.

### EPISTOLA DCLXXXI.

Dilecto filio archipresbytero S. Germani.

*Ut quamdam auri summam abbati Casinensi faciat  
assignari.*

Anno 1268 CUM quadringintæ & quinquaginta uncia  
auri penes quosdam mercatores de S. Ger-  
mano depositæ dicantur in emtionem possessio-  
num ad opus Cassinensis monasterii converten-  
dæ: & nunc propter urgentem necessitatem di-  
lecto filio abbati ejusdem monasterii expedit  
assignari easdem; dilectorum filiorum conven-  
tus ipsius monasterii supplicationibus inclinati;  
discretionem tuam per apostolica scripta manda-  
mus, quatenus prædictam auri summam eidem  
abbati, pro incumbentibus necessitatibus, per  
dictos mercatores facias assignari contra; &c.  
non obstante juramento à dictis mercatoribus  
præstito, quod nulli personæ dictum aurum  
dabunt vel resignabunt, nisi illis quibus contra-  
ctus emtionis hujusmodi fuerat celebratus. Da-  
tum ut supra.

### EPISTOLA DCLXXXII.

Abbati monasterii Cassinensis.

*Ejusdem argumenti.*

Anno 1268 CUM quadringentas & quinquaginta uncias  
auri, quæ penes quosdam mercatores de  
(a) Al. de Mrou. (b) Al. vi. Calendas.

S. Germano depositæ diucuntur in emtionem  
possessionum ad opus tui monasterii converten-  
dæ; nunc propter necessitatem urgentem dilec-  
torum filiorum conventus ejusdem monasterii  
precibus inclinati, à dictis mercatoribus tibi  
assignari mandamus. Quare discretionem tuam per  
apostolica scripta mandamus, quatenus taliter  
providere procures, quòd de redditibus seu pro-  
ventibus dicti conventus penes dictos merca-  
tores hujus auri quantitas reducatur in emtio-  
nem possessionum juxta formam depositi con-  
vertenda. Datum Viterbii v. calendas Augusti  
anno iv.

### EPISTOLA DCLXXXIII.

Ysnardo Ugoleno regio vicario in Florentia.

R Elationibus variis apud nos rumor incre-  
buit, quod tu cum nobili viro comite  
GUIDONE GUERRÆ, fratre GUILLELMO de  
Tonneux nuncio nostro & quibusdam aliis trac-  
tatus varios tolerasti super his quæ ad Floren-  
tinæ pertinent regimen civitatis sub boni specie,  
in carissimi in Christo filii nostri C. regis Siciliae  
illustris præjudicium & dispendium immutan-  
dis. Quia verò per eundem fratrem G. quem  
ad nostram præsentiam personaliter evocamus,  
super eis reddi volumus certiores; discretionem  
tuam per apostolica scripta districtè præcipiendo  
mandamus, quatenus in eisdem usque ad fratris  
ejusdem reditum nec procedas, nec procedi per  
alios aliqua ratione permittas, cum sufficere  
tibi debeat, si ipsa tolerantia, quam nobis &  
eodem rege penitus inconsultis tractatibus talia  
præstitisti, transire valeat impunita: quamvis  
vix credere valeamus, quod ex certa scientia  
quicquam feceris fierive consenseris contra eum  
Datum iv. cal.

*In eadem forma dicto comiti in Tuscia Palatino.  
Datum in omnibus Viterbii xv. calendas Augusti  
anno iv.*

### EPISTOLA DCLXXXIV.

Dilectis filiis potestati, capitaneo, ancariis,  
consilio & communi Bononiensi.

*Ut militibus ad regem confugientibus spoliatis sua  
restitui faciant.*

CUM nuper dilecti filii Ricanus de (c) Liura Anno 1268  
& Amatus de (d) Sanhon milites ac Pontius  
de Monte Catino armiger miserabilem casum,  
qui in partibus Tusciæ genti carissimi in Christo  
filii nostri C. illustris regis Siciliae contigit, bo-  
nis suis spoliati omnibus evasissent, & per ci-  
vitatē vestræ districtum ad regem properarent  
eundem, nonnulli regis ipsius & Ecclesiæ ini-  
mici eos infra ipsum districtum ceperunt, ac  
bonis quæ ab amicis suis postmodum acquisie-  
rant spoliaverunt. Adhuc duos ex eis nihilominus

(c) Al. viii. Calendas.

(d) Al. Pira.

(e) Al. De Sauchon.

detinent carceri mancipatos: quod quantum A  
in nostram injuriam & Ecclesiæ ac regis ejusdem  
vergat opprobrium, discretionem vestram  
credimus non latere. Ideoque universitatem  
vestram rogamus & hortamur attentè, per apo-  
stolica vobis scripta mandantes, quatenus cum  
afflictis non sit addenda afflictio, sed eorum  
potius miseriæ miserandum, & captivos hujus-  
modi pristinæ libertati, & tam ipsorum quàm ter-  
tii, qui apud vos dicitur suum procuratorem ha-  
bere, bona quibus in districtu spoliati fuerunt  
integraliter restitui faciatis, devotionis prompti-  
tudinem, quam ad Ecclesiam & regem credi-  
mus vos habere, sic in his per exhibitionem  
operis ostendentes, quòd eam dignis exinde in  
Domino laudibus merito commendare possi-  
mus. Datum Viterbii 11. calendas Augusti anno  
quarto.

## EPISTOLA DCLXXXV.

I N eodem modo capitaneo Guelphorum Bono-  
niensium usque ad miserandum, ad libertatem C  
hujusmodi captivorum, & faciendam fieri resti-  
tutionem bonorum, quibus tam ipsi quàm tertius  
qui in civitate prædicta suum dicitur habere  
procuratorem in dicto districtu spoliati fuerunt,  
prompta sollicitudine per te & alios Ecclesiæ fi-  
deles intendas, devotionis, &c.

## EPISTOLA DCLXXXVI.

Dilecto filio S. tituli S. Cecilie presbytero  
cardinali apostolicæ sedis legato.

*De multis negotiis.*

Anno 1268

Q Uæ de Meldensi, Montis-martyrum &  
Virgiliacensi negotiis nobis scripsisti, grata  
habuimus & habemus. Jotrensem verò electam  
etsi jus non deficeret, ex quo probatio deficit,  
cassare cogaris juxta traditam tibi formam. De  
monasterio Altvillaris nostram tibi bis aperui-  
mus voluntatem. Absolvendi autem illos de  
regno Franciæ, qui perturbatione carissimi, &c.  
regis illustris & regi Angliæ latas dudum à nobis  
sententias incurrerunt, tibi concedimus facul-  
tatem, quibus juxta vires, & prout videris ex-  
pedire, competentem satisfactionem injungas  
cessuram in subsidium terræ sanctæ. Datum  
Viterbii 11. calendas Augusti anno iv.

## EPISTOLA DCLXXXVII.

Malatestæ.

Anno 1268

S I propter malitiam temporis, quam in brevi F  
finiri speramus, credis à novitatibus absti-  
nendum, abstinere credimus esse bonum. Si  
tamen inevitabile vides in dilatione periculum;  
scribimus rectori Marchiæ, quod tecum con-  
ferat super illo, & te ac tuos adjuvet sicut &  
quantum viderit expedire.

## EPISTOLA DCLXXXVIII.

Veronenſi electo vel ejus locum tenentibus.

*Commendat ei Malatestam.*

S Uper his, quæ dilectus filius vir nobilis Anno 1268  
Malatesta de Verole tibi per se vel per lit-  
teras de statu Romaniolæ intimabit, benignè  
ipsum audias, & collatione cum eo habita, in  
dando ei auxilio & consilio, sicut & quantum  
videris expedire, sollicitudinem ad honorem  
Ecclesiæ habeas diligenter. Datum Viterbii viii.  
Idus Augusti anno iv.

## EPISTOLA DCLXXXIX.

Ad Theobaldum regem Navarræ.

*Ut Francorum regi suggerat & consulat, ut in eos  
qui impia in Deum sacramenta proferebant  
animadvertat.*

C LEMENS episcopus servus servorum Dei Anno 1268  
carissimo in Christo filio regi Navarræ  
illustri, salutem & apostolicam benedictionem. Ex carta-  
rio Campa-  
ria.

Ad tenenda memoriter & gratiarum actio-  
nibus debitis prosequenda, divinæ beneficia  
largitatis, non solum testimonia scripturarum,  
sed eorum nos excitant pondus, numerus &  
mensura: ad quæ licet nostræ cognitionis in-  
firmitas pleno numquam attendat intuitu, vi-  
det tamen & percipit in ænigmate, sentit in-  
super ex suorum defectuum necessariis & con-  
tinuis supplementis, ad quæ sibi non sufficit  
Dei munere non ad vitam nec ad horam sibi  
subduci modicam sui manum benevoli Condi-  
toris: quam si semel subtraheret vel retraheret,  
sicut originaliter universa processerunt ex nihilo  
creaturæ, sic & in nihilum nedum vergerent,  
sed redirent. Sanè licet in omnibus, quæ præ-  
missis, aliquatenus nos illustret nostræ lumen  
intelligentiæ concreatum, ea tamen fidei ma-  
gisterio plenius intelligimus, quo deficiens in  
seipso sustentatur & regitur intellectus, & ut  
fiat liberior captivatur ad credenda quæ supra  
se conspicit, pariter & suspiranda tam humili-  
ter quam utiliter se coaptat, quæ utique suæ  
modulum capacitatis excederent, si subducto  
vehiculo fidei libertati propriæ redderetur. Ce-  
terum præter alia divinæ munera pietatis, quæ  
vel ipsa creatione recepimus, vel assidua guber-  
natione sentimus, illud nostræ tenacius debet  
inhærere memoriæ, quod in catholicæ fidei  
professione didicimus factum, scilicet propter  
homines Deum hominem ad illius nos eminen-  
tiam dignitatis sua misericordia sublevasse, ut  
nostræ factus humanitatis particeps, nos pius  
miseros & abjectos suæ participes divinitatis  
efficeret, & regni sui, si nostra scelera non im-  
pediant, coheredes. Qui profectò visus in terris,  
& homo cum hominibus conversatus, velut gigas  
ad currendam viam exultans, nec stetit, nec  
pertransiit otiosus: immò pauper & in labori-



bus à sua permanens juventute, minis, flagellis, sputis, convitiis laceffitus, & diversis saturatus opprobriis, morte demùm turpissima condemnatus in cruce moriens, pretiosissimo suo sanguine nos redemit. Quantum igitur & sub quanto discrimine majestatem ipsius offendant, qui ejusdem humanitatem despiciunt, tam amabilem quam insignem omnibus necessariam, omnibus fructuosam, sua satis cuilibet conscientia manifestat. De quorum numero notabiliter sunt censendi, qui pollutis & nefariis labiis membratim lacerantes eundem, nunc per caput, nunc verò per oculos, nunc per cetera membra jurantes, multis interdum contumeliosis injuriis interjectis, Dei Filio qui in sua simplex essentia Patri permanens coæternus, membrorum compositionem in se ipso non noverat, donec ea pro nobis assumpfisset, blasphemantes impropere ad injuriam, quod ad hominum gloriam & honorem sua mera benignitate suscipiens, in se homine totam massam humani generis honoravit. Sunt & alii qui de Virgine gloriosissima juramenta similia compingentes, & his etiam non contenti, verbis turpibus de eadem exquisitas blasphemias evomentes: sed & sanctos alios variis laceffentes injuriis, Dei timore postposito, linguas indomitas & effrenes in eas audent impingere: contumelias quas nedum cogitare seu promere, quin etiam audire cedit fidelibus in horrorem. Porro sunt aliqui qui ponentes spem suam mendacium, & excusationes in peccatis quærentes, in terris aliquibus, ex abusu consuetudinis quam non laudant, linguæ lubrico hæc ascribunt, cui dicunt facilius ignoscendum cum immunis maneat animus, prout asserunt, à contemptu. Quibus dicimus è diverso, quod ex abundantia cordis os loquitur, & de corde prodire blasphemias, sicut & mala cetera, quæ ipse Dominus ore suo sanctissimo prædicavit. Et ne consuetudinis tam damnabilis clypeo se defendant; verba Hieronymi diligenter intelligant, sic dicentis: Qui negligunt oris maledicti consuetudinem reserare; etiamsi non corde maledicant, tamen immunditiam labiorum secundum Isaïæ verbum & inquinamenta oris incurrun. Hæc signanter præsentibus duximus inferenda, quia novimus istud vitium regni Franciæ partem non modicam multis adeo jam temporibus infecisse, ut ex usu quodam nefario pauca inibi loquantur homines, juramenti hujusmodi non adjectis. Quod in regno tam nobili, cui Dominus benedixit, tanto magis notabilem ponit maculam, quanto devotionis & fidei gratiam plenior, & celebrius testimonium noscitur habuisse. Ecce, fili carissime, si scripturam sacram revolveris, alienigenam regem invenies idolis servientem, gravem tamen in illos promulgantem sententiam, qui Deum Sidrac, Misac, & Abdenago blasphemarent. Ecce legimus principem Romanorum, qui vetustas leges enucleans, legum studia suscitavit, in blasphemos

(a) Jam leges severissimas in blasphemos tulerat S. Ludovicus Francorum rex, quibus ignito ferro linguas blasphemantes perforari mandavit. Hanc fortè severitatem cum nonnulli ægrè ferrent, huic epistolæ Clementis occasionem dederunt, qua probat in blasphemos animadverti, non quidem morte aut mem-

hujusmodi graviter fulminasse. Sed fateamur quod in pœnis hujusmodi tam acerbis eorundem vestigiis carissimum in Christo filium nostrum regem Francorum illustrem non deceat (a) inhærere. Sed aliæ poterunt reperiri citra membri mutilationem & mortem, quæ à dictis blasphemis temerarios homines poterunt cohibere. Quocirca serenitatem tuam monendam duximus & hortandam, quatenus tuam reputans tui Redemptoris injuriam, prædicto regi Francorum consulas & suadeas quod ad regnum suum ab hac labe purgandum salubriter statuatur, de suorum consilio procerum, quod ad Dei honorem & gloriam viderit statuendum. Datum Viterbii 11. Idus Augusti, Pontificatus nostri anno IV.

## EPISTOLA DCXC.

CAROLI REGIS SICILIÆ  
ad Clementem Papam IV.

*Annunciat ei victoriam ab ipso de Corradino reportatam.*

SANCTISSIMO IN CHRISTO PATRI DOMINO SUO C. ANNO. 1268  
divina providentia Sacro-sanctæ Romanæ & universalis Ecclesiæ summo Pontifici CAROLUS Dei gratia rex Siciliæ, ducatus Apuliæ, & principatus Capuæ; Andegaviæ, Provinciæ, Folcalquerii comes cum omni reverentia & honore pedum osculamina devotorum.

Expectatam diutius & desideratam à cunctis fidelibus orbis terræ lætitiā, vobis, Clementissime Pater, & Sacro-sanctæ Romanæ Ecclesiæ matri meæ, tamquam suavitatis (b) incensum humiliter offerens, supplico ut surgens pater & comedens de venatione filii sui, exsolvat gratias debitas Altissimo, & tam pater quam mater à suis deinceps laboribus conquiescat. Noveritis igitur quod manu Domini, quæ mei tutrix est & patrona justitiæ, meos feliciter & salubriter dirigente processus, postquam CORRADINUS ejusque sequaces regni mei finibus propinquarunt, quærentes foramina per quæ possent latenter ingredi, seque conjungere Saracenis. Ego ipsos de passu in passum per tres dies totidemque noctes sequens & persequens, tandem pro certo percepto quod dicti hostes per (c) Tittui partes ingressi sperabant per (d) Marciana rura descendere, & pervenire Sulmonam quodque inter (e) Scutulæ & Curti montes in quadam planitie sua infelicia castra defixerant, die Mercurii octava videlicet Assumptionis B. Virginis, de cujus (f) potissimè sperabam auxilio, de pratis (g) Ovinuli secus lacum Fuchini & villam (h) ad necem aciebus instructis, divina me gratia comitante, demùm procedens ad quemdam collem prope Albam, qui per duo parva miliaria distabat ab hostibus, ex quo campus Pa-

brorum mutilatione, sed aliis pœnis.

(b) Al. Incensum. (c) Al. Tictleri  
(d) Al. Marcitana. (e) Al. Sculculæ & Caurthii.  
(f) Al. Potentissimæ. (g) Al. Ovinuli.  
(h) Al. Avizani. Al. Avesini. Al. Luceriz.

lesinus

lestinus se explicat, iter meum prosequendo perveni, & hostium exinde castra prospiciens, quia gens mea & equi potissimè erant præ labore nimio fatigati, deliberavi & jussi caltramentari in eodem colle exercitum christianum. Hostes verò videntes vexilla mea, castrorum suorum appropinquare terminis, dictique exercitus formidantes aggressum, de castris suis in campum cum omnibus eorum copiis exiverunt, aspicientes gentem meam ad prælium præparatam, cum magna confusione, meis post eos clamantibus, ad loca de quibus exiverant sunt reversi. Sequenti autem die orto jam sole hostes de locis ipsis recedentes, cœperunt prosequi ultra flumen quod inter utrumque decurrebat exercitum, infaustis eorum auspiciis iter suum, quod ego diligenter advertens, statim in prædicti campi (a) Palestini planiciem aciebus distinctis, & ordinatis ad prælium, in divini nominis virtute descendi, procedens maturis gressibus ex adverso: & cum crederem (b) eos ulterius processuros, ipsi castra super ripam fluminis prope villam Pontium, suis tamen aciebus nullatenus dissolutis, præter spem meam & meorum omnium posuerunt; & intuentes quod & meus similiter castrametabatur exercitus, (c) deinum flumen subito cum magno impetu trajecerunt. Ego verò de divino præsidio vestrarumque orationum confisus auxilio, invocato Christi nomine, irruì celeriter & viriliter in eosdem. Et postquam fuit acerrimè utrimque pugnatum, majori parte hostium in ore gladii trucidata, reliqui licet pauci sustinere mei molem exercitus non valentes, se fugæ præsidio commiserunt; quos mei festinis gressibus insequentes, pro magna parte per montes & nemora peremerunt. Facta est itaque hostium tanta strages, quod illa quæ in agro Beneventano de aliis Ecclesiæ persecutoribus facta fuit, hujus respectu valde modica reputatur. De CORRADINO autem & HENRICO Senatore nobis utrum in bello ceciderint, an per fugam evaserint, nulla in confectioe præsentium, quæ statim post victoriam scriptæ fuerunt, haberi potuit certitudo. Verùm equus, cui dictus senator infedebat, à nostris, cum sine fessore fugeret, captus fuit. Lætetur igitur mater Ecclesia, & pro tanto triumpho cælitus ei per suorum pugilum ministerium clementer indulto, in jubilum supernæ laudis asurgat: quoniam jam dedisse videtur omnipotens Dominus finem suis vexationibus, eamque de avidis persecutorum suorum faucibus liberasse. Datum in Campo Palestino xxiiii. die Augusti xi. Indictione, anno iv.

## EPISTOLA DCXCI.

Regi Siciliae.

*Commendat regis Franciæ nuncios ad Venetos.*

Anno 1268. **C**um carissimus in Christo filius noster L. rex Franciæ illustris ad Venetos mittat

(a) *Al. Palentini.*(b) *Al. consultiis.**Theauri Anecd. Tom. II.*

**A** nuncios speciales ad tractandum super his quæ ad suum & baronum Franciæ passagium pertinent transmarinum, qui post tractatum hujusmodi sunt inde Brundisium profecturi, ad ordinandum de his quæ ipsi passagio fuerint opportuna; Serenitatem tuam rogandam duximus & hortandam, quatenus civibus Brundisinis & aliis regionis illius des tuis districtè litteris in mandatis, ut in venditione navium, victualium, & aliorum quæ ad dictum passagium necessaria fuerint, erga dictos nuncios sic se reddant liberales & benignos, quod propter defectum eorum rex inde suum mutare passagium nulla ratione cogatur; sed ad id per eorum benevolentiam potius animari. Datum Viterbii xviii. calendas Septembris anno iv.

## EPISTOLA DCXCII.

Dilectis filiis potestati consilio &amp; communi Reatino.

*Increpat eos quod fusos à Carolo rege hostes apud se receperint.*

**A** Grè ferimus, si veritas suffragatur relationibus, quod inimicos Ecclesiæ capitales à filio nostro in Christo carissimo C. rege Siciliae illustri, Domino favente, confusos per fines vestros, ut dicitur, liberè transire permittitis; id vobis ad plenæ libertatis arbitrium ascribentes, quod inde votationis vos arguit, & reos probat fidei violatæ. Si enim Romanæ Ecclesiæ dominium non abjicitis nec negatis, sicut utique cum bona conscientia non potestis: unde vobis, quæsumus, liberum esse potest tutum illis præbere transitum, quos in evidens exterminium matris vestræ ac dominæ conglobatos cum CORRADINO & H. nobilibus genere, sed moribus degeneribus novistis publicè processisse? Verè quidem dicere possemus, quod si veri filii fuissetis, ac condidisset vos amor paternus pariter & maternus, ut ad defensionem juris nostri, quod habemus in regno, nullo vos invitante, operam & operam dedissetis. Quod si vobis placuerit facere, qua fronte fugientes hostes nostros recipere valeatis, salva fide quam nobis debetis, nulla possumus ratione videre. Quocirca universitati vestræ districtè præcipiendo mandamus, quatenus omnes qui in vestro reperientur districtu, & alios qui supervenerint, detineatis captivos: alioquin eos de vestris manibus requiremus: & si damnum propter hoc aliunde senseritis, vobis jam poterit imputari. Datum Viterbii vii. calendas Septembris anno quarto.



Rr

## EPISTOLA DCXCIII.

Dilecto filio nobili viro Malatestæ de Veriolo,  
comiti Tadæo de Monte Feltro.

*Annunciat eis Caroli regis de hostibus victoriam.*

Anno 1268

**A**D divinæ gloriæ majestatis carissimi in Christo filii nostri C. illustris regis Siciliæ litteras in hac die prope nonam recepimus in hæc verba *Santissimo, &c.* Vos igitur tamquam Ecclesiæ devotissimos filios ad grates Altissimo referendas & gratulandum nobis & Romanæ Ecclesiæ matri vestræ, prout decet & expedit, invitantes, devotionem vestram monendam duximus & hortandam, quatinus diligentius attendentes quo favore, qua grātia sit tantus pugil fidei prosequendus, tam nostri quā sui participes gaudii insolitæ devotionis constantia vos firmeris, cum ex hoc cuncta vobis prospera sperare debeatis meritò, & eos qui rebelles esse voluerint, utique dante Domino contemendos, nisi, quod cupimus, errori veteri prorsus abjecto, matri suæ didicerint obedire. Datum Viterbii VII. calendas Septembris anno IV.

## EPISTOLA DCXCIV.

(a)

Abbati (a) S. Savini de Firmo.

*Gratias agit de sollicitudine ejus.*

Anno 1268

**L**itteras tuas vidimus, & ea quæ ad nostram memoriam excitandum scripsisti, pleno collegimus intellectu. Verum quia carissimo in Christo filio nostro C. regi Siciliæ illustri, Dominus dedit nuper de suis & Ecclesiæ inimicis triumphum, quæ tunc temporis ignorabas, videre poteris quod ea quæ scripsisti intendere non oportet, quæ tibi necessaria videbantur, in hoc tamen quod nos sollicitos reddidisti, tuam prudentiam plurimum in Domino commendantes. Datum Viterbii IV. calendas Septembris anno IV.

## EPISTOLA DCXCV.

Venerabili fratri H. Ostiensi & Velletrensi  
episcopo.

*Corradinum & alios teneri in vinculis à rege  
Siciliæ.*

Anno 1268

**I**nfirmi tati tuæ paterno compatimur affectu, prompti, si quid ad salutem tibi possumus, operari. Illud autem scire te volumus, quod sicut per dilecti filii nostri J. SS. Cosmæ & Damiani diaconi cardinalis & aliorum multorum fide dignorum litteras accepimus, Carissimus in Christo filius noster C. illustris rex Siciliæ CORRADINUM & ducem Austriæ GALVANUM & GALIOTUM ejus filium cum HENRICO quondam senatore Urbis & CORRADO de Antiocha tenet carceri mancipatos: & jam rex ipse Pe-

(a) Al. S. Martini,

A nestram venerat, Urbem in proximo ingressurus. Datum Viterbii XVIII. calendas Octobris anno quarto.

## EPISTOLA DCXCVI.

Regi Siciliæ illustri.

*Ut oratorem marchionis Estensis benigne recipiat.*

**C**Um vir nobilis dilectus filius marchio Estensis & progenitores ejusdem Ecclesiæ Romanæ fideles extiterint & devoti, & ipse tuæ magnitudini paratus sit obsequi, & hactenus obsequiosus fuerit genti tuæ; serenitatem tuam rogandam duximus & hortandam, quatenus venientem ad tuam præsentiam ambaxiatorem ipsius providum & discretum, pro quodam comitatu, in quo idem marchio habere jus dicitur, repetendo, pro reverentia sedis apostolicæ & nostra benigne recipias, patienter audias, & tam favorabiliter, quā celeriter ad Dominum suum remittas cum gaudio expeditum, & ut idem nobilis de devoto fiat devotior & fidelis Ecclesiæ, ceterique tui ac tuorum amici ad tua se reddant obsequia promtiores.

Anno 1268

## EPISTOLA DCXCVII.

Abbati Apamienfi.

*Nullam ei præscripsisse formam in tractatu  
cum rege faciendo.*

**L**icet filio nostro carissimo illustri L. Francorum regi scripserimus, quod improbi videbatur consilii petitio circa pacta quæ à te quærebantur in compositione inter ipsum & monasterium tuum tractata, tibi tamen nullam formam scripsimus, vel tradimus, in qua finem poneretur eodem. Si igitur cum eo non processisti tantum, ut non liceat retrahere tibi pedem, & tu cum aliis, sicut per litteras dilecti filii viri nobilis GASTON vice-comitis (b) Vearnensis, nuper accepimus, potes utilius convenire; minus te reputabimus sapientem, nisi quod Ecclesiæ tuæ commodius videris, inoffenso rege, duxeris acceptandum: quem offendi debere non credimus, si eo quæ leviora fuerant totiens recusante, utilitati tuæ prospexeris, ductus consilio meliori. De nobis noveris quod acceptius semper habebimus quicquid decentius & securius erit ecclesiæ memoratæ. Datum Viterbii XVI. calendas Octobris anno IV.

Anno 1268

(b)

## EPISTOLA DCXCVIII.

Lamfranguino Malezæ & Lucerto civibus  
Januensibus.

*De procurando libero itinere regis Franciæ.*

**S**cire vos volumus quod Veneti nuntiis filii nostri carissimi illustris Francorum regis de-

(a) Id est Bearnensis, quippe Vvascones & proximæ nationes, unde oriundus erat Clemens, B. litteram loquendo sæpius convertunt in V.

derunt responsum, quod cum eis nullam poterant conventionem facere, timentes ne soldanus Babiloniæ quicquid habebant in Alexandria occuparet. Unde consulimus & mandamus, quod curetis ad eundem regem solemnes nuntios destinari, ut vobiscum passagium suum faciat, & exponatis vos ei tam liberaliter quod vestrum obsequium debeat acceptare. Datum Viterbii xv. calendas Octobris anno iv.

## EPISTOLA DCXCIX.

Veronenſi electo.

Anno 1268

**S**I audita regis victoria & eo viſo rediſſes in Marchiam, & cum militia quam collegeras inimicos Eccleſiæ impugnaffes, pluribus placuiſſes. Nos tamen non arguimus quod feciſti; ſed cur nos conſulis? Quid agendum ſit tibi, à modo non videmus, cum Marchia te deſideret, nec ſtipendiarios tenere debeas ultra ſtipendia conſtituta. Datum Viterbii xiv. calendas Octobris anno iv.

## EPISTOLA DCC.

Regi Siciliae illuſtri.

*Commendat ei Guidonem Guerram Tuſciæ comitem.*

Anno 1268

**D**ilectum filium Guidonem Guerra comitem Tuſciæ Palatinæ, qui tibi tam fideliter quam utiliter multo ſervivit tempore, tuæ benevolentia duximus commendandum, ut in ſuis juſtis petitionibus exauditus, & de impenſis obſequiis gaudeat, & ad impendenda vehementius animetur. Quod ſi forſitan in Florentia rectorem Italicum, prout à te citò petetur, inſtituere propoſueris; credunt multi quod eo non poſſes ponere meliorem: quin etiam ſi majorem locum in Tuſcia ſibi committeres, creditur quod in illo melius ſe haberet. Super his igitur in quot ei tenearis conſiderans, ſed & quantum poſſit eſſe in poſterum, ſicut haſtenus extitit fructuoſus, te taliter habeas ad eundem, quod & tuam deceat magnitudinem, & ipſius devotio tuæ beneficiis largitatis inſuſa, in amorem tui culminis promtis & humilibus deſideriis incaleſcat. Datum Viterbii x. calendas Octobris anno quarto.

## EPISTOLA DCC I.

Regi Franciae.

*Gratias agit pro exhibita monaſterio S. Aegidii gratia.*

Anno 1268

**N**atalis ſoli memores, nuper tuæ benevolentia ſcripſimus, ut tam monaſterium S. Aegidii quam villam ejus benè tractantes, & ſuper appellatione quam à lata per ſeneſcallum Bellicardi contra eos ſententia interpoſuerant, earundem juſtitiam clementer audires. Sanè tua benignitas latius ſe extendens, non ſolum

*Theſauri Anecd. Tom. II.*

**A** juſtitiam non negavit, non ſolum non diſtulit; quin potius debitum univerſum dicitur remiſſiſſe. Nos igitur tantæ gratia promittitudinem gratius amplectentes, licet hæc & multa ſanctiſſimo confessori Aegidio pro Dei & ſui reverentia debeantur; quia preces quas interjecimus tuum credimus animum ad favoris hujus affluentiam excitafſe: tibi proinde ad gratiarum uberrimas actiones aſſurgimus, monaſterium idem & villam Serenitati regia denuò commendantes, ut te eis exhibeas ſine tua & aliorum injuria favorabilem & benignum, & id ipſum tuis pro tempore ballivis injungas. Datum Viterbii iiii. nonas Octobris anno iv.

## EPISTOLA DCC II.

Regi Siciliae.

*Quod non poſſit matrimonii fœdus cum filia regis Bohemiae inire.*

**M**artinum habitu ſaltem templarium, quem in Alamanniam mittere decreviſti, petentem à nobis eundi licentiam exaudire noluimus, ſed ad ſuum magiſtrum, qui tunc erat Viterbii, propetendalicentia tranſmiſimus, quam habuit protinus ab eodem, licet longè maluiſſet obtinuiſſe à nobis, ut aliqua ſibi eſſet occaſio jugum ordinis declinandi. Sanè dudum ab illuſtri rege Bohemiae ſuper his quæ requiris reſponſum certum habuimus, quod non multum nobis fuit acceptum, cum reſponderit eo tempore quod de filia jam ſe aliis obligaverat, ſed habere poterat adhuc liberos, quibus habitis, locus eſſet inter te & ipſum, tuis & ſuis liberis fœdera ſolidandi. Si igitur noſtrum & tuum honorem attendis, ſufficere tibi poſteſt, ſi tu tuum Martinum miſeris, & nos noſtro Martino parcemus, quem utrumque mittere, nihil aliud eſſet quam conſuſionem duplicem reportare. Fecit quidem tunc noſter poenitentiarius frater noſter Martinus quod potuit, & non ſine perſonæ periculo multis functus laboribus, fructumque voluit ſed non valuit reportare. Datum Viterbii ii. Idus Octobris anno iv.

## EPISTOLA DCC IV.

Archiepiscopo Surrentino.

*Ut à ſententia excommunicationis abſolvat Averſanos Corradinum ſecutos.*

**C**um civitas Averſana, quæ à ſuo ſe domino imprudenter averterat, ad eundem prout dicitur, providè ſit reverſa; fraternitati tuæ per apoſtolica ſcripta committimus & mandamus, quatenus ſi eſt ita, & perſonas, impoſita poenitentia ſalutari, à ſententiis excommunicationis, quas pro favore CORRADINI & regni turbatione incurrerant, juxta formas abſolveas, & ſententiam interdicti relaxes. Datum Viterbii ii. Idibus Octobris anno quarto.

R r ij

## EPISTOLA DCCIV.

Ad Theobaldum regem Navarræ & Campaniæ comitem.

*Ut canonicis S. Urbani litteras de acquirendis pro ecclesia sua possessionibus, quas detinebat, restituat.*

Anno 1268

**C**LEMENS episcopus servus servorum Dei carissimo in Christo filio illustri regi Navarræ salutem & apostolicam benedictionem.

Illustribus & præsertim regia dignitate præditis illa vigere debet constantia firmitatis, ut quicquid ab eis consultè conceditur, perpetuis temporibus firmum ac stabile habeatur: sed tunc præcipuè quando ipsi ad ea perficienda suum piè inclinant animum, per quæ non solum humanæ laudis præconium eis provenit; sed & nominis claritas ac benedictionis perpetuæ incrementum. Ex affectione siquidem pura, quæ inter te & felicitis recordationis URBANUM papam prædecessorem nostrum, dum fuit sub nostræ mortalitatis habitu, mutuò viguisse creditur, & devotione nimirum, quam ad Romanam Ecclesiam teneris habere processit, quod inductus apostolicis precibus per litteras concessisti liberalitate regia & affabilitate benigna, ut in tuo feudo seu dominio ad opus ecclesiæ S. Urbani Trecensis, quam dictus prædecessor in solo domus paternæ fundari decrevit, & canonicorum ipsius ecclesiæ usque ad certam quantitatem possessiones & redditus emi possent. Cujus concessionis virtute, quod ad regiam redundabat famam & gloriam, jam aliquam partem reddituum & possessionum hujusmodi se in dicto dominio acquisivisse gaudebant canonici memorati. Sed ecce, sicut mirantes audivimus, quamquam credere vix possumus, aurum tuæ intentionis piissimæ ac illius sinceritatis, quam ad dictum prædecessorem tua sublimitas habuisse cernitur, obscuratum esse videtur, & color optimus nimis subito immutatus, dum nescitur cujus consilio, an proprio vel forsan alieno, hujusmodi benignæ concessionis litteras regii præconii contentivas, quas Johannes Gallæ canonicus Trecensis olim procurator ipsius ecclesiæ, sibi nomine dictorum decani & capituli commendatas, tibi fraudulenter asseritur tradidisse, detines: immò quod est gravius interdum illas, quæ tamen à tot fide dignis inspectæ creduntur, quod vix poterunt absorberi, cassasse ac lacerasse in excusationem detentionis hujusmodi, quod numquam in cor tanti principis ascendere debuit, diceris protulisse, baillivo tuo Trecensi domos, possessiones, & bona, quæ in eodem dominio ex prædicta concessione acquisita fuerant pro ipsa ecclesia, excepta quadam grangia, nomine tuo faciente saisiri; sicque pia dispositio prædecessoris ejusdem, qui dum vixit internæ brachio caritatis te prosecutus extitit, circa eandem ecclesiam habita defraudatur; ac nobis, qui affectum ipsius prædecessoris in hac parte habitum deducere cupimus, quantum ex alto conceditur ad effectum, gravis irrogatur

A injuria; Romana Ecclesia mater tua, de cujus bonis illa fundamentum accepit, offenditur; ac honori regio, saluti & famæ non modicum derogatur. Rogamus itaque Celsitudinem Regiam & hortamur attentè, paterno consilio suadentes, quatenus circa dictam ecclesiam S. Urbani tam pro divina reverentia, quam pro ipsius prædecessoris memoria, & nostræ personæ intuitu, illum affectum benevolum, quem prius ad illam videbaris habere, continuans, præfatis canonicis liberaliter litteras, si extant, restituas memoratas: alioquin novas illis similes prioris. que tenoris regali dextera largiaris, domorum, reddituum & bonorum omnium ipsius ecclesiæ quæ taliter facit baillivus ipse saisiri, faciendo saisinam penitus amoveri, & ecclesiam in eorum tranquilla possessione dimitti, ac permittendo possessiones & redditus usque ad quantitatem promissam ad opus ipsius ecclesiæ comparari: preces nostras & salubre consilium in hac parte taliter impleturus, quod pateat per effectum operis te velle vacare actibus virtuosis, nosque qui te ex intimo cordis affectu diligimus, regali magnificentiæ speciales proinde gratias referamus. Alias autem cum non sit deferendum homini contra Deum, quantumcumque regiam honorare magnitudinem proponamus, conniventibus non poterimus pertransire oculis, quin subveniamus eidem ecclesiæ S. Urbani de condigno præsidio apostolicæ potestatis. Non ergo, fili carissime, nostrum provoces in hac parte animum, cum te inter ceteros mundi principes, sincera diligamus in Domino caritate. Datum Viterbii vii. calendas Novembris, Pontificatus nostri anno iv.

## EPISTOLA DCCV.

Dilecto filio Cinthio rectori, consilio & communi Cornetano.

*Ut victualia ad curiam suam mitri non prohibeant.*

**N**ON est nobis credibile Urbis vicarium vobis inhibuisse, ne ad nostram curiam victualia deferatis. Quod si fecit miramur plurimum, universitati vestræ per apostolica scripta districtè præcipiendo mandantes, quatenus ipsius mandatis super his minimè pareatis. Volumus tamen ut quantum, salva vestra, quamdiu Viterbii fuerimus, & nostra commoditate, poteritis, dilectis filiis Romanis civibus auxilium in victualibus præbeatis. Datum Viterbii vii. calendas Novembris anno iv.

## EPISTOLA DCCVI.

Regi Siciliæ.

*Ut nihil dubii aggrediatur ante ducis Burgundiæ adventum.*

**L**ITTERAS dilectorum filiorum viri nobilis ducis Burgundiæ & magistri G. cancellarii Bajocensis recepimus, per quas petunt, ut te

Anno 1268

Anno 1268



efficaciter inducamus, ne sine ipsis & nobilium A  
militum cum eis venientium comitiva, Sara-  
cenis appropinques. Credunt siquidem tui sta-  
tus ignari, quod magnum tibi discrimen immi-  
neat in hac parte. Nos igitur licet per tuas lit-  
teras acceperimus quod felicem victoriam,  
quam tuus camerarius nuper habuit, Agarenis  
occisis in magno numero, & residuis in fugam  
conversis; tuæ tamen consulimus magnitudini,  
quod si quid aggredi moliris, quod eventus  
dubii videatur, dicti ducis satisfacias desiderio, B  
ut tutius impleas quod desideras, & tui se par-  
ticipes esse honoris tam ipse quam alii qui cum  
eodem venerunt glorientur. In his autem quæ  
carent grandi discrimine, non decet te aliquem  
expectare. Datum Viterbii v. calendas Novem-  
bris anno iv.

## EPISTOLA DCCVII.

Dilecto filio magistro ordinis Hospitalis  
Hierosolymitani.

*Commendat ei P. de Bellovicino.*

Anno 1268

Licet fratres tuos caros omnes habere de-  
beas, illos tamen specialis amplecti te con-  
venit brachiis caritatis, qui majoribus meritis  
adjuvantur, & sedis apostolicæ gratiam non  
mediocrem meruerunt. Cum igitur dilectus  
filius frater P. de Bellovicino in officio cubi-  
cularii nobis fideliter & honestè serviverit, &  
in locis sibi commissis à suis majoribus sic se  
gesserit, ut & nobis & tibi debeat esse gratus, D  
eum tuæ prudentiæ specialiter duximus com-  
mendandum, devotioni tuæ per apostolica scri-  
pta mandantes, quatenus pro nostra & sedis  
apostolicæ reverentia, ejus sic curam habeas,  
sic ei ad ejus promotionem intendas, quod &  
ipsius studium semper in melius promoveatur,  
& nos exinde tibi ad plenioris favoris gratiam  
teneamur. Datum Viterbii iv. calendas Novem-  
bris anno iv.

## EPISTOLA DCCVIII.

Fratri Philippo de Aëgris ordinis hospitalis  
Jerusalemmitani.

*Ut possit cum rege Siciliae usque ad pascha remanere.*

Anno 1268

Licet dilectus filius magister & fratres hos-  
pitalis Jerusalemmitani ultra & circa mare  
positi de te graviter, quod utique nobis dis-  
plicet, conquerantur; quia tamen filius noster  
carissimus in Christo C. rex Siciliae illustris tuam  
dicit sibi præsentiam in Sicilia necessariam, da-  
tum tibi terminum usque ad pascha duximus  
prorogandum, nisi forsan interim esset insula  
reformata, vel idem rex tale & tantum misis-  
set subsidium, ut secure possis ad ordinis tui  
negotia remanere. Datum Viterbii iv. calendas  
Novembris anno iv.

(a) Al. Productio tempore.

(b) Al. Feltrano.

## EPISTOLA DCCIX.

Regi Siciliae.

*Laudat fidelitatem comitis Thadæi & Malatestæ  
de Veriolo, eosque regi commendat.*

Nota fides & probata devotio dilecto- Anno 1268  
rum filiorum virorum nobilium comitis  
TADÆI & Malatestæ de Veriolo, quam semper  
uniformiter ad Romanam habuerunt ecclesiam,  
in tua demum (a) producit tempora, sic à (a)  
longis retroactis temporibus, ut sicut matrem  
sic & te filium specialem puris mentibus pro-  
secuti, genti tuæ ferventer astiterint & servie-  
runt affluenter, nec personis parcentes, nec re-  
bus: sed seipso totaliter in tuis obsequiis expo-  
nentes. Sanè civitatem Ariminensem & quas-  
dam alias in devotione hujusmodi cum amicis  
suis, ut possunt, retinent & conservant non sine  
laboribus & periculis, quæ eisdem ab infideli-  
bus ingeruntur, & præsertim à Guidone de  
Monte (b) Felitano, qui Urbis vicarius extitit (b)  
inurbanus, & cum Urbinatibus stratam publi-  
cam insolenter impediens, multis viris fidelibus  
& penitus innocentibus in rebus nocuit & per-  
sonis. Quocirca Serenitatem tuam rogandam  
duximus & hortandam, quatenus eos ad tuam  
præsentiam accedentes benignè recipias, ami-  
cabiliter audias, & eis insuper etiam in prolixis  
sermonibus, si eis usi fuerint, amorem geras: D  
sed & quod proposuerint ad impendendum eis  
consilium & auxilium per viam quæ videbitur  
melior, favorabilem te eisdem exhibeas & be-  
nignum. Romaniola siquidem ad conventiones  
quas habuisti nobiscum te astringere aliquate-  
nus non videtur, & juvare commodè eos poteris,  
(c) Bononiensibus non offensis. Sed & de celeri (c)  
expeditione eorum specialiter te rogamus, ne  
languere facias viros amabiles te sequendo: qui  
licet sint nobiles, in mobilibus quæ libenter  
distribuuntur non abundant, juvandi potius  
dignis muneribus, quam sumtibus supervacuis  
onerandi. Datum Viterbii iiii. calendas Novem-  
bris anno iv.

## EPISTOLA DCCX.

J. SS. Cosmæ & Damiani diacono cardinali. (d)

*Ut partes suas interponat in componenda contro-  
versia inter episcopum Anagninensem &  
Rainaldum Rubeum.*

Siqua est inter venerabilem fratrem nostrum Anno 1268  
Anagninensem episcopum & dilectum filium  
Raynaldum Rubeum controversia, ad pacem  
inter eos firmandam partes tuas viriliter inter-  
ponas. Sed & scire te volumus cum Raynaldo  
prædicto, qui se offert ad ea quæ habet in castro  
de Titulis commutanda nobiscum, vel nobis

(c) Al. Bene meritis.

(d) Al. A.

vendenda, si maluerimus, quam in utraque via poteris invenire, ut ad nos rediens finale verbum referas, ne citationis prolixitas nobis sit oneri, quam æquanimiter non ferremus. Datum Viterbii viii. Idus Novembris anno iv.

## EPISTOLA DCCXI.

CAROLI SICILIÆ REGIS  
ad Gregorium X. Papam.

*De solutione census pro regno Siciliae.*

Anno 1268  
Ex Bisunt.  
no 8 Vin-  
centii ms.

**S**anctissimo in Christo Patri & Domino suo Domino GREGORIO divina providentia sacro-sanctæ Romanæ & universalis Ecclesiæ summo pontifici, CAROLUS Dei gratia rex Siciliae, ducatus Apuliæ & principatus Capuæ, almæ Urbis senator, Andegaviæ, Provinciæ, & Forcalquerii comes, Romani imperii per sanctam Romanam Ecclesiam in Tuscia vicarius generalis, devota pedum oscula beatorum

Diu est, clementissime Pater, quod perquisivi & indagavi sollicitè de tempore, quo vos de ultramarinis partibus recedentes, iter arripere ad partes Italiae feliciter redeunt, certificari desiderans, si apud aliquam civitatem in hujusmodi reditu moram aliquam disponeretis contrahere, ut certus atque securus clementiæ vestræ octo millia unciarum auri, censum annum, in quo Ecclesiæ Romanæ ratione regni Siciliae teneor, cum devotione & obe-

diencia debita destinarem. Misi etiam jamdiu Jacobum de Gancelmo dilectum militem familiarem & fidelem ad vestram præsentiam, expressè injungens, ut me super præmissis, nec non & si per mare vel per terram essetis ad easdem partes Italiae redituri, quam citius posset certificare curaret, & licet idem Jacobus, considerato tempore quo à me recessit, potuerit, ut mihi videtur, me super his certum efficere, non dum per eundem Jacobum vel per aliquem alium scire potui de præmissis veritatem. Quapropter statim vestræ sanctitati supplico, quatenus benignè attendentes, si placet hujusmodi super mei negotii puritatem, mihi mandare dignemini, apud quem locum vultis quod vobis eundem censum transmittam, habentes meam devotionem & obedientiam super eo quod censum ipsum in statuto termino, secundum pacta & conventiones inter eandem Ecclesiam & me habita non transmuto, de consueta benignitate sedis apostolicæ excusatam, mihi que apostolicas litteras ad hujusmodi excusationes meas necessarias concedentes: ita quod propter hoc pactorum & conventionum ipsarum transgressor non reputes, ac ex inde poenam aliquam non incurram. Ego enim censum ipsum, quem vobis à me debitum prædicto termino transmissem, si certus fuisset de loco apud quem potuissem illum misisse, jam in certo loco feci deponi, vobis juxta vestræ voluntatis beneplacitum, cum filialis devotionis promittitudine celeriter transmittendum. Datum Neapoli anno Domini mclxxv. die xi. Julii, indictione iiii. regni mei anno decimo.





# JOHANNIS PAPÆ XXII.

## PROCESSUS VARI ADVERSUS LUDOVICUM BAVARUM IMPERATOREM ET EJUS ASSECLAS.

*Ex ms. illustrissimi episcopi Montis-pessulani.*

### AD MONITIO PRÆVIA.

**D**EFUNCTO anno 1313. Henrico VII. imperatore in Italia, quò cum exercitu adversus Robertum Apuliæ regem iter direxerat, alio post anno cum Francofurtum ad electionem novi Romanorum regis, qui ipsi succederet in imperio, convenissent principes penes quos jus eligendi residebat, vota sua duas, in partes contulerunt. Petrus Moguntinensis archiepiscopus, Balduinus Treverensis item archiepiscopus, Wolmarus marchio Brandenburgensis & Johannes rex Bohemiæ Ludovicum comitem Palatinum Rheni, ducemque Bavariæ in Romanorum regem elegerunt. Econtrario autem Henricus archiepiscopus Coloniensis, Rudolphus dux Saxonie, & Rudolphus comes Palatinus Rheni fraterque Ludovici Bavariæ ducis, suffragia sua in Fredericum Austriæ ducem converterunt. At qui nomine Wolmari marchionis Brandenburgensis absentis calculum suum Ludovico attribuit, Nicolaus Bookius miles, id per fraudem & contra marchionis mentem fecisse insimulatus est. Quippe Wolmarus votum suum Frederico conferri voluisse dicitur. Hinc nata immanis inter eos discordia, cum uterque electum se proclamaret ac pro electo se gereret. Ludovicum Balduinus Treverensis archiepiscopus Aquisgrani, Fredericum Bonne Henricus Coloniensis argenteo diademate decoravit, primus qui non potuit, secundus ubi non debuit. Vacabat interim sedes apostolica, quam defuncto Clemente V. 20. Aprilis 1314. non ascendit Johannes xxij. nisi 17. Augusti 1316. quo Lugduni canonicè à cardinalibus electus est. Igitur uterque armis potius quam jure electionem propugnare visus est, Victoria non uno in conflictu penes Ludovicum cessit, qui etiam commisso prælio Muldoff inter & Otinghen in Bavaria Fredericum captum juri suo renunciare coëgit: id quod ad annum 1323. refert Johannes Trithemius. Cum autem summum pontificatum adeptus esset Johannes xxij. directis ad eam nunciis contendentium uterque electionis suæ atque adeo inaugurationis confirmationem ab eo postulavit. Verum cum in electione discordiam intervenisse animadvertisset Johannes, confirmatione dilata, utrique diem dixit, ut quidquid juris vel facti

quisque pro se adduceret, à sede apostolica examinaretur, penes quam supremam in imperatores potestatem esse existimabat. Hanc procrastinationem egrè tulit Ludovicus, gubernatores & vicarios in urbibus & provinciis Italiae preposuit, ac per omnia se gessit ut imperatorem. His mirum in modum exacerbatus Johannes omnes Vicariatum Romani imperii in Italia usurpantes absque licentia sedis apostolicæ diris addixit, ac ne tale aliquid attentarent sub excommunicationis pœna prohibuit. Pontificis censuram spreuit Ludovicus, qui imperii potestatem non à papa, sed à solo Deo esse existimabat. Hinc graviori percussus ulcere Johannes, ne sedis apostolicæ jura sic pessumdata relinqueret; adversus imperatorem procedendum duxit, ac ni resipisceret eundem ab imperio deturbare sibi proposuit. His minis nihil motus Ludovicus, sed audacior factus, jam sibi non minus adversus papam quam adversus Fridericum decertandum esse credidit. Rebus ita turbatis, Johannes ad Ludovici depositionem se accinxit, Ludovicus nefandissimo schismate alium sibi constituit pontificem fratrem Petrum de Corbario Ordinis Minorum quem Nicolaum cognominavit. Interim varios tam adversus Ludovicum, quam adversus sequaces processus fecit Johannes papa, varios adversus Johannem itidem Ludovicus. Hos Johannis xxij. processus cum in vetustissimo codice illustrissimi Joachimi de Colbert episcopi Montis-pessulani reperissem, luce publica haudquaquam indignos existimaui. Ex his tamen nonnullos jam editos apud Odoricum Rainaldum & Abrahamum Bzovium reperies, verum aliquando magna sui parte truncatos. At cum hujusmodi processuum collectio unum aliquod historiae corpus efficiat, ne qua vel levissima sui parte truncaretur, auctores mihi fuere amici mei, ut omnes nihilominus hic promulgarem.

## INDEX PROCESSUUM.

**P**rocessus contra usurpantes vicariatum imperii eo vacante. Si Fratrum & coepiscoporum nostrorum & aliorum quorumlibet.

Quod Bavarus desistat favere hæreticis & ecclesiæ rebellibus, & dimittat administrationem imperii, donec per Romanam Ecclesiam approbetur. Attendentes quoddam errori, &c.

Prorogatur declaratio pœnarum præcedentis processus contra Bavarum ad supplicationem nunciorum suorum. Dudum viii. videlicet Idus mensis Octobris.

Denuntiatur excommunicatus Bavarus, quia non deseruit administrationem imperii, nec à fautoria resiliit hæreticorum & ecclesiæ Romanæ rebellium. Urget nos caritas sponsæ Christi.

Privatur Bavarus jure regni & imperii. Sicut ad curam.

Privatur Bavarus ducatu Bavariæ & feudis Ecclesiæ, & declaratur fautor hæreticorum, citaturque super diversis criminibus sententiam auditurus. Divinis exemplis.

Citatur Bavarus auditurus sententiam super hæresi. Quia juxta doctrinam.

Monetur Bavarus quod exeat Lombardiam. Ad speculatoris.

Citatur filius Bavari super usurpatione marchionatus Brandenburgensis. Olim contra Ludovicum.

Item executoria ipsius.

Privantur Marsilius & Johannes, ac excommunicati nunciantur & suspensi prælati ceteri Bavaro adherentes. Dudum propter notorios.

Judicatur hæreticus Bavarus, & inhibetur generaliter & quibusdam communitatibus nominatim ne faveant sibi. Dudum volentes certis dubiis.

Judicantur hæretici Marsilius & Johannes. Licet juxta doctrinam.

Mandatur prædicatio crucis, & datur impugnantibus Bavarum & sequaces ejus indulgentia plena. Ad publicam notitiam.

Processus alius indulgentiæ contra Bavarum magis succinctus. Ad tuam.

Mandantur communitates, quibus erat nominatim inhibendum, ne adhererent Bavaro, denunciari in pœnas & sententias incurrisse. Graves & detestandos.

Decernantur irrita coronatio Bavari & alia circa ipsum & sequaces ejus præsumpta. Dudum per facti evidentiam.

Monentur Romani quod expellant de Urbe Bavarum & sequaces ejus. Quamquam nobis.

Citatur Castrucius Lucanus Tyrannus super crimine hæresis sententias auditurus. Inter curas.

Privatur episcopatu Jacobus olim episcopus Castellanus. Dudum fama.

Indulgentia orantibus pro statu pacifico Ecclesiæ catholice. Discipulorum Christi.

Deponitur ab officio Michaël olim Generalis Minorum, & tam ipse quam Bonagratia & Okam pro contumacia excommunicantur. Dudum ad nostri apostolatus.

Processus contra mordentes constitutiones apostolicas. Quia nonnumquam.

Processus contra fratres Minores Saonenses super violatione interdicti apostolici in civitate Saonensis. Super nonnullis dignum prorsus.

Pronunciatur hæreticus & Schismaticus Petrus de Corbario. Adversus hominem illum.

Pronunciatur hæreticus Bavarus, quia tenet damnatam hæresim per constitutionem Cum inter. Ad communem notitiam.

Committitur archiepiscopo Mediolanensi, & ejus suffraganeis, & quibusdam abbatibus prædicatio crucis contra Bavarum in forma prima cum aliquibus specialitatibus additis. Ad publicam notitiam.

Declaratur

*Declaratur hæreticus & schismaticus Michaël olim Minorum generalis minister. Ad nostri apostolatus.*

*Inhibetur ne quis Bavari vicariatum suscipiat, nec pro talibus se gerentibus intendat. Dudum perverfis.*

*Johannes de Claromonte declaratur fautor hæreticorum, & privatur comitatu Moach & terris quas habebat in Sicilia & privilegiis apostolicis & imperialibus, & citatur super hæresi. Crescit facile.*

*Citatur Bertholdus de Niffen super crimine hæresis, de quo propter fautoriam Bavari reddidit se suspectum. Cum olim Bertholdus.*

*Pronunciatur Bertholdus de Niffen, & alii duo fautores hæreticorum, & irritantur quæ pro Bavaro egerunt in partibus Lombardiæ. Vineæ Domini.*

*Privantur Minores Saonenses privilegiis, &c. propter fautoriam Michaëlis olim generalis ministri. Ad nostri.*

*Responsio super tractatu pacis Bavari facta nunciis regis Bohemiæ & archiepiscopi Treverensis & Ducum Austriæ. Regiæ.*

*Recognitio & confessio eorum facta per fratrem Petrum de Corbario. Sicut de his.*

*Denuntiatur Bavarus aliis narratis processibus, in excommunicationis sententiam incidisse, ac pœnas in eis contentas incurrisse, & cassantur omnia per ipsum concessa vel donata, & præsertim quedam citatio per eum facta, & inhibetur universis prælatis nobilibus & aliis ne compareant, vel sibi in aliquo dicta die pareant, &c. Ad communem notitiam.*

*Privantur mendicantes Bavaro adherentes privilegiis suis, circa sepulturas & aliis à sede apostolica concessis. Ad communem omnium.*

*Citantur super hæresi Guillelmus Okam, Bonagratia, & Henricus de Chalen ordinis fratrum Minorum cum certis protestationibus. Dudum sicut.*

*Citatur super eodem Bertholdus de Niffen. Dudum ad publicam.*

*Citatur iterato Jacobus episcopus Castellanus super eodem. Ad notitiam.*

*Citatur Johannes de Claromonte auditurus sententiam super crimine hæresis. Ad notitiam.*

## PROCESSUS

*Contra usurpantes Vicariatum Romani imperii.*

**J**OHANNES episcopus servus servorum Dei ad futuram rei memoriam.

Si fratrum & coepiscoporum nostrorum & aliorum quorumlibet jura illibata servari, & ab omni fore dispendio diminutionis extranea cupimus, & ad id libenter nostræ sollicitudinis studium adhibemus, multò fortius equidem pro nostris & Romanæ Ecclesiæ sponsæ nostræ juribus & honoribus conservandis ex injuncto nobis officii debito, apostolicæ provisionis partes tenemur impendere, ne temporibus nostris usurpationis injuriam subeant, aut detrimentum cujusvis derogationis incurrant. Sanè in nostram

*Theſauri Anecd. Tom. II.*

A & fratrum nostrorum deductum est, fama divulgante, notitiam, quod licet de jure sit liquidum, & ab olim fuerit inconcussè servatum, quod vacante imperio, sicut & nunc per obitum quondam HENRICI Romanorum imperatoris vacasse dignoscitur, cum in illo ad sæcularem judicem nequeat haberi recursus, ad summum pontificem, cui in persona B. Petri terreni simul & cælestis imperii jura Deus ipse commisit, jurisdictio imperii prædicti devolvitur, ac illam absque alterius participio durante vacatione hujusmodi, per se vel per alium seu alios exercet in eodem imperio pleno jure: nonnulli tamen in Italiæ partibus potestatis & dignitatis fastigium illicitæ ambientes, in nostrum & sanctæ Romanæ matris Ecclesiæ, quantum in eis est, præjudicium evidens, ac diminutionem honoris & juris, vicariatus seu alterius cujuscumque nomen officii, quod ipso imperatore vivente ex ipsius fortè commissione gerebant in certis terris, territoriiis sive locis post decessum ipsius absque nostra vel apostolicæ sedis petita vel ob-  
C tenta licentia retinere sibi, & nonnulli etiam de novo assumere quod non gesserunt antea temerariis ausibus præsumserunt: quo vel quibus adhuc non verentur abuti, ac sub ejus vel eorum colore multa facere & fecisse noscantur, quæ in nostram & Ecclesiæ prædictæ injuriam apertè redundant, non abhorrentes pro his variis involvi criminibus, nec divinæ majestatis formidantes offensam. Quia igitur error cui non resistitur approbari videtur, & latum pandit delinquentibus sinum, qui eorum perverfis conatibus non resistit. Nos volentes nostris & ecclesiæ sponsæ nostræ juribus & honoribus in hac parte prospicere, & malis ac scandalis quæ ex usurpativa retentione seu assumptione hujusmodi orta sunt hætenus, & quæ proculdubio se possent in antea suboriri, celeriter obviare, necnon periculis animarum hujusmodi retinentium & usurpantium nomina, & eis abutentium, ut præfertur, salubriter occurrere cupientes, præsentium auctoritate monemus sub excommunicationis pœna omnes & singulos cujuscumque status, præeminentiæ, dignitatis, aut conditionis existant, etiam si patriarchali, vel quavis alia superiori, aut pontificali vel regia, seu alia quacumque præfulgeant dignitate, qui post vacationem imperii absque nostra vel sedis prædictæ licentia, hujusmodi vicarii seu cujusvis alterius officii nomen sibi ubilibet retinuerunt, seu assumerunt, & retinent, & sub talis denominationis pallio abusi sunt, & abutuntur potestate, vel jurisdictione quacumque, seu ejus exercitio publice vel occultè, quatenus de cetero à denominatione hujusmodi aut nominis usurpatione seu retentione prædicti vel cujuscumque alterius, necnon usu, potestate, vel exercitio supradictis prorsus abstineant & omnino desistant. Inhibentes insuper sub pœna prædicta omnibus & singulis patriarchis, & prælatis, etiam aliis superioribus, & inferioribus, ac regibus, civitatibus, communitatibus, universitatibus, capitaneis, potestatibus, rectoribus, comitibus, vice-comitibus, baronibus & omnibus

SI



aliis cujuscumque sint dignitatis, conditionis, aut status, ne prædictos hujusmodi nomen vicarii, seu aliud quodlibet in eodem imperio retinentes, ut præfertur, aut usurpantes illicitè, vel eorum aliquem sub denominatione vel titulo hujusmodi nominum, seu procuratores, commissarios, judices, aut vices eorum gerentes, quocumque colore quæsito recipiant vel admittant, nec ut vicariis seu vicario aut officialibus imperii pareant vel intendant, aut pareri vel intendi faciant vel permittant, nec in his eis vel ei quomodolibet præstent auxilium, consilium vel favorem, alioquin in omnes & singulos patriarchas, prælatos, etiam superiores & inferiores, reges & ceteros denominatione prædicta, ut præmissum est, abutentes, ac illius prætextu assumentes quæcumque officia, potestates, jurisdictiones ac eorum exercitia, & in recipientes eos ut vicarios vel officiales imperii aut commissarios eorum, ut talium, & in parentes seu obedientes eis ut talibus, aut præstantes in hoc sibi auxilium, consilium, vel favorem, nisi infra duorum mensium spatium à die datæ præsentium numerandum penitus resipuerint, vel se licentia sedis apostolicæ super hoc ostenderint communitos, excommunicationis in singulares personas & in terras & loca ipsorum, & quælibet communitates, universitates, civitates, aut villas, interdicti sententias de fratrum nostrorum consilio publicè promulgamus, contra eos nihilominus spiritaliter & temporaliter gravius processuri, prout inobedientia eorum exegerit, qualitas facti suaferit, & videbimus expedire. Et ut quibuslibet parendi talibus tollatur occasio, omnes & singulos qui hujusmodi vicariatus nomen usurpantibus juramento fidelitatis tenentur astricti, à juramento hujusmodi quantum ad hoc de potestatis plenitudine absolventes, auctoritate apostolica firmiter inhibemus eisdem, ne talibus ut vicariis vel officialibus imperii aliquatenus pareant vel intendant. Et insuper omnes pactiones, obligationes & confederationes & colligationes à quibuscumque super hoc quomodolibet initas juramento vel quacumque alia firmitate vallas, omnino dissolvimus, juribus vacuumus, irritamus, & quatenus de pacto processerint revocamus, ac hujusmodi & quælibet alia juramenta à quibuslibet super his præstita, per quæ posset in prædictis nostris & ecclesiæ prædictæ juribus derogari, præsertim cum juramentum vinculum iniquitatis esse non debeat, relaxamus. Ceterum ut hujusmodi processus noster ad communem omnium notitiam deducatur, cartas sive membranas processum continentes eundem in ecclesia Avenionensi appendi vel affigi ostiis seu superliminaribus faciemus, quæ processum ipsum suo quasi sonoro præconio & patulo indicio publicabunt: ita quod omnes & singuli quos processus ipse contingit & contingere potest, nullam postea possint excusationem prætere, quod eos talis processus non pervenerit, vel quod ignoraverint eundem, cum non sit verisimile remanere, quoad ipsos, incognitum vel occultum quod tam potenter om-

nibus publicatur. Actum Avinioni in domo episcopali II. calendas Aprilis.

## PRIMUS PROCESSUS

*Contra Bavarum quod resiliat à fautoria hæreticorum & rebellium Ecclesiæ, ut deferat administrare ac vocare se regem, donec per Ecclesiam approbetur.*

**J**OHANNES episcopus servus servorum Dei ad futuram rei memoriam. Attendentes quod dum errori non resistitur, is ad quem resistere pertinet, illi ut cumque præsumitur consentire, quodque plerumque justitiæ opprimatur veritas, si defensionis opportunæ illi beneficium subtrahitur. Profectò nec errori damnabili consentire per resistantiæ negligentiam volumus, neque pati ob defectum opportunæ defensionis præsidii justitiam opprimi sponsæ Christi. Dudum siquidem per obitum claræ memoriæ HENRICI Romanorum imperatoris imperio Romano vacante, principes ecclesiastici ac sæculares, ad quos translato ab olim per sedem apostolicam prædicto imperio de Græcis in personam magnifici CAROLI in Germanos, futuri Romani regis in imperatorem postmodum promovendi electio pertinebat, votis eorum in diversa divis, duos, sicut dicitur, in discordia elegerunt: quibusdam eorum in dilectum filium magnificum virum LUDOVICUM Bavarie, quibusdam verò in dilectum filium FREDERICUM Austriæ duces, nominando & eligendo ipsos in Romanos reges, dirigentibus discorditer vota sua. Verùm præfatus LUDOVICUS à nobis, ad quem suæ electionis hujusmodi sicut præmittitur, in discordia celebrata, ac personæ ipsius examinatio, approbatio, & admissio: repulsio quoque & reprobatio noscitur pertinere, electione prædicta nequaquam admissa, nec ejus approbata persona, sicut notoria fama notoriatur, & publica facti evidentia manifestat, non quærens, ut deberet, per ostium ad hujusmodi regni vel imperii conscendere dignitatis fastigium; sed potius aliunde, nescimus quo ductus spiritu, vel verius seductus consilio, præfati Romani regni nomen sibi & titulum regium usurpavit: quamvis priusquam alterutrius eorum per sedem apostolicam fuisset approbata vel reprobata persona, neutri electorum ipsorum assumere licuit nomen & titulum prælibatum, cum nec interim Romani reges existant, sed in reges electi, nec sint habendi pro regibus, nec reges etiam nominandi. Idem etiam LUDOVICUS eundem præsumto titulo non contentus, administrationem jurium regni & imperii prædictorum in gravem Dei offensam, & contemptum ac manifestam injuriam Romanæ Ecclesiæ matris suæ, ad quam ejusdem vacationis imperii regimen, sicut & impræsentiarum vacat, pertinere dignoscitur, necnon & plurimorum scandalum, & rei turbationem & læsionem publicæ, ac suæ animæ detrimentum profligare, seque illi immiscere irreverenter ac indebitè

præsumit hætenus & præsumit : exigendo & recipiendo sub præfato titulo regio fidelitatis in Alamanniæ & nonnullis Italiæ partibus tam à personis ecclesiasticis, quam sæcularibus vassallis imperii per se & alios juramenta, ac de dignitatibus, honoribus & officiis ad ejusdem Romani regni seu imperii dispositionem spectantibus pro suo libito disponendo, sicut his proximis diebus præteritis de marchionatu Magdeburgensi quem . . . primogenito suo de facto publicè contulit, ordinavit : necnon alia plurima exercendo, quæ ad ejusdem Romani regni & imperii regimen non est dubium pertinere. Ejusdem insuper Ecclesiæ Romanæ, sicut Galeatio de vice-comitibus & ejus fratribus, quamvis sint de crimine hæresis à suis competentibus judicibus exigente justitia per diffinitivam sententiam condemnati, & nonnullis aliis præfate Ecclesiæ rebellibus se exhibere fautorem & defensorem contra dictam Ecclesiam, prosequentem adversus eosdem rebelles jura imperii & negotium fidei ipsius, in gravem divinæ majestatis injuriam, contemptum ejusdem Ecclesiæ, & animæ suæ perniciem non est veritus nec veretur. Nos itaque tam temerariis ausibus, ne mos tam perniciosus invalescat in posterum, obviare, ac prout apostolatus nostri spectat officium, justitiam sponsæ Christi in hac parte deffendere, dictumque LUDOVICUM à tam periculoso erroris devio ad veritatis callem reducere cupientes, ac considerantes quòd ad ejus præsentiam ad proponendum coram eo præsentialiter, per quæ posset & deberet retrahi à prædictis, nequaquam tutus patet accessus, quodque in præmissis formidatur, quòd mora periculum, & dissimulatio damnum forent proculdubio allaturæ ad providendum super præmissis excessibus & obviandum eisdem, subscriptum modum de fratrum nostrorum consilio ac ex certa scientia, ac de apostolicæ potestatis plenitudine eligentes, præfatum LUDOVICUM præsentem fidelium multitudine copiosa, præsentium tenore monemus, eidem sub virtute sanctæ obedientiæ ac excommunicationis pœna, quam ipsum, nisi cum effectu hujusmodi monitioni nostræ paruerit, incurrere volumus ipso facto; auctoritate apostolica nihilominus injungentes, ut infra trium mensium spatium à data præsentium computandum, quos ei de eorumdem fratrum nostrorum consilio pro peremptorio termino assignamus, ab administratione, fautoria, & defensione prædictis, prorsus absteineat ac desistat, administrationem ipsam per se, vel alium, seu alios, non resumiturus ulterius, nisi tunc demùm cum, & si electionem suam hujusmodi, quæ de ipso dicitur celebrata, ac personam ejusdem, per sedem apostolicam approbari contigerit & admitti, quodque gesta per eum post præsumtum ab eo titulum memoratum circa præmissa, quatenus processere de facto, cum de jure non teneant, velut ab ipso cui jus faciendi non competebat, nec competit, attentata, curet infra prædictum terminum quantum patietur possibilitas, realiter revocare apertè : per præsentium seriem intimari

*Theſauri Anecd. Tom. II.*

A tes eidem, quod si in præmissis per eum infra præfatum terminum exequendis, negligens fuerit vel remissus, nos contra ipsum ad publicationem pœnarum, in quâ propter præmissos excessus notorios incidisse noscitur vel incidet in futurum, & alias quantum suadebit justitia, ejus non obstante absentia, procedemus. Universis insuper patriarchis, archiepiscopis, episcopis, & aliis personis ecclesiasticis quibuscumque sub pœna suspensionis ab officio & beneficio, quam eos incurrere volumus ipso facto, nisi post præscriptum terminum infra scriptæ inhibitioni nostræ efficaciter studuerint obedire, & tam ipsis quàm omnibus & singulis civitatibus, comitatibus & universitatibus, necnon personis singularibus quibuscumque, cujuscumque conditionis aut status existant, etiamsi regali aut alia quacumque dignitate præfulgeant, in virtute sanctæ obedientiæ, & sub pœnis excommunicationis in personas, & interdicti in terras eorum, nec non privationis privilegiorum quorumcumque apostolicorum & imperialium ac feudorum quæ ab Ecclesia vel imperio obtinent, districtius inhibemus, ne prædicto LUDOVICO in præmissis vel aliis regni seu imperii tangentibus regimen tamquam regi seu in regem Romanorum electo, nisi & quousque dictam electionem ac personam ipsius per sedem eandem approbari contigerit, vel admitti, in aliquo pareant seu intendant : ne ve eidem in quibuscumque ad regimen prælibatum spectantibus præbeant auxilium, consilium vel favorem : non obstante, si ipsi vel eorum aliqui ad hoc se dicto LUDOVICO ut regi seu in regem Romanorum electo astrixerint per fidelitatis vel alterius cujuslibet generis juramenta : quæ quidem cum præstita fuerint ei cui minimè præstari debuerunt, nec servari sine æternæ salutis valeant detrimento, præstantes eadem non astringunt : quæ nihilominus ad cautelam auctoritate apostolica relaxamus, illaque cassæ & irritæ nunciantes, decernimus penitus non tenere, nec fore aliquatenus observanda. Seu si præfato LUDOVICO vel quibusvis aliis communiter vel divisim per litteras sedis ejusdem foret sub quacumque verborum formâ vel expressione concessum, vel concederetur in posterum, quod excommunicari, suspendi, vel eorum terræ seu loca interdicti non possint : quas contra præsentem processum nostrum in nullo eis volumus suffragari, sed ipsas quoad hoc viribus volumus omnino carere. Ex præmissis autem nos nequaquam intendimus nec volumus obligare, quin ad publicationem dictarum pœnarum & alias contra dictum LUDOVICUM possimus pendente hujusmodi dilatione procedere, prout justum fuerit, & nobis visum fuerit expedire. Ut autem hujusmodi processus noster ad ipsius LUDOVICI & aliorum quorum interest communem notitiam deducatur, cartas sive membranas processum continentes eundem in Avinionensi ecclesia appendi vel affigi ostiis seu superliminaribus ejusdem Ecclesiæ faciemus, quæ processum ipsum suo quasi sonoro præconio & patulo indicio publicabunt : ut idem

§ f ij

LUDOVICUS & alii quos processus ipse contingit, nullam possint exculationem prætere, quod ad eos non pervenerit vel quod ignoraverint eundem, cum non sit verisimile quod ad ipsos remaneret incognitum vel occultum, quod tam patenter omnibus publicatur. Volumus autem & apostolica auctoritate decernimus, quod hujusmodi processus eundem LUDOVICUM & alios supradictos apprehendat & ardet, ac si eisdem personaliter publicatus & insinuat sollemniter extitisset: constitutione quacunque per prædecessores nostros Romanos Pontifices in contrarium edita non obstante. Nulli ergo omnino hominum liceat hanc paginam nostræ monitionis, mandati, inhibitionis, relaxationis, & constitutionis infringere, vel ei ausu temerario contraire. Si quis autem hoc attentare præsumserit, indignationem omnipotentis Dei & beatorum Petri & Pauli apostolorum ejus se noverit incursurum. Datum Avinione in palatio episcopali viii. Idus Octobris, Pontificatus nostri anno octavo.

## SECUNDUS PROCESSUS

*Ad supplicationem nunciorum Bavari differtur declaratio pœnarum & sententiarum quas incurrit ipse Bavarus favendo rebellibus, & administrationem ac titulum regia non deferendo juxta priorem processum.*

Anno 1314

JOHANNES episcopus servus servorum Dei ad futuram rei memoriam.

Dudum, viii. videlicet Idus Octobris proximo præteriti contra magnificum virum LUDOVICUM ducem Baviaræ, pro eo quod post electiones tam de eo quam de magnifico viro FREDERICO duce Austriæ in Romanorum reges electis in discordia celebratas, graves quin immo plurimum præjudiciales excessus contra Deum & Sanctam Romanam Ecclesiam temerè & notoriè perpetrarat, & perpetrare continuè præsumebat quemdam processum, convocata ad hoc præsentem multitudinem fidelium copiosa, de fratrum nostrorum consilio duximus faciendum, & ut ad ejusdem LUDOVICI & aliorum quorum intererat communem & certam notitiam deferretur, patentes litteras bulla nostra munitas, processum continentes eundem, fecimus in ostiis ecclesiæ Avinionensis affigi, quæ processum ipsum suo quasi sonoro præconio & patulo judicio publicarent, ut idem Ludovicus & alii quos processus hujusmodi contingebat, nullam possent exculationem prætere, quod ad eos non pervenisset, vel quod ignorassent eundem. Cujus processus tenor noscitur esse talis. JOHANNES episcopus servus servorum Dei ad perpetuam rei memoriam. Attendentes quod dum errori non resistitur, &c. usque in finem superioris processus de verbo ad verbum. Postmodum verò dilecti filii, fratres Albertus de Stratzburgh magnus præceptor ordinis hospitalis S. Johannis Jerosolymitani per Alamaniam, nec non magister Ernestus de Sebech, archidiaconus Herbi-

A polensis, & magister Henricus de Throno canonicus Pragensis ejusdem ducis Baviaræ nuncii, & in discordia, ut prædicitur, in regem Romanorum electi, ad sedem apostolicam venientes, ac coram nobis & eisdem fratribus iv. nonas præsentis mensis Januarii constituti, quamdam litteram patentem seu apertam, quodam sigillo ceræ albæ sigillatam, in cujus sigilli circumferentiis erat scriptum *Ludovicus Dei gratia Romanorum rex semper Augustus*, ac in eodem sigillo erat quædam imago regia sedens in solio regie majestatis, tenens in manu dextra unam virgam, seu baculum, in summitate cujus erat una crux, & in manu sinistra unum pomum, in quo erat desuper una crux, exhibere curarunt, ac subsequenter ii. nonas mensis ejusdem iidem nuntii coram nobis & eisdem fratribus in consistorio constituti, exhibuerunt quamdam supplicationem in pergamento conscriptam, cujus quidem litteræ tenor de verbo ad verbum talis est. Nos LUDOVICUS Dei gratia Romanorum rex semper Augustus ad universorum quorum interest notitiam volumus pervenire, quod religiosos & honorabiles viros fratrem Albertum de Stratzburgh magnum præceptorem ordinis hospitalis S. Johannis Jerosolymitani per Alamaniam, nec non magistrum Ernestum de Sebech archidiaconum Herbipolensem, & magistrum Henricum de Throno canonicum Pragensis, familiares & secretarios nostros dilectos, exhibitores præsentium, nostros veros & in solidum procuratores legitimos & nuncios speciales fecimus & ordinavimus in his scriptis, ad inquirendum & sciendum apud Romanam curiam, an quidam processus nos, causas, & jura nostra contingentes per Sanctissimum in Christo Patrem & dominum nostrum dominum JOHANNEM divina providentia Summum Pontificem nuper in eadem curia, ut refertur, habiti sint & facti: quos nondum certa insinuatione & relatione constat in nostram notitiam devenisse. Et hoc comperto ad repræsentandum se in ejusdem domini nostri summi pontificis præsentia, petendum, & recipiendum nomine nostro ab eo cum reverentia & devotione dilationem termini competentis, in quo per solemnes procuratores & nuntios nostros sufficienter instructos in tam arduo negotio super expressis & contentis in ipsis processibus, ut dicitur, nos causas & jura nostra de jure possumus defendere, & de justitia adjuvare, nostramque innocentiam declarare, maximè cum terminus, qui dicitur in eisdem processibus constitutus, ad tam arduum negotium, ex quo ad nos potuit pervenire arctus nimirum sit & brevis: dantes dictis procuratoribus & nuntiis nostris, & cuilibet eorum in solidum in præmissis & circa præmissa, & eorum quodlibet, plenam & liberam tenore præsentium facultatem. In cujus rei testimonium præsentibus conscribi, & sigillo majestatis nostræ jussimus communiri. Datum apud Noremberch ii. Idus Novembris anno Domini mcccxxiiij. regni verò nostri anno nono. Item supplicationis prædictæ series de verbo ad verbum talis est. PATER SANCTIS-

„SIME ad mandatum S. V. in scriptis posuimus A  
 „ad quid venimus, & quid à S. V. petere de-  
 „beamus. Dicimus igitur ex parte Domini nostri  
 „filii vestri, quod licet paucis diebus elapsis ab  
 „aliquibus murmuraretur, & absque ulla tamen  
 „insinuatione certa referretur apud dictum do-  
 „minum nostrum processus aliquos esse factos à  
 „S. V. ipsum ac jura sua & statum suum graviter  
 „contingentes: tamen Dominus noster prædic-  
 „tus nullatenus credere poterat, nec credebat,  
 „immo aestimabat æmulorum suorum esse fig-  
 „menta, nec etiam verisimile reputabat, quod B  
 „sancta Romana Ecclesia taliter processisset, cum  
 „numquam antea super his fuerit monitus vel  
 „citatus: ad cautelam tamen nos misit ad inqui-  
 „rendum & investigandum utrum contra ipsum,  
 „ut præmittitur processus aliqui facti essent; &  
 „si inveniremus eos esse factos, quod supplica-  
 „remus S. V. ut salvo in omnibus jure suo, da-  
 „retis terminum aliquem competentem & decen-  
 „tem, inspecta locorum distantia, & maximè ne-  
 „gotii arduitate considerata, infra quem domino  
 „nostro prædicto processus hujusmodi veritatem C  
 „referre possemus, ut ipse sibi ac juribus suis ipsum  
 „tangentibus de consilio suorum principum &  
 „procerum valeat super his, prout tenetur &  
 „debet, salubriter providere, & de informando  
 „S. V. plenius circa dictum processum & ipsum  
 „contingentia de ostendenda justitia sua, ac etiam  
 „innocentia sua circa dictum processum & ipsum  
 „contingentia, prout sibi videbitur expedire:  
 „necnon de reformando in statum debitum, si  
 „foran in aliquibus excessisset. Igitur, Pater San-  
 „ctissime, cum invenerimus processus hujusmodi  
 „esse factos, supplicamus S. V. ex parte domini D  
 „nostri præfati humiliter & devotè, ut salvo in  
 „omnibus jure suo, terminum competentem,  
 „prout præmittitur, dare & concedere digne-  
 „mini, cum dictus dominus noster intendat quan-  
 „tum in ipso est tamquam devotus filius, S. V.  
 „paternitatem & sanctam Ecclesiam, ut matrem  
 „revereri, & ipsam filiali obedientia pro posse ad-  
 „juvare, defendere, & tueri. Terminum petimus  
 „sex mensibus longiorem. Nos igitur supra lit-  
 „tera & prædicatione prædictis cum eisdem fra-  
 „tribus deliberatione præhabita diligenti, eos-  
 „dem nuncios VII. Idus ejusdem mensis Januarii  
 „coram nobis fecimus evocari, ac eisdem in no-  
 „stra & dictorum fratrum præsentia in consistorio  
 „constitutis, taliter duximus præloquendum.  
 „Vidimus litteram patentem & supplicationem  
 „prædictas, quas in nostra & fratrum nostrorum  
 „præsentia exhibere curastis, & contenta in eis  
 „intelleximus diligenter, ac super illis cum eisdem  
 „fratribus deliberatione præhabita diligenti, at-  
 „tendentes, & ad majorem reducens devotio-  
 „nem quam præfatus dux Bavariæ per alios nun-  
 „cios suos ad præsentiam nostram hætenus desti-  
 „natos, ejus litteras de credentia deferentes ad  
 „nos & sæpefatam Romanam Ecclesiam se ge-  
 „rere asserebat, & quod inter alia nonnumquam  
 „nobis obtulerat per nonnullos & nuntios supra-  
 „dictis se paratum in Ecclesiæ prædictæ & no-  
 „strum obsequium contra rebelles Ecclesiæ ad  
 „partes accedere Lombardiæ, miramur quam

plurimum, & causa nobis justæ admirationis  
 ingeritur, quomodo sic subito nulla per nos  
 data sibi occasione vel causa, in virum alterum  
 sit mutatus: ipse namque in contemptum no-  
 strum & magnam injuriam S. Matris Ecclesiæ  
 se regem Romanorum intitulat, cum de electo  
 in discordia in Romanorum regem, sicut iste  
 fuisse dicitur, à nullo sit in dubium revocan-  
 dum, quod ante approbationem seu admissio-  
 nem electionis suæ per sedem apostolicam ha-  
 bitam, non debet tali nomine vel titulo appel-  
 lari, quod utique dudum cum de intitulatione  
 duorum electorum in reges Romanorum con-  
 troversia incidisset, per sedem eandem auditis  
 allegationibus partium in casu simili decretum  
 extitit, deliberatione cum fratribus tunc sanctæ  
 Romanæ Ecclesiæ cardinalibus præhabita di-  
 ligenti: ac insuper dux prædictus Galeatio de  
 Vice-comitibus ejusque fratribus de Mediolano  
 rebellibus ejusdem Ecclesiæ, ac de hæresi per  
 eorum competentes judices condemnatis, fa-  
 vere hætenus contra præfatam Ecclesiam non  
 exponit, nec adhuc sicut audivimus à fautoriis  
 destitit eorumdem. A Ferrariensibus etiam, vi-  
 delicet RAYNOLDO & OPIZONE natis dilecti  
 filii nobilis viri ILDEBRANDI marchionis Esten-  
 sis de labe pravitatis hæreticæ similiter condem-  
 natis, ac rebellibus Ecclesiæ memoratæ ratione  
 civitatis Ferrariensis fidelitatem & homagium  
 præsumsit recipere, ipsisque favorem, consilium,  
 & auxilium impendere, in nostrum & ejusdem  
 Ecclesiæ magnum contemptum atque dispen-  
 dium & præjudicium manifestum, cum dictam  
 civitatem Ferrariensem ejusque districtum ad  
 plenum jus atque dominium & proprietatem  
 ejusdem Romanæ Ecclesiæ pertinere noscatur.  
 Administrationi etiam imperii se indebitè ac  
 irreverenter immiscuit, donando de bonis ipsius,  
 homagia recipiendo, & alia indebitè atten-  
 tando, cum tamen hujusmodi administratio,  
 imperio prædicto vacante, prout ad præsens  
 vacare dignoscitur, ad sedem pertineat memo-  
 ratam, sicut hoc jure patet, consuetudine de-  
 claratur, & Romani Pontifices prædecessores  
 nostri in casu vacationis imperii jure hujusmodi  
 usi sunt, velut ad eos pertinente indubiè, sicut  
 etiam nonnullis exemplis evidentibus patet.  
 Nam felicitis recordationis CLEMENS papa IV.  
 prædecessor noster tempore suo existentibus  
 duobus in Romanos reges electis, claræ me-  
 moriæ CAROLUM regem Siciliæ in Tuscia vi-  
 carium generalem constituit, qui prædictum  
 officium exercuit diligenter. Similiter piæ me-  
 moriæ CLEMENS papa V. prædecessor noster  
 in provinciis Lombardiæ & Tusciæ carissimum  
 in Christo filium nostrum ROBERTUM regem  
 Siciliæ illustrem vicarium ordinavit, cujus juris  
 possessione vel quasi præfatus dux Bavariæ quan-  
 tum in eo est, nos & dictam Ecclesiam inde-  
 bitè ac præsumtuosè nimium spoliare conatur.  
 Si igitur prædicta, nec non verba in dictis lit-  
 tera & supplicatione per vos exhibitis posita,  
 quæ magis sunt ad turbationem irritantia, quàm  
 ad mansuetudinem mentem intelligentis pro-  
 vocantia, vellemus attendere diligenter, nullum



vobis responsum dare utique deberemus, tamen A  
 memores devotionis præteritæ dicti ducis, vobis  
 præfatis nunciis de dictorum fratrum consilio  
 breviter respondemus quòd cum processus no-  
 ster prædictus contra dictum ducem Baviaræ  
 & electum ut prædicitur, factus ritè sit, & super  
 notorio habitus, terminumque competentem  
 contineat, infra quem ad ejus deduci, nisi per  
 ipsum steterit, notitiam potuerit, ac à præsum-  
 tis per ipsum temerè etiam resilire, ipsaque  
 quantum erat sibi possibile revocare, quorum  
 neutrum constat ipsum fecisse per exhibita, sed B  
 potius quod intendat illa, ut dicta scriptura as-  
 serit, excusare, ac de jure quod utique electo  
 faciendi præmissa nequaquam competat, nec  
 potest competere, se velle docere asserat, in-  
 tendens per consequens excessus suos notorios  
 minus providè defensare, non intendimus ali-  
 quid innovare ipsum tollendo, vel suspendendo,  
 vel quoad impediendum effectum sententiarum  
 in eo latarum, terminum, dilationem, & pro-  
 rogationem aliquam concedendo: immò volu-  
 mus eum quoad omnia contenta in ipso & C  
 eorum effectum in suo pleno vigore atque robore  
 permanere. Verum quia in dicto processu nos  
 eidem apertè duximus intimandum quod si in  
 præmissis in dicto processu contentis per omnia  
 infra præfixum sibi ad terminum exequendis  
 foret negligens, vel remissus, nos contra ipsum  
 ad publicationem poenarum, in quas propter  
 præmissos excessus notorios inciderat vel inci-  
 deret in futurum, & alias quantum suaderet  
 justitia procederemus, ejus absentia non obstan-  
 te, intendimus usque ad duos menses à data D  
 præsentium computandos à publicatione poe-  
 narum & processibus hujusmodi, ac ab aggra-  
 vatione supersedere processus ejusdem, infra  
 quos certificari possumus quid per eundem circa  
 præmissa extiterit reformatum. Per hoc tamen  
 nos nolumus, nec intendimus nos aliquatenus  
 obligare quin etiam eorundem duorum men-  
 sium pendente termino, ad aggravationes dicti  
 processus & alia possimus procedere contra ip-  
 sum, si & prout nobis pro conservatione virium E  
 & honoris ejusdem Ecclesiæ viderimus expedire.  
 Hanc igitur responsionem nostram providimus  
 præsentibus annotandam, ut nullus eidem ad-  
 dere vel detrahare fortè præsumat, vel fingere  
 quòd præmissorum obviet veritati. Et ut eadem  
 responsio non solum ad ipsius ducis, sed ad com-  
 munem omnium notitiam deducatur, litteras  
 nostras bulla nostra munitas responsionem con-  
 tinentes eandem in ejusdem Ecclesiæ Avenio-  
 nensis appendi vel affingi ostiis faciemus. Nulli  
 ergo omnino hominum liceat hanc paginam  
 nostræ responsionis, voluntatis & intentionis F  
 infringere, &c. Si quis autem, &c. Datum Ave-  
 nioni VII. Idus Januarii Pontificatus nostri anno  
 VIII.



## TERTIUS PROCESSUS.

Sententiæ excommunicationis latæ in dictum  
 ducem Baviaræ discorditer electum in  
 regem Romanorum;

*Denunciatur excommunicatus Bavarus, quia primo  
 processui de abjiciendo regium titulum, & resi-  
 liendo à fautoria rebellium Ecclesiæ non obe-  
 divit.*

JOHANNES episcopus servus servorum Dei.  
 Ad certitudinem præsentium & memoriam  
 futurorum.

Urget nos caritas sponsæ Christi, ut ejus jura  
 volentibus præsumtuosis ausibus ac reprobis  
 usurpare conatibus curemus opportunis remediis  
 obviare. Angit insuper suscepti cura regiminis,  
 ut quos timor Dei à violentiis & injuriis sponsæ  
 præfatæ non retrahit, salutari disciplinæ vi-  
 gore retrahere satagamus. Hoc profectò dudum  
 ad nostram & fratrum nostrorum Sanctæ Ro-  
 manæ Ecclesiæ cardinalium fama divulgante  
 deducto ad notitiam, quod nonnulli potestatis  
 & dignitatis fastigium illicitè ambientes, vica-  
 riatu seu cujuscumque alterius nomen officii  
 assumerant, seu assumebant in imperio quod  
 tunc vacabat, sicut adhuc vacare dignoscitur,  
 illudque absque nostra seu apostolicæ sedis pe-  
 tita licentia vel obtenta sibi retinere, seu de  
 novo assumere temerariis ausibus præsumserant  
 & etiam præsumebant, multaque sub ejus co-  
 lore faciebant & fecerant, quæ in nostram &  
 Ecclesiæ sponsæ Christi, ad quam regimen va-  
 cantis imperii pertinet, gravem injuriam &  
 enorme præjudicium redundabant, ob zelum  
 ejusdem Ecclesiæ nos inquietos, & in mirum  
 anxios adeo reddiderunt, ut contra omnes &  
 singulos, cujuscumque status, præminentiae,  
 dignitatis aut conditionis existerent, etiamsi  
 patriarchali vel quavis alia superiori aut ponti-  
 ficali, seu quacumque alia dignitate fulgerent,  
 qui post dicti vacationem imperii absque licen-  
 tia dictæ sedis hujusmodi vicariatus, seu cujus-  
 cumque alterius officii nomen sibi ubilibet usur-  
 parant, seu usurparent vel retinerent, & sub  
 tali denominatione abusi erant seu abuterentur  
 potestate vel jurisdictione quacumque, seu ejus  
 exercitio publicè vel occultè, nisi infra duorum  
 mensium spatium à data litterarum nostrarum  
 super præmissis confectarum numerandum, à  
 prædictis omnibus penitus desisterent & cessa-  
 rent, vel licentia sedis ejusdem se super hoc  
 munitos ostenderent II. calendas mensis Apri-  
 lis, Pontificatus nostri anno I. processus publi-  
 cos continentes monitiones, prohibitiones, ac  
 excommunicationis & interdicti sententias de  
 eorundem fratrum consilio faceremus. Et ut  
 iidem processus ad communem omnium noti-  
 tiam devenirent, cartas, sive membranas pro-  
 cessus continentes eosdem in majoris ecclesiæ  
 Avenionensis ostiis seu superliminibus appendi  
 fecimus & affigi. Hæc insuper his proximis die-



bus præteritis, videlicet VIII. Idus mensis Octobris proximè jam elapsi specialiter contra magnificum virum LUDOVICUM ducem Baviaræ in discordia in regem Romanorum electum, promovendum in imperatorem futurum, qui nullis privilegiis nullaque licentia sedis prædictæ, vel aliis munimentis legitimis, ex quibus sibi quomodolibet prædicta licerent, infra dictorum duorum mensium spatium seu postea per eum exhibitis vel ostensis, nec ejus electione admissa, nec approbata persona, sibi nomen regis Romanorum indebitè usurpavit, ac administrationem dictorum regni & imperii in ejusdem Ecclesiæ manifestam injuriam, plurimorumque scandalum, suæ & aliorum animarum periculum præsumtuosè ac perniciosè nimium se ingessit, nec non præfata Ecclesiæ rebellibus, sicut Galeatio de Vicecomitibus & ejus fratribus, quamvis essent de crimine hæresis per definitivam sententiam à suis competentibus iudicibus, exigente justitia, condemnati, & nonnullis aliis perfidis Dei & Ecclesiæ prædictæ hostibus, se fauctorem & defensorem exhibuerat contra dictam Ecclesiam, & adhuc exhibebat, procedere de eorumdem fratrum consilio compulerunt, ipsumque propter præmissos excessus per edictum publicum præsentem multitudinem fidelium copiosa monuimus, ei in virtute sanctæ obedientiæ, & sub excommunicationis pœna, quam ipsum, nisi cum effectu hujusmodi monitioni pareret, incurrere volumus ipso facto, auctoritate apostolica districtius injungentes, ut infra trium mensium spatium à data litterarum nostrarum super hoc confectarum computandum, quod ei de ipsorum fratrum consilio pro peremptorio termino duximus assignandum, ab administratione fauctoria & defensione hujusmodi penitus abstineret, administrationem ipsam per se vel alium seu alios nullatenus resumpturus, nisi si & quando electionem suam hujusmodi quæ de ipso celebrata dicitur, ac personam ipsius per sedem apostolicam approbari contingeret & admitti, quodque gesta per eum post resumptum ab eo memoratum titulum circa præmissa, quatenus processere de facto, cum de jure non teneant, nec tenerent, velut ab eo cui jus non competeat, nec competit eadem faciendi, attentata, curaret infra dictum terminum, quantum sibi foret possibile, realiter revocare: apertè sibi nihilominus intimantes, quod si in præmissis per eum infra dictum terminum exequendis, negligens existeret vel remissus; nos contra ipsum ad publicationem pœnarum, in quas propter præmissos excessus notorios incidisse noscebatur, vel incideret in futurum, & aliàs quantum suaderet justitia procederemus, ejus absentia non obstante. Universis insuper Patriarchis, archiepiscopis & episcopis, aliisque personis ecclesiasticis quibuscumque, sub pœna suspensionis ab officio & beneficio, quam eos incurrere volumus ipso facto, nisi infra dictum terminum hujusmodi nostræ inhibitioni efficaciter obedirent, & tam ipsis quàm omnibus & singulis civitatibus & comitatibus ac universitatibus, nec non personis singularibus quibuscumque, cujus-

A cumque conditionis aut status existerent, etiam si regali, aut alia quacumque dignitate fulgerent, in virtute sanctæ obedientiæ, & sub pœna excommunicationis in personas, & interdicti in terras eorum, nec non privationis privilegiorum quorumcumque apostolicorum & imperialium ac feudorum quæ ab Ecclesia vel imperio quomodolibet obtinerent, districtius duximus inhibendum, ne prædicto LUDOVICO in præmissis vel aliis regni seu imperii tangentibus regimen, tamquam regi seu in regem Romanorum electo, nisi & quousque dictam electionem & personam ipsius per sedem eandem approbari contingeret & admitti, parerent in aliquo, seu intenderent quovis modo: neve eidem in quibuscumque ad regimen prælibatum spectantibus præberent consilium, auxilium vel favorem: non obstante si ipsi vel eorum aliqui se ad hoc dicto LUDOVICO ut regi seu in regem Romanorum electo astrinxissent per fidelitatis vel alterius cujuslibet generis juramenta: quæ cum præstita fuissent, ei cui minimè præstari debuerant, nec præstantes ad eorum astringebant observantiam, nec astringant: quæ nihilominus ad cautelam auctoritate prædicta duximus relaxanda: seu si præfato electo vel quibuscumque aliis per litteras sedis ejusdem foret sub quacumque verborum forma vel expressione concessum, vel concederetur in posterum, quod excommunicari, suspendi, vel eorum terræ seu loca interdicti non possent, quas contra processum nostrum prædictum in nullo volumus suffragari. Voluimus insuper & apostolica auctoritate decrevimus quod dictus processus eundem electum & alios supradictos apprehenderet & arctaret, ac si eisdem personaliter publicatus & insinuatus solemniter extitisset: constitutione quacumque per prædecessores nostros Romanos pontifices in contrarium edita non obstante. Et ut idem processus ad ejusdem electi & aliorum quorum interesset communem deduceretur notitiam, cartas sive membranas processum continentes eundem in ostiis ejusdem Avenionensis ecclesiæ appendi fecimus seu affigi, quæ processum ipsum suo quasi sonoro præconio & parulo iudicio publicarent, ut dictus electus & alii quos idem contingebat processus, nullam possent excusationem prætere, quòd ad eos non pervenisset, vel quod ignorassent eundem, cum non esset verisimile quoad ipsos remanere incognitum vel occultum, quod esset tam patenter omnibus publicatum. Post hæc autem dilecti filii ALBERTUS de Siratzbruch magnus præceptor ordinis Hospitalis S. Johannis Jerosolymitani per Alamanniam, nec non magister ERNESTUS de Sebech archidiaconus Herbipolensis, & HENRICUS de Throno canonicus Pragensis ad sedem apostolicam personaliter venientes, ac coram nobis & eisdem fratribus nostris infra dictum terminum, videlicet IV. nonas mensis Januarii proximè præteriti, ejusdem LUDOVICI procuratorio nomine comparentes, super hujusmodi procuracione quamdam patentem litteram ejusdem LUDOVICI, ut asserabant, sigillo ceræ albæ sigillatam, in

cujus sigilli circumferentiis erat scriptum, LUDOVICUS *Dei gratia Romanorum rex semper Augustus*: ac in eodem sigillo erat sculpta quædam imago regia sedens in solio regio tenens in manu dextra sceptrum regale, in cuius summitate erat una crux, & in manu sinistra unum pomum, in quo similiter erat desuper quædam crux, exhibere curarunt. Quæ quidem littera in prima linea sic incipit: Nos LUDOVICUS *Dei gratia Romanorum rex semper Augustus. Ad universorum quorum interest notitiam volumus pervenire*, & continuatur in secunda, *quod religiosos & honorabiles fratres Albertum de Siratzburch magnum præceptorem ordinis Hospitalis S. Johannis Jerosolymitani*. Nona vero linea ejusdem litteræ incipit *Summi*, & decima quinta *tatem*, & in xvi. incipit *Nuremberch*, & finit *nostri*, & in ultima linea sunt duæ dictiones tantum, videlicet *anno nono*. Subsequenter verò ii. videlicet nonas mensis ejusdem dicti procuratores coram nobis & eisdem fratribus exhibuerunt in consistorio quamdam supplicationem in scriptis specialiter continentem, per nos eorum domino aliquem competentem terminum & decentem indulgeri. Qua supplicatione diligentius intellecta, de ipsorum fratrum consilio duximus breviter respondendum, quod cum dictus processus noster contra dictum ducem ac electum ritè & super notorio esset factus, competentemque terminum containeret, infra quem ad ejusdem ducis seu electi, nisi per eum steterit, deduci notitiam potuisset; & ipse à temerè præsumtis per eum resilire, ipsaque quantum erat sibi possibile potuerat revocare, non intendimus dictum processum tollere vel suspendere, vel quoad impediendum effectum sententiarum in eo latarum terminum prorogare: immo volebamus eum quoad omnia contenta in ipso & ipsorum effectum in suo pleno vigore atque robore permanere: hoc tamen salvo, quod intendebamus usque ad duos menses à data litterarum nostrarum confectarum super hoc computandos, à publicatione pœnarum, quas idem electus propter excessus prædictos incurrerat, & ab aggravatione processus hujusmodi abstinere, prout in litteris nostris inde confectis, quas, ut processus contentus in eis ad ipsius electi & omnium communem notitiam deveniret, in ejusdem Avinionensis ecclesiæ ostiis appendi similiter fecimus & affigi, plenius continetur. Quam quidem dilationem dicti procuratores cum gratiarum actionibus acceptarunt. Sanè quamvis præfati electi in non parendo prædictis nostris monitionibus & mandatis inobedientia pertinax, nec infra secundum terminum sibi super hujusmodi dilatione concessum comparendo coram nobis per se vel procuratorem legitimum, nec etiam postea de benignitate sedis apostolicæ diebus pluribus expectati contemptus evidens exigant, scandalum quoque, pericula plurima, quæ profectò præmissorum dissimulatio, & impunitas, vel dilata justitia probabiliter comminantur, desiderant super præmissis contra dictum electum de remedio celeri per optimam & rigorosam justitiam

tiam provideri: Nos tamen adhuc volentes cum eodem electo uti potius mansuetudine quam rigore, ac probare utrum mansuetudinis nostræ benignitas, ipsum à tam periculoso devio valeat, quod desideriiis intensis appetimus revocare, de dictorum fratrum consilio auctoritate apostolica per infra scriptum modum duximus ordinandum: videlicet quod ad publicationem sententiæ excommunicationis per nos, ut præmittitur, promulgatæ, in qua idem electus propter suam in præmissis inobedientiam & contemptum incidisse dignoscitur, procedentes, ab aliarum pœnarum publicatione, in quas similiter incidit, superledeamus ad præsens. Ideoque præfatum electum de ipsorum fratrum consilio; auctoritate apostolica, in prædictam excommunicationis sententiam incidisse, præsentem hac multitudine copiosa fidelium, declaramus, ipsumque prædicta excommunicationis sententia innodatum, & velut excommunicatum, præter casus exceptos, evitandum ab omnibus nunciamus: eumque nihilominus astante prædicta multitudine copiosa fidelium per hoc præsens edictum publicum solemniter auctoritate prædicta monemus sibi auctoritate apostolica sub pœna privationis omnis juris, si quod sibi ex sua electione prædicta, quæ de ipso dicitur celebrata, vel ad regnum & imperium Romanum quoquomodo competit & posset competere, quam, si monitioni & mandato hujusmodi efficaciter non parebit, eum incurrere volumus ipso facto, districtius injungentes, ut infra trium mensium spatium à data præsentium in antea computandum, se regem Romanorum non intitulet, non denominet, nec describat, nec per alios faciat quantum in eo fuerit tali intitulari titulo, vel etiam nominari ab intitulatione & denominatione regali hujusmodi per eum indebitè usurpata, ac administratione regni & imperii prædictorum, & rerum ac jurium eorundem denominationem, intitulationem & administrationem prædictas non resumatur ulterius, nisi si & quando personam ipsius & electionem quæ de ipso celebrata fuisse dicitur, per sedem eandem approbari contigerit & admitti. A fautoria quoque & defensione tam dictorum hæreticorum Mediolanensium rebellium Dei & Ecclesiæ, quam Ferrariensium, videlicet RAYNALDI & OPIZONIS filiorum dilecti filii nobilis viri ILDEBRANDINI marchionis, qui quidem filii sunt de labe pravitatis hæreticæ condemnati, ac rebelles Ecclesiæ memoratæ, eorumque fautorum, valitorum, & sequacium prorsus abstinere procuret. Fidelitati etiam & homagio, quæ ratione civitatis Ferrariensis, quæ ipsius Romanæ Ecclesiæ pleni juris & proprietatis existit, præsumsit recipere ab eisdem, in nostrum & ejusdem Ecclesiæ magnum contemptum atque dispendium & præjudicium manifestum, publicè & omnino renunciaret, illaque à se prorsus abjiciat, quasi numquam sibi præstira extitissent, nec ratione illorum aliquid penitus juris usurpet in civitate Ferrariensi prædicta ejusque districtu, vel civibus, aut districtualibus eorundem; sed potius prædicta

prædicta omnia usurpata, præsumpta & attentata, A per ipsum sub denominatione & intitulatione prædictis, seu colore vel occasione ipsorum curet effectualiter infra dictum terminum, prout sibi possibile fuerit, solemniter ac publice revocare ac parere in omnibus prædictis nostris monitis, inhibitionibus, & mandatis: nec non & ad ejusdem Ecclesiæ redire gremium studeat, satisfactionem debitam impensurus de offensionibus & injuriis supradictis, ac nihilominus infra dictum terminum quod prædicta omnia revocaverit, ac paruerit in eisdem omnibus hujusmodi nostris monitionibus, inhibitionibus, & mandatis plenarie cum effectu: nos per authenticas litteras vel instrumentum publicum certificare procuret, ac insuper infra dictum terminum per se vel procuratorem seu procuratores idoneos compareat coram nobis super dictis excessibus, offensionibus & injuriis, ac super pœna privationis juris, si quod sibi competit vel competiit ad regnum seu imperium supradicta, declaranda vel inferenda, nec non & pœnis aliis quibus excessus ac inobedientia & contemptus prædicti, eundem electum obnoxium reddiderunt; diffinitivam sententiam, & beneplacitum quantum officium nostrum patitur auditurus, ac alias facturus & recepturus quod justitia suadebit. Hujusmodi verò terminum eidem electo de dictorum fratrum consilio ad præmissa & præmissorum singula peremptorium esse volumus, & pro peremptorio assignamus, apertius prædicentes eidem, quod nos ad præmissa conjunctim vel divisim, si neque venerit neque miserit, procedemus prout expedire viderimus, ejus absentia non obstante. Universos quoque patriarchas, archiepiscopos & episcopos, aliasque personas ecclesiasticas, qui parere forsitan neglexerint nostris prædictis monitionibus, inhibitionibus, & præceptis, eidem duci tamquam regi seu in regem Romanorum electo parendo, obediendo, vel intendendo seu præstando quomodolibet per se vel alium seu alios auxilium, consilium vel favorem, publice vel occulte, auctoritate prædicta de ipsorum fratrum consilio declaramus, pœnam suspensionis ab officio & beneficio contra eos promulgatam in dictis nostris processibus incurrisse. Rursus eosdem patriarchas, archiepiscopos & episcopos, aliasque personas ecclesiasticas præsentium auctoritate monemus, tam sub excommunicationis, quam ipsos & eorum singulos contra inhibitionem monitionem ac mandata nostra hujusmodi temere venientes, incurrere volumus ipso facto, quam sub privationis dignitatum, personatum, officiorum, & beneficiorum ecclesiasticorum pœnis & sententiis, ad quarum etiam inflictionem, contra non parentes procedemus, sicut viderimus expedire. Eisque districtius injungimus & etiam inhibemus expresse, ne ipsi vel eorum aliqui præfato duci tamquam regi seu in regem Romanorum electo in quibuscumque regni seu imperii prædictorum regimen seu administrationem tangentibus pareant, adhæreant quomodolibet, vel intendant, nec eidem per se vel alium seu alios, directe vel indirecte, publice vel oc-

*Theauri Anecdor. Tom. II.*

culte, super prædictis præstent auxilium, consilium, vel favorem, auctoritate prædicta decernentes, eosdem perinde ligari prædictis sententiis & astringi, ac si propriis eorum nominibus nominati essent specialiter & expresse; eis nihilominus prædicentes, quod contra eos ad privationis dignitatum, personatum, officiorum, & beneficiorum ecclesiasticorum quorumcumque, nec non privilegiorum, & inhabilitationis ac pœnas alias procedemus, si contra monitionem, inhibitionem, & præcepta hujusmodi facere præsumserint vel venire. Et licet contra civitates, communitates, universitates, & singulares personas alias, quæ in prædictis vel circa ea forsitan deliquerint, contra monitionem & inhibitionem nostram prædictas temere veniendo, ad debitam impositionem pœnarum propter hoc fuisset merito procedendum, tamen de apostolicæ sedis gratia adhuc providimus expectandum. Ideoque omnibus & singulis civitatibus, communitatibus, universitatibus, & personis singularibus quibuscumque, cujuscumque præeminentiæ, dignitatis, status, vel conditionis existant, etiam si regali aut alia dignitate quacumque præfulgeant, in virtute obedientiæ & sub excommunicationis in singulares personas, & interdicti in civitates, terras, & loca ipsorum, ac communitates & universitates prædictas, quas eas si contrarium fecerint incurrere volumus ipso facto: nec non privationis privilegiorum quorumcumque apostolicorum & imperialium, ac feudorum quæ à Romana vel aliis ecclesiis seu imperio quomodolibet obtinent, pœnis & sententiis injungimus, ac districtius inhibemus, ne præfato electo in prædictis vel aliis dictorum regni seu imperii regimen vel administrationem quoquomodo tangentibus, tamquam regi seu in regem Romanorum electo, nisi si & cum dictam electionem ipsius admitti, ejusque personam per prædictam sedem apostolicam approbari contigerit, in aliquo pareant vel intendant, nec in præmissis vel ea quomodolibet tangentibus eidem adhæreant, aut præstent per se vel alium seu alios auxilium, consilium, vel favorem: alioquin contra eos vel illos ex eis qui contrarium attentare præsumserint, ad illationem harum pœnarum & alias procedemus, prout fuerit opportunum: non obstantibus fidelitatis & quibusvis juramentis, per quæ ipsi vel eorum aliqui se dicto electo quomodolibet astrinxissent: ad quorum observantiam, cum præstita fuerint ei cui minimè præstari debuerant, præstantes eadem nullatenus astringuntur: quæ nos etiam ad cautelam auctoritate apostolica duximus relaxanda: seu quibusvis privilegiis & indulgentiis præfato electo, aut quibusvis aliis, communiter & divisim, sub quacumque forma vel expressione verborum, ab eadem sede concessis, quæ sibi vel eorum alicui contra præsentem & alium processum nostrum super his habitum in nullo volumus suffragari. Confederationes quoque, pactiones, & societates, si quæ inter ipsum & electum & quascumque civitates, communitates, universitates, aut singulares personas, cu-

T t

juscumque sint præminentia, dignitatis, conditionis, vel status, etiam si patriarchali aut alia superiori, pontificali vel regali, seu quavis alia præfulgeant dignitate, super prædictis vel ea tangentibus factæ seu initæ fuerint, sub quacumque forma vel expressione verborum, etiam si poenarum adjectione, & juramentorum præstatione, vel quacumque fuerint alia firmitate vallatæ, utpote in divinæ majestatis offensam, ac contra jura & honorem sanctæ matris Ecclesiæ, ac in damnum & præjudicium reipublicæ & periculum animarum præsumptas, decernimus nullas, cassas, irritas, & inanes, ac nullius existere firmitatis, & eas quatenus processere de facto revocamus, cassamus, irritamus, dissolvimus, & omnino viribus vacuumus. Juramenta insuper super hoc præstita de apostolicæ potestatis plenitudine relaxamus, omnes & singulos, qui confederationes, pactiones, & societates hujusmodi cum dicto electo contra processus hujusmodi, post dictum terminum præsumserint observare, prædictas excommunicationis ac alias poenas & sententias incurrere volumus ipso facto, contra eos gravius spiritualiter & temporaliter processuri, prout viderimus expedire. Ceterum prædictas suspensionum, excommunicationum & interdicti sententias sic firmiter, sicque inviolabiliter volumus observari, quod absolvendi ab eis vel relaxandi easdem, nisi tantum in mortis articulo, tam omnibus poenitentiaris nostris, quam quibuscumque aliis confessoribus generalibus vel specialibus, seu familiaribus quarumcumque vel quantumcumque sublimium personarum, ubilibet consistentium, etiam si eis à nobis vel aliquo prædecessorum nostrorum sub quacumque verborum forma absolvendi à sententiis hominis vel canonis, seu eas relaxandi, generalis vel specialis sit, vel fuerit concessa facultas, adimimus potestatem, absolutionem hujusmodi soli Romano pontifici reservantes. Quod si fortè eos vel eorum aliquem in prædicto mortis articulo absolvi contingeret, nisi sanitate recepta sedi apostolicæ, quam primum commodè poterunt, se præstaverint satisfactori de præmissis juxta mandatum Romani pontificis, ipso facto in prædictam excommunicationis sententiam relabantur. Et ut præsens processus ad ejusdem electi & aliorum quorum interest communem notitiam deducatur, cartas sive membranas processum continentes eundem, in ejusdem Avenionensis ecclesiæ ostiis appendi vel affigi faciemus: quæ processum ipsum suo quasi sonoro præconio & patulo judicio publicabunt, ut prædictus electus & alii quos processus ipse contingit, nullam possint excusationem prætere, quod ad eos non pervenerit, vel ignoraverint eundem, cum non sit verisimile remanere quo ad ipsos incognitum vel occultum, quod tam patenter omnibus publicatur. Ceterum volumus & auctoritate apostolica decernimus, quod dictus processus præfatum electum & alios supradictos apprehendat & arctet, ac si eisdem personaliter publicatus & insinuatus solemniter extitisset: constitutione quacumque per prædecessores

A nostros Romanos pontifices in contrarium edita non obstante, cum ad ejusdem electi præsentiam pro eodem processu publicando & insinuando securus accessus non pateat, nec posset commodè singulorum quos tangit auribus inculcari. Datum Avinionis x. calendas Aprilis anno viii.

#### QUARTUS. PROCESSUS

B Privationis juris, si quod duci Baviaræ discorditer in regem Romanorum electo competiit, seu competebat in regno eodem.

*Privatur Bavarus jure regni & imperii.*

**J**OHANNES episcopus servus servorum Dei ad perpetuam rei memoriam.

Sicut ad curam periti medici pertinet adhibere fomenta fortia cum levia non prodesse cognoscit: sic profectò præsentis officio congruit, cum ad correctionem perversorum inflicta poenas non sufficere percipit, ut adjiciat graviores. Hinc per Psalmistam in chamo & freno maxillas illius constringere Dominus præcipit, qui ad suum præsidem, ejus non obediendo salutaribus monitis, appropinquare contemnit. Hac utique circa personam viri magnifici LUDOVICI ducis Baviaræ in discordia in regem Romanorum electi nos servasse declarant evidentius quæ sequuntur.

Dudum siquidem quod dictus dux Baviaræ in discordia in regem Romanorum promovendum in imperatorem electus discorde electione hujusmodi, per Ecclesiam Romanam, ad cujus examen personæ electi in regem Romanorum in imperatorem assumendi approbatio, & electionis admissio pertinet, electione hujusmodi non admissa, nec ejus approbata persona, nomen regis Romanorum indebitè usurpaverat, ac regni Romani & imperii administrationi se in ejusdem Ecclesiæ manifestam injuriam, plurimorum scandalum, suæ & aliorum multorum animarum periculum, ac etiam contra processus nostros adversus talia præsumentes, excommunicationis & alias diversas spirituales & temporales poenas & sententias continentes, factos antea & publicatos, nimis præsumtuosè & periculosè ingesserat, exigendo videlicet & recipiendo sub præfato titulo regio fidelitatis in Alemanniæ & nonnullis Italiæ partibus, tam à personis ecclesiasticis quam secularibus vassallis imperii per se & alios juramenta, ac de dignitatibus, honoribus, & officiis ad ejusdem Romani regni seu imperii dispositionem spectantibus pro suo libito disponendo, sicut diebus præteritis de marchionatu Brandeburgensi, quem primogenito suo de facto publicè contulit, ordinavit, & alia plurima exercendo, quæ ad ejusdem Romani regni & imperii regimen non est dubium pertinere. Nec non Ecclesiæ memoratæ rebellibus, sicut GALEATIO de Vicecomitibus ejusque fratribus de crimine hæresis à suis competentibus judicibus, exigente justitia, sententialiter & publicè condemnatis,



ac nonnullis aliis perfidis Dei & Ecclesiæ prædictæ hostibus, se contra ipsam defensores exhibuerat & fautorem, & alia gravia commiserat: quæ nec non & alia plura quæ circa præmissa temerè præsumserat attentare, adeo erant notoria, quod nulla tergiversatione celari poterant, nec dissimulationis neglectu irreprehensibiliter incorrecta relinqui, certos processus per quos ipsum à deviis huiusmodi ad veritatis & iustitiæ semitam reducere credebamus, de fratrum nostrorum consilio diversis temporibus fecimus contra eum. Primò namque, videlicet VIII. Idus mensis Octobris proximè jam elapsi, ipsum per edictum publicum præsentem fidelium multitudine copiosa monuimus, & in virtute sanctæ obedientiæ ac sub excommunicationis pœna, quam ipsum, nisi cum effectu huiusmodi monitioni pareret, incurrere volumus ipso facto, auctoritate apostolica, districtius sibi duximus injungendum, ut infra trium mensium spatium à die prædicta in antea computandum, quos ei ad hoc de ipsorum fratrum consilio pro peremptorio termino duximus assignandos, ab administratione, fautoria & defensione prædictis, penitus abstinere, administrationem ipsam per se vel alium seu alios nullatenus resumturus, nisi tunc demùm cum eius electionem suam huiusmodi ac personam ipsius per sedem apostolicam approbari contingeret & admitti, quodque gesta per eum post resumtum ab eo memoratum titulum circa præmissa, quatenus de facto processerant, tùm de jure, velut ab eo cuius non competeat eadem faciendi præsumpta nullomodo tenerent, infra dictum terminum, quantum sibi foret possibile realiter revocaret. Apertè sibi nihilominus intimantes, quod si in præmissis per eum infra præfatum terminum exequendis negligens existeret vel remissus, nos contra ipsum ad publicationem pœnarum, in quas propter notorios memoratos excessus inciderat vel incideret in futurum, & alias quantum suaderet iustitia procederemus, ejus absentia non obstante. Universis insuper patriarchis, archiepiscopis & episcopis, aliisque personis ecclesiasticis quibuscumque sub pœna suspensionis ab officio & beneficio, quam eos incurrere volumus ipso facto, nisi infra dictum terminum huiusmodi nostræ inhibitioni efficaciter obedirent: & tam ipsis quàm omnibus & singulis civitatibus, communitatibus, universitatibus, nec non personis singularibus quibuscumque, cujuscumque conditionis aut status existerent, etiamsi regali aut alia quacumque dignitate fulgerent, in virtute sanctæ obedientiæ, & sub pœna excommunicationis in personas, & interdicti in terras eorum, nec non privationis privilegiorum quorumcumque apostolicorum & imperialium ac feudorum, quæ ab Ecclesia vel imperio quomodolibet obtinerent, districtius duximus inhibendum, ne prædicto LUDOVICO in præmissis vel aliis regni seu imperii tangentibus regimen, tamquam regi seu in regem Romanorum electo, nisi & quousque dictam electionem & personam ipsius per sedem apostolicam approbari contingeret & admitti,

*Theauri Anecdor. Tom. II.*

A parerent in aliquo seu intenderent quovis modo: neve eidem circa præmissa præberent auxilium, consilium, vel favorem. Qua dilatione pendente, dilecti filii ALBERTUS de Siratzburgh magnus præceptor ordinis hospitalis S. Johannis Jerosolymitani per Alamanniam, nec non magister ERNESTURP de Sebech archidiaconus Herbipolensis, & HENRICUS de Throno canonicus Pragensis ad sedem apostolicam personaliter venientes coram nobis & fratribus nostris videlicet IV. nonas mensis Januarii proximè præteriti, ejusdem LUDOVICI procuratorio nomine comparere curarunt, fidemque de suo procuratorio facientes per quasdam patentes litteras ipsius electi, ut asserabant & prima facie apparebat, communitas sigillo: in cujus quidem sigilli circumferentiis legebatur: *Ludovicus Dei gratia Romanorum rex semper Augustus. Ad universorum, &c.* Et subsequenter II. nonas mensis ejusdem procuratores ipsi in consistorio supplicarunt, per nos dicto eorum domino aliquem super præmissis competentem terminum indulgeri. Nos verò super hoc cum eisdem fratribus diligenti deliberatione præhabita, & de ipsorum consilio, eisdem procuratoribus duximus respondendum, quod quia dictus noster processus ad omnia & singula in ipso contenta sufficientem terminum continebat, ipsum in aliquo tollere vel suspendere volebamus; sed illo in suo totali effectu atque robore permanente, non intendebamus usque ad duos menses tunc immediatè sequentes ad publicationem pœnarum, quas idem electus per excessus prædictos incurrerat, procedere, seu nostrum contra ipsum processum quomodolibet aggravare, prout hæc in litteris nostris inde confectis plenius continebantur. Quam quidem dilationem dicti procuratores cum gratiarum actionibus acceptarunt: infra quos quidem duos menses præfatus electus nec per se coram nobis comparuit, nec aliquis alius pro eodem. Quamvis autem ejusdem electi, in non parendo nostris monitionibus & mandatis inobedientia pertinax, & ipsius infra prædictum secundum terminum, & postea etiam diebus pluribus expectati, coram nobis per se vel procuratorem legitimum minimè comparentis, contemptus evidens ac scandalum & pericula plurima, quæ præmissorum dissimulatio & impunitas nec dilata iustitia probabiliter minabantur, omnino exigenter super præmissis contra eundem electum de remedio celeri mediante iustitia provideri. Nos tamen experiri volentes utrum per viam mansuetudinis eum possemus à tam periculoso devio revocare, à publicatione seu impositione pœnarum, quibus se propterea obnoxium reddiderat, præter excommunicationis sententiam per nos in eum, nisi nostris pareret monitionibus, ut præmittitur, promulgatam, contra ipsum de eorumdem fratrum consilio X. calendas Aprilis proximè præteriti astante multitudine copiosa fidelium declaravimus incurrisse, pro tunc duximus abstinendum. Sanè adhuc per adjunctionem pœnarum aliarum cum prædictam excommunicationis pœnam non sus-

T t ij



ficere videremus, ipsum à tam periculoso devio revocare volentes, dicta die de fratrum eorumdem consilio, ipsum per nostrum edictum publicum solemniter auctoritate prædicta monuimus, sibi que sub pœna privationis omnis juris, si quod ei ex sua electione prædicta ad dicta regnum & imperium competebat, quam si monitioni & mandato hujusmodi efficaciter non pareret, cum incurrere voluimus ipso facto, districtius ei duximus injungendum, ut infra trium mensium spatium, à dicta die in antea computandum, ab intitulatione & denominatione regali ejusmodi per eum indebitè usurpatis & ab administratione regni & imperii prædictorum ac rerum & jurium eorumdem penitus abstineret, se regem Romanorum non intitulado vel denominando, nec describendo ulterius, nec per se nec per alios quantum in eo foret, tali intitulari vel describi titulo seu nomine faciendo denominationem, intitulationem & administrationem prædictorum non resumturus ulterius, nisi si & quando electionem prædictam & personam ipsius per eandem sedem approbari contingeret & admitti. A fautoria quoque & defensione tam dictorum hæreticorum Mediolanensium rebellium Dei & Ecclesiæ, quàm Ferrariensium, videlicet RAYNALDI & OPIZONIS olim Marchionum Estensium, de hæresi similiter condemnatorum ac rebellium Ecclesiæ supradictæ ipsorumque fautorum, valitorum, & sequacium omnino desisteret: nec non fidelitati & homagio, quæ ratione civitatis Ferrariensis ad plenum jus & proprietatem Romanæ Ecclesiæ pertinentis præsumserit, de facto ab eisdem recipere in nostrum & ejusdem Ecclesiæ magnum contemtum atque dispendium, & præjudicium manifestum, renunciaret omnino & publicè, ac à se illa prorsus abjiceret, quasi sibi numquam præstita extitissent; nec ratione illorum in civitate prædicta ejusque districtu, vel civibus ac districtualibus eorumdem aliquid juris præsumeret usurpare, sed potius prædicta omnia usurpata, præsumta & attentata per ipsum sub denominatione & intitulatione prædictis, seu colore vel occasione ipsorum curaret infra dictum terminum, prout foret sibi possibile, solemniter & publicè revocare, ac parere in omnibus prædictis nostris monitionibus & mandatis, ad ejusdem Ecclesiæ rediret gremium, de offensionibus & injuriis supradictis satisfactionem debitam impensurus. Et insuper postquam prædicta omnia revocasset, & paruisset in illis effectualiter & plenariè nostris monitionibus, inhibitionibus, & mandatis, nos de his omnibus infra prædictum terminum per litteras authenticas vel instrumenta publica certificare curaret, & nihilominus compareret infra eundem terminum per se vel procuratorem seu procuratores idoneos coram nobis super prædictis excessibus, offensionibus & injuriis, & super pœna prævaricationis juris si quod sibi competebat vel competierat ad regnum seu imperium supradicta declaranda seu inferenda, nec non & pœnis aliis quibus excessus, inobedientia, & contem-

A tus prædicti eum obnoxium reddiderant, diffinitivam sententiam & nostrum beneplacitum, quantum nostrum pateretur officium auditurus, & aliàs facturus & recepturus quod justitia suaderet. Quem quidem terminum eidem electo de dictorum fratrum consilio ad præmissa & præmissorum singula peremptorium esse voluimus, & pro peremptorio duximus assignandum: eidem apertius prædicentes, nos ad præmissa conjunctim vel divisim, si neque veniret, neque mitteret, processuros, prout expedire videremus, ejus absentia non obstante. Præterea universos patriarchas, archiepiscopos, & episcopos, ceterasque personas ecclesiasticas, quæ parere forsitan neglexerant nostris monitionibus, inhibitionibus, & præceptis contentis in processibus supradictis, eidem duci tamquam regi seu in regem Romanorum electo parendo vel obediendo, aut præstando per se vel per alium seu alios auxilium, consilium, vel favorem publicè vel occultè, incurrissè pœnam suspensionis ab officio & beneficio in eisdem promulgatam processibus de dictorum fratrum consilio declarantes eosdem monuimus, eis que tam sub excommunicationis, quam ipsos dictis monitionibus & inhibitionibus non parentes incurrere voluimus ipso facto, quàm sub privationis dignitatum, personatum, officiorum, & beneficiorum ecclesiasticorum pœnis & sententiis, ad quarum inflictionem contra non parentes nos infallibiliter processuros prædiximus, prout expediens nobis videretur, districtius duximus injungendum, ac etiam inhibendum, ne ipsi vel eorum aliqui præfato duci tamquam regi vel in regem Romanorum electo super his quæ ad regnum vel imperium supradicta, aut eorum regimen & administrationem pertinent, quovis modo parerent, adhærerent, vel intercederent, seu præstarent per se vel alium seu alios, directè vel indirectè, publicè vel occultè, consilium, auxilium, vel favorem. Quibus pœnis & sententiis adeo ipsos ligari & astringi voluimus & decrevimus, ac si propriis eorum nominibus nominati fuissent specialiter & expressè. Et licet contra civitates, communitates, universitates & singulares personas, quæ in prædictis & circa ea forsitan deliquerant, ad debitam impositionem pœnarum fuisset meritò procedendum, de benignitate tamen sedis apostolicæ illas amplius expectantes, omnibus & singulis civitatibus, communitatibus, universitatibus, & personis singularibus cujuscumque præminentia, dignitatis, status, vel conditionis existerent, etiam si regali aut alia qualicumque dignitate fulgerent, in virtute sanctæ obedientia, & sub excommunicationis in singulares personas, & interdicti in civitates, terras, & loca ipsorum, ac communitates & universitates prædictas, quas illas si contrafacere incurrere voluimus eo ipso, nec non privationis privilegiorum quorumcumque apostolicorum & imperialium ac feudorum, quæ à Romana vel aliis ecclesiis seu imperio quomodolibet obtinerent, pœnis & sententiis injunximus districtius inhibendo, ne prædicto electo in præmissis vel circa ea

tamquam regi vel in regem Romanorum electo, A nisi si & cum electionem suam admitti, & personam suam per eandem sedem approbari contingeret & admitti, parerent, vel intenderent, aut adhaerent, seu procurarent per se vel alium seu alios quoquo modo auxilium, consilium vel favorem: Nos ad illationem poenarum hujusmodi & aliarum contra eos vel illos ex eis qui contrarium attentare praesumerint processuros sicut opportunum existeret, praedicentes, nonobstantibus fidelitatis & quibusvis aliis juramentis, per quae ipsi vel eorum aliqui dicto electo se quomodolibet astrinxissent, ad quorum observantiam veluti praestitorum ei cui minimè praestari debuerunt, jurantes hujusmodi nullatenus arctabuntur, quae nos etiam ad cautelam in praefatis nostris processibus auctoritate apostolica duximus relaxanda: seu quibusvis aliis privilegiis & indulgentiis apostolicis sub quacumque forma verborum eidem electo, vel quibusvis aliis concessis, quae sibi vel eorum alicui contra processus nostros praefatos seu eorum aliquem nolimus in aliquo suffragari. C Confoederationes quoque, pactiones & societates, si quae inter ipsum electum & quascumque civitates, communitates & universitates, ac singulares personas, cujuscumque sint praeminentiae, dignitatis, conditionis, vel status, etiam si patriarchali, vel superiori, aut regali, seu quavis alia dignitate fulgerent, super praedictis vel ea tangentibus factae seu initae fuerant, sub quacumque forma vel expressione verborum, etiam si poenarum adjectione, juramentorum protestatione, vel quacumque fuerant alia firmitate vallatae, utpote in divinae majestatis offensam, ac contra jura & honorem sanctae matris Ecclesiae, ac in damnum & praesudicium reipublicae, & periculum animarum praesumentes, decrevimus nullas, cassas, irritas & inanes, ac nullius existere firmitatis; easque, quatenus de facto processerant, revocavimus, cassavimus, irritavimus, dissolvimus, & omnino viribus duximus vacuandas. Juramenta insuper super hoc praestita relaxavimus de apostolica plenitudine potestatis. Omnes etiam illos & singulos, qui confoederationes, pactiones, & societates hujusmodi dicto electo contra processus hujusmodi post dictum terminum praesumerent observare, praedictas poenas & sententias incurrere volumus ipso facto, contra eos gravius spiritualiter & temporaliter processuri, prout nobis expediens videretur. Ceterum praedictas suspensionis & excommunicationum ac interdicti sententias sic volumus inviolabiliter observari, quod absolvendi ab eis, vel relaxandi easdem, nisi tantum in mortis articulo, tam omnibus poenitentiariis nostris, quam quibuscumque aliis confessoribus generalibus vel specialibus, seu familiaribus quarumcumque vel quantumcumque sublimium personarum ubilibet consistentium, etiam si eis a nobis vel aliquo praedecessorum nostrorum sub quacumque verborum forma absolvendi a sententiis hominis vel canonis, seu eas relaxandi generalis vel specialis facultas concessa fuisset, vel concederetur in posterum,

ademinus potestatem, absolutionem & relaxationem hujusmodi soli Romano Pontifici reservantes. Quod si forsitan eos vel eorum aliquem in praedicto mortis articulo absolvi contingeret, nisi sanitate recepta sedi apostolicae quamprimum possent commodè se repraesentare curarent, satisfacturi de praemissis juxta mandatum Romani Pontificis, in praedictam excommunicationis sententiam reciderent ipso facto. Et ut praefati processus nostri ad ejusdem electi & aliorum quorum intererat communem notitiam devenirent, cartas sive membranas processus continentes eosdem, temporibus quibus facti fuerunt in Avenionensis Ecclesiae ostiis appendi fecimus seu affigi, quae ipso processus suoque sonoro praekonio & patulo indicio praedicarent, ut praedictus electus & alii quos processus ipsi tangebant, nullam possent excusationem praetendere, quod ad eos minimè pervenissent, vel quod ignorassent eosdem, cum non esset verisimile quoad ipsos remanere incognitum vel occultum, quod tam patenter esset omnibus publicatum. Eosdem quoque faciendo processus auctoritate apostolica decrevimus, quod processus ipsi praefatum electum & alios supradictos apprehenderent & arctarent, ac si eisdem personaliter publicati & insinuati solemniter extitissent, constitutione quacumque apostolica in contrarium edita non obstante, cum ad ejusdem electi praesentiam pro ipsis processibus publicandis & insinuandis eidem securus non pateret accessus, nec possent commodè singulorum quae tangebant auribus inculcari.

Verum quia infra praefatum terminum mensium spatium eidem Ludovico ad deponendum titulum regium, & ab administratione regni & fautoria haereticorum & rebellium praedictorum penitus abstinendum, nec non realiter & cum effectu quaecumque de facto cum non potuisset de jure tamquam rex Romanorum gesserat quantum sibi foret possibile revocandum, nobisque & Ecclesiae satisfaciendum de injuriis, offensis, & gravaminibus per praemissa nobis & eidem Ecclesiae temerè irrogatis, ac de praemissis per authenticas litteras vel publicum instrumentum nos certiores reddendum, & hoc sub poena privationis omnis juris, si quod ei ex sua electione praedicta ad dicta regnum & imperium competeat seu competierat, quam nisi praemissis pareret efficaciter, eum ipso facto incurrere volumus, prout superius plenius continetur. Nec non & super dictis excessibus & injuriis, ac super poena privationis praedicta declaranda seu inferenda, & poenis aliis quibus excessus & inobedientia ac contemptus praedicti obnoxium eum reddiderunt, diffinitivam sententiam & nostrum beneplacitum audiendum, quantum nostrum pateretur officium, per nos peremptoriè assignatum, idem LUDOVICUS nec per se comparuerit, nec alius pro eodem, nec quidem praedicta impleverit infra praedictum terminum, cum nec ea curaverit adimplere, sed potius pejora studuerit cumulare, nos per authenticas litteras vel instrumenta publica reddiderit certiores, licet tunc meritò potuissemus contra

ipsum procedere, ejus proterva contumacia exigente; de benignitate tamen sedis apostolicæ ac de fratrum prædictorum consilio, ipsum usque ad diem præsentem hora consistorii duximus expectandum. Cum itaque nec comparuerit, nec adhuc ipse compareat, nec aliquis alius pro eodem, de fratrum eorundem consilio præfatum electum reputamus & declaramus meritò contumacem, ejusque contumaciam, tam non comparendo, quàm non etiam acquiescendo nostris superius expressatis salutaribus monitis & mandatis, continuatam auctamque considerantes attentè, ne deinceps plures trahat in sui erroris devium, ad quod sua tota ferri videtur intentio, & ne de tanta contumacia gloriatur, si justitia ulterius differatur, omninò nos tam temerariis ausibus, tam periculosis excessibus, tamque obstinatæ malitiæ electi præfati oriùs cupientes occurrere, ne serò medicina ipsis procedentibus ulterius præparetur; attendentes quòd ad excessus hujusmodi perpetrandos gloria tituli regii quem sibi temerè usurpavit, incentivum sibi tribuit, ac in ipsis perseverandi fundamentum periculosè nimium subministrat. Hanc ad Dei honorem & sanctæ Romanæ Ecclesiæ ac totius Catholici populi quietem & pacem, ejusdemque electi salutem, prout & justitia exigit, amputare volentes, de fratrum ipsorum consilio, memoratum electum qui propter excessus notorios, contemptus quoque, ac superadditas obstinatas contumacias supradictas, tam in non comparendo sibi præfixis terminis, quàm in non parendo nostris salutaribus præceptis & monitis supradictis, prædictis regno & imperio reddidit multipliciter se indignum; quique propter suam perpetuam ambitionem & superbam proterviam à Deo ne regnet vel imperet est abjectus: ipsum Ludovicum Ducem Baviaræ omni jure, si quod sibi ex electione sua prædicta competere seu competiisse poterat, à Domino privatum denuntiamus & ostendimus, nosque ipsum jure præfato sententiando privatum declaramus & privamus, nihilominus ad cautelam, de benignitate sedis Apostolicæ & eorundem fratrum consilio, supersedentes ad præsens à pœnis aliis quibus excessus prædicti ipsum reddiderunt obnoxium, cum ad illas infligendas vel declarandas inflictas possemus procedere juxta tenorem nostrorum prædictorum processuum justitia mediante. Reservantes nobis procedendi ad pœnas ipsas infligendas seu inflictas declarandas conjunctim vel divisim, prout negotii qualitas exigit, ejusdemque LUDOVICI obedientia vel inobedientia suadebit & expedire viderimus plenariam potestatem.

Rursus universos patriarchas, archiepiscopos, & episcopos, aliasque personas ecclesiasticas, & eorum singulos, qui contra inhibitionem, monitionem & mandata nostra prædicta Ludovico præfato tamquam regi seu in regem Romanorum electo, in quibuscumque regni seu imperii regimen seu administrationem tangentibus paruerunt, vel adhæserunt quomodolibet, aut per se vel alium seu alios, directè vel indirectè, publicè vel occultè, super prædictis præstite-

**A** runt eidem auxilium, consilium, vel favorem, auctoritate prædicta de ipsorum fratrum consilio declaramus pœnas suspensionis ab officio, ac excommunicationis sententias contra tales promulgatas in dictis nostris processibus incurrisse. Civitates autem, communitates, universitates, ac singulares personas illarum quæ in prædictis vel circa ea forsitan deliquerunt, contra monitiones & inhibitiones nostras prædictas, dicto Ludovico tamquam regi seu in regem Romanorum electo parendo, obediendo, vel eidem in præmissis parendo, per se vel per alium seu alios auxilium, consilium, vel favorem publicè vel occultè præstando, auctoritate prædicta de ipsorum fratrum consilio declaramus, civitates, communitates, & universitates prædictas interdicti, singulares verò personas excommunicationis sententiis subjacere.

**B** Et quia si deinceps præfatus LUDOVICUS se regem Romanorum seu electum intitulare præsumeret, seu administrationi regni vel imperii se ingerere attentaret, ejus excessus & contumacia graviores existerent quàm ante præfatam nostram sententiam extitissent: Idcirco præsentem hac fidelium multitudine copiosa, LUDOVICUM præfatum per hoc nostrum edictum publicum monemus, eidem nihilominus auctoritate apostolica districtius injungentes sub pœnis excommunicationis ac privationis feudorum quæ ab Ecclesia Romana vel aliis seu imperio obtinet, nec non & privilegiorum quorumcumque à sede apostolica vel Romanis imperatoribus eidem vel suis prædecessoribus, quatenus **C** ejus commodum tangerent quomodolibet concessorum, ne deinceps se regem Romanorum vel electum intitulet, nec administrationi regni sui & imperii se immisceat seu ingerat quoquo modo. **D** A fautoria quoque prædicta desistat realiter, nec illam ulterius reassumat, & quæ gessit vel fecit sub colore prædicti tituli regii temerè usurpati revocet, quantum erit sibi possibile, cum de jure non tenuerint, velut attentata ab illo cui jus non competiit faciendi, quæ & nos in nostris processibus aliis revocavimus, quatenus de facto processerint, ipsa cassa, nulla, & irrita declaramus. **E** Quas pœnas & earum quamlibet ipsum incurrere volumus ipso facto, si præmissa contemserit contumaciter adimplere. Ipsumque nihilominus citamus per hoc edictum publicum, ut Kalendarum Octobrium venturarum proxima vel sequenti die non feriata, si dies Kalendarum ipsarum fuerit feriata, quam sibi peremptoriam de eorum fratrum consilio assignamus, per se vel per procuratorem idoneum compareat coram nobis, sub pœnis aliis quibus excessus prædicti ipsum reddiderunt obnoxium, sententiam auditurus, & aliud facturum quod justitia suadebit. Prædicantes eidem quòd sive venerit, seu miserit, sive non venerit neque miserit, nos ad sententiam prædictam conjunctim vel divisim, prout expedire viderimus, absque citatione alia procedemus. **F** Universis præterea Christi fidelibus cujuscumque conditionis, præeminentiæ, sive status existant, etiam si dignitate patriarchali, pontificali, aut

alia superiori vel inferiori, seu etiam regali A  
 forsitan decorentur, nec non & aliis personis  
 ecclesiasticis, secularibus, vel regularibus cujus-  
 cumque religionis aut ordinis, ducibus quoque,  
 marchionibus, comitibus, vicecomitibus, ba-  
 ronibus, universitatibus civitatum, castrorum,  
 ceterorumque locorum, & specialiter universis  
 incolis & habitatoribus eorumdem regni & im-  
 perii Romanorum inhibemus & mandamus ex-  
 presse, ne eidem Ludovico super his quæ ad  
 administrationem regni vel imperii prædicto-  
 rum pertinent, quoquo modo assistant, pareant, B  
 seu intendant, aut præstent eidem consilium,  
 auxilium vel favorem, per se vel alium, pu-  
 blicè vel occultè, quacumque occasione qua-  
 sita, etiam prætextu alicujus hominagii, vel  
 cujuscumque colligationis, confederationis,  
 societatis, seu cujusvis conventionis, aut ligæ  
 contractæ antea, vel in posterum contrahendæ,  
 etiam colligationes, confederationes, socie-  
 tates & conventiones hujusmodi & alia supra-  
 dicta, poenarum adjectione, litterarum vel ju-  
 ramenti, seu cujuslibet alterius essent vinculo  
 firmitatis innexa. Nos enim colligationes, con-  
 federationes, societates, conventiones, cetera-  
 que hujusmodi præmissa, quoad hæc de ple-  
 nitudine dissolvimus potestatis. Juramenta super  
 illis præstata, poenasque propterea præmissas  
 penitus relaxantes, ac universos & singulos qui  
 eas contraxerant, se ad observantiam earum-  
 dem quantumcumque solemniter astringendo,  
 ab ipsarum in præmissis observatione penitus  
 absolventes. Specialiter autem incolis & habi-  
 tatoribus eorumdem regni & imperii prohibe-  
 mus expresse, ne dicto Ludovico vel alii pro  
 eo, de redditibus, obventionibus, sive juribus  
 regalibus, vel imperialibus, seu ratione regni  
 vel imperii prædictorum aut domini cujusvis  
 per eum usurpari, in illis respondeant, vel aliam  
 impendere sub quocumque velamine satisfactio-  
 nem attentent. Alioquin omnes singulares per-  
 sonas cujuscumque sint præminentia, condi-  
 tionis aut status, ecclesiastici vel mundani, ex-  
 communicationis: terras verò & loca ipsorum  
 nec non civitates, castra, villas, & loca quæ-  
 cumque alia ubilibet constituta, & universita-  
 tes ipsorum, quæ prædictas inhibitiones, vel  
 earum aliquam præterire propria temeritate  
 præsumerent, interdicti sententiis, quas ex nunc  
 proferimus, decernimus subjacere. Non obsta-  
 tibus quibusvis privilegiis & indulgentiis aposto-  
 licis præfato Ludovico seu quibusvis personis  
 religiosis & secularibus ac aliis tam ecclesiasti-  
 cis quàm mundanis, cujuscumque præminen-  
 tia, status, dignitatis, vel conditionis existant,  
 etiam si patriarchali vel majori, seu regali, aut  
 alia quacumque præfulgeant dignitate: aut uni-  
 versitatibus, communitatibus, civitatibus, &  
 localibus, communiter vel divisim, sub quacum-  
 que forma vel expressione verborum ab eadem  
 sede concessis vel in posterum concedendis,  
 etiam si de illis totoque tenore ipsorum de verbo  
 ad verbum specialiter & expresse oporteat fieri  
 mentionem, quæ sibi vel eorum alicui contra  
 præsentem processum vel aliqua contenta in

ipso, in nullo volumus suffragari. Quæ quidem  
 privilegia & indulgentias omnino quoad hæc  
 volumus & decernimus viribus vacuari. Apertius  
 nihilominus prædicentes, quod adversus hujus-  
 modi præsumtores, & specialiter contra præ-  
 latos, religiosos, & alias ecclesiasticas personas,  
 nec non marchiones, duces, comites, barones,  
 incolas, habitatores, civitates, castra, villas,  
 loca, & universitates ipsorum ad infligendum  
 poenas contra tales in præfatis nostris processi-  
 bus contentas & comminatas, seu declarandum  
 inflictas, videlicet privationis dignitatum, perso-  
 natuum, officiorum, & beneficiorum ecclesiasti-  
 corum, personarum ecclesiasticarum ipsarum,  
 privilegiorum quorumcumque apostolicorum &  
 imperialium earundem personarum ecclesiasti-  
 carum, etiam civitatum, castrorum, villarum, &  
 locorum, universitatum quoque ipsorum ac feu-  
 dorum quæ à Romana vel quibusvis aliis ecclesiis  
 obtinent, & alias spiritaliter & temporaliter  
 quando & sicut facti qualitas suadebit, aut expe-  
 diens putabimus, absque citatione aut monitione  
 alia procedere curabimus, divina gratia præeun-  
 te. Porro cum nostri Salvatoris exemplo conver-  
 sionem peccantium, quorum non perditionem  
 sed salutem quærimus, affectemus, universas &  
 singulas personas ecclesiasticas & mundanas, cu-  
 juscumque præminentia, ordinis, dignitatis, con-  
 ditionis aut status, & communitates quæ forsan  
 præfato Ludovico tamquam regi seu in regem  
 Romanorum electo, adhærendo, obediendo, &  
 intendendo, seu consilium, auxilium, vel favo-  
 rem præstando, directè vel indirectè, publicè  
 vel occultè, in his quæ ad regimen seu admi-  
 nistrationem pertinent regni seu imperii prædi-  
 ctorum, vel aliud quidquam contra tenorem  
 dictorum processuum temerè attentando, poe-  
 nas & sententias contentas in eisdem processi-  
 bus propterea incurriscent, per hoc edictum  
 publicum monemus & hortamur in Domino, ut  
 infra dictas Kal. Octobris à prædictis adhæsi-  
 one, obedientia, consilio, auxilio, & favore resilien-  
 tes & resipiscentes omnino, non parituri vel  
 adhæsuri eidem ulterius quomodolibet in præ-  
 missis, ad gremium & mandata sanctæ matris  
 Ecclesiæ cum effectu & sine cujuscumque fic-  
 tionis velamine redire procurent, quo casu per  
 opportuna absolutionis remedium, illorum cu-  
 pientes benignè providere saluti, metropolitanis  
 eorum absolvendi eosdem à memoratis poenis  
 & sententiis, recepta primitus ab ipsis resipis-  
 centibus cautione juratoria de ultesiùs non  
 parendo contra dictos processus, & sententiam  
 hujusmodi præfato Ludovico, nec præstando  
 super prædictis auxilium, consilium, vel favo-  
 rem; plenam concedimus tenore præsentium  
 potestatem. Volumus tamen quod super abso-  
 lutionibus & cautionum receptionibus prædicta-  
 rum metropolitani præfati duo confici faciant  
 publica vel authentica munimenta, quorum  
 altero penès se retento, reliquum nobis fideliter  
 mittere, nosque de illis per suas patentes litte-  
 ras certiores efficere non omittant. Si verò  
 aliquem vel aliquos taliter absolutos, forsan,  
 quod absit, contingeret in errores pristinos vel



aliquem eorumdem relabi contra processus & sententiam memoratos, & contenta in eis, temerariis ausibus veniendo, illos in easdem pœnas & sententias recidere decernimus ipso facto, à quibus postquam, ut præmittitur, recidissent, per alium quam per Romanum Pontificem, nisi dumtaxat in mortis articulo, liberari nequeant vel absolvi. Adimentes tam prædictis metropolitanis, quam quibusvis aliis, juxta prohibitionem præcedentium nostrorum processuum omnimodam super hoc potestatem. Licet autem ex præsumtuosis & indebitis usurpationibus, injuriis, inobedientiis, culpis, & excessibus prædicti Ludovici, quadam necessitate compulsi fuerimus procedere taliter contra eum, nequaquam tamen nostræ intentionis extitit, nec existit, juri principum ecclesiasticorum vel sæcularium ad quos electio Romani regis in futurum imperatorem promovendi spectare noscitur, per processus nostros, seu aliqua contenta in eis, in aliquo derogare; immò illud omnino eis illibatum volumus reservari.

Ut autem processus noster hujusmodi ac omnia & singula in eodem contenta, ad præfati Ludovici, & omnium aliorum quorum interest, communem notitiam deducatur, cartas sive membranas processum continentes eundem in Ecclesiæ Romanæ appendi vel affigi ostiis seu superliminaribus faciemus, quæ processum ipsum suo quasi sonoro præconio & patulo indicio publicabunt, ut idem Ludovicus & alii quos processus ipse contingit, nullam possint excusationem prætere, quod ad eos non pervenerit, vel quod ignorarint eundem, cum non sit verisimile quoad ipsos remanere incognitum vel occultum quod tam patenter omnibus publicatur. Volumus autem & apostolica auctoritate decernimus, quod hujusmodi processus præfatum Ludovicum & alios quos contingere dinoscitur apprehendat & arret, ac si eisdem personaliter & singulariter publicatus & intimatus solemniter extitisset: constitutione quacumque per prædecessores nostros Romanos Pontifices in contrarium edita non obstante. Datum Avenione v. Id. Julii, Pontificatus nostri anno octavo.

### QUINTUS PROCESSUS.

Privationis Ducatus Baviaræ, & omnis juris si quod ei in eodem Ducatu competeat, & omnium feudorum Ecclesiasticorum & Imperialium.

*Privatur Bavarus Ducatu Baviaræ ac feudis Ecclesiasticis & Imperialibus, ac declaratur fautor hæreticorum, citaturque super diversis criminibus sententiam auditurus.*

**J**OHANNES episcopus servus servorum Dei ad perpetuam rei memoriam. Divinis exemplis informamur, ut perversorum continuata nequitia, pœnas pœnis curemus adjicere, ut sic saltem ipsos à suæ vesaniæ ausibus & proterva contu-

macia retrahere satagamus. Hæc utique utilitas publica postulat, cujus interesse noscitur, ne per impunitatem excessuum ad similia invitentur aliqui, ac per eandem fiant qui nequam fuerant nequiores. Sanè dudum ad nostri apostolatus auditum, fama seu potius infamia divulgante, perducto, quod LUDOVICO de Bavaria, qui in regem Romanorum ab una parte principum, ad quos dicti regis electio pertinet, in discordia dicebatur electus, ejus electione à nobis, ad quem electionis hujusmodi ac personæ electi examinatio, approbatio, & admissio, repulsio quoque & reprobatio noscitur pertinere, nequaquam admissa, nec ejus approbata persona, non quærens, ut deberet, per ostium ad hujusmodi regni seu imperii conscendere dignitatis fastigium, sed potius aliunde, nomen sibi & titulum regium in nostrum & Ecclesiæ Romanæ contemptum & præjudicium, temerè usurpavit, administrationi jurium regni & imperii prædictorum se ingerere, in gravem Dei offensam ac manifestam injuriam sanctæ Romanæ Ecclesiæ matris suæ, ad quam ejusdem imperii regimen, vacationis ejusdem tempore, sicut & tunc vacabat, & impræsentiarum vacat, pertinere dinoscitur, nec non & plurimorum scandalum, turbationem & læsionem reipublicæ, ac suæ detrimentum animæ, se præsumserat indebitè immiscere, exigendo & recipiendo sub præfato titulo regio fidelitatis in Alamanniæ & nonnullis Italiæ partibus, tam à personis Ecclesiasticis quam sæcularibus, vassallis imperii, per se & alios juramenta, ac de dignitatibus, honoribus, & officiis ad ejusdem Romani regni sui imperii dispositionem spectantibus, pro suo libito disponendo, sicut patet de marchionatu Brandeburgensi, quem suo primogenito de facto offerre præsumsit; nec non & alia plurima exercendo, quæ ad ejusdem Romani regni & imperii non est dubium pertinere. Et insuper intellecto quod idem LUDOVICUS GALEATIO de Vicecomitibus de Mediolano & ejus fratribus de crimine hæresis à suis competentibus judicibus, exigente justitia, per diffinitivam sententiam condemnatis, nec non & nonnullis aliis Ecclesiæ Romanæ rebellibus, se fautorem & defensorem contra dictam Ecclesiam exhibebat. Nos tam temerariis ausibus obviare, dictumque LUDOVICUM à tam periculoso erroris devio ad veritatis callem reducere cupientes, considerantesque quod ad ejus præsentiam, ad sibi proponendum præsentia-liter per quæ posset & deberet à prædictis retrahi, nequaquam tutus patebat accessus, quodque circa præmissa formidabatur probabiliter fore mora periculum, & damnum dissimulatio allaturæ, ad providendum & obviandum malis hujusmodi, de fratrum nostrorum consilio & ex certa scientia ac de apostolicæ plenitudine potestatis, præfatum LUDOVICUM, præsentem fidelium multitudine copiosa, monuimus, eidem sub virtute sanctæ obedientiæ, ac excommunicationis pœna, quam ipsum, nisi cum effectu hujusmodi monitioni nostræ pareret, incurrere volumus ipso facto, eidem auctoritate apostolica



lica nihilominus injungentes, ut infra trium mensium spatium, à die monitionis hujusmodi computandum, quos ei de eorundem fratrum consilio pro peremptorio termino duximus assignandos, ab administratione, fautoria & defensione prorsus desisteret supradictis, administrationem ipsam per se vel alium nequaquam resumturus ulterius, nisi tunc demum cum etsi electionem ejus, quæ de ipso celebrata dicebatur, & persona ejusdem per sedem apostolicam approbati contingeret & admitti; quodque gesta per eum sub prædicto regio titulo in præmissis, quatenus de facto processerant, cum non tenerent de jure, velut ab ipso cui jus faciendi minimè competeat, nec competere poterat, attentata curaret infra prædictum terminum, quantum pateretur possibilitas, realiter revocare, eidem apertius intimantes quòd si in præmissis per eum infra præfatum terminum exequendis foret negligens vel remissus, nos contra ipsum ad publicationem pœnarum, in quas propter præmissos notorios excessus inciderat, vel infra præfatum incideret terminum & alias, procederemus quantum suaderet justitia, ejus absentia non obstante. Qua dilatione pendente, ALBERTUS de Siratzburch tunc magnus præceptor ordinis hospitalis S. Johannis Jerosolimitani per Alamanniam, nec non dilecti filii magister ERNESTURP de Sebech archidiaconus Herbipolensis, ac HENRICUS de Trono canonicus Pragensis, ejusdem Ludovici procuratores procuratorio nomine coram nobis & fratribus nostris comparere curarunt, fidem de suo procuratorio facientes per quasdam patentes literas ipsius Ludovici, ut asserabant & prima facie apparebat, communitas sigillo. In cujus quidem sigilli circumferentiis erat scriptum, *Ludovicus Dei gratia Romanorum Rex semper Augustus*: & consequenter procuratores ipsi nobis & fratribus nostris constitutis in consistorio supplicarunt, per nos dicto eorum Domino sex mensium super prædictis terminum indulgeri. Nos verò super hæc cum eisdem fratribus diligenti deliberatione præhabita, & de consilio eorundem, eisdem procuratoribus duximus taliter prolo-

quendum. Attendentes & ad memoriam reducetes devotionem quam præfatus Ludovicus per alios nuncios suos ad præsentiam nostram hætenus destinatos ejus literas de credentia deferentes, ad nos & sæpè fatam Romanam Ecclesiam se gerere asserbat, quodque inter alia nobis obtulerat per nonnullos ex nunciis supradictis se paratum in Ecclesiæ & nostrum obsequium contra rebelles ipsius Ecclesiæ, ad partes accedere Lombardiæ, mirabamurque plurimum, quomodo se subito, nulla per nos sibi data occasione vel causa, esset in virum alterum transmutatus, cum ipse in contemptum nostrum & magnam injuriam sanctæ matri Ecclesiæ se regem intitularet Romanorum, quia de electo in discordia in Romanorum regem, sicut ipse dicebatur fuisse, à nullo foret in dubium revocandum; quod ante approbationem seu admissionem electionis suæ per sedem apostolicam habitam, non debeat tali nomine

*Theauri Anecdor. Tom. II.*

vel titulo nuncupari, quod utique dudum cum de intitulatione duorum electorum in reges Romanorum controversia incidisset, per sedem eandem auditis allegationibus partium, & deliberatione cum tunc sanctæ Romanæ Ecclesiæ cardinalibus præhabita diligenti; decretum extiterit regem illorum neutrum; quousque alterutrius electio admissa existeret, appellandum. Quodque LUDOVICUS prædicto Ludovico de Vice-comitibus ejusque fratribus de Mediolano, aliisque hæreticis & rebellibus dictæ Ecclesiæ superius nominatis hætenus contra præfatum Ecclesiam fuerat; & alia contra ipsam Ecclesiam commiserat superius expressata; administrationi verò imperii se indebitè præsumserat immiscere, homagia tam in Alemania; quam in Italia; à Vassallis imperii recipiendo temerè, & alia indebitè attentando: cum tamen imperio vacante prædicto, prout tunc vacabat, & adhuc vacare dinoscitur, ad sedem hujusmodi administratio pertineat memoratam, quo jure prædecessores nostri usi fuerant sicut exempla sequentia manifestant. Felicis namque recordationis CLEMENS papa IV. prædecessor noster; cum suo tempore duo existerent in reges Romanos electi, claræ memoriæ CAROLUM regem Siciliæ imperii vicarium constituit generalem, qui prædictum officium exercuerat diligenter. Similiter piæ memoriæ CLEMENS papa V. prædecessor noster in provinciis Lombardiæ & Tusciæ carissimum in Christo filium nostrum ROBERTUM regem Siciliæ illustrem vicarium ordinavit; cujus possessione vel quasi præfatus Ludovicus, quantum in eo erat, nos conabatur & dictam Ecclesiam indebitè spoliare. Si igitur prædicta, nec non & verba in dictis litera & supplicatione ipsorum posita, quæ magis erant ad turbationem irritantia, quam ad mansuetudinem inductiva, vellemus attendere diligenter, ejus nuntiis responsum aliquod non daremus, sed memores devotionis præteritæ Ludovici prædicti, eisdem procuratoribus & nuntiis de dictorum fratrum consilio breviter duximus respondendum, quod cum processus noster prædictus contra dictum LUDOVICUM ritè factus existeret, & super notorio habitus, terminum quem competentem continet, infra quem ad ejus deduci, nisi per ipsum stetit, notitiam potuerit, ac à præsumtis per eum temerè etiam resilire; ipsaque quantum erat sibi possibile revocare, quorum neutrum constet ipsum per exhibita complevisse; circa edictum prædictum non intendebamus aliquid innovare, ipsum tollendo vel suspendendo, vel quoad impediendum effectum sententiarum in eo latarum terminum; dilationem vel prorogationem aliquam concedendo; immo volebamus eum quoad omnia contenta in ipso & ipsorum effectu in suo pleno vigore atque robore permanere. Verum quia in dicto processu nos eidem apertè duximus intimandum, quod si in præmissis in dicto processu contentis, per omnia infra præfixum sibi ad hoc terminum exequendis, foret negligens vel remissus, nos contra ipsum ad publicationem pœnarum, in quas propter præmissos excessus no-

V v

torios inciderat, vel incideret in futurum, & alias quantum suaderet justitia procederemus, ejus absentia non obstante; intendebamus usque ad duos menses à die responsionis prædictæ computandos, à publicatione pœnarum, & processibus hujusmodi, ac ab aggravatione supersedere processus ejusdem, intra quos certificari possemus quid per eundem circa præmissa existeret reformatum. Quam quidem dilationem dicti procuratores & nuntii LUDOVICI prædicti cum gratiarum actionibus acceptarunt. Et ut eadem responsio non solum ad ipsius Ludovici, sed ad omnium communem notitiam perveniret, litteras nostras bulla nostra munitas, responsionem continentes eandem, in Ecclesiæ Romanæ ostiis appendi fecimus & affigi. Et licet infra duos menses prædictos LUDOVICUS præfatus per se nequaquam comparuerit coram nobis, nec aliquis alius pro eodem, nec postea diutius expectatus: propter quod evidens ejusdem LUDOVICI in non comparendo contemptus & inobedientia pertinax in non parendo nostris monitionibus & mandatis, ac scandala & pericula plurima, quæ præmissorum impunitas & dilata justitia probabiliter minabantur, super præmissis exigenter contra eundem de remedio celeri, mediante justitia, provideri: Nos tamen adhuc experiri volentes utrum per viam mansuetudinis ipsum possemus à tam periculoso devio revocare, à publicatione seu impositione pœnarum quibus se propterea obnoxium fecerat, præterquam excommunicationis sententiæ per nos in eum, nisi nostris pareret monitionibus, ut præmittitur, promulgatæ, duximus abstinendum. Quam quidem excommunicationis sententiam eundem LUDOVICUM, de eorumdem fratrum consilio, astante multitudine copiosa fidelium, declaravimus incurrisse, & nihilominus cum prædictam excommunicationis pœnam non sufficere videremus, ipsum per adjectionem pœnarum aliarum à tam pernicioso devio revocare volentes, dicta die de fratrum eorumdem consilio ipsum Ludovicum per nostrum edictum publicum solemniter monuimus, & auctoritate prædicta sibi sub pœna privationis omnis juris, si quod ei ex sua electione prædicta, ad dicta regnum & imperium competeat, quam si monitioni & mandato hujusmodi efficaciter non pareret, eum incurere volumus ipso facto, eidem districtius duximus injungendum, ut infra trium mensium spatium à dicta die in antea computandum, ab intitulatione & denominatione regali hujusmodi per eum indebitè usurpatis, & administratione regni & imperii prædictorum, ac rerum & juriam eorumdem penitus abstinere, se regem Romanorum non intulando, nec denominando, nec describendo ulterius, nec per se nec per alios, quantum in eo foret tali intitulari vel describi titulo seu nomine, faciendo denominationem & intitulationem prædictas, & administrationem prædictam non usurpaturus ulterius, nisi si & quando electionem prædictam & personam ipsius per eandem sedem approbari contingeret & admitti. A fautoria quoque & defen-

sione tam dictorum hæreticorum Mediolanensium, quàm Ferrariensium, videlicet RAYNALDI & OPIZONIS olim marchionum Estensium, de hæresi similiter damnatorum, rebellium Dei & Ecclesiæ supradictæ, abstinere omnino, nec non & fidelitati & homagio, quæ ratione civitatis Ferrariensis ad plenum jus & proprietatem Romanæ Ecclesiæ pertinentis præsumserat, de facto recipere ab eisdem prorsus renuntiaret & publice, ac à se illa abjiceret quasi sibi numquam præstita extitissent, nec ratione illorum in civitate prædicta ejusque districtu, vel civibus ac districtualibus eorumdem, aliquid sibi juris præsumeret usurpare, sed potius prædicta omnia usurpata, præsumpta, & per ipsum sub denominatione & intitulatione prædictis, seu colore vel occasione ipsorum quomodolibet attentata, curaret infra dictum terminum prout sibi foret possibile solemniter ac publice revocare, ac parere prædictis nostris monitionibus & mandatis, ac ad ejusdem Ecclesiæ redire gremium, de offensionibus & injuriis supradictis satisfactionem debitam impensurus, nosque de his omnibus infra prædictum terminum per litteras authenticas vel instrumenta publica curaret certiores reddere. Et nihilominus infra eundem terminum per se coram nobis vel procuratorem seu procuratores idoneos compareat super prædictis excessibus, offensionibus, & injuriis, ac super pœna privationis juris, si quod sibi competeat vel competierat ad regnum seu imperium supradicta, declaranda seu etiam infligenda, nec non & super pœnis aliis quibus excessus, inobedientia & contemptus prædicti obnoxium ipsum reddiderant, diffinitivam sententiam & nostrum beneplacitum, quantum nostrum pateretur officium, auditurus, & aliud facturus & recepturus quod justitia suaderet. Quem quidem terminum eidem de dictorum fratrum consilio ad præmissa & præmissorum singula peremptorium esse volumus, & eundem sibi pro peremptorio duximus assignandum, eidem apertiùs prædicentes, nos ad præmissa conjunctim vel divisim, si nec veniret nec mitteret, prout videremus expediens, ejusdem non obstante absentia, processuros. Et ut præfati processus nostri ad ejusdem LUDOVICI & aliorum quorum intererat communem notitiam devenirent, cartas sive membranas processus continentes eosdem, in Avenionensis Ecclesiæ ostiis appendi fecimus seu affigi, quæ ipsos processus suo quasi sonoro præconio & patulo indicio publicarent, ut prædictus LUDOVICUS & alii quos processus ipsi contingebant nullam possent excusationem prætere, quod ad eos minimè pervenissent, vel quod ignorassent eosdem, cum non esset verisimile, quoad ipsos remanere incognitum vel occultum, quod tam patenter esset omnibus publicatum. Eosdem quoque faciendo processus decrevimus auctoritate apostolica, quod ipsi processus præfatum LUDOVICUM & alios supradictos apprehenderent & arctarent, ac si eisdem personaliter publicati & insinuati solemniter extitissent, constitutione quacumque apostolica in contrarium edita non

obstante, cum ad ejusdem Ludovici præsentionem pro ipsis processibus publicandis & insinuandis eidem securus non pateret accessus, nec possent commodè singulorum quos tangebant auribus inculcari. Verum quia infra præfatum trium mensium spatium eidem Ludovico ad deponendum titulum regium, & faciendum alia supradicta per nos peremptorium assignatum, idem LUDOVICUS nec per se comparuerit, nec alius pro eodem, neque prædicta impleverit infra prædictum terminum, cum nec ea curaverit adimplere, sed illis potius pejora studuerit cumulare, nec nos per authenticas literas vel instrumenta publica reddiderit certiores, licet tunc merito potuissemus contra ipsum procedere, ejus perpetua contumacia exigente, de benignitate tamen sedis apostolicæ ac de fratrum prædictorum consilio usque ad diem v. videlicet Idus Julii, Pontificatus nostri anno octavo hora consistorii duximus expectandum. Cumque nec infra prædictum terminum, nec post usque ad dictam diem & hora consistorii de clementia sedis apostolicæ expectatus comparuisset ipse, nec alius pro eodem, nec tunc etiam compareret, de fratrum eorundem consilio, eundem LUDOVICUM reputavimus & declaravimus merito contumacem, ejusque contumacia tam in non comparendo, quam in non acquiescendo nostris superius expressatis salutaribus monitis & mandatis, contumaciam auctamque considerantes attentè, ne deinceps plures traheret in sui erroris devium, ad quod sua tota ferri videbatur intentio, & ne de tanta gloriaretur contumacia, si justitia ulterius differretur omnino, nos tam temerariis ausibus, tam periculosis excessibus, tamque obstinatæ malitiæ LUDOVICI præfati otius cupientes occurrere, ne serò medicina ipsis procedentibus ulterius pararetur, attendentes quòd ad excessus hujusmodi perpetrandos gloria tituli regii, quem sibi temerè usurparat, incentivum tribuebat eidem, ac in ipsis perseverandi fundamentum periculose nimium ministrabat: hanc ad Dei honorem & sanctæ Romanæ Ecclesiæ ac totius catholici populi quietam pacem, ejusdemque LUDOVICI salutem prout exigebat justitia amputare volentes, de fratrum ipsorum consilio memoratum LUDOVICUM, qui propter excessus notorios, contemptus quoque, ac superadditas obstinatas contumacias supradictas, tam in non comparendo sibi præfixis terminis, quam in non parendo nostris salutaribus præceptis & monitis supradictis, regno & imperio prædictis reddidit multipliciter se indignum, quique propter suam protervam ambitionem & superbam proterviam, à Deo ne regnaret vel imperaret erat abjectus, ipsum LUDOVICUM omni jure, si quod sibi ex electione sua prædicta competeret seu competiisse poterat, à Domino privatum denuntiavimus & ostendimus, nosque ipsum jure præfato sententiando privatum declaravimus & privavimus: nihilominus ad cautelam de benignitate sedis apostolicæ & eorundem fratrum consilio superfedentes pro tunc à poenis aliis,

*Thesauri Anecd. Tom. II.*

A quibus excessus prædicti reddiderunt ipsum obnoxium, cum ad illas infligendas vel declarandas inflictas potuissemus procedere juxta tenorem nostrorum processuum, justitia exigente, reservantes nobis procedendi ad poenas ipsas infligendas seu inflictas declarandas conjunctim vel divisim, prout negotii qualitas exegerit, ejusdemque Ludovici obedientia vel inobedientia suaderet, & expediens videremus, plenariam potestatem. Et quia si deinceps idem Ludovicus se regem Romanorum seu electum intitulare præsumeret, seu administrationi regni vel imperii se ingerere attentaret, ejus excessus & contumacia graviores existerent, quam ante nostram sententiam extitissent. Idcirco præfate multitudine fidelium copiosa, LUDOVICUM præfatum per nostrum edictum publicum monuimus, eidem nihilominus auctoritate apostolica districtius injungentes, sub poenis excommunicationis ac privationis feudorum, quæ ab Ecclesia Romana vel aliis, seu imperio obtinebat, nec non & privilegiorum quorumcumque à sede apostolica vel Romanis imperatoribus eidem vel suis prædecessoribus, quatenus ejus commodum tangerent, quomodolibet concessorum, ne deinceps se regem Romanorum vel electum intitulare præsumeret, nec administrationi regni sui vel imperii se immisceret seu ingereret quoquo modo; à fautoria quoque prædicta desisteret realiter, nec eam ulterius reassumeret, ac quæ gerebat vel gesserat sub colore prædicti tituli regii temerè usurpati revocaret, quantum esset sibi possibile, cum de jure non tenuissent, velut attentata ab illo cui jus non competierat faciendi, quæ & nos quatenus de facto processerant, cassa, nulla, & irrita nuntiantes, ea nihilominus cassamus, annullamus & irritamus, ac cassa, nulla, & irrita duximus relaxanda. Quas poenas & earum quamlibet ipsum incurrere volumus ipso facto, si præmissa contemneret contumaciter adimplere, si sum quæ nihilominus citavimus per nostrum edictum publicum ut Kal. Octobris tunc venturi proximi vel sequentis die non feriata, si dies Kalendarum ipsarum existeret feriata, quam sibi peremptoriam de eorundem fratrum consilio assignavimus, per se vel per procuratorem compareret idoneum coram nobis, super poenis aliis quibus excessus prædicti reddebant ipsum obnoxium, auditurus sententiam, & facturus alias quod justitia suaderet: prædicentes eidem, quòd si veniret aut mitteret, vel non veniret nec mitteret, nos ad prædictam sententiam conjunctim vel divisim absque citatione procederemus alias prout expedire videremus in eodem processu; adjicientes expressè, quod licet ex præsumtuosis & indebitis usurpationibus, injuriis, inobedientiis, culpis, & excessibus prædicti Ludovici quadam necessitate compulsi fuisset procedere taliter contra eum, nequaquam nostræ intentionis seu propositi existeret, juri principum ecclesiasticorum & secularium ad quos electio Romanorum regis in futurum in imperatorem promovendi noscebatur spectare, per processus nostros seu aliqua contenta in eis in aliquo derogare, immò illud omnino

V u ij

illibatum eis volumus reservari. Et ut processus noster, ac omnia & singula in eodem contenta ad præfati Ludovici & omnium aliorum quorum interesset communem deduceretur notitiam, cartas sive membranas processum continentes eundem in Ecclesiæ Avenionensis appendi vel affigi ostiis seu superliminaribus fecimus; quæ processum ipsum suo quasi sonoro præconio & patulo indicio publicarent, ut idem LUDOVICUS & alii quos processus ipse contingeret, nullam possent excusationem prætere, quod ad eos non pervenisset, vel quod ignorassent eundem, cum non esset verisimile quoad ipsos remanere incognitum vel occultum quod tam patenter omnibus existeret publicatum. Voluimus autem, & auctoritate apostolica decrevimus, quod processus ipse præfatum Ludovicum & alios quos tangere noscebatur, apprehenderet & arctaret, ac si eisdem personaliter & singulariter publicatus & intimatus solemniter extitisset, constitutione quacumque per prædecessores nostros Romanos Pontifices in contrarium edita non obstante. Et quia memoratus LUDOVICUS nec tantis nec talibus remediis acquiescens, à prædictis, videlicet usu regalis tituli, administrationis immixtione regni Romanorum & imperii, fautoria hæreticorum de Mediolano RAYNALDI & OPIZONIS dudum marchionum Estensium prædictorum, nec non & aliorum rebellium sanctæ matris Ecclesiæ noluit abstinere, sed ea contumaciùs prosequens, & de sui perversi obstinatione propositi glorians, manifestiora circa præmissa exhibere non erubuit solito argumenta, sicut convocatio prædictorum hæreticorum de Mediolano & de Ferraria, & universaliter omnium rebellium Ecclesiæ in partibus Italiæ, per ipsum facta novissimè in Tridento, tractatusque diutiùs habitus eum eisdem quomodo posset Lombardiam ingredi in dictorum hæreticorum & aliorum rebellium Ecclesiæ præsidium & tutelam, ac ut regni & imperii administrationem posset exercere plenius, & devotos sanctæ Ecclesiæ prægravare, immò exterminare liberiùs, evidentiùs manifestant, nec non & quod divinis officiis audiendis, non absque contemptu clavium se ingerit, & in locis interdicto Ecclesiastico suppositis sic ligatus, aliosque ad non servandum Ecclesiasticum interdictum, velut in profundum malorum perductus, inducere ac nonnumquam compellere non veretur, quotidie per amplius in continuatione seu contumacia intumescens. Ne igitur ulterius gloriatur vir tam reprobus, suæ perversitatis opera absque condignis saltem in partem meritorum stipendiis præteriri: nos propter ejusdem LUDOVICI excessus detestabiles & culpas horrendas, injustitias & injurias tanto continuatas & auctas tempore, cum præmissa sint adeò notoria, quod nequeant aliqua tergiversatione celari, præsentem hac multitudine copiosa fidelium, contra eum cogente conscientia & justitia exigente, de fratrum nostrorum consilio procedentes, ipsumque reputantes & declarantes meritò contumacem, denunciavimus & declaramus ipsum LUDOVICUM priva-

tum feudis omnibus, quæ à Romana Ecclesia, vel Ecclesiis aliis, seu ab imperio obtinebat, & specialiter ducatu Bavariz, & omni jure quod in eodem ducatu, seu ejus continuatione vel causa sibi competebar seu competere poterat quoquo modo, exponendis vel concedendis catholicis, si pro ut & quando, ac quibus, vel de quibus sedes apostolica duxerit ordinandum, principalis domini jure salvo, nec non & omnibus privilegiis apostolicis & imperialibus sibi seu ejus prædecessoribus indultis, quatenus ipsum contingere poterant, vel quomodolibet contingebant, ipsumque privamus omnibus & singulis supradictis, vassallos quoque ipsius à juramento fidelitatis, & quolibet fidelitatis vinculo, & homagio, expressius nuntiantes eos absolutos. Et quia excommunicatus pro fautoria hæreticorum excommunicationis sententiam sustinuit per biennium & ultra animo indurato, idcirco declaramus præfatum LUDOVICUM fore manifestum hæreticorum fautorem, ipsumque poenas omnes à canonibus inflictas talibus incurrisse. Rursus eundem LUDOVICUM per præfatum edictum publicum monemus tam sub excommunicationis, quam aliis spiritualibus & temporalibus poenis, contra fautores & defensores hæreticorum per sacros canones impositis & inflictis, quas ipsum nisi monitioni nostræ hujusmodi paruerit cum effectu, incurrere volumus ipso facto, ut à fautoria, defensione & adhæssione dictorum hæreticorum, eorumque fautorum, sequacium & valitorum desistat penitus, eis, vel eorum aliquibus de cetero quamdiu in sua perfidia & extra gratiam prædictæ sedis & communionem fidelium persistierint, nullatenus adhæsurus, nec eos defensurus, vel eisdem præstiturus per se vel alium seu alios directè vel indirectè, publicè vel occultè auxilium, consilium vel favorem, nec se regem Romanorum seu ducem Bavariz intitulet vel appellet, nec se intitulari faciat vel etiam appellari, ab administratione quoque regni vel imperii Romani & ducatus Bavariz, ac rerum & jurium abstineat eorundem, illa ulterius nullatenus resumturus. Et nihilominus ipsum per idem edictum de dictorum fratrum consilio citamus peremptoriè, ut infra Kalendas Octobris proximè futuras, quem terminum sibi pro peremptorio assignamus, apostolico conspectui se præsentet, super poenis aliis quibus excessus omnes prædicti eundem obnoxium reddiderunt, sententiam auditurus, ac facturus & recepturus quod justitia suadebit: expressius intimantes eidem, quod si infra prædictum terminum comparuerit sive non, nos super prædictis quæ adeò notoria sunt quod non possunt aliqua tergiversatione celari, sicut suadebit justitia, & expedire videbimus, procedemus, ejus absentia non obstante. Præterea universis Christi fidelibus cujuscumque conditionis, præeminentiæ, dignitatis aut status existant, etiam si dignitate patriarchali, pontificali, aut alia superiori vel inferiori, seu etiam regali præemineant, nec non & aliis quibuscumque personis ecclesiasticis, secularibus, & regularibus cujus-



eumque religionis seu ordinis, ducibus quoque, A  
 marchionibus, comitibus, baronibus, ac uni-  
 versitatibus, & communitatibus civitatum, ca-  
 strorum, villarum & aliorum locorum quorum-  
 libet inhibemus & mandamus expresse, ne  
 prefato Ludovico super iis quæ ad administra-  
 tionem regni vel imperii seu ducatus prædicto-  
 rum pertinent quoquo modo, assistant, pareant,  
 seu intendant, aut præstent eidem per se vel  
 alium seu alios auxilium, consilium, vel favo-  
 rem; nec sibi tamquam regi seu duci Bavariæ  
 pareant in aliquo, seu intendant quacumque B  
 occasione vel causa, etiam prætextu homagii,  
 aut fidelitatis, vel cujuscumque alterius præstiti  
 juramenti, aut cujuscumque colligationis, confæde-  
 rationis, societatis, pactionis seu conventionis  
 aut ligæ contractarum vel contrahendarum in  
 posterum: quæ omnia cassamus, annullamus &  
 irritamus, cassa & irrita nuntiamus, & pœnas  
 ac juramenta prædicta, si qua super his inter-  
 venerint, relaxamus. Alioquin omnes singulares  
 personas, cujuscumque sint præeminentiæ, con- C  
 ditionis & status, ecclesiastici vel mundani,  
 excommunicationis; in terras verò & loca eo-  
 rum, nec non civitates, castra, villas & loca  
 quæcumque alia ubilibet constituta, & univer-  
 sitates ipsorum, quæ inhibitiones hujusmodi præ-  
 terire propria temeritate præsumerent, inter-  
 dicti sententiis, quas & nunc proferimus, & ex  
 tunc volumus & decernimus subjacere, præter  
 alias pœnas in processibus nostris prædictis aliis  
 habitis, ut superius continetur, contentas, &  
 contra tales inflictas, quas in sui roboris effi-  
 cacia volumus perdurare, easque innovamus,  
 ac ratas & gratas habemus, ac de dictorum  
 fratrum consilio ratas & firmas volumus & de-  
 cernimus permanere, quarum absolutionem  
 vel relaxationem soli Romano pontifici; sicut  
 alias reservavimus, in prædictis processibus refer-  
 vamus. Ut autem processus hujusmodi ad ejus-  
 dem Ludovici & aliorum quorum interest com-  
 munem notitiam deducatur, cartas sive mem-  
 branas processum continentes eundem in præ-  
 dictæ Avenionensis Ecclesiæ appendi vel affigi  
 ostiis faciemus, quæ processum ipsum suo  
 quasi sonoro præconio & patulo indicio publi-  
 cabunt, ut prædictus LUDOVICUS & alii, quos  
 processus ipse contingit, nullam possint excusa-  
 tionem prætere, quod ad eos non perve-  
 nerit, vel quod ignorarint eundem, cum non  
 sit verisimile quoad ipsos remanere incognitum  
 vel occultum, quod tam patentè omnibus pu-  
 blicatur. Ceterum volumus & auctoritate aposto-  
 lica decernimus, quod dictus processus præfa-  
 tum Ludovicum & alios supradictos apprehen-  
 dat & ardeat, ac si eisdem personaliter publi- F  
 catus & intimatus solemniter extitisset, consti-  
 tutione quacumque per Romanos pontifices  
 prædecessores nostros in contrarium edita non  
 obstante: cum pro eodem publicando & infi-  
 nuando processu ad ejusdem Ludovici præsen-  
 tiam securus accessus non pateat; nec possit  
 commodè singulorum quos contingit auribus  
 inculcari. Datum Avenione III. nonas Aprilis,  
 Pontificatus nostri anno undecimo.

*Citatur Bavarus ad audiendum sententiam super  
 crimine hæresis.*

**J**OHANNES Episcopus servus servorum Dei,  
 ad futuram rei memoriam. Quia juxta do-  
 ctrinam Apostoli, peccantes publicè sunt pu-  
 blicè arguendi, publicæque utilitatis intersit  
 ut peccata nocentium deducantur in publicam  
 notionem: idcirco nonnullos excessus graves,  
 & offensas execrabiles, quas LUDOVICUS de  
 Bavaria in discordia dudum, ut fertur, in regem  
 Romanorum electus, divino timore ac humano  
 pudore calcatis, committere non expavit, sicut  
 & fama notoriæ publicæ, & multarum perso-  
 narum sublimium relatione, non absque tur-  
 batione percepimus animi; multitudine fide-  
 lium, cum ad ipsum non sit tutus accessus, per  
 quem ad eum redargutio nostra perveniat, re-  
 ferimus cum dolore, per quos vehementer præ-  
 sumitur, immo conatur potius clavium Ecclesiæ  
 sanctæ contemtor existere, & labe respersus  
 hæreticæ pravitatis. Licet enim nos dudum de  
 fratrum nostrorum consilio, deliberatione prius  
 tam cum ipsis quam cum numerosa prælatorum  
 & doctorum theologiæ ac utriusque juris mul-  
 titudine diligenti præhabita, duxerimus de-  
 clarandum, quod assertio qua pertinaciter asse-  
 ritur quod Christo & apostolis in his quæ ipsos  
 habuisse sacra scriptura recolit, jus illis utendi  
 seu ea consumendi, non competierit, nec illa  
 vendendi seu donandi jus habuerint, quæ tamen  
 ipsos de præmissis fecisse scriptura sacra testatur,  
 seu potuisse facere supponit aperte, cum talis  
 assertio evidenter includat usum & gesta præ-  
 missorum non justa, quod de Christo sentire  
 nefas noscitur, scripturæ sacre contrarium ac  
 doctrinæ Catholicæ obvium, erroneæ & hære-  
 tica est censenda. Ipse tamen velut datus in  
 sensum reprobum contra prædictam declara-  
 tionem, præsumptione temeraria, immò potius  
 infania execranda, ausus est facta mentione  
 expressa de constitutione prædicta contrarium  
 asserere publicè, ac in ejus præsentia per alios,  
 ut plures secum in erroris devium traheret,  
 facere publicari, & etiam in sua infania ad plu-  
 rium deducerentur notitiam & manifestius ap-  
 pareret, libellum quemdam sigillo suo in eodem  
 appenso, inter alia multa falsa & erronea, præ-  
 dictam continentem hæresim, videlicet quod  
 immò Christo & apostolis in rebus quas habue-  
 runt nullum jus competiit, sed tantummodò  
 usus facti, hoc adjecto, quod dicere contrarium  
 hæreticum est censendum. In quo quidem libello  
 expresse asserit in multorum præsentia se jurasse  
 præmissa, & omnia alia in dicto libello contenta  
 se credere esse vera, per certos nuncios ad di-  
 versas civitates & principes transmisit Alema-  
 niæ & Italiæ, & aliarum partium, nec non &  
 ad tyrannos hæreticos partium prædictarum;  
 libellum illum poni faciens in locis publicis, &  
 exponi publicè, ut haberet de tantâ & tali in-  
 fania plures testes: ex quibus evidenter convin-  
 titur ipsum asseruisse, verum esse pertinaciter

Vu iij



quod indicavit hæreticum constitutio antedicta, Ac hæreticum quod dicta constitutio ordinavit. adhuc cumulans mala malis, sicut dudum ad nostri apostolatus auditum multorum fide dignorum tam literalis perduxit insinuatio quàm verbalis, duos viros nequam perditionis filios & maledictionis alumnos, quorum unus MARSILIUM de Padua, & alter JOHANNEM de Janduno se faciunt nominari, qui in Parisius studio annis pluribus à veritate suam averrunt auditum, ad fabulas sua duxerant studia, sicut rei probat exitus, convertenda; quique dum in eodem studio, cum in eo catholici principis auctoritas vigeat, ac studium ipsum orthodoxorum theologorum & canonistarum copia sit munitum, velania suæ virus effundere non audent, LUDOVICUM prædictum, quem suis demeritis exigentibus velut hæreticorum fautorem & persecutorem sanctæ Romanæ Ecclesiæ, ac plurium atrocium aliorum excessuum patratores, de fratrum ipsorum consilio privavimus jure, si quod ei ex electione prædicta fuerat acquisitum, gressus suos properavit dirigere, sibi que librum quemdam quem composuerant, erroribus profectò non vacuum, sed plenum hæresibus variis, sicut fide dignorum multorum catholicorum habet assertio, qui librum ipsum examinaverunt in multis articulis, præsentarunt, offerentes se paratos contenta in eodem defendere, ac docere, quod & facere publicè dicto LUDOVICO præsentem ausu temerario pluries præsumserunt, sicut habet fama publica, & præmissorum insinuatio hoc fore notorium in illis partibus manifestat. Et licet nonnulli viri catholici sacris literis eruditi, eidem LUDOVICO exposuerint doctrinam illam hæreticam, ipsosque velut hæreticos puniendos, periculosumque sibi fore dixerint tales ad familiaritatem suam admittere, aut in terris suæ ditioni subditis sustinere: ipse tamen velut credens illorum hæreses, ipsos in familiares suos retinuit, & adhuc cum eo erat MARSILIUS in Tridento prædictus, ipsosque erroneos manifestissimos & damnatos publicare permisit: ex quibus se fautorem & defensorem hæreticorum, immo credentem eorum hæreses, arguit vehementer. Adhuc diversis ligatus excommunicationum sententiis, in locis etiam interdictis, divina facit nonnumquam contra rectorum & religiosorum voluntatem & beneplacitum celebrari, immo potius quantum in eo est prophari, illisque interesse non metuens alios ad celebrandum in locis interdictis, excommunicatis & interdictis præsentibus, inducere ac compellere non omittit. Rursus, ut se manifestaret evidentiùs canonum contemtorem, filio suo secundò genito quandam puellam nobilem eidem filio in gradu consanguinitatis prohibito attinentem, contra interdicta canonum, in uxorem quantum in eo fuit, dedit, dictumque matrimonium, immò potius incestuosam copulam, inter eos solemnifari fecit in Ecclesia publicè interdicto ecclesiastico supposita, dispensatione super hoc non obtenta. Nos igitur in prædictis læsionem fidei, ac injurias Christi, patrum quoque sanctorum contemtus & probra,

A nec non & præsentium scandala, & varia posterorum pericula attendentes, ac tantis malis occurrere cupientes salubriter, licet justitia exigente possemus ad sententiam super præmissis proferendam procedere contra ipsum, cum adeo noscantur quod nequeant tergiversatione aliqua occultari: volentes tamen adhuc de benignitate apostolica exspectare, si dimissis præfatis erroribus ad sinum sanctæ matris Ecclesiæ, & viam redire voluerit veritatis, de fratrum prædictorum consilio ipsum citamus, præsentem hac multitudinem fidelium, per hoc edictum publicum, ut infra Kalendas Octobris proximas personaliter compareat coram nobis, super præmissis facturus quod rationis fuerit, & sententiam auditurus: quem terminum eidem de prædictorum fratrum consilio peremptorium assignamus. Prædicantes eidem quod sive venerit sive non venerit, ad proferendum sententiam & alias super omnibus præmissis & singulis conjunctim vel divisim absque citatione alia, prout expedire viderimus, & persuadebit justitia, procedemus. Ut autem processus noster, & cetera ut supra. Prædictum insuper citandi modum eligendum decrevimus, cum ut prædicitur ad dicti Ludovici præsentiam propter viarum pericula & alia discrimina varia tutus minimè pateret accessus. Volentes ac auctoritate apostolica & de potestatis plenitudine decernentes, ut perinde processus noster citationis hujusmodi eundem Ludovicum apprehendat & ardet, ac si eidem insinuatus personaliter, & alia solemnitas extitisset, constitutione quacumque per prædecessores nostros Romanos pontifices in contrarium edita non obstante. Datum ut sup. proxim.

*Monetur Bavarus quod exeat Lombardiam.*

JOHANNES episcopus servus servorum Dei. Ad futuram rei memoriam. Ad speculatoris officium noscitur pertinere, illis quos per iter devium currere conspicit, ut gressus suos attentè considerent pedesque suos ab illo convertere nequaquam differant, nuntiare, illis quoque quibus per impios parari periculum percipit, tenetur illud pandere, ut providentiæ studium sibi contra illud valeant præcavere, & ut hoc vitare possint innocentes, debet ipse etiam opportuna remedia adhibere. Cum igitur in notionem publicam per facti evidentiam sit deductum, quod vir ille venundatus ut faciat malum, LUDOVICUM dicimus, qui dudum erat dux Bavarie, & rex Romanorum in discordia dicebatur electus, quique suis exigentibus demeritis, utroque, videlicet ducatu, & jure, si quod ei ex electione hujusmodi acquisitum fuerat, est privatus, adeo sit ambitionis igne succensus, quod vias non cessans quærere, per quas de facto saltem, cum de jure nequeat, ad imperialis possit conscendere solium dignitatis, hæreticos de Mediolano & de Ferraria, aliosque rebelles Ecclesiæ sanctæ Dei in partibus Italiæ constitutos, his diebus præteritis in Tridento ad suum consilium convocavit: in quo

ad nostram & fidelium sanctæ matris Ecclesiæ A in partibus Italiæ, & præcipuè carissimi in Christo filii nostri R. regis Siciliæ illustris, & regni prædicti, ad nos & Romanam Ecclesiam jure directi domini pertinentis, quodque à nobis & eadem Ecclesia Romana in feudum rex idem obtinet, & pro quo noster & Ecclesiæ Romanæ vassallus existit, turbationem & scandalum aspirantes iniisse dicuntur consilium pessimum; & ordinata in eodem consilio pactis & juramentis illicitis firmavisse, & ut conceptus suos iniquos possint in partu producere rebelles & hæretici B supradicti jam ipsum LUDOVICUM datum in sensum reprobum in Lombardiam ad sui, ut speramus in Domino, confusionem perpetuam deduxerunt, ut sic mutuo se juvantes, rebelles ipsi sub umbra culminis per eum indebitè usurpandi possint in suis rebellionibus & hæresibus perseverare liberè, ac devotos Ecclesiæ de finibus illarum partium effugere, ipseque LUDOVICUS illorum fultus potentia, nomen regium quod usurpat indebitè retinere valeat, ac nomen imperiale similiter promptius usurpare. Ad quæ C exequenda sua iniqua studia congerunt, ac vires & potentias conglobare non cessant, non attendentes quod exercituum Dominus reproborum novit infatuare consilia, ac etiam dissipare. Ut igitur in hac parte utcumque saltem partes nostri officii exequamur, præsentē hac multitudine fidelium copiosa, LUDOVICUM ipsum ac rebelles & hæreticos supradictos, quorum conversionem & salutem paterno more desiderantes appetimus, per hoc publicum commonemus edictum, & in Domino exhortamur, ut à tam periculoso devio curent pedes suos retrahere, ac in hac valle miseriæ sic ipsos in viam veritatis & pacis convertere studeant, quod post hujus vitæ transitum immarcessibilis coronam gloriæ feliciter assequi mereantur. Et ut tam LUDOVICI & aliorum prædictorum perversis conceptibus, tam gravibus malorum initiis, tantisve periculis acceleratis remediis obviemus, ne tam horrenda principia invalescant, sed suo potius præfocentur in ortu, per nostrum edictum publicum, præsentē hac multitudine fidelium copiosa, eundem D LUDOVICUM monemus, eidem nihilominus districtius injungentes, sub pœna anathematis & pœnis aliis à jure quomodocumque seu constitutionibus nostris inflictis seu comminatis iis qui titulum regium falso temeritate propria ausi sunt usurpare, aut se administrationi imperii immiscere, quæ ipso vacante imperio sicut & nunc vacat ad Romanam Ecclesiam noscitur pertinere, ipsam Ecclesiam in eadem administratione ausu temerario perturbando, immò quantum in eis est spoliando, aut his qui hæreticis aut Romanæ Ecclesiæ rebellibus præsumunt contra Ecclesiam impendere consilium, auxilium, vel favorem, quasque infligunt jura iis qui guerram movere præsumunt indebitè, pacemque gratam cunctis mortalibus perturbare, & quas imponunt pro maleficiis quæ consueverunt subsequi ex prædictis, quas omnes & singulas præter mortis & mutilationis membrorum supplicium, ipsum si huic nostræ monitioni

præsumserit temerè non parere, incurrere volumus ipso facto, quatenus infra duorum mensium spatium numerandorum à data præsentium, deponat nomen regium, seque regem Romanorum non intitulet ulterius, nec denominet, nec describat, nec per alios faciat quantum in eo fuerit intitulari titulo vel etiam nominari, ac sigillum curet abjicere ubi talis titulus est descriptus, ipsum nequaquam ulterius nec simile resumpturus, nec administrationi ejusdem regni seu imperii & jurium eorundem nullo modo se immisceat: privilegia, immunitates, feuda, bona vel jura quæcumque in eisdem regno vel imperio aut eorum parte aliqua concedendo, vel tamquam rex Romanorum vel imperator quicquam tentet agere, cum jus hoc sibi non competat faciendi, neque dominium vel subjectionem aliquam in quascumque personas singulares aut terras ipsarum, vel potestariam, seu quamcumque rectoriam seu officium, quocumque nomine censeantur, in civitate aliqua, vel quovis loco alio, maxime in urbe Romæ, seu in ipso regno Siciliæ, vel terris aliis Romanæ Ecclesiæ subditis, aut alicujus partis Italiæ, vel cum hæreticis & Ecclesiæ rebellibus prædictis, assumere non attentet. Insuper contra Ecclesiam societatem sive aliquam confederationem non contrahat, vel observet qualitercumque contractam: eidem sub iisdem pœnis nihilominus injungentes, ut infra duorum mensium spatium à data præsentium numerandum, de tota Italia exeat, nequaquam ulterius quousque ad obedientiam & gratiam Ecclesiæ Romanæ redierit reversurus, quodque sub titulo regio vel imperiali nequaquam præsumat aliquem vel aliquos ad partes aliquas præsertim Italiæ destinare. Universis quoque patriarchis, archiepiscopis, episcopis ac aliis personis ecclesiasticis quibuscumque, sub virtute obedientiæ & pœnis suspensionis ob officio & beneficio, quam eas incurrere volumus ipso facto, nisi infra scriptæ inhibitioni nostræ efficaciter studuerint obedire: nec non omnibus & singulis civitatibus, communitatibus, & universitatibus, ac personis aliis singularibus quibuscumque, cujuscumque conditionis aut status existant, etiam si imperiali seu regali, vel alia quacumque dignitate præfulgeant, & specialiter hæreticis & rebellibus supradictis in virtute sanctæ obedientiæ, & sub pœnis excommunicationis in personas, & interdicti in terras eorum quas ipsos incurrere volumus ipso facto, si nostris renuerint obedire monitionibus & mandatis, nec non privationis privilegiorum quorumcumque apostolicorum & imperialium ac feudorum, quæ ab Ecclesia vel imperio obtinent, inhibemus, ne LUDOVICO ipsi in præmissis pareant, faveant, vel intendant eidem circa regni seu imperii regimen, vel administrationem eorum contingentia, favendo, vel etiam assistendo, privilegia, immunitates, feuda, vel jura quæcumque in eisdem regno vel imperio ab eodem recipiendo dominium vel subjectionem aliquam tam regi seu in regem Romanorum electo vel imperatori recognoscendo vel impendendo, terras, potestarias,

reſtorias, ſeu alia officia quocumque cenſeantur nomine in civitate aliqua vel quovis loco alio, maximè in urbe Romæ, ſeu in regno Siciliae, vel terris aliis Romanæ Eccleſiæ ſubditis aut alicujus partis Italiae ſupradictis, ab ipſo vel ſub ejus nomine recipiendo, vel etiam exercendo, ſocietatem quoque ſeu confœderationem aliquam cum eo contra Eccleſiam nequaquam contrahant vel obſervent, nec conſentiant contrahendæ, nec retinendo ipſum ſeu fovendo quomodocumque vel qualitercumque in Italia eidem faveant, aſſiſtant, aut præſtent auxilium cum armis vel ſine armis, conſilium vel favorem, publicè vel occultè. A quibus quidem excommunicationis & interdicti ſententiis nullus, niſi dumtaxat Romanus Pontifex, præterquam in mortis articulo, pretextu cujuſvis auctoritatis ſeu privilegii, generaliter ſeu ſpecialiter, ſub quavis forma verborum conceſſa eis, abſolvere valeant, vel etiam liberare. Quod ſi forte aliquem vel aliquos de prædictis in dictæ mortis articulo abſolvi contingeret, niſi ſanitate recepta ſedi apoſtolice quamprimùm commodè potuerint ſe præſentent, ſatiſfacturi de præmiſſis juxta mandatum Romani pontificis, in prædictam relabantur excommunicationis ſententiam ipſo facto: apertè nihilominus prædicentes, quod contra prælatos & perſonas eccleſiaſticas alias ſupradictas ad depoſitionem, privationem & inhabilitationem prælationum, dignitatum, officiorum, & beneficiorum ſuorum eccleſiaſticorum quorumcumque: contra civitates verò, communitates, univerſitates, collegia, caſtra, loca, ſeu villas, & perſonas ſingulares quacumque, cujuſque præminentie, dignitatis, ſtatus vel conditionis extiterint, etiamſi imperiali, regali, vel alia dignitate quacumque præfulgeant, quæ contra inhibitionem, monitionem, aut mandata noſtra hujusmodi directè vel indirectè, publicè vel occultè præſuſerint temerè aliquid attentare, ad privationem privilegiorum quorumcumque apoſtolicorum & imperialium ac feudorum, quæ à Romana vel aliis eccleſiis ſeu imperio quomodolibet obtinerent, & alios procedere conjunctim vel diſiſim intendimus abſque citatione alia, prout facti qualitas exiget, ſicut & quando viderimus expedire. Non obſtante ſi prædictis aut Ludovico præfato, ſeu quibuſvis aliis per litteras apoſtolicas foret ſub quacumque forma verborum vel expreſſione conceſſum, vel concederetur in poſterum, quod excommunicari, ſuſpendi, vel eorum terræ ſeu loca interdici non poſſint per litteras ſedis ejusdem, non facièntes plenam & expreſſam ac de verbo ad verbum de indulto hujusmodi mentionem, & quibuſvis aliis privilegiis, conſtitutionibus ſeu indultis, quod contra proceſſum noſtrum hujusmodi eis vel eorum alicui nolumus ſuffragari, ſed ipſa quoad hæc viribus volumus penitus vacuari. Ceterum colligationes, confœderationes, pactiones, ſocietates, & ligas contra præmiſſa vel præmiſſorum aliqua factas vel inſitas, inter quoscumque ſub quacumque forma vel expreſſione verborum, etiamſi pœnarum adjectione, juramento-

A rum præſtatione, vel quacumque firmitate valatæ fuerint, utpote in divinæ majeſtatis offenſam, ac contra jura & honorem ſanctæ matris Eccleſiæ, ac in damnum & præjudicium reipublicæ & periculum animarum præſuſtas, decernimus caſſas, nullas, irritas & inanes, ac nullius exiſtere firmitatis, & eas quatenus proceſſere de facto revocamus, caſſamus, irritamus, diſſolvimus, & omninò viribus vacuumus. Jura-  
 B menta quoque ſuper hoc præſtita de apoſtolice poteſtatis plenitudine relaxamus. Omnes & ſingulos, qui confœderationes, pactiones & ſocietates hujusmodi cum dicto Ludovico contra proceſſum hujusmodi poſt dictum terminum præſuſerint obſervare, prædictas excommunicationis ac alias pœnas & ſententias incurrere volumus ipſo facto. Et ut proceſſus noſter hujusmodi ad ejusdem Ludovici & aliorum prædictorum, ceterorumque quorum intereſt vel intereſſe poteſt, communem notitiam deducatur, cartas ſive membranas proceſſum continentes eundem in portis Avenionenſis Eccleſiæ  
 C appendi vel affigi faciemus, quæ proceſſum ipſum ſuo quaſi ſonoro præconio & patulo indicio publicabunt, ut prædictus Ludovicus & alii quos ipſe proceſſus contingit, nullam poſſint excuſationem prætereſſere quòd ad eos non pervenerit, vel quòd ignorarint eundem, cum non ſit verſimile remanere quoad ipſos incognitum vel occultum quod tam patenter omnibus publicatur. Volumus autem & apoſtolica auctoritate decernimus, quod dictus proceſſus præſatum Ludovicum & alios ſupradictos apprehendat & arctet, ac ſi eiſdem perſonaliter publicatus & inſinuatus ſolemniter extitiſſet. Conſtitutione quacumque per prædeceſſores noſtros Romanos pontifices in contrarium edita non obſtante, cum ad ejusdem Ludovici præſentiam pro eodem proceſſu publicando & inſinuando ſecurus acceſſus non pateat, nec poſſit commodè ſingulorum quos tangit auribus inculcari. Datum Avenione v. Idus Aprilis, Pontificatus noſtri anno undecimo.

#### SEXTUS PROCESSUS.

Contra Ludovicum de Bavaria primogenitum Bavari, ac Ulricum & Guicherum Comites de Lundolbe.

*Citatur filius Bavari ſuper uſurpatione marchionatus Brandenburgensis.*

F JOHANNES episcopus ſervus ſervorum Dei, ad futuram rei memoriam. Olim contra Ludovicum de Bavaria certos proceſſus diverſis temporibus habuimus, in quibus inter cetera continetur, quod deducto ad noſtri apoſtolatus auditum, præſatum Ludovicum qui in regem Romanorum in diſcordia dicebatur electus, electione hujusmodi per nos, ad quos & Romanam Eccleſiam electionis & perſonæ cujuſcumque in regem Romanorum electi examinatio, approbatio, & reprobatio ſeu repulſio pertinere

tinere noscitur, nequaquam admissa, nec ejus approbata persona, usurpando nomen & titulum regium indebitè se administrationi jurium regni & imperii ambitiosè ac periculosè nimium ingessisse, de dignitatibus ad regnum & imperium prædicta pertinentibus, disponendo, sicut de marchionatu Brandeburgensi, quem LUDOVICO primogenito suo infra annos pubertatis constituto, non providendo dignitati, sed personæ potius, præsumserat de facto conferre. Nos eundem LUDOVICUM per edictum publicum sub excommunicationis pœna, quam ipsum nisi cum effectu monitioni pareret ejusmodi, incurere volumus ipso facto, monendum duximus, & eidem districtiùs injungendum, ut præmissa quæ sic improvidè gesserat de facto, cum de jure non posset, curaret infra dictum sibi præfixum terminum revocare, quæ nos etiam cassa, nulla, & irrita esse tamquam per illum attentata, cui jus ea faciendi minimè competebat, declaravimus, atque nulla, illaque cassavimus, irritavimus, & annullavimus nihilominus ad cautelam. Idcirco, &c. *ut supra pag. 678. Processu v.* A fautoria, &c. *pag. eadem.* Et insuper monuimus omnes & singulos tam clericos quàm laicos cujuscumque forent præeminentiæ, conditionis & status, etiamsi pontificali vel imperiali seu quavis alia dignitate fulgerent ecclesiastica vel mundana: nec non communitates & universitates civitatum, castrorum, villarum, & aliorum locorum quorumcumque, nè præfato LUDOVICO super iis quæ ad administrationem regni vel imperii prædictorum pertinent parerent vel intenderent quoquo modo, nec sibi quoad hoc præstarent auxilium, consilium, vel favorem, & hoc sub pœna excommunicationis, quam contrarium facientes incurere volumus ipso facto, ac aliis pœnis & sententiis in prædictis processibus inflictis seu comminatis, & specialiter privationis feudorum & privilegiorum apostolicorum & imperialium, ad quas infligendas nos prout videremus expediens, eisdem duximus absque monitione & citatione alia processuros. Verum quia, sicut fama publica notoriat, nobilis vir LUDOVICUS dicti Ludovici de Bavaria primogenitus, ac ULRICUS & GUICHERUS Comites de Lundolbe dicti Ludovici primogeniti pro gubernatoribus seu administratoribus se gerentes, præfato Ludovico de Bavaria excommunicato, Dei & Ecclesiæ rebeli & hosti, ac de fautoria hæreticorum sententialiter condemnato, adhæserunt, super prædictis quæ ad administrationem regni & imperii pertinent, ac præstiterunt & præstant eidem contra tenorem dictorum processuum, auxilium, consilium & favorem, sibi tamquam regi seu in regem Romanorum electo, parendo, & obediendo, ac usurpando quantum in eis est marchionatum prædictum, prætextu temerariæ collationis jam dictæ: quæ omnia sic fore noscuntur notoria, quod nulla possint tergiversatione celari. Nos licet contra eundem primogenitum ad declarandum ipsum in sententias prædictas contra tales in dictis processibus promulgatas & alias pœnas eorumdem processuum incurrisse, justè

*Theſauri Anecd. Tom. II.*

A procedere valeremus, tamen propter ipsius ætatem teneram ab his de benignitate apostolica supersedentes ad præsens, præfatos ULRICUM & GUICHERUM pro administratoribus seu gubernatoribus dicti primogeniti se gerentes, in eadem excommunicationis sententiam incidisse, ipsosque tanquam excommunicatos, præter casus exceptos à jure, fore vitandos ab omnibus, de eorumdem fratrum consilio declaramus. Et insuper per hoc edictum publicum præsentē multitudine copiosa fidelium, eosdem primogenitum, ULRICUM & GUICHERUM se gerentes pro gubernatoribus & administratoribus ipsius monemus, eisdemque sub excommunicationis, quam ipsos & eorum quemlibet monitioni hujusmodi forsitan non parentes, incurere volumus ipso facto, ac privationis feudorum, bonorum, honorum & jurium ac privilegiorum quorumcumque quæ à Romana vel quibuscumque aliis ecclesiis seu imperio obtinent, pœnis & sententiis, mandamus expresse, ut ab occupatione dicti marchionatus, ac jurium & pertinentiarum ipsius, & quavis molestatione prælatorum & personarum ecclesiasticarum, nec non nobilium & aliorum quorumlibet incolarum prædicti marchionatus, cessent penitus & desistant, ipsosque citamus peremptoriè, ut infra quatuor mensium spatium à data præsentium numerandum, quos eis pro peremptorio termino de ipsorum fratrum consilio præfigimus ac etiam assignamus, apostolico conspectui ipse videlicet LUDOVICUS primogenitus per se vel alium, alii verò duo personaliter se præsentent, super prædictis facturi & recepturi, ac sententiam audituri prout justitia suadebit. Eisdem nihilominus prædicentes quòd si infra prædictum terminum comparuerint siue non, nos contra ipsos & eorum quemlibet ad declarationem inflictionum dictarum & aliarum pœnarum contentarum in prædictis processibus, prout & sicut expedire videbimus, absque monitione & citatione alia procedemus, eorum absentia non obstante. Et insuper omnibus & singulis tam clericis quam laicis cujuscumque præeminentiæ, dignitatis & conditionis existant, etiamsi pontificali vel regali, seu quacumque alia ecclesiastica vel mundana præfulgeant dignitate, nec non communitatibus seu universitatibus, civitatibus, castris & locis, sub excommunicationis in personas singulares, & interdicti in communitates, universitates, civitates, castra & loca prædicta, pœnis & sententiis mandamus & inhibemus expresse, ne præfato primogenito tamquam marchioni, aut præfatis ULRICO & GUICHERO ut gubernatoribus seu administratoribus ipsius super aliquibus dictum marchionatum tangentibus, assistant, adhæreant, seu intendant, vel præstent quomodolibet per se vel per alium seu alios, directè vel indirectè, publicè vel occultè, auxilium, consilium, vel favorem; nec non de redditibus, proventibus, obventionibus, jurisdictionibus & dominiis ejusdem marchionatus vel alicujus partis ipsius respondeant quoquo modo. Contrarium facientes, personas singulares excommunicationis, univer-

X x



itates vero, communitates, civitates, castra & A  
loca interdicti sententiis subjacere volumus &  
decernimus ipso facto. Ut autem processus no-  
ster hujusmodi ad dictorum LUDOVICI primo-  
geniti, ac ULRICI & GUICHERI & aliorum  
quos tangit, communem notitiam deducatur,  
cartas sive membranas processum continentes  
eundem appendi seu affigi in ecclesiæ Avenio-  
nensis ostiis faciemus, quæ processum ipsum suo  
quali sonoro præconio & patulo indicio publi-  
cabunt. Ita quod ipsi vel alii, quos processus B  
ipse contingit, nullam possint excusationem  
prætendere, vel ignorantiam allegare, quod ad  
eos idem processus non pervenerit, vel quod  
ignorarint eundem, quia non est verisimile  
quoad ipsos remanere incognitum vel occul-  
tum, quod tam patenter omnibus publicatur.  
Ceterum volumus, & auctoritate apostolica  
decernimus, quod processus noster hujusmodi  
adeo præfatos primogenitum, Utricum & Gui-  
cherum ac alios omnes & singulos, quos tan-  
gere noscitur, apprehendat & arctet, ac si C  
eisdem insinuatim personaliter ac publicatus so-  
lemniter extitisset, quacumque constitutione à  
prædecessoribus nostris Romanis Pontificibus  
in contrarium edita non obstante. Datum Ave-  
nionem v. Idus Aprilis, Pontificatus nostri anno  
undecimo.

*Executoria dicti processus iudicibus missa.*

Nuper contra nobilem virum LUDOVICUM D  
primogenitum LUDOVICI olim ducis Bava-  
riæ, ac ULRICUM & GUICHERUM comites de  
Lundolwe, pro administratoribus seu gubernato-  
ribus dicti primogeniti se gerentes, certum pro-  
cessum habuimus, cujus tenor sequitur in hunc  
modum. JOHANNES episcopus servus servorum  
Dei, ad futuram rei memoriam. Olim contra, &c.  
*Ponatur totus tenor usque in finem.* Ut autem  
dictus processus & contenta in eo cunctis ple-  
nius patefiant fidelibus, volentes ipsum in di-  
versis mundi partibus solemniter publicari, dis-  
cretioni vestræ in virtute sanctæ obedientiæ per  
apostolica scripta districtius præcipiendo man-  
damus, processum eundem cujus tenorem vobis  
præsentibus insertum mittimus, & contenta in  
illo, per vos vel alium seu alios in locis illarum  
partium, de quibus vobis expediens videbitur  
publicare solemniter procuretis, vulgarisando  
nihilominus contenta in eisdem processibus, ut  
melius intelligantur ab omnibus tunc præsen-  
tibus in publicatione præfata, reddituri etiam  
de publicatione hujusmodi per instrumenta pu-  
blica principium & finem præsentium conti-  
nentia, nos infra præfixum in eisdem processibus  
terminum, certiores. Datum Avenione Idus  
Aprilis, Pontificatus nostri anno undecimo.



## PROCESSUS

Habiti contra nonnullos prælatos & alias  
personas ecclesiasticas adhærentes &  
obedientes Bavaro.

*Privantur Marfilius & Johannes cum duobus aliis,  
& excommunicati ac suspensi ceteri prælati  
adhærentes Bavaro nuntiantur.*

JOHANNES episcopus servus servorum Dei,  
ad perpetuam rei memoriam. Dudum pro-  
pter notorios excessus detestabiles, ac culpas  
enormes, contumacias quoque diutius conti-  
nuatas & auctas LUDOVICI dudum ducis  
Bavariæ & in regem Romanorum in discordiâ,  
ut dicebatur, electi, quos in Dei contemptum,  
nostrum & Ecclesiæ Romanæ præjudicium,  
regis Romanorum assumendo titulum, seque  
administrationi dicti regni & Romani imperii,  
ejus electione per nos, ad quos electionis in re-  
gem Romanorum assumendum in imperatorem,  
de aliquo celebratæ, ac personæ electi exami-  
natio, admissio, & approbatio, ac reprobatio  
& repulsio pertinet, nequaquam admissa, per-  
petrare præsumserit, nec non & propter exces-  
sus alios varios detestabiles & enormes per eum-  
dem Ludovicum contra Deum, nos, & dictam  
Ecclesiam perpetratos, diversos contra ipsum  
processus cogente conscientia & justitia exigente  
fecimus, eidem pœnas comminando diversas,  
& successive infligendo eidem aliquas, prout  
ejus continuata nequitia & aucta contumacia  
exigebant, prout in dictis nostris processibus,  
quos promulgavimus præfente fidelium multi-  
tudo copiosa, quosque in portis Avenionen-  
sis ecclesiæ affigi fecimus, plenius continetur.  
In quibus quidem processibus nos consideran-  
tes attentè, quod si LUDOVICO prædicto catho-  
licorum virorum subtraherentur suffragia,  
posset facilius à tam obstinata malitia & peri-  
culoso devio revocari, in præfatis processibus  
habiti contra ipsum, diversos processus tam  
contra personas ecclesiasticas in dignitatibus  
ecclesiasticis constitutas, quàm alias personas  
ecclesiasticas cujuscunque status vel conditio-  
nis existerent, fecimus, in quibus diversæ pœnæ  
eisdem comminatæ fuerunt, si nostris non pa-  
rerent super hoc monitionibus & mandatis, &  
aliquas juxta ipsarum continuatam & auctam  
contumaciam, præfente multitudo fidelium  
copiosa, infliximus, sicut sequentia manifestant.  
In primis quidem cum nos de fratrum nostro-  
rum consilio præfatum LUDOVICUM per edi-  
ctum publicum monuissemus præfente multitu-  
dine fidelium copiosa, eidem sub virtute sanctæ  
obedientiæ ac excommunicationis pœna, quam  
ipsum, nisi cum effectu nostris pareret monitio-  
nibus, incurrere voluimus ipso facto, auctoritate  
apostolica districtius injungentes, ut infra trium  
mensium spatium ex tunc in antea computan-  
dorum, quos sibi de eorumdem fratrum con-  
silio pro peremptorio termino duximus præfigen-



dos, ab administratione regni seu imperii, ac nomine & intitutione regis Romanorum per eum, ut prædictum est, indebitè usurpatis desisteret, illas non resumturus ulterius, nisi si & quando personam ipsius, & electionem, quæ de ipso celebrata dicebatur in discordia, approbati contingeret & admitti, nec non & quod à fautoria hæreticorum aliorumque rebellium Ecclesiæ abstinere omnino. Universis patriarchis, archiepiscopis, & episcopis, aliisque personis ecclesiasticis quibuscumque, sub pœna suspensionis ab officio & beneficio, quam eos incurere volumus ipso facto, nisi infra dictum terminum huiusmodi nostræ inhibitioni efficaciter obedirent, in virtute sanctæ obedientiæ & sub pœna excommunicationis districtius duximus inhibendum, ne prædicto LUDOVICO tamquam regi seu in regem Romanorum electo, nisi & quousque dictam electionem & personam ipsius per sedem eandem approbati contingeret & admitti, in tangentibus regni seu imperii regimen parerent in aliquo, seu intenderent quovis modo, neve eidem circa præmissa præberent auxilium, consilium vel favorem. Quam quidem pœnam suspensionis ab officio & beneficio patriarchas, archiepiscopos & episcopos, ceterasque personas ecclesiasticas supradictas, quæ parere forsitan neglexerant nostris monitionibus, inhibitionibus & præceptis contentis in processibus supradictis, eidem Ludovico tamquam regi seu in regem Romanorum electo, parendo vel obediendo, aut præstando per se vel per alium seu alios auxilium, consilium, vel favorem, publicè vel occultè, de dictorum fratrum consilio, subsequenter per alios processus post dictos tres menses & plures alios, videlicet x. Kalendas Aprilis, Pontificatus nostri anno octavo, præsentē multitudinē copiosā fidelium, declaravimus incurrisse. Eisdem nec non universos alios patriarchas, archiepiscopos & episcopos, ac alias quascumque personas ecclesiasticas, eadem præsentē multitudinē copiosā fidelium, monentes nihilominus, & eisdem tam sub excommunicationis, quam ipsos dictis monitionibus & inhibitionibus non parentes incurere volumus ipso facto, quā sub privationis dignitatum, personatum, officiorum, & beneficiorum ecclesiasticorum pœnis & sententiis, ad quarum inflictionem contra non parentes nos infallibiliter processuros prædiximus, prout nobis expediens videretur, districtius injungentes ac etiam inhibentes, ne ipsi vel eorum aliqui præfato Ludovico tamquam regi vel in regem Romanorum electo super iis quæ ad regnum vel imperium supradicta, aut eorum regimen ac administrationem pertinerent quovis modo, parerent, adhærerent, vel intenderent, seu præstarent per se vel alium seu alios, directè vel indirectè, publicè vel occultè, auxilium, consilium vel favorem. Quibus pœnis & sententiis adeò ipsos ligari & astringi volumus & decrevimus, ac si propriis eorum nominibus nominati fuissent specialiter & expressè. Non obstantibus quibuscumque fidelitatis & aliis juramentis, per quæ ipsi vel eorum aliqui dicto LUDOVICO

*Theauri Anecd. Tom. II.*

A se quomodolibet astrinxissent, ad quorum observantiam veluti præstitorum, cui minimè præstari debuerant, jurantes huiusmodi nullatenus arctabantur, quæ nos etiam ad cautelam in nostris præfatis processibus auctoritate apostolica duximus relaxanda: seu quibuscumque aliis privilegiis & indulgentiis apostolicis sub quacumque forma vel expressione verborum eidem LUDOVICO vel quibuscumque aliis concessis, quæ sibi vel eorum alicui contra processus nostros præfatos vel eorum aliquem noluimus in aliquo suffragari. Verum quia infra præfatum trium mensium spatium tam eidem Ludovico ad deponendum titulum regium & ab administratione regni penitus abstinendum, nec non & ad alia nonnulla faciendum quæ in dictis processibus plenius continentur, quā dictis patriarchis, archiepiscopis, episcopis & personis aliis ecclesiasticis, ad ea quæ sunt expressa superius, idem Ludovicus nec per se comparuisset, nec alijs pro eodem, nec alia curasset contenta in nostris processibus infra prædictum terminum adimplere, & nonnulli prælati & personæ aliæ ecclesiasticæ contempsissent parere prædictis nostris monitionibus & mandatis, licet tunc potuissemus contra ipsum LUDOVICUM, & prælatos ac personas supradictas processisse meritò, eorum proterva contumacia exigente, de benignitate tamen sedis apostolicæ, & de prædictorum fratrum consilio, ipsum LUDOVICUM usque ad diem videlicet v Idus Julii, Pontificatus nostri anno 8. hora consistorii duximus expectandum. Cumque nec comparuisset hætenus, nec tunc etiam ipse Ludovicus compareret, nec aliquis alius pro eodem, nec prælati ipsi ac personæ ecclesiasticæ prædictis nostris monitionibus paruisent, de fratre eorumdem consilio contra dictum Ludovicum processimus, ut in processu nostro super hoc habito plenius continetur. Universos autem patriarchas, archiepiscopos, & episcopos, aliasque personas ecclesiasticas & earum singulas, qui contra inhibitionem, monitionem & mandata nostra prædicta LUDOVICO præfato tamquam regi vel in regem Romanorum electo in quibuscumque regni seu imperii regimen seu administrationem tangentibus, paruerant vel adhæserant quomodolibet, aut per se vel alios directè vel indirectè, publicè vel occultè, super prædictis præstiterant eidem auxilium, consilium vel favorem, auctoritate prædicta de ipsorum fratrum consilio declaravimus pœnas suspensionis ab officio & beneficio, ac excommunicationis sententias contra tales promulgatas in dictis nostris processibus incurrisse. Universis insuper personis ecclesiasticis, cujuscumque conditionis, præeminentiæ, seu status existerent, etiam si dignitate patriarchali, pontificali, aut alia superiori vel inferiori fulgerent, nec non & aliis personis ecclesiasticis sæcularibus vel regularibus cujuscumque religionis aut ordinis, & specialiter incolis & habitatoribus eorumdem regni & imperii Romani inhibuimus, & mandavimus expressè, ne eidem Ludovico super iis quæ ad regni seu imperii prædictorum administrationem pertinent, quoquo modo assisterent,

Xx ij

parerent, seu intenderent, aut præstarent eidem auxilium, consilium vel favorem, per se vel alium seu alios, publicè vel occultè, quacumque occasione quæsitæ, neve Ludovico eidem vel alii pro eo de rebus vel obventionibus, sive juribus regalibus vel imperialibus, seu ratione regni vel imperii prædictorum, aut domini cujusvis per eum usurpati, in illis responderent, vel aliam satisfactionem sub quocumque velamine impendere attentarent. Alioquin personas ipsas cujuscumque præminentiae, conditionis, aut status existerent, quæ prædictas inhibitiones vel earum aliquam præterire præsumerent, excommunicationis sententiae, quam extunc protulimus, decrevimus subiacere. Non obstantibus quibuscumque privilegiis & indulgentiis apostolicis præfato Ludovico, seu personis ipsis communiter vel divisim, sub quacumque forma vel expressione verborum, ab eadem sede concessis, vel in posterum concedendis, etiam si de illis totoque tenore ipsorum de verbo ad verbum specialiter & expressè deberet in nostris literis fieri mentionem, quæ sibi vel eorum alicui contra processum nostrum eundem vel aliqua contenta in ipso, in nullo volumus suffragari. Quæ quidem privilegia & indulgentias omninò quoad hæc volumus & decrevimus viribus vacuari. Apertiùs nihilominus prædicentes, quod adversus hujusmodi præsumptores, prælatos, religiosos, & alias ecclesiasticas personas prædictas, ad infligendum poenas contra tales in præfatis nostris processibus contentas & comminatas, seu declarandum infictas, videlicet privationis dignitatum, personatum, officiorum, & beneficiorum ecclesiasticorum & alias spiritualiter, quando & sicut facti suaderet qualitas, aut putaremus expediens, absque citatione & monitione alia curaremus procedere, divina gratia præeunte. Conföderationes quoque, pactiones, & societates, si quæ inter ipsum Ludovicum & personas prædictas super præmissis vel ea tangentibus factæ seu initæ, sub quacumque forma vel expressione verborum, etiam poenarum adjectione, juramentorum præstatione, vel quacumque alia firmitate vallatæ fuissent, utpote in divinæ majestatis offensam, ac contra jura & honorem sanctæ matris Ecclesiæ, ac in damnum & præjudicium reipublicæ, & periculum animarum præsumptæ, decrevimus nullas, cassas, irritas & inanes, & nullius existere firmitatis, eas quatenus de facto processerant revocavimus, cassavimus, irritavimus, dissolvimus, & omninò viribus duximus vacandas. Juramenta insuper super hoc præstita relaxavimus de apostolicæ plenitudine potestatis. Omnes etiam illos & singulos qui conföderationes & societates hujusmodi cura dicto Ludovico contra processum eosdem post dictum terminum præsumerent observare, prædictas poenas & sententias incurrere volumus ipso facto, contra eos spiritualiter & temporaliter gravius processuri prout nobis expediens videretur. Ceterum prædictas suspensionis & excommunicationis sententias sic volumus inviolabiliter observari, quod absolvendi ab eis vel

A relaxandi easdem, nisi tantum in mortis articulo, tam omnibus poenitentiariis nostris, quam quibuscumque aliis confessoribus generalibus vel specialibus seu familiaribus quarumcumque vel quantumcumque sublimium personarum ubilibet consistentium, etiam si eas à nobis vel aliquo prædecessorum nostrorum sub quacumque forma verborum absolvendi à sententiis hominis vel canonis, seu eas relaxandi, generalis vel specialis facultas concessa fuisset vel concederetur in posterum, adimimus, potestatem, absolutionem & relaxationem hujusmodi soli Romano pontifici reservantes. Quod si forsan eos vel eorum aliquem in prædicto mortis articulo absolvi contingeret, nisi sanitate recepta sedi apostolicæ, quamprimum possent commodè, se repræsentare curarent, satisfacturi de prædictis, juxta mandatum Romani pontificis, in prædictam excommunicationis sententiam reciderent ipso facto. Ut autem processus nostri prædicti ad ejusdem Ludovici & aliorum quorum intererat communem notitiam devenirent, cartas seu membranas processus continentes eosdem in Avenionensis ecclesiæ ostiis appendi temporibus quibus facti fuerunt fecimus seu affigi, quæ ipsos processus & in eis contenta suo quali sonoro præconio & patulo indicio publicarent, ut idem Ludovicus & alii quos tangebant processus prædicti nullam possent excusationem prætere, quod ad eos minimè pervenissent, vel quod ignorassent eosdem, cum non esset verisimile quoad ipsos remanere incognitum vel occultum, quod tam patenter existeret omnibus publicatum. Eosdem quoque faciendo processus decrevimus, quod ipsi præfatum Ludovicum & alios supradictos comprehenderent & arderent, ac si eisdem extitissent insinuatim personaliter & solemniter publicati, constitutione quacumque apostolica in contrarium edita non obstante. Sanè cum nonnulli prælati & aliæ personæ ecclesiasticæ & specialiter EMOCHO Spirensis, & GEBHARDUS Eyterensis episcopi, nec non HERMANNUS dictus *Humele de Lechtemberch* scholasticus ecclesiæ Spirensis, & HENRICUS de *Gumdevvinchen* præceptor hospitalis sanctæ Mariæ Theotonicorum, per Alemanniam, & RUDGERUS de *Amberg* præpositus ecclesiæ sanctæ Catharinæ in *Openheim* Moguntinæ diocesis, & MARSILIUS DE PADUA, ac JOHANNES DE JANDUNO tamquam acceptorum beneficiorum immemores & ingrati, terga non faciem vertentes Ecclesiæ, ac fidelitatem quam tenentur eidem in perfidiam non absque animarum suarum periculis & plurimorum scandalis commutare non verentes, præfatis nostris processibus & contentis in eis obedire temerariis ausibus contemserint, præfato Ludovico adhærendo post publicationem eorundem processuum, ac super iis quæ ad regni seu imperii Romani regimen pertinent, parendo & obediendo, & eum pro rege tenendo, sibi que tamquam regi reverentiam exhibendo, & aliter assistendo, & præstando eidem contra tenorem dictorum processuum auxilium, consilium & favorem, eos-

demque processus publicare contumaciter dicti A  
praelati videlicet omittendo, & nihilominus  
eodem, LUDOVICO sicut praedicatur, diversis  
excommunicationum sententiis innodato praesente, & in locis etiam ecclesiastico suppositis  
interdicto, ipsorum videlicet aliqui divina ce-  
lebrare, seu potius quantum in eis est prophe-  
nare officia, non sine divinae majestatis con-  
tumelia, & contemptu clavium praesumerint  
saepius, & praesumant, sicut fama publica no-  
toriat, & rei evidentia manifestat. Praedicti etiam B  
MARSILIUS & JOHANNES tam praefato  
Ludovico, quam pluribus aliis damnatos haer-  
eses & errores publicare, praedicare, ac dog-  
matizare damnabiliter praesumerint. Quae omnia  
adeo sunt notoria, quod nulla possint tergiver-  
satione celari. Nos nolentes excessus horribiles,  
& inobedientias & contumacias execrandas  
hujusmodi absque correctione debita praeterire,  
ne obedientes ipsi de sua valeant malitia, ex  
eisdem horrendis excessibus gloriari, episcopos C  
ac personas ecclesiasticas superius nominatas &  
omnes alios & singulos tam praelatos quam  
alios cujuscumque sint praeminentiae, digni-  
tatis, ordinis, conditionis & status, etiam si pon-  
tificali vel quavis alia praemineant dignitate,  
qui dictis processibus parere, sicut praemittitur,  
praesumerunt, suspensionis ab officio & bene-  
ficio, & excommunicationis sententias contra  
tales in eisdem processibus promulgatas, de-  
claramus de dictorum fratrum consilio incur-  
risse, ipsosque tamquam excommunicatos fore,  
praeter casus expressos in jure, ab omnibus evi- D  
tandos. Praefatosque HERMANNUM scholasti-  
cum, ac HENRICUM praepotorem, & RUDI-  
GERUM praepositum dictae Ecclesiae in *Openheim*,  
ac MARSILIUM & JOHANNEM omni-  
bus beneficiis ecclesiasticis, etiam dignitatibus,  
personatibus, & officiis, cum cura vel sine cura,  
quae ubilibet obtinent, quibus propter excessus  
praedictos notorios, ac contemptus, contuma-  
cias & inobedientias supradictos, se reddide-  
runt indignos, sententiando privamus. Et licet E  
contra dictos episcopos ad privationem digni-  
tatum possemus procedere propter praedictos  
eorum excessus notorios, justitia exigente, nos  
tamen justitiam ipsam volentes oleo misericor-  
diae temperare, & agere mitius cum eisdem,  
ipsos episcopos per hoc edictum publicum hac  
praesente multitudine copiosa fidelium, nec non  
dictos scholasticum, praepotorem, praepositum,  
ac MARSILIUM & JOHANNEM citamus perem-  
ptorie, ut infra quatuor mensium spatium, quod  
eis & eorum cuilibet de dictorum fratrum con-  
silio pro peremptorio termino praefigimus, ac  
etiam assignamus, apostolico conspectui perso-  
naliter se praesentent, super praedictis excessibus  
& delictis, ut praefertur, notoriis justam dante  
Domino sententiam audituri, ac responsuri,  
facturi & recepturi quod justitia suadebit, ac  
mandatis & beneplacitis apostolicis humiliter  
parituri, eisdem apertius praedicantes, quod  
sive infra praedictum terminum coram nobis  
comparuerint, sive non, nos ad privationem  
dignitatum praedictorum episcoporum & alia-

rum personarum ecclesiasticarum nominatarum  
superius inhabilitationem, alias poenas de qui-  
bus expedire videbimus, absque monitione &  
citatione alia procedemus, eorum absentia non  
obstante. Non intendentes nos astringere quo-  
quo modo, quominus contra praelatos & alias  
personas ecclesiasticas inobedientes quomodo-  
libet in hac parte singulariter & nominatim,  
conjunctim vel divisim; super praedictis & ea  
tangentibus procedere, quando & quotiens  
nobis expedire videbitur, valeamus. Processus  
autem omnes praedictos tam contra dictum  
LUDOVICUM quam contra alias personas ec-  
clesiasticas & mundanas, cujuscumque status,  
conditionis aut dignitatis existant, etiam si pon-  
tificali vel imperiali, seu regali, vel quavis alia  
praeferantur dignitate, de eorumdem fratrum  
consilio, ratos esse decrevimus, eosque ratifica-  
mus, & approbamus expresse, volentes nihilo-  
minus ac etiam decernentes citationem praedi-  
ctam, etiam si termini praedicti praefixio in tem-  
pore forsitan caderet feriato, perinde valere,  
suumque debere sortiri effectum, ac si tempus  
feriatum non existeret, quacumque constitu-  
tione super hoc in contrarium edita non ob-  
stante. Ut autem processus noster hujusmodi &  
omnia contenta in ipso ad praedictorum episco-  
porum & aliorum tam nominatorum superius  
quam aliorum, quos tangere dinoscuntur, com-  
munem notitiam deducantur, cartas sive mem-  
branas processum continentes eundem in ma-  
joris ecclesiae Avenionensis appendi vel affigi  
ostii faciemus, quae processum ipsum suo quasi  
sonoro praekonio & patulo indicio publicabunt,  
ut ipsi episcopi & alii quos processus ipse con-  
tingit, nullam possint excusationem praetendere  
quod ad eos non pervenerit, vel quod ignora-  
rint eundem, cum non sit verisimile quoad  
ipsos remanere incognitum vel occultum, quod  
tam patenter omnibus publicatur. Ceterum  
volumus & auctoritate apostolica decernimus,  
quod idem processus episcopos & alios citatos  
praedictos apprehendat & arctet, ac si eis infi-  
nuatus personaliter & publicatus solemniter  
extitisset, constitutione quacumque per Roma-  
nos pontifices praedecessores nostros in contra-  
rium edita non obstante. Datum Avenione v.  
Idus Aprilis, Pontificatus nostri anno unde-  
cimo.

*Judicatur haereticus Bavarus, & inhibetur uni-  
versis, & nominatim certis communitatibus, ne  
sibi saveant in aliquo vel adherant.*

F JOHANNES episcopus servus servorum Dei,  
ad perpetuam rei memoriam. Dudum volen-  
tes certis dubiis, quae inter nonnullos viros ver-  
tebantur scholasticos, finem dare, de fratrum  
nostrorum consilio duximus declarandum, quod  
pertinaciter affirmare quod redemptori nostro  
& Domino Jesu Christo ejusque apostolis, in  
his quae ipsos habuisse scriptura sacra testatur,  
nequaquam jus ipsis utendi seu consumendi  
competierit, nec illa vendendi seu donandi jus

X x iij

habuerint, aut ex ipsis alia acquirendi: quæ ipsos tamen de præmissis fecisse scriptura sacra testatur, seu ipsos potuisse facere supponit aperte, cum talis assertio ipsorum usum & gesta evidenter includeret, in præmissis non iusta; quod utique de usu, gestis seu factis Redemptoris nostri Dei filii sentire nefas est, scripturæ sacræ contrarium, & doctrinæ catholicæ inimicum, assertionem ipsam pertinacem de fratrum eorumdem consilio, deinceps erroneam fore censendam & hæreticam duximus declarandam. Ac subsequenter cum ad nostram notitiam fama publica perduxisset, quod nonnullorum mentes dicebatur pater mendacii adeo excæcasse, quod ausu nefando ac petulantia improba ausi fuerant defendere publicè damnatam per constitutionem nostram prædictam hæresim ac etiam approbare: videlicet quod Christus & ejus apostoli in his quæ habuisse leguntur tantum habuerunt absque jure aliquo simplicem usum facti. Ex quo si verum esset sequeretur usum Christi fuisse non iustum, quod profecto blasphemiam continet, & est Catholicæ fidei inimicum, cum hoc de pertinaci animositate ac erronea non esset dubium processisse, omnes & singulos qui verbo ac scripto per se vel alium seu alios talia præsumserant publicè, ipsos quoque qui eos instruxerant in talibus, & ut præmissa facerent docuerunt, in hæresim damnatam incidisse, ac evitandos fore ut hæreticos, de fratrum nostrorum consilio, per nostram constitutionem aliam, quæ incipit, *Quia quorundam*, duximus declarandos, prout in eisdem constitutionibus plenius continetur. Sanè cum fama publica, nec non & insinuatio tam verbalis quàm litteralis plurium sublimium personarum ad nostrum perduxisset auditum, quod Ludovicus de Bavaria in discordia dudum in regem Romanorum, ut dicebatur, electus, velut in reprobum sensum datus, contra prædictam declarationem temerè præsumserat, facta mentione expressa de constitutione prædicta *cum inter*, contrarium asserere publicè, ac in ejus præsentia per alios, ut plures in sui erroris devium traheret, facere publicari. Et ut sua infania in plurium notitiam perveniret, libellum quemdam sigillo suo in eodem appenso, inter alia multa falsa & erronea, prædictam continentem hæresim, videlicet quod Christo & apostolis in rebus quas habuerant, nullum jus competiit, sed tantummodò usus facti. Insuper hoc adjecto, quod dicere contrarium hæreticum est censendum, prout etiam nos & plures ex fratribus nostris in diversis libellis prædicti Ludovici ejus sigillo pendenti sigillatis, vidimus contineri, per certos nuntios ad diversos, civitates & principes Alemanniæ & Italiæ & aliarum partium, nec non & ad tyrannos & hæreticos partium prædictarum, curaverat transmittere libellum, ipsum affigi faciens in locis publicis, & exponi publicè, ut haberet de tanta & tali infania plures testes, ex quibus evidentiùs apparebat ipsum asseruisse pertinaciter esse catholicum, quod dicta constitutio hæreticum judicavit, ac fore hæreticum quod dicta constitutio

A catholicum declaravit, præcipuè cum in eodem affirmaret libello, se in plurium præsentia jurasse, præmissa omnia contenta in eodem libello se credere esse vera. Et insuper cumulans mala malis, duos viros nequam perditionis filios, ac maledictionis alumnos, quorum unus Marsilium de Padua, & alter Johannem de Janduno, se faciunt nominari, ad eundem Ludovicum, quem suis demeritis exigentibus, velut hæreticorum fautorem; & persecutorem sanctæ Romanæ Ecclesiæ, ac plurium atrocium aliorum excessuum patratores, de fratrum ipsorum pronuntiaveramus consilio, jure si quod sibi ex electione prædicta fuerat acquisitum, gressus suos propere dirigentes, sibi librum quemdam erroribus plenum, & variis hæresibus non vacuum, sicut multorum fide dignorum Catholicorum habebat assertio, præsentarant; quos errores & hæreses in terra ipsius Ludovici & in ejus præsentia docere sæpiùs præsumserant publicè, sicut habebat insinuatio eorumdem. Quodque licet nonnulli viri Catholici, sacris litteris eruditi, eidem Ludovico dicerent doctrinam illam hæreticam, ipsosque Marsilium & Johannem fore velut hæreticos pronuntiandos, periculosumque sibi fore tales ad sui familiaritatem admittere, aut in terris suæ ditioni subditis sustinere, ipse tamen non acquiescens eorum salutaribus monitis, velut credens illorum hæreses, ipsos in suos familiares retinuerat, errores prædictos ac hæreses publicè dogmatizare permittens: adhuc quod diversis ligatus excommunicationum sententiis in locis interdictis divina faciebat, etiam nonnumquam contra rectorum ecclesiarum & religiosorum voluntatem & beneplacitum, excommunicatis & interdictis præsentibus celebrari, immo quantum in eo erat potius prophanari: ex quibus vehementer præsumebatur, immò convincebatur potius, clavium Ecclesiæ sanctæ Dei evidenter contemtor existere, ac labe resperfus hæreticæ pravitatis. Nos attendentes quod juxta doctrinam Apostoli peccantes publice sunt publicè arguendi, ac utilitati publicæ expedire peccata nocentium deduci in publicam notionem, cum ad ipsum non esset tutus accessus, per quem nostra posset ad eum redargutio per nuntios vel litteras pervenire, excessus ipsos multitudini tunc adstantium fidelium, non absque dolore ingenti animi referendos duximus, ut sic saltem ad ejus notitiam nostra posset circa excessus ipsos reprehensio pervenire. Et licet justitia exigente tunc possemus ad sententiam super præmissis proferendam procedere contra ipsum, cum adeò præmissa forent notoria, quod nequirent tergiversatione aliqua occultari: volentes tamen adhuc de benignitate aliqua exspectare, an dimissis præfatis erroribus, ad sinum sanctæ matris Ecclesiæ & viam vellet se convertere veritatis, de fratrum eorumdem consilio tertio nonas Aprilis proximè prædicti per edictum publicum citavimus præsentem fidelium multitudine copiosa, ut infra Kalendas Octobris ex tunc proximè subsequentis coram nobis personaliter compareret, facturus super præmissis quod suaderet ratio, &



sententiam auditurus; quem terminum eidem de fratrum præmissorum consilio peremptorium duximus assignandum, prædicentes publicè quod si veniret, si non veniret, ad proferendum sententiam procederemus, & aliàs super omnibus prædictis & singulis, conjunctim vel divisim, prout videremus expediens & justitia suaderet. Et ut processus noster prædictus ac omnia & singula in eodem contenta ad præfati Ludovici & omnium aliorum quorum intererat communem deduceretur notitiam, cartas siue membranas processum continentes eundem in ecclesiæ Avenionensis appendi vel affigi ostiis seu superliminaribus fecimus, quæ processum ipsum suo quasi sonoro præconio & patulo indicio publicarent, ut idem Ludovicus & alii quos processus ipse tangebatur, nullam possent excusationem prætereundere quod ad eos non pervenerat vel quod ignorassent eundem, cum non esset verisimile quoad ipsos remanere incognitum vel occultum quod publicabatur omnibus tam patenter. Prædictum insuper citandi modum decernentes eligere, cum ut prædicitur ad dicti Ludovici præsentiam, propter viarum pericula & alia discrimina varia, tutus minimè pateret accessus, volentes & auctoritate apostolica de potestatis plenitudine decernentes, ut perinde processus dictæ citationis eundem Ludovicum apprehenderet & arderet, ac si eidem insinuatus personaliter & aliàs publicatus solemniter extitisset, constitutione quacumque per prædecessores nostros Romanis pontificibus in contrarium edita non obstante. Sanè cum dictus Ludovicus, quem ut prædicitur jure, si quod sibi ex electione prædicta acquisitum fuerat, privaveramus justitia exigente, ac subsequenter ejus aucta contumacia feudis omnibus quæ à Romana vel quibusvis aliis ecclesiis seu imperio obtinebat, & specialiter ducatu Bavarix, & omni jure quod in eodem aut ejus occasione vel causa sibi competebar, seu competere poterat quoquo modo. Nec non & omnibus privilegiis apostolicis & imperialibus sibi seu ejus prædecessoribus, quatenus ipsum tangere poterant, indultis, justo privaveramus judicio, quemque pro fautoria hæreticorum excommunicationis innodatum sententia, quam per biennium & ulterius indurato sustinuerat, sicut & adhuc sustinet animo, declaraveramus manifestum hæreticorum fautorem, & pœnas omnes à canonibus inflictas talibus incurrisse, prout hæc plenius in nostris processibus contra ipsum habitis continentur, infra præfixum sibi prædictum terminum jam elapsum comparere per se vel alium non curarat, ipsum usque in crastinum hora consistorii duximus de fratrum nostrorum consilio expectandum. Et quia nec tunc comparuit, nec alius pro eodem, de fratrum eorumdem consilio reputavimus & declaravimus contumacem. Et licet tunc cum præmissa adeo essent notoria, quod nulla poterant tergiversatione celari, contra ipsum ad sententiam possemus procedere exigente justitia proferendam, ipsum tamen de benignitate apostolica usque ad præsentem diem hora consistorii de

A eorumdem fratrum consilio duximus expectandum. Et quoniam nec hac die hora jam dicta comparuit, nec compareret adhuc, nec aliquis pro eodem, nec ad correctionem prædictorum se disponit in aliquo, sed velut in profundum malorum perductus, mala malis superaddere, offensasque offensis cumulare, ac iram Dei contra se provocare, fidelesque verbis & operibus persequi non omittit. Nos in prædictis læsionem fidei, patrum quoque sanctorum contemptum & probra, nec non & præsentium scandala, variaque posterorum pericula attendentes, tantisque malis & periculis obviare salubriter cupientes, cum præmissa adeo sint notoria, quod nequeant tergiversatione aliqua occultari, præsentem hac multitudinem fidelium copiosa, ipsum reputantes & declarantes merito contumacem, Dei nomine invocato, de fratrum eorumdem consilio, ipsum fore hæreticum declaramus, ipsasque assertiones per dictam constitutionem hæreticas, ut prædicitur, declaratas, & scripturas quasque continentes easdem, nec non & ipsum Ludovicum velut hæreticum reprobamus & sententialiter condemnamus. Si quis autem doctrinam seu assertiones prædictas defendere vel approbare præsumserit, cujuscumque dignitatis, ordinis, conditionis, aut status existat, tamquam hæreticus ab omnibus confutetur. Et nihilominus ipsum Ludovicum bonis omnibus mobilibus & immobilibus, juribus, jurisdictionibus, & quibuscumque aliis ubicumque sint, & quibuscumque nominibus censeantur, & specialiter comitatu palatinatus Rheni, & omni jure ratione vel occasione illius, vel alio quovis modo ad eundem Ludovicum pertinentibus, habendi vocem in electione regis Romanorum in Imperatorem promovendi, seu in electione hujusmodi aliquem ad prædicta regnum vel imperium eligendi seu quomodolibet nominandi, privatum fore decernimus & privamus, exponendis vel concedendis catholicis, si, prout, & quando, ac quibus, vel de quibus sedes apostolica ordinandum duxerit, jure principalis dominii semper salvo, vassallos quoque ipsius, & quasque alias tam ecclesiasticas quam seculares personas, nec non communitates, universitates, ac civitates, castra, terras, ac villas quæ sibi fidelitatis vel aliis quibuscumque juramentis tenentur astricti, prorsus ab illis absolvimus, ac quasque colligationes, confœderationes, societates, pactiones, & ligas, per quoscumque cum eodem contractas vel initas, etiamsi juramentis, pœnis, vel aliis quibusvis firmitatibus essent innixæ, quatenus favorem aut commodum ipsius concernerent, de potestatis plenitudine penitus dissolvimus, ac pœnas adjectas, & juramenta super præstita relaxamus. Decernentes quasvis personas singulares, ac communitates, universitates, castra, villas, terras & oppida nequaquam teneri de cetero ad observationem earum vel cujuslibet earumdem. Universis & singulis etiam prælatis & personis ecclesiasticis, sæcularibus, & regularibus, cujuscumque præeminentiæ, dignitatis, ordinis, vel conditionis existant,





etiam si patriarchali, pontificali, aut majori seu inferiori præfulgeant dignitate, nec non regibus, ducibus, principibus, marchionibus, comitibus, baronibus, nobilibus, potestatibus, capitaneis, rectoribus, & aliis dominis temporalibus, & qui aliquo titulo se præmissorum intulunt, licet jas non habeant in eisdem, ac communitatibus, universitatibus, civitatibus, castris & villis, & specialiter Mediolanensi, Sagonensi, Cumanensi, Vercelleni, Pargamensi, Laudensi, Cremonensi, Aretinensi, Novariensi, Papiensi, Mantuanæ, Ferrariensi, Veronensi, Lucanensi, & aliis quibuscumque inhibemus & mandamus expressè, ne prædicto Ludovico de hæresi, ut præmittitur, condemnato, adhærere, communicare, participare vel favere, quomodocumque, directè vel indirectè, publicè vel occultè præsumant, nec eidem portent, mittant, portari vel mitti faciant, aut procurent granum, vinum, aut quæcumque victualia, pannos, ligna, ferrum, arma, seu quævis mercimonia, pecuniam, vel quicquid aliud quod posset in ipsius utilitatem vel commodum redundare, ne societates, confœderationes, colligationes, pactiones, aut ligas quascumque cum eodem initas vel contractas præsertim in ejus favorem, auxilium vel utilitatem, observent. Alioquin personas quascumque singulares excommunicationis; universitates verò, communitates & collegia, quæ postquam videlicet processus noster hujusmodi ad eorum pervenerit notitiam, vel pervenisse probabiliter potuerit, aut per ipsos iteriter quominus pervenerit ad eosdem, in hac parte offenderent quovis modo, nec non terras & loca quorumcumque circa prædicta delinquentium, interdicti sententiis, & generaliter pœnis omnibus quibus fautores & defensores hæreticorum & adhærentes eisdem subijciuntur à jure vel quibusvis constitutionibus, volumus & decernimus subjacere. Apertius prædicentes eisdem, nos ad earundem pœnarum declarationem & executionem contra delinquentes hujusmodi processuros specialiter, si, & quando, & quoties videbimus expedire. Non obstantibus si eis vel eorum aliquibus communiter vel divisim à sede apostolica sit indultum, quod interdici, suspendi vel excommunicari non possint per litteras apostolicas, non facta plena & expressa ac de verbo ad verbum de indulgentiis hujusmodi mentione, & quibuslibet privilegiis, indulgentiis, & litteris apostolicis generalibus vel specialibus, quibusvis personis, locis vel ordinibus, sub quacumque forma vel expressione verborum concessis, etiam si de illis esset specialis & expressa, & de verbo ad verbum in præsentibus mentio facienda, per quæ nullum contra præmissa vel præmissorum aliquod volumus afferri suffragium vel obstaculum interponi. Ceterum processus tam contra dictum Ludovicum quàm fautores & adhærentes ipsius per nos habitos, de fratrum eorundem consilio, ratos existere decernimus, eosque ratificamus, & ex certa scientia etiam approbamus. Ut autem sententia & processus præsentis hujusmodi ad dicti Ludovici & aliorum

A quorum interest communem notitiam deducantur, cartas sive membranas, sententiam & processus continentes eosdem in ecclesiæ Avenionensis appendi vel affigi ostiis seu superliminaribus faciemus, quæ ipsos sententiam & processus suo quasi sonoro præconio & patulo indicio publicabunt. Ita quod dictus Ludovicus & alii quos contingere dinoscuntur, nullam possint excusationem prætere, quòd ad eos non pervenerint, vel quòd ignorarint eosdem, cum non sit verisimile quoad ipsos remanere incognitum vel occultum quod tam patenter omnibus publicatur. Datum Avenione x. Kalendas Novembris, Pontificatus nostri anno duodecimo.

*Judicantur hæretici Marsilius de Padua,  
& Johannes de Janduno.*

JOHANNES episcopus servus servorum Dei, ad perpetuam rei memoriam. Licet juxta doctrinam Apostoli ob id esse hæreses sit necesse, ut fiant qui probati sunt apertius manifesti; quia tamen juxta doctrinam ejusdem Apostoli hæreticorum sermo ut cancer serpere, id est, à parvo ad majus paulatim tendere consuevit, necesse est ut talibus, eorumque perversis dogmatibus sic celeriter occurratur, quod tam perniciosus morbus neglectus inter initia vires sumere nequeat, sed potius præfocentur in ortu. Sanè dudum ad nostram audientiam relatione tam verbali quàm litterali plurium sublimium ac fidelium personarum, nec non fama publica notoriante perducto, quod duo viri nequam perditionis filii, & maledictionis alumni, quorum unus Marsilium de Padua, & alter Johannem de Janduno se faciunt nominari, quemdam librum composuerant, multa falsa, erronea & hæretica continentem, quodque ipsos errores & hæreses in ducatu & terris Baviaræ Ludovico de Bavaria excommunicato, Dei & Ecclesiæ, fideique Catholicæ persecutore manifesto & hoste crudeli, suisque horrendis excessibus & gravibus culpis exigentibus, jure, si quod ei ex electione discordi quæ de ipso celebrata dicebatur, ad regnum Romanum vel imperium competeat, iusto privato judicio, eisdem Marsilio & Johanni favente super his ac etiam adhærente, dogmatizare publicè præsumebant. Quibus licet nonnulli Catholici se pro defensione fidei opposcentes, ostendissent apertè quòd illa doctrina erat erronea & hæretica, velut contraria evangelicæ & apostolicæ veritati, & ut à tali doctrina desisterent suasissent eisdem, ipsique eorum nollent acquiescere monitis, sed in publicandis suis erroribus perdurarent: tandem tam præfati quàm plures prælati, nec non & alii viri Catholici tam perniciosas hæreses inter Catholicos dogmatizare publicè indecens & periculosum nimium reputantes, nobis certos articulos excerptos de libro prædicto, curaverunt nonnulli mittere, ac per se ipsos aliqui præsentare, supplicantes attentius, ut super præmissis curaremus sanctæ Dei Ecclesiæ

Ecclesiæ de opportuno remedio providere. De quibus articulis subscriptos duximus præsentibus annotandos. Et licet tam cum fratribus nostris sanctæ Romanæ Ecclesiæ cardinalibus, quàm cum multis archiepiscopis & episcopis aliisque Ecclesiarum prælatis, nec non & cum pluribus sacræ Theologiæ magistris, ac utriusque juris professoribus, deliberationem super ipsis articulis præhabuimus diligentem, ex quorum deliberatione apertè convincitur quòd errores articulorum ipsorum sint adeò manifesti, quòd quicquid ad eorum manifestationem adjicitur, frustra adjici videatur, & quasi sol facibus adjuvari: ut tamen minùs periti promptius illos percipere valeant & vitare quædam ad ipsos declarandos errores perfunctoriè satis, de fratrum eorumdem consilio præsentibus duximus inserenda. In primis itaque isti viri reprobi dogmatizare præsumunt, quòd illud quod de Christo legitur in evangelio beati Matthæi, quod ipse solvit tributum Cæsari, quando staterem sumtum ex ore piscis, illis qui petebant didragma solvere jussit, hoc fecit non condescensivè & liberalitate suæ pietatis, sed necessitate coactus: quod utique doctrinæ contradicit evangelicæ, nostrique sententiæ salvatoris. Cum enim sicut in eodem evangelio legitur Christus interrogasset Petrum, à quibus reges terræ accipiunt tributum vel censum, à filiis suis an ab alienis, & Petrus respondisset quòd ab alienis, ex hoc concludens Christus filios regum esse liberos, dixit, ergo liberi sunt filii. Constat autem Christum secundum carnem fuisse David filium juxta testimonium angeli sic dicentis, Dabit ei Dominus sedem David patris ejus, &c. & per consequens quòd ipse à solutione tributi vel census erat prorsus immunis. Hoc etiam ex hoc patet quod statim subjunxit: Ut autem non scandalisemus eos, vade & da staterem pro me & pro te eis; ubi evidenter patet quod non ut astrictus, sed ut evitaret scandalum, staterem tributi exactoribus jussit solvi. Ex prædicto autem dicto suo nituntur concludere præfati viri reprobi, quòd omnia temporalia Ecclesiæ subsunt imperatori & ea potest occupare velut sua. Videntur enim supponere, quòd ex hoc quod Christus tributum solvit, ex debito res temporales ejus imperatori subessent, & per consequens quòd res Ecclesiæ temporales sunt imperatori subjæctæ, & eas possit recipere velut suas. Quæ quidem conclusio nullatenus ex præmissis sequitur, nec sequi potest etiam apparenter. Cum enim liqueat ex prædictis Christum fuisse à solutione tributi vel census liberum & immunem, & staterem non solvisse ex debito, sed ut aliorum scandalum evitaret, nullo modo potest concludi quod res Christi quales sunt res Ecclesiæ subsint imperatori. Præterea etiam si Christus staterem solvisset ex debito, impertinenter concluderetur ex eo, quod res Christi quales sunt res Ecclesiæ subessent imperatori, cum Christus non pro rebus, sed pro persona staterem solverit antedictum: quod patet ex eo quod illum jussit solvi pro se & Petro modo prædicto, non pro rebus suis & bonis. Unde non

*Theauri Anecdor. Tom. II.*

A sequitur quod ex eo quod persona est tributaria, tributaria sint & bona, immò qui pro persona tenetur solvere, habere potest bona libera, & è contrario. Et quia hæc patent falsa, etiam per jura imperialia manifestè, supersedemus super hoc plenius allegare. Secundo isti filii Belial dogmatizare præsumunt quod beatus Petrus apostolus non plus auctoritatis habuit quàm alii apostoli habuerint, nec aliorum apostolorum fuit caput. Item quod Christus nullum caput dimisit Ecclesiæ, nec aliquem vicarium suum fecit, quod est totum contrarium evangelicæ & apostolicæ veritati. Quod enim Christus vicarium suum beatum Petrum constituerit, patet. Constat etiam quod Christus pastoris officium gessit in terris. Hinc est quod in Johanne se vocat pastorem, dicens: Ego sum pastor bonus, &c. Liquet etiam quod curam gregis sui ante ascensionem beato Petro generalem commisit, quando sibi illud Johannis dixit: Simon Johannis diligis me? pasce oves meas, pasce agnos meos. Unde cum pastor gregis dominici, scilicet Christus, curam ejusdem gregis beato Petro commiserit, quin eum quoad curam gregis suum vicarium fecit, nullus debet in dubium revocare. Hoc ille imperator Christianissimus Constantinus testatus est dicens: Beatus Petrus videtur in terris vicarius Dei filii constitutus. Ex hoc enim sequitur evidenter, quòd Petrus caput universalis Ecclesiæ potest dici juxta morem illum sacræ scripturæ quo rector alicujus multitudinis dicitur esse caput. Unde legitur in Joële: Congregabuntur filii Juda & filii Israël, & ponent sibi caput unum, id est, rectorem. Constat autem quòd beatus Petrus eo ipso quod Christus sibi commisit curam dominici gregis, ipsum ejusdem gregis videtur constituisse rectorem, & per consequens caput. Fatemur tamen cum Apostolo quòd Christus Ecclesiæ est verum caput & principale, sub quo tamen Petrus dicitur caput secundum modum prædictum, secundum quem modum sub Christo capite, & Petro, multa capita particularia possunt dici, sicut patriarcha fidelium patriarchatus sui, & archiepiscopus archiepiscopatus, & episcopus episcopatus sui. Sic videmus quod licet Christus sit Ecclesiæ principale & primarium fundamentum, juxta illud Apostoli, Fundamentum autem nemo potest ponere præter illud quod positum est, quod est Christus Jesus. Et alibi loquens gentilibus conversis dixit: Vos estis cives sanctorum & domestici Dei superædificati super fundamentum apostolorum & prophetarum ipso summo angulari lapide Christo Jesu, id est, quod fundamentum est Christus Jesus: tamen etiam apostoli dicuntur fundamentum, juxta illud psalmi: Fundamenta ejus, id est, Ecclesiæ, in montibus sanctis. Et secundum hunc modum Christus videtur Petrum prædixisse futurum Ecclesiæ fundamentum, cum dixit: Tu es Petrus, & super hanc petram ædificabo Ecclesiam meam. Unde sicut Christus dicitur Sanctus sanctorum, Rex regum, & Dominus dominantium; sic similitudinariè Petrus pastor pastorum, &

Y y

caput capitum, & fundamentum fundamentorum Ecclesiæ potest dici. Sic igitur ex prædictis patet quod Christus secundum prædictum modum caput est Ecclesiæ & vocatur, & hoc videtur Christus in impositione nominis designasse. Dixit enim sibi sicut legitur in Johanne: Tu vocaberis Cephas. Cephas autem Græcè, interpretatur Caput latine. Unde Constantinus imperator de Romana Ecclesia loquens, dicit: quod principatus sacerdotum & Christianæ religionis caput ab Imperatore cælesti constitutus est Romæ. Justinianus quoque in quadam epistola Johanni papæ missa testatur hoc dicens: Non patimur quidquam quod ad ecclesiam pertineat, quamvis manifestum & indubitatum sit quod innovetur, ut non hoc V. S. quæ caput est ecclesiarum omnium innotescat. Etiam alibi sic dicitur: Summi pontificatus apicem apud Romanam ecclesiam esse, ipsamque fore sacerdotii, fontem nemo est qui dubitet, id est, qui debeat dubitare. Ludovicus autem imperator beatum Petrum apostolorum principem vocat. Quod autem beatus Petrus plusquam alii apostoli habuerit auctoritatis, ex prædictis etiam concluditur evidenter. Certum est enim quod major est auctoritas pastoris quam gregis. Petrus autem totius gregis dominici generalis constitutus est pastor, ut probatum est superius: quod de nullo alio apostolo potest dici. Præterea constat quod major est non limitata auctoritas limitatâ: omnes autem alii apostoli receperunt limitatam potestatem sive super verum corpus Christi conficiendum, sumendum, & aliis ministrandum: quæ quidem auctoritas seu potestas fuit in cœna Domini omnibus apostolis attributa, & etiam illa quam post resurrectionem Dominus super corpus mysticum dedit illis dicens: Quorum remiseritis peccata remissa sunt, & quorum retinueritis retenta sunt: sive etiam in ascensione, quando dixit: Euntes ergo docete omnes gentes, baptisantes eos in nomine Patris, &c. Petro autem sine limitatione aliqua commisit curam dominici gregis, cum sibi dixit, Pasce oves meas, pasce agnos meos. Item sibi soli, ita quod nulli alii singulariter dixit, Tibi dabo claves regni cœlorum. Et, Quodcumque ligaveris super terram erit ligatum & in cælis, & quodcumque solveris super terram erit solutum & in cælis. Hoc etiam in sancto Lucæ Evangelio Jesus videtur satis congruè designasse, ubi loquens Petro & aliis dixit, Duc in altum, & laxate retia in captivam. Soli enim Petro dixit, & nulli alii, Duc in altum, significans quod ad ipsum solum pertinet in altum, id est, in profundum disputationum fidei dubia definire. Sibi autem & aliis dixit, Laxate retia in captivam; quia omnes apostolos constituit hujusmodi piscatores, juxta illud quod in sancto evangelio Marci dicit Christus, Venite post me, faciam vos piscatores hominum. Hoc quoque, scilicet, quod Petrus plus ceteris apostolis receperit auctoritatis apparet ex multis quæ Jesus sibi & de ipso aliis dixit, nec non ex multis quæ ipsum post Ascensionem Domini dixisse & fecisse scriptura sacra testatur. Ex prædictis ita-

A que patet quod Petrus à Christo fuit vicarius constitutus, quando sibi totius dominici gregis curam commisit, & per consequens rector & caput gregis ipsius constitutus est & vocatus. Ex quibus sequitur, quod sibi à Christo amplior quam aliis apostolis attributa fuit auctoritas & potestas. Hinc est quod Clemens ejus Petri successor & discipulus dixit, Nec inter ipsos apostolos par fuit institutio, sed omnibus præfuit unus, scilicet Petrus. Tertiò, isti filii Belial asserere non verentur quod ad imperatorem spectat papam instituere & destituere, ac punire: quæ utique omni juri obviant & repugnant. De primo quidem post Christum Novi Testamenti summo pontifice, scilicet Petro, patet quod non ab imperatore temporali seu terreno, constitutus papa fuerit, sed à Christo dicente sibi soli, Pasce oves meas, pasce agnos meos: per quæ verba ipsum suum vicarium generalem constituit, ut patet ex prædictis. Adhuc de illis summis pontificibus qui fuerunt ante Constantinum magnum imperatorem, quod ipsorum institutio ad imperatores non pertinuerit, satis liquet volenti acquiescere veritati. Cum enim ferè omnes imperatores illius temporis fuerint idololatræ, ac fidei Catholicæ & orthodoxorum pontificum persecutores atrocissimi, adeo quod omnes ferè à beato Petro inclusivè usque ad beatum Silvestrum effecerunt martyres, quod ad eos papæ institutio potuerit pertinere nullo modo utique credi debet. Nec de ipso Constantino usque ad suam conversionem ad fidem Catholicam, quod ad eum papæ institutio pertinuerit, dici potest: nec post conversionem ad fidem catholicam hæc assequi potuit, cum per eam papæ filius ac discipulus effectus fuerit & subiectus. Præterea cum imperator ipse post susceptum baptismum inconueniens reputaverit & injustum, quod ubi principatus sacerdotum & Christianæ religionis caput ab Imperatore cælesti institutum fuerat, videlicet Romæ, illic imperator terrenus potestatem haberet. Ideoque sedem imperialem Silvestro papæ cesserit, & ad partes orientales imperii & regni transtulerit potestatem, multò fortius injustum & inconueniens est censendum, quod ad ipsum imperatorem papæ potuerit institutio pertinere. Et idem patet dicendum esse de Græcis imperatoribus, qui sibi in imperio successerunt. Quod autem ad imperatores Latinos non pertinuerit nec pertineat institutio supradicta, patet. Imperium enim per papam à Græcis translatum est in Latinos, nec plus juris in ipsos, quam apud Græcos existeret, papam ipsum transferentem legimus transtulisse. Græcis autem imperatoribus, ut ex prædictis patet, talis non pertinebat institutio, quare nec pertinere poterit ad Latinos. Et si dicatur quod papæ institutio ad Latinos imperatores pertinet ex concessione postea ipsis facta per summum pontificem, vel summos pontifices, est dicendum, quod nulla concessio facta per papam aliquem imperatori seu imperatoribus, debet intelligi quod ipsi imperatores papam possent instituere seu eligere; sed quod possent institutioni summi pontificis ac electioni

interesse. Et quod sic concessionem illam intelligi debeant, patet satis ex eo quod in quodam capitulo legitur, ubi sic dicit: Verum quia imperatores quandoque modum suum ignorantes, non in numero consentientium, sed potius distribuentium, immò exterminantium esse voluerunt, &c. *Item* querimonia nuntiorum Ludovici imperatoris, quibus in urbe presentibus electio de papa Adriano secundo ipsis non vocatis, extitit celebrata, hoc similiter probat. Conquerebantur enim dicentes, quod cum presentes essent, non fuerant invitati, nec obstante meruerunt electioni futuri præsulis interesse. Adhuc quia nonnulli imperatores illo privilegio abusi fuerant, & frequenter in hæreticorum prolapsi perfidiam, catholicæ matris Ecclesiæ unitatem fuerant impugnare conati, statuta sanctorum patrum contra eos facta, ut se electioni papæ non ingererent, prodierunt, ac ut anathematis innodaretur vinculo quisquis eorum suffragio Ecclesiam obtineret. Nonnulli quoque imperatores ducti religiosæ mentis affectu, ex abundanti supradicto renuntiaverunt privilegio, ut patet ex tenore canonum super hoc conditorum, per quos & non alios probatur concessio antedicta. Præterea legant homines isti pestiferi historias approbatas, & ostendant quis umquam catholicus papa ab imperatore institutus fuerit; profecto credimus quod nullum poterunt invenire: nec dubium, si ad eos talis pertinisset institutio, quin potestate usi fuissent huiusmodi, & quin in historiis de institutione tali mentio haberetur. Dicere autem quod papæ destitutio seu punitio ad imperatorem pertineat est erroneum & insanum. Quomodo enim ad imperatorem pertinebit papæ destitutio, cum ejus institutio ad eum non pertineat, ut ex prædictis patet? Inde enim, etiam secundum jura imperialia, privatio debet procedere, unde datio noscitur processisse. Præterea quomodo imperator principem clericorum destituere poterit, vel punire, cum etiam secundum imperiales leges, id in simplici clerico nequeat exercere. Audiant insuper isti homines perfidi quid circa hoc nonnulli Catholici principes senserunt, & quid duxerint sciendum. Theodosius quidem & Arcadius imperatores catholici expressè sanxerunt, quod nullus episcoporum sive eorum qui Ecclesiæ necessitatibus serviunt, ad ordinarium sive extraordinarium judicium pertrahantur: habent enim illi suos iudices, nec quicquam eis cum legibus est commune. *Item* imperator Constantinus cum querelam clericorum quorundam coram se deferendam conspiceret, dixit, Vos à nemine laicorum judicari potestis, qui Dei solius estis iudicio reservati. Et si dicatur, si solius Dei iudicio reservantur, ergo nec à iudicibus ecclesiasticis poterunt judicari: dicendum quod immo, ipsi quidem pontifices, vicarii (licet differenter) sunt Christi, quia papa universalis velut vocatus in potestatis plenitudinem, alii verò particulares, velut illi qui in partem sollicitudinis sunt vocati. Unde à Deo videntur judicari, quia ab eo judicantur potius

*Theauri Anecd. Tom. II.*

quàm ab ipsis; cum ille cuius auctoritate sit, facere videatur: & propter hoc imperator prædictus signanter dixit, à nemine laicorum. *Item* Theodosius imperator cum Romæ concilium convocasset, ut sanctum concilium iudicaret de his quæ papæ Symmacho ab adversariis dicebantur impingi, certi episcopi qui convenerant imperatori dixerunt, quod ad illum qui impetebatur, scilicet papam, pertinebat concilium convocare, quia ejus sedi primum Petri apostoli meritum, deinde secuta jussione Domini, conciliorum venerandorum auctoritas, singularem in ecclesiis tradidit potestatem, nec ante minoris subjacuisse iudicio antistitem dictæ sedis. Quo audito imperator prædictus Deo inspirante respondit: synodalis esse arbitrii in tanto negotio sequenda præscribere, ac ad se nihil præter reverentiam de ecclesiasticis negotiis asseruit pertinere episcopis. Et etiam principes Christianos solitum est capita subdere, non de eorum capitibus judicare. Hinc est quod Innocentius papa Arcadium imperatorem excommunicavit, quia consentiret ut à sua sede sanctus Johannes Chrysostomus pelleretur. Plures quoque summos pontifices legimus imperatores pro suis excessibus imperiali dignitate privasse. Beatus quoque Ambrosius licet Ecclesiæ universalis non esset pontifex, Theodosium magnum imperatorem excommunicans, eidem ingressum ecclesiæ interdixit. Ad huiusmodi autem erroris sui fulcimentum, scilicet quod ad imperatorem pertineat papam destituere & punire, id quod in sanctis Evangeliiis legitur de Pilato, scilicet quod Christum crucifixerit, præsumunt inducere, asserentes ipsum Pilatum tamquam Christi ordinarium crucifixisse ipsum tamquam sibi subiectum, quod habet duplicem intellectum. Aut enim intelligunt Pilatum Christum crucifixisse de jure, aut de facto. Si de jure, hoc obviat veritati: de jure enim quis de crimine puniri non potest, nisi qui deliquerit, verè vel interpretativè; vel qui convictus fuerit deliquisse. Christus autem secundum veritatem non deliquit, quia innocens fuit manibus & mundo corde, quia peccatum non fecit, nec inventus est dolus in ore ejus. Et hoc ipse Pilatus fuit expressè testatus. Cum enim ipsum Judæis tradidit crucifigendum, dixit: Mundus sum à sanguine justus hujus. *Item* nec fuit deliquisse convictus, quod idem pluries est testatus. Cum enim Judæi instarent quod crucifigeret eum, in uno loco dixit: Quid enim mali fecit? quasi dicat, nihil invenio eum fecisse mali. Et alibi pluries eisdem Judæis instantibus quod crucifigeret illum, dixit: Ego nullam in eo invenio causam mortis, quare ipsum de jure non potuit punire. Si autem intelligant quod de facto & injustè punivit eum innocentem, sicut & veritas se habet, tunc ex hoc non possunt concludere aliud, nisi quod imperator papam de facto potest interficere & injustè: quod utique non solum de imperatore concedimus, sed etiam de privato; sicut & plures imperatores à privatis personis, & summos pontifices à non suis iudicibus, sicut omnes

Y y ij



martyres, legimus interemptos. Quartò, dicunt isti vaniloqui, immò falsiloqui, quòd omnes sacerdotes, sive sit Papa, sive archiepiscopus, sive sacerdos simplex, sunt ex institutione Christi auctoritatis & jurisdictionis æqualis: quod autem unus plus alio habeat, hoc est secundum quod imperator concedit uni vel alii plus & minus, & sicut concessit alicui sic potest etiam illud revocare: quæ utique doctrinæ sacræ obviant & hæreticam sapiunt pravitatem. Quod enim sacerdotum simplicium & non simplicium ex ipsa institutione Christi non existat æqualis potestas, patet tam in his quæ fuerunt in Testamento veteri, quàm in his quæ fuerunt in Novo. In veteri siquidem Testamento per Moysen ex præcepto Domini Aaron in summum pontificem, filii verò ejus uncti fuerunt in simplices sacerdotes; quorum potestas ut patet inæqualis extitit, quia ex simplicibus sacerdotibus velut ad superioris auctoritatis & potestatis honorem, ad pontificium sunt assumpti: tuncque licebant quædam pontifici, ut sancta sanctorum ingredi, quæ non licebant simplici sacerdoti. In novo verò Testamento pontificum & simplicium sacerdotum, ab ipso Christo ex eo assumptis videtur exordium, quod duodecim apostolos, quorum typum gerunt pontifices, ac septuaginta duos discipulos instituit, quorum typum gerunt simplices sacerdotes. Constat autem ex multis, quæ de ipsis in sanctis leguntur evangeliiis, quod apostolorum & discipulorum auctoritas dispar fuit. Adhuc quod potestas aliorum quorumcumque sacerdotum potestati papæ par non sit nec æqualis, patet evidentius ex prædictis; quod aliorum episcoporum, scilicet patriarcharum, archiepiscoporum, & episcoporum par potestas, nec sit, nec fuerit, patet. Inferioris siquidem potestas superioris non est par potestati. Constat autem patriarchas esse superiores respectu archiepiscoporum, & archiepiscopos respectu episcoporum, & episcopos respectu simplicium sacerdotum. Et si dicant isti homines reprobi quod istorum episcoporum distinctio ab imperatore processit, non à Christo; dicimus quod immò processit à Christo. Ille enim cujus auctoritate fit aliquid, illud fecisse videtur. Beatus autem Petrus Christi vicarius & gregis dominici caput, attendens quod aucto grege sine ipsius augmentatione custodiæ, gregi non poterat salubriter provideri, auctum gregem post ascensionem Domini considerans & aucturum amplius prævidens in futurum, gradus prædictarum potestatum instituit & distinxit. Quare cum auctoritate Christi prædicta distinctio facta fuerit, Christo debet ascribi. Hanc autem potestatem daturam Ecclesiæ psalmista diu ante prædixerat dicens: Pro patribus tuis nati sunt tibi filii, constitues eos principes super omnem terram: ubi patres Ecclesiæ vocat apostolos, & filios Ecclesiæ fideles, per apostolos ipsos conversos. Ubi satis apertè Ecclesiæ, id est ejus pastori attributa potestas intelligitur instituendi diversos gradus principum, cum expedire perciperet Ecclesiæ sanctæ Dei. Audiant insuper perversi isti homines quid Justinianus

A imperator Catholicus super hoc dixit. Cum enim circa gradus prædictos episcoporum, eorumque superioritatem & subjectionem constituisset, aliqua subjunxit dicens: Nos hoc secundum sacrarum regularum explanationem, apostolicamque traditionem constituimus. Ex quibus colligitur evidenter non ab imperatore distinctionem & auctoritatem pontificum originaliter & principaliter, sed ab auctoritate apostolica processisse, imperatoremque ut illa servarentur melius juxta statuta apostolica eadem statuisset. Considerent etiam quæ & quanta ex his, si vera essent, inconvenientia sequerentur. Sequeretur utique quod usque ad tempus Constantini nulla potestas esse potuerit in Ecclesia sancta Dei, cum illo tempore imperatores ferè omnes gentiles fuerint & persecutores Ecclesiæ ac prælatorum ejusdem, de quibus dici non potest, quod prælatis Ecclesiæ potestatem concesserint aliquam, ut ex prædictis patet. Ex prædictis insuper sequeretur, quod universalis Ecclesia, quæ Spiritu-sancto regitur, erreret & erraverit ipsos honorando pro sanctis: quod est utique contra id quod Christus discipulis in ascensione sua, ut in sancto evangelio Mathæi legitur, promisit dicens: Ego vobiscum sum usque ad consummationem sæculi. Secundum enim istos diaboli filios pro illo tempore, vera Christi promissio non fuisset, nec aliquis illorum pontificum qui à paganis fuerunt eo tempore interfecti, sancti fuerunt, nec pro sanctis honorari deberent. Hoc quoque est expresse contra illum articulum: Unam, sanctam & apostolicam ecclesiam, quia secundum eos nec sancta fuit pro illo tempore, nec potuit dici sancta. Utrum autem in omnibus apostolis, ac in simplicibus & non simplicibus sacerdotibus fuerit ordinis potestas æqualis, dicimus quod quantum ad ordinis dignitatem, pares sunt & fuerunt. Æque enim sacerdos quilibet sacerdotalem characterem ritè & secundum formam Ecclesiæ ordinatus, potestas autem ipsius ordinis, par quoad sacramentum altaris omninò non existit, nec extitit simplicis & non simplicis sacerdotis, quod patet, quia potestas ligabilis illi quæ ligari vel suspendi nequit, nequaquam par potest dici. Constat autem quod papa ligare potest aliorum sacerdotum & suspendere potestatem, sic, quòd licitè uti dicta potestate non poterunt, licet effectus subsequatur si usi fuerint, & ipsi sunt ex hoc meritò puniendi. Nullus autem aliorum sacerdotum potestatem papæ ligare vel suspendere potest, quod etiam de aliis superioribus & inferioribus patet. Ex quo sequitur evidenter, quòd potestas etiam ordinis superioris & inferioris sacerdotum, omninò par judicari non potest. Concedimus tamen quod sine prohibitione aliqua minores usi fuerint hujusmodi ordinis potestate, puta hostiam consecrando, par sequitur effectus: æque enim prolatis verbis illis: Hoc est corpus meum, &c. à simplici sacerdote fit transsubstantiatio panis in corpus Christi, sicut si ea superior protulisset: quod ex eo contingere noscitur, quia unus & idem est sacerdos interior, videlicet Christus, qui pro-



latis verbis prædictis à sacerdote quolibet, non consecrans, transsubstantiationem huiusmodi facit. Et ideo non est mirum, si par effectus sequi debeat verbis prædictis à quocumque sacerdote prolatis, cum unus & idem auctor huiusmodi esse noscitur effectus. Adhuc isti blasphemi dicunt quòd tota Ecclesia simul juncta nullum hominem punire potest punitione coactiva, nisi concedat hoc imperator. Quod utique doctrinæ evangelicæ noscitur obviare. Constat enim quòd à Christo, Petro, & in persona Petri, Ecclesiæ, potestas coactiva concessa, vel saltem permessa extitit. Quæ quidem permissio fuit postea adimpleta cum sibi Christus dixit: Quodcumque ligaveris super terram, erit ligatum & in cælis, &c. Ligantur enim non solum voluntarii, sed inviti. Adhuc constat, sicut ibi legitur in Mathæo, quòd si aliquis alii damnum indebitè dederit, illudque ad mandatum Ecclesiæ noluerit emendare, quod Ecclesia per potestatem à Christo sibi concessam ipsum ad hoc per excommunicationis sententiam compellere potest; quæ quidem potestas est utique coactiva. Circa quod est advertendum quòd cum excommunicatio major nedum excommunicatum à perceptione sacramentorum removeat, sed etiam à communione fidelium ipsum excommunicatum excludat, quòd corporalis etiam à Christo coactio Ecclesiæ est permessa, cum etiam secundum imperiales leges gravius reputetur inter homines conversari, ipsorumque privari suffragio, quàm ab hominibus separari. Ex quo sequitur potestatem coactivam non ab imperatore terreno, sed ab ipso Christo fuisse originaliter Ecclesiam consecutam. Præterea beatus Petrus post ascensionem Domini in personam Ananiæ & Saphiræ uxoris suæ, sine imperiali concessione aliqua, hac usus est potestate, in quos, quia de pretio agri Deo oblari fraudaverant, mortis sententiam promulgavit: quæ quidem sententia non processit de ipsorum conjugum voluntate. *Item* beatus Paulus Elymas magum, Sergium Paulum à fide quærentem avertere, ad tempus luce temporali privavit. Illum quoque fornicatorem Corinthium in carnis interitum tradidit satanæ, ut ejus spiritus salvus esset. *Item* Corinthiis scribens idem Apostolus dixit: Quid vultis? in virga ad vos veniam, an in caritate, & spiritu mansuetudinis? In quo satis expressè coactivam potestatem supposuit se habere. *Item* scribens eisdem, dixit: Arma, inquit, militiæ nostræ non carnalia sunt, sed potentia Deo, id est à Deo concessa, ad destructionem munitionum, consilia destruentes, & omnem altitudinem extollentem se adversus scientiam Dei. Et sequitur: Et in promptu habentes ulcisci omnem inobedientiam. Ex quibus patet Paulum non ab imperatore, sed à Deo habuisse potestatem etiam coactivam, cujus contrarium blasphemi præsumunt dicere supradicti. Rursus advertant isti nequam homines, quomodo audent dicere, quòd ab imperatore terreno Ecclesiarum prælati coactivam, vel aliam receperint originaliter potestatem. Cum, ut supra dictum est, impera-

tores usque ad Constantinum magnum ferè omnes pagani fuerint ac idololatæ, & persecutores, immò exterminatores quantum fuit in eis Ecclesiæ sanctæ Dei. Quomodo ergo illi talibus coactivam vel aliam potestatem concederent, utique nullus sapiens hoc credere debet. Et quia, ne tantorum auctores & doctores errorum plures in ipsorum errorum pertraherent devium, ipsique propter impunitatis audaciam nequaquam fierent nequiores, licet nos cum eorum excessus adeo forent notorii, quod nulla poterant tergiversatione celari, tunc possemus procedere ad sententiam contra eos, de benignitate tamen apostolica, quæ conversionem desiderat perverforum, nos ipsos Marsilium & Johannem, & quemlibet ipsorum, de fratrum eorumdem consilio v. Idus Aprilis proximè præteriti, die videlicet dominicæ cœnæ per edictum citavimus publicum, præsentem multitudinem fidelium copiosa, ut infra quatuor mensium tunc proximè subsequendum spatium, quos eis & eorum cuilibet de eorumdem fratrum consilio pro peremptorio termino præfiximus & assignavimus, apostolico conspectui se personaliter præsentarent, super prædictis excessibus & delictis, ut præfertur, notoriis, justam dante Domino sententiam audituri ac responsuri & facturi quod justitia suaderet, eisdem apertius prædicentes quòd sive infra prædictum terminum coram nobis comparerent, sive non, nos ad prædicta absque monitione & citatione alia procederemus, prout videremus expediens, eorum absentia non obstante. Volentes tunc nihilominus & etiam decernentes citationem prædictam, etiamsi termini supradicti præfixio in tempore forsitan caderet feriato, perinde valere, suumque effectum sortiri debere, ac si tempus feriatum non existeret, quacumque constitutione super hoc in contrarium edita non obstante. Et ut ad ipsorum & aliorum quos tangebant, notitiam communem deducerentur prædicta, cartas sive membranas processum continentes eundem in majoris ecclesiæ Avinionensis appendi vel affigi ostiis fecimus, quæ processum ipsum suo quasi sonoro præconio & patulo indicio publicabant, ut ipsi & alii quos processus ipse tangebant nullam possent excusationem prætere, quòd ad eos non pervenisset, vel quòd ignorassent eundem, cum non esset verisimile quoad ipsos remanere incognitum vel occultum quòd publicabatur omnibus tam patenter. Volumus etiam auctoritate apostolica decernentes, quod idem processus prædictos citatos apprehenderet & arctaret, quia ad eos moram trahentes cum dicto Ludovico tutus non patebat accessus, ac si eis insinuatus personaliter ac publicatus solemniter extitisset, constitutione quacumque per Romanos pontifices prædecessores nostros in contrarium edita non obstante. Cum autem præfati Marsilius & Johannes citati, ut prædicitur, nec aliquis eorumdem in præmissis præfixo sibi termino comparere non curaverint, nec aliquis pro eisdem, nos ipsos & eorum quemlibet de fratrum prædictorum consilio reputavimus & decrevimus

merito contumaces. Et licet tunc eorum contumacia exigente potuissemus, cum eorum essent excessus, ut præfertur, adeo notorii, quod non poterant aliqua tergiversatione celari, ad sententiam & alias rationabiliter contra ipsos procedere & quemlibet eorumdem, de benignitate tamen apostolica, quæ conversionem peccatorum desiderat, ipsos decrevimus usque ad nostrum beneplacitum expectandos. Quocirca contra ipsos procedere usque ad diem præsentem de eorumdem fratrum consilio duximus differendum. Sanè considerantes attentè quod prædicti Marsilius & Johannes ad redeundum ad sinum Ecclesiæ se non præparant, sed potius ut in sui erroris devium alios pertrahant elaborent; nec non ad memoriam reducentes quod dudum cum hostis humani generis ad impugnandum sinceritatem fidei, hæreticorum fallaciam subinduceret fraudulentam, sancti patres prædecessores nostri contra ipsos viriliter insurgentes eorum prava dogmata cum suis auctoribus condemnarunt, sicut patet de Ario & Manichæo, Nestorio, & Dioscoro ejusque complicibus, & pluribus aliis quos cum suis hæresibus iustissima sententia condemnarunt, ac volentes eorumdem patrum vestigiis inhærere, & insuper attendentes probabiliter formidari quod in præmissis mora periculum, & damnum dissimulatio forent procul dubio allaturæ, non intendentes eos ulterius expectare, sed reputantes ac decernentes potius contumaces. Ad laudem & gloriam sanctæ & individue Trinitatis, consolationemque fidelium, & fidei catholicæ firmamentum de fratrum nostrorum consilio, Dei nomine invocato, articulos prædictos, videlicet quod id quod legitur de Christo in Evangelio beati Mathæi, quod ipse solvit tributum Cæsari quando staterem sumtum ex ore piscis illis qui petebant didragma iussit dari, hoc fecit non condescensivè & liberalitate suæ pietatis, sed necessitate coactus. *Item* quod beatus Petrus apostolus non fuit plus caput Ecclesiæ quàm quilibet aliorum apostolorum, nec habuit plus auctoritatis quàm habuerunt alii apostoli, & quod Christus nullum caput dimisit Ecclesiæ, nec aliquem fecit vicarium suum. Rursus quod ad imperatorem spectat corrigere papam & punire, ac instituere & destituere. Adhuc quod omnes sacerdotes, sive sit papa, sive archiepiscopus, sive episcopus, sive sacerdos simplex, quicumque sint æqualis auctoritatis & jurisdictionis ex institutione Christi; sed quod unus habeat plus alio, hoc est secundum quod imperator concessit plus vel minus, & sicut concessit revocare potest. Ultimò quod papa vel tota Ecclesia simul sumta nullum hominem quantumcumque sceleratum potest punire punitione coactiva, nisi imperator daret eis auctoritatem, velut sacræ scripturæ contrarios & fidei catholicæ inimicos, hæreticos seu hæreticales & erroneos, ac prædictos Marsilium & Johannem hæreticos, immò hæresiarchas fore manifestos & notorios sententialiter declaramus; articulosque ac librum prædictos, nec non & quamcumque aliam scripturam con-

continentem eosdem. Prædictos quoque Marsilium & Johannem ut hæreticos manifestos & notorios, immò ut hæresiarchas potius reprobamus & sententialiter condemnamus. Si quis autem doctrinam prædictam defendere vel approbare præsumserit, cujuscumque sit dignitatis, conditionis aut status, tamquam hæreticus ab omnibus confutetur. Præterea universis & singulis Christi fidelibus districtius inhibemus, ne prædictos Marsilium & Johannem hæreticos & de hæresi ut præmittitur, finaliter condemnatos, aut eorum alterum receptare, defendere, fovere, aut eis quomodolibet adhærere, seu præstare per se vel alium seu alios, publicè vel occultè, directè vel indirectè, auxilium, consilium vel favorem præsumat; sed eos evitent potius ut hæreticos manifestos, ipsosque, quos fidelibus capiendos exponimus, zelo fidei persequantur, & capiant ubicumque ipsos reperire poterunt, ac Ecclesiæ captos assignent & restituant animadversione debita puniendos. Nos autem adversus quoscumque dictorum hæreticorum receptatores, defensores, fautores, credentes, adhærentes, aut eis præstantes quomodolibet auxilium, consilium vel favorem, processuros, prout rationis fuerit & expedire videbimus, apertiùs prædicantes. Ut autem sententia & processus hujusmodi ad eorumdem Marsilii & Johannis, & aliorum omnium quorum interest communem notitiam deducantur, cartas sive membranas sententiam & processus continentes eosdem, in majoris ecclesiæ Avenionensis appendi & affigi ostiis seu superliminaribus faciemus, quæ ipsos processum & sententiam suo quasi sonoro præconio & patulo indicio publicabunt. Ita quod ipsi & alii quos contingere dinoscuntur, nullam possint excusationem prætereendere quod ad eos non pervenerint, vel quod ignoraverint eosdem, cum non sit verisimile quoad ipsos remanere incognitum vel occultum, quod tam patenter omnibus publicatur. Datum Avenione x. Kalendas Novembris anno duodecimo.

## PROCESSUS MAJOR

*Indulgentiæ ac prædicationis crucis, contra Bavarum & sequaces.*

**D**ILECTO filio JOHANNI S. Theodori diacono cardinali, apostolicæ sedis legato. Ad publicam notitiam non ambigimus pervenisse, quomodo nos dudum volentes certis dubiis, quæ inter nonnullos viros vertebantur scholasticos finem dare; de fratrum nostrorum consilio duximus declarandum, quod pertinaciter affirmare, quod Redemptori nostro Domino JESU CHRISTO, ejusque apostolis, in his quæ ipsos habuisse scriptura sacra testatur, nequaquam jus ipsis utendi seu consumendi competierit, nec illa vendendi seu donandi jus habuerint, aut ex ipsis alia acquirendi; quod tamen ipsos de præmissis fecisse scriptura sacra testatur, seu ipsos potuisse facere supponit apertè, cum talis assertio ipsorum usum & gesta evi-

denter includeret in præmissis, non juxta quod utique de usu, gestis seu factis Redemptoris nostri Dei filii sentire nefas, sacræ scripturæ contrarium, & doctrinæ catholicæ inimicum, assertionem ipsam pertinacem de fratrum eorundem consilio, deinceps erroneam fore censendam & hæreticam duximus declarandam. Nec non & quomodo subsequenter cum ad nostram notitiam fama publica perduxisset, quod nonnullorum mentes dicebatur pater mendacii adeo excæcasse, quod ausu nefando aut petulantia improba ausi fuerant defendere publicè damnatam per constitutionem nostram prædictam hæresim ac etiam approbare: videlicet, quod Christus & ejus apostoli in his quæ habuisse leguntur, tantum habuerunt absque jure aliquo simplicem usum facti: ex quo, si verum esset, sequeretur usum Christi non fuisse justum, quod profecto blasphemiam continet, & esset fidei catholicæ inimicum, cum hoc de pertinaci animositate erronea non esset dubium processisse. Omnes & singulos qui verbo & scripto, per se vel alium seu alios talia præsumserant publicè, ipsosque qui eos instruxerant in talibus, & ut præmissa facerent docuerunt, in damnatam incidisse hæresim, ac evitandos fore ut hæreticos, de fratrum prædictorum consilio per nostram constitutionem aliam, quæ incipit: *Quia quorundam* duximus declarandos: prout hæc in eisdem constitutionibus plenius continentur. Quodque cum fama publica, nec non & insinuatio tam verbalis quam literalis plurimum sublimium personarum, ad nostrum perduxisset auditum, quod LUDOVICUS de Bavaria in discordia dudum in regem Romanorum, ut dicebatur, electus, velut in reprobum sensum datus, excessus plures graves committere præsumserat, ex quibus vehementer præsumebatur, immò potius convincebatur apertè clavium sanctæ matris Ecclesiæ evidenter contemtor existere, ac labe respersus hæreticæ pravitatis, utpote quia contra prædictam declarationem factam per constitutionem *Cum inter*, expressa intentione de ipsa habita, contrarium asserere publicè præsumserunt temerè, ac in ejus præsentia per alios, ut plures in sui erroris devium traheret, facere publicari. Et ut sua infania in plurimum notitiam deveniret, libellum quemdam, sigillo suo in eodem appenso, inter alia multa falsa & erronea prædictam hæresim continentem, videlicet quod Christo & apostolis ejus in rebus quas habuerunt, nullum jus competiit, sed tantummodò usus facti. Adjecto insuper per eundem quod dicere contrarium hæreticum est censendum, prout nos etiam & plures ex nostris fratribus in diversis libellis prædicti Ludovici pendenti sigillo ipsius sigillatis, vidimus contineri, per certos nuncios ad diversas civitates & principes Alemanniæ & Italiæ aliorumque partium, nec non & ad tyrannos & hæreticos partium Italiæ transmisserat, libellum ipsum faciens in locis publicis affigi & exponi publicè, ut haberet de tali & tanta infania plures testes. Ex quibus evidentiùs apparebat, ipsum asseruisse pertinaciter esse

A catholicum quod dicta constitutio hæreticum judicavit, ac fore hæreticum quod dicta constitutio catholicum declaravit, præcipuè cum in eodem affirmaret libello se jurasse in plurimum præsentia omnia contenta in eodem libello se credere esse vera. Et insuper LUDOVICUS præfatus cumulans mala malis, duos viros nequam perditionis filios & iniquitatis alumnos, quorum unus MARSILIUM de Padua, & alter JOHANNEM de Janduno se faciunt nominari, qui ad eundem Ludovicum, quem suis demeritis exigentibus velut hæreticorum fautorem, & persecutorem sanctæ Romanæ Ecclesiæ, plurimumque aliorum atrocium excessuum patrato-rem de fratrum prædictorum consilio privaveramus jure, si quod sibi ex electione prædicta fuerat acquisitum, gressus suos propere dirigentes, sibi librum quamdam erroribus plenum, & variis hæresibus non vacuum, sicut multorum catholicorum habebat assertio, præsentarunt: Quos errores & hæreses in terra ipsius Ludovici, ac in ipsius præsentia docere sapiùs, sicut habebat eorundem insinuatio, præsumserant publicè, quamvis nonnulli viri catholici sacris litteris eruditi eidem Ludovico dicerent doctrinam illam esse hæreticam, prædictosque MARSILIUM & JOHANNEM fore tamquam hæreticos puniendos, periculosumque sibi existere tales ad sui familiaritatem admittere, aut in terris suæ ditioni subditis sustinere. Ipse verò non acquiescens eorum salutaribus monitis, velut credens prædictos errores & hæreses, ipsos in suos familiares retinuerat, eosdem errores & hæreses publicè dogmatizare permittens: ut adhuc quod ligatus diversis excommunicationum sententiis in locis ecclesiastico suppositis interdicto divina faciebat etiam nonnumquam contra rectorum ecclesiarum & religiosorum voluntatem & beneplacitum, excommunicatis & interdictis præsentibus celebrari, immò quantum in eo erat potius prophanari, ipsos sub pœna mortis in locis variis ut hæc facerent compellendo. Nos autem attendentes, quod juxta doctrinam Apostoli arguendi sunt publicè, qui peccare publicè non formidant, utilitatisque reipublicæ peccata nocentium deduci in notionem publicam expedire, cum ad præfatum Ludovicum non esset tutus accessus, per quem nostra posset ad eum redargutio per nuntios vel litteras pervenire, ipsos excessus multitudini tunc astantium fidelium, non absque dolore ingenti animi duximus referendos, ut sic saltem ad eum circa excessus hujusmodi nostra reprehensio perveniret. Et licet tunc justitia exigente possemus super prædictis, quæ adeo erant notoria, quod nulla tergiversatione celeri poterant, ad proferendam sententiam procedere contra eum, de benignitate tamen apostolica volentes ampliùs expectare, an ipse præfatis dimissis erroribus ad sinum sanctæ matris Ecclesiæ, ac viam se vellet convertere veritatis, ipsum de fratrum prædictorum consilio tertio nonas Aprilis proximi præteriti per edictum publicum præsentis fidelium eorundem multitudine copiosa citavimus, ut infra

Kalendas Octobris ex tunc proximè subsequen-  
tis coram nobis personaliter compareret, super  
prædictis facturum quod suaderet ratio ac sen-  
tentiam auditurus, præfatum eidem terminum  
de fratrum eorundem consilio peremptorium  
assignantes, apertius etiam prædicentes, quòd  
sive compareret sive non, ad prædictam profe-  
rendam sententiam procederemus, & alias super  
prædictis omnibus & singulis conjunctim vel  
divisim, prout videremus expediens & justitia  
suaderet.

Cùmque præfatus LUDOVICUS, qui ut præ-  
dicitur jure, si quod sibi ex electione prædicta  
fuerat acquisitum, ac subsequenter ejus aucta  
contumacia feudis omnibus quæ à Romana vel  
quibusvis Ecclesiis aliis seu imperio obtinebat,  
& specialiter ducatu Baviaræ, ac omni jure ad  
ipsum in eo, aut ejus occasione vel causa sibi  
quomodolibet competenti, nec non & omnibus  
privilegiis apostolicis & imperialibus, ei aut  
prædecessoribus suis concessis, quatinus ipsius  
tangere poterant commodum, justo privatus  
extiterat judicio: quique etiam pro fautoria  
hæreticorum innodatus excommunicationis sen-  
tentia, quam per biennium & ultra indurato  
sustinuerat, sicut & tunc sustinebat animo, ma-  
nifestus hæreticorum fautor declaratus fuerat,  
& pœnas omnes à canonibus inflictas talibus  
incurrisse, prout in processibus contra eum ha-  
bitis plenius continetur, infra prædictum præfi-  
xum sibi terminum comparere per se vel alium  
non curavit, nec etiam postea, de mansuetudine  
sedis apostolicæ diebus pluribus expectatus,  
nos eundem reputavimus de eorundem fra-  
trum consilio contumacem. Et quoniam nec se  
ad correctionem prædictorum disponere in ali-  
quo non curaret, sed velut in profundum ma-  
lorum perductus, mala malis superaddere, of-  
fensasque cumulare offensis, & iram Dei contra  
se jugiter provocare, ac fideles verbis & operibus  
persequi non cessabat: Nos læsionem fidei,  
patrum quoque sanctorum contemptus & pro-  
bra, nec non & præsentium scandala, variaque  
posterorum pericula super his attendentes, ob-  
viareque tantis malis & periculis salubriter cu-  
pientes, cùm essent præmissa sic notoria quòd  
nequibant tergiversatione aliqua occultari, Dei  
nomine invocato, de fratrum eorundem con-  
silio, præsentique fidelium multitudine copiosa,  
præfatum LUDOVICUM fore hæreticum decla-  
ravimus, ac prædictas assertiones per dictam  
constitutionem hæreticas declaratas, & scriptu-  
ras quas cumque continent easdem, nec non  
& ipsum Ludovicum velut hæreticum reprobamus,  
& sententialiter duximus condemnandum. Volentes  
ut si quis doctrinam seu assertiones prædictas  
defendere præsumeret, vel etiam approbare,  
cujuscumque dignitatis, ordinis, conditionis,  
aut status existeret, tamquam hæreticus  
deberet ab omnibus confutari. Ne itaque tot  
& tantorum facinorum in divinæ majestatis  
offensam, & ejusdem Romanæ Ecclesiæ matris  
omnium fidelium contumeliam & contemptum,  
fideique catholicæ, ac utilitatis reipublicæ de-  
trimentum, nequiter patratorum, in succeden-

A tia temporum sæcula sine correctione debita in  
multorum perniciem memoria differatur, nec  
idem LUDOVICUS qui pertinaciter in suis præ-  
dictis erroribus & hæresibus persistere, ac ex-  
cessus excessibus, & injurias injuriis cumulare,  
pacemque Dei & Ecclesiæ perturbare, continuè  
non veretur, ac inter Christicolas schismata,  
dissentiones & scandala, præcipuè in urbe Ro-  
mana, & in regno Siciliae citra Farum, quod ad  
Romanam Ecclesiam jure directi domini nos-  
citur pertinere, & pro eo carissimus in Christo  
B filius noster ROBERTUS rex Siciliae illustris exi-  
stit vassallus Ecclesiæ antedictæ, nititur pericu-  
losè nimium suscitare, suos prave & damnan-  
dos conceptus, per quos cultum ejusdem fidei  
catholicæ, sine qua nemo Deum videre poterit,  
depravare quantum est in ipso poterit, in partem  
possit producere, sed potius dextera Domini  
faciente virtutem, obstatum eidem viriliter &  
sui damnandi executio propositi elidatur, op-  
portunis providere remediis cupientes, quia in  
C his Dei & ejusdem Catholicæ fidei causam agi  
conspicimus, illam devotè prosequantibus, de-  
crevimus etiam spiritualibus auxiliis assisten-  
dum, ut causam ipsam eò ferventiùs prosequa-  
mur, quo tutius hujusmodi prosecutionis even-  
tum poterunt experiri. Itaque nos de omnipo-  
tentis Dei misericordia, & beatorum Petri &  
Pauli apostolorum ejus auctoritate confisi, om-  
nibus verè pœnitentibus & confessis, qui dictum  
Ludovicum, ejusque complices, fautores, &  
receptatores, quamdiu extra dictæ sedis gra-  
tiam extiterint, in personis & sumtibus propriis,  
D nec non & his qui in personis propriis, alienis  
tamen sumtibus, expugnabunt, & super hoc per  
annum incipiendum à die de quo tu duxeris  
ordinandum, continuum vel interpolatum infra  
biennium ex tunc complendum proximò, la-  
borabunt, Ecclesiæ sequendo vexillum, tam  
clericis quam laicis; & eis insuper qui suis dum-  
taxat expensis juxta quantitates & facultates  
suas destinabunt idoneos bellatores per dictum  
tempus moraturos & bellaturos ibidem, illam  
E concedimus veniam peccatorum, quæ concedi  
per eandem sedem proficiscentibus in Terræ-  
sanctæ subsidium consuevit.

Et in retributione justorum salutis æternæ  
pollicemur augmentum. Eos autem qui non per  
annum integrum, sed per ipsius anni partem in  
hujusmodi Dei servitio laborabunt, juxta qua-  
litate laboris & devotionis affectum, partici-  
pes esse volumus indulgentiæ supradictæ. Quòd  
si forsan illorum aliquos post iter arreptum in  
persecutione dicti negotii ex hac luce migrare  
contigerit, vel interim negotium ipsum congrua  
F terminatione compleri, eos integrè participes  
esse volumus indulgentiæ memoratæ. Hujus  
autem remissionis volumus esse participes juxta  
quantitatem subsidii & devotionis affectum, om-  
nes qui ad expugnationem prædicti LUDOVICI  
ac sequacium & fautorum ipsius de bonis suis  
congruè ministrabunt. Quocirca discretioni tuæ  
per apostolica scripta mandamus, quatenus per  
se vel alium seu alios hujusmodi concessionem  
nostram in ecclesiis & locis tuæ legationis,  
quando



quando & quoties expedire videris solemniter publicans & exponens, nihilominus ut melius & clarius intelligatur ab omnibus in vulgari, fideles instantius & efficacius per verbum prædicationis & aliter, prout expediens extiterit, inducere non postponas, ut suscipientes cum reverentia signum crucis, ipsumque suis humeris & cordibus affigentes, ad persequendum causam Dei huiusmodi viriliter se accingant. Nobis quicquid super prædictis feceris per tuas litteras vel instrumenta publica, principium & finem præsentium continentia, fideliter rescripturus. Ceterum quia nostræ intentionis existit, ut pecuniarum subsidium, quod super prædictis à fidelibus exhiberi contingerit, dispensandum in usus prædictos, diligenter & fideliter conservetur: volumus ut in singulis cathedralibus, collegiatis, & parochialibus ecclesiis civitatum & dioceseon tuæ legationis prædictæ, quibus videris expedire, in tutis & accommodis locis, singulas arcas seu truncos suffossos & cavatos benè firmatos & clausos tribus ferreis ferraturis, quæ cum tribus dissimilibus aperiantur clavibus & claudantur, in quibus huiusmodi subsidium recondatur, constitui facias, prælatorum in suis civitatibus & diocesibus sumtibus & expensis: ita quod singuli prælatorum ipsorum unam de ipsis clavibus arcarum seu truncorum prædictorum, quos videlicet in maioribus, ut prædicitur, ecclesiis suarum civitatum contingerit constitui, custodiant & conservent: alia verò per capitula seu rectores ecclesiarum ipsarum, & reliqua per priorem Prædicatorum, seu gardianum Minorum fratrum ordinum, vel alium quem ipsi prælati ad hoc in singulis ecclesiis locorum ipsorum in quibus fratres prædicti non essent forsitan, deputandum duxerit, conserventur. Aliorum verò arcarum seu truncorum, quos in ecclesiis suarum dioceseon ad hoc constitui contingerit, capitula seu rectores ecclesiarum ipsarum custodiant unam clavem, alia verò per priorem seu gardianum prædictorum ordinum vel religiosum aliquem, seu sacerdotem sæcularem bonæ opinionis & famæ, quem ad hoc in singulis eisdem ecclesiis illorum, scilicet locorum in quibus dicti fratres non essent, duxerint assumendum, similiter conservetur. Quodque huiusmodi pecuniarum subsidium tuo nuntio seu nuntiis, quem vel quos ad hoc deputaveris, quoties prædicti prælati ab eo vel ab eis requisiti fuerint, prædictis arcis seu truncis in eorum apertis præsentia, integraliter assignetur, confectis nihilominus de qualibet assignatione pecuniæ dicti subsidii, præfatis nuntio seu nuntiis assignandæ, duplicibus litteris consimilibus, assignantium ac nuntii seu nuntiorum prædictorum sigillis munitis, quarum altera penes prælatos ipsos retenta, reliqua per fidelem nuntium ad nostram cameram transmittatur. Præterea volumus tuæque prudentiæ concedimus facultatem, præmissa omnia in regno & terris dicti regis Siciliae citra Farum per te vel alium seu alios, sicut superius exprimitur, exequendi, contradictores auctoritate nostra appellatione postposita compescen-

*Thesauri Anecdor. Tom. II.*

A do. Datum Avenione XII. Kalendis Februarii anno duodecimo.

## PROCESSUS MINOR

Indulgentiæ impugnantibus Bavarum concessæ.

*Eidem Legato.*

**A**D tuam notitiam aliorumque fidelium illarum partium non est dubium pervenisse, qualiter nos contra LUDOVICUM olim ducem Baviaræ, suis detestantibus excessibus adversus Deum & sacrosanctam Ecclesiam sponsam suam, fidemque catholicam commissis enormiter, ejusdemque Ludovici culpis gravibus, rebellionibus, inobedientiis ac contumaciis continuatis & exauctis exigentibus, diversos processus, diversis temporibus, de fratrum nostrorum consilio, & cum nonnullis prælati aliisque literatis viris in sacra scriptura & utroque jure peritis, deliberatione præhabita diligenti, præsentique fidelium multitudine copiosa habuimus, per quos ipsum excommunicatum, & jure, si quod sibi ex electione quæ de ipso in regem Romanorum promovendum in imperatorem fuisse celebrata dicebatur in discordia, competebar, ac omnibus privilegiis, gratiis, libertatibus & immunitatibus, nec non ducatu Bavaricæ ac comitatu Palatino Rheni, aliisque feudis, honoribus & bonis, quæ à Romana aut quibusvis aliis ecclesiis vel imperio obtinebat, privavimus, iustitia exigente, ipsumque præmissis privatum, ac fautorem esse hæreticorum, & tandem quia in hæresim evidenter repertus extitit incidisse, ipsum ut hæreticum duximus finaliter de prædictorum fratrum consilio condemnandum, sicut in eisdem processibus gradatim & successivè cum magna deliberatione digestis & habitis, hæc & alia plenius & fusiùs continentur. Sanè quia LUDOVICUS præfatus tamquam aversus à Deo & obstinatus in malum, cor ostendens impenitens, eligensque perire potius quam salvari, suos excessus atrocissimos, & errores perniciosos & execrandos discontinuare, horribilesque alios cumulare, ac pejora prioribus contra Deum & Ecclesiam ac fideles committere, pacem turbare, schisma inducere in Ecclesia sancta Dei, fidemque orthodoxam quantum in eo est subvertere, divina in omnibus retrojecta reverentia non veretur. Et insuper ad offendendum & invadendum ut hostis prophanus & impius urbem inclutam, & terras citra Farum regni Siciliae ad eandem Ecclesiam jure directi domini pertinentem, (quod quidem regnum cum terris eisdem, carissimus in Christo filius noster ROBERTUS rex Siciliae illustris à nobis & eadem Ecclesia tamquam vassallus tenet in feudum,) aliasque terras Ecclesiæ iniquis machinationibus & temerariis ac præsumptuosis ausibus se disponit. Nos sicut per processus prædictos præfati LUDOVICI, & hæreticorum, ac rebellium sibi adhærentium perversis actibus, ne præfatam Ecclesiam tam in Urbe quam

Zz



regno prædicto, terra utique ipsius peculiari Ecclesiæ, quàm etiam alibi læderent, putavimus salubriter obviandum, sic eorum malitiis, & in hac parte conatibus damnandis obsistere volentibus, causamque Dei devotè prosequen-  
tibus contra eos spiritualibus auxiliis decrevi-  
mus assistendum, ut causam ipsam eò ferventius  
prosequamur, quo securius eventum prosecu-  
tionis hujusmodi poterunt experiri. Ideoque nos  
de omnipotentis Dei misericordia & beatorum  
Petri & Pauli apostolorum ejus auctoritate con-  
fissi, omnibus Christi fidelibus qui contra dictum  
LUDOVICUM, aliosque hæreticos & rebelles  
ac fautores suos, Ecclesiæ ac regi memoratis  
astiterint, si eos vel eorum aliquem propterea  
in generali vel quovis particulari maritimo seu  
terrestri conflictu, aut ex vulneribus in illis  
eisdem illatis, mori contigerit, illam peccato-  
rum suorum, de quibus corde contriti & ore  
confessi fuerint, veniam indulgemus, quæ con-  
cedi transfretantibus in Terræ-sanctæ sub-  
sidium consuevit. Quam etiam veniam eos asse-  
qui volumus, quos post iter arreptum ad cau-  
sam hujusmodi prosequendam, ab hac luce  
migrare contigerit, in eodem itinere constitutos.  
Quocirca discretionis tuæ per apostolica scripta  
mandamus, quatenus præsentis litteras & con-  
tenta in eis, in locis tuæ legationis, de quibus  
expedire videris, sublato cujuslibet moræ dis-  
pendio, publices & facias per alios publicari.  
Hoc idem fieri faciens in regno & terris citra  
Farum regis prædicti per prælatos & personas  
ecclesiasticas ibidem constitutos, contradic-  
tores per censuras ecclesiasticas appellatione post-  
posita compescendo. Datum ut supra in proxima.

In eodem modo BERTRANDO electo Ostiensi,  
apostolicæ sedis legato, demta clausula ultima  
quæ incipit: Hoc idem fieri faciens in regno &  
terris citra Farum.

*Contra Pisanos & alias communitates, quibus ne  
adhærerent Bavaro, nec subsidia præstarent  
inhibitum fuerat, quod declarentur penas in-  
currisse.*

**D**ilecto filio JOHANNI sancti Theodori dia-  
cono cardinali, apostolicæ sedis legato.

Graves & detestandos excessus LUDOVICI  
de Bavaria in regem Romanorum discorditer,  
ut dicebatur, electi, contra Romanam & uni-  
versalem Ecclesiam, ac statum reipublicæ, cun-  
ctorumque fidelium, damnabili præsumptione  
commisos, sic facti evidentia & diversorum  
processuum per nos habitum propterea  
de fratrum nostrorum consilio contra eum,  
frequens & repetita publicatio divulgavit, ut  
ad omnium communem notitiam potuerint per-  
venire, nec opus esse credimus illos singulariter  
diffusa & morosa commemoratione repetere,  
sed quadam illorum generali & succincta epilo-  
gatione præmissa, sufficere aliqua explicitè re-  
censere, per quæ justitia & mansuetudo sanctæ  
matris Ecclesiæ evidenter eluceat, & cunctis  
clariùs innotescat. Sanè dudum propter ipsius

**A** LUDOVICI excessus, injustitias, injurias, & con-  
tumelias, atque culpas, præmissis monitionibus,  
inductionibus & exhortationibus erga eum, ut  
dimissis errorum deviis rediret ad callem &  
semitam veritatis: quæ propter ejus obstinatam  
nequitiam nullos habuerunt effectus, subsecutis  
etiam citationibus solemnibus cum dierum &  
temporum competentibus intervallis, post ma-  
nifestas ejus contumacias pertinaces, de dicto-  
rum fratrum consilio, omni jure privavimus,  
si quod ei ex electione hujusmodi fuerat acqui-  
situm. Et subsequenter excrecentibus ejus con-  
tumaciis & offensis ipsum feudis omnibus, quæ  
à Romana vel aliis ecclesiis seu imperio obti-  
nebat, & specialiter ducatu Baviaræ, & omnibus  
privilegiis apostolicis & imperialibus sibi seu  
ejus prædecessoribus concessis, quatenus ejus  
commodum concernebant, justo judicio priva-  
vimus, eumque nihilominus utpotè publicum  
hæreticorum fautorem & persecutorem atro-  
cem Ecclesiæ sanctæ Dei, declaravimus fauto-  
rem hæreticorum existere manifestum, pœnas-  
que talibus inflictas à canonibus incurrisse,  
ipsumque mala malis jugiter aggregantem, &  
pejora pejoribus continuè committentem, post  
expectationes diutinas, quibus ex misericordia  
sedis apostolicæ emendationem expectabamus  
ipsum, cum ipse ex patientia dictæ sedis signa  
neglexerit correctionis ostendere, sed continuè  
per aggregationem malorum deteriora priori-  
bus acervaret, ex quorum patracione læsionem  
fidei, divinorum præceptorum contemptum, ma-  
tris Ecclesiæ scandala, variaque futura pericula  
diligentius intuentes, considerantes insuper quòd  
ipse duos viros pestilentes & reprobos, quinimò  
hæreticos manifestos, utpote dogmatizantes  
doctrinam hæreticam adversus catholicam ve-  
ritatem, videlicet MARSILIUM de Padua &  
JOHANNEM de Janduno, ac libellum per eos  
editum manifestos errores & hæreses continen-  
tem, receperat, dictosque Marsilium & Johan-  
nem in consortium suæ familiaritatis admittens,  
velut credens & publicus fautor eorum, publicè  
dogmatizandi præfatas hæreses, defensionem  
& licentiam exhibebat, & adhuc amplius,  
quamvis foret diversis excommunicationum sen-  
tentiis innodatus, divina faciebat officia in locis  
etiam ecclesiastico interdicto suppositis, inter-  
dictis & excommunicatis præsentibus, celebrari,  
contra voluntatem religiosorum & rectorum  
ecclesiarum, quibus nisi celebrarent vel cele-  
brari permetterent, mortis vel alia terribilia  
inferre supplicia minabatur, ex quibus se cla-  
vium Ecclesiæ contemptorem existere, & labe  
respersum hæreticæ pravitatis ostendebat: cum  
præmissa adeò essent notoria, quòd nulla pos-  
sent tergiversatione celari, ac præmissa nihilo-  
minus contra eum per edictum publicum perem-  
toria citatione solemnī, præsentē fidelium mul-  
titudine copiosa, ut certo coram nobis termino  
compareret super præmissis sententiam auditu-  
rus, & facturus quod justitia suaderet; cum in  
prædicto termino, & post expectatus diutius,  
comparere coram nobis contumaciter non cu-  
raret, eundem LUDOVICUM de prædictorum

fratrum consilio, præsente multitudine copiosa fidelium, fore hæreticum declaravimus, ipsum velut hæreticum reprobantes, & similiter de hæresi condemnantes, eum bonis omnibus mobilibus & immobilibus, juribus & jurisdictionibus, & quibuscumque aliis ubicumque forent, & quibuscumque nominibus censerentur, & specialiter comitatu Palatino Rheni, & omni jure habendi vocem in electione regis Romanorum, decernendo fore privatum, & eum privando nihilominus ad cautelam. Vassallos quoque ipsius, & quascumque alias tam ecclesiasticas quam sæculares personas, nec non communitates & universitates, civitates, castra, terras & villas, quæ sibi fidelitatis vel aliis quibuscumque juramentis tenerentur astricti, à vinculo illorum absolvimus, & quascumque colligationes, confœderationes & societates unitas vel contractas per quoscumque cum eo, etiam si juramentis, pœnis, vel aliis firmitatibus essent vallatæ, auctoritate apostolica duximus penitus dissolvendas. Universis & singulis personis ecclesiasticis & sæcularibus & regularibus, cujuscumque præminentiae, dignitatis, vel conditionis, aut ordinis existerent, etiam si patriarchali, pontificali, aut majori seu inferiori dignitate fulgerent, nec non regibus, ducibus, principibus, marchionibus, comitibus, baronibus, nobilibus, potestatibus, capitaneis, rectoribus, & aliis dominis temporalibus quibuscumque, quique aliquo se præmissorum titulo intitulant, etiam si jus non habeant in eisdem, ac communitatibus, universitatibus castrorum & civitatum, & villarum, specialiter Mediolanensis, Saonensis, Cumanensis, Vercellensis, Pargamentis, Laudensis, Cremonensis, Archinensis, Novariensis, Papiensis, Mutinensis, Ferrariensis, Veronensis, Lucanensis; & aliis quibuscumque districtius inhibentes & mandantes expresse, ne præfato LUDOVICO de hæresi condemnato adhærere, participare, communicare vel favere quoquo modo, directe vel indirecte, publice vel occulte præsumerent, nec eidem portarent vel mitterent, seu portari vel mitti facerent aut procurarent frumentum, vinum, aut quæcumque victualia, pannos, ligna, ferrum, arma, seu quævis mercimonia, pecuniam vel quicquid aliud quod possit in ejus utilitatem vel commodum redundare. Nec societates, vel confœderationes, obligationes, pactiones, aut ligas quascumque cum ipso initas vel contractas, præsertim in ejus favorem, utilitatem, vel auxilium præsumerent observare. Alioquin personas quascumque singulares contrarium præsumentes, excommunicationis; universitates verò, communitates & collegia, quæ postquam processus noster olim super præmissis habitus ad eorum notitiam perveniret, vel per eos stare, quominus pervenire valeret; nec non terras & loca quorumlibet circa prædicta delinquentium interdicti sententiis, & generaliter pœnis omnibus, quibus fautores & defensores hæreticorum subjiciuntur à jure vel aliis constitutionibus quibuscumque, voluimus & decrevimus subjacere. Eis apertius prædicendo, quod nos ad hujus-

*Theſauri Anecd. Tom. II.*

A modi pœnarum declarationem & executionem contra taliter delinquentes procederemus, si, quando, & quoties nobis expediens videretur, sicut in processibus nostris super præmissis solemniter habitis plenius continetur. Cum autem civitas Pisana, quam dictus LUDOVICUS tamquam obstinatus in malum & prorsus aversus à Deo, pejora coacervare prioribus & aggregare excessus excessibus non formidans, post prædictas condemnationes & sententias præsumptione damnabili occupavit: Et tam prænominatæ superiùs quàm nonnullæ aliæ civitates & loca, eorumque communitates, universitates, & singulares personæ tam ecclesiasticæ quàm mundanæ, prædictas pœnas & sententias ac alias in dictis contentas processibus, in prædictos fautores, defensores, receptatores, & adjuutores hæreticorum, & eis quomodolibet adhæreres, inflicta, incurrere minimè formidantes, dicto LUDOVICO adhærere, communicare, participare, auxilia, consilia, & favores impendere, frumenta, vina, aliaque victualia, pannos, ligna, ferrum, arma, merces, pecuniam, & alia quæ in dicti Ludovici ac complicum, fautorum, & valitorum ipsius favorem, auxilium & commodum convertuntur, portare seu mittere, aut portari seu mitti facere, seu procurare præsumserint hactenus & præsumant, sicut habet veridica relatio plurimorum, in propriæ famæ dispendium, & suarum perniciem animarum. Nos eorumdem præsumtorum in hac parte ausus cohibere, suarumque animarum obviare periculis cupientes, discretioni tuæ per apostolica scripta mandamus, quatenus ne prætextu cujuslibet ignorantiae super præmissis se quis valeat excusare, inhibitionem, mandatum & alia omnia & singula supradicta in singulis Ecclesiis atque locis tuæ legationis, de quibus expedire videris, per te vel alium seu alios publicans, singulares personas quascumque ecclesiasticas & sæculares, nec non communitates & universitates, monere si expediat, etiam per publicæ propositionis edictum, & efficaciter inducere studeas, ut ab adhæensione & participatione, consilio, auxilio, & favore, aliisque prædictis desistant, & deinceps desistere & abstinere procurent, eidem LUDOVICO nec non prænominatis, & aliis civitatibus, castris, villis, seu locis quibuscumque dicto Ludovico obedientibus, vel parentibus seu faventibus, participare, communicare, vel favere, vel aliqua commercia exercere, vendendo vel emendo, vel quicumque contractum ineundo cum eis, directe vel indirecte, publice vel occulte, nisi in casibus à jure permissis, quoquo modo præsumant, nec eisdem per terram vel mare portent vel mittant, seu portari vel mitti faciant aut procurent frumenta, vina, aut quæcumque, pannos, & ligna, ferrum, arma, seu quævis mercimonia, pecuniam vel quicquid aliud quod posset in ejusdem LUDOVICI vel prænominatorum & aliarum civitatum, castrorum, villarum & aliorum quorumcumque locorum dicto Ludovico obedientium seu parentium, ac universitatum & communitatum seu singularium

Z z ij

personarum ipsorum utilitatem vel commodum redundare, quinimmo parendo efficaciter mandato & inhibitioni prædictis, sibi consulto studeant præcavere, ne pœnas & sententias prædictas incurrant. Alioquin personas singulares hujusmodi ecclesiasticas & sæculares, ac universitates & communitates in prædictis præmissis vel circa ea quomodolibet delinquentes, omnes videlicet generaliter, nec non & eos de quibus tibi simpliciter, summarie, & de plano, deliquisse vel commississe circa & contra præmissa constiterit, singulariter & nominatim in prædictas pœnas & sententias incurrerint supradictas, ad denuntiationem & executionem, ac aggravationem earum procedas sicut videris expedire. Processus tuos habendos super his in formam publicam redigi faciendo, nosque per instrumenta publica processuum ipsorum tenores continentia certificando de illis, & aliis quæ gesseris in hac parte. Datum Avenione quarto Kalendas Martii, Pontificatus nostri anno duodecimo.

*In eodem modo legato Lombardiæ de verbo ad verbum..*

*In eodem modo patriarchæ Gradensi & suffraganeis, demio illo verbo aggravationem.*

*In eodem modo archiepiscopo Fannensi & suffraganeis.*

*In eodem modo archiepiscopo Mediolanensi & suffraganeis.*

*In eodem modo archiepiscopo Pisano & suffraganeis.*

*In eodem modo archiepiscopo Capuano adjecta clausula: per regnum & terras Siciliæ citra Farum.*

*Decernuntur irrita coronatio Bavari, & alia circa ipsum. & sequaces præsumpta in urbe.*

**A**D certitudinem præsentium & memoriam futurorum. Dudum per facti evidentiam deducto in publicam notionem, quod LUDOVICUS olim dux Baviaræ, ac in regem Romanorum, in discordia tamen, ut dicebatur, electus, quique suis exigentibus demeritis, utroque, videlicet ducatu & jure, si quod ei ex electione hujusmodi fuerat acquisitum, privatus extiterat justitia exigente, adeo erat igne ambitionis succensus, quod vias non cessans quærere per quas de facto saltem, cum de jure nequireret, ad imperialis posset conscendere solium dignitatis, hæreticos aliosque rebelles sanctæ Dei Ecclesiæ in partibus Italiæ constitutos, illis diebus in Tridento ad suum consilium convocavit, in quo prædicti cum eodem LUDOVICO convenientes in unum contra sanctam Dei Ecclesiam, nos, & fideles ejusdem in partibus Italiæ, & præcipue contra carissimum filium nostrum ROBERTUM regem Siciliæ illustrem, ac regnum prædictum, ad Romanam Ecclesiam jure directi

**A** dominii pertinens, & quod à nobis & Romana Ecclesia in feudum idem rex obtinuisse noscitur, & pro eo noster & Romanæ Ecclesiæ vassallus exilit, diversa iniisse consilia dicebatur, illaque pactis & juramentis illicitis firmavisse, quodque ut conceptus suos iniquos hujusmodi in partem possent perducere promptius, jam in Lombardiam LUDOVICUM prædictum deduxerunt rebelles & hæretici supradicti, ut mutuò se juvantes rebelles ipsi sub umbra culminis per eundem Ludovicum indebitè usurpati, possent in suis perseverare rebellionibus & hæresibus liberè, ac devotos Ecclesiæ de finibus illarum partium effugare; dictusque LUDOVICUS eorum fultus potentia, nomen regium, quod indebitè usurpaverat, retinere posset liberius, ac imperiale nomen similiter usurpare. Nos tantis malis occurrere cupientes, cum ad eos tutus non pateret accessus, præsentem fidelium multitudine copiosa, LUDOVICUM ipsum, ac hæreticos, & rebelles supradictos, quorum conversionem & salutem paterno amore desideranter appetebamus, per publicum edictum, licet absentes commonere curavimus, & in Domino exhortari, ut à tam periculoso devio pedes suos studerent retrahere, ac in hac valle miseriæ sic in viam convertere veritatis & pacis, quod post hujus vitæ transitum immarcessibilis coronam gloriæ feliciter assequi mererentur. Et ut tam LUDOVICI quàm aliorum prædictorum perversis occurremus conceptibus, eundem Ludovicum licet absentem, per nostrum edictum publicum, præsentem fidelium multitudine copiosa, monuimus eidem nihilominus sub anathematis & pœnis aliis à jure quocumque seu constitutionibus nostris inflictis seu comminatis, his qui titulum regium vel imperiale, falsò, temeritate propria ausi sunt usurpare, aut se administrationi imperii immiscere, quæ, ipso vacante sicut & nunc vacat, ad Romanam Ecclesiam noscitur pertinere, ipsam Ecclesiam in eadem administratione ausu temerario perturbando, vel etiam quantum in eis est spoliando, aut iis qui hæreticis & Ecclesiæ Romanæ rebellibus præsumunt contra Ecclesiam impendere consilium, auxilium, vel favorem, quasque infligunt jura his qui guerram movere præsumunt indebitè, pacemque gratam cunctis mortalibus perturbare, quasque imponunt pro maleficiis quæ consueverunt subsequi ex prædictis, quas omnes & singulas, præter mortis & mutilationis membrorum supplicium, ipsum si prædictæ monitioni præsumeret temerè non parere, ipso facto volumus incurrisse, eidem districtius injungentes, ut infra duorum mensium spatium à data litterarum nostrarum numerandorum nomen deponeret regium, seque regem Romanorum non intitularet ulterius, nec per alios faceret, quantum in eo esset, intitulari tali titulo, vel etiam nominari, sigillumque curaret abjicere ubi talis conscriptus esset titulus, nequaquam ipsum ulterius nec simile resumturus, nec administrationem regni seu imperii, aut jurium eorundem se ullo modo immiscere præsumeret; privilegia, immunitates, feuda, bona, seu jura

quæcumque ad eadem regnum seu imperium pertinentia concedendo; nec tamquam rex Romanorum vel imperator quicquam tentaret agere, cum jus hoc sibi non competeret faciendi. Dominium quoque vel subjectionem in quascumque personas singulares vel terras ipsarum, vel potestariam seu quamcumque rectoriam, sive officium quocumque nomine censeantur, in civitate aliqua, vel quovis loco alio, maximè in urbe Romana, seu in ipso regno Siciliae assumere attentaret; eidem nihilominus injungentes, ne contra Ecclesiam societatem seu confederationem aliquam contraheret, nec observaret qualitercumque contractam. Nec non ut infra duorum mensium spatium numerandum à data litterarum nostrarum de tota exiret Italia, nequaquam ulterius quousque ad obedientiam & gratiam Romanæ rediisset Ecclesiae, reversurus. Quodque sub titulo regio vel imperiali non præsumeret aliquem vel aliquos ad partes aliquas præsertim Italiae destinare. Universis quoque patriarchis, archiepiscopis, & episcopis, & aliis personis ecclesiasticis quibuscumque sub virtute obedientiae, & pœnis suspensionis ab officio & beneficio, quas ipsos incurere volumus ipso facto, nisi ipsa infra scriptæ monitioni nostræ efficaciter obedire studerent. Neque non omnibus & singulis civitatibus, communitatibus, & universitatibus, ac personis aliis singularibus quibuscumque, cujuscumque conditionis aut status existerent, etiamsi regali seu imperiali, vel alia quacumque dignitate fulgerent, ac specialiter hæreticis & rebellibus supradictis, in virtute sanctæ obedientiae & sub pœnis excommunicationis in personas, & interdicti in terras eorum, quas ipsos incurere volumus ipso facto, si nostris renuerent obedire monitionibus & mandatis; nec non privationis privilegiorum quorumcumque apostolicorum & imperialium, ac feudorum quæ ab Ecclesia vel imperio obtinebant, expressè duximus inhibendum, ne LUDOVICO ipsi in præmissis parerent, faverent, vel intenderent eidem, circa regni seu imperii regimen vel administrationem eorum contingentia, favendo vel etiam assistendo. Privilegia, immunitates, feuda, vel jura quæcumque in eisdem regno vel imperio ab eodem recipiendo dominium vel subjectionem aliquam tamquam regi seu in regem Romanorum electo vel imperatori recognoscendo vel impendendo, terras, potestarias, rectorias, seu alia officia quocumque censeantur nomine in civitate aliqua vel quovis loco alio, maximè in urbe Romana seu in regno Siciliae, vel terris aliis Romanæ Ecclesiae subditis, aut alicujus partis Italiae supradictis ab ipso vel sub ejus nomine recipiendo vel etiam exercendo. Societatem quoque seu confederationem aliquam cum eo contra Ecclesiam nequaquam contraherent, nec contractam per eum, seu cum eo foverent vel observarent, nec consentirent etiam contrahendæ, nec retinendo ipsum seu fovendo quomodocumque vel qualitercumque in Italia eidem faverent, assisterent, aut præstarent auxilium cum armis vel sine armis, consilium vel

A favorem publicè vel occultè. A quibus quidem excommunicationis & interdicti sententiis nullus nisi dumtaxat Romanus Pontifex, præterquam in mortis articulo, prætextu cujusvis auctoritatis seu privilegii generaliter vel specialiter sub quavis forma verborum concessi, eas valeret absolvere, vel etiam liberare. Quod si fortè aliquem vel aliquos de prædictis in dicto mortis articulo absolvi contingeret, nisi, sanitate recepta, sedi apostolicæ quam primum commodè possent se præsentare curarent, satisfacturi de præmissis juxta mandatum Romani Pontificis, in prædictam relaberentur excommunicationis sententiam ipso facto. Apertè nihilominus prædicentes quod contra prælatos & personas alias ecclesiasticas supradictas, ad depositionem, privationem, & inhabilitationem prælationum, dignitatum, officiorum, & beneficiorum suorum ecclesiasticorum quorumcumque: contra civitates verò, communitates, universitates, collegia, castra, loca seu villas, & personas singulares quascumque, cujuscumque præminentiae, dignitatis, status vel conditionis existerent, etiamsi imperiali, regali vel alia dignitate quacumque fulgerent, quæ contra inhibitionem, monitionem & mandata nostra hujusmodi, directè vel indirectè, publicè vel occultè, præsumerent temerè aliquid attentare, ad privationem privilegiorum apostolicorum & imperialium, ac feudorum quæ à Romana vel aliis ecclesiis seu imperio quomodolibet obtinerent, & alias procedere conjunctim vel divisim, intendebamus absque citatione alia, prout facti exigeret qualitas, sicut & quando expediens videremus, nonobstante supradictis, aut LUDOVICO præfato seu quibusvis aliis per litteras apostolicas foret sub quacumque forma verborum vel expressione concessum vel concederetur in posterum quod excommunicari, suspendi, vel eorum terræ seu loca interdicti non possent per litteras sedis ejusdem non facientes plenam & expressam, ac de verbo ad verbum de indulto hujusmodi mentionem, & quibusvis aliis privilegiis, constitutionibus seu indultis, quæ contra processum nostrum hujusmodi eis vel eorum alicui nolumus suffragari, sed ipsa quoad hæc viribus volumus penitus vacuari. Ceterum colligationes, confederationes, pactiones, societates, ac ligas contra præmissa vel præmissorum aliquod factas vel initas inter quoscumque, sub quacumque forma vel expressione verborum, etiamsi pœnarum adjectione, juramentorum præstatione, vel quacumque firmitate vallatæ fuissent, utpote in divinæ majestatis offensam, ac contra jura & honorem sanctæ Romanæ Ecclesiae, ac in damnum & præjudicium rei publicæ, & periculum animarum præsumtas, decrevimus nullas, cassas, irritas, & inanes, ac nullius existere firmitatis, & eas quatenus de facto præcesserant revocavimus, cassavimus, irritavimus, dissolvimus, & omnino duximus viribus vacuandas. Juramenta quoque super hoc præstita de apostolicæ potestatis plenitudine relaxavimus, omnes & singulos qui confederationes, pactiones & societates hujusmodi cum



dicto Ludovico contra processus hujusmodi post dictum terminum præsumerent observare, prædictas excommunicationis & alias pœnas & sententias incurrere voluimus ipso facto. Et ut processus noster prædictus ad ejusdem LUDOVICI & aliorum prædictorum ceterorumque quorum intererat vel interesse poterat communem notitiam deveniret, cartas sive membranas processum continentes eundem in portis Avenionensis ecclesiæ appendi vel affigi fecimus, quæ processum ipsum suo quasi sonoro præconio & patulo indicio publicarent, ut prædictus Ludovicus & alii quos processus ipse tangebatur nullam possent excusationem prætere, quod ad eos non pervenisset, vel quod ignorassent eundem, cum non esset verisimile remanere quoad ipsos incognitum vel occultum, quod publicabatur omnibus tam patenter. Voluimus autem, & auctoritate apostolica decrevimus, quod dictus processus præfatum LUDOVICUM & alios supradictos apprehenderet & arctaret, ac si eisdem personaliter publicatus & insinuaturs solemniter extitisset, constitutione quacunque per prædecessores nostros Romanos pontifices in contrarium edita nonobstante, cum ad ejusdem Ludovici præsentiam pro eodem processu publicando & insinuando securus non pateret accessus, nec posset commodè singulorum quos tangebatur auribus inculcari. Sanè quia LUDOVICUS prædictus, quod dolentes referimus, timore divino ac humano pudore procul abjectis, tamquam in profundum deveniret peccatorum, irritare regem Regum & Dominum dominantium non formidans, nostris spretis salutaribus monitis, ac pœnis in contemptum deductis, conceptus suos perversos prosequens, Mediolanumque veniens, hæreticorum ac fautorum ipsorum caterva vallatus, in eadem civitate de hæreticorum manibus, indignus & inhabilis ab indignis coronam assumere ferream, quam veri electi in reges Romanorum & admissi per sedem apostolicam consueverunt recipere, non expavit: ac exinde versus civitatem Pisanam infelices gressus suos dirigens, & eam ingrediens, ac in ea per plures dies moram trahens, cives ejusdem ac ecclesias & personas ecclesiasticas multipliciter aggravavit, & immaniter aggravare non cessat. Et exinde ad civitatem Lucanam accedens, CRASTRUTIVM de Interminellis, virum utique diversarum excommunicationum sententiis innodatum, qui civitatem ipsam detinebat tyrannicè occupatam, ac de fautoria hæreticorum per suos competentes judices condemnatum, ducem Lucanum de facto, cum nec jus faciendi sibi competeret, nec ipse CASTRUTIUS esset capax hujusmodi dignitatis, nec alterius, publicè ordinavit. Qui quidem CASTRUTIUS, Lucanum se ducem nominans, terras Lucanas, ut dux, administrare cœpit indebitè & injustè. Ac etiam inde Pisas rediens, & versus Urbem dirigens gressus suos, in eadem à certis civibus dictæ Urbis deputatis, ut fertur, à populo coronam imperialem de facto recipere, cum ad illam non esset idoneus, nec ipsi populo, etiamsi verus in regem

A Romanorum electus per sedem apostolicam approbatus existeret, jus ipsam competeret conferendi. Inunctionem quoque, immò veriùs exsecrationem, à quodam schismatico recipere non expavit. Dominium insuper, senatum seu regimen civitatis ejusdem, eidem LUDOVICO tamquam regi seu imperatori usque ad annum donavit & concessit, seu ad illud eundem Ludovicum assumpsit populus ante dictus: ipseque Ludovicus assumptioni seu concessioni consentiens antedictæ, ipsum per se vel alium exercuit vel exercere præsumit, non attendens quod felicitis recordationis NICOLAUS papa tertius prædecessor noster per constitutionem suam, quæ incipit, *fundamenta*, districtiùs interdixit, quod nullus imperator, vel rex Romanorum, aut alius imperator vel rex, princeps, marchio, dux, vel comes, in senatorem, capitaneum, patritium, aut rectorem, vel ad ejusdem Urbis regimen seu officium nominetur, eligatur, seu etiam aliter assumatur, absque licentia sedis apostolicæ speciali, per ipsius speciales litteras concessionem hujusmodi exprimentes. Decernens nominationem, electionem, & assumptionem in contrarium attentatas nullas esse, ac ipsas carere omni robore firmitatis; & non solum nominatores, electores, & assumptores, verumetiam nominatos, electos, si hujusmodi nominationi, electioni seu assumptioni consentirent, aut se de ipsis intromittere quomodolibet attentarent: intendentes quoque & obedientes eisdem, & in hoc dantes ipsis nominatoribus, electoribus, assumptoribus, ac nominatis, electis vel assumptis auxilium, consilium vel favorem, publicè vel occultè; cujuscunque dignitatis, præminentiae, conditionis aut status existerent, sententiam excommunicationis incurrerent eo ipso, à qua præterquam in mortis articulo absolvi non possent, nisi per summum pontificem, vel ipsius petita & obtenta licentia speciali; ac nihilominus ipsos nominatos, electos seu assumptos si contra constitutionem prædictam hujusmodi nominationi, electioni vel assumptioni consentire præsumerent, aut se ingererent quoquo modo, eorumque posteros in perpetuum omnibus feudis, privilegiis, libertatibus, immunitatibus & gratiis, quas à prædicta seu aliis tenerent ecclesiis, censuit esse privatos. Ita quod illi ad quos eorum collatio, concessio, seu dispositio pertineret, resumendi ea, retinendi, concedendi, seu conferendi aliis, aut de ipsis disponendi, prout pertineret ad eos, haberet liberam facultatem. Et insuper idem prædecessor noster mandata, præcepta, ordinationes & statuta quælibet, quæ fecissent, omnes quoque sententias quas tulissent, & quicquid penitus in contractibus & obligationibus, seu quibuscunque aliis, Urbis nomine, vel tamquam senatores, capitanei, patritii, aut rectores vel officiales ipsius egissent, irrita prorsus & vacua nuntiavit. Decrevit insuper prædecessor præfatus judices & tabelliones, qui super præmissis aut eorum aliquibus contra dictæ constitutionis edictum patrocinari vel instrumenta conficere fortè præsumerent, judicatus & tabellionatus officiis esse



privatos. Ne igitur de tanta pertinacia & contemptu LUDOVICUS prædictus valeat gloriari, nec tam nefandorum factorum perversitas transeat præsumtoribus in exemplum. cum præmissa sint adeò notoria, quod nulla possunt tergiversatione celari. Nos de fratrum nostrorum consilio declaramus ipsum prædictam anathematis & pœnas alias incurrisse, contentas in nostris processibus & constitutione prædictis. Et nihilominus quicquid circa ipsum Ludovicum per inunctionem seu potius execrationem & coronationes quas in Mediolano & in Urbe prædictis de facto recipere, seu veriùs usurpare, præsumsit, quas utique constat nullas esse, velut ab illo receptas qui prorsus indignus erat & inhabilis, & ab illis collatas quibus nequaquam jus impendendi talia competeat, cassas, nullas & irritas declaramus, ac ipsas in quantum de facto præcesserunt cassamus & irritamus, ac viribus penitus vacuumus, ac insuper quælibet mandata, præcepta, ordinationes, & statuta ab ipso sub ducali vel comitali postquam illis privatus extitit, nec non regali, imperiali seu senatoris vel rectoris dictæ Urbis titulo, data sive facta, omnesque sententias & confirmationes, innovationes seu approbationes, nec non & renovationes privilegiorum, seu cassationes eorum, ab ipso anno ante coronationem & inunctionem seu execrationem prædictas, vel post in Urbe prædicta vel alibi ubicumque contra quascumque communitates seu universitates ac personas quascumque ecclesiasticas vel mundanas cujuscumque status vel conditionis existerent, etiam si regali dignitate pollerent, & specialiter contra prædictum regem Siciliae, regnum seu terras ejusdem per se vel alium promulgatas seu factas, & quicquid penitus in contractibus & obligationibus, donationibus, privilegiorum concessionibus, vel alia qualitercumque tamquam dux, comes, rex, vel imperator seu Urbis senator, dominus, rector, vel administrator ubicumque egerit, vel illum contingeret agere in futurum, ex nunc vacua, cassa, nulla & irrita nuntiamus, illaque nihilominus quatenus de facto processerunt, cassamus & irritamus ac viribus vacuumus. Et specialiter ordinationem dicti CASTRUTII in ducem Lucanum cassam, nullam, & irritam declaramus, ac ipsam quatenus de facto processit cassamus, irritamus, & prorsus viribus vacuumus. Et quia idem CASTRUTIUS dux factus de facto, ut prædicitur, senatoris in Urbe recepit dignitatem seu officium, ac comitis Palatini, ipsaque exercuit publicè ac notoriè contra constitutionem prædecessoris nostri prædicti, declaramus juxta ejusdem constitutionis tenorem, electionem, nominationem seu assumptionem ejusdem ad dictum senatoris officium & comitatus prædicti nullas esse, ipsasque carere omni robore firmitatis, & quatenus præcessere de facto, cassas, nullas, & irritas nuntiamus, ac eundem CASTRUTIVM in excommunicationis sententiam declaramus, & tam ipsum quàm ejus posteros in alias pœnas contentas in constitutione prædicta juxta tenorem ipsius & continentiam in-

A cidisse: ac insuper quælibet mandata, præcepta, ordinationes & statuta ab eodem Castrutio dicta sive facta, omnesque sententias ab eodem senatorio nomine, ducali, vel comitali, seu quovis alio in Urbe prædicta, vel alibi ubicumque contra quascumque communitates vel universitates ac personas quascumque ecclesiasticas vel mundanas, per se vel alium promulgatas, & quævis alia quæ tamquam dux, comes, vel senator egerit, vel contingeret eum agere in futurum, ex nunc vacua, cassa, nulla & irrita nuntiamus, illaque nihilominus quatenus processere de facto cassamus, irritamus & omnino viribus vacuumus. Quamquam enim dictus LUDOVICUS nec dux, nec comes, nec rex, nec imperator, nec præfatus CASTRUTIUS dux nec comes existant; quia tamen se gerunt pro talibus, eisque prædicta in Urbe, sicut præmittitur, ut talibus sunt concessa, & ipsi eadem receperunt ut tales, non minus quam si tales existerent, debent tam ipsi quàm concedentes pœnas incurere supradictas. Rursus quia nonnulli episcopi coronationi & execrationi dicti LUDOVICI causa honorandi eundem, ei assistendo & favendo interfuisse dicuntur, de eorumdem fratrum consilio declaramus eos in excommunicationis & suspensionis ab officio & beneficio pœnas & sententias incidisse, ipsosque excommunicatos & suspensos ab officio & beneficio nuntiamus, ac eos ab omni episcopali dignitate & sacerdotali officio, suisque episcopatibus & dignitatibus de eorumdem fratrum consilio deponimus & privamus, & reddimus nihilominus ad quascumque dignitates seu beneficia ecclesiastica obtinenda inhabiles & indignos. Alios autem prælatos & personas ecclesiasticas, qui contra inhibitiones & mandata prædicta eidem Ludovico adhæserunt, astiterunt, vel faverunt, excommunicationis & suspensionis ab officio & beneficio pœnas & sententias per processus nostros talibus inflictas incurrisse declaramus, ipsosque excommunicatos & suspensos, propterea nuntiamus, ad privationis depositionis & inhabilitationis, ac alias pœnas & sententias, absque citatione vel monitione alia processuri, prout eorum inobedientia exigeret & viderimus expedire. Universis quoque patriarchis, archiepiscopis, & episcopis, aliisque personis ecclesiasticis quibuscumque in virtute obedientiae, ac excommunicationis & suspensionis ab officio & beneficio, quas non parendo ipso facto incurrant, nec non privationis, depositionis, inhabilitationis prælationum, dignitatum, officiorum & beneficiorum ecclesiasticorum pœnis & sententiis, & insuper omnibus & singulis civitatibus, terris & locis, ac universitatibus, communitatibus & personis aliis quibuscumque, cujuscumque conditionis aut status existant, etiam si imperiali, regali vel alia quacumque præmineant dignitate, sub excommunicationis in personas singulares, & interdicti in civitates, terras, loca, eorumque communitates & universitates, quas nisi mandatis & monitionibus nostris paruerint, eos incurere volumus ipso facto, nec non privationis privilegiorum

quorumcumque apostolicorum & imperialium, ac feudorum & bonorum, quæ ab eadem Romana vel quibuscumque aliis ecclesiis vel imperio obtinent, pœnis & sententiis, mandamus & inhibemus expressè, ne prædicto LUDOVICO tamquam duci vel comiti, regi seu imperatori, nec eidem CASTRUTIO tamquam duci, comiti, vel senatori pareant, obediant, vel intendant: nec eidem LUDOVICO tamquam duci, comiti, regi seu imperatori, recognoscendo vel recipiendo terras, potestarias, rectorias seu alia officia quocumque nomine censeantur, in civitate vel loco aliquo adhæreant quoquo modo; nec aliquam societatem, ligam, vel confederationem cum ipso contra Ecclesiam contrahant, vel contractam observent, nec consentiant etiam contrahendæ, nec eidem faveant, assistant, seu præstent cum armis, vel sine armis auxilium, consilium vel favorem, publicè vel occultè, à quibus quidem pœnis & sententiis per alium quàm per Romanum pontificem nullum posse volumus, nisi dumtaxat in mortis articulo liberari. Eisdem & eorum singulis apertius nihilominus prædicentes quod ad infractionem, publicationem, executionem & aggravationem dictarum pœnarum conjunctim vel divisim, prout delinquentium excessuum enormitas exegerit & expedire videbimus, absque citatione vel monitione alia, si, & quando, & quoties opportunum cognoverimus, procedemus. Non obstantibus quibuscumque privilegiis, constitutionibus, seu indultis, quæ contra processum nostrum hujusmodi nulli suffragari volumus, sed ea quoad hæc potius viribus vacuamus. Colligationes autem, pactiones, societates & ligas contra præmissa vel præmissorum aliqua factas, vel initas inter quoscumque sub quacumque forma, vel expressione verborum, etiam si pœnarum adjectione, juramentorum præstatione, vel quacumque alia fuerint firmitate vallatæ, utpote in divinæ majestatis offensam, & contra honorem sanctæ matris Ecclesiæ, ac in damnum & præjudicium reipublicæ, animarumque periculum præsumtas, cassas, nullas, irritas, ac inanes, nulliusque firmitatis existere declaramus, ipsas quatenus processerunt de facto, & juramenta super hoc præstita nihilominus relaxantes, dissolventes, & penitus viribus vacuantes. Ceterum præsentem processum ad Romanum populum extendi non intendimus, cum quoad ipsos duxerimus alium specialiter ordinandum. Et ut præsens processus noster ad prædictorum LUDOVICI, CASTRUTII & aliorum quos tangit, seu quorum interest vel interesse poterit in futurum, ad communem notitiam deducatur, cartas sive membranas processum continentes eundem in Avenionensis Ecclesiæ ostiis faciemus appendi, quæ processum ipsum suo quasi sonoro præconio & patulo indicio publicabunt, ut præfati Ludovicus, Castrutius & alii quos processus ipse contingit, nullam possint excusationem prætere, quod ad eos non pervenerit, vel quod ignorarint eundem, cum non sit verisimile quoad ipsos remanere incognitum vel occultum, quod

A tam patenter omnibus publicatur. Volentes nihilominus & auctoritate apostolica decernentes, quod dictus processus eisdem LUDOVICO & CASTRUTIO, ac alios supradictos apprehendat & ardet, ac si eisdem personaliter publicatus & insinuatus solemniter extitisset, quacumque constitutione per prædecessores nostros Romanos pontifices in contrarium edita non obstante, cum ad eorundem præsentiam pro eodem processu publicando & insinuando securus accessus non pateat, nec posset commodè singulorum auribus quos tangere dinoscitur inculcari. Datum Avenione secundo Kalendas Aprilis, Pontificatus nostri anno duodecimo.

## P R O C E S S U S

*Contra Romanos, quod expellant Bavariam  
& sequaces ab Urbe.*

A D futuram rei memoriam. Quamquam nobis molestum meritò sit & grave aliquid proponere publicè, per quod Romanus populus, peculiare Ecclesiæ Romanæ filii, pandantur in suam gloriam maculam posuisse: ad hoc tamen cogimur, tum quia ipsorum caremus præsentia, tum quia taciturnitas talium tam nobis quam ipsis esset periculum allatura. Sane dudum ad publicam notionem processus diversos & sententias contra LUDOVICUM olim ducem Bavariæ, & in discordia, sicut ferebatur, in regem Romanorum electum, in curia ipsos publicando fidelium præsentie multitudine copiosa, quorum cartas seu membranas processus ipsos & sententias continentes, ecclesiæ Avenionensis affigi ostiis faciendo, ipsos quoque qui ad omnes archiepiscopos & eorum suffraganeis transmittendos, duximus deducendos; per quos utique clarè patet, nos in ipsum LUDOVICUM primo excommunicationis sententiam, ejus variis & enormibus excessibus & contumacia exigentibus protulisse. Subsequenter autem contumacia ejus aucta, multiplicatisque excessibus variis, ipsum à jure, si quod sibi ex electione prædicta quæsitum fuerat, privavisse. Et cum contumacius agere ac excessus superaddere non cessaret, ipsum privare curavimus ducatu prædicto Bavariæ, & omnibus privilegiis tam apostolicis quàm imperialibus & feudis, quæ à Romana seu aliis ecclesiis obtinebat. Et quia nec sic ad viam rediit veritatis, sed potius perversis intendens dogmatibus, viros hæreticos & erroneos ad suum admittens consortium, se ostendat hæreticum manifestè, citatusque ut super his veniret auditurus sententiam, & factururus quod justitia suaderet, cum illa adeo essent notoria, quod non poterant tergiversatione aliqua occultari: ipse tamen malè sibi conscius comparere contempsit, propter quod cum nec postea compareret, diutius expectatus, nec alius pro eodem, eundem hæreticum declaravimus, ipsum velut hæreticum reprobantes, & sententialiter condemnantes, prout præmissa in nostris processibus fusius continentur. Deducto quoque dudum

dudum per facti evidentiam in publicam notionem, quod LUDOVICUS olim dux Bavariae, ac in regem Romanorum in discordia tamen, ut dicebatur, electus, quique suis exigentibus demeritis, utroque, videlicet ducatu & jure, si quod ei ex electione hujusmodi acquisitum fuerat, privatus extiterat iustitia exigente. Et adeo erat igne ambitionis succensus, quod vias non cessans quaerere per quas de facto saltem, cum de jure nequiret, ad imperialis posset conscendere solium dignitatis, haereticos aliosque rebelles sanctae Dei Ecclesiae in partibus Italiae constitutos, illis diebus in Tridento ad suum consilium convocarat, in quo praedicti cum eodem LUDOVICO convenientes in unum contra sanctam Dei Ecclesiam; nos & fideles ejusdem in partibus Italiae, & praecipue contra carissimum in Christo filium nostrum ROBERTUM regem Siciliae illustrem ac regnum praedictum ad Romanam Ecclesiam jure directi domini pertinsens, & quod a nobis & Romana Ecclesia in feudum idem rex obtinere noscitur, & pro eo noster & Romanae Ecclesiae existit, diversa iniisse dicebantur consilia, illaque pactis & juramentis illicitis firmavisse. Quodque ut conceptus suos iniquos hujusmodi in partem possent producere promptius, jam in Lombardiam LUDOVICUM praedictum deduxerant rebelles, & haeretici supradicti, ut mutuo se juvantes rebelles ipsi sub umbra culminis per eundem Ludovicum indebitè usurpandi, possent in suis perseverare rebellionibus & haesibus liberè, ac devotos Ecclesiae de finibus illarum partium effugare, dictusque LUDOVICUS eorum fultus potentia, nomen regium quod indebitè usurpaverat, retinere posset liberius, ac imperiale nomen similiter usurpare. Nos tantis malis occurrere cupientes, cum ad eos tutus non pateret accessus, praesente multitudine fidelium copiosa, LUDOVICUM ipsum ac rebelles & haereticos supradictos, quorum conversionem & salutem paterno more desideranter apperebamus & appetimus, per publicum edictum licet absentes commonere curavimus, & in Domino exhortari, ut à tam periculoso devio pedes suos studerent retrahere, ac in hac valle miseriae sic ipsos in viam convertere veritatis & pacis, quod post hujus vitae transitum immarcessibilem coronam gloriae feliciter assequi mererentur. Et ut tam LUDOVICI quam aliorum praedictorum perversis occurreremus conceptibus, eundem LUDOVICUM licet absentem per nostrum edictum publicum, praesente multitudine fidelium copiosa monuimus, eidem nihilominus sub anathematis & poenis aliis à jure quocumque seu constitutionibus nostris inflictis seu comminatis, iis qui titulum regium vel imperialem falso temeritate propria ausi sunt usurpare, aut se administrationi imperii immiscere, quae ipso vacante, sicut ex nunc vacat, ad Romanam Ecclesiam noscitur pertinere, ipsam Ecclesiam in eadem administratione ausu temerario perturbando, vel etiam quantum in eis est spoliando; aut his qui haereticis aut Ecclesiae Romanae rebellibus praesumunt

*Theauri Anecd. Tom. II.*

A contra Ecclesiam impendere consilium, auxilium vel favorem, quasque infligunt jura iis qui guerram movere praesumunt indebitè, pacemque gratam cunctis mortalibus perturbare, quasque imponunt pro maleficiis quae consueverunt subsequi ex praedictis. Quas omnes & singulas praeter mortis & mutilationis membrorum supplicium se dictae monitioni praesumeret temerè non parere, ipso facto volumus incurrere: districtius injungentes, ut infra duorum mensium spatium à data litterarum nostrarum numerandorum, nomen deponeret regium, seque regem Romanorum non intitularet ulterius, nec per alios faceret quantum in eo esset tali intitulati titulo, vel etiam nominari: sigillumque curaret adjicere, ubi talis conscriptus esset titulus, nequaquam ulterius nec simile resumiturus, nec administrationi eorundem regni seu imperii aut jurium earundem se ullo modo immiscere praesumeret; privilegia, immunitates, feuda, bona, seu jura quaecumque ad eadem regnum seu imperium pertinentia concedendo, nec tamquam rex Romanorum vel imperator quicquam tentaret agere, cum jus hoc sibi nequaquam competeret faciendi. Dominium quoque vel subjectionem in quascumque personas singulares vel terras ipsarum, vel potestariam, seu quancumque rectoriam sive officium quocumque nomine censeantur in civitate aliqua, vel quovis loco alio, maximè in urbe Romana, seu in ipso regno Siciliae assumere non tentaret; eidem nihilominus injungentes, ne contra Ecclesiam societatem sive confederationem aliquam contraheret, nec observaret qualitercumque contractam, nec non ut infra duorum mensium spatium numerandum à data litterarum nostrarum, de tota exiret Italia, nequaquam ulterius, quousque ad obedientiam & gratiam Romanae redisset Ecclesiae, reverturus: quodque sub titulo regio vel imperiali non praesumeret aliquem vel aliquos ad partes aliquas, praesertim Italiae, destinare. Universis quoque patriarchis, archiepiscopis, & episcopis, ac aliis personis ecclesiasticis quibuscumque sub virtute obedientiae & poenis suspensionis ab officio & beneficio, quam ipsos incurrere volumus ipso facto, nisi infra scriptae inhibitioni nostrae efficaciter obedire studerent: nec non omnibus & singulis civitatibus, communitatibus & universitatibus, ac personis aliis singularibus quibuscumque, cujuscumque conditionis aut status existerent, etiamsi imperiali, seu regali, vel alia quacumque dignitate fulgerent, & specialiter haereticis & rebellibus supradictis in virtute sanctae obedientiae, & sub poenis excommunicationis in personas, & interdicti in terras eorum, quas ipsos incurrere volumus ipso facto, si nostris obedire renuerent monitionibus & mandatis: nec non privationis privilegiorum quorumcumque apostolicorum & imperialium, ac feudorum, quae ab Ecclesia vel imperio obtinerent, inhibuimus, ne LUDOVICO praedicto in praemissis parerent, faverent, vel intenderent circa regni seu imperii regimen vel administrationem eorum contingentia favendo vel etiam

A a a

assistendo. Privilegia, immunitates, feuda, vel jura quæcumque in eisdem regno vel imperio ab eodem recipiendo, dominium vel subjectionem aliquam tamquam regi seu in regem Romanorum electo vel imperatori recognoscendo, terras vel potestarias, rectorias seu alia officia quocumque nomine censerentur in civitate aliqua vel quovis loco alio, maximè in urbe Romana, seu in regno vel terris aliis Romanæ Ecclesiæ subditis, aut alicujus partis Italiæ supradictis, ab ipso vel sub ejus nomine recipiendo vel etiam exercendo: societatem quoque seu confederationem aliquam cum eo contra Ecclesiam nequaquam contraherent, nec contractam per eum, seu cum eo faverent vel observarent, nec consentirent etiam contrahendæ, nec retinendo ipsam, seu favendo quomodocumque, vel qualitercumque in Italia eidem faverent, assisterent aut præstarent auxilium cum armis vel sine armis, consilium vel favorem, publicè vel occultè. A quibus quidem excommunicationis & interdicti sententiis nullus nisi dumtaxat Romanus pontifex, præterquam in mortis articulo, prætextu cujusvis auctoritatis seu privilegii quibusvis generaliter vel specialiter sub quavis forma verborum concessi, eas valeret absolvere vel etiam liberare. Quod si fortè aliquem vel aliquos de prædictis in dicto mortis articulo absolvi contingeret, nisi sanitate recepta sedi apostolicæ quamprimum commodè possent, se præsentarent satisfacturi de præmissis juxta mandatum Romani pontificis, in prædictam relaberentur excommunicationis sententiam eo ipso. Apertè nihilominus prædicentes eisdem, quòd contra prælatos & personas alias ecclesiasticas supradictas ad depositionem, privationem, & inhabilitationem prælationum, dignitatum, officiorum & beneficiorum quorumcumque suorum ecclesiasticorum: contra civitates verò, communitates, universitates, collegia, castra, loca, seu villas, ac personas singulares quascumque, cujuscumque præminentia, dignitatis, status, vel conditionis existerent, etiam si imperiali, regali vel alia dignitate quacumque fulgerent, quæ contra inhibitionem ac mandata nostra hujusmodi, directè vel indirectè, publicè vel occultè, præsumerent temerè aliquid attentare, ad privationem privilegiorum quorumcumque apostolicorum & imperialium ac feudorum quæ à Romana vel aliis Ecclesiis seu imperio quomodolibet obtinerent, & alias procedere, conjunctim vel divisim, intendebamus, absque citatione alia, prout facti qualitas exigeret, sicut & quando expediens videremus. Non obstantibus si prædictis aut LUDOVICO præfato seu quibusvis aliis per litteras apostolicas foret, sub quacumque forma verborum vel expressione concessum, vel concederetur in posterum, quod excommunicari, suspendi, vel eorum terræ seu loca interdicti non possent, per litteras sedis ejusdem non facientes plenam & expressam, ac de verbo ad verbum de indulto hujusmodi mentionem; & quibusvis aliis privilegiis, constitutionibus seu indultis, quæ contra processum nostrum hujus-

A modi, eis vel eorum alicui noluimus suffragari, sed ipsa potius quoad hæc viribus volumus penitus vacuari. Ceterum colligationes, confederationes, pactiones, societates, ac ligas contra præmissa vel præmissorum aliqua factas vel initas inter quoscumque, sub quacumque forma vel expressione verborum, etiam si poenarum adjectione, juramentorum præstatione, vel quacumque firmitate vallatæ fuissent, utpote in divinæ majestatis offensam, ac contra jura & honorem sanctæ Romanæ Ecclesiæ, ac in damnum & præjudicium reipublicæ, & periculum animarum præsumtas, decrevimus nullas, cassas, irritas & inanes, ac nullius existere firmitatis, ac eas quatenus processere de facto revocavimus, cassavimus, irritavimus, dissolvimus, & omninò viribus duximus vacuandas. Juramenta quoque super hoc præstita de apostolicæ potestatis plenitudine relaxamus, omnes & singulos qui confederationes, pactiones, & societates hujusmodi cum dicto LUDOVICO contra processum hujusmodi post dictum terminum præsumerent observare, prædictas excommunicationis ac alias poenas & sententias incurrere volumus ipso facto. Et ut processum nostrum hujusmodi ad ejusdem LUDOVICI & aliorum prædictorum, ceterorumque quorum intererat vel interesse poterat communem deduceretur notitiam, cartas sive membranas processum continentes eundem in portis Avenionensis ecclesiæ appendi vel affigi fecimus, quæ processum ipsum suo quasi sonoro præconio & patulo indicio publicarent, ut prædictus LUDOVICUS, & alii quos processum ipse tangebatur, nullam possent excusationem prætere, quòd ad eos non pervenisset, vel quòd ignorassent eundem, cum non esset verisimile remanere quoad ipsos incognitum vel occultum, quod tam patenter omnibus fuerat publicatum. Voluimus autem & auctoritate apostolica decrevimus, quod dictus processum præfatum LUDOVICUM & alios supradictos apprehenderet & arctaret, ac si eisdem personaliter publicatus & insinuatus solemniter extitisset. Constitutione quacumque per prædecessores nostros Romanos pontifices in contrarium edita non obstante, cum ad ejusdem Ludovici præsentiam pro eodem processu publicando & insinuando securus non pateret accessus, nec posset commodè singulorum quos tangebatur auribus inculcari. Licet autem processum prædicti in Urbe fuerint publicati, tamen populus ante dictum præfatum LUDOVICUM, hostem Dei, & Ecclesiæ persecutorem infestum, demoliri vineam Domini Sabaoth satagentem, stipatum viris apostatis & hæreticis, ac nonnullis de fautoria, & aliquibus de hæresi condemnatis, de mense Januarii proximè præterito in eadem Urbe recipere, ipsius capiti coronam imperialem per cunctos concives suos imponi facere; licet hoc etiam si verus in regem Romanorum electus, & per sedem apostolicam admissus & approbatus etiam existeret, ad ipsorum nequaquam pertineret officium, præsumerant; nec his contenti, sed cumulantes potius mala malis, contra constitutionem felicitis re-



cordationis N I C O L A I papæ tertii prædecessoris nostri in Urbis ejusdem favorem providè promulgatam, quæ incipit: *Fundamenta*, eidem LUDOVICO dictæ Urbis annale dominium, senatum, vel regimen, sicut facti evidentia præmissa notoriat, concesserunt: non attendentes quod concessionem hujusmodi, ac prædictorum assumptionem idem prædecessor nullam decrevit existere, ac omni robore firmitatis carere, quodque assumptores & assumptus consentiens assumptioni hujusmodi, necnon intendentes & obediētes eidem, & in hoc dantes ipsis assumptoribus seu assumpto auxilium, consilium vel favorem, publicè vel occultè, cujuscumque dignitatis vel præminentiae, conditionis vel status existerent, excommunicationis sententiam incurrerent eo ipso. Et insuper prædicti populus MARSILIUM de Padua, & JOHANNEM de Janduno viros utique pestiferos, reprobos, & de hæresi sententialiter & publicè condemnatos, doctrinas hæreticales, reprobas & condemnatas dogmatizantes, publicè prædicantes, in Urbe receperunt prædicta, hæreticorum prædictorum prædicationes & dogmatizationes nefarias audiendo, eisque parendo in suarum animarum periculum consilium & favorem. Et quamvis excessuum prædictorum gravitas & enormitas suaderent, ut ad tantarum temeritatum audaciam corrigendam, ad executionem poenarum in constitutione prædicta, nostrisque processibus, & juribus aliis pro præmissis infligendis, rigidè procedere deberemus, paterna tamen pietas quæ consilium capi pro filiis postulat, & adhuc eorumdem populi correctio debeat postulari, cum ipsorum magna pars perversis fuisse super prædictis seducta consiliis asseratur: & magna pars cleri & nobilium nec consenserint, sicut audivimus, nec consentiant perversis ac reprobis actibus supradictis. Præfatum itaque populum & singulares personas ipsius, præsentē hac fidelium multitudine copiosa exhortamur in Domino & monemus, eisdem nihilominus sub excommunicationis in personas singulares, & in ipsum populum interdicti poenis & sententiis, quas non obstantibus privilegiis quibuscumque eisdem sub quacumque forma verborum indultis, ipsos & eorum singulos qui nostris mandatis hujusmodi quomodolibet inobedientes extiterint, incurrere volumus ipso facto, districtius injungentes, ut considerantes attentè prædecessorum suorum in fide ac devotione Ecclesiæ constantiam, quantumque præmissa derogent famæ suæ & suam obfuscent gloriam, nec non quantis se periculis exposuerint per præmissa, quantumque divinam offenderent majestatem, de tantis excessibus resipiscant, ac dimisso devio quod ducit ad mortem, infra Kalendas Julii proximè futuri, ad devotionem redire Ecclesiæ non omittant: eosdem insuper exhortantes & monentes, contra præfatum LUDOVICUM excommunicatum, & de hæresi ut prædicatur condemnatum, tamquam Dei hostem, Ecclesiæ Romanæ rebellem, & abominandum desolationis idolum abhorrendo, ejusque semitas quæ sequa-

*Theſauri Anecdor. Tom. II.*

A ces earum ducunt in præcipitium, summopere declinando, ab eadem Urbe ipsiusque districtu, quantum in eis erit, expellere & ejicere studeant; nec eidem tamquam duci, regi vel imperatori, senatori, rectori, seu domino pareant, obediant, faveant, vel intendant in Urbe vel extra, quavis occasione vel causa, quin potius subtracto sibi quovis commercio, subsidio, & auxilio, exinde viriliter eliminare procurent, eidem in posterum quamdiu extra communionem fidelium & gratiam Romanæ Ecclesiæ fuerit, sicut nunc existere dinoscitur, nullatenus adhæsurus. Non obstantibus quibuscumque conventionibus, colligationibus, societatibus, vel pactationibus factis cum ipso forsitan vel initis, etiamsi poenis, obligationibus, juramentis, aut quibuscumque aliis firmitatibus existerent roborata, quas velut contra bonum pacis, & in detrimentum reipublicæ, divinæque majestatis offensam, ac nostris processibus, monitionibus salubribus, & mandatis obvias, præsumtas temerariis ausibus & initas, cassas, nullas, & irritas nuntiamus, easque cassamus & irritamus sicut processerunt de facto, nihilominus ad cautelam poenas adjectas, & juramenta super hoc præstita, cum ea vinculum iniquitatis esse non debeant, etiam relaxantes. Per hunc autem processum nostris aliis contra dictum LUDOVICUM ejusque complices & fautores processibus diversis temporibus habitis præjudicare non intendimus, nec volumus in aliquo, sed eos potius & eorum singulos volumus in suo robore perdurare; nec nostræ intentionis existit, quod propter aliqua in præsentī processu contenta, divina celebrari durante interdicto ecclesiastico in Urbe jam dicta aliqui de Urbe ipsa participare cum eodem Ludovico & aliis excommunicatis valeant licitè, nisi prout & quantum permittunt canonice sanctiones. Et ut processus noster hujusmodi ad eorumdem populi & aliorum quorum interest vel interesse potest communem notitiam deducatur, cartas sive membranas processum continentes eundem in ecclesiæ Avenionensis appendi vel affigi ostiis faciemus, quæ processum ipsum suo quasi sonoro præconio & patulo indicio publicabunt, ut ipsi & alii quos processus ipse contingit, nullam possint excusationem prætere, quod ad eos non pervenerit, vel quod ignoraverint eundem, cum non sit verisimile quoad ipsos remanere incognitum vel occultum, quod tam patenter omnibus publicatur. Volentes insuper & auctoritate apostolica decernentes, quod dictus processus ipsos & alios quos contingit adeo apprehendat & arctet, ac si eisdem publicatus personaliter & insinuatus solemniter extitisset, constitutione quacumque prædecessorum nostrorum Romanorum pontificum in contrarium edita non obstante, cum pro ipso publicando & insinuando ad eos tutus accessus non pateat, nec posset commodè singulorum auribus inculcari. Datum Avenione secundo Kalendas Aprilis anno duodecimo.

Aaa ij



*Citatio Castrutii de fautoria hæreticorum  
damnati.*

**A**D futuram rei memoriam. Inter curas innumeras quibus ex debito pastoralis officii jugiter anxiamur, illa nimirum nos angit potissimè, ut adversus eos qui vineam Domini sabaoth demoliri tamquam vulpeculæ suis execrandis factionibus satagunt, prout secundum Deum commodè possumus, procedamus. Sanè dudum ad dilecti filii Accursii Florentini de ordine fratrum Minorum inquisitoris hæreticæ pravitatis in provincia Tusciæ auctoritate apostolica deputati audientiam, publica insinuatione producto, quod Castrutius Geri de Intiminellis, ex eo quod olim ad Dei & sacro-sanctæ Ecclesiæ sponsæ suæ injurias & offensas aspirans, civitate Lucana, quæ tunc in devotione ipsius Ecclesiæ persistebat, per sævam ipsius Castrutii tyrannidem, occupata, unà cum suis complicitibus thesaurum Romanæ Ecclesiæ, qui de Perusio ad eandem civitatem Lucanam de mandato felicitis recordationis CLEMENTIS Papæ quinti prædecessoris nostri portatus, in sacristia Ecclesiæ sancti Affrodiani Lucanensis tunc temporis servabatur, inde violenter rapuit, & secum nequiter asportavit, excommunicationis per eundem prædecessorem sententiam incurrerat promulgatam. Et insuper quod impediens idem CASTRUTIUS, ne processus nostri contra LUDOVICUM olim ducem Bavarie, suis gravibus culpis exigentibus & detestandis excessibus ab ipso commissis, habiti, juxta mandatum nostrum, in civitate publicarentur prædicta, excommunicationis etiam sententiæ, aliisque pœnis gravibus subjacebat, & alia plura enormia scelera commiserat, ex quibus plures & diversas excommunicationum & alias spirituales & temporales pœnas & sententias contra patratores scelerum eorundem promulgatas, eum non erat dubium incurrisse. Nec non quod LIPPACIO de Auximo & aliis de Marchia Anconitana hæreticis, ac GALEATIO de Vicecomitibus, ejusque fratribus, de hæresi per suos competentes judices sententialiter & publicè condemnatis, postquam sententiæ hujusmodi fuerant solemniter in illis & diversis aliis mundi partibus publicatæ, ac hæreticorum prædictorum fautoribus adhæserat & faverat, eisdemque contra Deum & Ecclesiam fidemque catholicam præstiterat auxilium, consilium & favorem. Quodque prædictus CASTRUTIUS, etiam quondam MATHÆO de Vicecomitibus patri dictorum Galeatii & fratrum suorum de hæresi similiter condemnato, antequam infelicissimæ mortis perfolvisset occasum, faverat, postquam prædicti Galeatii ejusque fratres fuerunt, ut prædicitur, de hæresi condemnati, & expositi cum omnibus bonis suis fidelibus capiendi, ac nonnulli fideles assumpto contra eos vivificæ signo crucis, ad eosdem hæreticos capiendos cum exercitu Ecclesiæ, aliqua suburbia civitatis Mediolanensis intraverant, ubi dicti hæretici mora-

**A**bantur, ad civitatem prædictam Mediolanensem, ut hæreticos prædictos à pœnis debitis liberaret, & ne à fidelibus capi possent, & subdi Ecclesiæ disciplinæ, missa multitudine hominum armatorum prohibere præsumsit nequiter, ac etiam impedivit ne funus dicti MATHÆI hæretici apprehendi vel inveniri posset ignis incendio concremandum. Qui quidem homines armati una cum dictis hæreticis, eorumque damnato exercitu, fideles & cruce-signatos ac exercitum Ecclesiæ, qui in burgo Modoëtiæ Mediolanensis diocesis se recollegerant, hostiliter impugnarunt burgum obsedendo prædictum: propter quæ dictus CASTRUTIUS tamquam fautor hæreticorum publicè ac legitimè per suos competentes judices condemnatus extiterat, & ut talis excommunicationis sententia innodatus. Rursus quòd prædictas excommunicationum sententias per annum, & ultra tunc animo indurato sustinuerat & sustinebat in suæ damnationis cumulum pertinaci, ex quibus vehementer suspectum de crimine hæresis se reddebat. Præfatus inquisitor tam ex fautoria, adhæsiōe, auxiliis, & consiliis supradictis, quàm ex damnable ejusdem Castrutii contumacia, & prædictarum excommunicationum contemptu, scrupulo non carentibus hæreticæ pravitatis, communicato sibi plurium utriusque juris peritorum consilio, habens & reputans meritò dictum CASTRUTIUM de hæresi vehementer suspectum, & malè de clavibus Ecclesiæ sentientem, nec valens juxta sui officii debitum tanta & talia in divinæ majestatis offensam & læsionem fidei catholicæ per ipsum CASTRUTIUM temerè attentata, conniventibus oculis pertransire, contra eundem Castrutium, tamquam contra vehementer de hæresi suspectum procedens & inquirens, ac procedere & inquirere intendens, eum per publici propositionem edicti, cum persona, domicilia vel loca ipsius tutè adiri non possent, citavit, requisivit & monuit, eidemque sub excommunicationis pœna quam in ipsum nisi cum effectu pareret citationi, requisitioni, ac monitioni & mandato suis hujusmodi, promulgavit canonicè, duxit districtius injungendum, ut certis competentibus loco & termino, quem terminum sibi assignavit pro peremptorio, coram ipso personaliter compareret, de fide ac super inquisitione & articulis inquisitionis prædictæ debitè responsurus. Et licet locus per eundem inquisitorem dicto Castrutio assignatus, eidem Castrutio vicinus, propinquus existeret & securus, ad omnem tamen exceptionem tollendam & malitiam convincendam dilectus filius noster **F** JOHANNES sancti Theodori Diaconus Cardinalis, apostolicæ sedis legatus, & nobilis vir CAROLUS carissimi in Christo filii nostri ROBERTI regis Siciliæ illustris primogenitus, dux Calabriæ, civitatis & districtus Florentini dominus temporalis, ac commune Florentinum securitatis pro dicto Castrutio ad prælatos & personas ecclesiasticas ac principes & nobiles, communitates & universitates earum partium, patientes litteras affixas in locis publicis concesserunt, sicut in processibus per dictum inquisito-

rem super prædictis habitis plenius continetur. A Sanè præfatus CASTRUTIUS tamquam sibi malè de fide conscius, infra dictum terminum, vel in eodem termino comparere per se vel per alium coram eodem inquisitore, licet per ipsum expectatus diutius, non curavit. Quamobrem inquisitor præfatus, qui dicti CASTRUTII animam, si coram ipso compareret, & ab erroribus resiliiret prædictis ad gremium reversurus Ecclesiæ, lucrifacere Domino intendebat, duritia & contumacia ejusdem Castrutii, & aliis præmissis consideratis attente, declaravit & decrevit memoratum CASTRUTIUM contumacem, subterfugientem, & de fide respondere contumaciter recusantem, ipsumque pro dicta per eundem inquisitorem lata excommunicationis sententia fore innodatum, & eum fecit in diversis partium Ecclesiis excommunicatum publicè nuntiari. Nos autem præfati CASTRUTII qui de fautoria hæreticorum sicut præmittitur condemnatus per dictam per eundem inquisitorem ratione dictæ contumaciæ promulgatam excommunicationis sententiam, per annum & ultra & alias per multa tempora sustinuit, & adhuc animo sustinet indurato, claves Ecclesiæ damnabiliter contemnendo, & de crimine hæresis vehementer reddit & reddidit se suspectum, excessus, errores, contumacias & contemptus prædictos in divinæ majestatis offensam, sanctæ matris Ecclesiæ contumeliam, & fidei læsionem catholicæ redundantes, nolentes sicut etiam nec debemus præterire sub conniventia incorrectos, præsertim cum prædicta sint adeo notoria, quod nulla possint tergiversatione celari, per præsens edictum publicum, cum idem CASTRUTIUS adiri tutè nequeat, præsentem hac multitudinem fidelium copiosa, de consilio fratrum nostrorum, citamus eundem ut infra Kalendas Junii proximè futuri personaliter compareat coram nobis sub crimine hæresis, de qua, sicut præmittitur, reddit & reddidit se suspectum, sententiam si commodè fieri poterit auditurus, ac facturus, & recepturus quod justitia suadebit. Quem quidem terminum sibi peremptorium de dictorum fratrum consilio præfigimus & etiam assignamus: apertius prædicentes eidem quod si infra dictum terminum aut in eo comparuerit, siue non comparuerit coram nobis, nos ad prædictam proferendam sententiam, & alias contra ipsum prout rationis fuerit & expedire videbimus, absque citatione alia procedemus. Et ut hujusmodi citationis edictum & alia supradicta ad ipsius Castrutii, & aliorum quorum interest notitiam deducatur: præsentis litteras ostiis Avenionensis ecclesiæ faciemus affigi, quæ præmissa suo quasi sonoro præconio & patulo indicio publicabunt, ut idem Castrutius nullam possit excusationem prætere, quod ad eum non pervenerit, vel quod ignoravit eadem, cum non sit verisimile quoad ipsum remanere incognitum vel occultum, quod tam patenter omnibus publicatur. Volentes & auctoritate apostolica decernentes, quod dictæ citationis edictum adeo dictum Castrutium apprehendat & arctet, ac

si sibi dicta citatio fuisset personaliter & solemniter intimata, quacumque constitutione per prædecessores nostros Romanos pontifices in contrarium edita non obstante, cum ad ipsum tutus accessus non pateat ut præfertur. Datum Avenione secundo Kalendas Aprilis, anno duodecimo.

*Privatio & citatio Jacobi olim Episcopi Castellani.*

AD futuram rei memoriam. Dudum fama publica divulgante, ac multarum assertionum sublimium personarum deducto ad nostri apostolatus auditum, quod JACOBUS olim ordinatus episcopus Castellanus, cura dimissa gregis sibi commissi Dominici, ad civitatem Pisanam se conferens, LUDOVICO de Bavaria excommunicato & suis demeritis exigentibus jure, si quod sibi ex electione quæ de ipso celebrata fuisset in discordia dicebatur ad regnum Romanum vel imperium forsitan competeat, & subsequenter suis auctis excessibus omnibus privilegiis apostolicis & imperialibus ac feudis, & bonis quæ à Romana vel quibusvis aliis ecclesiis aut imperio quomodolibet obtinebat, præsertim ducatu Baviaræ, ac omni jure quod ad eum ratione illius pertinere poterat justo privato judicio, hæreticorumque declarato fauore, ac demum de hæresi sententialiter & publicè condemnato, spreto processibus per nos habitis & sententiis tam à nobis, quam à jure promulgatis, pœnisque inflictis adversus adhærentes, faventes, aut præstantes dicto Ludovico auxilium, consilium, vel favorem, adhæserat, vel adhærebat, ac faverat damnabiliter & favebat. Nos nolentes tantæ temeritatis audaciam oculis conniventibus pertransire, præfatum JACOBUM episcopum tam in ecclesia Castellana, quam domibus episcopalibus in quibus ipse consuevit morari, cum nesciretur ubi esset ipse tunc, vel ad ipsum cum dicto Ludovico conversantem tutus non pateret accessus, per publici propositionem edicti citari per nostras certi tenoris litteras fecimus, ut certo jam elapso termino coram nobis personaliter compareret responsurus, facturus & recepturus super prædictis quod justitia suaderet. De qua quidem citatione nobis per litteras & instrumenta confecta super hoc plena extitit facta fides. Cumque præfatus JACOBUS in eodem termino, vel etiam postea diutius expectatus, comparere per se vel per alium non curavit, nos ipsum reputantes & decernentes meritò contumacem, eum excommunicationis sententia propter contumaciam hujusmodi innodamus. Sanè quia ipse cum eodem LUDOVICO in obsidione civitatis Pisanæ, & in ipsa civitate post ipsius occupationem tyrannicam interfuit, eidem Ludovico, suisque complicibus & fautoribus adhærendo, & præstando auxilium, consilium & favorem, ac deinde cum eo seu ipsum sequendo accessit ad Urbem circa coronationem & inunctionem, seu potius & verius execratio-

nempe **J**acobus LUDOVICI eidem assistendo, eumque honorando, & tamquam datus in sensum reprobum, & ingratus Romanæ Ecclesiæ, quæ ipsum JACOBUM ad dignitatem episcopalem promoverat, in præmissis mala malis cumulare & adhærere continuè non verendo. Nos cum præmissa sint adeo notoria, quod non possint aliqua tergiversatione celari, declaramus & pronuntiamus eundem JACOBUM prædictas excommunicationis & suspensionis ab officio & beneficio pœnas & sententias incurrisse. Et nihilominus ad privationis, depositionis, & inhabilitationis pœnas, ad quas infligendas nos contra prælatos & personas ecclesiasticas quæ dicto LUDOVICO adhærere, favere, ac assistere contra tenorem processuum nostrorum præsumerent, absque citatione alia prædiximus processuros, eundem JACOBUM, qui post dictorum publicationem processuum præmissa committere, sicut rei evidentia notoriatur, non expavit, ab omni episcopali dignitate, ac episcopatu Castellano, & sacerdotali officio privamus, de fratrum nostrorum consilio, & ad quascumque dignitates seu beneficia ecclesiastica obtinenda reddimus inhabilem & indignum. Et insuper quia de hæresis, schismatis, aliisque diversis per præmissa criminibus reddidit vehementius se suspectum, eundem per edictum nostrum publicum, cum ipse in sequela dicti LUDOVICI & complicum suorum existens, adiri nequeat commodè personaliter, nec ad ipsum pateat tutus accessus, præsentem hac multitudine copiosa fidelium, de consilio fratrum prædictorum citamus, ut infra Kalendas Julii proximè futuri apostolico conspectui personaliter se præsentet, super fautoria hæreticorum, & hæresis ac schismatis aliisque criminibus, quibus se resperxisse noscitur ex prædictis, sententiam si commodè fieri poterit auditurus ac facturus & recepturus quod justitia suadebit. Quem quidem terminum ad præmissa pœmentorium eidem præfigimus de dictorum fratrum consilio ac etiam assignamus: apertius prædicentes eidem quod sive infra dictum terminum vel in eo comparuerit, sive non comparuerit coram nobis, nos ad ferendum sententiam hujusmodi & alias contra ipsum, prout rationis fuerit & expedire videbimus, absque citatione alia procedemus. Et ut citationis edictum hujusmodi & alia supradicta ad ejusdem JACOBI & aliorum quorum interest notitiam deducatur, præsentem litteras ostiis Avenionensis ecclesiæ faciemus affigi, quæ citationem ipsam & alia in eis contenta suo quasi sonoro præconio & patulo indicio publicabunt: cum non sit verisimile quoad ipsos remanere incognitum vel occultum, quod tam patenter omnibus publicatur. Volentes nihilominus & auctoritate apostolica decernentes, quod dictæ citationis edictum adeo dictum JACOBUM apprehendat & arctet, ac si sibi dicta citatio fuisset præsentia intima, quacumque constitutione contraria per prædecessores nostros Romanos pontifices in contrarium edita non obstante, cum ad eundem JACOBUM tutus accessus non pateat ut præfertur. Datum Avenione secundo

A Kalendas Aprilis, anno duodecimo.

Nota indulgentiæ super statu totius universalis Ecclesiæ.

*Indulgentia orantibus pro statu pacifico Catholicæ Ecclesiæ.*

**A**D perpetuam rei memoriam. Discipulorum Christi gesta nos instruunt, ut in pelago hujus mundi procella surgente, ad divinum confugium recurrere debeamus, illi quidem commotione maris adeo grandi facta, ut fluctus naviculam quam JESUM sequentes intraverunt, operirent, ipsum dormientem vocibus excitarent supplicibus, & adversus ingruentes tempestatis impetus, ab eo salutis præsidium postularunt. Cum itaque catholicam Ecclesiam quæ congregationem fidelium comprehendit, videamus, quod dolentes referimus, pacis æmuli, zizaniorumque fatoris malitia procurante, discordiarum flatibus concitatam, eorumque fluctus adeo elevatos, quod quasi operiant ipsam totam: hæreticos insuper Ecclesiam ipsam cernamus, ac schismaticos impugnare ferociter, ac ut inconsutilem Domini tunicam scindant multipliciter laborare, cum fratrum nostrorum deliberatione præhabita diligenti, expediens, immò necessarium potius existimamus, ut ad illum qui ad dexteram Patris residet in excelsis, qui caput est congregationis ejusdem, cuique potestas omnis tam in cælo quam in terra noscitur tradita, eique venti & maria obediunt & obsecundant, levemus cum manibus corda nostra, ipsumque devotis pulsantes precibus apud eum sedulis orationibus insistamus, ut insurgentes præmissæ fremitus tempestatis, quæ quidem universorum Christicolarum regna concutit, subditos in dominos fidelitatis violato fœdere erigit, hæreticis, schismaticis ac rebellibus Ecclesiæ sanctæ Dei insurgendi contra ipsam, ejusque jura usurpandi, insania damnabili ausum pandit, status cessare fluctusque prædictos quiescere sua faciat omnipotenti virtute, cordaque hæreticorum, schismaticorum aliorumque rebellium ad Dei & Ecclesiæ unitatem & devotionem inclinet & habiliter, vel si forsitan in præmissis pertinaciter intendunt persistere, ipsorum elidat superbiam, eorumque obstinatum malitiam suæ virtute dexteræ conterat & prosternat, corda quoque subditorum ad eorum superiores, ac ipsorum superiorum convertat ad subditos, ipsosque dissidentes in concordie unitate conciliet & confirmet, sicque det ipsis superioribus præsidere, quod sic regant & dirigant quod eorum regimen cedat subditis ad salutem perpetuam & quietem & pacem, nobisque ipse cujus providentia in sui dispositione non fallitur, modos & vias aperiat per quos hæc ut in votis gerimus, possimus efficaciter promovere. Et quia in missarum solemnibus ad Deum consueverunt preces effundi devotius, de eorundem fratrum consilio ordinamus, quod in singulis missarum celebrationibus, post dictum à

celebrante, *Pater noster*, responsioneque secuta, A antequam in missa ulterius procedatur, illud canticum, *Latus sum in his quæ dicta sunt mihi*, totum cum *Gloria Patri*, à religiosis, clericis, & aliis litteratis præsentibus cum devotione dicatur: & post dicantur *Kyrie eleyson, Christe eleyson, Kyrie eleison, & Pater noster*. Post quæ isti versiculi subsequuntur: *Domine salvos fac reges, & exaudi nos in die qua invocaverimus te. Salvum fac populum tuum Domine, & benedic hereditati tuæ: & rege eos & extolle illos usque in æternum. Fiat pax in virtute tua, & B abundantia in turribus tuis. Domine exaudi orationem meam. Et clamor meus ad te veniat. Dominus vobiscum. Et cum spiritu tuo. Oramus. Ecclesiæ tuæ, quæsumus Domine, preces benignus admitte, ut destructis adversitatibus & erroribus universis, secura tibi serviat libertate. Hostium nostrorum quæsumus, Domine, elide superbiam, eorumque contumaciam dexteræ tuæ virtute prosterne. Per Christum Dominum nostrum. Amen.* Dicat celebrans consequenter. Nos enim Christi fideles ad exequendum suprascripta promptius donis volentes spiritualibus animare, omnibus verè poenitentibus & confessis tam ipsis celebrantibus, & eis assistentibus observantibus suprascripta, quàm aliis preces tunc devotas Deo fundentibus pro præmissis, diebus & missis singulis quibus hoc fecerint, viginti dies de omnipotentis Dei misericordia, & beatorum Petri & Pauli Apostolorum auctoritate confisi de injunctis sibi poenitentiis relaxamus. Datum Avenione undecimo Kalendas Julii, anno duodecimo.

*Contra Generalem olim Fratrum Minorum.*

A D futuram rei memoriam. Dudum ad nostri apostolatus auditum fide dignorum relatione perducto, quod MICHAËL DE CESENA tunc ordinis fratrum Minorum generalis minister, anno videlicet præterito per totam Quadragesimam & amplius in Urbe moram trahens, nonnulla nefanda cunctis catholicis, contra nos & Ecclesiam sanctam Dei subdole in favorem hæreticorum & rebellium ejusdem Ecclesiæ procurabat. Nos ut valeret obviari præmissis salubrius, eundem Michaëlem, quod infra certum sibi præfixum terminum coram nobis compareret personaliter, per nostras tertii tenoris litteras duximus evocandum. Ipse autem receptis litteris hujusmodi, se constringens infirmum, & impetratis tam à carissimo in Christo filio nostro ROBERTO rege Siciliæ illustri, quàm à dilectis filiis communi Perusino, & quibusdam aliis, excusatoriis ad nos super hoc litteris, suppressa, sicut postmodum evidenter claruit, F veritate, comparere, tamquam sibi de præmissis malè conscius, in præfixo termino non curavit, sed eodem diu elapso termino, per terras rebellium Ecclesiæ transeundo, ad nostram veniens præsentiam, & in nostra curia residens, cum diabolico exagitatus spiritu, nesciret à suis pravis & damnandis conceptibus desistere, nedum præmissa continuare nefanda, sed pejora

& horribilia prioribus, eisdem adhærendo nihilominus hæreticis & rebellibus, ac parando contra nos & ipsam Ecclesiam auxilia, consilia & favores, fratresque prædicti ordinis sui primi propositi & operum damnabiliter fovendo, exaltando, & ad status ejusdem ordinis promovendo, & alios zelatores honoris Dei & Ecclesiæ multipliciter deprimendo, committere continuè, sicut fama seu verius infamia publica, plurimumque bonorum virorum suprascripti ordinis, & aliorum fide dignorum insinuatione & assertione percepimus, non expavit. Cumque hujusmodi detestanda facinora in divinæ majestatis offensam & Ecclesiæ læsionem enormem & fidei, præterire silentio, salva conscientia, nequiremus, eidem Michaëli ad nostram propter hoc præsentiam tunc specialiter evocato, præsentibusque venerabili fratre nostro BERTRANDO episcopo Tusculano, & dilectis filiis Raymundo de Lados procuratore generali, & Petro de Prado ministro provincie sancti Francisci, ac Laurentio de Coalho baccalario conventus Fratrum Avenionensium, prælibati ordinis, præmissa curavimus explicare. Prædicentes eidem quod super illis intendebamus inquirere plenius veritatem. Et quia brevis mora temporis nequaquam ad hæc sufficere videbatur, Nos eidem Michaëli, quem, licet propter præmissa posset rationabiliter carcerali mancipari custodia, tractare propter sui honorem ordinis mirius volumus, sub excommunicationis ac depositionis ab officio, & inhabilitationis ad quoscunque honores, dignitates, gradus, & status ecclesiasticos poenis & sententiis, quas omnes & singulas ipsum incurrere volumus ipso facto, si nostræ inhabilitationi non pareret effectualiter districtius duximus inhibendum, ne de civitate Avenionensi, ubi cum nostra curia residemus, recedere absque nostra speciali licentia quomodolibet attentaret. Postmodum verò præfatus Michaël, audita intrusionem quæ de quodam sui ordinis prædicti, per illum iniquitatis filium LUDOVICUM de Bavaria, Dei, & ejusdem Ecclesiæ manifestum persecutorem & E hostem, ac de hæresi sententialiter condemnatum, patrata in Urbe prædicta dicitur, ad quam ipse Michaël pro persona sua nequiter aspirasse dicitur, ac etiam aspirare: intellectoque quod quædam armata galea, quam ipse sibi per dictum Ludovicum mitti procuraverat, sicut patronus ejusdem galeæ affirmavit; postmodum ad portum de Aquis mortuis applicarat, prædictis inhibitione ac poenis & sententiis in contemptum deductis, nocturno tempore latenter & furtivè de civitate prædicta recessit, & associatis sibi quibusdam suæ iniquitatis complicitibus, inter quos erant duo nequam viri, videlicet BONA-GRATIA de ordine prædicto, qui suis excessibus & delictis exigentibus in eadem curia arrestatus, ad sancta Dei evangelia juraverat se de ipsa curia minimè sine nostra speciali licentia recessurum; & quidam Anglicus vocatus GUILLELMUS OKAM ordinis prælibati, contra quem ratione multarum opinionum erronearum & hæreticalium, quas ipse scripserat & dogmati-



saverat, pendebat in eadem curia inquisitio auctoritate nostra diu est jam incepta, & propter hoc erat, ne absque nostra licentia de curia memorata discederet, arrestatus, ad portum supradictum deveniens, seque reddens cum dictis complicitibus fugitivum, primò quamdam navem seu coram, ac deinde galeam supradictam conscendit. Nos autem eorundem MICHAËLIS & complicitum fuga, non absque magnæ admirationis & turbationis materia intellecta, venerabilem fratrem nostrum P. episcopum Portuensensem pro ipsis revocandis à deviis hujusmodi ad dictum portum unà cum nonnullis aliis duximus destinandum. Qui quamvis eos moneri prout melius potuit fecerit & requiri ac citari, nihilominus ut ad curiam memoratam redirent, seque coram nobis præsentarent personaliter, facturi super prædictis quod justitia suaderet, præfatus Michaël tamquam obstinatus in malum & in reprobum sensum datus, pro se suisque complicitibus pertinaciter & irreverenter respondit, se ad nostram nullatenus reversurum præsentiam, sed ad dictos intrusum & LUDOVICUM potius accessurum. Nos etiam eundem Michaellem in audientia nostra publica citari super prædictis fecimus & vocari. Cumque præfati Michaël & complices de civitate Avenionensi prædicta, ubi cum nostra curia residemus, absque nostra licentia recesserint, nec requisiti & citati sicut præmittitur redire voluerint, contumaces & fugitivos, ac hostes Dei & Ecclesiæ fideique Catholicæ, præsertim cum ad hæreticos, rebelles & schismaticos ire sicut præfertur disposuerint, se manifestè reddentes. Nos cum fratrum nostrorum deliberatione super his præhabita diligenti, de ipsorum consilio, præfatos MICHAËLEM, BONAGRATIAM & GUILLELMUM reputamus meritò contumaces, ipsosque ratione contumaciæ hujusmodi excommunicationis sententia innodamus. Et insuper dictum Michaellem prædictas excommunicationis, depositionis, & inhabilitationis pœnas & sententias per nos contra eum promulgatas incurrisse, ac ipsum excommunicatum & depositum ab officio, & inhabilem ad quoscumque honores, dignitates, gradus & status ecclesiasticos, ad quævis beneficia ecclesiastica obtinenda existere, de dictorum fratrum consilio declaramus, tam contra ipsum quàm dictos complices, & eorum fautores, eisque adhærentes super prædictis & ea tangentibus, si, quando, & quoties nobis videbitur, nos processuros ulterius prædicantes. Ut autem præsens processus noster ad communem omnium notitiam deducatur, cartas sive membranas processum continentes eundem, in majoris ecclesiæ Avenionensis affigi vel appendi ostiis faciemus, quæ processum ipsum suo quasi sonoro præconio & patulo indicio publicabunt. Ita quòd prænominati Michaël & complices ejus ac alii quorum interest, nullam possint excusationem prætere, vel ignorantiam allegare, quod ad eos processus hujusmodi non pervenerit, vel quod ignorarent eundem, cum non sit verisimile quoad ipsos remanere incognitum vel occultum quod

A tam patenter fuerit omnibus publicatum. Datum Avenione octavo Idus Junii, anno duodecimo.

*Contra mordentes constitutiones.*

Venerabilibus fratribus archiepiscopo Terraconensi ejusque suffraganeis, ac dilectis filiis inquisitoribus hæreticæ pravitate in provincia Terraconensi auctoritate apostolica deputatis. Quia nonnumquam unius impunitas, dum spe impunitatis ad alios prorogatur, ad culpam nonnullos provocat & invitat, sæpe delinquentibus tyrannicè parcitur, & in eos misericorditer deservitur. Sanè licet dudum quod pertinaciter affirmare, quod Redemptori nostro JESU-CHRISTO ejusque apostolis in his quæ ipsos habuisse scriptura sacra testatur, nequaquam jus ipsis utendi seu consumendi competierit, nec illa vendendi seu donandi jus habuerint, aut ex ipsis alia acquirendi: quæ tamen ipsos de præmissis fecisse scriptura sacra testatur, seu ipsos potuisse facere supponit aperte, cum talis assertio ipsorum usum & gesta evidenter includat in præmissis non iusta: quod utique de usu, gestis seu factis ejusdem Redemptoris nostri Dei filii sentire nefas est, scripturæ sacræ contrarium & doctrinæ apostolicæ inimicum: deliberatione tam cum fratribus nostris sanctæ Romanæ Ecclesiæ cardinalibus, quàm cum multis archiepiscopis, & episcopis, aliisque ecclesiarum prælatis, nec non & cum pluribus sacræ Theologiæ magistris, & utriusque juris professoribus præhabita diligenti, ac de eorundem fratrum consilio, assertionem prædictam pertinacem, deinceps erroneam fore censendam meritò & hæreticam per nos fuerit declaratum. Subsequenter quoque ad audientiam nostram perducto, quod quorundam mentes sic pater mendacii dicebatur excœcasse, quòd ausu nefando ac petulantia improba ausi fuerant defendere publicè præfatam damnatam hæresim, ac etiam approbare; videlicet, quod Christus & ejus apostoli in his quæ habuisse leguntur, tantum habuerant absque jure aliquo simplicem usum facti: ex quo si verum esset sequeretur usum Christi fuisse non iustum, quod profectò blasphemiam continebat, & erat catholicæ fidei inimicum; cum hoc de pertinaci animositate & erronea non esset dubium processisse, omnes & singulos qui verbo & scripto per se vel alium seu alios publicè talia præsumserunt, in damnatam hæresim, ac tales ut hæreticos evitandos fore, de eorundem fratrum consilio declarandum duximus: decernentes quod si quis prædictam hæresim deinceps scienter verbo vel scripto defendere vel approbare præsumeret, ab omnibus deberet tamquam hæreticus evitari. Adhuc tamen sicut multorum insinuatio ad nostrum perduxit auditum, nonnulli in reprobum sensum dari, præcipuè quidam religiosi habitu, sed revera hæretici, & ab unitate Ecclesiæ catholicæ separati, præfatam hæresim approbare præsumunt, ac defendere



dere & dogmatizare, ut alios in sui errorem A pertrahant, non verentur. Ne igitur homines sic perfidi, sic reprobi, suæ gloriantur perversitatis opera sine condignis meritorum stipendiis præteriri, sicque super tantæ temeritatis excessu illius disciplinæ exercenda severitas, per quam & tanti devoti Deo, ejusque sanctæ Ecclesiæ reddantur & humiles, ac deliquisse pœniteat pestilentes, ad devotorum quoque cedat solatium quod vindictam viderint perfidorum; omnes & singulos qui postquam constitutiones nostræ super prædictis editæ ad eorum pervenerint, vel per eos steterit quominus pervenirent notitiam, prædictam hæresim, ut præmittitur, condemnatam ausi fuerint defendere ac approbare, seu eam dogmatizare, & qui de cetero talia publicè vel occultè præsumserint attentare, hæreticos declaramus, sicut & per constitutionem quæ incipit, *Quia quorundam*, duximus declarandos. Et quia indignum est, ut ejus à qua se obedientia subtrahunt, quamquam impugnare temere satagunt, privilegiis perfruantur, ipsos omnibus & singulis tam exemptionis quam aliis quibuscumque privilegiis & gratiis, libertatibus & immunitatibus, tam ordinibus suis quam personis & locis ipsorum sub quacumque forma vel expressione verborum ab apostolica sede concessis, auctoritate apostolica omnino privamus, & præter pœnas alias contra talia præsumentes inflictas, quibus ipsos subjacere volumus, privatos perpetuò, ac ordinariorum locorum jurisdictioni ordinariæ quoad causas omnes & alia omnia decernimus manere subjectos. Quocirca discretionem vestram per apostolica scripta mandamus in virtute sanctæ obedientiæ districtius injungendo, quatenus singulis diebus dominicis & festivis de quibus videritis expedire, tales excommunicatos, hæreticos & schismaticos ac ut, prædicatur, eisdem privilegiis, gratiis, libertatibus, & immunitatibus privatos, vos fratres archiepiscopo & suffraganei, faciatis in ecclesiis vestrarum civitatum & dioceseon publicè nuntiari: ac vos, vestrique vicegerentes, vestra ordinaria, & vos filii inquisitores apostolica auctoritate, adversus eos quos in præmissis vel circa ea summarie, simpliciter & de plano in eisdem civitatibus & diocesibus repereritis deliquisse, tamquam contra hæreticos & schismaticos, ad captionem, inquisitionem, & correctionem, ac punitionem juxta sanctiones canonicas adeò diligenter procedere studeatis, quòd extirpatis de finibus vestris hæresibus hujusmodi, catholica fides illibata remaneat in hac parte, vosque divinæ ac sedis ejusdem gratiam valeatis uberius promereri. Non obstantibus quibuscumque privilegiis, indulgentiis & litteris apostolicis, per quæ vestra vel alicujus vestræ jurisdictioni posset super his vel ea tangentibus quomodolibet impediri, aut ipsi delinquentes, seu eorum aliqui in aliquo se juvare valerent, etiam si de illis esset in præsentibus specialis & expressa; ac de verbo ad verbum mentio facienda; quæ quoad hæc ex superabundanti penitus revocamus. Porro nostræ intentionis existit, quod per præmissa, dictis ordinibus aut

*Theſauri Anecdor. Tom. II.*

fratribus eorundem, qui à prædictis hæresibus ipsarumque defensione, approbatione, dogmatizatione, ac instructione innocentes fuerint & immunes, eorumque privilegiis, gratiis, immunitatibus, & libertatibus nullatenus derogetur. Datum Avenione sexto Idus Augusti, anno duodecimo.

*Eodem modo scribitur archiepiscopo Cesar-Augustano & inquisitoribus, &c.*

B *Pronuntiantur Bertoldus de Nyssen, & alii duo fautores hæreticorum; & irritantur quæ pro Bavaro egerunt in partibus Lombardiæ.*

J O H A N N E S Episcopus servus servorum Dei, ad futuram rei memoriam. Vineæ Domini Sabbaoth licet immeriti divina gerentes permissione sollicitudinem atque curam, providere & agere circumspectius nos oportet, ut non solum prætergredientes catholicæ fidei semitam, & prævaricationem addentes in eandem vineam valeant demoliri, sed etiam favores & auxilia ministrantes eisdem, tamquam degeneres propagines noti fiant, & à veris fidei cultoribus evitentur. Sanè quia licet dudum GALEATIUS, LUCHINUS, MARCUS, JOHANNES, & STEPHANUS, fratres filii damnatæ memoriæ MATTHÆI de Vicecomitibus de Mediolano, de labe pravitatis hæreticæ convicti fuerunt legitimè, & per competentes judices sententialiter condemnati, ac processus & sententiæ hujusmodi condemnationis tam in Lombardiæ, quam in aliis diversis partibus solemniter publicati, multique catholicæ fidei professores, non solum de circumvicinis, sed etiam de aliis partibus contra dictos hæreticos in expugnationem eorum arma sumserunt, qui cum exercitu Ecclesiæ accesserunt, BERTHOLDUS de *Marstern*, dictus *Nyssen* & BERTHOLDUS de *Groyſpach* & FRIDERICUS de *Truendingen*, qui se magnifici viri LUDOVICI ducis Bavarie in regem Romanorum electi, quem regem nominant Romanorum, ambaxiatores & nuntios fore dicebant, dictusque Bertholdus de *Marstern* ejusdem electi in illis partibus pro vicario se gerebat publicè; dictis Galeatio & fratribus favorem multiplicem impendebant; eosdemque hæreticos velut complices & fautores eorum defendere nequiter præsumebant; ordinationes per civitates Lombardiæ ac mandata & præcepta ex parte ejusdem electi sub pœnis gravibus facientes in dictorum hæreticorum favorem & auxilium manifestum, gentes etiam armigeras per unum ex eis, videlicet præfatum Bertholdum de *Marstern*, Mediolanum mittendo adversus exercitum fidelium ejusdem Ecclesiæ contra dictos hæreticos congregatum, dicti Bertholdus de *Marstern*, & alter Bertholdus & Fridericus per competentes judices, quibus legitimè constitit de præmissis sententialiter judicati, pronuntiati, & declarati fuerant fore fautores & defensores hæreticorum supradictorum, ac propter fautoriam hujusmodi excommunicationis sententiæ & perpetuè in-

Bbb

famiae subiacere, omnesque pœnas reales & personales, spirituales & temporales contra fautores hæreticorum editas incurrisse, prout in processibus & sententia super his habitis & prolata contra eos plenius continetur. Ut autem excessus hujusmodi ipsorum Bertholdi de *Marsteron*, & Bertholdi de *Groysspach*, ac Frederici, & sententia contra ipsos promulgata in publicam notitiam deducantur, eosdem fuisse & esse fautores, complices & defensores dictorum hæreticorum publicos & notorios; ac propterea excommunicationis sententiæ & perpetuæ infamiae subiacere, omnesque alias pœnas reales & personales, spirituales & temporales contra fautores, complices & defensores hæreticorum editas incurrisse, de fratrum nostrorum consilio auctoritate apostolica nuntiamus & publicamus, præsentem hac multitudinem fidelium copiosa. Ceterum quia multorum insinuatio fide digna ad apostolatus nostri perduxit auditum, quod idem Bertholdus de *Marsteron* dictus de *Nyssen* post & contra processus nostros super his habitos, & in illis partibus solemniter publicatos, velut vicarius, ut prædicatur, in partibus Italiae electi prædicti, quem regem nominat Romanorum, gentes armigeras & exercitum congregavit & congregat de diversis civitatibus, castris, locis, & terris in dictorum Galeatii & fratrum suorum favorem, præsidium & juvamen contra exercitum fidelium Ecclesiæ memoratæ, contra præfatos hæreticos, eorumque fautores & defensores per ipsam Ecclesiam ordinatum, & quod cum gentibus illis non absque hæreticorum prædictorum fautoria notoria & sequela, ejusdem Ecclesiæ gentes invasit & bellum movit, & exercuit & exercet contra eas: nec his contentus ad frangendum vota fidelium præsumsit & præsumit facere mandata communitatibus & personis singularibus civitatum, castrorum, & aliorum locorum illarum partium sub gravibus pœnis, ne ipse & gentes ipsarum ad exercitum fidelium Ecclesiæ conveniant, vel eisdem inhæreant, aut sequantur eos, seu assistant eisdem. Et tamquam vicarius ejusdem electi communitatibus civitatum, castrorum & locorum prædictorum obedientibus sibi privilegia dudum concessa eisdem de facto innovat & confirmat, aliaque eis de novo concedit. Privilegia verò dictis communitatibus in devotione ejusdem Ecclesiæ consistentibus, sibi que minimè obedientibus concessa de facto revocat, adimit & annullat, pœnas etiam fidelibus eisdem infligit, ipsos condemnat & punit, rerum & famæ jactura, quamquam nullam faciendi prædicta habeat quomodolibet potestatem: propter quod tantæ præsumptioni & usurpationi, prout ad apostolatus nostri spectat officium, occurrere intendentes, eundem Bertholdum de *Nyssen* per publicum præsentis processus edictum de ipsorum fratrum consilio monemus, & sub excommunicationis & privationis privilegiorum & feudorum quæ à Romana vel aliis quibuscumque tenet Ecclesiis, pœnis & sententiis, quas eum ipso facto incurrere volumus, si monitioni & mandato hujusmodi non parebitur, districtius

A injungentes ut infra duorum mensium spatium, quod sibi pro peremptorio termino assignamus, præmissa omnia & singula quatenus ad illa de facto processit, eatenus quantum in ipso erit & possibile fuerit, ipsa de facto studeat revocare, similia proprio, vel ejusdem vicariatus, vel alio quocumque vocabulo seu colore quæsito, nullatenus in posterum præsumpturus, quin immò à fautoria, defensione, omnique adhæsiōe dictorum hæreticorum & rebellium, ac prædicto præsumpto & usurpato vicariatus officio, & quolibet exercitio ejusdem officii infra dictum terminum omninò desistat, nec se de illis per se vel per alium seu alios, directè vel indirectè, publicè vel occultè, aliquatenus intromittat. Nosque nihilominus prædicta omnia & singula per dictum Bertholdum de *Nyssen* sub ejusdem hominis vocabulo vel alio quovis modo præsumpta vel attentata auctoritate prædicta revocamus, cassamus & annullamus, irritamus & viribus vacuumus, ac cassa, vacua & irrita nunciamus, & nullius existere decernimus firmitatis. Mandamus nihilominus universis & singulis patriarchis, archiepiscopis & episcopis, ac aliis ecclesiarum prælatis; nec non ducibus, marchionibus, comitibus, baronibus & nobilibus, universitatibus quoque & communitatibus civitatum, castrorum, & aliorum locorum; ac aliis personis singularibus quibuscumque, cujuscumque status, conditionis, vel dignitatis existant, sub excommunicationis in personas earum, & interdicti in communitates, universitates, civitates, castra, & loca prædicta, pœnis & sententiis, quas ex nunc in ipsos ferimus, & eos nisi infra duorum mensium spatium à data præsentium computandorum hujusmodi monitioni & mandato nostris parere curaverint cum effectu, incurrere volumus ipso facto, ut dicto Bartholdo de *Marsteron* seu de *Nyssen* tamquam vicario, ut præmittitur, vel alii super præmissis vel similibus in nullo pareant vel intendat: processibus aliis quibuscumque per nos seu per dilectum filium nostrum BERTRANDUM tituli sancti Marcelli presbyterum cardinalem apostolicæ sedis legatum, vel alios judices competentes habitis tam contra dictum Bartholdum de *Marsteron* quàm alios, & parentes eisdem in suo robore duraturis. Ut autem processus hujusmodi ad communem omnium notitiam deducatur, cartas sive membranas processum hujusmodi continentes in majoris Ecclesiæ Avenionensis appendi seu affigi ostiis faciemus, quæ processum ipsum suo quasi sonoro præconio & patulo indicio publicabunt, ut dictus Bertholdus & quicumque alii quos processus ipse contingit, nullam possint excusationem prætere, vel ignorantiam allegare quod ad eos processus hujusmodi non pervenerit, vel quod ignorarint eundem, cum non sit verisimile remanere quoad ipsos incognitum vel occultum, quod tam patenter omnibus fuerit publicatum. Datum Avenione secundo Idus Aprilis, Pontificatus nostri anno octavo.

*Privantur Minores Saonenses, privilegiis, &c.  
propter fautoriam Michaëlis de Cesana  
olim generalis Ministri.*

**J**OHANNES episcopus servus servorum Dei ad futuram rei memoriam. Ad nostri apostolatus audientiam dudum multorum fide digna relatione perducto, quod filius ille gehennæ MICHAËL de Cesana olim fratrum ordinis Minorum generalis minister, tam in Urbe ubi per totam quadragesimam tunc præteritam & amplius moram traxerat, quam nonnullis Italiæ partibus horribilia multa & factiones detestandas diversas cum hæreticis & hostibus Ecclesiæ sanctæ Dei fecerat & inierat, & inire continuè, sicut abominanda facta sua subsecuta postmodum manifestarunt evidentiùs, satagebat, aliæque nonnulla tam in ordine quam extra non erubescere committere, quæ in divinæ majestatis offensam, nostram & apostolicæ sedis contumeliâ, ac fidelium & devotorum Ecclesiæ jacturam notabilem, dictorumque hæreticorum & hostium favorem non modicum redundant. Nos his obviare salubriter cupientes, præfatum MICHAËLEM propter hoc ad nostram præsentiam duximus per nostras certi tenoris litteras evocandum. Demum verò ipso in nostra præsentia personaliter constituto, nos venerabili fratre nostro BERTRANDO episcopo Tusculano & quibusdam aliis personis notabilibus ordinis ejusdem præsentibus, eidem causam suæ vocationis exposuimus, & sibi quæ de præmissis volebamus veritatem inquirere duximus intimandum: ipsum nihilominus quamvis, suis excessibus exigentibus justè posset & deberet carcerali mancipari custodiæ, libertati suæ propter honorem dicti ordinis relinquentes, injuncto tamen eidem per nos sub virtute obedientiæ, ac excommunicationis, & depositionis à ministeriatus suo, & inhabilitatis perpetuæ ad quodlibet officium & beneficium ecclesiasticum obtinendum, pœnis & sententiis, quas ipsum si contra faceret incurrere volumus ipso facto, ne de Romana curia recedere quomodolibet præsumeret absque nostra licentia speciali. Ipse verò tamquam malè sibi de prædictis conscius, mandatis, inhibitionibus & pœnis prædictis contemptis damnabiliter, se furtivè, latenter, ac de nocte cum quibusdam suis complicitibus reddidit de dicta curia fugitivum, pœnas incurrendo prædictas, sicut etiam eas per nos postmodum declaratum de fratrum nostrorum consilio extitit incurrisse. Rursus idem MICHAËL post fugam hujusmodi ad Pisanam civitatem, quæ per rebelles & inimicos Dei & Ecclesiæ tyrannicè destinebatur, sicut adhuc detinetur, se conferens, & ibi cum dictis inimicis & rebellibus moram trahens, custodi, gardiano, & conventui prædicti ordinis Minorum Saonensium per suas non absque infamia multa dedit litteras in mandatis, ut interdictum, cui civitas Saonensis certis causis auctoritate apostolica subiacebat, sicut adhuc noscitur subjacere,

*Theſauri Anecdotes. Tom. II.*

A quodque tam per cathedralem quam per alias religiosorum & sæcularium dictæ civitatis Ecclesias & personas ecclesiasticas fuerat usque tunc reverenter & debite observatum, nullatenus ulterius observarent: talia etiam eisdem litteris asserens & affirmans, per quæ manifestum hæreticum & schismaticum se ostendit. Cum itaque fratres & conventus prædicti Saonenses, cæci cæcum sequentes ad præcipitium, seque gravibus pœnis & criminibus involvere non verentes, litteris & mandatis tam iniquis, ac juri & rationi obviis, & à tam reprobo & infano homine contra Deum & suam sanctam Ecclesiam emanatis, paruiſſent damnabiliter celebrando alta voce, seu potius quantum in eis erat profanando, divina officia campana pulsata, Ecclesiæque suæ apertis januis, interdictum hujusmodi, sicut fama seu infamia prædicat publica, & rei notoriabat evidentia, temere violassent, in excommunicationis & varias pœnas alias inflictas contra tales à canonibus incurrendo. Nos licet tunc possemus acrius super tam gravibus & enormibus excessibus procedere contra eos, more tamen patris benivoli conversionem eorum à tam periculosis deviis ad veritatis semitam expectantes, ipsos & eorum singulos, ac fautores & parantes eisdem in præmissis auxilium, consilium vel favorem, monuimus & in Domino fuimus exhortati, eisque nihilominus & eorum singulis sub virtute sanctæ obedientiæ, ac sub pœnis privationis omnium privilegiorum eis per sedem apostolicam concessorum, seu circa prædicandi officium, vel confessiones audiendi, aut ad sepulturam recipiendi eorum corpora qui apud eos eligerent sepulturam, sive circa quæcumque alia eidem ordini sub quacumque forma verborum indulta, nec non & sub pœnis omnibus quæ contra committentes talia, seu eis circa illa parantes auxilium, consilium, vel favorem à canonibus infliguntur seu ordinantur infligi, quas omnes & singulas tam conventum loci prædicti in perpetuum, & singulares personas ejusdem loci & conventus, & alias quæ ut prædicti fieret interdicti violatio consenserunt, seu dederunt auxilium, consilium & favorem, si prædictis monitionibus & mandatis non parent, incurrere volumus ipso facto, districtius duximus injungendum, ut infra festum assumptionis Beatæ Mariæ Virginis dominæ nostræ, tunc proximè instans efficaciter & reverenter ad prædicti observationem interdicti redirent, illudque observarent inviolabiliter, donec per sedem apostolicam foret aliud super hoc ordinatum, ac de illius violatione & ceteris per ipsos in prædictis commissis excessibus, nobis satisfactionem congruam exhiberent. Alioquin conventum civitatis ejusdem Saonensis & fratres omnes & singulos prælibati ordinis, qui præfatis nostris non parent exhortationibus, monitis & mandatis, ex tunc privavimus & privatos denuntiavimus omnibus & singulis privilegiis, gratiis, libertatibus & immunitatibus quibuscumque dicto ordini ejusque professoribus per eandem sedem sub quacumque verborum

Bbb ij

forma concessis, eos incidisse in omnes pœnas contra committentes præmissa, vel aliquod præmissorum infligis per sacros canones seu ordinatas infligi, pronuntiandum duximus ac etiam declarandum: nec nostræ intentionis exitit per dilationem prædictam, licentiam aliquam fratribus prædictis super aliquibus concedere, quæ ipsis agere interdicto durante hujusmodi non liceret. Et ut idem processus noster super prædictis habitus ad communem omnium deduceretur notitiam, cartas sive membranas processum continentes eundem, ostiis seu superliminaribus Avenionensis ecclesiæ appendi fecimus & affigi. Sanè quia licet aliqui fratres singulares conventus Saonensis prædicti ordinis ab eodem recedentes conventu, & à devio divergentes prædicto, ad nostra & Ecclesiæ humiliter redierunt gremium & mandata, conventus tamen & reliqui fratres ipsius tamquam in malum obstinati, & in profundum peccatorum demissi, perdurantes in suis prædictis erroribus, dicto MICHAËLI & aliis hæreticis & schismaticis eorumque fautoribus & sequacibus dam-  
C nabiliter adhærentes, & parantes auxilium, consilium & favorem, infra dictum terminum, vel etiam postea parere non curaverint prædictis exhortationibus salubribus, monitionibus & mandatis, sed præmissis, per quæ sibi perditionis adimebatur laqueus & via parabatur salutis, tamquam in sensum dati reprobum obturantes aures suas, prædictos detestandos excessus continuare, illisque deteriores & horribiliores adjicere præsumserunt hætenus in damnationis suæ cumulum & præsumunt. Nos nolentes, sicut  
D etiam nec debemus, quod tam detestanda facinora in Domini & Salvatoris nostri JESU-CHRISTI opprobrium, Ecclesiæ suæ sanctæ contumeliam & contemptum, ac fidei & fidelium grande scandalum per conventum & fratres prædictos commissa, in succedentia temporum sæcula transeunt sine recordatione punitionis debitæ, prædictos conventum & fratres, qui ad obedientiam nostram & Ecclesiæ ac gremium & mandata redire hætenus non curaverunt, omnibus privilegiis per prædictam sedem apostolicam eisdem indultis, sive circa prædicandi officium, vel confessiones audiendi, aut ad sepulturam recipiendi corpora illorum, qui apud eos elegerint sepeliri, sive circa quæcumque alia eidem ordini sub quacumque forma verborum indulta fore privatos, ac irregularitatis & alias pœnas prædictas & sententias incurrisse, pronuntiamus ac etiam declaramus, eosque privamus nihilominus dictis privilegiis, gratiis, libertatibus & immunitatibus ad cautelam. Universis fidelibus, clericis, & laicis cujuscumque conditionis, status, ordinis, vel dignitatis existant, mandantes tenore præsentium & sub excommunicationis pœna, quam contrarium facientes incurrere volumus ipso facto, districtius inhibentes ne ad conventum ac fratres inobedientes prædictos pro sepulturis, confessionibus, & prædicationibus, aut aliis supradictis recurrere seu adhærere, vel ipsos adire quoquo modo præsumant. Ut autem processus

A noster hujusmodi ad eorundem conventus & fratrum ac aliorum omnium quos tangit seu tangere poterit in futurum, communem notitiam deducatur, cartas sive membranas processum continentes eundem ostiis seu superliminaribus Avenionensis ecclesiæ appendi fecimus & affigi, ut nullam possint excusationem prætere tendere quod ad eos non pervenerit, vel quod ignorarint eundem, cum non sit verisimile quoad ipsos remanere incognitum vel occultum quod tam patenter omnibus publicatur. Datum Avenione decimo Kalendas Januarii, Pontificatus nostri anno tertio-decimo.

## PROCESSUS

### Contra Minores Fratres Saonenses.

**V**enerabili fratri Archiepiscopo Januensi. Super nonnullis gravibus & horrendis excessibus per Fratres conventus ordinis Minorum Saonensium adversus Deum & Ecclesiam sanctam suam damnanda præsumptione commissis, certum processum pridem de fratrum nostrorum consilio habuimus contra eos, cujus tenor dinoscitur esse talis.

**J**OHANNES episcopus servus servorum Dei. Ad futuram rei memoriam. Dignum prorsus arbitramur & debitum, ut ii quos ut peculiares filios enutrivit pia mater Ecclesia, cum eam spreverint, in illam suæ temeritatis cornua erigentes, sic à suis compescantur insolentiis, & de commissis puniantur excessibus, quod & in ipsis dedecus culpæ per decorem ordinetur justitiæ, & in aliis audacia committendi similia, pœnæ formidine refrænetur. Sanè dudum ad audientiam apostolatus nostri multorum fide dignorum relatione perducto, quod vir ille pestilens MICHAËL de Cesana ordinis Fratrum Minorum tunc generalis minister, tam Romæ, ubi per totam Quadragesimam tunc præteritam & ultra moram traxerat, quam in aliis Italiæ partibus multa commiserat, pluresque factiones cum hæreticis & hostibus sanctæ Romanæ Ecclesiæ manifestis inierat, & inire satagebat continuè, prout ejus facta detestabilia subsequuta evidentiùs manifestant, multaque alia tam in ordine, quam extra non erubescerat committere, quæ in divinæ majestatis offensam, nostrum & apostolicæ sedis contemptum, fidelium & devotorum Ecclesiæ jacturam notabilem, ac in hæreticorum & hostium prædictorum favorem non modicum redundabant. Nos eum propterea per nostras certi tenoris litteras ad nostram duximus præsentiam evocandum, ipsoque coram nobis personaliter constituto, sub venerabilis fratris nostri B. episcopi Tusculani, & quarundam aliarum notabilium personarum præfati ordinis præsentia, causam suæ prædictæ vocationis sibi duximus exponendam, insinuantes eidem quod de præmissis volebamus informari plenius & inquirere veritatem. Et licet enormitas excessuum requireret prædictorum ut tradi deberet custodiæ carcerali. Nos tamen



honori ordinis deferre volentes, inuncto sibi sub virtute sanctæ obedientiæ, & sub pœna excommunicationis & depositionis à ministeriis suo, & inhabilitationis perpetuæ ad quodlibet officium & beneficium ecclesiasticum obtinendum, quod de Romana curia nullo modo recedere præsumeret absque nostra licentia speciali: quas pœnas & earum quamlibet ipsum incurere volumus, si contrafaceret, ipso facto, ipsum pristinæ reliquimus libertati. Ipse verò tamquam sibi malè conscius de præmissis, spre-  
 tis præceptis nostris, & pœnis superius anno-  
 tatis, ad fugæ ignominiosæ remedium transi-  
 liens impudenter, cum quibusdam suis in hac  
 parte complicibus furtivè ac sine nostra licentia  
 de curia memorata recessit, sic pœnas eum in-  
 currisse prædictas non extitit dubium, sicut &  
 nos postea de fratrum nostrorum consilio sen-  
 tentialiter duximus declarandum. Adhuc cum  
 dudum civitas Saonensis certis & justis causis  
 auctoritate apostolica supposita fuisset, sicut  
 adhuc supposita noscitur ecclesiastico interdicto,  
 quod tam per cathedralem Ecclesiam quam  
 per alias sæculares & religiosorum conventus  
 civitatis ejusdem servatum reverenter ut debuit  
 fuerat, & eo tempore servabatur, præfatus  
 MICHAËL post fugam dictam ad civitatem Pi-  
 sanam, quæ tyrannicè ab inimicis & rebelli-  
 bus Ecclesiæ detinetur, se personaliter transfe-  
 tens, & inibi cum dictis rebellibus moram tra-  
 hens, velut datus in sensum reprobum, & ve-  
 nurmatus ut faciat malum, in tantam prorupit  
 infamiam, quod custodi, gardiano & conventui  
 Saonensi per suas dedit litteras in mandatis,  
 quod interdictum proprium nullo modo ulterius  
 observarent, talia interserens in præfatis litteris,  
 & affirmans per quæ proculdubio manifestum  
 hæreticum & schismaticum se ostendit. Fratres  
 verò conventus prædicti cæcum sequentes ad  
 præcipitum, seque criminibus variis ac pœnis  
 gravibus involventes, mandatum hujusmodi  
 tam juri quam rationi obvium, hominisque tam  
 reprobis & amentis exequentes, sicut publica  
 fama factique evidentia notoriant, apertis Ec-  
 clesiæ suæ januis, pulsata campana alta voce  
 divina celebrantes, immò potiùs prophanantes  
 officia, violare prædictum interdictum temerè  
 præsumserunt. Ex quibus non est dubium ipsos  
 pœnas excommunicationis & alias varias in-  
 flictas per sacros canones contra committentes  
 talia, incurrisse. Licet autem, ne tam facti per-  
 versi perversitas ceteris transeat in exemplum,  
 tam in conventum quam in personas singulares  
 ejusdem, quæ in præmissis præbuerunt assensum,  
 vel consilium aut favorem, esset severitas potius  
 quam misericordia exercenda. Nos tamen more  
 pii patris conversionem illorum à tam pericu-  
 loso devio ad veritatis semitam affectantes, de  
 fratrum nostrorum consilio, ipsos & eorum quem-  
 libet, ac fautores, præbentesque eis in præmissis  
 auxilium, consilium vel favorem, exhortamur  
 in Domino & monemus, eis nihilominus &  
 eorum singulis sub virtute sanctæ obedientiæ,  
 ac sub pœna privationis omnium privilegiorum  
 eis per sedem apostolicam indultorum

circa prædicandi officium, vel confessiones au-  
 diendi, aut ad sepulturam recipiendi eorum  
 corpora qui apud eos elegerint sepeliri, sive  
 circa quæcumque alia dicto ordini sub quacum-  
 que forma verborum indulta: nec non & sub  
 pœnis omnibus quæ contra committentes talia,  
 seu eis dantes circa illa auxilium, consilium,  
 vel favorem per sacros infliguntur canones vel  
 ordinantur infligi. Quas omnes & singulas tam  
 conventum loci prædicti in perpetuum, & sin-  
 gulares personas ejusdem conventus, & alias  
 quæ ut prædicta violatio interdicti fieret con-  
 senserunt, seu dederunt auxilium, consilium vel  
 favorem, si nostris monitis & mandatis non  
 paruerint, incurere volumus ipso facto: vide-  
 licet, quod infra instans festum assumptionis  
 Domine nostræ efficaciter & realiter ad ob-  
 servantiam præfati redeant interdicti, illudque  
 observent donec per sedem apostolicam aliud  
 super hoc fuerit ordinatum, ac de illius viola-  
 tione & ceteris per ipsos commissis excessibus in  
 prædictis, nobis satisfactionem exhibeant com-  
 petentem: alioquin de fratrum eorundem  
 consilio, nos conventum prædictæ civitatis  
 Saonæ, ac fratres omnes ac singulos qui præ-  
 fatis nostris non paruerint exhortationibus &  
 mandatis, ex nunc prout ex tunc privamus ac  
 privatos denuntiamus omnibus & singulis pri-  
 vilegiis, gratiis, libertatibus, & immunitatibus  
 quibuscumque dicto ordini ejusque professoribus  
 per sedem apostolicam sub quacumque verbo-  
 tum forma concessis, eosque incidisse in omnes  
 pœnas contra committentes præmissa, vel ali-  
 quod eorundem inflictas per sacros canones seu  
 ordinatas infligi, pronuntiamus similiter &  
 etiam declaramus. Per dilationem autem hujus-  
 modi non intendimus ipsis licentiam aliquam  
 impartiri aliqua exercere interim quæ ipsis per  
 interdictum hujusmodi interdicta noscuntur. Ut  
 autem processus noster hujusmodi ad commu-  
 nem omnium notitiam deducatur, cartas sive  
 membranas processum continentes eundem,  
 ecclesiæ Avenionensis affigi ostiis seu superlimi-  
 naribus faciemus, ut omnes & singuli quos pro-  
 cessus ipse contingit, nullam possint justam ex-  
 cusationem prætere, vel ignorantiam alle-  
 gare, quod ad eos non pervenerit, vel quod  
 ignorarint eundem, cum non sit verisimile  
 apud eos remanere incognitum vel occultum,  
 quod tam patentet omnibus publicatur. Da-  
 tum Avenione sexto Idus Julii, anno duode-  
 cimo.

Et licet processus prædictus qui affixus portis  
 ecclesiæ Avenionensis, ut in eo continetur,  
 extitit, ad eorundem fratrum possit & debeat  
 notitiam pervenire, ex superabundanti tamen,  
 & ut ipsi eo citius curent suæ providere salutem,  
 & revocare consultius à devio pedes suos, quo  
 celerius & plenius ejusdem fuerint processus  
 certiores effecti, illum volentes in eis partibus  
 publicari: fraternitati tuæ per apostolica scripta  
 mandamus, quatenus per te vel alium seu alios  
 in Ecclesiis & locis civitatum & dioceseon ac  
 provinciæ Januensis, de quibus tibi videbitur  
 præfatum processum, & contenta in eo studeas



solemniter, ut ad prædictorum fratrum citius possit pervenire notitiam, publicare. Et si, quod absit, contingeret fratres eosdem hujusmodi processui effectualiter non parere, ipsos lapsos in eodem processu præfixo termino in pœnas in ipso contentas, & contra fratres ipsos infligere, incidisse, singulis diebus dominicis & festivis publicè nunties, ex tunc ad publicationem & executionem pœnarum ipsarum contra eos, & ipsorum singulos nihilominus prout processurus, nosque redditurus de præmissis per instrumenta publica certiores. Datum Avenione duodecimo Kalendas Augusti, anno duodecimo.

*In eodem modo scribitur ministro fratrum ordinis Minorum provincie Januensis, mutato ubi dicitur in ecclesiis & locis civitatis & diœcesis, hic dicatur, in ecclesiis & locis tue provincie. Datum ut supra, &c.*

### PROCESSUS

Habitus contra Petrum de Corvaria de ordine Fratrum Minorum hæreticum & schismaticum.

*Pronantiatur hæreticus ac schismaticus.*

**V**enerabili fratri episcopo . . . . Adversus illum hominem reprobum PETRUM DE CORVARIA hæreticum & schismaticum manifestum certum processum nuper de consilio fratrum nostrorum præsentem multitudinem copiosa fidelium habuimus, cujus tenor dinoscitur esse talis.

JOHANNES episcopus servus servorum Dei. Ad perpetuam rei memoriam. Quia consentaneum noscitur rationi, ut quod in omnium fertur injuriam, in communem omnium notitiam deducatur. Idcirco inauditas injurias utique detestabiles & nefandas cunctæ congregationi fidelium his diebus præteritis per filios Belial irrogatas succincto sermone præsentem fidelium multitudinem de fratrum nostrorum consilio decrevimus exponendas. Dudum siquidem propter notorios LUDOVICI de Bavaria olim ducis Bavariæ & in regem Romanorum in discordia, ut dicebatur, electi, excessus & culpas enormes, contumacias quoque diutius continuatas & auctas in divinæ majestatis ab eodem perpetratos offensam, sanctæque Romanæ Ecclesiæ matris omnium fidelium contemptum & contumeliam, ac fidei catholicæ, & cunctorum fidelium periculum & evidens detrimentum, diversos contra ipsum processus cogente conscientia, & justitia exigente, fecimus, & eidem pœnas tam excommunicationis quàm privationis juris, si quod sibi ex electione prædicta acquisitum fuerat, ac feudorum omnium quæ à Romana vel quibuscumque aliis ecclesiis seu imperio obtinebat, & specialiter ducatu Bavariæ, & omni jure quod in eodem, aut ejus occasione vel causa sibi competebat, seu competere poterat quoquo modo: nec non & omnibus privilegiis apostolicis & imperialibus, quatenus ipsum tangere poterant, indultis, prout ejus

**A** excessus ac continuatæ & auctæ exigebant contumaciæ, de fratrum nostrorum consilio successivè duximus infligendos, manifestum eundem hæreticorum fautorem, ac pœnas omnes incurrisse à canonibus infligere talibus nihilominus declarantes. Et quia ad correctionem se non disponebat in aliquo, sed velut in profundum malorum perductus, ad mala malis superaddenda, & offensas offensis cumulandas totum suum studium convertibat; adeo quod publicè præsumerat affirmare, & præsentem populi multitudinem coram se facere prædicari; nec non & per libellos quosdam suo sigillatos sigillo ad diversas civitates & loca tam in Alemaniam & circumvicinis partibus, quam Italiæ, & tyrannis eorum transmissos, quos affigi in locis publicis & exponi publicè fecerat, Quod Christus & apostoli in his quæ habuerunt, non habuerant nisi simplicem usum facti, cujus contrarium nihilominus hæreticum assererat: per quæ apertius ipsum catholicum affirmare pertinaciter apparebat quod constitutio quæ incipit, *Cum inter*, hæreticum declarabat, & hæreticum fore quod eadem constitutio catholicum supponebat: cum illa essent adeo notoria, quod non poterant tergiversatione aliqua occultari. Nos in prædictis læsionem fidei attendentes, de fratrum eorumdem consilio, ipsum hæreticum declaramus, eum nihilominus reprobantes velut hæreticum, & sententialiter condemnantes. Sanè quia qui in sordibus est, dum sordes tergere negligit, aliis sordibus sapius se involvit: infelix homo iste sana consilia respuens, ac perversis dogmatibus acquiescens, ad tantam deductus est insaniam, ut illam damnatam hæresim, videlicet quod ad imperatorem spectat papam destituere & instituere, postquam dicta damnatio tam in Romana curia quàm in Urbe fuerat solemniter publicata, faciens Romæ, præsentem clero & populo, coram se publicè prædicari, ac ut quod ipse credebat interius per exterioris operis evidentiam manifestius declararet, ipse qui nec imperator erat, nec capax dignitatis alicujus, velut hæreticus & schismaticus, & omni honore privatus, contra nos sicut imperator præsumsit de facto, non absque nota insaniam publicè depositionis sententiam promulgare. Et illa erant adeo tam per facti evidentiam notoria, quàm per depositionem plurium testium, quos audiri per nonnullos ex præfatis nostris fratribus ad cautelam fecimus, nec non & patentes ejusdem LUDOVICI litteras, dictam continentes sententiam, ejus sigillo munitas, prout nos & fratres nostri prædicti in eisdem litteris plenius vidimus contineri. Nos considerantes attentè quod in præmissis mora periculum, & damnum dissimulatio minabantur, cum jam ferè per annum expectassemus si à tanta insaniam resiliret: qui cum in sua perfidia obstinatus, in ea continuè ferventiùs inardesceret, cum ex prædictis appareat evidenter ipsum in dictam hæresim incidisse, auctoritate Domini nostri JESU-CHRISTI, cujus vices in terris, licet immeriti, gerimus, cuique per præmissa inaudita injuria noscitur

irrogata, ipsum LUDOVICUM præfente fidelium numerosa multitudo, de eorundem fratrum consilio in præfatam hæresim declaramus incidisse, & ipsum velut hæreticum & schismaticum reprobandum duximus, ac etiam condemnandum, prout præmissa in nostris processibus plenius continentur. Verum quia his non contentus; sed in subversione fidei & totius ecclesiastici ordinis adhuc spirans, statumque suum quærens fulcire indebitè usurpatum, unà cum nonnullis Romanis clericis, qui cleri Romani se procuratores esse dicebant, seu ad eorum instantiam, ad electionem Romani non quidem apostolici, sed apostatici, procedere non expavit. Et quia similis similem sibi quærit, in PETRUM DE CORVARIA, qui dimissa uxore sua legitima, cum qua pluribus annis cohabitaverat, & eam tam in mensa quam in lecto tractarat, prout per processum super hoc per venerabilem fratrem nostrum episcopum Reatinum habitum, & promulgatam sententiam apparet clariùs, Fratrum Minorum assumsit habitum, & pro fratre Minore se gessit: quique ministro provinciali Romano præcipienti sibi & aliis fratribus in urbe Romana morantibus, audito ad Urbem prædictam adventu LUDOVICI prædicti, sub virtute obedientie & excommunicationis poena, ut dictam Urbem exirent; licet omnes fratres alii, tribus exceptis, eidem ministro promtiùs obedirent, ipse tamen obedire renuens, in eadem Urbe remanere præsumsit, ac post ingressum dicti LUDOVICI in eadem Urbe per nostros processus publicatos ibidem solemniter supposita ecclesiastico interdicto, immiscere se divinis in contemptum clavium non erubuit sicut priùs. Propter quæ & alios ejus excessus minister pronuntiavit ipsum in prædictam incidisse sententiam, & mancipandum carceri, prout tam in litteris ministri præfati, quam capituli generalis præterito festo Pentecostes celebrati Bononiæ, nobis missis latius continetur, suam dirigens cœcitatē, ipsum Petrum unà cum dictis clericis qui pro cleri Urbis procuratoribus se gerebant, seu ad earum instantiam, in summum non quidem apostolicum sed apostaticum eligere ac nominare publicè non expavit. Dictusque PETRUS ipsum LUDOVICUM non ignorans verè de hæresi condemnatum, ac privatum omni jure, si quod sibi ex electione prædicta fuerat acquisitum, in gravem Dei offensam, fidei catholicæ præjudicium, ac religionis fidelium evidens detrimentum, velut imitator Luciferi electioni seu nominationi hujusmodi tam nefandæ consentire præsumsit, prius tamen à JACOBO dudum episcopo Castellano suis exigentibus demeritis excommunicato & deposito consecratione seu veriùs execratione recepta, à dicto Ludovico, cui etiam si verus imperator, & dictus PETRUS verus summus existeret pontifex, competere non poterat, se fecit ut summus pontifex coronari: ac velut in profundum malorum corruens, sacrorumque canonum contemptor effectus, ad omnia illicita manus suas extendere non formidans, in præsentia dicti

A LUDOVICI hæretici, & de hæresi condemnati, præsentibus quoque multis excommunicatis & aliis hæreticis, in Urbe interdicto supposita, ut præfertur, profanare divina præsumsit, nonnullos quoque elegit quos cardinales nominavit sedis apostolicæ, quosque pro cardinalibus habuit, & ipsi pro talibus se gesserunt; vicecancellarium insuper, & notarios certos & officiales alios, sicut veri summi pontifices sunt facere soliti, ordinavit: & nihilominus nonnullos archiepiscopos, B episcopos, & abbates, ac alios tam sæcularium quàm regularium ecclesiarum prælatos, suis de facto privavit ecclesiis, dignitatibus & aliis beneficiis, alios de facto instituens & consecrans, seu veriùs execrans, in eisdem. Processus quoque & sententias tam excommunicationis, quàm alias in personas diversas, & interdicti generalis, & alterius in regna, provincias, & dioceses, civitates ac ecclesias fulminans, prout sibi sua infania persuasit. Indulgentias insuper concedere, & dispensare in variis casibus, ac de terris ecclesiæ temerè disponere, & alia C quæ ad veros & legitimos Romanos Pontifices pertinent præsumsit de facto temerariè nimium exercere. Nos itaque in prædictis læsionem fidei, ac nostri salvatoris injurias, patrum quoque sanctorum contemptum & probra, nec non præsentium scandala, & varia posterorum pericula, si memoria tam nefandorum excessuum in succedentia temporum sæcula sine correctione deferatur debita: nec non & varia quæ D mora comminatur pericula attendentes, ac ne vir tam reprobus, qui jam quasi per annum expectatus ut à tam detestabilibus resipisceret excessibus, & ad unitatem Ecclesiæ sanctæ Dei, à qua se damnabiliter separaverat, redire curaret, velut datus in sensum reprobum in præmissis existens pertinaciter mala malis superaddere, ac schismata & dissensiones quas seminarat, quantum in eo fuit, inter christicolæ nutrire ac augere non cessat, gloriatur, ulterius suæ pravitatis opera absque condignis meritorum stipendiis præteriri, ac ne deinceps in E sui erroris devium, ad quod sua tota ferri videtur intentio, plures trahat, tantis malis & periculis occurrere salubriter cupientes, cum præmissa adeò sint notoria, tam per facti evidentiam, utpote præfente clero præfato ac populo publicè attentata, quàm per innumeras litteras de Urbe transmissas nobis & multis ex fratribus nostris præfatis, ac aliis degentibus in curia præsentatas, ac testimonio quasi omnium de Urbe præfata ad curiam venientium hoc asserentium viva voce, nec non per attestationes F testium auctoritate nostra ad cautelam per nonnullos ex nostris fratribus prælibatis receptorum, quod non possunt tergiversatione aliqua occultari. Nos de dictorum fratrum consilio, auctoritate divina, & sanctorum apostolorum Petri & Pauli, & nostra, præfatum PETRUM DE CORVARIA, qui audaci sua ambitione & improba, Ecclesiam Dei, quæ cum una sit, est tamen à Christo per totum mundum in multa membra divisa: episcopatum quoque, qui cum sit unus, est episcoporum tamen mul-

torum concordi numerositate per universum orbem diffusus, nititur scindere, ac per civitates & loca pseudoepiscopos & praelatos alios de facto instituere, ut sic usurpatum statum in suæ & multorum animarum periculum valeat perpetuo retinere, anathemate cum suis auctoribus, fautoribus & sequacibus, à liminibus sanctæ Dei Ecclesiæ separatum, sicut antichristum, & invasorem, ac totius Christianitatis quantum in eo est destructorem, de fratrum nostrorum prædictorum consilio abjicimus, ipsum ab omni gradu ecclesiastico, in quo prius existeret, deponimus de plenitudine potestatis. Quisquis autem recipere, vel eidem qualitercumque tamquam suo pontifici adhærere vel reverentiam exhibere, aut in aliquo ipsum defendere præsumserit, eundem pari sententiæ mancipamus. Et quia præfatus PETRUS sanctam Romanam Ecclesiam ambitione sua damnabili, quantum in eo fuit, confundere ac perturbare tentavit, tam ipsum quam eos qui eum receperunt excommunicationi subjacere volumus, & totius sacri ordinis privatione multavimus: ita ut viatici etiam eis nisi tantum in ultimis communio denegetur. Qui & reputentur, nisi resipiscant, cum impiis, qui non resurgunt in iudicio, ac cum Dathan & Abiron, quos terra vivos absorbit, recipiant portionem: omnipotentis insuper iram, & sanctorum Petri & Pauli prædictorum, quorum Ecclesiam præsumsit, quantum in eo fuit, confundere, in hac vita furorem contra se sentiat, & futura fiat habitatio ejus deserta, & non sit qui inhabitet in tabernaculis ejus, fiant filii ejus orphani & uxor ejus vidua, commoti amoveantur ipsi ac ejus filii & mendicent, & ejiciantur de domibus suis: scrutetur foenerator omnem substantiam ejus, & diripiant alieni labores ejus: Orbis terrarum pugnet contra eum, & cuncta sint ei elementa contraria, & omnium sanctorum quiescentium illum confundant merita, & in hac vita super eum apertam ostendant vindictam. Illos verò qui ei curabunt resistere, ac ipsum persequi & repellere, omnipotentis gratia protegat, & beatorum Petri & Pauli prædictorum absolvat auctoritas ab omnibus vinculis peccatorum. Amen. Sanè quia dictus PETRUS dicti LUDOVICI schismatici & hæretici defensor & fautor notorius & manifestus existit, & in illam hæresim, scilicet quod eidem Ludovico sicut imperatori licuerit & liceat papam deponere & instituere, tam per acceptionem electionis de ipso per ipsum Ludovicum, vel per eos & certos electos cleri Romani procuratores, acceptatam de facto, post depositionis sententiam per dictum LUDOVICUM de facto contra nos temerè fulminatam, & propter multa alia quæ gessit & gerit, incidisse noscatur. Nec non & quia de clavibus Ecclesiæ convincitur perversè sentire, præsertim cum ante suam ignominiosam assumptionem ad statum præfatum seu alium prælationis alicujus per aliquem vel aliquos assumi non poterat, velut qui suo superiori inobediens, excommunicationis sententia innodatus fuerat, & ad carcerem con-

demnatus, & post suam promotionem in Urbe Romana subjecta ecclesiastico interdicto, præsentem etiam dicto Ludovico, divina sicut prius celebrare præsumserat sæpius, immò quantum in eo fuit, veriùs prophanare, religiosos & seculares presbyteros & alios constitutos in sacris ordinibus interdictum violare compellendo, ac ecclesias calicibus, crucibus, & aliis ornamentis ecclesiasticis spoliando, nec non & quia uxori suæ carnali astrictus erat vinculo conjugali: & propter multa alia quæ in sui assumptione & postea tam in Urbe quam alibi noscitur perpetrassè, ipsum de eorumdem fratrum consilio hæreticorum fautorem, & schismaticum, ac hæreticum declaramus, & ut fautorem hæreticorum ac hæreticum, & schismaticum reprobamus, & sententialiter condemnamus, ipsum ab omni gradu ecclesiastico de eorumdem fratrum consilio degradantes, ac in omnes incidisse poenas & sententias inflictas schismaticis & hæreticis, & hæreticorum fautoribus & committentibus delicta alia in quæ ipse committendo præmissa, incidit, declarantes. Et quoniam ipse PETRUS, ut prædicitur, in reprobum sensum datus, multos destituere, multosque instituere, in diversis ecclesiis, nec non dignitates, personatus, & officia, ac præbendas seu beneficia alia ecclesiastica tam in ecclesiis cathedralibus quam collegiatis, regularibus & sæcularibus conferre, nec non & pseudocardinales ac alios officiales, quos Romani pontifices tam clericos quam laicos habere soliti sunt, ordinare & instituere non expavit: ac de terris Romanæ Ecclesiæ, inquisitoria hæreticæ pravitatis in diversis provinciis ordinare præsumsit: & alia insuper facere quæ consueverant per veros summos pontifices expediri. Nos super his providere volentes, quicquid circa ipsum PETRUM per electionem seu nominationem, inunctionem seu potius execrationem & coronationem de facto, ut præmittitur, extitit attentatum, cassum, nullum, & irritum declarantes, ipsa nihilominus in quantum processere de facto cassamus, irritamus, & viribus penitus vacuumus. Ordinationes insuper ab ipso factas, & ab ordinatis ab eo, omnemque institutionem & destitutionem canonicatum, ac præbendarum, dignitatum, personatum, officiorum & beneficiorum ecclesiasticorum & temporalium, quocumque nomine censeantur, ab eodem PETRO, per se vel alium seu alios attentatas; nec non & excommunicationis, suspensionis, seu interdicti, & quascumque sententias ab ipso vel per alium contra quascumque personas ecclesiasticas vel mundanas, cujuscumque status vel conditionis existant; nec non & quascumque alia per ipsum PETRUM ut summum pontificem acta, gesta, data, concessa seu alienata, in perpetuum vel ad tempus, vel alia quolibet attentata, decernimus cassa, nulla & irrita: eaque quatenus processere de facto cassamus, irritamus & viribus vacuumus. Universis quoque patriarchis, archiepiscopis & episcopis, aliisque personis ecclesiasticis quibuscumque in virtute sanctæ obedientiæ, ac sub excommunicationis &

& suspensionis ab officiis & beneficiis, quas non parendo eos incurrere volumus ipso facto, nec non privationis, depositionis & inhabilitationis praelationum, dignitatum, officiorum, & beneficiorum ecclesiasticorum poenis & sententiis: & insuper omnibus & singulis civitatibus, terris & locis, ac universitatibus, communitatibus & personis aliis singularibus quibuscumque, cujuscumque conditionis aut status existant, etiam si imperiali, regali, vel alia quacumque premineant dignitate sub excommunicationis in personas singulares, & interdicti in civitates, terras, loca, eorumque communitates & universitates, quas nisi mandatis & monitionibus nostris cum effectu paruerint, ipso facto incurrant: nec non privationis privilegiorum quorumcumque apostolicorum & imperialium, ac feudorum & bonorum quæ ab eadem Romana vel quibusvis aliis ecclesiis vel imperio obrinent, poenis & sententiis, mandamus & inhibemus expresse, ne prædictum PETRUM hæreticorum fautorem, hæreticum, & schismaticum receperint, defendant, sibi adhæreant, obediant, faveant quomodolibet seu intendant, aut præstent per se vel per alium seu alios publice vel occulte, directe vel indirecte auxilium, consilium, vel favorem, nec eundem pro papa seu summo pontifice vel prælato habeant, teneant, aut nominent quovis modo, sed eum potius velut hæreticorum fautorem, ac schismaticum & hæreticum, & quantum in eo est dictæ Dei Ecclesiæ fideique catholicæ destructorem abjiciant, abhorreant, persequantur, & si poterunt, capiant & fideliter custodiant subdendum Ecclesiæ disciplinæ: nec aliquos ordinatos ab ipso clericos vel laicos, religiosos aut sæculares, aut ad prælaturas seu beneficia vel officia quæcumque ecclesiastica vel mundana, vel ad alia quæque gerenda seu administranda recipiant vel admittant, aut eis in aliquo pareant vel intendant, seu pro talibus habeant; cum ipse, sicut præmittitur, nullam potestatem habuerit nec habeat ordinandi, nec etiam cum ipso aliquam societatem, ligam vel confederationem contrahant, vel contractam observent, nec consentiant etiam contrahendæ. A quibus quidem poenis & sententiis per alium quam Romanum pontificem nullum posse volumus, nisi dumtaxat in mortis articulo, quomodolibet liberari. Eisdem & eorum singulis apertius prædicantes, quod ad inflictionem, publicationem, executionem & aggravationem dictarum poenarum, conjunctim vel divisim, prout excessum cujuslibet enormitas exegerit & expedire videbimus, absque citatione vel monitione alia, si, quando, & quoties opportunum cognoverimus, procedemus. Non obstantibus quibuscumque privilegiis, constitutionibus, seu indultis, quæ contra processum nostrum hujusmodi nulli suffragari volumus; sed ea quoad hæc potius viribus vacuumus. Colligationes autem, pactio-

*Thesauri Anecd. Tom. II.*

adjectione, juramentorum præstatione, vel quacumque alia firmitate vallatas, utpote contra Deum & fidem catholicam & honorem Ecclesiæ sanctæ Dei, & periculum animarum præsumtas cassas & nullas, irritas & inanes, nulliusque firmitatis existere declaramus: ipsas quatenus processerit de facto, & juramenta super hoc præstita relaxantes, dissolventes, & vacuantes penitus viribus nihilominus ad cautelam. Ut autem processus noster hujusmodi ad prædicti PETRI DE CORVARIA hæretici & schismatici ac aliorum quos tangit, seu quorum interest vel interesse poterit in futurum, communem notitiam deducatur, cartas seu membranas processum continentes eundem ostiis Avenionensis Ecclesiæ faciemus appendi, quæ processum ipsum suo quasi sonoro præconio & patulo indicio publicabunt. Ut præfatus PETRUS & alii quos processus ipse contingit, nullam possint excusationem prætere, quod ad eos non pervenerit, vel quod ignorarint eundem; cum non sit verisimile quoad ipsos remanere incognitum vel occultum, quod tam patenter omnibus publicatur. Nulli ergo omnino hominum, &c. Datum Avenione duodecimo Kalendarum Maii, Pontificatus nostri anno tertio-decimo.

Et licet processum eundem ostiis Avenionensis ecclesiæ, ut ad communem omnium deducetur notitiam, appendi fecerimus & affigi, ipsum tamen volentes, ut clarius innotescat fidelibus, solemniter in eis partibus publicari, Fraternitati tuæ per apostolica scripta mandamus, quatenus per te, vel alium, seu alios tam prælatos, quam quoscumque religiosos & sæculares, exemptos & non exemptos, quos ad id, exemptionis & quibusvis aliis privilegiis apostolicis nequaquam obstantibus, compellere si necesse fuerit, appellatione, cessante valeas, processum prædictum & in eo contenta, eis expositis nihilominus ubi & quando expedierit in vulgari singulis diebus dominicis & festivis in ecclesiis & locis tuarum civitatis & diocesis de quibus tibi videbitur, solemniter publicare. Procurans dictum PETRUM hæreticorum fautorem, ac hæreticum, & schismaticum, ac de hæresi & schismate sententialiter condemnatum. & tamquam invasorem & destructorem, quantum in eo est, Ecclesiæ, totiusque christianitatis perpetuo anathemate innodatum, præcisamque à liminibus Ecclesiæ sanctæ Dei, & ab omni gradu ecclesiastico depositum & degradatum: nec non omnes poenas & sententias inflictas schismaticis, hæreticis, eorumque fautoribus, incurrisse. Omnes quoque receptatores ipsius, & eidem adherentes, vel reverentiam exhibentes, aut in aliquo ipsum tamquam summum pontificem defendentes, pari, ut præmittitur, sententiæ subjacere. Et insuper quæcumque per electionem, nominationem, inunctionem seu potius execrationem, & coronationem ipsius attentata existunt, ac ordinationes ab ipso factas, vel ab ordinatis ab eo, omnemque institutionem & destitutionem præbendarum, dignitatum, personatum, & quorumcumque beneficiorum ec-

Ccc



clesiasticorum & temporalium, nec non quæcumque alia circa eundem Petrum, vel per ipsum ut summum pontificem, aut alium suo nomine acta, gesta, data, concessa seu alienata in perpetuum vel ad tempus, aut alia quomodo libet attentata fuerint, cassa, nulla, & irrita publicè studeas nuntiare, faciens sub publicatione hujusmodi confici publica instrumenta principium & finem præsentium continentia, illa postmodum nobis fideliter transmissurus. Datum Avenione decimo Kalendas Junii, Pontificatus nostri anno tertio-decimo.

### SEXTUS PROCESSUS

*Contra Bavarum, per quem declaratur in hæresim incidisse, & velut hæreticus reprobatur ac pronuntiatur.*

**V**enerabili Fratri ... archiepiscopo ejusque suffraganeis... Nuper videlicet die Jovis in coena Domini adversus LUDOVICUM de Bavaria hæreticum & schismaticum quemdam processum de fratrum nostrorum consilio, præsentē multitudine copiosa fidelium, solemniter habuimus, & cartas seu membranas processum continentes eundem postmodum ostiis Avenionensis ecclesiæ affigi, ut ad omnium deduceretur notitiam fecimus tenoris & continentię subsequentis.

JOHANNES servus servorum Dei, ad perpetuam rei memoriam. Ad communem notitiam credimus pervenisse quomodo propter notorios excessus detestabiles, ac culpas enormes, contumaciasque diutiùs continuatas & auctas LUDOVICI de Bavaria olim ducis Bavarie, & discorditer in regem Romanorum, ut dicebatur, electi, qui in Dei contemptum, animæ suæ periculum, nostrumque ac sanctæ Romanæ Ecclesiæ præjudicium, & totius reipublicæ evidens detrimentum, electione hujusmodi per nos, ad quos hujusmodi electionis & electi examinatio, admissio, approbatio ac reprobatio, & repulsio pertinebat, nequaquam admissa, sibi titulum regium regni Romani usurpans temerè, se administrationi dicti regni & Romani imperii præsumsit præsumtuosè nimium immiscere, cum eodem vacante imperio, sicut & tunc vacabat & vacat ad præsens, eorumdem regni & imperii administratio ad sedem apostolicam pertinere noscatur. Hæreticorum insuper Lombardiæ & aliorum rebellium Ecclesiæ sanctæ Dei contra ipsam Ecclesiam se fautorem manifestum exhibuit & constituit publicum defensorem: propter quæ & multa alia per ipsum LUDOVICUM temerè perpetrata, quæ plenius in nostris processibus continentur, contra ipsum post ipsius contumacias manifestas, urgente conscientia, & exigente justitia, de fratrum nostrorum consilio procedentes, varios processus spirituales & temporales pœnas & sententias continentes diversis temporibus auctis ejus contumaciis fecimus & protulimus successivè: primò quidem excommunicationis: secundo verò, privationis juris, si quod ex electione prædicta sibi fuerat acquisitum: & deinde privationis feudorum quæ à Romana Ecclesia vel aliis seu

A imperio obtinebat, & specialiter ducatus prædicti & jurium omnium quæ sibi in eodem ducatu, seu ejus occasione vel causa pertinuerunt vel poterant pertinere: nec non & privilegiorum sibi à sede apostolica vel imperio seu ejus successoribus concessorum, quatenus ipsum tangere poterant, ipsum fautorem hæreticorum publicè nihilominus declarantes, prout hæc in nostris processibus in consistoriis publicis copiosa præsentē multitudine fidelium promulgatis, plenius continentur, cartas seu membranas dictos continentes processus & sententias in ecclesiæ Avenionensis appendi vel affigi ostiis facientes, ipsos processus & sententias nihilominus destinantes omnibus venerabilibus fratribus nostris patriarchis, archiepiscopis, eorumque suffraganeis, ut eos suis subditis publicarent. Et quia nec sic ad viam rediit veritatis, sed potius perverfis intentus dogmatibus in illam noscebatur insaniam prorupisse, quòd damnatam hæresim per constitutionem nostram quæ incipit, *Cum inter*, videlicet quòd Christo & apostolis in rebus quas habuerant, nullum jus competierat, sed tantummodò in eis habuerunt usum facti, asserere præsumserat temerè & publicè, ac in ejus præsentia per alios, ut plures in sui erroris devium traheret, fecerat publicari. Præterea libellum quemdam sigillo suo in eo appenso prædictam continentem hæresim, scilicet quòd Christo & apostolis in rebus quas habuerant nullum jus competiit, sed in illis habuerunt tantummodò usum facti, hoc adjecto, quòd dicere contrarium hæreticum est censendum, prout nos & plures ex fratribus nostris in diversis libellis ejus sigillo sigillatis vidimus contineri, per certos nuntios ad diversas civitates Alemanniæ & circumvicinas partes ac Italiæ, & eorumdem tyrannos, aliarumque partium transmiserat, libellum ipsum in locis affigi publicis & exponi publicè faciens, ut haberet de tanta audacia & insania tali plures testes: ex quibus evidentiùs apparebat ipsum asseruisse pertinaciter fore catholicum, quòd hæreticum esse per dictam constitutionem declaratum fuerat, & hæreticum quòd catholicum dicta constitutio evidentiùs assererat. Præsertim cum in dicto libello dictus LUDOVICUS assererat se in plurium jurasse præsentia omnia contenta in dicto libello se credere esse vera. Nos cum præmissa adeo essent notoria, quòd nequibant tergiversatione aliqua occultari, certa die eidem LUDOVICO præfixa, præsentē multitudine copiosa fidelium, ut super præmissis veniret auditurus sententiam, & factururus quòd justitia suaderet, cum dicta die non compareret, nec postea expectatus diutiùs nec aliquis pro eodem, de fratre eorumdem consilio præsentē fidelium multitudine copiosa eundem LUDOVICUM in dictam incidisse hæresim, ac fore hæreticum declarantes, ipsum velut hæreticum reprobandum duximus & sententialiter condemnandum. Sanè infelix homo iste à prædicta hæresi resilire contemnens, se alia noscitur involvisse. Dudum quidem ad nostram audientiam relatione tam verbali quàm litterali



plurium sublimium personarum, nec non fama publica notoriante producto, quod duo viri nequam, perditionis filii, & maledictionis alumni, videlicet MARSILIUS de Padua & JOHANNES de Janduno quemdam librum composuerant, inter multa alia erronea, continentem quod ad imperatorem spectat papam instituere & destituere ac punire. Nos super illo & nonnullis aliis eorundem articulis erroneis, tam cum fratribus nostris sanctæ Romanæ Ecclesiæ cardinalibus; quam cum multis ecclesiarum prælati, nec non & cum pluribus sacre theologiæ magistris, ac utriusque juris professoribus tunc præsentibus in curia, deliberatione præhabita diligenti, cum in hoc eorum deliberatio resideret, tam præfatum articulum, quam alios in nostro processu prædicto & sententia contentos, esse sacre scripturæ contrarios, fideique catholicæ inimicos, de eorundem fratrum nostrorum consilio in consistorio publico, præsentem fidelium multitudine copiosa, ipsos articulos hæreticales & erroneos: nec non & prædictos Marsilium & Johannem hæreticos, immò hæresiarchas fore manifestos & notorios declarandos duximus, & sententialiter condemnandos: in eadem sententia quod si quis doctrinam prædictam defendere seu approbare præsumeret, cujuscumque dignitatis aut status existeret, deberet ab omnibus tamquam hæreticus confutari. Et licet processus noster prædictus in consistorio publico, præsentem copiosa multitudine fidelium recitatus, ut præmittitur, & dicta sententia promulgata, cartasque & sententiam continentes eisdem in majoris ecclesiæ Avenionensis affigi ostiis fecerimus, seu membranas, ut suo quasi sonoro præconio & patulo indicio ad omnium fidelium notitiam deducerent processus & sententias antedictas. Et nihilominus processus ipsos & sententiam in urbe Romana, & in locis aliis circumvicinis fecerimus publicari, dictus tamen LUDOVICUS velut in reprobum sensum datus, ipsos MARSILIUM & JOHANNEM quos in partibus Alemanniæ in suam familiaritatem admiserat, & sub cujus umbra errores præfatos & multos alios publicè dogmatizare præsumserant, & pertinaciter defensare, ac in Urbe præfata post latam prædictam sententiam prædicantes publicè prædictos damnatos articulos veros esse, in suam familiaritatem non erubuerat retinere. Nec non ad inauditam inductus insaniam, ut quod credebatur interius per evidentiam exterioris operis declararet certa die & loco, convocato publicè clero dictæ Urbis & populo præsentem, præfatus LUDOVICUS hæreticus & schismaticus, pluribus excommunicationum sententiis innodatus, & omni honore privatus, asserens errorem prædictum, videlicet quod imperatori licebat papam deponere, contra nos depositionis de facto præsumsit sententiam promulgare, sicut in dicti LUDOVICI litteris præfatum continentibus sententiam nos & fratres prædicti contineri vidimus, & plurium testium fide dignorum in prolatione sententiæ præsentium, quos per nonnullos ex fratribus

*Theſauri Anecd. Tom. II.*

A nostris ad cautelam examinari fecimus; depositiones continent evidenter: nec non & tam illorum, quam multorum aliorum testium, tam Romanorum quam aliorum, habet depositio & assertio, quod præmissa Romæ & in circumvicinis partibus adeò sunt notoria, sicut facta publicæ clero & populo tunc præsentibus, quod non possunt tergiversatione aliqua occultari. Ne igitur vir tam reprobus, omni divino humanoque timore privatus, de tam præsumtuosa & pertinaci insaniam gloriatur, & ne præsumtoribus ad tam perniciosam & periculosam hæresim pandatur aditus, sed potius præcludatur accessus, cum ex prædictis appareat ipsum in errorem incidisse prædictum, sintque prædicta adeò notoria tam facti evidentia, quam per litteras innumeras de Urbe transmissas, nobis & multis ex fratribus & aliis degentibus in curia præsentatas, & testimonio quasi omnium de Urbe ad curiam venientium hoc asserentium viva voce, ac per attestations testium super his, ut prædictum est, receptorum: nec non & per patentes ipsius LUDOVICI litteras ejus sigillo munitas, per quas inauditam dictam insaniam ad notitiam omnium fidelium deducere intendebat, prout nos & fratres nostri, cum multis erroribus, blasphemis & insaniis aliis in eisdem litteris vidimus contineri. Nos in prædictis læsionem fidei, patrumque sanctorum contemptum & probra, nec non & præsentium scandala, & varia quæ mora comminatur pericula attendentes, ac tantis malis & periculis obviare salubriter cupientes, auctoritate Dei omnipotentis, & Domini nostri JESU-CHRISTI Salvatoris nostri, cujus vices in terris licet immeriti gerimus, cuique ac universæ congregationi fidelium prædicta injuria per dictum LUDOVICUM hæreticum & schismaticum, qui tunicam ejus inconsutilem scindere nititur, noscitur irrogata, de fratrum nostrorum consilio, & plenitudine potestatis, præsentem hac fidelium multitudine copiosa eundem LUDOVICUM in prædictam incidisse damnatam hæresim declaramus; ac ipsum velut hæreticum reprobamus & etiam condemnamus: nihilominus declarantes eum in pœnas inflictas schismaticis & hæreticis, & comittentibus crimina alia quæ per prædicta idem Ludovicus commisisse noscitur; per sacros canones & leges catholicorum principum incidisse, easque omnes & singulas incurrisse. Et quia in prolatione sententiæ supra dictæ, sicut in prædicti LUDOVICI litteris præfatum continentibus sententiam, nos & fratres prædicti contineri vidimus, & plurium testium fide dignorum in prolatione sententiæ præsentium, quos per nonnullos ex fratribus nostris ad cautelam examinari fecimus, depositiones continent evidenter, quod in eadem expressè prædictam hæresim, scilicet quod Christo & apostolis in his quæ habuerunt nulum jus competiit; sed tantummodò usus facti, tenet & approbat; & constitutionem super hoc editam, nititur impugnare sententiam prædictam per nos contra ipsum prolatam propterea approbantes, ipsum nihilominus in dictam inci-

C c c ij

disse hæresim. Et licet ipsum LUDOVICUM A bonis omnibus mobilibus & immobilibus, juribus & jurisdictionibus, & quibuscumque aliis, ubicumque forent, & quibuscumque nominibus censerentur, & specialiter comitatu Palatinatus Rheni, & omni jure ratione vel occasione illius, vel alio quovis modo ad eundem Ludovicum pertinentibus, habendi vocem in electione regis Romanorum in imperatorem promovendi, seu in electione hujusmodi aliquem ad prædicta regnum vel imperium eligendi, seu quomodolibet nominandi, privatum fore decreverimus & privaverimus, exponendis & concedendis catholicis, si, prout, & quando, ac quibus, vel de quibus sedes apostolica ordinandum duxerit, jure principalis domini semper salvo. Vassallos quoque ipsius, & quascumque alias tam ecclesiasticas quàm sæculares personas, nec non communitates, universitates, ac civitates, castra, terras ac villas, quæ sibi fidelitatis vel quibuscumque aliis juramentis tenerentur astricti, prorsus ab illis absolverimus; ac quascumque colligationes, confederationes, societates, pactiones & ligas per quoscumque cum eodem contractas vel initas, etiamsi juramentis, pœnis, vel aliis quibusvis firmitatibus essent innexæ, quatenus favorem aut commodum ipsius concernerent, de potestatis plenitudine penitus dissolverimus, ac pœnas adjectas & juramenta super his præstita relaxaverimus: decernentes quasvis personas singulares, ac communitates, universitates, castra, villas, terras & oppida nequaquam teneri de cetero ad observationem earum, vel cujuslibet earundem. Universis quoque & singulis ecclesiarum prælatis & personis ecclesiasticis, sæcularibus & regularibus, cujuscumque præminentia, dignitatis, ordinis, status vel conditionis existerent, etiamsi patriarchali, pontificali aut majori seu inferiori dignitate fulgerent, nec non regibus, ducibus, principibus, marchionibus, comitibus, baronibus, nobilibus, potestatibus, capitaneis, rectoribus, ac aliis dominis temporalibus, & qui aliquo præmissorum se intitulerent titulo, licet non haberent in eis: communitatibus etiam, universitatibus, civitatibus, castris & villis, & specialiter Mediolanensi, Sagonensi, & Vinanensi, Vercellensi, Pergamensi, Laudensi, Cremonensi, Aretinensi, Novariensi, Papiensi, Mantuanensi, Veronensi, Lucanensi, & aliis quibuscumque inhibuerimus & expressè mandaverimus, ne prædicto LUDOVICO de hæresi, ut prædicatur, condemnato, adhærere, communicare, participare, vel favere quomodocumque directè vel indirectè, publicè vel occultè præsumerent; nec eidem portarent, portari vel mitti facerent aut procurarent granum, vinum, aut quæcumque victualia, pannos, ligna, ferrum, arma seu quævis mercimonia, pecuniam, vel quicquid aliud quod posset in ipsius utilitatem vel commodum redundare. Nec societates, confederationes, colligationes, pactiones, aut ligas quascumque cum eodem initas vel contractas, præsertim in ejus favorem, utilitatem, vel auxilium, observarent. Alioquin personas

quascumque singulares excommunicationis, universitates verò, communitates & collegia, quæ postquam videlicet processus noster præmissa continens ad eorum pervenisset notitiam, vel potuisset pervenire probabiliter, aut per eos iteruisset quominus pervenisset ad eos in hac parte offendissent quomodolibet, nec non terras & loca quorumcumque circa prædicta delinquentium interdicti sententiis, & generaliter pœnis omnibus quibus fautores & defensores hæreticorum & adhærentes eisdem subjiciuntur à jure, vel quibusvis constitutionibus, voluerimus & decreverimus subjacere. Insinuando eisdem nos ad earundem pœnarum declarationem & executionem contra delinquentes hujusmodi processuros specialiter, si, & quando, ac quoties videremus expediens. Non obstantibus si eis vel eorum aliquibus communiter vel divisim à sede foret indultum apostolica, quod interdici, suspendi vel excommunicari non possint per litteras apostolicas, non facientes plenam & expressam ac de verbo ad verbum de indulgentiis hujusmodi mentionem: & quibuslibet privilegiis, indulgentiis & litteris apostolicis generalibus vel specialibus, quibusvis personis, locis vel ordinibus, sub quacumque forma vel expressione verborum concessis, etiamsi de illis esset specialis & expressa ac de verbo ad verbum in nostris litteris mentio facienda; per quæ nullum contra præmissa volumus afferri suffragium, vel obstaculum interponi. Nos omnia & singula supradicta ratificantes, & ex certa scientia approbantes nihilominus in præsentì, privationem, expositionem, concessionem, absolutionem vassallorum, dissolutionem colligationum, relaxationem juramentorum, decretum, inhibitionem, mandatum, pœnasque ac sententias, & omnia alia supradicta: ac volentes omnes & singulos in contrarium facientes pœnas incurrere supradictas. Ut autem sententia & processus hujusmodi ad dicti LUDOVICI & aliorum quorum interest communem notitiam deducantur, cartas sive membranas sententiam & processum continentes eosdem in ecclesiæ Avenionensis appendi seu affigi ostiis seu superliminaribus faciemus, quæ ipsos sententiam & processum suo quasi sonoro præconio & patulo indicio publicabunt. Ita quod dictus LUDOVICUS & alii quos contingere dinoscuntur nullam possint excusationem prætere, quòd ad eos non pervenerint, vel quòd ignorarint eosdem, cum non sit verisimile quoad ipsos remanere incognitum vel occultum, quòd tam patenter omnibus publicatur. Datum Avenione duodecimo Kalendas Maii, anno tertio-decimo.

Volentes igitur ex superabundanti prædictum processum & contenta in eo in eis partibus, ut clariùs innotescant fidelibus, ipsique cautiùs vitare prædicti Ludovici hæretici & schismatici adhæSIONem & commercium valeant, publicari, fraternitati vestræ per apostolica scripta mandamus, quatenus per vos vel alium seu alios memoratum processum & contenta in eo in ecclesiis & locis vestrarum civitatum & dioceseon, de quibus vobis videbitur, singulis diebus

dominicis & festivis publicantes, dictum LUDOVICUM hæreticum & schismaticum pulsatis campanis & candelis accensis nuntietis & faciatis publicè nuntiari, fideles commonendo prædictos, ne cum eodem hæretico & schismatico, ac suis complicitibus, sequacibus & fautoribus communionem vel commercium haberent quovis modo, nec eisdem adhæreant aut præstent per se vel alium seu alios, directè vel indirectè, publicè vel occultè auxilium, consilium vel favorem. Quòd si contrarium attentare præsumserint quoquo modo, poenas in eodem & aliis nostris processibus adversus tales inflictas, eos incurrere volumus ipso facto, facientes nihilominus super publicatione & denuntiatione hujusmodi confici publica instrumenta, principium & finem præsentium continentia, illa nobis postmodum fideliter transmissuri. Datum Avenione tertio-nonas Maii, Pontificatus nostri anno tertio decimo.

*In eodem modo scriptum fuit legato Lombardiæ.*

*Simili modo scriptum fuit legato Tusciæ.*

*Eodem modo scriptum fuit singulis rectoribus terrarum Ecclesiæ.*

*In eodem modo diversis ecclesiarum prælatis & executoribus.*

## PROCESSUS

### Prædicationis crucis contra Bavarum.

**V**enerabilibus fratribus... archiepiscopo Mediolanensi ejusque suffraganeis: & dilectis filiis electo Papiensi, ac sancti Ambrosii, & sancti Dionysii, ac sancti Celsi monasteriorum abbatibus. Ad publicam notitiam non ambigimus pervenisse, quomodo nos dudum volentes certis dubiis, quæ inter nonnullos viros vertebantur scholasticos, finem dare, de fratrum nostrorum consilio duximus declarandum, quòd pertinaciter affirmare quòd Redemptori nostro Domino JESU-CHRISTO, ejusque apostolis in iis quæ ipsos habuisse scriptura sacra testatur, nequaquam jus ipsis utendi seu consumendi competeat, nec illa vendendi seu donandi jus habuerint, aut ex ipsis alia acquirendi: quæ tamen ipsos de præmissis fecisse scriptura sacra testatur, seu ipsos potuisse facere supponit apertè, cum talis assertio ipsorum usum & gesta evidenter includeret in præmissis non iusta; quod utique de usu, gestis seu factis Redemptoris nostri Dei Filii sentire nefas, est sacræ scripturæ contrarium, & doctrinæ catholicæ inimicum, assertionem ipsam pertinacem de fratrum eorundem consilio deinceps erroneam fore censendam & hæreticam duximus declarandam. Nec non & quomodo subsequenter, cum ad nostram notitiam fama publica perduxisset, quòd nonnullorum mentes dicebatur pater mendacit adeò excæcasse, quod ausu nefando ac petulantia improba ausi fuerant defendere publicè damnatam hæresim per constitutionem prædictam ac etiam approbare, videlicet Quòd Chri-

**A**stus & ejus apostoli in his quæ habuisse leguntur tantum habuerunt absque jure aliquo simplicem usum facti: ex quo, si verum esset, sequeretur usum Christi fuisse non iustum; quod profectò blasphemiam continet, & esset catholicæ fidei inimicum; cum hoc de pertinaci animositate erronea non esset dubium processisse: omnes & singulos qui verbo & scripto per se vel alium seu alios talia præsumserant publicè, ipsos quoque qui eos instruxerant in talibus, & ut præmissa facerent docuerunt, in damnatam incidisse hæresim, ac evitandos fore ut hæreticos, de fratrum prædictorum consilio per nostram constitutionem aliam quæ incipit, *Quia quorundam*, duximus declarandos, prout hæc in eisdem constitutionibus plenius continentur; quodque cum fama publica, nec non & insinuatio tam verbalis quam litteralis plurium sublimium personarum ad nostrum perduxisset auditum; quòd LUDOVICUS de Bavaria in discordia dudum in regem Romanorum, ut dicebatur, electus, velut in reprobum sensum datus, excessus plures graves committere præsumserat, ex quibus vehementer præsumebatur, immò potius vincebatur apertè clavium sanctæ matris Ecclesiæ evidenter contemtor existere, ac labe respersus hæreticæ pravitatis; utpote quia contra prædictam declarationem factam per constitutionem, *Cum inter*, expressa mentione de illa habita, præsumserat contrarium asserere publicè, ac in ejus præsentia per alios, ut plures in sui erroris traheret devium, facere publicari. Et ut sua insania in plurium notitiam deveniret, libellum quemdam sigillo suo in eodem appenso, inter alia multo falsa & erronea prædictam hæresim continentem, videlicet quòd Christo & apostolis ejus in rebus quas habuerant nullum jus competiit, sed tantummodò usus facti: adjecto insuper per eundem quòd dicere contrarium hæreticum est censendum, prout nos & plures ex fratribus nostris in diversis libellis prædicti LUDOVICI, pendentis sigillo ipsius sigillatis, vidimus contineri, per certos nuntios ad diversas civitates & principes Alemanniæ ac Italiæ, aliarumque partium, nec non & tyrannos & hæreticos partium Italiæ earundem transmissit, libellum ipsum affigi faciens in locis publicis & exponi publicè, ut haberet de tali ac tanta insania plures testes; ex quibus evidentiùs apparebat ipsum asseruisse pertinaciter esse catholicum quòd dicta constitutio hæreticum judicavit, ac fore hæreticum quòd dicta constitutio catholicum declaravit; præcipuè cum in eodem affirmaret libello se credere esse vera. Et insuper quòd LUDOVICUS præfatus cumulans mala malis, duos viros nequam perditionis filios & iniquitatis alumnos, quorum unus MARSILIUM de Padua, & alter JOHANNEM de Janduno, se faciunt nominari, qui ad eundem LUDOVICUM, quem suis demeritis exigentibus velut hæreticorum fautorem & persecutorem sanctæ Romanæ Ecclesiæ, plurimumque aliorum atrocium excessuum patrato-rem, de fratrum ipsorum consilio privavimus jure, si quod sibi ex electione prædicta fuerat

acquisitum, gressus suos propere dirigentes, sibi librum quemdam erroribus plenum & variis hæresibus non vacuum, sicut multorum catholicorum habebat assertio, præsentarant, quos errores & hæreses in terra ipsius LUDOVICI, ac in ipsius præsentia docere sapius, sicut habebat eorumdem insinuatio, præsumserant publice, quamvis nonnulli viri catholici sacris literis eruditi eidem LUDOVICO dicerent doctrinam illam esse hæreticam, prædictosque MAR-  
**SILIUM** & **JOHANNEM** fore tamquam hæreticos puniendos, periculosumque sibi existere tales ad sui familiaritatem admittere, aut in locis ditioni suæ subditis sustinere. Ipse verò non acquiescens eorum salutaribus monitis, velut credens prædictos errores & hæreses, ipsos in suos familiares retinuerat, eosdem errores publicè dogmatizare permittens. Et adhuc quod ligatus diversis excommunicationum sententiis in locis ecclesiastico suppositis interdicto, divina faciebat etiam nonnumquam contra rectorum ecclesiarum & religiosorum voluntatem & beneplacitum, excommunicatis & interdictis præsentibus, celebrari, immò quantum in eo erat prophætare, ipsos sub pœna mortis in locis variis, ut hoc facerent, compellendo. Nos autem attendentes quòd juxta doctrinam apostoli arguendi sunt publicè qui peccare publicè non formidant, utilitatisque reipublicæ peccata nocentium deduci notionem in publicam expedire, cum ad præfatum LUDOVICUM non esset tutus accessus, per quem nostra ad eum posset redargutio per nuntios vel litteras pervenire, ipsos excessus multitudini tunc astantium fidelium non absque dolore ingenti animi duximus referendos, ut sic saltem ad eum circa excessus hujusmodi nostra reprehensio perveniret. Et licet tunc, justitia exigente, possemus super prædictis, quæ adeo erant notoria, quòd nulla tergiversatione celari poterant, ad proferendam sententiam procedere contra eum; de benignitate tamen apostolica volentes amplius expectare, an ipse præfatis omissis erroribus, ad finem sanctæ matris Ecclesiæ, & viam si vellent convertere veritatis, ipsum de fratrum prædictorum consilio per edictum publicum, præsentem fidelium eorumdem multitudinem copiosa, citavimus, ut infra certum tunc sibi præfixum terminum coram nobis personaliter compareret, super prædictis facturum quod suaderet ratio, ac sententiam auditurus, præfatum eidem terminum de fratrum eorumdem consilio peremptorium assignantes, apertius etiam prædicentes, quòd si compareret si non, ad prædictam sententiam proferendam procederemus, & alias super prædictis omnibus & singulis conjunctim vel divisim, prout videremus expediens & justitia suaderet. Cumque præfatus LUDOVICUS, qui, ut prædicitur, jure si quod sibi ex electione prædicta fuerat acquisitum, ac subsequenter ejus aucta contumacia, feudis omnibus à Romana, vel quibusvis aliis ecclesiis seu imperio obtinebat, & specialiter ducatu Bavariæ, ac omni jure ad ipsum in eo aut ejus occasione vel causa sibi quomodolibet competenti, nec non & om-

nibus privilegiis apostolicis & imperialibus ei aut suis prædecessoribus concessis, quatenus ipsius tangere poterant commodum, justo privatus extiterat judicio; quique etiam pro fautoria hæreticorum innodatus excommunicationis sententia, quam per biennium & ultra indurato sustinuerat, sicut & tunc sustinebat animo, manifestus hæreticorum fautor declaratus fuerat, & pœnas omnes à canonibus inflictas talibus, incurrisse: prout in processibus contra eum habitis plenius continetur, infra prædictum præfixum sibi terminum comparere per se vel alium non curavit, nec etiam postea de mansuetudine sedis apostolicæ diebus pluribus expectatus, nos eundem reputavimus de eorumdem fratrum consilio meritò contumacem. Et quoniam se ad correctionem præmissorum disponere in aliquo non curavit, sed velut in profundum malorum perductus, mala malis superaddere, offensasque offensis cumulare, & iram Dei contra se jugiter provocare, ac fideles verbis & operibus persequi non cessabat: nos læsionem fidei, patrum quoque sanctorum contemptum & probra, nec non & præsentium scandala, variaque posterorum pericula super his attendentes, obviareque tantis malis & periculis salubriter cupientes, cum essent præmissa sic notoria quòd nequibant tergiversatione aliqua occultari, Dei nomine invocato, de fratrum eorumdem consilio, præsentique fidelium multitudine copiosa, præfatum LUDOVICUM fore hæreticum declaravimus, ac prædictas assertiones per dictam constitutionem hæreticas declarantes, & scripturas quasque continentes easdem, nec non & ipsum LUDOVICUM velut hæreticum reprobavimus, & sententialiter duximus condemnandos. Volentes ut si quis doctrinam seu assertiones prædictas defendere præsumeret, vel etiam approbare, cujuscumque dignitatis, ordinis, conditionis aut status existeret, tamquam hæreticus deberet ab omnibus confutari. Ne itaque tot & tantorum facinorum in divinæ majestatis offensam, & ejusdem Romanæ Ecclesiæ matris omnium fidelium contumeliam & contemptum, fideique catholicæ ac utilitatis reipublicæ detrimentum nequiter patrum in succedentia temporum sæcula sine correctione debita in multorum perniciem memoria deferatur, nec idem LUDOVICUS qui pertinaciter in suis prædictis erroribus & hæresibus persistere, ac excessus excessibus & injurias injuriis cumulare, pacemque Dei & Ecclesiæ perturbare continuè non veretur, ac inter christicolæ schismata, dissensiones & scandala nititur periculosè nimium suscitare, suos pravos & damnandos conceptus per quos cultum ejusdem fidei catholicæ, sine qua Deum nemo videre poterit, depravare, quantum in ipso, satagit ut in partum possit producere, sed potius dextera Domini faciente virtutem obstatum eidem viriliter, & sui damnandi executio propositi elidatur, opportunis remediis providere cupientes, quia in his Dei & ejusdem catholicæ fidei causam agi conspiciamus, illam devotè prosequentibus decrevimus etiam spiri-



tualibus auxiliis assistendum, ut causam ipsam eò ferventiùs prosequantur, quo tutiùs hujusmodi prosecutionis eventum poterunt experiri. Ideoque nos de omnipotentis Dei misericordia, & beatorum Petri & Pauli apostolorum ejus auctoritate confisi, omnibus verè poenitentibus & confessis, qui dictum LUDOVICUM ejusque complices, fautores, & receptatores quamdiu extra dictæ sedis gratiam extiterint, in personis & sumtibus propriis, nec non & iis qui in personis propriis, alienis tamen sumtibus expugnabunt, & super hoc per annum incipendum à die de quo duxeris ordinandum continuum vel interpolatum infra biennium ex tunc complendum proximo laborabunt, tam clericis quàm laïcis, & eis insuper qui suis dumtaxat expensis juxta quantitates & facultates suas destinabunt idoneos bellatores, per dictum tempus moraturos & laboraturos ibidem, illam concedimus veniam peccatorum, quæ concedi per eandem sedem proficiscentibus in terræ sanctæ subsidium consuevit, & in retributione justorum salutis æternæ pollicemur augmentum. Eos autem qui non per annum integrum, sed pro ipsius anni parte in hujusmodi servitio laborabunt, juxta qualitatem laboris & devotionis affectum participes esse volumus indulgentiæ supradictæ. Quod si forsan ipsorum aliquos post iter arreptum in prosecutione dicti negotii ab hac lucē migrare contigerit, vel interim negotium ipsum congrua terminatione compleri, eos integrè participes esse volumus & concedimus indulgentiæ memoratæ. Hujus autem remissionis volumus etiam esse participes juxta quantitatem subsidii & devotionis affectum, omnes qui ad expugnationem prædicti LUDOVICI ac sequacium & fautorum ipsius de bonis suis congrue ministrabunt. Ceterum ne dicti Ludovici hæretici & schismatici, suorumque complicum & sequacium infectionibus venenosis contaminari fideles valeant quoquo modo, nos omnes & singulos tam clericos quàm laïcos cujuscumque status, ordinis, dignitatis vel conditionis existant, etiamsi pontificali vel superiori aut inferiori, vel regali seu quacumque alia præmineant dignitate, præsentium tenore monemus, ac eis & eorum singulis interdici-mus & inhibemus expressè, ne præfatis hæretico & schismatico, ac complicibus & sequacibus adhæreant, pareant, obediant, aut præstent directè vel indirectè, publicè vel occultè, per se vel alium seu alios auxilium, consilium vel favorem. Et si qui forsan contrarium quomodolibet attentarent, ab adhæsione, obedientia, consilio, auxilio & favore prædictis infra decem dierum spatium, postquam monitio nostra hujusmodi ad eorum notitiam pervenerit, vel per eos steterit quominus potuerit pervenisse, omninò desistant, illa sibi vel eorum aliqua de cetero quamdiu extra communionem fidelium, & gratiam sedis apostolicæ fuerint, sicut nunc dinoscuntur existere, nullatenus præstituri. Alioquin eos qui contra monitionem hujusmodi venire, vel aliquid attentare temerariis ausibus præsumserint, in omnes pœnas & sententias

A quas jura & constitutiones quæcumque, nec non & processus nostri hæreticorum & schismaticorum fautoribus, defensoribus, & receptatoribus infligunt, declaramus & volumus incidisse. Apertiùs prædicentes eisdem nihilominùs, quòd ad publicationem, executionem, & aggravationem pœnarum & sententiarum prædictarum, aliarumque inflictionem adversùs eos qui monitioni prædictæ non paruerint cum effectu, prout justum fuerit & expedire videbimus, B absque monitione alia procedemus. Quocirca mandamus quatenus vos & singuli vestrum per vos vel alium seu alios, indulgentiam & monitionem hujusmodi, ac omnia & singula supradicta in ecclesiis & locis civitatis, diocesis & provinciæ Mediolanensis, aliarumque partium, de quibus, ac ubi, quando, & quoties vobis expedire videbitur solemniter publicantes, & exponentes nihilominùs ut meliùs & clariùs intelligantur ab omnibus in vulgari, fideles per verbum prædicationis & aliter prout expediens fuerit, efficacius & instantius inducere studeatis. C Ut suscipientes videlicet qui ex causa majoris devotionis suscipere voluerint signum crucis, suisque cordibus & humeris affigentes ad prosequendum causam Dei hujusmodi, potenter & viriliter se accingant, dictum hæreticum & schismaticum, ejusque sequaces, complices & fautores, velut hostes manifestos Dei & Ecclesiæ, persecutoresque fidei catholicæ persequendo. Super publicatione autem hujusmodi fieri volumus publica instrumenta, principium & finem præsentium continentia, quæ nobis destinare fideliter postmodum procuretis. Datum Avenione septimo Kalendas Julii, anno tertio decimo.

## PROCESSUS

Contra Michaëlem de Cesana declaratum  
hæreticum & schismaticum.

E J O H A N N E S episcopus servus servorum Dei ad perpetuam rei memoriam. Ad nostri apostolatus auditum dudum fide digna relatione perducto, quòd MICHAËL de Cesana olim ordinis fratrum Minorum generalis minister, tunc existens in Urbe, nonnulla cunctis detestanda catholicis procurare contra sanctam Dei Ecclesiam in favorem hæreticorum & rebellium subdolè satagebat: Nos obviare præmissis salubriter cupientes, præfatum MICHAËLEM, ut infra certum sibi præfixum terminum coram nobis se præsentaret personaliter per nostras litteras duximus evocandum, qui assumtis fictitiis & fraudulentis excusationibus, velut de præmissis sibi malè conscius, sicut etiam postmodum rei probavit exitus, infra præfixum sibi super hoc terminum minimè comparere curavit, sed eodem elapso termino per terras hostium & rebellium ejusdem Ecclesiæ transiens, & loca vitans fidelium, ad Romanam applicavit curiam; in qua residendo postmodum cum nesciret à suis execrandis desistere conceptibus, nedum præmissa



continuatione nefanda, sed pejora & horribiliora prioribus eisdem adhærendo nihilominus hæreticis & rebellibus, ac præstando contra ipsam Romanam Ecclesiam auxilia, consilia & favores, committere continuè non expavit. Præmissis itaque ad nostram notitiam fide digna relatione productis, nos ea velut in divinæ majestatis offensam, ac Ecclesiæ fideique catholicæ læsionem redundantia præterire salva conscientia silentio nequeunt, præfato Michaëli ad nostram propter hoc præsentiam evocato, præsentibus venerabili fratre nostro BERTRANDO episcopo Tusculano, ac dilectis filiis Raymundo de Ladots procuratore generali, Petro de Prato ministro provincie sancti Francisci & Laurentio Coalho baccalario conventus fratrum Avenionensium prælibati ordinis, seriøsus explicanda duximus: eidem apertius prædicentes quòd super eis volebamus inquirere veritatem. Cumque ad hoc brevis mora temporis nequaquam sufficeret, præfato Michaëli, qui licet posset & deberet suis excessibus exigentibus carcerali custodiæ rationabiliter mancipari, volentes tamen eundem ob prædicti honorem ordinis tractare humanius, sub excommunicationis ac depositionis ab officio & inhabilitationis ad quoscumque honores, dignitates, gradus & status ecclesiasticos, pœnis & sententiis, quas omnes & singulas ipsum incurrere voluimus ipso facto, si contrarium quomodolibet attentaret, ne de civitate Avenionensi, ubi cum nostra curia tunc residebamus, sicut & nunc residemus absque nostra licentia quovis modo recederet, districtius duximus inhibendum. Verùm postmodum præfatus MICHAËL, audita intrusione illius nequam viri hæresiarchæ ac schismatici manifesti PETRI DE CORBARIO per illum iniquitatis filium LUDOVICUM de Bavaria Dei & Ecclesiæ suæ sanctæ, fideique catholicæ crudelem persecutorem & hostem, tunc patrata in Urbe, furtivè ac latenter de curia nostra recedens, nocturno tempore venire ad portum de Aquis-mortuis festinavit, ad quem quamdam armatam galeam sibi per dictum Ludovicum mitti, sicut patronus ejusdem galeæ asseruit, procurarat. Postmodum autem associatis sibi quibusdam nequitie suæ complicibus, videlicet BONAGRATIA de ordine prædicto, qui suis excessibus & delictis exigentibus in prædicta curia arrestatus, ad sancta Dei Evangelia juraverat, se de prædicta curia sine nostra licentia nullatenus recessurum, & quodam Anglico vocato GUILLELMO OKAM ordinis prælibati, adversus quem ratione multarum opinionum erronearum & hæreticalium, quas ipse scripserat & dogmatizaverat, in eadem curia pendebat inquisitio, quæ jam diu auctoritate nostra erat incœpta, sibi que propterea injunctum fuerat, & etiam ne absque nostra licentia de curia ipsa recederet, arrestatus, se conferens & reddens ignominiosè cum eisdem complicibus fugitivum, primò quamdam navem seu cocham, & deinde galeam supradictam conscendit. Nos igitur fuga dictorum Michaëlis & complicum non sine admiratione & turba-

atione percepta, ipsos adhuc à tam periculoso devio revocare volentes, per venerabilem fratrem nostrum P. episcopum Portuensensem, quem ad dictum portum unà cum nonnullis aliis personis destinavimus, propter hoc moneri & requiri, prout melius & utilius fieri potuit, fecimus & citari, ut ad prædictam redirent curiam, & se coram nobis præsentare curarent personaliter, facturi super prædictis quod justitia suaderet. Ad quæ præfatus MICHAËL tamquam obstinatus in malum & in reprobum sensum datus, pro se dictisque complicibus arroganter & irreverenter respondit, se ad nostram nullatenus reversurum præsentiam, sed ad prædictos LUDOVICUM, quem imperatorem, & PETRUM DE CORVARIA, quem papam nominabat, utique hæreticos & schismaticos, potius accessurum. Subsequenter verò cum hæc ad nostram notitiam pervenissent, nos eodem Michaële citato, cum Bonagratia & Guillelmo OKAM anglico in audientia nostra publica evocato, ac ipso dictisque complicibus non comparentibus, sed in fuga persistentibus antedicta: Nos cum fratribus nostris deliberatione præhabita diligenti, & de ipsorum consilio, eosdem Michaëlem, Bonagratiam & Guillelmum reputavimus merito contumaces, ipsosque ratione contumaciæ hujusmodi excommunicationis sententia innodantes, dictum Michaëlem prædictas excommunicationis, depositionis & inhabilitationis pœnas & sententias per nos contra eum promulgatas, ut præmittitur, declaravimus incurrisse, ac eundem excommunicatum & depositum ab officio & inhabilem ad quoscumque honores, dignitates, gradus & status ecclesiasticos, & quævis beneficia ecclesiastica obtinenda, de dictorum fratrum consilio duximus declarandum, apertius prædicentes nos contra ipsum quàm dictos complices & eorum fautores, eisque adhærentes super prædictis & ea tangentibus, si, quando, & quoties nobis videretur expediens processuros, prout in processu nostro inde solemniter habito, & ostiis ecclesiæ Avenionensis affixo & appenso, ut ad communem omnium deduceretur notitiam, plenius continetur. Sanè quia præfatus Michaël his non contentus, venenum quod corde occultum diu tenuerat evomere publicè, velut in sensum datus reprobum non formidans, ad civitatem Pisanam, quæ per eundem LUDOVICUM de Bavaria, jure si quod sibi ex electione discordi quæ de ipso in regem Romanorum facta dicebatur fuisse quomodolibet competebar justitia exigente privatum, tyrannicè tenebatur, non expavit dirigere gressus suos, ubi cum eisdem LUDOVICO & PETRO DE CORVARIA hæreticis, schismaticis & rebellibus conversans continuè, ipsosque in suis hæresibus, erroribus & damnatis schismatibus fulciens, & præstans eisdem adversus Deum & Ecclesiam ipsam veritatemque catholicam auxilia, consilia & favores, nonnulla erronea & hæreticalia contra constitutiones & declarationes sedis apostolicæ, præsertim contra illam quæ incipit, *Cum inter*, scribere & dogmatizare in diversis locis publicè, sicut

sicut fama seu potius infamia publica notoriat, ac per eadem scripta, ac quorundam etiam depositiones testium receptorum super hoc nobis & eisdem fratribus constitit evidenter, præsumsit pertinaciter asserendo, catholica quæ dicta constitutio hæretica, & hæretica quæ constitutio eadem catholica declaravit: per quæ utique se reddidit de dictis hæresis & schismatis, aliisque diversis criminibus respersum, immò etiam ut hæresiarcham manifestè convictum, satagens per suas falsas, erroneas & hæreticales doctrinas & dogmatizationes huiusmodi, quas verbis & scriptis inculcare suis damnandis molitur conatibus, fideles à sua fidelitate pervertere, ac animos decipere simplicium, secumque deducere in præcipitium damnationis & mortis. Nos itaque ne vir tam reprobis gloriatur ulterius suæ pravitatis opera absque condignis demeritorum stipendiis præteriri, ac ne deinceps in sui erroris devium, ad quod tota sua ferri videtur intentio, plures trahat, tantis malis & periculis occurrere salubriter cupientes, cum præmissa adeo sint notoria, tam per facti evidentiam, quam per plures ipsius litteras ad partes diversas directas, quarum aliquæ ad nostras & fratrum nostrorum prædictorum manus etiam pervenerunt, quod non possint tergiversatione aliqua occultari, de fratribus eorundem consilio, auctoritate Dei omnipotentis, & beatorum Petri & Pauli apostolorum ejus & nostra, præfatum Michaëlem, fautorem hæreticorum, & manifestum hæreticum & hæresiarcham ac schismaticum declaramus, ipsumque ut hæreticorum fautorem, & manifestum hæreticum & hæresiarcham ac schismaticum sententialiter condemnamus, privantes eundem officiis, dignitatibus & honoribus quibuscumque, vel privatum potius declarantes, ipsumque ab omni gradu deponimus, & privilegio nudamus ecclesiastico, ac eum inhabilem ad præmissa reddimus & quodlibet prædictorum, & pœnis omnibus & sententiis spiritualibus & temporalibus quibus divino & ecclesiastico jure hæreticorum fautores, ac hæretici & hæresiarchæ ac schismatici existunt obnoxii plectentes eundem, & velut talem eis fore obnoxium eadem sententia declarantes. Præterea universis archiepiscopis & episcopis, aliisque personis ecclesiasticis quibuscumque in virtute sanctæ obedientiæ, ac sub excommunicationis & suspensionis ab officiis & beneficiis, quas non parendo eos incurrere volumus ipso facto, nec non privationis, depositionis, & inhabilitationis prælationum, dignitatum, officiorum & beneficiorum ecclesiasticorum pœnis & sententiis, & insuper omnibus & singulis civitatibus, terris & locis, ac universitatibus, communitatibus & personis aliis singularibus quibuscumque, cujuscumque conditionis aut status existant, etiamsi imperiali, regali vel alia quacumque præemineant dignitate, sub excommunicationis in personas singulares, & interdicti in civitates, terras, loca eorumque communitates & universitates, quas nisi mandatis & monitionibus nostris cum effectu paruerint ipso facto incurrant; nec non

*Theſauri Anecdor. Tom. II.*

A privationis privilegiorum quorumcumque apostolicorum & imperialium, ac feudorum & bonorum, quæ ab eadem Romana vel quibuscumque aliis ecclesiis seu imperio obtinent, pœnis & sententiis, mandamus & inhibemus expressè, ne prædictum MICHAËLEM hæreticum & schismaticum receiptent, defendant, sibi adhæreant, obediant, faveant quomodolibet, seu intendant, aut præstent per se vel alium seu alios, publicè vel occultè, directè vel indirectè, auxilium, consilium vel favorem, seu eum potius velut hæreticorum fautorem ac schismaticum & hæreticum, & quantum in eo est sanctæ Dei Ecclesiæ fideique catholicæ corruptorem abjiciant, abhorreant, persequantur, & si poterunt capiant & fideliter custodiant subdendum ecclesiasticæ disciplinæ. A quibus quidem pœnis & sententiis per alium quàm Romanum pontificem nullum posse volumus, nisi dumtaxat in mortis articulo, quomodolibet liberari. Eisdem & eorum singulis apertius prædicantes quod ad inflictionem, publicationem, executionem & aggravationem dictarum pœnarum conjunctim vel divisim, prout excessum cujuscumque enormitas exegerit, & expedire videbimus, absque citatione atque monitione alia, si, quando & quoties opportunum cognoverimus, procedemus non obstantibus quibuscumque privilegiis, constitutionibus, seu indultis, etiamsi de illis habenda esset specialis & de verbo ad verbum mentio, quæ contra processum nostrum huiusmodi nullo modo suffragari volumus, sed ea quoad hæc potius viribus vacuumus. Ut autem processus noster huiusmodi ad ejusdem Michaëlis & aliorum quorum interest communem notitiam deducatur, cartas sive membranas processum continentes eundem in majoris Ecclesiæ Avenionensis appendi & affigi ostiis seu superliminaribus faciemus, quæ ipsum processum suo quasi sonoro præconio & patulo indicio publicabunt. Ita quod idem Michaël & alii quos processus ipse contingere dinoscitur, nullam possint exculationem prætere, quod ad eos non pervenerit, vel quod ignorarint eundem, cum non sit verisimile quoad ipsos remanere incognitum vel occultum quod tam patenter omnibus publicatur. Datum Avenione duodecimo Kalendas Maii, Pontificatus nostri anno tertio-decimo.

*Executoria processus precedentis.*

**J**OHANNES Episcopus servus servorum Dei. Venerabili fratri BERTRANDO episcopo Ostiensi, apostolicæ sedis legato, salutem & apostolicam benedictionem.

Dudum contra MICHAËLEM de Cesena olim ordinis fratrum Minorum generalem ministrum, excommunicatum, & ab officio ministeratus, ac omnibus officiis, dignitatibus & honoribus quibuscumque privatum, hæreticum & schismaticum, certum processum de fratribus nostrorum consilio habuimus, cujus tenor sequitur in hæc verba. Johannes, &c. Ad perpetuam rei memo-

D d d

riam. Ad nostri apostolatus auditum, &c. *ut A supra proximè usque in finem.*

Processum autem hujusmodi ex superabundanti volentes in eis partibus solemniter, ut contenta in eo clariùs innotescant fidelibus, publicari; fraternitati tuæ per apostolica scripta mandamus, quatenus per te vel alium seu alios tam prælatos, quàm alios religiosos & seculares in Ecclesiis & locis partium tuæ legationis & aliis de quibus tibi videbitur, præfatum MICHAËLEM à ministeriati dicti ordinis, ac omnibus officiis, dignitatibus & honoribus quibuscumque privatum, ac de hæresi & schismate sententialiter condemnatum, nec non hæreticum, hæresiarcham & schismaticum, ac omni gradu & privilegio ecclesiastico depositum, ac redditum inhabilem & indignum ad præmissa & quodlibet prædictorum, omnibusque poenis & sententiis spiritualibus, & temporalibus, quibus divino & ecclesiastico jure hæreticorum fautores & hæretici, hæresiarchæ & schismatici existunt obnoxii fore subjectum, denunciare publicè, ac ea & omnia alia in prædicto processu contenta studeas diebus dominicis & festivis, solemniter eis expositis in vulgari, nihilominus publicare. Super denuntiatione ac publicatione hujusmodi faciens fieri publica instrumenta, principium & finem præsentium continentia, illa nobis fideliter transmissurus. Datum, &c.

*Aggravatio contra Bavarum ac sibi adherentes, ne quis eis assistat.*

**J**OHANNES episcopus servus servorum Dei. D Ad certitudinem præsentium, & memoriam futurorum. Dudum perversis & damnandis LUDOVICI olim Bavarix ducis, & discorditer in regem Romanorum, sicut dicebatur, electi, conatibus, quem adeo ambitio cæca succenderat, quod ejus electione per sanctam Romanam Ecclesiam, ad quam cujuscumque in regem Romanorum electi, & electionis de ipso factæ approbatio & admissio, vel reprobatio & repulsio pertinere dinoscitur, non admissâ, nec ejus approbatâ personâ, nomen & titulum regium usurpare præsumsit temerè, sequi immiscere administrationi regni & imperii, ac hæreticis & rebellibus favorem, auxilium & consilium contra dictam Ecclesiam impertiri, volentes salubribus remediis obviare, eundem LUDOVICUM per nostrum edictum publicum, cum ad ipsum tutus nequaquam pateret accessus, sub virtute obedientiæ ac excommunicationis poena de fratrum nostrorum consilio monuimus, ut à præmissis infra certum sibi tunc præfixum terminum omninò desisteret, administrationem eandem, quousque per Ecclesiam ipsam approbatus & admissus existeret, nullatenus resumturus, sed revocaturus penitus prout esset sibi possibile, cum effectu, quæcumque de facto per ipsum fuerant in contrarium attentata. Universis prælatis, & aliis quibuscumque personis ecclesiasticis & sæcularibus, nec non communitatibus & universitatibus, sub magnis poenis spiritualibus & temporalibus di-

strictiùs nihilominus injungendo, ut eidem LUDOVICO nullatenus circa præmissa parerent vel intenderent quoquo modo, nec eidem præstarent auxilium super iis, consilium aut favorem: non obstantibus fidelitatis aut aliis quibusvis juramentis eidem præstitis, aut obligationibus, colligationibus, confederationibus, societatibus & pactationibus sub quacumque forma vel expressione verborum cum ipso initis, etiamsi essent juramentis vel adjectione poenarum vallatæ: quæ omnia nulla, cassa & irrita esse de fratrum eorumdem consilio declaravimus, & quatenus de facto præcesserant nulla, cassa & irrita duximus declaranda. Et quia prædictus LUDOVICUS hujusmodi & aliis diversis monitionibus, mandatis & præceptis nostris parere contempsit, damnabiliter deteriora tamquam datus in sensum reprobum jugiter committendo, primo excommunicationis sententia innodatus extitit, ac subsequenter culpis ipsius excrescentibus & contumaciis ejus adauctis, jure, si quod sibi ex electione prædicta fuerat in regnum vel imperium quomodolibet acquisitum: C deinde verò eo excessus excessibus cumulante, ducatu Bavarix, ac omnibus privilegiis tam apostolicis quàm imperialibus, ac bonis & feudis omnibus quæ ab eadem Romana vel quibusvis aliis ecclesiis aut imperio obtrinebat, per diversos processus nostros diversis temporibus habitos, de fratrum eorumdem consilio justo judicio nudatus extitit privatus. Et demùm quia Pharaonis imitatus duritiam, & contemnens sanctæ matris Ecclesiæ disciplinam, nulla correctionis ostendit indicia, sed potius hæreticis & hæreticalibus intendens dogmatibus, ac hæreticos quos in suum admisit consortium, eorumque errores & hæreses defendendo, se ostendit hæreticum manifestè, debitis servatis solemnitatibus primo fautor hæreticorum declaratus, & subsequenter de crimine hæresis fuit sententialiter & publicè per nos de ipso fratrum consilio condemnatus. Postmodum verò idem LUDOVICUS præmissis excessibus enormibus & detestabilibus non contentus, sed tamquam obstinatus in malum & velut demissus in disputationis laqueum continuè conatus suos dirigens ad pejora, imperialis solium dignitatis de facto non sine magna insania & temeritate damnabili usurpare præsumsit, se ad illud per illos quibus non competeat faciens, etiamsi jus sibi competeret, coronari, & ad offendendam Ecclesiam sanctam Dei, ejusque fideles & devotos in Italiæ partibus, in quibus ausu nefando contra prohibitionem remansit Ecclesiæ nihilominus se accingens, nonnullas civitates & loca partium prædictarum, quæ sibi adhæserant, F devastavit horribiliter & immaniter, ac nonnulla ex ipsis ad tantam inopiæ ac paupertatis egestatem deduxit, quòd vix etiam per tractum longissimi temporis adjicere poterunt ut resurgant. Jura insuper & bona imperii dilacerando continuè, fideles & devotos Ecclesiæ persequendo crudeliter, & quantum in eo fuit, de illis partibus effugando. Et demùm nequitia suæ virus conceptum evomens ad subverten-

dum prorsus fidem catholicam, & scindendum dominicam inconfutibilem tunicam, in divinæ majestatis opprobrium, totiusque cœtus fidelium scandalum, periculum, contemptum, execrandis factionibus velut membrum satanæ se disponens, associatis sibi quibusdam suis nequam complicibus, PETRUM de Corvaria, virum utique scandalosum & perfidum, qui olim dimissa uxore sua legitima, cui pluribus annis tam in lecto quam in mensa cohabitaverat, fratrum Minorum assumens, præter uxoris ejusdem consensum, habitum, & pro fratre Minore se gerens, quique ministro suo provinciali Romano inobediens, per ipsum fuit pronuntiatus in excommunicationis incidisse sententiam, & mancipandus carceri, in antipapam assumptus, procurans quod dictus Petrus sic delusoriè & damnablem in antipapam assumptus, pseudo-cardinales & notarios ac officiales alios juxta morem quem servat Romana curia constitueret, aliaque nonnulla præsumeret cunctis catholicis detestanda. Synagogam autem hujusmodi diebus congregatam aliquibus virtutum Dominus misericorditer subito dissipavit. Nosque omnia per eosdem LUDOVICUM & PETRUM attentata circa præmissa vel præmissorum occasione, vel eorundem aliqua, de fratrum eorundem consilio nulla, cassa, & irrita meritò duximus declaranda, præfatum LUDOVICUM tam ex prædictis quam aliis diversis capitulis, multis respersum hæresibus, tamquam hæreticum & schismaticum manifestum, de hæresi & schismate, de fratrum nostrorum consilio, nihilominus condemnantes, adversus eum pœnas infligendo varias, & etiam declarando incurrisse inflictas & comminatas, sicut in diversis processibus nostris supra dictis de fratrum prædictorum consilio solemniter habitis, plenius continetur. Sanè quia fide digna multorum relatio ad nostrum noviter perduxit auditum, quod idem LUDOVICUS, nondum in eo igne avaritiæ & ambitionis extincto, sed potius flatu diabolico inflammato, ad civitatem se contulerat Tridentinam, ubi suis complicibus convocatis, satagit ordinare quod sicut in partibus Italiæ supradictis jura usurpavit imperii, fideles turbavit, eorumque devoravit substantias & consumpsit, sic & in Alemanniæ partibus dammandum in hac parte suum desiderium valeat adimplere, ac vicarios officiales & ministros suos ad easdem partes Alemanniæ disposuit propter hoc destinare. Nos tantis malis & periculis justis obviare remediis cupientes, præfatum LUDOVICUM per hoc edictum nostrum publicum, cum ad eum pro faciendis sibi monitionibus & inhibitionibus hujusmodi non sit tutus accessus, mora que pericula varia comminetur, præsentem hac multitudine copiosa fidelium monemus, & eidem sub excommunicationis pœna, nec non sub pœnis aliis tam spiritualibus quàm temporalibus in eundem inflictis hætenus, quas pro repetitis habere volumus, quibusque ipsum subjacere decernimus, si contrarium fecerit, ipso facto, inhibemus & mandamus expresse, ne ulterius de administratione regni Romani vel

*Theſauri Anecd. Tom. II.*

A imperii se quomodolibet intromittat, nec se regem vel imperatorem nominet, nec ab aliis faciat quantum in eo fuerit nominari, nec sub nomine hujusmodi vel alio quocumque pro dictorum regni & imperii negotiis ad Alemanniæ, vel ad aliquas partes alias, aliquem vel aliquos destinare præsumat, nec vicariatus aut alia quæcumque officia quibusvis nominibus nuncupentur concedat, seu committat alicui vel aliquibus, nec etiam in illis vel aliis partibus jura vel bona regni seu imperii quomodolibet occupet seu pertractet, fidelesque non turbet Ecclesiæ & imperii aut molester: Universis nihilominus & singulis prælatis aut personis ecclesiasticis, sæcularibus & religiosis cujuscumque præminentia, dignitatis, ordinis, status vel conditionis existant, etiam si patriarchali, pontificali, aut majori seu inferiori præfulgeant dignitate, nec non regibus, ducibus, principibus, marchionibus, comitibus, baronibus, nobilibus, potestatibus, capitaneis, rectoribus, & aliis dominis temporalibus, aliisque personis singularibus quibuscumque, ac communitatibus, universitatibus, civitatibus, castris, oppidis, villis & locis, sub excommunicationis in personas singulares, & interdicti in terras, civitates, castra, oppida, & loca ipsorum, ac universitates, communitates & collegia, nec non privationis dignitatum, personatum officiorum, & beneficiorum ecclesiasticorum dictorum prælatorum & personarum ecclesiasticarum, ac tam illorum quàm aliorum quorumcumque privilegiorum apostolicorum & imperialium, feudorum, bonorum, honorum, & officiorum quæ à Romana vel aliis ecclesiis seu imperio obtinent, ac libertatum & immunitatum quorumlibet pœnis inhibemus districtius & mandamus, ne vicariatus vel quodcumque aliud officium vel administrationem hujusmodi, quocumque nomine nuncupetur, recipiant ab eodem, vel alio seu aliis, ejus auctoritate, nomine vel mandato. Et si forsan officium vel administrationem hujusmodi receperint, statim illud vel illam postquam præsens processus ad eorum notitiam pervenerit, vel per eos steterit, quominus pervenire potuerit, dimittere non postponant, illud vel illam nullatenus ulterius resumpturi: neve præfato LUDOVICO aut complicibus, fautoribus, vicariis, ministris vel officialibus ejusdem, quocumque nuncupentur nomine, pareant in aliquo vel intendant, nec eos vel aliquos ipsorum recipiant vel admittant, aut de juribus & proventibus quibuscumque ad regnum Romanum vel imperium spectantibus respondere, vel aliter eis impendere auxilium, consilium vel favorem directè vel indirectè, publicè vel occultè præsumant. Alioquin personas singulares quascumque ecclesiasticas & sæculares cujuscumque sint præminentia, conditionis & status, ecclesiastici vel mundani, excommunicationis, terras verò, civitates, castra, oppida & loca, nec non universitates, communitates & collegia, quæ contra inhibitionem & mandatum nostrum hujusmodi aliquid facere vel attentare temerè præsumserint, interdicti sententias,

D d d ij



quas ex nunc proferimus; nec non personas A ecclesiasticas, præter patriarchas, archiepiscopos & episcopos privationis omnium dignitatum, personatum, & aliorum beneficiorum suorum ecclesiasticorum cum cura vel sine cura, & inhabilitationis poenam ad ea & similia in posterum obtinenda, incurrere volumus ipso facto. Ad privationem dignitatum & prælaturarum dictorum patriarcharum, archiepiscoporum & episcoporum, ac inhabilitationem ad ea & similia obtinenda, nec non privilegiorum quorumcumque apostolicorum & imperialium, ac B feudorum, bonorum & honorum ac libertatum, quæ ipsi vel quicumque alii clerici vel laici à Romana, vel quibusvis aliis ecclesiis seu imperio quomodolibet obtinent, ac libertatum & immunitatum tam contra ipsos quam alias quascunque personas ecclesiasticas & sæculares, cujuscunque status vel conditionis existant, ac alios spirituales & temporales poenas & sententias, de quibus nobis videbitur infligendas seu infligendas declarandas, juxta delictum, contumaciam, C & excessum cujuslibet, si, quando, quoties opportunum cognoverimus, communiter vel divisim, absque monitione & citatione alia, nos processuros apertius prædicentes. Non obstantibus fidelitatis & quibusvis aliis juramentis, per quæ ipsi vel eorum aliqui dicto LUDOVICO se quomodolibet obstrinxissent, ac confederationibus, pactionibus, societatibus & ligis cum eodem seu alio vel aliis nomine suo vel mandato per quascunque personas singulares ecclesiasticas vel sæculares, aut communitates seu universitates, collegia, contractis seu initis, sub D quacunque forma seu expressione verborum, etiamsi poenarum adjectionibus aut juramentorum præstationibus, vel quacunque alia firmitate vallatæ fuissent, utpote in Dei contumeliam, contra bonum pacis, ac in derogationem honoris & status sanctæ matris Ecclesiæ, & præjudicium reipublicæ, animarumque periculum, cum hæretico & schismatico atque excommunicato præsumtas temerè, quæ omnia per processus nostros alios, nulla, cassa, & irrita declaravimus & adhuc etiam declaramus, E & quatenus de facto præcesserunt cassavimus, annullavimus & irritavimus, & nunc ex superabundanti cassamus, annullamus & irritamus, etiamsi post dictos processus aliqua talia fuerint attentata, juramenta dissolventes hujusmodi, & poenas omnes & singulas super prædictis, vel ea tangentibus adjectas quomodolibet relaxantes de plenitudine potestatis. Volumus autem auctoritate apostolica nihilominus decernentes, quod processus noster hujusmodi præfatum LUDOVICUM & alios quos tangere dinoscitur, F apprehendat & arctet, ac si eisdem personaliter & singulariter publicatus & intimatus solemniter extitisset. Constitutione quacunque contra per prædecessores nostros Romanos pontifices edita non obstante. Ut autem processus noster hujusmodi & omnia in eodem contenta ad ejusdem LUDOVICI & aliorum quorum interest communem notitiam deducantur, cartas sive membranas processum continentes eundem in

ecclesiæ Avenionensis appendi vel affigi ostiis seu superliminaribus faciemus, quæ processum ipsum suo quasi sonoro præconio & patulo indicio publicabunt, ut idem LUDOVICUS & alii quos processus ipse contingit, nullam possint excusationem prætere, quod ad eos non pervenerit, vel quod ignorarint eundem, cum non sit verisimile remanere, quoad ipsos incognitum vel occultum, quod tam patenter omnibus publicatur. Datum Avenione sexto Kalendas Februarii, anno decimo quarto.

#### *Executoria processus præcedentis.*

JOHANNES episcopus servus servorum Dei. Venerabili fratri, &c. Ad obviandum damnandis LUDOVICI olim Bavariæ ducis, excommunicati, hæretici, & schismatici ausibus, & fidelium partium Alemanniæ periculis imminutibus occurrendum, pridem certum processum de fratrum nostrorum consilio, præsentem multitudinem copiosam fidelium, habuimus, cujus tenor sequitur in hæc verba. JOHANNES episcopus servus servorum Dei. Ad certitudinem præsentium & memoriam futurorum. Dudum perversis, &c. *ut supra proxime usque in finem.*

Volentes itaque dictum processum & contenta in eo, ut plenius innotescant partium earundem fidelibus, ac ipsi ne per eundem LUDOVICUM suosque sequaces, complices, & ministros inficiantur, decipiantur aut opprimantur, sub poenis & sententiis per processum ipsis infligendis & comminatis, involvantur, sibi providere valeant cautiùs, & ne prætere super his possint ignorantiam, in eisdem partibus solemniter publicari. Fraternitati tuæ per apostolica scripta mandamus, in virtute sanctæ obedientiæ districtiùs injungendo, quatenus per te vel alium seu alios religiosos & sæculares, de quibus tibi videbitur, processum eundem ac omnia & singula quæ continentur in eo in locis & ecclesiis tuarum civitatis & diocesis, de quibus expedire credideris, eis expositis in vulgari nihilominus ut clariùs intelligantur, publicare solemniter, ipsumque LUDOVICUM excommunicatum, hæreticum & schismaticum singulis diebus festivis & dominicis publicè studeas nuntiare. Nos de publicatione hujusmodi per instrumenta publica, principium & finem præsentium continentia, redditurus quantociùs poteris certiores. Datum Avenione.

#### PROCESSUS

##### *Contra Johannem de Claromonte.*

JOHANNES episcopus servus servorum Dei. Ad perpetuam rei memoriam. Crescit facilè in immensum impunita temeritas, & ubi præfidentis auctoritas excedentium culpas non corrigit, cum quadam libertate in deteriora non sine pernicioso exemplo prolabitur qui deliquit. Sanè dudum adversus Ludovicum olim Bavariæ



ducem & discorditer in regem Romanorum, sicut dicebatur, electum, diversos processus de fratrum nostrorum consilio, præsente multitudine copiosa fidelium, habuimus, per quos idem LUDOVICUS propter horrenda crimina & detestandos excessus ipsius, primo excommunicationis innotatus sententiis, ac deinde suis culpis excrecentibus ac contumaciis & inobedientiis continuatis & auctis, jure si quod sibi ex electione prædicta forsan ad regnum Romanum vel imperium acquisitum fuerat, & subsequenter ducatu Bavariæ, ac omnibus privilegiis apostolicis & imperialibus, nec non feudis & bonis quibuscumque quæ à Romana vel quibusvis aliis ecclesiis seu imperio quomodolibet obtinebat, privatus extitit. Et demum quia hæreticis & rebellibus Dei & Ecclesiæ favere & adherere non erubuit, viros Ecclesiæ sanctæ Dei hostes & hæreticos in suum consortium admittendo, & eorum perversis dogmatibus adherendo, primo fautor hæreticorum declaratus, & postea de hæresi qua se respersum manifestè & convictum, fuit iusto judicio sententialiter & publicè condemnatus, diversis pœnis aliis in eum tamquam hæreticum & schismaticum manifestum inflictis. Et licet per processus eosdem de dictorum fratrum consilio habitos, omnes & singulas civitates, communitates, & personas alias singulares quascumque, cujuscumque conditionis aut status existerent, etiam si imperiali vel regali, aut quavis alia dignitate fulgerent, monuerimus publicè, eisque inhibendum districtius in virtute sanctæ obedientiæ, & sub excommunicationis in personas, & interdicti in terras eorum, quas ipsos incurrere voluimus ipso facto, si nostris non obedirent inhibitionibus, monitionibus & mandatis, nec non privationis privilegiorum quorumcumque apostolicorum & imperialium, ac feudorum, quæ ab Ecclesia vel imperio obtinerent, pœnis duxerimus, & mandandum ne prædicto LUDOVICO parerent, faverent, vel intenderent circa regni Romani vel imperii regimen vel administrationem eorum contingentia, favendo vel etiam assistendo, privilegia, immunitates, feuda vel jura quæcumque in eisdem regno vel imperio, ab eodem recipiendo dominium, vel subjectionem aliquam tamquam regi seu in regem Romanorum electo vel imperatori recognoscendo, vel impendendo, terras, potestarias, rectorias seu alia officia, quocumque nomine censerentur, in civitate aliqua vel quovis loco alio, maximè in urbe Romana, seu in regno Sicilia, vel terris aliis Ecclesiæ Romanæ subjectis, aut aliis Italia partibus prædictis, ab ipso seu ejus nomine recipiendo sive etiam exercendo: neve societatem seu confederationem aliquam cum eodem contra Ecclesiam contrahant, vel contractam per eum vel etiam cum eo observarent vel faverent, nec contrahendæ quomodolibet consentirent, nec retinendo ipsum seu fovendo quomodocumque vel qualitercumque in Italia eidem faverent, assisterent aut præstarent cum armis vel sine armis auxilium, consilium vel favorem, publicè vel occultè. A quibus quidem excommunica-

tionis & interdicti sententiis ab alio quàm à Romano pontifice nullum posse absolvi vel liberari voluimus, nisi dumtaxat in mortis articulo ab eadem excommunicationis sententia modo & forma quibus à juribus est provisum, eisdem & eorum singulis tunc apertius nihilominus prædicentes, quod adversus eos qui inhibitionem, monitionem & mandata nostra hujusmodi, directè vel indirectè, publicè vel occultè præsumerent aliquid attentare, ad privationem privilegiorum quorumcumque apostolicorum & imperialium, ac feudorum quæ à Romana vel aliis ecclesiis seu imperio quomodolibet obtinerent, & alias procedere intendebamus absque citatione aliqua, prout facti qualitas exigeret, sicut & quando expediens videremus. Et insuper decrevimus civitates, communitates, universitates, villas, collegia, & quascumque singulares personas, quæ contra monitionem & inhibitionem & mandata nostra hujusmodi dicto LUDOVICO de hæresi & schismate ut præmittitur condemnato, adherere, communicare, participare vel favere quocumque modo, directè vel indirectè, publicè vel occultè præsumerent, vel societates, confederationes, colligationes, pactiones aut ligas quascumque cum eodem initas vel contractas præsertim in ejus favorem, utilitatem vel auxilium observarent, præter pœnas prædictas, omnibus pœnis quibus fautores & defensores hæreticorum subjiciuntur à jure, & quibusvis constitutionibus subjacere, ad pœnarum ipsarum declarationem & executionem contra delinquentes hujusmodi nos processuros, si, quando, & quoties nobis videretur expediens, tunc apertius prædicentes. Tamen post publicationem processuum eorundem, JOHANNES DE CLAROMONTE olim comes M O A C H, qui comes de Claromonte in Sicilia nominatur, prædictis monitionibus, inhibitionibus & mandatis, ac pœnis & sententiis deductis, velut in reprobum sensum datus damnabiliter in contemptum, cum quibusdam armigeris ejus sequacibus ad præsentiam ejusdem LUDOVICI tunc in civitate Pisana morantis, se personaliter conferens, eidem LUDOVICO adhæsit publicè, & cum eodem Romam accessit postmodum, & ibidem moram traxit, & tam sibi quàm PETRO DE CORVARIA hæresiarchæ & schismatico manifestò tam in Urbe prædicta quàm extra adhæsit damnabiliter, publiceque præstitit auxilium, consilium & favorem, parendo & obediendo mandatis eorum, & obsequiis insistendo: nec non ab eodem PETRO DE CORVARIA Marescalliæ officium recipiendo damnabiliter & pro tali publicè se gerendo: ac deinde ad Marchiam Anconitanam, terram utique Romanæ Ecclesiæ peculiarem, & ad jus & proprietatem beati Petri & ejusdem Ecclesiæ pleno jure spectantem, accedens, vicariumque imperii pro dicto LUDOVICO, & rectorem pro eodem PETRO DE CORVARIA hæresiarcha se in eadem Marchia publicè nominans & appellans, provinciam ejusdem Marchiæ aggressus hostiliter extitit, & fideles ibidem persequi & offendere stipatus

caterva multorum hæreticorum & schismaticorum aliorumque suorum sequacium damnabiliter non expavit, confovendo ibidem hæreticos & schismaticos ac rebelles, eisque auxilium, consilium, & favorem præstando ac defensionem in divinæ majestatis offensam, Ecclesiæ Romanæ suorumque fidelium præjudicium publicè ministrando: quæ quidem adeo sunt notoria quòd nulla possint tergiversatione celari, & de his etiam per depositiones fide dignorum testium, quos ex superabundanti super prædictis recipi & examinari mandavimus, plenariè nobis constat. Nos autem volentes tot excessus, iniquitates & scelera per eundem JOHANNEM sic nequiter & enormiter ac diutius in Dei offensam, fidei catholicæ læsionem, ac ejusdem Romanæ Ecclesiæ præjudicium & jacturam perpetrata ulterius sub silentio præterire, præfatum JOHANNEM fuisse & esse hæreticorum fautorem, defensorem & receptatorem, & publicum ac notorium patrimonii & terrarum beati Petri & sanctæ Romanæ Ecclesiæ persecutorem & hostem, ipsumque tam auctoritate prædictorum processuum nostrorum, quàm propter fautoriam & defensionem, receptionem & adhæsiorem dictorum hæreticorum & schismaticorum, & alios suos horrendos excessus fore diversis excommunicationis & pœnis aliis innodatum, omnesque pœnas & sententias tam in processibus supradictis comminatas & latas, quæ personam laicam possunt concernere, quàm contra fautores, auxiliares, defensores & receptatores hæreticorum promulgatas à jure ac quibuscumque constitutionibus, incurrisse: ipsumque omni honore, dignitate ac titulo comitatus de *Moach*, sub dominio Ecclesiæ vel imperii existentis mediatè vel immediatè, & specialiter terra & baronia seu baroniis quas habet in Sicilia, scilicet in castro *Kaccau* vulgariter nuncupato, ac omnibus castris, villis, locis, bonis, possessionibus, privilegiis, indulgentiis, juribus, jurisdictionibus & honoribus quibuscumque, quæ à Romana vel quibuscumque aliis ecclesiis aut imperio in insula Siciliæ, aut quibuscumque locis seu partibus haberet vel obtineret, aliis declaramus de dictorum fratrum consilio & pronuntiamus propter scelera sua & processus prædictos fore privatum, ipsumque privamus eisdem ad cautelam nihilominus, & excommunicationis sententia innodamus. Absolventes insuper à vinculo juramenti fidelitatis omnes & singulos qui eidem juramento hujusmodi sunt alstricti. Sanè quia dictus JOHANNES de hæresi & schismate aliisque diversis criminibus fidem tangentibus catholicam, vehementer reddidit se suspectum: Nos attendentes quod dissimulatio & mora essent super his fidei & fidelibus pericula allaturæ, præfatum Johannem per hoc edictum nostrum publicum, cum ad ipsum, utpote inter inimicos, hostes & rebelles Dei & ecclesiæ persistentem, tutus accessus non pateat, præsentem hac multitudine copiosa fidelium, citamus peremptoriè, ut infra instans festum Ascensionis Domini exclusivè, nostro conspectui personaliter se præ-

A sentet, super eisdem criminibus justam dante Domino sententiam auditurus, ac facturus & recepturus quod justitia suadebit: quem quidem terminum ad præmissa peremptorium eidem de prædictorum fratrum consilio præfigimus ac etiam assignamus. Apertiùs prædicentes eidem, quòd si infradictum terminum vel in eo comparuerit, si non comparuerit coram nobis, nos ad sententiam hujusmodi proferendam & alias contra ipsum, prout rationis fuerit, & expedire videbimus, absque citatione alia procedemus. Volumus autem auctoritate apostolica nihilominus decernentes, quod processus & citationis edictum hujusmodi, præfatum JOHANNEM & alios quos tangere dignoscitur, apprehendat & arctet, ac si eisdem personaliter & singulariter publicati & intimati solemniter extitissent, constitutione quacumque per Romanos pontifices prædecessores nostros in contrarium edita non obstante. Ut autem processus noster, & citationis edictum ejusmodi ad ejusdem JOHANNIS de Claromonte & aliorum quos tangit, communem notitiam deducantur, cartas siue membranas processum & citationem continentes eosdem in ecclesiæ Avenionensis appendi vel affigi ostiis seu superliminaribus faciemus, quæ ipsos processum & citationem suo quasi sonoro præconio & patulo indicio publicabunt, ita quod dictus JOHANNES & alii quos contingere dinoscuntur, nullam possint excusationem prætere, quod ad eos non pervenerint, vel quòd ignorarint eosdem, cum non sit verisimile, quoad ipsos remanere incognitum vel occultum, quod tam patenter omnibus publicatur. Datum Avenione sexto Kalendas Februarii, anno quarto decimo.

*Executoria præcedentis processus.*

JOHANNES episcopus servus servorum Dei, venerabilibus fratribus.... archiepiscopo, & ejus suffraganeis salutem & apostolicam benedictionem.

Contra JOHANNEM DE CLAROMONTE olim comitem *Moach*, excommunicatum, ac hæreticorum & schismaticorum fautorem, Dei & Ecclesiæ atrocem persecutorem & hostem, certum processum de fratrum nostrorum consilio, præsentem fidelium multitudine copiosa, habuimus, cujus tenor sequitur in hæc verba. JOHANNES, &c. Ad perpetuam rei memoriam. Crescit facile in immensum, &c. *Ut supra proxime usque in finem.*

Et licet processus prædictus fuerit solemniter, ut in eo continetur, habitus, & portis ecclesiæ Avenionensis affixus, volentes tamen ex superabundanti & ut clarius notitiæ innotescat fidelium, in eis partibus publicari, fraternitati vestræ per apostolica scripta mandamus, quatenus per vos vel alium seu alios religiosos & sæculares eundem processum & contenta in eo in ecclesiis & locis earum partium de quibus vobis expedire videbitur, solemniter publicare curantes, præfatum JOHANNEM excommunicatum ac fautorem & defensorem esse publicum

hæreticorum & schismaticorum, & ut talem declaratum & condemnatum fuisset, omnesque pœnas inflictas hæreticorum & schismaticorum fautoribus & defensoribus incurrisse, nec non omni honore ac titulo comitatus *Moach*, aliisque terris & bonis, juribus, jurisdictionibus & honoribus, quæ à Romana vel quibusvis aliis ecclesiis aut imperio in insula Sicilia aut alibi obtinebat, sententialiter fore privatum, aliaque in processu prædicto contenta, denuntiare singulis diebus dominicis & festivis, convocatis seu congregatis clero & populo, præmissis expositis in vulgari, nihilominus procuretis, faciundo super publicatione & denuntiatione hujusmodi confici publica instrumenta, principium & finem præsentium continentia, ea nobis postmodum fideliter transmissuri. Datum, &c.

## PROCESSUS

*Contra Bertholdum de Nyffen.*

**J**OHANNES episcopus servus servorum Dei. Ad futuram rei memoriam. Cum olim BERTHOLDUS dictus *Nyffen*, & BERTHOLDUS de *Grayspach*, ac FREDERICUS de *Truendigen*, ex eo quod hæreticis & rebellibus Dei & Ecclesiæ in partibus Italiae publicè faverant, eosque receptaverant, defenderant, eisque contra Ecclesiam Romanam ejusque fideles & catholicam fidem præstiterant auxilia, consilia, & favores, aliosque graves excessus commiserant & enormes, per suos competentes super his iudices, quibus legitimè constiterat de præmissis fore fautores & defensores hæreticorum, inflictas, ac propter fautoriam hujusmodi excommunicationis sententiæ perpetuæque infamiæ subiacere, nec non omnes pœnas reales & personales, spirituales, & temporales contra fautores hæreticorum, incurrisse sententialiter iudicati, pronuntiati & declarati fuissent. Nos expedire videntes excessus ipsorum à quibus desistere non curabant, sed pejora satagebant cumulare prioribus, nec non & prædictam sententiam in publicam notionem deduci, eosdem BERTHOLDUM de *Nyffen*, BERTHOLDUM de *Grayspach* & FREDERICUM de *Truendigen* fuisse ac esse fautores, complices & defensores hæreticorum publicos & notorios, & propterea excommunicationis sententiæ & perpetuæ infamiæ subiacere, omnesque pœnas alias personales & reales, spirituales & temporales adversus fautores, complices & defensores hæreticorum editas incurrisse, in consistorio nostro publico, præsentem multitudinem copiosam fidelium, de fratrum nostrorum consilio nuntiandos duximus ac etiam publicandos. Cumque tunc fide digna relatione, percepto quod idem BERTHOLDUS de *Nyffen* pro vicario LUDOVICI de Bavaria discorditer in regem Romanorum electi, ut dicebatur, se gerens, excessus excessibus cumulare non cessans gentem armigeram & exercitum de diversis civitatibus earum partium, in hæreticorum & rebellium Dei & Ecclesiæ auxilium, ac ad in-

**A** vadendum & offendendum devotos & fideles ipsius Ecclesiæ, congregarat, & ad hæc exequendi realiter iniquas operationes suas, quantum poterat dirigebat, mandando communitatibus & personis singularibus civitatum, castrorum & aliorum locorum partium earumdem sub pœnis gravibus, ne ipsi ad exercitum fidelium Ecclesiæ convenirent, vel eisdem inhærerent fidelibus seu assisterent, aut sequerentur eosdem, & concedendo de facto sibi obedientibus in præmissis privilegia, ac eisdem innovando & confirmando concessa: devotis autem & ecclesiæ memoratæ fidelibus, pœnas varias infligendo, quamvis nullam haberet super his potestatem, nisi tyrannicam & de facto. Nos hujusmodi sic execrandis ausibus justis occurrere remediis cupientes, præfatum BERTHOLDUM de *Nyffen* per edictum nostrum publicum de fratrum prædictorum consilio monuimus, & sub excommunicationis ac privationis privilegiorum & feudorum quæ à Romana vel quibusvis aliis ecclesiis quomodolibet obtinebat, pœnis & sententiis quas eum ipso facto incurere voluimus, si monitioni & mandato nostris hujusmodi non pareret, duximus districtius injungendum, ut infra certum peremptorium sibi tunc super hoc præfixum terminum præmissa omnia & singula quatenus ad illa de facto processerat, quantum foret sibi possibile revocaret, nec similia proprio vel vicariatus prædicti nomine, vel alio quocumque vocabulo, sub quovis colore quæsito, præsumeret ulterius quomodolibet attentare. **A** fautoria quoque, defensione, omnique adhæsiōe dictorum hæreticorum & rebellium, ac dicto usurpato & præsumto indebitè vicariatus officio penitus desisteret, nec se de illis ulterius per se vel alium seu alios intromittere attentaret. Quæ omnia per ipsum BERTHOLDUM de *Nyffen* circa præmissa quomodolibet attentata seu præsumpta revocavimus auctoritate apostolica, cassavimus, irritavimus, & viribus vacuavimus, ea cassa, irrita, & vacua, nulliusque firmitatis existere tunc nihilominus declarantes, sicut in processu nostro super præmissis habito plenius continetur. Certè cum BERTHOLDUS prædictus mandatis & monitionibus nostris hujusmodi, tamquam datus in sensum reprobum, obauditis, culpas culpis, & excessus excessibus in suæ damnationis cumulum jugiter aggregando, præfato LUDOVICO de Bavaria, qui primo suis demeritis exigentibus excommunicationis innodatus sententiis, & deinde suis culpis excrescentibus, ac contumacijs continuatis & auctis, jure, si quod sibi ex dicta electione discordi ad regnum Romanum vel imperium forsitan comperebat, & subsequenter ducatu Bavariæ, omnibusque privilegijs tam apostolicis quam imperialibus, ac feudis quæ à Romana vel quibusvis aliis Ecclesiis seu imperio quomodolibet obtinebat, justo iudicio privatus ac fautor hæreticorum declaratus, & demum de hæresi & schismate quibus se respersum & convictum reddidit sententialiter & publicè per diversos processus nostros diversis temporibus de fratrum eorundem con-

filio solemniter & cum debita maturitate plenariaque deliberatione habitos, extitit sententialiter & publicè condemnatus, favere, adhærere, assistere ac præstare auxilium, consilium & favorem etiam post publicationem dictorum processuum non erubuerit, quin immò Romam & ad diversa loca alia, obsequendo sibi, & officia sua gerendo, eique in dictis hæresis & schismatis criminibus participando & communicando, se contulerit & permanferit cum eodem, sicut fama publica notoriatur, & adeo clarè rei evidentiâ manifestat, quod nulla potest tergiversatione celari. Et nihilominus idem BERTHOLDUS de *Nyssen* per tempus quinque annorum & ulterius excommunicationis sententias, ratione fautoria hæreticorum promulgatas contra eum, animo sustinens damnabiliter indurato, ab ipsa fautoria hæreticorum non destiterit, sed ea continuaverit potiùs & adauxerit, præfato LUDOVICO & PETRO DE CORVARIÀ hæreticis & schismaticis, eorumque sequacibus & complicibus adhærendo, favendo, assistendo, ac consilium, auxilium & favorem præstando publicè, de dictis hæresis & schismatis criminibus vehementer reddiderit se suspectum. Nos eundem BERTHOLDUM per edictum nostrum publicum, præsentem hac multitudine copiosa fidelium, cum ad ipsum tutus accessus non pateat, de fratrum eorundem consilio citamus peremptoriè, ut infra instans festum ascensionis Domini exclusivè, sub pœnis omnibus supradictis, nec non privationis omnium feudorum & bonorum quæ tenet ab imperio, quas ipsum si mandato & citationi huiusmodi non paruerit, incurrere volumus ipso facto, apostolico conspectui personaliter se præsentet, super eisdem hæresis & schismatis criminibus justam dante Domino sententiam auditurus, ac facturus & recepturus quod iustitia suadebit. Eidem nihilominus apertius prædicentes, quod sive in eodem termino, vel infra illum comparuerit, sive non comparuerit coram nobis, nos ad dictam proferendam sententiam, & alias contra ipsum, prout expedire iustitia exigente videbimus, absque citatione alia, cum dissimulatio & dilatio possent in hac parte afferre periculum, procedemus. Volumus autem apostolica auctoritate nihilominus decernentes, quod processus & citationis edictum huiusmodi præfatum BERTHOLDUM & alios quos tangunt, apprehendant & arceant, ac si eisdem personaliter & singulariter publicati & intimati solemniter extitissent: constitutione quacumque in contrarium per Romanos pontifices prædecessores nostros edita non obstante. Ut autem processus noster & citationis edictum huiusmodi ad ejusdem BERTHOLDI de *Nyssen* & aliorum quos tangit communem notitiam deducantur, cartas sive membranas processum & citationem continentes eosdem in ecclesiæ Avenionensis appendi vel affigi ostiis seu superliminaribus faciemus, quæ ipsos processus & citationem suo quasi sonoro præconio & patulo indicio publicabunt: ita quod dictus BERTHOLDUS & alii quos tangere dinoscuntur, nullam possint excusationem

A prætere, quòd ad eos non pervenerint, vel quòd ignorarint eosdem, cum non sit verisimile, quoad ipsos remanere incognitum vel occultum, quod tam patenter omnibus publicatur. Datum Avenione sexto calendas Februarii, anno quarto decimo.

*Executoria præcedentis processus.*

B JOHANNES, &c. Venerabili fratri episcopo, &c. Adversus BERTHOLDUM de *Nyssen* excommunicatum, & de fautoria hæreticorum condemnatum, Dei & Ecclesiæ persecutorem & hostem, quemdam processum de Fratrum nostrorum consilio, præsentem fidelium multitudine copiosa, habuimus, cujus tenor dinoscitur esse talis. Johannes, &c. Ad futuram rei memoriam. Cum olim Bertholdus dictus de *Nyssen*, &c. ut supra proximè usque in finem. Volentes itaque processum eundem & contenta in eo exsuperabundanti in eis partibus publicari solemniter, ut fidelibus clarius nota fiant, fraternitati tuæ mandamus, quatenus eundem BERTHOLDUM excommunicatum & fautorem, receptorem & defensorem hæreticorum esse, ac de fautoria & receptatione huiusmodi condemnatum fuisse, omnibusque pœnis & sententiis adversus fautores hæreticorum inflictis subiacere, nec non & alia in eodem processu contenta, per te vel alium seu alios, religiosos & sæculares, in ecclesiis & locis earum partium de quibus tibi videbitur, denunciare & publicare singulis diebus dominicis & festivis, congregatis clero & populo, non postponas. Super publicatione & denuntiatione huiusmodi fieri faciendo publica instrumenta, principium & finem præsentium continentia, quæ postmodum nobis fideliter procurare destines. Datum, &c.

*Johanni regi Bohemiæ illustri.*

E REGIÆ serenitatis pridem recepimus litteras continentes, quòd tu, fili carissime, & venerabilis frater noster archiepiscopus Treverensis tuus patruus, diebus istis cum Bavaro, de voluntate & conscientia magnifici principis OTTONIS ducis Austriæ, & per eum super hoc informati plenius tractatus aliquos personaliter habuistis, qui quidem tractatus sanctæ Romanæ Ecclesiæ ac personæ nostræ, secundum tuum, fili carissime, ac dictorum principum iudicium, utilitatem respiciunt in omnibus & honorem, prout tu & ipsi per ambaxiatores vestros solemnes in proximo destinandos ad curiam nos intendebatis plenius informare. Subsequenter verò alias regias etiam recepimus litteras continentes, quòd ad nostram præsentiam dilectos filios nobiles viros JOFFREDUM comitem de *Linanges*, Simonem *Phy* militem, Guillelmum *Pinchon* archidiaconum Abricensis consiliarios, ac Nicolaum de *Merstorf* clericum, regios destinabat. Quibus quidem nuntiis tu & præfatus archiepiscopus in his quæ nobis pro parte nostra



nostra exponerent viva voce, tamquam nobis adhiberi fidem plenariam petiistis: quos utique excepto dicto Simone qui dicebatur propter ægritudinem impeditus, unà cum præfati ducis OTTONIS nuntiis consideratione mittentium benignè admisimus & audivimus diligenter. Quibus auditis, & quæ proposuerunt ore tenus plenius intellectis, nuntii ipsi sub commissa sibi præfata credentia, quamdam nobis exhibuerunt cedula, tenoris & continentia subsequeutis.

» Ista est intentio dominorum, scilicet regis Bohe-

» miæ, archiepiscopi Treverensis, & ducis Au-

» striæ, quod per eos tractetur & ordinetur con-

» cordia & compositio inter Dominum nostrum

» Papam sanctamque Romanam Ecclesiam ex

» parte una, & Bavarum ex altera. Et si hujus-

» modi tractatus & ordinatio commodè sint ac-

» cepti Domino nostro Papæ, ipsique Romanæ

» Ecclesiæ, virtute potestatis eis à dicto Bavaro

» concessæ, inter alia facient ista fieri per Bava-

» rum. Primo quod cum effectu deponet suum

» hæreticum antipapam. Secundo quod penitus

» ab appellatione recedet. Tertio quod omnia

» quæ fecit seu attentavit contra sanctam perso-

» nam Domini nostri Papæ Ecclesiamque Roma-

» nam revocet cum effectu. Quarto quod reco-

» gnoscet se excessisse, & sententias excommuni-

» cationis ipsum ligasse. Quinto quod gratiæ Do-

» mini Papæ se offeret ad misericordiam. Et si

» Bavarus dicta facta sic tractata & ordinata facere

» non vellet, sciat sedes apostolica quod dictus

» Bavarus antedictos duos non modicum com-

» movebit, & à consiliis eorum recedet, ac pote-

» statem eis concessam infringet, in tantum quod

» hujusmodi factum præordinatum per Bavarum,

» tamen non adimpletum, possit resultare in ma-

» gnum honorem & utilitatem Ecclesiæ Romanæ.

» Hæc omnia sic intelligantur quod Bavarus in

» honore & suo statu remaneat, scilicet in regno

» & imperio. Profecto, fili, quin intentio tua alio-

» rumque principum circa præmissa recta fuerit,

» nequaquam in dubium revocamus; sed fuisset

» admodum nobis gratum, quod tu, fili carissime,

» & præfati principes conditionem præfati Ba-

» vari & ingressum ejus ad imperium, & in eo-

» dem progressum, examinassetis attentius in

» consistorio rationis, profecto invenissetis ipsum

» privatum jure si quod sibi ex electione illa in

» discordia celebrata quæsitum fuerat, justitia

» exigente, & quia his non contentus, MARSI-

» LIUM de Padua & JOHANNEM de Janduno,

» qui quemdam librum composuerant plures hæ-

» reses continentem, & ad eum velut hæretico-

» rum patronum fugerant, promptè recipere, &

» ut errores illos prædicarent publicè, nec non

» & hæreticis aliis in partibus Italiæ publicè non

» erubuit impertiri favorem, fuit declaratus

» hæreticorum fautor publicus & notorius; & ut

» hæreticorum fautor exigente justitia condem-

» natus. Sanè quia diutius exspectatus ab his non

» resipuit, sed velut venundatus ut faciat malum,

» nedum favorem impendere curavit hæreticis, sed

» ipsis hæresibus factò & verbo non est veritus se

» immiscere, fuit meritò pronuntiatus hæreticus, &

*Theſauri Anecdor. Tom. II.*

A ut hæreticus exigente justitia condemnatus, pro-

ut hæc in processibus apostolicis plenius conti-

nentur, ex prædictis satis potest ejus inhabilis con-

ditio ad imperiale fastigium apparere. Qualis au-

tem ingressus ejus ad imperium fuerit ex sequen-

tibus patet, quod Deo odibilis, injuriosus sanctæ

Dei Ecclesiæ, & de facto dumtaxat nimium te-

merariè attentatus. Sicut ex prædictis jam li-

quet, electus fuerat in discordia, privatusque

exigente justitia jure si quod sibi ex electione

eadem fuerat acquisitum, & nihilominus fautor

B hæreticorum declaratus & hæreticus & ut fautor

& hæreticus condemnatus. Quibus non obstanti-

bus, ut ad ea quæ requirit imperialis dignitas,

videlicet inunctionem, consecrationem & coro-

nationem, posset saltem pervenire de facto, cum

de jure non posset, PETRUM DE CORVARIO in

Christi opprobrium, subversionem catholicæ

fidei, & injuriam totius cætus catholici in antipa-

pam assumere non expavit. In quo quidem facto

confessus est ipso facto illam damnatam hæresim,

C quam incurrerat antea, scilicet, quod ad im-

peratorem pertineat papam ordinare, à quo

quidem PETRO se pati inungi seu potius fœdari

non erubuit, ac etiam coronari. Ex quibus patet

qualis ingressus fuerit ad imperialis fastigium

dignitatis. Progressus autem ejus qualis fuerit,

est lippis & tonsoribus satis notum, quia ubicum-

que fuerit, Ecclesiam catholicam & fideles est

immaniſſimè ut membrum sathanæ persecutus,

ecclesias ipsas vasis & ornamentis spoliando ec-

clesiasticis, ac fideles compellendo violare in-

terdictum ecclesiasticum, & prophanare divina,

D spoliando insuper viros catholicos suis prælato-

nibus & beneficiis, ac eis de facto hæreticos seu

schismaticos subrogando, ipsisque hæreticis &

schismaticis contra catholicos impertiendo fa-

vorem & consilium, ac fideles ipsos immaniter

persequendo. Profecto, fili, probabiliter arbi-

tramur & credimus quod si ad memoriam tu

& dicti principes revocassetis prædicta, nulla-

tenus dixissetis ipsum remanere in regno & im-

perio ad utilitatem & honorem Ecclesiæ per-

E tinere, quod vir tam reprobus, de fautoria

hæreticorum & hæresi justo condemnatus judi-

cio, regno & imperio præsideret, qui etiam

impræsentiarum hæreticos in suo habet confor-

tio, & quantum ad clericos hæreticorum &

schismaticorum consilio gubernatur. Tene-

enim in suo consortio JACOBUM dudum epis-

copum Castellani episcopatu Castellano pri-

vatum, quem in anti-cardinalem de facto creari

per præfatum Petrum de Corvario idem Bava-

rus procuravit. Item MICHAËLEM de Cesana

F olim ordinis fratrum Minorum generalem mi-

nistrum, qui suis exigentibus demeritis est pro-

nuntiatus hæreticus, & de hæresi condemna-

tus. GUILLELMUM quoque de Okam Anglicum

ordinis fratrum Minorum hæresiarcham, qui

hæreses varias dogmatizabat publicè, & scripta

fecerat hæresibus & erroribus plena, propter

quæ fuerat vocatus ad curiam, ejusque scripta

fuerant pluribus doctoribus assignata, ut ea

deberent examinare cum diligentia, & quæ

E e e





invenirent hæretica seu erronea declarare, qui jam multos articulos declaraverunt hæreticales. Qui quidem malè sibi conscius fugæ præsidio vitare voluit canonicam ultionem. BONAGRATIAM insuper de Pergamo ordinis fratrum Minorum, qui suis demeritis exigentibus in curia fuerat arrestatus, & juramento præstito quod de curia non recederet, absque licentia apostolica sedis obligatus, qui malè similiter sibi conscius de curia ad ipsum Bavarum, & PETRO de Corvario, unà cum Michaële & Guillelmo prædictis gressus suos infelices dirigere procuravit. MARSILIUM quoque de Padua condemnatum de hæresi in familiaritate detinere præsumsit, talibus est stipatus consiliariis, talium consilio, ne dicamus decipitur, gubernatur. Qualem itaque posset de tali homine habere Ecclesia defensorem. Si enim in arido, id est, sine statu nisi usurpato tam creduliter sibi persecutor extiterit, qualis eidem putas existeret, si in viridi, hoc est in statu solido se videret. Rursus quomodo sub regimine talis hominis posset Christianus populus, quem sic afflixit immaniter, quiescere in pulchritudine pacis, profectò, fili carissime, talem hominem dimittere in regali & imperiali regimine, non esset consulere populo, sed nocere; non parare regimen, sed augere discrimen. Si enim integritas præsentium salus est subditorum, sequitur quòd instabilitas & infidelitas ipsorum, scilicet præsentium, perditio sit eorum, scilicet subditorum. Qualem putas, fili, ex principatu hujusmodi, quem extorsit seditio, & ambitus occupavit, subsequi posse finem? profectò sperari non potest probabiliter, quod bono peragi possint exitu, quæ tam malo & perverso sunt principio inchoata. Audi quid de talibus principibus sapiens dicat: *Regnantibus*, inquit, *impiis, ruina hominum*, scilicet subsequuntur. Et alibi: *Gemet*, inquit, *populus cum impii sumserint principatum*. Attende, fili, quantum esset gregi dominico sub tam infideli principe vivere formidandum: teste enim Sapiente, qualis est rector civitatis, tales, scilicet sunt vel fuerunt habitantes in ea. Esset itaque nimium formidandum quod si remaneret in præfato regimine, multos à fide retraheret catholica, suæque perfidiæ (quod absit) plurimos aggregaret. Adhuc, fili, quantum in principe quolibet veritas requiratur, tua non ignorat prudentia, & quantum in eo vigeat, te audivimus non latere. Sanè si quæ offeruntur pro parte Bavari, fili carissime, cogites diligenter, reperies utique quod de tot & tantis excessibus per eum commissis, emendam Deo & Ecclesiæ nullam offert. Imprimis enim offertur pro parte sua, quòd ipse Bavarus deponet suum hæreticum antipapam. Hoc autem non est offerre emendam aliquam de commissis. Primo quia etiamsi verus imperator existeret, quod tamen constat eum non esse, depositio talis ad eum minimè pertineret. Secundo quia ipsemet Petrus de Corvario reatum suum humiliter recognoscens, à statu illo quem de facto receperat, illi renuntiando se de facto deposuit, & ab ipso discessit Bavarus: sicut nobis idem PE-

TRUS his diebus præteritis per suas litteras manuscriptas propria, quarum tenor in hæc verba sequitur, nuntiavit. Reverendissimo ac sanctissimo Patri & Domino JOHANNI papæ sacrosanctæ Romanæ Ecclesiæ, PETRUS DE CORVARIO dignus omni pœna, seipsum ad pedes cum reverentia veræ subjectionis. Licet secundum canonem Evangelicæ veritatis, qui non intrat per ostium in ovile gregis dominici fur appelletur & latro rapacitatis lupinæ, audiens & considerans diligenter tam enormia scelera pravitatis hæreticæ stylo ferreo exarata in ungue adamantino, quanta dicebantur à multis de vestra solida fide, sicut præsumtuosus, remerarius & superbus ascendi super astra cœli ecclesiastici, ubi mihi meis peccatis exigentibus parata fuit sedes prælationis iniquæ, sed postquam deveni ad territorium Pisanorum, & quasi diligentiissimè de prædictis, & inveni quod obliqua erant & falsa, & deficiebant in pondere veritatis, dolui, & doleo vehementer, & pœnitet me fecisse quæ feci contra jura & leges vestri sacratissimi nominis de consilio perverforum. In cujus rei testimonium jam est annus completus, quòd adversarium vestrum sponte dimisi, & sedem mei præsumtuosi culminis dereliqui. Et propono firmiter in civitate Pisana, & etiam in Urbe, atque ubique locorum renuere, secundum quod vestra benignissima sanctitas decreverit ordinandum. Et quia gravissimè peccavi & erravi patenter in invio & non in via, supplico vestræ clementissimæ pietati, quatenus mihi maximo peccatori dignemini parcere secundum multitudinem magnam misericordiæ Dei vivi, ut renuens ex totis visceribus deleam & ad nihilum supra dicta de cordibus omnium fidelium, & ora claudam omnium obloquentium de vestra serenissima sanctitate, ut in Ecclesiâ de cetero sit unus pastor & unum ovile pro pace totius populi Christiani. Datum, &c. Secundo dicitur quod recedit ab appellatione sua, certè nec emendam aliquam pro hoc offert, cum nec appellationi suæ, si qua fuerit, renunciare nisi de facto valeret, cum de jure non tenuerit velut ab hæretico interjecta, & ab eo à quo non licet, cum superiorem non habeat appellare. Tertio offertur, quod omnia quæ fecit seu attentavit contra nos & sanctam Romanam Ecclesiam cum effectu debeat revocare. In hoc etiam clarè patet, quod emenda aliqua non offertur, contra nos enim seu contra Romanam Ecclesiam non potuit nisi de facto aliquid facere, unde si quod de facto fecit, de facto revocet, nulla in hoc Deo, nobis, seu Ecclesiæ præstatur emenda. Quarto pro parte ejus offertur, quod recognoscet se excessisse, & sententias excommunicationis ipsum ligasse. Per hoc patet etiam quod nec Deo, nobis, nec Ecclesiæ aliqua offertur emenda. Quinto offertur pro parte ejus, quòd gratiæ nostræ se offeret ad misericordiam, per hoc quippe offert quòd à nobis petet misericordiam, non quod aliquam præster emendam. Ultimo concluditur pro parte Bavari supradicti, quod omnes oblationes supradictæ intelligantur ita, quòd Bavarus in honore &

statu suo permaneat, scilicet in regno & imperio. Ex quo proculdubio evidenter concluditur, quod de his quæ commisit est impenitens homo iste, & ideo reddit se ab absolute qualibet, quæ nulli nisi petenti conceditur, meritò quantum in eo est se indignum. Sed juxta hoc quarimus, si, quomodo intelligat iste Bavarus in regno & imperio remanere: aut enim intendit remanere in statu & regno sine jure in eis de novo querendo: aut per jus novum quod intendit acquirere in prædictis. Si enim illa sine novo jure intelligat retinere, sequitur quod regnum & imperium sine jure & honore imperiali & regio detineret. In regno siquidem nullum jus obtinet in præsentī, cum jure, si quod sibi per electionem in eodem quæsitum fuerat, iusto iudicio sit privatus. Quantum ad imperium autem, quia nomen imperatoris per inunctionem, consecrationem, & coronationem quis nansciscitur, factas quidem à verò Romano pontifice, seu alio ejus auctoritate, patet ipsum Bavarum jus aliquod non habere, quia non à vero summo pontifice, sed ab antipapa recepisse noscitur supradicta, scilicet inunctionem, consecrationem & coronationem. Quare sequitur quod hoc casu imperium sine jure aliquo obtineret, & per consequens quod nisi de novo jus sibi in regno & imperio quæreret, nec rex nec imperator debet dici à fidei aliquo, sed fur & latro, juxta nostri sententiam salvatoris dicentis, quod qui non intrat per ostium in ovile ovium, sed aliunde, non pastor ovium, sed fur & latro potius est dicendus, & quod nullum jus in regno vel imperio habeat in præsentī, palam est consideranti. Constat enim ipsum multa notoriè commisisse, ex quo illa discors electio celebrata extitit, propter quæ & quolibet eorum se prorsus fecisset ab honore regni & imperii alienum. Si verò intelligat quod sibi de novo in regno & imperio jus acquireret, constat quod cum sit sacrilegus, excommunicatus, & tyrannus crudelissimus, nec à quovis posset eligi, nec sibi etiam ab aliquo, cum tales sint ineligibiles, de regno & imperio provideri. Cum igitur petit Bavarus quod in honore suo & statu remaneat, scilicet in imperio & regno, possumus sibi dicere quod Dominus dixit filiis Zebedæi: *Nescitis quid petatis*, verè ipse hoc petendo ignorat quid petat: rem siquidem impossibilem petit. Impossibile enim est ipsum remanere in honore imperiali & regio sine novi juris acquisitione, cum honorem & dignitatem non habeat, sed ipsum regnum & imperium sine ipsorum honore visus est usurpare tyrannicè, & adhuc nititur retinere. Rogamus itaque providentiam regiam, & in Domino exhortamur, quatenus præmissa attentè considerans, & nihilominus pericula varia & inconvenientia innumera quæ ejus præfatam præsentiam universali gregi Dominico comminatur, consideranter attendens, & ad ea quæ honorem Dei, statum ecclesiæ & imperii respiciunt prosperum te convertens, partes tui consilii & auxilii seduli interponas, quomodo de persona digna tanto regimini provideri debeat, sub qua fides stabiliatur

*Theauri Anecd. Tom. II.*

A catholica, augeatur fidelium numerus, & à noxiis præservetur, ad quod quidem nos promptos dante Domino reperies & omninò paratos. Licet autem offensæ prædicti Bavari excedant omnes alias quæ leguntur à patrum nostrorum temporibus perpetrata, quia tamen licet immeriti vices illius in terris gerimus, qui cum iratus fuerit, non obliviscitur misereri, ac more pii patris conversionem ejus & salutem intentis desideriis affectamus, ad Dei honorem tuque & aliorum principum prædictorum intuitum, & ut salus ipsius Bavari & multorum aliorum vobis mediantibus procuretur, offerimus, si ad gremium Ecclesiæ redire voluerit dictus Bavarus sicut debet, ipsum benignè recipere nos paratos, eique tantam & talē impertiri gratiam, qua tu & principes supradicti poteritis meritò contentari. Datum Avenione secundo Kalendas Augusti, Pontificatus nostri anno quarto decimo.

JOHANNES episcopus servus servorum Dei. Ad perpetuam rei memoriam. Sicut de his quos ab unitate sanctæ Dei Ecclesiæ error abscedit pravitatis hæreticæ, indubiè fideles ejusdem Ecclesiæ affligi supponimus & dolere. Sic eos de conversione ipsorum ad ejusdem unitatem Ecclesiæ firmiter congaudere. Sanè aversionem à fide catholica, & separationem ab Ecclesiæ catholicæ unitate PETRI DE CORVARIO, omissionem Fratrum ordinis Minorum, quam instigatione versuti hostis qui à principio ruinæ suæ unitatem Ecclesiæ sanctæ nititur scindere, humanumque genus perturbare, processisse supponimus, ad ipsorum fidelium communem non ambigimus notitiam pervenisse. Sed & ut quæ illius immensa misericordia, qui omnes homines vult salvos fieri, & ad agnitionem veritatis desiderat pervenire, circa conversionem præfati Petri his diebus operata misericorditer fuerit, & quid circa hæc idem Petrus fecerit, cœtus ipsorum fidelium non ignoret ad gaudium, ad eorum notitiam deducimus per præsentēs, ut sicut passionis prædictæ Ecclesiæ per hoc inflictæ fuerunt socii, sic consolationis & gaudii existant participes & consortes, eos nihilominus exhortantes in Domino & rogantes, ut magnitudinem gratiæ impensæ in hac parte à divina clementia eidem Ecclesiæ catholicæ considerantes attentè, ei à quo bona cuncta procedunt laudes & gratias etsi non debitas vel condignas, cum hoc etiam per Ecclesiam universalem impleri nequeat, saltem ei possibiles studeant exhibere: ac insuper eidem supplicare humiliter & devotè ut quod cœperit circa pacem Ecclesiæ dandam tam mirabiliter operari, ipse cujus perfecta sunt opera dignetur misericorditer adimplere. Et ut certiores reddantur ad ea quæ continentur inferius, dictus PETRUS non vi, non metu processit, sed propria, spontanea, & à Spiritu sancto tamen mota, ut firmiter credimus, voluntate, transsumtum cujusdam litteræ manu propria dicti Petri, dum adhuc in loco ignoto nobis existeret, liberè missæ nobis annotandum præsentibus duximus, quod est tale.

Reverendissimo & sanctissimo Patri ac domino,

E e e ij

domino JOHANNI Papæ sacrosanctæ Romanæ Ecclesiæ, frater PETRUS DE CORVARIO, dignus omni pœna, seipsum ad pedes cum reverentia veræ subjectionis. Licet secundum canonem Evangelicæ veritatis, qui non intrat per ostium in ovile gregis dominici, fur appellatur & latro rapacitatis lupinæ, audiens & considerans diligenter tanta enormia scelera pravitatis hæreticæ stilo ferreo exarata in ungue adamantino, quanta dicebantur à multis de vestra solida fide sicut præsumtuosus, temerarius, & superbus, ascendi super astra cœli ecclesiastici, ubi mihi meis peccatis exigentibus, parata fuit sedes prælationis iniquæ. Sed postquam deveni ad territorium Pisanorum, & quæsi diligentissimè de præmissis, & inveni quod obliqua erant & falsa, & deficiebant in pondere veritatis, dolui & doleo vehementer & pœnit me fecisse quæ feci contra jura & leges vestri sacratissimi nominis de consilio perversorum. In cujus rei testimonium jam est annus completus quod adversarium vestrum spontè dimisi, & sedem mei præsumtuosi culminis dereliqui, & propono firmiter in civitate Pisana, & etiam in Urbe, atque ubicumque locorum, renuere, secundum quod vestra benignissima sanctitas decreverit ordinandum. Et quia gravissimè peccavi & erravi patenter in invio & non in via, supplico vestræ clementissimæ pietati quatenus mihi maximo peccatori dignemini parcere secundum multitudinem misericordiæ Dei vivi, ut renuens ex totis visceribus doleam & adnibilem supradicta de cordibus universorum fidelium, & ora claudam omnium obloquentium de vestra serenissima sanctitate, ut in Ecclesia Dei de cetero sit unus pastor & unum ovile, pro pace totius populi christiani. Datum in confinibus Lucanorum.

Rursus tenor conversionis, abjuratæ, & reconciliationis dicti Petri, sequitur in hunc modum. PATER SANCTISSIME, sicut vestra tenet memoria, nec excidit à mea, die vigesima quinta mensis Augusti proximò præteriti. Ego frater PETRUS DE CORVARIO, ordinis Fratrum Minorum, in vestri sanctissimi in Christo Patris & domini nostri, domini JOHANNIS, superna providente clementia sacrosanctæ Romanæ ac universalis Ecclesiæ summi pontificis, veri & unici in terris vicarii JESU-CHRISTI, sacrique collegii vestri reverendorum in Christo patrum dominorum cardinalium præsentia, nec non præsentem fidelium, tam prælatorum & religiosorum, quàm aliorum clericorum & sæcularium multitudinem copiosa, in publico consistorio, quantum ad sententiam & effectum, recognovi & confessus fui, reprobavi, anathematizavi, refutavi & renui omnes & singulos errores & hæreses in quibus incideram hætenus ex assumptione damnati, & hæretici, ac schismatici status antipapatus per me erroneè & iniquè dudum assumpti, ab hæretico & schismatico LUDOVICO de Bavaria, & nonnullis fautoribus suis ejus complicibus in hac parte hæreticis & schismaticis condemnatis, nec non ex damnabilibus fautoriis & adhæSIONIBUS ipsorum, & plurium aliorum hæreticorum, & spe-

cialiter LUDOVICI prædicti, & MICHAËLIS de Cesana olim generalis ministri ordinis antedicti, pessimorum hæreticorum & schismaticorum reprobarum per Ecclesiam sanctam Dei, multorumque sequacium, complicum & fautorum suorum: quibus in eorum factis perversis, ac falsis opinionibus & damnatis fui sæpius damnabiliter & adhæsi. Illos quoque ac quoscumque alios errores & hæreses abjuravi, juranda ad sancta Dei Evangelia mentaliter & corporaliter per me tacta, præmissa omnia & singula inviolabiliter observare, ac mandatis sanctæ matris Ecclesiæ & vestris apostolicis, per omnia obedire. Sanè cum tunc fatigatus ex labore, debilitatus in vigore, angustiat in dolore, & confusus ex robore, contractusque ex timore, impeditus in clamore, extinctus in devotione, mortuus tandem in amore, eò quod dilexi dum malitiam super benignitatem, & iniquitatem magis quàm loqui æquitatem, justo Dei judicio obmutuerim evidenter, & sicut volui non potuerim omnia exprimere supradicta, nec vos etiam forsan, Beatissime Pater, una cum dicto sacro vestro collegio dominorum cardinalium prædictorum ea plenè propter tumultum assistentium & dicta impedimenta mea, intelligere potuistis. Ideo latius in præsentem privato consistorio, resumtis confortativis viribus, postquam mihi de benignitate & humanitate clementiæ sanctitatis vestræ apparuit, quoniam non ex operibus justitiæ quam numquam feci actualiter, sed secundum magnam Dei & vestram misericordiam me salvastis, & operuistis omnia scelera mea & peccata, laborem meum oppressivum sedando pacificè, ac vigorem perditum mihi restituendo integrè, & dolorem afflictivum dulcificando consolavit, ruboremque confusivum laudabiliter removendo, ac timorem meum confortando viriliter, & clamorem meum raucum sanando celeriter, extinctamque devotionem meam suaviter inflammando, & amorem meum mortuum vivificando cum confidentia securitatis pacifica & benigna, prædictos errores & hæreses, ac omnia & singula scelera & delicta mea nequissima & nefanda proponere, confiteri, publicare, & legere volo in scriptis, ut certius pateant universis: vosque, beatissime Pater, unà cum dictis dominis cardinalibus, possitis ea intellectu suscipere pleniori. Quare hujusmodi hæreses & errores ac scelera & delicta mea coram vobis & dictis dominis cardinalibus ac testibus aliis & clericis cameræ apostolicæ publicis tabellionibus, ad laudem & gloriam altissimi Dei patris, beatissimæ semperque Virginis Mariæ, beatorum angelorum, & sanctorum omnium, ac nostri sanctissimi Patris prædicti, veri, unici in terris vicarii JESU-CHRISTI, pro salute & pace perfecta totius populi christiani propono, confiteor, recognosco, publico & lego per ordinem, ut inferius describuntur.

In nomine Dei Patris omnipotentis ac Filii & Spiritus sancti. Amen. Quoniam juxta sapientis doctrinam, occultanti scelera sua denegatur directio, purè autem confitenti & ea penitus dese-

» renti, est misericordia repromissa: idcirco ego fra-  
 » ter PETRUS de Corvario, ordinis fratrum Mino-  
 » rum, immanissimus & sceleratissimus peccato-  
 » rum, hoc consideranter attendens, nolens ulte-  
 » rius cum impiis commisceri, sed cupiens toto  
 » corde in viam veritatis, quam inique deserui,  
 » dirigi, ac misericordiam & gratiam JESU-  
 » CHRISTI, & nostri beatissimi in Christo patris  
 » & domini nostri, domini JOHANNIS, superna  
 » providente clementia summi pontificis veri &  
 » unici in terris ejus vicarii, ac Ecclesiæ sacro-  
 » sanctæ catholicæ, quibus meis iniquissimis &  
 » nefandis me privavi sceleribus, valeam prom-  
 » tius & efficacius obtinere, quamquam nuper  
 » Pisis existens, coram reverendis patribus domi-  
 » nis SIMONE archiepiscopo Pisano, & GUIL-  
 » LELMO Lucanensi episcopo, ac discreto viro  
 » magistro RAYMUNDO Stephani clerico papalis  
 » cameræ & apostolico nuntio, præsentibus quo-  
 » que multis prælatis aliis, ac religiosis & nobi-  
 » libus ac popularibus civitatis prædictæ, errores  
 » meos & scelera spontaneè cum ingenti cordis  
 » amaritudine confessus fuerim, & dictis archie-  
 » piscopo & episcopo ad hoc per vos, Pater San-  
 » ctissime, deputatis, supplicaverim humiliter &  
 » devotè, ut mihi parato præfatos errores & quos-  
 » cumque alios abjurare, ac mandatis stare vestris  
 » apostolicis, & insuper mihi recognoscenti, quod  
 » ea quæ ut papa, immò veriùs ut antipapa, tam  
 » circa personam hæretici Bavari, quam circa  
 » creationem quam de facto præsumsi cardina-  
 » lium & aliorum officialium, quos veri summi  
 » pontifices soliti sunt habere, quàm circa dispo-  
 » sitionem & ordinationem patrimonii beati Petri  
 » apostoli, nec non & circa privationem non-  
 » nullorum prælatorum à suis prælationibus &  
 » aliorum clericorum à suis dignitatibus & bene-  
 » ficiis aliis ecclesiasticis quocumque nomine cen-  
 » seantur, & provisionem attentatam de facto de  
 » præmissis prælaturis, dignitatibus, & beneficiis  
 » aliis ecclesiasticis quibuscumque, nec non &  
 » quæcumque alia, quæ ut papa quocumque  
 » modo præsumseram seu feceram, nulla, præ-  
 » sumpta, ac temeraria fuisse & esse, & ab omni  
 » effectu juris vacua & nullius penitus existere  
 » firmitatis, velut attentata ab illo cui nullum  
 » jus talia facere competeat, & illi in quorum  
 » personas illa tentata fuerunt cum essent schis-  
 » matici & hæretici, seu hæreticorum fautores  
 » notorii, essent penitus non capaces, nec non  
 » & ea quatenus de facto processerant quantum  
 » mihi erat possibile revocanti & nulla fore &  
 » inania declaranti, absolutionis mihi impende-  
 » rent beneficium ab omnibus sententiis juris &  
 » hominis quas ob præmissa incurreram, vel ali-  
 » quod præmissorum, meque incorporarent &  
 » restituerent sacro-sanctæ Ecclesiæ catholicæ uni-  
 » tati. Quod utique præfati archiepiscopus &  
 » episcopus auctoritate vestra apostolica ipsis per  
 » litteras vestras patentes in hac parte concessa,  
 » recognitionibus & revocationibus suprascriptis  
 » receptis, ac juramento de stando mandatis  
 » vestris apostolicis, promptè & liberaliter exequi  
 » curaverunt: hoc adjecto quod in prædictas pœ-  
 » nas & sententias, si ad pristinos redirem erro-

res, vel actus scholasticos sceleratos, reinciderem  
 ipso facto: ac nihilominus illa nuper in diversis ci-  
 vitatibus provinciæ Provinciæ confessus fuerim, &  
 & abjuraverim, & nulla fore per me attentata  
 recognoverim, & ea quatenus de facto proces-  
 serant, quantum poteram & ad me pertinere  
 poterat revocaverim & declaraverim esse nulla:  
 nihilominus tamen ad fortius abolendas ma-  
 culas hæresium & infamiæ quas contraxi & in-  
 curri ex præmissis & pluribus aliis damnabili-  
 bus fautoriis, adhæSIONIBUS & consiliis per me  
 dudum exhibitis hæretico & schismatico LU-  
 DOVICO de Bavaria principali status mei dam-  
 nati hujusmodi patratori, ac ejus sequacibus  
 fautoribus & complicibus, & specialiter hære-  
 tico & schismatico MICHAËLI DE CESANA  
 olim ordinis Fratrum Minorum generali mini-  
 stro, de hæresibus & schismate ac pluribus hæ-  
 reticorum fautoriis & adhæSIONIBUS per vos, &  
 præfate Sanctissime Pater, legitimè condemna-  
 to: adhuc tamen errores meos & scelera in  
 præsentia vestra sacrique vestri collegii domi-  
 norum cardinalium constitutus, intendo & volo  
 recognoscere & abjurare, ac alia facere quæ  
 vestra sanctitas duxerit ordinanda. In primis  
 itaque confiteor, & cum ingenti amaritudine  
 animi recognosco, quod cum seductor ille schis-  
 maticus & hæreticus manifestus LUDOVICUS  
 de Bavaria, dudum jure si quod sibi quæsitum  
 fuerat ex electione discordi de ipso in regem  
 Romanorum celebrata, justè privatus fuisset per  
 sedem apostolicam & eandem sanctitatem ve-  
 stram, ac ut hæreticus & fautor hæreticorum  
 notorius, de multis hæresibus & fautoriis hære-  
 ticorum ac schismatibus condemnatus, ad ur-  
 bem Romanam imbutus diabolico spiritu per-  
 venisset, & religiosus vir frater JOHANNES de  
 Maliano minister Romanæ provinciæ dicti or-  
 dinis Minorum, ac reverendus in Christo pater  
 dominus JOHANNES Dei gratia sancti Theodori  
 diaconus cardinalis, sedis apostolicæ ac ejusdem  
 vestræ sanctitatis legatus, pro majori observa-  
 tione interdicti, cui tunc erat per vos, Sanctis-  
 sime Pater, supposita Urbs prædicta, ejusdem  
 LUDOVICI adventu percepto, mihi & aliis fra-  
 tribus in eadem Urbe morantibus sub virtute  
 obedientiæ, & excommunicationis pœnis, quas  
 non parentes ipso facto incurrerent, publicè  
 injunxissent ut dictam Urbem omnes & singuli  
 exiremus: ego tamen infelix peccator præceptis  
 hujusmodi non obstantibus, licet omnes alii  
 fratres, paucis exceptis, eidem legato & mi-  
 nistro promptius obedirent, in eadem Urbe præ-  
 sente dicto pessimo hæretico & schismatico  
 LUDOVICO, & assistentibus ei pluribus aliis hæ-  
 reticis & schismaticis condemnatis & reprobatis  
 per sanctitatem vestram & Ecclesiam sanctam  
 Dei, pertinaciter remanere præsumsi, & in ea  
 licet esset justè & sanctè per vos ecclesiastico  
 interdicto supposita, celebravi divina sæpius,  
 immò quantum in me fuit, verius propheta-  
 vi. Deinde cum idem perfidus LUDOVICUS datus  
 in sensum reprobum, se de facto fecisset in im-  
 peratorem à certis Romanis perfidis coronari,  
 & contra vos, Sanctissime Pater, diabolicam &



iniquissimam depositionis, immò verius abusi-  
 nis promulgasset sententiam, ac processus diver-  
 sos, temerarios, falsos nimium & injustos, me-  
 que ad quorundam principalium Romanorum  
 clericorum & laicorum instantiam ejus seque-  
 cium, unà cum certis de clero & populo per-  
 fidis ejus complicitibus & fautoribus ad hoc  
 secum vocatis, in papam & summum pontificem,  
 immò verius antipapam damnatum & pestife-  
 rum elegisset: ego miser inductus, immò sedu-  
 ctus suis & multorum tam clericorum quàm  
 laicorum ejus fautorum & sequacium, dictæ  
 Urbis precibus importunis & perniciosis instan-  
 tiis ac infectis falso & erroneæ asserentium quòd  
 Papam imperator deponere poterat, & loco  
 depositi alium ordinare, & quod per consequens  
 eidem hæretico & schismatico LUDOVICO, qui  
 tunc in fictum & falsum imperatorem denuò  
 se coronari de facto fecerat, & vos, pater bea-  
 tissime, abusive deposuerat, hoc licebat, mea  
 superbissima elatione more Luciferi, ambitione-  
 que damnabili nihilominus excecatus, hujus-  
 modi electioni tam nefandæ quàm reprobæ,  
 immò nulli, malitiosè consensum meum teme-  
 rarium, & elatissimum excecatum, sicut præ-  
 mittitur, omni pœna dignissimum non erubui  
 adhibere; ac consequenter consecrari, immò  
 exsecrari ab hæretico & schismatico JACOBO  
 dudum Castellano episcopo excommunicato &  
 deposito, & coronari à dicto hæretico LUDO-  
 VICO de Bavaria me permisi; licet ad eum  
 etiam si verus imperator existeret, sicut revera  
 non erat nec est, sed hæreticus manifestus &  
 reprobus, egoque verus essem papa, sicut in  
 veritate non eram, sed antipapa potius schis-  
 maticus, hæreticus & iniquus, nequaquam talis  
 coronatio pertineret. *Item*, quod cardinales,  
 immò verius anticardinales, & omnes officiales,  
 quos verus papa est habere solitus ordinare de  
 facto præsumsi, bullamque more papæ, licet  
 essem reprobus & damnatus, fieri feci & habui,  
 eaque falso usus fui temerè & iniquè, & ut  
 statum meum perversissimum & LUDOVICI  
 prædicti damnati, ac falsas opiniones hæretici  
 & schismatici Michaëlis de Cesana dudum mi-  
 nistri generalis ordinis antedicti fratrum Mino-  
 rum, scilicet: Quòd Christus & ejus apostoli in  
 his quæ habuisse leguntur, non habuerint nisi  
 tantum usum facti simplicem, fortius ac prom-  
 tius possem stabilire, Dei timore postposito,  
 excedens ad omnia illicita manus meas, pro-  
 cessus & depositionis sententiam LUDOVICI  
 manifesti prædicti hæretici & de pluribus hæ-  
 resibus condemnati, contra vos, Sanctissime  
 Pater, habitam & etiam fulminatam supplens  
 omnem defectum, si quis esset in ipsis, ex certa  
 scientia & de plenitudine potestatis, non solum  
 illos confirmare, & mei scripti communire  
 patrocínio non erubui, sed etiam de novo sen-  
 tentiare, pronuntiare & declarare ac prædicare  
 publicè omnia & singula in dictis processibus  
 promulgata præsumsi, in quibus quidem pro-  
 cessibus LUDOVICUS prædictus pronuntia-  
 bat & declarabat fore hæreticum & scripturæ  
 sacræ contrarium dicere quòd Christus & apo-

stoli in his quæ habuisse leguntur, habuerint  
 aliquid quàm simplicem usum facti: ex qua qui-  
 dem pronuntiatione evidenter concluditur ipsum  
 & me etiam ex confirmatione, pronuntiatione,  
 & prædicatione prædictis, in damnatam hæresim  
 per constitutionem vestram apostolicam de fra-  
 trum vestrorum promulgatam consilio incidisse.  
 Et nihilominus ad diversos reges & principes  
 meas litteras destinavi, per quas ad eorum no-  
 titiam deducebam, quod vos, Pater Beatissime,  
 cui multa falsa, hæretica, & erronea in illis  
 litteris imponebam, suggerentibus dictis hære-  
 ticus sceleratis, LUDOVICO & MICHAËLE, ac  
 juxta votum suum ordinantibus, per eundem  
 LUDOVICUM ac per me eratis depositus &  
 sententialiter condemnatus: eosdem reges &  
 principes exhortando nihilominus & rogando  
 quod vobis, Sanctissime Pater, tamquam papæ  
 non parerent in aliquo, nec favores aliquos  
 exhiberent, sed contra vos potius mihi & dicto  
 LUDOVICO præberent auxilium, consilium &  
 favorem. Nec his contentus, tam in Urbe quàm  
 in pluribus civitatibus & locis aliis clericos sa-  
 culares & regulares compuli, ut non obstante  
 interdicto cui per vos, Beatissime Pater, erant  
 supposita loca ipsa, in eisdem celebrarent, immò  
 verius, quantum erat in me, profanarent  
 divina. Tallias quoque Ecclesiis imposui tam  
 in Urbe quàm alibi, pro quibus, calicibus, or-  
 namentis, & nonnullis rebus aliis ipsas ecclesias  
 spoliavi: fideles insuper prælatos nonnullos &  
 alios clericos in dignitatibus & beneficiis aliis  
 ecclesiasticis constitutos suis privavi prælationi-  
 bus, dignitatibus & beneficiis aliis ecclesiasticis,  
 in illis præficiendo vel hæreticos, vel schisma-  
 ticos, aut eorum fautores & plerumquè non  
 absque simoniaca pravitare, quibus etiam illis,  
 scilicet quorum hoc prælatio requirebat de  
 facto, cum de jure non possem, per me vel alium  
 munus consecrationis, immò verius execratio-  
 nis impendi. Contra fratres quoque Minores  
 non parentes MICHAËLI prædicto tamquam  
 generali ministro, qui tamen depositus erat  
 justè & condemnatus de hæresi, & hæreticus  
 ac schismaticus declaratus, & alius per generale  
 capitulum ordinis Minorum concorditer in ge-  
 neralem assumptus, & contra servantes interdicta  
 per vos, Sanctissime Pater, vel legatos, seu offi-  
 ciales vestros alios promulgata, utroque vide-  
 licet spiritali & temporali gladio proce-  
 dere non expavi, eidem MICHAËLI & suis  
 sequacibus & complicitibus hæreticis & schisma-  
 ticus iniquis impertiendo injustè ac temerariè  
 auxilium & favorem. Indulgentias insuper &  
 dispensationes sedi apostolicæ reservatas con-  
 cedendo de facto & etiam faciendo. Nonnullos  
 quoque qui pro pontificibus se gerebant com-  
 misi, ut sacros ordines celebrarent, in quibus  
 ordinibus, ut credo, plures promoverunt te-  
 merè, cum eis virtute præfatæ licentiæ non  
 liceret. De patrimonio quoque beati Petri in  
 nonnullis locis ad tempus, & interdum in per-  
 petuum disponere non expavi. Hæc omnia &  
 plura alia contra Deum, sanctamque catholicam  
 Ecclesiam, & vos, Beatissime Pater, verum &



» unicum Christi vicarium, recognosco & confiteor me de facto iniquè nimium & temerè perpetrasse. Quæ omnia & singula recognosco & confiteor nulla fore ac cassa & inania, velut ab illo cui faciendi non competebat jus aliquod attentata, eaque quantum ad me spectare potest, quatenus processere de facto, revoco, & nulla fore & fuisse pronuncio & declaro. Confiteor insuper, & ore ac animo recognosco me credere & tenere fidem illam quam sancta Romana Ecclesia, & vos, Pater Sanctissime, tenetis, prædicatis, atque docetis: & specialiter recognosco me tenere & credere quòd ad imperatorem non pertinet deponere nec instituere papam, immò hoc tenere hæreticum reputo, prout in processu contra hæreticos MARSILIUM de Padua & JOHANNEM de Janduno, per vos, Beatissime Pater, super hoc & nonnullis aliis erroribus habito, quem diligenter studui, continetur. *Item*, fateor & recognosco hæreticum esse dicere, Christum & ejus apostolos non habuisse in his, quæ eos habuisse scriptura sacra testatur, nisi simplicem usum facti; licet dudum contrarium tenuerim, & hoc tenentibus impenderim indebitè auxilium & favorem: & fateor & recognosco quòd hoc asserentes sunt censendi hæretici manifesti, secundum quod in constitutionibus vestris, Pater Sanctissime, quarum una incipit, *Cum inter*; alia verò, *Quia quorundam*, plenius continetur. Et super materia proprii & communis, ac juris & domini, quod JESUS-CHRISTUS & apostoli ejus in rebus temporalibus habuerunt, credo, profiteor & teneo in omnibus & per omnia firmiter id quod in dictis constitutionibus & responsionibus per vos factis, objectionibus quas dictus MICHAËL ejusque sequaces contra constitutiones prædictas fecerunt, de quibus sum informatus, plenius continetur. Ac omnia & singula scripta, dicta & publicata contra dictas constitutiones & responsiones prædictas & ea tangencia per hæreticos & schismaticos LUDOVICUM & MICHAËLEM prædictos seu quoscunque alios, assero, recognosco & dico fuisse & esse nulla, erronea, schismatica, hæretica atque falsa, eaque ut talia refuto, renuo, & anathematizo, reprobō & detestor. *Item*, confiteor, & recognosco, atque dico in veritate quòd vos, Sanctissime Pater & domine domine Johannes Papa XXII. & nullus alius, estis summus pontifex, verus & unicus in terris vicarius JESU-CHRISTI, & contrarium quod tenui, & dicta quorumcumque idem mecum dicentium refuto, anathematizo, renuo, reprobō & detestor. *Item*, recognosco & fateor in veritate, ut supra, quòd ego malè, falsò, temerè, erroneè & iniquè assumsi & exercui de facto statum summi pontificatus, immò verius antipapatus damnable antedictum, & adhæsi & favi hæreticis superscriptis in pluribus aliis Ideoque statum, adhæSIONem & fautoriam hujusmodi in omnibus & per omnia refuto, renuo, anathematizo, reprobō & detestor. *Item*, recognosco & fateor in veritate, quòd malè, temerè & iniquè de facto promovi & consecrari feci seu potius exsecrari nonnullos præla-

tos præsertim schismaticos, hæreticos, seu fautores hæreticorum; & aliquos devotos catholicos & fideles deposui, & beneficia ecclesiastica pluribus infidelibus schismaticis, & rebellibus, seu eorum fautoribus contuli, & sæpius per simoniacam pravitatem, quam exercere per me & dictos hæreticos, desperatos & alios perfidos non expavi. Et cetera quæ verus papa gerere consuevit, malitiosè de facto exercui: quæ omnia & singula scelera, tam horribilia & nefanda refuto, renuo, anathematizo, reprobō & detestor. *Item*, fateor & recognosco in veritate, quòd anticardinales & archiepiscopos per me, ut præmittitur, permotos, & quos feci consecrari, immò verius exsecrari de facto, non reputo esse cardinales nec episcopos, immò confiteor ipsos fuisse & esse, si non fuerunt absoluti & reconciliati per vos, Beatissime Pater, schismaticos, atque nullos, & omnes actus quos circa illos vel quoscunque alios, & specialiter circa LUDOVICUM prædictum, ac ejus fautores, complices, & sequaces exercui de facto cum de jure non possem, dico quantum in me est fore & fuisse de jure tamquam hæreticos & schismaticos, invalidos & nullius roboris vel momenti, eosque ut tales, quatenus processere de facto, in quantum possum infringo, irrito & denuntio nullos esse, ac expressè refuto, renuo, anathematizo, reprobō & detestor. Quæ omnia & singula per me supra assertivè proposita & prolata juro per hæc sancta Dei evangelia à me tacta mentaliter & corporaliter vera esse, ac præscripta vitanda vitare, & observanda inviolabiliter observare. *Item*, omnes errores & hæreses supradictos, & eorum singulos, & specialiter dicere, credere & tenere quòd ad imperatorem pertineat papam deponere ac instituere: *Item*, quòd Christus & ejus apostoli in his quæ habuisse leguntur, non habuerint nisi simplicem usum facti: & quoscunque errores & hæreses alios abjuro, anathematizo, renuo, reprobō & refuto. Et insuper promitto & juro tactis mentaliter & corporaliter per me evangeliiis sacro-sanctis, super omnibus & singulis superscriptis stare mandatis Ecclesiæ sanctæ Dei & vestris apostolicis, ac fidem quam sancta Romana Ecclesia catholica, & vos, Pater Beatissime, creditis, tenetis & prædicatis: nec non vestras constitutiones & declarationes factas super materia proprii & communis, ac juris & domini quod JESUS-CHRISTUS & ejus apostoli in rebus temporalibus habuerunt, perpetuò & inviolabiliter observare, ac stare & parere in omnibus, & per omnia mandatis sacro-sanctæ Dei Ecclesiæ ac vestri præfati domini nostri Papæ. *Item*, promitto ac juro, ut supra, quòd numquam præscripta nec infra scripta seu aliqua eorumdem per me tractata & abjurata tenebo, nec exercebo, nec pro tali, scilicet papa me habebo, nec quantum in me etiam erit permittam quoquo modo ab aliis me haberi. *Item*, promitto ac juro ad sancta Dei evangelia corporaliter & mentaliter per me tacta, quòd numquam dictis hæreticis & schismaticis LUDOVICO & MICHAËLI, nec eorum fautoribus,

» complicitibus, & sequacibus aut aliis per vos,  
 » Beatissime Pater, & eandem Ecclesiam deno-  
 » tatis vel denotandis, scienter quamdiu in rebel-  
 » lione & extra devotionem & gratiam fuerint  
 » sanctæ matris Ecclesiæ atque vestram adhæ-  
 » rebo, nec eis præstabo auxilium, consilium vel  
 » favorem, nec cum eis aut eorum aliquibus li-  
 » gam, conjurationem, pacta, conventiones seu  
 » conspirationes faciam aut contraham quoquo  
 » modo. *Item*, quod cum hæreticis & schismaticis  
 » antedictis, seu fautoribus, sequacibus & com-  
 » plicitibus eorundem, seu cum aliquibus à me  
 » promotis, immò veriùs execratis, ut permitti-  
 » tur, conversationem aliquam non habebo, nec  
 » eis præstabo aliquod consilium, auxilium vel  
 » favorem. Petens humiliter & devotè me per  
 » vos, Pater Sanctissime, non attentis meis exce-  
 » sibus & sceleribus gravibus, sed sola Dei mi-  
 » sericordia, cujus estis verus & unicus in terris  
 » vicarius, ab omnibus pœnis & sententiis juris  
 » & hominis, quas propter præmissa vel eorum  
 » singula, seu aliquod eorundem occurrì, absolvi  
 » & unitati reintegrari & reincorporari Ecclesiæ  
 » sanctæ Dei: paratum me offerens omnem pœ-  
 » nam sive pœnitentiam quas mihi pro præmissis  
 » injungendas vel imponendas vestra sanctitas  
 » duxerit, cum omni obedientia sustinere & etiam  
 » adimplere. De quibus omnibus & singulis supra-  
 » dictis, ad æternam rei memoriam pro salute  
 » mea & publica, peto unum & plura quotquot  
 » erunt expedientia fieri publica instrumenta.

Nos verò considerantes attentè, quod ipsum  
 PETRUM ad conversionem hujusmodi non in-  
 duxerit violentia aliqua, sed timor Dei, spon-  
 taneaque voluntas, nec non quod ejus contri-  
 tio videtur probabiliter esse vera, cum ex eo  
 quod præmissa Pisis, & ad nos veniendo in mul-  
 tis civitatibus & locis provinciæ, publicè & hic  
 etiam in curia tam in publico consistorio quàm  
 privato non erubuit confiteri, nec ad nostram  
 sponte prætermisit venire præsentiam, pro gra-  
 tia humiliter & devotè ac misericordia impe-  
 trandis: tamen etiam quia paratum se obtulit  
 atque offert quæcumque ei injungenda duxe-  
 rimus adimplere, ut partes nostri officii exe-  
 quamur, ejusque actibus cujus vices in terris  
 gerimus nostros conformemus, prout est nobis  
 possibile, qui mortem peccatorum non desi-  
 derat, sed ut convertantur & vivant, de fra-  
 trum nostrorum consilio absolutionem & rein-  
 corporationem prædictorum archiepiscopi Pi-  
 sani & Lucani episcopi ratas habentes, ac etiam  
 confirmantes, nihilominus ipsum PETRUM ad  
 nostram & Ecclesiæ restituentes gratiam, ab-  
 solvendum duximus & reincorporandum sanctæ  
 Dei Ecclesiæ unitati; super irregularitatibus  
 quas propter præmissa contraxit seu aliqua  
 præmissorum, cum eo nihilominus misericor-  
 diter dispensando. Ordinationem & declara-  
 tionem pœnitentiæ dicto PETRO pro præmissis  
 & eorum singulis, prout, quando, & quoties  
 nobis expedire videbitur imponendæ, nobis  
 specialiter & expressè nihilominus reservantes.  
 Nulli ergo omnino hominum liceat hanc pa-  
 ginam nostræ annotationis, ratificationis, con-

A firmationis, absolutionis, restitutionis, reincor-  
 porationis, dispensationis, & reservationis in-  
 fringere, &c. Datum Avenione octavo Idus  
 Septembris anno quinto decimo.

*Executoria subsequenti immediate processus.*

JOHANNES, &c. Venerabilibus fratribus...  
 archiepiscopo... & ejus suffraganeis. Pro-  
 cessum quemdam de fratribus nostrorum consi-  
 lio, præsentem multitudinem fidelium copiosam,  
 nuper fecimus, cujus tenor sequitur in hæc  
 verba.

JOHANNES episcopus servus servorum Dei.  
 Ad futuram rei memoriam. Ad communem  
 notitiam per nostros processus, præsentem co-  
 piosam multitudinem fidelium, de fratribus nostro-  
 rum consilio dudum in LUDOVICUM de Bavaria  
 dudum in regem Romanorum, ut asserbatur,  
 in discordia tamen electum, habitos, & in ostiis  
 majoris ecclesiæ Avenionensis, ubi tunc cum  
 nostra curia residebamus, sicut impræsentiarum  
 residemus, affixos seu appensos, & quasi ad uni-  
 versos patriarchas, archiepiscopos, episcopos,  
 & suffraganeos eorundem transmissos duximus  
 proferendum, quomodo LUDOVICUM præ-  
 dictum, suis excessibus variis exigentibus, ac  
 contumaciis & inobedientiis continuatis & au-  
 ctis, primò excommunicationis sententiis du-  
 ximus innodandum. Et subsequenter jure si quod  
 ex electione prædicta sibi forsitan fuerat acqui-  
 situm, ac deinde quæ à Romana vel quibuscumque  
 aliis Ecclesiis seu imperio obtinebat, & specia-  
 liter ducatu Baviaræ, ac juribus omnibus, quæ  
 sibi in eodem ducatu, seu ejus occasione vel  
 causa pertinuerant vel poterant pertinere, nec  
 non privilegiis à sede apostolica vel imperio  
 Romano sibi vel ejus prædecessoribus concessis,  
 quatenus ipsum tangere poterant, justitia exi-  
 gente, privavimus, ipsum fautorem hæretico-  
 rum publicum nihilominus declarantes, sicut  
 in eisdem processibus plenius continetur. Sanè  
 quia LUDOVICUS prædictus, perversis inten-  
 dens dogmatibus in illam prorupit insaniam,  
 quod damnatam hæresim per constitutionem  
 nostram; quæ incipit, *Cum inter*, videlicet quod  
 Christo & apostolis in rebus quas habuerunt  
 nullum jus competierat, sed in eis tantummodò  
 usum facti habuerant, præsumsit asserere publi-  
 cè, ac in ejus præsentia per alios, ut plures in  
 sui erroris traheret devium, facere prædicari:  
 & insuper libellum quemdam sigillo suo in eo  
 appenso prædictam continentem hæresim, sci-  
 licet quod Christo & apostolis in rebus quas  
 habuerant nullum jus competierat, sed tan-  
 tummodò usum facti: hoc adjecto, quod dicere  
 contrarium hæreticum erat censendum, prout  
 nos & plures ex fratribus nostris in diversis li-  
 bellis ejus sigillo sigillatis contineri vidimus per  
 certos nuntios ad diversas civitates Alemanniæ  
 partesque circumvicinas ac Italiæ ipsarum ter-  
 minos, transmisserat, libellum ipsum in locis  
 affigi publicis & exponi publicè faciens, ut ha-  
 beret de tali ac tanta insaniam plures testes; ex  
 quibus

ex quibus ipsum evidenter apparuit asseruisse pertinaciter fore catholicum quod hæreticum esse per dictam constitutionem declaratum fuerat, & hæreticum quod catholicum ipsa constitutio declarabat, præsertim cum in eodem libello dictus Ludovicus asserat se in plurium jurasse præsentia omnia contenta in eodem libello se credere fore vera. Cumque præmissa essent adeò notoria, quòd nulla poterant tergiversatione celari: nos certa die præfato LUDOVICO præfixa, ut super præmissis coram nobis compareret, sententiam auditurus, & facturum quod iustitia suaderet, ipsoque die non comparente prædicto, nec postea licet diutius expectatus, præsentem multitudinem copiosam fidelium, de fratrum eorundem consilio, memoratum LUDOVICUM in dictam incidisse hæresim, ac fore hæreticum declaravimus; & eum velut hæreticum reprobavimus & duximus sententialiter condemnandum. Verùm quia peccator nisi poenituerit adjicit ad peccandum, infelix homo iste à prædicta hæresi resilire contemnens, se alia noscitur involvisse. Dudum siquidem ad audientiam nostram relatione tam verbali quàm litterali plurium sublimium personarum, nec non fama publica notoriante producto, quòd duo viri nequam perditionis filii & maledictionis alumni, videlicet MARSILIUS de Padua & JOHANNES de Janduno, quemdam librum composuerant, inter multa alia erronea continentem, quòd ad imperatorem spectat papam instituere & destituere ac privare. Nos super illo & nonnullis aliis eorundem articulis erroneis, tam cum fratribus nostris sanctæ Romanæ Ecclesiæ cardinalibus, quam multis Ecclesiarum prælatis, nec non & cum pluribus sacre theologiæ magistris, ac utriusque juris professoribus, tunc præsentibus in curia, deliberatione præhabita diligenti, cum in hoc eorum deliberatio resideret, tam præfatum articulum, quàm alios prædictos in processu & sententia nostris contentos, esse sacre scripturæ contrarios, fideique catholicæ inimicos, ac de eorundem fratrum consilio, in consistorio publico, præsentem fidelium copiosa multitudo, ipsos articulos hæreticales & erroneos, nec non prædictos MARSILIUM & JOHANNEM hæreticos, immo hæresiarchas fore manifestos & notorios declarandos duximus & sententialiter condemnandos. Hoc in eadem adjecto sententia, quòd si quis doctrinam prædictam defendere seu approbare præsumeret, cujuscumque dignitatis esset aut status, ab omnibus deberet tamquam hæreticus confutari. Et licet processus noster prædictus in consistorio nostro publico, multitudo fidelium copiosa præsentem, recitatus fuerit, & sententia hujusmodi promulgata, cartæque seu membranæ processum & sententiam continentes eosdem, in Avenionensis ecclesiæ ostiis affixæ fuerint seu appensæ, & nihilominus processus & sententia prædicti tam in urbe Romana, quàm in locis circumvicinis, ac in Alemanniæ aliisque diversis mundi partibus extiterint solemniter publicati, dictus tamen LUDOVICUS velut in reprobum sensum datus,

*Theauri Anecd. Tom. II.*

A præfatos MARSILIUM & JOHANNEM quos in partibus Alemanniæ in suam familiaritatem admiserat, & sub cujus umbra errores prædictos & multos alios publicè dogmatizare præsumserant & pertinaciter defensare, ac in urbe præfata post latam prædictam sententiam, prædicare publicè prædictos damnatos articulos veros esse, in suam familiaritatem non erubuit retinere. Nec non ad inauditam inductus insaniam, ut quod credebat interiùs, per evidentiam exterioris operis declararet, certis die & loco publicè convocato, & præsentem clero & populo dictæ urbis, præfatus LUDOVICUS pluribus excommunicationum sententiis innodatus, & omni honore privatus, asserens errorem prædictum, videlicet quòd imperatori licebat papam deponere, contra nos depositionis de facto præsumsit sententiam promulgare, sicut in dicti Ludovici litteris præfata continentibus sententiam, seu veriùs insaniam, nos & fratres prædicti contineri vidimus, & plurium testium fide dignorum in ipsius prolatione sententiæ præsentium, quos per nonnullos ex fratribus nostris ad cautelam examinari fecimus, depositionibus constitit evidenter. Nec non & tam illorum quàm aliorum multorum testium Romanorum & aliorum habet depositio & assertio, quòd præmissa Romæ & in circumvicinis partibus adeò erant tamquam facta publicè notoria, clero & populo tunc præsentibus, quòd non poterant tergiversatione aliqua occultari. Nos ne vir tam reprobus, omnique tam divino quàm humano timore privatus, de tam præsumtuosa & pertinaci gloriaretur insania, & ne præsumtoribus ad tam perniciosam & periculosam hæresim panderetur aditus, sed potius præcluderetur accessus, cum ex prædictis notoriè appareret ipsum in errorem incidisse prædictum, essentque præmissa adeò notoria, tam per facti evidentiam, quàm per litteras innumeras de urbe prædicta transmissas nobis, & multis ex fratribus supradictis & aliis degentibus in curia præsentatas, & testimonio quasi omnium tunc de urbe ad curiam venientium hoc asserentium viva voce, ac per attestaciones testium super his, ut prædictum est, receptorum, & etiam per patentes ipsius LUDOVICI litteras ejus sigillo munitas, per quas dictam inauditam insaniam ad notitiam omnium fidelium deducere intendebat, prout nos & fratres nostri hoc cum multis erroribus, blasphemis & insaniis aliis in eisdem litteris vidimus contineri. Nosque in prædictis læsionem fidei, patrum quoque sanctorum contentus & probra, nec non præsentium scandala, & varia quæ mora comminabatur pericula diligentius attendentes, tantisque malis & periculis obviare salubriter cupientes, auctoritate Dei omnipotentis, ac Domini JESU-CHRISTI salvatoris nostri, cujus vices in terris licet immeriti gerimus, cuique ac universæ congregationi fidelium per dictum LUDOVICUM, qui tunicam ejus inconsutilem scindere nitabatur, prædicta noscebatur injuria irrogata, de fratrum prædictorum consilio & plenitudine potestatis, præsentem multitudinem copiosam fide-

Fff

lium, præfatum LUDOVICUM in prædictam incidisse damnatam hæresim declaravimus, ipsumque velut hæreticum reprobavimus, & duximus etiam condemnandum: eum nihilominus declarantes in pœnas inflictas schismaticis & hæreticis, ac committentibus talia crimina & alia quæ circa prædicta idem LUDOVICUS commisisse noscitur, per sacros canones & leges catholicorum principum omnes & singulas incurrisse. Et quia in prolatione sententiæ hujusmodi dicti LUDOVICI sicut in ejusdem litteris sententiam ipsam continentibus nos & fratres prædicti vidimus contineri, & plurium fide dignorum depositiones testium in ipsius prolatione sententiæ præsentium, quos, ut profertur, examinari fecimus, continent evidenter quod prædictam hæresim, scilicet quod Christo & apostolis in his quæ habuerunt nullum jus competiit, sed tantum usus facti, prædictus LUDOVICUS expressè tenet & approbat, & constitutionem super hoc editam, dictam damnantem hæresim, nititur impugnare: nos sententiam prædictam per nos contra ipsum prolatam propterea tunc approbantes, expressè ipsum nihilominus in dictam incidisse hæresim, & ut hæreticum ex illo etiam capite duximus declarandum. Demum verò prædictus LUDOVICUS virus conceptum antea in partum nitens producere, & ad subvertendum fidem catholicam, sanctæque Dei Ecclesiæ scindere unitatem, in divinæ majestatis opprobrium, totiusque cœtus fidelium scandalum, contemptum & periculum velut membrum satanæ se disponens, associatis sibi quibusdam suis nequam complicibus, PETRUM de Corbario ordinis fratrum Minorum in antipapam assumpsit, procurans quod idem PETRUS sic damnabiliter & delusoriè in antipapam assumptus, pseudo-cardinales & notarios ac officiales alios juxta morem quem servat Romana curia constitueret, aliaque nonnulla præsumeret cunctis catholicis detestanda. Synagogam autem hujusmodi diebus congregatam aliquibus, virtutum Dominus misericorditer, sicut ad communem omnium fidelium devenisse notitiam credimus, dissipavit. Nos autem omnia & singula per eosdem LUDOVICUM & PETRUM attentata circa præmissa vel præmissorum occasione, de fratrum prædictorum consilio, nulla, cassa & irrita meritò declarantes, ex superabundanti prout de facto processerant, ea cassanda duximus & irrita nuntianda. Rursus quia fide digna relatio tunc ad nostrum perduxit auditum, quod idem LUDOVICUS, nondum in eo igne avaritiæ & ambitionis extincto, sed potius flatu diabolico inflammato, ad civitatem se contulerat Tridentinam, ubi ordinare suis convocatis complicibus satagebat, quod sicut in partibus Italiæ supradictis jura usurpaverat imperii, fideles turbaret, eorumque substantias devoraret & consumserat, sic & in Alemanniæ partibus suum in hac parte damnandum desiderium adimplere valeret, vicarios, officiales vel ministros suos ad easdem partes Alemanniæ disposuerat propter hoc destinare. Nos tantis malis & periculis cupientes

A justis & salubribus remediis obviare, præfatum LUDOVICUM per edictum nostrum publicum, cum ad eum tutus nequaquam pateret accessus, præsentem multitudinem copiosa fidelium monuimus, & eidem sub excommunicationis & pœnis aliis tam spiritualibus quam temporalibus in eundem inflictis hætenus, quas pro repetitis habere volumus, quibusque ipsum subjacere decrevimus, si contrarium faceret, ipso facto, inhibendum expressè duximus & mandandum, ne ulterius de ordinatione dicti regni vel imperii se intromitteret quoquo modo, nec se regem vel imperatorem nominaret, nec quantum pro eo erat faceret ab aliis nominari, nec sub nomine hujusmodi vel alio quocumque pro dictorum regni & imperii negotiis ad Alemanniæ vel aliquas partes alias aliquem vel aliquos destinaret, nec vicariatus aut alia quæcumque officia quibusvis nuncupentur nominibus, concederet vel committeret alicui vel aliquibus, nec etiam in illis vel aliis partibus jura vel bona regni seu imperii occuparet seu contractaret, nec fideles Ecclesiæ & imperii turbaret quomodolibet vel etiam molestaret. Universis nihilominus & singulis prælatis ac personis ecclesiasticis, sæcularibus & regularibus cujuscunque præminentia, dignitatis, ordinis, status vel conditionis existerent, etiamsi patriarchali, pontificali aut majori seu inferiori dignitate fulgerent, nec non regibus, ducibus, principibus, marchionibus, comitibus, baronibus, nobilibus, potestatibus, capitaneis, rectoribus aliisque personis singularibus quibuscunque, ac communitatibus, universitatibus, civitatibus, castris, oppidis, villis & locis, sub excommunicationis in personas singulares, & interdicti in terras, civitates, castra, oppida & loca ipsorum, ac universitates, communitates & collegia, nec non privationis dignitatum, personatum, officiorum & beneficiorum ecclesiasticorum dictorum prælatorum & personarum ecclesiasticarum, & tam illorum quam aliorum quorumcumque privilegiorum apostolicorum & imperialium, feudorum, bonorum, honorum & officiorum quæ à Romana vel aliis Ecclesiis seu imperio obtinebant, ac libertatum & immunitatum, pœnis inhibuimus districtius & mandavimus, ne vicariatus, vel quodcumque aliud officium vel administrationem quocumque nomine nuncuparentur reciperent ab eodem vel alio seu aliis ejus nomine, auctoritate vel mandato. Et si forsân officium vel administrationem hujusmodi recepissent, statim illud vel illam postquam processus noster ad eorum pervenisset notitiam, vel per eos sterisset quominus pervenire potuisset, procurarent dimittere illud vel illam, ulterius & nullatenus resumturi. Ac ne præfato LUDOVICO, aut complicibus, fautoribus, vicariis, ministris vel officialibus ejusdem, quocumque nomine censerentur, parerent in aliquo vel intenderent, nec eos vel aliquem ipsorum reciperent vel admitterent, aut de juribus & proventibus quibuscunque ad regnum vel imperium spectantibus responderent, vel aliter eis impenderent super his auxilium, con-



filium vel favorem, directè vel indirectè, publicè vel occultè: alioquin personas ipsas singulares quascumque ecclesiasticas & sæculares cujuscumque forent præeminentiæ, conditionis & status ecclesiastici vel mundani, excommunicationis; terras verò, civitates, castra, oppida & loca, nec non communitates, universitates, & collegia quæ contra inhibitionem & mandata nostra hujusmodi aliquid facere vel temerè attentare præsumerent, interdicti sententias, quas ex tunc protulimus: nec non personas ecclesiasticas, præter patriarchas, archiepiscopos & episcopos, privationis omnium dignitatum, personatum, & aliorum beneficiorum suorum ecclesiasticorum, cum cura vel sine cura, & inhabilitationis poena ad ea & similia in posterum obtinenda, incurrere volumus ipso facto; ad privationem dignitatum, & prælaturarum dictorum patriarcharum, archiepiscoporum, & episcoporum, ac inhabilitationem ad ea & similia in posterum obtinenda, nec non privilegiorum quorumcumque apostolicorum & in perialium, ac feudorum, bonorum, honorum & libertatum, quæ ipsi vel quicumque alii clerici vel laici à Romana vel quibuscumque aliis ecclesiis seu imperio quomodolibet obtinebant, ac libertatum & immunitatum tam contra ipsos quam alias quascumque personas ecclesiasticas & sæculares, cujuscumque status vel conditionis existerent, & alias spirituales & temporales poenas & sententias, de quibus videretur nobis, infligendas seu inflictas declarandas juxta delictum, contumaciam & excessum cujuslibet, si, quando, & quoties opportunum cognosceremus communiter vel divisim, absque monitione & citatione alia nos processuros tunc apertius prædicendo. Nonobstantibus fidelitatis & quibuscvis aliis juramentis, per quæ ipsi vel eorum aliqui dicto LUDOVICO se quomodolibet astrinxissent, ac confederationibus, pactationibus, societatibus & ligis cum eodem vel alio seu aliis nomine suo vel mandato, per quascumque personas singulares ecclesiasticas vel sæculares, aut communitates, seu universitates, collegia, contractis seu initis sub quacumque forma vel expressione verborum, etiamsi poenarum adjectionibus aut juramentorum præstationibus, vel quacumque alia firmitate vallatæ fuissent, utpote in Dei contumeliam, contra bonum pacis, ac derogationem honoris & status sanctæ matris Ecclesiæ, & præjudicium reipublicæ, animarumque periculum, cum hæretico & schismatico præsumtas temerè: quæ omnia per processus nostros alias nullā & irrita declaravimus, & quatenus de facto processerant cassavimus, annullavimus, & irritavimus, etiamsi post dictos processus aliqua forent alia attentata: juramenta dissolventes hujusmodi, ac poenas omnes & singulas super prædictis & ea tangentibus adjectas quomodolibet relaxantes de plenitudine potestatis. Volumus autem auctoritate apostolica nihilominus decernentes, quod processus noster hujusmodi præfatum LUDOVICUM, & alios quos tangere dinoscebatur apprehenderet & arctaret, ac si

*Theſauri Anecd. Tom. II.*

A eisdem personaliter singulariter publicatus & intimatus solemniter extitisset, Constitutione quacumque contraria per prædecessores nostros Romanos pontifices edita non obstante. Licet autem processus noster prædictus in consistorio publico, præsentē copiosa fidelium multitudine, ac gesta alia superius expressata, recitata, ut præmittitur, dictaque sententia promulgata fuerint, & cartas sententiam & processum continentes eosdem in prædictis majoris Ecclesiæ Avenionensis affigi ostiis fecerimus, seu membranas, ut suo quasi sonoro præconio & patulo indicio ad fidelium notitiam deducerent processum & sententiam antedictos. Et nihilominus eosdem in Alemania & in locis aliis circumvicinis fecerimus publicari, sic quod prætextu ignorantia se nequit dictus LUDOVICUS nec aliis excusare. Idem tamen LUDOVICUS velut in profundum malorum demersus suæque malitia excoecatus, nostris non acquiescens salutaribus monitis, sed ea damnabiliter in contemptum habitis, ab administratione regni & imperii non destitit, quin immò imperatorem se abusivè nominans, & faciens ab aliis nominari, de administratione hujusmodi se præsertim in partibus Alemanniæ, in Dei offensam, suæ multorumque aliorum animarum periculum, reipublicæ detrimentum, & plurimorum scandalum damnabiliter intromisit. Vicarios, advocatos, officialesque alios diversorum nominum sub imperatoris constituendo nomine, & ordinando de facto, cum de jure non posset, ipsos ad diversas civitates illarum partium, & oppida destinando. De rebus quoque, bonis & juribus prædictorum regni & imperii præsumptione damnabili disponendo, ac redditus & proventus vero imperatori debitos exigendo, & homagia, juramentaque fidelitatis à nonnullis principibus ac nobilibus, civitatibus quoque, oppidis, & terris aliis exigendo & recipiendo indebitè & injustè. Nonnulla quoque feuda, & jura alia ad prædictum regnum & imperium pertinentia, in eorumdem regni & imperii ac subditorum grave præjudicium dare, pignori obligare, seu distrahere, nec non fideles Romanæ Ecclesiæ ac imperii turbare & gravare multipliciter præsumsit hætenus, & disponit in posterum acrius & severius molestare, propter quod edictum publicum proposuit, ut dominica ante instans festum Purificationis beatæ MARIÆ Virginis in oppido dicto de *Frankenfort*, omnes principes tam ecclesiastici quam sæculares illarum partium sub poenis privationis omnium jurium & feudorum quæ ab imperio obtinent, debeant coram eo personaliter comparere. Ne igitur LUDOVICUS prædictus, omni timore divino privatus, de tam contumaci superbia gloriatur, & ne præsumtoribus ad similia pandatur aditus, sed potius præcludatur accessus, cum præmissa adeò sint notoria tam facti evidentia, quam per litteras multas de partibus illis nobis & multis in curia degentibus præsentatas, & testimonio quasi omnium de partibus ipsis ad curiam prædictam venientium præmissa asserentium viva voce, nec non & plurium fide dignorum testium, quos per

F ff ij



nonnullos ex fratribus nostris ad cautelam examinari fecimus, depositiones continent evidenter, quæ non possunt tergiversatione aliqua occultari, nec non & præsentia scandala, ac varia quæ mora comminatur pericula attendentes, tantisque malis & periculis obviare salubriter cupientes auctoritate Dei omnipotentis & Domini JESU CHRISTI Salvatoris nostri, qui caput Ecclesiæ noscitur, cujusque vices in terris licet immeriti gerimus, & cui ejusque corpori mystico, videlicet universæ congregationi fidelium per præmissa atrox & notoria injuria irrogatur, de fratrum prædictorum consilio & plenitudine potestatis, præsentē hac fidelium multitudine copiosa, cum ut ostenditur ex prædictis, ipsum LUDOVICUM in excommunicationis incidisse sententiam, ac pœnas alias tam spirituales quam temporales contentas in processu nostro prædicto, sit notorium incurrisse, pronuntiamus & etiam declaramus eundem LUDOVICUM in prædictam excommunicationis incidisse sententiam, omnesque pœnas alias in eodem processu contentas, tam spirituales quam temporales etiam incurrisse, & velut excommunicatum præter casus exceptos à jure fore vitandum ab omnibus nuntiamus. Et nihilominus quicquid per ipsum LUDOVICUM contra processum nostrum de facto, cum de jure non potuerit, extitit attentatum, sive constituendo sub regio vel imperiali nomine vicarios, advocatos, vel quosvis officiales alios quocumque nomine censeantur, sive recipiendo sub eodem nomine homagia, seu fidelitates, vel quæcumque alia juramenta à principibus ecclesiasticis vel temporalibus, civitatibus, vel communitatibus aliis, aut quibuscumque personis singularibus, cujuscumque conditionis vel status existant, sive dando, infeudando, impignorando vel quovis alio titulo seu modo bona aliqua corporalia sive incorporalia quocumque nomine censeantur, in perpetuum, vel ad tempus, personæ alicui ecclesiasticæ vel mundanæ, cujuscumque status vel conditionis existat, etiam si regali, pontificali, vel alia quacumque ecclesiastica vel sæculari præemineant dignitate, concedendo, cassum, nullum & irritum de fratrum eorundem consilio declaramus, ac prædicta omnia & singula quatenus processere de facto, nec non quascumque confœderationes, colligationes, societates & ligas per quascumque personas ecclesiasticas vel singulares, aut communitates, vel universitates cum eodem LUDOVICO sub quacumque forma vel expressione verborum contractas seu initas, vel in posterum contrahendas, etiam si juramentis, pœnis vel quibuscumque aliis firmitatibus sint innexæ, quatenus ipsius LUDOVICI commodum vel utilitatem possunt concernere, revocamus, cassamus, annullamus, irritamus, & penitus viribus vacuumus, pœnas adjectas super hoc & juramenta præstita, nihilominus de potestatis plenitudine relaxantes: ordinationes insuper & constitutiones quascumque per ipsum factas, nec non & sententias contra Maguntinam seu quascumque civitates, castra, oppida seu loca, vel universi-

tates, seu communitates alias, & personas singulares quascumque ecclesiasticas vel mundanas, cujuscumque status vel conditionis existant, etiam si regali, pontificali, aut alia quacumque dignitate præfulgeant, promulgatas seu comminatas & pœnas inflictas vel comminatas per se vel per alium, nec non & impositiones teloneorum seu pedagiorum per ipsum vel alium seu alios suo nomine vel mandato, seu auctoritate, & specialiter citationem illam, ut scilicet principes ecclesiastici & sæculares vel alii quicumque dicta Dominica ante instans festum Purificationis Beatæ Mariæ Virginis coram ipso compareant factam, sive per edictum publicum, sive per litteras particulares, vel alia quælibet attentata, decernimus cassâ, nulla, & irrita, eaque quatenus processere de facto cassamus, irritamus & viribus vacuumus. Universas quoque personas ecclesiasticas & sæculares, cujuscumque status vel conditionis existant, quæ forsân parere neglexerint temerè nostris monitionibus, inhibitionibus & præceptis, pœnas excommunicationis inflictas superius in processu nostro prædicto incurrisse, ac eorum terras, nec non communitates & universitates alias circa hæc delinquentes subjacere decernimus ecclesiastico interdicto, processuri ad publicationem aliarum pœnarum inflictarum, & impositionem comminatarum in eisdem processibus, absque citatione seu monitione alia, prout eorum exegerit contumacia, & viderimus expedire. Præterea universis & singulis ecclesiarum prælatis, & personis ecclesiasticis sæcularibus & regularibus, cujuscumque status vel conditionis existant, etiam si pontificali, aut majori, vel inferiori præfulgerent dignitate, nec non regibus, ducibus, principibus, marchionibus, comitibus, baronibus, potestatibus, capitaneis, rectoribus, & aliis dominis temporalibus, & qui in aliquo præmissorum se intitulant titulo, licet jus non habeant in eisdem, communitatibus etiam, universitatibus, civitatibus, castris, villis & aliis quibuscumque inhibemus, & mandamus expressè, ne prædicto LUDOVICO de diversis hæresibus condemnato adhærere, participare, communicare vel favere, publicè vel occultè; nec ad terminum citationis seu convocationis prædictæ, vel alium præfixum super hoc vel etiam præfigendum, ire vel mittere, aut coram eo comparere, seu sibi homagia, vel fidelitates aut alia quæcumque juramenta præstare, seu recognitiones quascumque facere per se vel alium seu alios quoquo modo præsumant, nec societates, confœderationes, pactiones, vel ligas contrahant vel faciant quomodolibet cum eodem, nec initas seu contractas, si quæ forsân fuerint, quas, ut præfertur, revocavimus & irritavimus, teneant vel observent: Alioquin omnes & singulos contrarium attentantes, sive sint personæ singulares ecclesiasticæ vel mundanæ, aut communitates vel universitates, pœnas prædictas & sententias, prout conditionem concernunt cujuslibet, incurrere volumus ipso facto. Non obstantibus si eis vel eorum aliquibus communiter vel divisim,

à sede sit indultum, prædicta quòd interdicti, suspendi, vel excommunicari non possint per litteras apostolicas, non facientes plenam & expressam & de verbo ad verbum de indulto hujusmodi mentionem, & quibusvis privilegiis, indulgentiis & litteris apostolicis generalibus vel specialibus, quibusvis personis, locis vel ordinibus, sub quacumque forma vel expressione verborum concessis, etiam si de illis esset specialis & expressa ac de verbo ad verbum in præsentibus mentio facienda; per quæ nullum contra præmissa cuiquam afferri suffragium volumus, vel obstaculum interponi. Ceterum volumus, & auctoritate apostolica decernimus quòd præsens processus noster præfatum LUDOVICUM ac omnes & singulos alios quos contingit adeò apprehendat & ardet, ac si eisdem publicatus personaliter & insinuatus solemniter extitisset; quacumque constitutione contraria per prædecessores nostros Romanos Pontifices in contrarium edita non obstante. Ut autem processus noster ad ipsius LUDOVICI & aliorum, quorum interest vel interesse potest, communem notitiam deducatur, cartas sive membranas processum continentes eundem in ejusdem ecclesiæ Avenionensis appendi vel affigi ostiis faciemus, quæ processum ipsum suo quasi sonoro præconio & patulo indicio publicabunt, ut nullam possint excusationem prætere de vel ignorantiam allegare, quòd ad eos non pervenit vel quòd ignorarint eundem, cum non sit verisimile quoad ipsos remanere incognitum vel occultum quod tam patenter omnibus publicatur. Datum Avenione secundo nonas Januarii, Pontificatus nostri anno quinto decimo.

Et quamquam cartas seu membranas ipsum continentes processum ostiis Avenionensis Ecclesiæ, ut contenta in eodem processu ad communem omnium deducantur notitiam, appendi fecerimus seu affigi, volentes tamen ex superabundanti, ut clariùs innotescant partium earum fidelibus, solemniter in ipsis partibus publicari: Fraternitati vestræ per apostolica scripta mandamus, in virtute sanctæ obediencie districtiùs injungendo, quatenus vos & vestrum singuli per vos & alios religiosos & seculares de quibus vobis videbitur, quos ad hoc non obstantibus quibuscumque exemptionibus seu aliis privilegiis compellere si necesse fuerit valeatis, in Ecclesiis & locis insignibus vestrarum civitatum & dioceseon de quibus expedire videritis, prædictum processum & contenta in eo, solemniter convocato ad hoc & præfente clero & populo, vulgarisando ea nihilominus, ut populus clariùs intelligat, publicetis: inde faciendò confici publica instrumenta, principium & finem præsentium continentia, illa nobis fideliter remissuri. Datum Avenione sexto Idus Januarii, Pontificatus nostri anno xv.

*Executoria contra Mendicantes.*

JOHANNES episcopus servus servorum Dei.  
Venerabilibus fratribus... archiepiscopo...

A ejusque suffraganeis, salutem & apostolicam benedictionem. Pridem contra fratres ordinum Mendicantium LUDOVICO de Bavaria de multis hæresibus & schismate condemnato adhærentes, quemdam processum in consistorio publico, præfente fidelium multitudine copiosa, fecimus, tenoris & continentie subsequenter, JOHANNES, &c. Ad futuram rei memoriam. Ad communem omnium notitiam credimus pervenisse nos dudum contra LUDOVICUM de Bavaria, ejus demeritis exigentibus, diversos fecisse processus, per quos utique successivè, sicut ejus excessus varii quos non destinebat committere, exigebant, diversas pœnas eisdem infliximus, ipsam incidisse in nonnullas ex eis declarantes. In primis quidem dictus LUDOVICUS excommunicationis sententia extitit innodatus, ac subsequenter culpis suis excrecentibus, & contumaciis ejus continuatis & auditis, jure si quod sibi ex electione de ipso in regem Romanorum discorditer celebrata fuerat ad regnum vel imperium Romanum quomodolibet acquisitum: deinde verò ipso excessus excessibus cumulante, ducatu Baviaræ ac privilegiis tam apostolicis quàm imperialibus, ac bonis & feudis omnibus quæ à Romana vel quibusvis aliis ecclesiis aut imperio obtinebat, per diversos processus nostros diversis temporibus habitos de fratrum nostrorum consilio, justo judicio nudatus extitit & privatus. Et demum quia Pharaonis imitatus duritiam, & contemnens omnem sanctæ matris Ecclesiæ disciplinam, nulla correctionis ostendit indicia, sed potius hæreticis & hæreticalibus intendens dogmatibus, ac hæreticos in suum admittens consortium, eorum errores & hæreses defendendo, se ostendit hæreticum manifestè, servatis solemnitatibus debitis, primo fautor hæreticorum declaratus, & subsequenter de crimine hæresis, pro diversis successivè hæresibus, fuit sententialiter & publicè per nos de ipsorum fratrum consilio condemnatus. Universis nihilominus & singulis personis ecclesiasticis, sæcularibus ac regularibus ac mundanis, cujuscumque conditionis & status existerent, etiam si patriarchali, pontificali, aut majori seu inferiori dignitate fulgerent: nec non regibus, ducibus, principibus, marchionibus, comitibus, baronibus, nobilibus, potestatibus, capitaneis, rectoribus, & aliis dominis temporalibus, aliisque personis singularibus quibuscumque, aut communitatibus, universitatibus, civitatibus, castris, oppidis, villis & locis, sub excommunicationis in personas, & interdicti in terras eorum, sententiis, ac pœnis aliis variis in processibus eisdem contentis, inhibendum districtiùs duximus & mandandum, ne eidem LUDOVICO parerent in aliquo vel faverent, prout hæc in diversis nostris processibus latius continentur. Sanè quia ad nostrum pervenit auditum; quòd nonnulli ordinum Mendicantium, præsertim degentium in partibus Alemanniæ, suæ professionis obliti, velut in reprobum sensum dati, eidem LUDOVICO favere publicè non verentur, nonnulli verò in ejus damnanda comitiva morando, alii autem

in locis interdictis ad ejusdem LUDOVICI seu suorum officialium dictum vel præceptum divina prophanando officia, & alii ipsum pro rege & imperatore habendo, & eidem parendo & obediendo, ad ejus obedientiam pravis studiis alios inducendo. Nos dignum arbitantes & congruum, ut tales donec ab ejus à cujus se obedientia subtrahant, eamque impugnare satagant, privilegiis seu favoribus non fruantur, omnes & singulos ordinum Mendicantium, qui, postquam nostri processus prædicti ad eorum notitiam pervenerunt, vel fecerant quò pervenire non possent, eidem LUDOVICO, ut præmittitur, vel alii adhæserunt, illis tamen exceptis, qui jam redierunt ad obedientiam, omnibus & singulis tam exemptionis quàm prædicationis, seu audiendi confessiones, & etiam sepulturas habendi, in eo scilicet loco in quo forsan omnes de conventu ordinum prædictorum deliquerint in præmissis, quàm aliis quibuscumque privilegiis & gratiis, libertatibus & immunitatibus, tam ordinibus suis, quàm personis & locis ipsorum sub quacumque forma vel expressione verborum ab apostolica sede concessis, auctoritate apostolica, de dictorum fratrum consilio privamus omnino, & præter poenas alias de jure per processus nostros contra talia præsumentes inflictas, quibus ipsos volumus subjacere, ordinariorum locorum jurisdictioni ordinariæ, quoad causas & omnia alia in perpetuum subjectos esse decernimus, nisi à præmissis cessantes, ad Ecclesiæ unitatem redierint, & absolutionis beneficium ab excommunicationis sententia, quam propter præmissa ipsos incurrere non est dubium, vel incurrerint si ea in futurum commiserint, à nobis vel nostris successoribus, quibus eandem absolutionem præterquam in mortis articulo reservamus expressè, obtinere meruerint & restitui ad præmissa. Per hoc autem superioribus ipsorum ordinum nolumus præjudicium aliquod generari, quin in eos possint jurisdictionem suam etiam exercere. Universis insuper clericis & laicis, cujuscumque conditionis, status, ordinis, vel dignitatis existant, mandamus tenore præsentium, & sub excommunicationis poena, quam contrarium facientes incurrere volumus ipso facto, districtius inhibemus, ne ad fratres & conventus inobedientes hujusmodi, pro sepulturis, confessionibus, & prædicationibus, aut aliis supradictis recurrere, seu eis adhærere, vel ipsos ad prædicta admittere quoquo modo præsumant. Præterea omnibus & singulis patriarchis, archiepiscopis, & episcopis, ac hæreticæ pravitatis inquisitoribus injungimus & mandamus, ut tales uti privilegiis hujusmodi non sinentes, contra ipsos ut fautores hæretici, & suspectos vehementer de hæresi provideant juxta statuta canonum & privilegia concessa inquisitionis officio supradictæ. Ut autem præsens processus noster ad omnes quos contingit notitiam deducatur, cartas seu membranas concessum continentes eundem appendi seu affigi ostiis seu superliminibus majoris ecclesiæ Avenionensis faciemus, quæ processum ipsum suo quasi sonoro præco-

nio & patulo indicio publicabunt, ut illi quos processus ipse contingit nullam possint excusationem prætere, vel ignorantiam allegare quod ad eos non pervenerit, vel quod ignorant eundem, cum non sit verisimile quoad ipsos remanere incognitum vel occultum quod tam patenter omnibus publicatur. Auctoritate apostolica nihilominus decernentes, quod dictus processus adeò ipsos apprehendat & ardeat, ac si eis & eorum cuilibet publicatus personaliter & intimatus solemniter extitisset, quacumque constitutione per prædecessores nostros Romanos pontifices in contrarium edita non obstante. Datum Avenione secundo nonas Januarii, Pontificatus nostri anno quinto decimo.

Quamvis autem processus hujusmodi publicatus, ut præfertur, sufficienter fuerit, volentes tamen ex superabundanti ipsum ut certius innotescat partium illarum fidelibus in eisdem partibus publicari: fraternitati vestræ per apostolica scripta mandamus, quatenus per vos vel alium seu alios, sæculares vel religiosos, exemptos vel non exemptos, quos ad hoc per vos auctoritate nostra compelli, si expedierit, volumus exemptionis seu quovis alio privilegio non obstante, eosdem fratres ordinum Mendicantium, dicto Ludovico super contentis in eisdem processibus quomodolibet adhærentes privilegiis tam exemptionis, quàm prædicandi, seu audiendi confessiones, & etiam habendi sepulturas, in eo scilicet loco in quo forsan omnes de conventu ordinum prædictorum deliquerint in præmissis, quàm aliis quibuscumque privilegiis, gratiis & libertatibus tam ordinibus quàm personis & locis ipsarum, ut præfertur, concessis, privatos omnino, & ordinariorum suorum jurisdictioni ordinariæ quoad causas & omnia alia, nisi à præmissis cessantes meruerint absolutionis ab excommunicatione, quam propter præmissa incurrerunt, beneficium obtinere, in perpetuum fore subjectos, publicè nuntiare, ac omnia alia & singula in præfato contenta processu in singulis vestris civitatibus & locis insignibus vestrarum dioceseon, clero & populo ad hoc specialiter convocatis, publicare solemniter studeatis, vulgarisando ea nihilominus, ut clariùs eisdem fidelibus innotescant, vobis nihilominus districtius injungentes, ne fratres eosdem talibus uti privilegiis permittatis, sed contra ipsos ut fautores hæretici, & de hæresi vehementer suspectos, juxta statuta canonum & privilegia concessa, inquisitionis officio procedatis: facientes super publicatione hujusmodi publicæ confici instrumenta nobis fideliter & celeriter transmittenda. Datum Avenione tertio Idus Januarii, Pontificatus nostri anno quinto decimo.

#### PROCESSUS

*Contra Michaëlem de Cesana, & complices ejus, Executoria.*

JOHANNES &c... archiepiscopo... ejusque suffraganeis. Nuper in consistorio publico,

præsente multitudine copiosa fidelium, contra MICHAËLEM de Cesana, olim generalem ministrum ordinis fratrum Minorum, suis exigentibus culpis & excessibus, officio ministeriatus privatum, & de hæresis ac schismatis criminibus condemnatum per nos sententialiter, nec non & contra GUILLELMUM OKAM Anglicum, BONAGRATIAM de Pergaino conversum, & HENRICUM de Talhem, præfati ordinis, quemdam processum edidimus tenoris & continentiae subsequenter.

JOHANNES, &c. Ad futuram rei memoriam. Dudum sicut ad communem omnium notitiam credimus deduxisse, contra MICHAËLEM de Cesana, olim ordinis fratrum Minorum generalem ministrum, hæreticorum fautorem & hæreticum, immò hæresiarcham notorium, qui ad nostram vocatus curiam super dictis criminibus, cuique sub excommunicationis, ac depositionis ab officio, & inhabilitationis ad quoscumque honores, dignitates, gradus & status ecclesiasticos pœnis & sententiis, quas omnes & singulas ipsarum eum incurrere volumus ipso facto si contrarium attentaret, ne de civitate Avenionensi, ubi cum eadem residebamus curia, sicut & residemus ad præsens, absque nostra licentia recederet, duximus inhibendum. Quique unâ cum BONAGRATIA converso prædicti ordinis, qui suis demeritis exigentibus in prædicta curia arrestatus ad sancta Dei Evangelia iuraverat, se de prædicta curia sine nostra licentia nullatenus recessurum, ac GUILLELMO DE OKAM ejusdem ordinis, contra quem super multis opinionibus hæreticalibus & erroneis, quas scripserat & dogmatizaverat inquisitio in eadem pendebat curia, sibi propterea injunctum fuerat, ne de ipsa recederet curia sine nostra licentia speciali, furtivè recessit de ipsa cum duobus suis complicibus supradictis, ac redire ad eam renuens legitimè requisitus, ad præsentiam PETRI DE CORVARIO in antipapam assumpti & LUDOVICI de Bavaria sedentis in pestilentiae cathedra festinavit suos dirigere gressus. Ne MICHAËL ipse vir tam reprobus gloriaretur ulterius suæ pravitatis opera absque condignis demeritoriis stipendiis præterire, ac ne plures etiam in sui erroris devium traheret, ad quod tota sua intentio ferebatur, cum præmissa adeò essent notoria, tam per facti evidentiam quàm plures ipsius litteras ad diversas partes directas, quarum aliquæ ad nostras & fratrum nostrorum manus etiam pervenerunt, quòd non poterant tergiversatione aliqua occultari, de fratrum eorundem consilio, auctoritate Dei omnipotentis, & beatorum Petri & Pauli apostolorum ejus, exigente justitia procedentes, MICHAËLEM eundem ab officio dicti ministeriatus depositum, fautoremque hæreticorum, & manifestum hæreticum ac hæresiarcham & schismaticum declarandum, nec non & ut fautorem hæreticorum, & hæreticum, ac hæresiarcham, & schismaticum duximus condemnandum: privantes eum officiis, dignitatibus & honoribus quibuscumque, seu privatum potius declarantes, ipsumque ab omni gradu

A deponentes, & privilegio quocumque nudantes ecclesiastico, ac eum inhabilem ad præmissa reddentes & quodlibet prædictorum, pœnis omnibus & sententiis spiritualibus & temporalibus quibus divino & ecclesiastico jure hæreticorum fautores, & hæretici, hæresiarchæ & schismatici existunt obnoxii, plectentes eundem nihilominus, & eum velut talem eis fore obnoxium declarantes. Universis quoque archiepiscopis & episcopis, aliisque personis ecclesiasticis quibuscumque in virtute sanctæ obedientiae, & sub excommunicationis & suspensionis ab officio & beneficio, quas non parentes incurrere volumus ipso facto, nec non privationis, depositionis, inhabilitationis prælationum, dignitatum, officiorum & beneficiorum ecclesiasticorum pœnis & sententiis; & insuper omnibus & singulis civitatibus, terris, & locis, ac universitatibus, communitatibus, & personis aliis singularibus quibuscumque, cujuscumque status aut conditionis existerent, etiam si imperiali, regali, vel alia quacumque dignitate fulgerent, sub excommunicationis in quascumque personas singulares, & interdicti in civitates, terras, loca, eorumque communitates & universitates, quas nisi mandatis & monitionibus nostris cum effectu parerent, incurrere volumus ipso facto: nec non privationis privilegiorum quorumcumque apostolicorum & imperialium, ac feudorum & bonorum quæ ab eadem Romana vel quibuscumque aliis ecclesiis seu imperio obtinerent, pœnis & sententiis, mandandum expressè duximus ac etiam inhibendum, ne prædictum MICHAËLEM hæreticorum fautorem, hæreticum & schismaticum receptarent, defenderent, sibi adhærerent, obedirent, intenderent quomodolibet, seu faverent, aut præstarent per se vel alium seu alios, publicè vel occultè, directè vel indirectè auxilium, consilium vel favorem; sed eum potius velut hæreticorum fautorem, ac hæreticum & schismaticum, & quantum in eo est sanctæ Dei Ecclesiæ fideique catholicæ corruptorem abjicerent, abhorrerent, persequerentur, & si possent caperent, ac fideliter custodirent, subdendum ecclesiasticæ disciplinæ, prout in processibus per nos habitis & publicatis hætenus plenius continetur. Sanè quia sicut fama notoriatur publica & facti evidentia in illis partibus manifestat, MICHAËL ac GUILLELMUS OKAM & BONAGRATIA supradicti, nec non H. de Chalem dicti ordinis, cujus perversio inter alia potest percipi, quia LUDOVICI de Bavaria se pro imperatore gerentis, de diversis damnati hæresibus, cancellarii officium diutius gerere non expavit. Quod quidem officium quomodo professioni illorum, qui se nihil habere asserunt in proprio vel communi, sequi Christum pauperem nudi sequi congruat, potest promptè prudens quilibet judicare, in Alemanniæ partibus in divinæ majestatis contumeliam, fideique catholicæ læsionem, Ecclesiæque catholicæ præjudicium & contemptum, non verentur hæreses publicè prædicare, ac nonnullos fratres dicti ordinis illarum partium à devotione Ecclesiæ, ministrique generalis ejusdem



ordinis obedientia retrahere, ac illos ad dictorum LUDOVICI & MICHAËLIS hæresiarchæ obedientiam per captiones, incarcerationes personarum, ejectiones à suis conventibus, spoliationes librorum aliarumque rerum ad usum sibi assignatarum à suis superioribus, proscriptionem quoque publicam, minis & terroribus mortis, & aliis modis, ausu temerario inducere, ac compellere non verentur. Nos considerantes attentè quòd talium non est dissimulanda malitia, sed eorum potius elidenda superbia, ac eorum pertinax contumacia per semitas justitiæ prostrata; omnes & singulos, qui contra nostros processus prædictos eidem MICHAËLI faverunt, aut ut ministro obediverunt, nisi ad obedientiam Ecclesiæ jam redierint, de fratrum eorundem consilio declaramus, personas videlicet singulares excommunicationis, ac conventus & universitates interdicti sententias incurrisse, MICHAËLI interdicentes prædicto ne pro ministro se gerat ulterius, ac GUILLELMO & H. ac BONAGRATIÆ prædictis, ne ei tamquam ministro, nec aliter nisi in casibus in quibus licet communicare cum hæreticis, pareant, communicent, vel intendant sub pœna excommunicationis, quam incurrant ipso facto, si mandatis nostris fuerint contumaces. Præcipientes tam MICHAËLI quàm prædictis aliis, ut à consortio se dicti Bavari retrahant, & ad unitatem redire Ecclesiæ, sublato cujusvis moræ dispendio, non omittant. Et quia prædicti G. H. & Bonagratia velut defensores diversarum hæresium, sed illarum præcipuè quæ asserunt, quòd Christus & discipuli nihil habuerunt in proprio vel communi, nisi tantum simplicem usum facti; & illius quæ asserit, quod ad imperatorem pertinet papam deponere & alium subrogare, vehementer de hæresi sunt suspecti, ipsos & eorum quemlibet citamus per edictum peremptorium publicum, præsentè hac multitudine fidelium copiosa, ut infra festum Ascensionis Domini exclusivè proxime subsequentis, compareant personaliter coram nobis, facturi super prædictis velut notoriis quod rationis fuerit, & sententiam si fieri possit commodè audituri. Non intendentes propter prædictæ citationis edictum nos astringere quin contra dictos GUILLELMUM OKAM & BONAGRATIAM, quos aliàs per edictum peremptorium publicum citavimus, ut certo termino diu jam elapso, comparerent coram nobis personaliter sententiam audituri, ac propter eorum contumaciam fuerunt excommunicationis vinculo innodati, interim valeamus procedere prout suadebit justitia, & viderimus expedire. Eisdem expressius intimantes, quòd sive venerint, sive non venerint, contra ipsos in dicto termino, vel quoties nobis visum fuerit absque citatione alia ad præmissa procedemus, prout rationis fuerit & viderimus expedire. Ceterum volumus auctoritate apostolica nihilominus decernentes, quòd processus noster hujusmodi præfatos MICHAËLEM, GUILLELMUM, BONAGRATIAM & HENRICUM, ac alios quos tangere dinoscitur, adeò apprehendat & ardet ac si eis & eorum

cuilibet personaliter publicatus & intimatus solemniter extitisset, quacumque constitutione per prædecessores nostros Romanos pontifices in contrarium edita non obstante. Et ut idem processus & contenta in eo ad ipsorum MICHAËLIS, GUILLELMI, BONAGRATIÆ, & HENRICI, & aliorum quos contingunt, notitiam deducantur, cartas seu membranas processum continentes eundem, appendi seu affigi ostiis seu superliminaribus majoris ecclesiæ Avenionensis faciemus, quæ processum ipsum suo quasi sonoro præconio & patulo indicio publicabunt, ut ipsi nullam possint excusationem prætere, vel ignorantiam allegare quòd ad eos non pervenerit, vel quòd ignorarint eundem, cum non sit verisimile quo ad ipsos remanere incognitum vel occultum quod tam patenter omnibus publicatur. Datum Avenione secundo nonas Januarii, Pontificatus nostri anno quinto decimo.

Et licet processus ipse sufficienter publicatus extiterit, ut præfertur, tamen ex abundanti volentes eum in eis partibus nihilominus publicari: fraternitati vestræ committimus & mandamus, quatenus per vos vel alium seu alios sæculares vel religiosos exemptos & non exemptos, quos quocumque in hac parte cessante privilegio, ad hoc per censuram ecclesiasticam compelli posse per vos, si expedierit, volumus, processum eundem publicare in singulis civitatibus & locis solemnibus vestrarum dioceseon diligentius procuretis: facientes de ipsa publicatione confici publica instrumenta, quæ nobis studeatis fideliter destinare. Datum Avenione quarto Idus Januarii anno xv.

## PROCESSUS

*Contra Bertholdum de Nyssen.*

JOHANNES, &c. Ad futuram rei memoriam. Dudum ad publicam notitiam deducere curavimus sedulè, quomodo diversos processus successivè contra LUDOVICUM de Bavaria, olim Bavariæ ducem, in regem Romanorum discorditer electum fecimus, per quos in diversa ipsum incidisse pronuntiavimus crimina, eidem juxta criminum ipsorum exigentiam pœnas varias infligendo. Et quia inter alia crimina hujusmodi eum in diversas incidisse notoriè percepimus hæreses, ipsum hæreticum, ac pœnas inflictas per jura talibus pronuntiavimus & declaravimus incurrisse, universis tam personis singularibus ecclesiasticis & sæcularibus, cujuscumque conditionis, ordinis, dignitatis, status aut gradus existerent, etiamsi pontificali, regali vel alia quacumque ecclesiastica vel temporali dignitate fulgerent, quàm communitatibus, universitatibus, civitatibus, castris & villis sub excommunicationis in personas singulares & interdicti in communitates, universitates, civitates, castra & villas; nec non privationis privilegiorum apostolicorum & imperialium ac feudorum, bonorum & honorum, jurium & officiorum



officiorum quorumlibet, quæ à Romana vel quibusvis aliis ecclesiis aut imperio quomodo-  
libet obtinerent, aliisque diversis tam spiritua-  
libus quam temporalibus pœnis & sententiis,  
inhibentes tunc nihilominus & mandantes ne  
præfato LUDOVICO parere, adhærere, aut  
eidem præstare, directè vel indirectè, publicè  
vel occultè, præsumerent auxilium, consilium  
vel favorem. Sanè quia BERTHOLDUS dictus  
NYFFEN inhibitionibus & mandatis nostris  
prædictis non obtemperans, sed ea deducens  
potius damnabiliter in contemptum, prædicto  
LUDOVICO adhærere, parere, seque pro vica-  
rio ipsius Ludovici publice gerere, ac favores,  
auxilia & consilia eidem multipliciter impen-  
dere, nec non multitudine gentis armigeræ  
congregatæ per ipsum fideles & devotos Ec-  
clesiæ offendere, invadere, molestare, hosti-  
liter persequi & turbare, juvando hæreticos &  
rebelles ejusdem Ecclesiæ, ipsosque in suis hæ-  
resibus & rebellionibus damnabiliter confoven-  
do præsumsit. Nos præfati BERTHOLDI, qui  
per suos competentes iudices fautor hæretico-  
rum & defensor, & propter hoc excommuni-  
cationis sententiæ perpetuæque infamiæ subja-  
cere, ac omnes pœnas reales & personales, spi-  
rituales & temporales, hæreticorum infictas fau-  
toribus incurrisse declaratus, ac per nos etiam  
postmodum in consistorio nostro publico, præ-  
sente multitudine fidelium copiosa nuntiatus  
existerat, cupientes præsumtuosis & temerariis  
ausibus obviare, ipsum per edictum nostrum  
publicum, de fratrum nostrorum consilio, sub  
excommunicationis ac privationis privilegio-  
rum ac feudorum, quæ à Romana vel quibus-  
vis aliis Ecclesiis quomodolibet obtinebat, pœ-  
nis & sententiis, quas eum ipso facto incurrere  
voluimus, si non pareret nostris mandatis &  
monitionibus huiusmodi, mandandum duximus  
& districtius injungendum, ut infra certum tunc  
sibi præfixum terminum, ea quæ per eum atten-  
tata circa præmissa fuerant & commissa, quan-  
tum esset sibi possibile revocaret, nec ea ulte-  
rius committeret: à fautoria quoque defensione,  
omnique adhæsiōe dictorum hæreticorum &  
rebellium, ac usurpato & præsumto vicariatus  
titulo & officio desisteret, nec se de illis ulterius  
per se vel alium seu alios intromitteret quoquo-  
modo, revocatis tunc per nos nihilominus, ac  
cassatis, irritatis & annullatis omnibus quæ  
dictus Bertholdus circa præmissa duxerat at-  
tentanda. Cumque ipse huiusmodi monitioni-  
bus, inhibitionibus & mandatis parere contem-  
serit, pejora continuè committendo, ac adhæ-  
rendo & assistendo LUDOVICO prædicto, de  
hæresis & schismatis criminibus sententialiter &  
publicè condemnato, secumque participando,  
& ei præstando auxilia, consilia & favores;  
quæ per famam publicam & facti evidentiam  
adeò erant notoria, quòd nulla poterant tergi-  
versatione celari. Et nihilominus per tempus  
quinque annorum & ultra excommunicationis  
sententias ratione fautoriæ hæreticorum pro-  
mulgatas animo sustinuerat indurato, nec ab  
eadem fautoria destiterat, sed eam continua-

*Theauri Anecd. Tom. II.*

A verat potius & adauxerat, eidem LUDOVICO,  
nec non PETRO DE CORVARIO tunc hæretico  
& schismatico, eorumque sequacibus & com-  
plicitibus adhærendo, favendo, assistendo, ac  
consilium, auxilium & favorem præstando pu-  
blicè. Nos eundem Bertholdum qui de præ-  
dictis hæresis & schismatis criminibus vehemen-  
ter reddiderat se suspectum, per edictum no-  
strum publicum sexto Kalendas Februarii, Pon-  
tificatus nostri anno quarto decimo, præsentem  
multitudine copiosa fidelium, cum ad ipsum  
tutus non pateret accessus, de fratrum prædi-  
ctorum consilio peremptoriè citavimus, ut infra  
instans festum Ascensionis Domini exclusivè  
sub pœnis prædictis, nec non privationis om-  
nium feudorum & bonorum quæ tenebat ab  
imperio, quas ipsum si mandato & citationi  
huiusmodi non pareret incurrere volumus ipso  
facto, apostolico conspectui se personaliter præ-  
sentaret, super dictis hæresis & schismatis cri-  
minibus sententiam auditurus, ac facturus &  
recepturus quod iustitia suaderet: tunc eidem  
nihilominus apertius prædicentes, quòd si in  
eodem termino, vel infra illum compareret,  
si non compareret, ad dictam proferendam  
sententiam, & alias contra ipsum, prout nobis  
videretur expediens & rationis existeret, pro-  
cedere absque citatione alia curarem. Volu-  
mus autem tunc auctoritate apostolica decer-  
nentes, quòd prædictorum processus & citatio-  
nis edictum, præfatum BERTHOLDUM adeò  
apprehenderent & arctarent, ac si eidem per-  
sonaliter intimati & publicati fuissent, constitu-  
tione quacumque per prædecessores nostros  
Romanos pontifices in contrarium edita non  
obstante, sicut in eodem processu solemniter  
habito, & portis ecclesiæ Avenionensis affixo,  
ac in diversis mundi partibus de mandato no-  
stro ex superabundanti publicato, plenius con-  
tinetur. Cumque præfatus BERTHOLDUS in  
eodem sibi, ut præfertur, præfixo termino, vel  
etiam postea de benignitate apostolica diutius  
expectatus non curaverit comparere, nos ipsam  
reputavimus & reputamus meritò contumacem,  
eumque propter hoc excommunicationis sen-  
tentiā innodamus. Declarantes ipsum nihilo-  
minus pœnam privationis feudorum & bono-  
rum quæ tenebat ab imperio infictam sibi su-  
perius incurrisse. Et licet potuissemus in eodem  
termino, & adhuc possemus super dictis crimi-  
nibus exigente iustitia proferre sententiam con-  
tra eum: volentes tamen eum adhuc de beni-  
gnitate apostolica amplius expectare, ac ex-  
periri, si per mansuetudinis clementiam ad gre-  
mium & unitatem Ecclesiæ poterit suis relictis  
erroribus revocari. Ideoque ipsum per hoc  
edictum nostrum publicum, præsentem hac mul-  
titudine copiosa fidelium, cum ad eum tutus  
accessus non pateat, citamus peremptoriè, ut  
infra instans festum Ascensionis Domini nostro  
conspectui personaliter se præsentet, super di-  
ctis hæresis & schismatis criminibus sententiam  
auditurus, ac facturus & recepturus quod iusti-  
tia suadebit: quem quidem terminum ad præ-  
missa peremptorium eidem BERTHOLDUS de

Ggg

fratrum prædictorum consilio præfigimus & etiam assignamus. Eidem apertius nihilominus prædicentes, quòd si infra dictum terminum vel in eo comparuerit, siue non comparuerit coram nobis, nos ad proferendam sententiam hujusmodi & alias contra ipsum prout rationis fuerit & expedire videbimus, procedemus. Volumus autem auctoritate apostolica decernentes, quòd processus & citationis edictum hujusmodi, eundem BERTHOLDUM adeò apprehendat & ardet, ac si processus eidem præsentialiter intimatus & publicatus fuisset, quacumque constitutione contraria per prædecessores nostros Romanos pontifices edita nonobstante. Ut autem processus noster & citationis edictum hujusmodi, ad ejusdem Bertholdi & aliorum quos possunt contingere notitiam deducantur, cartas siue membranas processum & citationem continentes eosdem, in majoris Ecclesiæ Avenionensis appendi vel affigi ostiis seu superliminaribus faciemus, quæ processum & citationem eosdem suo quasi sonoro præconio & patulo indicio publicabunt; ita quòd dictus Bertholdus & alii quos processus ipse contingit, nullam possint excusationem prætereundere vel ignorantiam allegare, quòd ad eos non pervenerit vel quòd ignorarint eundem, cum non sit verisimile quo ad ipsos remanere incognitum vel occultum, quòd tam patenter omnibus publicatur. Datum Avenione secundo nonas Januarii, Pontificatus nostri anno quinto decimo.

### PROCESSUS

#### *Contra Jacobum olim episcopum Castellanum.*

**J**OHANNES, &c. Ad futuram rei memoriam. Ad notitiam publicam dudum curavimus deducere sedulè, quomodo diversos processus successivè contra LUDOVICUM olim Baviaræ ducem in regem Romanorum discorditer electum fecimus, per quos in diversa ipsum incidisse pronuntiavimus crimina, juxta criminum ipsorum exigentiam, pœnas varias infligendo. Et quia inter alia crimina hujusmodi eum in diversas incidisse notoriè percepimus hæreses, ipsum hæreticum, ac pœnas inflictas per jura talibus, declaravimus incurrisse. Universis tam personis singularibus ecclesiasticis & sæcularibus cujuscumque conditionis, ordinis, dignitatis, status vel gradus existerent, etiam si pontificali, regali, vel quavis alia ecclesiastica vel mundana dignitate fulgerent, quàm communitatibus, universitatibus, civitatibus, castris & villis, excommunicationis in personas singulares, interdicti in communitates, universitates, civitates, castra & villas; nec non privationis privilegiorum apostolicorum & imperialium ac feudorum, bonorum & honorum, jurium & officiorum quorumlibet, quæ à Romana vel quibusvis aliis ecclesiis aut imperio quomodolibet obtinerent; aliisque diversis tam spiritualibus quàm temporalibus pœnis & sententiis inhibentes tunc nihilominus & mandantes, ne præfato LUDO-

**A** vico parere, adhærere, aut eidem præstare directè vel indirectè, publicè vel occultè præsumerent auxilium, consilium vel favorem. Sanè quia JACOBUS olim episcopus Castellanus, inhibitionibus & mandatis prædictis non obtemperans, sed ea potiùs damnabiliter in contemptum deducens, omiſſa cura gregis sibi commissi dominici, ad eundem LUDOVICUM accedens, eidem, velut datus in sensum reprobum, contra Deum, & Ecclesiam sanctam suam, fidelesque suos, adhæsit, favit, eique multipliciter præstitit auxilia, consilia & favores. Nos præmissis, fama seu potiùs infamia divulgante publica, & multarum assertionem sublimium personarum plenius intellectis, nolentes ea conniventibus oculis pertransire, præfatum JACOBUM, tam in ecclesia Castellana quàm domibus episcopalibus in quibus ipse morari consueverat, per publici propositionem edicti citari per nostras certi tenoris litteras fecimus, ut certo sibi tunc præfixo termino coram nobis personaliter compareret, super prædictis responsurus & facturus quòd justitia suaderet: qui cum in eodem termino minimè comparere curaverit, nos eum reputantes meritò contumacem, eum propter hoc excommunicationis sententia duximus innodandum. Et quia idem Jacobus cum dicto Ludovico in obsidione civitatis Pisanæ, & in eadem civitate post ipsius occupationem tyrannicam interfuit, eidem Ludovico suisque complicibus & fautoribus adhærendo, ac præstando auxilium, consilium & favorem, ipsumque sequendo, accessit ad Urbem circa coronationem & inunctionem, seu veriùs insaniam & execrationem ipsius, eidem assistendo & ipsum honorando, ac tamquam datus in sensum reprobum, & ingratus Romanæ Ecclesiæ, quæ ipsum Jacobum ad dignitatem episcopalem promoverat, adhærere, contra eandem Ecclesiam continuè non verendo. Nos attendentes tunc quòd præmissa erant adeò notoria, quòd nulla poterant tergiversatione celari, memoratum Jacobum excommunicationis, & suspensionis ab officio & beneficio pœnas & sententias pronuntiavimus & declaravimus incurrisse: ac ipsum ab omni episcopali dignitate, ac episcopatu Castellano, & sacerdotali officio de fratrum nostrorum consilio privantes, ad quascumque dignitates & beneficia ecclesiastica obtinenda reddidimus inhabilem & indignum. Et quia Jacobus ipse de hæresis, schismatis, aliisque diversis criminibus per præmissa & alia vehementius reddiderat se suspectum, nos ipsum per edictum nostrum publicum, cum ipse in sequela dicti Ludovici & complicum suorum existens, adiri non posset commodè, nec ad eum tutus patebat accessus, præsentem multitudinem copiosa fidelium, videlicet secundo Kalendas Aprilis, Pontificatus nostri anno duodecimo, de prædictorum fratrum consilio citavimus, ut infra Kalendas Julii tunc instantis proximò, se apostolico conspectui personaliter præsentaret, super fautoria hæreticorum, ac hæresis & schismatis aliisque criminibus quibus se reperiſum manifestè reddiderat, sententiam auditurus, ac

facturus & recepturus quod iustitia suaderet, quem quidem terminum ad præmissa peremptorium eidem de fratrum ipsorum consilio præfigendum duximus & etiam assignandum: tunc apertius prædicentes eidem quod si infra dictum terminum vel in eo compareret, aut non compareret, nos ad proferendam sententiam huiusmodi & alias contra ipsum absque citatione alia procedere, prout rationis existeret, & nobis videretur expediens, curaremus, sicut in processu nostro inde solemniter factò, & portis ecclesiæ Avenionensis affixo seu appenso, ac in diversis mundi partibus ex superabundanti de mandato nostro publicato solemniter, plenius continetur. Cum autem præfatus Jacobus in eodem termino, vel etiam postea, de benignitate apostolica expectatus, coram nobis non curaverit comparere, nos ipsum reputavimus & reputamus merito contumacem, eumque propter hoc excommunicationis sententia innodamus. Et licet potuissemus in eodem termino ac adhuc possemus contra eum super dictis criminibus sententiam promulgare, volentes tamen adhuc eum de mansuetudine sedis apostolicæ amplius expectare, ipsum hac præsentē multitudine copiosā fidelium, per hoc edictum nostrum publicum, cum ad eum adhuc inter rebelles & hostes Dei & Ecclesiæ ac cum ipsis conversantem, nequaquam tutus pateat accessus, citamus peremptorie ut infra instans festum Ascensionis Domini exclusivè nostro conspectui personaliter se præsentet, super dictis criminibus sententiam auditurus, ac facturus & recepturus quod iustitia suadebit, quem quidem terminum ad præmissa peremptorium eidem Jacobo de prædictorum fratrum consilio præfigimus & etiam assignamus: eidem apertius nihilominus prædicentes, quod si infra prædictum terminum siue in eo comparuerit, siue non comparuerit coram nobis; nos ad proferendam sententiam huiusmodi & alias contra ipsum, prout rationis fuerit & expedire videbimus, absque citatione alia procedemus. Volumus autem auctoritate apostolica nihilominus decernentes, quod processus & citationis edictum huiusmodi memoratum Jacobum adeò apprehendant & arceant, ac si dictus processus eidem præsentialiter intimatus & publicatus fuisset, quacumque constitutione contraria per prædecessores nostros Romanos pontifices edita non obstante. Ut autem processus & citationis edictum huiusmodi, ad ejusdem Jacobi & aliorum quos processus ipse potest contingere notitiam deducantur, cartas seu membranas processum & citationem continentes eosdem in majoris ecclesiæ Avenionensis appendi vel affigi ostiis seu superliminaribus faciemus, quæ processum & citationem eosdem suo quasi sonoro præconio & patulo indicio publicabunt. Ita quod dictus Jacobus & alii quos processus ipse contingit nullam possint excusationem prætere vel ignorantiam allegare, quod ad eos non pervenerit vel quod ignorarint eundem, cum non sit verisimile quoad ipsos remanere incognitum vel occultum, quod tam patenter omnibus pu-

*Theſauri Anecd. Tom. II.*

A blicatur. Datum Avenione secundo nonas Januarii, Pontificatus nostri anno quinto decimo.

## PROCESSUS

*Contra Johannem de Claromonte executoria.*

**J**OHANNES, &c. Venerabilibus fratribus... Patriarchæ Gradenſi, ejusque ſuffraganeis. Quemdam proceſſum contra JOHANNEM de Claromonte olim comitem de MOACH nuper de fratrum noſtrorum conſilio fecimus, cujus tenor diſcoſcitur eſſe talis.

**J**OHANNES, &c. Ad futuram rei memoriam. Ad notitiam publicam dudum curavimus deducere ſedule, quomodo diverſos proceſſus ſucceſſivè contra LUDOVICUM olim Bavariæ ducem in regem Romanorum electum diſcorditer, fecimus, per quos in diverſa ipſum incidiffe pronuntiavimus crimina, eidem juxta criminum ipſorum exigentiam pœnas varias infligendo. Et quia inter alia crimina huiusmodi, cum in diverſas incidiffe notoriè reperimus hærefes, ipſum hæreticum, ac pœnas inflictas per jura talibus, pronuntiavimus & declaravimus incurriſſe, univerſis tam perſonis ſingularibus eccleſiaſticis & ſæcularibus cujuſcumque conditionis, ordinis, dignitatis vel gradus exiſterent, etiamſi pontificali, regali, vel alia quacumque eccleſiaſtica vel temporali dignitatē fulgerent, quàm communitatibus, univerſitatibus, civitatibus, caſtris, & villis, ſub excommunicationis in perſonas ſingulares, & interdicti in communitates, univerſitates, civitates, caſtra & villas; nec non privationis privilegiorum apoſtolicorum & imperialium, ac feudorum, bonorum, honorum & officiorum ac jurium quorumlibet quæ à Romana vel quibuſvis aliis eccleſiis ſeu imperio quomodolibet obtinerent, aliisque diverſis tam ſpiritualibus quàm temporalibus pœnis & ſententiis: inhibentes tunc nihilominus & mandantes, ne præfato LUDOVICO adhærere, obedire, parere, aut eidem præſtare directè vel indirectè, publicè vel occultè præſumerent auxilium, conſilium vel favorem. Sanè quia JOHANNES de Claromonte olim comes de MOACH, qui comes de Claromonte nominabatur in Sicilia, inhibitionibus & mandatis noſtris prædictis non obtemperans, ſed ea deducens damnabiliter potius in contemptum, ad præſentiam dicti LUDOVICI tunc in civitate Piſana morantis, ſe cum quibuſdam ſuis complicitibus & ſequacibus armigeris perſonaliter conferre præſumſit, & deinde cum eodem Romam accedens, ibidem cum ipſo moram traxit, & tam ſibi quam PETRO DE CORVARIO, tunc hæreſiarchæ & ſchiſmatico manifeſto in Urbe ac extra adhærendo publicè, ac præſtando auxilium, conſilium & favorem, eis obſequi & ipſorum obedire mandatis, eaque tenere, complere, & obſervare damnabiliter, nec non & à dicto PETRO de Corvario marescalliæ officium recipere, & protali ſe publicè gerere, deinde ad Marchiam

G g g ij


Anconitanam, terram utique Romanæ Ecclesiæ pleno jure spectantem, infelices dirigens gressus suos, seque vicarium imperii pro dicto Ludovico, & rectorem dictæ Marchiæ pro dicto PETRO DE CORVARIO se nominans, Marchiam ipsam hostiliter aggredi, Dei timore postposito, non expavit; hæreticis ac schismaticis & rebellibus præbendo auxilium, consilium, & favorem, fidelesque ipsius Ecclesiæ unâ cum hæreticis & schismaticis aliis ac ejusdem Ecclesiæ rebellibus immaniter persequendo: quæ adeo erant notoria, quod nulla poterant tergiversatione celari; & de quibus etiam per depositiones fide dignorum testium constitit evidenter. Nos contra eundem JOHANNEM propterea exigente justitia procedentes, eundem fuisse ac esse hæreticorum fautorem, defensores, receptatores, ac publicum & notorium patrimonii & terrarum beati Petri & ejusdem Romanæ Ecclesiæ persecutorem & hostem, ipsumque tam auctoritate dictorum nostrorum processuum, quam propter fautoriam, defensionem, receptionem, & adhæSIONem dictorum hæreticorum & schismaticorum, & alios suos detestandos excessus, fore diversis excommunicationis & pœnis aliis innodatum: omnesque pœnas & sententias tam in processibus supradictis latas & comminatas, quæ laicalem concernebant personam, quàm contra fautores, auxiliares, defensores & receptatores hæreticorum promulgatas à jure ac quibuscumque constitutionibus, incurrisse: ipsumque omni honore, dignitate, ac titulo comitatus de *Moach*, sub dominio Ecclesiæ vel imperii existentis mediatè vel immediatè, & specialiter terra vel baronia seu baroniis quas habebat in Sicilia, scilicet in castro *Kaccavi* vulgariter nuncupato ac omnibus castris, villis, locis, bonis, possessionibus, privilegiis, indulgentiis, juribus, jurisdictionibus, & honoribus quibuscumque quæ ab eadem Romana vel quibusvis aliis ecclesiis aut imperio in insula Siciliæ, aut quibusvis aliis locis seu partibus habebat vel obtinebat, aliis declaravimus de dictorum fratrum consilio & pronuntiavimus propter scelera sua & excessus suos fore privatum, ipsumque privavimus eisdem ad cautelam, nihilominus & excommunicationis sententia duximus innodandum, quibuscumque, qui eidem tenebantur juramento fidelitatis astricti, per nos ab eodem juramento nihilominus absolutis. Et quoniam præfatus JOHANNES propter præmissa de hæresis & schismatis aliisque diversis criminibus fidem tangentibus catholicam vehementer reddiderat se suspectum, nos ipsum per edictum nostrum publicum sexto Kalendas Februarii, Pontificatus nostri anno quarto decimo, præfente multitudine copiosa fidelium, peremptoriè citavimus, ut infra tunc instans festum Ascensionis Domini exclusivè se apostolico conspectui personaliter præsentaret, super eisdem criminibus justam sententiam auditurus, ac facturus & recepturus quod justitia suaderet. Quem quidem terminum ad præmissa peremptorium de prædictorum fratrum consilio assignandum du-

aximus & etiam præfigendum: eidem tunc apertius prædicentes, quod si infra prædictum terminum vel in eo compareret, si non compareret coram nobis, nos ad dictam proferendam sententiam & alias contra ipsum procederemus absque citatione alia, prout rationis existeret & expediens videremus, sicut in nostro processu facto solemniter super hoc, & portis ecclesiæ Avenionensis affixo seu appenso, ac de mandato nostro publicato, ex superabundanti tam in eis quàm diversis aliis partibus, plenius continetur. Cum autem præfatus JOHANNES in eodem termino, vel etiam postea de benignitate apostolica exspectatus diutius, non comparere curaverit coram nobis, nos ipsum reputavimus meritò contumacem, eumque propter hoc excommunicationis sententiam declaravimus incurrisse. Et licet potuissemus in eodem termino & adhuc possemus super dictis criminibus, exigente justitia, proferre sententiam contra eum, volentes tamen si adhuc aliqua scintilla devotionis in eo forsitan remanserit, quæ accenderetur in flammam illuminantem cor suum, ut à deviis hujusmodi recederet, & rediret ad gremium & unitatem Ecclesiæ, relictis erroribus, experiri, eum de sedis apostolicæ prædictæ mansuetudine, dictorumque fratrum consilio, providimus amplius exspectandum. Ideò quia ipsum præfente hac multitudine copiosa fidelium, per hoc edictum nostrum publicum, cum ad eum utpotè inter inimicos & rebelles Ecclesiæ commorantem tutus accessus non pateat, citamus peremptoriè ut infra instans festum Ascensionis Dominicæ exclusivè, nostro conspectui personaliter se præsentet super dictis criminibus sententiam auditurus, & facturus & recepturus quod justitia suadebit. Quem quidem terminum ad præmissa peremptorium eidem de dictorum fratrum consilio præfigimus & etiam assignamus: eidem apertius prædicentes quod si infra dictum terminum vel in eo comparuerit, si non comparerit coram nobis, nos ad proferendam sententiam hujusmodi & alias contra ipsum, prout rationis fuerit & expedire videbimus, absque citatione alia procedemus. Volumus autem auctoritate apostolica nihilominus decernentes, quod processus & citationis edictum hujusmodi præfatum JOHANNEM adeò apprehendant & arceant, ac si dictus processus eidem præfentialiter intimatus & publicatus fuisset, quacumque constitutione contraria per prædecessores nostros Romanos pontifices edita non obstante. Ut autem processus noster & citationis edictum hujusmodi ad ejusdem JOHANNIS de Claramonte & aliorum quos potest contingere, notitiam deducantur, cartas siue membranas processum & citationem continentes eosdem in prædictæ ecclesiæ Avenionensis appendi vel affigi ostiis seu superliminaribus faciemus, quæ ipsos processum & citationem suo quasi sonoro præconio & patulo indicio publicabunt. Ita quod dictus JOHANNES & alii quos processus ipse contingit, nullam possint excusationem prætereundere vel ignorantiam allegare,


quòd ad eos non pervenerit vel quòd ignorarint eundem, cum non sit verisimile quoad ipsos remanere incognitum vel occultum, quod tam patenter omnibus publicatur. Nulli ergo, &c. Datum Avenione secundo nonas Januarii, Pontificatus nostri anno xv.

Et licet processum eundem januis ecclesiæ Avenionensis appendi, sicut in... continetur, fecerimus & affigi: volentes tamen ex superabundanti eum in illis partibus, ut plenius deducatur ad communem notitiam, publicari: fraternitati vestræ per apostolica scripta man-

A damus in virtute sanctæ obedientiæ distri-ctius injungendo, quatenus dictum processum & contenta in eo per vos vel alium seu alios in Ecclesiis & locis vestrarum civitatum & dioceseon, de quibus vobis videbitur, exvulgarisando nihilominus, clero & populo presentibus, ut clarius intelligantur ab omnibus, publicare curetis: facientes super publicatione hujusmodi publica confici instrumenta, per vos nobis postmodum fideliter transmittenda. Datum Avenione.... Pontificatus nostri anno quinto decimo.







# REGISTRUM LITTERARUM

APOSTOLICARUM,  
TAM PATENTIUM, QUAM CLAUSARUM  
Sanctissimi in Christo Patris, & Domini nostri,  
Domini Innocentii Papæ sexti, quæ per ejus  
Cameram transierunt, anno sui Pontificatus  
nono editarum & compilatarum per magistrum  
Zenobium.

*Ex ms. illustrissimi Domini Boherii in Senatu Dionionensi præsidis.*

## LITTERÆ DE MENSE JANUARI.

### EPISTOLA I.

Ad Angelum Tavernini civem Viterbientem.

*Ut Dominico de Campo-casseo canonico Januensi  
pecuniam ad transportandam frumentum  
necessarium tradat.*



ILECTO filio Angelo Taver-  
nini civi Viterbienti patrimonii  
beati Petri in Tuscia pro nobis  
& Ecclesia Romana thesaura-  
rio, salutem & apostolicam  
benedictionem.

Cum nos dudum per alias nostras litteras  
dilecto filio Dominico de Campo-casseo cano-  
nico Januensi apostolicæ sedis nuncio dederi-  
mus in mandatis, quod pro usu nostri hospitii  
& Romanæ curiæ transmittere ad nos certam  
quantitatem frumenti sollicitè procuraret, ipse  
que jam parato dicto frumento, & navigiis ad

A illum deferendum, commissâ sibi per nos ex  
defectu pecuniæ perducere non valeat ad ef-  
fectum, discretionis tuæ per apostolica scripta  
mandamus, quatenus eidem Dominico vel pro-  
curatori suo eam quantitatem pecuniæ, de qua  
te requirendum duxerit, & eum pro dicto fru-  
mento credideris indigere, de pecuniis cameræ  
nostræ per te collectis & in antea colligendis  
statim tradas manualiter & assignes. Nos enim  
dicto Dominico absolvendi & quitandi te hiis  
quæ sibi assignanda duxeris, per alias nostras  
litteras plenam concedimus potestatem. Tu  
ergo cum hujusmodi negotium nullam recipere  
debeat tarditatem, ita te promptum exhibeas in  
præmissis, quod de prompta obedientia valeas  
apud nos meritò commendari. Datum Ave-  
nionæ nonas Januarii anno ix.

*In eodem modo venerabili fratri Andreae epis-  
copo Ariminensi apostolicæ sedis nuntio mu-  
tatis mutandis.*

## EPISTOLA II.

Ad Dominicum de Campo-Casseo canonicum Januensem.

*Ut accepta pecunia frumentum ad usum hospitii sui & Romanæ curiæ quantocius transferat.*

**D**ilecto filio Dominico de Campo-Casseo canonico Januensi apostolicæ sedis nuntio, salutem & apostolicam benedictionem.

Ut commissæ tibi dudum per nos super transmissione frumenti ad Romanam curiam pro usu hospitii nostri & dictæ curiæ celerius perducere per te valeat ad effectum, venerabili fratri nostro ANDRÆ episcopo Ariminensi apostolicæ sedis nuntio, & dilecto filio Angelo Tavernini civi Viterbiensi patrimonii beati Petri in Tuscia pro nobis & Romana Ecclesia thesaurario damus per alias nostras litteras in mandatis, quatinus eas pecuniæ quantitates de quibus eos requirendos duxeris, & te predicto frumento crediderint indigere, de pecuniis cameræ nostræ per eosdem collectis, & in antea colligendis, tibi tradant manualiter & assignent. Tu igitur circa hujusmodi expeditionem negotii ita te sollicitum exhibeas, quod apud nos de negligentia, quæ in hoc damnosa nimium esse potest, minimè valeas reprehendi. Nos enim tibi eosdem thesaurarium & nuncium de pecuniis quas ab eisdem recipere te continget absolvendi plenius & quitandi plenam concedimus tenore præsentium potestatem: volumus autem quod de receptione hujusmodi duo confici facias consimilia publica instrumenta, quorum uno penes te retento, reliquum ad cameram nostram mittere non omittas. Datum Avenione nonas Januarii anno nono.

## EPISTOLA III.

Ad patriarchas, archiepiscopos, &c.

*Commendat eis Johannem de Carevale & Adamum Hæctoris.*

**V**enerabilibus fratribus patriarchis, archiepiscopis & episcopis ac dilectis filiis electis, abbatibus, prioribus, decanis, præpositis, archidiaconis, archipresbyteris, plebanis, rectoribus, & aliis ecclesiarum & monasteriorum prælatis, ipsorumque vice-gerentibus, capitulis quoque ac conventibus ecclesiarum & monasteriorum ipsorum, ceterisque personis ecclesiasticis secularibus & regularibus, exemptis & non exemptis, Cisterciensis, Cluniacensis, Præmonstratensis, Camaldulensis, S. S. Benedicti & Augustini & aliorum ordinum & domorum hospitalis sancti Johannis Jerosolymitani Beatæ Mariæ Theotonicorum, Calatravensis, & Humiliatorum magistris, prioribus, & præceptoribus, ad quos præsentis litteræ pervenerint, salutem & apostolicam benedictionem.

Cum dilecti filii Johannes de Carevale pro-

**A** fessor in sacra pagina ordinis Prædicatorum & Adam Hæctoris doctor legum transferre se habeant ad certas partes regni Franciæ, nos volentes ipsos cum familia & rebus suis in eundo, morando & redeundo plena securitate gaudere, universitatem vestram requirimus & hortamur attente, quatenus eosdem Johannem & Adam cum eundo, stando & redeundo, sicut præmittitur, per passus, terras & loca vestra transitum fecerint, benignè recommendatos habentes, nullam eisdem & familiæ suis prædictis in personis vel rebus eorum inferatis injuriam vel offensam, nec ab aliis inferri quantum in vobis fuerit permittatis, sed eis potius de securo conductu, si à vobis illum petierint, sic liberè providere pro nostra & apostolicæ sedis reverentia studeatis, quod vestra possit ab inde apud nos devotio commendari. Datum Avenione nonis Januarii anno nono.

## EPISTOLA IV.

Ad Ludovicum electum Valentinensem.

*Ut de quorundam perversorum progressu eum certam faciat.*

**D**ilecto filio LUDOVICO electo Valentinesi, salutem & apostolicam benedictionem.

Ea quæ nobis per tuas litteras & dilectum filium Aufonettum Fornerii domicellum nuncium tuum curavit tua discretio intrinsece, benignè audivimus & diligenter intelleximus: tuam exinde plurimum diligentiam commendantes. Super eisdem autem informari continuò curabimus, & tu juxta solitam diligentiam tuam de occurrentibus circa societatem, immò perversitatem potius illam, de qua scribis, nostram informare conscientiam per tuas sæpius litteras & nuncios, prout opportunum & expediens fore videris non omittas, ac obviare quantum tibi fuerit ex alto concessum, ne perversorum hujusmodi malignari valeat iniquitas, aut per partes, per quas intendere videtur prosequi iter suum. Super hiis autem à præfato nuncio tuo latore præsentium informationem poterit vivæ vocis ministerio eadem tua discretio recipere plenior. Datum Avenione vi. Idus Januarii anno nono.

## EPISTOLA V.

Ad Mariam imperatricem Constantinopolitanam.

**F** *Ne sit sollicita quod Hugo de Lesignano ad officium senatoris Urbis vocatus nondum accesserit.*

**C**arissimæ in Christo filiæ MARIÆ imperatrici Constantinopolitanæ, salutem & apostolicam benedictionem.

Ne fortè maternus affectus te sollicitam teneat ultra modum, ex eo quod dilectus filius nobilis vir Hugo de Lesignano natus tuus ad officium Senatoriæ Romanæ Urbis dudum per nos sibi commissum præsentialiter non accedit, serenitati tuæ duximus intimandum, quod cum

pridem idem Hugo de Romana curia arripuisset cum paternæ benedictionis gratia iter suum, recto tramite ad præfatum per nos sibi commissum officium profecturus: nos cum interim certæ novitates in vicinis partibus orirentur, eundem natum tuum de medio jam cœpti itineris revocandum duximus, & in nostris cum comitiva sua obsequiis usque ad nostrum beneplacitum, non longi tamen, ut speramus, mora temporis retinendum. Quare de præmissis tua excellentia non miretur, super quibus venerabilis frater noster DURANDUS episcopus Bethleemitanus nuntius tuus lator præsentium, tuam conscientiam vivæ vocis oraculo poterit plenius informare. Datum Avenione vi. Idus Januarii anno nono.

## EPISTOLA VI.

Ad septem reformatores, consilium, populumque Romanum.

*Hugonem de Lefignano Senatorem Urbis apud se retinuisse.*

**D**ilectis filiis... septem reformatorebus, consilio & populo Romano, salutem & apostolicam benedictionem.

Scire vos volumus, quod cum dilectus filius nobilis vir HUGO de Lefignano pridem recepta à nobis paternæ benedictionis gratia de Romana curia recessisset, ad suum Senatoriæ Urbis Romanæ officium per nos sibi commissum in statuto per nos sibi tempore viriliter inchoandum & fideliter proseguendum: ac noviter nonnullæ exortæ forent in vicinis partibus novitates; nos eundem duximus de medio cœpti itineris revocandum, & cum comitiva sua usque ad modici, ut speramus, temporis spatium in nostris obsequiis retinendum. Quare si in præfixo sibi per nos tempore juxta expectationem vestram ad dictum officium non se conferat præsentialiter, ut debebat, vestra propterea discretio non miretur; sed in civili potius, ut debet, unitate persistens, quæ ad bonum pacis & favorem justitiæ opportuna fuerint, magnitudinis ac felicitatis antiquæ tantæ urbis non immemor, sollicitis studiis exequatur. Nam, duce Domino, idem HUGO prosequi valebit infra brevis moram temporis iter suum. Super hiis autem venerabilis frater noster episcopus Bethleemitanus universitatem vestram poterit vivæ vocis oraculo plenius informare. Datum *ut supra*.

## EPISTOLA VII.

Ad Johannem de Aredia castellanum Empostæ.

*Ut ad se accedat.*

**D**ilecto filio Johanni de Aredia castellano Empostæ ordinis sancti Johannis Jerosolymitani, salutem apostolicam & benedictionem.

Cum pro certis negotiis per te in nostris obsequiis fideliter & sollicitè sine moræ dispendio

**A** exequendis præsentia tua nobis opportuna plurimum fore noscatur, discretionem tuam requirimus & hortamur, nihilominus mandantes, ac in virtute obedientiæ districtius injungentes eidem, quatenus abjectis per te excusationibus, quas numquam in similibus prætendisti, receptis præsentibus te accingas ad iter, & ad nostram recto tramite te cures conferre præsentiam indilatè, mandata nostra hujusmodi tam prompta obedientia suscepturus, quod super hiis, cum id graviter pateremur, aliter rescribere non sit opus. Datum Avenione v. Idus Januarii anno nono.

*Facta est littera de securo conductæ dilecto filio Simoni de Toron. capellano nostro misso ad carissimum in Christo filium nostrum PETRUM regem Aragonum illustrem pro certis negotiis per nos sibi commissis, &c. ut in forma sub data Avenione v. Idus Januarii anno nono.*

## EPISTOLA VIII.

Ad Philippum ducem Burgundiæ.

*Ut hastibus ecclesiæ transire per terras suæ ditionis non concedat, immò adversus eos se viriliter accingat.*

**D**ilecto filio nobili viro PHILIPPO duci Burgundiæ, salutem & apostolicam benedictionem.

Cum noviter certæ gentes armigeræ in sensum datæ reprobum, nec Deum timentes, nec sedi apostolicæ deferentes, se ad certa loca Romanæ curiæ proxima, in suo gradientes malignitatis spiritu, contulissent: nos de fide, strenuitate, ac rei militaris consilio dilecti filii nobilis viri Johannis de Ria senescalli Burgundiæ specialem fiduciam obtinentes, ad exequenda nonnulla per nos sibi commissa negotia, in nostris ipsum decrevimus obsequiis pro tempore remanere, prout hæc plenius minimè dubitamus perducta jam pridem ad tuam fore notitiam per eundem. Nunc autem cum, sicut audivimus, nonnulli alii filii iniquitatis per partes tuas transire procurent, & cum præfatis gentibus congregari ad malignandum similiter cum eisdem; nos senescallum ipsum ad tuam duximus præsentiam remittendum, nobilitatem tuam rogantes, & exhortantes attentius, quatenus ad impediendum quoscumque sic transire volentes per partes tuæ ditioni subjectas, & ad eorum confundendam superbiam, & tam temerariæ præsumptionis audaciam extendas favorabiliter ac efficaciter vires tuas, senescallum prædictum cum se commodius facultas obtulerit, ad nostram præsentiam remissurus. Ceterum scire te volumus, quod licet hujus gentis iniquitas, cujus detestanda facinora inserere præsentibus longum esset, severioris rigorem judicis expetere videretur, nos tamen pii patris more eisdem nostris monitis & præceptis prævenientes duximus, ut ab hujusmodi maligna congregatione recederent, & castrum sancti Spiritus Uticensis diocesis Romanæ curiæ vicinum, quod per eos captum more prædonico detinetur

detinetur, liberum dimitterent, & de cetero à talibus excessibus abstinere: alioquin contra eos & eorum sequaces & complices spiritualiter & temporaliter procedere curaremus, prout hæc omnia in processu exinde confecto plenius continentur. Ipsi verò in sua magis nequitia perdurantes, malis pejora accumulare fatagunt contra nos & Romanam curiam, & ut verbis eorum utamur, contra totam christianitatem nequiter comminando. Propter quod nos hujusmodi præsumptionis audaciam tolerare ulterius non volentes, prout etiam minimè debebamus, contra omnes de societate prædicta, & dantes eisdem in iis auxilium, consilium vel favorem coram nobis & venerabilibus fratribus nostris Romanæ Ecclesiæ cardinalibus, & magna prælatorum & nobilium multitudine copiosa prædicari fecimus publicè verbum crucis, illudque similiter per partes diversas fidelium mandavimus per alias nostras litteras prædicari, devotos Christi fideles ad hujusmodi salubre negotium viriliter assumendum, spiritualibus indulgentiis & gratiæ apostolicæ sedis munificentis invitantes. Tu itaque, fili dilecte, attentè considerans ignominiam, quam hujusmodi malignatores præfatæ ecclesiæ, nec non & tibi & ducatu tuo, & ut illi aiunt toti christianitati inferre conantur, ad confringenda cornua superbiæ eorum adeò dexteram tuæ potestatis extendas, quod tamquam pugil & athleta Domini apud Deum crescas meritorum cumulo, apud nos & sedem prædictam gratia, & apud fidelium populos famæ præconio clarioris. Formam autem indulgentiarum quibus Christi fideles ad insurgendum viriliter contra prædictos & eorum sequaces & complices, ac dantes eisdem in huiusmodi auxilium, consilium vel favorem invitandos duximus, interclusa præsentibus cedula referabit. Datum Avenione iv. Idus Januarii anno nono.

## EPISTOLA IX.

Ad Guillelmum de Verzerio Dominum de Mirabello Delphinatus gubernatorem.

*Ejusdem argumenti.*

**D**ilecto filio nobili viro Guillelmo de Verzerio Domino de Mirabello militi, gubernatori Delphinatus pro dilecto filio nobili viro Carolo duce Normandiæ, salutem & apostolicam benedictionem.

Cum sicut accepimus nonnulli iniquitatis filii ad conveniendum cum certis armigeris gentibus nobis & Romanæ curiæ vicinis, quas in societatem, immò perversitatem unam congregavit iniquitas, & ad malignandum cum eis similiter se accingant, nobilitatem tuam attentè requirimus & hortamur, quatenus tamquam honoris sedis apostolicæ zelator assiduus & devotus, adversus gentes hujusmodi per terras & loca tuo regimini & gubernationi commissa, ne convenire cum prædictis malignatoribus valeant, te sollicitum exhibeas & pro viribus diligentem. Ceterum scire te volumus quod li-

*Theſauri Anecdor. Tom. II.*

**A** cet hujusmodi gentis iniquitas, cujus detestanda facinora &c. *ut in superiori usque* invitantes. Hæc itaque nobilitati tuæ intimare curavimus, ut ad confringenda hujusmodi superbiorum tam temerariè elata cornua adeò te favorabilem exhibeas, quod zelum quem ad nos, & Romanam geris ecclesiam, tui favoris & auxilii operibus manifestans, apud Deum crescas meritorum cumulo, apud nos & sedem præfatam gratia, & apud Christi fideles extolli valeas famæ præconio clarioris. Formam autem, &c. *ut supra usque in finem.*

## EPISTOLA X.

Ad Amedeum comitem Sabaudia.

*Ejusdem argumenti.*

**D**ilecto filio nobili viro Amedeo comiti Sabaudia, salutem & apostolicam benedictionem.

Cum sicut accepimus, &c. *usque* terras & loca tuæ jurisdictioni subjecta, &c. *usque* diligentem. Cæterum scire te volumus, &c. *usque* invitantes. Tu itaque, fili dilecte, attentè considerans ignominiam quam hujusmodi malignatores præfatæ Ecclesiæ inferre conantur, ad confringenda cornua superbiæ eorum adeò dexteram tuæ potestatis extendas, quod tamquam pugil & athleta Domini apud Deum crescas meritorum cumulo, & apud nos gratia, & apud fidelium populos famæ præconio clarioris. Super hiis autem dilectus filius Ansoncetus Fornerii lator præsentium nobilitatem eandem poterit vivæ vocis oraculo plenius informare. Formam autem, &c. *usque in finem.*

## EPISTOLA XI.

Ad Elienoram reginam Aragonum.

**E** *ut regem promptum reddat exequendis iis quæ ipsi per Simonem de Torono mandat.*

**C**arissimæ in Christo filiæ ELIONORÆ reginæ Aragonum illustri, salutem & apostolicam benedictionem.

Cum nos ad carissimum in Christo filium nostrum PETRUM regem Aragonum illustrem, & ad tuam præsentiam dilectum filium SIMONEM de Torono capellanum nostrum latorem præsentium per nos plenariè informatum super certis negotiis nostrum & Romanæ Ecclesiæ ac regis ipsius honorem tangentibus, per latorem ipsum eidem regi ac tibi vivæ vocis oraculo exponendis, præsentialiter destinemus, excellentiam tuam rogamus attentè, quatenus data per te fide plenaria relatibus latoris ejusdem, apud regem præfatum, ut se in hujusmodi exponendis promptum & favorabilem exhibeat interponere velis efficaciter partes tuas. Datum Avenione iii. Idus Januarii anno nono.

H h h

Dilecto filio nobili viro Bernardo de Cappraria A  
militi, salutem & apostolicam  
benedictionem.

Cum nos, &c. ut supra usque illustrem dile-  
ctum filium, &c. mutatis mutandis usque in finem.

LITTERÆ DE MENSE FEBRUARII  
ANNO NONO.

EPISTOLA XII.

Ad Johannem regem Francorum.

*Mortatur regem ut societates malignantium  
in regno suo compeſcat.*

**C**arissimo in Christo filio JOHANNI regi  
Franciæ, salutem & apostolicam benedi-  
ctionem.

Pridem per nostras litteras execrabilis ad-  
modum & novæ temeritatis audaciam non-  
nullorum sceleratorum hominum, quos in so-  
cietatem unam, immò perversitatem potius  
congregatos, adeò occæcavit iniquitas, ut per  
campum malignitatis temerariæ præsumptionis  
superbiam gradientes, nec districti judicis vereri  
sententiam, nec deferre sanctæ Romanæ Ec-  
clesiæ, & sedi apostolicæ videantur, ad tuæ  
serenitatis notitiam duximus perferendam, se-  
renitatem eandem rogantes attentè, quatenus  
ad confringenda cornua talium perversorum  
tuum impendere studes auxilium, consilium  
& favorem. Ceterum, ut deinde hujusmodi  
malignantium obstinata temeritas tibi apertiùs  
innotescat, scire te volumus quod licet ipsorum  
iniquitas, quorum detestanda facinora inferere  
præsentibus longum esset, severioris rigorem  
judicis expetere videretur, nos tamen pii patris  
more eisdem nostris monitis & præceptis præ-  
veniendos duximus, ut ab hujusmodi maligna  
congregatione recederent, & villam de Sancto-  
Spiritu Uticensis diocesis, quæ de regno Fran-  
ciæ & sub tuo existit dominio, Romanæ curiæ  
vicinam, quam illi captam detinent, & more  
prædonico nequiter occupatam, liberam dimit-  
terent, & de cetero à talibus excessibus absti-  
nerent; alioquin contra eos & eorum sequaces  
& complices spiritualiter & temporaliter pro-  
cedere curaremus, prout hæc omnia in processu  
exinde confectò plenius continentur. Ipsi verò  
in sua magis nequitia perdurantes, & malis pe-  
jora accumulare continuò satagentes, contra nos  
& Romanam curiam, &, ut verbis eorum uta-  
mur, contra totam christianitatem nequiter  
comminando, ac patientiam nostram in eorum  
superbiam convertendo. Propter quod nos hu-  
jusmodi obstinatum nequitiam tolerare ulterius  
non valentes, prout etiam minimè debebamus,  
contra omnes de societate prædicta, & dantes  
eisdem in hiis auxilium, consilium vel favorem,  
coram nobis & venerabilibus fratribus nostris  
Romanæ Ecclesiæ cardinalibus & prælatorum  
& nobilium multitudine copiosa proponi feci-  
mus publicè verbum crucis, illudque similiter  
per partes diversas fidelium mandavimus per  
alias nostras litteras prædicari, devotos Christi

fideles ad hujusmodi salubre negotium viriliter  
assumendum spiritualibus indulgentiis & gra-  
tiosis apostolicæ sedis munificentis invitan-  
tes. Tu itaque, fili carissime, attentè confide-  
rans ignominiam quam hujusmodi malignato-  
res præfata Ecclesiæ, nec non & tibi, ac regno  
tuo, &, ut illi aiunt, toti christianitati inferre  
conantur, ad confringenda hujusmodi super-  
borum tam temerariè elata cornua, laudabilia  
progenitorum tuorum imitando vestigia, adeò  
dexteram tuæ potestatis extendas, quod tam-  
quam pugil & athleta Domini apud Deum  
crescas meritorum cumulo, apud nos & sedem  
prædictam gratia, & apud fidelium populos,  
quorum negotium tangitur, famæ præconio  
clarioris. Postremò cum, sicut multorum rela-  
tionibus fide dignis accepimus, quædam aliorum  
perversorum hominum societas longè major de  
diversis regni tui ac nonnullis partibus insurre-  
xerit, & ad conveniendum ac malignandum  
similiter cum prædictis, Dei timore postposito,  
se accingat, excellentiam regiam attentius de-  
precamur, quatenus pro nostra & apostolicæ  
sedis reverentia, & pro tui honore culminis, ad  
delendum funditus societatem hujusmodi ma-  
lignantium, qui jam in præfato regno regiæ  
magnitudinis judicium non verentes, ut præ-  
mittitur surrexerunt, favorabiliter exeras tuæ  
brachium potestatis, & præter hæc ne per passus  
& loca tuæ subjecta magnitudini transire offi-  
ciales tuos in dictis passibus & locis consistentes,  
Regiis præveniendò mandatis, & aliter prout  
videris expedire, ad conveniendum cum præ-  
dictis malignatoribus valeant, ac etiam ne de  
cetero in subjectis tibi partibus talium homi-  
num complicitates seu confederationes insur-  
gant, providè obstando principiis, quibus ante-  
quam crescant facilius obviatur, te sollicitum  
exhibere studeas, & dare pro viribus operam  
diligentem. Formam autem indulgentiarum  
quibus præfatos Christi fideles ad insurgendum  
viriliter contra prædictos qui in dicta villa S.  
Spiritus convenerunt, & eorum sequaces &  
complices ac dantes eisdem in hiis auxilium,  
consilium vel favorem invitandos duximus, in-  
terclusa præsentibus cedula referabit. Datum  
Avenione xvi. calendas Februarii anno nono.

EPISTOLA XIII.

Ad cives Ebredunenses.

*Ut arma assumant adversus iniquas societates  
malignantium.*

**D**ilectis filiis universitati civitatis Ebredu-  
nensis, salutem & apostolicam benedi-  
ctionem.

Sicut ad vestram notitiam potuit rumor hor-  
ribilis, & vestris, ut credimus, infestus au-  
ribus perduxisse, nonnulli iniquitatis filii, quos  
de diversis nationibus in societatem, imò per-  
versitatem unam congregavit impietas ad tur-  
bationem communis commodi & tranquillitatis  
& pacis Christi fidelium temerariis ausibus  
intendentes, post perpetrata per eos scelera



plurima, versus civitatem Avenionensem, in qua nos cum venerabilibus fratribus nostris Sanctæ Romanæ Ecclesiæ cardinalibus & Romana curia præsentialiter residemus, noviter acceperunt, & locum de S. Spiritu Uticensis Diocesis propè curiam ipsam situatum in ripa fluminis Rodani, per quem mercimonia ac victualia plurima eidem curiæ necessaria ac opportuna etiam deferuntur, more prædonico & hostili capere præsumserunt, ipsumque captum detinent hostiliter occupatum, nec districti iudicis verendo sententiam, nec sedi apostolicæ deferendo. Nos autem licet huiusmodi malignantium iniquitas, quorum detestanda facinora, quæ in aliis nostris litteris seriose exprimuntur, inferere præsentibus longum esset, severioris rigorem iudicis expetere videretur. Illius tamen sequendo vestigia, qui quos vocat ad poenitentiam patienter expectat, ac pii more patris, qui non quærit mortem filiorum aberrantium, sed salutem, eosdem nostris monitis & mandatis præveniendos duximus, ut ab huiusmodi maligna congregatione recederent, & locum prædictum liberum dimitterent, & de cetero à talibus excessibus abstinere, alioquin contra eos spiritualiter & temporaliter procedere curaremus, prout hæc omnia in processu exinde habito plenius continentur. Ipsi verò in eorum nequitia obstinatius persistentes, nullisque nostris emolliti monitis, nec præceptis salutaribus immutati, pejora post hæc malis adungere minimè formidarunt, prout etiam continuo non formidant: sed contra nos & dictam curiam, & ut verbis ipsorum utamur, contra universam christianitatem nequiter comminando, & nostram isto modo patientiam in eorum superbiam convertendo, propter quod nos huiusmodi præsumptionis audaciam tolerare ulterius non valentes, prout etiam minimè debemus, contra omnes de societate prædicta, & dantes eisdem in hiis auxilium, consilium vel favorem, coram nobis & dictis fratribus nostris & prælatorum ac nobilium multitudine copiosa, proponi fecimus publicè verbum crucis, illudque similiter per partes universas fidelium mandavimus per alias nostras litteras prædicari devotos Christi fideles ad huiusmodi salubre negotium viriliter assumendum spiritualibus indulgentiis & gratiosis apostolicæ sedis munificentis invitantes. Eia ergò, Christi fideles & Romanæ Ecclesiæ ac sedis apostolicæ devoti filii, ad confringenda cornua superbæ malignantium prædictorum vos ipsos viriliter præparate adversus perversitatem ipsorum, tam salutarem quam gloriosam militiam assumentes accingimini, & ad retundendos huius impiæ gentis imperus, prout unicuique Dominus inspiraverit, sive in propriis militando personis, sive ad huiusmodi prosecutionem negotii pro se personas alias destinando, sive juxta singulorum facultates vestra ministrando subsidia, suam quisque pro virili parte huiusmodi benedictionis & gratiæ accipiant portionem, ut sic Dei negotium agentes, pro brevi labore permutatione consulta terrena pro cælestibus commutetis.

*Theſauri Anecd. Tom. II.*

A Datum Avenione xvi. calendas Februarii anno nono.

*In eodem modo, dilectis filiis universitati civitatis Dignensis, salutem & apostolicam benedictionem.*

*In eodem modo, &c. ut supra Nicensi, Grassensi, Glandecensi, Senecensi, Bisuntinensi, Basileensi, Lausanenſi, Bellicensi, Vafionensi, Tricastrinensi, Montis-Albani, Conseranensi, Tholosanensi, Rivenſi, Appamienſi, Convenarum, Narbonensi, Carcaſſonenſi, Tarbiensi, Vafatenſi, Bajonenſi, Laſcurrenſi, Adurenſi, Lomberienſi, Vaurenſi, Tarantaſienſi, Sedunenſi, Augaſtenſi, Viennenſi, Valentinenſi, Vivarienſi, Lugdunenſi, Edunenſi, Marſiconenſi, Cabilonenſi, Lingonenſi, Lectorenſi, Auxitanenſi, Aquenſi, Maſſilienſi, Montis-Peſſulani, Maſſurianenſi, Gebennienſi, Gracianopolitana, Vincienſi, Arelatenſi, Tolonenſi, Carpentoratensi, Cavallicensi, Auracienſi, Caturcensi, Lemovicenſi, Tuſiclenſi, Mimatensi, Albienſi, Caſtrenſi, Anicienſi, Vabrenſi, Ruthenenſi, Sancti Flori, Claromontenſi, Bituricenſi, Burdegalenſi, Piſtavenſi, Xantonenſi, Engoliſmenſi, Petragoricenſi, Aquenſi, Aptenſi, Regenſi, Forojulienſi, Vapincenſi, Siſtaricenſi, salutem & apostolicam benedictionem.*

#### EPISTOLA XIV.

Ad Carolum ducem Normanniæ.

*Ut adversus iniquas ſocietates ſe accingat, neq; liberum per terras ſuas eis tranſitum permittat.*

**D**ilecto filio nobili viro CAROLO duci Normanniæ, salutem & apostolicam benedictionem.

Posuit ad tuam notitiam rumor horribilis & tuis implacitis auribus perduxisse, qualiter nonnulli iniquitatis filii, quos in societatem, immò potius perversitatem unam congregavit improbitas, post perpetrata scelera plurima, villam de Sancto-Spiritu Uticensis diocesis in regno Franciæ existentem, & Romanæ curiæ vicinam occuparunt hostiliter, & adhuc detinent more prædonico occupatam. Ceterum scire te volumus quod licet huiusmodi nequitia malignantium, quorum detestanda facinora inferere præsentibus longum esset, severioris rigorem iudicis expetere videretur: hos tamen pii patris more, eosdem nostris monitis & præceptis præveniendos duximus, ut ab huiusmodi maligna congregatione recederent, & villam præfatam liberam dimitterent, & de cetero à talibus excessibus abstinere, alioquin contra eos & eorum sequaces & complices spiritualiter & temporaliter procedere curaremus, prout hæc omnia in processu exinde confecto plenius continentur. Ipsi verò in sua magis nequitia perdurantes, & malis pejora accumulantes, nostram patientiam in suam convertendo superbiam satagentes, contra vos & Romanam curiam, & ut verbis eorum utamur, contra totam christianitatem nequiter comminantur.

H h h ij

propter quod nos huiusmodi præsumptionis audaciam tolerare ulterius non valentes, prout etiam minimè debebamus, contra omnes de societate prædicta & dantes eisdem in hiis auxilium, consilium vel favorem coram venerabilibus fratribus nostris sanctæ Romanæ Ecclesiæ cardinalibus & prælatorum ac nobilium multitudine copiosa prædicari fecimus publicè verbum crucis, illudque similiter per partes diversas fidelium mandavimus per alias nostras litteras prædicari, devotos Christi fideles ad huiusmodi salubre negotium viriliter assumendum spiritualibus indulgentiis & gratiosis apostolicæ sedis munificentis invitantes. Hæc itaque nobilitati tuæ intimare curavimus, ut ad confringenda huiusmodi superbiorum tam temerariè elata cornua, adeò te favorabilem exhibeas, quod zelum quem ad nos & Romanam geris ecclesiam, tui favoris & auxilii operibus manifestans, apud Deum crescas meritorum cumulo, & apud nos & sedem præfatam gratia, & apud Christi fideles, quorum negotium agitur, extolli valeas famæ præconio clarioris.

Postremò cum sicut accepimus multorum relationibus fide dignis, quædam aliorum perversorum hominum societas longè major de diversis regni Franciæ, & nonnullis aliis partibus insurrexerit, & ad conveniendum ac malignandum similiter cum prædictis, Dei timore postposito, se accingat, nobilitatem tuam attente requirimus & hortamur, quatenus tamquam honoris sedis apostolicæ, progenitorum tuorum imitando vestigia, ac tui & regni præfati quietis & pacis zelator, adversus tales pro viribus tuis insurgas, & ne per passus & loca ipsius regni seu alia tuæ ditioni subjecta transire ad conveniendum cum prædictis malignatoribus valeant, te sollicitum exhibere studeas, & dare pro viribus operam diligentem. Formam autem indulgentiarum quibus Christi fideles ad insurgendum viriliter contra prædictos & eorum sequaces & complices, ac dantes eisdem in hiis auxilium, consilium vel favorem invitandos duximus, interclusa præsentibus cedula referabit. Datum Avenione xvi. calendas Februarii anno nono.

*In eodem modo dilecto filio nobili viro Philippo duci Turonensi salutem.*

#### EPISTOLA XV.

Ad Johannem comitem Armaniaci.

**I**n eodem modo, dilecto filio nobili viro Johanni comiti Armaniaci usque sedis Apostolicæ, ac tui & regni præfati, &c. usque diligentem. Nostris hoc adjicientes precibus, tibi in redemptore omnium paternis affectibus suadentes, quatenus depositis odiis, & guerrarum fremitibus inter te & dilectum filium virum GASTONEM comitem Fuxensem faciente hoste humani generis exortis, tuas potius vires & favores extendas circa hoc tam salubre negotium, in quo per te gratum proculdubio sacrificium offeretur Domino, & famæ tuæ gloriosius consuleretur, for-

Amam autem usque in finem, &c.

*In eodem modo dilecto filio nobili viro Gastoni comiti Fuxensi mutatis mutandis.*

*In eodem modo, dilecto filio nobili viro Hugoni de Vienna Domino sanctæ Crucis. Potuit &c. ut in prima usque sedis apostolicæ ac tui, &c. ut in eadem usque in finem.*

*In eodem modo, dilecto filio nobili viro Henrico comiti Montisbeliardi, Jacobo de Sabaudia militi, Domino de Camera vice-comiti Maurianensi, Domino de Intermontibus, comiti de Alanconio, Johanni de Arteso, comiti Augi, comiti sancti Pauli, comiti Stamparum, Morello de Fiemnenfi Marefcallo Franciæ, Ludovico comiti Flandrenfi, comiti Autissiodorenfi, comiti de Sanferra, comiti de Tancarvilla, comiti de Ventandor, comiti de Blaghiaco, domino de Crao, Domino Bellimontis, Amedeo comiti Gebennensi.*

#### EPISTOLA XVI.

Ad Johannem filium Johannis comitis Armaniaci.

*Ut patrem inducat ad pacem cum Fuxi comite firmandam.*

**D**ilecto filio nobili viro Johanni nato dilecti filii nobilis viri Johannis comitis Armaniaci, salutem & apostolicam benedictionem.

Noverit tua nobilitas quod dilecto nobili viro Johanni comiti Armaniaci patri tuo scribimus noviter juxta formam, quæ tibi ex interclusa præsentibus cedula plenius innotescet. Te itaque, dilecte fili, rogamus & hortamur attentè, quatenus te in hiis de quibus eidem patri tuo scribimus sollicitum exhibens, & pro viribus diligentem, ad id præcipuè pro nostra & apostolicæ sedis reverentia totis mentis affectibus & studiis tuis intendas, quod idem comes pater tuus animum ad reformandam inter ipsum, & dilectum filium nobilem virum GASTONEM comitem Fuxensem pacem & concordiam benignius se inclinet. Jam enim tempus est ut deponantur odia, ex quibus tam animarum quam corporum pericula provenerunt plurima, & provenire, nisi in locum discordiæ pax succedat, continuò non desistunt. Jam tempus ut ad meliora prosequenda negotia exurgat animus, illis favorabiliter intendendo obsequiis, ex quibus proculdubio apud Deum æternæ retributionis speranda sunt præmia, & apud Christi fideles famæ præconia clarioris. Sic igitur se sollicitam exhibere studeat tua nobilitas in præmissis, quod tamquam verus genitus genitoris tui salutem & honorem diligens eundem ad prædictam in filiali reverentia salutaribus inducas consiliis, & eum ad illa prosequenda, in quibus gloriosius exerceri valeat, exhortationibus tuis accendas. Datum Avenione xv. calendas Februarii anno nono.

## EPISTOLA XVII.

Ad episcopum Aniciensem.

*Ut litteras suas Armaniaci & Fuxensi comitibus exhibeat, eosque ad pacem inducat.***V**enerabili fratri... episcopo Aniciensi, salutem & apostolicam benedictionem.

Noverit tua fraternitas, quod dilectis filiis nobilibus viris JOHANNI comiti Armaniaci & GASTONI comiti Fuxensi, quasdam destinamus litteras in forma quam jussimus presentibus intercludi. Volumus itaque, & eidem fraternitati tuæ mandamus, quatenus litteras easdem alligatas presentibus prefatis comitibus sublata mora qualibet presentes sollicitè & assignes, & eosdem juxta datam tibi à Deo prudentiam, quibus convenire videris, ad pacem inter ipsos & stabilem concordiam reformandam, exhortationibus tuis inducens, eis apertius demonstrando instare jam tempus, in quo vires, consilia, & strenuitatem ipsorum in Dei obsequiis & communi commodo valeant, animabus suis salubriter consulentes, gloriosius exercere; ipsisque faciens negotia ipsa quæ eis intimanda duximus, efficaciter commendata. Datum Avenione xv. calendas Februarii anno nono.

## EPISTOLA XVIII.

Ad Johannem episcopum Gurcensem.

*Ut ducem Austriæ inducat ad ea de quibus ipsi scribit.***V**enerabili fratri JOHANNI episcopo Gurcensi, salutem & apostolicam benedictionem.

Noverit tua fraternitas, quod dilecto filio nobili viro RODOLPHO duci Austriæ nostras certi tenoris litteras presentialiter destinamus, quarum copiam ad plenioram informationem tuam mittimus presentibus interclusam. Quocirca fraternitatem eandem, de qua plenam in Domino fiduciam obtinemus, requirimus & hortamur attentè, quatenus juxta prudentiæ tuæ abundantiam, super hiis quæ in dicta cedula videbis contineri, ducem prefatum velis informare plenariè, & eundem ad ea efficaciter proseguenda, quæ in dictis nostris litteris continentur, prout attentæ ejus devotione, quam ad nos & Romanam gerit Ecclesiam, spem de ipso indubiam gerimus, tuis suasionibus exhortari, ac penes eum intendere, prout opportunum fore videris, consiliis & intercessionibus opportunis: taliter tuam adhibiturus diligentiam in præmissis, quod apud nos & sedem apostolicam venias, digno laudum præconio commendandus. Datum Avenione x. calendas Februarii anno nono.

## EPISTOLA XIX.

Ad Johannem Buccanigrum ducem Januensem.

*Ut adversus pravas in Ecclesiam confederationes se accingat.***D**ilectis filiis nobili viro JOHANNI Buccanigro Duci & universitati civitatis Januensis, salutem & apostolicam benedictionem.

Sicut ad vestram notitiam potuit rumor horribilis, & vestris ut credimus, infestus auribus perduxisse, nonnulli iniquitatis filii, quos de diversis nationibus in societatem, immò potius perversitatem unam congregavit impietas ad turbationem communis commodi & tranquillitatis & pacis Christi fidelium, temerariis ausibus intendentes, post perpetrata per eos scelera plurima, & illata ecclesiis & ecclesiasticis aliisque personis sexui vel ætati aut honori, dignitati, vel ordini non parcendo gravia damna, injurias, & offensas, versus civitatem Avenionensem, in qua nos cum venerabilibus fratribus nostris sanctæ Romanæ Ecclesiæ cardinalibus, & Romana curia presentialiter residemus, noviter accesserunt, & locum de S. Spiritu Uticensis Diocesis propè curiam ipsam situatum in ripa fluminis Rodani, per quem consueverant mercimonia & victualia plurima eidem curiæ necessaria ac opportuna deferri, more prædonico & hostili expugnarunt nequiter & ceperunt, in virgines & moniales & matronas nonnullas dicti loci, læso decore pudicitiae, turpiter sævientes, ipsumque locum captum adhuc detinent, & hostiliter occupatum, quodque in non parvum redundat nostrum & dictæ sedis improperium & offensam, nostrum & ipsius ecclesiæ comitatum Venaisini discurrere hostiliter, & in eo prædas & rapinas facere præsumunt, & continuo in sua occæcati temeritate præsumere amplius non desistunt, nec districti judicis verendo sententiam, nec sedi apostolicæ deferendo. Nos autem licet hujusmodi malignantium iniquitas, quorum detestanda facinora, quæ in aliis nostris litteris seriòsè exprimuntur, inserere presentibus longum esset, severioris rigorem judicis expetere videretur; illius tamen sequendo vestigia, qui quos vocat ad poenitentiam patienter expectat, ac pii more patris, qui non quærit mortem filiorum aberrantium, sed salutem, eosdem nostris monitis & mandatis præveniendos duximus, ut ab hujusmodi maligna congregatione recederent, & locum prædictum liberum dimitterent, & de cetero à talibus excessibus abstinere, alioquin contra eos spiritaliter & temporaliter procedere curaremus, prout hæc omnia in processu exinde confecto plenius continentur. Ipsi verò in eorum nequitia obstinatius persistentes, nullisque nostris emolliti monitis, nec præceptis salutaribus immutati, pejora post hæc malis adjungere minimè formidarunt, prout etiam continuo non formidant, contra nos & dictam

H h h iij

curiam, & ut verbis eorum utamur, contra universam christianitatem nequiter comminando, & nostram isto modo patientiam obstinata contumacia contemnendo: propter quod pos hujusmodi præsumptionis audaciam tolerare ulterius non valentes, prout etiam minimè debeamus, contra omnes de societate prædicta & dantes eisdem in hiis auxilium, consilium vel favorem, coram nobis & venerabilibus fratribus nostris & prælatorum ac nobilium multitudine copiosa proponi fecimus publicè verbum crucis, illudque similiter per nonnullas Christi fidelium provincias mandavimus per alias nostras litteras prædicari, fideles eosdem ad hujusmodi salubre negotium viriliter assumendum spiritualibus indulgentiis & gratiosis apostolicæ sedis munificentis invitantes. Hæc itaque, dilecti filii, vobis intimanda duximus, ut sentientes quia Dei negotium agitur in præmissis ad confringenda hujusmodi superbiorum tam temerariè elata cornua adeò vos exhibere favorabiles studeatis, quod zelum quem ad nos & Romanam ecclesiam geritis, nostri favoris & auxilii efficacia demonstrantes, ac si pro brevi labore felici commercio, terrena pro cœlestibus commutantes, apud Deum crescere meritum cumulo, apud nos & sedem præfatam gratia, & apud Christi fideles extolli famæ clarioris præconio valeatis. Super præmissis autem & nonnullis aliis nobis pro parte nostra vivæ vocis oraculo exponendis, dilectum filium Leonem de Jovis magistrum hostiarium & domicellum nostrum ad vestram præsentiam duximus destinandum: cui super hiis quæ ipse vobis exposuerit, dare velit vestra devotio plenam fidem. Formam autem indulgentiarum quibus eosdem Christi fideles invitandos duximus ad plenioram informationem vestram interclusa præsentibus cedula referabit. Vos igitur animos vestros ad præmissa viriliter præparate & in spiritu devotionis accingite, ut pro vestris obsequiis, quæ pro honore Dei & favore dictæ Ecclesiæ, ac Christi fidelium commodis, & vestrarum animarum salutē ad hujusmodi prosequendum negotium favorabiliter impendenda duxeritis, ut speramus, reposita esse vobis in cœlo divina præmia sentiat. Datum Avenione x. calendas Februarii anno nono.

## EPISTOLA XX.

Ad Carolū imperatorem Romanorum.

*Ejusdem argumenti.*

**C**arissimo in Christo filio CAROLO Romanorum imperatori semper augusto ac Bohemiæ regi illustri, salutem & apostolicam benedictionem.

Sicut læta, quæ nobis & sedi apostolicæ, Deo miserante, proveniunt, ad tuæ serenitatis notitiam promtis expectas auribus & jocunda mente perferri; ita & illa in quibus nos & eadem sedes non immeritò perturbamur fore conve-

**A** niens arbitramur tuæ celsitudini referari: ut utriusque fortis nobiscum particeps, quemadmodum in devotione fidelium erga nos & sedem præfatam gaudes & exultas, ita & adversus rebelles tamquam pugil & athleta Domini pro tuæ dignitatis magnitudine remedia debita provisionis apponas. Sanè habet unde perturbari valeat Romana mater Ecclesia in nonnullis per devia scelerum aberrantibus iniquitatis filiis, quos ipsa intra fidei gremium & suorum claustra fidelium enutrivit. Surrexerunt enim noviter quidam viri nequam, Belial filii & perditionis alumni, quos post pacem inter carissimos in Christo filios nostros JOHANNEM Franciæ & EDUARDUM Angliæ reges illustres, providente Domino, reformatam, de diversis partibus in societatem, immò potius perversitatem unam congregavit impietas, rapto vivere & aliorum bonis rapinis & sceleribus perfrui temerariè cupientes, qui adurbationem communis commodi & tranquillitatis & pacis Christi fidelium temerariis ausibus intendentes, post perpetrata per eos scelera plurima & illata ecclesiis & ecclesiasticis aliisque personis sexui, vel ætati, aut honori, dignitati vel ordini non parcendo, gravia damna, injurias & offensas versus civitatem Avenionensem, in qua nos cum venerabilibus fratribus nostris sanctæ Romanæ Ecclesiæ cardinalibus & Romana curia præsentialiter residemus, noviter acceperunt, & locum de Sancto Spiritu Uticensis diocesis prope curiam ipsam situatum in ripa fluminis Rodani, per quem consueverant mercimonia ac victualia plurima eidem curiæ necessaria ac opportuna deferri, more prædonico & hostili capere præsumserunt, in virgines ac moniales & matronas nonnullas dicti loci, læso decore pudicitiae, sævientes, ipsumque locum captum detinent, & hostiliter occupatum; quodque in non parvum redundat nostrum & dictæ sedis improprium & offensam, nostrum & ipsius ecclesiæ comitatum Venaisini discurrere hostiliter & in eo prædas & rapinas facere præsumserunt, & continuo in sua occæcati temeritate præsumere amplius non desistunt, nec districti judicis verendo sententiam, nec sedi apostolicæ deferendo. Nos autem licet hujusmodi malignantium iniquitas, quorum detestanda facinora, quæ in aliis nostris litteris serius exprimuntur, inferere præsentibus longum esset, sævioris rigorem judicis expetere videretur: illius tamen sequendo vestigia, qui quos vocat ad poenitentiam, patienter expectat; ac pii more patris, qui non quærit mortem filiorum aberrantium, sed salutem, eosdem nostris monitis & mandatis præveniendos duximus, ut ab hujusmodi maligna congregatione recederent, & locum prædictum liberum dimitterent, & de cetero à talibus excessibus abstinere, alioquin contra eos spiritualiter & temporaliter procedere curaremus, prout hæc omnia in processu exinde confecto plenius continentur. Ipsi verò in eorum nequitia obstinatius persistentes, nullisque nostris emolliti monitis, nec præceptis salutaribus immutati, pejora post hæc malis

adjungere minimè formidarunt; prout etiam A  
 continuò non formidant, contra nos & dictam  
 curiam, & ut verbis eorum utamur, contra  
 universam christianitatem nequiter comminan-  
 do, & nostram isto modo patientiam obstinata  
 contumacia contemnendo. Propter quod nos  
 hujusmodi præsumptionis audaciam tolerare ul-  
 terius non valentes, prout etiam minimè debe-  
 bamus, contra omnes de societate prædicta, &  
 dantes eisdem in hiis auxilium, consilium, vel  
 favorem, coram nobis & dictis fratribus nostris,  
 & prælatorum ac nobilium multitudine co-  
 piofa, proponi fecimus publicè verbum crucis,  
 illudque similiter per nonnullas Christi fidelium  
 provincias mandavimus per alias nostras litteras  
 prædicari, fideles ipsos ad hujusmodi salubre  
 negotium viriliter assumendum spiritualibus in-  
 dulgentiis & gratiosis apostolicæ sedis munifi-  
 centiis invitantes. Hæc itaque, fili carissime,  
 excellentiæ tuæ duximus intimanda, ut adversus  
 tam perversorum hominum nequitiam spiritus  
 in te indignationis exurgat, & zelus quem ad  
 domum Domini habes & habere te convenit,  
 adeò præcordia tuæ devotionis inflammet, quod  
 per te in præmissis tamquam præfata ecclesiæ  
 brachium & refugium singulare, prout expe-  
 dire videris, salutaria remedia favorabiliter &  
 efficaciter apponantur; ac sic tam nostris, quam  
 tuis præfidiis, & opportunis favoribus ad præ-  
 cludendam ceteris similiter malignandi licen-  
 tiam hujusmodi superbiorum temerariè elata  
 cornua confringantur. Ceterum cum sicut ac-  
 cepimus relationibus fide dignis, nonnulla gen-  
 tis armigeræ comitiva de diversis tam Aleman-  
 niæ quam Franciæ & nonnullis aliis partibus  
 insurrexerit, & ad conveniendum ac malignan-  
 dum similiter cum prædictis gentibus, Dei  
 timore postposito, se accingat; serenitatem  
 eamdem attentè obsecramus, quatenus adver-  
 sùs tales brachium tuæ potestatis exerens, &  
 prosecutionem malignitatis eorum dignis obsta-  
 culis præveniando, ne per loca tuæ subjecta  
 potentiæ transire ad conveniendum cum præ-  
 dictis malignatoribus valeant, diligentem dare  
 velit operam tuæ magnificentiæ celsitudo. Po-  
 stremò, ut eidem celsitudini prædicta omnia in-  
 notescant, seriòsius venerabilem fratrem no-  
 strum JOHANNEM episcopum Argentinensem  
 & dilectum filium Guillelmum Decanum Visce-  
 gradensem apostolicæ sedis nuntium, quibus  
 super hiis nostras speciales litteras destinamus,  
 informationem recipere poterit præfata tua  
 serenitas plenior. Datum Avenione x. calen-  
 das Februarii anno nono.

EPISTOLA XXI.

Ad Johannem episcopum Argentinum & Guil-  
 lelum Decanum Viscegradensem.

*Ut imperatorem inducant ad obviandam malignis  
 societatibus.*

Venerabili fratri JOHANNI episcopo Argen-  
 tinenfi, & dilecto filio Guillelmo Decano  
 Viscegradensi sedis apostolicæ nuntio, salutem

A & apostolicam benedictionem.

Scire vos volumus, quod carissimo in Christo  
 filio nostro CAROLO Romanorum imperatori  
 semper augusto ac Bohemiæ regi illustri nostras  
 noviter destinamus litteras in forma quam con-  
 tinet cedula præsentibus interclusa. Cum itaque  
 conveniat, ut contra malignatores illos, quos à  
 suorum prosecutione scelerum nec Dei timor,  
 nec reverentia quæ Romanæ Ecclesiæ & sedi  
 apostolicæ debetur, exterreret, ipse imperator  
 qui ecclesiam eandem tamquam ipsius pugil,  
 & athleta præcipuus suis tenetur auxiliis & fa-  
 voribus defendere, remedia suæ provisionis ap-  
 ponat: discretionem vestram requirimus & hor-  
 tamur, quatenus expositis eisdem per vos vel  
 alterum vestrum temerariis ausibus illorum per-  
 versorum, quorum tentamenta nefaria ex dictæ  
 cedulæ serie plenius colligeris, eundem j xta  
 datam vobis à Domino prudentiam vestris  
 exhortationibus moneatis, ut ipse ad confrin-  
 genda cornua superbiæ malignantium prædi-  
 ctorum, sicut melius expedire noverit favori-  
 bus & auxiliis & ad obviandum eis, qui ad con-  
 veniendum ac malignandum similiter cum præ-  
 dictis de diversis mundi partibus, prout asseritur  
 nobis, se accingunt, intendere velit remediis  
 opportunis. Sic vos exhibentes sollicitos in  
 præmissis ut solertiam vestram efficacia operis  
 apertius manifestet. Ceterum ad plenior  
 informationem per vos præfato imperatori fa-  
 ciendam formam prædicationis crucis & con-  
 cessionis indulgentiarum, quibus Christi fideles  
 ad insurgendum contra prædictos invitandos  
 duximus, præsentibus jussimus similiter inter-  
 cludi. Datum Avenione x. calendas Februarii  
 anno nono.

EPISTOLA XXII.

Ad Rodulfum ducem Austriæ.

*De perversa iniquorum societate adversus ecclesiam,  
 quibus rogat denegari per suas terras transitum,  
 gratiasque agit de missis adversus eos copiis.*

Dilecto filio nobili viro RODULFO duci  
 Austriæ, salutem & apostolicam benedictio-  
 nem.

Sicut læta, quæ nobis & sedi apostolicæ, Deo  
 miserante proveniunt, promptis expectas auri-  
 bus & jocunda mente perferri, ita & illa ex  
 quibus nos & eadem sedes non immeritò per-  
 turbamur, fore conveniens reputamus tibi tam-  
 quam benedictionis & gratiæ filio referari. Sandè  
 potuit ad tuam notitiam rumor horribilis, &  
 tuis, ut credimus, infestus auribus perduxisse,  
 qualiter nonnulli iniquitatis filii, quos de  
 diversis nationibus in societatem, immò potiùs  
 perversitatem unam congregavit impietas, ad  
 turbationem communis commodi & tranquilli-  
 tatis & pacis Christi fidelium temerariis ausibus  
 intendentes; post perpetrata per eos scelera  
 plurima, & illata ecclesiis & ecclesiasticis aliis-  
 que personis sexui, vel ætati, aut honori, digni-  
 tati vel ordini non parcendo, gravia damna,  
 injurias & offensas, versùs civitatem Avenio-



nensem, in qua nos cum venerabilibus fratribus nostris sanctæ Romanæ Ecclesiæ cardinalibus & Romana curia præsentialiter residemus, noviter accesserunt, & locum de Sancto-Spiritu Uticensis diocesis prope curiam Romanam situm in ripa fluminis Rodani, per quem consueverant mercimonia, ac victualia plurima eidem curiæ necessaria ac opportuna deferri, more prædonico & hostili capere præsumserunt, in virgines ac moniales & matronas nonnullas dicti loci, læso decore pudicitia, turpiter sævientes, ipsumque locum captum adhuc detinent & hostiliter occupatum, quodque in non parvum redundat nostrum & dictæ sedis improperium & offensam, nostrum & ipsius ecclesiæ comitatum Venaysini discurrere hostiliter, & in eo prædas & rapinas facere præsumserunt, & continuo in sua occæcati temeritate præsumere amplius non desistunt, nec districti iudicis verendo sententiam, nec sedi apostolicæ deferendo. Nos autem licet huiusmodi malignantium iniquitas, quorum detestanda facinora, quæ in aliis nostris litteris seriosius exprimuntur, inserere præsentibus longum esset, severioris rigorem iudicis expetere videretur: illius tamen sequendo vestigia, qui, quos vocat ad poenitentiam patienter expectat, ac pii more patris qui non quærit mortem filiorum aberrantium, sed salutem, eosdem nostris monitis & mandatis præveniendos duximus, ut ab huiusmodi maligna congregatione recederent, & locum prædictum liberum dimitterent, & de cetero a talibus excessibus abstinere: alioquin contra eos spiritualiter & temporaliter procedere curaremus, prout hæc omnia in processu exinde confecto plenius continentur. Ipsi vero in eorum nequitia obstinatius persistentes, nullisque nostris emolliti monitis, nec præceptis salutaribus immutati, pejora post hæc malis adungere minimè formidarunt, prout etiam continuo non formidant contra nos, & dictam curiam, & ut verbis eorum utamur, contra universam christianitatem nequiter comminando, & nostram isto modo patientiam obstinata contumacia contemnendo, propter quod nos huiusmodi præsumptionis audaciam tolerare ulterius non valentes, prout etiam minimè debebamus, contra omnes de societate prædicta, & dantes eisdem in hiis auxilium, consilium, vel favorem, coram nobis & dictis fratribus nostris ac prælatorum ac nobilium multitudine copiosa proponi fecimus publice verbum Crucis, illudque similiter per nonnullas Christi fidelium provincias mandavimus per alias nostras litteras prædicari, fideles ipsos ad huiusmodi salubre negotium viriliter assumendum spiritualibus indulgentiis, & gratiosis apostolicæ sedis munificentis invitantes. Hæc itaque nobilitati tuæ intimare curavimus, ut ad confringenda huiusmodi superbiorum tam temerariè elata cornua, adeò te favorabilem exhibeas, quod zelum quem ad nos, & Romanam geris ecclesiam, tui favoris & auxilii operibus manifestans, apud Deum crescas meritorum cumulo, & apud nos & sedem præfatam gratia, & apud

A Christi fideles, quorum negotium agitur, extolli valeas famæ præconio clarioris. Post hæc cum, sicut accepimus relationibus fide dignis, nonnulla gentis armigeræ comitiva, de diversis mundi partibus insurrexerit, & ad conveniendum ac malignandum similiter cum prædictis, Dei timore postposito, se accingat, nobilitatem eandem attentius obsecramus, quatinus tamquam honoris sedis apostolicæ zelator, brachium tuæ potestatis extendas, & ne per passus & loca tuæ ditioni subjecta transire ad conveniendum cum prædictis malignatoribus valeant, te sollicitum exhibere studeas, & dare pro viribus operam diligentem. Formam autem indulgentiarum quibus Christi fideles ad insurgendum viriliter contra prædictos, qui in dicto loco de Sancto-Spiritu convenerunt, & eorum sequaces & complices ac dantes eisdem in hiis auxilium, consilium vel favorem invitandos duximus, interclusa præsentibus cedula referabit. Ceterum ne ea quæ grata sunt compensanda gratiarum vicissitudine taceamus, admodum fama prænuncia & per litteras venerabilis fratris nostri ÆGIDII episcopi Sabinensis apostolicæ sedis legati percepimus, qualiter magnificentia tuæ liberalitas devotionem, quam ad nos & Romanam geris Ecclesiam à juvenilibus annis ostendens efficaciter, & exhibitione operum manifestans, eidem legato in nostrum & ejusdem Ecclesiæ subsidium tam numerosam quam strenuam gentem armigeram destinavit. Nos itaque huiusmodi præfatæ tuæ liberalitatis obsequium menti nostræ viscerosius infigentes, nobilitatem ipsam exinde plurimum commendamus plenisque illam prosequimur actionibus gratiarum, paternis te affectibus attentius observantes, quatenus laudabilia ætatis tuæ primordia, sicut ætate, sic virtute crescens, continuo de bono in melius adaugere studeas, & præclara surgentis in te virtutis indicia, per incrementa continuo vitæ clarioris extollas, ut per hoc gratum te Domino exhibere valeas, nosque & sedem præfatam ad annuendum quantum cum Deo fieri valeat votis tuis, meritis tuæ devotionis accendas. Datum Avenioni x. calendas Februarii anno nono.

*Facta est littera de securo conductu dilecto filio Conrado de Heylgenstad canonito Frisingensi misso ad certas partes Alemannie, pro quibusdam negotiis per nos sibi commissis, &c. ut in forma sub Data Avenione x. calendas Februarii anno nono.*

## EPISTOLA XXIII.

Ad Amedeum comitem Sabaudia.

*Ut Arnoldum de Rocca-folio archidiaconum Valentia à perversis hominibus spoliatum & detentum, libertate donet.*

Dilecto filio nobili viro AMEDEO comiti Sabaudia, salutem & apostolicam benedictionem.

Nuper pervenit ad nostram audientiam cum querela.

querela, quod cum pridem dilectus filius Arnaldus de Roccafolio archidiaconus Valentiae discederet de Romana curia, ad quam pro certis negotiis prosequendis accesserat, & versus partes Franciae dirigeret fiducialiter gressus suos prope civitatem Lugdunensem in eodem regno consistentem, nonnulli iniquitatis filii violentas in eum manus sacrilegis & temerariis ausibus, Dei timore postposito, injecerunt, equis & vestibus ac jocalibus, quae secum deferabat, nequiter spoliantes eundem, & deinde ipsum de loco ad locum per terras & loca ruae subiecta potentiae transportantes, sic captivum nonnullis viris nequioribus tradiderunt, qui prout nobis asseritur eundem duro carceri mancipantes, per quinque menses & ultra inhumane afflixerunt, ut quo durius eum affligerent, eo citius ab ipso pro sua redemptione pecunias extorquerent, excommunicationis sententias quas propterea incurrerunt, per solemnes processus Romanorum pontificum, qui publice sunt in certis anni festivitibus contra omnes capientes vel spoliantes, seu detinentes personas quaslibet, de dicta curia recedentes, vel accedentes ad eam minimè formidantes; demum quoque, prout accepimus, idem Arnaldus in tuis existit manibus tuo iudicio ab eisdem detentoribus pecunias ab eo quaerentibus liberandus, ipseque tuo arbitrio se summisit. Cum itaque praedicta in personam dicti Arnaldi temerarie commissa in contemptum proculdubio cedant sedis apostolicae, & laesionem iustitiae, & Divinae maiestatis offensam, reque propter praecipuae devotionis affectum, quem ad nos & sedem praefatam geris, deceat personis isto modo oppressis, tuis auxiliis & favoribus subvenire, nobilitatem tuam rogamus attentius & hortamur, quatinus pro honore Dei, & favore iustitiae, ac nostra, & eiusdem sedis reverentia, nostrorumque precaminum interventu, Arnaldum praefatum sicut à dictorum malignantium eripuisti manibus, ita propriae restituas libertati taliter in praemissis tuam munificentiam ostensurus, quod praeter divinae retributionis praemia, apud nos & sedem ipsam uberioribus continuo valeas laudum praconiis commendari. Datum Avenione vii. calendas Februarii anno nono.

## EPISTOLA XXIV.

Ad ducem &amp; ducissam Britanniae.

*Petrum Audebertum purgat ab illatis apud eos calumniis.*

**D**ilecto filio nobili viro CAROLO duci, & dilectae in Christo filiae nobili JOHANNAE ducissae Britanniae, salutem & apostolicam benedictionem.

Sic praestari decet loquentibus auditum, ut obloquentibus non praestetur assensus. Nam & si ad audiendum promptus esse quisque superior moneatur, non immerito reddi debet difficilis ad credendum. Sanè ad audientiam nostram non sine admiratione pervenit, quod nonnulli

*Thesauri Anecdotes. Tom. II.*

**A** iniquitatis filii, acuentes in dolis & mendaciis ut gladium linguas suas, contra dilectum filium Petrum Audebertum familiarem nostrum sinistris nobis factis per eos informationibus retulerunt, quod idem Petrus nonnulla verba honorem vestrum laedentia, apud sedem apostolicam reportavit, accusantes innoxium, inculpabilem condemnantes. Quamobrem adhibita per vos credulitate relatibus, senescallus vester Lemovicensis, de vestra conscientia & mandato, prout asserere dicitur, eundem Petrum multiplicibus affecit injuriis, & in bonis suis plurimum molestavit, & continuo molestare non cessat. Cum itaque nobis constet, quod inter ceteros, qui pro parte vestra ad nostram praesentiam se contulerint, idem Petrus praecipue ea nobis retulerit, quae ad vestram pertinebant laudem, & negotia vestra apud nos & sedem praedictam, tamquam status vestri zelator praecipuus multa fuerit diligentia prosecutus, nosque illum praeterea propter suae probitatis merita speciali benivolentia prosequamur, nobilitatem vestram requirimus & hortamur attentè, quatinus pro nostra & praefatae sedis reverentia, nostrorumque precaminum interventu, benivolentiam vestram erga ipsum intra vestrorum claustra pectorum reformetis, ac eum cum bonis suis suscipiatis benignius commendatum, dicto vestro senescallo mandantes, quod eundem in persona vel rebus ac bonis ejusdem de cetero non molestet, & si qua contra eum vel ejus bona facta fuerint, reducere in statum pristinum sine dilatione procuret, vestrae in hoc liberalitatis munificentiam taliter ostensuri, quod praeter divinae retributionis praemia nos exinde vobis ad gratiarum merita teneamus. Datum Avenione vii. calendas Februarii anno nono.

## EPISTOLA XXV.

Ad cives Massilienses.

*Nuntios eis mittit quibus fidem adhiberi petit.*

**D**ilectis filiis... concilio civitatis Massiliensis, salutem & apostolicam benedictionem.

Pridem super certis negotiis, nostras ad vos meminimus litteras destinasse: nunc autem ut super eisdem nostrae mentis intentio viva vocis oraculo apertius referetur, dilectos filios nobiles viros Guillelmum de Monte-olivo militem, & Guillelmum de sancto Aegidio per nos de intentione nostra plenius informatos praesentialiter destinamus, quibus super hiis quae ipsi pro nostra parte exponenda duxerint, dare velit vestra discretio plenam fidem, & quid super expositis vobis, faciendum duxeritis respondere quantocius per eosdem. Datum Avenione vii. calendas Februarii, anno nono.



## EPISTOLA XXVI.

Ad Robertum dominum de Fiennes.

*Ut viriliter se habeat in debellandis perversis  
societatibus.*

**D**ilecto filio nobili viro ROBERTO domino de Fiennes connestabulo Franciæ, salutem & apostolicam benedictionem.

Per litteras tuas nobis noviter destinatas percipimus, qualiter ad resistendum nonnullis iniquitatis filiis in loco de Sancto-Spiritu more prædonico consistentibus, qui ad turbationem communis commodi temerariis intendunt conatibus, nec Deo, nec sedi apostolicæ deferentes, tu cum dilecto filio nobili viro Arnolde de Andruan marescallo Franciæ versus partes istas cum gentis armigeræ comitiva de mandato charissimi in Christo filii nostri JOHANNIS regis Francorum illustris viriliter te accingis. Nos itaque hujusmodi provisionem regiam in Domino commendantes, nobilitatem eandem ad expeditionem favorabilis tui adventus pro honore regio & regni sui ac istarum partium commodo eo magis sollicitam reddimus & attentam, quo prædictorum detestanda malignitas ad eorum confusionem debitæ provisionis accelerari remedia plus requirit. Datum *ut supra*.

## EPISTOLA XXVII.

Ad Petrum regem Aragonum.

*Gratias agit de oblati sibi copiis ad repellendas  
societates perversas, rogatque ut oblatum  
subsidiū acceleret.*

**C**arissimo in Christo filio PETRO regi Aragonum illustri, salutem & apostolicam benedictionem.

Hac præsentis die, videlicet vii. calendas Februarii serenitatis tuæ litteras nobis per dilectum filium nobilem virum BERENGHERIUM DE PALATIO militem præsentatas, de sincero tuæ devotionis affectu, quem ad nos & Romanam geris Ecclesiam, ut ex ipsarum serie collegimus, prodeuntes, benignè recepimus & placidè admodum intelleximus; & jocundè attendentes in eis qualiter tu tamquam benedictionis & gratiæ filius ad confusionem nonnullorum nequam hominum in loco de Sancto-Spiritu Uticensis diocesis propè civitatem Avenionensem consistentium, qui in societatem, immo perversitatem unam nequiter congregati, terras & loca præfatæ ecclesiæ & Christi fidelium more prædonico discurrere non formidant, ad turbationem communis commodi & tranquillitatis & pacis eorundem fidelium temerariis conatibus intendentes, divinæ ultionis gladium & nostras, ac sedis apostolicæ sententias non verendo, personam tuam in casu quo divina aspirante clementia pacem inter te & carissimum in Christo filium nostrum PETRUM regem Castellæ & Legionis illustrem reformari contingeret, in nostrum & præfatæ ecclesiæ

A obsequium, cum notabili comitiva alioquin armigeræ tuæ gentis liberaliter offerebas. Eundem, fili carissime, oblationes tuas hujusmodi magnis utique dignas præconiis grata mente suscepimus, tuamque exinde excellentiam plurimum in Domino commendantes, plenius eas prosequimur actionibus gratiarum. Verum licet sit in dispensatore pacis, qui novit corda regum & principum, in spiritu concordiæ reformare, de concordia feliciter terminanda inter te & regem præfatum, prout ex litteris accepimus venerabilis fratris nostri GUIDONIS episcopi Portuensis apostolicæ sedis legati, sperare possimus: quia tamen inceptæ rei negotium moram non patitur, idcirco illud gentis armigeræ subsidium, de quo juxta præfatæ tuæ devotionis affectum tibi convenire videbitur, cum celeritate transmitti magnificentiam eandem, sicut pridem per dilectum filium magistrum Simonem de Turonis capellanum nostrum deprecandam, duximus, sic per præsentem iterum eo rogamus attentius, & instantius obsecramus, quo malignantium prædictorum obstinata temeritas ad confringenda superbiæ ipsorum cornua debitæ provisionis remedia plus requirit. Datum Avenione vii. calendas Februarii anno ix.

## EPISTOLA XXVIII.

Ad Elianoram reginam Aragonum.

*Ejusdem argumenti.*

**C**arissimæ in Christo filiæ ELIANORÆ reginæ Aragonum illustri, salutem & apostolicam benedictionem.

Litteras tuas nobis per dilectum filium nobilem virum BERENGHERIUM DE PALATIO militem hac præsentis die, videlicet vii. calendas Februarii præsentatas de sincero tuæ devotionis affectu, quem ad nos & Romanam geris Ecclesiam, prout ex ipsarum serie collegimus prodeuntes, in quibus ad conterenda nonnullorum cornua superbiorum, qui in loco de Sancto-Spiritu Uticensis diocesis prope civitatem Avenionensem, in qua nos cum fratribus nostris sanctæ Romanæ Ecclesiæ cardinalibus præsentialiter residemus, ad turbationem communis commodi & tranquillitatis & pacis populorum Christi fidelium more prædonico congregati, Deum offendere, & nostras ac sedis apostolicæ incurrisse sententias non verentur, centum quinquaginta equites armigeros, sive ut verbis tuis utamur, usque ad ducentorum summam, in nostrum & dictæ sedis obsequium liberaliter offerebas; grate admodum & jocunde percepimus & intelleximus diligenter, magnificentiam tuam exinde plurimum commendantes in Domino & devotionis tuæ abundantiam dignis laudum præconiis extollentes, ac hujus oblationis tuæ liberalitatem plenius prosequentes actionibus gratiarum. Cum itaque hujus rei negotium eo sit celerius prosequendum, quo malignantium principiis facile obviatur, nosque propterea ad obviandum prædictorum temerariis ausibus sollicitis studiis intendamus, ex-

cellentiam tuam rogamus & attentius deprecamur, quatenus tamquam benedictionis & gratiæ filia gentem præfatam, seu aliam de qua tibi convenire videbitur, ad prædictorum exterminium pro honore Dei & favore communis commodi, ac nostra, & dictæ sedis reverentia, sine dilatione, quam hujusmodi negotii qualitas non patitur, gratum proculdubio Deo cujus negotium agitur sacrificium oblatura, transmittas. Ut autem apostolicæ sedis munificentia quibus Christi fideles ad insurgendum contra prædictos invitandos duximus tibi apertius innotescant, formam indulgentiarum quas eisdem fidelibus concedendas providimus interclusa præsentibus scedula referabit. Datum *ut supra*.

## EPISTOLA XXIX.

Ad Petrum Sicardi canonicum  
Narbonensem.

*Concedit ei facultatem exigendi destinatas pecunias  
ad perficiendos muros civitatis Avenionensis.*

**D**ilecto filio Petro Sicardi canonico Narbonensi, salutem & apostolicam benedictionem.

Dudum te in ædificiorum operibus experientia doctum, sollicitudine vigilem, & fidelitate præclarum, super constructione mœniorum seu murorum clausuræ civitatis nostræ Avenionensis provisorum & præsentem duximus deputandum. Ut igitur opus dictorum murorum tuæ circumspeditioni commissum eo citius & utilius possis facere consummari, quo majori fueris potestate munitus, tibi petendi, exigendi, & recipiendi pro opere supradicto à quibuscumque receptoribus quarumcumque gabellarum seu proventuum, pro dicto opere deputatorum seu deputandorum, in posterum pecunias quaslibet earumdem gabellarum seu proventuum & mutuum, & de receptis plenariè quittandi, & absolvendi solventes, ipsasque pecunias in dictum opus expendendi & convertendi, & eisdem receptores gabellarum ac quoscumque prædictorum proventuum & aliorum quorumcumque rerum & bonorum ipsi operi deputatorum, seu ad illud quomodolibet pertinentium debitores, occupatores & detentores ad solutionem & assignationem eorum tibi liberè faciendam compellendi, ac contradictores & rebelles quoslibet impediens opus ipsum ac operarios ipsius per censuram ecclesiasticam, & alia juris remedia appellatione postposita compescendi, & super hiis quotiens opus fuerit, seu tibi expedire videbitur sæculare brachium invocandi, plenam tibi concedimus tenore præsentium facultatem. Datum Avenione v. calendas Februarii anno nono.



## EPISTOLA XXX.

Ad regem & reginam Siciliae.

*Comitem Melfensem cum suis armigeris, Ecclesiæ  
quamvis valde utilem, eis remittit, ad  
debellandos Siciliae hostes.*

**C**arissimis in Christo filiis LUDOVICO regi & JOHANNÆ Reginæ Siciliae illustribus, salutem & apostolicam benedictionem.

Pervenit ad audientiam nuper nostram, quod nonnulli iniquitatis filii quos de diversis nationibus in societatem, immò potius perversitatem unam congregavit impietas, rapto vivere & aliorum bonis perfrui modo prædonico cupientes, nonnullas regni Siciliae partes nequiter invaserunt. Propter quod dilectus filius nobilis vir NICOLAUS DE ACZOROLIS comes Melfensis magnus ejusdem regni senescallus, ut solitis suæ fidelitatis obsequiis laborum vestrorum particeps fieret; prout ab annis plurimis tam laudabiliter quam utiliter consuevit, salutaribus consiliis suæ prudentiæ, qua plurimum pollere dinoscitur, nobis tam strenuè, quam fideliter, nec minus utiliter assistendo: ad præsentiam nostram se contulit, cum nonnulla gentis armigeræ comitiva, nostris & Romanæ Ecclesiæ negotiis per venerabilem fratrem nostrum ÆGIDIUM episcopum Sabinensem apostolicæ sedis legatum sibi commissis, dimissis ad ipsos. Nos itaque vestris & regni præfati laboribus eo magis pio compatientes affectu, quo regnum ipsum tam numerosis quam gravibus hætenus adversitatibus perturbatum, succedentibus sibi invicem malis, novis continuo fluctibus agitur: licet gratum haberemus plurimum & acceptum eundem comitem in nostris & dictæ Ecclesiæ obsequiis perstitisse, ipsumque à bellis impræsentiarum abesse acceptare sine molestia non possimus; vestra tamen commoda nostris in hoc necessitatis articulo commodis præponentes, absentiam suam hujusmodi usque ad tempus duximus æquanimiter tolerandam, serenitatem vestram rogantes & attentius deprecantes, quatinus cum hanc instantem perturbationem, quam illo faciente qui diu non patitur iniquos vivere super terram, vobisque in vestræ potestatis dextera providè & favorabiliter, ac te præcipuè regem strenuè operam dantibus, cessare speramus in brevi, contigerit sine laudabili terminari; eundem comitem ad prosequenda nostra & præfatæ ecclesiæ negotia, in quibus præsentiam suam opportunam nobis & eidem Ecclesiæ plurimum fore novimus ab experto, redire & in eisdem remanere negotiis quæ vestra existimatis, ut credimus, usque ad vestrum & dicti legati beneplacitum liberè permittatis. Nos enim eidem comiti, ut hujusmodi perturbatione sopita ad præfatum legatum se conferre sine dilatione procuret nostras speciales litteras destinamus. Datum Avenione ii. calendas Februarii anno nono.

## EPISTOLA XXXI.

Ad Nicolaum de Aczarolis comitem  
Melfiensem.

*Laudatis ejus pro sede apostolica laboribus, remittit  
eum ad Siciliæ regem, quam primum hostes  
regni fugaverit mox rediturum.*

**D**ilecto filio nobili viro NICOLA O DE  
ACZAROLIS comiti Melfiensi magno  
senescallo regni Siciliæ, salutem & apostolicam  
benedictionem.

Quam fideliter, quam strenuè ac consultè,  
nec minus utiliter in nostris & Romanæ Ecclesiæ  
negotiis penes venerabilem fratrem nostrum  
AGIDIUM episcopum Sabinensem apostolicæ  
sedis legatum versatus fueris, non absque multis  
tuis laboribus & expensis per litteras ejusdem  
legati sæpius intelleximus, & multorum tam  
nostrorum familiarium quam aliorum percepimus  
relationibus fide dignis. Equidem, dilecte  
fili, licet de conditione tua præclara quamplu-  
rima ad nostram audientiam fama prænuncia  
perduxisset, facti tamen deinde cum ad no-  
stram accessisti præsentiam, de tuæ probi-  
tatis meritis certiores, & de devotione tua quam  
ad nos & Romanam geris Ecclesiam, prout  
per effectum demonstraſti operis, plurimum  
sperabamus. Hujusmodi itaque impensa per te  
circa nostra & præfatæ Ecclesiæ, tuæ liberali-  
tatis obsequia, nos grata gerentes plurimum &  
accepta, dignis te exinde laudum præconiis  
attollimus, & multipliciter in Domino commen-  
damus. Ceterum cum noviter, sicut accepimus,  
nonnulli iniquitatis filii, quos de diversis na-  
tionibus in societatem, immò potius perversi-  
tatem unam congregavit impietas, nonnullas  
regni Siciliæ partes invaserint, ad depopulatio-  
nem terrarum & locorum ejusdem regni more  
prædonico intendentes, tuque propterea ad tua  
præstanda favores & auxilia, ut teneris, caris-  
simis in Christo filiis nostris LUDOVICO regi  
& JOHANNÆ reginæ Siciliæ illustribus illuc  
acceſſeris, cum nonnulla gentis armigeræ co-  
mitiva; nos ejusdem regni oppressionibus eo  
magis pio compatiētes affectu, quo regnum  
ipsum diuturnis fluctibus agitatū respirare  
tandem à tot tantisque suis anxietatibus crede-  
bamus: quamquam te eidem legato assistere &  
negotiis per eum tibi commissis intendere nobis  
plurimum gratum foret, teque ab eisdem sepa-  
rari negotiis acceptare sine molestia non possi-  
mus, in hujusmodi tamen necessitatis articulo  
absentiam tuam ad tempus æquanimiter tole-  
randam duximus, prædictorum regis ac reginæ  
& regni commoda nostris in hac parte commo-  
dis præferentes. Nobilitatem itaque tuam ro-  
gamus attentius & hortamur, quatinus juxta  
datam tibi à Domino prudentiam, ad confrin-  
genda cornua talium perversorum præfatis  
regi & reginæ, tuum erga ipsos solitum morem  
gerens, toto intendas conamine, eisdem tuis  
consiliis & auxiliis pro viribus favorabiliter, ac  
efficaciter assistendo, ad quod te verbis longio-

**A**ribus hortaremur, nisi quanta erga ipsos con-  
tinuò fuerit tuæ fidei constantia notum foret.  
Volumus autem quod quamprimum hujusmodi  
nova dicti regni turbatio sine fuerit debito ter-  
minata, ad præfati legati præsentiam te con-  
ferre, ad prosequenda laudabiliter, ut cœpisti,  
per eum tibi commissis & in posterum commit-  
tenda negotia, sine dilatione procures: obedi-  
entiæ tuæ promptitudinem in hoc taliter ostensu-  
rus, quod nostram & apostolicæ sedis, cujus  
tibi benevolentiam non immeritò vendicasti,  
favorem & gratiam continuò uberius merearis.  
**B**Nos enim eisdem regi & reginæ, ut te liberè  
permittant redire, nostras respectivè speciales  
litteras principaliter destinamus, quarum tibi  
seriem interclusa præsentibus cedula referabit.  
Datum Avenione II. calendas Februarii anno  
nono.

## EPISTOLA XXXII.

**C** Ad Ademarium comitem Valentinum.

*Ut cum electo Valentinenſi conveniat ad expellen-  
das à S. Spiritus loco iniquas societates.*

**D**ilecto filio nobili viro ADEMARIO comiti  
Valentinenſi, salutem & apostolicam be-  
nedictionem.

Ad tuam non ambigimus notitiam perveniſſe,  
qualiter nonnulli iniquitatis filii, Dei timore  
& reverentia sanctæ matris Ecclesiæ procul ab-  
jectis, ad turbationem Christi fidelium, more  
prædonico intendentes, de diversis regni Fran-  
ciæ partibus in societates varias congregati,  
cum nonnullis aliis perdicionis viris, in loco de  
Sancto-Spiritu præſentialiter existentibus, ad  
malignandum similiter cum eisdem convenire  
conantur. Cum itaque deceat nobilitatem tuam  
talibus malignatoribus, quorum circa sola sce-  
lera versatur intentio; & temerariis eorum co-  
natibus tuis viribus & opportunis remediis ob-  
viare, nobilitatem eandem rogamus & horta-  
mur attentè, quatenus ad resistendum prædi-  
ctis ne per passus & loca tuarum partium tran-  
sire ad præfatos de Sancto-Spiritu valeant sol-  
licitè invigilare studeas, & dare pro viribus  
operam diligentem, & nihilominus ad confu-  
sionem eorum, qui in præfato loco de Sancto-  
Spiritu nequiter convenerunt, & in eodem loco  
prædis & rapinis intendendo consistunt, tua  
præstare velis efficaciter auxilia & favores,  
super præmissis conveniendo, si placet, cum  
dilecto filio LUDOVICO electo Valentinenſi, cui  
**F**super hoc speciales destinamus litteras, & utrius-  
que consiliis & viribus simul junctis reddi va-  
leatis circa prædicta ad præstanda vestra fa-  
vores & auxilia promptiores. Datum Avenione  
calendas Februarii anno nono.





## EPISTOLA XXXIII.

Ad Ludovicum electum Valentinensem.

*Laudata ejus solertia, hortatur ad impediendum pro viribus transitum confederatorum.*

**D**ilecto filio LUDOVICO electo Valentinenfi, salutem & apostolicam benedictionem.

Litterarum tuarum seriem, & ea quæ nobis per dilectos filios nobiles viros Guidonem de Forlato militem & Antonetum Fornerii domicellum nuncios tuos nuper intimare, & in quibus nos reddere cautos curavisti, benignè percepimus & intelleximus diligenter, tuam diligentiam, quam continuò experientia faciente cognoscimus, plurimum commendantes. Ut autem super eisdem nobis pro parte tua, ut præmittitur, intimatis, informationem de intentione nostra habere valeas plenior, per eosdem nuncios tuos quid nostræ menti insideat discretioni tuæ vivæ vocis oraculo respondendum præsentialiter ducimus: quibus eadem discretio indubiam fidem dabit, prudentiam tuam sollicitam reddentes plurimum & attentam, ut ad impediendum illorum malignantium transitum, qui cum perditionis filiis in loco de Sancto-Spiritu contumaciter existentibus convenire conantur, sollicitis intendas studiis, tuis eisdem totis viribus tam promptè quam efficaciter, prout te facturum confidimus, obstitendo, ac circa confusionem prædictorum de Sancto-Spiritu tua præstando, prout de te confidimus auxilia & favores. Datum Avenione calendas Februarii anno nono.

## EPISTOLA XXXIV.

Ad Amedeum comitem Sabaudia.

*Laudat ejus erga ecclesiam devotionem, hortatur, quæ ut in his quæ spectant ejus honorem sollicitè invigilet.*

**D**ilecto filio nobili viro AMEDEO comiti Sabaudia, salutem & apostolicam benedictionem.

Præsentatas nobis nuper litteras tuas per dilectum filium nobilem virum Jacobum de Claromonte militem, consiliarium & nuncium tuum gratè admodum suscepimus, & exposita nobis per eundem pro parte tua intelleximus diligenter devotionem tuam erga nos & Romanam Ecclesiam, quam continuò magis cognoscimus per effectum, in hujusmodi tuam diligentiam plurimum commendantes. Ut autem nostræ mentis intentio vivæ vocis oraculo innotescere tibi plenius valeat, quam ministerio litterarum, nobilitati tuæ per præfatum nuncium tuum latorem præsentium, cui super exponendis tibi referavimus seriosius mentem nostram, tibi ducimus præsentialiter respondendum. Tu itaque fili, ut incensum dignum & holocaustum gratum offerre tuo te sentias creatori, in hiis quæ sponsæ suæ sanctæ matris Ecclesiæ & nostrum

**A** ac cunctorum Christi fidelium atque tuum honorem & statum pacificum respiciant tua præstare non cesses efficaciter auxilia & favores. Datum *ut supra*.

## EPISTOLA XXXV.

Ad archiepiscopum Lugdunensem.

*Ne perversè confederatis liberum per sibi subditas terras transitum donet, & ut designatam militiam quantocius mittat.*

**V**enerabili fratri archiepiscopo Lugdunensi, salutem & apostolicam benedictionem.

Quod plurimis & apertis est rumoribus divulgatum, ad tuam non ambigimus notitiam pervenisse, qualiter scilicet nonnulli filii Belial & iniquitatis alumni, collectis suæ malignitatis viribus, transire conantur per passus & loca diversa, ut cum aliis similiter nequam viris in loco de Sancto-Spiritu contumaciter consistentibus convenire valeant, & cum eisdem, timore Dei, & reverentia sanctæ matris Ecclesiæ prorsus abjectis, nequiter malignari. Cum itaque conveniat fraternitati tuæ, in hiis quæ honorem & statum præfatæ Ecclesiæ respiciunt atque nostrum, pleno mentis affectu, sollicitis studiis & toto conamine tua impendere auxilia & favores, fraternitatem eandem attentè requirimus, quatenus ad impediendum prædictorum malignantium transitum per loca & passus tibi subjecta tuos clerum & populos ad id similiter tuis suasionibus & paternis exhortationibus inducendo invigilare studeas, & tuæ prudentiæ solertia dare tam promptè quam efficaciter operam diligentem, tua vero contra prædictos de Sancto-Spiritu, prout se facultas obtulerit, præstando auxilia & favores. Ceterum ex litteris dilecti filii nobilis viri GERARDI militis fratris tui, nuper per eum venerabili fratri REGINALDO episcopo Aduensi thesaurario nostro transmissis didicimus, qualiter tua & ipsius extiterat deliberatione provisum, quod ipse tuis & ipsius sumtibus cum decenti gentis armigeræ comitiva incepti per nos negotii subsidium adveniret. Nos itaque hujusmodi deliberationis vestræ propositum plurimum in Domino commendantes, ejusdem tui fratris adventum celerem per te cupimus expediri. Postremò scire te volumus, quod tam dilectis filiis LUDOVICO electo & nobili viro ADEMARIO comiti Valentinenfi, quam nonnullis aliis prælatis ac nobilibus, ut sua circa prædicta præstent efficaciter auxilia & favores, nostras similiter speciales litteras præsentialiter destinamus. Datum Avenione calendas Februarii anno nono.

*In eodem modo, Venerabili fratri.... archiepiscopo Viennensi, salutem & apostolicam benedictionem.*

*In eodem modo, Venerabili fratri.... episcopo Vivariensi, salutem & apostolicam benedictionem.*

## EPISTOLA XXXVI.

Ad Eleonoram reginam Aragonum.

*Dertusensem episcopum ei commendat.*

**C**arissimæ in Christo filiæ ELEONORÆ reginæ Aragonum illustri, salutem & apostolicam benedictionem.

Cum venerabilis frater noster JOHANNES episcopus Dertusensis ad suam Dertusensem ecclesiam de mandato nostro se ducat præsentialiter conferendum, nosque illum propter clara quamplurima suarum virtutum merita, familiari experientia nobis nota ac etiam ex non mediocri sanguinis proximitate, qua nobis astringitur, speciali benivolentia prosequamur, Excellentiam tuam attentè requirimus & hortamur, quatinus diligenter attendens quod convenit magnificentiæ tuæ Ecclesias, & Ecclesiasticas personas, & eas præcipuè quas nos affectu prosequimur singulari, tui favoris suffragiis confovere, pro nostra & apostolicæ sedis reverentia, nostrorumque precaminum intervntu, eundem episcopum & ecclesiam suam ac bona & jura & negotia ipsorum quælibet, ad eò favorabiliter suscipias commendatos, quod idem episcopus nostrorum hujusmodi precaminum fructum sentire se gaudeat, nosque proinde tuæ excellentiæ ad gratiarum merita teneamur. Datum Avenione nonis Februarii anno nono.

## EPISTOLA XXXVII.

Ad Bernardum de Capraria.

*Ejusdem argumenti.*

**D**ilecto filio nobili viro BERNARDO DE CAPRARIA militi, salutem & apostolicam benedictionem.

Cum venerabilis frater noster Johannes, &c. *ut in proxima usque* prosequimur. Nobilitatem tuam requirimus attentius & hortamur, quatenus episcopum & ecclesiam memoratos habeas pro nostra & apostolicæ sedis reverentia eo propensius & efficacius commendatos, & in suis & præfatæ ecclesiæ negotiis per te ipsum & penes carissimos in Christo filios nostros PETRUM regem, & ELEONORAM reginam Aragonum illustres faveas efficaciter, & assistas, quod nos, qui hoc præmissis ex causis gratum habituri sumus plurimum & acceptum, tibi proinde teneamur ad merita gratiarum. Datum *ut supra*.

## EPISTOLA XXXVIII.

Ad Petrum regem Aragonum.

*Dertusensem episcopum ei commendat.*

**C**arissimo in Christo filio PETRO regi Aragonum illustri, salutem & apostolicam benedictionem.

Illam gerimus de tua serenitate fiduciam,

**A** ut eos quos speciali affectione diligimus, ipsorumque negotia regii favoris suffragio nostris excitatus precibus prosequaris. Cum itaque venerabilis frater noster JOHANNES episcopus Dertusensis nobis ob multiplicium virtutum suarum merita familiari experientia nobis nota carus plurimum & acceptus, & præter hæc non mediocri sanguinis proximitate conjunctus ad suam Dertusensem Ecclesiam de mandato nostro se ducat præsentialiter conferendum, celsitudinem regiam attentè rogamus & requirimus confidenter, quatenus diligenter attendens, quod tibi super hoc nostra precamina affectu dirigimus singulari, pro nostra & apostolicæ sedis reverentia, ipsorumque precaminum intervntu eundem episcopum ad eò suscipias commendatum, sicque favorabiliter prosequaris, & super ipsius Ecclesiæ negotiis de regis liberalitatis abundantia taliter te sibi propitium exhibeas & benignum, quod propterea æternæ tibi retributionis augeantur præmia. Nosque proinde excellentiæ regis ad gratiarum merita teneamur. Datum Avenione nonis Februarii anno nono.

## EPISTOLA XXXIX.

*Missas à Carolo Britannia duce adversus confederatos de S. Spiritu copias commendat.*

**V**enerabilibus fratribus, &c. *ut in forma de securo conducto.*  
**D** Cum dilectus filius nobilis vir HUGO de Ketaiteret miles locum tenens & senescallus pro dilecto filio nobili viro CAROLO duce Britannia in vice-comitatu Lemovicensi, cum certa gentis armigeræ comitiva ad Romanam curiam, ut per ipsum una cum nonnullis aliis Christi fidelibus temerariis conatibus quorundam hominum perversorum in loco de Sancto-Spiritu consistentium, qui Dei timore postposito, curiam ipsam, & quietem, ac pacem populorum Christi fidelium turbare multipliciter non verentur, viriliter resistatur, se ducat præsentialiter conferendum. Nos volentes ipsum cum dicta comitiva & equis ac rebus ejusdem in veniendo ad nos & per partes & loca vestra transitum faciendo, ac in illis morando plena securitate gaudere, universitatem vestram rogamus & hortamur attentè, quatenus ipsum benignè recommendatum habentes, nullam eidem & comitivæ suæ prædictæ in personis & rebus eorum inferatis, &c. *ut in forma usque in finem.* Datum Avenione VI. Idus Februarii anno nono.

## EPISTOLA XL.

Ad Andreæ episcopum Ariminensem.

*Facultatem tribuit componendi cum debitoribus camera apostolicæ.*

**V**enerabili fratri ANDRÆ episcopo Ariminensi in Tuscia & certis aliis partibus

apostolicæ sedis nuntio, salutem & apostolicam A benedictionem.

Cum nonnulli cives Florentini olim socii societatum Bardorum, Peruciorum ac Azajolorum jundudum dissolutarum, seu eorundem sociorum heredes, sive bonorum possessorum pro bonis seu creditis quondam EMGERANNI archiepiscopi Capuani, Richerii de Stella olim canonici Ambianensis apostolicæ cameræ collectorum reservatis, & apud socios & societates eosdem existentibus, ac ipsi, & nonnulli alii intra tuæ collectorie terminos constituti, ex aliis diversis causis, nonnullas pecuniarum quantitates præfatæ cameræ solvere & restituere teneantur. Nos fide digna relatione percepto, quod iidem olim socii & societates seu heredes & bonorum possessorum & alii debitores ad solvendum & restituendum integrè dictæ cameræ pecunias & bona hujusmodi debita per eosdem impotentes existunt: sed quod nihilominus secundum facultates eorum, eidem cameræ de debitis ipsis satisfacere in terminis competentibus sunt parati, nos eorundem debitorum precibus inclinati, de tuaque fide ac circumspeditione plenè confisi, fraternitati tuæ cum eisdem sociis & societatibus ac heredibus seu bonorum possessoribus & aliis debitoribus quibuscumque dictæ cameræ intra dictæ tuæ collectorie terminos, ut prædicitur constitutis, ex quibuscumque causis sint sæpèdictæ cameræ obligati, de prædictis & aliis pecuniarum quantitatibus & bonis, ipsi cameræ ex causis quibuscumque debitis componendi, & finandi debitis & necessariis cautelis, in hiis pro utilitate & securitate cameræ prædictæ adhibitis, & de jure cameræ remittendi eisdem & eidem juri cedendi secundum tuæ circumspeditionis arbitrium, nec non illas pecuniarum summas, de quibus componendum & finandum duxeris, recipiendi, & de receptis solventes quittandi & absolvendi plenariè, plenam tibi tenore præsentium concedimus facultatem. Volumus autem quod de singulis compositionibus, financiis, remissionibus, cessionibus, receptionibus, quittanceibus, & absolutionibus, duo confici facias consimilia publica instrumenta, quorum uno penes te retento, reliquum ad cameram nostram mittere non omittas. Datum Avenione v. Idus Februarii anno nono.

## EPISTOLA XLI.

Ad Florentinos.

*Ut episcopo Ariminesi in colligendis cameræ apostolicæ debitis auxilium præbeant & favorem.*

Dilectis filiis prioribus artium, ac vexillifero F justitiæ, populo, & communi civitatis Florentini, salutem & apostolicam benedictionem.

Per nostras certi tenoris litteras venerabili fratri nostro ANDRÆ episcopo Ariminesi apostolicæ sedis nuntio, componendi & finandi cum nonnullis concivibus vestris olim sociis societatum Bardorum, Peruciorum & Azajolorum jamdudum dissolutarum, seu eorundem

sociorum heredibus sive bonorum possessoribus de nonnullis pecuniarum quantitatibus debitarum apostolicæ cameræ per eosdem plenam & specialem nuper concessimus potestatem. Quare devotionem vestram, quæ plenè novit quantum præsentialiter pro recuperatione & defensione terrarum nostrarum & Romanæ Ecclesiæ pecuniis egeamus, hortamur & rogamus attentè, quatinus eidem episcopo in recuperatione dictarum pecuniarum, per eosdem vestros concives, ut præmittitur, debitarum, B per hujusmodi componendi & finandi vel alium modum levius & citius obtinenda favorem vestrum, de quo idem episcopus vos requirendos duxerit, efficaciter impendatis. Ita quod exinde vos commendare meritò valeamus. Datum ut supra.

## EPISTOLA XLII.

Ad Petrum Eraudi priorem S. Eutropii, Jacobum Barravi, & Arnaldum de Borwea.

C *Ut sibi reservata Gaillardii episcopi Xantonensis defuncti bona nomine sedis apostolicæ colligant.*

Dilectis filiis PETRO ERAUDI Monasterii sancti Eutropii Xantonensis per priorem soliti gubernari, & Jacobo Barravi S. Johannis extra muros Rupellæ apostolicæ sedis nuncio, ac Arnaldo de Borwea de Spèrnia Xantonensis diocesis prioribus, salutem & apostolicam benedictionem.

Dudum ex certis causis rationalibus dispositionem bonorum mobilium nec non debitorum & creditorum bonæ memoriæ GALLIARDI episcopi Xantonensis, qui nuper in partibus debitum naturæ persolvit, quæ tempore sui obitus haberet, vel pertinerent quomodolibet ad eundem, nobis adhuc eodem episcopo vivente duximus reservandam: ideoque discretionem vestram per apostolica scripta mandamus, quatenus vos, per vos vel alium seu alios bona debita & credita hujusmodi quæcumque sint, & à quibuscumque detinentur seu etiam debeantur in civitate & diocesi Xantonensi, ac provincia Burdegalensi, de quibus bonis debitis & creditis, si necesse fuerit, summariè, simpliciter, & de plano, ac sine strepitu & figura judicii, vos informare curetis, petere, exigere, ac recipere integrè studeatis, contradictores cujuscumque gradus, status, ordinis, vel conditionis extiterint, etiam si pontificali vel quavis alia præfulgeant dignitate, auctoritate vestra per censuram ecclesiasticam appellatione postposita compescendo, non obstante si aliquibus communiter vel divisim à sede apostolica sit indultum, quod interdicti, suspendi vel excommunicari non possint per litteras apostolicas non facientes plenam & expressam ac de verbo ad verbum de indulto ejusmodi mentionem. Nos enim vobis absolvendi, & quittandi plenè ac liberè omnes & singulos eos, à quibus bona debita, & credita ipsa receperitis, de hiis dumtaxat quæ ab eis recipere vos contingeret, plenam concedimus tenore præsentium potestatem. Vo-

sumus autem quod de hiis quæ exinde receperitis cameram nostram per instrumentum seu instrumenta publica certificare nullatenus omitatis. Quod si non omnes hiis exequendis potueritis interesse, tu, fili prior sancti Eutropii cum eorum altero ea nihilominus exequaris. Datum Avenione iv. Idus Februarii anno ix.

## EPISTOLA LXIII.

Ad eosdem.

*Ejusdem argumenti.*

**D**ilectis filiis PETRO ERAUDI Monasterii sancti Eutropii Xantonensis per priorem soliti gubernati, & Jacobo Barravi *&c. ut in superiori.*

Dudum ex certis causis rationabilibus dispositionem bonorum mobilium ac debitorum & redebitorum bonæ memoriæ GAILLARDI episcopi Xantonensis nuper extra Romanam curiam defuncti, quæ tempore sui obitus haberet vel pertineret quomodolibet ad eundem, nec non fructus, redditus & proventus qui Xantonensi Ecclesiæ vacante obvenirent & obvenire poterant ad mensam episcopalem dictæ Ecclesiæ spectantes & spectare debentes, nobis adhuc eodem episcopo vivente duximus reservandam, & decrevimus ex tunc irritum & inane, si secus super hiis à quoquam quavis auctoritate scienter vel ignoranter contingeret attentari: Ideoque discretioni vestræ per apostolica scripta committimus & mandamus, quatinus vos vel alter vestrum vos seu alium vel alios fide & facultatibus idoneos bona debita & credita ac fructus, redditus & proventus hujusmodi quæcumque sint, & in quibuscumque rebus consistent, & per quoscumque detineantur, seu etiam debeantur, & ubicumque fuerint & consistent, de quibus si necesse fuerit summarie & de plano, sine strepitu & figura judicii, vocatis quos vocandos noveritis, nos plenarie informetis, petere, exigere & recipere ac vobis tradi, & assignari facere cum integritate curetis, contradictores quoslibet & rebelles cujuscumque status, gradus, ordinis vel conditionis extiterint, etiam si pontificali, vel alia quavis ecclesiastica, vel mundana præfulgeant dignitate, auctoritate nostra per censuram ecclesiasticam, appellatione postposita, compescendo; invocato ad hoc, si opus fuerit, auxilio brachii sæcularis, non obstante si hujusmodi bona debita & credita, fructus, redditus, & proventus, seu aliqua ex illis ex privilegio statuto aut aliàs aliquibus forsitan debeantur; nec non felicitis recordationis Bonifacii papæ viii. prædecessoris nostri, qua cavetur, ne aliquis extra suam civitatem & diocesim nisi in certis exceptis casibus, & in illis ultra unam dietam à fine suæ diocesis ad judicium evocetur, seu ne iudices prædicti extra civitatem & diocesim, in quibus deputati uerint, contra quoscumque procedere, seu alii vel aliis vices suas committere, aut aliquos ultra unam dietam à fine diocesis eorumdem trahere præsumant, & de duabus in consilio generali & aliis quibuscumque constitutionibus

**A** à prædecessoribus nostris Romanis pontificibus tam de iudicibus delegatis, quam personis ultra certum numerum ad judicium non vocandis, aut aliis editis, quæ nostræ possent in hac parte jurisdictioni & potestati, eorumque cujuscumque ipsorum seu alicujus ex illis libero exercitio quomodolibet obviare, seu si aliquibus communiter vel divisim à sede apostolica indultum existat, quod interdicti, suspendi, vel excommunicari non possint per litteras apostolicas non facientes plenam & expressam de verbo ad verbum de indulto hujusmodi mentionem, & quibuslibet exceptionibus, privilegiis, indulgentiis, & litteris apostolicis generalibus, vel specialibus, quorumcumque tenorum existant: per quæ præsentibus non expressa vel totaliter non inserta effectus & executio præsentium impediri valeat quomodolibet vel differri, & de quibus quorumcumque totis tenoribus habenda esset præsentibus de verbo ad verbum mentio specialis. Nos enim vobis absolvendi & quittandi plenè ac liberè omnes & singulos eos à quibus hujusmodi bona debita, & credita, fructus, redditus, & proventus, vel aliqua ex illis receperitis, de hiis dumtaxat quæ ab eis recipere vos continget, nec non ipsorum & quorumcumque officialium & receptorum dicti episcopi, rationes & computa audiendi & impugnandi, & residua recipiendi, & ipsos ab hiis absolvendi dicto nomine, plenam & liberam concedimus eadem auctoritate tenore præsentium facultatem. Volumus autem quod de omnibus & singulis quæ ratione præmissorum vobis tradentur & assignabuntur, persolventur & dabuntur, & etiam de hujusmodi quittancebus, solutionibus & liberationibus, duo consimilia per manum publicam inventoria confici faciatis; quorum unum ad dictam cameram transmittatis, reliquo penes vos reservato, quodque omnia quæ receperitis in præmissis ad dictam cameram cum cautela & diligentia studio mittere quam citius commodè potueritis nullatenus postponatis, vos in præmissis taliter habituri, quod apud nos & dictam sedem de adhibitæ diligentia studio commendari non immeritò valeatis. **E** Quod si non omnes hiis exequendis potueritis interesse, tu fili prior sancti Eutropii cum eorum altero ea nihilominus exequaris. Datum Avenione iv. Idus Februarii anno nono.

## EPISTOLA XLIV.

Ad Philippum ducem Burgundiæ.

**F** *Gratum habet Johannem de Ria Burgundiæ senescallum sedi apostolicæ valde necessarium à se recedere, hortaturque ut confederatis ita se opponat viriliter, ut nullum per terras suas valeant habere transitum.*

**D**ilecto filio nobili viro PHILIPPO duci Burgundiæ, salutem & apostolicam benedictionem.

Litteras tuas nobis noviter præsentatas, tam causas

causas ex quibus dilectum filium nobilem virum JOHANNEM DE RIA Dominum de Blancon, senescallum Burgundiæ, remanere apud te præsentialiter oportebat, quam conditiones partium continentes benignè recepimus, & intelleximus diligenter, ad quas brevi compendio respondentes senescallum prædictum, quem tibi fore credimus plurimum opportunum, ad præsens, juxta nostrarum litterarum seriem, ad nostram sese præsentiam non conferre, licet ipsum in nostris & Romanæ Ecclesiæ occupari negotiis nobis plurimum gratum foret, prædictis tamen attentis causis, acceptamus. Ceterum quod nobis per easdem litteras congregationem nonnullorum perversorum hominum, & mentis tuæ virile propositum contra ipsos duxeris intimandum, gratum habuimus, teque exinde plurimum in Domino commendamus, nobilitatem tuam rogantes attentè, quatinus nequitiam ipsorum qui ad turbationem populorum Christi fidelium, & ad depopulationes & rapinas, cædes, incendia & spolia eorumdem conantur nequiter & intendunt diligenter considerans, adversus eorum insanos ausus & conatus temerarios, ne per passus & loca tuæ subjecta potentia transire valeant, tam potenter quam efficaciter te opponas, ut tuis impedimentis viriliter obstantibus eisdem perversa ipsorum intentio, & eorum nefaria malignitas confundatur, tuque propterea propter divinæ retributionis præmia digna apud nos & sedem apostolicam, & ipsorum Christi fidelium populos laudum præconia merearis. Datum Avenione Idibus Februarii anno nono.

## EPISTOLA XLV.

Ad Johannem de Ria dominum de Blancon.

*Ejusdem argumenti.*

Dilecto filio nobili viro JOHANNI DE RIA, domino de Blancon senescallo Burgundiæ, salutem & apostolicam benedictionem.

Nuper tam per litteras dilecti filii nobilis viri PHILIPPI ducis Burgundiæ, quam tuas, aperte cognovimus, qualiter conditione temporum faciente redire ad nos juxta nostræ voluntatis beneplacitum & tuæ devotionis affectum non valebas ad præsens. Nos itaque licet gratum duxissemus plurimum & acceptum personam tuam in nostris & Romanæ Ecclesiæ negotiis occupari, præmissis tamen attentis causis, tuæ nobilitatis absentiam præsentialiter ducimus acceptandam. Ceterum cum sicut ex dictis accepimus litteris, nonnulla malignæ gentis armigeræ comitiva in numero nimium copioso ad transeundum per partes Burgundiæ se accingat, & propterea idem Dux contra gentem ipsam suas opponere vires intendat tam favorabiliter quam potenter, nobilitatem tuam requirimus & hortamur attentè, quatinus circa præstanda eidem genti impedimenta, ne per passus & loca dicto duci subjecta transire valeant, & ad ipsius gentis temerariam audaciam confundendam, præfato duci tam strenuè quam

*Theſauri Anecd. Tom. II.*

A consulte pro viribus tuis assistas, ut Dei & communis commodi agendo negotium divinæ retributionis præmia & humanæ laudis præconium merearis. Datum *ut supra*.

## EPISTOLA XLVI.

Ad priorè sancti Eutropii.

B *Ut bona defuncti episcopi Xantonensis sedi apostolicæ reservata, ipsius auctoritate colligat.*

Dilecto filio priori S. EUTROPII XANTONENSIS diocesis in provincia Burdegalensi, salutem & apostolicam benedictionem.

Dudum ex certis causis rationabilibus dispositionem bonorum mobilium ac debitorum & creditorum, quæ bonæ memoriæ episcopus Xantonensis tempore sui obitus haberet, vel pertinerent quomodolibet ad eundem, nobis duximus reservandam. Cum autem præfatus episcopus rebus fuerit humanis exemptus, nos conservationi bonorum ac debitorum & creditorum hujusmodi providere volentes, discretioni tuæ per apostolica scripta districtè præcipiendo mandamus, quatenus per te vel alium seu alios bona debita & credita ipsa quæcumque & qualiacumque fuerint in civitate & diocesi ac provincia Xantonensi, vel aliquibus eorum parte seu partibus constituta, de quibus si expediens videris, summarie, simpliciter, & de plano, ac sine strepitu & figura judicii, te informes, petere, exigere, & recipere ad integritatem procures contradictores, &c. Nonobstante si aliquibus communiter vel divisim à sede apostolica sit indultum quod interdicti, suspendi, vel excommunicari non possint per litteras apostolicas non facientes plenam & expressam ac de verbo ad verbum de indulto hujusmodi mentionem. Nos enim tibi absolviendi, & quittandi, plene & libere omnes & singulos eos à quibus bona, debita & credita hujusmodi receperis, de hiis dumtaxat quæ ab eis recipere te contingeret, plenam concedimus tenore præsentium potestatem. Volumus autem quod de hiis quæ ab inde recipies cameram nostram per instrumentum seu instrumenta publica certifies indilate. Datum Avenione Idibus Februarii anno nono.

F *In eodem modo, dilecto filio Johanni Raymundi canonico sancti Petri Puellarum apostolicæ sedis nuntio in provincia Bituricensi, salutem & apostolicam benedictionem.*

## EPISTOLA XLVII.

Ad Walterium militem, Johannem Scakalk &amp; Ricardum Mussatum.

*Laudata eorum erga sedem apostolicam reverentia, nuncios eis mittit.*

Dilectis filiis nobilibus viris WALTERO militi & capitaneo gentis armigeræ, quæ

K k k



Magna Societas dicitur, & JOHANNI SCA-  
KAİK ac RICARDO MUSSATO armigero nigro  
eiusdem capitanei Marescallo & Conestabulo,  
& universis in eadem societate consistentibus,  
salutem & apostolicam benedictionem.

Per vestras litteras nobis per dilectos filios  
EUMENUM BEGAMON ordinis fratrum Prædi-  
catorum pœnitentiarium nostrum & STEPHA-  
NUM DE TEGULA ordinis fratrum Minorum  
theologiæ baccalarium noviter præsentatas, in  
quibus inter cetera eisdem Eumeno & Stephano  
dari per nos fidem credentiæ postulastis, & ipsis  
nobis latius referentibus viva voce, benigne  
ac placide intelleximus, qualiter vos obedi-  
entiam vestram nostris beneplacitis & mandatis  
promptius offerentes, contra nos & Romanam  
curiam vestrum nullatenus dirigebatis propo-  
situm, nec nos & sedem apostolicam vel curiam  
ipsam intendebatis aliquo modo perturbare. Nos  
itaque oblationem ac reverentiam vestram hu-  
jusmodi, quam singulos Christi fideles habere  
convenit, acceptantes, & plurimum in Domino  
commendantes, ut vivæ vocis ministerio aper-  
tius quam scripturis nostra vobis super hiis quæ  
nobis intimare curastis, intentio innotescat,  
dilectum filium JOHANNEM FERDINANDI de  
Eredia, castellanum Empostæ, ordinis sancti  
Johannis Hierosolymitani, & præfatos Eume-  
num & Stephanum latores præsentium ad ve-  
stram ducimus præsentiam transmittendos, qui-  
buscum ea reverentia quam ad nos & sedem  
præfata haberi convenit & nobis curavistis,  
dabit vestra devotio plenam fidem. Datum  
Avenione Idus Februarii, Pontificatus nostri,  
anno nono.

#### EPISTOLA XLVIII.

**V**enerabilibus fratribus, &c. *ut in forma  
de securo conductu supra.*

Cum dilectos filios Eumenum de Bergamon  
ordinis fratrum Prædicatorum pœnitentiarium  
nostrum & Stephanum de Tegula baccalarium  
Theologiæ ordinis fratrum Minorum ad certas  
partes pro nonnullis nostris & Ecclesiæ Roma-  
næ negotiis per nos commissis eisdem destina-  
mus, universitatem vestram, &c. *ut in forma.*  
Datum *ut supra.*

#### LITTERÆ DE MENSE MARTII ANNO NONO.

#### EPISTOLA XLIX.

Ad Neapolitanos.

*Ut regi Siciliæ adversus confederatos iniquos  
auxilium ferant.*

**D**ilectis filiis universitati civitatis NEAPO-  
LITANÆ, salutem & apostolicam bene-  
dictionem.

Dum tranquillitatis & pacis ac bonorum

A multiplicium commoda, quibus regnum Siciliæ  
affluere felicioribus hætenus temporibus con-  
suevit, in memoriam revocantes, ad diversarum  
deinde procellarum turbines, quibus regnum  
ipsum ab annis plurimis miserabiliter fluctua-  
vit, oculos considerationis nostræ convertimus,  
tanto suis & incolarum ejus angustiis, incon-  
modis & pressuris pio magis affectu compati-  
mur, quanto gravius esse cognoscimus assuetos  
affluere deliciis adversitatibus perturbari. Sanè  
nuper ad audientiam nostram implacitus ru-  
mor adduxit, quod nonnulli iniquitatis filii,  
B quos de diversis nationibus in societatem, immò  
verius in perversitatem unam congregavit im-  
pietas, nonnullas regni præfati partes ad ipsius  
desolationem incendiis, depopulationibus, &  
rapinis, aliisque damnis plurimis, more præ-  
donico intendentes, & religioni, ordini, digni-  
tati, vel sexui non parcendo, nequiter invase-  
runt. Nos itaque, dilecti filii, adversus tam  
multiplices ejusdem regni angustias & pressuras  
ad auxilium divinæ potentiæ recurrentes, eum  
C qui ventis imperat, & cessare facit spiritum tem-  
pestatis, suppliciter exoramus ac petimus, ut  
ipse per intercessionem & merita B. Petri apo-  
stolorum principis, cujus est regnum ipsum pe-  
culiaris hereditas vobis in omnipotentis suæ  
dextera suis adsit favoribus, ut regnum ipsum  
à temerariis talium perversorum tueatur cona-  
tibus, sicque carissimorum in Christo filiorum  
nostrorum LUDOVICI regis & JOHANNÆ  
reginæ Siciliæ illustrium ac fidelium & devo-  
torum ipsorum consilia prospera virtute corro-  
boret, & vires adaugeat eorundem, quod sub  
ipsorum regis, & reginæ potentia malignantium  
hujusmodi confundatur iniquitas, & superbia  
conteratur. Nos etiam prout urgentis necessita-  
tis celeritas patitur, quod in nobis est exequen-  
tes, adversus malignatores ipsos ac dantes eis  
in hujusmodi eorum præsumptionis insanæ au-  
xilium, consilium, vel favorem spiritualis pote-  
statis gladium exerimus, eosque incidisse in  
sententias & pœnas spirituales & temporales  
E adversus invasores & impugnatores dicti regni  
per constitutiones apostolicas promulgatas per  
alias nostras litteras denunciari mandamus.  
Quocirca universitatem vestram monemus, re-  
quirimus & hortamur, vobisque salutis & ho-  
noris vestri obtentu expresse præcipimus &  
mandamus, quatenus considerantes attentè  
damna, opprobria, injurias, incendia, rapinas,  
& spolia, aliaque scelera, quæ talium congre-  
gationum exercere malignitas consuevit, & in  
regno præfato dudum exercuit, fidem vestram  
erga præfatos regem & reginam solida constan-  
F tia conservantes, eisdem tam potenter quam  
favorabiliter ac efficaciter vestris auxiliis assi-  
statis, ut tandem illo favente qui pro reipublicæ  
defensione laborantibus propitiatus assistit, ma-  
lignantium ipsorum iniquitas à suis recipiscat  
conatibus, ipsumque regnum victis virtute malis  
debita securitate gaudeat, & solitæ dudum pacis  
& quietis dulcedine perfruatur. Datum Ave-  
nionē xv. calendas Martii anno nono.

*In eodem modo*, dilectis filiis universitati civitatis A Pennensis, S.  
*In eodem modo*, dilectis filiis universitati civitatis Tranensis, S.  
*In eodem modo*, dilectis filiis universitati civitatis Brundisinae, S.  
*In eodem modo*, dilectis filiis universitati Fogiae, S.  
*In eodem modo*, dilectis filiis universitati civitatis Monopolitanae, S.  
*In eodem modo*, dilectis filiis universitati Manfredoniae, S.  
*In eodem modo*, dilectis filiis universitati civitatis Trojanæ, S. B  
*In eodem modo*, dilectis filiis universitati Baroli, S. &c.  
*In eodem modo*, dilectis filiis universitati civitatis Tarentinae, S.  
*In eodem modo*, dilectis filiis universitati civitatis Averfanæ, S.  
*In eodem modo*, dilectis filiis universitati civitatis Capuanæ, S.  
*In eodem modo*, dilectis filiis universitati civitatis C Adrienfis, S.  
*In eodem modo*, dilectis filiis universitati civitatis Sulmonensis, S.  
*In eodem modo*, dilectis filiis universitati civitatis Tirnetanæ, S.  
*In eodem modo*, dilectis filiis universitati civitatis Aquilæ, S.  
*In eodem modo*, dilectis filiis universitati civitatis Cusentinae, S.  
*In eodem modo*, dilectis filiis universitati civitatis Salernitanæ, S.  
*In eodem modo*, carissimo in Christo filio ROBERTO imperatori Constantinopolitano illustri, &c. *usque* quocirca excellentiam tuam requirimus & hortamur, tibi nihilominus in remissionem peccaminum injungentes, quatenus, &c. *usque* consuevit, erga præfatos quoque regem & reginam zelum fraternæ caritatis exsolvens, eidem tam favorabiliter ac efficaciter tuis assistas favoribus, & auxiliis opportunis, ut tandem illo favente, qui pro reipublicæ defensione laborantibus, &c. *usque in finem*.  
*In eundem modum*, carissimo in Christo filio LUDOVICO imperatori Bulgaricæ regenti curiam vicariæ regni Siciliæ illustri, &c. *usque* quocirca excellentiam tuam requirimus & hortamur, tibi bique mandamus, quatinus erga præfatos regem & reginam studium curæ diligentis ostendens eidem pro viribus tuis intendas favorabiliter & assistas, ut tandem, &c. *usque in finem*.  
*In eodem modo*, dilecto filio nobili viro LUDOVICO DE DURACIO salutem, &c. *usque* F hereditas, ejusdem regni incolis, &c. *usque* hortamur, tibi bique nihilominus in remissionem tuorum peccaminum injungentes, quatenus, &c. *usque in finem*.  
*In eodem modo*, dilecto filio nobili viro PHILIPPO de Tarento, S.  
*In eodem modo*, dilecto filio nobili viro NICOLAO  
*Theauri Anecd. Tom. II.*

comiti Melfensi magno senescallo regni Siciliæ.  
*In eodem modo*, dilecto filio nobili viro GOTTFRIDO comiti Squillati regni Siciliæ admirato.  
*In eodem modo*, dilecto filio nobili viro ROGERIO comiti Celani, S.  
*In eodem modo*, dilecto filio nobili viro ANTONIO DE S. SEVERINO comiti Marfici, S.  
*In eodem modo*, dilecto filio nobili viro Francisco de Baucio duci Andriæ, S.  
*In eodem modo*, dilectis filiis nobilibus viris THOMASIO ET HUGONI DE S. SEVERINO fratribus, salutem & apostolicam benedictionem.  
*In eodem modo*, dilecto filio nobili viro PHILIPPO DE SANGINATO comiti Altimontis.  
*In eodem modo*, dilecto filio nobili viro ROGERIO DE S. SEVERINO comiti Militensi.  
*In eodem modo*, dilecto filio nobili viro... comiti Laureti, S.  
*In eodem modo*, dilecto filio nobili viro THOMASIO comiti Cereti, S.  
*In eodem modo*, dilectis filiis nobilibus viris THOMASIO, JACOBO ET FRANCISCO DE S. SEVERINO fratribus militibus, S.  
*In eodem modo*, dilecto filio nobili viro NEAPOLEONI de filiis Urbi comitis Manupelli.  
*In eodem modo*, dilecto filio nobili viro comiti Montis Odorissi, S.  
*In eodem modo*, dilecto filio nobili viro comiti Sanctæ Agatæ, S.  
*In eodem modo*, dilecto filio nobili viro GUILIELMO comiti de Asperch. S.  
*In eodem modo*, dilecto filio nobili viro Nicolao comiti Nolano, S.  
*In eodem modo*, dilecto filio nobili viro ANTONIO comiti Casertano, S.  
*In eodem modo*, dilecto filio nobili viro RAYMUNDO comiti Soleti regni Siciliæ comiti camerario, S.  
*In eodem modo*, dilecto filio nobili viro Corrado de Aquaviva comiti sancti Valentini.  
*In eodem modo*, dilecto filio nobili viro ANTONIO comiti Catauzerii.  
E *In eodem modo*, dilecto filio nobili viro JOHANNOTO Extamdardo regni Siciliæ Marescallo, S.  
*In eodem modo*, dilecto filio nobili viro Alexandro Brancatio regni Siciliæ marescallo, Salutem & apostolicam benedictionem.

## EPISTOLA L.

Ad Ægidium episcopum Sabinensem.

*Ut Dominico de Campo Cassio permittatur extrahere ex terris patrimonii sancti Petri in Tuscia frumentum.*

Venerabili fratri Ægidio episcopo Sabinenfi apostolicæ sedis legato, salutem & apostolicam benedictionem.

Pridem cum dilectum filium Dominicum de Campo - Cassio canonicum Januensem apostolicæ sedis nuntium pro emendis sex millibus modiorum frumenti pro usu nostrorum hospitil

K k k ij

& pagnotæ, destinandum ad partes provincie nostræ patrimonii Beati Petri in Tuscia duxissemus, & nonnulli, prout acceperamus, officiales & nobiles partium prædictarum certis tuis, prout asserere dicebantur, mandatis, & prohibitionibus eis factis obstantibus, tractam integram huiusmodi quantitatis frumenti fieri prohiberent, & nonnulli etiam pro certa ejusdem frumenti quantitate, pedagia & gabellas exigere attentarent. Nos tam nostris & Romanæ Ecclesiæ officialibus universis in eisdem partibus consistentibus, quam nonnullis personis aliis per nostras certi tenoris litteras expressè mandavimus, quod frumentum prædictum usque ad præfatam quantitatem liberè per eundem nuntium extrahi de terris & locis ejusdem patrimonii permitterent, ipsumque nuntium in huiusmodi negotio nullatenus impedirent. Cum itaque, sicut accepimus, tota prædicti frumenti quantitas aliquibus impedimentis obstantibus nondum sit tracta de terris & locis eisdem, & ad præsens faciente nonnullorum nequitia per-versorum, qui ad turbationem Romanæ curiæ & circumstantium populorum in loco de Sancto-Spiritu Utcensis diocesis prope curiam ipsam in ripa fluminis Rodani sito nequiter conveni-runt, & ibidem consistunt, tam de Burgundia, quam de nonnullis aliis partibus, frumentum & alia victualia deferri ad dictam curiam ne-queant, ut solebant, propter quæ dicta quan-titate frumenti plusquam primitus indigemus, & nisi integra celeriter habeatur, præfatum nostrum hospitium & præcipuè pagnota ipsa defectum non modicum paterentur, quod to-lerare pietatem apostolicam non deceret. Vo-lumus & fraternitati tuæ mandamus, quatenus non obstantibus quibuscumque mandatis con-trariis per te vel quoscumque officiales tuos, seu Romanæ Ecclesiæ quacumque auctoritate factis, quæ auctoritate apostolica quoad hæc suspen-dimus & tollimus per præfatos, eisdem offi-cialibus & aliis de quibus tibi videbitur expe-dire, mandes per tuas litteras speciales, quod dictam frumenti quantitatem per dictum nun-cium nostrum vel alium seu alios, cui seu qui-bus hæc ipse commiserit, liberè extrahi de præ-dictis patrimonii partibus absque contradic-tione, impedimentis, gabellis, pedagiis, vel ex-actiōibus quibuscumque permittant: quin immò eidem nuntio & deputatis ab eo in hac parte præbeant auxilium, consilium vel favorem: & si quid pro prædictis foret exactum ultra pretium emtionis, illud restitui mandes & facias indilate, tuaque nihilominus circum-spectio alias, prout expedire cognoverit, pro huiusmodi acceleratione negotii dare studeat operam efficacem, & quia ex præmissa & aliis causis & impedimentis præsertim sterilitatis, quæ in partibus istis fuit caritudo bladorum in curia prædicta invaluit & magis invalescere in antea pertinetur. Nos volentes de opportunis in hac parte providere remediis, eidem Domi-nico, postquam dicta prima sex millium modio-rum de partibus supradictis extraxerit, extra-hendi denuò per se, vel alium seu alios ex dictis

A partibus, & ad eandem curiam deferendi usque ad similem quantitatem sex millium modiorum frumenti, solutis tamen per eos consuetis juribus pro secunda tracta huiusmodi debitis, quibuscum-que personis concessimus per nostras litteras facul-tatem. Ideoque volumus, & eidem fraternitati tuæ mandamus, quatenus eisdem officialibus mandes expressè, quod præfato Dominico seu personis ad hoc deputatis ab ipso, præmissa secun-da sex millia modiorum cum dicta consueta so-lutione jurium extrahi sinant de partibus ipsis sine contradictione quacumque; quodque donec ipsa secunda sex millium modiorum emta fue-rint, aliam tractam frumenti exinde fieri ali-quatenus non permittant, nec concedant etiam facienda. Datum Avenione xiv. calendas Mar-tii anno nono.

## EPISTOLA LI.

C Ad Dominicum de Campo-Cassio canonicum Januensem.

*Ut ex terris patrimonii S. Petri in Tuscia frumenta ad curiam transmittat.*

Dilecto filio Dominico de Campo-Cassio canonico Januensi apostolicæ sedis nuntio, salutem & apostolicam benedictionem.

Quæ ad utilitatem publicam pertinere co-gnoscimus; cunctis libenter concedimus, & illis præsertim qui in nostris & apostolicæ sedis negotiis fideles & industrii sunt probati. Cum itaque ex sterilitate nimia quæ in vici-nis partibus fuit, & nonnullis iniquitatis filiis impediētib; de Burgundia & certis aliis partibus frumentum & alia victualia ad Ro-manam curiam deferri non valeant ut sole-bant, & propterea caritudo dictorum fru-menti & victualium invaluerit in curia præli-bata, nos volentes in hac parte de oportuno remedio providere, de tua fidelitate & indu-stria confidentes, tibi postquam de sex milli-bus modiorum frumenti pro usu nostrorum hospitii & pagnotæ per te juxta mandatum no-strum tibi per nostras alias litteras factum, pro-visum integrè fuerit, emendi liberè per te vel alium, seu alios in partibus vestris patrimonii B. Petri in Tuscia, & ab inde extrahendi, & ad curiam ipsam deferendi, salmas frumenti totidem, consuetis tamen juribus pro huius-modi tracta quantitate frumenti quibuscumque personis debitis persolutis, non obstantibus quibuscumque prohibitionibus seu mandatis per nos vel venerabilem fratrem nostrum Ægidium episcopum Sabinensem apostolicæ sedis lega-tum, seu per alios nostra vel ipsius auctoritate in contrarium factis, plenam concedimus te-nore præsentium facultatem, mandantes om-nibus & singulis nostris & dicti legati officia-libus, quod dictam frumenti quantitatem in eisdem partibus emi, & ab inde illam extrahi persolutis, ut præmittitur, consuetis juribus pro huiusmodi tracta debitis quibuscumque personis,

liberè & sine ulla contradictione permittant. Volumus autem quod ab illo vel illis quem seu quos ad hoc deputaveritis cautiones idoneas recipias, quod huiusmodi quantitatem frumenti, ad dictam curiam deferri facient quam citò commode poterunt bona fide. Datum Avenione xiv. calendas Martii anno nono.

EPISTOLA LII.

Ad Jordanum de filiis Urſi, &c.

*Ut frumenta ex terris patrimonii S. Petri in Tuscia extrahi, & ad curiam transportari permittant.*

**D**ilectis filiis nobili viro Jordano de filiis Urſi rectori, & Angelo Tavernini Theſaurario provincie noſtræ patrimonii B. Petri in Tuscia ac vicario & ſeptem præſidentibus populi Urbevetani; nec non communitatis Tuſcanenſis & caſtrorum Corneti & Montis-alti & aliis quorumcumque terrarum & locorum univerſitatibus, ceteriſque officialibus aliis & perſonis præſentibus & futuris dictæ provincie, ſalutem & apoſtolicam benedictionem.

Pridem dilectum filium Dominicum de Campo-Caſſio canonicum Januensem apoſtolicæ ſedis nuntium pro emendis ſex millibus modiorum frumenti pro uſu noſtrorum hoſpitii & pagnotæ, ad partes provincie noſtræ patrimonii B. Petri in Tuscia duximus deſtinandum, volentes & per apoſtolicas litteras mandantes quod univerſi & ſinguli de dicta provincia dictam quantitatem frumenti permitterent liberè trahi de terris provincie prælibatæ. Poſtmodum verò in Romana curia frumenti caritudine invaleſcente, præſato Dominico poſtquam præſata ſex millia modiorum de jam dictis terris ſeu partibus extraxiſſet, extrahendi denuò ex eis per ſe vel alium ſeu alios & ad eandem curiam deferendi uſque ad ſimilem quantitatem ſex millium modiorum frumenti, ſolutiſtamen per eos conſuetis iuribus pro ſecunda tracta huiusmodi debitis quibuſcumque perſonis, ceceſſimus per noſtras litteras facultatem. Quocirca vobis diſtrictè præciendo mandamus, quatinus dicta prima ſex millia modiorum liberè & expedite, alia verò cum dicta conſueta ſolutione iurium per præſatum Dominicum, ſeu alios ad hoc deputatos ab eo abſque contradictione qualibet trahi de dictis partibus, & ad præſatam deferri curiam permittatis; non obſtantibus quibuſcumque prohibitionibus, mandatis, & præceptis de non extrahendo frumentum de terris, civitatibus, caſtris, villis & locis dictæ provincie patrimonii per vos vel venerabilem fratrem noſtrum Ægidium epiſcopum Sabinenſem apoſtolicæ ſedis legatum ſeu alios noſtra vel ipſius ſeu quavis alia auctoritate factis, vel per eundem legatum ſeu alios præter quam per nos in poſterum faciendis, & pœnis in eis contentis, quæ quorumcumque tenorum exiſtant, in quantum præmiſſis obviarent, aucto-

ritate apoſtolica ſuſpendimus & tollimus per præſentes, & ne idem Dominicus ſeu deputari ab ipſo in emtione dictarum quantitatum frumenti valeant quomodolibet impediri, volumus & mandamus, quod donec ipſi prædictas integras emerint quantitates, nullam aliam tractam frumenti ſinatis de dictis partibus fieri, nec concedatis etiam faciendam. Datum Avenione xiv. calendas Martii anno nono.

EPISTOLA LIII.

Ad patriarchas, archiepiſcopos & epiſcopos, &c.

*Commendat eis Henricum comitem de Elvatzburg.*

**V**enerabilibus fratribus patriarchis, archiepiſcopis, & epiſcopis, ac dilectis filiis electis, abbatibus, prioribus, decanis, præpoſitis, archidiaconis, archipreſbyteris, plebanis, rectoribus & aliis eccleſiarum & monaſteriorum prælatiſ eorumque vices gerentibus, capituliſ quoque ac conventibus eccleſiarum & monaſteriorum ipſorum, ceteriſque perſoniſ eccleſiaſticis ſæcularibus & regularibus, exemptiſ & non exemptiſ, Ciſtercienciſ, Cluniaceniſ, Præmonſtratenſiſ, Camaldulenſiſ, ſanctorum Benedicti & Auguſtini, & aliorum ordinum & domorum hoſpitaliſ ſancti Johanniſ Hieroſolymitani, beatæ Mariæ Theotonicorum, Calatravenſiſ & humiliatorum magiſtriſ, prioribus & præceptoribus ad quos præſentèſ litteræ pervenerint, ſalutem & apoſtolicam benedictionem.

Cum dilectus filius nobiliſ vir Henricus comes de Elvatzburg ad certas partes de noſtra conſcientia & beneplacito ſe conferat, noſ volentes ipſum cum familia ſua in eundo, morando, & redeundo plena ſecuritate gaudere, univerſitatem veſtram, &c. *uſque in finem.* Datum Avenione x. calendas Martii anno nono.

*Item ſimiliſ pro eodem conſulibus, gubernatori, & rectori univerſitatis Montipeſſulanæ ſe conferente ſub data, ut ſupra.*

*Item ſimili modo pro eodem ad venerabilem fratrem noſtrum GUIDONEM epiſcopum Portuenſem apoſtolicæ ſedis legatum, ſe conferente ſub data qua ſupra.*

EPISTOLA LIV.

Ad archiepiſcopos & epiſcopos, &c.

*Epiſcopum autiſſiodorenſem & abbatem S. Victoriſ Maſſilienſiſ ad eoſ nuntioſ mittit.*

**V**enerabilibus fratribus archiepiſcopiſ & epiſcopiſ, ac dilectiſ filiis electiſ, abbatibus, aliſque eccleſiarum & monaſteriorum prælatiſ ac nobilibuſ viriſ conſtabulo, ac mareſcallo Franciæ, & ſeneſcallo Provincie, nec non ceteriſ ſyndiciſ ſeu nunciis nonnullarum univerſitatum regni Franciæ in ſeneſcallia Bellicardi, ſalutem & apoſtolicam benedictionem.

K k k iij

Ut super certis negotiis bonum publicum concernentibus nostræ mentis intentio tam vivæ vocis oraculo, quam litterarum serie, vobis plenius innotescat, venerabilem fratrem nostrum ITERIUM episcopum Autissiodorensem, & dilectum filium STEPHANUM abbatem monasterii sancti Victoris Massiliensis latores præsentium per nos de ipsa intentione nostra vobis explicanda latius informatos ad vos ducimus præsentialiter destinandos: Quibus super hiis quæ ipsi vobis pro parte nostra exponenda duxerint per vos dari volumus plenam fidem. Datum Avenione v. calendas Martii anno nono.

## EPISTOLA LV.

Ad Simonem de Buccanigro ducem Januensem.

*Ut permittat per terras suas transvehi frumentum ad usum hospitii sui & pagnotæ.*

**D**ilecto filio nobili viro Simoni de Buccanigro duci Januensi, salutem & apostolicam benedictionem.

Cum dilectus filius Dominicus de Campo-Cassio canonicus Januensis, apostolicæ sedis nuncius de partibus provinciæ nostræ patrimonii B. Petri in Tuscia ad terram Correti conduci fecerit certam frumenti quantitatem pro usu nostrorum hospitii & pagnotæ, de mandato nostro ad nostram curiam Romanam deferendam, nobilitatem tuam rogamus & hortamur attentè, quatinus eidem nuncio pro delatione frumenti huiusmodi conducendi per se vel alium seu alios de partibus tuæ potestati subiectis, galeas & alia vasa maritima & eadem in præfata terra Correti dicta quantitate frumenti onerandi, & ad curiam ipsam deferendi liberam concedas, pro nostra & apostolicæ sedis reverentia facultatem, prædicto nuncio præter hæc in huiusmodi negotio tua, prout expediens fuerit, impensurus auxilia & favores. Datum Avenione v. calendas Martii anno nono.

## EPISTOLA LVI.

Ad Philippum episcopum Florentinum.

*Ut Andream de Strata canonicum Florentinum de prioratu S. Salvatoris quamprimum vacare contigerit provideat.*

**V**enerabili fratri PHILIPPO episcopo Florentino, salutem & apostolicam benedictionem.

Dudum consideratione dilecti filii magistri Zenobii de Florentia capellani & secretarii nostri nobis humiliter supplicantis, dilecto filio Andreæ magistri Johannis de Strata canonico Florentino, ejusdem magistri Zenobii germano, de prioratu curatæ & collegiatæ ecclesiæ sancti salvatoris Florentinensis, qui tunc certo modo vacare sperabatur quamprimum, illam eodem vel alio quovis modo præter quam per mortem prioris tunc præsentis vacare contingeret, man-

avimus per nostras litteras provideri. Cum itaque deceat te provisionibus per nos factis & quas fieri mandamus, tamquam devotionis filium, ad nos & Romanam Ecclesiam habendo reverentiam, ut teneris, tui favoris auxilium impendere, & adversus contradictores tuum præsidium favorabiliter erogare, fraternitatem tuam hortamur attentè, quatinus eidem Andreæ in affecutione provisionis prædictæ, quam primum prioratum eundem, ut præmittitur, vacare continget, taliter te favorabilem exhibeas & benignum, quod nostræ litteræ debitum consequantur effectum, per quem apud nos & alios de sinceritate devotionis sis meritò commendandus, nec sit opus super hoc de alio remedio providere. Datum Avenione calendas Martii anno nono.

## EPISTOLA LVII.

Ad Johannem episcopum Vercellensem.

*Ne confederationes sibi non gratas faciat, & ut navibus Marchionis Montis-ferrati victualibus onustis liberum det transitum.*

**V**enerabili fratri JOHANNI episcopo Vercellensi, salutem & apostolicam benedictionem.

Pridem per nostras litteras fraternitatem tuam attentam reddidisse recolimus, ut cum nonnullis personis, per quas sollicitabar, nobis & Romanæ Ecclesiæ minus gratis colligationes & fœdera seu ligas facere abstineres. Cum autem prout ad nostram pervenit audientiam, tu non obstantibus litteris præfatis, aures præbere huiusmodi colligationibus videaris, idque menti nostræ eo magis admirandum insurgat, quo te tamquam membrum ejusdem Ecclesiæ ad ea magis attendere convenit, quæ nobis & sedi apostolicæ grata fore noveris & accepta, ab eorumque contrariis abstinere, fraternitatem eandem sicut iterum sic attentius monemus & hortamur: nihilominus mandantes eidem, quatinus colligationes, confederationes seu ligas huiusmodi cum personis prædictis, quas nobis & præfatæ Ecclesiæ minus gratas esse debere, si tecum bene & diligenter ipsorum gesta recogites, novisse circumspectio tua potest, nostra & dictæ sedis inconsulta conscientia, facere non præsumas. Ceterum cum noviter pro parte dilecti filii nobilis viri JOHANNIS Marchionis Montis-ferrati nonnulla navigia victualibus & aliis rebus ad terras suas deferendis onerata per partes seu portus tuæ ditioni subiectos transire habeant, prout nobis assèritur, volumus & eidem fraternitati tuæ mandamus, quatinus navigia huiusmodi cum personis, victualibus & rebus prædictis per passus seu portus & loca dictæ tuæ ditioni subiecta liberè transire permittas, & permitti mandes & facias per officiales tuos sine contradictione quacumque. Datum Avenione nonas Martii anno nono.



## EPISTOLA LVIII.

Ad Johannem regem Francorum.

*Ad stabiliendam pacem inter Carolum ducem Britanniae & Johannem comitem Montis-fortis, mittit Androynum abbatem Cluniacensem.*

**C**arissimo in Christo filio JOHANNI regi Francorum illustri, salutem & apostolicam benedictionem.

Cum nos stabilis quietis & duraturae tranquillitatis in regno tuo praecipue bonum & commodum paternis desideriis affectemus, nimirum placide intelleximus ea, quae super terminanda discordia & concordia reformanda inter dilectos filios nobiles viros CAROLUM ducem Britanniae & JOHANNEM comitem Montis-fortis tua nobis serenitas per suas litteras intimavit; propter quod ad cujuslibet quaestionis materiam inter praefatos ducem & comitem, duce Domino, terminandam, paternis intervenire consiliis & favoribus intendentes; dilecto filio ANDROYNO abbati monasterii Cluniacensis Matisconensis diocesis, de cujus prudentia plenam in Domino fiduciam obtinemus, per nostras damus patentes litteras specialiter in mandatis, quatinus ad locum, in quo infra certum tempus partes ipsae convenire debent, indilate se conferens, circa reformationem dictae concordiae auctoritate nostra insistat, prout expedire viderit, favoribus, consiliis & auxiliis opportunis. Rogamus itaque serenitatem eandem, & attentius deprecamur, quatinus sicut per te & carissimum in Christo filium EDUARDUM regem Angliae illustrem laudabile hujusmodi pacis & concordiae negotium, regia prudentia inchoatum existit, ita quantum in te fuerit excellentiae tuae ad id ministrando suffragia fine debito terminetur, ut per hoc regnum ipsum sicut in capite, sic in membris expectatae jamdudum pacis & tranquillitatis dulcedine perfruatur. Datum Avenione iv. Idus Martii anno nono.

## EPISTOLA LIX.

Ad Eduardum regem Anglorum.

*Ejusdem argumenti.*

**C**arissimo in Christo filio EDUARDO regi Angliae illustri, salutem & apostolicam benedictionem.

Pervenit nuper ad audientiam nostram, qualiter tam tu quam carissimus in Christo filius noster JOHANNES rex Franciae illustris pro tractanda concordia inter dilectos filios nobiles viros CAROLUM ducem Britanniae & JOHANNEM comitem Montis-fortis certos diem & locum in quibus ipsi coram vobis seu commissariis vestris convenire debeant statuistis. Nos itaque hujusmodi regiae deliberationis pro tam salubri materia consilium plurimum in Domino commendantes, ac incepta per vos laudabiliter fine terminari debito cupientes, dilectum filium

**A** ANDROYNUM abbatem monasterii Cluniacensis Matisconensis diocesis, cujus provida solertia & solers prudentia in magnis & arduis se nobis & sedi Apostolicae claram fecit, ad interponendum circumconcordiam hujus apostolicae auctoritatis partes debitas tamquam pacis angelum ad locum praefatum duximus destinandum. Quocirca serenitatem tuam rogamus & hortamur attentè, quatinus pro nostra & apostolica sedis reverentia, eidem abbati tuis assistendo favoribus, & consiliis inhærendo, pro sedanda discordia inter praedictos ducem & comitem ac pace stabili ratione communis commodi reformanda dare velit magnitudo regia, prout expedire viderit opem & operam efficacem. Datum *ut supra*.

## EPISTOLA LX.

Ad Androinum abbatem Cluniacensem.

**C** *Ut ad locum destinatum coram Franciae & Angliae regibus ad reformandam pacem inter Carolum ducem Britanniae & Johannem comitem Montis-fortis se transferat.*

**D**ilecto filio ANDROYNO abbati monasterii Cluniacensis Matisconensis diocesis, salutem & apostolicam benedictionem.

Attendentes quanta ex discordia dudum exorta inter dilectos filios nobiles viros CAROLUM ducem Britanniae & JOHANNEM comitem Montis-fortis regno Franciae damna, scandala & incommoda pervenerunt, ac cupientes regnum ipsum sicut in capite sic in membris in pacis solatio respirare, cum, sicut accepimus, praefati dux & comes infra certum terminum, & ad certum locum super tractatu pacis inter eosdem, duce Domino, reformandae, coram carissimis in Christo filiis nostris, JOHANNES Franciae & EDUARDO Angliae regibus illustribus, seu eorum commissariis ad hæc specialiter deputatis debeant convenire: Te tamquam pacis angelum ad locum praefatum, ut solita tua prudentia, prout in majoribus consuevit, se in hujusmodi laudabili negotio utiliter exercent, prout ex patentibus litteris per nos tibi directis colligere poteris, duximus destinandum. Discretionem itaque tuam hortamur attentè, quatinus ad locum eundem te personaliter conferens, circa concordiam ipsam, in qua proculdubio communis commodi negotium non minus agitur quam privati, tuis apud partes ipsas assistendo consiliis, & condignis exhortationibus insistendo, juxta datam tibi à Deo prudentiam, dare studeas pro viribus operam efficacem. Datum *ut supra*.



## EPISTOLA LXI.

Ad Carolum ducem Britannia.

*Hortatur ad pacem cum comite Montis-fortis faciendam, & ut consiliis abbatis Cluniacensis, quem ad id dirigit, obedire velit.*

**D**ilecto filio nobili viro CAROLO duci Britannia, salutem & apostolicam benedictionem.

Si bonum pacis, sine quo nullius boni esse potest perfecta conditio, diligenter attendas, si quanta mala & scandala dudum provenerint ex discordia, quam olim inter te & dilectum filium nobilem virum JOHANNEM comitem Montis-fortis pacis æmulus, hostis humani generis suscitavit, & quanta commoda tam publica quam privata secum allatura sit vestra concordia tecum consideres diligenter, animum tuum, dilecte fili, ad quietem & pacem cum dicto comite proculdubio inclinabis. Cum itaque tam tu quam idem comes ad certum locum infra certi temporis spatium, coram carissimis in Christo filiis nostris JOHANNES Franciæ & EDUARDO Angliæ regibus illustribus, seu eorum commissariis ad hoc specialiter deputatis, super terminanda inter vos quæstionis materia, & pro hujusmodi sedanda discordia debeatis, sicut nuper accepimus, convenire: Nos quietem & concordiam ipsam inter vos summis desideriis affectantes, dilectum filium ANDROYNUM abbatem Monasterii Cluniacensis Matisconensis diocesis ad interponendum pro parte nostra paternæ sollicitudinis studia, & expectatum pacis hujusmodi fructum efficaciter reportandum, ad locum præfatum tamquam pacis angelum providimus destinandum. Quocirca nobilitatem tuam rogamus attentius & hortamur, quatinus non quid tu velis, sed quid velle te deceat; non quid sensus suadeat, sed quid ratio dicat, attentè considerans, abbatem eundem pro nostra & apostolicæ sedis reverentia debito honore suscipiens, ejusque monitis & salutaribus consiliis acquiescens, animum tuum ad habendam inter te & comitem præfatum tranquillitatem & pacem, benignus inclines, ut per hoc apud eum qui pacis est auctor divinæ retributionis merearis præmia, apud nos & sedem præfatam crescas gratia, & apud Christi fidelium populos condignæ laudis præconium consequaris. Datum *ut supra*.

*In eodem modo, dilecto filio nobili viro Johanni comiti Montis-fortis, salutem, &c. mutatis mutandis. Datum ut supra.*

## EPISTOLA LXII.

Ad Johannis regis Franciæ commissarios, &amp;c.

*De pace tractanda inter Carolum ducem Britannia & Johannem comitem Montis-fortis.*

**D**ilectis filiis nobilibus viris tractatoribus, auditoribus seu commissariis per carissimum

**A** in Christo filium nostrum JOHANNEM regem Franciæ, illustrem super reformanda inter dilectos filios nobiles viros CAROLUM ducem Britannia & JOHANNEM comitem Montis-fortis concordia deputatis, salutem & apostolicam benedictionem.

Placide admodum intelleximus, quod tam vos, quam nonnulli pro parte carissimorum in Christo filiorum nostrorum JOHANNIS Franciæ & EDUARDI Angliæ regum illustrium super sedanda quæstionis materia dudum exorta inter dilectos filios nobiles viros CAROLUM ducem Britannia & JOHANNEM comitem Montis-fortis, tractatores, auditores seu commissarii deputati debetis, & dicti dux & comes similiter ad certum locum infra certi temporis spatium convenire. Nos itaque inter eosdem ducem & comitem stabilem informari concordiam eo magis paternis affectibus cupientes, quo ex concordia ipsa plurima fore speramus tam publica quam privata commoda proventura, ac propterea ad consummationem ejusdem concordia celerem & votivam partes nostras interponere, prout nobis suadet pastoralis officii debitum intendentes, dilectum filium ANDROYNUM abbatem monasterii Cluniacensis Matisconensis diocesis tamquam pacis angelum ad conveniendum vobiscum ac cum duce & comite prædictis ad locum præfatum providimus destinandum. Quocirca nobilitatem vestram requirimus & hortamur attentè, quatinus pro nostra & apostolicæ sedis reverentia abbatem eundem honorificentia debita pertractantes, ejusque acquiescentes monitis & consiliis, ac circa hujusmodi salubre negotium sine debito terminandum favorabiliter assistentes, eidem super hiis quantum ad concordiam ipsam expedire videritis vestra prudentiæ sollicitis studiis efficaciter intendatis. Datum *ut supra*.

*In eodem modo, dilectis filiis nobilibus viris tractatoribus, &c. ut in proxima usque per carissimum in Christo filium nostrum Eduardum regem Angliæ illustrem super reformanda inter dilectos filios nobiles viros, &c. ut in proxima usque in finem mutatis mutandis. Datum ut supra.*

## EPISTOLA LXIII.

Ad Androynum abbatem Cluniacensem.

*De pace tractanda inter ducem Britannia & comitem Montis-fortis.*

**D**ilecto filio ANDROYNO abbati monasterii Cluniacensis Matisconensis diocesis, salutem & apostolicam benedictionem.

Pervenit nuper ad audientiam nostram, quod carissimi in Christo filii nostri JOHANNES Franciæ & EDUARDUS Angliæ reges illustres, ad exortam dudum discordiam inter dilectos filios nobiles viros CAROLUM ducem Britannia ex parte una, & JOHANNEM comitem Montis-fortis ex parte altera super ducatu Britannia

Britanniæ sine laudabili terminandam, certos dies & locum in quibus partes ipsæ convenire debeant coram tractatoribus, auditoribus seu commissariis per reges eosdem super sedanda huiusmodi discordia ordinatis, concorditer statuerunt. Cum itaque pacis reformatio inter reges, ducem & comitem ad bonum publicum pertinere noscatur, ex quorum dissensione damna & incommoda plurima provenerunt hætenus, & graviora in posterum, nisi eis quietis succurratur beneficio, formidantur: nos qui personarum omnium tranquillitatem & pacem, illarum tamen præcipuè ex quibus populis Christi fidelibus plura sperantur commoda proventura, paternis desideriis affectamus, dispositionem & ordinationem huiusmodi dictorum regum plurimum commendantes, de tuæ quoque circumspeditionis industria fiduciam gerentes in Domino singularem, ac in eo cuius est pacis spiritum in discordantium animis inspirare, sperantes indubie, quod tu sicut te nobis & sedi apostolicæ in majoribus tibi commissis negotiis magnis dignum præconiis reddidisti, similiter in huiusmodi negotio te laudabiliter & utiliter exercebis, discretionem tuam per apostolica scripta mandamus, quatinus ad locum præfatum te personaliter conferens indilate, circa reformationem concordie & pacis huiusmodi juxta datam tibi à Deo prudentiam, dare studeas sollicitis studiis & solerti diligentia operam efficacem, præfatis tractatoribus, auditoribus seu commissariis tuis quibus expedire videris assistendo consiliis, & apud partes prædictas pro parte nostra persuasionibus & exhortationibus insistendo, in præmissis te taliter habiturus, quod præter divinæ retributionis præmia apud nos & sedem præfata ulterius tibi continuo laudum proveniant incrementa. Nos enim tibi ordinandi, disponendi, terminandi, & auctoritate nostra confirmandi, si ad id per partes ipsas requisitus fueris, & alia quæ ad hæc expedienda videris faciendi, plenam & liberam concedimus potestatem. Datum Avenione iv. Idus Martii anno nono.

## EPISTOLA LXIV.

Ad Ægidium episcopum Sabinensem.

*De tractatu faciendo cum Aldobrandino Marchione  
Etsensi de vicariatu urbis Bononiæ,  
aliisque negotiis.*

Venerabili fratri Ægidio episcopo Sabinensi apostolicæ sedis legato, salutem & apostolicam benedictionem.

Ex quarumdam serie litterarum, quas venerabili fratri nostro... episcopo Seguntinensi, & dilecto filio Nicolao Spinello de Neapoli legum doctore tua fraternitas noviter destinavit, inter cetera intelleximus certum tractatum inter te & dilectum filium nobilem virum ALDOBRANDINUM Marchionem Etsensem super Bononiensi negotio habitum, cum distinctis capitulis, quæ

*Theſauri Anecdor. Tom. II.*

A ut breviter perstringamus, quantum colligere potuimus, in summam hanc rediguntur. In primis videlicet, quod tua fraternitas pro posse procurare debeat per nos eidem marchioni ad quinquennium vel saltem ad quadriennium committi vicariatus civitatis nostræ Bononiensis, ejusque comitatus, & districtus cum potestate & jurisdictione plenaria, prout alias per felicitis recordationis CLEMENTEM papam vi. prædecessorem nostrum bonæ memoriæ JOHANNI archiepiscopo Mediolanensi concessus extitit & commissus. Quodque annis singulis durante vicariatu prædicto, idem marchio pro censu realiter assignabit vel assignari faciet cameræ Apostolicæ, ubicumque contingat Romanum pontificem cum Romana curia residere, xxiv. millia florenorum auri boni ponderis & cunei Florentini in duobus terminis, de quibus nobis videbitur & placebit. Ipse quoque marchio dictos civitatem & districtum ad honorem & statum Romanæ Ecclesiæ atque nostrum & fratrum nostrorum ejusdem Ecclesiæ cardinalium, ac quietem & pacem civium & districtualium prædictorum civitatis & comitatus reget ac etiam gubernabit, & in fine dicti quinquennii vel quadriennii civitatem, comitatum & districtum præfatos & fortalicia ipsorum quælibet Romanæ Ecclesiæ liberè, & sine contradictione & controversia aliqua resignabit. Additur insuper in eisdem tuis litteris ad prædicta, quod idem marchio promittet bona fide statum Romanæ Ecclesiæ in partibus Italiæ defensare. Quod si Bernabos, de Vice-comitibus miles Mediolanensis, vel alius quicumque de quo posset verisimiliter conjectari, quod ad hoc ejus duceretur auxilio vel favore, guerram gereret vel moveret contra personam tuam seu quascumque ipsius Ecclesiæ terras in Italia consistentes, ipsolque Bernabovem, vel personam aliam in huiusmodi guerra mille barbutas vel ultra habere, aut si quod absit, aliquam ex civitatibus ipsius Ecclesiæ contingat in dictis Italiæ partibus rebellare, idem marchio, guerra huiusmodi & dicti vicariatus officio perdurante, de trecentis equitibus seu barbutis vivis, ut tuo utamur vocabulo, & ultra, illas bona fide quantum se sua facultas extenderit servire nobis & præfate Ecclesiæ teneatur. Si autem castrum aliquod in dictis Italiæ partibus rebellare, vel dictum Bernabovem, seu alium modo præmisso contra castrum ipsum guerram movere contingeret; eo casu dictus marchio solummodo juxta conditionem guerræ & numerum hostium bona fide subvenire debeat Ecclesiæ prælibatæ: Ita tamen quod si eodem marchione in dicti vicariatus officio existente, dictus Bernabos exercitum teneret potentem contra dictos civitatem & districtum Bononiensem, videlicet trium millium barbutarum vel ultra, in casu isto gentem suam armigeram modo præmisso transmittere minimè teneatur, sed bona fide juxta possibilitatem suam considerato exercitu & exfortio Bernabovis ejusdem, tibi & officialibus nostris & ipsius Ecclesiæ sua præstare tantummodo auxilia & favores. Hoc etiam in dictis

tuis litteris vidimus contineri, quod dictus Marchio recuperare curabit pro posse & bona fide castra & fortalitia quæ occupata ad præsens per dictum Bernabovem seu alium ejus nomine detinentur, & recuperata tenere modo & forma quibus civitatem & comitatum ac districtum teneat supradictos. Adjuvabit præterea te & officiales nostros toto conamine & fide sincera circa recuperandum castrum Luci, quod per Bernarbovem eundem præsentialiter occupatur, & ne hostes ipsius Ecclesiæ transire valeant in succursum castri ipsius seu terrarum aliarum rebellium dictæ Ecclesiæ, seu etiam ad illud vel terras ipsas rebelles victualia quæcumque deferri, disturbabit & impedit toto posse. Ad cautelam quoque & securitatem omnium prædictorum offert in obsidem & pro obside dilectum filium OBIZONEM natum suum nostro & dictæ Ecclesiæ nomine tenendum in civitate Avenionensi seu alibi, ubi nobis melius videbitur & placebit. Et si, quod absit, OBIZONEM eundem infra dictum terminum ex hac luce subtrahi contingeret, eo casu per Marchionem ipsum unus ex fratribus ejusdem dabitur & assignabitur in obsidem modo & forma superius prænotatis. Post hæc omnia in eisdem litteris hoc erat adjunctum, quod facta eidem marchioni concessione de vicariatu præfato, idem marchio procurabit pro posse suo & fide pura, quod universitas Florentinensis stabit, & promittet, & pro eo cavebit de omnibus & singulis supradictis adimplendis per eum & plenarie observandis. Quod si prædicta universitas stare nollit, nihilominus concessio vicariatus ejusdem in suo esse remaneat, nec eidem concessioni in aliquo propterea derogetur. Nos itaque prædictis omnibus per nos cum nonnullis ex fratribus nostris prædictis in libramen debitæ considerationis adductis & diligenti ventilatione pensatis, licet hujusmodi rei cœptæ negotium optaremus sine magis laudabili terminari, quia tamen nonnumquam temporum conditio quædam fore acceptanda suadet, quæ humanis desideriiis plenarie non respondent, vicariatum ipsum in temporalibus per nos dicto marchioni usque ad quadriennium, vel si aliter fieri nequeat, usque ad quinquennium concedi, & prædicta omnia expressa superius acceptamus, ac propterea super præmissis potestatem tibi plenariam concedentes, eidem fraternitati patentes opportunas litteras cum præsentibus destinamus. Quia tamen venerabilis frater noster ARNESCUS archiepiscopus Pragensis & dilectus filius Guillelmus decanus Vilssegradensis plurima nobis de liberali proposito carissimi in Christo filii nostri CAROLI Romanorum imperatoris semper Augusti & Bohemiæ regis illustris circa præstanda nobis & dictæ Ecclesiæ negotiis sua auxilia & favores sæpius retulerunt, nosque per eosdem dum pridem à nostra præsentia discederent, præfatum Bononiense negotium vivæ vocis oraculo eidem imperatori voluerimus affectuosius commendari, certas eisdem dantes credentiæ litteras cum nonnullis interclusis capitulis, quorum tibi copiam mittimus præsen-

tibus interclusam, ac speremus verisimiliter imperatorem ipsum infra Kalendas Maii proxime futuras nobis esse favorabiliter cum efficacia operis responsurum. Id quoque, si ita evenierit, ut speramus, ad nostrum & dictæ Ecclesiæ majorem cederet decentiam & honorem, ac statum prosperum & tranquillum, & pacem ac quietem fidelium nostrorum & Ecclesiæ ipsius in eisdem civitate & districtu consistentium: propterea honestum & congruum reputamus confirmationem, seu tractatus consummationem hujus per te usque ad dicti temporis spatium sustineri: Ita tamen quod tractatus ipse propterea non desistat, sed continuetur potius, & juxta tuæ prudentiæ magnitudinem usque ad tempus prædictum honestè quantum fieri poterit protrahatur. Licet itaque præfatas patentes litteras tibi ducamus, ut præmittitur, præsentialiter destinandas, volumus tamen & eidem fraternitati mandamus, quatinus ad exequenda ea quæ in eisdem litteris continentur, usque ad prædictas Kalendas Maii proximè futuras nullomodo procedas, neque commissione utaris hujusmodi, nisi te, quod absit, ad id faciendum articulus inevitabilis necessitatis cogeret. Et quia carissimo in Christo filio nostro LUDOVICO regi Ungariæ illustri per dilectum filium JOHANNEM præpositum Agriensem nuncium suum respondendum juxta sententiam quam tibi per alias nostras litteras duximus intimandam, propterea per te supersederi volumus usque ad præfatum tempus confœderationibus aut ligis per te cum dicto rege seu personis aliis faciendis. Hoc insuper fraternitatem tuam volumus non latere, quod venerabilis frater noster JOHANNES BONJOHANNES episcopus Firmensis ad præsentiam tuam se conferens indilatè de nostra conscientia & beneplacito prius sermonem habiturus est cum Bernabove prædicto super tractatu olim per dilectum filium NICOLAUM Soderini civem Florentium pro parte dilecti filii nobilis viri Nicolai comitis Melfensis magni senescalli regni Siciliae nobis exposito, quem siquidem tractatum verum fuisse & de consensu ac deliberatione dicti Bernabovis non ambigimus processisse, ipsumque magnum senescallum quæ per eum cum eodem Bernabove tractata fuerant nobis fideliter intimasse, ut si idem Bernabos tractatum ipsum juxta formam capitulorum, quæ alias fraternitati tuæ transmississe recolimus, acceptandum duceret, quod tibi sine mora idem episcopus intimare curabit, tractatum hujusmodi eadem fraternitas dicto præferat tractatui, & acceptet eundem. Interea verò donec præmissa tractantur usque ad tempus præfatum, nisi, ut præmittitur, inevitabilis cogeret necessitas, concessioni per te supersederi volumus prælibatæ. Ut autem circa concessionem ipsam in præfato termino & alias in casu præmissis consultius & maturius ac cautius procedere valeas, tenorem concessionis factæ dudum per dictum prædecessorem nostrum olim præfato archiepiscopo Mediolanensi tibi mittimus præsentibus interclusum, ut ex contentis in eo elicere valeas ea quæ tibi

in hac parte fore necessaria ac opportuna etiam videbuntur, tuque ex illis quantum expediens fore videris, modo præmissis consulte eligas, eaque perficias prout nostro & ecclesiæ Romanæ honori, ac statui, & tranquillitati civitatis, comitatus & districtus prædictorum cognoveris expedire, additis per te in obligationibus præstandis per marchionem ipsum in casu concessionis prædictæ, si contra promissa & jurata per eum aut præmissorum aliquod contravenire contingeret, de quibus tibi videbitur, quas tuæ providentiæ & tuæ deliberationis arbitrio ducimus relinquendas. Hoc unum post multa per te sub silentio tenendum, quod utique nobis foret acceptius, licet te id facturum etiam sine nostris scriptionibus nullatenus ambigamus, præsentibus vidimus annectendum, quod videlicet si tu guerram inchoatam sustinere, & dictam civitatem conservare, ipsamque ab impugnatione hostium valeres, aut etiam si id facere non valeas, & via aliqua mentis tuæ tractatu, aut viis & modis aliis prædictis nobis & dictæ ecclesiæ melior & honorabilior se offerret, prout sæpe præter expectatum divina benignitas subministrat, eo casu viam ipsam per te prælegi volumus, & tam in tempore prædicto quam ultra vias & modos alios penitus prætermitti. Datum Avenione III. Idus Martii anno nono.

## EPISTOLA LXV.

Ad Ægidium episcopum Sabinensem.

*Mittit ipsi conditiones sub quibus marchioni Estensi concedi debeat vicariatus Bononiensis.*

**V**enerabili fratri Ægidio episcopo Sabinensi apostolicæ sedis legato, salutem & apostolicam benedictionem.

Sedis apostolicæ providentia circumspècta, de cunctorum fidelium tranquillitate sollicita, circa ea potissime vigilem curam & operam efficacem impendit, ac paternis desideriis & sollicitis studiis diligenter intendit, per quæ fidelibus ipsis præsertim ecclesiæ Romanæ specialibus subditis pacis & prosperitatis assiduum sub bono & fideli regimine provenire valeat incrementum. Nuper siquidem venerabilis frater noster episcopus Seguntinus & dilectus filius Nicolaus Spinellus de Neapoli legum doctor certum tractatum cum nonnullis capitulis in tuis litteris per te transmissis eisdem distinctè contentis inter te & dilectum filium nobilem virum ILDEBRANDINUM marchionem Estensem super concessione vicariatus civitatis, comitatus & districtus Bononiensium ad nos & Romanam Ecclesiam nullo medio pertinentium, per nos ad certum tempus sibi facienda habitum, per quem tranquillitati status, civitatis, comitatus & districtus eorundem provideri utiliter sperabatur, nobis pro parte tua exponere tam sollicitè quam provide curaverunt. Habita itaque super hiis deliberatione matura, prout rei gravitas exigebat, de tuæ circumspèctionis

*Theauri Anecdotes. Tom. II.*

A industria quæ se in magnis & arduis nostris & præfatæ ecclesiæ negotiis, prout facti manifestat evidentia, multipliciter claram fecit, plenam in Domino fiduciam obtinentes, ac sperantes quod civitas & districtus prædicti per marchionem eundem, de cujus fidelitate & devotione erga nos & Ecclesiam præfatam fiduciam gerimus in Domino singularem, ac nostri & ejusdem Ecclesiæ subditi & fideles in eisdem civitate & districtu consistentes, quietis & tranquillitatis beneficio gaudere valebunt interius & exterius à nostrorum & ipsius Ecclesiæ hostium perfidia, tam potenter quam efficaciter dispensari; fraternitati tuæ concedendi eidem ILDEBRANDINO marchioni auctoritate nostra vicariatum, gubernationem, administrationem, & regimen in temporalibus civitatis, comitatus & districtus prædictorum pro nobis & sancta Romana Ecclesia usque ad annos quatuor à die concessionis per te eidem faciendæ, de vicariatu ipso in antea numerandos sub nonnullis infra scriptis conditionibus, conventionibus & pactis, & alias cum recognitionibus, confessionibus, promissionibus, approbationibus, obligationibus, cautionibus, pactis, summisionibus, sub pœnis, sententiis, juramentis, renunciationibus ac conditionibus aliis de quibus tibi videbitur plenam auctoritate apostolica concedimus tenore præsentium facultatem. Inter alia autem conventiones & pacta super concessione hujusmodi ordinanda signanter ea quæ sequuntur præsentibus declaranda providimus & specialiter exprimenda. In primis siquidem idem D marchio promittet & in tuis manibus nostro & præfatæ Ecclesiæ nomine recipientis ad sancta Dei evangelia corporaliter manu tacta per se vel procuratorem suum legitimum jurabit, quod ipse civitatem, comitatum, & districtum præfatos ad honorem & statum dictæ Ecclesiæ atque nostrum & successorum nostrorum Romanorum pontificum, & collegii fratrum nostrorum ejusdem Ecclesiæ cardinalium, eorumque successorum, ac quietem & pacem civium & districtualium civitatis, comitatus & districtus ipsorum reget & fideliter gubernabit. Quodque finito E tempore dictorum quatuor annorum civitatem, comitatum & districtum eosdem, & fortalitia ipsorum quælibet cum mero & mixto imperio, & aliis omnibus juribus & pertinentiis eorundem bona fide, integre, libere & realiter cum effectu nobis vel successoribus nostris aut præfato collegio apostolica sede vacante resignabit, restituet & dimittet, ac etiam promittet, & se solemniter obligabit, ac modo præmissis jurabit, quod pro vicariatu, regimine seu rectoria, F administratione, gubernatione civitatis, comitatus & districtus prædictorum, si ea eidem committenda seu concedenda duxeris, ac pro emolumentis & proventibus eorundem civitatis, comitatus & districtus quæ ad eandem Romanam Ecclesiam, ut præfertur, pertinent, habendis & percipiendis singulis annis vicariatus & regiminis, gubernationis & administrationis hujusmodi realiter suis periculis, sumtibus & expensis dabit & solvet pro censu & censu nomine

LII ij





nobis & Ecclesiæ Romanæ præfatæ ac collegio prædicto, nec non dicta sede vacante apostolicæ cameræ & eidem collegio viginti quatuor milia florenorum boni & puri auri ac ponderis & eugni Florentinensis in Romana curia ubicumque fuerit, medietatem videlicet in beatorum apostolorum Petri & Pauli, & reliquam medietatem in nativitatis Domini festivitibus solvendorum. Volumus & auctoritate prædicta decernimus quod si dictus marchio in solutione annui census prædicti defecerit, censum ipsum eidem Romanæ curiæ anno quolibet, ut præmittitur, temporibus vicariatus & regiminis prædictorum in duobus terminis antedictis, ubicumque Romanus pontifex cum Romana curia, fuerit nobis & cameræ apostolicæ ac collegio supradictis, ac dicta sede vacante eisdem cameræ & collegio integre non solvendo, eo ipso excommunicationis sententia innodatus existat, ac civitas, comitatus & districtus prædicti ecclesiastico subjaceant interdicto. Promittet nihilominus & jurabit præmissis modo idem marchio statum Romanæ Ecclesiæ in partibus Italiæ defendere, & si BERNABOS de Vicecomitibus miles Mediolanensis vel alia quæcumque persona, de qua posset verisimiliter conjecturari, quod ad hoc ejus duceretur auxilio vel favore, guerram gereret & moveret contra te vel alium apostolicæ sedis legatum in partibus Italiæ existentem, seu contra quascumque ipsius Ecclesiæ civitates, terras, castra, fortalitia & loca in eisdem Italiæ partibus consistentia, ipsosque Bernabovem vel personam aliam in ejusmodi guerra mille equites armigeros vel ultra habere, aut si, quod absit, aliquam ex civitatibus ipsius Ecclesiæ in dictis Italiæ partibus consistentibus rebellare contingat, idem marchio guerra hujusmodi, & dicti vicariatus officio perdurante, trecentos stipendiarios bonos sufficientes & bene munitos equites viros suis stipendiis sumtibus & expensis, & ultra, illis quantum sibi possibile fuerit tenebit in obsequium nostrum & successorum nostrorum, ac Ecclesiæ prælibatæ. Si vero castrum aliquod in dictis Italiæ partibus rebellare, vel dictos Bernabovem seu personam aliam modo præmissis contra castrum ipsum dicto durante termino guerram movere contingeret, eo casu dictus marchio subvenire bona fide dictæ Ecclesiæ juxta conditionem guerræ hujusmodi & numerum hostium tantummodo teneatur. In casu verò quo eodem marchione in dicti vicariatus officio existente, dictus Bernabos exercitum teneret potentem contra dictos civitatem, comitatum & districtum, videlicet trium millium Barbutarum vel ultra; marchio ipse ad tenendum modo præmissis gentem suam armigeram volumus non teneri, sed tantummodo bona fide attentis exercitu & exfortio Bernabovis ejusdem tibi & ipsis officialibus vestris & ipsius Ecclesiæ, sua præstabit auxilia & favores. Promittet etiam & se solemner obligabit idem marchio recuperare pro viribus suis fide sincera castra & fortalitia quælibet eorumdem comitatus & districtus, quæ occupata ad præsens per dictum Bernabovem seu alium ejus nomine

A detinentur, & recuperata tenere modo & forma quibus tenebit civitatem, comitatum & districtum antedictos, ac etiam toto conamine & fidei sinceritate circa recuperationem castri Luci provinciæ Romandiolæ fideliter intendere, & ne hostes ipsius Ecclesiæ transire valeant in succursum castri ipsius seu terrarum aliarum rebellium ejusdem Ecclesiæ, aut etiam ad castrum ipsum vel terras ipsas rebelles victualia quæcumque deferri sollicitis conatibus, pro suis impedire viribus, & facere impediri, ad cautelam quoque & securitatem omnium prædictorum, prædictus marchio in manibus tuis in obsidem & pro obside dabit dilectum filium OBIZONEM natum suum nostro & dictæ Ecclesiæ nomine per te custodiendum, ponendum, tenendum, dicti vicariatus officio perdurante, ubi tibi melius videbitur & placebit, seu alibi ubi nos duxerimus ordinandum. Et si infra dicti temporis spatium Obizonem eundem ex hac luce migrare contingeret, promittet & se solemner obligabit modo & forma præmissis, eo casu, loco Obizonis prædicti in obsidem & pro obside dare nobis seu successoribus nostris, aut dicta sede vacante, præfato collegio unum ex fratribus suis tenendum similiter in obsidem, & pro obside ubicumque per nos seu successores nostros aut dictum collegium sede vacante fuerit ordinatum. Promittet insuper idem marchio se facta eidem per te concessione de vicariatu præfato pro posse suo & fide pura acturum & curaturum, quod universitas Florentina stabit & promittet, ac pro eo cavebit de omnibus & singulis supradictis adimplendis, & per eum plenarie ac efficaciter observandis. Si vero pro eo dicta universitas stare nolle, & pro ipso non staret, nihilominus concessionem vicariatus, gubernationis & administrationis & regiminis eorumdem in suo esse remanere volumus, & in nullo eidem propterea derogari. Volumus autem quod de constitutione & concessione vicariatus ejusdem, ac promissionibus, obligationibus, pactis, conventionibus & aliis præmissis per marchionem ipsum faciendis, & juramentis etiam roborandis duo vel plura confici facias instrumenta, quorum uno vel pluribus penes te retentis, consimilia nobis & sedi prædictæ quantocius studeat tua fraternitas destinare, & nihilominus quod tu à marchione prædicto ratione vicariatus ejusdem nostro & ejusdem Ecclesiæ Romanæ nomine fidelitatis debitæ juxta formam annotatam præsentibus recipias juramenta quæ talis est. Ego ALDOBRANDINUS « marchio Estensis in civitate, comitatu & districtu Bononiensi pro Domino meo Domino « INNOCENTIO papa sexto ac sancta Romana « Ecclesia vicarius generalis, ab hac hora in « antea fidelis & obediens ero B. Petro & eidem « Domino meo Domino INNOCENTIO suisque « successoribus canonice intrantibus, sanctæque « Romanæ Ecclesiæ, non ero in consilio aut consensu vel facto, ut vitam perdant, aut membrum, aut capiantur mala captione. Consilium « quod mihi credituri sunt per se, aut per nuncios, sive per litteras, ad eorum damnum, me « sciente, nemini pandam; & si scivero fieri vel «

» procurari sive tractari aliquid quod sit in eorum A  
 » & dictæ Ecclesiæ damnum, illud pro posse impe-  
 » diam, & si impedire non possem, illud eis signi-  
 » ficare curabo. Papatum Romanum & regalia  
 » sancti Petri, jura & jurisdictiones ipsius & succes-  
 » sorum suorum & Romanæ Ecclesiæ tam in  
 » civitate, comitatu & districtu prædictis, quam  
 » alibi ubicumque consistentia adjutor eis ero ad  
 » retinendum, deffendendum, & recuperandum,  
 » & recuperata manutenendum contra omnem  
 » hominem, universas & singulas promissiones,  
 » conventiones, obligationes & pacta per me vel B  
 » procuratorem meum facta & inita, & cetera  
 » alia in receptione dicti vicariatus per me seu  
 » nomine meo promissa, obligata & facta, &  
 » conventiones & pacta præsentibus litteris appo-  
 » sita, & omnia & singula, quæ continentur in  
 » eisdem litteris plenarie adimplendo, & inviola-  
 » biliter observando, nec ullo umquam tempore  
 » durante vicariatu prædicto veniam contra illa,  
 » præfatum vicariatus officium ad honorem san-  
 » ctæ matris Ecclesiæ & ipsius Domini mei IN-  
 » NOCENTII, & successorum prædictorum ac C  
 » bonum statum civium & incolarum civitatis,  
 » comitatus & districtus prædictorum sollicitè &  
 » fideliter exercebo, ac unicuique pro posse justi-  
 » tiam observabo. Sic me Deus adjuvet & hæc  
 » sancta Dei evangelia. Datum Avinione III. Idus  
 Martii anno nono.

feretur exactione, & alia sex millia modiorum  
 frumenti debitis & consuetis juribus persolutis,  
 pro eis absque alio impedimento quocumque  
 per passus, portus & loca ipsorum, ob nostram  
 & apostolicæ sedis reverentiam, transire per-  
 mittant. Volumusque nostras litteras super hiis  
 confectas restitui præsentanti, & quemlibet  
 contrarium facientem seu impediendum, quo-  
 minus eidem præsentanti litteræ ipsæ restituan-  
 tur, excommunicationis sententiam incurrere  
 eo ipso. Quocirca fraternitati vestræ per apo-  
 stolica scripta mandamus, quatinus, si forte  
 contingat aliquos super hiis quodcumque im-  
 pedimentum præstare, vos, si pro parte con-  
 ducentium seu conduci facientium frumen-  
 tum prædictum fueritis requisiti, de præ-  
 stantibus impedimentum ipsum simpliciter &  
 de plano informare curetis, & eos quos in hoc  
 inveneritis fore culpabiles, singuli vestrum in  
 vestris civitatibus & diocesibus excommunica-  
 tos mandetis & faciatis auctoritate nostra pu-  
 blice nunciari, & à Christi fidelibus arctius  
 evitari, ac nihilominus contra eos & partici-  
 pantes eisdem, alias per vos vel alium seu alios  
 procedatis auctoritate prædicta, prout videritis  
 expedire: donec nostris in hac parte mandatis  
 paruerint humiliter & devote, & absolutionis  
 beneficium meruerint obtinere. Datum Ave-  
 nione XIV. calendas Aprilis anno nono.

## LITTERÆ DE MENSE APRILIS

ANNO NONO.

## EPISTOLA LXVI.

Ad Arelatensem, Januensem & Pisanum  
archiepiscopos.*De frumento transferendo è Tusciæ patrimonio  
S. Petri ad curiam.*

Venerabilibus fratribus Arelatensi, Januensi  
 & Pisano archiepiscopis, eorumque suf-  
 fraganeis, & aliis archiepiscopis & episcopis  
 ad quos præsentibus pervenerint, salutem & apo-  
 stolicam benedictionem.

Cum pro usibus nostrorum hospitii & pa-  
 gnotæ, ad quam propter ingruentem ad præ-  
 sens in Romana curia & circumstantibus par-  
 tibus bladorum caritatem major solito con-  
 fluit pauperum multitudo, sex millia primo, &  
 deinde pro usu Romanæ curiæ alia sex millia  
 modiorum frumenti de provincia nostra patri-  
 monii B. Petri in Tuscia deferri mandavimus  
 ad curiam prælibatam, per nostras certi teno-  
 ris litteras universos Christi fideles, ad quos  
 eadem nostræ litteræ pervenient hortati fui-  
 mus eis nihilominus sub excommunicationis F  
 poena, quam contrarium facientes, si infra tres  
 dies mandatis nostris hujusmodi non parerent,  
 incurrere volumus ipso facto, præcipiendo  
 mandantes, quod dicta prima sex millia cum  
 navigiis & conductoribus ipsius quantitatis li-  
 bere & expedite absque cujuslibet daci & ga-  
 bellæ, vel alterius vectigalis, aut cujuslibet  
 alterius gravaminis, quocumque nomine cen-

## EPISTOLA LXVII.

Ad universos Christi fideles.

*Ejusdem argumenti.*

UNIVERSIS Christi fidelibus ad quos præsen-  
 tes litteræ pervenerint, salutem & aposto-  
 licam benedictionem.

Cum pro usibus nostrorum hospitii & pagno-  
 tæ, ad quam propter ingruentem ad præsens in  
 Romana curia & circumstantibus partibus bla-  
 dorum caritatem, major solito confluit pau-  
 perum multitudo, sex millia primo, & deinde  
 pro usu Romanæ curiæ alia sex millia modio-  
 rum frumenti de provincia nostra patrimoni-  
 B. Petri in Tuscia deferri mandavimus ad  
 curiam prælibatam, prout in diversis litteris  
 apostolicis exinde confectis plenius continetur.  
 Universitatem vestram hortamur attentè, ni-  
 hilominus sub excommunicationis poena, quam  
 contrarium facientes, si infra tres dies man-  
 datis nostris hujusmodi non paruerint, incurrere  
 volumus ipso facto, præcipiendo mandantes,  
 quatenus dicta prima sex millia cum navigiis  
 & conductoribus ipsius quantitatis libere & ex-  
 pedite absque cujuslibet daci, gabellæ, vel al-  
 terius vectigalis, aut cujuscumque alterius gra-  
 vaminis exactione, quocumque nomine cen-  
 setur, & alia sex millia modiorum frumenti, de-  
 bitis & consuetis juribus persolutis pro eis,  
 absque alio impedimento quocumque per pas-  
 sus, portus, & loca vestra transire, ob nostram  
 & apostolicæ sedis reverentiam permittatis.  
 Præsentibus autem litteras ad cautelam restitui  
 volumus præsentanti. Quod si quis contrarium

LII iij

fuerit aut impediverit, quominus eidem præsentanti restituantur, contra facientem & impediens huiusmodi excommunicationis sententiam incurrere eo ipso. Datum Avenione xiv. calendas Aprilis, anno nono.

### EPISTOLA LXVIII.

Ad Bernabovem de Vice-comitibus militem Mediolanensem.

*Abbatem S. Germani Autissiodorensis ei mittit, cum eodem tractaturum super oblatione papæ facta libere accedendi in Italiam.*

**D**ilecto filio nobili viro Bernabovi de Vice-comitibus militi Mediolanensi, salutem & apostolicam benedictionem.

Pridem dilectum filium GUILLELMUM abbatem monasterii sancti Germani Autissiodorensis pro certis negotiis per nos sibi commissis ad venerabilem fratrem nostrum ÆGIDIUM episcopum Sabinensem apostolicæ sedis legatum duxeramus specialiter destinandum. Cum autem venerabilis frater noster BONJOHANNES episcopus Firmanus nobis pro parte tua quædam exposuisset, & apud nos instaret humiliter, ut abbatem eundem vellemus priusquam ad legatum ipsum accederet, ad tuam pro parte nostra præsentiam se conferre. Nos ejusdem episcopi sollicitam ac humilem instantiam attendentes, & nihilominus considerantes, quod in aliis nostris litteris per nos tibi transmissis, ad certam liberalem oblationem tuam per tuas speciales litteras super adventu nostro ad partes Italiæ nobis factam, quam siquidem oblationem tamquam sinceræ devotionis argumenta monstrantem acceptam gerimus, teque exinde plurimum in Domino commendamus, rescripsimus nos tibi per alias litteras fore plenius examinato consilio responsuros. Propterea abbatem ipsum, ut mentem nostram super oblatione huiusmodi tibi vivæ vocis oraculo serius explicaret, ad tuam præsentiam priusquam ad ipsum legatum accederet duximus destinandum. Cui super referendis tibi pro parte nostra fidem velis plenariam adhibere, paterno tibi consilio suadentes, ut à consiliis patris qui filium etiam aberrantem ad rectitudinis viam revocare non cessat, ejusque salutaribus monitis non discedas. Datum Avenione xiv. calendas Aprilis anno nono.

### EPISTOLA LXIX.

Ad Arelatensem, Januensem, & Pisanum archiepiscopos, &c.

*Facultatem donat absolvendi à censuris impediens translationem frumenti ad curiam.*

**V**enerabilibus fratribus Arelatensi, Januensi & Pisano, Archiepiscopis eorumque suffraganeis, & aliis archiepiscopis, episcopis ad quos præsentis litteræ pervenerint, salutem &

A apostolicam benedictionem.

Cum pro usibus nostrorum hospitii & pagnotæ, ad quam propter ingruentem ad præsens in Romana curia & circumstantibus partibus bladorum caritatem major solito confluit pauperum multitudo, sex millia primo & deinde pro usu Romanæ curiæ alia sex millia modiorum frumenti de provincia nostra patrimonii B. Petri in Tuscia deferri mandaverimus ad curiam prælibatam, per nostras certi tenoris litteras universos Christi fideles, ad quos eadem nostræ litteræ pervenirent hortati fuimus, eis nihilominus sub excommunicationis pœna, quam contrarium facientes, si infra tres dies mandatis nostris huiusmodi non parerent, incurrere volumus ipso facto, præcipiendo mandantes, quod dicta prima sex millia cum navigiis & conductoribus ipsius quantitatis libere & expedite absque cujuscunque daci vel gabellæ vel alterius vectigalis, aut cujuscunque alterius gravaminis quocumque nomine, censeretur exactione, & alia sex millia modiorum frumenti, debitis & consuetis juribus persolutis pro eis absque alio impedimento quocumque per passus, portus & loca ipsorum ob nostram & apostolicæ sedis reverentiam transire permittant, volumusque litteras nostras super hiis confectas restitui præsentanti, & quemlibet contrarium facientem seu impediens, quominus eidem præsentanti litteræ ipsæ restituerentur, excommunicationis sententiam incurrere eo ipso. Et nihilominus fraternitati vestræ per apostolica scripta mandavimus, quod si forte contingeret aliquos super hiis quodcumque impedimentum præstare, vos si pro parte conductum seu conduci facientium frumentum prædictum requisiti essetis, de præstantibus impedimentum ipsum curaretis informare simpliciter & de plano, & eos quos in hoc inveneritis fore culpabiles, singuli vestrum in vestris civitatibus & diocesibus excommunicatos mandaretis & faceretis auctoritate vestra publice nunciari, & à Christi fidelibus arctius evitari, ac nihilominus contra eos & participantes eisdem alias per vos vel alium seu alios procederetis auctoritate prædicta, prout expedire videritis; donec nostris in hac parte mandatis parerent humiliter & devote, & absolutionis beneficium obtinerent, prout in nostris litteris exinde confectis plenius continetur. Volentes itaque more pii patris saluti eorum, qui prædictam excommunicationis & alias sententias quas per vos fieri præmissorum occasione contingeret forsan incurrerent, mandatis nostris parere volentibus & absolutionis beneficium à sententiis quas incurrerint devote postulantes misericorditer providere, ac parcere eorum laboribus & expensis, vobis & cuilibet vestrum omnes & singulos qui sententias ipsas incurrerint absolventi ab eisdem sententiis congrua satisfactione præmissa, & per vos vel alium seu alios juxta formam Ecclesiæ, imposita eis pro modo culpæ pœnitentia salutari plenam concedimus tenore præsentium facultatem. Datum Avenione xiv. calendas Aprilis anno nono.

## EPISTOLA LXX.

Ad Simonem Buccanigrum ducem  
Januensem.

*Scribit tractanda cum suo nuncio & marchione  
Montis-ferrati negotia commisisse Ægidio  
apostolicæ sedis legato.*

**D**ilecto filio nobili viro SIMONI BUCCANI-  
GRO duci, consilio & communi Januensi,  
salutem & apostolicam benedictionem.

Cum super certis negotiis bonum publicum  
concernentibus, tam dilectus filius nobilis vir  
JOHANNES marchio Montis-ferrati pro se,  
quam Leonardus de Montalto civis & nuncius  
vester pro parte vestra coram nobis sæpius con-  
tulissent. Nos attendentes quod per venerabi-  
lem fratrem nostrum Ægidium episcopum Sa-  
binensem apostolicæ sedis legatum super nego-  
tiis ipsis valeret pro communi commodo tam  
consulte quam utiliter provideri, determinatio-  
nem ac deliberationem negotiorum ipsorum  
circumspectioni ac prudentiæ suæ, qua pluri-  
mum pollere dinoscitur, per nostras litteras  
certa capitula continentes duximus committen-  
dam. Copiam autem capitulorum ipsorum de  
verbo ad verbum jussimus præsentibus inter-  
cludi, gratum habituri pariter & acceptum quic-  
quid circa ipsa legatus idem duxerit faciendum.  
Datum Avenione XIII. calendas Aprilis anno  
nono.

## EPISTOLA LXXI.

Ad Ægidium episcopum Sabinensem.

*Scribit ei se misisse abbatem S. Germani Autissio-  
dorensis ad tractandum cum Barnaboe.*

**V**enerabili fratri Ægidio episcopo Sabinensi  
apostolicæ sedis legato, salutem & apo-  
stolicam benedictionem.

Accedens nuper ad nos venerabilis frater  
noster BONJOHANNES episcopus Firmanus cum  
tuis credentiæ litteris, quædam pro parte tua  
& nonnulla etiam de quibus se cum BERNA-  
BOVE de Vice-comitibus milite asseruit contu-  
lisse, nobis exposuit diligenter, quibus per nos  
plenary intellectis, eundem ad tuam præsen-  
tiam duximus remittendum: Mandantes eidem,  
ut priusquam ad fraternitatem tuam accederet,  
una cum dilecto filio GUILLELMO abbate mo-  
nasterii sancti Germani Autissiodorensis, quem  
ad tuam specialiter præsentiam destinamus, ad  
Bernabovem præfatum se indilate conferret,  
à quibus de responsis per eum informationem  
habere poterit eadem tua fraternitas plenio-  
rem. Datum Avenione XIII. calendas Aprilis  
anno nono.



## EPISTOLA LXXII.

Ad Johannem regem Francorum.

*Scribit in gratiam Roberti Dalphini domini  
sancti Ulpidii.*

**C**arissimo in Christo filio JOHANNI regis  
Francorum illustri, salutem & apostolicam  
benedictionem.

Pridem, sicut accepimus, dilectus filius no-  
bilis vir ROBERTUS Dalphini, Dominus  
sancti Ulpidii, intellectis per eum guerrarum  
fremitibus per nonnullas gentes nefarias, quæ se  
Magnam Societatem appellant, in regni tui  
finibus exortis, & qualiter per gentes easdem  
locus de Sancto-Spiritu Uticensis Diocesis captus  
fuerat, & more prædonico occupatus, libere  
officialibus tuis videlicet, capitaneo & thesau-  
rario pro parte tua tunc existentibus apud lo-  
cum de Balneolis, cum nonnulla gentis armi-  
geræ comitiva, quam secum habebat, se para-  
tum obtulit ad servitia tua contra hostes tuos  
& hujusmodi regni tui nefarios turbatores.  
Cumque dicti capitaneus & thesaurarius res-  
pondissent eidem, quod retinere eum ad præ-  
dicta servitia non poterant, pro eo quod pecu-  
niam pro stipendiis non habebant, ipsum cum  
salvo conductu, ut se tute cum comitiva sua  
prædicta conferre posset ad Romanam curiam,  
libere dimiserunt. Cum igitur nos propter hu-  
jusmodi guerrarum turbines, nonnullam gen-  
tem armigeram conduci nostris stipendiis face-  
remus, inter stipendiarios alios ROBERTUM  
eundem ad nostra & Romanæ Ecclesiæ obse-  
quia & stipendia cum certa armigerorum ho-  
minum, seu Clavorum & Arceriorum, Picardo-  
rum comitiva jussimus usque ad nostrum bene-  
placitum remanere. Cumque idem ROBERTUS,  
prout fide digne percepimus, de civitate Ave-  
nionensi discedens, per pontem Rodani eidem  
civitati conjunctum transiret, ad comitivam  
suam hujusmodi muniendam, & conducendam  
ad civitatem eandem, per tuos officiales &  
gentes apud turrin quæ sita est in capite pontis  
ipsius interceptus extitit & detentus, & apud  
eosdem captivus detinetur ad præsens. Cum  
itaque eos præcipue, qui nostris insistant obse-  
quiis, minime conveniat in eundo & redeundo  
ad Romanam curiam aliquammodo impediri, ac  
etiam sicut accepimus idem Robertus se cleri-  
cum fore asserat, propter quod ecclesiastica  
illum decet libertate gaudere, & per dictos ca-  
pitaneum & thesaurarium salvum conductum  
recepit, ut præfertur, serenitatem tuam ro-  
gandam duximus & hortandam, quatinus pro  
nostra & apostolicæ sedis reverentia per tuas  
litteras dare velis officialibus & gentibus præ-  
dictis efficaciter in mandatis, quod Robertum  
eundem sine læsione aliquali reali vel perso-  
nali, absque contradictione quacumque, pri-  
stinæ restituant libertati, eumque ad dictam  
curiam ad præfata obsequia fideliter prosequen-  
da redire permittant. Datum Avenione IX. ca-  
lendas Aprilis anno nono.

## EPISTOLA LXXIII.

Ad Robertum de Fienes comitem Stabuli.

*Ejusdem argumenti.*

**I**n eodem modo, dilecto filio nobili viro Roberto de Fianas conestabulo Franciæ, *mutatis mutandis usque* ad præsens. Cum itaque minime conveniat personas ad nostra & Romanæ curiæ obsequia deputatas non tantum captivari, sed aliququaliter impediri, & etiam sicut per nonnullos nobis asseritur, ROBERTUS idem se fore asserat de consortio clericali, & per prædictos capitaneum & thesaurarium saluum conductum receperit, ut præfertur, nobilitatem tuam rogamus attentè, quatenus pro nostra & apostolicæ sedis reverentia ROBERTUM eundem plenarie restitui facias libertati, & ad præfata redire obsequia sine ulla molestia reali vel personali permittas. Quod si forsitan tibi ad faciendum difficile redderetur, nos regi præfato nostras super facienda liberatione hujusmodi efficaces litteras destinamus, ut nulla eidem Roberto per te interim realis vel personalis novitas inferatur. Datum *ut supra*.

## EPISTOLA LXXIV.

Ad Rodulfum ducem Austriæ.

*Gratias agit de munere.*

**D**ilecto filio nobili viro RODULPHO duci Austriæ, salutem & apostolicam benedictionem.

Ufones tuos novum apud partes istas genus piscium, quibus nuper nos per dilectum filium nobilem virum LUCOLDUM *de Fache* Basiliensem ac tuum militem, de tua munificentia visitasti, eo gratius suscepimus, quo exenii novitas, & intervalla terrarum plus secum complacentiæ afferebant, ex eo tamen gratissime, quo exinde devotionem quam ad nos & apostolicam sedem geris in hujusmodi missione exenii apertius demonstrasti. Ipsum itaque exenium gratiarum actionibus prosequentes, destinantis affectum plurimum in Domino commendamus, tuis intendentes desideriis, in quibus nos & dictam sedem requirendos duxeris, quantum cum Deo poterimus paterno, affectu benignius complacere. Datum Avenione VII. calendas Aprilis anno nono.

## EPISTOLA LXXV.

Ad patriarchas, archiepiscopos, episcopos, &amp;c.

**V**enerabilibus fratribus patriarchis, archiepiscopis, & episcopis ac dilectis filiis electis, abbatibus, prioribus, decanis, præpositis, archidiaconis, archipresbyteris, plebanis, rectoribus, & aliis ecclesiarum & monasteriorum prælatis eorumque vices gerentibus, capitulis quoque ac conventibus ecclesiarum & monasteriorum ipso-

**A**rum, ceterisque personis ecclesiasticis sæcularibus & regularibus, exemptis & non exemptis, Cisterciensis, Cluniacensis, Præmonstratensis, Camaldulensis, sanctorum Benedicti & Augustini, & aliorum ordinum, & domorum hospitalis sancti Johannis Hierosolymitani, Beatæ Theotonicorum, Calatravensis, & Humiliatorum magistris, prioribus, præceptoribus, & aliis universis & singulis ad quos præsentis litteræ pervenerint, salutem & apostolicam benedictionem.

**B** Cum dilectus filius nobilis vir Lucoldus miles Basiliensis recedat de curia Romana, & ad certas partes se conferat, nos volentes ipsum cum familia sua in eundo, morando, & redeundo plena securitate gaudere, universitatem vestram requirimus, &c. *ut in forma de securo conductu usque in finem*. Datum *ut supra*.

## EPISTOLA LXXVI.

Ad Simonem Buccanigrum ducem Januensem.

*Ut balistariorum subsidium mutet in summam quatuor millium florenorum.*

**D**ilecto filio nobili viro Symoni Buccanigro duci Januensis, salutem & apostolicam benedictionem.

Licet dudum nobilitatem tuam de certo balistariorum subsidio per nostras litteras & nuntium duximus requirendam: quia tamen balistariorum ipsorum ultra quam crederemus est dilata transmissio; propterea pro conditione temporum nostris & Romanæ Ecclesiæ negotiis magis putavimus expedire, obsequium balistariorum hujusmodi fore in subsidium quatuor millium Florenorum præsentialiter commutandum; prout de commutatione ipsa per te faciendâ, dilectus filius nobilis vir Leonardus de Montalto nuntius tuus per suas litteras poterit nobilitatem eandem serius informare. Quocirca balistarios ipsos per te ad nostra obsequia destinari præsentialiter non oportet. Datum Avenione III. calendas Aprilis anno nono.

## EPISTOLA LXXVII.

Ad Johannam comitissam Duratii.

*Scripsisse se in ejus gratiam Ludovico de Duratio asserit.*

**F** Dilectæ in Christo filiæ nobili mulieri JOHANNÆ Ducissæ Duratii, salutem & apostolicam benedictionem.

Querelam tuam super nonnullis terris, civitatibus, castris, & locis ad te, ut asseris, pleno jure spectantibus, quæ per dilectum filium nobilem virum LUDOVICUM de Duratio indebite occupantur, pridem per dilectum filium nobilem virum Tyrellum Mansellam militem Salernitanum nuntium tuum nobis prudenter expositam, paterno tibi compatiens affectu, intelleximus diligenter: propter quod cupientes tibi



tibi per LUDOVICUM eundem de tua iustitia satisfieri, nostras eidem juxta seriem quam habet interclusa præsentialibus cedula super expositis nobis per nuntium ipsum efficaces litteras præsentialiter destinamus: quibus si obtemperat, votivum placidè consecuta fueris effectum; alioquin dubitare non debet tua nobilitas, quin pro tuæ favore iustitiæ per nos super præmissis apostolicæ provisionis remedia debite & favorabiliter apponantur. Datum Avenione III. calendis Aprilis anno nono.

## EPISTOLA LXXVIII.

Ad Ludovicum de Duratio.

*Scribit ei in gratiam Johanne ducissæ Duratii.*

Dilecto filio nobili viro LUDOVICO de Duratio salutem & apostolicam benedictionem.

Pridem pro parte dilectæ in Christo filiæ nobilis mulieris JOHANNÆ ducissæ Duratii neptis tuæ nobis expositum fuit cum querela, quod nonnulla civitates, castra, terræ, & loca alia ad ipsam ex hereditate paterna, prout assērit, spectantia pleno jure per te tenentur indebite occupata: propter quod nobis humiliter supplicavit, ut pio sibi compatiētes affectu, super hoc pro favore iustitiæ paternæ provisionis adhibere remedium dignaremur. Nos igitur attendentes, quod te, qui erga JOHANNAM præfatam & sorores ejus paternæ caritatis zelum habere teneris, non tantum ejus bona & jura occupare non decet, sed ea potius tuis protegere favoribus, & ab occupantibus defensare, nobilitatem tuam requirimus & hortamur attente, quatenus circa JOHANNAM eandem in præmissis taliter te habere studeas, quod ipsa merito contentari valeat, & per nos pro ipsius favore iustitiæ, in quā ex injuncto nobis desuper officio ministerii pastoralis facti sumus omnibus debitores, aliud super hoc adhiberi remedium non sit opus. Datum *ut supra*.

## EPISTOLA LXXIX.

Ad Ludovicum regem Siciliæ.

*Petit prorogari terminum compromissi ad terminanda dissidia ipsum inter & Ludovicum Duratii: quæ quidem facile sopiri possent, si ipse plus amoris, ille plus reverentiæ exhiberet. Duos interim ad eam archiepiscopos mittit qui omnia, si fieri possit, componant.*

Carissimo in Christo filio LUDOVICO regi Siciliæ illustri, salutem & apostolicam benedictionem.

Pridem accedens ad præsentiam nostram dilectus filius nobilis vir Tirellus Manesella miles Salernitanus nuntius tuus, inter cetera nobis pro parte tua hoc exposuit diligenter, quod dudum pro concordia inter te & dilectum filium nobilem virum LUDOVICUM DE DURATIO reformanda, certa conventiones & pacta ha-

*Theauri Anecd. Tom. II.*

bita & firmata fuerunt, ac etiam tam tu ex parte tua, quam LUDOVICUS præfatus ex altera pro bono pacis & quietis inter vos successivis temporibus duratura, nonnullas causas & querelas in certis capitulis declaratas per nos videndas & terminandas infra unum annum à die prædictæ inter nos firmandæ pacis & concordie numerandum, sponte & liberè nostris determinationi & beneplacito summisistis, ac tam tu quam idem LUDOVICUS promissistis, & vos sub certa pœna solemniter obligastis, observare firmiter & inviolabiliter adimplere quicquid super præmissis causis & querelis infra dictum tempus nostra foret sententia terminatum; prout hæc omnia in quodam transumpto manu publica exinde confecto, & nobis per dictum tuum nuntium præsentato plenius continentur. Quare nobis idem nuntius pro parte tua humiliter supplicavit, ut super hiis providere, & ea fine debito terminare, prout nostro videretur judicio, dignaremur. Deinde quoque præfatus LUDOVICUS per suum nuntium ad nos per eum super præmissis specialiter destinatum nobis de eisdem similiter supplicavit humiliter & devote. Nos itaque hæc omnia paterno considerantes affectu, licet omnem inter te & LUDOVICUM præfatum exortam discordiam sopiri citius & fine pacifico celeriter terminari paternis desideriis cupiamus, & ad id apostolicæ providentiæ partes interponere quantum cum Deo poterimus intendamus. Quia tamen ad stabilem ipsam inter vos concordiam reformandam, & ad quæstionis cujuslibet de cetero materiam succidendam causas hujusmodi per vos nostræ determinationi submissas maturo disponimus examinare consilio, & diligenti libramine ponderare, idque nos, ut cupimus, instanter facere tam brevitatis restantis temporis de compromisso seu submissione hujusmodi, quam gravium occupationum varietas, quibus urgemur ultra solitum, non permittit. Serenitatem tuam rogamus attente, quatenus ut præfata concordia valeat disponi maturius, & stabilius reformari, tempus compromissi hujusmodi prorogare pro parte usque ad unum annum à fine dicti temporis anni unius in antea computandum, excellentia tua velit, prout similiter facturum pro parte sua fore credimus LUDOVICUM præfatum, cui super hiis respective nostras speciales litteras destinamus, licet ad hujusmodi terminandum negotium tanti temporis egere spatio non credamus. Sperantes nihilominus, quod interim præter apostolicæ providentiæ remedia tam tu quam idem LUDOVICUS memores generosi sanguinis & magnificorum progenitorum vestrorum à quibus traxistis natalium vestrorum origines per vos ipsos, inspirante in animis vestris pacis auctore, concordie spiritum tu mansuete agendo, ille obsequendo fideliter, omnem inter vos exortam discordiam curabitis fine laudabili terminare. Quod eo te magis curare convenit, quo magnitudinem regiam decet circumspectionis ac benignitatis & mansuetudinis plus habere. Nam etsi te clementia divina evexerit ad regii fastigii dignitatem,

M m m

fraternum tamen animum erga ipsum non decet deponere, sed illum potius amplioris prosequi studio caritatis. Ille quoque vice versa, licet se tibi proximo sentiat vinculo consanguinitatis astrictum; nihilominus te in regem habere debet ac Dominum, tibi que fideliter obsequi, & tuis obtemperare mandatis, ac se tuis beneplacitis coaptare. Si itaque partes debitas vestrum uterque persolvat, extrinseco adminiculo vestrae quaestionis materia proculdubio non egebit; sed per vos ipsos potius, ut tuo & ipsius honori convenit, huiusmodi inter vos concordia reformabitur, auctore Domino, ut speramus: quam siquidem concordiam pro bono publico & honore ac pacifico personae tuae & regni tui paternis desideriis affectantes, venerabilibus fratribus nostris BERTRANDO Neapolitano & GERALDO Beneventano archiepiscopis, utique zelatoribus tui honoris & status, damus per nostras litteras in mandatis, ut ipsi vel eorum alter se apud utrumque vestrum pro parte nostra suis quibus abundare dinoscuntur circumspeditione ac prudentia interponant, quorum assentire suasionibus & animum regium ad ipsorum inclinare consilia, pro nostra & apostolicae sedis reverentia, ac communis commodi ratione, magnificentia tua velit; hoc precibus nostris adjicientes, quod idem LUDOVICUS infra annum praedictum per te & ipsum, ut praemittitur, prorogandum ad praestandum tam tibi quam carissimae in Christo filiae nostrae JOHANNÆ reginae Siciliae illustri personaliter homagium minime astringatur, non obstantibus promissionibus vel obligationibus quibuscumque seu juramento factis & praestito forsitan per eundem; quodque durante compromisso huiusmodi, nullam eidem LUDOVICO seu terris suis inferas, seu inferri facias novitatem. Et si quid usque modo per te contra ipsum aut terras ejusdem attentatum fuisset, illud studeat in statum pristinum regiae mansuetudinis liberalitas revocare. Super praedictis autem quantum viceversa conveniens fore providimus, eidem LUDOVICO nostras efficaces litteras ducimus praesentialiter destinandas; prout tam de hiis, quam de praemissis à praefato nuncio tuo, qui negotium huiusmodi multa fuit diligentia prosecutus, informationem habere poterit magnitudo regia plenior. Datum Avenione III. calendas Aprilis anno nono.

## EPISTOLA LXXX.

Ad Bertrandum archiepiscopum  
Neapolitanum.

*Ut suam paci reformandae inter Sicilia regem & Ludovicum Duracii operam conferat.*

**V**enerabili fratri BERTRANDO archiepiscopo Neapolitano, salutem & apostolicam benedictionem.

Intellecto pridem per nos, quod tam carissimus in Christo filius noster LUDOVICUS rex Siciliae illustris, quam dilectus filius nobilis vir LUDOVICUS de Duratio, nonnullas eorum cau-

as & querelas per nos infra certi temporis spatium terminandas nostrae summiserant beneplacito voluntatis; nos cupientes inter eosdem pro bono tranquillitatis & pacis stabilem concordiam reformari, eidem regi scribendum providimus juxta seriem quam pro informatione tua jussimus praesentibus intercludi. De tua itaque circumspeditione & prudentia plenam in Domino fiduciam obtinentes, ac sperantes in Domino, quod per tuum ministerium desiderium nostrum super concordia ipsa & hiis quae nos eidem regi & vice versa LUDOVICO praefato praesentialiter exoramus, votivum consequetur effectum. Volumus & fraternitati tuae mandamus, quatenus juxta interclusae praesentibus cedulae continentiam & tenorem, tamquam pacis angelus studeas inter eos fraternae caritatis zelum tuae sollicitudinis & prudentiae studio reformare, tuis ad hoc viribus, prout expediens fore videris, instando sollicitè, consulendo prudenter, & pro utriusque dignitate fiducialiter increpando, efficacem impensurus operam, nobisque super praemissis quicquid per te actum fuerit, ad plenioram informationem nostram quantocius rescripturus, ut eo celerius ac maturius per nos circa praedicta provideri valeat, quo citius nos reddideris de hiis quae feceris per tuas litteras certiores. Ceterum scire te volumus, quod venerabili fratri nostro GERALDO archiepiscopo Beneventano juxta tenorem praesentium dedimus similiter in mandatis, ut cum ad suam Beneventanam ecclesiam se conferret, secundum datam sibi à Deo prudentiam, suum modo simili adhibeat studium efficaciter in praedictis. Datum *ut supra*.

*In eodem modo, venerabili fratri Geraldo archiepiscopo Beneventano S. mutatis mutandis, obmissa illa clausula, ut cum ad suam, &c. Datum ut supra.*

## EPISTOLA LXXXI.

Ad Nicolaum comitem Melfiensem.

*Ejusdem argumenti.*

**D**ilecto filio nobili viro Nicolao comiti Melfiensi magno senescallo regni Siciliae, salutem & apostolicam benedictionem.

Intellecto pridem, &c. *ut supra in proxima usque* intercludi. Considerantes itaque quod tu, prout de te laudabilis fama praedicat, & evidentia operum manifestat, circa honorem & augmentum praefati regis ac statum pacificum & tranquillum regni Siciliae, dum regnum ipsum variis agitarum tempestatibus multipliciter fluctuaret, tam prudenter, quam utiliter, ac fideliter laborasti, nec cessas amplioribus continuo studiis laborare, ac propterea sperantes in Domino, quod per tuum ministerium, &c. *ut in proxima usque* effectum. Nobilitatem tuam rogamus & hortamur attentè, quatinus juxta interclusae praesentibus cedulae continentiam &

tenorem, secundum datam tibi à Deo prudentiam, studeas inter eos, &c. *ut in proxima, usque certiores. Datum ut supra.*

## EPISTOLA LXXXII.

Ad Ludovicum de Duratio.

*De prorogando compromissi termino ad componenda dissidia ipsum inter & regem Siciliae exorta. Hortatur etiam ut regi plus reverentiae & obedientiae exhibeat, nec fœdera cum ejus adversariis ineat.*

**D**ilecto filio nobili viro LUDOVICO DE DURATIO, salutem & apostolicam benedictionem.

Pridem accedens ad præsentiam nostram dilectus filius nobilis vir Nicolaus Viola miles Neapolitanus, senescallus & nuncius tuus, inter cetera nobis pro parte tua hoc exposuit diligenter, quod dudum pro concordia inter carissimum in Christo filium nostrum LUDOVICUM regem Siciliae illustrem, & te stabiliter reformanda certa conventiones & pacta habita & firmata fuerunt, ac etiam tam præfatus rex ex parte una, quam tu ex altera, pro bono pacis & quietis inter vos successivis temporibus duraturo, nonnullas causas & querelas in certis capitulis declaratas per nos videndas & terminandas infra unum annum à die prædictæ inter vos firmandæ pacis & concordiae numerandum sponte & libere nostris determinationi & beneplacito summissis, ac tam idem rex, quam tu promissis, & vos sub certa pœna solemniter obligastis observare firmiter & inviolabiliter adimplere quicquid super præmissis causis & querelis infra dictum tempus nostra foret sententia terminatum. Quare nobis idem nuncius pro parte tua humiliter supplicavit, ut super hiis providere & ea fine debito terminare, prout nostro videretur iudicio, dignaremur, super quibus priusquam dictus nuncius tuus ad nostram se præsentiam contulisset, prædictus rex nobis per suum nuncium specialem instantius supplicavit. Nos itaque hæc omnia paterno considerantes affectu, licet omnem inter regem eundem & te exortam discordiam sopiri citius, & fine pacifico celeriter terminari paternis desideriis cupiamus, & ad id apostolicæ providentiæ partes interponere, quantum cum Deo poterimus, intendamus: Quia tamen ad stabilem ipsam inter vos concordiam reformandam, & ad quæstionis cujuslibet de cetero materiam succidendam, causas hujusmodi per vos nostræ determinationi summissas maturo disponimus examinare consilio, & diligenti libramine ponderare, idque nos, ut cupimus instanter, facere tam brevis restantis temporis de compromisso seu summissione hujusmodi, quam gravium occupationum varietas quibus urgemur ultra solitum non permittit, regem ipsum per nostras litteras rogandum duximus: quatenus, ut præfata concordia valeret disponi maturius, & sta-

*Theſauri Anecd. Tom. II.*

**A**bilis reformari, tempus compromissi hujusmodi prorogaret pro parte sua usque ad unum annum à fine dicti temporis unius anni inantea computandum. Quocirca nobilitatem tuam similiter exhortamur, quatenus tu pro parte tua, tempus compromissi hujusmodi velis modo simili prorogare, licet ad hujusmodi terminandum negotium, tanti temporis egere spatio non credamus: sperantes nihilominus quod interim præter apostolicæ provisionis remedia tam, idem rex quam tu per vos ipsos, inspirante in animis vestris pacis auctore concordiae spiritum, tu obsequendo fideliter ut teneris, ille mansuete agendo ut regiam clementiam decet, omnem inter vos exortam discordiam curabitis sine laudabili terminare. Quod ut facilius contingere valeat, convenit pro bono non minus publico, quam privato animum tuum ad debitam erga regem præfatum fidelitatem & obedientiam inclinari. Nam etsi te illi proximum vinculum consanguinitatis astringat, non ad sanguinem tantum decet attendere, sed insuper ad regii fastigii dignitatem memineris te, etsi frater ejus existas, subditum tamen esse, & ita illi proximitate conjunctum, ut ipsum tamen sentias regem fore. Sed neque erubescere debes, aut aliquam indignantem, illius tamquam Domini fideliter obtemperare mandatis, & suis te beneplacitis coaptare, si memineris progenitores tuos eorum fratres, cum quibus ex eodem utero processerunt, tamquam legitimos eorum Dominos fideliter prompta obedientia coluisse. **D**Quis enim erit regnorum status, si frater in fratrem superbiat, & adversus eum quem colere oportet ut Dominum, spiritu indignationis insurgat. Facile quippe in ruinam tenditur, ubi ad superiores reverentia non habetur; propter quod non parum honori tuo detrahitur, si ut ad aures nostras novissime multa cum admiratione perduxit nonnullorum fide dignorum relatio, per te nonnullis nequam hominibus in societatem immo perversitatem unam more prædonico congregatis, regni Siciliae turbatoribus adversus regem ipsum, & carissimam in Christo filiam nostram JOHANNAM reginam Siciliae illustrem ac statum pacificum & tranquillum regni eorum præstantur auxilia & favores, ac eis per tua terras & loca, de tuis beneplacito & mandato, victualia & alia necessaria ministrantur. Magis quippe honori tuo convenit, eisdem regi & reginæ tuis te adesse favoribus, & contra turbatores hujusmodi illis assistere favorabiliter auxiliis opportunis: ipse quoque rex licet superior existat & Dominus, te illi fore proximum vinculo fraternæ caritatis agnoscat, ut sic utriusque debitum partibus persolutis, hujusmodi inter vos concordia reformari valeat, auctore Domino, ut speramus. Quam siquidem concordiam pro bono publico paternis desideriis affectantes, venerabilibus fratribus nostris BERTRANDO Neapolitano, & GERALDO Beneventano archiepiscopis utique zelatoribus tui honoris ac status, damus per nostras litteras in mandatis, ut ipsi vel eorum alter se apud utrumque vestrum pro parte nostra

M m m ij

suis quibus abundare dinoscuntur, circumspe-  
 ctione, ac prudentia interponant. Quorum as-  
 sentire suasionibus, & animum tuum ad ipso-  
 rum inclinare consilia, pro nostra & apostolicæ  
 sedis reverentia, ac communis commodi ra-  
 tione, nobilitas tua velit: hoc nostris exhorta-  
 tionibus adjunctes, quod durante compro-  
 misso præfato, nullam contra regem & regi-  
 nam prædictos aut regnum seu terras & loca  
 quælibet eorundem inferas aut inferri facias  
 novitatem: & si quid usque modo per te contra  
 ipsos aut terras eorundem, aut contra promissa  
 & firmata per te dudum regi præfato attenta-  
 tum foret, illud studeas in statum pristinum re-  
 vocare, quodque confœderationes, colligatio-  
 nes aut conventiones, fœdera quælibet cum  
 personis aliquibus, nostra & apostolicæ sedis  
 inconsulta conscientia, facere non præsumas.  
 Super prædictis autem, quantum vice versa con-  
 veniens fore providimus, præfato regi nostras  
 efficaces litteras ducimus præsentialiter desti-  
 nandas, attentius deprecantes eundem, quod  
 infra annum prædictum per ipsum ac te, ut præ-  
 mittitur, prorogandum, te ad præstandum tam  
 sibi quam reginæ præfatæ personaliter homa-  
 gium non astringat; non obstantibus obligatio-  
 nibus seu juramento per te forsitan factis &  
 præstito, seu promissionibus quibuscumque prout  
 tam de iis, quam de præmissis à præfato nun-  
 cio tuo qui negotium huiusmodi cum multa fuit  
 diligentia profecutus, informationem habere  
 poterit præfata tua nobilitas plenior. Da-  
 tum Avenione III. calendas Aprilis anno  
 nono.

### EPISTOLA LXXXIII.

Ad Johannem episcopum Vercellensem.

*Ut nullam cum Mediolanensibus fœdus ineat ad-  
 versus Marchionem Montis-ferrati, eique  
 reddi jubeat quatuor naves oneratas à suis eidem  
 captas.*

**V**enerabili fratri JOHANNI episcopo Vercel-  
 lensi, salutem & apostolicam benedictio-  
 nem.

Pridem per nostras litteras fraternitatem  
 tuam attentius monuisse recolimus, quod cum  
 dominatoribus civitatis Mediolanensis, quorum  
 injurias & offensas nobis & Romanæ Ecclesiæ  
 illatas, & quæ per eos continuò inferuntur tua  
 non debet sine mentis perturbatione tenere  
 memoria, confœderationes & ligas facere ab-  
 stineres, nullumque eis contra nos, & dictam  
 Ecclesiam, ac nostros & ejusdem Ecclesiæ de-  
 votos, & specialiter contra dilectum filium no-  
 bilem virum marchionem Montis-ferrati præ-  
 stares auxilium, consilium vel favorem. Cum  
 autem prout ad nostrum deinde pervenit au-  
 ditum, tu non obstantibus litteris præfatis, aures  
 præbere huiusmodi colligationibus & illas tra-  
 ctare dicaris, idque menti nostræ eo magis ad-  
 mirandum, & minori patientia tolerandum in-

surgat, quo te tamquam membrum ipsius Ec-  
 clesiæ ad illa maximè attendere convenit, quæ  
 nobis & sedis apostolicæ grata fore noveris &  
 accepta, ab eorumque contrariis abstinere;  
 fraternitatem eandem sicut iterum sic atten-  
 tius monemus & hortamur: nihilominus man-  
 dantes eidem, quatenus colligationes seu ligas  
 huiusmodi cum præfatis dominatoribus, seu  
 personis aliis, quas nobis & præfatæ Ecclesiæ  
 minus gratas fore verisimiliter suspicari valeas;  
 nostra & dictæ sedis inconsulta conscientia fa-  
 cere non præsumas, nullumque eis contra nos,  
 & dictam ecclesiam, ac nostros & ipsius Ecclesiæ  
 devotos, & specialiter contra marchionem  
 prædictum, quem propter suæ merita devotio-  
 nis, quam ad nos & eandem Ecclesiam gerit,  
 speciali prosequimur caritatis affectu, tua præ-  
 stes auxilia, consilia vel favores, ac contra ipsum  
 nostrum utique & præfatæ Ecclesiæ devotum  
 filium aliquid facere non attentes: monitis &  
 mandatis nostris huiusmodi tam prompta obe-  
 dientia pariturus, quod exinde apud nos & se-  
 dem præfatam merito venias commendandus,  
 & super hoc, quod tolerare æquanimiter non  
 possemus, non oporteat scripta nostra ulterius  
 replicare. Ceterum cum sicut fide digna  
 percepimus, quatuor navigia onerata victuali-  
 bus ad certa terras & loca præfati marchionis  
 per aquam seu portus tuos fiducialiter deferen-  
 dis, fuerint per tuos officiales & subditos no-  
 viter arrestata, idque te eo minus tolerare con-  
 veniat, quo tu marchionem eundem nostris &  
 ejusdem Ecclesiæ obsequiis apud Romanam  
 curiam insistere sentiebas, volumus & eidem  
 fraternitati mandamus, quatinus quatuor præ-  
 dicta navigia cum personis & victualibus tunc  
 existentibus in eisdem liberari facias, & tam  
 ipsa quam alia, necnon & res, & bona quæ-  
 libet marchionis ejusdem, quæ ipse per aquam  
 vel per terras tuas transmittenda duceret, liberè  
 transire permittas, ac permitti mandes, &  
 facias per tuos officiales & subditos sine contra-  
 dictione quacumque & personis illis quas præ-  
 fato marchioni noveris adversari, contra mar-  
 chionem eundem per tua terras & loca dari  
 transitum non permittas, aut eas in dictis tuis  
 terris aut locis aliquatenus receptari, nec dari  
 eis victualia, aut præstari consilia vel favores.  
 Datum Avenione III. nonas Aprilis anno nono.

### EPISTOLA LXXXIV.

**V**enerabilibus fratribus, &c. *ut in forma de  
 securo conductu, usque, &c.*

Cum dilectos filios Simonem de Fibillia au-  
 ditorem palatii apostolici & capellanum, ac  
 Raimundum de S. Michaële servantem armo-  
 rum & familiarem nostros ad nonnullas & spe-  
 cialiter regni Franciæ partes præsentialiter de-  
 stinamus. Nos volentes ipsos cum rebus & fa-  
 milia suis eundo, morando & redeundo plena  
 securitate gaudere, universitatem vestram re-  
 quirimus, &c. *ut in forma de securo conductu  
 usque in finem.* Datum Avenione calendas Aprilis  
 anno nono.

## EPISTOLA LXXXV.

Ad Ægidium episcopum Sabinensem.

*Ut Petrucium natum Lucæ de Sabellis libertate donet.*

Venerabili fratri Ægidio episcopo Sabinensi apostolicæ sedis legato, salutem & apostolicam benedictionem.

Pro liberatione dilecti filii PETRUCII nati dilecti filii nobilis viri LUCÆ DE SABELLIS domicelli Romani, qui quidem Petrucius per dilectum filium GUIDONEM abbatem monasterii sancti Pauli de Urbe de mandato tuo in obfidem detinetur, fraternitati tuæ nostras sæpius litteras meminimus destinasse. Cum itaque, sicut plurimorum fide dignorum relatione didicimus, idem Lucas in tuæ legationis officio mandatis tuis se promptum exhibuit & fidelem, ac devotionem suam erga nos & sedem apostolicam studeat continuo per effectum operis amplius demonstrare: propter quod nostram & sedis ejusdem benivolentiam & gratiam promeretur, ac præfatus PETRUCIUS infantulus natus ejus, prout habet ipsa relatio facta nobis, gravi morbo & pene incurabili infirmitate laboret, ex qua de salute ipsius verisimiliter dubitatur, deceatque sedem ipsam in similibus præcipue casibus non rigorem, sed pietatem & clementiam exercere, & ad annos infantie & tenellam ætatem ipsius PETRUCII ac vitæ periculum sibi ex hujusmodi ægritudine verisimiliter imminens magis aspicere quam severitatem in talibus demonstrare, ac super hoc nobis per nonnullos fuerit multiplicatis intercessionibus humiliter supplicatum. Fraternitatem eandem iterum duximus attentius exhortandam, quatinus pro consolatione patris, te erga filium exhibens favorem & benignum, & ut pater ipse eo se ad nostra & Romanæ Ecclesiæ promptiorem obsequia exhibeat, quo se ab eadem sentiat ampliora beneficia suscepisse, Petrucium eundem restitui mandes & facias plenariæ libertari, si liberationi hujusmodi aliud rationabile non obstat. Datum Avenione vi. Idus Aprilis anno nono.

## EPISTOLA LXXXVI.

Ad archiepiscopum Ravennatem.

*Scribit ei in gratiam Raynaldi de Zambrasiis.*

Venerabili fratri archiepiscopo Ravennati, salutem & apostolicam benedictionem.

Pervenit nuper ad audientiam nostram, quod licet dudum certa possessio ad te & tuam Ravennatem ecclesiam pertinens, sita in loco qui dicitur Villa Ducatus, Ferrariensis diocesis, concessa per te fuerit in feudum dilecto filio magistro Raynaldo de Zambrasiis Bononien si licentiato in jure canonico, familiari & secretario nostro, ac fratribus & successoribus eorundem: tu tamen à nonnullis personis de conferendo alicui alteri possessionem eandem sollicitatus

A precibus personarum ipsarum videris rogationibus inclinari. Cum itaque tuæ dignitatis minime deceat gravitatem, ad cujuscumque petitionem tuis dispositionibus obviare; quin immo ipsa hoc te facere justitia prohibeat, prout te si ita fuerit sentire minime dubitamus, ac etiam idem Raynaldus nostris continuo familiariter intendat obsequiis; propter quod & ipsum & suos per te convenit amplioribus favoribus confoveri, fraternitatem tuam hortamur attentè, quatinus eosdem in eorum velis, ut teneris, conservare justitia, & aures tuas contra jura ipsorum importunis quorumcumque petitionibus non præbere, te in præmissis taliter habiturus, quod idem Raynaldus nostras hujusmodi litteras sibi & fratribus suis prædictis sentiens efficaces, in suis apud nos & sedem apostolicam prosequendis negotiis benevolentiam tuam debitæ gratitudinis compensare obsequiis teneatur. Datum Avenione v. Idus Aprilis anno nono.

## EPISTOLA LXXXVII.

Ad Ildebrandinum Marchionem Estensem.

*Commendat ipsi Raynaldum de Zambrasiis.*

Dilecto filio nobili viro ILDEBRANDINO marchioni Estensi, salutem & apostolicam benedictionem.

Cum nos dilectum filium magistrum Raynaldum de Zambrasiis de Bononia licentiatum in jure canonico nostrum familiarem & secretarium propter ejus merita probitatis & devotæ familiaritatis obsequia, quæ per eum nobis & sedi apostolicæ continuo impenduntur, paterna benevolentia prosequamur, ac propterea sibi & fratribus ejusdem favores per te & personas alias impendi gratum nobis veniat plurimum & acceptum. Nobilitatem tuam rogamus attentius & hortamur, quatenus pro nostra & apostolicæ sedis reverentia eosdem Raynaldum & fratres, & specialiter quemdam dictum Bene germanum suum in civitate Ferrariensi, prout accepimus, commorantem, ac eorum negotia benigne commendatos suscipias, & eisdem in ipsorum negotiis sic tuos præstare velis benevolentiam & favores, quod præter id quod hoc nobis gratum reddetur plurimum & acceptum, idem Raynaldus se de nobilitate tua penes nos valeat merito commendare. Datum *ut supra*.

## EPISTOLA LXXXVIII.

Ad eundem.

*Scribit ei in gratiam Guidonis Cautis de Florentia canonici Fulginatis.*

Dilecto filio nobili viro Ildebrandino Marchioni Estensi, salutem & apostolicam benedictionem.

Nuper fide dignorum relatione percepimus, quod licet nos dudum dilecto filio Guidoni Cautis de Florentia canonico Fulginati ac secretarum litterarum nostrarum scriptori, de

M m m iij



Plebanatu Ecclesiæ sancti Martini de Ruina, A  
Ferrariensis diocesis duximus providendum. Idem tamen Guido seu procurator ejusdem pro eo nonnullorum obistente potentia, usque modo pro suæ debito justitiæ plebis ipsius possessionem non extitit assecutus. Cum itaque præfata ecclesia intra terminos potestatis tuæ consistat, ac deceat nobilitatem tuam provisionibus per nos factis & inantea faciendis eo magis te præbere favorabilem & benignum, quo ad nos & Romanam Ecclesiam devotionem te habere convenit ampliorem, nobilitatem ipsam requirimus & hortamur attentè, quatinus præfatum Guidonem molestari per aliquorum forte malignantium potentiam in sua justitia non permittas; sed eidem potius pro nostra & apostolicæ sedis reverentia adeo efficaciter tua præstare velis auxilia & favores, quod ipse juxta provisionem per nos tibi factam, possessionem dictæ plebis liberè assequi valeat, ejusque redditibus & fructibus pacifice gaudere. Datum Avenione v. Idus Aprilis anno nono.

## EPISTOLA LXXXIX.

Ad Nicolaum comitem Melfensem.

*Ut strenuum se exhibeat in defendendo regno Siciliae.*

**D**ilecto filio NICOLAO comiti Melfensi magno senescallo regni Siciliae, salutem & apostolicam benedictionem.

Ad litteras tuas nobis noviter præsentatas, quas benignè recepimus, nil aliud de præsentī respondendum providimus, nisi quod carissimo in Christo filio nostro LUDOVICO regi Siciliae illustri rescribendum duximus juxta formam quam habet cedula præsentibus interclusa. Cum itaque idem rex de tua, ut accepimus, prudentia & strenuitate confusus, te suæ gentis armigeræ contra malignam rabiem nonnullorum nostrorum ac Romanæ Ecclesiæ hostium & suorum more prædonico regnum Siciliae discurrentium capitaneum præfecerit & ductorem, nobilitatem tuam attentè requirimus, & paternis affectibus exhortamur, quatenus circa defensionem regni ipsius contra malignatores hujusmodi adeo te vigilem exhibeas, strenuum & solertem, quod famosi ducis merearis præconium, ac novis continuo sibi invicem succedentibus, fructuosis tuis obsequiis magis eniteat solidata in devotione regia fides tua. Datum Avenione III. Idus Aprilis anno nono.

## EPISTOLA XC.

Ad Ludovicum regem Siciliae.

*Laudat ejus zelum erga sedem apostolicam, hortaturque ut in Sicilia remaneat ad regni sui defensionem.*

**C**arissimo in Christo filio LUDOVICO regi Siciliae illustri, salutem & apostolicam benedictionem.

Ex litteris tuis nobis nuper per dilectum filium magistrum Zenobium de Florentia capellanum & secretarium nostrum cum debita reverentia præsentatis, per quas, sicut ex ipsarum tenore collegimus, tua serenitas, intellectis nonnullis perturbationibus Romanæ curiæ & partium vicinarum, personam ac potentiam regiam ejusque favores & auxilia ad nostra & Romanæ Ecclesiæ obsequiosa subsidia tam promptè quam liberaliter offerebat, filialis tuæ devotionis zelum, quem ad nos & eandem geris Ecclesiam, placide admodum & benigne percepimus; ac deinde eodem magistro Zenobiodevotionem & oblationem hujusmodi coram nobis & fratribus nostris dictæ Ecclesiæ cardinalibus; prout tu in eisdem litteris postulabas, vivæ vocis ministerio plenius exponente, intelleximus diligenter. Equidem, carissime fili, commendandus est plurimum hujusmodi tuæ devotionis affectus, in quo magnis digna præconiis progenitorum tuorum vestigia laudabiliter imitaris. Liberalitatem igitur regiam, ac devotionem, & oblationes easdem copiosis in Domino laudibus attollentes, easque gratas gerentes multipliciter & acceptas, plenis illas prosequimur actionibus gratiarum. Quia vero negotia partium istarum solito melius disponuntur, & disponi etiam confidimus in futurum, personam tuam ad prosequenda prædicta pro parte tua nobis exposita fatigari nolimus de præsentī, sed illam potius ad defensionem & quietem ac pacem & statum pacificum regni tui viriliter intendere cupimus, & tuam proinde excellentiam ad resistendum in dextra Excelsi malignis illorum conatibus, qui Dei timore postposito, regnum ipsum perturbare & discurrere more prædonico, prout accepimus, non verentur, pro bono tranquillitatis & pacis regni ejusdem paternis affectibus exhortamur, quod si processu temporum super præmissis nobis expositis tuos favores & auxilia viderimus expedire, quicquid exinde deliberandum duxerimus, excellentiæ tuæ intimare curabimus, & tua tamquam peculiaris sedis apostolicæ filii subsidia fiducialiter implorare. Datum *ut supra*.

## LITTERÆ DE MENSE MAII

ANNO NONO.

## EPISTOLA XCI.

Ad Ludovicum regem &amp; Johannem reginam Siciliae.

*De quodam Johanne Guga cive Senensi, qui se regem Franciæ predicabat.*

**C**arissimis in Christo filiis LUDOVICO regi & JOHANNÆ reginæ Siciliae illustribus, salutem & apostolicam benedictionem.

Insatiabilis malorum omnium ille hostis humani generis, & tranquillitatis & pacis hominum ac præcipue Christi fidelium infatigabilis per-

secutor, vias & modos quotidie non cessat exquirere, quibus suscitare in gentibus scandala, & publicis valeat commodis obviare. Sane sicut ad vestram potuit jamdudum notitiam pervenisse, in caput cujusdam Johannis cognominati *Guga* civis Senensis, temeraria quædam ascendit opinio, ejusque mentem adeo novi generis infania subintravit, ut se, novis & irridendis proculdubio coloribus adinventis, regem Francorum auderet, prout adhuc audet, & quod ad ipsum regnum Franciæ pertineat verbis effrontibus & temerario ausu prædicare, & licet hujusmodi tam nova imaginatio, suggestione maligni spiritus, ut indubitanter tenemus, adinventæ, prorsus veniat apud homines sano utentes iudicio irridenda, nonnullos tamen hujusmodi fantasticiæ temeritatis conflictos & confæderatos & fautores invenit, & inter ceteros quemdam militem Anglicum, Johannem de Vernayo nuncupatum, de regno Angliæ propter commissam per eum enormia plurima, prout accepimus, exsulem & bannitum: qui non erubescens se pro dicto Johanne *Guga* locum tenentem regis Franciæ sub hujusmodi infaniæ pallio nominare, adjuncta sibi quadam societate gentis armigeræ, prædas & rapinas, cædes & incendia in regno Franciæ nequiter exercebat. Demum cum sub prædicto falso sibi assumpto nomine quoddam fortalitium, dictum Codelectum, situm prope civitatem Avenionem suis malignis conatibus occupasset, ibidem in quodam congressu per gentes carissimi in Christo filii nostri JOHANNIS regis Francorum illustris captus extitit, & captivus detinetur ad præsens. Deinde quoque præfatus Johannes *Guga* per gentes dilecti filii nobilis viri Mathiæ de Gisaaldo militis senescalli vestri Provinciæ extitit interceptus, & per senescallum eundem captus ad præsens similiter detinetur. Cum itaque deceat excellentiam vestram honorem ac statum regis ejusdem, cui vos non mediocrè vinculum consanguinitatis astringit, ac regni sui Franciæ fraternæ caritatis zelo & plenius desiderii affectare, ejusque quantum secundum Deum conveniat condescendere precibus, & sibi in suis licitis & honestis petitionibus complacere, serenitatem vestram rogamus & hortamur attentè, quatinus ejusdem rogamina, quæ ipse porrigenda duxerit, prout honestas suadebit acceptare velitis: Mandantes præfato senescallo de Johanne prædicto taliter honestate prævia ordinari, quod apud nos vestra liberalitas commendanda veniat, & rex idem merito valeat contentari. Datum Avenione xvi. calendas Maii anno nono.



A

## EPISTOLA XCII.

Ad Bernabovem de Vice-comitibus militem Mediolanensem.

*Laudat ejus erga sedem apostolicam devotionem, mittitque ad eum abbatem S. Germani Autissiodorensis.*

B

Dilecto filio nobili viro BERNABOVI de Vice-comitibus militi Mediolanensi, salutem & apostolicam benedictionem.

Litteras tuas noviter præsentatas benignè recepimus, & ea quæ per nonnullos tuos nuncios & ambassiatores tua nobilitas exponere & liberaliter offerre curavit, in quibus devotionem tuam erga nos & sedem apostolicam laudabiliter ostendisti, placide percepimus, & intelleximus diligenter, & de eisdem nobilitatem tuam gratiarum actionibus prosequentes, devotionem & oblationem easdem plurimum in Domino commendamus: super hiis autem & nonnullis aliis nobis pro parte tua per venerabilem fratrem nostrum BONJOHANNEM episcopum Firmanum dudum nobis expositis, dilectum filium Guillelmum abbatem Monasterii sancti Germani Autissiodorensis ad tuam destinamus præsentiam de intentione nostra plenius informatum, qui intentionem eandem tibi vivæ vocis ministerio latius explicabit. Datum Avenione xiv. calendas Maii anno nono.

C

D

## EPISTOLA XCIII.

Ad Galeacium de Vice-comitibus militem Mediolanensem.

Dilecto filio nobili viro GALEACIO de Vice-comitibus militi Mediolanensi, salutem & apostolicam benedictionem.

*Ut in proxima usque* nonnulla nobis per certum tuum ambassiatores & nuncium pro parte tua nobis exposita & oblata liberaliter, in quibus, &c. *ut in proxima usque* super hiis autem, & nonnullis aliis tibi exponendis pro parte nostra dilectum filium Guillelmum, &c. *ut in proxima usque in finem.* Datum *ut supra.*

E

## EPISTOLA XCIV.

F

Venerabilibus fratribus, &c. *ut in forma de securo conductu usque* cum dilectus filius Galdesius de Lorexellis de Cimion legum doctor lator præsentium, ad nonnullas partes Lombardiæ de nostra conscientia & beneplacito se ducat præsentialiter conferendum. Nos volentes ipsum cum familia sua in eundo, morando & ad nos redeundo plena securitate gaudere, universitatem vestram, &c. *ut in forma usque in finem.* Datum *ut supra.*



## EPISTOLA XCV.

Ad patriarchas, archiepiscopos, episcopos, &amp;c.

*Commendat eis abbatem sancti Germani  
Autissiodorensis.*

**V**enerabilibus fratribus patriarchis, archiepiscopis & episcopis, ac dilectis filiis electis, abbatibus, prioribus, decanis, præpositis, archidiaconis, archipresbyteris, plebanis, rectoribus, & aliis ecclesiarum, & monasteriorum prælati eorumque vices gerentibus, capitulis quoque ac conventibus ecclesiarum & monasteriorum ipsorum, ceterisque personis ecclesiasticis sæcularibus & regularibus, exemptis & non exemptis, Cisterciensis, Cluniacensis, Præmonstratensis, Camaldulensis, SS. Benedicti & Augustini, & aliorum ordinum & domorum hospitalis sancti Johannis Hierosolymitani, B. Mariæ Theutonicorum, Calatravenis, & Humiliatorum magistris, prioribus & præceptoribus, ad quos præsentis litteræ pervenerint, salutem & apostolicam benedictionem.

Cum dilectum filium GUILLELMUM abbatem monasterii sancti Germani Autissiodorensis latorem præsentium ad certas partes Italiæ, pro quibusdam nostris & Romanæ Ecclesiæ negotiis, per nos sibi commissis, præsentialiter destinemus; universitatem vestram requirimus & hortamur attente, per apostolica vobis scripta mandantes; quatenus eundem abbatem cum per partes, passus, terras, & loca vestra transierit, ob reverentiam dictæ sedis & nostram benigne recommendatum recipientes & honorifice tractantes, sibi diebus singulis hujusmodi negotiorum prosecutione durante, in quinque florenos auri pro expensis suis necessariis, & de evectionibus opportunis, si suæ forsitan in via defecerint aut decesserint, vel alias fuerint impeditæ, nobis tamen quamprimum fieri poterit commode evectionibus restituendis eisdem, cum super præmissis per eum vel ejus nuncium fueritis requisiti, in eundo, morando, & redeundo, liberaliter providere & subvenire curetis. Et si abbatem eundem in aliquibus terris, sive locis vestris, ex aliqua causa justa moram trahere forte contingat, volumus quod non solum vos prælati & personæ ecclesiasticæ terrarum & locorum ipsorum, sed etiam vos alii prælati & personæ ecclesiasticæ vicinarum & aliarum partium circumpositarum nostrarum, sicut idem abbas expedire viderit, in provisionibus & subventionibus hujusmodi contribuatis. Sic itaque mandatum nostrum hujusmodi efficaciter adimplere curetis, quod devotionem vestram commendare merito valeamus. Alioquin sententiam sive pœnam, quam idem abbas per se vel alium seu alios ritè tulerit seu statuerit in rebelles, super quo sibi plenam concedimus tenore præsentium potestatem, ratam habebimus & faciemus, auctore Domino, usque ad satisfactionem condignam inviolabiliter observari; non obstantibus, si vobis vel quibusvis aliis communiter

**A** vel divisim ab eadem sit sede indultum, quod nunciis sedis ipsius procuracionem aliquam exhibere, seu in ea contribuere, nisi ad vos declinaverint minime teneantur, & ad id compelli, aut quod interdicti, suspendi vel excommunicari non possint per litteras apostolicas non facientes plenam & expressam ac de verbo ad verbum de indulto hujusmodi mentionem, & quibuslibet privilegiis, & litteris apostolicis generalibus vel specialibus quorumcumque tenorum existant, per quæ præsentibus non expressa vel totaliter non inserta effectus eorum impediri valeat quomodolibet vel differri, & de quibus quorumque totis tenoribus de verbo ad verbum habenda sit in nostris litteris mentio specialis. Datum Avenione xiv. calendas Maii anno nono.

## EPISTOLA XCVI.

*Ejusdem argumenti.*

**V**enerabilibus fratribus, &c. *ut in forma de securo conductu.*  
Cum dilectum filium GUILLELMUM abbatem monasterii S. Germani Autissiodorensis latorem præsentium ad certas Italiæ partes, pro quibusdam negotiis per nos sibi commissis, præsentialiter destinemus. Nos volentes ipsum cum familia sua in eundo, morando, & ad nos redeundo plena securitate gaudere, universitatem vestram rogamus & hortamur attente, quatenus eundem abbatem cum per passus, terras, & loca vestra transitum fecerit benigne recommendatum habentes, nullam eidem & familiæ suæ prædictæ in personis vel rebus eorum inferatis injuriam vel offensam, nec ab aliis quantum in vobis fuerit permittatis inferri, sed ei potius de securo conductu, si à vobis illum petierit, sic libere providere pro nostra & apostolicæ sedis reverentia studeatis, quod vestra possit exinde apud nos devotio merito commendari. Datum Avenione xiii. calendas Maii anno nono.

## EPISTOLA XCVII.

Ad septem reformatores, consilium, populumque Romanum.

*Ut institutos in civitatibus & castris Ecclesiæ Romanæ gubernatores & rectores revocent, nec alios deinceps instituere præsumant.*

**D**ilectis filiis septem reformatoribus ac consilio populoque Romano, salutem & apostolicam benedictionem.

Pridem ad nostram audientiam, non sine admiratione, pervenit, quod noviter pro parte vestra banna & præcepta mandantur ut in certis civitatibus, terris, castris, & locis provinciæ Campaniæ & Maritimæ ad nos & Romanam Ecclesiam immediate spectantibus, quodque incolis civitatum, terrarum, castrorum, & locorum ipsorum, in quibus vobis nullum jus competit,

competit, imponuntur nonnullæ taillæ & collectæ, & per vos incolæ ipsi ad solvendum eadem contra Deum & justitiam compelluntur, & quod in non minorem nostram admirationem consurgit, per vos, certis fictis coloribus adinventis, novissime diebus istis universitates nostrarum & dictæ Ecclesiæ Verulanensis & Alatrinensis civitatum ad eligendum in eisdem civitatibus pro earum gubernatoribus & rectoribus tantummodo personas aliquas ex Romanis civibus compulistis. Cum itaque deceat devotionem vestram, quam ad nos & sedem apostolicam geritis, non tantum nos & sedem ejusdem jura non lædere, & manus vestras ad terras nostras non extendere, sed eas à lædentibus seu contra eas manus extendentibus deffensare, & credere debeatis, nos, si contra feceritis, id non posse, prout etiam non debemus, æquanimiter tolerare, discretionem vestram hortamur attentè, nihilominus mandantes eidem, quatenus ab hujusmodi gravaminibus abstineatis de cetero, & rectores seu gubernatores præfatos absque dilationis obstaculo revocetis, ac de gubernationibus seu regiminibus dictarum aut aliarum nostrarum & præfatæ Ecclesiæ civitatum & terrarum, directè vel indirectè, cum sciatis id ad vos minime pertinere, eadem se vestra devotio nullatenus intromittat absque nostra seu nostrorum officialium, qui sunt ad præsens, vel qui erunt pro tempore in præfatis provinciis, beneplacito vel mandato; obedientiam vestram in præmissis taliter per effectum operis ostensuri, quod exinde apud nos & sedem præfatam eadem commendanda veniat vestra devotio, nosque pro defensione nostrorum & dictæ Ecclesiæ jurium; prout ex injuncto nobis pastoralis officii debito nobis incumbit, aliud super hiis apponere remedium non sit opus. Ceterum si pro reformandis discordiis in provinciis prælibatis, vestra prout alias vos fecisse, ex venerabilis fratris nostri JOHANNIS episcopi Firmani in eisdem provinciis pro nobis & præfatæ Ecclesiæ rectoris informatione didicimus; vestra in futurum præstiteritis auxilia & favores, gratum id habebimus & acceptum, vobisque exinde tenebimur ad merita gratiarum. Datum Avenione xiiii. calendas Maii anno nono.

## EPISTOLA XCVIII.

Ad Hugonem de Liffignano senatorem Urbis.

*Ejusdem argumenti.*

**D**ilecto filio nobili viro HUGONI de Liffignano senatori Urbis, salutem & apostolicam benedictionem.

Pridem non sine admiratione percepimus relationibus fide dignis, quod noviter pro parte regiminum seu populi & communia urbis Romanæ banna & præcepta mandantur in certis civitatibus, castris, terris, & locis provincie Campaniæ & Maritimæ ad nos & Romanam Ecclesiam immediate spectantibus, quodque incolis civitatum, castrorum, terrarum & lo-

*Theſauri Anecdor. Tom. II.*

corum ipsorum, in quibus nullum jus eis competit, &c. *ut in proxima usque* civibus compellantur *mutatis mutandis*. Cum itaque prædicta quæ in offensam non modicam nostram & sedis apostolicæ redundare noscuntur tolerare æquanimiter, nisi emendentur celeriter, minime intendamus; prout etiam non debemus, dilectis filiis septem reformatoribus ac consilio populoque Romano nostras super hiis speciales litteras destinamus, mandantes eisdem à talibus de cetero prorsus abstineant, & gubernatores seu rectores præfatos studeant à dictis civitatibus absque dilationis obstaculo revocare. Quocirca nobilitatem tuam requirimus & hortamur attente, quatenus circa prædicta adeo, prout ex debito tui officii teneris, dare studeas operam efficacem, quod apud nos & sedem præfatam dignis laudibus commendanda veniat tuæ devotionis & obedientiæ promptitudo, nosque super eisdem aliud apponere remedium non sit opus. Datum *ut supra*.

## EPISTOLA XCIX.

Ad civitatem Verulanensem.

*Ne gubernatores & rectores ex Romanis accipiant, absque officialium suorum consensu.*

**D**ilectis filiis consilio & communi civitatis Verulanensis ad nos & Romanam ecclesiam immediate spectantis, salutem & apostolicam benedictionem.

Nuper ad audientiam nostram non sine admiratione pervenit, quod per vos in gubernatores seu rectores vestros, prætextu mandati nobis facti per regimina, consilium, & populum Romanum; tantummodo personas ex civibus Romanis assumitis, absque officialium nostrorum in partibus existentium beneplacito vel mandato. Cum itaque fidelitati vestræ conveniat, ab hiis quæ nostra & Ecclesiæ Romanæ jura lædere videantur, pro viribus abstinere, discretionem vestræ mandamus, quatinus præmissa taliter emendare curetis, quod exinde eadem sincera fidelitas apud nos commendanda veniat, ac de cetero ita studeatis à similibus summo opere præcavere absque nostro seu officialium prædictorum qui sunt aut erunt pro tempore mandato, vel licentia speciali, quod super eisdem, quæ, si contra feceritis, tolerare proculdubio æquanimiter non possemus, aliud prout exigeret justitiæ debitum apponere remedium non sit opus. Datum Avenione xii. calendas Maii anno nono.

*In eodem modo, dilectis filiis consilio & communi civitatis Alatrinensis ad nos & Romanam Ecclesiam immediate spectantibus, salutem & apostolicam benedictionem.*



N n n

## EPISTOLA C.

Ad Honoratum comitem Fundorum.

*Ut civitatem Anagninæ ecclesiæ Romanæ restituat.*

**D**ilecto filio nobili viro HONORATO comiti Fundorum, salutem & apostolicam benedictionem.

Super restitutione civitatis Anagninæ ad nos & Romanam Ecclesiam nullo medio pertinentis, per te officialibus nostris per nos in provinciis Campaniæ & Maritimæ deputatis libere facienda, nobilitati tuæ nostras meminimus litteras destinasse: quod cum per te nondum factum fore noverimus, eo magis admirari cogimur, quo te tamquam devotionis & reverentiæ filium prompta obedientia amplius obtemperare exhortationibus sperabamus. Cum itaque ex injuncto nobis desuper officio ministerii pastoralis nostra & dictæ Ecclesiæ, civitates, castra, loca & jura quælibet liberari facere de manibus occupantium teneamur, nobilitatem eandem sicut iterum, sic attentius exhortandam duximus, tibi nihilominus per apostolica scripta mandantes, quatenus civitatem eandem, sublato cujuslibet dilationis obstaculo, in manibus dictorum officialium nostrorum omnino dimittas, tuæ obedientiæ promptitudinem in præmissis taliter ostensurus, quod super hoc de alio nos non oporteat remedio, prout suadebit justitia, pro nostrorum & ejusdem Ecclesiæ defensione jurium providere. Datum *ut supra*.

## EPISTOLA CI.

Ad Johannem de Comite.

*Ut officialibus suis civitatem Segninam restituat.*

**D**ilecto filio nobili viro JOHANNI de Comite, salutem & apostolicam benedictionem.

Pervenit ad audientiam relationibus fide dignis, quod civitas Segnina quæ ad nos & Romanam Ecclesiam pertinere noscitur pleno jure, per te jam pridem occupata extitit, & occupatur ad præsens. Cum itaque hoc eo magis in nostram admirationem confurgat, quo per te civitates, terras, castra, & loca ac jura quælibet nostra, & dictæ Ecclesiæ defensari ab opprimentibus conveniret; nobilitatem tuam requirendam duximus & hortandam, nihilominus mandantes eidem, quatinus civitatem eandem in manibus officialium nostrorum in partibus consistentium libere restituas & dimittas, obedientiam tuam in restitutione hujusmodi taliter per effectum operis ostensurus, quod exinde apud nos & sedem apostolicam commendanda veniat hujusmodi tuæ obedientiæ promptitudo, nosque super hiis de alio non oporteat remedio providere. Datum *ut supra*.



## EPISTOLA CII.

Ad Matthæum de Celano.

*Ut castrum Ceperani officialibus Ecclesiæ Romanæ restituat.*

**D**ilecto filio nobili viro MATTHÆO de Celano, salutem & apostolicam benedictionem.

Dudum venerabilis frater noster Ægidius episcopus Sabinensis apostolicæ sedis legatus, de nobilitate tua fiduciam gerens in Domino singularem, officium rectoriæ nostrarum & Romanæ Ecclesiæ provinciarum Campaniæ & Maritimæ pro nobis & eadem Ecclesia tibi duxit, prout accepimus, committendum. Cumque castrum Ceperani de dicta provincia Campaniæ ad nos & præfatam Ecclesiam nullo medio pertinens, per te dum in eodem esses officio, prout accepimus, teneretur; tu tamen succedente in dicto officio tibi alio rectore castrum ipsum eidem rectori restituere denegasti, ipsumque, non obstantibus litteris super restitutione castri ejusdem per ipsum legatum tibi transmissis, detines contra Deum & justitiam, præsentialiter occupatum, in manifestam Dei offensam, & sedis apostolicæ læsionem non modicam & jacuram. Cum itaque talia non conveniat nos conniventibus oculis pertransire, prout etiam non debemus, nobilitatem ipsam requirimus & monemus, & eidem mandamus expresse, quatinus castrum ipsum, in quo nullum jus tibi competit, in manibus alicujus ex nostris & dictæ Ecclesiæ officialibus in partibus consistentibus libere restituas & dimittas, obedientiam tuam in præmissis taliter ostensurus, quod super eis non oporteat per nos pro defensione nostrorum, terrarum, castrorum & jurium de alio remedio providere. Datum *ut supra*.

## EPISTOLA CIII.

Ad Ægidium episcopum Sabinensem.

*De misso ad Bernabovem de Vice-comitibus Guillelmo abbate sancti Germani Autissiodorensis.*

**V**enerabili fratri Ægidio episcopo Sabinensi apostolicæ sedis legato, salutem & apostolicam benedictionem.

Pridem accedens ad præsentiam nostram venerabilis frater noster BONJOHANNES episcopus Firmanus, nonnulla pro parte Bernabovis de Vice-comitibus militis Mediolanensis, & deinde nonnulli Bernabovis ejusdem ambassiatores & nuncii nonnulla nobis exponere curaverunt: super quibus & certis aliis eidem Bernabovi vivæ vocis oraculo explicandis, dilectum filium GUILLELMUM abbatem monasterii sancti Germani Autissiodorensis latorem præsentium de intentione nostra plenius informatum ad Bernabovem eundem duximus destinandum, & deinde ad tuam præsentiam conferendum: à quo tam de expositis eidem pro parte nostra, quam de responsis per eum informatio-



nem habere potuit tua fraternitas plenior. A  
Datum Avenione xi. calendas Maii anno nono.

## EPISTOLA CIV.

Ad Matthiam de Giovaldo senescallum  
Provinciae.

*Ut confederatis recedentibus per Provinciam libe-  
rum tribuat transitum.*

**D**ilecto filio nobili viro MATHIAE DE B  
GIOVALDO senescallo Provinciae, sa-  
lutem & apostolicam benedictionem.

Cum gentes illae armigerae, quae sub nomine  
Societatum in Provinciae partibus existerant, sub  
ducu dilecti filii nobilis viri JOHANNIS mar-  
chionis Montis-ferrati recedere debeant de par-  
tibus ipsis, & ejusdem Provinciae partes libere  
dimittere, & ad partes alias juxta dicti Mar-  
chionis voluntatem de nostra conscientia &  
beneplacito se conferre, nobilitatem tuam ro-  
gamus attentius & hortamur, quatinus gentes  
ipsas per passus & loca dictae Provinciae libere  
transire mandes & facias, nullamque eis in  
personis & rebus ipsorum inferri patiaris inju-  
riam rei vel offensam. Quin immo eisdem de vi-  
ctualibus & necessariis pro eorum pecuniis facias  
provideri: ut sic libere transeuntēs, partes ipsas  
dimittant liberas, & ad loca quibus deputatae  
sunt, valeant sine obstaculo tuis favoribus per-  
transire. Datum Avenione xi. calendas Maii  
anno nono.

*Facta est littera de securo conductu pro Bettino  
Georgii serviente armorum misso ad certas partes  
Provinciae de mandato nostro, sub data ut supra.*

## EPISTOLA CV.

Ad ancianos & consules civitatis Bononiensis.

*Laudat eorum zelum erga Romanam ecclesiam.*

**D**ilectis filiis Ancianis & consulibus ac po-  
pulo & communi civitatis Bononiensis, sa-  
lutem & apostolicam benedictionem.

Dilectos filios Johannem ordinis fratrum Mi-  
norum sacrae Theologiae Magistrum, & Simo-  
nem de sancto Georgio civem Bononiensem  
legum doctorem & ambassiatores vestros, ad  
nostram nuper ex parte vestra praesentiam ac-  
cedentes, consideratione filiorum mittentium,  
& laudabilis probitatis ac sufficientiae ipsorum  
intuitu, placide admodum & benigne recep-  
imus, & nonnulla per eos coram nobis & fra-  
tribus nostris Romanae Ecclesiae cardinalibus  
tam copiose quam prudenter exposita intelle-  
ximus diligenter. Deinde expositis hujusmodi  
per nos consideratis attentius, & intra nostrae  
mentis arcanum ea qua conveniebat meditatio-  
ne pensatis, vobis per ambassiatores ipsos de in-  
tentione vestra super hiis plenius informatos  
respondendum duximus, prout ipsi vobis viva  
vocis oraculo poterunt latius explicare. Equi-  
dem, dilecti filii, fervidae devotionis zelum &  
invictae fidelitatis vestrae constantiam, quam erga  
nos & Romanam Ecclesiam geritis, prout con-

*Thesauri Anecd. Tom. II.*

tinuo laudabili perseverantia demonstratis, nos  
gratam gerentes plurimum & acceptam, vos  
exinde multipliciter commendamus in Domi-  
no: quamquam suasionibus virtus solidata non  
egeat, paternis vos ad illam affectibus exhorta-  
mur. Perseverate igitur constanter, & contra  
nostros & praefatae Ecclesiae ac vestros hostes  
tam unanimiter quam viriliter resistatis, neque  
vos tumultus aut animos viriles inflectat hosti-  
lis aut moveat, quin immo interpretantes sollici-  
tudines & labores ante mentis vestrae oculos  
revocate, a quam gravi servitutis jugo libera-  
veritis colla vestra: nos autem vestris hujusmodi  
laboribus pio compatiētes affectu, & devotio-  
nem ac fidelitatem easdem gerentes in visceri-  
bus caritatis pro defensione & consideratione  
vestri status pacifici & tranquilli, & intendimus  
haecenus, & continuo amplioribus auxiliis &  
favoribus, dante Domino, intendemus, ut tan-  
dem post labores requiescere, & post sollicitu-  
dines varias perfrui solitae pacis dulcedine va-  
leatis. Datum Avenione x. calendas Maii anno  
nono.

## EPISTOLA CVI.

Ad Aegidium episcopum Sabinensem.

**V**enerabili fratri Aegidio episcopo Sabi-  
nensi apostolicae sedis legato, salutem &  
apostolicam benedictionem.

Dilectos filios, ut supra usque nuper doctorem  
ad nostram tam ex parte tua, quam dilecto-  
rum filiorum universitatis Bononiensis praesentiam  
accedentes, placide admodum, &c.  
ut supra usque diligenter, super quibus quidem  
expositis attenta per nos meditatione pensatis,  
iidem Johannes & Simon de intentione nostra  
plenius informati intentionem ipsam & quali-  
ter eidem universitati respondendum, & ipsam  
exhortandam duxerimus, fraternitati tuae vivae  
vocis oraculo poterunt latius explicare. Datum  
ut supra.

## EPISTOLA CVII.

Ad Johannem episcopum Vercellensem.

*Ut factas cum hostibus ecclesiae conventiones  
dissolvat.*

**V**enerabili fratri JOHANNI episcopo Ver-  
cellensi, salutem & apostolicam benedictio-  
nem.

Admirationis & turbationis materiam nuper  
nobis tua fraternitas praebuit, pro eo quod  
contra mandata nostra, quae per diversas nostras  
litteras tibi direximus, cum dominatoribus ci-  
vitatibus Mediolanensis ligam & conventiones  
facere, prout fide digna relatione percepimus,  
praesumisti, & evidentius ad deteriora prosi-  
liens, dilectos filios nobiles viros JOHANNEM  
marchionem Montis-ferrati apud apostolicam  
sedem in nostris & Romanae Ecclesiae auxiliis  
& servitiis, prout tibi notum esse verisimiliter

N n n ij

poterat, personaliter existentem, ac SIMONEM BUCCANIGRAM ducem & commune Januense non sine nostro & sedis præfatæ contemptu temeritatis audacia, per tuas præsentis litteras diffidastis. Cum itaque præfati marchio, dux & commune ultra devotionis plenitudinem, quam erga nos & Romanam Ecclesiam filialiter exhibebant, nuper nobiscum & dicta Ecclesia ad mutuam defensionem & auxilia sint specialiter colligari, nosque læsionem ipsorum nostram propriam reputemus, tibi in virtute sanctæ obedientiæ districte præcipiendo mandamus, quatinus infra octo dies à receptione seu notitia præsentium numerandos, omnem ligam seu colligationem, ac conventiones, & promissiones, quas cum dominatoribus eisdem, & eorum auxiliatoribus & fautoribus, sub quorumcumque verborum forma seu expressione fecisti, cum vergeant in nostrum & dictæ Ecclesiæ matris tuæ, & per consequens commissæ tibi Ecclesiæ ac reipublicæ probabiliter detrimentum, ac diffidationem huiusmodi per te factam totaliter & dissolvere & revocare procures. Nos quoque ligam, seu colligationem, conventiones, & promissiones easdem, etiam si juramentorum interpositionibus & pænarum adjectionibus aut quavis alia firmitate vallatæ sint, auctoritate apostolica tenore præsentium cassamus, irritamus, & nullam habere decernimus roboris firmitatem. Etsi pro ipsarum observatione sacramentum forsitan præstitisti, illud cum vinculum iniquitatis esse non debeat, decernimus non tenere, & te ad cautelam absolvimus ab eodem: & quia secundum Apostolum fidelis ad infidelem, & iustitiæ ad iniquitatem pars esse non debet, tibi sub dicta pœna mandamus, quatinus eisdem dominatoribus, quorum alterum manifestum nostrum & præfatæ ecclesiæ hostem, & alterum ipsius fautorem esse tua non debet fraternitas ignorare, & gentibus & sequacibus eorundem victualia, & per terras & loca dictæ tuæ ecclesiæ transitum, vel receptaculum in eisdem, ac auxilium, consilium vel favorem præbere de cetero non præsumas, nec à tuis subditis præberi permittas, & quatuor navigia onerata victualibus ac rebus & bonis marchionis ejusdem & suarum gentium, quæ per gentes & officiales tuos pridem capta & detenta fuisse dicuntur, pro quorumque relaxatione alias tibi scripta nostra direximus, facias cum victualibus rebus & bonis eisdem ac hominibus, qui dicta navigia conducebant indilate ac libere relaxari, & eum ex paterna dilectione, quam ad dictos marchionem, ducem & commune Januense gerimus, & ex eorum obligatione prædicta nobiscum, & cum dicta Romana Ecclesia, ut nostris & ejusdem Ecclesiæ hostibus potentius valeamus resistere, nuper facta, ipsorum marchionis, ducis & communis læsionem & defensionem ac alia negotia tam prospera, quam adversa nostræ & dictæ Ecclesiæ propria non immerito censeamus: te tamquam honorabile membrum & dilectum filium Ecclesiæ præfatæ requirimus & hortamur attente; quatinus marchioni, duci, & communi præfatis,

A eorumque gentibus & sequacibus sicut nobis & nostris promptè assistas consiliis, auxiliis, & favoribus opportunis, eis per dictæ Ecclesiæ tuæ terras, & loca, transitum liberum, receptaculum tutum, & opportuna victualia fideliter tribuendo super hiis nostris mandatis taliter pariturus, quod contra te propter tuam inobedientiam aliud adhibere remedium non cogamur. Datum Avenione x. calendas Maii anno nono.

B

## EPISTOLA CVIII.

Ad capitulum generale fratrum Prædicatorum.

*Laudat ordinem Prædicatorum, eosque hortatur ad perfectiora semper tendere, eorum precibus Ecclesiæ necessitates commendat, eisque indulgentias concedit.*

Dilectis filiis Simoni magistro ac diffinitoribus & fratribus ordinis Prædicatorum Rothomagi in generali capitulo eorum ibidem celebrando proxime convenientibus, salutem & apostolicam benedictionem.

Amabiles fructus, quos sacer ordo vester, velut pomarium quoddam divina manu constitutum in agro militantis Ecclesiæ, in ubertate produxit hætenus & producit, in considerationem debitam adducentes, & odorem ex operationibus vestris bonis ac laudandis actionibus ascendentem, quo Ecclesia ipsa repletur & recreatur assidue odorati, de ipsius ordinis statu prospere conservando sollicitamur assidue; & ut sublati impedimentis quibuscumque, felicibus semper successibus augeatur, ingenti desiderio affectamus. Proinde universitatem vestram monemus, requirimus & hortamur, illam attente rogantes, ac vobis in remissionem peccaminum injungentes, quatenus in hoc congregationis vestræ sanctæ capitulo habentes Deum præ oculis, & humilis vestri B. Dominici doctrinam & vestigia salutaria imitantes, hiis vacetis sollicitè, ad ea studiose operam impendatis, per quæ in vobis maneat caritatis spiritus, dilectionis affectio vigeat, stet unitatis vinculum, robur pacis abundet, & bonum concordie perseveret, sicque pia studia vestra in præsentem conquistæ famæ testimonia clara custodiant, ut in futuro ab eo cujus obtentu mundo renunciantes immundo, ac sæcularia desideria abnegantes sub iugo regularis observantiæ, quæ licet arcta, suavis & dulcis est, sobriè, piè & iuste in hoc sæculo vivitis, æternæ gloriæ præmia mereantur. Sanè quia in pelago mundi hujus reptilium numerus, peccatis exigentibus, sic à regione deserti venientibus ventis, eodem concusso pelago vnde superbiunt, lasciviunt fluctus & procellæ turbinum intumescunt, quod nullum pene orbis angulum seditionum calamitas, guerrarum fremitus & bellorum ærumna reliquerunt expertem. Nos, qui meritis impares & viribus inæquales, Petri navem gubernandam ex dispensatione divina dignantes potius quam digne suscepimus, horum consideratione stu-

pentes, in vobis qui ad pedes Domini statis assidue cum Maria, & qui amici ejus per vitæ meritum facti estis, spei anchoram jacimus & fiduciæ spiritum elevamus, precibus nostris hujusmodi adjungentes, ut eum qui draconem illum reptilium caput & principem captivavit, quique mari & ventis imperat, & cessare facit spiritum tempestatis, vestris, quas velut justorum multum apud ipsum profuturas credimus, precibus & orationibus excitetis, ut ipse misericordiæ suæ memor venena fuget nequitia, fluctus comprimat, & turbinum placet ineffabilis potentia suæ virtute procellas, sicque det propitius pacem, & paret benignius concordiam, quo populus christianus factus unanimes optatæ quietis opulentia gaudeat & tranquillitatis plenitudine perfruatur, nosque sic ipsi Ecclesiæ suæ utiliter præesse concedat, quod creditorum nobis copiosum numerum talentorum reddentes cum adjectione fœnoris pinguioris, ab eorum creditore inter fideles servos ad gaudia sua recipi mereamur. Ceterum affectum caritatis, quem ad vos gerimus, cupientes aliquali spiritualium exhibitione munerum demonstrare, omnibus vere pœnitentibus & confessis, qui in capitulo ipso præsentis fueritis, & hiis etiam ex confratribus vestris, qui venientes ad illud impedimento præpediti legitimo in eo interesse nequiverint, de ipsius omnipotentis Dei misericordia & Beatorum Petri & Pauli Apostolorum ejus auctoritate confisi, septem annos & septem quadragenas de injunctis eis pœnitentiis relaxamus. Datum Avenione vii. calendas Maii anno nono.

## EPISTOLA CIX.

Ad Reginaldum episcopum Æduensem.

*Ad sublevandam Urbis Sedeloci incendio pene integrè consumptæ desolationem, permittit ei ecclesiæ suæ nemora vendere.*

**V**enerabili fratri REGINALDO episcopo Æduensi Thesaurario nostro, salutem & apostolicam benedictionem.

Petitio pro parte tua nobis exhibita continebat quod noviter per nonnullos perditionis filios in societates, immo complicitates potius varias congregatos, diversas regni Franciæ partes more prædonico discurrentes, & in eisdem rapinas, incendia & homicidia, ac scelera alia plurima committentes, villa de Sedeloco Æduensis diocesis, quæ ad tuam Æduensem ecclesiam noscitur pertinere, desolata plurimum extitit, & pene per totum incendio concremata, ac incolæ ejusdem villæ ad reparationem domorum in ea faciendam adeo impotentes existunt, quod nisi eisdem incolis aliqua subsidia præbeantur, villam ipsam derelinquere cogerentur: quod in tuum & ejusdem tuæ ecclesiæ vergeret incommodum maximum atque damnum. Quare nobis humiliter supplicasti, ut super hoc providere tam tibi quam eidem ecclesiæ de benignitate apostolica dignaremur. Tuis itaque supplicationibus inclinati, tibi do-

A nandi libere ac vendendi incolis villæ præfatæ de nemoribus dictæ ecclesiæ, de pretio de quo tibi videbitur, ut ipsi incolæ remanere in dicta villa & habitationes ac domos in ea reparare valeant, juramento per te præstito de non alienandis bonis ipsius Ecclesiæ nequaquam obstante, plenam auctoritate præsentium concedimus facultatem. Datum Avenione vii. calendas Maii anno nono.

## EPISTOLA CX.

*Ad subveniendum ecclesiæ necessitatibus mandat levari per biennium decimam omnium proven-  
tuum ecclesiasticorum.*

**A**D futuram rei memoriam.

Pastoralis officii debitum, sicut gravibus sic multiplicibus curis indefinenter obnoxium & variis continuo sollicitudinibus circumseptum, exigit ut Romanæ matris Ecclesiæ, cui auctore Domino præsidemus, ipsiusque fidelibus ac jurium suorum defensionem ac conservationem, & tranquillitati ac paci ipsius, & Romanæ curiæ ac incumbens ad hoc quodammodo necessitatibus, opportuna providentiæ consulamus remediis, & imminentibus dispendiis atque periculis, quantum cum Deo possumus, obviamus. Sane sicut ad populorum Christi fidelium potuit rumor implacitus perduxisse, adeo nonnullorum malignorum tyrannorum in Italiæ partibus consistentium excrevit ambitio, ut nonnulla civitates, castra, terras & loca ad dictam Ecclesiam in eisdem partibus immediate spectantia impugnare & opprimere & invadere hostiliter minime videantur, quodque in majorem consurgere potest admirationem audientium & stuporem, post pacem & concordiam inter carissimos in Christo filios nostros JOHANNEM Francorum & EDUARDUM Angliæ reges illustres, auctore Domino, reformatam, nonnulli patris discordiarum filii, pacis hostes, & perditionis alumni in societates, immo in prædonum E potius complicitates varias congregati, adurbationem populorum Christi fidelium intendentes, in eam devenerunt temeritatis insaniam, ut Romanam curiam & degentes in ea ac partes eidem vicinas perturbare, & more prædonico terras ipsius Ecclesiæ in comitatu Venaisini consistentes, & nonnullas alias terras eidem curiæ proximas discurrere, ac prædas & rapinas in illis facere, & ex terris ipsis aliquas capere, & hostiliter occupare non formident, in manifestam Dei offensam, & sedis apostolicæ opprobrium non modicum & contemptum, ac damnum & scandalum plurimorum: ac nonnulli alii in similem consurgentes insaniam, ad loca ipsa de proximo accedere verisimiliter formidantur. Cum itaque prout ex debito dicti officii nobis incumbit, ad defensionem & conservationem dictarum terrarum ipsius Ecclesiæ in dictis Italiæ ac Venaisini aliisque partibus consistentium, necnon ad quietem & pacem præfatæ curiæ & degentium in eadem ac vicina-

N n n iij

rum partium intenderimus hætenus, & intendamus continuo, ac periculis aliis, quæ verisimiliter formidantur opportunis obviare remediis cupiamus, & ad id favorabiliter prosequendum præsentialiter minus sufficientes existant, prout gravitati negotiorum imminuentium opportunum & expediens foret, cameræ nostræ facultates & vires, quas non parum imminuit attenuatio reddituum ejus ex temporum causata malitia, pene exhaustit agendorum innumerabilium multitudo; diligenti super hiis cum fratribus nostris dictæ Ecclesiæ cardinalibus deliberatione præhabita, præmissis ex causis decimam omnium reddituum & proventuum Ecclesiasticorum in venerabilium fratrum nostrorum archiepiscoporum & suffraganeorum ipsorum civitatibus, diocesibus, & provinciis in regno Angliæ constitutis, per duos annos continuos in festo B. Mariæ Magdalene proxime venturos incohando, solvendam & exigendam, tam ab archiepiscopis, & eorum suffraganeis supradictis, quam ab aliis omnibus & singulis personis ecclesiasticis, sæcularibus, & regularibus quibuscumque, exemptis & non exemptis, infra dictum regnum redditus & proventus hujusmodi obtinentibus, & infra dictum biennium obtenturis, cujuscumque præminentie, dignitatis, status, ordinis vel conditionis existant: quibus, aut eorum alicui nulla privilegia, vel indulgentias, sub quacumque verborum forma vel expressione concessa, volumus suffragari, præterquam ab eisdem fratribus nostris ejusdem Ecclesiæ cardinalibus hujusmodi redditus & proventus in eisdem civitatibus, diocesibus, & provinciis obtinentibus, & infra dictum biennium obtenturis, qui in apostolicæ sollicitudinis partem assumpti nobiscum, universalis Ecclesiæ onera fortiantur, nec non à dilectis filiis, magistro, prioribus, præceptoribus, & fratribus hospitalis sancti Johannis Hierosolymitani, qui contra hostes fidei christianæ exponunt jugiter se & sua: quos quidem cardinales, magistrum, priores & præceptores, & fratres hospitalis ejusdem, ab hujusmodi præstatione decimæ exemptos esse volumus & immunes, quam pro hujusmodi & aliis Ecclesiæ ac fidelium prædictorum oneribus, commodius & favorabilius supportandis, de dictorum fratrum nostrorum ejusdem R. E. cardinalium consilio, auctoritate apostolica imponimus per præsentem: volentes quod hujusmodi decima per ipsorum archiepiscoporum & suffraganeorum singulos, videlicet eorum in singulis eorum civitatibus & diocesibus quos ibidem ipsius collectores decimæ deputamus, & subcollectores clericos dumtaxat, ab eorum singulis deputandos, tam ab eis ipsis, quam ab aliis omnibus & singulis prælati & personis ecclesiasticis supradictis, in eisdem civitatibus, & diocesibus, ac provinciis infra dictum regnum redditus, & proventus ecclesiasticos habentibus & habituris, ut præfertur, de ipsis dumtaxat redditibus & proventibus, præterquam ab eisdem cardinalibus, magistro, prioribus, præceptoribus, & fratribus hospitalis ejusdem, per dictum biennium in infra scriptis

A terminis exigatur, & etiam colligatur, nobis postmodum & apostolicæ cameræ seu illi vel illis, quem vel quos ad ipsam decimam nostræ & ipsius cameræ nomine recipiendam, deputandos duxerimus, per ipsos archiepiscopos & suffraganeos seu subcollectores eosdem, seu alios quos ad ipsam decimam recipiendam deputandos duxerint assignanda, & quod fiat dicta solutio quolibet anno dicti biennii in terminis infra scriptis, siquidem solutionis medietatis hujusmodi decimæ primi anni dicti biennii primum terminum fore statuimus festum natiuitatis Dominicæ proxime venturum, secundum vero terminum solutionis alterius medietatis ipsius primi anni esse volumus festum ascensionis Domini nostri JESU-CHRISTI tunc proximum secuturum. In secundo anno dicti biennii tunc pro medietate sequenti similibus terminis observandis, dictæque ipsius decimæ exactio fiat, secundum taxationem decimæ in dictis civitatibus, & diocesibus, ac provinciis hætenus factam, vel ubi hujusmodi nulla certa taxatio fuerit secundum communem valorem reddituum & proventuum eorundem: & ne de moneta in qua solutio dictæ decimæ fiet aut fieri debet valeat hæsitari: volumus quod ipsa decima ad monetam in dictis terminis communiter in eisdem civitatibus & diocesibus currentem solvatur, levetur & etiam exigatur, juxta consuetudinem super hoc editam in concilio Viennensi: ita quod prætextu alicujus cambii debitores & solutores dictæ decimæ non graventur, quodque propter hoc juxta constitutionem eandem, calices, libri, & alia ornamenta ecclesiarum, aliaque divinis officiis deputata ex causa pignoris, vel alias occasione exactionis prædictæ nullatenus capiantur aut distrahantur, nec etiam occupentur. Nulli ergo, &c. nostræ impositionis, deputationis, constitutionis & voluntatis infringere, &c. Datum Avenione VII. calendas Maii anno nono.

*In eodem modo facta est alia littera impositio-  
nis decimæ in eisdem partibus per annum unum in terminis infra scriptis, videlicet primum terminum solutionis unius medietatis statuimus fore festum natiuitatis Dominicæ primum venturum. Secundum vero solutionis alterius medietatis ipsius anni festum ascensionis Domini nostri JESU-CHRISTI proximum secuturum, &c. ut supra in proxima. Datum ut supra.*

## EPISTOLA CXI.

Ad Androynum abbatem Cluniacensem.

*Ut prælatos & personas ecclesiasticas Angliæ inducat ad subveniendum aliquo pecuniario subsidio ecclesiæ necessitatibus.*

Dilecto filio ANDROYNO abbati monasterii Cluniacensis Matisconensis diocesis, salutem & apostolicam benedictionem.

Sicut ad tuam & populorum Christi fidelium

notitiam rumor infestus potuit perduxisse, adeo nonnullorum malignorum tyrannorum in Italiae partibus consistentium excrevit ambitio, ut nonnulla civitas, castra, terras, & loca ad Romanam Ecclesiam in eisdem partibus immediate spectantia, impugnare, opprimere, & invadere hostiliter minime videantur, quodque in majorem consurgere potest admirationem audientium & stuporem, post pacem & concordiam inter carissimos in Christo filios nostros JOHANNEM Franciæ & EDUARDUM Angliæ reges illustres faciente Domino reformatam, nonnulli patris discordiarum filii, pacis hostes & perditionis alumni, in societates immo prædonum potius complicitates varias congregati, adurbationem populorum Christi fidelium intendentes, in eam devenerunt temeritatis insaniam, ut Romanam curiam, & degentes in ea, ac partes eidem vicinas perturbare, & more prædonico terras ipsius Ecclesiæ, & nonnullas alias eidem curiæ proximas discurrere, ac prædas & rapinas in illis facere non formident, ac nonnulli etiam alii in similem consurgentes insaniam ad partes ipsas, ejusdem curiæ incolis, Dei timore postposito, temerarie admodum comminantes, accedere de proximo, nisi aliter malis suis gerentibus provideat divina benignitas, formidantur, in manifestam Dei offensam, & sedis apostolicæ opprobrium & contemptum, ac damnum & scandalum plurimorum. Cum itaque prout ex debito pastoralis officii nobis incumbit, ad defensionem & conservationem dictarum terrarum ipsius Ecclesiæ in dictis Italiae & vicinis dictæ curiæ partibus consistentium, necnon ad quietem & pacem ipsius curiæ & degentium in eadem ac vicinarum partium intenderemus hætenus & intendamus continuo, ac præsumptioni dictorum pacis hostium, & prædonum, nec non periculis aliis quæ verisimiliter formidantur opportunis obviare remediis cupiamus, & ad id favorabiliter prosequendum præsentialiter minus sufficientes existant, prout gravitati negotiorum imminentium opportunum & expediens foret, cameræ nostræ facultates & vires, quas non parum immittit attenuatio reddituum ejus ex temporum causata malitia, & pene exhaustis agendorum innumerabilium multitudo: ac propterea dignum & congruum reputemus tam multiplicibus & gravibus laboribus dictæ Ecclesiæ imminentibus ab ejusdem Ecclesiæ membris, personis videlicet ecclesiasticis, opportunis favoribus & subsidiis subveniri, discretioni tuæ mandamus, quatenus juxta datam tibi à Deo prudentiam, venerabiles fratres nostros, primates, archiepiscopos, episcopos, & dilectos filios abbates, priores, decanos, præpositos, archidiaconos, archipresbyteros, plebanos, rectores, & alios ecclesiarum & monasteriorum prælatos, ipsorumque vicegerentes, capitula quoque & conventus ecclesiarum & monasteriorum, ceterasque personas ecclesiasticas, sæculares & regulares, exemptas & non exemptas, Cisterciensis, Cluniacensis, Præmonstratensis, Camaldulensis, SS. Benedicti & Augustini, ac aliorum ordinum & domorum hospitalis sancti

A Johannis Hierosolymitani, sanctæ Mariæ Theoniconum, Calatravenfis & Humiliatorum magistrorum, priores, & præceptores infra regnum Angliæ constitutos benignius alloquaris, eosque sinistrorum occurrentium nobis gravitate, & dictæ nostræ cameræ oneribus, ad quorum supportationem ejusdem cameræ non suppetunt, ut præmittitur, facultates, per te diligenter expositis eisdem, tuis exhortationibus pro nostra parte sollicites & inducas, ut in tantis necessitatis articulo & periculorum eventu, tamquam membra ipsius Ecclesiæ velint suo capiti compati, & etiam condolere, & propterea nobis & dictæ cameræ de aliquo pecuniali subsidio subvenire, ut tam ipsorum quam membrorum ipsius Ecclesiæ intervenientibus auxiliis, & filialibus subsidiis, hujusmodiurbationibus ex temporum malignitate causatis valeat pro nostro & ipsius Ecclesiæ ac sedis apostolicæ honore, & dictæ Romanæ curiæ defensione, ejusque statu pacifico & tranquillo opportunis remediis provideri. Nos enim tibi convocandi prælatos præfatos, & personas alias ecclesiasticas de quibus tibi convenire videbitur, & juxta deliberationem eorundem hujusmodi subsidium petendi, imponendi, colligendi, & recipiendi plenam concedimus tenore præsentium facultatem. Volumus autem quod de hujusmodi quantitate subsidii, & de personis à quibus illud receperis, prout unusquisque subveniendum duxerit, nos reddere studeas per tuas litteras certiores, ut exinde promptitudinem devotionis, quam ad nos & dictam gerunt Ecclesiam, per effectum operis agnoscamus, ac personæ ipsæ apostolicæ sedis benivolentiam & favorem uberius suis exigentibus meritis consequantur. Datum Avenione VII. calendas Maii anno nono.

## EPISTOLA CXII.

Ad Johannem regem Francorum.

E *Ut suspendat citationem factam à suo procuratore parlamenti occasione expugnationis castri de Mota, sperans interim totum negotium pacifice posse terminari.*

C Arissimo in Christo filio JOHANNI regi Franciæ, salutem & apostolicam benedictionem.

F Cum sicut ad nostrum pervenit auditum, nonnulli ad requisitionem procuratoris tui in parlamento nominati specialiter fuerint & citati, ut infra diem vigesimam mensis Maii proxime venturi deberent Parisius in curia regia sub certa pœna personaliter comparere, pro eo videlicet quod per eos & nonnullos eorum sequaces castrum de Mota Claromontensis diocesis, quodque ad dilectum filium GUILLELMUM comitem Bellifortis pleno jure noscitur pertinere, captum extitit & indebite occupatum, prout etiam per eosdem præsentialiter occupatur. Nos sperantes hujusmodi discordiam inter præfatos comitem & occupatores loci prædicti non egere media,



trice iustitia, sed potius amicorum interpositione A  
fine pacifico terminari, idque mansuetudini  
regiæ gratum venire debeat plurimum & acce-  
ptum, serenitatem tuam rogamus attente, qua-  
tenus pro nostra & apostolicæ sedis reverentia,  
nec non consideratione felicitis recordationis  
CLEMENTIS papæ VI. prædecessoris nostri, qui  
personam tuam & statum ac honorem regium  
dum viveret specialis caritatis affectu & singu-  
lari fuit diligentia prosecutus, præfatum hujus-  
modi citationis terminum velit tua liberalitas  
usque ad festum B. Michaëlis proximum futu- B  
rum prorogare, ac prorogationi huiusmodi be-  
nigne annuere, & efficaciter assentire, ut inte-  
rim, sicut speramus in Domino, huiusmodi causa  
negotii non ventilatione iustitiæ, sed pacis po-  
tius beneficio terminetur, hoc precibus nostris  
adjicientes, quod durante dicto termino inter  
partes in Romana curia huiusmodi pax & con-  
cordia valeat de tuo beneplacito amicis tractan-  
tibus reformari, quodque pœna & sententia  
quælibet, si quam forte partes ipsæ vel earum  
altera apud tuam curiam incurrissent, aut cul- C  
pam, si qua circa occupationem dicti castri  
commissa forsitan per aliquos extitisset, de be-  
nignitate regiæ mansuetudinis, post reforma-  
tam inter partes prædictas concordiam ipsam,  
remittatur eisdem. Datum Avenione VI. calen-  
das Maii anno nono.

## EPISTOLA CXIII.

Ad episcopum Morinensem.

*Eiusdem argumenti.*

Venerabili fratri episcopo Morinensi regi  
Franciæ cancellario, salutem & apostolicam  
benedictionem.

Cum, sicut accepimus, nonnulli noviter ad  
requisitionem procuratoris carissimi in Christo  
filii nostri JOHANNIS regis Francorum illustris  
in parlamento nominati fuerint & citati, &c.  
*ut supra in proxima usque* acceptum. Regem  
ipsum per nostras litteras duximus attentius  
deprecandum, quod huiusmodi citationis ter-  
minum velit usque ad festum B. Michaëlis pro-  
ximum futurum de benignitate regia prorogare,  
quodque de ipsius beneplacito & assensu in  
Romana curia, durante præfato termino, inter  
partes valeat pax & concordia amicis tractan-  
tibus reformari, pœna quælibet vel sententia,  
si quam partes ipsæ vel earum altera apud re-  
giæ curiam incurrissent, aut culpa etiam, si  
qua circa occupationem dicti castri commissa  
forsitan per aliquos extitisset, post reformatam  
inter partes prædictas concordiam ipsam, de  
benignitate regia remittatur eisdem. Quocirca F  
fraternitatem tuam requirimus & hortamur at-  
tente, quatenus pro nostra & apostolicæ sedis  
reverentia tamquam zelator pacis & concordie  
procurator apud regem eundem super præ-  
missis ab eodem obtinendis, partes tuas tam  
favorabiliter quam efficaciter interponas. Da-  
tum *ut supra*.

## EPISTOLA CXIV.

Ad Engelbertum episcopum Leodiensem.

*Ut recuperando ecclesiæ suæ comitatu Loffensi invigilet.*

Venerabili fratri ENGELBERTO episcopo  
Leodiensi, salutem & apostolicam bene-  
dictionem.

Pervenit noviter ad audientiam nostram,  
quod pridem comitatus Loffensis feudalisi com-  
missæ tibi Leodiensis ecclesiæ per mortem ul-  
timi comitis ipsius, qui sine liberis decessit,  
ad dictam tuam ecclesiam est legitime devolu-  
tus. Cum itaque sedes apostolica te idcirco  
eidem ecclesiæ præfecerit in pastorem, ut com-  
missi tibi gregis curam sollicitam gereres, &  
ipsius ecclesiæ jura viriliter defensares, & recu-  
perares quæ manus aliena indebite detineret;  
fraternitatem tuam attente requirimus, & hor-  
tamur, quatinus memor illorum patrum qui pro  
libertate & defensione jurium suarum eccle-  
siarum, se tamquam pugiles invictos contra  
adversarios eorum usque ad mortis periculum  
opponerant, circa recuperationem comitatus  
eiusdem studiosus intendas efficaciter & con-  
stanter: ita quod ex huiusmodi tuo studio fru-  
ctum meriti apud Deum & laudis præconium  
apud nos & dictam sedem uberius consequaris:  
Datum Avenione V. calendas Maii anno nono.

## EPISTOLA CXV.

Ad Rodulfum ducem Austriæ.

*Gratias agit pro sua erga sedem apostolicam devotione.*

Dilecto filio nobili viro RODULPHO duci  
Austriæ, salutem & apostolicam benedictio-  
nem.

Dilectum filium LAMBERTUM abbatem mo-  
nasterii in Gemgembach ordinis sancti Bene-  
dicti Argentinensis diocesis capellanum nostrum  
& ambassiatores tuum benigne recepimus, &  
per eum placide admodum intelleximus & jo-  
cunde, qualiter tua nobilitas devotionem, quam  
ad nos & sedem apostolicam geris, cupiens  
continuo per effectum magnificorum operum  
demonstrare, ad assumendum nostra & Romanæ  
Ecclesiæ negotia in partibus Italiæ, tamquam  
tua propria forent, promptam & paratam se  
nobis liberaliter offerebat: quod & venerabili  
fratri nostro Ægidio episcopo Sabinensi apo-  
stolicæ sedis legato in ejusdem Italiæ partibus  
præsentialiter existentem intimare per abbatem  
eundem, prout ipse nobis similiter exposuit,  
curavisti. Equidem, carissime fili, magna sunt  
hæc tuæ devotionis insignia, & dignis in Do-  
mino laudibus attollenda, quæ sicut jampridem  
per effectum operis laudabiliter demonstrasti,  
ita continuo prout aperte cognoscimus satagis  
amplioris diligentie studio demonstrare. Nos  
itaque

itaque devotionem, ac liberalitatem, & oblationem tuam hujusmodi plurimum commendantes, in eo qui novit zelum domus ejus in suorum electorum mentibus inspirare, devotionem ac liberalitatem & oblationem easdem paterno affectu suscipimus, & plenius eas prosequimur actionibus gratiarum: ipsam nobilitatem tuam rogantes attente, quatinus hujusmodi suavitatis odorem, quem offers in domo Domini, laudabilium prosecutione operum non cesses ferventioribus continuo studiis augere; ut exinde præter divinæ retributionis præmia, apud Christi fidelium populos abundantioris tibi famæ proveniant incrementa. Ceterum paternæ caritatis affectum quem ad personam tuam gerimus, & quam grata nobis & accepta fuerint præmissa, pro parte tua nobis exposita, præfatus abbas lator præsentium viva voce plenius tibi poterit explicare. Datum Avenione v. calendas Maii anno nono.

## EPISTOLA CXVI.

Ad Rogerium de Pinibus.

*Ut Imberto filio Guichardi de Combernio militis præceptoriam Burguioni concedat.*

Dilectis filiis Rogerio de Pinibus magistro & conventui Hospitalis sancti Johannis Hierosolymitani, salutem & apostolicam benedictionem.

Nuper dilectum filium IMBERTUM natum dilecti filii nobilis viri Guischari de Combernio militis Domini de Treynsiaco ad ordinem vestrum devotionem specialem habentem fecimus cum habitu dicti vestri ordinis fratrum vestrorum consortio aggregari. Cum itaque nos Guischarum eundem propter ejus merita probitatis, & nobilitatis ipsius, & sinceræ devotionis affectum, quem ad nos & sedem apostolicam ipsum habere experientia teste didicimus, paterna benevolentia prosequamur; ac propterea dignum & congruum arbitremur benevolentiam eandem in præfatum ejus filium derivari: discretionem vestram rogamus attentius & hortamur attente, quatenus vacante ad præsens, prout accepimus, domo seu præceptoriam Burguioni Lemovicensis diocesis ordinis vestri, pro nostra & apostolicæ sedis reverentia, de eadem præfato Imberto providere velitis, per quem præceptoriam seu domus ipsa, quæ prout accepimus faciente guerrarum & temporum malitia admodum est collapsa, & potenti, qualis idem Imbertus fore dinoscitur, indiget defensore, poterit auctore Domino favorabiliter defensari: liberalitatem vestram in præmissis taliter ostensuri, quod apud nos qui hujusmodi negotium gerimus non modicum cordi nostro, & apud sedem præfatam vestra valeat commendari devotio, nosque proinde vobis teneamur ad merita gratiarum, & vos quibus in hac parte deferre volumus super hiis quæ per nos ipsos possemus agere gratiam & benevolentiam nostram

*Thesauri Anecdor. Tom. II.*

A & ejusdem sedis possitis amplius promereri, super quibus nostra non oporteat iterare precamina, sicut nec credimus expedire. Datum Avenione v. nonas Maii anno nono.

## EPISTOLA CXVII.

Ad imperatorem Romanorum.

*Votis ejus annuere se paratum.*

B **C**arissimo in Christo Romanorum imperatori semper augusto ac Bohemiæ regi illustri, salutem & apostolicam benedictionem.

Nuper tam per litteras tuas, quam per dilectum filium JOHANNEM Bambergensis & Cystenensis Ecclesiarum canonicum notarium tuum & nuncium, nonnullis, de quibus conscientiam nostram supplicando devotius prævenisti, per nos benigne admodum intellectis, brevi præsentium compendio duximus respondendum, quod in præmissis & aliis quæ tuæ magnificentiæ grata fore noverimus & accepta, tuis tamquam filii prædilecti desideramus quantum cum Deo poterimus, cum casus accesserit, votis annuere & desideriis complacere. Datum Avenione v. calendas Maii anno nono.

## EPISTOLA CXVIII.

Ad eundem.

*Declarat ei suum de repetenda Urbe desiderium, se per valetudinem liceret.*

D **P**lacida admodum & jocunda nobis fuit, inclyte Princeps & carissime fili, tuarum series litterarum, in quibus post refectam, ut asseris, suavibus deliciis mentem tuam, pro eo quod tam famæ volantis affatibus, quam nonnullorum relatione perceperas animum nostrum in ea deliberatione consistere, ut locum illum in quo gloriosissimi patres quamplurimi Romani pontifices prædecessores nostri vitæ meritis claruerunt, deberemus in brevi nostra & apostolicæ sedis præsentia visitare, nos ad ea prosequenda quæ intellexeras multiplicibus suasionibus, ex filialis, prout tenemus, indubix devotionis fonte prodeuntibus hortabaris, & demum imperialis brachii auxilium & favorem usque ad personalem comitivam per te nobis & fratribus nostris R. E. cardinalibus faciendam tam promte quam liberaliter offerebas. Equidem, carissime fili, ut jam tibi non testimoniis famæ, quæ inanibus sæpe rumoribus fallitur, sed certioribus argumentis hujusmodi negotii & desiderii tui veritas innotescat, illud excellentiam tuam volumus non latere, quod jamdudum cupivimus, & ad præsens solito magis nostræ mentis deliberatio in hoc proposito perseverat, ut locus ille sedis apostolicæ familiaris & proprius, in quo summorum apostolorum glorificatus est exitus, in quo gloriosissima corpora illa quiescunt, in quo divina disponente clementia stabile fixit fides Catholica funda-

O o o

mentum, post tot annorum decursum, nostris tandem temporibus sui præsentia præstidiis incolatur. Verum ad hujusmodi propositum juxta desiderium nostrum efficaciter prosequendum usque modo tam debilitas quam multiplex invaletudo nostri corporis & aliæ causæ quamplurimæ rationabiles obstiterunt. Dum autem rebus dispositis, & dictis causis nos ad præsens tardantibus in melius reformatis, ut tantæ rei negotio convenit, nos ad loci mutationem, auctore Domino, disponi continget: hoc indubitanter teneat tua serenitas, quod tua tamquam præcarissimi filii favores & auxilia paterna fiducia implorare curabimus juxta oblationem per te in dictis litteris magnificè ac liberaliter nobis factam, quam gratam gerentes multipliciter & acceptam, hujusmodi tuæ devotionis affectum plurimum commendamus in Domino, plenisque prosequimur actionibus gratiarum. Ceterum quia pro bono tranquillitatis & pacis nostræ & Romanæ Ecclesiæ, civitatis Bononiensis & civium suorum nostrorum & ejusdem Ecclesiæ fidelium ac partium vicinarum nostra foret præsentia plurimum opportuna, propterea in casu quo disponderemus ad partes Italiæ cum Romana curia nos conferre ad civitatem ipsam Bononiensem, priusquam ad Romanam urbem accederemus, dirigere intendimus iter nostrum. Hæc tuæ Magnitudini ita particulariter intimantes, ut in præmissis habeas per omnia mentem nostram. Datum Avenione iv. calendas Maii anno nono.

## EPISTOLA CXIX.

Ad Rodulfum ducem Austriæ.

*Ut castrum Cusani ad Concordiensem ecclesiam pertinens, & à quibusdam nobilibus detentum Guidoni episcopo restitui faciat.*

**D**ilecto filio nobili viro RODULPHO duci Austriæ, salutem & apostolicam benedictionem.

Decet tuæ nobilitatis potentiam, quam ad laudem & exaltationem bonorum & depressionem malorum à Deo, de quo omnis potestas provenit, accepisti, ut suis Ecclesiis in quibus honoratur & colitur, & illis præsertim, infra quarum limites terras habes, tuis assistas auxiliis contra malignantium pravitatem. Cum itaque prout accepimus quidam nobiles de Prambergo Aquilegiensis diocesis castrum seu fortelcium Cusani situm prope terram tuam Portus-Varonis Concordiensis diocesis ad ecclesiam Concordiensem pertinens detineant occupatum, nobilitatem tuam hortamur & rogamus attente, quatinus venerabili fratri nostro GUIDONI episcopo Concordiensi in recuperatione dicti castri favoribus opportunis assistas, ipsumque episcopum, quem eo benivolentia prosequimur speciali, quo nobis & Romanæ Ecclesiæ longo tempore noster capellanus & palatii apostolici auditor existens servivit fideliter & prudenter, in suis & Ecclesiæ suæ negotiis, in quibus ad te & officiales tuos recurrerit, ob nostram & apo-

**A**postolicæ sedis reverentiam habere velis favorabiliter commendatum: ita quod exinde à Deo meritum, & à nobis commendationis præconium uberius merearis. Datum Avenione iv. calendas Maii anno nono.

## EPISTOLA CXX.

Ad Petrum regem Aragonum.

*Ut Johanni marchioni Montis-ferrati de dote uxoris suæ curet fieri satis.*

**C**arissimo in Christo filio PETRO regi Aragonum illustri, salutem & apostolicam benedictionem.

Cum sicut tua serenitas novit, tempore contracti matrimonii inter dilectum filium nobilem virum JOHANNEM marchionem Montis-ferrati & dilectam in Christo filiam nobilem mulierem HELIZABETH infantissam Majoricarum neptem tuam, nonnullæ pecuniarum summæ eidem marchioni ratione dotis ipsius infantissæ uxoris suæ per te promissæ fuerint, & de illis nondum sibi fuerit debite satisfactum, nos marchionem ipsum propter ejus sinceræ devotionis affectum, quem ad nos & sedem apostolicam gerit, & propter impensa per eum nobis & Romanæ Ecclesiæ obsequiosa servicia, speciali benivolentia prosequimur, ac eundem apud te prout convenit fore cupimus prædilectum. Quocirca serenitatem tuam rogamus & hortamur attente, quatenus diligenter considerans quanti rigoris & constantiæ esse debeant regia promissa, & quam inviolabiliter ea deceat observari, pro nostra & sedis apostolicæ reverentia, ac honore regis dignitatis, eidem marchioni de dote præmissa mandes & facias, sine ulterioris dilationis obstaculo, plenarie satisfieri, ut ipse tibi ex devoto reddatur devotior, & ad ea quæ tibi grata & accepta fuerint, promptius animetur. Datum Avenione iv. nonas Maii anno nono.

## EPISTOLA CXXI.

Ad eundem.

*Petit libertate donari Jacobum ipsius nepotem.*

**S**æpius nostra precamina, sicut meminimus, pro liberatione dilecti filii nobilis viri JACOBI nepotis tui, nati claræ memoriæ JACOBI regis Majoricarum serenitati tuæ duximus dirigenda: quæ licet pro votis nostris & tuæ dignitatis honore non fuerint usque modo expectatum exitum consecuta; paterno tamen affectu commoti, tacere non possumus, quin eadem propensius iteremus. Siquidem, carissime fili, si memineris quod captivum detines tuum sanguinem innocentem; si attendis quanta in principibus pietas & clementia præfulgeat claritate, minime dubitamus tandem erga præfatum nepotem tuum regis benignitatis converti oculos, & ad liberationem ipsius tuum animum inclinari, serenitatem itaque eandem quo sæ-

pius eo attentius deprecamur, quatinus benigne A  
compatiens innocenti, pro nostra & apostolicæ  
sedis reverentia & tuæ decencia dignitatis, circa  
liberationem ipsius Jacobi tua se magnificentia  
exhibeat effectualiter propitiam & benignam.  
Datum *ut supra*.

## EPISTOLA CXXII.

Ad Ludovicum regem & Johannam reginam B  
Siciliæ.

*Commendat eis filium, uxorem, matrem & sororem  
Petri comitis Vici in curia Romana nuper  
defuncti.*

CARISSIMIS in Christo filiis LUDOVICO regi  
& JOHANNÆ reginæ Siciliæ illustribus  
salutem & apostolicam benedictionem.

Pridem, sicut ad notitiam vestram perve-  
nisse jam credimus, quondam PETRUS comes  
Vici suum apud Romanam curiam miserabili- C  
ter diem clausit extremum, quod eo magis  
compatiendo referimus, quo ille retroactis tem-  
poribus, prout accepimus, solebat rerum af-  
fluentia gaudere. Superest eidem, prout audivi-  
mus, unus filius parvulus JACOBUS nomine,  
vivit uxor, vivit confecta jam senio & tot or-  
bata filiis mater miserabilis, & extra regnum  
vestrum posita juvenis admodum, sine rebus &  
bonis suis quibus affluebat, hætenus errabunda  
ejusdem comitis soror, & in tantis calamita-  
tibus positæ vitam morte duriorē ducere co-  
guntur, nisi eas aliqua ex parte regia benigni-  
tas consoletur. Cum itaque inter virtutes ce-  
teras, quæ catholicos reges & principes Deo  
gratos & acceptos efficiunt, & eos apud populos  
exaltant plurimum laudabilis famæ præconiis,  
& extollunt, pietas & clementia fore præcipua  
dinoscat, illam vos erga præfatos filium,  
uxorem, matrem & sororem comitis ejusdem  
cupimus de regiæ vestræ liberalitatis abundan-  
tia misericorditer exercere. Hinc enim illius  
imitatores eritis miseratoris æterni, qui afflictos  
sublevat, miseris subvenit, & opem debiliori-  
bus subministrat. Quocirca excellentiam ve-  
stram exhortandam duximus & attentius de-  
precandam, quatenus pro nostra & apostolicæ  
sedis reverentia, erga prædictos oculos pietatis  
vestræ benignius convertentes, velitis eosdem  
commendatos suscipere, & gratiose admittere  
& admitti facere in totum vel in partem, prout  
dignum fore vestra liberalitas duxerit, bonorum  
suorum, & ipsius comitis, ac quondam fratrum  
ipsius, quæ ipsi in regno vestro dum viverent  
obtinebant: inducentes, prout ad vos pertinet,  
carissimum in Christo filium nostrum ROBER-  
TUM imperatorem Constantinopolitanum illu-  
strem, cui super hiis nostras respective litteras  
destinamus, quod prout munificentiam suam  
decer ad habendam erga prædictos pietatem  
hujusmodi, suum velit animum inclinare, &  
nonnulla bona dictorum comitis & fratrum, quæ  
per aliquos ejus domesticos & familiares jam-

*Theauri Anecdor. Tom. II.*

dudum, prout accepimus, indebite occupata  
tenentur, & super quibus inter imperatorem &  
comitem præfatos causa dum idem comes vi-  
veret in Romana curia vertebatur, prout con-  
dignum tam vobis quam sibi videbitur, restitui  
facere ac etiam liberari. Quod si ejusdem co-  
mitis fratres aut ipse etiam comes contra vos  
aut imperatorem eundem in aliquo deliquis-  
sent, velitis non ipsorum culpam attendere, sed  
considerare potius eorum qui supersunt mise-  
riam innocentum: sic vos in præmissis propi-  
tios exhibentes, quod præter æternæ retribu-  
tionis præmia, claris in mundo pietatis & cle-  
mentiae titulis fulgeatis. Datum Avenione III.  
nonas Maii anno nono.

## EPISTOLA CXXIII.

Ad Robertum imperatorem Constantino-  
politanum.

*Ejusdem argumenti.*

CARISSIMO in Christo filio ROBERTO impe-  
ratori Constantinopolitano illustri, salu-  
tem & apostolicam benedictionem.

Pridem, sicut ad tuam notitiam pervenisse  
jam credimus, quondam PETRUS comes Vici  
suum apud Romanam curiam miserabiliter diem  
clausit extremum: quod eo magis compatiendo  
referimus, quo ille retroactis temporibus, prout  
accepimus, solebat rerum affluentia gaudere. Su-  
perest eidem, prout audivimus, unus filius parvu-  
lus JACOBUS nomine, vivit uxor, vivit confecta  
jam senio & tot orbata filiis miserabilis mater, &  
extra regnum Siciliæ posita juvenis admodum,  
sine rebus & bonis suis quibus affluebat, hæte-  
nus errabunda ejusdem comitis soror: & in  
tantis calamitatibus positæ, vitam morte du-  
riorem ducere coguntur, nisi eas aliqua ex parte  
regia consoletur benignitas. Cum itaque inter  
virtutes ceteras quæ catholicos principes Deo  
gratos & acceptos efficiunt, & eos apud popu-  
los exaltant plurimum laudabilis famæ præco-  
niis & extollunt, pietas & clementia fore præ-  
cipua dinoscatur: illam te erga filium, uxorem,  
matrem & sororem comitis ejusdem cupimus  
de tuæ liberalitatis abundantia misericorditer  
exercere. Hinc enim illius imitator eris mise-  
ratoris æterni qui afflictos sublevat, miseris  
subvenit & opem debilioribus subministrat.  
Quocirca excellentiam tuam exhortandam du-  
ximus & attentius deprecandam, quatinus  
pro nostra & sedis apostolicæ reverentia erga  
prædictos tuæ pietatis oculos benigne conver-  
tens eisdem filio, matri, uxori & sorori non-  
nulla civitates, terras, castra, & bona ejusdem  
quondam comitis, ac fratrum suorum quæ ipsi  
in regno Siciliæ dum viverent obtinebant, &  
quæ occupata fuerant per certos familiares tuos  
& adhuc detinentur, prout accepimus indebite  
occupata, & super quibus inter te & comitem  
ipsum dum viveret in Romana curia causa ver-  
tebatur, totaliter vel in partem, prout tibi sua-  
serit pietas, restitui facias ac etiam liberari.

O o o ij

Quod si ejusdem comitis fratres aut comes ipse contra te seu carissimos in Christo filios nostros LUDOVICUM regem & JOHANNAM reginam Siciliæ illustres in aliquo delinquissent, velit benigna tua serenitas juxta memorabilium excellentiam principum non delinquentium culpas attendere, sed considerare eorum qui supersunt potius miseriam innocentum: sic te in præmissis exhibens propitium & benignum, quod præter æternæ retributionis præmia, condigna tibi laudum proveniant incrementa. Datum Avenione III. nonas Maii anno nono.

## EPISTOLA CXXIV.

Ad Philippum de Tarento & Mariam filiam Caroli ducis Calabriae.

*Commendat eis uxorem, matrem, filium & sororem Petri comitis Vici nuper in curia Romana defuncti.*

**D**ilecto filio nobili viro PHILIPPO DE TARENTO, & dilectæ in Christo filiae nobili mulieri MARIAE natæ quondam CAROLI ducis Calabriae, salutem & apostolicam benedictionem.

Miserabilem exitum, quo ex hac luce priorem apud Romanam curiam decessit quondam PETRUS comes Vici, eo majoris pietatis ac compassionis affectu recolentes, quo ipse, sicut accepimus, temporalibus bonis solebat hætenus affluentius abundare, carissimis in Christo filiis nostris LUDOVICO regi & JOHANNÆ reginæ Siciliæ, ac ROBERTO imperatori Constantinopolitano illustribus precamina nostra affectuose dirigimus, attente deprecantes eosdem, ut ipsi clementiam & pietatem, quæ licet in personis omnibus decora sit virtus, maxime tamen in principibus enitescit, velint in quemdam pupillum JACOBUM eidem comiti superstitem filium, ac miserabiles ipsius matrem, uxorem & sororem misericorditer exercere, in totum vel in partem bonorum suorum & ipsius comitis, & quorundam fratrum ejus, quæ ipsi in regno Siciliæ dum viverent obtinebant, benigne admittentes eosdem, super quibus quidem bonis quæ per nonnullos familiares dicti imperatoris, prout accepimus, occupata tenentur, inter præfatos imperatorem & comitem, dum in humanis ageret in Romana curia causa vertebatur. Hoc quoque præfatis precibus nostris adjecimus, quod si dictus comes aut ejus fratres dum vivebant contra præfatos regem & reginam ac imperatorem in aliquo deliquissent, non illorum malefacta considerent; sed eorum potius qui supersunt miseriam innocentum. Quocirca nobilitatem vestram rogamus attente, quatenus prædictorum ejusdem comitis filii, matris & uxoris, & sororis pie compatientes miseriis, pro nostra & apostolicæ sedis reverentia tam apud regem & reginam, quam imperatorem eosdem, ut juxta eorum magnificentiam consolentur afflictos, velitis efficaciter in-

**A**terponere partes vestras: vos in præmissis tam benigne quam favorabiliter habituri, quod pro hujusmodi vestræ compassionis affectu æternæ retributionis præmia apud miserationum Dominum reportetis. Datum Avenione III. calendas Maii anno nono.

*In eodem modo, venerabili fratri BERTRANDO archiepiscopo Neapolitano, salutem, &c. ut supra usque quocirca fraternitatem tuam requiramus & hortamur, &c. ut supra usque valeas reportare. Datum ut supra.*

*In eodem modo, dilecto filio nobili viro NICOLAEO comiti Melfiensi magno senescallo regni Siciliæ, salutem, &c. mutatis mutandis.*

*In eodem modo, dilecto filio nobili viro GOFRIDO DE MARZANO comiti Squillatii regni Siciliæ admirato, salutem, &c. mutatis mutandis, &c.*

## EPISTOLA CXXV.

Ad Ægidium episcopum Sabinensem.

*Ut Franciscus & Gabriel nati Dalphini de Flessis quædam bona vendere possint.*

**V**enerabili fratri Ægidio episcopo Sabinensi apostolicæ sedis legato, salutem & apostolicam benedictionem.

**D** Exhibita nobis pro parte dilectorum filiorum Francisci & Gabrielis natorum quondam Dalphini de Flessis civis Ferrariensis petitio continebat, quod dudum reverendæ recordationis CLEMENS papa VI. certa res & bona quæ fuerant quondam Barnabæ de Bellione civis Ferrariensis in civitate, diocesi, & districtu Ferrariensi consistentia propter nonnullos excessus per eundem Barnabam tunc contra Romanam Ecclesiam perpetratos, ad fiscalem cameram ejusdem Ecclesiæ devoluta, quorum fructus, redditus, & proventus octoginta florenorum valorem annum minime tunc temporis excedebant, Dalphino prædicto sub annuo censu unius Floreni aurei quondam OBIZONI & NICOLAEO marchionibus Estensibus, quamdiu ipsi vel alter eorum vicarii civitatis Ferrariensis pro Romana Ecclesia forent, & eorum vicariatu cessante, thesaurario provinciæ Romandiolæ, pro ipsa Romana Ecclesia, qui esset pro tempore annis singulis persolvendo; in emphitheosim perpetuam apostolica auctoritate concessit, prout in litteris dicti prædecessoris nostri confectis plenius continentur. Cum autem præfati Franciscus & Gabriel cupiant partem dictorum bonorum vendere pro certo pretio dilecto filio Philippo Gheri civi Ferrariensi, dictaque venditio fieri nequeat absque nostra & sedis apostolicæ licentia speciali, nobis humiliter supplicarunt, quatenus eisdem specialem gratiam facientes, committere & mandare in partibus alicui personæ idoneæ, quod eisdem Fran-



cisco & Gabrieli prædictam bonorum partem vendendi, & præfato Philippo illam libere emendi licentiam auctoritate nostra concedere valeat, & partem remanentem ipsis vendentibus confirmare, seu de novo concedere pro ipsis & eorum filiis heredibus in emphiteosim perpetuam de benignitate apostolica dignemur, per te vendentium dictorum Francisci & Gabrielis sub annuo censu unius floreni anni, & alia parte dicti Philippi ementis sub simili censu in emphiteosim perpetuam remanente annis singulis, prout nostro videretur arbitrio, perfolvendo. Nos igitur Francisci & Gabrielis prædictorum supplicationibus inclinati, fraternitati tuæ de qua in hiis & aliis plenam in Domino fiduciam obtinemus concedendi auctoritate nostra eisdem, quod bonorum prædictorum partem vendere valeant, ac aliam partem eis remanentem confirmandi, seu de novo concedendi eisdem in emphiteosim perpetuam, pro ipsis & eorum filiis & heredibus sub annuo censu unius floreni auri annis singulis dilectis filiis nobilibus viris ALDEBRANDINO, NICOLAO, HUGONI, & ALBERTO marchionibus Estensibus, dictæ civitatis Ferrariensis pro nobis & Ecclesia Romana vicariis, quamdiu ipsi vel quivis ex eis in huiusmodi vicariatus officio fuerint, & ipsorum vicariatu cessante, thesaurario dictæ provincie Romandiolæ, qui erit pro tempore, annis singulis perfolvendo; ac concedendi dicto Philippo quod dictam bonorum partem emere valeat, & ipsam in emphiteosim perpetuam tenere pro se suisque heredibus; ita tamen quod ipse ratione dictorum bonorum emtorum per eum florenum unum pro censu annuo modo & personis prædictis annis singulisolvere teneatur, si de præmissis tibi constiterit, & alias convenire videris, plenam & liberam concedimus tenore præsentium facultatem. Datum Avenione III. nonas Maii anno nono.

## EPISTOLA CXXVI.

Ad Johannem Delfinum ducem, consilium & commune Venetiarum.

*Permittit eis sex galeas mercibus onustas Alexandriam, & in terras Soldano Babiloniæ subjectas transvehere.*

Dilectis filiis nobili viro JOHANNI DELFINO duci, consilio, & communi Venetiarum, salutem & apostolicam benedictionem.

Devotionis vestræ sinceritas, quam ad nos & Romanam Ecclesiam geritis, promeretur, ut vobis in hiis quæ universitatis vestræ commodum respiciunt, reddamur de apostolicæ sedis munificentia liberales. Vestris itaque supplicationibus inclinati, vobis conducere faciendi sex galeas cum nautis & aliis personis ad ipsarum galearum regimen opportunis mercimoniis, exceptis ferro lignaminibus & aliis de jure communi prohibitis, oneratas, & cum mercatoribus dictorum mercimoniorum ad Alexandriæ ac alias partes & terras ultra-marinas, quæ

A per Soldanum Babiloniæ detinentur, easque mercimoniis onustas de partibus ejusdem reduci faciendi, simul vel divisim singulas videlicet earum quatuor vicibus dumtaxat, non obstantibus quibuscumque constitutionibus, prohibitionibus, & processibus apostolicis spirituales & temporales pœnas, multas, & sententias promulgatas in transferentes cum mercibus ad partes easdem continentibus, seu revocationibus olim per nos super omnibus & singulis concessionibus seu gratiis aut commissionibus de conducendis, seu conducere faciendis navibus, galeis & aliis vasibus maritimis, ad partes prædictas, eisque de illis partibus mercibus onustis reducendis seu reduci faciendis, per se vel alium seu alios, quomodolibet, quibuscumque personis cujuscumque conditionis seu status existerent, sub quacumque forma vel expressione verborum, à Romanis pontificibus prædecessoribus nostris seu à nobis habitis, factis seu concessis, facta auctoritate apostolica de speciali gratia plenam & liberam licentiam elargimus. Volumus autem quod ille vel illi cujus seu quorum sumtibus galeæ huiusmodi onerabuntur, & ad partes conducentur easdem, quod in præmissis vel eorum aliquo nullam omnino fraudem committet seu committent, nec patietur, seu patientur, quantum in eo vel in eis fuerit committi præstet, seu præstent in manibus diocesano-  
C  
D  
rum locorum, in quibus galeæ prædictæ onerabuntur, ad sancta Dei evangelia corporaliter juramentum, alioquin huiusmodi concessionem haberi volumus pro non facta, super cujus quidem juramenti præstatione diocesani prædicti duo confici faciant publica instrumenta, quorum alterum cameræ nostræ destinare studeant, penes se reliquo reservato. Nulli ergo, &c. Datum Avenione III. nonas Maii anno nono.

## EPISTOLA CXXVII.

Ad Ferdinandum de Eredia castellanum Empostæ.

*Constituit eum gubernatorem & reformatorem comitatus Venayfni.*

Dilecto filio JOHANNI FERDINANDO de Eredia castellano Empostæ, Hospitalis sancti Johannis Hierosolymitani Dertusensis diocesis, comitatus nostri Venayfni, ac terrarum, castrorum, villarum, & locorum Avenionensis diocesis ad episcopatum Avenionensem spectantium in temporalibus pro nobis & Romana Ecclesia gubernatori ac reformatori generali, salutem & apostolicam benedictionem.

Quantum nobis ex alto permittitur, terrarum omnium nobis & Ecclesiæ Romanæ, cui auctore Domino præsidemus, immediate subjectarum curam gerimus vigilem & solertem; sed ad statum comitatus Venayfni, ac terrarum, castrorum, villarum, & locorum Avenionensis diocesis ad episcopatum Avenionensem spectantium, præstante Domino, prospere dirigendum, eo nobis amplius instantia sollicitudinis quotidianæ perurget, quo id præsens conditio

temporum plus requirit. Attendentes igitur magnæ circumspeditionis ac strenuitatis aliarumque in te vigentium dona virtutum, & quod tu gubernationes & regimina, quibus hætenus præfuiſti utiliter, laudabiliter exercuiſti, ac proinde sperantes, quod sub providi regiminis tui cura comitatus, terræ, castra, villæ, & loca prædicta, eorumque incolæ regentur utiliter, & prospere dirigentur, gubernationem & reformationem eorundem, ulque ad nostrum beneplacitum apostolica tibi auctoritate in temporalibus committimus, teque gubernatorem & reformatorem generalem in temporalibus deputamus, tibi protegendî, deffendendi, regendi, gubernandi, disponendi, ordinandi, statuendi, præcipiendi, corrigendi, puniendi, diffiniendi, cognoscendi & exercendi, ac exequendi, contradictores quoque & rebelles quoslibet quotiens expedierit temporali districtione appellatione postposita compescendi, & omnia alia & singula in eis faciendi, quæ circa gubernationem, reformationem & regimen, ac conservationem, & defensionem, custodiam, & tutelam comitatus, terrarum, castrorum, villarum, & locorum prædictorum necessaria & opportuna fore videris, prout honori nostro & ecclesiæ memoratæ ac utilitati & prospero statui existentium in eisdem cognoveris expedire, auctoritate præsentium, potestatem plenariam, generalem & liberam concedentes. Discretionem itaque tuam hortamur in Domino, quatinus officium gubernationis & reformationis huiusmodi suscipiens reverenter, sic illud diligenter & fideliter studeas exercere quod inde optatus sequatur effectus, tuque præter divinæ retributionis mercedem, nostram & ejusdem sedis gratiam uberius merearis; mandantes dilectis filiis capitaneo & rectori dicti comitatus & aliis officialibus & subditis nostris quibuscumque in dictis comitatu, & terris, villis & locis existentibus, quos omnes & singulos tibi subesse volumus; ut tibi tamquam eorum superiori in hiis quæ ad dictorum gubernationis ac reformationis spectant officium, pareant efficaciter, & intendant, non obstantibus quibuscumque privilegiis, indulgentiis & litteris apostolicis generalibus, vel specialibus quorumcumque tenorum existant quibuscumque personis, cujuscumque conditionis, gradus, ordinis, vel dignitatis existant, & comitatibus, universitatibus, & locis ab eadem sede concessis, per quæ præsentibus non expressa vel totaliter non inserta huiusmodi tuæ gubernationis & reformationis officium posset quomodolibet impediri, & de quibus quorumque totis tenoribus habenda sit in nostris litteris mentio specialis. Datum Avenione VII. Idus Maii anno nono.

## EPISTOLA CXXVIII.

Ad Johannem Delphinum, consilium & commune Venetiarum.

*Eorum annuit petitionibus.*

Dilectis filiis nobili viro JOHANNI DELPHINO, consilio & communi Venetiarum,

salutem & apostolicam benedictionem.

Petitionibus vestris nuper, per dilectum filium Rafunium de Caraisinis civem ac nuncium vestrum, latorem præsentium, diligenter expositis, licet menti nostræ non parum graves & arduæ redderentur: attento tamen sinceræ vestræ devotionis affectu, quem ad nos & sedem apostolicam geritis, benigne annuendum duximus, prout in nostris exinde confectis litteris contineri videbitis, & ab eodem Rafunio tam super hiis, quam super nonnullis aliis negotiis pro parte nostra vobis vivæ vocis oraculo exponendis, informationem habere poteritis plenior: super quibus quidem exponendis ita se favorabilem & benignam exhibere velit eadem vestra devotio, quod præter divinæ retributionis merita, nos & sedem præfatam reddere valeatis ad annuendum votis vestris continuo promptiores. Datum Avenione VII. Idus Maii anno nono.

## EPISTOLA CXXIX.

Ad Ludovicum regem & Johannam reginam Siciliæ.

*Geraldum ab apostolica sede institutum archiepiscopum Beneventanum eis commendat.*

Carissimis in Christo filiis LUDOVICO regi & JOHANNÆ reginæ Siciliæ illustribus, salutem & apostolicam benedictionem.

Pridem ad ecclesiam Beneventanam tunc vacantem nostræ mentis oculos convertentes, ac desiderantes eidem Ecclesiæ idoneam secundum cor nostrum præsidere personam, & attendentes clara scientiæ, probitatis & virtutum merita venerabilis fratris nostri GERALDI archiepiscopi Beneventani familiari experientia nobis nota, & proinde sperantes indubie Ecclesiam ipsam per eum utiliter dirigi, & salubriter gubernari, eidem ecclesiæ de persona ipsius duximus providendum, præficiendo eum ipsi ecclesiæ in archiepiscopum & pastorem. Cum itaque idem archiepiscopus commissum ei pastoralis curæ officium impleturus ad præfatam Ecclesiam se ducat de beneplacito nostro præsentialiter conferendum, nos eum dem pro meritis suis & impensis per eum Ecclesiæ Romanæ, cui auctore Domino præsidemus, diuturnis & gratis obsequiis, in quibus multas subiit sollicitudines & labores, favore apostolico prosequentes, serenitatem vestram rogamus & hortamur attente, quatinus archiepiscopum & ecclesiam memoratos, pro divinæ majestatis reverentia, nostræ interventionis obtentu, ac vestri consideratione honoris, habere velitis propense & efficaciter commendatos: sic eidem archiepiscopo, ejusque officialibus & ministris vestris opportunis favoribus, gratisque auxiliis assistatis, quod ipse commissi sibi dominici gregis custodiam utiliter ac salubriter exequatur. Et nos qui ex speciali caritate, qua ad præfatam ecclesiam afficimur, ac affectu præcipuo quo archiepiscopum ipsum prosequimur, propter

merita sua hujusmodi & impensa per eum nobis & præfatæ Romanæ Ecclesiæ & grata accepta servitia, id admodum gratum habebimus, vobis ad gratiarum merita propensius teneamur. Datum Avenione vii. Idus Maii anno nono.

*In eodem modo*, carissimo in Christo filio ROBERTO imperatori Constantinopolitano illustri, salutem, &c. *mutatis mutandis, &c.*

*In eodem modo*, dilecto filio nobili viro PHILIPPO DE TARENTO, salutem, &c. *mutatis mutandis.*

### EPISTOLA CXXX.

Ad Nicolaum comitem Melfiensem.

**I***n eodem modo*, dilecto filio nobili viro NICOLAEO comiti Melfiensi magno fenescallo regni Siciliae, salutem, &c. *ut in prima mutatis mutandis usque* prosequentes: nobilitatem tuam rogamus & hortamur attente, quatinus archiepiscopum & ecclesiam memoratos habens pro nostra & apostolicæ sedis reverentia propense ac efficaciter commendatos, sic eidem archiepiscopo ejusque officialibus & ministris in hiis in quibus conservandis & ampliandis juribus ejusdem Ecclesiæ nobilitatem eandem requirendam duxerit, tam penes carissimos in Christo filios nostros LUDOVICUM regem & JOHANNAM reginam Siciliae illustres, quam per te ipsum faveas & assistas, quod nos qui hoc ex causis pluribus, & ea præcipue qua eundem archiepiscopum propter merita sua hujusmodi caritate prosequimur, admodum gratum habebimus, tibi provide ad gratiarum merita propensius teneamur.

*In eodem modo*, dilecto filio nobili viro GOFRIDO DE MAXIANO comiti Squillatii regni Siciliae admirato, salutem, &c.

*In eodem modo*, venerabili fratri BERTRANDO archiepiscopo Neapolitano, salutem, &c. *mutatis mutandis.*

*In eodem modo*, dilecto filio nobili viro NEAPOLIONI de filiis Urbi comiti Manupelli, salutem, &c.

*In eodem modo*, dilecto filio nobili viro NICOLAEO de filiis Urbi comiti Nolano, salutem, &c.

*In eodem modo*, dilecto filio nobili viro RAYMUNDO DE BAUCIO comiti Spoleti magno regni Siciliae camerario, salutem, &c.



### EPISTOLA CXXXI.

Ad Geraldum archiepiscopum Beneventanum.

*Contra eos qui regni Siciliae & terrarum citra Farum pacem turbarent.*

**V**enerabili fratri GERALDO archiepiscopo Beneventano apostolicæ sedis nuntio, salutem & apostolicam benedictionem.

Ad statum pacificum & tranquillum regni Siciliae & terrarum citra Farum, quæ jure superioris domini ad Romanam Ecclesiam pertinere noscuntur, ac incolarum & habitatorum illorum paternis studiis intendentes, ad obvian- dum eorum dispendiis ac damnis, injuriis, ac jacturis libenter nostræ sollicitudinis studium impertimus. Sane dudum felicitis recordationis CLEMENS papa v. prædecessor noster tuitioni & conservationi regni & terrarum prædictarum prospicere cupiens, universis & singulis clericis, & laicis, cujuscumque conditionis, status, ordinis, dignitatis vel præminentiae forent, etiam si pontificali vel imperiali seu regali, vel quavis alia dignitate fulgerent, universitatibus quoque, communitatibus & civitatibus quibuscumque, apostolica auctoritate, prohibuit & mandavit expresse, ne regnum vel terras prædicta seu partem vel aliqua loca ipsorum aut alterius eorum per terram, sive per mare quovis colore quæsito invadere vel offendere, seu propter hæc recipere, seu exhibere stipendia sive galeas, vel alia vasa maritima dare, locare, commodare, aut titulo quocumque concedere, seu remigare in eis quovis modo præsumerent, aut super hiis præsumtoribus ipsis præstarent publice vel occulte, directe vel indirecte, consilium, auxilium, vel favorem, & in omnes & singulos, qui contra inhibitionem & mandatum hujusmodi venire præsumerent; etiam si, ut prædicitur, pontificali, aut imperiali, seu regali, vel quavis dignitate alia præminerent, de fratrum suorum consilio excommunicationis, quam eo ipso incurrerent, sententiam promulgavit, ipsorumque terras & loca, nec non communitates & universitates ac civitates contra præmissa, vel præmissorum aliquod attentantes ecclesiastico interdicto subjecit. Ac deinde piæ memoriæ JOHANNES papa xxii. prædecessor noster & ejusdem Clementis successor, conservationem dictorum regni & terrarum affectans, universis & singulis tam clericis, quam laicis, cujuscumque status, ordinis, conditionis, præminentiae, vel dignitatis existerent, etiam si pontificali, vel imperiali, seu regali, aut quacumque alia dignitate præminerent, ac universitatibus & communitatibus & populis communitatum, civitatum, terrarum, castrorum, & aliorum quorumcumque locorum, ubicumque consistentium, auctoritate apostolica districtius inhibuit & mandavit expresse, ne per se vel alios dictum regnum Siciliae, seu præfatam terram citra Farum & insulas adjacentes eidem, vel homines consistentes in eisdem, sive aliquos ex eis, seu partem ipsorum regni & terræ aut insularum, vel aliqua

ipforum, vel alterius eorumdem loca per terram vel mare, impugnare, offendere, molestare, turbare, vel invadere quovis modo aut injurias, damna, violentias, rapinas, aut damnificationes seu spolia, vel incendia seu conculcando, vel comburendo segetes eorumdem aut ruinas, seu quascumque fructiferas arbores incidendo, seu etiam devastando, vel quocumque alio modo seu damnificationis genere damnificare præsumerent, ac propter hoc recipere vel exhibere stipendia, seu galeas, vel alia vasa maritima dare, locare, commodare, aut titulo quocumque concedere, seu etiam remigare in eis, vel eisdem galeis aut vasis præsidere, vel præbere ducatum vel curam gerere, seu gubernationem vel custodiam eorumdem, vel aliud quomodolibet in eis ministerium exercere præsumerent, sive præstare super hiis præsumptibus ipsis per se vel alium seu alios, directe vel indirecte, publice vel occulte, consilium, auxilium, vel favorem, ac in omnes & singulos contra inhibitionem & mandatum hujusmodi venire, aut attentare per se vel alios præsumentes, tam clericos vel laicos, etiam si, ut prædicatur, pontificali, aut imperiali, sive regali, vel quavis alia dignitate præminerent, de fratrum suorum consilio præter sententias supradictas, excommunicationis, quam eo ipso incurrerent, sententiam promulgavit: ipforumque terras, & quoslibet alios, universitates, communitates, & populos, civitates, castra, loca, contra præmissa vel præmissorum aliquid attentantes subjecit ecclesiastico interdicto, & eos & eorum singulos omnibus privilegiis, indulgentiis, libertatibus, gratiis, & immunitatibus realibus & personalibus ab eadem ecclesia, vel imperio Romano, cujus gubernatio & administratio atque cura in instanti tunc tempore dum imperatoris careret regimine, ad ipsum JOHANNEM plene dinoscebatur pertinere, concessis eisdem, necnon feudorum, honorum, officiorum & jurium, quæ ab ecclesia vel imperio prædictis obtinerent, de fratrum prædictorum consilio, eadem auctoritate privavit; & eos ad illa & similia, & quælibet alia, ipforumque filios & nepotes ad quælibet beneficia ecclesiastica, dignitates, personatus, & officia cum cura vel etiam sine cura obtinenda, auctoritate quorumcumque usque ad tertiam generationem exclusive reddidit inhabiles & indignos. Cum autem, sicut ad nostrum non sine mentis turbatione rumor implacitus perduxit auditum, nonnulli viri nefarii regnum & terram prædicta hostiliter impugnare, prædari, ignis incendio concremare, depopulari, & destruere, ipsamque ac eorum incolas & habitatores magnis damnis & injuriis personalibus & realibus afficere præsumserint hactenus, & continue præsumere minime vereantur, pœnas & sententias prædictas damnabiliter incurrentes. Nos prædictorum improborum nequitias reprimere cupientes, fraternitati tuæ per apostolica scripta mandamus, quatinus per te vel alium seu alios, cum super hoc fueris requisitus, processum ipsum in ecclesiis & locis regni & terræ prædictorum, & aliis de quibus

A tibi expedire videbitur, singulis diebus Dominicis & festivis publicans & exponens intelligibiliter in vulgari eosdem viros nefarios & alios omnes & singulos tam clericos quam laicos, cujuscumque status, ordinis vel conditionis, præminentiae vel dignitatis existant, etiam si pontificali vel imperiali seu regali aut quavis alia præfulgeant dignitate; necnon universitates, communitates & populos civitatum, terrarum, castrorum & aliorum quorumcumque locorum ubicumque existentium, qui contra inhibitionem & mandatum dictorum prædecessorum nostrorum per se vel alios regnum & terram citra Farum prædicta, & insulas adjacentes eisdem, vel homines consistentes intra regnum, terram & insulas supradicta, sive aliqua ex eis seu partem ipforum regni & terræ aut incolarum vel aliqua ipforum vel alterius eorumdem loca per terram vel per mare impugnare, offendere, molestare, turbare, vel invadere quovis modo, aut injurias, damna, violentias, rapinas, aut deprædationes, seu spolia vel incendia, sive secando, vel metendo, seu conculcando, aut comburendo segetes eorumdem, aut vineas, seu quascumque fructiferas arbores incidendo, seu etiam devastando, vel quocumque alio genere damnificationis, seu quovis alio modo damnificare, aut propter hoc recipere vel exhibere stipendia, sive galeas, vel alia vasa maritima dare, locare, commodare aut titulo quocumque concedere seu remigare in eis, vel eisdem galeis aut vasis præsidere, vel præbere ducatum, vel curam gerere vel gubernationem vel custodiam eorumdem, aut aliud quodcumque in eis ministerium exercere præsumserint seu præsumserunt, sive præsumptibus ipsis super hiis præstare per se vel alium seu alios, directe vel indirecte, publice vel occulte, consilium, auxilium, vel favorem tentaverunt, illos videlicet de quibus tibi constiterit, ac etiam eorum terras & loca, ac filios & nepotes usque ad tertiam generationem exclusive nominatim expressos, alios vero generaliter in pœnas & sententias in prædictis processibus contra eos per dictos Clementem & Johannem prædecessores promulgatos publice denuncies incidisse. Datum Avenione VII. Idus Maii anno nono.

## EPISTOLA CXXXII.

Ad Beneventanum, Neapolitanum & Salernitanum archiepiscopos.

*Ut inquirent de vita & moribus Flagellatorum.*

Venerabilibus fratribus GERALDO Beneventano, BERTRANDO Neapolitano, & C. Salernitano archiepiscopis, eorumque suffraganeis, salutem & apostolicam benedictionem.

Pervenit ad audientiam nostram quod in nonnullis regni Siciliae partibus & terris citra Farum noviter insurrexerunt quidam diversarum congregationum, quæ societates Flagellatorum vulgariter appellantur, qui sub prætextu honestatis,

statis, seu cujusdam austeritatis vitæ, maligno A seduci spiritu, qui se novit sæpius, ut quos odit cautius fallat, in lucis angelum transformare, in errores varios devenerunt. Nos igitur attendentes quanta sit calliditas illius hostis humani generis, qui nonnumquam Christi fideles sub velamento honestatis illaqueat, ac propterea volentes animarum periculis ab ipsis principiis obviare, ne forte talium congregationum nimis excreceret neglecta contagio, fraternitati vestræ committimus & mandamus, quatinus per vos vel alium seu alios Deum timentes & providos, super vita & moribus prædictorum diligentius inquirentes, si inveneritis ita esse per vestras litteras conscientiam nostram studeatis quantocius informare, ut super eorum defectibus per vos valeat de opportuno remedio provideri, quod si eosdem inveneritis in vitæ & morum honestate persistere, eos ad perseverandum in bonis operibus vestris exhortationibus animetis. Datum Avenione VII. Idus Maii anno nono.

## EPISTOLA CXXXIII.

Ad Geraldum archiepiscopum Beneventanum.

*Facultatem ei tribuit usurpata ab ecclesiis & monasteriis Sicilia bona recuperandi.*

Venerabili fratri GERALDO archiepiscopo Beneventano apostolicæ sedis nuncio, salutem & apostolicam benedictionem.

Cum, sicut accepimus, quidam tam clerici, quam laici certa bona immobilia nonnullorum ecclesiarum & monasteriorum in regno Sicilia consistentia per ipsorum ecclesiarum & monasteriorum prælatos & rectores minus diligentes & providos alienata indebite occupaverint, & adhuc contra Deum & iustitiam detineant occupata. Nos indemnitati ecclesiarum & monasteriorum ipsorum de opportuno providere volentes remedio, fraternitati tuæ, de qua in hiis & aliis fiduciam gerimus in Domino singularem, recuperandi bona prædicta de huiusmodi occupantium manibus, & ea in jus & proprietatem dictorum ecclesiarum & monasteriorum à quibus alienata fuerunt revocandi, ac de fructibus per occupatores bonorum ipsorum perceptis, componendi pro subventionem nostræ cameræ cum occupatoribus seu detentoribus ipsis, & quittandi ac liberandi eosdem eorumdemque heredes & successores de fructibus ipsis, contradictores quoque auctoritate apostolica appellatione postposita compescendi plenam concedimus tenore præsentium facultatem. Datum Avenione VII. Idus Maii anno nono.



## EPISTOLA CXXXIV.

Ad Petrum regem Castellæ & Legionis.

*Commendat ei Bartholomæum de Carpineto.*

Carissimo in Christo filio PETRO regi Castellæ & Legionis illustri, salutem & apostolicam benedictionem.

Licet personas singulas cupiamus in suis juribus regii favoris præsidio confoveri, illas tamen excellentiæ tuæ fore præcipue commendatas optamus, quæ nostris & apostolicæ cameræ continuo invigilare obsequiis, & indefinenter intendunt. Cum itaque dilectus filius magister BARTHOLOMÆUS DE CARPINETO litterarum apostolicarum scriptor secretarius, canonicatum, & præbendam, ac præstimoniam, & præstimonialia portiones in ecclesia, civitate & diocesi Astoricensi jamdudum obtinere nescatur, & nonnulli fictis prætensis occasionibus fructus eorumdem canonicatus & præbendæ ac præstimoniorum & præstimonialium portionum indebite perceperint, ipseque Bartholomæus fructus eosdem propterea percipere non poterit nec habere, in grave suum præjudicium atque damnum. Serenitatem tuam rogamus attente, quatenus pro nostra & apostolicæ sedis reverentia eundem Bartholomæum de regie liberalitatis more suscipiens in suis agendis negotiis benignius commendatum, circa recuperandos fructus, redditus & proventus huiusmodi de occupantium manibus regia sibi præstari mandes & facias auxilia & favores, ut ipse excellentiæ tuæ fultus præsidii, & occupata recuperet, & in futurum valeat dictorum canonicatus & præbendæ ac præstimoniorum & præstimonialium portionum fructibus, redditibus & proventibus pacifice gaudere, eundem præter hoc circa assequendam possessionem liberam & pacificam quorundam canonicatus & præbendæ ac præstimoniorum & præstimonialium portionum, quos ipse vigore litterarum apostolicarum in ecclesia Legionensi, prout pridem accepimus, acceperat, excellentiæ præfatæ efficaciter commendantes. Datum Avenione Idus Maii anno nono.

## EPISTOLA CXXXV.

Ad Ferdinandum episcopum Astoricensem.

*Ut Bartholomæum de Carpineto fructibus sui canonicatus gaudere faciat.*

Venerabili fratri FERDINANDO episcopo Astoricensi, salutem & apostolicam benedictionem.

Nuper non sine admiratione fide digna relatione percepimus, quod tam per te seu aliquos tuos officiales de mandato tuo, quam nonnullos ex dilectis filiis capitulo Astoricensi, fructus, redditus, & proventus, canonicatus & præbendæ ac præstimoniorum & præstimonialium portionum, quos dilectus filius Magister BARTHOLOMÆUS DE CARPINETO litterarum apostolicarum scri-



ptor secretarius in ecclesia Astoricensi obtinere A  
 dinoscitur, indebite occupati fuerunt, & recipiuntur continuo, ac indebite occupantur in ipsius Bartholomæi incommodum non modicum atque damnum. Cum itaque conveniat dignitati tuæ clericos, in tua ecclesia præbendatos, & eos præcipue, qui nostris & apostolicæ cameræ continue non sine multis laboribus intendunt obsequiis, non tantum in eorum percipiendis juribus non offendere, sed illos potius ab offendentibus defensare, fraternitatem tuam requirimus & hortamur attente, quatenus Bartholomæum eundem ad partes ipsas sese personaliter conferentem, pro nostra & apostolicæ sedis reverentia, suscipiens favorabiliter & efficaciter commendatum, de suis bonis juribus tam per te quam per quoscumque alios perceptis, ac per eum percipiendis in futurum mandes, & facias integre responderi: ea te in præmissis efficacia habiturus, quod idem Bartholomæus hujusmodi nostras litteras sibi sentiens efficaces, cum ad nostram redierit præsentiam, tuam valeat diligentiam in præmissis coram nobis non immerito commendare, nosque super hiis de alio providere remedio pro suæ favore justitiæ non sit opus. Datum *ut supra*.

## EPISTOLA CXXXVI.

Ad Augerium de Oslerano abbatem sæcularem  
 S. Marcelli Legionensis.

*Commendat ei Bartholomæum de Carpineto.*

**D**ilecto filio AUGERIO DE OSLERANO abbati sæcularis ecclesiæ sancti Marcelli Legionensis apostolicæ sedis nuncio, salutem & apostolicam benedictionem.

Cum dilectus filius Magister Bartholomæus de Carpineto canonicus Astoricensis & Legionensis ecclesiarum, ac litterarum apostolicarum scriptor secretarius, lator præsentium, pro certis suis negotiis tam in Astoricensi quam in Legionensi ecclesiis exequendis, prout nobis idem exposuit, ad partes ipsas se conferat, discretioni tuæ in hiis in quibus ad tua recurrerit præsidia, efficaciter commendamus eundem, ut in suis prosequendis negotiis tuis eidem efficaciter assistas favoribus & auxiliis opportunis. Sic igitur eum benigne suscipias, quod ipse de suorum prosecutione jurium, tuis intervenientibus præsidiis, votivum se gaudeat redditum reportare, & apud nos & sedem apostolicam, cum ad nostram redierit præsentiam, tuam valeat diligentiam non immerito commendare. Datum Avenione Idus Maii anno nono.

*In eodem modo*, dilecto filio Martino Taufiæ Scolastico Ecclesiæ Legionensis, salutem & apostolicam benedictionem.



## EPISTOLA CXXXVII.

Ad Guidonem episcopum Portuensensem.

*Ejusdem argumenti.*

**V**enerabili fratri GUIDONI episcopo Portuensi apostolicæ sedis legato, salutem & apostolicam benedictionem.

Cum dilectus filius magister Bartholomæus de Carpineto canonicus Astoricensis, ac litterarum apostolicarum scriptor secretarius ad nonnullas Hispaniæ partes, prout ipse nobis exposuit, pro certis ibidem suis negotiis prosequendis præsentialiter se conferat. Fraternitatem tuam hortamur attente, quatenus eundem in nostris & apostolicæ cameræ obsequiis jamdudum sollicitè ac fideliter laborantem commendatum suscipiens, in dictis negotiis dum ad tui favoris præsidia duxerit recurrendum, tam penes carissimum in Christo filium nostrum PETRUM regem Castellæ & Legionis illustrem, quam alias, prout expedire videris, eidem te exhibeas favorabilem & benignum. Datum *ut supra*.

## EPISTOLA CXXXVIII.

Ad capitulum ecclesiæ Astoricensis.

*Ut Bartholomæum de Carpineto fructibus suæ præbendæ gaudere faciant.*

**D**ilectis filiis capitulo ecclesiæ Astoricensis, salutem & apostolicam benedictionem.

Pridem non sine admiratione percepimus, quod tam per vos quam per nonnullas personas alias fructus, redditus & proventus canonicatus & præbendæ ac præstimoniorum & præstimonialium portionum, quos dilectus filius magister BARTHOLOMÆUS DE CARPINETO litterarum apostolicarum scriptor secretarius, lator præsentium in ecclesia Astoricensi obtinere dinoscitur, receperunt indebite ac etiam occuparunt, & recipere & occupare continuo non desistunt in ejusdem magistri Bartholomæi grave incommodum atque damnum. Cum itaque latere non debeat, ipsum magistrum Bartholomæum nostris & apostolicæ cameræ intendere obsequiis, & ex eo non tantum conveniat sibi de suis respondere juribus, sed amplioribus favoribus confoveri: discretionem vestram hortamur attente, quatinus sublatis quibuscumque fictis causis, quæ per vos & personas prædictas, ut accepimus, prætenduntur, eidem magistro Bartholomæo de perceptis per vos seu aliquem vestrum dictis fructibus, redditibus & proventibus absque dilationis obstaculo satisfaciatis ad plenum, & in percipiendis de cetero, ac in suis peragendis negotiis vestra eidem efficaciter præstetis auxilia & favores: circa præmissa vestram obedientiam ea promptitudine ostensuri, quod idem Bartholomæus hujusmodi nostras litteras sibi sentiens efficaces, cum ad nostram redierit præsentiam, vestram valeat diligentiam in præmissis coram nobis non immerito commendare,

nosque super hoc non oporteat de alio remedio providere. Datum Avenione Idibus Maii anno nono.

### EPISTOLA CXXXIX.

Ad capitulum ecclesiæ Legionensis.

*Bartholomæum de Carpineto eis commendat.*

**D**ilectis filiis capitulo ecclesiæ Legionensis, salutem & apostolicam benedictionem.

Cum, sicut accepimus & vobis fore non ambigimus manifestum, dudum dilectus filius magister BARTHOLOMÆUS DE CARPINETO litterarum apostolicarum scriptor secretarius, lator præsentium vigore nonnullarum litterarum apostolicarum concessarum eidem, certa canonicatum & præbendam ac præstimoniam & præstimoniales portiones in ecclesia, civitate & diocesi Legionensi tunc certo modo vacantia duxerit acceptanda. Nos licet personas quaslibet, eas tamen quæ nostris & apostolicæ cameræ continuo intendunt obsequiis, opportunis confoveri favoribus cupientes, discretionis vestræ eundem magistrum Bartholomæum efficaciter commendamus, ut ipse vestris mediantibus auxiliis & favoribus, eorumdem canonicatus & præbendæ & præstimoniorum ac præstimonialium portionum, remotis impedimentis quibuslibet, eorumque fructibus, redditibus, & proventibus valeat pacifice gaudere. Sic igitur benigne suscipiatis eundem, quod ipse fructum ex huiusmodi apostolicis commendationibus reportare se gaudeat, & apud nos & sedem apostolicam cum ad nostram redierit præsentiam, vestram valeat diligentiam in præmissis non immerito commendare, nosque super hoc non oporteat de alio remedio providere. Datum *ut supra*.

### EPISTOLA CXL.

Ad Cantuariensem archiepiscopum & ejus suffraganeos.

*Petit ab eis decimas omnium beneficiorum Angliæ per duos annos ad subveniendum ecclesiæ necessitatibus.*

**V**enerabilibus fratribus archiepiscopo Cantuariensi ejusque suffraganeis, salutem & apostolicam benedictionem.

Inter multiplices, quibus assidue premimur, sollicitudinis nostræ curas, graviaque onera nostris incumbentium humeris agendorum, illud angit potissime nostram mentem, ut Romanam Ecclesiam, cui quamquam immeriti, permittente Deo, præsidemus, ejusque jura contra perversorum quorumlibet tueamur audaciam, ac quorumcumque statum pacificum & quietum Romanæ curiæ & incolarum ejus quomodo libet perturbantium præsumtuosam reprimamus insaniam, & imminentibus eidem ecclesiæ necessitatibus utiliter consulamus. Cum itaque

*Theauri Anecd. Tom. II.*

**A** nonnullæ terræ & quædam alia bona & jura ad præfatam Ecclesiam in Italiæ partibus immediate spectantia per certos ipsius ecclesiæ rebelles & hostes nequiter impugnentur, & præter hoc mala quæ in circumstantibus ipsam curiam partibus perveniunt taceamus, nonnulli iniquitatis filii & perditionis alumni in societates, immo perversitates varias congregati, ad turbationem quietis & pacis populorum Christi fidelium insurrexerunt, & in eam devenerunt temeritatis insaniam, ut per terras & loca nostri & ipsius Ecclesiæ, comitatus Venayfini discurrere, & prædas ac rapinas in illis facere, & quædam ex illis hostiliter occupare, & quod magis stupendum est, præfatam curiam, & degentes in ea multiplicibus non vereantur injuriis perturbare, in divinæ majestatis offensam, & apostolicæ sedis contemptum ac enorme damnum & scandalum plurimorum; nosque ad defensionem terrarum, bonorum & jurium, & depressionem rebellium & hostium, ac malignantium prædictorum, ac defensionem & pacem dictæ curiæ & habitantium in eadem, prout ex debito tenemur pastoralis officii, jugiter, quantum possumus intendamus, & ad ea facilius & felicius exequenda, quæ magnum exigunt profluvium expensarum, quibus faciente temporum malitia camera nostra respondere non potest præsentialiter, ut solebat, vestrum sit nobis & eidem ecclesiæ subsidium opportunum. Nos deliberatione super hiis cum fratribus nostris S. R. E. cardinalibus post rehabita diligenti, decimam omnium reddituum & proventuum Ecclesiasticorum in vestris civitatibus & diocesibus ac provincia in regno Angliæ consistentibus per duos annos continuos in festo B. M. Magdalene proxime venturo inchoandos solvendam & exigendam, tam à vobis & aliis venerabilibus fratribus nostris archiepiscopo . . . . Eboracensi, ejusque suffraganeis, quam ab aliis omnibus & singulis personis ecclesiasticis sæcularibus & regularibus quibuscumque, exemptis & non exemptis, infra provincias & regnum prædicta redditus & proventus huiusmodi obtinentibus, & infra dictos duos annos obtenturis, cujuscumque præeminentiæ, dignitatis, status, ordinis, vel conditionis existant, quibus aut eorum alicui nulla privilegia aut indulgentias sub quacumque verborum forma vel expressione concessa volumus suffragari, præterquam ab eisdem fratribus nostris ejusdem Romanæ Ecclesiæ cardinalibus, & proventus in eisdem & aliis civitatibus & diocesibus ac provinciis dicti regni obtinentibus, & infra dictos duos annos obtenturis, qui in apostolicæ sollicitudinis partem assumpti nobis cum universalis ecclesiæ onera sortiuntur, necnon ab dilectis filiis . . . Magistro prioribus & fratribus hospitalis sancti Johannis Hierosolymitani, qui contra hostes fidei Christianæ exponunt jugiter se & sua: quos quidem cardinales, magistrum, priores, præceptores, & fratres hospitalis ejusdem ab huiusmodi præstatione decimæ exemptos esse volumus & immunes, pro huiusmodi oneribus commodius supportandis, de dictorum fratrum nostrorum

P p p ij

ejusdem R. E. cardinalium consilio, auctoritate A apostolica duximus per alias nostras litteras imponendam, ac voluimus quod hujusmodi decima per vestrum singulos in singulis vestris civitatibus & diocesibus quos ibidem collectores hujusmodi decimæ deputavimus, & subcollectores clericos dumtaxat à vestrum singulis deputandos, tam à vobis ipsis quam ab aliis omnibus & singulis prælatis & personis ecclesiasticis supradictis, in eisdem civitatibus & diocesibus vestris redditus & proventus ecclesiasticos habentibus & habituris, ut præfertur, præter quam ab eisdem cardinalibus, magistro, prioribus, præceptoribus & fratribus hospitalis ejusdem per ipsos duos annos in infra scriptis terminis exigatur ac etiam colligatur, nobis postmodum & apostolicæ cameræ seu illi vel illis, quem vel quos ad ipsam decimam nostro & ipsius cameræ nomine recipiendam deputandos duximus per vos seu collectores eosdem aut alios quos ad ipsam decimam recipiendam deputatos, duxeritis assignandam; & quod fiat dicta solutio quolibet anno dicti biennii in terminis infra scriptis, siquidem solutionis medietatis decimæ primi anni dicti biennii primum terminum fore statuimus festum nativitatis Dominicæ proxime tunc venturum, secundum verò terminum solutionis alterius medietatis ipsius anni esse volumus festum ascensionis Domini nostri JESU-CHRISTI tunc proxime sequuturum, in secundo anno dicti biennii tunc immediate sequente similibus terminis observandis, dictaque ipsius decimæ exactio fiat secundum taxationem in dictis civitatibus & diocesibus factam hætenus, vel ubi hujusmodi nulla taxatio certa fuerit, secundum communem valorem reddituum & proventuum, & ne de moneta in qua solutio dictæ decimæ fiet aut fieri debet valeat hæsitari, volumus quod ipsa decima ad monetam in dictis terminis communiter in eisdem civitatibus & diocesibus concurrentem solvatur, levetur & etiam exigatur, juxta constitutionem super hoc editam in concilio Viennensi; ita quod prætextu alicujus cambii debitores & solutores dictæ decimæ non graventur, quodque propter hoc juxta constitutionem eandem calices, libri & alia ornamenta ecclesiarum divinis officiis deputata ex causa pignoris, vel alias occasione exactionis prædictæ nullatenus capiantur, aut distrahantur, nec occupentur. Quocirca fraternitatem vestram monemus, requirimus, & hortamur attente per apostolica vobis scripta mandantes, quatenus vos & singuli vestrum præmissa una cum ceteris prælatis & personis ecclesiasticis supradictis vestrarum civitatum & diocesum prædictarum devota consideratione pensantes, & vota vestra nostris in hac parte conformantes affectibus, præfatam decimam de hujusmodi fructibus, redditibus & proventibus vestris integraliter solvere, & ab aliis prælatis, & personis ecclesiasticis supradictis de ipsorum ecclesiasticis redditibus & proventibus, quos in dictis civitatibus & diocesibus vestris obtinent, & infra dictum terminum obtinebunt, præterquam à dictis cardinalibus, magistro, prioribus & fratribus hospitalis præfati exigere &

colligere per dictum terminum in dictis terminis studeatis, prælatos & personas eosdem, cardinalibus, magistro, prioribus, præceptoribus & fratribus ejusdem hospitalis dumtaxat exemptis, per vos seu prædictos suffraganeos & subcollectores vestros ad solvendam dictam decimam in eisdem terminis auctoritate nostra per censuram ecclesiasticam, & etiam per sequestrationem eorumdem reddituum ac proventuum suorum ecclesiasticorum in præfatis civitatibus & diocesibus vestris consistentium, si expediens fuerit, appellatione postposita, compellendo. Quod si forsitan aliquis vestrum in hujusmodi solutione dictæ decimæ defecerit, taliter deficientem similes sententias quas per vos vel aliquem vestrum aut prædictos subcollectores vestros in non solventes dictam decimam in præfatis terminis proferri contingeret, incurere volumus ipso facto, non obstantibus si vobis aliisque prælatis & personis ecclesiasticis supradictis, & quibuscumque aliis communiter vel divisim à dicta sit sede indultum, quod ad solutionem alicujus decimæ minime teneamini, & ad id compelli: aut quod interdicti, suspendi vel excommunicari non possitis per litteras nostras apostolicas, quæ de indulto hujusmodi & toto ejus tenore de verbo ad verbum ac propriis ipsorum ordinum ac locorum & personarum nominibus plenam & expressam non fecerint mentionem, & quibuslibet privilegiis, indulgentiis, exemptionibus, & litteris apostolicis quibuscumque, dignitatibus, seu ordinibus, & specialiter S. Benedicti, & S. Augustini, Cluniacensi, Cisterciensi, Præmonstratensi, Carthusiensi, Grandimontensi, Humiliatorum, & ipsorum universitatibus generaliter vel specialiter sub quacumque forma vel conceptione verborum à memorata sede concessis, de quibus quorumque totis tenoribus de verbo ad verbum in nostris litteris similis mentio sit habenda. Ad hæc volumus, vobisque eadem auctoritate concedimus, quod vos & singuli vestrum, quos ex defectu non factæ solutionis hujusmodi præfatas sententias incurrisse contigerit, ab eisdem sententiis post satisfactionem debitam per aliquem ex vicinioribus episcopis excommunicationis sententia non ligatum, & alias gratiam & communionem prædictæ sedis habentem, facta sibi fide de satisfactione hujusmodi, absolutionis beneficium super irregularitate, si qua forsitan sint ligati, non tamen in contentum clavium celebrando divina, vel immiscendo vos illis contraxeritis, dispensationis gratiam obtinere, aliisque etiam quos easdem sententias ex defectu solutionis hujusmodi incurrisse contigerit, post satisfactionem debitam vobis similiter facta de illa fide similia ab eisdem sententiis absolutionis beneficium & super irregularitate contracta dispensationis gratiam impendere valeatis. Volumus autem quod quoad illos, quos ad solutionem hujusmodi decimæ penitus impotentes existere inveneritis, & etiam quo ad illos quos pro ipsa decima illud quod juxta suarum exigentiam facultatum possunt solvisse & ultra id solvere non posse repe-

reritis simpliciter & de plano, super quibus A vestras conscientias oneramus, hujusmodi sententias in eos generaliter vel specialiter promulgatas auctoritate eadem relaxetis, & super irregularitate, si qua forsan sententiis ipsis ligati, non tamen in contemptum clavium celebrando divina, vel immiscendo se illis, contraxerint, dispenſetis etiam cum eisdem. Porro quia præsentes litteræ nequirent forsan propter viarum discrimina vestrum singulis commode præsentrari; volumus quod per te, frater archiepiscopo, dictarum litterarum transumptum publica manu scriptum, tuoque sigillo communitum vobis prædictis suffraganeis transmittatur: cui adhiberi volumus velut originalibus litteris plenam fidem. Datum Avenione VII. calendas Maii anno nono.

*In eodem modo, venerabilibus fratribus archiepiscopo Eboracensi ejusque suffraganeis, salutem, mutatis mutandis.*

*Similes litteræ factæ sunt eisdem archiepiscopis & suffraganeis pro simili causa, quod judicant decimam annis solvendam in terminis supra contentis in aliis de decimis duorum annorum.*

## LITTERÆ DE MENSE JUNII ANNO NONO.

### EPISTOLA CXLII.

Ad Stephanum priorem sancti Leonardi & Johannem Raymundi.

*Ut Johanni de Breno mille florenos auri ad maritandam filiam tribuant, & alios mille florenos quos ille cameræ apostolicæ assignaverat.*

**D**ilectis filiis STEPHANO priori sancti Leonardi ordinis sancti Augustini Lemovicensis diocesis & JOHANNI RAYMUNDI apostolicæ sedis nuncio, salutem & apostolicam benedictionem.

Discretionem vestram per apostolica scripta mandamus, quatenus vos vel alter vestrum, de bonis quondam Viviani de Cara prioris sancti Georgii in Insula Oleronis ordinis sancti Benedicti Xaintonensis diocesis, nuper in Romana curia defuncti, dudum ex certis causis per nos cameræ apostolicæ reservatis, & per vos & alterum vestrum recipiendis & exigendis, dilecto filio nobili viro Johanni de Breno militi seu ejus procuratori mille florenos auri ponderis & cugni Florentini, quos pro dote seu maritaggio filiarum suarum eidem Johanni libere erogandos duximus, ac etiam alios mille florenos auri ejusdem ponderis & cugni, quos idem Johannes dictæ cameræ manualiter assignavit, omni dilatione postposita tradere & assignare curetis. Nos enim ipsi Johanni absolvendi & quittandi nos de ejusmodi duobus millibus florenis, quos sibi seu ejus procuratori assignandos duxeritis, plenam concedimus tenore præsentium potestatem. Datum Avenione xv. calendas Junii anno nono.

### EPISTOLA CXLII.

Ad Ægidium episcopum Vicentinum.

*Nuncium cum instituit ad imperatorem & regem Hungariæ ad terminandum via arbitrari negotium Bononiense cum Bernabovo.*

**V**enerabili fratri Ægidio episcopo Vicentino apostolicæ sedis nuncio, salutem & apostolicam benedictionem.

Tantam de præclaræ fidei puritate & magnitudine devotionis eximiæ, quas carissimi in Christo filii nostri CAROLUS Romanorum imperator semper augustus & Bohemiæ ac LUDOVICUS Ungariæ reges illustres ad nos & Romanam Ecclesiam filialiter exhibuerunt hactenus, & exhibere continuatis studiis non desistunt, ac zelo fervido quem velut christianissimi principes gerunt ad justitiam ac pacem publicam & quietem populi christiani, fiduciam obtinemus, quod nos promptos efficiunt, ut causas & negotia ejusdem ecclesiæ quantacumque arduitate præcellant: præsertim illa in quibus bonum pacis inquiritur, eorum sinceris conscientis & prudentibus judiciis liberaliter committamus. Nuper siquidem idem imperator nobis intimare curavit, quod nobilis vir BERNABOS de Vice-comitibus miles Mediolanensis hostis & persecutor noster & ecclesiæ prælibatæ, de jure, quod licet minus vere pro certo futuro tempore in vicariatu & regimine ac gubernatione civitatis, comitatus, & districtus Bononiensis ad nos & Ecclesiam eandem pleno jure spectantium prætendit habere, volebat stare ordinationi eorundem imperatoris & regis prout continebatur in ipsius Bernabovis litteris eidem imperatori directis, quarum dictus imperator nobis copiam destinavit; ac præfatus imperator filiali promptitudine & imperiali magnificentia nobis suis litteris obtulit in hujusmodi negotio pro pace publica & consolatione Christiani populi laborare, nostrum super hoc consensum devota instantia requirendo. Nos igitur qui salutem & pacem & tranquillitatem cunctorum fidelium paternis desideriis affectamus, hujusmodi oblatione & requisitione ex radice prodeuntibus sincerissimæ puritatis grante acceptis, de tuæ circumspectionis industria & fide sincera in hiis & aliis arduis Ecclesiæ memoratæ negotiis comprobatis plenam in Domino fiduciam obtinentes, te pro hiis ad præfatorum imperatoris & regis præsentiam providimus destinandum, teque nostrum & ejusdem Ecclesiæ Romanæ super præmissis procuratorem & nuncium specialem auctoritate apostolica constituimus per præsentem. Fraternitati tuæ de omnibus causis, quæstionibus, discordiis, & inimiciis, quæ inter nos & dictam Romanam Ecclesiam ac venerabilem fratrem nostrum Ægidium episcopum Sabinensem apostolicæ sedis legatum ac nostrum in terris ejusdem Romanæ Ecclesiæ in partibus Italiæ consistentibus vicarium generalem, ac nostros & ejusdem ecclesiæ subditos fideles & valitores ex una parte, di-

Ppp iij

Etumque Bernabovem ac ejus subditos, valitores, & sequaces ex altera, occasione dictorum vicariatus, regiminis & gubernationis eorundem civitatis, comitatus, & districtus, ac quorumlibet damnorum & injuriarum illatarum & offensarum factarum hinc inde, & occupationis quorumcumque terrarum, castrorum, & locorum, & omnium, & singulorum dependentium à prædictis vertuntur, sunt, & esse possunt, in eisdem imperatorem & regem tamquam in arbitros & arbitratores & amicabiles compositores, nostro & dictæ Ecclesiæ nomine compromittendi de jure & de facto usque ad tempus, de quo tibi videbitur expedire; & hujusmodi compromissum, promissionibus, obligationibus, ac fidei interpositione, ac etiam pœnis, de quibus tibi videbitur, vallandi, firmandi, & roborandi, & alia omnia & singula circa præmissa tractandi, faciendi, exequendi, & perficiendi quæ utilia & necessaria videbuntur, etiam si requirant speciale mandatum, plenam & liberam auctoritatem apostolicam tenore præsentium concedimus potestatem. Promittentes nos ac dictos ecclesiam, legatum, subditos, fideles & valitores nostros ratum & firmum habere perpetuò quicquid per te factum, promissum, obligatum, & alias gestum fuerit in præmissis sub hypoteca & obligatione bonorum Ecclesiæ memoratæ. Quocirca fraternitati tuæ per apostolica scripta mandamus, quatinus hujusmodi mandatum nostrum devoto & prompto suscipiens animo, & ad jam dictos principes te personaliter transferens, sic mandatum ipsum prudenter, sollicitè ac fideliter exequaris quod exinde fructus optatus perveniat, tuque proinde nostram & apostolicæ sedis benivolentiam uberius merearis. Datum Avenione vi. calendas Junii anno nono.

### EPISTOLA CXLIII.

Ad Ægidium episcopum Vicentinum.

*Ut missus ad procurandam pacem inter imperatorem & ducem Austriæ treugas inter eos stabilire possit.*

**V**enerabili fratri Ægidio episcopo Vicentino, salutem & apostolicam benedictionem. Nuper ad nostram deducto notitiam, quod noviter inter carissimum in Christo filium nostrum CAROLUM Romanorum imperatorem semper augustum ac Bohemiæ regem illustrem, & dilectum filium nobilem virum RODULPHUM ducem Austriæ nonnulla est procurante hunc humani generis dissensionis materia suscitata, nos attendentes quanta possent ex ipsorum imperatoris & ducis discordia Christi fidelibus damna & incommoda provenire, ac propterea cupientes damnis & periculis hujusmodi ab ipso principio opportuna provisionis remediis obviari, de tuæ quoque circumspeditionis industria, quæ se nobis in magnis & arduis per nos atque tibi commissis negotiis claram fecit, in Domino fiduciam obtinentes, personam tuam

ad eorundem imperatoris & ducis præsentiam tamquam pacis angelum providimus destinandum: firma tenentes fiducia, quod actus tuos illo dirigente qui novit prava in directa & aspera in vias planas convertere, per tuæ circumspeditionis industriam proventuris ex hujusmodi discordia discriminibus & periculis laudabiliter & utiliter poterit obviari. Ut autem tam salubre negotium, auctore Domino, per sollicitudinis tuæ ministerium prosperetur, & ut melius circa reformationem pacis, & perutilis Christi fidelibus concordia inter ipsos imperatorem & ducem liberius & efficacius intendere valeas, ubi forsitan præfati imperator & dux, vel alter eorum requisitionibus & monitionibus tuis, immo verius apostolicis super cessatione commotionis seu congressionis hostiliter nollent acquiescere, vel per se ipsos seu intermedios earum nuncios invicem treugas inire usque ad certum tempus, quod imminentis negotii per te prosequendi & tractandi qualitas exigit duraturas, fraternitati tuæ indicendi treugas ad certum tempus tuo arbitrio moderandum inter eosdem imperatorem ac ducem, fideles adhærentes & valitores eorum, & indictas eisdem imperatori & duci, & aliis de quibus expediens fuerit per te vel alium seu alios notificandi, ac ubicumque tibi visum fuerit solemniter publicandi, & in frangentes aut quomodolibet non servantes easdem excommunicationis, & in eorum terras interdicti sententias promulgandi, & alia faciendi quæ circa id fuerint opportuna, non obstante si eis vel eorum aliquibus vel alicui sub quacumque forma vel concessione verborum à sede apostolica sit indultum, quod excommunicari vel eorum terræ ecclesiastico interdicto supponi non possint per litteras apostolicas, non facientes plenam & expressam ac de verbo ad verbum de indulto hujusmodi mentionem, & qualibet alia dictæ sedis indulgentia generali vel speciali cujuscumque tenoris existat, per quam præsentibus non expressam vel totaliter non insertam, effectus earum impediri valeat, vel quomodolibet retardari, & nihilominus omnes & singulas promissiones, obligationes, & confederationes, ac colligationes super hujusmodi nutrienda discordia inter quoscumque quomodolibet initas, velut contra bonum pacis præsumtas illicite ac attentatas, in divinæ majestatis offensam, & quascumque pœnas adjectas, & juramenta præstita super illis, sub quibuscumque modo, forma vel expressione verborum, præsertim cum juramentum vinculum iniquitatis esse non debeat: quæ nos ex nunc auctoritate apostolica nulla fore decernimus, & quatenus de facto processerint irritamus, & irrita nunciandi plenam tenore præsentium concedimus facultatem. Datum Avenione vi. calendas Junii anno nono.





## EPISTOLA CXLIV.

Ad Ægidium episcopum Vicentinum.

*Ut concessa sibi subsidia solvere recusantes, per censuram ecclesiasticam possit cogere.*

**V**enerabili fratri Ægidio episcopo Vicentino apostolicæ sedis nuntio, salutem & apostolicam benedictionem.

Olim siquidem te ad Alamanniæ & Bohemiæ partes pro quibusdam arduis negotiis per nos tibi tunc commissis destinavimus, & venerabilibus fratribus nostris archiepiscopis & episcopis, ac dilectis filiis electis, abbatibus, prioribus, decanis, præpositis, archidiaconis, archipresbyteris, plebanis, rectoribus, & aliis ecclesiarum & monasteriorum prælatis, ipsorumque vices gerentibus, capitulis quoque, conventibus ecclesiarum & monasteriorum ipsorum, ceterisque personis ecclesiasticis sæcularibus & regularibus, exemptis & non exemptis, Cisterciensis, Cluniacensis, Præmonstratensis, Camaldulensis, SS. Benedicti & Augustini & aliorum ordinum, & domorum hospitalis sancti Johannis Hierosolymitani, sanctæ Mariæ Theotonicorum, Calatravensis & Humiliatorum magistris, prioribus, & præceptoribus, per apostolica scripta mandavimus, quatenus te cum per partes eorum transitum faceres, ob nostram & apostolicæ sedis reverentiam, benigne recipientes, & honeste tractantes, tibi quamdiu in hujusmodi prosecutione negotiorum esses, diebus singulis in octo florenos auri pro expensis tuis necessariis, & de securo conductu, cum super præmissis per te vel tuum nuntium forent requisiti, in eundo, morando, & redeundo liberaliter providere curarent: & si te in aliquibus terris sive eorum locis ex aliqua justa causa moram forte trahere contingeret, voluimus quod non solum prælati & personæ ecclesiasticæ terrarum & locorum ipsorum, sed etiam archiepiscopi, episcopi, electi, abbates, priores, decani, præpositi, archidiaconi, archipresbyteri, plebani, rectores, & alii ecclesiarum & monasteriorum prælati, seu eorum vices gerentes & personæ ecclesiasticæ quæcumque religiosæ & sæculares, ac ecclesiarum & monasteriorum capitula & conventus, exempti, & non exempti, Cisterciensis, Cluniacensis, Cartusienensis, Præmonstratensis, SS. Benedicti & Augustini & aliorum ordinum quorumcumque, necnon sancti Johannis Hierosolymitani, & sanctæ Mariæ Theotonicorum hospitalium magistri, priores, & præceptores vicinarum & aliarum civitatum & diocesum circumpositarum eisdem, sicut tu pro hujusmodi dividendis & facilius supportandis oneribus expedire videres, in antefactis provisionibus contribuere tenerentur. Cum autem sicut tua nobis exhibita petitio continebat, nonnulli ex prædictis prælatis & personis ecclesiasticis, ac archiepiscopis, episcopis, electis, abbatibus, prioribus, decanis, præpositis, archidia-

conis, archipresbyteris, plebanis, rectoribus, & aliis ecclesiarum & monasteriorum prælatis, seu eorum vices gerentibus ac ecclesiarum & monasteriorum capitulis, & conventibus, exemptis & non exemptis, Cisterciensis, Cluniacensis, Cartusienensis, Præmonstratensis, sanctorum Benedicti & Augustini, & aliorum ordinum quorumcumque, necnon sancti Johannis Hierosolymitani & sanctæ Mariæ Theotonicorum hospitalium magistris, prioribus, & præceptoribus mandata tua de exsolvendis tibi gagiis per nos tibi deputatis contemserint, nec tibi de illis integraliter satisfecerint, nobis humiliter supplicasti, ut tibi providere super hoc de opportuno remedio dignaremur. Nos igitur tuis in hac parte supplicationibus inclinati, volentes indemnitati tuæ benignius providere, coercendi & compellendi omnes & singulos, qui tibi pro prædictis satisfactionem debitam minime impenderunt, ad satisfaciendum tibi debite de summis pecuniarum in quibus propterea adhuc tibi tenentur, appellatione postposita, per censuram ecclesiasticam, nec non eos qui excommunicationis & alias per te latas sententias incurrerunt, absolvendi, & cum illis dispensandi, qui super irregularitate per eos inde contracta, & eisdem ligati sententiis divina officia celebrarunt, injuncta eis pro modo culpæ poenitentia salutari, de qua videris expedire, fraternitati tuæ auctoritate apostolica tenore præsentium concedimus potestatem, non obstantibus si eisdem vel alicui seu aliquibus, vel quibusvis aliis personis, locis, & ordinibus ipsorum communiter vel divisim à prædicta sit sede indultum, quod nunciis ipsius sedis procuracionem aliquam exhibere vel contribuere, nisi ad eos declinaverint, minime teneantur, & ad id compelli, aut quod interdici, suspendi vel excommunicari non possint per litteras apostolicas non facientes plenam & expressam ac de verbo ad verbum de indulto hujusmodi mentionem, & quibuslibet privilegiis, indulgentiis, ac litteris apostolicis quibusvis locis, personis, vel ordinibus, sub quacumque forma vel expressione verborum ab eadem sede concessis, de quibus quorumque totis tenoribus de verbo ad verbum in nostris litteris mentio sit habenda, & per quæ mandati nostri hujusmodi effectus valeat quomodolibet impediri. Datum Avenione vi. kalendas Junii anno nono.

## EPISTOLA CXLV.

Ad Marchionem Brandeburgensem.

*Commendat ei Ægidium episcopum Vicentinum ad imperatorem nuncium apostolicæ sedis.*

**D**ilecto filio nobili viro .... Marchioni Brandeburgensi, salutem & apostolicam benedictionem.

Cum nos venerabilem fratrem nostrum Ægidium episcopum Vicentinum apostolicæ sedis nuncium pro certis magnis arduis negotiis nos & Romanam Ecclesiam, ac communis com-

modi rationem tangentibus, ad carissimum in Christo filium nostrum CAROLUM Romanorum imperatorem semper augustum ac Bohemiam regem illustrem præsentialiter destinemus. Nobilitatem tuam, de qua fiduciam gerimus in Domino singularem, rogamus & hortamur attente, quatenus pro nostra & sedis apostolicæ reverentia, data relatibus ejusdem episcopi fide plenaria, eidem apud imperatorem præfatum, prout ipse episcopus te requirendum duxerit, & alias prout tibi expedire videbitur, tuis taliter assistas consiliis & favoribus opportunis, quod præter divinæ retributionis præmia, nos tibi proinde ad gratiarum merita teneamur. Datum Avinionis vi. calendas Junii anno nono.

## EPISTOLA CXLVI.

Ad imperatorem Romanorum.

*Laudat cum quod cum rege Ungariæ partes suas interponere velit, ad procurandum pacem inter Ecclesiam Romanam & Bernabovem de Vicecomitibus militem Mediolanensem.*

**C**arissimo in Christo filio Romanorum imperatori semper augusto & Bohemiam regi illustri, salutem & apostolicam benedictionem.

Celsitudinis tuæ litteras, per dilectos filios Conradum de Gischeim & . . . Præpositum Eyfetensem ambaxiatores & nuncios tuos nobis noviter præsentatas, & eosdem nuncios consideratione mittentis, & discretionis ipsorum intuitu benigne recepimus, & exposita nobis per eosdem intelleximus diligenter: ex quarum litterarum serie, nec non expositione nunciorum ipsorum nobis facta, ac ex copiis litterarum carissimi in Christo filii nostri LUDOVICI regis Ungariæ illustris, ac etiam BERNABOVIS de Vicecomitibus militis Mediolanensis, quas nobis interclusas in præfatis tuis litteris destinasti, colligimus, quod idem BERNABOS in causa seu controversia quæ vertitur super vicariatu nostrorum civitatis & districtus Bononiæ inter nos & dictum Bernabovem, tuæ & dicti Ludovici regis ordinationi ac determinationi libere stare velit, quodque tua serenitas & idem rex ad hujusmodi sedandam discordiam, vestræ interpositionis ministerium offerebant nobis. Insuper dictarum litterarum series & nuntiorum provida insinuatio patefecit, quod celsitudo ipsa dilectum filium nobilem virum JOHANNEM Lantgravium Lucelburgensem consiliarium & fidelem tuum ad venerabilem fratrem nostrum ÆGIDIUM episcopum Sabinensem apostolicæ sedis legatum & dictum BERNABOVEM propterea destinavit, ut inter ipsos treugas usque ad festum sancti Martini proximum futurum pro posse suo iniret & firmaret, ut interim per te & regem præfatum commodius & maturius valeret inter Romanam Ecclesiam & Bernabovem ipsum de stabili pace & concordia provideri: ac etiam quod super præmissis litteras

**A** dicti Bernabovis, per quas tibi & eidem regi circa sopiendam dictam discordiam responderet, quotidie expectabas. Equidem, carissime fili, in præmissis prout in aliis plurimis tuæ devotionis affectus, quem ad nos & Romanam geris Ecclesiam, manifeste colligitur, & tui tamquam filii præcarissimi zeli sinceritas circa statum prosperum & tranquillum nostrum & dictæ Ecclesiæ ac Christi fidelium populorum evidentius aperitur, ex quibus nos devotionem & oblationem easdem dignis in Domino laudibus attollentes, **B** plenis eas prosequimur actionibus gratiarum, ac proinde plena de magnitudine tua super ea fiducia sperantes indubie, quod tu & idem rex nostrum & ejusdem Ecclesiæ honorem & statum & augmentum ac conservationem jurium nostrorum & ejusdem Ecclesiæ filiali & ferventi prosequere mini caritatis affectu, & ad id tam liberaliter quam libenter vestra curas & studia sollicitè impenditis, venerabilem fratrem nostrum Ægidium episcopum Vincentinum apostolicæ sedis nuncium plena potestate suffultum, ad compromittendum in te & regem præfatum prout expediens fuerit, super hujusmodi discordia & controversia & alias super præmissis de intentione nostra plenarie informatum ad tuam duximus præsentiam destinandum. Quocirca magnificentiam tuam rogamus & hortamur attente, quatinus dictum nuncium ob nostram & apostolicæ sedis reverentiam benigne suscipiens, eidem super hiis quæ tibi pro nostra parte exponere curaverit, fidem velis indubiam adhibere: negotium hujusmodi tuæ & dicti regis providentiæ committendum taliter ad finem debitum deducturus, quod exinde, prout de te & eodem rege plene confidimus, nostrorum & ipsius Ecclesiæ honoris & jurium sequatur integritas, & nostris ac ejusdem Ecclesiæ subditis, ac aliis Christi fidelibus præcipue Italiæ partium, quas hujusmodi dissensio magis infestat, pax & tranquillitas, ac tibi & eidem regi præter divinæ retributionis præmia uberiora, laudum proveniant incrementa. Datum Avinionis vi. calendas Junii anno nono.

## EPISTOLA CXLVII.

Ad imperatorem Romanorum.

*Hortatur ad pacem cum duce Austriæ ineundam.*

**C**arissimo in Christo filio CAROLO Romanorum imperatori semper augusto & Bohemiam regi illustri, salutem & apostolicam benedictionem.

Nuper, carissime fili, non sine multæ nostræ mentis amaricatione didicimus, qualiter procurante humani generis hoste, qui tamquam pater discordiarum, inter homines exsuscitare dissidia & scandala seminare non cessat, nonnulla est inter te & dilectum filium nobilem virum RODULFUM ducem Austriæ dissensionis materia noviter suscitata. Licet itaque in personarum omnium

omnium Christi fidelium discordiis prout nobis suadet pastoralis officii debitum perturbemur, eorum tamen dissensiones vehementius pungunt & amaricant mentem nostram, ex quarum tranquillitate ac concordia plura posse cognoscimus Christi fidelibus commoda provenire. Quod eo te, fili carissime, magis attendere convenit, quo modo te sublimioris extollit fastigium dignitatis. Positus es, inclyte princeps, in gentibus mansuetudinis ac benignitatis exemplar, ut memoriae celebris prædecessores tuos catholicos principes, Romano imperio præsidentes, virtutum laudibus imiteris. Vides in quanta malignitate mundus sit positus, quanta succrescant continuo hinc inde dissidia, quantum ad reipublicæ gubernationem non modo opportuna, sed necessaria tuæ mentis tranquillitas habeatur. Sume igitur magnificum generosi principis animum, ut mansuetudinis potius tuæ debitum consideres, quam quicquid aliud tuis forte contentibus suggeratur, & eo magis erga præfatum ducem tuam convenit magnitudinem ad huiusmodi pacem & concordiam inclinari, quo idem dux propter filiam tuam, quam sibi maritali consortio tua serenitas sociavit, tibi loco filii est habendus. Quocirca magnificentiam tuam rogamus attentius, & paternis affectibus deprecamur, tibi que in ejus virtute ad cujus adventum pacem in terris angelicæ vocis præconium nunciavit, & in tuorum remissione peccaminum suademus, quatenus pro nostra & apostolicæ sedis reverentia ac communis commodi ratione, animum tuum ad habendam cum duce præfato pacem & concordiam benignius inclines; & quia in hoc nostræ mentis conceptus explicari sufficienter litterarum serie, prout id nostris inhæret affectibus, non valet, venerabilem fratrem nostrum Ægidium episcopum Vincentinum apostolicæ sedis nuncium tui utique devotum culminis, multa circumspeditione conspicuum, & consilii maturitate præclarum, & alias in magnis & arduis longa experientia comprobatum, de cujus industria plenam in Domino fiduciam obtinemus, ad tuam & dicti ducis præsentiam tamquam pacis angelum providimus destinandum, quem benigne suscipere, ejusque salutaribus monitis, sanisque consiliis acquiescere, pro nostra & dictæ sedis reverentia, ac nostrorum interventu precaminum, eadem magnificentia tua velit mansuetudinem tuam in præmissis taliter ostensurus, quod præter divinæ retributionis præmia, mansueti ac benigni principis laudes in populis, & clarioris continuo famæ præconia merearis. Datum Avenione vi. calendas Junii anno nono.



## EPISTOLA CXLVIII.

Ad Ludovicum regem Ungariæ.

*Laudat eum quod ad procurandam pacem inter Ecclesiam Romanam & Bernabovem de Vice-comitibus partes suas cum imperatore velit interponere, hortaturque ut ad componendas discordias imperatorem inter & ducem Austriae intendat.*

**C**arissimo in Christo filio LUDOVICO regi Ungariæ illustri, salutem & apostolicam benedictionem.

Pridem per speciales nuntios per carissimum in Christo filium CAROLUM Romanorum imperatorem semper augustum, ac Bohemiæ regem illustrem ad nostram præsentiam destinatos, & per litteras imperatoris ejusdem nobis per ipsos nuntios præsentatas, nec non ex interclusis in litteris eisdem quarundam copiis tuarum & Bernabovis de Vice-comitibus militis litterarum ad imperatorem eundem transmissarum aperte collegimus, quod idem BERNABOS in causa seu controversia quæ vertitur super vicariatu nostrorum & Romanæ Ecclesiæ civitatis ac comitatus & districtus Bononiensis inter nos & Bernabovem ipsum, dicti imperatoris ac excellentiæ tuæ ordinationi & arbitrio stare velit: quodque ad huiusmodi sedandam discordiam tam imperialis quam regia serenitas tuæ interpositionis ministerium offerebat. Equidem carissime fili, in præmissis prout in aliis plurimis tuæ devotionis affectus, quem ad nos & Romanam geris Ecclesiam, manifeste colligitur, & tuitamquam filii præcarissimi zeli sinceritas circa statum prosperum & tranquillum nostrum, & dictæ Ecclesiæ, ac Christi fidelium populorum evidentius aperitur, ex quibus devotionem & oblationem easdem, dignis in Domino laudibus attolentes, plenè eas prosequimur actionibus gratiarum, ac proinde plena de magnitudine tua sumta fiducia, sperantes indubie quod tam tu quam imperator præfatus nostrum & ejusdem Ecclesiæ honorem & statum, augmentum ac conservationem jurium nostrorum & ejusdem Ecclesiæ filiali, ac ferventi prosequimini caritatis affectu, & ad id tam liberaliter quam libenter vestra curas & studia sollicitè impenditis, venerabilem fratrem nostrum Ægidium episcopum Vincentinum apostolicæ sedis nuntium plena potestate suffultum ad compromittendum in imperatorem præfatum ac te, prout expediens fuerit, super huiusmodi discordia & controversia, & alias super præmissis de intentione nostra plenarie informatum, ad ipsius imperatoris ac tuam præsentiam duximus destinandum. Quocirca magnificentiam tuam rogamus & hortamur attente, quatenus dictum nuntium ob nostram & apostolicæ sedis reverentiam benigne suscipiens, eidem super his quæ ipse pro nostra parte tibi exponere curaverit, fidem velis indubiam adhibere, negotium huiusmodi tuæ & dicti imperatoris providentiæ committendum taliter ad finem debitum deducturus, quod

exinde prout de te & eodem imperatore A  
plene confidimus, nostrorum & ipsius Eccle-  
siæ honoris & jurium sequatur integritas, ac  
nostris & ejusdem ecclesiæ subditis, ac aliis  
Christi fidelibus præcipue in Italiæ partibus  
consistentibus, quos hujusmodi dissensio magis  
infestat, pax & tranquillitas, ac tibi & eidem  
imperatori, præter divinæ retributionis præmia,  
uberiora laudum proveniant incrementa. Po-  
stremo cum, sicut dolenter accepimus, inter  
imperatorem præfatum & dilectum filium no-  
bilem virum RODULFUM ducem Austriæ non-  
nulla sit noviter dissensionis materia suscitata,  
ex qua adversus communis commodi rationem  
plura possent dispendia ac damna & pericula  
Christi fidelibus provenire, nosque propterea  
dissensionis hujusmodi ab ipso principio paternis  
obviare consiliis cupientes, eosdem imperato-  
rem & ducem per dictum episcopum pro parte  
nostra vivæ vocis oraculo duximus alloquendos,  
hoc precibus nostris adjicimus, quatenus pro  
honore Dei ac nostra & dictæ sedis reverentia  
pro hujusmodi sedanda discordia magnitudinis  
tuæ partes, prout expediens fuerit, tamquam  
princeps pacis & tranquillitatis amator effica-  
citer interponas. Datum Avenione vi. calendas  
Junii anno nono.

## EPISTOLA CXLIX.

Ad Johannem marchionem Moraviæ.

*Ut nuncio suo pacem imperatorem inter & ducem  
Austriæ procurare satagenti adesse velit.*

**D**ilecto filio nobili viro JOHANNI marchioni  
Moraviæ, salutem & apostolicam benedi-  
ctionem.

Quam periculosa & quantis onusta dispendiis  
esse posset nonnullius dissensionis materia inter  
carissimum in Christo filium nostrum CAROLUM  
Romanorum imperatorem semper augustum,  
ac Bohemiæ regem illustrem & dilectum filium  
nobilem virum RODULFUM ducem Austriæ  
noviter, prout dolenter accepimus, suscitata, no-  
bilitatem tuam non ambigimus prævidere. Nos  
itaque hujusmodi periculis & dispendiis ab ipsis  
obviare principiis cupientes, venerabilem fra-  
trem nostrum ÆGIDIUM episcopum Vincenti-  
num, apostolicæ sedis nuntium, virum utique  
multa providentia circumspectum, tamquam  
pacis angelum ad præfatos imperatorem & du-  
cem tam pro hujusmodi sedanda discordia,  
quam pro nonnullis aliis negotiis eidem impe-  
ratori pro parte nostra vivæ vocis oraculo ex-  
ponendis, duximus præsentialiter destinandum.  
Quocirca nobilitatem ipsam rogamus & hor-  
tamur attente, tibi que in ejus virtute, ad cujus  
adventum pacem bonæ voluntatis in terris an-  
gelicæ vocis præconium nunciavit, ac in tuorum  
remissione peccaminum, paternis affectibus sua-  
demus, quatenus pro nostra & apostolicæ sedis  
reverentia, ac communis commodi ratione,  
nostrorumque precaminum interventu data, per  
te fide plenarie præfati nuntii nostri relatibus,  
circa concordiam ipsam te adeo benivolum

exhibeas & benignum, quod præter divinæ re-  
tributionis præmia apud nos & sedem aposto-  
licam & Christi fidelium populos laudabilis  
famæ præconia merearis. Datum Avenione vi.  
calendas Junii anno nono.

## EPISTOLA CL.

Ad Johannem episcopum Gurcensem.

*Ejusdem argumenti.*

**V**enerabili fratri JOHANNI episcopo Gur-  
censi, cancellario dilecti filii nobilis viri RO-  
DULFI ducis Austriæ, salutem & apostolicam  
benedictionem.

Dolenter accepimus qualiter procurante hu-  
mani generis inimico, inter carissimum in Chri-  
sto filium nostrum CAROLUM Romanorum  
imperatorem semper augustum ac Bohemiæ  
regem illustrem, & dilectum filium nobilem  
virum RODULFUM ducem Austriæ noviter est  
nonnullius dissensionis materia suscitata: pro-  
pter quod nos attendentes quanta ex hujusmodi  
dissensione possent non tantum eorum subditis,  
sed aliis Christi fidelibus incommoda & pericula  
provenire, ac propterea dispendiis & periculis  
eisdem ab ipso malorum principio paternis ob-  
viare consiliis cupientes, venerabilem fratrem  
nostrum ÆGIDIUM episcopum Vincentinum  
apostolicæ sedis nuntium, virum utique multa  
circumspectum providentia, & alias in magnis  
& arduis negotiis comprobatum, ad præfatos  
imperatorem & ducem tamquam pacis angelum  
providimus destinandum. Quocirca fraternita-  
tem tuam requirimus & hortamur attente, qua-  
tenus pro nostra & apostolicæ sedis reverentia,  
& communis commodi ratione, adhibita per te  
fide plenaria relatibus dicti episcopi, apud ducem  
ipsum, cujus consiliarius & cancellarius existis,  
& qui prout accepimus plurimum consiliis tuis  
inhæret, ad inclinandum ad pacem & concor-  
diam ejus animum & alias, prout ipse te episco-  
pus requirendum duxerit, & tibi etiam expedire  
videbitur, tamquam procurator quietis & pacis,  
quarum te quod gratanter intelleximus fama  
laudabilis prædicat zelatorem, tua favores &  
studia sollicitè ac efficaciter interponas. Datum  
*ut supra.*

## EPISTOLA CLI.

Ad Arnestum archiepiscopum Pragensem.

*Ut imperatorem inducat ad terminandum, incæp-  
tum in Barnabovem de Vice. comitibus negotium.*

**V**enerabili fratri ARNESTO archiepiscopo  
Pragensi, salutem & apostolicam benedi-  
ctionem.

Nuper à carissimo in Christo filio nostro  
CAROLO Romanorum imperatore semper au-  
gusto ac Bohemiæ rege illustri recepimus litte-  
ras, filialis suæ devotionis affectum, quam ipse  
ad nos & Romanam gerit Ecclesiam, placido  
admodum & grato tenore seriosius exprimen-  
tes. In eis namque aperte collegimus, qualiter

idem imperator tamquam nostrum & dictæ Ecclesiæ defensionis brachium & singulare refugium existat, qui adversus Bernabovem de Vicecomitibus militem Mediolanensem hostem nostrum & ejusdem ecclesiæ manifestum, ac imperialis culminis illusorem, suas in eum promulgando sententias, nisi infra viginti dierum spatium super Bononiensi negotio tuis curaverit efficaciter parere mandatis, exigente justitia, condigne exeruit gladium ultionis. Nos itaque hujusmodi per imperatorem eundem tam filialiter & devòte circa præfatum negotium nobis & præfatæ Ecclesiæ impenso labores placidis attendentes affectibus, & intra grati claustra pectoris recondentes, eidem respondendum duximus in serie quam pro clariore informatione tua jussimus præsentibus intercludi. Quocirca fraternitatem tuam requirimus attentius & hortamur, quatenus imperatorem ipsum in hoc per eum tam magnifice assumpto proposito tuis exhortationibus & consiliis studeas, prout expediens fore videris, confirmare, ipsumque ad feliciter ac celeriter terminandum ea quæ circa defensionem nostrorum & præfatæ Ecclesiæ, terrarum & jurium, & præcipue circa prædictum negotium Bononiense per eum sunt tam excellenter quam liberaliter incohata, tuarum interpositione partium, prout de te plene confidimus, animare, venerabili fratri nostro Ægidio episcopo Vincentino apostolicæ sedis nuncio super præmissis fidem credulam præbiturus. Datum Avenione vi. calendas Junii anno nono.

## EPISTOLA CLII.

Ad Arnestum archiepiscopum Pragensem.

*Ut imperatorem suis consiliis inducat ad Bernabovis ausus temerarios reprimendos, & ad sopiendas dissensiones cum duce Austriæ.*

Venerabili fratri ARNESTO archiepiscopo Pragensi, salutem & apostolicam benedictionem.

Ad tuam jamdudum notitiam non ambigimus pervenisse, quantum BERNABOS de Vicecomitibus miles Mediolanensis suæ salutis & famæ prodigus nobis & Romanæ Ecclesiæ adversarius fuerit, & continue adversetur, civitatem, comitatum, & districtum Bononiensem ac nonnulla alia, terras & loca nostra & ejusdem Ecclesiæ in Italiæ partibus consistentia hostiliter impugnando. Cum itaque nos super hiis ac etiam pro prosecutione & expeditione negotii eorundem comitatus, civitatis & districtus, venerabilem fratrem nostrum Ægidium episcopum Vincentinum apostolicæ sedis nuncium ad carissimum in Christo filium nostrum CAROLUM Romanorum imperatorem semper augustum ac Bohemiæ regem illustrem præsentialiter destinamus, & in eisdem prosecutione ac expeditione fraternitatis tuæ consilium & auxilium, prout indubitanter tenemus, plurimum valeat suffragari, teque ad id minime dubitemus prom-

*Theſauri Anecd. Tom. II.*

tum & favorabilem inveniri, fraternitatem eandem requirimus & hortamur, quatenus pro nostra & apostolicæ sedis reverentia circa favorem nostrorum & præfatæ Ecclesiæ jurium, & quietem ac pacem subditorum nostrorum, quos præfati Bernabovis iniquitas multipliciter molestavit & molestare non cessat, sic tua circa eundem imperatorem, cujus consiliarius existis, & alias prout idem nuncius te requirendum duxerit, ac prout tibi expedire videbitur, impendere studeas auxilia, consilia & favores, quod exinde apud Deum, cujus in præmissis negotium agitur, crescere valeas meritis, & apud nos ac sedem præfatam benevolentiam & gratiam uberius promereri. Hoc quoque quod maxime nostris inhæret affectibus, præmissis duximus exhortationibus adjungendum, quod circa exortam noviter, prout dolenter accepimus, inter præfatum imperatorem & dilectum filium nobilem virum RODULFUM ducem Austriæ dissensionis materiam sopiendam, juxta prædicti episcopi requisitionem, & alias prout expedire videris, tamquam pacis & concordie zelator, ejusdem imperatoris animum ad habendam cum præfato duce pacem & concordiam inclinando, dare cures sollicitis studiis, salutaria tua interponendo consilia, operam efficacem. Datum Avenione vi. calendas Junii anno nono.

*In eodem modo, venerabili fratri JOHANNI episcopo Luthomuslensi imperialis aulae cancellario, salutem, &c. usque ubi dicitur* cujus consiliarius, *addatur* & cancellarius existis, &c. *usque in finem.* Datum *ut supra.*

*Item ut in prima, venerabili fratri Johanni episcopo Argentinensi.*


*In eodem modo, venerabili fratri JOHANNI episcopo Olomucensi, salutem, &c.*

*In eodem modo, venerabili fratri THEODERICO episcopo Mindensi, salutem, &c.*

*In eodem modo, dilecto filio GUILLELMO decano Vicegradensi apostolicæ sedis nuntio, mutatis mutandis, & non dicatur ibi, cujus consiliarius existis.*

*In eodem modo, dilecto filio nobili viro BURCHARDO comiti Magdeburgensi, salutem, &c. ut in prima mutatis mutandis usque invenire. Nobilitatem eandem rogamus & hortamur attente, tibi in tuorum remissione peccaminum suademus, quatenus, &c. usque in finem.*

*In eodem modo, dilecto filio nobili viro RODULFO duci Saxonie, salutem & apostolicam benedictionem.*





## EPISTOLA CLIII.

Ad Carolum imperatorem Romanorum.

*Hortatur ad consummandum inceptum in Bernabovem negotium.*

**C**arissimo in Christo filio CAROLO Romanorum imperatori semper augusto & Bohemiæ regi illustri, salutem & apostolicam benedictionem.

Quam paterno, quam pleno caritatis affectu serenitatis tuæ litteras de ipsis, ut ita dixerimus, tuæ devotionis, quam ad nos & Romanam geris Ecclesiam, visceribus prodeuntes, nobis noviter præsentatas intelleximus, & quantum illarum sensibus nostris sæpe auribus repetitis te in eis agnovimus filium prædilectum, & nostrum ac ejusdem Ecclesiæ defensionis brachium & refugium singulare, explicare ministerio præsentium longum esset. In illis namque quantum nobis & tibi BERNABOS de Vicecomitibus miles Mediolanensis conaretur illudere, qui fictis prætensis coloribus de compromittendo in te & carissimum in Christo filium nostrum LUDOVICUM regem Ungariæ illustrem super Bononiensi negotio, quod ad præsens agitur inter nos & dictam Ecclesiam ac Bernabovem ipsum, à nostrorum terrarum & jurium hostili impugnatione suæ temeritatis fretus audacia non cessabat, prout etiam modo non cessat, & quantum exinde excellentiam tuam non immerito læserit in eundem ejusque auxiliares, valitores & complices, & subditos, ac sibi adhærentes, nisi tuis infra viginta dierum spatium mandatis efficaciter parere curaret, magnifice, prout adversus tam pertinacem contemptorem exigebat justitia, condignæ ultionis exerendo gladium, ostendisti. Equidem, carissime fili, grandia sunt hæc tuæ magnitudinis opera, magnis utique laudum præconiis extollenda, & quæ tenaciter imprimi nostræ mentis affectibus promerentur, in quibus tuæ devotionis sinceritas & ferventis zeli constantia apertius innotescit. Quis enim non videat quod Romanæ Ecclesiæ matris tuæ causam universalem Christi fidelium omnium non modo publicam reputas, sed privatam? Quis ex ipsarum litterarum tuarum serie non agnoscat, quod tu sicut in honoribus & placitis ipsius Ecclesiæ delectaris, ita in ipsius offensis offenderis, & in ejus perturbationibus perturbaris, & ad eas prout convenit revocandas dare non cessas propensioribus studiis operam efficacem? Nos itaque, princeps inclyte & carissime fili, hujusmodi comminationes & sententias pro favore

**A** sanctumque propositum tuum, quod pater ille justitiæ desideriis tuæ mentis infixit, prout magnifice incœpisti, ita usque ad felicem præfati Bononiensis negotii exitum tuis præfidiis favorabiliter prosequaris, ut transeat ceteris in exemplum, ne sub imperialis potestatis culmine constituti, & tui præcipue officiales, & subditi, adversus matrem omnium Romanam Ecclesiam talia attentare de cetero audeant vel præsumant. Nunc enim tempus est, ut evidenter appareat, quanta sacerdotium & imperium sint affectione conjuncta; nunc tempus est, ut utriusque in unum collecta potentia hujusmodi superbiorum conterantur cornua, & talium tyrannorum rabies, quæ proculdubio ex quadam neglectæ correctionis excrevit incuria, pro salute omnium Christi fidelium tam dictæ Ecclesiæ quam tui culminis imperio subditorum taliter comprimatur, quod data eis pace, universalis ipsorum libertas & eorum status tranquillitas feliciter subsequatur. Magna siquidem, fili prædilecte, tuis humeris videntur incumbere, sed si illa cum conditione temporum conferas, facillima tuæ magnitudini videbuntur. Non te prætereant catholicorum prædecessorum tuorum Romano imperio præfidentium principum celebris admodum & recolenda memoria, qui præfata Ecclesiæ negotia tamquam propria summis fuerunt laboribus devotissime prosecuti. Consumma igitur opus tam laudabile quod cœpisti, ut sicut par illis dignitate existis, ita illorum venias consortio magnificorum & salubrium splendore operum aggregandus: magnificentiam tuam circa præfatum Bononiense negotium taliter ostensurus, venerabili fratri nostro Ægidio episcopo Sabinensi apostolicæ sedis legato adversus dicti Bernabovis insaniam potenter ac efficaciter tuis favoribus & auxiliis assistendo, quod præter divinæ retributionis præmia, apud nos & sedem apostolicam, ac Christi fidelium populos uberiora continuo magnitudinis tuæ titulis laudum proveniant incrementa. Hoc quoque post hæc precibus nostris adjicimus, quod carissimum in Christo filium nostrum LUDOVICUM regem Ungariæ illustrem vells ad impendenda similiter super præfato negotio efficaciter sua favores & auxilia tuis exhortationibus animare. Ceterum super præmissis, quæ plenarie exprimi litterarum serie non valerent, per venerabilem fratrem nostrum Ægidium episcopum Vincentinum apostolicæ sedis nuncium latorem præsentium nostræ mentis affectum duximus latius explicandum. Datum Avinione vi. calendas Junii anno nono.

## EPISTOLA CLIV.

Ad Rodulfum ducem Austriæ.

*Hortatur ad pacem cum imperatore ineundam.*

**D**ilecto filio nobili viro RODULFO duci Austriæ, salutem & apostolicam benedictionem.

Ad nostram nuper audientiam nonnullorum fide digna relatione pervenit, qualiter faciente

hoste humani generis, qui indefessis intendit A studiis ad seminandum inter Christi fideles ac præcipue mundi principes, quorum sicut pax plurimorum commoda respicit, ita eorum discordia redundare in damna & incommoda plurimorum dinoscuntur; nonnulla inter carissimum in Christo filium nostrum CAROLUM Romanorum imperatorem semper augustum ac Bohemiam regem illustrem, & te, dissensionis est noviter materia suscitata. Quod cum ad nostrum pervenit auditum, eo magis amaricati sumus intrinsecus, quo nos imperatorem eundem ac B personam tuam amplius gerimus in visceribus caritatis, & ex vestris dissidiis non tantum subiectis vobis populis, sed cunctis Christi fidelibus plura fore cognoscimus incommoda proventura. Monet itaque nos præfata caritatis affectus, monet insuper communis utilitas, ut huiusmodi dissensionibus, quas inter vos seminator ille zizaniam exsuscitare conatur, ab ipsis principiis paternis monitis & salutaribus consiliis obviamus. Considerare te convenit, dilecte fili, quanta eidem imperatori debeas affectione conjungi, C qui natam suam tibi, ut accepimus, prædilectam habes conjugali tibi fœdere copulatam: propter quod si diligenter attendas, esse te erga illum decet ut filium, & ipsum erga te in tuis promovendis honoribus velut patrem. Ad illud etiam tua nobilitas debet attendere, in quanta diebus nostris mundus malignitate sit positus, quanta nonnullorum malignantium rabies in diversis mundi partibus hinc inde succreverit: qui siquidem malignantes in vestris gauderent dispendiis, & commodis turbarentur: propter quod D animum tuum eo magis expedit ad habendam cum eodem imperatore pacem & concordiam inclinari, quo pacem & concordiam easdem ad plurimorum noveris commoda pertinere. Hoc præfata nobilitati tuæ ex singularis dilectionis affectu, quem tuis facientibus meritis ad personam tuam gerimus, paternis exhortationibus suadenda duximus: sperantes indubie quod paterna consilia benignius accipies, & salutaribus exhortationibus acquiesces. Verum quod in hoc nostræ mentis desiderium explicari litterarum serie, prout id nostris inhæret affectibus, non valeret, venerabilem fratrem nostrum ÆGIDIUM episcopum Vincentinum apostolicæ sedis nuncium, tui utique honoris avidum, multa circumspeditione conspicuum, & consilii maturitate præclarum, & alias in magnis & arduis negotiis longa experientia comprobatum, de cuius industria plenam in Domino fiduciam obtinemus, ad dicti imperatoris ac tuam duximus præsentiam destinandum, quem benigne suscipere, ejusque salutaribus monitis sanisque consiliis F acquiescere, pro nostra & dictæ sedis reverentia, ac nostrorum interventu precaminum, eadem magnificentia tua velit generosum animum tuum in præmissis taliter ostensurus, quod præter divinæ retributionis præmia, mansueti ac benigni principis laudes in populis, & clarioris continuo famæ præconia merearis. Datum Avinionis vi. calendas Junii anno nono.

## EPISTOLA CLV.

Ad Johannem episcopum Lutetomuslensem.

*Commendat ei sua negotia apud imperatorem.*

Venerabili fratri JOHANNI episcopo Lutetomuslensi imperialis aulæ cancellario, salutem & apostolicam benedictionem.

Noverit tua fraternitas, quod carissimo in Christo filio nostro CAROLO imperatori Romanorum semper augusto & Bohemiam regi illustri noviter scribimus in serie quam tibi interclusa præsentibus cedula referabit. Quocirca fraternitatem tuam requirimus & hortamur attente, quatinus consideratis in dicta cedula contentis, super eisdem vivæ vocis oraculo cures imperatorem eundem plenius informare, nostra & sanctæ Romanæ Ecclesiæ matris tuæ negotia, quibus opportunum fore videris exhortationibus & consiliis ac precaminum tuorum instantiis, excellentiæ suæ tamquam nostri & ipsius Ecclesiæ filii præ, dilecti faciens præcipue adversus tam temerarium invasorem nostrorum & ejusdem Ecclesiæ terrarum & jurium ac nostrorum & ipsius Ecclesiæ superbum admodum contemptorem efficaciter commendata. Datum Avinionis (a) ix. calendas Junii anno nono. (a)

*In eodem modo, venerabili fratri ARNESTO archiepiscopo Pragensi, salutem, &c.*

*In eodem modo, venerabili fratri JOHANNI episcopo Argentineni, salutem, &c.*

*In eodem modo, venerabili fratri THEODORICO episcopo Mindensi, salutem, &c.*

*In eodem modo, venerabili fratri JOHANNI episcopo Olomucensi, salutem, &c.*

*In eodem modo, dilecto filio Guillelmo decano Wicegradensi apostolicæ sedis nuntio, salutem, &c. noverit tua discretio, ut supra usque referabit. Quocirca discretionem ipsam requirimus & hortamur, &c. ut supra usque in finem.*

## EPISTOLA CLVI.

Ad Carolum Romanorum imperatorem.

*Bernabovem, qui ipsum & regem Hungarie elegerat arbitros, ad dirimendam controversiam de civitate & districtu Bononiensi, ipsi & sedi apostolicæ illuisse. Hortaturque ut ecclesiæ factam injuriam ulciscatur.*

Carissimo in Christo filio CAROLO Romanorum imperatori semper augusto & Bohemiam regi illustri, salutem & apostolicam benedictionem.

(a) Hæc epistola uti & sequens 156. ad imperatorem scripta fuit post præcedentes, quibus Bernabovem imperatorem & regem Hungariæ arbitros elegisse novimus ad dirimendam controversiam, quæ ipsum inter & papam versabatur super civitate & districtu Bononiensi; ac proinde in utriusque data error irreplisse dicendus est, cum post vi. calendas Junii scriptæ fuerint, forte ix. calendas Julii,

Pridem ad nostram pro parte tua præsentiam accedentes dilecti filii præpositus Eystetensis & Conradus de *Gyscheym* tuæ serenitatis nuncii, quos placide admodum ac benigne recepimus, tuis per eos nobis præsentatis litteris, nec non quarundam copiis litterarum, per carissimum in Christo filium nostrum *LUDOVICUM* regem Ungariæ illustrem ac Bernabovem de Vicecomitibus militem Mediolanensem tibi transmissarum, nonnulla nobis pro parte tua tam provide quam prudenter exponere curaverunt, ex quibus omnibus nobis quantum poteramus colligere verisimiliter apparebat, quod idem *BERNABOS* super discordia quæ inter nos & ipsum super civitate, comitatu, & districtu Bononiensi vertitur, stare vellet tuæ & dicti regis ordinationi, & quicquid super hujusmodi sedanda discordia vestro videretur iudicio libere acceptare. Collegimus etiam ex prædictis quod tam tu quam præfatus rex tamquam pacis & concordie principes & zelatores præcipui, ad dictam sopiendam discordiam curabatis interponere ministerii vestri partes. Quodque propterea tua excellentia ad venerabilem fratrem nostrum *ÆMIDIUM* episcopum Sabinensem apostolicæ sedis legatum & Bernabovem præfatum, dilectum filium nobilem *JOHANNEM* Lantgravium tuum fidelem & consiliarium duxerat specialiter destinandum, ut ipse inter præfatos legatum & Bernabovem iniret treugas & firmaret usque ad festum *B. Martini* proximum futurum, & interim ad quietem & pacem dictorum civitatis, comitatus & districtus, ac fidelium subditorum Romanæ Ecclesiæ degentium in eisdem, qui ex hujusmodi guerrarum gravaminibus multipliciter perturbantur, de solida & stabili concordia melius tractaretur, quodque super hoc ab eodem Bernabove expectabas litteras responsales, per quas tibi & regi præfato per Bernabovem ipsum potestas daretur plenaria dictam discordiam terminandi. Propter quæ, carissime fili, sicut hætenus ex plurimis causis manifestum reddit nostræ menti, quod tu tamquam pacis & benedictionis filius ac sedis apostolicæ brachium & refugium singulare, nos & matrem tuam sanctam Romanam Ecclesiam geris in visceribus caritatis, ac nostrum & dictæ Ecclesiæ quietem & pacem desideras, tuque & rex ipse ad honorem & augmentum & conservationem devotionis zelum plurimum commendantes in Domino, præfatum excellentiam uberioribus prosequimur actionibus gratiarum. Ut autem tibi super præmissis nostræ mentis deliberatio apertius innotescat, ac quanta super expositis nobis fiducia ducemur intelligas, nos indubie credentes quod dictus Bernabos minime aliud serenitati tuæ scriberet & aliud concepisset, nec formidantes eundem nobis ac tantis & talibus principibus verbis fictis illudere vellet, statim deliberavimus venerabilem fratrem nostrum *RAYMUNDUM* episcopum Elnensem, virum utique litterarum scientia famosum & alias multipliciter expertum, per nos super hujusmodi negotiis informatum plenarie, & ad præmissa executioni

A mandanda plena potestate suffultum, ad tuam præsentiam destinare. Sed quia dum idem episcopus à nobis expeditus jam vellet arripere iter suum tam per litteras & multorum fide dignorum relatione & fama publica & evidentius attestante didicimus, quod dictus Bernabos nēdum dicto *Johanni* nuncio tuo super prædictis treugis faciendis acquieverit, quin immo in nostrum ac tuum derisum pariter & contemptum pendentibus oblationibus nobis ac tibi de compromittendo in te ac regem præfatum, nonnulla dictæ Ecclesiæ castra hostiliter occupavit, & ad discurrendum comitatum prædictum copiosum misit exercitum & potentem, & quod animum suum nequam apertius manifestat, prout accepimus relationibus fide dignis, personaliter se contulit in comitatum eundem, & subditos nostros & ejusdem Ecclesiæ donis ac promissionibus malignitate subdola corrupendo, nonnullas fecit conspirationes & ligas ad nostras & ejusdem Ecclesiæ terras hostiliter occupandum, per hoc aperte demonstrans & facto declarans, quod nobis ac tibi in dolosis labiis & ad fallendum, non ad compromittendum dictas oblationes fecerat, non cordialiter nec ex fide: propter quod ipso Bernabove sic nos & dictam Ecclesiam impugnante & hostiliter prosequente, ad ea quæ tam per tuas litteras, quam præfatos nuncios intimasti, procedere tibi, cui sic illuserit, & nobis fore expediens vel honorabile non videtur, & ideo mutato consilio prædictum episcopum ad præfatum tuam præsentiam providimus non fore præfentialiter destinandum, ne nobis & tibi per ipsum iterum illudatur. Cum autem cognoverimus dictum Bernabovem ab offensione & impugnatione terrarum nostrarum & dictæ Ecclesiæ realiter abstinere, & ad prædicta per eum oblata intendere bona fide, continuo parati sumus condescendere rationi, & per effectum operis demonstrare, quod nos & dicta Ecclesia de te tamquam de singulari & præcipuo nostræ justitiæ defensore indubitanter confidimus & plenam in Domino fiduciam obtinemus. Tu vero, carissime fili, in tales & tam malignos viros & tuos maxime subditos & vassallos, qui tuæ celsitudini temerarie admodum illudentes, ipsamque contemnere signis evidentioribus ostendentes, dictam Ecclesiam & ejus honorem ac patrimonium & jura ipsius hostiliter persequuntur, favorabiliter & potenter in tuæ magnitudinis brachio debes insurgere, ac disciplinam quam non exercet apostolicæ sedis benignitas imponere cervicibus superbiorum, præsertim quia prætextu dictarum litterarum tuarum omisimus circa defensionem dictorum civitatis, comitatus, & districtus, ac terrarum aliarum nostrarum præfato legato, prout exigebat hujusmodi negotii gravitas, subvenire: verisimiliter opinantes quod dictus Bernabos præfate tuæ magnitudini, quæ inter nos & ipsum mediatoris partem pro bono tranquillitatis & pacis liberaliter assumebat, ac nobis tam contentibiliter illudere formidaret. Magnificentiam itaque tuam rogamus attentius, ac pater-

nis affectibus deprecamur, quatinus dictæ Ecclesiæ circa defensionem terrarum & jurium prædictorum dignetur assistere, ac se dicto legato circa defensionem ipsam taliter promtam & munificam exhibere, quod dictus Bernabos in nostra & tua illusione non gaudeat, sed condigna potius poenitentia confundatur. Nosque præfatam Ecclesiam non patiamur in dictis civitate, comitatu, & districtu, vel alibi effelsam: tuque proinde à Domino cujus sponsæ dictæ scilicet Romanæ Ecclesiæ causa geritur, meritum acquiras gloriæ, & apud Christi fidelium populos præfulgeas famæ præconio clarioris. Datum Avenione ix. calendas Junii anno nono.

## EPISTOLA CLVII.

*Commendat eis Augustinum de Brisaco nuncium suum in Alemanniam.*

**V**enerabilibus fratribus, &c. *ut in forma de securo conductu.*

Cum dilectum filium Augustinum de Brisaco ordinis fratrum Heremitarum sancti Augustini procuratorem generalem fratrum & ordinis eorundem, latorem præsentium, ad certas Alemanniæ & Bohemiæ partes, pro quibusdam arduis negotiis per nos ei commissis, præsentialiter destinemus. Nos volentes ipsum cum familia sua in eundo, morando, & ad nos redeundo plena securitate gaudere, universitatem vestram rogamus & hortamur attente, quatenus ipsum benigne recommendatum habentes, nullam eidem & familiæ prædictæ in rebus suis & personis inferatis injuriam vel offensam, nec ab aliis quantum in vobis fuerit permittatis inferri, sed ei potius de securo conductu, si à vobis illum petierint, sic libere providere pro nostra & ejusdem sedis reverentia studeatis, quod vestra possit exinde apud nos devotio merito commendari. Datum Avenione v. calendas Junii anno nono.

## EPISTOLA CLVIII.

Ad Carolum Romanorum imperatorem.

*Nuncium ad eum mittit Ægidium episcopum Vicentinum.*

**C**arissimo in Christo Romanorum imperatori semper augusto ac Bohemiæ regi illustri, salutem & apostolicam benedictionem.

Licet pridem, per nostras litteras serenitatis duxerimus intimandum, qualiter certis inducti rationibus venerabilem fratrem nostrum RAYMUNDUM episcopum Elnensem, quem prius deliberaveramus ad tuam destinare præsentiam, tandem provideramus ad præsentiam eandem non fore tunc temporis destinandum; supervenientibus tamen deinde serenitatis tuæ litteris, nobis primo per specialem tuum nuncium, & deinde per venerabilem fratrem no-

**A**strum GERARDUM episcopum Nurembergensem noviter præsentatis, maturo deliberavimus consilio, venerabilem fratrem nostrum Ægidium episcopum Vicentinum apostolicæ sedis nuncium de intentione nostra tam super Bononiensi negotio, quam super nonnullis aliis non parum residentibus menti nostræ plenarie informatum, ad ejusdem serenitatis præsentiam destinare; ut vivæ vocis oraculo plenius exponere valeat, ea quæ litterarum ministerium non valeret. Hæc tenore præsentium per dilectos filios Conradum *de Bisynhegin* notarium familiarem & secretarium ac præpositum Eistertensem nuntios tuos earundem latores tuæ excellentiæ intimantes, ut sentias eundem Vicentinum episcopum tuo se vel cum prædictis tuis nuntiis vel paucis postea dictis pro parte nostra eandem fore excellentiam aditurum. Datum Avenione iii. calendas Junii anno nono.

## EPISTOLA CLIX.

Ad Petrum Eraudi priorem S. Eutropii & Jacobum Barravi.

*Ut sibi reservata electi Xantonensis in curia Romana defuncti bona colligant.*

**D**ilectis filiis PETRO ERAUDI monasterii sancti Eutropii Xantonensis per priorem soliti gubernari, & Jacobo Barravi sancti Johannis extra muros Rupellæ Xantonensis diocesis apostolicæ sedis nuncio prioribus, salutem & apostolicam benedictionem.

**D**udum ex certis causis rationabilibus dispositionem bonorum mobilium ac debitorum & creditorum quondam electi Xantonensis nuper in Romana curia defuncti, quæ tempore sui obitus haberet, vel pertinerent quomodolibet ad eundem, nec non fructus, redditus & proventus qui Xantonensi Ecclesiæ vacante obvenirent & obvenire poterant ad mensam episcopalem dictæ ecclesiæ, spectantes & spectare debentes, nobis, adhuc eodem electo vivente, duximus reservandam, ac decrevimus ex tunc irritum & inane, si secus super hiis à quoquam quavis auctoritate scienter vel ignoranter contingeret attentari. Ideoque discretioni vestræ per apostolica scripta committimus & mandamus, quatenus vos vel alter vestrum, per vos vel alium, seu alios fide & facultatibus idoneos, bona debita & credita, ac fructus, redditus, & proventus hujusmodi, quæcumque sint, & in quibuscumque rebus existant, & per quoscumque detineantur, seu etiam debeantur, & ubicumque fuerint & consistent, de quibus si necesse fuerit summarie & de plano, sine strepitu & figura judicii, vocatis quos vocandos noveritis, vos plenarie informetis, petere, exigere, & recipere, ac vobis tradi & assignari facere, cum integritate curetis. Contradictores quoslibet & rebelles, cujuscumque status, gradus, ordinis, vel conditionis extiterint; etiam si pontificali vel alia quavis ecclesiastica vel mundana præ-

fulgeant dignitate, auctoritate nostra, per censuram ecclesiasticam, appellatione postposita, compescendo: invocato ad hoc, si opus fuerit, auxilio brachii sæcularis, nonobstantibus si ejusmodi bona, debita, & credita, fructus, redditus, & proventus, seu aliqua ex illis ex privilegio, statuto, aut alias aliquibus forsitan debeantur; nec non felicitis recordationis Bonifacii papæ VIII. prædecessoris nostri, qua cavetur ne aliquis extra suam civitatem & diocesim, nisi certis exceptis casibus, & in illis ultra unam dietam à fine suæ diocesis ad iudicium evocetur, seu ne iudices à sede deputati prædicta, extra civitatem & diocesim in quibus deputati fuerint, contra quoscumque procedere, seu alii vel aliis vices suas committere, aut aliquos ultra unam dietam à fine diocesis eorumdem trahere præsumant, & de duabus in concilio generali, vel aliis quibuscumque constitutionibus à prædecessoribus nostris Romanis pontificibus tam de iudicibus delegatis quam personis ultra certum numerum ad iudicium non vocandis, aut aliis editis, quæ vestræ possent in hac parte iurisdictioni & potestati, eorumque & cujuslibet ipsorum, seu alicujus ex illis libero exercitio quomodolibet obviare, seu si aliquibus communiter vel divisim à sede apostolica indultum existat, quod interdici, suspendi, vel excommunicari non possint, per litteras apostolicas non facientes plenam & expressam ac de verbo ad verbum de indulto hujusmodi mentionem, & quibuscumque exemptionibus, privilegiis, indulgentiis, & litteris apostolicis generalibus vel specialibus quorumcumque tenorum existant, per quæ præsentibus non expressa vel totaliter non inserta, effectus & executio præsentium impediri valeat quomodolibet vel differri, & de quibus quorumcumque totis tenoribus habenda esset præsentibus de verbo ad verbum mentio specialis. Nos enim vobis absolvendi, & quittandi plene ac libere omnes & singulos eos à quibus hujusmodi bona, debita, & credita, fructus, redditus & proventus, vel aliqua ex illis receperitis, de hiis dumtaxat quæ ab eis recipere vos continget; nec non ipsorum & quorumcumque officialium & receptorum dicti electi episcopi rationes & computa audiendi, & impugnandi, & residua recipiendi, & ipsos ab hiis absolvendi dicto nomine, plenam & liberam concedimus ea auctoritate tenore præsentium facultatem. Volumus autem quod de omnibus & singulis quæ ratione præmissorum vobis tradentur & assignabuntur, persolventur & dabuntur, & etiam de hujusmodi quittancebus, solutionibus & liberationibus duo consimilia per manum publicam inventaria confici faciat, quorum unum ad dictam cameram transmittatis reliquo panes vos reservato, quodque omnia quæ receperitis in præmissis ad dictam cameram & diligentia studio mittere quantocius commode poteritis nullatenus postponatis. Vos in præmissis taliter habituri, quod apud nos & sedem prædictam, de adhibitæ diligentia studio commendari non immerito valeatis. Datum Avenione . . . . . calendas Junii anno nono.

A

## EPISTOLA CLX.

Ad Ludovicum regem & Johannam reginam Siciliae.

*Providet angustiis regni Siciliae.*

**C**arissimis in Christo filiis LUDOVICO regi & JOHANNÆ reginæ Siciliae illustribus, salutem & apostolicam benedictionem.

B

Super nonnullis nuper pro parte vestra nobis tam provide quam diligenter expositis per dilectum filium Rogerium Grilum de Salerno legum doctorem nuncium vestrum, nos vestris & regni Siciliae angustiis pio compatiens affectu, providendum duximus juxta tenorem cedularum quas fecimus præsentibus intercludi. Super præstatione autem homagii per vos nobis juxta conventiones olim habitas & firmatas inter Romanam Ecclesiam & claræ memoriæ CAROLUM regem Siciliae prædecessorem vestrum personaliter facienda, nihil aliud rescribendum duximus de præsentibus, nisi quod vos taliter aviseris, quod vobis & statui vestro videamini maturo consilio providisse. Datum Avenione III nonas Junii anno nono.

C

## EPISTOLA CLXI.

Ad Petrum regem Aragonum.

*Ut patis fœdera inter reges Siciliae & prædecessores suos inita non turbet.*

D

**C**arissimo in Christo filio PETRO regi Aragonum illustri, salutem & apostolicam benedictionem.

E

Nuper carissimi in Christo filii nostri LUDOVICUS rex & JOHANNA regina Siciliae illustres nobis per eorum nuncium & litteras significare insinuatione querula curaverunt, quod inter certas conventiones habitas inter te & FRIDERICUM partis insulæ Siciliae detentorem, super contrahendo matrimonio inter ipsum & dilectam in Christo filiam nobilem mulierem natam tuam habitas, hoc præcipue tractatum extitit, & ad id utriusque partis approbatione devenit, quod ubi contingeret Fridericum ipsum ex hac vita decedere, liberis non relictis, tu ac tui filii & heredes in dominio dictæ insulæ succedere deberetis: quodque propterea nonnulli barones & nobiles de eadem insula ad hujusmodi conventionis efficaciam apertius demonstrandam, tibi seu certo nuncio tuo per te ad hoc specialiter deputato, tuo recipienti nomine, juramenta fidelitatis & homagii præstiterunt. Hoc insuper rex & regina præfati adjecerunt, per dictos eorum litteras & nuncium, ad querelam, quod sicut habet fide digna relatio facta eis per certam fide dignam personam, in galeis cum quibus dicta nata tua ad Fridericum præfatum transfugerat, tunc temporis existentem, nonnulli de galeis prædictis comminando dicebant, quod fideles & vassallos dictorum regis & reginæ offenderent, ac in personis & rebus hostiliter impugnarent. Cum itaque

F



itaque deceat excellentiam tuam, pacis fœdera dudum inter tuos & præfatorum regis & reginæ progenitores, pro se & eorum successoribus habita, firmiter attendere, & inviolabiliter observare: excellentiam ipsam rogamus attentius, & paternis affectibus exhortamur: quatenus pro nostra & apostolicæ sedis reverentia debitum tuum privatis affectibus quorumcumque suggestionibus præferens, huiusmodi fœdera servare studeas inter te ac præfatos regem & reginam, scandala nova non fâscites, ac eorum iustitiam super recuperationem præfatæ insulæ tam publice quam occulte non turbes, aut quomolibet impediās, vel ipsos molestes contra conventiones easdem, nec præfatos regem & reginam à tuis permittas subditis turbari aut impediri, vel alias eos aut eorum subditos aliquo modo molestari: sciturus id sine nostra & dictæ Ecclesiæ principali læsione esse non posse, ac serenitatis tuæ prudentiam in præmissis taliter ostensurus, quod exinde tamquam princeps dictæ Ecclesiæ carissimus filius, pacis amator, & iustitiæ cultor, ac promissorum efficax observator, apud nos & sedem apostolicam, ac Christi fidelium populos laudabilis famæ præconia merearis. Datum Avenione III. nonas Junii anno nono.

## EPISTOLA CLXII.

Ad Ludovicum regem Hungariæ.

*Gratias agit de suis in regem & reginam Siciliae obsequiis.*

**C**arissimo in Christo filio LUDOVICO regi Ungariæ illustri, salutem & apostolicam benedictionem.

Nuper, carissime fili, placide admodum intelleximus, qualiter ad tuam perducto notitiam, quod nonnulli tui subditi Ungariæ nationis congregati in unam gentis armigeræ comitivam, secum quibusdam tam theotonicis, quam nonnullarum aliarum nationum armigeris gentibus, in societatem, immo verius in perversitatem unam conjunxerant, & regnum Siciliae more prædonico invadebant, tua statim serenitas per proprium nuncium & per speciales litteras præfatis suis subditis expresse præcipiendo mandavit, quod ab huiusmodi invasione desisterent, & ab hostili impugnatione & molestia qualibet dicti regni cessarent. Apparet equidem in præmissis animi tui sinceritas, & invictæ fidei tuæ constantia circa quietem & statum ejusdem regni evidentius demonstratur, dum regnum ipsum curas taliter à noxiis præservare. Nos itaque huiusmodi per te adhibitam diligentiam, fraternum amorem quem habes ad carissimos in Christo filios nostros LUDOVICUM regem & JOHANNAM reginam præfati regni Siciliae illustres probabiliter ostendentem, gratam habentes plurimum & acceptam, teque exinde multipliciter commendantes, serenitatem tuam in eo plenioribus actionibus gratiarum prosequimur, quoad regnum ipsum tamquam nostrum & Romanæ Ecclesiæ singulare peculium, ac ejus

*Thesauri Anecd. Tom. II.*

**A** statum pacificum & tranquillum caritate afficimur ampliori, excellentiam tuam attentius deprecantes, quatenus pro nostra & apostolicæ sedis reverentia, prout laudabiliter incœpisti prædictos tuos subditos mandatis regiis de regno præfato, ut præmittitur, revocando, ita ejusdem regni pie compatiendo angustiis & pressuris, incœpta huiusmodi laudabiliter prosequaris, & præfatis regi & reginæ tua circa quietem & tranquillitatem regni ipsius contra huiusmodi malignantium temeritatem, regia præstes auxilia & favores. Hoc quoque nostris adjicimus precibus, licet id fore expediens non credamus, quod ad assistendum quibuscumque personis regnum præfatum contra dictos regem & reginam quomodocumque perturbare volentibus, nullis quorumcumque tibi suggerentium suasionibus inducaris: quin immo erga regem & reginam eosdem generosum habere velis magnifici principis animum, & fraternæ caritatis affectum. Datum Avenione III. nonas Junii anno nono.

## EPISTOLA CLXIII.

Ad Ægidium episcopum Sabinensem.

*Ut Philippo Gherio bona Camerini Destuse sub annuo censu dare possit in emphiteosim.*

**V**enerabili fratri Ægidio Sabinensi, apostolicæ sedis legato, salutem & apostolicam benedictionem.

**D** Exhibita nobis pro parte dilecti Philippo Gheri civis Ferrariensis petitio continebat, quod olim propter conspiracyonem & nonnullos excessus per quondam Camerinum Destusa civem Ferrariensem contra Romanam Ecclesiam perpetratos, quædam res & bona in civitate, diocesi seu districtu Ferrariensi consistentia ad ipsum Camerinum tunc spectantia fuerunt cameræ fiscali ejusdem Ecclesiæ, ad quam civitas, diocesis, & districtus præfati pleno jure & immediate pertinent, confiscata, & ejusdem Ecclesiæ nomine notorie habita & detenta. Quare nobis pro parte ipsius Philippi humiliter extitit supplicatum, ut eidem Philippo pro se suisque filiis & heredibus huiusmodi res & bona, quorum fructus, redditus, & proventus octuaginta florenorum auri valorem annum communiter, prout accepimus, non excedunt, in emphiteosim perpetuam sub annuo censu, de quo nobis placeret, concedere dignaremur. De tuæ igitur circumspectionis industria plenam in hiis & aliis in Domino fiduciam obtinentes, fraternitati tuæ, quæ præmissorum pleniorum habere potest notitiam, de propinquo concedendi auctoritate nostra præfata res & bona sub annuo censu unius floreni auri, dilectis filiis Aldebrandino, Nicolao, Hugoni, & Alberto marchionibus Estensibus dictæ civitatis Ferrariensis pro nobis & dicta Ecclesia vicariis, quamdiu ipsi vel quivis ex eis in huiusmodi vicariatus officio fuerint, & ipsorum vicariatu cessante thesaurario provincie Romandiolæ pro ipsa Romana Ecclesia, qui erit pro tempore, annis singulis persolvendo in

R r r

emphiteosim perpetuam dicto Philippo ejusque hæredibus & successoribus, si præmissa inveneris ita esse, & alias tibi videbitur convenire, plenam & liberam concedimus tenore præsentium facultatem. Datum Avenione III. nonas Maii anno nono.

#### EPISTOLA CLXIV.

Ad Johannem Ferdinandi de Eredia castellanum Empostæ.

*Absolvit eum à quatuordecim millibus & quingentis florenis, quos nomine sedis apostolicæ distribuit marchioni Montis-ferrati.*

**D**ilecto filio JOHANNI FERDINANDI de Eredia castellano Empostæ hospitalis sancti Johannis Hierosolymitani, salutem & apostolicam benedictionem.

Cum pridem venerabilis frater REGINALDUS episcopus Eduensis, thesaurarius noster de pecuniis cameræ apostolicæ; de mandato nostro super hoc facto eidem oraculo vivæ vocis tibi manualiter tradiderit & assignaverit quatuordecim millia quingentos florenos auri, per te tradendos & assignandos dilecto filio nobili viro JOHANNI marchioni Montis-ferrati, & per eundem marchionem certis gentibus armigeris, quæ magna societas dicebatur, erogandos: tuque dictos quatuordecim mille quingentos florenos auri eidem marchioni juxta mandatum nostrum tradideris & integraliter assignaveris. Nos volentes propterea tuæ & heredum ac successorum tuorum indemnitati providere, te ac heredes & successores eosdem ac bona tua exinde liberamus, absolvimus perpetuo & quitamus. Datum Avenione VIII. Idus Junii anno nono.

#### EPISTOLA CLXV.

Ad Johannem Ferdinandi de Eredia castellanum Empostæ.

*Permittit ei mutuum quatuor millium florenorum contrahere.*

**D**ilecto filio JOHANNI FERDINANDI de Eredia castellano Empostæ & priori sancti Ægidii hospitalis sancti Johannis Hierosolymitani Dertulensis, ac Nemausensis diocesis, salutem & apostolicam benedictionem.

Cum, sicut in nostra proposuisti præsentia constitutus, pro tuis expensis necessariis & tuorum castellanæ Empostæ & prioratus sancti Ægidii expediendis negotiis, te subire oporteat magna onera expensarum, nobis humiliter supplicasti, ut usque ad summam quatuor millium florenorum auri mutuum contrahendi sub modis & forma infra scriptis, sine quibus creditores te putas invenire non posse, tibi largiri licentiam dignaremur. Nos igitur de tua tam in hiis quam in aliis circa eadem tua & ipsorum castellanæ & prioratus expedienda negotia circumspeditione & diligentia plenius in Domino confidentes, nec volentes, quod propter expen-

**A** sarum ipsarum defectum indigentiam patiaris, vel quod eadem negotia inexpedita remanere contingat, tuis supplicationibus inclinati, discretioni tuæ contrahendi mutuum propter hæc usque ad prædictam summam quatuor millium florenorum auri, tuo & ipsorum castellanæ & prioratus nomine ac te & successores tuos & prædictos castellaniam & prioratum ac tua & eorum bona mobilia & immobilia præsentia & futura usque ad summam prædictam propterea à dictis creditoribus, usuris omnino cessantibus, obligandi & renuntiandi: non obstantibus de duabus dietis in concilio generali, & felicis recordationis Bonifacii papæ octavi prædecessoris nostri, qua caveatur ne quis extra suam civitatem & diocesim, nisi in certis exceptis casibus, & illis ultra unam dietam à fine suæ diocesis, ad judicium evocetur, & quibuscumque aliis constitutionibus à prædecessoribus nostris Romanis pontificibus super hoc editis, & beneficio restitutionis in integrum, & omnibus litteris & indulgentiis apostolicis impetratis & etiam impetrandis & omni juris canonici & civilis auxilio & conventioni judicium & locorum, si eorundem creditorum nomine super hiis apostolicas litteras contigerit impetrari, nec non & omnibus aliis exceptionibus, per quas contra creditores eosdem tu dictique tui successores posses vos tueri plenam auctoritate præsentium concedimus facultatem. Volumus insuper & concedimus juxta quod postulasti à nobis, quod tu & successores tui creditoribus ipsis hujusmodi pecuniam de bonis dictorum castellanæ & prioratus solvere ac damna & expensas & interesse reficere teneamini, si in termino qui ad hoc de tuo & ipsorum creditorum consensu fuerit constitutus, eadem pecunia non fuerit persoluta; quodque ipsis creditoribus prætextu alicujus constitutionis canonice vel civilis, aut cujuscumque privilegii vel indulgentiæ sedis apostolicæ, de quibus in nostris litteris plenam ac expressam ac de verbo ad verbum oporteat fieri mentionem, & per quæ tu & successores præfari valeatis ulterius vos tueri, dictam pecuniam in jam dictorum castellanæ & prioratus utilitatem conversam fore probandi necessitas non incumbat, sed sola tui hoc fatentis confessio in instrumentis conficiendis super mutuo hujusmodi quantitatis inserta sufficiens plena & efficax probatio irrefragabiliter habeatur. Ceterum ne in hoc vorago locum sibi vendicet usurarum, nostræ intentionis existit, & volumus quod tu & iidem successores ac dicti castellanæ & prioratus tua seu eorum vel ipsorum bona per has nostras litteras, per cujuscumque fraudis & calliditatis astutiam, sub quovis pallio vel colore verborum, ad usuras aliquas obligari nullatenus valeatis, easdem litteras, concessionem, cautiones, & recognitiones, seu promissiones per eas seu eorum auctoritate vel occasione factas, quoad obligationem usurarum hujusmodi decernentes irritas & inanes, & nullius penitus existere firmitatis, eis nihilominus quoad præmissa omnia quæ usurarum pravitatem non sapiant, in suo robore duraturis, nec usurarum prætextu ma-

liciose aliquatenus impugnandis. Volumus in super, quod dicti castellania & prioratus ac bona ipsius pretexto nostræ concessionis huiusmodi, ultra triennium ab obligationis huiusmodi tempore numerandum, dictis creditoribus nullatenus remaneant obligata, præsentis litteras & earum effectum quoad ipsos castellaniam & prioratum & bona eorundem ex tunc omnino carere viribus decernentes. Datum Avenione VIII. Idus Junii anno nono.

## EPISTOLA CLXVI.

Ad Petrum regem Castellæ & legionis.

*Ut Ægidium episcopum Sabinensem beneficiorum suorum fructibus gaudere faciat, & Johanni Seguntino præfati sua castra restitui.*

CARISSIMO in Christo filio PETRO regi Castellæ & Legionis illustri, salutem & apostolicam benedictionem.

Per alias nostras litteras, carissime fili, apud tuam excellentiam sæpe meminimus instituisse, quod erga venerabilem fratrem nostrum Ægidium episcopum Sabinensem apostolicæ sedis legatum, eam quam habere te convenit benivolentiam & amorem liberaliter ostendens, ipsum ad beneficia quæ in tuis regnis obtinere dinoscitur restitui mandares & faceres, sibi que ac suis officialibus de ipsorum beneficiorum fructibus, redditibus & proventibus integre responderint, nec non & certa castra & loca ad venerabilem fratrem nostrum JOHANNEM episcopum Seguntinum & suam Seguntinam ecclesiam spectantia, quæ per nonnullos tuos officiales occupata tenentur, faceres in manibus ejusdem episcopi seu officialium suorum libere relaxari, ac episcopum & ecclesiam eorundem in eorum juribus haberes benignitate regia propensius commendatos. Verum sicut ad nostram deinde pervenit audientiam, huiusmodi nostra precamina nondum fuerunt effectum debitum consecuta. Cum itaque nos præfatum legatum tamquam præcipuum Ecclesiæ Dei membrum, propter suæ prudentiæ magnitudinem, consilii abundantiam & obsequiosa servitia per eum summis studiis circa recuperationem, & conservationem nostrorum, & ipsius Ecclesiæ jurium in partibus Italiæ nobis & eidem Ecclesiæ utiliter & honorabiliter impensa, ac præfatum Seguntinum episcopum propter ejus merita probitatis speciali benivolentia prosequamur, deceatque excellentiam regiam juxta laudabilia catholicorum vestigia principum ecclesias & ecclesiasticas personas, & eas præcipue, quas sedes apostolica in majoris extulit titulum dignitatis, non tantum benigne tractare, sed tua eisdem pro suorum tuitione jurium præstare auxilia & favores, serenitatem tuam rogamus attentius & hortamur, quatenus pro nostra & apostolicæ sedis reverentia & animæ tuæ salutem & tui honoris, nostrorumque precaminum iterato sæpius interventu, præfatos

*Theauri Anecd. Tom. II.*

A legatum & Seguntinum episcopum regia benignitate pertractans, eidem legato seu ipsius procuratoribus & officialibus de fructibus dictorum beneficiorum, quæ ipse in regnis tuis obtinet, cum integritate responderi mandes & facias, ac præfato episcopo seu ejus officialibus prædicta castra & loca libere resignare, liberalitatem tuam in præmissis taliter ostensurus, quod proinde nos & sedem præfatam promptiores efficias ad annuendum quantum cum Deo potuerimus votis tuis. Datum Avenione VII. Idus Junii anno nono.

## EPISTOLA CLXVII.

Ad Guidonem episcopum Portuensensem.

*Ut partes suas apud regem interponat pro executione præcedentis.*

VENERABILI fratri GUIDONI episcopo Portuensi apostolicæ sedis legato, salutem & apostolicam benedictionem.

Licet usque modo minus efficaces extiterunt litteræ nostræ, per quas carissimum in Christo filium nostrum PETRUM regem Castellæ & Legionis illustrem sæpius duximus deprecandum, quod venerabili fratri nostro Ægidio episcopo Sabinensi apostolicæ sedis legato, de fructibus beneficiorum quæ ipse in suis regnis obtinet, mandaret & faceret integre responderi: Venerabili fratri nostro Johanni episcopo Seguntino certa castra & loca ad ipsum & suam Seguntinam Ecclesiam spectantia, quæ per nonnullos suos officiales & subditos occupata tenentur libere resignari: nostra tamen precamina super eodem duximus præsentia iteranda. Quocirca fraternitatem tuam hortamur attente, quatenus considerans quantis & quam arduis ac diuturnis laboribus idem legatus in partibus Italiæ pro recuperatione & defensione nostrorum & Romanæ Ecclesiæ jurium tam utiliter quam honorabiliter insudarit, quodque nos præfatum Seguntinum episcopum propter multiplicium virtutum suarum merita, affectu præcipuo prosequamur, apud regem eundem pro votiva præmissorum expeditione, prout expedire videris, tuis penes eundem insistendo consiliis & exhortationibus partes tuas favorabiliter & efficaciter interponas Datum *ut supra*.

## EPISTOLA CLXVIII.

Ad Petrum regem Castellæ & Legionis.

*Ut ablata Johanni Brigolhandi jubeat restitui.*

CARISSIMO in Christo filio PETRO regi Castellæ & Legionis illustri, salutem & apostolicam benedictionem.

Nuper ad audientiam nostram non sine admiratione pervenit, quod per nonnullos officiales tuos & subditos, de mandato regio, dilectus filius Johannes Brigolhandi thesaurarius Cartaginensis & dilecti filii Guillelmi sanctæ

R r ij

Mariæ in Cosmidin diaconi cardinalis vicarius & procurator in partibus tui regni Castellæ, tam cum bonis & rebus propriis, quam cum nonnullis bonis & rebus ejusdem cardinalis, quæ ipse secum deferbat, captus extitit & detentus. Equidem si consona sint facta relatibus, eo magis admirari cogimur, quo nos eundem cardinalem fore novimus zelatorem tui honoris ac status, & tuorum apud sedem apostolicam negotiorum sincerissimum promotorem. Cum itaque deceat excellentiam tuam personas ecclesiasticas & præcipue Romanæ Ecclesiæ cardinalium negotiis intendentes non tantum non offendi permittere vel mandare, sed eas potius regiis præsiidiis confovere. Excellentiam eandem rogamus paternis affectibus & hortamur, quatenus si præmissis veritas suffragetur, pro nostra & dictæ sedis reverentia ac tui honore nominis, & ut idem cardinalis apud sedem eandem tua promovere negotia ferventius teneatur, Johannem prædictum cum dictis bonis & rebus restitui mandes, & facias pristinæ libertati: benignitatem tuam in præmissis taliter ostensurus, quod exinde apud nos & sedem præfatam regiæ liberalitatis præconia merearis. Datum Avenione vii. Idus Junii anno nono.

## EPISTOLA CLXIX.

Ad Johannem Marchionem Montis-ferrati.

*Ut temerariis ausibus Barnabovis sese opponat.*

**D**ilecto filio nobili viro Johanni Marchioni Montis-ferrati, salutem & apostolicam benedictionem.

Nuper per litteras venerabilis fratris nostri **ÆGIDI** episcopi Sabinensis apostolicæ sedis legati percepimus, quod Bernabos de Vicecomitibus miles Mediolanensis in suæ nequitiae pertinacia induratus, cum suis gentibus armigeris venit usque ad castrum de Lugo, & dimisso ibidem filio perditionis Francisco de Ordelaffis cum mille ducentis equitibus, rediit ad castrum præfatum, & exercitum suum posuit ad locum qui dicitur Burgus Panicalis prope civitatem nostram Bononiensem, per duo millia constitutum, & suæ gentes armigeræ territoria dictæ civitatis & provinciae Romandiolæ discurrunt hostiliter & devastant, propter quod civitas ipsa in multis est perplexitatibus constituta. Cum itaque, sicut novit tua nobilitas, hujusmodi discuriones & guerræ nullam recipiant sine magnis dispendiis tarditatem, nobilitatem eandem requirimus & hortamur attente, quatenus sublato cujuslibet dilationis obstaculo, te cum exfortio & potentia tua, juxta conventiones inter nos & te ac ducem & commune Januensium habitas, ad partes ipsas personaliter conferens, partes easdem cures quanto potes studio ab hujusmodi possessionibus liberare, & dicto legato quibus potes pro liberatione & defensione dictorum civitatis & provinciae, tuis intendas favoribus & assistas: rem nobis facturum

eo magis placidam & acceptam, quo negotium istud celeritatis & experientiae plus requirit. Datum Avenione vi. idus Junii anno nono.

## EPISTOLA CLXX.

Ad Simonem Buccanigrum, ducem, consilium & commune Januensium.

*Ejusdem argumenti.*

**D**ilectis filiis nobili viro Simoni Buccanigro duci, consilio & communi Januensium, salutem &c. *ut supra* cum itaque sicut novit vestra prudentia hujusmodi, &c. *ut supra* tarditatem. Discretionem vestram requirimus & hortamur attente, quatenus juxta conventiones & pacta inter nos & vos ac dilectum filium nobilem virum **JOHANNEM** marchionem Montis-ferrati pro liberatione hujusmodi obsidionis, vestra favores & auxilia tam potenter quam efficaciter impendatis: eidem marchioni vestrae gentis armigeræ assistentes potentia, cui siquidem marchioni nostras super hoc speciales litteras destinamus. Datum *ut supra*.

## EPISTOLA CLXXI.

Ad Carolum Romanorum imperatorem.

*Quam primum poterit tenere consistorium promittit acturum se de translatione episcopi Mindensis ad sedem Magdeburgensem.*

**C**arissimo in Christo filio **CAROLO** Romanorum imperatori semper augusto & Bohemiae regi illustri, salutem & apostolicam benedictionem.

Nuper tam per tuæ serenitatis litteras, quam per dilectum filium Nicolaum Scolasticum Pragensem secretarium & nuncium tuum, quos placide admodum ac benigne recepimus, petitionem tuam super translatione facienda de persona venerabilis fratris nostri **THEODORICI** episcopi Mindensis ad ecclesiam Magdeburgensem modo vacantem intelleximus diligenter. Equidem cum sicut novisse potest tua serenitas, ecclesiarum provisio res consistorialis existat, & propter imminemtem in partibus istis ad præsens periculosam nimium & horridam pestem, fratres nostri Romanæ Ecclesiæ cardinales pro majori parte sese absentaverint à Romana curia. Cumque etiam nos aliquantulum familiaris nostræ podagræ dolores invaserint, propterea supersedere nos oportet tenendis consistoriis de præsentis. Verum quamprimum se facultas obtulerit ut consistoria teneamus, tam circa provisionem dictæ ecclesiæ, quam circa plurima magna & ardua negotia nostris humeris incumbencia, duce Domino, intendemus. Cupientes excellentiæ tuæ in hiis quæ tibi grata & accepta fore noverimus, sicut præcarissimi filii, quantum cum Deo poterimus, complacere. Interea excellentiam eandem rogamus attente, quatenus pro nostra & apostolicæ sedis reve-

rentia dilectis filiis decano ac præposito & capitulo dictæ Magdeburgensis ecclesiæ super conservatione bonorum & jurium ipsius, tuis assistere velis auxiliis & favoribus opportunis. Nos enim eisdem decano ac præposito & capitulo damus per nostras litteras in mandatis, ut circa conservationem bonorum & jurium dictæ Ecclesiæ diligenter intendant, & in hiis in quibus opus fuerit fiducialiter tua implorent auxilia & favores. Datum Avenione vi. Idus Junii anno nono.

## EPISTOLA CLXXII.

Ad capitulum Magdeburgense.

*Ut vacantis ecclesiæ Magdeburgensis jura illibata conservent, & ne procedant ad electionem.*

**D**ilectis filiis decano ac præposito & capitulo Magdeburgensi, salutem & apostolicam benedictionem.

Cum, sicut accepimus, ecclesia Magdeburgensis vacare noscatur, ne tempore vacationis hujusmodi ecclesia ipsa, quæ plurimum inter ceteras ecclesias in partibus Alamanniæ consistentes honorabilis existit, damna aut dispendia patiatur; discretioni vestræ mandamus, quatinus donec per nos eidem de persona provideatur idonea, per quam secundum cor nostrum ecclesia ipsa valeat feliciter tam in spiritualibus quam temporalibus gubernari, circa conservationem & defensionem bonorum & jurium ipsius taliter sollicitis studiis intendatis, quod vestra exinde apud nos diligentia commendari valeat, vosque illi personæ de qua eidem ecclesiæ providendum duxerimus, vestræ villicationis debitam possitis reddere rationem, carissimi in Christo filii nostri CAROLI Romanorum imperatoris semper Augusti ac Bohemiæ regis illustris, cui super hoc nostras speciales litteras destinamus, favores & præsidia fiducialiter implorantes. Hoc quoque mandatis nostris adjicimus, quod ad electionem alicujus personæ in dicta Ecclesia præficiendæ nullatenus procedatis, cum nos dispositionem præfatæ ecclesiæ nobis & sedi apostolicæ duxerimus specialiter reservandam. Datum *ut supra*.

## LITTERÆ DE MENSE JULII

ANNO NONO.

## EPISTOLA CLXXIII.

Ad episcopum Clusinum & Johannem de Lamanhaina canonicum Agennensem.

*Ut Pontii Urbevetani episcopi in Romana curia defuncti bona colligant.*

**V**enerabili fratri.... episcopo Clusinensi, & dilecto filio Johanni de Lamanhaina canonico Agennensi apostolicæ sedis nuncio, salutem & apostolicam benedictionem.

Dudum ex certis causis rationabilibus dispositionem bonorum mobilium ac debitorum & creditorum bonæ memoriæ PONTII episcopi

**A** Urbevetani nuper in Romana curia defuncti, quæ tempore sui obitus haberet, vel pertinerent quomodolibet ad eundem, nec non fructus, redditus, & proventus, qui Urbevetana ecclesia vacante obvenirent & obvenire poterant ad mensam episcopalem dictæ Ecclesiæ spectantes & spectare debentes, nobis adhuc eodem episcopo vivente duximus reservanda, & decrevimus ex tunc irritum & inane, si secus super hiis à quoquam quavis auctoritate scienter vel ignoranter contingeret attemptari: ideoque discretioni vestræ per apostolica scripta committimus & mandamus, quatenus vos vel alter vestrum per vos vel alium seu alios fide & facultatibus idoneos, bona debita & credita, ac fructus, redditus, & proventus ejusmodi quæcumque sint, & in quibuscumque rebus existant, & per quoscumque detineantur, seu etiam debeantur, & ubicumque fuerint & consistant, de quibus si necesse fuerit summarie, & de plano, sine strepitu & figura judicii, vocatis quos vocandos noveritis, vos plenarie informeris, petere, exigere, & recipere, ac vobis tradi assignari facere, cum integritate curetis: contradictores quoslibet, & rebelles, cujuscumque status, gradus, ordinis, vel conditionis extiterint: etiamsi pontificali vel qualibet alia ecclesiastica vel mundana prefulgeant dignitate, auctoritate nostra, per censuram ecclesiasticam, appellatione postposita, compescendo: invocato ad hoc, si opus fuerit, auxilio brachii sæcularis, non obstantibus si hujusmodi bona, debita, & credita fructus, redditus & proventus, seu aliqua ex illis, ex privilegio statuto, aut alias aliquibus forsitan debeantur, nec non felicitis recordationis Bonifacii papæ VIII. prædecessoris nostri qua cavetur, ne aliquis extra suam civitatem & diocesim, nisi in certis exceptis casibus, & in illis ultra unam dietam à fine suæ diocesis ad judicium evocetur, seu ne iudices à sede deputati prædicta extra civitatem & diocesim, in quibus deputati fuerint contra quoscumque procedere, seu alii vel aliis vices suas committere, aut aliquos ultra unam dietam à fine diocesis eorundem trahere præsumant, & de duabus dietis in concilio generali & aliis quibuscumque constitutionibus à prædecessoribus nostris Romanis pontificibus, tam de iudicibus delegatis, quam personis ultra certum numerum ad judicium non vocandis, aut aliis editis, quæ vestræ possent in hac parte jurisdictioni & potestati eorumque & cujuslibet ipsorum seu alicujus ex illis libero exercitio quomodolibet obviare, seu si aliquibus communiter vel divisim à sede apostolica indultum existat, quod interdicti, suspendi, vel excommunicari non possint per litteras apostolicas non facientes plenam & expressam ac de verbo ad verbum de indulto hujusmodi mentionem, & quibuslibet exemptionibus, privilegiis, indulgentiis, & litteris apostolicis, generalibus, vel specialibus, quorumcumque tenorum existant: per quæ præsentibus non expressa vel totaliter non inserta effectus, & executio præsentium impediri valeat quomodolibet vel differri, & de quibus quorumque totis

R r r iij





tenoribus habenda esset in præsentibus de verbo ad verbum mentio specialis. Nos enim vobis absolvendi, & quittandi plene ac libere omnes & singulos eos, à quibus hujusmodi bona debita & credita, fructus, redditus, & proventus, vel aliqua ex illis, receptis de hiis dumtaxat quæ ab eis recipere vos continget, necnon ipsorum & quorumcumque officialium & receptorum dicti episcopi rationes & computa audiendi, & impugnandi, ac residua recipiendi, & ipsos ab hiis absolvendi dicto nomine plenam & liberam concedimus eadem auctoritate tenore præsentium facultatem. Volumus autem quod de omnibus & singulis quæ ratione præmissorum vobis tradentur, & assignabuntur, persolventur, & dabuntur, & etiam de hujusmodi quittancebus, solutionibus, & liberationibus duo confamilia per manum publicam inventaria confici faciatis, quorum unum ad dictam cameram transmittatis, reliquo penes vos reservato. Quodque omnia quæ receperitis in præmissis ad dictam cameram cum cautela & diligentia studio mittere quantocius commode poteritis nullatenus postponatis: vos in præmissis taliter habituri, quod apud nos & dictam sedem de adhibitæ diligentia studio commendari non immerito valeatis. Datum Avenione xviii. calendas Julii anno nono.

## EPISTOLA CLXXIV.

Ad Carolum Romanorum imperatorem.

*Theoderico episcopo Mindensi ad ejus preces translato ad sedem Magdeburgensem, hortatur ut consumacibus Bernabovis ausibus se opponat.*

**C**arissimo in Christo filio CAROLO Romanorum imperatori semper augusto ac Bohemix regi illustri, salutem & apostolicam benedictionem.

Vacante pridem ecclesia Magdeburgensi, quæ inter ceteras partium Alamannix ecclesias plurimum fulgere dinoscitur, & jurisdictionis latitudine & titulo dignitatis, nos cupientes eidem personam secundum cor nostrum idoneam præsidere, & attendentes clara probitatis & virtutum merita venerabilis fratris nostri THEODORICI tunc Mindensis episcopi, quorum laudabile testimonium plurimorum ad nos relatio fide digna perduxit, quodque nobis pro eodem tua serenitas filialis intercessionis instantia humiliter supplicavit, ipsum nuper à vinculo quo ecclesiæ Mindensi, cui tunc præerat, tenebatur absolvimus, eumque ad præfatam Magdeburgensem ecclesiam duximus auctoritate apostolica transferendum, præficiendo eum illi in archiepiscopum & pastorem, sperantes indubie, quod dirigente Domino actus suos ecclesia ipsa votivis proficiet spiritualiter & temporaliter incrementis. Cum itaque in tuarum exauditione petitionum tua serenitas apostolicam sedem inveniat liberalem, taliter te decet in nostris & sedis ejusdem ac Romanæ Ecclesiæ

**A** negotiis te-favorabilem & magnificum exhibere, quod exinde apud Deum crescas meritorum cumulo, nosque & sedes præfata ad annuendum votis tuis continuo amplius animemur. Ceterum ut tam de obstinata pertinacia, quam verborum inconstantia Bernabovis de Vice-comitibus militis Mediolanensis, præter illa quæ ad tuam continuo, ut credimus, audientiam perducuntur, notitiam habere valeas plenior, copiam quarundam litterarum, quas nuper venerabilis frater noster BONIOHANNES episcopus Firmanus & dilectus filius GUILLELMUS abbas monasterii sancti Germani Autissiodorensis apostolicæ sedis nuncius nobis noviter destinarunt, præsentibus intercludi fecimus, ut exinde quo Bernabovis ipsius callidam nequitiam apertius intellexeris, eo fortius magnitudinis tuæ præsidii contra temeritatem tam pertinacis malignatoris assurgas, nonnullarum insuper litterarum pridem à venerabili fratre REGINALDO episcopo Aduensi thesaurario nostro receptarum super Bononiensi negotio copiam jussimus præsentibus intercludi. Datum Avenione xii. calendas Julii anno nono.

## EPISTOLA CLXXV.

Ad Theodoricum archiepiscopum Magdeburgensem.

*Eum transfert à Mindensi ad Magdeburgensem ecclesiam, rogatque ut apud imperatorem intercedat pro negotio Bononiensi.*

**V**enerabili fratri THEODORICO olim Mindensi episcopo in archiepiscopum Magdeburgensem electo, salutem & apostolicam benedictionem.

Vacante pridem ecclesia Magdeburgensi, quæ inter ecclesias ceteras in partibus Alamannix consistentes præcipua fore dinoscitur, & honoris amplitudine & titulo dignitatis: nos cupientes eidem personam secundum cor nostrum idoneam præsidere, ac laudabilis famæ de te apud nos habitæ plurimorum testimoniis inhaerentes: considerantes quoque quanta pro te nobis carissimus in Christo filius noster CAROLUS Romanorum imperator semper augustus filialis intercessionis instantia supplicavit, te nuper à vinculo quo tenebaris ecclesiæ Mindensi, cui tunc præeras, absolvimus, & ad præfatam Magdeburgensem ecclesiam duximus auctoritate apostolica transferendum, præficiendo te illi in archiepiscopum & pastorem: sperantes indubie, quod dirigente Domino actus tuos, ecclesia ipsa votivis proficiet spiritualiter & temporaliter incrementis. Cum itaque, prout vides, sedis apostolicæ benignitas, sit de tui status augmento sollicita, ac dignitatibus & honoribus te extollat, taliter te convenit circa nostra & Romanæ Ecclesiæ ac ejusdem sedis negotia sollicitum & favorabilem exhibere, quod exinde nostrum & ipsius sedis favorem & gratiam continuo uberius merearis. Quocirca fraternitatem tuam requirimus & hortamur attente, quatenus apud imperatorem præfatum,

pro negotio Bononiensi, quod ad præsens viscerose nos tangit, instando sollicitè, negotium ipsum eo magis sibi commendatum efficias, quo rei qualitas adversus pertinacem maligni præsuntoris audaciam tui favoris & auxilii ac celeris experientiae plus requirit. Datum Avinionē XII. calendas Julii anno nono.

## EPISTOLA CLXXVI.

Ad Ægidium episcopum Vicentinum.

*Mittit ei litteras episcopi Firmani & abbatis sancti Germani, ut sic agat cum imperatore, ut Ecclesiae defensionem adversus Bernabovem suscipiat, hortaturque ut archiepiscopum Magdeburgensem inducat ad commendandum imperatori negotium Bononiense.*

**V**enerabili fratri Ægidio episcopo Vicentino apostolicæ sedis nuncio, salutem & apostolicam benedictionem.

Ut circa commissâ per nos tibi negotia eo magis attendere valeas, quo de contingentibus negotia ipsa notitiam habeas pleniorē, copiam quarundam litterarum, quas nuper à venerabili fratre nostro BONJOHANNÉ episcopo Firmano & dilecto filio GUILLELMO abbate monasterii sancti Germani Autissiodorensis recepimus, præsentibus fecimus intercludi, ex quibus colligere poteris evidenter, quanta vir ille malignus Bernabos de Vice-comitibus miles Mediolanensis sit perfidia induratus: propter quod adversus perfidiam eandem eo magis decet carissimum in Christo filium nostrum CAROLUM Romanorum imperatorem semper augustum dextera suæ potestatis insurgere, quo ille noscitur temeritatis & audaciæ continuo plus habere: ideoque fraternitatem tuam sollicitam reddimus & attentam, ut apud imperatorem ipsum instando sollicitè eidem facias circa defensionem nostrorum & Romanæ Ecclesiæ jurium negotia ipsa commendata efficaciter. Ceterum attendentes laudabilis famæ præconia, quæ ad nostram sæpius audientiam de venerabili fratre nostro THEODORICO archiepiscopo Magdeburgensi relatio fide digna perduxit, ac considerantes quanta nobis pro eodem carissimus in Christo filius noster imperator præfatus filialis intercessionis instantia supplicavit, archiepiscopum eundem à vinculo quo tenebatur ecclesiæ Mindensi, cui tunc præerat, absolvimus, eumque ad ecclesiam Magdeburgensem tunc vacantem duximus nuper auctoritate apostolica transferendum, præficiendo eum illi in archiepiscopum & pastorem. Hæc fraternitati tuæ præsentibus intimantes ut eundem ad interponendum penes imperatorem ipsum pro negotiis nostris feliciter terminandis efficaciter partes suas, magis sollicitum reddere valeas, quo ille nos & sedem apostolicam circa sui honoris & status augmentum sibi magis fore noverit favorabiles & benignos. Postremo ad pleniorē informationem tuam super Bononiensi negotio seriem nonnullarum litterarum

A receptarum pridem à venerabili fratre REGINALDO episcopo Æduensi thesaurario, iussimus similiter præsentibus intercludi. Datum Avinionē XII. calendas Julii anno nono.

## EPISTOLA CLXXVII.

Ad Simonem Buccanigrum ducem & consilium Januense.

B *Ut onustas frumento ad usum hospitii sui & Pagnotæ naves captas restituant & libere abire permittant.*

**D**ilectis filiis nobili viro SIMONI BUCCANIGRO duci & consilio Januensi, salutem & apostolicam benedictionem.

Commovit admiratione non modica mentem nostram fide digna relatio facta nobis, quod cum certa quantitas frumenti de partibus patrimonii B. Petri in Tuscia ad Romanam curiam pro usu nostrorum hospitii & elemosynæ nuncupatæ Pagnotæ in certis navigiis deferretur, eadem navigia per nonnullos vestros officiales & cives, de mandato vestro, cum applicuissent ad portum vestrum Januæ, arrestata fuerunt, & arrestata tenentur ad præsens. Equidem si memores fuissetis processum, qui per Romanos pontifices in die Cœnæ Domini contra impediētes ne victualia ad Romanam curiam deferantur, ac dantes impediētibz ipsis auxilium, consilium vel favorem, annis singulis promulgantur, sententias & pœnas in dictis contenta processibus, vestra devota discretio, ut credimus, timuisset & incurrere vitavisset, & apostolicæ sedi, quam habet benivolam & propitiam, talem irrogare injuriam præcavisset. Universitatem itaque vestram requirimus & hortamur attente, vobis nihilominus per apostolica scripta mandantes, quatinus frumentum & navigia præfata cum restitutione damnorum & interesse libere deferri ad dictam curiam permittatis, restituentes seu restitui facientes gabellas seu pedagia quæ per officiales vestros pro dictis navigiis & frumento, ac aliis victualibus & rebus, quæ ad curiam deferrebantur eandem, recepta forsitan extitissent, & à similibus præsumptionibus abstinētes de cetero, ac mandantes districte per vestros cives & subditos abstinēri, mandatis nostris hujusmodi sic efficaciter parituri, quod exinde vestra valeat commendari devotio, & obedientiæ promptitudo, nosque super hoc ad alia procedere remedia quæ suaderet justitia non sit opus. Datum Avinionē XII. calendas Julii anno nono.



## EPISTOLA CLXXVIII.

Ad Bertrandum abbatem de Toroneto & Gerardum Mercaderii.

*Ut officiales & cives Januenses qui naves onustas frumento ad usum hospitii sui & pagnotæ captas detinent excommunicatos denuncient, & loca eorum interdicto subiecta.*

**D**ilectis filiis BERTRANDO abbati monasterii de Toroneto ordinis Cisterciensis Forojulienensis diocesis, & Gerardo Mercaderii archipresbytero de Belayco Caturcensis diocesis apostolicæ sedis nuncio & officiali Massiliensi, salutem & apostolicam benedictionem.

Dudum, videlicet in die, cœnæ Domini, diversis annis successivenostorum prædecessorum Romanorum pontificum vestigiis inhærentes, contra omnēs & singulos qui victualia & alia ad usum Romanæ curiæ necessaria impedi-  
rent, ne ad curiam deferrentur eandem, & qui talia fieri facerent, sive mandarent, & qui scienter eis faverent, aut ipsos receptarent, seu defenderent, certos processus excommunicationis & anathematis sententiam continentes publice & solemniter duximus faciendos. Hujusmodi processus portis Avenionensis ecclesiæ appendi seu affigi fecimus, ut ad omnium deducerentur notitiam, nullusque quod ad eum minime pervenisset, vel ignorasset eosdem, posset excusationem prætere, vel ignorantiam allegare. Nuper autem prout ad nostri apostolatus auditum fide digna significatione pervenit, nonnulli officiales & cives Januenses certam quantitatem frumenti & alia victualia quæ de partibus patrimonii B. Petri in Tuscia ad Romanam curiam pro usu nostrorum hospitii & Pagnotæ in certis navigiis deferre-  
bantur, & ipsa navigia in portu Januensi temere arrestarunt, & detinent arrestata, impedi-  
entes ne frumentum & victualia ipsa ad curiam deferantur eandem, ac proinde hujusmodi sententiam excommunicationis & anathematis damnabiliter incurrentes. Ne igitur tanta temeritas absque correctione debita relinquatur, sed per debiti oppositionem remedii aliis præcludatur aditus similia præsumendi: discretioni vestræ per apostolica scripta mandamus, quatinus vos, vel duo, aut unus vestrum per vos vel alium, seu alios de præmissis arrestatione & detentione summarie & de plano sine strepitu & figura iudicii vos informare curetis, & illos quos in præmissis ea mandando fieri, & exequendo, ac arrestando & detinendo frumentum, victualia & navigia supradicta, aut mandatoribus, arrestatoribus & detentoribus eisdem scienter in prædictis favendo inveneritis fore culpabiles, cujuscumque status, gradus, ordinis, vel conditionis existant, declaretis auctoritate nostra hujusmodi excommunicationis & anathematis sententiam incurrisse, & ea existere irretitos, ipsosque nihilominus ex parte nostra moneatis personaliter, si eorum præsentiam commode ac tute habere poteritis: alioquin

**A** per editum publicum, cujus monitionis formam ex certa scientia per vos fieri volumus, quod hujusmodi frumentum, victualia & navigia infra xv. dies à vestra monitione inantea computandos libere & expedite dimittant, & duci permittant ad curiam prælibatam, ac nobis seu officialibus nostris & aliis quorum sunt dicta frumentum, victualia, & navigia, & ea quæ conducebant de damnis & offensis exinde nobis & eisdem conductoribus illatis ac expensis propterea factis congruam & debitam satisfactionem impendant: alioquin civitates, terras, castra, & loca culpabilium prædictorum interdicto ecclesiastico supponatis, ac officiales, & cives ipsos quoslibet culpabiles in præmissis generaliter excommunicatos, & anathematizatos, eademque civitates, terras, castra, & loca interdicta fore in ecclesiis & locis civitatis & diocesis Januensis, & aliis de quibus videbitis expedire, tamdiu auctoritate nostra publice nuntietis, ac interdictum hujusmodi mandati, & faciatis inviolabiliter observari, donec iidem excommunicati & anathematizati frumentum, victualia & navigia supradicta libere & expedite dimiserint, & ad curiam præfatam duci permiserint, ac de damnis, offensis & expensis eisdem satisfecerint competenter, & absolutio-  
**B** nis beneficium meruerint obtinere: non obstantibus si aliquibus à sede apostolica sit indultum, quod interdicti, suspendi, vel excommunicari non possint per litteras apostolicas non facientes plenam & expressam ac de verbo ad verbum de indulto hujusmodi mentionem. Volumus autem, & apostolica auctoritate decernimus, quod monitio & processus, quos feceritis in præmissis, eosdem officiales, & cives ac alios in prædictis culpabiles, necnon civitates, terras, castra, & loca eorum proinde arceant, ac si culpabiles ipsi fuissent per dictos processus personaliter apprehensi, constitutione quacumque contraria non obstante. Datum Avenione xii. calendas Julii anno nono.

## EPISTOLA CLXXIX.

Ad Cennum Benvenutum de Vigiano.

*Permittit ei cum uno socio dominicum sepulcrum visitare.*

**D**ilecto filio Cenzo Benvenuto de Vigiano civi Florentino, salutem & apostolicam benedictionem.

Tuæ devotionis exigentibus meritis, votis tuis libenter annuimus, & petitiones tuas in hiis quæ honeste postulas, quantum cum Deo possumus, favorabiliter exaudimus. Cum itaque sicut oblata nobis tuæ petitionis series continebat, tu zelo piæ devotionis accensus, sepulcrum Dominicum & alia oratoria Terræ sanctæ desideres personaliter visitare. Nos tuis in hac parte supplicationibus inclinati, quod sepulcrum & alia oratoria supradicta, quibuscumque prohibitionibus, constitutionibus & processibus sedis apostolicæ in contrarium factis, habitis seu etiam promulgatis pœnas & sententias spirituales

spirales & temporales continentibus nequaquam obstantibus, ex causa prædicta cum uno socio, quem eligendum duxeris, valeas visitare, illaque nihilominus pro huiusmodi visitatione deferre & etiam exhibere, sine quibus peregrinationem huiusmodi commode adimplere non posses, dummodo ad partes illas nulla alia deferas, vel deferri facias, quæ in profectum vel favorem hostium fidei christianæ redundare valeant, tibi auctoritate præsentium indulgemus. Nulli ergo, &c. Datum Avenione XII. calendas Julii anno nono.

## EPISTOLA CLXXX.

Ad Bertrandum episcopum Convenarum.

*Facultatem ipsi tribuit recipiendi bona debita cardinalium collegio.*

Venerabili fratri BERTRANDO episcopo Convenarum, salutem & apostolicam benedictionem.

Cum per obitum bonæ memoriæ GUILLELMI episcopi Tusculani S. R. E. cardinalis apud sedem apostolicam defuncti, qui recipiendi quascumque pecuniarum summas collegio fratrum nostrorum dictæ ecclesiæ cardinalium, ex quacumque causa & à quibuscumque personis debitas plenam habebat à sede prædicta potestatem, nonnulli prælati, & Ecclesiasticæ ac sæculares personæ, qui dicto collegio debitores existunt non habeant ad quem pro prædictis recurrere valeant, & cui pro prædictis satisficiant ut tenentur. Nos volentes eorum indemnitati per opportunitate providentiæ remedium salubriter providere, de tua circumspectione quam in arduis per nos tibi commissis negotiis fidelem invenimus, & devotam, plenam in Domino fiduciam obtinentes, tibi recipiendi huiusmodi pecuniarum summas dicto collegio debitas, ac unâ cum venerabili fratre ARNOLDO archiepiscopo Auxitano camerario nostro prorogandi dictis personis quoscumque terminos, & dilationes ipsis concedendi, ac illis qui propter retardationem debitæ solutionis sententias aliquas incurriscent, de absolutionis beneficio providendi, donec super præmissis aliter ordinandum duxerimus, plenam auctoritate apostolica concedimus tenore præsentium facultatem. Datum Avenione x. calendas Julii anno nono.

## EPISTOLA CLXXXI.

Ad Carolum ducem Britannia.

*Mittit ad eum Petrum de Turre.*

Dilecto filio nobili viro CAROLO duci Britannia, salutem & apostolicam benedictionem.

Cum dilectum filium Petrum de Turre Lemovicensis diocesis nostrum familiarem & servitorem armorum latorem præsentium, super certis negotiis per eum nobilitati tuæ vivæ vocis oraculo exponendis, per nos plenarie informatum, ad tuam præsentiam destinemus, nobili-

*Thesauri Anecd. Tom. II.*

tatem tuam hortamur attente quatenus, eundem Petrum pro nostra & apostolicæ sedis reverentia benigne suscipiens, eidem super hiis quæ ipse tibi pro parte nostra retulerit fidem credulam dare velis. Datum Avenione x. calendas Julii anno nono.

*In eodem modo, dilectæ in Christo filia JOHANNÆ ducissæ Britannia, salutem & apostolicam benedictionem.*

## EPISTOLA CLXXXII.

Ad Guillelmum abbatem Salmuriensem.

*Commendat ei Petrum de Turre.*

Dilecto filio GUILLELMO abbati monasterii (a) prope Salmurum Andegavenensis diocesis, salutem & apostolicam benedictionem.

Cum nos dilectum filium Petrum de Turre Lemovicensis diocesis nostrum familiarem ac servitorem armorum latorem præsentium, super certis negotiis per eum dilecto filio nobili viro CAROLO duci, & dilectæ in Christo filia nobili mulieri JOHANNÆ ducissæ Britannia exponendis, per nos plenarie informatum ad ipsorum ducis & ducissæ præsentiam destinemus, discretionem tuam hortamur attente, quatinus data per te credulitate ipsius Petri relatibus, eidem in hiis quæ tibi exposuerit intendas efficaciter & assistas. Datum ut supra.

*Similes litteræ factæ sunt Andryno de Aera thesaurario comitatus nostri Venaysini.*

*Littera de securo conductu pro Petro de Turre familiare & serviente armorum nostro misso ad certas partes Britannia, pro quibusdam negotiis per nos sibi commissis, &c. ut in forma. Datum Avenione x. calendas Julii anno nono.*

*Similis facta est pro dilecto filio Andryno de Aera thesaurario comitatus nostri Venaysini misso ad certas partes Britannia pro certis negotiis per nos sibi commissis, &c. ut in forma. Datum ut supra.*

## EPISTOLA CLXXXIII.

*Excommunicationis & suspensionis sententias in capitulum Valentinense latas relaxat.*

Ad futuram rei memoriam.

Petitio pro parte dilectorum filiorum capituli ecclesiæ Valentinenensis provincie Terracoenensis ac singularium canonicorum & personarum ipsius capituli nobis exhibita continebat, quod cum nos dudum dispositionem bonorum mobilium ac debitorum & creditorum, quæ bonæ memoriæ SANCTIUS episcopus Segobriensis tempore sui obitus haberet, vel pertineret quomodolibet ad eundem, nobis reservandum ex certis causis rationabilibus duxissemus, & venerabili fratri nostro HELIÆ episcopo Segobriensi didissemus per nostras certi tenoris

SSf

litteras in mandatis, ut certos fructus in quibus  
bonæ memoriæ HUGO episcopus Valentinenſis,  
& dicti capitulum præfato SANCTIO episcopo  
Segobricenſi per tres diffinitivas ſententias in  
cauſa ſeu cauſis quæ interdictum Hugonem &  
nonnullos prædeceſſores ſuos episcopos Valen-  
tinenſes & dictos capitulum ex una parte &  
præfatum Sanctium & nonnullos prædeceſſores  
ejuſdem episcopos Segobricenſes, & dilectos  
filios capitula Segobricenſis, & Albareſinæ ec-  
cleſiarum canonicè invicem unitarum ſuper de  
Altaponte & de Aras ac nonnullis aliis eccleſiis  
in cauſa ſeu cauſis iſſis expreſſis, quas quilibet  
dictorum episcoporum & capitulorum ad ſe  
ſpectare & de diocēſi ſua exiſtere aſſerebant,  
& earum occasione ex altera vertebantur, pro  
dictis episcopis Segobricenſibus & capitulis Segob-  
ricenſi & de Albarezino eccleſiarum prædi-  
ctarum perlatis, quæ in rem judicatam tran-  
ſierant, ſolvendis & reſtituendis eidem Sanctio  
episcopo inter alia condemnati fuerant, & vi-  
gore condemnationis huiusmodi dicto Sanctio  
tempore ſui obitus debebantur, à venerabili  
fratre noſtro VITALE episcopo Valentinenſi  
dicti HUGONIS episcopi ſucceſſore, ac dictis  
capitulo Valentinenſi, eiſdem fructibus per eum-  
dem Heliam episcopum præhabita debita mo-  
deratione taxatis, per ſe vel alium ſeu alios pe-  
tere, exigere, ac recipere cum integritate cu-  
raret, contradictores auctoritate noſtra per cen-  
ſuram Eccleſiaſticam appellatione poſtpoſita  
compescendo, prout in eiſdem noſtris litteris  
plenius continetur. Idem HELIAS episcopus &  
alii ab eo in hac parte ſubdelegati mandatum  
noſtrum huiusmodi exequentes, in eoſdem ca-  
pitulum Valentinenſe ſuſpenſionis ac in cano-  
nicos & ſingulares perſonas ipſius capituli Va-  
lentinenſis occasione dictorum fructuum excom-  
municationis ſententiam promulgarunt. Quare  
pro parte dictorum capituli Valentinenſis &  
canonicorum & ſingularium perſonarum ipſius  
nobis fuit humiliter ſupplicatum, quatenus cum  
ex huiusmodi ſuſpenſionis & excommunicationis  
ſententiis cultus divinus in eadem Valenti-  
nenſi Eccleſia & devotio populi minuatur, &  
cedat in eorumdem ſuppliantium detrimen-  
tum non modicum, & periculum animarum,  
dictas ſuſpenſionis ſuſpendere & excommuni-  
cationis ſententias relaxare uſque ad certum  
tempus de benignitate apoſtolica dignaremur.  
Nos igitur petitioni eorumdem ſuppliantium  
inclinati eaſdem ſuſpenſionis ſuſpendimus & ex-  
communicationis ſententias uſque ad feſtum  
Purificationis B. Mariæ proxime futurum te-  
nore præſentium relaxamus, eoſdem canonicos  
& ſingulares perſonas dicti capituli Valentinen-  
ſis à prædictis excommunicationis ſententiis ab-  
ſolventes. Volumus tamen quod idem capitu-  
lum Valentinenſe, ac canonici & ſingulares  
perſonæ ipſius, prout ipſos & quemlibet eorum  
continget, ſi infra dictum feſtum de præmiſſis  
fructibus cameræ noſtræ ſatisfacere aut cum  
camerario & theſaurario noſtris componere non  
curarint, ipſo facto in dictas excommunicationis  
& præfatum capitulum Valentinenſe in ſuſ-

A penſionis ſententias relabantur. Nulli ergo, &c.  
Datum Avenione vi. calendas Julii anno nono.

## EPISTOLA CLXXXIV.

Ad Carolum imperatorem Romanorum.

*Defuncto episcopo Vicentino, quem ad ipsum di-  
rexerat, tractaturum cum ipso de negotio Bono-  
niensi, alios ad ipsum mittendos pro eodem  
negotio destinasse; sed Bernabovem verbis suis  
non ſteſiſſe, quapropter rogat ut vires ſuas in  
tam perfidum & infidelem hominem exerat.*

Cariſſimo in Chriſto filio CAROLO Roma-  
norum imperatori ſemper auguſto ac Bo-  
hemie regi illuſtri, ſalutem & apoſtolicam be-  
nedictionem.

Pridem ut, quantum in nobis erat, Bononien-  
ſe negotium ſinem pacificum ſortiretur, bonæ  
memoriæ Ægidium episcopum Vincentinum  
apoſtolicæ ſedis nuntium, virum utique tam  
vita probatum ac moribus, quam multa pro-  
videntia circumſpectum, de compromittendo in  
tuam ac cariſſimi in Chriſto filii noſtri LUDO-  
VICI regis Ungariæ illuſtris excellentiam ſuper  
controversia quæ jamdudum ſuper vicariatu  
noſtræ & Romanæ Eccleſiæ civitatis Bononien-  
ſis inter nos & Bernabovem de Vice-comitibus  
militem Mediolanenſem eſt exorta, plena per  
nos poteſtate ſuffultum, & ſuper nonnullis aliis  
ſerenitati tuæ pro parte noſtra vivæ vocis ora-  
culo exponendis, plenarie informatum ad tuam  
duxeramus præſentiam destinandum, ſed ecce  
idem episcopus jam dietis aliquibus verſus  
ſerenitatem ipſam dirigeret tam ſollicite quam  
fideliter greſſus ſuos, in ipſa cœpti proſecutione  
itineris, ſicut Domino placuit, ſuum diem clau-  
ſit extremum; quod eo magis amaricat mentem  
noſtram, quo nos episcopum eumdem habeba-  
mus dum viveret ſuis exigentibus meritis cario-  
rem. Cogitabamus equidem, audito caſu, per-  
ſonam aliam ſolemneſſem pro conditione prioris  
ad præfataſ tuam destinare præſentiam; ſed  
tamen propter præſentem peſtem, quæ tam  
Romanam curiam, quam vicinas partes ſine  
ulla exceptione ſexus, ætatis, aut ſtatus invaſit,  
tum propter abſentiam plurimorum tam præ-  
latorum, quam aliorum qui huiusmodi morbi  
contagium formidantes, ſeſe à dicta curia ab-  
ſentarunt, tum etiam quod perſonæ illæ, quas  
præſentes habemus, hanc periculoſam peſtilen-  
tiam exhorrentes, iter huiusmodi arripere &  
labores corporeos ſubire vererentur. Propterea  
ad præſens cum negotium celeritatem requirar,  
perſonam destinare ſtatu & dignitate idoneam,  
prout noſtris inhærebat affectibus, non poſſe-  
mus, propter quod ut ſaltem quoad fieri poſſit  
colligere valeas mentem noſtram, nonnullas  
noſtras litteras tam tuæ excellentiæ, quam non-  
nullis prælatis & nobilibus collateralibus tuis  
per eumdem episcopum, niſi destinatum iter  
mors ſæva intercepſiſſet, fideliter præſentan-  
das, tibi destinandas providimus per dilectos



filios Augustinum de Brisaco ordinis fratrum Eremitarum sancti Augustini & procuratorem generalem fratrum ordinis eorundem, qui se se cum præfato episcopo ad partes Alamanniæ conferebat, & Johannem de Roma familiarem & ostiarium nostrum, ut litteræ ipsæ per eos, vel eorum alterum, si forte, quod absit, alterum ex ipsis casus aliquis impediret tuæ magnificentie præsententur; verum ex nonnullis litteris tam nobis, quam venerabili fratri REGINALDO episcopo Aduensi thesaurario nostro pridem transmissis, quarum copias nostris interclusas litteris, tibi per dilectum filium Nicolaum scholasticum Pragensen nuper transmissimus, colligere poteris evidenter subdolan præfati Bernabovis nequitiam, & pertinacem malignatoris infaniam, qui salutis suæ pariter & honoris oblitus, negare quæ sponte obtulerat, & nobis ac sedi apostolicæ & tibi, immo & Deo potius in animæ suæ periculum illudere non veretur. Quocirca præfatam serenitatem tuam plenius rogamus affectibus, & attentius deprecamur; quatenus juxta tuæ excellentiæ decentiam, causam sanctæ matris ecclesiæ tuam reputans, ut laudabiliter incepisti adversus tam pertinacem malignatorem & temerarium præsumptorem, tuæ exeras brachium potestatis, ut transeat cæteris in exemplum, ne sub tuo imperio constituti contra Ecclesiam ipsam matrem Christi fidelium omnium caput erigere, & talia tentare de cætero audeant vel præsumant. Postremo hoc unum non ducimus obmittendum quod in casu, quod dictus Bernabos ad cor rediens, & culpam sui reatus agnoscens, tuo super dicta controversia arbitrio stare vellet, & id evidenti effectui operis demonstrare hoc ipsum nobis præfata tua serenitas cum celeritate rescribat. Nos enim plena de magnitudine tuæ summa fiducia sperantes indubie, quod nostrum & præfatæ Ecclesiæ honorem ac conservationem nostrorum & ejusdem Ecclesiæ jurium filialis prosequeris caritatis affectu, parati sumus in eo casu ea facere, quæ honestas suaferit, & quæ ad honorem nostrum & dictæ Ecclesiæ ac tuum beneplacitum noverimus pertinere; prout excellentiam tuam de præmissis præfatus Augustinus poterit vivæ vocis oraculo latius informare. Datum Avenione v. calendas Julii anno nono.

## EPISTOLA CLXXXV.

Ad Rodulfum ducem Austriæ.

*Defuncto Vicentino episcopo, quem ad sopiendas discordias, quæ ipsum inter & imperatorem versabantur, direxerat; alium ejusdem meriti propter grassantem pestem mittere se non posse, inrerim eum hortatur ad pacem.*

**D**ilecto filio nobili viro RODULFO duci Austriæ; salutem & apostolicam benedictionem.

Pridem ad nostram audientiam fide digna nonnullorum relatione perducto, qualiter fa-  
*Theauri Anecd. Tom. II.*

A ciente hoste humani generis, nonnulla inter carissimum in Christo filium nostrum CAROLUM Romanorum imperatorem semper augustum ac Bohemiæ regem illustrem & te fuerat discussionis materia sulcitata. Nos de hujusmodi discordia eo magis amaricati intrinsecus, quo nos imperatorem eundem, & personam tuam amplius gerimus in visceribus caritatis, bonæ memoriæ Ægidium episcopum Vincentinum duximus ad ipsius imperatoris & tuæ nobilitatis præsentiam pro dicta inter vos sopienda discordia, tamquam pacis angelum cum nostræ exhortationis litteris destinandum. Sed ecce dum jam dietis aliquibus idem episcopus versus vos dirigeret tam sollicitè quam fideliter gressus suos, in ipsa Christi prosecutione itineris, sicut Domino placuit, suum diem clausit extremum, quod eo magis amaricat mentem nostram, quo nos episcopum eundem habebamus, dum viveret, suis exigentibus meritis cariorem. Ut autem saltem nostræ mentis desiderium eidem nobilitati tuæ ex nostris litteris innotescat, cum propter præsentem pestem quæ Romanam curiam ac partes eidem vicinas absque ulla exceptione sexus, ætatis aut status invasit, tum propter plurimorum tam prælatorum quam aliorum absentiam, ac etiam quia personæ illæ quas præsentibus habemus, pro hujusmodi morbi contagio corporeos labores subire formidant, personam statu & dignitate eidem episcopo respondentem destinare ad tuam præsentiam, prout nostris inhærebat affectibus, non possumus; litteras ipsas quas tibi per episcopum præfatum destinandas provideramus per dilectos filios Augustinum de Brisaco ordinis fratrum Eremitarum sancti Augustini ac eorundem fratrum & ordinis procuratorem generalem & Johannem de Roma familiarem & ostiarium nostrum, vel eorum alterum duximus destinandas, nobilitatem tuam rogantes attente, & plenius in Domino desideriis obsecrantes; quatenus pro nostra & apostolicæ sedis reverentia & communis commodi ratione paternis nostris exhortationibus & salutaribus consiliis acquiescens, animum tuum ad habendam cum præfato imperatore concordiam adeo benignus inclines, quod apud Deum crescas meritis apud nos & sedem apostolicam, ac Christi fidelium populos pacifici principis præconia merearis. Datum Avenione v. calendas Julii anno nono.

## EPISTOLA CLXXXVI.

Ad Petrum Domaudi.

*Ut Philippi archiepiscopi Burdegalensis defuncti sibi reservata bona colligat.*

**D**ilecto filio Petro Domaudi archidiacono apostolicæ sedis nuncio, salutem & apostolicam benedictionem.

Dudum ex certis causis rationabilibus dispositionem bonorum omnium mobilium ac debitorum bonæ memoriæ PHILIPPI archiepiscopi  
Sff ij

Burdegalenſis, nuper extra Romanam curiam defuncti, quæ tempore ſui obitus haberet, vel pertinerent quomodolibet ad eundem, nec non fructus, redditus & proventus, qui Burdegalenſi Eccleſiæ vacante obvenirent, & obvenire poterant, ad menſam archiepiſcopalem dictæ eccleſiæ ſpectantes & ſpectare debentes, nobis adhuc eodem archiepiſcopo vivente duximus reſervandam, & decrevimus ex tunc irritum & inane, ſi ſecus ſuper iis à quoquam quavis auctoritate ſcienter vel ignoranter contingeret attentari. Ideoque diſcretionis tuæ per apoſtolica ſcripta committimus & mandamus, quatenus tu per te vel alium ſeu alios fide & facultatibus idoneos bona debita & credita, ac fructus, redditus & proventus huiusmodi, quæcumque ſint, & in quibuſcumque rebus exiſtant, & per quoscumque detineantur, ſeu etiam debeantur, & ubicumque intra tuæ collectoriæ terminos fuerint & conſiſtant, de quibus, ſi neceſſe fuerit, ſummarie, & de plano, ſine ſtrepitu, & figura iudicii, vocatis quos vocandos noveris, & plenarie informes, petere, exigere, & recipere ac tibi tradi & assignari facere cum integritate procures. Contradictores quoſlibet & rebelles cujuſcumque ſtatus, gradus, ordinis, conditionis extiterint, etiamſi pontificali vel alia quavis eccleſiaſtica vel mundana præfulgeant dignitate, auctoritate noſtra per cenſuram eccleſiaſticam appellatione poſtpoſita compescendo, invocato ad hoc ſi opus fuerit auxilio brachii ſæcularis, nonobſtantibus ſi huiusmodi bona debita & credita, fructus, & redditus, & proventus, ſeu aliqua ex illis ex privilegio, ſtatuto aut alias aliquibus forſitan debeantur, nec non felicitis recordationis Bonifacii papæ VIII. prædeceſſoris noſtri, qua cavetur ne aliquis extra ſuam civitatem & dioceſim, niſi in certis exceptis caſibus, & in illis ultra unam dietam à fine ſuæ dioceſis ad iudicium evocetur, ſeu ne iudices à ſede deputati præfata extra civitatem & dioceſim, in quibus deputati fuerint, contra quoscumque procedere, ſeu alii vel aliis vices ſuas committere, aut aliquos ultram unam dietam à fine dioceſis eorundem trahere præſumant, & de duobus in concilio generali & aliis quibuſcumque conſtitutionibus à prædeceſſoribus noſtris Romanis pontificibus tam de iudiciis delegatis, quam perſonis ultra certum numerum ad iudicium non vocandis, aut aliis editis, quæ tuæ poſſent in hac parte iuriſdictioni & poſtati, eorumque & cujuſlibet ipſorum ſeu aliqujus ex illis libero exercitio quomodolibet obviare, ſeu ſi aliquibus communiter vel diviſim à ſede apoſtolica indultum exiſtat, quod interdici, ſuſpendi, vel excommunicari non poſſint per litteras apoſtolicas non facientes plenam & expreſſam ac de verbo ad verbum de indulto huiusmodi mentionem, & quibuſlibet exemptionibus, privilegiis, indulgentiis, & litteris apoſtolicis generalibus, per quæ præſentibus non expreſſa vel totaliter non infera effectus & executio præſentium impediri valeat quomodolibet vel differri; & de quibus quorumque totis tenoribus habenda eſſet in præſentibus de verbo

A ad verbum mentio ſpecialis. Nos enim tibi abſolvendi, & quittandi plene & libere omnes & ſingulos eos à quibus huiusmodi bona debita & credita, fructus, redditus & proventus, vel aliqua ex illis receperitis, de hiis dumtaxat quæ ab iis te recipere contingeret, nec non ipſorum quorumcumque officialium & receptorum dicti episcopii rationes & computa audiendi, impugnandi, ac reſidua recipiendi, & ipſos ab hiis abſolvendi, dicto nomine plenam & liberam concedimus eadem auctoritate tenore præſentium facultatem. Volumus autem quod de omnibus & ſingulis quæ ratione præmiſſorum tibi tradentur & assignabuntur, perſolventur & dabuntur, & etiam de huiusmodi quittancebus, ſolutionibus, & liberationibus, duo conſimilia per manum publicam inventaria conſici facias, quorum unum ad dictam transmittas cameram, reliquo penes te reſervato; quodque omnia quæ receperis in præmiſſis, ad dictam cameram cum cautela & diligentia ſtudio quantocius poteris, mittere non poſtponas: te in præmiſſis taliter habiturus, quod apud nos & dictam ſedem de adhibita diligentia ſtudio non immerito valeas commendari. Datum Avenione III. calendas Julii anno nono.

## EPISTOLA CLXXXVII.

Ad Guillelmum Gilberti canonicum Narbonenſem &c.

*Ejuſdem argumenti.*

Dilectis filiis Guillelmo Gilberti canonico Narbonenſi apoſtolice ſedis nuncio & ejus ſubcollectoribus in Magalonenſi & Agatenſi dioceſi deputatis, ſalutem & apoſtolicam benedictionem.

Dudum ex certis cauſis rationabilibus diſpoſitionem bonorum omnium mobilium ac debitorum bonæ memoriæ PHILIPPI archiepiſcopi Burdegalenſis nuper extra Romanam curiam defuncti quæ tempore ſui obitus haberet, &c. *ut ſupra in proxima uſque in finem, mutatis mutandis.* Datum *ut ſupra.*

*In eodem modo,* venerabili fratri PETRO episcopo Petragoricenſi apoſtolice ſedis nuncio, *mutatis mutandis.*

*In eodem modo,* dilecto filio HELIÆ abbati monaſterii S. Salvatoris de Blavia Burdegalenſis dioceſis apoſtolice ſedis nuncio ſalutem, &c. *mutatis, &c.*

## EPISTOLA CLXXXVIII.

Ad archiepiſcopum Cantuarienſem, episcopum Oxoniensem & abbatem Cluniacensem.

*Ut poſſint diſpenſare cum Eduardo Eduardi regis Angliæ primogenito & Johanna comitiſſa Cantie, qui matrimonium contraxerant in prohibito conſanguinitatis gradu.*

Venerabilibus fratribus archiepiſcopo Cantuarienſi, ac episcopo Exoniensi, & di-

lecto filio abbati Monasterii Cluniacensis Matifconensis diocesis, salutem & apostolicam benedictionem.

Exhibita nobis pro parte dilecti filii nobilis viri EDUARDI de Wodestock principis Walliæ, ac carissimi in Christo filii nostri EDUARDI regis Angliæ illustris primogeniti, & dilectæ in Christo filiæ nobilis mulieris JOHANNÆ comitissæ Cantix petitiō continebat, quod olim ipsi non ignorantes quod in gradu prohibito ad matrimonium insimul contrahendum sibi invicem attinebant, sed penitus ignari quod EDUARDUS primogenitus tertio & JOHANNA prædicti secundo dumtaxat gradibus à communi stipite distarent, ac etiam tunc immemores, quod aliqua inter eos compaternitas contracta fuisset, pro consolidatione regii solii, à quo etiam dicta JOHANNA ducit originem, de bono statu regni & mutux inter eorum communes consanguineos & amicos dilectos, augmento non in contemptum clavium, sed sub specie gratiæ & dispensationis apostolicæ misericorditer obtinendæ matrimonium per verba de præsentī invicem contraxerunt. Cum autem postmodum, sicut eadem petitiō subjungebat, ad ipsorum EDUARDI primogeniti & JOHANNÆ notitiā sit deductum, quod ipsi tertio consanguinitatis gradu, prout ex præmissis colligitur, invicem sunt conjuncti, & etiam meminerint, quod olim dum quædam filia dictæ JOHANNÆ de sacro fonte levaretur, dictus primogenitus tunc ibi præsens dixerat quod ipse cum illis, qui dictam filiam levaverunt ipsius JOHANNÆ compater esse volebat, licet non recordetur, quod ipse dictam filiam vel aliquos ejus panniculos tetigerit, & propter præmissa nequeant in dicto matrimonio licite remanere, dispensatione super hoc apostolica non obtenta. Fuit nobis pro parte regis, ac primogeniti, & Johannæ prædictorum humiliter supplicatum, ut cum ex approbatione dicti matrimonii multa bona sperentur, auctore Domino, & ex contrario multa possent scandala exoriri, providere ipsis EDUARDO primogenito & JOHANNÆ super hiis de opportunis absolutionis ab excommunicationis sententia, & remissionis & relaxationis pœnarum, quas propter præmissa incurrisse noscuntur, beneficio & dispensationis gratia misericorditer dignaremur. Nos itaque qui animarum periculis libenter occurrimus, & inter Christi fideles præsertim principes & magnates quietis & pacis commoda ferventer appetimus, & quantum cum Deo possumus scandala præcavimus, hujusmodi supplicationibus inclinati, fraternitati vestræ per apostolica scripta committimus & mandamus, quatenus vos vel duo aut unus vestrum prædictos EDUARDUM primogenitum & JOHANNAM, si hoc humiliter petierint, ipsis prius juxta formam sanctionis canonicæ separatis ab invicem, prout vobis videbitur expedire, auctoritate nostra ab eadem excommunicationis sententia juxta formam Ecclesiæ absolvaris, eisque pœnas hujusmodi remittatis, & etiam relaxetis: injuncta eis pœnitentia, quam saluti animarum suarum videritis expedire, & aliis quæ de jure

A fuerint injungendæ, & inter cetera sub debito juramenti præstandi, quod ipsi de cetero similia non committant, nec committentibus præbeant auxilium, consilium vel favorem, & quod infra unum annum duas capellas, quarum quælibet de viginti annuis marchis argenti dotandas habeant per eosdem dotetur, construere seu construi facere, & fundare; & deinde, si consideratis præmissis & aliis quæ in tanto negotio consideranda fuerint, vobis videatur expediens, quod hujusmodi sit dispensatio concedenda cum eisdem EDUARDO primogenito & JOHANNA, ut impedimenta quæ ex dictis consanguinitate, & compaternitate proveniunt, nequaquam obstantibus, matrimonium insimul de novo contrahere, & in eo postquam contractum fuerit licite remanere valeant, eadem auctoritate dispensetis. Prolem ex ipso suscipiendam matrimonio legitimam decernendo. Datum Avenione 11. calendas Julii anno nono.

### EPISTOLA CLXXXIX.

Ad Johannem Delphinum ducem, consilium & commune Venetorum.

*Petit ab eis mutuo quadraginta florenorum millia ad subveniendum expensis belli adversus Bernabovem.*

Dilectis filiis nobili viro JOHANNI DELPHINO duci, consilio & communi Venetorum, salutem & apostolicam benedictionem.

Cum pro defensione ac conservatione nostrorum & Romanæ Ecclesiæ terrarum & jurium in Italiæ partibus consistentium, & præcipue civitatis nostræ Bononiensis, quam Bernabovis de Vice-comitibus militis Mediolanensis temeraria admodum & in malum obstinata nequitia, Dei timore postposito, invadere, opprimere, & impugnare hostiliter non veretur, nec non pro tuitione quietis & pacis Romanæ curiæ & partium vicinarum, quas quidem quietem & pacem nonnulli iniquitatis filii partes ipsas hostiliter discurrentes, perturbare multipliciter conabantur, subire nos oportuerit, & adhuc pro dictorum civitatis & terrarum in dictis Italiæ partibus consistentium subire oporteat gravia onera expensarum, quibus faciente temporum malitia & ipsarum expensarum voragine, camera nostra pro negotiorum gravitate, commode respondere non valet præsentialiter, ut solebat. Nos devotionem quam ad nos & Romanam geritis Ecclesiam attendentes ac propterea sperantes, vos tamquam benedictionis filios nobis & sedi apostolicæ, pro hujusmodi defensione contra dicti Bernabovis malitiam fiendam, de aliqua quantitate pecuniæ ratione mutui subvenire: universitatem vestram attentius deprecamur, quatenus devotionem ipsam obsequiorum efficacia propensius ostendentes, nobis & sedi præfatæ saltem de mutuo XL. millium florenorum auri subvenire velitis pro hujusmodi; vel alia summa de qua

nobis & dictæ sedi serviendum duxeritis: cautiones recipientes idoneas, & dilecto filio GUILLIELMO abbati monasterii sancti Germani Autissiodorensis, cui nostro & dictæ Ecclesiæ nomine recipiendi mutuum, ac propterea quæcumque civitates, castra, terras, & loca, reditus, proventus, jurisdictiones, jura & bona nostra & ipsius Ecclesiæ ubicumque infra Italiam consistant obligandi, & impignorandi, tradendi ac assignandi, plenam auctoritate apostolica concessimus per alias nostras litteras potestatem, abbatem eundem propter hoc ad vestram præsentiam destinantes: cui super iis quæ ipse vobis pro parte nostra retulerit, dare velit vestra discretio plenam fidem. Datum Avenione vi. nonas Julii anno nono.

## EPISTOLA CX C.

Ad Johannem Marchionem Montis-ferrati.

*Ut defensionem civitatis Bononiensis invigilet.*

**D**ilecto filio nobili viro JOHANNI Marchioni Montis-ferrati, salutem & apostolicam benedictionem.

Nuper ad præsentiam nostram de partibus Italiæ rediens dilectus filius GUILLIELMUS abbas monasterii sancti Germani Autissiodorensis nobis, quod displicenter intelleximus, dispositionem ac statum nostræ & Romanæ Ecclesiæ civitatis Bononiensis exposuit gravioribus quam hætenus periculis subjacere, & præcipue ex defectu victualium, de quibus quamdiu exercitus Bernabovis de Vicecomitibus militis Mediolanensis territorium ipsius civitatis invaderet, prout de præsentia invadit, eidem civitati minime poterit provideri: propter quod circa defensionem civitatis ejusdem adversus hujusmodi hostis pertinaciam eo est favorabilius intendendum, quo civitatis ipsius conditio favoris & auxilii plus requirit. Nobilitatem itaque tuam debitæ sollicitudinis studio excitantes, attentius rogamus & hortamur eandem, quatenus juxta conventiones inter nos & te, & dilectum filium nobilem virum SIMONEM BUCCANIGRUM ducem, & commune Januense dudum habitas, societates illas gentis armigeræ, quas tecum de ipsis partibus, adduxisti ad dictum territorium pro defensione ac liberatione præfatæ civitatis quantocius cures adducere, vel illuc sub alio conductore, de quo tibi videbitur, sublato moræ dispendio, destinare. Et quia tempus servitii per dictas societates præstandi jam finitum est, aut finietur in brevi, præsens negotiorum conditio armigeræ gentis servitia adhuc pro tempore ulteriori requirat: propterea juxta conventiones easdem præfatæ gentis societates usque ad illud tempus volumus per te de novo conducere. Confidimus equidem in eo qui est summus æterni concilii, specula cuncta prospiciens, manum subtrahit, & illam porrigit adjutricem, quod hujusmodi in ejus virtute assumpto negotio felices dabit exitus & votivos. Datum Avinione

A vi. nonas Julii anno nono.

## EPISTOLA CX CI.

Ad Simonem Buccanigrum ducem & consilium Januense.

*Ut Johannem marchionem Montisferrati inducant ad ferendum promptum civitati Bononiensi auxilium.*

**D**ilectis filiis SIMONI BUCCANIGRO duci & consilio Januensi, salutem & apostolicam benedictionem.

Per alias nostras litteras dispositionem nostræ Romanæ Ecclesiæ civitatis Bononiensis discretionem vestræ meminimus intimasse. Noviter autem rediens de Italiæ partibus ad nostram præsentiam dilectus filius GUILLIELMUS abbas sancti Germani Autissiodorensis, nobis, quod displicenter audivimus, exposuit diligenter statum civitatis ejusdem adeo interius processisse, & præcipue ex defectu victualium, quod quamdiu exercitus Bernabovis de Vicecomitibus militis Mediolanensis territorium ipsius civitatis invaderet, eidem civitati de dictis victualibus subveniri aut provideri non potest: propter quod circa defensionem civitatis ejusdem ab hujusmodi hostili impugnatione eo est favorabilius intendendum, quo civitatis ejus conditio favoris & auxilii plus requirit. Discretionem itaque vestram rogamus attentius & hortamur, quatinus dilectum filium nobilem virum JOHANNEM marchionem Montis-ferrati per vestros speciales litteras & nuncios reddere curetis sollicitum & attentum, quod juxta conventiones inter nos ac vos & ipsum habitas, societates illas gentis armigeræ, quam de istis partibus secum duxit ad dictum territorium pro liberatione ac defensione præfatæ civitatis, secum adducere, vel sub alio conductore destinare quantocius non omittat, ac cum tempus dictarum servitii societatum jam terminatum sit, seu breviter terminandum, societates easdem usque ad aliud tempus de novo conducatur. Ceterum cum nos pro habendo aliquo subsidio mutui usque ad summam XL. millium florenorum auri a dilectis filiis nobili viro JOHANNI DELPHINO duce ac consilio & communi Venetorum abbatem prædictum ad eosdem ducem consilium & commune cum nostris litteris destinemus, discretionem vestram rogamus attente, quatenus eos ad subveniendum nobis & Romanæ Ecclesiæ de hujusmodi mutuo per speciales nuncios efficaciter inducat: præcipue dilectum filium LEONARDUM DE MONTE-ALTO ad eosdem ducem, consilium, & commune quoad citius fieri valeat transmittentes, ut exinde major sequatur Bernabovis confusio, quo per nostros & Romanæ Ecclesiæ devotos & filios plura nobis accumulata fuerint subsidia & favores. Super præmissis autem dicto abbati dabit eadem vestra discretio plenam fidem. Datum *ut supra*.

## EPISTOLA CXCI.

Ad Guillelmum abbatem sancti Germani  
Autissiodorensis.

*Facultatem ei tribuit mutuum contrahendi nomine  
sedis apostolicæ.*

**D**ilecto filio GUILLELMO abbati Monasterii  
sancti Germani Autissiodorensis, salutem  
& apostolicam benedictionem.

Cum te pro aliquibus nostris & Romanæ  
Ecclesiæ arduis negotiis ad certas partes Italiæ  
destinemus: nos ut negotia ipsa felicius ac fa-  
cilius per te valeant juxta nostrum desiderium  
terminari, de tuæ circumspectionis industria fi-  
duciam gerentes in Domino singularem, tibi  
nostro & dictæ Ecclesiæ nomine, mutua con-  
trahendi usque ad illam summam de qua tibi  
videbitur, ac propterea quæcumque civitates,  
castra, arces, terras, & loca, redditus & proven-  
tus, jurisdictiones, jura & bona Ecclesiæ supra-  
dictæ ubicumque infra dictam Italiam confi-  
stant, quibuscumque principibus, comitibus,  
baronibus, nobilibus & aliis singularibus perso-  
nis ac communitatibus, universitatibus, socie-  
tatibus & collegiis pro quibusvis pecuniarum  
summis ac subsidiis, & auxiliis ac rebus aliis  
obligandi, impignorandi, assignandi & tradendi  
usque ad terminos seu tempora ac cum pactis  
promissionibus, conventionibus & cautelis, de  
quibus tibi videbitur expedire, auctoritate apo-  
stolica plenam concedimus tenore præsentium  
potestatem. Datum Avenione vi. nonas Julii  
anno nono.

## EPISTOLA CXCV.

Ad Johannem Marchionem Montis-ferrati.

*De victoria in hostes ecclesiæ à Bononiensibus  
reportata.*

**P**ost alias litteras quas nobilitati tuæ duxi-  
mus dirigendas, conditionem ac statum  
nostræ & Romanæ Ecclesiæ civitatis Bononien-  
sis in eisdem litteris plenius explicantes, noviter  
quod ad gaudium tibi significamus accepimus,  
qualiter nonnullæ gentes armigeræ sub ducatu  
dilectorum nobilium virorum GALEOTI &  
A. MALATESTÆ, UNGARI DE MALATESTIS,  
PETRI DE FARNESIO militum, secretæ noctis  
profundo silentio civitatem eandem ignoran-  
tibus hostibus intraverunt, ac deinde per totam  
noctem refocillatis quietis beneficio personis &  
equis eorum usque mane, circa horam tertiarum  
cum plurimis peditibus de populo Bononiensi  
egressi civitatem præfatam, in hostes qui castra-  
metabantur juxta civitatem ipsam per quatuor  
milliaria vel circa, in loco qui dicitur sancti  
Rossuli, strenue & viriliter irruerunt, ibique  
per duas pene horas, durante congressu, hostes  
ipso penitus conflixerunt. Ex quibus plurimi  
occisi & capti, & rapta spolia plurima extite-

**A** runt: ex quibus summo Deo gratias agentes,  
nobilitatem tuam ad prosequenda celeriter ea  
quæ tibi in dictis litteris plenius exponenda du-  
ximus, eo attentius excitamus, quocirca Bo-  
noniense negotium felicioribus via successibus  
aperitur. Datum Avenione iii. nonas Julii anno  
nono.

## EPISTOLA CXCIIL.

Ad regimen, consilium & commune Perusii.

*De victoria in Bernabovem reportata, & ut Ægidio  
Sabinensi episcopo auxilium ferant.*

**D**ilectis filiis, regiminibus, consilio & com-  
muni Perusiniensi, salutem & apostolicam  
benedictionem.

Ad vestram, prout credimus, notitiam de  
propinquo, priusquam ad vos præsentem perve-  
niant, gratus rumor adduxerit, qualiter illo  
faciente in cujus virtute Bononiense negotium  
agimus, nostræ & Romanæ Ecclesiæ gentes ar-  
migeræ sub ducatu nonnullorum nobilium &  
strenuorum virorum gentes armigeras Berna-  
bovis de Vice-comitibus militis Mediolanensis  
prope civitatem Bononiensem hostiliter confi-  
stentes, strenua victoria superarunt. Quod co-  
vos jucundioribus animis credimus percepisse,  
quo ad nos & sedem apostolicam devotionem  
geritis ampliorem. Cum itaque pro salute no-  
strorum & dictæ Ecclesiæ subditorum civium  
Bononiensium circa negotium ipsum feliciori-  
bus aperiatur via successibus, ut videris, uni-  
versitatem vestram rogamus attentius & hor-  
tamur, quatinus diligenter considerantes quam  
minus tuti juxta viperam dormiretis, si, quod  
absit, prout aberit, ut speramus, præsumtor ille  
suum desiderium obtineret, pro nostra & sedis  
apostolicæ reverentia, devotionem ipsam effi-  
cacious operum venerabili fratri nostro Ægidio  
episcopo Sabinensi apostolicæ sedis legato circa  
defensionem dictæ civitatis vestris auxiliis &  
favoribus assistatis, ut exinde præter divinæ re-  
tributionis præmia sedes præfata ad annuendum  
votis vestris grata vicissitudine promptius incli-  
netur. Datum Avenione vii. Idus Julii anno  
nono.

*In eodem modo, dilectis filiis regiminibus, con-  
silio, & communi Senensi.*

*In eodem modo, dilectis filiis regiminibus, con-  
silio, & communi Pisano, salutem, &c.*

*In eodem modo, dilectis filiis regiminibus, con-  
silio, & communi Aretino, salutem, &c.*





## EPISTOLA CXCVIII.

Ad Thomesium rectorem civitatis Bononiensis.

*Gratulatur ei de victoria in Bernabovem reportata.*

**D**ilecto filio nobili viro THOMESIO militi civitatis Bononiensis pro nobis & Ecclesia Romana rectori, salutem, &c.

Placide admodum & gratanter multorum insinuatione didicimus, qualiter sub tuo & nonnullorum nobilium ducatu nostræ & Romanæ Ecclesiæ gentes armigeræ una cum pluribus civibus Bononiensibus contra nostros & ejusdem Ecclesiæ hostes civitati Bononiensi modico intervallo distantes, opportunitate captata, viriliter irruentes, habito cum illis non levi congressu, tandem eos plena victoria debellare, de quo siquidem congressu, tua apud nos multipliciter strenuitas prædicatur. Nos itaque nobilitatem tuam plurimum in Domino commendantes, attente exhortamur eandem, ut circa nostra & Romanæ Ecclesiæ tibi commissa negotia eo te magis sollicitum exhibeas & attentum, quo negotiis felicioribus via successibus apperitur. Confidimus namque in eo in cujus virtute assumptum per nos Bononiense negotium agitur, quod negotium ipsum votivo faciet exitu terminari. Datum Avenione VII. Idus Julii anno nono.

## EPISTOLA CXCV.

Ad Malatestam de Malatestis.

*Ejusdem argumenti.*

**D**ilecto filio nobili viro Malatestæ de Malatestis Unghero militi Ariminensi, salutem & apostolicam benedictionem.

In habita nuper contra nostros & Romanæ Ecclesiæ hostes prope civitatem Bononiensem felici congressu victoria, prout gratanter accepimus, tua te strenuitas laudabiliter exercuit, & sinceræ devotionis affectum, quem patris ac patrui tui imitando vestigia, ad nos, & Romanam geris Ecclesiam eandem tuis demonstravit. Nos itaque exinde nobilitatem tuam multipliciter in Domino commendantes, te ad prosequendum circa nostra & dictæ Ecclesiæ negotia strenue ac fideliter ut cœpisti, paternis exhortamur affectibus, licet nobilitatem ipsam hujusmodi indigere exhortationibus non credamus, ut per hoc apud Deum crescas meritis, & apud nos & sedem apostolicam uberioribus continuo laudum præconiis extollaris. Datum *ut supra*.

## EPISTOLA CXCVI.

Ad Florentinos.

*Hortatur ut suis faveant viribus Ecclesiæ Romanæ in negotio Bononiensi.*

**D**ilectis filiis... prioribus Artium & vexillifero justitiæ, consilio & communi Floren-

A tinenti, salutem & apostolicam benedictionem.

Felicem congressum nuper per nostras & Romanæ Ecclesiæ gentes armigeras contra nostros & ejusdem Ecclesiæ hostes prope civitatem Bononiensem hostiliter consistentes habitum, & hostes ipsos per gentes easdem strenua victoria superatos, eo, ut credimus, gratis de propinquo rumoribus jocundioribus animis percepistis, quo nostrum & dictæ Ecclesiæ honorem ac statum, subditorum nostrorum quietem & pacem desiderio cupitis ampliori. Dum enim devotionem vestram, quam ad nos & ad sedem apostolicam geritis, in vos à vestris progenitoribus derivatam diligenter attendimus, successus prosperos circa nostra & præfata Ecclesiæ negotia vos optare nullatenus dubitamus: propter quod vos ad præstanda nobis & eidem Ecclesiæ circa Bononiense negotium vestra auxilia & favores eo pleniori fiducia excitamus, quo negotium ipsum vestris ardentibus inhærere affectibus nullatenus dubitamus. Intelligimus equidem de longinquo corda vestra, & animos vestros inspicimus: desideratis proculdubio, ut sine ulla dubitatione tenemus, Romanam Ecclesiam adversus temerarium præsumtorem in hujusmodi assumpto negotio pro suæ defensione justitiæ prævalere, & quam minus tuti juxta viperam dormiretis, si, quod absit, præsumtor ipse victoriam obtineret, debita, ut credimus, vobiscum sæpius meditatione pensatis. Ut quid non ergo devotionem vestram, prout generosos decet animos aperitis? Exurgite potius, & tamquam benedictionis & gratiæ filii causam vestræ matris assumite, & conceptus vestros efficaci, prout vestris inhæret affectibus, impensione operum demonstrate, ut per hoc civitati vestræ proveniat tranquilla securitas, & proinde nos & sedem præfatam ad compensandum grata vicissitudine hujusmodi per vos impendenda circa præfatum negotium favores & auxilia promptius animetis. Datum Avenione VII. Idus Julii anno nono.

## EPISTOLA CXCVII.

Ad Bononienses.

*Congratulatur eis de victoria in hostes ecclesiæ reportata.*

**D**ilectis filiis regiminibus, consilio, populo, & communi civitatis Bononiensis, salutem & apostolicam benedictionem.

Placide admodum nuper ex diversarum serie litterarum nobis noviter de diversis partibus transmissarum didicimus, qualiter nonnullæ nostræ & Romanæ Ecclesiæ gentes armigeræ sub ducatu nonnullorum nobilium civitatem vestram sub noctis ingressæ silentio, ac parumper captata quiete, mane sequenti unâ cum numerosa vestrorum civium comitiva campum hostium eidem civitati proximum egressæ, viriliter hostes ipsos strenua victoria debellarunt. Equidem, dilecti filii, apparuit in hoc ejus benignitas, cujus proculdubio negotium agitur, & qui secreto suo consilio nonnumquam manum suam

suam subtrahit, & illam cum vult de aeternae suae providentiae specula porrigit adjutricem. Nos itaque illi in cuius virtute confidimus, ad gratiarum actiones humiliter assurgentes, ac probitatem & sinceram fidei vestrae constantiam plurimum in Domino commendantes, sinceritatem eandem ad constanter perseverandum, & circa defensionem vestram & dictae civitatis viriliter intendendum, prout laudabiliter incœpistis, plenius affectibus exhortamur. Confidimus namque quod qui benigne nostris ac vestris huc usque adversus temerarii praesumptoris audaciam desideriis aspiravit, ea feliciore exitu terminabit. Nos quoque vestrae erga nos & praefatam Ecclesiam devotionis ac fidelitatis ardorem continuo diligentius attendentes, circa defensionem, ac statum, & quietem vestram paternis vobis compatiens affectibus, nostris & dictae Ecclesiae favoribus & auxiliis efficaciter intendemus. Datum Avenione vii. Idus Julii anno nono.

## EPISTOLA CXCVIII.

Ad Galeotum de Malatestis.

*Gratulatur ei de victoria per ipsum & cives Bononienses in hostes Ecclesiae reportata.*

**D**ilecto filio nobili viro Galeoto de Malatestis militi Ariminensi, salutem & apostolicam benedictionem.

Quod de persona tua, dilecte fili, fama laudabilis praedicabat, id tam strenue quam prudenter diebus proximis, prout gratanter accepimus, ostendisti. Sicut enim habet de diversis partibus fide digna insinuatio facta nobis, sub tuo & nonnullorum nobilium ducatu, certae nostrae & Romanae Ecclesiae gentes armigerae, una cum pluribus civibus Bononiensibus, opportunitate captata, in nostros & ejusdem Ecclesiae hostes viriliter irruentes, habito cum illis non levi congressu, tandem eos plena victoria debellarunt, de quo siquidem congressu apud nos tua strenuitas multipliciter praedicatur. Nos itaque sinceritatem tuae devotionis & fidei quam ad nos & Romanam geris Ecclesiam plurimum in Domino commendantes, nobilitatem tuam attentius exhortamur, quatenus huiusmodi devotionis & fidei tuae constantiam taliter tuae sollicitudinis studio continuare procures, quod apud nos & sedem apostolicam ex accepto reddaris acceptior, & plenioribus laudum continuo praconiis extollaris. Datum Avenione vii. Idus Julii anno nono.



*Theauri Anecd. Tom. II.*

## EPISTOLA CXCIX.

Ad Eduardum regem Anglorum.

*Suspendit ad tempus nonnullos processus habitos per episcopum Eliensem, & alios per abbatem sancti Nicolai Andegavensis. Agitur de promotione Johannis Barre ad episcopatum Herefordiensem & abbatis Cisterciensis ad Cardinalatum.*

**C**arissimo in Christo filio EDUARDO regi Angliae illustri, salutem & apostolicam benedictionem.

Pridem ad nostram accedentes praesentiam certi tui ambassiatores, quos consideratione mittentis & eorum insuper multae prudentiae ac discretionis intuitu benigne suscepimus, plurima a nobis tuis ut percepimus grata conceptibus pro parte regia multa diligentia postularunt. Et primum, dum in Romana curia adhuc in humanis ageret bonae memoriae THOMAS episcopus Eliensis, nobis humiliter supplicarunt, ut omnes processus dudum in dicta curia habitos in causa quae per eundem episcopum contra nonnullos tam praelatos quam clericos & saeculares personas alias vertebatur, annulare, & excommunicationum sententias relaxare de apostolicae sedis munificentia dignaremur. Ac deinde, eodem episcopo noviter in Romana curia defuncto, super eadem petitione apud nos praefati tui ambassiatores vehementius institerunt. Nos igitur tuis, quantum cum Deo poterimus, votis condescendere cupientes, omnes & singulos processus ac interdicti in universitates, seu suspensionis in capitula suspendendas ac excommunicationis sententias in singulares personas propter dictam causam olim in praefata curia latas & habitas, seu quomodolibet promulgatas, & quaecumque inde secuta usque ad festum omnium sanctorum proxime futurum de benignitate apostolica duximus relaxandas. Sperantes interea cum tempus de tenendis consistoriis dabitur de persona idonea, & tibi quantum cum Deo poterimus grata, Eliensi ecclesiae providere, ac tunc eadem ecclesia pastore suo prout convenit reformata, de dictis processibus ac sententiis, prout secundum Deum poterimus, sine laesione iustitiae disponere auctore Domino intendimus, & sinemponere causae praelibatae. Credimus enim personam ipsamquam praefatae ecclesiae praefecerimus in episcopum & pastorem, ita per te benignitate regia pertractari, quod causa ipsa finem pacificum auctore Domino sortietur. Ulterius etiam lidem ambaxiatores apud nos pro parte tua humiliter institerunt, ut certos processus dudum in dicta curia habitos, ad instantiam dilecti filii abbatis monasterii sancti Nicolai Andegavensis contra dilectos filios priorem & conventum de Spaldingge ordinis sancti Benedicti Lincolnienensis diocesis tollere & annulare similiter dignaremur. Nos itaque modo simili, quantum cum Deo poterimus, votis regiis inclinati, omnes & singulos processus in praefata curia ad instantiam dicti abbatis contra priorem & conventum

T t t

tum præfatos habitos, seu quomodolibet promulgatos usque ad præfatum festum omnium sanctorum suspendendos, & excommunicationum sententias similiter duximus relaxandas; prout omnia latius vivæ vocis ministerio præfati tui ambassiatores exponere potuerint, & in nostris inde conficiendis litteris plenius videbit præfata regia serenitas contineri. Promotionem quoque dilecti filii magistri JOHANNIS BARRET coelecti Herefordiensis iidem ambassiatores nobis pro parte tua fecerunt humiliter commendatam. Nos vero causam hujusmodi colectionis dilecto filio nostro ANDOYNO tituli SS. Johannis & Pauli presbytero cardinali duximus committendam, & quantum bono modo poterimus, absque læsione justitiæ, tuis curabimus desideriis complacere. Super promotione autem dilecti filii ANDROYNI abbatis monasterii Cluniacensis Matisconensis diocesis ad cardinalatus dignitatem, pro quo nobis præter hæc pro parte tua præfati ambaxiatores tam diligenti instantia, quam instanti diligentia supplicarunt, nihil certum, absentibus penè omnibus fratribus nostris Romanæ Ecclesiæ cardinalibus à præfata curia propter imminens horrendi ac pestiferi morbi contagium, respondere possumus de præfati. Cum autem tempus idoneum ex negotiis disponendis advenerit, abbatem ipsum, cujus apud nos & sedem apostolicam multiplicia jamdudum merita claruerunt, tui consideratione & dictorum meritorum suorum intuitu, in suis promovendis honoribus habere intendimus commendatum, tuis in hoc annuere votis & complacere desideriis, quatenus de fratrum ipsorum consilio & assensu procedat, prout cum Deo poterimus cupientes. Datum Avenione vi. Idus Julii anno nono.

## EPISTOLA CC.

Ad episcopum Ilerdensem.

*Petit ab eo subsidium adversus hostes Ecclesiæ Romanæ in Italia grassantes.*

**V**enerabili fratri... episcopo Ilerdensi, salutem & apostolicam benedictionem.

Sicut ad tuam & plurimorum Christi fidelium notitiam potuit rumor implacitus perduxisse, adeo nonnullorum malignorum tyrannorum in partibus Italiæ consistentium excrevit ambitio, ut nonnulla civitates, castra, terras, & loca ad nos & Romanam Ecclesiam in eisdem partibus immediate spectantia impugnare & opprimere ac invadere hostiliter minime vereantur. Cum itaque nos, prout ex debito pastoralis officii nobis incumbit, ad conservationem & defensionem dictorum civitatum, castrorum, terrarum & locorum, ac nostrorum & dictæ Ecclesiæ bonorum & jurium in eisdem partibus consistentium intenderimus hactenus, & intendere continuo usque ad felicem rei cœptæ exitum plenis desideriis cupiamus, & ad id pro negotiorum qualitate, prout expedit, favorabiliter profe-

**A** quendum subire nos oportuerit & subire indefinenter nos oporteat gravia immo gravissima onera expensarum, quibus præsentialiter non sufficiunt juxta exigentiam agendorum camera nostræ facultates & vires, quas non parum imminuit attenuatio reddituum ejus ex temporum causata malitia, & pene exhausta agendorum gravium multitudo. Hiis moti considerationibus, quibus non dubitamus vestros & ipsius Ecclesiæ devotos & filios commoveri, ad ipsorum devotorum & filiorum suffragia duximus recurrendum, propter quod una cum fratribus nostris deliberavimus, tuum quæm prosperum statum & honorem nostrum & ipsius Ecclesiæ affectare cognoscimus, & aliorum locorum ordinariorum in præmissis subsidia implorare. Quocirca fraternitatem tuam rogamus & hortamur attente, tibi nihilominus per apostolicâ scripta mandantes, quatenus eidem Ecclesiæ, quæ ad tuum & aliarum personarum Ecclesiasticarum statum prosperum & tranquillum intendere indefesse cura sollicitudinis non desistit, in præmissis pie compatiens, & ad illam ut ejus devotus filius & tamquam membrum capiti manum porrigens adjutricem, nobis de aliquo pecuniali subsidio juxta dictorum negotiorum exigentiam, ac tuorum reddituum facultates, cures visis præsentibus omni mora postposita liberaliter subvenire: subsidium ipsum infra unum mensem à tempore receptionis præsentium ad dictam cameram transmissurus, seu illud nuncio collectori apostolico nominato per nos in illis partibus destinato tradas, liberes & assignes. Sic autem per efficacis impensionem operis te, prout speramus, habeas in præmissis, quod exinde apud nos & sedem apostolicam merito commendari valeat tuæ devotionis & obedientiæ promptitudo, & de alio providere remedio necessarium non existat. Datum Avenione iv. Idus Julii anno nono.

*In eodem modo, venerabili fratri... episcopo Urgellensi, salutem & apostolicam benedictionem.*

*In eodem modo, venerabili fratri... episcopo Vicentino, salutem & apostolicam benedictionem.*

## EPISTOLA CCI.

Ad Americum electum Wlteranum.

*Gratias agit Deo de auxilio sibi divinitus præstito, hortaturque ut negotia ecclesiæ impigre exequatur.*

**D**ilecto filio AMERICO electo Wlterani, salutem & apostolicam benedictionem.

Licet prius fama prænuncia, & per plurimorum fide dignorum litteras perceperimus, qualiter adversus præsumtores & eorum salutis oblitos dextera illius, cujus proculdubio circa Bononiense negotium causa agebatur & agitur, se

extendit, id tamen novissime tuarum litterarum A inspecta serie intelleximus diligenter. Nos itaque illi gratias agentes, qui Romanam Ecclesiam sponfam suam in suorum jurium defensione non deserit, ei preces pias effundimus, ut hujusmodi rei coeptæ negotium in animarum suorum fidelium salutem & honorem, ejusdem Ecclesiæ ac subditorum suorum pacem & quietem, prout in eo confidimus, terminetur. Ceterum tuam circa commissâ tibi per nos negotia diligentem prudentiam & prudentem diligentiam multipliciter in Domino commendantes, te ad prosequenda de cetero negotia ipsa quæ laudabiliter coepisti attentius animamus. Datum Avenione III. Idus Julii anno nono.

Dilecto filio nobili viro GOMESIO militi civitatis Bononiensis pro nobis & Ecclesia Romana Rectori, salutem & apostolicam benedictionem.

Licet ut in proxima, usque diligentiam, quibus quod grater accipimus non mediocri præconio strenuitas militaris addicitur multipliciter in Domino commendantes, &c. usque in finem.

## EPISTOLA CCII.

Ad Petrum regem Portugalliæ.

*Commendat ipsi Johannem de Cardailliaco archiepiscopum Bracharensem.*

Carissimo in Christo filio PETRO regi Portugalliæ & Alocarbii illustri, salutem & apostolicam benedictionem.

Cum pridem venerabilem fratrem nostrum GUILLELMUM Arelatensem, tunc Bracharensem archiepiscopum à vinculo quo tenebatur ecclesiæ Bracharensi, cui tunc præerat, absolventes, ipsum ad Arelatensem ecclesiam tunc certo modo vacantem duxissemus auctoritate apostolica transferendum: Nos desiderantes ipsi ecclesiæ Bracharensi personam secundum cor nostrum idoneam præsidere, ac ad personam venerabilis fratris nostri JOHANNIS DE CARDAILLIACO archiepiscopi Bracharensis tunc Auriensis episcopi, quem tam scientiæ ac probitatis & multiplicium virtutum merita generisque nobilitas nobis & sedi apostolicæ multipliciter clarum reddunt, nostræ mentis oculos dirigentes, ipsum à vinculo quo ecclesiæ Auriensi, cui tunc præerat, tenebatur absolvi-  
mus, eumque ad præfatam ecclesiam Bracharensem eadem auctoritate duximus transferendum, præficiendo eum illi in archiepiscopum & pastorem: sperantes indubie quod, dirigente Domino actus suos, Ecclesia ipsa votivis proficiet spiritualiter & temporaliter incrementis. Cum itaque idem archiepiscopus commissum ei curæ pastoralis officium impleturus, ad præfatam ecclesiam se ducat de beneplacito nostro præsentialiter conferendum, nosque eundem quem præmissorum intuitu benevolentia prose-

*Thesauri Anecdor. Tom. II.*

quimur speciali, sic per te cupiamus regia benivolentia suscipi, & debita personis ecclesiasticis ac prælatis præcipue infra regni tui limites consistentibus honorificentia pertractari, serenitatem tuam rogamus attentius & hortamur, quatinus archiepiscopum & ecclesiam memoratos, pro divinæ majestatis reverentia, nostræque interventionis obtentu ac consideratione regiæ dignitatis habere velis propense & efficaciter commendatos, sic eidem archiepiscopo ejusque officialibus & ministris circa conservationem & recuperationem jurium prædictæ ecclesiæ, quæ per nonnullos, prout nobis asseritur, indebite occupantur, tuis opportunis favoribus gratisque intendens auxiliis & assistens, quod ipse sibi Dominici gregis custodiam utiliter ac salubriter exequatur, & nos qui ex speciali caritate qua ad præfatam ecclesiam afficimur, & affectu præcipuo quo archiepiscopum ipsum prosequimur, id admodum gratum habebimus, regiæ magnificentiæ ad gratiarum merita teneamur. Datum Avenione III. Idus Julii anno nono.

*In eodem modo, dilecto filio nobili viro FERNANDO carissimi in Christo filii nostri PETRI regis Portugalliæ illustris primogeniti, salutem & apostolicam benedictionem.*

Cum pridem, &c. ut in proxima, usque cupiamus debita personis ecclesiasticis ac prælatis, præcipue infra regni Portugalliæ limites consistentibus honorificentia pertractari. Nobilitatem tuam rogamus attentius & hortamur, &c. usque obtentu habere velis, &c. usque in finem mutatis mutandis.

*In eodem modo, dilecto filio nobili viro FERNANDO GONDISALVI COGOMINHO militi, carissimi in Christo filii nostri PETRI regis Portugalliæ illustris consiliario, salutem, &c. usque conferendum. Nobilitatem tuam rogamus attente, &c. ut in proxima usque in finem. Datum ut supra.*

## EPISTOLA CCIII.

Ad Petrum regem Portugalliæ.

*Recusat approbare ejus cum Agnete de Castro matrimonium, ac legitimam ejus prolem declarare.*

Carissimo in Christo filio PETRO regi Portugalliæ, salutem & apostolicam benedictionem.

Nuper per certos ambaxiatores tuos, quos consideratione mittentis, ac ipsorum providentiæ & discretionis intuitu, intelleximus diligenter inter cetera nobis tua serenitas devota instantia supplicavit, quod matrimonium dudum contractum inter te & AGNETEM natam quondam Petri de Castro, se tecum ex uno latere secundo, & ex alio latere tertio consanguinitatis & quarto affinitatis gradibus contingentem,

T t t ij

sub prætextu seu confidentia cuiusdam generalis dispensationis, olim per felicitis recordationis JOHANNEM papam XXII. prædecessorem nostrum ad supplicationem claræ memoriæ ALFONSI regis Portugalliæ patris tui, pro te nato suo humiliter supplicantis, eidem factæ, declarare vigore huiusmodi dispensationis legitime fuisse contractum, & prolem ex ipso susceptam legitimam fuisse decernere, vel saltem prout facta nobis per eosdem ambaxiatores tuos petitio subjungebat, sobolem ex tua & dictæ AGNETIS copula ortam ad omne jus natalium plene habilem facere ac legitimare, ac si de jure dictum matrimonium tenuisset, vel de legitimo matrimonio orta esset soboles antedicta, de apostolicæ potestatis plenitudine dignaremur. Equidem, carissime fili, præmissis pro parte tua per dictos ambaxiatores plenius nobis expositis, attenta per nos meditatione pensatis, licet serenitati tuæ complacere & tuis condescendere votis quantum cum Deo possumus cupiamus: legitimis tamen moti causis, de ipso jure procedentibus, à quo deviare seu recedere non debemus, petitionem præmissæ declarationis non duximus admittendam. Quantum autem ad dispensationem seu legitimationem præfatæ susceptæ sobolis attinet, prout secunda petitio continebat, brevi duximus compendio respondendum, quod dispensationes seu legitimationes huiusmodi sedes apostolica concedere, nisi magnis & manifestis de causis quæ in huiusmodi petitionis serie non apparent, nec etiam allegantur, minime consuevit, signanter in præjudicium tertii, nisi tertius ipse hoc peteret, vel de ejus procedere consensu manifestius appareret, & præcipue cum de legitimatione quoad temporalia agitur pro personis illis, quæ non sunt de terris pertinentibus ad temporalem Romanæ Ecclesiæ jurisdictionem. Si igitur, carissime fili, præfatas petitiones tuas ad exauditionis gratiam sedes apostolica non admisit, Serenitatem tuam rogamus & hortamur attente, quatenus rogationibus nos digne moventibus, immo cogentibus in adversum attenta consideratione discussis, id mansuetudo regia moleste non ferat, cum nos licet immeritos ad pastoralis officii ministerium assumeret divina dignatio, non ut solvamus legem, sed ut illam Salvatoris nostri inhærentes doctrinæ & vestigiis potius impleamus. Datum Avenione Idus Julii anno nono.

LITTERÆ DE MENSE AUGUSTI  
ANNO NONO.

EPISTOLA CCIV.

Ad Johannem electum Urbevetanum.

*Constituit eum in Urbe sedis apostolicæ vicarium in spiritualibus.*

Dilecto filio JOHANNI electo Urbevetano nostro in spiritualibus in Urbe vicario, salutem & apostolicam benedictionem.

Etsi ad singulas partes orbis cunctosque po-

pulos quos Christianæ fidei cultura complectitur, ut prosperis successibus affluant, & in salutis semitam dirigantur, considerationis nostræ aciem, prout nobis apostolicæ servitutis indicit necessitas, sollicitè extendamus: de Urbe tamen quam per sacram B. Petri sedem divina potentia constituit caput orbis, & in qua sedem nostri firmavit & statuit præsulatus, ac dilectis filiis ipsius Urbis populo propensior nos cura sollicitat, & de ipsorum statu spiritualiter & temporaliter prospere dirigendo admonet singularis affectio instantius cogitare: ut qui nos in eorum patrem & dominum specialius recognoscant, circa profectus eorum nostris nos sentiant studiis propensius intendisse. Cum itaque bonæ memoriæ PONTIUS episcopus Urbevetanus prædecessor tuus, qui in Urbe ipsa vicarius pro nobis officio in spiritualibus fungebatur, viam sit universæ carnis ingressus: nos de circumspeditione tua, quam in pluribus negotiis tibi commissis experti sumus utilem & fidelem, plenam in Domino fiduciam obtinentes, te in Urbe prædicta ejusque suburbiis & districtu vicarium nostrum in spiritualibus usque ad nostrum & apostolicæ sedis beneplacitum tenore præsentium deputamus, visitandi ecclesias, monasteria & loca ecclesiastica, sæcularia & regularia quorumcumque ordinum, non exemptorum, nec privilegiatorum, ac ipsorum & alias personas ecclesiasticas Urbis, suburbiorum & districtus prædictorum, cujuscumque status, gradus, ordinis, vel conditionis existant, & reformandi quæ in eis reformationis ministerio noveris indigere, ac earum ac cujuslibet illarum excessus & crimina corrigendi & puniendi, & postquam munus consecrationis suscepis, conficiendi & conferendi ecclesiastica sacramenta, ecclesias dedicandi, ac eas & earum cimiteria reconciliandi, aliaque faciendi & exercendi, auctoritate nostra, quæ ad huiusmodi vicariatus officium pertinere noscuntur, contradictores quoque per censuram ecclesiasticam appellatione postposita compescendi, non obstantibus quibuscumque privilegiis, indulgentiis, & litteris apostolicis generalibus vel specialibus, quorumcumque tenorum existant, per quæ præsentibus non expressa, vel totaliter non inserta effectus earum impediri valeat quomodolibet vel differri; & de quibus quorumque totis tenoribus de verbo ad verbum in nostris litteris specialis & expressa mentio sit habenda, seu si aliquibus communiter vel divisim sit à sede indultum, quod interdicti, suspendi, vel excommunicari non possint per litteras apostolicas non facientes plenam & expressam ac de verbo ad verbum de indulto huiusmodi mentionem, facultatem tibi plenam & liberam concedentes. Quocirca discretionis tuæ per apostolica scripta mandamus, quatenus onus vicariatus huiusmodi devote suscipiens, sic illud prudenter & fideliter exequaris, quod inde commodum animarum, sicut optamus, Deo concedente, proveniat, tuque præter divinæ retributionis mercedem quam inde mercheris, nostram & apostolicæ sedis gratiam uberius consequaris. Datum Avenione xv. calendas Augusti anno nono.



## EPISTOLA CCV.

Ad Johannem electum Urbevetanum.

*Constituit eum ecclesiarum cardinalium vacantium in Urbe administratorem.*

**D**ilecto filio JOHANNI electo Urbevetano nostro in spiritualibus in Urbe vicario, salutem & apostolicam benedictionem.

Cum nonnullæ urbis ecclesiæ pro titulis sanctæ Romanæ Ecclesiæ cardinalium ab antiquis temporibus constitutæ, propriis cardinalibus carere noscantur ad præsens, nos ne ecclesiæ ipsæ propterea spiritualibus vel temporalibus subiiciantur incommodis, & ut gubernatoris diligentia providi earum consulatur utilitatibus, providere volentes, de tuæ quoque fidelitatis & circumspeditionis industria gerentes in Domino fiduciam pleniorē, tibi gubernationem & administrationem Ecclesiarum prædictarum, ac membrorum & locorum ipsarum, & cujuslibet earundem in spiritualibus & temporalibus, usque ad apostolicæ sedis beneplacitum, auctoritate apostolica, committimus exercendas, ordinandi, mandandi, præcipiendi, visitandi, & corrigendi, & alia omnia & singula faciendi, gerendi & exercendi, quæ circa gubernationem & administrationem hujusmodi necessaria fuerint, vel etiam opportuna, contradictores quoque per censuram ecclesiasticam appellatione postposita compescendi, non obstantibus si aliquibus communiter vel divisim à sedē apostolica sit indultum, quod interdicti, suspendi, vel excommunicari non possint per litteras apostolicas non facientes plenam & expressam ac de verbo ad verbum de indulto hujusmodi mentionem, plenam & liberam concedentes tibi tenore præsentium potestatem. Quocirca discretionis tuæ per apostolica scripta mandamus; quatenus sic te in præmissis laudabiliter geras, quod inde tibi perennis mercedis acquiras præmium ac nostram & ejusdem sedis gratiam uberius merearis. Datum *ut supra*.

## EPISTOLA CCVI.

Ad patriarchas, archiepiscopos, episcopos, &amp;c.

*Commendat eis Johannem de Auroño militem Avenionensem.*

**V**enerabilibus fratribus patriarchis, archiepiscopis & episcopis, ac dilectis filiis electis, abbatibus, prioribus, decanis, præpositis, archidiaconis, archipresbyteris, rectoribus, & aliis ecclesiarum & monasteriorum prælati ipsorumque vices gerentibus, capitulis quoque conventibus ecclesiarum, & monasteriorum ceterisque personis ecclesiasticis sæcularibus & regularibus, exemptis & non exemptis Cisterciensis, Cluniacensis, Præmonstratensis, Camaldulensis, SS. Benedicti & Augustini, & aliorum ordinum & domorum hospitalis sancti

**A** Johannis Hierosolymitani, sanctæ Mariæ Theoniconum, Calatravenfis & Humiliatorum magistris, prioribus & præceptoribus, nec non nobilibus viris, comitibus, baronibus, senescallis, justiciariis, capitaneis, rectoribus, baillivis, officialibus, ceterisque dominis temporalibus, universitatibus quoque & communitatibus civitatum, terrarum, castrorum, & aliorum quorumcumque locorum, & aliis universis & singulis in Provincia consistentibus ad quos præsentēs litteræ pervenerint, salutem & apostolicam benedictionem.

**B** Cum dilectum filium nobilem virum Johannem de Auroño militem Avenionensem latorem præsentium ad vestram præsentiam pro certis negotiis per nos sibi commissis per eum vobis vivæ vocis oraculo plenius exponendis duximus destinandum. Nos volentes ipsum cum sua familia in eundo, morando, & ad nos redeundo, plena securitate gaudere, universitatem vestram rogamus & hortamur attente, quatinus ipsum benigne recommendatum habentes, nullam eidem & familiæ suæ prædictæ in personis vel rebus suis inferatis injuriam vel offensam, nec ab aliis, quantum in vobis fuerit, permittatis inferri; sed ei potius de securo conductu, si à vobis illum petierit, sic libere providere pro nostra & apostolicæ sedis reverentia studeatis, quod vestra possit exinde apud nos devotio meritò commendari, fidem sibi credulam super hiis quæ ipse vobis pro parte nostra exponenda duxerit nihilominus adhibentes. Datum Avenione xiv. calendas Augusti anno nono.

## EPISTOLA CCVII.

Ad Mathiam de Giovaldo militem senescallum Provinciæ.

*Ejusdem argumenti.*

**D**ilecto filio nobili viro MATHIÆ de Giovaldo militi senescallo Provinciæ, salutem & apostolicam benedictionem.

Cum dilectum filium nobilem virum Johannem de Auroño militem Avin. pro certis negotiis per nos sibi commissis tibi vivæ vocis oraculo per eum melius exponendis ad tuam præsentiam destinemus, nobilitatem tuam rogamus attentius & hortamur, quatenus eundem benigne suscipiens ac habens propensius pro nostra & apostolicæ sedis reverentia commendatum, eidem in hiis in quibus te requirendum duxerit, tuis assistas favoribus opportunis, fidem sibi credulam super hiis, quæ ipse tibi pro parte nostra exponenda duxerit nihilominus præbiturus. Datum Avenione xiv. calendas Augusti anno nono.

*In eodem modo, dilecto filio nobili viro Johanni Marchioni Montis-ferrati, salutem & apostolicam benedictionem.*

T t t iij

## EPISTOLA CCVIII.

Ad Nicolaum magnum senescallum Siciliae.

*Ut Florentinos inducat ad præstandum  
Bononiensibus auxilium.*

**D**ilecto filio nobili viro Nicolao magno senescallo regni Siciliae, salutem & apostolicam benedictionem.

Priusquam ad te præsentem advenerint, dilecte fili, ad tuam non ambigimus notitiam pervenisse, qualiter novissime diebus proximis, præter omnis humanæ spei iudicium, Dominus ex alto negotia Romanæ Ecclesiæ sponsæ suæ benignus aspiciens, nostros & ejusdem Ecclesiæ subditos cives Bononienses de manibus præsumptoris eripuit, & à duræ obsidionis oppressionibus summa victoria liberavit. Quod eo te credimus jocundius percepisse, quo nostrum & dictæ Ecclesiæ honorem & commodum affectu desideras ampliori. Nos tamen id pie compatiendo referimus, qui damna rerum, mortes hominum, & animarum pericula formidantes, non bella gerere, sed pacem potius ministrare Christi fidelibus, prout ad nostri apostolatus spectat officium, optaremus. Quæ siquidem pax ut de cetero eo facilius præfatis & aliis subditis nostris in civitate Bononiensi & vicinis partibus consistentibus provenire valeat, per nonnullas nostras & ejusdem Ecclesiæ devotas Tuscitæ universitates, quas si diligenter advertant, non mediocriter tangit Bononiense negotium, præfata civitati vicinas ad præstanda circa negotium ipsum sua favores & auxilia paternis exhortationibus sub speciali duximus confidentia requirendas: ad quod eo se promtiores debent præsentialiter exhibere, quocirca negotium ipsum felicioribus jam via successibus aperitur: & quia dictarum universitatum dispositio maxime ex dispositione universitatis Florentinæ dependet, propterea circa illam efficacioribus in hoc videtur suasionum interpositionibus intendendum. Cum itaque, sicut accepimus, universitas ipsa tuis tamquam honorabilibus & famosi civis plurimum soleat, prout debet, consiliis & exhortationibus inhærere; nosque devotionem tuam quam ad nos & sedem apostolicam geris jamdudum per effectum operis agnoscentes, nisi personam tuam in regno Siciliae, quod ad præsens nonnullorum prædonum sub nomine societatum regnum ipsum invadentium insana præsumptio multipliciter perturbavit, & perturbare non cessat, non opportunam modo pro liberatione regni ipsius, sed potius necessariam sentiremus. Te quod ad universitatem ipsam personaliter accederes, tuis illam circa præstanda nobis & præfata Ecclesiæ in præmisso negotio sua favores & auxilia rationibus, demonstrationibus & consiliis inducturus requirere fiducialiter curaremus. Verum quia id ad præsens minime fieri posse cognoscimus, dum publicis ac tam commodis quam necessa-

**A**riis nobis utique gratis plurimum & acceptis negotiis occuparis, nobilitatem tuam rogamus attente quatenus pro nostra & dictæ sedis reverentia, quod per te ad præsens fieri nequit personaliter, saltem efficere studeas ministerio litterarum, concives tuos ad demonstrandam efficaciam operis devotionem erga sedem præfatam jamdudum ab eorum progenitoribus in posteros iterata, sæpius obsequiorum vicissitudinem derivatam tuis quibus convenire videris inductionibus animos excitando, ut quod eorum proculdubio inhæret affectibus, tandem velint prout generosos decet animos apertius demonstrare. Datum Avenione xiv. calendas Augusti anno nono.

## EPISTOLA CCIX.

Ad Franciscum de Carraria.

*Gratias agit de oblati obsequiis, si in Italiam, ut rumor ferebat, transiret.*

**D**ilecto filio nobili viro FRANCISCO de Carraria civitatis Paduanæ & districtus imperiali vicario generali, salutem & apostolicam benedictionem.

Receptis litteris tuis per dilectum filium Galvanum de Paduâ ordinis fratrum Eremitarum sancti Augustini sacre theologiæ magistrum nuncium tuum nobis noviter præsentatas, in quibus per nos eidem dari fidem credentiæ postulabas: exposita nobis per Galvanum eundem pro parte tua grata mente percepimus & intelleximus diligenter. In eis namque devotionem, quam ad nos & sedem apostolicam geris, personam tuam ac quicquid haberes potentiæ & favoris nobis in casu quo nos & sedem eandem ad partes Italiæ, prout rumoribus fide dignis acceperas, accedere contingeret, tam promte quam liberaliter offerendo grati exhibitione servitii apertius ostendisti. Nos igitur devotionem tuam hujusmodi gratam gerentes plurimum & acceptam, liberalitatem tuam exinde multipliciter in Domino commendamus: ad prædicta per te nobis oblata brevi respondentes compendio, quod cum, prout habet nostræ mentis desiderium, ad loci mutationem auctore Domino nos disponi contingeret, certis causis rationabilibus ad præsens merito retardantibus, in melius prout tanto convenit negotio reformatis, tua requirere favores & auxilia paterna fiducia curaremus. Datum Avenione xiv. calendas Augusti anno nono.

## EPISTOLA CCX.

Ad Eduardum regem Anglorum.

*Petit ab eo subsidium gentis armatæ & pecuniæ  
adversus Bernabovem de Vicecomitibus Ecclesiæ  
Romanæ hostem.*

**C**arissimo in Christo filio EDUARDO regi Angliæ illustri, salutem & apostolicam benedictionem.

Suadet nobis, inclyte princeps, tua devotio, quam inter ceteros catholicos mundi principes laudabilia progenitorum tuorum imitando vestigia ad nos & sedem apostolicam geris, ut ad tua præsidia tamquam athletæ Domini & ejus sponsæ Romanæ Ecclesiæ brachii singularis & præcarissimi filii, in nostris & ejusdem Ecclesiæ necessitatibus fiducialiter recurramus. Sane licet jamdudum pro defensione & recuperatione nonnullorum nostrorum civitatum, terrarum, castrorum, bonorum, & jurium in partibus Italiæ consistentium varios nos subire oportuerit sollicitudines & labores, ac gravia & multiplicia onera expensarum, quibus tum temporum faciente malitia, tum ipsarum expensarum voragine, camera nostra exhausta pecuniis respondere non poterat, ut solebat; ac propterea pro defensione & recuperatione hujusmodi ad tua, tamquam refugii singularis, confugere præsidia, tam negotiorum gravitas cogeret, quam præfata nobis tua devotio, & regia liberalitas suaderet. Inter te tamen & carissimum in Christo filium nostrum JOHANNEM regem Franciæ illustrem, durante guerrarum dissidio, tua super nostris & dictæ Ecclesiæ negotiis implorare subsidia minime condecens videbatur. Nunc autem placatis animis, & post guerrarum dissensiones, quod jocunda semper mente referimus, pace sicut Christi fidelium populis optata diutius, ita, Deo favente, stabili concordia reformata, ad tua fidenter recurrimus auxilia & favores. Cum itaque inter sollicitudines varias, quibus jamdudum de ipsis Italiæ partibus multipliciter perturbamur, illa præcipue tenuerit & teneat continuo mentem nostram, qualiter scilicet nostram & præfatæ Ecclesiæ civitatem Bononiensem ejusque comitatum & districtum ab hostili Bernabovis de Vice comitibus militis Mediolanensis impugnatione defendere, & nostris & ejusdem Ecclesiæ subditis civibus Bononiensibus tamdiu innocenter oppressis ministrare quietem & statum pacificum valeamus, & ad id condignis, ut tantæ rei negotium exigebat & exigit, intendere favoribus præfatæ cameræ non suppetant facultates: sumta de magnificentia tuæ liberalitate fiducia regii favoris præsidia duximus imploranda, ut nostris ac tuis & nonnullorum aliorum nostrorum & dictæ Ecclesiæ filiorum in unum collectis viribus, hujusmodi præsumptoris retundatur insania, & in posterum audendi similia via ceteris præcludatur: quod instanti tempore eo verisimiliter facilius fieri poterit, quocirca negotium ipsum jam felicioribus via successibus aperitur. Nam sicut ad tuam noviter potuit notitiam pervenisse, nuper nostræ & præfatæ Ecclesiæ gentes armigeræ in dextra illius, cujus negotium agebatur & agitur, gentes armigeras dicti Bernabovis prope civitatem præfatam hostiliter consistentes strenua victoria superarunt: propter quod perfacillimum fuit hujusmodi negotium laudabili fine concludere, si, ut dici solet, suscepta uti victoria condignis favoribus valeamus. Quocirca serenitatem tuam rogamus attente, & paternis affectibus deprecamur, quatenus ob divinæ ma-

jestatis honorem & nostram, ac præfatæ sedis reverentiam, nobis & dictæ Ecclesiæ pro defensione & conservatione civitatis prædictæ velis, si bono modo valeas, absque tamen nostris sumtibus & expensis de aliquo gentis armigeræ subsidio, prout dignum magnitudo regia duxerit, subvenire: ut præter divinæ retributionis præmia, hic quoque cumulus laudibus tuis accedat, quod tamquam benedictionis & gratiæ filius sicut in tuæ matris jocundis successibus, ita offensionibus offendaris. Ad hæc cum propter prædicta expensarum onera, quibus ut præmittitur camera nostra premitur ultra suorum reddituum facultates, ad vestra & dictæ Ecclesiæ membra, personas videlicet Ecclesiasticas, ut per eas hujusmodi expensis provideri commodius valeat, recurrentes, inter ceteros, tam primates, quam archiepiscopos, & episcopos ac personas alias ecclesiasticas infra regni tui limites consistentes, duxerimus certo modo de aliquo pecuniali subsidio requirendos, prout per dilectum filium ANDROYNUM abbatem monasterii Cluniacensis Matisconensis diocesis, seu per alium, si abbas ipse ad tuam nequeat excellentiam se conferre, quem ipse ad tuam præsentiam destinandum duxerit, præfata tua serenitas poterit plenius informari. Hoc quoque precibus nostris adjicimus quod pro dicti executione subsidii, tua eidem abbati vel cui ipse committendum duxerit, sic efficaciter impendere velis, prout de magnitudine tua plene confidimus, auxilia & favores, quod in hoc voti nostri executio defectum aut dilationem, cum id absque magno negotiorum imminentium dispendio non foret, nullatenus patiatur. Datum Avenione XII. calendas Augusti anno nono.

## EPISTOLA CCXI.

Ad Eduardum principem Walliæ.

*Ejusdem argumenti.*

**D**ilecto filio nobili viro EDUARDO principi Walliæ primogenito carissimi in Christo filii nostri EDUARDI regis Angliæ illustri, salutem & apostolicam benedictionem.

Suadet nobis, dilecte fili, tua devotio, quam ad nos & sedem apostolicam geris, ut ad carissimi in Christo filii nostri EDUARDI regis Angliæ illustris patris tui ac tui præsidia tamquam Romanæ Ecclesiæ brachii singularis, & præcarissimi filii, in nostris & ejusdem Ecclesiæ necessitatibus fiducialiter recurramus, &c. *ut in prima usque* hujusmodi ad præfati regis ac tua tamquam refugii singularis, &c. *usque* suaderet, inter nos tamen & carissimum in Christo filium nostrum, &c. *usque* dissidio vestra super nostris, &c. *usque* reformatis ad ejusdem tui patris & tua fidenter recurrimus auxilia & favores, &c. *ut in prima usque* facultates sumta de ejusdem regis patris tui, ac tuæ magnificentia liberalitatisque fiducia, regis ac tui favoris præsidia duxerimus imploranda, ut nostris & vestris &c.

nonnullorum, &c. *ut in prima usque* Quocirca A  
nobilitatem tuam *usque* velis, si bono modo  
valeas, absque tamen nostris sumtibus & expen-  
sis, tam per te ipsum, quam penes præfatum pa-  
trem tuum instando sollicitè de aliquo gentis  
armigeræ subsidio, prout dignum sua magni-  
ficentia & tua nobilitas duxerit, subvenire, &c.  
*ut in prima usque* Hic quoque cumulus laudibus  
tuis accedet, &c. *usque* per alium, si abbas ipse  
ad ipsius regis & tuam nequeat excellentiam se  
conferre, quam ipse ad eisdem regis & tuam  
præsentiam destinandum duxerit, præfata tua  
nobilitas poterit plenius informari, &c. *usque*  
prout de nobilitate tua plene confidimus, &c.  
*usque*. Datum *ut supra*.

## EPISTOLA CCXII.

Ad Eliam abbatem S. Salvatoris de Blavia  
& Petrum Brunelli.

*Ut debitas ab episcopo & capitulo Vafatensi  
pecunias exigant.*

Dilectis filiis HELIÆ abbati monasterii sancti  
Salvatoris de Blavia Burdegalensis ordinis  
sancti Benedicti in Burdegalensi, & Petro Bru-  
nelli canonico Cameracensi in Auxitana pro-  
vinciis apostolicæ sedis nunciis, eorumque sub-  
collectoribus, ac Dominico de Lescar hostiario  
portæ ferreæ palatii apostolici, salutem & apo-  
stolicam benedictionem.

Cum tam venerabilis frater noster episcopus  
& dilecti filii capitulum Vafatense de nonnullis  
pecuniarum summis, tam ratione trigessimæ,  
quam decimæ, cameræ apostolicæ teneantur:  
discretionis vestræ per apostolica scripta commit-  
timus & mandamus, quatenus vos vel duo aut  
unus vestrum per vos vel alium seu alios ab  
eisdem episcopo & capitulo dictas pecuniarum  
summas ex dictis trigesima & decima commu-  
niter aut divisim vel alias quomodolibet præ-  
fatae cameræ per eos debitas, super quibus sim-  
pliciter & de plano sine strepitu & figura iudicii  
vos, si necesse fuerit informeris, petere, exigere,  
recipere, & conservare fideliter procuretis vos,  
filii abbas & Petre, contradictores cujuscumque  
status, ordinis, dignitatis, vel conditionis exi-  
stant, etiam si pontificali vel quavis alia præ-  
fulgeant dignitate, per censuram ecclesiasticam,  
appellatione postposita, compescentes, non  
obstantibus si eis vel eorum aliquibus commu-  
niter vel divisim à sede apostolica sit indultum,  
quod interdici, suspendi, vel excommunicari  
non possint per litteras apostolicas non facien-  
tes plenam & expressam de verbo ad verbum  
de indulto huiusmodi mentionem, volumus au-  
tem quod eos à quibus dictas pecuniarum sum-  
mas receperitis, possitis absolvere plenius &  
quittare de hiis dumtaxat quæ receperitis ab  
eisdem, quodque duo confici faciatis consimi-  
lia publica instrumenta, quorum uno penes vos  
dimisso, reliquum verò ad præfata cameram  
transmittere nullatenus omittatis. Datum Ave-  
nionæ xii. calendas Augusti anno nono.

## EPISTOLA CCXIII.

Ad Petrum Brunelli & Bertrandum  
de Casthaneyo.

*Ut debitas ab episcopo & capitulo Conseranensi  
pecunias colligant.*

In eodem modo, dilecto filio Petro Brunelli  
canonico Cameracensi in Auxitana, & Ber-  
trandode Casthaneyo decano ecclesiæ Abrincen-  
sis legum doctore in Tholosana provinciis apo-  
stolicæ sedis nuntiis eorumque subcollecto-  
rum, & Dominico de Lestar magistro hostia-  
rio portæ ferreæ palatii apostolici, salutem &  
apostolicam benedictionem.

Cum venerabilis frater..... episcopus &  
dilecti filii capitulum Conseranensis de non-  
nullis pecuniarum summis, &c. *ut supra* Dis-  
cretionis vestræ per apostolica scripta commit-  
timus & mandamus, quatenus vos vel quivis  
vestrum ab eisdem episcopo & capitulo dictas  
pecuniarum summas, &c. *ut supra in proxima*  
vos, filii Petre & Bertrande, contradictores  
cujuscumque status, &c. *usque in finem*.

## EPISTOLA CCXIV.

Ad Dominicum de Lestar.

*Ut debitas ab episcopis & capitulis pecunias  
colligat.*

Dilecto filio Dominico de Lestar magistro  
hostiario portæ ferreæ palatii apostolici,  
salutem & apostolicam benedictionem.

Cum nonnulli tam episcopi quam ecclesia-  
rum capitula de nonnullis pecuniarum summis  
tam ratione tricesimæ quam decimæ cameræ  
apostolicæ teneantur, discretionis tuæ per apo-  
stolica scripta mandamus, quatenus per te vel  
alium seu alios ab eisdem episcopis & capitulis  
præfatas pecuniarum summas ex dictis tricesima  
& decima communiter vel divisim vel alias  
quomodolibet præfatae cameræ per eos & quos-  
cumque alios debitas petere, exigere, recipere,  
& fideliter conservare procures. Nos enim tibi  
eos à quibus dictas pecuniarum summas rece-  
peris, absolvendi plenius & quittandi de hiis  
dumtaxat quæ receperis ab eisdem plenam con-  
cedimus tenore præsentium potestatem. Volu-  
mus autem quod de receptis duo confici facias  
consimilia publica instrumenta, quorum uno  
penes te retento, reliquum ad præfata cam-  
eram transmittere non omittas. Datum Ave-  
nionæ xii. calendas Augusti anno nono.



EPISTOLA

## EPISTOLA CCXV.

Ad Jacobum de Priolis & Mariam filiam  
Nicolai Fuscari de Venetiis.

*Permittit eis in quarto consanguinitatis gradu  
matrimonium contrahere.*

**D**ilecto filio Jacobo de Priolis & dilectæ in  
Christo filiæ Mariæ natæ quondam Nicolai  
Fuscari de Venetiis Castellanus diocesis, salu-  
tem & apostolicam benedictionem.

Licet copula conjugalibus quarto consanguini-  
tatis gradu sacris sit canonibus interdicta, sum-  
mus tamen pontifex ex potestatis sibi plenitu-  
dine tradita, rigorem juris mansuetudine tem-  
perando, cum personis Deo sibi que fidelibus &  
devotis dispensare consuevit interdum, prout  
in Deo id salubriter expedire cognoscit. Sanè  
petitio vestra nobis nuper exhibita continebat,  
quod vos dudum ignorantes inter vos aliquod  
impedimentum existere, quominus possetis in-  
vicem matrimonialiter copulari, procurantibus  
consanguineis & amicis vestris communibus, de  
contrahendo matrimonio tractatum invicem  
habuistis, quodque postmodum ad vestram no-  
titiam est deductum, quod tu filia Maria &  
quondam Francischina olim uxor Jacobi præ-  
libari quarto consanguinitatis gradu invicem  
attinebatis: propter quod à consummatione  
dicti matrimonii destitistis. Quare nobis humi-  
liter supplicastis, ne, si hujusmodi matrimonium  
suum non sortiatur effectum, inter prædictos  
consanguineos & amicos tumultus & scandala  
orientur, providere vobis super hoc de oppor-  
tunæ dispensationis gratia dignaremur. Nos  
igitur qui cunctis Christi fidelibus libenter quie-  
tis & pacis commoda procuramus, volentes  
hujusmodi tumultibus & scandalis, quantum  
cum Deo possumus, salubriter obviare, vestris  
supplicationibus inclinati, vobiscum ut, impe-  
dimento quod ex hujusmodi consanguinitate  
provenit non obstante, matrimonium invicem  
contrahere libere, & in eo postquam contractum  
fuerit remanere licite valeatis, auctoritate apo-  
stolica de speciali gratia dispensamus, prolem  
fufcipiendam exinde matrimonio legitimam  
nunciantes. Nulli ergo, &c. Datum Avenione  
xii. calendas Augusti anno nono.

## EPISTOLA CCXVI.

Ad Johannem de Cavanhaco decanum  
ecclesiæ Compostellanæ, &c.

*Ut Raimundi episcopi Ruthenensis defuncti sibi  
reservata bona colligant.*

**D**ilectis filiis Johanni de Cavanhaco decano  
ecclesiæ Compostellanæ apostolicæ sedis  
nuncio, ejusque subcollectoribus, & Guilhelmo  
de Cavanhaco clerico cameræ apostolicæ, sa-  
lutem & apostolicam benedictionem.

Cum certis ex causis rationabiliter nos mo-  
*Theauri Anecd. Tom. II.*

**A** ventibus, dispositionem bonorum mobilium ac  
debitorum & creditorum bonæ memoriæ RAY-  
MUNDI episcopi Ruthenensis quæ haberet, vel  
ad eum pertinerent quomodolibet tempore  
mortis suæ, nobis eodem episcopo adhuc in hu-  
manis agente duximus reservandam. Discretio-  
ni vestræ per apostolica scripta committimus &  
mandamus, quatenus vos, vel duo, aut unus  
vestrum, per vos vel alium seu alios bona de-  
bita & credita hujusmodi quæcumque sint, &  
in quibuscumque rebus consistant, & per quas-  
cumque detineantur seu debeantur personas,  
super quibus simpliciter & de plano, sine stre-  
pitu & figura judicii, vos si necesse fuerit infor-  
metis, petere, exigere, & conservare fideliter  
procuretis: contradictores cujuscumque status,  
ordinis, dignitatis, vel conditionis existant,  
etiamsi pontificali vel quavis alia præfulgeant  
dignitate, per censuram ecclesiasticam appella-  
tione postposita compescendo, non obstante si  
eis vel eorum aliquibus communiter vel divi-  
sim à sede apostolica sit indultum, quod inter-  
dicti, suspendi, vel excommunicari non possint  
per litteras apostolicas non facientes plenam  
& expressam ac de verbo ad verbum de indulto  
hujusmodi mentionem. Volumus autem quod  
eos à quibus receperitis bona debita & credita  
supradicta possitis absolvere plenius & quittare  
de hiis quæ receperitis ab eisdem; quodque  
exinde duo confici faciatis consimilia publica  
instrumenta, quorum uno penes vos dimisso,  
reliquum ad nostram cameram transmittere  
nullatenus omittatis. Datum Avenione xii. ca-  
lendas Augusti anno nono.

## EPISTOLA CCXVII.

Ad Petrum de Cuyfiaco canonicum S. Justi  
Lugdunensis, &c.

*Ut colligant bona Reginaldi episcopi Aduensis.*

**E***N eodem modo,* dilecto filio Petro de Cuyfiaco  
canonico ecclesiæ sancti Justi Lugdunensis  
apostolicæ sedis nuntio ejusque subcollectori-  
bus, salutem & apostolicam benedictionem.

Cum certis ex causis rationabiliter nos mo-  
ventibus dispositionem bonorum mobilium, &c.  
usque bonæ memoriæ REGINALDI episcopi  
Aduensis, qui die datæ præsentium in Romana  
curia suum diem clausit extremum quæ haberet  
vel ad eum pertinerent quomodolibet tempore  
mortis suæ, &c. *ut in proxima.* Datum Ave-  
nionem xii. calendas Augusti anno nono.

*In eodem modo, ut in prima.* Dilecto filio Guil-  
helmo Gilaberti canonico Narbonensi apostoli-  
cæ sedis nuncio, ejusque subcollectoribus, sa-  
lutem & apostolicam benedictionem.

Cum, &c. usque creditorum quondam Johan-  
nis de sancto Serico prioris prioratus sancti Fir-  
mini & B. Mariæ de Tabul de Montepessulano  
ordinis S. Augustini Magalonensis diocesis, quæ  
haberet vel ad eum pertinerent quomodolibet,  
&c. *ut in prima.* Datum *ut in prima.*

V u u



*In eodem modo, ut in proxima,* dilectis filiis **A** Guillelmo Gilaberti canonico Narbonensi apostolicæ sedis nuncio, ac Gailliardo de Balasaco in ecclesia Lodovenſi ejus sub collectori, & Guillelmo Palasimi bachalario in decretis canonico Insulæ Jordani Tholosanæ diocesis, salutem & apostolicam benedictionem.

Cum certis, &c. *usque* creditorum quondam **SEGUINI** abbatis monasterii sancti Tiberii ordinis sancti Benedicti Agatenſis diocesis, quæ haberet, vel ad eum pertinerent quomodolibet, &c. *ut in prima.* Datum *ut in proxima.*

*Eisdem in eodem modo,* usque creditorum bonæ memoriæ **GILBERTI** episcopi Lodovenſis quæ haberet vel ad eum pertinerent quomodolibet, &c. *ut supra.* Datum Avenione XII. calendas Augusti anno nono.

*In eodem modo,* dilectis filiis Petro Gervasi canonico Aniciensi apostolicæ sedis nuncio, ejusque subcollectoribus, ac Guillelmo Tardini decano Ecclesiæ Aniciensis, salutem & apostolicam benedictionem.

Cum certis, &c. *ut in proxima,* usque creditorum bonæ memoriæ **JOHANNIS** episcopi Aniciensis quæ haberet, vel pertinerent ad eum quomodolibet, &c. *ut in prima.* Datum Avenione VIII. calendas Augusti anno nono.

*In eodem modo,* dilectis filiis Falconi Perrerii præposito ecclesiæ Valentinenſis apostolicæ sedis nuncio, ejusque subcollectoribus, ac Johanni Garrigiæ præposito ecclesiæ Barchinonenſis, salutem & apostolicam benedictionem.

Cum certis, *ut supra in proxima usque* creditorum bonæ memoriæ **MICHAELIS** episcopi Barchinonenſis quæ haberet, vel ad eum pertinerent quomodolibet, &c. *usque in finem.* Datum Avenione VI. calendas Augusti anno nono.

## EPISTOLA CCXVIII.

Ad Henricum comitem de Traſtamara.

*Mittit ad eum nuncios quibus fidem adhiberi petit.*

**D**ilecto filio nobili viro **HENRICO** comiti Traſtamara, salutem & apostolicam benedictionem.

Cum pro certis negotiis, quæ plurimum resident cordi nostro, tibi vivæ vocis oraculo plenius exponendis, venerabiles fratres nostros... Columbricum & Philippum Cavalicenses episcopos ad tuæ nobilitatis præsentiam destinemus, nobilitatem eandem rogamus & hortamur attente, quatinus data per te fide credula relatibus eorundem, ea quæ tibi exponere pro parte nostra curaverint, studeas pro nostra & apostolicæ sedis reverentia efficaciter adimplere. Datum Avenione calendas Augusti anno nono.

## EPISTOLA CCXIX.

Ad Guillelmum abbatem Sanctæ Sophiæ Beneventanæ.

*Ut Franciscum de Ebalo comitem Tarentinum & alios bona Petri episcopi Tarentini cameræ apostolicæ legata retinentes ad ea reddenda per censuram ecclesiæ compellat.*

**D**ilecto filio **GUILLELMO** abbati monasterii sanctæ Sophiæ Beneventanæ ordinis sancti Benedicti apostolicæ sedis nuncio, salutem & apostolicam benedictionem.

Ad aures nostras fide dignorum relatione pervenit, quod bonæ memoriæ **PETRUS** episcopus Tarentinus, dum adhuc ageret in humanis, nonnulla vasa sua argentea, libros, & pecunias, ac res, ac bona alia cameræ apostolicæ in sua ultima voluntate reliquit, ipsaque, ut facilius ad cameram pervenirent eandem, nonnullis suis in hac parte depositariis assignavit, per eos ad ipsam cameram transmittenda: quodque hujusmodi vasis, libris, pecuniis, rebus, & bonis penes depositarios eosdem existentibus, eodem episcopo vita functo, dilectus filius nobilis vir **FRANCISCUS DE EBALO** comes Tarentinus & quidam ejus in hac parte complices & fautores depositarios ipsos per vim & metum nequiter compulerunt sibi præfata vasa, libros, ac pecunias, res, & bona assignare, & ab eisdem depositariis receperunt, & per violentiam occuparunt, & detinent occupata: quodque quædam alia, res, & bona dicti quondam episcopi per quosdam alios indebite detinentur in animarum suarum periculum & dictæ cameræ detrimentum non modicum, ac jacturam. Nos itaque intendentes præfata cameræ indemnitate providere, discretionis tuæ per apostolica scripta mandamus & committimus, quatenus per te vel alium seu alios, vasa, libros, & pecunias, ac res, & bona prædicta à præfato comite, & à quibuscumque personis aliis, à quibus ea detinentur ubicumque sint, etiam si ad partes alias fuerint transportata, ac vendita, seu alienata, super quibus summarie & de plano sine strepitu & figura judicii vocatis qui fuerint evocandi plenarie te informes, petere, exigere, & conservare cum integritate procures, contraditores cujuscumque gradus, status, ordinis vel conditionis existant: etiam si pontificali vel quavis alia præfulgeant dignitate, auctoritate apostolica, per censuram ecclesiasticam, appellatione postposita compescendo: invocato ad hoc, si opus fuerit, auxilio brachii sæcularis, non obstante si aliquibus communiter vel divisim à sede apostolica indultum existat, quod interdicti, suspendi, aut excommunicari non possint per litteras apostolicas non facientes plenam & expressam ac de verbo ad verbum de indulto hujusmodi & eorum nominibus & cognominibus mentionem. Nos enim tibi absolvendi plenius & quittandi omnes & singulos à quibus vasa,

libros, & pecunias, res, & bona quæ receperis A supradicta de hiis dumtaxat quæ receperis ab eisdem plenam concedimus, tenore præsentium potestatem. Volumus autem, quod de hiis quæ te recipere contingeret, duo confici facias publica consimilia instrumenta, quorum altero penes eos quos hujusmodi tangit negotium relicto, reliquum ad præfatam cameram transmittere non postponas. Datum Avenione VIII. Idus Augusti anno nono.

## EPISTOLA CCXX.

Ad Mathiam de Josualio militem fenescallum Provinciæ.

*Mittit ad eum nuncium cui fidem indubiam haberi postulat.*

Dilectis filiis nobili viro MATHIÆ DE JOSUALIO militi fenescallo Provinciæ seu ejus locum tenenti, salutem & apostolicam benedictionem.

Dilectum filium nobilem virum Jacobum Alba militem vicarium Avenionensem latorem præsentium super certis negotiis vobis seu vestrum alteri pro parte nostra vivæ vocis oraculo plenius exponendis ad vestram duximus præsentiam destinandum. Quare eidem super hiis quæ ipse vobis seu vestrum alteri pro parte nostra retulerit fidem dare credentis nobilitas vestra velit. Datum Avenione VIII. Idus Augusti anno nono.

## EPISTOLA CCXXI.

Ad Johannem electum Urbevetanum.

*Ut possit relaxare sententias excommunicationis & interdicti in Urbevetanos latus.*

Dilecto filio JOHANNI electo Urbevetano apostolicæ sedis nuncio, salutem & apostolicam benedictionem.

Dudum per nostras certi tenoris litteras tibi præcipiendo mandavimus, quod dilectos filios . . . syndicum ac commune & populum civitatis Urbevetanæ ad tradendum & solvendum tibi nostro & apostolicæ cameræ nomine mille sexcentos Florenos auri nobis & eadem cameræ, vigore cujusdam instrumenti publici, quod tunc transmisimus, debitos per eosdem, per censuram Ecclesiasticam & alias pœnas & juris remedia auctoritate nostra, appellatione postposita, compellere procures, tuque vigore hujusmodi nostri mandati contra syndicum, & nonnullos alios officiales ac singulares personas civitatis prædictæ certos, prout audivimus, processus fecisti excommunicationis in singulares personas, & interdicti in civitates easdem sententias continentes, quas iidem syndicus, officiales & singulares personæ tuis, immo verius apostolicis contemnendo obedire mandatis, dicuntur temere incurrisse. Nos itaque animarum saluti omnium, qui præfatas sententias incurrerunt, more patris benivoli providere salubriter cupientes, & ut ipsi ob obediendum apostolicis

*Theauri Anecd. Tom. II.*

mandatis eo celerius inducantur, quo se noverrint absolutionis beneficium posse citius & facilius obtinere, discretionis tuæ suspendendi semel & pluries, ac etiam totaliter relaxandi interdictum per te in civitatem prædictam præmissa occasione prolatum, ac eosdem syndicum, officiales, & singulares personas à dicta excommunicationis sententia absolvendi, juxta formam ecclesiæ imposita eis pœnitentia saluari plenam & liberam concedimus tenore præsentium facultatem. Datum Avenione VI. Idus Augusti anno nono.

## EPISTOLA CCXXII.

Ad Johannem electum Urbevetanum.

*Ut exemptionum in Urbe excessus possit emendare.*

Dilecto filio JOHANNI electo Urbevetano, ac nostro in spiritualibus in Urbe vicario, salutem & apostolicam benedictionem.

Frequens querela multorum apostolatus nostri pulsavit auditum, quod nonnullæ ecclesiasticæ personæ, tam sæculares quam etiam regulares Urbis & districtus ejusdem, se privilegiatas seu exemptas per sedem apostolicam prætendentes, super excessibus & delictis quæ ab eis quandoque ibidem commissæ sunt hætenus, & in animarum ipsarum periculum, status clericalis opprobrium, & multorum scandalum committuntur, plerumque prætextu privilegiorum seu exemptionum hujusmodi coram te subire judicium ac respondere recusant, sicque currentes per campum licentiæ, ruptis habenis rationis, effrenes sæpe deteriora committunt, & in dispendium reipublicæ maleficia remanent impunita. Nos igitur qui ampliari ubique cultum justitiæ affectamus, & quorumlibet delinquentium, sed præcipue clericorum & personarum ecclesiasticarum, qui bonorum actionum exemplo debent ab excessibus retrahere alios, insolentias abhorremus: volentes super præmissis de opportuno remedio salubriter providere, discretionis tuæ, de qua in Domino fiduciam gerimus specialem, per apostolica scripta mandamus, quatenus per te vel alium seu alios contra personas delinquentes hujusmodi non obstantibus privilegiis & exemptionibus hujusmodi, si qua habent, quibus tamen per hæc alias non intendimus derogare, auctoritate nostra, procedens secundum canonicas sanctiones infra scripto moderamine observato, excessus & delicta hujusmodi justitia exigente studeas corrigere & punire, aliasque super eis exhibere justitiæ complementum, contradictores per censuram ecclesiasticam, appellatione postposita, compescendo. Volumus ut personarum prædictarum delinquentium superiores, si quos in Urbe vel districtu prædictis habeant, moneas & requiras, quod de hujusmodi personis delinquentibus immediate super subjectis celerem exhibere justitiam non omittant: Et si super hæc se negligentes reddiderint vel remissos, tu contra delinquentes prædictos libere sicut præmissum est

V u u ij

auctoritate prædicta procedere non postponas. A  
Datum Avenione vi. Idus Augusti anno nono.

## EPISTOLA CCXXIII.

Ad Guillelmum abbatem sanctæ Sophiæ  
Beneventanæ.

*Ut colligat bona archiepiscoporum, episcoporum atque  
abbatum in regno Siciliae, &c. decedentium.*

**D**ilecto filio GUILLELMO abbati monasterii  
sanctæ Sophiæ Beneventanæ ordinis sancti  
Benedicti apostolicæ sedis nuncio, salutem &  
apostolicam benedictionem.

Dudum ex certis rationabilibus causis dispo-  
sitionem bonorum mobilium ac debitorum &  
creditorum bonæ memoriæ omnium & singu-  
lorum archiepiscoporum & episcoporum, ac  
quondam abbatum, quorumlibet, sæcularium  
& regularium, exemptorum & non exemptorum,  
ordinum quorumcumque regni Siciliae & terra-  
rum ultra & citra Farum, nec non Corsicæ, C  
Sardinia insularum, qui citra suos dies clau-  
serunt extremos, & venerabilium fratrum no-  
strorum archiepiscoporum & episcoporum, ac  
dilectorum filiorum abbatum partium prædicta-  
rum qui in antea usque ad triennium in Romana  
curia seu extra fuerint vita functi, quæ tempore  
obitus vel suarum infirmitatum ex quibus dece-  
derent, haberent vel pertinerent quomodolibet  
ad eosdem, nec non fructus, redditus, & proven-  
tus ad mensas archiepiscopales, episcopales  
& abbatiales dictorum regni, terrarum, & in-  
sularum, archiepiscopalibus, episcopalibus &  
abbatialibus dumtaxat & dignitatibus inibi va-  
cantibus pertinentes, qui vacationibus earum-  
dem ecclesiarum & abbatialium dignitatum  
durantibus in futurum infra dictum triennium  
obvenirent, donec per sedem apostolicam eis-  
dem ecclesiis & dignitatibus de pastoribus &  
abbatibus foret provisum, nobis & sedi præ-  
fatæ diu ante obitus & infirmitates prædictos  
duximus reservandam: decernendo ex tunc  
irritum & inane, si secus super hiis à quoquam,  
quavis auctoritate, scienter vel ignoranter, con-  
tingeret attentari. Quocirca discretioni tuæ  
per apostolica scripta mandamus, quatenus per  
te vel alium, seu alios, bona, debita, & credita,  
fructus, redditus, & proventus huiusmodi, quæ-  
cumque sint vel erunt, & in quibuscumque con-  
sistant, vel consistent, ac per quoscumque de-  
tineantur vel debeantur, seu detineri contin-  
geret, quomodolibet in futurum, de quibus si  
necesse fuerit simpliciter & de plano, ac sine  
strepitu & figura iudicii, te informes, petere,  
exigere, & recipere cum integritate procures: F  
Detentores, vel occupatores, seu custodes &  
contradictores, si qui in præmissis fuerint, vel  
rebelles cujuscumque status, gradus, conditio-  
nis, ordinis, vel præminentia fuerint, etiam si  
pontificali, seu alia qualibet præfulgeant digni-  
tate, auctoritate nostra per censuram ecclesia-  
sticam appellatione postposita compescendo,  
invocato ad hoc si opus fuerit auxilio brachii  
sæcularis. Insuper bonorum, debitorum, ac

creditorum, fructuum, reddituum, & proven-  
tuum prædictorum custodes, detentores, oc-  
cupatores, vel alios, si contradictores in præ-  
missis vel eorum aliquo fuerint vel rebelles,  
semel & pluries citandi, ut certo per te eisdem  
termino præfigendo præcise, peremptorie & per-  
sonaliter apostolico conspectui se præsentent pro  
meritis seu demeritis iustitiam suscepturi, nec  
non & illos à quibus receperis bona debita &  
credita memorata, quittandi, liberandi & pe-  
nitus absolvendi de hiis solum quæ recipere te  
continget, plenam & liberam tibi concedimus  
tenore præsentium facultatem, non obstantibus  
tam concilii generalis de duabus dietis, & felicitis  
recordationis Bonifacii papæ VIII. prædecesso-  
ris nostri, in qua cavetur, ne aliquis extra suam  
civitatem & diocesim, nisi in certis & exceptis  
casibus, & in illis ultra unam dietam à fine suæ  
diocesis iudicium evocetur, quam aliis quibus-  
cumque constitutionibus à prædecessoribus no-  
stris Romanis pontificibus editis, quæ tuæ pos-  
sent in hac parte iurisdictioni vel potestati, seu  
ejus libero exercitio quomodolibet obviare, seu  
aliquibus communiter vel divisim à prædicta  
sede sit indultum, quod excommunicari, sus-  
pendi, interdici, seu extra vel ultra certa loca  
ad iudicium evocari non possint per litteras  
apostolicas non facientes plenam & expressam  
ac de verbo ad verbum de indulto huiusmodi  
mentionem, & qualibet alia dictæ sedis indul-  
gentia generali vel speciali, cujuscumque tenoris  
existat, per quam præsentibus non expressam  
vel totaliter non insertam effectus huiusmodi  
impediri valeat quomodolibet vel differri, seu  
de qua cujusque toto tenore ac de verbo ad  
verbum, aut eorum nominibus propriis in nostris  
litteris habenda sit mentio specialis. Datum  
Avenione III. Idus Augusti anno nono.

## EPISTOLA CCXXIV.

Ad Johannem Mucii electum Theanensem.

*Promovet eum ad episcopatum Theanensem.*

**D**ilecto filio JOHANNI MUCII electo Thea-  
nensi, salutem & apostolicam benedictio-  
nem.

Cum sicut fide digna percepimus, thesaura-  
riæ & nunciationis officia Campaniæ Maritimæ-  
que provinciarum ad nos & Romanam Eccle-  
siam immediate spectantium per nos hætenus ti-  
bicommissa, si laudabiliter & fideliter exercueris  
& gesseris, quod potes exinde merito commen-  
dari, ac propterea te gratia dignum reddas.  
Nos præmissis ac probitatis & virtutum meritis,  
quibus personam tuam Altissimus insignivit, de-  
bite considerantes, te ad ecclesiam Theanensem  
de fratrum nostrorum consilio duximus promo-  
vendum, præficiendo te illi in episcopum &  
pastorem. Sperantes igitur quod officia præli-  
bata gubernabis & geres laudabilius in futurum,  
te in eisdem provinciis thesaurarium nostrum  
& apostolicæ sedis nuncium deputamus, ut prius,  
tibi concedimus quod quibuscumque litteris  
apostolicis & gentium cameræ apostolicæ tibi

& quibuscumque prædecessoribus tuis nuntiis præfatæ sedis in provinciis memoratis destinatis, quatenus negotia cameræ memoratæ contingunt, in quibuscumque cœptis & non cœptis negotiis libere uti & eas exequi valeas, constitutionibus apostolicis contrariis non obstantibus quibuscumque. Datum Avenione Idus Augusti anno nono.

### P I S T O L A C C X X V.

Ad capitulum Carnotense.

*Ut Johanni de Baro sedis apostolicæ obsequiis occupato liberos permittant præbendæ suæ redditus.*

**D**ilectis filiis capitulo Carnotensi, salutem & apostolicam benedictionem.

Admiranter percepimus, quod licet dilectus filius Johannes de Baro canonicus Carnotensis ac capellanus & familiaris noster domesticus, nostris, ab eo tempore, quo quamquam immeriti fuimus ad ministerium apostolatus assumpti, intendens obsequiis, vobis fecerit apostolicas per nos sibi concessas litteras de percipiendis in absentia fructibus præbendæ suæ, quam in ecclesia Carnotensi obtinere dinoscitur, præsentari. Vos tamen certa vestra instituta mandatis apostolicis temerarie admodum præferentes, eidem Johanni de fructibus hujusmodi à duobus annis citra contempsistis & adhuc contemnitis respondere, seu responderi permittere, in vestrarum animarum periculum, & dicti Johannis detrimentum non modicum & jacturam. Cum itaque sic vobis expediat mandatis apostolicis obedire, ne contra vos ad juris remedia, prout suaderet justitia, procedatur, nec minus scire vos deceat, quod familiares nostri, nostris & apostolicæ sedis immorantes obsequiis, prioris favoris gratiam promerentur, discretionis vestræ mandamus, quatinus eidem Johanni juxta dictarum litterarum seu concessionis nostræ tenorem, de fructibus, redditibus, proventibus, & obventionibus dictæ præbendæ præmittatis ab aliis, & faciatis per vos ipsos integre responderi, eidem seu ejus procuratori in præmissis taliter vestris favoribus assistentes, quod vestra apud nos obedientiæ promittitudo commendari valeat, & aliud super hiis apponere remedium pro favore justitiæ non sit opus. Datum Avenione Idus Augusti anno nono.

LITTERÆ DE MENSE SEPTEMBRIS  
ANNO NONO.

### E P I S T O L A C C X X V I.

Ad Bernardum Rascacii & Neapoleonem de Ponterolis.

*Committit eis curam civitatis Avenionensis muris circumcingendæ.*

**D**ilecto filio nobili viro BERNARDO RASCACII militi Avenionensi & Neapoleoni

**A** de Ponterolis, civi Forlivienfis curiam Romanam sequenti, salutem & apostolicam benedictionem.

**B** Gerentes de vestris circumspectione ac fidelitate fiduciam in Domino singularem, ac sperantes quod commissa per nos vobis negotia exequimini fideliter, sollicitè ac prudenter, vos provisos & præsidentes super constructione seu fabrica mæniorum seu murorum clausuræ nostræ & Romanæ Ecclesiæ civitatis Avenionensis usque ad nostrum beneplacitum tenore præsentium deputamus, vobis petendi, exigendi, & recipiendi, ac recuperandi pro opere seu fabrica hujusmodi à quibuscumque receptoribus & debitoribus quorumcumque gabellarum, mutuum, seu proventuum pro dicto opere deputatorum & deputandorum in posterum, pecunias & res alias quaslibet eorumdem gabellarum, & mutuum seu proventuum, & aliorum quorumcumque debitorum ad ipsum opus quomodo libet pertinentes, & de receptis dumtaxat plenarie quittandi & absolvendi solventes, ipsaque pecunias & res alias in dictum opus expendendi & convertendi, & eosdem gabellarum proventuum, & mutuum, ac bonorum, & rerum hujusmodi receptores, debitores, occupatores, & detentores ad solutionem & assignationem eorum vobis libere faciendam temporali distractione compellendi, ac contradictores & rebelles quoscumque, & impediens opus ipsum, & operarios seu ministros ejusdem cujuscumque status, gradus, ordinis, vel conditionis existant, & qualibet ecclesiastica vel mundana præfulgeant dignitate, per censuram ecclesiasticam & alia juris remedia compellendi per dilectum filium magistrum Johannem Bruni archidiaconum Venerensem, licentiatum in utroque jure, cui in prædictis auctoritatem & potestatem plenariam duximus per alias nostras litteras concedendam, etiam petendi, & super hiis, quotiens opus fuerit, & vobis expedire videbitur, sæculare brachium invocandi, & omnia alia & singula quæ in prædictis necessaria seu opportuna fuerint faciendi & exercendi, plenam tenore præsentium concedimus facultatem. Datum Avenione x. calendas Septembris anno nono.

### E P I S T O L A C C X X V I I.

Ad Johannem Bruni archidiaconum Venerensem.

*Ut necessarias expensas ad murorum Avenionis constructionem tradi faciat operi præfatis.*

**D**ilecto filio Johanni Bruni archidiacono Venerensi in utroque jure licentiatum, salutem & apostolicam benedictionem.

Nuper dilectos filios nobilem virum Bernardum Rascacii militem Avenionensem & Neapoleonem de Ponterolis civem Forliviensem curiam Romanam sequentem provisos & præsidentes super constructione seu fabrica mænio-

V u u iij

rum seu murorum clausuræ nostræ & Romanæ curiæ civitatis Avenionensis usque ad nostrum beneplacitum duximus per alias nostras litteras deputandos, eis petendi, exigendi, & recipiendi, ac recuperandi pro opere seu fabrica huiusmodi à quibuscumque receptoribus & debitoribus quorumcumque gabellarum, mutuorum, seu proventuum, pro dicto opere deputatorum & deputandorum in posterum pecunias, & res alias quaslibet earundem gabellarum, & mutuorum seu proventuum, & aliorum quorumcumque debitorum, ad ipsum opus quomolibet pertinentes & de receptis dumtaxat plenarie quittandi & absolvendi solventes, ipsasque pecunias & res alias in dictum opus expendendi & convertendi, & eosdem gabellarum, proventuum & mutuorum ac bonorum & rerum huiusmodi receptores, debitores, occupatores & detentores ad solutionem & assignationem eorum eisdem Bernardo & Neapoleoni libere faciendam temporali districtione compellendi, ac contradictores & rebelles quoslibet & impediennes opus ipsum & operarios vel ministros ejusdem cujuscumque status, gradus, ordinis vel conditionis existant, & qualibet ecclesiastica vel mundana præfulgeant dignitate, per censuram ecclesiasticam & alia juris remedia per te compellendi, petendi, & omnia alia & singula, quæ in prædictis necessaria seu opportuna fuerint faciendi & exercendi plenam concedentes per nostras litteras facultatem. Quocirca, ut opus prædictum facilius valeat consummari, tibi gabellarum proventuum, & mutuorum, ac bonorum & rerum huiusmodi receptores, occupatores & detentores ad solutionem & assignationem eorum eisdem Bernardo & Neapoleoni libere faciendam, ac contradictores & rebelles quoslibet, & impediennes opus ipsum ac operarios seu ministros ejusdem, cujuscumque status, gradus, ordinis vel conditionis existant, & qualibet ecclesiastica & alia juris remedia appellatione postposita compescendi, & alia omnia & singula in prædictis quomolibet necessaria vel opportuna faciendi & exercendi plenariam tenore præsentium concedimus facultatem, nonobstante si aliquibus communiter vel divisim à sede apostolica sit indultum quod interdici, suspendi, vel excommunicari non possint per litteras apostolicas non facientes plenam & expressam ad de verbo ad verbum de indulto huiusmodi mentionem. Datum Avenione x. calendas Septembris anno nono.

### EPISTOLA CCXXVIII.

Ad Bertrandum abbatem de Toroneto & Gerardum Mercaderii.

*Ut cives Massilienses denuncient excommunicatos & eorum civitatem interdicto suppositam.*

**D**ilectis filiis BERTRANDO abbati monasterii de Toroneto ordinis Cisterciensis Foro-Julienfis & Geraldo Mercaderii archipref-

A bytero de Belayeo Caturcensis diocesis apostolicæ sedis nuncio, ac.... officiali Massiliensi, salutem & apostolicam benedictionem.

Dudum siquidem contra omnes & singulos, qui victualia & alia ad usum Romanæ curiæ necessaria impedirent, ne ad curiam deferrentur eandem, & qui talia fieri facerent sive mandarent, & qui scienter eis faverent, aut ipsos receptarent, seu defenderent, certos processus excommunicationis & anathematis sententiam continentes publice & solemniter in die cœnæ Domini pluries successive duximus faciendos, huiusmodique processus portis Avenionensis Ecclesiæ appendi seu affigi fecimus, ut ad omnium deducerentur notitiam, nullusque quod ad eum minime pervenisset, vel ignorasset eosdem, excusationem prætere, vel ignorantiam allegare valeret. Deinde nonnulli cives civitatis Massiliensis, collectis suæ nequitiae viribus, quemdam Pamphilum dilecti filii Lancellotti Lance de Saona, & quamdam barcam dilecti filii Petri de Franson civis Januensis onustas nostro frumento, quod ad curiam prædictam pro usu nostro & hospitii nostri & elemosinæ nostræ Pagnotæ nuncupatæ, & aliis necessitatibus dictæ curiæ conduci faciebamus, & insuper duo parva & quatuor alia magna navigia in magna quantitate nostro onusta frumento, quod ex causa simili ad curiam conducebantur eandem in portu Boscolæ cum huiusmodi frumento capere, & ad portum Massiliensem ducere temeritate propria præsumserant, & detinere præsumebant, impediendo ne ad curiam conduci valerent antedictam, huiusmodi excommunicationis & anathematis sententiam incurrere minime formidando, ut licet præmissa adeo essent, prout erant, notoria & manifesta, quod nulla poterant tergiversatione celari, ad cautelam tamen super huius informationem recipi fecimus, & per eam invenimus prædicta notoria & manifesta existere: propter quod nolentes præmissa quæ in tantum nostrum & apostolicæ sedis contemptum vergere noscebantur, absque correctione debita relinquere, ne exinde alii assumerent audaciam similia committendi, auctoritate apostolica, per nostras litteras declaravimus omnes & singulos cujuscumque status, ordinis vel conditionis existent, qui huiusmodi Pamphilum, barcam, navigia & frumentum ceperant, ac capta detinere præsumserant, & qui præmissa vel aliquod eorum fieri fecerant seu mandaverant, qui scienter eis faverant, aut eos receptaverant, seu defenderant, huiusmodi excommunicationis & anathematis sententiam incurrisse, ac excommunicatos & anathematizatos fore. Cum autem ipsi cives huiusmodi excommunicatione contempta eam sustinuissem, & sustinerent animo indurato, non curantes redire ad Ecclesiæ unitatem, in animarum suarum periculum, & Ecclesiasticæ disciplinæ contemptum, huiusmodique Pamphilum, barcam, navigia, & frumentum detinere præsumerent, ac contempnissent & contempnerent ea libere & expedite dimittere, & ad dictam curiam duci permittere. Nos at-



tendentes quod ferro sunt abscindenda vulnera, A  
quæ fomentorum non sentiunt medicinam, au-  
thoritate eadem monuimus per edictum publi-  
cum, cujus monitionis formam ex certa scien-  
tia duximus eligendam, eosdem cives ut ipsi  
huiusmodi Pamphilum, barcam, navigia, &  
frumentum infra octo dies à data litterarum  
nostrarum in antea computandos libere & ex-  
pedite dimitterent, & ad dictam curiam duci  
permitterent, ac nobis & dictæ Ecclesiæ de dam-  
nis & offensis nobis & ipsi Ecclesiæ exinde illatis  
ac expensis propterea per nos factis congruam B  
& satisfactionem debitam impenderent; alio-  
quin ex tunc dictam civitatem Massiliensem sup-  
positam esse volumus ecclesiastico interdicto,  
cui civitatem ipsam subijcimus tamdiu, donec  
eodem cives huiusmodi Pamphilum, barcam,  
navigia & frumentum libere & expedite dimit-  
terent, & ad dictam curiam duci permitterent,  
ac nobis & dictæ Ecclesiæ de damnis & offensis  
nobis & ipsi Ecclesiæ exinde illatis, ac expensis  
propterea per nos factis, congruam & debitam  
satisfactionem impenderent. Ac volumus & C  
apostolica auctoritate decrevimus, quod per-  
inde huiusmodi monitio & processus ipsos cives  
& civitatem arctarent, ac si fuissent per eos  
apprehensi: non obstantibus constitutione qua-  
libet contraria & vacationibus per nos indictis.  
Ut autem huiusmodi noster processus & omnia  
in eo contenta ad prædictorum omnium quos  
tangebant notitiam deducerentur, processum  
ipsum portis sive superliminaribus dictæ Ave-  
nionensis ecclesiæ affigi seu appendi fecimus,  
quæ processum ipsum suo quasi sonoro præconio  
& patulo indicio publicarent, ut ipsi quos pro-  
cessus ipse contingeret non possent excusatio- D  
nem prætere, vel etiam ignorantiam alle-  
gare, quod ad eos non pervenirent vel ignora-  
rent eadem: cum non esset verisimile, quod  
quoad ipsos remaneret incognitum vel occul-  
tum, quod tam patenter omnibus publicabatur,  
prout in nostris inde confectis litteris plenius  
continetur. Quia vero cives præfati in profun-  
dum malorum descendentes obstinatis animis  
præfatas sententias contemserunt & adhuc con-  
temnere non verentur, in sua pertinacia dam-  
nabiliter persistentes, in animarum suarum peri-  
culum, & nostrum & apostolicæ sedis contem-  
tum, ne ipsi de huiusmodi sua malitia, & per-  
tinaciæ contumacia gloriantur. Mandamus qua-  
tenus vos seu aliqui vestrum per vos vel alium  
seu alios litteras huiusmodi & contenta in eis,  
in locis, in quibus expedire videritis, solemniter  
publicantes, præfatos cives excommunica-  
tos publice, ac civitatem prædictam ecclesiastico  
subiacere interdicto auctoritate præfata publice  
nuntietis: Interdictum huiusmodi per omnes F  
ecclesias civitatis prædictæ: mandantes eadem  
auctoritate inviolabiliter observari, contradi-  
ctores auctoritate apostolica per censuram eccle-  
siasticam appellatione postposita compescendo;  
non obstantibus omnibus supradictis seu si ali-  
quibus à sede apostolica sit indultum, quod  
interdici, suspendi, vel excommunicari non  
possint, per litteras apostolicas non facientes

plenam & expressam ac de verbo ad verbum de  
indulto huiusmodi mentionem. Datum Ave-  
nionæ v. calendas Septembris anno nono.

## EPISTOLA CCXXIX.

Ad Bertrandum episcopum Lubicensem.

*Instituit eum nuntium sedis apostolicæ in Daciæ,  
Sueviæ ac Norvegiæ regnis.*

Venerabili fratri BERTRANDO episcopo  
Lubiensi apostolicæ sedis nuncio, salutem  
& apostolicam benedictionem.

Gerentes de tua fidelitate ac circumspectionis  
industria fiduciam in Domino specialem, ac  
sperantes quod ea quæ tibi per sedem apostoli-  
cam committentur, fideliter exequeris; te in  
Daciæ, Sueviæ ac Norvegiæ regnis dictæ sedis  
nuntium usque ad ipsius sedis beneplacitum  
tenore præsentium deputamus, ac etiam ordi-  
namus: fraternitati tuæ per te ac alium & alios,  
tot quot & quotiens expedire videris deputan-  
dos, petendi, exigendi & recipiendi à quibus-  
cumque prælatis ecclesiarum & monasteriorum,  
nec non capitulis, collegiis, & communitatibus  
ecclesiarum & monasteriorum huiusmodi ceteris-  
que personis ecclesiasticis, sæcularibus & re-  
gularibus, exemptis & non exemptis, ordinum  
quorumcumque, ac etiam laicis omnes & sin-  
gulas pecuniarum ac rerum aliarum quarum-  
libet & bonorum quantitates & summas nobis  
& Romanæ Ecclesiæ in dictis regnis debitas &  
debendas in antea, nec non eos à quibus illas  
receperis quittandi & absolvendi, ac omnibus  
& singulis litteris apostolicis & gentium cameræ  
apostolicæ quibuscumque nunciis dictæ sedis  
apostolicæ præcessoribus & prædecessoribus tuis  
in dictis regnis hætenus deputatis; quatenus  
negotia dictæ cameræ directe vel indirecte  
contingunt, utendi, easque libere exequendi,  
in quibuscumque cœptis & non cœptis negotiis.  
Contradictores quoque per censuram ecclesia-  
sticam, appellatione postposita, compescendi,  
non obstantibus quibuscumque privilegiis, in-  
dulgentiis, litteris apostolicis generalibus vel  
specialibus quorumcumque tenorum existant,  
eis vel eorum aliquibus sub quacumque for-  
ma vel expressione verborum, ab eadem  
sede concessis, per quæ præsentibus non ex-  
pressa, vel totaliter non inserta effectus earum  
impediri valeat quomodolibet vel differri, &  
de quibus quorumcumque totis tenoribus de  
verbo ad verbum habenda sit in nostris litteris  
mentio specialis. Seu si eisdem prælatis, capi-  
tulis, collegiis, conventibus, personis & laicis  
vel alicui seu aliquibus eorundem, aut quibus-  
vis aliis communiter vel divisim à prædicta sit  
sede indultum, vel in antea forsitan indulgeri  
contingat, quod interdici, suspendi, vel excom-  
municari, aut extra, vel ultra certa loca ad  
iudicium evocari non possint per litteras apo-  
stolicas non facientes plenam & expressam ac  
de verbo ad verbum de indulto huiusmodi  
mentionem, plenam & liberam potestatem te-  
nore præsentium concedentes. Volumus autem

ut de hiis quæ abinde recipere, & de quibus A  
quittationem facere te contigerit, duo consimilia  
confici facias publica instrumenta, quorum al-  
tero penes quos tanger dimisso, reliquum gen-  
tibus memoratis mittere non postponas. Datum  
Avenione 11. calendas Septembris anno nono.

## EPISTOLA CCXXX.

Ad Willielmum Horborch bacalarium  
in decretis.

*Instituit eum nuncium sedis apostolicæ in provincia  
Bremenſi.*

**D**ilecto filio Willielmo Horborch bacha-  
lario in decretis apostolicæ sedis nuncio,  
salutem & apostolicam benedictionem.

Gerentes de tua fidelitate ac circumſpectio-  
nis industria fiduciam in Domino specialem, ac  
ſperantes quod ea quæ tibi per sedem aposto-  
licam committentur fideliter exequeris, te in  
Bremenſi provincia ac civitate & diocesi Ver-  
denſi dictæ sedis nuncium, usque ad ipsius sedis  
beneplacitum, tenore præſentium deputamus  
ac etiam ordinamus discretionis tuæ, &c. *ut supra  
usque in finem dati ut supra.*

## EPISTOLA CCXXXI.

Ad Woldemarum regem Daciæ.

*Commendat ei Bertrandum episcopum Lubicensẽ  
apostolicæ sedis nuncium.*

**C**arissimo in Christo filio WOLDEMARO regi D  
Daciæ illustri, salutem & apostolicam be-  
nedictionem.

Cum venerabilis frater noster BERTRANDUS  
episcopus Lubicensis apostolicæ sedis nuncius  
pro exequutione negotiorum nostrorum ac Ec-  
clesiæ Romanæ & cameræ apostolicæ per nos  
sibi in illis partibus commissorum & commit-  
tendorum in antea multum interdum favore &  
auxilio regio indigere noscatur. Nos attenden-  
tes sinceræ devotionis affectum, quem progeni-  
tores tui ad nos & Romanam Ecclesiam hæc-  
tenus habuerunt, & tua sublimitas habere dinos-  
citur, & proinde ſperantes quod tua serenitas  
hujusmodi negotia favorabiliter proſequetur,  
ſerénitatem eandem rogamus & hortamur at-  
tente, quatenus pro nostra & apostolicæ sedis  
reverentia, præfatum episcopum ac deputatos  
& deputandos ab eo ad exequutionem negotio-  
rum hujusmodi, ipsaque negotia habens pro-  
penſe & efficaciter commendata, sic ea tui fa-  
voris auxilio proſequaris, quod ipsa dante Do-  
mino prospere dirigantur: nosque devotionem  
regiam possimus dignis in Domino laudibus  
commendare. Datum Avenione nonis Septem-  
bris anno nono.

*In eodem modo, carissimo in Christo filio....  
regi Norwergicæ illustri, salutem & apostolicam  
benedictionem.*

*In eodem modo, carissimo in Christo filio....*

regi Sueciæ illustri, salutem & apostolicam be-  
nedictionem.

## EPISTOLA CCXXXII.

Ad Deodatum episcopum Agennensem.

*Ut cum comite Perdiaci incumbat ad procurandam  
pacem inter Gastonem comitem Fuxensem &  
Arnoldum Dominum de Lebreto.*

**V**enerabili fratri DEODATO episcopo  
Agennensi, salutem & apostolicam bene-  
dictionem.

Pacis æmulus fidelium invidens unitati, ex-  
clusus diebus non longe præteritis de Vasconiæ  
partibus, ubi longis retroactis temporibus in  
guerrarum turbinibus suæ malignitatis exer-  
cuerat pravitatem, adhuc prout nuper dolenter  
accepimus circuit partes ipsas, nova in eis ſata-  
gendo spargere odia, & ſuscitare discordias,  
cum antiquorum jam careret pestifero nutri-  
mento. Ad nostrum siquidem, non sine multa  
nostræ mentis amaritudine, pervenit auditum,  
quod inter dilectos filios nobiles viros GASTO-  
NEM comitem Fuxensem & ARNALDUM Do-  
minum de Lebreto & eorum sequaces graves  
dissensiones & guerræ sunt noviter ſuscitatae, &  
in futurum crescere, nisi concordia appona-  
tur remedium, probabiliter formidantur. Nos  
igitur, qui licet indigni vices illius in terris ge-  
rimus, qui recedens ab ipsis pretiosissimum pacis  
thesaurum pro sua hereditate fidelibus dereli-  
quit, ut de omnium quorum sumus ſaluti &  
custodia deputati divinitus, odiis & discordiis  
dolemus ab intimis, ac de dictorum nobilium  
& eis ſubjectorum ac circumſtantium populo-  
rum, qui vix gustata tranquillitatis dulcedine,  
ad bellorum amaritudinem sic protinus redu-  
cuntur, dissensionibus & guerris tanto dolemus  
acerbius quanto majora ex eis animarum &  
corporum provenire pericula pertinemus, pa-  
ternis deſideriis affectantes, quod inter eosdem  
nobiles pax & concordia reformetur, ac ſpe-  
rantes quod tuæ circumſpectionis industria uni-  
tatis amatrix, prout decet tuum officium pasto-  
rale, ad hoc ſe reddet ferventi ſolicitudine ſtu-  
diosam. Fraternitati tuæ per apostolica ſcripta  
mandamus, quatinus una cum dilecto filio  
nobili viro comite Perdiaci, cui super hoc  
ſimilia ſcripta nostra dirigimus, ad præſentiam  
dictorum nobilium personaliter feſtinus acce-  
dens, inter eos factis & ſtabilitis prius per ipſos  
treugis & ſufferentiis usque ad certum tempus  
congruum, de quo tibi & præfato comiti Per-  
diaci videbitur expedire, pacem & concordiam  
ſtudeas reformare, ad hoc nobiles ipſos de parte  
nostra discretis & caritativis monitis & conſiliis,  
prout tibi miniſtrabit Altissimus, efficaciter indu-  
cturus. Datum Avenione 19. Septembris anno  
nono.



EPISTOLA

## EPISTOLA CCXXXIII.

Ad comitem Perdiaci.

*Ejusdem argumenti.*

**D**ilecto filio nobili viro... comiti Perdiaci, salutem & apostolicam benedictionem.

Pacis æmulus, &c. usque sperantes quod tuæ nobilitatis industria unitatis & quietis amatrix ad hæc se reddet prompta sollicitudine studiosam, eandem nobilitatem rogamus & hortamur at-  
tente, quatenus ob reverentiam Dei ac apostolice sedis & nostram, ac commodum partium prædictarum, una cum venerabili fratre nostro... episcopo Agennensi, cui super hiis similia scripta dirigimus, ad præsentiam dictorum nobilium personaliter festinus accedens, inter eos factis & stabilitis prius per eos treugis & sufferentis usque ad certum tempus congruum, de quo tibi & præfato episcopo videbitur expedire, pacem & concordiam studeas reformare, ad hæc nobiles ipsos ex parte nostra tuis providis monitis & consiliis inducturus. Datum Avenione nonis Septembris anno nono.

## EPISTOLA CCXXXIV.

Ad Gherlatum de Honvels cantorem & Johannem de Marborch canonicum ecclesiæ Magdeburgensis.

*Ut collectas ab Ottone archiepiscopo pecunias in provincia Magdeburgensi suis nunciis tradant.*

**D**ilectis filiis Gherlato de Honvels cantori & Johanni de Marborch canonico Ecclesiæ Magdeburgensis, salutem & apostolicam benedictionem.

Discretionem vestram per apostolica scripta mandamus, quatinus omnes & singulas pecuniarum quantitates & summas per vos & bonæ memoriæ OTTONEM archiepiscopum Magdeburgensem in civitate & diocesi Magdeburgensi ex biennali subsidio per nos dudum ibidem imposito, nomine cameræ apostolicæ receptas & collectas, dilectis filiis Hermannus de Werberghe, & Bernardo de Seulenborch canonicis Ecclesiæ Magdeburgensis in civitate & diocesi prædictis ac provinciæ Magdeburgensis apostolicæ sedis nunciis vel eorum alteri, aut alii, seu aliis ad hoc ab eis vel eorum aliquo potestatem habentibus, omni mora postposita ac sine diminutione quacumque tradatis realiter, ac etiam assignetis. Nos enim eis quittandi & absolvendi vos plenarie per se, vel alium seu alios de hiis dumtaxat quæ à vobis exinde receperint plenam & liberam concedimus per alias nostras litteras facultatem. Datum Avenione nonis Septembris anno nono.



*Theſauri Anecd. Tom. II.*

## EPISTOLA CCXXXV.

Ad Hermannum de Werberghe & Bernardum de Seulenborch canonicos Magdeburgenses.

*Ut recipiant pecunias ab Ottone archiepiscopo Magdeburgensi collectas.*

**D**ilectis filiis Hermannus de Werberghe & Bernardo de Seulenborch canonicis ecclesiæ Magdeburgensis apostolicæ sedis nunciis, salutem & apostolicam benedictionem.

Cum dilectis filiis Gherlato de Honvels cantori & Johanni de Marborch canonico ecclesiæ Magdeburgensis demus per alias nostras litteras in mandatis, ut omnes & singulas pecuniarum quantitates & summas per eos & bonæ memoriæ OTTHONEM archiepiscopum Magdeburgensem ex biennali subsidio per nos dudum clero illarum partium imposito, cujus collectores in civitate & diocesi Magdeburgensi extiterunt, nomine cameræ apostolicæ receptas & collectas vobis vel altero vestrum potestatem habentibus omni mora postposita, & sine diminutione quacumque, tradant realiter & assignent, discretionem vestram per apostolica scripta mandamus, quatenus vos vel alter vestrum per vos vel alium seu alios hujusmodi pecuniarum quantitates & summas ab eisdem Gherlato & Johanne sine dilatione quacumque petere, exigere, ac recipere, vobisque tradi & assignari facere cum integritate curetis. Contradictores cujuscumque status, gradus, ordinis, vel conditionis existant; etiam si pontificali vel quavis alia præfulgeant dignitate, auctoritate nostra, appellatione postposita, compescendo, non obstanti si eisdem Gherlato & Johanni vel quibusvis aliis communiter vel divisim à sede apostolica sit indultum, quod interdicti, suspendi vel excommunicari non possint per litteras apostolicas non facientes plenam & expressam ac de verbo ad verbum de indulto hujusmodi mentionem. Nos enim vobis quittandi & absolvendi plene per vos vel alium seu alios præfatos Gherlatum & Johannem de hiis dumtaxat, quæ ab eis recipere vos continget, plenam concedimus tenore præsentium potestatem. Volumus autem quod de hiis quæ ab eis receperitis duo confici faciatis consimilia publica instrumenta, nostris communita sigillis, quorum uno penes dictos Gherlatum & Johannem dimisso, reliquum ad eandem cameram à vestigio transmittatis. Datum ut supra.

LITTERÆ DE MENSE NOVEMBRI  
ANNO NONO.

## EPISTOLA CCXXXVI.

Ad Johannam reginam Jerusalem & Siciliæ.

*Pestis grassantis pericula evasisse se scribit, ejusque precibus se commendat.*

**C**arissimæ in Christo filiæ JOHANNÆ Hierusalem & Siciliæ reginæ illustri, salutem & apostolicam benedictionem.

Xxx

— Magnæ laudis præconia tua meretur devota A  
serenitas, quæ habens cor ad Dominum, qui te  
in sui timoris & amoris benigna benedictione  
prævenit, & ea quæ sibi sunt placita ferventi de-  
votione præmeditans, ad ipsius in terris vica-  
rium ex intus tui cordis afficeris, dum ejus  
personæ salutem, velut patris carissimi peroptas  
assidue desiderio filiali, quod tua declarat epi-  
stola nuper per latorem præsentium nobis missa,  
per quam ob lethalem pestem quæ peccatis exi-  
gentibus in istis partibus viguit, dubia & anxia  
status nostri de ipso tibi per apostolicas litteras B  
notificari certius devotæ supplicationis instantia  
postulasti. Digne igitur desideriis tuæ celsitudi-  
nis caritate reperlis, inquisitione sollicitis & ex-  
spectatione molestis grata celerique responsione  
satisfacere cupientes, eidem serenitati ad optatæ  
consolationis lætitiâ significamus, quod illius  
clementia, in cujus manu cunctorum mors &  
vita consistit, nos à dictæ pestis periculo non  
nostris meritis, sed ipsius benignissima gratia,  
tuis & aliorum fidelium devotis intercessionibus  
inclinatus misericorditer liberavit, & licet hiis C  
diebus consueta guttæ fuerimus infirmitate per-  
cussi, tamen illo faciente à quo salus nostra de-  
pendet, recuperavimus sanitatem. Tu itaque ex  
hiis tui voti satisfactionem gratanter grateque  
recipiens, in Domino conforteris, illique laudes  
exsolvas humiliter, à quo tantum noscitur benefi-  
cium processisse, ac preces devote perfundas,  
& per sanctas & devotas tui regni personas fundi  
sollicitis pro utriusque nostri hominis sospitate,  
ipsius opitulante gratia in suis beneplacitis exer-  
cendo. Datum Avenione xvii. calendas No-  
vembris anno nono.

## EPISTOLA CCXXXVII.

Ad Eduardum regem Angliæ.

*Petit ab ecclesiis regni sui caritativum subsidium.*

C Arissimo in Christo filio EDUARDO regi  
Angliæ illustri, salutem & apostolicam  
benedictionem.

Cum dilectus filius SIMON abbas monasterii  
Ferrariensis Senonensis diocesis lator præsen-  
tium pro certis agendis ad regnum tuum An-  
gliæ sit de proximo profecturus, eum virum  
utique scientificum ac discretionem pollentem  
nostrumque & Ecclesiæ Romanæ devotum de  
urgentibus necessitatibus ejusdem Ecclesiæ, de  
quibus serenitati tuæ per dilectum filium Gui-  
donem de Brien militem & nuntium tuum  
nuper à nostra præsentia discedentem aperui-  
mus mentis nostræ propositum, quod ex instanti  
necessitate & ingentis periculi status ejusdem  
Ecclesiæ proximitate causatur, duximus infor-  
mandum. Quare sublimitatem tuam, quæ in  
ranta indigentia eidem Ecclesiæ matri suæ debet  
filialiter compati, monemus, hortamur & ob-  
secramus in Domino, quatinus prudenter &  
devote considerans, quod aliæ orbis Ecclesiæ  
in necessitate prædicta præfatam Romanam  
Ecclesiam promptis & caritativis subsidiis adju-  
varunt, & quod Ecclesiæ regni tui, quas rem-

poribus quibus guerrarum turbinibus vexaberis,  
licet nos vexaremur similiter, patienter in hac  
parte supportare curavimus, nunc pacis auctore  
præstante in tranquillitate consistunt, & sine  
ipsarum gravamine magnam nobis possunt sub-  
sidium impertiri, moleste non feras, quod eadem  
dicti tui regni ecclesiæ petitiæ subventionis au-  
xilium nobis præstent, quin immo prout de  
prompta & devota celsitudine tua confidimus &  
speramus, ut votivus nostræ petitionis sequatur  
effectus, auxilium tui favoris exhibeas liberali-  
ter & benigne: super quo præfato abbati de  
nostra in hac parte intentione informato ple-  
narie adhibere velit tua præfata serenitas ple-  
nam fidem. Datum Avenione iv. nonas No-  
vembris anno nono.

## EPISTOLA CCXXXVIII.

Ad Eduardum principem Walliæ.

*Commendat ei Simonem abbatem Ferrariensem suum ad regem Angliæ nuntium.*

Dilecto filio nobili viro EDUARDO principi  
Walliæ carissimi in Christo filii nostri Ed-  
wardi regis Angliæ illustris primogenito, sa-  
lutem & apostolicam benedictionem.

Cum dilectus filius SIMON abbas monasterii  
Ferrariensis Senonensis diocesis lator præsen-  
tium, ad regnum Angliæ pro certis agendis de  
proximo dirigere debeat gressus suos: nos ejus  
prudentiam & devotionem quam ad Romanam  
gerit Ecclesiam cognoscentes, sibi quædam ar-  
dua & urgentia negotia Ecclesiæ præfatæ com-  
missimus, per eum carissimo in Christo filio no-  
stro EDUARDO regi Angliæ illustri genitori tuo  
verbotenius exponenda. Igitur nobilitatem  
tuam rogamus & hortamur attente, quatenus  
hiis quæ idem abbas tibi exposuerit ex parte  
nostra credulam fidem præbens, sibi in eisdem  
negotiis ob reverentiam nostram & apostolicæ  
sedis assistas consiliis & favoribus opportunis.  
Datum Avenione iv. nonas Novembris anno  
nono.

In eodem modo, dilecto filio nobili viro JOHAN-  
NI comiti Richemondia nato carissimi in Chri-  
sto filii nostri Edwardi regis Angliæ illustris,  
salutem, &c.

In eodem modo, Venerabili fratri SIMONI  
archiepiscopo Cantuariensi, salutem, &c. usque  
exponenda. Igitur fraternitatem tuam rogamus,  
&c. usque in finem.

In eodem modo, Venerabili fratri JOHANNI  
archiepiscopo Eboracensi.

In eodem modo, Venerabili fratri GUILLELMO  
episcopo Vintoniensi.

In eodem modo, Venerabili fratri THOMÆ  
episcopo Dunelmensi.

In eodem modo, Venerabili fratri JOHANNI  
episcopo Lincolnensi.

*In eodem modo*, Venerabili fratri GILBERTO A  
episcopo Carleolensi.

*In eodem modo*, dilecto filio JOHANNI electo  
Herfordensi.

*In eodem modo*, dilecto filio WILLELMO  
electo Roffensi.

*In eodem modo*, dilecto filio nobili viro THO-  
MAE comiti Warvyci, salutem, &c. usque ex-  
ponenda, igitur nobilitatem tuam rogamus, &c.  
usque in finem.

*In eodem modo*, dilecto filio nobili viro Ri-  
CARDO comiti Arondellia.

*Item eodem modo*, dilecto filio . . . abbati mo-  
nasterii Wastmonasterii extra muros Londo-  
nienses, mutatis mutandis.

*In eodem modo*, dilecto filio Johanni de Bou-  
quinghan decano ecclesiae Lichefeldensi.

### EPISTOLA CCXXXIX.

Ad Guidonem de Brien militem.

*Laudat eum quod Ecclesiae apud regem Angliae  
negotia impigre exsequutus fuerit.*

Dilecto filio nobili viro Guidoni de Brien  
militi Menevensis diocesis, salutem & apo-  
stolicam benedictionem.

Apostolicae commendationis praconio tua  
devota nobilitas meretur attolli, pro eo quod  
sicut fide digna relatione percepimus, tu ea  
quae devotioni tuae de arduis & urgentibus ne-  
gotiis apostolicae sedis commisimus, per te ex  
parte nostra carissimo in Christo filio nostro  
EDUARDO regi Angliae illustri viva vocis ora-  
culo exponendo, tamquam benedictionis filius  
eidem regi exposuisti fideliter & prudenter.  
Tuam igitur sinceritatem proinde condignis  
gratiarum actionibus prosequentes, te rogamus  
& hortamur attente, quatinus sic studiose &  
favorabiliter apud dictum regem & alios, de  
quibus tua prudentia expedire cognoverit, pro-  
sequi studeas quod laudabiliter in hac parte  
incoepisti, quod ultra praemium superni regis,  
pro cuius laboras Ecclesia, nostram & dictae sedis  
benivolentiam in tuis & tuorum opportunita-  
tibus uberius merearis. Ceterum cum dilectus  
filius SIMON abbas monasterii Ferrariensis Se-  
noniensis diocesis lator praesentium ad regnum  
Angliae pro certis agendis accedat, sitque de  
nostra intentione plenius informatus, nobilita-  
tem tuam rogamus attente, quatenus eidem  
abbati super hiis quae de praedictis negotiis ex  
parte nostra tibi retulerit adhibeas plenam fi-  
dem. Datum Avenione iv. nonas Novembris  
anno nono.

*Theauri Anecd. Tom. II.*

### EPISTOLA CCXL.

Ad Johannem regem Franciae.

*Negat ei quae postulaverat pro Andruino cardinali,  
quem ad Romanam curiam remitti petit, nisi  
regiis negotiis necessarius aliquanto tempore  
remanere permittatur.*

Carissimo in Christo filio JOHANNI regi  
Franciae illustri, salutem & apostolicam  
benedictionem.

Regiae celsitudinis litteras gratanter recepi-  
mus, & eas paterna benevolentia intelleximus  
diligenter, continentes, ut propter certa traden-  
da negotia te & regnum tuum tangentia, dilecto  
filio ANDRUINO S. R. E. presbytero cardinali  
remanendi licentiam usque ad certum tem-  
pus, ac privilegia, honores, & gratias, nec non  
procuracionem seu stipendiorum receptionem  
solita concedi nunciis apostolicae sedis qui  
de latere transmittuntur, concedere, ac ca-  
pellum rubeum sibi ad partes ipsas transmi-  
tere dignaremur. Super quibus eidem regiae  
celsitudini respondemus, quod nos licet in hiis  
& aliis tibi gratiis, quantum cum Deo posse-  
mus, nostrum libenter impertiremur assensum:  
proinde tamen advertentes quod haec absque  
consilio & consensu fratrum nostrorum S.R.E.  
cardinalium in consistorio, prout ea de more  
praestandis, contra antiquam & laudabilem dictae  
sedis consuetudinem, quam non decet infringi,  
concedere non debemus, & quod Ecclesiae dicti  
regni ex praeteritarum concussionum guerrarum  
cum diversis oneribus tam elapsis, quam adhuc  
durantibus sunt nimium aggravatae, propter  
quod eas interna compassione prosequimur, &  
quantum possumus a majori gravamine pater-  
nis affectibus praeservamus, quodque hujusmodi  
consilium & consensum, prout firmiter credi-  
mus, non possemus, sicut nec deberemus ha-  
bere; ex quo utique non obtento nostro, tuae-  
que magnitudinis & cardinalis praefati deroga-  
retur honori, praemissa coram fratribus eisdem  
proponere consulta deliberatione duximus o-  
mittendum. Quare cum ad praedicta negotia in  
quibus ordinatione debita disponendis tractus  
longi forsitan temporis opportunus exigitur, per  
alium seu alios quam per cardinalem praedictum  
absque Ecclesiarum regni praefati onere, quod  
regalis pietas debet evitare, pro viribus, spe-  
remus posse feliciter consummari, & nos ejus  
praesentia propter quamdam suae circumscriptio-  
nis industriam & fidele ac salubre consilium in  
arduis nostris & Ecclesiae universalis agendis,  
quae ad alveum sedis praefatae incessanter con-  
fluunt plurimum egeamus. Cardinalis quoque  
ipse carens stipendiis & capelli proventibus, &  
ut verisimiliter credimus facultatibus non abun-  
dans, sic stando diutius nimis gravetur expensis,  
secundum sui status decentiam faciendis, qua-  
sumus, tuamque sublimitatem, quam Altissimus  
eximia discretionis munere insignivit, rogamus  
& hortamur attente, quatenus praemissa ma-  
ture considerans, moleste non feras si in hac

Xxx ij



parte impleri non sentias votum tuum, sæpe dictum cardinalem ad curiam Romanam accedere quam cito commode poterit ad subeundum onus humeris suis impositum benignitate regia permittitur. Verum quia ad te & regnum tuum prærogativa specialis dilectionis afficimur: volumus ut præmissis non obstantibus, si præsentia dicti cardinalis adeo te noveris indigere, quod negotia ipsa de quibus nobis scripsisti sine ipsorum periculo & jactura per alium quam ipsum tractari, & optato sine terminari non possint, remanere valeat, & negotiis ipsis intendere usque ad festum Ascensionis Dominicæ proxime secuturum, super quo per alias nostras litteras sibi licentiam impertimur. Procuraciones autem seu stipendia sibi concedere, ac capellum rubeum transmittere ex causis hujusmodi non valemus. De beneficiis vero præfato cardinali conferendis, de quibus nobis in eisdem tuis litteris supplicasti, eidem & aliis cardinalibus, quos unà cum eo nuper assumimus, providimus quantum melius potuimus sibi celsitudinis prædictæ intuitu; & quia ipsum sincere dileximus & diligimus in hoc specialiter deferentes. Ceterum super præmissis tuæ magnitudini latius exponendis dilectum filium SIMONEM abbatem monasterii Ferrariensis Senonensis diocesis latorem præsentium, de nostra intentione plenius informatum, ad tuam præsentiam destinamus, cui super hiis quæ circa prædicta tibi ex parte nostra retulerit, adhibeas plenam fidem. Datum Avenione iv. nonas Novembris anno nono.

## EPISTOLA CCXLI.

Ad Andruynum cardinalem.

*Permittit ei cum rege remanere usque ad festum Ascensionis.*

**D**ilecto filio ANDRUINO S. R. E. presbytero cardinali, salutem & apostolicam benedictionem.

Nuper carissimus in Christo filius noster JOHANNES rex Franciæ illustris in suis litteris, quas nostro apostolatu destinavit, asserens præsentiam tuam negotiis regni sui & præsertim Britanniae, de quibus informatum te dicit, adeo existere opportunam, quod sine ipsa præfata negotia probabiliter periculum incurrerent & jacturam, nobis supplicavit instanter, ut tibi in ipsis partibus pro felici terminatione negotiorum hujusmodi licentiam remanendi, ac privilegia, gratias, & procuraciones, & alia concedi solita cardinalibus in dicto regno apostolicæ sedis nunciis concedere, ac providere de beneficiis, & capellum rubeum mittere dignaremur, nosque super hiis deliberatione matura præhabita eidem regi respondemus per apostolicas litteras tenoris præsentibus interclusi. Licet igitur tua præsentia careamus inviti, nolentes tamen propter nostram deliberationem eisdem negotiis quæ utique insident cordi nostro generari præjudicium vel jacturam, cum nos statum ignoremus eorum, qui ut idem rex asserit & ve-

risimiliter credimus, plenarie tibi notus existit, tibi remanendi in dictis partibus usque ad festum Ascensionis Dominicæ proxime secuturum pro dictis negotiis feliciter, auctore Domino disponendis, si hæc tua circumspectio oportere cognoverit, super quo tuam oneramus prudentiam, plenam licentiam tenore præsentium impertimur. Ceterum super hiis tuæ discretioni latius exponendis, dilectum filium SIMONEM abbatem monasterii Ferrariensis Senonensis diocesis, latorem præsentium, ad te venientem de nostra intentione fecimus plenarie informari: cui super hiis quæ circa prædicta tibi ex parte nostra retulerit adhibeas plenam fidem. Datum Avenione iv. nonas Novembris anno nono.

## EPISTOLA CCXLII.

Ad Eduardum regem Anglorum.

*Ut electus Londoniensis per procuratorem fidelitatis sacramentum ei præstare possit.*

**C**arissimo in Christo filio EDUARDO regi Angliæ illustri, salutem & apostolicam benedictionem.

Cum nuper Londoniensi ecclesiæ tunc vacanti de persona dilecti filii SIMONIS electi Londoniensis nobis, & fratribus nostris ob grandium suorum exigentiam meritorum accepta duxerimus providendum, nostrumque causarum apostolicum Palatium, cujus idem SIMON longo tempore fuit auditor, majori nunc parte bonorum, & expertorum auditorum ipsius ex mortalitatis peste sicut Domino placuit destitutum, ipsius electi præsentia propter ejus magnam & expertam sufficientiam ad tempus indigeat, & propterea idem electus ad præstandum celsitudini tuæ ratione temporalitatis ejusdem Ecclesiæ solitum juramentum personaliter se ad præsens transferre non possit; eandem celsitudinem rogamus attente, quatenus ipsos electum & ecclesiam sibi commissam habens pro nostra & apostolicæ sedis reverentia propensius commendatos, præstationem hujusmodi juramenti, vel hic ab eodem electo in manibus alicujus à te super hoc potestatem habentis, vel in partibus à procuratore ipsius electi ad hoc speciale mandatum habente, de benignitate regia placeat acceptare, ac juramentum præfatum nostrarum precum intuitu quoad omnia ad quæ electus ipse tenetur reputare sufficiens, ac si ipse personaliter illud in tuis manibus præstitisset, & nihilominus cum idem electus ad Ecclesiam præfatham accesserit, dictum juramentum, si volueris, recipere poteris ab eodem. Datum Avenione iv. calendas Novembris anno nono.



## EPISTOLA CCXLIII.

Ad Eduardum principem Walliæ.

*Ejusdem argumenti.*

**D**ilecto filio nobili viro EDUARDO principi Walliæ carissimi in Christo filii nostri EDUARDI regis Angliæ illustris primogenito, salutem & apostolicam benedictionem.

Cum nuper, &c. *usque* idem electus ad præsentiam carissimi in Christo filii nostri EDUARDI regis Angliæ illustris genitoris tui ad præstandum sibi ratione temporalitatis ejusdem Ecclesiæ solitum juramentum personaliter se ad præsens transferre non possit, regiam celsitudinem per nostras litteras deprecamur, quod, &c. *usque in finem mutatis mutandis*. Quocirca cum preces & suasionem tuas in hac parte apud regem præfatum reputemus plurimum valituras, nobilitatem tuam rogamus attente, quatinus penes eundem tuum genitorem, ut precibus nostris benigne annuat, ut speramus, tuæ persuasivæ interventionis instantiam efficaciter interponas. Datum *ut supra*.

*In eodem modo, venerabili fratri GUILLELMO episcopo Vintonienfi, salutem, &c. cum nuper &c. ut supra mutatis mutandis usque valituras. Fraternitatem tuam rogamus, &c. ut supra usque in finem.*

LITTERÆ DE MENSE JANUARI  
ANNO NONO.

## EPISTOLA CCXLIV.

Ad Eduardum regem Anglorum.

*Concedit ei dispensationem super matrimonio primogeniti sui & alia postulata.*

**C**arissimo in Christo filio EDUARDO regi Angliæ illustri, salutem & apostolicam benedictionem.

Dilectum filium nobilem virum Nicolaum de Lowain militem & nuntium tuum latorem præsentium, ac litteras regis serenitatis gratanter recepimus, & expetita nobis prudenter per eundem Nicolaum tam de revocatione processuum dudum habitum ad instantiam bonæ memoriæ THOMÆ episcopi Eliensis, quam de aliis per tuam excellentiam commissis eidem, & contenta in eisdem litteris intelleximus diligenter, auditoque inter alia quod excellentia tua S. R. Ecclesiæ matri suæ in ejus tribulationibus affectu filiali compatiens, apud prælatos & alium clerum regni sui adeo efficaciter interposuit partes suas, quod iidem prælati & clerus pro defensione & recuperatione terrarum ejusdem Ecclesiæ in partibus Italiæ consistentium sponte obtulerunt certum subsidium nobis dare, tanto exinde magis gavisi fuimus, quanto sublimitatem tuam velut devotissimi ejusdem Ecclesiæ

**A** filii, ad ejus beneplacita promptiorem esse conspicimus, & factis evidentibus experimur, quantoque statum ipsius Ecclesiæ per tuæ continuandæ & semper de bono in melius, auctore Domino, augmentandæ devotionis præsidium speramus felicius prosperari. Tuam itaque devotionem magnificam ingentibus exinde laudibus in Domino commendantes, eidem plenas gratiarum referimus actiones, ipsamque rogamus attentius & hortamur; quatinus quod in hac parte principis laudandis incepit usque ad speratum effectum, qui propter instantem necessitatem celer exigitur, prout idem nuncius tibi latius poterit explicare, regia sollicitudine laudabilius prosecutionatur. Ceterum votis tuis prout nobis ex alto permittitur satisfacere cupientes, confirmationem dispensationis pro dilecto filio EDUARDO primogenito tuo super matrimonio contracto per eum, quamvis hoc rarissime consueverit apostolica sedes concedere, & quasdam alias petitiones tuas nobis per militem præfatum exhibitas admisimus & concessimus gratiose. Verum quia cum dictus miles ad curiam Romanam accessit, eramus morbo guttæ adeo graviter impediti, quod talium agendorum expeditioni tunc vacare nullatenus poteramus, eandem expeditionem per aliquos dies oportuit retardari. Quam cito tamen nedum curati sed alleviati fuimus, easdem confirmationem & petitiones ante omnes alias curavimus expedire. Super negotio vero dictorum processuum dilecto filio nostro ANDRUINO S. R. E. cardinali in partibus Franciæ commoranti opportunam commissionem per litteras apostolicas de proximo faciemus, prout de hiis omnibus dictus miles, qui commissa sibi per tuam excellentiam prudenter & sollicitè existit prosecutus, cuique super singulis nobis per eum nobis expositis plene respondimus, tuæ celsitudini referre latius poterit oraculo vivæ vocis, & in litteris nostris patentibus, quas super prædictis eidem nuncio tuo concessimus, plenius etiam videre poteris contineri. Datum Avenione xiv. calendas Januarii anno nono.

## EPISTOLA CCXLV.

Ad Eduardum principem Walliæ.

*Ejusdem argumenti.*

**D**ilecto filio nobili viro EDUARDO principi Walliæ carissimi in Christo filii nostri EDUARDI regis Angliæ illustris primogenito, salutem & apostolicam benedictionem.

Dilectum filium nobilem virum Nicolaum de Lowain militem ac nuntium carissimi in Christo filii nostri EDUARDI regis Angliæ illustris genitoris tui, latorem præsentium, ac litteras regis serenitatis & tuas gratanter recepimus, & exposita nobis prudenter per eundem Nicolaum & contenta in eisdem litteris intelleximus diligenter, auditoque inter alia quod idem rex S. R. Ecclesiæ matri suæ in ejus tri-

X x x iij

bulationibus affectu filiali compatiens, apud A  
prælatos & alium clerum regni sui adeo effica-  
citer interposuit partes suas, quod iidem præ-  
lati & clerus pro defensione & recuperatione  
terrarum ejusdem Ecclesiæ in partibus Italiæ  
consistentium sponte obtulerunt certum sub-  
sidium nobis dare, tanto magis gavisi exinde  
fuimus, quanto sublimitatem ipsius regis velut  
devotissimi ejusdem Ecclesiæ filii, ad ejus bene-  
placita promptiorem esse conspiciamus, & factis  
evi-entibus certius experimur, quantoque sta- B  
tum ipsius Ecclesiæ per suæ continuandæ &  
auctore Domino semper de bono in melius au-  
gmentandæ devotionis præsidium speramus fe-  
licius prosperari. Devotionem itaque dicti regis  
magnificam ingentibus exinde laudibus in Do-  
mino commendantes, & eidem gratias referen-  
tes, ipsum per apostolicas litteras attentius exhor-  
tamur, ut quod in hac parte principiis laudan-  
dis incœpit, usque ad speratum effectum, qui  
propter instantem necessitatem celer exigitur;  
prout idem nuntius sibi & tibi etiam latius po-  
terit explicare, regia sollicitudine laudabilis  
prosequatur, & quia tua sincera devotio quam  
ad nos & eandem geris Ecclesiam, paternos af-  
fectum & operam imitans, promptitudine filiali  
in prædicto negotio, prout præfati militis rela-  
tione didicimus, efficax studium solerter im-  
pendit: sinceritatem tuam proinde multipliciter  
commendamus, ac tibi referimus multas grates,  
nobilitatem tuam paternis affectibus exhortan-  
tes, quatinus beneplacitis apostolicæ sedis, quæ  
velut filium prædilectum te diligit, semper de-  
votus inhærens, ea ubi & quando opportunum  
extiterit, filialiter prosequaris. Nam exinde apud  
Deum meritum & in sæculo favorem & gratiam  
firmiter consequeris. Ceterum votis præfati ge-  
nitoris tui, & tuis prout nobis ex alto permit-  
titur satisfacere cupientes, confirmationem dis-  
pensationis pro te & dilecta filia JOHANN A  
conjugæ tuæ super matrimonio inter te & ipsam  
contracto, quamvis hoc non consueverit dicta  
fedes concedere, & quasdam alias petitiones  
dicti regis & tuas nobis per militem præfatum  
exhibitas admisimus, & concessimus gratiose.  
Et quia quando dictus miles ad curiam Roma-  
nam accessit, eramus morbo guttæ adeo gra-  
viter impediti, quod talium agendorum expe-  
ditioni tunc vacare nullatenus poteramus, eam-  
dem expeditionem per aliquos dies oportuit  
retardari: sed quam cito nedum curati, sed  
alleviati fuimus, eandem confirmationem & pe-  
titiones ante omnes alias curavimus expedire,  
prout idem miles qui commissa sibi per eum-  
dem tuum genitorem & te sollicite ac prudenter F  
exitit prosecutus, cuique super singulis per eum  
nobis expositis plene respondimus, tibi latius  
referre poterit oraculo vivæ vocis, & in litteris  
nostris patentibus quas super prædictis ejusdem  
regis nuncio præfato concessimus plenius etiam  
videre poteris contineri. Datum Avenione xiv.  
calendas Januarii anno nono.



## EPISTOLA CCXLVI.

Ad Androynum cardinalem.

*Mittit ei capellum rubrum, mandatque ut quam  
cito poterit ad sedem accedat apostolicam.*

Dilecto filio ANDROYNO S. R. E. cardinali,  
salutem & apostolicam benedictionem.  
Carissimi in Christo filii nostri JOHANNIS  
regis Franciæ illustris multiplicatis in hac parte  
precibus benignius annuentes, tuamque perso-  
nam quam à Domino virtutum affluentia præ-  
cellentium meritorum ornatam, dudum tunc  
in partibus Franciæ de mandato nostro pro  
prosecutione quorundam arduorum negotio-  
rum præfatum regem ac regni sui tranquillita-  
tem & pacem contingentium immorantem, ad  
apicem cardinalatus ereximus, consuetis infi-  
gniis honorare prærogativa præcipuæ gratiæ  
cupientes, capellum rubrum qualem alii vene-  
rabiles fratres nostri S. R. E. cardinales de manu  
summi pontificis, secundum antiquum & lau-  
dabilem morem curiæ Romanæ receptum ge-  
stare solent & debent temporibus consuetis, tibi  
qui adhuc de dicto mandato eidem prosecutioni  
dictorum negotiorum insistens, ad nostram de  
instanti tempore nequis præsentiam te conferre,  
licet hoc non fuerit sine magna causa fieri con-  
suetum, ad preces tamen dicti regis quas super  
hoc pluries repetiit, & ob sinceræ dilectionis  
affectum, quem ad tuam personam gerimus,  
de speciali gratia per dilectum filium PETRUM  
de Mollissimis priorem de Alaclita ordinis  
Cluniacensis latorem præsentium destinamus,  
ut eo deinceps libere utaris, prout utuntur  
iidem alii ejusdem Ecclesiæ cardinales, non ob-  
stantibus quod capellum ipsum de manu nostra  
non receperis, & qualibet consuetudine hæte-  
nus in contrarium observata. Ceterum quamvis  
tibi ad dicti regis supplicationis instantiam pro  
dicta prosecutione feliciter dirigenda licentiam  
remanendi in dictis partibus usque ad festum  
Ascensionis Domini proxime sequuturum du-  
xerimus per certas nostras litteras conceden-  
dum: quia tamen propter emergentia quotidie  
nobis multiplicia & ardua Ecclesiæ universalis  
negotia, tua præsentia indigemus, si absque de-  
trimento notabili dictorum tibi incumbentium  
agendorum, & cum regis præfati complacentia,  
ad apostolicam sedem posses etiam termino illo  
minime expectato accedere, hujusmodi acces-  
sum gratum non modicum haberemus. Datum  
Avenione xiii. calendas Januarii anno nono.

## EPISTOLA CCXLVII.

Ad Ægidium episcopum Sabinensem.

*Recusat eum revocare à sua legatione.*

Venerabili fratri Ægidio Sabinensi, apo-  
stolicæ sedis legato, salutem & apostoli-  
cam benedictionem,

Dilectum filium magistrum Nicolaum Spinelli legum doctorem nuncium tuum exhibitorem presentium super hiis quæ nobis tam in presentia fratrum nostrorum, quam alias curavit prudenter exponere, audivimus diligenter. Ad quorum tria in presentia dictorum fratrum exposita presentibus respondimus, videlicet quod licet presentiam tuæ personæ, quam grandi scientia, salubris consilii providentia decoravit Altissimus, plurimum egeamus, eamque ad latus nostrum, prout geris in votis revocaremus libenter, si hoc absque periculo status Ecclesiæ Romanæ possemus. Consideratis tamen arduis & periculosis Ecclesiæ præfatæ negotiis tibi incumbentibus de presenti, quibus informatus existis, & super hiis feliciter auctore Domino dirigendis, te posse credimus salubrius quam alium providere, nobis & eisdem fratribus non videtur expediens quod moderno tempore ad Romanam curiam revertaris, sed cum eidem Ecclesiæ necessarius & multipliciter fructuosus existas, volumus & mandamus quod consuetos tuæ sollicitudinis indefessæ labores, quibus generosi animi nutriuntur, non recuses pro Dei & apostolicæ sedis reverentia, & multo fructu obedientiæ cum patientia supportare, sed eosdem labores utique necessarios voluntarius amplexeris, eadem prout commendabiliter admodum consuevisti prosequendo negotia, donec dicta sedes aliud in hac parte duxerit ordinandum. De recessu vero dilecti filii nobilis viri GOMESII GARCIAE DE ALBORNO nepotis tui rectoris civitatis nostræ Bononiensis, & de successore ipsius provideo & fideli, tuâ disponat fraternitas, prout viderit expedire. Ceterum ad tuâ & familiarium tuorum examinanda regimina ac gesta, cum de tuis non expediat, & circa familiares eosdem, ut credimus, oculos tuæ circumspeditionis frequenter aperiis, nullum intendimus destinare, quin immo de fraternitate prædicta plenissime confidentes, tibi super examinatione gestorum aliorum nostrorum officialium specialem commissionem per apostolicas litteras præsentialiter destinamus. Datum Avenione xi. calendas Januarii anno nono.

## EPISTOLA CCXLVIII.

Ad Ægidium episcopum Sabinensem.

*Ut in Italiæ partibus inquirat de vita & moribus officialium sedis apostolicæ.*

Venerabili fratri ÆGIDIO episcopo Sabinensi apostolicæ sedis legato, salutem & apostolicam benedictionem.

Inter curas multiplices sollicitudini sedis apostolicæ incumbentes, illud non mediocriter insidet cordi nostro, ut gesta nostrorum officialium & ministrorum, quos in diversis partibus & terris habemus, viri providi & fidelis subjiciantur examini, examinata probentur, & probata clarius elucescant, ut per talis solertis inquisitionis officium, bona laudem percipiant, mala vero si qua fuerint debito correctionis remedio refoventur. Sane cum, prout novit

A tua fraternitas, in provinciis, civitatibus, castris, terris & locis in partibus Italiæ consistentibus, nobis & Ecclesiæ Romanæ subjectis, nonnullos officiales & ministros diversis nuncupatos nominibus habeamus, quorum regimen, gubernationem, administrationem, & obsequia geri fideliter & prudenter ac iuste & pure absque subditorum gravamine, prout decet apostolicæ sedis ministros, & expedit statui ejusdem Ecclesiæ, intentis desideriis affectamus per tuam providentiam speciali mandato nostro fulcitam inquiri, & circa ea, in illis videlicet in quibus defectus inveneris, prout expedire cognoveris, provideri: utile admodum reputamus eidem fraternitati, de qua in hiis & aliis plenam in Domino fiduciam obtinemus, inquirendi auctoritate nostra per te vel alium seu alios viros fideles & providos, justitiæ & honoris nostri & prosperi status subditorum nostrorum fervidos zelatores, ex officio ac summarie, & de plano de prædictis regimine, gubernatione, administratione & obsequiis, quorumcumque rectorum, vicariorum, potestatum, capitaneorum, ac judicum spiritualium & temporalium, nec non thesaurariorum, vicethesaurariorum, notariorum, castellanorum, & aliorum quorumcumque officialium, & ministrorum nostrorum & ejusdem ecclesiæ, quocumque nomine nuncupentur, & loca tenentium eorundem, cujuscumque dignitatis, status & conditionis existant, in quibuscumque provinciis, civitatibus, castris, terris, & locis in eisdem Italiæ partibus constitutis, ac nobis & Ecclesiæ prædictæ subjectis, eorundemque thesaurariorum & vice thesaurariorum computa, & rationes videndi & examinandi, & ea quæ tu vel deputatus seu deputati à te in hac parte cognoveritis reformationis officio indigere reformandi, & deponendi, ac delinquentes condemnandi & puniendi, & ipsos ab eorum officiis suspendendi, & etiam totaliter amovendi, & alios eorum loco ponendi & substituendi, & alia omnia & singula circa prædicta & quodlibet eorum agendi, quæ tibi & eisdem à te deputato seu deputatis necessaria, utilia, seu expedientia videbuntur, plenam concedimus tenore presentium facultatem. Volumus autem quod iidem thesaurarii & vicethesaurarii computa, seu rationes administrationis eorum, officialibus seu gentibus nostræ cameræ nihilominus assignare & reddere teneantur. Datum Avenione xi. calendas Januarii anno nono.

## EPISTOLA CCXLIX.

Ad Ægidium episcopum Sabinensem.

*Promittit ei ex Anglia subsidium pecuniarum, permittitque vicariatum urbis & comitatus Bononiensis ad tempus committere Carolo imperatori.*

Venerabili fratri ÆGIDIO episcopo Sabinensi apostolicæ sedis legato, salutem & apostolicam benedictionem.

Meminimus quod dudum per dilectos filios

RAYMUNDUM abbatem monasterii sancti Victoris Massiliensis, & Michaëlem Martini camerarium tuum, ac magistrum Nicolaum Spinelli legum doctorem nuper continuatis insinuationibus apostolico auditui referasti, quod magna expensarum onera, quæ in defensione civitatis & comitatus Bononiensis & aliarum terrarum Romanæ Ecclesiæ, præsertim provinciæ Roman-diolæ necessario requiruntur, ex proventibus & subsidiis aliarum terrarum ejusdem Ecclesiæ, cum importabiliter sint gravatæ, nisi celeriter tibi magnam mitteremus pecuniam non valebas amplius sustinere: propter quod perditionis, quod absit, civitatis comitatus & terrarum hujusmodi periculum propter magnam potentiam BERNABOVIS de Vice-comitibus militis Mediolanensis, qui certam partem dicti comitatus occupat, ac civitatem & terras easdem indefinenter impugnat, probabiliter imminerebat. Nos autem licet, prout huc usque potuimus, in hac parte duxerimus providendum, & providere, adjuvante Domino, secundum quod nobis possibile fuerit, intendamus, & ad præsens propter tenuitatem proventuum nostræ cameræ postularum per te pecuniale subsidium mittere non possimus, sed speremus habere de regno Angliæ, & deinde tibi mittere pro defensione prædicta certum pecuniale subsidium, quod prælati & clerus dicti regni nobis dare in certis terminis obrulerunt. Considerantes tamen quod hujusmodi pecunia sic cito, ut expedit ad manus tuas non poterit pervenire, & quod propterea civitati, comitatu & terris præfatis magnum interim posset periculum evenire, ut quod minus malum esse posset electione provida eligamus, & tu nostra cognita voluntate & apostolica licentia & auctoritate munitus valeas tractare securius, & perficere firmitus quod in hac parte pro bono statu ejusdem Ecclesiæ videris expedire, de tuis illibata fide & prægrandi prudentia in multis & arduis Ecclesiæ prædictæ negotiis comprobatis gerentes in Domino in hiis & aliis fiduciam pleniorē: super hoc cum aliquibus fratribus nostris S. R. E. cardinalibus matura deliberatione præhabita, volumus quod si propter hujusmodi verisimile periculum tibi videatur expediens, cum carissimo in Christo filio

A nostro CAROLO Romanorum imperatore semper augusto tractatum committendi sibi vicariatū ac regimen & gubernationem dictorum civitatis & comitatus usque ad certum tempus, de quo tibi videatur cum pactis, conventionibus, conditionibus, promissionibus, obligationibus, juramentis ac modis & formis, de quibus circumspeditioni tuæ videbitur, prudenter recipias, ac perficias secundum quod honori nostro & Ecclesiæ memoratæ, ac quieti & paci dictorum civitatis, comitatus & terrarum magis videris expedire, super quo tibi plenam tribuimus tenore præsentium facultatem, & nihilominus super commissione hujusmodi facienda alias litteras apostolicas in plena forma tibi curabimus destinare. Datum Avenione iv. calendas Januarii anno nono.

*Quinque litteræ fuerunt factæ in forma præscripta videlicet una pro imperatore, una pro rege Ungariæ, una pro Rodulpho dace Austriæ, una pro Nicolao Marchione Estensi, & una pro quocumque potentie viro seu communitate alicujus civitatis.*

## EPISTOLA CCL.

Ad Ægidium episcopum Sabinensem.

*Facultatem ei concedit tractandi de pace cum Bernabove.*

D Venerabili fratri ÆGIDIO episcopo Sabinensi, apostolicæ sedis legato, salutem & apostolicam benedictionem.

Meminimus, &c. ut supra usque tibi videatur expediens cum dicto Bernabove, qui, tu à fide dignis audivimus, paratus est ad concordiam devenire, tractatum pacis & concordie cum pactis conventionibus, conditionibus, promissionibus, obligationibus, juramentis, ac modis & formis, de quibus circumspeditioni tuæ videbitur, prudenter incipias & perficias secundum quod honori nostro & Ecclesiæ memoratæ ac quieti & paci dictorum civitatis comitatus & terrarum magis videris expedire: super quo tibi plenam tribuimus tenore præsentium facultatem: & nihilominus super hiis quæ circa prædicta firmaveris alias litteras apostolicas in plena forma tibi curabimus destinare. Datum ut supra.

EXPLICIT.





# ACTA VARI A DE SCHISMATE PONTIFICUM AVENIONENSIIUM.

*Ex variis manuscriptis.*

## EPISTOLA ANGLICI

Albanensis episcopi & Petri tituli sancti Anastasie presbyteri, cardinalium, ad Petrum Gandelini Castellani sancti Angeli.

*Mandant castrum S. Angeli Urbano VI. restitui.*

**M**

ISERATIONE divina ANGLICUS Albanensis episcopus & PETRUS tituli S. Anastasie presbyter cardinalis, dilecto nobis in Christo nobili viro PETRO Gandelini de S. Aspino domicello castellano

castri S. Angeli de Urbe ad Romanam ecclesiam pleno jure pertinentis, salutem in domino.

Noveritis quod nuper reverendissimi in Christo patres ac domini, domini ÆGIDIUS Tusculanus, JOHANNES Sabinensis episcopi, ac GUILLELMUS tituli S. Vitalis presbyter, & HUGO S. Mariæ in Porticu diaconus cardinales, & nos una cum eisdem vestras recepimus litteras in effectu continentes, quod sanctæ memoriæ dominus noster GREGORIUS papa XI. ipso adhuc in humanis agente, & jam appropinquante ad mortem, vos ad ejus præsentiam vocaverit, & certis ex causis ipsum ad infra scripta moventibus voluit, ut asseritis, vobisque expresse mandavit, & maxime sub certis pœnis in hujusmodi vestris litteris contentis, ad hoc vinculo proprii juramenti tunc per nos in ejus manibus præstiti vos astringit, quod si eundem dominum nostrum Gregorium migrari contigerit ab hac luce, nullo tempore dictum ca-

*Theauri Anecd. Tom. II.*

A strum alicui personæ restitueretis seu assignaretis, nisi ad id omnium reverendissimorum patrum dominorum sanctæ Romanæ Ecclesiæ cardinalium tempore obitus sui in his partibus transmontanis existentibus accederet assensus, & demum eodem domino nostro, sicut Deo placuit, de medio sublato, ac sanctissimo in Christo patre & domino nostro, domino URBANO divina providentia papa VI. ad apicem summi apostolatus assumpto, licet per eundem dominum nostrum Urbanum & pro parte sua fueritis pluries debite requisitus, ut sibi dictum castrum ad ipsam Romanam ecclesiam pleno jure pertinens, ut præfertur, restitueretis, & assignare curaretis, ut dicebat: vos nihilominus dictas excusationes prætendentes, castrum hujusmodi recusastis sibi restituere & recusastis ad præsens, donec vobis super hoc nostrum præberemus assensum. Nos igitur ANGLICUS episcopus & PETRUS presbyter cardinales præfati, visis una cum aliis reverendissimis patribus dominis cardinalibus prædictis vestris litteris hujusmodi, & habito invicem consilio super ipsis, vobis, quantum in nobis est, expresse mandamus, & etiam hortamur attentius, quatenus præmissis non obstantibus, castrum hujusmodi præfato Domino nostro domino Urbano papa VI. tamquam sacro-sanctæ Romanæ & universalis ecclesiæ summo pontifici, vel alteri ad ejus mandatum restitueretis indilate, & etiam assensum nostrum in hoc tenore præsentium præbentes, assensum credimus esse quem alii cardinales præfati vobis jam significaverunt per suas litteras, vel significabunt super præmissis eorum intentum. In quorum testimonium præ-

Y y

lentes litteras fieri mandavimus, quas nostro-  
rum sigillorum signo fecimus roborari. Datum  
Avenione anno à Nativitate Domini MCCC  
LXXVIII. indictione 1. die III. mensis Julii, Pon-  
tificatus Domini nostri Urbani papæ VI. anno 1.

SERMO FACTUS PER DOMINUM  
PATRIARCHAM CONSTANTINOPOLITA-  
NUM AD DEPOSITIONEM URBANI QUON-  
DAM BARRENSIS ARCHIEPISCOPI.

*In te respiciunt oculi totius Israel, ut indices eis  
quis sedere debeat in solio tuo. 3. Regum 1. c.*

Anno  
1178.  
Ex ms.  
Gemme-  
ticensi.

**A**UGUSTINUS ad Julianum in quadam  
epistola sic scribit: Quantalibet homo ser-  
monum facultate præfulgeat, vel solertia dis-  
putandi, aut suavitate docendi, nisi Deus in  
hominis voluntate inserat veritatem, immittat  
caritatem, docendo tollat errorem, exhortan-  
do torporem; neque qui plantat est aliquid,  
neque qui rigat, sed qui incrementum dat Deus.  
Frustra quippe operarius omnia moliretur ex-  
trinsecus, nisi creator latenter operaretur in-  
trinsecus. Hæc Augustinus. Ut igitur ipse Spi-  
ritus omnium artifex, omnem habens verita-  
tem, omnia prospiciens, nobis assistat, Advo-  
cata nostræ, quæ ipsius gratia plena est, patro-  
cinium invocemus dicentes. *Ave Maria.*

*In te, &c.* Regina verba sunt ista. Ad quem?  
Ad David. Ob quid? Quia Adonias elatus in  
superbiam, cujus sermo cum Joab qui interpre-  
tatur Inimicus, & Abiatar qui interpretatur Pec-  
catum suscitans, fecitque sibi currus & equites  
& principes exercitus, adeo ut tumultuarent  
& dicerent; *Vivat Rex*; & sic inthronizatus est  
Adonias: cum non esset electus à patre, intrusus  
pro rege se gessit. Sed quid sequutum est, si liber,  
attendite. Dum regina regi diceret verba the-  
matis præassumpti, rex vocavit Sadoch qui in-  
terpretatur Justus, Nathan qui interpretatur  
Donum Dei, & Banaïan qui interpretatur Visio  
Dei, ait *Ponite vobiscum servos Domini, & im-  
ponite Salomonem filium meum super mulam meam  
& ducite eam in Gihon, & ungat eum ibi Sadoch  
Sacerdos in rezem super Israel, & Judam, & ca-  
netis tuba, & dicetis: Vivat Rex Salomon & as-  
cendetis post eum, & venietis, & sedebit super solium  
meum.* Historia hæc de præterito vera figura est  
præsentis instantis negotii. Ille enim intrusus  
BARTHOLOMÆUS elevans se inaniter super se, &  
partes ejus qui non nisi uni inimicitiarum & sus-  
citantium peccatum, hoc est populus & magistra-  
tus Urbis vere suscitantes peccatum detestabile  
impressionis stilo adamantino in mentibus homi-  
num exaratum. Convertamus ergo oculos nostræ  
mentis ad reginam nostram Virginem gloriosam,  
ut coram Rege filio causam nostram dignetur  
proponere, & quomodo à rege post vocatæ oves  
& pascua ejus per invia & devia vagare inci-  
piunt velut greges non habentes pastorem: qui  
enim nomen pastoris usurpat, pastor non est,  
quia per ostium non introivit, cujus cum non  
sint oves propriæ, curæ non est custodire eas à  
lupis invadentibus, & leonibus rugientibus præ-  
paratis ad escam. Dic igitur, quæsumus Regina,

**A** Regi: Unice nate mi, & Domine mi, qui posuisti  
animam tuam pro ovibus tuis ipsis, qui eas præ-  
tioso sanguine redemisti, qui ad dexteram tuam  
eas constitues cum judicaturus advenies. Tu  
auriga & currus Israel qui interpretatur Deum  
videns, quod propriè Christianorum est fide-  
lium, qui Deum vident per fidem, nunc quidem  
per speculum & in ænigmate, aufer dissipatorem  
& constitue legislatorem & pastorem super eos,  
& pro Adonia in superbiam & per superbiam  
electo constitue eis Salomonem pacificum &  
mansuetum cum Sadoch, qui interpretatur  
Justus, & Nathan, id est Donum Dei, & Banaia,  
qui interpretatur Responsio Domini.

Igitur possumus thema nostrum ad sacrum  
præcellsumque collegium cardinalium hic præ-  
sentium congruè adaptare, dicentes; *In te sa-  
crum collegium oculi respiciunt totius Israel, &c.*  
id est totius christiani populi, ut indices eis qui  
sedere debeat in solio tuo: tuo, inquam, quo-  
ad successorum electionem, non quoad  
sedis prælationem: & sic in jure multa nostra  
dicuntur quorum dominium nostrum est sicut  
mundus imperatoris, quod intelligitur quo ad  
protectionem, & negotia pupilli dicuntur esse  
tutorum, scilicet quo ad curam & sollicitudi-  
nem. Tuum ergo, o sacrum collegium, est eli-  
gere, & consequenter indicare fidelibus, quis  
apostolico folio debeat ut verus papa sedere.

Dicit aliquis Domini nostri de collegio ele-  
gerunt BARTHOLOMÆUM, inthronizaverunt,  
coronaverunt, & ei ut summo pontifici reve-  
rentiam exhibuerunt: tenuit iste, & quasi pos-  
sedit papatum & cathedram pastorem; &  
quo ad consistoria & alia pro papa se gessit. Jam  
indicavit nobis quis sedere debeat, jam officium  
electionis finitum esse videtur. Hinc & hujusmo-  
di dubitatoria facti serie, præcipua duo dubia  
formamus, si dubia dici possint. Fuerunt enim  
metus & impressio ante electionem per officiales  
Urbis & populum, & in ipso conclavi, & ante  
in ipsa electione, & post, cadentia in constantem  
virum, & continentia salutis periculum & cor-  
poris cruciatum.

Primum igitur dubium sit hoc. Utrum electio  
facta per Dominos nostros de BARTHOLOMÆO  
fuerit canonica, & sit aliqua ipso jure. Respon-  
deo quod non sit canonica ipso jure, nec aliqua,  
sed nulla multis rationibus. Primò, dicit lex  
quod ubi agitur de jurisdictione extendenda seu  
proroganda, & est metus interveniens, reddit  
ipsum actum nullum. Textus est in l. 11. ff. *de  
judiciis*. Sed in proposito agitur de maximæ ju-  
risdictionis amplificatione & extensione, vide-  
licet unius archiepiscopi in papam, qui quod-  
cumque ligaverit, &c. Ergo electio nulla.

**F** Secundo, sic per talem electionem agitur de  
maxima manumissione & libertatis præstatione  
electi, per quam exiit ab omni manu & po-  
testate, & ut præfertur regibus & principibus,  
ut ait propheta, ut ædificet & plantet, dissipet  
& evellat; sed si metus populi vel magistratus  
in libertatis datione interveniens, sic actum vi-  
tiet, ut postea sit nulla libertas. Textus est in  
l. *si privatus* ff. *qui & à quo*, ubi textus notan-

ter parificat impressionem populi & magistratus, quæ cum utraque hæc fuerint, igitur nulla electio.

Tertiò sic, de summi pontificis agitur, sicut de collatione & concessione maximæ dotis, omnium scilicet rerum ecclesiæ Romanæ, quarum dispositio statim ipsi electo competit, ut expressè dicit decretum *In nomine Domini* xxii. di. ubi ponit exemplum de B. Gregorio statim post ipsam electionem de rebus ecclesiæ Romanæ disponente. Verum dotis constitutio vel promissio per metum extorta nulla est, ut l. *similiter §. si dos. ff. quod me causa*. Igitur, &c.

Quartò sic, inter electum & electores contrahitur matrimonium spirituale extra de elect. *Cum inter canonicos*. Sed matrimonium contractum per metum nullum est, ut in c. *cum locum extra de sponsa*. Igitur & multò fortius nullum erit hic matrimonium spirituale.

Quintò sic, actus contrahendi proculdubio principalis censetur ad actum auctorizandi l. *non dubium cum Simo*. Sed auctoritas per metum extorta nulla est, ut l. i. ff. de auct. tu. Ergo & multò fortius nulla erit electio ipsa, ex qua aliàs canonicè facta plenum jus sortiretur electus.

Sextò sic, ubi ad contrahendum aliquem actum ex voluntate lex non stat in ipsius finibus voluntatis, sed ultra procedens requirit quod sit voluntas seu securitas libera, vel plena, vel æquipollenti vocabulo: unde si interveniant metus vel impressio, actus nullus est ipso jure. Ita notavit G. iii. c. ii. extra *quod metus causa*. Sed in proposito nostro, videlicet summi pontificis electione textus requirit quod voluntas electorum sit libera, plena, & gratuita, & quod eligentes debent plena securitate gaudere, ut in allegato decreto *In nomine Domini. Si pravorum*, & capitulo *si periculum* extra de elect. l. vi. iii. l. *qui c. de episcopi & cle*. Igitur metus & impressio reddiderunt talem nullam electionem.

Septimò & ultimò de hoc quæsito est determinatio expressa in allegato decreto *quod si quis contra hoc*, ubi textus expressè dicit, quod talis electus videlicet tamquam antichristi invasor & destructor christianitatis separatus à liminibus sanctæ ecclesiæ abjiciatur. Notandum quod dicit separatus, ergo ipso jure est. Nam canon latæ sententiæ ut l. *jubemus §. sane de Sacro-sanct. l. in criminali . . . qui semel c. quomodo & quando inibi per modernos*. Et hoc quantum ad primum dubium.

Ad secundum dubium non est insistendum, nam ad litteram rectè de hujusmodi quæsito est textus in decreto *Si quis pecuniam, in precepti. Si duo* lxxix. ubi textus in ipsum BARTHOLOMÆUM militari & populari tumultu & impressione electum vocat apostaticum, nec per inthronizationem & coronationem vel alios actus sequentes, quibus papatum tenuisse & tenere nititur, electio talis quæ de se nulla est aliquod robur assumit. Et hoc notandum quod textus allegatus decreti de inthronizatione & coronatione, & aliis actibus sequentibus ultroneis loqui videtur: Nam tales ambientes & reve-

rentes, ut fautores & adherentes puniendos censet, & in fine exprimitur alterius decreti, *In nomine Domini, Amen*. Quia si quis contra quod non esset de coactis hæc agentibus essent inexcusabiles omni jure: unde notandum & fortè non male teneo quod in hac causa tacitus consensus non sufficit odio tam detestabilis impressionis.

Sed hoc dubium non est necesse intrare, nec circa id insistere, cum metus & impressio notoria fuerint ante, in, & post electionem: nec est dubium quod si Domini cardinales tentassent in Urbe vel solum aliquid asserere contra hujusmodi electum talem, quod si ad populi vel magistratus notitiam devenisset, quod fuisset eis salutis periculum, & hæc notandum & advertendum ad duo quod hic intrusus incontinenti de inthronizatione egit, & continuo statim post de coronatione, & sic continuatim sicut sunt actus emanantes vel concurrentes Dominorum cardinalium, propter quod præsumitur continuatio metus & impressionis juxta notata in altera l. ii. §. *quod metus causa*. Sed dato quod magnis intervallis hæc acta fuissent, donec dureret causa metus & impressionis, ipse metus justus & excusabilis intervenisse præsumitur. Donec enim populus vel magistratus Romani supersunt, & in eorum furia existunt, illi quibus semel circa id factum semel est facta impressio justè timere putantur, & per metum illum actum approbare, & sic approbatio nulla: hic est textus sanè intellectus in l. *Fulcimus, §. quid latitare* ff. qui ex ea iii. po. ca. & sic tenet & benè servi me in alio cui c. *ex præmissis elect*. Conclusum est quod electio de tali intruso nulla fuit, nec est aliqua ipso jure, nec ex præmissis actibus dominorum cardinalium, & longa ipsius intrusi temporis occupatione sedis, vel papatus retentione, vel papalium actionum gestione seu administratione dicta electio robur assumpsit. Et quod vos, sacrum collegium, debetis & potestis viduæ Dei ecclesiæ de bono & idoneo pastore celeriter providere: quia tunc dicta vestra decretalis extra de electione, ubi periculum, gravis est & onusta dispendiis & plena periculis ratione ecclesiæ prolixa vacatio, & ob hoc in te respiciunt oculi totius Israel, &c. Secundum quod propriissimè ecclesia Christi sponsa universalis exclamatoria verba thematicæ ad Christum verum ejus sponsum lugubri expressione deprimit, ac si dicat ipsa ecclesia regina ad Christum Dominum verum regem: Ego immaculata columba tua, de tuo castissimo latere egressa sive in cruce, & ecclesiæ adulter hic non veretur me profanis amplexibus maculare: unde, Domine mi Rex, tu potes liberare oves quas tibi parturio, ab imperiis hujus exprobrantis tibi. Tuum est folium quod vacuum nunc est, tuum jure foundationis & pretio redemptionis, & communes filii mei, non ipsorum, sed tui sunt; & ideo oculi ipsorum in te respiciunt sicut oculi servorum in manibus dominorum suorum: Ubi Glossa secundum quod nihil habeant quod non sit dominorum in necessitatibus eorum, ad eos solos recurrit, &c.

Ad te igitur verum Regem & Dominum, oculi respiciunt totius Israel, ut in eis, &c. Ex quibus verbis duo nobis adsunt, primò fervens desiderium unitæ multitudinis, cum dicitur, *in te respiciunt oculi totius Israel*. Secundum postulans remedium viduato regimini, cum adjungitur *ut indices quis, &c.* Circa primum scitis Patres & Domini, quòd sicut homo exterior ad sui integritatem requiritur quòd habeat duos oculos corporales, duos interiores, scilicet intellectus oculum & affectus. De primo Beda super epistolam Petri notabiliter ait: Ridelicet quidam verba interpretati sunt, quod sicut fistula flatu oris humani resonat, nec ipsa solum intelligit quia insensibilis creatura est: ita S. Dei propheta quæ ore proferunt nec mente tenent, juxta illud Maronis: dat sine mente sonum, quod imprudentium errorem esse claret, quomodo scilicet tam sana consilia darent, si insanis similes, quæ loquerentur non intelligerent, aut quare videntes appellarentur, & quæ ratione scriptum est, verbum quod vidit Isaias, aut quilibet alius propheta, nisi quod mentis intuitu & intellectus oculo arcana conspicerent quæcumque suis auditoribus afferrent? De secundo verò oculo affectus sponsus ait: *Vulnerasti cor meum, soror mea sponsa, vulnerasti cor meum in uno oculorum tuorum*. Canticorum IV. Utroque enim oculo dulcissimo dominus GREGORIUS papa XI. sponsam præcarissimè adamavit. Respiciebat enim eam oculo præcellæ intelligentiæ & oculo diligentis vigilantissimæ. Primum aperuit per suas profundissimas definitiones, & scientificas & promptas responsiones, devotas & sanctas operationes, quibus sponsam suam præcarissimè & mirificè adornavit, ut ille sit, de quo sapiens ait: *Si Dominus magnus voluerit, Spiritu intelligentiæ replebit illum, & ipse tamquam imbres emittet eloquia sapientiæ suæ*. Adamavit eam oculo vigilantissimæ benevolentis. Ipse enim re & nomine Gregorius, quod interpretatur Vigilans, maxima amoris firmitate & dilectionis perseverantia dilexit eam, ut pro recuperatione dotis ejus, pro pace & quiete miseræ Italiæ importabiles labores passus, lugubria, suspiria & singultus, lacrymarum imbres sæpissime emittebat. Norunt qui circa eum erant, quod dolor de sponsa & amor ad eam fuerit in magna causa accelerationis mortis ejus, ut meritò sponsæ dicere queat: *Pone me ut signaculum super cor tuum & super brachium tuum, quia fortis est ut mors dilectio tua*. Cantic. ultimo. Non morbo, non tempori, non carni pepercit aut sanguini, in tempestate magna super procellas maris & fluctus pelagi, super pennas ventorum, in periculis plurimis cum suis fratribus ingratum pervenit ad locum, implevit consilium Beati Hieronymi ad litteram, quod ad Heliodorum in quadam epistola, ubi dicit: Si parvulus ex collo pendeat nepos, si sparso crine, & scissis vestibibus ubera quibus te lactavit mater ostendat, si parens in limine jaceat, percalcaturum perge parentem, tutis oculis ad vexillum Christi vola: Nam magnum pietatis genus est in hac re esse crudelem. Nunc tibi blandit vi-

Gregorii  
XI. elogium

dua, soror hæret læcertis, nunc illi cum quibus adolevisti, vernaculi aiunt, quibus nos servituros relinquis: nunc gerula, nunc quidem anus & nutricius, secundus post naturalem pietatem pater clamitant morituros, expecta paulisper & sepeli nos: sed facile vincit hæc vincula amor Christi & timor gehennæ, ac scriptura præcipit parentibus obediendum: sed quicumque eos super Christum amat, perdit animam suam. Gladium tenet hostis ut me perimat, & ego de matris lacrymis cogitabo? Propter patrem Christi militiam deseram? Christi Domino passuro tumide Petrus consulens scandalum fuit, Paulus renitentibus fratribus ne pergeret Jerosolymam respondit: *Quid facitis plerentes & conturbantes cor meum?* Aries hic pietatis qua fides quatitur evangelii retundendus est muro. Et subdit consolabile verbum quod nunc firmiter spero jam impletum à Domino Gregorio sanctæ Romanæ, &c. Veniet postea dies quod victor revertar in patriam, quo Jerusalem cælestem vir fortis coronatus incedet: tunc municipatum cum Paulo capies, tunc ex parentibus tuis ejusdem civitatis jus petes, & pro matre rogabis qui te oculis ut vinceret incitavit. & Hieronymus.

Unde & astantis christicolæ multitudinis oculi, cujus cor unum & anima una in te respiciunt regem cælestem pacificum, ut illum des nobis pontificem in terris, qui GREGORIO nedum in officio & potestate, sed in moribus & sanctitate succedat. Quod sperare demus: dicit enim Leo papa in quodam sermone: Si duorum vel trium pro consensu poposcerint, Dominus præstanda promittit; Quis negabit multorum unam observantiam pariter obsequenti & per unum spiritum concorditer supplicanti? Et hoc de primo quod ipse, &c. circa secundum in sexdecim conditiones, licet possint ad breviorum numerum reduci, quas apostolus ad Timotheum docet & Titum debere in episcopo esse. Octo ponuntur affirmativæ, & octo abnegativæ, scilicet episcopum irreprehensibilem esse, non vinolentum, non iracundum, non protervum, non litigiosum, non avarum, non turpis lucri cupidum. Affirmativæ conditiones quas alio ordine ponit sunt hæc, scilicet episcopum esse prudentem, sanctum, justum, modestum, hospitalem, continentem, scientificum, & domui suæ bene disponentem. Istæ conditiones in GREGORIO floruerunt, ab isto intruso exsulaverunt: & tamen ut se sua voce damnaret, asseruit non esse verum episcopum, qui non haberet has conditiones, quod falsum esse claret. Nam Paulus Petrum in faciem reprehensibilem esse ostendit & redarguit, quia gentes judaizare cogebat, sicut scribit ad Galatas 2. Numquid igitur non fuit Petrus verus episcopus? Absit. De quo intruso & similibus non intelligentibus sacram scripturam, ipse Petrus in epistola scripsit: *Carissimus frater noster Paulus secundum datam sibi à Deo scientiam & sapientiam scripsit in epistolis: in quibus quedam sunt difficilia intellectu quæ indocti & instabiles depravant ad suam & suorum perditionem*.

*nem.* Oportet ergo de alio ecclesiæ viduatæ providere pastore, qui sedere debeat in folio tuo, Domine JESU CHRISTE, judicare judicia justitiæ tuæ, & servare devotissimas ceremonias tuas & laudare nomen tuum quod est benedictum in sæcula sæculorum. Amen.

*Explicit sermo factus per Dominum Patriarcham Constantinopolitanum ad depositionem Urbani quondam Barrensis archiepiscopi, nunc in papatum intrusi ut dicitur.*

LITTERA DOMINO CARDINALI  
Morinensi missa de Roma per quemdam  
suum olim familiarem domesticum.

Anno 1378.  
Ex ms.  
Gemmeti-  
licensi.

**R** Everendissime Pater & benefactor unice, diu in cogitatum me jactavi, si vobis aliqua scriberem super schismate in præsentiarum exorto, maximè cum fama volet ubique, quòd jam in partibus illis damnandæ novissimæ Babilonis, Avenionensis scilicet civitatis ferossæ, quæ superbum Ilium totius christianitatis futurum discrimen ambit & continet, potior hujus causa fuistis, quod firmè opinor, dum membratim recolo de non intrando Italiam verba vestra. Pungebant hinc ut scriberem fides & servitus, quibus vobis à pueritia sum astrictus: retrahabat me illinc pensamen ut non displicerem, ob quod debuissim, audaciter dixerim, displicuisse: maximè cum auditu percepi vos in dicta materia profundatum. Desperationis enim spes magis quàm reductionis aderat, cum juxta sententiam Petrarchæ obseratas aures nedum Homeri vel Ciceroniani, sed divinis nequidem fortè eloquiis aperire vanum est. Hinc, illincque excitatus postquam ab alia urbe discessi, distuli: finaliter fides & servitus me vicere. Zelo igitur quo pronus scribo, me dii deæque protegant & conducant. Quo igitur abiit, Pater reverende, vestræ conscientiæ cura seorsum? Quo deviauit prudentia vestra tota? Oculos enim linceos unusquisque prædicat vos habere, & ego scio qui novi & palpavi. Ubi honoris proprii propagatio? Ut mendaci famæ, immo infamiæ credentes, abjectis promissis in præcipitum vos trahatis? Creditine, ut cum reverentia loquar, femineo more excæcati, ut versutia Gallica possit in divinis, maximè contra cælica instituta, & astutè operando, nubilare quod divinitus factum est, & à veritate aberrare? Qui sic cogitant, & in sensum reprobum sunt redacti. Nonne meministis, dominorum profundissime, quanto cum periculo illius sanctæ memoriæ vir GREGORIUS XI. Italiam petierit, & Babiloniam illam Avenionem, contra omnium suorum & aliorum preces & monita dimiserit? Meministis omnium rerum, utpote præcipuus inter alios, qui coloribus insipidis, ipsum conabantur à bono proposito deviare. Audistis de recessu ab illa felici & nostræ fidei fundamento alma Urbe, post factam, ut sperabat, cum ligam pacem, tamquam canis ad vomitum rediens, disposuisse licet clam. Auditis-ne & nunc apertè videris Dei miraculum utrobique, ut quasi

**A** coactus locum propriæ sedis petiisse, & non potuisse de recessu exequi quod paraverat? Audistis pendentibus exequiarum solemnibus Gebennensem cum quatuor Italicis & duobus Ultramontanis Dominis cardinalibus ligam iniisse, & forsitan inhonestè. Ante conclavis introitum de creatione tanti vicarii loqui fas ne quidem erat, ne Lemovica rabies hereditate sanctuarii Dei possideret. Quo sequutum est, ut eorum discordia O. ad A. primam latinorum litteram revolaret, nec hic, ut reor, Dei defuit providentia. Nam si discordia in concordiam devenisset, hereditas Italica per tot annorum curricula ad christianos versa ad Lemovicos penitus remansisset. Sed audistis, vidistis, legistis-ne Dominorum Ultramontanorum litteras, quibus ore rotundo, lingua angelica veritatem testati sunt? Scripserunt namque vobis & aliis Dominis qui in Avenione degitis, utinam non sine periculo animarum sicut cum dedecore famæ, aliisque temporalium principibus, eos elegisse canonicè, liberaliter, concorditerque unum sanctum & justum, cujus sperabatur operibus bene Dei ecclesiam gubernari. Audistis-ne sex ex prædictorum Dominis post conclavis exitum, castrum sancti Angeli petiisse, locum inexpugnabilem & securum? Audistis-ne tres ex illis Urbis mœnia exivisse, & ad triginta quinque millia vel circase in tutissimis fortalitiis recepisse? Audistis-ne & eos qui in castro prædicto & qui extra Urbem profecti sunt, promptè, libere, & non coactè exiisse, & non rediisse, venisseque ad conspectum apostolicum, ad eum inthronizandum, petendum absolutionem in mortis articulo, ut non solum in temporalibus hoc est beneficiorum & officiorum collationibus, sed etiam spiritualibus actibus, eum verum pontificem faterentur? Audistis illum Dominum meum, quem fleo, Dominum scilicet Glandatensem cum instantia petiisse episcopalem titulum Hostiensem, & nunc se solum Glandatensem appellat, nec hoc fortè sine mysterio factum est. Est enim ille titulus supremior post papatum, quem fortè Deus alteri reservavit. De consistorialibus actibus, rotulorum porrectione, & reverentiæ debitæ exhibitione, nihil loquor. Nam fortè, ut dicunt, metus in eis durabat adhuc. Sed advertatis precor, quem metum, quemque timorem, nedum in constantem, sed in mulieres nequidem aptum prætereundum possent, qui in castro S. Angeli & locis extra Urbem se receperant, & venerunt, ut supra describitur, non coacti, nec ego video, nec ipsi ut opinor, bene vident. Quid ultra? Ille Ambianensis qui erat in Corneto tempore hujus benemeritæ & verissimæ electionis, quare venit Romam ad exhibendum Christi vero vicario reverentiam & referendum pacis tractatum, pro qua inerat tamquam nuncius papæ? Certè ipse nec coactus, nec vocatus advenit. Quis color, Pater reverende, potest allegari per illos sex præfatos Dominos in castro S. Angeli conferentes, ut mihi mandaverunt, quatenus cedulam facerem per quam committebant Dominis qui erant in apostolico palatio cum Domino nostro, eorum potestatem



ad eum inthronizandum, & unumquemque alium actum in summi pontificis personam faciendum, cui post testium advocationem unusquisque eorum suis propriis manibus se subscripsit. Certè non erat tunc tumultus populi, nec concio Sarracena, nec in campis erant, ubi possent pro libito insultari; immò in munitissimo castro, sicut per rei evidentiam nunc apparet. Audistis hæc omnia? Audite igitur ne abscondatur veritas sub modio, quæ dante Domino super candelabrum ponetur, ut illuminet omnes in domo Domini consistentes. Quare pro Deo, Pater reverende, refecatis terreni, quæ sursum sunt sapientes, non quæ super terram, abiciatis opera tenebrarum, & induamini arma lucis, nec falsis malignorum conatibus innitentes ambuletis in inviis, sed in via, alium Christi vicarium, URBANUM scilicet sextum teneatis, eique debitam fidem & devotionem exhibeatis. Nolite in mortis interitum dilabi maximè dum sine rumoribus infamia, dumque tonat sed nondum fulminat Mars horrendus. Alias autem hanc unam, ut hic finem imponam, epistolam invoco testem, patriarchæ dictum assumens, quod in unum perniciem amorem profero, sed pro viribus reluctavit.

ALLEGATIONES ELECTI FAVENTINI  
NUNCII B. FACTÆ CORAM REGE  
CASTELLÆ.

*Legatio ex parte Romani intrusi coram Castellæ  
& Legionis rege.*

Anno 1378.  
Ex off. collegii S.  
Hieronymi  
de Bala.

**N**unc pro declaratione juris Domini nostri URBANI aliqua sub brevitate transcurram, quorum quædam apparebunt præparativa, quædam dispositiva, quædam probativa, quædam vero executiva & adminiculativa: ex quibus clare domini nostri justitia apparebit, prosequendo XVII. veritates inferius annotatas. Rediens ad primum protestor, quod loquar cum qua potero honestate, non ad alicujus infamiam sive odium, nec favorem alterius: & quia quædam quomodo domini Cardinales, qui pro duabus partibus & ultra erant Ultramontani elegerunt Italicum, posset dici quod incomprehensibilia sunt judicia Dei, sine quo nec folium cadit de arbore, tamen persuasivè respondet.

Prima veritas. Exortæ divisionis patefacta diversis vicibus in certis locis simul & separatim per diversa colloquia super persona Ultramontaneæ communionis ac divisionis. Nam mortuo piæ memoriæ Domino GREGORIO, & separatim diversa colloquia super electione summi pontificis tenentes; tamen propter multas eorum voluntates, de nulla persona Ultramontanæ nationis concordare potuerunt, facientes Ultramontani de se duas partes, quarum una vocabatur Lemovicensis, videlicet episcopus Penetrinensis, cardinales de Agrifolio, Pictavenis, Majoris-monasterii, de Veruhio. Et hi quærebant habere papam dominum Pictavensem, vel saltem cardinalem Vivariensem. Alia pars voca-

**A**batur Gallicorum, & sub qua erant Gebennensis, Glandatensis, de Britannia, & S. Eustachii, quos sequebatur dominus de Luna & etiam dominus de Urfinis videbatur concurrere. Alii vero Italici stabant in se ipsis. Prædicti vero Gallici tendebant habere papam dominum S. Eustachii, qui dominus S. Eustachii quadam vice dictis Lemovicensibus in talia verba prorupit ex parte dominorum Gallicanorum, quod pro certo inter eos deliberatum erat, quod ista vice nullomodo haberent papam de natione Lemovicensi, subjungens quod totus mundus erat attædiatus de eorum dominio: & ex tunc dicta discordia fuit patefacta: ideoque quælibet pars tenebat consilium ad partem, tractantes cum Italicis. Ecce ergo veritas exortæ divisionis patefacta per multa verba: quæ in aliis attestacionibus videbitur, ex qua divisione surrexit

**B** Veritas secunda.... De subsequuto ordinationis. Nam revera illa pars obtulit se Italicis, dicens quod potius volebant Italicum, quam de natione Lemovicensi. Hoc deducto ad notitiam Lemovicensium, statim cœperunt cogitare viam supplantandi Gallicos, & scientes quod ex eorum vocibus non poterant habere papam de eorum natione vel sequela, concluderunt inter se eligere dominum archiepiscopum tunc Barrensem, propter speratum tunc favorem. Et ex aliis causis insertis in casu Serenitati Vestre transmissio per præfatum dominum nostrum: quod hoc sit verum patet ex publica fama nunc & tunc in curia Romana vigente. Item quia dominus Pictavenis ad hoc requisivit dominum S. Petri mediante persona domini mei Reverendi domini NICOLAI de Cremona, nunc episcopi Brigiensis, utriusque juris doctoris, dominorum cardinalium familiaris & socii. Item patet per litteram domini Glandatensis scriptam per tres dies ante ingressum conclavis, cujus copiam debet habere pater meus Reverendus frater Infans PETRUS de Arragonia; & qui hoc indicavit domino de Agrifolio, cujus eidem domino nostro, sede vacante, dixit quod super humeros suos in brevi unum imposeret magnum onus: aliquid & sibi tetigit dominus Gebennensis prope ecclesiam S. Petri; sed expressius hoc dixerunt illi cardinales, qui promotores seu protectores erant dominæ reginæ, qui hoc dictæ reginæ ante ingressum conclavis per suas litteras scripsit, ut in ejus depositione in publica forma videre poterit. Ecce ergo inclinatio dominorum cardinalium fuit in dominum nostrum ante ingressum conclavis, & sic falsum est quod extendunt de creatione vel metu, quoniam creatio est quando quis contra propriam inclinationem invitatus traditur. Si quis bene inspiciat, secundum legem & mentem philosophi hoc ostendit

**E** Tertia veritas superius tacta videlicet consultæ & pictæ factionis, nam sicut videbitis in supradicto casu, cum cardinales de Agrifolio & Pictavenis post ingressum conclavis inquisivissent verba Domini S. Petri & domini Mediolanensis, & ipsa reperissent tunc disposita in præfatum tunc Barrensem, & facta inter se ipsos

computatione quod sufficebant ad canonicam electionem, & dixisset dominus de Agrifolio aliis dominis hæc verba: Domini, sedeamus statim, quia pro certo credo quod statim eligemus & habebimus papam, cardinalis de Urfinis dixit: Ex quo fonte dedit tale consilium? domini deferamus istam electionem, & deludamus istos Romanos, qui volunt & petunt papam Romanum, & fingamus nos elegisse unum fratrem Minorum Romanum, quem ego nominabo, & induamus eum cappa & mitra, & postmodum loco & tempore faciemus veram electionem. Ecce ergo consulta fictio quæ inspecta fuit. Nam episcopus Prænестinus cum suis sequentibus statim respondit in idolatriam saltem usque in diem declarationis, subjungens esse procedendum ad veram electionem, non obstantibus clamoribus seu pactionibus populorum, de quibus non est timendum. Ecce ergo quomodo fictionem prævenirent & statim superexit

Quarta veritas supra posita, scilicet celebrata electio. Nam licet dominus Florentinus, qui primam vocem habebat per viam collationis visus fuit vota dominorum cardinalium trahere in Dominum S. Petri, quem ad papatum nominavit. Tunc domini Lemovicenses allegantes dominum S. Petri impotentem ad onera papatus, ex causis in dicto casu insertis, direxerunt vota sua in præfatum dominum nostrum: quibus votis computatis, repertum est eum habere ultra duas partes dictorum votorum. Tunc arguitur sic, electus est à duabus partibus, ergo verus papa est. Antecedens ipsi concedunt, consequentia probatur per caput *Licet* de elect. Sed ipsi contra dictam electionem timorem allegant, pro cuius exclusione

Pondero quintam veritatem, scilicet illius electionis occultationem, celebrata namque electione domini nostri præfati, consilium inter se tenuerunt, an esset expediens illam electionem publicare, & concluderunt quod non, & licet dicat quis partis adversæ quod quia populus fremebat, ideo non fuerunt ausi illam publicare, mirabile, mirabile dictum est huiusmodi, si populo impellente, & propter hoc timentes & ad vitandam mortem elegerunt dominum Barrensem, quod electionem suam non audebant publicare. Quis umquam audivit quod existens in periculo mortis noluit illud evitare? Et quis umquam audivit, quod volentes evitare mortis periculum absconderunt seu celaverunt causam evitationis, suæ liberationis? Sed revera ratio occultationis fuit, quod non imaginabantur satisfacisse populo, & per consequens metus quem attentatum per populum prætendunt, non impressit in mentibus eorum, neque eorum arbitrium absorbit. Et hoc possit esse causæ quantumcumque intrinsecus attentatæ, ut prætendunt sicut probatur, & hi tres deliberaverunt ergo non publicari dictam electionem, & nec facto nec signo publicaverunt. Insuper pro ipso & non solum, sed adjunctis pluribus aliis prælatis, fingentes ab eis velle habere consilium, & interim fecerunt latantes in conclavi, mandantes publicari & colligi res suas, ut asserunt qui audiverunt,

A & ut in attestacionibus videre poteritis, dominus Gebennensis jocose dicebat inter alios Romanos *Le Velemo*. Interim venerunt prælati pro quibus missum erat: quibus existentibus in palatio, pransi sunt prælati per se, cardinales per se, & sumto prandio convenerunt de novo dicti domini cardinales, & tunc surgit

Sexta veritas, videlicet electionis reiteratio. Nam quidam ex dominis proposuit inter eos hoc modo: Domini aliqui isto mane quando elegimus dominum Barrensem fecerunt dubium de clamoribus Romanorum: nunc vero nullus clamor potest allegari, quia sunt omnia in quiete. Videamus ergo quid facere volumus. Et tunc quasi omnes seu saltem ultra duas partes ipsum dominum tunc Barrensem elegerunt. In cujus mente potest cadere quod talis reiteratio processerit ex timore? non enim supponit pars adversa impressores quos prætendunt petiisse reiterationem, cum ignorarent primam fictionem. Processit ergo ista secunda electio ex superabundanti voluntate, per quam ut etiam dixit pater meus dominus Johannes de Lignano, talis inditus est effectus. Quia si prima tenuit, ista secunda fit nulla, quia non potest geminare titulus beneficii in eodem subjecto. De elect. *ut quos durs*. Venit ad declarationem libertatis primi consensus. Si vero prima fuisset nulla, tunc secunda fuit aliqua juxta doctrinam Glossæ in cap. *Auditis*. Cum impressio non plus inficiat quam impressoris intentum sit. Et addendum quod non propter metum dicta reiteratio processit. Pondero quod ut adversantium casus habet, unus ex dominis in reiteratione electionis allegat metum divertere, & subditur in alio casu quod præfata fuit talis allegatio, & ipsa præfata processit talis dicta reiteratio à duabus partibus & ultra. Non ergo metus fuit in causa hujus actus, pro quo ergo surgit

Septima veritas, scilicet novæ formæ expressionis. Dixerunt quia tam in prima, quam in secunda electione, quod eligeabant animo & intentione quod esset verus papa. Causa enim fuit exuberantia voluntatis, quia dixerunt non solum quod esset papa, sed quod esset verus papa: insolitum verbum & ideo sine aliquo conatu metus, nec consilium fictionis datum per dominum de Urfinis sequi intendebant, nec allegationem metus factam per alium ponderarunt: ad quid enim prudentes viri & famosi juris & facti expertissimi hoc dixissent, non capit naturalis imaginatio, cum ut dictum est in proximo, impressores quos prætendunt hoc non petierunt. Verum est quod Dominus S. Eustachii in suo conficto casu ponit quod paucitalibus verbis usi sunt, sed tamen quod omnes sic dixerunt patet ex casu dato à Johanne Lignano, qui secundum assertionem partis adversæ saltem fuit duorum Italicorum, ut sic haberet testimonium trium, quod validum est, licet, ut opinor, ille casus fuit omnium: sed postquam viderunt sibi ex illo concludi, confixerunt alium casum. Ecce sequitur

Octava veritas exclusiva præsumptæ dictæ fictionis, scilicet, notitiæ, & amicitiae, copulationis. Fatentur enim dicti adversarii, quod do-

minus noster erat notus, & familiaris amicus erat, scientificus erat, expertus erat, bonæ conscientiae. Non est ergo verisimile quod cogitassent tantam delusionem, & sic vituperosam in personam suam. Sed ipsi hoc tolerant hæc dicentes, quod intendebant ipsum religere in loco securo, quasi putarent quod locus sive metus attentatus, sive terrores extranei possent vitiare electionem prædictam in se ipsa liberam, & à libera voluntate procedentem. Et hic est magnus error, ut videtur, quia traditionem talem seu effectum rei gestæ non impedit. Tumultus enim popularis non excludit propterea liberam, canonicam, concordem electionem fieri non posse. Item videte errorem alium; dicunt quia eum intendebant reeligere, & ex alia parte ponunt eum ineligibilem, quia consenserat electioni quam dicunt factam in tumultu. Item, est hic ponderandum, quod illa talis conditio in diem seu locum per eos, ut dicunt, in mentibus intellecta, non potest plus operari, quam si fuisset expressa: Sed certum est, quod ubi fuisset expressa per eos, nihil fuisset operata, tamquam à jure improbata ut in Reg. *Actus legitimi* de re inter. & de elect. cap. 11. lib. vi. per quod caput apparet quod dicta talia vota conditionalia sive in diem vel locum pro non adjectis haberentur, & ex aliis confessibus penitus remanet electio valida, & non est dubium, quia multi ex dominis cardinalibus fatentur dominum nostrum pure & simpliciter elegisse, & de se ipso pluries, ut audio, confessus est dominus de Luna. Sed concludatur contra ipsos ex

Nona veritate, scilicet adjunctæ simulationis. Nam cum Romani deputati ad custodiam conclavis præfensissent quod cardinales fecerant rumpi aliquantulum conclave ex parte posteriori, revera ad salvandum quasdam res, quas dubitabant in multitudine subripi: dubitantes Romani ne illud fieret propter exitum cardinalium, non facta & non publicata electione, intraverunt per dictam irruptivam satis impetuosius: & tunc dicti cardinales, credentes quod propter impressionem faciendam ad habendum Romanum in Papam, retraxerunt se ad capellam secretam, & cum aliquis consuleret quod confingerent dominum S. Petri electum, & quod sibi facerent reverentiam ut electo, multi eis dixerunt, maxime Dominus de Luna, sicut mihi constat per ea quæ de domo sua emanarunt, quod potius vellet mori quam facere reverentiam non vero papæ, dicens non conflabo vitulum, nec coram Baal flectam genua. Unus est enim & debet esse verus papa & non duo. Et verbo dixerunt illis Romanis quod dominus S. Petri erat electus, sed nolebat consentire: & tunc Romani irruperunt in illum, ponentes eum de facto supra sedem, velut papam, tamen absque exhibitione reverentiæ inde recesserunt & illæ si cardinales prædicti, ut hæc omnia habetis in casu. Ex his pondero duo mirabilia, primum quomodo dicti cardinales qui dixerunt prius velle mori, quam consentire in illam simulationem, & non verum papam fingere, quamquam essent multis armatis & furenti populo, ut asseritur, circumdati: quando solum

A voces audiverunt, ut etiam asserunt, tam fortiter timuerunt, quod dominum B. ob timorem mortis elegerunt; alii vero, ut asserunt, alium, scilicet dominum S. Petri electum finxerunt, & populo ostenderunt. Verum, Serenissime Princeps, non est præsumenda tam inanis cautela in hominibus tantæ prudentiæ, tantæque experienciæ. Unde vestra circumspecta prudentia considerare potest quanta sit dictis dominis fides adhibenda, tota repugnantia, & non verisimilia asserentibus. Nunc sequitur

B Decima veritas, scilicet solemnisi inthronizatio. Hoc est sciendum, quod post simulationem de qua proxime dixi, quatuor cardinales recesserunt de Urbe ad loca eis confidentissima; sex vero intraverunt castrum S. Angeli fortissimum & inexpugnabile, ut patet toti mundo; sex vero remanserunt in eorum hospitibus, qui sexta die sequenti clam ad palatium ubi erat dominus noster quasi latitans, accesserunt, & cum officiales Urbis jam informassent populum quod dominus S. Petri non erat electus à cardinalibus, sed erat electus dominus archiepiscopus Barrensis, & sic populum placassent, dicti alii sex cardinales, qui erant in castro voluntarie etiam ad dictum palatium venerunt, & convenientes in dicta capella secreta, omnes isti duodecim vocaverunt ad se dictum dominum nostrum tunc Archiepiscopum B. & ipsum tamquam electum inter se ceperunt, & electionem sibi annunciarunt, suum postulantes consensum, prout latius habes in casu. Et quomodo dictus dominus noster ab eis voluit certificari, & quid ipsi responderunt audiendo, infra super articulo confessionis. Quibus sic dominum nostrum inthronizaverunt, & URBANUM assumptum publicaverunt. Hæc ergo pondero quod dicti cardinales voluntarie venerunt, quia cogi non poterant, non enim cogitur qui resistere potest, ut dicit Magister Sententiarum lib. 11. dist. xlii. Tunc arguitur sic. Duæ partes cardinalium & ultra receperunt dominum nostrum ut electum in papam. Ergo verus papa est. Nam negari non potest, nec per eos negatur, quin saltem aliqui ex eis etiam in prima electione ipsum voluntarie elegerunt. quo præsupposito, sufficit ipsius electi receptio quocumque modo, sive per osculum, sive per inthronizationem, sive per accessionem, ut dicunt doctores, in prædicto cap. *Licet per litteram quæ ibi est, nisi major concordia &c.* Ad quod etiam benefacit glossa quæ incipit *Non sicut* in cap. *Indemnibus* de election. lib. vi. Prima sola inthronizatio jus pontificativum probat. Nam olim imperatores nominabant papam Lxiii. di. *Adrianus*, & cardinales solummodo inthronizabant, & sic est necesse fateri, quod ex ipsa inthronizatione oriebatur jus pontificatus, ut dicit Innocentius in cap. *Quod sicut*, de elect. Quoniam ex nominatione imperatoris non laicus quia laicus de elect. *Sacro-sancta* Lxxxxvi. di. unde quidam. Et ista ratio est domini Baldi. Surgat ad idem, & fortius solemnisi coronatio, quæ fuit

Undecima veritas. Oportet enim fateri, quod solemnitas coronationis supponit pro aliquo in promotione Romani Pontificis. Ita patet ex notatis

tatis supra data per Johannem Andream l. vi. & satis videtur adaptare ad investituram, ut sicut investitura, si sit a confirmatore, habet vim confirmationis; si vero a collatore, habet vim collationis, si talem habet potestatem. Hæc est sententia Innocentii in caput *ex ore*, de hiis quæ fiunt a majori parte capituli. Sed quis dubitat quod creatio spectat ad cardinales, non solum per viam electionis, sed etiam provisionis, quoniam papam non facit modus, sed consensus: quod probatur ex verbis Innocentii & Compostellani, & aliorum doctorum in præallegato cap. dum dicunt sufficere consensum quomodocumque præstitum. Alii dicunt qualitercumque, ut sic in dicta præstatione consensus, & sicut de substantia formæ, ut dicit Innocentius in dicto cap. *quoniam sicut* in fi. de elect. lib. vi. ubi dicunt quod confirmatio scienter facta a confirmatore, etiam si electio præcedens esset nulla, confert jus prælaturæ, habet vim provisionis, si confirmator talem habet potestatem. Sed cardinales ignorare non poterant, si quis fuerit defectus in electione Domini nostri, quod provenire non poterat nisi ex defectu consensus eorum, ideo sponte postea inthronizando & coronando totum complevisse verum, & de novo jus pontificatus tribuisse... unde si cardinales dicerent ordinamus quod iste sit papa, vel volumus quod iste sit papa, papa esset considerandus & est, quia electio, ut dicunt sapientes, nihil aliud est quam declaratio consensus, &c. Sequitur nunc veritas multiplicis confessionis & fuit

Duodecima veritas circa quam... pro una maxima: quia confessio deliberata, seu cum intervallo temporis emanata, est quasi irrevocabilis. Nunc videatis, Serenissime Princeps, quot & quales confessiones emanaverunt a dictis cardinalibus. Primo enim cum illi sex existerent in castro S. Angeli dubitantes, ut dicebant, venire ad palatium, manibus propriis scripserunt testificantes dictam electionem canonicam, committentes aliis in palatio existentibus vices suas circa inthronizationem fiendam. Cujus scripturæ copiam habetis in dicto casu. Subsequenter tamen cum ad dictum palatium venissent, & essent xii. congregati, ut dictum est supra, vocato ad se domino nostro in secreto, omnibus exclusis remanentibus, tamen ibi juxta altare quodam reverendo patre episcopo ordinis S. Augustini confessore & domestico commensali piæ memoriæ domini GREGORII papæ, & quodam alio clerico vocato Poncio, ambobus Gallicæ nationis, qui ibi quasi semilatendo remanserant. Videte quid asseritur factum fuisse, nam ex ejus attestatationibus videbitis cum dictam Florentinus narrasset electionem de ipso factam, & peteret suum assensum, dominus noster vertit se ad illos, dicens: Videte cum ista fuerint mihi narrata antequam veniretis, tamen nolui consentire dictæ electioni, nec aliquam novitatem facere, nec volo, donec sim certificatus qualis fuit & est vestra intentio. Et tunc quilibet ex eis per sacramentum voluntarium ponendo manus ad pectus, domino dixerunt quod intentio eorum fuit & erat pure & libere quod esset ve-

*Theſauri Anecd. Tom. II.*

A rus papa, & aliqui addebant, quod post B. Petrum nullus fuit forte ita pure & concorditer electus, subjungentes, quod prostratus ecclesiæ nullo modo differret consentire: quoniam foret valde difficile cardinalibus in aliam personam convenire... Et attendatis hic, Serenissime Princeps, quod si aliud fecisset in re ipsa, cardinales prædicti explicassent domino nostro in tali secreto actu. Nam ipsimet & eorum scripturæ dicunt quod reputaverunt eum bonæ conscientiæ, & talis conscientiæ, quod dictam electionem non acceptaret. Ergo verisimile est quod ipsi saltem inquirenti & in loco sic secreto veritatem non celassent. Item, Serenissime Princeps, quod etiam per sacramentum confessi sunt pluries, & maxime dominus de Luna super altare S. Petri in consecratione dicti domini nostri, quoniam cum eo tractabant ejus utensilia altaris. Item, si ipsi vel aliqui alii confessi sunt esse in Anagnia, quando jam inchoatum erat schisma, quod potius volebant esse schismatici quam martyres. C Item, Serenissime Princeps, videte eorum confessiones per litteras tam collegiales, quam privatas scripturas ad imperatorem, & ad alios principes mundi etiam propriis manibus, & ad eorum amicos & consanguineos, quæ confessiones & litteræ, si non faciunt papam, tamen probant papam esse factum. Dicta etiam singulorum probant factum universorum, si consona sint. Item habetis confessionem & recognitionem illius sancti viri cardinalis S. Petri in articulo mortis, & etiam domini Jacobi de Urfinis, qui non solum expresse, sed etiam tacite est confessus, scilicet quando de suo testamento ab olim facto revocavit dominum S. Eustachii & dominum Nicolaum de Neapoli, quos primo deputaverat executores, dicens nunc quod nolebat executores involutos in schismate, nec non & multas alias confessiones tam verbo quam per litteras factas in Anagnia, & per aliquos ex eis postquam per alios publice ceptum erat dicere sedem vacare. Inde clare Vestræ Majestati ostenduntur. Ad idem conquerit multiformis recognitio quæ fuit

E Tertia decima veritas. Non enim est dubium, Serenissime Princeps, quin recognoverunt dominum nostrum verum papam, non solum eundo ad consistorium, & ei ut vere papæ obediendo: verum etiam beneficia & gratias pro se & suis impetrando, & ipsa beneficia possidendo. Et mirum est, quod multi ex eis adhuc hodie beneficia tenentes, tamen disputant an sit papa. Multi etiam ex eis indulgentias & gratias spirituales & pœnitentiales impetraverunt, quibus usi sunt in secreto. Circa quod poteritis videre attestatationes cujusdam religiosi Tolosani ordinis Prædicatorum, qui aperte deponit virtute dictarum indulgentiarum confessiones audivisse ab eis, & absolutionem petitam ab eis impendisse. Multos enim & infinitos actus potestis videre, per quos in tribus vel quatuor mensibus continue eum esse verum papam recognoverunt. Sed ipsi conantur evadere, dicentes quod isti actus non faciunt papam. Ad quod potest responderi ut supra, quod si non

Zzz



faciunt papam, ostendunt eum esse factum: quoniam sequentia ostendunt præcedentia. Alias ex talibus actibus concluderetur contra eos expresse idolatria, ut in prima clare dictum est. Præterea si volumus de juris apicibus loqui, ego considero in dictis dominis cardinalibus diversas species actuum. Scilicet proprie & improprie sunt actus, qui consistunt in taciturnitate, seu in non reclamazione, qui non proprie sunt actus, nisi in quantum ex eis elicitur quidam tacitus assensus. Et tunc supposito eorum confecto themate pro non, posset dici quod solus actus taciturnitatis sive non reclamationis non inducunt novam dispositionem, durante prima causa impediens. Quidam sunt actus proprii, qui consistunt in agendo, qui sunt mere voluntarii, & quoad istos non video quod locus metus impediat eorum effectus: cum non plus inficiat metus, quam respiciat. Ideo si metus intueatur, quod citius eligatur, & eligetur Martinus, valet electio, ut superius dictum est. Sed ipsi statim dicent, quod isti actus non sunt collegiales, & sic non formales, ideo non inducunt dispositionem seu purgationem vitii. Ad hoc respondeo primo, quod si non dispositive, saltem præsumtive, ut dictum est supra: unde etiam cum supposito eorum themate eorum fundamentum metus surgat etiam ex præsumptione, per aliam præsumptionem tollitur, ut inferius clarè deducam, vel satis probabiliter dici potest quod isti actus voluntarii, licet non formales, sufficiant ad fundamentum nostrum. Nam quod in matrimonio carnali & professionali requiris materiam & formam, scilicet assensum & matrimonii expressionis assensus, &c. Ex quibus constat quod quodcumque quis consentiat in mulierem ut consentiat profiteri, sive exprimat verba professionalia, nisi sit qui recipiat talem assensum, nec est matrimonium, nec professio, & tamen video quod si matrimonium vel professio sit in sui forma legitima, quamquam intervenientibus terroribus sufficientibus ad impediendum consensum, & sic visum est vitium in materia, tamen actus postea voluntarii sufficiunt ad matrimonium vel professionem, ut sint isti ultimi actus licet non formaliter trahantur ad primam materiam in qua in figura apparuit vitium, in materia enim ponderantur allegata cap. *Insinuanter*, &c. Nunc succedat veritas pacificæ possessionis Domini nostri, quæ fuit

Quarta decima veritas. Patet enim ex præmissis de pacifica possessione domini nostri super cunctos Christicolos, & etiam super illos qui hodie sibi adversantur, nec negare possunt canonistæ, quin magnus effectus producat ex possessione, etiam in beneficialibus. Nam si existens in possessione cathedræ sufficit sibi sola possessio cathedræ, &c.

Quinta decima veritas, scilicet de opinione principum, doctorum, & vulgi satis debet constare serenitati vestræ. Novistis enim qualiter serenissimus imperator Romanus, scilicet dominus CAROLUS & filius ejus dominus WENCESLAUS rex Romanorum cum omnibus

A principibus & prælatibus Almaniae & Bohemiae, nec non dominus rex Hungariae, qui semper christianissimus fuit, rex Angliae, comes Flandriae, cum ceteris dominis & nobilibus Italicis tenent dominum nostrum URBANUM VI. verum esse papam, exceptis quibusdam paucis, qui eidem potius ex privato odio adversantur, quam ex tituli dubietate. De doctoribus etiam patet. Nam nullum in Italia doctorem agnosco, qui contrariae opinionis existat; quamquam in Francia sint viri valentes juris periti, non tamen credo eos esse tales. Fons juris in Italia est, non in Francia, suntque dicti Gallici & multi alii circumventi in narratione facti, ex quo jus oritur. Numquam enim in Francia pro domino URBANO fuerunt informationes receptæ. Immo cum ad istum finem illuc destinarerentur, quidam valentissimus doctor & miles & advocatus antiquus Romanae curiae, nomine dominus Ja. de Ceva, natione Provincialis fuit per partem adversam captus, detentus, necdum suæ libertati plenè restitutus, quamquam directò mitteretur ad personam regis Franciæ. Multum enim, Serenissime Princeps, ponderanda est opinio seu interpretatio doctorum, nec etiam est spernenda, Serenissime Princeps, vulgi opinio. Nam jurisconsultus illam ponderat. Quid enim vulgus in hac materia sentiat, Vestra Serenitas non ignorat. Et dici solet proverbialiter quod vox populi vox Dei, &c.

D De sexta decima veritate, scilicet divinæ revelationis non loquar, dubitarem tanto iudicio aperire os meum. Scio tamen à fide dignis multos homines sanctæ vitæ & religionis, viros & feminas, revelationem habuisse de huiusmodi veritate; ex quarum qualitate personarum præsumere possumus esse revelationes divinas, quæ omnem legem positivam superant. Ultimo dixi veritatem domini nostri adjuvari ex varietate facti narrationis. Scilicet ab adversariis, ut dixi in prima collatione, & facile posset ostendi maxima varietas in eis, ex qua contra ipsos posset concludi, Quoniam varietatem non admittit Prætor, multo minus contradictores.

F Decima septima veritas. Quæ probant, imò demonstrant iustitiam domini nostri in summi pontificis seu pontificali dignitate & ut tali obediendum fore absque mentis scrupulositate. Sed unum solvatur, ut dictorum adversantium fundamentum tollatur. Videlicet domini cardinales convenientes Anagninæ, ut asserunt, submiserunt processum electionis domini nostri ratione liberationum Romanis, declarantes ipsam postea nullam existere, velut per impressionem factam, &c. *Subjungit varias juris citationes quas ne tedium generent consulto præterimus.* Verum, Serenissime Princeps, etiam metum, quem allegant dicti Domini adversarii, & ut Vestra Regalis majestas clarè videat iniustitiam eorum, consideret quod, prout etiam ex eorum processibus apparet, ponitur magnum intervallum temporis inter electionem primam & secundam domini nostri. Nam prima ponitur



facta hora tertiarum vel antea, secunda post prandium, & esset dies jejuniorum, & sic quasi prope horam vesperam. Et tunc dicunt adversarii, cum illa secunda electio quasi completa esset, coeperunt Romani irruere in conclave. Ergo ante non fecerant nisi verba, emittendo voces, ut dicti adversarii ponunt ex quibus asserunt timuisse, tunc, Serenissime Princeps, quod in materia metus elicitur ex jurium communibus. Nam metus considerari potest duobus modis: uno modo qualis est, alio modo qualiter esse debet. Si enim est talis qualis esse debet in constantem virum illius conditionis & qualitatis, iste metus dicitur justus, id est meticulositas patientis dicitur justa. Si vero non est talis qualis esse debet, ut quia ex actibus inferatur, nullus vel parvus metus surgere, & fragilitas metuentis asserat illum metum transcendisse ante vices, in hoc non sibi asserendum quod allegaret fragilitatem, quæ non debet esse nec præsumitur esse. Nunc, Princeps justissime, dico quod metus verborum non debuit cadere in cardinales, præsertim in toto collegio. Præsumitur enim in eis fortitudo, & debent esse audacissimi. Lex præsumit hoc in militibus secularibus, immo certe lex præsumet militem secularem non evitare pro republica mortem. Multo fortius arbitrandum est, quod cardinales non sint tam fragiles quod timeant verba, maxime illorum, qui primo eis numquam fuerunt loquuti, nisi depositis capuciis, & cum inclinationibus & reverentiis. Immo præsumendum est, quod inter quæcumque pericula libere eligant quod ecclesiæ expediens fuerit. Item, illi actus, quos prætendunt factos à Romanis, non fuerunt impressivi, nam voces parum vel nihil imprimunt in subiectum, si constans est, sicut esse debet. Cogitatis si habetis excusatos milites vestros allegantes hujusmodi metum. Impressio enim est, Princeps Serenissime, applicando agentem ad passum, quasi de corpore in corpus: unde non proprie dicitur impressio corporalis, ut ubi corpus non tangitur, animus constantior esse solet & debet vel præsumitur esse. Item sicut dicit Justinianus nuper ex personis dicta pensamus. Sed Romani numquam ante, nec post aliquem cardinalium læserunt, nec unum minimum familiarem, immo sæpe eos reverentialiter tractaverunt, ut supra dixi: in cujus signum dicti cardinales sæpe eis dixerunt, quod non eligerent ad eorum votum, sed prout Deus dederit, & ulterius ipsis videretur. Et posito quod fuerint Romani commoti, instigatio quorundam fuit hæc, longe ex post facta electione dicti domini nostri, ut superius est dictum. Nec etiam tunc processerunt ad aliquem actum, proximo facto, quia illud est attentare, illud est opprimere. Ex quibus omnibus concludi potest, quod si quis metus fuerit in cardinalibus, fuit & esse debuit levis, & sic vanus, qui nullum actum vitiat, nedum electionem papæ secundum jura. Et si asserunt graviter timuisse: ubi non debebant, non eis de jure credendum. Et hoc etiam posito, non vitaretur actus sic factus per eos. Videmus in jure, quod non fuit excusata

*Theauri Anecd. Tom. II.*

A quædam mulier, quæ allegabat metum ortum ex verbis regis Legionum, & propterea credebatur non obligari ad professionem quam fecerat. Quomodo cardinales per verba subditorum possunt, à quibus numquam recesserant ipsi, nec similes eis læsionem fecerant: licet dicant adversarii quod occiderunt olim Romani multos Romanos pontifices & martyres Christi. Istud fuit tempore quo erant infideles, & sub imperatoribus infidelibus, id est non Christianis. Multi enim in eorum cordibus dubium generant ex qualitate dictorum cardinalium, de quibus asserunt non præsumendum quod à vero capite fidei temere recessissent, & alii quæ ad hæc scirent aliter respondere. Ego enim pondero quod judicia Dei abyssus multa, ideo incomprehensibilia, & investigabiles viæ ejus. Video enim quod permisit angelum Luciferum longe majoris perfectionis, cum tot millibus angelorum in cælo cadere. Si ergo permisit ruinam in cælo, à fortius in terra. Adam etiam creatus in statu innocentie cecidit per peccatum Dei permisso. Justissimus etiam ille David, ille rex tantus. Item totus populus Israeliticus idolatravit, & ut dixi, omnia ista de justo Dei judicio processerunt. Circa quod possemus considerare ea quæ scribit B. Gregorius, ut transumptive habetur de pœnit. dist. 2. *multis*. Et per hæc & informationes quas habetis dignetur Benignitas vestra accelerare declarationem vestræ intentionis sequendo hanc partem veram Domini papæ Urbani. Considerandum etiam quod totum schisma erit sedatum, tota christianitas sequetur eum. Ubi verò, quod absit, aliud eligeretur, pensate quod adderentur ligna ad ignem & sic fortior erit ignis. Nam principes alii, & alia christianitas, non propterea mutabuntur. Sciunt enim quod ubi per judicium hoc schisma debeat terminari, illud est judicium concilii generalis, & non aliquorum singularem prælatorum, & interim, ut dictum est supra, deberetur obedientia tenenti cathedram B. Petri apostolorum principis clavigeri æterni regni.

*Probata coram rege Castellæ pro parte collegii & domini Clementis contra B. intrusum.*

F I Sta omnia quæ sequuntur probantur pro cardinalibus contra primam electionem. Et primo de confessionibus domini Faventini & domini Francisci constat, quod officiales Romani tenuerunt diversa consilia in capitolio juxta morem, in quibus tractatum fuit, quis modus per eos teneri deberet in electione papæ; quodque custodiam pontium & portarum Urbis, præter portam pontis quæ est juxta castrum habuerunt, nobilibusque Romanis mandaverunt sub pœnis & ad tempus de Urbe recedere. Et præfati officiales Urbis pendentibus decem diebus, qui effluerunt inter mortem prædicti domini GREGORII & introitum conclavis, simul adunatis pluries supplicarunt, eosque requisierunt ut eligerent papam Romanum vel saltem Italicum. Item postquam cardinales intraverunt conclave & jam exiverant illi Ro-

Zzz ij

mani qui cum eis intraverant, postea eodem sero iverunt ad dictos cardinales aliqui de officialibus Urbis, & capita regionum, & petierunt quod darent eis papam Romanum vel Italicum. Item cardinales ante ingressum conclavis fecerunt monitiones & exhortationes dictis Romanis, quod eos tenerent securos, ut possent uti libero arbitrio, allegando quod multa mala possent evenire, si cogerentur ad aliquid contra eorum voluntatem, eosque requisiverunt, quod ordinarent bonum capitaneum ad custodiam burgi sancti Petri, cum certo numero gentis confidatæ dominis cardinalibus, offerentes se velle solvere stipendia dictæ gentis; & quod cardinales hortati fuerunt ipsos Romanos, quod tenerent & ordinarent populum taliter quod scandalum non veniret, & quod abstinere ab illis consiliis, quæ videbantur esse causa inflammandi populum, & facerent taliter custodiri pontes, vel ipsos tenendo clausos, saltem de bona gente in sufficienti numero munientes, quod populus non posset transire ad palatium, & quod domini cardinales dubitantes exposuerunt saltem in effectu eisdem Romanis cum magna fide errores qui poterant sequi ex modis quos tenebant circa ipsos, expresse eis dicendo, quod si propter præmissa, quæ minas & impressionem eis velle facere sapiebant, aliquis in papam eligeretur, non esset verus papa; & quomodo ipsi tendentes, ut curia penes eos remaneret, essent causa eos perdendi. Postquam die introitus conclavis, ingredientibus cardinalibus in conclavi, erat platea S. Petri plena & populo Romano & aliis forensibus, & quod magna pars populi Romani erant ibi cum armis, inter quos ille Barenfis cum illis connestabulariis qui fuerant deputati ad custodiam conclavis, ipsique Romani ipsa nocte intraverunt palatium, & diversarum domorum portas ejusdem palatii ruperunt, & palatium hominibus armatis circumdantes & custodientes altis vocibus & reiteratis clamaverunt *Romanum volumus vel saltem Italicum*. Et demum die Jovis sequenti de mane clamores eosdem resumentes & iterantes, campanæ capitolii & S. Petri ipso mane ante prandium pulsatae fuerunt ad martellum ad rumorem. Ista autem die præfatus Barenfis remansit in palatio, & in cameris papalibus, & fuit ter requisitus per aliquos de dominis cardinalibus, qui de Urbe recesserant, ut exiret, & noluit exire. Item die veneris sequenti dictus Barenfis misit per cardinales qui erant in castro, & pro illis qui erant in domibus, & ipsos reiteratis vicibus requisivit quod venirent ad ipsum; & cardinales venire noluerunt, sed illi qui erant in castro miserunt unam cedulam, in qua continebatur quod aliis sex cardinalibus committebant vices suas ipsum inthronizandi, &c. De qua cedula dictus Barenfis non fuit contentus, nec ea pro tunc uti voluit, sed iterum requiri fecit dictos cardinales qui erant in dicto castro ut venirent ad palatium, qui venerunt, & ipsum inthronizaverunt more solito. Qui Barenfis postea requisitus pluries Urbem cum dictis dominis cardinalibus exire noluit, & cardinales paulatim

A venerunt Anagninam, & ipse Barenfis sine aliquo cardinali ivit Tiburim, qui locus etiam distringitur per Romanos, ad quem locum ipsos cardinales sæpius evocaret, & ipsi cardinales venire recusarunt.

Ultra prædicta quæ probantur per confessionem, probantur sufficienter articuli qui sequuntur per testes fide dignos, & specialiter per cives Romanos & custodes conclavis, qui fuerunt recepti & examinati in urbe Romana.

B Primus articulus est & probatur, quod durante novena exequiarum domini GREGORII, Romani sæpe & sæpius & etiam quotidie, & aliquoties bis tenuerunt diversa consilia, in quibus fuit deliberatum & determinatum de habendo papam Romanum vel Italicum, & super hoc Romani & officiales requisierunt ipsos cardinales, ut darent sibi papam Romanum vel Italicum, subjungendo eis minas continentes pericula personarum nisi facerent.

C De custodia pontium & portarum quam Romani habere voluerunt & habuerunt probatur.

Item, probatur quod cardinales sentientes prædicta requisierunt officiales Urbis quod abstinere a consiliis & modis quos tenebant circa ipsos, quæ impressionem & minas sapere videbantur: alioquin si aliquis eligeretur in papam, non esset verus papa, & ipsi tendentes ut curia penes ipsos remaneret, essent causa eam perdendi.

D Item, probatur quod pendentibus illis decem diebus Romani palam & publice per carrerias etiam audientibus cardinalibus & suis familiaribus dicebant quod cardinales inciderentur in frustra, nisi sibi darent papam Romanum vel Italicum.

Probatur etiam quia expellerunt nobiles, & vocaverunt rusticos seu montanarios, quos in magna multitudine in Romam venire fecerunt.

E Item, probatur quia die Mercurii hora vespertina quando cardinales intrabant conclave fuit multitudo populi armatorum & aliorum in platea S. Petri, & infra & extra palatium, altis vocibus clamantium, etiam cum ira *Romano lo volemo, o alomanto Italiano*, alias quod omnes inciderentur, vel similia verba in effectu.

Item, probatur quia die Mercurii capita regionum cum aliis intraverunt in conclavi, & advisaverunt cardinales, quod nisi darent papam Romanum vel Italicum & facerent ad voluntatem populi, tantum esset scandalum, quod non possent eos defendere, comminando etiam cardinalibus mortem, nisi satisfacerent populo.

F De fractura portarum palatii & quando ista nocte circumdederunt palatium hominibus armatis clamantibus, ut supra, etiam plene probatur.

Item, probatur quod dicta die Mercurii, qua fuerunt conclave ingressi cardinales, per totam noctem fuerunt continuati clamores Romanorum clamantium *Romano lo volemo o alomanto Italiano*, & quod populus sic de mane existens infra & extra palatium & ante conclave, altius & validius quam de nocte & terribiliter incepit clamare, *Romanum volumus vel Italicum*, alias omnes cardinales incideremus per frustra, & alia verba similia.

Item, plene probatur quod die Jovis de mane ante mediam tertiam fuerunt pulsata campana S. Petri & etiam campana capitolii cum martello ad rumorem, & tunc ad signum & sonitum campanarum populus fuit augmentatus, & multi armati ad rotas cum tumultu & clamore valido confluebant ad palatium clamando *Romano le volemo o Italiano*, & quod talis fuit ac tantus & tam terribilis rumor, tumultus & clamor populi modo predicto clamantis circa palatium cum minis mortis, quod cardinales merito debuerunt timere.

Item, probatur quod fuerunt advisati cardinales isto mane ante electionem per custodes conclavis, quod incontinenti se expedirent, & darent populo Romanum vel Italicum, alias quod omnes erant in periculo personarum, & quod tunc cardinales promiserunt Romanis sic furentibus & clamantibus quod darent papam Romanum vel Italicum.

Item, probatur quod Romani intrantes cum furia deinde conclave, invenerunt aliquos cardinales propter eorum timorem fugientes, quos per violentiam & inhoneste injectos reduxerunt ad capellam, & nisi finxissent & dixissent quod eligerent cardinalem S. Petri, quod omnes fuissent occisi.

Item, probatur quod die sequenti, scilicet die veneris de mane B. existens in palatio apostolico, misit pro cardinalibus, qui ante diem confugerant ad castrum S. Angeli, & pro aliis cardinalibus, qui in suis remanserant domibus, & reiteratis vocibus fecit eos requiri etiam post cedulam missam per cardinalem castri super inthronizatione fienda, ut venirent ad ipsum inthronizandum. Cardinales vero venire noluerunt, & fuit dictum dicto Barrensi, quod in castro S. Angeli dicebatur specialiter per camerarium papae, quod ipse non erat papa, nec esset, & quod idem B. cuidam episcopo hac ferenti dixit, Tace, non dicas, Ego mando tibi quod amplius non facies verbum de hoc. Et quod ipse archiepiscopus Barensis misit dicendum Vauderensis, quod nisi facerent cardinales venire ad ipsum inthronizandum, nihil erat factum, & quod ipsi Vauderenses requisierant cardinales existentes in castro sub minis ut venirent ad eum inthronizandum.

Item, probatur quod duo Bauderenses ivenerunt ad cardinalem de Florentia, & sibi venire recusanti dixerunt, quod nisi veniret esset pejus quam heri. Et ista sic fuerunt dicta domino cardinali die veneris immediate sequenti post diem celebratae electionis.

Probatur quod si cardinales revocassent in dubium electionem B. & non venissent ad ipsum inthronizandum & coronandum, quod fuissent in periculo personarum.

Item, probatur quod dictus B. post coronationem irrequisitis cardinalibus remisit Romanis injurias quas intulerant ipsis cardinalibus, & absolvit eos propria auctoritate, & non praemissa aliqua satisfactione, dicendo quod quidquid fecerant, fecerant cum vino, & parcendum erat ebrietati.

Item, probatur quod cardinales non potuerunt sine periculo exire Romam post mortem GREGORII ante ingressum conclavis, nec potuerunt publicare Romae nullitatem electionis, & habuerunt causam rationabilem non declarandi suam intentionem Anagninae ante declarationem per eos factam.

Item, quod illi cardinales, qui se reduxerunt ad castrum S. Angeli iuste debuerunt timere obsidionem & tyrannidem Romanorum, si non exivissent ad ipsum electum inthronizandum.

*Sequitur in ms. declaratio regis Castellae data Salmanticae 13. cal. Junii 1381. in favorem Clementis, quae edita est apud Balusum in historia paparum Avenionensium.*

COPIA LITTERAE DOMINO NOSTRO papae Clementi transmissae super declaratione Hispaniae, quae applicuit Avenioni die penultima Maii.

**B**eatissime pater, in primis gratias agentes Deo, sicut sui juris invicta celsitudo meretur, Sanctitati vestrae notum facimus per praesentes, quod Serenissimus rex Castellae Ecclesiae Dei devotus alumnus, vestrae beatitudinis filius praedilectus, veritatis athleta, ac mirificus triumphator, ista die & hora pro tribunali sedens in sua solio majestatis, erroris tenebris praefugatis, vexillis veritatis erectis, divina luce perfusus, cum indicibili solemnitate procedens recognovit vos verum, certum & indubitatum vicarium JESU-CHRISTI, Ecclesiae suae sanctae legitimum sponsum, gubernatorem naviculae Petri, & totius christianitatis principem & monarcham, promittendo humiliter pro se suoque regno divo obedientiam praecipuam & devotam: draconem illum, & colubrem tortuosum, scilicet BARTHOLOMAEUM invasorem esse apostolicae sedis velut apostatam & antichristum, ab omnibus fidelibus repudiandum ac detestandum & fugiendum opere summo. Tanta B. P. fuit solemnitas, tantaque devotio, quum ardenti eloquio & fervente detestabantur iniquum in suis sermonibus labia dicti regis, ut stupefactionis & admirationis jaculo singulorum corda feriret, & in ore cunctorum Clementis nomen tam dulcisono modulo resonabat, adeo ut jubilus laudis eorum audiri poterat in excelsis. Ecce jam, Pater sancte, cuncta tuae dictorum sunt posita, jam subjacet tibi Hispania tota. Jam tua fides divaque potestas nescit occasum, illo pro te rogante, illo superno datore & lumen concedente, qui est interminabilis, & omnium vera lux, & luminum pater, a quo bona cuncta procedunt & derivata consistunt, qui B. vestram protegat, foveat & defendat prospere & longaeve ecclesiae suae sanctae. Hodie autem declarati ne facta, anticardinalis Palatinus coram rege & omnibus praelatis & baronibus regni juridice in manibus legati renuntiavit diabolo & pompis ejus, abjiciendo capellum & insignia legationis quae receperat ab intruso. Datum Salmanticae die Dominica in festo B. Yvonis, quod fuit XIX. Maii.

Anno 1381.  
Ex ms. Ecclesiae Turonensis.

\* f. divisioni.

Vestrae Beatitudinis humiles creaturae A. A. episcopus Pensaurensis & Bonifacius de A. Amanatis ac devotissimi nuncii.

\* Petri Te-  
noiii.

ACTA DOMINI \* TOLETANI  
super facto schismatis ad Dominum sancti  
Eustachii Cardinalem de necessitate & utili-  
tate concilii generalis concludens.

Circa an.  
1381.  
Ex ms.  
Grimmesti-  
censi.

**R**everendissimo in Christo patri ac Domino  
P. sancti Eustachii diacono cardinali, ve-  
stra paternitatis orator Toletanus archiepisco-  
pus inter decretorum doctores non dignus ad-  
scribi, modicum id quod est.

Quo verborum schemate, cujusve sermonis  
vel eloquii facultate afflictæ mentis conceptum  
excutiam, Benignissime Pater, prorsus ignorans,  
amaritudinis meæ impetum & universalis Ec-  
clesiæ Dei flebile detrimentum, quod jugi me-  
ditatione deploro, languente spiritu, plenè ex-  
plicare nequeo, dum verba quæ dolor suggerit,  
singultus intercipit, & animæ vires mœror ab-  
sorbens, vocales meatus molesta anxietate per-  
cludit. Factus est enim in Israël planctus, & in  
loco ejus ingemuerunt principes, seniores & ju-  
venes & universa domus Jacob induit confusio-  
nem. Quis, quæso, Reverendissime Pater, reli-  
gionis Christianæ professor, quis orthodoxæ  
fidei verus cultor in tanta matris Ecclesiæ sub-  
versione lethaliter sauciatus lamenta & gemitus  
continebit? Quis zelator nominis Christiani  
navem Petri in undosis fluctibus naufragantem  
aspiciens non dolebit? Ventus turbinis, inquit  
Propheta, venit, sed ab oriente, non ab Aquilone,  
& nubes magna & ignis involvens. O ignis  
vorax! ô nubes teterrima! ô infesta dolendi  
carminis tragedia! quomodo corrui gloria &  
exsiccatus est vertex Carmeli? Cui te compa-  
rabo nostra mater Jerusalem, urbs perfecti de-  
coris, gaudium universæ terræ? Magna est con-  
tritio tua, & quis medebitur tibi? Scissa sunt  
in te vestimenta tua, quis consolabitur & operiet  
te? Usquequo, Domine, clamo, & non exaudies,  
vociferabor ad te vim patiens, & non salvabis?  
Da, pastor æterne, pupillis patrem agnoscere,  
da fontem lustrare boni, da luce reparata in  
conspicuos animi defigere visus. Hoc, Pater  
benignissime, inter urentes animi mei sollicitu-  
dines & curas tremula agitatione revolvens,  
dum locum attendo, quem in Ecclesia licet  
immeritus obtineo, dum penso vires, dum me-  
rita solerti inquisitione dimetior, pavidus ob-  
stupefco, cernens immaculatam Christi spon-  
sam impiorum dentibus laniari, nec eidem posse,  
sicut ardentem optarem, meis affectibus subve-  
niri. Circumdant me enim alienigenæ, & nu-  
tantes filii summi patris solatium mendicantes,  
& dicentes continuè, ubi est Deus tuus? ubi  
Christi vicarius? Ubi pastor animarum nostra-  
rum? oculi enim totius occidentis observant  
Toletanæ sedis antistitem. Sic ego infelix vim  
patiens, nec habens quis respondeat pro me,  
officium non judicantis, sed quasi disputantis  
arripiens, ne videar adversus Christum Domini,

quem ignorans flagranti aviditate perquiro, te-  
meræ assertionis trænâ laxare; nunc pro isto,  
interdum pro alio rationes & motiva conjicien-  
do discutiens ambiguae altercationis argumenta  
declino, eis in apostolica auctoritate conclu-  
dens: *Notite, inquit, ante tempus judicare, quoad  
usque veniat Dominus, & illuminabit abscondita  
tenebrarum, & manifestabit consilia cordium* Tu-  
tius existimans in hujus ancipitis perplexitatis  
involucrum medium, salva conscientia, tenere,  
quàm præcipiti judicio infinitas animas una me-  
cum in æternæ mortis exitium implicare. Ad  
hoc etiam ut Thomæ incredulitas fructuosa  
illos demum validiori fide & ratione perficiat,  
quos dudum Mariæ festina credulitas suspen-  
debat. Neque enim particulares sententiæ vel  
terminationes, pater benignissime, essent causa  
terminandi schismatis, sed augendi, nec hujus  
calamitatis incitamenta curarent, quin potius  
venenis atrocioribus alerent atque nutrent,  
nobisque posset accidere, quod per sapientem  
Dominus comminatur, *Unusquisque, inquit, co-  
medit fructum vitis suæ & suis consiliis saturatur*:  
Ego quoque in interitu vestro ridebo, cum ir-  
ruerit repentina calamitas, & ventus quasi tem-  
pestas ingruet, non exaudiam. Propterea apo-  
stolus ad Thessalonicenses ad constantiæ soli-  
ditatem alliciens scribit dicens: *Rogamus ut non  
cito moveamini à vestro sensu, neque terreamini,  
neque per spiritum, neque per sermonem, neque per  
epistolam*: Epistolam dico, non qualem mihi  
pridem cum elegantissimæ instructionis tractatu  
vestra communicat humilitas, quæ velut de pe-  
netralibus divinæ speculationis & corrumpens  
cognitionum mearum tumultus, & quasi aborti-  
vos imbecillitatis meæ sensus tanta sententia-  
rum suarum serenitate sedabat, ut nedum in  
hac sæva cladis labe languentibus videatur posse  
mederi; sed & ipsius veritatis notitiam lucu-  
lentam deterfis quibuscumque ambagibus pol-  
liceri. Quem quidem tractatum, quia pro bono  
statu regnorum Castellæ & Portugalliæ ad in-  
stantiam regum ipsorum ad dictum regnum Por-  
tugalliæ properabam, ubi variis curis & sollici-  
tudinibus distractus multipliciter comprimebar,  
usque ad reditum meum à dicto regno Portu-  
galliæ non recepi: quo postea à quotidianis  
tamen laboribus & serviciis regalibus non quies-  
cens, in villa Valesoletana noveritis cum gau-  
dio & gratiarum actione suscepto, modicum  
temporis, si quid mihi vacabat ad otium &  
quietem, in illius lectione suavissima deputavi.  
Igitur eidem piæ paternitati vestræ, quæ meis  
compassa laboribus sapientiæ suæ lucem mihi  
tam clementer aperuit, gratias agens uberes &  
devotas, humiliter supplico, quatenus cum ad  
perscrutandam profundam sententiarum vestra-  
rum intelligentiam ingenioli mei sufficientia  
non attingit, & ut rei gestæ intricata varietas  
sub nube ambiguae perplexitatis obruta, & à  
communi omnium notitia quadam sese involu-  
tione subducens plenius innotescat, propitia be-  
nignitate dignetur; contra certos passus & du-  
bia, tam in facto quàm in jure mihi & aliis  
multis latentia, obscura, & in quibus tota hujus



scrupulosæ diffensionis vis & materia se videtur occultare, quæ inferius seriose subjiciam, meam conscientiam declarare. Spero enim omnes contentiones & scrupula conscientie meæ sopiri, si vestra suavis disciplinæ meruero eruditionibus epistolari.

Igitur in primis mihi dubitandum occurrit, si casus datus Domino Johanni de Ligniano, super quo ipse scripsit, fuit datus & ei missus per reverendos patres dominos cardinales sicut ipse asserit in quadam superscriptione sua. Hoc dico pro tanto, quia in themate per vos posito dicitur quod cardinales elegerunt Barrensem in papam, & eorum aliqui tunc dixerunt quod eligebant eum animo & intentione quod esset verus papa, timore tamen, &c. In alio verò themate dato Domino Johanni dicitur quod quasi ex abrupto sine alia distinctione personæ nominaverunt Dominum B. archiepiscopum Barrensem, & ipsum elegerunt in papam animo & proposito, prout tunc dixerunt, quod esset verus papa, timore tamen durante, &c. Quæ differentia sit inter diversos istos casus satis colligitur per vestram primam responsionem, quam ad hoc facitis in v. quæstione in §. *sed contrarium videtur verum*, &c. in quo capite dicitis respondendo quod non omnes dixerunt, sed aliqui revera numero pauci sunt, &c. Supplico insuper quantum possum, si est possibile, quod mihi dicatis quot erant numero, & quales cardinales?

Item dicitur in themate per vos posito, quod in capella quando fuit dictum, quod reeligerent, quod exceptis tribus absentibus, & illo qui de præsentibus dixit: Ego dico idem quod hodie. In alio verò themate dato Domino Johanni de Ligniano dicitur quod exceptis tribus & illo Romano, qui dixit ut prius, omnes alii reelegerunt eum. Et quanta & qualis sit differentia inter istos diversos casus satis evidenter colligitur per responsionem & interpretationem quam ad hoc facit in quarta quæstione in §. *sed contrarium est verum*. In dubio igitur placeat reverendissimæ paternitati vestræ me de hoc certificare.

Item, Reverendissime Pater, & Domine mi, extra thema ponitis in septima quæstione in §. *nunc veridicus* ad secundum ultra medium, quod iste Barrensis clarè confessus est, ut dicitur, in præsentia unius cardinalis Italici & plurium prælatorum, quando alii volebant exire de castro, nec venire ad ipsum inthronizandum, & antequam esset electio præsentata, ipse vocavit unum prælatum valde sibi domesticum, & mandavit ei quod iret ad Baudereneses, & hoc sibi imposuit dñis Bauderenensibus, quod ipsi adhuc nihil fecerunt, nisi cogant istos cardinales venire ad me inthronizandum, & bis ista verba eidem repetivit, & tunc Baudereneses per requisitiones nimias, &c.

Nunc, Reverendissime Pater & Domine mi, supplico quantum possum, ut velitis mihi nominare quis fuit iste cardinalis, & qui, & quales fuerunt illi prælati, coram quibus ista dixerit, & quis fuit domesticus ille prælatus, cui hoc

A mandavit, & an posset hoc probari, & per quos. Nam libenter etiam prædicando irem ad locum ubi de hoc possem veridicè informari. Nam hoc probato, multum elucidaretur & declararetur factum vestrum, & in conscientia mea multæ scintillæ ardentes per hanc probationem extinguerentur, &c.

Nunc, Reverende Pater & Domine, descendò ad ea de quibus in jure dubito. Et ut videat paternitas vestra, quod non quæro diffugia, scilicet negando illa quæ sunt notoria in jure: ideo in primis credo quod si fuit impressio & vis vobis facta, secundum quod narratis in themate, quod prima electio fuit nulla ipso jure, & sic me expedio de prima & secunda quæstionibus per vos tactis, & de omnibus rationibus & allegationibus super ipsis pulcherrimè deductis.

Secundò expediendo me de tercia quæstione quæ sit major impressio, de certa vel incerta persona, dico quod per vos est veridicè & juridicè allegatum & bene.

De quarta verò quæstione, quæ habet utrum, si electio Papæ per violentiam & impressionem celebrata repetatur impressione durante, purgetur vitium, &c. Ad præsens nihil dico, donec per vos mihi fuerit responsum ad interrogationem primam & secundam, quam vobis hîc in privato facio: quia responsio vestra initium disputationis aut dabit aut negabit. Et id dicò de quæstione v. Utrum si cardinales dixerunt quod animo & intentione quod esset verus papa, &c. Nam super istis duabus quæstionibus se fundat Dominus Johannes de Ligniano.

De sexta quæstione dico quod per illa quæ narrata sunt per vos in facto, quod satis constet de protestatione, nec credo in hoc vel simili casu necessariam protestationem in tantum, quod sit de substantia, dum tamen aliàs legitime constet de metu & impressione.

Nunc, Reverende Pater, & Domine, venio ad septimam quæstionem, ubi pendent leges & prophetiæ, videlicet quod post prædictam electionem & exitum conclavis, cardinales ipsum inthronizaverunt, coronaverunt, & ipsum ut verum papam tractaverunt in reverentiis, consistoriis & omnibus aliis, &c. Numquid per istos actus tam solemnes & totiens iteratos vitium inhærens ipsi electioni propter impressionem & metum sit purgatum, &c.

Hîc, Pater Reverendissime, ad partem affirmativam allegatis certas decretales, & in fine omnium dicitis, quod hæc prima facie faciunt vacillare multos, & quia de prædictorum vacillantium numero ego sum unus, & in ista opinione fui modo est annus in parlamento & concilio bonæ memoriæ Domini nostri Regis HENRICI in villa de Parlestas, ubi allegavi decretales, quas vestra reverenda paternitas hic allegat, quæ nimirum faciunt me vacillare, nec permittunt intellectum meum assentire alicui. Contra quas decretales per vos copiosè deductas ponitis fundamentum tale.

Papa per nullum alium actum mundi fieri potest nisi per canonicam electionem:





Secundò dicitis quia frustra cessarent omnes actus per vos latius nominati, posito quòd nulli vitio subiaceant : sunt tamen sic de jure damnati, quod ex illis nullus alius effectus potest pervenire nisi culpabilis & pœnalis.

Tertiò dicitis quod si ista cessarent, tales actus non inferunt consensus habentes illas qualitates, quas de necessitate deberent habere consensus, ex quibus infertur canonica electio papæ.

Venio ad primum fundamentum, dicendo quòd est verum, quia papa non potest fieri nisi per canonicam electionem. Sed quid sit canonica electio papæ, ut ipse possit dici verus papa? Respondeo & dico, quòd hic nulla forma requiritur, sed sufficit solus consensus eligentium & electi naturalis. Glossa est Innoc. in c. *quod sicut* de elect. magna Glossa. ubi canonica electio dicitur largè, & in verbo *Si autem nulla sit electio propter formam*. Et hoc etiam expresse tenet Archidiaconus in c. 2. LXXIX. di. Cum igitur hic omnes cardinales elegerunt, licet prima electio non tenuerit, tamen postea cessante tumultu, ipsum non duæ partes solum, sed omnes, & illi etiam extra Urbem in ipsum tamquam electum consenserunt, faciendo illos actus per vos copiosè descriptos; & non solum ut singuli, sed etiam collegialiter consenserunt ut collegium, dum erant congregati in consistoriis & aliis conciliis. Igitur purgatum est vitium, ut probant decretales ad id quod de spon. c. 1. de his quæ vi metus vel causa fiunt. Et in lib. 2. C. c. ti. & cap. *de illis* de despon. impu. & c. *proposuit* de conjugii servorum. ff. de condi. ob turpem causam l. 1. *si ob turpem*, & omnia alia jura per nos allegata, præsertim si isti actus non subiaceant vitio prout præsupponitis in secundo fundamento.

Præterea, ut dicit Innocentius in c. *licet* de vitanda q. ult. in electione papæ non est aliqua forma ex necessitate servanda, immo quocumque modo accadat duas partes consentire in aliquem tamquam electum, jus habet & verus papa est. Sed hic constat quod cessante tumultu, non solum duas partes, sed omnes & illi etiam qui erant extra Urbem venerunt, & in ipsum tamquam in electum per illos actus tam solemnes & totiens iteratos consenserunt, & etiam collegialiter, ut superius dictum est. Igitur jus habet, & verus papa est, quia nihil refert quis voluntatem suam declaret verbis an factis, ut in l. *de quibus* ff. *de legibus*, & in c. *dilecti* 2. & c. *ut nostrum* de ap. & in c. *si infantes*. c. *idem quasi* de spon. nup. l. 6. Ponderetis si placet in Glossa Innocentii verbum *quomodocumque accadat*, & c. & in Glossa Compostellani verbum *quandocumque*. Et per hunc modum posset evadi ad vestrum primum fundamentum: quia licet electio posset dici non canonica pro tunc, tamen ex nunc & post istos actus liberè factos canonica est censenda; & sic non constat propositio & argumentatio vestra, &c.

Ad tertiam rationem qua dicitis actus ad certum finem ordinati sunt, dico quod coitus solum non facit matrimonium, ubi verba non

præcesserunt, quia non est actus institutus ad faciendum matrimonium, quod facit solus consensus; sed ubi præcesserunt verba consensus exprimentia de præsentia, licet pro tunc matrimonium non tenuerit, timore, conditione, vel ætate superveniente prohibente: si tamen postea superveniat coitus, matrimonium erit non ex tunc, sed ex nunc, ut dicunt jura superius allegata, & ad id quod ex c. *Proposuit*, & c. *si infantes*. Et idem dico de munusculis, donis & amplexibus, donum vel amplexus non est actus institutus ad faciendum matrimonium; & tamen si præcesserunt verba de præsentia, licet pro tunc non tenuit matrimonium, timore, conditione vel ætate prohibente; tamen si cessante timore, vel certificatus de conditione, vel constituti in ætate legitima ad invicem sibi donent per jura superius allegata dona vel jocalia, vel se tamquam conjuges amplexentur, ex nunc matrimonium erit censendum. Ita in proposito nostro licet simplex & nuda inthronizatio, vel coronatio, vel nominatio non sit actus institutus ad faciendum Papam, quem facit solus consensus cardinalium eligentium & electi: tamen ubi præcesserunt verba ipsorum cardinalium eligentium & consensus ipsius electi, & fuit electio celebrata, licet pro tunc non tenuerit electio, timore prohibente & impressione durante: tamen quia postea secuta est inthronizatio, coronatio, & nominatio, & alii multi actus non subjacentes vitio, ut præsupponitur in secundo fundamento, per quos actus clarè constat de tacito consensu, & de perseverantia primi consensus. Igitur ex nunc verus Papa est censendus per jura omnia per vos superius allegata, cum hic non solum causa impediens cessaverit, sed supervenit confirmans: ita quod ex nunc dicatur validum quod à principio non tenuerit, prout expresse dicunt Glossa & Dy. in Regulam *non firmatur* de re. ju. li. vi. Et per hoc sit evasum ad jura quæ ad hoc in contrarium allegatis, & etiam ad c. *Si summus Pontifex* de sent. Excommunic. in Glossa. Alia est enim simplex & nuda petitio seu nominatio, & alia est & ad illud operatur petitio seu nominatio, quam præcessit cognitio, ut notat Innoc. in c. *cum olim* de Privil. Simile dicimus in simili quòd si episcopus promovendo illegitimè natum vel concubinarium, non videtur dispensare, sed si præcessit super hoc examinatio & causæ cognitio & an esset necessitas vel utilitas promovendo, videtur dispensare, notatur per Innocentium in c. *veniens*. de filiis presbyterorum & per Glossam in c. *qui in aliquo* L. di. & per Archidiaconum in c. *licet canon* de elect. lib. 6. in cap. *Pœnitentes* L. di. Et tamen promotio est ad alium certum finem ordinatum quam ad dispensandum, sed tamen operatur dispensationem propter illa quæ præcesserunt. Innuitur ergo quod inthronizatio, coronatio, & multiplex obedientia operantur alium effectum propter illa quæ in casu isto præcesserunt, ut superius est deductum; & sic cum reverentia declino argumentationem vestram.

Sed

Sed quia non videtur mihi plenè satisfactum A ad Clem. *Si summus*, propterea cogitavi aliter, licet prolixè, respondere, & dico quod decretalis illa locum habet ubi papa vel alius qui posset jus tribuere sine aliqua certa forma in beneficio vel dignitate nominat, honorat, vel tractat aliquem sub titulo dignitatis beneficii, non dando sibi, vel faciendo aliquid circa ea quæ faciunt ad corroborationem vel confirmationem seu complementum beneficii vel dignitatis vel administrationis ipsius. Pono exemplum in jure. Invenimus collationem beneficii per quam attribuitur jus in beneficio, de præbenda. *Si tibi absens*. l. vi. Investituram quæ fit alii in re absenti per anulum vel birretum, quæ habetur loco confirmationis seu approbationis juris jam quæsitæ: & si fiat in re præsentis, habetur loco traditionis possessionis; & tunc appellatur datio possessionis, seu introductio in possessionem: unde si non præcedat collatio, sed tantum interveniat investitura, ipsa operabitur collationem juris beneficii. Notatur per Compost. & Johannem Andræam de elect. c. *transmissam*, & per Innocentium c. *Ex ore* de his quæ fi. am. per ca. quia ut ipse ibi dicit, satis constat per eam de consensu prælati, quod consentit in illum quem investit, & ex consensu utriusque acquiritur jus in beneficio, facit ad hoc de præben. *accedens*. Idem crederem & multo magis si introduceret episcopus clericum in ecclesiam vacantem, & diceret: Investio te per istam introductionem de ecclesia vacante. Et idem si in ecclesia cathedrali principali illius dignitatis inthronizaret eum dicendo: Intronizo te in prælatum vel tamquam prælatum talis dignitatis. Per istam inthronizationem hujus cathedræ in qua introducitur, etiam si nihil aliud præcessisset, prout infra dicitur de cathedra scienter, dico quod per istam accedat de consensu dantis & recipientis. Item quod in traditionibus jus acquiritur in re secundum legem *justi* de re divi. C. §. quod per traditionem sufficit quod beneficium recipiatur de consensu illius qui potest illud conferre de Insti. c. *ex frequentibus*. Et intendo dicere hoc si prælatus sciens beneficium, quod spectat ad suam collationem sub titulo illius beneficii, inthronizet clericum in eum, vel inducat in possessionem, vel aliud adjiciat de præben. c. *nulla*, dando igitur, ut præfertur, dictam possessionem, præsumendum est quod adimplet illud ad quod tenetur ar. de præscript. *ad audientiam*. Nam si dicerem quod non daretur per hoc jus, videretur igitur quod multipliciter & vitiosè daret possessionem, ubi non subesset alia causa dandi propter sequestrationem vel commendam vel alias causas imminentes, cum beneficium ecclesiasticum sine canonica institutione non posset obtineri, ut in regula, *Beneficium* & de eo qui mitti in pos. c. *unico* l. 6. Ad hoc facit quia ubi aliquid non potest bene vel licitè obtineri sine alio, tunc si illud aliud detur, & illud etiam sine quo non potest, &c. dare intelligitur. de offi. dele. c. *propterea*. & facit quod notat Archidiaconus c. *si clericus* de

*Theauri Anecd. Tom. II.*

præben. l. 6. ubi dicit, Quod si detur alicui præbenda quæ est canonicalis, jus canonicatus, ad cujus conservationem vel corroborationem in ipsa est, videtur dari. Et facit adhuc quia aliquid quod refertur ad aliud præcedens non operatur aliquid vel saltem non plenum, & tamen per se positum sine præcedenti operatur plenum, de privil. c. *Si Papa sibi*. ac si dicat indefinitè, necessariò, vel etiam dicatur. Et non mirum quod sic dando videatur, propter rationes prædictas, dare jus beneficii, quia interdum nomine possessionis proprietas intelligitur. ff. de verb. signif. l. *interdum*. & n. 16. q. 2. *visso*, & semper debemus interpretari quod quis sine peccato sit de testi. *cum tu*. Et ut res magis valeat, quam pereat, ut in c. *abbate* de verb. signif. & de fi. instru. *inter dilectos*, & facit quod aliquotiens nomine usufructus ex causa venit proprietas, ne sequatur impossibilitas juris ff. de usufruc. in l. *Proculus*. Et idem credo si sciens vacare episcopatum aliquem consecret in episcopum sub titulo illius episcopatus. Et idem in confirmatione, quia licet confirmans non videatur donare ut alb. c. *inter dilectos*. Si tamen ex certa scientia, ubi electio non valet, eam confirmat tunc dat, si ipse poterat dare, ut notatur de elect. *quam sit*. Gl. fi. l. 6. Non obstat Glossa ultima in c. *quorundam*, & notatur per Archidiaconum in c. *Si cui* c. ti. quia debent intelligi ubi confirmans non habet potestatem providendi, vel ubi errat credens electionem tenere: secus ubi habet potestatem providendi, & ex certa scientia hoc facit, ut in glossa c. *quam sit*. Et ideo satis probatur quod quando prælatus ad quem spectat conferre beneficium vel dignitatem sub titulo talis dignitatis, dat aliquid de illis quæ debent sequi post collationem, quæ faciunt ad perfectionem & corroborationem seu complementum collationis, si præcessisset, dando illud ubi nulla collatio præcessit, videtur conferre velle & consentire quod talis recipiens habeat jus in dignitate, cum videatur velle perficere quod non posset fieri nisi noviter jus dando. Sed ubi superior, &c. ex certa scientia nominat, honorat, tractat aliquem sub titulo alicujus dignitatis in aliis, utpote vocando ad concilium inter alios similis dignitatis, faciendo eum sedere in loco quem requirit dignitas illa quando federet in concilio, vel similia faciendo, non videtur per hæc ei dare jus, ut in isto c. *si summus*, & de præben. c. *dilecto*. Et sic ratio est quia talia possunt & debent fieri ex certa scientia etiam non habenti jus in dignitate utpote possibilitati de elect. c. ingen. viii. q. iv. c. *nonne*, & etiam in memoriam aliquotiens pristinæ dignitatis de foro compe. c. *ex parte*. Sed superior numquam consecrat, investit, confirmat, aut in possessionem inducit scienter aliquem jus non habentem, nisi intendendo dare sibi jus de transf. c. i. de confir. uti vel inuti... & facit quia licet illi cui opponitur crimen sive infamia, omnino obstante exemptione criminis detur, non posset tamen illi qui dicitur jus non habere de causa pos. c. *cum olim* de dolo & concu. quod consecrando non confirmat; quia hoc non

Aaaa

intendit, hoc intelligo ubi erat credens confirmatum, & non est ut satis sibi innuitur.

Veniendo igitur ad propositum, dico quod licet electus in papam consequatur plenam administrationem per electionem, ut notat Innocentius in dicto c. *de vitanda*, & in c. *In nomine Domini*, & in c. *Si quis pecuniam*, verumtamen ad confirmationem & corroboracionem & complementum inthronizatur. Per inthronizationem videtur jurisdictio dari; quia si tollendo episcopo cathedram in aliqua ecclesia, perdit jurisditionem in ea; igitur & per contrarium dando sibi cathedram episcopalem videtur dari sibi jurisdictio episcopalis, de privil. c. *Si papa* in §. *& idem*. Ad hæc facit xl. di. c. 2. ubi cathedra sumta est pro papatu seu regimine & administratione ecclesiæ. Coronatur & etiam consecratur; & ista spectant ad cardinales, & ipsi omnia ea fecerunt URBANO sub titulo papali. Igitur videntur consensisse quod sit papa; & ipse etiam recipiendo consensit: ut sic ex hoc haberet & jus, etiam ubi nulla alia electio præcessisset, ut patet per prædicta: maxime ex quo præcessit præfata electio, etiamsi nulla erat, quia hoc ipsi non poterant ignorare, ut in c. *ab excommunicato* de rescript. & ex certa scientia faciendo actus prædictos, cum effectus ipsius electionis pendeat ex solo consensu & voluntate cardinalium eum confirmantium; & validaverunt, ut supra plenius est deductum.

Nec obstat in contrarium quod illa spectant facere ad certos cardinales, quia ipsi fecerunt aliis cardinalibus cooperantibus & auctorizantibus, & ideo omnes fecisse videntur de offi. dele. c. 1. cum ibi notatur. Quod fortè, nisi sit speciale in electione Papæ, non fieret per alios actus quos fecerunt, scilicet nominando eum papam, obediendo ei, respondendo ei de iuribus papatus, recipiendo ab eo possessiones solitas vel gratias per se, aliisque impetrando, quia ista non sunt de illis quæ secundum jus vel consuetudinem faciunt ad confirmationem, vel corroboracionem, vel complementum seu perfectionem juris seu administrationis papalis de nominatione 2. q. 1. *multi*, de obedientia viii. q. iv. *Nonne* de receptione possessionum ab ipso de elect. *querelam*. Idem de gratiis recipiendis, quia recipi possunt à non habente jus juxta notata per Innocentium & Bernardum, & Compostellanum in c. *Nihil* de elect. & per Innocentium c. *in litteris* de resti. spo. Et facit quod notat di. de re jur. c. 7. l. 6. dicit quod si quis recipiat legatum ex testamento, postea potest eum impugnare de falso, licet non de inofficioso, quia inofficiosum tenet, sed potest rumpi per querelam cui renunciat recipiens legatum ex eo. Sicut canonicus contemtus renunciat contemtui consentiendo electioni, etiam faciendo reverentiam, ut in c. *ex ore*, & eam validat, si aliàs tenebat, aliàs non. Et dicitur validare, quia renunciat juri impugnationis, non quod det jus.

De responsione sibi facta de redditibus, quia non profit, probatur, quia receptio pensionis non facit decurionem, nec dominium, nec possessionem probat, ut allegatur c. *intra dilectos*

A & l. *haberemus* ff. *de decurionibus*. Illa autem quæ faciunt ad confirmationem, corroboracionem, seu perfectionem beneficii vel dignitatis, etiam post collationem, sicut est investitura, ut in illa Glossa confirmatio & consecratio, ut in c. *licet* de translat. & c. *inter corporalia, ordinato*, ut in c. *licet canon* de elect. l. 6. de pœnitentiis. *Omnis utriusque sexus*, de excessu prælat. c. *ex litteris*. Possessionis datio, quia ante non dicitur plenè translatus 21. q. 11. Si quis jam translatus de elect. *cum in cunctis* de præben. licet in 2. & c. *si tibi concess.* l. 6. In talibus enim prælaturis & dignitatibus tam ecclesiasticis quàm temporalibus ubi non debent assumi nisi idonei de elect. *Nihil est* de præben. *grave* de excessu prælat. *inter dilectos*, & de re juris in familiaribus l. 6. lxi. di. c. *miramur* lxx. di. c. 1. De talibus enim dicitur nemini cito manum imposueris, ut allegatis iuribus de elect. *cum nobis olim* c. ti. c. ultimo l. vi. Est enim in primo examinanda persona. Et ideo ex quo talia & tanta requiruntur, est ratio quia non de facili persuadeatur, quod per quemlibet actum superioris velit ipse superior dare jus in dignitate illi contra quem exercet actum, nisi sit talis actus per quem appareat quod intendit dare, seu dat aliquid de illis quæ faciunt ad corroboracionem, complementum seu perfectionem prælationis, ut prædixi, quia tunc cum dat aliquid ad perfectionem prælationis, non potest non præsumi quin det. Et secundum ista potest dici, quod licet in aliis prælaturis & dignitatibus sit fienda talis distinctio actuum, verumtamen quia non sit fienda in Romano Pontifice in nostro casu ratione prædicta, quia cum electio Romani Pontificis requirat celeritatem nimiam, ut in c. *ubi majus periculum*, & in c. *ne Romani*, & possit eligi persona quæ aliàs non esset idonea ad aliam dignitatem, ut notatur in c. *si quis pec.* valeat fieri talis electio, & fiat per quoslibet actus, per quos accidat cardinales in ipsum consentire, ut in papam vel pro tali tractare, sicut fuerunt omnes illi actus quos narrat vestra reverenda paternitas, quos dicitis factos fuisse per omnes cardinales, & hoc sit favore facilioris provisionis, quæ est nimium desideranda & appetenda, & quia est anormata, & exorbitat ab aliis electionibus & provisionibus aliorum prælatorum, ut in allegato c. *licet* de vitanda & c. *ubi majus*, & c. *ne Romani*. & pendet ex solo consensu cardinalium, de quo consensu quandocumque vel quoquo modo constet, sufficit, ut dicit Innocentius & Compostel. in dicto c. *licet* de vitanda, & Innocentius in c. *dudum* de rebus eccl. non alien. l. 6. ad quod bene facit quod notat di. 111. præ alle. c. de re juris 1. §. 10. in fine, ubi: sed si defectus institutionis pendeat ex facto vel voluntate canonici, &c. Ultra hæc, ut vestra reverenda paternitas evitet & declinet contrarium de Gloss. Innoc. in c. *ex ore*, & Jo. Compostel. 3. c. *transmissam* de elect. dicit quod Glossa illa habebat locum in illis quibus habet providere per collationem, sed non in illis quibus providetur per electionem; quia electio, ut dicitis, debet esse communis & collegialis, &c.

Ad istud satis inferius dicitur super tertio vestro fundamento: sed insuper dicitis quia debent intelligi glossæ prædictæ, quod per investituram detur jus, scilicet ubi non præcessit collatio vel electio; sed non ubi præcessit, & est nulla & vitiosa: quia investiendo refert se ad provisionem quæ præcessit tamquam ad fundamentum, & sic non est verisimile, quod jus transferre intendat. De ista ratione miror præterea, quia non capio; nam si investitura illius qui potest jus dare operatur quod dat jus, ubi nulla electio præcessit vel provisio, multo magis debet hoc operari quando præcessit, licet nulla: dum tamen investiens sciat eam nullam, ut in allegato c. *proposuit* de conju. servorum, & in aliis juribus superius allegatis & Glossa ultima in c. *quam sit*. de elect. l. 6. Et illud quod dicitis quia referendo se ad fundamentum nullum non datur jus per investituram, & etiam haberet locum ubi ignoraret fundamentum esse nullum; quia tunc cum erraret, non intenderet jus dare de novo, ut notatur in dictis juribus. Et c. 1. de eo qui duxit in matrimonium quam pol. per adul. secus si sciret, ut ibi, nec videretur aliud tenendum, alias sequeretur quod prælatus daret scienter sibi vitiosum ingressum in dignitate vel beneficio contra c. *unicum* de eo qui mitti in posse l. 6. quod non est præsumendum de testi. cum tu. de re. in c. 2. Immo est præsumendum quod bene & diligenter facit officium suum in casu licito de præscript. *ad audientiam*.

Insuper Vestra Reverenda Paternitas facit aliam responsionem, dicendo quod licet per tales actus quis possit suo juri privato, utpote suæ electioni renunciare, non tamen intelligitur renunciare juri publico, quod est quod prælatus non obstantibus reverentiis impensis, si in titulo beneficii non haberet jus, iudex tamen in hoc poterit illum corrigere & compellere quod dimittat beneficium quod male tenet, ut in c. *dilecto* de præben. & quod donec istud sic purgatum per quemcumque actum quem facit prælatus, non debet præsumi, nisi hoc exprimat, quod det aliquod jus illi injusto possessori. alleg. Glossas Hostiensis & Johannis Andreæ in c. *ex ore positas*, & facit bene decretalis. *Si summus* cum ibi notatis, &c.

Cum reverentia & omnimoda supportatione Vestræ Reverendæ Paternitatis ad hoc potest sic responderi, quod si bene inspiciatur c. *Si summus pontifex*, ita loquitur & habet locum ubi nulla collatio vel provisio præcessit, sicut ubi collatio vel provisio quæ in se fuerit nulla, & vitiosa præcessit, quia in neutro casu dat jus nominando, honorando, tractando sub titulo aliqujus dignitatis illi cui fuit collata illa dignitas antea vitiosè & inutiliter, sicut nec illi cui numquam fuit collata. Et hoc patet ex ipsa Decretali quæ generaliter loquitur. Et etiam in hoc quod dicitis ad probandum, quare in jam habita jus ei tribuere in dignitate non dicitur habita collatione etiam vitiosa. Et si ista conclusio esset vera, sequeretur quod ista decretalis haberet locum tantum ubi aliquod fundamentum præcessit nullum & vitiosum, & non

*Thesauri Anecd. Tom. II.*

A ubi non præcessisset, quod tamen non est de mente ipsius decretalis, nec verba, nec ratio hoc patiuntur. Et ideo intentio illarum Glossarum positarum in cap. *ex ore* est quod per reverentiam vel alium actum quem facit superior erga aliquem sub titulo beneficii qui non est sufficiens, seu talis per quem appareat quod velit sibi dare jus in beneficio, licet sit talis per quem aliquis renunciaret suo juri privato, prælatus tamen per illum actum non renunciat juri publico, quod possit illum à beneficio remove, & hoc intendit c. *si summus pontifex*. Nam jus dare, & renunciare juri suo diversa sunt; quia posito de duobus coelectis, quod unus per actum suum renunciaret juri suo, non tamen jus alteri acquiritur ob hoc. Verumtamen si prælatus ex certa scientia faceret aliquem de illis actibus, qui tendunt ad dandum augmentum & perfectionem prælationis, ut dixi, faciendo tales actus dat jus, & sic simul purgatur vitium, & jus acquiritur, dum tamen prælatus sit talis, qui possit & sciat vitium electionis, & persona cui datur sit capax & habilis ad beneficium illud, ut satis superius est deductum. Et facit ad hoc quod dicitur de præscriptione, quia in instanti quo fruitur desinit res esse prioris, & acquiritur præscribenti.

Venio ad secundum vestrum fundamentum, in quo dicitis quod isti actus fuerunt damnati. Esto quod nulli vitio subjacerent: ita quod nullus ex illis alius actus posset provenire, nisi poenalis ad quod probandum concludendum tales formantur rationes: Cardinales eligunt, aut statim tenet electio, ut in c. *in nomine Domini*. c. *si quis* contra hoc nostr. decr. & sibi adherentes & quales, quia reverentiam exhibentes pari sententia mancipantur. Cum tales igitur actus à jure damnati electionem sequentes nihil penitus potuerunt operari, &c. Et ipse statim est papa: aut statim non tenetur, & tunc consentiens statim est antipapa intrusus, antichristus.

Reverendissime Domine, ingeniolum meum istud secundum fundamentum non capit, cum correctione & benivola supportatione. Detego ignorantiam, & dico quod in themate vestro dicitur, quod aliqui cardinales elegerunt eum animo & intentione ut esset verus papa, & licet quoad alios cardinales qui sic non expresserunt, nihil validum pro tunc dicatur actum: tamen quoad istos qui sic elegerunt animo & intentione ut esset verus papa, dicatur liberè electus, alias ista verba repugnarent, cum alias non posset esse verus papa. Cui electioni omnes cardinales postmodum per salutationes & multiplices & iteratos actus non subjacentes vitio, ut vos præsupponitis, adhererunt, & in ipsum tamquam in electum consenserunt, quod justè facere potuerunt per c. *licet* de vitanda ubi præterea. Igitur est verus papa etiam si ista electio fuerit facta à paucioribus quam à duabus partibus, superveniente postea majori concordia, ut ibi dicitur.

Confirmatur illa ratio per ea quæ notantur in c. *indemnitatibus*. §. *Si autem*, glo. non sit in electione de elect. l. 6. Sed hic supervenit major

A a a ij



concordia, quia omnes cardinales postea eidem tamquam electo non solum ut singuli, sed ut collegium in consistoriis & aliis conciliis obediunt; & ipsum in verum papam tractaverunt, & scripserunt, ut patet ex themate. Igitur, &c.

Præterea ego facio differentiam quando electo in papam per impressionem obeditur per clericos & laicos, & non per cardinales; aut per cardinales, non tamen per tot cardinales qui faciant duas partes. Dico quod in hoc casu, si non accedat major concordia, habeat locum, *c. in nomine Domini*. Si autem isti sint pauciores cardinales quam sint duæ partes, non possunt ipsum facere papam per expressum consensum in eum, nec etiam per tacitum, ut dicit Innocentius in simili in *c. dilecto* de præben. Igitur omnes actus quos faciunt sunt damnati & pœnales, cum non sit verus papa. Sed secus est in casu nostro, ubi præcessit electio cardinalium per impressionem, qua cessante, omnes cardinales postea qui poterant per expressum consensum facere verum papam, ipsum sic electum liberè coronaverunt & inthronizaverunt, & alios actus multiplices & solemnes ac iteratos non subjacentes vitio, ut supponitis, fecerunt: per quos impugnationi ipsius electionis renunciaverunt, ut in *c. cum inter* de electo, & in *c. gratum* de offi. deleg. & in capite *ex ore* de his quæ fi. ama. per ea. & vitium si quod fuerat, per istum tacitum consensum est purgatum per decretales & jura ad hoc supra allegata, & ipse fit verus papa, in quo casu *c. in nomine Domini*, non habuit nec potest habere locum, quia decretalis *licet* de vitanda & *Cle. ne Romani*, excludunt tam contra personam electi, quam contra personas electorum exceptiones, &c.

Nunc restat respondere ad quamdam subtilissimam rationem per vos super hoc positam: unde cum dicitis, ex actibus pœnalibus & prohibitis non potest elici nisi malum, &c. cum reverentia declino consequentiam, quia contrahere matrimonium voventi simpliciter est prohibitum & pœnale, quia voventibus non solum nubere, sed nubere velle est damnabile. Et tamen si contrahat, ex ipso actu provenit actus bonus, & non malus, nec pœnalis, scilicet matrimonium carnale, quod semper est bonum, 27. q. in *c. nuptiarum bonum*. Ita in proposito de actibus succedentibus & factis à duabus partibus, immo ab omnibus & singulis cardinalibus elicietur matrimonium spirituale, etiam si ipsi peccaverunt in sic faciendo divisim in discordia, & non sit, quia multa prohibentur fieri & de reg. ad apostolicam cum suis similibus.

Venio ad tertium fundamentum, in quo dicitis quod isti actus consensus taciti ab illis actibus præsumtive eliciti non habent qualitates requisitas in consensu, scilicet electionis papæ: quia consensus cardinalium sufficiens ad faciendum papam debet esse collegialis, sive communis electivus cum intentione faciendi papam præscriptus, ut in *c. in Genesi* de elect. & notatur per Innocentium in *c. licet* de vitanda

A super verbo *nominare*, & multa jura ad hæc allegata sunt.

Reverendissime Pater, & Domine, imbecillitas mei ingenioli minus etiam capit hoc tertium fundamentum seu tertium articulum per vos positum, propterea quia *c. in Genesi* præsupponit concilium *c. quia propter* & in ipso se fundat in principio & in fine. Quod concilium cum electione papæ nec quavis alia forma astringit. Et dicunt doctores in præallegato capite *licet* de vitanda; & Archidiaconus in *c. si transitus* 79. di. Et vos etiam hoc dicitis super 3. q. in §. sed contrarium credo verissimum ultra medium. In electione igitur Romani Pontificis sufficit legitimus consensus qualitercumque præstitus de quo constet. Et hoc expresse dicit Compostellanus & etiam Innocentius in sæpe allegato *c. licet*. Glossa ultima, ubi quomodocumque appareat duas partes consentire in aliquem tamquam in electum, jus habet & verus papa est. Sed in istum B. reverendi cardinales non solum singulariter ut singuli, sed collegialiter in consistorio consenserunt in istum tamquam in electum, ut patet ex themate. Igitur jus habet, & verus est Papa.

Præterea electio Romani pontificis pendet ex solo consensu dominorum cardinalium, ut probatur xxiii. di. *c. in nomine Domini* & lxxix. di. per totum; & cum in ipsa electione nulla forma requiratur, & etiam si ab initio non tenuerit, tamen ex post facto per subsequentes consensus confirmatur. Glossa est Innocentii in *c. dudum*. de rebus ecclesiæ non alienandis l. 6. per quam potest responderi ad notata per ipsum in *c. ad consue.* & *c. dilect.* de empt. & ven. & in *c. cum omnes* de const. & in *c. pro illorum* de præben. & *c. in Genesi*, & *c. auditis*, & *c. quia sicut* & *c. ecclesia vestra* de elect. & ad *c. convictam* lxxiii. di. quia loquitur de inferioribus ecclesiis, ubi certa forma requiritur, & certa solemnitas, quæ si non reiteretur, non tenet actus. Secus in electione Romani Pontificis ubi nulla forma astringit, sed sufficit naturalis & verus consensus cardinalium eligentium & electi, ut in *c. cum inter canonicos*, & *c. licet* c. ti. & *c. inter corporalia* de translatione episcopi & electi. & *c. ubi majus periculum*, §. *ceterum* de elect. l. 6. Ideo qualitercumque constet de ipso sufficit ad corroborationem & confirmationem actus, ut superius est deductum, cum Compostellanus & Innocentius dicant speciale in Papam, quod quandocumque & quomodocumque appareat duas partes cardinalium, & etiam non obstat quod ipse Innocentius notat de inferioribus prælatis in cap. *in Genesi*, nec etiam Glossa Innocentii in *c. licet* super verbo *nominare*. Et potest dici quod ibi electus à duabus partibus est verus Papa; & si in tali casu tertia pars alium nominaverit, tam ipse, quam qui ipsum nominaverunt subiaceant excommunicationi. Vult quærere Innocentius si per istam solum nominationem isti incurrant. Et respondet quod non, nisi nominaverint cum intentione eligendi. Ponderetur igitur casus & verbum super quo cadit Glossa.



Nunc, Reverendissime Pater & Domine mi, venio ad aliud fundamentum, super omnia alia fundamenta fortius, in quo dicitis quod quamdiu Reverendissimi Patres & Domini Domini Cardinales fuerunt Romæ, numquam fuerunt in sua libertate, sed semper duravit metus, & omnes isti actus supervenerunt, metu durante, & per consequens impedimento remanente, & vicio non purgato, &c.

Contra quod fundamentum nec ego nec aliquis vivens possit aliquid dicere de jure, sed primus electus hoc expresse negat: quin immo dicit, quod vult probare, quod post primam electionem de ipso de mane factam, eadem die sumto prandio domini cardinales omnes se retraxerunt ad capellam, & ibi convenerunt ad majorem expressionem & cautelam, in ipsum B. archiepiscopum Barensem iterato purè, liberè, concorditer, & unanimiter consenserunt; eumque in papam iterato elegerunt, jurando omnes xi. per cælum & super unum altare, quod ipsum prius sincerè liberisque mentibus elegerunt cum pura libera voluntate, dicentes, atque jurisjurandi religione affirmantes, electionem suam puram, sinceram, & canonicam fuisse & esse: rogantes ipsum cum precibus & maxima instantia, ut dictæ electioni dignaretur suum præstare consensum, quod & fecit: Et quod eadem die tres ex dominis cardinalibus, de Agri-folio, Lemovicensis, & Piçaviensis cardinales secesserunt ad partem in dicto palatio cum præfato sic, ut dicitur, electo, in loco seu camera studii, & dixerunt eidem quod ipsi tres cardinales fuerunt motivi & causa electionis suæ; & supplicaverunt eidem quod dignaretur ipsos habere recommendatos, & etiam executionem Domini GREGORII, & fratres & alios de gente ipsius, & certum subsidium præstare pro redemptione Domini fratris ejusdem Gregorii in Anglia captivi; & quod in prima creatione cardinalium, quam ipse faceret, dignaretur facere cardinalem quemdam eorum consanguineum, quem Dominus Gregorius facere intendebat, videlicet quemdam fratrem Domini HUGONIS DE RUPE; & quod etiam supplicaverunt eidem, quod dignaretur recipere in cubicularium suum dominum P. de Barreria. Ad quos ipse generosè respondit.

Item dicit quod cardinales aliqui existentes in sua libertate in castro S. Angeli, & illi qui erant extra Urbem in castris ad xxix. millia etiam non vocati redierunt, ipsumque liberè inthronizaverunt, coronaverunt, & in possessionem tamquam verum papam introduxerunt.

Dicit insuper quod postea steterunt Domini cardinales omnes quotidie in propria libertate absque aliquo metu, non solum Romæ, sed etiam Anagninæ, & scripserunt sibi tamquam vero papæ, supplicando pro beneficiis & ecclesiis pro se & pro suis. Multa etiam narrat in facto quæ pro ipso faciunt, si vera sunt, de his quæ acciderunt ante ingressum conclavis, & etiam in conclavi, & post exitum conclavis, quæ videntur prima facie verisimilia, licet sint de directo contraria narrationi vestræ & themati: Quæ

omnia & singula probanda se offerunt, non solum per dignos, seu sufficientes testes, sed etiam per publica instrumenta, prout latius ipse primus electus descripsit in quodam themate facti, cujus copiam vestram reverendam paternitatem credo habere.

Cum igitur supradictum negotium efficiat fundamentum vestrum dubium, locus est juridicæ determinationi: quia etiam si esset diabolus inferni, postquam offert etiam ita verisimilia probaturum, non debet sibi audientia denegari. Satis enim videretur absurdum, si vobis & dominis meis cardinalibus accusantibus ac dicentibus ipsum apostaticum, intrusum, & antichristum, qui receptus, habitus & reputatus fuit per totum mundum, ut verus Papa; & qui per quatuor menses fuit in possessione pacifica, absque aliqua audientia expellatur, & eidem defendentis copia denegetur contra c. *cum inter. c. significaverunt*, de except. cum similibus infinitis. Lex enim ecclesiastica pontificem accusatum priusquam sub luce objecta constiterint, exigit non relinqui uni. viii. q. iiii. c. *nonne*.

Modo, Reverendissime Pater Domine mi, subnectitur in vestro tractatu viii. quæstio, in qua quæritur an ista juridica determinatio pertineat ad dominos cardinales, & post alias rationes, tenetis quod sic, & principaliter vos fundatis in c. *ubi majus* §. *hi* idem quoque quomodo approbatum est per concilium Viennense ex ti. c. *ne Romani* in Cle. quæ capita mirabiliter videntur probare quod dicitis. Et ad corroborationem ejus vos allegatis opinionem Hostiensis, quam recitat Glossa 3. c. i. de *schisma*. l. 6.

Sed Reverendissime Pater & Domine mi, ut superius dixi, rudis sum & de apicibus juris non tantum didici, ut aperire possim os coram tanto Patre, qui est arca juris canonici: tamen cum pace loquar cum Domino meo, ut me cæcum & vacillantem in isto passu velitis & dignemini illuminare: quia revera imbecillitas mea credit totum contrarium, videlicet quia juridica determinatio & finalis seu sententialis definitio cum causæ cognitione in hoc casu non pertineat ad dominos cardinales. Pro cujus evidentia præsuppono quod de jure communi est, quod in ecclesiis collegiatis si electores primò elegerint, si electio tenet, sed ex certis causis venit cassanda; in isto casu electores facere non possunt aliam prima, non cassata. Si verò prima electio non tenuit, sed fuit nulla ipso jure, dico quod in hoc casu electores qui non peccaverunt possunt facere aliam electionem etiam ex intervallo. Sed hoc casu superior habet videre an prima tenuerit vel fuerit nulla, & an secundam electores potuerint facere vel non; ita quod jura voluerint per electores posse inquiri an electio ipso jure nulla est, & se informare quantum ad se: non tamen voluerunt quod ipsa electoribus, sed super hoc superiori esset relicta jurisdictio & finalis definitio. Jura sunt satis nota in c. *consideravimus*, & c. *auditis* ubi de hoc, & c. *bonæ*, & c. *congregato* de elect. Præsuppono etiam quod sede apostolica vacante cardinales nullam potestatem ad jurisdictionem exercere

possunt, ut in Cle. *ne Romani* de elect. in Cle.

His præsuppositis venio ad rationem vestram qua dicitis, licitum est cardinalibus aliam electionem facere. Igitur possunt cognoscere & certificare utrum prima electio teneat vel sit nulla ipso jure, & utrum ecclesia sit viduata vel non. Certificari autem non potest nisi per determinationem quod electio fuerit nulla. Igitur hoc potest determinare collegium &c.

Cum reverentia declino consequentiam per jura prædicta & illa quæ præsupposui. Ad probationem respondeo, & dico quod Domini cardinales possunt ad sui informationem certificari & quærere si prima electio teneat vel sit nulla absque potestate alicujus jurisdictionis. Et ita intelligo notata per Johannem. de fi. & Hu. & Archidiaconum & alios doctores, quos allegatis, & omnia alia jura per vos præsupposita & ad hoc inducta: videlicet quod cardinales possunt juridicè definire, & quod stetur eorum definitioni, determinationi in præjudicium electi jam per ipsos cardinales inthronizati & per quatuor menses possidentis pacificè & quietè, ipsis cardinalibus præsentibus, & videntibus, & consentientibus, vel saltem non contradicentibus, ipso non vocato, non convicto, hoc omnino nego, quia decretalis *ne Romani* ipsos cardinales privat omni potestate & jurisdictione sede vacante.

Venio ad aliam rationem qua dicitis, Metropolitanus qui ad ecclesiam sibi suffraganeam habet providere, ipsum electum habet examinare, & potest cognoscere de meritis ipsius electionis, utrum teneat vel sit nulla; & ipsius articuli determinatio ad ipsum noscitur pertinere. Igitur hoc potest collegium cardinalium, cum aliquis ad Romanam ecclesiam noscitur electus, cum in ista vacatione cardinales fungantur vice metropolitani ad consecrandum electum antistitem, & non ad aliud, ut innuit textus & Glossa ord. in c. *ne Romani*, quod Hostiensis dicebat in præcipuo.

Sed nunc restat respondere ad aliud quod magis urget, videlicet c. *ubi majus periculum* §. *idem quoque*, & dico quod caput loquitur quando aliquod tam grande & tam evidens periculum imminet, &c. evidens autem manifestum dico, cujus probatio est in evidenti, ut in c. *Constitution*. de verborum significatione l. 6. Iste autem non accedit manifestè intrusus, immo talia sunt & narrantur in facto propter quod multi valentes doctores & de melioribus totius mundi credunt, dicunt, & firmissimè asserunt ipsum verum Papam, cum quo etiam stat major pars christianitatis, quæ ita credit, pro eo quia sicut dixi, per dominos cardinales fuit electus, receptus, inthronizatus, coronatus, habitus, reputatus; & ut verus papa tenuit per quatuor menses pacificè & quietè papatum, dominis cardinalibus videntibus, scientibus, & consentientibus, vel saltem non contradicentibus. In quo casu dubio etiam non credo habere locum c. *Si quis pecuniam*, sed in casu manifesto & notorio in jure & in facto. Et si dicatur, impressio fuit mani-

A festa & notoria. Respondeo & dico quod postquam cessavit impressio, & ille popularis tumultus, etiam post aliquorum dierum intervalla, inthronizatio, coronatio, & obedientia Domino papæ cardinalibus fuit manifesta, pacifica, & notoria per quatuor menses. Et si dicatur: Domini cardinales dicunt quod duravit metus. Respondeo & dico quod ipse electus hoc negat, & ultra offert probare contrarium, ut superius dixi. Per istam igitur negationem, consideratis omnibus & singulis actibus, quos publice, palam, & notoriè fecerunt Domini cardinales, dicimus casum dubium, & non habere locum c. *si quis pecuniam*: quod caput etiam potest intelligi, quando aliquis sine concordii & canonica electione cardinalis per militarem vel popularem tumultum fuit inthronizatus: ideo quia tunc inthronizatio est notoriè mala & inexcusabilis. Nimirum igitur quod in tali casu licitum est cardinalibus etiam & laicis talem notorium & inexcusabilem invasorem depellere & anathematizare, secus autem in vestro casu, ubi licet dicatur electio non canonica, non tamen fuit inthronizatus militari vel populari tumultu, ut patet ex themate: sed fuit inthronizatus per ipsos cardinales, ad quos solum inthronizatio & electio pertinet de jure communi, ut xxiiii. di. in nomine Domini. Cum igitur caput *si quis pecuniam* sit pœnale, & exorbitet à jure communi, ut patet 3. q. 1. per totum. c. 3. q. 8. q. 4. c. *nomine*, casum propositum non excedunt, sed habeant locum antiqua jura ut in c. *statutum* de elect. l. 6. cum sui remiss. Regulæ enim generaliter traditæ pro electione Romani stabo, nisi in quantum inveniam expressè deductum, ut in c. *consistorio* constitu. de elect. l. 6.

Ad hæc respondeo ad §. *idem quoque* qui verè multum urget eo modo quo per vos subtilissimè deductus est; pro cujus solutione præsuppono pro vero illud quod vos dicitis in themate, videlicet quod per patentes litteras fecistis citari cardinales Italicos, ut infra v. dies ad tardius convenirent vobiscum in Anagnia ad deliberandum & providendum super impressione vobis facta in electione, quam nutu mortis feceratis, de remedio opportuno; nec non & ad tractandum, & peragendum omnia & singula quæ propter præmissa erant necessaria ad salutem & utilitatem sanctæ Romanæ ecclesiæ, etiam prout in litteris citatoriis ad quas me refero, plenius ac latius continetur, facta & iterata eis citatione præmissa, tres cardinales, quia quartus erat infirmus, comparuerunt infra dictum terminum, & post multa quæ ibi fuerunt prolata, expressè dixerunt, quod eis videbatur expediens & necessarium quod convocaretur concilium; & in ista conclusione remanserunt; sicut & adhuc sunt constantes: quæ via vobis aliis dominis meis cardinalibus Gallicis non fuit visa utilis, sed præjudicialis & non bona; & ipsam tamquam damnosam & præjudicialem communi consilio repulistis: ita quod in hoc casu Gallici & Italici domini cardinales discordes remanserunt, & statim electum cum

solemnissima publicatione & sermone anathematizatum & intrusum publicari fecistis, prout in litteris super hoc confectis, ad quas me refero, plenius & latius continetur. Cum igitur §. *iidem quoque* dicat nisi aliquod tam grande & tam evidens periculum imminet, quod omnibus & singulis cardinalibus presentibus concorditer videretur illi succurrendum celeriter, &c. Sed hic non fuerunt omnes & singuli cardinales concordantes, ut præsupponitis: igitur §. non habet locum, nec concludit illud ad quod inducitur.

Venio igitur ad primum articulum sub illa VIII. q. comprehensum, & per vos subtilissime & copiose discussum; & quæro si ad cardinales non spectat ista determinatio, ad quem igitur spectabit? Cum supportatione & determinatione vestra, videtur quod ad concilium: quia ista causa totam universalem ecclesiam tangit. Igitur per regulas juris ab omnibus decidi debet quod omnes tangit &c. Hoc tenet expressè glossa in c. *si duo forte*. LXXIX. di. cum quo tenet Archidiaconus pro ipsa glossa allegando VI. q. c. i. Cum igitur sint duo doctores antiqui reddentes generalem juridicam rationem & suspicit cardinales quod essent iudices in facto proprio, stemus eorum consilio & opinioni, postquam non habemus aliud jus expressum in contrarium.

Sed si ad concilium spectat, quis convocabit concilium & præstabit auctoritatem iudicariam, cum non possit concilium convocari, nisi per papam vel ejus legatum, & ipsum concilium recipiat suam auctoritatem ab ipso Papa, qui modò non est, cum sedes dicatur vacare?

Respondeo cum supportatione vestra & omni moda determinatione & dico, quod revocabitur per cœtum reverendissimorum dominorum cardinalium, qui hoc casu succedunt in jurisdictione papali.

Sed quæro, quo jure? Respondeo quod per §. *iidem quoque*, in c. *ubi majus*, eo modo quod per reverendissimam paternitatem vestram inductum est, licet ad alium finem. Videre meo ad istud propositum mirabiliter facit, & hoc tenet expressè Hu. LXXIX. di. III. c. *si duo forte*. Et per hoc cum reverentia loquendo fit solutum ad illas tres rationes quas super hoc facitis. Sed si hoc non placet reverendissimæ paternitati vestræ, dico quod ad maiorem cautelam convocetur concilium per utrumque electum una cum cœtu reverendissimorum dominorum cardinalium: & in hoc casu cessabit omnis dubitatio.

Decursis igitur per me avidè lectionis instantis providentissimis vestræ disputationis eloquiis, quæ insciolam æstuantis conscientie ruditatem sollicitare videntur, ultimæ vestræ quæstionis articulum, cui ad tractandum præmissa (summam sacri collegii cardinalium potestatem, quibus dicitis quod clerus & populus christianus in hoc passu tenentur credere tamquam de necessitate salutis,) sui tractatus seriem profunda discussione convenit, aggredi inconsulta præsumptione non audens sed sub occans velut per naviculam delitescens. Præsumtuosum

A enim esset, & absolum, si ad illorum ventilandum potentiam, auctoritatemve scrutandam, mea humilitatis stylus insurgeret, quorum peregrinus & inops dudum suavissimo lacte nutritus, quorum fragmentis & fomentis magnificis & munificis ditatus ad tantum dignitatis solium, non meis meritis, sed horum clementia sum evectus; illud tum supplicans instantius qua possum confido, ut puram veritatem rei gestæ detegentes simpliciter, cum contra hoc involucrorum ambages & scrupula digne-

B mini quasi ramos obumbrantes abscindere, ne ipsius veritatis semitam propositionum & casuum diversorum silva umbrosa videatur intexere, & quod per notoria veritatis expetitur, nullius difficultatis rubigine maculetur. Nam ex varietate & discrepantia relationum, tanta in hoc humana ratio prolixitate confunditur, tanto stupore fidelium mentes subversæ rapiuntur, quod secum ipsi dissidentes, à sensibus propriis exsulant, fluctuant spiritu, quo calle gradientur ignorant. Quamdiu, quamdiu? cras

C & cras. Quare non modò, iudex æterne, incipiunt dæmonum commenta nudari, detegi artes, cessare visiones & somnia, & nefandæ pestis materia conculcari? O utinam mihi parcius datum esset in sudore vultus mei & labore manuum fscellas junco contexere & leviam palmarum folia complicare, quam in tanto ecclesiæ Dei præcipitio & ruina ad regimen positus aliorum prædicta mihi alligari duplicia; & quotidianis mortibus & anxietatibus interire! En dicunt gentes fideles sponsæ crediti paranymp

D phi, qui dum de ejus hereditate contendunt, ipsam profanandam infidelium latratibus derelinquunt, qui prætereuntes & moventes capita sua blasphemant dicentes: Quomodo dicit quod nos salvos faceret, quæ in seipsa lacerata prosternitur? Juvet prius seipsum, & credemus ei. Et sic dum pastores mutua se altercatione collidunt, lupi rapaces ab omni parte Dominicum gregem invadunt. Missos fuisse legimus sacerdotes & levitas ad Domini Præcursores, quibus instantibus ut de seipso testimonium perhiberet,

E propheta gratia Dei plenus, & humilitatis baltheo circumcinctus, Non sum, inquit, ipse propheta, & suppressere humiliter satagebat, quod de eo divinæ vocis oraculum proferebat. Inter nostros apostolicos & coelectos non est, prohdolor! Non est qui interrogatus de se respondeat, non sum successor Petri, non sum vicarius CHRISTI JESU; puto enim quod collatis illi clavibus regni cœlestis diceretur à Domino: Ascende superius, pasce oves meas, & gregis mei probata humilitate curam complectere.

F Superba mens nostra non vult sponsum deferere, veretur eum amittere. Cæca enim humanæ præsumptionis ambitio turbato ordine ad humana prius cursitat argumenta, quam cælestia velit sperare præsidia. Talibus dicitur interdum per prophetam: Si exaltatus fueris ut aquila, & inter sidera posueris nidum, inde te detrahā, dicit Dominus. Succurrite igitur & subvenite, Patres conscripti, luminaria super candelabrum radiantia, & cæcos, vagos, fluctuan-

tes, & trepidos, ac insipientes populos vestris illustrare splendoribus, vestris invidiis viribus confortare, ut possimus psallere cum propheta dicentes: O quam pulcri pedes annunciantium pacem, evangelizantium bonum. Et si hæc videretur non posse sufficere, vestras saltem debet pias conscientias concitare, zelus domus Dei, animarum pericula, infames confusiones & scandala, quibus vestri sanctissimi coetus integritas & totus Ecclesie Dei clerus ex hujus horrendi schismatis tempestate universaliter laceratur. Existimat enim loquacis vulgi inconsulta protervitas, quod odii fomite, non zelo justitiæ, adversus primum electum unanimiter concitati eum cogitatis, quod absit, molitionibus impugnare, & de eorum quæ asseritis & secundo electi veritate & justitia diffidentes, generalis concilii consistorium declinetis. Præsertim cum in hoc omnium fere Christianorum principum & trium cardinalium Italicorum vota conveniant, & totius populi christiani desideria proclamata concurrant, ex quo pars maxima occidentalis cleri & populi in fide primi electi sunt adeo radicati, quod non nisi per viam dicti concilii aut divino miraculo possit ejus ab ipsis devotio quomodolibet aboleri.

Quare, benignissime pater & domine, vestram & aliam dominorum meorum cardinalium quorum me facturam esse cognosco, clementiam & pietatem supplici humilitate deposcens oro & exposco per illam inexhaustam misericordiam JESU-CHRISTI, & per unitatem catholicæ fidei, quatenus à vestra splendida puritatis luce tantæ obscuritatis maculam abradentes, & in his instantibus malis & periculis occurrentes, ad propositum dicti generalis concilii remedium concurratis. Tollite, quæso, moras, patres eximii, congregate plebem, festinate succursum, & ad communis matris reparanda solatia fidelis populi consortium advocate: Erumpant ut lux meridiana veritatis excelsa præconia, per quæ fidelis Zorobabel ad Regis cognitionem mereatur extolli, & nostræ spiritualis Jerusalem collapsa possit gloria reparari. Quod si dicti concilii vestra paternitates omnino crediderint sperandam convocationem, & ad brevioris remedii compendia recurrendum, licet non sit humilitatis meæ tantis patribus agenda dictare, satis tamen tolerabile videtur, quod hinc inde in certo numero communiter vel divisim eligerentur prælati, vel alii clerici comprobati, & tanto negotio congruentes, per quos omnibus & singulis quæ extra conclave habita & acta fecerunt solemniter & seriose informatione conjectis, per modum aliquem Deo gratum hujus damnosæ pestis præscinderetur infectio, & grandis periculi contentio sopiretur. Concordato enim facto per communiter sic electos, parvam operam restare puto, ut unusquisque propriæ mentis compos, etiam absque prolixitate concilii, possit quod jus dictat breviter arbitrari. De his enim quæ in conclavi per vos dominos cardinales acta fuerunt non credo quod de facili per alios quàm per vos, excepto secretorum omnium spectatore, possit probabiliter ve-

ritatis sinceritas perscrutari. Et ne copiosa verborum congerie videar dominis meis ipse quiescens grandia suadere, si prædicta reconciliatione & quiete sanctæ matris Ecclesie aut vestræ paternitatis, vel cujuscumque eorundem dominorum meorum communiter vel divisim servitiis beneplacitis vel honore posset mea parvitas quicquam utiliter expedire, non recuso laborem, sed paratum me offero, & in carcerem mitti, & in mortem ire, & cujuscumque fortunæ vel sortis eventum ad mandata ecclesie humiliter acceptare.

Porro si grandi cordis stimularum compassio ad aliquod inconsultum aut vestræ fraternitati fortassis in gratum linguæ frænū præcipiti præsumptione laxavit, veniam prostratus imploro. Ignoscat oro vestra benignitas. Nam quod vehementia concepti doloris instruxit ad evocationis meæ... præcordiis, clementia vestra lenitatis extersit, cui languores meos detego, quam me liberare posse confido, quamque largitatis divinæ immensitas salvet semper & muniat & ad tempora feliciora perducatur, Amen. Amen.

## ORATIO FACTA AD CÆSAREM

Per Dominum Raymundum Bernardi militem & legum doctorem, consiliarium regis Franciæ & ducis Calabriæ & Andegavenfis, ad declarationem juris Domini Clementis papæ VII. contra intrusum in Roma.

Cæsar, si orantibus in causis necesse sit <sup>Anno 1517. Ex mss. Gemma-ricenf.</sup> eorum in oratione vim exprimi, ut responduro principi vera precatio rem aperiat cognoscendam: oportet me originem præsentis schismatis & processum vestræ celsitudinis in conspectu solis his verbis exponere, quorum discursu aliqui inanibus insistentes objectis frustra disputant curiosi. Quidnam, Cæsar, dicturus sum aliud, quàm rem grandis infortunii orthodoxæ religionis in schismate, cum in totius reipublicæ perniciem christianæ, felicitis recordationis post obitum GREGORII papæ XI. in Urbe Romana, in qua cum sua curia residebat, satan suum semen, scilicet zizaniam in agro Domini seminavit, & in cordibus Romanorum impressit, ut seditiosè tumultuosus clamoribus, viris armatis, & viribus Romanum vel Italicum in papam eligerent, justo metu perterritos cogerent cardinales.

Sciendum namque, Cæsar, ipso pontifice defuncto, Urbis Senator & ceteri præditi potestate suorum superbiorum sequentes vestigia dæmonis seductorum, rei bonum nuntium confingentes, ut malum subsequens & finem pessimum ministrarent, super observatione constitutionis *Ubi majus periculum* de electione lib. vi. juramentum debitum præstitere inter cetera continens, ut in palatio unum conclave nullo intermedio pariete seu velamine omnes inhabitent in communi, quod ita claudatur undique, ut nullus intrare valeat vel exire. Item quod cardinales ultra quàm ibi exprimitur, non arcentur



arcerentur. Deinde ante diem ingressus conclavis officiales Romani in multis deliberaverunt consiliis, ut blandis verbis, & cum precibus cardinales inducerent ad Romanum vel Italicum eligendum in papam, & si per preces non posset ad optatum veniri, ad hoc expressè cogerent cardinales.

Incipit igitur blanda verborum congeries, comminationum epistolas gestans in cauda do-  
F. In-  
centibus  
minis cardinalibus \* inquit illas: Patres  
„ & Domini, supplices exoramus, ut Romanum  
„ vel Italicum eligatis in papam, & quod ante  
„ conclavis ingressum nos velitis super hoc facere  
„ certiores: alias dubitamus de maximis & irre-  
„ parabilibus periculis, cum cognoscamus corda  
„ civium nimium sublevata. Ipsi vero domini car-  
dinales ipsis officialibus juridicè responderunt, quòd ad certum aliquid se astringere non poterant quod valeret de jure: rogantes eosdem quod ab istis desisterent & desistere facerent populares, ne impedimentum facerent electioni futuræ, cum eorum desideria curiam retinendi in Urbe satis cito frustrari poterant per hos modos. Viri irrationabiles ratione non contenti in executione minarum & mortis terrorem, gentem rusticam, quæ inciviliter agit, & sine ratione appetit quod devorent, introducunt in Urbe quam revocare nolunt, licet per Dominos, ut revocent, sint instantissimè requisiti. Et ut timor adderetur timori, Romani principes & alii nobiles, per quos sedari poterat furor furentis populi & quietari, per eosdem officiales expelluntur ab Urbe, super quorum reductione aut duorum ex ipsis, curiales preces dominorum cardinalium noluerunt exaudire.

Quid de usurpata portarum custodia per Romanos? Nam ad hoc fuit, ut dominis cardinalibus ad locum tutum pro eligendo pontificem aditus negaretur, sed & timor adderetur timori. Proinde officiales prædicti promiserunt, corporali per ipsos præstito juramento, dominos cardinales ab omni impressione & violentia tenere securos: nec non promiserunt quod burgum S. Petri, in cujus palatio futuri pontificis erat electio celebranda, in securitate facerent custodiri, aut pontes claudi, aut taliter muniri curarent, quod securè posset ad ipsius summi pontificis electionem procedi. Deinde instante hora intrandi conclave, circa solis occasum pro ipsa electione tractanda venerunt domini cardinales, existente populo pro majori parte armato in quantitate plenitudinis plateæ S. Petri, qui ingressus palatium unam constituit aciem hominum armatorum, quam circumquaque palatium ordinavit, ita quòd nullus ingredi poterat vel exire. Paulo post hora tarda cumulantur terrores, dum illi qui capita dicuntur regionum, una cum multis civibus per fas & nefas conclave sunt ingressi, poscentes vicibus iteratis, ut domini cardinales antequam inde recederent, consolarentur de electione Romani vel Italici faciendæ: pluries & pluries subjungentes populum sic fore dispositum, quod istud esse aliter non poterat absque periculo personarum. Ipsi autem domini cardinales juridicè

A responderunt, *ut supra.*

B Quibus abeuntibus, remansit seditiosus populus in palatio, per totam noctem tumultuosè vociferans per laclanellatam *Romanum volumus vel Italicum*, clangore tubarum & campanarum sonitu mixtis furori. Nec deinceps populus permisit claudi palatium illa nocte, pluriumque portas mansionum palatii fregerunt, eadem nocte sæpe sæpissime percusserunt solarium & latera conclavis permaximis ictibus, indefinenter clamantibus, ut supra. Mane autem factum domini cardinales orabant ad Dominum in devotione missarum, ut super electione faciendâ ipsorum animos dirigere dignaretur, horribilius more solito vesanus populus horrendas voces emittit, movetque tumultum, & tumultuosissimis vocibus & clamoribus interpellatio contumeliosa procedit, ut Romanus vel Italicus eligatur: & si fortè aliqua pars populi esset in Urbe non furens, ut universi furiant, & in frenesi deducantur, pulsantur campanæ S. Petri & capitolii ad martellum pro congregatione furentis & ferocis populi, ad rumorem universis sine intermissione clamantibus *Romanum vel Italicum eligatis in papam.*

C Demum tam ferocis & barbarici populi feroci intentione percepta, custodes ab extra conclavis, quorum quidam Romani, quidam verò Ultramontani fuerunt dominis cardinalibus inquierunt: *Nisi incontinenti Romanum vel Italicum eligatis in papam, omnes per frustra scindemini sine mora.* Quo audito per dominos cardinales, statim dominum BARTHOLOMÆUM tunc Barrensem archiepiscopum, timore mortis imminentis, alias non facturi, ex abrupto, nullo penitus præcedente tractatu aut meritorum discussione personæ, elegerunt in papam: uno excepto Romano, qui dixit quod propter notoriam impressionem præsentem nec sibi, nec alteri daret vocem suam, & si fortè per omnes aut aliquos fuerit dictum, quòd ipsum animo & proposito quod esset verus papa, elegerint nihil magis valere poterat electio quæ præcessit ex potestate ligata.

E O Cæsar, prudentia regia aciem suæ considerationis extendat, an justè timere debuerant domini cardinales, videntes sic inhumaniter se deceptos ab officialibus perfidis & perjuris, cum fidem præstitam non observant, & violare juramenta præstita non verentur: Quidnam de vita ipsorum sperare debebant domini cardinales, nisi facerent quod petebant Romani, cognoscentes se absolutè positos etiam in potestate populi furibundi. Ideo nihil operabatur animus & propositum eligentium, durante seditione: quia licet nihil ardentius sic volitum quàm illud quod geritur, pro ultimo terribilium morte vitanda, nihil prodigalius concedatur quàm pretium sanguinis, id est vitæ: nihil tamen debilius ac fragilius geritur ab istis, cum ipso jure non valeant & nullius sint momenti ex juris gentium ordinatione, juris canonici duplici dispositione, juris imperialis gemina sanctione: Juris gentium ponunt ordinationem egregii legislatores Paulus & Ulpianus ff. de except. do.

B b b b



l. i. §. *ideo* Et c. ti. l. *apud celsum* §. *metus causa* Juris canonici dispositione prævia probatur xxiii. di. *In nomine Domini*, ubi dicitur quod si quis contra hoc decretum synodali sententia promulgatum per seditionem vel præsumptionem electus aut etiam ordinatus, seu inthronizatus fuerit, perpetuo anathemate cum suis fautoribus & sequacibus, à liminibus sanctæ Dei Ecclesiæ separatus abjiciatur sicut antichristus, inuasor, & destructor totius christianitatis. Non obstat, immo juvat cap. *licet* de elect. quia in quantum commemorat jura antiqua inter quæ est allegatum cap. *In nomine Domini*, adjungendo & providendo expresse, ne per illud aliquod præjudicium generetur eisdem, ut in dicto cap. *licet* satis circa primum cum dictis aliquid decernimus ad injungendum. Et in §. *Ex hoc* dat nobis intelligere manifestè quod non loquitur de electione per metum aut populi seditionem extorta, quæ sic cum suo electo damnatur in cap. *In nomine Domini*. Eodem modo faciunt cap. *Ubi majus*. c. ti. li. vi. & cap. *ne Romani* in Clem. in quantum commemorant dicta jura. Secunda dispositio juris canonici probatur in c. *Ubi majus*. §. *ceterum*, ubi dicitur, quod cessat electio dum facultas adimitur eligendi. In quo casu propositæ electionis BARTHOLOMÆI per seditiosum populum fuerunt domini cardinales artati Italicum dumtaxat eligere aut Romanum. Ad quorum positionem remotio sequitur futurorum ff. de interdi. & rele. l. *relegatorum*, & de condi. & de modo l. *cum ita* §. *videamus*. Verbo. *Qui enim*. Cum igitur ademta sit quo ad ceteros eligendi facultas, ut l. *Qui hominem* ff. de adi. lega. cessat electio, ut l. Sciphi. ff. de adopt. lega. sine qua BARTHOLOMÆUS non potuit esse papa lxxix. di. *si quis pecuniam* & aliàs c. *In nomine Domini*.

O Cæsar, ante vos imperantium consultadivalia sanxerunt, quod in nullis locis aut civitatibus tumultuosis clamoribus cujuscunque interpellatio contumeliosa procedat, scituris his qui hujusmodi voces emisserunt, moveruntque tumultus, siquidem fructum ex his quæ postulant nullatenus habituros. c. *de seditiosis* l. ii. c. *qui manu* non pos. l. duo. ff. *Qui & à quibus* l. *Si privatus imperii* ff. de op. legis l. *Si constat*. Nec distinguunt canonicum aut jus civile, an timuerunt, an non eligere seditione compulsi, sed hoc solum requiritur ad hoc ut electio nulla sit ipso jure, quod voci tumultuantis & seditiosi populi in eligendo fuerit obtemperatum; & hoc respectu, potestas dominorum cardinalium in eligendo BARTHOLOMÆUM aut alium Italicum vel Romanum de jure fuit ligata seditione durante: sicque frustra quærent curiosi an timuerunt domini cardinales eligendo BARTHOLOMÆUM, cum hoc nihil aliud sit quam velle distinguere dicta jura, quæ indistinctè loquuntur: quod absonum est & contrarium rationi ff. de publi. c. *de pretio*, licet juste timuisse judicet & fecisse per metum nobilis Ulpianus attentis prædictis ff. quod metus causa vel metum circa princi. vel aliter neque. & ff. ad legis atque l. si. sed etsi ff. de si. & li. ar. l. iii. §. *Qui artem* & legislator Gaius ff. ad l. Aquilæ l. i. *Itaque*.

Alterius de jure naturali fuisse nullam electionem BARTHOLOMÆI sic probatur. Juris civilis regula est quod nihil consensui tam contrarium est quam vis aut metus: & quod vi aut metu fit sine consensu est. Nam duorum contrariorum altero posito, alterum tolli necesse est. Ideo ista BARTHOLOMÆI electio, quæ non ex arbitrii libertate, sed ex metu procedit, in substantialibus deficiens dicitur esse nulla. Præterea hæc manifestè probatur in electione judicis metu facta, quæ ipso jure dicitur nulla ff. de judici l. ii. *circa principium*. Sed nullibi magis tractatur de electione judicis facienda, quam ubi summus pontifex ordinatur, qui omnes judicat, & à nemine judicatur. Secundam verò electionem factam post prandium in capella eadem ratione qua primam reprobant dicta jura. Ulterius subjacet vitio nullitatis propter contemptum trium dominorum cardinalium, qui non fuerunt vocati per alios in capella. Tunc enim locum habet quod duæ partes possunt eligere, quando sunt omnes simul de electione tractantes, ut c. *licet* §. *& duabus*. Cum dicit, tertia pars concordare noluerit. Præterea cum pars sui totius unitatis respectu dicatur ff. de rei ven. l. *in rem*. §. *si quis rei*, circa principium... dicendum est quod cardinales eligentes in capella, aliis tribus non existentibus ibi & ignorantibus quæ agebantur, non erant duæ partes illius totius quod potest eligere papam: quod tamen necesse est ad hoc, ut possint eligere papam, cap. *licet*. Quod sic probatur. Certum est quod totum potens eligere papam est domini cardinales inclusi in conclavi pro electione facienda juxta formam c. *ubi majus*. Separatis igitur cardinalibus, desinit esse totum ff. de usu cap. l. *cum quo* al. qui cum ibi separatis enim corporibus. Et sic totum quod non est, partem habere non potest, ff. de ac. redo. l. *adeo* §. *Quod si post ver. Si cujus*. Et sic responderetur ad illud quod dicunt adversarii, dictorum trium cardinalium assensum accessisse, quod asserunt sufficere per al. c. *licet* §. *Præterea*: quia posset hoc esse verum ubi eligentes duæ partes dicti totius extitissent, quod hic non erant, nec esse poterant, ut dictum est.

O Cæsar, ex prædictis manifestè monstratur, quod inthronizatio seu coronatio dicti BARTHOLOMÆI sine concordia, quia non ex consensu spontaneo, sed coacta & violenta electione processit. Quia illa est canonica electio, quæ rectitudinem continet, & non deviat aliorum iv. di. *denique*. Sed per vim aut metum extorta, sicut illa BARTHOLOMÆI, non est hujusmodi: cum lex dicat quod illud quod metu geritur, fit contra bonos mores. ff. *quod me causa* l. *isti quidem* in principio. Alibi dicitur temerè ut e. ti. l. *extat*. Alibi dicitur turpiter & sceleris quæsitum, e. r. l. *quod dicimus* §. si. Alibi dicitur injuria l. *si cum exceptione* §. *in causa* e. ti. Alibi dicitur improbè factum c. e. ti. l. *non interest*. Alibi dicitur illicitè fieri quod fit per metum de re juris quomodo latenter. Et sic justissimè juxta formam c. *in nomine Domini*, & c. *si quis pecunia*. Omnes domini cardinales, nullo demto, nisi Domino S. Petri dumtaxat, qui ætatis senio

contractus fuit & morte præventus, quanto citius securè poterant, aut potuerunt, ipsum BARTHOLOMÆUM ut intrusum dejecerunt, dimiserunt, & in sua pertinaci maledictione dereliquerunt, & Fundorum civitatem quæ erat & est unius Romani principis tamquam sibi locum pro eligendo summum pontificem juxta formam cap. *In nomine Domini* adierunt, & ibi sine quacunque conditione in papam Christi vicarium, S. Petri successorem, dominum Clementem VII. divinitus elegerunt.

O Cæsar, non de regno Franciæ, sed de solo imperii, de domo comitatus Gebennæ. Nam aliter fuisset vulgaris opinio, quod domini cardinales papatum quasi quodam jure hereditario in regno Franciæ vellent perpetuare. Et quia dictus BARTHOLOMÆUS hostis & totius christianitatis judicatur invasor, per cap. *In nomine Domini*, non fuit necessarius alius processus, cum invasor quamdiu est invasor, sine processu & judicio possit expelli. ff. de vi & vi ar. l. III. §. *Cum igitur*. Et l. *qui possessionem* e. t. in primo dicto. Et censetur invasor toto invasionis tempore, & post aliquantulum temporis, per hoc quod dicitur incontinenti, quod quatenus intelligi debeat ibi notatur. De invasore in profanis dicitur possessor, c. *ut nemo*... sed in papatu numquam efficitur possessor, sed perdurat invasor, & hoc est quod dicit c. *In nomine Domini*, cum dicitur *perpetuo anathemate*... Quicumque etiam christianus ipsum de cathedra S. Petri potuisset nedum ejecisse, sed etiam impune permisisse tamquam invasorem patriæ christianæ. ff. de reli. & sup. fu l. *minime*. Et quod domini cardinales sanctè & justè processerunt in præmissis, sanctorum patrum antiquorum gesta demonstrant. Legitur enim in Chronica Damasi, quod post mortem STEPHANI papæ III. BENEDICTUS valens homo & honestæ vitæ per impressionem Romani populi electus in papam concorditer per omnes cardinales, uno tantum excepto, qui tunc in legatione degebat, cui omnes cardinales, & ceteri Christiani per IX. menses in omnibus tamquam vero papæ obedierunt, & talem reputaverunt & tenuerunt. Deinde reversus de legatione informatus de dicta impressione, ostendit cardinalibus quod talis electio non valuit de jure, & quod debebant procedere ad ejus depositionem alium eligendo, cui fuit contradictum per dominos cardinales propter bonitatem electi: sed reducti ad concordiam, secundum canonicas sanctiones ipsum sic per impressionem deposuerunt de sede, & GREGORIUM VII. elegerunt in papam. Cæsar, in hac materiâ notandum & advertendum est quod numquam sacrum collegium in XXII. schismatibus quæ fuerunt, cum antipapa tenuerunt, sed vero papæ semper adhæsit: quod etiam de regni Franciæ regibus legitur sic fuisse.

O Cæsar, quantum piè & clementer de cælo prospexerit divinitas, cum permisit quod dæmon suggereret in cordibus Romanorum & dicti BARTHOLOMÆI, ut cœtum cardinalium impellerent ad scribendum principibus terræ dictam electionem esse adulterinam. Res hæc mi-

*Theſauri Anecdotes, Tom. II.*

A randa, & inaudita, & nusquam aliàs facta fuit, cum illum solum notificare solitum sit qui est electus, & nusquam antea collegium hoc scripsit. Et certi de non jure electionis prædictæ, cupientes suspicionis vitare certamina, tenerius incedunt in eisdem alterius rei opera sumta administrante natura... & novitatem adjiciunt novitati, dum existentibus duorum ex tribus ordinum collegii prioribus ante suffectis dominis cardinalibus, scilicet de Florentia & de Urfinis, qui de more debebant collegii litteras, non novas sed usitatas unâ cum priore tertii ordinis sigillare, alios duos ultramontanos ad quos non pertinebat officium collegii litteras sigillandi, dictis novis litteris contra morem solitum, ut sigilla imponerentur, infestavit. Ex quibus ipsa electio suspecta redditur, immo taliter falsa convincitur... Deus volens dirigere sanctum suum, illuminavit corda dominorum cardinalium occasione sumta ex dicta scriptura, videntes quod Romanis placuerat & BARTHOLOMÆO, dictam electionem adulterinam huic inscripserunt per litteras quas sciebant aut verisimiliter præsumebant Bandarenſes, & BARTHOLOMÆUM in infirmitate suæ infatuitatis videre. Quæ tamen litteræ dictum Bartholomæum & ejus electionem non juvant, neque probant... Dum dominus tunc Gebennensis cardinalis, nunc vero papa CLEMENS, & tunc dominus Glandensis, nunc vero Hostiensis episcopus cardinalis dicuntur invicem coram BARTHOLOMÆO contendisse super episcopatu prædicto, qui cardinalis episcopus benedictionem suscepit à Domino CLEMENTE facto papa.

O Cæsar, res mira dominorum cardinalium in tot periculis agentium & timore, quanta fuit provida simulatione & providentia divina suffulta, dum sic prudenter & totiens in tantis consistoriis, publicis & privatis missis, aliisque divinis officiis, & aliis ceremoniis astiterunt BARTHOLOMÆO simulantes eum esse papam, & eidem multas tam pro se quam pro aliis supplicationes dicuntur porrexisse; quæ tamen dictam electionem non juvant, ut c. *hereditas* ff. de heredi. *justi*. & singulariter dum domini cardinalis summi pœnitentarii in Anagnia contendentes litteras ad dictum officium pertinentes, cum metus in se habeat ignorantiam, ut dicit legislator ff. *quod me causa*. l. *si cum exceptione*. §. *in hac*. Sed à Deo patre à quo fuerunt instructi provenerunt istæ provisiones, ut dicti seducerentur seductores. Hoc tamen à juris dogmatibus utriusque procedit, l. I. de hi. quæ vi. me. u. *causa* fi. cum fi. all. in Glossa not. ff. de dolo li. §. I. ff. *de novatis*. l. doli circa fi. Collectivè dicendum est dictos actus novam non facere electionem, quia non continent formam contentam in c. *ubi majus*. ut præcedentem non canonicam confirmare, quia talem habere potestatem non legimus dominos cardinales. Solum enim legimus eligere posse, & si canonicè nullam circa eam habent omnino potestatem, ut in cap. *licet* alb. Si non canonicè, non possunt etiam aliquid circa eam, sed de novo eligere debent, ut hoc expresse probatur in cap. *In*

B b b b ij

*nomine Domini.* Dicunt adversarii, dicti actus inducunt præsumptionem quod non timuerunt domini cardinales, quando eligebant BARTHOLOMÆUM. Primò ut allegant pro se, l. ii. c. *quod me causa* quæ de directo in suis terris concludit ipsis. Ibi dicitur quòd si in solvendo intervenierit metus, habet locum edictum *Quod me causa*, sicut fuit in proposito, quia domini cardinales istis actis durantibus erant in isto timore, quia in potestate Romanorum, ita quòd sicut timorè elegerant, timore etiam simulabant electionem valere; quia magis irritassent Romanos in ostendendo electionem non valere, quàm in non eligendo, juxta illud: Turpius ejicitur quam non admittitur hospes, eademque facilitate timoris ad utrumque processum est. Præterea dicitur in eadem lege ii. quod adeo non videtur per metum promississe, quia properavit ad solutionem omiſſa querela, & præsupponit judiciorum vigor, jurisque publici tutela erat in medio c. *de Judæis* l. *nullus*. Et hoc est quod dicitur ff. *Quod me causa* l. *non est verisimile* in princ. Quod tamen in proposito non erat, quia nullus erat qui posset ministrare justitiam contra Romanos. Præterea, ut supra dictum est, certum est dictam electionem BARTHOLOMÆI non valuisse, etiamsi non timuissent cardinales, ex quo ad votum seditionem facientium fuit electio facta.

O Cæsar, quidnam mundus dicturus erat aliud nisi quòd omnes domini cardinales, Italici, Aragonenses, & ceteri alii ipsum dimiserunt BARTHOLOMÆUM, & nullus est secum? Sed omnes viventes sunt cum Domino CLEMENTE, & mortui declarati pro ipso. Sed hæc ideo quia statum eorum deprimere decrevisset, nisi in tantum fastum extulisset suos anticardinales. Nonne illi de Alenconio quantum in eo fuit patriarchatum Aquilegiensem afferentem singulis in fructibus LX millia florenorum contulit? Numquid anticardinali de Ravenna archiepiscopatum dimisit? Num anticardinali de Verfell. ipsum episcopatum confirmavit? Et sic in singulis anticardinalibus inaudita reperietis in monstrum quoad pompam & divitias, si potuisset. Num ille BARTHOLOMÆUS dominis cardinalibus tunc in ipsorum fugam existentibus in Roma dixit Adblandendo mandasse: O domini cardinales, vos statum vestrum totaliter ignoratis, quoniam quilibet vestrum omnium regum dignitatem excellit. Sanè, Cæsar, licet deliberare volentes præcipitandi non sint ff. de interro. *actio*. l. *qui interrogatur*: Tamen ad hoc scrupulosa inquisitio & dilatoria curiositas ulterius spectanda non est, nec supina ignorantia ferenda, nec negligentia crassa perditæ & nimium securi hominis toleranda ff. de juris & fac. igno. l. *plurimi*, &c. *nec supina*. Nec excusat cujuscumque gravis præstita religio juramenti eidem BARTHOLOMÆO ratione papatus cum eo: Quoniam cum ad obtinendum summum sacerdotium reprobato juramentum hujusmodi non debeat observari de elect. c. *venerabilem* in fi.

Ideo, Cæsar, Cæsareos animos ad Dei omnipotentis adjutorium erigatis, humiliter exorando, ut per vos ultimum servum suum

A Ecclesiæ sanctæ suæ dictas ferales & hostiles injurias vindicare dignetur contra BARTHOLOMÆUM, sicut ante vos regnanti contra Vandalicos Justiniano concessit. Datum Pragæ die XXI. mensis Augusti, anno Domini MCCCLXXXIII. Deo gratias.

### CERTIFICATIO COLLEGII Cardinalium nomine cardinalis Albanensis.

B U Niversis Christi fidelibus præsentibus litteras inspecturis ANGELUS miseratione divina episcopus Albanensis sanctæ Romanæ Ecclesiæ cardinalis salutem & in unitate Ecclesiæ indissolubili caritate inferi.

Anno 1184.  
Ex mf.  
collegii S.  
Hieronymi  
de Dola.

Quoniam periculosa res est gregem dominicum aggredi per abrupta, in latrones incidere, & vero pastore dimisso mercenarium imitari, vetus historia scripturæ sanctæ declarat. Sic nempe tempore Moisi vitulus pro Deo colitur, populus seditiosus consumitur, & ab inimicis suis rebelles & increduli vincuntur. C Quam etiam gratum sit Deo verum pastorem & unicum populum suum imitari aperto miraculo monstratur, dum Aaron virga floruit sermone prophetico, dum Oseas propheta asseruit congregabuntur sibi Israel & ponent sibi caput unum, & præcepto dominico dum ipsemet JESUS-CHRISTUS mandat fiet unum ovile & unus pastor, lucide edocemur; Quamobrem ferali peste schismatis nostris, prohi dolor! vigente temporibus in ecclesia sancta Dei, flebiliter concutitur plebs fidelis, dum nonnulli filii Belial tunicam Domini inconsutilem & unicam matrem nostram, sanctam videlicet universalem Ecclesiam sponsam Christi dividere, scindere, ac morsibus caninis lacerare nituntur. Sane Reverendus in Christo frater WILLELMUS Anglicus natione episcopus Maragaensis ordinis fratrum Prædicatorum professor, per nos tempore felicitis recordationis domini GREGORII papæ XI. pontificatus sui anno quarto de ipsius mandato in episcopum consecratus, ad nos suos maturavit accessus, petens à nobis sapius & instanter vero corde & sincero animo informari, quem credimus verum papam. Cujus devotioni responsum dedimus in hac forma: Fatemur in nostra conscientia, & sic volumus, pro nobis & nobis commissis, coram summo iudice in extremo examine respondere, de suaque ineffabili misericordia pro meritis finaliter præmiari, semoto quocumque conscientie scrupulo, firmaque fide credimus & simpliciter confitemur, Sanctissimum dominum nostrum dominum CLEMENTEM papam septimum, natum de solo imperii, & de domo comitatus Gebennensis, vocatum ante promotionem suam ad summi pontificatus apicem ROBERTUM DE GEBENNIS Sacrosanctæ Romanæ ecclesiæ presbyterum cardinalem tituli Basilicæ XII. apostolorum, assensu unanimi reverendissimorum patrum dominorum cardinalium sanctæ Romanæ Ecclesiæ, divinaque providente misericordia electum in summum pontificem Christi vicarium in terris, ac unicum universalis mili-

rantis Ecclesiæ patrem præcipuum & pastorem. Ceterum domini cardinales, qui post ipsius domini nostri electionem canonicam decesserunt in extremis dierum suorum, ubi nullius nisi solius Dei omnipotentis timorem habebant, hoc idem tabellionum ac venerabilium testium episcoporum & aliorum multitudine assistente & ad hoc specialiter vocata, in animarum suarum periculo tenuerunt firmiter & simpliciter absque cujuscumque hæsitationis scrupulo palam & publice testate fuerunt. Super quo fecerunt per tabelliones ipsos publica confici instrumenta, ut exinde cunctis in facto hujusmodi tam arduo hæsitantibus velut lucerna super candelabrum posita veritas eluceret, erroris umbraculis penitus confutatis. Omnes etiam domini cardinales superstites in animarum suarum periculum una & viva voce fatentur continue, firmiter & simpliciter tenuerunt & tenent, quod prædictum sanctissimum patrem & dominum nostrum dominum CLEMENTEM & nullum alium post obitum dicti domini Gregorii libere & legitime elegerunt. Cum ergo prædictis dominis cardinalibus dumtaxat de electione legitima summi pontificis simpliciter & firmiter sit credendum, & sub pœna peccati mortalis religione christiana tenendum, esse in terris Christi vicarium ac universalis ecclesiæ pastorem unicum, quem iidem cardinales mere, libere & unanimiter esse asseruerunt verum papam; caritatem vestram sinceris affectibus in Domino cohortamur, & obsecramus per viscera nunc JESU-CHRISTI, quatenus pro salute animarum vestrarum Dei timorem, cujus causa agitur, quibuscumque mundanis favoribus præponentes, ad credendum vel tenendum in facto hujusmodi aliter quam præmittitur, nullatenus inclinetur cor vestrum, si demum cupiatis vitam æternæ beatitudinis ingredi, imperialique veste indui, & in extremo die judicii annumerari ovibus JESU-CHRISTI. Et ita præfato episcopo suasimus & suademus in pura conscientia atque fide. In quorum testimonium præsentis litteras fieri fecimus nostrique sigilli appensione muniri. Datum Avenione die xxiii. mensis Junii anno à Nativitate Domini mccc lxxiv. pontificatus dicti domini Clementis divina providentia papæ vii. anno sexto.

EPISTOLA EPISCOPI CONDOMENSIS  
ad regem Francorum Carolum VI. data  
anno 1393.

Anno 1393.  
Ex ms.  
Gemmatis-  
cens.

**C**hristianissime Rex, post mei humilem recommendationem, noveritis me vestras litteras regias cum honore debito recepisse quinta die præsentis mensis Novembris, quarum executioni omnes de clero & populo intendimus puro corde. Quoniam verò piè & humiliter orationum apud Deum suffragia postulatis pro tollenda ægritudine corporali, urgente caritate & fidelitate quibus vobis teneor, significo quod devoti vestri propriarum animarum & boni communis, quod plurimum ab incolumitate vestra

dependet, constantissimi zelatores, pro eo quod nonnumquam corporalis infirmitas à spirituali etiam alienarum culparum occasione procedit, pro celeri & securissima cura vestra & exauditione precum, quæ Altissimo omni die pro vestra incolumitate humilius porriguntur, multum æstiment utile, optant & supplicant, ut super statu Ecclesiæ & populi jam diu afflictorum, vestrum regium consilium invigilet cum effectu, pro quo quædam præcipua scripta & sanctorum doctorum sententias Vestræ Regiæ Majestati humiliter dirigo præsentandas, quas supplico brevissimè inspicere & examinari faciatis: quoniam ubi tantam caritatem Deo & proximo exhibueritis, vel exhibere vos præparabitis, firmiter tenendum, quod & vestræ & vestrorum pro vobis preces erunt acceptabiliores apud Deum & sanctos ejus, ut gaudeat totus mundus vobis sanitatem & incolumitatem plenissime restitutam ad laudem Dei & exaltationem fidei orthodoxæ. Nec Christianissime & illustrissime Rex, cor regium propter casum hujus vestræ ægritudinis plus debito conturbetur: quoniam, coram Deo loquor, plurimum vestri regnicolæ tam per vestras litteras, quam per auditum cognoscebant, & scire credebant factum vestrum propositum ad unitatem Ecclesiæ & pacem populorum & quietem, & forsitan ad tollendas aliquas affectiones, quæ humanitus possent sanctum propositum regium impedire. Ille summus cælestis Agricola, qui solus novit rerum ordines antequam fiant, permisit vobis hanc corporalem ægritudinem evenire, sicut veritate teste, ipse novit omnem palmitem in se fructum afferentem purgare, ut fructum plus afferat. Quare consolamini, & confidite in Domino: facite brevissimè inspicere & referri scripta prædicta quæ mitto, continentia cælestem & securissimam medicinam. Nec dubito quin hæc Dominicæ virgæ percussio in corpus regium, si contemptus aut negligentia non resistent, secundum utrumque hominem adjiciat in melius reparationem vestræ sensu canæ, diebus tamen elegantissimæ floridæ juventutis, ut in tam felicibus principiis non exaruerit flos decorus, quem ad gratiam & gloriam prospere dignetur Altissimus, ut optatis. Scriptum apud Condom. xviii. ejusdem mensis.

AD SUMMUM PONTIFICEM.

Pater sancte, non possem exprimere quantum scandalum & flagellum reputatum fuisset in regno, si quid sinistrum in personam regis illustris evenisset, quod Altissimus clementer avertit & avertat diutius, prout sui fideles devotius optant. Et ideo ad captandam Dei benivolentiam pro aversione tanti flagelli concludit littera, ut apparet, ut scilicet recuperata incolumitate illustrissimus rex tanto bono intendat. Videntur autem dicere sancti doctores, quod in talibus generalibus accidentibus multum sit divina severitas advertenda, quæ, juxta verbum prophetæ post factum, & in novissimo intelligitur. Et in eodem propheta: *Numquid non verba mea quasi ignis, dicit Dominus, & quasi malleus*

B b b b iij



*conterens petram, &c.* Quare non mirandum, si in tam gravi accidenti hujus mortiferi schismatis plurimi de propria & proximorum salute solliciti timorati stant & attenti, ut dominica severitas à se & proximis convertatur. Et videtur orandus Altissimus, ut humilientur corda terrestria & discola; exaltentur & eleventur ad diligendum æterna. Ad quæ nos dirigat pax, caritas, & unitas, si ipsas habuerimus dum in corruptibili corpore sumus in hac valle miseriæ viatores, quod nobis concedat JESUS Dei Filius benedictus. Amen. Valeat V. S. Et scriptum ut supra.

Orator V. S. Episcopus Condomensis.

## TRACTATUS

Super materia schismatis per dominum episcopum Condomensem compilatus & compositus ac regi Franciæ transmissus anno Domini M CCC LXXXIII.

Anno 1393.  
Ex ms.  
Gemmeti-  
cens.

**S**cripta hæc sicut ad unitatem tendunt, ita materiam habent colligatam & mixtam: quia tamen in cælesti hierarchia ordo unitati deservit LXXXIX. d. c. fi. ita & quindecim quodammodo partibus ordo in ipsis haberi videtur.

Prima pars in principio ubi ponitur scribentis motivum cum debitis protestationibus.

Secunda pars ibi *Verum christianissime Rex.* Ibi agitur quod propter multitudinem operantium, licet magnorum, non auferatur inquisitio eligendæ & sequendæ veritatis.

Tertia pars ibi, *Et quoniam plures.* Ibi agitur quid, & ubi est Ecclesia, & quod sicut fides per caritatem copulat unitatem patenter, econtra culpa schismatis, licet fidem prætendat, fraudulenter caritatem excludit & pacem: & qui verè dicuntur schismatici.

Quarta pars ibi *Sunt igitur.* Ibi agitur quod schismatici tales in hac vita nihil agere possunt utile ad salutem, & demum assequuntur damnationem æternam.

Quinta pars ibi *Et quam sit periculosa.* Ibi agitur quod aliqua ignorantia non excuset culpam schismatis.

Sexta pars ibi *Et quid autem JESUS benedictus.* Ibi agitur quod Deus utiliter Ecclesiam permittit taliter agitari.

Septima pars ibi *Quo modo autem homines.* Ibi agitur de causis inclinantibus homines ad schismata facienda & dissensiones.

Octava pars ibi *Patet igitur.* Ibi agitur quod schismatici necessario falsa loquuntur, & Ecclesia veritatem, propter quod odium patitur & persecutiones schismaticorum.

Nona pars ibi *Et ideo contra eorum.* Ibi agitur quod contra errores & persecutiones schismaticorum se debent opponere reges terræ, rex Franciæ præsertim.

Decima pars ibi *Ad casum igitur.* Ibi cum quibusdam præambulis introducuntur jura de electione summi pontificis inclusive usque ad c.

*A licet, de vitanda* Extra de elect.

Undecima pars *Circa quod videtur considerandum.* Ibi agitur quod caput ipsum, licet de vitanda, bene intellectum concordat juri evangelico & dictis sanctorum ad conservandam Ecclesiæ unitatem, nec aliquis de doctoribus ordinariis contradicit.

Duodecima pars ibi *His præmissis, Christianissime princeps.* Ibi agitur quod injuriosum & horribile est piis mentibus ab unitate Ecclesiæ & sanctorum corona separari.

**B** Tertia decima pars ibi *Si enim injuriose morti.* Ibi agitur quod propter schismata vitanda etiam episcopi cathedris debent cedere, & quod causa præsentis schismatis sit introducenda.

Quarta decima pars ibi *Cum propter falsam.* Ibi ponuntur attestations dominorum cardinalium à principio hujus schismatis universis Christi fidelibus publicatæ.

**C** Decima quinta pars ibi *Repetitis protestationibus.* Ibi ponitur scribentis humilis suasio & insinuatio ad plus incitandum regis animum, ut celeriter tanto unitatis bono intendat.

Lectorem supplico benevolum, ut si in numeris aut nominibus pontificum, doctorum, vel librorum scriptoris vitio sit erratum, cum caritate corrigat, nec propter paleam grana repellat, cum pace & caritate ad merita intenditur: culpæ culpis non adjiciantur: unde & loquendo regi ac ceteris prodesse valentibus, prout verba utilius & devotius possunt adaptari, cum quanta possum devotione & reverentia mihi assurno verba Augustini in epistola ad Maximinum pro tollendo schismate Africano post medium, quæ ad litteram ita jacent. Hoc tantum malum scandalum, tantus diaboli triumphus, tanta perniciēs animarum, si per tuam modestiam & prudentiam & dilectionem quam debemus ei qui pro nobis sanguinem suum fudit, ablata de medio in his regionibus fuerit, quis explicet verbis quam tibi palmam præciperet Dominus, ut in cetera membra sananda quæ per totam Africam tabefacta miserabiliter jacent, à te proficiatur tam inevitabile medicinæ documentum? Quam vereor, quoniam cor meum videre non potes, ne tibi cum insultatione potiusquam cum dilectione loqui videar. Sed certè amplius quid faciam non invenio, nisi ut inspiciendum sermone meum tibi offero, animum Deo. Tollamus de medio inania objecta quæ à partibus impetritis jactari contra invicem solent.

*Prolixum tractatum variis juris citationibus refertum consulto prætermisimus ne lectoribus tedium generet, ipsius capitula referre contenti.*

## LITERA EX PARTE DOMINORUM

archiepiscoporum Colonix & magnatum  
ac domini ducis Bavarix post mortem  
Clementis regi Franciæ directæ.

**R**ecommandatione prævia condecanti, Anno 1394  
Serenissime Princeps & domine, Quamvis  
catholici reges & principes, quibus inter christi-  
cens.



sticolas credita sunt majora, sacrosanctæ A  
cunctorum matri fidelium universali ecclesiæ  
præcipuè compati, & ad extirpationem tam  
exsecrabilis schismaticæ pestis, ex cujus diu-  
turna nimium neque ultra jam toleranda per-  
duratione, tot & tanta in utroque tam eccle-  
siastico quàm sæculari statu scandala & incon-  
venientia, usque etiam ad gravissima inter reges  
& principes, inter regiones, inter religiones,  
inter nobiles & plebeios dissensiones & prælia,  
strages hominum & infinitarum pericula anima-  
rum visa sunt, proh dolor! evenisse, quorum B  
nondum finis, in sinceritate fidei caritative assur-  
gere, consilia quoque pacis exquirere, dudum  
quoque omni semota segnitie, debuissent. Nunc  
tamen potissimum ex quo de medio sublatum est  
caput unius partium, sicut accepimus, domi-  
nus ROBERTUS videlicet de Gebenna, hora est  
de somno surgere, & ad salutem ecclesiæ, extra  
quam non est salus, & unionem totis affectibus  
anhelare. Satis, proh dolor! cessatum est, ne-  
glectum est utrobique, quam ad rem si regia  
vestra sublimitas pie, sicut ex fama speratur,  
dignaretur attendere, summè necessarium vi-  
deretur præcaveri celeriter, ne alium in me-  
morati sublatis locum, ab illius partis collegio  
assumatur: hoc namque si præcautum fuerit,  
ne novissimus error pejor priore succedat; sa-  
cratissima desiderata concordia, pro qua  
parte ab ista quantum in nobis fuerit, cum  
Serenissimo invictissimoque principe gloriosis-  
simo domino nostro Romanorum & Bohemo-  
rum rege, quem ad eam tractandam & procu-  
randam concordiam in brevi auxiliante Domino D  
cordialiter interpellare decrevimus, pro viribus  
laborare intendimus, facilius longeque facti-  
bilior redderetur. Eia ergo Illustrissime Prin-  
ceps, & Domine, ut operam ad hæc adhibeat  
regia serenitas efficacem, impediendo assum-  
tionem novi à parte illa, sinceris mentibus cum  
magna fiducia quantum possumus instantissime  
supplicamus. Nihil equidem rebus sic se haben-  
tibus opinione bonorum censetur sanctius, nihil  
æquius, nulla res justior, nulla christicolis salu-  
brior, nulla utilior, nullusque gloriosior catholi-  
corum regum ac principum labor. Hæc denique,  
serenissime rex, spei nostræ fiducia in rege re-  
gum pacifico, cujus causa agitur, firma confi-  
sit, quod prælibato serenissimo domino nostro  
Romanorum rege ab ista & celsitudine vestra  
ab illa partibus efficaces manus, uti convenit,  
apponentibus, res ipsa votivum facilem, atque  
celerem & Christi fidelibus desideratissimum  
sortiratur effectum. Super quibus non tædeat,  
quæsumus, & quantocius tanto melius inten-  
tionem regiam nobis ad licita quæque media &  
convenientia in præmissis, nostris salvis hono-  
ribus, sincerè dispositis remandare. Scimus qui-  
dem, Princeps Illustrissime, decuisse nos hanc  
ob rem, tam ad celsitudinis regię excellentiam,  
quàm ad arduitate materiæ habendo respec-  
tum, destinasse solemniter: sed quia evidens vi-  
sum est in mora periculum, solemnitatem hu-  
jusmodi pro meliori hac vice duximus obmit-  
tendam. Serenitatem regiam conservet Altissi-  
mus feliciter & longævè. Datum, &c.

## SEQUITUR LITTERA EX PARTE

Domini Benedicti papæ VIII. directæ  
regi Aragoniæ.

BENEDICTUS episcopus servus servorum Dei Anno 1394  
carissimo in Christo filio JOHANNI regi Ex ms.  
Aragonensium illustri, salutem & apostolicam Gemmeti  
benedictionem. censf.

Super apicibus tuis per nos nuper receptis  
manibus regiis exaratis, jocunditatis & lætitiæ  
pro sublimatione nostra ad summi pontificatus  
apicem, tuis infusæ præcordiis, tuæque ad nos  
& Romanam ecclesiam sinceræ devotionis indi-  
cibus, tuorum etiam circa nostra & dictæ eccle-  
siæ negotia, præsertim hujus deflendi schismatis  
seditionem tangencia, favorum & omnimodi  
juvaminis oblativis, serenitati tuæ debitas gra-  
tiarum persolvimus actiones. De tuis namque  
hujuscemodi devotione & sancto desiderio ad  
dicti totalem eradicationem schismatis, tam ex  
ipsis litteris quàm aliàs antea nobis indubitabili-  
ter cognita non modica jocunditate, liberalem-  
que oblationem tuam prædictam cum gratia-  
rum actionibus acceptamus: sperantes, & in Do-  
mino confidentes, dictum schisma pestiferum,  
quodpote errorum, & superstitionum, ac ma-  
lorum omnium agri Dominici tritica suffocat,  
& in optatæ segetis fructum succrescere non per-  
mittit, potentia tuæ sarculo prorsus abscindi,  
tantumque tamque diuturnum & perniciosum  
scandalum à Dei ecclesia per tuæ provisionis  
studium penitus extirpari. Tam eximium lau-  
dis quidem titulum, tamque clarum perpetuæ  
gloriæ decus, ceteris excellentiæ præconiis ubi-  
que celebribus superaddi voluit, ni fallimur,  
Deus noster, cujus in hoc beneplacitis procul-  
dubio te conformas, ut præfati sedationem schif-  
matis jam tam inveterati, proh dolor! sub nobis  
qui de regno tuo traximus originem, teque  
principaliter opitulante, fieri disponderet, ut pro-  
vidè tanti boni meritum & fama perpetua tuis  
E tuique gloriosi regni sempiternis laudibus ascri-  
batur. Eia igitur, fili dilectissime, oblatam tibi  
divinitus jugem honoris tui celebritatem & tuæ  
salutis occasionem paratam, quæsumus, lætus  
suscipias, & spontaneus amplectaris, ac nobis-  
cum ad id omnibus votis anhelantibus execu-  
tionem realem facti ipsius aggrediaris magna-  
nimitè, ac finem ad usque viriliter, sicuti tuam  
debet celsitudinem, prosequaris. In hoc enim  
facto te ducem signiferum sequi proponimus,  
tibi in omnibus cum Deo possibilibus com-  
F placere, quæ tua nobis crebro significet seren-  
itas in Christo feliciter valitura. Datum Ave-  
nionè Idus Decembris Pontificatus nostri anno  
primo.



## SEQUITUR LITTERA EX PARTE

Domini Philippi de Alenconio Universitati  
Parisiensi directâ anno Domini 1395. die 7.  
Maii, videlicet diē Lunæ ante festum Ascen-  
sionis Domini.

Anno 1395.  
Ex ms.  
Gemmeti-  
censi.

**V**enerabilibus & egregiis viris rectori &  
magistris famosæ Universitatis studii Pa-  
risiensis PHILIPPUS de Alenconio episcopus  
Hostiensis cardinalis.

Viri venerabiles & egregii, amici carissimi,  
litteris vestris per dilectum & fidelem domicel-  
lum nostrum GUILLELMUM DE BAILLOLIO  
exhibitorum præsentium nuper ea qua decuit  
caritate susceptis, & perspicaciter intellectis,  
gavisi sumus in Domino, & in potentia vir-  
tutis ejus, qui vos in prosecutione subla-  
tionis hujus schismatis perhorrendi adeo sua  
confortavit gratia, quod propter nullum con-  
trarietatis eventum, quantum in vobis fuerit in  
prosecutione tam laudabili desistetis. Circa  
quod revera & nos similiter curabimus non  
minus quam poterimus operari. Consolati in-  
super tantam in vobis fidelitatis, devotionis, &  
magnanimitatis constantiam, dignis semper in  
Domino commendandam laudibus, percepisse.  
Verum quia etsi cunctæ virtutes in stadio simul  
currant, sola tamen perseverantia bravium ac-  
cipit exoptatum. Dilectiones vestras denuo con-  
fidenter requirimus, attentè petimus, & affe-  
ctuosè rogamus, quatenus ad & circa dictæ pro-  
secutionis materiam, & ipsius materiæ prosecu-  
tionem laudabilem, fortes geratis animos & jun-  
ctos, quia divino aspirante favore, tale vobis  
per celsitudinem regiam & alios serenissimæ  
domus Franciæ principes, (ut indubie de ipso-  
rum christianissima serenitate confidimus,) im-  
pendetur auxilium, quod adversus vos huic  
sancto proposito nullus prævalere poterit ini-  
micus, nec vos pœnitebit amore tanti commu-  
nis boni incommoda, damna & aspera plurima  
tolerasse: quin immo quando Dominus dederit  
istum finem, eorum procul dubio meminisse ju-  
vabit, & in ipsorum memoria tanto majori  
mentium alacritate fruemini, quanto gravior  
est post naufragium portus, & requies post la-  
borem. Datum Romæ die xxv. mensis Martii  
3. indictione.

## REQUESTÆ FACTÆ REGI FRANCIÆ

per Universitatem super facto unionis ecclesiæ,  
traditæ consilio regis ultima die Augusti anno  
millesimo trecentesimo nonagesimo quinto.

Anno 1395.  
Ex ms.  
Gemmeti-  
censi.

**P**rimò quod placeat Domino nostro regi  
per solemne concilium celebriter advisare  
qualiter remediari poterit contra impedimenta  
unionis ecclesiæ, quæ principaliter sunt duo.

Primum collatio beneficiorum & gratiarum,  
quia prout videtur pluribus, quamdiu remane-  
bunt domino papæ, plenaria facultas conferendi  
beneficia & dandi expectationes gratiarum, tam-

**A** diu erunt sibi multi adhærentes; nec hoc est  
recedere ab obedientia sibi debita, sed magis  
redire ad jus commune.

Secundum est de pecuniis quas levant & re-  
cipiunt collectores, & alii, & easdem sibi mit-  
tunt, mediantibus quibus papa dicatur, ex quo  
moveretur ad detinendum in divisione papatum,  
& per hoc potest sibi acquirere adhærentes &  
unioni Ecclesiæ resistentes per dona seu munera  
pecuniarum, jocalium, &c. Etiam mediantibus  
talibus pecuniis posset sustinere & fovere stipen-  
diarios & homines armorum ad resistendum la-  
borantibus ad unionem Ecclesiæ. Item, per  
subtractionem hujusmodi pecuniarum & de-  
portationem extra regnum depauperantur viri  
Ecclesiastici ejusdem regni, qui, si non appo-  
natur remedium, difficile poterunt contribuere  
ad prosecutionem unionis præfatæ.

Secunda requesta, quod mittat celeriter so-  
lemnes nuncios ad reges & principes nedum  
istius obedientiæ, sed & alterius ad inducendum  
ad viam cessionis, & modum conformem pro-  
cedenti cum rege.

Tertia requesta, quod congreget principes,  
prælatos majores ecclesiarum viros litteratos,  
famosos, devotos, homines religiosos regni sui,  
ad avisandum modum ulterius procedendi in  
facto præfatæ unionis, in quo quidem concilio  
Universitas habebit aliqua magna & ardua sta-  
tum hujusmodi negotii tangentia proponere se-  
cundum beneplacitum domini regis.

**D**Quarta, quod nullis detrahentibus viæ ces-  
sionis præbeat aures, & inhibeat sub omni pœna  
subditis suis quod nullus audeat illi viæ directæ  
vel indirectæ contrariari, publicè vel occultè.

Quinta, quod sustineat & foveat omnes hanc  
materiam prosequentes, & eos protegat & de-  
fendat in illis quæ occasione hujus facti habe-  
bunt agere vel pati; & specialiter nuncios qui  
fuerunt in curia, qui singulariter petunt & hu-  
militer poni in salva gardia regis.

**E**Sexta, quod scribat ad curiam Romanam,  
ut magister Johannes Haconis ordinis Jacobi-  
tarum detineatur in carceribus donec errores  
suos correxerit, & injuriam regi, ducibus & uni-  
versitati illatam reparaverit.

## COPIÆ LITTERÆ REGIS CASTELLÆ

cardinalibus directæ, in qua conqueritur de  
facto processu super unione ecclesiæ absque suo  
scitu, & hæc translata est de Hispano in Galli-  
cum.

**T**Res Reverens Peres & especiaulx amis,  
Je le Roy de Castelle & de Lyon vous  
envoye moult saluer comme ceulx pour les-  
quieux je vouldroye tant de bien, d'onnour &  
de salut come vous-mesmes desirez.

Anno 1395.  
Ex ms.  
Gemmeti-  
censi.

Tres Reverens Peres, à moy est donné à  
entendre que mon tres cher & tres amé frere  
le Roy de France a envoyé à nostre Seigneur  
le Pape & au college de vous autres Seigneurs  
les Ducs de Berry & de Bourgogne ses oncles,  
& le Duc d'Aurliens son frere, mes parens, &  
especiaulx amis, sur le fait de l'union de l'Eglise,  
sur

sur lequel selon que l'en m'a dit sont preposées devant nostre Seigneur & devant vous aultres aucunes choses de par ledit Roy mon frere, & prinſes certaines conclusions desquelles je ne ſcay aucunes choses, dont je ſuys moult eſmerveillée de nostre Saint Pere le Pape, & de vous aultres, & auſſi dudit Roy mon frere, de vouloir ainſſy proceder & conclure ou fait de l'Eglise, ſans requerir moy premier, & le moy fere aſſavoir auſſi comme entre luy & moy avons de convenances, & auſſy come vous aultres ayez procedé & conclus en cete matiere ſans le moy fere ſavoir. Car ſelon ce que vous aultres ſavez bien; Monsieur mon pere le Roy d'Ampt JEHAN, que Dieu pardoint, travailla du fait de l'Eglise tant & plus que prince des chreſtiens, & fit ſa declaration moult ſolempnellement & autentique, de laquelle ſ'enſuit grand declaration & illumination de la verité ſur le fait de l'Eglise. Pourquoi je me tieng pour grevez, que en ce fait on procede ſans mon ſceu, ne moy requerir ſur ce. Car je tieng qu'entre les autres princes chreſtiens, je doy eſtre requis, & le doy ſavoir come aultre Roy quelconque qu'il ſoit. Et appert bien que vous donnez à entendre que l'Eglise ne fait pas grant compte de moy, ne de mes royaumes en ces faits en la maniere qu'elle deult, de laquelle choſe je me deul. Et pour ce, tres Reverens Peres & eſpecialx amis, ſoyez certains que mon entention eſt de à non demourer à quelconque conclusion qui ſoit priſe ſans que je ſois requis, & que je le ſache, ce que je entendray qui ſoit à l'accompliſſement du ſervice de Dieu, & de mon honneur. Et ſur cecy je entens briefment envoyer l'evêque de Conches à nostre Seigneur le Pape & à vous aultres, par lequel vous ſaurez plus largement mon entention ſur ce fait. Et auſſi, tres reverens Peres, j'ay entendu que pour ce que nostre Seigneur le Pape ne reſpondit ad ce que fut propoſé par leſdits ducs de par le Roy de France mon frere ſelon la volenté d'eulx, qu'ils ont procedé de fait à aucunes choſes qui ſont ou prejudice dudit Seigneur le Pape. Laquelle choſe je ne puis croire. Ancors ſuys moult eſmerveillée par eſpecial ſe ce faiſoient ſans ce que le ſache, ne que j'en ſois requis. Et pour ce que je ſuys moult tenuſ au ſervice de l'Eglise, & auſſi à la perſonne de nostre Seigneur le Pape, & à tout ſon lignage, tant pour le lignage qu'il a en mes royaumes, comme auſſy pour les grans & bons ſervices, que ledit Seigneur Pape en ſa propre perſonne & ceulx de ſon lignage firent au Roy mon ayeul, & mon pere, que Dieu pardoint, ſoyez certains que je ne failleray avec tous mes royaumes ad ce qui ſera à l'accompliſſement du ſervice & honneur dudit Seigneur Pape, & conſervation de ſon estat & ſervice de Dieu & de l'Eglise. Donné à Montraxil de Gagon xxx. jour de Juillet, anno ſcilicet 95.



PRATTICA PRO UNIONE ECCLESIAE  
quæ primo per cedula tradita fuit pro parte  
domini Benedicti dominis ducibus ex parte  
regis ad eum miſſis.

**P**rimò, quod Dominus noſter cum fratribus ſuis S. R. E. cardinalibus ex parte una, & adverſarius Eccleſiæ Dei cum ſuis anticardinalibus ex altera in loco & tempore idoneis ad hoc eligendis, ſub fida & ſecura protectione regis Francorum, cui ad hoc opportunitas plus ſe offert, perſonaliter convenient pro tractanda &, Chriſto duce, conſequenda eccleſiæ unione. Et aliquibus etiam utile videretur quod principes utriuſque obedientiæ per ſe vel alios, & aliqui pro prælatis cum poteſtate ſufficienti ad infra ſcripta firmanda & approbanda ibidem convenirent.

2. Facta verò unione, quilibet eorum adnuller ſeu tollat proceſſus, pœnas, & ſententias quacumque ſpirituales & temporales occasione ſchiſmatis per ſe vel prædeceſſorem ſuum contra alterum & ſibi adhaerentes quomodocumque & qualitercumque factas & etiam promulgatas; ita quod nulla remaneat macula, &c. quàm melius & ſecurius dictari & fieri poterit ad bonum effectum præmiſſorum.

3. Item, immediatè poſt hoc ad tollendam occaſionem impediendi vel malignandi, quilibet ipſorum reſervatis cum dignitatibus & aliis beneficiis viventium per eos ante ſchiſma canonicè obtentis, approbet ſeu confirmet promotiones & beneficiorum collationes, ac alia facta hinc inde ſecundum quod melius & firmitus videbitur faciendum cum juſtitia, & alias pro ſecuritate omnium prædictorum: taliter quod tutus erit ſtatus ipſorum, & ex tunc nullus diffugia debet quærere, vel impedire negotium unionis, ſed laborare fideliter pro juſtitia abbrevianda. Circa dignitates tamen, beneficia, & alia in quibus plures utriuſque obedientiæ concertarent, reſervabitur decifio apud illum qui unicus remanebit.

4. Approbabit etiam & confirmabit quiſque eorum diſpenſationes & alia quæ neceſſaria erunt ad ſerenandum conſcientias, & ad tollendum impedimenta quæ poſſent allegari.


5. Præmiſſis itaque apunctatis & ordinatis, ut præfertur, Dominus noſter cum fratrum ſuorum conſilio pro parte ſua in certo numero, & adverſarius prædictus totidem pro ſua, eligent perſonas Deum timentes, & bonum zelum habentes ad eccleſiæ unionem, qui ſimul convenientes, juramento prius præſtito per eaſdem de bene, diligenter, & fideliter procedendo in negotio huiusmodi, ad ſolum Deum & eccleſiam reſpectum habentes; amore, odio & timore ceſſantibus quibuſcumque, infra certum terminum auditis & examinatis facti & juris utriuſque partis rationibus, eiſque recta intentione diſcuſſis, prout qualitas negotii patitur & requirit, declarent quis iſtorum duorum jus habeat, ſeu de jure remanere debeat in promptu

cum certa & sufficienti submissione de tenendo & observando quidquid per dictas personas, ut  
 \* F. daz. præfertur, electas, vel earum \* duarum partes declaratum fuerit, seu etiam adhibitum hinc inde ad accelerationem & firmitatem negotii, provisionibus in præmissis necessariis & utilibus seu etiam opportunis.

6. Item, circa istos, ut præmittitur, eligendos, pro bono negotii providebitur etiam per sententiarum promulgationes, poenarumque temporalium & spiritualium adjectiones, nec non per ipsorum inclusionem in aliquo loco honesto, quasi ad modum conclavis, donec infra dictum terminum negotium finierint, nullique ad eosdem aditus pateat vel facultas secretè loquendi cum eis, nec ipsi aliquos ad se venientes admittant, nisi eos qui de voluntate ipsorum omnium infra clausuram existentium ad opus tantummodo instantis negotii vocarentur.

7. Item, isti electi non possunt, pendente negotio istiusmodi, per aliquem promoveri, nec gratiæ expectationum vel beneficiorum seu promotionum quarumcumque, donec finierint negotium pro quo erant inclusi, eis concedi vel acceptari; nec aliquæ comminationes, preces, vel rogamina, seu inductiones eis fiant, vel damna quæcumque inferantur eis vel suis quomodolibet. Et contra facientes, contrariumque dantes consilium, auxilium, favorem, &c. vel etiam scientes & non revelantes dicto Domino nostro & intruso fulminentur sententiæ ac poenæ, &c. in forma.

8. Et si per præmissa vel eorum aliqua finis schismati, quod absit, non valeat imponi, antequam partes sine fructu optatæ unionis haberent se à conventionem in loco prædicto faciendâ invicem separare; offert Dominus noster eo casu aperire seu aperiendas recipere & prosequi cum effectu viam seu vias rationabiles, honestas, & juridicas, per quam seu quas sine Dei offensa, exempli pernicio, & ecclesiæ... ac fidelium scandalo, finis conveniens schismati aperiatur, & vera unio, & sincera tranquillitas in Dei Ecclesia possit haberi, prout eisdem incumbit ex debito officii sibi commissi, & aliâs in quantum virtute cuiusdam cedulae factæ in conclavi teneatur: quam cedula aut ejus effectum suspendere, seu conditionem aliquam in ipsa apponere, vel circa eamdem aliquid immutare, aut eidem in aliquo derogare non intendit, sed eam servare; nec pro hoc vult etiam addere aliquod novum robur; & in præmissis omnibus sic dare operam efficacem, quod cunctis Christi fidelibus apparebit, quod per ipsum non remanet, nec etiam remanebit, quominus Ecclesia optatam consequi valeat unitatem.



PRATTICA PRO UNIONE ECCLESIAE habenda, quam post illam, quæ hic scribitur, dicitur aperuisse Dominus Benedictus ex parte sua, missa regi per nuncios regis Castellæ, quæ multum immutat de illa quam prius tradiderat.

Via cum practica tenenda pro unione ecclesiæ consequenda ex parte Domini nostri papæ domino regi Franciæ & dominis duobus ejusque consilio per episcopum Abulensem oblata Parisius circa pascha, ubi incepit annus Domini MCCCXCVII.

Anno 1397  
Ex m.  
Gemme-  
ticiens.

1. Quod ne partes vel alii se valeant sub velamine timoris seu violentiæ excusare, vel retrahere à conveniendo, seu etiam ibi agenda impugnare, assecurantur & partes & alii convenientes sufficienter sicut petent, & contententur super hoc, cujuscumque sint nationis, conditionis, dignitatis & status, &c. in eundo, morando, redeundo, &c. in forma.

2. Facta & data securitate, &c. convenient Dominus noster cum suo collegio, & intrusus cum suis anticardinalibus, qui ire possent seu vellent, vel consentirent, vel darent potestatem consentiendi infra scriptis & aliis de quibus eis & cuilibet eorum videbitur expedire, seu etiam placebit in loco de quo fuerit concordatum, ac etiam utile videtur aliquibus quod principes utriusque obedientiæ per se vel alios, & aliqui pro prælatis cum potestate sufficienti ad infra scripta formanda, ratificanda, & approbanda ibidem convenirent.

3. Quod ipsis simul congregatis, quilibet eorum annullet seu tollat processus, poenas, & sententias quasque spirituales & temporales per se vel prædecessorem suum contra alterum seu eis adhaerentes quomodocumque & qualitercumque occasione dicti schismatis factas, impositas, seu etiam promulgatas; ac ex certa scientia & de plenitudine potestatis statuatur, velit, & decernat, quod omnia præmissa & quæcumque ex eis vel ob ea, & quibuslibet eorum secuta vel quæ sequi possent quomodolibet etiam in futurum, habeantur pro nullis, cassis, & penitus infectis: ita quod nulli in posterum ex eis competat quomodolibet jus aliquod, nec agi possit vel excipi quomodolibet ex præmissis vel aliquo præmissorum; nullaque remaneat macula: & nihilominus ad cautelam habilitabuntur & restituentur in integrum, & quantum melius & securius fieri & dictari poterit ad bonum effectum præmissorum.

4. Quod post præmissa anticardinales per Dominum nostrum quoad veritatem, & veri cardinales per intrusum ad tollendum errorem & pertinaciam partis adversæ assumantur in cardinales, &c. Et sic erit unum verum & indubium collegium, & tolletur divisio quoad illud, & assecurantur de statu suo, sic quod à modo non curabunt, nisi de justitia abbrevianda.

5. Prælatis ac etiam beneficiatis canoniza-

bitur titulus. Instituti à vero jam habent titulum quoad veritatem; tamen canonizabuntur per alterum quoad cautelam. Instituti à falso non habebunt, sed nihilominus canonizabuntur per verum quoad veritatem; sed per alium quoad opinionem, & tollendam occasionem impediendi & malignandi. Et sic tutus erit status prælatorum & beneficiariorum: ita quod ex tunc nullus diffugia debet quærere, sed laborare pro justitia abbrevianda.

6. Et idem de dispensationibus & aliis quæ fieri habent ad salvandas conscientias: quia omnia circa hæc fieri possunt in hac viâ justitiæ, quæ fieri possent in via cessionis; & sic erunt sublata impedimenta, quæ allegantur pro majori parte, & cessant murmuraciones & suspiciones, quæ fiunt in alia via cessionis & novæ electionis.

7. De prælatis autem & beneficiatis quoad sustentationem eorum quidam non habent competitores; de illis est clarum. Quidam habent aut sunt noviter post schisma instituti. Potest stare quod qui possident civitatem seu beneficium possideant; ceteris providebitur de pensione pro valore reddituum, quos possidebant tempore declarationis: vel tolerari possent ut stant, donec alter eorum deficeret, vel collocaretur per sedis apostolicæ providentiam. Qui nihil possident, nihil habebunt, provisionem sedis apostolicæ expectantes.

8. Si verò aliqui erant ante schisma instituti & sunt expulsi; circa istos quidam dicunt indistinctè, ut supra: alii & justius quod essent restituendi: & institutis postea recompensatio tribuenda: alii quod fieret sicut in ti. i. de parro. quod loquitur de schismatico reconciliato. Jam per hoc non impediatur unio: quia & in istis & aliis quantum de jure melius fieri poterit providebitur, & potest provideri bene.

9. Præmissis apunctatis & ordinatis Dominus noster pro parte sua in cetero numero, & alter totidem pro parte sua, eligent personas timentes Deum & bonum zelum ad ecclesiæ bonum habentes, quæ simul convenientes, ac etiam præstito per eas juramento super sancta Dei Evangelia, & coram eis duobus, & aliis de quibus videbitur de bene, diligenter, & fideliter procedendo in negotio hujusmodi ad solum Deum & ecclesiam habentes respectum, amore, odio & timore cessantibus quibuscumque; auditis & examinatis facti & juris utriusque partis rationibus, eisquæ recta intentione discussis, prout qualitas negotii patitur & requirit, declarent quis istorum duorum jus habeat, seu etiam remanere debeat in papatu, cum certa & sufficienti sub promissione de tenendo & servando quidquid per dictas personas, ut præfertur, electas, vel earum majorem partem declaratum fuerit seu etiam definitum, etiam adhibitis hinc inde provisionibus in præmissis necessariis & utilibus seu etiam opportunis.

*Sequitur additio quam ad dictam viam dicitur fecisse rex Aragoniæ, quæ durat usque ad articulum sequentem ibi. Item quod circa istos, &c. Thesauri Anecd. Tom. II.*

10. Item, ut optata unio citius in Dei Ecclesia habeatur, & non valeat per aliquam occasionem differri, si ambiguitas, difficultas, seu etiam diversitas aliqua oriretur seu occurreret; electi per Dominum nostrum & intrusum ad pronuntiandum, &c. vel eorum major pars provideant ad cautelam Ecclesiæ Romanæ de altero istorum duorum per viam provisionis, etiam quoad serenandas conscientias, tollendas versutias & occasiones hominum perversorum quoad illum contra quem pronuntiatum fuerit, seu etiam per viam provisionis ordinatum. Hæc pronuntiatio seu ordinatio habeat vim renuntiationis spontaneæ legitimè factæ: & proinde quoad eum censeatur sedes apostolica vacare, ac insuper ad cautelam renunciabunt ibidem. Et illi de quo declaraverint seu etiam per viam provisionis ordinaverint quod debeat remanere in papatu, ut supra præmittitur, jus plenum etiam de novo acquiratur per declarationem, seu ordinationem, seu provisionem hujusmodi, ac si alias sede apostolica verè vacante, canonicè electus fuisset in papam de novo, & per eos ad quos alias electio pertineret etiam ad cautelam ibidem incontinenti per dictos deputatos ad pronuntiationem hujusmodi eligatur in papam. Et de his fiant ordinationes apostolicæ etiam de consensu eorum ad quos pertinet in forma, quæ sufficiet secundum consilium peritorum. Et addi posset pro majori securitate præmissorum consensus eorum qui essent ibi pro prælatis & principibus utriusque obedientiæ, qui haberent ad hoc potestatem: ut sic etiam quasi vim concilii generalis habere videretur.

11. Item, quod circa istos, ut præmittitur, eligendos pro bono negotii provideretur per juramentorum receptiones, per sententiarum promulgationes, & pœnarum temporalium & spiritualium adjectiones, etiam per inclusionem personarum in aliquo loco honesto quasi ad modum conclavis, donec pronunciaverint & finirent negotium; nec interim aliquis loqui posset cum eis, vel nuntium eis mittere vel scripturam, nec accessus aliquis pateret ad eos, nisi dictis Domino nostro & intruso, quando pro bono negotii vellent loqui cum eis, vel pro pronuntiatione per personas ipsas fienda, ut dictum est supra, vel pro consilio habendo si aliquos litteratos vel devotos viros timentes Deum concorditer deliberaret ad se vocare.

12. Item, ad vitandas corruptiones & baraterias alias quasque, & ut sincerè & breviter unio optata in Dei Ecclesia habeatur, isti sic electi non possent, pendente negotio hujusmodi, per aliquem promoveri, nec gratiæ expectationum vel beneficiorum seu promotionum quarumcumque, donec finiverint negotium pro quo erant inclusi, eis concedi vel etiam per eos acceptari, nec donaria vel munera quæcumque eis donari, mitti, vel promitti, nec per eos acceptari; nec aliquæ comminationes, preces, vel rogamina; inductiones eis fiant, ut damna quæcumque inferantur eis vel suis quibuscumque. Et contra facientes, contrarium dantes consilium, auxilium, &c. vel etiam scientes & non reve-



lantes dicto Domino nostro intruso fulminentur A sententia, pœnæ, &c. in forma.

13. Et quod omnia ista formarentur in meliori & securiori forma, &c. & etiam si expediat cum consensu, &c. ut supra dictum est.

**HÆC QUÆ SEQUUNTUR SUNT VERBA** episcopi Abulensis qui ex parte Domini BENEDICTI pratticam superscriptam cum additione regis Aragonum superscripta, Domino nostro regi præsentabat, vel sunt verba ejusdem Domini Benedicti per dictum episcopum exposita ad declarationem pratticæ superscriptæ.

Ex ms.  
G. mmeti-  
cens.

**I**sta est quædam præambula informatio ad videndum quæ prædictarum viarum cum sua prattica sit melior, & perfectior, & compendiosior ad unitatem Ecclesiæ canonicè consequendam.

Quia circa procurandam unionem occurrunt duæ viæ motæ. Prima via cessionis, quæ per aliquos eligitur & approbatur; alia via justitiæ quæ per Dominum nostrum Papam offertur, cum certa prattica debitis ordine & circumstantiis circumfulta. Ideo ut evidentius appareat quæ prædictarum viarum sit potius eligenda, ut per comparisonem utriusque possit facilius quis videre, omittis pluribus præambulis, fundamentis, & rationibus, quæ in materia possent prædictorum fulcimento præmitti, videtur considerandum quòd hoc negotium triplicem habet statum, in quo, assumpta quacumque via, occurrunt difficultates, quibus sunt remedia adhibenda. Ut igitur videamus quam prædictarum viarum præeligere debeamus, declaretur secundum statum in qua prædictarum viarum occurrerunt difficultates graviores, & in qua contra illas potest melius, facilius, & securius provideri. Primus ergo status prædicti & cujuslibet alterius negotii consistit in ipsius inchoatione, secundus in ipsius persecutione, tertius in ipsius conclusione.

1. Ergo inchoando istud negotium videntur duæ magnæ difficultates. Prima est, si via quæ eligitur à fidelibus & maximè à principibus refutetur, quia tunc deficerent persecutores & executores necessarii quoad factum. Secunda quòd per papam & intrusum vel alterum eorum minimè acceptetur.

2. In proseguendo istud negotium videntur præcipuæ duæ difficultates occurrere, prima est si negotium propter sui difficultatem & intricaciones nimium prorogetur. Secunda si propter ambitiones & corruptas intentiones omnimode perturbetur.

3. In concludendo negotium occurrunt aliæ duæ difficultates; prima est si ultra ortum jam schisma divisio alia noviter oriretur. Secunda si error, quod absit, irreparabilis sequeretur.

Circa primum ergo statum negotii, scilicet in inchoando, quoad primam difficultatem de acceptione vel repudiatione viæ à principibus & ceteris fidelibus, omittis his quæ consistunt in facto, præcipuè cum adhuc non constet de

omnibus in quo finaliter residebunt, præsumendum est quòd fideles principes considerabunt, sicut considerare debet in hac materia id quod est justius, rationabilius & securius pro unionem ecclesiæ consequenda, præcipuè proviso circa scandala & pericula quæ erga statum & negotia possent verisimiliter evenire, & quibus providetur per pratticam viæ per dominum nostrum papam, & melius forte & plenius quam per pratticam cessionis adjunctam, ut cuilibet intuiti & diligenter utramque examinanti clarè poterit apparere.

Quoad secundam difficultatem in ista parte, puta si per Dominum nostrum papam & intrusum, vel per eorum alterum minimè acceptetur, &c. est attendendum, quòd in via cessionis, si bene consideretur, sunt duæ magnæ difficultates: una quæ concernit Dominum nostrum papam & intrusum: alia quæ concernit principes & ceteros fideles christianos. De prima certum est quod papa & intrusus possunt habere colorem rationabilem denegandi viam cessionis, cum regulariter quis non teneatur renunciare juri suo. Circa secundam quoad principes & ceteros fideles christianos est advertendum, quod papæ non potest, nec debet inferri violentia directè vel indirectè, nec per consequens videbitur id fiendum intruso per illos qui ipsum verum papam reputant. Si igitur via cessionis proponatur, & uterque, vel alter eorum refutet, nihil potest jure fieri, vel ulterius aliud remedium per principes vel alios fideles subditos adhiberi sine manifesta rebellionem & macula schismatis, si violentiam aliquam inferant papæ directè vel indirectè per subtractionem obedientiæ, vel alias qualitercumque. Nam tales potius reputandi essent schismatici, quàm adhærentes intruso, credentes eum verum papam.

Sequeretur etiam inde aliud magnum inconveniens, quod si per talem violentiam subsequeretur de facto renunciatio, non valeret, & per consequens nec successor esset verus papa, & sic major error & irreparabilis in Dei ecclesia oriretur. Sed certè secus est in via justitiæ certo modo pratticata. Nam licet papa vel intrusus possent recusare viam cessionis tamquam extraordinariam, viam tamen justitiæ nec ipsi nec aliquis catholicus immo schismaticus, hæreticus vel infidelis potest recusare sine turpissima nota infamiæ & evidentiâ perversæ & damnatæ conscientiæ & diffidentia juris sui, dum tamen sit debito ordine & circumstantiis circumfulta, & contra talem justitiam denegantem posset satis rigorosè procedi, & multa remedia rationabiliter adhiberi. Quid plura? Si aliqua partium negaverit viam justitiæ, remedium est in promptu, etiam sine quacumque violentia, rebellionem, vel schismate. Possent enim principes in hoc rationabiliter convenire, quòd si pro declaratione & purificatione hujus negotii & informatione conscientiarum omnium fidelium, alter eorum recuset de sua justitia fidelium animos informare; ipsi principes recipiant informationem illius qui ipsam præbere voluerit; & si secundum ordinem prænominatum ostenderit se verum Romanum pontificem, sibi

adhareant & faveant contra alium quem apparebit fore intrusum. Per hunc enim modum finis erit schismatis per subtractionem obedientiae fidelium, sine quocumque inconvenienti & rebellionem, seu nota schismatis; quod in via cessionis est impossibile.

Circa secundum statum negotii quod consistit in proseguendo, ad primam difficultatem de prorogatione negotii, est sciendum quod si via cessionis acceptaretur, quæ secundum veritatem nusquam in jure nec in facto reperitur practicata in casu schismatis aliàs simili, oportet novam practicam tradere tam circa collegiorum unionem, quam circa cessionem, quam etiam circa futuram electionem, & circa plura alia quæ suo loco poterunt explicari. Quæ practica quam periculosa sit & prolixa, cum per nova ingenia habebit noviter fabricari, si quis intelligens bene considerare velit, facile comprehendet super quo saltem unum potest quilibet facere argumentum, propter quod non sine causa sancti & antiqui patres, hac via postposita, viam justitiæ indifferenter in schismatibus fuerunt prosecuti.

Practica autem super via justitiæ ex constitutionibus canonicis & antiquorum doctorum traditionibus, satis faciliter elicitur. Præterea constat quod in via justitiæ est solum actus ille exequendus declarationis justitiæ; quod satis reperietur juribus circumfultus. In via cessionis sunt multi actus æquè vel magis difficiles, utpote in jure vel magnis difficultatibus involuti. Verbi gratia. Cessio quæ ex parte causæ multas hætenus difficultates apud litteratos habuit in casu minus difficili, super quo etsi constitutiones emanaverint, adhuc tamen perfectè multorum vulneratas conscientias non sanaverunt.

Item quia, non credo, in practica vel doctorum dictis reperietur quoad cessionem casus omnino similis, ulterius est ibi actus uniendi collegia habilitandi, approbandi, revocandi, &c. & renunciandi & eligendi futurum pontificem.

Quoad secundam difficultatem ejusdem partis, scilicet quod propter ambitiones & corruptas intentiones omnimodè perturbetur. Super quo sciendum quod quamvis in via justitiæ sit difficultas sine qua nulla potest via in hoc negotio humanitus inveniri: tamen per eam tollitur materia ambitionis & corruptionis, & fraudis. Et etiam certum est quod si per viam justitiæ determinetur quis de duobus remanere habeat, nullus de ambitione movebitur ad corruptendum & fraudandum vel baratandum alium, cum sciat se propter talia non posse papatum consequi, nec est verisimile quod illi qui determinare habebunt, propter aliquem prædictorum duorum velint animas suas perdere, perjuriam, sententias, poenas, & maledictiones appositae incurrere, labores & incommoda sustinere, & statum fidei quantum in eis esset, totaliter confundere & turbare, secus autem in via cessionis, ubi in principio assumptæ practicæ quilibet se armabit, non solum ipsi duo, de quibus agitur; sed etiam omnes alii ambitiosi & dam-

nati homines, ut ad papatum possint pervenire. Et quia non potest nisi unus habere optatum, ceteri qui videbunt se deficere in optatis, conabuntur omnibus fraudibus differre negotium vel totaliter impedire.

Circa tertium statum negotii in concludendo, quoad primam difficultatem in divisione alia ultra schisma jam ortum, sciendum quod hæc divisio posset dupliciter contingere, vel per præsumptionem hæreticorum volentium conclusionem negotii impugnare tamquam non fuerit juridica. Cui errori per viam cessionis, quæ est nova in casu simili, præparatur materia per viam justitiæ non, ut superius est jam tactum; vel hoc contingeret per divisionem tertiam in collegio jam unico; cui divisioni præparatur materia per viam cessionis. Nam unito collegio, &c. si procedatur ad electionem tertii, verisimile est, ut patet per experientias ambitionum præteritarum, quod inter eos sequeretur divisio. Illi enim qui sunt de vero collegio vellent habere de suis aliquem & fortè de natione propria, alii è contra. Et forsitan per tractatus & corruptiones miscerentur personæ, ut aliqui qui fuerunt de uno collegio attraherentur ad alios; & è contra. Et tunc inventis occasionibus quælibet pars asseveraret se elegisse verum papam, vel si videret se non posse venire ad optatum, libenter differret vel impediret electionem omnimodè: Super quo quoniam graves dilationes,urbationes, & malitiæ possunt occurrere, faciliter intelligit qui velit sagaciter intueri; unde si, quod absit, iterum sequeretur divisio ultra schisma nunc vicens, esset difficile umquam ad conclusionem venire, prout hæc potuerint, si oportuerit, latius explicari.

Quoad secundam difficultatem de errore irreparabili, &c. Clarum est quod in tanto negotio impossibile est, quin multæ & diversæ difficultates occurrant, quibus pro bona & segura conclusione erit per papam necessario providendum, quibus in via justitiæ quando & quotiens emerferint, quantum ad verum papam poterit veraciter provideri; quantum vero ad schismaticorum opinionem erroneam, per intrusum. Sed ponamus quod procederetur ad unionem per cessionis viam, & occurreret aliquod dubium post factam cessionem amborum, sive verum, sive confictum, quod est verisimile evenire: maximè si aliqui malitiosi viderent se non posse obtinere quod volunt, ut possent adversarios vel æmulos impedire, conficto tali dubio, & pertinaciter colorato, non est possibile umquam habere papam, de quo non sit dubium, an sit verus papa. Cum enim non posset nisi per papam, ut supponitur & affirmabitur, provideri, & papa non sit, nec sine hujus dubii terminatione vel provisione eligi possit; sequitur quod numquam secundum prædicta quietabuntur mentes fidelium, nec erit remedium quod possit papa indubitatus haberi, maximè assumtis occasionibus ex practica prædictæ cessionis, & aliorum quæ ad hanc viam pertinere dicuntur, quæ sunt à jure & ecclesiæ consuetudine exorbitantia, & per sanctos patres aliquando in ecclesia refutata.

Ceterum circa viam justitiæ certo modo praticatam & qualificatam, quæ nunc ex parte Domini nostri offertur, est advertendum quòd si bene consideretur, per eam omnibus dubiis providetur, & est media inter utrasque, recipiens partem viæ & practicæ cessionis & partem viæ justitiæ; & est ista rationabilis, segura, brevis, & sine periculis & erroribus, quæ possent in via cessionis contingere. Providet etiam plenius scrupulis, omni statui, nullam exempli perniciem post se relinquens, totum mundum spiritualiter & temporaliter pacificans, & omnes opiniones principum & nationum quasi ad quamdam concordiam reducit.

SEQUUNTUR HIC ALIQUA QUÆ supplenda videntur ad praticam quam secunda vice aperuit Dominus Benedictus, quæ post folium sequens infra scribitur: & per quæ potest videri & colligi quo modo in multis discrepabat à practica primo per eum tradita quæ immediate hic scribitur.

*Traditum per Cardinales seu collegium eorumdem.*

*Ex ms. Gemmeti-  
censi.*

**Q**Uoniam securitas quæ pro conventionē petitur, de qua in primo articulo fit mentio, multum diversificatur ab illa quæ in prima cedula Dominis ducibus data continetur, cujus cedulæ tenor hic scribitur; & quia etiam hæc securitas nimis generalis petitur & confuse, ne detur occasio suspicandi quòd causa dilationis hoc fiat, videtur expedire, quòd ex nunc hujusmodi securitas declaretur, necnon locus & tempus, in quantum Dominum nostrum concernit, ut appareat quòd idem Dominus noster hujusmodi negotium accelerare intendit. Et insuper expediens videtur quòd quantum erit possibile in hac parte honor regis Franciæ conservetur.

Circa secundum articulum dum ibi dicitur *qui ire possent, &c.* ad omne dubium tollendum declaretur & ponatur qui cardinales & antecardinales *ire possent, &c.*

Articulus qui incipit *premissis & apunctatis* videtur emendandus & supplendus circa tria juxta primam cedulam responsalem, videlicet quòd cum consilio fratrum eligantur deputandi pro parte Domini nostri, ne domini cardinales, qui in hac re tantum tanguntur, in negotio tam grandi & taliter statum totius ecclesiæ concernente, videantur exclusi. Item, quòd infra certum tempus justitiam alterius partium declarent, quoniam quæcumque dilatio est nimis nociva, & hæc est utilior artatio, scilicet temporis, quæ dari possit. Item, quòd habeat fieri declaratio saltem à duabus partibus propter evidens periculum, cum alias esset in unius solius potestate totam partem hujus obedientiæ scandalizare in immensum, & aliæ causæ cujuslibet horum trium membrorum satis per se clarent.

Item, quòd in eodem articulo ponuntur ista verba: *seu etiam remanere in papatu*, videntur ista

**A** verba tollenda, vel addatur *seu etiam de jure remanere debeat.*

In articulo qui incipit, *Item quia circa* ibi ubi dicitur nisi *dicto Domino nostro, & intruso* videtur removendum & *intruso* cum sit verisimile quòd intrusus per omnem malam artem, corruptionem, subornationem, & dolum inibi procederet in grande præjudicium & evidens periculum justitiæ partis nostræ.

**B** Item, cum in casu æquatis contradictionis electorum, qui casus verisimilitudine non caret, per cedulam Domini nostri aut alias nullatenus sit provisum, videtur addenda illa clausula *Et si per premissa*, prout continetur in combinatione cedularum data regi. Et quæ sequuntur ad litteram ex verbis trium cedularum responsalium Dominis ducibus traditarum, & toti populo christiano oblatarum, ne regi Franciæ appareat, prout veraciter appareret, quòd nunc sibi minus quàm tunc oblatum sit.

**C** Cedula verò data per Serenissimum Dominum Regem Aragonum cum veniat in modum additionis ad praticam ex parte Domini nostri transmissam Serenissimo domino regi Francorum per nuncios Castellæ, habet supponere, ut videtur, illas suppletiones & emendationes, de quibus fuit dictum.

**D** Item, cum præfatus dominus rex, prout in una scripta cedula cavetur expressè, dixerit, & obtulerit velle dare praticam in via justitiæ sufficientem ad tollendum schisma, & juxta dictam oblationem dederit unam cedulam quæ incipit, *Item, ut optata unio, &c.* placeat eidem domino regi & ejus prudenti consilio advertere qualiter contenta in dicta cedula terminos justitiæ in multis valere transcendunt, & quamdam extraordinariam viam cujusdam specialis & insolite provisiæ gratiæ seu ordinationis amplectuntur quasdam novas provisiones ad cautelam inferendo, quas Domini ob reverentiam regiæ majestatis difficultare nolunt.

**E** Item cum jura in se certa sint, & consequenter facilius electi seu deputati in conclusionem juris seu justitiæ concordarent quàm in hac insolita provisiōe & extraordinaria ordinatione, & prout in principio hujus cedulæ cavetur, Dominus rex quærat, ut optata unio in Dei Ecclesia possit haberi, & non valeat per aliquam occasionem differri. Videtur necessaria provisiō in casu quo electi seu deputati invicem, prout est verisimile, discordarent. In hoc enim casu est verisimilior discordia, quàm in electione communi, maxime quia credendum est quòd intrusus deputabit homines suæ conditionis, qui per fas vel per nefas contendunt omnino pro se retinere papatum.

**F** Item, in arbitrio hujusmodi deputatorum relinquitur per hanc cedulam, ut etiam repulsa justitia nostra pro libito voluntatis intrusum notoriè in papatu, & hæreticum verum per ecclesiam sententialiter declaratum, nec ad ecclesiæ gremium redeuntem, facere papam & vicarium Christi, & ante verum papam recipere, quòd est nimis absurdum.

RATIO OPPORTUNIOR AD  
tollendum schisma æstimata est abrogatio seu  
cessio utriusque partis contendentis.

Ex ms.  
Gemmeti-  
ensis.

**J** Am post diversas examinationes longissimas cum maximis & maturis deliberationibus regum & regnorum utriusque obedientie & collegii dominorum cardinalium, cautum processit via cessionis ceteris omnibus discussis & reprobatis, & missis ambaxiatoribus Romam & Avenionem, ad reges Romanorum, Angliæ, & alios principes, quod amplius retractari non potest; quoniam esset novissimus error pejor priore, & esset impedimentum unionis, quod si per Dominum nostrum occasionaliter, quod absit, eveniret, sicut clamaret vox communis, consideret ipse, considerent omnes ipsum diligentes, quanta contra statum ipsius & honorem sequerentur inde scandala. Jam enim clamant homines Dominum nostrum & intrusum per litteras & nuntios diversos invicem tractasse, quod ipsi sic remaneant, vel saltem in omnem eventum unus ipsorum. Nimis etiam tardavit Dominus noster hanc viam novam quoad practicam offerre, fere lapsò biennio, postquam domini duces ex parte regis ipsum adiverunt.

VIA REGIS CASTELLÆ.

Ex ms.  
Gemmeti-  
ensis.

**A** Dvertendum quod via quam cœpit rex Castellæ est talis in effectu. Videlicet quia rex Franciæ elegerat viam cessionis, & Dominus noster papa viam conventionis amborum, quo factò, vias bonas aperiret, quas usque tunc non credebatur expedire exprimere, dicebat rex Castellæ se velle tenere medium, videlicet quod ante omnia ambo contendentes de papatu in simul convenirent in loco tuto & securo, & revocarentur processus, & hinc & inde appropriarentur provisiones, &c. prout in practica plenius continetur. Et ex tunc incipiet tempus infra quod dominus papa ex parte sua & intrusus ex parte alia panderent, exprimerent, & declararent ad votum, & sicut eis placeret viam & vias quales & quantas vellent, per quam seu quas optata unio in Dei ecclesia celeriter sequi posset. Et quod infra tempus assignandum seu limitandum, per quamcumque viam seu vias, quas ipsi vellent, darent toti christianitati unicum verum & indubitatum papam. Quo tempore lapsò, certo & indubitato pastore non dato, ex tunc ambo cederent, & renunciarent. Et in hac via dicit servari mentem cedulæ juratæ in conclavi, & intentio regis Franciæ servatur & dominorum cardinalium qui piè & sanctè desiderant accelerationem unitatis sanctæ matris ecclesiæ. Et cum in hoc sit periculosa quæcumque dilatio, ideo necesse erat, ut terminus aliquis apponeretur, aliàs sic possemus stare per alios xx. annos in schismate, si sine tempore fieret dicta mutua amborum conventio. Et istam viam misit papæ rex Castellæ; sed ipse eam recu-

**A** savit expressè, & misit regi Franciæ per episcopum Abulensem viam & practicam hic supra in quatuor foliis contentam & scriptam, quæ etiam continet additionem quam ad eam posuisse dicitur, & in qua concordabat rex Aragoniæ, sicut ibi videri potest. §. *Item ut optata unio.*

PRATTICA VIÆ CESSIONIS  
per regem & ejus consilium avisata & in  
effectu inseritur infra litteram quæ facta  
fuit de subtractione.

**P**rimò quod acceptata via cessionis per ambos, ipsi ambo contendentes cum suis collegis & aliis personis, de quibus expediens videbitur, personaliter conveniant in loco securo & congruo ab eis electo, facta & data eis prius plena & sufficienti severitate, sub protectione & potestate illorum principum & dominorum de quibus duxerint confidendum.

Ex ms.  
Gemmeti-  
ensis.

**C** Secundò quod ipsis simul congregatis, quilibet eorum annulet processus, sententias, & pœnas quascumque spirituales & temporales per se vel prædecessorem suum contra alterum & sibi adherentes, occasione schismatis factas & latas, & omnia horum occasione secuta, & quæ exinde sequi possent, prout melius fieri poterit, secundum judicium peritorum.

Tertiò quod uterque contendentium assumat ad cardinalatum eos quos adversarius suus ad hujusmodi statum & honorem de facto promovit, prout melius fieri poterit ad hujus rei securitatem.

Quartò quod uterque ipsorum confirmet, ratificet, & canonizet ex certa scientia titulos & promotiones illorum quos adversarius suus ad prælaturas, dignitates, beneficia, & officia quæcumque ecclesiastica promovit. Et idem fiat de dispensationibus factis hinc inde & his similibus.

**E** Hujusmodi autem ratificationes & confirmationes promotionum ad prælaturas & beneficia hoc modo intelligit rex, quod si promoti per alterum eorundem contendentium non habeant competitores, simpliciter remaneant. Si vero habeant, tunc illi qui possident civitatem, aut beneficium, seu locum principalem beneficii, de cetero possideant: aliis verò qui partem diocesis seu beneficii tenent, providebitur de pensione annua juxta valorem proventus, quos prius tempore schismatis possidebant, vel tolerarentur in statu suo donec alter deficiat, vel donec alibi collocentur per sedis Apostolicæ providentiam. Qui verò nihil possident, nihil habebunt, provisionem sedis apostolicæ expectantes.

**F** Quintò quod ante actum renunciationis, quantum fieri poterit, provideatur utrique contendentium de bono statu & sufficienti, de quo post cessionem valeret congruè sustentari, si non contingeret eum in papam eligi de novo.

Sextò videtur expediens tunc appunctuari,

quòd successor deberet omnia & singula præmissa ratificare, appropriare, & laudare ex abundanti ad cautelam.

Septimò quia tunc præter & ultra provisionem, c. *abi majus* & aliorum jurium poterunt fieri provisiones & ordinationes per utrumque contententium ad obviandum, quantum humanitus fieri poterit, contra aspirationes, conspirationes, divisiones, turbationes, dubia, & perplexitates, quæ post cessionem utriusque, sede vacante, possent evenire: ita quòd in negotio electionis etiam celebrandæ non possit vilibiliter occurrere difficultas, quia etiam possit in alia vacatione provenire.

Octavò quòd præmissis sic factis & ordinatis, omnia qualibet juris partium discussione & definitione, ipsi ambo in forma debita, sine mora & dilatione renuncient juri quòd habent seu dicunt se habere in papatu.

Nonò quòd facta hujusmodi renunciatio, cardinales hinc inde creati, qui per assumptionem præfactam facient unum verum & indubitatum collegium, intrent conclave, & procedant ad electionem secundum juris dispositionem.

Videtur tamen expediens ad tollendam confusionem, turbationes & divisiones, quæ in negotio hujusmodi electionis tunc occurrere possent, quòd uterque contententium de consensu cardinalium ante actum cessionis statuerint, quòd electio futuri pontificis pro hac vice per viam compromissi celebraretur, & quòd ipsi ambo essent de compromissariis.

Ad præmissa autem omnia & singula se offert rex; & est paratus condescendere ad quemlibet alium modum convenientem, si pro executione viæ cessionis, melior modus valeat inveniri.

#### LETTRES DE CHARLES VI.

roy de France, par laquelle il commande au Senechal du Rouergue d'empescher en sa Senechaussée de dogmatiser & donner des écritures contraires à la voye de cession qu'il avoit choisie pour oster le schisme de l'Eglise.

Anno 1397.  
Ex archivio  
Villafrancha in diocesi  
Rutensi.

CHARLES par la grace de Dieu, roy de France au Senechal de Rouergue ou à son Lieutenant, Salut. Nous avons entendu que jacoit, que pour mettre paix & union en nostre mere sainte Eglise, ceder & oster le tres douloureux schisme, qui si longuement a duré en icelle; & pour tres grand & meure deliberation de conseil que nous avons eu avec nos tres chers & tres amez oncles & freres les Ducs de Berry, de Bourgogne, d'Orleans, & de Bourbon, & plusieurs autres de nostre sang & lignaige, & de nostre grand Conseil, & aussi avec les Prelats & plusieurs autres grands, notables & souffisans clers de nostre Royaume; lesquels pour cette cause avons fait venir & assembler en nostre ville de Paris, nous ayons élu la voye de cession des deux parties comme la meilleure, plus convenable & propice de

A toutes autres voyes, & la plus apaisant les cœurs & consciences de tous vrais & bons chrétiens, & que à ce se accordent avec nous tous les cardinaux du saint College de cour de Rome estants en Avignon, un ou deux exceptez, nostre tres-cher & tres amé fils le Roy d'Angleterre, nostre tres cher & tres amé frere le Roy de Castille, nostre tres cher & tres amé cousin le Roy de Navarre, & plusieurs autres Roys, Princes & peuples chrétiens. Neanmoins autres se sont efforcez & efforcent de jour en jour de prescher, dogmatiser, faire epistres, & autres écritures contraires à la voye de cession, ainsi par nous comme dit est, advisée & élevée, & pour empescher icelle, & la maniere & moyens de proceder en icelle: lesquelles choses pourroient estre contre grand retardement & empeschement desdites paix & union de nostre mere sainte Eglise, à longuement ou à perpetuation dudit schisme, & aussi cause & occasion d'engendrer une division ou schisme nouvelle, que Dieu ne veuille, entre nos subjets dedans nostredit Royaume, si par nous n'estoit sur ce pourvu de remede convenable. Pourquoi nous qui de tout nostre cuer desirons l'abregement de ladite cedation dudit schisme, & paix & union estre mise en nostredite mere sainte Eglise; vous mandons, & commendons & enjoignons expressement, que incontinent ces Lettres vuës & citez, villes & lieux notables de vostre senechaussée, & ailleurs où besoin sera, & vous verrez estre expedient, vous ferez publier, crier, & deffendre, de par nous solemnellement, & sur grandes & grosses peines à appliquer à nous, que nulle personne de quelque estat ou condition qu'elle soit, ne soit si aulée ni si hardie occultement, ne en appert, directement, ne indirectement, de fait ne de dit, de prêcher, dogmatizer, faire, ne écrire epistres, ne autres quelconques écritures, ou choses qui puissent donner, faire, ou porter aucun préjudice ou empeschement à ladite voye de cession, ne à la maniere moyens de proceder ou pratiquer icelle: & se aucun ou aucuns est ou sont trouvé ou trouvez, faisant ou faisans le contraire, punissiez les partelle maniere, que autres y prennent exemple, & nous envoyez feablement en clauses sous vostre scel toutes manieres d'écriturees que vous pourrez trouver estre faites au contraire de ladite voye de cession, & sa pratique. Mandons & commendons à tous nos Justiciers, Officiers, & Sujets, que à vous & à vos commis & deputez es choses des susdites circonstances & dépendences d'icelles obéissent & entendent diligemment. Donné à Paris le douzième jour de Septembre l'an de grace mil trois cent quatre vingt-dix-sept, & de nostre regne le dix-septième.

Par le Roy en son Conseil où Messieurs les Ducs de Berry, de Bourgogne, d'Orleans & de Bourbon, Messieurs P. de Navarre, le Seigneur de Le Bret, Vous & plusieurs autres estoient.

LITTERÆ



## LITTERÆ CAROLI VI. REGIS.

Quod gratiæ factæ per Dominum Benedictum non sortiantur effectum.

Anno 1398.  
Ex ms.  
Gemmeti-  
cens.

**C**HARLES par la grace de Dieu, roy de France aux Baillis de Vermendois, & d'Amiens, ou à leurs Lieutenans, & à chascun d'eux, Salut.

Comme après ce que nous, l'Eglise, le Clergé & le peuple de nos royaumes & Dalphiné par la deliberation de plusieurs de ceulx de nostre sang & lignage, de nostre conseil & des archevesques, evesques, abbez, maistres, & docteurs en theologie, decrets & loix des Universitez de Paris, d'Orliens, & autres de nostredit royaume, & aussi des messaiges & procureurs d'aucuns prelates absens, & des chapitres des eglises cathedraulx, representans l'Eglise universal d'iceux royaume & Dalphiné, assemblez pardevant nous pour cette cause, nous sommes departis de l'obeissance totale de BENEDIC dernier esleu en pape, principalement pour avoir paix & union en sainte Eglise, si comme par nos lettres patentes faites sur ledit département puet plus à plain apparoir, plusieurs matieres ayent esté discutées & traittiées entre lesdits prelates, clers, messaiges & procureurs touchant le fait dudit département, presens ad ce pour & de par nous plusieurs de nostre lignage, nostre chancelier, & autres de nostre grand conseil, & entre les autres se considéré ledit département & la teneur de nosdites lettres, les graces faites par ledit BENEDIC à plusieurs expectans, tant celles sur lesquelles procès s'estoient ensuis, comme les autres par vertu desquelles toutesvoies aucun droit n'estoit acquis en la chose, devroient sortir leur effet ou non : & finalement pour obvier aux plais, debas, & esclandres qui autrement s'en pourroient ensuir. Oyes les opinions de ceux de l'Eglise qui estoient ils assemblez, comme dit est, & les causes & raisons qui par eulx furent exposées & alleguées, servant à la matiere d'une partie & d'autre, par grant & meure deliberation, tout considéré, mesmement que se lesdites graces sortissoient leur effet, les juges deleguez ou executeurs deputez ou à deputer sur icelles useroient de la jurisdiction & auctorité dudit BENEDIC, & sembleroit que ce fust luy donner obeissance en venant contre la teneur & entention de nos lettres dessusdites fut conclud & declairé que depuis le jour du département aux juges executeurs, ou autres deputez ou à deputer de par ledit BENEDIC sur lesdites graces à leur procès faits ou à faire, par lesquels aucun droit n'estoit lors acquis en la chose par provision & collation, ne sera doresnavant obey, & que lesdites graces inefficaces & non vaillables ne sortiroient aucun effet. Laquelle declaration ainsi faite, incontinent lesdits prelates, clers & procureurs nous ayant supplié & requis avoir sur ce nos lettres, afin de faire garder & executer icelle declaration en nosdis royaume & Dalphiné. Nous ces

*Theauri Anecd. Tom. II.*

A choses considerées voulans ladite declaration estre executée, tenuë, & gardée sans enfreindre à la supplication desdites gens d'Eglise, vous mandons à chacun de vous, si comme à luy appartendra, en commettant, se mestier est, que icelle declaration faites publier en vos auditoirs, & ailleurs, où il sera mestier, & vous semblera estre expedient, en faisant commandement de par nous chascun de vous es \* mettes de sa jurisdiction aux prelas, chappitres, convents, juges ecclesiastiques & ordinaires, deleguez, subdeleguez, executeurs, notaires publiques, & autres à qui il appartendra, & dont vous serez requis, que à ladite declaration obeissent, & ycelle tiennent & gardent selon la fourme & teneur sans enfreindre, & leur defendes & faites defendre de par nous expressement, que contre ycelle ne viennent ou attentent en aucune maniere, & à ce les contraigniez par prinſes de leurs temporels, & par toutes autres voyes deuës & raisonnables : & se aucune chose vous trouvez estre faite ou attentée au contraire, le faites reparer, & mettre au premier estat & deu. Donné à Paris le VIII. jour du mois d'Aoust l'an de grace MCCCXCVIII. & de nostre regne le XVIII.

\* Id est  
limites.

Par le Roy à la relation de son grand conseil, ouquel messeigneurs les ducs de Bourgogne & de Bourbon, vous l'Admiral, le maistre des arbalestriers & autres estiez. J. HUE.

**D** CAROLI VI. REGIS FRANCORUM  
Declaratio quomodo scribetur pontificatus  
in instrumentis durante subtractione.

**C**AROLUS Dei gratia rex Francorum universis presentes litteras inspecturis, salutem.

Anno 1398.  
Ex ms.  
Gemmeti-  
cens.

Cum nuper nos & universalis ecclesia regni nostri & etiam Dalphinatus certis de causis rationabilibus, evidentibus, atque justis, in aliis litteris nostris patentibus latius & expressius declaratis, pro maxima maturitate consilii procedentes, recesserimus ab obedientia totali & omnimoda BENEDICTI ultimo in papam electi sibi quomodolibet præstanda, tam in regno quam in Dalphinatu prædictis: ob quam rem nonnulli notarii apostolici non immerito formidantes in instrumentis publicis illis uti verbis, quibus annus pontificatus papæ exprimi solet in eisdem, super hoc ordinationem dictæ ecclesiæ humiliter & instanter postularunt. Notum facimus, quod habita super hoc deliberatione diligenti, prædicta ecclesia voluit & ordinavit, quod stante & durante recessu supradicto, in instrumentis hujusmodi publicis loco anni pontificatus scribatur per formam subsequentem, videlicet & ab electione domini BENEDICTI ultimo in papam electi anno quarto, & ita consequenter secundum annorum mutationem. Quapropter nos ordinationem prædictæ ecclesiæ volentes executioni debitæ demandari, ad ejus-

D d d d

dem ecclesiæ instantiam & requestam, universis & singulis senescallis, & baillivis, præpositis, castellanis, & aliis iustitiariis & officiariis nostris ubilibet constitutis, seu eorum loca tenentibus damus tenore præsentium in mandatis, quatenus eandem ordinationem publicari solemniter & observari faciant, non permittentes à quocumque aliquid in contrarium attentari; quod si secus factum repererint, corrigi & reparari faciant indilatè, culpabiles inde rationabiliter & debite puniendo taliter, quod ceteris cedere debeat in exemplum. In cuius rei testimonium præsentibus litteras nostri sigilli iussimus appensione muniri. Datum Parisius xxii. die Augusti anno Domini mcccxcviii. & regni nostri xviii.

Per regem ad relationem sui superioris consilii, in quo dominus dux Burgundiæ, vos patriarcha Alexandrine, Bajocensis & Attrabatenfis episcopi & alii quam plures eratis. J. HUE.

EPISTOLA COLLUSII FLORENTINI, viri utique doctissimi, sicut per suam epistolam satis liquet, directâ Jodoco marchioni Brandeburgensi, marchioni Moraviæ, pro tacto unionis Ecclesiæ, laudans viam cessionis.

Anno 1598.  
Ex mss.  
Carm. 218.  
cons.

**N**ihil totius mortalis vitæ meæ curriculo, quamvis jam sexagesimum & septimum annum attigerim, Illustrissime Princeps & magnificentissime Domine, majore mentis amaritudine me commovit, pungentioreque doloris vulnere me transfixit, sive publicum, sive privatum fuerit, quàm illud, proh dolor: detestabile schisma, monstruosumque prodigium, quod in Ecclesia Dei videmus, quodque tantam talemque scissuram, ah scelus! ah pudor! fecit in inconsutili tunica Salvatoris, quam gentiles milites sic in Dominica passione sibi simul cum aliis vestibus diviserunt, quod juxta prophetarum antedicta scripturæque evangelicæ testimonium, cuinam contingere deberet integra, dimisso sectionis proposito, sortiti sunt. Tantam, inquam, talemque scissuram fecit in inconsutili tunica Salvatoris, quantam & qualem videmus in populo christiano. Heu dolor! Heu pietas! Huccine processisse cardinalium errorem vel ambitionem, ut post electum summum pontificem, quamvis in illo diabolico populi Romani tumultu, quem verè diabolus excitavit, post ejusdem electi consecrationem, coronationis, intronizationisque solemnia; non tumultuante, sed pacifico, plaudenteque populo, liberè per ipsos & eorum nomine celebrata, damnando quod prius fecerant, alium assumendo pontificem, sacrosanctam Ecclesiam bicipitem reddiderunt, & tanta cum abominatione diviserunt populum christianum.

Quis constituit eos iudices, ut eorum sit de pontificalis electionis vitio judicare? An electionis hujus auctores, testes, & iudices esse possunt, & cujus est de propriis actionibus judicare? Quis in testem eorum quæ gesserit,

**A** si de alicujus quem impugnet agatur, præjudicio debet audiri? Quod si fuerit, ut asserunt, in electione vitium, cur universum orbem publicis & privatis litteris impleverunt, mundi principibus nuntiantes canonicam electionem URBANI? Cur sibi non semel, sed multotiens collegialiter astiterunt? Cur ejus ordinatione suarum mutaverunt titulos dignitatum, quos etiam cum CLEMENTEM elegerunt tenuerunt? Cur non potius in animum induxerunt suum puro consensu justificare jam electum, si qua forsitan purificatione videbant opus esse, & unius hominis tolerare mores & vitam, quàm certissimum schisma scienter inducere in unica sponsa Christi? Quis non credat eos non conscientia motos, sed vel odio nominis Italici, vel studio propriæ nationis, vel summi pontificatus ambitione, dum quilibet illum sibi posse contingere blandiebatur, ut à primo discederent, & alterum crearent? An sibi met secum cogitantes persuadebant ad ipsorum mutationes adeo facile mundi principes & populos se mutare? An ignorabant quàm difficile sit aliquid persuadere contrarium jam persuasis? Quis non videt hunc errorem supinum & crassum de nimia suimet non fiducia, sed confidentia, ne dicam malignitate vel superbia, processisse? Antequam URBANUS, ut erat natura severior, incœpit eos reprehendendo mordere, cuncta tacebant, verus erat pontifex, verus Christi vicarius; & adeo verus, quod impetrare gratias spirituales & absolutiones in mortis articulo, completaque super hoc habere privilegia quilibet conaretur. Postquam autem se majorem illis incœpit ostendere, vitiosa fuit electio, non liberè facta, sed per metum extorta: Quasi non potuerint in illo tumultu quo nullus singulariter petebatur, liberimè quemquam eligere: vel si viri fortes fuissent, potuerunt illas contemnere minas, & se ad liberi temporis facultatem forti proposito optimoque consilio reservare. Sed fecerunt illi de se quod libuit. Cur autem ad ea quæ dirimere non valebant? Est equidem ista cognitionis facultas solius Dei, sicut statuit Anacletus, quod fecerant condemnantes, contra jus ejus quem impugnabant, manum temerè posuerunt. Talia quidem sunt de quibus etiam testes idonei contra tot præcedentes ipsorummet attestations litterarum & actuum publicorum, nedum sponte se offerentes, sed etiam compulsi non debeant reputari.

**E** Nec autemet aliquis quod ista congefferim secundi quem elegerunt causam condemnando. Non sumo vel alterius alicujus partis justitiam asserere vel damnare. Scio equidem in electione prioris non defuisse tumultum, violentæ presumptionis instar, & verisimile non esset tot cardinales Gallicæ nationis in quemvis Italicum de pontificatus apice liberè consensisse. Quo fit ut credibile satis sit ipsos metu potius quàm libera voluntate talis electionis negotium expendisse, prorsus alias non facturos. Nec credam insuper tot prudentissimos viros propriæ salutis immemores, in damnationem animarum suarum sponte ruere, totque principibus atque populis

eis credentibus tam gravis erroris materiam exhibere. Sed hæc dimittamus, sunt enim den-  
tissimis oppleta tenebris, quoniam veritas facti  
latet in mentibus electorum, de quo jus, quod  
oportet quærere, sine dubio noscitur provenire.  
Non enim usquequaque clarum est quod dici-  
tur, URBANUM per tumultum populi Roma-  
num vel saltem Italicum acclamantis electum,  
& eodem, ut astringitur, metu durante inthro-  
nizatum apostolicæ sedi, juxta Nicolai papæ de-  
cretum, non apostolicum, sed apostaticum ex-  
tisse: quandoquidem etiam si nominatim ip-  
sum furens ille populus poposcisset, liberis &  
inclinatis mentibus potuisset ab electoribus no-  
minari, & in summum pontificem liberè & sine  
quocumque clamantis populi respectu vel metu,  
quidquid conjectantium imaginatio sibi persua-  
dere possit, aut velit, assumi.

Ex quo non est ratum illud violentissimum  
argumentum, quod electus fuerit URBANUS  
non liberè, sed per metum, populo Romano  
fremente vel Italicum vel Romanum: quoniam  
an metus fuerit illius electionis causa, licet  
fortè dici possit occasio, non est clarum, sed in  
eligentium mentibus conscriptum. Circa quod  
secretum si præsupponatur liberum non affuisse  
consensum, tot stant litteræ non collegiales  
solum, quas metus potuit extorquere, sed  
privata liberaque voluntate conceptæ, non à  
multis solum, sed forsitan ab omnibus cardina-  
libus ad multos, & forsitan ad omnes Christia-  
norum principes, & aliquos populos destinata,  
quod usquequaque non possit id quod præsup-  
ponitur demonstrari. Stant & tam publica con-  
sistoria, quàm privata, quibus eidem ad illa quæ  
non possunt nisi per veros summos pontifices ex-  
plicari, non semel, sed multoties astiterunt.  
Stant & infinitæ gratiæ, titularum numquam  
dimissorum contraventiones quoniam sonabant  
in majus, & qui sicut per alios quàm per papam  
concedi nequiverunt, sic etiam nec mutari: ut  
ita credere debeamus præterita præsentibus  
conferentes, adeo dubium sit, quòd tutius est  
assensum omnino suspendere quàm in aliquam  
partium declinare. Nam & quod aiunt quoniam  
URBANUS, sciens se per metum & popularem  
tumultum electum, vitiosam electionem accep-  
tavit, nec umquam illi renunciare consensit,  
apostaticus factus est, in hæresim incidit: nunc  
autem sicut hæreticus eligi nequit in papam, &  
deponi debet electus; & sicut nec consecrari,  
sic nec etiam coronari, & sic nec statui super  
thronum: Nam quod prius assumitur à quo ce-  
tera pendeant, non est clarum: & cum aliud sit,  
longèque differat per tumultum eligi vel in  
tumultu: cumque licet hoc clarum sit, illud  
tamen omnino non pateat, deficit omnino  
vis omnis illius argumenti. Nam an tumultu-  
ationis illius formido, (cum certum sit ip-  
sos nedum elegisse priusquam populus claustra  
conclavis irruperit, sed ad se vocasse jam electum  
vel forsitan eligendum, & omnino constet irrup-  
tionem illam post electionem celebratam exti-  
tisse, non ante: quoniam effracto conclavi cun-  
cti cardinales alius alio fugientes, se vel in ca-

*Theauri Anecd. Tom. II.*

A strum Crescentii, sive memoriæ Adriani, quod  
propter Gregorianum miraculum castrum S.  
Angeli dicebatur, loco munitissimo, vel ad alia  
loca tutissima reduxerunt,) talis dici debeat quæ  
caderet in constantem, ego non video: quo-  
niam illi clariores viros fortes nullatenus ter-  
ruissent, & intacto conclavi jam fuerat electio  
celebrata: Quod etiam ex eo palam est, quo-  
niam post irruptionem effractionemque prædi-  
ctas talis fuit illa turbatio, quòd omnino nullus  
Cardinalium vel servitorum astantium casus  
fuit; sed incumbentibus cunctis spoliis, non per-  
sonis, quærentibusque non cædes & sangui-  
nem, sed rapinam & prædam, prorsus omnes  
recesserunt. Inter hæc ne metus esse debuit qui  
caderet in constantem? Et an apud Ecclesiæ  
principes talis tantusque metus esse potest,  
(immineat licet gladius jugulo,) qui viros con-  
stantes moveat, ut tam periculoso mendacio,  
tanti temporis perseverantia, tam multis & evi-  
dentibus actibus adorandum pro summo pon-  
tifice Christi que vicario toti mundo debeant  
exhibere, quem sciverunt canonicè electum?  
C Mortui sunt aliqui prælatorum, mundique prin-  
cipibus non armatis solummodo, sed furentibus  
restiterunt pro suæ ecclesiæ libertate bonisque  
temporalibus defendendis: Et vos in re tanti  
periculi, quæ verè fuerit non temporalia solum,  
sed spiritualia turbatura, tam effeminatos & pa-  
vidos præbuitis, quod nullis, cum in locis tu-  
tissimis essetis, & unde potius aliis timorem incu-  
tere poteratis, quàm deberetis metus illius per-  
severantiam exhibere; hanc patefeceritis veri-  
tatem. Cur non de locis illis, cum fervebant  
ipsa principia, quisquis vestrum veritatem, quam  
post tot dissimulationes & actus contrarios præ-  
tendistis auribus etiam audire nolentium, into-  
nuit & ingessit? Sed hæc omittamus: deplorari  
quidem possunt & reprehendi, non corrigi.

Consideremus autem statum rerum, & lacry-  
mabilem gregis dominici conditionem nobis  
ante oculos mentis præponamus. Vidimus at-  
que videmus duo capita in unica sponsa Chri-  
sti. Videmus regna scissa, ut hos Urbanistas,  
illos Clementinos dicere valeamus. Hinc Ger-  
mania, Britannia quam Angliam vocant, atque  
Pannonia recognoscit URBANUM. Inde Gallia-  
rum universi fines & omnis Hispania se deter-  
minavit tulitque sententiam pro CLEMENTE.  
Miserrima verò Italia etiam in hæc duo capita  
scissa est, nec purè tamen omnes quas præmi-  
simus nationes suis pontificibus inhaerent. Nam  
& Gallicorum & Hispanicorum aliqui credunt  
URBANO, Germanicique CLEMENTI: eoque  
res deducta est, ut quilibet illi crediturus esse  
videatur, à quo plus emolumenti receperit &  
honoris. Quilibet avaritiæ & ambitioni studet:  
Dei timor & conscientiae relictio poststratus  
jacet, cujus apud mortales tam facilis est jactura  
quàm cura. Nec hucusque cordi fuit hæc abo-  
minatio principibus orbis terræ. Sic quondam  
jam fermè ad quintum sæculum etiam contigit,  
cum à Pontifice Romano destitit universa fermè  
Græcia: cui scissuræ numquam diligentia fuit  
redintegrationis remedium adhibere. Nunc

D d d d ij

autem Deo laus, qui judicare velle videtur Ecclesiam sanctam suam, & discernere causam ejus de gente non sancta, eamque ab homine iniquo & doloso liberare; postquam vos & alii Romani imperii proceres, quorum est ista tractare, ad hoc schisma tollendum videmini convenisse. Honorabile quidem est velle quod Cæsar consecrationis suscipiat munus, & triplicis coronæ decus induat, quod sæculare Christianorum caput completa fulgeat dignitate: sed super omnem honorem est curare vulnera, conjungereque scissuram, quam in sanctæ matris Ecclesiæ corpore schisma fecit. Nolite pati quod ulterius ista divisio nutriatur. Heu me miserum, cum sentiam me concordem in Christo cum Gallicis, & Hispanis, & aliis quibuscunque qui credidere CLEMENTI, suoque reverentiam exhibent successori, dissentiam nunc cum eis de vicario JESU CHRISTI. Et quàm abominabile sit, quod vicissim illi nos, nos illos schismaticos appellamus. Integra nobis & illis Petra est, quæ quidem est Christus: Cur non integri sumus in Petro, qui vicarius est Christi? Ergo dicam audacter propter duos homines, & cum ad veritatem venerimus duos quamvis venerabiles sacerdotes, universus Christianitatis orbis, tot principes, tot populi, tot gentes, pertinaciter dicam perpetua sectione discissent; & illi patientibus, immo faventibus nobis & aliis fecerint ne de Romanæ Ecclesiæ rectitudine flexum arcum, & sedentes in cornuis pondere suo non sinent curvitatem, quam cernimus adæquari. O dedecus orbis! ô pudor omnium! ô culpa inexprimibilis principum & simplicitas populorum! Quid jam ad annum vigesimum tolerastis? Cur negligitis rem tanti ponderis, & quæ divina & humana, nisi ponatur remedium, debeat permiscere? Potens est ista divisio quâncunque venirent ad arma regna transferre, totum christianitatis corpus contendendo discerpere, punctaque turbatione \* funera pessumdare. Nolite pati gentilibus & Sarracenis, qui tanto de suo Mahumeto tenentur errore, semperque christianis infesti sunt, gregem dominicum esse ludibrio. Videtis Teucros, sic enim appellare libet potiusquam Turcos, postquam apud Teucriam dominantur, licet fama sit ipsos à monte Caucaso descendisse. Videtis, inquam, Teucros, ferocissimum genus hominum, quàm altè præsumant. Nolite quod tango negligere. Confidunt & credunt Christi nomen per universum orbem delere, esse quod dicunt in fatis suis, ut Italiam vastent, & usque ad civitatem Dinsam quam Romam interpretantur, venientes omnia ferro ignique consumant. Mirum in modum principes ipsorum gentes suas ad bella nutriunt: decem vel duodecim annorum pueros ad militiam rapiunt, venationibus & laboribus assuefaciunt, atque durant, ad currendum exsiliendumque cotidiana doctrina & experientia strenuos reddunt: cibus grossissimis paneque solido nigro, multisque permixto frugibus pascunt, quod delicatius comedunt, sudore venationis acquirunt. Denique taliter instituti sunt, quod unica veste soloque

Locus corruptus.

1398.

\* F. funesta.

A pane contenti vivant, mirum in modum patientes frigoris & caloris, imbres & nives & alias aëris furentis injurias, pileo recti, nec non & nudo capite, cum opus fuerit, sine querela suscipiunt. Lectus eis nuda tellus, & cum vinum ignorent, radicibus herbarum plerumque vivunt. Quibus artibus instituti fortissimi corporibus ac agiles & strenui pro ludo & quiete militantes, arma suscipiunt: cunctarum necessitatum cibationis & victus, quæ ceteri nimis exhorrent, non patientes solummodo, sed fruenter. Addunt præterea religionis suæ doctrinam, qua docentur mori pro Domino & lege sua non gloriosum solummodo viventium in oculis esse, sed fore gloriosissimum apud Deum, ad quem nulla certiore via possunt, nullaque compendiosiore redire. Non enim usque adeo barbari sunt, quod Deum esse non credant, quod aliam esse vitam & gloriam non arbitrentur: sed certum habent fore, quod pugnantes pro Domino suo vel lege sua, perpetua recipiantur in gloria: quod tantò firmitus credunt, quantò simplicius & ineruditius vivunt. Tantæ verò sunt obedientiæ quod nihil super valet cogitari. Arma quæ gravent ipsos spernunt, agilitates, multitudo & obedientia confidunt, qua semel, ut jussum fuerit, vel pedem referunt, vel in hostes impetum faciunt. Nunc dissipantur, ut victos credas, moxque conglobantur & coeunt, & redeunt in aciem pugnam vel incipiunt vel restitunt. Nemo vafrius eis struere novit insidias, metum fringere, & hostes suos variis dissimulationibus ludificari. Credite mihi, genus hoc hominum, quorum cum mores, vitam, & instituta percipio, fortissimorum Romanorum ritum consuetudinemque recordor, nisi Deus obviet, nisi vos & alii provideatis, ut expedit, majora faciet quàm putetis.

Nos autem christiani traditi luxui, & inertia, luxuriæ & gulæ intendimus, in cute curanda plus æquo operata juvenus, ut Satyricus ait; & quod esse super omnia pericula certum est, post duos homines, qui, si tollatur dignitatum fulgor, nescio quales remansuri sint, dividimus & ambulamus, non solum cum jactura rerum temporalium, quam lacrymabilem & avaritia, & nimia divitiarum admiratio facit, sed in rerum spiritualium confusione, de quibus corruptis moribus & nimium tepesciente fervore fidei, nimius & abominabilis neglectus est. Nam si papam vel hinc vel inde legitimum non habemus, quod profecto fateri necessarium est, quis nescit ex vitiosa parte veros episcopos esse non posse? & per consequens veros deficere sacerdotes, veraque non habituros post aliquid temporis sacramenta, quos contigerit partem vitiosam esse secutos. Licet enim clericalis character sic semel transeat, quod etiam per supervenientem hæresim non tollatur, quod adeo verum est, quod certum sit hereticos etiam publicè condemnatos vera conficere sacramenta: quæ tamen jurisdictionalia sunt, propter hæresim pereunt ipso jure, ut post mortem felicitis recordationis GREGORII XI. nullus ex parte pontificis electi per vitium nactus sit sacerdotii dignita-



tem, nec per illos sacerdotes haberi possint legitima sacramenta, utpote deficiente iurisdictione sacerdotia conferendi. Illi ergo qui fuerint obediētes non vero pontifici, quamvis simpliciter & conscientia non corrupta, si in aliquem inciderint ordinatum ab episcopis rovis, adorantes hostiam & calicem, non Christi corpus & sanguinem, sed illam puram panis materiam atque vini cum aqua mixti, veluti quoddam idolum adorabunt. Et quid potest sceleratius, quidve magis abominabile cogitari? Quid Deo displicibilius esse potest? Quidque magis contrarium salutis, quam optare debemus, quamque non velle non possumus, animarum? Quid in hac societate mortalium perniciosius? Quidve quod magis debeat & possit hostes Christi in christianitatis exitium animare? Expectabimusne, donec ista contentio, pro dolor! accendatur in bellum, vel usquequo Teucrorum audacia, quam tam deflenda clade, me miserum! experti sumus, in christianos irruat & moveatur? Serum erit reconciliationem querere cum ad intestina vel externa fuerit arma perventum. Nolite, Christianorum principes, illum necessitatis articulum expectare: nimio nobis & toti christianitati pretio steterit iste neglectus. Et licet sperandum sit Deum suam Ecclesiam nullatenus relicturum, & pro integratione sponsæ suæ favores ejus nullo tempore defuturos, propensius tamen hæc spes habenda est, cum filialis Dei timor, & fidei zelus, non humanæ necessitatis metus rem tam sanctam, tam opportunam, tam honestam, tamque laudabilem inquirere persuadebit.

Nec defunt legitimi tramites quibus ad hoc valeat perveniri. Possunt equidem ambo pontifices, rerum statu & dignitatibus prælatorum intactis, sibi mutuo cedere, & alter alterum confirmando administrationem dividere, vel per obedientiam in qua nunc sunt, vel alia sectione, de qua facillime possent esse concordēs, instituendo quod nulli fiant, nisi forsan amborum pontificum accedente concordia, cardinales, & quod altero moriente, alter totum quem Deo placuerit esse superstitem administraret. Hanc viam sæpenumero cogitans non ineptam, non incongruam, nonque sine exemplo Ecclesiæ primitivæ fore duxi, cum post Petri martyrium & nativitatem, ex institutione fuerit: Linum tamen & Cletum episcopatum urbis Romæ administrare permisit, per quos etiam vivens Petrus plura fecit, quæ ad pontificatus dignitatem & officium pertinebant. Quamvis apud Eusebium loquentem de temporibus illis scriptum sit: Qua tempestate in Urbe Roma Clemens quoque post Paulum & Petrum pontificatum tenebat, ut illos episcopium istum, non pontificium eodem tempore tenuisse in urbe Roma manifestum sit, regente Jerosolymitanam Ecclesiam, quæ sedes cum Antiochena totum regebat Orientem, Jacobo iusto fratre Domini, cum Antiochiæ primus præesset Eводius, cui legimus Ignatium successisse. Nec moveat aliquem pontificum ætas, ut ista conditio videatur esse deterius illi parti quæ longè

A seniore pontificem habeat: quoniam sæpissime videmus decrepitum patrem filios juvenes sepelire, totusque vitæ nostræ cursus obnoxius morti sit. Filios omnes præmisit Priamus, & Fortunatus Augustus, sicut legimus, testamentum conficiens, inquit: Quoniam iniqua fortunâ Gaium & Lucium filios mihi eripuit Tiberius Cæsar, mihi ex parte dimidia & sextante hæres esto. Videsne quàm acriter atque clarè gloriosus princeps de fortuna propter filiorum interitum conqueratur. Conquerebatur & Nestor factorum ordinem apud Homerum, quando corpus ardere filii videbat, miseram superesse lacrymans senectutem. Sed cum hæc causa Dei sit, sperandum est illum fore superstitem, quem superesse melius est in oculis Dei.

B Audivi tamen tres alias vias per universitatem Parisiensem maturè & prudentissimè designatas: unam videlicet compromissi, quam quidem impossibilem arbitror: quoniam impossibile sit verum invenire fidumque partibus æquis effectibus mediatorem, & quoniam hæc via mentes fidelium minimè declararet. Altera via videtur esse concilii, quam communiter omnes clamant. Sed sub quo congregabitur hoc universale concilium? Sub illo, vel altero, vel utroque? Non video quod sub uno fieri possit: non video quod sub duobus facere, laudabilem exitum possit habere. Fac enim utramque partem cum suo pontifice convenisse, perstabit quilibet in suo proposito, & in summam venietur contentio. Et licet iudices præponerentur, non essent tamen extra corpora partium, inter quos vel esset pertinax, vel indeterminata contentio, vel credi posset hinc vel inde aliquid per collusionem & vitium de iudicando concordia: sic quod facillimè posset error posterior deterius esse priore. Denique tempus adeo longum ad congregationem exigitur, quod interim mille modis posset concilii propositum impediri. Quis etiam inter Christicolæ concilii locus dabitur, qui neutri partium sit suspectus, ut hanc viam certum sit nec aditum nec exitum habituram. C Cavendum est præterea diligenter in hac causa ne dici possit vel quomodolibet suspicari aliquid extorqueri per vim, concedi muneribus, vel per gratiam impetrari. Quod utinam fiat clarum in oculis omnium, sicuti materia nostra requirit. Sic non sufficit quod ista non fiant: sed necessarium est quodabilitas ad illa deficiat & facultas: quod numquam esse poterit, si capiatur via concilii, vel eligatur formula compromissi. Usque adeo quidem corrupti sunt mores, & illa veræ sanctitatis integritas, quam de priscis legimus, evanuit: & adeo fervet avaritiæ rapacitas & affectio lucri, quod vix possint etiam privatorum iudicia, vel publicarum rerum disceptationes hoc suspicionis scrupulo munda credi. Nimis enim verum est poeticum illud,

Munera crede mihi pacant hominesque deosque.

Placatur donis Jupiter ipse datis.

Et quid ego juvenculus cecini non opus est illi Digesto aut codice, pro quo

Gratia venalis, vel clam declamitet aurum.

D d d d iij



Accedit ad hæc quod etiam si vera claraque A  
iustitia redimatur; cum omnium cupiditas ex-  
pleri non possit, quod qui nihil, vel minus asse-  
curi sunt quam sentiant vel credant ad alios  
esse delatum, murmurant, clamant, & dete-  
gentes vitium, nihil relinquunt suspitione va-  
cuum vel sincerum. Cui & hoc calamitatis ad-  
jungitur, quod hæc etiam si vera non sint,  
cunctis facillimè persuadentur. Et si quis affuerit,  
de quo non possit corruptionis esse suspicio, de-  
ceptum credunt ex simplicitate sua. Vix enim  
hæc integritas citra puritatis simplicitatem re-  
periri potest. Mox prædicant circumventum.

Relinquantur hæc igitur quæ carere suspi-  
cione non possunt, & tertia via quam veneranda  
congregatio Parisiensis Universitatis proposuit  
eligatur. Dicunt equidem, ut fama est, quod  
utriusque obedientiæ cardinales simul conve-  
niant, & uterque pontificum, confirmato, ut ar-  
bitror, utroque collegio, renuncient juri suo:  
ita quod per omnes qui titulum habent cardina-  
les unicus pontifex eligatur. Hunc modum,  
hanc viam non humanam, sed divinam, sanctis-  
simam, optimam, tutam, certam, sine scrupulo,  
& sine murmuratione commendo. Cui consilio,  
si fas est me de tanta materia loqui, & illud  
addiderim, quod hinc inde numerus cardina-  
lium adæquetur, ne contingat in electione fu-  
tura partium alteram esse suffragiis inæqualem.  
Nam tametsi duarum partium totius congrega-  
tionis requiratur assensus, quæ pars tamen vo-  
cibus ditior erit, facilius prævalebit, ut & huic  
calumniæ bonum sit & quasi necessarium ob-  
viare.

\* L. san-  
guinem.

Hanc viam, inclite Princeps, satis commen-  
dare non possum, nec credam ipsam sanctissimis  
& sapientissimis viris illis carnem & spiritum  
suggessisse, sed Deum Patrem qui in cœlis est  
sine dubio revelasse. Hac equidem via nihil  
compendiosius, nihil iustius, nihil sanctius,  
nihilque sincerius cogitari potest. Possunt enim  
cardinales quemcumque locum elegerint, tum  
citò, tum facile convenire. Nec dubitem, usque  
adeo debet omnibus hæc displicuisse scissura,  
quod in unius electione pontificis Dominus eis  
subitam concordiam inspirabit. Quid autem  
iustius esse potest, quam schisma conceptum  
atque nutritum superbia dignitatum, humilitate  
renuntiationis extinguere, & unitatem in di-  
visa sicut videmus Ecclesia renovare? Quid  
autem sanctius uterque pontifex & optare potest  
& facere, quam pro reconglutinatione tam  
pernitiosæ scissuræ, pro qua vitam exponere  
parum esset, resignare litigiosas has quas obti-  
nent dignitates, quam lucrari fratris animam,  
quam certum est illum qui jus non foveat, &  
pertinaciter inhæreat cum his quæ tenet, in statu  
gratiæ habere non posse, quam universum chris-  
tianitatis corpus de divisionis tenebris ad lu-  
cem unitatis & concordiae revocare. Cogitet  
uterque pontificum se non Petrum ad petram  
fundamentalem Ecclesiæ, sed petram scandali,  
dignam tamdiu reprobatione, quamdiu distu-  
lerint se præbere lapidem angularem, qui sicut  
in capite geminos parietes uniat & jungat;

quod fieri non potest nisi desinant esse quod  
sunt, immo quod esse credi cupiunt & volunt.  
Nunc lapides sunt in hac Ecclesiæ sectione:  
tunc erunt unum in Christo concordiae & fidei  
unitate. Nam quamvis neuter ad id quod se  
præstendit habere redierit, causa tamen efficiens  
cum Deo erunt, ut lapis unus in angulo repo-  
natur. Tanto profecto majores atque digniores  
reposito, quanto majus est & dignius efficiens  
quam effectus. O quam gloriosum dicere, Ec-  
clesiam suscepi divisam, & humilians memet-  
ipsum reddidi concordem, unanimum, & uni-  
tam. Volui potius esse de pusillis unus in unitate  
matris Ecclesiæ, quam divisæ Princeps in illius  
culmine dignitatis. Est hoc profecto, ni fallor,  
adeo iustum & sanctum, quod id non facere, sit  
diabolicum & iniquum.

Hortemini, requiritè, urgetè, & omnimodo  
conemini, quod ad hunc renuntiationis actum  
& concordiam veniant. Qui se non permiserit  
exorari, quisquis ille fuerit, sit vobis schisma-  
ticus & intrusus. Verissimè judicavit Salomon  
illam non esse matrem, quæ patiebatur & eli-  
gebat filium dividi; matrem verò quæ volebat  
integrum filium alterius consignari. Sic & vos  
& universus orbis illum reputet verum sponsum,  
qui paratus fuerit in unitatem sponsam dimit-  
tere, non divisam & laceram retinere. Placet  
hæc via, gloriosissime Princeps, non mihi solum  
cui nullum est iudicium, sed omnibus qui sen-  
serint, non tantum quoniam expeditissima, iusta,  
& sancta sit; sed etiam quia sincera. Nulla  
quidem in hac re suspicio versari potest, nulla  
fraus intendi, nulla corruptio fabricari. Quo-  
te deprecor, inclite princeps, & alios omnes in  
quorum manibus orbis terrarum est, quique  
sicut fama est apud *Franchfort*, & hujus & diri-  
gendi imperii gratia convenistis, hoc schismatis  
negotium ante omnia prosequamini. Numquam  
enim dirigetis imperium, nisi prius ordinaveritis  
& papatum, à quo certum est imperium depen-  
dere. Nec vos rerum arduitas deterreat, diffi-  
cultas fatiget, vel submoveat magnitudo, me-  
mores circa ardua, magna, laboriosaque semper  
esse virtutem; tantòque magis quodlibet esse  
meritorium, quantò difficilius fuerit majoribus-  
que laboribus plenum. Hæc reconciliatio paci-  
ficum reddit imperium, spem conceptam auferet  
hostibus christiani nominis, cunctaque secun-  
dum Dei placitum & consolationem hominum  
reformabit. Scio, magnificentissime Domine,  
me de me plusquam deceat præsumisse, quam-  
vis fidelium omnium esse credo super hoc non  
desiderare solum, sed clamare: quoniam ubi de  
salute cunctorum agitur, ignavum est, si non  
ab omnibus consulatur. Si cui tamen videbor  
os in cœlum audacius posuisse, consideret fidem,  
precor, consideret & zelum, quem me ad hanc  
unitatem habere facillimè judicare potest. Sciat-  
que me, licet tot & tanta scribentem, pro zeli  
magnitudine nihil egisse, nec imponat fidei meæ  
sinceritæque defectum, sed si placuerit com-  
mendet affectum. Tu vero, Princeps optime,  
et si qui dignabuntur ista prælegere, suscipiatis  
hæc in bonam partem, obsecro, meque locutum

hæc sincerè, fideliter, & in divinæ majestatis A  
filiali metu, quæ sic me inspirare voluit, judi-  
cate. Vale. Florentiæ XIII. calendas Septem-  
bris.

## EFFECTUS PROPOSITIONIS FACTÆ

per dominum abbatem S. Michaelis coram  
rege Aragoniæ, quando fuit missus ibi per  
regem pro facto unionis Ecclesiæ, ad indu-  
cendum regem prædictum ad viam cessionis  
amplectendam: quia aliam viam, scilicet dis-  
cussionis & conformem viæ papæ elegerat,  
& super hoc regi scripsérat, & nuncios mi-  
serat: super quo rex ad eum mittebat dictum  
dominum abbatem cum aliis.

Anno 1398.  
Ex ms.  
Gemmeti-  
vmsi.

**T**HEMA *Sint consummati in unum* Joh. XVII.  
de summa Trinitate, *damnamus*. Illos con-  
stat esse in unum consummatos, qui vinculo ca-  
ritatis uniti in id conveniunt, &c. ad Phil. 2.  
Idem sapiatis, eandem caritatem habentes, C  
unanimis ad ipsum sapientes. Et alibi multitu-  
dinis credentium erat cor unum & anima una.  
Act. 4.

Per hæc unionem seu pacis & concordie  
procuracionem inducitur stabilitas virtuosa, ac-  
quiritur fraternitas amorosa. De primo patet.  
Sicut cementum de pluribus lapidibus facit  
parietem stabilem, domum, vel civitatem: ita,  
&c. Et hæc connexio sive concordia necessaria  
est ad constructionem reipublicæ: quia quamdiu  
cives sunt uniti, durat civitas. Tractat Poly-  
craticus l. 4. c. 8. & ponit Salustius lib. 2. quod  
Scipio quando exivit Roma, dixit, Dimitto vo-  
bis regnum stabile, si fueritis unanimis; si non,  
imbecille. De secundo patet in psalmo, *Ecce*  
*quam bonum*. III. q. 1. *nulli* Prov. 18. *Vir ami-*  
*cabilis ad societatem magis amicus erit quam*  
*frater*.

Circa quod considero quod hæc unio, sive  
connexio debet constare ex tribus: Ex populi  
uniformitate, ex animi unanimitate, ex prælati  
singularitate. De primo Isaia 27. *Congregamini*  
*unus & unus filii Israel*. Unde Augustinus libro  
de catechizandis rudibus sermone 1. ait: Fecit  
Deus unum de uno, & omnes de duobus. Si  
ergo facti sumus de uno omnes, conveniamus  
in unum. Hoc est quod commendavit generi  
humano, ut de uno faceret omnes, & ut om-  
nes diligerent unitatem, & coleretur Deus uno  
& vero corde. Et alibi Augustinus sermone 2.  
de Pentecoste: Numquid Deus de una ave fecit  
ceteras aves? Numquid de uno pisce fecit omnes  
pisces, de uno equo omnes equos, &c? Numquid  
omnes plantas una terra producit & fœtibus F  
multa complevit? Ventum est ad hominem fa-  
ciendum, & factus est unus, & de uno genus  
humanum inchoatur. Ubi generi humano unitas  
commendatur. Et alibi, Quæ arbor? Nonne  
arbor non esset si una non esset? Quæ membra, si  
cujuslibet animantis ut viscera, & quidquid est  
eorum ex quibus constat? Certè si unitatis pa-  
tiantur divortium, non erit animal. Amici nihil  
aliud quam unum esse conantur, & quanto magis

unum, tanto magis amici. Aug. l. 2. de ordine  
rerum.

De secundo, Ad Ephes. 4. de summa Trini-  
tate, *Damnamus*. Decet ut omnes qui ejusdem  
sunt corporis, unius etiam sint voluntatis, & ut  
sicut fratres ad invicem vinculo caritatis sint  
adstricti.

De tertio manifestum est debere esse unicum  
prælatum vicarium JESU-CHRISTI, &c. quod  
posset declarari auctoritatibus, rationibus &  
figuris: sed quia rem puto notissimam, præter-  
mitto.

Sed proh dolor! occasione hujus schismatis, «  
ut loquitur Johannes Salisberiensis, dividitur «  
unitas, integritas scinditur, sinceritas corrup-  
pitur, maculatur & sanctitas. Ut hæc & alia  
inconvenientia scribit lib. 8. cap. 23. Fides  
namque per hoc inficitur orthodoxa, graves  
dissensiones & odia hinc inde propter hoc semi-  
nata, rerum & corporum, utinam non anima-  
rum pericula gravia ex hoc fidei christianæ cul-  
toribus imminere noscuntur, & graviora prove-  
nire, nisi provideatur celeriter, formidantur,  
prout etiam in epistola bonæ memoriæ regis  
prædecessoris vestri Universitati Parisiensi missa  
continetur. Ex hoc enim hujus corporis mystici  
difformitas, membrorum à capite separatio,  
capitis nostri læsio, omnium à pastore exorbi-  
tatio. Per hoc insuper Deus offenditur, prox-  
imus scandalizatur, lex contemnitur, veritas  
occultatur, error introducitur, & plura alia  
mala quæ longum esset enarrare provenire di-  
gnoscuntur.

Hæc attendens Dominus noster rex toto co-  
namine, ceteris postpositis, optavit & optat,  
& procurat, ut juxta verba thematis omnes  
fideles sint consummati in unum, & maxime  
Vos & Ipse, primò propter Deum & rationes  
supradictas & dicendas. Secundò propter con-  
fœderationes & amicitias speciales dudum ini-  
tas cum prædecessoribus vestris & suis, diu ob-  
servatas, & etiam per Dei gratiam observan-  
das.

Nec mirum si rex prædicta desiderat, quo-  
niam ad hoc non solum ipse ut rex, sed & om-  
nes christiani tenentur ad hoc, ut infra satis  
ostendetur.

Sic conformiter recolendæ memoriæ dominus  
rex prædecessor vester, hunc zelum habuit,  
regem etiam requisivit tempore CLEMENTIS  
& domini BENEDICTI, quod in hujus negotii  
prosecutione apponeret vices suas. Super hoc  
etiam universitatem Parisiensem tertio per lit-  
teras excitavit ad laborandum erga reges &  
principes, offerens se paratum ad omnia, &c.

Sic reges Romanorum, Angliæ, Ungariæ,  
duces Baviaræ & Austriæ, pluresque principes  
Almanniæ, dictum regem requisierunt: aliqui-  
bus eorum deprecantibus ipsum, ut aliquam  
viam bonam ad schismatis sedationem inveni-  
ret, eisque significare dignaretur.

Insuper & ille de Roma de hoc eum exhor-  
tatus est per litteras & ambassiatores, promit-  
tens etiam circa bonum unionis intendere, nihil  
de contingentibus omittendo.

Nec omittendum qualiter universitas Parisiensis zelum ad materiam habuit ferventissimum, & apud eum pluries & frequenter precibus & exhortationibus institit.

Rex igitur obligatus & pulsatus, ut præfatur, tempore domini CLEMENTIS magistris dictæ Universitatis injunxit, ut de bona via sive viis curarent avizare, sicut fecerunt, dicto regi notificantes illas vias. Et statim cum domino CLEMENTE tractari fecit dominus rex de viis prædictis taliter, quod sperabatur negotium habere bonum finem per viam cessionis, nisi mors domini CLEMENTIS supervenisset, &c. Et ab illo tunc disponebat rex in illa via, seu per illam viam laborare ad unionem procurandam.

Dominus BENEDICTUS etiam post creationem suam bis misit ad regem, exponens affectum quem habebat ad unionem, deprecando regem & dominos de duobus, 1. quod laborarent de ista re. 2. quod rex mitteret ad eum viros notabiles, instructos de viis bonis & utilibus per eum avisatis & avisandis, asserens se non recusare aliquam viam bonam, sed eam sequeretur & prosequeretur pro posse, dicens se habere notitiam de bonâ affectione regis & dominorum.

Ex quo patet quod rex fecit id quod fecit pulsatus & requisitus, & ad instantiam domini BENEDICTI, & ex zelo quem habuit & habet ad unionem Ecclesiæ.

Rex igitur sic requisitus per multos & per papam, quærens super his consilium, mandavit pro prælatis, doctoribus religiosis, decanis Ecclesiarum. Et fuerunt centum viginti & plus, qui juraverunt dare fidele consilium.

Omnes isti discussis aliis viis, &c. condescenderunt in viam cessionis, eam reputantes meliorem, brevior, &c. tamen cum bona practica sua: immo non reputabant aliam viam quamcumque ad plenam schismatis extirpationem sufficere. Ideo eam regi præsentarunt, & consuluerunt esse tenendam, ac domino nostro papæ consulendam, ut ipse eam acceptaret, si adversarius ad eam condescendere vellet.

Idem fecit Universitas Parisiensis, & eandem viam regi consuluit.

In eadem opinione fuerunt consiliarii regis.

Ex quibus patet quod rex non fecit hoc proprio capite sine consilio & deliberatione matura, sed habita tali deliberatione, rex misit ad papam non hos vel illos, sed dominos patruos & fratrem: quibus injunxit quod antequam aperirent aliquam viam papæ, sibi supplicarent, quod viam quam dicebatur avisasse, sicut regi nuper dixerat, dignaretur aperire, offerendo auxilium regis ad eam prosequendam, si bona videretur. Et sic domini prædicti etiam fecerunt.

Papa ergo viam aperuit, scilicet conventionis cum adversario sub protectione & gardia regis Franciæ, ad tractandum, &c.

Et quia domini habito consilio dictam viam conventionis reputaverunt non esse acceptandam propter rationes infra dicendas, & alias: & considerantes quod viam cessionis prosequi

A debebant, aliquando simul, aliquando particulariter, pluribus diebus & vicibus, aliquando in præsentia cardinalium, pro dicta via supplicarunt, pro Dei reverentia, pro scandalis vitandis, pro contemplatione regis, &c.

Et domini cardinales omnes, uno excepto, habita deliberatione, in eandem viam conveniunt de ea amplectenda, sibi supplicantes flexis genibus, aliquando præsentibus dominis, aliquando in absentia, aliquando omnes simul tam cardinales quam domini supplicarunt.

B Et notandum quod non supplicabatur pro via cessionis, nisi in casu quo adversarius id vellet. Et etiam fulciebatur via per rationes, & aliæ etiam impugnabantur per rationes, & propter inconvenientia quæ inde sequerentur. Offerebatur etiam quod via cessionis per magistros & clericos adhuc examinaretur. Offerebatur etiam quod si via sibi placeret, secum aviseretur de modo praticandi, in quo adhuc rex juvaret, &c. Et sic domini fecerunt supplicationem suam bene circumstantiatam, nec præcipitaverunt papam, sed per sex hebdomadas expectarunt.

Ipse verò noluit declarare mentem suam, nec in communi, nec ad partem, nec cardinalibus, nec dominis, quod aliquando caperet istam viam etiam si adversarius conveniret in hanc viam: quia alias non petebatur quod eligeret viam cessionis; sed pro responso finali dedit bullam cunctis fidelibus publicatam: per quam recusans viam cessionis, viam conventionis offerebat.

D Videntes igitur domini quod pro tunc nihil possent amplius proficere, recesserunt, omnia regi referentes.

Rex igitur attendens qualiter ad procurandam unionem obligatur, sic alias, ut scriptum est, requisitus, attendens pericula quæ ex schismate proveniunt, sciens per se solum non posse finem habere, qui nec etiam hoc intendebat, super hac materia misit apud reges Romanorum, Castellæ, Aragonum, Ungariæ, Angliæ, Scotiæ, & Navarræ, & duces Baviaræ & Austriæ, electores imperii, & aliquos alios, eos exhortando super via supradicta cessionis.

Et inter alios reges Castellæ, Angliæ, Scotiæ, Ungariæ, & Navarræ, necnon duces præfati, in hanc viam cessionis condescenderunt.

Rex verò Romanorum regi rescripsit, quod super hoc deliberationem haberet cum electoribus & dominis Almanniæ, & suam deliberationem aliis regi notificaret, paratus semper ad unionem laborare.

F Et probabiliter creditur quod se determinabit ad hanc viam; & sunt concordēs rex & ipse de conveniendo simul in unum locum ad avilandum super dicto negotio.

Rex etiam vester prædecessor, licet non se determinaverit ad hanc viam; tamen ambaxiatoribus regis alias respondit, quod dicta via sibi convenientior & brevior videbatur, promittens quod eam consuleret papæ: subjungens etiam quod si crederet pacem posse haberi per dimissionem regni sui, illud dimitteret.

Insuper

Insuper illustris regina conjunx vestra post obitum præfati regis de consilio comitatum regni vestri scripsit regi Castellæ, quod sese conformaret viæ cessionis & prosecutioni ejusdem.

Novissimè verò dominus noster rex continuando suum propositum, & cum ipso reges Castellæ & Angliæ unanimi consensu miserunt ambaxiatores ad dominum nostrum & illum de Roma pro hac via cessionis.

Et quia ipsi dederunt responsionem dilatoriam, ideo dicti ambaxiatores, sicut eis injunctum fuerat, summaverunt dominum nostrum, quatenus una pro omnibus dilationibus placeat infra purificationem proximè venturam sic facere, quòd habeatur plena pax, & unus indubitatus papa, quomodocumque hoc fiat: Intimantes quòd si hoc factum non fuerit, reges præfati habent certam & firmam intentionem procurandi omnes vias & modos possibiles, quibus omnino schisma valeat extirpari, unio haberi. Et idem omnino dicti ambaxiatores regis Franciæ & Castellæ dixerunt illi de Roma.

Sciendum est quòd circa tempus dictæ ambaxiatæ, episcopus Abulensis ex parte papæ certam viam cum practica ad discussionem juris contententium de papatu tendentem præsentavit: sed rex habito consilio consideravit quòd eam prosequi non debebat, nec à via cessionis debebat recedere: quæ ita maturè fuerant deliberata, & jam diu profecuta.

Vestri etiam ambaxiatores quamdam viam omnino similem, vel eandem cum dicta via obtulerunt seu præsentaverunt domino nostro regi, exhortantes eum quatenus, &c.

Sed rex habito consilio respondit.

Pro cujus justificatione, ne videatur rex voluntate moveri, ponam quatuor quæstiones satis notas.

Prima quæstio, quòd cuncti fideles tenentur pro suis viribus ad Ecclesiæ sic laceratæ, ut præfertur, reparationem, moderni schismatis extirpationem, & Ecclesiæ unionem laborare.

Secunda quæstio, quòd in prosecutione unionis non est amplius insistendum circa verba vaga, generalia, & incerta, attentis negotii circumstantiis, sed est condescendum ad certam viam & determinatam per quam possit plena unio quoad omnes obtineri. Patet propter inconvenientia quæ occurrunt, in dilatione sive mora. Ideo celeriter occurrendum. Ad hoc etiam possunt multa induci quæ colligi possunt in alio facto coram rege Angliæ.

Ad hoc maximè astringuntur papa & cardinales propter juramentum quod præstiterunt in conclavi.

Constat autem quod insistere circa generalia non est nisi protrahere schisma, & ponere in periculo radicationis propter multos casus qui possunt evenire: ideo jura reprobant verba generalia.

Ex quo sequitur non sufficere si dicatur pro responso, prosequar unionem per omnes vias accommodas & utiles, quia videtur ficta excusatio, & vel spinosum impedimentum; quia

*Theauri Anecd. Tom. II.*

A talis responsio magis decipit quàm pura negatio: quia videtur prima facie pluribus satisfacere, & sic reddit tepidiores in prosecutione unionis; & tamen nihil est in effectu: absoluta verò negatio incitaret homines ad quærendum remedium.

Ex hoc etiam sequitur quod domini duces primò ad papam missi non debuerunt contentari de via conventionis oblata per papam; quia non erat via, sed quoddam præparatorium ad viam inveniendam.

B Et quia verisimiliter contigisset quod post multas expensas & impedimenta negotiorum regaliū finaliter partes non concordassent de via; saltem non erat imaginandum quòd dominus noster papa viam cessionis acceptasset, attentà responsione quam dederat: & quia si de sua voluntate fuisset illa via, ipse eam aperuisset dominis prædictis publicè vel occultè, attentis his quæ regi significaverat, de quo supra in facti narratione.

C Item si sine fructu partes discessissent, fuisset occasio manifesta majoris schismatis, immo diffidentia unionis unquam habendæ.

Et ideo domini non acceptarunt istam viam; & quia etiam volebat papa quod totum fieret sub protectione regis Franciæ, quod numquam accordasset adversarius, ut potest satis credi de certo: & quia etiam papa per hoc tendebat ad viam discussionis, ut patet ex responsione data per bullam. Hæc autem via nullatenus erat admittenda, ut infra dicitur. Et quia etiam stabat in verbis generalibus quòd aperiret vias utiles: & quia etiam non præfigebat certum terminum infra quem se faceret fortem de via habenda, vel pace habita.

E Tertia quæstio est, quòd quælibet via discussionis juris partium est in sui aggressu difficilis, in progressu prolixa, plena periculis, & damnis corporum & animarum irreparabilibus, in sui exitu dubia, incerta, scandalosa, seminaria rixarum, odiorum, & jurgiorum, schismatis & conscientiarum minime sedativa, inutilis & infructuosa, possetque in posterum exemplo esse perniciofa.

Patet quæstio quoad duas primas partes de aggressu & progressu. Effet enim difficultas circa electionem arbitratorum, & quilibet caperet sibi affectionatos, & per consequens alteri suspectos.

Item, circa locum ubi convenirent, & sub cujus dominio seu protectione, & de habendo ibidem testes & alias personas necessarias pro discussione tantæ materiæ.

F Item, quis examinaret testes, maximè senes & valetudinarios, cujus expensis, & ubi? maximè ex quo arbitri essent inclusi, ut ponit dominus noster in practica viæ quam aperuit regi, nec possent exire.

Item, quomodo provideretur quòd non admitterentur testes criminosi, & alias de jure repellendi?

Item, quia omnes sunt suspecti alteri parti, & è contrario quia foverunt causam alterius: immo quasi se partem constituerunt propter

Eeee

quod etiam scriptura notariorum suspecta red-  
ditur unius ad alterum.

Item, quia nullus est in mundo saltem nota-  
bilis, quin ibi habeat interesse, ne ipse vel sua  
patria reputetur fuisse schismatica.

Item, testes præsentes in facto electionis jam  
à viginti annis citra, si vivant, sunt ubique dis-  
persi, nec de facili haberentur.

Item, numquid notarii & testes de facili pos-  
sent corrumpi?

Item, facta ab utraque parte producuntur  
contraria, & sic visibiliter attentis affectione &  
similibus, provocationes essent contrariæ, quas  
impossibile esset forsitan concordare.

Videmus etiam quod in modicis lites durant  
multis annis.

Item, quomodo prævidetur periculis quæ  
quotidie eveniunt, & ex tam diuturna dilatione  
evenirent?

Et hoc pendente etiam multa possent evenire,  
quæ essent causa peremtionis totius negotii, &  
radicationis schismatis, & talibus est obvian-  
dum.

Ex istis patet quod per viam discussionis non  
tollitur uni parti contra aliam materia ambi-  
tionis, fraudis, &c. sicut vult dicere dominus  
noster in via conventionis quam tradidit.

Sed patet quæstio quoad aliam partem, quod  
sit ista via in exitu dubia.

Ad cujus evidentiam noto primò quod papa  
non ab homine, sed à Christo originaliter &  
immediatè potestatem habet, & præminentiam  
super totam Ecclesiam, licet ministerio cardi-  
nalem, &c. *Vide residuum quod sequitur supra in  
propositione facta coram rege Angliæ.*

2. Noto quod Ecclesiæ reparatio debet esse  
omnino extirpativa schismatis & radicitus am-  
putativa omnis dubitationis. Debet etiam esse  
generalis & plenaria, *vide ubi supra.*

3. Noto quod moderni schismatis quatuor  
sunt partes, *vide ubi supra.*

4. Noto quod sententia in hac materia lata  
esset declaratoria, &c. *vide ubi supra.*

5. Noto quod assumti ad cognoscendum de  
causa non essent facti impeccabiles, *vide  
ibidem.*

Propter quæ & alia efficaciora non est visum  
regi quod acceptabiles sint viæ papæ, quarum  
unam obtulit dominis ducibus in Avenione, &  
aliam Parisius per episcopum Abulensem, de  
quo supra dictum est, quia quælibet tendit ad  
discussionem. Et sic patet ex prædictis quod  
non est sufficienter provisum periculis & incon-  
venientibus per pratticam quam ponit papa in  
dicta via.

Et ultra prædicta adhuc ostenditur quod  
dicta prattica non est admissibilis, primò pro-  
pter defectum consensus & libertatis.

Item, hic intervenire pactio & conventio,  
quæ debet in materia electionis papæ omnino  
cessare.

Item, ex hoc artantur arbitri ad nominan-  
dum alterum, & sic fortè talem qui eis non  
videbitur utilis Ecclesiæ, & sic contra con-  
scientiam. Et tamen est bonus modus reparandi

A Ecclesiæ divisionem per aliam viam, scilicet  
cessionis, ut infra dicitur.

Item, ex hoc quod quælibet partium rende-  
ret eligi, de ambitione notaretur, & sic repel-  
lendus.

Et si rationes prædictæ non concluderent,  
tamen redderent multos fortè titubantes & du-  
bios aut perplexos.

Item, dominus noster papa nimis tardavit  
dictam pratticam aperire, ferè jam lapso bien-  
nio? postquam domini duces eum adiverunt, &  
postquam multi reges & domini, ut dictum est,  
ad viam cessionis se determinaverunt, & adeo  
in hujus viæ prosecutione est processum; quod  
sine scandalo & manifesto periculo non potest  
retrocedi.

Et jam multi possent obloqui contra papam,  
quod ad impediendam viam cessionis, & profe-  
cutionem jam incœptam, hanc pratticam obtu-  
lit de præsentis.

Per prædicta etiam potest difficultari via con-  
cilio generalis, & ex illis quæ scripsit dominus  
Ebredunensis contra viam concilio generalis.

Et dominus cardinalis S. Eustachii in scriptis  
suis super hac materia ad dominum archiepif-  
copum Toletanum, scribit quod fuit in princi-  
pio conclusum per dominos cardinales, quod  
illa via non erat bona, quia perniciofa & diffi-  
cilis, immò attento statu orbis impossibilis, à  
fortiori ratione nunc non convenit propter ob-  
stinationem ab utraque parte, tum aliis causis  
& rationibus, quæ pro tunc locum habebant  
& habent.

Et per hoc reprobat eodem modo illud de  
quo papa in dicta prattica loquitur; quia cum  
illis arbitris essent ibi aliqui pro omnibus prin-  
cipibus & prælatis, &c; quia difficile esset & quasi  
impossibile.

Præmissa inconvenientia cessant in via ces-  
sionis.

Sunt etiam ad hoc propositum multa dicen-  
da, quæ colligi possunt ex multis scriptis tra-  
ctatibus.

E Quarta quæstio, quod via cessionis utriusque  
contententium est bona, licita, canonica quo-  
ad effectum specialem & generalem præsentis  
schismatis, & etiam quoad singulas personas,  
tollendum & abolendum.

#### COPIA CONSULTATIONIS

& litteræ quibus dominus Rupertus dux Hey-  
delbergensis informavit dominum Wences-  
laum regem Bohemiæ qualiter se deberet  
habere & respondere in dieta ordinata ab  
ipso & domino rege Franciæ, & quomodo  
nullo modo deberet, nec posset declinare  
ab obedientia domini Bonifacii papæ nostri.

Serenissime Princeps, ex quo placet maje-  
stati vestræ, quod dicatur illud quod vide-  
tur mihi super quibusdam punctis quæ narravit  
mihi dominus frater NICOLAUS episcopus ex  
parte majestatis ejusdem, dicatur & in scriptis  
ponatur; sed cum tremore propter imbecilli-

Anno 1398.  
Ex ms.  
Gemmet-  
censi.



ratem ingenii seu intellectus mei. Unde primò supplicatur & petitur quod non attendatur ad ignorantiam, sed ad fidelitatem: quia licet fortè imprudenter, fideliter tamen loquatur. Et primò ante omnia videtur quòd si majestas vestra facere potest cum honore suo, quod non conveniat cum rege Francorum ad loquendum seu quascumque ligas faciendas, sed omnino declinet & vitet illud parlamentum. Et rationes me moventes sunt istæ.

Primò quia fama ibit per mundum de illo vestro colloquio, & exinde magnificabitur rex Franciæ: quia dicet mundus: Ecce quàm magnus est dominus rex Franciæ: locutus est aliàs cum rege Angliæ, & traxit eum ad se, & ad suum propositum, loquens & modo cum rege Romanorum, & pariformiter induxit eum ad suam voluntatem, & ejus beneplacitum: Et hoc erit coram communi vulgo, quod ille erit magnificatus, & majestas vestra diminuta in honore.

Secundò, quia coram prudentibus & ecclesiasticis viris generabitur suspicio, quia majestas vestra velit cum dicto rege in omnibus concordare, tam in factis ecclesiæ quàm in aliis; & sic provocabitur ecclesiæ & dominus noster papa ad non confidendum de vobis in negotiis suis; & si aliquid petatis ab eis gratiosum, non erunt ita pròni ad exaudiendum, licet etiam absque hoc talis unio sit contra honorem vestrum & statum.

Tertia ratio est, quia certum est quòd Francigenæ non quærunt vobiscum loqui aut uniri propter bonum vestrum, sed propter suum; & venient in Turona cum multis litteratis viris & sapientibus, qui omnes conabuntur vos decipere, si poterint, in augmentando honorem regis sui, & diminuendo vestrum quantum possibile erit eis: & non videtur quòd de præsentī majestas vestra sit sociata de multis sapientibus & litteratis viris: de quo sequuntur duo mala. Et primum erit quod ipsi tamquam superbi despicient & contemnent statum majestatis vestræ; secundum quòd ipsi apponent majorem conatum ad decipiendum vos non videndo vobiscum homines qui possint resistere eorum maliciis. Hæ rationes movent ad illud, quod supra dictum est, semper sub correctione majestatis jam dictæ, si loquatur ignoranter.

Quod si omnino fieri non potest cum honore majestatis vestræ quin conveniatis cum eo, hic oportet multipliciter providere. Et primò videtur quòd majestas vestra omnino procuraret habere secum plures litteratos & sapientes viros quàm nunc habeat; etiamsi propter hoc deberet differri vel prolongari per aliquod tempus terminus vel dies colloctionis: qui tales viri facient majestati vestræ honorem, & insidiantibus seu insidiari volentibus incutient timorem.

Secundò videtur quod in facto renovationis ligæ factæ per parentes seu avos vestros & suos, debeatis aperire oculos, & ire cum pede plumbeo: Et potestis eis dicere, quòd nunc sunt alia tempora, & aliæ conditiones quàm fuerunt tempore quo fuerunt factæ dictæ ligæ; & multa

*Theſauri Anecd. Tom. II.*

A poterant ibi promittere quæ forsitan hodie fieri non possent. Et ideo dicatis vos velle super istis deliberare maturè & avisare cum consilio tam regni Romanorum, quàm regni Bohemiæ. Ipsi enim nihil aliud quærunt nisi vos rehabere ad se, sive cum bono sive cum malo vestro, quod absit, per viam ligæ, vel quamcumque aliam. Unde vobis debetis cavere à principio, & bene videtur quòd vos velint ducere. Timetur enim quod ipsi quærunt vos uno modo & alio supplantare: nec hoc est novum, quia à tempore B atavi vestri HENRICI imperatoris semper quæsierunt trahere ad se imperium: & nunc in principio istius schismatis, quia cardinales ibi fecerunt antipapam in territorio comitis Fundorum, ipsi miserunt prius ad regem Franciæ patrem istius qui nunc est, dicentes quod si placebat sibi ex quo non habebat uxorem, ipsi volebant eum eligere in papam. Et tunc ipse existens papa, potuisset facere filium imperatorem, & transferre imperium de Alemannia in Franciam: quod & factum fuisset, nisi quia rex ita læsus erat in brachio sinistro quod nullo modo potuisset celebrare. Verùm si vultis in paucis verbis potestis eis imponere silentium, quod non audeant amplius loqui de ista materia. Potestis enim dicere: Qualem ligam possum habere vobiscum, qui quotidie amplius facitis & innovatis injurias reales & notorias mihi & regno C meo Romano? Primò enim dux Andegavensis intravit territoria mea quæ sunt in Italia, & tamquam dominus fecit fieri monetam novam in eis, & plures actus ostendit, volens usurpare imperiale dominium. Nam ut fuit mihi inde nunciatum & scriptum, ipse portabat secum D vexillum imperiale, ut si prosperaretur tempore suo erigeret illud. Secundò dominus de Chusi veniens de Francia cum magno exercitu armatorum cepit civitatem unam meam & regni mei in Tuscia, quæ vocatur Aretina, & primo exspoliavit eam; & tandem vendidit eam Florentinis, & accepit ab eis magnam summam pecuniæ de re mea, cum nec ille potuerit vendere, nec illi emere terram immediatè pertinentem ad coronam imperii, & ego semper E tacui. Tercio modo dictus dominus de Chusi primo modo cepit Saonam civitatem imperii, & tenuit longo tempore, licet postea dimiserit. Secundò ipse rex Franciæ non potest negare quin acceperit & teneat de præsentī dominium in nobili civitate imperiali, quæ vocatur Janua: quæ civitas habet multa dominia ultra & citra mare: ita quòd reputatur quasi unum regnum: unde cum factæ sint & fiant quotidie mihi & regno Romanorum inimiciæ tam notabiles & reales, non video quòd possim habere bonam F ligam vobiscum, nisi prius satisfiat mihi de prædictis, ita quòd merito sim contentus. Nec obstat si dicatur quod plures domini in Italia tenent etiam terras meas & regni: quia saltem illi recognoscunt eas à me, & etiam serviunt in multis imperio & favent, & confitentur se vicarios meos. Vos domini de Francia nulla consideratione habita de juribus meis & regni mei, facitis vos dominos rerum alienarum, contempto

E e e ij

„i lo qui est dominus naturalis. Et si vult vestra  
„majestas, addere potest: Ego volo quod sciatis  
„vos & totus mundus, quod ego non intendo  
„amplius negligere jura imperii, sicut hucusque  
„feci. Et si aliquando ostendi me parvulum, ego  
„intendo à modo me ostendere virum.

Ultimò circa materiam Ecclesiæ seu unionis  
ejus, & remotionis schismatis, quædam concep-  
pro majestate vestra conservanda cum honore,  
& ut habeatis quid respondere Francigenis  
quando loquentur vobis de ista materia. Primò  
namque ipsi petent quod velitis esse unà cum  
eis ad removendum schisma & inducendum  
unionem totius ecclesiæ. Hic potest vestra ma-  
jestas respondere, quod nec pater vester, nec  
vos fecistis aut induxistis aliquod schisma in  
Ecclesia Dei; immo adhæstis summo pontifici,  
quem vobis demonstraverunt cardinales illi qui  
elegerant eum per litteras propria manu scri-  
ptas, & per nuncios fidelissimos missos à dictis  
cardinalibus: inter quos fuerunt aliqui qui  
erant propinqui consanguinei aliquorum ex ipsis  
cardinalibus. Nec potest dici quod litteræ illæ  
fuerunt ex timore scriptæ, quia in eisdem litteris  
in quibus sciebant eum verum esse summum  
pontificem, scripserunt etiam felicitis memoriæ  
domino genitori vestro, quod dictus pontifex  
non intendebat vos, Domine mi, qui tunc eras  
electus rex Romanorum aliquo modo confir-  
mare, licet dicerent mendacium, ut apparuit  
postea per effectum: sed ad scribendum illud  
mendacium nullo modo est verisimile quod papa  
c egerit eos: immo si scivisset illam litteram lace-  
rari fecisset, quia erat sibi & ecclesiæ scanda-  
losa; & sic determinatum fuit in parlamento  
facto in Frankevordia in præsentia Majestatis  
vestræ & domini PILEI cardinalis tunc in par-  
tibus istis legati, præsentem Parisiensi episcopo,  
qui erat pro alia parte. Isti ergo pontifici sem-  
per adhæstis, & ab ipso numquam discessistis,  
& sic nullatenus culpam potestis habere in schis-  
mate: sed illi qui fuerunt causa schismatis, illi  
debent remove malum quod fecerunt. Nec  
est aliqua via melior ad removendum schisma  
sine strepitu & injuria cujuscunque, nisi quod  
illi qui schisma induxerunt, redeundo ad viam  
veritatis, removeant malum quod perpetrave-  
runt. Sic enim vult prima regula juris cano-  
nici, quod omnino res per quascunque causas  
nascitur, per easdem dissolvatur. Nec possunt  
prætendere aliquam justitiam seu propositum  
justitiæ in se fuisse illi qui hoc fecerunt, quia  
notorium est toti mundo, quod illum qui erat  
in possessione pacifica vel quasi propria auctori-  
tate immo temeritate à possessione turbaverunt,  
& in parte ipsum totaliter expulerunt. Quo  
facto, faciunt quæstionem de proprietate ante-  
quam aliqua restitutio facta sit exspoliato, con-  
tra omnia jura tam canonica quàm civilia. Unde  
potest vestra Majestas concludere quod circa  
istam materiam per vos non potest aliquid agi  
juridicè, nisi ipsi prius destruant quod egerunt,  
& injuriam removeant quam fecerunt. Ad quod  
non oportet quod vos eos juvetis, quia possunt  
facere per seipsos, nec vos debetis involvi in pec-  
catis eorum.

Quod si tetigerint vobis vias quas cogitave-  
runt, & singulariter viam cessionis utriusque  
partis, per quam cessionem ut ipsi scri-  
bunt vestræ majestati, cooperietur honor tam  
piæ memoriæ vestri genitoris quàm patris dicti  
regis Franciæ; potestis eis respondere, quod  
memoria patris vestri per Dei gratiam fuit &  
est tam plena virtutibus, tam in vita quàm in  
morte, quod non indiget cooperiri aliquo fido  
vel quæsito colore. Et si posito & non concessio  
quod memoria felicitis recordationis dicti do-  
mini vestri genitoris ex aliquo facto in virtute  
commendari debet, non tamen ex isto laudari &  
extolli posset, quia ex renunciatione summi  
pontificis Romanorum sibi & suis verecundia  
succresceret, cui tanto tempore obedivistis, &  
tunc renunciandum ipsum cogeret. Ex renun-  
ciatione etiam antipapæ verecundia non tolle-  
retur ex toto, cum & qui renunciat juri suo  
videatur aliquod jus habere: si cogeretur re-  
nunciare, ostenderet quod aliquod jus haberet;  
& sic ad lapidem quem velleris evitare, impin-  
gere cogere mini. Undique ergo malum, utrim-  
que confusio; ideo illa via nullo modo est ac-  
ceptanda. Si autem memoria patris vestri ac  
regis vestri indiget cooperiri, hoc non debet  
fieri cum injuria Ecclesiæ nec majestatis vestræ,  
quæ est principalis & unicus defensor Ecclesiæ,  
per quam estis in imperio confirmatus: nec est  
justum, quod ipsi postquam erraverunt, petant  
quod participetur de errore ipsorum, ut sicut  
ipsi rebellaverunt, sic & vos faciant vos rebel-  
lare, denegando obedientiam illi cujus estis filius  
primogenitus; potissimè quia posset redire hoc  
malum, quod absit, in caput vestrum. Nam  
possent subditi vestri dicere: Tu non vis obe-  
dire illi qui te confirmavit in regem; & nos non  
intendimus etiam tibi obedire, neque tenemur,  
quia nondum es rex. Si autem tu es verè con-  
firmatus, & denegas obedientiam confirmanti;  
justum est & rationabile quod nos etiam tibi  
denegemus. Unde potestis concludere quod  
nullo modo intenditis ad tale inconveniens  
devenire. Licet intendatis omnino cum effectu  
efficaciter laborare ad removendum schisma, &  
unionem Ecclesiæ inducendam, per vias licitas  
& honestas in virtute justitiæ regulatas. Regula  
verò justitiæ sive divinæ sive humanæ non ha-  
bet, quod debent fieri mala ut eveniant bona,  
aut quod debent fieri injuriæ alicui, ut justitia  
sequatur. Sed bene hoc habet, quod non fiat  
aliqua lex sive aliquod judicium, de quo posset  
egredi aliquod magnum inconveniens. Nunc  
verò per talem coactionem, præter peccata quæ  
fierent, & injurias quæ inde procederent, nec-  
non & sententias juris quas incurrerent, qui  
coactioni illi operam darent, sequeretur hoc  
maximum inconveniens, quod nullus papa  
securus esset de suo papatu, & oporteret quem-  
libet esse servum cardinalium. Nam si cardi-  
nales concordarent ad invicem, possent sibi  
rebellare, & alium facere, & postea pro bono  
pacis dicere, quod uterque renunciaret ad  
removendum illam de papatu. Cujus opposi-  
tum semper tenuit sancta mater ecclesia & ca-

tholicus populus Christianus, sicut patuit in Marcellino papa, qui postquam tam timore quam avaritia ad instantiam Diocletiani sacrificasset incensum idolis, & de hoc seipsum accusaret in concilio coram praelatis, clericis, & etiam laicis, & peteret quod facerent de ipso iustitiam & iudicium, omnes responderunt una voce dicentes: Tu teipsum iudica: quia iudicem non habes in terris. Iudex tuus in caelo est. Nos hoc iudicium non debemus facere, nec audemus. Si ergo papa propter idololatriam, quae est maximum peccatorum, non potuit iudicari in terris: quanto minus debet iudicari iste à nobis, quod Francigenae fingunt mendaciter quod non est papa? Et quod peius est, ipsi qui fecerunt hoc malum volunt transire impunes & sine nota erroris, & papa debet puniri de peccato quod ipsi fecerunt, & ad hoc volunt trahere alios innocentes, ut involvantur in rebellionem ipsorum, ut non sint ipsi soli vocati schismatici. Putatur quod pueri possent intelligere istam deceptionem & fraudem. Et vos, metuendissime Domine, attendite à falsis prophetis, qui veniunt ad vos in vestimentis ovium, ne decipiimini, ne circumveniamini.

Postremo quia dominus episcopus loquutus est de quadam gratia decimarum, quam libenter haberetis a Domino nostro papa, reduco ad memoriam Majestatis vestrae, quod nulla melior via est ad habendam gratiam supradictam, quam quod modo in isto actu colloquutionis vos viriliter & virtuose geratis: ita quod papa sentiat vestram virtutem.

#### CONSULTATIO DE RECUSANDA OBEDIENTIA PETRO DE LUNA.

Circa annum 1399.  
Ex ms.  
Gemmeti-  
censi.

**C**irca materiam restituendae obedientiae Domino BENEDICTO vel non restituendae praesupponenda sunt plura quae sunt facti.

Et primo de natura schismatis nunc vigentis, & quod quaelibet pars est obstinata sine spe reductionis, licet multum & per plures annos sit tentatum, & sine spe alicujus definitionis vel declarationis juris alterutrius, quia non est iudex, & facta contraria, & testes & instrumenta suspecta, & opiniones variae & diversae firmatae ab utraque parte jam à xxii. annis & ultra.

Item, praesupponenda est bonitas & expedientia viae cessionis, & si opus sit, potest declarari per rationes contentas in epistola universitatis Parisiensis super hoc confecta & alias.

Item, quod BENEDICTUS viam cessionis ante papatum commendabat Parisius & in curia etiam papae CLEMENTIS, ac domino Burgundiae & aliis dominis cardinalibus: immo voluit de curia recedere, & ire Arragoniam male contentus de hoc quod CLEMENS non acceptabat illam viam.

Item, quod post aliquos tractatus inter dominos cardinales de periculis schismatis semper viam cessionis approbantes, & specialiter B. composuerunt cedulam, cujus contenta omnes

A & singuli juraverunt, & subscripserunt, cujus tenor supra scribitur in hoc libro.

Item, quod domini cardinales sperantes de BENEDICTO quod dictam viam sequeretur, sicut habebant causam praesumendi, & fuerat dictum inter eos, cum ista intentione elegerunt, ut per medium suum illa via sortiretur effectum, & haberemus unionem, & visibiliter alias non facturi, cum ipsi jam diu deliberassent providere unioni ecclesiae per viam cessionis, quod non poterat poni ad executionem sine papa; & inter alios dictus BENEDICTUS papa praedictus reputabatur ad executionem hujus viae, quam alias multipliciter extollebat, bene propitius.

Item, statim eo inthronizato per cardinales, eadem die iterans dictum juramentum adhuc existens in cathedra asseruit eisdem cardinalibus quod hanc viam habendi unionem per viam cessionis sic diligenter prosequeretur, quod domini cardinales haberent potius causam eum reprimendi, quam exhortandi ad executionem hujus viae.

Item, multis asseruit se cathedram assumisse ea mente, ut pro bono ecclesiae, cum opus esset, eam dimitteret: & hoc significavit domino Mediolanensi per episcopum, tunc Urbevetanum, nunc archiepiscopum Aquisgranensem. Idem Florentiae, Bononiae & aliis locis Italiae per episcopum Assisinum, & per quemdam Bertulinum.

Item, notificavit regi Franciae quod si apud eum mitteret nuncios cum quibus posset concludere de aliquo bono modo, &c. quod ipse nullam viam recusaret, per quam unio sequi posset.

Item, ante adventum nunciorum regis cardinales plures cum BENEDICTO congregati deliberaverunt de via mutuae cessionis tamquam magis sedativa, &c. & ei consuluerunt; & ex tunc fuit purificata conditio juramenti conclavis, de quo supra.

Item, ducibus à rege missis dictus BENEDICTUS aperuit viam conventionis & demum viam compromissi, & duces aperuerunt viam cessionis, offerentes se laborare erga intrusum, quod hanc viam acceptaret; & pro hac instantissime supplicaverunt cum pluribus rationibus & motivis in casu quod adversarius consimiliter faceret, & quod ex hoc haberetur unio ecclesiae, nec alias petebatur.

Item, pro responsione ipsa BENEDICTUS dedit bullam, quae incipit *cum dudum*, cujus tenor describitur in hoc libro, in qua reprobat multipliciter viam cessionis, quamquam antea semper laudaverat, dicens non juridicam, &c. & viam suam corroborat multum, ut ibi patet.

Item, omnes & singuli cardinales, duobus exceptis, quorum unus erat absens & infirmus, à ducibus existentibus in Villa-nova interrogati quid eis videretur de via ista mutuae cessionis, responderunt in conscientiis suis quod eis videbatur esse expedientior pro unione ecclesiae, eamque omnes consulebant esse prosequendam multis rationibus ad hoc assignatis.

Item, iterum omnes cardinales & dicti etiam

E e e iij

domini duces simul & sigillatim instanter supplicaverunt BENELECTO pro hac via quam sibi consulebant tamquam meliorem, ostendentes etiam quod ad hoc tenebatur virtute iuramenti; sed ipse penitus recusavit.

Item, iterum infra triduum multis presentibus dicti domini cardinales pro eadem via ad quam tenebatur supplicarunt; sed ipse renuit: immo statim illico legi fecit bullam quamdam quæ incipit *Cum ad nostrum*, cujus tenor supra habetur, per quam monet dominos cardinales de proseguendo præcisè viam suam, addita protestatione, quod si aliud accordaret, haberetur pro infecto.

Item, dicti domini duces pro audientia publica in hac materia unionis supplicaverunt; sed ipse recusavit, & idem recusavit nunciis universitatis Parisiensis, licet esset materia unionis, nec sit solitum in curia audientiam publicam denegare.

Item, fere per duos annos erga dictum BENEDICTUM per cardinales & regem & alios facta est diligentia de eum inducendo ad hanc viam; sed nihil voluit, immo totum recusavit.

Item, rex Castellæ misit similiter ad eum pro via per eum avisata, quæ tendit ad viam cessionis cujus tenor subscribitur in hoc libro; sed etiam recusavit.

Item, domini cardinales videntes ejus duritiam, supplicaverunt sibi ut saltem offerret viam simplicis conventionis cum adversario sub spe alicujus boni exitus; sed etiam recusavit.

Item, notetur quod illa bulla quæ incipit *Cum dudum* explicat viam suam & reprobat viam cessionis, in fine ponebat clausulam *Et si per præmissa, &c.* per quam offerebat quod antequam compromissarii haberent discedere ab invicem sine fructu, ipse offerret vias, vel oblatas reciperet cum effectu tales, per quas finis esset schismatis; & hanc clausulam removit in via seu practica sua quam misit regi per episcopum Abulensem, per quod se reddit satis suspectum de non quærendo unionem Ecclesiæ.

Item, notetur quod in illa bulla *Cum dudum* dicebatur quod ipse cum fratribus eligeret personas in certo numero, &c. sed in via seu practica prædicta regi missa removit illud verbum *de consilio fratrum*.

Item, in illa bulla etiam ponitur de tenendo quidquid fuerit declaratum per personas electas, vel earum duas partes, & in dicta practica dicitur per personas electas & majorem partem, & sic in potestate unius facientis majorem partem esset pro intruso declarare in præjudicium Ecclesiæ, & hujus obedientiæ scandalum, quod non caret suspitione, maxime attenta illa clausula quam subjunxit in dicta practica ibi *Item ut optata unio, &c.* quam clausulam callidè fecit apponi sub nomine regis Aragonum.

Item, rex Aragoniæ etiam pro via cessionis supplicavit, sed ipse recusavit.

Item, iterum domini cardinales evidentibus rationibus ostendentes illam viam non expedire quam ultimò miserat in illa practica de qua supra, supplicaverunt de via simplicis conven-

tionis sub specie pacis, & quod ei jurarent sibi assistere, & partem suam juvare totis viribus; ita tamen quod ad ultimum si alias non posset perficere, acciperet viam cessionis; sed recusavit.

Item, illud idem obtulerunt domini duces Bituriæ & Burgundiæ, excepto juramento, per priorem S. Martini de Campis; sed etiam recusavit.

Item, per plures de cardinalibus fuit postea supplicatum sibi, quod saltem congregaret concilium obedientiæ suæ, & per amicos suos aliquos fuit sibi consultum; sed recusavit.

Item, pluries dixit etiam publicè quia cedula conclavis non poterat eum obligare, & quod si tota christianitas concluderet pro via cessionis, eam non acceptaret, etiam si deberet comburi, &c.

Item cum dominus Cameracensis & quidam alter episcopus ex parte regis Romanorum viam cessionis proponerent; ipse respondit quod si dictam viam acceptaret, etiam cedente adversario, peccaret mortaliter, & alias pluries idem dixit.

Item, dixit aliàs quod plus merebatur una die recusando viam cessionis, quam demeretur uno mense.

Item, pejus dixit, scilicet quod si urgeretur nimis, ipse in despectu ecclesiam in tali statu poneret, quod post mortem suam reparari non posset, quod non est sine scrupulo hæresis.

Item, tenentibus viam cessionis fuit adversatus tam cardinalibus quam aliis gratias denegando, minas inferendo, immo & magistrum palatii, quia in quodam sermone die parasceve viam cessionis commendabat, fecit incarcerari & tenuit ultra duos annos: ita quod de post nullus audebat coram eo de facto unionis Ecclesiæ prædicare: immo semper ante prædicationem per confessorem ejus vel alium ex parte sua inhibebatur prædicare debenti, ne de facto unionis faceret mentionem.

Item, quando rex Franciæ mittebat apud principes pro hac via, ipse mittebat ad contrarium ibidem, sicut factum fuit in Castella, in Anglia, in Aragonia, in Scotia, in Alemannia, & alibi pro hoc, fovendo schisma contra proprium juramentum.

Item, postea sommatum iterum per nuncios Franciæ & Castellæ de dando pacem Ecclesiæ per viam mutæ cessionis, vel alias quocumque modo infra certum terminum, hoc facere recusavit, per os domini Bonif. &c. .... postea fecit cardinalibus justificans viam suam, & licet dixerit se intentionem suam notificare dictis regibus, tamen nihil fecit.

Item, sciens quod dicti nuncii Franciæ & Castellæ simul ibant Romam ad intrusum, eos callidè retinuit in verbis, ut hoc pendente, mitteret ad intrusum per quemdam dominum, expensis tamen dicti BENEDICTI, ad impediendum factum dictorum nunciorum, & ut avisaretur intrusus de responsione danda, quæ fuit omnino similis sicut prima quam fecerat dictus BENEDICTUS. Ex

quo præsumitur collusio inter eos, & maxime quia etiam quando dicti duces Franciæ disponebant de eundo ad eum, intrusus misit ad BENEDICTUM quemdam advocatum dictum Thomam de Spina, quem secretè audivit, & remisit excommunicatum valde, & etiam misit ad intrusum, unum prælatum Italicum, & quemdam nomine Bertulinum etiam secretè, & postmodum etiam intrusus misit ad eum dominum Philippum Brancacii militem de Neapoli, qui fuit infra palatium hospitatus, & inhibuit fuit ei, ne cum aliquo cardinali loqueretur, nisi cum uno qui est de sua parentela. Et etiam fuit appunctatum per dictum BENEDICTUM cum dicto milite, quod ei reverentiam papalem exhiberet, & sui nuncii similiter intruso facerent, sic fingens duos summos pontifices. Et ipse BENEDICTUS cum eodem milite iterum misit ad intrusum episcopum Tiraſonensem cum aliis, sibi que dixit, quod reverentiam papalem exhiberet intruso, ut ipse BENEDICTUS dixit aliis dominis cardinalibus. Et hæc omnia secreta colloquia sine scitu cardinalium dant causam suspicionis de volendo tenere Ecclesiam sic divisam, præsertim quia processus alias solitos fieri contra intrusum ab utraque parte suspenderunt, est notum. Et etiam quia per illam clausulam, quam ipse BENEDICTUS in practica de qua supra sub nomine regis Aragonum, callidè fecit poni, addendo ad viam suam compromissi, quæ incipit *item ut optata unio*, &c. de qua supra, quam etiam misit intruso, arguit manifestè quod intrusus qui est de hæresi suspectus, pertinax, schismaticus, per Ecclesiam seu dominium CLEMENTIS declaratus, qui est adhuc impœnitens & potest esse papa de facili, & sic sibi favet, quare videtur incidisse in casu c. *Anastasius* xix. di.

Item fecit munire palatium victualibus & armis invasivis & ad destruenda ædificia aptis, & hominibus armorum, qui se ostendebant cardinalibus, cum erant infra palatium aliquoties congregati, ut per minas & terrores à sua opinione recederent, & sibi adhærerent, & tunc etiam portæ palatii claudebantur.

Item, in mense Martii quadam die mane anno xcviij. secundum morem Romanum, omnes cardinales convocavit, & eis prohibuit impetuosè & satis terribiliter ne de via cessionis amplius tractarent coram eo, sed sua via teneretur, & cum replicaretur, quod saltem videretur de ambabus quæ melior esset, ipse prohibuit, sed cum difficultate condescendit tantummodo quod tres ex parte sua, tres ex parte cardinalium eligerentur ad discutiendum de via sua præcisè, exclusa penitus via cessionis: & adhuc in hoc noluit teneri verbum nisi semel vel bis, videns confutationes viæ suæ, se nihilominus determinans præcisè ad viam suam.

Item, Magister N. Aimerici ordinis Prædicatorum inquisitor in Aragonia, fecit processum contra quemdam nomine Vincentium ejusdem ordinis, & restabat tempus concludendi in causa, & communiter credebatur convictus de hæresi, videlicet quia die quadam parasceve

A in prædicando asseruerat quod Judas habuerat veram pœnitentiam salutarem: dictus verò Vincentius confugiit ad domum & servitium dicti BENEDICTI, tunc cardinalis in Aragonia existentis, qui eum recepit in confessorem commensalem: & postquam electus fuit in papam, mandavit prædicto inquisitori, & processum habere voluit, & illum comburi fecit, nec potuit veritas videri de illa hæresi, & sic per talem favorem incidit in casu c. *Anastasius* xix. di.

B Item, per istum fratrem Vincentium confessorem suum fecit pluries publicè in prædictis confutari viam cessionis, dicens idem frater quod eam prosequentes, & ab obedientia recedentes erant schismatici, & viam ipsius BENEDICTI plurimum commendabat.

C Item, in tantum continuavit dictus BENEDICTUS in obstinatione sua, quod anno xcviij. mense Julii regna Franciæ & Castellæ & patria Provinciæ & Delphinatus, comitatus Venaisini & comitates multæ ab ejus obedientia recedere quodammodo sunt coacti, sicut per litteras subtractionis satis patet: immo & Domini cardinales etiam ab ejus communione recesserunt.

D Item, de tantis calamitatibus non habens compassionem, nec flens super civitatem & regna, sicut Christus super civitatem Jerusalem, manet continuè induratus, & audita subtractione, die quadam dominica mandavit cum tuba congregari populum Avenionensem in domo Prædicatorum, & per dictum fratrem Vincentium confessorem suum fecit tria proponi, primo reprobationem viæ mutæ cessionis pro unione Ecclesiæ, secundo justificationem suæ viæ erroneæ, tertio quod papa quocumque casu, etiam si frustration deberet incidi, numquam acceptaret dictam viam, nec à suo proposito recederet, requirens omnes quod assisterent viæ suæ.

E Item, iterum ad tentandum, si posset, emoliri, fuit ex parte collegii cardinalium per quatuor de cardinalibus requisitus de acceptando dictam viam cessionis ad bonum unionis & obviandum tot scandalis, sed totum recusavit expressè.

F Cum tamen per acceptionem hujus viæ, scilicet mutæ cessionis ostendisset verum pastorem, dolentem de divisione matris ecclesiæ, sicut mater volens evitare divisionem filii, de quo in c. *Afferte* habuisset cardinales, reges, clerum, & populum, in adjutorium unionis ecclesiasticæ & ovium Christi, tantis scandalis obviasset, de quibus ipse est causa, juramentum servasset, & dedisset humilitatis exemplum, & intrusum quodammodo coegisset ad cedendum, nec venisset contra illud quod aliàs laudaverat publicè, per quod dat occasionem multis variandi & temerandi juramentum, ut jam dici posset: Ubi est Deus clericorum juxta c. *mag...* de voto.

Item, per prædicta satis patet qualiter à se abiecit consilium dominorum cardinalium cum quibus Ecclesiam componebat, & de quorum consilio agere debet in arduis, & consilium



regum & principum ac cleri majoris partis obedientiam suam, qui poterant juvare ad ecclesiam unionem, per hoc firmans schisma fortius, & reddens intrusum magis obstinatum.

Item, videns quod cardinales, cives Avenionenses, ac illi de comitatu Venaissini, eo faciente vel causante ab ejus obedientia recesserant ob prædicta, semper in sua obstinatione perseverans, munivit turrim magnam supra pontem in Avinione gentibus armatis, & portam claudi fecit, ut non pateret ingressus vel egressus ex parte regni Franciæ, & pontem ligneum comburi fecit; & infra civitatem contra cives per modum insultus fecit per bombardas projici lapides, viritones, & ignem, ex quibus multi sunt interfecti, domus combustæ, specialiter ecclesia cathedralis S. Mariæ: propter quæ oportuit cives vim repellendo capere dictam turrim & palatium restringere.

Item, per medium quorundam ambaxiatorum regis Aragonum qui illis temporibus ad dictum BENEDICTUM mittebantur, & sacri collegii fuit inter dictum BENEDICTUM & cives accordatum quod cessaret via facti: & dum cardinales & cives crederent esse pacifice, dictus BENEDICTUS fecit pilardos & gentes armorum intrare, comitatum Venaissini deprædaverunt, homines occiderunt, & infinita mala fecerunt, & per flumen Rodani similiter in galeis intrare fecit homines armorum, qui illuc ad deprædandum credebant applicare; sed Deus in ventis & tempestatibus eorum consilium & conceptum sua misericordia dissipavit, in quibus dictus BENEDICTUS usque ad centum millia florenorum de bonis ecclesiæ creditur expendisse.

Item, ad ejus obstinationem manifestandam videtur satis deservire illa delatio grandis comæ atque barbæ, quam aliàs horruerunt SS. Patres in diversis conciliis hæc clericis prohibentes.

Item, licet per plures annos dictus BENEDICTUS, ut ex prædictis patet, perjurus extiterit, & in tali materia sicut unionis ecclesiæ, & adhuc continuè veniat contra juramentum quantumcumque requisitus per cardinales, recusat viam acceptare cessionis juxta notam per Archidiaconum & per textum in c. *ad Apostolicæ*. de re judi. lib. vi. & ecclesiam tantum scandalifet quotidie, nihilominus celebrat, non dijudicans corpus Domini, ex quo videtur credere non esse peccatum in tali statu celebrare, vel credere non esse peccatum ecclesiam scandalifare, quorum utrumque erroneum in fide vel suspectum, &c.

Nunc est descendendum ad conclusiones ex præmissis inferendas.

*Prima conclusio* Meretur dominus BENEDICTUS qui schismaticos ad unitatem ecclesiæ non reduxit, immo nutrit, & fovet, & firmat in schismate; & quia suos non nutrit, sed dissipat, ac etiam dividit ab unitate contra legem Dei & veritatem evangelii, quo præcipitur ut unum simus, dejectionem à sua dignitate ex

A legis divinæ dispositione. Et ista sit prima conclusio.

*Secunda conclusio* Præmissis attentis, cessionem recusando & alias vias supratactas & oblatas pro unionem in Dei ecclesia procuranda, incurrit dominus BENEDICTUS poenam perjurii, quod tam grave & enorme esse deprehenditur, quoniam ex hoc apparetevidenter animarum periculum quasi irreparabile, & sic attentis circumstantiis videtur vincere & superare crimen infidelitatis & idololatriæ. Et istud crimen in eo reputatur notorium. Et ideo qui est incorrigibilis & ecclesiam proinde scandalizat notoriè, quod sua est obedientia jam divisa, & sua contumacia & pertinacia in infidelitatem versa: & per hoc potest reprehendi, accusari, & damnari pro ut de hæresi.

*Tertia conclusio est* quod, quia dominus BENEDICTUS recusavit offerre cessionem, & alias de quibus requisitus extitit, ut supponitur, schisma fovet & firmat, & sibi obedientiam passus est dividi, schismaque facit & nutrit, non solum negligendo, immo cooperando, & auctoritatem præstando, & contra ecclesiam multa faciendo, prædicando, & etiam pertinaciter asserendo; sicque christianos faciens discedere ab evangelii veritate, quo nobis præcipitur, ut simus omnes unum in Christo, & juxta Apostolum *servare unitatem spiritus in vinculo pacis*: immo subditos & alios peccare facit, & venire contra illum articulum fidei *unam sanctam Ecclesiam catholicam*, contra quam peccant schismatici, & ex quo inveterati & infirmati in schismate censentur hæretici: etiam cessante perjurio reprehendi & accusari potest & damnari, & per concilium à sua dignitate dei & repudicari.

*Quarta conclusio*, quod quia dominus BENEDICTUS turbat, impedit & pervertit generalem ecclesiæ suæ universalem statum, secundum quem omnes debemus esse sub uno capite, quem repræsentat verus papa, & ejus vicem gerit, ut dicunt jura vulgata, etiamsi ex hoc contra fidem non peccaret papa verus; si sit in hoc pertinax, de hoc accusari potest à concilio, & multo fortius ubi pervertendo statum ecclesiæ facit fideles à fide vel veritate evangelii discedere, ut in casu nostro.

*Quinta conclusio* quod quia dominus BENEDICTUS dedit viam, prædicavit, & tenuit, prout adhuc tenet & asserit pertinaciter, & à qua corrigi non potuit seu evelli, licet evidentes responsiones sibi factæ fuerint, quibus nullo modo acquiescere voluit, per quam intrusus de schismate & hæresi condemnatus, ab Ecclesia præcisus, excommunicatus & impoenitens, & non reconciliatus in ipsam poterat assumi, eidemque intruso sine consilio ecclesiæ & dominorum cardinalium communicavit, & reverentiam papalem exhiberi voluit, per hoc errori suo communicando & operibus suis malis, videtur incidisse in c. *Anastasius* xix. dist. Et sic non videtur alia sententia necessaria, & ibi notatur per glossam.

*Sexta conclusio* quod quia dominus BENEDICTUS

C T U S processum contra suum confessorem habere noluit intitulatum de hæresi, & com-  
buri fecit, nec pati voluit ut videretur veritas,  
nec ministraretur justitia, ipsumque confessorem  
non purgatum de tanto crimine nec emenda-  
tum, quod apparet in sua familiaritate, ut prius  
tenuit & tenet de præsentis, fautor & defensor  
hæreticæ pravitatis existit, quodque quantum  
crimen sit & quanta contra eum insurgat præ-  
sumptio, ex hoc in fide colligitur in c. *Excom-  
municatus* §. *credentes* de hæreticis, & c. *accusatus*  
§. *si vero* de hæreticis lib. vi.

*De pertinacia.*

Pertinacia autem sua ex eo videretur eviden-  
ter deprehendi. 1<sup>o</sup> quòd licet in præmissis fue-  
rint factæ exhortationes per dominos cardi-  
nales secretè & pluribus præsentibus, & ostensæ  
rationes evidenter & clarè, qualiter via per  
eum electa cum sua pratica sine nostra erat in-  
utilis ad unionem prosequendam, plena peri-  
culis & dilationibus inutilibus, ac etiam erro-  
rem in fide continens, si ad effectum deduce-  
retur, ac per modos quos tenebat fovebatur  
schisma & nutriebatur, & novum etiam indu-  
cebatur in ecclesia, erroresque inde oriebantur  
& scandala, inde subversiones status Ec-  
clesiæ, & periculum animarum; ipse tamen veri-  
tati acquiescere noluit; immò pertinacius tenuit  
opinionem suam & errores de quibus supra  
tractum est, & pertinax deffendit, & omnes vias  
expressè oblatas pro unienda ecclesia refutavit,  
ex quo pertinax & subversor in prædictis appa-  
ret manifestè.

Præterea ex tempore probatur pertinacia &  
subversio. Per quatuor annos quasi continuè  
fuerunt sibi factæ exhortationes & supplicatio-  
nes prædictæ, & per claras rationes eidem  
ostensum suas vias & oppositiones malas esse &  
damnatas, in fide ponentes scandalum & erro-  
rem, nedum per dominos cardinales, immo  
per reges, prælatos, principes, familiares, &  
alias multas personas devotas, quibus acquies-  
cere noluit: & sic tempus tam prolixum cum  
prædictis pertinaciam ostendunt evidenter  
juxta Apostolum dicentem: *hæreticum hominem*  
*post unam correctionem devota*, & habetur xxiv.  
q. i. c. *qui dignior*. ibi dicit glossa quòd si quis  
erret in fide vel in his quæ sunt fidei, & am-  
monitus per annum stetit pertinax, hæreticus  
est habendus.

Probatur tertio sua pertinacia in prædictis  
erroribus, fautoria schismatis, negligentia,  
impedimentis per eum præstitis paci & unioni  
ecclesiæ, & aliis per eum temerè dictis & assertis  
& prædicatis: quia de tam gravi perjurio nul-  
lam facit conscientiam: immò in illo dormit &  
perseverat, ampliusque induratur, asserens  
quod eum juramentum in conclavi præstitum  
non ligat, ipsumque servare non tenetur. Ex  
quo censetur incidere in errorem Clem. *Ex*  
*gravi* de usuris in fine. non curans etiam de  
periculo animarum, gravi declinatione fidei &  
ecclesiæ ac libertatum ipsius, quæ ex sua culpa  
tam manifestè pereunt quodammodo irrecupe-  
rabiliter: maxime quia asserit publicè, & in

*Thefauri Anecd. Tom. II.*

A consistorio generali prædicavit, quod si offerret  
cessionem, ut petebatur, peccasset mortaliter,  
asserens virtutem summam, quæ in tali renun-  
ciatione, per quam ecclesiæ pax daretur, foret,  
teste Paulo Orosio lib. 6. cum de Diocletiano  
renuntiante imperio loquitur, peccatum mor-  
tale existere, contra dictum Cle. de usuris, &  
quod habetur xi. qu. *si quis dixerit*; Et quia  
per præmissa apparet luculenter quòd non ex  
sola levitate vel fragilitate, sed potius ex  
contemptu non solum canonicas sanctiones, sed  
& divinas scripturas præceptum importantes  
transgreditur, illasque violat, ac si eum ligare  
non possent, quod ex hoc hæreticus est censen-  
dus juxta caput *nulli fas* xix.... & hæc sit ul-  
tima conclusio & septima quoad errores in qui-  
bus censetur incidisse.

Istis præmissis est nunc respondendum quibus-  
dam rationibus quæ videntur facere pro do-  
mino BENEDICTO, & eum à præmissis excusare.  
Et prima ratio est talis: Dominus BENEDIC-  
TUS obtulit viam justitiæ, ut scilicet in hoc  
facto videatur veritas illa quæ vincat & præ-  
valeat, & sic non est in malitia sive culpa. viii.  
d. c. *consuetudo*. licet cessionem recuset, quæ  
debet esse ultima, scilicet cum aliter scandalum  
schismatis sedari non potest, juxta §. *pro gravi*  
cap. *nisi* d. renuntiat. Item, si cardinales & rex  
Franciæ ex hoc scandalizantur, quia cessionem  
offerunt & se subtrahunt, cum istud scandalum  
oriatur ex malitia, qua veritatem amplecti no-  
lunt, & ex quadam auctoritate hoc defendunt,  
propter hoc non est veritatis prosecutio omit-  
tenda, nec domino BENEDICTO imputandum,  
ut prosequitur B. Thomas 2. 2. 42. q. 2. 1. &  
probat textus de pœnit. dist. 5. c. si. in fine.

Sed quòd ista ratio bimembris nullo modo  
obstet præmissis ostenditur multipliciter, primò  
quia per xx. annos laboratum est, ut videretur  
veritas, & illa prævaleret, & pax daretur ecclesiæ;  
& constat quod proficere non potuit, & sic  
necessario per cessionem utriusque sedandum est  
hoc scandalum juxta §. *pro gravi*, cum aliter  
sedari non possit, ut ibi dicit textus, & in duo-  
bus contendentibus de papatu, si ex facto illo-  
rum oriatur vel timeatur schisma, cedere de-  
bent. Hoc tenet Hug. in cap. *Si duo* LXXIX.  
dist. Sic intelligit illum textum glossa ordinaria  
in cap. *Si forte* LXIII. dist. & idem ibi Hug. Ex  
quibus patet quòd ubi ex tali disceptatione veri-  
tas juris alterius non potest apparere, vel cau-  
satur scandalum, ad cessionem vel utriusque  
expulsionem veniendum est, cum tunc rigor  
juris cessare debeat. Et sic non excusat domi-  
num BENEDICTUM oblatio viæ suæ, cum ejus  
prosecutio prodesse non possit, & quia ut evitetur  
schisma, absque alia prosecutione veritatis uter-  
que expellendus existat, ut sic neutri eorum pro-  
fit sua ambitiosa discordia. Probat hoc xcvii.  
dist. c. *Victor* in fine. Præterea illa via non  
excusat D. BENEDICTUM, cum ille & sua prat-  
tica sint erroribus plena, ut supra est deductum,  
cum non per concilium universale quod semper  
refutavit, sed per compromissum per quod jus  
non habenti constitui non potest, nec ex illo

F f f f

titulus dari, siue vitium purgari, & quod uno contradicente cuius interfit, prout & adversarii & multi alii contradicunt, effectum habere non potest, obtulerit veritatis prosecutionem cum certis pactis & modis à jure omnino repobatis. De transact. c. *super eo* & de pactis c. fi. & i. q. 11. c. *quam pro*....

Et ita patet clara responsio ad secundum membrum rationis præmissæ, quia illi qui scandalizantur ex eo quod D. BENEDICTUS non offert cessionem &c. non scandalizantur ex malitia, sed potius ex iusta causa, & ex malitia D. BENEDICTI non offerentis cessionem in casu quo tenetur offerre, & per jus divinum & canonicum, & per proprium juramentum: ita quod in D. BENEDICTO est scandalum ortum ex sua culpa, præbens factò & verbo occasionem ruinæ, & quoad alios est passivum, & sic illud secundum membrum rationis non procedit.

Præterea posito quod aliqui scandalizentur ex malitia & sic se subtraherent, vel ex malitia in divisione permanerent, adhuc habet locum cessio, præcipue cum aliud fieri non potest. Et est textus de renunciat. cap. *nisi* §. *propter malitiam*, & §. *pro gravi*. Et si dicatur quod illud non habet locum quando illa malitia defenditur ex auctoritate velut licite, ut ibi notatur & probat textus de pœnit. dist. 5. cap. fi. Ad istum finem inducitur secundum membrum objectionis suprapositum. Hic dicitur supra quia veritas vel rigor juris non omittitur quando malitia ex auctoritate defenditur, nec attenditur multitudinis scandalum. Hoc verum est quando non est periculum, vel scandalum iustitiæ veritatem prosequi & illa uti, & sic procedit obiectio. Ubi verò veritas iustitiæ vel rigor juris si observaretur induceret magis periculum vel scandalum etiam in his qui suam malitiam ex auctoritate defendunt, omittitur veritas iustitiæ siue rigor. Probatur hæc solutio. iv. di. *Denique* & facit c. 1. & 2. xiii. di. & no. Glo. di. vi. c. fi. Glo. quæ cadit super verbo *rescindendo*. Modo sic est quod si vellemus inniti viæ domini BENEDICTI, quam veritatis dicit siue iustitiæ, cum pratica sibi adjecta plena sit periculis & erroribus, ac per illam pax ecclesiæ dari non possit, ut supra tactum est, infinita sequerentur animarum pericula & scandala inaudita, videlicet duratio siue perpetuatio schismatis; & ideo posito quod hic esset malitia etiam quæ ex auctoritate defenderetur ut licita, est omittenda veritatis prosecutio & rigor juris & ad cessionem veniendum, in quo nullum peccatum, nullum scandalum, sed summum bonum consistit, teste Paulo Orosio ubi supra. Et quod propter periculum schismatis vitandum omittantur veritas iustitiæ & rigor juris est expressa auctoritas & ratio, quam inducit B. Thomas 2. 2. & qu. 42. articulo penultimo in 1. argumento, & facit cap. *Ponderet* in fine l. dist. & c. *ut constitueretur*.

Præterea sit secunda solutio. Ad veritatem & iustitiam pertinet, quod illa utamur in quantum per illam possumus proficere, peccata corrigere, & errantes emendare, cum ad illum finem veritas iustitiæ dirigatur iv. dist. c. *facta*

*sunt leges*. Ubi ergo prosecutio iustitiæ non potest præmissa complecti, sed potius executio majora inducere mala, omittenda est, etiam si malitia deffendatur, ut in c. *denique*, 4. dist. & dicit S. Thomas ut supra: ita quod in tali casu sincera caritas subveniat, ubi rigor iustitiæ prodesse non potest, ut in dicto c. *Ponderet* & l. di. *ut constitueretur*. Quæ caritas in domino BENEDICTO fuisset, si cessionem obtulisset, quando videbat prosecutionem quam dicit iustitiæ prodesse non posse bono ecclesiæ, sed potius obesse.

Per præmissa solvitur quod allegatur pro via domini BENEDICTI, scilicet quod de titulo beneficali potest fieri compromissum per modum amicabilis compositionis, juxta c. *super eo* de transact. quia talis via ruit, ubi unus cuius interest contradicit, ut supra est tactum.

Item, quia practica adjecta partionalis est, & errorem continens, & sic non excusat quod allegatur, quod aliàs de schismate fuit compromissum in regem: quia ibi utraque pars consentit, hic dissentit adversarius & multi alii quorum interest. Præterea ibi intervenit consilium prælatorum propter hoc convocatorum. Hoc autem consilium refutatur per dominum BENEDICTUM, & ideo de illo casu ad præsens argui non potest, & sic dicta via nec ejus oblatio juvat dominum BENEDICTUM, permaximè cum collegium dominorum cardinalium contradicat illi viæ ex iustis & rationabilibus causis supra tactis, sine quorum consensu talem submissionem facere non potest, ut notat Glossa lxxiii. dist. c. *in Synodo* not. Archi. eadem dist. c. *Adrianus* super verbo *erigendum*....

Nec obstat quod allegatur seu allegari potest per D. BENEDICTUM, quod ex quo ipse offert viam iustitiæ, licet viam cessionis non acceperet, contumax, perjurus, vel pertinax dici non potest, donec hoc fuerit determinatum per concilium, juxta Glossam c. *si duo* lxxix. dist. quia, cum evidens sit quod sua via est erronea, & nullo modo procedit, maximè contradicente adversario & aliis quorum interest; maximè etiam quia major pars fidelium illam non amplectitur. Et quia D. BENEDICTUS in hoc se submitit arbitrio cardinalium, de hoc referre non potest quomodolibet, cum viam cessionis medio juramento acceptaverit, si dominis cardinalibus vel majori parti expedire videretur; quibus ita visum est, & ideo contradicere vel recurrere ad ulterius cogitatum non potest. Pro quo facit quod notat Johannes Andreas de jura. calum. c. ii. super illis verbis *in positis judiciis expedit*. Ubi nota quod talia verba respiciunt arbitrium judicum vel partium, de jura. calum. c. i. & de hoc referri non potest quæstio, nec contradici ei quod dictum fuerit vel arbitratum. Ad hoc de rescriptis cap. *Statutum* lib. 6. §. *assessore*, & ibi nota. Et ideo cum D. BENEDICTUS medio juramento se astrinxerit ad cessionem, si majori parti dominorum cardinalium expedire videretur pro bono unionis, & ipsi ita dixerint expedire, contradicere non potest, nec de hoc quolibet modo referre, nec ad alterius arbitrium recurrere, cum de cessione

ominatim expresse eorum arbitrio se submisserit, si eis videretur, &c. Secus forsan si in genere se submisisset de via de qua arbitraretur, in quo casu posset habere locum c. *Quinta vallis* cum sua materia de juris jur. & jura similia, pro quo facit caput *cum in generali* de officio vicarii lib. 6. & regula *in generali* de regulis juris lib. 6.

Nec excusant D. BENEDICTUM protestationes per eum factæ, scilicet quod nihil intendit dicere contra articulos fidei, sed generaliter quod tenet & prædicat Ecclesia catholica, & quod semper est paratus veritati acquiescere: quia per factum contrarium sublata est ista protestatio. Nam frequenter monitus fuit, ut recederet à prædictis erroribus, & per claras rationes sibi ostensas publicè & secretè quod tenebat errores, de quibus supra tactum est, quibus respondere non potuit: & tamen acquiescere noluit obstinata mente, & pertinacia, & sic ab errore non videtur excusari vigore dictarum protestationum, quibus per factum contrarium est recessum.

Quod autem posset allegari quod sententia sive opinio papæ præferatur sententiæ Ecclesiæ vel opinioni juxta Glossam c. *Quodcumque* xxiv. q. 1. Et sic via domini BENEDICTI debeat præferri viæ dominorum cardinalium & aliorum quorumcumque, non obstat, quia dominus BENEDICTUS abdicavit à se hanc prærogativam, submittendo se arbitrio dominorum cardinalium expresse de cessione & cum juramento, & ideo contra hoc venire non potest, ut supra dictum est, & facit c. *Quàm periculosum est* vii. q. 1. Præterea illa Glossa illius c. simpliciter non est vera, sed pro illa sumitur simile argumentum per Johannem Andream in cap. *Significasti* de elect. Et quia Glossa hæc disputat non eligendum in c. *In istis* iv. dist. Et alibi tenet quod potius stetur sententiæ Ecclesiæ seu concilii, quàm papæ in c. *Anastasius* xix. dist. & in c. *Legimus* xciii. dist. datur talis concordia in qua fuit Alvarus, scilicet quod in his quæ fidem non tangunt vel generaliter statum Ecclesiæ, illius immutationem vel turbationem, potior est sententia papæ, quia in his est supra concilium, ut notatur xv. dist. c. *sicut*. In his verò quæ sunt fidei vel ei annexa, vel quæ immutarent statum Ecclesiæ generalem, potior est sententia ecclesiæ quàm papæ, cum alias nimis periculosum esset arbitrio unius hominis nostram fidem submittere. Et sic loquitur c. *Anastasius*, quia in his Ecclesia est major, ut ibi, & c. *Sicut* xv. dist. & notat Arch. in c. *In fidei* de here. lib. vi. Est etiam ratio quia papa errare potest etiam verè xxiv. q. 1. c. *à recta fide*, & ibi notatur Glossa. Præmissis attentis, & quia major pars fidelium est pro via cessionis juxta c. *In scripturis*. xix. dist. illa allegatio in nullo potest juvare dominum BENEDICTUM.

Ad hoc quod dici potest per dominum BENEDICTUM, quia juravit renunciare, si dominis cardinalibus videretur, sed non juravit offerre, nec alias vias de quibus supra tactum est, & sic non potest notari de perjurio juxta c. *ad audiendum* de his quæ vi metuve fiunt: responderetur

*Theſauri Anecd. Tom. II.*

A per tenorem cedulae juratæ, per quam patet quod juravit prosequi per omnes vias rationabiles sine impedimento & dilatione usque ad cessionem inclusivè, & ideo vias præmissas refutando & etiam cessionem, & impedimenta præstando, contra juramentum à se præstitum temerè venit. Et ita de hoc est judicandum attento tenore cedulae. Quo attento, non perjurium, sed plura perjuria commisit.

B Non obstat ad præmissa, si dicatur quod dominus BENEDICTUS cedere non tenetur nisi alio volente cedere, & cum adversarius cessionem recuset; dominus BENEDICTUS non tenetur cessionem offerre: quia talis oblatio non prodesset juxta c. *cum contingat* de offi. deleg. &c. *dilecti* de except. quia cedula jurata hoc non habet, & potest esse etiam quod alio non cedente seu cessionem non acceptante, domini cardinales possent dicere quod dominus BENEDICTUS cedat pro bono unionis, ut si propter pertinaciam suam vel aliàs se inutilem reddat ad unionem habendam. Quo casu ipse tenetur cedere, & illud possunt domini cardinales dicere fore expediens pro bono unionis, & ipso amoto aliquis ad hoc utilis substitueretur. Ad hoc de renunc. c. *nisi* §. *propter malitiam* & §. *pro gravi* cum ibi notatis per Inno. & Johannem Andream in c. *Unico* & ti. lib. vi. & 2. q. vii. c. pc. & fi. Et sic cum denegando oblationem cessionis dividerit à se collegium & principales suæ obedientiæ reges, sine quibus utiliter ad unionem intendere non potest, de jure & per juramentum, si domini cardinales hoc dicant expedire, prout dicunt, renunciare tenetur. Aliter dicitur quod adversario recusante facere cessionem, ipse dominus BENEDICTUS tenebatur eam offerre, cum per hoc colligasset sibi collegium suum, reges & principes suæ obedientiæ, & sic fortiorè se reddidisset ad unionem Ecclesiæ procurandam, & adversarium debilitasset, & ad unionem bonum exordium dedisset, & etiam scandalum suæ obedientiæ evitasset, & divisionem, cum ad omnia utilia unionis per juramentum obligatus existat. Qui si pro præmissis assequendis & evitandis tenebatur morti se exponere, multò magis cessionem, cum oblata cessione per dominum BENEDICTUM facilius adversarius ad illam induci vel compelli posset, quod per se patet.

E Nunc, præsuppositis præmissis, est videndum si recessus dominorum cardinalium à consortio, communione, vel ut alii dicunt, ab obedientia D. BENEDICTI, potest dici juridicus & honestus, Pro cujus evidentia est sciendum, quod domini cardinales videntes quod dominum BENEDICTUM inducere non poterant ad viam aliquam rationabilem, per quam posset ad unionem utiliter perveniri, nec ipsum à prædictis erroribus modo aliquo submovere, & etiam quod sibi adherendo ad unionem efficaciter laborare non poterant, immo schisma firmabatur & perpetuabatur in magnum fidei & Ecclesiæ detrimentum, maxime quia ex sui pertinacia & duritia aliàs inaudita regnum Franciæ cum Delphinatu Viennæ à sua recesserant obedientia, & alia multa regna

Ffff ij

\* F. Pro-  
pinquē.

adhuc viderentur \* propinqua disposita & parata, & proinde perpendendum quod absque gravi offensione eidem domino BENEDICTO non poterant adhærere seu communicare, cum communicando & obediendo conaretur quotidie eos minis & terroribus à prosecutione unionis submovere, & ad suam viam adducere, erroribus plenam, & ad habendam unionem omnino inutilem & damnosam. His consideratis & aliis supra positis, domini cardinales ab ipsius domini BENEDICTI communione & confortio se separaverunt, seu ab ejus obedientia secundum alios recesserunt.

His & aliis supra tactis præsuppositis ad ostendendum quod domini cardinales justè ab ejus obedientia recesserunt, ponentur infra sequentes conclusiones.

Prima quia ubi papa incidit in hæresim damnatam, subditi ab ejus communione seu obedientia possunt recedere, alia non expectata sententia. Textus clarus pro hac conclusione in c. *Anastasius* XIX. dist. & ibi hoc declarat Glossa ad idem XXIV. q. I. c. *Acacius* & dictum Apostoli dicentis *hereticum post primam & secundam correctionem* evitandum ad Titum 3. c. & XXIV. q. I. cap. *qui dignior*. In his enim non est quis servituti subjectus I. ad Corinth. VI. c. Nec mirum, quia per hoc papa esse desiit, & est minor quocumque fidei, & est excommunicatus à canone, ut hic notat Glossa in allegato capite *Acacius*. Sed dominus BENEDICTUS ex multiplici capite in hæresim damnatam incidit, attentis suprapositis; & ideo domini cardinales à sua communione recedere potuerunt & debuerunt, ne communicarent erroribus suis, & ne poenis juris cum eo involverentur, & ut desolationi fidei & Ecclesiæ providerent, ut supra est præmissum; & ut clariùs & evidentius pateat ista conclusio, per modum epilogi, & sub brevitate hæc sunt repetenda, quæ supra magis latè sunt tacta.

Primò enim notatur de hæresi qui sine consilio catholicæ Ecclesiæ & dominorum cardinalium communicavit adversario de schismate & hæresi per Ecclesiam condemnato, & suis nunciis in mandatis dedit, ut ei palam reverentiam exhiberent, contra hoc quod habetur in c. *In nomine Domini* XXIV. dist. XIX. ac in sua via posuit quod de suo adversario in poenitenti & non reconciliato posset papatui provideri contra c. *Factus est Cornelius*, & c. *Novatianus* VII. q. & XXIV. q. I. c. *didiscimus*. Et ab isto errore revocari non potuit, immo istum errorem publicè & pertinaciter defendit, ex quo pertinax convincitur XXIV. q. 3. c. *qui in Ecclesia*. Et sic contra fidem in plus longè deliquit quàm Anastasius, qui solum sine consilio Ecclesiæ communicavit Fotino, qui communicaverat Acacio, & qui occultè voluit revocare Acacium & non potuit, propterea multi clerici ab ejus communione justè recesserunt, ut in dicto c. *Anastasius* XIX. dist. & quod propter hæc quæ hæresim sapiunt recedi possit à totali obedientia domini BENEDICTI est textus 2. q. VII. c. *seductores*.

Secundò notatur de hæresi quia pertinaciter

A asserit verbo & facto perjurium non esse peccatum, & cedulam juratam eum non obligare, & sic quod lege divina peccatum est, & obligatorium non esse peccatum, nec obligatorium, & quod si acceptasset cessionem ut petebatur, mortaliter peccasset, & sic summam virtutem humilitatem esse peccatum mortale asseruit. Hæc sapiunt hæresim juxta Cle. de usuris. Et hoc tenet in papam Augustinus de Ancona. Et quod propter hoc desiit esse papa. Et quod in hoc propriè sit hæresis apparet ex dictis B. Augustini sic ad propositum dicentis: Hæreticus « est qui alicujus temporalis commodi & ma- « ximè gloriæ principatusque sui gratia falsas « & novas opiniones gignit vel sequitur, & ha- « betur XXIV. q. 3. c. *hereticus*. »

Tertiò notatur de hæresi in hoc quod scienter & pertinaciter cessionem & alias supra tactas vias denegando, impedimenta paci & unioni Ecclesiæ præstitit contra juramentum præstitum. Sic faciendo schismaticos seu schisma firmari, indurari, & suam obedientiam dividi contra unitatem & veritatem evangelii, & illum articulum *unam sanctam ecclesiam catholicam* veniendo. Et licet ista à principio possint esse sine hæresi, tamen si pertinaciter fiant, scienter & ex proposito hæresis est. 2. q. VI. §. *Ecce*. Et hoc tenet expressè Petrus de \* Plauze in tra-  
ctatu quem edidit de causa immediata eccle-  
siasticæ potestatis. Ubi hoc prosequitur dum tractat de Petro faciente fideles Judaizare.

Quartò aggravat eum multum in præmissis factum sui confessoris, ex quo fautor & defensor hæreticæ pravitatis fore deprehenditur, & alia dicta per eum & asserita, communicata, & facta de quibus supra tactum est; quæ diligenter pensata majorem evidentiam ostendunt in erroribus præmissis.

Posito autem quod à præmissis posset excusari de erroribus in quantum directè notatur de hæresi, quod non credo: in quantum tamen attentis præmissis culpa schismatis potest sibi attribui, est videndum de recessu dominorum cardinalium, si justè fieri potuit. Circa quod est sciendum, quod hæreticus est schismaticus, sed non omnis schismaticus est hæreticus: licet schisma adversus sedem Romanam sit dispositio ad hæresim, quando est juramento confirmatum, ita quod schismatici pertinaciter inhærent sectæ suæ ad hoc c. *Inter schisma* XXIII. q. 3. cum ibi notatis per Glossam, Arch. post. Ray. in Sum. in rubrica de schismate & Hostiens. in Summa eodem titulo §. 1. III. Et dico quod si ex culpa schismatis recesserunt domini cardinales, optimè & clarè potest justificari, quod offenderit tam ex auctoritate veteris ac novi Testamenti, dictis sanctorum per Ecclesiam approbatorum, sanctionibus canonum & traditionibus notabilium doctorum solemnium.

Et circa hunc articulum præmitto quod, ut apparet ex supra præsuppositis, dominus BENEDICTUS nedum neglexit schisma extirpare, immo fovit, impedimenta apposuit paci & unioni ecclesiæ, schismaticos in suo errore firmavit, suam obedientiam dividi passus est, immò ve-

\* F. Plauze.



rius divisit, & schisma novum fecit multum fidei & Ecclesiæ periculosum. Ex quo schismaticus est censendus opinione, intentione, & etiam approbatione. Ad hoc xxiv. q. 1. c. *advocavit*. Et talem dicit B. Augustinus præcisum à corpore in libro de quæstionibus Evangeliorum.

Hoc præsupposito, probatur quòd recessus fuit licitus. Nam lex veteris testamenti præcepit sic dicens: Recedite à tabernaculis hominum impiorum, & nolite tangere quæ ad eos pertinent. Et habetur vii. q. 1. c. *Denique* & exponitur impiorum, id est schismaticorum, qui tamen schisma non fecerunt, ut ibi dicit textus. Erat enim illorum factum dispositio ad schisma, & 4. Reg. 13. c. propheta fuit prohibitus panem comedere cum illis qui schisma fecerant, & tangitur in illo c. *Denique* cum supra allegatis. In novo etiam testamento prohibitum fuit apostolis ne irent in viam Samaritanorum qui erant schismatici, per hoc schismaticos æquiparans gentibus. Ex quibus luculenter apparet quod ex legis veteris & novæ dispositione fideles nedum à communione & consortio schismaticorum se debent subtrahere, sed etiam illorum qui se disponunt ad faciendum schisma, si talem dispositionem in actum producant, & correcti desistere nolunt. Nam infatuatum sal, per quod malus prælatus per modum supra dictum designatur, ad nihilum valet ultra, nisi ut projiciatur foras & conculcetur ab hominibus, sive porcis.

Item, quòd tum ex dictis sanctorum & dispositione canonum, non solùm facientes schisma sunt schismatici, immò etiam superioris facientis & patientis schisma, dum vitari potest & negligitur, sit vitanda communio, & ab eo quis debeat esse in antea separatus, est textus xxiv. q. 1. c. *Omnis qui*, ubi de schismatico est expressum. De prælato schisma patiente textus fuit B. Ambrosii causa eadem & q. c. *Advocavit*, ubi patet quòd B. Cyprianus martyr communionem Satyri aliàs catholici evitavit; quia patiebatur in partibus suis schisma, & ibi redditur ratio, quòd licet circa Deum fidem tenebat, non tamen circa Ecclesiam cujus membra dividi patiebatur.

Sive ergo D. BENEDICTUS dicatur schismaticus, sive quòd patiat schisma, id quod nullo modo excusare valet, domini cardinales ab ejus consortio & communione vel obedientia recedere potuerunt licitè, cum & eadem dispositio sit de hæretico papa & faciente schisma xv. dist. c. *Sicut* cum ibi notatis per Glossam.

Tertiò inducitur auctoritas & dictum B. Isidori fundatum ex auctoritate Pauli, quæ est ad Gal. 1. cap. Si is qui præest fecerit, aut quicquam à Domino prohibitum jusserit facere, aut quod scriptum est præterierit, aut præterire mandaverit, S. Pauli sententia ingerenda est dicentis: *Et si nos aut angelus de celo evangelizaverit vobis aliud præter quàm quod vobis evangelizamus, anathema sit*: & habetur xi. q. 3. cap.

*Si is qui præest, & exponitur ibi, anathema sit,*

A id est separatus à communione & consortio vel obedientia. In quantum igitur D. BENEDICTUS aliàs notatur de hæresi vel schismate, est hujusmodi: & sic quamvis præsit, separare se possunt ab ejus consortio fideles seu communione vel obedientia. Falsi enim sacerdotes & episcopi hypocritæ & seductores populorum, si correctionem admittere noluerunt, ab eorum communione est abstinendum xi. q. 3. c. *antecessor*.

Præterea est opinio Innocentii III. tit. de sent. ext. c. *inquisitioni* quod si papa præcipiat aliquid quod sapiat hæresim vel ex quo timeatur status Ecclesiæ perturbari, vel multa mala sequi, ei obediendum non est. Sed si considerentur ea quæ supra præmissa sunt, ex his quæ fecit & facit dominus BENEDICTUS, dixit & asseruit, ac passus est, notatur nedum de hæresi, immò & clarè de schismate, ac ei obediendo & eum in tali statu fovendo, turbatur status universalis, & mala quæ enumerari non possunt sequuntur. Et ideo ab ejus communione recedi potuit. Ad hæc ne plusquam expediat sint subditi, quia sic compellerentur ejus vitia venerari. II. q. VII. c. *admonendi*.

Et si dicatur quòd in eo quod præceperit, si illa sequitur, obediendum non sit, & ita loquatur illa opinio, sed in aliis licitis sit obediendum juxta c. *Julianus* xi. q. 3. Et sic domini cardinales à totali communione recedere non potuerunt. Respondeo quod illud locum habet ubi in aliis præstare obedientiam tali superiori fomentum non præstat ad sua delicta, tunc in illicitis obediendum non est, sed in aliis licitis obediendum est. Alias totalis obedientia subtrahenda est, si ex illa in suis delictis foveretur in sua malitia, maximè quoad illa quæ fidem vel generalem statum Ecclesiæ concernere possunt. Nam utilius esurienti panis tollitur, si de cibo securus justitiam negligat, quàm esurienti panis frangatur, ut injustitiæ deditus acquiescat v. q. v. c. *non omnis*. Et hoc faciendum est etiam superiori, ad hoc ne totum, quod absit, corpus invadat morbus, si languor non fuerit sanatus in capite II. q. VII. c. *Sicut inquit*. c. *Julianus* non obstat: quia Julianus tolerabatur ad hoc, ut non suscitaret adversus christianos scandalum, ut in nota Glossæ. Aliàs cum esset hæreticus, in nullo esset obediendum ei, ut ibi notatur: sed id quod fiebat erat ne pejus scandalum eveniret, ut ibi notatur.

Præterea si cum diligentia ea quæ supra sunt præsupposita attendantur, domini cardinales in consortio, communione vel obedientia domini BENEDICTI manere non poterant absque animarum suarum periculo & creatoris contumelia, attento quod sic manendo laborare non poterant ad unionem habendam Ecclesiæ, immò inviti trahebantur ad viam domini BENEDICTI; & sic in errores & perpetrationem schismatis. In quo casu obedientiæ vel servituti non sunt obnoxii, juxta dictum Apostoli supra allegatum. In tali casu Deo est obediendum, & non homini. In tali etiam casu conjugis consortium, & etiam certo casu solvitur matrimoniale vinculum aliàs indissolubile nisi per mortem. De

Ffff iij

divort. cap. 4. & de co. conjugis cap. fi.

Ultimò est sciendum, quòd hæc culpa schismatis quæ in domino BENEDICTO notatur, per quam schismatici foveantur in schismate & errore, & per quam sua obedientia divisa est, & in qua schisma inducitur, si in pertinaciam deducta sit in eo, prout & reputatis evidenter, ex quo pertinaciter inhæret sectæ suæ & opinionibus erroneis antedictis, in hæresim transsit juxta notata per Glossam xxiv. q. 3. c. *inter schisma*, & etiam per alios notatores, de quibus supra facta est mentio, & ita sive directè notetur de hæresi, sive per contumaciam schismatis, præcedentes conclusiones supra tactæ, &c.

Nec obstat quòd Glossa dicit in Summa xxiv. q. 1. c. *didicimus*, quòd schisma sic non cadit in Romanum pontificem, ut ex hoc dicatur hæreticus: immo nec propriè schisma in eo cadit, quia eo ipso quo quis se dividens à capite schismaticus dicitur, papa schismaticus dici non potest, cum à seipso ut est caput Ecclesiæ vel vicem capitis gerens, dividi non possit; sed eo ipso quo facit vel patitur quod membra à sua recedant obedientia, & inter subditos invalescat divisio, vel jam divisos fovet in schismate, unioni impedimenta præstando, & extirpationem schismatis negligendo, tunc schismaticus dicitur, & schisma fovere censetur, & erga Ecclesiam fidem non observare, ut dicit textus xxiv. q. 1. c. *advocavit*, & facit quod ibi notat Arch. super verbo *patiebatur*, & quod notat Glossa \*xcvi. dist. c. *Sicut*. Non obstat quod dicitur de Roboam aut dici posset, cujus culpa decem tribus divisa sunt à regno, & tamen schismaticus non dicitur; sed ipsæ decem tribus se dividentes, ut vii. q. 1. c. *Denique*. Quia culpa Roboam non fuit causa immediata illius divisionis, sed potius culpa patris sui idola adorantis, ut patet in eadem historia. Sed culpa D. BENEDICTI est causa proxima & immediata divisionis noviter exortæ & durationis antiquæ: & ideo schismaticus dicitur, & schisma fovere censetur. Ita solvitur contrarium quod formatur circa finem c. *cum in cunctis* de elect. & c. *quia diversitatem* de concessione præbendæ.

Et licet prædicta quæ supra posita sunt in facto veritatem contineant; tamen oportet quòd de prædictis dominus BENEDICTUS vincatur, & super illis audiat sua defensio vel excusatio. Et fieri non possunt sine concilio nostræ obedientiæ; quæ est in hoc casu iudex competens juxta notata per Arch. c. *in fidei favorem* de hæret. lib. vi. & iii. c. *Si papa* xl. dist. Et quod notat Glossa ord. iii. c. *Si duo* lxxix. dist. per quod patet quòd est necesse quòd concilium declararet utrum papa esse desierit, vel à papatu veniat deiciendus vel non. Aliàs enim etiam si ex prædictis causis papa esse desierit, ante declarationem alius loco ejus eligendus non est, cum nihil aliud esset quàm novum schisma in Ecclesia inducere, in magnum Ecclesiæ & fidei scandalum, ut docet experientia ex principio istius schismatis: licet ante dictam declarationem scientes veritatem præmissorum, potuerunt à

A suo consortio seu communione recedere, ut supra est tactum.

Et hæc sint dicta & scripta sub correctione Ecclesiæ Romanæ & universaliter melius sentientis, offerens se paratum stare veritati quancumque de illa apparuerit, & errorem revocare, si opus fuerit in præmissis, omni pertinacia quoad præmissa & alia procul pulsa. Deo gratias.

## BTRACTATUS CARDINALIS PICTAVIENSIS QUI ETIAM PRÆNESTINUS DICEBATUR.

In quo exponit quædam motiva ad concilium generale convocandum pro tollendo schismate.

**A**D finem quod appareat quòd antequam fiat congregatio universalis utriusque partis, est expediens, utile, immo necessarium quod convocetur & teneatur concilium generale hujus Ecclesiæ catholicæ, deducitur per ea quæ infra sequuntur.

Primò præmitto aliqua mala gravia & evidentiæ, quæ nunc, prohi dolor! sunt in Ecclesia Dei.

Secundò submitto aliqua graviora, quæ disponuntur & verisimiliter præsumuntur ventura, nisi hoc fiat.

Tertiò submittam bona aliqua quæ sequuntur ex dicto concilio, & mala plurima quæ vitantur, immo & per dictum concilium mala quæ jam sunt, & quæ disponuntur sufficienter, excluduntur, & vitantur.

Quartò respondebitur ad suspensiones, quas nonnulli habent de aliquibus inconvenientibus, quæ ut dicunt possent sequi, si dictum concilium teneretur.

Ad primum veniens dico, quod plurimorum animæ remanent in peccatis, licet velint confiteri, quia non est qui eos absolvere possit; cum talia sint peccata, de quibus non nisi solus papa absolvere potest. Et si inferior præsumeret absolvere, deciperet peccatorem, & gravissimè peccaret. Et hoc maximè haberet locum, si major pœnitentiarius & alii minores, quorum officium numquam expirat, sed est perpetuum, etiam sede vacante, non permetterentur uti officio suo. Nimis enim peccator quilibet gravatur peccatis suis; & esset gravissimus peccatorum qui non permetteret peccatorem absolvi à peccatis suis. Isti enim pœnitentarii habent potestatem absolvendi ab omnibus peccatis etiam reservatis, ratione officii sui: licet Romani pontifices aliquando de aliquibus licet paucissimis interdicannt eis, sicut hæc continentur in eorum formulariis ad plenum. Et id quod dictum est de peccatis conformiter habet locum in sententiis juris vel hominis, quarum absolutiones Romani Pontifices sibi reservarunt, à quibus nullus inferior potest absolvere nisi in casibus à jure expressis.

Item, perit justitia in multis. Si enim aliquis

gravetur ab aliquo exemtorum, qui non habet A  
superiorem nisi papam, v. g. abbas Cluniacensis vel Cisterciensis; vel etiam si gravetur ab aliquo qui non habet superiorem, sicut archiepiscopus, non est qui possit eum à gravamine suo relevare. Et sic possunt de facto opprimere omnes subditos suos, nec illi habent ad quem recurrant, qui possit eos relevare ab oppressio-  
nibus suis, & frustra appellarent. Et hoc præsertim locum habet, si cancellarius Romanæ curiæ non permittatur uti officio suo, cujus officium est committere causas quæ sunt de justitia, quando recurritur ad sedem apostolicam, cujus potestas plenius continetur in formulariis suis.

Item, intruduntur in prælaturis & beneficiis de jure communi reservatis notoriè, injustè, sine titulo; & isti potius videntur mercenarii quàm pastores. Certum est enim quòd reservationes quæ erant de jure communi vel aliàs factæ ante subtractionem non sunt remotæ, nec revocari potuerunt; & illi qui sic recipiunt, recipiunt in grave periculum animæ suæ & subditorum quibus videntur præfici; & cum numquam in regno isto fuerunt alias factæ notoriæ intrusiones, timendum est quòd erit hoc non solum in animarum periculum, sed etiam in notam & confusionem ecclesiarum & ecclesiasticarum personarum istius regni, ubi consuevit semper esse exemplum totius honestatis super omnia alia regna.

Item, sunt divisiones in ista parte. Multa enim regna sunt, sicut Arragonum, Navarræ, Scotia, & Cypri, & in partibus Sabaudia, quæ D  
se non subtraxerunt, nec videntur disposita ad subtractionem faciendam: quin immo improperant illis qui se subtraxerunt; & jam videntur divisiones insurgere, adeo quòd illi de civitate Avenionensi, & illi de comitatu Venayssini, cum vadunt in Sabaudiam, causa negotiorum, vel alias, dicuntur eis impropria, & malè recipiuntur.

Et propter dictam divisionem videtur impediri conventio universalis utriusque partis, quæ est necessaria ad habendam pacem. Illi enim E  
de parte adversa videntes quòd divisio est in parte ista, supponent quòd illa divisio pugnat pro eis, & faciet ruere partem istam, quòd Deus avertat. Et si alias essent inclinati ad veniendum ad congregationem universalem, propter istam divisionem desistent, sperantes pervenire ad intentionem suam, & gloriam victoriæ reportare ex hoc solo quòd inter nos sumus divisi.

Item, studentibus qui laborant in scientia acquirenda & viris litteratis non providetur de beneficiis, sicut sufficientia eorum & necessitas exigit, de quo est magnum damnum toti ecclesiæ, quæ viris litteratis dicitur indigere.

Item, ista pars, in qua est ecclesia catholica ex præmissis & multis aliis deprimitur & debilitatur graviter, & nisi provideatur, dispositio videtur ad ruinam: altera verò pars exaltabitur & fortificabitur intrusus in mala opinione sua.

*Sequuntur mala quæ disponuntur.*

Primò subdivisiones & verus discessus & diminutio hujus partis, quoniam aliqui ex principibus, sicut dicitur à multis, nisi provideatur, disponunt se ad neutralitatem, nisi Deus avertat. Et si hoc fieret, discederent in totum ab ista ecclesia: & cum non habeamus certitudinem, si illi de parte contraria, qui obediunt intruso, voluerint illum cogere ad pacem ecclesiæ juxta viam conceptam, non videtur bene consultum, quòd propter id quòd est incertum nobis, permetteremus adeo ecclesiam Dei graviter debilitari. Ea propter providendum videtur ne tantum malum contingat.

Item, disponuntur in regionibus illis, in quibus non sequuntur viam in isto regno ordinatam, privationes beneficiorum quantum ad omnes qui istam viam amplexantur, cardinales & alios; & ex omnibus istis odia & rancores insurgent inter illos & istos, ex quibus quanta mala insurgere poterunt, quilibet ratione fruens C  
intelligere potest.

Item, illi qui non concurrunt in via hic ordinata, non concurrent in procuratione pacis & unitatis ecclesiæ, & sic non erit procuratio tantæ efficaciam, nec ita cito poterimus pervenire ad pacem. Et ista pars videbitur tota confusa propter tantam divisionem: idcirco providendum esset.

Item, si fieret universalis congregatio quòd venirent illi de parte adversa omnes, & illi qui sunt in via hic determinata, sed non illi de ista parte qui non sequuntur dictam viam, periculum esset ne starent determinationi quæ reciperetur ibi. Ea propter modis omnibus possibilibus & honestis providendum esset ne contingat.

Item, quamdiu Ecclesia stabit in istis terminis, dispositio videtur satis evidens ut pereat, nisi Deus provideat. Si enim antequam fieret concilium partis hujusmodi contingeret dominum BENEDICTUM decedere, & cardinales procederent ad electionem alterius, illi qui se non subtraxerunt, non obedirent ei. Improperant enim cardinalibus quòd sint schismatici propter guerram factam domino BENEDICTO. Illi etiam de Castella non obedirent illi qui eligeretur. In subtractione enim quam fecerunt, dixerunt quòd non obedirent alteri quam domino Benedicto, nisi esset unicus universalis utriusque partis, & sic ille qui eligeretur, non recognosceretur, nisi à solo regno Franciæ, & paucissimis aliis.

Hæc autem omnia mala quæ supra narrata sunt, tollentur, si fiat concilium generale hujus partis, & nedum mala ista cessabunt, sed multa alia utilia & expedientia ex dicta congregatione sequentur.

*Sequuntur infra bona quæ ex hoc sequentur.*

Primò firmabitur unitas istius partis & tolletur omnis suspicio rupturæ. Super quo sciendum est, quòd duæ sunt causæ ex quibus moventur

illi qui non concordant huic viæ. Prima est, A quia cùm tangerentur omnes de Ecclesia pariter, non fuerunt ad deliberationem vocati. Secundò quia non fuerunt eis communicata motiva propter quæ hoc factum est. Eteo casu quo fieret concilium, ubi omnes essent vocati, communicarentur eis motiva & rationes eorum quæ facta sunt, & creditur virisimiliter quòd contentarentur & pacificarentur in animis suis.

Item, tunc erit fortior ista pars sic unita, & apparebit potius propter honestatem & bonum ordinem, quem decet ecclesiam catholicam, B quod hæc est, sicut revera est Ecclesia catholica. Et erit major honor principum & aliorum istius partis, si sic communiter & rationabiliter omnes tendant ad pacem: alii autem de parte alia qui nullam inter se fecerint congregationem, non sic rationabiliter & honestè convenient ad universalem congregationem.

Item, procurabunt omnes de parte ista pacem, & per viam renunciationis, quia omnes principes & regiones istius partis satis in hanc viam C concordant hodie, & fortassis concurrent omnes in via subtractionis auditis rationibus quæ exponentur eis. Et eo casu quo non concordarent omnes in via subtractionis, saltem concordabunt in duobus, in procuratione pacis & via renunciationis, quod non est modicum, quoniam melius videtur eos concordare nobiscum in dictis duobus, quàm si essent à nobis divisi in omnibus, & fortè impeditores pacis, quod absit.

Item, contribuent omnes Ecclesiæ totius D istius obedientiæ ad expensas, sicut justum est, quia commune negotium est omnium ecclesiarum. Ecclesiæ enim istius regni non possent supportare omnes expensas, nec est justum quòd faciant. Sunt enim propter guerras quæ tamdiu viguerunt, & alia multa onera aggravatæ & nimium depauperatæ, plusquàm ecclesiæ quæ stant in aliis regnis: Et ideo aliæ facilius supportare poterunt, quia usque in præsens nihil exposuerunt de suo.

Item, ordinabitur ibi quòd interim usque E ad dictam universalem congregationem, qua Deo auctore fiet pax, quod Ecclesiæ in omnia justitia & honestate regantur, sicut decet, nec aliquis alienam potestatem usurpet, nec major minorem vi opprimat, & omnis status Ecclesiæ in bono ordine conservetur, dissensiones & schismata & omnia inconvenientia evitentur, ne Deus qui est auctor totius boni operis offendantur in aliquo; Sed potius preces incessanter ab universis ecclesiis effundantur ad eum, ut ipse placatus precibus fidelium, hoc tantum bonum suæ Ecclesiæ largiatur.

Item, ordinabitur quòd provideatur de beneficiis viris studentibus & aliis litteratis, qui per multa præterita tempora fuerunt neglecti, non sine damno universalis Ecclesiæ, nec fortè Dei offensa.

Item, ordinabitur de eis quæ facienda erunt in congregatione universali, quoniam antequam fiat, oportet omnia quæ fienda ibi erunt prævidere, & providere ad finem quod cum

magna providentia & discretione omnia tunc fienda procedant, sicut decet talem actum & tales personas, quia majus negotium vix posset contingere in toto mundo.

Item providebitur nedum contra mala illa quæ supra sunt expressa, immò & contra alia quæ declarabuntur expressius tunc, & etiam contra illa quæ medio tempore insurrexerint: quoniam proh dolor! omni die mala multa videntur insurgere, quæ non possunt prævideri omnia.

Item, quantum ad dominum BENEDICTUM, ipse tenebitur quantum in ipso erit implere omnia de quibus requiretur per Ecclesiam universalem pro bono dictæ Ecclesiæ, & ad hoc est à sanctis patribus obligatus, & primò obligabitur ad procurandam & proseguendam, & quantum in eo erit perficiendam pacem ecclesiæ etiam per viam renunciationis, nec contradicere poterit, nec umquam ipse vel aliquis alius allegare poterit, quòd ipse promiserit per violentiam, vel proseguatur sicut nonnulli videntur velle dicere, quoniam quòd requiretur ab eo per concilium, nullus umquam poterit dicere fuisse injustum.

Item, ipse obligabitur ad renunciandum, etiam ejus adversario non renunciente, si per ejus renunciationem ecclesia ita notabile augmentum reciperet, ut si dicamus quòd omnes de obedientia intrusi nollent ad universalem congregationem venire pro pace Ecclesiæ, sed aliqua notabilis regio illius partis, ut dicamus Alman- D nia vel aliqua alia, & vellent discedere ab intruso, eo quod per eos requisitus noller venire ad viam pacis, dicerentque se nolle obedire domino BENEDICTO quem reputaverunt intrusum. Sed si daretur ordo ab utraque parte eligendi unum tertium, eo renunciente, illi obedirent. In isto concilio istius Ecclesiæ catholicæ, obligaretur ad renunciandum eo casu. Super quo sciendum quòd in requisitionibus, quibus ipse fuit requisitus ut renunciaret pro pace Ecclesiæ, fuit requisitus duobus contingentibus, videlicet si pax universalis Ecclesiæ sequeretur, E & adversarius renuntiaret: & in istis terminis neutrum contingeret; & propterea diceret se fortè non teneri virtute requisitionis sibi factæ, & promissionis quam fecit; sed in isto concilio obligaretur ad hoc.

Et advertendum quòd in schismatibus præcedentibus aliqua fuerunt quæ per unum actum non potuerunt universaliter tolli, sed per partes, sicut patuit in schismate quod fuit tempore Innocentii II.

Item, declarabitur ibi de his quæ sibi ob- F ciuntur, videlicet quòd errat in fide: indecens enim esset quod priusquam hoc fuisset declaratum, perveniretur ad universalem congregationem: esset enim magna confusio inter nos, quod aliqui dicerent contrarium, & oporteret in congregatione universali, si convenissemus omnes simul, quod prius istud examinaretur per partem istam: & sic impediretur propter hoc ad tempus congregatio universalis. Si enim pertinaciter errat in fide, papa non est, & frustra quæritur

quæritur ejus renunciatio, nec ipse posset autorizare aliqua ex his quæ facienda erunt tunc; essetque opprobriosum omnibus principibus hujus partis, & toti Ecclesiæ eum repræsentare ut papam si papa non est. Et quia hoc dictum est, non à paucis, sed à multis personis, etiam magnæ auctoritatis, necessarium est prius veritatem super hoc videre propter præmissa.

Item, nescitur si tempore istius tribulationis durante, dum erat inclusus in palatio, fecit aliquos processus, qui possent esse impeditores pacis, utpote si privavit cardinales dignitate sua, vel inhabilitavit ad eligendum Romanum pontificem. Hoc enim posset impedire formam pacis, si fecisset: quoniam dicitur quod utroque renuntiante, anticardinales prius habilitati & veri cardinales, eligerent tertium. Et quod processus fecerit suspicionem præstant duo, primò consistoria quæ tenuit tunc, ut patuit per pulsationem campanæ horis & diebus consistorialibus factam, & id quod dixit aliquibus nunciis regis, videlicet quod si contingeret eum in ista tribulatione decedere, impossibile erat unquam in ecclesia habere verum papam: propter quod expedit scire prius veritatem: & si aliquos processus fecerit, quod revocet; & de hoc requiretur in dicto concilio. Et si diceretur quod processibus suis, si quos fecerit, non obediretur, creditur verum ab illis qui se subtraxerunt ab eo, sed credendum est quod illi qui se non subtraxerunt obedirent.

Item, ex tunc cessabit via facti, quæ multum reputata est inhonesta communiter ab omnibus, præsertim ab his qui non noverunt omnia motiva. Et cessabit tunc suspicio recessus domini BENEDICTI, qui in dicto concilio artabitur ad omnia quæ dicta sunt; & etiam, si expediens fuerit, ad non recedendum de loco Avenionensi usque ad tempus dictæ congregationis, & hoc sub pœna perdendi papatum, quem faciendo oppositum illis quæ promississet, fateretur hoc ipso se dimittere, & ei per hoc renunciare.

*Nunc restat respondere ad suspensiones quas præstendunt aliqui de aliquibus inconvenientiis, quæ ex hoc sequerentur, ut dicant.*

Primò dicet aliquis quod per hoc videtur discendi à viis deliberatis & determinatis, per quas procedendum est ad pacem Ecclesiæ. Ad quod dico, quod ego nescirem applicare istam consequentiam, sed potius contrarium infertur: quoniam si hoc fiat quod supra dictum est, diligentius & efficacius atque brevius fiet prosecutio, & per modos ordinatos, & largiente Domino pervenietur ad pacem: quia si hoc fiat quod dictum est, omnes conjuncti prosequantur & procurabunt, & communibus expensis, pacem Ecclesiæ per modos ordinatos.

Item, sed dicet aliquis, si fiat istud concilium, dejicietur dominus BENEDICTUS, & alius eligetur, vel saltem fiet vicarius. Ad quod respondetur quod neutrum horum erit, ex nullo enim casu potest Romanus pontifex dejici ab Ecclesia, nisi sit schismaticus vel hæreticus: quia tunc ipso facto abjectus est à Deo. Non

*Theſauri Anecd. Tom. II.*

A enim potest esse caput Ecclesiæ qui de Ecclesia non est. Monstruosa enim res esset, quod esset caput corporis qui de corpore non est, propter alia autem crimina qualiacumque sint, dejici non potest: immò si contingeret eum mori, non est intentio dominorum cardinalium quod statim procederent ad electionem alterius, sed expectarent per aliquod tempus, ut viderent, si ex tunc illi de parte adversa se disponerent melius ad viam pacis. De eligendo vicarium non oportet habere suspensionem, quia illud potius esset ad impedimentum pacis, quam ad procuracionem, & esset oneri Ecclesiæ, & nullius utilitatis, nec per concilium posset sibi dari aliquid de potestate apostolica, essetque hoc totum derisorium & alias inauditum: quare nullo modo hoc suspicandum est.

Sed dicent aliqui, si fiat concilium, restituetur ei obedientia. Et ego pono magis verisimiliter contrariam opinionem; quod si non fiat concilium, ei restituetur: & hoc est magis verisimile. Primò quia rationes & motiva quare fuit facta subtractio paucis notæ sunt: quia forte à centum vix est unus qui noverit. Tunc autem omnia motiva communicabuntur omnibus, & alia quæ tunc non fuerunt dicta, quibus verisimile est quod pacificarentur conscientie multorum. Et ibi deducetur principaliter id quod est magis expediens ad pacem Ecclesiæ procurandam. Et cum intrusus nolit condescendere ad viam pacis, expediens est quod ardetur ab his qui sunt de parte sua. Et ad hoc ipsi instigantur per partem istam, ut sicut & nos fecimus, ita & ipsi faciant. Ad hoc enim ut mala quæ sunt & formidantur in ipsa Ecclesia, & confusio inordinata, quæ est in regimine ipsius, ponantur in bono ordine Deo grato, & procuraretur ut perveniat citius ad pacem Ecclesiæ, fieret dictum concilium: quoniam omni timenti Deum videre tantam confusionem, quanta, pro dolor! est in Ecclesia, languor est maximus & afflictio spiritus, potissimè quia per concilium, de quo dictum est, potest facillimè provideri super hoc.

E Sed dicent alii: expedit audire responsiones quas fecerunt principes & prælati, ad quos propter hanc causam missum est. Et ego non video rationem hujus, qualemcumque responsionem fecerint. Si enim concordaverint venire nobiscum, & etiam per modos ab ista parte ordinatos, tunc expediens est, immo necesse, quod istud concilium præcedat, sicut supra tactum est. Si verò non concordarent, quod absit, ut quid staremus diutius in ista ordinatione in qua stamus, & differremus tenere concilium, ubi ordo statueretur conveniens?

F Non audiivi contra conclusionem alia allegari, quam illa quæ immediate scripta sunt, & libenter audirem quemcumque de ratione loquentem in ista materia: quoniam sicut decet omnem fidelem in hac parte, nollem sequi nisi quod crederem Deo magis acceptum, & Ecclesiæ suæ expediens, seclusa omni affectione humana, & exclusa omni consideratione inordinata:

Gggg



Item, videtur mihi quòd etiam si omnia illa inconvenientia quæ supra tacta sunt contra conclusionem, ad quæ videtur sufficienter supra responsum, essent vera, & adhuc decuplata, & ponerentur in statera cum malis & inconvenientiis quæ sunt & formidantur verisimiliter in Ecclesia Dei, sine comparatione præponderarent mala & inconvenientia supradicta, si non fiat concilium, omnibus aliis quæ pro parte opposita allegantur.

CONRADI DE GEILENHUSEN  
ECCLESIAE WORMATIENSIS PRÆPOSITI.

Tractatus de congregando concilio tempore schismatis.

Ex ms.  
Gemmeti  
cens.

Serenissimo principi domino CAROLO regi Francorum gloriosissimo CONRADUS de Geilenhusen nominatus Præpositus ecclesiæ Wormatiensis in terris secundum beneplacentem voluntatem Domini sapienter imperare, & tandem in cœlesti hierarchia Regi regum feliciter conregnare.

Quis sum ego, aut quæ vita mea, vel quæ cognatio patris mei, ut scribam regibus aut etiam repugnem legibus? Rex namque mandavit manum ad calamum applicari, & lex imperavit matrem honorari. *Honorem*, inquit Tobias, *habebis matri tuæ omnibus diebus vitæ tuæ: memor enim esse debes quæ & quanta pericula passa sit propter te in utero suo.* Quod congruè accepi, potest non solum de matre carnali, quæ me vagientem in mundum generavit; sed & de matre spirituali, quæ me jam natum filium iræ per fidem, vitam & salutem conferentem, in Christo regeneravit, eo quòd omnia in figura contingebant illis. An non spiritualis mater nostra Ecclesia, scilicet catholica, sacro sancta, tam in capite quàm in membris innumera pericula passa est? Numquid cum ipsa virgo immaculata unica formatur, Christus ejus sponsus in cruce lancea perforatur? Cujus amore & exemplo apostoli & innumeri ipsius membra immannissima passi sunt tormenta. Anachoritæ quoque, virgines, & continentes, alii concupiscentias & passionēs mortificantes, & in carne præter carnem viventes, propter Deum corpora sua crucifixerunt. Num etiam sancti Gregorius, Ambrosius, Augustinus, Jeronymus, ceterique sanctæ matris propugnatores & pugiles tam à foraneis ut puta gentilibus & hæreticis, quàm etiam intraneis, & si non carne saltem corde martyrium sunt perpeffi? Quid ad propellenda matris pericula priscorum gesta temporum opus est ad memoriam revocare vel refricare, cum in his diebus non tam ab inimicis, quàm à filiis propriis uterinam maceriam distendentibus, ipsius viscera gravissime quatiantur, & ab eisdem varios ut parturientis perferat cruciatus? unde scriptæ sunt in corde ejus lamentationes... ut meritò ejulans atque gemens deplangendo dolorem suum à vertice usque ad plantam dicere possit pro capite: *Caput meum doleo, caput*

*meum doleo*, & pro membris officialibus: *Ventrem meum doleo, ventrem meum doleo*; pro inferioribus verò & fere pro omnibus: *Compages artuum meorum solvebantur, ac ultra spiritum non habebam*; sicque non est in ea sanitas usquequaque: nec mirum, quoniam ex hac moderna miserali schismatica divisione, experientia cotidiana docente, proveniunt & insurgunt animarum & corporum pericula, corruptioque morum: quoniam hinc jacet strages plurimorum, depressio bonorum & humilium, exaltatio reproborum atque vilium, simplicium seductio, antichristi introductio, gaudium Saracenorum, tripudium Judæorum, commotio atque continuatio guerrarum & præliorum, vastatio terrarum, & regionum & regnorum, spiritualis mutatio virorum fortissimorum, ablatio & dissipatio ecclesiasticorum patrimoniorum sanguine martyrum congestorum, ac fidelium devotione oblаторum: fraudabuntur animæ defunctorum: scandalizatio laicorum, abjectio & vilipensio clericorum: devotio christianorum tepescet, fidei fervor arescet, incorrigibilitas & impunitas delinquentium coacervabit multitudinem apostatarum & inobedientium, fasque nefasque confunduntur, judicia in portis pervertuntur: non ea quæ Dei, non ea quæ justa, sed quæ placita sunt aguntur, dum quisquis de principatu Ecclesiæ contendendum, ut multos sibi fautores alliciat, & partem suam fortiolem efficiat, nulli potenti & petenti præsumet quicquam denegare, quatinus partem adversam possit infirmare, & sic indigni indignè per \* me diaboli ad dignitates promovebuntur, virtuosii verò simplices & emeriti, quibus hæc jure divino & naturæ deberentur, aspernabuntur; cultus divinus minuetur, sacramentorum salutariorum debita ministratio postponetur. Quem unus excommunicaverit, alius absolvet: quod unus relaxat, alter involvit, sicque pravis invalescentibus, bonisque deficientibus, victor sedebit in folio majestatis princeps tenebrarum, artifex iniquitatis, & circumquaque eriget tabernacula tyrannicæ potestatis. Populi catervatim in infernum jam apertum ruunt, innocentes ac simplices satraparum & majorum supplicia luunt: Et ecce dæmonum placatio, divinæque misericordiæ exasperatio, si necesse est ut scandala oriantur, væ illis, ut quid enim nati sunt qui talia machinantur, de quibus B. Bernardus in epistola ad cardinales quæ incipit *Quantum malum*, Rursus, inquit, tales corpus Christi affigere cruci, rursus latus fodere innoxium, rursus vestimenta dividere, atque ipsam quantum in ipsis est, tunicam inconsutilem in frustra disrumpere satagunt. Sed revera cum JESUS-CHRISTUS pax nostra faciens utraque unum transiturus ex hoc mundo ad Patrem, quasi in modum testamenti pacem suis reliquit dicens: *Pacem meam do vobis, pacem relinquo vobis*: profectò ejus se non heredem, sed potius antichristum manifestè demonstrat, qui pacem sacro-sanctæ universalis Ecclesiæ communis matris nostræ non prosequitur & inquit.

Mala ex  
schismate  
provenien-  
tia.

\* M. Fedla.

Epist. 109.



Quæ quidem benedicta pax & unitas salubriter reformari, & schisma miserabile ac contagiosissimum de medio auferri posse non videtur aliqua via mundi, circumscripto tamen miraculo divino, nisi per viam concilii generalis, prout aliàs regiae magnificentiae dixi oraculo vivæ vocis, & postmodum de serenitatis vestræ mandato in quadam brevi epistola regali majestati transmissa, non ut decuit, sed prout minus malè potui, exaravi. Porro quia post hæc vidi & relegi nonnulla opera & tractatus subtiles dominorum magnorum & peritorum valde, quorum calciamentorum etiam corrigias solvere non sum dignus, contrarium omnino sentientium: anxius & pertimescens dixi insipiens in corde meo, quòd scribere tantæ celsitudini de re & tanta, & talibus, ac tantis reverendissimis & sapientissimis patribus & dominis meis contrarium sentiendo obviare supra me est. At verò ex adverso cogitavi quod dormire & segniter agere in causa JESU-CHRISTI summi magistri & domini mei, contra me est: præsertim cum sicut ipse sine acceptione personarum non solum pro magnis, verum etiam pro minimis de quorum numero ego sum voluit crucifigi. Ita tam magni quàm pusilli tenentur, ubi de ipsius ac sponsæ suæ præjudicio vel ignominia agitur, ascendere ex adverso, & se murum opponere pro domo Israel juxta vires. Sicque, Domine, inter repugnantium motuum auspicia fluctuans & incertus; tandem tamen spe adjutorii confortatus Altissimi, qui cum potens sit de lapidibus filios Abraham suscitare, meam poterit implere insufficientiam: necnon de regia mandatrice clementia, cujus jussionem volui pro possibilitate debili aliquantisper latius adimplere, quæ cum sit ipsa sapiens, libenter meam sufferet insipientiam; manum mittendi ad calamum ausum cœpi ab ipso primo, qui rerum omnium est finis sine fine, taliter ut sequitur exordiando.

## CAPUT PRIMUM,

In quo ostenditur quod pro reformatione unitatis & pacis sacrosanctæ universalis ecclesiæ expedit, potest, & debet concilium generale congregari vel celebrari.

**P** Rincipum verborum tuorum veritas, inquit ipsa Veritas. Ergo ut simplici animo sententiam puram & veram loquantur labia mea, JESUM-CHRISTUM qui est via, vita, & veritas, de profundis cordis mei humillime genuflectens invoco dicens: Veni Domine JESU.

Salvator prædixit in evangelio circa finem sæculi pseudo-prophetas surgere, & multos seducere, fidelesque suos in mundo multas persuras habituros; sed tamen portas inferi non prævalituras: proinde, ut ait Apostolus, oportet esse hæreses & schismata, ut qui probati sunt manifesti fiant. Unde & oportet nos cum propheta ex adverso consurgere, & murum opponere pro domo Israel, ne simus de canibus mutis, non

*Theauri Anecd. Tom. II.*

A valentibus latrare, loqui libere recta pertimescendo, humanam amittere gratiam formidantes. Novissime siquidem diebus istis, sive propter peccata majorum, ut quidam asserunt; quos tamen ego non accuso: sive propter delicta miserorum mihi similium; quos ego non excuso: sive propter peccata utrorumque, quod aliqui verius arbitrantur & tenent pro concluso, Deo permittente, adversus sacrosanctæ catholicæ Ecclesiæ unitatem schisma à sæculo inauditum & perniciosissimum insurrexit: cui si quis christianus pro viribus non obviaverit, seque opposuerit, rectam fidem non habere, propriæque matris desertorem; proditorem, infideli deterior, immo & antichristi præcursores existere facto se ostendit. Et quia nonnullis sapientia illustribus, & vitæ sanctitate præclaris apparet hujusmodi schisma damnosum, præter divinum miraculum, nonnisi per concilium generale posse remediari, quibus ego minimus & inutilis ejusdem matris sanctæ, quæ peccatores, qualis, heu! heu! ego sum, non aspernatur, alumnus assentio. Cum tamen quidam magni & famosi valde contrarium asseverent; & verbo & scriptis Parisius & alibi publicè dogmatizent: Idcirco ut veritas, quæ videlicet & invalescet & in æternum vivit, & obtinet in sæcula sæculorum, inquirendo & conferendo clarius elucescat, præsens opusculum quatuor particulas continebit: quarum prima erit conclusionis principalis persuasiva, secunda erit motivorum quorundam contrarium opinantium expressiva, tertia principalis propositi per tres considerationes aliquantisper declarativa, quarta ad opposita pro modulo transitiva & epistolæ conclusiva. Protestor autem ante omnia quòd intendo non asserere neque dicere aliquid contrarium veritati, vel quòd sit contra bonos mores: paratus non solum cum beato Hieronymo xxiv. q. 1. *Hæc est fides*, in his quæ minus peritè aut parum cautè fortè posuero, ab eo qui Petri & Pauli sedem tenet & fidem, corrigi & emendari: verum etiam cum beato Augustino xxiv. q. 111. *Si homines*, ab anniculo edoceri: detrahentibus autem exemplo agni non resistam, sed obmutescam velut agnus propter Agnum: quodque non intendo ad præsens me quovis modo intromittere, nec quicquam dicere de jure vel non jure dominorum contententium de papatu; sed ad suadendam dumtaxat conclusionem consiliativam, pro modulo militare. Et quia quomodo ipsa tangit aliquantisper ea quæ sunt facti, expedit rationes pro ea adducendas tam ex jure, quàm etiam ex aliquibus factis deduci: ideo non poterunt adeo esse breves & circumcisæ formæ, sicut bene vellem, de quo peto veniam.

Est autem conclusio principalis ista, quòd pro remediando & de medio auferendo schismate moderno, expedit, potest, & debet concilium generale convocari. Quæ tribus rationibus probatur. Funiculus enim triplex difficile rumpitur: & deinceps allegationes interferuntur. Et ex causa prima ratio talis est: Si illud quod minus videtur inesse, inest; & id quod

Tractus  
quatuor  
partes

Conclusio  
principalis.

G g g g ij



magis ; sed minus videretur quod in casibus minoris ponderis & periculi quàm sit casus præsentis schismatis concilium convocari deberet : & tantum pro talium discussione fuerunt generalia concilia celebrata. Ergo fortius pro discussione moderni schismatis potest, expedit & debet generale concilium convocari.

Major & consequentia patent non solum ex traditionibus Peripateticorum, sed etiam ex discursu sacræ scripturæ & canonum. Nam I. Regum xvii. rex David ad Saül de interfectione Goliæ arguit per locum à minori affirmative. Et salvator Matthæi vi. ibi *Respiciite volatilia cæli*, &c. Et Lucæ xi. ibi *Si ergo vos cum sitis mali*, &c. Similiter & canon xxviii. di. *Si in laicis*. de elect. *Cum in cunctis*. Et de re. & ve. sancto. in Clement. *Si Dominum*, cum multis similibus.

Sed minor declaratur. Et transit his quæ sub umbra legis fiebant, ad Hebræos x. cujus tempore nonnumquam pro arduis expediendis Synagoga extitit congregata, ut patet Numeri xxvii. & viii. q. i. *licet*. Ergo ad ea quæ tempore veritatis & gratiæ gesta sunt nos conferamus. Constat namque à primordio nascentis & succrescentis catholicæ Ecclesiæ per apostolos quatuor fuisse concilia generalia celebrata. Primum cum collecto fratrum cœtu, præsentibus xi. apostolis, necnon MARIA matre JESU, & fratribus ejus, fuis ad Deum precibus, Mathiam apostolum in locum Judæ proditoris elegerunt, ut habetur Act. x. & xxi. dis. c. i. in prin. & xxvi. q. ii. *non statim & non exemplo*. Secundum cum apostoli convocantes multitudinem discipulorum elegerunt vii. diaconos, S. Stephanum & consortes per orationem & manus impositionem Act. vi. Tertium celebratum fuit ad non imponendum legalia gentibus. Cum enim surrexissent quidam de hæresi Phariseorum, dicentes quod oportet circumcidi, & servari legem Moysei, convenerunt apostoli & seniores videre de verbo hoc ; & tunc hoc placuit apostolis & senioribus cum omni Ecclesia eligere viros, &c. Act. xv. Quartum ad tollendum legalia ad tempus. Nam cum Paulus & consortes venissent Jerosolymam sequenti die introibant ad Jacobum, collectique sunt omnes seniores. Actuum xxi.

Nec obstat si forsitan diceretur, quod tunc propter paucitatem christianorum facile fuit omnes Christianos in unum convenire ad concilium generale ; sed secus est modo ; quoniam sicut tunc omnes personaliter convenerant ad concilium, ita quoque possunt nunc multi unum vel plures constituere, qui omnium constituentium vel mittentium vices in concilio poterunt repræsentare, & pro ipsis incumbentia expedire. Præterea non est dubitandum quin apostoli jam repleti Spiritu sancto potuissent sine convocatione generali per epistolas suas, vel modis aliis negotia & causas propter quas concilia convocaverant, faciliter terminasse : nisi quod, ut videtur, dare volebant posteris formam & exemplum, quotiens ardua negotia vel casus magni vel maximi, utpote omnes fideles

A aut totius ecclesiæ statum contingentes, imminerent, concilia generalia fore convocanda : quoniam non solum Christi actio nostra est instructio, sed etiam actionem apostolorum imitari debemus : unde & apostolus I. ad Cor. xi. *Imitatores mei estote, sicut & ego Christi*. Item ut ait Isidorus vii. Etymolog. cap. 17. & habetur xv. dist. in prin. Quia ante tempora Constantini augusti non erat facultas, id est locus conveniendi in unum, ( scilicet concilialiter, quia de conciliis loquitur : ) ideo christianitas in diversas hæreses scissa est. Ex quo patet quod congregationibus conciliorum schismata, hæreses, & multa mala præjudicialia prævideri & præveniri possunt & remediari ; & multiplicatis hominibus simul & malitia, non minus, immo magis necessarium videtur concilia congregari. Constat namque quod cum Constantinus præfatus per B. Silvestrum papam à lepra exterius & per lavacrum baptismi exterius & interius, fuisset mundatus, & innumerabiles populi ad fidem Christi reversi, nihilominus concilia generalia fuere celebrata forsitan in casibus minoris periculi & præjudicii, quàm sit casus hodiernus : quorum secundum Gregorium, Isidorum, & Bedam quatuor fuerunt principalia : Primum Nicænum cccxviii. episcoporum, mediante Constantino augusto, in quo Arrius hæreticus extitit condemnatus tempore B. Sylvestri papæ præfati, qui ex certa causa eidem concilio non intererat : omnia tamen ibidem constituta sibi mittebantur, ut ab eodem probarentur. Secundum Constantinopolis C. & L. Patrum contra Macedonium episcopum Constantinopolitanum, præsentem Theodosio seniore imperatore, sub papa Damaso. Tertium Ephesinum, secundum quosdam ccc. secundum alios cc. & ix. episcoporum, contra Nestorium episcopum Constantinopolitanum hæreticum, roboratum per Theodosium principem juniorem, filium Archadii imperatoris, sub Cælestino papa I. Quartum Calcedonense septingentorum xxx. episcoporum contra Euticem abbatem Constantinopolitanum, approbatum per Marcianum augustum sub Leone papa I. Præterea multa alia concilia, de quibus tractat Beda in libro de Temporibus, & habetur in dicto c. *Sexta*, & plura modernis temporibus celebrata.

Et si dicatur quod dicta concilia congregata fuerunt propter causas fidei decidendas, & contra hæreticos & hæreses tunc temporis insurgentes : Respondetur quod casus hodiernus est maximus casus fidei, eo quod tangit caput fidei in terris : ex cujus duratione diuturna non solum monstrum biceps in Ecclesia ostenditur, sed etiam innumerabiles hæreses pullulabunt. Item unus alium prædicat hæreticum manifestum, & errores hæreticales publicè dogmatizasse : unde summè necessarium est concilium convocari. Et revera si causæ & actiones conciliorum præteritorum tam per apostolos, quàm etiam per alios convocatorum & publicatorum percunctentur ; forsitan vix inveniuntur tales ac tantæ, quales & quantæ hodie totum premunt & urgent christianismum ; attentis dispen-

Quatuor  
principalia  
concilia.

diis, scandalis, & periculis emerfis & emerfuris.

Confirmatur ratio principalis exemplo præfati Constantini augusti, qui donationem, exaltationem, privilegiorum concessionem, ac beneficia alia Romano pontifici, necnon dominis cardinalibus, qui tempore illo non cardinales, sed reverendissimi clerici Romanæ ecclesiæ servientes vocabantur, facere & impendere disposuit unâ cum omnibus satrapis imperii & universo senatu, optimatibus etiam, & cuncto populo imperio Romanæ ecclesiæ subjacenti, ut legitur in Palæa. *Constantinus* xcv. di. & sic super eo videtur convocata fuisse & congregata universalis curia imperialis per mundum, qui fere tunc totus subditus fuisse & imperatori creditur paruisse, cum omnes prænominatos semper penes se non habuerit. Si ergo licuit & expediebat pro rebus temporalibus tunc curiam imperialem generalem convocari: longè fortius nunc debet concilium generale pro salute animarum, & reformatione pacis totius Ecclesiæ catholicæ convocari.

Secunda  
ratio prin-  
cipalis.

Secunda ratio principalis ad idem talis. Quandoque insurgit factum novum scandalum unitatis ecclesiæ catholicæ divisivum, ex cuius perduratio verisimiliter timendum est statum ipsius ecclesiæ quietum & pacem prorsus subverti ac confundi, & innumera pericula provenire animarum, circa quod non solum plebei & communes, verum etiam potentissimi & sapientissimi totius mundi tam ecclesiastici quam sæculares contra alterutrum sunt divisi, diversa scilicet sentientes & adversa, nec est saltem de facto unicum & concors caput ecclesiæ supremum, ad quod pro decisione hujusmodi facti recursus haberi possit; quin immò de ipso capite dubitatur & disceptatur; proculdubio opus est concilio generali talium dissensionum & periculorum conciliativo & remediativo. Sed schisma quod nunc viget occasione concordis electionis factæ successivè per eosdem dominos cardinales est hujusmodi. Quare opus est concilio generali.

Circa declarationem minoris non est opus insistere; sed major declaratur: quoniam nulla persona mundi, cujuscumque status vel conditionis existat, nec etiam aliqua universitas, seu collegium principale sufficit ad repressionem & remediationem dicti schismatis: sed nec ipsi domini contententes, aut collegium cardinalium: quod ex hoc patet, quia quamvis utraque pars legatos destinaverit, & ipsimet cardinales se diffuderint ad diversas regiones orbis, & extremum virium suarum extenderint, sicut therebintus extendit ramos suos, prædicando, scribendo, informando, & alia multa faciendo: non tamen dictum schisma cessavit; immo procedit & crescit de malo in pejus; & corda regum & principum & potentium de die in diem contra alterutrum videntur magis ac magis inflammari, & hæreses multiplicantur: quoniam numquam vel rarò schisma est sine hæresi; eo quod scindens Ecclesiæ unitatem hæresim sibi fingit, ut necesse ab Ecclesia videatur recessisse, teste Hieronymo xxiv. q. iiii. *inter schisma*. Hæ-

resis autem habet venenum inficiens & interficiens animam in esse gratiæ, sicut venenum cor materiale, quemadmodum secundum naturales, cor quod est sedes vitæ, venenum aut continuitatis solutionem non patitur ullomodo; sed nec fides formata, quæ est quasi glutinum & quasi cor mysticum & vita Ecclesiæ catholicæ, quoniam justus ex fide vivit, in domo patitur divisionem, neque venenum infectivum, culpæ scilicet mortalitatis, quæ secundum Augustinum venenum est caritatis. Hæresis itaque duplex habet venenum, scilicet errorem in ratione sui, sive aspectu, & est hæresis initium; & pertinaciam quæ est venenum in voluntate sive affectu, & hoc est hæresis complementum, ut notatur per Archidiaconum xxiv. q. iiii. *hæresis*. Et accepit ex dictis doctorum sanctorum.

Quantum autem schismatica divisio præsertim unitatis capitis Deo sit dispiciibilis, satis patet iii. R. xii. & ii. per al. x. & per B. Cyprianum martyrem vii. q. i. ca *Denique*. Nam uni dictum est: *Tu es Petrus, & super hanc petram ædificabo Ecclesiam meam*. Omnia ergo membra tantò propensius pro læsi capitis reformatione exurgere tenentur, quantò magis ipsorum salus ab ipsius capitis incolumitate noscitur dependere. Cumque sacro-sancta Romana Ecclesia, de cujus capite agitur, omnium catholicorum sit mater; ad omnes ei compati, ipsiusque occurrere oppressioni pertinet christianos; ut quod omnes tangit, ab omnibus vel vice omnium tractetur. Necesse est ergo concilium convocari generale; per quod non solum obviabitur animarum periculis, sed etiam corporum, cum reges, principes, & alii potentes & sapientissimi diversa sentientes conciliabuntur, quorum dissensiones sunt periculosissimæ bono publico.

Confirmatur ratio principalis. Sicut se habet synodus episcopalis ad ea quæ emergunt in diocesi vel provincia: ita suo modo se habet concilium seu synodus generalis ad casus novos arduos concernentes totum mundum: sed casus novi & periculosi emergentes in diocesi vel provincia per synodum vel concilium provinciale emendantur, corriguntur & ad statum debitum reducuntur. Nam & ibi saluberrima statuta edi possunt. Quare, &c. Ceterum si imminente necessitate non sit ad concilium recurrendum, ut quid sancti Patres exacta diligentia plurima de hoc conscripserunt, ut patet xv. xvi. xvii. di. per totum, & per B. Gregorium, Isidorum, Bedam, & plurimos alios? Ut quid etiam membranas occupant qui accepti habeantur canones ad hoc conscripti xix. di. *Si Romanorum?*

Item, necessitate imminente ad concilia est recurrendum, teste Augustino in libro de gratia & libero arbitrio parum post principium, qui loquens de hæresi Pelagiana, contra quam, inquit, hæresim cum fuisset diutiùs disputatum, etiam ad concilia episcopalia novissima necessitate est perventum. Sed nunc est major necessitas. Ergo &c. Hoc etiam insinuat nomen concilii, quod secundum Isidorum ubi supra, & habetur xv. dist. in principio, tractum est ex

G g g g iij

more Romano, qui tempore quo causas agebant, omnes conveniebant in unum, communique intentione tractabant: unde concilium dicitur à communi intentione. Item illa videtur fuisse sententia Hostiensis de decu. §. *quis accusari*.

Tertia ratio principalis.

Tertio & ultimo arguitur ad principale sic. Cujuslibet facti dubii magni & ardui per aliquem vel aliquos inferiorem vel inferiores perpetrati non solum perpetratores ipsos, sed etiam fidem catholicam & universalem Ecclesiam statum concernentis examinatio, discussio, & diffinitio est ad aliquem vel ad aliquos illius vel illorum superioris vel superiorum referenda; sed sancta mater Ecclesia catholica & universalis, cujus concilium generale est reputatum superior collegio cardinalium, quorum factum fidem & totius Ecclesiae statum tangens in dubium & quaestionem vertitur, nec est in terris aliquis alius superior, ad quem in hoc casu haberi valeat recursus. Ergo pro examinatione, discussione, diffinitione illius est ad ipsam sanctam Ecclesiam universalem, & per consequens ad concilium generale recurrendum.

Et si diceretur quod ad aliquem de electis in papam ab eis est recurrendum. Responderetur quod per diffinitionem alterutrius vel etiam amborum similis quaestio vel dubium non cessaret. Major est satis manifesta, quoniam teste Nicolao Papa xxi. di. c. *Denique* inferiores quique à suis praepositis judicandi coercendi sunt, & sola potior inferiorem sedem convenienter distringit & absolvit, & non aequam c. di. *inferior* & in Clementina *Ne Romani* de elect. in principio. Et hac ratione ab inferiori ad superiorem appellatur. 2. q. vi. *Omnis oppressus*, & c. *Placuit*. Sed minor, videlicet quod collegium cardinalium, immò ut quidam arbitrantur, tam papa quam cardinalium simul, saltem in causa fidei, sub sit sanctae matri Ecclesiae catholicae & universali, quam concilium generale repraesentat, multipliciter declaratur. Primo sic. Omnis ecclesia extra quam non est salus nec potest esse saltem in terris, superior est illa extra quam potest esse salus. Sed extra ecclesiam catholicam non potest esse salus in terris, testibus Cypriano martyre xxiii. q. i. *alienus*. & Gregorio c. *causa* & q. *quia ex sola*. & venerabili Beda c. *quicumque c. causa* & q. Sed extra collegium papae & cardinalium potest esse salus. Ergo. Secundò omnis Ecclesia quae deviare & mortali crimine extinguere non potuit neque potest, est superior illa quae deviauit quandoque, vel deviare, & errare potest, & mortali crimine maculari. Patet ista major, tum quia ecclesia culpabiliter errans sive mortali peccato maculabitur; est vel esse potest Synagoga sathanæ, quomodo ergo regulabitur immaculata sponsa Christi, quam intactam virginem sibi servat, cum nulla sit conventio Christi ad Belial? Tum etiam quia sicut errare potens in viam pedum non esset idoneus ductor errare vel deviare non potentis; sic suo modo in via morum videtur esse censendum. Constat autem quod superiores esse debent velut quaedam ani-

matae regulae directores inferiorum. Sed Ecclesia universalis deviare, aut mortali crimine maculari non potest: quoniam ipsius fundamentum est Christus, quam firmavit super firmam petram: ideo portae inferi non praevalerunt adversus eam; & promisit esse cum ea usque ad consummationem saeculi, per gratiam scilicet & caritatem indeficientem: unde domus Dei est & columba unica non habens rugam, neque maculam, nec aliud hujusmodi. Haec Ecclesia per totum orbem diffunditur, incipiens à Jerusalem per loca in quibus apostoli praedicaverunt dilatata, sicut deducit B. Augustinus in epistola sua & coepiscoporum de concilio Cretensi ad Donatistas. Hoc autem de collegio papae & cardinalium intelligi non potest. Ecclesia verò quae est papae & cardinalium, ut multi arbitrantur, deviare, & errare, & mortaliter peccare potest. De papa quidem non est dubitandum. Anastasius enim papa ii. qui incidit in haeresim jam damnatam, dum assellaret emisit intestina & à Deo percussus mortuus est, ut legitur & notatur xix. di. *Anastasius*. Marcellinus quoque Papa idolatriam commisit, qui in concilio Romae propter hoc congregato sententiam depositionis in se ipsum dictavit, dicens: Ego Marcellinus ob scelus idolatriae, quod infelix commisi, judico me deponendum: Anathematizo etiam quicumque tradiderit corpus meum sepulturae; & statim pergens ad Diocletianum, ultròque profitens se esse christianum, capitalem sententiam suscepit: cujus corpus per xxx. dies jacuit inhumatum: Postea B. Petrus apparuit B. Marcello papae qui ei successerat, & praepit ut corpus B. Marcellini sepeliret juxta se; & sepelivit illud juxta pedes B. Petri: & sic poenitens gloriosus martyr effectus est, prout haec leguntur in Gestis Romanorum Pontificum. Sed quid opus est de peccatis aliorum Romanorum Pontificum dicere, cum etiam B. Petrus Dominum & Magistrum suum tertio negaverit, & cum juramento se nescire hominem responderit: & tamen videtur quod tunc tantae sanctitatis & firmitatis fuerint Apostoli quantae nunc sunt papa & cardinales: nam & Christus eorum fidem etiam ante passionem commendavit dicens: *Vos estis qui permanistis mecum in temptationibus* Lucae xxii. Cum igitur papa peccare & mortaliter deviare possit, & peccaverit qui est caput, & de quo minus videretur; non apparet ratio sufficiens cur cardinales sint impeccabiles. Et si dicatur quod collegium papae & cardinalium simul deviare vel errare non possit, seu mortaliter peccare, sicut memini me legisse. Sed super hoc dicto multi stupent multum: tum quia si sic, Deus qui non novit opus imperfectum, ut in c. *maiores*. de Baptismo, exiens de mundo hoc ad Patrem, ecclesiam sponsam suam carissimam magna diminutione & imperfectione dereliquisset, eo quod illud sanctissimum impeccabile & indeviabile collegium per se ipsum completè non instituit. Aiunt enim quidam collegium cardinalium post multorum annorum curricula per puros homines fuisse institutum. Tum quia nec papa



Papa cum collegio Cardinalium potest errare.

cum collegio videntur esse plus in gratia constituti, quam collegium Petri & aliorum apostolorum; qui tamen omnes tempore passionis Christi in fide vacillabant: nam relicto eo omnes fugerunt. Tum etiam quia dicunt plurimi papam & collegium cardinalium plures concorditer indignos & defectuosos ætate, scientia, & moribus ad dignissima & maxima beneficia ecclesiastica promovisse: quod si verum est, utique erraverunt, eo quod se scire æstimaverant, quod non scierunt. Tales autem errant, secundum Augustinum Enchiridii cap. xi.

Quod collegium Papæ & cardinalium etiam deviare possint in judiciis; & quod subsint in casu concilio generali, probatur sic, scilicet auctoritate B. Augustini, qui multum movere videtur in Epistola ad Glorium, Elenium, Felices, Grammaticum & reliquos Donatistas: unde ultra medium, ubi loquens de dicto collegio papæ & cardinalium dicit sic: Quasi verò eis ad hoc dici possit & iustissime dici: Ecce putamus illos episcopos qui Romæ judicarunt non bonos iudices fuisse; restabat adhuc plenarium Ecclesiæ universale concilium, ubi etiam cum ipsis iudicibus causa posset agitari: ut si malè iudicasse convicti essent, eorum sententiæ resolverentur. Beatus quoque Hieronymus ad Eudrum: Si auctoritas, inquit, queritur, orbis major est Urbe. Item ad hoc facit quòd Episcopi in concilio præsentem Symmachum papam ab objectis sibi criminibus pronunciarunt absolutum & immunem. xvii. di. §. *huic etiam*. Præterea hoc patere videtur ex confessione B. Gregorii, quæ ponitur xv. di. *Sicut* Sicut, inquit, quatuor evangelii sancti libros, sic quatuor concilia suscipere & venerari me fateor. Constat autem quemlibet papam subesse doctrinæ evangelicæ. Et in fine capituli subdit: Cunctas verò quas præfata concilia veneranda personas respuunt respicio, quas venerantur amplector quia dum universali consensu sunt constituta, se & non illa destruit quisquis absolvere præsumpsit quos ligant, aut ligare quos absolvunt. Ad id facit xxv. dist. q. i. *sunt quidam*. Item hoc idem probari videtur ex his quæ leguntur de gestis B. Bonifacii martyris xl. di. *si papa*. Ubi terminatur quod papa à nemine judicari potest, nisi deprehendatur à fide devius. Ubi Glossa: certè credo quod si notorium est crimen ejus quodcumque, & inde scandalizatur ecclesia, & incorrigibilis sit, quòd inde possit accusari, & per consequens judicari, & constat quòd non nisi per ecclesiam universalem sive concilium. Hinc Glossa xvii. di. c. *concilia* super verbo *potestate*, dicit, quòd Romana ecclesia primum principaliter habet à Domino, & secundario à concilio & xix. di. c. *Anastasius*. super verbo *concilio* dicit: Videtur ergo quod papa requirere tenetur concilium. Alias concilium episcoporum, quod verum est ubi de fide agitur: & tunc Synodus major est papa xv. di. *sicut* in fine, ubi Archidiaconus dictum Glossæ approbans, adducit art. de. c. *legimus* xciii. di. Et addit quod nimis periculosum esset fidem nostram committere arbitrio unius hominis:

A unde & papa in arduissimis ad concilium recurrere & ejus deliberatione consuevit per totum. Item LEO papa in casibus longè minoris ponderis obtulit se iudicio LUDOVICI Augusti ejusque missorum submissurum, & ejus iudicio cuncta emendaturum. Item SIXTUS papa & LEO papa leguntur de objectis sibi criminibus se coram concilio generali expurgasse. Beatissimus quoque GREGORIUS ad populum sic inquit: Si quis nos super his redarguere voluerit, vel extra auctoritatem nos facere contenderit, veniat ad sedem apostolicam, ut ibi ante confessionem S. Petri mecum iustè decertet: quatinus sibi unus ex nobis sententiam suam accipiat. Constat autem quòd ibi B. Gregorius per sedem apostolicam non intelligit se ipsum, nec cardinales.

Sed ad hoc fortè diceretur quod præfati summi Pontifices hoc fecerunt ex humilitate. Certè fateor optimè sic dici: quoniam si pomposi ac superbi extitissent in regno humilis Christi crucifixi, cui superbi ab initio non paruerunt, cum angelis beatis nequaquam fruerentur laureati; sed potius cum Lucifero, qui est rex super omnes filios superbiæ in imo baratri cruciatibus perpetuis punirentur deputati. Dicti itaque viri sic divinitus inspirati humilitatem verbo & facto eorum successoribus imitabilem ostenderunt. Ergo viri perfecti qui & nomine & statu ipsorum esse volunt, & debent successores, humilis crucifixi & dictorum patrum sanctos imitentur mores: unde & Beatus Hieronymus: Si in apostolorum loco sumus, non solum sermones eorum imitemur, sed conversationem & abstinentionem. xxxv. di. *Ecclesiæ principis*, & humilitate se invicem prævenientes, ac per concilii convocationem malum schismatis de medio auferentes, humilitate medicinali fursus efferantur, non per humanam superbiam rursus in infernum demergantur.

Confirmatur adhuc ratio principalis exemplo INNOCENTII IV qui tempore moderno FREDERICO imperatori Romanorum se satisfacturum obtulit de consilio concilii super hoc convocandi, si in aliquo eum læsisset, & quod magis est ponderandum, sententiam, si qua contra eum egisset, revocare. de re. judi. ad *Apostolicam* li. vi. Item Hostiensis & doctores moderni tenent quod in casu quòd ex causa depositio cardinalium immineret facienda, generale foret concilium congregandum. Ergo longè fortius in casu isto. Item Archidiaconus & Johannes Andreas in Novell. in c. *fidei*. de hære. li. vi. apertè tenent quòd in causa fidei iudex competens papæ est concilium, & quòd ipsum concilium potest papam viventem damnare in casu capituli *si papa* xl. di. Si vero defunctus papa accusetur, ejus successor esset iudex competens, quod patet in eo quod legitur ignota xxiii. q. i. c. i. *secundum* J. & lau. & ad c. *nemo* ix. q. iii. & concilia dicunt quòd loquitur de fidei.

Præterea videtur quòd quæcumque partium querit declinare seu fugere concilium, causam suam tamquam lucem odiens suspectam reddit toti mundo. J. iii. xviii. q. ii. *perniciosa* de

off. *consulunt*. Item Glossa lxxix. di. c. *si duo* super. verbo *temeritate*, intendunt quod si duæ sint factæ electiones, cardinales non erunt iudices; quia tunc judicarent in facto proprio, nec aliquis potest superior inveniri, ut in c. *licet* de elect. in fi. & concludit Glossa quod concilium convocetur. Item ad convocationem illam aspirant multæ personæ vita præclarissimæ & scientia illustrissimæ, tam anachoreticæ quàm aliæ, asserentes constanter huiusmodi schisma nisi per viam concilii, secluso tamen miraculo, non posse terminari. Aspiremus ergo & clamemus omnes pro concilio, eo quod per ipsum pervenitur ad concordiam, pacem & unitatem. Nam sicut dicit Augustinus in epist. ad Donatistas quæ incipit *Caritas Christi* prope finem Deus in cathedra unitatis doctrinam posuit veritatis. Et aliquantulum post de prælatis malis schismatum seminatoribus & valitoribus dicit sic: Non ergo propter malos in mala dissensione pereamus; sed quicumque illi, & qualescumque fuerint portent sarcinas suas.

## CAPUT II.

In quo ponuntur rationes quorumdam magnorum quibus conclusionem contrariam nituntur demonstrare.

**V**erum quia multi magni dictæ opinioni adversantur, & eam impugnant; ideo ut veritas, quæ semper vincit collativè aliquatiter discussa clariùs pateat, (quod enim à pluribus quæritur, faciliùs invenitur:) contra eandem conclusionem argumentantur per tres rationes sumtas ex dictis & scriptis contrarium sentientium, quæ inter alias apparent esse fortiores: quæ si solutæ fuerint, fortè patebit aliquatiter solutio ad alias.

Probatur ergo quod de jure in casu schismatis præsentis non expedit, nec debet, neque potest concilium generale congregari, pro quo argumentatur primò sic. Quicquid semel per principem vel concilium est definitum, ulterius ad nova concilia venire non sinitur. Probatur hoc vi. q. iv. *quod semel* & xxiv. q. i. c. *maiores*. Sed multifariam multisque modis est diffinitum, quod bonis & dictis dominorum cardinalium est credendum propter eorum gravitatem & eloquiorum veridicas assertiones, de elect. *Innotuit* §. *multa* de app. *constitutus*. & c. *cum parati* & xcvi. di. *nobilissimis*. Et maximè in his quæ ad ipsorum pertinent officium, & quæ facta sunt in conclavi, nec per alios sciri possunt vel probari. de testi. *Veniens* ii. & de proba. c. *tertio loco*. Est ergo incunctanter ipsis & eorum dictis & scriptis credendum, nec opus est concilio.

Secundò ad idem argumentatur sic. In nullo notorio actus præmaturi, quod excusationem non admittit, est necessaria sententia, & per consequens nec concilium, nec alius iudex quicumque. Notoria enim examinatione non indigent ii. q. i. *manifesta*: unde Innocentius in c.

*ex parte*. i. de verborum significatione in Glossa dicit quod non est necessaria sententia in crimine vel injuria notoria, & ex consequenti nec concilium, nec alius iudex. Sed id quod gestum est in casu schismatis moderni est notorium. Quare, &c.

Tertiò argumentatur sic ad idem. Impossibile est sine auctoritate papæ concilium generale fieri vel celebrari: sed auctoritas papæ pro concilio generali congregando in isto casu, saltem utiliter & effectivè intervenire non potest: eo quod nullus pro tali concorditer habetur, nec cuiquam ut papæ ubilibet per christianitatem pareatur: Et si auctoritate alterutrius ipsorum de quibus agitur convocaretur, ex hoc ille habetur velut papa. Et ex hoc infertur quod nec auctoritate amborum, cum simul summi pontifices esse non possint, &c.

Patet minor, sed majorem deducit quidam doctor ac Dominus famosus valde, & asseruit primò quod si omnes prælati sine auctoritate sedis apostolicæ convenirent, concilium generale non possent celebrare. Probatur xviii. di. per totum ii. q. vii. *ideo* & iii. q. vi. c. *dudum*. Et ratio hujus est quod si omnes personæ ecclesiasticæ mundi essent congregatæ alicubi sine auctoritate papæ dumtaxat, singuli super singulos subditos haberent auctoritatem & potestatem: sed nullus eorum super omnes, nec etiam omnes simul; quia sola Romana ecclesia hanc habet potestatem, scilicet de omnibus judicandi ix. q. iii. *ipsi sunt* & c. *cuncta per mundum* & usu pal. *ad honorem* & de privil. *ad antiquam*. Tum ergo frustratos labores & sumtus importabiles subirentur, quibus est parcendum. Esto etiam quod omnes simul in uno loco convenirent, tamen non concilium sed conventiculum vel conciliabulum censeretur, ut in c. *multis* xvii. di. Unde etiam ordinatio talis concilii qua præsumeretur aliquem levare in papam de facto sine canonica electione cardinalium non teneret, nec jus faceret ob defectum legitimæ potestatis.

Confirmatur quia de juribus Romanæ ecclesiæ nullus potest determinare nisi papa, de judi. *Cum venisset* de præscript. *Ad audientiam*, de capel. mo. *dilecto*. Sed non potest agi de majori jure & præjudicio Romanæ Ecclesiæ, quàm in casu præsentis. Ergo, &c. Item papa cum sit major concilio, posset totum quod ibi ageretur retractare ix. q. iii. *cuncta*. i. & ii. de elect. *significasti* & rescript. *nonnulli* & c. *statutum* præallegato & xxvi. di. vi. §. *his ita*. Quoniam ejus sententia prævalet sententiis omnium episcoporum, ut notatur iv. di. *in istis* xv. di. *sicut sancti* xxiii. di. *legimus* xxiv. q. i. *quodcumque* de concess. præben. *proposuit*. Præterea stultus omnino videretur, qui id de quo certus est & indubius verti sineret in quæstionem: quia ex hoc etiam alii multi qui se nunc reputant certos tam de jure alterius quàm de statu proprio, inciperent vacillare; & sic non solum pro persona unica, sed & de omnibus provisionibus & aliis per eam gestis, à tempore quo se gerebat pro papa & citra, in dubium revocaretur, quod multis

minimè videtur expedire. Rationes ad hanc partem possent multiplicari, sed ex dictis fortè solutiones apparebunt.

## CAPUT III.

In quo subjunguntur tres considerationes notabiles principalis propositi declarativæ.

**S**I de causa Crucifixi & communi bono totius Ecclesiæ hîc non ageretur, supponerem digitum ori meo, ne montes tangere, aut os in cælum ponere viderer. Sed quia in veritate comperi, quòd non est personarum acceptor Deus; hinc Petrus, ita, inquit, parvum diligit ut magnum: ideo pro causa sua indifferenter militare tenetur saltem pro viribus, ita parvus ut magnus. Unde cum omni humilitate & reverentia ad ipsas rationes ipso duce tentabo respondere.

Prima consideratio.

Ad evidentiam autem dictorum aut dicendorum tres considerationes sunt præmittendæ. Prima quod sicut in deductione tertiæ rationis principalis ad ostendendum propositum superius adductæ tactum fuit, quòd ecclesia sancta catholica, cujus indefectibile caput est Christus, & ipsa ejus corpus, cui vir unus ex mille Ecclesiastes VII. seipsum ostendit & desponsavit, quam & annulo fidei suæ subarravit, cuique privilegia & libertates contulit ipse Deus, non est collegium papæ & cardinalium, nec aliquod collegium particulare mundi, eo quod quodlibet tale potest culpabiliter deficere. Quamvis enim magna sit præsumptio pro factis papæ quòd bene fiant, præsertim in his quæ ad bonum & malum possunt retorqueri, quia sanctus est. XL. di. *non nos*. Et B. Bernardus de Consideratione ad Eugenium li. 3. Nec, inquit, parvipendendum est quod Deum habet auctorem & de cælis duxit originem: si tamen ceciderit in peccatum, cadit fortius & damnabilius. Et etiam alii majores suo modo, teste Chrysostomo. Nam idcirco Lucifer secundum Gregorium peccans sine venia damnatus est, quia sine comparatione magnus fuerat creatus. Ecclesia verò quæ est congregatio fidelium in unitate sacramentorum, de cons. di. 1. *Ecclesia*, & cujus fides usque ad diem judicii numquam deficiet. *Dilexit enim nos cum mortui essemus peccato* Ephes. II. & in finem dilexit suos, Johannis XIII. Unde caritas ejus non excidit, de qua Jerem. XXXI. scribitur *In caritate perpetua dilexi te, ideo attraxi te miserans*. Et Isaïæ XLIX. *Numquam oblivisci potest mulier infantem suum, ut non misereatur filio uteri sui: & si illa oblita fuerit, ego tamen non obliviscar tui*, II. q. VI. ad Romanam. Et B. Augustinus in epistola ad Glorium, Eleusium & ceteros Donatistas in fine, Nemo, inquit, delet de cælo constitutionem Dei, nemo de terra tollet Ecclesiam Dei. Et idem XXVII. q. I. c. *nuptiarum*. Ecclesia fidei, spei, & caritatis integritate non solum in virginibus sacris, sed etiam in conjugatis fidelibus tota virgo est: Unde universæ ecclesiæ, cujus omnia illa sunt membra, dicit

*Theauri Anecd. Tom. II.*

A Apostolus, *Optavi vos uni viro virginem castam exhibere Christo*. Hæc itaque sancta mater Ecclesia non excludit, sed potius includit papam, & quemlibet fidelem: immo & in solo papa salvare posset sicut & in quolibet alio fidei viro vel femina: Unde fides Christi, cum omnes discipuli eo relicto fugerunt, in sola Virgine MARIA creditur remansisse. Nam & jus universitatis in uno salvari potest, ut notatur de postu. præla. c. *Gratum*. Hujus autem almæ matris universalis ecclesiæ duo sunt vel esse debent capita subordinata spiritualia; unum quidem principale semper sanum & indefectibile Christus Deus noster, fidei verus rector, quam sibi unam desponsatam & intactam servat virginem: unde acephala esse non potest, eo quòd promisit se nobiscum fore omnibus diebus usque ad consummationem sæculi: quæ promissio cadit in maximam consolationem nostram in hac schismatica tribulatione: semper enim habemus ipsum episcopum & pastorem animarum nostrarum. Aliud est caput Ecclesiæ secundarium, scilicet papa qui est vicarius primi capitis Christi: Unde & Petrus primus papa Cephias est vocatus, id est Caput. Sed istud caput potest quandoque simpliciter non esse, scilicet per mortem; quandoque secundum quid, scilicet à gratia deficiente, licet papatus non moriatur. de offi. dele. *quoniam abbas* XVI. di. ex quibus aliquantulum patet, quòd iste terminus *Caput* æquivocè & analogicè dicitur de Christo & papa respectu ecclesiæ catholicæ. Nam Christus dicitur caput Ecclesiæ in quantum gratia personæ singularis exuberans in eo secundum fontalem plenitudinem omnis gratiæ in eo habitantis influit spiritum & motum spiritus & gratiæ in ipsam Ecclesiam, scilicet in omnes qui adhærent ei per fidem vel fidei sacramentum: & in quantum Deus influit talem gratiam capitis auctoritative, scilicet in quantum homo per modum meriti. Et hoc quidem meritum, quo non solum ex congruo, sed etiam ex condigno meruit membris gratiam, habuit ex unione Verbi, ratione cujus indefectibile influxus hujus capitis habet ecclesia privilegium indeviabilitatis, & quod non extra, sed intra eam est salus, teste Augustino in epistola sua & coepiscoporum suorum de concilio Cretensi ad Donatistas: Quisquis, inquit, ab hac catholica Ecclesia fuerit separatus, quamlibet se laudabiliter vivere existimet, hoc solo scelere quòd ab unitate defunctus est, non habebit vitam; sed ira Dei manebit super eum. Quisquis autem in ea bene vixerit, nihil ei præjudicant peccata aliena, quia unusquisque in ea proprium onus portabit. Papa verò est caput minus principale & secundarium, quo deficiente sive in esse naturæ, sive in esse gratiæ, nihilominus corpus & membra vivunt, quamvis ex ordinatione divina, cedente & decedente protinus de alio debet provideri. Per hoc autem quòd prædicta sunt de dignitate & excellentia corporis mystici Christi Jesu, non intendo dignitatibus, privilegiis & libertatibus Ecclesiæ, quæ est collegium papæ & cardinalium, à Deo vel ab homine collatis aliquatenus derogare.

Nota, quod fides formata Ecclesiæ in uno solo salvari potest.

H h h h

Secunda  
considera-  
tio.

Secunda consideratio, quod non solum illud quod extra tempus necessitatis est licitum, imminente necessitate fit debitum; sed etiam quod extra tempus necessitatis foret prorsus illicitum, in necessitate extrema fit debitum. Quamquam enim tractatio fraudulenta occulta invito domino rei alienae mobilis & corporalis, quae fit animo lucrandi sit furtum, quod est prohibitum & peccatum; nihilominus imminente mihi extrema necessitate, res aliena efficitur mihi debita: immo licite possum accipere rem alienam, ut subveniam proximo sicut indigenti, teste Doctore sancto. 2. 2. q. LXVI. a. VII. in solutione tertii argumenti. Unde vox Christi discipulos, cum per segetes transeundo evellerent spicas, ut ederent, innocentes vocat, quia coacti fame hoc fecerunt. Et ratio hujus est, quia ea quae sunt juris humani, utpote rerum non possunt derogare juri naturali vel juri divino: quo res inferiores ordinatae sunt ad hoc ut per eas necessitati hominum subveniatur. Quapropter res quas habent aliqui superabundantes naturali jure pauperibus debentur, teste membro XLVII. di. *sicut hii.* & XXIII. q. VIII. c. *convenior.* Nec tunc proprie talis ablatio habet rationem furti, tum quia extrema necessitas facit suum id quod accepit ad vitae sustentationem: tum etiam quia qui in tali statu furatur, deberet credere Dominum permitturum, in quo casu furtum non committitur. Et etiam necessitas excusavit David & pueros ab esu panum propositionis. Et patrem levantem proprium filium de sacro fonte instanti mortis articulo, scilicet ne anima pereat, qui etiam propriae uxori impune valeat commisceri. Si ergo necessitas personae privatae imminens & forsitan peccatrici solvit vincula legis, quis ambigit quod in tali ac tanta necessitate sanctae catholicae ecclesiae sponsae Christi, nostraeque matris communis, nulla lex humana edita super congregatione concilii generalis nonnisi auctoritate papae fienda possit obistere quominus languor curetur in capite, ne morbus inficiat totum corpus? Unde sicut bellum materiale non solum cum justum est, & a principe debite indicitur, sed etiam urgente necessitate inevitabili pro defensione propria vel patriae, aut legum paternarum licite ac juste bellari potest secundum Augustinum in epistola ad Bonifacium comitem: Unde & sancti Machabaei in diebus sabbatorum bellantes divinae legis transgressores nequaquam extiterunt: sic in bello spirituali suo modo est censendum, cum carnalia bella figuram gesserint spiritualium bellorum secundum Gregorium, ut concilio generali, quod convocari debet quatenus contra spirituales nequitias, scilicet haereses, & schismata, & adversitates aliquas, ac daemonis astutias dimicetur, non solum auctoritate principis, scilicet papae, cum haberi possit, sed etiam in casu necessitatis extremae, qualis est hodie, sine ipsius auctoritate possit congregari: quod perspicuum est exemplo manifesto. Si enim irruerent hostes extemplo manu valida contra civitatem Parisiensem; & adeo forent fortes & animosi, ut etiam portas destruere & civitatem protinus

capere decertarent; numquid cives Parisienses non petita licentia a Domino rege Francorum, qui forte distat per multas dietas, poterunt ad defensionem sui hostibus recurrere? an potius indefensi imminencia pericula in laribus debent expectare? Ex praemissis quasi videtur sequi quod de ratione formali & intrinseca concilii generalis non est, ut ipsum auctoritate papae convocetur: quoniam si papa concors & possessor pacificus papatus laberetur in haeresim manifestam, & esset incorrigibilis, & de facto tamen papatum occuparet, nec consentire vellet concilium congregari: nihilominus posset & deberet eo invito convocari, in quo & posset accusari & judicari: quatenus ipsum scientes esse talem, recedere possent ab ejus obedientia, iudicio vel sententia non expectata, ut habetur XIX. di. c. *Anastasius.* Immo videtur nonnullis quod si notorium est crimen ejus quodcumque, & inde scandalizetur ecclesia, & sit incorrigibilis, inde potest accusari. Ita tenet Glossa XL. di. *Si papa.*

Confirmatur corollarium praedictum, quia si statim post mortem domini GREGORII novissimi, domini cardinales omnes fuissent mortui vel occisi a populo Romano, sciente & procurante clero Romano: constat quod in tali casu non fuisset alia via providendi de papa, nisi per viam concilii generalis juxta notam Hostiensis & Johannis Andreae in c. *Licet* de elect. Et tamen in hujusmodi casu impossibile est concilium congregatum fuisse auctoritate papae vel cardinalium, quia nullus exstitisset in rerum natura.

Praeterea, si papa de consensu cardinalium aliquam sententiam dubiam pronuncasset, maxime in causa fidei, vel simul in haeresim lapsi fuissent manifestam, & in illa pertinaces & incorrigibiles persisterent; aut si sede vacante ex discordia inter ipsos cardinales suborta, vel ipsorum negligentia seu tyrannica potentia ipsos impediens quominus convenire possent continua saevitia, vel etiam ex malitia, ad electionem non possent vel nollent convenire; sed neque vellent quoquo modo, quantum in ipsis foret, concilium generale ad tractandum de bono totius universitatis fidelium congregari; & jam naufragium catholicae fidei vel irreparabilis concussio appareret verisimiliter evenire: Non est dubium quin in quocumque istorum casuum necessarium foret pro salute fidelium concilium generale congregari; & tamen non auctoritate papae vel cardinalium hoc fieri posset. Ex supposito ergo per alium modum hoc fieri oportet: & sic patet quod non est de formali ratione concilii generalis, ut per papam convocetur vel ejus mandato, quia non probat hoc esse quod ab hoc contingit abesse. Unde potest concilium generale communiter sic describi seu quasi nominis ejusvis declarari: Concilium generale est multarum vel plurium personarum rite convocatarum repraesentantium vel gerentium vicem diversorum statuum, ordinum, & sexuum, & personarum totius christianitatis, venire aut mittere valentium aut potentium, ad tractandum de bono communi universalis ecclesiae in

Quid sit  
concilium  
generale.



unum locum communem & idoneum conventio seu congregatio. Hoc satis patere videtur ex prædictis & his quæ leguntur de dictis B. Gregorii, Isidori, Bedæ & aliorum positorum xv. xvi. xvii. dist. in decreto.

Tertiacon- sideratio.

Tertiò notandum quòd legislatores condendo leges, quibus bono publico consulitur & providetur, frequenter attendunt ad ea quæ sæpe & ut in pluribus accidunt, & secundum hoc proferunt leges suas: quas tamen leges sive sanctiones communes in quibusdam casibus juxta corticem seu superficiem verborum observare foret, contra æqualitatem justitiæ & etiam contra bonum publicum, cujus gratia, ut præmittitur, leges promulgantur, & per consequens contra mentem conditorum: quod quidem ex eo contingit, quia actus humani, ad quorum ordinationem & regulationem leges conduntur, consistunt in singularibus & quæ cum modis infinitis variari possint, non fuit possibile regulariter leges & jura condere positiva, quæ in nullo casu deficerent. V. G. lex instituit generaliter depositum reddi, quia hoc regulariter justum est; sed potest quandoque hoc esse nocivum, veluti si furans vel deponens incidat in furiam, in qua gladium repetit, ut se vel alium occidat. Aut si quis depositum reposcat ut patriam impugnet; in quibus casibus & similibus manifestum est fore malum sequi verba legis: Unde depositarius depositum reddere non tenetur, etiam si reddere promississet secundum Augustinum. Idcirco expedit, prætermisissis verbis legis, illud sequi quod exigit ratio justitiæ ad bonum consequens: & hoc est sequi mentem legislatoris magis quàm verba: quod utique est faciendum, quia sicut animus præfertur corpori, ita sententia verbis, sicut dixit Augustinus in libro de catechizandis rudibus: Unde Hieronymus super epistolam ad Galatas: Non putemus in verbis scripturarum esse evangelium, sed in sensu; non in superficie, sed in medulla. Nec verbis sed rebus lex est imposita. Ad hoc autem ordinatur virtus quædam quam Philosophus vocat epicheia, quæ est directiva justitiæ legalis, & eò melior & nobilior, quia per eam excellentiori & perfectiori modo obeditur menti legislatoris.

#### C A P U T I V.

In quo omnes conclusiones in contrarium militantes superius adductæ pro modulo cum omni humilitate solvuntur.

**H**Is præmissis, restat cum omni humilitate, reverentia, & protestationibus supra positis respondere ad rationes in contrarium militantes, quarum prima fundatur in eo quod dictis & scriptis dominorum cardinalium est credendum. Ad quam multipliciter respondetur. Primò enim dicitur quod in isto fundamento coassumtis quibusdam viris, & per ipsos dominos cardinales concessis, in bona & formali consequentia sequitur contradictoria sibi invi-

*Theſauri Anecdor. Tom. II.*

**A** cem contradicentia simul esse vera, sic argumentando, & majorem universalizando propter formam. Quibuscumque dictis vel scriptis dominorum cardinalium est credendum: Sed domini cardinales dixerunt & scripserunt propositiones contradictorias verè sibi contradicentes vel ipsis convalentes simul & semel esse veras. V. G. de eodem supposito quod sit A. A est papa, A non est papa. Ergo propositiones contradictoriè verè sibi contradicentes simul esse veras est credendum. Quam quidem conclusionem non solum Peripatetici tamquam falsam & impossibilem abjiciunt, ut patet per processum Philosophi 4. metaphysicæ. Et ex hoc verificatur dictum Agathodori. 6. Ethic. Sed etiam sacratissimi theologi & canones execrantur, cum nec Deus hoc facere possit: Unde verè dici solet quòd Deus potest facere quicquam ab omnipotente, si non includit contradictionem. Ulterius ex dicto fundamento & ejus deductione arbitrantur quidam propositum verè concludi posse, scilicet quòd concilium de jure debeat in casu isto celebrari, quia cum notoriè sit alterum contradictorum esse verum, & per consequens credendum & tenendum saltem in hoc casu, & innumerabiles tam magni quàm parvi seu pusilli, tam sapientes quàm simplices, tam viri quàm mulieres dubitent quod illorum contradictorum sit verum. Ergo necesse est concilium congregari, quo docente, discutiente, & declarante, sciri possit cui parti contradicentes debeant adherere.

**D** Item propositum de concilio congregando ex fundamento dictæ rationis aliter inferitur sic argumentando. Quod semel est definitum per principem vel concilium, ulterius ad nova concilia venire non sinitur. Ergo quod non est definitum per principem vel concilium, præsertim si sit arduum & totius Ecclesiæ statum concernens, nec potest esse locus vel congruitas, ut per solum principem diffiniatur, necesse est adhuc per concilium diffiniri. Tenet consequentia argumento à contrario quod est fortissimum in jure. Si quid sit juris in casu præsentis, cui, ut creditur, similis alias non est visus, jure cautum non invenitur expressè: & constat quod decisio seu diffinitio si qua fieret super eo per alterum dominorum de suprema legislativa parte contendendum, non foret christianarum mentium contraria sentientium omniquaque quietativa, nec etiam cujuspiam alterius præterquam concilii generalis. Quare, &c. Hæc fuit mens Glossatoris Fructuosi lxxix. di. *fidus* in principio Glos. & est superius recitata, & Johannis Andreæ in Cle. *ne Romani* de elec. super verbo *Appellant*.

Quæret quis de hujusmodi causa metus cognoscere haberet, si allegaretur esse electionem papæ. Et respondens dicit quod ista nondum decisa nec provisæ egebunt provisione, sed certè nonnisi concilii generalis. Igitur, &c.

Multi etiam commirantur & stupent super eo quod quidam volentes dominos cardinales quodam modo deificare, & impeccabiles reddere, utinam sine spiritu adulationis, asserunt

H h h h ij



sine exceptione semper personarum ipsorum A verbis vel scriptis esse credendum : cum tamen ipsi ut homines fallere possunt & falli. de sen. ex. à nobis. & xxiv. q. iiii. *Deus*. Quando nec est credendum, quod ipsi de seipsis hoc sentiant, cum B. Augustinus non negaverit se multa scripsisse, quæ possunt nulla temeritate culpari. B. quoque Hieronymus tanta emicuit sanctitate, ut B. Augustinus in epistola ad Cyrillum coæquet ipsum in sanctitate, meritis & gloria B. Johanni, Baptista, qui tamen convincitur minus verum dixisse: unde & Augustinus ipsi contradixit. Sic etiam domini cardinales, ut referunt qui cum ipsis sunt conversati, sæpe in consistoriis tam circa provisionem ecclesiarum, quam in aliis negotiis visi sunt sibi invicem contradixisse, & diversa ac adversa sensisse. Nam & ipsimet dictæ simili propositioni, videlicet quod omnibus eorum dictis & scriptis est credendum, obviant quantum possunt, dicentes quibusdam eorum dictis non esse credendum. Bonus ergo epikeias judicabit quod super discussione præsentis casus est ad concilium recurrendum. Et si dicatur quod ego detraham dominis cardinalibus, dico quod hoc est falsum: quia eorum vitam & mores non minuo, nec eorum personam, nec hoc facere intendo... & fateor ipsos in statu perfectionis ad militandum Deo & ecclesiæ sanctæ, & omnium saluti intendere debere sollicitudine indefessa, & fictis adulationibus in eis ac falsis laudibus vel alterius cujuscumque non indigere. Veritatem autem quam zelus domus Dei suggerit, instante D necessitate tanta publicè, utiliter, prout minùs malè sentio, sine æmulatione dico, teste Deo; pium emendatorem & caritativum exoptans correctorem. Aliter fortè potest dici, videlicet quod esto quod credendum dictis & scriptis dominorum cardinalium in casu isto, quod tamen manifestè apparet, & ipsis constat quod hoc non fit de facto; cum sit notorium, quod multi sunt valde qui voces eorum obaudiant, nec eis credere volunt quoquo modo, & forsitan hoc Deus fieri permittit in pœnam peccatorum sive E superiorum sive inferiorum, nescio, Deus scit. Et tamen ipsi possentenus laboraverunt & laborant, ut ipsis credatur. Et quia vident & audiunt quod nihilominus schisma continuè crescit de malo in pejus, quodque strages hic jacet multorum, immo quasi infinitorum, quæ remediari verisimiliter posse videntur per concilium generale, & fortè non aliter. Ideo ipsi tamquam fideles & boni Samaritani & pastores populi, non quærentes quæ sua sunt, sed quæ JESU-CHRISTI, & communem utilitatem cuncti populi catholici, severitati aliquid detrahendo, ut scribit B. Augustinus in epistola ad Bonifacium comitem, debent totis viribus pro congregatione concilii pacificantis laborare, etiamsi de rigore juris convocari non deberet, & tunc quod exemplo Apostoli non quærent quod sibi utile, sed quod multis, ut salvi fiant. Et forsitan, ut quibusdam videtur, domini cardinales ad hoc tenentur, cum sint & esse debent columnæ ecclesiæ, & in ipsis sicut in

\* f. appa-  
rebat.

episcopis debeat vigere major perfectio quam in religiosis, eo quod in perfectorum & potiorum statu perfectionis sunt constituti secundum Dionysium Ecclesiasticæ Hierarchiæ v. & vi. c. & propter hoc scandalum passim in eos cadere non debet juxta ps. cxviii. *Pax multa diligentibus legem tuam, & non est illis scandalum*, quod secundum doctores intelligitur de viris perfectis. Verumtamen aliorum scandalis valde periculosis, quibus fere totus mundus videtur esse plenus, tenentur obviare toto posse, exemplo Christi, qui tributum ad cujus solutionem nullatenus tenebatur, ne alios scandalizaret exsolvit; ac B. Gregorii & Sixti summorum pontificum, ut supra tactum fuit. Et si fortè diceretur quod primis eorum dictis & scriptis non est credendum, sed secundis, & ex causa quam assignant super eo, hîc jubetur populo quiescere, ne veniant contra pacta de jure partium disputando.

Ad secundum principale, quod assumitur in nullo notorio actus præmaturi, &c. videtur C primò posse dici sicut ad primum est responsum in solutione prima suo modo applicando. Item ex ipsa rationis radice videtur similiter posse probari conclusio nostra, cum tam priora quam posteriora facta cardinalium sint notoria, & ex hoc tota christianitas est concussa, & valde multi dubitant, nec credunt dominis cardinalibus: ideo opus est concilio declarativo. Aliter fortè posset dici, quod nonnumquam, & præcipuè in casu schismatis reprimendi, ea quæ sunt notissima incudi examinis redduntur, teste Pelagio papa, qui id quod censuit fore notissimum, nihilominus B. Augustini testimoniis visus est comprobare.

Sæpe enim aliqua fiunt ex abundantia ad convincendam hominum malitiam, teste B. Gregorio, ut patuit de Gregorio, Sixto & Leone supradictis. In casu verò præsentis non solum congruum & conveniens, sed etiam summè necessarium existit concilium convocari, ut patet ex præmissis.

E Tertiò fortè diceretur quod in utraque electione & ante & post multi & varii actus inter-  
venerunt, de quibus nunc non est dicendum per singula, sine quorum examinatione non videtur schisma præsens posse remediari, quorum aliqui possunt esse notorii, alii verò non. Et sciendum quod secundum Vincent. in c. *evidenter* de actu, stat crimen vel aliquod factum, quod commissum dicitur notorium censi, & tamen est falsum, & sic quamvis falsum nihil sit in re, prout distinguitur res qua signum, F tamen falsum quandoque à multis creditur, & esse dicitur notorium & verum, nihil enim prohibet, quædam falsa esse probabiliora quibusdam veris secundum Philosophum. Unde non sufficit in omni casu probari aliquid censi esse notorium, nisi probetur esse verum, & propter hoc videtur opus esse concilio.

Ad tertium quod aliqui dicunt esse fortissimum & fundamentum in hoc quod absque auctoritate papæ generale concilium convocari vel celebrari non potest, Respondetur quod

absque sententia Romani pontificis generalia concilia convocari posse vel celebrari potest intelligi dupliciter: Univocè, positivè, & contrarie, ita quod papa concors & indubitatus ecclesiæ præsidens velit non convocari seu congregari, vel nolit convocare vel convocari concilium generale pro eo quod rei veritati non imminet necessitas, nec subsit rationabilis causa convocandi: Attamen inferiores velint absque ejus sententia concilium convocare vel celebrare, & habent positum motum voluntatis contrarium voluntati papæ. Et hoc modo intendo, non potest concilium generale sine consensu papæ celebrari vel convocari; & si secus foret, irritum fieret, & viribus vacuum hujusmodi concilium, nec recte concilium, sed conventiculum seu conciliabulum deberet reputari. Et procedere videntur omnes canones in contrarium allegati & alii in hoc cum eisdem consonantes. Alio modo potest intelligi convocari vel celebrari absque sententia papæ seu voluntate privativè: & hoc dupliciter, vel in casu quo supra est indubitatus papa & imminet rationalis causa, & convocatur concilium generale absque ejus requisitione & consensu simpliciter, per puram negligentiam vel desidiam, sive actu contrario positivo obmittendo. Et tunc adhuc idem erit quod in casu priori. Alio modo cum causa rationabili & necessaria imminente concilii congregandi, inferiores super convocatione concilii libentissimè requirerent & obtinerent consensum papæ, nec stat per eos quominus habeant; sed vel nullus est papa, quia fortè sedes vacat, vel dubium probabile est quis ex duobus vel pluribus de papatu contenditibus sit verus papa. Vel etiam si sit concors papa, sed imminente necessitate summa vel causa rationabili & urgente, ortum fortè habente ex aliquo ipsius facto, generale concilium congregandi abnuat constituere, immo vetat concilium congregari. Et tunc proculdubio valebit absque licentia vel sententia papæ concilium congregari, nec irritabuntur proinde acta & ordinata in eodem; & quilibet solers & acutus epikeias in sacris & canonicis scriptis peritus hanc fuisse in casu isto vel consimili intentionem legislatoris judicabit, ut patuit in exemplo supraposito de civibus contra hostes in extrema necessitate constitutis absque auctoritate principis arma sumentibus ad bellandum. Cui conformiter B. Augustinus in „epistola quæ incipit *Caritas Christi*, Non ergo, „inquit, propter malos in mala dissensione pereamus, sed quique & qualescumque fuerint portent sarcinas suas. Nam etsi rex vel princeps vellet rempublicam & civium unitatem destruere & vastare, ad cujus conservationem & custodiam est deputatus; subditi possent, immo tenerentur efficaciter sibi resistere. Nec se tunc opponerent regi, sed pœnis, hosti, & regni persecutori. Simili modo in materia proposita est censendum, & posset hæc solutio in simili declarari. Nam constat quod mandatum maximum & primum in lege de diligendo Deum ex toto corde, &c. obligat semper, licet non ad semper: & tamen pro statu viæ non potest impleri, si

A verba capiantur prout sonant, nec ex parte ipsius Dei diligibilis, ut scilicet tantum diligatur, quantum diligibilis est, cum sic diligere Deum sit comprehendere, quod sibi soli convenit; & repugnet creatura in quocumque statu, nec ex parte hominis diligentis, ut scilicet affectus secundum suum totum posse seu conatum semper actualiter feratur & tendat in Deum: quia nec talis dilectio de lege communi est possibilis in via, sed etiam in patria, ut dicit Augustinus de perfectione humanæ justitiæ ante medium. Ergo viri sancti qui sunt optimi epikeies, digito Dei demonstrante mentem summi legislatoris, scilicet Dei filii benedicti, nobis declarando dicunt dictum mandatum ideo datum fuisse, nonobstante quod impleri non possit in via perfectè: quia non necesse curritur, ubi quo currendum est nesciatur: quomodo autem sciendum vel sciretur si nullis præceptis ostenderetur? ut dicit Augustinus ubi supra. Vel etiam ut hujusmodi mandato excludantur in affectu hominis omnia quæ repugnant directè motui dilectionis in Deum, sive caritati, quale est mortale peccatum, secundum doctorem sanctum. 2. 2. q. 184. art. 2. Si ergo licitum est mentem Christi aliter declarari quàm verba sonant; cur mentem conditorum canonum declarari, etiam à superficie verborum recedendo, ubi æquitas verborum hoc exposcit, non liceret? Non videtur ratio diversitatis probabilis posse reddi: & si dicatur cujus auctoritate concilium in tali casu censebitur congregari, & acta in eo valitura. Respondetur quod auctoritate capitis indefectibilis & semper influentis JESU CHRISTI, qui sicut potens est de lapidibus filios Abraham suscitare, ita potest etiam omnem defectum supplere: cujus etiam auctoritate David & sui sanctos comederunt panes, Machabæi diebus sanctorum sabbatorum pugnant, & discipuli spicas vellicabant, ut supra rangebatur.

Secundò ad dictam tertiam rationem, ut aliquibus \* dici posset, quod in casu isto concilium generale congregari potest, & agenda in ipso valebunt auctoritate canonis LXV. c. si sumto argumento à minori & à simili ex eodem. Aliter videtur posse responderi ad idem, dicendo quod illud quod assumitur in arguente, scilicet quod concilium generale absque auctoritate papæ non debet congregari, est verum naturaliter: potest tamen casualiter absque ejus auctoritate convocari, & talis est casus noster, scilicet à regula \* acceptus juxta mentem conditorum. Verba enim generaliter & per modum regulæ prolata quandoque exceptiones admittunt & restringuntur. Pro ista solutione potest induci textus Marcelli papæ XVII. di. c. 1. cum dicit, Synodum congregare non potestis regulariter. Et notat hoc ad verbum *regulariter*. Ex quo videtur posse inferri, quod possit fieri casualiter, utpote in casu extremæ necessitatis, qualis est modo.

Quartò potest dici quod in causa schismatis præsentis ambo domini electi in papam, debent consentire convocationi concilii pacificantis,

H h h h iij

quatenus in luce ambulantes, seu filios lucis & Christi hæredes seu invitatores & animarum salutis zelatores se ostenderent. Et sic omnibus canonibus satisfieret, cum nulli vel pauci dubitent, quin alter eorum sit verus papa. Quilibet ergo sic existimans verè potest dicere: Scio vel credo alterum illorum esse papam, & tamen nullum illorum scio vel credo esse papam, quod contingit ex natura verbi scio vel credo.

Quinto, potest dici quod per cœtum reverendissimorum dominorum cardinalium posset & deberet hoc casu concilium generale convocari per causam, ubi §. *iidem quoque* de elect. l. vi. Ex præmissis patet quod illa quæ assumuntur ulterius in dicta tertia ratione, scilicet quod nullus haberet partem super omnes, &c. negatur: quia Ecclesia Romana super omnes habet potestatem saltem in casu. Quæ sit illa ecclesia patuit sibi in prima consideratione. Et quod dicitur sumtus & labores non debere fieri frustra, hic locum non habet, ubi urget maxima necessitas ecclesiæ sacro-sanctæ. Quod verò subditur papam esse majorem concilio, dicitur quod in casu nostro concilium congregatum nihil statuet de novo, saltem in modum canonum, donec ante omnia cognitum & clarificatum fuerit sive auctoritate, sive magistraliter quis sit verus papa: quo facto ille accedet concilio, & facta & fienda in eo per ipsum roborabuntur. Et ad id quod in fine argumenti dicitur, quod indubitata in quæstionem verti non debent. Cui etiam quidam adjiciunt dicentes verisimile esse pro una parte ad concilium venire longè plures episcopales titulos habentes quasi mathematicales & abstractos à temporalium & spiritualium possessione, responderetur quod quantò quis eorum existit certus de jure suo, tanto minus in concilio generali habebit dubitare, quod verisimiliter est credendum regi per Spiritum-sanctum. Verus enim repromissor Dominus ait: *Si duo vel tres ex vobis conveniant in nomine meo super terram, de omni re quamcumque petierint fiet illis, quia in medio eorum sum.* Ergo longè fortius si tota Ecclesia quodammodo in causa Dei congregata fuerit, in medio eorum Spiritus-sanctus se diffundet, cujus gratia etiam in concilio & ante & post per omnes ecclesias ac fideles debet jugiter implorari. Quod verò de multitudine episcoporum dicitur, non debet quemquam movere, quoniam nec est difficile in conspectu Dei cæli liberare in multis vel paucis. Ceterum secundum Jeronymum potentia divitiarum & paupertatis humilitas vel sublimiorem vel inferiorem episcopum non facit, omnes enim successores sunt apostolorum. Rationi ergo congruit & convenit honestati, ut viri heroici, quales præcipuè esse debent domini cardinales, & prælati, ac principes alii tam ecclesiastici quàm sæculares, rogent quæ ad pacem sunt Jerusalem, & corda regum ac principum occasione hujusmodi negotii contra alterutrum non inflamment, nec acuunt ad bellandum, ne in causa pauperis crucifixi sanguis innoxius effundatur. Non enim agitur de successore Augusti, sed Petri pauperrimi piscatoris. Et certè non nullis, quod impeditores tanti boni, cujuscum-

que status, vel præminentia existant, non sunt paternarum legum zelatores, sed prævaricatores: cumque omnes zelum legis habentes clamitare debeant contra tales in cælum dicentes: Testes super nos erunt cælum & terra quod injustè perditis nos, cum convocatio concilii generalis sit summe necessaria pro bono communi, in quo etiam salus & utilitas omnium & singulorum Christi fidelium includitur; & per consequens est omni privato commodo vel utilitati præferenda. Est etiam sciendum quod multæ sunt aliæ causæ, propter quas etiam si præsens schisma ortum non fuisset, summe necessarium foret concilium convocari, quas hic brevitatibus gratia non expressi, supplicans humiliter insufficientiæ meæ veniam tribui. Non enim memini me vidisse aliquorum doctorum scripta pro conclusione ista, sed plura contra eam; à veritate tamen quam animo firmiter teneo aliquatenus declinare vel nutare non intendo ipsa dirigente.

*Ultimo adjicitur apostropha ad inclitissimum regem Francorum excitativa, totius opusculi conclusiva.*

Nunc verò ut a. revolet ad A, id est finis ad principium revertatur, ad te Christianissimum & piissimum Francorum regem dirigam finem rudis eloquii mei: quia enim talis, & quia tantus: ideo quæ principis sunt, ô Princeps, cogita, & super duces stabis. Quid, inquam, cogitabis? Profecto ut fiat pax in virtute tua. Cogitas quod rex es tu? Recogita, si tamen feliciter vis regnare, quod de te scriptum est Proverb. xx. *Rex qui sedet in solio judicii, intuitu suo dissipat omne malum.* Cogitas quia rex potens es? Recogita quod potentior te est per quem reges regnant, quique deponit potentes de sede & exaltat humiles. Cogitas quia rex magnus es? Recogita majorem te esse quem adorabunt omnes reges terræ. Cogitas quia multos principes subjectos habes? Recogita quod ipse est rex regum & Dominus dominantium. Cogitas quia rex diuturnus es? Recogita quod Dan. 2. regnum ejus non dissipabitur; de te vero & aliis regibus scriptum est: Rex, cras morietur. Cogitas quia rex dives es? Recogita quia gloria & divitiæ in domo ejus. Cogitas quia in terris superiorem regem non recognoscis? Recogita quod nihil habes quod non accepisti: ergo non glorieris quasi non acceperis. Cogitas quod rex nobilissimus es? Recogita quod me sicut & te fecit Deus, & de eodem luto ego quoque formatus sum. Cogitas quod dominus es magnæ partis orbis? Recogita quod servus ejus es qui de nihilo fecit orbem. Cogitas quod innumerabiles populi tibi ministrant & obsecundant? Recogita quod nedum omnes populi tribus & linguæ, verum etiam tota cælestis curia ministrat ei cujus tu minister es. Ergo Rex inclitissime, nemo te seducat inanibus verbis, nemo te seducat, sed honora & imple ministerium tuum. Quo modo? Certè ut per te pacem habeant, & qui longè & qui prope sunt. Per te scissura sanctæ matris Ecclesiæ resarciatur; matris, inquam, tuæ & omnium nostrum communis, cujus uberibus enutritus existis: ex cujus ore mel regenerationis & lac doctrinæ christianæ

suscepisti, & profluvius sanguinis Christi laterum sponsi ejus in cruce pro te effusus ornavit genas tuas. Sit ergo causa sua causa tua, injuria sua injuria tua. Ascende, ô princeps, ascende ex adverso, & oppone te murum pro domo Israël, & præliare. Accipe gladium à Domino munus sanctum, sed nondum ipsum exere pro causa ista, quia non adhuc est necesse. Nosse quidem debes pericula belli: varius enim eventus prælii, & nunc hunc, nunc illum consumit gladius. Militandum igitur tibi ante omnia est, ô Rex gloriose, & toto corde aspirandum, ac efficacis opis & operis præsidio laborandum ut generale concilium convocetur, in quo absque humani effusione sanguinis gratiâ Dei omnia ad pacem & concordiam revocentur: quod fieri si forsitan aliqui vel tyranni, aut alii quicumque universalis Ecclesiæ salutis & prosperitati invidentes, vi armorum vel alias sanctam pacem impedire concertaverint: tunc certè gladium vindictæ in iram ei qui malum agit vibrabis & exercebis ut bonus tyro, ut fortis miles Christi, vim frangens contumacium, & elidens ac conterens inimicas partes præcursum antichristi. Ipso rege regum CHRISTO-JESU præveniente, cooperante, & confirmante, à quo est omnis salus & victoria, qui est benedictus in sæcula sæculorum. Amen.

Concludens ergo concludam verbis B. Bernardi ex epistola quam conscripsit ad Conradum regem Romanorum, sic dicentis: Factus sum insipiens; cum sim vir vilis, ignobilisque persona, tam magnis consiliis tantæ magnitudinis tantæque sapientiæ me ingessi, & de re magna: at quo ignobilior atque abjectior, tanto liberior sum ad loquendum quod caritas suggerit: Unde & adhuc addo in insipientia mea: si quis aliud quàm locutus sum vobis, quod non credimus, suadere conabitur, is profectò aut non diligit regem, aut parum intelligit quid deceat regiam majestatem, aut certè quæ sua sunt quærit, & non valde quæ vel Dei, vel regis sunt curare convincitur.

A. a. a. Domine Deus quis tribuat, ut populus Christianus reunitus sede in pulchritudine pacis, & in tabernaculo fiduciæ, & in requie opulenta, redeantque Saturnia regna? Pro qua quidem pace mori mihi vivere est; & sine ea vivere mors amara, zelo domus dulcissimi JESU-CHRISTI, cui laus gloria & gratiarum actio per infinita sæcula sæculorum. Amen.

*Explicit epistola Concordiæ.*

## SCRIPTURA BREVIS EORUM

quæ verbo proposuit Cardinalis Prænестinus coram dominis ducibus & consilio regis ultima die mensis Novembris anno MCCCC. priusquam recederet de Parisius.

Anno 1400  
Ex ms.  
Gemmeti-  
ensi.

Primò omiſſis gratiarum actionibus & submissionibus tunc dictis, quinque proposuit. Primò aliquas protestationes. Secundò statum Ecclesiæ qui præſentialiter est lamentabilis & dolorosus omni fideli breviter exposuit. Tertiò

A periculum in quo stat Ecclesia aliquo modo reservavit. Quartò nonnulla, quæ videntur verissimiliter posse contingere, propter quæ etiam convenientibus ambabus partibus in unum posset pax universalis Ecclesiæ impediri, enarravit. Quintò aliquas requestas & supplicationes fecit, quæ potius videntur esse reductiones ad memoriam, quàm requestæ.

I. Ad primum veniens, protestatus est quod nihil in hac materia intendebat dicere in favorem vel odium inordinatum alicujus personæ, nec in notam alicujus vel aliquorum cujuscumque status essent, sed simpliciter propter honorem Dei & statum bonum Ecclesiæ, quæ præferenda sunt favori cujuscumque viventis.

Secundò quòd nihil in hac parte intendebat dicere per modum opinionis, electionis, vel determinationis, sed per modum cujusdam colloquutionis & advisamenti.

Tertiò quòd nihil in hac parte intendebat dicere pro parte collegii, nisi hoc loco suo exprimeretur, nec pro parte cujuscumque alterius, sed solum sicut colligere potuerat ex colloquutionibus & opinionibus multorum notabilium virorum.

Quartò quòd in ea parte semper erat paratus se conformare opinioni cujuscumque melius sentientis.

II. Subsequenter ad secundum, perveniens dixit, quòd dominus BENEDICTUS qui in papam fuit electus, & reputatus ab hac parte catholica, contra quem, quòd esse desierit, nulla declaratio facta est per concilium generale Ecclesiæ Catholicæ, nunc reclusus retinetur, & jam per biennium & ultra incarceratus est, quòd non legitur aliàs visum ab eo tempore quo desierunt Romani pontifices propter fidem trahi ad martyrium, ut dicitur: de quo tamen certitudinem non habebat: Quòd ipse dominus BENEDICTUS significavit regi & aliquibus ex dominis, quòd ipse erat paratus, quantum in eo erat, illa perficere quæ requisita fuerunt ab eo pro parte regis, & cum effectu adimplere, & dare securitatem sufficientem de illis perficiendis & complendis, ac etiam revocare protestationes, quas in præteritum fecerat, necnon & processus, si qui ab eo facti essent, & pœnas & sententias juris, & super aliis quæ essent necessaria vel expedientia pro bono pacis providere. Quibus consideratis, videtur multis quòd grave est, periculosum, & scandalosum, eum detinere inclusum.

Sed contra hoc dicunt aliqui. Primo quòd istud esset contra subtractionem. Respondent nonnulli quòd in subtractione nulla de hoc fit mentio, nec de hoc actum fuit in concilio Ecclesiæ Gallicanæ.

Secundò dicitur contra conclusionem prædictam, quòd ipse dominus BENEDICTUS errat in fide, & sic præcisus est ab Ecclesia. Ad quòd respondetur ab aliquibus quòd hoc non est certum, cognitum, nec indicatum ab illis ad quos pertinet, sed est dubium: & si unus credat eum præcisum, centum mille credunt eum catholicum, & unus solus non habet auctoritatem de-



terminandi, sed hoc pertinet ad concilium generale suæ partis. Et eo casu oporteret quod probarentur ea, propter quæ dicitur præcisus, & eo vocato, audiretur ipse in defensionibus suis.

Tertiò dicitur quòd si relaxaretur, fortè faceret processum contra eos qui se subtraxerunt cardinales, prælatos, & alios plures. Insuper multa alia scandala committeret, ex quibus Ecclesia conturbaretur. Ad quæ respondent nonnulli, quòd detentio certa est, & illa mala quæ timentur ab aliquibus incerta sunt, ex sola suspitione dicuntur. Præterea non videtur quòd illud quod certum est debeat relinqui propter illud quod est dubium. Item si de his timetur verisimiliter, possent peti provisiones ab eo, & credendum videtur quod ipse illas præstaret.

Et circa eundem statum ecclesiæ notandum est, quod Ecclesia catholica hujus partis & obedientiæ divisa est propter subtractionem, quoniam rex Arragonum, Scotiæ, Cypri, & comes Sabaudia non sunt eam secuti, quin immo improperant illis qui se subtraxerunt, & qui fecerunt guerram & multa alia inconvenientia. Quàm enim grave hoc sit, quod ista Ecclesia, quæ minor erat in numero gentium, quàm pars quæ obedit intruso, dividatur per partes. Valde dolendum est. Scitis nempe quanta mala divisio pariat, non solum spiritualia, sed etiam temporalia quandoque dissipat, & quanta bona ex unitate proveniant. Si enim omnes essemus uniti, omnes reges & principes hujus obedientiæ concurrerent ad procuracionem pacis, & omnes Ecclesiæ aliorum regnorum contribuerent ad expensas, & esset procuratio honestior, efficacior & utilior. Ecclesiæ etiam istius regni depauperatæ sunt, & timendum est quòd non poterunt portare onera expensarum.

Item attendendum est, quòd isto tempore detinentur animæ in peccatis & sententiis multis, in illis scilicet in quibus non potest absolvere alius quàm papa, & dispensationes tam super matrimoniis quàm super irregularitate & multis aliis cessant, in quibus non potest alius dispensare. Justitia enim perit in infinitis non sine gravi animarum periculo & etiam scandalo, & breviter omnia quæ non possunt fieri, nisi per papam, cessant, & tot mala sequuntur, & tot bona perduntur, quòd non possent plenè enumerari.

III. Veniendo ad tertium dixit de periculis in quibus stat Ecclesia, primò si contingeret dictum dominum BENEDICTUM mori, quod est naturale, immo necessarium omnibus animantibus super terram, de quo multum timendum est hoc tempore quo pestilentia regnat in civitate Avenionensi, & jam viget infra palatium, & de duobus cardinalibus cum ipso domino BENEDICTO existentibus, alter scilicet Bovilli mortuus est, & plures alii de familia dicti domini BENEDICTI. Si contingeret ipsum mori, aut procederetur ad electionem alterius aut non: si eligeretur alius, illi de Castella non obedirent sibi, quia juxta tenorem subtractionis suæ non obedient alicui eligendo, nisi fuerit unicus & indubitatus ab utraque parte receptus. Etiam

A Arragonenses, nec alii qui se non subtraxerunt obedient ei; quia dicunt eos qui se subtraxerunt fore schismaticos, licet malè.

Si non procederetur ad electionem, quia incertum est si habebitur pax universalis utriusque partis in brevi, remaneret Ecclesia diutius cum magno dispendio sine capite. Item periculum est propter processum, si qui dicantur facti contra cardinales, per quos dicerentur inhabilitati ad eligendum, & dictis processibus obedirent illi qui se non subtraxerunt. Nescitur si domini cardinales aliquid advisaverunt super hoc, seu providerunt, quia circa hoc versatur periculum, non solum eorum, sed totius Ecclesiæ. Sed fortè quia ignorant ea quæ dominus BENEDICTUS significavit hîc ultimatè, in nullo forsan super hoc providerunt. Intellexi tamen quod dominus rex dedit ipsi domino BENEDICTO salvamgardiam, quod bene factum fuit, sed illa salvagardia non proficiet ei contra mortalitatem.

IV. Quartò venit ad illa ex quibus timendum esset verisimiliter quòd pax universalis posset impediri, etiamsi ambæ partes simul pro pace convenirent: quoniam tunc dominus BENEDICTUS posset proponere quòd multi diffamaverunt eum de hæresi, & ipse requireret quòd super hoc audiretur. Hi qui eum diffamaverunt, si vellent eum super hoc accusare, quia ipse esset paratus stare in judicio Ecclesiæ catholicæ suæ partis, ad quam pertinet de hoc cognoscere secundum communem sententiam doctorum, & non videtur dubium quin requisitio illius justa esset, nec posset ei secundum justitiam denegari. Et eo casu oporteret separare istam Ecclesiam catholicam ab alia parte intrusi, & intendere circa examinationem hujus oppositionis, in qua fortè oporteret insistere per mensem & menses, & alia pars nollet expectare tamdiu; & nescitur si dicta pars vellet super hoc convenire ulterius; & sic diceretur quod ista congregatio inconsultè facta fuerat. Et si dominus BENEDICTUS hoc non peteret, nonnulli alii vel omnes istius partis possent hoc petere ad finem, ut per hoc sciretur si ipse illa facere posset, & auctoritatem præstare illis de quibus in articulis tractatus pacis dicitur contineri, quoniam si non esset papa, nullo modo posset illa expedire de quibus ille cavetur.

Item, secundò fortè diceretur ab aliquibus quòd illa quæ sunt concordata per dominum BENEDICTUM, fuerunt per violentiam concessa, & multi essent qui crederent illa non valere eo casu. Et si obedirent de facto, tamen plures haberent conscientias læsas hinc ad centum annos.

Item, tertiò cum dicatur in articulis tractatus quòd, utroque renuntiante, ambo collegia haberent eligere unum tertium, esset difficultas magis propter processum, si qui facti fuerunt contra cardinales, quibus processibus obedirent, ut supra dictum est, illi qui se non subtraxerunt, & per consequens non reputarent papam electum ab eis.

Videtur etiam multis valentibus viris, quòd si congregetur per dominos cardinales concilium generale hujus Ecclesiæ, quod ibi pene omnia



omnia ista mala tollentur, quæ turbant Ecclesiam, & possent impedire pacem, & multa utilia poterunt ibi advisari, per quæ efficacius & utilius procurabitur pax universalis Ecclesiæ, & citius pervenietur ad eam, quam Deus præstare dignetur. De congregatione concilii hujus obedientiæ scripserunt domini cardinales de sacro collegio, quod omnino videtur eis expediens, antequam fiat universalis congregatio duarum partium.

V. Ad quintum veniens supplicavit regi & dominis quod velint ista considerare, & alia quæ dominationes eorum melius considerata cognoscent; & pio affectu compatiantur calamitatibus Ecclesiæ, & procurent remedia opportuna, considerato quàm maximè, quod spes Ecclesiæ, & potissimè dominorum cardinalium, post Deum in terris in eis est: & propterea confidenter domini cardinales ad requestam regis eis expositam per suos nuntios processerunt ad subtractionem, & alia quæ fecerunt.

Item, supplicavit quod eo casu quo tractu temporis alia conclusio notabilis in facto Ecclesiæ recipienda esset, antequam conclusio reciperetur, consulerentur domini de sacro collegio, qui multum tanguntur in hoc, & qui continuè vigilarunt & vigilant circa materiam, sicut bene tenetur, & per Dei gratiam sunt ibi notabiles domini, qui in pertinentibus ad ea sciunt tam in his quæ sunt juris, quàm in his quæ sunt facti, bene consulere; & domini duces dixerunt hoc dominis cardinalibus, dum pro causa Ecclesiæ fuerunt in Avenione ultimati.

Item, supplicavit tertio, quod eo casu quo tempore futuro peterentur aliqua à rege, quæ tangerent primatiam Ecclesiæ Romanæ, dignentur more suo super hoc consultè procedere, & cum deliberatione gravi, prout materia requirit: quoniam posset esse magnum periculum super hoc.

Quarto supplicavit quod eo casu, quo tempore futuro ageretur de vicario creando in ista Ecclesia, dignentur recordari quod domini de collegio nullo modo consulunt: immo dissuadent; quod hoc esset res nova & inaudita, & ad impedimentum pacis & unionis.

EPISTOLA (a) A REVERENDISSIMO Patre domino Simone de Gramaudo patriarcha Alexandrino, super materia unionis Ecclesiæ composita, missa per eum domino archiepiscopo Cantuariensi.

Anno 1400  
Ex mss.  
Gemmeti-  
ensi.

Domino Cantuariensi archiepiscopo, totius Angliæ primati, & sedis apostolicæ legato nato SYMON ecclesiæ Alexandrinæ minister humilis dictus patriarcha, salutem & spiritum compassionis salubriter afflictis impendere.

Inter commoditates inventionis humanæ nihil censetur utilius beneficio scripturarum. Per hanc enim hominum absentia quadam efficaci sup-

(a) Hæc epistola scripta fuit cum Rupertus dux Bavariz recenter esset ad Romanorum imperium assumptus: id quod contigit anno 1400.

pletur præsentia. Epistolarum verò allocutio sicut scribit Apostolus, gravis res est & fortis, & præsentia corporis infima; & sermo contem- tibilis, saltem meus. Nullam ergo scribendi consolationem digniorem fore his diebus æstimo, quàm si de his quæ ad pacem sunt Ecclesiæ per scripta efficaciter sermocinemur inter nos. Sed quia immoderata brevitæ, sicut idem scribit, intelligentiam aufert, & Horatius: Obscurus fio, dum brevis esse volo, necesse fuit epistolam hanc aliquantulum dilatare: quia sicut in Isaia scribitur, breve pallium infra dicenda non posset cooperire.

Navem igitur Petri, in qua omnes Christi fideles velificant, & nos prælati utimur ministerio; & sub uno magistro nautico fungimur officio, flante Austro, & procellis intumescens periclitari conspiciens, Isaia præcipiente, clamare, & vos nautas excitare compellor, dicens cum Paulo: Attendite vobis ne navem nostram cælestibus divitiis & æternis mercibus onustam, aut procella tempestatis arripiat, aut fluctus absorbeat, aut in æternam prædam pirata crudelis abducatur. Hanc enim per quam designatur Ecclesia in suæ constitutionis primordio JESUS-CHRISTUS verus Deus verus homo, cujus etiam in mari via est, super unum ædificavit, licet ad opus ædificii multos disposuerit operarios: & ut unitatem manifestaret, unitatem ejusdem ab uno incipientem, sua, sicut dicit Cyprianus, auctoritate disposuit. Hæc, inquit, ab unitate exordium proficiscitur, ut Ecclesia Christi una monstretur, in qua episcopatus unus est, episcoporum numerositate concordi, incremento fecunditatis extensus, sicut multi sunt radii, sed unum lumen, & rami arboris, & unum robur tenaci radice fundatum ab uno, sicut de fonte multi rivi defluunt. Et nobis navigantibus per hoc mare magnum & spatiosum, in quo reptilia quorum non est numerus, & animalia pusilla cum magnis, id est mundus, caro, dæmonia, inito nobiscum agone luctantur, Petrum patronum præposuit, ut fideles Christiani qui in navi portantur, à patrono directi, per viam rectam incedentes ad portum, id est, ad Christum cum fidelibus traherentur: & sibi successoribus claves regni cælorum, id est Ecclesiæ justorum & cælestium divitiarum, quibus navis, ut prædicatur, est onusta, custodiamque & gubernationem eorum quæ sub clavibus continentur, non ut domino, sed ut ministrorum Dei præcipuo dispensatori commisit, & omnes qui sibi subduntur in navi subjecit ei, & potestatis plenitudinem cælestes divitias debite dispensandi & ministrandi, prout cuilibet de familia videbit necessarium dedit. Unde Hieronymus ad papam: Beatitudini tuæ, id est cathedræ Petri consocior, super illam Petram fundatam Ecclesiam scio. Et super illud *Tibi dabo claves*, &c. dicit Glossa: Specialiter eam Petro concessit, ut ad unitatem nos invitaret. Et ideo principem apostolorum eum constituit, ut Ecclesia unum principalem Christi vicarium haberet, ad quem diversa membra recurrerent: ipsumque principem Ecclesiæ ceteri apostoli voluerunt volun-

tate consequentiæ, Dei ordinationem amplectentes. Et licet quantum ad ea quæ sunt ordinis, sicut est potestas conficiendi corpus Christi, & in foro pœnitentiali absolvendi de peccatis, in foro contentioso dispensandi, beneficia conferendi, & populum, in quo quilibet in gradu suo ea quæ sunt ordinis exerceat, assignandi, indulgentias dandi, & cetera quæ sunt jurisdictionis, Petrus solus & sibi successores habent potestatis plenitudinem, & illi quibus canonicè in partem sollicitudinis ipse committit vices suas. Et sicut cardine ostium regitur, sic ejus auctoritate omnes ecclesiæ, domino disponente, regi debent. Nam si diversa essent capita, procul dubio unitatis vinculum rumperetur.

Sed hodie, proh dolor! de successione Petri & navis gubernaculo inter duos sic lamentabiliter concertatur, quod multitudinis credentium non est cor unum & anima una: immo Ecclesia militans, quæ in universitate fidelium consistit, & habet pro utroque diversa juris argumenta, nullum istorum tenet, sed circumcirca volvitur, sicut Jo. Mo. in simili referebat, & in occidente ubi sol justitiæ oriri consueverat, ubi terra fecunda dominici seminis puritatem centeno fructu referebat, & apud quos patrum servabatur auctoritas incorrupta, lucifer ille qui ceciderat, supra sydera posuit thronum suum. Et sicut vetus oriens inter se populorum furore collisus, occidens hodie indivisam Domini tunicam minutatim per frustra decerpit: & Christi vineam exterminat aper de silva, & ferus vivas depascitur eam, cum per duos sic per tot annos lacrymabiliter plurimi fluctuamus.

Et ille qui in Ecclesia Romana episcopum habente episcopus fieri à desertoribus per ambitum nititur, episcopus non est, sed alienus & prophanus, non secundus sed nullus, sicut Cyprianus Cornelio & Novatiano contendentibus de Novatiano dicebat.

Judicia, excommunicationes, dispensationes, absolutiones, promotiones, & beneficiorum collationes, indulgentiarum concessionem, & illa quæ solus Romanus pontifex facere potest facta per eum, & promotos ab eo, quia jurisdictionis sunt, sicut B. Thomas asserit, umbra sunt quædam in opere & nihil in effectu, quia fundamentum potestatis Petro solum & suis successoribus collatum deficit, & à fonte vero rivus non fluit: Unde Cyprianus ipse: A fonte præcide rivum, præcisus arefcit. Ab arbore frange ramum, germinare non poterit. Et episcopi potestatem non potest, nec honorem habere. Et Gregorius: Qui in ovile ovium non per ostium sed aliunde ascendit, ad æternæ salutis bravium in vanum se fatigat, nisi honorem, in quo deliquerit, penitus derelinquat. Et licet credam quod ordinati aliàs in forma ecclesiæ per tales characterem recipiant, Guillelmus tamen in suo Sacramentali dicit characterem sic receptum inefficacem, nudum, crudum, frigidum & quasi mortuum esse: immo character talis, sicut ipse asserit, intus ortus occidit, id est ortus in animam, potius ipsam in occasum quam in statum ponit, nec executionem habet. Et ita qui creduntur epis-

copi in ecclesiis, in quibus sunt per intrusum promoti, non sunt: quia in populo non potuit ipsis dare intrusus executionem ordinis quam non habet: Et qui creditur plebanus, vel sacerdos proprius, vel aliter prælatus, non est in loco ad quem per intrusum promotus est.

Nec dubium hujus schismatis ita diu neglectum principes, & prælatos, & alios majores, excusare debet, sicut nec aliàs tempore Innocentii II. & Petri Leonis, & Alexandri III. & Octaviani excusati fuerunt: Sed sicut dicit Apostolus, *Ignorans ignorabitur*. Et sicut dicit Augustinus, hoc de illis intelligendum est, qui nolunt intelligere ut bene agant. Et illis hoc ignosci non poterit, qui habentes à quo discerent, operam non dederunt. Et nos præcipue qui fructus Ecclesiæ quotidie in stipendium abundanter sumimus, onus damnationis lacrymabiliter incurrimus, ut dicit Ambrosius, sic sine labore percipiendo mercedem laboris.

Et intrusus ipse cum sequacibus suis à canone & adversario jus habente anathematis mucrone percussus est, sic quod janua regni cœlestis, nisi debite reconcilietur, ut in canone Hieronymi scribitur, ipsis clausa erit. Et in historiis scribitur de Stephano III. papa, quod tam à Gallia quam Italia episcoporum synodum Romæ congregavit, in qua omnia à Constantino intruso ordinata exordinavit, præter baptismum & chrisma, decernente synodo, ut episcopi ab illo consecrati ad gradum, quem antè consecrationem habebant, redirent, & si digni judicarentur, iterum electi iterum consecrarentur. Presbyteri verò & diaconi ab illo consecrati similiter ad priorem gradum redirent, & si digni essent, iterum consecrarentur. Et Johannes XIII. jussit ordinatos à Leone cartam continentem hæc verba omnes sibi apportare: Pater meus nihil habuit & nihil mihi dedit; & sic depositi remanebant in gradibus, in quibus ante ordinationem erant, & si digni inveniebantur, iterum consecrati ordinabantur. Et si ista vera sint, quod episcopi & presbyteri ab intruso ordinati ordinem non reciperent, clarum esset quod illi qui creduntur episcopi, ordines non conferrent, nec ordinati sacerdotes essent. Et sic pars quæ intruso adhæret in lacu miseriæ & de luto fœcis miserabiliter prostrata jacet, & quæ sit illa, nescio: Deus scit. Et sententia prædicti consilii & aliquorum doctorum opiniones dictæ sententiæ conformes magnum faciunt scrupulum multis. Nam Petrus Blesensis in epistola scribit: Sicut non intelligitur præcessisse dedicatio vel baptismus ubi de talibus dubitatur: ita nec eos reputamus episcopos, quorum consecratio ignoratur: nec ignorantia quantum ad hoc aliquem excusaret; quia licet in prophanis quandoque secus, in spiritualibus semper veritas opinioni præfertur. Et multi conscientiosi homines isto durante schismate promoveri ad sacros ordines, nec ad prælaturas voluerunt, dicentes & multum probabiliter, quia illi qui isto tempore promoventur, scienter exponunt se discrimini, & per hoc graviter Deum offendunt. Quid dicam cum Salisberienfi, neminem ita stupendum esse

credo, qui non malle diceret se deleri, quàm A quòd pro eo tanta fieret turbatio.

PETRUS DE LUNA qui BENEDICTUS dicitur & PETRUS DE THOMASSELLIS qui BONIFACIUS nominatur hodie sic lacrymabiliter de papatu contendunt. Quilibet horum vocatur Petrus, sed qui verus Petrus est? quia, ut dicit Ambrosius, non turbatur navis quæ habet Petrum, sed quæ Judam. Hæc & similia cum Gregorio flens dico & gemens denuncio, Augustini doctrinam secutus, qui ad Casulanum sic loquitur: „ Quisquis metu alicujus veritatem occultat, iram B „ Dei super se provocat; quia magistimet hominem „ quàm Deum. Melius est, inquit, pro veritate pati „ supplicium, quàm pro adulatione beneficium.

Quis istorum quæso verus pastor est? Pastor bonus animam ponit pro ovibus suis, & isti pro salvatione gregis dominici statum dimittere non curant; quem non propter se habent, sed propter populum, cui verbum & sacramentum domini ministrare deberent, & pro eorum scandalo vitando esse vel non esse deberent: quia non propter se, sed propter eos sunt, sicut Augustinus in libro C suo contra Cresconium Grammaticum asserit. Et bonum esset desiderium, si Romanus desideraretur episcopatus, non ut præesset episcopus, sed ut prodesset. Nam tunc scire debet quicumque se episcopum non esse, cum præesse dilexerit, non prodesse. Et verè, sicut dicit Gregorius, cappa rubea, quam portant, plus mœroribus affligitur quàm honoribus gaudet. Si præceptum Domini lucidum factum apostolis de majoritate concertantibus illuminaret oculos eorum, si beatum Clementem imitarentur, pro sedatione D scandali, honorem de quo contendunt, sicut ipse fecisse legitur, libenter deponerent; & Leonem, qui sicut historiæ referunt, cum ad renunciandum Romam pergeret, angelos canentes audivit: Ego cogito cogitationes pacis & non afflictionis, qui adhuc in Tullo sicut sanctus veneratur & colitur; & episcopalis dignitas sic, ut meritò dicit Augustinus, fructuosior ipsis esset, si gregem deposita colligeret, quàm quando sic detenta dispergit. Et Dionysius ad Novatum, Beatius est subire martyrium, ut Ecclesia non F scindatur, quàm quòd idolis non immoletur. Nec licet papæ in Ecclesia præsidere, nisi omnes conatus suos isti causæ per quam salus universalis infestatur impendat. Et sic labe schismatis se graviter maculant isti ambo, si pro tam gravi vitando scandalo, sicut de jure tenentur, non renuncient; & secundum Augustini doctrinam, quia sub alio salus Ecclesiæ potest esse tuta, non fugiant sicut Christus in Ægyptum, quia clarè schisma faciunt, qui jura servare contemnunt, & per hoc Ecclesiam dividunt: & forsan bene electus ab intruso non differt, quia schismatis facinus, sicut Salisberiensis dicit, quos inquinat, æquat. Sed induratum est cor eorum, sic quòd diebus nostris, proh dolor! sacerdotalis dignitas est in despectu, & sanctus honor in crimine, & pro confusione sonitus „ maris & fluctuum navis juncturæ laxantur. Et, „ ut conquerendo narrat Salisberiensis, prophant sancta, concutiunt populos, regna sollici-

*Theauri Anecd. Tom. II.*

tant, ecclesiarum disrumpunt facultates, ut pecuniam congregent, & carnem & sanguinem fo- „ veant, & familiam nobilitent, ut gloriam suam „ quærant, ut in clero dominantur, non ut forma „ facti gregis ex animo, sed labiis & sibilatione „ officii pastorem induunt, tyrannis tamen facilius quàm principibus æquantur. Nihil in omnibus tyranno perniciosius, sed ecclesiasticus perniciosior est, & sicut in Isaia scribitur, *Trahentur ad inferos, superbia eorum concidet, cadaver eorum subitus sternetur tinea, & operimentum eorum vermis.* Et Job: *Si ascenderit in celum superbia eorum, si nubes caput eorum tetigerit, quasi sterquilinum in fine perdentur, & peccatum eorum non delebitur in æternum.*

Nec est novum quòd ambitionis flamma sicut ignis qui comburit silvam, Ecclesiam consumserit. Beda enim scribit quod contra legem fuit, quod Anna & Cayphas licet alternis annis summi pontifices erant. Sed jam, inquit, pontificatus ambitione erat infectus. Et sicut in gestis Romanorum legitur, per ambitionem papatus à quodam cardinali Nicolao fuit primo introducta perfida secta Machometi. Post tempus illud, sicut scribit Hieronymus, Galliæ, Britannia, Africa, Persis, Oriens, India, & omnes barbaræ nationes unum adorabant Christum, & unam servabant regulam veritatis: & dominandi libido etiam introduxisse legitur schisma Græcorum. Et inde scribit Hieronymus, quòd veteres scrutans historias, non invenit Ecclesiam Dei scidisse, & in domum Domini populum seduxisse, præter eos qui in sacerdotio positi sunt. Vertuntur, inquit, in lacqueum tortuosum, in omnibus locis ponentes scandalum. Utinam rumor de veteri faciat futura caveri! Et si saltem Salisberiensis Anglici, cujus memoria in benedictione est, & fama ubique Angliæ „ merum decorat, in Anglia consilium audiretur, procul dubio, sicut ipse asserit, schisma cessaret, quia deesset temeritatis adjutor. Et si, inquit, Ecclesia Dei erigatur in spiritus libertatem, si mysterium sceleris subire detractat, soli inter se schismatici decertabunt. Interim contineat Ecclesia manus suas, & gladius Petri mandato Domini tegatur in vagina: oret ne deficiat „ fides, & expetens in cribro satanas non disperdat. Et quia schismaticis consentientes justos „ nocentes faciunt, quiescamus omnes stantes à „ longè cum Petro, & statim videbimus finem. „ Augustinus super psalmum cx. & ad Deodatum cap. 1. sic dicit: Nonne episcopi auctores fuerunt schismatum? Porro autem si plebes ipsæ non dividerentur, erubuissent illi in divisionibus suis, & ad compagem remeassent. Dividuntur „ duces, dividuntur & plebes, ut cæcus cæcum sequatur, & simul in foveam cadant. Et sequitur infra: & quomodo probatur quòd carnales dividuntur, cum unusquisque dicit: *Ego sum Pauli, ego autem Apollo, ego verò Cepha.* Nam tunc carnales estis, & secundum hominem ambulatis. Rogo vos, fratres, audite & perficite, excutite vos de hujusmodi divisione carnali. Lucifer ille qui omnibus angelis erat prælatus, omnia cælorum agmina opinatus est ad suum velle flecte-

Iiii ij

re: quorum quidam hinc superbienti faventes, cum eodem irrecuperabiliter damnati ad inferos ceciderunt. Postquam autem huiusmodi fautores pari sunt poena multati, ceteri qui potius Creatori adhæserunt, verbo sunt Domini consolati: ita quod de cetero casum aliquem non pertimescunt. Hoc nempe tunc promeruerunt, quando perverso prælato non consenserunt.

Sed ecce quid hodie aliqui, qui opes quærunt & lucra desiderant, quorum proprium est, ut dicit Lactantius, fingere & mentiri, proferre non verentur in medio? Remaneant duo isti sicut sunt, & unus facta alterius approbet, & superviventi omnes obediant: Sed hoc magis contra legem esset, quàm illud quod de Anna & Caypha Beda dicebat: quia illi solùm fuerunt alternis annis, isti verò simul & semel ecclesiam quæ non potest habere nisi unum sponsum, irreparabiliter contaminarent. Absit, absit à cordibus fidelium, quod de sanctuario Dei permittamus simoniacæ hæresis trapesitas sicut de hereditate pacisci. Nam si per ambitionem sic infici nostrum pontificatum permetteremus, profecto ad ruinam abiret, sicut pontificatus, de quo Beda, qui tempore Octaviani legitur defecisse. Isti sunt qui malè agentibus pulvinar sub cubito & cervical sub capite ponunt, ut qui ex culpa corripiti debuerant, in ea laudibus fulti molliter quiescant, & per eos laudatur peccator in desideriis animæ suæ, & iniquus benedicitur. Isti per consensus uniformitatem faciem peccatorum assumunt: quibus cum propheta dicamus: Judicatis iniquitatem & faciem peccatorum sumitis. Et qui alicujus commodi, temporalis gloriæ, principatusque sui gratia, falsas vel novas opiniones vel gignit, vel sequitur, sicut dicit Augustinus in canone, hæreticus est. Quare, inquit Hieronymus in epistola, proferunt in medio quod Petrus & Paulus edere noluerunt? Cur post mille annos docere nituntur, quod ante nescivimus? Cur superstitiosis adinventionibus adinvenire nituntur, quod sanctione sanctorum Patrum scitum non est? In ea, inquit, fide senex moriar in qua puer natus sum. Quid dicam illis qui dixerunt, hereditate possideamus sanctuarium Dei? Impleat Deus facies eorum ignominia, ut quærant nomen suum, & sciant quia non est nisi ipse solus Dominus in omni terra. Et si in uno episcopatu procedente à cathedra Petri sicut rivus à fonte, est à patribus duos simul poni sub poena anathematis prohibitum, quanto magis in stipite hoc solum aperire nefandissimum est? Sed potius remedium à patribus nobis clarè datum debemus amplecti. Dicunt enim quod ubi duo de dignitate Ecclesiæ quæ non potest habere nisi unum sponsum, & cujus neuter fuit possessor pacificus, contendunt, tunc neutri est de fructibus & honoribus reddendum.

Alii verò quilibet suo obedire trepidant, & non obedire formidant: ne aut obedientes Deum in suis præceptis deferant, aut rursus non obedientes Deum in electo priore contemnant. Sed Gregorius ad hujus labyrinthi exitum viam præbet, ut cum mens inter minora & majora

A peccata constringitur, si omnino nullus sine peccato aditus patet, minora semper eligantur: quia qui murorum undique ambitu ne fugiat clauditur, ibi se in fugam præcipitat, ubi brevior murus ingeritur. Si stateram divinam de scripturis sanctis & de thesauris dominicis afferamus non dolosam pro arbitrio nostro, quid si gravius quidve levius, vel istorum amborum jugum abjicere & Christi Ecclesiam unire, vel ipsis adhærere & omnes catholicos in discrimen tantum relinquere, statim percipiemus. Quæ, inquit Hieronymus, ista bonitas? quæ ista misericordia, dum quidam paucis parcunt, & universæ Ecclesiæ moliuntur interitum? Non putes, dicit Bernardus, contra caritatem esse unius scandalum multorum recompensare pace: melius est quod pereat unus, quàm unitas. Et Deus ipse per Moysen, quid facere debeamus nos docet: Recedite, inquit, à consortio virorum istorum durissimorum, ne simul pereatis in peccatis eorum. Sicut jam nos & alii plures ab istorum obedientia recessimus, & natando, ut evadere queamus, jam ad litus exivimus, & ceteros alios in tabulis quæ de navi sunt post nos ad terram trahimus, sicut de navi quæ Paulum portabat legitur contigisse. Nam ecce clamat per prophetam Spiritus sanctus, Discedite, discedite, exite inde. Alibi quoque vox auditur de cælo præmonens: Exi de ea, populus meus, ne particeps sis delictorum ejus. Qui exit, delicti particeps non fit, plagis verò & ipse constringitur, qui socius criminis invenitur. Nec per hoc acephali sumus: quia Ecclesiæ Christus caput est, sed Johanne Andrea teste, hoc asserere prope hæresim est. Nec etiam per hoc nostrum prosequimur, immo sicut Pelagius scribit in canone, errant huiusmodi fabulatores rumoris, non persequitur, inquit, nisi qui ad malum cogit: qui verò malum prohibet ne fiat, non persequitur iste, sed dirigit. Malum, inquit, est schisma esse, & per exteras potestates huiusmodi opprimi debere homines & canonicæ scripturæ auctoritas, & paternarum nos regularum veritas docet. Sed boni viri potius ad auxilia quàm ad convitia meditantur.

Sed statim sequuntur aliquorum vaniloquia dicentium: Quilibet de suo papa certus non est. Non est qui sibi dicat, cur ita facis? Dicere contrarium est ponere os in cælum. Melior est obedientia quàm victimæ, & Deus in Petro præcepit suis majoribus obedire, etiam discipulis. Sed utinam tales dictum Augustini super psalmo bene attenderent, Excellentes in Ecclesia, inquit, paci debent vigilanter intendere, ne propter suos honores superbè agendo schismata faciant. Subditi autem ita ipsis obedire, ut semper Christum anteponant, nec eorum vana auctoritate seducti, se à Christi unitate disjungant. Et alibi Hieronymus: Non semper malum est non obedire, sed magis obediendum spiritus quàm corporis Domino. Et Cyprianus in epistola: Hominibus contra Deum credunt, qui contra homines Deo non obediunt. Nam Petrus & successores ex officio suscepto non licentiam peccandi, sed necessitatem bene vi-



vendi susceperunt. Et eorum potestas, sicut scribit Apostolus, est ad ædificationem, non ad destructionem. Et religiosi devoti ad dictum Hieronymi aures aperiant. Sancta, inquit, rusticitas quantum ex vitæ merito Ecclesiam ædificat, tantum nocet, si eam destruentibus non resistat. Et inde Symmachus papa suis prædecessoribus prædia Ecclesiæ alienantibus resisti decernit. Et si isti ambo subsunt Evangelio bene consideremus. Christus dixisse legitur omnibus apostolis: *Vos omnes fratres estis*: & inde ordinem per quem ad correctionem fratrum procedere debemus, nobis dedit, cum in Evangelio dixit: *Si peccaverit in te frater tuus*, &c. Nec Petrum legitur exemisse. Sed Paulus ordinem à Christo datum secutus Petrum reprehendit, & sibi in facie restitit. Et ille sollemnis Glossator Decreti in casu de quo Ecclesia graviter scandalizatur, contra papam modo prædicto procedi debere docuit: quia papa subiectus est Evangelio, velit nolit. Et si in papa pacifico hæc procedant, quanto magis in quolibet contententium prædictorum, qui si per suos cardinales vel principes & prælatos qui sibi obediunt, & satis respectu ipsius Ecclesiam repræsentant, requisitus audire noluerit, ut sicut ethnicus & publicanus ab omnibus Christi fidelibus habeatur, & in eo compleatur quod scribitur, Sal infatuatum ad nihilum valet, nisi ut projiciatur foras, &c.

Et illi qui ad propositum præsentis schismatis jura, quæ præcipiunt Romanis pontificibus obediri, allegant, sine dubio quadam sunt imaginatione veritatis illusi: quia de Romanis pontificibus, de quorum titulo Ecclesiæ non est dubium, loquuntur canonicæ sanctiones. Sed de duobus contententibus, quorum titulus ita dubius est, quod ex eo tam grave scandalum in tota Ecclesia est exortum, non sic. Sed & Honorius de talibus in canone *si duo* legitur decrevisse neutrum in papatu remanere debere: quod doctores verum esse asserunt, quando ex eorum electione in Ecclesia Dei grave est ortum scandalum, sicut nunc. Et si contra sanctionem canonicam ipsi retinere conentur, malè facerent, qui in hoc ipsis obedirent: quia æquè damnable est, ut dicunt jura, invadere & malè velle retinere. Sed & si unicus esset in papatu, de cujus titulo esset grave dubium, tunc ne propharentur sacramenta, monendus esset cedere; & si nollet, compellendus. Et sic doctor quidam antiquus qui libellum composuit, in quo inter cetera quærit, utrum liceat judicare de factis papæ, quem Anglicum fuisse existimo, clarè opinabatur: Et sæpe contententes de papatu per imperatorem & reges cum modico episcoporum numero, quandoque ambobus dejectis, & uno solum sæpe repulso, ut referunt historiæ, judicati fuisse leguntur. Et Salisberienfis de Innocentio II. & Petro Leonis contententibus de papatu, in suo Polycraticon sic loquitur: Esto quod iis liceat qui carnales sunt contendere de primatu, viris ecclesiasticis hoc usquequaque arbitror esse illicitum. Carnalium tamen exemplo sub imagine religionis obrepit impietas, & jam non modo contenditur pro sacerdotio, sed pugna-

tur: sed utinam qui ea tempora viderunt, consilium Bruti secuti essent, & contententes solos contendere paterentur, convenirentque in insula Liconia, aut aliò, si quis tamen locus bellis sive duellis est aptior, & sine orbis & Urbis periculo vincat alteruter; victus quoque, si victori placeat, demergatur in Tyberim; aut si cum eo mitius agendum videtur, retrudatur in caveam, victor quoque exul perpetuo deportetur ad marmora secunda, & ad metalla damnetur. Phanus enim schismatis quos inquinat, æquat: nisi quia plerumque qui fortior & ferocior & iniquior est. Et tales quidem Romulo potius succedunt in parricidiis, quam Petro in commissi dispensatione ovilis.

Sunt autem aliqui qui forsan malè intelligendo scripturam, uvam acerbam comedunt, dicentes: URBANUS semel habuit possessionem papatus, & per illos qui recesserunt, à sua obedientia, fuit sua possessione spoliatus. Restituatur ergo primò, & post vocetur ad causam. Sed Gratianus in corpore canonum ad ista clarè respondet. Si, inquit, in apostolica sede non fuit legitima institutio, non debet fieri restitutio: quia iudex non invenitur, cujus officio apostaticus posset excludi. Et in concilii generalis decreto scribuntur hæc verba: Ille qui per seditionem vel præsumptionem electus, ordinatus, seu inthronizatus fuerit; auctoritate divina & sanctorum apostolorum Petri & Pauli perpetuo anathemate à liminibus Ecclesiæ sanctæ Dei separatus abjiciatur, sicut antichristus, invasor, & destructor totius christianitatis; nec per hoc aliqua audientia servetur ei. Et ita canonicè processisse credimus, nec ad restitutionem prætentam tenemur secundum canonicas sanctiones. Et in ista opinione sic stetimus jam per XXII. annos. Et esset ita facile vos ad obedientiam BENEDICTI reduci, sicut nos ad obedientiam BONIFACII. Forsan si doctrinam Isidori sequerentur, atque regulas sanctorum Patrum quæ pro tempore, pro loco, & personis, pro negotio, instante necessitate, traditæ sunt, medullitus indagarent, sic se inter... cando in erroris labyrinthum non caderent, nec in causa Dei, ubi præcipuè de una fide agi deberet, esset de juris apicibus disputandum.

Audite quid aliqui, utinam crudelitatis contagio non venenati, ad excusandas excusationes in peccatis prætendunt. Nos verum papam habemus cui subijcitur, à quo propter aliorum scandalum recedere non debemus: quia utilius scandalum nasci permittitur, quàm veritas relinquantur. Sinamus illos abire cum intruso suo, quia cæci sunt, & duces cæcorum. Cyprianus dicit quod de ore & verbis suis unusquisque statim proditur: & utrum Christum in corde suo an verum antichristum habeat loquendo detegitur. Si linguis hominum & angelorum loquuntur, si sciant omnia sacramenta, & omnem scientiam, si habeant omnem prophetiam & omnem fidem, & distribuant omnia sua pauperibus & tradant corpus suum ita ut ardeant caritate, cujus est spiritum nutrire, concordiam non habeant, nihil eis prodest. Si causam propter quam



Romanus pontifex & ceteri episcopi præsentent studiosè considerarent, ad talia sic indiscretè non proflirent. Et qua fronte, dicit Augustinus in libro suo gestorum P. in futuro sæculo promissum à Christo sperabimus honorem, si sic christianam in hoc sæculo noster honor impedit unitatem? quia non propter nos, sed propter populos christianos episcopi ordinamur, & pro pace Christi episcopi debemus esse vel non esse. Et quod populis Christianis ad Christianam pacem prodest, hoc de episcopatu nostro facere deberemus. Et inde Salisberienensis de duobus contendebat de papatu: Habeatur hic pontifex, cujuscumque præcesserit canonica electio, qui Jonam imitabitur. Jonas ut naufragium tolleretur, naufragium fecit, maluitque perire solus, quàm alios involvere periculis suis. Et Salomon maternum convincit affectum, quia integrum meretricis calumniæ filium cedere maluit quàm partiri. Sed isti malunt ecclesiam scindi, quàm honorem non usurpare, & innocenti matri Ecclesiæ non inferre calumniam. De veritate ergo alia quàm præsententia populis intelliguntur prædicta. Et scandalum Phariseorum de quibus Salvator loquitur erat propter fidei veritatem.

O misera & quantum misera vox talis in ore præcipue sacerdotum, qui verbo Domini præcipientis proximum diligere sicut seipsum, palam contraire non verentur: Utinam ad verba Cypriani attenderent. Quis enim, inquit, sic durus & ferreus, quis sic fraternæ caritatis oblitus, qui inter fratrum multiformes ruinas & lugubres, ac multo squallore deformes reliquias constitutus, siccos oculos tenere prævaleat, nec erumpente statim fletu prius gemitus suos lacrymis quàm voce depromat? nec mihi ad leniendos dolores meos integritas propria & sanitas privata blanditur; sed in gregis vulnere crucior, & funeris mœrorem participo: jaculis illis grassantis inimici mea membra simul cum fratribus percussa sunt: sævientes gladii per mea viscera transierunt. Immunis & liber à persecutionis incursum fuisse non possum, sed in prostratis fratribus etiam me prostravit affectus. Utinam scirent & intelligerent illud quod scribitur: Erue eos qui ducuntur ad mortem, & qui trahuntur ad interitum deliberare non cesses. Et alibi: *Unicuique mandavit Deus de proximo suo.* Et amator est salutis propriæ, qui vitat alienæ mortis incursum. Et ille providus qui sollicitus est cladibus ceterorum. Et talium pectus ferreum, & cor verè lapideum compungere saltem deberet illud quod scribitur, mortem lugentibus infligit, qui eam cum potest non excludit. Et ideo tam sacerdotes quàm reliqui summam debent habere curam de his qui pereunt. Nam qui non repellit injuriam à socio, cum potest, æquè culpabilis est in vitio cum illo qui facit, & longè plus, qui ad stragem tanti populi definit obviare cum potest. Nec debitum obedientiæ quemquam super hoc excusabit, quia communis doctrina doctorum, specialiter Innocentii, qui fuit papa, habet, quod qui papæ obedit in illo de quo sequitur turbatio Ecclesiæ

A universalis, mortaliter Deum offendit. Nunc clarum est quod istorum ambitio, qua quilibet præsidere appetit in papatu, nedum Ecclesiam universalem turbat, immo omnino destruit. Illi igitur qui in tali præsententia obediunt BENE-DICTO vel BONIFACIO, quomodo poterunt se à peccato mortali excusare? Nec ad denegandum obedientiam est expectanda sententia, quia non est qui eam proferat, & in casu schismatis subditos ab obedientia prælati recedere jubent canonicæ sanctiones.

B Sed ecce quid hodie plures dicunt? Securi, inquit, episcopos & principes nostros sequimur. Nos oves sumus, illi pro nobis reddent rationem. Sed Aurelius doctor Augustinus in sermone suo de Pastoribus, ipsos vehementer reprehendit. Nonne, inquit, tales terrent verba Dei dicentis: si cæcus cæcum ducat, ambo in foveam cadunt. Et de morte ovium malignæ malus pastor malam reddet rationem. Numquid ideo sunt oves quia assignatur pellis Domino? Increpatur pastor, nec propterea in fauces lupi ut devoraretur ovium irruere desistit. Et si sint mali & negligentes pastores, hoc sibi exigunt merita populi, quia secundum merita subditorum, disponitur à Deo vita rectorum. Et Hieronymus in canone: Si malignum populus faciat in conspectu Domini & perseveret, talis Ecclesiæ iudex datur, sub quo famem & sitim verbi Dei populus patitur. Sed dicit Dominus, Nolo mortem impij, sed ut convertatur & vivat. Convertamur igitur à viis nostris pessimis; & colligamus nos ad montes scripturæ sanctæ, & sint ibi deliciae cordis nostri, ubi nihil est venenosum. Illæ sunt, dicit Dominus, oves meæ, quæ verbum meum audiunt. Verbum autem Domini contra istos duos contententes est: Væ pastoribus qui pascunt semetipsos & non gregem: lac comedunt, & lana operiuntur; & quod crassum est occidunt. Et dispersæ sunt oves meæ, & factæ sunt in devorationem omnium bestiarum & rapinam: propterea, dicit Dominus: Ecce ego super pastores requiram gregem meum de manu eorum, cessare eos faciam, ne ultra se pascant; & liberabo gregem meum de ore eorum, nec erit eis ultra in escam. Quæ si efficaciter audiremus, ut disrumperemus vincula eorum, abjiceremus à nobis jugum ipsorum; quia esurienti utilius panis tollitur, si de cibo securus justitiam negligat, quam frangitur, ut injustitiæ deditus acquiescat. Et multi sunt reges & prælati qui altero istorum obedire se dicunt, si ad nutum ipsorum de spiritualibus disponant. Tunc enim & non aliter obediunt, & de talibus scribit Bernardus: Quisquis occultè vel apertè fatagit, ut quod affectat pater sibi spiritualis injungat, se decipit; & qua re de obedientia blanditur, in ea re non ipse prælato, sed magis ei prælatus obedit. Sed eò res deducta est, ut quilibet illi credere videatur, à quo plus emolumentum receperit & honoris. Quilibet avaritiæ & ambitioni studet, Dei timor & conscientiae rectitudo, prostratus jacet.

F Et modicum huc usque cordi fuit hæc abominatio principibus orbis terræ: ex quo sicut piè

creditur à multis, à tempore schismatis percussiones majorum vidimus mirabiles, & quales prædecessores nostri vidisse non leguntur. Ut ergo tanti periculi latebras, & ita excitati æquoris fluctus evadere valeamus illæsi, nos episcopi ad solum Deum & salutem populi habentes aspectum, omni cupiditate semota, ad pacem Ecclesiæ habendam mutuum nobis auxilium & consilium viriliter præbeamus: & sicut canonis præcepto astringimur, Christi militum cohors candida hujus persecutionis urgentis ferociam turbulentam stabili congressione frangamus. Nam si quid nostrum à prædicto congressu se subtraxerit, à canone magis schismaticus quam sacerdos habetur. Et nonne si ad memoriam reducantur Ecclesiæ nascentis exordia, dicit Apostolus, quod sicut in uno corpore multa membra habemus: ita multi unum corpus sumus in Christo. Et Paulus: Unum corpus, unus spiritus, una spes vocationis nostræ, unus Dominus, una fides, unum baptisma, unus Deus: nec potest dicere oculus manui, opera tua non indigeo: aut iterum caput pedibus, non estis mihi necessarii; sed ne sit schisma in corpore, membra invicem debent esse sollicita: & si patitur unum membrum, compatiuntur sibi omnia membra. Et majores nostri hanc unionem conservasse, immò usque ad carnem & sanguinem propagasse leguntur. Nam frater Jacobus narrat quod Germanus Autissiodorensis & Lupus Trecensis ad Angliam, ubi schisma pullulabat bis de Francia profecti sunt, & pacem Deo cooperante fecerunt. Et vice versa, ut pauca de pluribus referamus, de Anglia inter ceteros Albinum seu Alcuinum in Franciam venisse legimus, qui clarus ingenio, in philosophia eruditissimus, Carolum magnum in omnibus artibus liberalibus instruxit, & Universitatem de urbe Parisius transtulit, quæ de Græcia illuc translata fuerat à Romanis: quæ & quantum unioni Ecclesiæ profuerunt novit Deus. Et tempore schismatum, præcipuè Alexandri III. reges nostri & prælati unanimiter ad extirpationem schismaticæ pravitatis, & palmam ecclesiasticæ unitatis exaltandam fructuosè legimus laborasse: quam unitatem, nec desideriorum temporalium varietas, nec contentiosa disrumpere deberet contrarietas voluntatum.

O si possetis excitare principes vestros, præcipuè illum quem noviter ad solium regium sublimastis, & cum ipsis pariter excitare, ut tales essemus amatores vitæ permanentis, quales sunt homines vitæ fugientis! Nonne quidquid est sub sole labor est & afflictio spiritus, vitæ præsentis excursus, fumus, & vapor? Gloria mundi fallax & seductoria decipit amatores suos: quicquid enim in futurum promittit, vel in præsentem prætendit, totum ad nihilum deveniet tamquam aqua decurrens. Cur terrarum discessio ad laborandum unanimiter pro pace Ecclesiæ, quemcunque catholicum retrahit? Verbum prophetæ est, *O terra, terra, terra, audi sermones meos.* Terra est homo, quia de terra sumitur, & in terram conversatur, in terram revertitur, terram sapit, terram lingit, terram sitit: congluti-

natus est in terra venter hoster, descendit in inferiora terræ, calique & cœlestium oblitus, pro terra litigat, pro terra pugnat, nec cessabit à talibus donec ad terram qui de terra est revertatur. Tunc illi septem vel octo pedes terræ sufficiunt, cui modo non sufficit camporum latitudo & vastitas regionum. O homo, gleba corporis, quæ est de terra, ad id unde sumta est reducetur, & funiculus hereditatis tuæ; quæ pro nunc pro terra litigas quasi hereditate possideas terram. Si virtus devotionis vos dominos prælatos & principes in intimis afficeret in hac causa Dei, omnis strepitus prævæ suggestionis abesset.

Recedant talia, & majores principes, qui intra Ecclesiam tempore schismatis præcipuè sic potestatis adeptæ culmina tenent, quod papam etiam facientem schisma, sicut decreti Glossator asserit, ut ad viam pacis redeat, coercere possunt; quia in tremendo judicio sunt de pace Ecclesiæ Deo rationem reddituri diligenter attendant. Et dominus HENRICUS qui nunc diadema regni vestri tenet, cogitet quod inclyti animi est famæ diligere commodum, quam nemo in futurum ipsum diligere putabit, si in novitate opinionis suæ non videt esse custodem. Providus enim institutor, hortum suum fecundis ornat plantariis, ut reddat fructus optatos, quæ sollicitis fuerunt exulta laboribus.

A guerra lamentabili, Deo volente, per treugam descivimus, & fœdus quidem firmitus, credebamus, cum rege defuncto inivimus, & in litterarum apicibus quas superveniens senium non delebit notanter exprimitur, quod hæc faciebamus propter Deum, ut liberius ad pacem Dei habendam efficaciter laborare possemus. O quam male, dicit Cyprianus, seipsum fallit & decipit, qui in materia ista aliud corde occultat, & aliud voce pronunciat! Et ille qui in vinea sua laborantibus dare quod justum est pollicetur, non ignorat si nos omnes ad suum sanctum opus explendum fideliter nos exposuimus, & si sibi aliqui servierint in tympano vel choro. Quæ autem postmodum evenerunt stupore magno attoniti conspiciamus, & est mirabile in oculis nostris.

In gestis tamen B. Germani Autissiodorensis legitur in Britannia, quæ nunc Anglia dicitur, alias contigisse, quod cum ipse & Lupus Trecensis episcopus de Francia pro pace Ecclesiæ venissent in Angliam, & rex qui tunc erat, quæ pacis erant exaudire noluisse, à regno miraculose ejectus est, & subuleus ad regni solium sublimatus, de cujus stirpe reges prodeuntes longo tempore fuerunt in Britannia dominati. Scribitur enim, Auferetur à vobis regnum & dabitur genti facienti justiciam. Et sicut docet Seneca, prudentis animus tribus temporibus dispensatur, recordatur præterita, disponit præsentia & futura prævidet. Et, Felix quem faciunt aliena pericula cautum.

Ex quo autem Francorum gens resumtis viribus Romanæ feritatis jugum à cervice propria repulit, ferinaque colla sub regum dominio subjecit, Christi Ecclesia veneranter adulta odori-

feros fructus ferens usque occidivos limites floruit; & sicut Historiographus testatur Normanus, sub regum Francorum moderamine Christi vinea succrescens innumeros fidelium ramos protulit. Ex hoc quippe, inquit, regno plurima Christianorum proruperunt ovilia, quæ velut apes ex suis alveariis multimodos ex diversis mundi partibus favos in cœlestibus obtulerunt sedibus, & hujus præclara insignia felicitis memoriam **GUILLERMUS** & inclyti reges Angliæ suæ prosapiæ, ceterique proceres nostri Ecclesiam semper de bono in melius propagando, non sub modio, sed super candelabrum in Anglia sic fixerunt, quod indelebiliter eorum opera bona totam insulam sicut sidus irradiant matutinum. Ab his, inquit, regibus Francorum perennis Jerusalem fabrica de luto fœcis schismaticæ sæpe erecta coram æterni regis obtutibus valida virtute pollens, ut stellæ lucidè fulget. Et præconia veterum præsens regis & regalium nostrorum docet in factis Ecclesiæ vera virtutum, & ipsorum devotio laudabilis suam servat originem, & fideliter posteris tradit, quæ in se gloriosa transmissione promeruit. Et qui mihi credere noluerit, saltem operibus credat, quia ubique cognoscitur, quod etiam fama teste laudatur. Tantaque devotione in hac causa Dei fervent, quod hujus respectu cetera quæcumque magna postponunt: quia universum mundum lucrari & animæ detrimentum pati meritò æstimant nihil esse. Et vestri regales quadam etiam necessitate astringuntur, ne à majorum suorum regum Franciæ probitate degenerent: quia sicut indigna posteritas laudes antiqui generis abnegat, ita præclara egregiè de patribus dicta confirmat: paternam namque gloria eos reddet inglorios, si patrum vestigia non sequuntur. Si Brutum etiam vellent imitari, de illo scribitur quod in ejus imitatione de Troja ad Albion non degeneravit Trojana nobilitas: immo Britones tantæ devotionis fuisse inveniuntur, quod **LUCIUS** rex Britannicæ tempore Eleutherii papæ, primò quàm Imperator & rex Franciæ per multa tempora conversus est ad fidem Christi. Et tempore Gregorii **EDIBERTUS** Saxo rex Cantuariorum primæ prædicationi Augustini, sicut dicit, Elinandus, nobile responsum dedit, & cum magna devotione ipse cum subiectis ad fidem conversus est. Et si principes vestri unanimiter ad pacem Ecclesiæ cum nostris procurandam concurrerent, credo quod illi qui duobus vel tribus pari spiritu & voluntate collectis se in medio eorum pollicetur esse futurum, pacem & concordiam diligentibus se promissam eis firmam tribueret. Quia illis vero pax repro-mittitur qui à Dei voluntate non dividuntur, & in his quæ solius Dei sunt delectantur: & primò quærentibus regnum Dei in ceteris felix successus promittitur.

Utinam Dominus vester inter primitias suæ dominationis, recentis suæ unctionis ostendat efficaciam! David postquam à Samuele fuit unctus, Spiritus Domini, sicut scriptura testatur, in eum erectus est à die illa in reliquum. Sanè quacumque die qua olei lenticula à Samuele

**A** perfusus est, mutatus in virum alterum, insiliente in eum Spiritu Domini, prophetare incœpit. Et utinam zelo domus Dei contra dissipatores Ecclesiæ concitetur. Nam sicut in canone scribit Augustinus, ad reges sæculi spectat pacificare Ecclesiam, de qua spiritualiter nati sunt; & si contra tales non commoverentur, de imperio suo malam Deo redderent rationem; & melius faciunt voluntatem Dei monentis, si istos ambos ad ejus ovile redire cogant, quàm si consentirent voluntati errantium; & ipsos & nos perire permetterent. Nec ipsi quia coguntur reprehendant, sed quo coguntur attendant. Et ipse idem super Johannem: Nabuchodonosor rex decrevit quod quicumque dicerent blasphemiam in Deum Sydrac & Abdenago in interitu essent, & domus eorum in dispersione. Ecce quod rex alienigena sævit ne blasphemaretur Deus Israel, quia potuit tres pueros de igne liberare: quare non sævient reges Christiani, quia Christus exsufflatur, ut non tres pueri, sed orbis terrarum cum piis regibus à gehennarum igne liberetur?

**C** Si patristare studeat, unionem Ecclesiæ per viam quam prosequimur nobiscum unanimiter prosequetur. Ille enim felicitis memoriam dux Lenchastriæ pater suus hanc viam, sicut à pluribus fide dignis audiui, semper laudavit & approbavit.

Sed nobis impropere aliqui quia istam viam singulariter elegimus. Sed cur hoc? Nam Seneca, ille vir prudens, in epistola ad propositum sic loquitur: Qui quò destinavit pervenire vult, unam sequatur viam, non per multas vagetur. **D** Non ire, inquit, istud est, sed errare. Et inde scribitur quod nescienti quem portum petat, nullus est ventus aptus. Proceres regnorum Franciæ & Angliæ cautelam hanc prudentissimè semper servaverunt, quod reges nostri, si de concordia ageretur, numquam mutuò se viderent, nisi prius super certa materia super qua fieri deberet conventio, esset maturissimè digesta: quia conventiones magnatum quæ fiunt generaliter & in confuso, potius sæpe pariunt discordiam, quàm finem pacis optatum: & semper timemus, attenta firma & fixa adhærentia partium quæ utrique istorum obediunt, recessum à conventionem discordem, quia tunc sine dubio esset novissimus error pejor priore, & teste Deo hanc viam sine fictione didicimus, sine invidia communicamus, & sicut sapiens scribit, ejus utilitatem non abscondimus.

Nunc autem **BENEDICTUM** nostrum, Deo cooperante, sic canonicè disposuimus, quod **BONIFACIO** cedente, mortuo, vel ejecto, ad cessionem pro bono unionis se reddit paratum. **F** Et multi de obedientia **BONIFACII** jam in via & ejus executione nobiscum concordant: sic quod schismaticæ tempestatis procella jam pro parte declinat, jamque portum securiorem naviculæ Petri promittit aura clementior. Sed non sic prudentiæ nostræ innitimur, quod viam meliorem, si reperiri posset, ad sedationem schismatis amplectere renuamus. Nam, teste Gregorio, stultus est qui in eo se majorem existimat, ut bona quæ viderit facere contemnat.

Sed

Sed in hac Dei causa à puero & anniculo cum Augustino vellemus edoceri. Non enim, inquit Cyprianus, vincimur, quando offeruntur nobis meliora, sed instruimur. Viam quamcumque discussionis, quam tamen BENEDICTUS semper quæsit, sedationi schismatis convenire, stantibus terminis sicut sunt, videre non potuimus. Ad executionem tamen viæ cessionis conventionem mutuam semper diximus fore necessariam, & quod cardinales omnes primitus approbati per utrumque, cessione facta, intrantes conclave, papam eligerent unum certum in forma juris. Et ita os illorum qui de nobis loquebantur iniqua, dicentes quod papam Gallicum habere volumus, veritatis fræno compescimus: quia omnibus cardinalibus in unum collectis, verisimiliter Gallicum non eligent, quia tunc in collegio Gallici erunt valde pauci. Utinam Tartarus vel Turcus, catholicus tamen, hodie pacificus esset in papatu.

Sed ecce tempus adest, de quo Salvator in evangelio legitur prædixisse, pseudo-episcopos insurgere, & multos seducere, & fideles suos multas habituros pressuras. Et sicut Augustinus & Hieronymus scribunt, multos hypocritas sub habitu religionis circuentes provincias callidissimus hostis dispersit: qui strepitu labiorum benedicunt Domino, & immunda mente interius veritati contradicunt: ex quo Ecclesia Dei sic diu stat inter incudem & malleum, & continuè supra dorsum ejus fabricant peccatores: quæ sic Deus evenire permittit, sicut dicit Augustinus, ut discutiamus pigritiam nostram, & sicut scribit Apostolus, probati manifesti fiant. Nam si carinarum nexibus solidati à prora & puppi mutui auxilii mittamus anchoras, navis per abrupta ad deteriora non ibit. Sed sicut sæpe inundationibus concussa elevata est in sublime, ille qui post nubilum dat serenum, inclytam speciosam suam succedentibus turbationum fluctibus agitatam oculo clementiori ex alto respiciet, & in sui nominis injuriam diutius conculcari non permittet.

Conveniamus igitur in nomine illius, cujus causam agimus, prælati & alii viri Deum timentes in bono numero, tamen æquali, ne major pars in numero personarum & minor quæ forsitan saniores se diceret, cujuscumque diffidii occasionem habeant: convenientem habentes potestatem ab aliis: quæ conventio effectum concilii generalis indubitanter habebit, & de pace Ecclesiæ Deum solum habentes præ oculis, tunc tractemus & concludamus. Nam in li. Mach. scribitur: Convenit ecclesia cogitare quid faceret; quia nos illam solum semper cum sinceritate cordis quæsimus, & vobiscum in domo Dei unanimiter habitare, sicut est bonum & jocundum. Speramus enim in illo qui duobus vel tribus in suo nomine convenientibus omnia quæ poscerint præstanda promisit, quod multitudini tantæ per unum spiritum supplicanti suam pacem & concordiam non negabit, nec contententium est in hoc casu, ut videtur, auctoritas necessaria, quia jura quæ de congregatione concilii per papam facienda loquuntur,

*Theſauri Anecd. Tomus II.*

A unum papam supponunt pacificum, qui in remedium schismatis fuisse legitur ordinatus. Sed nunc, prohi dolor! quod factum fuit ad remedium tendit ad noxam, & ita communi consensu, sicut majores nostri, ut dicit Hieronymus, in primitiva Ecclesia faciebant, eorum auctoritate minimè requisita, convenire possumus & debemus, sicut Symmacho & Laurentio contententibus; & tempore Benedicti ix. & alias sæpe synodo episcoporum paucorum sine eorum consensu congregata, quæ legitur fuisse sopita. Nec movere quemquam debent Liguria, & Emilia, ac Venetiarum episcoporum dicta Theodorico, quod ipse qui impetebatur Symmachus, debebat concilium congregare, quia tunc Symmachus erat papa pacificus, saltem de ejus titulo non dubitabatur, & per calumniam accusabatur de hæresi. Sed cum de ejus titulo fuit inter Laurentium & ipsum contentio, auctoritas Theodorici, ejus licentia non requisita, vocatis aliquibus episcopis in Ravenna, schisma compressit.

C Quidam tamen conventionem prædictam adhuc impugnare non verentur, dicentes, sicut verum creditur à multis, quod ad discutiendum quis istorum jus habet in papatu, omnibus attentis, conveniremus in unum. Ad deponendum verò illum, qui papa est, Ecclesiæ congregatio fieret frustra, quia nec ab augusto, nec ab omni clero, neque à populo papa deponi potest, quia potestatem habet non ab hominibus, sed à Deo. Et probat hoc illud quod in canone scribitur de Marcellino, qui licet idolis immolasset, concilium tamen noluit ipsum condemnare. Sed talia à conventionem nos retrahere non debent, quia misericors Deus, cujus Ecclesia non litigiosis opinionibus figitur, sed divinis attestacionibus comprobatur, agenda taliter moderabitur, quod ad rigorem justitiæ devenire non oportebit. Sed si ad hoc deveniremus, majores nostri, præcipuè glossator decreti & Hugo dicunt quod papa subest concilio in his quæ concernunt fidem & statum Ecclesiæ universalis. Nam si auctoritas quæritur, orbis major est Urbe, & sicut prædicitur, ejus auctoritas & potestas cessat, si per ejus factum Ecclesia destruitur. Et ita de Johanne xii. legitur fuisse factum. Et scribitur de Marcellino, causa quæ movit & movere debuit concilium, fuit quia sponte reatum confitebatur, & Ecclesia redemptis non claudit gremium. Et potestas papæ est à Deo, quia nullus illam potuit dare nisi Deus, sic quod ligata vel soluta per eum sunt ligata vel soluta in cælum; sed quod papatum habeat iste vel ille, à Deo est per cooperationem humanam, scilicet per consensum eligentium & electi: & secundum hoc per consensum humanum qui justè movetur, potest desinere esse in BENEDICTO vel in BONIFACIO. Nam potestas sacerdotum in his quæ sunt ordinis est sic à Deo sicut papæ, & si in peccato de quo notoriè scandalizatur Ecclesia, pertinacia & obstinatio papæ censentur hæresis, sicut duo prædicti doctores dicunt, sic quod papa pacificus accusari potest & condemnari, quia peccatum ariolandi est non obedire,

K k k k



& scelus idololatriæ non acquiescere : nonne in tam gravi schismatica divisione protervus censeretur debet hæreticus : quia schisma antiquum, ut dicit Augustinus, est hæresis ; & qui in schismate perseverat, jam configit hæresim, ne penitus Ecclesiam destruat, in concilio accusari poterit & condemnari. Nam doctor Augustini Aurelius dicit: Nos prælati habemus duo: unum quod Christiani sumus, alterum quod præpositi sumus. Illud quod Christiani sumus propter nos est: in eo quod præpositi sumus, propter populum est. In eo quod Christiani sumus attendatur utilitas nostra, in eo quod præpositi solum utilitas populi. Immo cum papa notoriè Ecclesiam scandalizat & destruit, ut glossator decreti asserit, sine spe veniæ gravius est puniendus, quam alius, sicut diabolus.

Et si decretum *Si duo* Honorii, sicut videtur multis, hodie locum habeat, in quo expressè ad requestam Ecclesiæ statuitur, quod si contingat duos eligi ad papatum, sic contra fas, quod de eorum electione grave oriatur scandalum in Ecclesia Dei, neuter debet remanere; sed alius de novo eligi, licet quælibet pars suo sic fortiter adhæserit, quod jam per patientiam fuerint per multos annos tolerati. Nunc ecclesia simul saltem per repræsentationem congregata poterit executionem prædicti capituli, sic patienter omissam, & nunc in iudicio deductam, sicut multi asserunt, viriliter praticare. Et ego qui sicut ceteri prælati in me præconis officium suscepi, licet immeritus & indignus, bona Ecclesiæ mihi assignata pro stipendiis nolens comedere mutus, pro hac causa Dei missus ad Angliam, & alia multa regna, laboravi clamans, sed lupi me viderunt, & raucæ factæ sunt fauces meæ. Dicit enim Ambrosius in Hexameron, & inter nos vulgus, quod quando lupus hominem videt, aërem corrumpit contiguum, qui corruptus clamorem impedit. Et quamvis Angliæ insula munda sit lupis, à longè forsan lupus respiciens me & alios clamantes raucos fecit, & aures aliquorum ut non audirent obturavit. Et in Proverbiis scribitur: Qui obturat aures suas ne audiat, ipse clamabit & non exaudietur. Nec per hoc verenda detego, sed potius verenda confuto. Illi verò qui retribuunt mala pro bonis detrahunt mihi, licet cum sinceritate cordis unitatis prosequar bonitatem. Et in cælo testis meus. Utinam dictum Gregorii detrahentes meditentur: Quid, inquit, aliud faciunt, nisi in pulverem sufflant, & terram in suos oculos excitant? Et cum magis detractionis perfiant, inde minus vident aliquid veritatis.

Sed vos non sic, Pater & Domine; sed sustinete si quid est insipientiæ meæ, & supportate me nunc, quando ille amplius me non videbit, & in Isaia ne cesset præcipitur. Voce clara beatissimum martyrem Thomam olim Ecclesiæ Cantuariensis archipræsulem tota mentis devotione clamans exoro simpliciter, ut hodie cum flagellum indignationis suæ super nos omnes Dominus sic acriter intenderit, stet pro nobis omnibus: & sicut in persecutione sua caritative in Francia se tractatum fuisse humiliter profiteretur, misericorditer Christi clementiam inter-

pellat: ut ipse qui pax nostra est, in viam pacis faciat Franciam & Angliam utraque unum.

Vobis autem hæc mea scripta dirigere signanter disposui, quia sicut in gestis B. Gregorii legitur, Cantuariensis Ecclesia totius Anglicæ gentis in Christi fide meritò mater esse probatur; & in ea Merlini vatis Britanniae cernitur aptissimè vox impleta. Dignitas, inquit, Londogniarum adornabit ruinam, scilicet Cantuariensem Ecclesiam. Et vos sicut primas totius Anglicæ singulorum onus & sollicitudinem portatis, sic quod de gradu celsiori pro salvatione gregis dominici, quasi tuba tenemini exaltare vocem vestram, & sicut Paulus Corinthios, in Anglia evigilare viros justos prædicando verbum: & sicut ipse docuit instando opportunè & importunè, ut dominus ille qui in folio vestro regio præsidet, & ceteri procures excitati, saltem pacem exquirant Ecclesiæ, quam pressi desidia jam per tot annos prosequi distulimus. Nec cuiuscumque terror ab isto sancto opere vos retrahere debet: sed B. Thomæ martyris prædicti vestigiis inhærendo, fidei robur in vos stare debet, immobilis, & stabilis atque inconcussa virtus contra omnes incurfus, ne in tremendo iudicio sanguis fidelium ab illo qui potentes potenter punit, de vestris manibus exquiratur, & impropere vobis quod scribitur, canes muti non valentes latrare. Ille namque pro iuribus suæ Ecclesiæ defendendis mori non timuit: & nos cur ita timidi & vecordes erimus, & istos magis timebimus qui occidere nos non possunt quam Deum, qui in gehennam ignis corpus & animam mittere potest? Nam sæpe, sicut inquit Theodosius, qui terrent plus ipsi timent: fors ista tyranni.

Hujus etiam tempestatis schismaticæ sævitiam in diversis mundi partibus, etiam in Roma vos expertum fuisse non ignoro, & in magnorum discriminum angustiis illorum debent suffragia implorari, quorum prudentiam in altioribus negotiis experientia diuturnior approbavit, ad vestram ducens memoriam qualiter vos domini Anglici super ista conventionem aliàs regi nostro scripsistis. Et dominus RUPERTUS Bavarie per dominos archiepiscopos electores ad regnum Romanorum recenter assumptus, & domini archiepiscopi prædicti, & multi alii principes Almanniæ noviter significaverunt regi nostro, quod in festo B. Johannis Baptistæ proximè futuro Mettis vel in Argentina, sunt ad tractandum de pace Ecclesiæ cum illis qui CLEMENTI & BENEDICTO obedierunt, & nobiscum convenire parati. Tenentes igitur vos domini Anglici manum ad aratrum, retro per Dei gratiam non respiciatis: & ille qui pulsantibus aperiri voluit, si ad pacis ostium concorditer pulsemus, citò nobis tempus placidum dabit, & quasi post noctis tenebras floridum lumen aspiciemus, & post glaciem & nivem hyemis transeuntis, aurea nobis tempora & serena succedent: & si conversi non fuerimus, Deus ipse suum vibrabit gladium, ut plagam nobis inferat magis diram. Et ne hoc opus Dei amplius frustratoris dilationibus protrahatur, supplico quatinus saltem ad conclusionem conventionis prædictæ velitis



mihi breviter litteratoriè respondere: & si aures vestras scripturæ prolixitas oneret, causa Dei quæ me traxit ad culpam, etiam ad veniam intercedat. Deus omnipotens vos feliciter custodiat, & eos qui in tenebris & in umbra mortis sedent illuminare vos faciat ad dirigendum pedes eorum in viam pacis. Et si rhetoricæ hæc venusta non sint exornata gravitate, & politi sermonis nitore decorata, sed inclinato stilo deducta per planum, non est cura: quia hujus materiæ fructus non est in superficie, sed in medulla; nec in verborum foliis, sed in radice rationis. Et licet credam multos mihi infideliter detracturos, verba Pauli mihi præbent solatium: Gloria, inquit, vestra hæc est testimonium conscientiæ vestræ. Et Job: Ecce in cælo testis meus. Quid os igitur loqui valentium loquatur non curo, dum tamen à tramite veritatis non discedam. Quid enim, inquit Gregorius, detrahentes faciunt nisi in pulverem sufflant, & in oculos suos terram excitant, ut unde plus detractionis perflant, inde minus aliquid videant veritatis?

C O P I A A P P E L L A T I O N I S  
interpositæ per Leodienses à papa eorum  
post subtractionem obedientiæ per eos sibi  
factam.

Anno 1400  
Ex ms.  
Gemmeti-  
censi.

**I**N nomine Domini. Amen. Appellationis seu provocationis remedium ad innocentiam justum præsidium dignoscitur institutum, contra illos maximè qui in potestatibus constituti, innocentiam, veritatis & pietatis, justitiæ & fidei, ac veræ religionis sectatores, & sinceros zelatores sæpe quærunt opprimere, & etiam de bono opere lapidare. Hoc vero uti præsidio juri convenit naturali, justam cuilibet defensionem permittenti. Hoc etiam sanctorum Patrum & legum codicibus reperitur multipliciter esse cautum. Sic enim vas electionis B. Paulus apostolus sentiens sibi propter veritatis, fideique prædicationem & evangelii Christi dilatationem malum à Judæis Jerosolymis, & in via machinari & intendi, illac remitti noluit, nec etiam ibidem judicari, sed ipsorum fraudulentias præfato remedio elisit, & Cæsarem appellavit, ad ipsum cum appellatione remissus fuit, & sic persequentium laqueos evasit, & ab ipsis persecutoribus tamquam innocens dimissus fuit. Isto itaque præsidio tamquam magis necessario instantius utendum est, & hoc tempore periculoso, quo piè agere volentes majoribus persecutionibus subjici dispositi jam videntur. Unde honorabilis vir & discretus magister Goffinus de Momalia canonicus ecclesiæ S. Dionysii Leodiensis, procurator & procuratorio nomine reverendi in Christo patris & domini domini JOHANNIS DE BAVARIA electi Leodiensis, sub forma præsentis appellavit nomine suo, sui que venerabilis capituli majoris, & aliorum capitulorum, & prælatorum ecclesiarum collegiarum ac monasteriorum, totiusque cleri, ac etiam magistrorum, consulum & gubernatorum, totiusque populi civitatis & bonarum villarum patriæ

*Theſauri Anecd. Tom. II.*

**A** & diocesis Leodiensis, ac personarum singulorum earundem coram nobis tabellionibus publicis subscriptis, singulisque nostrum & testibus subscriptis astantibus, ad hoc specialiter vocatis & rogatis, pro ipsis reverendo Patre, prælatis, capitulis, clero, civitate, bonis villis, populo, patria ac universis & singulis supradictis, cujuscumque honoris, gradus, status, sexus, ætatis, & conditionis censeantur aut existant, ac quibuscumque ipsis aut eorum singulis adhærentibus aut adhæsuris successuris contra scriptum & descriptum inferius & eorum quemlibet sub protestatione quòd dictus magister Goffinus procurator quo supra nomine non intenderat, neque intendit ea quæ sequuntur, in illius vel illorum contra quos hujusmodi appellatio seu provocatio interponitur, injuriam, vituperationem, infamiam, aut famæ denigrationem, vel etiam aliquod quod malè sonet, vel à fide deviet, vel sinistrum quod significet dicere vel scribere. Quod si aliquid tale reperiatur, suæ intentionis fuit & est, quòd pro non scripto vel pro non appposito habeatur. Sed intendebat & intendit ipsam proponere, dicere, aut scribere ex mera necessitate, & propter pericula de quibus infra evitanda, ad prædictorum omnium etiam & singulorum dominorum suorum & aliorum quorumcumque dicto domino suo electo & sibi adhærentium tuitionem & defensionem tam in conscientis, personis, honore, quàm etiam bonis; propter etiam generalem obligationem qua universi Christi fideles astringuntur Ecclesiæ matri suæ & fidei compati, condolare, & subvenire, & etiam ad dicti domini sui electi & suam justificationem & innocentiam ostensionem, præfatus magister Goffinus procurator, ut supra, dixit, dicit, assumit & præsupponit ea quæ sequuntur.

**E** Primò quòd licet una sit Ecclesia, omnium mater, fecunditatis copiosa: quam unitatem Dominus designando, ipsam super unum edificavit, dicens ad Petrum: *Tu es Petrus, & super hanc petram edificabo Ecclesiam meam*: quæ ad modum solis radios multos emitrit, & ad modum arboris unius in ramos plurimos se expandit. Ex qua etiam veluti ex uno fonte & rivuli multi manant. Et licet omnibus apostolis post resurrectionem suam parem potestatem tribuerit, quando dixit: *Sicut me misit Pater, & ego mitto vos. Accipite Spiritum-sanctum, &c.* Ut tamen unitatem manifestaret, unitatis ejus originem ab uno incipere, & ad unum reduci, tamquam ad caput sua auctoritate disposuit, & ab unitate, ab exordio proficiscitur, ut causa Christi una monstretur. Hanc verò non quælibet terrena sententia, sed illud Verbum Patris quo constructum est cælum & terra, & condita sunt omnia elementa, fundavit. Et hæc ante præsens schisma, pro Christi nomine & spiritali reverentia reputabatur gentium domina, sedens in pulcritudine pacis in tabernaculis fiducia, & requie opulenta. Illo quidem tempore nihil in orbe ea solemnius, nihil præstantius, nihil lucidius, nihil habebatur reverentius. Tunc etiam temporis fides, devotio, cultus di-

K k k k ij

vinus, contemplatio & religio vigeant, litterarum studia, morum honestas, vera nobilitas, & sufficientia suos professores juxta Dei beneplacitum, & ad reipublicæ tam ecclesiasticæ quàm sæcularis ornatum ad meliora promovebant: justitia vigeat suum unicuique tribuendo: relevabantur oppressi, & virtutes copiosæ flore-  
bant.

Sed dixit & dicit secundò quòd postquam exigentibus peccatis hominum, etiam omnis status, majorum, mediocrium videlicet & puerorum, introivit in orbem hæc pestis schismatica, ferè ad viginti duorum annorum spatium jam protensa, obscuratum est aurum, & mutatus est color optimus, torque inconvenientia sunt secuta & continuè subsequuntur, quòd nec mens ulla posset concipere, nec lingua proferre, nec calamus sufficeret exarare, videlicet in christianam religionem ultra solitum malignitatis spiritum infidelium debacchatio, & hæreticorum in fidem catholicam frequentius hoc tempore præsumpta insultatio, cultus divini ubique diminutio, thesauri pretiosissimi Christi sanctorumque ejus sanguine acquisiti, & ceterorum hujusmodi quæ fori pœnitentialis existunt, incepta ne dicatur dispensatio, immo indiscretissima dissipatio, ad ecclesiasticas dignitates & beneficia frequentes indignorum promotiones, quibus sæpe nec ætatis maturitas suppetit, neque morum gravitas, neque litterarum scientia, nec conscientia, nec etiam nobilitas generis, immo solum eis suffragatur, & ipsos in sublimi constituit jure divino pariter & humano damnabilis & exosa talium venalitas. Adeo quòd jam ut plurimum non qui majoribus pollent virtutibus aut scientiis, sed qui majorum pecuniarum offerunt sacculos, promotiones obtineant potiores: ex quibus orbis catholici machina gravissimè concutitur, & populus christianus in spiritualibus & temporalibus infinita detrimenta consequitur, & mirabiliter, immo lamentabiliter defraudatur. Sic enim fit, ut qui per promotos in viam salutis æternæ & morum tramitem dirigi deberent, dum à cæcis, ut de aliis taceatur, ducatum accipiunt, in foveam dilabuntur; eo quod illi docere nesciunt, consulere cum unde non habeant non sufficiunt, patiturque populus Christianus sub ipsis, & tota reipublica verbi Dei, & omnis rectæ doctrinæ sitim famemque: quinimò per sic promotorum actus malos & exempla, boni & simplices depravantur; & dum in ovile Christi aliter quàm per ostium intraverint, damnabiliter administrant, & rem illicitè acquisitam in peccatis permanendo modo suo damnabiliter tractant, & contractant, aliosque seducunt. Eò quidem censuræ ecclesiasticæ ad medicinam animarum, ut salvæ fiant, teste Apostolo, institutæ, risui hoc pessimo tempore patent. Sacramenta insuper ecclesiastica, quibus tamquam speciali nutrimento christiana debet vivere professio, in debita reverentia non habentur; & in summa quidquid fidei, conscientiæ, devotionis, religionis, sive sanctitatis, quidquid rationis & sufficientiæ, quidquid veræ nobilitatis est, & cujuslibet boni valde

læditur, minuitur, destruitur, & horrendissimè relegatur. Nec est aliquis qui miseras, ærumnas, & calamitates dignè, ut res postulat, deflere sufficeret, vel ad plenum posset exprimere, quæ mundus sustinet ex hac peste maledicta.

Dixit & dicit tertio idem magister Goffinus procurator ut supra, quod dominus BONIFACIUS modernus fuit pluries requisitus, & evangelicè monitus, sibi que vicibus iteratis humiliter extitit supplicatum, quatenus mente pertractans errorem detestabilem & alia inconvenientia tacta, quæ ex tanta schismatis diuturnitate procedunt, & illa quæ quo ad hoc ejus officio pastoralis incumbunt, & sub quibus pœnis ac periculis unionem in Dei Ecclesia procurare tenetur, ad ea quæ pacis sunt se inclinaret, ac tantam à Dei ecclesia deleri maculam studeret, illius amore qui pro generis humani salute mortem dignatus est suscipere, cui placuit descendere de cælo & Patris solio, ut moriendo hominem liberaret. Cujus exemplo, qui vanum honorem non quæreret, potius solio transitorio cedere deberet, sicuti meritorie posset, ut Christianitatem ab hac peste liberaret. Fuerunt, inquam, prædictæ supplicationes, requisitiones, & evangelicæ monitiones dicto domino BONIFACIO factæ per reges, prælatos, & principes utriusque obedientiæ potiores, utpote Romanorum, Franciæ, Angliæ, & Castellæ reges, & signanter per duos sacri imperii electores, prælatosque, capitula, atque clericos provinciarum Colonienfis, Maguntinensis, & Treverensis. Qui quidem electores propter præmissa ad præfatum dominum BONIFACIUM miserunt suos ambaxiatores solemnes, & per illos scripserunt super præmissis, & ad finem superscriptum prædicti domini prælati & cleri, similiter & dominus electus Leodiensis ipsi domino BONIFACIO supplicantes humiliter, ut ab illis quæ Ecclesiam universalem scandalizabant & de præsentis scandalizant abstineret: ut etiam super unione Ecclesiæ diligentiam adhiberet. Fuit etiam humiliter supplicatum & scriptum per quemdam dominum ALBERTUM ducem Austriæ, & nonnullos alios dominos, ac Universitates studiorum, & civitates plures, tam Italiæ, quàm aliarum nationum, ut Christiano statui procurata unione prospiceret, ut tenetur. Nihil tamen propter hæc egit, prout apparet, pro Ecclesiæ reintegratione, nec paci ipsius procurandæ intendit, nec aliquod signum compatiendi sic afflictæ ostendit, prout sub pœna peccati mortalis & fautoriæ schismatis obligatus existit: nec super illis quæ, ut præmissum est, Ecclesiam universalem scandalizant, remedium aliquod apposuit, nec se quoad illa emendavit: immo incorrigibilis, seu induratus, de pejore in pejus processit, & mala malis accumulavit. Reipsa quantum est in eo taliter se habendo, ac si liceat illis insistere, & in tali divisione sit licitum permanere. Non attendens, proh dolor! quæ sequuntur. Primò quòd, teste B. Augustino, schisma inveteratum hæresis est, Christi fideles in devium ducit, universalem Ecclesiam, ut supra deductum est, non solum dehonestat & lædit: immo

ad exterminium totale & finalem interitum, si non occurratur, pertrahit, & etiam catervatim in baratrum infinitas animas præcipitat & demergit: immo fere omne illud extinguit & absorbet, per quod vivit ecclesiastica religio: & quidquid est politiæ communis & publicæ directivum per istam miserrimam scissuram quasi tollitur. Non attendit etiam quod summus pontifex, quamvis non requisitus aut monitus, illi rei omnes conatus suos debet, prout sub præcepto astringitur, impendere, per quam salus universalis Ecclesiæ procuratur: quæ salus in reductione ipsius ecclesiæ ad unionem nulli dubium maxime versatur. Nec attendit quod summus pontifex ex ejus actibus Ecclesiam universalem scandalizans, secundum sententiam doctorum subjacet depositioni. Nec etiam attendit quod Romanus pontifex subest evangelicæ monitioni: cujus tamen monitionis ordine servato est habendus homo, nisi pareat, tamquam ethnicus & publicanus. Utinam etiam attenderet quod illum dictum, Error cui non resistitur approbatur, de prælato quocumque verum est, qui errori, cui ex debito officii debet resistere, non resistit cum potest. Cum uno autem verbo levissimo tollere posset hunc errorem, & illi atque inconvenientiis quæ sequuntur ex illo resistere. Nulli verò dubium quod dicere vel asserere licitum esse duos Romanos pontifices simul & semel eadem potestate fungentes, erroneum est: in prælato verò magis videtur factò continuato & habituato, & in longum usum deducto, aliquid approbare, quàm de verbo, eo quod facta præsentium & majorum magis movent quàm verba.

Dixit etiam quartò & dicit dictus magister Goffinus procurator procuratorio quo supra nomine, ac assumit & supposuit, & assumit ac supponit ad justificationem illorum quæ inferius tanguntur, & præcipue illorum quæ prædictus dominus suus electus, ac decani, vicedecani, & capitula majorum, & aliarum abbates & prælati Ecclesiarum Leodiensium, nec non etiam totus clerus, & populus, ac magistri, consules jurati & gubernatores populi civitatis & oppidorum patriæ Leodiensis, fecerunt de subtractione obedientiæ, ut infra tangetur, quod secundum doctorum Ecclesiæ sententiam, cui concordant canonicæ sanctiones, ubi juvenibus senior, vel inferioribus superior, vel minus doctis doctior ad interitum animarum exemplum præbet, vel viam parat, vel ipse à fide exorbitat, vel ipsos ad devium ducit, tunc districta increpatione ab eis ferendus est. Et illo casu oves pastores reprehendere possunt, tunc enim docti ab indoctis sanius sapiendo possunt redargui. Hoc enim casu Paulus Petro non detulit ipsum dignitate præcellenti, quin potius ei in faciem restitit. Sic Daniel adhuc puer presbyteros condemnavit. Nam infatuatum sat, id est prælati insipidi ducentes in devium, ad nihil valet, nisi ut projiciatur foras, id est deponatur. Illo casu subjugale mutum voce hominis loquens prophetæ vesaniam reprehendit. Ex quibus sic concluditur quod licite talium detestari potest infania,

& illorum distorta, & Deo contraria itinera sanius sapiendo redargui possunt & debent. Cum igitur dominus BONIFACIUS, & ejus adversarius, tot annis jam Ecclesiam divisam tenuerint, quod schisma dudum, ut præmissum est, in hæresim transierit, quantum in eis fuerit, taliter se habendo, ac si liceat ita manere. Nec ipse, prout nec ejus adversarius, super unione procuranda diligentiam aliquam fecerit in effectu, neque viis sibi propositis ad fedandum schisma præsens, se secundum circumstantias occurrentes convenientibus atque bonis, ullam earum acceptare voluit, neque dare aliam meliorem aut æquivalentem, factibilem, sicut nec ejus adversarius, prout tamen quilibet ipsorum sub poena peccati mortalis & fautoris schismatis ad hoc tenetur, quamvis pluries solemniter & à solemnibus super hoc requisitus & evangelicè monitus fuerit, ipse & ejus adversarius. Sequitur quod tales ipso facto hujusmodi errorem approbantes, & ecclesiam universalem scandalizantes, tamquam à fide exorbitantes licet increpare, licet redarguere, & eis ne navem submergant, vel gregem in præcipitium ducant, licitum est, ut supra deductum est, obviare, & ab ipsis, ut in simili scriptum est, & ab ipsorum tabernaculis tamquam à viris durissimis se licitum est separare, prout de Johanne duodecimo & nonnullis aliis, ut historiæ testantur, reperitur esse factum. Ipsi igitur domino BONIFACIO aut ejus adversario in hoc casu non suffragantur scripta quæ per nonnullos allegantur, videlicet, oves pastorem non reprehendant, inferioresque superiorem non judicent, neque papa judicari potest, aut deponi à quoquam nisi à concilio generali, & hoc in uno solo casu, videlicet cum de hæresi veniret accusandus, nec obedientia auctoritate propria tolli potest à subditis; & duæ sunt potestates, spiritualis videlicet & temporalis; neque temporalis spirituales judicare potest, nec de ea quidquam per modum auctoritatis potest decernere vel etiam ordinare. Et sic de aliis ad idem tendentibus, quibus per ea quæ supra & infra patet satisfactum.

Dixit & dicit quintò idem magister Goffinus procurator quo supra nomine, ac præsupponit, & pro justificatione dicti domini sui assumit & assumit, quod cum verum sit, quod omnes casus provisione indigentes, non possint in legibus vel constitutionibus particularibus comprehendi, nec per ipsas omnibus necessitatibus potest provideri juxta varias circumstantias occurrentes, secundum tamen quamdam virtutem moralem justitiæ directivam datur vel habetur facultas interpretandi, vel potius trahendi legem ad commune bonum, ubi verba ipsius legis cessant, & ubi incumbit necessitas secundum bonam considerationem moralem, & virtutem quæ Epikeia à philosophis dicitur, datur licentia vel auctoritas providendi. Et propterea licet secundum verba juris canonici vel ipsorum verius corticem, de communi cursu legis, nisi pro crimine hæresis, papa non possit deponi: cum tamen certum sit hujus schismatis notabilem

prolongationem universæ christianitatis fore subversionem, & verum sit generalis concilii convocationem, prout res se nunc habent, maximam includere difficultatem, tantam fortassis, quantam schismatis sedatio vel partium concordatio, & ad minus notabilem temporis prolongationem inducentem fidei ac militantis Ecclesiæ periculationem, propter morbi, id est ipsius schismatis inveterationem, & partium hinc inde radicatarum habitationem, causantes ipsius schismatis, nisi celeriter prospiciatur perpetuationem, veluti inter Græcos & Latinos propter eandem causam, scilicet incuriam & damnabilem negligentiam, noscitur esse factum. Cum igitur una pars contendendum alteri cedere non est disposita, nec una obedientia aliam cogere potest, prout nec in tali materia coactio cadere debet, nec una pars aliam suasionibus trahere ad se potest, nec potuit huc usque, prout ex lapsu tanti temporis patet. Nec ipsi contententes, dum tamen bonis & honoribus solitis & consuetis frui possent & gaudere, non curarent, nec vererentur semper ita stare, prout fere viginti duorum annorum lapsus & obauditio diligentiarum, supplicationum, summationum, requisitionum, evangelicarum monitionum, de quibus supra, apud ipsos interpositarum clarè manifestant, & etiam refutatio viæ factibilioris, videlicet cessionis ostendit: quæ causa juxta morbi inveterationem, temporum, regionum, locorum diversorum, spiritualium & temporalium personarum, singularium affectionum, conscientiarum, & omnium hoc schismate durante acitatorum, omniumque considerationum exigentiam, & tam inveteratæ pestilentiae circumstantias, & earum habitationem certius & citius apparet sanativa; & quæ etiam videtur contra omnes anfractus plenius provisiva secundum moralem considerationem de qua supra. Ipse tamen dominus BONIFACIUS est contentus, ut realiter apparet, ita stare, istam viam refutans, vel saltem non acceptans, cum non det aliam meliorem, vel æquivalentem non prober. Sequitur quod pro conservatione militantis Ecclesiæ, attentis omnibus quæ præmissa sunt, recurrendum ad dictam virtutem moralem legalis justitiæ directivam, & juxta necessitatem incumbentem est etiam procedendum, ut non sic periclitetur fides & Ecclesia, nec perpetuetur schisma, & ne ducantur animæ ad præcipitium, destructionem, & ad interitum. Et cum sit ita quod sicut hanc scissuram maledictam moverunt opes, & illam suscitaverunt honores, sic ejus tam diutinæ durationi fomentum ministraverunt beneficiorum collationes, honoris delectatio, spiritualium ac etiam temporalium bonorum perceptio, meritò prædictorum ministrationem supranominati sui electus ac decani, vice-decani & capitula majorum & aliarum abbates & prælati ecclesiarum Leodiensium, totusque clerus & populus civitatis, patriæ ac diocesis Leodiensis, ipsi prædicto domino BONIFACIO subtraxerunt, & ab ejus obedientia justè, sanctè, ac licitè, zelo ducti domus Dei, quæ est

A Ecclesia recesserunt, præmissis rationibus induci, prout ad hoc tenebantur & tenentur omnes Christi fideles, alias schisma maneret immortale: utilius enim secundum Augustinum esurienti panis tollitur, si de cibo securus justitiam negligat, quàm esurienti panis frangitur, ut injustitiæ seductus acquiescat. Et hæc non fecerunt propter dubium quod habebant de ejusdem domini BONIFACII justitia in papatu, quam non revocarunt in dubium, nec umquam dubitarunt de eadem. Stat enim profectò de ejusdem

B justitia indubitata fides cum summo desiderio optatissimæ unionis, & per consequens cum dicta subtractione, tamquam cum medio convenientiori, & citiori, immo cuilibet debito, tamquam promptius ad unionem deducendi secundum illa ad quæ res jam devenit. Quamvis enim à principio aliæ viæ forsan quàm cessionis tentari debuissent, & etiam tunc à dicta subtractione incipi non debuisset, postquam tamen semper sperando de diligentia ipsorum contendendum de papatu circa extirpationem schismatis, &

C post monitiones, requisitiones, & diligentias jam clarè appareat induratio & obstinatio, atque nisi occurratur, directæ schismatis perpetuatio, id est dispositio ad ipsam perpetuationem, quæ totius christianitatis induceret subversionem, res sic mutata, & ad talem statum deducta, quod non apparet inter vias repertas convenientior & subtilior via cessionis ad finem schismatis celerem, desideratum, & necessarium fidelibus consequendum, licuit ipsis dominis electo, decanis, & vice-decanis, capitulis, prælati, clero & populo prædictis: immo debitum fuit eis facere quod fecerunt: non obstante juramento præmissio vel alia obligatione quacumque. Nam ubi id quod juratur eo tempore quo juratur licitum est & licitè fieri & servari potest: si tamen ex postea supervenientibus res ad eum deducatur casum quod servari non possit sine peccato & præjudicio animæ, vel ejus observatio ad iniquum vergat seu tendat: tunc non obligat hujusmodi juramentum, nec est aliquatenus observandum, sicut si quis juret apud ipsum deponenti gladium, eidem illum restituere quandoque petierit, & ipsum deponentem contingeret effici furiosum, & ipse in illo furore constitutus reposcat à depositario gladium suum, certum est quod sibi restituere non tenetur. Res enim mutata est, & malum ex dicta restitutione verisimiliter esset secuturum, puta interfectio alicujus vel læsio, nec mansit deponens in statu in quo erat tempore depositionis. Et certum est juramentum, promissiones, aliosque actus obligatorios suos habere intellectus civiles & canonicos ac debitos. Est etiam juris vera & certa traditio, quod ubi concessio, privilegium, vel obligatio in suis terminis primævis facta, id est ejus observatio tendit ad noxam, aut absurditatem inducit: eo modo præcisè vel in forma non debet servari; sed est ad moderamen debitum & rationale deducendum. Cum igitur experientia docente clarè pateat, ex longo temporis lapsu, & ex spreis monitionibus, summationibus, supplicationibus, & requisitionibus,



evangelicis monitionibus, & aliis superius tactis pluries, quòd si quælibet pars suo semper obediret, & sibi solita ministraret, numquam esset finis schismatis, & quòd ex hoc fides Christi nutat, & Ecclesia perit, ipsique sic se habentes schisma veraciter foveant, & per consequens eis obedire est fomentum schismati ministrare; debitum fuit & licuit dictis dominis obedientiam, ut præmissum est, subtrahere; & in hoc præfatus dominus electus, ac decani, vice-decani, capitula, abbates, & prælati, clerusque & populus, & alii supradicti justè & sanctè egerunt, filialem nihilominus obligationem in hoc observantes. Sicut enim casui seu periclitationi filiorum parentes prospicere debent, & jure naturali obligantur; sic modo suo filii patrum periclitationi & præcipitio debent ex debito obviare, concurrentibus illis quæ superius sunt deducta.

Nihilominus tamen ad dicti domini electi noviter & præfati magistri Goffini procuratoris; ut supra, prout idem procurator assererat, venit notitiam; & dicebat quòd super hoc esset communis opinio atque fama, quòd idem dominus BONIFACIUS coram multis & magnis sæpe comminatus est prædictis dominis suis, & singularibus personis cleri & populi, civitatis & patriæ, ipsorumque magistris, & gubernatoribus, &c. de procedendo contra eos propter subtractionem obedientiæ antedictam, & occasione ejusdem, asserens quòd procedere intendebat contra dictos dominos suos, ipsis adhærentes & adhæsurus, ad privationem privilegiorum, libertatum, beneficiorum, inhabilitationem personarum, declarationem schismaticæ vel hæreticæ pravitatis, suspensiones & interdictiones, ceterasque censuras & pœnas ecclesiasticas, ipsarumque fulminationes per edictum & alias rigorosissimè; ad hoc nonnullos fautores suos commisisse vel deputasse, qui suos jam processus, ut dicitur, incœperunt, prout ad ipsius domini electi & dicti magistri Goffini procuratoris pervenit auditum. Ecce mirum valdè si non intendit ipse aliud remedium quàm per istum modum circa unionem apponere, desipit si sic sapit: quoniam hoc profectò non est ad unionem tendere, sed discordiam discordia cumulare; nec animas lucrari, ut incumbit sibi, sed perdere. Numquid sic agendo & ultima prioribus mirabiliter, immo lamentabiliter & mente obstinata continuando, est Ecclesiam Christi ad talem statum deducere, quòd de cetero non adjiciat ut resurgat? Utinam oculos cordis ejus Altissimus aperiat, & aures ejus non aggravet; immo utinam intelligat ac novissima provideat, ut si stat, videat ne cadat, & ad aliam vitam post istam permanfuram magis quàm ad istam transitoriam respiciat & attendat; & iterum utinam tantum esset sibi horrore scissura Ecclesiæ, sicut Christum crucifigentibus divisio tunicæ domini fuit inconfutis, & sicut etiam fuit veræ matri divisio sui pueri coram rege Salomone. Omnia verò & singula præmissa vera sunt, & quantum in facto consistunt, ea posuit & ponit dictus magister Goffinus procurator

A prædictus quo supra nomine, & ea probare intendebat & intendit, & obtulit ac offert se probaturum quantum sufficit ad intentum: quæ etiam omnia idem magister Goffinus procurator asseruit & asserit coram nobis tabellionibus publicis subscriptis fuisse gesta, & actitata in præjudicium dicti domini sui electi, sui que capituli, & cleri, ac populi singulorumque suprapositorum, civitatis, & patriæ, ac diocesis Leodiensis ac sibi adhærentium & adhæsurorum, injuriam  
B & oppressionem, læsionem, opprobrium, vituperationem, damnumque non modicum & gravamen. Idcirco dictus magister Goffinus procurator nomine dicti domini electi, & pro ipso domino electo venerabilique suo capitulo majori, & ceteris capitulis, prælatisque, ecclesiis, monasteriis, totoque clero, magistris gubernatoribus & populo ac singularibus personis eorundem, cujuscumque status, gradus, vel conditionis existant, sentiens per dictum dominum BONIFACIUM commissariosque ejus, quorum  
C pro nunc nomina & cognomina ignorantur, ac etiam committendos ab eodem eidem adhærentes & adhæsurus, ipsius sequaces & eum secuturos, eundem dominum suum electum, suumque capitulum majus, ecclesias, clerum & populum, singulosque præmemoratos fuisse & esse læsos, gravatos, & oppressos, ac timens ex verisimilibus conjecturis posse in futurum plus eos lædi & opprimi ac gravari: & ne idem dominus BONIFACIUS per se seu prætenso commisso aut committendos, adhærentes aut adhæsurus, sequentes vel secuturos, seu aliam quamcumque personam quocumque nomine censeatur  
D contra dictos dominos suos electum, clerum, & populum; singulaque supposita ejusdem patriæ & diocesis, quibuscumque nominibus censeantur, cujuscumque gradus, honoris, vel conditionis existant, vel eis adhærentes vel adhæsurus, ad hujusmodi libertatum, privilegiorum aut beneficiorum privationem, seu personarum quarumlibet inhabilitationem, citationem per edictum, aut aliam monitionem, contumaciæ reputationem, suspensionem; interdictum, excommunicationem, anathema, aggravationemque hujusmodi pœnarum, & quarumcumque aliarum censurarum ecclesiasticarum sententiam, condemnationem, declarationem, fulminationem, publicationem, intimationem, insinuationem, seu notificationem procedat, vel  
E procedi faciat de facto cum de jure non possit, coram nobis tabellionibus publicis & testibus infra scriptis, à prædicto domino BONIFACIO prætensoque commissariis & committendis, adhærentibus, succedentibus aut successuris, sequacibus aut secuturis, & quolibet ipsorum, & contra quemlibet ipsorum, necnon ab omnibus & singulis gravaminibus prædictis illatis, aliàs latius declarandis, si sit opus, & etiam inferendis, ad proximum futurum unicum, verum, orthodoxum, pacificum, & universalem papam, ejusque sanctam sedem apostolicam, seu ad illum qui de hujusmodi causa appellationis seu provocationis de jure agnoscere poterit, in scriptis quo supra nomine provocavit & appellavit, pro-



vocat & appellat, & à nobis tabellionibus publicis subscriptis, & à quolibet nostrum petit & petit primò, secundò, & tertio, ac instantè, instantius, & instantissimè apostolos saltem testimoniales super hoc sibi dari, protestans de aliis apostolis petendis, à quibus de jure fuerint petendi ac hujusmodi appellatio & provocatio in vim veræ appellationis transeat, si contingat contra ipsam quomodolibet attentari, necnon de hujusmodi provocatione & appellatione latius declarandis eis addendo, vel minuendo, &c. ipsas intimando, insinuando, notificando, prosequendo, iterum appellando, provocando, apostolosque petendo, ubi, dum, quotiens, & coram quibus visum fuerit expedire. Submittens & supponens, specialiter & expressè, in quantum de jure fieri potest, ipsos dominos suos electum, ac decanos, vice-decanos, & capitula majorum & aliarum, abbates, & prælatos ecclesiarum Leodiensium, ac totum clerum & populum, necnon magistros juratos & consules, & gubernatores, singularesque personas, & supposita civitatis patriæ & diocesis Leodiensis, & seipsum & singulos sibi ac dicto domino suo adhærentes & adhæsuros & successuros prædictis præmissorum & etiam omnium & singulorum, ac beneficiorum, & officiorum suorum, jura & bona quæcumque & ubicumque existentia, præsentia & futura, dicti futuri unici ac veri summi pontificis, ejusque sanctæ sedis apostolicæ, seu illius qui de hujusmodi causa cognoscere poterit de jure, tuitioni, protectioni, & salvæ gardiæ, spirituali assistentiæ, invocando in testimonium præmissorum.

Et quoniam Christiani reges & principes quibus divinæ virtutis & imaginis quid inest, & auctoritas à Deo instituta, ad unionem Ecclesiæ totis viribus procurandam præ ceteris incomparabiliter astringuntur, eò quòd ipsam à Christo tuendam susceperunt, à quibus majorem exiger rationem, quibus ipse commisit majora dominia, quæ à Deo esse, & sub ipso illa se habere negare non possunt. Ea propter eisdem consideratius & specialius pro adhæensione, tuitione, favore, & defensione in præmissis humillimè dictus magister Goffinus procurator, ut supra, supplicavit & supplicat, quatenus ipsi procuratori pacis & unionis Ecclesiæ sanctæ matris diligenter dignentur intendere; & ipsos obnixius taliter deprecabatur & deprecatur, & ut nunc ipsi erudiantur & intelligant qui judicant terram, & in hoc serviant Domino in timore. Vix enim est aliquid in quo magis ei servire possent. Ad pacem igitur Ecclesiæ, immo totius christianitatis salutem procurandam, si placet, incumbant, matrem desolatam respiciant, misereantur oppressæ, depressam erigant, ægrotanti medelam adhibeant, dexteram porrigant, de lectulo surgere vix valenti & opem suam gravissimis suspiriis flagitantem non ultra obaudire præsumant.

Ad vos igitur reges & principes, hujus necessitatis tempore potest, immo debet, ut dictus procurator asseruit, hujusmodi sermo esse, ô reges & principes, ut intelligatis & erudiimini & apprehendatis eloquiorum sanctorum disci-

plinam, nequando irascatur Dominus, & quod absit, pereatis, considerate, si placet, quæ hactenus evenerunt orbi catholico detrimenta, etiam ipsius orbis principibus propter eorum forsitan negligentiam circa Ecclesiæ relevamen, hac maledicta peste durante, & adhuc videtur manus Domini extenta. Non igitur diutius in hac parte torpeatis, nec jus vestrum negligatis, immo partem vestram diligenter servate: attendentes quòd illi qui intra Ecclesiam positi sunt, si contra fidem & disciplinam ecclesiasticam agant, principum auctoritate & rigore, teste scriptura canonica, conteri debent, ut sic ipsam disciplinam quam Ecclesiæ utilitas exercere non prævalet, cervicibus renitentium principalis potestas imponat.

A prælatis verò & pastoribus Ecclesiæ etiam instantius adhæSIONem prædictam cum humilitate dictus magister Goffinus procurator duxit postulandam, eisque super diligentia ab ipsis efficaciter in præmissis adhibenda serius supplicavit, quòd jure propensiori ad hoc tenentur, qui veluti columnæ in domo Dei constituti censentur, pro qua præ ceteris se mutum debent opponere. Negligentiam ergo in tanta non solum depellenda, immo tollenda miseria hactenus lamentabiliter commissam sine mora supplicavit & supplicat ipse procurator, quibus supra nominibus, purgare dignentur; & pro succursu matris universalis, in qua culmina tantorum tenent honorum, & dignitatum possident fastigia, viriliter se accingant hoc tempore quo eis Deus se videtur offerre.

Et hoc idem à doctoribus cum omni precum instantia exposcit, qui quasi æquè ut pastores ad hoc obligati videntur, eo quòd ipsorum ordo in Dei Ecclesia censetur esse præcipuus. Nam etsi pastores, ut ordo scripturæ videtur innuere, ipsos præcedant, & ministerium ipsorum antecedit, utique isti illos immediatè subsequuntur, & eis textualiter convertuntur. Nunc igitur à somno excitati torporem excutiant, & de tanta segnitie culpam dicentes, jam ut splendor fulgeant firmamenti, & opere atque sermone, quod esse dicuntur, lucernæ videlicet ardentes, ostendant realiter non fingendo, non simulando, non ulterius pigritando: adhuc enim aliquid diei superesse videtur. Et generaliter ab omnibus christianis cujuscumque status aut generis sint, eandem adhæSIONem cum omni instantia sæpèdictus magister Goffinus, quo supra nomine petit & requirit, eo quòd ipsorum in hoc interesse vertitur: adeo ut hæc causa popularis & publica meritò sit dicenda: quoniam, teste Apostolo, omnes unum sumus in Christo, qui Christi caractere dicimur insigniti, & per consequens hæc materia omnes concernit christianos, & ad matris reparanda solatia operam adhibere tenentur in qua renati sunt, ex qua pascuntur spiritualiter & vivunt, & in qua ipsos mori necesse est, ut in perpetuum vivant: quod omnibus fideliter in præmissis laborantibus concedere dignetur Unigenitus Dei Filius Dominus noster JESUS-CHRISTUS, qui vivit & regnat in sæcula sæculorum. Amen.

Acta

Acta fuerunt in loco capitulari ecclesiæ majoris Leodiensis sito versus palatium episcopale, coram reverendo in Christo patre & domino domino JOHANNE DE BAVARIA, Dei gratia electo Leodiensi personaliter præsentem, & omnia prædicta gratificante, omologante & approbante: ac coram venerabilibus & discretis viris dominis vice-decano & capitulo dictæ ecclesiæ majoris, necnon decanis, vice-decanis & capitulis ecclesiarum secundariorum, ac magistris juratis, gubernatoribus & consulibus civium Leodiensium, propter hoc, ut dicebatur, ibidem specialiter inductis, convocatis, & congregatis per sæpe dictum magistrum Goffinum procuratorem, & procuratorio nomine quo supra: in præsentia nostrum notariorum publicorum & testium subscriptorum taliter in effectu, de mandato dicti reverendi patris domini electi, dicentem, asserentem, provocantem, & appellantem, ac apostolos petentem & repetentem instantem, instantius & instantissimè, ceteraque præstantem quæ præscribuntur. Super quibus idem magister Goffinus nomine quo supra petiit a nobis notariis publicis conjunctim, & a quolibet nostrum divisim, sibi fieri unum publicum instrumentum, & plura, & tot, quot sibi necessaria fuerint seu oportuna, sub anno à nativitate Domini millesimo quadringentesimo, in dictione octava, mensis Martii die decima octava, hora summæ missæ vel quasi, præsentibus ibidem honorabilibus & discretis viris magistro Johanne de Monte canonico ecclesiæ S. Dionysii Leodiensis dicti reverendi patris domini electi consiliario, Johanne dicto *Rossaili* scabino Leodiensi, Bartholomæo *de Betst* armigero, Dionysio de Rivo clerico & secretario civitatis Leodiensis, & Jacobo *Baddu* cive Leodiensi, necnon pluribus aliis testibus fide dignis, ad præmissa vocatis specialiter & rogatis.

Et ego Johannes *Sternier* clericus Trajectensis diocesis apostolica imperialique auctoritate publicus & curiæ Leodienses notarius, quia præmissis provocationi, appellationi, apostolorumque petitioni & repetitioni, protestationi submissis, ceterisque omnibus præmissis, dum sic fierent & agerentur, unà cum Johanne meo connotario subscripto, & testibus subscriptis præsens fui, eaque omnia sic fieri vidi & audivi. Idcirco idem meus connotarius & ego præsens publicum instrumentum exinde confecimus, & aliis arduis præpediti per alium scribi fecimus, quod meo signo manuali & consueto signavi rogatus & requisitus.

Et ego Johannes Arnaldi junior dictus quondam de S. Laurentio presbyter Leodiensis publicus imperiali auctoritate curiæ Leodiensis & venerabilis capituli prædicti notarius, quia præmissis vocationi, appellationi, apostolorum petitioni & repetitioni, protestationi submissis, ceterisque omnibus & singulis præmissis, dum sic fierent & agerentur, unà cum meo contabellione & connotario præscripto ac testibus supranominatis præsens fui, eaque omnia & singula sic fieri vidi & audivi. Idcirco huic instrumento publico per dictum meum contabellionem & me confecto, exinde & per alium fide-

lem scripto, me & dicto meo contabellione aliis præpeditus negotiis arduis, me propria manu subscripsi ac signum meum publicum & consuetum, &c. *ut supra.*

# LITTERÆ LUDOVICI II. REGIS JERUSALEM ET SICILIÆ.

De restitutione obedientiæ facta Benedicto  
XIII. papæ.

**L**udovicus secundus Dei gratia rex Jerusalem & Siciliæ, ducatus Apuliæ, dux Andegaviæ, comitatu Provinciæ & Forqualquerii, Cenomania, Pedemontis & Rouciati comes, universis & singulis officialibus tam majoribus quam minoribus curiarum nostrarum, civitatum, & locorum infra scriptorum & aliorum quorumcumque dictorum nostrorum comitatum Provinciæ & Forcalquerii & terrarum eis adjacentium, ad quos spectat & præsentem pervenerint, & cuilibet, vel loca tenentibus ipsorum, necnon universis & singulis prælati, personis ecclesiasticis, baronibus, nobilibus, & universitatibus & singularibus personis comitatum prædictorum & terrarum prædictarum sibi adjacentium fidelibus nostris dilectis gratiam & bonam voluntatem.

Quoniam sacro-sanctam Ecclesiam speciosissimam matrem nostram, quam formando de suo laterali caractere, commercio impretriabili, irrigando largifluè quasi imbre salvifico sanguinis rubricati Dei Filius JESUS-CHRISTUS in ara crucis sibi & ejus successoribus summis pontificibus caritate dignissima matrimonio copulavit perpetuo, tamquam sponsam gratissimam, non habentem maculam neque rugam, deprecando sinceriter cum ventilabro almi Paracliti à qualicumque fece falsitatis hæreseæ, & pervigili custodia sic protegendo assidue, ut si procellosis anfractibus ventorum mundialium nostris exigentibus demeritis, quandoque exponatur periculis submergi, tamen in profundum non patitur seu totaliter naufragari. Hanc igitur acquisitam meritis quasi innumeris & pœnalitate multiplici in sui cordis ærario amoris purissimi vinculo fœderando mirabili ascensus ad patris dexteram, ne vidua in terris remaneret acephala, B. Petro & cuilibet successori papæ catholico & nulli alteri commisit cum jurisdictione universali, & auctoritate plenaria quilibet ceteri obedientiæ famulatus subderentur humiliter. verum etsi quilibet fidelis christicola matris causam nobilis, quæ ipsum in esse gratiæ in Christo regeneravit specialiter, & fructu irriguo pavit, ulterius donariis divinorum carissimum pectoris lactis ejus, tenetur imitari vestigia, obediendo humiliter, vitando offensam cujuslibet impugnantis injuriæ, quia extra ejus consortium nulla est via salutis seu veritatis catholicæ, suumque sponsum verum & legitimum honorari & revereri, tueri & juxta vires protegere. Præcipue nos ad talia prosequenda possitenus inducunt christiana professio, sub cujus

Annò 1404  
Ex ms.  
Calberino.

veritatis regula, Christo favente, inobliqua pertransire cupimus, hujus vitæ exilium, salus animarum quæ periclitantur per devia, majestas regia qua fungimur, peculiaris unio, qua eidem sanctæ Ecclesiæ copulamur ex debito, & eidem impensa præsidia progenitorum nostrorum. Unde quia procurante zabulo, veritatis inimico, qui præfatam sanctam Ecclesiam à sua primitiva origine divisionibus & scissuris impugnare non destitit, certis ex causis obedientia fuerat subtracta: hinc est quod nos præmissis sedula consideratione pensatis, ad notitiam fidelitatis vestræ deducimus per præsentem, quod cum ad inductionem & suggestionem nonnullorum his annis non longe effluxis serenissima & illustrissima domina MARIA dictorum regnorum regina & comitissa comitatum prædictorum, reverendissima mater nostra, tamquam bajula tutrixque in loco nostro de Tharascone, præsentibus aliquibus trium statuum dictæ nostræ patriæ Provinciæ multis suggestis occasionibus circumventa, propter terrores & minas, tunc sibi comminatos & comminatos, non corde sed coacta, obedientiam in temporalibus & spiritualibus, pro dolor! subtraxit sanctissimo domino nostro domino BENEDICTO papæ tertio decimo sacro-sanctæ Romanæ & universalis Ecclesiæ summo pontifici, nobis in regno nostro Siciliæ existentibus, & prædicta omnia totaliter ignorantibus. De qua quidem subtractione dicuntur fuisse factæ litteræ patentes seu instrumenta publica sigillo magno ipsius reginæ impendenti roborata. Cumque postmodum tres status dictæ nostræ patriæ Provinciæ, videlicet prælati, barones, nobiles & universitates celebrantes concilium generale in nostra civitate Aquensi, attendentes quod dicta subtractio inutiliter facta fuit quoad effectum unionis ecclesiæ, tunc ex ea prætensæ, sicut apparuit per negotiorum eventum, & quod non procedebat de jure divino & humano, nec aliqua bona intentione naturali, in quantum fuit in eis declararunt se velle obedire dicto domino nostro papæ tamquam unico & vero vicario JESU-CHRISTI, & obedientiam omnimodam præstare pro salute animarum suarum, nostro beneplacito tunc super hoc reservato. Super quibus eorum ambaxiatores ad nos in Franciam destinatos, majestati nostræ verbo & scriptis humiliter & attente supplicari fecerunt, ut dictam subtractionem revocaremus, & omnimodam obedientiam tam in spiritualibus quam temporalibus eidem domino nostro papæ restitueremus. Nos igitur considerantes, quod numquam in dicta subtractione consensum nostrum præbuerimus, nec à vera obedientia dictis domini nostri papæ nos subtraxerimus; immo eum semper habuerimus pro vero papa & universalis Ecclesiæ summo pontifice, & eidem tamquam unico & vero vicario JESU-CHRISTI obedientiam fecerimus; supplicationibus quoque fidelium nostrorum Provincialium tamquam justis & rationalibus benignius inclinati, procedentes ad infra scripta cum matura deliberatione nostri nobis assistentis consilii, die sabbati proxime lapsa, quæ fuit

vicecima sexta hujus mensis Augusti, personaliter visitavimus præfatum dominum nostrum papam, existentem in palatio apostolico Avenionis, & sibi omnimodam reverentiam impendimus, necnon præmissis & aliis certis causis & rationabilibus, nos in hac parte moventibus, homagium ligium & sacramentum fidelitatis de regno nostro Siciliæ, & aliis terris quas ab Ecclesia tenemus dicto domino nostro papæ BENEDICTO XIII. more solito præstitimus, dictamque subtractionem, & omnia & singula in ea contenta coram sua sanctitate, & ex nostra certa scientia, & de regis pietatis plenitudine revocavimus, annullavimus, & totaliter cassavimus, & tenore præsentium revocamus, irritamus, cassamus, & annullamus, & nullius valoris seu efficacitæ declaramus, & haberi penitus pro infectis volumus, ac si numquam facta forent; & nihilominus restituimus plenariam & omnimodam obedientiam in spiritualibus & temporalibus eidem domino nostro papæ in regnis & civitatibus nostris antedictis, & terris eis adjacentibus, constantibus de hoc publicis & authenticis instrumentis seu documentis, in præsentia ipsius domini nostri papæ, & de nostro assensu sumtis, rogatis, & publicatis per Petrum Soriani notarium & secretarium apostolicum & alios notarios publicos, ac postmodum hodie præmissa in nostra civitate Arelatensi, præsentibus dicta reverendissima domina matre nostra, & consorte, & principe Tarentino germano, nostris carissimis, ac prælatorum ac nobilium ac populi multitudine copiosa cum processione, ac missa, & sermone publicis nunciavimus, & fecimus solemniter publicari. Quare volumus & fidelitati vestræ harum serie de dicta nostra scientia præcipimus & mandamus expresse, quatenus statim visis præsentibus & singulis infra scriptis, civitatibus atque locis & aliis dictorum comitatum nostrorum Provinciæ, Forcalquerii & terrarum eisdem adjacentium vestræ jurisdictioni subjectis de præmissis laudes & gratias Deo referentes, & processiones solemnes fieri facientes, more fidelium catholicorum, præmissa omnia & singula solemniter & publice, clero & populo dictorum comitatum & terrarum adjacentium nostrorum nuncietis & publicetis in sermonibus publicis & missarum solemniis, cum populi multitudo convenerit ad divina, seu etiam alias, voce præconis publice, prout ad vos & vestrum quemlibet pertinet seu spectat, nunciari & publicari faciatis; sic quod nullus circa hoc ignorantia pallio se valeat excusare: & eidem domino nostro papæ, suisque mandatis & officialibus & litteris ipsorum obediatis, pareatis & efficaciter intendatis in spiritualibus & temporalibus, sicut ante dictam subtractionem fieri debuit, & erat fieri consuetum, ac quascumque personas in dictis comitatibus & terris adjacentibus parere & intendere permittatis, & faciatis quoscumque forsitan remorantes seu rebelles ad præmissa & inobedientes, dum pro parte dicti domini papæ seu deputatorum ab eodem fueritis requisiti, auctoritate præsentium viriliter compellendo, etiam cum

auxilio brachii sæcularis, ac per captionem temporalitatis bonorum eorum & proventuum ecclesiasticorum quorumcumque & alias ut videtur & expediet, & pro parte dicti domini nostri papæ & officialium suorum ac quorumcumque deputatorum seu deputandorum ab eo fueritis requisiti, obedire & parere cogentes, ipsa subtractione quam revocavimus, irritavimus, & totaliter annullavimus, ut prædicitur, in aliquo non obstante, si indignationem nostram cupitis evitare, præsentibus post opportunam inspectionem executis, & tenore earum cartulariis litterarum majorum de verbo ad verbum descripto, ipsas de una curia ad aliam, seu de loco ad locum; per latorem præsentium volumus & jubemus originaliter præsentari. In quorum fidem, & testimonium, ac memoriam futurorum, præsentibus nostras litteras fieri, & magno nostræ majestatis sigillo jussimus comuniri. Datum in civitate nostra Arelateni per venerabilem & reverendum patrem Gaufridum Gogart utriusque juris professorem, decanum Turonensem, magistrum requestarum, consiliarium & fidelem nostrum dilectum, mandato nostro locum tenentem majoris judicis comitatum prædictorum. Anno domini millesimo quadringentesimo secundo, die penultima mensis Augusti decimæ indictionis, regnorum vero nostrorum anno decimo octavo.

**TRACTATUS ET CONCORDIA** habita inter dominum Benedictum & cardinales publicatus in præsentia dominorum Burgundiæ & Bituriæ Parisius in domo Tonrellarum anno Domini MCCCIII. die XXIX. Maii.

Anno 1403.  
Ex ms.  
Gemmeti-  
confr. **I**N nomine sanctæ & individue Trinitatis, Patris, & Filii, & Spiritus sancti. Amen. No-  
verint universi hoc præsens instrumentum inspec-  
turi, quod anno à Nativitate Domini MCCCIII. indictione verò XI. XXIX. mensis Martii, Pontificatus sanctissimi in Christo patris domini BENEDICTI divina providentia papæ XIII. anno nono, in Castro Reinardi Avenionensis diocesis, ubi tunc temporis dominus noster residebat, in nostrorum Johannis Saucii decani Galaritanensis & Calciatensis ecclesiarum ad invicem unitarum, decretorum doctoris, Oliverii de Solerio canonici ecclesiæ Aquensis in Provincia, Colini Dominici canonici Lingonensis, & Guillelmi Dominici presbyteri auctoritate apostolica notariorum publicorum ac testium infra scriptorum, præfatus dominus noster papa ex parte una & reverendissimi in Christo patres GUIDO Penestrinus, Pictaviensis vulgariter nuncupatus, & NICOLAUS Albanensis episcopus, AMEDEUS sanctæ Mariæ novæ, vulgariter dictus de Saluciis, & PETRUS S. Angeli diaconi cardinalis suo & nonnullorum aliorum cardinalium Avinionensi existentium, videlicet PETRI episcopi Portuensis Florentini, LEONARDI tituli S. Sixti de Gifomio, JOHANNIS tituli S. Cyriaci in Termis de Venetiis, *Theauri Anecd. Tom. II.*

**A** JOHANNIS S. Anastasiæ, PETRI S. Petri ad Vincula Aniciensis, GUILLELMI tituli S. Cecilie de Bergeyo presbyterorum, ac PETRI tituli S. Mariæ in Via-lata de Verulio diaconi S. R. E. cardinalis vulgariter nuncupatus, qui se ab obedientia ipsius domini nostri papæ subtraxerant, nomine, ex parte alia, de quorum mandato & potestate sufficienti fuit nobis ibidem sufficiens facta fides, & constat legitime per quoddam publicum instrumentum manu nostrorum prædictorum Colini & Guillelmi, cujus tenor est inferius insertus: necnon nobiles & egregii viri Johannes Cabassole, Jacobus Ransardi syndici, Stephanus Caprioli legum doctor accessor, Ponsetus Estovardi, Johannes Trovehim, & Hugo de Sadone cives & conciliarii Avenionenses, suo & aliorum civium & habitantium nomine, de quorum syndicatu, nomine, nobis, &c. extitit facta fides per quoddam aliud instrumentum manu Petri Vassureli clerici Meymatensis diocesis, civis & habitantis Avenionensis, publici apostolica & imperiali ac civitatis Avenionensis auctoritate notarii signatum, cujus tenor inferius describitur, personaliter constituti, cum debita reverentia volentes, ut dixerunt, tractatum pacis & concordie inter eundem dominum nostrum papam & Avenionenses cives à certis temporibus citra ductum & pertractatum, sub modo & forma in certis capitulis super hoc confectis contentis ad optatam & salubrem conclusionem deducere ac firmare, nobis notariis prædictis in scriptis tradiderunt, quæ ibidem incontinenti per nos legi & publicari voluerunt, præceperunt, & requisierunt, ac lecta & solemniter publicata fuerunt per me decanum prædictum, nobis & aliis notariis videntibus & audientibus, quorum quidem capitulorum tenor sequitur in hæc verba:

Pax & concordia inter papam ex parte una & cardinales pro se & civibus Avinionensibus, qui papæ obedientiam subtraxerunt, & qui voluerunt præsentem gratia gaudere, ex parte alia, videretur sub forma sequenti per Dei gratiam posse ad debitam conclusionem deduci, proviso quod si Serenissimus Princeps dominus CAROLUS rex Francorum velit similem tractatum pro se, & clero regni sui, seu aliis quibuscumque suis subditis, papa vult quod habeat, & dabit litteras dominis ituris in Franciam. Primò quod mandet dari dominis cardinalibus instrumentum vel instrumenta in forma publica de his quæ aliàs concessit ad instantiam regis Francorum, nihil mutando vel innovando, cujus tenor concessionis & instrumenti tenor incipit: *In nomine Domini. Amen, &c.* & post paululum sequitur: *Constituti personaliter venerabiles viri religiosi Frater BONIFACIUS Ferrarii prior domus Porta-Cali Ordinis Carthusiensis Valentiniensis diocesis, Johannes de Costa cantor Bajocensis, ambaxiatores sive nuncii illustris domini ducis Aurelianensis, &c.* Et finit ante conclusionem notarii, *Renunciantes quibusque protestationibus, si quæ per nos factæ fuerint, quæ contra præmissa capitula vel contenta in eis possent in aliquo derogare: pro quorum omnium majori firmitate, nos huic cedule propria manu* LIII ij



*subscribimus in hunc modum, BENEDICTUS, &c. de quibus omnibus & singulis, &c.*

Item super facto concilii hujus obedientiae congregandi, quia nullo modo videtur expediens in tanta divisione congregari, cum esset notorie introductivum majoris divisionis & discordiae, & multarum inconvenientiarum, quas non oportet exprimere, papa, sicut alias dixit, in eadem intentione est, scilicet quod cardinalibus, civibus Avinionensibus, & aliis de quibus supra, plenè reductis ad suam obedientiam; & postquam fuerit restitutus pristinae libertati, ipse intendit convocare & celebrare secundum statuta sacrorum canonum concilium vel concilia, & in illis cum consilio praedictorum cardinalium, praelatorum & aliorum fidelium & notabilium virorum statuere, & ordinare, ac ordinata prosequi, & executioni mandare, quae expedientia erunt pro unione & bono regimine sanctae matris Ecclesiae.

Item, papa remittit ex certa scientia omnes injurias, offensas, & damna, interesse, & expensas, si quae sibi per praedictos vel eorum aliquos irrogata & facta existant, qualitercumque, & quomodocumque, cujuscumque dignitatis, status vel conditionis, etiam si aliqui cardinales existant, ratione subtractionis, & ipsius occasione vel causa, & ab ejus tempore & citra, illis scilicet qui ad ejus veram & plenam obedientiam redibunt infra tempus infra scriptum, eo quod obediebant in tempore subtractionis, & sicut vero pontifici Romano tenentur.

Item, papa modo praedicto, si inter praedictos sint aliqui viri ecclesiastici etiam praelati, cujuscumque status, gradus, conditionis, aut praeminentiae existant, etiam si pontificali vel alia majori vel minori quacumque dignitate fulgeant, etiam si forent aliqui S. R. E. cardinales, papae camerarius, vel marescallus papae, eos & singulos eorum conservabit & proteget in honoribus & dignitatibus, beneficiis, officiis, & praeminentiis, prout faciebat ante tempus subtractionis, etiam tempore quo subtractio facta fuit: etsi aliqui eorum habilitatione vel dispensatione indigerent, illos ex certa scientia habilitabit & dispensabit ex superabundanti cautela super omni irregularitate, contractione, vel causa dictae subtractionis, vel dependentiis quae sequuta sunt ex eadem. Nec non remittet ad omnem cautelam & provisionem futurorum omnes poenas juris & hominis, civiles & criminales, cujuscumque naturae existant, si quas aliqui praedictorum incurrerunt quoquo modo: confirmando illis, & etiam cuilibet ex certa scientia, & ad omnem superabundantem cautelam & provisionem, si opus sit, dignitates, honores, beneficia, & officia quaecumque ante subtractionem ipsi canonicè obtinebant: revocantes, & cassantes, & adnullantes, & ex eadem certa scientia & ad majorem cautelam, omnes processus, sententias, & alias censuras juris & hominis: abolendo plenè omnem infamiam, notam & maculam, quae ex praedictis aliqui quomodolibet incurrissent & concurrissent, si & in quantum opus foret & indigere posset:

reducendo eos totaliter in pristinos status & gradus plenè & sufficienter cum clericis necessariis & opportunis.

Lecto tamen hoc capitulo, praefatus dominus noster papa ibidem incontinenti fuit solemniter protestatus, quod per suam voluntatem hujusmodi, sive per aliqua quae promittat, dicat, concedat, vel firmet, non intendit se ad aliquid astringere, per quod dignitatis & potestatis papalis libertati in beneficiorum, officiorum, dignitatum & praeminentiarum dispositionibus possit quomodolibet derogari; nec ipsis beneficiis, officiis, dignitatibus & praeminentiis aliquam insolitam perpetuitatem tribuere: nec consentiebat, nec consentire volebat in aliqua subtractione obedientiae, sive quacumque alia inobedientia contra ipsos à quocumque facta vel continuata, aut dilatazione restitutionis ejusdem obedientiae, nec in aliqua inclusione, restitutione, vel derentione seu personae vel suorum; nec in aliquo quod sit vel esse possit contra fidem & bonos mores aut divinae majestatis offensam, nec in restrictione suae vel clavium potestatis, cum ea faciat pura & recta intentione pro bono pacis & concordiae, ac reformatione sanctae Ecclesiae.

Item, papa ex certa scientia remittet & indulget universaliter & singulariter civibus & habitantibus civitatis Avinionensis utriusque sexus, tam clericis quam laicis, & eorum liberis, & heredibus, ac successoribus quibuscumque, secundum & in quantum indigere possent, & ad majorem cautelam, & provisionem futuri omnes poenas juris & hominis, civiles & criminales, cujuscumque naturae ac gravitatis sint, si quas incurrerint ratione subtractionis, causa vel occasione ejusdem, per commissionem quorumcumque criminum, excessuum, vel delictorum, etiam si foret laesae majestatis, perductionis, & aliorum quorumcumque omnes injurias, damna, & interesse, si quae sibi irrogata fuerint in personis sive bonis, & hec pro bono pacis.

Item, papa ex certa scientia praedictos cives & eorum quemlibet manutenebit in libertatibus & franchisiis, consuetudinibus, immunitatibus, & aliis eorum quibuscumque juribus conservabit & proteget, quae tempore subtractionis, & antequam fieret, obtinebant, & quae sub illa forma qua consueta sunt jurari in creatione Romani pontificis per camerarium: & de novo confirmabit ipsis civibus & comitatibus, si & in quantum indigerent, & restituet ad famam, honores, & dignitates.

Item, quod harum vigore praedictis vel aliquibus ex praedictis eos vel quemlibet ipsorum liberos & successores universaliter & singulariter nunquam conveniet, molestabit, aut conveniri & molestari permittet per quemcumque vel quomodocumque, & hoc pro bono pacis.

Item, papa auctorizabit illa quae per camerarium vel ejus mandato facta vel administrata sunt; & à tempore subtractionis citra, si & in quantum possent esse nulla & invalida ex defectu potestatis vel jurisdictionis proveniente ratione subtractionis.



Item, similiter auctorizabit illa quæ de mandato dominorum cardinalium per marescallum & alios officiales civitatis Avenionensis facta sunt tempore subtractionis, si & in quantum possent esse allegari nulla vel invalida ex defectu potestatis vel jurisdictionis proveniente ratione subtractionis.

Item, super dignitatibus & aliis beneficiis majoribus reservatis, collatis & obtentis in terris subtractis, aliis quàm de auctoritate papæ, ipse, Deo donante, faciet & ordinabit taliter quod cum Dei adjutorio, & sine ejus offensa, omnes merito debebunt contentari: super quo dicit suam bonam voluntatem dominis cardinalibus.

Item, de eo quod dicitur, quod super factis consistorialibus citra provisionem, & promotionem, aliosque actus similes, & majores, papa velit more solito procedere cum consilio cardinalium, &c. constat quod papa est bonæ intentionis, & vult, & intendit cum ipsorum bono consilio prædicta sic opere complere, super quibus ipse dicit dominis cardinalibus suum bonum propositum & intentionem laudabilem; de quibus debebunt contentari. Nam circa ista duo capitula alias obligationes vel restitutiones facere, vel ista in capitulis ponere, non esset conveniens, congruum vel honestum.

Item, apud statum præmissis capitulis inter papam, cardinales, & cives, cardinales mittent unum vel duos de seipsis in Franciam, & laborabunt fideliter quod rex Franciæ & domini duces acceptent prædictos articulos pro bono pacis & istius patriæ reformatione, & ut melius possit Ecclesiæ unio proseguiri, & in quantum fieri potest omnis dilatio, quæ Ecclesiæ & animabus, considerato statu lamentabili ejusdem in quo periculosè existit, cardinales ibi mittendi promittent, quod super habenda bona deliberatione & concordia regis & dominorum prædictorum, vacabunt diligenter infra spatium quatuor mensium & tempore firmati contractus, & jurabunt quod infra tempus prædictum ad papam & ad civitatem Avinionensem cum deliberatione domini regis & dominorum præfatorum revertentur.

Item, domini cardinales promittent quod habita prædicta bona deliberatione & concordia regis & dominorum, hinc ad tempus supra in articulo proximo taxatum reducent se purè & simpliciter cum prædicta civitate ad veram & integram obedientiam papæ, & quod sibi ab inde in antea obedient, sicut antea Romanis pontificibus suis prædecessoribus, vel sibi ante subtractionem vel tribulationem hujusmodi obedientiam tam in spiritualibus quàm temporalibus, & reducetur papa ad pristinum plenum & liberum quoad omnia quæ habebat tempore subtractionis & antea.

Item, hoc lecto capitulo, data fuit nobis notariis prædictis quædam cedula de ipsius domini nostri papæ & de ipsorum dominorum cardinalium voluntate, consensu, & requisitione lecta ac solemniter publicata, cujus tenor talis est.

Cardinales promittunt facere & procurare fide-

liter conatu toto cum domino Francorum rege & dominis suæ prosapiæ, quod restituat papæ plenam obedientiam infra tempus concordatum & præfixum inter ipsum papam & cardinales præfatos, & adveniente dicto termino facere omne & quicquid de jure peragere tenentur & debent erga ipsum tamquam summum pontificem. Et omnia prædicta jurant.

Item, dicti cives & habilitatores civitatis Avinionensis renovabunt tunc juramenta fidelitatis, & homagia, & jurabunt noviter omnia & singula ad veram fidelitatem & obedientiam pertinentia, cum omnibus capitulis, sicut in creatione Romani pontificis est fieri consuetum.

Item, cardinales reputant se contentos de his quæ papa concessit in præscriptis capitulis, & promittunt quod aliud non petent, vel facient petere, vel adhærebunt personis cujuscunque status, quæ alia vellent petere vel instare.

Item, quod durante dicto tempore, quo post firmam dictorum capitulorum cardinales ibunt in Franciam, & usque ad perfectam executionem eorundem capitulorum papa & sui defendentur, & protegentur ab omni molestia & injuria & via facti à quocumque inferenda vel comminanda. Et hoc jurabunt dicti cardinales & cives, quod si sentirent vel scirent aliquid in contrarium, notificabunt & revelabunt papæ, & eum defendent, & protegent, ac præservabunt, & omne contrarium impediunt omni eorum possibilitate, saltem quousque esset in plena libertate & securitate.

Item, promittent & jurabunt bonam reductionem & concordiam nedum domini regis & dominorum de Francia, sed etiam aliorum quorumcumque à papæ obedientia subtractorum, & non obediētes, nec volentes ad ejus obedientiam redire, impediunt quoquo modo.

Item, cum præmissis fiet bona & vera pax, bonum vinculum perfectæ dilectionis.

Item, quo executioni mandato, papa tractabit in posterum dictos cardinales cum omni honore, amore & benignitate, juxta eorum statum & conditionem, secundum quod alii Romani pontifices consueverunt suis temporibus eos & eorum prædecessores tractare, & ipsi cardinales obedient per omnia, & facient papæ quæ suis prædecessoribus veris Romanis pontificibus facere consueverunt & debent. Quo lecto capitulo, dominus noster papa dixit, quod intentionis suæ erat sic facere. Ad hoc tamen nullatenus volebat, nec intendebat se astringere aliquo juramento, cum non esset consuetum Romanis pontificibus ad talia juramento aliquo astringi.

Item, quod ante prædictam plenam & liberam pristinae libertatis & restitutionis obedientiæ executionem, papa non procedet ad executionem præmissorum, nec dabit aliquid de prædictis, sed cum omnia complebuntur, & executioni mandabuntur, & perficientur, ad veram pacem & concordiam, ad bonum verum & planum sensum, omni malitia & diffugio vel interrogatione repulsis, promittendo & firmando præmissa cum

publicis instrumentis, ut supra in modo & forma, &c. per papam & similes.

Quibuscumque capitulis, protestatis, modis, & aliis supradictis modo præmisso lectis & publicatis, ipso domino papa supra genua sua librum evangeliorum tenente, domini cardinales, necnon syndici, accessor, & cives prælibati, suis & aliorum, quibus supra nominibus, cupientes, ut dixerunt, contenta in dictis capitulis debitum pacis & concordie sortiri effectum, interveniente & præsentem ad hoc serenissimo principe domino LUDOVICO Dei gratia Jerusalem & Sicilie rege, duce Andegavensi, & comite Provincie, circa dictam pacem & concordiam inter partes mediatore, ad laudem Domini nostri JESU-CHRISTI, cujus sponsæ sanctæ matris Ecclesiæ in hac parte res agitur, promiserunt & juraverunt in suas & aliorum cardinalium, civium & habitatorum, de quibus supra & infra, animas, sacro sanctis Evangelis per eos singulariter & sigillatim utraque eorum manu tactis, servare & servari facere, & ad effectum deducere realiter, adimplere efficaciter & fideliter omnia & singula supra scripta, & in capitulis prædictis, & in unoquoque eorum contenta & expressa, absque malo ingenio, quibuscumque cavillationibus & subterfugiis cessantibus, prout ad omnes ipsos & eorum quemlibet spectat, & in quantum eosdem, & alios cardinales subtractos, & cives habitatores Avenionenses concernunt, tangunt, & concernere & tangere poterunt quomodolibet in futurum. Post quæ idem dominus noster papa ibidem incontinenti deputavit & constituit locum tenentem sui camerarii, quoad articulum qui sequitur, Reverendum in Christo patrem dominum Oxenientem episcopum, dans ei in mandatis quod firmaret & juraret dicta capitula eis modo & forma quæ per camerarium papæ firmari & jurari [consueverunt.] Quo habito mandato, statim ibidem dominus Oxenientis episcopus locum tenens camerarii, constitutus juravit tactis sacro sanctis Evangelis, omnia & singula supra scripta modo & forma quibus camerarius papæ jurare consuevit. Tenor verò mandati & potestatis concessæ prædictis dominis quatuor cardinalibus ab his cardinalibus Avenione existentibus ab obedientia domini nostri papæ subtractis talis est: In nomine Domini. Amen. Noverint universi, &c.

De quibus omnibus & singulis dominus noster papa & cardinales & cives præfati voluerunt & requisierunt per notarios supra & infra scriptos fieri publicum instrumentum vel instrumenta. Acta fuerunt prædicta capitula anno, indictione, mense, die, pontificatu, quibus supra: præsentem ad hoc & intercedente reverendissimo in Christo patre & domino MARTINO titulo S. Laurentii in Lucina Pampilonensi vulgariter dicto S. R. E. presbytero cardinali præsentibus etiam nobili & magnifico viro domino JACOBO DE PRATIS consanguineo illustris principis domini MARTINI regis Aragonum, Francisco de Blenna canonum & Johanne de Valthera legum doctoribus, ipsiusque regis Ar-

agonum ambaxiatoribus, Roberto de Braquemonte milite & cambellano, Johanne de Costa cantore Bajocensi legum doctore, consiliario & ambaxiatoribus incliti principis & domini domini LUDOVICI Aurelianensis ducis, religioso viro Francisco d'Aranda fratre monasterii Portæ cæli, ordinis Carthusiensis, diocesis Valentini, & Johanne Ramam cubiculario præfati domini nostri papæ, testibus ad præmissa.

Anno Domini MCCCIII. die XXVIII. mensis Maii, cum rex ordinasset concilium Parisius celebrari prælatorum ad aviscandum quid agendum in facto unionis Ecclesiæ, videlicet ad diem xv. dicti mensis Maii, & propter hoc plurimi prælatorum & capitulorum ac cleri Parisius advenissent. Tandem instante & prosequente domino duce Aurelianensi, dictus dominus rex in absentia dictorum prælatorum & cleri die XXVIII. prædicta quasi circa tertiam horam post meridiem, pro se & subditis regni reddidit obedientiam plenariam domino BENEDICTO, præsentibus, ut dicitur, duobus cardinalibus, videlicet Penestrino & Saluciarum, qui ex parte dicti domini BENEDICTI ad dominum regem missi fuerant, & attulerant tractatum & concordiam supra scriptam, præsentibus etiam aliquibus clericis aliis. Et postmodum die xxx. Maii fuerunt prælati convocati in hospitio Tonrellarum prope portam S. Antonii, ubi erant domini duces Biturie & Burgundie, ibique fuit dominus cancellarius Francie, qui ex parte regis notificavit dictis prælatibus determinationem regis super restitutione obedientie, quodque dictus dominus dux Aurelianensis se fecerat fortem de habendo bullas domini BENEDICTI super aliquibus contentis in cedula cujus tenor statim sequitur, propter quod petebatur ab archiepiscopis & episcopis ibidem præsentibus, si eis videretur aliquid addendum in cedula, &c. Et aliqui dixerunt se velle obedire ordinationi regis in omnibus, alii petebant deliberationem habere super cedula cum aliis de eorum provincia. Cum autem sic negotia agerentur, ecce mandatum est illico ex parte regis pro dictis dominis ducibus, qui ibidem erant, ut ad eum accederent apud S. Paulum. Erat autem quasi hora xi. Et erat dominus Rex promptus equum ascendere, ut iret ad nostram Dominam ecclesiam cathedralem. Ivitque ibidem, & dicti domini duces cum eo, ac quasi omnis multitudo prælatorum & cleri. Et ibidem cantavit missam solemnem de Spiritu sancto dictus dominus cardinalis Penestrinus: & dominus episcopus Cameracensis fecit sermonem, in quo dictam domini regis determinationem publicavit, ac etiam cedulam de qua supra, & cujus tenor statim sequitur & est talis. *Extat in tom. 5. Historie Universitatis Parisiensis pag. 64.*



COMPROMISSUM DOMINORUM  
cardinalium in conclavi post obitum  
Bonifacii papæ IX.

Anno 1404  
Ex m.  
Bigotiano.

**I**N nomine Domini. Amen. Anno à Nativitate Domini millesimo quadringentesimo quarto, indictione duodecima, die Martis, decima quarta mensis Octobris, apostolica sede vacante, congregati & ad invicem collegialiter adunati infra scripti reverendissimi in Christo patres & domini sacro-sanctæ Romanæ Ecclesiæ cardinales, videlicet ANGELUS tituli S. Laurentii in Damaso Florentinus, FRANCISCUS S. Susannæ Monopolitanus, HENRICUS S. Anastasiæ Neapolitanus, COSMACUS S. Crucis in Jerusalem Bononiensis, CHRISTOPHORUS S. Cyriaci Isarniensis, ANTONIUS S. Cecilie Aquilegiensis, & ANGELUS S. Potentianæ Laudensis presbyteri; necnon RAINALDUS S. Viti in Macello de Brancasis, ac LANDULPHUS S. Nicolai in carcere Tulliano Barenfis vulgariter nuncupati diaconi cardinales in capella communi sacri palatii apostolici intra conclave, quem pro loco idoneo elegerunt, & etiam deputaverunt, in præsentia mei Johannelli de Risis de Neapoli clerici præfatæ capellæ, & aliorum notariorum & testium infra scriptorum, considerantes & in eorum mentibus digestis meditationibus revolventes, quæ, quot, & qualia scandala, pericula, & discrimina tam in spiritualibus, quam etiam in temporibus sanctæ Romanæ Ecclesiæ omnibus Christi fidelibus totidemque terrarum orbi ex nefandissimo, horribili, & detestando schismate, diu, proh dolori nunc vigente, hætenus provenerunt, & in futurum possent, nisi salubrius occurratur remediis, verisimiliter pejora obvenire. Idcirco prælibati reverendissimi patres & domini sic, ut prædicitur, collegialiter congregati, universaliter singuli, & singulariter universi, volentes, quantum eis de præsentis videtur possibile, circa prædicta salubriter providere, omni modo, via, jure, & forma quibus melius, utilius, & efficacius potuerunt, primò Deo, ejusque Matri Virgini gloriosæ, ac sanctis Petro & Paulo, atque toti cælesti curiæ voverunt, & promiserunt, ac etiam unus alteri, & alter alteri ad invicem se solemniter obligando, nemine discrepante, promiserunt, & convenerunt sub eorum fide & conscientia, quòd si per Dei gratiam aliquem ex præfatis dominis per eos in futurum summum pontificem eligi contigerit, ille talis ex eis qui sic electus erit, quantocius commodè fieri poterit, omni tergiversatione ac dilatione, ac alia quacumque occasione omnino cessantibus & remotis, omni modo, via, & forma, quibus effectualiter poterit, & sollicitè procurabit, & operas sollicitas & efficaces sibi possibiles interponet, & totis viribus ac posse faciet quod præfatum schisma de sancta Dei Ecclesia removeatur, ac radicitus extirpetur, & sancta mater Ecclesia tot elapsis retro temporibus ob præfatum schisma divisa & lacerata ad unitatem

A toti orbi necessariam reducat, & quod circa prædicta expedienda, & ab ipso plenariè adimplenda, & effectualiter & sollicitè executioni debitæ demandanda cordialiter & posse tenus attendet, nihil de necessariis, & utilibus, & quomodolibet opportunis penitus omittendo, etiam usque ad renunciationem seu cessionem per eum fiendam inclusivè, si fuerit expediens ad executionem supradictorum: quodque quilibet eorum de per se ac etiam collegialiter sollicitabunt, curabunt, ac operas sibi possibiles dabunt & interponent omni modo, via, & forma quibus melius & efficacius poterunt. Et quod ille ex eis qui sic electus erit, si per eum ad assumptionem novorum cardinalium procedi contingat, ab his quos cardinales assumet, similem promissionem & obligationem exiget seu exigi faciet nomine suo & dictæ Ecclesiæ & dictorum dominorum cum juramenti interpositione & aliis clausulis necessariis & opportunis; ac etiam quòd si contigerit in summum pontificem per eos aliquem de collegio eligi, tamen absentem vel extra collegium, ipsi universaliter & singuli, & singulariter universi procurabunt, & curabunt totis viribus & posse, & operas efficaces eis & cuilibet eorum possibiles interponant; & omni modo, via, & forma, quibus melius & efficacius poterunt, illum inducent, quod ipse qui sic electus erit omnia & singula supradicta & quodlibet prædictorum attendet, faciet & adimplebit, & effectualiter modo prædicto executioni demandabit; quodque statim post ejus electionem procurabunt, & illum inducent ad similem promissionem & obligationem simili modo faciendam. Item, quod post electionem per eos factam ipsi universaliter singuli & singulariter universi tam singulariter quam etiam collegialiter sollicitabunt, curabunt, & operas eis & cuilibet eorum possibiles dabunt cum præfato qui sic per eos electus fuerit, quod ipse ad præmissa sollicitus erit, & illa & quodlibet ipsorum executioni præfatæ plenariè demandabit: quodque ipsi & quilibet ipsorum nihil in prædictis omittent, sed omnia facient quæ in prædictis & circa prædicta, & ad ipsorum & cujuslibet ipsorum executionem fuerint utilia, necessaria, & quomodolibet opportuna, quacumque occasione seu quovis quæsito colore cessantibus, juxta eorum & cujuslibet ipsorum possibilitatem. Insuper præfati reverendissimi domini volentes ipsi & quilibet eorum ad omnia & singula supradicta esse plenè & effectualiter tam Deo quam sibi ad invicem cum majori efficacia obligati, singulariter juraverunt ad sancta Dei evangelia, corporaliter manu tactis sacrosanctis evangeliiis coram eorum reverentia existentibus, quod omnia & singula supradicta & infra scripta attendent, facient, curabunt, sollicitabunt, & effectualiter procurabunt, & totis posse & viribus adimplebunt, & executioni plenariè demandabunt, omni quæsito colore & quacumque occasione cessantibus, quodque à præmissis promissione, voto, & obligatione, ac juramenti præstatione, & ejus observatione, & omnibus & singulis sub prædictis contentis nullus

eorum absolutionem petet seu impetrabit, & A sibi concessam nullatenus acceptabit, nec data potestate per ipsummet à prædictorum observatione se faciet absolvi, nec secum etiam dispensari, sed volet perpetuò præfato vinculo remanere obligatus: quodque quicumque ex eis fortè in summum pontificem futurum electus fuerit, à prædictis promissione, voto, & obligatione, ac juramenti præstatione, & observatione, & omnibus & singulis sub prædictis contentis nullum absolvet. Et si de collegiocardinalium absens vel extracollegium aliquis electus fuerit, modis prædictis procurabunt, quòd nullum absolvat à præmissis nec aliquo illorum: volentes quod se ad omnia & singula supradicta obligatos reputent coram Deo & hominibus, voluerunt & mandaverunt nobis notariis infra scriptis, & cuilibet nostrum singulariter, videlicet Johannello de Risis de Neapoli, clerico præfate capellæ, Bartholomæo Francisci della capra de Cremona, Baranto Philippi de Pistorio, & Stephano Jerri de Prato, litterarum apostolicarum scriptoribus de omnibus & singulis supradictis instrumentum publicum, & instrumenta publica quotquot fuerint per collegium vel aliquem dominorum de collegio præsentium & futurorum requisita confici & publicari. Quæ instrumenta ipsi domini cardinales, & quilibet ipsorum per subscriptionem manus propriæ solemniter vallaverunt, & conficienda vallare promiserunt. Actum Romæ apud S. Petrum in palatio & capella prædictis; anno, mense, die, & indictione quibus supra, præsentibus ibidem reverendis patribus & dominis BRIARDO DE CASTELLIONE electo D Placentino, magnifico milite domino CAROLO DE BRANCASIIS, de Neapoli, venerando patre domino NICOLA O abbate monasterii S. Mariæ de Scoffecis, egregio milite legumque doctore domino Petro Paulo de Benefiliis de Ancona, Francisco de Duce de Neapoli clerico cameræ apostolicæ, Fenlo Piscicollo de Neapoli litterarum apostolicarum scriptore, Johannello Caracolo canonico Neapolitano, necnon venerabili decretorum doctore domino Angelo de Ballionibus de Perusio, priore S. Donati de Jernia, testibus ad præmissa vocatis specialiter & rogatis.

Et ego Johannellus de Risis de Neapoli clericus præfatus capellæ litterarum apostolicarum scriptor, & abbreviator, ac publicus auctoritate apostolica notarius, quòd præmissis omnibus & singulis dum sic, ut præmittitur, per præfatos reverendissimos dominos cardinales agerentur, & fierent unà cum superscriptis notariis & testibus præsens interfui, eaque fieri vidi & audiui. Ideo hoc præsens publicum instrumentum, &c.

Et ego Bartholomæus della Capra notarius supranominatus quòd præmissis, &c.

Et ego Baranto notarius superscriptus, &c.

Et ego Stephanus de Prato notarius superscriptus, &c.

## EPISTOLA DE ELECTIONE Innocentii papæ VII.

**R**everende in Christo Pater, amice noster Anno 1404  
carissime post salutem. Si non ocius creationem summi novi pontificis intimaverimus, non miretur ratio discreta. Id enim usque ad hanc lucem siluimus, ut gaudium absque doloris mixtura conscriberemus. In creatione quidem & ante hujus sancti viri ab ipso Sancto Spiritu electi die xvii. mensis hujus, ne ab officio ferendi zizanias & sancta inquietandi opera caliditas maligni hostis, invidi paratæ salutis, naviculæ piscatoris jam naufragæ desisteret, Romanus populus stimulis furiarum agitatus, armata manu libertatis suæ redemptionem clamabat. Convenerunt in Urbe ob eam rem Principes & Barones multi Romanorum consanguinei nostri cum magna gentium & præcipuè peditum comitiva: alii ecclesiam, alii Romanum pontificem defensantes, & bello incitato, plures ferro corruerunt ex utraque parte quamplurimi. Advenit postremò Princeps & dominus Serenissimus dominus LADISLAUS Hungariæ, Jerusalem, & Siciliæ rex, cum magna equitum peditumque societate, ut tamquam filius domini nostri summi pontificis, & sanctæ matris Ecclesiæ ac dilector, seditione pacata, extinctisque furoribus, rem ad concordiam & tranquillitatem reduceret. Ne denique multa deducamus in longum, pontificis sanctitatis humanissimi ac regis prudentia, ab obedientia JESU CHRISTI vicarii non recedens, primò Dei auxilio & proborum fideli solertia libertati denique Romana republica restituta, certis modis & conditionibus utrique partium aptis sanctissimum, \* rei qualitate attenta, omnia pacata, & + Videtur hic aliquod verbum desse, aut verbum ipsum corruptum.  
in requie animorumque unitate reposita sunt. Ob hanc itaque causam, ut diximus, ne tot turbines, totve angustias notarem, hucusque siluimus. Nunc autem quoniam sedata sunt hæc, & ab omni veneno tribulationum sedata, hanc sanctam ac toti orbi salubrem creationem intimare valemus, eam vestræ paternitati tamquam nobis amantissimæ intimamus. Die præfato xvii. Christianissimus olim dominus cardinalis Bononiensis, cujus mores venusti, & vitæ sanctitas omni tempore, omnibus fuere notissimi, Spiritus sancti illustratione electus exitit in pontificem summum, & verè innocens INNOCENTII sibi nomen assumpsit. Hic cultor virtutum summus, fugator vitiorum sollicitus, avaritiæ omnisque luxus præcipuus extirpator, eandem naviculam piscatoris tot quassatam turbinibus & fermè obrutam eriget, & ad portum salubrem eam reducere faciet, hujus viri sanctissimi temporibus detestabile tolletur schisma; & parati sunt modi solemnibus roborati contractibus, & sic Ecclesiam Dei sanctam tot pessumdatam jugulis laceramve, unam, integram, liberamque videbimus, & ei optato ac vulgatissimo locus erit eulogio: & erit unum ovile & unus pastor: non pecuniarum lenonibus, non æris perditissimis



mis cultoribus locus erit amodo, sed virtuti. Exultet itaque omnis terra, & gaudeat ætas nostra, & piè in auream rediens, suis tanta & talia videbunt temporibus, Urbem sanctissimis reformari operibus, & gloriam Deo in excelsis, & in terra pacem bonæ voluntatis hominibus semper esse. Venit enim tempus per Isaiam nobis promissum, dum ait: *Et commutavi manum meam ad te, id est ad Ecclesiam, & excoquam ad purum scoriæ tuam, & auferam omne stagnum tuum, etiam restitui iudices tuos, ut fuerunt prius, & consiliarios tuos sicut antiquitus: post hæc vocaberis civitas iusti, urbs fidelis. Sion in iudicio redimetur, & reducent eam in iustitia, & conteret sceleratos, & peccatores simul.* Nos autem, præcari amici, offerimus nos vobis. Invenietis quidem nos ad omnia vobis & vestris gratuita pronos semper. Tempus sane exauditionis advenit, & per amicos poterimus operari effectualiter gloriosa, summi pontificis mediante clementia, qui nostras dignatus est benignissimas orationes suscipere. Valete & summo Deo sacris reddite jubilationibus gloriam & laudem & honorem.

#### COPIE DE LA CEDULE BAILLÉE

au Roy & à Nosseigneurs par les Ambassadeurs du Roy de Castelle l'an mccccv. contenant en effet ce qu'ils avoient exposé de bouche, & que ils disoient estre à faire en la poursuite de l'union de l'Eglise.

Anno 1405  
Ex mss.  
Gemmetri-  
confi.

**P**Ræclarissime ac potentissime Princeps, practica in via renunciationis tenenda conclusa & determinata per illustrissimum dominum nostrum regem Castellæ & Legionis fratrem vestrum una cum consilio suo hæc est quæ sequitur.

Primò, quòd per solemnes ambaxiatores utriusque Celsitudinis dominus noster papa & intrusus de Roma instantissimè requirantur de prædicta via renunciationis acceptanda, & tunc vel ambo eam acceptabunt, vel alter eorum, vel nullus eorum.

Si autem ambo prædictam viam renunciationis acceptaverint, tunc requirant, quòd ambo tradant bullas suas statim de prædicta acceptatione facta per eosdem: & sic dictis bullis traditis, quòd statim per eosdem cum suis collegiis duo loca eligantur, quæ sint convicina de eorum obedientia, ubi ambo conveniant: ad quæ loca citius quòd potuerint cum suis collegiis teneantur convenire sine mora. Et sic isto modo in prædictis locis convenientes, inde ab eisdem omnibus, ut prædictum est, concorditer eligatur alius tertius locus propinquior, ubi ambo cum suis prædictis collegiis fideliter & tutè personaliter jungantur. Et omnibus hinc inde sic conjunctis, quòd statim ambo in præsentia utriusque collegii cardinalium publicè renuncient, & renunciatione isto modo facta, immediatè utrumque collegium cardinalium, quòd tunc unum erit, ponatur in conclavi, sicut de jure & de more habet, & ibi omnes concorditer eligant, & dent eccle-

*Theſauri Anecd. Tom. II.*

A siæ sanctæ Dei & populo Christiano unicum papam, verum & indubitatum.

Si verò alter eorum tantum prædictam viam renunciationis acceptaverit, altero recusante; & iste acceptans sit dominus noster, quòd tunc ambo vos illustrissimi principes per vestros solemnes ambaxiatores diligenter tractetis cum principibus & ceteris dominis, & cum quibuscumque aliis dominiis & comitatibus partem dicti Romani tenentibus & ei obedientibus, quòd ab eo tamquam à schisma fovere & perpetuare volenti in ecclesia Dei recedant, & ab ejus obedientia se subtrahant, & domino nostro BENEDICTO adhæreant.

Si verò prædictus Romanus prædictam viam renunciationis acceptaverit, domino nostro papa recusante, certè quòd tunc ab obedientia prædicti domini nostri papæ statim ambo vos christianissimi principes subtrahatis, & prædicto domino adhæreatis & obediatis, ex quo tunc clarè videbitur dominum nostrum papam esse opinionis & voluntatis sustinendi, fovendi & perpetuandi schisma in Ecclesia sancta Dei manifestè; quare ei obedire & cum eo stare non esset rationabile, immo magnum periculum animarum.

Si verò, christianissime Princeps, dicatur quòd non esset ista bona via, immo periculosa, ab obedientia domini nostri papæ recedere, christianissime Princeps, bene novit vestra celsitudo tempore quo primò ipsam invenit dominus noster papa istammet viam renunciationis acceptare debebat, dominum nostrum regem misit rogare quòd eam vellet acceptare, & una secum prosequi & procurare, quam de facto acceptavit, & pro ea cum eadem vestra celsitudine prædicto domino nostro papæ supplicavit. Et prædicta vestra celsitudo videns quòd prædictus dominus noster papa prædictam viam renunciationis noluit acceptare, invenit cum suo solemni concilio quòd obedientia erat eis subtrahenda & amovenda, super quo etiam dominum nostrum regem iterum misit rogare, quòd vellet sic etiam ipse facere. Qui videns quòd vestra prædicta celsitudo justum & rationabile eum rogabat, accessit & adhæsit eidem; & sic ambo ab ejus obedientia vos subtraxistis, eo quòd prædictam viam renunciationis secundum quòd juravit & promisit, noluit tenere nec adimplere. Et ideo prædictus noster rex frater vester attendens quòd per prædictam vestram celsitudinem iste processus fuit repertus tamquam debitum & melius remedium, & per eandem & suum solemne concilium acceptus, electus, & approbatus, dicit ipse quòd istummet processum vult modo accipere & prosequi diligenter, si prædictus dominus noster papa noluerit venire, nec attendere ad faciendum & complendum quòd promisit & juravit. Et si Romanus vult acceptare istam viam, & schisma ab Ecclesia Dei amovere, & pacem ei dare, etiam dicit quia est valde rationabile & juridicum, quòd ambo attendatis & adhæreatis ei, ex quo tam sanctam intentionem habebit, & dominus noster tam contrariam ad Ecclesiæ unitatem. Et si fortè, chri-

M m m m



stianissime Princeps, etiam dicatur quòd hoc facere esset contra conscientiam, scilicet accedere & adherere Romano, certè dicit prædictus dominus noster quòd vestra celsitudo bene secundum jus, dum placebit, reperiet quòd secundum dubia & omnia alia quæ fuerunt in materia, non esset contra conscientiam, immo erit bene factum, & tale quod secundum quod ipse tenet cum suo consilio multum Deo placebit; quoniam sic hoc facto quod omnes fuerimus de ejus obedientia, ipse certè convocabit concilium generale, & inde reformatur omnia secundum quod ad Dei servitium & ad bona totius christianitatis pertinebunt. O præclarissime Princeps, istam prædictam pratticam in præfenti cedula contentam ex parte illustrissimi domini nostri, regis Castellæ fratris vestri vestræ celsitudini præsentamus pro via renunciationis prosequenda cum omnibus aliis in alio memoriali contentis, pro quibus omnibus ex parte ejusdem domini nostri eandem celsitudinem rogamus & requirimus, ut ea omnia velit acceptare & prosequi pro unione sanctæ matris Ecclesiæ brevius acceleranda.

FR. ALFONSUS regis Castellæ confessor.

L I T T E R A C O L O N I E N S I  
universitati directæ per collegium domino-  
rum cardinalium, tribus sigillis sigillata:

Anno 1406  
Ex ms.  
Bigotiano.

**V**enerabilibus viris rectori & universitati studii Coloniensis amicis nostris carissimis miseratione divina episcopi... presbyteri... diaconi S. R. E. cardinales venerabiles viri amici salutem in Domino sempiternam.

Tenentes indubiè universitatem vestram tota cordis affectione desiderabiliter affectare, ut miserabile ac Christi fidelibus pestiferum schisma tollatur de medio & in sacro-sancta Ecclesia subsequatur desiderabilis unionis integritas, quæ post obitum ac solemnes exequias felicitis recordationis domini INNOCENTII papæ VII. ab hujus vitæ mortalitate subtrahi die sexta Novembris proximè præteriti, per nos circa præmissa ac electionem summi & futuri pontificis, ejusdem Innocentii successoris, celebrata fuerunt, quamvis sanctissimus dominus noster GREGORIUS papa XII. etiam ea notificet, nihilominus sub compendio decrevimus intimare. Defuncto siquidem eodem INNOCENTIO, celebratis de more exequiis, ac illius corpore in basilica principis apostolorum de Urbe imposito, implorata Spiritus-sancti gratia, conclave in palatio apostolico mox omnes intravimus, & ante omnia de divinæ pietatis omnipotentia confidentes, ac exoptantes innumeris calamitatibus ac pressuris christianitatis, tam lacrymabiliter ex diuturno dicti schismatis morbo afflictæ, quantum in nobis esset, finem imponere, unanimiter & concorditer nonnulla vovimus, ac nos obligando & jurando promissimus, & maximè quòd si quis nostrum assumptus esset ad apicem summi apostolatus, pro integratione unitatis christianorum, renunciaret effectualiter juri suo &

A papatui purè, liberè, & simpliciter; si & quando assumpti adversarius, qui est & qui pro tempore esset, consimiliter renunciaret, & cederet præfatis juri suo & papatui, sive decederet, dummodo illi qui apud dictum adversarium pro cardinalibus se gerunt, effectualiter vellent cum collegio nostro sic convenire ac concordare, quòd ex hoc collegio & ipsis sequatur justè canonica electio unicus summi Romani pontificis; ac etiam promitteret similiter, ut præfertur, quòd pendente tractatu unionis hujusmodi effectualiter & realiter ex utraque parte, non crearet nec faceret aliquem cardinalem, nisi causa coadæquandi numerum sui collegii cum numero illorum se gerentium pro cardinalibus adversarii supradicti: nisi ex defectu steterit adversæ partis, quòd unionis præfate conclusio infra annum & tres menses à die suæ inthronizationis computandos non fuerit subsequuta: quo casu, liceret eidem cardinales eligere & creare prout pro statu suæ matris Ecclesiæ eidem videretur convenire, prout de præmissis & aliis conventis latius patet in publicis documentis manu cujuslibet nostrum subscriptis, ad majorem valitudinem præmissorum. Quibus solemniter celebratis, post solemnes de futuri pontificis electione tractatus, illo divinitus inspirante qui cuncta perpetua ratione gubernat, vota nostra in Reverendissimum tunc in Christo Patrem & dominum ex nostro collegio dominum ANGELUM tituli S. Marci presbyterum cardinalem confratrem nostrum ad culmen dignitatis apostolicæ post divinæ gratiæ munera, universis ejus exigentibus meritis, nec immerito ascensurum, nemine discrepante, direximus: ipsumque confratrem nostrum die ultima Novembris in dominum nostrum elegimus atque Patrem. Tandem post reluctationem & condescensionem ad vota nostra eligentem se GREGORIUM XII. appellari, quem cum adoravissimus, inthronizavimus, & mox coronationis insigniis insignire curavimus juxta morem, qui post inthronizationem ipsam omnia & singula per nos & ipsum tunc fratrem nostrum conventa & firmata confirmavit, ac denuo vovit, promisit consimiliter, & juravit, propriaque manu subscripsit inde confecta publica documenta, prout in ipsis latissimè continetur. Quæ ideo præfate universitati vestræ intimare decrevimus, ut iis cognitis de pace & unitate præfate Ecclesiæ bonam spem possitis suscipere, ac de promotione hujusmodi collatari. Nam profectò confidimus tempus advenisse acceptabile, in quo anxia christianorum vota complebuntur. In ceteris autem rebus quæ ad vestram universitatem attinerent nos offerimus semper pronos. Datum Romæ in palatio apostolico xi. die assumptionis præfati Domini nostri, decimo verò Decembris millesimo quadringentesimo sexto.



LITTERÆ UNIVERSITATIS  
Colonienſis ad cardinalem Leodiensẽ  
promotorem.

Ex ms.  
Bigotiano.

**R**everendissimo in Christo Patri & domino nostro JOHANNI diacono cardinali Leodiensi tituli SS. Cosmæ & Damiani domino & promotori nostro gloriosissimo.

Reverendissime Pater & gratiosissime domine, nuper litteras Sanctissimi in Christo Patris & domini nostri, domini GREGORII papæ moderni; & de hinc litteras gloriosissimi sui collegii cardinalium continentes ejusdem domini nostri gloriosissimam electionem, ac proximam curationem languentis Ecclesiæ felicissimè promittentes, cum omni reverentia, prout decuit, devotissimè suscepimus: per quas quidem litteras utique plenas gratia & veritate, de mœrore ad gaudium, de suspiriis ad jubilum, de planctu Jeremiæ respiravimus ad cantica lætitiæ: quin immo velut de morte desperatæ salutis Ecclesiæ spiritus noster reviviscit, spe resumta quam ante perdidisse videbamur, sedula mente revolventes Beatissimi domini nostri papæ sui que sancti collegii cardinalium tam sanctam super fidei salutem providentiam, pretiosam humilitatem, ac recolendam caritatem, quibus sincerè prosequuntur Ecclesiam Dei, quærentes non quæ sua sunt, sed quæ JESU-CHRISTI, prout currentis negotii declarat evidentia. Et quis zelator domus Dei tam præclaris & diffusivis virtutibus in capite Ecclesiæ & columnis ejus non applaudet vocibus exultationis & laudum præconiis? Quæ re verà virtutes etiam in principio nascentis Ecclesiæ, dum ejus prælati habebant primitias spiritus, fuissent admirabiles, & felici recordatione dignæ. Quid enim ille sanctissimus dominus noster suumque felicissimum collegium facere debuerunt, ultra quam fecerunt? Revera nihil, quoniam animas suas plenè effuderunt in conspectu Dei, totum offerentes suo adversario quidquid pro reintegratione Ecclesiæ poterit esse salutare. Ea propter etsi simus de minimis ovibus Ecclesiæ, nihilominus ut cum vidua pauperula aliquid remittamus ad tanti negotii complementum, nostri beatissimi pastoris moderni sui que gloriosissimi collegii sanctitatem balatu devotæ exhortationis aggredimur, humillimè supplicando, quatenus in suo sanctissimo proposito usque ad felicem consummationem constanter perseverent, prout in litteris quas ad eosdem dirigimus plenius continetur: vestram dignationem, de cujus paternitate specialissimè confidimus, humiliter deprecantes, quatenus prædictas litteras, quarum copias vobis transmittimus, unam domino nostro, & aliam suo collegio cum recommendatione vestræ filiolarum universitatis studii Colonienſis dignetur præsentare tempore opportuno, ut quæ per tam egregium mediatorem offeruntur, gratiosius acceptentur. Nihilominus eidem vestræ dominationi affectu plenissimo omnes quas possumus reddimus gratiarum actiones de honore magno

*Theſauri Anecdor. Tom. II.*

**A** nobis ob vestram paternam sollicitudinem impenso per beatissimum dominum nostrum & suum sanctum collegium. Supplicamus humillimè, quatenus nos in vestros filios adoptare velitis, & solitis favoribus prosequi gloriosis. Eandem vestram dignam dominationem quam ad hujus sancti negotii complementum ferventissimè laborasse & laborare non ambigimus, per tempora longiora conservet Altissimus ad reformationem Ecclesiæ suæ sanctæ.

EJUSDEM AD GREGORIUM  
papam XII.

**S**anctissimo in Christo Patri domino nostro domino GREGORIO divina providentia sacro-sanctæ Romanæ ac universalis Ecclesiæ summo pontifici dignissimo.

Ex ms.  
Bigotiano.

Beatissime Pater, vestræ dignæ sanctitatis litteras, plenas gratiarum, continentes ejusdem sanctitatis gratissimam electionem, & propinquam reformationem Ecclesiæ collapsæ magnificè pollicentes, nuper cum omni reverentia, prout decuit, devotissimè suscepimus: Quantum verò gaudium quamque exuberans propter occursum tam insperatæ consolationis spiritus noster jam diutino mœrore desperationem comminante percussus, ex eisdem litteris conceperit, calamus noster exarare non sufficit. Laudantes, benedicentes, & sine intermissione extollentes ejusdem vestræ sanctitatis sanctissimum & æterna memoria dignissimum propositum inibi expressatum, fidele indicium illius zeli beatissimi, quo mens vestra ad consolationem mœrentis Ecclesiæ tam ferventer inardescit, ut pro nihilo habeat humillima vestra sanctitas jam dignè sublimata seipsam quasi exinanire, ut sic saltem oves errantes ad salutarem obedientiam revocentur, verum tamen etsi ipsa cessio videatur cæcutientibus oculis velut vestræ sublimitatis exinanitio; revera tamen universi qui Deum & Ecclesiam ejus sincero prosequuntur amore, velut limpidius speculantes, vestram gloriam potioribus laudum præconiis per hæc extollent, humilitatem magnificabunt, ac vestræ sanctitatis ferventissimam collaudabunt caritatem. Nos etiam pusilli cupientes cum pauperula aliquid saltem immittere in gazophylacium consummationis tam præclari negotii, disposuimus quatenus singula nostra supposita universitatis studii Colonienſis humilis vestræ filiolarum pacis auctorem omnipotentem Deum suppliciter implorent: ut hoc negotium quod de sua misericordia feliciter inchoatum est, ipso quoque dirigente felicissimè consummetur. Nihilominus vestram dignissimam ex evidentia rei gestæ notoriam & indubitatam sanctitatem, studiosissimè votis quibus possumus exhortamur in Domino, quatenus in incæpto opere perseveranter procedat, currat atque festinet, donec bravium tam inclyti laboris in ore cunctorum verè fidelium comprehendat in præsentem, & inexplicabilis suæ humilitatis præmium perseverantibus debitum mereatur suscipere in futuro.

M m m m ij

Quam vestram Sanctitatem conservet Altissimus, donec Ecclesiae reformatio per eandem magnificè inchoatam temporum successibus gloria suscipiat incrementa.

### EJUSDEM AD COLLEGIUM cardinalium.

Ex ms.  
Bigotiano.

**R**everendissimis in Christo patribus sanctae Romanae ac universalis Ecclesiae cardinalibus dominis nostris gloriosissimis.

Reverendissimi Patres & domini gloriosissimi, litteras Sanctissimi in Christo Patris & domini nostri domini GREGORII papae moderni, de hinc verò litteras dominationum vestrarum dignissimam ejusdem domini nostri electionem cum suo beatissimo proposito atque vestro super consolatione mœrentis Ecclesiae dudum expectata conformiter continentes, cum omni reverentia, prout decuit, devotissimè suscepimus. In quibus altissimo quodam consilio veritas misericordiae, & justitia paci, piè cedere non recusant, dirigente sapientia utique non hujus mundi quæ inflat, sed Dei sapientia quæ humiliat. Et si juxta sententiam philosophicam ex eisdem sumus & nutrimur, quàm congruum videtur quòd Ecclesia Dei per humilitatem instaurata, per eandem reformetur, & reformata conservetur, juxta illam sui sanctissimi fundatoris admonitionem, *Discite à me quia mitis sum & humilis corde*. Per quas quidem litteras omni jucunditate plenas, velut de carcere ad divum, de tenebris ad lucem, de morte respiravimus ad vitam; & mentes nostras quas cruciatus prolixi mœroris exsiccando tabefecit, imber temporaneus ineffabilis lætitiæ ab eisdem emanans litteris dulciter compluendo perfudit. Nec mirum. Quis enim diligens decorem domus Dei non impleretur exuberanti cordis jubilo, dum in vestras dignas dominationes suum desigens intuitum, conspiceret sanctos montes Ecclesiae stillare dulcedinem pacis & concordiae, fontes justitiæ oleum fundere pietatis & clementiæ, gloriosos principes terræ ad consolationem sponsæ Christi concorditer aspirare, & insignes Ecclesiae columnas suo firmiter inniti fundamento, quod est Christus, qui seipsum exinanivit, ut omnes exaltaret, mortem gustavit, ut vivificaret universos? Sic igitur de prædictarum litterarum jocundissimo tenore in Domino gloriantes, suam immensam misericordiam collaudamus, qua vicarium suæ Ecclesiae & columnas ejusdem inflammare dignatus est hoc zelo salutari, ut non quærant quæ sua sunt, sed quæ JESU-CHRISTI die noctuque postulant: quatenus hunc zelum in sanctissimo pastore nostro, & in vobis continuè adaugcat, talem apponendo gratiam cui non poterunt resistere omnes adversarii vestri. Nihilominus vestras dignas dominationes devotissimè exhortamur in Domino, quatenus in sancto proposito unionis omni laude dignissimo usque ad consummationis finem immobiliter perseverent, ut sic nomina vestra inter viros illustres dignè nu-

merentur in præsentī, & in libro vitæ scripta maneant jugiter in futuro. Quas vestras dominationes longævè conservet Altissimus ad consolationem Ecclesiae suæ sanctæ, quibus & nostram humillimè recommendamus parvitatem. Scriptum Coloniae mense Aprilis die xv. Vestri humiles & devoti filioli Rector & Universitas studii Coloniensis.

### BULLA CREDENTIÆ DOMINI PAPAE Universitati Coloniensi missa.

**G**REGORIUS episcopus servus servorum Dei dilectis filiis Rectori & Universitati studii Coloniensis, salutem & apostolicam benedictionem. Anno 1407  
Ex ms.  
Bigotiano.

Pro nonnullis nostris & Ecclesiae Romanae arduis negotiis ad Universitatem vestram dilectum filium Antonium de Pireto ordinis Minorum B. Francisci Generalem ministrum nostrumque nuncium destinavimus, cujus relictis eadem vestra Universitas adhibere velit credentiæ fidem. Datum Romae apud S. Petrum xii. calendas Martii, pontificatus nostri anno primo.

### REScriptio UNIVERSITATIS super eadem bulla.

**B**eatissime Pater, quoniam nostræ parvitas mentes ad consolationem mœrentis Ecclesiae vehementer aspirant, idcirco universæ relationes reformationem ejusdem Ecclesiae de propinquo pollicentes nostrum jucundè demulcent auditum, & ad dulcissimum quemdam in voce exultationis jubilum oppido perducunt. Ea propter vestræ dignissimæ sanctitatis providentiæ atque pietati condignis laudibus occurrere non sufficimus, pro eo quòd licet alias corda nostra propter Ecclesiae desolationem quasi incessabili mœrore percussa suis litteris reformationem ecclesiae pollicentibus gaudio consolationis exhilarare dignata est: Jam iterum eadem caritate cogente, quæ nescit otari, velut novam exultationis materiam per reverendum patrem Antonium de Pireto ordinis fratrum Minorum ministrum generalem & ejusdem vestræ Sanctitatis nuncium suis filiis ministrare curavit. Qui quidem reverendus pater pridem in præsentia vestræ humilis filioli Universitatis studii Coloniensis in conventu fratrum Minorum Coloniae solemniter congregatæ, litteris suæ credentiæ ab eadem vestra sanctitate emissis, & nobis directis apertis atque lectis, ad sibi factæ commissionis puncta cum solemnī collatione ad hoc pertinente dignissimè procedens, in primis dignissimam benedictionem à vestra piissima paternitate procedentem, nobis reverenter applicavit: qua gratissimè & cum omni reverentia subjectiva, prout decuit, per nos suscepta, idem reverendus pater ad alia progrediens nobis humiliter auscultantibus eleganter exposuit, quomodo vestra digna sanctitas, ne-

dum canonicè, quin immo operatione mirabili Sancti Spiritus eligentium corda penetrantis, ad apicem summi apostolatus foret elevata; & quomodo nihilominus eadem vestra sanctitas parata esset, nedum de assumpto apostolatu cedere, quin immo pro salute universalis Ecclesiæ in carcerem & in mortem ire. Et quamquam ante hanc relationem nobis factam fidem credulam præmissis adhibuimus propter litteras vestræ sanctitatis nobis directas, & propter gloriosam famam per omnes Christianorum fines de hac re volitantem: verumtamen per articulatam informationem dicti reverendi patris sumus in hac credulitate plenissimè roborati, non sufficientes tam vestram sanctam voluntatem, tam memorabile propositum, & tanti fervoris zelum ad plenum ammirari, Deum cœli qui est dator tantorum munerum sine intermissione laudantes atque benedicentes, pro eo quod tam pium & taliter oppignratum muneribus voluit Ecclesiæ suæ præficere pastorem: ipsam divinam beneficentiam votis quibus possumus humiliter invocando, quatenus spiritum tam alti consilii, tam constantis fortitudinis, & recolendæ pietatis in vestræ sanctitatis mentem infallibiliter ab ipsa infusum conservet, corroboret, & adaugeat in eadem, ad hujusmodi grandis & necessarii negotii complementum. Et nihilominus si parvitas nostra quicquam amplius immittere sufficeret in gazophilacium consummationis tantæ rei quibuslibet auxiliis & consiliis, ad hoc conabimur toto posse, nostros oratores ad locum unionis juxta possibilitatem nostram, si videbitur expedire, libentissimè destinando. Vestræ dignissimam sanctitatem conservet Altissimus per tempora longiora. Scriptum Colonia xxv. die mensis Maii nostræ Universitatis majori sub sigillo:

**C O P I A B U L L Æ M I S S Æ**  
Universitati Parisiensi, per dominum  
Gregorium ultimò electum in Româ.

Anno 1406  
Ex ms.  
Cajusianus.

**G R E G O R I U S** episcopus servus servorum Dei dilectis filiis Universitati studii Parisiensis, salutem & apostolicam benedictionem.

Eo magis properamus, dilecti filii, ad unitatem vestram scribere, quod vos contra malitiæ qualitatem hujus temporis frequentatis studiis ad opportunam viam sedandi schismatis insudastis, & viam piæ condescensionis protulistis, quæ non nisi ex necessitate malorum dierum sumenda esset, eademque ratione ex misericordia Omnipotentis ad eam effectuales nos esse videbitis. Itaque felicitis recordationis INNOCENTIO papa VII. prædecessore nostro VIII. idus Novembris ab hujus sæculi mortalitate sublato, cum post exequias, ut moris est, solemniter celebratas, venerabiles fratres nostri sanctæ Romanæ ecclesiæ cardinales, de quorum numero tunc eramus, invocata Spiritus sancti gratia, in palatio apostolico apud sanctum Petrum pro electione futuri Romani pontificis conclave intravissent, multis & variis tractati-

bus per plures dies habitis, tandem in nos tituli S. Marci presbyterum cardinalem unanimiter oculos direxerunt, nos in Romanum pontificem concorditer eligentes. Nos vero quamquam pro imbecillitate nostra tantum onus subire formidabamus, cum in eo qui mirabilia facit spe concepta submisimus humeros, non de nostra virtute, sed de summa Dei cujus procul dubio res agitur benignitate confisi. Curâ igitur pastoralis officii non pro nobis, sed pro Dei honore & publicæ utilitatis commodo suscepta, ad illud ante omnia vertimus animum, ut cum effectu hanc pestiferam exitialemquæ scissuram, quæ per tot annorum curricula populum christianum pervasit, ad reintegrationem & unitatem reducamus, sub quo tantam gratiam speramus nobis ex alto præstari, ut jam nobis suaserimus brevi temporis spatio hoc quod cupimus ad effectum deducere. Atque ut in omnibus notum sit animi nostri propositum, decrevimus vero juri nostro, quod verissimum existimantes, tollere omnem affectum & effectum tam juris quam facti, quantum in nobis rationabiliter esse poterit, quo impediri non valeat gratissima christianorum unio, & ne tantis calamitatibus subjiciatur sacro-sancta Ecclesia, sed quo validiora, firmiora & certiora sunt jurâ nostra, & quanto magis de illis nullatenus dubitamus, tanto laudabilius esse ducimus pro parte christianorum illa deponere. Non enim juri semper inhærendum est. Sæpe utilitatis & temporis habenda est ratio. Itaque omni contentione seposita ad adversarium nostrum jam scripsimus, ipsum ad pacem & unionem benigne invitantes, atque offerentes nos paratos ad juris nostri cessionem, & ad papatus renunciationem efficaciter per nos faciendam, si & quando ipse adversarius vel ejus successor, quicumque hoc idem faciat, renunciâns scilicet prætensis juri & papatui suo vel decedat, dummodo illi qui apud adversarium pro cardinalibus se gerunt sic convenire ac concordare cum nostro collegio velint cum effectu: ut exinde canonica unici Romani pontificis sequatur electio: nec non offerimus omnem aliam viam rationabilem per quam schisma tollatur, & unionis sequatur integritas, quam oblationem ut strictiori vinculo fieret, juravimus, vovimus, & promissimus ante electionem nostram eodem vinculo efficaciter implendam cum singulis ex venerabilibus fratribus nostris ejusdem ecclesiæ cardinalibus, in casu quo aliquis nostrum ad apicem summi apostolatus esset assumptus: post ipsam assumptionem idipsum ad firmiorem constantiam de novo jurantes, & voventes, promittentes, & ratificantes. Oratores etiam nostros celeriter missuri sumus, qui de loco idoneo & decenti cum eisdem disponent ad hujusmodi unionem faciendam. Vos igitur, dilecti filii, totis viribus insistite, & nos in hoc opere adjuvate, ut Ecclesiæ diuturno morbo afflictæ salutarem opem cum effectu feramus.



M m m m iij

COPIA L I T T E R A R U M  
domini cardinalis Aquilegiensis.

Anno 1406  
Ex ms.  
Cosliniano.

Venerabilibus & egregiis viris rectori, magistris, doctoribus, bacchaliis & aliis studentibus sacrae universitatis Parisiensis.

Quibus vos aggrediar verbis, venerabiles patres & carissimi in Christo atque propter Christum in caritatis visceribus diligendi? quibus congruis sermonibus utar, ut commune gaudium vobis annunciem? Vix enim si afforet magnorum Romanorum operationum dulcisonus scriptor, qui foris eloquentiae merito designatur, & Cicero magnus ille vexillifer, qui & docendo & mirabiliter utendo ipsis cunctos imitantes facit esse facundos, in tanti gaudii & hilaritatis expressione sufficerent. Merito ergo hebetatur mens, caliginatur visus, tepida redditur manus, & cuncti tremunt artus, dum dilectio movet, ratio urget, & desiderium concupiscit, ut tam laudabiles, salutiferi, immoque necessarii actus toti populo christiano patefiant, innotescantque: ut ipsis auditis laetemur in Domino, qui non solum non petita, sed etiam insperata concedit, sed sperans in illo, qui non soli rationali dat eloquium, sed brutum animal significativam vocem ad sui gloriam facit proferre: qui etiam infantium linguas facit esse disertas, licet tepidam ad fortia manum posuit, cogitans ut si pias aures rudi multoque sermone forte offenderem aliquammodo, gratitudo materiam pro qua longe peractis temporibus & laudabiliter & fervide insudastis, tedium illud excluderet, & immensum gaudium in animo generaret. Noscatur igitur vestra caritas, jam venisse tempus, & nunc est, ut pie ex actibus nostris sit sperandum, heu dolendi abhorrendique schismatis, propter quod utriusque hominis inimici operatione iniqua quantum in eo fuit, inconfutibilis Domini tunica fere sex lustris extitit damnabiliter lacerata, finem advenisse, vel saltem de proximo advenire debere. Nam sanctam matrem Ecclesiam cunctorum dominam & magistratam unigeniti summi patris sponsam pulcherrimam & dilectam praefatum tetrum schisma sanguineis lacrymis cordialiter flentem & deplorantem credimus pro sua reverentia exauditam, & in brevi tempore gaudii plenitudinem recepturam, dum schismatis ruina rejecta, unum ovile, unumque pastorem sicut in triumphante, ita in militante ecclesia videre speramus, hymnum cantantes angelicum lato corde *Gloria in excelsis Deo, & in terra pax hominibus bonae voluntatis*. Sanctae igitur memoriae domino INNOCENTIO VII. viam universae carnis ingresso VIII. Idus Novembris, & animam, ut pie credendum est, à quo recepit devote redente, ejusque exsequiis solemniter exactis, ut laudabilius longa tribuit consuetudo, licet merentente ad electionem procedere, cum mihi videretur supersedendum, ut citius & liberius pestiferi schismatis remotio haberetur, cum ambitio principandi ab utraque parte prorogatio-

nis notoria extiterit causa; aliisque tamen dominis meis limpidius temporis malitiam & aliarum circumstantiarum qualitates librantibus, intrare conclave pro celebranda electione deliberantibus, intravimus, Christi nomine invocato, & tandem quatuordecim diebus transactis in conclave cum continua & humili oratione, & Dei digiti invocatione, cum in certis & salubribus obligationibus, ut in instrumentis inde confectis, quorum copiam vestrae caritati transmittito, videre poteritis, cum in laudabilibus ponderosisque tractatibus, prout nobis ex alto concedebatur, & rei gravitas exigebat, in reverendissimum tunc patrem dominum ANGE-  
LUM tituli S. Marci presbyterum cardinalem dictum Constantinopolitanum, nunc vero unicum sanctissimum patrem orbis & Urbis summum episcopum, cui per effectum ab illo, qui in utero matris Johanni nomen imposuit, GREGORIUM XII. est nomen impositum, utique castitatis praerogativa dotatum, abstinencia roboratum, doctrina refertum, patientia comprobatum, fortitudine dotatum, pietate benignum, justitia fundatum, aliisque eximiis virtutum donis praeditum & stipatum unanimiter, nemine discrepante, & teste Deo cui patet omne secretum, per puram viam inspirationis, nulla alia scripta, vel cogitata permixta, consensimus, pure, libere & libenter ipsum in verum papam elegimus & inthronizavimus, omnibus debitis quae ad honestatem tanti culminis requiruntur, solutionibus adhibitis. Ecce carissimi patres & fratres, quod diu optastis, concupistis, magnisque expensis, gravibus periculis, longaevisque temporibus perquisitis, habetis, nec opus est quaerere si iste est, an alium expectamus. Iste est, tenete eum, iste est qui solum ut errantes oves dispersasque reducat & congreget, cupit atque anhelat. Iste est qui sui magistri & omnium nostrum cuius est vicarius exemplo, ut scandalum evitaret, censum in servitutis signum, cum dominus esset omnium, solvere voluit, qui etiam deposita evidenter excelsa maiestate divina, formam servi accipiens usque ad mortem turpissimam pro damnati generis restauratione voluntarie se humiliavit, papatum accepit, ut pro reintegratione fidei christianae unioneque, ne in uno corpore duorum capitum monstrum ulterius notari valeat, pure ac libere paratus est cedere vero juri suo & papatui, qui verissime apud ipsum est, non considerans quid juris in hoc, sed potius quid pro salute conquassata & dilacerata, atque dilaniata ecclesiae christianitatis orthodoxaeque fidei debeat & expediat, si & in quantum dominus qui in Avinione praestit vel praesuit, quem nonnulli Benedictum XIII. appellant, vel qui pro tempore erit, similiter cedere velit, & cedat efficaciter cum effectum, ut vera unio in ecclesia Dei sequatur, & ex nostro vero collegio, ipsiusque praetento unius veri pastoris sequatur electio, quod optime de jure fieri potest, ut penes vestram immensam sufficientiam scimus esse, licet aliqui ipsius domini ambaxiatores Romam venientes tempore sanctae memoriae domini Bonifacii IX. hoc vi-



debantur in dubium revocare. Eia ergo, milites veritatis, apprehendite arma & scutum, nunc est tempus salutis. De isto scriptum est, in tempore accepto exaudivi te, ut vestris & virtuosis operationibus mediantibus communis mater, quæ nos salubriter generavit, laboriose nutrit, & nutrit, dulciter pavit, & fideliter collocavit, tenebrarum caligine offuscata, nefandi schismatis à fluctibus Euro flante diutius conquassata, quam si quia Domini, cujus sanguine est fundata, pie ab alto prospiciens, dextera, ut spero, est amplexata, unde dehiscens rapidus vertex proculdubio devorasset sui Sponsi radiis illustrata, ad salutis portum honorifice reducat, quo unitas denotatur. Est enim in potestate domini vestri, ut ita loquar, honeste, an velit infirmitatem istam ad mortem deducere, quantum in eo est, an citam & salubrem adhibere medelam. Nullus enim dilationis tergiversationisque remanet locus, quando expresse pateat ipsum aliosque mendacibus fuisse verbis usos, ad ostentationemque fuisse locutos, si ad cessionem venire neglexerit, ut unio sequatur, ut petitur. Merito ergo poterit quicumque sit ille, sedis præsertim in cujus manu principaliter sunt collocata, voti fractor, perjurus, & de fide male sentiens denotari, nisi ad hoc veniat, ut tenetur. Nam licet quilibet christianus usque ad mortem penitus inclusive alacriter debet occurrere, ac magis qui sunt in causa, in ea sunt nutriendi, quibus potestas est elevandi concessa, quique voto, juramento, & publicis domini vestri bullis, referentibus vestris oratoribus, si non lethæo mentem fonte repleti, & aliis quamplurisque dilucide constat, se solemniter obligarunt. Spero namque in eo qui talem præclaram almamque universitatem infinitorum virorum doctorum fecundam fecit & facit, de quorum numero esse summè optarem, qui tot fulgentibus stellis in totius nostri emisphærii ad ignorantie caligines reprimendas ipsam facit, & continuo facit clarescere, per ipsum totum mundum penitus illustrare. Quod si ut cœpistis, immo melius, cum nunc opus esse noscatur, vestras efficacissimas interponatis partes, proculdubio diu desideratum concupitumque unionis bonum, brevi tempore proles Christi dicata sanguine percipiet cum effectu, quod fieri opto desiderioque totis viribus summe supra omne quod dici aut cogitari valeat. Per ipsam namque sanctissimam unionem fractum consolabitur & consolidabitur, abjectum revocabitur, perditum recuperabitur, & mortuum vivificabitur, christianus populus ab uno pastore directus, sicut ab uno redemptus gloriabitur, hæreses adnihilabuntur, odia fugabuntur, homicidia repellentur, furta removebuntur, incendia depopulationesque, & cuncta mala funditus confundentur, fides confirmabitur, spes roborabitur, caritasque virescet, & justitia exaltabitur, fortitudo animabitur, temperantia conservabitur, & summa prudentia collaudabitur. Quibus omnibus quid dubium quin fidelium omnium devotio continuo augmentetur, fugatis malorum & guerrarum tædiis nefandis,

A heu! heu! & lugubris schismatis jacturam provehentibus, in solius sui contemplatione conditoris sui adhæsiōe devota & ad orationem vocabit: quia non nisi tempore pacis bene colitur pacis auctor, quam toti mundo misericorditer donare dignetur qui ad Patrem transiens, pacis condidit testamentum. Valete in Domino & pro me orate. Datum Romæ die xvii. Decembris xiv. indictione.

ANTONIUS episcopus Prænестinus  
cardinalis Aquilegiensis.

COPIA LITTERARUM DOMINI  
cardinalis Leodiensis ad Universitatem  
Parisiensem.

Venerabilibus & egregiis viris rectori & universitati studii Parisiensis, amicis sincere dilectis, &c. Anno 1406  
Ex mss.  
Cosliniano.

Venerabiles viri & scientiæ margarita singulariter decorati, amici præcipue dilecti, sincera salutatione præmissa, noverint vestra circumspersiones, quod sæpe gaudium & lætitiæ conceptum ad plenum non sinunt exprimere. Cum igitur jam retrolapsis temporibus veraciter dici posset obscuratum fuisse aurum, & mutatum esse colorem optimum, & nunc è converso aurea quodammodo incipiunt redire sæcula, & videntur recessisse vetera: adeo ut abjecta caligine, nova fieri videantur omnia, & miserendi tempus videatur adesse, dum istis diebus vacante sede apostolica per obitum felicitis recordationis domini INNOCENTII papæ VII. domini mei sanctæ Romanæ Ecclesiæ cardinales, ad ea quæ unionem concernunt mentis aciem studiosissime converterunt illis diebus pluribus continue insistendo, illaque concorditer & laudabiliter concludendo & firmando per quæ certissime uniri poterit ecclesia: quæ omnia Gregorius XII. sacre theologiæ doctor eximius, in ætate matura constitutus, sanctitate vitæ & morum honestate conspicuus, ad summi apostolatus apicem concorditer assumptus, post ejus assumptionem absque longo temporis intervallo manu propria juramento, voto, & promisso renovavit, confirmavit & ratificavit, & ad effectum realiter mandare disposuit, prout super hoc orbis catholici prælatos & principes vestrasque reverentias per suas litteras reddidit certiores. Tanta inde exultationis & gaudii surgit occasio, quod hoc ad plenum explicari non potest. Eia ergo, athletæ fortissimi, & singulares orthodoxæ fidei nedum cultores, verum etiam insignes fidei defensores, nunc in Domino lætemini, & spirituali jucunditate reficiamini, nisi per partem vestram steterit, ad hoc devenistis quod tamdiu habere optavistis, & propter quod plurimum insudastis. Prioribus igitur sequentia continuando manus adjutrices porrigere, sanctum propositum adjuvare, & absque perditione temporis non cesset instantius manus vestra, quæ quidem poterit operari, ubi, quando & apud quos vestris circumspersionibus providis videbitur necessarium & modo quolibet opportunum. Perditio

profecto temporis etiam modici secundum varias circumstantias tantæ rei multum præjudicii posset afferre. Hic ergo jubilate, si placet, rescribendo & scribi procurando, sanctum confovendo propositum, & laudando, & ad ejus executionem vos præbendo diligentiam facere non... super his dudum operari. Novit ille quem nulum latet secretum, quique nos ab omni calamitate conservet. Scriptum Romæ xvii. mensis Decembris, &c.

JOHANNES cardinalis ad vestra beneplacita paratus.

COPIA LITTERARUM DOMINI  
CARDINALIS DE THUREIO, ad Universitatem Parisiensem.

Anno 1407  
Ex m.  
Cosliniano.

Venerabilibus & egregiis viris rectori & Universitati studii Parisiensis sociis & fratribus nostris carissimis.

Venerabiles viri & egregii amici ac fratres carissimi, his diebus non longe præteritis per JOHANNEM DE URSINIS civem Romanum, virum utique nobilem, & potentem in Urbe, ubi filium anticardinalem habet, misimus copiam cujusdam instrumenti jam pridem facti ex ordinatione anticardinalium ante novi assumptionem intrusi, scripsimusque domino meo Biturix, nec dubitamus hujusmodi copiam ad vestram notitiam devenisse, per cujus seriem, quia sedentibus in tenebris & umbra mortis visi sumus videre ortum lucem felicitis inspirati successus, & si salubre videbatur principium, progressum feliciorum conspicimus. Nuper enim præfatus intrusus suas papæ & sacro collegio direxit litteras sub bulla, non solum effectum prædicti instrumenti, sed ultra continentes, per quas juxta promissa, votum & juramentum in ipso instrumento, sanctam clare offert viam cessionis mutux, & ad illam invitat papam atque hortatur. Super ejus oblatione hujusmodi etiam scribit regi & dominis meis Franciæ & ceteris principibus tam hujus obedientiæ, quam suæ, sicuti tam ex regiis & dominorum meorum prædictorum litteris, vel eorum copia poteritis videre. Diffusius videbitis ex earum tenore, quanta nuper Salvatoris gratia operata est, videbitis instare malorum finem, & acceptabilissimum tempus videbitis, videbitis demum, ut multa perstringam paucis, dispositionem diutissime concupitam, qua conclusionem votivam sequi non dubitamus, si rex & domini nunc quo tempus adest & opus est facto dederint operam rei. Scitis, carissimi fratres, & hæc frequenter sunt ipsorum dominorum auribus insonanda, quod rex & principes inclytissimæ domus Franciæ semper auxilia opportuna ecclesiæ, semper finem dedere schismatibus, propria etiam facta postponendo ad tempus. Tanto enim Dei negotio nulum factum propinquius, nullum utilius & salubrius animæ, nullum etiam gloriosius, aut quo quis ultra dignum præmium tantis efferri laudum præconiis querit. Hic quidem est ille uberrimus ager, in quo suffossus potest reperiri thesaurus. Hæc est illa pretiosissima margarita profecto ve-

nalis, pro quibus emendis bona cuncta vendenda sunt. Precamur vos itaque quod reges & dominos meos præfatos excitare & sollicitare velitis opportune & importune, ac taliter accelerare quidquid in hoc Dei negotio agendum est, quod unio ecclesiæ Dei, quæ jam videtur manibus apprehensa, non elabatur per desideria, sed finem votivum recipiat, solito & laudando vestrorum laborum servitio. Scitis moram periculosam semper tum propter rei & animorum mutationem, tum propter indubitabiles corruptelas, tum propter collusiones, dubiumque, tum demum propter alia multa quæ dici possent, sed essent longa nimis. Ceterum quæ nobis super his videntur impræsentiarum agenda, per quamdam cedula mittimus, & alia quædam dedimus domino patriarchæ communicanda vobis, & in proximo, ut speramus, etiam aliqua scribemus: ideoque nihil aliud hic inserimus, sed precamur quod beneplacita vestra & occurrentia nobis rescribatis frequenter. Altissimi gratia diu & feliciter vos conservet. Scriptum Maiiliæ die xx. Januarii.

LITTERÆ MISSÆ DOMINO  
domino duci Biturix per dominos cardinales.

Excellentissimo & magnifico principi domino JOHANNI regis Francorum filio Biturix & Alvernorum duci, comiti Pictavensi, &c. miseratione divina episcopi, presbyteri & diaconi sacro-sanctæ ecclesiæ cardinales.

Concupitam diu per vos integritatem ecclesiæ celeriter prosequi & amplecti regali prosapiæ cedit ad gloriam, ut quo præstantis oris causa laudum cumulus, & quidem magnum adeo meritum quæri possunt, ad id accuratius se accingat. Sane, Princeps excellentissime, adest tempus per regiam majestatem & vos diutissime expetitur. Adest causa interitus, videlicet illius congruentissimæ pestis, qua versutus humani generis inimicus ab olim miserabiliter secuit domum Dei, & ejus indissutilem tunicam minutatim dissolvere nixus est: pro qua re integranda vos cum rege tot subiistis labores. Nuper enim ANGELUS CORRARI, qui sedem apostolicam occupans GREGORIUM se appellat, sanctissimo domino nostro BENEDICTO divina providentia papæ XIII. nobisque, sicut excellentiam vestram latere non credimus, suas direxit litteras, per quas paratum se offert suis prætensis juribus & papatui cedere certo modo & forma in præactis litteris ejus contentis, quarum copiam etiam nostræ responsionis ad illas excellentiæ vestræ mittimus his interclusam: quibusque receptis idem dominus noster profecto amator caritatis & pacis, cujus & etiam nostra ad hoc tota flagrabat intentio, non modico fuit gaudio, & in Domino exultatione perfusus, videns attigisse quod tamdiu quæsierat & optaverat, ac nunc desiderata opportunitate se offerente, volens evidentius prodire in lucem bonum propositum, quod à tempore suæ assumptionis pro extirpanda hac veraci scissura fervido gessit in pectore, idem dominus

Anno 1407  
Ex m.  
Cosliniano.

dominus noster habita matura & frequenti deliberatione nobiscum per suas apostolicas litteras dicto intruso cum magna caritate plene, grater, & pro unione ecclesiæ securius ac celerius consequenda, multum iudicio nostro effective respondit, prout apertius intueri poteritis per tenorem litterarum suarum qui sequitur prout ecce. BENEDICTUS episcopus servus servorum Dei Angelo dicto Corario, &c. Per quemdam conversum fratrum Prædicatorum, &c. *extant apud Theodericum de Nien in Nemore unionis tract. 1. cap. 4. p. 269. editionis Argentorat. & initio omisso apud Odoricum Rainaldum.*

Nunc ergo, Princeps excellentissime, videris pium, videtis meritorium, immo sanctum propositum domini nostri cunctis efferendum laudibus, & omnium favore favendum. Ecce per harum oblationum concursum jam medium habetur, per quod, Deo auspice, princeps huius mundi ejicitur foras & pellitur; hoc schisma cruentum extinguitur; consuitur lacerata tunica Domini, & sequetur unio per regem & vos tam ardentem expetita, tam inflammatis affectibus concupita. Ad huius autem tam sancti perfectionem operis, si bene metimur, sola restat conventionis partium acceleratio, in qua mora vel dilatio modica notummentum maximum ferre posset in hoc opere. Excellentissime Princeps, causam diximus quæ ad gloriam acquirendam & meritum præ ceteris rebus regendis altius tanto præstat, quanto certum est minus posse temporalia spiritualibus adæquari. Exurgant igitur, Princeps magnifice, vestra virtus & potens dextera, una cum rege prosecutionem tam sancti operis complectatur, etenim regis domui vestræ hoc quasi hereditario jure debetur, ut christianissimorum progenitorum vestrorum, qui semper accuratissime finem dederunt schismatibus, vestigiis inhærendo, huic etiam sectioni finem dari vestris pils favoribus procuretis. Cum verò ad huius rei consummationem & ecclesiæ & ipse dominus noster regio & vestro favore ipsaque res miseranda acceleratione indigeant, quæsumus supplices Excellentiam vestram & exhortamur per sparsum in nostræ redemptionis pretium pretiosissimum sanguinem JESU-CHRISTI, quatenus ipsi matri ecclesiæ diuturnis undique afflictionibus laceratæ sic manus velitis porrigere adjutrices, ipsum dominum nostrum cum rege simul amplectentes auxiliis & favoribus opportunis, sed & omnibus modis, omnique cura relictis, domino nostro ad conventionem accelerandam opem ferre, quod & ipsa ecclesiæ & idem dominus noster talem filium adiutorem tam favorabilem habuisse gaudeant, demumque ex conventionem ipsa cita sequatur conclusio votiva, in qua ipsa pro Deo omnis mora, quæ semper nociva est, & quantumlibet succidatur. Propterea, Princeps excellentissime, scimus excellentiam vestram nosse hic agenda quanta solertia, quanto sunt conducenda favore. Sed nihilominus accepimus, quod nonnulli hoc sanctum propositum forsitan ignorantes, aliquas novitates apud regem fieri prosequuntur, ea postulantes;

*Theauri Anecd. Tom. II.*

A ut retardationem irreparabilem huic sancto negotio tam salubriter tamque bene disposito ferre possent. Scimus, Princeps optime, quod nullæ novitates sunt intruso. Et quia indecens esset, etiam honori regio & vestro, ac toti huic obedientiæ absolum, quod intruso bene & honeste à suis tractato, dominus noster pressus... noxiis ad præfatam conventionem veniret, possetque ex hoc mentibus plurimum scandalum generari. Supplices & iteratis vicibus quæsumus eandem excellentiam vestram, ut procurare placeat huiusmodi novitates abigi, etiam tolli penitus ac cessare. Nam ex hoc quod per jam facta, ut præmittitur, agendum restat, in tam salubriter dispositis salutari directione ducetur citius ac salutarius ad optatum. Datum Massiliæ sub trium priorum nostrorum sigillis die ultima mensis Januarii xv. indictione, anno à nativitate Domini MCCCC. septimo, Pontificatus præfati domini nostri papæ Benedicti tertii decimi anno XIII.

#### A P P E L L A T I O I N T E R P O S I T A per Universitatem Parisiensem à domino BENEDICTO, anno Domini MCCCC. vi. die mensis Januarii.

**M**Ovebitur, Deus immortalis, & semper turbabitur gens christiana, opprimetur in dies magis ac magis ovile tuum, ac sævis luporum faucibus devorabitur; læsa laceraque semper fluctuabit navicula Petri, scopulis atque procellis & penè ad interitum perpetuo concutietur Ecclesia. Quamdiu convalescet tam horribilis & tam paci infesta pestis, magna & perniciofa schismaticorum sentina? tot mortales sub conscientiarum scrupulo perditissimorum hominum scelus detinebit? tot animas fidelium, immo penè totum genus humanum quod hac luce fungitur paucorum ambitiosa libido, fraudis perjurique conscientia in periculum æternæ damnationis adducet? Viderat olim gloriosa Christi sponsa tempora sub Christo felicissima. Tunc nec à suis dividebatur, nec divisa membratim à suis opprimebatur præsidibus. Nunc verò turpiter laceratur; & ab his qui eam, si veri pastores essent, tueri deberent, conculcatur, comprimitur, atque conteritur. Hinc periculorum magnitudinem, immanitatem facinorum, jacturam fidei, ecclesiarum oppressiones, ac ingentem vastitatem christianæ religionis obortam videmus.

His autem, cum à summis iudicibus aguntur, aut ab his qui se pro summis gerunt, prisci sanctique doctores appellationis remedio dixerunt obviam iri oportere: quod certè non est abolendum aut refutandum, nisi jus omne planè violatum esse velimus. Nam hoc est à natura profectum, ac voluntate divina rebus naturalibus impressum, ut superioribus exorbitantibus inferiora adversum superiora ita ferantur, ut ipsis relictis, nihil videatur nisi divina decreta pro suis capacitatibus imitari. Sic etiam vult omnis humanarum rerum institutio, ne plerum-

N n n

Anno 1406  
Ex mss.  
Gemmar.  
cens.

que dominantium depravatissima libido salutem publicam sit miserabilem pestem importatura. Sic Paulus Cæsarem appellavit; sic reprehensibili Petro in faciem restitit; sic & multi principes ambitiosorum pontificum conatus nefarios compresserunt. Quod si sic non liceret, dum papa schisma vel hæresim incurreret, aut aliquid ageret unde status universalis Ecclesie turbaretur vel subverteretur, sibi obsistere vel nullo pacto liceret, vel nulla exequendi commoditas reperiretur.

Itaque quod naturæ jus, humanum divinumque faciendum consulit, in tanta præsentium facinorum immanitate ac Ecclesie prorsus oppressæ gravaminum importunitate, Ego Johannes Molleti senior procurator almæ matris Universitatis studii Parisiensis, rectoris, & decanorum theologiæ decretorum, & medicinæ facultatum, ac etiam procurator nationum facultatis artium & singulorum suppositorum prædictæ Universitatis pro interponendo, & interpositæ provocationis & appellationis titulo, nomine, & pro eadem Universitate ac omnibus adhærere volentibus & adhæsuris, sub protestationibus infra dicendis, coram vobis tabellionibus publicis, tamquam probis & honestis viris, ac publicis personis, testibusque astantibus assero quæ sequuntur, & eadem in præsentia illius vel illorum contra quos vel quem huiusmodi provocatio & appellatio emittantur libentius dicerem, si tutus ac sine gravi periculo ad eum vel ad eos mihi pateret accessus.

Et primò protestor quòd cujuscumque mortalis famam carpere non intendo, nisi pro quanto Ecclesie causa veritati conjuncta requirit, quòd etiam nihil catholicæ veritati dissonum aut piæ devotionis offensivum asserere propono. Quod si aliter verba prætere viderentur, totius ac universalis Ecclesie ac sanctæ sedis apostolicæ, cujus auctoritati & præminentie nullatenus intendo derogare, sed potius ejus exaltationi devotè pro viribus inservire, correctioni me ac dominos meos submitto. At eò magis fideles animi ferre debent quæ dicturus sum, quòd proferenda eo dicendi genere sunt instituta, ut eos qui pacem Jerusalem studiis ac laboribus acerrimis procurant, majori securitate votivo proposito possint intendere. Hæc autem delectare debent, quia in lucem emittent gravissima flagitia, quibus & simplices decepti, graves & doctissimi corrupti, ac denique mater universalis Ecclesia multa per tempora labefactata fuit atque contaminata.

Ut igitur à notissimis exordiar, post Græcorum à Latinis divisionem, grandis in Ecclesia Dei scissura secuta est, ac dum diu de papatu duo contententes, altero morte sublato, eligentium vota in cardinalem de Luna ceciderunt. Is autem inthronizatus ac BENEDICTUS appellatus, post schismatis scelere contaminatus, perjuris læsus atque debilitatus, hæreseos non modicam suspicionem incurrans, damna & intollerabilia gravamina gloriosæ Christi sponsæ crudeliter intulit. Hic omnes pacem quærentes adversarios existimat, & à se deputat alienos.

Hic oves simplices ore lupino atque rapaci teritat & dispergit. Ab ipso igitur quem Benedictum vocant, & contra eum provocans & appellans, dicta & dicenda, protestationibus superius habitis, moderata constanter assero.

Cum pastoris præsentia propter Ecclesiam non propter papam instituta sit, suam tenere præsentiam non debuit, cum luce clarius Ecclesie videretur obfutura: & si carissima Christi sponsa Christo capiti atque sponso nullo mediante adhæret, non fuit necessitas ut tantopere in jacturam Ecclesie præsentiam retineret. Attendite, fideles, & omni affectione semota, prospicite, si verus pastor & administrator Ecclesie legitimus fuisset, nonne cum ei via cessionis ab ejus obedientia offerretur, eam pro extirpando schismate illico acceptasset? Sic sic pastor bonus animam suam ponit pro ovibus suis, sic Christus pro evellendo spiritali schismate se suo proprio corpore spoliavit. Sed fortè huic viæ pro ante notoriè diffidebat, levis, ingloriusque visus esset, si à suis rationibus tam repente discessisset. At vero hæc mutatio potius laudabilis correctio diceretur, quàm vituperanda varietas. Nec hoc quidem in eo fuisse contendam: potius enim corruptum animum levem, hypocrisi schismateque perculsum in hac Dei causa monstravit. Eo namque tempore quo se pro cardinali gerebat, legatus ad Christianissimum Francorum regem, viam cessionis magnopere super omnem viam efferebat: palam multis celebris memoriæ duci quondam Burgundiæ constanter asserens, si dominus CLEMENS & cardinales in eam consentire nolent, medio fore subtractionis utendum. O divinam providentiam hominibus incognitam! per illum hominem aperta fuit subtractio, cujus erat sceleri maximè obfutura. Nam licet jus humanum naturæ atque divinum ad subtrahendum exacto præsentique casu nos impellat; nondum tamen tam expediens, tamque necessarium medium à quovis homine tunc fuerat explicatum. Nec eam tantum principibus Franciæ aperuit. Nam completa legatione, priusquam sarcinas & viæ supplementa solverit, dominis cardinalibus intimavit, quòd nisi dominus præmemoratus CLEMENS papa cessionis viam acceptaret, se nequidem una die hospitio mansurum, sed omnibus clausis confestim ad propria reversurum. Repertæ sunt dilationes interim, & piæ recordationis dictus dominus CLEMENS vita functus reddit animam, præparatur futuri pastoris electio, jurant cardinales in conclavis introitu communi cedula se manu propria inscribentes, quòd quicumque eligentium vota susciperet, quotiescumque collegio cardinalium vel majori parti videbitur expedire, papatui renunciabit. Tandem, ut verisimile est, quia præfatus cardinalis de Luna sese ad hanc viam atque procurandam pacem Jerusalem promptissimum ostendebat, in eum vota sua direxerunt. Dum verò sub illa intentione provectus cathedram obtinuit, rursus ad cardinalium requestam suum juramentum renovavit. O fideles Christiani, quanto tunc gaudio exultabatis! quibus eum



laudibus prosequerentur universi: cum tantam spem pacis habendæ monstraret: Hic, hic introitus hujus viri in papatum, hoc suo simulatore mentes oraque gentium perstrinxit. Vos, vos convenio qui primi apostolatus à Christo suscepistis dignitatem, non vos qui hunc schismaticum perniciosè sustinentes, pene pari scelere vos demonstratis devinctos, an hoc uno vir iste intolerabilem ambitionem monstravit? An hoc uno flagitio quod prius viam cessionis approbans atque procurans, repudiens postea, ac ore vulpino, simulataque sanctitate, Petri cathedram ascendens, indignum papatu & ab Ecclesiæ cœtu sese rejiciendum ostendit?

At verò si dicenda recogitamus, hæc modica sunt. Nam quid egit postea? Ad illustrissimum regem Francorum legavit solemnnes viros, episcopum Avenionensem & magistrum PETRUM BLAVII, nunc sancti Angeli cardinalem, qui sub specie bona procurarent, ut ad dominum suum nuntii totam regis intentionem habentes, ac viam per eos oblatam exequi petentes destinerentur; quod si tales ac tanti mitterentur, titulo legationis promittebant, quod dominus suus nihil teneret absconditum dominis mittendis de omni conceptu suo, quin immo quamcumque viam licitam & honestam à principibus oblatam se subiturum, & auxiliante Deo prosecuturum. Paruit votis rex inclytus, & ne sanctæ matris auxilio deesset, audito prius Ecclesiæ regni sui percelebri concilio, quasi uno spiritu cessionis viam clamante, tres misit Duces sui sanguinis potentissimos atque serenissimos, Biturix, Burgundix, & Aurelianensis, quos magna clericorum, prælatorum & sapientissimorum virorum comitiva sequebatur: inter quos mater illa studiorum & scientiarum Universitas Parisiensis viros misit electissimos. Hi post honorum & caremoniarum impensas, post apertam legationem & oblatos labores, ad quamcumque viam rationabilem & honestam prosequendam adhibendos supplicantes humiliter sciscitanti sunt, si viam aliquam aperire vellet. Proh Dei hominumque fidem: nonne si cor humanum gessisset ad supplicationes & diligentias tantorum principum, in ea materia qua maximè obligatur, emotus fuisset? At neque diligentia aliorum gravissimæ, neque totius Ecclesiæ desolatio, nec suæ damnationis æternæ pericula pectus faxeum commoverunt. Nam viam nullam aperuit, sed dumtaxat verbis generalibus obtulit, ut ipsi ambo contententes invicem convenirent. Habebat, obsecro, aliud agendum super pace procuranda? Si sic concedit, cessionis viam non habuit animo; si inficiatur, turpiter regem decepit; cumque talem conventionem tractare, non tantum sufficere; sed etiam procurandæ paci obesse videretur, viam mutæ cessionis amborum contententium obtulerunt in præsentia dominorum cardinalium, supplicantes ut si adversarius suus illam acceptaret, in eam pro bono pacis vellet descendere. Sed quid postea?

Non nescius quod viam cessionis tamquam sanctissimam & expediëntissimam prædicasset atque collaudasset, memor suæ institutionis,

*Theſauri Anecd. Tomus II.*

A memor juramenti postea renovati, præscriptam viam pluries refutavit, contempsit, atque vituperavit. Testes sunt præfati clarissimi duces, qui quò magis supplicabant, eò magis viam cessionis abhorrentem illum reperiebant. Testis est bulla quæ tandem compromissi viam aperiens, conditionibus ad errorem vergentibus limitatam viam cessionis innumeris modis criminabatur. Nam cum hoc ipso perjurium inexcusabiliter incurreret, ad sui perjurii velamen, falsa quædam impia & veritati dissona contra viam cessionis adinvenit, asserens viam illam esse non juridicam, impraticatam, & à sanctis patribus in simili casu repulsam & refutatam: superinducens eum illo modo cedere quo petebatur esse forsitan in Dei offensam, in Ecclesiæ damnum, in clavium contemptum, & censuræ ac libertatis ecclesiasticæ læsionem, in exempli perniciem, in scandalum prælatorum & fidelium sibi obedientium, ac denique nostræ partis ignominiam. Testimonia sunt hæc non tantum suæ refutationis, sed pertinaciæ atque suspectæ infidelitatis; præsertim cum in altera bulla solemniter protestetur, quod si contingat ipsum quandoque aliud respondere vel facere, quàm in dicta bulla priori dixerit, pro non dicto & infecto habeatur. Hanc iniquam & inhumanam protestationem sui licet dicant ipsum quandoque revocasse, tamen nec ab ea factis discessit, nec suæ revocationis formam sequutus est. Testis est sui præcepti nequam executio, qua ut communi fama ferebatur, pontem Avenionensem combusserunt, ut principibus ad eum pro fidei & Ecclesiæ causa revertentibus iter esset interclusum. Testes sunt domini cardinales, qui ter eum juxta juramenti sui formam requirentes ut viam cessionis acceptaret, viderunt obstinata fronte negantem atque refutantem. Testes sunt iterum domini principes & cardinales, qui videntes hujus viri tantam pervicaciam, in unum convenere, ut post particulares repulsas in communi saltem impetrarent, credebant eum flectere, sed eam responsionem habuerunt, quæ fidei animæ deberet horrorem incutere Absit, inquit, quod temporibus nostris tantum inconveniens accadat in Ecclesia sancta Dei: malle-mus mori. O vocem infaustam atque superbam! ô voluntatem nullo christiano dignam! Qui pastor salutis gregis intendere deberet, se malle mori fatetur, quàm morbo mortifero per pastoralis dignitatis abnegationem obveniat. Profecto hæc una vox, ne dicam papatu, sed fidelium societate talem virum monstrat indignum. Hic respondere non possent etiam voluntarii veritatis impugnatores. Nam poterat vir iste per viam cessionis morbo mederi schismatis, quod non tantum distulit, sed pertinaciter refutavit; non tantum supplicantibus Franciæ regnicolis, sed orante obedientia tota ac penè supplicante. Nam rex inclytus Castellæ tentans si quo modo flecti posset, legatis suis proponi fecit, ut primò fieret quæ suæ fuerat voluntatis amborum contententium conventio, atque remaneret triginta vel quadraginta diebus sedens in Petri cathedra; quod si assequi

N n n n ij



non possit, saltem adversario suo volente ad A  
mutuam renunciatiōem condescenderet. Ut  
autem magis esset voluntarius, ea practica con-  
sequendæ renunciatiōis sibi tunc temporis ape-  
riebatur, quam nemo nisi vecors refutare de-  
beret. Sed rursus respondit se nullo pacto factu-  
rum. Nec ipse Petrus de Luna fuit istis conten-  
tus: quin potius ad improbandam viam illam  
sanctissimam, & ad agendum cum adversario  
suo tractatus malefidos atque suspectos aspira-  
vit. Nam cum Franciæ rex christianissimus ad  
regem Aragonum suos legasset ambassiatores,  
præfatus vir præmisit episcopum Zabulensem  
cum aliis pluribus, qui viam cessionis ad iussio-  
nem suam in præsentia regis Aragonum quoad  
potuit improbavit. Et quia tam claræ veritatī  
obviā ire non poterat, finxit regnum Franciæ  
non ad hoc laborare, ut altero mortuo, cedente,  
vel ejecto, cederet, sed ut simpliciter cedente  
Gallus vel Galliculus (sic enim irreverenter lo-  
quebatur) suæ præsentia locum ascenderet.  
Hanc insignem injuriam & alias quāpluri-  
mas ex ea legatione regi Franciæ illatas sciunt  
omnes qui tunc præsentēs affuerunt. At verò  
quia hæc veritatis via talibus non videbatur  
denigrari, eam iterato impugnari fecit per ad-  
vocatū quemdam Avenionensem, quem Bo-  
nifacium appellabant, præsentibus ambaxiato-  
ribus trium potentissimorum regum, Franco-  
rum, Castellæ, & Angliæ. O tetram conjura-  
tionem abolendæ veritatis! Quia is adversus  
veritatem satis strenue pugnavisse videbatur, illico  
tam simoniacè, quā schismaticè promovetur  
ad cardinalatū. Quia me vocant reliquæ ve-  
ritates, omitto cetera, quæ ex prædicta lega-  
tione subdolum ejus animum, fraudulentum  
atque schismaticum ostenderent, & ad collu-  
sionem quam habuit cum adversario suo verba  
deflecto, quam certè, nullis licet patesceret in-  
diciis, tamen propter suorum flagitiorum im-  
manitatem suspicāre deberemus. Verū cum  
hoc certis signis accipiatur, id nolim in sola  
suspicionē relinqui. Nam dum legati præme-  
morum regum, suum adversarium adiver-  
runt, præmisit episcopum Terraconensem cum  
aliis plerisque, qui sui ex parte sibi viam cesso-  
nis dissuaserunt, ac secum infautos firmavere  
tractatus. Monstrat hoc singularis familiaritas,  
quam ad ipsum intrusum habuerunt. Nam age-  
bant secum omnia in apertis & secretis, quod  
nequidem ambassiatoribus Franciæ & Castellæ,  
sed nec etiam Angliæ qui suæ sunt obedientiæ  
permittebatur. Idem monstrat responsionum  
suarum identitas, quæ nonnisi à fictis conten-  
dentibus voluntate concordibus emanarunt.  
Probat verò papalis reverentia, quæ præcepto  
ipsius domini PETRI DE LUNA intruso fuit à  
præfatis legatis exhibita, ex quo tempore à  
processibus, quos contra invicem faciebant,  
cessaverunt ex integro. Ut autem ad ea quæ  
sapiunt hæresim revertar, plerisque se credere  
dixit offensam Dei mortalem incurrere, si viam  
acceptaret mutuæ cessionis, atque se malle ex-  
coriari asseruit: pro ante enim dixerat igne se  
malle concremari, quā quoquo pacto ad di-

ctam viam condescendere, eò quòd, ut dice-  
bat, gravissimè peccaret. Videat Ecclesia sancta  
quanta hic infidelis animi sint argumenta? Vi-  
deat & ipse dominus PETRUS DE LUNA quo-  
nammodo possit evadere, quin hic concludatur  
pertinax schismaticus. Videat rursus quo modo  
vel à se vel ab alio ferendus sit, qui sibi ac toti  
religioni Christianæ contrariatur? qui si sentit  
quo se scelere devinxit, non dubito quin sit mi-  
serimus.

Cum hæc & alia plurima Francorum rex  
christianissimus ferre non posset, totaque Gal-  
lorum Ecclesia sæpenumero vocibus domino-  
rum meorum almæ matris Universitatis Pari-  
sienſis excitata putaret esse remediandum; ce-  
lebratum est Parisius grande totius ecclesiæ  
Gallicanæ concilium, & multis doctissimis, sa-  
pientibus & electissimis viris materiam in eo  
tractantibus, audita prædictorum & aliorum  
quorundam recitatione, conclusum extitit,  
quòd quoniam ambo contententes de papatu  
perperam & notoriè schisma faciebant, &  
quantum in eis erat causam perpetuationis ejus-  
dem præbebant, neutri licitè poterat obediri.  
Tandem in regno Franciæ subtractione facta,  
domini cardinales per quatuor suorum fratrum  
solemnissimos sibi porrexerunt vota supplicia  
brantes, ut ad præfatam viam condescenderet,  
atque promittentes ut subtracti ad suam redi-  
rent obedientiam fideliter, ac ex totis viribus  
se laboraturos: Mallem, respondit, membratim  
atque frustratim lacerari. Est hic intolerabilis  
pertinacia. Nonne firmiter suis cohæret prote-  
stationibus? Protestatus fuerat quod quidquid in  
contrarium in futurum assereret, pro rato se  
non habiturum. Idcirco domini cardinales ne  
suis horrendis flagitiis fœdarentur, ab eo se sub-  
traxere. Consimiliter verò rex Castellæ ab ejus  
obedientia se subtraxit.

Videns autem dictus dominus PETRUS DE  
LUNA quod nisi viam sanctissimam acceptaret,  
sui splendoris gloriam non solito more suscipe-  
ret, se promisit solemniter altero cedente,  
mortuo, vel ejecto, renunciaturum; signavit  
propria manu instrumentum super hoc confe-  
ctum, in Franciæ regnis & Castellæ postea  
publicatum. Suspensa est postea subtractio, in-  
tercurrentibus quatuor conditionibus prolatis  
atque publicè prædicatis per magistrum PE-  
TRUM DE ALLIACO episcopum Cameracensem  
de mandato regio in ecclesia Parisiensi, præ-  
sentibus rege, principibus, prælatis & multitu-  
dine populi copiosa, quarum illa maxima fuerat,  
quod altero mortuo, cedente vel ejecto, sicut  
antea pollicitus erat, renuntiaret. Mortuus est,  
ut est toti mundo notorium, adversarius ejus  
qui BONIFACIUS dicebatur, attamen nec re-  
nunciavit, nec se renunciaturum obtulit. Cer-  
tum enim est, quod dominis illis qui se Romæ  
pro cardinalibus gerunt ambassiatores domini  
PETRI DE LUNA dixerunt dominum suum in  
viam cessionis numquam consensurum, cum  
secundum eorum judicium juri aut æquitati  
consona non extaret, ex qua legatione fuerunt  
à dicto BENEDICTO advocati. Testes sunt do-

Prima con-  
ditio reſti-  
tutæ obe-  
dientiæ.



mini cardinales, testis est denique totus orbis, quod nec huic viæ intenderit, nec super ea mentem suam aperuerit. Mortuus est postea ille quem INNOCENTIUM vocitabant, nec renunciavit, nec in hac via procuranda diligentias adhibuit. Siccine, domine Petre, in iuramenti fidem, in præmissis stabilitatem servatis?

*Aliæ duæ conditiones.* Duas etiam alias condiciones nullatenus adimplevit. Nam promotiones tempore subtractionis sanctè justèque factas ratas non habuit, valentissimos enim moribus ac scientiis probatos à suis expulit beneficiis atque prælaturis, suæ concilium obedientiæ, ne fortè in eo corrigeretur, non celebravit. Quod si saltem conditionem alteram adimplevisset qua fuerat obligatus, in suis antiquis libertatibus tenere ecclesiam Gallicanam non ex omni parte crimineretur: sed eam tamquam tyrannus sævissimus præter ea quæ parva sunt, undecim magnis gravaminibus affecit atque dilapidavit.

*Exactionum gravamina.* Quantum enim hoc illud gravamen est, ô piissime JESU, quo sibi beneficii cujuscumque vacantis unius anni fructuum perceptionem usurpavit? Et verè omnium unius anni fructuum. Nam in non taxatis & exemptis per æquivalentiam in taxatis altera parte penes se reservata, altera capellano deputata, sic totum convellendum & secum rapiendum decrevit, ut plerumque beneficio atque beneficiato nihil penitus remaneat.

*Alius modus exactionum.* Quantum etiam illud gravamen, & quam religioni ac moribus nostris contrarium, quo visitandi procuraciones prælatis & archidiaconis ad mores reformandos deputatas avaritiæ causa sic sibi duxerit appropriandas, ut non impenso visitationis officio, sibi suo proprio jure vindicaret. Nec minus est onus decimarum quibus est uti solitus. Nuper unam imposuit, propter quam alma mater Universitas à sermonibus & lectionibus decem septimanis cessare coacta est. Ab hac pauperes hujus regni sacerdotes ita fuerunt oppressi, ut & excommunicationem & ab officio suspensionem multo tempore passi sint.

*De decimis.* Tantam, quæso, fidelium turbationem, tot ecclesiarum interdicta, quibus plerumque mortuis sepulturam, infantes baptismum in alienis locis quærere cogebantur, sancti patres nostri permisissent? Illud etiam novum & pene inauditum mihi gravamen videtur, quod ecclesiastico virò mortuo, & adhuc efflante animam, atque vitam exhalante, spolia ipsius ac universa temporalia, quæ successorì vel ecclesiæ debent attribui, per suos ministros tam impiè rapiantur, quo tanta crudelitas sequuta est, ut inhumanitus evulso monumento atque corrupto corpore suis spoliis effossus privaretur. Urbanè forsàn instar Dionysii tyranni respondebunt, corpora mortuorum nec ornamentis egere neque vestibus; sed omitto suam in tantis malis facetiam, & ad aliam ecclesiarum spoliationem convertor.

*Spolia defunctorum.* Non contentus vir iste fructibus unius anni, quem beneficii vacantem appellant, multo tempore beneficia pingua vacare permittit, & eo decursu sæpe duorum vel trium annorum & amplius spiritualium fructus vel temporalium rapi atque

*Fructus beneficiorum vacantium.*

comportari suis jubet aptissimis satellitibus. Si certè sanctam Ecclesiam spiritualiter regeret, aut aliquo jure suam tyrannidem obtegeret, numquam ferret tam diuturnam ecclesiarum vacationem. Sed adhuc istis cupiditatis insatiabilis ardor non quiescit, petit fructus quos appellat malè perceptos, fructus, inquam, quos tempore subtractionis promoti ante suam confirmationem susceperunt, & eos petunt sui tam inhumanè, ut in Occitana lingua, donec super his contentarentur, mortuum non permiserint inhumari. Non miror, si veretur in hoc pollicita frangere, qui totiens proprium violaverit iuramentum. Quod si quidquam ibi malè perceptum foret, non sibi, sed ecclesiæ loci jure, tribueretur. Verùm tenent doctissimi & magnæ probitatis viri, quod eo tempore electi, & per suos ordinarios confirmati, securius ad statum illum accedunt, quam per papam dubitatum promoti. Additur his onus alterum.

*Fructus percepti tempore subtractionis.* Nam contra tractatum sub quo ad eum redierat ecclesia Gallicana, petit vacantes à quadraginta annis, pro quibus solvendis ecclesiæ plurimæ radicitus everterentur. Talium enim summa mille millia transcendit. An etiam omittendum putatis quod temporibus fructuum à suis injustè captorum pensiones ecclesiarum atque debita nullo modo persolvunt, quo fit ut pro talibus oneribus anni fructus sequentis non sufficiant.

*De attritione.* Exquisivit vir iste modos alios astutiores congerendæ pecuniæ; monetam mutavit, qua sæpe pro quatuor millibus quinque colliguntur: gentes suæ monetam auream colligunt, & in massam redactam cum auro alio hinc inde collecto transportant, ac papali monetæ non tam purè & emundatè deputant faciendæ. Monetam auream regni recipere nolunt iidem ministri, nisi supra proprium valorem certam summam recipiant. Quod si Parisius floreni cameræ papalis ipsis auferantur, succrementum petunt, quod cum pecunia Franciæ soliti sunt accipere. Litteras, absolutiones, quittancias pretio taxant intolerabili. Excommunicant sæpe, ut absolutione pauperes spolient. Relaxant dumtaxat quartam unius anni pro quatuor francis.

*Non supportat onera.* Et hæc his imposuit agenda quos putavit esse diligentissimos satellites scelerum atque ministros cupiditatum suarum. Intolerabiles sunt exactiones, & tyrannorum veterum cupiditates excedentes, eoque magis quod afflictis ac penè everfis ecclesiarum domibus, ac regno pecuniis evacuato, aurum & argentum Franciæ ad alias partes deputatur ad fovendas & enutriendas schismaticorum sentinas. Omitto quæstus pecuniarum insolitos sub officii pietatis & indulgentiarum colore, quibus fallaciter innumeras pecunias à simplicibus exigunt, ut eos, sicut dicunt, ad statum reducant innocentiae.

*De cambio monetæ.* Præterea pinguum beneficiorum novas reservationes, bullarum obscurissimarum diversitates, cessationes electionum pro libito, pauperum beneficiorum non taxatorum novas taxationes. Dimitto munera & pecunias ab abbatibus & capitulis mutuo expetitas. Taceo quod prælatos ad suscipiendam benedictionem

*Pecuniæ extra portantur.*

*Indulgentiarum exactiones.*

*Reservationes.*

*Mutua.*

N n n ij

Januam coëgit accedere. Nec hæc idcirco omitto quod non gravissima sint, sed quia multitudine tam effusa sunt, quod ea brevitatis nulla comprehenderet. Te jam alloquor, ô immaculata Dei sponsa Ecclesia sancta, si dictus PETRUS DE LUNA unicus papa & indubitatus esset, sibi liceret tantam cladem atque vastitatem, quæ sunt ad everisionem ecclesiarum, super ovile dominicum inducere? An in hac diripiendarum ecclesiarum quasi quadam conjuratione suos sibi liceret deputare ministros? Sic sic vir iste Gallicanam ecclesiam juxta sua promissa liberam tenuit: immo certè odiorum igne succensus ac spe vindictæ penitus inflammatus, indignissimè oppressam penè ad interitum & calamitosam subversionem deduxit. Quid igitur ratiocinabor? Necessaria fuit atque rationabilis subtractio, nunc certè multò rationalior. Quid ita? quia causa illa perstat ex qua obedientiæ renunciatio proficiscebatur, & longè amplior multipliciorque necessitudo. Quo pacto? quia Gallicana Ecclesia subtractionem suspenderat sub his pollicitis & conditionibus, quarum nullam adimplevit. At unde tam necessarius ab eo discessus? quia magis obduratus quàm perante fuerat. Nec mihi dixeris fractus jam laboribus ac senio confectus sibi non pepercit, ubi vidit procurandæ paci intendendum. Numquam enim nisi prolongationes & subterfugia quæsiit, non ad evellendum schisma, sed ad roborandum; non ad proficiendum huic obedientiæ, sed ad eam vexandam. Januensis promissis bullam super via cessionis se daturum, quo & aliis pluribus eos fefellit. Postea verò multos de sua pertinacia certos fecit. Quid, inquit, sibi volunt isti de Universitate Parisiensi? Quid tam incassum laborant? mallet potius esse pauper capellanus per mundum fugitivus, quàm viam acceptare cessionis. Nec ambaxiatoribus regis Castellæ sese melius aperuit. Nam illis non tantum viam cessionis, sed nec etiam viam concilii generalis concedere voluit. Ad ultimum per cardinalem *de Challant*, quasi supremum ejus esset propositum, conventionem generalem præsentavit, ad nullam viam specialem condescendens. Hanc verò conventionem adversarius suus semper abhorruit, atque pertinaciter refutavit. Hujus etiam conventionis difficultatem ac pene impossibilitatem & sine aliis viis inutilitatem alma mater Parisiensis Universitas sæpenumero monstravit.

Itaque cùm præfatus dominus PETRUS DE LUNA, denegatis audientiis pacem Jerusalem quærentibus, de veritate renuit informari, atque salutem animarum neglexerit; sciens inde futurum tam grande scandalum fidelium, cùm etiam tam pertinaciter, tam apertè, ac tam multis vicibus viam cessionis, quam prius probaverat atque juraverat, refutaverit, vituperaverit, multotiensque impugnari fecerit, & bina pacis habendæ per viam cessionis occurrente opportunitate, intendere paci noluerit. Cùm pollicitis suis mundum tam sæpe deceperit, cum adversario suo fecerit collusionem, cùm sese perjuriis debilitaverit, & ipsum ecclesia

A Gallicana reputaverit schismaticum, ac postea non purgatus ecclesiarum fructus & temporalia indignè corripuerit, & etiam Ecclesiam ipsam pene ad supremam calamitatem atque servitutem subversionemque status sui redegerit, dissona dixerit catholicæ veritati, ac in dies matrem Ecclesiam conculcans & lacerans magis ac magis perseveret; non in dubium revoco, quin sit & dici debeat notoriè status universalis ecclesiæ perturbator, pertinax schismaticus, de hæresi vehementer suspectus, ac velut antichristi comes, Ecclesiæ toti exitialis & perniciosus: cùmque pluries monstraretur notoriè recidivus, constat etiam ipsum non amplius esse summandum. Quibus omnibus matura deliberatione pensatis & tractatis, præfata Universitas mater mea pro se & suis suppositis à totali obedientia justè, sanctè, ac licitè se subtraxit, prout etiam ad hoc tenebantur & tenentur omnes Christi fideles, ne schisma quodammodo maneat immortale; & ne præfatus status Ecclesiæ subversio per eum seu ejus causa & occasione amplius perseveret; nihilominus tamen idem PETRUS DE LUNA à sua solita pertinacia minimè temperavit, sed potius augendo, pestifero morbo ampliora præbuit incrementa.

Nec ille Romanæ sedis nuper occupator illicitus ecclesiæ parvam cladem intulit. Is enim, ut suos prædecessores omittam, qui morte sublati nunc sentiunt quàm iniquum fuit Ecclesiam sanctam hoc schismate perturbare, insignem hanc injuriam Ecclesiæ fecit, quod sui causa in periculum animarum fuit oppressa atque lacerata. Cùmque schismaticus esset, & ad suum scelus expiandum sub æternæ & horrendæ gehennæ periculo teneretur, juravit prosequi viam mutæ cessionis, sed juramentum contemnens, Christi sponsæ desolationem negligens, immemor salutis suæ, in schismate permansit obduratus, ingentem hæresis suspicionem incurrens, hunc si hac luce spiraret, multis prius attestatis ad causam provocarem. Acerbè fero quod hic oportet istorum virorum crimina detegere, quæ nec suorum fautorum manus, nec reliqua vita possit eluere: sed potius Ecclesiæ quàm viris mortalibus mos est gerendus: quamquam suorum cohors tamquam serpens è latibulis, oculis eminentibus, inflato collo, tumidis cervicibus venenosum morsum dominis meis sæpèdictæ Universitatis comminetur; & maximè dominus PETRUS DE LUNA, sui que satellites, qui cùm videret dominos meos præfate Universitatis suis infaustis sceleribus obviam ire, ac ut Christo servire possent, ab eo se subtrahere, ignibus odiorum inflammatus, cœpit eos comminari, ad processus, ut dicitur, & fulminationes aspirans.

Omnia verò & singula præmissa vera sunt & notoria, & quatenus in facto consistunt ea posui & pono, Ego Johannes Melleri senior procurator prædictus quo supra nomine, & ea probare intendo & me probaturum offero quantum sufficit ad intentum.

Et hæc omnia & singula coram vobis tabelionibus publicis assero fuisse & esse acta, gesta,

& actitata in præjudicium dictæ Universitatis singulorumque suppositorum ejusdem ac sibi adhærentium & adhæsurorum injuriam, oppressionem, læsionem, opprobrium, vituperationem, & causa ipsius damnum non modicum atque gravamen.

Idcirco ego procuratoris nomine Universitatis prædictæ pro dicta Universitate, rectore, decanis facultatum, procuratoribus nationum facultatis artium, omnibusque suppositis ejusdem Universitatis sibi adhærentibus & adhæsuris ac successuris sentiens per dictum dominum PETRUM DE LUNA quem BENEDICTUM vocant commissariosque ejus, quorum nomina & cognomina pro nunc ignorantur, ac etiam committendos ab eodem eidem adhærentes & adhæsurus præfatam Universitatem singulosque præmemoratos fuisse & esse læsos, gravatos, & oppressos, ac timens ex verisimilibus conjecturis posse eos aut eorum aliquem in futurum lædi, opprimi, & gravari: & ne idem PETRUS DE LUNA per se vel prætenso commisso aut committendos, adhærentes vel adhæsurus, ad privationem privilegiorum, actuum, aut beneficiorum, seu personarum inhabilitationem, citationem per edictum, monitionem, contumaciæ reputationem, suspensionem, interdictum, excommunicationem, aggravationem aut aliarum quarumcumque censurarum ecclesiasticarum sententiam, condemnationem, declarationem, fulminationem, publicationem, intimationem procedat aut procedi faciat de facto, cum de jure non possit, coram vobis tabellionibus publicis, probis & honestis viris testibus, qui hic adstant, ad hoc vocatis specialiter & rogatis, à prædicto PETRO DE LUNA quondam pro papa habito, prætensoque commissis ab eo aut committendis, adhærentibus & adhæsuris & quolibet ipsorum, ac contra ipsos & ipsorum quemlibet, nec non ab omnibus & singulis gravaminibus prædictis illatis & inferendis ad sacrum totius universalis Ecclesiæ concilium per unicum verum futurum orthodoxum papam, vel alias canonicè aggregandum; & ad ipsum verum unicum futurum orthodoxum papam, ejusque sanctam sedem apostolicam, & ad illam vel illos, qui de hujusmodi causa appellationis de jure cognoscere poterunt in his scriptis, quibus supra nominibus provoco & appello, & à vobis tabellionibus publicis & quolibet vestrum peto primò, secundò, tertio, ac instantè, instantius, instantissimè apostolos saltem testimoniales, & quos mihi dare potestis, protestans de aliis apostolis petendis à quibus de jure petendi fuerint. Et hujusmodi provocatio & appellatio in vim veræ appellationis transeat, si contingat contra ipsam quomodolibet attentari. Nec non de hujusmodi provocatione & appellatione latius declarando, addendo, vel diminuendo, ipsam intimando, prosequendo, iterum appellando, provocando, apostolosque petendo, ubi dum quotiens & coram quibus visum fuerit expedire. Protestans insuper nomine quo supra quòd pro hoc ab appellationibus alias interpo-

litis aliquatenus recedere non intendo. Submit-  
tens & supponens specialiter & expressè, & in quantum de jure fieri potest, ipsam Universitatem ejusque singula supposita ac singulos adhærentes & adhæsurus, singulorumque ipsorum omnium ac beneficiorum & officiorum suorum jura & bona quæcumque & ubicumque existentia, præsentia & futura dicti sacri congregandi universalis Ecclesiæ concilii, apostolici unici veri & orthodoxi papæ & sanctæ sedis apostolicæ, seu illius vel illorum qui de hujusmodi causa cognoscere poterit vel poterunt de jure tuitioni & protectioni ac salvæ gardiæ speciali assistentiæ invocandæ in testimonium præmissorum. Actum anno Domini mccccvi. die Januarii.

# C O P I A I N S T R U M E N T I de deliberatione prælatorum Parisius congregatorum anno cccccvi. super facto collationis beneficiorum in regno.

**I**N nomine Domini. Amen. Omnibus præ-  
sens instrumentum inspecturis pateat eviden-  
ter & sit notum, quòd anno ejusdem Domini  
millesimo quadringentesimo sexto, indictione  
decima quinta, mensis verò Januarii die quarta,  
Pontificatus sanctissimi in Christo patris ac do-  
mini nostri BENEDICTI divina providentia  
papæ XIII. anno decimo tertio, in conspectu &  
præsentia illustrissimorum principum domi-  
norum regis Siciliæ, Bituricensis, Burgundiæ &  
Borbonii ducum; comitis Nivernensis & alio-  
rum dominorum de sanguine regis, nec non  
cancellarii Franciæ, & multorum regis domini  
nostri consiliariorum, sedenti præsentì concilio  
reverendissimorum patrum dominorum archi-  
episcoporum, episcoporum, abbatum, priorum  
conventualium, deputatorum solemnium vene-  
randarum universitatum studiorum Parisiensis,  
Aurelianensis, Andegavensis & Montis-pessula-  
ni, procuratorum tam metropolitanarum quàm  
cathedralium Ecclesiarum & aliorum prælato-  
rum ac virorum ecclesiasticorum absentium re-  
gni Franciæ & Delphinatus Viennensis, præla-  
tos & clerum seu Ecclesiam hujus regni &  
Delphinatus meritò, ut dicebatur, facientium  
& repræsentantium, per dictum dominum re-  
gem super facto & materia unionis sanctæ matris  
Ecclesiæ ac super bono statu & regimine eccle-  
siastico dictorum regni & Delphinatus ecclesiæ  
Parisius vocatorum, in aula alta super Secanam  
domus seu regalis palatii congregatorum sole-  
mniter celebrato, & ibi indicto silentio intelli-  
gentes attentè ad ea quæ pro libertatibus ec-  
clesiæ dictorum regni & Delphinatus incum-  
berent ordinanda, retulit publicè reverendissi-  
mus in Christo pater ac dominus dominus  
SIMON miseratione divina patriarcha Alexan-  
drinus, ea quæ per prælatos & alios viros ec-  
clesiasticos mandatos in eodem concilio certis  
diebus proximè præteritis circa dictas liberta-  
tes quoad electiones, prælaturarum & dignita-  
tum dispositiones, collationes & præsentationes  
beneficiorum videbantur facienda, ordinanda

Anno 1406  
Ex ms.  
Gemmets-  
cens.



& exequenda, sicut per circumscriptum virum magistrum Johannem Juvenalis in Parlamento regium advocatum ad instantiam procuratoris regii extiterat paucis ab hinc diebus in eodem concilio requisitum & caritativè exhortatum. Inter quos autem dominos praelatos & alios viros ecclesiasticos, dum de hac materia diebus ipsis maturè & cum multis multorum jurium allegationibus ageretur; post varias utrimque disceptationes & discussiones factas & habitas apparuit & apparebat evidenter majorem partem in decuplo hujus opinionis extitisse, quòd Ecclesia Gallicana ad suas antiquas libertates reduceretur, & ordinarii ad quos de jure vel consuetudine spectat, haberent in hujusmodi regno & Delphinatu de beneficiis ecclesiasticis conferendo & præsentando disponere & ordinare. Quòdque promotiones praelaturarum & aliarum dignitatum per electionem canonicam secundum quod jura scripta volunt fierent & effectum sortirentur. Sed aliqui uno, alii alio volebant modo, & consulebant provideri. Et quamquam omnes indifferenter Ecclesiam Gallicanam dicerent sua debere libertate gaudere, eamque nimis oppressam & gravatam confiterentur: tamen aliqui, sed numero pauci, consulebant quòd usque ad celebrationem generalis concilii Ecclesiæ differretur: alii certè numero pauciores dicto domino nostro papæ supplicandum, ipsumque prius summandum super hoc esse dicebant & deliberabant. Sed major pars, ut dictum est, in decuplo in opinione residebat, quòd per regem dominum nostrum ad supplicationem & requestam dictorum praelatorum & aliorum virorum ecclesiasticorum modo prætracto provideretur: attento quod ipse rex dominus noster in sua sacra coronatione juraverat solemniter ecclesiam prædictam in sua libertate tenere & conservare: attento insuper quod dominus noster papa prædictus de faciendo præmissa sufficienter requisitus est & summatus, quod se facturum & concilium generale celebraturum promisit, in quo generali concilio, si fuisset, ut promiserat, celebratum, de libertatibus prædictis & aliis ecclesiasticis negotiis ordinatum extitisset. Attento denique quod occasione hujusmodi dispositionum beneficiorum impeditur pax desiderata & unio, & præsens schisma horrendum antiquatur, continuatur, & altius radicatur. Et sicut aliqui deliberando proponebant tantis malis, tantis scandalis, tantis denique extorsionibus, summo studio summaque diligentia attentis præmissis obviandum erat: in quibus agendis & exequendis, ut dicebant, non fieret domino nostro papæ prædicto aliqualis injuria, injustitia aut molestia: immo ordinariis quod suum est redderetur, & piæ fundatorum Ecclesiarum intentiones servarentur. Demum quia de limitatione circa præmissa adhibenda inter aliquos deliberantes quaestio versabatur, idcirco ut res prius securior, salubrior, & majoris roboris & firmitatis ac sine scrupulo & reprehensione existeret, fuit per probatissimos & solemnissimos viros, ut dicebat idem dominus patriarcha, quædam ad-

A visata & confecta cedula quam ipse in eodem concilio publicè & intelligenter legi fecit in hæc verba: Super reductione Ecclesiæ Galli-  
 canæ ad libertatem, quantum ad electiones præ-  
 latorum & collationes beneficiorum per ordi-  
 narios & alios ad quos spectat de jure vel  
 consuetudine, & præsentationem patronorum,  
 videtur regi consulendum & per ipsum ordina-  
 dum quòd stante schismate papa nulla benefi-  
 cia conferat in isto regno & Delphinatu Vien-  
 nensi, nec praelaturas aut dignitates: immo fiant  
 B praelati per electiones in forma juris: & in or-  
 dine Cisterciensi & aliis religionibus exemptis  
 modo quo est in dictis religionibus fieri solitum;  
 & beneficia conferantur per ordinarios & illos  
 ad quos spectat de jure & consuetudine. Et ista  
 C reductio intelligitur fore perpetua, etiam schis-  
 mate cessante, beneficiis illorum exceptis qui in  
 curia moriuntur: dum tamen per generale con-  
 cilium Ecclesiæ aliter non fuerit ordinatum,  
 cujus ordinationi se submittit dictorum regni  
 ac Delphinatus Ecclesia. Qua quidem lecta ce-  
 dula, auditaque publicè & intellecta, die quarta  
 qua supra, petiit iterato dominus reverendissi-  
 mus pater dominus patriarcha fideliter per ipsos  
 dominos praelatos & ceteros viros ecclesiasticos,  
 tunc grandi numero & solemniter congregatos,  
 deliberari an consulendum regi domino nostro  
 supplicandumque & requirendum esset, quate-  
 nus ecclesiam suorum regni & Delphinatus in  
 libertate sua, quemadmodum in dicta contine-  
 tur cedula, teneret & conservaret. Qui quidem  
 domini praelati & ceteri mandati congregati  
 D super hoc deliberare requisiti, omnes indiffe-  
 renter, singulariter, & successivè; unus post  
 alium, paucissimis tamen discrepantibus, dixe-  
 runt & responderunt contenta in ipsa cedula;  
 attentis multis juribus, causis, & rationibus;  
 sæpissime per varios in eodem concilio allegatis  
 & ostensis rationabilia esse, justa, necessaria, &  
 æqua, & per ipsos regi domino nostro consu-  
 lenda, & per eundem facienda & exequenda  
 & ad plenum effectum deducenda: cui consu-  
 lunt, & humiliter ac devotè supplicant & re-  
 quirunt, supplicareque, consulere, & requirere  
 E volunt de facto & intendunt, ut præmissa fa-  
 ciat, ordinet, & exequatur, seu ordinari & exe-  
 qui faciat competenter, & eo modo quo supe-  
 rius expressum est. Quippe super hoc suas pa-  
 tentes litteras omnibus concedere, quibus opus  
 erit, dignetur pro præmissis. De & super quibus  
 omnibus & singulis præmissis præfatus dominus  
 patriarcha, & alii quamplures ibidem existen-  
 tes petierunt à nobis notariis publicis subscri-  
 ptis publicum fieri instrumentum, unum vel  
 F plura. Acta fuerunt hæc Parisius in aula præ-  
 dicta, anno, indictione, mense, die & pontifi-  
 catu prædictis, præsentibus reverendissimis in  
 Christo patribus dominis Remensi, Bituricensi,  
 Turonensi, Senonensi, Rotomagensi, & Tolo-  
 sano archiepiscopis; Lexoviensi, Laudunensi,  
 Belvacensi, Abrincensi, Xantonensi, Aurelia-  
 nensi, Noviomensi, Nannetensi, Eboracensi,  
 Morinensi, Petracoricensi, Trouanensi, Mel-  
 densi, Ruthinensi, Lombericensi, \* Termensi, \* Trecenti.  
 Eduensi,



Eduenſi, Nivernenſi, Catalaunenſi, Cabilonenſi & Caturcenſi episcopis; S. Benigni de Divione Lingonenſis, Giſterciensis Cabilonenſis, Clarevallis Lingonenſis, Montis S. Michaëlis Abrincenſis, S. Maxentii Pictaviensis diœceſum, de Gemmeticis, Sanctorum Remigii Remenſis, Perri in Valleya Carnotenſis, Germani de Pratis & Victoris prope Pariſius abbatibus, decanis Remenſi & Rotomagenſi, dominis Guillelmo Boſſratia, Johanne de Maſticone, Gerardo Bagouli, Johanne de Tegula, tam in jure canonico quàm civili doctoribus, Johanne *Mau- chon* & Johanne Luqueti, ſacræ Theologiæ profeſſoribus, nec non Gauſſrido de *Pompadox* & Rampnulpho de Peruſia, regis conſiliariis, cum quamplurimis aliis prælatiſ & viris eccleſiaſticis teſtibus ad præmiſſa vocatiſ & rogatiſ.

**SEQUITUR ADDITIO SEU** declaratio, quæ poſtmodum facta fuit per prælatos & concilium prædictum ſuper materia dicti instrumenti: ſuper qua declaratione etiam factum fuit publicum instrumentum, in quo clauſula continens dictam declarationem ponitur, prout infra ſcribitur, de verbo ad verbum, & eſt talis, & eſt ad finem ſupraſcripti instrumenti immediatè adjungenda:

**V** Erùm quia dicebatur inter aliquos; quòd attento quòd circa hoc concilium principaliter intendebat, quòd Eccleſia regni & Delphinatus prædictorum reduceretur, conſervaretur & manuteneretur in ſua libertate & obſervantia antiqua, nec erat intentionis quòd fieret aliqua nova ordinatio ſuper iſtis, quòdque ſi foret aliqua ordinatio faciendâ, fieri per regem principaliter non deberet, convenientius videbatur quòd in ſerie prædicti instrumenti non ponerentur iſta verba, Per regem ordinandum, & ſimilia in dicto instrumento contenta, quæ formam novæ ordinationis ſonare videbantur. Dicebatur ulterius inter multos quòd verba ſuper prædictâ reductione ad libertatem, exprimentia deliberationem dicti concilii, quæ in dicto instrumento continentur, erant luculentius declaranda ſive mutanda: quare ab omnibus ibidem exiſtentibus petebat & requirebat idem dominus Patriarcha, quòd ſuper iſtis ſuas intentiones plenius & planius declararent & deliberarent. Super quibus dicti domini archiepiscopi, episcopi, abbates, priores, deputati, & procuratores antedicti ſuper deliberatione præmiſſorum deliberare requiſiti, prout ſupra ſingulariter, ſigillatim, ſucceſſivè, voce alta & intelligibili in dicti concilii præſentia ſuas intentiones declarando & in hoc ſtando dixerunt, declaraverunt, & publicè reſponderunt, ita quòd omnium deliberantium voce, numero, & perſonis veraciter comparatiſ & numeraliter computatiſ, apparere potuit omnibus, & nobis notariis apparuit evidenter dictos dominos archiepiscopos, episcopos, abbates, deputatos & procuratores omnes pro majori parte decuplo opinionis publice exiſtiſſe & exiſtere, quòd bo-

*Theſauri Anecd. Tom. II.*

num eſt, conveniens, rationabile & honeſtum, ſicut per multas rationes & jura ibidem fuit diverſis & pluribus diebus oſtenſum, & ſuas intentiones circa hoc declarando dicebant ita eſſe faciendum, declarabantque & determinabant, declarant & determinant, quòd de cetero Eccleſia Gallicana & Delphinatus univerſaliter & particulariter in ſe & ſuis membris reducat, teneatur, & regatur ſecundùm ſuam libertatem & obſervantiam antiquam, quantum ad hoc quòd de cetero, ſicut volunt ſtatuta conciliorum generalium, & decreta ſanctorum patrum, ſiant prælati per electiones capitulorum, conventuum, & collegiorum; & confirmationes per illos ad quos de jure, privilegio, aut conſuetudine ſpectat; & ſimiliter præſentationes per patronos; ceſſantibus & reſectis omnino, ac non obſtantibus quibuſcumque & quorumcumque reſervationibus generalibus vel ſpecialibus, ac prohibitionibus, expectationibus, aut gratiis; etiam cum decreti appoſitione ex parte papæ vel ejus auctoritate factis aut ſiendis, ſeu ceſſiſſis aut concedendis; quoſque per concilium generale canonicè celebrandum aliud fuerit ordinatum. Ad cujus concilii ordinationem dicta Eccleſia Gallicana & Delphinatus ſe ſubmittit, volueruntque ſupplicare & inſtanter requirere, ſupplicantque domino noſtro regi, & inſtanter requirunt, quatenus eccleſiam prædictam ſuorum regni & Delphinatus in huiusmodi reductione, obſervantia antiqua, & libertate manuteneſſe, quantum in ipſo eſt, velit & dignetur, ac etiam defendere & tueri, & ſuper hoc litteras ſuas opportunas & patentes concedere cuique petenti. Et iſta ſunt quæ circa hoc deliberaverunt prælati & clerus antedicti: ceteris in dicto instrumento expreſſatiſ in ſuo robore duraturis, de & ſuper quibus omnibus & ſingulis præfatus reverendiſſimus in Chriſto pater ac dominus dominus SYMON miſeratione divina patriarcha Alexandrinus, & quamplures alii prælati & viri eccleſiaſtici petierunt à nobis notariis publicis ſubſcriptis fieri unum vel plurâ publicum ſeu publica instrumenta. Acta fuerunt hæc in aula, &c. Anno MCCCCVI. die XII. Januarii.

**LITTERA REGIS SUPER LIBERTATE** Eccleſiæ Gallicanæ & Delphinatus quoad provisiones in dignitatibus & beneficiis faciendas.

**C** Arolus, &c. notum facimus quòd cum nuper in præſentia principum noſtræ proſapiæ, &c. *habetur inter probationes libertatum Eccleſiæ Gallicanæ p. 434.*

**LITTERA REGIS SUPER LIBERTATE** eccleſiarum regni & Delphinatus quoad exactiones, annatas & gravamina per papam impoſita.

**C** Arolus, &c. Si dotare vel ditari, &c. *Extat ibid. p. 432.*

0000

Executio duarum litterarum superscriptarum, scilicet de libertatibus Ecclesiæ Gallicanæ circa collationem beneficiorum & circa gravamina per Romanos pontifices imposita fuit suspensa usque ad dominicam primam quadragesimæ anni ccccvii. Et iterum ab illo termino dominicæ primæ quadragesimæ fuit executio adhuc suspensa, & huiusmodi dilatio prorogata sub specie boni usque ad ascensionem Domini anni mcccviii. Tandem postea die Martis proxima ante ascensionem Domini, de qua supra, dictæ duæ litteræ fuerunt publicatæ auctoritate regis ad prosecutionem Universitatis Parisiensis & demandatæ executioni: quæ quidem dies Martis fuit dies xv. Maii anni ccccviii.

### DELIBERATIO ET CONCLUSIO

habita per prælatos super facto unionis Ecclesiæ in concilio Parisius congregato, anno ccccvi.

Anno 1406  
Ex ms.  
Gemmeti-  
censi.

**S**equuntur illa quæ per prælatos & alios viros doctissimos Ecclesiam regni Franciæ & Delphinatus facientes & merito repræsentantes, auctoritate regia Parisius ad proximè lapsum omnium sanctorum festum super facto unionis sanctæ matris Ecclesiæ convocatos solemniter pro extirpatione præsentis nefandissimique schismatis deliberata sunt & conclusa.

I. Et primò regratiabantur Deo & B. Virgini Mariæ, totique curiæ supernorum de bona dispositione, in qua videntur esse illi qui se dicunt cardinales in Roma & præsidens inter eos, prout ex tenore instrumenti confecti per eos dicitur apparere.

II. Item, videtur quòd dominus BENEDICTUS ex nunc purè, simpliciter, clarè & sine ambiguitate verborum per bullas & alias in forma publica debet offerre viam cessionis & renunciationis, & eam effectualiter adimplere.

III. Item, quòd ambobus renunciantibus de securitate status & reddituum amplitudine providendum est.

IV. Item, quòd pro renunciatione ista actuali facienda, & celebranda electione indubitati summi omnium fidelium pontificis, dominus BENEDICTUS & domini cardinales debent se actualiter & sine dilatione præparare ad conveniendum, quàm primum fieri poterit, cum adversario & anticardinalibus de Roma in certo loco ad ipsam renunciationem & futuri pontificis electionem effectualiter praticandas.

V. Item, licet dominus BENEDICTUS viam cessionis pro pace Ecclesiæ consequenda usque ad præsens non satis clarè obtulerit, vel oblatam & juratam minùs diligenter extiterit prosequutus, propter quod Universitas Parisiensis & nonnulli alii de obedientia sua eundem reputarunt schismaticum & de hæresi vehementer suspectum: si tamen ipse dominus BENEDICTUS saniori spiritu provocatus ipsam cessionem modo præmissa obtulerit, & oblatam perduxerit ad effectum, sic quod desiderata unio in Dei Ecclesia consequatur: hoc casu idem dominus


A BENEDICTUS de recusatione vel negligentia supradictis habetur & habebitur sufficienter excusatus.

VI. Item, si, quod absit, idem dominus BENEDICTUS in profundum malorum veniens cessionem purè & simpliciter differat offerre, & effectualiter adimplere; in hoc casu reputant eum dicti prælati solemniter congregati membrum putridum, horribile, & præcisum ab Ecclesia sancta Dei, schismaticumque, & pertinacem, & de hæresi vehementer suspectum, & ex nunc prout ex tunc ab ejus obedientia dicunt esse recedendum, & recedunt. Quo casu, nulla majori dilatione expectata, debent & possunt cardinales cum illis de Roma personaliter convenire, & cessione adimpleta per eum qui se GREGORIUM nominat, ad electionem unici & indubitati pontificis cum anticardinalibus partis adversæ procedere & paci fidelium salubriter providere.

VII. Item, in casu præmissa si cardinales cum domino BENEDICTO voluerint remanere, eo casu sic adhærentes tamquam fautores pravitatis schismaticæ ab Ecclesia & dignitate statuum sunt abjecti, suisque sunt beneficiis in regno & ubique ipso jure privati, & ipsorum beneficia per ordinarios conferenda, jusque eligendi ad alios dominos cardinales, qui in veritate & iustitia nobiscum remanserint, devolutum.

VIII. Si autem diabolo procurante contineret omnes dominos cardinales domino BENEDICTO casu præmissa adhærere, & per hoc recusare, & differre conventionem cum illis de Roma; eo casu conveniendi essent regnorum hujus obedientiæ vel majoris ipsius partis nuncii specialiter deputati, qui sufficientibus auctoritate & potestate fungerentur, quique ecclesiam hujus obedientiæ sufficienter repræsentare valerent, possentque pro obedientia nostra & regnorum ecclesiis cum illis de Roma tractare & concordare de electione unius summi pontificis, & omnia facere quæ ad unionem Ecclesiæ erunt oportuna & necessaria, essetque sic electo à cunctis fidelibus obedientia facienda tamquam vicario JESU-CHRISTI.

IX. Item, eodem casu, etsi de aliis regnis non convenirent nuncii, esset nihilominus in eorum contumaciam ad pacem ecclesiæ per deputatos Ecclesiæ Gallicanæ cum illis de Roma modo præmissa actualiter procedendum. De & super quibus omnibus & singulis, &c. Actum anno ccccvi. die xxi. Januarii.



(a) **CAPITULA (a) ACCORDATA**  
in Massilia, anno Domini ccccvii. die xxi.  
Aprilis inter dominum BENEDICTUM ex una  
parte, & duos episcopos Montonensem &  
Tudertinum & quemdam doctorem nomine  
Antonium de Butrio legatos domini GRE-  
GORII, ab eo & suis cardinalibus habentes  
potestatem & mandatum, ex alia parte tan-  
gentia modum procedendi ad unionem Ec-  
clesiæ consequendam.

Anno 1407  
Ex ms.  
Gemmeti-  
caesi.

I. **I**N primis quod ambo domini supradicti  
& etiam collegia sua debeant & teneantur  
convenire personaliter in civitate Saonæ pro  
unionem Ecclesiæ sanctæ exequenda, & cum Dei  
adjutorio obtinenda: in quem locum ambæ  
ipsæ partes propter singularem confidentiam  
quam gerunt in serenissimo principe domino  
rege Francorum, sub cujus dominio est, & pro-  
pter commoditates in eo huic actui magis con-  
currentes, factis aliorum locorum discussionibus;  
unanimitè concordarunt.

II. Item, quod ambo domini supradicti &  
etiam collegia sua in dicta civitate Saonæ per-  
sonaliter convenire debeant, & ibi personaliter  
sint in festo B. Michaelis in fine Septembris  
proximè sequuturi, salvo, nisi propter impedi-  
menta navigiorum ipse dominus in Urbe resi-  
dens impediretur, quo casu debeant adesse in  
festis omnium Sanctorum tunc proximè sequenti.  
Qui quidem dominus in Urbe residens, si dicta  
prorogatione uti voluerit, debeat hoc notifi-  
casse alteri domino in Massilia pronunc resi-  
denti per totum mensem Julii proximè sequen-  
tem.

III. Item, quod quilibet ex prædictis duobus  
dominis debeat ibi convenire cum octo galeis  
tantum armatis, ut est consuetum, nisi de septem  
vel sex dominus in Urbe residens contentaretur:  
quo casu teneatur notificare infra dictum men-  
sem Julii proximè sequentem dicto domino in  
Massilia residenti.

IV. Item, quilibet ex prædictis duobus domi-  
nis alteri eorum vicissim debeat jurare plenam  
securitatem sibi & suis de non offendendo aut  
damnificando, seu in aliquo lædendo de se vel  
suis, immo de deffendendo & conservando, &  
manifestando lædere volentes durante dicta  
conventionem eundo vel redeundo per se vel  
alium, directè vel indirectè, tacitè vel expressè;  
& similiter jurare debeat quilibet de collegio  
utriusque partis, & eodem modo jurare debeant  
familiares utriusque prædictorum duorum, &  
familiares cujusque cardinalium utriusque partis  
in manibus per ambos prædictos dominos de-  
putandorum. Quod quidem juramentum in dicta  
forma prædicti duo domini principales unus  
alteri, & alter alteri præstitum intimare debeat  
per suas litteras more consueto bullatas per  
totum mensem Augusti proximè secuturum. Et  
similiter domini utriusque collegii idem jura-

mentum præstabit, & præstitisse intimabunt  
per suas litteras vicissim infra dictum terminum.  
Alii verò utriusque partis jurare debeant in in-  
troitu civitatis prædictæ Saonæ.

V. Item, quod ab utraque parte fiant duo  
capitanei maris, unus pro qualibet parte, qui se  
obligent invicem, & prædictis ambobus dominis  
per omnia juramentum præstent, & alia faciant,  
ut in octavo capitulo de capitaneis civitatis con-  
tinetur.

VI. Item, quod obtineatur à serenissimo  
principe domino rege Franciæ, & gubernatore  
Januæ, civibus & comitatibus, ac aliis quibus-  
cumque ad quos spectet, quod totale dominium,  
juridictio, merum & mixtum imperium dictæ  
civitatis Saonæ & castrorum in ea existentium,  
cum ipsorum libera traditione sit in manibus  
utriusque prædictorum duorum dominorum no-  
mine Ecclesiæ æqualiter, absolutis castellanis &  
vassallis à quocumque juramento, obedientia,  
fidelitate, homagiis, & obligationibus aliis de-  
bitis, & illa præstare debeant dictis duobus do-  
minis & deputandis per eos nomine Ecclesiæ  
pro tempore quo ibi fuerint pro dicto negotio  
expediendo, datis cautionibus per ambos ipsos  
dominos de restituendo ipsam civitatem & ca-  
stra in eo statu quo fuerint assignata. Prædictis  
autem duobus dominis præsidere desinentibus,  
fiat de dominio & juridictione dictæ civitatis  
Saonæ & castrorum ipsius quod per dictos duos  
dominos cum ambobus collegiis per prius extite-  
rit ordinatum.

VII. Item, quod omnes cives civitatis Saonæ,  
vel saltem majores nomine Universitatis & pro-  
prio, & in illo numero de quo dictis duobus  
dominis vel suis procuratoribus videbitur, te-  
neantur præstare juramentum prout in quarto  
capitulo & forma fidelitatis continetur, & simi-  
liter facere jurare omnes comitativos & distri-  
ctuales suos per syndicum, qui etiam se obli-  
gent solemniter in casu quo contra venerint,  
se & omnia bona sua ubicumque existentia tam  
Universitatis, quam singulorum vel singularum  
personarum dictæ civitatis, villarum & locorum  
ipsius, se & bona hujusmodi submittentes juris-  
dictionibus & coercionibus regum & domini-  
orum tam ecclesiasticorum quam sæcularium, ubi  
dicta bona consistent, & quod hinc possit dictari  
& extendi cum clausulis opportunis.

VIII. Item, quod eligantur duo à prædictis  
duobus dominis, unus pro quolibet, qui debeat  
regere custodiam civitatis, jurisdictionem, &  
omne imperium pro prædictis duobus dominis,  
juxta commissionem per ipsos ambos dominos  
eis fiendam, qui etiam sint præsidentes & capi-  
tanei gentium armorum, & præ eminentes ad  
expedienda omnia incumbencia pro negotio  
liberius expediendo: qui primò invicem de-  
beant se confœderare, & confraternitatem ju-  
ramentis contrahere, sese invicem alterum ibi-  
dem obligando & colligando ad custodiam, se-  
curitatem, & defensionem dictarum partium.  
Quod etiam debeant eligi milites aut alii no-  
biles, quantum fieri poterit æqualis conditionis.  
His autem sic confœderatis simul & ligatis ad

(a) Extant hæc capitula apud Odoricum Raynaldum & apud  
Theodoricum de Nihem, sed abbreviata.

dictum finem, debeant utique dictorum duorum dominorum pro se & suis præstare plenissimum juramentum, homagium, fidelitatem & obligationes, in plenissima forma, prout in quarto capitulo & in forma fidelitatis continetur. Et insuper jurabunt dictis collegiis securitatem, & protectionem personarum ipsorum & suorum, & quilibet dictorum duorum capitaneorum pro prædictis fideliter servandis & adimplendis debeant dare obsides idoneos & competentes, ita quod electus ab uno ex dictis duobus dominis det obsides in æquali numero in potestate alterius domini ad voluntatem dictorum duorum dominorum, & advisetur quod capitanei ducant secum filios si habent, aut quod nepotes, fratres, aut alios attinentes aut amicos ad dandum eos obsides.

IX. Item, quod ab utroque dictorum duorum dominorum fiat unum edictum & statutum latæ sententiæ, in quo imponantur pænæ excommunicationum & interdicti & inhabilitationum ad beneficia, dignitates, & honores tam ecclesiasticos quàm sæculares, privationum ab omnibus dignitatibus, feudis, vassallis, & quibuscumque juribus in plenissima forma juris, in casu quo dicti capitanei, vel alia quævis persona cujuscumque dignitatis, status, gradus, seu conditionis existat, offenderent in persona malitiosè aliquem ex prædictis duobus dominis, vel ex dominis utriusque collegii.

X. Item, quod quilibet ex prædictis duobus dominis debeat secum ducere ducentos homines armorum, qui intrent civitatem sine equis cum totidem faleris, & centum balistarios, quantum fieri poterit, honestos & fidatos, per quemlibet dictorum duorum dominorum eligendos, pro custodia & defensione dictarum partium, qui debeant præstare juramentum similiter ut in quarto & octavo capitulis continetur. Et hi debeant subesse capitaneis ab utraque parte electis, & in manibus utriusque etiam jurare, & aliquo ipsorum capitaneorum deficiente vel impedito aut remoto, ponatur per ipsius dominum alter ejusdem, quantum fieri poterit, conditionis, qui eandem in omnibus potestatem & jurisdictionem exerceat, & simile juramentum & securitatem præstet; & ambo ipsi capitanei potestatem vel potestates & alios officiales, quos & unde & prout voluerint, ponant qui simile juramentum præstent & fidelitatem.

XI. Item, quod portus galearum dividatur æqualiter, ut fieri poterit, prout videbitur capitaneis maris pro securitate & tranquillitate fiendum.

XII. Item, quod ab utraque parte eligantur duæ personæ, quæ habeant dividere civitatem in duas partes, quantum poterunt, æqualiter, uno castro cum parte civitatis cuilibet parti assignato.

XIII. Item, quod prædicti capitanei civitatis habeant ordinare custodias, & habeant claves portarum, quas habeant custodire æqualiter quantum fieri poterit, & de omnibus aliis ordinare & disponere, quæ erunt ad custodiam & regimen civitatis & securitatem dictorum

A duorum dominorum & collegiorum ac secum venientium juxta commissionem eis per dictos duos dominos faciendam, & quod dicti capitanei provideant quod nullus, cujuscumque dignitatis, status & conditionis aut præminentie sit, sine bulleta dictorum duorum capitaneorum civitatem ingrediatur, neque aliqua arma introducat, vel per civitatem portet, exceptis armigeris & balistariis prædictis, & quod omnia arma civitatis tam offendibilia quàm defendibilia ponantur sub debita custodia & inventario in dictis castris æqualiter, vel alibi, prout videbitur dictis duobus capitaneis.

B XIV. Item, quod circa divisionem & assignationem domorum, & taxationem pretii ipsarum domorum & omnium victualium, circa etiam libertatem gabellarum & onerum, & de novo non imponendorum, nec augmentandorum, & de libertate rerum intromittendarum, & aliis similibus, serventur & de novo obligentur per omnia, prout aliàs factum fuit, quando ibi fuit curia præfati domini in Massilia residentis, aliquibus etiam additis, si capitaneis videatur, sine quorum vel aliorum eligendorum per eos licentia, nullus possit domum recipere vel conducere in dicta civitate & suburbiis ipsius civitatis & aliis locis ab ipsis capitaneis ordinandis, & quod teneantur cives & alii illas locare quæ placuerint dictis capitaneis cum condecienti pretio. Et si super prædictis vel similibus esset vel oriretur aliqua dubietas, eligantur duo per præfatos capitaneos pro parte dictorum duorum nostrorum, & duo per cives Saonenses pro parte sua, qui habeant omne dubium declarare & concordare. Et in casu quod ipsi sic electi non concordarent, addatur per ipsos quatuor electos unus quintus, & postea stetur determinationi majoris partis ipsorum.

XV. Item, quod quilibet ex prædictis duobus dominis introducant in civitatem pro servicio suo centum familiares tantum, & camerarium, & duos protonotarios, & viginti quinque prælatos, & duodecim doctores in jure, & duodecim magistros in theologia, ita quod quilibet prælatus habeat, videlicet camerarius quilibet duodecim, protonotarius quilibet sex, thesaurarius quilibet sex, archiepiscopus quilibet quinque, episcopus quatuor, abbas tres, doctor autem & magister duos familiares: & id servetur de ambaxiatoribus, si venerint, secundum status prædictos: & comites archiepiscopis, barones episcopis, milites abbatibus, & ceteros magistris & doctoribus \* cooperando.

XVI. Item, quod quilibet cardinalis introducat in civitatem viginti familiares tantum, & nullus equitaturam ponat in civitate, nisi pro personis dictorum duorum dominorum, & pro personis dumtaxat duorum utriusque collegii & utriusque camerarii & dictorum capitaneorum.

XVII. Item, quod obtineatur à domino gubernatore Januæ quod faciat pacem & concordiam cum Venetis, vel saltem ponat simpliciter totam quæstionem ipsorum in posse & ordinatione dictorum duorum dominorum, idem

\* f. Cont.  
pirando,  
vel coo-  
quando.

dominis Venetis facientibus, vel ultimò, si aliud obtineri non posset, det sufficientes securitates & obligationes super omnimoda securitate omnium Venetorum, veniendo, stando, & redeundo, & similiter fiat in omnibus per communitates Venetorum & Januensium. Circa autem securitatem dandam per dictum dominum gubernatorem dictis dominis & utrique parti, servetur forma quæ fuit servata quando curia ibi fuit dicti domini in Massilia residentis, prout præsentis negotio magis & melius adaptatur, scilicet quòd dominus gubernator ipse in persona sua sub juramento, & fide sua, & militari ipsius nobilitate & cives Januæ scilicet & officium provisorum, & alii majores de civitate in numero quadricentarum personarum per se aut syndicum promittant & jurent tam nomine proprio quàm civitatis nomine, securitatem promittentes utrisque dominis vel suis procuratoribus eorum nomine vel quorum interest recipientibus, quòd recipiet eos vel quemlibet ipsorum insimul & divisim cum collegiis, curialibus, & gentibus suis quibuscumque infra suas civitates, & castra, loca, littora, portus, & districtus quoscumque tam per mare quàm per terram, etiam cum gentibus armorum in numero quod dictum est supra & infra, quodque fideliter custodient, protegent & defendent prædictos & quemlibet ipsorum & quoscumque alios occasione venientes, & bona sua contra omnes personas cujuscumque gradus, status, præminentiae, sive conditionis existant, etiam cives, gentes, & quolibet districtuales aut subditos communitatis Venetorum cum dictis dominis, aut altero eorum cum galeis & alias secum vel sine eis quovis modo ad dictum negotium attendentes, ac præservabunt eos omnes, etiam Venetos, non obstante differentia inter eos & dictum dominum gubernatorem & commune Januæ nunc subsistente, vel alia quacumque causa; & salvabunt & salvari facient illæsos in personis & in bonis ab omni molestia sui vel aliorum tam in accessu quàm in recessu, & quamdiu ibi steterint vel transiverint, durante dicta conventionione, exeundo ac eundo ab eadem, & quod majores de civitate Januæ, vel syndicus, vel alii qui possunt cives singulos & civitatem obligare, laudent & approbent omnia prædicta, quantum eos tangit, & pro ipsis tenendis, servandis & complendis obligent solemniter in casu quod contraverint, se & bona tam universitatis quàm singularum personarum dictæ civitatis, villarum, & locorum ipsius, se & bona hujusmodi submittentes jurisdictionibus & coercitionibus regum & dominorum tam ecclesiasticorum quàm sæcularium ubi dicta bona consistant, & hoc possit dictari & extendi cum clausulis opportunis.

XVIII. Item, circa receptionem, protectionem, securitatem, & descriptionem dictorum duorum dominorum, ipsorum collegiorum, vel alterius ipsorum, aut eorum curiæ, seu familiæ: circa etiam securitatem & libertatem itinerum quorumcumque ad dictos duos dominos, vel

A eorum quemlibet venientium, stantium, & redeuntium tam per mare quàm per terram: circa insuper libertatem gabellarum aut aliorum onerum aut de novo non imponendorum seu augmentandorum, & rerum omnium liberè venientium & aliis omnibus obtineatur à dicto domino governatore & civitate & communitate Januensi, & aliis ad quos spectat quidquid conventum & concordatum fuit quando curia dicti domini in Massilia residentis ibidem fuit: scilicet quoad securitatem viarum & itinerum tam per mare quàm per terram provideatur per dominum gubernatorem, ancianos, & consilium provisorum Januæ, prout ad ipsos & quemlibet ipsorum spectabit & spectet, quòd viæ & itinera tam maris quàm terræ, & portus sint secura, ut prædicti domini, collegia, curiales, & omnes ipsos sequentes, vel pro dicta causa accedentes, cum omnibus bonis & rebus suis possint liberè transire eundo, stando, & redeundo à dicta civitate Saonæ, tam per Januam, quàm per Ripariam, comitatum & districtum suum absque perturbatione, molestia aut impedimento quocumque vel quorumcumque. Circa gabellas autem id facere debeant, ut dictus dominus gubernator & civitas Januæ pro se & tota Riparia, comitatu, & districtu, quod scriptum est supra in XIII. capitulo fieri debere per Saonenses & ab eisdem domino governatore, civitate & comitatu Januensi obtineatur quòd dictis dominis duobus venientibus, stantibus, & recedentibus à dicto loco, nulla galea in dicta Riparia Januæ arrivetur, nisi de prædictorum duorum dominorum expresso consensu, galea gardiæ dumtaxat excepta.

XIX. Item, quòd obtineatur à prædictis quòd gentes Galliæ & alia navigia dictarum duarum partium, possint liberè & securè venire, & stare, & redire, in quocumque portu sub dominio dicti domini gubernatoris aut Communis Januæ.

XX. Item, quòd castra quæ sunt de obedientia prædicti domini in Massilia residentis, inter Senam & Saonam ponantur pro dicto tempore sub custodia, dominio, & regimine dictorum duorum dominorum, datis per ambas partes dominis dictorum castrorum sufficientibus cautionibus & securitatibus de restituendo eadem & in eodem statu in quo fuerunt consignata, & assignentur ad usum partis dicti domini in Urbe residentis propter iter & viam Senæ.

XXI. Item, quòd à dominis castrorum Ripariæ tenentibus ingressus & passus patriæ, habeatur debita securitas de transeundo, stando, & recedendo, defendendo, & protegendo, & non permittendo quòd ab aliquo violentia aut damnum fieri possit.

XXII. Item, inhibeatur cum proclamatione & gravi pœna, quòd nullus audeat antipapam, vel intrusum, vel anticardinalem, vel antiarchiepiscopum, vel antiepiscopeum, & sic de aliis nominare: sed quilibet sit liber in vocando papam vel cardinales quo modo voluerit.

XXIII. Item, ut in omni eventu cautus & firmus locus, in quo dicta conventio fieri de-



beat, habeatur absque alia dilatione, sed si ratione pestis, vel quovis alio interveniente casu legitimo de discedendo à dicta civitate, ab utraque parte fuerit concorditer deliberatum, seu prædictæ conditiones, videlicet de securitatibus dandis per gubernatorem & communitatem Januæ ambabus curiis & Venetis de dominio Saonæ habendo, ac de divisione civitatis & castrorum ipsius civitatis non fuerint adimpletæ, præfatus dominus in Massilia residens & suum collegium acceptare teneantur unum de locis sibi oblatis per præfatos reverendos patres dominos nuncios & oratores dicti domini in Urbe residentis, & in eodem loco cum prædicto domino in Urbe residenti & suo collegio ad sanctissimam unionem Ecclesiæ perficiendam debeant personaliter convenire, datis consimilibus securitatibus & commoditatibus & aliis secundum dispositionem loci necessariis. Acta fuerunt hæc Massiliæ apud monasterium S. Victoris in camera assueta parlamenti residentia anno ccccvii. die xxi. Aprilis.

EPISTOLA REGIS ORATORUM  
ad Benedictum missorum, ac ejusdem  
oratoris ad Gregorium XII.

Anno 1407  
Ex 7. f.  
Cossini. no.

**R**everendis in Christo patribus ac dominis Patriarchæ Alexandrino, P. Belvacensi, P. Meldensi, P. Cameracensi, G. Ebroicensi episcopis & N. de Colleville militi, ceterisque presbyteris carissimis & magistris ambassiatoribus domini regis.

Reverendi patres & domini præcarissimi, omni præmisso recommendationis & prosperitatis affectu, scire placeat, quod postquam recessimus à vobis, deduximus per operam cum diligentia quantum potuimus apud dominum nostrum papam & dominos cardinales, ut haberemus conclusionem & responsum de supplicationibus & requestis eis factis super provisionibus in casu mortis, &c. De qua quidem cedula dicti domini cardinales pro majori parte non fuerunt contenti, & recesserunt ab eo illa die discordes in multis, prout notatum videre poteritis in tenore dictæ cedulæ, quam vobis mittimus, & quam dictus dominus noster dedit nobis die Jovis sequente de mane, qua die in vespere fuimus cum dominis cardinalibus, & die Veneris sequenti de mane & de sero fuerunt congregati super hoc, & misit ad nos dominus noster papa suum archiepiscopum Tholosanum, & episcopum Ilerdensem & dominum de Montegaudio & magistrum Nicolaum Ledur misit ad nos ad ostendendum dominis cardinalibus & nobis causas, rationes & motiva, quæ ipsum movebant ad repellendum additiones, correctiones & declarationes quas domini cardinales petebant fieri in dicta cedula, & super hoc in præsentia dictorum dominorum cardinalium & nostra & dictorum de Montegaudio & Ledur dictus dominus Tholosanus multa dixit & proposuit ex parte dicti domini nostri, quæ longa essent scribere vel narrare, & finaliter domini cardinales habita per eos deliberatione respondere fecerunt per dominum Al-

**A**banensem, qui multum solemniter ut obligaverant respondit ad ea quæ dixerat dictus dominus Tholosanus, repellendo curialiter rationes & motiva quæ dixerat, & secundum intentionem dictorum dominorum cardinalium. Et post ad testimonium perhibendum de his quæ dixerant vel responderant petierunt instrumentum vel instrumenta sibi fieri per dominum vicecancellarium, quem dicebant primum prothonotariorum papæ, & fuit hoc die Veneris tertia Junii de mane in domo domini cardinalis Saluciarum, & illa die in vespere fuerunt iterum congregati in domo domini Albanensis, & ibi post longum consilium fecerunt nos venire ad eos, & semper justificando & corroborando motiva sua, excusarunt se curialiter & rogaverunt nos, quod ipsos excusaremus, quod non poterant secundum eorum conscientias aliud facere protunc in negotio nostro, & erant aliqui qui erant artati recedere versus Avenionem ad disponendum de negotiis suis; & jam ipsa die de mane recesserat dominus \* Pa-  
nusterius, & ulterius certificaverunt nos dicti domini cardinales, quod ipsi sunt intentionis omnino firmatæ, quod post cessum vel decessum amborum contententium vel alterius ipsorum, ipsi convenirent cum alio collegio cum magna diligentia ad propositum unionis faciendæ, & super hoc sunt parati dare nobis suas litteras, & sic se facturos infallibiliter, & hoc etiam prosequemur & procurabimus. Quibus auditis, re gratiati fuimus eis de bona affectione, & supplicavimus quod adhuc illi qui renunciarent, vellent prosequi, & nos cum eis instarem apud dominum nostrum papam, quod super punctis de quibus erat discordia reperirentur media bona concordia. Et hoc satis placuit eis; sed in crastinum de mane recesserunt domini Albanensis & de Thureyo, & dominus Valentinus pro illa die vocaverat nos ad prandium, & post prandium dixit nobis multa bene pertinentia ad propositum, & voluit quod adiremus dominum nostrum papam, ut cum eo conferat, & tractaremus cum aliquibus de suis de aliqua bona media concordia, & ita fecimus. Et illa die sabbati in vespere fuimus ad dominum nostrum papam, qui post aliquas justificationes suæ opinionis & intentionis verbo nobis expositas, deputavit ad tractandum nobiscum dominum Ilerdensem episcopum, & dominum Franciscum d'Aranche, cum quibus tractavimus & appunctavimus aequaliter per dominos cardinales domino nostro in primo puncto discordia, & ut tollerentur verba ipsius quod volebant & addebant in scedula, & quod dominus noster differret eis in adjectionis poenarum moderatione, quas volebat dictis cardinalibus apponere, & sufficeret juramentum ipsorum cum interpretatione decreti papæ; & quia dicti domini cardinales multum moleste ferebant, quod ipse uteretur verbo *privationis*, licet ad tempus in jure eligendi papam, quod de jure spectat ad eos, appunctavimus quod verba substituerentur, & loco illorum poneretur quod jus eligendi remaneret dumtaxat apud illos qui convenirent ad locum,

ut darent operam debitam ad faciendum electionem unici & indubitati papæ, exclusis aliis, qui necessariè vel voluntariè absentes essent, prout plenius videre & intelligere poteritis per textum dictæ cedulæ in §. *ceterum*, &c. Nullum medium concordie reperire potuimus, nisi supplicamus domino nostro quod de dicta cedula faceret duas partes & duas bullas, in prima usque ad dictum §. *ceterum* faceret constitutionem de consilio & consensu fratrum suorum dominorum cardinalium, & postquam concordare volebant nec poterant, ut dicebant in dicto ultimo articulo, nisi nominaret eis personas quibus volebat eis negotium committere, quas tamen nullatenus nominare volebat pro nunc propter multas causas & rationes quas de præsentis prolatare sibi non videbatur expediens. Quoad illam partem faceret aliam bullam prout sibi copiam authenticam, quam etiam semper offerebat & obtulit tacitis nominibus commissariorum, ut supra. Et dicebant quod bullam de dicta commissione cum nominibus poneret, & dimitteret nunciis tutis & securis pluribus & unam in palatio apostolico Avenionensi, ubi possent reperiri & haberi, si & quando opus esset. Et hæc sunt quæ fecimus & facere potuimus usque ad diem istam qua audivimus dictos dominos Illerdensem & Franciscum, & responso super appunctamentis per fidei facto ut supra, videlicet die Sabbati quarta Junii, in vespere die iv. Junii die Dominica de mane & de sero, & die Lunæ de mane fuit nobis dictum per episcopum Illerdensem quod papa fuerat, prout erat revera, impeditus propter dolorem dentium, quem patiebatur vehementissime, & quod non veniremus ulterius super hoc donec mandaretur nobis, ut sic deliberavimus cum novis istis mittere equitorem præsentium portitorem, quem per octo dies detinueramus, sperantes habere responsum plenius, nec tradidimus dicto equitatori pecunias quas non habemus, & poterit ex defectu sequi defectus notabilis, &c. Porterii papæ & Ostiarii quotidie in introitu & exitu se recomendant nobis, & valde notamur, quia nihil eis damus, & si haberemus, pecunias eis, &c.

**PUBLICUM INSTRUMENTUM**  
securitatis omnimodæ datæ Gregorio XII. & cardinalibus ejus, Saonam ad tractandam ecclesiæ unionem profecturis.

Anno 1407  
Ex ms.  
Vat. Lat. 1009.

**I**N Christi nomine. Amen. Anno à nativitate ejusdem mccccvii. indictione xv. die vero xi. mensis Junii, pontificatus sanctissimi in Christo patris & domini nostri GREGORII divina providentia papæ xii. anno primo. Pateat omnibus evidenter hoc instrumentum publicum inspecturis, quod Dominica die constituti in præsentia præfati sanctissimi domini nostri & sui sacri collegii reverendissimorum in Christo patrum dominorum sanctæ Romanæ ecclesiæ cardinalium, videlicet ANGELI Ostiensis dicti Florentini, HENRICI Tusculani dicti Neapolitani episcoporum, ANGELI tituli S. Potentianæ dicti Laudensis, CONRADI tituli S. Cryflogoni dicti

A Malitenfis, JORDANI tituli S. Martini in montibus dicti de Urfinis, JOHANNIS tituli S. Crucis in Jerusalem dicti Ravennensis, ANTONII tituli S. Praxedis dicti Tudertini presbyterorum, RAYNALDI S. Viti in Macellis dicti de Brancaciis, OTHONIS S. Georgii ad Velum-aureum dicti de Colonna, PETRI S. Angeli dicti S. Angeli & JOHANNIS SS. Cosmæ & Damiani dicti Leodiensis, diaconorum cardinalium sanctæ Romanæ ecclesiæ in palatio apostolico apud S. Petrum, egregii & spectabiles viri dominus Antonius Justinianus miles, Antonius Cachaneus quondam Jacobi, Urbanus Picamilius & Nicolaus de Judicibus cives Januenses procuratores, ambassatores, syndici, auditores, factores negotiorum . . . & nuncii speciales magnifici domini JOHANNIS LE MAINGRE dicti *Boucicault*, Marescalli Franciæ, gubernatoris Januæ, & locum tenentes serenissimi Francorum regis, ac consilii dominorum ancianorum, necnon officii octo nobilium & prudentium civium & officialium provisionis dictæ civitatis Januæ, agentes nomine regis Franciæ ac dictorum gubernatoris, officialium præsentium & futurorum, & communis dictæ civitatis, & ipsius specialium personarum ac subditorum & districtualium eorum, etiam propriis nominibus conjunctim & divisim habentes, prout asseruerunt, plenam, veram, & perfectam notitiam instrumenti, pactorum, & compositionis, firmatorum Massiliæ super facto compositionis & pactorum; cujus tenor inferius describetur, expressè, & ex justa sententia approbaverunt, ratificaverunt, & affirmaverunt omnia capitula, & eorum partes & conventiones prædictas habitas in civitate Massiliæ pro unione prædicta, ac promiserunt eidem domino nostro papæ, & dictis dominis cardinalibus præsentibus, acceptantibus, & stipulantibus nomine ipsorum, & sanctæ matris Ecclesiæ, & omnium quorum interest, seu interesse poterit quomodolibet in futurum, quod serenissimus princeps dominus rex Franciæ & dictus gubernator Januæ ac cives & communitates dictarum civitatum Januæ & Saonæ, & alii ad quos hoc negotium spectat, dabunt & libere tradent totale dominium, jurisdictionem, ac merum & mixtum imperium dictæ civitatis Saonæ, & ipsam civitatem cum castris in ea existentibus in manibus dicti domini nostri papæ, & alterius domini Massiliæ existentis nomine ecclesiæ æqualiter, & quod absolvent & liberabunt, & ex nunc absolvent & liberant castellanos & vassallos & homines inibi existentes à quocumque juramento, obedientia, & fidelitate, & homagio, ac omnibus obligationibus dicti domini regis, gubernatori, aut communitatibus, aut aliis alias factis: & quod hujusmodi juramenta, obligationes, obedientias, fidelitates, & homagia præstare facient dicto domino nostro papæ, & alii domino in Massilia residenti, aut deputando per eos nomine ecclesiæ, & pro eo tempore, quo in dicta civitate Saonæ fuerint, pro dicto expediendo negotio, ipsis duobus dominis . . . de restituendo ipsam civitatem & castra in eo statu quo fuerint eis assignata, & quod

dictis duobus dominis desinentibus præsidere, fiat de dominio & jurisdictione dictæ civitatis Saonæ & castrorum ipsius id quod per dictos dominos cum ambobus collegiis antea fuerit ordinatum.

Item, promiserunt dicti ambaxiatores & procuratores propriis quibus supra nominibus eisdem domino nostro & dominis cardinalibus, quibus supra nominibus recipientibus, acceptantibus, ac stipulantibus, procurare & facere realiter cum effectu, ita quod fiat per omnes cives & habitatores dictæ civitatis Saonæ vel saltem majores partes propriis & universitatis nominibus in munere de quo dictis duobus dominis & suis officialibus cum eis existentibus plenam securitatem, fidelitatem & obedientiam, & quod eos vel ipsorum aliquem non offendant aut damnificent, seu lædant: quin immo defendant & conservabunt eos, & ipsorum quemlibet, dicta conventionione durante, seu in eundo & redeundo per se vel alium, seu alios, directe vel indirecte, tacite vel expresse, publice vel occulte, & quod ipsos vel ipsorum aliquem lædere volentibus pro posse resistent, & se opponent, & eos lædere volentes manifestabunt, & . . . in homagii & fidelitatis forma apostolicæ cameræ consueta. Et simul jurare facient omnes districtionales & comitativos dictæ civitatis Saonæ, villarum & locorum ipsius, per se ipsos aut per syndicum habentem sufficiens mandatum cum obligationibus etiam personarum, bonorum ubicumque existentium, ad sensum & voluntatem dominorum dictorum & cujuslibet ipsorum, ac recipient & tenebunt officiales per dictos dominos in ipsa civitate ponendos, & eis parebunt & obedient, prout est hæcenus consuetum. Et quod omnia arma dictæ civitatis Saonæ, seu existentium, & habitantium in ea tam offendibilia quam defendibilia. . . ventarum sub debita custodia ponentur in dictis castris divisa æqualiter quantum fieri poterit, vel alibi, prout capitaneo ponendo per dictos dominos videbitur expedire.

Item, promiserunt & juraverunt dicti domini & procuratores ac sui, dictis nominibus quibus supra, præfato sanctissimo domino nostro papæ & ejus collegio antedicto, sub juramento & fide ipsa, & militari ipsius domini JOHANNIS gubernatoris nobilitati, & nomine dictorum ancianorum, officiorum, & provisionatus, & communis Januæ securitatem domino nostro papæ & dictis dominis cardinalibus, eorum nomine & quorum interest recipientibus, quod recipient præfatum dominum nostrum papam & collegium cardinalium cum gentibus suis quibuscumque in suas civitates & castra, loca, littora, portus, & districtus quoscumque, tam per mare quam per terram, & cum gentibus armorum in numeris in dictis capitulis expressis, quodque fideliter custodient, protegent & defendent prædictos & quemlibet ipsorum, & quoscumque alios pro hac actione venientes, & bona sua contra omnes personas quuscumque status, gradus, sive præeminentiæ existant, etiam

omnes gentes & quoscumque districtionales & subditos communitatis Venetorum cum dictis dominis vel uni eorum cum galeis, vel alios secum vel sine eis, quovismodo ad dictum negotium antedictos, ac præservabunt omnes etiam venientes, non obstante differentia inter eos & dominum gubernatorem & communem.

Item, nunc subsistendo vel alia quacumque causa servabunt & servari facient illæsos in personis & bonis ab omni molestatione suorum & aliorum tam in recessu quam in accessu, & quamdiu ibi steterint vel transiverint, durante dicta conventionione, eundo & redeundo ab eadem, & quod majores de civitate Januensi, vel syndicus, vel alii qui possunt cives singulos & civitates obligare, laudabunt & laudant, approbabunt & approbant omnia prædicta quantum eos tangit, & pro ipsis tenendis, procurandis & adimplendis, obligabunt & obligant ex nunc se & bona tam universitatis quam singularia personarum dictæ civitatis, villarum & locorum ipsius, se & bona sua submittentes jurisdictionibus & coercitionibus regum & dominorum tam ecclesiasticorum quam sæcularium, ubi dicta bona existunt, & similiter juraverunt, promittunt & se obligarunt alii majores dictæ civitatis Januæ usque in numero quadringentarum personarum in omnibus & per omnia, & prout & sicut in capitulo dictorum capitulorum, quod incipit *Item, quod obtinebit à domino Januæ &c.* latius continetur.

Item, promiserunt dicti domini & syndici nominibus quibus supra, dictis domino nostro papæ & ejus sacro collegio acceptantibus, & recipientibus, quod ipsi apparabuntur & facient & curabunt ita & taliter cum effectu, quod dicti cives & habitatores Saonenses non locabunt alicui per se vel alios in civitate Saonæ aut ejus suburbiis aut locis pro capitaneis dictorum dominorum ordinandis, aliquam domum seu locum sine consensu & licentia expressa dictorum capitaneorum, & quod earum domos, etiam quas ipsi habitant pro pretio competenti, illis quibus mandabunt capitanei supradicti locabunt, & super pactione seu salario stabunt seu acquiescent determinationi & taxæ ac voluntati dominorum prædictorum capitaneorum & aliorum dominorum pro parte communitatis Saonensis eligendorum: & in casu quod isti quatuor non convenerint aut concordabunt, per eosdem quatuor eligetur quintus, qui stabunt determinationi majoris partis ipsorum.

Item, promiserunt dicti syndici, ut supra, quod in dicta civitate Saonensi non augmentabunt seu augmentare permittent onera vel gabellas, & quod circa libertatem dictarum gabellarum, & rerum intromittendarum, & extrahendarum, & aliis similibus servabunt per omnia, prout alias factum fuit, & quod liceat etiam ad illa aliqua addere vel minuere si dictis capitaneis videatur, & quod super his vel pro ipsis servandis cives Saonenses se in bona forma efficaciter obligabunt. Et promiserunt dicti procuratores, & syndici, ac domini, quibus

bus supra nominibus, quod ipse dominus gubernator faceret pacem & concordiam cum Venetis, vel saltem ponet totam concordiam ipsorum in posse & ordinatione dictorum dominorum duorum, ubi dominium Venetorum voluerit facere, vel ultimo si aliud obtinere non posset, dabit plenam & sufficientem securitatem, & obligationes super omnimoda securitate omnium Venetorum, in veniendo, stando & redeundo, & similiter fiet in omnibus communitatem Januensem (spectantibus) & quod ea disponet, ordinabit & faciet, quæ in capitulo quod incipit, *Item quod obtineatur a domino gubernatore Januæ quod faciat pacem*, &c. quod de hac materia loquitur, ponuntur, & ab eodem domino gubernatore debeant obtineri.

Item, promittunt dicti domini ambasciatores, omnium, quibus supra nominibus, quod ipsi toto eorum posse tenebunt, & teneri facient vias, itinera & stratas, tam maris quam terræ, & portus securos & liberos, ita ut prædicti domini, eorum collegia, curiales & sequaces, aut alii pro cursu unionis accedentes; cum omnibus bonis, tam per Januam, quam per ejus ripariam, comitatum, districtum suum, absque aliqua perturbatione seu impedimento quocumque transire, stare & redire poterunt, & quod de galeis, passagiis, & eorum passibus servabunt ea ad quæ superius dictum est omnes Saonenses debere teneri.

Item, promittunt dicti procuratores quibus supra nominibus, quod dictis duobus dominis ad dictam civitatem Saonæ venientibus, stantibus, & ab ea redeuntibus, in Janua aut ejus riparia nulla galea armabitur, nec aliqua armata utentur, & ipsam dearmabunt; nisi de prædictorum duorum dominorum expresso consensu, galea Gandiæ dumtaxat excepta.

Item, prædicti procuratores & syndici quibus supra nominibus affecturaverunt & promiserunt, quod gentes, galeæ, navigia, & bona præfati domini papæ, & præfati procuratores sui possunt secure & libere venire & stare, & inde recedere in quocumque loco seu parte, sub dominio seu regimine dicti gubernatoris aut communis Januæ, & existentes absque alio impedimento personali & reali sine offensione quacumque.

Item, promiserunt se facturos & curaturos quantum in eos est, nominibus antedictis, quod castra, quæ sunt de obedientia dicti domini Massiliæ residentis inter Senam & Saonam, ponentur pro dicto tempore sub custodia, dominio & regimine dictorum dominorum, sufficientibus cautionibus & securitatibus de restituendo in eodem statu in quo fuerunt consignata, & assignabuntur ad usum præfati domini nostri papæ Gregorii propter se & viam Senæ, prout in capitulo de hoc loquenti latius continetur.

Item, promiserunt prædicti syndici & procuratores, quod prædictus dominus gubernator, anciani, officiales & commune Januæ dabunt præfatis sanctissimo domino nostro papæ & ejus sacro collegio debitam securitatem de transeundo, stando, vel redeundo, defendendo, protegendo & non permittendo, quod ab aliquo vio-

lenciam vel damnum fieri possit alicui parti prædictorum.

Item, promiserunt dicti syndici & procuratores, quibus supra nominibus, præfatis sanctissimo domino nostro papæ & ejus reverendissimo collegio dominorum cardinalium, præsentibus stipulantibus & recipientibus; ut supra, quod prædicti dominus JOHANNES gubernator, anciani & officiales, commune Januæ per opportuna consilia ad hoc requisiti, quod bene teneant de jure cum dictis personis quadringentis numero prædicta omnia & singula supra specificata, & omnia alia in dictis conventionibus, positionibus, capitulis expressa, quantum ad eos spectant & pertinent, secundum tenorem dictarum conventionum, positionum & capitulorum, approbavunt & ratificavunt, facient & procurabunt, adimplere, promittent & jurabunt observare fideliter, pure, simpliciter & sine fraude.

Item, promiserunt dicti procuratores, quibus supra nominibus, prædictis domino nostro papæ & ejus sacro collegio, acceptantibus & stipulantibus & recipientibus, quod inviolabiliter & inconcusse, ac pure, simpliciter, & bona fide servabunt, & quantum ad eos spectat & pertinet, servari facient ordinationes, dispositiones, conditiones, & promissiones factas, conclusas & ordinatas per ambasciatores domini nostri papæ & alterum dominum in Massilia residentem, de quibus supra fit mentio, in omnibus & singulis partibus, clausulis suis, & per omnia & singula quæ ponuntur in dictis capitulis, aut ipsorum aliquo, quod obtinetur a prædictis constitutionibus aut ipsorum alio ex nunc ipsi acceptant, quibus supra nominibus, offerunt, concedunt, & ea promiserunt suis locis & temporibus sine difficultate aliqua, aut tergiversatione, seu excusatione concedere & firmare. Quæ omnia & singula prædicti syndici & procuratores, hominibus quibus supra, ac ipsorum propriis, promiserunt præfato domino nostro domino Gregorio papæ XII. & reverendissimo collegio dominorum cardinalium, præsentibus; stipulantibus & recipientibus, nominibus quibus supra, attendere & observare & observari facere

. . . exceptione vel indirecte vel per oblitum, ad pœnam & sub pœna ducentorum millium florenorum de camera; camera præfati domini nostri papæ applicandorum. Qua pœna soluta, vel non prædicta omnia & singula in prædictis vel aliquo prædictorum, quantum seu non observatum & per prædictarum observationum plenarie obligatum se & dictos suos principales & omnia bona sua & ipsorum principalium & aliorum quorumcumque pro quibus promiserunt & promittunt tam universalium quam singularum personarum mobilia & immobilia præsentia & futura, & etiam quæ non veniunt in qualibet hypoteca, submittentur personas & bona jurisdictioni & coercioni regum, principum, & dominorum quorumcumque, tam ecclesiasticorum quam secularium, ubicumque constiterint, renunciantes ex nunc beneficio fori, exceptioni doli mali, conditioni sine causa, in factum actioni & . . . generale renun-

P p p p



ciationem non . . . alii juris & legum auxilio, & insuper ad pedes præfati sanctissimi domini nostri, sacrosanctis scripturis ambabus manibus tactis per unum quemlibet ipsorum, juraverunt in animas suas, & præfatorum principalium suorum, & aliorum pro quibus intervenere, prædicta omnia & singula attendere, & manu tenere, & in nullo contrahere, vel venire, nec ei præsentis juramentos absolutionem, dispensationem seu relaxationem aliquam impetrare, neque concessam admittere seu uti, sed promissiones, obligationes ipsas ad juramentum prædictum . . . observare, sub pœnis & obligationibus antedictis, & per sua & fide . . . rogantes nos notarios ut de prædictis vestrum & plura conficere deberemus instrumenta. Tenor vero capitulorum & contractus talis est. In nomine Patris & Filii & Spiritus-sancti, &c.

#### ACCEPTILATIO DUCENTORUM floreorum acceptorum à nunciis regiis ad pontificem Romanum pro unione ecclesiæ.

Anno 1407  
Ex ms.  
Cajliniano.

**N** Overint universi præsentis litteras inspecturi, quod anno ejusdem MCCCXVII. indictione xv. pontificatus sanctissimi in Christo patris ac domini nostri BENEDICTI divina providentia papæ XIII. anno xiv. die xiv. mensis Junii in manibus mei notarii publici, præsentia ac testium infra scriptorum, Reverendus pater & dominus abbas Gemmeticensis, & venerabiles & circumspecti viri magister Guillelmus *Loskatel* utriusque juris doctor, magister requistarum hospitii . . . principis domini nostri Francorum regis, Johannes *Briscope*, Johannes Parvi sacre theologiæ professores, Johannes Guioti decretorum doctor, Eustachius de Souquentibus licentiatum in decretis, Arnoldus *Vivit* bacalaureus formatus in theologia magister in artibus, confessi sunt recepisse & habuisse in manibus dictorum circumsectorum virorum dominorum & magistrorum Guillelmi *Boisfratier*, & Johannis Guioti summam ducentorum florentorum Januensium pro ambaxiata solutione regis domini nostri, ecclesiæ Gallicanæ & universitatis Parisiensis eisdem ordinata & componenda pro securitatibus & necessitatibus ambarum Romam per . . . & hoc per manus discreti viri magistri Petri de Nantion. De qua summa ducentorum Florentinorum Januensium prænominati quittaverunt dictum magistrum Petrum, & quittant erga prædictum anno & die prædictis circa horam vesperarum, præsentibus discretis viris religioso viro magistro Nicolao de Tornaco ordinis Eremitarum S. Augustini sacre theologiæ professore & Johanne de Rinello clerico Nant. diocesis notario apostolico, testibus ad præmissa vocatis. Et ego Johannes *Bourrillet* presbyter ejusdem Nant. diocesis magister in artibus & licentiatum in decretis publicus apostolica & imperiali auctoritate notarius, prænominati hujusmodi summam recepisse confessi fuerunt & dictum Petrum

A solvisse in manibus meis de qua quittaverunt. Ideo præsentem sedulam propria manu scripsi, & signeto meo manuali signavi requisitus in testimonium præmissorum.

PETRI EPISCOPI CAMERACENSIS,  
Philippi abbatis S. Dionysii, Johannis Gersonii cancellarii & Jacobi de Nornano rationes ad differendam subtractionem.

**P** Rote statione prius facta & proposita, quod intendimus observare instructiones regis datas ad bonum unionis & ad honorem regis & regni, duximus attendenda quæ sequuntur.

Primò quòd nullus articulus datus in instructionibus sic ligat, quin mutatis circumstantiis ex quibus talis articulus nocivus redderetur ad pacem si observaretur, ille possit vel differri vel interpretari vel penitus omitti, vel ejus contrarium observari. Hoc patet per simile in materia juramentorum & votorum & legum, ubi nihil obligat quod vergit in deteriorem exitum, & pro hoc facit tenor instructionum referentium se ad deliberationem nunciorum in arduis & novis, ut consideratio finis unionis.

Item, attendatur tractatus factus & concordatus per papam & juratus per cardinales cum nunciis illius de Roma, & ibi fuit lætitia tanta, ut major pars fletet præ gaudio, sicut scripserunt nuncii Roma nunciis regiis existentibus tunc in Villa-nova.

Item, attendatur quod nepos illius de Roma & alii collegæ sui duo dixerunt in præsentia cardinalis de Thureio & nunciorum, quod terminus tractandi non fuit prolongatus ad requestam papæ, sed suam.

Et quod suus de Roma numquam vellet cedere in absentia vel per procuratorem, & quod si non irritaretur, quod nolleret aut non posset convenire suus de Roma, non conveniret nec cederet, & ideo pro bono pacis verbum pacis hortabantur.

Item, attendatur illud quod dixit unus cardinalium bene affectus ad hoc negotium, quod etsi non vellemus nos nuncii esse contenti de papa, tamen expediret facere quòd haberemus treugas usque ad conventionem, & tunc rigidissime prosequi contra papam, si non adimpleret ea quæ sunt unionis.

Item, attendatur quod in deliberatione consilii prælatorum non sit artatio absoluta de bullis sub pœna schismatis à papa dandis, sed sufficiebat, ut videtur, quod exponeret clare intentionem suam, sicut exposuit novissime in consistorio, & magis postea in responsione finali.

Item, quod in litteris regis ultimis missis de quinta Maii ponitur, quod nuncii sint certificati per bullam, vel alias sufficienter.

Item, notant quod aliæ fuerunt missæ in contrarium, & ita vident res egere majori consultatione.

Item, attendatur, quod ille de Roma contentus est de oblatione viæ cessionis per papam.



Item, similiter Hispani & Arragonenses & A  
Salbadienses &c. & illi de Lingua Occitana  
& alii multi ex regno, & ita si rex faciat sub-  
tractionem titulo tali, non habebit prædictos  
in sæcula, & sic erit schisma intestinum in hac  
obedientia.

Item, attendatur quod si debeat intimari talis  
substractio, non videtur securum nunciis inti-  
mantibus, quia tunc erit aperta divisio impla-  
cibilis contra papam & schismaticos.

Item, per hoc rumpetur legatio tota ad Ro-  
manos, præmissis consideratis, quia non apparet  
ad quid proficeret.

Item, attendatur quod dilatio subtractionis  
per unum mensem, vel duos aut tres numquam  
potest afferre tantum nocumentum causæ ec-  
clesiæ vel regni, quantum afferre potest acce-  
leratio: quoniam papa & sui tali acceleratione  
poterunt dicere; quod rumpimus tractatum  
suum, & impedimus sanctum propositum suum  
gratis, & sine causa urgente: immo cum re-  
questis irrationabilibus, per quas litteras sibi tol-  
leretur, & similia quæ etsi non sunt vera, tamen  
colorate dicta apud multos, præsertim regni æ-  
mulos valent; qui dicunt quod volumus totum  
facere soli & regere.

Item, diligenter considerandæ sunt respon-  
siones papæ, tam in consistorio, quam postea ad  
partem coram dominis cardinalibus ac etiam  
ultimata responsio ejus; & insuper consilia &  
responsa cardinalium, ex quibus possunt fieri va-  
lidæ persuasiones ad dilationem intimationis  
subtractionis prædictæ. Est autem responsio papæ  
quod in sancta via cessionis fuit, & est intentio-  
nis omnibus aliis presbyteris . . . & est  
exhortatio cardinalium. Est ne quid . . .  
& responsio ista papæ plus absoluta est, quam  
illa quæ petebatur à nunciis est. Non refert se  
ad oblationem alterius, sed simpliciter vult  
istam viam promittere, &c. si alius vellet illam  
promittere, & habentur de istis instrumenta.

His attentis concludimus pro opinione nostra;  
& ad quietationem conscientiarum, quod pro  
nunc supersedendum est ab intimatione subtra-  
ctionis, nec aliter facere sit licitum, decens aut  
expediens, & quod omnia quæ per papam tam  
in consistorio quam postea dicta sunt, & alia  
facta hætenus in tota legatione diligenter in-  
scribantur, & mittantur regi & suo consilio per  
aliquos de nunciis cum rationibus & motivis  
inducentibus ad conclusionem prædictam, ut  
auditis omnibus rex deliberet quid agendum;  
ut tractatus non rumpatur, per nos paucos  
super quos tantum onus istud gravissimum apud  
Deum & homines redundaret, & forte quod  
dum res tota postmodum referetur ad regem  
& consilium, non insequerentur nos in subtra-  
ctione intimata, non esset securitas nunciis ali-  
cubi, specialiter in Italia & in Roma, quia re-  
putaremur rupisse unionem. Petrus episcopus  
Cameracensis, PHILIPPUS abbas B. Dionysii  
in Francia, Johannes de Gersonio cancellarius  
Parisiensis, Jacobus de Nornano.

# EPISTOLA JOHANNIS LE MAINGRE Franciæ Marefcalli Januæ gubernatoris ad regis christianissimi oratores ad Gregorium XII.

**T** Res reverans Peres en Dieu & mes tres  
chiers & tres honnouréz seigneurs, je me  
recommande à vous tant comme je puis : &  
vous plaise savoir que j'ay receu presantement  
unes lettres de vous monseigneur l'abbé de  
Jumiege, maistres Guillaume Baratier, & mes  
autres seigneurs ambassadeurs du roy, qui estes  
allez par terre, escriptes à Saone le v. jours de  
ce mois de Juillet, faisant mantion de vostre  
reception & bonne receuillie à Flourance, &  
de la bonne response que vous y avez eue aux  
choses par vous proposées, dont j'ay esté &  
suis bien lie & joyeux. Apres font mantion vos  
distes lettres de vostre avennement à Rome, &  
que encore à la faisance d'icelles vos distes  
lettres, n'avez fait reverence à Gregoire, &  
que icelle reverence ferez le plustost que vous  
pourrez. Contiennent oultres vos lettres que à  
Rome aviez trouvé les ambassadeurs de nostre  
Saint Pere, pres de leur expedition & depar-  
tement, & que la response qu'ils ont eue ils me  
diront plus à plain de bouche, quant iceulx  
ambassadeurs vendront cy en ceste ville, je orré  
volontiers ce que me voudront dire, & se rien  
y a que puisse savoir que vous ne saichez, &  
qui soit au bien de la besongne, ou qui soit bon  
que vous en devez estre avilez, tantost par pro-  
pre messaiger le vous feray sçavoir. Quant à  
ce que contiennent vos lettres que vous n'avez  
eues, ne savez aucunes nouvelles de Messei-  
gneurs les autres ambassadeurs du Roy qui doi-  
vent aller par mer, ne savez si sont partis ou  
non. A ce ne fait point de response, pourceque  
je sçay bien que vous le savez maintenant, ou  
sauréz avant la reception de cestes. En conclu-  
sion contiennent vos lettres que je veille tou-  
siours tenir la main à ceste besongne; si vous  
plaise savoir, que je suis prest & appareillé de  
faire au bien de la besongne tout ce que faire  
je pourré, & que par vostre bon avis & conseil  
vous semblera que je devré faire. Tres reve-  
rans peres en Dieu & mes tres chiers & tres  
honnouréz seigneurs, j'ay receu deux aultres  
peres de lettres, que vous messeigneurs qui estes  
allez par mer m'avez envoyées entre deux  
escriptes à Ligorne les tines le ix. jours de ce  
present mois, les autres le dixième, & aussi aige  
receu les lettres des ambassadeurs de nostre  
Saint Pere, de l'evesque de Boulogne, & les  
copies que vous savez qui estoient en icelles  
vos lettres, de contenu desquelles coppies com-  
me vous l'avez peu assez cognoistre, & mieulx  
que je ne sauroie, sont moult doubles, captieuses  
en l'entendement, & Dieu veille par sa grace  
que la conclusion en soit bonne, car par ceque  
fera en moy possible & deu, faire ne revaindra.  
Et contiennent vosdistes lettres premierement  
la bonne receuillie que vous dites que mes gens

Anno 1407

Ex ms.

Cajusianus.

vous ont fait à Ligorne. Je suis bien lie qu'il soit ainsi, & s'ils avoient fait autrement, ce seroit à mon chagrin & desplaisance. Contiennent aussi vos distes lettres que on fait de la gallée de la garde & autres . . allés que vous devriez savoir, si je veille donner l'ordre que si vous dyent à vostre partement. Si veuillez savoir que ainsi que je croy que ainsi vous savez de present, je vous envoie la gallée de la garde, pour ce qu'elle retourna plustôt de là où elle estoit allée que les autres ne furent prestes. Et toutes fois ne fussent pas par faulte d'argent, car le jour mesmes que vous partistes, je fis bailler à Babillem Savage & à Pierre Dore tout l'argent qui restoit de leur solde, lesquelles deux gallées sont parties, l'une il y a environ vi. jours, & l'autre hier & sont allées en Corfaines, avec le commandement que je leur fis en vostre presence d'obeir à tout ce que par Jehan Oultramarin par vostre commandement & leur sera mandé. Quant à ce que vos lettres contiennent, que vous par la confiance que vous avez en moy, vous avez ouvertes les lettres qui à moy s'adressent, qui estoient avec celles dont dessus est faite mention, j'en suis tres contents, & avez tres bien fet. Quant à ce que vos lettres contiennent que pour nouvelles aultres que vous avez ouyes ne faues par vos distes, il ne vous semble pas que vous donniez rien . . es choses empaufes & deliberées par vous, vous estant à Jennes, où il pleut que je fusse, j'en demeure d'opinion avecques vous. Quant aux nouvelles contenuës en une cedula enclose en une de vos lettres touchant le recouvrement de Tarante, &c. j'en avois bien sceut les nouvelles par avant Mars, non pas si au certain que je voulusse, ne sur ce que j'en ay ouy ne les voudrois faire savoir au roy Louys, luy certifiant aucunement icelles estre vrayes jusques à tant que plus à plain j'en saiche la verité. Quant à ce que en unes lettres appert, vous, monsieur le Patriarche, monsieur de Beaunes, monsieur de Cambray vous louez de Jean d'Oultramarin de vostre patron, & comme en les me recommandant, je suis parfaitement lie qu'ils facent chose qui vous viennent à plaisir, & s'ils le font, je le reputé comme s'il estoit fait à ma personne mesme & ne le mesconnoistre pas envers eulx. Et par ainsi est repondu au contenu de vos lettres. Tres reverends peres en Dieu, & mes tres chiers & tres honnourés seigneurs, plaïse vous savoir, que pour le chaut qu'il faisoit à Jennes, & pour prendre ung peu plus de l'air, je m'en suis venus à Brisenay à v. mille de Jennes, & y vins demain aura viii. jours & Samedy ix. devers moy frere Jean Dauvergne le Jacobin, que vous savez que celui de Rome a envoyé par deça, & me dit que son entantion estoit huy d'icy pour aller à Venise. Si luy dis plusieurs choses condessendans à ce qu'il me sembloit pour le mieulx, pour le bien de l'union qu'il allast premierement à Rome, veu que il vous y trouveroit, & apres paroles de luy & de moy, me conclu qu'il iroit à Venise, & que ainsi l'avoit-il en commission, & que c'estoit pour avoir

A des gallées, à quoy je luy respondis que je m'en donnois grand merveil, veu que onquesmes il n'en avoit parlé à vous, messeigneurs, ne à moy qu'il y deust aller pour cette cause, & aussi luy dis que c'estoit bien tard d'aller à Venise maintenant pour faire armer gallées, veu que le terme de la convention est bien prouchain. Et oultre luy dis que les gallées tant les vostres que les autres qui sont armées par ce commun estoient bonnes & bien seures pour son seigneurs & à son commandement, s'il s'en vouloit aider, B & qua la requeste de son nepveu qui s'appelle evesque de Boulongne avoient esté armées pour son vouloir principalement à grant instance & priere de luy. Si me respondit qu'il le savoit bien, mais nonobstant tout il avoit en commandant de par son seigneur d'y aller pour cette cause, combien qu'il avoit esperance d'y peu besongner. Si ne me scay pas bien congnoistre en cette besongne de leur costé, mais Dieu voise qu'elle voise à bien. Et apres ces choses me fist plusieurs requestes cy. apres declairées touchant C les Venissiens & moy. Et moy ayant en memoire, & recordant la captieusité de la copie des lettres que vous savez, luy accorday tout ce qu'il me demanda, combien que je luy dis que je vous avois donné sauf conduit, & pour le Seigneur de Rome & tous Venissiens, & compromis pour faire tout ce que nostre Saint Pere & celui de Rome voudroit touchant les Venissiens & moy. Encore à sa requeste affin qu'il demeura plusque content, luy ay baillé procuration quant à ce de voir jurer pour moy que D j'accompliray le contenu des conventions & capitules fais à Marseille, en tant qu'il touche moy & les Venissiens. Et afin qu'il le peult faire, m'a requis de jurer aux saints evangiles presans messeigneurs Guillaume de Melon, Maistre Nicole de Punesse, & Godefroy de Beriguien un des Chanceliers de Jennes : laquelle chose j'ay faite bien & volontier, parceque j'ay bien volonté de l'observer. Et en oultre luy ay baillé ung compromis de la submission que je E fais dès maintenant, que du debat d'avec moy & les Venissiens, que je suis prest dès ça à ce que diroit nostre Saint Pere & celui de Rome, selon que les capitules & conventions par ceulx ordonné le contiennent, parmy ce que ceulx Venissiens facent le semblable, & que sur ce me facent savoir leur volonté pour tout le mois d'Octobre. En moy tousjours soubmettant à faire toutes chouses qu'il auroit requis faire accomplies. Et oultre plus car il connoissoit bien que je luy en avois accordé de celles qui n'étoient point contenus esdits capitules, comme de bailler à son seigneur & aux seigneurs de son college des chasteaux s'il en vouloient, & d'en faire payer les despens, & aussi de leur bailler ostages. Et incontinent après qu'il fut parti, & qu'il n'estoit pas encore à my chemin de Jennes, me vint ung courrier de nostre Saint Pere le pape, qui m'apporta unes lettres closes, que de par luy en ung *vidimus* sous le scel d'ung de ses auditeurs, ouquel estoit incorporé les lettres & mandemens que le roy en son grand conseil a

fait faire touchant sa volonté, sur les parts & conventions que vous savez qui ont esté faits à Marseille entre les parties, & me semblant lesdites lettres bien faites, & d'icelles ay esté & suis tres lie & joyeux. Desquelles incontinent après que je les ay veuës, ay fait faire une copie tabellionée, que je vous envoie avecques cestes par ce courier, afin que de tout ce puissiez estre informé & advisé. Et apres ce que nostredit Saint Pere me mande, ay rendu ledit original audit courier, pour le porter au prieur de S. Maximin à Flourance, pour l'envoyer aux ambassadeurs de nostre Saint Pere qui sont par delà, afin de le presenter à celui de Rome. Et sitost apres que j'ay veu lesdites lettres, je les ay envoyé à Jennes pour les monstrier audit Jacobin. Tres reverans Peres en Dieu, & mes tres chiers & tres honnourer seigneurs, affin que aucune chose ne se puisse gloier autrement que appert de la submission que je fis faire pour les ambassadeurs de ceste cité quant ils alloient à Rome, je vous envoie la copie de ce que a renvoyé l'escrivains qui alla avec iceulx ambassadeurs. Et aultres choses ne vous rescript pour le present, lorsque je vous prie & requier, tres reverans peres en Dieu, & mes tres chiers & honnourer seigneurs, que souvent par tous venans de ça me veuillez escrire, & faire savoir de vos nouvelles, priant au Saint Esprit que vous ait en sa sainte garde, & vous soient bonne vie. Escrip à Brissenay pres de Jennes ce xviii. jour de Juillet.

EPISTOLA EJUSDEM BUCICALDI  
ad eosdem oratores.

Anno 1407  
Ex ms.  
Coisliniano.

**T**res reverans peres en Dieu, & mes tres chiers & tres honnourer seigneurs. Par ce courier que j'envoie tout expres devers vous, si j'escris une lettre au nepveu du seigneur de Rome qui se fait appeller evesque de Boulongne, desquelles je vous envoie la copie cy dedans enclose, affin que vous la voyez, & se vous semble, que les lettres luy soient envoyées. Et aussi par ledit courier je vous envoie unes autres lettres que j'escris aux ambassadeurs de nostre Saint Pere, afin que s'ils sont encore de par deça, il vous plaise que vous les leur fassiez bailler.

Tres reverans peres en Dieu, & mes tres chiers & tres honnourer seigneurs. Depuis que ces lettres furent escriptes, j'ay receu unes lettres de par le nepveu du seigneur de Rome, qui se fait appeller evesque de Boulongne, lesquelles lettres apres que je les ay veuës je vous envoie cy-dedans encloses, & me semble qu'il est de pareil subistance que estoient celles que autrefois il m'a envoyées, & que vous avez veuës, comme dit est. De la responce que je luy fais je vous envoie la copie,

Le tout vostre BOUCIQUAULT  
mareschal de France & gouverneur  
de Jennes.

**I**llustri magistro domino domino JOHANN<sup>1</sup>  
LE MEGRE dicto *Boucicault* Senescallo regni  
Franciæ, locum tenenti regio, Januæ gubernatori, amico carissimo.

**I**llustris & magister domine, litteras dominationis vestræ suscepimus de manu cujusdam cursoris, postulantes nobis per nos debere scribi. Sed cum inter Sanctissimum dominum nostrum & ambassiatores domini nostri Avenionensis ac etiam ambassiatores regios qui in Urbe sunt nil adhuc conclusum esset, scriptionibus nostris supersistendum decreveramus, donec dominationi vestræ notificare possemus, quid inter dominum nostrum & præfatos ambassiatores actum esset. Sed cum per prædictum curso-rem nostrum de disensu suo quotidie infestaremur, de hujusmodi infestatione aliquid perfectè dominationi notificare nequivimus. De facto vero galearum scribendum vobis non putamus: quia cum dominus noster armatam galearum ambassiatoribus nostris non concesserit, consequens nec præfatas galeas velit ascendere. A. episcopus Bononiensis domini nostri papæ camerarius.

**R**everendo in Christo Patri & domino domino episcopo Bononiensi.  
Reverende in Christo Pater & domine domine, geminumbreve vestrum recepimus ejusdem tenoris. Sed quia scribitis excellentissimum dominum vestrum non concessisse armatam galearum nostris ambassiatoribus, & per consequens easdem non esse assensurum, non possumus non mirari. Nam ponatur paternitati vestræ ut ipse excellentissimus vester dominus galeas ipsas ascendere posset, si fuisset assensus expeditus non minus quam aliis causis quod modo armatæ sunt, & sic ægre concipere possumus, ut cum pace vestra loquamur, facta actis & invicem collocutis, & nihilominus galeæ ipsæ paratæ sunt, & erunt ad mandatum vestri tam excellentissimi domini, ubi eas ad favorem sanæ unionis ecclesiæ Dei, pro qua nos & hæc communitas posse nostrum obtulimus, & denuo offerimus, pactis omnium constantia omnium fide velit ascendere aut eis uti. Datum Vulraneti MCCCXVII. die XXII. Julii.

PUBLICUM INSTRUMENTUM  
de imponenda nova decima ad prosequendam schismatis extirpationem.

**I**N nomine sanctæ & individue Trinitatis Patris & Filii & Spiritus sancti. Amen. Noverint universi præsens publicum instrumentum inspecturi, quod anno ejusdem Domini MCCCXVII. indictione xv. mensis Augusti die III. pontificatus sanctissimi in Christo patris ac domini nostri, domini BENEDICTI divina providentia papæ XIII. anno XIII. congregatis in alma urbe Roma reverendissimis in Christo patribus ac dominis SIMONE miseratione divina patriarcha Alexandrino, JOHANNES Belvacensi, PETRO Meldensi, &

Anno 1407  
Ex ms.  
Coisliniano.

Pppp iij

GUILLELMO Ebroicensi episcopis, COLLARDO A de Callevilla milite, Gemmeticensi & Molif-  
 mensi abbatibus, GUILLELMO consiliario  
 utriusque juris doctoribus, Johanne *Courtecuisse*,  
 Petro Plati, Johanne Parvi sacre theologie  
 professoribus, Johanne Dinoti decretorum do-  
 ctore, Petro Cauchori, Eustachio de *Farisgulas*  
 magistris in artibus & licentiatibus in jure cano-  
 nico, Guillelmo Pulcri nepotis magistro in ar-  
 tibus & baccalareo formato in theologia pro  
 pacis & unionis sancte matris ecclesie prose-  
 cutione pariter & adsecuratione tam ad prefa-  
 tum dominum nostrum papam, ejusque sacrum  
 collegium, quam ad illum dominum qui in  
 urbe prefata se facit Gregorium nominari, &  
 illos qui cum eo pro cardinalibus se gerunt,  
 aliosque diversos & egregios universas civitates,  
 communitates & bul . . . ab ecclesia galli-  
 cana transmissis & deputatis ac ipsius ecclesie  
 ambassiatoribus, procuratoribus & nunciis prin-  
 cipalibus & expressis, plenissime ejusdem ecclesie  
 potestate fungentibus, & considerantibus per  
 ea quae usque in hunc diem tam in Italia, quam  
 in alibi, & maxime in Urbe prefata, super ma-  
 teria desideratissime unionis ecclesie gesta sunt  
 & gerantur, sane, clare, & luculenter perpen-  
 dere potuerunt atque possunt, quod hoc schis-  
 ma tam longævum, tamque damnabile & lethi-  
 ferum, hostis generis humani, proh dolor! ne-  
 quitia praevalente, non sic celeriter evelli ac  
 extirpari posset, sicut plurimorum fuerat fide-  
 lium mentibus preconceptum fidelibus etiam  
 novas difficultates imparatas, inopinatas & vix  
 inantea credibiles, longas moras dilationis &  
 protelationis quae verisimiliter formidentur &  
 tanto deterius. Praeterea quam graves & ma-  
 gnas impensas ultra eorundem & aliorum col-  
 legarum ambassiatorum stipendia extraordina-  
 ria terra marique facere in dies communiter  
 convenit, & quod spatium sex mensium, quo  
 finem rei speratae videre expectabant, jam labi-  
 tur, & finis optatus latius prolongatur. Deli-  
 berantes itaque & sedula mente pensantes ad  
 extirpationem praefati pestiferi schismatis, con-  
 tra quod diligentiam videre visum fuit neces-  
 sarium & totaliter opportunum, ut in partibus  
 & circa partes Italiae apud utrumque contem-  
 dentium, & alibi aliqui pacis & unionis zelato-  
 res & fideles personae resideant, donec hujus-  
 modi negotium, quod divino potissime & hu-  
 mano egit jure, omni directu & prosecutione  
 assiduis sine votivo concludatur. Cum super  
 tales soli sint rerum interpretes dominus noster,  
 ecclesia Gallicana, & veneranda Parisiensis  
 Universitas, qui factum ecclesie apud ipsos con-  
 tendentes continuatis vigiliis, laboribus, & ex-  
 pensis prosequuntur, & quia praemissa multis &  
 variis modis tam mari quam terra, multis etiam  
 gravissimis sumtibus & expensis, poenis ac la-  
 boribus & apud diversos in variis locis prose-  
 quenda sunt, quae absque regis praefati domini  
 nostri, & ecclesie Gallicanae auxilio & subven-  
 tione peragi & compleri non possent; visum  
 est praefatis dominis ambassiatoribus expe-  
 diens pro praemissis & necessarium, ut aucto-

ritate ecclesie Gallicanae, qua funguntur praefati domini ambassiatores, expediens pro praemisso hujusmodi negotio & alias prosequendo, media pars unius integre decimae super personis beneficiatis in regno Franciae & Delphinatu Viennensi existentibus, exemptis & non exemptis, ad opus prosecutionis praedictae levetur de novo, pro una vice, & colligatur. Quia in majori forsan ante hujusmodi sancti negotii conclusionem votivo egerunt subsidio. Praemissis consideratis & aliis regi praefato domino nostro referendis, ac etiam ejus affectione pariter & prosecutione inferenda, intentione quoque & deliberatione ecclesie Gallicanae & universitatis praefatae, quod numquam & saepe dum tanta quantitas est non erit opportunitas, ac facultas defecerunt, ne dum major se offert occasio deficere. Nam cum ambo de papatu contententes de renunciendo & cedendo sint concordēs, idque & promiserint, & suis nunciis testibus, scripturis, bullis, & literis obtulerint, solum restat uti ad praemissa peragenda, & deinde electionem novi pontificis indubitati celebrandam convenienter variis diligentibus hoc opus salutare, quod ad suum prope finem deductum est, absolvatur. Quod si alter contententium, aut ambo, ambassiatoribus praefatis absentibus, ab hoc migraret saeculo, res ecclesiastica periculis & æmulorum pacis verisimiliter & in pristino & majori versaretur discrimine. Quibus & ut ab aliis periculis & æmulorum pacis fraudibus, dolis, & versutis obvietur, praefati domini ambassiator, procuratores, & nuncii deliberaverunt, & con-  
 cluserunt, & tenore hujus praesentis publici instrumenti deliberant & concludunt, causis & rationibus antedictis, & aliis quamplurimis rationabilibus & justis atque bene cessuris, substituere de praesenti ex causis legitimis, alias suo tempore, ut dictum est, declarandis, unius mediae decimae impositionem, & eandem mediam decimam, aut mediam partem unius integre decimae super quascumque decimas beneficiatas exemptas & non exemptas regni & Delphinatus praedictorum, ubi bona beneficiata taxata non fuerunt, æquivalenter secundum quod ultimatè auctorata Gallicanae impositioni fuit, eadem auctoritate qua funguntur, de novo pro una vice imposuerunt & imponunt. Eandem vero mediam partem integre decimae volunt solvi & levare in termino seu terminis per commissarios seu receptores super hoc per ipsos dandos & constituendos praefigendis. De & super quibus omnibus & singulis praemissis praefati domini ambassiator, procuratores & nuntii petierunt à nobis notariis publicis infra scriptis publicum fieri instrumentum unum vel plura. Acta fuerunt Romae in domo domini JORDANI, qui se nominat cardinalem de Ursinis, in qua dictus reverendissimus pater patriarcha residebat, sub anno, indictione, mense, die & pontificatu praedictis, praesentibus prudentibus viris magistris, magistro Johanne Petri doctore in medicina, Martino de Mura licentiatum in jure canonico, Johanne de Ultramarinis cive Januensi, & Amelio Asperail baccalareo in decretis, testibus ad praemissa vocatis & rogatis.



ISTÆ LITTERÆ SCRIPTÆ FUERUNT  
de Villa-franca prope Niciam cardinalibus.

GREGORII XII. BULLA  
ad Johannem ducem Bituricensem.

Anno 1407  
Ex ms.  
Cassiniensis.

**R** Everendissime pater & domine metuende, post recommendationem placeat V. P. scire quod die Sabbati veniendo de Janua Vicum applicuimus, ubi vos & certos dominos nostros cardinales invenire credebamus, quia dominus Franciscus de Arenda scripserat domino gubernatori, quia circa finem Augusti ibidem omnes cum papa esse debebatis, sed videntes hoc nihil esse, vellemus hoc nihil esse, dolentes sumus & stupefacti, quia non videtur quod unio ecclesiæ propter locum Saonæ quoquo modo sit derelinquenda: immo tenent instructiones nostræ, quod rex non curat ubi fiat unio, dum tamen fiat, immo Florentiam, Pisam & Senas expresse designat tamquam loca sibi grata. Nec tamen de Saona adhuc penitus desperavimus, immo si hic essetis vos domini, speramus reperire medium per quod conventio adhuc fieri posset in Saona. Sed quando videmus vos sic dispersos, & in prosecutione unionis taliter remissos, nescimus quid facere. Quæstio domini regis LUDOVICI, in qua, ut percipere potui, posset de facili dari bona conclusio per nuncium regis: nam per plures est mihi apertum, quod non obstantibus omnibus, LANDILAUS reciperet unum tractatum, quo pendente, saltem, non impediret unionem Ecclesiæ, & melius esset regi LUDOVICO aliquid habere, illo vivente, pacifice, & post mortem habere regnum pro se & suis, quam nihil habere, & se & sua consumere: sed pro hoc tamquam domino nostro, quia vassallus suus sum, &c. sibi scribo, & si zelus domus Dei comedit vos, ad hoc laborare deberetis. Nos omnes cum gubernatore laborare intendimus cum ipso, quod ipse Saonam dirigat gressus suos: quia inter cetera GREGORIUS hoc requirit in responsione sua, & locus ille est locus satis tutus, & inde poterit ad ea quæ pacis sunt efficacius laborari. Illi de Universitate præcipue conqueruntur de vobis dominis meis, quia aliter non laboratis ad ista artando, quod nunc ambo contendentes sunt in via, per vos & nos optata & ita diu prosecuta concordēs. Et dubito quod Parisius habebitis contra vos multos clamores, super quibus esset prævidendum. Alia pro præsentī non scribo. Dominus omnipotens vos feliciter custodiat ut opratis. Scriptum in Villa-franca prope Niciam die xxx. Augusti.

Item, dicta die scripsi dictis cardinalibus existentibus cum Benedicto. Litteræ suæ continebant regratiationem primo obligationis galearum, secundo quod propter capitulum Massiliæ concordatum de non armandis galeis posset capere occasionem Gregorius, & quod deliberabunt quod Daranda domino de *Chalant* tertio instat pro acceleratione nostrorum gressuum.

Anno 1407  
Ex ms.  
Cassiniensis.

**G** Regorius episcopus servus servorum Dei dilecto filio nobili viro Johanni Bituricensi, salutem & apostolicam benedictionem.

Scripsimus serenitati regis Francorum, & nunc similes litteras replicamus & etiam PETRO DE LUNA, quem nonnulli BENEDICTUM papam XIII. appellant, quarum litterarum copias præsentibus infra mandavimus inseri, nec non copias responsivarum litterarum hinc inde, ut ex inde pura veritas colligatur, & circa aliqua quæ in litteris continentur: hætenus deventum est ad id circa quod ratione dictante plurimum contristamur, videntes afflictionem fidelium populorum provinciæ nostræ Marchiæ Anconitanæ, quæ tota exposita est turbationi, divisioni, involutioni, ac perditioni, & his quæ talia sequuntur, jamjam in brevi tempore præoccupatis potentia & turbatione principalibus civitatibus ipsius Marchiæ per regem LADISLAUM sub colore occasionis loci Saonæ: quibus & deliberavimus utrumque gladium contractum extendere, sicut incipimus hætenus. In parulo calamitates videntur & gravissima pericula per has omnes partes propter ejus nimiam potentiam, non solum in temporalibus, sed etiam in spiritualibus evenire, nec iste solus videtur habere præfatum locum Saonæ exosum, sed de die in diem per amplius sentimus, hoc esse commune apud plurimos nostrorum, & de hoc loco graviores maximos proceres, ut clare habemus: quæ res nobis ingerit magnam difficultatem & turbationem circa locum antedictum, & quia cognoscimus efficacem & ardentem voluntatem vestram, quæ per Dei gratiam nobis conservata ac potius aucta & nullo tempore diminuta est, & quam fiducialiter speramus nobis conservari illasam, & nullis contrariis affectionibus violari nec minui, & eandem finaliter impleri, quam tamen variis & crebris ac efficacibus signis expressimus, & credimus strictiori vinculo amoris à quo processit, sufficienter servari, sine cujusque objecti vestrum consequendi & mali fugiendi amminiculo, quæ in exhortationibus plurima asseruntur non sufficere ad pacem & unitatem christianorum per remotionem schismatis, nisi congruis mediis provideatur ejus unio prudens judicio continuo. Sollicite laboravimus dirigere gressus per semitas prudentiæ ad ipsam unionem pervenire, nec valuimus, obstante malitia temporis. Bene & cum Apostolo sentimus, dies mali facti sunt. Cum igitur omnes collaudant unionem, vanas tamen esse intentiones non ambigimus, nec omnes qui eam pure concupiscunt prudenter incedunt. Nos autem eam & ad eam prudenter pervenire cupimus, ut spe firma & reipsa eam tandem teneamus. Et quia credimus tuam præsentiam, fili carissime, quam audivimus te amoroso animo & generoso velle exhibere, nedum utilem esse, sed plurimum necessariam ad hoc ipsum, te in



Domino exhortamur, ut venias cum potestate disponendi & ordinandi secundum quod videbitur expedire pro sacra unione & abstractione huiusmodi pestiferi schismatis: quam rem Altissimus inter alias suas miserationes nobis concedat, ut in ipso speramus. Datum Senis v. Septembris, pontificatus nostri anno primo.

### SCHEDULA ADVERSUS BENEDICTUM XIII.

Anno 1407  
Ex ms.  
Cesjuniano.

**P**rimo dominus BENEDICTUS tempore quo cardinalis de Luna ac legatus erat ad regem Franciæ, laudabat super omnes vias viam cessionis, & tunc dixit domino Burgundiæ qui tunc erat, quod dominus CLEMENS & cardinales nisi vellent in eam consentire, quod eis deberet fieri subtractio.

II. Item in regressu suo de præfata legatione dixit pluribus cardinalibus, quod nisi dominus CLEMENS acceptaret eam, ipse remearet ad propria cum sarcinulis suis & negotiis: ita quod non intendebat fardellos suos dissolvere nec vasalias suas, sed remeare ad propria, nisi dominus CLEMENS tunc papa afferret pro unione ecclesiæ viam magnis præconiis in Francia prædictam.

III. Item, in introitu conclavis iuravit acceptare dictam viam cessionis, prout continetur in cedula, &c.

IV. Item, ipse sub prima intentione quod renunciaret quotiescumque collegio cardinalium aut majori parti videretur expediens, &c.

V. Item, ipso sic electo & sub ista intentione inthronizato fuit requisitus à dominis cardinalibus quod renovaret præfatum iuramentum, quod ita fecit.

VI. Item, mandavit regi Franciæ per ambaxiatores, per episcopum Avenionensem & magistrum Petrum Blavii, qui ad præsens est cardinalis S. Angeli, quod ipse vellet ad ipsum mittere solemnes ambaxiatores & de genere suo, quibus posset dicere voluntatem suam, & quibus posset firmiter credere, per quos posset asscurari de voluntate regis super modis & viis procedendi ad unionem ecclesiæ, & quod tales & tanti essent, quod posset demandare executioni, & quamcumque viam licitam & honestam ipsi afferrent, ex parte præfati regis, ipse prosequeretur cum adiutorio eorum.

VII. Item, verum est quod præfatus dominus misit tres dominos duces & cum eis plures clericos & consiliarios prudentes, qui factis ceremoniis & honoribus per eos ipsi domino BENEDICTO impensis, ut moris est, dixerunt sibi, &c. & causis suæ ambassatæ narratis, obtulerunt se laboraturos per quamcumque viam bonam & accommodam ad unionem Ecclesiæ, supplicantes ipsi domino BENEDICTO super aliquam viam bonam, & quam vellet aperire, qui noluit eis aperire aliquam viam, sed unam communem & generalem, &c. & quæ non videtur eis sufficiens, immo potius impediens, & supplicando quatenus vellent eam acceptare, in

casu quod adversarius vellet acceptare. Ipsi obtulerunt ex parte præfati regis & ipsorum viam mutæ cessionis amborum contendentium, & supplicando quatenus vellet eam acceptare in casu quod adversarius vellet acceptare, & vias repperibiles cum maxima humilitate supplicaverunt sibi in præsentia dominorum cardinalium. Sed quantum plus supplicabant, tantum plus denegabat.

VIII. Item, verum est quod finaliter dedit eis responsum in scriptis, & de illo responso fuit bulla confecta postea, in quam ipse offert viam præmissis limitatam, talem videlicet quæ contineri videtur in bulla super hoc.

IX. Item, in eadem bulla blasphematur viam cessionis decem blasphemis, ita quod, ut patet per tenorem bullæ, ipse committit perjurium denegando viam cessionis quam iuraverat, & ad colorandum suum perjurium ipse usus est aliquibus actionibus falsis, non tantum falsis, immo etiam erroneis in fide nostra, quod ipsum cedere omnino quod petebatur esset in Dei offensam, in Ecclesiæ damnum, in clavium contemptum & censuræ ecclesiæ lationem, in exempli perniciem, in scandalum prælatorum, & fidelium sibi obedientium, in obdurationem maiorem ipsius intrusi.

X. Item, dicta via est interdicta in practica, immo à sanctis patribus tamquam una quæ repulsa & refutata, &c. videatur bulla quod videntur istæ actiones quod essent in offensam Dei, &c. sunt erroneæ in fide, quod pertinaciter asseruerit patet per protestationem in ejusdem bulla positam, scilicet quod ipse protestatur adunire quod pro merito habetur.

XI. Item, verum est quod ipse fecit comburi pontem Avenionensem ad excludendum iter dominis, ne possent plus reverti ad eum; ratione data quæ est superius expressa.

XII. Item, verum est quod domini reversi sunt ad villam Avenionensem, & celebrato concilio dominorum ducum, dominorum cardinalium, & ambassatorum Universitatis Parisiensis, fuit requisitus ipse dominus BENEDICTUS per cardinales una vice, quatenus vellet eandem viam cessionis acceptare eo modo quo iuraverat, &c. quod ita factum est, sed ipse dominus BENEDICTUS ad omnes istas monitiones sic requisitus, semper negative respondit.

XIII. Item, verum est quod videntes domini cardinales quod omnes requisitæ per eos factæ, omnes requisitæ per dominos duces nihil profuerunt, in eum concluderunt concorditer insimul quod fieret requisita simul per collegium & dominos duces cum omni reverentia, & requirendo obnixè, quatenus vellet acceptare viam cessionis eo modo quo iuraverat, &c. quod ita factum est, sed ipse dominus BENEDICTUS induratus, &c. respondit: Absit quod temporibus nostris tantum inconveniens accidat Ecclesiæ sanctæ Dei, malleus mori, &c. Ista responsio includit venenum in fide, scilicet quod sit inconveniens ipsum concedere renunciaturum primo, & tale inconveniens est tantum, quod mallet mori quam incurrere tantum inconveniens.

inconveniens. Et sic recesserunt domini cardinales, domini duces, scandalizati maximo scandalo.

XIV. Item, verum est quod rex Castellæ postea volens obtemperare aliquo modo voluntati ipsius BENEDICTI, & voluntati regis Franciæ, supplicavit sibi per ambassiatores solemnes offerendo quod vellet acceptare viam cessionis sub ista forma, quod primitus fieret conventio ad quam tendebat ipse Benedictus, ita quod facta conventionem & laborato pro parte ipsius Benedicti, quod abdicaret papatum per triginta vel quadraginta dies per aliquam viam quæcumque fuerit illa, dum tamen licita; si hoc non posset fieri, adversarius offeret viam cessionis, vel precibus victus ad ea condescenderet, ipse BENEDICTUS tamquam induratione cordis plusquam Pharaon respondit, se numquam hoc facturum.

XV. Item, verum est quod dominus noster rex Franciæ misit ambassiatores ad regem Aragonum, inter quos erat dominus abbas S. Michaelis; sed dominus BENEDICTUS hoc præsentens misit episcopum Avinionensem & aliquos alios ambassiatores, ad impugnandam viam cessionis, quam de facto impugnaverunt quantum potuerunt in præsentia regis Aragoniæ & totius sui consilii: addentes hanc falsitatem, quod rex Franciæ non quærebat viam cessionis, alio cedente, sed laborabat quod ipse dominus BENEDICTUS cederet ad finem quod eligeretur unus Gallicus seu Galliculus, & multa opprobria imponendo regi Franciæ & suis ambassiatoribus præfatis, quod poterit fieri facile per dominum abbatem prædictum.

XVI. Item, verum est, quod postea reges Franciæ, Angliæ & Castellæ, miserunt simul ambassiatores solemnissimos ad præfatum Benedictum & suum adversarium, ad supplicandum & requirendum, quatenus vellet acceptare viam cessionis mutue, &c. Sed prædictus BENEDICTUS fecit eam impugnari per quemdam advocatum Avenionensem dominus Bonifacius nuncupatum; & pro illo labore pulcro fecit eum statim cardinalem.

XVII. Item, verum est quod ipse dominus BENEDICTUS præsentens quod præfati ambassiatores volebant adire suum adversarium Romanum, qui tunc erat, præmisit episcopum Tirasonensem cum quibusdam aliis ad faciendum conclusionem cum dicto adversario, & ad indisponendum eum ad viam cessionis, ut patet per hoc, quod ipsi erant familiares ipsi adversario, & intrabant quandocumque volebant cameram, & secreta ejus, & erant sibi domestici plusquam ambassiatores regis Angliæ, qui sibi obediebant, &c.

XVIII. Item, ex licentia & præcepto ipsius BENEDICTI præfatus episcopus Tirasonenfis cum suis collegis fecerunt illi intruso reverentiam papalem.

XIX. Item, ille intrusus dedit idem responsum cum effectu sicut ipse BENEDICTUS, sicut videtur inter eos fabricatum per conclusionem, &c.

*Theſauri Anecd. Tom. II.*

XX. Item, illud signum conclusionis inter eos fuit, quod cessavit anno quo fecerunt processus unus contra alium.

XXI. Item, verum est quod quidam Jacobita erat convictus de hæresi per inquisitores Aragoniæ, & in casu appellationis quæ erat commissa cuidam cardinali per Clementem, sed dominus Benedictus electus in papam sibi fecit apportari processum, & in ignem projecit, quare, &c.

XXII. Item, verum est quod pluribus dicit, immo aliquando in consistorio publico, quod crederet peccare mortaliter, si acceptaret viam cessionis.

XXIII. Item, dicit domino Guillelmo de Lignonvilla ad præfens præposito Parisiensi, quod mallet excommunicari, quam acceptare viam cessionis sub modo, forma, aut conditione quibuscumque.

XXIV. Item, verum est quod dominus noster rex celebravit postea consilium, &c. in quo fuit facta fidelis relatio de omnibus istis præfatis, in quo concilio fuit conclusum & determinatum quod præfati ambo contendentes de papatu perperam & notorie schisma faciebant, & quantum in eis erat causam perpetuationis ejusdem præbebant, quod nulli eorum poterat licite obediri. Etiam fuit conclusa subtractio.

XV. Item, verum est quod subtractione facta in regnis Franciæ & Castellæ, domini cardinales miserunt quatuor de solemnioribus eorum, supplicantes quatenus vellet acceptare viam cessionis, bona fide. Quod si vellet eam acceptare, quod laborarent tantum & taliter, quod ambo regna reverterentur ad ejus obedientiam. Qui BENEDICTUS petivit inducias pro responsione ferenda, usque ad tertium diem: & die tertia respondit quod mallet membratim frustatim lacerari. Quanta pertinacia! &c.

XXVI. Item, verum est quod cardinales videntes ejus pertinaciam, etiam fecerunt sibi subtractionem.

XXVII. Item, subtractione sibi facta, videns quod non posset eam recuperare, nisi acceptaret viam cessionis, eam acceptavit, id est promisit se renunciaturum altero cedente, ejecto, vel mortuo. Quo facto istud instrumentum fuit publicatum in Castella & Francia, &c.

XXVIII. Item, & ob illam causam fuit sibi facta restitutio obedientiæ talis qualis per & secundum quatuor condiciones, quas suppono pro habitis, & ideo pertransio.

XXIX. Item, verum est quod nullam illarum conditionum adimplevit, quod verum fuit, ut faciliter potest declarari discurrenti per singulas condiciones, quarum prima fuit, quod renuntiaret altero cedente, mortuo vel ejecto; sed verum est quod alter mortuus est, & tunc non cessit, neque renunciavit.

XXX. Item, posuit in vindictam gravamina intolerabilia ecclesiæ Gallicanæ, ut patet inductione.

XXXI. Item, expulit multos valentes &

propriis beneficiis & prælaturis.

XXXII. Item, ne corrigeretur, noluit celebrare concilium suæ obedientiæ in Francia per ipsum promissum.

XXXIII. Item, restitutione sibi facta, statim ivit Januam, ut posset vexare regnicolas Franciæ & Castellæ.

XXXIII. Item, promisit Januensibus dare bullam super via cessionis; quod promissum non adimplevit, immo firmiter denegavit.

XXXV. Item, postquam ivit Januam, dixit pluribus, & pluries: *Ad quid laborant illi de Universitate Parisiensi? ego mallem potius esse pauper capellanus per mundum fugitivus, quam acceptare viam cessionis.*

XXXVI. Item, ultimate respondit ambassiatoribus regis Castellæ denegando præfatam viam cessionis, & non solum viam cessionis, sed etiam concilium generale.

XXXVII. Item, misit per cardinalem de CHALANT ad regem Franciæ ultimam voluntatem suam, ut videtur, conventionem generalem non descendendo ad aliquam viam in speciali. Ianuitur quod non quærit nisi subterfugia.

XXXVIII. Item misit per illum cardinalem bullas regi Franciæ super subsidiiis levandis per ipsum regem super clerum Franciæ taliter quod traderentur regi, si rex vellet consentire quod ipse Benedictus levaret temporalia mortuorum & cetera gravamina super clerum Franciæ, & quod rex noluit consentire, præfatus cardinalis reportavit secum dictas bullas: & sic intendebat clerum Franciæ spoliari, nedum per ipsum, sed per potestatem sæcularem.

CREDENTIALIA MAGISTRO JOHANNI Francisci regi, dominis ducibus Bituricensi, Aurelianensi, & Burgundiæ & Universitati.

Anno 1407  
Ex ms.  
Cossiniense.

**E**T primo quod jam domini cardinales qui sunt hic rescripserunt sibi quod attenta difficultate quam alter fecit de loco Saonæ, non debet stare firmus in oblatione quam fecit publice gentibus Gregorii in Massilia antequam fieret mentio de loco Saonæ, nam tunc publice ipsis obtulit per organum cardinalis Albanensis civitatem Pisanam, nunc ille de Roma illam offert, vel Romam, vel Senas, vel Florentiam, vel Lucam. Sed ista inter ceteras est magis omnibus hætenus conveniens: quia de Saona noster statim potest esse ibi & alter esse infra tres vel quatuor dies de Sena vel de Florentia ubi nunc est. Et ideo videtur quod sine dilatione rex deberet sibi scribere, consimiliter ad cardinales, quod pro bono pacis & unionis, vellet statim iter suum arripere Pisas, vel Livorem, quæ est regis vel marescalli, ubi ipse securus staret sicut in domo sua.

Item, ipse locus placuit regi & dominis, & exprimitur in instructionibus nuntiorum.

Item, quod omnino statim nunciis per regem & dominos quod ipsi sollicitent papam diligenter, & procedant secundum instructiones suas, nihil obmittendo penitus.

**A** Item, dicatur dominis rectori & deputatis ad patrem, quod inter ceteros homines mundi solus LADISLAUS adversarius regis LUDOVICI magis impedit unionem, & quod attento, quod ipse est de domo Franciæ, pro tanto bono, sicut est pax Ecclesiæ, expediret quod rex mitteret ad eum sine nova expensa episcopum Meldensem vel COLLARDUM de CALLEVILLE, vel ambos, & quod ipse requireret eum quod sequendo exempla regum Franciæ, de quorum pro sapia ipse noscitur descendisse, ipse velit cum rege laborare ad unionem ecclesiæ, & quod licet dominus rex LUDOVICUS sit rex magis propinquus, tamen propter honorem Dei & bonum pacis, rex intromitteret se libenter de inveniando bonam concordiam pacis inter eos, & pro certo dominus gubernator Januensis, & alii plures viri notabiles asserunt, quod ex hoc posset breviter sequi pax ecclesiæ, & una bona concordia inter regem LUDOVICUM & suum adversarium.

**C** Item, dicet dominus quomodo Johannes & Paulus de Ursinis miserunt recenter post patriarcham unum hominem notabilem, dicentes quod Romani offerunt regi tradere sibi dominium civitatis Romanæ, & quod ponat ibi si placet expensis eorum unum gubernatorem, sicut fecit Januæ, & teneat dominium donec sit facta unio ecclesiæ Dei.

Item, petunt subsidium mille lancearum pro tribus mensibus, quæ æstimantur ad quadraginta quinque millia florenorum.

Item, dixerunt quod dominus rex LUDOVICUS de ista summa deberet solvere unam bonam partem, & alia posset satis leviter ab ecclesia haberi pro tanto bono: quia sine dubio illi asserunt, quod in casu quod ista non recipient conclusionem per totum mensem Octobris, sine dubio LANDISLAUS habebit dominium urbis, & habebit intrusum qui satis est secum concors, & erat clara via ad perpetuationem schismatis.

**E** Item, dicet dominis quod cum papa sunt nuncii regis Castellæ veri papales, qui debent ire ad Franciam, & non venerunt hic, nisi pro indulgentiis habendis pro guerra Granatæ, & subsidio ab ecclesia regni, & asseritur quod hic fortiter tractatur, quod nullo modo considerationes regum & regnorum de novo confirmantur, scilicet Franciæ & Castellæ, & consimiliter à villis quæ diligunt causam istam, quod quando illi nuncii veniant in Franciam, quia ibidem sunt in brevi venturi: quod si faciant in confirmatione prædicta difficultatem aliqualem, quod nullo modo tractetur super hoc cum ipsis, sed statim rex mittat ad Hispaniam, quia sine dubio, non obstante contradictione, quæ hic fabricatur, rex habebit optatum, & dum eorum instructio . . . quod in Francia conformet se ordinationi Benedicti.

Item, dicatur domino Bituricensi, quomodo de persona sua sunt hæc seminata nova sinistra, de quibus aliqui faciebant magnum festum.

Item, dicatur ambobus dominis, cuilibet & specialiter, cum traditio litterarum super liber-

taribus ecclesiæ regni confectarum, est sine dubio potius ad celerationem unionis quam ad retardationem, & quod ipse si impediatur, hoc acquirit magnum onus suæ conscientiæ, detrimentum non modicum bonæ famæ suæ, & ita asserit sibi scribens in conscientia sua, & sub debito fidelitatis quo sibi tenetur, & quod ulterius ad ista & alia multa bene attendat, quia ipse bene scit quod multos habet sibi exosos. Vel dicatur domino Aurelianensi.

Item, dicet dominis quomodo præsentia dominorum cardinalium nunc in Avenione existentium est & erit ad prosecutionem unionis, quam rex facit summe necessaria, & hac de causa venit patriarcha, dominus Belvacensis, abbas Molismensis, magister Johannes Guioi, & magister Johannes Francisci venerunt ipsos quæsitum, & cum ipsis revertentur statim Saonam.

Item, quod sic unitas prosequatur, quod illi qui remanebunt habeant eandem potestatem sicut tota ambassata.

Item, scribatur sæpe gubernatori, ut juvet, dirigat & protegat ambassiatores, quibuscumque favoribus postpositis.

Item, habeatur à rege littera patens, continens quod rex adjungat eum cum nunciis in ambassata, ut procedat cum ipsis secundum instructiones eis datas, quas rex vult ipsum jurare.

Item, dicatur regi, dominis & universitati, quod si velint aliquos remansuros ad prosecutionem unionem, quod provideatur eisdem de expensis: alias nulli remanebunt.

Modus prævidendi est impositio decimæ facta per nuncios.

Item, quod impetretur littera regis ad cogen- dum viros ecclesiasticos in provinciis Narbonensi, Tolosana, & Auxitana, in diocesis Aniciensi, Mimateni, Caturcensi, Rodoniensi, Albiensi, Castrensi, Arelatensi, Avenionensi, Vivariensi, ad solvendum, &c. hujusmodi mediam decimam per ambassatam impositam dirigenda magistro Johanni Auboyni alias præposito ecclesiæ S. Martini ad hoc deputato per eosdem ambassiatores.

Item, *d'envoyer par le chevaucheur lettres closes au roy de monseigneur de Berry, adressant aux comtes d'Armagnac & de Foix, que ils s'en fient & mandent par le nos pais aux gens d'Eglise, qu'ils payent leur demy dixme; tant de celui qui est passé comme de celui qui est advenir, car autrement les gens d'Eglise n'y voudroient obeir, & que on les envoie avec les lettres patentes.*

Item, *qu'il surveigne à Maître Jehan François qu'il parle de Esculant qui trouble le fait de l'Eglise par deça, par la commission que luy a donné l'abbé de Moisierramé contre les ordonnances de messeigneurs les ambassadeurs.*



A

## MEMORIA PROVERA SERIE

eorum quæ gesta sunt in facto unionis Ecclesiæ anno MCCCCVII. per dominum nostrum regem Franciæ vel ex parte sua per nuncios, quos ipse pro hoc facto misit ad dominum BENEDICTUM, & etiam Romam ad dominum GREGORIUM, qui ambo miserant regi bullas suas de dando pacem Ecclesiæ per viam cessionis.

B

I. Primò dictus GREGORIUS monuit & rogavit regem, ut cum nunciis suis mittendis ad dominum BENEDICTUM, habentibus potestatem tractandi cum dicto domino BENEDICTO, & accordandi de loco & aliis agendis in materia unionis Ecclesiæ, mitteret etiam suos proprios, ut juvarent ad hoc ipsum.

Anno 1407  
Ex ms.  
Cosliniano.

C

II. Item, rex cum concilio totius Ecclesiæ regni ac Universitatum, (quod quidem concilium tunc erat in mense Novembri Parisius congregatum,) viros plurimos notabiles in magno numero, quorum nomina in folio quinto in principio instructionum eis datarum sunt inscripta, pro hac materia destinavit, dans eis instructiones quæ in dicto folio scriptæ sunt.

D

III. Item, veritas est quòd antequam dicti nuntii venissent Massiliam, ubi erat dictus dominus BENEDICTUS, nuntii dicti GREGORII, scilicet domini episcopi Montanensis nepos suus, & Tudertinus, & quidam doctor vocatus Antonius de Butrio, tractaverant, & jam concorderant de agendis in hac materia, & de tempore ac de loco in forma, prout hîc immediate supra scribitur.

E

IV. Item, dictis nunciis regis existentibus in civitate Aquensi in Provincia, antequam intrassent Massiliam, venerunt ad eos primò dictus Tudertinus, & postea alii duo nuntii dicti GREGORII, qui in præsentia etiam domini cardinalis de Tureyo dictum tractatum narraverunt esse factum, exhortantes ne quovis modo irritaretur dominus BENEDICTUS, neque quovis modo daretur occasio rumpendi tractatum hujusmodi; dicentes etiam quòd si dominus BENEDICTUS per subtractionem vel aliter artaretur ad cedendum, dominus GREGORIUS non per hoc inclinaretur ad cedendum, sed potius retraheretur. Narraverunt etiam quod dominus episcopus Montanensis erat ad dictum dominum avunculum suum Romam recessurus; alii verò, scilicet Tudertinus & doctor, erant ituri Parisius ad regem ad omnia notificandum, & supplicandum pro confirmatione tractatus hujusmodi in quantum dominum regem tangebatur.

V. Item, veritas est, quòd nuntii GREGORII, præsentem dicto domino cardinali de Tureyo, significaverunt ad partem quatuor de dictis nunciis regis, scilicet domino patriarchæ, domino episcopo Meldensi, domino Colardo militi & quod si ipsi possent eis concedere galeas de Janua vel alias, & eas mittere Romam pro dicto domino GREGORIO,

ut posset ire ad locum Saonæ à partibus accor- datum, ipse indubitanter illis uteretur.

VI. Et hic nota quòd dicti duo, scilicet Tuderlinus & doctor, quando Parisius reversi transiverunt per Januam, ubi dicti nuncii regis etiam reversi de Roma pro tunc erant, confessi fuerunt coram eis, & in præsentia notarii articulum præcedentem de dictis galeis, & cetera continere veritatem, sive contenta in eo esse vera, de quo fieri debuit instrumentum, & tamen quòd dictus episcopus Montonenfis nepos dicti GREGORII posteaquàm Romæ venerat, hæc negavit, ut infra scribitur.

VII. Item, ex hac occasione & confidentia atque bona fide, dominus Meldensis, de quo supra, assumtis secum duobus de nunciis, ivit celeriter Januam cum dicto domino Montonenfi nepote GREGORII, & simul cum domino gubernatore Januæ dicto *Bouciqualt*, tractaverunt & procuraverunt tantum, quòd ad illud opus debebant habere galeas, & ex nunc secum aliquas galeas habuerunt, expensis dicti regis, quæ etiam ejus expensis ductæ sunt sub hac confidentia usque Romam: in quibus sine quocumque onere aut expensis, etiam ductus est dictus Montonenfis, & in Janua atque Massilia tractatus est honorificè, favorabiliter, atque sumtuosè sub specie boni unionis.

VIII. Item, in dictis galeis iverunt unus de nunciis regis, scilicet magister G. Pulcri-nepotis, & nuncii civitatis Januensis, & etiam nuncii civitatis Saonæ, habentes sufficientem potestatem, omnia in dictis articulis accordatis contenta, quantum eos tangebatur ratificandi & adimplendi seu confirmandi, sicut etiam fecerunt, stipulantibus hæc dicto GREGORIO & cardinalibus suis, sicut patet per bullas dicti GREGORII super his datas illis de Saona supra dictis, per quas apparet eum totum pro tunc ratum habuisse quòd factum fuit, quia per bullas regratiatur Saonensibus sibi offerentibus securitates, &c. quas acceptat, & dicit se velle eis uti.

IX. Item, dictus Montonenfis nepos Romæ fecit relationem suam coram dicto GREGORIO publicè, assumens thema suum, *Opus consummavi quod dedisti mihi ut faciam*, &c. Et ibi satis apparuit eum omnia pro tunc rata habuisse & habere, quia nihil tunc reprobavit de actis per dictum nepotem & alios suos nuncios.

X. Item, statim post, adhuc existente Romæ prædicto nuncio uno de ambaxiatoribus regis, scilicet Pulcri-nepotis, de quo supra, dominus GREGORIUS, nescitur quo spiritu ductus, mutavit consilium recusans locum Saonæ, sicut apparuit ex verbis dicti Montonenfis nepotis sui, qui instanter per media, & maxime per litteras scriptas fratri Johanni Dominici, quæ sunt ut dominus gubernator Januæ vellet denegare locum Saonæ, & saltem quòd de alio loco usque ad mensem Martii tractatus haberetur, sicut hæc ad plenum retulit dictus Pulchri-nepotis, cùm Januam de Roma rediit, antequam dominus Patriarcha & alii qui per mare erant ituri Romam, arripuissent iter suum.

XI. Item, quasi eodem tempore dictus gubernator Januæ recepit litteras à pluribus nobili-

bus de Roma, per quas significabatur quòd dictus GREGORIUS tendebat ad rumpendum tractatum prædictum sub occasione loci de Saona. Quo significato dictis nunciis regis, qui per mare erant ituri Romam, & erant adhuc in Janua, deliberaverunt ipsi quòd non deberent ad mutationem loci aliquàlter consentire; & de intentione etiam dicti GREGORII ad mutationem loci fuerant satis informati pars dictorum nunciorum regis, qui per terram jam ibant Romam, cùm essent in Viterbio, ubi repererunt cardinales de Urfinis & Leodiensem. Dicti etiam qui per mare ibant Romam, in portu Liburni viderunt litteras dicti Montonenfis, qui jam erat factus episcopus Bononiensis, satis exprimentes de voluntate mutandi locum Saonæ, & de non acceptance galearum, quæ jam in Janua paratæ fuerant ad requestam ejusdem nepotis, ut dictum est, & etiam receperunt quando venerunt in civitate veteri, quòd hoc jam publicè dicebatur apud omnes.

XII. Item, de mense Julii scripsit dictus GREGORIUS ante adventum nunciorum regis domino BENEDICTO, excusans se quòd non poterat ire ad locum Saonæ propter defectum galearum, quorum carentia sibi molesta erat, sed cùm posset habere significaret. Ad quas litteras dominus BENEDICTUS rescripsit, exhortans eum, quòd staret in promissis, & harum litterarum copias dictus GREGORIUS post recessum dictorum nunciorum regis de Roma, misit regi, per quas satis potest de hoc veritas apparere.

XIII. Et ex his adverte quòd manifestè apparet de intentione dicti GREGORII circa mutationem loci Saonæ, ante adventum dictorum nunciorum regis in Roma. Quare nullomodo potest impingi dictis nunciis quòd ipsi post eorum adventum dederint dicto GREGORIO occasionem quærendi loci mutationem, sicut postea aliqui de suis, dictis nunciis regis imponere voluerunt.

XIV. Item, pars nunciorum qui per terram iverunt, præcesserunt alios qui per mare debebant ire per XI. dies; quia applicuerunt Romæ IV. die Julii: & in illo tempore sollicitaverunt dictum GREGORIUM & omnes suos cardinales, quos sæpe & sigillatim visitaverunt ad bonum unionis, significantes quòd dominus patriarcha & alii episcopi, ac alii qui per mare veniebant, litteras eis directas præsentarent, & de negotio plenius loqui habebant, cùm venissent.

XV. Item, cùm dicti nuncii per mare venissent, & sic essent omnes simul, accesserunt primò ad exhibendum dicto GREGORIO reverentiam competentem; & tunc assignata est dies sequens ad audiendum suam credentiam. Sic enim voluit ipse GREGORIUS: quia dicebat se velle infra triduum recedere; & factis propositionibus tam ex parte regis, quàm ex parte Universitatis, ipse dixit palam quòd locus de Saona non erat idoneus, nec honestus pro obedientia sua, sed omnino mutandus. Addidit de via cessionis, quòd non erat juridica, & multa sonantia recessum ab accordatis Massiliæ. Inter alia etiam dixit se esse verum papam, cui statim dixit patriarcha: Non fatemur.



xvi. Dicti nuncii non contenti supplicaverunt pro alia obedientia, quam habuerunt postea in camera sua pluribus vicibus per xxiv. dies manentes in Roma, & hoc negotium prosequentes nunc cum ipso, nunc cum cardinalibus suis, nunc per paucos, nunc ad partes, & alias, ut credebant posse proficere: & aliquando visus est manifestè flere dicens: Ego dabo pacem Ecclesiæ, rogando dicens: Non me deferatis, &c. Quod fuit in camera sua, ubi fuerunt sex de nunciis, quos sex ipse vocari fecerat, scilicet dominos episcopos Cameracensem & Belvacensem, & etiam abbates duos, qui tunc erant in Roma, scilicet Molismensem & Gemeticensem; cancellarium Parisiensem & magistrum Jacobum de Noniano. Et ibidem post aliquas argumentationes, dixit viam cessionis sic circumstantionatam, ut est hoc tempore, esse bonam & juridicam, ac iustitiæ; & quòd ad eam ex voto tenebatur: & videbatur bonam habere voluntatem, licet semper diceret locum Saonæ esse mutandum, sicut alias dixerat. Dixit etiam quòd licet rex daret saluum conductum, tamen aliqui domini de Francia fortè non tenerent, dicens ita nuper accidisse nunciis de Florentia, quos dominus Aurelianensis detinebat, &c. Cui respondit dominus Cameracensis, quòd illud negotium erat aliud quàm credebatur: nec umquam visum fuit, quòd contra saluum conductum regis, aliquis quantumcumque magnus auderet attentare in regno, & quòd satis poterat habere confidentiam in salvo conductu regis.

xvii. Item, ad magis movendum dictum GREGORIUM, quia dicebatur per suum nepotem quòd erat egens: ne sub hoc prætextu reciperet occasionem differendi negotium, & ut posset de securitate sibi providere, obtulerunt superabundanter dicti nuncii quæ sequuntur sub conditione, si vellet ire ad locum Saonæ & uti galeis prædictis sibi ad hoc præparatis. Primò ad partem in introitu Romæ patriarcha nepoti suo ad hoc opus obtulit quatuor millia francorum: qui cum misisset pro dicta pecunia, & peteret dictus patriarcha quòd daret cedulam recognitoriam de eundo Saonæ, & de receptione dictæ pecuniæ pro hac causa, &c. hoc negavit. Obtulerunt quòd laborarent ad hoc quòd ei status securus & honestus, eo cedente, ministraretur; & quòd quinque vel sex galeæ armarentur sumtibus regis pro ipso, durante tempore tractatus: adjiciendo quòd etiam alias adjuvarent, si opus esset, & quòd capitanei galearum jurarent sibi fidelitatem ex concessione domini gubernatoris; immò omnes de galeis; & quòd ibi poneret de suis quos vellet, & aliqui de patronis, scilicet dominus Johannes de Marinis, adhuc obtulerunt dare filios proprios in obsides. Obtulerunt etiam ministrare cum galeis navigia minora, si opus esset, pro cardinalibus aut aliis secum venturis, sicut dictus nepos rogaverat gubernatorem in Janua. Obtulerunt ultra pro dicto gubernatore Januæ, quòd ipse daret nepotem suum in obsidem & duos milites, scilicet dominum Choletum & dominum Ro. *de Milly*, centum cives Januenses; & quinquaginta cives

A Saonenses, & seipsos in obsides, si opus esset. Obtulerunt etiam castra Januensia in manu sua & ad expensas Januensium solitas, sic quòd si plus oporteret, ipsi solverent. Quæ omnia offerebantur sub spe & in casu, quo dictas galeas vellet ascendere pro eundo ad locum Saonæ; & cum hoc etiam salvos conductus regis & gubernatoris in meliori forma quòd fieri posset. Et licet ex parte sua dictum fuisset, quoad articulum galearum, quòd ipsæ deberent armari de gentibus alienis, non de Januensibus, expensis tamen regis; deductum est & ostensum clarè, quòd hoc minus fieri poterat quàm de galeis Venetorum habendis, quas profitebatur se non posse habere. Præterea quia ipse dicebat se dubitare de prodicione Urbis & aliquorum locorum patrimonii Ecclesiæ, si ipse arriperet iter Saonam, propter regem LADISLAUM, &c. fuit sibi oblatum vel cardinalibus suis pro eo, quòd rex solveret per tres menses mediam partem stipendiorum & requisitorum pro ordinatis ad custodiam Urbis: quæ quidem medietas pro quolibet mense ad tria millia quingentorum Francorum. Numquam tamen voluit de certo respondere aut accordare de eundo Saonam pro adimplendo ea quæ fuerunt Massiliæ accordata.

xviii. Item, quia nuncii habebant litteras ad Romanos, sicut in aliis legationibus factum fuerat apud eos: ipsi præsentaverunt litteras suas in Capitolio, præsentate senatore, qui est officarius suus, & pluribus de Urbe; & per Magistrum Johannem Parvi magistrum in theologia narratæ sunt diligentia, quas fecit rex & regnum ac Universitas in materia Ecclesiæ. Narratum est etiam de parte oblato dicto GREGORIO, quia non omnia contenta in præcedenti articulo fuerant oblata pro tunc; quia nec fuerat occasio illa offerendi. Narravit etiam responsionem dicti GREGORII, concludens quòd vellet inducere dictum dominum suum ad adimplendum tractatum factum Massiliæ: sæpe dicendo quòd hæc facerent cum reverentia & caritate, & bonis modis, & honore: subjungendo quòd hæc unio erat eis necessaria pro spiritali & temporali prosperitate, quòdque rex non quærebat tenere curiam in Avenione. Ad quæ dicti Romani gratissimè & honestè responderunt, laudantes totum factum, & offerentes se facturos, cum benevolentia tamen & honore dicti domini sui pro bono pacis & unionis, &c.

xix. Item, verum est, nec ipse GREGORIUS aut alius in Roma poterat negare, quòd per totam Urbem currebant rumores, immò per totam Italiam contra eum & modos suos: quorum dicti nuncii erant, vellent nollent, auditores, non actores. Et aliqui de suis, sicut frater Johannes Dominici de ordine Prædicatorum, & alii, etiam ante adventum dictorum nunciorum in Roma, aliquoties sibi hoc dixerant quòd multi contra eum obloquebantur ex eo quòd non videbatur in accordatis permanere, nec tendere ad celeriter ponendum in Ecclesia pacem, ut debebat.

xx. Item, dum de prædictis haberetur ver-

Qqqq iij

bum cum dicto GREGORIO, ipse assidue stabat in verbis generalibus dicens: Tractemus istam materiam caritative & prudenter. Aliquotiens dicebat: Veniamus ad praticam: Ego sum indigens, & oportet conservare honestatem meam & obedientiam meam super loco conventionis, & quod habeam galeas fidas. Illi qui fecerunt dictum tractatum in Massilia, magis innitebantur imaginationi quam rei, credentes quod de Venetia possem habere galeas, & similia. Et dum pro remedio predicta sibi oblata referrentur & iterum offerrentur, ipse semper stabat in eadem cantilena usque ad tedium sine fructu. Quod attendentes dicti nuncii post multos dies & crebras conventiones sic consumtas inutiliter, dixerunt sibi, quod si non vellent aliud dicere, ipsi recederent, & capiebant licentiam: nihilominus tamen adhuc postea multis diebus remanserunt, & cum eo loquuti sunt valde saepe; & inter alia sibi dixerunt: Si pauca obtulimus, tamen adhuc parati sumus stare iudicio cardinalium vestrorum, si aliquid ultra facere debeamus secundum possibilitatem nostram, nihil tamen immutando de tractatu accordato Massiliae. Ad haec nihil respondit.

xxi. Item, dum inter alia sibi diceretur, Nepos vester requisivit galeas pro vobis dum esset in Janua, &c. Respondit quod non erat pro eundo Saonam, sed quia ipse nepos sciebat eum pro tunc per Paulum Ursini infestari, eas petebat, ut de Roma posset exire secure: & tunc etiam in praesentia dicti nepotis asserabatur per nuncios, maxime per dominum Meldensem, qui de dictis galeis fecerat diligentiam in Janua, quin immo per expressum dixerat quod pro hac causa eundi ad locum, &c. Dicebatur etiam sibi quod ita bene poterat confidere in dictis galeis pro eundo Saonam, sicut pro eundo alibi extra Romam, maxime pro bono Ecclesiae, & pro adimplendo iuramentum & promissa sive accordata. Et cum diceret quod galeae Januenses erant exceptae in dicto tractatu, responsum est sibi quod non sunt exceptae ad hanc intentionem quod unus eorum non posset uti eis, maxime de consensu alterius. Ideo non oportebat ex hoc colore recusare eas. Item, offerebatur sibi quod caperet, si vellet, corpora galearum & eas armaret gentibus quas vellet, Januensibus amotis; & totum ad expensas regis Franciae sicut prius; sed nihil voluit acceptare.

xxii. Item, dicti nuncii saepe rogaverunt cardinales de Roma, ut inducerent dictum dominum suum ad adimplendum tractatum cum multis persuasionibus. Et respondebant se facturos & bene sperare de domino suo, addentes quod in casu quo deficeret, ipsi nihilominus adimplerent promissa sua. Et adverte quod ita continetur in responsione quam fecerunt in recessu nunciorum, quae scripta est infra. Dicti vero nuncii eorum intentionem laudabant, dicentes quod similiter si dominus BENEDICTUS promissa non teneret, alii christiani deberent procedere ad unionem spretis eis. Verum est quod unus, scilicet miles qui ibi erat de nunciis, dixit in casu tali, ubi scilicet renuerent ipsi conten-

dentes viam pacis, exterminari deberent & comburi. Et attende quod iste fuit modus dicendi, & fuit hoc in capella palatii sancti Petri, ubi erant dicti nuncii cum dictis cardinalibus stando & de predictis loquendo. Haec dico pro advifando contra illum de Roma & aliquos de suis, qui imputant ex hoc dictis nunciis, quod predicta debuerunt dici ad commovendum seditionem, &c. quia familiariter hoc dixit dictus miles & bona fide, &c. non intendens ad injuriam quovis modo.

xxiii. Item, cum impingeretur contra dictos nuncios cur tam pertinaciter inniti videbantur illi loco de Saona, cum facilius videretur provideri posse de alio loco, quam de hoc contendere, &c. Ad hoc dixerunt quod hoc esset dare materiam recedendi a jam accordatis, de quo nolebant esse in causa, & quod sine consensu domini BENEDICTI hoc facere non debebant, nec sine consensu regis eos mittentis; & quod aequae placuisset eis, si fuisset de alio loco concordatum, cum etiam haberent in instructionibus suis ex parte regis quod placebat locus de Senis, de Pisis, & Florentiae, &c. Et etiam erat verum quod dominus BENEDICTUS tempore quo cum eo agebatur de loco obtulerat Pisas, obtulerat etiam quod quilibet eorum accederet circa fines obedientiae suae pro tractatu & collationibus mutuis: quae tamen a nunciis GREGORII fuerant recusata; & in dicto loco Saonae unanimiter concordatum & postea divulgatum ubique, & per eum aliquotiens apparatus tam per bullas, quas alias dederat Saonensibus, quam alias. Immo, ut fertur, alias dicere debuerat, quod etiam si deberet ire Saonam cum bargueta & baculo, ipse iret priusquam deficeret in promissis. Et pro hoc adverte quod ipse dederat ambaxiatoribus suis in mandatis quos miserat Massiliam, scilicet domino nepoti suo & episcopo Tudertino, &c. & de manu sua propria, quod prius acceptaret locum Avenionensem vel Gandavum in Flandria, quam recederet sine concordia de loco aliquo, & ita coram omnibus nunciis apud Aquensem civitatem retulit dictus Tudertinus.

xxiv. Item, semel in publica locutione, quia dicebatur sibi quod non deberet diffidere de rege; dixit, Non debeo, nec volo me committere potentiae quae non utitur ratione, loquendo de rege; & similiter in privato coram sex de quibus supra. Cum ipse impugnaret litteras regis de verbo illo *sine tractatu*, quod tamen erat ex vitio scriptoris, quia debebat ibi esse *sine tractu*: Ipse satis idem dixit, subjungens quod alias fuerant infracti salvi conductus regis in Francia, declarans de illis Florentinis de quibus supra fit mentio in quodam articulo, ad quod sibi fuit responsum in dicto articulo.

xxv. Item, advifati fuerunt dicti nuncii ad partem per graves & fide dignas personas, quod aliqui familiares dicti GREGORII suggerebant sibi quod poterat dictos nuncios detinere & arrestare, immo interimere, & quod sic fecisset BONIFACIUS praedecessor suus, vel nepos INNOCENTII alterius sui praedecessoris, & multa

similia: quibus ipse præbebat aures: nihilominus tamen dicti nuncii persistebant in prosecutione negotii, nihil inde minus reverentiæ & honoris impendentes; & cum solum sibi diceretur, quod galeæ fuerant armatæ pro ipso, dictus nepos statim dixit: Ipsi dicunt ista ad dehonestationem vestram, pater sanctissime, &c. Et certum fuit de aliquibus injuriis illatis dictis nunciis, inter quas est illud de sacco portato penes dominum patriarcham, de quo tamen auctor est incertus. Hæc tamen omnia dicti nuncii patienter portaverunt, ne darent turbationis materiam.

xxvi. Item, nuncii domini BENEDICTI die xxix. Julii ab eo recesserant, & responsionem acceperant quæ infra scribitur; & jam erant in Hostia, cum dictus GREGORIUS rogari fecit dictos nuncios, ut procurarent, quod prædicti nuncii domini BENEDICTI redirent, quod & fecerunt sub spe habendi meliorem responsionem quam dederat: Et cum rediissent, ipse dedit eis illam responsionem longam quæ infra scribitur, scilicet ultima die mensis Julii, quæ satis efficaciter illico fuit impugnata: & postquam dicti nuncii recesserunt, adhuc manserunt nuncii regii, & die 111. Augusti dedit responsionem de eundo ad Petram sanctam, quæ etiam infra scribitur. Sequenti die ab eadem responsione recessit. Videntes igitur nuncii nihil posse ab eo haberi certum vel quod valeret, disposuerunt de recessu. Prius tamen supplicaverunt cardinales illius quod ipsi vellent adimplere promissa, licet ipse non impleteret, quodque si contingeret eum mori, ab electione alterius cessarent, & quod super hoc procurarent fieri constitutionem, &c. Ad quod dicti cardinales responderunt accordando, prout infra scribitur.

xxvii. Item, post recessum dictorum nunciorum de Roma, aliqui de cardinalibus dicti GREGORII bonæ affectionis ad materiam, procurabant quod ipse saltem veniret usque ad Petram sanctam, villam finitimam territorii Januensis, in dominio domini de Luca. Ipso autem existente in Senis, postquam de Roma recesserat, dictus de Luca super hoc requisitus, quod sibi vellet concedere dictam villam & castrum, & ponere in sola manu ipsius GREGORII, &c. respondit & obtulit planè villam, castrum autem obtulit tradere in manu duorum de cardinalibus suis, quos vellet, vel in manu capitanei gentium suarum armorum, scilicet domini Bernardi, qui etiam est affinis dicti de Luca: vel si dictus GREGORIUS mallet, volebat dare in obsides duos filios suos: quæ omnia recusavit. Et nihilominus firmavit non venire ad dictum locum de Petra sancta, nec ad Saonam.

xxviii. Item, post festum omnium sanctorum, die scilicet iv. Novembris apud Saonam, ubi à festo S. Michaëlis steterat continue dominus BENEDICTUS, venerunt ex parte GREGORII tres ambaxiatores, scilicet unus protonotarius vocatus Jacobinus de Torso, & unus abbas dictus de Pratalia, Paduensis diocesis, & unus

A secularis Venetus, vocatus Franciscus Justiniani, qui excusaverunt absentiam dicti GREGORII, primò prætendentis quod non fuit obligatus ad ibi veniendum, ex eo quod illi nuncii sui scilicet nepos, & de quibus supra, licet haberent potestatem eligendi quemcumque locum idoneum pro unione, & eis nominasset dictus GREGORIUS xxxi. civitates, tamen ad partem exceperat civitatem Januensem: per quod intelligebantur omnia loca excepta, quæ sunt sub Janua, & per consequens locum Saonæ: quare, &c. Secundò quia in capitulis accordatis in Masilia erant conditiones aliquæ quæ impletæ non fuerant, puta de galeis habendis à Venetis, circa quod dictus GREGORIUS fecerat diligentiam & sui cardinales, mittendo ibi & alibi, licet tamen, ut dictum est, non teneretur, sed ex abundanti affectione hoc fecit, & nullas habere potuit. Alia conditio etiam non impleta, scilicet de pace facienda inter Venetos & gubernatorem Januæ, quod dicebat non fuisse impletum. Tertiò dicebat GREGORIUS ex eo non teneri ad locum Saonæ, quia rex LADISLAUS ei minatus fuerat de occupando terras Ecclesiæ, si ad Saonam accederet, & posuisset patrimonium Ecclesiæ in periculo, & dicebat quod dictus rex jam ad hoc de facto processerat, occupans civitatem Tusculanam & alia loca, & idem requirebat rex Hungariæ, ut dicebatur: sic etiam multiplicasset novum dispendium & schisma veniendo Saonam. Quartò dicebat ex alio dictum GREGORIUM se retraxisse de veniendo, quia supervenit sibi copia litteræ in Francia ordinatæ, quæ faciebat mentionem quod ambo renuntiarent in manibus collegiorum, &c. cujus copia est infra scripta. Subjungebant etiam quod nuncii Franciæ qui Romæ fuerant aliqua mala & injuriosa dixerant de GREGORIO, ex quo verisimiliter dubitabat pejora sibi accidere, si accederet in potestate regis Franciæ & in loco obedientiæ BENEDICTI. Subjungebant etiam quod adhuc, hoc non obstante, ex affectione ad unionem voluit uti galeis quatuor sibi oblatis per dictos nuncios Franciæ; sed ipsi non persistenter in oblati, nec de securitatibus est provisum quas petierat. Finaliter obtulerunt tres modos ex parte GREGORII pro unione habenda, & non dicebant pro via cessionis prædicanda. Primus modus fuit quod convenirent de aliquo loco idoneo, ubi ambo convenirent: qui locus poneretur in manibus utriusque. Secundus modus quod unus iret in aliquo loco sibi securo, alter in loco propinquo etiam sibi securo, & in manu sua, ut sic possent loqui. Tertius modus quod ambo simul capiant fiduciam de aliquo domino aut communitate sub quo conveniant. Dixerunt etiam quod habita responsione de altero modorum, alia dicerent ad partem, &c.

xxix. Item, post propositionem ipsorum papa dixit, quod aliqua erant dicta per eos quæ concernebant ipsum, ad quæ responderetur per dominum Albanensem: Alia tangebant dominum gubernatorem Januæ quoad securitates dandas: Alia tangebant nuncios Franciæ, ibi

etiam præsentes. Ideo ad ista per ipsum gubernatorem ibi præsentem ex parte sua responderetur quantum eum tangit, & per nuncios Franciæ quantum eos tangit. Ex dictis ergo tam domini Albanensis, quam illius qui per gubernatorem loquebatur & domini patriarchæ, ac etiam domini Cameracensis, qui ambo pro nunciis Franciæ loquuti sunt, stetit responsio hæc: primò ad propositum quod fuit exceptum de loco Januensi. Et dictum fuit quòd incivile est, & tromperia quodammodo facere plenum procuratorium pro aliquo & ad partem facere restrictionem, nec excusat, immo accusat sic facientes. Ad secundum de galeis Venetorum, dictum fuit quod per dictum GREGORIUM stetit quominus haberet: nec enim præsumentum quòd Veneti recusassent galeas concedere pro facto unionis, cum ipsi abundant in galeis, &c. De concordia autem inter Venetos, &c. Ex parte dicti domini gubernatoris fuit factum quod facere oportuit, quia factum fuit compromissum super tota discordia per comitem Sabaudia de consensu partium. Item, data fuit potestas nunciis aliàs missis Romæ per Januenses omnia complendi quæ petebantur à dicto gubernatore per os fratris Johannis Dominici super hoc à dicto GREGORIO deputati; & omnia facta & completa fuerunt per ipsum gubernatorem, de quibus fuit rogatus per dictum fratrem, sicut plenè & ad longum fuit ibi declaratum; & inter alia fuit lecta bulla directæ Saonensibus ex parte GREGORII, per quam regratiatur de quibusdam securitatibus sibi oblatis per eos, quibus per bullam se velle uti asserit. Ad tertium de rege LADISLAO non erat verum, nec verisimile quòd ipse hoc factum unionis impediret: & licet iste GREGORIUS Roma jamdiu exisset, & esset in Senis, tamen dictus rex non facit istas usurpationes rerum ecclesiæ, nec est dubium quin facta unione, papa unicus totum habuisset: aliàs dictus rex posuisset statum suum in periculo. Nec est verum de rege Hungariæ, sicut nuper assererat in Senis quidam abbas de Hungaria, legatus regis Hungariæ, qui contra quemdam archiepiscopum prædicta proponentem se opposuit. Ad quartum de nunciis regis Franciæ, per eos fuit responsum narrando modum quem tenuerunt in Roma & ostendendo contrarium, nec illa littera regis de qua ibi fit mentio dicit, quod cedant in manibus collegiorum, nisi ubi hoc vellent, quia fortè non possent convenire personaliter; nec est verum quòd nuncii Franciæ recesserunt ab oblatis galeis, &c. quia dictus GREGORIUS noluit uti eis. Et postquam multa fuerant altercando dicta, finaliter fuit dictum quòd cessarent istæ altercationes, & iretur ad factum principale de modo ulterius procedendi ad unionem, & sic recessimus illa die. Sequenti die redivimus in consistorio, ut supra, ubi dicti nuncii de Roma aliqua replicaverunt. Fuit tamen per nuncios Franciæ supplicatum, quòd his omissis iretur ad principale, & eis obtulit dominus BENEDICTUS audire, si quid vellent exponere ad declarationem illorum quæ obtulerant.

xxx. Item, alia die quæ fuit x. Novembris super his quæ dicti ambaxiatores GREGORII nominaverunt multa loca ad conveniendum, secundum tres modos quos obtulerant, ut dictum est, quæ quidem loca sunt infra scripta, super hoc etiam quod ipsi exhibuerunt procuratorium suum sive mandatum, dominus BENEDICTUS dedit eis responsionem quæ scribitur infra de verbo ad verbum.

**B** LITTERA REGIS SUPER instructione data ambaxiatoribus ex parte sua missis pro facto unionis Ecclesiæ ad papam Benedictum & ad illum de Roma.

**C** AROLUS Dei gratia Francorum rex universis præsentes litteras inspecturis notum facimus, quòd nos ad pacem & unionem sanctæ matris Ecclesiæ, auctore Domino, diligentius prosequendam apud sanctissimum papam BENEDICTUM & illum qui GREGORIUS XII. appellatur in Roma, eorumdemque collegia & successores ipsorum dilectos & fideles nostros, & Ecclesiæ regni nostri & Dalphinatus nuncios transmittimus, videlicet Patriarcham Alexandrinum, archiepiscopum Turonensem, Belvacensem, Meldensem, Cameracensem, Trecensem, Ebroidensem episcopos; montis S. Michaelis, Gemeticensis, S. Dionysii in Francia, Clara-vallis, S. Stephani de Divione abbates, Heremitam de Faya, Senescallum Bellicardi, Nicolaum de Callevilla milites & cambellanos nostros, Guillelmum *Boisratier*, utriusque juris professorem & hospitii nostri requestarum magistrum, Ægidium de Campis eleemosynarium nostrum sacre pagine professorem, Hugonem *le Renvoisé* decanum Rotomagensem in theologia magistrum, Guillelmum *Fillaestre* in jure civili doctorem decanum Remensem, Dominicum Parvi, A. Brevis-coxæ, J. de Jarsonno, P. *Plaon*, J. Parvi sacre pagine professores, Gaudridum de *Pompador*, Radulfum de Refugio utriusque juris doctores. J. Guioti, Robertum de Quesnoy de decretorum doctores, J. *Voignon*, Henricum *Doigny* magistros in medicina, P. Cantelpii, Eustachium de *Fauquemberg*, licentiatos in jure canonico, Guillelmum Pulcrinopis, Arnoldum *Wievvic*, Jacobum de Noviano secretarium nostrum bachalarios formatos in theologia, J. Bourileti dictum Francisci in decretis licentiatum, & Johanne de Rivello carissimi filii nostri ducis Aquitaniæ secretarium. Quibus quidem nostris & Ecclesiæ regni & Dalphinatus nunciis instructiones & mandata servanda & exequenda dedimus, præcepimus, & commisimus; damus & præcipimus continentie subsequenter.

Anno 1407  
Ex m.  
Cosimiano.



C'est

C'EST L'INSTRUCTION DE CEULX  
qui sont ordonné à present par le Roy &  
l'Eglise de France & le Dalphiné pour pour-  
chasser la paix & union de l'Eglise entre le  
pape Benedict, & celui que l'on appelle  
Gregoire à Rome & leurs colleges.

Anno 1407  
Ex ms.  
Gemmeti-  
cens.

I. **E**T premierement, quand lesdits messages  
vendront devers le pape BENEDICT &  
& son college, ils remercieront le pape gran-  
dement & notablement de ce qu'il luy plaist à  
renoncier au droit qu'il a au papat pour mettre  
paix & union en l'Eglise, & l'otiveront & magni-  
fieront sa bonne volonté & entention sur ce,  
& le exortent & induiront par toutes les  
bonnes manieres qu'ils pourront à constamment  
perseverer en ce propos, & à mettre paix &  
union en l'Eglise par voye de cession.

II. Item, luy diront que à sa seurte & bon  
estat le roy est prest de proceder & faire en tant  
comme en luy en est tout ce qu'il avisera que  
le roy puet & doit faire.

III. Item, il luy montreront comment son  
adversaire offre plainement ladite voye de ces-  
sion devant toutes autres, & exprime claire-  
ment comment il est prest de renoncier au droit  
qu'il se dit avoir au papat, pour mettre paix en  
l'Eglise, & confesse clairement que par voye de  
discussion des droits des parties on ne pourroit  
mettre paix en l'Eglise, considéré les difficultez  
qui sont en ce present schisme. Et pour ce luy  
supplieront & requerront que plainement &  
clerement il veuille entendre à mettre paix en  
l'Eglise brievement par la voye de renonciation  
du papat, toutes autres voyes arriere mises, &  
sur ce requerront ses bulles plainement sans  
condition & ambiguité.

IV. Item, pource que en l'execution de la  
voye de cession, & en la conclusion de l'union  
de l'Eglise peuvent survenir moult empesche-  
ment, tant pour la difficulté du lieu où l'en  
devroit aller, comme autrement, ils laboure-  
ront devers tous les deux, afin que un chacun  
d'eulx renonce en la main de son college sans  
venir à la convention personnelle, ou constitue  
procureur irrevocable pour renoncer. Et avant  
ladite renonciation, pape BENEDICT habilite les  
anticardinaux de celui de Rome, casse & ad-  
nulle tous les procès qui ont esté faits par luy  
& ses predecesseurs, contre GREGOIRE & ses  
predecesseurs, ses adherens, & ceulx de son  
obeissance: conferme les promotions, & dispen-  
sations & autres choses qui ont esté faites du-  
rant le schisme, par ceulx qui se disoient papes  
à Rome. Et pareillement GREGOIRE le face  
au regart de nostre partie, si comme autrefois  
fut advisé pour pratiquer la voye de cession.  
Et après ces choses faites, les cardinaux pevent  
legiement estre assemblez en aucun lieu pour  
eslire un pape.

V. Item, semble à plusieurs que se les sei-  
gneurs cardinaux d'un costé & d'autre vou-  
loient ceste fois eslire pape par voye de com-

*Theauri Anecd. Tom. II.*

A promis, ils pourroient eslire des deux colleges  
certains Seigneurs cardinaux compromissaires,  
qui auroient puissance de eslire pour tous, &  
sans grant difficulté pourroient convenir en  
aucun bien convenable & eslire pape.

VI. Item, se ils trouvoient en ce que dist est  
difficulté, s'informeront se celui de Rome &  
son college, & nostre Saint Pere sont d'accord  
de convenir en aucun lieu pour pratiquer &  
mettre à effet ladite voye de renonciation des  
deux pour parvenir à l'union de l'Eglise, & à  
l'election d'un pape paisible.

VII. Item, s'il est ainsy que tous deux ne  
soient point d'accord de renoncer en leur lieux,  
ne par procureurs, mais veuillent convenir en un  
lieu pour la paix de l'Eglise, & pourchacier  
par la voye de renonciation, & non autre, & ils  
soient d'accord du lieu & du terme convenable,  
lesdits ambassadeurs poursuivront devers tous  
les deux & leurs colleges, que ladite assemblée  
se face le plustost que faire se pourra, pour prat-  
iquer la voye de cession, & faire l'election du  
pape paisible, & laboureront le plus diligem-  
ment qu'ils pourront à oster toutes les difficul-  
tez qui pourroient estre à l'empeschement de  
cette bonne & sainte conclusion.

VIII. Item, pour ce qu'il a esté cy-dessus tou-  
chié de la difficulté qui pourroit estre en l'e-  
lection du lieu, s'ils vouloient tous deux con-  
venir ensemble, pourroient dire lesdits amba-  
xadeurs de par le roy, que le roy seroit content  
qu'ils fussent assemblez quelque part que bon  
sembleroit aux deux contendans & à leurs col-  
leges. Car il ne quiert, ne ne desire de ceste  
matiere, fors que de veoir brievement la  
paix & union de l'Eglise; & semble au roy  
que Sene la vieille seroit place bien convenable  
pour assembler les deux contendans & leurs col-  
leges; & aussi seroit Florence, Pise, Luques,  
ou Jennes; & ne semble mie au roy que le pape  
BENEDICT doye refuser aucune de ces places ou  
cas que son adversaire en seroit d'accord.

IX. Item, pour eschiver toutes dilations, le  
roy veult & ordene que ses messages, si tost  
qu'ils seroient arrivez devers nostre Saint Pere,  
facent tres grand diligence d'avoir audience,  
& ne demeurent devers luy, en attendant la  
response sur la requeste d'accepter plainement la  
voye de cession, que dix jours, à compter du  
jour qu'ils arriveront à Marseille, ou autre lieu  
où ils se trouveront, & autres dix jours ensuite  
sur la response des autres choses.

X. Item, se dedans ce terme le pape leur  
responst clerement qu'il veut poursuivre la voye  
de cession, & renoncer realement & de fait ou  
lieu où il est; ou constituer procureurs irrevoc-  
ables, comme dessus, pour mettre paix en  
l'Eglise, toutes autres voyes arriere mises, l'une  
partie des messages demourront avec luy &  
avec ses cardinaux, pour poursuivre & faciliter  
la bonne conclusion de ceste besoigne.

XI. Item, les autres se partiront, oye ceste  
response, informés le plus avant qu'ils pourront  
de l'entention du pape, du lieu & terme où ils  
pourroient convenir, & aussi se il voudroit

Rrrr



renoncer en la main de ses cardinaulx, ou constituer procureur en la maniere que cy dessus a esté touchié.

XII. Item, pour obvier aux inconveniens, empeschemens, ou delais, qui par cas de mort subvenir pourroient, requerront lesdits messages nostre Saint Pere, qu'il veuille habiliter les anticardinaulx, & faire les autres choses necessaires, au moins en tant que necessité en seroit, pour pouvoir convenir & accorder avecques nos cardinaulx pour celebrer l'election après la renonciation, s'il avenoit le cas dit de ces deux ou de l'un des contendans. Et se nostre Saint Pere refusoit le faire dès maintenant jusques son adversaire le feist; luy sera dit & montré, que attendu la justice & droit de sa partie, il est plus l'honneur de luy & de son obeissance habiliter les autres, que requerir estre habilité d'eulx.

XIII. Item, en ce cas poursuivront devers ledit GREGOIRE & ses cardinaulx l'execution de la renonciation & autres choses dessus dites, pareillement comme avec nostre Saint Pere, afin que on puisse proceder à l'election d'un pape paisible, & avoir paix en l'Eglise. Et auront lesdits messages chevaucheurs avec eulx, tant ceulx qui demourront avec le pape, comme ceulx qui iront à Rome, pour certifier les uns les autres de l'estat des besoignes, & de tout ce qui peut regarder le bien de cette chose.

XIV. Item, poursuivront aussi par expres devers GREGOIRE qu'il veuille renoncer en la main de ses cardinaulx, sans venir à convention personnelle, en la fourme que cy dessus est dit de pape BENOIST, ou constituer procureurs irrevocables à faire comme dessus.

XV. Item, apres que lesdits ambassadeurs auront fait leur diligence devers le pape BENOIST durant le temps cy-dessus dit, se ils trouvoient que il ne voulsist plainement eslire la voye de cession, & la poursuivre, toutes autres voyes arriere mises, ils luy signifieront que le roy & l'Eglise de France & du Dalphiné sont departis de luy & s'en departent de tout comme de homme precis de l'Eglise & schismatique, pertinax, & feront incontinent ces choses sçavoir au roy & à l'Université, afin que les lettres qui ont esté ordonnées sur la conclusion, que le roy & l'Eglise ont print en ceste article, soient executées reellement & de fait, & luy signifieront cecy par vertu des lettres patentes qu'ils emportent.

XVI. Item, s'il avenoit que GREGOIRE pour avancer la paix de l'Eglise, & oster les inconveniens & delais que dessus; fust vrayment d'accord de renoncer sans venir à l'assemblée & convention personnelle, ou constituer ses procureurs irrevocables à ce faire, & nostre Saint Pere le refusaist ou delaiaist: en ce cas aussi, comme dessus, on luy signifiera que le roy & l'Eglise de son royaume & Dalphiné se departent de luy.

XVII. Item, supposé qu'il deist de bouche qu'il veult renoncier & poursuivre l'union plainement selon que dessus, toutesfois se lesdits am-

bassadeurs appercevoient qu'il voulsist mener ceste matiere par paroles sentans refus, contredit, ou dilations frustratoires; & qu'il refusaist ou delaiaist leur en bailler ses bulles pures, claires, & plaines; ils luy diront plainement que ce n'est mie l'entention du roy, ne de l'Eglise de France de plus souffrir ce schisme durer: mais est son entention, attendu la bonne disposition de GREGOIRE, de poursuivre l'election d'un pape paisible, & se departent du tout de luy, comme dessus est dit.

XVIII. Item, posé que aucuns des messages par faveur desordonnée voulsissent soutenir ou dissimuler le malice du pape, toutesfois ou cas contenu ou prochain article precedent, l'avis & deliberation des deux parts des messages sera tenuë & executée.

XIX. Item, s'il advenoit, que Dieu ne vueille, qu'ils ne trouvaissent pape BENOIST bien disposé à poursuivre l'union de l'Eglise par la voye de cession, & qu'il ne voulsist plainement respondre & accepter la voye de cession, ou voulsist mener par delais l'execution: lors ils laboureront par devers les seigneurs cardinaulx, qu'ils se departent de luy du tout comme precis de l'Eglise & schismatique & pertinax; & procedent avecques les autres à eslire pape paisible.

XX. Item, s'il y avoit aucuns des cardinaulx qui voulsissent ensuir le pape, & soutenir en son erreur; ils leurs diront comme le roy & l'Eglise de France & du Dalphiné les reputent precis & schismatiques; & est leur entention que les benefices qu'ils tiennent ou royaume de France & Dalphiné, comme vacans de droit soient donnez par les ordinaires sans ce que jamais ils en joyssent.

XXI. Item, en ce cas laboureront avecques les autres qu'ils procedent à l'election du pape avecques ceulx de Rome, toutesfois est l'entention du roy & de l'Eglise, que ou cas que tous nos cardinaulx ou partie d'iceulx procederont à l'election de pape avec ceulx de Rome, que ce soit tousjours apres la renonciation de GREGOIRE. Car se GREGOIRE ne renoncoit, l'estand du schisme, ne les scrupules des consciences ne seroient mie effaciés.

XXII. Item, s'il advenoit que tous nos cardinaulx, que Dieu ne vueille, ensuissent pape BENOIST en son erreur, & voulsissent empeschier & retarder l'union de l'Eglise: en ce cas lesdits ambassadeurs leur signifieront de par le roy & de par l'Eglise de France & du Dalphiné, qu'ils se departent d'eulx & dudit BENOIST comme precis de l'Eglise; & n'est mie l'entention du roy qu'ils tiegnent aucun benefice ou royaume de France & Dalphiné: mais a deliberé avecques l'Eglise que les benefices qu'ils tiennent à present ou royaume & ou Dalphiné soient donnés par les ordinaires comme vacans de droit, sans ce que jamais ils en joyssent.

XXIII. Item, en ce cas laboureront eulx & les messagers des autres royaumes representant l'Eglise de ceste obeissance, lesquelx scevent l'offre & disposition de ceulx de Rome & de nostre Saint pere, & auxquelx le roy a fait

ſçavoir ſon entention ſur ce, afin qu'ils envoient A leurs meſſages à laditte aſſemblée, que celui qui ſe dit GREGOIRE renonce: & apres ſa renonciation ſoit procedé à eſlire un pape. Et ſ'il advenoit que les meſſages d'autres royaumes de notre obeïſſance ny vieignent, ou n'ayent puissance ſouffisante, ou ne vouliſſent proceder avecques les cardinaux de Rome pour l'élection d'un ſeul pape; en ce cas en leur deffault les deſuſdits meſſages pourchafferont & feront avec les deſuſdits de Rome tant que paix ſoit B miſe en l'Egliſe par election d'un pape. Et eſt l'entention du roy & de l'Egliſe de France & du Dalphiné obeir à celluy qui ſera ainſy eſleu comme au vray vicaire de JESUS-CHRIST.

XXIV. Item, parleront leſdits meſſages des libertez de l'Egliſe de France, tant au regard des élections & collation des benefices, comme des finances & autres choſes.

XXV. Item, parleront auſſy & requerront de par le roy que toute diligence ſoit miſe par celui qui ſera eſlu, ſon college, & toute l'Egliſe, afin de recouvrer à union de l'Egliſe de Rome l'empire des Grecs.

XXVI. Item, ſ'il advenoit que noſtre Saint Pere ou ſon adverſaire allaſſent de vie à treſpaſſement par avant que la renonciation fuſt faite, pourchafferont diligemment que on ne procede point à l'élection ou ſubſtitution d'un nouvel contendant: mais que celui qui vivra renonce, & que apres ce les deux colleges ſe aſſemblent pour proceder à l'élection d'un ſeul paſteur univerſel en ſainte Egliſe.

XXVII. Item, eſt ordené par le Roy que nulx des meſſagiers ne parle, ne eſcrive particulièrement au pape, ne à GREGOIRE, ne à aucun de par eulx es choſes touchant la preſente legation, ſe ce n'eſtoit par la deliberation des autres ou de la greignieure partie. Car par telles particulieres paroles on pourroit empeschier ou delaier la conclusion de ceſte beſoigne. Et ſera tenu par ſerment un chacun garder & observer ceſt preſent article loyaulment & communiquer aux autres ſe aucune choſe luy eſtoit diſte & rapportée ou eſcrite touchant ceſte matiere.

XXVIII. Item, pour obvier aux corruptions & ſeditions qui pourroient ſurvenir à l'empeschement de ceſte beſoigne, jureront les legats, qu'ils ne demanderont, requerront, ne ne pourchafferont eſtre pour eulx ou autres requis, ne demanderont aucuns benefices, dignités, ne promotions, ou autres choſes d'aucuns des contendans durant leur legation, & ne accepteront, ne ne prendront aucune choſe, ſupposé que le pape ou ſon adverſaire leur donnaſt ſans demander ou autres pour eulx. Et outre le ſerment des deſuſdits, leur ſera commandé ceſt article à garder & observer ſur paine d'encourir l'indignation du roy perpetuelle, & jureront de non uſer de diſpenſation, ſe aucune leur eſtoit faite au contraire.

XXIX. Item, ſe pendant laditte legation aucune choſe ſurvient à deliberer entre les meſſagiers, outre & ſur la teneur des precedens

*Theſauri Anecd. Tom. II.*

articles, pour obvier aux inconveniens & delays, le roy veult que les meſſagiers ils puiſſent prendre conclusion, & appointer ſelon l'opinion de la greignieure partie d'eulx.

XXX. Item, ſ'il advenoit qu'apres le departement des meſſagiers le roy eſcripiſt lettres cloſes ou autres à l'encontre de ceſte preſente inſtruction, ou aucune partie d'icelle; nientmoins procederont leſdits meſſages ſelon ceſte preſente inſtruction, nonobſtant quelconques lettres au contraire: attendu que les choſes contenues en icelle ſont ſelon la deliberacion du roy & de nos ſeigneurs de ſon ſanc, & de l'Egliſe de France. Et ſoit maintenant defendu par le roy au Chancelier, au Chambellant & à tous les ſecrétaires, qu'ils ne facent, ne ne ſcellent aucunes lettres au contraire. Ad quæ omnia, &c.

*Expliciunt inſtructiones.*

**M**Emoria quod die xviii. Maii anno mccccvii. papa apud Maſſiliam reſpondit ambaxiatoribus Franciæ ſupra nominatis, quod licet nullam viam bonam intendebat excludere; tamen offerebat & declarabat ſe velle præmittere omnibus aliis viis viam ceſſionis per eum fiendæ, adverſario ſimiliter faciente, & ita faceret in conventionem quæ fieri debet apud Saonam juxta accordum factum inter eum & ambaxiatores de Roma, ſcilicet ad feſtum S. Michaelis proximè venturum, &c. ut in forma, &c. De hoc non dedit bullam, nec voluit: ſed ambaxiatores de hoc fieri fecerunt inſtrumentum. Dixerunt tamen ſibi dicti ambaxiatores quod non poterant bene contentari ſecundum inſtructiones ſuas ex hoc quod bullam non haberent.

Die autem xxi. Maii omnes dicti ambaxiatores apud civitatem Aquenſem, ubi de Maſſilia redierunt, ſuper actis in Maſſilia deliberaverunt, quod omnibus attentis, quæ videbantur attendenda, ſuperſedendum erat pro tunc & de præſenti de inſinuando papæ ſubtractionem, reſervata penes eos poſteſtate eis data de inſinuando aliàs ſi appareret quod papa ad executionem vel aliàs quæreret diffugia vel dilaciones frustratorias ſecundum, formam inſtrumenti.

**EXTRACTUM DE QUODAM**  
alio papyro faciens ad pratticam agendorum in facto unionis & habendi papam unicum, &c.

**I**tem, ils luy diront comme le Roy a ad-  
viſé aucunes choſes bonnes & profitables pour la poursuite, prattique & execution de ladite voye, & auſſy pour empeschier la diuturnité & longueur du ſchiſme, & auſſy que pour ce que pendant la poursuite & execution de la voye prinſe & acceptée des parties, noſtre Saint Pere ou ſon adverſaire pourroit treſpaſſer, par quoy la choſe ſeroit empeschée. Eſt à faire que

R r r r ij

Anno 1407  
Ex mſ.  
Comm:ti-  
cenſi.

présentement nostre S. Pere & son adversaire revoquent toutes sentences & procès par eulx & leurs predecesseurs donnés d'une part & d'autre, au moins entant que touche les deux colleges & les personnes d'iceulx. Facent habilitation nécessaire quand au fait de l'élection. Et en ce cas qu'il ne sembleroit expedient de le faire par soy, qu'eulx le commissent à aultres qui le facent apres leur decés, tellement que leur commission ne expirast pas par leur mort.

II. Item, que toutesfois qu'il adviendrait que nostre Saint Pere ou son adversaire trespasseiroit ou renonceroit, le college du trespasé ou renoncé ne procederoit point à aultre election ou subrogation jusqu'à certain temps. Et cependant le survivant & les deux colleges feront diligence possible de convenir ensemble, & assembleront en lieu seur. Et là le survivant se offrira à renoncer, & de fait renoncera; & dient aucuns qu'ils seroit expedient que audevant de ce il feist cardinaulx & ceulx qui ont esté fait cardinaulx par son adversaire au mieulx que faire se pourroit, & les autres choses en tant qu'a luy appartiendra contenues en la pratique de la voye de cession des deux, apres on procedera à l'élection.

III. Item, il seroit expedient de convenir & accorder presentement de certain lieu seur & convenable, pour faire accomplir ce que dist est, & les autres choses qui appartiennent au cas.

IV. Item, pourra estre ceste voye justifiée tant devers nostre Saint Pere que vers son adversaire, tant par les bulles de l'un & de l'autre, par quoy ils se sont obligiés à renoncer pour l'union de l'Eglise, que par plusieurs autres raisons.

V. Mais aucuns difficultent la convention & assemblée dessusdite pour empeschement de fait, qui pourroient estre en l'execution d'icelle. Car il pourroit advenir qu'ils ne pourront assembler.

VI. Item, difficultent la maniere de eslire pour plusieurs empeschemens de droits: car les cardinaulx de pardeça ne peuvent eslire selon l'opinion de par delà, *nec è converso*. Et ne souffiroit pas se semble à aucun la promotion que feroit le survivant des cardinaulx de son adversaire, comme dessus est dist: mais empescheroit le fait. Car il ne semble pas que on peut faire accumulation de divers tiltres incompatibles de cardinal en cest cas: mais que par l'acceptation & assecution du second tiltre on renonceroit au premier: ainsi demeureroient tous les cardinaulx d'une part tant seulement: ainsi ne pourroient faire election souffisante pour l'autre partie.

VII. Aucuns dient que pour oster ladite difficulté de fait; que puisque on seroit d'accord de certain lieu, s'aucun des colleges convenoit là, il pourroit proceder à l'élection apres ce que il airoit attendu l'autre par certain temps dont on seroit d'accord, posé que l'autre college ne vainfist, ne aucune personne d'iceluy. Et en ce cas seroit expedient que les absens fissent pro-

cureurs & en bonne fourme à eslire & à faire les autres choses nécessaires. Mais ce ne pourroit estre prattiqué, fors en cas dont cy apres est faite mention, c'est à scavoir quand nostre Saint Pere & son adversaire seroit trespasé, ou quand le survivant airoit renoncé.

VIII. Les autres dient, que pour oster les difficultés de fait & de droit dessusdit, qu'il seroit expedient que nostre S. Pere & son adversaire ordenassent de present, en cas dessusdits certains prelates qu'ils peussent eslire, nonobstant quelconques exceptions de schisme ou de excommunication. Mais aussi faudroit il que primierement le survivant eust renoncé.

IX. Les autres dient que il seroit plus expedient, que comme dessus est couchié, nostre Saint Pere & celui de Rome, *de consilio fratrum convenisset commissione perpetua*, à aucuns povoir de revoquer les sentences & procès, faire les habilitations, &c. & de faire des colleges un qui deust eslire *post mortem utriusque, vel unius, & renunciatione alterius*.

X. Les autres dient que les colleges assemblent & procedassent à l'élection par voye de compromis: car le droit de eslire qui est en l'un college, ou en l'autre par ce seroit transfus es arbitres.

XI. Mais aucuns difficultent ceste matiere pour l'incapacité des arbitres, car nul excommunié ne schismatique ne peult estre arbitre, & par especial en fait d'élection, selon l'opinion des docteurs. A ce on pourroit pourvoir en revocant de present ou pour lors les procès & sentences, comme dit est, & faisant les habilitations nécessaires ou en constituant que on peult proceder à l'élection par voye de compromis, nonobstant quelconque exception de schisme ou excommunication.

XII. Item, Les autres dient que les sentences & procès revoqués, & les habilitations faites d'une part & d'autre, comme dit est, le vray college ou cas de ladite convention pourroit communiquer aux personnes de l'autre college le droit de eslire & donner voyes de eslire pour celle fois, selon ce que dient les droits & les docteurs en ceste matiere en aultres colleges. Et ainsi en ce cas douteux & perples *respectu totius Ecclesie*, l'un college communiqueroit aux personnes de l'autre le droit de eslire pour ceste fois, & seroient les voyes des personnes d'égale autorité. Toutefois il seroit molt expedient, que des presentement on fust d'accord en la maniere de eslire ou cas dessusdit.

XIII. Les autres dient que on peult aisement pourvoir en ceste matiere *per accessum*. Car posons que ils soient xxiv. soy disant cardinaulx, & toutesvoies il n'en y a que xii. vrais cardinaulx, & qui puissent eslire xvi. de ceulx eslisent un, ainsi il n'est pas vray pape se les autres *non accedunt hujusmodi electo & electioni animo & intentione consentiendi in ipsum ut verum papam. Per hoc acquirit jus in papatu, & est papa juxta notam in cap. licet de vitanda*.

XIV. Item, que ladite renonciation faite, il fust pourvu au survivant de bon estat & suffisant,

de quoy il peult avoir grandement & honestement la sustentation & estar.

XV. Item, en cas que nostre Saint Pere ou son adversaire seroient trespassez en un mesme temps, les deux colleges cesseroient de eslire jusques à ce qu'eulx eussent assembles ensemble; & que ils eussent procedé à l'election d'un seul pape, ou qu'il eust esté procedé par aucune voye bonne & convenable; & seroit expedient de estre d'accord de present d'un lieu secur pour faire ladite assemblée, comme dit est, ou cas precedent, & de la maniere de eslire des aultres choses à ce profitables.

XVI. Item, semble expedient que des present on feist comminacions & intimacions aux deux colleges, que ou cas que eulx procederoient à election contre ce que dist est, ou contre ce qui seroit advisé & appointé, on ne obeiroit point à leur eslu.

XVII. Item, que des choses dessusdites & de chacune d'icelles, feussent données bonnes seurtés & aultres voyes possibles.

XVIII. Item, pourceque comme yci dessus est dit nostre Saint Pere a aultrefois accordé à fere cession, en cas que son adversaire seroit debouté, &c. & que par la cession de l'un on pourroit avoir paix & union en l'Eglise: lesdits messages luy pourront declarer sur ce, comme le Roy entent ledit deboutement ou dejection. C'est assavoir ou cas que son adversaire seroit debouté par son obedience du papat pour schisme, heresie, &c. *juxta cap. si papa*, pource qu'il seroit schismatique, fauteur de schisme, & ne voudroit aucunement entendre à l'union de l'Eglise, toutesvoies l'obeissance de lui ne voudroit pas venir à l'obeissance de nostre Saint Pere: mais voudroit qu'il renonçast au papat, & que les deux colleges esleussent un seul pape.

XIX. Le roy entend en ce cas, que nostre Saint Pere seroit tenu de renoncer, puisque par sa renonciation on pourroit avoir paix & union en l'Eglise. Et en yceluy cas on devroit reputed que ledit adversaire seroit mort civilement, & devroit-on faire & accomplir les choses cy dessus escriptes aussi comme s'il fust mort naturellement, ou qu'il eust renoncé.

XX. Item, combien que le roy ait advisé la pratique dessusditte en cas de la mort de nostre Saint Pere, ou de son adversaire, ou en cas de la dejection dudit adversaire, toutevoies n'est-il pas si determiné à ladite pratique, qu'il ne soit prest de condescendre à chacune aultre bonne maniere pour l'execution des choses dessusdites.

RESPONSIO DATA PER GREGORIUM  
in Roma ambaxiatoribus domini Benedicti  
anno Domini mccccvii. die Veneris xxix.  
Julii.

Anno 1407  
Ex ms.  
Gemmeti-  
censf.

IN nomine sanctæ & individue Trinitatis,  
Patris, & Filii, & Spiritus sancti. Amen. San-  
ctissimus in Christo Pater & dominus noster,

A dominus GREGORIUS divina providentia papa  
XII. de consilio & assensu reverendissimorum  
in Christo patrum & dominorum fratrumque  
suorum, videlicet dominorum ANGELI Ostien-  
sis, HENRICI Tusculani episcoporum; ANGELI  
tituli S. Potentianæ, CONRADI tituli S. Chry-  
sogoni, JORDANI tituli S. Martini in Montibus,  
ANTONII tituli S. Praxedis presbyterorum;  
RAYNALDI tituli S. Viti in Macello, ODONIS  
S. Georgii ad Velum-aureum, PETRI S. An-  
geli, & JOHANNIS SS. Cosmæ & Damiani dia-  
conorum S. R. E. cardinalium, circa respon-  
sionem faciendam in materia petite confirma-  
tionis capitulorum Massiliæ inter nuncios præ-  
fati domini nostri, & dominum Avenionensem  
xxi. Aprilis proxime præteriti firmatorum super  
extirpatione schismatis, & assécutione desidera-  
bilis unionis, nunciis & oratoribus præfati do-  
mini Avenionensis, ac eorum qui pro suis car-  
dinalibus se gerunt, pro responsione haberi vo-  
luit & vult infra scripta, eaque ordinavit pro  
salutari conclusionem & consecutionem præfate  
unionis, videlicet quod habita consideratione  
quot & quanta possint evenire discrimina contra  
statum Romanæ Ecclesiæ, in perditionem ma-  
ximè almæ Urbis ac provinciarum, civitatum,  
terrarum, & locorum præfate Ecclesiæ propter  
novitates suscitatas in Urbe, provinciis, civita-  
tibus, terris & locis hujusmodi, & quæ videntur  
verisimiliter formidabiliter & potenter terra  
marique emersuræ, contra statum ipsum propter  
locum Saonensem, & quod utraque pars ex  
affectu unionis præfate, ac virtute juramenti à  
præfatis præstandi, ad conservationem ac defen-  
sionem præfati status & bonorum ejusdem Ec-  
clesiæ, debet exponere se ac sua, quod domino  
nostro ac fratribus suis prædictis videtur salu-  
berrimum, præmissorum intuitu, & propter inha-  
bilitatem dicti loci Saonenis, & ex certis aliis  
rationabilibus causis, quod locus ipse mutetur  
& assumatur per dominum Avenionensem alius  
locus in Italia, de obedientia præfati domini  
nostri cum debitis securitatibus, habilis tamen  
& idoneus utrique parti, non intendens ob præ-  
missa recedere à salutari prosecutione consecu-  
tionis unionis hujusmodi. Nec tamen propter  
hoc credit recedere à tractatis Massiliæ circa  
materiam supradictam. De quibus omnibus,  
&c.

#### RESPONSIO PER DICTUM DOMINUM

Gregorium in Roma ambaxiatoribus domini  
Benedicti & ambaxiatoribus regis Franciæ  
pro facto unionis sanctæ matris Ecclesiæ trans-  
missis, data anno ccccvii. die ultima mensis  
Julii.

IN nomine sanctæ & individue Trinitatis, Anno 1407  
Patris, & Filii, & Spiritus sancti. Amen. Cun-  
ctis per hoc præfens & publicum documentum  
pateat evidenter, quod sanctissimus in Christo  
pater & dominus noster, dominus GREGORIUS  
divina providentia papa XII. de consilio & as-  
sensu reverendissimorum in Christo patrum &  
Rrrr iij



dominorum fratrumque suorum, videlicet dominorum ANGELI Hostiensis, HENRICI Tusculani episcoporum, ANGELI tituli S. Potentianæ, CORRARDI tituli S. Chrysogoni, JORDANI tituli S. Martini in Montibus, ANTONII tituli S. Praxedis presbyterorum; RAINALDI S. Viti in Macello, ODonis S. Georgii ad Velum-aureum, P E T R I S. Angeli, J O H A N N I S S. S. Cosmæ & Damiani diaconorum S. R. E. cardinalium, intendens sub alia forma respondere oratoribus & nunciis domini Avinionensis & eorum qui pro ipsius cardinalibus se gerunt, quam nudius tertius egerit, in materia petitiæ confirmationis capitulorum Massiliæ inter nuncios præfati domini nostri & dominum Avenionensem præfatum XXI. die mensis Aprilis proximè præteriti, super extirpatione diuturni & lugubris schismatis & consecutione saluberrimæ in Dei Ecclesia unionis firmatorum, aliis suadentibus rationibus, oratoribus & nunciis supradictis responsionem ordinavit, fecit, & facit in hunc modum, dicens quod fratres sui prædicti desideraverunt atque desiderant locum civitatis Saonensis pro conventionem domini nostri & ejus sacri collegii dominorum cardinalium, ac domini Avinionensis & illorum qui pro cardinalibus ejusdem ab aliquibus reputantur, secundum formam contractus inter prædictos Massiliæ celebrati, & conventum mutari ex infra scriptis rationibus & rationalibus causis exortis post dictum contractum Massiliæ celebratum.

Et primò quod locus ipse Saonensis est obedientiæ præfati domini nostri valde suspectus & gravis, maximæ potentiæ, terra marique formidabili, propter quam suspicionem per nuncios præfati domini nostri & suos diversis vicibus ostendit eidem domino nostro molestiam quam ex eo patitur, certas & graves informationes dando ac exhortando de mutatione dicti loci. Nec minus hanc illius molestiam sentit ac sentit assidue per operationes ejusdem, ex quibus eidem domino nostro & præfatis suis fratribus claris meritò formidaverunt & formidant de perditione omnium temporalium præfata Ecclesiæ in partibus his & præsertim almæ Urbis. Nec etiam suis vocibus hoc subtricer, sed per ipsius domini nostri suosque nuncios jam diu declaravit eidem domino, & quod dilatabit \* celeriter statum suum, quod non dubitabit de aliquo, si verè daretur locus idoneus pro utraque parte, magna offert auxilia pro unione præfata.

Secundò quod post diligentiam præfati domini nostri & dominorum fratrum suorum S. R. E. cardinalium de habendo galeas in quantum prædicto . . . de & pro quibus habendis, & aliis subsidiis opportunis potestatem eidem cardinalibus dedit ac mandatum curandi & procurandi, etiam cum facultate plenaria per suas litteras pignorandi provincias, civitates, terras, loca, & bona ejusdem Ecclesiæ: & nihilominus clarè videt eas habere non posse: quin immo ex toto desperat. Cum quibus galeis eundo, stando, & redeundo, continuè fuisset in ejus potestate & juxta intentionem Massiliæ conven-

torum. Nunc verò propter defectum dictarum galearum, ad Saonam accedere non potest, nisi se & partem suam ponat in potestate adversæ partis, nisi tentaret per viam Lombardiæ accedere, quæ difficilis dicitur propter continuas guerras, & tribulationes. Et quod quantum hæc submissio dedecet districtio rectè judicantis potest advertere: ac etiam quanta securitas in loco Saonæ, si ad ipsum eundem contingat accedere.

Tertiò, cum firmiter asseratur Faschinumcannem rupisse guerram contra gubernatorem Januæ ac Januenses; rationabiliter dubitari potest de incommoditatibus, impedimentis & damnis gravissimis in dicto loco & circumstantibus partibus.

Quartò, quia certissimè scribitur in Januensi & Riparia atque Massiliæ pestem esse gravissimam, & Saonæ propter metum pestis hujusmodi, ut locum & pertinentias salvent non permittent Riparienses & Massilienses intrare Saonam, ex quibus manifestatur præfatum dominum Avinionensem & aliis quæ pro meliori defensione sustinet, ut velit mutare locum Saonensem, sicut cum eodem domino nostro tenetur pro defensione temporalium præfata Ecclesiæ & salute fidelium quorum periculum imminet manifestè, ut in prima ratione superius aliquantulum reperitur. Ad quam defensionem tam illi de parte domini nostri, quam sua ex juramento fidelitatis redduntur obnoxii & tenentur. Et idcirco offert eidem domino Avinionensi omnem locum in Italia de obedientia ejusdem domini nostri per ipsum dominum Avinionensem eligendum, cum opportunis securitatibus, dummodo sit idoneus & habilis utrique parti, & specialiter almam Urbem tradendo sub potestate dicti domini Avinionensis, civitatem Leoninam cum ejus apostolico palatio, vel Transtiberim secundum electionem dicti domini Avinionensis; & ponere castrum Crescentii, alias S. Angeli sub fide & custodia utrique parti, & obsides de sanguine suo dare: & de seipsis Romani dabunt obsides in numero congruo.

Item, offert ponere sub plena potestate ipsius domini Avinionensis civitatem & locum, unam vel unum specialiter conventum, qui vel quæ sit in potestate præfati domini nostri cum castris & fortalitiis ipsius domini & cum pleno dominio, mero ac mixto imperio in manibus ipsius domini Avinionensis, & pro ejus habitatione usque ad finalem conclusionem sacre unionis, dummodo per ipsum dominum Avenionensem non steterit conclusio unionis hujusmodi. Quo casu, facta facti fractura, civitatem, terram, seu castrum & locum hujusmodi restituere teneatur & debeat incontinenti ipsi domino nostro. Si autem conclusio facta fuerit, restitutio fiat futuro summo pontifici ab utraque parte recepto: ita tamen quod interim universitas vel singulares personæ civitatis, terræ, castri vel loci hujusmodi ad aliqua nova onera realia, personalia vel mixta, directè vel indirectè gravari non debeant, nec à fidelitate ipsius domini nostri & Ecclesiæ præfata subtrahi, aut ad credendum

\* Al. ta-  
lice.



aliter quàm ad præsens quomodolibet coartari: ut existentes propinqui ad invicem habiliter tractare possint de præparatoriis, & aliis necessariis, quod sibi optabat fieri de aliquo loco sibi propinquo, ex eadem intentione si quem habilem invenisset, ad quem accedere potuisset, remanens in sua potestate, quemadmodum idem dominus Avinionensis accedens ad loca præfati domini nostri, in sua potestate etiam remaneret. Quibus tamen rationibus & multis aliis, quæ circa præmissa adduci possunt, non obstantibus, in casu quo idem dominus Avinionensis noluit mutare locum Saonensem prædictum, idem dominus noster pro zelo pacis & unionis dictæ Ecclesiæ, omnia & singula capitula in dicto contractu Massiliæ, ut præmittitur, celebrato, de quibus asseruit & asserit habere notitiam, contracta & conventa confirmat cum & sub modis, conditionibus & additionibus infra scriptis, eaque & ipsorum quodlibet, quæ præsentibus non repugnant, salvis & reservatis modis, conditionibus & modificationibus hujusmodi & non aliter, vel alio quovis modo approbat, omologat & acceptat. Modificationes autem & conditiones hujusmodi sunt, videlicet quod ipse dominus noster contentatur & offert quod in casu quo præfato domino Avinionensi non placeat mutatio dicti loci Saonensis, quia idem dominus noster non habet galeas proprias in prædicto tractatu Massiliæ celebrato conventas, si & in quantum venerabiles & egregii viri oratores & nuncii serenissimi principis & domini regis Francorum illustres & patroni, comites & . . . galearum infra scriptarum galearum commodandarum dederint præfato domino nostro, pro sua & fratrum suorum & aliorum de parte sua securitatem plenariam, sufficientes & idoneas securitates, ultra securitates alias quas gubernator Januensis ac Januenses & Saonenses præstare debent, antequam idem dominus noster vel sui galeas ascendant, per tantum tempus ante quod obsides locare possit in locis, prout inferius denotatur velle Saonam accedere cum sex galeis vel quinque ad minus, bonis & bene munitis viris expertis ac fidis, & munitionibus opportunis, eidem domino nostro armandis, quas sex vel ad minus quinque oratores & nuncii præfate regie majestatis Franciæ de regia liberalitate pro conclusione unionis hujusmodi obtulerunt & offerunt domino nostro, sumtibus & expensis prædictæ regie majestatis armari & armare facere tam hominibus quàm munitionibus opportunis, & bene . . . juxta bene armandarum galearum, & commodare sine aliqua impensa vel onere pro accessu Saonam præfato domino nostro pro se ac fratribus ipsis & aliis quos secum ducet, ac pro rebus ac bonis omnibus . . . & dirigere ad omnem requisitionem ipsius domini nostri congruo tempore: ita ut idem dominus noster cum fratribus suis & aliis quos secum ducet, possit Saonam accedere, & ibi esse ad tardius, divina favente gratia, in calendis novembris proximè secuturis.

Item, quod dominus Avinionensis debeat cum

A his quos ejus cardinales . . . per tantum tempus prius adesse Saonæ ante dictas calendas novembris, quod præfatus dominus noster cum fratribus suis & aliis quos, ut præmittitur, secum ducit, facta eidem notificatione per ipsum dominum Avinionensem de suo . . . commodè possit ad ipsum locum Saonensem se transferre: & quod quam primum idem dominus Avinionensis Saonam appulerit, teneatur & debeat omnia & singula ejus navigia armata & galeas tam hominibus quàm munitionibus quibuscumque, & quæcumque alia, quæ ad suum vel suorum usum conducta statim vel concessa fuissent . . . armari fecisse, & durante contractu unionis prædictæ & quousque omnia conclusa fuerint, & deinde per unum . . . postquam idem dominus noster de Saona recesserit, galeas seu navigium aliquod non armare nec . . . per se vel alium quovis modo, & examinationem hujusmodi navigiorum, & galearum notificasse debet . . . domino nostro tempore congruo, ut ad locum ipsum se conferre in dictis calendis Novembris . . .

C Item, quod dominus gubernator Januensis & etiam Januenses teneantur & debeant usque ad calendas . . . proximè secuturas exarmari fecisse, protinus quæcumque eorum armata navigia & galeas, galea gardiæ ipsorum, & sex galeis vel quinque quas oratores præfati regis commodare præfato domino nostro, ut præmittitur, obtulerunt dumtaxat exceptis: quas quidem sex vel quinque galeas præfati oratores teneantur & debeant statim, & eo ipso quod idem dominus noster fuerit in Saona exarmari facere hominibus & munitionibus, ut supra de aliis exarmandis est expressum, & quod tam ipsi oratores quàm gubernator & Januenses hujusmodi non possint vel debeant armare vel armari facere aliquod navigium seu galeam, durante tempore in præcedenti capitulo denotato, & prout ibidem de domino Avinionensi exprimitur, dicta galea gardiæ dumtaxat excepta, & idem servetur de sexta galea exarmanda si fuerit commodata. Ceterum ad observantiam omnium præmissorum & quæ per ipsum dominum nostrum adimplenda noscuntur, idem dominus noster adstringi vult pariter ac teneri, & ea observare promittit sic & in quantum supra & infra scripta servantur & impleantur eidem, juxta exigentiam tam Massiliæ quàm præsentia iter editorum, & non aliter ullo modo. Tenor verò capitulorum ultra præmissa præsentia iter editorum sequitur & est talis, videlicet:

In primis quod dominus Johannes *le Maingre* alias *Boniquaut* Januæ gubernator teneatur rediisse in Franciam, vel accessisse ad illam civitatem vel terram, de qua præfato domino nostro videbitur eidem gubernatori non suspectam, & in Francia, civitate, vel terra hujusmodi esse usque per medium mensem Septembris proximè secuturum: ita tamen quod si idem dominus noster elegerit aliquam civitatem vel terram, ad quam idem gubernator debeat se transferre, notificetur per ipsum dominum nostrum congruo tempore, ut commodè possit ad civitatem & terram hujusmodi se transferre, & in Francia, civitate, vel

terra hujusmodi continuè residere, quousque in facto unionis præfatæ conclusum fuerit, & postea per duos menses continuos immediatè sequentes, & nihilominus promittere solemniter & jurare præmissa & infra scripta omnia & singula ipsum concernentia efficaciter adimplere & observare, ac dicto durante tempore, nihil agere, tractare, præsumere per se vel alios directè vel indirectè, seu quovis colore quæsito, seu etiam attentare aut agere, vel attentare volentibus publicè vel occultè exhibere consilium vel favorem contra dominum & fratres suos, vel alios de parte sua in eundo Saonam, stando & redeundo, per mare seu terram, in personis, vel ære, seu quovis modo; & de præmissis per ipsum gubernatorem & Januenses communiter & divisim faciendis & implendis fieri debeat, prout ad quemlibet pertinuerit, opportuna ratificatio & approbatio per publicum documentum, quod præsentari debeat ipsi domino nostro usque & per totum mensem Septembrem.

Item, quod Januæ ponatur & deputetur alius gubernator consimili potestate quam habuit & habet ibidem, & circumstantibus partibus idem gubernator, videlicet *Bouciquault*, & esse debeat unus ex prælaris de numero dictorum oratorum præfati regis Franciæ, & per ipsum dominum nostrum eligendus, ad minus pro tempore in præcedenti capitulo denotato: qui gubernator ponendus jurare & servare teneatur & debeat omnia ad quæ idem gubernator *Bouciquault* tenebatur ex contractu Massiliæ celebrato, & debeat obsides dare eidem domino nostro si habeat.

Item, quod eidem domino nostro pro sua & fratrum suorum, & omnium aliorum securitate plenaria tam personarum, bonorum, quàm rerum, in eundo Saonam, stando, & redeundo, & tam per mare quàm per terram dari & assignari debeant centum Januenses & quinquaginta Saonenses cives de melioribus & nobilioribus in obsides, eligendi per ipsum dominum nostrum, & ponendi per ipsum in locis honestis subditis ipsi domino nostro & ecclesiæ ad arbitrium ipsius domini nostri. Alibi autem de illorum obsidum consensu, si eidem domino nostro videbitur; & quod adventus, residentia & reditus hujusmodi, & quorumcumque aliorum obsidum præfato domino nostro promissorum, vel alicujus eorum occasione dependentium per quoscumque dandorum, fieri & esse debeat absque impensa, vel onere quocumque ipsius domini nostri vel suorum.

Item, quod pro securitate utriusque partis gentes armigeræ & balistarii tenendi per utramque partem, possint augeri ob defectum galearum, prout videbitur capitaneis ad custodiam dictæ civitatis Saonensis deputandis.

Item, quod præfatus dominus Avenionensis, & illi qui pro cardinalibus se gerunt, teneantur supra dicta omnia in præsentis contractu denotata ratificasse & approbasse in ... forma & per eorum litteras seu publica documenta eidem domino nostro fidem fecisse usque ad dictas calendas Octobris ad plenam certitudinem & valitudinem præmissorum.

A Item, Quod si supradictus dominus noster eligeret potius ire per Lombardiam quàm per mare, & adesse Saonæ in præfato termino, videlicet in calendis Novembris prædicti ad minus, & via per Lombardiam impediretur, ut non posset adesse in termino prædicti temporis calendarum Novembris, vel nollet accedere, promittit procuratorem suum irrevocabilem adesse Saonæ in termino prædicto, cum pleno mandato implendi & perficiendi juramentum, votum, & promissionem ejusdem domini nostri, secundum formam contractus facti in conclavi, dum erat in minoribus constitutus, & post assumptionem confirmatam & approbatam, ut in instrumento publico inde confecto continetur. Habilitationes autem & approbationes sive promotiones & assumptiones eorum quæ factæ sunt per partem alteram facit, & faciet per seipsum vel commissarium cardinalem, & quæcumque alia necessaria fuerint: promittens de consilio & assensu præfatorum fratrum suorum nobis & notariis publicis infra scriptis, ut publicis personis stipulantibus & recipientibus vice & nomine omnium & singulorum quæ in præsentis negotio tanguntur, & omnium aliorum quorum interest vel interesse poterit quomodolibet in futurum, præmissa omnia & singula quæ per ipsum implenda venerunt, salvis semper & reservatis moventibus modificationibus & conditionibus supradictis, si & in quantum ea quæ per alios eidem implenda venerunt observentur, impléantur, & fiant juxta exigentiam capitulorum tam Massiliæ, quæ præsentibus non contradicant, quàm præsentia liter editorum, & in præsentis contractu contentorum, & non aliter ullo modo attendere plenariè & observare. De quibus omnibus & singulis idem dominus noster fieri & expedire mandavit unum, vel duo, seu plura publicum vel publica instrumentum vel instrumenta ejusdem continentia & tenoris, per nos notarios infra scriptos & quemlibet nostrum in testimonium præmissorum. Actum Romæ apud S. Petrum in palatio apostolico in camera paramenti præsentibus ibidem reverendis in Christo patribus, & dominis PAULO Montis-Regalium, JACOBO Aquerentino archiepiscopis, BRANDO Placentino episcopo, ac magnificis viris Revero *Stagle*, & Baptista Pauligotii conservatoribus almæ Urbis, Carolo de Brancaciis comite Campaniæ, Poncello & Paulo quondam domini Francisci de Ursinis filiis, & pluribus aliis testibus ad præmissa habitis & rogatis. Datum anno MCCCCVII. die ultima Julii.

F CUM hæc responsio legeretur ex parte dicti domini GREGORII, & in ejus ac suorum cardinalium præsentia, & legatorum domini Benedicti, ac etiam ambaxiatorum regis Franciæ; statim ea lecta petatum fuit ex parte dictorum legatorum & ambaxiatorum, si hæc procederet de voluntate & assensu dictorum præsentium cardinalium. Et sigillatim interrogati, primò respondit Florentinus aliquantulum vacillando, alii aliqui similiter dicendo quòd cedula satis exprimebat. Cardinalis verò Leodiensis

sis ultimus eorum expresse dixit, se consentire A in quantum non contradicebat articulis accordatis in Massilia, alias non. Postea, ut dicitur, accersito tabellario, Florentinus & de Ursinis cardinales, protestati sunt se non consensisse dictæ cedula.

ALIA RESPONSIO ADHUC DATA  
per dictum dominum Gregorium anno  
prædicto iii. Augusti in Roma.

Anno 1407  
Ex ms.  
Gemmeti-  
censi.

**D**ominus noster offert esse usque & per totum præsentem mensem Augusti in Petra sancta, si eam habuerit in sua potestate, & pestilentia ibi non fuerit, & ibidem stare usque ad medium diem Septembris proxime venturi & non ultra . . . si concordia inter ipsum dominum nostrum & dominum Avinionensem de mutatione loci Saonensi non fuerit, vult stare responsioni per ipsum dominum nostrum ultima mensis præteriti Oratoribus Avinionensibus factæ, à qua responsione nunc etiam non recedit. Et in dicto casu Ambaxiatores Serenissimi regis Franciæ, ac in dicto termino medii Septembris prædicti debeant accepisse contenta in capitulis dictæ responsionis, scilicet de obsidibus dandis & revocatione *Bouciquant* & deputatione alterius gubernatoris Januæ, vel fecisse ipsum dominum nostrum super his contentum in dicto termino, & commodare ad præsens eidem domino nostro unam galéam armatam, pro mittendis nunciis ipsius domini nostri Massiliam & Saonam, pro accessu & reditu eorum & pro aliis apportabilibus circa materiam tractatus unionis ad minus ex nunc usque & per totum mensem Septembris, & teneantur omnem diligentiam fideliter ponere, etiam mittendo de suis ad dominum Avinionensem prædictum, pro adventu ipsius ad Portum Veneris. Obsides quoque dari de loco ipsi domino nostro, antequam recedat de terris obedientiæ suæ, si ire voluerit per terram, per tantum tempus ante quod possint locari in locis in quibus residere habeant, & quod idem dominus noster commodè possit esse Saonæ ad tardius in calendis Novembris. Actum Romæ iii. Augusti anno ccccvii.

**P**ost multas colloctiones cum dicto GREGORIO & suis cardinalibus ac ejus consiliariis, die sequenti, scilicet die iv. Augusti, dictus GREGORIUS recedens ab hac cedula præcedenti, dixit se nolle ire ad Petram sanctam, quamvis pluries personaliter alias obtulisset. Et postmodum interrogatus quæ loca sibi placerent, si dominus BENEDICTUS ea eligeret, nominavit Pisas, si non esset pestis; ac etiam Florentiam & Senas, dicens non habere alium quem locum suspectum in dominio Florentinorum.



SEQUITUR RESPONSIO  
cardinalium de Roma, data ambaxiatoribus  
regis Franciæ, ad certam requestam per eos  
eis factam, quando volebant de Roma recedere. Cujus quidem requestæ tenor hic sequitur & præmittitur & est talis.

#### REQUESTA.

**B** Consideratis difficultatibus, recusationibus & impedimentis, quæ, docente experientia, cognoscimus contententes de papatu successivè electos, etiam juramentis & votis contentis, præbuisse ad pacem & unionem Ecclesiæ sanctæ Dei: Placeat R.R. PP. dominis de isto collegio affectualiter providere, quod si contingeret R.P. dominum dominum præsentem inter eos de hac luce migrare priusquam Ecclesia uniretur, non procedatur per eos ad electionem futuri præsentis, etiam quibuscunque promissionibus vel juramentis adjectis, donec futuris periculis cautius sit provisum. Insuper dignentur eorum dominationes & paternitates prudenter attendere quanto vinculo ex eorum voto, promissione, & obligatione pacem Ecclesiæ quærere per viam cessionis, &c. specialius sunt astricti, prout ex Instrumenti serie Romæ confecti in assumptione hujus excellentis domini plenius patet cunctis. Quapropter juxta requisitionem instantissimam ambaxiatorum Serenissimi Principis domini Francorum regis & Universitatis studii Parisiensis, velint promissa & vota eorum quoad hoc specialiter attendere & servare, & ad locum Saonæ de ipsius domini præsentis eorumque auctoritate, mandato & consensu promissum, receptum & concordatum personaliter in termino convento venire, etiam si præsidens inter eos ad dictum locum & terminum quavis occasione non veniret, & super præmissis aliisque sæpius requisitis placeat suam responsionem bonam, claram, & certam præsentialiter nobis dare in scriptis.

Anno 1467  
Ex ms.  
Gemmeti-  
censi.

#### RESPONSIO DICTORUM Cardinalium ad dictam Requestam.

**R**everendissimi in Christo patres & domini domini cardinales ad primum capitulum ambaxiatorum Serenissimi regis Franciæ & Universitatis Parisiensis respondent, quod in eorum potestate non est obligare eorum confratres absentes: præsentem autem Ostiensis episcopus, Landensis, Miletenensis, de Ursinis, Tudertinensis presbyteri, de Brancaciis, de Columna & Leodiensis diaconi S. R. E. cardinales diligentiam ponent, & instabunt quantum in eis erit, quod dominus noster faciet & ordinabit unam constitutionem, per quam providebitur continentia dicti capituli, & alios nitentur inducere absentes ad præmissa. Et in casu quo absentes velint abstinere, ipsi etiam abstinebunt, etiam constitutione non facta. Ad secundum capitulum

Anno 1407  
Ex ms.  
Gemmeti-  
censi.

respondent quod credunt & sperant indubiè quod dominus noster faciet debitum suum. In casu autem quod non, quod Deus avertat, ipsi domini cardinales in præcedenti capitulo nominati, facient debitum eorum.

F. de Monte-Politiano subscripsi.

**SUPPLICATIO FACTA PAPÆ IN**  
Marilia, per illos de Ambaxiata regis qui ibi dimissi fuerant secundum ordinationem totius Ambaxiatæ in hoc stat,

Anno 1407  
Ex mf.  
Gemmeti.  
cens.

**Q**uod ex nunc provideatur, quod si ante perfectam & debitam unionem Ecclesiæ, contingeret quod dominus noster vel ille de Roma decederet, quod collegium defuncti non procederet ad electionem aut subrogationem alterius; sed quod superstes & ambo collegia, vel utroque defuncto ipsa collegia deberent simul convenire in aliquo loco securo & congruo, de quo prius esset conventum, & infra certum terminum computandum à tempore notitiæ mortis, post vel ex nunc statutum vel præfixum: quodque superstes, si quis esset in dicta conventionem, omiſſa qualibet juris discussione, & absque mora & dilatione, in præsentia utriusque collegii renunciaret juri suo papali vero vel prætensi. Et quod domini cardinales veri vel prætensi, servatis solemnitatibus, factisque renunciationibus processuum, habilitationibus, canonizationibus titulum cardinalatus & aliis ad hoc necessariis & requisitis, procedant ad electionem veri & unci & indubitati pastoris, sic quod per hoc schisma terminetur, & conscientiæ fidelium serenentur.

Ad hoc autem per modum advisamenti tradebatur per cedulam practica prædicta complendi & faciendi, sic videlicet. Primò requiritur ad prædicta complenda quod tollantur impedimenta quæ possent obstare executioni præmissorum, ut puta nota schismatis, sententiæ, & processus quilibet lati ab homine vel à jure: & quod fiant habilitationes, & quod ultra hoc assumantur ad statum cardinalatus per ipsum seu auctoritate ipsius, omnes qui ad hoc assumti fuerant per adversarium, & vice versa, &c. quodque fiant ratificationes & confirmationes promotionum hinc inde factarum: & fiant hæc de præsentem.

Quod si fieri non posset vel non expediret de præsentem, utroque videlicet domino nostro & adversario suo in statu suo permanentibus, videtur expediens pro præmissorum impletione, quod papa & suus adversarius quoad præmissa, cum deliberatione & consensu collegiorum suorum, ex nunc committant vices suas & auctoritatem præmissa exequendi commissione papæ & irrevocabili, aliquibus prioribus collegiorum vel aliis sub nomine dignitatis, qui præmissa & cetera adhuc necessaria auctoritate apostolica in forma debita valeant adimplere: casu scilicet mortis utriusque, vel alterius eorum & renunciatione superstitis se offerente, & utroque collegio simul conveniente.

Item, quod casu hujusmodi se offerente, dicti

A commissarii, cum tempus affuerit, præmissa omnia & singula impleant; quodque de cardinalibus hinc inde creatis faciant unum verum & indubitatum collegium, quod postea ad electionem unci, veri, &c. pastoris procedat, secundum formam & dispositionem juris communis.

B Quibusdam tamen videtur, quod revocatis processibus & sententiis quibuscumque juris & hominis, factisque habilitationibus & renunciatione suprapositis, expediret tunc procedere ad electionem unci & indubitati papæ per viam compromissi, etiam cessantibus canonizatione, titulum cardinalatus ratificatione, & confirmatione promotionum: ita quod commissarii vice & auctoritate compromittentium seu veri collegii dominorum cardinalium, provideant Ecclesiæ universali de pastore.

Et istud idem etiam videtur fieri posse, interpositis revocationibus, habilitationibus, & renunciatione, etiam absque unione collegiorum, si collegia sibi invicem communicarent vocem & potestatem eligendi ea vice.

C Tractatus autem super his habendus vel provisio advisata videtur esse bullanda, quantum humanitus fieri poterit, constitutionum, provisionum, juramentorum ac poenarum adjectionibus, &c.

D Item, quia propter multos casus posset contingere quod conventio præmissa fieri non posset in loco de quo esset conventum, nec in termino præfixo aut præfigendo, providendum esset quod propterea tractatus vel provisio non rumpetur, nec schisma prorogaretur nec perpetuaretur.

**LITTERÆ PER QUINQUE**  
cardinales papæ directæ, per quas consulebant offerri civitatem Pisanam, &c.

**S**anctissime pater & domine clementissime, supplici & humili recommendatione præmissa, litteras Vestræ Beatitudinis xxiii. mensis Augusti scriptas apud insulam S. Honorati recepimus die \* xvi. ejusdem mensis, in eis inserto tenore responsionum factarum novissimè per intrusum ejusdem beatitudinis nunciis ad Urbem, pro complemento eorum quæ concordata fuerunt obtinendo: ac in ipsis subjungebatur litteris, quatenus per totum præsentem Augusti mensem Nicæ essemus infallibiliter cum V. S. quæ deliberata erat ad obviandum fraudibus quæ committi possent in conventis, loco & proximo termino non deesse. Ad quæ beatitudini vestræ cum omni devotione & reverentia respondemus, quod parati sumus, quantum nobis erit possibile, vestris obtemperare mandatis in quacumque materia, quæ per Vestram beatitudinem nobis fuerit injuncta, sed in ista maxime ubi agitur de procuranda & obtinenda unione Ecclesiæ, quam, Deo teste, super omnia totis desideriis affectamus. Desiderantes nihilominus V. S. assistere, ipsamque totis præcordiis ad prosecutionem tam sancti & pii operis coad-

Anno 1407  
Ex mf.  
Gemmeti.  
cens.

\* l. xxvi.



juvare. *Et post pauca sequitur in littera.*

Et quia in tam arduo Dei negotio locorum distantia & absentia corporalis retardare non debet cuiuscumque conscientiam, quin fiat quod secundum Deum videtur esse faciendum, videtur nobis, vestra reverentia semper salva, ut omnia fiant quæ sine notabili præiudicio vestræ beatitudinis & Ecclesiæ fieri possunt circa postulata per intrusum, ut in Saona fiat dicta conventio per sanctitatem vestram, ob Dei reverentiam & compassionem Ecclesiæ tam enormiter laceratæ, liberaliter vestra sanctitas concedat. Et in casu quo per adversarium vestrum stare, ut Saonæ nullo modo fieret conventio, ne negotium tam sanctum remaneret totaliter in ruptura, etiam videretur quod tunc esset per S. V. Pisana civitas offerenda, ut alias per B. V. solemniter in publico in civitate Massiliæ nunciis dicti intrusi fuerat oblata. Nam attentata dispositione novissimè facta per eum, ipsam non potest ulterius recusare. Et Pater sancte, quia res actæ & quæ aguntur sunt in futurorum providentia cautissimè attendendæ, supplicamus humiliter, ut de locis in quibus manet & ad quæ attendit V. S. sic consideret, ut dum pendet conventionis tractatus, adversarius & sui complices non habeant materiam per astutias suum, ut putarent, consequendi intentum. Et hoc scribimus sub fide qua Deo astringimur, Ecclesiæ, & vestræ sanctitati. Cum aliqua audiamus non contemnenda, & circa ista aliqua alia, quæ non honestè videntur committenda scripturæ, sumus plenè locuti venerabili & religioso viro Generali fratrum Prædicatorum, supplicantes quod in his quæ ad beatitudinem vestram nostri parte retulerit circa dictam materiam, dignemini fidem credulam adhibere. Vestram prælibatam sanctitatem conserve & dirigat Altissimus feliciter, ad pacem dandam Ecclesiæ suæ sanctæ. Scriptum Avinionem xxix. Augusti.

Vestræ sanctitatis humiles filii

G. Penestrinus	} cardinales.
N. Albanensis	
P. de Thureyo	
A. de Saluciis	
P. S. Angeli.	

ANNO MCCCCVII. DIE II. SEPTEMBRIS  
responsio data per dominum Benedictum ambaxiatori domini Gregorii, petenti mutationem loci de Saona.

Anno 1407  
Ex ms.  
Gemmeti-  
censi.

**I**N nomine Domini. Amen. Noverint universi hoc præsens publicum instrumentum visuri seu audituri, quod cum egregius vir dominus JACOBUS, qui se nominat episcopum Kyronensem & nuncium domini ANGELI-CORARIO, qui ab adhærentibus sibi in schismate, proh dolor! nunc vigente GREGORIUS nominatur, & sui prætensi collegii, nonnulla in cedula inferius inserta in effectu verbo, die secunda præsentis mensis Septembris, in præsentia sanctissimi domini BENEDICTI divina providen-

*Theſauri Anecd. Tom. II.*

tia papæ XIII. apud monasterium S. Honorati insulæ Lyrinensis Grassensis diocesis, constituti proposuisset, & deinde in scriptis prout infra continetur dedisset; præfatus dominus noster papa volens, ut dicit, dicto domino JACOBO respondere, quamdam cedulam nobis notariis infra scriptis tradidit, de qua per instrumentum præsens in autentica forma copiam tradi voluit dicto domino JACOBO: cujus quidem cedulæ tenor talis est.

**B** *Sequuntur exposita in præsentia sanctissimi in Christo patris & domini, domini BENEDICTI divina providentia papæ XIII. in monasterio S. Honorati insulæ Lyrinensis secunda Septembris per egregium virum dominum JACOBUM, qui se futurum episcopum Kyronensem nominari, ex parte domini ANGELI dicti Corario, qui ab adhærentibus sibi in hoc pernicioso schismate se futurum GREGORIUM nominari, & sui prætensi collegii, vigore credentiæ litterarum dicti domini Angeli & sui prætensi collegii, eidem domino nostro papæ directarum, quæ exposita dictus dominus JACOBUS postea in scriptis tradidit ipsi domino nostro papæ, sub tenore sequenti.*

**C** Ex parte sanctissimi in Christo patris & domini nostri domini GREGORII divina providentia papæ XII. ac sacri collegii reverendissimorum sacro-sanctæ Romanæ Ecclesiæ dominorum cardinalium, ut constet per litteras authenticas ipsius domini nostri ac dicti sacri collegii, coram vobis reverendissimo in Christo patre ac domino metuendissimo, domino PETRO DE LUNA, quem nonnulli in hoc miserabili schismate BENEDICTUM XIII. nominant, JACOBUS Dei & apostolicæ sedis gratia episcopus Kyronensis, proponit cum omnibus obsecrationibus caritativis, precibus & exhortationibus, quibus melius & oportunius fieri potest & debet, quatenus vos, metuendissime domine ac reverendissime pater, dignemini & velit, non obstante loco Saonæ convento, locum ipsum mutare pro sacra unionem feliciter & pacifice & facillius prosequenda. Et hoc propter pericula evitanda verisimilia & imminencia, maxime pro conservatione almæ Urbis, provinciarum, & terrarum sanctæ Romanæ Ecclesiæ, quas publice & notorie nonnulli potentes minantur invadere, populos ac terras ipsas occupare, & suæ potestati subicere: quibus malis is qui se in Pontificatu Romano jus canonicum habere prætendit, magis tenetur obviare, & propter quamplures alias veras, canonicas & notorias rationes & causas juridicè admittendas, allegatas, & transmissas alias ex parte dicti sanctissimi domini nostri GREGORII tam per solemnes oratores vestros, quam per suas litteras publicas & authenticas ad V. R. paternitatem & dominationem metuendissimam: quæ causæ post conventionem dicti loci sunt exortæ & pericula experientia manifestat. Insuper dictus Jacobus præfatus episcopus quantum licet humiliter supplicat V. R. paternitati & metuendissimæ dominationi, quatenus dignemini sibi dare responsum ultimum & finale super his, per vestras authenticas litteras ad præfatum sanctissimum dominum nostrum dominum GREGORIUM.

Expositio  
Ambaxiatori  
domini  
Gregorii;

SSSS ij



Responſio.  
D. Bene.  
idē.

Quibus pro parte dicti domini nostri papæ BENEDICTI pronunc breviter respondetur. Cum pridie tam isti articulo de mutatione loci quam aliis ab eodem domino ANGELO prætenſis cauſis, quibus à conventionē mutua in civitate Saonæ, ſicut concordatum & firmatum fuerat, ſe nititur excuſare, jam fuerit eidem domino ANGELO ſufficienter reſponſum, ſicut patet per ejuſdem domini nostri litteras datas Maſſiliæ apud S. Victorem, calendis Auguſti proximè præteriti, eidem domino ANGELO per ſuos proprios nuncios deſtinatas, quarum tenor inferius eſt inſertus, in quibus & in concordatis Maſſiliæ ſolemniter ac promiſſis & firmatis, quæ jam in parte idem dominus noſter adimplevit, & reſiduum in quantum Deus permiſerit, & in eo fuerit adimplere intendit, invariabiliter perfeverat, dicit & præfato domino JACOBO nuncio, ut præfertur, à jam dicto domino ANGELO deſtinato, iterato reſpondet, quod in tractatu capitulorum, ut præmittitur, concordatorum, omnia allegata, & alia multa inter partes diſcuſſa fuere plenariè, & facta collatione, ac ponderatis ponderandis, fuit concordia contentorum in dictis capitulis ſubſequuta, à qua recedendum non eſt, cum rationes ſeu cauſæ allegatæ pro parte dicti domini ANGELI nec veridicæ, nec ſufficientes appareant, quia nec modo ſubſunt: immo etiam ſi prout ponuntur in veritate conſiſterent, minus quam antea nunc ſubeſſent. Super quibus idem dominus noſter papa, maximè ita de proximo tempore conventionis inſtante, alium contentioſum intrare proceſſum, ſeu novum inchoare tractatum, qui potius ad dilationem & impedimentum optatæ unionis, quam ad ejus perfectionem tendere videretur, non reputat expediens nec honeſtum. Cum igitur puncta & conventiones huiusmodi ſervari debeant, dominus noſter papa præfatum dominum ANGELUM requirit, hortatur, & rogat, quatenus pro Dei reverentia, & pro tanto bono perficiendo, attentis ſecuritatibus jam datis & obtentis, velit, prout tenetur, de certis loco & tempore, prout dominus noſter papa intendit facere, juxta concordata promiſſa & firmata inter partes, ſecum concurrere pro executione eorum per quæ Deo in excelsis gloriam, in terris pacem Eccleſiæ, in invio deviantibus ſalutis ſemitam, & ſibi ipsis acquirant electis filiis præſervatam æternæ retributionis coronam. Tenor vero dictarum litterarum domini nostri papæ BENEDICTI dicto domino ANGELO directarum talis eſt.

Littera per  
D. Benedictum miſſa  
Gregorio  
de non mutando lo-  
cum Saonæ.

BENEDICTUS epiſcopus ſervus ſervorum Dei ANGELO dicto Corario, qui in hoc pernicioſo ſchiſmate ſe facit GREGORIUM nominari, pacis & veræ unionis affectum pariter & effectum. Litteras tuas ſub eodem tenore recepi-  
mus iteratas, primas die xxix. menſis Julii per quemdam curſorem, ſecundas verò die ultima dicti menſis, ultima hora diei, per illum converſum ordinis prædicatorum ad nos per te aliàs deſtinatum: quarum tenore perlecto, mirari cogimur, nec facile credere poſſemus, te, ſicut ex litteris huiusmodi innuitur, à concor-

A datis inter nos & venerabiles fratres noſtros S. R. E. cardinales ex una; & nuncios tuos habentes à te & tuo prætenſo collegio poteſtatem, partibus ex altera, ſolemniter firmatis, ac fere per orbem totum divulgatis velle prætenſis rationibus reſilire; & cauſam Dei ubi de ſalute agitur tot hæſitantium animarum, quæ non admittit ſine diſpendio tarditatem, ſub dubiæ dilationis ambiguo dimittere ſic ſuſpenſam. Noſti enim, & nos experientia ſæpe probamus, quod res arduæ, maximè hoc nebuloso tempore, quo, proh dolor! multorum caritas reſrigeſcit, non poſſunt ſine perplexitatum & laborum diſpendiis optato ſine concludi. Non eſt tamen credulitatis noſtræ, quod Chriſtus Dominus Eccleſiam ſponſam ſuam dimittat, ſpe optatæ concluſionis adempta, ſub tali labyrintho diutius evagari; ſed tenendum felici arbitrata videtur, quod eam in ſtatum eriget meliorem, & ſi cuncta in arduis non ad vota ſuccedunt, à bono propoſito non eſt faciliter deſiſtendum. Nos jam circa conventa huiusmodi expenſas & labores non modicos adhibuimus. Quod ſi facultas non adeſſet eundi cum galeis ſex, ſaltim cum quatuor, aut duabus, etiam ſi tu haberes, ad locum decrerum etiam fiducialiter pergeremus. Hortamur ergo te per viſcera miſericordiæ Dei noſtri, quatenus conſideratis quæ decet ſuper tanto negotio in ſtatera æquitatis appendere, reſumptis viribus, de Dei gratia ſpe concepta, & in recta intentione quam gerimus, ipſo teſte, ad hanc pacem in decretis locis & termino pro complemento eorum quæ concordata ſunt, velis inſallibiliter convenire & dare operam quantum ad te ſpectare noſcitur ad agenda. Nos autem non ſine laboribus & expenſis præmaximis, ut præmittitur, diſpoſitis quæ neceſſario incumbabant, Domino concedente, ad alia reſtantia exequenda fiducialiter properamus, omnia ponentes ante oculos iudicis cuncta cernentis, cujus clementiam humiliter imploramus, quod grefſus illorum in viam ſalutis & pacis dirigat, qui in tam neceſſario negotio rectè ſecundum eum incedunt, & cauſam ipſius ſinceriter proſequuntur. Datam Maſſiliæ apud S. Victorem calendis Auguſti, pontificatus noſtri anno xiii.

Qua quidem reſponſionis cedula nobis notariis infra ſcriptis per dictum dominum noſtrum papam, & de ejus mandato, præſente etiam dicto JACOBO lecta & publicata, mandavit idem dominus noſter, & dictus dominus JACOBUS requiſivit ſibi fieri unum, duo, aut plura, publicum ſeu publica instrumenta in fidem & teſtimonium præmiſſorum. Acta fuerunt hæc Nicie in camera retractus ipſius domini noſtri papæ, anno à nati-  
vitate Domini mccccvii. indiſtione xv. & die nona menſis Septembris, pontificatus domini noſtri papæ BENEDICTI anno xiii. præſentibus ibidem reverendis in Chriſto patribus dominis P. Ilerdenſi, Jo. Montis-Aragonum, & Hieronymo S. Johannis de Parma Oſtienſis diocæſis abbatibus, &c.

ISTUD QUOD GREGORIUS FECIT  
prædicari & publicari die omnium Sancto-  
rum Senis, anno domini MCCCXVII. pro excu-  
satione sua de hoc quod non iverat Saonam.

**I**N primis quod dominus noster voluit, vult,  
& vult unionem Ecclesiæ per viam cessio-  
nis & omnem aliam viam rationabilem; & hanc  
prosequitur & prosequi intendit usque ad mor-  
tem inclusivè. Hanc conclusionem probant lit-  
teræ quas primò misit per orbem. Secundò ora-  
tores quos hinc inde dispersit per mundum.  
Tertiò quia misit ad partem adversam ad requi-  
rendum & conveniendum de loco. Quartò quia  
locum elegit in obedientia & dominio partis  
adversæ. Quintò quia electum locum de facto  
non de jure, cum prohibuerit suis oratoribus ne  
eligerent locum Januæ sub quo est Saona, quam-  
quam videret incommodum & difficultatibus  
plenum, sperans posse adimplere conventionem,  
acceptans ratificavit. Sexto quia pro adimplen-  
dis conventionibus, per suas bullas potestatem dedit  
dominis cardinalibus impignorandi omnes ter-  
ras Ecclesiæ. Septimò quia per suos nuncios re-  
quisivit principes & comitates suæ obedientiæ,  
de subsidiis & auxiliis quæ pro tanto opere re-  
quiruntur. Octavò quia juramenta sua seu pacta  
conventionis Massiliæ sibi per Januenses acce-  
pavit. Nonò quia per suum oratorem requisi-  
vit Januenses & gubernatorem eorum de secu-  
ritatibus Venetis dandis, & simpliciter per eum-  
dem requisivit Venetos de galeis armandis, &  
securitatibus mutuis acceptandis pariter & exhi-  
bendis, cum multis aliis rationibus quarum quæ-  
dam infra patebunt.

Secundò quod per suam Sanctitatem non  
stetit quin pacta conventionis Massiliæ: pacta  
dico essentialia & principalia, pro unione ne-  
cessaria adimplerentur, & tamen non sunt ad-  
implera. Videlicet non est adimpletum quod  
Veneti & Januenses cum suo gubernatore mu-  
tuas securitates darent & acciperent. Secundò  
non est adimpletum, neque potuit per dominum  
nostrum adimpleri, quod haberet tutas galeas  
in pactis ordinatis, non pro commoditate itine-  
ris, neque solum pro tutela suæ personæ, sed pro  
conservanda partium libertate in loco, sine qua  
unio vera introduci non potest. Tertiò non est  
adimpletum quod fuit in pactis principale &  
necessarium ex natura rei: quod utriusque partis  
in loco potentia foret æqualis. Hoc autem do-  
minus noster toto fervore nixus est adimplere  
per suum oratorem & per Gallicos oratores. Al-  
teram partem requirens quod, ex quo ipse do-  
minus papa tutas & conventas non poterat ha-  
bere galeas, ipse quoque dominus PETRUS DE  
LUNA, aut ad locum sine galeis veniret aut eas  
desarmaret in loco, quorum utrumque nega-  
vit.

Tertiò, quod postquam locus Saonæ fuit ac-  
ceptatus, multis veritatibus patefactis quæ prius  
latebant, ipse locus redditus est meritò suspec-  
tus & unionis verisimiliter turbativus. Primò

**A** innotuit quædam determinatio Ecclesiæ Galli-  
cæ constituens domino PETRO DE LUNA  
spacium decem dierum ad renunciandum, aliàs  
tamquam schismaticus & hæreticus haberetur,  
& sine sua renunciatione ad electionem unici  
pontificis procederetur per utrumque colle-  
gium, verum scilicet & prætensum, nulla men-  
tione de vero pontifice facta. Cum ergo multa  
præparatoria præcedant cessionem, ne post ele-  
ctionem unici pontificis restet disputandum cum  
ense & tyrannicè, quæ pars habuerit veros pon-  
tifices & quæ falsos; videlicet propter matri-  
monia dispensata, regna & terras principibus  
concessas, dignitates Ecclesiasticas elargitas,  
canonizationes sanctorum factas, & alia plura  
quæ infra spacium decem dierum commodè fieri  
non possunt, factus est suspectus quilibet locus e-  
xistens sub eorum dominio, qui usurpativè ad tam  
brevem terminum artant partes, cum hujusmodi  
rei nullam juridicam habeant facultatem.

**C** Secundò per multas litteras fide-dignorum  
de Gallia missas, intimatum est domino no-  
stro quod eidem pararentur insidiæ, si veniret  
ad locum Saonæ, ad quem locum non acce-  
deret sine prudentibus cautelis & securitatibus  
validis, quas securitates etiam prius oblatas  
perivit, & obtinere nequivit.

Tertiò supervenit quod dominus PETRUS DE  
LUNA, papale palatium Avinionense incastellavi-  
vit, & maximis balistis & bombardis aliisque or-  
namentis munivit, nec ad locum Saonæ voluit  
accedere, cum tamen sit de obedientia illius, &  
gubernatum per amicum ejus, nisi esset fortis in  
mari & in terra: unde præsumitur quod insidias  
timeat in obedientia sua & sub amico suo: quare  
magis dominus noster ibidem extraneus spiri-  
tualiter & temporaliter, illic ire non potest ar-  
mis munitus ut ille.

Quartò, accidit præsumpta violentia regis Apu-  
liæ & violentia in terras & fideles Ecclesiæ, quos  
dominus papa ex juramento tenetur defendere,  
& sub ecclesiastico dominio conservare: quæ  
violentia & strages fidelium non exerceretur,  
ut rex præfatus pluries est protestatus, si locus  
Saonæ abjiceretur: immò rex prælibatus pro-  
mittit obedire Ecclesiæ, & unioni auxilia mini-  
strare, dummodo locus Saonæ suspectus, in lo-  
cum tutum mutaretur.

\* Vide lit-  
teram Re-  
gis ad con-  
trarium.

Quintò accessit solemnitas legatio regis Hun-  
garie protestantis cum pluribus principibus &  
comitatibus de obedientia domini nostri, quod  
ipse locus Saonæ esset unionis turbativus, cum  
comminationibus inobedientiæ, nisi unio alibi  
tractaretur in loco tuto, quorum rationabiles  
persuasiones tacentur: quia cum honore alte-  
rius partis dici non possunt, quam dominus  
noster caritative nititur conservare.

Item, supervenit sextò quod oratores regis  
Franciæ, sub cujus dominio est locus Saonæ,  
Romæ existentes, nisi sunt dividere cardinales  
à papa, seditiones Romani populi contra do-  
minum eundem excitare, & tandem gravissi-  
mis contumeliis suam majestatem invaserunt.

Septimò considerans dominus noster non so-  
lum quod foret absolutus à loco Saonæ, sed pro-  
Sfff iij

pter bonum unionis obligatus non ire ; cum non propter locum unio, sed propter unionem locus eligatur, ut tamen fideles populi, qui solum quæ exterius apparent considerant, non scandalizarentur, suum adhibuit conatum. Primò noviter se obligavit adire Saonam quibusdam mediis ordinatis humiliter, propter quæ pars sua ut semituta aliquantulum quiesceret, & adversa honorata petitionibus condescenderet. Primò petivit quòd gubernator Januæ multis rationibus suæ parti suspectus, pro tempore unionis rediret in Franciam, ad quod ipse se obtulerat, Janua remanente sub gubernatione duorum ex oratoribus regis Franciæ, quos dominus noster eligeret. Ipse quidem dominus noster prius deserebat terras Ecclesiæ etiam invadendas, quàm dictus gubernator Januam non invadendam sed custodiendam. Secundò petivit quòd sibi darentur obsides, centum videlicet Januenses & quinquaginta Saonenses. Et hoc quidem obtulerant, dabat enim dominus noster illis se summum pontificem, & collegium suum, & totam Romanam curiam, cum ad eorum dominium se transferret quasi inermem. Petivit tertio quòd dominus PETRUS DE LUNA aut sine galeis sit, & ipse dominus papa Saonam veniret, aut dearmaret conductas, ut utriusque partis in his accidentibus esset æqualitas, quamvis in essentialibus domini PETRI DE LUNA pars remaneret incomparabiliter magis robusta. Est enim inter suos, & noster ibat ad alienos: noster cum sit verus papa, ibat ubi haberetur Antipapa, & Antipapa stabat ubi falsò veneretur ut papa. Nimium offendebar veritas quam defendit.

Octavò petivit ut de omnibus his adimpleris sibi domino nostro constaret per totum mensem Septembris. Horum neutrum sortitum est effectum. Quare dominus noster ab obligatione secunda sponte oblata est absolutus. Secundò dominus noster propter tollendum scandalum pusillorum, de Roma recessit, non cum parvo dispendio & periculo suorum fidelium, & terrarum Ecclesiæ vadens Saonam, ut si suæ Sanctitati darentur petita, in termino posset adesse Saonæ, exponens se & totam curiam suam magnis periculis, cum nullam videret viam sibi tutam, nisi per Lombardiam diuturnis & gravissimis guerris horridam & squalentem, ad quod perficiendum gravissimum iter requisivit potentes obedientiæ suæ de gentibus non multis armorum, quas non valuit obtinere.

Nonò idem dominus noster hujusmodi itineris difficultate percepta, non tamen prædictæ viæ dimittens conceptum pariter & tractatum, de mutatione loci adversarium suum humiliter requisivit, primò per suum oratorem, secundò per oratores Florentinorum, tertio per oratores Senensium, quartò per oratores Lucanensium, offerentes eidem etiam illa loca quæ in principio conventionis Massiliæ, ipse dominus PETRUS DE LUNA obtulerat primò oratoribus domini nostri. Cujus loci mutationis affirmativam non habet.

Decimò igitur quia ex ultimo capitulo con-

ventionis sæpius nominatæ, antipapa tenetur acceptare unum de locis primitus sibi oblatis per oratores domini nostri, aliàs evidenter est fractor promissi, humiliter & caritative dominus noster per suos oratores solemnes eundem antipapam requirit, ut ad mutationem loci velit attendere, quorum expectat responsum.

Dicit ergo dominus noster, Quid debui facere & non feci? Illi locum defendunt, Ego unionem quæro. Sicut enim non homo propter sabbatum, sed sabbatum propter hominem est institutum, sic non unio propter locum, sed propter unionem locus inquirendus. Quemadmodum itaque propter bonum expedit sabbato curare, sic propter bonum unionis oportet locum Saonæ mutari.

TRES VIÆ SEU MODI EXHIBITI SEU oblatis domino BENEDICTO, pro parte GREGORII apud Saonam, sunt infra scripti anno MCCCCVII. die VII. Novembris.

Primus modus quòd reperiatur unus locus habilis ac commodus & utrique parti tutus, cujus loci dominium absque ullo medio esse debeat in manibus domini nostri & domini Avinionensis. Et pro isto primo nominata sunt

Bononia  
Forlivium  
Perusium  
Urbs-vetus  
Viterbium

Et ista sunt loca terrena.

Ancona  
Fanum  
Pensaurum  
Ariminium

Ista sunt loca maritima.

Secundus modus est, quod reperiatur duo loca propinqua, dominium quorum etiam positum sit in manibus domini nostri, & domini Avinionensis, id est unius dominium in manu præfati domini nostri, alterius verò loci dominium in manu præfati domini Avinionensis; & pro isto secundo modo nominata sunt,

Pro domino Avenionensi  
Portus-Veneris  
Sarzana  
Plumbinum  
Civitas-vetus.

Et ista sunt loca maritima.

Pro domino nostro nominata sunt ista, videlicet

Petra sancta  
Massa  
Cornetum  
Viterbium.

Quæ quidem loca sunt vicina supradictis.

Vel si dominus Avinionensis vellet venire Cornetum prædictum, terram Ecclesiæ immediatè subjectam, oblata fuit sibi liberè, & do-

minus noster iret Viterbium, vel ad alterum A locum Corneto propinquum.

Vel si dominus Avinionensis vellet ire in Lombardiam, nominata fuit pro ipso domino Avinionensi villa quæ dicitur Nonas territorii Januensis prope Tardonam posita ad octo miliaria. Et pro ipso domino nostro nominata fuit Tardona, & ista omnia sunt ratiocinata pro secundo modo supradicto.

Tertius vero modus fuit quod ambo ipsi domini, videlicet ipse præfatus dominus noster & dominus Avinionensis cum partibus suis fidem accipiant, & se ponant in manu unius tertii domini. Et pro isto modo nominata sunt,

Quælibet terra dominorum Venetorum  
Dominorum Florentinorum  
Dominorum Senensium  
Luca  
Mantua  
Et terræ domini Marchionis Montis-Ferrati.

#### COPIA LITTERARUM REGIS

Ladislai ad domitum Gregorium, per quas apparet eum non disconsulere conventionem ad locum Saonæ. *Edita est apud Theodericum Niem.*

#### RESPONSIO DATA PER DOMINUM

Benedictum ambaxiatoribus Gregorii apud Saonam, super his quod sibi offerebant aliqua loca ad conveniendum, &c.

Annotat  
Ex ms.  
Iemmeti.  
ms.

**B**ENEDICTUS, &c. cum nuper nobis Massiliæ Residentibus pro extirpatione nefandi & inveterati schismatis, & unione in Dei Ecclesia feliciter reducenda, inter nos & venerabiles fratres nostros S. R. E. cardinales ex una, & certos ANGELI CORRARI, qui se facit GREGORIUM nominari, oratores & nuntios, habentes ad hoc plenam potestatem & speciale mandatum ex altera partibus, fuit hæc Saonensis civitas velut habilis, idonea, ac utrique parti secunda, pro conventionem mutua per nos & dictum ANGELUM facienda in festo S. Michaelis tunc instantis: vel si ipse certo casu non posset in dicto termino interesse, in solemnitate sanctorum omnium proximè præterita, electa, certis adhibitis provisionibus, cautelis honestis, & securitatibus partem utramque ad bonum speratæ unionis concernentibus conventis, ac mutuo assensu ad concordiam deductis, & ex post per ipsum ANGELUM CORRARI verbo, scripto, ac facto multiplici approbatis. Et licet nostri ex parte fuerint adimpleta & inviolabiliter observata, & in præsentem Saonensem civitatem in primo & in secundo terminis personaliter cum fratribus nostris S. R. E. cardinalibus præsentibus fuerimus; in qua & de præsentem etiam residemus, non sine magnis laboribus & expensis; ipseque ANGELUS CORRARI, nescimus quo ductus spiritu, in dictis terminis convenire nobiscum recusaverit: Et licet ex post certos ejus nuncios ad nos destinaverit, qui diversas, satis notorie impertinentes causas suæ absentiae

proponentes, petierunt locum mutari, & obtulerunt ut alium locum acceptaremus sub utriusque dominio ponendum, vel quod nos unum locum, & ipse ANGELUS alium eligeremus vicinitate propinqua, seu quod sub alicujus dominio, sumpta hinc & inde confidentia, locum mutuo assensu eligeremus, & specificando primam & tertiam vias plura loca & dominia nominarunt & obtulerunt in Italia & dicti ANGELI obedientia & potestate existentia, nullum locum seu dominium nostræ obedientiæ nominando. Circa autem secundam viam inter cetera loca nominarunt Portum-Veneris, &c. Saizanam pro nobis & locum de Petra sancta pro ipso Angelo obtulerunt. Cumque ab ipsis nunciis peteremus, si ad ipsa promissa concordanda ac firmanda aliqua essent sufficienti potestate muniti: nobis exhibuerunt certum ipsius ANGELI CORRARI mandatum, quo cavetur, ut declinata hac civitate Saonensi, super mutatione loci & locorum in Italiæ partibus de sua obedientia habilis, idonei, securi ac accommodi, securorum, habilium, seu accommodorum parti utrique posset convenire & concordare nobiscum, & quod gratum haberet quidquid per dictos suos nuncios in præmissis factum foret, absque alia promissione de observandis quæ concordata forent, aut fidei vel juramenti interpositione. Tenor verò dicti mandati & formalis est.

GREGORIUS episcopus servus servorum Dei dilectis filiis Jacobino de Torso Utinensi notario, Johanni abbati monasterii S. Mariæ de Pratalia Paduanæ diocesis, ac nobili viro Francisco Justiniano domicello Veneto ac hospitii nostri magistro, nostris & apostolicæ Sedis nunciis salutem & apostolicam benedictionem. Attendentes quod media quæ ad finem aliquem ordinantur conferenda, veniunt ad finem ipsum, & illis non conferentibus sed impediuntibus potius, prout in humanorum casuum eventibus plerumque solet accidere, rectè mutanda censebuntur; & considerantes quod pro extirpatione inveterati schismatis & pestiferi, locus civitatis Saonensis, pro conventionem nostra & PETRI DE LUNA, quem sibi adhærentes in eodem schismate BENEDICTUM XIII. nominant, & aliorum de nostra suaque parte Massiliæ à dilectis filiis commissariis nostris ex una & dicto Petro ex altera partibus electus asseritur: ex multis ad eundem finem non conferentibus & ex multis aliis rationabilibus causis redditur incongruus, inhabilis, & plurifariam suspectus, prout per nuncios & litteras nostri parte sæpe & sæpius tam ipsi Petro quam complicibus nonnullis ejusdem & quamplurimis aliis explicatum fuit, & propterea per nos, iisdem & nonnullis aliis suadentibus causis, declinatus extiterit, & ab intimis nostris præcordiis semper optaverimus & optemus schisma ipsum extirpari, ac unionem exurgere, & de vestræ distributionis fidelitate & probitate, ac gerendarum rerum experientia sumptimus, & sumamus in Altissimo fiduciam specialem, discretionem vestræ nomine nostro iterato, ubi, quando, & quotiens

expedire noveritis declinandi ipsum locum civitatis Saonenſis, & commutationem loci vel locorum in Italiae partibus de obedientia noſtra habilis, idonei, ſecuri, & accommodi, ſecurorum, habilium, ſeu accommodorum utrique parti petendi, & cum eodem Petro vel ejus commiſſariis uno vel pluribus, ad id ab eo ſpecialiter conſtitutis, de ac ſuper huiusmodi commutatione loci vel locorum conveniendi, & concordandi, & omnia & ſingula, quæ in præmiſſis & circa ea vel eorum aliquod utilia vel opportuna fuerint gerendi, faciendi, & exercendi, plenam & liberam tenore præſentium concedimus facultatem: ratum & gratum habituri, quidquid per vos factum fuerit in præmiſſis, idque faciemus auctore domino uſque ad ſatiffactionem condignam inviolabiliter obſervari. Datum Senis xv. calendas Novembris Pontificatus noſtri anno primo. De curia Jo. de Montepolitiano. F. de Montepolitiano. M. de Stata.

Nos verò attendentes præmiſſi mandati inſufficientiam tam ratione locorum in ſua obedientia exiſtentium, quàm inæqualitatis ac etiam imparitatis quæ ex forma dicti procuratorii, ſi acceptaretur, evidenter ſequeretur: & etiam propter qualitates locis eligendis adjectas, ac etiam quia de tempore præfigendo in quo perſonaliter loco vel locis concordandis convenire deberemus, nulla mentio habetur, nec non propter repugnantiam mandati dicti ANGELI ad oblata, & ex aliis cauſis quæ ex tenore dicti mandati apparent & apparere poſſunt evidenter, & quòd ſuper dictis oblatiſ ſeu eorum altero concordare non poteramus ſecurè cum dictis nunciis, nec firmare, cum ipſi ſufficientem poteſtatem non haberent, ut præfertur. Perpendentes etiam in præmiſſis aliquid poſſe latere, cum omnem locum obedientiæ noſtræ ipſe ANGELUS CORRARIUS ex tenore dicti mandati declinet & excludat; & timentes quòd ſi cum dictis nunciis poteſtatem ſufficientem non habentibus concluderemus, nobis illud

\*hicaliquid poſſet  
deceſt.

prout & aliàs cum habentibus ſufficientis mandatum cum magnis laboribus & expenſis per dilationes inutiles notoriè ducti ſumus, cum dictis ſuis nunciis tutè & ſecurè concludere nequivimus. Attamen ne hoc ſanctum Dei negotium, cujus conſummationis deſiderium mentis noſtræ intimis inhæret continuè, per ſuas fruſtratorias altercationes & anfractus, ulterius deducatur in longum, deliberatione habita cum fratribus noſtris S. R. E. cardinalibus, de ipſorum conſilio de præſenti noſtros ſolemnes nuncios deſtinamus ad ipſum ANGELUM CORRARIUM, cum plena poteſtate & ſpeciali mandato concordandi & firmandi noſtra ex parte & fratrum noſtrorum prædictorum, quod nos & fratres noſtri prædicti in confinibus obedientiæ utriusque perſonaliter accedemus, ſcilicet ad Portum-Veneris per ipſos nuncios prædicti ANGELI pro nobis nominatum, ſi ipſe Angelus ad locum Petræ-ſanctæ infra tempus breve cum dictis noſtris nunciis concordandum ſe venturum obligaverit, ut ſui nuncii

A verbo in noſtra & fratrum noſtrorum præſentia publicè obtulerunt. Et eſt noſtra firma intentio, & propoſitum irrevocabile, quòd poſtquam firmata fuerint per dictos noſtros nuncios & ANGELUM CORRARIUM, accedemus infra menſem ad dictum Portum-Veneris, vel alium terminum de quo concordatum fuerit, perſonaliter cum noſtris fratribus facturi, auxiliante Altifſimo, quantum nobis poſſibile fuerit, ut unio in Dei Eccleſia feliciter ſubſequatur. Si autem dictus ANGELUS CORRARIUS prædicta firmare noluerit, vel poſtquam firmaverit ad dictum locum Petræ-ſanctæ venire recuſaverit, in eo caſu & caſibus obligationem, qua efficaciter tenetur in hac civitate Saonenſi nobiſcum, lapſu dictorum terminorum non obſtante, convenire eidem remittere nullatenus intendimus, nec ipſum ANGELUM ab illa quovis modo liberare. Et hæc dicimus, offerimus, & proteſtamur in præſentia nunciorum dicti ANGELI CORRARIUS exiſtentium coram nobis, & de his petimus fieri publicum inſtrumentum & publica inſtrumenta. Datum Saonæ iv. Idus Novembris, Pontificatus noſtri anno xiiii.

N. Clamengis.

#### ACTA ORATORUM REGIS CASTELLÆ ad Benedictum xiiii.

Venerabiles viri domini ambaffiatores regis Castellæ iter eorum petentes verſus Romanam ad intruſum. Primo loco applicuerunt Saonam, ubi dominus noſter cum ſua curia moram trahebat, cui exhibita reverentia, litteras credentiales pro parte Sereniſſimi regis domini Castellæ præſentaverunt, per quas ſignificabatur, qualiter ipſi domini ambaffiatores mittebantur ad intruſum pro pace Eccleſiæ per viam ceſſionis, & hoc idem in vim credentiæ domino noſtro dixerunt.

Exinde iidem domini ambaffiatores poſt diem naturalem, quo in dicto loco Saonæ ſteterunt, proſecti ſunt ad Urbem, ubi honorificè atque magnificè per intruſum & ſuos fuerunt recepti, & diebus continuatis videlicet xxvi. per dictum intruſum venerabiliter tractati, cum quo certam conſuſionem habuerunt ſolo domino regi deferendam, dimiſeruntque intruſum ſuper facto unionis bene diſpoſitum.

Demum vero ab intruſo recedentes, tranſiverunt per præſatum dominum noſtrum, quem in Sinario reperierunt. Cui reverentia exhibita, ambaffiatam eis injunctam apud eum pro parte præſati Sereniſſimi regis Castellæ expoſuerunt ad plenum, quatinus idem dominus noſter pro tanto bono unionis & pacis Eccleſiæ viam ceſſionis abſque moroſa dilatione dignaretur acceptare. Qui de requeſta turbatus non modicum, petiit dictam requeſtam in ſcriptis ſibi dari, quod & fecerunt. Et ſuper eo voluit dominus noſter dilationem habere, poſtque aliquas dilationes, demum reſpondit, quomodo omnem operam dederat atque dabat pro quærendo pacem Eccleſiæ, & ad hoc ad partes illas acceſſerat, non

Anno 1408  
Ex mſ.  
Coſſimiano



non parcendo senio, periculis, laboribus & expensis, & quod ad intrusum miserat frequenter, obtulerat ei vias pro pace Ecclesiæ omnimodas, & si quam illarum voluisset acceptare, illam libenti animo prosecutus fuisset, & prosegueretur, aut quamcumque aliam bonam, si eidem intrusus eandem aperuisset seu præstasset: subjungens quod, prout dixerat, frequenter etiam viam cessionis, si expediens foret, & eo casu quo unio sequeretur, minime recusaret etiam, nec mortem.

Cumque ambassiatores præfati eidem domino nostro dixissent, quod de tractatibus inter ipsum & intrusum non se intromittebant, sed solum præcisè humiliter supplicabant, quatenus formaliter & expresse ad eorum requestam responderetur. Respondit præfatus dominus noster, quod credebat sufficienter respondisse. De qua responsione dixerunt præfati ambassiatores, se nullatenus fore contentatos, & nihilominus instanter supplicaverunt, quod in illa parte in qua faciebat mentionem de sua responsione, videlicet de non recusanda via cessionis, si esset expediens & casu quo unio sequeretur: cum, prout notum est, totus mundus iudicet eam unioni accommodam, vellent illas condiciones amovere, & loco illarum apponere, si intrusus hoc idem faceret aut fecisset. Quod præcisè facere recusavit, respondendo prout supra, nec aliud super his, licet per multorum temporum curriculum, aliud potuerunt reportare, nisi solum bullam perclausam, prædicta, ut creditur, continentem, licet per eos pluries fuerit requisitus, ut si aliam viam pro pace & unione ecclesiæ accommodam haberet, illam dignaretur aperire. Quod nec fecit.

Post hæc vero prædicti domini ambassiatores ad præfatum dominum nostrum accedentes, & resumptis his quæ gesta erant, ut præfertur, pro parte serenissimi principis requisierunt atque supplicaverunt, quatenus ad dandam pacem Ecclesiæ taliter desolatæ & afflictæ, & cujus status per huiusmodi pestiferum schisma tam graviter turbabatur, celebraretur concilium generale forma juris, & de hoc ipsum requisierunt instanter. De qua quidem requesta se turbatum multum ostendit, voluit quod darent in scriptis, prout fecerunt, super dicta requesta deliberare volens.

Cum itaque quadam die prædicti ambassiatores venissent ad præfatum dominum nostrum pro responsione habenda, idem dominus noster præmisit quædam interrogatoria ambassiatoribus prædictis, videlicet petendo & interrogando ab eisdem, quid erat concilium generale, & qualiter & cum qua practica intelligebatur quod deberet celebrari: & si intelligebatur de consilio istius obedientiæ vel totius ecclesiæ: quia in ea hærebant diversæ opiniones dominorum & doctorum. Ad quæ responderunt ambassiatores præfati quod attento quod ipsi petunt, ut pro dando pacem & unionem Ecclesiæ celebraretur concilium generale in forma juris, & ipse dominus noster papa omnia jura in scrinio pectoris censetur habere, ipseque sit famosus

*Theſauri Anecdor. Tom. II.*

A doctor doctorum, & omnia quæ petit sunt clare in jure scripta & tradita, talibus interrogatoriis & difficultatibus non erat utendum, sed simpliciter respondendum & concedendum. Et requisierunt instanter ut supra, vel quod responsum, dare vellet, in scriptis traderet, ut de ejus intentione præfato domino regi magis constare posset. Qui quidem dominus noster nec aliud respondere voluit, nec concedere, nisi unam bullam clausam, in qua prædicta sua responsa continentur, & ut rex deliberaret de quo concilio intelligit, & cum qua practica illud remitteret domino nostro, qui tunc deliberabit.

Hoc est quicquid prædicti ambassiatores a domino nostro per... dies quibus steterunt in eo non sine laboribus & periculis potuerunt reportare.

### CONSILIUM DE MODO PROCEDENDI ad tollendum schisma.

Istæ sunt viæ quæ putantur super unione Ecclesiæ, unionem & statum utriusque partis concernentes.

i. **P**rimò quod numerus cardinalium utriusque partis reducatur ad æqualitatem, & quod omnes confirmantur per utrumque præsidem, ipso secundum antiquitatem invicem alternativè collocando, prout videbitur convenientius. *Ex inf. Gemmeti-*

ii. Item, quia in eodem titulo plerumque sunt duo cardinales, antiquis in eorum statibus dimissis propter reverentiam unitatis Ecclesiæ sub qua fuerunt assumpti, novis æqualiter provideatur. Qui habebunt concurrentem in titulo, & si tituli non sufficiunt ad numerum, quod novi tituli noviter erigantur per utrumque, quibus minoribus de qualibet parte æqualiter distribuuntur.

iii. Item, jurabit uterque præsident cum suo collegio, ultra numerum æqualiter præfixum, nullum quamdiu viveret assumere ad cardinalatum, donec Ecclesia perfecte reducta sit ad unitatem, nec in collegio aliquid innovare dum episcopi cardinales morientur, sed de consensu communi communiter ordinabitur duobus communibus, de quibus dicetur capite sequenti, tractantibus & procurantibus, ita quod in qualibet parte dumtaxat sint tres episcopi cardinales.

iv. Item, duo solemnes eligentur, quilibet per suam partem, qui negotia communia, tamquam in hac parte legati, jurabunt fideliter exercere, plenariam super inferiùs dicendis quilibet à sua parte habebit auctoritatem: tamen cum ea utentur insimul, neminem nominabunt, sed dicent: Auctoritate apostolica qua fungimur.

v. Item, quod per utrumque præsidium de consensu suorum fratrum fiat constitutio nova, quod attenta malitia præsentis schismatis, vivente summo pontifice, licet successor potest eligi, quo sic electo, ut post mortem summi pontificis ipse electus succedat in plenitudinem potestatis, à nullo possit impugnari, & qui hoc

T t t

facere attentaverit, juxta *e. licet de evitanda* de electione, totius sacri ordinis privatione mul-  
tetur, ut ibidem.

vi. Item, supra & infra vocatis & confirma-  
tis, ac securitatibus habitis ab utraque parte,  
cardinales qui sunt de Roma, seu qui sunt in Urbe,  
jam in continenti eligent vigore constitutionis  
factæ ex nunc pro ex tunc in papam, post mor-  
tem dumtaxat illius de Roma, præsentem in  
Avenione, sibi de præsentem mittendo decretum  
electionis debite roboratum, valiturum irrevoca-  
biliter post mortem illius de Roma, & con-  
similiter cardinales de Avenione in omnibus &  
per omnia, ut præfertur, eligent illum de Roma,  
casu quo supervivat, modo & forma quibus su-  
pra.

vii. Item, jurabit præfatus in Avenione,  
quod si ipse supervivat alio de Roma, quod  
ipse certificatus de morte illius, unâ cum suo  
collegio, infra certum tempus communiter li-  
mitandum ibit ad Urbem in sede B. Petri ibi-  
dem mansurus, omni excusatione postposita.  
Et si ipse infra dictum tempus non accesserit,  
quod tunc per illam negationem accessus, seu  
per illam moram ex nunc pro tunc, lapso dicto  
termino, seclusa quacumque exceptione in con-  
trarium, cedit & renunciat oneri & honori  
summi pontificatus, perpetuò se expolians de  
eisdem, dans auctoritatem plenariam cum suo  
collegio cardinalibus qui pro tunc erunt in Urbe,  
lapso dicto termino, libere eligendi novum pa-  
pam, unâ etiam cum cardinalibus de Avenione,  
si infra dictum tempus ad Urbem venerint aliqui  
ex ipsis.

viii. Item, jurabunt illi qui sunt in Roma  
quod si præfatus eorum prius moreretur, quod  
incontinenti mittent personam sufficientem ad  
Avinionem, ad notificandum mortem præfatis  
eorum, & tunc ille de Avenione cum suis  
cardinalibus infra tempus præfixum, ut dictum  
est, teneatur ire ad Urbem, aliter fiat juxta caput  
immediatè præcedens.

ix. Item, dicti cardinales qui erunt pro tunc in  
Urbe, interim destinabunt quatuor ex ipsis usque  
ad civitatem Januensem, ad recipiendum papam  
venturum cum suis cardinalibus: & ibi dicti  
quatuor habeant ipsum expectare usque ad tem-  
pus communiter præfixum, & casu quo tunc ille  
de Avenione non venerit, quod dicti quatuor  
habeant reverti ad Urbem unâ cum cardinali-  
bus de Avenione, si qui veniant & ire volunt,  
& tunc incontinenti, nullo alio expectato, pro-  
cedant ad electionem futuri Pontificis.

x. Item, cardinales de Avenione jurabunt  
quod si, mortuo illo de Roma, infra tempus cer-  
tum viderint quod ille de Avenione non veniat  
ad Urbem, quod lapso dicto termino, ipsum nul-  
lo modo haberent in Papam, sed omnium excusa-  
tione postposita, irent ad Urbem infra tempus  
eis præfixum, pro futuro pastore eligendo: & nisi  
hoc facerent, quod nunc pro tunc cedunt oneri  
& honori cardinalatus, omne jus quod haberent,  
in cardinales tunc in Urbe existentes totaliter  
transferendo.

xi. Item, jurabunt dicti cardinales qui erunt

in Avenione, quod si contingat eorum præsi-  
dentem decedere ante illum de Roma, infra  
certum tempus eis præfigendum ibunt ad Ur-  
bem, omni excusatione postposita; nisi aliunde  
per Papam qui tunc esset, haberent gratiam infra  
dictum tempus remanendi: & nisi essent in Roma  
in tempore præfixo, quod nunc pro tunc cedunt  
de facto honori cardinalatus, de ipsis se expo-  
liando.

xii. Item, jurabunt dicti cardinales qui sunt  
in Avinione, quod si contingeret insimul vel  
quasi ambos præfatos mori, quod ipsi infra  
certum tempus communiter præfigendum ibunt  
ad Urbem: ita quod extra pro tunc nulla fiat  
electio, nisi cardinalibus qui pro tunc erunt in  
Urbe, pro bono Ecclesiæ videatur aliud tunc  
esse faciendum. Alioquin nunc pro tunc casu  
quo non irent dicti cardinales cedunt oneri  
& honori cardinalatus, omne jus quod habe-  
rent in electione transferendo totaliter in car-  
dinales in Urbe existentes. Verum quod dictæ  
pœnæ non intelliguntur, nisi dumtaxat quoad  
translationem juris electionis de cardinalibus  
qui evidenter antiquitate ac infirmitate excu-  
sarentur: quia hic non agitur de status alicujus  
destructione, sed præcisè de Ecclesiæ Dei unione  
& fraudis evitacione.

xiii. Item, jurabit quilibet præfatus cum  
suo collegio à modo nihil ordinare de his quæ  
sunt in obedientia alterius, cum talia sint in  
derisionem Ecclesiæ beneficiare sine beneficio.  
Sed duo communiter electi, de quibus dictum  
est supra c. iiii. providebunt, non nominando  
aliquem præfatum, sed dicendo auctoritate  
apostolica, de omni prælatura & beneficio divi-  
sim: ita quod nullus præfatum à modo pro-  
videat de Ecclesiis seu beneficiis divisim, quæ  
partim sunt in obedientia utriusque; sed dicti  
duo, ut præfertur, ipsam in quantum poterunt  
ad unitatem reducendo.

xiiii. Item, quia propter schisma pestiferum  
christianitas in multis passa est, ac continuè  
patitur per infideles, pro eo quod milites re-  
ligiosi qui habent stare in frontieris infidelium  
propter dictum schisma, proventus consuetos  
non recipiunt à toto eorum ordine: ideo dicti  
communiter electi, de quibus supra cap. iiii.  
dicitur, habeant auctoritatem ab utroque præ-  
fatum, quoscumque ordines incontinenti  
uniendi, præfatum cujuslibet partis, omni  
appellatione cessante, compellendo ad cessio-  
nem, etiam si opus est, ipsos privando, & no-  
vum præfatum eligi faciendo, ut ante schis-  
ma in quolibet statu fuit consuetum.

xv. Item, quod pro securitate conscientia-  
rum inferiorum & aliorum quorumcumque,  
interim quilibet præfatum cum suo collegio  
approbet & ratificet quicquid per alium & suum  
prædecessorem factum extiterit, seu eorum au-  
thoritate quoad ordinationes & promotiones;  
omnes pœnas & sententias quas una pars tulit  
in aliam aut in singulares ejusdem totaliter an-  
nullando: confirmando etiam & ratificando  
quidquid alter à modo in sua obedientia faciet,  
dum tamen non obviet præfati ordinationi;

& hoc præcisè intelligendo de promotionibus A & aliis ordinariè conferendis.

xvi. Item, quòd mortuo altero præfidentium, ille qui remanebit celerius quo poterit, generale concilium habeat convocare ad remediandum super necessariis, & ne aliàs tam horribile schisma possit subintrare.

xvii. Item, quòd præsentès articuli bullentur per utramque partem, & mittantur in omnibus provinciis per totam universalem Ecclesiam in forma publica, ut altero eorum de medio sublato, Ecclesia de suo jam sit informata B pastore.

xviii. Item, quòd interim per utramque partem in sua obedientia certæ preces & assidue ad Deum fundantur, ut ostendat quem elegerit ex his duobus; quod adimpleat Dominus qui regnat trinus & unus. Amen.

*Versus qui dicebantur super collusionem quam super papatu dicebantur habere P. de Luna dictus Benedictus XIII. & Angelus Corrariorum dictus Gregorius XII.*

Offeres & renuam, proponam, reppudiabis, GREGORIUS terris præsit, BENEDICTUS in aquis, Et sic papatus mediando sic mediatus, Serviet ambobus, bene sufficit ille duobus.

C O P I A A P P E L L A T I O N I S  
interpositæ per cardinales illius de Roma à papa suo, postquam ipsi ab eo recedentes, venerunt de Luca apud civitatem Pisanam. D

Anno 1408  
Ex ms.  
Gemmeti-  
censi.

I N Christi nomine. Amen. Anno nativitatì ejusdem millesimo quadringentesimo octavo, indictione prima, die dominico, trigesima mensis Maii, hora tertiarum, vel quasi, pontificatus sanctissimi in Christo patris & domini nostri domini GREGORII divina providentia papæ XII. anno secundo, in civitate Pifarum, in archiepiscopali palatio, videlicet in camera, in qua infra scriptus reverendissimus dominus ANTONIUS episcopus Penestrinensis præsentialiter residebat, præsentibus ibidem magnifico & egregio viro JOHANNES quondam domini Francisci de Ursinis, LAURENTIO Amballi de Stepha & Necis, VALERIANO de Fregia, paribus de Urbe, regionis Transiberim, domino Bartholomæo Johannis de Monte-Guvatio, domino Angelo Fuscis canonico Lateranensi & Lopo Ginisalvi canonico Laviacentii, & aliis quampluribus testibus ad hoc specialiter vocatis & rogatis.

Cum hoc sit, quod pridie, videlicet die Veneris quarta præsentismensis Maii, hora tertiarum, vel quasi, præfatus dominus noster dominus GREGORIUS papa XII. infra scriptis & aliis reverendissimis dominis cardinalibus sanctæ Romanæ Ecclesiæ tunc residentibus in civitate Lucana, certa mandata fecerit, de quibus infra fit mentio, ipsique infra descripti domini cardinales quamvis prædicta mandata crederent, reputarent, immo tenerent fuisse & esse nulla & omnino invalida de jure, & in quantum forent aliqua, quod non cre-

*Thesauri Anecd. Tom. II.*

dunt, vellent & cuperent appellare, & contra ea appellationis remedio se tueri, quod ad sublevationem gravatorum & oppressorum dignoscitur institutum; quia tamen eis facultas appellandi non affuit, propter justissimum metum qui cadere poterat in constantem, ut serius infra patet: Idcirco prælibati domini cardinales, quorum ut præfertur, nomina describuntur inferius, nunc consistentes in civitate Pisana & loco eis tuto, ac in quo omnis metus cessare dignoscitur, quàm primum potuerunt opportunitate captata, ad præservationem juris sui, cum copiam personalem prælibati domini nostri papæ non haberent, nec etiam hic personaliter existentem, coram reverendis in Christo patribus dominis THOMA episcopo Carlioliensi & BARTHOLOMÆO episcopo Alariensi, BERNARDO S. Michaëlis de Podio Boniti ordinis S. Benedicti Florentinensis diocesis, GUILLELMO Wasmonasterii ejusdem ordinis Londoniensis, & VALDASSARO S. Michaëlis de Passignano ordinis Vallis umbrosæ Fesulantis diocesis, monasteriorum abbatibus, tamquam coram venerabilibus & honestis personis in dicto loco personaliter existentibus & sedentibus, infra scriptam appellationem infra scriptis legi fecerunt, ac ipsam interposuerunt & interponunt, ac Apostolos petierunt & petunt, omni via & forma quibus melius & efficacius de jure possunt & debent: cujus quidem appellationis de verbo ad verbum tenor sequitur & est talis.

Coram sanctitate vestra, sanctissime Pater, cum omni debita reverentia in his scriptis appellando proponunt humiles servitores vestri ANGELUS Hostiensis, ANTONIUS Penestrinensis episcopi, CONRADUS tituli S. Chrysogoni, JOURDANUS tituli S. Martini in montibus presbyteri, & RAYNALDUS sancti Vitti in Macello, ODO S. Georgii ad Velum-aureum, & JOHANNES sanctorum Cosmæ & Damiani diaconi S. R. E. cardinales, quòd ad notitiam suam pervenerit, quod eadem vestra sanctitas nuper, nondum decem diebus elapsis, dum in civitate Lucana moram traheret, minus bene informata, eisdem aliqua præcepta fecit, quæ de jure sunt nulla, & quatenus essent aliqua (cum omni semper reverentia loquendo) sunt iniqua & injusta.

Primi mandati tenor talis est. Præcipimus omnibus & singulis cardinalibus existentibus in Romana curia sub pœna privationis cardinalatus & omnium beneficiorum, quàm quilibet eorum incurrat ipso facto, ne à die quarta videlicet Maii in antea, aliquis eorum exeat de Luca, sine speciali & expressa licentia nostra, per nos oretenus sibi facta: cujus mandati nullitas & iniquitas manifestè patet. Primò quia non poterant ibi morari cum securitate personarum suarum, sine metu carcerum & mortis, & aliis quæ cadere possent in constantem virum: maximè quia die Veneris quarta Maii cum irent ad palatium, invenerunt domum habitationis vestræ esse intrinsecus plenam viris & satellitibus armatis ultra solitum modum custodiæ, & in locis insolitis, & ultra armaturam

T t t t ij

solitam; & dictum fuit eis à fide dignis & veridicis personis, quòd aliqui ex dictis cardinalibus debebant interfici: quod postea rei declaravit eventus: nam cum dominus cardinalis Leodienſis de Luca recessisset, fuerunt, ut notoriè patuit, nonnulli ex dictis armatis destinati, quibus etiam mandatum extitit, ut eum caperent, & si ipsum capere & deducere non possent, eundem dominum cardinalem deberent occidere. Qui etiam inſequentes poſt reditum eorum, per dominum Lucanum capti fuerunt & in carcerem detrufi. Item, quia domum præfati domini cardinalis poſtea pergentes, ſanctitatis veſtræ ultra omnem modeltiam, poſita fuit ad ſaccamannum in Luca, & familiares ejus capti, & torti, & reliqui omnes dictorum cardinalium carcerati; & hoc abſque aliqua juſta cauſa, ſed tantum quia ſollicitabant cauſam unionis ſanctæ matris Eccleſiæ, prout de jure ex juramento & voto tenentur: & quia non conſentiebant creationi novorum cardinalium, prout de jure non poterant nec debebant, quia nec vos, ſanctiſſime Pater, de jure creare poteſtis nec debetis, obſtante obligatione facta in conclavi, & per vos ratificata & iterata poſt aſſumptionem veſtram ad apicem ſummi apoſtolatus. Item, quia in domo veſtra nocte præcedente fuerunt fabricati cippi & compedes pro carcerandis & detinendis dictis cardinalibus. Item, quia non conſuevit, nec de jure debet aut poteſt tam gravis pœna pro tam levi culpa talibus viris & talis conditionis imponi, cum ex graviffimis tantum culpis & cum magna ſolemnitate, quæ in tali præcepto ſervata non fuit, poſſint ſeu debeant cardinales privari cardinalatu & non aliter. Item, quia ſecundùm obligationem factam in conclavi, & votum, ac juramentum ipſorum, oportet eos convenire cum alio collegio in loco idoneo. Cum autem civitas Lucana fuerit jam per aliam partem recuſata, tamquam locus non idoneus, neceſſe erat ipſos exire civitatem Lucanam, pro proſequendo negotio unionis, & ſervando juramento ſuo. Item cum per vos, ſanctiſſime Pater, & per ipſos cardinales de voluntate veſtra fuerit oblatum de eundo ad civitatem Piſarum, ſi altera pars veniret Liburnum; quæ oblatio per aliam partem certo modo fuit acceptata, neceſſe erat ſe conferre Piſas, ut ſervarent fidem & oblationem ſuam: quare dictum mandatum fuit omnino nullum & injuſtum. Item, per hujusmodi mandatum contra jus & juſtitiam eis indicebatur carcer, & cum nihil diſtet quod carceribus mancipari, vel inter parietes murorum coartari, & ſic incipiebatur ab executione & à carceribus contra viros in tanta dignitate conſtitutos, quod omnia jura deteſtantur.

Aliud mandatum quod fecit ſanctitas veſtra eiſdem cardinalibus fuit tale. Item, ſub pœna perjurii, quam incurrant ipſo facto, præcipimus & mandamus eiſdem, ne ulterius congregentur in aliquo loco ſine expreſſo mandato noſtro: cujus quidem præcepti nullitas & injuſtitia manifeſtè patet. Primò quia mandatum hoc eſt contra jus collegii, quod habent cardinales de

A jure & antiqua conſuetudine à tanto tempore, cujus initii memoria non exiſtit: quod jus collegii principaliter conſiſtit in conveniendo ſimul ad tractandum negotia ad ipſum collegium pertinentia, quod jus & facultas ab eis ſine cauſa auferre non debuit. Item, quia cardinales de jure tenentur collegialiter inter ſe tractare & conferre de cauſis fidei, hæreſum, & ſchiſmatum; & in conclavi etiam ſe obligaverunt ſolemniter per votum & juramentum, ac mutuam fidem tractare univerſaliter & ſingulariter de uniendo eccleſiam, quod fieri non poteſt, niſi collegialiter congregentur. Hanc igitur facultatem eis interdicerè, eſt non ſolum nolle per ſe attendere ad unionem Eccleſiæ, ſed etiam prohibere ipſis ne ad ipſam attendant: quod omnino eſt iniquum & abominabile. Item, cum numquam juramentum fuerit per ipſos cardinales vel per aliquem ipſorum quod ſe non congregabunt, & juramentum fidelitatis vel obedientiæ ſicut præſtiterunt non extendatur ad hoc quod de jure facere poſſunt; incongrua eſt omnino & inconſuetudine atque injuſta fuit pœna perjurii tranſgreſſioni talis mandati ſeu præcepti.

Tertium mandatum quod fecit cardinalibus ſanctitas veſtra fuit tale. Item, ſub eadem pœna perjurii, quam incurrant ipſo facto, præcipimus & mandamus eiſdem, ne aliquis eorum participet cum oratoribus PETRI DE LUNA, neque cum oratoribus Gallicis ſive per ſe, ſive per interpoſitam perſonam. Cujus quidem præcepti nullitas & iniquitas manifeſtè patet. Primò quia cum ex voto & juramento ſunt aſtricti nihil omittère de contingentibus neceſſariis vel quomodolibet opportunis, ſeu utilibus ad ſanctam unionem, quæ obtineri & perfici non poteſt, niſi habendo tractatus & colloquia cum altera parte, & cum nunciis ad hoc miſſis, maxime cum per vos, Beatiffime Pater, ad hoc tractandum fuerunt acceptati, & præceptum manifeſte eſt contra dictam obligationem, juramentum & votum, & per conſequens nullum & injuſtum. Item, quia præceptum hoc eſt contra caritatem, in qua qui non manet cum Deo non manet. Et quia quilibet fidelis chriſtianus tenetur quantum poteſt errantes ab erroris ſemita revocare, quod utique fieri non poteſt abſque participatione & colloquio. Non ergo debuit prohiberi, maxime talibus viris, quorum officium eſſe debet revocare Chriſtianos ab hæreſibus & ſciſſuris. Quare, Beatiffime Pater, præfati S. R. E. cardinales & ſervitores veſtri cum omni reverentia & humilitate exponunt & dicunt talia præcepta eſſe nulla, & de jure nullatenus eos adſtringi ad obſervantiam ipſorum. In quantum autem fortè forent aliqua ſeu alicujus roboris vel momenti, dicunt ipſa fuiſſe & eſſe iniqua & injuſta; & ſe ex dictis præceptis fuiſſe & eſſe gravatos contra omnem juſtitiam & debitum juris, & ab ipſis præceptis ac omnibus aliis gravaminibus poſt prædicta fortè ſecutis: & ſi qua in poſterum ſequuntur, præfati cardinales quantum eis licet, & quantum poſſunt, provocant & in his ſcriptis appellant. Et

primò quia ratio appetitu noscitur esse superior, intellectus dominari sensibus, à vobis, Pater Beatissime, irrationabiliter & secundum non rectam informationem decernente, ad vosmet secundum rectam rationem & melius informatam. Item, si personarum distinctio requiritur, à vobis, Pater sanctissime, ejus vicario ad dominum nostrum JESUM-CHRISTUM, qui judicaturus est vivos & mortuos & sæculum per ignem. Item, ad generale concilium, à quo & in quo solent gesta summorum pontificum, quæcumque judicari possunt, decerni & judicari. Item, ad papam & pontificem futurum, cujus est gesta inordinata sui prædecessoris in melius reformare.

Super qua appellatione cardinales antedicti apostolos instantè, instantius, instantissimè petunt sibi tradi & exhiberi debere, protestantes quòd hac eorum appellatione pendente nihil contra ipsos & in eorum præjudicium debeat quomodolibet attentari. Et quia in civitate Lucana eis non licebat sine maximo & eminenti suarum personarum periculo talem appellationem interponere & intimare: ideo ex tali justo metu distulerunt donec ad locum tutum devenerunt. Quare protestantur ne ex lapsu temporis præjudicium eis fiat. Quam quidem appellationem prædicti domini episcopi & abbates coram quibus, ut præfertur, interposita fuit, omnimoda via & forma quibus melius de jure poterunt, & prout admiserunt, pariter & admittunt; super quibus etiam omnibus & singulis prælibatis domini cardinales petierunt à nobis notariis infra scriptis fieri & confici unum vel plura publica instrumenta ad dictamen si expediret sapientis. Actum in civitate Pisarum anno, mense, ac indictione, pontificatu, & loco quibus supra, ac præsentibus testibus superscriptis.

- (a) QUÆDAM (a) DELIBERATA PER concilium Ecclesiæ Gallicanæ Parisius durante subtractione servanda circa quatuor. Primò circa absolutionem peccatorum reservatorum. Secundò circa dispensationes fiendas. Tertiò circa ministrationem justitiæ in appellationibus & aliis. Quartò circa distributionem beneficiorum ecclesiasticorum.

*Avisamenta super modo regiminis Ecclesiæ Gallicanæ durante neutralitate, deliberata & conclusa per concilium dictæ Ecclesiæ XXII. Octobris anno MCCCC. \* quarto.*

Anno 1408  
Ex ms.  
Gemmeti-  
censi.

ET primò quantum ad peccata & sententias à jure latas, quorum aut quarum absolutio est sedi apostolicæ reservata, absolvere potest pœnitentiarius sedis apostolicæ in foro conscientie tam exemptos quam non exemptos.

Item, si absolvendus in casibus suprascriptis nunc vel in posterum habeat impedimentum perpetuum aut temporale, vel fortè superveni-

[a] Inter probationes libertatum Ecclesiæ Gallicanæ hæc anno 1408, deliberata referuntur, non tamen omnia, sed ea dumtaxat quæ hic *Transfuit in forma* dicuntur.

ret causa propter quam non deberet ad dictum pœnitentiarium haberi recursus, talis si fuerit non exemptus, per proprium episcopum poterit absolvi, cum injunctio quòd, quamcitò commodè poterit, conspectui illius adquem est absolutio reservata repræsentet, &c. Si autem fuerit exemptus qui ex privilegio vel aliàs habeat superiorem in eum potestatem episcopalem exercentem; per illum: si autem non habuerit, per episcopum ordinarium absolvi poterit in forma suprascripta. *Transfuit per concilium in forma.*

Item, si fuerit sententia excommunicationis à papa lata, auditore, vel delegato, aut subdelegato sedis apostolicæ, propter cujus absolutionem esset ad excommunicatorem habendus recursus: sive exemptus, sive non exemptus, hoc tempore durante, per loci ordinarium potestatem episcopalem habentem absolvi poterit in foro conscientie, ut in articulo præcedenti, cum sit impedimentum quominus ab excommunicatore absolvi valeat juxta caput *Eos qui. de sent. excommunicationis lib. vi. ibi sive hominis.* In foro verò contentioso fiet absolutio per ordinarium quoad non exemptos, per judices de quibus infra dicetur, vocata parte, ubi de jure fieri debet. *Transfuit in forma.*

#### *De dispensationibus fiendis.*

Item, si super defectu ætatis quoad ordines sacros citra episcopatum, & quoad dignitates & beneficia curata, citra tamen majores dignitates post episcopalem in cathedralibus, aut principaliores in ecclesiis collegiatis, in quo etiam tenent aliqui doctores, quòd episcopi pro necessitate valeant dispensare, dispensent episcopi cum graduatis & nobilibus de duobus annis tantummodo, ubi secundum Deum & justitiam, causæ cognitione præmissa viderint expedire. *Concilium remittit ad jus commune.*

Item, super defectu natalium quoad ordines sacros, dignitates, & beneficia curata, dispenset pœnitentiarius in casibus, in quibus dispensare consuevit. Alias si non posset, satis tolerandum videtur quòd episcopi pro utilitate Ecclesiæ cum nobilibus & graduatis dispensare valeant, causæ cognitione præmissa, & capituli sui vel majoris partis adhibito consensu, majoribus tamen dignitatibus post episcopalem in cathedralibus & collegiatis ecclesiis exclusis. *Ad jus commune remittit.*

Item, super irregularitate propter violationem censuræ ecclesiasticæ, dum tamen non fuerit ex contemptu, si sit casus super quo pœnitentiarius sedis apostolicæ consueverit jure suo dispensare, ad eum habeatur recursus. Si verò non possit haberi, vel si causa superveniret propter quam non esset dictus pœnitentiarius adeundus, dispensent episcopi, & cum episcopis & etiam cum exemptis dispensent superiores potestatem episcopalem habentes in absolvendo, nisi fuerit scienter facta violatio censuræ interdicti generalis, quo casu dispensandus adhuc



poterit expectare. *Transiit in forma.*

Item, super irregularitate quæ propter crimen, quod etiam post pœnitentiam impedit executionem officii, ut in homicida, simoniaco in ordine, & similibus, vel propter mutilationem membri, vel iudicium sanguinis incurritur. Si sit casus in quo pœnitentiarius prædictus posset jure suo dispensare, ad eum super hoc recurratur, aliàs expectet dispensandus. *Transiit in forma.*

Item, quoad impedimenta matrimonii usque ad quartum gradum consanguinitatis vel affinitatis: si pœnitentiarius sedis apostolicæ in hoc consueverit & valeat jure suo dispensare, ad eum recurratur. Si autem magna reipublicæ utilitas exigerit fortè cum aliquo rege vel principe dispensandum super hoc; tunc causæ cognitione præmissa, concilium provinciale, citra tamen casus lege divina prohibitos, valeat dispensare, & etiam de quarto gradu cum illis quibus viderit dispensandum. *Transiit in forma.*

Item, circa impedimenta matrimonii provenientia propter cognationem spiritualem, videtur satis tolerabile hoc tempore durante, quod concilium provinciale cum magnis nobilibus inter susceptum & filium susipientis valeat dispensare. *Transiit in forma.*

Item, de impedimento proveniente propter publicæ honestatis justitiam, satis tolerandum videtur, quod concilium provinciale valeat dispensare in tertio & quarto gradu. *Transiit in forma.*

Item, quoad illa quæ concernunt episcopos & majores, sicut electiones episcoporum per suos archiepiscopos, vel, sede Metropolitana vacante, per capitulum ecclesiæ Metropolitanæ possunt de jure confirmari: sic electiones archiepiscoporum per suum primatem, si habeant, aliàs si non habeant, aut dubitetur qui sit ille, per suffraganeos provinciæ congregatos poterunt confirmari, & etiam approbari, juris solemnitate servata: ad quos etiam dicti archiepiscopi consecratio indubitanter noscitur pertinere: sed pallii receptionem expectabit sic promotus, nisi sit aliquis à quo possit recipere pallium. *Transiit in forma.*

Item, quoad defectus qui concernunt personas episcoporum vel promovendorum ad dignitates episcopales vel majores, si assumendus ad episcopatum aut archiepiscopatum patiatur in ordine defectum, attento quòd infra breve suppleri valet hujusmodi defectus, & quòd aliqui doctores renuerunt etiam per alium quàm per papam posse super hoc dispensari, satis tolerandum videtur quod hoc tempore durante per superiorem immediatum valeat super hoc dispensari. *Ad jus commune remittit concilium.*

Item, si promovendus ad episcopatum aut archiepiscopatum patiatur in ætate defectum, cum tali nullatenus dispensetur, nisi fortè sit talis persona quæ sit in sacris, & in ætate sacerdotali constituta, & regem in secundo aut tertio gradu consanguinitatis attingat: quo casu poterit cum tali per concilium Ecclesiæ Gallicanæ, aut per provinciale concilium loci pro Ecclesiæ

A utilitate, & causæ cognitione præmissa, dispensari. *Concilium remittit ad jus commune.*

Item, si aliquæ dispensationes super pluralitate beneficiorum, defectu natalium, vel ætatis, vel super impedimento matrimonii contrahendi, aut aliàs per PETRUM DE LUNA ante tempus publicationis neutralitatis repertiuntur cum aliquibus esse factæ, etiamsi tunc vel modo nondum suum sint sortitæ effectum, auctoritate hujus concilii ratæ maneant, & per ordinarios locorum vel executores datos ad dictas dispensationes exequendas valeant secundum suum tenorem auctoritate hujus concilii executioni debitæ demandari, dum tamen non sint personæ, quæ de fautoria schismatis comperiantur esse culpabiles. *Transiit per concilium in forma.*

Item, die xxv. Octobris dicti anni ccccviii. dictum concilium voluit & ordinavit, quòd quæcumque dispensationes super quibuscumque materiis vel aliis concessæ per dictum PETRUM DE LUNA, ante tamen datam illarum nefandarum litterarum, dum tamen per ipsas subtractioni aliàs factæ aut conditionibus positæ in restitutione vel neutralitate præsentialiter currenti præjudicium non afferant, valeant & teneant, & ipsis uti & gaudere possint dispensati, auctoritate tamen hujus concilii & non aliàs, etiamsi super hoc litteræ non fuerint confectæ, dum tamen valeant probari per testes aut alia legitima documenta. *Transiit.*

#### *De ministracione justitiæ.*

Primò archiepiscopi teneantur quolibet anno certo tempore advisando per se, vel, si fuerint legitimè impediti, per alium celebrare concilium provinciale in tali loco suæ provinciæ, quo reperiri valeat sufficiens copia peritorum, in quo etiam ipsi & suffraganei ac eorum quilibet, cessante legitimo impedimento, in suis propriis personis teneantur interesse, & persistere, ac negotiis expediendis efficaciter intendere. Et similiter si qui sint qui ad hoc consueverint vocari & debent de consuetudine, vel aliàs eisdem conciliis interesse. *Transiit.*

Item, si propter legitimum impedimentum, de quo se excusare tenebuntur, non possent in sua propria persona eisdem conciliis interesse, eo casu idoneos & litteratos viros cum potestate sufficienti ad eadem concilia pro se suis propriis expensis mittere teneantur, qui ea possint & valeant facere & expedire, quæ ipsi facere possent & deberent, si præsentialiter interessent. *Transiit in forma.*

Item, si domini archiepiscopi vel episcopi hoc non adimpleverint, puniantur pœna juris. *Transiit in forma.*

Item, si aliquis archiepiscopus renuerit vel distulerit concilium provinciale convocare, episcopus inter suffraganeos decanus, vel habens aliam præminentiam inter eos præsens in provincia, vel si in provincia non sit talis aut dubitetur quis sit ille, antiquior creatione possit & teneatur concilium convocare, & in eo præ-



fidere sub poena juris. *Transiit in forma.*

Item, in isto presenti concilio Ecclesie Gallicane ordinabitur de tempore & loco pro primo provinciali concilio celebrando in qualibet provincia, & in dicto primo concilio provinciali ordinabitur de sequenti, & sic deinceps. *Remittitur pro anno presenti propter concilium generale.*

Item, quodlibet concilium provinciale durabit per mensem ad minus: ante cujus lapsum non poterunt concilium celebrantes sine magna & urgente causa recedere, nisi prius negotia ibi tractanda fuerint expedita. *Transiit in forma.*

Item, quia in dicto provinciali concilio comparentes, etiam si fuerint numero minores illorum qui debent concilium celebrare: nihilominus dictum concilium celebrare & statuere statuenda in eo possint & valeant, aliorum absentia non obstante. *Transiit in forma.*

Item, quod in dictis conciliis provincialibus fient debite correctiones & reformationes, & quæ juris sunt; & si quis conqueratur de archiepiscopo ibidem, de hoc statim sine alia citatione auctoritate hujus concilii cognoscatur & iudicetur, pro ut majori parti fiendum videbitur. Si vero contra episcopum agatur, terminabitur, concilium provinciale quasi loco papæ poterit diffinire. *Remittit ad jus commune.*

Item, de cetero celebrentur capitula generalia monachorum Ordinis S. Benedicti & canonicorum regularium, secundum juris formam & statuta concilii generalis & sanctorum patrum, ad quod per suos ordinarios viriliter astringantur tam exempti quam non exempti, prout in jure noscitur esse cautum. *Transiit in forma.*

Item, in presenti concilio ex nunc deputentur præfidentes pro singulis provinciis, qui prima concilia seu capitula generalia monachorum nigrorum & canonicorum regularium valeant convocare, & eis præsidere, & cetera peragere ad hæc necessaria ac etiam opportuna. *Transiit in forma.*

Item, quia difficile est aliquibus propter temporis malitiam, viarum discrimina & locorum distantiam, limitationem provinciarum secundum ordinationem bonæ memoriæ domini papæ Benedicti xii: qui communiter duas provincias, ut Rotomagensis & Turonensem in unum conjunxit, de presenti observare, dispensetur & permittatur, quod quælibet provincia vulgari opinione & reputatione sic reputata, si velit, hoc tempore durante per se hujusmodi capitula ac secundum formam juris valeat celebrare. *Transiit in forma.*

Item, fiant appellationes per media & gradatim coram ordinariis, prout infra declaratur, nisi sit consuetudo in contrarium, aliter factæ non valeant, utpote de archidiacono ad episcopum, de episcopo ad archiepiscopum, de archiepiscopo ad primate, si quem habeat, etiam ad seipsum ut primate, si archiepiscopus fuerit & primas, & de archiepiscopo primatem non habente, vel ubi est dubium an habeat primate, vel qui sit ille ad concilium provin-

ciali, & à primate ut primate ad concilium provinciale suæ provincie. Et si causa exordium haberet coram archiepiscopo superiore non habente, vel propter appellationem primo loco ad eum interpositam, procederetur in causa coram eo: Et si fortè ab eo ad concilium provinciale contingeret appellari, cum eo casu possit iterum appellari, concilium dabit commissarium vel commissarios ad cognoscendum & diffinendum de causa à quorum commissariorum sententia si fuerit appellandum, ad concilium item poterit appellari. Quod rursus ubi opus erit, poterit dare commissarium aut commissarios pro finali terminatione negotii, vel per se terminare & sententiam executioni facere demandari, dum tamen fuerint tres sententiæ conformes, & duæ appellationes, vel altera sententiarum in rem transiverit judicatam. *Transiit in forma.*

Item, si contigerit appellari à iudice superiore non habente, vel de quo sit dubium an habeat, si per iudicem à quo appellans fuerat excommunicatus, propter periculum animarum quod immineret expectando concilium provinciale, decanus episcoporum vel antiquior creatione præsens in provincia poterit talem excommunicatum absolvere ad cautelam, in forma juris parte vocata. *Transiit in forma.*

Item, si à vices gerente alicujus conservatoris habentis conservatoriam perpetuam auctoritate apostolica dati fuerit appellandum, ad dictum conservatorem poterit appellari, qui etiam, si placet, causam appellationis alicui committere poterit, à quo etiam, si sit opus, poterit ad dictum conservatorem iterum appellari, & iterum per eum alteri committi: & si conservator per se cognoscat de causa, & ab eo fuerit appellandum, ad concilium provinciale loci, loco sedis apostolicæ, poterit appellari: quod concilium etiam dare poterit commissarios, & procedere sic & taliter quod habeantur tres sententiæ conformes, & duæ appellationes, prout in superioribus fuit dictum. *Transiit de conservatoris perpetuis concessis ante datam nefandarum litterarum.*

Item, in conciliis provincialibus, quando ibi fuerit procedendum, procedatur, quantum commodè fieri poterit, summarie & de plano. *Transiit in forma.*

Item, si causa inchoata in uno concilio provinciali non possit ibidem totaliter expediri, dabuntur à præfidente cum deliberatione majoris partis commissarius vel commissarii qui cognoscent & procedent in causa juris ordine servato, & secundum formam juris vel alias à concilio præfigendam. *Transiit in forma.*

Item, commissarius vel commissarii cum eos vel eum contingerit propter causam sibi commissam extra domicilium proficisci, habebunt à partibus expensas arbitrio concilii provincialis moderandas: Et si non proficiantur, ad instar emolumenti sigilli ordinarii, sint sui sigilli emolumento contenti. *Transiit prout de jure.*

Item, appellatione interposita ad concilium

provinciale, tenebitur appellans citationem impetrare, & facere exequi infra duos menses à tempore appellationis interjectæ numerandos, alias pro deserta habeatur. Sic tamen quod appellatus à die concessionis apostolorum habeat unum mensem ad comparandum in provinciali concilio, quam citationem impetrabit à decano episcoporum seu habente præminentiam inter eos; vel si non sit talis in provincia, vel dubitetur qui sit ille, ab antiquiore creatione ut supra, vel committendo seu committendis qui ad hoc in primo provinciali concilio poterunt deputari. *Transvit in forma.*

Item, quod appellationi ad sedem apostolicam interjectæ non deferatur, & talis appellatio auctoritate hujus concilii Ecclesiæ Gallicanæ, hoc tempore durante, declaretur esse nulla. *Transvit in forma.*

Item, quod omnia & singula supradicta & sequentia auctoritate hujus concilii ordinentur & statuantur, & perpetuam obtineant roboris firmitatem. *Transvit in forma.*

Item, sic provideatur & fiat quod ad forum sæculare de prædictis nullo modo causæ cognitio transmittatur, sed potius executio, cum brachium sæculare fuerit invocandum. *Transvit in forma.*

Item, de litigiis in curia Romana coram auditoribus vel aliis, aut in partibus coram executoribus vel iudicibus delegatis pendentibus indecis, si altera partium hoc requirat, coram iudice ordinario procedatur in eo statu in quo lis pendebat, nisi fuerit ab eo appellatum: quo casu ad proximum superiorem recurratur. Et si fuerit appellandum, ad proximum superiorem appelletur, sicut supra dictum est in articulis loquentibus de appellationibus. *Transvit in forma.*

Item, si aliqua partium non habeat jura seu munimenta sua, & velit à notariis seu aliis quibuscumque ea detinentibus recuperare, detinentes per iudicem causæ ea tradere compellantur, & in subsidium invocabitur brachium sæculare, Si verò munimenta necessaria diligenter super hoc adhibita, de quo legitimè constet haberi non possint, à processu coram iudice superseatur, donec potuerint haberi. *Transvit in forma.*

Item, quia forsan multæ sententiæ definitivæ & interlocutoriæ fuerunt latæ in curia Romana antequam neutralitas in dicta curia esset nota, quod hujusmodi sententiæ quarum processus erant inchoati ante datam nefandarum illarum litterarum latæ, etiam infra mensem à die publicationis neutralitatis computandum, auctoritate hujus concilii, & non alias valeant, & per ordinarios aut alias executioni demandentur, dum tamen subtractioni alias factæ, & conditionibus appositis in restitutione ac neutralitati præsentis nullatenus præjudicetur. *Transvit in forma.*

Item, quod in monasteriis seu abbatibus exemptis, pendente neutralitate, electi possint & teneantur confirmationes & benedictiones suas recipere à diocesanis episcopis, sine præjudicio exemptionum suarum pro futuro tempore, &

A quod hoc expresse ponatur in litteris super hoc conficiendis, nisi confirmationem & benedictionem ex privilegio eis concessa ab aliis recipere possint. *Transvit in forma.*

Item, postea fuit deliberatum quod in causis procedatur secundum dispositionem juris communis, non secundum regulas cancellariæ, nisi sint conformes juri communi. *Transvit in forma.*

Isti articuli sequentes pro exemptis fuerunt conclusi, &c. ut in spicilegii tom. 6. p. 166.

*Circa modum providendi beneficiis & circa distributionem eorundem.*

**P**rimò circa electiones, postulationes, & collationes, fiant ut jura volunt, omni abusu sæcularium vel magnatum & oppressionibus quibuscumque cessantibus, & factæ de procurante vel ratum habente talia fieri non valeant, nec confirmantur. Et si contra electionem vel postulatum talia opponantur, superior cognoscat. *Transvit in forma.*

Item, si de electione archiepiscopi superiorem non habentis, vel quando est dubium an habeat superiorem, vel quis sit ille, vel si de electione primatis agatur; concilium provinciale cognoscat, & si sit opus confirmet, ad quod suffraganeos & alios convocare tenebitur decanus episcoporum seu habens præminentiam inter eos: vel si non sit talis, aut dubitetur quis sit ille, antiquior creatione præsens in provincia, nisi inter quatuor menses debeat sequi concilium ordinatum: Ita tamen quod contra electum vel postulatum non currat tempus juris. *Transvit in forma.*

Item, in casu videlicet, quando de confirmatione archiepiscopi primatem non habentis, vel ubi dubium est an habeat superiorem, vel quis sit ille, vel quando de confirmatione primatis agitur, decanus episcoporum, sive habens præminentiam inter eos, vel si non sit talis, vel dubitetur quis sit ille, antiquior creatione faciat processum & edicta, & referat ad sæpèdictum provinciale concilium, in quo dictus decanus, vel habens, &c. vel antiquior creatione præsens in provincia præsidebit, & dictum concilium confirmabit vel infirmabit prout de jure.

Item, collationes & institutiones aliorum quorumcumque beneficiorum fiant per ordinarios ad quos de jure vel consuetudine pertinere noscuntur, personis tamen idoneis. *Transvit in forma.*

Item sicut sæculares nominabuntur in rotulo Universitatis, sic etiam regulares seu religiosi nominentur, ut eis de beneficiis regularibus debeat provideri. Quantum ad religiosos recurratur ad abbates vel superiores, & provideant auctoritate concilii, aut concilium providebit, si non provideant. *Transvit in forma.*

Item, dignitates, personatus, & administrationes, aliaque beneficia quæcumque electiva, tam in cathedralibus quàm in collegiatis ecclesiis dimittantur electoribus, qui ad eas seu ea viros idoneos eligere teneantur. *Transvit in forma.*

Item,

Item, ad evitandum fraudes & ambitiones aliquorum qui possent diversis rotulis diversorum studiorum aut dominorum, vel unius studii seu unius principis imponi, & per hoc occupare multa loca personarum idonearum, rationabile est quemlibet unico rotulo dumtaxat inscribi. Quod si aliquis de facto diversis imponeretur rotulis, talis infra mensem à tempore nominationis habeat se ad unum illorum rotulorum determinare, non habiturus regressum ad alterum; quod si non, & scienter, sit ipso facto privatus ambabus nominationibus. *Concilium relinquit communi dispositioni collatorum.*

Si verò alicui nominato provideatur per ordinarium, seu jure ordinario, vel aliàs de aliquo beneficio incompatibili, tunc per assencionem beneficii incompatibilis aliàs quàm causa permutationis, suæ nominationi renunciassè censetur quoad incompatible beneficium ejus virtute assequendi. *De jure est.*

Item, & quòd dictæ nominationes fiant cum decreto, ita quòd collatio seu præsentatio & quidquid contra præmissa aut aliquod vel aliqua ex eis fuerit factum, non valeant. Primò sint ipso facto nulla omnia quæcumque fuerint in contrarium attentata. *Transivit in forma.*

Item, quod in nominationibus fiendis fiat mentio per nominandos de beneficiis obrentis, & de numero ac valore ipsorum in portatis, aliàs nominatio censeatur subreptitia. *Transivit in forma.*

Item, quòd si nominati beneficia sub nominatione sua cedentia non acceptent, vel declarent infra mensem à tempore notitiæ vacationis in loco, se ea nolle habere: patroni seu collatores ex tunc poterunt liberè præsentare & conferre. *Transivit in forma.*

Item, quòd non provideantur nisi neutralibus, nec illis de quibus erit dubium, donec sint declarati neutrales. *Transivit in forma.*

Item, quòd non nominetur habens beneficia valentia cccc. libras Turonenses in portatis: & si contrarium fiat, nominatio, collatio, & quidquid in contrarium factum fuerit sint ipso facto nulla, nisi fuerit nobilis ex utroque parentum, vel in theologia, jure canonico, vel civili, aut in medicina licentiatus, aut in theologia bachelarius formatus, aut de magistris requestarum regis clericis, aut eleemosynarius, medicus, aut primus capellanus regis, reginæ, domini delphini & dominorum ducum. *Remittitur ad collatores.*

Videtur etiam quod non deberent nominari habentes tres præbendas in ecclesiis cathedralibus, nisi sic quod per assencionem alicujus beneficii virtute suæ nominationis unam de tribus præbendis dimittere tenerentur infra mensem, nisi fortè esset nobilis ex utroque parentum, vel in theologia, jure canonico, &c. ut in articulo præcedenti. *Remittitur ad collatores.*

Item, si qui post obtentam nominationemprehendantur alteri contendendum obedientiam præstitisse vel præstare, ipsa nominatione & beneficiis virtute nominationis hujusmodi obtentis privati sint ipso jure, & contra præstantes

*Theauri Anecdor. Tom. II.*

obedientiam hujusmodi fiant, processus auctoritate hujus concilii, prout durius fieri poterit. *Transivit in forma.*

Item, quòd permutationes beneficiorum per PETRUM DE LUNA ante tempus publicationis litteræ, &c. debite factæ & etiam receptæ & quæ quoad possessionem non sunt sortitæ suum effectum, possint & debeant auctoritate hujus concilii ad effectum perducì per ordinarios, dum tamen non sint fautores dicti PETRI DE LUNA, & consentiant partes juxta opinionem aliquorum. *Transivit in forma.*

Item, si qui ante tempus datæ litterarum ipsarum PETRI DE LUNA gratias expectativas habuerint in rotulis universitatum aut alias, quorum bullæ & processus facti fuerint ante tempus dictum, & post datam ipsarum litterarum, ante tamen neutralitatem, virtute ante dictarum litterarum beneficia acceptaverint, & sibi provideri fecerint, si competitorem habeant, coram ordinariis super talibus habeatur recursus, qui auctoritate hujus concilii cognoscere habeant, & fiat partibus justitia. *Transivit in forma.*

Item, si contingat aliquos sua beneficia coram ordinariis permutare, collationes hujusmodi non computentur in turno collatoris sive patroni, cum non sit liberum nominatis talia beneficia causa permutationis vacantia acceptare, nec collatoribus sit liberum aliis quàm permutantibus ea conferre. *Transivit in forma.*

Item, fiat articulus quod si unus nominatorum nolit beneficium vacans acceptare, alius post eum ad eandem collationem nominatus illud expectare valeat, dum tamen infra mensem super hoc suam declaret voluntatem, & in uno articulo superius fuit dictum. *Transivit in forma.*

Item, ad tollendas fraudes quas collatores facere possent, procurando quòd unus nominatorum unum modicum beneficium vacans acceptaret, ut fortè dare posset in turno suo unum grossum & pingue beneficium quod in proximo vacare speraretur, adviseretur de remedio, puta quod beneficium de tali modico valore videlicet centum solidorum non computetur in turno, nec impediatur quin nominandus beneficium proximè vacans valeat acceptare, vel alias adviseretur super hoc si sit opus. *Provideant collatores.*

Item, quod nominatus & quicumque alius non possit aut debeat prælatum & collatores molestare de sibi conferendo beneficium in turno prælati, & quod si per se vel alium preces importunas super hoc apud regem vel dominos impetraverit, vel statim quod ad ejus notitiam venerit, ab hujusmodi precibus non destiterit cum effectu, cadat à jure nominationis suæ, & ad sequentem nominatum jus suæ nominationis ipso facto transferat. *Transivit in forma.*

Item, quoad capitula, ubi hebdomadarii conferre habent vel præsentare in terminis suis ipsis nominatis, in locis assignatis conferat aut præsentet capitulum nominato, reservando subsequens beneficium illi qui erat in turno suo. *Transivit in forma.*

Vuuu

L I T T E R A J A N U E N S I U M  
de neutralitate seu de non obediendo  
alteri contendendum de papatu.

Anno 1408  
Ex ms.  
Gemmeti-  
censi.

**U**Niversis has visuris pateat quod nos JO-  
HANNES le Maingre, dictus *Bouciquault*  
marescallus Franciæ locum tenens regius &  
Januensium gubernator pro serenissimo rege  
Francorum domino Januæ, consilium ancia-  
norum, & officium provisionis civitatis Januæ,  
optantes summopere videre in Dei Ecclesia  
sanctissima unionem, receptis quanta decet re-  
verentia, & diligenter inspectis litteris patenti-  
bus regiis, & aliis clausis per eundem serenissi-  
mum & supremum dominum nostrum devo-  
tioni nostræ directis, datis Parisius die XII. Ja-  
nuarii proximè elapsi, continentibus se non sine  
maturo & tantæ rei convenienti consilio viam  
neutralitatis in prosecutione sancti præsentisque  
operis unionis Ecclesiæ amplecti, decrevisse in  
festo Ascensionis Dominicæ proximè lapso, ut  
denegatio obedientiæ utrique contendendum  
de papatu afferat Christi fidelibus tandem per-  
petuam & salutiferam Ecclesiæ ipsius unionem,  
nec minus causas urgentes motusque laudabiles,  
qui pietatem regiam ad viam ipsam eligendam  
decernendamque impulerunt. Et auditis his quæ  
super hoc venerabilis dominus magister Petrus  
*Plaout* orator regius nobis eloquenter exposuit,  
exhortando nos pro parte regia, sicut & per  
dictas clausas litteras exhortamur, quod viam  
ipsam neutralitatis tamquam præparatoriam &  
apertissimam dictæ unioni similiter amplecti vel-  
lemus: continuo ut super hac tam grandi re  
maturè deliberare possemus, doctores melio-  
resque cives cum principalibus cleri Januensis  
coram nobis congregari fecimus, & re ipsa illis  
pandita, datoque cogitandi aliquo dierum spa-  
tio, tandem cum ipsorum civium ac cleri con-  
cordi consilio & deliberatione matura, in Dei  
nomine viam ipsam neutralitatis amplecti, regia  
imitando laudanda vestigia, & tenere decer-  
nimus, sperantes in Christi Salvatoris nostri mi-  
sericordia, quod via ipsa sicut ab animorum  
nostrorum sinceritate procedit, ita erit saluti-  
fera toti christiano populo, horrendum schisma  
conteret, pacem tantis expectatam desideriis  
jamdiu ab Ecclesia exulantem restituet, & pa-  
riet ecclesiasticam unionem. Mandamus omni-  
bus & singulis regis subditis nostro subjectis  
regimini, quatenus dictam neutralitatis viam,  
neutri in papatu contendendum obediendo, am-  
plectantur & teneant. In quorum omnium te-  
stimonium & fidem præsentis litteras fieri fe-  
cimus, sigillique nostri impressione muniri.  
Datum Januæ anno Domini millesimo quadrin-  
gentesimo octavo die XXI. Julii.



S E Q U U N T U R A L I Q U Æ  
propositiones utiles ad exterminationem præ-  
sentis schismatis per viam consilii, traditæ  
per episcopum Cameracensem.

I. **I**N unitate capitis Christi plenè & perfectè  
consistit unitas corporis mystici totius Ec-  
clesiæ Christianæ juxta illud apostoli, Christus  
est caput Ecclesiæ, & illud Ber. omnes unum  
corpus sumus in Christo.

Tempore  
concilii Pi-  
sani ex ar-  
ticulo ul-  
timo.  
Ex ms.  
Gemmeti-  
censi.

II. Licet papa in quantum Christi vicarius  
quodammodo dici possit caput Ecclesiæ, tamen  
Ecclesiæ unitas non necessario dependet, aut  
originaliter ab unitate papæ. Patet ex prima,  
& etiam quia nullo existente papa semper Ec-  
clesia remanet una, juxta illud in canticis: Una  
est columba mea, & illud Symboli, unam san-  
ctam & apostolicam Ecclesiam.

III. A Christo capite ejus corpus mysticum,  
quod est Ecclesia originaliter, & immediatè po-  
testatem habet & auctoritatem ad suam unita-  
tem conservandam, ut ritè valeat seipsam ad ge-  
nerale concilium ipsam repræsentans congre-  
gare. Patet ex illo verbo Christi: *ubi duo vel  
tres congregati fuerint in nomine meo, ego in medio  
illorum sum.* Ubi attendendum est quod non  
dicit in nomine Petri, vel in nomine papæ, sed  
in nomine meo, dans intelligere quod ubicum-  
que ac à quocumque congregentur fideles, dum  
tamen fiat in nomine suo, hoc est in Christi fide,  
& pro Ecclesiæ suæ unitate, ipse assistit eis tam-  
quam director & infallibilis rector.

IV. Non solum auctoritate Christi, sed etiam  
communi jure naturali præmissam potestatem  
habet corpus mysticum Ecclesiæ Dei. Patet  
quia quodlibet corpus naturale naturaliter re-  
sistit suæ divisioni & destructioni, & sicut corpus  
animatum naturaliter congregat omnia mem-  
bra, omnesque vires suas ad conservandum suam  
unitatem, & repellendum suam divisionem:  
simili quoque modo & quodlibet corpus civile,  
seu civilis communitas vel politia rectè ordinata;  
ideoque corpus spirituale seu mysticum Ecclesiæ  
christianæ quod ordinatissimè compositum est,  
propter quod Ecclesiastica politia in Canticis  
describitur velut castrorum acies ordinata, si-  
mili jure uti poterit ad suam unitatem conser-  
vandam, & quamlibet schismaticam divisionem  
repellendam, tamquam suæ ordinatæ compo-  
sitionis destructivam.

V. Præmissa auctoritate & auctoritativa po-  
testate usa fuit primitiva Ecclesia. Patet quia in  
actibus apostolorum quatuor leguntur concilia  
generalia congregata, & non habetur quod  
auctoritate Petri fuerint convocata, sed com-  
muni consensu Ecclesiæ; & in uno concilio Je-  
rosolymis celebrato non Petrus, sed Jacobus  
illius loci episcopus legitur præfuisse, & senten-  
tiam protulisse.

VI. Post incrementa nascentis Ecclesiæ pri-  
mitivæ præmissa auctoritas & potestas congre-  
gandi generalia concilia rationabiliter limitata  
fuit & restricta, sic scilicet quod sine auctori-



tate papæ nulli liceret hujusmodi concilia congregare. Patet ex juribus communibus quæ habentur in decreto & decretalibus. Et ratio fuit, ut honoraretur sedes apostolica, & ut obviretur hæreticis vel schismaticis, qui quandoque ad libitum per potentiam principum sæcularium concilia vocari & congregari procurabant ad suorum errorum fulcimentum.

VII. Præmissa limitatio seu restrictio non tollit, quin prædicta auctoritativa potestas semper absolutè remaneat in ipsa universali Ecclesia. Patet quia jura positiva non possunt ab Ecclesia absolute tollere illam potestatem, quæ ei competit divino ac naturali jure.

VIII. Non obstante limitatione seu restrictione præmissa, in certis casibus Ecclesia sine auctoritate papæ potest generale concilium celebrare. Patet ex prædictis, & etiam quia illud quod est in favorem Ecclesiæ introductum, non est in ejus damnum & grave periculum observandum. Sed prædicta limitatio seu restrictio, quæ in favorem Ecclesiæ jure positivo legitur introducta, ut dictum est, posset in certis casibus eidem gravissimè præjudicare, & specialiter possunt tres casus assignari. Primus est, si vacante sede occurreret hæresis, vel alia Ecclesiæ persecutio, cui esset per generale concilium obviamandum. Secundus est, si in casu necessitatis vel manifestæ utilitatis vocandi concilium, papa esset furiosus aut hæreticus, vel alias ad hoc inutilis, aut insufficiens, vel si super hoc requisitus concilium convocare recusaret, aut damnabiliter negligeret. Tertius est, si plures essent contentendentes de papatu, ita quod nulli eorum tota obediret Ecclesia, nec ad alicujus eorum aut amborum simul vocationem compareret, sicut esse videtur in præsentis schismate. In his ergo aut similibus casibus clarè patet ex præmissis, quod absque auctoritate papæ posset & deberet etiam generale concilium celebrare.

IX. Jura positiva quæ communiter dicunt, quod absque auctoritate papæ non est fas generale concilium celebrari vel congregari, debent civiliter intelligi, scilicet quando est unicus papa concorditer ab Ecclesia receptus ad congregandum hujusmodi concilium, & currente evidente utilitate idoneus est paratus. Patet ex prædictis, & ex doctrina Aristotelis in Ethicis, ubi loquitur de Epicheia.

X. Pro sedando præsentis schismate absque papæ auctoritate, immo ipso contradicente, potest auctoritate universalis Ecclesiæ generale concilium congregari, & non solum per dominos cardinales convocari, sed etiam in casu per quoscumque fideles, qui vel auctoritativa potestate vel caritativa monitione scirent & posset ad executionem tanti boni coöperari. Patet ex præmissis, & etiam quia in tanta necessitate omnes fideles & specialiter majores & potentiores debent Ecclesiæ succurrere & malis ejus tam evidentibus celebrius occurrere. Possent autem ad præmissa rationes & auctoritates tam divini quàm humani juris induci; sed bene affectatis ista sufficiunt. Et in fundamento prædicto possent superædificari aliquæ aliæ propositiones

*Theauri Anecdor. Tom. II.*

A magis particulariter respicientes concilium nunc in civitate Pisana convocatum, quas dimitto: quia ita clare sequuntur ex præmissis, ut eas non sit necessarium bene intelligentibus amplius declarare.

#### RESPONSIO PER DOMINOS

cardinales obedientiæ Gregorii data ambaxiatoribus Venetorum & Florentinorum ad capitula tradita in scriptis per nobiles viros dominum Rossum Marino ambaxiatorem illustris ducalis domini Venetorum, & dominum Bartholomæum de Popenchis legum doctorem ambaxiatorem magnificæ civitatis Florentinorum, quæ sequuntur in hac forma videlicet.

Hæc est brevis nota eorum quæ dicuntur coram R. Papa & dominis dominis cardinalibus, &c. per dominum Rossum Marino ambaxiatorem illustris ducalis domini Venetorum, & dominum Bartholomæum de Popenchis doctorem ambaxiatorem magnificæ communis Florentiæ.

*Ex ms. Gemmeti-  
censi.*

Et primò quod dominus papa GREGORIUS notificavit per nuncium apostolicum præfato dominio Venetorum publicasse concilium generale in exarchatu Ravennateni vel patriarchatu Aquilegiensi in festo Pentecostes proximo, requirens præfatam illustrem dominationem Venetorum, de consilio & favore, & etiam de uno loco dicti domini Venetorum, in quo dictum concilium posset congregari.

Et similiter pro parte dictorum dominorum cardinalium scriptum fuit & notificatum per eorum litteras præfato illustri dominio quod publicaverant concilium generale tenendum per eorum collegium in annunciatione B. M. Virginis de mense Martii proximè futura, rogantes & exhortantes præfatum dominum, ut operaretur juxta posse quod dominus papa GREGORIUS veniret ad illum concilium, vel mitteret procuratorem suum ad solvendum debitum suum.

Unde consideratis prædictis visum fuit præfato dominio Venetorum, quod si teneretur dicta duo concilia separatim, erit materia novi schismatis potius quàm effectus unionis; & ideo deliberavit per proprium oratorem respondere tam domino papæ quàm præfato collegio, & insuper notificare idem præfato communi Florentiæ, & requirere magnificos dominos civitatis Florentiæ, ut vellent concurrere in eodem negotio, & transmittere oratorem proprium super hoc ad præfatum dominum papam & collegium dominorum cardinalium. Qui domini Florentini audita expositione ambaxiatæ factæ per oratorem præfati domini Venetorum, annuerunt requisitioni per eos factæ, & concorditer transmiserunt oratorem suum ad dominum papam, qui ambo ambaxiatores supradicti exposuimus præfato domino papæ infra scripta videlicet.

Quod placeret sanctitati suæ velle operari pro posse quod concilium tenendum per eum & per dictos dominos cardinales sit unum & idem,

V u u u ij

tam respectu loci quàm temporis, & non diversa; quia sic agendo erit unum generale concilium, & dabitur pax Ecclesiæ, aliàs est periculum inducendi novum schisma.

Respondit dominus papa quòd totis viribus intendebat ad unionem Ecclesiæ, & hac de causa indixerat concilium suum, & quòd concilium tenendum per eum erat verum concilium generale, & debebat præcedere tam ratione primitatis, quia primò indixerat concilium quàm dicti domini cardinales, quàm ratione potestatis, quia ad solum papam spectat convocare concilium, quàm etiam ratione ordinis, quia ipse caput & alii membra; & pro vera unionem erat paratus dimittere omnem injuriam sibi factam, & accipere & amplecti suos cardinales ad gratiam, & quòd possunt gaudere suis beneficiis, prout primò gaudebant ante suum discessum, & similiter recipere quemcumque venire volentem ad dictum concilium.

Hac responsione habita, nos ambaxiatores suprascripti replicavimus prout nobis fuit visum expediens. Et venimus ad præsentias reverendissimarum paternitatum vestrarum dominorum nostrorum cardinalium, & exposuimus illud idem quòd diximus domino papæ GREGORIO, scilicet ut vobis placeat velle quòd sit unum generale concilium, ut Ecclesia sancta Dei habeat quietem & pacem.

Respondent domini cardinales de collegio Italico de voluntate & assensu reverendissimorum dominorum cardinalium alterius collegii, olim nunc per Dei gratiam uniti ad prosequendam & perficiendam cum adiutorio Spiritus sancti fidelium christianorum extirpationem inveterati detestandique schismatis, & dandum pacem & unitatem, quantum in eis est, divisæ & laceratæ Ecclesiæ.

Et primò, quia dictum dominium Venetorum audita requisitione & precibus dominorum cardinalium deliberavit per proprium oratorem respondere dictis dominis, & requirere magnificum commune Florentiæ, ut vellet concurrere in eodem negotio, & mittere oratorem proprium tam ad ipsos dominos unicum & indubitatum collegium facientes, quàm ad dominum GREGORIUM: quòd realiter adimpleverunt, de quibus tam dicto ducali dominio, quàm dictæ magnificæ communitati Florentinæ, omnes domini gratias referunt, & rogant quòd velint in prosecutione tam pii & sancti operis usque ad finem firmiter & constanter persistere, cum domini sint parati quidquid rationabiliter possunt & debent usque ad mortem veraciter adimplere; & gaudent de præsentia vestrorum dominorum ambaxiatorum, quos sciunt viros notabiles & prudentes & affectatos ad bonum unionis Ecclesiæ.

Et antequam ad petitorum per vos responsionem perveniant, atque ad frivolarum domini GREGORII rationum solutionem; aliqua intendunt pro veritatis manifestatione & vos mittentium atque vestra summaria informatione præmittere. Dicunt igitur præfati domini, ad hoc ut rerum gestarum plenius veritas inno-

tescat, & cum magna & sincera fide notificant, quòd ex quo ipsi perpenderunt dominum GREGORIUM & BENEDICTUM de papatu ultra quàm expediret contententes, nolle venire ad viam mutæ cessionis per eos oblata, jurata, & voto multiplici roborata, ac ab omnibus Christi fidelibus approbata, nec in loco seu loca concordare, in quo seu quibus fieret partium conventio pro pace Ecclesiæ danda per viam antedictam & electionem unici veri & indubitati pastoris: quòdque ipsi duo contententes se invicem separabant, & transferebant ad loca valde remota, taliter ut de cetero, quantum ex facto ipsorum colligi poterat, de pace Ecclesiæ & extirpatione schismatis nulla spes haberetur: ipsi domini cardinales cum reverendissimis in Christo patribus dominis cardinalibus alterius partis se congregaverunt, & caritate sincera convenientes in unum communi assensu, & concordia per Dei gratiam ad invicem deliberatione fore necessarium perspexerunt, & ordinarunt, ut concilium generale utriusque partis & obedientiæ congregaretur in uno loco & termino: ad quòd concilium vocarentur & provocarentur prædicti duo de papatu contententes, & Ecclesiam in schismate in magnam Dei offensam tenentes. Non æstimantes ita de facili saltim propter simplices & vulgares aliter Ecclesiam posse uniri & schisma extirpari, attentis ipsorum duorum contententium indispositionibus, discordiis & subterfugiis illicitis & damnatis, ad hoc ut præsentem & approbante concilio renunciarent mutuo, aliàs provideret Ecclesia & concilium prout foret secundum Deum, divinas & canonicas sanctiones, meritò providendum.

Et cum ipsi duo contententes sciverunt concordiam, deliberationem, & ordinationem ipsorum dominorum cardinalium ad invicem unitorum, non contenti quòd ex ipsorum discordiis & separatione mutua pax Ecclesiæ erat evidenter, quantum ad eos pertinet, impedita: immò volentes impedimento perpetuo pacem Ecclesiæ in desperationem ponere & concilium generale utriusque obedientiæ impedire, quadam mutua collusionem, ut verissimiliter apparet, ad invicem habita, deliberaverunt sua particularia tenere concilia, immo potius conciliabula, in locis longa distantia separatis, terminis variis ac diversis: videlicet BENEDICTUS in festo omnium sanctorum proximè futuro in loco Perpiniani Elnensis diocesis regni Aragoniæ, & dominus GREGORIUS in festo Pentecostes tunc futuro in Ravennatensi, seu Aquilegensi patriarchatu, per quæ concilia sic tenenda divisim particularia seu ipsorum alterum schisma nullo modo extirpari valeret, nec optata haberi unio: immo potius impedimenta præstari, cum nec in ipsorum conciliorum altero, nec utroque haberet Ecclesia generaliter convenire, maximè quia cum plures sint ab obedientia & communione ipsorum duorum contententium subtracti noviter, seu neutrales effecti, ipsi ad eorum vocationem nullatenus venirent, seu in eorum conciliis interessent,

neque illa quæ in ipsis conciliis erant deliberata, seu eorum altero, aliquatenus acceptarent.

Item, dicunt quòd ipsi domini cardinales ad invicem sic uniti cum aliis dominis cardinalibus in prædicta deliberatione & ordinatione perseverantes, de generali concilio utriusque obedientiæ congregando in uno loco & termino, per quod potest evidenter schisma extirpari & unio haberi, subterfugiis ipsorum contententium vel alterius non obstantibus, ordinarunt concorditer, quod in hac civitate Pisana nominata, & aliàs oblata pro loco habili & idoneo ad mutuam partium conventionem per ipsos dominos GREGORIUM & BENEDICTUM teneatur generale concilium utriusque partis convocandum certo modo per ipsos dominos cardinales ad invicem unitos, ad xxv. Martii proximè futuri ad fines & effectus prædictos, cum insinuatione & solemni requisitione facienda & hodie facta in Senis, ipsis domino GREGORIO & BENEDICTO, ut ipsi concilio generali utriusque partis velut viæ ordinariæ in causa duorum contententium de papatu præbere habeant consensum & opem, & quod ipsi duo contententes in ipso concilio interfint, debitum suum facturi, & aliàs ut concordatum exitit, exhibituri. In quo casu honorabuntur, & securi manebunt, ut decet & convenit, exhibitis sufficientibus & honestis provisionibus, & super materia & via sic mature digesta & concordata direxerunt de omni communi assensu & deliberatione eorum patentes litteras & clausulas prælatis, regibus & principibus, & aliis quampluribus viris ecclesiasticis eorum partis & obedientiæ, notificantes pariter deliberationem prædictam & vocantes ad prædictum utriusque partis & obedientiæ concilium in loco & termino antedictis. Ex quo, operante Spiritus-sancti gratia, effectum est quòd omnes prælati, reges, & principes, & alii fideles, ad quos de hac via pervenit veridica relatio, illam approbant & extollunt, eamque parati sunt prosequi, illique præstare consilium, auxilium & favorem.

Item, dicunt quòd super prædicta via ordinaria maturè & sanctissimè deliberata & conclusa domini cardinales partis alterius de communi deliberatione eorum litteras clausas & patentes direxerunt BENEDICTO, per quas eidem notificant prædictam deliberationem, & requirunt quòd prædicto concilio generali utriusque obedientiæ præstet auxilium & opem, licet ex superabundanti & ad maiorem cautelam, & quòd in ipso concilio personaliter interfuit debitum suum exhibiturus, & speratur à multis quòd in prædictis non contradicet, sed potius suum præstabit assensum, cum huic viæ velut ordinariæ & necessariæ contradicere non possit, nisi inimicus Dei & Ecclesiæ, ab illius unitate & fide præcisus, & factus suis ambitionibus & erroribus alienus.

Item, dicunt & notificant quòd quamvis hæc notoria sint, & manifesta ipsis ambassiatoribus, quòd his diebus proximè elapsis, ipsi domini cardinales de consensu & communi deliberatione dominorum cardinalium alterius partis ad

A dominum GREGORIUM destinaverunt reverendissimos in christo Patres dominos Aquilegiensem & Mediolanensem vulgariter nuncupatos S. R. E. cardinales, ad sibi notificandum præmissa, faciendo eidem pares & similes requisitiones, quas alii domini cardinales destinaverunt & fecerunt BENEDICTO, & alias etiam ad ostendendum per quam viam ambulare deberet secundum evangelii veritatem, dicta & gesta sanctorum patrum aliàs in Romana Ecclesia utiliter observata: quos nullatenus videre voluit, & minus per se vel alium audire, licet per plures dies ejus præsentiam præstolati fuerint, existentes in civitate Senarum, in qua tunc residebat ipse dominus GREGORIUS, sicut & residet de præsentia, nec profuit humilis instantia opportunè & importunè magnificorum priorum & capitanei populi & multorum aliorum venerabilium civium civitatis Senarum, prout vobis venerabilibus oratoribus plenè constat, quia præsentis eratis in Senis, ostendens per hoc idem dominus GREGORIUS suæ indurationis ad turbendam pacem Ecclesiæ pertinaciam, adeo notoriè & evidenter quòd nulla valet tergiversatione palliari seu quovis alio quæsito colore vel velamine excusari.

Itis igitur summarè præmissis, ad responsionem vestræ ambassiatæ veniendo respondetur pro parte prædictorum dominorum, quòd prudente & circumspecto oculo considerantes ipsi domini cardinales quòd concilium generale totius universalis Ecclesiæ tam de jure quàm de facto, quòd factum in isto casu permultum considerandum existit, potest laceratam Ecclesiam reintegrare, & extirpato damnabili schismate, dare pacem populo christiano; hoc deliberaverunt, illud procuraverunt, & pensantes quòd nulla partium de per se sola hoc potest, nec de jure, nec de facto, ut inferius ostendetur, sed quòd necesse erat ambas partes concurrere, quia juxta Augustinum de Civitate Dei, concordia seu pax & unio est convenientia partium ad invicem discordantium: quòd ad sensum percipimus evidenter, Spiritus-sancti gratia operante, cui operationes unionis & pacis specialiter attribuuntur, ipsi domini se unierunt unionem indissolubili in vinculo caritatis & pacis, cum reverendissimis dominis alterius collegii cardinalium pro reintegratione facienda, exitiali præfato schismate extirpando à populo christiano, ut sic à seipsis incipiendo possent decentius postea unitatem ponere in Ecclesia sancta Dei per convocationem concilii generalis: quæ ad eos dominos sic unitos de jure spectare minimè in dubium vertitur sapientibus, & aliquantulum prout nunc expedit inferius patefiet. Quapropter ut operatio intentioni concordaret, dicti domini se omnes tam de eorum collegio quàm de altero olim diviso, nunc per Dei gratiam unito convocata est tota Ecclesia, videlicet obedientia ipsorum per istos dominos, & obedientia eorum per ipsos dominos præfati collegii in unum locum, videlicet locum Pisarum, & liberaliter & cum caritate eis traditum à magnifica communitate Florentiæ, & in unum diem, videlicet xxv.

Martii proximè futuri. Nec immeritò dictum locum elegerunt comuniter & concorditer: nam commoditatibus ejus omiſſis, quas habet accomodas utrique obedientiæ, ille locus est qui ab ipsis duobus contendentibus vel alterutro ipſorum recusari non potest, qui ab ambobus oblatus cum justificationibus atque per ipſos de ejus voluntate & mandato per ſolemnnem ambaxiatam extitit, conſtetque quod talis locus pro concilio generali eligi deberet, qui rationabiliter à nullo ipſorum duorum contendentium valeret recusari, cùm ipſi duo contendentes ad dictum locum ſint evocandi, prout & evocati ſunt. Hæc fuit voluntas ipſorum dominorum cardinalium. Hæc est & erit cum ipſius adjutorio in cujus laude & nomine quæcumque peracta ſunt, fecerunt, optimè namque cognoscunt quod concilia particularia, quæ potius conciliabula meritò appellantur, nedum quod ſchiſma poſſint auferre, immo illa unionis inimicus adjuvet, ut ſchiſma confirmet, & ut hidra capita pullulet pluriora.

Et ut nihil inreſponſum remaneat, dicunt prædicti domini, quòd ſi prædictus GREGORIUS vellet venire ad hoc ſanctum concilium, prout de jure tenetur ſecundùm Deum & bonam conſcientiam, & prout requiſitus iſtis diebus extitit in Senis, ipſum recipient cum caritate & honorificentia debita, & contentantur quòd idem dominus GREGORIUS vocet ſibi obedientes, dum tamen ad hunc locum Piſarum & ad eundem diem ſicut ipſi domini cardinales. Et ſi ſic fiat, prout optant & ſperant, veſtris magnificis favoribus intercedentibus, proculdubio unio & pax in Eccleſia Dei ſubſequentur ad laudem Dei, in cujus finem omnia vota noſtra tendere debent, atque ad communem utilitatem chriſtianorum, quam præferre debemus privati: quæ omnia nobis concedat qui facit in domo Domini unanimis habitare cum conſenſu, qui eſt benedictus in ſæcula ſæculorum.

Reſtat reſpondere ad rationes prænominati domini GREGORII, quibus nititur aſſerere & perſuadere, quòd ad ipſum ſpectet huiusmodi convocatio concilii. Primò quòd hoc, ſalva pace, aliter ſe habet verum. Nam rei veritas ita ſe habet, quòd cum circa principium menſis Junii nuper elapſi in Liburnio ambo collegia convenerunt, Sancto ſpiritu illuſtrante corda eorum, ſubito & repente ſimul unita & conjuncta ad effectum proſequentis unionis fuerunt, deliberaveruntque & concluſerunt ſimul & conjunctim proſequi unionem, dimiſſis eorum capitibus velut omnino indiſpoſitis ad illam, & concluſerunt generale concilium convocare, quia de cetero non videbatur alia via, per quam poſſet ad unionem Eccleſiæ ſanctius & ſecurius perveniri. Iſtud fuit publicum & notorium, & potiſſimè in Portu-Veneris, & in Luca. Quod audiens BENEDICTUS circa medium dicti menſis Junii publicavit & indixit velle concilium apud Perpinianum convocare in proximo feſto omnium ſanctorum, credens quòd per hoc convocatio ſacri collegii fuſtraretur effectus, & ſtatim poſt idem BENEDICTUS iſtud per ſuas litteras intimavit eidem domino GREGORIO ad

huc exiſtenti in Luca. Idem vero dominus GREGORIUS in menſe Julii ſequenti concilium indixit ſe celebraturum in exarchatu Ravenſi vel patriarchatu Aquilegenſi, & per conſequens non ſolum fuit præventus per collegium, ſed etiam per BENEDICTUM: immo attempta alternatione vocationis factæ per dominum GREGORIUM, nulla convocatio potest intelligi adhuc facta aut indicta.

Secundò etſi ſic verum eſſet quod hîc non potest habere locum præventio; in quem enim nulla eſt jurisdictio non potest exercitium præventionis cadere; ſed jurisdictio, congregandi concilium in iſto caſu non potest cadere in eum, ut ſtatim ſuccinctè dicetur, poſito etiam quod eſſet verus papa, in hoc caſu ſtantibus terminis. Ergo hîc non potest habere locum præventio: immò omnia attentata per ipſum in impedimentum concilii generalis, ad quod tendunt ipſi domini cardinales, tamquam facta in defectum jurisditionis, ſunt ipſo jure nulla.

Ad ſecundam rationem, & per conſequens ad tertiam ipſius domini GREGORII, quæ effectualiter idem ſunt, dum dicit quod ad ipſum tamquam papam, & demum ad ipſum tamquam caput, &c. ſic breviter reſpondetur, quòd jura dicentia quod ad Romanum pontificem congregatio concilii ſpectet, quibus ipſe innititur, tamquam ea certitudinaliter legens, non potest in iſto caſu ſibi vindicare locum, duabus pro nunc principaliter rationibus, primò quia jura illa loquuntur de unico indubitato Romano pontifice ab univerſali Eccleſia pacifice recepto, licet eidem tractu temporis quæſtio aliqua moveatur, non tamen de titulo papatus, ut etiam ſtatim tangetur. Cùm igitur neuter ex contendentibus, videlicet domini GREGORIUS & BENEDICTUS, poſito quod eſſet unus ipſorum Romanus Pontifex, neuter eorum eſt indubitatus, unicus, & non levi dubitatione, immo nimis difficili & involuta tam juris quàm facti, quod utinam non eſſet. Ritè igitur concluditur quòd nullus ex prædictis duobus contendentibus auctoritate jurium prædictorum de convocatione concilii loquentium in Romanum pontificem poſſunt ſibi congregandi poteſtatem vindicare.

Secunda ratio eſt, poſito quod iſto caſu dubio ſibi vindicaret locum, alio tamen reſpectu in iſto caſu locum habere non poſſet. Nam quia hîc agitur de titulo papatus inter duos contendentes, non potest reperiri in jure quod ad ipſum Romanum Pontificem, quamvis verum, dubitatum tamen, ſpectet congregatio concilii, immo reperitur contrarium, ut in ſuo loco & tempore oſtendetur, & ubi dominus GREGORIUS ſe dicit caput, cardinales autem membra, advertat ne nutriendo hoc ſchiſma, prout facit, fovendoque ipſum, factus ſit minor quocumque catholico.

Tertia ratio eſt, videlicet carentia finis ad quem omnia tendere debent. Videatur effectus ipſius concilii. Ipſe convocat concilium ſuum in Ravenna vel Aquilegio, & ut magis oſtendat magnam prudentiam ſui concilii, alternavit Capuæ vel Epheſi, ut ſint bene certi qui habent



convenire quò vadant. Ponamus igitur concilium congregatum in quo erunt pauciores quàm credat. BENEDICTUS convocat aliud in Perpiniano, ad quod etiam ibunt qui volunt, sed scimus quòd pauci. Quis erit effectus istorum conciliorum? nullus habebit forte quintam vel decimam partem Ecclesiæ. Quilibet judicabit de jure suo. BENEDICTUS, approbante concilio, judicabit se papam. Idem dominus GREGORIUS. Erit-ne istud concilium? erit iudicium? erit sententia? determinationi BENEDICTI stabit dominus GREGORIUS vel econtra? Certè non. Frustra ergo aliquis vel ambo dictorum duorum contendendum de papatu sic concilia congregant, cum bono & suo careant fine propter quem congregari debet concilium.

Convocatio autem per dominos cardinales utriusque uniti & unici collegii per quam congregabitur tota catholica universalis Ecclesia utriusque obedientiæ, tamquam facta per illos ad quos in isto casu solos & principaliter pertinet, ut suo loco & tempore lucidius ostendetur, & per determinationem dictæ universalis Ecclesiæ congregatæ, Spiritus-sancti gratia coadjuvante, extirpabitur mucrone dictæ Ecclesiæ schisma pestiferum, & ad unitatem & pacem orthodoxorum fidelium, regum & principum & notabilium comitatum, maximè Venetorum & Florentinorum, ac totius populi Christiani favoribus justis & rationabilibus & debita assistentia concurrentibus, ad ipsarum magnificarum comitatum meritum animarum, & gloriam sempiternam votivè & feliciter deducetur.

Ea propter deprecantur affectuosè, quantum possunt, ipsi domini cardinales insignes comitates Venetorum & Florentinorum, & vos ipsarum ambaxiatores & oratores notabiles, quatenus ipsæ & vos velitis prædicta earum nominibus omnia significare domino GREGORIO, & procurare cum illo, ut ad ipsum concilium in hac Pisana civitate celebrandum venire velit in termino antedicto, prout de veritate juris nedum humani, sed & divini censetur esse astrictus, debitum suum exhibiturus: in quo si venerit, honorabitur, ut decet & convenit. Alias si hoc recusaverit, necessitate fidei hoc exposcente, providebit concilium generale & Ecclesia prout & secundum Deum & divinas & canonicas sanctiones fuerit providendum, subterfugiis non obstantibus illorum qui Ecclesiam in schismate damnabiliter tenere conantur. Et si dominus GREGORIUS vel sui aliqua prætendunt quàm præmissa superius narrata, in quantum in facto & jure consistunt, ipsi domini cardinales offerunt se paratos ostendere, quod præmissa vera sunt, & de jure procedunt, & illa deffendere in concilio generali. Et ultra si aliqua rationabilia, & factibilia, tendentia ad accelerationem desideratæ unionis videntur posse & debere fieri ipsis insignibus comitatibus & dominis Venetorum & Florentinorum, ipsi domini cardinales sunt parati illa audire & admittere semper in quantum ad bonum, & accelerationem pacis poterunt pertinere.

Die Veneris quinta Octobris hora vespero-

rum vel quasi, Indictione prima MCCCCVIII. assignata, tradita, & præsentata fuit similis responsio, facta prius collatione per me Angelum notarium infra scriptum per reverendos in Christo patres & dominos, dominos H. Tusculanum & A. Penestrinum episcopos, A. Laudensem, C. Melitensem, J. de Urfinis presbyteros, R. de Branchaciis, L. Barrensi, A. de Salutiis, O. de Columpna, P. de S. Angelo antiquiorem, & P. de S. Angelo juniorem, sanctæ Romanæ Ecclesiæ diaconos Cardinales, nobilibus & egregiis viris domino Rosso Marino ambaxiatori illustris ducalis domini Venerorum, & domino B. de Populenchis oratori magnificæ comitatis Florentinorum coram dictis dominis Pisani existentibus in camera residentis domini Aquilegientis, ipsaque responsione de verbo ad verbum lecta, audita, & collationata, dictus dominus B. pro se & præfato domino Rosso recepit; præsentibus ibidem R. in Christo Patre domino episcopo Meldensi &c.

#### MEMOIRE DONNE' A MAISTRE

Adrien Cottin, pour le fait des libertez de l'Eglise de France.

I. **E**T primò, peut-on monstrier que le pape ne peut & ne doit lever ne exiger les vacquans des prelatures, ne des autres benefices les premieres années pour les raisons qui s'ensuivent, ne aussi prendre les fruits tant qu'elles vacquent, ne les procurations deuës aux prelates pour cause de visitation, ne les fruits des benefices qui ont vacqué durant la subtraction, qu'ils appellent fruits mal pris; & des dépouilles des prelates quand ils meurent ne faut point faire question: quar le Roy en a pieça ordené, & l'ordenance en est en parlement enregistree. Et aussi les premieres années des benefices qui sont en patronages lays.

II. Et pour venir à la matiere, il fault supposer que la puissance que nostre Sauveur bailla à S. Pierre, fut à l'édification de l'Eglise, non mie à la destruction, si comme dit la sainte Escripiture *1. ad Corint. ultimo c.* & in canone *petenti*, cum sedis privilegio non recepit licentiam peccandi, sed necessitatem benefaciendi, *XL. di. c. 1.*

III. Item, l'Eglise de Rome n'est mie dame des autres eglises, mes mere; ne le pape n'est mie seigneur des évesques, mes est un d'eulx. Et aussi le dist monsieur S. Bernard *ad Eugenium: Scias, inquit, Romanam ecclesiam, cui auctore Deo præes, aliarum ecclesiarum matrem esse, non dominam: te verò non dominam episcoporum, sed unum ex ipsis.* Sic archi. in *c. 1. de Sum. Tri. & si. ca. in vi.*

IV. Item, est la puissance limitée, tellement qu'il ne puer ne vendre ne aliener les biens immeubles de l'Eglise: & se il le fesoit, on l'i devroit resister de fait, si comme dit expressement le chapitre *Non liceat papa*, là où Jehan Gloseur du decret dit, *quod licet papa sit solutus legibus, tamen secundum leges debet vivere.*



V. *Item*, ad ce propos dit Pierre Bertrant, qui fu cardinal d'Ostun en la Clementine *Ne Romani de elect.* que si le pape vouloit vendre une notable partie du patrimoine de l'eglise, ou faire aultres choses semblables, on l'i doit resister *in facie. sicut Paulus resistit Petro, ad Gal. 2. c.* Et les choses dont cy-dessous sera faite mention sont plus dommageables à l'Eglise.

VI. *Item*, il est vray que les fruis des eglises vacquans de droit commun doivent estre convertie, *in utilitatem beneficii vel futuro successori reservari in cap. de off. ord. in vi.*

VII. *Item*, ceste loy est sainte, juste, & raisonnable, *in c. erit autem lex.*

VIII. *Item*, toutesfois que le pape ou autre fait contre la loy juste & raisonnable par ambition ou convoitise d'avoir argent, il peche mortellement, *ut ponit Innocencius de consuetudine in rubrica, & Jo. An. in c. generali de elect. l. vi. & Henricus post cardinalem in cap. Cum ad monasterium di. penultima de Statu monachorum*, là où il dit, que si le pape fait sciemment aucune chose contre raison, il peche mortellement, & dit aussi que, supposé que le pape ait *plenitudinem potestatis*, toutesfois *non habet eam ut dominus, sed ut minister & dispensator domini principalis*; & s'il dispose des biens de l'eglise autrement que par raison, il fait mal, *ut potestas sub ratione restringatur x. q. in c. illa.* Et ad ce propos parle S. Bernard, *ad Eugenium* par les paroles qui s'ensuivent. *Quid autem tam indignum tibi, quam voluntate pro lege uti? quid tam bestiale, quam non judicio agi, sed appetitu? quid tam indecens, quam ut totum tenens, non sis contentus toto, nisi inimicitias quasdam & exiguas porciones aliorum adhuc velis facere tuas?*

IX. Or veons les maulx & les inconveniens qui aviennent par les exactions que le pape fait.

X. Premièrement par les vacquans des prelatures qu'il prent, lesquelles il faut payer devant la main quant un évesque ou un abbé est promu, il faut payer une grosse somme d'argent, de laquelle somme on ne peut finir sans vendre l'heritage de l'eglise, ou l'engager à la vie d'un homme où de deux ou de trois; si comme il est venu en l'abbé de S. Germain des Prez, qui pour payer le vacquant, fallu qu'il vendit à Mestre Martin Double le plus bel heritage de l'eglise à sa vie, de sa femme & de son fils. Dieu scet combien il y en a d'autres ou royaume de France & de l'abbaye de Clerevaux, où estoit une noble châtelle, là où estoit le corps de S. Bernard, qu'il fallu vendre pour vii. vacquans.

XI. *Item*, se l'abbé fust trespasé après un an, ou deux ou trois, comme il avient bien souvent, il eut fallu vendre de l'autre heritage de l'eglise, & après aussy d'un aultre, & tellement que les religieux qui font le service divin n'eussent de quoy vivre, & eust fallu que le Moustier eust esté desemparé & les édifices cheus, & Dieu scait quantes fois ces cas sont venus en ce royaume, & quantes abbayes & quantes priores, où il souloit avoir grant quantité de

religieux, où il n'en a aujourd'huy nuls ou bien pou, & sont les édifices cheus en grant ruine, & les heritages desers, tellement que c'est grant orreur de veir la grant desolation de ce royaume.

XII. *Item*, supposé qu'il ne faille rien vendre pour payer le vacquant de l'heritage de l'eglise, toutesfois il le faut emprunter, ou prendre des biens de l'eglise. S'il est emprunté, il le faut payer; s'il est pris des biens de l'eglise, l'eglise en est tant plus povre, car ce qui deust estre converti en la reparation & es autres usages profitables s'en va.

XIII. *Item*, quant à la consciens, messieurs les theologiens dient après monsieur S. Thomas, lequel recite l'Archidiacre en Rosaire xii. di. c. i. que le pape en prenant argent *pro re spirituali* commet simonie. Or poves considerer quel inconvenient c'est, se les prelas qui payent les vacquans devant la main, & aucune fois plus que le vacquant, sont promeus par simonie.

XIV. *Item*, en la vacquant des prelatures, les cardinaulx prennent la moytié, c'est assavoir ceulx qui sont cardinaulx ou temps de la promotion; & quand ils sont mort, le deibte vient à leur heritiers, qui sont de Lombardie, ou d'Espaigne, ou aultres estrangiers, qui viennent pasturer sur les povres eglises du royaume de France; & tant en verité que les arrerages que les chamberlans du college demandent au royaume de France, ne seroient pas payés pour six mil frans.

XV. *Item*, Vees cy la maniere que on y tient. Les prelas qui doivent au college, envoient de l'argent pour estre absous quand le terme est passé, & leur donne l'en un autre terme bien court, mais il faut poyer l'absolution, & pour le terme x. ou xii. florians quatre fois l'an; & par ainsy par tels termes avient souvent que le vacquant double.

XVI. *Item*, de nouvel il ne souffrit pas au pape d'avoir la vacquant, mes prent es pays où il n'a point de regale, durant la vacquation tous les fruits du temporel & de l'espirituel, & fait vacquer les évesches & abbayes bien longuement, & vont cependant les benefices en ruine & les heritages en desers. Et en verité l'evesché de Besiers a ja vacqué six ou sept ans, & l'evesché de Sarlat autant, & plusieurs autres en ce royaume, & ou pays là où il y a regale, il prent l'espirituel. Demandes-le à l'archevesque de Sens & à l'evesque de Ses combien ils ont trouvé d'argent des fruis, *qui debebant futuro successori reservari.*

XVII. *Item*, des aultres benefices on ne souloit point prendre de vacquant, mes Jehan XXII. si comme l'en dit, le reserva jusques à deux ans, & par telle maniere fut introduit le vaquant des prelatures, premièrement jusques à deux ans, & maintenant c'est l'heritage du pape.

XVIII. Il faut maintenant exprimer en sa succession la valeur du benefice que l'en demande, & ne faut point mentir, car la grace seroit subreptice. Or est la supplication signée devant que

que le suppliant puisse avoir ses bulles, il faut bailler ce que le benefice vault, selon qu'il a exprimé en la supplication, & toutesfois par le *c. extra. suscepti regiminis*, ils ne doivent payer que le taux ou le residu, & par ainsy qui n'ara point d'argent n'ara point de benefice, & pour ce les hommes estudians sont hors d'esperance de bien.

XIX. *Item*, ad ce fault ceulx qui veulent avoir les benefices endebter, & s'ensuient les inconveniens qui ont sus esté touchés des prelatures.

XX. *Item*, ceste nouvelle maniere de exiger argent pour les fruis mal perceus, est proprement une fraude & tyrannie; car ceulx qui ont eu les benefices par la collation des ordinaires, ou la election ou confirmation de leur Souverain, ils les onteu justement en la fourme de droit commun, & ce qu'ils ont receu est bien receu, & ce que l'en exige d'eulx pour ceste occasion, est mal receu. On appelle le pape nostre *Saint Pere*, & l'Apostre dit, *quod filii non debent thesaurizare parentibus, sed parentes filiis*; & pour ce *multum longè à paterna pietate videtur, si papa suis subditis gravis existat, quos in certis necessitatibus pastoris debet more fovere.*

XXI. *Item*, quant ad ce que le pape reçoit toutes les procurations ou la moitié, s'ensuivent grands inconveniens, car le droit office du prelat si est visiter diligemment ses sujets, & en visitant il doit vacquer à predications, exhortations, corrections, & reformatiions. Et en faisant l'office de visitation la procuratiion luy est deuë, non autrement.

XXII. *Item*, en ostant la procuratiion aux prelas, il oste ce semble le bien de predication, & les autres dessus touchés que les prelas doivent faire en visitant, & attempte folement contre la determination de l'Apostre, en laquelle il ne puet rien muer ne changer, mes les doit garder & deffendre *usque ad animam & sanguinem*. Si ergo le pape mesme *in c. Sunt quidam xxv. q. 1.* & ceulx qui ont cecy introduit, *non sunt constructores, sed eversores*, dit S. Gregoire, *in c. si ea xxv. q. 11.* & en verité de cecy s'ensuient mult de erreurs, & sont les chrestiens, *samquam aberrantes sine pastore*, car ils ne sont point visités.

XXIII. *Item*, il est vray pour ce que dit est *papa etiam indubitato*, on ne le doit point toller ne souffrir à faire telles exactions, mes dit expressement Innocent, qui fust pape, que se un Prince, un Souverain fait constitution pourquoy il oste les biens d'un pour bailler à un autre, telle constitution n'est pas à garder, *nec in foro conscientie, nec in foro judiciali, in c. quia plerique de immu. ecclesie*. Et dicit Johannes Glossator, *quod si sunt occasione talium exactionum lata, non sunt tenenda*. Et faust ces choses entendre du pape, *quia* Innocent qui fust pape, & Ho. qui fust cardinal, dient que se le pape commande aucune chose de quoy l'estat de l'eglise cheist en turbation ou aucuns grans maux, en ce cas on nedoibt point obeir au pape, *quia futura mala præcaveri debent, nec debet juvari ad illa committenda*. Et ceulx qui luy obeissent en tel

*Theſauri Anecdor. Tom. II.*

A cas pechent mortellement ce dit Jo. An. *in c. inquisitione de sententia excommunicationis in novella*.

XXIV. *Item*, se à un pape paisible, on ne doit point obeir en faisant ces griefves exactions par les raisons dessus touchées, par plus fortes raisons, ne doit-on pas souffrir à cestuy-cy que l'en dit pape en tel schisme. Car certainement les finances que ces deux contendans levent sont nourriture de schisme, & par especial celles qu'on leve ou royaume de France. Car en nul aultre royaume on ne fait mie de si grandes exactions. Et en verité l'en prouveroit bien par gens notables, que des finances que on lieve en ce royaume & ou Dalphiné, reçoivent plus que ne faisoient ou temps du pape CLEMENT le VI. ne de Innocent, ne de leurs successeurs, toutes les revenues de l'Eglise universelle.

XXV. *Item*, monsieur S. Augustin dit, que ceulx ne doivent avoir rien de l'Eglise, qui ne tiennent l'eglise en pais par la constitution des empereurs; & dit qu'ils ne peuvent point dire que au Roy n'appartient point de faire telle constitution *in c. quo jure vii. di. c. qui contra pacem xxxii. q. 1.* Et vault mieulx leurs oster les revenues qui les nourrissent en celle division, que les leur laisser pour perpetuer le schisme. Car si comme dit monsieur S. Augustin, *Utilius esurienti panis tollitur, si de cibo securus justitiam negligat, quàm esurienti panis frangatur, ut justitiæ seductus acquiescat xxxiii. q. 1 v. c. nimium sunt inquieti v. q. v. c. non omnis*. Et en verité, en ce cas de schisme il appartient proprement au Roy leur oster les revenuës, & pour ce, dit S. Augustin, que Nabucodonosor roy lays fist une constitution, que quiconque diroit blasphemie contre le Dieu de Sydrac & Abdenago, il seroit mort & ses maisons destruites. Vees se dit le saint docteur, que un roy lay fist ceste constitution qui estoit payen, pourquoy ne pevent faire loysles roys chrestiens contre ceulx qui offensent si grièvement Dieu, & font si horrible schisme?

XXVI. *Item*, supposé que messire BENOIST fut paisible pape, encore dis-je que le roy ne personne ne doit toller que ces exactions lievent ne exigent par la main, comme l'en a fait par aucun temps, & pour cecy monstrier il faust loys de l'eglise.

XXVII. L'eglise est proprement *universitas fidelium*, & pour garder ceste université en bon estat & en bonne disposition qui... l'eglise militante, tout aussi comme *ad stabilitatem fundamenti ordinavit Deus solem & lunam*, ainsy il a ordené pour le bon estat de l'eglise *sacerdotalem dignitatem & regalem potestatem in c. solite de ma. & obe.* & ont les princes temporels puissance de... ceste eglise & en est necessité, afin que quand ceulx qui font turbation en l'eglise, ne se veullent corriger par l'exortation des prestres & gens d'eglise, que les princes les mettent à raison par leur puissance, & se les princes ne le font, ils en rendront compte devant Dieu, & ce dit le chapitre *princeps sæculi xxxiii. q. & le chap. quando eadem causa q. iv.*

XXX

XXVIII. Cecy est entendu par especial, A quand les roys & les princes en sont requis par l'Eglise. Car ainſy comme les clers sont tenus à preſcher la verité de l'evangile franchement & hardiement; auſſi eſt tenu le roy celle verité, quand elle eſt preſchée par les clers, defendre & executer, autrement *proditor eſt veritatis, in cap. nolite timere x. q. i. c. i. c. administrators x. q. v. q. v.* ou autrement les princes ſont excommuniés, ſ'ils n'en ſont leur diligence, ſi comme dit ledit chapitre. Car un roy ſert comme homme & comme roy. Comme homme il ſert *vivendo fideliter*; comme roy il ſert en executant les loys qui commandent les choſes juſtes, & defendent les mauvaiſes. *in c. ſi eccleſia xxiii. q. iv.*

XXIX. *Item*, conſiderons ſi le roy a eſté & eſt requis tous les jours ſolemnellement par l'Eglise de ceſte matiere. Premièrement, quand tous les prelas du Royaume de France furent autrefois assemblez ou temps de la ſubſtraction, requierent le roy ſolemnellement & les ſeigneurs qu'ils ſeiſſent ces griefs & exactions au regard du pape; & pareillement ou temps de la reſtitution: & fuſt chargé Monsieur d'Orliens d'en parler au pape; & luy en parla de par le roy. Et depuis les prelas eſtant en ceſte ville, l'ont n'aguères ſupplié au roy par la bouche du patriarche, & devant ſon conſeil publiquement.

XXX. *Item*, je ſuppoſe que les prelas du royaume pour paour, deſpleſance, ou pour eſperance de promotions, ou autrement ne n'en euſſent oncques requis le roy, ou ne l'en vouliſſent encores requerir.

XXXI. *Item*, que l'Univerſité de Paris en requiert le roy, ainſi que fait ja pieça, & fait continuellement tous les jours & preſentement. Certe il eſt vray à dire, que le roy en eſt deüement & ſuffiſamment requis par l'Eglise. La raiſon eſt: car l'ordre de docteur eſt en l'Eglise *ordo præcipuus. in c. cum ex injuncto de Hæreticis*: & ſont les docteurs les piliers de l'Eglise, & le fondement en JESUS-CHRIST *in c. fundamenta de elect. in vi.* Et peut-on bien dire de verité, qu'il y a plus de docteur en l'Univerſité de Paris en diverſes ſciences, que en tout le revenant du royaume de France, & ſe les prelas & aultres ſont leur devoir, la puiſſance de requerir quand ad ce, demeure toute entiere à l'Univerſité de Paris, *per c. veſtra de poteſtate prælatorum.* Et par ainſy ne puet-on dire que le roy ne puiſſe & ne doive faire ce que l'Univerſité de Paris requiert & la court de Parlement, qui repreſente le roy quand ad ce.

XXXII. *Item*, eſt vray que les roy de France y ont autrefois proveu, ſi comme on treuve par les chroniques en pluſieurs lieux, & le roy qui eſt preſent, quand aux deſpoilles des prelas, & quant aux fruits des benefices vacquants qui ſont en patronages lays.

XXXIII. *Item*, y pourveurent pieça les rois de France par aultre maniere; car ils defendirent pour ceſte cauſe, que on ne portaſt point hors du royaume or ne argent, & ſont les ordenances anciennes en la chambre des com-

ptes. Et en verité ſeroit bien beſoing à y pourveir aujourd'huy pour ceſte raiſon, & n'en y euſt point d'autre. Car le royaume devient à povreté, pource que les finances vont à ſi grandes ſommes dehors; & ſera plus, ſe remede n'y eſt mis.

XXXIV. *Item*, ne vault ce que aucuns s'eſforcent de dire que le pape a beſoing; & que en cas de neceſſité ſes ſubgies ſont tenus à luy fere ſubſide. En verité ſe une neceſſité venoit à l'Eglise, & nous avions un pape paiſible; en ce cas nous luy devrions aider, mes ſous ombre d'une neceſſité, faulte qu'il puiſſe ainſy grever & deſtruire les eglises? nul prudhomme ne le devroit dire.

## LITTERÆ JOHANNIS DUCIS BITURICENSIS.

Quibus episcopatum Biterrenſem & bona reſtitui jubet Bertrando de Maumont episcopo, qui tempore neutralitatis aliquandiu remanſerat cum Petro de Luna.

J E H A N fils de roy de France, duc de Berry & d'Auvergne, Comte de Poito, d'Etampes, de Bouloigne & d'Auvergne, Lieutenant de monsieur le roy en ſes pais de Languedoc & duché de Guienne, au ſenechal de Carcaſſonne ou à ſon lieutenant, Salut. Oye à nous l'humble ſupplication de noſtre bien amé Meſſire BERTRAND DE MAUMONT evesque de Beziers, contenant que long-temps paravant la neutralité du triennement faite par mondit ſeigneur nous & aultres de ſon ſang & le Clergé de ſon Royaume aux contendans du papat, ledit ſuppliant avoit eſté promeu & tranſſéré bien & deument audit evesché de Beziers, & en avoit pris la poſſeſſion, & ordonné gens & officiers pour luy: & par aucun temps après Pierre de Lune dernièrement élu pape, ſe parut du lieu de Porte-venus pour aller en Aragon, & fit mettre ledit ſuppliant, qui eſtoit & avoit eſté avant par aucun temps en ſa compagnie en un vaiſſel où ledit Pierre de Lune ſe bourra, & le mena avec luy là où bon luy ſembla, & l'a detenu par aucun temps; mais ſiſtoſt que ſ'eſt pu echapper dudit de Lune, il ſ'eſt departy de luy & de ſon obeiſſance, & ſ'en eſt venu en ſon royaume où il eſt à preſent: toutesſois il ſe doute, que ſous ombre de certaines lettres par mondit Seigneur & nous baillées & commiſſes à nôtre amé & feal Conſeiller Etienne de Montigny & autres, contre les fauteurs & adherans dudit Pierre de Lune, que noſtre dit conſeiller, ou aultres nos commis, ou dudit nôtre conſeiller, ne luy mettent ou faſſent mettre aucun detourbier ou empeschement en corps ou en biens, qui ſeroit au tres grand prejudice & dommage dudit ſuppliant, ſe par nous ne luy eſtoit ſur ce pourvû de nôtre gracieuſe proviſion, ſi comme il dit en nous requerant humblement icelle. Pourquoy nous conſideré ce que dit eſt, & attendu que ledit ſuppliant,

Anno 1408  
Ex archibus  
episcopatus  
Biterrenſis.

fitost qu'il a pu bonnement, s'est departy de l'obeissance & pouvoir dudit de Lune, & s'en est venu en ce royaume, prest d'ensuir mondit seigneur, nous, & le clergé dudit royaume en la conclusion de la neutralité, & aussy en toutes autres conclusions prises par mondit seigneur, pour le fait de l'union de l'Eglise, comme nous avons esté acertenez par gens dignes de foy, & que ledit suppliant n'est en rien coupable de ce, surquoy nosdites lettres adressans audit Montigny sont fondées; & que ledit evesché est assis en votre senechaussée, vous mandons & expressement enjoignons de par mondit seigneur & de par nous, en comettant, ce metier est, que ledit suppliant, lequel nous voulons estre maintenu & defendu en la possession dudit evesché, vous faites joir & user paisiblement de sa possession, & des droits, fruits, profits, revenus, & emoluments d'iceluy, nonobstant l'empeschement qui luy avoit esté mis par aventure esdites choses par ledit Montigny ou autres nos commis, & voulons & nous plaist que se aucune chose du sien, tant de sondit eveschié de Beziers, comme de ses autres dignitez qu'il a eues paravant, estoit par cause de ce que dit est, & aussy les biens tant d'eglise que de patrimoine de messire Jean Sefalle, & messire Pons Rogier ses officiers & serviteurs, lesquels pour occasion dudit evesque auroient esté pris, arrestez, ou empeschez, vous les luy faites mettre tantost, & sans delay à pleine délivrance, car ainsy nous plaist-il, & voulons estre fait, & audit suppliant l'avons octroyé & octroyons de grace special & autorité royal, dont nous usons en ceste partie, nonobstant lescdites lettres par nous adressées & commises audit Estienne de Montigny & aultres, contre lescdits fauteurs & adherans dudit Pierre de Lune & quelconques autres lettres subreptices empetrée ou a empetrer au contraire. Mandons & commandons à tous les Justiciers, Officiers & Sujets de mondit seigneur & de nous, que à vous & à vos commis & deputez, en ce faisant obeissent & entendent diligemment. Donné à nostre chatel de Lesignan le iv. jour du mois de Janvier l'an de grace 1408.

Par monsieur le Duc & Lieutenant  
DE GIVES.

EPISTOLA MAGISTRI  
JOHANNIS GUIART.

De sua ad Benedictum apud Perpinianum  
legatione.

Anno 1409  
Ex ms.  
Cajliniano.

**C**Her frere, vueilles savoir que le xxii. jour d'Octobre je arrivé à Asperiman à heure de vespres, & celuy jour ne parlay à luy, mais escriis lettres, qui m'estoient necessaires, & lendemain je parlé à messeigneurs les cardinaux de Flisco & de Chalan, & alla monseigneur de Flisco parler à nostre Saint Pere, s'il luy plaisoit que je parlisse à luy, & presentasse les lettres que je luy portois de par messeigneurs les cardinaux, qui sont à Pisse. Si me rapporta

*Thezauri Anecd. Tomus II.*

**A** monseigneur de Flisco que je attendisse apres vespres, & il me meneroit devers le pape. Si fu moult interrogué de plusieurs gens quelles nouvelles je apportois au pape. Je luy portois lettres. Avespres je fu au palais, & monseigneur de Flisco n'y trouvay pas, & trouvay monsieur François Dorande, qui parla à moy & me demanda plusieurs choses, & atendy jusques issue nuit, & lors je dis que je m'en vouldroye aller, car je ne savois pas la ville. Si parla monsieur François au pape, & me apporta que lendemain apres le consistoire je luy parleroye, & luy presenteroye mes lettres. Lendemain je revins au palais, & apres le conseil le pape s'en entra en sa chambre avec le cardinal Challant, messire Pie Rinar maintenant cardinal de Tho, l'arcevesque de Taragone, messire François Dorem, & plusieurs aultres jusques au nombre de quinze ou xviii. & puis me fit appeler le pape par ung de ses chamberiers, & entray en la chambre, & luy fit la reverence, & puis luy presenté mes lettres, & luy dis en public & en secret, ce que mesdits seigneurs me avoient enchargé. Et pour ce qu'il vouloit savoir toutes nouvelles, me interrogea de assés de choses; si luy respondis, & dis assés de choses, de quoy on ne m'avoit point chargé. Mais pour ce qu'il me falloit respondre à ses interrogatoires, & que ma responce estoit bien convenable pour la matiere que nous devons, je luy respondis plusieurs choses, qui seroient trop longues à escrire, mais quand je m'en yray, si je vous treuve, je le vous diray de point en point: & soies certain que ledit jour que je arrivay à Asperiman, le pape avoit tenu consistoire public, & fut proposé par l'advocat fiscal contre l'Université de Paris, se elle se doit ainsi appeler, contre monseigneur le patriarche, l'evesque de Meaulx, contre Jehan Petit, contre monsieur Pie Plou, le prieur des Mathurins, Estienne de Montigny, Jehan Guiot Connerte, Jehan François autrement Chauce Sourret, & plusieurs aultres dont à present ne me souviens: mais si je puis auray la coppie des bulles sur ce faites, & sont citez au lx. jour apres la datte, comme suspects de la foy à respondre sur aulcuns cas touchant la foy, que l'Université comparoisse par procureurs, & tous les aultre personnellement. **A** mondit le pape fait l'office, & doit prescher l'arcevesque de . . . & croy qu'il touchera de la matiere du concile. Et sçay bien que le pape fait faire instruments de toutes les ambassades qu'il fait faire touchant l'union de l'eglise, depuis qu'il fut pape, & ay vu l'instrument de la legation, que les siens quatre firent quand nous fûmes à Rome. Et doit-on en ce conseil proposer toutes les legations, & les monstrier par instrument à la justification du pape. Et puis on doit proposer aulcunes conclusions, & diffinir icelles, & ay entendu qu'il doit faire proces contre son adversaire, & contre plusieurs aultres, toutes fois petit du plus sont venus audit concile, & ne sçay se la solemnité sera telle comme le pape cuidoit. Car il a fait faire quatre haultes chaires patriarchaux, & six haults grans bancs pour les quatre patriarches, & les chaires & les bancs

Xxxx ij.

pour les cardinaulx & les prelatz. Je ne ſçay que ſe fera, mais tous ſ'eſcript: & en retournant à ma premiere matiere, l'on ſcet & ma-on dit que les lettres que j'ay apportées ſont pleines de menſonges, & aultres choſes que je ne vous reſcrites, ainſy que j'ay veu parler au pape, je luy diſ tout euſſient ſ'il navoit point eu de lettres patentes, & il me dit que non. Et je repliqué que meſſeigneurs les cardinaulx luy avoient envoyé, mais par adventure celuy ou ceulx qui les apportoit, ne les oſoient les lui apporter pour doubte, qu'ils ne lui tourniſſent en deſplaiſſance. Et il me reſpondit, qu'il vouloit qu'on luy porta toutes les lettres & patentes & cloſes. Car il eſtoit en ville ſeure, & qu'il ne doubtoit point le roy de France, mais il aimoit de tout ſon cœur, & auſſi ne doutoit point le roy d'Arragon; car il eſtoit bien ſeur de luy, que pour ſa ſeureté il luy bailleroit tout ſon royaume. Et apres je luy diſ, que j'avois aſſez d'aultres lettres à preſenter, & puisqu'il avoit eu les ſiennes, ſ'il luy plaiſoit que je preſentaſſe les aultres. Et il me dit que je les preſentaſſe ſeurement, car il vouloit que liberalement & franchement je fiſſe ce que je avois à faire, & qu'il me connoiſſoit bien. Toutes-fois il ſ'emmeilloit moult comme meſſeigneurs les cardinaulx faiſoient ce qu'ils faiſoient, & qu'ils n'avoient pouvoir de le faire, & me dit ſur ce aſſez d'aultres choſes, qui ſont aſſez longues. Paſſé Luncier du Couſtel je m'en vais à Barchinone devers le roy d'Aragon. On a fait plus de quatre-vingt copies de lettres que j'ay baillés au pape, & crois qu'on fait allegation au contraire, & dit-on que le pape envoyra à Piſe de ma beſongne, dont vous aves de par delà les lettres. Je vous prie que les choſes ſoient miſes en celle ordonnance, que elle ſoient bien & ſolempnellement \* excuſées, & quant je m'en iray, que treuve tout preſt. Et à Dieu ſoiez, car je vais ouyr le ſermon. Eſcript le jour de Touſſains à heure de la grant meſſe.

\* f. execu-  
tées.

C'eſt la lettre que maistre Jean Guiart a eſcrite à communauté, &c.

#### FRAGMENTUM TRACTATUS de poteſtate & jure cardinalium ad convo- candum concilium tempore ſchiſmatis.

Ex mſ.  
Gemmeti-  
cenſi.

**H**ic in primo capitulo proteſtor primum quod propter dubitationem principalis ſchiſmatis, quiſ ſcilicet duorum contenditum & eorum prædeceſſorum ſit vel fuerit, verus apoſtolicus, de quo non diſputatur ad præſens, immo diſputatio talis foret impeditiva totaliter ejus quæ tractatur unionis: ſuper quo jam elapſo biennio tractatum edidi; & in eo partem non tenens, oſtendo difficultatem maximam & dubia quamplurima hoc in arduo negotio ſic vigere, quod non niſi audaciter & præſumptuoſe nimium poteſt quis indubitatum aſſerere magis hunc quam illum verum pontificem extiſſe. Cujus tractatus copiam communicavi jam pluribus. Intendo abſque injuria alicujus, dum continget, prædictorum, aut alterius, ſeu cardinalium alterutrius partis, perſonas vel collegia

A nominare, ſub vocabulo papæ vel cardinalium, & non antipapæ vel anticardinalium, pari honore & reverentia diſcribere.

Cum igitur grave ſchiſma de papatu contententium jam annis \* xxxii. aut circa chriſtico-  
las in univerſo perturbaret; dominus Benedi-  
ctus papa xiiii. qui in Avinione præſidebat, ſo-  
lemnes legatos ad felicis recordationis domi-  
num Bonifacium papam ix. qui Romæ reſi-  
debat, cum eo tractantes ſuper facto unionis  
Eccleſiæ ſanctæ Dei, certis modis & viis lauda-  
biliter & honorifice deſtinavit. Sed ſtatim ante  
expeditionem eorum idem dominus Bonifacius  
diem clauſit extremum. In hoc tamen profuit  
illa legatio, quod domini cardinales Romani  
collegii moti zelo pacis & unionis prædictæ,  
deliberaverunt eligendum per eos papam certo  
modo juramenti vinculo perſtringere, quo ne-  
ceſſitatus ad conſummandum pacem & unionem  
prædictam toto conaretur ingenio: non tamen  
præciſe ſtatuentes, quod renunciationis viam  
eligeret. Elegerunt itaque de ſuo collegio feli-  
cis recordationis Innocentium VII. Et idem  
etiam infecto negotio in fine biennii poſt ſuam  
creationem de medio ſublatus eſt. Cardinales  
itaque videntes quod dominus Innocentius ſatis  
reſpiciendus ad efficiendam unionem extiterat, in  
imminente futura electione cautiores effecti,  
antequam eligerent inter ſe concorditer firma-  
verunt, ut eorum quiſque juraret Deo, & B.  
Mariæ Virgini, ſanctis apoſtolis Petro & Paulo,  
& toti cæleſti curiæ, ac etiam ipſiſmet viciffim,  
unus alteri voveret & promitteret, quod quiſ-  
quis eorum contingeret in Papam eligi, pro  
reintegratione & unitate chriſtianorum renun-  
ciabit effectualiter juri ſuo & papatui pure &  
libere ac ſimpliciter, ſecundum tamen modum  
& formas in ipſo juramento deſcriptas, in cu-  
jus etiam forma de modis tenendis circa locum  
cum altera parte conveniendi, & de cardina-  
libus non creandis, pendente hujusmodi tractatu  
unionis, niſi pro numero cœquando, diſtincte  
videri poteſt: & generaliter concluſerunt, quod  
tam eligendus ipſe cum electus fuerit, quam ipſi  
cardinales uſque ad finem omni modo & forma  
poſſibili, omnino perfeverabunt, ut ipſa reinte-  
gratio & unio locum & finem habeat, nihil de  
contingentibus omittendo; & quod contra tale  
juramentum & votum nulla abſolutio ſeu diſ-  
penſatio petetur, obtinebitur, nec obtenta ab  
aliquo eorum utetur, prout in dicta forma, quæ  
hic habeatur pro expreſſa, plenius continetur.

Præſtitis igitur juramentis hujusmodi, & ve-  
nientes ad factum electionis, cardinales ipſi reſ-  
picientes in perſonam domini Angeli Corrario,  
tunc tituli S. Marci præſbyteri cardinalis, qui  
reputabatur totus ſanctus, & devotus, & ad  
prædictam unionem fervidus ultra modum;  
ſperantes ut ipſe facilius, citius, & efficacius  
unionem prædictam effectualiter adimpleret;  
ipſum in Apoſtolicum elegerunt & præfecerunt,  
vocatusque eſt Gregorius papa xii. Poſt cujus  
aſſumptionem, ipſe quod de juramentis fecerat  
iteratis vicibus tam in ſecretis quam in publicis  
conſiſtoriis, prædicta vota & juramenta confir-

\* Error in  
numero.



mando de novo etiam innovavit, processum etiam unionis intentavit, mittendo scilicet suos ambassiatores juxta juramenti formam ad supradictum dominum Benedictum, cum potestate disponendi locum mutue conventionis, utrique parti tutiorem: ipsique ambassiatores cum prædicto domino Benedicto ejusque dominorum cardinalium collegio de loco civitatis Saonæ concordarunt, de tempore etiam infra quod ibidem pars utraque conveniret: quam loci electionem & gesta ab ipsis ambassiatoribus per suas patentes bullas ratificans approbavit.

Sed heu! post hæc parum, diabolo suggerente cum ministris ejus viris adulatoribus, coepit Gregorius iste corde, verbis, & opere, totus esse retrogradus, in tantum, ut quivis adulatorum unionem dissuadebat, hinc acceptus erat & factus amantissimus, & econtra. Consilia peritorum quærit si juramenti prædictis se posset absolvere, excusationes frivolas quæritat, quibus ad conventum locum se dicit accedere non teneri: sicque tandem domino Benedicto infra statutum terminum cum suis cardinalibus Saonam ingrediente, non curavit accedere. Sed dissimulans aliquid agere, se transtulit usque ad Senas; & inde tandem tractato prius ut dominus Benedictus ad locum Portus Veneris se transferret, prout & fecit, ipse dominus Gregorius quasi tractus usque ad civitatem Lucanam cum sua se curia transtulit. Ex quibus locis ambarum partium hinc inde vicissim diversis legationibus destinatis pro loci convenientia, post multorum per alterutrum oblationes locorum, conclusum tandem exitit, quod dominus Benedictus cum suo collegio ad castrum Liburni, & dominus ipse Gregorius cum suis pariter ad civitatem Pisanam se transferret, in quibus propter vicinitatem locorum tractatum unionis faciliter expedirent.

Conclusione vero sic facta, & cum paratus esset Benedictus pro parte sua hoc efficere, & similiter domini cardinales utriusque partis, iste dominus Gregorius pravam intentionem suam occultare non valens, cum omnis excusationis cessaret occasio, nedum causa, manifeste recusavit, nec erubuit contra suum juramentum, & voluntatem suorum cardinalium duos suos nepotes & alios duos adultores & unionis appetitissimos turbatores, cardinales, quantum in eo fuit, pronunciare & assumere, quos tamen domini cardinales antiqui renuerunt pro cardinalibus acceptare.

Post hæc videntes ipsi domini cardinales induratum & obstinatum cor ipsius domini Gregorii, & certis exterioribus signis formidantes ne in eos manus apponeret, ac non minus unionis affectu, & quod eorum propriis juramentis ab initio præstitis, etiam papa recusante, ad profectum unionis implendæ, quantum in eis esset, ex eorum posse tenerentur; inito concilio, de civitate Lucana descendentes ad Pisanam, exceptis tribus (Isti tres postea venerunt cum aliis cardinalibus & fuerunt unanimes) accesserunt; & de ibi repetitis vicibus unum ex eis ad eundem Gregorium transmiserunt, obse-

crantes eum, ut in observationem juramenti ac voti sui pro reintegratione & unione christianorum vellet ad locum Pisanum accedere, impleturus quæ sibi incumbabant omnia pro salubri consummatione concordie & unionis Ecclesiæ: protestantes quod aliter, quantum cum Deo posset & jura permetterent, intendebant corrumpentem Ecclesiam catholicam, depulso schismate, reintegrare. At ipso prorsus indurato & obstinato, auresque suas obturando, requisitiones justas & sanctas dominorum cardinalium contemnente, præfati domini cardinales cum aliis dominis cardinalibus alterius partis, hoc est domini Benedicti, venerunt in loco Liburni; & non solum ipsi præsentibus in dicto loco, sed aliis etiam absentibus utriusque partis, qui nondum commode potuerunt illuc accedere, exceptis forte paucissimis aliquibus, unus spiritus, una mens, unum corpus & collegium effecti sunt, tractantes & quærentes præfatum Gregorium nunc notorium Ecclesiæ turbatorem, & pertinacem; ac etiam alterum Benedictum, si & ipse incumbencia sibi recusabat efficere omni via possibili de jure & facto, & cum invocatione & præsentia concilii generalis deponere, anathematizare, seu depositum vel depositos ostendere & declarare, & ad novam summi Pontificis concordem electionem, qui universalem in unionem & pace regat Ecclesiam, schisma tollat, & ad unum ovile divisum Christi gregem collectum pascat. Demum attente hunc eorum intentum cunctis prælatis, principibus & populo christianis insinuant, poscentes ab eis consilium, favorem, & consensum: intendentes, ut prædixi, generale concilium convocare cum voluntate prælatorum, principum & populi christiani prædictorum, cum omnes hoc velint & appetant, aut saltem pro tanta parte, quod reliqua valde minima censeatur, in Dei nomine prædicta sibi vel cum quibus poterunt commode salubriter adimplere. Hinc potest dici casus in effectum. Hoc tamen addito quod quoniam ea quæ dixi de mediis tentis per præfatum dominum Gregorium, ita sunt toti sæculo notoria, quod nulla possunt tergiversatione celari: Et utinam sic non esset. Nam, Deo teste, nulla privata passione moveor ad hoc dicendum. A principio quidem suæ creationis propter ejus celebrem famam sanctitatis & bonitatis: sperans quod ipse redempturus esset Israhel à carcere divisionis & umbra mortis, eundem in maxima reverentia cordialiter nec solus habui. At postquam non mihi soli, sed universitati cognitus est talis, ut prædixi, & nullum in eo caritatis zelum ad oves Christi vigere, quem pietas ulla christianæ plebis anhelantis ad pacem ipsam, juramenti religio, voti vinculum, honestas propria, & si qua est bonitas alia non retrahit; nec nisi ad magnificandum nepotes suos vana pompa sæculi totaliter hebetatus tendat, nec advertat quomodo factus sit in fabulam omni vulgo, in opprobrium ac derisum toti Ecclesiæ, præterquam certis fratribus hypocritis, quos in specie locustarum. B. Johannes in Apocalypsi præviderat, existimans

X x x x iij

forte quod talium sic concione vallatus, sapientibus possit illudere, qua deceptus quid aliud de ipso nisi quod omnes prædicant ipse loquar?

EPISTOLA JOHANNIS PAPÆ XXIII.  
ad Bernardum comitem Armeniac,

*Mittit ad eum episcopum Vaurensem qui certum eum faciat de his quæ pro pace ecclesiæ procuranda gesserit.*

Anno 1410  
Ex archivis  
Ecclesiæ Al.  
biensis.

**J**OHANNES episcopus servus servorum Dei dilecto filio nobili viro BERNARDO comiti Armeniaci salutem & apostolicam benedictionem. Ad hoc Dominus nos prætulit gregi suo, licet insufficientibus meritis, functuros officio pastoralis, ut oves suas pascamus, & hædos repellamus, & ex hiis fortes roboremus, & abigentes nociva, foveamus singulos in quiete. Ad hoc siquidem curis invigilantes assiduis, sicut novit ille almus scrutator cordium, quem nihil latere potest, ab omnium etiam in minoribus constituti accurata mente flammatoque animo quæsimus, & instanter quærimus vias ac modos, quibus commissum ipsum nostris gregem omni peste depulsa nutriamus spiritualiter & temporaliter, salutifera pace, compositum in tranquillo. Novissime quoque ad hæc ut cumque possumus procuranda dirigimus ad plures mundi partes & principes nostros solemnes legatos & nuntios, nec ad hanc assequendam quietem parcere decrevimus laboribus vel impensæ; quin imo supremi exemplo magistri, nedum substantiam, sed & ubi expedierit, animam nostram dare. Ad te autem, dilecte fili, qui dudum ad sacrum generale concilium Pisis ultimo celebratum nuntios tuos, viros quidem multa virtute præditos transmisisti, & quem per relationem ipsorum instructorum plene de singulis informatum non dubitamus, qualiter perditionis alumni PETRUS DE LUNA Benedictum XIII. & ANGELUS CORRARIO Gregorium XII. ausu nefario nominantes, olim in ludibrium religionis christianæ, contemptumque Dei & fidei ac scandalum plurimorum, de papatu damnabiliter contententes, fuerunt notorii schismatici & pertinaces hæretici justo Dei judicio sententialiter condemnati, & ab ecclesia Dei præcisi; quemque scimus fortem potentemque ac devotum ipsius Ecclesiæ filium pro visitando te zelo quidem paterno, venerabilem fratrem nostrum PETRUM episcopum Vaurensem, referendarium nostrum, exhibitorum præsentium providimus destinandum, super præmissis ab ore nostro suscepta per extensum alloquia nobilitati tuæ laudius fidei organo relaturum. Tuam itaque eandem nobilitatem hortamur, quatinus hujusmodi ejus organo non minus fidei placeat adhibere, quam nostro super beneplacitis tuis, nihilominus ad quæ nos benignos invenies rescripturus continuo, nil metuens de repulsa. Datum Bononiæ sexto cal. Septembris, pontificatus nostri anno primo.

**A** *Hiis ipsis ferme verbis scripsit eodem die ad comitissam Armeniaci BONAM nomine.*  
*Item, ad JOHANNEM Vicecomitem Leomanie.*  
*Ad GLAYOLUM militem magistrum hospitii comitis Armeniaci.*  
*Ad BERNARDUM DE LABATUT consiliarium comitis Armeniaci.*  
*Ad GUILLELMUM DE SOLAGIIS militem consiliarium comitis Armeniaci.*  
*Ad RAYMUNDUM DE SESTAROLIS militem.*

**B**

JOHANNIS PAPÆ XXIII.  
ad Alamannum archiepiscopum Pisanum  
& Gaufridum electum Xantonensem.

*Ut colligant in ecclesiis Franciæ & Delphinatus decimam unius anni ad subveniendum expensis numerosissimi exercitus ad Urbem Romam recuperandam.*

**J**OHANNES episcopus servus servorum Dei Venerabili fratri ALAMANNO archiepiscopo Pisano, & dilecto filio GAUFRIDO electo Xantonensi in regno Franciæ & Delphinatu Vionensi, & nonnullis aliis partibus nuntiis nostris salutem & apostolicam benedictionem. Dum in nostræ considerationis speculam diligentes adducimus, & paterna meditatione pensamus, quot & quam varia & innumerabilia expensarum onera plus solito nobis incumbant, ut statum militantis ecclesiæ sponsæ nostræ, & cui auctore Domino præsidemus, ac salutem fidelium nobis & præfatæ ecclesiæ tam spiritualiter quam temporaliter subditorum, ab imminentium guerrarum turbinibus possimus & defensare salubriter, & à cunctis noxiis præservare, & præsertim nostram peculiarem & prædilectissimam filiam almam Urbem apostolorum principis prælectissimam sedem, & in qua divinitas esse voluit suæ militantis ecclesiæ fundamenta, quamque LADISLAUS de Dirachio hostis atque rebellis manifestus & impius præfatæ ecclesiæ, qui se regem Siciliæ ausu temerario nominare præsumens, sub potentissimo, formidabili extentoque brachio atque velamine nefario perditionis alumni ANGELI CORRARIO schismatici atque hæretici, per generale Pisanum concilium, suis culpis & demeritis exigentibus, ac justo Dei judicio, sententialiter condemnati, omnibus viis ac modis hostilibus conspirationibus & indefessis etiam studiis, à complexu, fidelitate, obedientia, ac devotione nostris & ejusdem ecclesiæ seducere nititur & occupare, ad hoc potissime, ut præfatum Angelum Corrario ultra occupationem dictæ præfatæ Urbis & partium in præfata sede scelestissimo conamine possit intendere, ac lugubre schisma diu nutritum pariter & adauctum per ipsum Angelum & iniquitatis filium PETRUM DE LUNA Benedictum tredecimum se nominare ausu simili præsumentem, hæresiarchas, & contententes dudum, quin verius colludentes damnabiliter de papatu, & per ipsum generale concilium justissima ac toti orbi saluberrima provisione de vinea

Anno 1411  
Ex archivis  
Albionensis  
episcopatus.

Domini Sabaoth ad pacem & unionem totius gregis fidelium exirpatum ac . . . secare ac repullulare, & denuo mittere in perturbationem tranquillitatis unionis & pacis præfatæ ecclesiæ univerforum matris & magistræ fidelium valeat, ac provincias, civitates, & terras nobis & eidem ecclesiæ suppositas invadat, diripiat, ultra alias occupatas, & reliqua faciat, per quæ statum nostrum & ejusdem ecclesiæ dare queat, quantum in ejus scelestâ dispositione fuerit, præcipitem in ruinam divina pariter & humana pervertat, & pro cuius Urbis tuitione necessaria, hoc præsertim tempore, adversum præfatos ANGELUM atque LADISLAUM, eorumque sequaces, adhærentes, factores & complices, sic publica necessitate poscente, ac civitate nostra Bononiensi, & partibus illis dimissis, in illo sperantes qui Petrum ambulanti in undis ac naviculam suam ne mergeretur in fluctibus salutis perduxit ad portum, & in quem agitatus nostros, & anchoram nostræ spei iactavimus, & iactamus, decrevimus ad urbem ipsam cum nostra curia personaliter & præsentialiter nos transferre. Itemque sumpsimus ad eandem contri . . . sine aliqua intermissione progressus, & ut defensionem necessariam possemus incumbere maximas armigerarum gentium, sicut exigit & facti gravitas, & hostilis malignitas atque potentia, conductas fieri fecimus, pro quorum satisfactoribus & aliis supportandis oneribus, inestimabilia provenerint expensarum profluvia, ad quorum supportationem necessariam & urgentissimam nostræ & præfatæ ecclesiæ apostolicæ . . . que cameræ, ne miserabiliter depereant, negotia sine aliorum præfidiis atque suffragiis non suppetunt quomodolibet facultates, & quod non solum ecclesiæ utile, sed necessarium reputamus, aliorum invocare præfidia, & dextas in tantæ necessitatis articulo subventrices, & quoniam de præfidiis atque iuvamine & opportunis suffragiis venerabilium fratrum nostrorum primatum, archiepiscoporum, episcoporum & dilectorum filiorum electorum, administratorum, abbatum, priorum, ac aliorum quorumcumque in quibusvis dignitatibus tam regularibus quam sæcularibus, & ordinum quorumcumque exemptorum & non exemptorum constitutorum in regno Franciæ ac Delphinatu Viennensi, qui tamquam benedictionis filii, in emergentibus opportunitatibus supradictæ ecclesiæ subventrices manus filiali integritate semper impendere consueverunt, & exhibuerunt in quibusvis ingruentibus casibus liberales, in Altissimo spem sumimus & sumimus singularem, quod nobis, ecclesiæ, & cameræ præfatis non solum requisiti, sed spontaneè ac utroneè nobis erogabunt, ad tantas & tam saluberrimas res gerendas, subsidia & favores, discretionem vestræ implorandi ab huiusmodi archiepiscopis, episcopis, &c. & non exemptis præfatis in regno & Delphinatu prædictis beneficia ecclesiastica obtinentibus & infra unum annum à d . . . præsentium computandum quomodolibet obtenturis, & quibus nulla privilegia etiam ab apostolica sede concessa, quoad hæc, volumus suffragari, unum

A subsidium caritativum, seu subventionem vel donum munificum seu gratuitum, attendens ad summam unius decimæ integræ unius anni in regno & Delphinatu prædictis per vos vel alios clericos dumtaxat fide & facultatibus idoneos, quos duxeritis deputandos venerabilibus fratribus nostris S. R. E. Cardinalibus qui onera præfatæ ecclesiæ nobiscum jugiter subvehunt ac FRANCISCO archiepiscopo Narbonensi camerario nostro ac beneficiis eorundem quæ obtinent, & infra dictum annum quomodolibet obtinebunt dumtaxat exceptis, ac nostræ ecclesiæ atque cameræ præfatarum nomine doni gratuiti vel alias petendi ac solvi mandandi & faciendi illis temporibus terminis modis atque formis prout discretioni vestræ videbitur, &c. Datum Senis secundo nonas Aprilis, pontificatus nostri anno primo.



BONIFACII FERRERII  
C quondam majoris Carthusiæ prioris  
TRACTATUS PRO DEFENSIONE  
BENEDICTI XIII. EDITUS.

Ex ms. codice Carthusiæ Vallis-Jesu-Christi.

ADMONITIO PRÆVIA.

CUM exortum post Gregorii papæ XI. obitum schisma perniciosissimum totam divisisset ecclesiam, scissuram illam experti sunt etiam ordines religiosi, qui suum in atriisque pontificis obedientia præpositam generalem habere ceperunt. Cum itaque majoris Carthusiæ domus totius ordinis caput in terris obedientie Clementis VII. subiectis existeret, Urbanus VI. ne adherentes sibi Itali Germanique patres acephali remanerent, proprio motu præfecit eis Johannem Barrensem priorem domus Trisulti sub titulo visitatoris generalis, qui decreto capituli generalis Romæ anno 1382. celebrati Generalis ordinis Carthusiensis renunciatus est, sedemque fixit in domo Florentiæ, cujus tunc prior institutus est; tametsi eam anno 1391. in domum Seitzensem, utpote antiquiorem ac commodiorem transfulerit. Eodem anno defunctus mense Octobri successorem habuit D. Christophorum priorem Maggiani, cui anno 1398. successus est Stephanus Maco prior Mediolanensis, vir religione ac sanctitate in primis commendandus. Interim majorem Carthusiam administrabat Guillelmus Raynaldi, qui anno 1402. fato functus successorem sortitus est Bonifacium Ferrerit, priorem Portæ-Calæ, S. Vincensii Ferrerii fratrem, nec ei forte sam-

ctitate imparem. Hæc cum ita se haberent congregatum est Pisis concilium generale, in quo Bonifacius ut Benedicti XIII. legatus interfuit, aliique nomine ordinis Carthusiensis patres duo deputati, qui facta Alexandri V. electione, nomine totius ordinis obedientiam ei promiserunt. Tunc mirando nec satis laudando uterque generalis exemplo, Bonifacius & Stephanus, præfectura nuncium remiserunt, sperantes hac ratione ordinis scissuram facili negotio resarciri posse. Hos si imitati fuissent ambo summi pontifices, optatam ecclesie pacem actutum reddidissent. Verum non ea erat mens Benedicti, qui auditam Bonifacii cessionem, agrè tulit, dureque increpatum officium prioris majoris Carthusiæ iterum assumere coegit. Hinc Bonifacius sancta occasione, ut suos Carthusienses ad Benedicti obedientiam reduceret, sequentem edidit tractatum in ejus gratiam in quo etsi paulo iniquiorem adversus Gallos, qui extinguendo schismati adeo laboraverant, censuram tulerit, multa tamen singularia scituque dignissima habet quæ abbi facile non reperies. Sed tandem agnita Benedicti XIII. pertinacia, ab ejus se obedientia omnino substraxit, uti & ejus frater S. Vincentius Ferrerii, cuius potissimum cura rex Aragonum eidem Benedicto amplius parere regum ultimus recusavit.

RESPONDET IN HIS SCRIPTIS R. P. D. Bonifacius Ferrarius monachus Portæ-Cæli, & tunc prior majoris Carthusiæ, ad ea quæ adversus se dicebantur in quodam Memoriale.

## CAPUT I.

**S**alutem & pacem. Frater Bernarde, vidi memoriale vobis directum per fratrem Guillelmum de Motam monachum & procuratorem domus Carthusiæ, & ut mihi videtur, omnia quæ allegant in sui excusationem, vehementer accusant eos. Et in primis de renunciatione mea, satis est mirandum, quod eam impugnent vel subsannent, cum ad cordialem requisitionem & supplicationem eorum ego miseram eam; nec me pœnitet tunc misisse, tum quia optabam valde liberari ab illo onere, ut multi veridice sciunt, & in secreto & in publico; tum quia autumabam sibi per dictam cessionem tantum bonum futurum, quod dixissent eis non evenisse ex non facta cessione: tum quia vitabant minas & pericula, quæ eis abundanter imminuebant, ut dicebant, ex mea præsentia: tum quia oportebat me nunc, sicut quolibet anno, ex ordine petere misericordiam, quæ habet vim cessionis, quia sic dicitur, *Peto me absolvi ab officio prioratus*, & istud virtualiter vult

A dicere *cedo*; & sic non multum addebat cessio missa, nisi quod liberalius, & honorificentius, & clarius, & magis ad eorum voluntatem & ad saturitatem inimicorum fiebat. Si ergo feci quod ipsi requirebant; & ordo volebat; & ego optabam; & secundum eos erat summe necessarium & utile; in quo ego culpor? respondeant vobis.

## CAPUT II.

**Q**uod autem dixerim vel nominaverim in ea capitulum generale, quod ego sciebam non esse capitulum generale, &c. Istud oportuit de necessitate ordinare. Nam cessio, vel misericordiæ petitio oportet quod fiat apud superiorem; & tunc immediate alium non cognoscebam. Quod autem sciebam debere illuc schismaticos concurrere; istud non impediēbat: nam consulueram eis ante, per magnum tempus quod non facerent aliquam declarationem de papa: sed saltem remanerent in indifferentia, & mitterent aliquas personas ordinis, ad obedientias utrasque, & informarent se de veritate, & tunc possent se applicare sicut Deus ministraret eis, quod ipsi laudaverunt, & approbaverunt, & dixerunt se facturos, & ista spe ego misi cessionem meam, quia tunc in dubio ex quo non declinabant ad partem aliquam, reputabam eos capitulum legitimum: & sic me canonice absolutum & in pace quieturum.

## CAPUT III.

**I**tem, dicunt quod caput eorum habens curam animarum ipsorum sic ordinavit, ut ipsi eligerent partem illius intrusi, &c. quomodo non attendunt quod vocant caput? dubito ne intestina plena stercorebus mutant in caput. Considerandum enim est, quod ibi dicebant esse quatuor genera hominum: primi de domo Carthusiæ, secundi illi priores de Sabaudia, tertii illi de Francia, quarti illi de alia obedientia. Isti ultimi, certum erat eis, quod erant & fuerant condemnati & declarati tam per dominum Clementem septimum, quam per dominum nostrum Benedictum, veros Romanos pontifices, sub quorum obedientia tunc illi de Carthusia erant, schismatici, rebelles, & excommunicati, immo & hæretici, & extra Ecclesiam. Quæ ergo conscientia communicarunt cum illis maxime in divinis illi de Carthusia? vel quomodo poterant esse caput vel membrum capituli? quis poterit excusare à sententiis latis illos de Carthusia? Tertii vero qui erant Gallici se substraxerant jam per annum ab obedientia Domini nostri ante illud conventiculum Pisanum, notorie contra omnem rationem injustè & impiè; & per consequens fuerunt eisdem sententiis ligati & innodati, sicut præcedentes per processum domini Clementis VII. ac etiam per constitutionem domini nostri Benedicti publicè promulgatam & latam de jure, immo secundum veritatem juris magis

magis erant schismatici, inexcusabiles, & hæretici subsequenter, quam illi de alia obedientia, qui habebant aliquem colorem in peccatis eorum: & sic nec etiam isti poterant esse capitulum, nec capituli membrum. Ego igitur credidi quod domus Carthusiæ in qua totum jus capituli generalis in isto casu residebat cum prioribus de Sabaudia, qui non erant adhuc culpabiles, vel non tantum deliberarent inter se quid agendum; & tamen omni deliberatione postposita miscuerunt se cum impiis, & inhabilibus, excommunicatis, schismaticis, condemnatis, & prohibitis. Quis potest eos excusare à culpa, & peccato, & à nullitate omnium quæ fecerunt, cum omnia ista essent eis notoria de jure & de facto, & erant facta tempore quo ipsi obediebant summo pontifici tam moderno quam prædecessori suo?

## CAPUT IV.

**I**N excusationem prædictorum allegat frater Guillelmus quod domus Carthusiæ deliberavit non curare sed totum dimittere eis, &c. Ista excusatio velociter condemnat eos; includit enim triplex grave peccatum: primum negligentia propriæ salutis, agebatur enim de tanto periculo & discrimine animarum suarum, & ipsi deliberarunt non curare, nec velle scire, vel informari: aliud est committere membris diaboli, id est notorie schismaticis & excommunicatis curam & examen animarum suarum: tertium affectantes ignorare consenserunt oculis clausis in eorum iudicium, adhærendo antipapæ, dimisso eorum summo pontifice. Quis posset eos excusare in omnibus istis à gravibus peccatis? & tunc si domus Carthusiæ sola cum illis de Sabaudia ante mixturam aliorum repræsentantes capitulum generale recepisset renuntiationem meam, reputassem legitime factum.

De istis autem impedimentis, excommunicationibus & prohibitionibus, &c. illorum schismaticorum in duplici genere constabat illis de Carthusia à notorio antequam venirent ad eos: quo ergo colore vel qua fronte ausi fuerunt se immiscere iisdem nulla habilitatione vel præparatione præcedente? videtur vobis iusta excusatio quam prætendunt *non curamus scire?* & tamen vocat istos lupos, & vulpes pastores animarum suarum. Videtis quam excusationem possunt habere apud Deum vel apud homines ex quacumque ruditate, simplicitate, vel ignorantia nolentes scire aliquid de ipsorum salute, nec etiam intervenire, ut dicunt.

## CAPUT V.

**I**tem constabat illis de Carthusia omnes venientes ad suam domum, tunc esse à notorio inimicos capitales hujus partis, & partiales determinatos ad partem contrariam, scilicet contra istam quam ipsi de Carthusia tenuerant anteheri. Quomodo ergo submiserunt se iudicio tam

*Thesauri Anecd. Tom. II.*

**A** suspecto & partiali, nulla audita ratione de alia parte, & sic per solam assertionem inimicorum publicorum dimiserunt & abnegaverunt fidem summi pontificis, in qua vixerant per xxx. annos & ultra? Credo quod non debuissent ita summarie & indiscrete repellere à se minimum famulum de capitulo, & dicunt *non curavimus aliquid scire*. Videte notabilem excusationem hominum, qui credunt servire Deo: contra quos dicit Jeronymus in epistola ad Paulinum tomo iv. quod servitores Dei quanta ædificant in Ecclesia Dei ex merito vitæ, tantum nocent si destruentibus non resistent: quia qui bestialiter vivit, bestialiter condemnatur: & sic hîc fuit affectatissima negligentia & ignorantia, quæ includit multiplex peccatum ut prædixi, & non inconvincibilis ignorantia, ut subjecit illis deceptorie diabolus. Quis ergo non diceret fomentum fuisse in hoc illum qui habebat præminentiam & poterat disponere & præparare ista & similia, ut saltem habuissent colloquium ad partem cum prioribus de Sabaudia, & scirent voluntatem minus suspectorum, & sic requisissent tempus ad deliberandum trium vel quatuor mensium, & non venissent sic promptissimi ad præcipitum, vel saltem protestari in secreto & ad partem de prædictis, ex quo dicitur & constat impressionem ita notoriam.

## CAPUT VI.

**D**E T cum opponitur quod omnes recessimus ab illo primo intruso Bartholomæo, sub cuius obedientia fueramus: ideo nil mirum, si ipsi recesserunt nunc ab obedientia domini nostri papæ Benedicti: longe distat quantum album & nigrum; tunc enim verum & indubitatum collegium cardinalium tempore obitus domini Gregorii antequam procederent ad electionem vel intrarent conclave, habuerunt tumultus & minas & impressiones, in tantum quod dicebatur publice, iste actus non valebit, & similia: ita quod res fuit dubia & litigiosa antequam inciperetur, & istud constabat à notorio, illis tunc præsentibus, & postea toti mundo exinde fuit secutus ille actus cum sua putredine & infectione, nos distantes & ignorantes per litteras fuimus certificati quod electio fuerat facta de tali Bartholomæo, &c. & sic oportuit pro tunc credere, & obedire. Et consequenter cardinales positi in securo & libertate omnes concorditer cum solemni juramento & publicis instrumentis eorum manibus subscriptis, dixerunt nobis illud factum fuisse per impressionem notoriam, & timore mortis, & tunc nostri principes ultra hoc plenissime informati per solemnes homines qui fuerant præsentibus in illis actibus, & facto processu, & partibus auditis solemniter, & ad plenum reperta veritate, eam amplexati sunt, & adhæserunt collegio indubitato, & eorum assertioni, cum per actum jam in sui principio dubium & infectum, & litigiosum, vel per ea quæ inde secuta sunt non cessaverit eorum vera potestas. Quid ergo habet commune hoc nego-

Y y y



tium modernum cum illo, in quo illud verum collegium cardinalium, habita opportunitate & securitate personarum, publicavit nobis veritatem; quod totum factum fuit inter duos vel tres menses: in isto autem omnes cardinales antiqui & veri & alii subrogati, & nos omnes perseveravimus in obedientia domini Clementis & successivè domini Benedicti summorum pontificum plenè & inconcussè, per triginta annos & ultra; & quod illi de Carthusia nulla habita informatione, nisi per tumultum inimicorum schismaticorum publicorum & excommunicatorum, se præcipitaverint in abissum damnationis, abnegando impie summum pastorem & pontificem, & verum vicarium Jesu-Christi. Quæ similitudo est ista? persuasiones diabolicæ sunt istæ ad excusandas excusationes in peccatis, prælatio enim summi pontificis non est cappa pluvialis, quæ pro libito possit excuti à dorso.

## CAPUT VII.

**E**T si illi de Carthusia sic in dubio, quod prætendebant, volebant adhærere suo pastori, & curato animarum suarum & ei credere, non debebant haurire aquam de cisternis dissipatis, quæ non valebant continere aquam, nec bibere aquam turbidam vel amarissimam, sicut fecerunt. Habebant enim prælatum indubium & in his instructissimum. Forte dicent: Suspectus erat, nec debebat unus præferri tot personis qui erant etiam illi superiores, quia capitulum generale, &c. Quantum est quod essent capitulum generale ostensum est clarissime quod non; dicetur saltem ut singulares plures erant & notabiles, dico tamen quod quamvis plures essent in personis; tamen virtute vel efficacia non, sicut si centum testes testificarentur, quod talis interfecit talem, & omnes interrogati, quomodo sciunt, responderent quia audierunt à Petro; isti centum testes non est nisi unus, & nihil valent nisi quantum solus Petrus. Sic in proposito, omnes priores qui dicuntur congregati in Carthusia nihil sciunt, nisi quantum audierunt in partibus suis à dominis & prælatis. Ex destructo ergo illo fundamento, sicut fiet inferius, omnis eorum scientia est annihilata & devorata, & per consequens illi de Carthusia damnabiliter egerunt sequendo eos vel dando eis fidem.

## CAPUT VIII.

**Q**uamvis vero ad suspensiones quas ipsi vel alii potuissent concipere contra suum prælatum, qui eis tunc de jure, & de facto præsidebat, cui tenebantur de necessitate salutis credere & obedire, debitis circumstantiis adhibitis; nullus nisi solus Deus potest eas de cordibus hominum evellere, ex quo aliquis eas sibi incapitavit, sed consideratis his quæ cadere possunt in humano exanime, nulla suspicio vel partialitas debet, vel potest sibi imponi saltem per vehementes

præsumptiones quæ tollent omnes alias contrarias, & istud allegabitur pro illis de Carthusia dumtaxat, (quod poterit honestè fieri) quod apud alios forte adscriberetur vanitati. Tamen sequor dictum Apostoli 2. ad Corinth. 12. *si gloriari voluero, non ero insipiens: veritatem enim dicam, secundum ignobilitatem tamen dico, quasi infirmus fuerim in hac parte.* Certum enim erat illis de Carthusia, quod prælatus eorum, quamvis & magnus peccator, erat tamen sicut unus ex eis, qui adhærens consiliis nostri Redemptoris, dimiserat omnia quæ habebat propter Christum, odiendo patrem & matrem, uxorem & filios, domos, agros, & vineas; adhuc autem & animam suam. Item, quod non est, nec fuit ambitiosus super honores, prælationes, dignitates, officia & beneficia: immo sibi oblata & in aperto præparata contempsit. Item, quod non fuit nec est avarus vel cupidus in persona sua, cum ea quæ sibi data fuerunt, quæ etiam intuitu personæ ex quo est prælatus, quæ etiam licite poterat retinere pro usibus suis, & de jure & de licentia speciali, tradidit & dedit in magnis quantitatibus dictæ domui Carthusiæ, & antequam præsideret aliis domibus ubi præsidebat, etiam privando se aliquibus necessariis, præferendo semper necessitates & utilitates domorum suis propriis, & alia similia. Ecce ergo unde ingerit vehementissima præsumptio, quod illa quæ solent pervertere iudicium humanum & trahere ad affectiones illicitas videntur cessare in eo. Nam omnia prædicta propter Christum arbitratus est ut stercora. Item, in negotiis istis præsentibus, schismaticis, & divisionibus, tantum audivit de jure, & tantum scivit de facto, quantum unus solus homo qui hodie vivat in mundo: ita quod non oportet per auditum incertum & dubium ab aliis informari. Intervēnit enim inter papam & cardinales in prima subtractione, tractando pacem inter eos per multos annos, ubi vidit & audivit hinc inde de materia currenti quantum homo mundi, etiam interrogando papam & cardinales, tam citra quam ultramontanos; prorsus etiam & in secreto audiendo frequenter arcana verba quæ non licet homini in publico loqui. Tractavit etiam ista negotia per magnum tempus cum dominis in Francia, fuit in concilio generali Perpiniani tamquam coactus, quia strictissime vocatus; fuit in illa congregatione Pisana tamquam unus de ambaxiatoribus papæ, & totius concilii sacri generalis ecclesiæ catholicæ & omnium regum & principum illius obedientiæ, & quamvis de jure non sit in tantum avisatus ut expediret, tamen est doctor talis qualis, nec ex toto, ut illis de Carthusia constabat, bestialis, qui de his quæ audiverat ab aliis in jure pro istis negotiis tam poterat discernere quam unus imperitus sibi similis, vel fortè quam multi incapellati de utroque colore in illo regno magistrorum tuorum.

## CAPUT IX.

**E**T si diceretur, dilectio nationis vel patriæ forsitan, vel timor provocat in hoc affectio-

nem. Istud non est verisimile. Primò, qui tot A propria odit propter Christum, quæ solent corda hominum & affectiones penetrare usque ad interiora velaminis & adipem concutere; & sunt intra viscera hominum & quasi naturalia, nec propter illa dimittenda, vel adipiscenda commisit vel commiserunt in suo iudicio, aliquod sinistrum, nullus sanæ mentis præsumeret, quod propter auram tenuem affectionis patriæ perverterent consilium & iudicium verum, nec propter timorem; in primo, quia in patria sua, sicut est notorium toti mundo, quilibet loquitur B libere, & nulli in voto suo vel consilio fit violentia, vel inferuntur injuriæ publice vel private; & apparuit in votis & consiliis suis ubicumque expediens fuit. Jam constabat illis de Carthusia à notorio, quod prælatus eorum tractans ista negotia in Avenione & alibi, dixit & dicebat pro bono negotiorum dura & aspera, & valde displicibilia & onerosa, licet reverenter sicut dicebat, tam papæ quam cardinalibus perseveranter & publicè, & ad partem ubi habebat majorem & vehementiorem rationem timendi, C tamquam habitans cum draconibus & scorpionibus non sine minis, & comminationibus quam nunc. Si ergo in periculo tormentorum & personæ non divertit à veritate iudicii & consilii, quomodo diverteret in loco pascuæ & pacis, & maximæ libertatis?

## CAPUT X.

D Icetur fortè sibi, quem te ipsum facis? D Videtur quod tu præferas dicta tua omnibus dominis prælatis & litteratis de Franciâ; & quantæ temeritatis hæc sint tu vides? Ad quod ego. In hoc me non extollo; sed annuntio Christum & veritatem Ecclesiæ, illis quibus obligor, & quibus à Deo prælatus sum, à principio displicentèr, & nunc porto eos in humeris cum eadem & majori displicentia; ut in extremo iudicio possim dicere cum Paulo, act. 20. *mundus ego sum à sanguine omnium vestrum. Non enim subterfugi quominus nuntiarem omne consilium Dei vobis; ego enim non quero gloriam meam, est qui querat & iudicet.* Ille autem qui non appetit nisi in Domino gloriari, quando in salutem aliquorum oportet aliquid in laudem suam exprimere, potius punitur respectu sui, quam delectetur. Sicut enim Spiritus sanctus, ut per ea ad quæ inclinamur & afficimur, nos traheret ad sui amorem, turpia verba, crura & ubera mulierum, tactus & oscula, & similia nobis suggessit in Cantico- rum Cantico: ita aliquis maxime prælatus ad vitandum suam pœnam vel notam vanitatis, non debet tacere illa, honesta vel turpia, laudabilia vel vituperabilia, quæ verisimiliter præsumit posse prodesse suis, secundum illud Apostoli 2. ad Corinth. 12. *Insipiens factus sum, vos coegistis me; & alibi, Factus sum infirmus infirmis; & iterum, si quis videtur inter vos sapiens esse, stultus fiat, ut sit sapiens.* F

## CAPUT XI.

V Eniendo ergo ad argumentum Judaicum de multitudine & sapientiâ mundanâ, &c. valde faciliter & patenter repellitur, ita quod nullum nocumentum præstat supradictis vel ad- jumentum in excusationem illis de Carthusia per sequentes evidentes rationes.

## CAPUT XII.

P Rimo enim; constabat à notorio illis de Carthusia, quod tempore quo ipsi erant in plena obedientia domini nostri papæ Benedicti; illi de Franciâ nunc secunda vice fecerant sibi subtractionem obedientiæ, reddentes se neutrales, nulla iusta causa vel occasione præcedente; nec de causa vel causis pertinebat ad subditos iudicare: istam saltem publicè prætendebant, quia assignaverant domino nostro papæ, quod usque ad tunc proximum venturum festum Ascensionis, vel Pentecostes dedisset unitatem Ecclesiæ, alias nunc pro tunc subtrahebant se ab ejus obedientia, & jam ante privaverant eum omnibus emolumentis cameræ. Audistis blasphemiam, nisi transferas montes, vel nisi facias viam siccam in mari, vel quod sol stet immobilis per unam diem, & similia (alias fiet tantum sic) recte; minus impossibilia erant ista quam illa; quia ut dicit B. Augustinus, plus est iustificare impium quam creare cælum & terram; præcipue ipsis impredientibus per subtractionem temporalium, & per alia multa detrimenta notoria, prosecutionem unitatis. Ubi est ergo vestra iactata sapientia, prudentia, vel scientia? etiam si vixisset mulier Judith subsannando reprobasset eos assignantes, & præfigentes tempus miserationi divinæ, Judith 8. obligando homines simpliciter ad impossibilia; videtis in quo consistit scientia & sapientia eorum. Considerate qualem occasionem invenerunt subtrahendi obedientiam; creditur quod rustici de montibus invenissent magis colorata; sed excœcavit eos odium, & iniquitas & malicia ipsorum. Ex hoc ergo fuerunt & sunt excommunicati sententiâ juris & hominis; & effecti inhabiles ad omnem actum legitimum in iudicio vel extra. Fuerunt etiam & sunt finaliter schismatici, & inexcusabiles apud Deum & homines incomparabiliter plusquam illi de prima obedientiâ, quapropter nulla fides erat, vel est dictis eorum adhibenda, nec eis in aliquo credendum, non solum per homines qui dicunt se timere Deum; sed nec per bruta animalia; & hæc fuerunt acta attentatam longè per magnum tempus ante illud conciliabulum vel conventiculum Pisanum, ad quod illi omnes venerunt, & se iniecerunt ut capitales & notorii inimici, & ut patentissimi hostes.



## CAPUT XIII.

**S**ecundo, quia constabat, etiam à notorio toti mundo, quod publica edicta præconisationis in tota denuntiatione Franciæ fuerunt promulgata & publicata, jam in illis diebus; quod rex Franciæ & totum regnum suum reputabant & dabant in publicum hostem & inimicum capitalem Petrum de Luna, loquendo suo vano modo de domino nostro papa Benedicto, & talem volebant eum haberi & teneri, & reputari ab omnibus prælatis, principibus & baronibus, & aliis personis illius regni, cujuscunque status, præminentie, vel conditionis existerent, sub periculo personarum & bonorum, &c. Quis ergo sanæ mentis ad informationem suæ conscientie, vel judicium exercendum reciperet informationem ab aliqua persona illius regni in isto negotio, vel illi daret aliquantulam fidem, cum publice fateantur, & constet eos esse hostes & inimicos hujusmodi veritatis & papæ?

## CAPUT XIV.

**T**ertio ultra hoc, sunt inimici capitales habiti & reputati, de jure communi, vigore subtractionis obedientie, & bonorum & totius honoris & status papalis, quantum in eis est & fuit; nam subtractio & privatio talium æquiparatur morti & gravissimo periculo personali de jure.

## CAPUT XV.

**Q**uarto & vehementius, certum est enim & erat illis de Carthusia, quia toti mundo publicum & notorium, quod publicum edictum emanavit in Francia, & per publicas præconisationes divulgatum, quod sub pœna mortis & bonorum, beneficiorum, & statuum, & dignitatum nullus adhæreret domino nostro papæ Benedicto XIII. quem illi nominant suo vitio consueto Petrum de Luna; nec ipsum diceret, nominaret vel vocaret papam, vel aliquam gratiam, vel litteram ab eo obtineret, & hoc fuit factum jam ante illud conventiculum Pisanum, & vehementius post, illo videlicet dissipato & dissoluto; in tantum quod aliqui notabiles prælati & ecclesiastici scientifici, qui principio incæperunt loqui aliquid secundum eorum conscientiam, quæ videbantur illis adversariis veritatis favorabilia domino nostro papæ Benedicto, fuerant capti & duris carceribus traditi, & omnibus beneficiis, & bonis privati: ex quo oportuit voluntati eorum cedere; cum graviore tamen extorsione & redemptione pecuniarum incomparabiliter quam apud Turcas, vel ceteras barbaras nationes exegissent. Oportuit enim (omni humanitate rejecta) quod abbas sancti Dionysii emeret se quinque millibus scutis auri, & alius tribus mille, & alius duobus mille & sic de ceteris, prout illi piratæ terrigenæ in

A suis tartareis tumultibus ordinabant. Ergo quæcumque dicta, allegationes, positiones, testificationes, vel assertiones audieris ab aliquo domino prælato magistro doctore, vel populari illius sectæ, debes reputare nulla, & nullius efficacie, auctoritatis vel valoris; tamquam per publicam impressionem & violentiam prolata & dicta & facta; nec ab aliquo est danda illis fides; & istud non recipit aliquod dubium etiam apud infideles.

## CAPUT XVI.

**P**raterea quia si prædicti prælati, doctores, magistri, vel alii viri de Francia litterati, impugnarent vel improbarent illa quæ acta sunt & perpetrata Pisis; quid aliud esset dicere, nisi confiteri se fuisse & esse proditores, schismaticos, perfidos, & infideles; præcipue cum omnes illi prælati teneantur de fidelitate promissa & jurata domino nostro papæ; & alias sibi obedire de necessitate salutis. Confiterentur ergo se tales, si approbarent fidem & veritatem hujus partis, ac etiam dominos suos principes & præpositos esse & fuisse schismaticos, rebelles, sacrilegos, & omni honore, dignitate, statu, præminentia, officio vel gradu, simul cum eis ipso jure privatos, tam à jure quam per constitutionem domini nostri papæ publice editam & illis præsentatam, & publicatam, quam alias per processus generales, & speciales factos per dictum dominum nostrum papam & prædecessorem suum. Quis est igitur inter Christi cultores nisi ex toto superni luminis fulgore privatus, vel à rationis judicio penitus alienus, vel Judaicæ cæcitatæ caligine involutus, qui talibus personis crederet; vel super his fidem aliquam adhiberet?

## CAPUT XVII.

**E**t idcirco ut fingerent se evadere dictas pœnas in suo conspectu fascinati & obnebrati fecerunt dictam subtractionem obedientie; addentes in excusationem unius gravis peccati, alia plura graviora & inexcusabilia. Nam ut excusarent, vel tegerent grave peccatum inobedientie, quam commiserant contra papam & verum vicarium JESU-CHRISTI, quod est, ut dicit textus, peccatum sacrilegii, fecerunt subtractionem obedientie, quod est schisma formatum, rebellio & infidelitas, quæ postea cum perseverantia transiit in hæresim.

**F** Istud est simile, sicut si aliquis christianus inobediens mandatis ecclesiæ, ex quibus aliquas graves pœnas incurrisset, vehementius formidaret futuras; ut omnia evaderet, & se liberum & innocentem redderet, subtraheret se ab obedientia sui domini vel prælati, vel efficeretur de facto Sarracenus; dicens: ego non incurri vestras pœnas, nec eas timeo, etiam in futurum, quia non sum de vestra obedientia vel credentia, crederes tu talem liberum vel immunem?

Recte tales sunt supradicti qui te (ô Carthusia) A deceperunt, ut vides in aperto; fecerunt subtractionem ut excusarent inobedientiam commissam & ejus poenas; & postea procedentes ulterius ad alios actus magis damnatos, perpetrarunt illa quæ audisti in Pisis, ad suam perniciem etiam alios pertrahentes; ut validius pro excusatione eorum quæ commiserant & incurrerant, oculi eorum tenebrarum caligine involverentur.

## CAPUT XVIII.

**P**ro quibus nunc defendendis & approbandis, ut residuum locustæ comederet bruchus, & residuum bruchi comederet rubigo, superseminant errores & hæreses super potestate papæ, & ecclesiæ; quarum aliquæ jam pervenerunt ad dictos Carthusienses, sed fortius ex nunc convalescunt. Itaque fides ecclesiæ & papæ jam videretur corruisse & defecisse apud illos, quia C numquam magni errores & hæreses possunt defendi vel palliari, nisi supponendo, vel addendo alia fortiora & graviora, ut infra latius dicetur.

## CAPUT XIX.

**V**ides ergo quod nullus sanæ mentis crederet vel daret fidem talibus personis, nec eorum dicta, argumenta, allegationes, vel rationes reciperet, nec ex eis apud Deum vel homines etiam iudicio rusticorum excusaretur, vel aliquod velamen excusationis, vel ignorantie sibi assumere posset. Ista sunt fundamenta affectata ignorantie tuæ, ô Carthusia: quæ tibi portaverunt illi pastores tui, quibus omnia commiseras, nihil volens scire, ut tenebris ignorantie adderetur infectio malitiae & nequitiae.

## CAPUT XX.

**E**t si dicas, quomodo potest fieri quod inter tot magnos prælatos & litteratos religiosos, & alios, nulli credatur? dico tibi quod ita volunt & ordinant, jura, ratio & omnis secta etiam infidelium, quod ubi præcedit, violentia, timor, vel impressio nihil valet quidquid sit, vel dicitur, vel ordinatur vel asseritur; nec datur fides alicui, de illis maxime, additis aliis infectionibus & suspicionibus, de quibus dictum est. Nec est novum hoc in ecclesia Dei quæ legit historias, præcipue ecclesiasticam, tempore hæreticorum, maxime Arianæ perfidiæ, illi enim adversarii veritatis prælati & magistri potentes in opere pravo & sermone perfidiæ applicabant sibi imperatores & dominia temporalia, & sic cum impressionibus & minis & terroribus celebrabant conciliabula sua, in quibus catholici non audebant apparere: quia pauci, & volentes etiam vitare pericula; & quia nihil profecissent; & sic illi ordinabant sicuti volebant, errores suos, cogendo eos ad eorum credulitatem & obser-

vantiam; per talia media sicut nunc factum est in Francia & alibi, quousque Deus aliter providebat, demergendo eos in infernum, sicut faciet de istis. Propter pericula enim personarum, privationem bonorum, & dignitatum multa mala commissa sunt per multos valentes viros. Legitur enim de Osio episcopo Hispaniæ, qui fuit tantæ sanctitatis, & auctoritatis temporibus illis, quod quando papa non poterat interesse in illis conciliis, subrogabat loco sui Osium episcopum, & ille quando catholici prævalebant, præsidebat in conciliis contra hæresim Arianam; tandem post multas pugnas, timore personæ, bonorum, & dignitatum, subscripsit se in illa perfidia Ariana, & post aliquod tempus percussus à fulgure, projectus est in infernum. Item, non legisti tu, quod tempore antichristi, cujus hæc tempora sunt figura, tanta erit persecutio, quod etiam electi, si fieri possit, deducuntur in errorem? Oporteret ergo, quod in aliquo, figura respondeat figurato. Omnia ista ostendunt & probant quod nulla fides est eis attribuenda, maxime quia in conciliis non permittunt aliquem libere pronuntiare quod sentit, sed minis, terroribus, & injuriis cogunt stare decisioni eorum, quam tres aut quatuor grammatici fecerint in abscondito, applicando sibi aliquos de majoribus cum certis fraudulentis & machinationibus.

## CAPUT XXI.

**I**tem, quia hodie quasi nullus intrat illic ad dignitates vel beneficia per portam, sed aut precibus armatis dominorum, minis & comminationibus, supplicationibus illicitis, ambitionibus, tractatibus, muneribus & donis, ex quibus quoad Deum non habent titulum, nec faciunt fructus suos. Quomodo ergo tu credis quod aliquis prælatus propter favorem Benedicti sic in mundo per eos calumniari & lacerari dimittat statum & honorem, thesaurum, patriam, parentes, & fratres? Ille qui jam primo per pravum titulum renuntiaverat Christo & omni virtuti & honestati, forte in suo servitio, addendo socias & prolem; in vanum credis quod tales vadant mendicando per mundum, ante expectabant in isto statu iudicium divinum. Dicam tibi unam trusam, sed veram. Tempore domini Clementis VII. erat Parisius unus magnus magister, immodicus majoribus, sed tenuiter beneficiatus; qui continue in scholis & in sermonibus, & in congregationibus, clamabat voce magna & clara, de unitate ecclesiæ, de cessione, &c. ita quod videbatur quod magno zelo agitaret se ipsum, imponendo illi & illi & justificando se. Fuit petatum à domino Clemente quoddam pingue beneficium per quemdam, quod vacabat, respondit non dabo tibi, quia ego servo ad obstruendum os cujusdam draconis qui continue emittit ignem per os; & sic fuit. Contulit illi, & statim effectus est raucus, habens illud in gutture: subsequenter addita fuit sibi una magna dignitas episcopalis, & tunc ex toto fuit mutus plusquam Zacharias, quia

Y y y iij

ille non recuperavit vocem; & tamen fit magnum festum de isto. Ex eo volo dixisse vobis, ut addantur ambitiones, propter quas, ut dicit Apostolus, multi aberraverunt à fide, tum impressionibus & aliis prædictis, & sic nullam fidem illi de Carthusia debebant dare talibus personis, nec recipere eos incuratos & pastores animarum suarum, ut fecerunt.

## CAPUT XXII.

**E**T numquid istæ impressiones venerunt usque ad domum Carthusiæ? numquid de eis constat illis quibus mandatum est & intimatum per multas & certas notabiles personas, quod nisi transirent ad eorum credentiam, quod traderent eos incendio & spoliarent omnibus bonis; immo quod pejus facerent quam Templariis? Videntur tibi ista argumenta insolubilia. Ecce qualibus rationibus probant fidem vel sectam suam. Talem doctrinam dedit mahometus Saracenis, quod semper cum ense in manu, nulla prædicatione audita vel ratione in contrarium admissa, deffensarent sectam suam. Videtur illis de Carthusia quod debuerint istos recipere in pastores animarum suarum; & videtur eis quod sit congrua informatio ad serenitatem conscientiarum ipsorum. Isti sunt, illi priores qui venerunt de Francia talibus doctrinis pleni, & nullis aliis. Ecce omnes informationes quas portaverunt eis, impressiones & minas, terrores, & comminationes; quia nihil aliud sciebant, vel sapiebant: & tamen illi de Carthusia dicunt quod totum commiserunt eis; & quod nihil ulterius scire voluerunt. Ista excusatio à publico damnat eos, ut prædictum est, nec in hoc possunt prætereendere aliquam ignorantiam, secundum illud, *si cæcus cæcum ducit, ambo in foveam cadent*. Et dicit textus quod in schismate recedendo à vero papa, magis sunt culpabiles ignorantes quam literati, 24 qu. 1. c. *schisma* in textu; & in glossa sub verbo *schismatici*, nisi literati facerent ex odio & malitia, sicut magistri tui.

## CAPUT XXIII.

**N**umquid debebant etiam attendere illi de Carthusia qualiter se habuerant illi de Francia in alia subtractione, quam eodem nequam spiritu attentarunt, & cum eisdem minis, & impressionibus, terroribus & comminationibus, sicut nunc, ut dicitur infra, & non sine gravi verecundia & confusione revocarunt eam eodem impetu quo fecerant, quia nunc ordinant unum, & cras mutant, & post cras aliud; & sic agitabantur à spiritu tempestatis, sicut vult, & ex hoc dicitur vulgariter in Italia, de quo est dolendum, superba levitas Gallicorum; unde dicit Franciscus Petrarca in quadam epistola contra Gallum, Gallici leves homines latique sunt, facilis & jucundi convictus, qui semper nituntur spernere curas, assumunt gaudia,

edendo, bibendo & canendo. Etsi illi de Carthusia fuissent illas vanitas levitates tunc secuti, cum eadem verecundia & periculo oportuisset revocare, sicut faciunt nunc, nam jam illa perversitas agit de subtractione facienda suo idolo; & etiam de eligendo quartum; quia quousque habeant papam obedientem eis & de eorum natione, numquam cessabunt, ut videtis, & jam forte fuisset factio, nisi quia ille de Tureio non acceptaret papatum. Oportebit ergo tunc quod illi de Carthusia sequantur & subtractiones & novas intrusiones, & alias varietates, & levitates eorum, quia sic consulent eis prætensi incipitati sibi pastores animarum suarum; & dicunt, totum dimisimus eis, & non curavimus.

## CAPUT XXIII.

**E**T qui super proxime dictis vellet alius contemplari, videret clarissime ita se habere, in tantum quod videntur habere pro firmo inter se, quod quodcumque aliquis papa facit aliquid contra eos vel domum Franciæ, juste vel injuste, dum tamen eis non placeat, statim desinit esse papa; nam protinus procedunt ad faciendum processus contra eum & subtractionem. Item diffamant quod sunt hæretici & schismatici, & alias quamplures vahas & damnatissimas adinventiones eis imponentes, reputant & constituunt se superiores & iudices supra eos; extendentes nihilominus manus eorum prophanas & sacrilegas ad occupationem bonorum & jurium cameræ apostolicæ, & ad beneficia & ceteros redditus, & proventus ecclesiæ, scribentes in velamen tantæ iniquitatis & malitiæ per mundum mendacia, fictiones, & falsitates contra eos. Considerate, rogo, super hoc quod fecerunt domino Bonifacio papæ VIII. qui in civitate propriæ originis Anagnia fuit interfectus, vel illa occasione mortuus, per quemdam Guillerum Nogueret de illo regno, consentientibus illis & tractantibus de Columna de Roma, ex quibus duos deposuerat Papa propter eorum scelera jam ante à Cardinalitatus honore, &c. ut habetur in C. *uno* deschif. libro septimo. Nec non omnes thesauri ecclesiæ deprædati & dissipati & asportati, ac etiam prædicatum & scriptum per eos universo orbi, quod non erat papa. Et hoc habuit ex mercede, quia canonisaverat sanctum Ludovicum regem Franciæ, ut ista latius habentur in chronicis, tam fratris Martini, quam fratris Bernardi Guidonis; sed qui fuerunt de illa natione ex timore vel affectione multa in verbis & sententiis palliantes & colorantes, quamplurima omiserunt & tacuerunt quæ habentur ex aliis chronicis magis authenticis.

## CAPUT XXV.

**I**dem inceperunt facere contra dominum Johannem XXII. Sed quia erat de eorum natione, non ira dure egerunt, aliquibus tra-



etatoribus se interponentibus.

## CAPUT XXVI.

**I**tem attentarunt contra omnes Romanos Pontifices, qui in aliquo contra eos, vel illud regnum procedere voluerunt, ita quod in finali conclusione, nisi in omnibus papa faciat eorum voluntatem, numquam obedient ei; & sic quod ipsi volunt esse de obedientia papæ activa non passiva, alias statim fabricant & imponunt sibi errores & hæreses, ut habeant colorem talia perpetrandi: ita quod contra illos dictum videatur, Actuum 7. *Quem prophetarum non sunt persecuti patres vestri?* Ita fuit una causa valde impulsiva, quare D. Gregorius bonæ memoriæ papa xi. post cujus mortem ortum est istud schisma, recessit de Avinione versus Romam, ut dixit multis, quia non poterat tolerare & satiare voraginem & abyssum illarum gentium, vel satisfacere petitionibus injustis eorum. Hæc etiam fuit una de causis, quare Græci recesserunt ab obedientia ecclesiæ, ut legitur in historiis, videlicet intolerabilis superbia & vorago insatiabilis Gallicorum, nec non ultra prædicta, fraudes, machinationes & infidelitates, & avaritia Italicorum, de quibus videbis latius infra secundum B. Bernardum.

## CAPUT XXVII.

**E**odem modo fecerunt de domino nostro papa BENEDICTO XIII. Ordinata namque & publicata per eum mature & digestè quadam facta constitutione decretali, & illis intimata, quia per illam videbant refrenari à suis iniquitate & malitiis, & omnibus eorum machinationibus & fraudibus videbatur provisum, gravissime & durè tractarunt nuntios eas præsentantes, ipsos capientes & durissimis carceribus mancipantes, prius multis irrisionibus & ludibriis & injuriis affectis: propter quæ apud eos dominus noster papa secundum eorum errores protinus desit esse papa, facientes immediate sibi subtractionem: & ex istis odiis, rancoribus, & iniquitatibus sunt secuta, (istis tractantibus & deducantibus) omnia illa detrimenta & scandala Pisana.

## CAPUT XXVIII.

**N**ec mirum, si eis ista eveniant, & ita pure sapienter & discretè & mature agitentur negotia apud eos; quia habent in alio sæculo protectorem specialissimum, illum famosissimum quondam virum JOHANNEM DE GRANGIA, vocatum Ambianensem olim glebæ scriptitium domus Cluniacensis, cum utroque parente, qui dum vixit fuit eis exemplar & dux, homo major omni exceptione, virtutis cujus opera sunt nota toti mundo: ideo non expedit hic miracula recitare. Habent hodie gradientes passibus suis

**A** super terram illum benignissimum virum liberum & mundum omni virtute, nulla ambitione in conscientia vexatum, D. PETRUM DE TUREYO, qui alias dixit super hoc in sono suo *Quam planctus*, vel in sono de *Vexilla regis* ita bene miser est ille qui optat istum statum (loquendo de papatu) Et ex hoc agebat tunc solum de vicariatu, obtinendo etiam de manu laicali domus Franciæ, quia de papali non curabat, sicut etiam nec obtinuit vicarium intrusi, in hoc clare ostendens quod non reciperet principalem papatum quacumque violentia impulsus, prout poteris videre latius infra c. 40.

**H**abent etiam illam lucernam sulphuream ardentem & fumigantem in medio nebulæ SIMONEM DE CREMAUDO, virum utique simplicem & rectum, omni divino timore respersum, residentem in omni notitia intantum, quod supra Job transit, imo totum librum Job & omnes sequentes usque ad Canticum canticorum, & ibi residet, de quo habuit & habet tantam notitiam & experientiam, quod totum exposuit & exponit ad litteram, quod beatus Gregorius non potuit facere, ducens continue secum expositionem litteralem, ut semper aliquid addat, immò frequentissime totum divinum officium omittit contemplatione dicti libri absorptus. Habentes ergo tales pontifices & episcopos animarum suarum, conductores & directores, in actibus eorum, (ut de ceteris taceamus) quomodo possunt errare? ab istis originaliter, & à suis satellitibus processit informatio vel impressio illorum priorum qui venerunt ad Cartusiam, quorum aliquis sicut Muntanius jam raptus fuit, & vivens devoratus à vermibus: præcessit enim ad parendum eis locum. Alter vocatus *Converte* collector jurium cameræ apostolicæ per eos occupatorum in absentia suâ habet substitutam collectricem in isdem juribus in Villa-nova, ad illam enim oportet pro istis juribus spiritalibus recurrere. Ita enim potestas muliebris in novo testamento; ab illis de novo inventa est, quod comitatur meretrici propter eorum plenitudinem tempestatis: de qua infra, & utinam illorum nomina jam à Deo reprobata & de libro vitæ deleta, etiam in hoc mundo nusquam scire vel audire licuisset.

## CAPUT XXVIII.

**I**sti supra dicti & similes, sunt dii tui, ò Cartusia, qui extulerunt te de terra promissionis, & præcipitaverunt in terram Ægypti & Babilonis. Istos vocas pastores & rectores animarum vestrarum, istis commisisti curam omnium agendorum pro salute animarum in domo vestra; & nihil voluisti scire, & istud allegas pro cæca excusatione tua, vel ulterius in cumulum damnationis.



## CAPUT XXX.

**E**T cum addis ad illud fomentum iniquitatis & malitiæ, illos antipriores alterius obedientiæ, qui ad te venerunt, istud multiplicat infectionem materiæ & formæ; si tu umquam habuisti veram fidem de ecclesia vel de vicario Jesu-Christi vero, illos non debebas tibi aggregare, qui ut tibi constabat à notorio fuerunt semper & origine schismatici, excommunicati & maledicti, & tales tu semper illos reputasti; & extra ecclesiam iudicasti, tam à domino CLEMENTE, quam à domino nostro BENEDICTO, veris Romanis pontificibus. Si tu ergo umquam eis adhæcisti, vel credidisti; qua fronte, qua conscientia ausi fuisti cum illis communicare, maxime in divinis? quis eos potuit collegio vestro incorporare? quis excusabit vos à gravibus peccatis notoriis, excommunicationibus, irregularitatibus, & aliis censuris, sententiis, & aliis maledictionibus? Responde. Induratum est cor Pharaonis. Ecce quos vocas pastores animarum tuarum, ecce quibus commisisti totam vitam & conscientiam tuam, nihil volens scire, ut sicut eratis, cæci, more Judaico, efficeremini & surdi. Considera in qua conscientia, in qua libertate, & animi serenitate vivis, & confingit tibi diabolus: Excusatus sum quia nihil sciivi, nec volui scire, ut sanguis sanguinem tangeret, & peccatum adderetur peccato.

## CAPUT XXXI.

**U**terius, frater Bernarde, illi de Carthusia in velamen tantæ iniquitatis addunt, quod dominus comes Sabaudensis celebravit solemne concilium, & deliberatione prælatorum & doctorum, &c. declinavit ad illam partem, &c. Si illi de Carthusia non clausissent sibi oculos; sed voluissent considerare fundamenta illius adhæcisonis, potius fugissent ab eis, quam secuti fuissent eos. Totum enim fundamentum illorum est relatio nuntiorum missorum & instructorum per illos Vivariensem, de *Chalent*, & Franciscum de Narbona olim camerarium; & sic totum quidquid fecit dominus comes, non plus valet quam opinio, vel consilium illorum: quod quantæ auctoritatis sit vel credentiæ supra late deductum est & inferius ostendetur. Quid enim poterant consulere nisi quod ipsi fecerant, & cum aliis perpetraverant? aliter enim consulentes confessi fuissent, quod erant, videlicet se notorios proditores. Videtis ergo quod super facto & super criminibus per eos commissis, dabant consilium, & tamen ut facilius deciperent dominum comitem, & suum consilium, superposuerunt multa mendacia, de quibus non sit conscientia apud eos, nec de eis solvunt gabellas, quæ plus ascenderent quam gabella panis, vini, & carni. Habent enim illi de illo damnato conventiculo artem mentiendi, ita promptam sicut volunt. Scribunt enim per

A diversas partes mundi, confingentes mendaciâ inexplicabilia, ornantes illa aliquibus circumstantiis verisimilibus, ut audientes trahant ad suam perversitatem, sicut scripserunt dicto domino comiti & suo consilio, & per dictos nuntios subjecerunt dicentes: Domine, favor vester & adhæcso ad illum PETRUM DE LUNA nocet & nocuit multum unitati ecclesiæ, induratur enim ex talibus in sua pertinacia; nos habemus litteras de regno Castellæ & de regno Aragoniæ, quod volunt adhæcere statim nobis, & sancto concilio Pisano: ostendendo illis litteras falsas, fictas & fabricatas ex parte aliquorum prælatorum vel dominorum: Ideo non scitis de ultimis, detis vobis honorem, alias oportebit etiam ad finem, quando omnes erunt nobiscum, idem facere, & tunc sine honore vestro & merito & mercede; habebitis etiam decimas supra clerum, & alias gratias abundanter pro vobis & vestris, quas ille ex durtia sua denegabat vobis: & alia similia mendacissima: habuerunt enim artem istam mentiendi apertissimam in ista materia; specialiter ille nunc hæresiarca SIMON DE CREMAUDIS deturpatus tunc nomine Patriarchæ; & ille profanissimus tunc infectus nomine anticardinalis Hispaniæ, & sui similes, & super hoc in prima subtractione fuerunt convicti publice de multis mendaciis. Videte qualis est eorum structura, ubi fundamenta sunt mendacia, fictiones, fraudes, & falsitates? Iterum considerate, qua conscientia, quo spiritu, qua rectitudine iudicii & consilii in tractatu unitatis ecclesiæ & catholici fidei negotiis agitabantur.

## CAPUT XXXII.

**E**T nota quod iste ANTONIUS, tunc vocatus cardinalis de *Chalent*, secutus est papam in omnibus quæ facta sunt usque ad reditum ad Perpinianum, ubi in concilio ante & post publice & secrete testificatus est perseverans continue per octo vel decem menses dominum nostrum papam fecisse omnia & singula pro unitate ecclesiæ ad quæ tenebatur, & ultra, & ipse ore suo legit & pronuntiavit omnes processus & actus factos usque ad illam diem, illos approbans & laudans, &c. & confitens ibi esse verum collegium cardinalium, & concilium generale ecclesiæ, ut etiam tangeretur infra; sed auditis his quæ tractabantur Pisis, & receptis nuntiis & litteris à suis in damnatione confortibus, conversus est in arcum pravum, & nocte fugiens devenit Sabaudiam, & ibi aliquibus seminatis mendaciis, adhuc dicebat se pro domino nostro papa stare, & ire, & sic dixit aliquibus nostris, qui viderunt eum in via, dum ibamus Pisas, & hoc dicebat expectans finem agendorum in Pisis, & sic fides sua non formabatur ex aliquibus præteritis, sed solum ex his quæ fierent Pisis: ubi ingressus statim negavit publice & abjuravit dominum suum verum papam, & omnia quæ antea confessus fuerat. Credis tu quod jam primo per litteras & nuntios quos à suis

suis in errore confortibus recipiebat, & ex se ipso non fuisset infatuatus de promotione ad papatum per quasdam similitudines, sicut, Domine non contemnatis statum vestrum & honorem qui super vos cadere videtur; vos scitis quod una pars istorum cardinalium qui sunt in Pisis, sunt Italici, & alia Gallici, forte non convenient, sicut videtur dispositum, & vos qui estis gratus omnibus, & dimittitis propter eos magistrum vestrum, & totum statum apud eum, & non estis nec Italicus plene, nec Gallicus, sed medius inter eos, & sic quod fors rectè veniet super vos, & alia similia. Et homo iste spiritus vadens & non rediens, avidus honoris & nominis, præstitit fidem dictis fictionibus & falsitatibus. Quia, ut dicit B. Ambrosius, ambitioni datus, jam non res ipsas, sed suæ passionis phantasias videt, quia quod quis vehementer desiderat facile credit; sicut cum aliquis credens videre rem armatam, amplexatur etiam & umbram. Et sic traditus in reprobum sensum iniecit se in perditionis baratrum cum aliis. Et hoc concordat, quia ipse respondens in Pisis cuidam de prælatis nostris olim suo amicissimo in cedula dixit, & nuncio portitori, non potest loqui mecum, &c. & dicatis sibi quod non ponat me & statum meum in periculo; non cogitans damnatissimus hominum, quod magni domini & etiam alti, ut perficiant quæ conceperunt, diligunt proditores, sed valde odiunt proditores & contemnunt, & de his trufantur & cavent, & hoc apparet quia tantum mentio fuit de illo facta in intrusione, quanta de uno tabernario; & ex hoc in illa congregatione ecclesiæ sancti Martini, ubi fuimus vocati Pisis, stans de directo ante nos, numquam ausus fuit elevare oculos ad aspiciendum nos, immo confusus semper statuit oculos suos declinare in terram, & jam in facie videbatur quod audisset sententiam ad ignem. Considera ergo tu, Carthusia, quod iste est ille, qui fundavit & conclusit totum concilium Domini comitis cum aliis duobus complicibus suis, per quos libri juris parum inquietantur, & qui & quales sunt & fuerunt, causa brevitatis & pudoris hic recitari omittuntur, maxime quia ubique sunt notoria. Est tamen verum quod hætenus sciverunt practicando materiam, & de præscriptis verbis ambo illorum simul & uterque in solidum: tamen tene firmissime pro vera & indubitata conclusione approbata per omnes illos qui aliquid sentiunt de veritate fidei christianæ, quod isti & alii sui complicēs, tantum habent de fide Christi, quantum ascendunt reditus beneficiorum suorum & non plus, & sic mensura fidei illorum sunt beneficia, pro quibus conservandis vel non perdendis, & augmentandis committerent omnia mala quæ cogitari possent in mundo, & consentirent in quibuscumque peccatis, scandalis, periculis, detrimentis vel damnis; sicut multifariam jam fecerunt; & sic non restat (nisi sit spes de eorum alias desperata conversione) aliud; sed quod terra aperiens os suum, velociter deglutiat eos; & cum Chore, Dathan & Abiron eorum consortibus, præparatam eis recipiant portionem; quæ nobis in

*Theſauri Anecd. Tom. II.*

A JESUM CHRISTUM Dominum nostrum, & ejus doctrinam & in ipsius Ecclesiam & vicarium firmiter credentibus & perseverantibus in terra viventium est promissa.

### C A P U T XXXIII.

Q Uod autem suggererunt falsum de Castellâ & Aragonia, vos frater Bernarde, scitis & videtis, quod numquam cum majori credulitate & reverentia adhæserunt istæ terræ alicui summo pontifici, sicut domino nostro BENEDICTO faciunt nunc, & semper devotio omnium est circa eum in augmento, & major etiam post obitum regis: quia illi patres & magistri mendaciorum ingerebant auribus populorum, quod propter sequelam & favores regis populi tacebant, licet aliud in corde servarent.

Scitis enim, frater Bernarde, quod nuper dum dominus noster papa erat in Terraconia, civitas Barchinonensis fecit sibi solemnem ambaxiatam, supplicando humiliter ut dignaretur redire ad Barchinonam; & papa rationabiliter excusavit se; nam quia tota terra regis per Dei gratiam est in pace & in tranquillitate, specialiter quia illæ bandositates de Valentia cessarunt & sopitæ sunt, & nunc imminebat & crescebat quædam satis valida bandositas etiam inter illos de genere suo in Aragonia, quæ est terra natalitatis ipsius papæ, oportuit appropinquare illum ad illos pacificandos, & alia similia. Hæc dicuntur ex eo quod illi doctores & fundatores mendaciorum scribunt & seminant, quod papa fugit, quia populi nolunt eum videre, & similes confictas falsitates & vanitates consuetas.

### C A P U T XXXIV.

V Idetis ergo cum quibus mendaciis & fraudulentis perverterunt domini comitis judicium & consilium; vultis super hoc evidentem probationem. In alia enim subtractione, de qua supra, quamvis dominus comes instructus & consultus per multos discipulos antichristi, quæ etiam prædicta nunc fecerunt & perpetrarunt, quod se subtraheret sicut ipsi, tamen tunc sapienter & discrete agens voluit informari super veritatem, & misit solemnem ambaxiatam ad Avenionem, me præsentem & videntem, & ab utraque parte audivit ad plenum quæ dicere voluerunt, & sic remansit in veritate Ecclesiæ & obedientia dicti domini nostri papæ, cum magno merito, laude & gloria sua: quia postea omnes reversi sunt ad deliberationem suam: nunc autem ad suggestionem illorum membrorum antichristi optavit ignorare veritatem, & non solum noluit informari, vel veritatem scire, sicut fecerat in prima, sed etiam quemdam solemnem doctorem, quem papa miserat ad eum, etiam ad conversionem suam noluit audire, nec permisit, sicut ille retulit, quod loqueretur in publico. Videtis quia nunc affectavit ignorantiam, quomodo cum suis cecidit in præcipitium, quod

Zzzz

nullatenus fuisset, si scrutinium veritatis audire A  
voluisset, sed elongavit se à noticia veritatis, &  
veritas ab ipso.

## CAPUT XXXV.

**E**T cum dicitur, quod dominus episcopus Gebennensis, & quidam doctor sæcularis, qui tenebant pro veritate papæ in concilio comitis, videntes alios in contrarium concordēs, mutarunt consilium, &c. Et quomodo tu credis B quod episcopus Gebennensis dominus JOHANNES BERTODUS, qui nuper in studio in antichristi ætate penurie vivens, nunc factus episcopus & dominus civitatis Gebennensis, etiam in temporalibus, propter unum verbum tacendum in concilio vellet perdere tam pinguem episcopatum, & statum & vitam ponere in periculo? quis est inter ambitiosos, qui pro acquirendo unum beneficium saginatum, non dico episcopatum, non diceret viginti septem mendacia, & alias simulationes & fictiones adderet, sicut fit quotidie; quanto magis pro non perdendo obtentum, ita honorificum pingue, & notabile, pro taciturnitate unius verbiculi, æquivoci, dubii, & captiosi? Dixit enim: ex quo omnes sunt istius opinionis, ego etiam nolo contradicere tot sapientibus & prudentibus, vel similia verba: quæ si tacuisset, propter ea quæ dixerat ante, satis carè emisset illam taciturnitatem. Erant enim qui observabant os ejus, vigilantes super suam dignitatem. Videas tamen tu quod ipse in secreto conscientie suæ sentit sicut & D multi alii, si auderent dicere: nec mireris, quia major fuit Pilatus & sapientior in naturalibus, & secundum statum illum reputatur justissimus, & tamen ad unum verbum timoris de perdendo officio, *non es amicus Caesaris*, condemnavit ad mortem turpissimam hominem, quem sciebat innocentissimum, & per invidiam traditum & accusatum, & quem antea multis occasionibus voluit liberare. Major etiam & sanctior fuit Osius episcopus, de quo superius est habitus sermo, majores etiam fuerunt multi summi pontifices, prælati, magistri, doctores & litterati, qui pro minori periculo negabant in publico, etiam fidei veritatem. Paucissimis enim datum est desuper pati, etiam in bonis temporalibus pro Christo, & hoc prædixit Christus Matthæi 19. *Amen dico vobis, quia dives difficile intrabit in regnum cælorum*, Et iterum, *Dico vobis, quia facilius est camelum per foramen acus transire, quam divitem intrare in regnum cælorum*, & discipuli clamaverunt, *quis poterit ergo salvus fieri?* Hoc etiam dicit Apost. 1. ad Timoth. 6. *quam quidam appetentes*, scilicet avaritiam vel ambitionem, *erraverunt à fide, & inseruerunt se doloribus multis*, ideo non facias tibi argumentum, quod in aliquo se moveat à veritate retractatio illius episcopi, etiamsi fuissent mille tales vel centum mille.



## CAPUT XXXVI.

**D**E illo autem doctore sæculari, vel de omnibus aliis similibus non facias etiam tibi festum cujuscumque apparentiæ: doctores enim & prædicti sæculares sunt medici bonorum temporalium, & conservatores. Sicut enim medici corporum pro conservanda sanitate carnis non dubitant consulere contra Deum & ejus claræ præcepta: consulunt enim frequenter etiam prælati & religiosi pro sananda infirmitate vel conservanda sanitate, committere fornicationes & adulteria, seu habere usum mulierum, vel alia similia peccata. Ita faciunt medici bonorum temporalium, scilicet juristæ, quorum aliqui tamquam animales homines & carnales, non intelligentes quæ Dei sunt, nec fundamenta veræ fidei christianæ, nec quantum ponderat & pendet in firma credulitate & obedientia veri summi pontificis & vicarii JESU-CHRISTI dogmatizant dicentes: non est istud de fidei articulis, nec magni ponderis, vel necessitatis, sed super contentione duorum hominum, &c. idcirco propter ista pericula & discrimina, non perdati bona vestra, nec ponatis personam in periculo, sequamini dominos & majores, & similia verba: scriptum est enim, *Legisperiti spreverunt consilium Dei in semetipso*. Luc 7. Si enim in ecclesiasticis, magnis prælati, & religiosi non invenitur consilium sanum, quid fiet de ovibus? propter hoc scribitur, *Deus de cælo prospexit super filios hominum, ut videat si est intelligens aut requirens Deum*. Et finaliter: *omnes declinaverunt, simul inutiles facti sunt, non est qui faciat bonum, non est usque ad unum, &c.* propter paucitatem enim vera consulentium, & secundum Deum loquitur sic excessivè, *non est usque ad unum; pecunie enim obediunt omnia*, Ecclesiast. 18. Sumitur ibi pecunia pro omni prosperitate temporali, & ex eadem difficultate recti consilii dixit Ecclesiastes, c. 7. *virum de mille unum reperii*; sumendo virum pro virtute & rectitudine consilii, *quia pauci sunt electi, & messis multa; operarii vero pauci*. Vides tu quod ab origine mundi usque nunc semper boni fuerunt paucissimi; transiverant enim à creatione mundi usque ad Noë 2000. annorum & ultra, & solus Noë fuit inventus justus, Gen. 70. *quia stultorum infinitus est numerus*, Ecclesiast. 1. Vides enim quod tempore regum Juda & Israël, veniebant pauper propheta unus vel plures, & nuntiabant populo eorum defectus & errores, & stulti reges, & principes, sacerdotes & ceteri litterati & populares irridebant eos & subsannabant, contemnentes illorum consilium & monitionem, ut habetur 2. Paralip. ultimo ad idem Isai 28. *manda, remanda, &c.* propter quod propheta orabat contra tales Psalm. 16. *domine à paucis*, scilicet bonis, *de terra divide eos in vita eorum*.

## CAPUT XXXVII.

**I**sti enim anticardinales ultra malitiam, alias consuetam & eis innatam, in hoc depravaverunt

& dedeperunt seipfos; formaverunt enim sibi grande peccatum, & terrorem quod quomodo-cumque in illa congregatione hæresis Pisanæ intruderent unum, & sic totus mundus sequeretur eos; & sic saltem de facto repellerent dominum nostrum papam Benedictum, quod ultra salutem animarum suarum optabant; & postea detegerunt illum, & purgarunt illum in aliquo concilio vel congregatione, & hoc dixit unus de illis anticardinalibus, scilicet PETRUS BLAVI, vocatus sancti Angeli, cuidam de nostris ambaxiatoribus missis Pisas, & testificor coram Deo sub periculo extremi iudicii, quod non mentior, quod ille *de Chalant* traxit me ad partem in Perpiniano, suggerens mihi aliqua ut me traheret ad suam opinionem, quæ videbantur mihi erronea. Et ego respondens dixi hæc vel similia verba: Domine mi, non videris, quod isto modo quo vos dicitis, fiet unus tertius, qui erit antipapa & intrusus notorius. Tunc ipse quasi cum metu dixit in maledictione non curandum de hoc, dum tamen habeamus unum etiam antipapam vel diabolum, vel similia verba, quia postea purgabitur. Et exinde ego tamquam gravissime scandalizatus ex istis verbis hæresicabilibus & damnatis, observavi me ab iniquitate, & viis illius tamquam ab immunditiis, & ex tunc ille scribens hinc inde diffamavit me potenter, per se & per suos, mentientes coram Deo & hominibus, quod ego turbabam unionem Ecclesiæ, & ita scripserunt mihi illi de Carthusia. Videte si mundus deberet eos sustinere. Volebant deducere totam Ecclesiam de christianitate in errorem perpetuum & indelebilem; ita quod numquam habita fuisset fides de vero papa, sicut seipfos & multos præcipitarunt, & talis fuit intentio eorum: quia iste dicebat mihi ista, sciens mentem firmiter aliorum, à quibus quotidie recipiebat litteras & speciales nuntios conventiculantes in domo sua; me pro tunc ejus vicino ista vidente & sciente, nam ita credunt illum quem intruserunt, esse papam (saltem isti anticardinales Ultramontani) quantum asinum, sed confusione oculorum vitant per damnationem animarum suarum & multorum sequacium.

## CAPUT XXXVIII.

ET si desideratis vel vultis hoc videre in aperto; statim enim facta intrusione Pisis, quilibet ipsorum captavit horam & modum ad recedendum ab illo, & sic factum est. Ecce enim in partibus Franciæ quilibet est in beneficio suo, sub ficu sua, sub oliveto suo, bibens aquam de cisterna sua in quiete corporis; introduxerunt enim errorem in mundo, & nunc vacant otio & deliciis, in non modicum detrimentum & damnationem acerbam animarum suarum, videlicet domini, GUIDO Penestrinus, PETRUS DE TUREYO & DE SALUCE, ille DE BARO; PETRUS BLAVI dictus sancti Angeli; Defunctus est iste, olim cardinalis, & FRANCISCUS olim camerarius, cum proposito

*Theſauri Anecdor. Tom. II.*

A eum numquam videndi, vel eorum in intrusione successores. Videte qualem Papam fecerunt, quem nolunt videre, immo corpore & mente separaverunt se ab eo? Concordat autem hoc, quia ille Penestrinus loquens in Pisis cum quodam nobili viro de nostris ambaxiatoribus, etiam post intrusionem, loquens de domino nostro papa BENEDICTO, semper vocabat eum dominum nostrum. Et ille non potuit sustinere, dixit sibi: Domine ex quo fecistis vobis alium, non dicatis, dominum nostrum. Et tunc ille respondit quasi verecundando, hæc olim idem dixit ille Vivarensis, cum per eundem ambaxiatorem diceretur sibi post intrusionem: Domine quid ponitis contra dominum nostrum? videamus crimina. Respondit non curemus de criminibus, sed non videtis vos, si istud expediat toti mundo quod sic fieret. Ecce pro expediendi ejecerunt à se papam verum, contra omnem justitiam & æquitatem; & idem attentarunt & fecissent in prima subtractione, si habuissent, vel cogitassent potuisse habere sequelam aliquam in mundo. Nam jam tunc omnes collegialiter, quibusdam paucis fidelibus exceptis, fecerunt instrumentum civibus de Avinione, quod non erat papa dominus noster, ut eos attraherent ad sequelam suam, sicut fecerunt, ut constat mihi quod postea ex timore & verecundia fecerunt cancellari & deleri, ut infra diceretur.

## CAPUT XXXIX.

DE illis aliis anticardinalibus qui remanserunt Bononiæ cum intruso, non est arguendum. Nam ille Albanensis est Italicus, & cum toto hoc residet & trahit moram in Florentia. Ille olim Hispanus non habet ubi caput suum reclinet; ideo oportet, quod vivat de reliquiis mensarum dominorum. Ille Vivarensis propter officium quod exercet diabolicè vicecamerarii. Ille de Podio dicit se pœnitentiarium infernalem, & talis dispositionis, quod non potest se movere, & solus iste est rectè de regno Franciæ; quia omnes alii fugerunt, ut dixi, & iste non potest, alias vidissetis quid fecisset. Ille *de Chalant* est sequela Vivariensis & ejusdem nationis, & anhelat sequens voraginem suæ ambitionis ad alia grandia beneficia in terra sua: Ex quo enim petierat pro se abbatiam sancti Michaëlis de Monte; & dominus noster papa denegavit sibi, & justissime, dicens quod non erat congruum, quod in eadem terra principalis Metropolis Tarantasiensis, & nunc principalis abbatia magni nominis & famæ, & temporalitatis, essent privata residentia suorum prælatorum, & quod eadem persona obtineret talia beneficia, ex tunc concepit dolorem, & peperit iniquitatem. Ex tunc enim cogitavit quomodo eum opportunè traderet, nec umquam, me teste in his quæ vidi, recto oculo aspexit eum. Hoc eodem modo abnegavit ille Sergius qui nutrit Mahometum, tantæ enim elationis sunt, & tanta superbiæ insania vexantur, quæ

Zzzz ij



semper in eis est in augmento, quod nisi ad votum obtineant quod volunt, nullum inconveniens vel peccatum, quantumcumque grave, est eis difficile vel recusabile ad committendum: & ideo cum quidam ecclesiasticus pauper, qui in diversis consistoriis infestaverat quemdam papam, petens pro se privilegium cardinalis, fuisset sæpe repulsus, tandem in uno consistorio interrogatus quod intendebat nomine privilegii cardinalis, respondit, Pater sancte, quod possim peccare ad libitum sine reprehensione. Ideo super istis prophetatum est Isaïæ c. 56. *Speculatores ejus cæci, omnes ipsi pastores ignoraverunt intelligentiam; & sequitur: Omnes in viam suam declinaverunt, unusquisque ad avaritiam suam, à summo usque ad novissimum, &c.* id est ad beneficia, ambitione & avaritia acquisita & extorta. Quis potest credere, ut de ceteris taceamus, quod ille Penestrinus, qui obtinuit nunc episcopatum Agathensem, ubi nunc residet in deliciis suis, cum plena possessione, & ultra hoc habet VIII. vel x. millia Francorum in redditibus in Francia, farcinatus pecunia, auro & argento, circumvallatus frequentia magnæ familiæ, homo LXX. annorum & ultra, quod propter confessionem PELRI DE LUNA, vel BENEDICTI perdat omnia cum periculo personæ, & vadat mendicando? certe immo expectabit in hoc statu plenam damnationem suam: quia diabolus suggerit eis quædam velamenta excusationum, ut sic eos detineat, sicut: Istud facis pro unitate Ecclesiæ, istud: facis pro bona intentione, & similia quæ quamvis nulla, videntur eis grandia, & insolubilia, propter affectionem bonorum temporalium... non inveteratè dierum malorum, & sic non recognoscunt se quousque possideant infernum pacificè, & sic de aliis.

## CAPUT XL.

**P**ropter quæ justo Dei judicio illi de Francia fuerunt turpiter decepti & illusi. Fecerant enim ubique, maximè Pisis, inexplicabilia præparatoria, ut intruderetur in illo conventiculo Pisano de natione illorum, cum multis muneribus & donis altiora & majora promittentes tam in beneficiis, quam in aliis, illis anticardinalibus Italicis, sicut semper consueverunt, & postea nisi in omnibus consentiant eis, etiam velociter eos privant, nec in hoc multum deliberant. Quanta vina, quot munuscula, quot blanditias ille PETRUS DE TUREYO jactavit erga illos anticardinales, non posset explicari. At illi astutissimi & callidissimi natura & arte, quorum unus venderet centum, simulantes eis complacere verbis palliatis, ordinarunt præfidentem illum de Tureyo in illo conventiculo, ut sic inflatus diceret primam missam, id est poneret Christum in domum Caiphæ, & sic illudendo illis traxerunt eos, usque ad clausuram damnati conclavis, vel verius latibuli, & ibi quid passi sunt, ostendat mora quam illic traxerunt, & loquatur effectus productus? Ex eo enim dixit ille Penestrinus post intrusionem quasi eadem

vel sequenti die cuidam de nostris regiis ambaxiatoribus inter alia verba: Teneatis pro firmo, quod numquam fiet electio in Italia, quæ non fiat ad voluntatem eorum: significans aliquid, vel fortè nimis de violentia & impressione intervenisse, & ex inde illi anticardinales de Francia, capta opportunitate, recesserunt ab eo, ut dictum est: quidquid aliter ad evitandam eorum confusionem fingant ab extra in verbis, & sic elusi & frustrati, remanent hic & illic & ubique à suo desiderio de habendo papam de eorum natione: quia credunt quod caracter papalis non possit cadere nisi in eis: quia gustarunt de brodio à centum annis citra. Et ex eo post mortem Clementis papæ VII. dicebatur inter cardinales, sicut eis plene constabat, nisi expediamus nos celeriter de eligendo, major impressio est nobis præparata de Francia, quam fuit illa de Roma, juvantibus etiam ad ista & promoventibus & tractantibus illis gehennalibus viris tunc cardinalibus memoriæ reprobatissimæ, quorum dies qua nati sunt vel concepti maledicta sit in æternum, videlicet JOHANNES Ambianensi, & PETRO DE TUREYO. Iste enim promiserat centum mille scuta auri quibusdam dominis de Francia, si facerent eum qualitercumque eligere. Et jam super his nuntii & executores processerant festinanter, sed antequam pervenirent, audita concordissima electione domini nostri papæ BENEDICTI, finxerunt se longius ire: & omnia ista pro tunc in collegio & alibi tamquam notoria habebantur, & propter hoc dixit illi NICOLAUS Albanensis post electionem novam domini nostri papæ BENEDICTI, quasi ad suam jactantiam & illorum confusionem: Sufficit mihi quia ego extraxi ista vice papatum de manibus Gallicorum. Ille enim anticardinalis Bononiensis nunc patriarcha intrusus tractaverat jam Pisis cum Florentinis, eis multa permittens, quo deligeretur, & sic publicè dicebatur, & ex hoc vel emit Pisas in manu forti & robusta, firmans se quod aliter non fieret nec liceret, sed quia non erat ad hoc etiam judicio vetularum de tabernis, videns sibi pro tunc impossibile, dedit locum, quod ille PETRUS DE CANDIA, quem semper habuerat quasi in famulum comedentem de micis quæ cadebant de mensa sua intruderetur: cogitans sicut fecit. Traduxit enim ad nutum suum in Bononiam, ubi ipse tyrannisabat, & illo præcipitato qualitercumque in morte, quia ista secretè fiunt, & in tenebris perpetrantur, fecit se intrudere, nec fuit fas contradicere vel aliter agere: & ideo videntes Gallici sic se elusos, excæcati incredibili furore superbix cogent suos anticardinales, ut eligant alium de Francia, & illi timentes perdere beneficia, propter quæ omnia mala operati sunt, & operabuntur usque ad damnationem æternam inclusivè, proculdubio consentient & alium eligent, nec credo quod sim propheta mendax, quia etiam sic publicè & communiter omnes populi autumant.



## CAPUT XLI.

**O**portet ergo nunc aliquid dicere de illo damnatissimo demoniorum conventiculo, seu conciliabulo Pisano, quod videtur fundamentum præcipitii illorum de Carthusia, & quicumque vellet rectè considerare, etiam rustici trufarentur de hoc, nam nullo colore vel sapore potest illa prophana congregatio dici concilium. Et primo si attendas ad personas, ibi enim fuerunt congregati illi qui semper fuerunt de alia obedientia, tam anticardinales quam ceteri, &c. Si tu ergo, Carthusia, credis, quod aliquid per illos factum vel attentatum fuerit validum, & quod nomine Ecclesiæ sit factum, clarè es convictus, quod numquam habuisti veram fidem in vicario Domini nostri JESU-CHRISTI domino Clemente, vel domino nostro Benedicto; & si sic, jam judicatus es, & sic exinde omnis monitio vel prædicatio esset inanis & frustra, nisi quantum cum aliis schismaticis es monendus & prædicandus. Illi enim secundum veram fidem nostram numquam à tempore schismatis fuerunt inter catholicam Ecclesiam, ita declararunt tibi dicti summi pontifices successivè, quos reputabas veros vicarios JESU-CHRISTI. Ergo in catholica Ecclesia quæ congregabatur in concilio numquam fuerunt vel esse potuerunt caput vel membra. De hoc sunt jura indubitata, præcipuè quia etiam à suo intruso Gregorio tam illi anticardinales quam eorum sequaces fuerant depositi, excommunicati, & privati omni honore, &c. Ecce ergo quomodo apud Ecclesiam veram & illam simulatam illi non erant nec esse poterant membra Ecclesiæ. Si vis loqui de Gallicis secundum veram fidem, & doctorum determinationem, schismatici, excommunicati, & extra catholicam Ecclesiam jam per magnum tempus fuerunt ante illam reprobam congregationem, potiusquam alii antiqui qui saltem habuerunt colorem, licet tunc etiam jam effusi & acepati, quia ut prædictum est, illi sine omni causa justa, propria temeritate se substraxerant ab obedientia summi pontificis, & facti sunt acephali. Si ergo summus pontifex, cui tu adhærebas, & quem credebas esse verum papam, & processus sui & prædecessoris, quibus tenebaris credere, & rei evidentia ostendebant tibi ad oculum, illos non esse membra Ecclesiæ. Quis incorporavit illos Ecclesiæ? quis eos absolvit? quis habilitavit? &c. Et si illi vel illorum prælati, magistri vel doctores, litterati vel scioli, in suis tenebris involuti dicant, prædicent, scribant, vel pronuncient contrarium, quantacumque sint auctoritatis vel famæ, non vides tu quod loquuntur in facto proprio per se, & eorum causa allegantes, & confabulantes, ad excusanda peccata & crimina quæ commiserunt, poenas & censuras quas incurrerunt.



## CAPUT XLII.

**T**U ergo, Carthusia, cui tenebaris in periculo animæ adhærere vel illis testificantibus in propria causa, in propria affectione, in propriis criminibus & peccatis, & adde si vis, ut superius deductum est, cum terroribus, timore & impressione & periculo rerum & personarum notoriis, vel tuo summo pontifici & vero vicario JESU-CHRISTI, quem tu, ut prædictum est, talem credebas à xxx. annis citra? Quam habes apud Deum vel homines in hoc excusationem vel excusationis velamen? Illi veniunt ad congregationem Pisanam per eos procuratam & impressam, veniunt ut pars in causa propria, & ut evadant poenas quas incurrerunt juris & hominis, faciunt se judices, ut liberentur quocumque colore, saltem de facto quoad opinionem hominum à laqueis, quibus ligabantur efficaciter quoad Deum. Dic mihi, tu Carthusiane qui credis eis, & per assertionem illorum recedis à summo & vero pontifice, cui semper adhæcisti, quid dices in judicio divino in excusationem damnationis tuæ, ex quo apud homines nec times, nec erubescis? Ecce quid poteris dicere: Schismatici antiqui semper & ab origine excommunicati, damnati ab Ecclesia, cum istis novis inexcusabiliter magis reprobatis & infectis, congregarunt se, & dixerunt se judices, & Ecclesiam & concilium in causa propria, inimici capitales notorii veritatis nostræ, & veræ credentiæ nostræ antiquæ & summi pontificis nostri, & statim adhæsimus, & credidimus eis, contempto & repulso à nobis nostro vero summo pontifice. Dicas, mihi, quis fecit eos Ecclesiam vel Ecclesiæ membrum, nisi ipsi seipsos? Quis congregavit eos, ut dicerentur concilium vel Ecclesia? vel quis extinxit veram Ecclesiam & catholicam quam tu nuper credebas esse apud dominum nostrum papam BENEDICTUM & ejus concilium, & creavit istam novam in te & in tua credentiâ, vel quis eam transtulit? Vides hic damnationem tuam adhærere illis quos sciebas vel scire poteras & debebas, nihil habere in unitate Ecclesiæ, vel tuum aliquid commune; secundum quod dicit Apost. 2. ad Corinth. 6. *Quæ enim participatio justitiæ cum iniquitate, aut societas lucis ad tenebras? quæ autem conventio Christi ad Belial?* nisi dicas cum insania illorum quod vera ecclesia est Gallicana, loquendo more illorum erroneo; & dicitur Gallicana à levitate galli cantus, qui ad solum pulsum manuum statim cantat & obliviscitur, &c. Et tunc jam amplius condemnatus es. Responde ergo mihi, Carthusiane, quam fidem habuisti de Ecclesia vel de summo pontifice ab electione & obedientia domini CLEMENTIS citra, & quidquid mihi respondebis, condemnabit te in ista materia, maxime quia tibi notorie constat, quod omnes prælati Franciæ iverunt Pisas, & congregati sunt per notoriam impressionem. Observabantur enim vestigia & labia illorum, & mittebantur com-

minationes terribiles multis qui nolebant ire, sicut revera multi dixerunt nobis in secreto, & in aperto constabat. Vide quot nullitates, quot putredines, quot abusiones, & infectiones, & tu vocas concilium Ecclesiæ? Quod non facerent, nec faciunt vetulæ de tabernis: immo etiam rustici & populares ubique subsannant & trufantur. Dicebatur enim in Janua, isti Gallici intra unum annum fecerunt nos habere tres papas vivos. Habent enim bursam plenam de Papis, & perducunt, sicut volunt.

## CAPUT XLIII.

**E**T cum mihi offers dicta domini PETRI episcopi Cameracensis, vide ut me expediam breviter in isto pro omnibus, quia videbatur in fama quasi columna. Revera quando fuit Pisis, videns quæ ibi fiebant & præparabantur, incepit impugnare, & tandem audita salutatione in similibus consueta, fugit & regressus est Januam, ubi nos ambaxiatores invenimus eum. Verum est quod non vidi eum nec volui videre; & ibi dixit aliquibus ex nostris quod ideo venerat, quia non placebant sibi quæ fiebant in Pisis, & subsequenter audivit aliqua in secreto suo de materia currenti ad aurem. Et venit tunc cardinalis de Baro & reduxit eum Pisas; nec recipias verba sua in Evangelium; nec etiam in competentem epistolam, sed unius magistri in Theologia nondum canonisati, mundani & temporalis, inducti de rubeo croceoque bis tincto, vermiculato & bisso, opere plumario, appetentis & sequentis honores, famam & divitias. Quomodo tu credis episcopo Cameracensi, qui, ex quo cogis me, est ille cujus os obstructum fuit, qui cum tot sudoribus, ambitionibus, & periculis acquisivit de melioribus episcopatibus qui sint in Francia, & quamvis civitas Cameracensis sit extra Franciam; tamen tota quasi diocesis vel major pars est in terra ducis Burgundiæ & ejus fratris, quem obtinuit contra voluntatem ducis mortui patris istius viventis, cui ut tunc posset reconciliari, dedit operam cum tot periculis, anxietatibus, terroribus, & laboribus, quæ non possent exprimi; pro quo oportebat eum in habitu dissimulato scutiferi venire, manens extra civitatem in tuguriis, me vidente & audiente, cum quo de ista materia multoties locutus est; & tandem obtinuit eum ceteris tacitis pactis & subintellectis conditionibus, sed nondum tunc plene firmatus fuit. Item quomodo tu credis quod PETRUS DE ALIACO nuper in studio penuria & inedia visitatus & vexatus, nunc factus prælatus, qui ita acquisivit beneficium suum, & qui habet plus in redditibus annuatim ipse solus, quam habeat in pecunia tota villa Compendii, unde traxit originem, in qua civitate Cameracensi sunt canonici & subditi plures, qui secundum naturam dedignarentur quod tangeret eorum sotulares, & cujus patrem omnes posuissent cum canibus gregum ipsorum; cujus episcopi os à multis æmulis ini-

micis & invidis, qui sibi abundant, observatur, & omnes gressus ejus etiam usque ad motum labiorum, ut invenirent aliquam quantamcumque occasiunculam, ut expellerent eum ex episcopatu; sicut fuit frequenter invitatus. Quomodo tu credis, quod satis scribat, loquatur, vel asserat etiam in secretissimo, ea quæ sentit? immo est sibi plusquam necessarium, quod magis quam alii, ostendat se partialem pro eis propter suspensiones antiquas; & sic habeas confessionem illius, sicut facta in duris tormentis,

**B** cui non est standum, maxime quia in his quæ alias mihi misit in scriptis, nihil allegat penitus nisi rationes generales & communes, & partiales, & retortas, & reflexas: & si doctoribus sanctis non creditur, nisi probent, ut dicit Augustinus 9. di. c. *ego solis*; multo minus tali Cameracensi: præcipue quia materia conciliorum non est Theologalis in aliquo. Quomodo ergo tu credis tam carissimum sibi jocale, maxime taliter acquisitum, quod ipse ex ore suo exponat tanto periculo & discrimini & perditioni?

**C** desipis, si sic sapis. Recipe ergo, ut dixi, & per ea quæ dixi confessionem suam, & quidquid dixerit verbo & scriptis, tamquam emissum, pronunciatum & testificatum in duris tormentis; & sic à simili de omnibus aliis prælatis, quia quilibet habet super se substitutum & successorem vigilantem, & oculis apertis expectantem casum naturalem vel occasionalem, vel violentum; & potes hic repetere ea quæ superius dixi de episcopo Osio in omnibus, tunc majoris auctoritatis quam Cameracensis, nec aliqua comparatio. Et pro hoc facit quod ille PETRUS, vocatus olim sancti Angeli, dum eramus Pisis, etiam post intrusionem, dixit cuidam prælato de nostris ambaxiatoribus, loquens de domino nostro papa BENEDICTO: Si dominus noster posuisset me in securo de tribus mille franchis vel duobus mille extra terram regis Franciæ, numquam dimissem eum. Vides quomodo ex redditibus, ut dixi, pendet fides eorum? Quid oportebat vobis Carthusiensibus producere alias probationes super intrusionem, terroribus, & comminationibus, de quibus vobis constat in vobismetipsis, & experti estis, quia si hodie etiam aliquid diceretis contra eorum opinionem, essetis in periculo personarum & bonorum? Videtur ergo vobis salutiferum & severum istud concilium vestræ sequelæ & adhæSIONIS? non videtur vobis hoc simile cultui vitulorum aureorum Jeroboam regis Israël, ne populus iret ad templum veri Dei, & sui legitimi vicarii, 3. reg. 12. vel erectioni statuarum Nabucodonosor, cui qui non flectebat genua adorando ad sonitum tubæ, fistulæ, citharæ, &c. id est ad vocem PETRI DE TUREYO, SIMONIS DE CRAMAUT & similium, &c. mittebatur in caminum ignis ardentis Danielis 3. v. coronæ superbæ, ebris Ephraim: Isai 28.

## CAPUT XLIV.

**E**T si dicitis, Quid ergo faciemus? ad quem aspiciemus in tanto discrimine? Dico vobis,

quod non ad quadringentos prophetas Achab, qui dicunt se habere spiritum Domini, & loqui ex parte Dei & aëlo pacis, eloquentes, sapientes, & magistros in plebe, indutos purpurâ & bisso, & ventilantes cornibus suis Syriam, sed ad pauperculum pannosum Micheam solitarium: & Paral. 18. & 3. reg. ultimo, hæc dixerat Spiritus sanctus per os Ilaï 66. *Ad quem aspiciam, nisi ad pauperculam, & conterritum spiritu, & tremementem sermones meos?* Et si tu non potes pati, sicut Daniel, vel tres pueri, vel sequens consilium Christi dicentis: *Nolite timere eos qui occidunt corpus, &c.* quia valde paucissimis datum est pati pro Christo vel pro veritate quæ Christus est, saltem sequeris consilium ejusdem nostri Redemptoris: *Si vos fuerint persecuti in una civitate, fugite in aliam; &* exemplum apostoli Pauli: *Per murum dimissus sum in porta, &c.* exempla etiam David in multis locis, & Athanasii, & Johannis Chrysostomi, & aliorum sanctorum patrum, secundum quod dicit Spiritus sanctus, quod valde convenit tempori præsentis & personis; per os Isai 48. *Egredimini de Babylone, fugite à Chaldeis.* Cum enim Elias quæreret Dominum, & transisset ante eum spiritus grandis & fortis, subvertens montes, & conterens petras, audivit *Non ibi Dominus*; iterum *nec in commotione Dominus*, iterum *nec in igne Dominus*, & cum venisset sybilus auræ tenuis, audivit ibi Dominus 3. reg. c. 19. Non legistis *Credendum est magis soli Mariæ veraci, quam Judæorum turba fallaci*? Jam enim apud illos perdita est fides Ecclesiæ, honor, præeminentia & reverentia summi pontificis, ut dixi. Tot enim errores dogmatifant & somniant circa potestatem papæ universalem, quod jam verba Evangelica redemptoris nostri videntur apud eos absorpta. Et hæc sunt de nuntiis adventus antichristi, ut dicit Apostolus 2. ad Thessalon. 2. nisi venerit discessio primum, scilicet ab obedientia Ecclesiæ fidei, & reverentia ejusdem, &c. Nam mysterium jam operatur iniquitatis, ut qui tenet nunc teneat, donec de medio fiat, &c. Non videtis quomodo occupant potestatem contra & super papam, & non solum præsentis temporis, sed contra summos pontifices antiquos, faciendo processus contra eos, declarando & prædicando eos hæreticos & schismaticos, ac si essent in plenitudine potestatis assumpti. Ita quod non papæ, sed eis, asserant suis operibus, fuisse dictum, *quodcumque ligaveris super terram, &c.* Ex his ergo & similibus, quilibet fidelis christianus deberet eos fugere tamquam, immo plusquam rabiem, epidemiam, vel pestem, nec commemorare nomina eorum per labia sua. Separamini ergo à tabernaculis impiorum, ne terra absorbeat vos cum eis.

## CAPUT XLV.

**E**T si diceret Carthusiensis: Saltem propter tot errores, pericula, minas & comminationes sum excusatus apud Deum; non bene dicit; verum est à tanto, non à toto. Dicit enim decre-

ta talis, meritis culpam attenuat, sed non excludit, etiam si in corde aliter credatur. Quia corde creditur ad justitiam, ore autem confessio fit ad salutem. Et ex hoc non excusantur à gravi peccato mortali & à pœnis & censuris, &c.

## CAPUT XLVI.

**Q**uid ergo dicendum, quod tot doctores utriusque juris & Theologi ecclesiastici & litteratissimi viri, tam de Bononia quam in aliis studiis & universitatibus mundi famosissimi, & qui pugnant & repugnant contra canones & leges & sacram scripturam, allegarunt in scriptis solemniter per multa jura & rationes illam congregationem Pisanam valuisse, & quæ in ea facta sunt processisse de jure, & esse valida & firma, &c. Numquid ego pauper Carthusianus ignorans jura, existens in nemoribus & in sylvis, teneor credere tot doctoribus & litteratis? saltem per eorum dicta excusabor. Ista persuasio colorata, sed diabolica fraude fabricata. Et attende quod Christus Dominus voluit servos suos non columbina tantum simplicitate gaudere, sed astutia serpentina, laqueos diaboli & fraudes mundi præcavere & vitare, & quia tu fortè non vidisti malitias hominum, astutias & dolos; ideo crede experto, maxime si per palpabiles considerationes te instruat & demonstret. Unde debes circa doctores & juristas considerare pro præsentis materia, quod secundum magnitudinem personarum contendunt, & bonorum super quibus contendunt, formant dubia & allegationes suas. Unde à quocumque doctore vel jurista mundi si petas de aliqua questione quantumcumque difficili tamquam scholaris volens instrui & doceri, ita quod non habeas adversarium, statim dicet tibi clarè veritatem & decisionem dubii & questionis, addens tibi, & ista est veritas de jure absque omni dubio, maxime si est solennis doctor, & idem faciet super eadem questione, si aliqui contendunt, sed sunt pauperes, & res de qua contendunt est modica vel vilis. Si autem prædicta questio in eisdem terminis & totaliter, & omnibus similis occurrat, inter magnos dominos, & super magnis castris, villis, regnis, comitatibus & terris, beneficiis vel dignitatibus, vel aliis rebus cum magnis redditibus & temporalitatibus, tunc omnia jura efficiuntur eis dubia, quousque declinent ad partem eis utilem: ita quod secundum acceptiones personarum metiuntur & ponderant jura & eorum decisiones, & in velamen tantæ nequitiae & peccati format eis diabolus excusationes; inter alia dicunt sic: ubi est majus periculum, ibi cautius est agendum; multum pendet in ista questione, valde est periculosa & dubia, multum advertendum est & considerandum in ea, & quæ prius erat indubia & clarissima ex parvitate personarum & rerum, nunc effecta est difficillima & intricata; & videtis tunc oriri dubia ex dubiis, & hic sunt tot membra, & tale membrum distinguitur in tot partes, & tale in tot iterum



subdistinctiones, corollaria & incidentia quasi inexplicabilia. Vide quomodo vitula macerimahi, hodie ex sola consideratione humana est impinguata. Vide quomodo intellectus hominis scientifici & subtilissimi heri valde disertus, & clarus ad discernendum, hodie est effectus ita dubius & involutus ex solo aspectu personarum & rerum, quod non potest invenire decisionem plenam, nisi uno modo, quod una partium petat suffragium suum ab eo præcedente pinguius mercede, realiter in manu apposita, & cum sponsione & spe de argumento in futuro; tunc quæstio pro illa parte clarissima, cum viginti, triginta vel centum cartis de allegationibus, & inveniuntur solutiones clarissimæ ad omnia contraria quæ possent fieri pro alia parte.

deferunt lites, nisi deferantur à pecuniis. Unde super illo verbo Isaia c. 1. *Omnes diligant munera, sequuntur retributiones*, &c. dicit notabiliter Glos. sa ordinaria pro ista materia. Qui amicos non putant, nisi qui donant, quorum non os, sed manus considerant, & tantum quorum marsupia exhaustiunt, sanctos judicant; illis donant à quibus sperant, illis favent, illos extollunt, & laudant eorum causas. Ecce hic quales sunt de quorum dictis tu facis fundamenta tua. Videntur tibi satis firma? Adde ut supra, quod Salvator noster dixit, Luc. 7. *legisperitis consilium Dei spreverunt in semetipso*. Idem omnino faciunt medici, qui secundum pinguedinem bursæ infirmantium, aggravant infirmitates, & afferunt eas periculosas, non leves.

## CAPUT XLVII.

ET si alia pars adversa venisset ante heri ad istum cum eadem vel pleniori pinguedine, idem invenisset, & omnia jura fecissent pro illo hesterno, quæ nunc sunt pro isto hodierno, & inventæ solutiones clarissimæ ad contraria quæ fuissent tunc, quæ nunc sunt fulcimenta hujus partis: & sic quicumque vadat, ad quemcumque doctorem vel juristam (paucissimis exceptis) manibus non vacuis, requirens eum, quid alleget in tali quæstione pro parte sua, faciet potenter & solemniter; & alter ita sollemnis & fortè plus, idem faciet pro alia parte, & sic fecisset primus pro ista, si ante venisset ad eum, nec de hoc fit conscientia inter eos, quia dicunt, quod allegationes juris sunt. Videat iudex quid est magis justum vel rationi consonum, immo dicam tibi fortius, sunt inventæ allegationes contrariæ factæ ab eodem solemnissimo doctore super eadem vel simili quæstione infra duos menses vel tres, datæ & cum sigillo proprio illius doctoris signatæ; quod illa erat veritas cum copiosissimis allegationibus in utraque. Ita audiui dum eram in Perusio, de D. Baldo solemniori doctore utriusque juris quam esset in tota Italia, & de nonnullis aliis, fortè obliuiose & inadvertenter, & non malitiose, vel fraudulenter, sed adducuntur tibi ista exempla ad ostendendam in similibus varietatem, inconstantiam, & instabilitatem naturæ humanæ, in magnis clericis, doctoribus, & juristis. Nam cognovi doctorem solemnissimum & bonæ conscientiæ & famæ, qui protulit in quadam quæstione sententiam, & post aliquot annos venit ad ejus iudicium similis quæstio in omnibus, & pronuntiavit contrarium: immo unus idem iudex hodie pronuntiavit unam interlocutionem, & cras revocabit eam, & faceret aliquando idem de definitiva si posset. Vis pro consideratione prædictorum, & confirmatione videre unum insolubile? Rogo te, dic mihi si umquam vidisti vel audisti quod aliquis litigans actor vel reus non invenerit etiam usque ad tres sententias definitivas advocatos solemnes & magnos, quantumcumque malam causam foveat? Videntur homines magnæ compassionis, quia numquam

## CAPUT XLVIII.

ATrentis ergo prædictis & aliis quamplurimis quæ subiceo, & quæ per te potes deducere, quis sanæ mentis cogitaret; quod Petrus de Alcarano, vel Martinus de Peste, vel Johannes de Rabie, vel quicumque doctor jurista vel theologus Bononiensis, vel Italix; ubi pro majori parte sunt tyranni, auderet allegare, immo nec somniare, nisi pro parte domini ubi trahit moram, vel facere aliquod dubium verisimile contra partem suam? quid enim esset hoc dicere, nisi quod dominus eorum in temporalibus & spiritualibus est tyrannus, schismaticus, proditor, hæreticus, & rebellis? & quis auderet dare hanc sententiam, vel in suis allegationibus proferre, vel dubium ponere, quin statim esset dissipatus & dilaceratus per quarteria, & sic cum tota domo & frequentia traditus incendio? Si autem essent in partibus istis, cum omnibus bonis suis; videres tu, quomodo non obstantibus allegatis illic, clara voce cantarent canticum Domini, quod esset via, veritas & vita. Si enim pro viginti, triginta vel centum florenis inveniunt jura secundum eos apertissima ad dandum consilia contraria, in eisdem terminis quæstionum, ut prædictum est, quid faciunt in prædictis, ubi pendet eis periculum & vita cum omnibus bonis, personis & rebus suis? & si scires & videres qualiter ille heresiarcha Bononiensis est promptus ad ista, ita quod quasi, ut notorie dicitur, ad solum anhelitum vel gestum pro similibus trucidat & devorat homines, omni pietate repulsa. Ad idem invenies solemnes doctores & juristas pro alio primo intruso ANGELO allegantes in terra ubi præsidet; jura enim & dicta doctorum volubilia sunt eis ad quam partem volunt, & propter hæc narratur, quod dictus dominus Baldus de Perusio, quem oportuit deferere civitatem Perusii propter illas partialitates Italix: & cum legeret in aliis civitatibus Italix, & fuissent sibi ostensæ allegationes contrariæ per eum factæ in negotio primi schismatis; respondit, considera in cujus dominio eram quando feci, & sic erit tibi soluta admiratio: & idem narratur de multis aliis, & sic in nullo movearis tu in conscientia tua



tua propter allegationes quantumcumque latas & magnas, maxime factas in illis partibus tyrannorum, schismaticorum vel inimicorum.

## CAPUT XLIX.

**I**N patria autem nostra regis Aragoniæ & Castellæ per Dei gratiam, quia Domini nostri sunt natales, & habent titulos justos, ritus perpetuos, indubitatos & firmos, tam in spiritualibus quam temporalibus, & nulli facimus in similibus vel aliis impressionem, vel violentiam, rapinas bonorum vel occupationes: immo, si apud nos rex debet uni rustico aliquid, conveniet ipsum regem, vel ejus procuratorem coram judice competenti, & faciet eum condemnare, & executionem facere in bonis regis. Habemus etiam in reverentia magna & honore ecclesiasticos prælatos, & ecclesiasticas personas, nec invadimus bona eorum. Habemus ulterius fidem veram & immobilem de potestate papæ generali & auctoritate clavium. Tenemus verum papam, & veros & catholicos prælatos. Quilibet inter nos potest dicere, allegare, & scribere ad libitum; prout conscientia dicat, etiam contra eos, dum tamen reverenter & modeste loquatur. Me audiente, fuit dictum regi Aragonum nunc defuncto: Domine, tales qui erant tunc in illa civitate præsentis, faciunt dubium in regno vestro, quod non habetis jus. Qui respondit valde modeste: Bene deffensabo eis, vel similia verba. Audivi etiam à fide dignis, quod regi HENRICO Castellæ potentissimo, fuit aliquando dictum: Domine, ecce aliqui juristæ allegant in judiciis quod vos non estis rex, quare sustinetis? Qui respondit, Ita lucrantur isti Juristæ pecunias suas, ideo permittite eos lucrari dum possunt. O qui talia dixisset in Bononia, vel in tota Italia, vel alicubi, quid fecisset?

## CAPUT L.

**C**onsidera ergo tu, Carthusia, & eleva oculos tuos ad lumen cœli, quia, ut dicit Boetius 4. de consolatione, nequeunt mali oculos tenebris assuetos ad lucem veritatis attollere, & videbis qualem fidem debes dare allegationibus vel dictis illorum prætenforum solemnium doctorum, vel moveri ex eis, & qualiter te excusant. Nihil enim vidisti, vel audisti de his quæ te deduxerunt ad tantum casum & ruinam, quod non sit infectum, corruptum, putridum, reprobatum, & damnatum. Habeto ergo serpentis astutiam ad discernendum inter malitias hominum, & simplicitatem columbæ, ad firmiter veritati adhærendum. Quomodo tu potes vel audes committere animam vel conscientiam tuam talibus personis: vel ex dictis eorum recipere aliquid firmamentum, cum habeant consilia notorie venalia, labilia, & mutabilia, declinantia ubi cadit statera lucri, utilitatis, timoris, favoris vel amoris, sicut prædictum est in præcedentibus? Considera tales allegationes vel consilia

*Theſauri Anecdor. Tomus II.*

**A** cum quot tormentis saltem mentalibus sunt exacta & extorta, & semper in conspectu tormentorum & tortorum. Ideo præsentibus talibus dominis vel tyrannis illa faciunt & confirmant, ideo in nullo judicio, vel in nullo conspectu hominum facerent aliquam probationem vel fidem. Non attendis tu. Octavianus intrusus cum duobus sibi invicem succedentibus, cui, adhærebat tota Italia & tota Alemaniam, & aliquæ aliæ nationes, sic habebant allegationes, magistros, doctores, & magnos litteratos prælatos & religiosos pro se in magna abundantia, contra D. Alexandrum III. verum papam, tunc propter persecutionem per mundum evagantem. Numquid tales & similes defuerunt vel defunt hodie, & suis temporibus illis magnis notoriis & famosissimis tyrannis BARNABOVI GALLEATIO, & ejus filio duci Mediolanensi primo, & aliis similibus & magnis sceleratis; pro quo primo etiam fuit & de ejus sequela ille filius perditionis PETRUS DE CANDIA, tunc contra veritatem famosus magister in Theologia? Credis tu quod facinus canis non inveniat nunc pro se & fulcimento suarum rapinarum alios similes & majores cum centum foliis de jurium allegationibus & conclusionibus theologalibus, quæ magis propter generalitatem sunt applicabiles ad omne propositum, & sic de similibus?

## CAPUT LI.

**N**ec obliviscaris etiam tu, Carthusia, circa illos doctores magistros vel litteratos Italicos, qui tot fecerunt, ut dicis, allegationes, quod tota Italia vel major pars jam antiquitus rebellavit, tam papæ in temporalibus quam imperatori dominis eorum. Quælibet enim civitas, castrum vel villa, quæ plus potuit, occupavit sibi dominium temporale, imperium & jurisdictionem, expellendo dominos naturales suos, legitimos & veros, occupando omnia jura, præeminencias, regalias, & quidquid est de dominio vel imperio; nec in aliquo recognoscunt eos superiores, ex quibus sunt & fuerunt læzæ majestatis rei; & omnia eorum bona perdita & confiscata. Ita non solvunt decimas aliquas etiam prædiales, sed sibi usurpant, & applicant quilibet suis juribus. Credis tu quod de hoc habeant conscientiam? immo si aliquis eis loquitur de similibus, ridendo trufantur & subsistant. Jam vides Florentia quale jus habet in Pisana civitate, quam occupavit, & tyrannizat crudeliter & dure: emit tamen eam, ut dicit, à duce quondam Mediolanensi JOHANNES GALLEATIO, vel ab ejus meretrice Agnete, vel ipsius bastardo Gabriele; qui dux emerat à quodam nobili de Pisis vocato Jacobo, qui dominum vel tyrannum dictæ civitatis Petrum de Gambacurta interfecerat, & sibi dominium occupaverat, ut semper habeat locum inter eos successive; ait latro ad latronem. Et sic qualibet die occupant civitates, castra, villas, districtus & terras cujuscumque sint. Hoc eodem ritu vivunt om-

Aaaaa

nes alii domini & communitates Italix potentes, & credisti tu quod de hoc habeant conscientiam, vel credant errare, vel peccare? immo habet quilibet in dominio suo magnos & solemnes doctores utriusque juris, & magistros in theologia famosos, & nominatissimos, qui per multas allegationes probant & fundant, quod hoc facere possunt & licite faciunt, nec est habenda conscientia in similibus. Cogita tu quod magnus Alexander in occupatione totius orbis non invenerit similia suadentes, sed de illo non mirum qui Dei notitiam non habebat; ita quilibet apud eos omnia quæ possunt de facto & per potentiam facere & occupare, omnia eis licere credunt: ita quod solo nomine sunt & vocantur christiani.

## CAPUT LII.

**T**Empore etiam domini Gregorii papæ XI. quo papa & Ecclesia possidebat in temporalibus plenè & pacificè Perusium & alias multas in circuitu civitates in magna abundantia, videres tu dominum Baldum illic actualiter legentem, ac ceteros solemnes doctores & magistros disputantes, & allegantes quod non poterat præscribi, vel possideri ab aliquo, dominium vel jurisdictio temporalis contra papam vel imperatorem; & quod omnes civitates & alii domini Italix erant occupatores & tyranni, & idem de jure decimarum, &c. sed postea dictæ civitates adtractatu Florentinorum rebellaverunt contra Ecclesiam, & expulerunt eam, & ejus dominium, omnibus extraneis interfectis: in qua civitate Perusii ego tunc præsens eram, & miraculosè cum uno socio evasi mortem. Vidisses tu etiam per dictos doctores eosdem solemniter & per multas rationes allegantes, quod illud illicitum erat, & quod fieri poterat, &c. An ignoras tu, quod jura & textus scripturæ trahuntur & exponuntur secundum affectionem illorum qui illa allegant, vel pro quibus allegantur, ad illum enim sensum probandum inducuntur sicut vult qui loquitur, sicut de sono campanæ, volvendo & girando illa, sicut nasum in imagine erea? & tu, Carthusiæ das fidem & fundas conscientiam tuam dicens ad tegendum tuum peccatum, & errorem, Solemnes doctores allegaverunt super hoc.

## CAPUT LIII.

**N**Ec graveris, tu lector vel auditor, vel mireris si aliqua forte superius vel inferius terantur vel replicantur: quia plaga inveterata & infecta cancro non recipit fomentum vel unguentorum medicinam; sed ferro candente opus est. Idcirco cauteria communiter multiplicantur, & recipias auctoritatem vel geminationem verborum perimpressionem cauteriorum; & quia non habeo ultra quid faciam, saltem verbis geminabo & replicabo cauteria & ferra ignita, si forte audiant & revertantur

ad Dominum, sicut fecit Moïses in Deuteronomio, & similis replicatio & iteratio habetur in diversis locis sacræ scripturæ, & libris sanctorum doctorum: quia scriptum est, Verba sapientium sicut stimuli, & quasi clavi in altum defixi, scilicet his qui secundum propositum vocati sunt sancti: maxime si efficiantur fervore caritatis igniti, quoniam, ut scribitur 2. ad Corinth. 10. *Epistolæ graves sunt & fortes, præsentia autem corporis infirma & sermo contemibilis.*

## CAPUT LIV.

**D**Educto ergo illo turbine, sive concursu turbato facto in illa tempestate Pisana per schismaticos originaliter, & alios in simile, immo in pejus se præcipitantes, sub titulo neutralitatis damnatissimo, cum quibus comprehenduntur Provinciales, quorum dominus bis fecit solemne homagium & fidelitatem domino nostro papæ BENEDICTO, primum me præsentem & teste: Videndum est de nostris tunc cardinalibus, circa quos sciendum, quod cum dominus noster papa BENEDICTUS fuisset in Portu-Veneris, & complevisset judicio omnium amicorum & inimicorum omnia quæ promiserat circa unitatem Ecclesiæ, immo plurima ultra offerret, & daret operam usque ad ultimum de potentia, & hoc est notorium, & ita etiam scripserunt tum ambaxiatores Franciæ: inter quos erat in capite ille SIMON DE CREMAUDIS tunc vocatus patriarcha; fuit mandatum ex parte regis Franciæ quod dominus noster papa in persona caperetur cum quibusdam de suis, nonobstante salvo conductu per ipsum pro se & suis concessio, dominus noster avisatus & incautatus per aliquas personas Deum timentes, ac etiam per nonnullos de tunc suis cardinalibus, habito consilio cum eis & aliis prælatis deliberavit, quod ex quo culpa notoria illius intrusi ANOELI omnes illos tractatus fuerant rupti, quod poneret personam suam in securo cum suis, & statum Ecclesiæ: & volens his nonobstantibus dimittere in partibus illis solemnes nuntios & speciales, qui possent adhuc tractare super dicta unitate, fuerunt salvi conductus tam ab illis de Francia, quam ab intruso petiti & requisiti, & expresse denegati. Tunc de consilio suorum cardinalium & multorum aliorum deliberavit convocare generale concilium in viciniore loco qui posset inveniri, ubi ipse & alii essent securi; & sic vocavit ad villam Perpiniani, quæ est prima villa post dominium Franciæ; & tunc fuit ordinata & mandata convocatio, & inceptæ bullæ vocationis generaliter pro omnibus, & tunc sui cardinales qui hoc consuluerant, & quibus fuit mandatum & intimatum, dixerunt & promiserunt, se, sicut proculdubio tenebantur, in dicto concilio interesse, & creditur quod tunc veraciter & ex corde dicebant.



## CAPUT LV.

**D** Ic ergo tu mihi, quid ulterius poterat facere dominus noster summus pontifex, vel quid restabat tibi, nisi venire in publicum, convocare Ecclesiam suam, & ibi paratus reddere rationem de his quæ egerat, & petere & habere concilium? Quid ulterius pro unitate Ecclesiæ esset faciendum, mittens litteras vocationis ultra illis qui sibi actu obediebant, in Franciam, Provinciam, & Januam, ubi nuntii portitores qualiter fuerunt tractati per captivum personarum, vincula, injurias, tormenta & deprædationes bonorum, sciunt qui passi sunt? Ordinaverant enim jam in Francia commissarios & satellites, qui per omnem viam impedirent quocumque etiam de extra Franciam volentes venire, sicut fecerunt. Ultra hoc publicantes edicta, quod nullus iret ad dictum concilium, sub poena personarum & bonorum, quibus non obstantibus, adhuc venerunt de comitatibus Fuxi & Armaniaci, & aliqui de Lotaringia. Furtive tamen isti & in habitu dissimulato transiverunt per terram Franciæ, & isto timore illi tunc cardinales non audentes venire ad dictum concilium ne perderent beneficia, pro quibus conservandis etiam adorarent idola, ad terrorem & impressionem aliorum de Francia conspiraverunt, quod ipsi convocarent concilium in Pisis, & scripserunt domino nostro tamquam papæ & domino eorum, ut patet per litteras originales, quas ego vidi, requirentes ut veniret ad eorum concilium, &c. Vide tu hic patentes errores. Dominus noster convocaverat concilium; ad quod venerat cum suo collegio cardinalium, quia ubi est papa, ibi est verum collegium cardinalium, de jure, etiam si non essent nisi duo vel tres cardinales. Illi autem absentes erant ut singulares, dato etiam quod essent plures in personis, fuerant tamen vocati & citati, & tenebantur, & promiserant venire, & ipsi è contra vocarunt summum pontificem ad eorum conciliabulum, subditi superiorem; vassalli dominum, convocando eum ut papam & ut dominum, dicendo quod facerent sibi reverentiam papalem & honorem, & reciperent ut papam. Audistis blasphemias, & errores patentes. Numquid enim concilium generale fuit congregatum, vel potuit congregari in Ecclesia catholica, nisi de mandato papæ? Ista est determinatio doctorum, & sunt expressi specialiter in capite, *Significasti* de electionibus & in aliis locis, & ponit B. Thomas in parte 1. questione 36. art. 2. in solutione ad 2. ac in fine. **F**

## CAPUT LVI.

**E** T cum dicunt, papa requisitus per cardinales noluit convocare concilium, &c. tu vides quod istud in aperto est mendacium insolubile: quia jam convocaverat & celebrarat cum Ecclesia sua catholica in villa & loco *Theſauri Anecdor. Tom. II.*

**A** omnibus securo & affecurato. Et cum addunt: noluit convocare Pisis, patet à notorio, quod illa civitas erat locus incompetens, & perhorrescentiâ & timore vallatus, & sub dominio, immo tyrannide Florentinorum, qui, ut infra etiam tangam, deduxerunt Ecclesiam ad istum statum; de qua civitate illi olim nostri cardinales colloquentes, cum aliud fieret verbum, dixerunt specialiter per organum illius olim Peneſtrini: Pater sancte si vos concederitis convocare concilium Pisis, etiam post quantumcumque securitatem datam à Florentinis, ego solus recedam, & numquam interero: ego enim expertus sum qualiter servant fidem promissam, & similia verba. Non videtur tibi etiam cæco & obtenebrato quod longe honestius & congruentius erat convocare ad insignem villam Perpiniani, quæ sapit in omnibus unam magnam & notabilem civitatem: sed vocatur villa, quia titulus civitatis recipitur ab uno burgo parvo vocato Elna, quia est de temporali dominio Ecclesiæ, sicut dicitur de Magalon & Montepessulano, quæ villa erat in terra & dominio regis Aragonum, principis utique catholici, & justi, fidelis & christianissimi: ubi etiam Saraceni & Tartari post fidem datam fuissent securissimi; quam in Pisana civitate nunc per Florentinos vi & potentia occupata, invasa, & deprædata, quæ per eos tyrannifatur in manu potenti & robusta, qui raro vel numquam servant fidem alicui, dum tamen videant rupturam eis utilem. Et quomodo servabunt alicui fidem, qui Ecclesiæ & suis dominis naturalibus sunt & fuerunt semper & continuo rebelles & proditores? & quomodo confidendum est latroni, qui tenet continue res raptas in manu, paratus & dispositus ad plura rapiendum & invadendum? quidquid enim possident in villis, & castris, & terris, in magna abundantia habent ex rapinâ, invasione, & occupatione illicita & damnata; nisi quia illi magni & solemnes doctores Italici, per multas allegationes, argumenta, & auctoritates justificant, & dant eis titulum, ut supra dixi, in quibus tu, Carthusia, jaciſ fundamenta tua, &c. Vide quis posset confidere in talibus personis. Absit à sæculo, ante confidendum esset in leonibus, vel urſis rabidis, vel in urſa etiam catulis raptis.

## CAPUT LVII.

**D** Icitur ergo tibi: In culpa est, (loquendo ore foetido) PETRUS DE LUNA, quia noluit convocare Pisis, & tu credis eis de culpa, & non credis quod papa legitime convocaverit in loco omnibus tutissimo & securissimo. Et si dicitur tibi: Non venissent illi anticardinales vel alii de alia obedientia, respondetur tibi, quod non fiebat convocatio pro illis, quia non erant membra Ecclesiæ, nec poterant ante reconciliationem interesse concilio, nec erat spes quod venissent. Tu ergo credis quod papa tenebatur in Pisis convocare, vel ad illorum vocationem venire, & non credis quod illi te-  
A a a a ij

nerentur, (loquor de olim nostris,) ad vocacionem papæ, in loco tutissimo & securissimo venire. Ista potius sunt & videntur deliramenta & vanitates, quam rationes vel dubia; & si venissent, tunc canonice & rite fuisset ordinatum, quid esset faciendum pro vera unitate Ecclesiæ, jure & secure, & sine omni impressione, timore, vel terrore: & sic Spiritus-sanctus auctor & amator pacis & charitatis creditur indubie, quod inspirasset quæ sibi placita & accepta fuissent.

## CAPUT LVIII.

**U**terius immiscuerunt se illi nostri olim cardinales cum aliis vocatis anticardinalibus, & simul dicebant se utrumque collegium. Videtis hic hæresim & errorem expressum unum supra alium? supponentes & confitentes duo collegia cardinalium in Ecclesia; & per consequens duos papas, & duas Ecclesias, & sic conjuncti, vel verius infecti & conjurati, miserunt litteras hinc & inde, cum quot mendaciis & fictionibus videatur in eis, & omissis aliis multis causa brevitatis, quæ hic possent narrari. In villa Perpiniani dominus noster papa celebravit concilium rite & juridice congregatum, cum sua Ecclesia catholica, & multis aliis ibidem decisis & expeditis, deliberatum fuit, quod mitterent solemnes ambaxiatores Pisas, non ut astricti, vel ligati, vel tanquam ad concilium, sed ut saltem tractando, si posset inveniri hic vel ibi aliquis modus unitatis ecclesiæ, & ostenderunt illis qualiter ipsi aliter facientes perducebant novum errorem in Ecclesia; habentes plenissimam potestatem pro exequendo & complendo effectualiter quicquid esset necessarium pro vera unitate Ecclesiæ. Et cum dicitur quod non fuerunt tempore assignato, istud erat impossibile: quia tam in dominio Franciæ, quam Provinciæ, Januæ, de Luca, de Pisa, imminabat eis periculum evidens personarum & bonorum; ideo oportuit laborare pro salvis conductibus obtinendis à tot dominis, nec in Francia potuerunt haberi, nisi per medium regis Aragonum, qui misit nuntios suos, & data omni diligentia, & habitis salvis conductibus, ambaxiatores arripuerunt statim viam suam, gradiendo celeriter, & dietis continuatis. Et hæc notificaverunt illis de Pisis, cum litteris suis & nuntiis specialibus, jam antequam se præcipitassent ad aliquem actum. Ergo non stetit per eos, sed per impedimenta adversariorum, & tamen cum toto hoc fuerunt Pisis per quatuor vel quinque dies, ante ingressum latibuli illorum, id est loci intrusionis.

## CAPUT LIX.

**E**T quamvis tam per se quam per medium solemniū ambaxiatorum regis Aragonum requirerent illos cum magna diligentia, & instantiis geminatis, quod audirent eos in

**A** publico: numquam tamen potuerunt obtinere, sed loco audientiæ dandæ, succedebant terribiles minæ, impressiones, terrores, injuriæ & opprobria, tam contra eos, quam contra eorum familiam, de trucidando eos & tradendo igni, & similia, quæ essent longissima & tædiofa, si hic singulariter exprimerentur. Ideo tam propter eorum notorietatem, quam quod super his tant publica instrumenta, hæc latius explicari omittentes: in tantum quod in una congregatione ubi fuimus & ubi credebamus audiri saltem in parte, sicut fuerat data spes, ubi erant de illis vasis iræ, anticardinalibus decem vel duodecim, loco pacifiæ audientiæ, fuit tanta commotio & seditio contra nos, nulla causa in nobis procedente, quod illa vasa iræ, & quidam dictus inter eos marescallus curiæ, dixerunt nobis patenter, Non possumus vos deffensare ab istis periculis. Vos videtis: addentes subsequenter: Non recedatis hinc quousque omnes recesserint propter evidens periculum personarum vestrarum. Et sic aliquantulum dispersis illis seditiosis, oportuit quod potestas vel capitaneus, vel ejus filius loco sui, & aliqui notabiles cives cum suis apparitoribus & servientibus, sociarent nos usque ad hospitia nostra, peditando tamen, quia non fuimus ausi equitare sicut veneramus, ne lapidaremur, sicut videbamus paratum; nec aliqui de dominis cardinalibus vel amicis nostris antiquis prælatis, vel aliis audebant nobiscum loqui, nec recipere aliquem de nobis in suis domibus ad colloquium quodcumque, nisi semel unus, sed caute in tenebris & occulte.

## CAPUT LX.

**I**nierant enim, conspiraverant, & conjuraverant quædam capitula, pacta & colligationes cum dominio Florentinorum, qui tunc tyrannisabant civitatem Pisanam, sicut & nunc, plena & respersa tot insidiis, & machinationibus, quod quicquid diceremus, & ad quamcumque partem nos verteremur, eramus in periculo personarum & bonorum, non obstantibus salvis conductibus quibuscumque, & secundum quod dietis peractis, vel verius conspirationibus, & conjurationibus continebatur; ipsi inimici nostri & veritatis, in tali casu erant constituti judices nostri, & nisi quia fuimus per quemdam civem Florentinum de societate delibtra, qui creditur quod moreretur ex hoc, ne societas sua perderet bona quæ habebat in magna quantitate in terra regis Aragonum, avisati & incautati, proculdubio in eorum insidias, & per eos excogitata pericula, & discrimina cum nostra plena innocentia evidentissime cadebamus.

## CAPUT LXI.

**D**ederant enim Florentini consensum & locum in illis pactis, & captiosis capitulis

tum quia in superficie litteræ non videbatur tanta captiositas & malitia, propter verba generalia, quæ possunt exponi & applicari prout volunt, qui dominantur quamvis essent plene veneno & dolo abundantissime usque ad summum, tum quia, tam illi de Florentia, quam anticardinales Italici dabant locum ad complacendum in his præparatoriis, tam illi SIMONI, tunc vocato patriarcha, qui omnia ista principaliter agitabat, quam aliis de regno Franciæ, ne ex istis impediretur, sed votivè agerent propositum principale eorum super intrusione de ipsorum natione, & sic præambula etiam illicita & reprobata concesserunt, ut damnatissimam conclusionem obtinerent, sicut fecerunt: & hoc eodem modo vel simili repulerunt ambaxiatores regis Castellæ, & alios qui venerant ex parte primi intrusi, qui obligabant se cum maximis pœnis, quod facerent illic magistrum suum, habita securitate, & præparatis quæ erant pro necessariis veræ unionis præparanda. Et sic illis ingressis latibulum intrusionis, oportuit nos dictos ambaxiatores secrete & cautelosè exire civitatem Pisanam, quia tunc imminabat vehementia periculi & timoris. Commiserant enim custodiam portarum civitatis illi SIMONI, qui tunc dicebatur patriarcha: ita ut, nulla, maxime Ecclesiastica persona, exiret civitatem sine illius voluntate & bullata: de quo scriptum est: *Iniquitatem meditatus est in cubili suo, astitit omni viæ non bonæ, malitiam autem non odivit, &c.*

## CAPUT LXII.

**V**ide igitur tu nunc, & considera qualem intentionem & propositum habebant ad veram unitatem Ecclesiæ; quia nos ambaxiatores domini nostri papæ BENEDICTI & totius generalis concilii, & omnium regum & principum nostræ obedientiæ, qui habebamus firmum propositum numquam redire ad papam, quousque unitas vera & cum effectu obtenta fuisset, & ire ad primum intrusum, & ad omnes illos qui in his opem, favorem, auxilium & consilium poterant dare, habentes super his agendis, tractandis, & perficiendis plenissimam potestatem, & copiosissimas instructiones tam patentes quam secretas: parati nihilominus obligare & ponere nos in vinculis, quod ea quæ promitteremus opere & efficaciter complerentur, dum tamen fierent debito modo & canonico, ne novum scandalum in Dei Ecclesia oriretur: & sic firmiter speramus cum divino adiutorio, qui in tanta necessitate non permisisset suam sanctam Ecclesiam cum tot discriminibus ulterius fluere.

## CAPUT LXIII.

**S**ed filii perditionis & membra collegii infernalis, qui non impinguntur, nisi in scandalis, & in seditionibus, & divisionibus, pascentur in periculis, damnis & perditionibus pro-

**A**ximorum gaudent & latantur, & exultant in rebus pessimis & cum male fecerint, gloriantur, obturantes more aspidis aures suas, quorum superbia ascendit semper, oculos suos statuerunt declinare in terram, & perficientes opera diaboli patris sui, perduxerunt tale idolum, ut vidistis & audistis. Cui jam præcipitato in supplicium æternum, submissus est alter, qui tantæ nequitiae & malitiæ est inventor & auctor, quod sub nulla fide, ritu, vel secta vivit. Jam enim dum erat sub obedientia illius primi intrusi, vocati apud eos GREGORIUS, comitatum Bononiensem commissum sibi occupavit, rebelando publice contra dominum & magistrum suum; & alia fecit, commisit, & perpetravit in omni statu in quo fuit, quod nequitia & malitia illius primi PETRI DE CANDIA quamvis præter intrusionem, abundans & magna, respectu istius videretur innocentia. Et vis videre in uno minimo exemplo excessum malitiæ & iniquitatis illius. Cum nos embaxiatores disponentes ire de Pisis ad illum GREGORIUM primum intrusum pro tractatu unitatis Ecclesiæ, requirere fecissemus istum de securitate habenda per terram Bononiæ quam tyrannifabat, respondit: Dicatis eis, quod vel cum securitate vel sine, si illic possunt eos reperire, ego tradam eos igni vivos concremandos. Vides, o tu generatio cæca, prava atque perversa, quales sunt conductores, directores & præceptores tui?

## CAPUT LXIII.

**C**ontemplare hic ergo, tu Carthusia, si in toto orbe ab origine mundi usque nunc, est vel fuit, nec credo erit, natio, ritus, vel secta, universitas, congregatio vel collegium, princeps, iudex, rector, populus vel turba, genus, vel sexus, fideles, infideles, Saraceni Judæi, gentiles vel pagani, qui ambaxiatores maxime ad ipsorum instantiam & vocationem ad eos missos, etiam per capitales & publicos inimicos & hostes etiam portantes & volentes ferre & explicare blasphemias, diffidamenta, vel banninamenta, vel alia quæcumque injusta & odiosa, quod non audierint illos: o damnatissimi hominum! aut illi ambaxiatores domini nostri papæ & totius concilii generalis exposuissent & portabant utilia & accommoda pro unitate Ecclesiæ, sicut veraciter faciebant; & tunc non debebant respuere eos, sed amplexando extollere & laudare; aut irrationalia, & tunc poterant repellere & reprobare; sed non audire, istud excedit omnem humanam, immo diabolicam iniquitatem & malitiam. Et si dicis, Jam ipsi sciebant quid portabant (sicut aliqui delirant) dico tibi quod istud transit in stultitiam & dementiam: quia istud soli Deo competit, videlicet scire corda hominum, & futura, & secreta: & nescis tu quod in similibus negotiis, alia est potestas patens, alia secreta: aliqua sciunt duo vel tres quæ ceteri conscii forte ignorant: & si aliqua alia fuissent necessaria, misissent ad suos dominos & magi-

A a a a .iij



stros, & statim habuissent. Quomodo ergo audiendi sunt illi qui dicunt quod sciebant omnia? & quamvis falso modo dicerent se iudices illa profana congregatio, tamen igrabant ut iudices, etiam si aliqua scivissent ut singulares.

## CAPUT LXV.

**V**ides ergo quod nec gestu, opinione, vel veritate illa profana congregatio potuit dici concilium, sed quædam adunatio hominum impiorum, singularium, sine capite, ut locustæ vel formicæ, non habentes formam, materiam, saporem, vel colorem synodi, vel concilii, vel alterius licitæ congregationis, sed quasi quoddam insolitum spectaculum vel irridenda chimera. Et ut ista sub epilogo tibi constent, & ne replicem verba, vel te aggravam in recitando, mitto tibi copiam inferius cum præsentem affixam, quorundam dubiorum factorum in duplici genere, videlicet nunc isto anno, per quemdam de illis anticardinalibus Italicis, qui vocatur apud eos Berrensis, qui cum fuisset mandatus per suum magistrum hæresiarcham, illum Bononiensem, nunc intrusum, ut veniret, antilegatus ad terras regis Aragonum misit sibi illa dubia, ut ante omnia faceret eis respondere, & satisfacere: & sic elusit & evasit antilegationem sibi comminatam. Aliud genus dubiorum fecerant illi nostri olim anticardinales, dum erant Pisis, antequam illa damnatissima congregatio fieret, videntes quod nullo modo poterat fieri, sed non audebant exprimere, ut infra videbis, nisi per viam, & in formam dubiorum, quæ in utroque genere patenter & luce clarius concordant in nullitate & reprobatione illius simultatis Pisanæ, immo insolubiliter concludunt; nam si illi qui fecerant dicta dubia, scivissent eis iudice & in veritate respondere & illa solvere, ipsimet fecissent.

## CAPUT LXVI.

**C**oncludatis ergo, frater BERNARDE, illis de Carthusia per modum sequentem. Ipsi enim habebant & reputabant verum papam dominum BENEDICTUM XIII. sicut & prædecessorem suum dominum CLEMENTEM VII. qui dominus Benedictus convocavit concilium generale in villa Perpiniani, ad quod vocavit per bullam specialem in virtute sanctæ obedientiæ prælatum eorum, nomine totius ordinis, qui tam propter imminencia pericula & viarum discrimina, quam propter observantiam ordinis, quam alia, excusavit se, rescribens per famulum specialem multis allegatis rationibus, (sicut eis constabat): quibus, & dicta excusatione repulsis, iterum habuit in mandatis de eundo, cui obtemperavit, videns quod sine Dei offensa non poterat excusare: & ivit, & omnia prædicta egit de concilio & voluntate illorum de Carthusia. Celebrat igitur summus pontifex concilium

**A** cum suo vero collegio cardinalium, ubi à principio fuerunt novem cardinales, sed mortuis duobus semper fuerunt septem. Et cum sua catholica Ecclesia, ubi fuerunt præsentem omnes prælati de Hispania, quæ est longe major terra quam tota Francia. Fuerunt etiam ibi omnes prælati dominationis regis Aragonensis quæ nequaquam minima est inter filios Israel potentia, sapientia, scientia, & virtute, sicut multi eorum experti sunt de Lotharingia & de Sabaudia, & de Francia aliqui prælati, scilicet de comitatu Fuxi, & de comitatu Armaniaci, & nonnulli alii episcopi, sicut Biterrensis, & similes alii quamplurimi se excusarunt propter impressiones notorias, & edicta facta in Francia. Fuerunt etiam ibi procuratores & syndici regum & principum ac ceterorum absentium prædictorum regnorum & terrarum. Regnum Scotiæ propter distantiam magnam, & notoria pericula, non venit, sed postea gratum & ratum habens confirmavit. In quo concilio, recitatis & publicatis omnibus processibus, gestis, & agitatibus per dictum dominum nostrum papam à tempore suæ creationis usque ad illam diem, & per organum illius tunc in aspectu extrinseco fidelis cardinalis *de Chalant* publice, distincte, & clare lectis, recognitis, & auditis, petiit dictus dominus noster concilium. Quid ulterius posset vel deberet facere pro Ecclesiæ celeri unitate, cum esset promptus & paratus ea exequi & complere? Habita ergo matura deliberatione, totum concilium concorditer, nemine discrepante, dixerunt, asseruerunt, & confessi sunt quod dominus noster papa fecerat in prosecutione unitatis Ecclesiæ, quantum sibi vel homini possibile erat, & quod apud Deum & homines erat immunis & liber ab omni culpa & nota cuiuscunque negligentiae vel omissionis, & tenebant eum & reputabant verum papam & vicarium JESU-CHRISTI. Et talem confitebantur, nec credebant eum alicujus hæresis vel erroris macula respersum, vel apud catholicos notatum: supplicantes sibi, ut in ulteriori prosecutione unitatis daret operam, & adhiberet omnem diligentiam & curam, & in omnibus his fuit legens, publicans, approbans, & laudans ille profugus, ille, ille, sic notatus & prædicatus ubique, fugitivus & apostata, dictus tunc cardinalis *de Chalant*, cum suo in omnibus carnali germano episcopo Lausanensi, ut prædicta clare constant per publica instrumenta: & in omnibus ego fui præsens, videns & audiens, laudans & approbans, vice & nomine meo & ordinis.

## CAPUT LXVII.

**H**is pendentibus, insurgunt aliqui cardinales existentes sub obedientia dicti domini nostri de jure & de facto, & mentientes se esse collegium, cum esset impossibile à notorio, per ea quæ dicta sunt. Satagunt aliud convocare concilium, ad quod provocant dictum dominum nostrum, fatentes in suis litteris illum verum papam & dominum eorum ad civita-

tem Pisanam publicam, capitalem inimicam, & notorie odiosam, & periculosam eidem domino nostro & suis, & in plena obedientia adversarii sui intrusi, & in pleno dominio Florentinorum, qui & primum schisma, & durationem ipsius, & istud novum, & rebellionem terrarum Ecclesie ipsi ex toto inceperunt, & perfecerunt & perpetraverunt, ut toti mundo notorie constat: & in quibus quantum confidendum sit, quia superius dictum est, nunc subtrahitur. Et predicti tunc cardinales miscentes se cum aliis profanis anticardinalibus illius intrusi ANGELI, à quo tamen fuerant privati & depositi, & quos anticardinales de consilio & consensu predictorum tunc cardinalium nostrorum dominus CLEMENS VII. & successive dominus noster BENEDICTUS, pronunciaverant excommunicatos, schismaticos, hæreticos, & extra Ecclesiam catholicam, & nullam potestatem habentes; & sic simultati vocantes se utrumque collegium, & confitentes duplex collegium esse in Ecclesia, tentant vocare prælatos & dominos ad eorum congregationem, ad quam venerunt aliqui originaliter schismatici & alii schismatici & neutrales, & adunati, conspirati & conjurati, dicunt se concilium & synodum, & sic facti publici hostes, & inimici capitales notorii dicti domini nostri & suorum, nulla vocatione præcedente vel intimatione, nam illa profana congregatio, etiam sic damnata & nulla, prout erat, numquam vocavit dictum dominum nostrum, & inter se debaccantes, pronuntiant illum & sibi adhærentes hæreticos & schismaticos, &c. & nuntios missos per totam Ecclesiam catholicam, ad finem superius expressum, qualiter tractant & recipiunt tamquam de publico & notorio, & in publicis instrumentis expresso, & superius jam aliquammodo enarrato, hic non fit alia mentio, vel prosecutio specialis.

## CAPUT LXVIII.

**O** Spurcitia, fæces, & scoria, omnis iniquitatis & malitiæ, congregatio damnatissima & maculatissima, & si te fatebaris concilium, quare non audiebas venientes ad te? si enim non erant de tuis, quare vocabantur? si autem erant, quare non audiebantur? & si volebas nuntios dicti domini nostri papæ audire, saltem audisses nuntios regum & principum omnium, prælatorum & dominorum suprascriptorum, qui te requirebant, volentes scire fundamenta & rationes, processus, &c. in hac materia, si forte habebas, & quia nec ratio nec fundamentum, causa justa vel processus, te vel facta tua poterant palliare, ideo repulisti eos confusibiliter & ignominiose, ut supra latius est expressatum. Et si tu eras concilium vel synodus, ut damnabiliter mentiebaris, numquid illi erant de membris tuis? qui etiam si fuissent errantes, vel non recta sapientes, debebas eos reducere ad te. Quis umquam denegavit audire etiam condemnatum, jam ligatum in collo ad furcam, vel hæreticum jam vinculatum ad ignem, si

A forte requirebat aliqua revelare vel dicere? & unde tibi condemnare de hæresi vel de alio crimine, absente non vocato, & sine omni audientia & processu? & quomodo ex superabundantia, & vehementia iniquitatis & malitiæ tibi obstruxeras oculos in tui damnationem, non considerans quod etiam de crimine hæresis verus contumax, antequam condemnetur ut hæreticus, expectatur per annum? Dicas mihi, putridissima & fætidissima congregatio, credebas tu, loquor schismaticis antiquis & novis, habere dictum dominum nostrum papam Benedictum capitalem inimicum & publicum hostem, cum sic per publica edicta maxime in Francia fuisset publicatus; quare ergo, & qua fronte recipiebas partem vel personam judicis contra eum vel suos?

## CAPUT LXIX.

**I**terum credebas tu, ô infectissima, & maculatissima conspiratio, quod dominus noster papa cum suis gauderet plena securitate in Pisis, quantumcumque promissa vel firmata, quam licet dicti olim cardinales nostri spondissent dare, tamen numquam habuerunt, vel miserunt. Considera qualiter tractasti suos nuntios habentes plenos salvos conductus, & constabat quid de eo factum fuisset, quia si in viridi ligno hoc faciunt, in arido quid fiet. Oro, rogo te, deposita omni cæcitate palpabili ab oculis tuis, si potes, dic mihi in recto iudicio quod caves, credis tu arctatum fuisse dominum ad veniendum ad tuam congregationem, vel tu consulisses sibi venire, vel tu si fuisses in persona sua venisses? vel credis quod aliquid valuerit ibi gestum? Tu taces, licet videas clarissime, sed non audes exprimere, quod non solum nulla & irrita omnia prædicta figmenta tua, sed ridicula & deliramenta in æquali iudicio, etiam apud infideles judicarentur, maxime si hic addas quæ ad litteram scribuntur de ipsa eadem civitate Pisana, in cap. pasto. de re judic. in Ele. præcipue in paragrapho eisdem igitur causis, &c. per unam columnam.

## CAPUT LXX.

**S**ed respondent mihi illi olim nostri cardinales, quia alia pars jam in putredine suæ cæcitatibus involuti, non possunt videre lumen solis, quia sol justitiæ non illuxit eis, & increpando me dure de hebetudine & ruditate intellectus mei, dicunt. Si tu credis & quod verbo tibi respondeamus quæ scimus, credimus & sentimus, satis insipienter æstimas; securis enim jam ad radicem arboris posita est, sed contemplare per te in his quæ fecimus & diximus, & in verbis, dictis, gestis, & factis nostris usque nunc, & tunc clare videbis & deprehendes cor nostrum & intentionem nostram, & sub secreto aperiemus tibi aliqua, & exinde sapiens architectus ædificet super illis. Nonne tu vides,

quod positi in aliqua libertate consulimus domino nostro papæ in Portu Veneris & alibi, postquam ille primus intrusus ruperat pacta, fœdera, & promissa, quod poneret se & Ecclesiam in securo, quia aliqui ex nobis revelavimus sibi injunctam captionem de persona sua ex parte regis Franciæ, non obstantibus salvis conductibus & securitatibus datis; & quod vocaret concilium generale, ad quod nos promissimus tunc interesse vel aliquos ex nobis, sicut tunc firmum propositum habebamus? sed auditis edictis, bannis, terroribus & impressionibus Franciæ de non accedendo ad dictum concilium, quia in eorum manu pendet & pendeat tota vita nostra, & totus status, magis timuimus, & tunc fuimus impulsæ, ut cum dictis anticardinalibus, qui fugerant à primo intruso, convocaremus concilium, quod fuit nobis fas abnuere, vel negare, differre vel tergiversare, quantum diligebamus vitam & statum, non credentes etiam tunc, quod sic ultra & contra omnem ordinem juris & rationis, & sine omni modo, forma, ordine, vel regula, & cum tanto impetu, tumultu, & impressione negotia fierent, sed ibi poneretur debitus ordo in agendis, & inveniretur via aliqua canonica & iusta, per quam cum divino adjutorio posset vera unitas subsequi & haberi. Et subjunxit dicens mihi ille dominus NICOLAUS olim vocatus Albanensis, Non vidi. sti tu in littera quam scripsi tibi, & misi per illum qui portabat convocationes ad papam, qualiter rogabam te affectuose, ut venires Pisas, quia alias intervenisti in istis negotiis, cogitans quod aliquid boni fieret & tractaretur pro universali Ecclesiæ unitate? Dixi ergo verum est & littera est, nimis humilis, & curialis, & præamassum effectum laudabilem, quam verba nimis humilia & insolita: Et tamen cum fuisti Pisis, non fui ausus te videre, nec tecum loqui in publico vel secreto, licet invitatus & requisitus per illum qui portavit litteram prædictam; & ego dixi Verum est. Et ut videatis, frater, Bernarde, pono vobis hic tenorem dictæ litteræ in modum qui sequitur.

## CAPUT LX XI.

REVERENDO AC RELIGIOSO  
Patri domino domno Magnæ Carthusiæ  
priori amico nostro carissimo.

**R**everende ac Religiosè Pater, amiceque carissime, audi vi vos nuper ivisse Perpisanum ad dominum nostrum papam, quod cordi meo magnum gaudium attulit, æstimans & confidens in Domino præsentiam vestram ibi fore fructuosam. Et quia istius tam longæ tribulationis, attentæ bonæ dispositione totius cleri & populi christiani, sedationis via divinitus videtur aperta, vos quem experientia probata scio a certo extirpandi schismatis & unitate Ecclesiæ fervidum zelatorem, ex abundantia cum sciam vos non indigere calcaribus, humiliter requiro & hortor, ut hoc sanctum piumque Dei negotium nullo

A modo velitis imperfectum dimittere; sed vestra familiari consuetudine apud divinam misericordiam devotis orationibus, & apud dominum nostrum efficacibus rationibus & persuasionibus (ut vestræ circumspectæ prudentiæ fiendum videbitur) instare velitis, ut tam parata materia diabolica arte, & diversis astutiis non ruat incassam; certificans vos quod dominos meos omnes hic existentes usque ad mortem invenieris paratos pro tam sancti operis complemento, firmos, attentosque in huiusmodi prosecutione negotii; & licet B sciam me vestras litteras non mereri, tamen si ultra meritum mihi dignamini scribere, beatum me æstimabo, excusando me si domino nostro non scribo, quia scio quod aliorum recipit verba mea. Recomendo me intercessionibus & Deo acceptis suffragiis vestræ benevolæ caritatis, salutante me per te fratrem VINCENTIUM germanum vestrum, amicum meum carissimum, cum quibus utinam possem habere colloquium de præsentia. Conserve vos Altissimus ad ejus sanctum servitium feliciter & longæve, C Scriptum Pisis die penultima mensis jan. 1489.

N. CARDINALIS ALBANENSIS.

## CAPUT LXX II.

**S**ed tu vides quod ea quæ potuimus facere sine periculo parabolice & ænigmatice fecimus, ad ostendendam nullitatem, & infectionem omnium agendorum, & nostram cordialem contradictionem, sed cautissimè: quia etiam inter nos aderat qui vendidisse nos, saltem ille PETRUS DE TUREYO, propter cœcitatæ & ambitionis suæ condensam voraginem, quam habebat & habuit semper ad papatum vel antipapatum, quia dicebat sic fuisse prophetatum in domo patris sui. In convocatione enim quam fecimus ad illud concilium, vocavimus nos utrumque collegium, & in provocatione quam misimus papæ nominavimus dominum nostrum papam, & confitentes eum dominum nostrum in honore, & obedientia, & reverentia convocavimus eum ad civitatem Pisanam notorie suspectam, & capitalem inimicam ipsius & suorum, tam in temporalibus, quam in spiritualibus, & alia similia quæ tu potuisti videre in litteris nostris, propter quæ eisdem nostris litteris vel vocationibus de jure vel de facto non arctabatur, nec tenebatur venire, nec mittere à notorio, maxime quia illa congregatio nunquam vocavit eum, quia nondum erat in rerum natura; exprimentes nihilominus errores intolerabiles, & notorias impossibilitates, & inconvenientias in illis, quæ ipso jure & facto ostendebant & reddebant omnia præsentia & futura, nulla irrita & infecta, & in conspectu omnis plebis, nullius efficaciam seu valoris.

## CAPUT LXX III.

**C**onsequenter quis umquam audivit quod cardinales aut concilium deponerent vel judicarent

judicarent papam, cum utrum papa possit deponere cardinales sit quæstio mota per Ostiensem & alios. Unde totus mundus congregatus, nullo deficiente, propter quodcumque crimen notorium vel scandalosum, sicut de Johanne XII. vel similibus, etiam pro hæresi non posset deponere papam, vel dare sententiam contra eum 21. di. *nunc autem & c. in tantum* & 79. di. *Ejectionem*, cum multis similibus: quia sibi soli dictum est *tibi dabo claves regni cælorum, & quodcumque ligaveris, & pascere oves meas*; & de hoc est determinatio Ecclesiæ in extravaganti, *unam sanctam*, & alibi; sed si constat papam hæreticum contra aliquem articulum fidel, vel male sentire de fide, & est pertinax, seu incorrigibilis, & de hoc constat inexcusabiliter rite & canonice, tunc non datur sententia contra eum per quodcumque concilium, synodum, vel congregationem, sed receditur ab eo, quia ipso facto desinit esse papa. Nec tunc judicatur ab aliquo, ut habetur expresse in prædictis juribus. Nec privandus est papa deffensionibus suis de quocumque crimine impetitus, plusquam alter quicumque homo de mundo, etiam criminofus, vel sceleratus, non dico litteratarum personarum, nec in judicio caprarum vel asinorum.

## CAPUT LXXIII.

**P**raterea, non valentes, vel verius non audentes directe impugnare quæ disponebantur agenda, & introducenda, fecimus & produximus in viam dubiorum quasdam conclusiones insolubiles, quarum copia ad vos devenit in Perpiniano, & ibi considerare poteratis quid nos sentiebamus, quia non est litteratus in mundo, qui eas posset solvere, vel in veritate respondere. Ulterius scis tu cum aliis consociis, quod in illa congregatione in Ecclesia sancti Martini, ad quam vocati fuistis Pisis pro audientia danda, ubi factus fuit contra vos insultus, nullus de nobis principalibus fuit, nisi ille Aniciensis, qui tantæ firmitatis est, quantæ folium in arbore contra ventum. Jam enim ab omnibus actibus legitimis esset repellendus tamquam inhabilis corpore & spiritu. De alio vero de Hispania nulla commemoratio fiebat inter vos in rebus alicujus existentiae vel auctoritatis, loquendo tibi in secreto tamquam de homine levissimo, & mendacissimo, & procace. Vidisti præterea, quod post illam electionem non ostendimus magnam lætitiā, propter illa quæ in nostro secreto inter nos, & à nobis acta sunt & fuerunt, & ista pro nunc non exprimeremus tibi; nec scripsimus per mundum principibus & prælatis, & aliis sicut consuetum est, immo nulli, ut credimus, factum fuit festum, vel solemnitas celebrata: & tunc ego confirmans ista, dixi, verum est quia nos stetimus in Janua post intrusionem prædictam per multos dies, nec una campana fuit pulsata, nec alicubi ostendebatur gaudium, sed tristitia. Subsequenter vidisti, & audisti qualiter nos, opportunitate

*Theauri An. edot. Tom. II.*

**A** captata, recessimus ab illo, venientes in Franciam ad beneficia nostra, & camerarius archiepiscopus Narbonensis nobiscum, excepto domino Albanensi, qui residet in Florentia; & ex causa, alias venisset nobiscum; alii autem non possent aliud facere ex quadam necessitate inevitabili quæ postea scietur. Quando vidisti tu quod cardinales, maxime quinque vel sex, ut ita loquamur, de notabilioribus, & camerarius per tantam distantiam & locorum & temporis se elongarent ab illo quem crederent verum papam, quia est ita bono cardinali, curia papæ, sicut vero religioso claustrum, & uxori pudicæ domus viri. Credis tu nos ita rudes & ignaros quod non viderimus & consideraverimus omnia prædicta, & alia quæ unus etiam biennalis scolaris in jure non ignoraret, immo nec unus probus sæcularis?

## CAPUT LXXV.

**E**T tunc ego dixi eis, Quid igitur facietis? expectabitis mortem & divinum judicium super vos in isto statu? Respondent mihi: Vide propter peccata nostra vel aliorum, Deus conclusit nos & vias nostras in circuitu, ut vere dicamus, angustiae sunt nobis undique. Si enim vadimus ad dominum BENEDICTUM, oportet nos mendicare, quia omnibus rebus & bonis continuo expoliabimur. Et ego: Numquid esset eligibilis vobis hoc, quam mori in tali statu? Respondent mihi: Facilius suadetur patientia quam toleretur, & paupertas bono animo commendatur, sed tristi vultu & impatienter sustinetur. Cogita si unum prandium vel una cœna deficit, quantus rumor, quantus tumultus, quanta murmuratio de familia contra dominos & dominorum in se. Si ergo ad horam penuriam pati est intolerabile, quid tibi videtur de perpetuo egere? Summum enim infortunii genus est fuisse felicem; & sic non expectes à nobis latiore super hoc disputationem. Et ego: Non legistis apostolum Paulum dicentem: *horrendum est incidere in manus Dei viventis*? dicunt, Legimus; sed potius elegimus cum misericordia Dei disputare, quam incidere in furorem hominum & brutalem insaniam perversorum, & sufficiant hæc. Et ego provocans eos ad contristationem, dixi: Numquid cardinales dicuntur columnæ ecclesiæ, sicut scriptum est, & *posuit super eos orbem*? Quærun de qua materia sunt istæ columnæ? suntne ferreæ an argenteæ vel ligneæ, vel de qua materia? Et respondent cum stomacho (quamvis verè) & dicunt, De stercore. Et dixi eis, Verum est, bases sunt de stercore, sed columnæ de sulphure tamquam quædam vasa lutea divini furoris plena, & figmenta contumeliæ.

## CAPUT LXXVI.

**S**ed mutando materiam, quia, ut asserunt, ista est eis satis onerosa, odiosa, ingrata & periculosa; dicunt mihi: Si posses laborare, vel

B b b b b

alios ad hoc inducere, ut in dominio Franciæ revocarentur edicta & impressiones, ita quod quilibet sine periculo & damno personarum vel rerum, posset loqui libere veritatem, & eam prosequi & deducere, & illam pacifice vellent audire, tunc nos diceremus patenter & publice quæ sentimus: Num in eorum conciliis in nulla deliberatione requirunt vel audiunt, audire vel requirere volunt pacifice & quiete votum nostrum, opinionem, vel deliberationem, vel cuiuscumque? sed illi paucissimi qui occuparunt sibi regimen, deliberant, & exinde oportet sine omni repugnantia, contradictione vel dubitatione illud sequi, sub periculo dumtaxat personarum & rerum, nec aliquis ausus est in contrarium verbum facere, vel mutire.

## CAPUT LXXVII.

**E**T tunc ego respondi eis: Quamvis ista videantur rationabilia & iusta, tamen non pertinent ad me, nec sum ad tam grandia, qui alias libentissime laborarem, etiam cum periculo personæ, sed non video modum; precipue quia videtur nonnullis, quod istud apud illas gentes, & consequenter in vobis tamquam eorum appenditiis & sequela, sit plaga nimis dura & insanabilis, secundum illud Jeremiæ *Plaga inimici percussit te castigatione crudeli propter multitudinem iniquitatis tuæ, dura facta sunt peccata tua, insanabilis est dolor tuus, &c.* & cum admiratione subjungendo dixi eis: Quare ergo ita dure reprobavit ista natio Gallicorum illam impressionem factam Romæ post mortem D. Gregorii, & ita eam damnavit, impugnavit & contempsit, cum tamen quasi nulla sit, vel fuerit modica in comparatione istius, quia illa ad horam, sed ista a magnis temporibus citra & adhuc continue durat? Et illa facta per rusticos & gentes populares, & ista per principes potentes & dominos. Illa in solis personis, ista contra personas, bona, statum, beneficia, parentes & amicos. Illa contra solos cardinales, ista contra omnes generaliter, cuiuscumque status, conditionis, præminentiae, sexus, vel ætatis existant, etiam usque ad mingentem, ad parietem, comminantes eis, & suis etiam usque ad internecionem infra regnum Franciæ, & etiam si possent extra: sed videtur quod ab extra ubique plus timent pulices quam minas illorum; incipiendo à Janua, & sic de aliis. Non videtur ergo vobis ista impressio & perhorrescentia incomparabiliter major, quam illa de Roma, & quam alia quæcumque in nostris temporibus nata? propterea considera si in eorum dominio immineret electio celebranda, quid facerent. Credendum est quod ex hoc Deus, ut eadem mensura eis remetiatur, permittit quod illi de illa natione ubique feriuntur, percutiuntur, interficiuntur, & eis rebellatur, repelluntur & castigantur, valde improperse & confusibiliter, & ipsi semper emittunt minas suas verbales à quatuor ventis & quatuor plagis terræ. Dolendum est vehementer de tam nobilissimo regno, & in tantum ab olim prof-

**A**perato, quod ita se permittit conculcari, & in tot errores deduci per tres vel quatuor grammaticos, cum tribus vel quatuor nominatis prælatis, qui omnes sunt patentia membra diaboli, quia hic nihil dicitur in detrimentum, contemptum, vel notam regis, vel dominorum, vel notabilium personarum, quæ in illo excellentissimo regno abundant, vel honorabilium popularium qui in similibus optimam habent intentionem; sed contra tyrannidem illorum hominum damnatorum, qui ista suggerunt & deducunt, sub nomine pietatis, in confusionem & detrimentum irreparabile dicti nobilissimi regni. Solebant enim hæcenus vocari pro Ecclesia & ejus munimine, defensione & reparatione, murus & antemurale; nunc autem coguntur publice omnes etiam indigenæ, in suis tamen secretis dicere *vah, qui destruis templum Dei*. Et ideo quidquid inveniatur hic scriptum de gentibus illius regni, intelligitur de illis membris diaboli & filiis Belial, qui omnia ista mala perpetrarunt: ita quod nec pæna in hac vita sufficeret contra eos, sicut scriptum est, *Et Libanus non sufficeret ad eos succedendum, & animalia ejus non sufficerent ad holocaustum*: immo ubique de illo regno subsannando dicitur, *Hæccine hæc est illa Babylon*? dicunt mihi vasa iræ: Require, qui tibi respondeat ad ista, quia nos nec scimus, nec possumus, & ista firmitus secundum propositum nostrum & ea quæ superius diximus.

## CAPUT LXXVIII.

**M**Utabo ergo vobis materiam, & videtur mihi quod illa rebellio facta per vos, & civitatem Avinionensem contra dictum dominum verum papam; quando inclusistis eum in palatio Avinionensi, & tenuistis obsessum & incarceratum per quatuor vel quinque annos, fortiter pugnando contra illum cum machinis, & bombardis, ballastris & ceteris armorum generibus, faciendo rebellare civitatem & comitatum Venaxini, constituendo vos & cives & habitatores comitatus prædicti, notorios proditores, & læzæ majestatis crimine reos, occupando ad vos bona, redditus, beneficia & omnia jura sua & ad eum pertinentia, cum quibus erexistis vobis capitaneum, conducendo gentes armorum contra eum & suos, &c. fuerit de ista materia vel simili. Nam videtur mihi, prout cives Avinionenses nobis, qui tunc concordiam tractabamus, dixerunt, cum eos argueremus de rebellionem contra dominum suum, &c. responderunt, quod vos vocastis eos ad Villam novam in domo Carthusianorum, & requisivistis eos, quod jungerentur vobis in rebellionem prædictam: qui dixerunt quod non facerent, cum prædictum dominum recepissent ut papam in dominum eorum, &c. Et tunc vos dixistis, & cum publico instrumento asseruistis, ipsum non esse papam in vestris conscientis, vel cum juramento ipsum negando esse papam & dominum vestrum; & tunc illi habentes duces cæcos, vobiscum præcipitaverunt se ipsos. Postea vos verendantes, sed plus timentes pro futuro, præ-



cepistis notario qui receperat instrumentum, quod non grossaret, immo abraderet & cancellaret illud, ut constet de hoc clarè: & sic quod solum fecistis ad decipiendum illos miserabiles cives Avenionenses & comitatus.

## CAPUT LXXVIII.

**E**T responderunt mihi: Vide, nimis patenter & nude loqueris, maxime contra magnos dominos, quia quamvis omnia sint vera, & negari non possint, tamen omnia transierunt, & non sunt nunc deducenda in publicam notionem. Ad quod ego respondendo dixi: Scriptum est, reatus omnem honorem excludit, præcipue, quia ego ex ignorantia mea nescio nominare res nisi suis nominibus, quia deficiunt mihi circumlocutiones; & ideo nescio nominare adulterium nisi adulterium, & furtum furtum, & homicidium homicidium, & sic de aliis; & sic nominavi prædicta per vos & per illos commissa rebellionem vel prodicionem. Et dicunt mihi: Non posses vocare Subtractionem, sicut nos vocabamus tunc? Et ego: Istud est exprimere actum criminis; sed nomen criminis non exprimitur: sicut usurarius vocat usuram interesse, & piratæ vocant rapinas precarium sive lucrum, & adultera vocat adulterum amasium sive dilectum. Et tamen ego utens verbis vestris, domine Albanensis, quæ alias in publico frequenter dixistis, de quibus infra sequetur, non debeo increpare.

## CAPUT LXXX.

**S**ed dimittamus ista, quia ego non deduco vel commemoro rebellionem illam ad alium finem, nisi ut omnis fidelis christianus incautetur, quanta fides est vobis attribuenda in his quæ commisistis & perpetrastis in Pisis, vel in futurum facietis, maxime sicut pronosticatur à multis de quarta electione sive intrusione in Francia.

## CAPUT LXXXI.

**E**T respondent mihi: Credas tu quod quamdiu erimus in illis impressionibus & terroribus, de quibus supra diximus, & illis durantibus, abyssus invocabit abyssum. Et ego: Si ergo requirant vos sub prædictis conditionibus & modis, ut eligatis quartum, etiam facietis. Et respondent mihi: Tu videbis quid fiet. Quid enim est plus facere, tertium, quartum vel quintum, vel quotquot voluerint, ex quo incepimus, nulla difficultas est.

## CAPUT LXXXII.

**E**T addunt mihi ulterius: Vis tu videre in aperto, quare fecimus prædicta in Avinio-

ne, nec oportet quærere alibi probationes? Numquid vidisti tu de illis qui tunc remanserunt in obedientia domini BENEDICTI qualiter tractati fuerunt, & inter alios domini olim cardinales Pampilonensis & S. Adriani, nam fuerunt incarcerati, & durissimo & intolerabili carceri deputati, & sic propter periculum mortis valde propinquum dederunt omnia bona sua tunc capitaneo Avenionensi Busicaudo, id est inter pecunias & bona, decem vel duodecim millia scutorum. Et post hæc ille dominus cardinalis S. Adriani repertus in dominio Franciæ, fuit iterum inhumano carceri traditus, & ibi tam squalore carceris, quam aliis crudeliter interfectus, qui clarens miraculis, veneratur ut sanctus. Vidisti quo modo ille abbas tunc capitaneus Venexini pro papa, impie fuit etiam interfectus, & bona ejus occupata; & sic fiebat de quocumque, qui hoc nomen tunc invocabat, & sic potius elegimus fieri testes, quam litigantes vel partes. Nam ita cum tanto furore & inhumanitate procedebant, quod inauditum est à sæculis. Et ego: immo vidi vos totaliter & principaliter agentes, cooperantes & auctorisantes. Et dicunt: Quod fecimus, sic oportuit, alias venisset super nos indignatio & furor, & audivissemus in sono quo alii supradicti, Qui non est mecum, adversum me est.

## CAPUT LXXXIII.

**E**T tunc addidit loqui mihi D. NICOLAUS tunc vocatus Albanensis: Non recordaris tu, qualiter te præsentem in Avenione, & aliis qui tecum laborabant in pace tractanda, ex quo aliquando ille furor quieverat, quod ego dixi, quod non erant majores proditores in mundo, quam nos cardinales, quia ne perderemus beneficia in Francia, negabamus dominum nostrum, & tenebamus eum captum, & pugnabimus contra eum hostiliter; & quod ex hoc fieret magnum sacrificium Deo, qui nos tamquam proditores suspenderet per collum. Ad quod respondi ego: Verum est, quia ista & duriora frequenter dixisti in publico, ultra alia mihi exposita in magno secreto, de suspensione autem vel combustionem vestra, creditur quod omnes concurrerent cum gaudio ad videndum quasi ad nuptias diu optatas.

## CAPUT LXXXIV.

**E**T subjunxit, Vis videre qualiter & quantum Deus offendatur in istis? considera mirabilia, & terribilia quæ exercuit contra nos, primo nos in Villa nova fecimus capitaneum tunc ad expugnandum papam, dominum cardinalem, vocatum de Novo castro, qui statim in prima elevatione manus contra eum, fuit à Deo graviter percussus, & mortuus sine verbo, & numquam reductus ad se, & nullis receptis sacramentis. Et dixi ego: In isto non fui præsens, sed audiavi à multis, & ita est notorium in Avenione, immo

B b b b ij

audivi à quodam honorabili & devotissimo religioso, qui fuit præsens, quando moriebatur, quod non erat ausus eum provocare ad poenitentiam; saltem nutibus super facto rebellionis, propter satellites cardinalium ibidem præsentes, qui hoc strictè observabant, ne fieret, inducti & ordinati à magistris suis, qui timebant ne ex vera poenitentia confitentis veritatem ipsi confunderentur, eligentes potius illum damnari, quam veritatem eis odiosam, inimicam & exosam publicari. Et exinde mortuus fuit ille vocatus cardinalis de Muriolo & portatus ad civitatem Claromontensem in Alvernia, & sepultus in domo fratrum Minorum, & inde cum maximis terroribus, ut fratres testificantur, cadaver ejus fuit sublatus à dæmonibus. Ad quod ego: De isto audiveram, & sic narrabatur publicè in Francia; & quando fui in dicta civitate Clarimontis inquisivi diligenter, & ita reperi in veritate fuisse sepultum. Et exinde subjungendo dicunt mihi: Vidisti tu qualiter mortui sunt, vel verius præcipitati in morte in ictu oculi, nulla quasi præcedente infirmitate, successivè domini cardinales de Agrifolio, & de Jerusalem? Dixi ego: Verum est, & ad istos ego fui præsens in civitate Avenionensi, & mortui sunt sine die & consule, & sine numero, pondere & mensura. Et addidi ego: Et quid vobis videtur de illo Roberto Cordeler, qui fuit causa mortis illius cardinalis S. Adriani, quomodo ex rabie comedit brachia sua, & sic in ista agitatione fuit extinctus à dæmonibus? Et respondit mihi: Illud notorium est. Et iterum dixi: Quid etiam vobis videtur de illo Montanii, qui fuit commissarius ad debaccandum contra illos qui veniebant ad concilium Perpiniæ, quia audivi quod vivens corrosus fuit à vermibus? Et dicunt mihi: Illud etiam notorium est in Francia, quia nuper hoc accidit.

## CAPUT LXXXV.

**E**T tunc ego: Quare ergo non formidatis tam duram divinam ultionem contra vos? Dicunt mihi: Quilibet credit vivere & videre finem. Non enim est homo ita senex in mundo, quin speret vivere per unum annum, & ille annus numquam incipit: & sufficiant tibi ista. Et ego: Alia est enim ratio magis efficax: Et dicunt, Quæ? Et ego: Numquid majora terribiora & duriora expertus est Pharao? & mirabiliora & altiora viderunt magni sacerdotes & principes Judæorum tempore Christi? tamen cor insipiens eorum induratum est? Et dicunt: Istud tangit viscera nostra. Et ego: Verum est, ad illa excœcanda & induranda.

## CAPUT LXXXVI.

**S**ubsequenter dixi ego: Si ergo prædicta ita injustè, notoriè & damnabiliter fiebant, sufficiebat vobis de facto; sed tot allegationibus, & tractatibus factis & publicatis per vos prædicta confirmabantur & dicebantur licitè & justè

**A** facta fuisse & fieri potuisse. Nam ille cardinalis de Gifono qui videbatur inter vos summus in theologia, fecit magnas allegationes, & tractatus. Idem ille cardinalis S. Angeli, qui videbatur inter vos primicerius in jure. Idem multi alii prælati in Francia magistri de universitate, multum litterati & famosi concludentes & determinantes, etiam verbo deffensantes, me præsente & audiente, in multis congregationibus, parliamentis & audientiis, quod papa pro tunc erat hæreticus, nec erat papa, nec sibi obediendum, & alia similia & graviora. Et in istis perseverastis per magnum tempus & continuum. Postea papa egresso de palatio de nocte subreptitiè & furtivè in confusionem vestram, statim adhæristis sibi ut papæ & obedivistis, & idem illi de Francia, & inter alia ille de Gifono prosternens se ad pedes in via publica inter luta, confessus est se graviter errasse, & facta scripsisse damnabiliter & proditoriè, & idem de multis aliis. Quare illa jura tunc allegata, rationes theologicæ, & allegationes tunc apud vos & illos vocatæ efficaces & insolubiles, quomodo per solum exitum palatii fuerunt annihilatæ, & perdiderunt veritatem, auctoritatem & efficaciam suam? maximè quia dicitur quod ille cardinalis de Gifono poterat glossare Bibliam, tamen Deus liberet nos ab his quæ verbo & exemplo docuit, commentavit, seu glossavit super tertio præcepto secundæ tabulæ præceptorum decalogi. Tantæ enim obscuritatis sunt & profunditatis, quod usque in abyssum cum auctore suo descendunt, & quasi palpabilibus tenebris involvuntur, & videtur quod multi ex vobis utamini indifferenter, in extrajudicialibus tamen, dictis glossis ampliora superaddentes.

## CAPUT LXXXVII.

**A**D ista respondent mihi quasi subsannando & subridendo de ineptitudine mea, dicentes: Non consideras tu altius istam materiam, quod ad unum inconveniens sequuntur multa, ut dicit etiam Philosophus: & quando majus est inconveniens principale, majora sunt quæ sequuntur. Numquam enim peccatum legi vel deffendi potest, nisi cum alio peccato æquali etiam graviore, quia ejusdem naturæ habent esse conclusio & probationes ad eam, & idcirco non est persona in mundo, quæ requiescat in aliquo peccato cum firma deliberatione & proposito vel obstinatione, quæ pro illius deffensione, vel ut compleat desiderium sic firmatum, non committat centum alia etiam graviora peccata si occurrant. Vides tu in exemplo, uxor quæ summè diligit maritum suum, cui nolle nocere etiam in capillo capitis, si cadit in adulterium, ut illud deffendat, vel se ipsam à periculo liberet, tractabit & consentiet in mortem viri, & in alia peccata gravia, sicut frequentissime est repertum. Iterum mater quæ cum quanto excessu amoris diligit filios nemo ignorat, & tamen quædam regina excœcata ambitione regnandi vel dominandi, ne impediretur à filiis, interfecit eos; & fratres

germani & alii parentes idem fecerunt, ut patet A in diversis locis sacrae scripturae; sicut etiam potest videre de David 2. Regum, 11. c. & de Athalia matre Ochosiæ regis Juda quarto Regum, 11. c. & 2. Paralip. 22. c. & de similibus. Idem in illis qui fervent ambitione dignitatum & beneficiorum, quia in eorum conspectu nihil est, immo nec reputant peccata venialia, committere simonias publicas, fraudes, pacta, & machinationes damnatissimas, ut veniant ad optatum: immo agunt de turpi & crudeli morte illorum qui obtinent tales dignitates vel beneficia, ut transeant ad illa, sicut non ex diu contigit, & pluries factum est. Vides ergo conclusionem pro te: Nos enim per impressionem, minas, terrores, & oppressiones illorum de Francia habentes etiam inter nos hujus tantæ nequitiae & malitiae principales auctores, conductores, cooperatores & promotores, ut de ceteris taceamus, illos videlicet D. JOHANNEM Ambianensem, & PETRUM DE TUREYO prædictæ nationis tunc cardinales, incepimus illud grande inconveniens, immo gravissimum crimen rebellare contra papam & dominum nostrum in sua propria civitate, & abnegare eum, & pugnare hostiliter & horribiliter contra eum & suos, &c. nisi defendissemus illud tantum nefas facto & verbo, totus mundus venisset super nos; ideo oportuit allegationibus, tractatibus, monitionibus, persuasionibus, inductionibus, & litteris fictis & mendaciis, & fraudulentis, & aliis quibuscumque modis, etiam injustissimis & damnatissimis uti, & nos juvare, deffensare & palliare, ut alii sequerentur nos, & sic effemus fortiores, & alii efficerentur dubii & tepidi, & sic non juvarent illum, nec nos impugnarent; & sic factum est, & etiam cum omnibus istis satis fuit nobis difficile posse nos sustinere vel evadere: & nisi illa fecissemus, statim fuisset extincti, & totus mundus invasisset contra nos. Ecce quid faciunt allegationes & instructiones magnorum prælatorum, doctorum & magistrorum; quia jura & argumenta præcipue in viris magnæ litteraturæ volubilia sunt ad quam partem volunt; & sic cessantibus periculis cessaverunt allegationes; immo versa sunt in contrarium, & sic quod in magnis scandalis, criminibus, & periculis jura & argumenta principaliter fiunt ad evadendum pericula, & se sustinendum, & cooperiendum, & ad habendum sequelam, & subtrahendum eam adversariis, quam ad probationem veram alicui propositi principalis; & ex eo subrimus de quæsito tuo; quia tu tamquam grossus nonelevas intellectum ad ista. An etiam ignoras tu, quod is qui majorem fovet injustitiam, & magis notoriam in judiciis, fortius convalescit ad allegandum & inveniendum rationes & palliationes varias, ut sic turbato & offuscato adversarii jure, citius obtineat pactum & compositionem pro se pinguiorem? rarissime enim aliquis etiam rusticus fatetur se non habere jus, quanto magis nos pingues vaccæ Samariæ, inflati, impinguati, dilatati & realcitrantes? Et sic conclude quod allegationes, libelli, & tractatus nostri contra papam non fuerunt inutiles & superflui, sed effi-

cacissimi ad deffendendum nos à periculis, & subtrahendum suffragia & sequelas papæ; & ista constant clarè per evidentiam, quia statim cessantibus periculis, ut diximus, omnia sicut fumus evanuerunt. Et tu scis quod etiam, durantibus prædictis rebellionibus & allegationibus, nos pro spiritualibus per medium tui recurrebamus in secreto ad papam. Et dixi ego: Verum est quod concluditur, dicunt ipsi, visibiliter quod non fiebant illæ allegationes pro veritate, ut diximus, & sic oportuit super hoc imponere digitum ori meo.

## CAPUT LXXXVIII.

ET ex hoc subjungunt sua bonitate ad me ulterius instruendum dicentes, quod numquam confidendum est in multitudine, eloquentia & litteratura. Nam si tu legisti historias antiquas à tempore nascentis Ecclesiæ usque nunc, specialiter Ecclesiasticam historiam, videbis de tempore illius hæresiarchæ Arii, cujus error totum mundum occupavit & infecit, quod valde pauci erant pro veritate catholice fidei. Nam statim ille Arius homo litteratissimus in omni scientia, & acutissimus, & in apparentia magnæ honestatis & reputationis; cui ille vir magnæ sanctitatis Alexander patriarcha Alexandrinus prælatus & dominus suus commiserat emendationem & correctionem sacrorum librorum, videns quod non poterat pervertere magistrum suum rationibus vel argumentis, recedens ab eo conjunxit se cum aliis prælatis magni nominis, litteraturæ & famæ pomposi, solratis & faleratis; & sic simul adeuntes imperatorem, & cum eo suis conciliis fascinato & decepto inceperunt à terroribus & impressionibus, rectè sicut nunc factum est in Francia & alibi. Et credis tu loquentes tibi in magno secreto, quod si haberent jus, veritatem & rationem pro se, quod non vellent in publico & coram multis & in loco omnibus securo eum examinari & deduci? non dubites de hoc: sed nunc volunt loqui solum infra dominium suum, ubi in omni disputatione, primum replicatum est carcer, captio; invasio, infamiae, injuriæ, periculum personæ & occupatio bonorum, & similia dumtaxat. Vide quis sciret respondere talibus argumentis: credimus quod soli martyres; quo nomine nullus saltem ex nobis vult hodie insigniri. Ex hoc ergo solo concluderetur ubique insolubiter & efficacissime quod quidquid agunt est contra Deum, veritatem, & rationem; nam omnes antiqui hæretici ita fecerunt: & ita etiam faciet antichristus, & numquam aliquis qui secutus est veritatem tenuit istos abominabiles & damnatissimos modos.

## CAPUT LXXXIX.

Iterum non consideras tu quod antequam congregaremur Pisis, vel dum illuc perpetranda agitabantur, ducabantur, & tractabantur;

Bbbbb iij

quod quilibet praelatus, magister, doctor, litteratus, immo sciolus, vel sæcularis discretus, tam amici quam inimici in diversis partibus mundi vehementer dubitabant, quod actus ille agitan-  
 dus in Pisis per modum quo fiebat & duce-  
 batur, vel impressus, vel conceptus fuerat, non  
 valeret, nec aliquam firmitatem haberet, sed  
 esset novus error in Ecclesia Dei; & super hoc  
 tam per nos, quam per alios multos fuerunt  
 facta dubia nimis pungentia, nec erat qui recto  
 iudicio solveret illa. Ad quos ego: Clare, ista  
 vidimus & cognovimus omnes: nam etiam  
 ille PETRUS Cameracensis tunc misit mihi in  
 scriptis multa & magna dubia contra prædicta,  
 ad quæ non respondebat, immo videbatur in  
 eis residere; sed nunc, ut prædixi, omnia lique-  
 facta sunt in ore suo. Sed dicunt ipsi: Attende  
 & vide; quia ex quo aliqui nimio odio & rancore  
 furentes, alii ambitione inexplicabili frementes,  
 alii quibusdam ludificationibus fascinati, & alii  
 timore & terrore, minis & impressionibus perter-  
 riti & conquassati, & alius sic, & alius sic, ut de ce-  
 teris taceamus, processimus ad illum actum, quem  
 ut audisti & vidisti in Pisis, statim omnia dubia  
 cessaverunt: immo oportet & oportuit eodem  
 spiritu, quo acta sunt impellente, quantum dili-  
 gimus vitam, honorem & statum; quod quilibet  
 vacet & totis viribus intendat ad dicendum &  
 allegandum, defendendum & sustinendum, ver-  
 bo & scriptis, solemniter & potenter, per magnos  
 tractatus, dictatus, & elegantes stylos, sopitis &  
 extinctis dubiis primo factis, quod omnia præ-  
 dicta fuerunt licite & canonicè facta, & sunt  
 valida & firma, & non recipiunt aliquam dubi-  
 tationem: quia vides quod si taceremus vel con-  
 trarium diceremus, vel etiam aliquod faceremus  
 dubium, essemus confusi & lacerati, & mundus  
 lapidaret, & discerperet nos; & sic est nobis de  
 necessitate status & vitæ, illud quod erat olim  
 nobis & omnibus nimis dubium, quod nunc sicut  
 cernis perpetratum, cum pertinacia & totis vi-  
 ribus defendamus & approbemus tamquam ve-  
 rissimum & licite factum. Et sic allegationes, &  
 rationes, tractatus, argumenta & jura habent  
 nunc saltem illum effectum, de quo locuti fue-  
 ramus supra de prima inclusione & subtractione  
 in Avenionensi facta, quia quicumque actus  
 quantumcumque nullus, injustus vel pravus,  
 & cetera hominum gesta etiam invalida ex  
 multitudine allegationum & rationum apparen-  
 tium, & cum eleganti stylo dictantium, & stu-  
 dio scribentium leporino videntur valida, vera,  
 justa, & legitima, vel saltem ponunt audientes  
 in stupore & dubio, & cum pravo impulsu favo-  
 ris, timoris, vel honoris, ut audisti de multis,  
 transeunt ad illam credentiam vel sequelam; &  
 hoc est quod dicit B. Augustinus in simili de  
 factis Atheniensium libro 18. de Civitate Dei  
 c. 2.

## CAPUT XC.

**I**gitur dixi ego: Non est spes quod aliter re-  
 cognosceretis in publico veritatem, saltem ne  
 vos cum tot millibus vestris sequacibus æterna-

**A**liter pereatis, præcipue super re ista patenter &  
 notoriè invalida & nulla, sicut est illa hæresis  
 Pisana: quia quando quis plus cogitat, validius  
 provocatur ad compassionem vel risum, quam  
 ad impugnationem. Et dicunt: Respondimus tibi  
 superius ad omnia, idcirco non oportet toties re-  
 plicare, vel nos verborum multiplicatione gravare.  
 Et ego: Non facio ad vos gravandum; sed opto,  
 oro & laboro opportune, vel importune, vel  
 etiam improbè, quod Deus reduceret vos ad  
 viam veritatis, à qua video vos nimium aliena-  
 tos, & elongatos; sed videtur mihi quod verba  
 Job. 18. c. rectè habeant locum in vobis, cum  
 dicit: *Immisit in rete pedem suum, & in maculis  
 ejus ambulat, tenebitur planta ejus laqueo, & exar-  
 descent contra eum sitis, &c.* Ubi dicit B. Gregorius  
 lib. 14. Moralium, qui pedes in rete mittit non  
 cum voluerit ejicit, sic qui in peccatis se dejicit,  
 non mox ut voluerit surgit; & qui in maculis  
 retis ambulat, gressus suos ambulando impli-  
 cat, ut cum se expedire ad ambulandum niti-  
 tur, ne ambulet obligatur. Et post pauca:  
**C** Perversa enim mens cum in peccatis venisse se  
 conspicit, quadam cogitationis superficie eva-  
 dere laqueos quærit, sed vel terrores vel oppro-  
 bria hominum timens potius eligit in æternum  
 mori, quam ad tempus aliquid adversitatis per-  
 peti. Et hic ipsi tacuerunt se mutuo aspicientes.

## CAPUT XCI.

**A**D quos ego: Saltem sufficit mihi, quia  
 per verba vestra illuminastis intellectum  
 meum, ita quod deficit mihi ratio ad ulterius  
 quærendum vel interrogandum, nec scirem res-  
 pondere, & reputo me conclusum, & ista satiant  
 & confortant animam meam & conscientiam  
 quasi demonstrative, & de secreto mihi supe-  
 rius injuncto non dubitatis; quamvis cuilibet  
 altiora contemplanti notoria sint quæ dixistis.  
 Sed ego ex hebetudine mea non valeo attin-  
 gere ad ista ex me, sed nunc sic per vos enu-  
 cleata, effecta sunt mihi & omnibus clariora;  
 & ulterius non inquietabo vos, immo doleo,  
 quia habui sic dure & aspere loqui contra vos,  
 olim dominos meos, nunc autem subjugalia dæ-  
 moniorum effectos.

## CAPUT XCII.

**S**ed unum restat mihi in viam admirationis de  
 vobis, nec expectabo responsum. Videtur  
 quod vos sitis involutissimi in duobus gravibus  
 & immobilibus peccatis, ultra alia scelera &  
 crimina, currentia & mobilia; scilicet in duabus  
 speciebus peccati in Spiritum sanctum, cui, ut  
 dicunt doctores, sunt sex species. Sed duæ præ-  
 cipuæ tenerent eos oppressos cum vestris sequa-  
 cibus, ut non possitis videre lumen cœli; de  
 quibus scribitur quod in hoc sæculo vel futuro  
 non remittentur; & tunc & nunc impugnatio  
 agnitæ veritatis & obstinatio quasi inemendabi-  
 lis, ex quo videtur quod Deus efficiatur vobis

implacabilis, ut dicit B. Gregorius in homil. super Evang. in viam gentium ne abieritis, & æstimatur à multis, quod in pœnam istorum & aliorum vestrorum inexplicabilium peccatorum Deus permittat per vos committi & perpetrari tam grandia scandala, pericula, & discrimina in Ecclesia sua, ut cum eritis in gradu damnationis vobis paratæ, subito cadatis in destinatum vobis locum ab origine mundi, & simul catervatim vestri sequaces vobiscum corruant, præcipue quia audio quod paucissimi ex vobis, vel nullus habuistis ingressum ad dignitates vestras per portam, sed aliorum per quosdam anfractus, & vias difficiles, & subreptas, & solis ibicibus pervias; alius quidem ad preces armatas principum, alius favore vel timore nationis vel patriæ, alius prætextu consanguinitatis, parentelæ, vel carnalis amicitia; alius per fraudes & excoGITATAS baraterias, sicut mendicando sibi titulum consiliarii, præsentis vel cancellarii alicujus principis, ut dolo dante causam contractui, promoveretur sub quodam fastu, vel prædicamento illius tituli simulati, fraudati, subrepti, corrupti & mendicati; alius per rubicam & per vim vel alio modo, ut de ceteris taceamus, & sic nonnulli qui rectè considerant non possunt videre, quod aliquis vestrum intraverit per portam, dicentes, quod nullum titulum habetis quoad Deum, & reputent in vobis completum illud propheticum, Osee 8. *Ipsi regnaverunt, & non ex me, principes extiterunt & non cognovi.* Et sic inferunt isti valde probabiliter quod vestra congregatio cardinalitia sit rectè illa vel omninò similis illorum principum synagogæ sacerdotum & scribarum de tempore prædicationis & passionis Christi, qui jam tum eisdem modis per potentiam & manus principum, per corruptiones & fraudes, pretio & favore præficiiebantur, ut expressè narrant historia; & quod ex hoc etiam in eorum tenebrosa perfidia & cœcitate condensa videamini successisse.

## CAPUT XCIII.

**I**terum addunt isti, quod videtur eis, quod nunc tempore tanti excitati furoris dominici contra Ecclesiam suam, & nos, quia quando quærimus pacem non venit, immo elongatur à nobis, & quando expectamus tempus curationis, adest turbatio, Jerem. 14. c. in quibus diebus vacandum esset in cinere & cilicio cum lacrymis, gemitibus & suspiriis, ad placandum iram Dei, quæ fremit super nos; & si non exemplo fidelium, saltem exemplo infidelium, de quibus in multis locis legitur, sicut Jonæ 3. & in similibus, quod recurrerunt ad talia suffragia pœnitentiæ, abstinendo se à licitis, unde dicunt doctores, immo habetur ex textu subtiliter contemplando, & combinato cum præcedenti cap. Genes. 8. quod tempore quo ira Dei sæviebat super homines per diluvium, quod Noë & filii ejus, immo bestia & volatilia insimul habitantia, per totum annum integrum, quo steterunt in arca, non coiverunt in signum pœnitentiæ.

**A** Videtis quod à licitis amplexibus tempore divinae visitationis etiam bruta animalia abstinere, & homines super omnem cœcitate & brutalitatem, maximè prælati Ecclesiæ vacant continue desideriis corporis, seminantes carnis corruptionem: ô qui per tantum tempus fecisset aliquos ex eis abstinere à concubinis suis & meretricibus, quantum illa bruta animalia à comparibus suis? nec ille Ecclesiasticus fecisset hoc, qui tempore validissimi naufragii, & ad punctum quasi submergendi, vacabat in navi cum meretrice sua in fœditate venerea. O si iste vel similes fuissent in arca Noë, vidisses tu quod perdices masculinae, hirci, asini, & porci, & similia animalia quæ fervent in luxuria, docuissent eos continentiam & pudicitiam, quasi quodam nutu & instinctu, vel saltem reipsa eis prædicantes; sed creditur quod non acquievisset monitis vel doctrinis illorum, quia super omnem fœdritatem bestialem debacchantur in talibus: ita quod solus ignis infernalis extinguit ignem illorum. Ista dicuntur propter hoc; quia narratur quod nunc alius vestrum patitur gravellam, & totus se dat medicinis, & de omnibus quibus potest juvat se de magnis, pretiosis & parvis, etiam de curru Israël, & auriga ejus, de sartore & ratorio coquinario & ceteris eis annexis. Alius contemplatur continue in materia illius textus sacrae scripturae Eccles. 2. c. in principio quasi pro quarta parte capituli, quærens glossas & postillas super illis. Et alius sic, & alius quidem sic, ut istam materiam taceamus. Ex quo præsumunt isti veri catholici, quod hic habebit locum quod scriptum est Isaia 42. *Tacui, semper silui, patiens fui, sicut parturiens loquar; dissipabo, & absorbebo simul, & illud excitabitur tamquam dormiens dominus, tamquam potens crapulatus à vino.* Ista dicuntur ad vestram avisationem, quia isti qui sic loquuntur, diligunt vos in veritate: de illis autem olim in universitate Parisiensi non curant loqui, quia nunc sunt in tanto gradu honoris vel dignitatis in Ecclesia, sicut vos.

## CAPUT XCIV.

**E**spondent mihi: Loquuti sumus ad te avisationem, & aperuimus tibi materiam, & tu de eis parasti arma adversum nos, acuens linguam tuam sicut sagittam contra nos, melius fuisset nobis tacuisse: quantum de illis de universitate, dicimus tibi quod longe sunt nobis potentiores, & astutissimi: habent enim plenam potestatem dispensandi supra sacram scripturam, & interpretandi & applicandi sicut volunt, & vis videre unum stupendum super potestatem illorum? Tu scis quod scriptura ponit septem peccata mortalia; & septem opera misericordiae; ipsi transtulerunt jam duo peccata mortalia in numero operum misericordiae, scilicet gulam & luxuriam, & sic quod solum habent quinque peccata mortalia & novem opera misericordiae. Nunc autem & jam diu inceperunt, & laborant ut transferant alia duo, scilicet superbiam & avaritiam, quam exercent circa rapinam & invasionem bonorum & rerum, Ecclesiarum & Ecclesiasticarum personarum



& subditorum. Et sic aliquando erit quod apud A  
eos erunt solum tria peccata mortalia & undecim opera misericordiae, & nesciebas tu hoc! Ad quod ego: Aliquando audiveram aliqua, sed non distincte. Retribuat vobis Deus iudex opera vestra de tot avisationibus, quia etiam propria crimina indefensa dimittitis, ut me circa alios avisetis. Et videtur mihi quod de materia praedicta aliquid tangat ille magister Normannorum Nicolaus de Lyra super Isaiam 28. c. in principio, & istud secundum eos videtur laudabile, quia est diminuere de numero malorum, ut crescat numerus bonorum quia scriptum est Proverbiorum 21. *Lucerna impiorum peccatum.* & legi alias quod ex longa consuetudine peccandi gravia peccata non reputantur ab illis esse peccata. Et videtur de hoc textus Sapientiae 14. c. sicut etiam fuit apud Sodomam cum suis; nec praedicta sunt imputanda ad risum vel trifam. Non enim carent magni mysterii formidine, quia illa sunt urgentissima signa de propinquo adventu antichristi eorum magistri, ut dicit glossa 2. ad Thessal. 2. c. ut infra etiam dicetur.

## CAPUT XCV.

**E**Xcitatur nunc frater Bernardus & tamquam religiosus devotus & sine magnis litteris admiratur circa praedicta de uno, & dubitat de alio. Admiratio sua stat in hoc, quomodo tot & tanti litterati, viri famosi, praelati, magistri, & alii ita sunt in tenebris ignorantiae involuti, ut ista sic clara & aperta, quae rustici & vetulae intelligunt, ipsi non videant vel considerent. Videte, frater Bernarde, ad ista jam videtur mihi superius disputatum & declaratum in aperto, sed ut vestra admirationi iterum satis fiat, ista sunt judicia Dei occulta, de quibus a nobis non potest reddi ratio, nisi illa quam Christus dominus assignavit Luc. 10. & Math. 11. quando exultavit in Spiritu sancto & dixit; *Confiteor tibi, pater domine caeli & terrae, quia abscondisti haec a sapientibus & prudentibus, & revelasti ea parvulis*; & sequitur ratio: *Ita, pater, quia sic fuit placitum ante te, &c.* Scriptum est enim, *Venite & videte opera Dei, terribilis in consiliis super filios hominum, qui convertit mare in aridam, &c.* Super quibus verbis dicit beatus Gregorius homil. 4. in Evang. Oculis Dei iudicio a quorundam auribus, veritatis notitia subtrahitur, quia suscitari per gratiam non merentur: unde necesse est, ut in omni quod agimus omnipotentis Domini super nos consilia occulta timeamus. Et post pauca: Alius enim misericorditer vocatur; & alius iustitia exigente repellitur, & quia alia parcendo, alia irascendo Dominus disponit, expavit Psalmista quod penetrare non potuit, quia quem non solum investigabilem, sed etiam in quibusdam suis sententiis inflexibilem vidit, terribilem in consiliis commemoravit. Hae Gregorius, & propter hoc clamat Apostolus, *O altitudo divitiarum, &c. & Noli altum sapere, sed time, &c.*

## CAPUT XCVI.

**M**agni enim magistri & doctores proponentes ante oculos suos vel elationem propter scientiam, quasi contemnendo alios, quia, ut dicit Apostolus, *scientia inflat*, statim excantur, ut dicit Gregor. 23. Moral. timor mentis dum inflat obnubilat, vel ambitione ad dignitates, maxime cum importunitate petendi, additis armatis supplicationibus principum, promissionibus, sponsonibus, &c. quia ut dicit Apostolus de ambitione vel cupiditate, *quam quidam appetentes erraverunt a fide & inseruerunt se doloribus multis* 1. ad Tim. c. ultimo. Et sic in his duobus vexantur fere omnes viri litterati, maxime in illis partibus, nec obtentis dignitatibus liberantur, immo eis crescit quotidie: quae caecitas! quia cum peccatis acquisiverunt, & possident, nam ut dicit beatus Augustinus 19. de Civitate Dei & alii doctores loquendo etiam de dignissimo, & ad bonum usum non licet alicui petere vel ambire dignitates: immo, ut dicit textus, nullus est dignus, nisi fuerit promotus invitatus. Et quamvis polleant eloquentia, & sciant mira distinguere, declarare, & allegare; tamen nihil sapit eis in anima; ut dicit B. Gregorius 23. Moral. in haec verba: Superbi magistri secreta quaedam intelligenda percipiunt, & eorum dulcedinem experiri non possunt; & si noverint quomodo sunt, ignorant tamen quomodo sapiunt. Unde additis illis de quibus supradictum est, scilicet impressionibus, odiis, rancoribus, &c. ecce palpabilis caecitas in oculis mentis eorum. Ista est sententia Salvatoris, cum dicit, *In iudicium ego in mundum hunc veni, ut qui non vident, videant, & qui vident caeci fiant.* Joan. 9. in fine. Tunc illi sacerdotes & principes, viri litteratissimi, sapientes, & doctores & magistri in lege, qui erant super omnes in statu illo, dixerunt quasi iridentes, numquid & nos caeci sumus? Respondit Christus, *Si caeci essetis, non haberetis peccatum, nunc vero dicitis, quia videmus, peccatum vestrum manet.* Paucissimi enim magni litterati inveniuntur devoti, habent enim scientiam illam inflatam cum superbia, & multitudine peccatorum, & sic fabricant sibi fundamenta in suis erroribus: in simplicibus autem, & mulieribus devotio abundat, quibus Deus dat scientiam sanctorum non inflatam; ut dicitur Sap. 11. *Iussum deduxit Dominus per vias rectas, & dedit illi scientiam sanctorum.*

## CAPUT XCVII.

**E**T ita fuit semper, ut supra dictum est, ab origine nascentis Ecclesiae. Majores enim magistri & litterati, magni praelati, & pompose induti, & bene sociati, splendide potati & soporati, impugnarunt catholicos, & fuerunt ex parte haereticorum, durante persecutione: nam, ut dicit glossa super Isai. c. 29. & beatus Hilarius



Hilarius in prologo super Psalterium numquam aliquis ab origine mundi usque nunc potuit habere verum intellectum scripturæ sacræ, nisi habuerit veram fidem Mediatoris Christi JESU, ante adventum in Venturum, post adventum quia jam venit. Et tales supra expressati apud Deum non videntur habere veram fidem; ut videtur dicere textus, maxime cum glossa Theophili Luc. 12. ante finem. Videtur vobis mirabile quod super omnes magistros, principes & sacerdotes illius status, qui erant majoris reputationis pro illo tempore, quam isti sint nunc, illa paupercula Cananæa sic fuerit laudata à Christo de fide dicente; *O mulier, magna est fides tua*, Matth. 15. c. & centurio, *non inveni tantam fidem in Israel*; Matth. 4. Et tamen illi doctores, & magistri, principes, & sacerdotes, dicebant: *dæmonium habes, & in principe dæmoniorum ejicit dæmonia*; & audire meruerunt, *vos ex patre diabolo estis*; & *cæci estis*. Et hoc est quod dicit B. Johannes *quia nemo aperit libram*, scilicet intelligentiæ sacræ scripturæ, *nisi sanctus & verus, qui habet clavem David*; & *hic est dignus aperire librum*, &c. Apoc. 3. & 5. ideo illi qui repellunt à se istam clavem per superbiam, ambitionem, & alia peccata, statim clauditur eis liber & intellectus sacræ scripturæ verus; licet abundant in verbis alta & magna sapientibus; veritas tamen clausa est eis, ut dicit beatus Augustinus latius, in homilia *Qui non intrat per ostium*; Johan. 10. Et ista exprobranda sunt illis in futuro judicio & suis sequacibus etiam illiteratis, ut prophetavit Isaias 29. c. dicens: *claudet oculos vestros, prophetas, & principes vestros, qui vident visiones operiet, & erit vobis visio omnium sicut verba libri signati, quem cum dederint scienti litteras dicent, Lege ista, & respondebit, Non possum: signatus est enim*. Ecce quomodo sapientibus clausus est liber ex superbia sua, & sic volunt excusare damnationem ex clausura libri; & sequitur: *Et dabitur liber nescienti litteras, diceturque eis, Lege. Et respondebit, Nescio litteras*, &c. quasi dicat in illis scientibus litteras, Ego confidi, & illos secutus sum. Ideo sequitur sententia contra utrosque, *eo quod appropinquant*, &c. & *timuerunt me mandato hominum & doctrinis*, &c. ut ibi. Et videritis vos, frater Bernarde, super his profanationem evidentem. Si illi superbi magistri viderent istam scripturam; qualiter contra eam debaccarent per multas allegationes, & cum quanto contemptu & opprobriis & subsannationibus, dicentes inter alia: *Ista est una bestia, & nescit quod balat*, &c. nos autem sumus magistri tales, &c. in peccatis totus natus es, & tu nos doces, & similia in multis locis dicta Salvatori nostro per illos cæcos magistros; & in conspectu suo, & sequacium annihilarent omnia hic scripta per rationes apud eos insolubiles, & totum hoc adderet, & probaret evidentius cæcitatem eorum: ideo non ostendatis extra ordinem, ut infra dicam, ne amplius & gravius peccent, & magis obstinati efficiantur. Sufficiant eis quæ possident, & hic facio finem pro ista admiratione, quia multa alia possent applicari, & etiam quia superius ali-

*Theſauri Anecdor. Tom. II.*

A qua tetigi pro hac materia.

## CAPUT XCVIII.

**D**ubium autem fratris Bernardi stat in hoc: quia forsitan legentes istam scripturam, & præcipue illi qui punguntur, dicent: *Iste nimis loquitur invektive, & judicabunt maledicta, detractiones, & diffamationes*. Ad hoc respondetur vobis, quod sufficit mihi super hoc reddere rationem Deo, coram quo conscientia mea non me accusat. Ego enim videns illos de Cartusia cum eorum sequacibus corruiſſe in præcipitium damnationis, & in errorem oculis apertis fallaci suggestionem pessimorum hominum reproborum & mente corruptorum, qui videntur ab extra in conspectu hominum, in scientia, eloquentia, auctoritate, dignitate, & potestate; quædam mundi spectacula & monstra, qui per quædam fabulosa figmenta in figura anti-christi traherent in errorem, si fieri posset, etiam electos. Per tales enim & similes mundus fuit deductus frequentissime in hæreses & scandala gravia. Nam sartoribus, textoribus, vel hostaleriis, vel similibus nulla daretur fides talia suadentibus. Et sic magnus error oportet quod a magnis hominibus in apparentia suscitetur, & defendatur. Volens ergo illos simplices homines & ignaros, quorum cura à Deo mihi invito imposita est, liberare & præservare, quantum in me erit, scripsi prædicta. Et si conquerantur illa vasa iræ, quod eos vocem nominibus abjectis & contemtibilibus, oportet sic fieri de necessitate salutis, aliàs incurrerem penas in sententiis contra eos per summum pontificem dominum nostrum BENEDICTUM PAPAM XIII. promulgatis expressas, qui eos privavit omni statu, honore, gradu, præeminentia, nomine & dignitate. Crimina autem vel defectus eorum exprimere oportuit, maxime cum sint notoria, & ne sub specie agni gerentes lupum, sub figmento hypocrisis animas pauperum & simplicium trahant in perditionem. Nec hoc est detrahere; sed incautare, instruere, & avisare; exemplo Christi cujus omnis actio nostra est instructio, Luc. 12. *Attendite à fermento Phariseorum quod est hypocrisis* Matth. 16. Item Marc. 8. *Videte, cavete à fermento Phariseorum & fermento erroris*. Item, Luc. 17. loquens de Herode rege, dixit: *Ite, & dicite vulpi illi*; Et Math. 23. *Vae vobis scribæ & Pharisei hypocritæ, qui similes estis sepulchris dealbatis*, &c. & quasi per totum illud capitulum impropere eis peccata gravia, fraudes, & hypocrises coram populo & turbis. Item, Luc. 11. ubi quidam legisperitus conquerens nomine omnium, quia ita diffamabat eos, & publice improperebat peccata, dixit illi: *Magister, hæc dicens, etiam nobis contumeliam facis*. Ecce hic, frater Bernarde, ubi est legisperitus gerebat personam contra redemptorem nostrum, illorum qui vobis dictum dubium contra me suggestionis addidit tunc contra istos legis doctores multa graviora peccata, inter quæ etiam

CCCCC

posuit; *Vae vobis legisperiti, qui tulistis clavem scientiae & ipsi non introistis, & eos qui introibant prohibuistis.* Ubi dicit glossa Aug. Clavis scientiae est humilitas Christi, quam nec ipsi intelligere, nec ab aliis intelligi volebant, &c. vides tu hic quod est clavis David, quae sola aperit librum clausum, de quo supra dixi. Unde dicit ibidem alia glossa: Christus invektivam legisperitis ingerit, ut deprimat eorum vanum supercilium; sed redargutio quae mansuetos transfert in melius; superbis hominibus, maxime si fiat à paupere & humili, intolerabilis esse solet, ut subiungit ibidem glossa. Quid oportet in similibus immorari? tota enim scriptura sacra est talibus exemplis plena, sicut ad Roma. 1. ad Collos. 2. primae ad Corinth. 1. & secundae ad Timoth. 2. & 8. ad Titum 10. & ubique nominando etiam personas. Quae si essent detractiones, non fuissent scripta à sanctis sicut peccata David, Salomonis & aliorum regum & principum, negatio Petri, fuga discipulorum, trucidatio innocentium, & similia infinita, immo talia tacere, maxime ubi est tanta necessitas, esset peccatum, grave: alias tempore quo Ecclesia catholica impugnabatur ab haereticis, vel tyrannis, vel aliarum persecutionum, vel tempore antichristi, quo multa detrimenta fideles in spiritualibus patientur, non esset licitum dicere, scribere, vel praedicare, dixisse, vel praedicasse, maxime in doctrinam & avisationem simplicium & fidelium christianorum: tales sunt haeretici, tales hypocritae, tales perversi, fraudulentis, & dolosi, & aliis criminibus irretiti; caveatis ab eorum conversatione, non detis eis fidem; pessimi sunt, sceleratissimi sunt, vel doctrinam falsam & perversam dogmatifant, & similia, quod est nefas: quia ista tacere, esset permittere & dissimulare, & quasi consentire, & approbare, ut alii cadant in errorem, & decipiantur ab hominibus perversis & simulatis, quod est contra doctrinam Christi nostri Redemptoris, & sanctorum patrum exempla.

## CAPUT XCVIX.

**E**T vultis videre clarum exemplum, per quod eritis avisati etiam contra Italicos; nam supra solum locuti sumus de Ultramontanis, & parum de Citramontanis, videlicet Romanis & aliis Italici, qui non minus ardent in talibus iniquitatibus & malitiis. Ecce pono vobis hic verba Beati Bernardi, qui ad incautandum papam Eugenium 4. libro de Consideratione ad eundem sic ad litteram dicit: Quid de populo illo loquar? & sequitur quid tantum saeculis quam protervia & fastus Romanorum? gens insuetae paci, tumultui assueta, gens immitis & intractabilis, usque adhuc subditi nescia, nisi cum non valet resistere, &c. & post multa quae hic ponere omitto, sequitur: Quem dabis mihi de tota maxima Urbe qui te in papam receperit pretio, seu spe pretii non interuentis? & tunc potissimum volunt dominari cum professi fuerint servitutem: fideles se spon-

dent, ut opportunius fidentibus noceant, &c. Et pauca similia subiungit: Ante omnia sapientes sunt ut faciant mala; bonum autem nesciunt, impii in Deum, temerarii in sancta, seditiosi in invicem, æmuli in vicinos, inhumani in extraneos, quos neminem amantes amat nemo, & cum timeri affectant ab omnibus, omnes timeant necesse est. Hi sunt qui subesse non sistent, praesse non norunt, superioribus infideles, inferioribus importabiles; hi inverecundi ad petendum, ad negandum frontosi; hi importuni ut accipiant, ingrati ubi acceperint, docuerunt linguam suam grandia loqui, cum operentur exigua, largissimi promissores, & parcissimi exhibitores, blandissimi adulescentes, & mordacissimi detractores, simplicissimi dissimulatores, & malignissimi proditores. Hæc Bernardus. Videtis, frater Bernarde, quanta dicit B. Bernardus, & tamen non reputatur detractor vel invektivus, sed sanctus, & totus plenus charitatis: qui si fuisset hoc tempore, non tacuisset etiam altiora & magis grandia de sua natione, & de ecclesia Gallicana, nam suo tempore non transtulerant ita patenter & ad plenum omnia supradicta magnalia in suum jus & proprietatem.

## CAPUT C.

**E**T quia, fr. Bernarde, ego scripsi ista pro illis de quibus Redemptor noster dixit: *Ego scio quos eligerim*, & pro illorum informatione & avisatione contra vasa iræ & iniquitatis bellantia; & si adhuc illi qui fecerunt vobis dubium, & qui nesciunt eligere de auro nisi faeces & scoriæ, perseverant in murmure, nec quiescunt, juvemus nos de verbo Salvatoris Mat. 16. *Sinite eos, cæci sunt, & duces caecorum.* Sunt enim synagoga satanæ, quam possidet princeps tenebrarum, quia si in talibus complacetur hominibus, offenditur Deus, saltem peccato pusillanimitatis: & hoc totum potest colligi ex psalmo 52. & ad Galatas 1. *An quero hominibus complacere?* & secundae ad Corinth. 5. & ideo contendimus sive absentes, sive praesentes, illi soli complacere: tamen ista non sunt communicanda extra personas ordinis, ut supra dixi, ne medicina pro salute istorum confecta, fiat illis in interitum & venenum. Sicut dicit B. Leo papa in sermone de Epiphania: Insanis magistris veritas scandalum est, & cæcis doctoribus fit caligo quod lumen est, *Christi enim bonus odor sumus in his qui salvi fiunt, & in his qui pereunt, aliis quidem odor mortis in mortem, aliis autem odor vitae in vitam.* Non enim sumus sicut illi adulterantes verbum Dei, &c. secundae ad Corinth. 2. & hæc pro nunc sufficiant pro dubio vestro.

## CAPUT CI.

**R**estat consequenter aliquid dicere super eo quod vobis scriptum est, videlicet quod mea cessio missa ad Carthusiam fuit ab

omnibus laudata & approbata, & ego valde commendatus, &c. & quod nunc retinendo nomen regiminis generalis ordinis, vel Prioris Carthusiæ, absorbebitur tanta fama, tanta laus, tanta commendatio, & in nigredinem infamiæ commutabitur, &c. Videte, frater Bernarde, ego non sum chamæleon qui vivit de vento vel de aëre, ego non pascor talibus statibus ore; cuilibet enim satis est de fumo asumere unum haustum, quod dicitur in lingua nostra *de fum tot hom na prou de una golada*, nec ut alias dixi, quero gloriam meam, sed cupio (nunc reputatus verax, nunc seductor) complere voluntatem Dei, cuius nomen sit benedictum in sæcula. Si enim vitæ rectitudo & fama conservari possunt, laudabile est propter proximum; sin autem, potius est deferenda fama, quam vita: Ego enim misi prædictam cessionem puro, veridico, & simplici corde, ut supra dixi in principio istius scripturæ, credens quod illi de Carthusia complerent quod per litteras mihi missas intimaverant, elegerant, laudaverant, & approbaverant; videlicet de remanendo omnes indifferentes, & de hoc sollicitavi eos in cessione mea prædicta, cum dixi: nec dicatur inter vos, ego sum Pauli, ego sum Apollo, sed omnes dicamus, Nos sumus J. Ch. Et videmus eos sicuisse in baratrum impiorum, & ita inique egisse contra Deum & veritatem, quorum actus, & facta revera nulla erant, tamen adhuc placuisset mihi summe, quomodocumque sive per occasionem, sive per veritatem ab illo regimine liberari ex toto; sed deducto ad notitiam papæ, non per me, immo semper celaveram, ne forte per aliquos impederer, de quo, & forte non immerito, fui postea durissime increpatus; sed nescio per quos, ac etiam per priorem Vallis-benedictionis nostri ordinis de Villa-nova, qui ut dicitur dedit copiam prædictæ cessionis cuidam familiari papæ, quam portavit ad curiam, & ostendit multis, sic finaliter quod devenit ad notitiam papæ, qui ad instantiam quorundam priorum, & personarum ordinis in curia tunc præsentium, mandavit mihi absenti litteras & bullas, de quibus cum præsentibus affixas mitto vobis \* copias emendatas.

\* Extant ad calcem prolixæ huius epistolæ.

## CAPUT CII.

ET revera sine fitione suggesseram illis personis de contrario, videlicet ut juvarent me ad liberandum ex toto: nam notifico vobis coram Deo, quod nec in sæculo nec in Ecclesia delectatus sum in regimine aliorum, nec delector, immo quasi naturaliter mihi displicet præsidere, & suppono quod partim veniat à natura, quoniam mei non fuerunt dominari, tamquam de plebe humili & communi; ideo ex hoc cum ipsis inter quos utriusque parentis sors inter Dei electos computata est, immaculatus ero & emundabor à delicto maximo; ac etiam ex hoc & principaliter quia video me in tantum occupatum de gubernatione animæ meæ miserrimæ, quod nescio quò me vertam, & sic

*Theauri Anecd. Tom. II.*

A nolle infra corpus meum ponere vel addere animas aliorum, ut dicit Beatus Gregorius xxxiii. Moralium in fine in hæc verba: Penset ergo qui ad satisfaciendum districto iudici de sua tantummodo anima fortasse vix sufficit, quia qui regendis subditis præest, reddendæ apud eum rationis tempore, ut ita dicam, tot solus animas habet. Et sive in prophetis, sive in quibuscumque libris sacræ scripturæ sive in libris doctorum legere voluerò, non invenio nisi minas, terrores, & comminationes contra præfidentes. Considero enim quid divina sapientia dicat contra eos, &c. Sapientiæ 6. *Horrende & cito apparebit vobis, quoniam durissimum iudicium iis qui præsumunt fiet, exiguò enim conceditur misericordia, sed potentes potenter tormenta patientur.* Considerans ergo ista verba Beatus Johannes Chrysostomus dicebat: Aut insanus est, aut salutem propriam odit, qui ad prælationem voluntarius venit.

## CAPUT CIII.

Cogitans igitur ista quicumque præsidens, numquam ridere, numquam lætus apparere deberet, sed omnes compages corporis dissolvi deberent, & viscera commoveri. Illi autem qui ridendo, epulando, delectando in his & similibus, non cogitant cum dolore & cordis anxietate, nec remedium apponunt, jam iudicium damnationis clausum & obtectum in manibus portant. Et iste est liber divini amoris & timoris, zeli & rectitudinis, qui in hac vita, ex propria negligentia est, & fuit eis clausus, quem sic clausum repræsentant in iudicio divino, & ibi aperitur, in quo legunt sententiam damnationis contra se. Nec eos excusat, immo accusat dicere: clausus enim fuit mihi liber. Isai. 29. cap. nec in condemnatione subditorum admittitur etiam excusatio: nescio litteras, sed in cumulum damnationis prælatorum illud retorquetur, quasi dicat: Iste tenebatur nos instruere, quia ego nescio litteras, &c. ut supra dixi. Istæ sunt litteræ, quas portabat Urias ad Joab clausas, in quibus continebatur contra eum sententia mortis, quam per earum apertionem incurrit. Ideo his & inexplicabilibus aliis consideratis, demens essem, immo fræneticus, si præfidere optarem: tamen quia vicarius Christi mihi imposuit, ut continuarem regimen solitum, sine Dei offensa notoria non poteram excusare. Et si his adhuc non saturantur illi temerarie iudicantes, respondeatis eis ut supra verbum Christi: *Sinite eos, cæci sunt, & duces cæcorum*; nam talis est processus electorum Dei, inter infamiam & bonam famam vitam transigere, & ut seductores & veraces, &c. ut deducit Apostolus latius secundæ ad Corinth. 6.

## CAPUT CIV.

ILLA autem vasa iræ consueverunt his duobus generibus armorum, in sui interitum, uti

Ccc c ij

contra eos qui non sequuntur iniquitates & impietates eorum; quæ sunt videlicet detractio-  
nes & diffamationes, item minæ & terrores;  
& sic utrumque genus armorum habent in ore,  
cujus effectus est labilis, levis & transitorius; &  
quidquid procedit à lingua irridendum potius  
quam metuendum: de his duobus Psalmista in  
uno versu locutus fuerat Psal. 56. *Filii homi-  
num, dentes eorum arma & sagittæ.* Ecce minæ,  
quæ communiter fiunt cum fremitu dentium. *Et  
lingua eorum gladius acutus.* Ecce diffamationes  
& detractioes. Contra primum dicitur sequenti  
Psal. *Deus conteret dentes eorum in ore ipsorum;*  
contra secundum, Psal. 63. *Et infirmatae sunt  
contra eos linguæ eorum.* Videntur vobis satis linguæ  
eorum infirmæ, quæ tam grandia, tam magnifica  
effari se jactant, quod ita nunc illas deturpant in  
loquendo, ut potius sit ridendum vel eis compa-  
tiendum, quam insultandum. Vocant enim domi-  
num nostrum papam in maxima vindicta, Petri  
qui. Considerate supremam vindictam, recipere  
lutum in ore, & revolvere per linguam, dicere  
Petri qui: ô vindicta inexplicabilis! Petri qui!  
Ista & similia per eos introducta potius viden-  
tur rixæ puerorum in scholis vel plateis, seu  
muliercularum in tabernis vel furnis, quæ istas  
vindictas exercent post potum contra vicinas,  
in diminutionem scilicet nominum, replicatione  
fædorum & turpium. Certe magna est vindicta  
tantorum simulacrorum; ideo hic verificatur  
quod salvator dixerat Matth. 11. *Cui nunc similem  
æstimabo generationem istam? similis est pueris seden-  
tibus in foro,* &c. Ideo dicatis eis in nostra lin-  
gua *que rata de Ecclesia non seipanta de Critis,*  
quod est dicere ab assuetis non fit passio. Uxor  
enim fabri ferrarii, quando super incudem mal-  
leis operando fortiter percutitur, firmiter dor-  
mit.

## CAPUT CV.

**N**unc ergo pro conclusione videtur mihi,  
frater Bernarde, quod illi de Carthusia  
scribunt vobis, quod sunt parati audire infor-  
mationem super prædictis. Istud videtur satis  
congruum & commendabile in tantis viris. Uxor  
quæ sterit cum marito per viginti quinque vel  
triginta annos pacifice & quiete, recipiens ab eo  
& grandia dona & munera; & videns quod  
aliqui æmuli, & maligni insurgebant contra  
eum, transivit ad adulterum, cum quo inha-  
bitans dicit, quod est parata informari, si ille  
fuit vir suus, videtur vobis satis rationabile istud:  
uxor enim fidelis, pudica, & verecunda, ubi  
juste fuit in conscientia vexata super coha-  
bitatione mariti, posuisset se in secreto cum ali-  
quibus matronis honestis, vel in aliquo loco se-  
curo, & non transisset inverecunde ad adulte-  
rum, in cuius foetore & contaminatione perse-  
verans, dicit se esse paratam audire informatio-  
nem. Istud videtur mihi somnium Scipionis, vel  
paradoxa Tulliana, vel tragediæ poetarum, &  
quasi quædam res ignominiosa, nostri honestate  
& verecundia privata.

## CAPUT CVI.

**E**T nunc attendite, frater Bernarde, ego  
nescio homines in mundo, qui ab exami-  
natione dictorum negotiorum fuerint corpore  
absentes plenius informatos quam illos de Car-  
thusia, & si vultis videre; dicam vobis quando  
eorum prælatus de consilio, & voluntate eo-  
rum recessit ab eis, & venit ad sacrum conci-  
lium Perpiniani, ut superius dixi; illi non cognos-  
cebant alium Romanum pontificem & vicarium  
Jesu-Christi, nisi dominum nostrum BENEDICTUM  
papam XIII. & illi obediebant, & re-  
putabant papam, qui celebravit concilium cum  
suis prælatis, principibus & tota Ecclesia catho-  
lica in dicta villa, & ita credebant & tenebant  
illi de Carthusia, in quo concilio habebant pro  
se & toto ordine prælatum suum præsentem: nam  
jam tunc illi de Francia se subtraxerant ab obe-  
dientia dicti domini nostri, constituendo se in  
rei virtute firmitissimos schismaticos; durante  
dicto sacro concilio fuerunt certificati, avifati,  
& incautati de omnibus per litteras dicti præ-  
lati eorum, & de manu sua scriptas, nihilo-  
minus in fine concilii, jam concitata illa sacri-  
lega conspiratione Pisana, fuit eis missa carta  
papalis magna & patens, quasi in una pelle vi-  
tuli, cum bulla plumbea, in qua omnia seriose  
continebantur ab origine negotiorum usque  
tunc valde rationabiliter, ordinate & distincte  
cum rationibus juridicis; prælatus etiam eorum  
qui fuit Pisis, eundo & redeundo semper scrip-  
sit illis de omnibus occurrentibus in veritate,  
mittens famulos & nuntios speciales. Si prædi-  
ctis non crediderunt, nec dederunt fidem,  
aperte convincuntur, quod per se, & ante il-  
lam conspirationem factam in Carthusia, quam  
vocant capitulum, effecti fuerant inobedientes,  
schismatici & rebelles, quia ante illam per ma-  
gnum tempus, quasi per annum omnia illa con-  
tingerunt, alias quæratibus ab illis sub cujus pa-  
pæ vel prælati fuerunt obedientia, à recessu sui  
prælati de Carthusia de fine mensis Septembris  
1408. usque ad illam congregationem profa-  
nam, quam dicunt capitulum factam in mense  
maii 1410. Et si dicunt quod domini nostri  
papæ BENEDICTI & prælati sui. Ergo teneban-  
tur eis credere & obedire de necessitate salu-  
tis, quia illi erant veri pastores. Et tamen  
crediderunt ad motum labiorum illis lupis rapa-  
cibus, quos sibi impudentissime præfecerunt in  
pastores.

## CAPUT CVII.

**N**ec est capitulum vel conventus in mundo  
Ecclesiæ etiam collegiata, nec episcopus  
parvus vel magnus, nec universitas vel villa,  
quæ habeat in aliquo negotio procuratorem  
vel syndicum (dum tamen eum reputet fidelem  
nec corruptum) quæ non det ei fidem in his  
quæ agentur in illo. Et si illi de Carthusia no-  
lebant credere papæ & toti concilio & Ecclesiæ



Catholicæ, quæ illic congregata erat etiam A secundum ipsos, sicut tenebantur facere, ut dixi, de necessitate, saltem prælato & procuratori eorum tenebantur dare fidem, quem sciebant liberum & immunem saltem vehementissimis conjecturis, ab omnibus his quæ possunt pervertere & corrumpere humanum iudicium & consilium, ut prædixi, & jam ipsi allegant in frivolis fundamentis suis, quod comes Sabaudie fecit declarationem suam, à relatione nuntiorum suorum, quos tamen constabat notorie corruptos esse & deceptos, & fascinosos per illa vasa iræ, de quibus supra dixi.

## CAPUT CVIII.

**S**I autem dicunt quod jam non obediebant illis in tempore illo, tunc tamquam dati in reprobum sensum convincuntur notorie de multis mendaciis, infidelitatibus & proditiis, quæ subtrahuntur. Quærat ergo ab eis, de quo vel super quo petunt informari; post tot aversiones, informationes, incautiones, bullas, litteras, scripturas. Ego reputo impossibile ulterius ad informationem aliquid addere posse, nisi quia ad excusandas excusationes in peccatis, & ut eorum peccata tegantur & pallientur, reddunt se ignorantes, vel verius affectant habere ignorantiam. Videtur vobis illud simile cœcitati phariseæ, & principum Synagogæ, qui post tot & tanta miracula, petebant signum de cælo pro eorum informatione Lucæ 11. dicentes: *Quod signum ostendis nobis quia hæc facis?* Johan. 11. Ideo dicatis eis quod non dabitur eis signum, D etiam Jonæ prophetæ, sed damnationis æternæ, nisi resipiscant, & poenitentiam egerint. Mittatis eis solemnem legationem cardinalium & episcoporum pro eorum informatione, quia parati sunt audire. Ista sunt ridicula & ludificatoria: habuerunt Moysen & prophetas, & si illis non crediderunt, nec si unus ex mortuis resurrexerit credent.

## CAPUT CIX.

**N**on tardarunt tantum ad credendum illis duobus prioribus qui contra Deum, ordinem, & obedientiam jam effecti schismatici & infideles, iverant Pisas, ubi unus semper fuit absens, & alter semper infirmus. Crediderunt etiam statim illis prioribus schismaticis antiquis conjunctis cum aliis formatis schismaticis & novis, qui numquam aliquid sciverant vel viderant in facto, vel in jure, nisi ex auditu, & sine alia examinatione, ut dicunt, commiserunt eis animas suas, ostendentes quod parum diligebant eas. Et dicatis eis, frater Bernarde, quare non petebant tunc informari, sed dederunt eis plenissimam fidem, hominibus ignorantibus in jure & in facto, prophanis, schismaticis, & infidelibus etiam secundum illos de Carthusia, contempta, rejecta, & oblita plena & veridica informatione summi pontificis, totius

concilii & Ecclesiæ catholicæ, & sui veri prælati, qui omnia viderant, omnia sciebant, omnia noverant, omnia palpaverant, etiam usque ad interiora velaminis. Videtur vobis etiam laicis & sæcularibus, quod ista sint trusæ, vel potius deliramenta, nescio si transirent in speciem dementiæ propter tam apertam cœcitatem & obstinationem.

## CAPUT CX.

**F**Orsitane petunt allegationes juris quinquaginta vel centum argumenta: Dicatis eis quod Judæi signa petunt, & Græci quærunť sapientiam, & quod dicant vobis cujus sectæ sunt. Nam si quærunť signa, expectent antichristum, quia nec Judæi per miracula Christi sunt conversi, immo fiebant eis in scandalum & in augmentum cœcitatis. Si autem quærunť argumenta & scientiam sicut Græci, jam habent copiose, ut supra dixerunt, quæ ministrarunt eis illa vasa iræ, de quibus scriptum est: *Perdam sapientiam sapientium, & prudentiam prudentium reprobo*: Et iterum: *Nonne stultam fecit Deus sapientiam istius mundi?* &c. 1. ad Corinth. 1. Et dicas mihi, tu Carthusia, ut asseris, audisti vel vidisti allegationes factas per illos solemnes magistros, &c. ut supra. Veritas autem nostra inexpugnabilis tamquam fundata supra firmam petram, qui est Christus, non indiget magnis allegationibus; quia veritas per se omnia vincit; sed illi qui deffendunt falsitates & errores, sategunt multa allegare, palliare, & revolvere, ut superius late deductum est. Ponamus ergo quod D mitterentur tibi centum folia de allegationibus, quæ cito fierent vel facta sunt saltem ad reprobandum verborum, simulationes, & falsitates adversariorum; iterum illi reprobi allegabunt ducenta folia contra istas, quia facillimum allegare multa & grandia verè vel false, vel apparenter, ut dictum est, & sic in infinitum. Dicis nunc mihi, quis judicabit ex vobis esse meliores, justiores, & clariores, istas vel illas? Numquid Eustachius, vel Petrus Armareti, vel frater Pinotus? vel quis faciet iudicium inter vos? E eritis-ne vos iudices, vel remittetis illas ad illa vasa iræ, vel ad Ecclesiam Gallicantinam, vel ad illos antiquiores quos erexistis vobis, ut dicitis, in pastores animarum vestrarum? à quibus satis sustinenter & leviter habebitis declarationem, sicut habuistis, nec ista erit vacua, sicut prima, multis terroribus, impressionibus & comminationibus. Vulpes ibat frequenter cum filiis suis ad comedendum de gallinis ad quamdam parvam villam; & cum filii timentes & trementes comederent, illa confortabat eos: Ne timeatis quia habeo bona instrumenta & allegationes juris super hoc copiosas, quod illud possum facere, ideo non paveatis; & cum dominus damnificatus de gallinis præparasset in insidiis canes, & insequerentur vulpem cum filiis clamantibus ad matrem: Domina, producite instrumenta, allegetis de jure vestro, respondit, Filii, pronunc juveris vos de tibiis; quia istæ gentes non audiunt instrumenta vel allegationes juris,

Ccccc iij

&c. Jam videtis quantum valuerunt abbati sancti Dionysii vel aliis praelatis & magistris, de quibus supra, vel nuntiis papæ, vel ambaxiatoribus illius, & sacri concilii generalis Perpiniani, vel similibus infinitis? Cum enim in suis seditio- nibus & tumultibus clamaverint bonum est, bonum est, fiat, fiat, tunc sciscitantur de qua materia erat hodie concilium: scriptum est enim. Anima mea non veniet in eorum concilium, & in cœtu eorum non sit gloria mea.

### C A P U T C X I.

**I**tem dicas mihi, posito quod videris veritatem per illas allegationes, auderes illam in illa patria confiteri, asserere vel publicare? dicas veritatem, quia certissime dico tibi quod non auderes, nisi parares te ad vincula & ad mortem, ad quæ propter illa quæ præcesserunt non video nec credo te paratum. Ut quid ergo vobis dies Domini? quare ergo fingitis, vel palliatis petere allegationes vel argumenta quæ essent vobis inutilia, & incommoda? immo potius in argumentum damnationis & cœcitatæ quam in revelationem, cognitionem, vel confessionem alicujus veritatis. Si te enim jam periclitatum in profundum tenebrarum, patentia miracula non reducerent, ut dicunt scripturæ, quid facerent verba vel allegationes, quæ quantumcumque justæ & verissimæ & efficaces, per te & tuos magistros, & pastores deducerentur in contemptum, stultitiam, subsannationem & derisum? Nos enim prædicamus Christum crucifixum, Judæis quidem scandalum, gentibus autem stultitiam. Eo enim ipso quod tu in his quæ sunt fidei, vel credentiæ veritatis christianæ principaliter vel consecutivè; ponis spem tuam in sapientia vel scientia hominum, in allegationibus magnis, vel in multitudine argumentorum, vel potentia, vel eloquentia, maxime ubi aperte vides & audis tot fraudes, odia, simulationes, impressiones, & terrores, de quibus supra, es proditus & deceptus, ut deducit Apostolus, 1. ad Corinth. 1. & 2. c. *Quia quæ stulta sunt mundi elegit Deus, ut confundat sapientes.* Secundum enim ista, si fuisses tempore Arii & aliorum hæreticorum, qui super omnes catholicos abundant sapientia, eloquentia, & facundia, in multis argumentis & allegariis & rationibus, dictis famosissimorum doctorum, libris & tractatibus, sine aliqua difficultate credidisses & adhæsisse eis. Nam in conspectu hominum sine comparatione excellebant in disputationibus & allegationibus illi hæretici contra catholicos, ut narrant historiæ.

### C A P U T C X I I.

**I**lli etiam hæretici dicentes se veros catholicos volebant disputare, loqui, & ostendere in publico, quod habebant justitiam & rationem, & quod illorum adversarii erant hæretici & perfidi in eorum dictis: & tamen hoc illa vasa

**A** iræ magistri tui non fuerunt ausi attentare, sed in occulto & in tenebris, ut nullus cognosceret vel videret tractatus proditorios, falsas criminationes, & attestaciones per eos confictas & fabricatas; nec etiam nunc auderent venire ad colloquendum in publicum, nisi in loco suæ potestati subdito, ut ibi facerent argumenta toratoria consueta, ut supradictum est: ex quibus clare concluditur, quod tu incunctanter adhæsisse tunc illis hæreticis sic in omni mundiali apparentia fundatis; quia tunc ita promte & insipide credidisti talibus magistris tantæ iniquitatis, & malitiæ inventoribus, in suis erroribus & fraudibus, omni velamine vel colore, & etiam apud rusticos totaliter & fundamentaliter destitutis.

### C A P U T C X I I I.

**E**T ex quo hanc materiam subintraverimus, æmulamini charismata meliora, loquor discipulis veritatis, & uberius & clarius istam materiam in confusionem adversariorum veritatis vobis deducam.

### C A P U T C X I V.

**E**T considerate contra deceptiones & fraudes futuras antichristi, quot regulas, quot doctrinas, quot avisiones & prævisiones Salvator noster ore suo sacratissimo nobis edidit ad eas præcavendas, fugiendas & vitandas. Consequenter Paulus ac ceteri apostoli & doctores Ecclesiæ catholicæ, nec non & prophetæ, multa jam prædixerant: & tamen cum omnibus istis scriptum est, quod in errorem deducuntur, si fieri potest, etiam electi, Matth. 24. & Marc. 13. Ultra hæc ostendit nobis per multas significaciones & exempla, fraudes futuras ipsius antichristi; quot enim fuerunt persecutiones tyrannorum contra martyres & Christi discipulos; & quot fuerunt impugnationes & invasiones hæreticorum per falsas doctrinas contra Ecclesiam & Christi fideles; quot fuerunt inobedientiæ & rebelliones contra vicarium Christi & ejus Ecclesiam, quot fuerunt schismata & divisiones, tot fuerunt antichristi, & ejus figuræ & exempla, ut ponit B. Johan. 1. epist. 2. c. ultra medium, & c. 4. prope principium, & Beatus Gregorius expressius 25. lib. Moralium c. 5. ibi vide.

### C A P U T C X V.

**N**on cogites ergo tu futurum adventum antichristi sicut mulierculæ pernoctantes in suis lanificiis vel texturis, & in suis garrulationibus confabulantes cum dicunt, quod dicetur tempore antichristi, Iste est antichristus, vis credere in eum, vel in JESUM-CHRISTUM Salvatorem nostrum? Quia hoc modo etiam jumenta repellerent illum: sed considera, prout est ve-

ritas suæ futuræ malitiæ, quia ipse se dicet Deum seu æqualem Deo, ut ponit Apostolus 2. ad Thessalonic. 2. ubi dicit Glossa, quod major erit superbia antichristi, quam luciferi: quia iste dixit *similis ero Altissimo*, & ille dicet se æqualem Deo, prædicabit etiam & docebit JESUM-CHRISTUM, cujus nomen sit benedictum amen, fuisse seductorem & falsum prophetam & omnia ejus miracula falsa, & per quasdam illusiones, deceptiones, & figmenta cum suffragio demoniorum facta & producta, & quod omnia scripta de ipso nostro Salvatore, quem vocabit seductorem, sunt falsa & per multa mendacia conficta, & quod ipse est Salvator mundi, de quo omnes prophetæ & sacræ scripturæ locuti sunt, & alia multa similia, & ad hæc probanda primo habebit sequelam omnium Judæorum, quia circumcidet se in Jerusalem; item potentiam & divitias, & omnia quæ excogitari possunt ad prosperitates & delectationes humanas, ut trahat ad se gentes: habebit scientiam & eloquentiam, sapientiam & facundiam, tam ipse quam discipuli sui & sequaces, quanta apparuerit in aliquo homine in hac vita, ostendentes illius doctrinam verissimam esse per multas & inexplicabiles rationes & allegationes & argumenta, tractatus, & libros, fundando illa per textus sacræ scripturæ, facient nihilominus ipse & sui magna miracula, & inaudita mirabilia, signa, prodigia, & portenta, ut prædixit vobis Salvator noster Matth. 24. & Marc. 13. ulterius habebit sequelam regum & principum, & dominorum, prælatorum, doctorum & magistrorum, qui videntes magnalia istius hominis, in suis conciliis, congregationibus & parlamentis determinabunt se pro illo; habebit etiam universitates & collegia studiorum, magistrorum, & doctorum theologiæ, & utriusque juris & cujuslibet facultatis. Celebrabuntur auctoritate regum, principum & prælatorum, ac ceterorum dominorum generalia concilia, ubi quasi omnes declinabunt in publico ad partem & sequelam illius: emanabunt edicta sub pœna mortis crudelissimæ & bonorum, quod omnes adhæreant sibi & suæ doctrinæ tamquam veræ & catholicæ, & non Christi Jesu, cujus nomen sit benedictum in sæcula Amen, quem dicent & publicabunt deceptorem, falsum prophetam & seductorem. Promittent nihilominus, & actualiter dabunt honores & divitias, delicias, & cetera omnia quæ homines in hoc mundo desiderant, & quæ possunt pervertere judicium humanum ad hærentibus & credentibus eis, & quamvis omnia fuerint mendacia, tamen videbuntur illis insolubiliter vera.

## CAPUT CXVI.

**V**idebis tunc qualiter illi magni prælati, magistri & doctores, quos nos catholici credebamus columnas fidei Christianæ, & clavem, & fundamenta totius scientiæ, sapientiæ & doctrinæ in suis dictis, allegationibus, disputationibus & prædicationibus publice clamabunt asserentes & dicentes: O miseri decepti

**A** fuimus in illo seductore JESU-CHRISTO, cujus nomen sit benedictum in æternum amen, & ejus doctrina omnes sumus damnati, nisi adhæreamus veritati istius veri prophetæ, qui est virtus Dei: & super hoc producent patentes scripturas & secundum eos veras & authenticas, per quas clare apparebunt omnia quæ dicunt esse vera, & nullus in contrarium audebit allegare, postponere, vel mutire. Omnia prædicta, similia, majora, & duriora operabuntur illi discipuli & sequaces antichristi, Deo & domino nostro JESU-CHRISTO, cujus nomen in sæcula sæculorum sit benedictum amen, hæc permittente. Et ista quod sic sint futura clare possunt deduci & habentur per verba sacratissima ejusdem nostri Redemptoris Matthæi 24. & Marc. 13. & Beati Pauli 2. ad Thessa 2. Si enim Ecclesia catholica multifarie multisque modis similes persecutiones passa est; excepto de vehementia prodigiorum & signorum; & Christus dicit quod tanta tempore antichristi erit tribulatio, qualis numquam fuit ab initio mundi, nec erit in futurum; ita quod in errorem inducantur, si fieri potest, etiam electi; & quod nisi abbreviati fuissent dies illi, non fieret salva omnis caro. Cogita igitur quantas tribulationes & adversitates passa est Ecclesia ab origine mundi, vel à nativitate Christi usque nunc, quasi nihil erunt respectu istius, & majora & graviora superius expressatis, potes per te deducere, & cogitare juxta verba nostri Redemptoris.

## CAPUT CXVII.

**Q**uid ergo facies tu, ô Carthusia, quando illi tunc pastores tui venient ad te cum fortiori manu & potentia, terroribus, & impressionibus, & minis ferventioribus, & cum majoribus & evidentioribus argumentis, rationibus & allegationibus, & cum abundantiori sequela & frequentia, determinationibus & conclusionibus factis unanimiter & concorditer in Italia & in Francia, & alibi, quam nunc sine comparisonem, præsentabunt nihilominus mirabilia, miracula, prodigia, signa & portenta, quæ nunc in isto tuo præcipitio defecerunt, quid eliges? sequeris-ne illos? Omnes enim rationes tuæ quæ te induxerunt ad eos sequendum, nunc fortissime & insolubiliter concludent quod sic: quia aut tu nunc pessime elegisti eos sequendo, aut tunc eisdem & abundantioribus, clarioribus rationibus & allegationibus oportebit te illos sequi. Vides ergo quomodo planè factus es discipulus antichristi, nec potest per aliquem sani capitis aliud videri, quia per verba tua, & electionem tuam, & rationes tuas insolubiliter remanes conclusus. O damnatissime hominum, negasti Christum tuum, verum Deum & verum hominem, redemptorem & salvatorem humani generis, & adhæcisti ex sequela hominem cum fraudibus & figmentis filio perditionis.

## CAPUT CXVIII.

**D**ices mihi, non est simile quod jam sum de his incautus & avisatus per verba Salvatoris & apostolorum, quod sic eveniet, ideo non sequar illos. Deceptus es in tua cogitatione, nam illi filii Belial ostendent tibi & probabunt clarè secundum eos, & tibi videbitur verissimum, qui quæris allegationes, & rationes & sequelas hominum, quod ille quem tu credebas Christum, cujus nomen sit benedictum in sæcula amen, sit seductor, mendax, & deceptor cum omnibus suis apostolis & discipulis. Ergo fundamentum tuum de avisione nihil valet, quia avisator vel doctor mendax secundum eos, non poterat tibi dare doctrinam veritatis: & ita dicent tibi concorditer omnes pastores animarum tuarum, quos eliges tunc tibi, nihil volens scire, & ita clare probabunt tibi per mille folia de allegationibus subscriptis de manu magistrorum doctiorum, universitatum & studiorum & prælatorum, & per omne aliud genus probationis apparenter, quod possit fieri in hac vita etiam cum miraculis & signis magnis, ut dictum est: quia numquam fuit, nec erit tanta tribulatio secundum verbum Christi. Ergo adhuc remanes patenter discipulus antichristi per confessionem oris tui, & per evidentiam rationum tuarum, quæ nunc induxerunt te ad istud præcipitum. Quid ergo dicis? non respondebis mihi aliud? & quia video te confusum, perditum & seductum, aperiā tibi ex sola charitate aliter materiam.

## CAPUT CXIX.

**S**alvator enim Deus & Dominus noster JESUS-CHRISTUS, quamvis suo justissimo & sacratissimo judicio nobis ignoto, tot & tantas tribulationes permittat abundantissime contra Ecclesiam suam introduci; tamen cum firmitate & securitate fidei, circa suos electos multas significationes, avisamenta, & doctrinas, exempla, & figuras per omnia tempora præscripta ostendit & dedit illis, ad illos muniendum, ut possint evitare & repellere insidias diaboli, & tela nequissimi extinguere machinationes, fraudes, & deceptiones hominum perversorum, qui sunt membra illius divertere & cavere. De his monuit nos Apostolus ad Ephes. 6. *Accipite armaturam Dei, ut possitis resistere in die malo, &c. in omnibus sumentes scutum fidei, &c.* Ista prædixerat propheta, loquens de adversitatibus & tribulationibus electorum, & de eorum suffragiis, Ps. 34. *Deus repulisti nos & destruxisti nos, &c.* sequitur, *commovisti terram, & conturbasti eam, &c.* & iterum, *ostendisti populo tuo dura, potasti nos vino compunctionis.* Videtis abundantiam tribulationum; nunc autem sequitur doctrina in genere & avisatio circa talia, *dedisti metuentibus te significationem, ut fugiant à facie arcus, ut liberentur dilecti tui.*

## CAPUT CXX.

**Q**uando autem aliqua nova doctrina, vel novus ritus vivendi introducitur, est advertendum circa modum & formam introductionis, circa zelum personarum introducentium, & circa vitam & mores, & consuetudines talium personarum, & circa eorum fundamenta, & non circa eloquentiam, allegationes, conclusiones, & disputationes. Videmus enim quod Deus creator omnium rerum, in publicatione & introductione legis veteris, nulli fecit violentiam ad credendum, vel ad se sequendum, sed per signa, prodigia, & miracula, prædicationes, monitiones, & exhortationes attrahebat eos; immo liberam voluntatem requirebat, quando per Moysen & alios faciebat interrogare, in multis locis veteris testamenti, populum si volebat ex corde adhærere Deo suo, & illum diligere & amare, &c. Exod. 19. & Deut. 30. & expressius Josue ultimo. **C** Hoc idem Deus incarnatus servavit, ut haberetur in multis locis in novo testamento. Nam inter alia, cum circa sacramentum corporis & sanguinis sui loquentem audiissent, scandalizati sunt & multi discipulorum abierunt retro, nec jam cum illo ambulabant. Tunc Salvator noster dixit duodecim apostolis: Numquid & vos vultis abire? quasi dicat, ut beatus Augustinus exponit, non retineo vos invito, sed si vultis recedere, potestis sicut & illi. Quamvis enim in fide **D** recepta cogatur quis perseverare, & propter se, & propter perniciem proximorum vitandam, numquam tamen Ecclesia aliquem ad credendum cogit. Ideo papa cum suo generali concilio reprobavit factum illius principis, qui coegit Judæos ad fidem catholicam, de quo habetur 45. Di. c. de Judæis, & ex quo est una avisatio, significatio, & vehemens argumentum, quod doctrina non est à Deo, quando introductio fit per violentiam & impressionem; & potest esse ratio, quia confessio ad extra nihil valet, ut dicit Apostolus ad Romanos 10. c. nisi corde credatur & animo, cui non potest fieri violentia. Et hunc modum servarunt omnes hæretici & persecutores Ecclesiæ & veritatis, qui fuerunt potentes ad hoc, jungentes se cum principibus & dominis temporalibus, ut superius latius tactum est.

## CAPUT CXXI.

**I**terum deprehenditur non esse à Deo, quando sic traditur & introducitur in occulto, nec admittit disputationes vel discussiones liberas circa illam, sed sola impressione & violentia quærit sequelas & adhæSIONES. Et talis fuit doctrina vellesecta Mahometi. Redemptor enim noster proponens nobis legem evangelicam dixit Johan. 18. ego palam locutus sum mundo, ego semper docui in synagoga & in templo, quo omnes Judæi conveniunt, & in occulto locutus sum nihil, nihilominus posuit doctrinam suam ad examen publicum Johan. 3. quis ex vobis arguet me de peccato?

peccato. Hæc secuti sunt apostoli & discipuli A  
ejus. Unde beatus Petrus apostolus exhortando  
nos ad istud dixit 1. epist. 3. *parati semper ad satis-*  
*factionem omni poscenti vos de ea quæ in vobis*  
*est fide & spe*; quamvis enim Ecclesia non per-  
mittat publice disputare inter populares, tur-  
bis adunatis, de fide catholica; & hoc etiã  
prohibuerunt imperatores in legibus suis, ex  
causis justissimis tamen omnibus fidelibus & in-  
fidelibus est parata plane & pacifice reddere  
rationem.

## CAPUT CXXII.

S U bsequenter si in tali introductione verti-  
tur præjudicium, vel interesse aliquorum,  
debent vocari & esse præsentis & audiri plene  
& pacifice & secure omnes quos tangit cum om-  
nia jura, tam divina quam humana, naturalia  
& civilia, municipalia & gentium, immo bru-  
talia & infernalina damnent & reprobent in  
contrarium acta & attentata, & reputent om- C  
nes similia agentes & attentantes injustissimos,  
reprobos, ministros infernales, ac damnatissimos  
sceleratos, immo brutales insensatos. Nam tauri,  
leones ac ceteræ bestię feræ in suis invasionibus  
& concursibus neminem audiunt in contrarium;  
sed omnibus more magistrorum tuorum dene-  
gant audientiam, & tunc auditis omnibus &  
discussis & digestis hinc inde allegandis, &  
omnibus impugnationibus examinatis & purifi-  
catis, eliguntur conclusiones & ordinationes,  
statuta & leges inexpugnabiles, Deo gratæ, & D  
acceptæ, & hominibus optatæ, placabiles, am-  
plexandæ, laudandæ & servandæ.

## CAPUT CXXIII.

P O rro debet adesse zelus rectus, quod non  
moveatur ex odio, vel rancore personæ,  
generis, nationis & tribus, nec ex propria af-  
fectione, utilitate, honore, gloria, fastu vel E  
laude. Debent etiam tractare & agere mature,  
modeste, discrete, non properanter vel præci-  
pitanter, sine judicio, sine deliberatione, quasi  
videantur levitate quadam & infania, commo-  
tione vel indignatione procedere: quia scriptum  
est, præcipitatio noverca justitiæ: ita quod non  
sit acceptio personarum, patriæ, nationis, car-  
nis vel sanguinis, quia scriptum est, *qui cognoscit*  
*in judicio faciem, etiam pro bucella panis deserit*  
*veritatem*. Qualiter autem illa vasa exuberan-  
tia divini furoris circa prædicta erraverint &  
excesserint, dicant & declarent tibi odium an- F  
tiquatum, rancor inveteratus, furor & fervor  
iniquitatis, & malitiæ abominatio & detestatio,  
quæ in eorum visceribus viperinis, gratis, & sine  
causa conceperant, & sibi causaverant contra  
dominum nostrum papam Benedictum.



## CAPUT CXXIV.

I Sta & alia multa erunt quæ Salvator noster  
inspiravit dilectis suis, ne cadant in laqueos  
vel insidias illius filii perditionis & suorum, at quæ  
lingua humana non sufficit exprimenda. Et ex  
hoc modo tu, Carthusia, si optasses ex corde  
perseverare in unitate Ecclesiæ catholicæ, &  
domini nostri papæ Benedicti XIII. summi pon-  
tificis, potuisses in multis & variis judiciis & signi-  
ficationibus faciliter deprehendere fallacias,  
iniquitates, & deceptiones illius damnatissimæ  
factionis Pisanæ. Si enim quæ ibi fiebant erant  
in zelo Dei, pacis, & unitatis Ecclesiæ, quare  
non communicabant in publico toti mundo  
processus, & alia quæcumque imponebantur  
dicto domino nostro papæ, vel primo intruso  
pro sua obedientia, quia si talia fuissent revera,  
ut aliqui ex eis mentiebantur, sine difficultate  
habuissent sequelam omnium. Sed quod pejus  
est requisiti solemniter & publice per multos  
magnos & potentes principes, prælatos, com-  
munitates utriusque obedientiæ, immo per nos  
ambaxiatores concilii generalis & catholicæ  
Ecclesiæ, numquam voluerunt dare copiam,  
nec aliquid ostendere, sed invenerunt, pro frau-  
dibus & malitiis suis palliandis, modum ab Ec-  
clesia catholica, à veræ fidei documentis peni-  
tus alienum, à ritu fidelium, & sacrarum scri-  
pturarum doctrina, & utriusque juris sanctioni-  
bus reprobatur & damnatur, videlicet lege-  
batur in publico unus articulus super crimini-  
bus per eos falsissime depictis & confictis, quo  
lecto, surgebat unus de ministris mendaciorum,  
& latrando dicebat, iste articulus probatur, per  
duos cardinales, per tres episcopos, per quin-  
que abbates, per duos religiosos, &c. & sic fa-  
ciebant de aliis subsequentibus, subtrahendo sem-  
per nomina testium & verba attestationum, quia  
exprimendo apparuisset evidenter reprobatio  
tam notoriæ & tam apertæ falsitatis & simula-  
tionis: immo nec hodie possunt, nec audent  
ostendere processum, vel aliquid aliud per eos  
agitatum, quamvis per principes & alios requi-  
siti. Scio enim quod rex Aragonum bonæ me-  
moriæ requisivit quosdam ambaxiatores, qui  
missi fuerant ad eum de Francia, quos ego vidi,  
quod ostenderent ei processus, & responderunt  
quod non habebant, nec sciebant aliquem pro-  
cessum. Immo dicam tibi unum damnabile,  
vel potius irrisorium, vel trifidum, quod post  
præparatos per illa vasa iræ dictos excessus, &  
facta intrusione tum fabricabant, & compinge-  
bant processus ad justificandum vel palliandum  
ea, quæ falso & perperam commiserant, & cum  
toto hoc non sunt ausi illos ostendere vel pu-  
blicare. Vide si ista etiam in conventu rustico-  
rum irriderentur, sicut narratur de quadam  
villa, quod suspenderunt hominem & postea  
fecerunt processum, & constituto de innocentia,  
mendicabant per Ecclesias pro illo, dicentes, fa-  
ciatis elemosynam! suspensio, quia injustè suspen-  
sus est. Et tu, Carthusia, elegisti illos in magistros,  
D d d d d,



doctores & instructores tuos, adhærendo immobiliter eis, & nunc petis informari, cum potius debuisses provocari ad ridendum & subſannandum, quam ad credendum vel adhærendum illis.

## CAPUT CXXV.

**I**Nterroga igitur nunc illos filios perditionis, ſaltem de Eccleſiâ Gallicantina, ſi credebant quod illa quæ tractabant vel frabricabant in Piſis, eſſent vel fierent ſecundum Deum & veram juſtitiam, & æquitatem: & ſi dicunt quod ſic, ſcias iterum ab eis, quare ergo non fiebant publice & in conſpectu omnium, communicando illa omnibus volentibus, & petentibus. Cogitare enim debebant quod opus eorum, ſi erat ex hominibus, deſtrueretur & diſſolveretur, ſicut fiet; ſi autem ex Deo, inexpugnabile & indiſſolubile eſſet, & nullus poſſet illud mutare, ut dicitur Aduum 5. in fine. Scriptum eſt enim: *Veritatem requirit Dominus, & retribuet abundanter facientibus ſuperbiam.* Eo enim ipſo quod tu, Carthuſia, vidisti vel audiſti iſta ſic in tenebris deducta & agitata, debebas illa habere vehementiſſime, immo inſolubiliter ſuſpecta de falſitate & corruptione, ſaltem ad non adhærendum eis, dimittendo ita claram, veram, firmam & patentem fidem & credentiam de tuo vero ſummo vero pontifice, quem poſſederas per xxx. annos & ultra, & ſic ſecutus fuiſſes doctrinam Apoſtoli ad Ephes. 5. *Nolite communicare operibus infructuoſis tenebrarum; magis autem redarguite, quæ enim in occulto ſiunt ab ipſis turpe eſt dicere, &c. omne enim quod manifeſtatur lumen eſt, &c. ad idem 2. ad Corinth 4. in principio, & illud Johannis 7. Nemo quippe in occulto aliquid facit & querit ipſe in palam eſſe.* Iſta omnia deteſtando prædixerat ſalvator noſter Johan. 3. cum dixit: *Erant enim mala eorum opera: omnis enim qui male agit, odit lucem, & non venit ad lucem, ut non arguantur opera ejus; qui autem facit veritatem, venit ad lucem, ut manifeſtentur opera ejus, quia in Deo ſunt facta.* Poteras ergo ex hoc ſolo tu, Carthuſia, & quilibet clariſſime deprehendere, & arguere ſecundum doctrinam Salvatoris noſtri, quod opera illorum erant damnatiſſima, & reprobatiſſima, quæ ſic in tenebris, occulte, ſubreptitie, doſoſe, inſidioſe, & præcipitanter agitabantur contra ſummuſ pontificem & verum vicarium JESU-CHRISTI & ſuam catholicam Eccleſiam; contra quos reprobos & perfidos homines prophetaverat David cum dixit Pf. 10. *Quoniam ecce peccatores intenderunt arcum, paraverunt ſagittas ſuas in pharetra, ut ſagittent in obſcuro rectos corde.* Et iterum Pfal. 63. *quia exaceruerunt ut gladium linguas ſuas.* Ecce falſa crimina, quæ domino noſtro impoſuerunt, & ſequitur *Intenderunt arcum rem amarum;* ecce inſidias & machinationes, quas in occulto fabricant, ſatis amaras & ſcandalofas fidelibus, & maxime ſuis damnatiſſimis animabus. Et ſequitur effectus, *ut ſagittent in occultis,* ſcilicet per fraudes & mendacia conficta im-

**A** maculatū, id eſt dominum Papam. Et iterum Pfal. 9. loquens de illo hereſiarcha SIMONE DE CREMAUDIS, qui ſolus fuit principalis dux & miniſter eorum & tantæ malitiæ nunc perpetratæ, & etiam primæ ſubtractionis, dicit, *ſedet in inſidiis cum divitiis in oculis:* Iſti divites erant, alii reprobatî prælati illius ſequaces, ad litteram tractantes, & conſpirantes in occultis; & ſequitur, ad quid: *ut interficiant innocentem,* id eſt dominum noſtrum verum papam, quem reputabant eis ſcandalum & lapidem offenſionis; & qui non poterant corporaliter, ut tentaverant in captione ordinata & mandata, de qua ſupra ſaltem in quantum in eis fuit, per privationem ſtatus & famæ, honoris & dignitatis, quæ eſt quaſi quædam mors civilis amariffima & dura; ſecundum illud Jerem. 13. *Venite & percutiamus eum lingua.* Ex quo ſequitur in eodem Pfal. *inſidiatur in abſcondito quaſi leo in ſpelunca ſua,* contra quem continue orat Eccleſia dicens: *Contere brachium peccatoris & maligni, quæretur peccatum illius & non invenietur,* ab eo ſcilicet ut ipſe cognoſcat quouſque demergatur in profundum inferni cum interitu laquei ſui: quia, ut dicit B. Gregorius, oculos quos culpa claudit, pœna aperit. Et illic videbit peccata ſua, ubi æternaliter cruciabitur, recipiens cum infidelibus portionem. Et tu cum eo, niſi pœnitentiam egeris, illius ſequelam & dogmata abnegando, contra quos omnes ſcriptum eſt Pfal. 48. *hæc via illorum ſcandalum ipſis, & poſtea in ore ſuo complacébunt.* Sicut oves in inferno poſiti ſunt, mors depaſcet eos. Erit enim tunc eis mors in pabulum, quia hic in operibus mortuis & mortiferis delectati, & occupati fuerunt, contra quos Eccleſia catholica conquereudo ad Deum continue mittit preces ſuas Pfal. 54. *veniat mors ſuper illos, & descendant in infernum viventes; quoniam nequitiæ in habitaculis eorum in medio eorum;* nec eſt dubitandum, quin ſic eveniat, nec tardabit, quia ſcriptum eſt Job. 20. *laus impiorum brevis eſt, & gaudium hypocritæ ad inſtar puncti.*

## CAPUT CXXVI.

**N**unc tranſit Carthuſia ad aliud velamen excuſationis, cum dicit: Nos continue, & in publico & in ſecreto, tam conventualiter quam ſingulariter oravimus Deum, ut nos dirigeret & nobis oſtenderet quid eſſemus facturi: ideo credimus quod Deus exaudiverit nos, & quod non permiferit errare, &c. Vide & attende quia credere hoc, eſt valde periculofum, & forte eſt unum de principalibus, ſub cujus fraude diabolus acquirit & trahit ad ſe multos, & ſtatim repellam & deſtruiam ad litteram, tuam cogitationem. Nam alii non minoris meriti quam tu in omnibus fecerunt idem, & fortè magis devotè, ferventer & perſeveranter, & cum recta intentione, & tamen remanſerunt in obedientia domini noſtri BENEDICTI XIII. Quæro à te, qui ſunt exauditi à Deo? Si tu credis quod tu, & illi etiam credunt

quod ipsi, & sic quis judicabit vel discernet inter A  
vos, quis verius vel rectius existimet vel credat?  
Et si laboratur ad istud discutiendum, oportet  
de necessitate incidere in pristinas disputationes  
de allegationibus & rationibus juris, & de adhæ-  
sione tuorum quos elegisti tibi pastores, & simi-  
lium quæ diffusius superius tacta sunt, quod  
erit superfluum, & inutile iterum deducere &  
disputare.

## CAPUT CXXVII.

ET propter hoc oportet magis loqui specia-  
liter de orationis exauditione. Circa quod  
considerandum est, quod aliqui orantes exau-  
diuntur à Deo, & non credunt nec recognos-  
cunt se exauditos, sicut cum aliquis petit à Deo  
aliquid temporale ad bonum usum & recta in-  
tentione, & Deus mutat illud in spirituale, vide-  
licet in salutem animæ, in directionem & emen-  
dationem vitæ spiritualis, & tunc ille quia non C  
habet quod directè petit, non credit se exau-  
ditum, & in hoc deficit. Nam si tu peteres ab  
aliquo unam vineam cum magno fervore, & ille  
non daret, sed daret tibi mille florenos, vel  
unum castrum, quia videret tibi illud esse uti-  
lius & congruentius, numquid exaudiret te?  
Hoc modo fuit exauditus Paulus super stimulo  
carnis, quamvis ipse non ignoraret esse melius  
quam quod petebat. Hoc eodem modo fuit  
exauditus Job, qui ante afflictionem, & in affli-  
ctione non est dubium quod orabat. Job. 19. c. D  
& sic de multis.

## CAPUT CXXVIII.

A Lii orant nec credunt exaudiri, nec exau-  
diuntur in his quæ petunt, & tamen exau-  
diuntur; sicut cum aliquis orando petit aliquid  
injustum vel iniquum. Nam tunc cum non exau-  
ditur, exauditur. Nec ipse pro tunc credit exau-  
diri, & hoc dicit Propheta Psal. 65. *Iniquitatem*  
*si aspexi in corde meo, non exaudiet Dominus,* & E  
*sequitur, propterea exaudivit Deus, & attendit*  
*voci deprecationis meæ.* Vides quia in eo quod  
non exaudivit eum, dicit quod est exauditus.

## CAPUT CXXIX.

I Tem sunt nonnulli qui in conspectu homi-  
num videntur non exaudiri, immo totum con-  
trarium, & tamen illi plenissime exaudiuntur.  
Sicut dicit beatus Augustinus super Psalm. 63. F  
Orabant martyres, *Exaudi, Deus, orationem*  
*meam cum deprecor, à timore inimici eripe animam*  
*meam,* & orando trucidabantur & exaudiebantur.  
Et alii qui deficiebant & adversariis con-  
sentiebant eruebantur ab inimicis, & tamen ab-  
sorbebant & viventes peribant. De primis enim  
scriptum est: *Visi sunt oculis insipientium mori, illi*  
*autem sunt in pace.*

*Theſauri Anecdor. Tomus II.*

## CAPUT CXXX.

A Lii vero etiam pro se nullatenus exau-  
diuntur, in eo quod petunt, sicut cum  
orant pro aliqua re injusta, vel pro peccato com-  
plendo, ut prædixi, nisi aliquando pro malo  
peccatoris & in vindicta; dum permittit Deus  
peccatorem adhuc amplius ruere in peccata, se-  
cundum illud Apocalypsis ultimo, *qui nocet*  
*adhuc noceat, & qui in sordibus est sordescat*  
*adhuc,* & secundum illud Psalmi 108. *& oratio*  
*ejus fiat in peccatum.* Nam, ut dicit Augustinus,  
quædam Deus negat propitius, quæ concedit  
iratus.

## CAPUT CXXXI.

A Lii autem quamvis sanctissimi viri, non exau-  
diuntur orando etiam pro bono aliorum,  
quia illi operibus suis se & orationes impediunt,  
Jerem. 7. *Tu ergo noli orare pro populo hoc, nec*  
*assumas pro eis laudem & orationem, & non ob-*  
*sistas mihi, quia ego non exaudiam te.* Ad idem  
Jer. 11. *Noli orare,* &c. Ad idem 14. & Eze-  
chielis 14. *Si fuerint tres viri isti in medio ejus,*  
*Noë, Daniel, & Job, &c. nec filios, nec filias li-*  
*berabunt, sed ipsi soli liberabuntur.* Idem de Sa-  
muele pro Saule 1. Regum 16. in principio.

## CAPUT CXXXII.

S Unt nonnulli qui orant & petunt, credunt  
vel sperant exaudiri per miraculum, scilicet  
illi qui omittunt circa sua pericula & necessitates  
recurere ad auxilia possibilia per naturam, &  
hic caulatur peccatum, videlicet tentare Deum  
contra illud Matth. 4. Deut. 6. *Non tentabis*  
*Dominum Deum tuum.* Quando enim aliquis in  
suis necessitatibus optat aliquid & orat, & omittit  
opportuna auxilia & possibilia, quæ possent eum  
juvare, tunc tentat Deum, sicut si tu, ponamus,  
orares vel peteres à Deo pisces pro tali festo,  
& faceres ex parte tua diligentiam, mittendo  
ad loca consueta, & alia faciendo quæ ad simi-  
lia sunt solita & opportuna, & haberes pisces;  
tunc debes te reputare exauditum à Deo: Si  
autem interponere omitteres dicta auxilia, vel  
adhibere curam, & expectares quod Deus mit-  
teret tibi sine tuo labore & sollicitudine per ora-  
tiones tuas, tunc petis & expectas miraculum,  
& præsumptuose agis, immo negligis, & est ten-  
tare Deum, ut dixi. Unde dicit B. Gregorius  
23. Moralium super illo verbo. Job. 33. *Semel*  
*loquitur Deus; & secundo idipsum non repetit.*  
Deus singulorum cordibus privatis vocibus non  
respondet, sed tale eloquium, &c. & sequitur:  
Nec opus est ut in eo quod specialiter quisque  
tolerat, responderi sibi divina voce specialiter  
quærat, &c. Et in hoc reprobantur illi qui quæ-  
runt vel expectant in declaratione schismatis,  
vel aliis similibus dubiis, scire veritatem per re-  
D d d d i j

velationem angelicam, vel divinum miraculum, quibus etiam si evenirent, non crederent, sed illa calumniarentur, sicut Pharaon tempore Moysis, & Judæi tempore Christi.

## CAPUT CXXXIII.

**T**U igitur, Carthusiane, orabas ut Deus dirigeret te & liberaret te à periculis, & non preparabas te ad sustinendum in persona vel bonis pro veritate, quam primam tenebas, propter pericula quæ videbas, sed propter minas, terrores, & impressiones tibi intimatas, oblatas, præsentatas, & promptas, quæ siviisti occasionem & colorem, ut illa sub aliquo velamento excusationis evaderes; & omnibus auxiliis possibilibus per naturam omissis, & neglectis, jactasti te in manibus inimicorum & persecutorum veritatis, nihil volens scire, & alia multa superius latius deducta; & sic secundum primum modum orandi supradictum fuisti exauditus in tuis orationibus, quia ut dicit B. Augustinus, non illud quod os petit, sed quod cor desiderat est oratio. Cedendo enim & consentiendo inimicis veritatis, & eorum erroribus & fraudibus, fuisti liberatus à timore inimici; secundum quod orabas, sed ab eis absorptus. Non potes ergo conqueri quod non fueris exauditus. Iterum omittendo prædicta auxilia, & illa contemnendo, ut supra probatum est, fecisti contra legem divinam, quæ talia hortatur, præcipit, & luadet: unde dicit B. Augustinus 16. de Civitate Dei, 19. qui periculum quantum cavere potest non cavet, magis tentat Deum, quam speret in Deum. Considera etiam super hoc quid B. Paulus apostolus fecerit, quamvis enim à Deo certissimum responsum habuisset, quod Romam oportebat eum ire & evangelizare, tamen pro liberando se à Judæis, & eorum insidiis, impressione, & furore, quot cautelas, quot remedia, & quot auxilia humana adhibuerit, videre poteris tutissime Actuum 21. cum quinque capitulis sequentibus, & sic tua oratio in eo quod nunc prætendis non fuit exaudita, secundum illud proverbiorum, 28. *Qui declinat aures suas ne audiat legem, oratio ejus fiet execrabilis.* Et Jacob. 4. c. *Petititis & non accipitis, eo quod male petatis.*

## CAPUT CXXXIV.

**Q**Uare saltem non faciebas illis tuis incipitatis pastoribus de Ecclesia Gallicantina unum quæsitum pro serenitate tenebrarum tuarum, videlicet dicatis mihi vos, tenuistis umquam pro vero papa domino BENEDICTO XIII? & si dixissent quod non; tunc non oportebat ulterius cum eis disputare vel loqui: si autem dixissent quod sic; tunc quærere iterum ab eis, quare desit esse Papa? Si forte ex eo, quia nimis ponebat de aqua in vino, vel quia non faciebat voluntates eorum pravas, vel quia non dabat abundanter de vino ad potandum Gallicis quando veniebant ad curiam, ista vel si-

A milia respondissent tibi: quia alia rationabilia non habebant; sicut ille buticelaus papæ, cum increparetur de excessu vastandi vinum respondit, numquam vinum ita laudabiliter fuit expositum sicut istud; quia cum centum scyphis de vino cum bono & læto vultu oblati ego acquirō. & reduco ad obedientiam papæ centum Gallicos. Poteras etiam interrogare, quando perdidit papatum? Si forsitan quando exivit de Avinione, vel de Massilia, vel de Saona, vel quando intravit mare, vel quando dixit missam, vel quando per eos mandabatur capi, vel quando bibebat de vino albo, vel dicerent tibi per quem actum perdidit papatum: quia in responsione cognovisses trufas, & irrisiones, & levitates illorum. Et istud pro certo non debebas omittere ad interrogandum, ut saltem scires propter hoc, & ex isto actu ego perdo papam verum; nec tu eras puerulus ut crederes simpliciter pædagogis; nec quia multi, debebas eis adhærere; quia scriptum est Exod. 33. in principio *Non sequeris turbam ad faciendum malum, nec in judicio plurimorum acquiesces sententia, ut à vero devies.*

## CAPUT CXXXV.

**E**T si forte diceret, ideo perdidit papatum, quia concilium declaravit, &c. & quia noluit renuntiare, &c. jam superius ostensum est non fuisse concilium, sed quædam damnatissima congregatio, conjuratio, & conspiratio hominum impiorum, & ecclesiarum malignantium. Et posito quod fuisset verum concilium, numquam concilium potuit vel potest judicare papam, cum concilium recipiat auctoritatem à papa, & non est contra, ut est textus expressus, in Cap. *significasti*, ex de Elect. & notatur de Elect. *ubi majus* in principio super in generali concilio lib. 6. cum multis aliis juribus & glossis, ut superius est tactum in cap. 55. & habetur expressus in dubiis inferius post finem dicendorum explicandis. Nec esset danda fides cuicumque concilio vel synodo etiam veræ & canonice, nisi dicerent & ostenderent de causis legitimis & veris & sufficientibus ad hoc. Via autem cessionis quamvis à principio schismatis & subsequenter per multos annos per omnes fere universitates studiorum & per quoscumque viros literatos expresse reprobata & damnata, tamquam injustissima nutu claudicans & inæqualissima, & futuris electionibus scandalosa & perniciosa, & nusquam in Dei Ecclesia praticata, sicut quilibet mentis compos, ut dicebant, & intellectu vicens poterat deprehendere in aperto; in qua opinione quamplurimi magni clerici urgente conscientia adhuc hodie perseverant, contrariam erroneam reputantes; tamen pro nunc sic communiter recepta & incipitata, nisi caute & prudenter praticata & deducta, potius esset novorum schismatum & divisionum inductiva, quam pacis vel unitatis præparativa. Quid enim fuisset papam renunciare; non dispositis & præcedentibus præambulis ne-

cessariis ad futuram electionem in loco securo & congruo canonice & concorditer celebrandam, nisi perdere ex toto papam verum, & fluctuare cum scandalis & periculis, divisionibus, & novis schismatibus & dubiis facti & juris, ad habendum alium ita certum nobis & indubitatum; & rem dimittere propter umbram; naclerus etenim, si non disposito navis clavo, ac præparatis ceteris illius armamentis, solverit de portu navem, mari præcipue rugiente, potius quærit naufragium, quam salutem. Nullus etiam sapiens agricola jactat semen, nisi terra prius arata, & debite præparata, aliàs spinas & fentes metere verisimilius expectet quam fruges. Idcirco qui dicunt dominum nostrum papam proviso circa scandala, fraudes, pericula, & discrimina verisimilia futura & prompta, debito modo, tempore congruo & opportuno, noluisse renuntiare, in caput suum gravissime & notorie mentiuntur. Nam ad hoc perficiendum quidquid fuit sibi possibile fecit; nisi viri illi tartarei, filii diffidentiae, multiplici fictione, arte & fraude impedivissent, etiam fide mentita & rupta, ut supra latius est deductum, & evidentissime constat per multa autentica documenta.

## CAPUT CXXXVI.

**D**icunt ulterius illi de Carthusia, quod magister VENCENTIUS dixit in Janua nescio quædam verba, &c. Dicatis eis quod omnes non intelligunt verba illius; & sufficiat pro expositione & solutione omnium verborum ipsius, quod discurrendo & informando gentes publice prædicat Benedictum papam XIII. esse verum papam & verum vicarium JESU CHRISTI, & nullum alium vivente eo; quamvis hactenus tacuerit propter majorem utilitatem. Nunc autem videns tam notorios errores & hæreses insurgere in Dei Ecclesia, non potest, nec debet tacere: aliàs lapides clamabunt. Et ideo secundum tempora, status, personas, & loca, sunt accipienda verba & intelligenda, maxime quia in congregatione illius seditionis Pisanae, ipse credebat, sicut & multi, quod illa præparatoria fierent, & aliter ducerentur negotia & tractarentur, quam factum sit, & superius dictum est; quia tunc omnes fuissetus ejusdem opinionis & sequelæ.

## CAPUT CXXXVII.

**E**T si sic volebant illi de Carthusia dare fidem aliis personis alterius nationis, numquid sciebant à notorio, & etiam quia per me scriptum fuerat eis, & cum domino nostro papa illos reverendissimos patres, & dominos, cardinales, Auxitanum & Tolosanum, & à principio etiam illum de Armaniaco, sed cessit vocatus à Deo; ac etiam illos reverendissimos patres, dominos, episcopum Senescensem, magistrum generalem ordinis Prædicatorum, & ministrum generalem ordinis Minorum, & D. GUIDONEM Flandrini solemnissimos & famosissimos

**A** doctores in utroque jure, & magistros in theologia, & illum famosum doctorem dominum JOHANNEM episcopum Mimatensem, qui reveniens de Pisis, dum moriebatur in Avenione dixit: Ego morior in fide & credentia domini nostri papæ BENEDICTI; qui omnes sunt origine de illa natione & dominio Gallicorum, quorum opinionem & electionem illi de Carthusia debebant inexpugnabilem reputare. Nam omnia bona, status & beneficia perdiderant in Francia, & in Provincia propter hanc fidem, & si promittebantur eis à contrario, & quot & quanta tam per nuntios quam per litteras, sunt qui viderunt & audierunt; & tamen voluerunt potius sequi, & sequuntur veritatem, etiam in paupertate, & penuria, quam propter favores, patriam, parentes, nationem, statum vel beneficia recedere à veritate fidei Christi & sui vicarii, & sic de multis aliis. Isti enim sunt similes Moyse, de quo dicit Apostolus ad Hebræos II. *Magis eligens affligi cum populo Dei, quam temporalis peccati habere jucunditatem, majores divitias aestimans thesauro Ægyptiorum improprium Christi,* & certissime major fides erat danda istis paucis, attentis omnibus debitis circumstantiis, quam centum millibus de aliis superius expressatis & derivatis, & per longum & latum explicatis.

## CAPUT CXXXVIII.

**D**icatis ergo eis, Quis instruxit eos quod ista prompte, & in momento abnegarent verum vicarium JESU CHRISTI? habuerunt magistros & instructores, ut prædictum est, illos quos jactant pastores animarum suarum, & recte docuerunt ipsos eo ritu & stylo quo didicerant: Impressionem enim magistra conceperant nequitiam, quam cum terroribus, minis, & comminationibus effuderunt in genimina viperarum, quæ optabant præservari, & fugere à ventura ira & furore pendentibus super capita eorum. Habebant enim Syriam ab oriente, & Philistiim ab occidente, & dracones in medio, ut devorarent toto ore Israel: & illis plenarie crediderunt, & illos constituerunt pastores suos, & quod gravius est, petunt nunc informari, & dicunt quod oraverunt Deum, & tamen super veritate scienda renuntiaverunt ejus auxilio & illuminationi divinæ. Nam illa vasa iræ præceperunt eis quod exinde non orarent pro unitate Ecclesiæ, quia jam unita erat: & isti cæci discipuli obedientes magistris caligine involutis, cessaverunt ab oratione, revocantes & cassantes orationes super hoc speciales, quotidianas, & consuetas; obstruentes sibi in posterum omnem illuminationem divinam & veritatis notitiam: firmantes se more Judaico in sui pertinacia, & sic speratur quod amovebunt de canone Missæ, *quam pacificare, custodire & adunare, &c.* quia dant eis intelligere, quod Ecclesia est unita, nec oportet exinde orare. Vide tenebras palpabiles affectatas, contra quos prophetaverat Jerem. 3. c. ibi dicentes *Pax pax*, cum non esset pax, confusi sunt quia abominationem fecerunt.

D d d d iij

## CAPUT CXXXIX.

**M**Ultis ergo, frater Bernarde, imponendo finem verbis, videre casum breve de cunctis quæ illi de Carthusia fecerunt, ne sic in omnibus judicemus eos culpabiles, procul dubio credendum est, quod si fuissent in libertate & plena securitate, aliter egissent, & forte melius, vel minus male, sed offuscato in eis iudicio rationis per minas, terrores, & comminationes, jam per annum ante suam præensam congregationem, eis verbis & scriptis illatas & transmissas, aliter eis secundum carnem agere non licuit, secundum illud Job. 18. *& præcipitabit eum concilium suum*: ubi dicit beatus Gregorius, quia recte agere non valent, cum hujus mundi amatoribus displicere timent. Nam quamvis vexatio det intellectum, tamen verum est ubi habet locum electio ad diversas opiniones vel conclusiones: sed quando super una absolute fit impressio, tunc ratio ex timore obtenebratur secundum illud Psalmistæ, *Cor meum conturbatum, dereliquit me virtus mea, & lumen oculorum meorum, & ipsum non est mecum*. Et iterum: *Timor & tremor venerunt super me, & contexerunt me tenebræ*. Et si eligit consentire, quærit tunc fulcimenta totis viribus, si posset quomodocumque illam electionem justificare, vel saltem excusare vel palliare, sicut illa puella vi oppressa, cum increparetur quare non clamabat, respondit, quia in tenebris & in obscuro eram, & non videbam ad clamandum. Sic fuerunt recte illi de Carthusia: videntes quod aliud agere non licebat, dixerunt illos esse pastores animarum suarum, supponentes etiam sibi in velamen illas allegationes, opiniones, & dicta illorum carnalium magistrorum, quamvis revera, nulla, ut prædictum est, & sic ut non viderentur aliquid facere totum, & animas & corpora sua, & statum prælati eorum posuerunt in manibus inimicorum Dei Ecclesiæ, ipsius prælati, & veritatis: quasi dicerent instructi à sacerdotibus sacrilegis Judæorum: omnia faciamus, & nihil fecisse videamur: & sic existentes in tenebris affectatis, non videbant ad clamandum vel contradicendum, unum tamen omiserunt, scilicet lavare manus suas, dicendo mundæ sunt manus nostræ, &c.

## CAPUT CXL.

**E**T ex hoc aliqui scripserunt argumentum de infidelitate & de alio graviore commisso per eos contra prælatum suum, nam ut dicunt cogitantes illum promptissimum ad cedendum, requisiverunt eum sub aliquibus coloribus de cessione, & illam obtentam tradiderunt in manus inimicorum capitalium ipsius, quod idem est, sicut tradere personam, cum status & persona in similibus de jure æquiparentur, & retraxerunt se ut illi possent liberius operari, & submiserunt cum eis quemdam de suis, qui di-

**A**xerat in Avenione coram multis & alibi, quod si ille prælatus veniret ad Carthusiam, quod ipse numquam rediret, & similia, ut magis concordaret cum ipsis. Et isto modo illi de Carthusia nihil fecerunt, sed solum oculis clausis in perpetrata per alios se præcipitarunt. Et forte frater Pinotus dedit in his consilium, qui jam tunc reputans se liberum à jugo, Ferrandum nuntium de Castella, multis opprobriis affectum, & constipatum remisit. Tamen, frater Bernarde, istis & similibus non debet dari fides, nec est curandum, dum tamen cessio & absolutio mea canonice, rite & catholice factæ & receptæ fuissent, quia quamvis apud eos me omnino & se ipsos forsitan reputent liberatos, tamen non sum apud Deum, ad quem debemus nostras considerationes reflectere, & non ad ludibria hominum, nihil tamen de his scribatis eis, quia non multum faciunt ad propositum; sed quando illi erunt sub obedientia papæ, & in unitate catholice ecclesiæ, quod Deus concedat eis, si optant, tunc quod ad utrumque brachium reputabo me plenissime absolutum & liberatum, quod concedat nobis qui potens est, & sanctum nomen ejus. Adhuc multa habeo vobis dicere, sed non potestis portare modo, nec ego scribere propter festinantiam portitoris & solemniam festa occurrentia, ideo indigeste & repente scripsi, & sic mittatis eis illa quæ vobis cum consilio priorum qui vobiscum sunt videbuntur congrua, quia ita grosso stylo & rudi decocta sunt, immo cruda, quod non apponerentur in qualibet mensa honeste. Supponendo tamen omnia & singula correctioni sanctæ matris Ecclesiæ, & cujuslibet melius sentientis, & valere semper in Deo & domino nostro JESU-CHRISTO, cujus nomen sit benedictum in sæcula amen, qui vos & nos conservet sine querela usque ad introitum gloriæ suæ amen, & orate pro me. Scripta & perfecta celeriter die Mercurii in crastino Epiphaniæ Domini anno à nativitate Domini 1411. per manum rudem vobis notam.

**EPISTOLA BONIFACII FERRERII**  
prioris Majoris Carthusiæ ad fratrem  
Bernardum.

*De conversione fratris Guillelmi de Mota & ejus ad Benedicti XII. obedientiam reversione.*

**F**Rater Bernarde, noveritis quod postquam misi vobis prædicta, dictus fr. Guillelmus de Mota fuit ad me in hac domo Vallis JESU-CHRISTI die Veneris 19. Junii anni præsentis, pro expeditione quorundam temporalium domus Carthusiæ, totus obstinatus, & imbutus de erroribus suæ consueta perfidiæ, excusans coram me, verborum multiplicatione, eaque commiserant & perpetraverant in Carthusia, adhærendo illi congregationi Pisana, quam vocabant concilium Ecclesiæ. Et ego post aliqua pauca tradidi sibi ad legendum, dum deliberarem super his pro quibus venerat præsentem Speculam, quam tenuit per multos dies; finaliter



nullo inducente, aut impellente, nisi solo Spiritu-sancto, cum abundantissimis lacrymis & singultibus venit ad me, asserens se enormiter errasse, & alios errare fecisse, & esse in statu damnationis, paratus sustinere vincula, carceres, & mortem pro veritate nostræ fidei, & credentia domini nostri papæ summi Pontificis domini BENEDICTI XIII. obtestans publice, & promittens, quod si ante eorum anticapitulum ista vidissent, quod omnes fuissent antea mortui quam consensissent illis erroribus & falsitatibus adversariorum; quamvis enim prædictum opusculum pro aliqua parte sibi misissem, tamen quia devenit ad manus illius prioris Parisiensis intrusi in Carthusia, statim occultavit, ne ad alicujus notitiam deveniret, volens se & alios in consuetam cæcitatem & perfidiam conservare, & à veritatis notitia elongare. Tandem in nomine Domini dictus fr. Guillelmus de Mota die Veneris tertia Julii ejusdem anni veniens ad me cum magna humilitate, & devotione, & uberimis lacrymis, petiit humiliter se absolvi & reconciliari, paratus recipere quamcumque pœnam vel pœnitentiam sibi imponendam, ac cetera facere & complere, &c. & ego videns ejus humilitatem & ferventem devotionem, abjurato potius per eum schismate publice & solemniter, de numquam adhærendo illi damnatissimo, intruso BALTHASARO COXA vocato ab aliquibus filiis diffidentia JOHANNES vel suis complicibus, vel dare sibi vel suis sequacibus auxilium, consilium seu favorem, verbo vel facto, &c. absolvi eum, habilitavi & dispensavi, &c. auctoritate apostolica, suspendendo eum ad tempus à celebratione missæ, & quod esset novitius, quodque cum magna humilitate & devotione recepit & implevit, & sic non reductus ad suum statum & locum more solito in fervore devotionis perseverat. Ista scribo vobis, ut gaudeatis quia ovis quæ perierat inventa est, orando Deum, ut ceteros obstinatos illuminet, & ad vitam veritatis reducat. Amen. Saluto omnes; orate pro me. Scripta in domo Vallis JESU-CHRISTI ultima Julii anno à Nativitate Domini 1411.

BONIFACIUS Prior Carthusiæ nunc per schismaticos occupatæ.

*Sequitur copia bullarum de quibus supra fit mentio.*

#### EPISTOLA BENEDICTI XIII. ad Bonifacium Ferrerii.

*Irritam declarat electionem Prioris Parisiensis in priorem majoris Carthusiæ, mandatque ut Bonifacius Prioris officium exerceat, eique cuncti obediant.*

**B**ENEDICTUS episcopus servus servorum Dei dilecto filio BONIFACIO FERRERII, priori majoris domus ordinis Carthusiensis Gratianopolitanensis diocesis, salutem & apostolicam benedictionem.

Ad sacri ordinis Carthusiensis statum & uti-

litatem, præsertim in his quæ salutem concernunt animarum, nostræ diligentis considerationis dirigentes intuitum, ipsius ordinis professores libenter præservamus à noxiis, & ipsorum animarum periculis, quantum in Deo possumus, obviamus; Nuper siquidem te de mandato nostro pro negotiis arduis, concernentibus ecclesiasticam unitatem, in Romana curia moram trahente, cum sicut accepimus tempus celebrandi generale capitulum in majori domo dicti ordinis, Gratianopolitanæ diocesis instaret de proximo, tu celebrationi hujusmodi ex causis legitimis commode non valens personaliter interesse, per certum nuntium tuas ad dictum capitulum litteras destinasti, per quas inter cetera juxta constitutiones dicti ordinis & morem hætenus observatum, humiliter petisti, ut te à dicto prioratu & ejus onere ac præsentia & honore, quibus per hujusmodi litteras cessisti, & præfato nuntio cedendi & renuntiandi simpliciter facultatem concessisti, absolverent, & sibi ac dictæ domui de priore alio providerent; præsentari-que litteris per dictum nuntium in capitulo memorato, ad quod multi convenerant schismatici, & ab obedientia nostra & Ecclesiæ præfatæ subtracti, hujusmodi tua cessione admissa, statim de facto ad eligendum priorem alium processerunt, ac quemdam priorem Parisiensem ibidem præsentem in eorum prælatum assenserunt: qui quidem prior se schismaticis adjungens, ad obedientiam filii Belial PETRI DE CANDIA, in sede apostolica violenter intrusi, una cum dictis schismaticis declinavit, licet nonnulli priores & monachi dicti ordinis, qui in dicto capitulo interfuerunt, & alii qui in eodem non fuerunt præsentem, tacti de tanto scandalo dicti ordinis, dolore cordis intrinsecus, in nostra remaneant obedientia, sicut prius. Verum quia obedientes isti, hæsitantes an dicta electio, sicut præmittitur, facta de jure præcesserit, dubitant ac phali remanere; à nobis humiliter postularunt ipsis & eorum conscientis super præmissis de opportuno remedio provideri. Nos itaque, consideratis præmissis, ad omnem hæsitationis materiam submovendam, electionem de priore illo Parisiensi factam nullam esse, & nullis omnino viribus subsistere declaramus, ac ordini prædicto, sicut tenemur ex debito, providere volentes; te priorem dictæ majoris domus & ipsius ordinis generalem constituimus, & ordinamus, & non obstantibus præmissis de novo creamus: dantes tibi in spiritualibus & temporalibus facultatem omnia illa perinde faciendi, ordinandi, disponendi, & exequendi, quæ ad priores dictorum domus & ordinis pertinent, tam de consuetudine quam de jure, quæ etiam per dicti ordinis statuta, ac si dicta renuntiatio & alia, ut præfertur, attentata nullatenus præcessissent: prioribus, monachis, & personis aliis dicti ordinis, dantes harum serie in mandatis, quatenus tibi ut eorum vero prælato, tam in temporalibus quam in spiritualibus, in his quæ ad officium tuum pertinent, pareant & intendant, ac præstent obedientiam & reverentiam consuetas. Quocirca discretionis tuæ per apostolica

scripta mandamus, quatenus dicti prioratus onus ac praesidentiam suscipiendo humiliter & devote, commissum tibi officium; juxta datam tibi prudentiam exerceas fideliter & utiliter, ac ejus curam & regimen in spiritualibus & temporalibus geras, sicut prius. Nos enim sententias quas rite tuleris in rebelles, ratas, & gratas habebimus, & faciemus, auctore Domino, usque ad satisfactionem condignam inviolabiliter observari. Nulli ergo omnino hominum liceat hanc paginam nostrae declarationis, constitutionis, ordinationis & voluntatis infringere, vel ei ausu temerario contraire. Si quis autem hoc attentare praesumerit, indignationem omnipotentis Dei & beati Petri & Pauli apostolorum ejus se noverit incursurum. Datum apud Turrim de Plano, extra muros Barcinonis 18. Junii Pontificatus nostri anno 16. Anno à nativitate Christi 1410.

### EPISTOLA BENEDICTI XIII. ad Bonifacium Ferrerii.

*Ut capitulum congregare possit in eo quo libuerit monasterio.*

**B**ENEDICTUS episcopus servus servorum Dei dilecto filio BONIFACIO FERRARII, priori majoris domus Carthusiae Gratianopolitanae diocesis, Salutem & apostolicam benedictionem.

Provida sedis apostolicae circumspectio, personarum & temporum qualitate pensata, nonnulla de novo libenter indulget, quae subditorum quieti & animarum novit expedire saluti. Cum itaque ex statuto & consuetudine in ordine Carthusiensi haecenus observatis, prior majoris domus ordinis praedicti Gratianopolitanae diocesis pro tempore existens super reformatione dicti ordinis & aliis necessariis, generale capitulum in dicta domo consueverat quolibet anno convocare, & in eodem capitulo praesidere, tuque ad praesens id facere commode nequeas, propterea quod domus illa in partibus à nostra & Romanae Ecclesiae obedientia, inimico humani generis procurante, subtractis, constituta, per schismaticorum violentiam occupatur. Nos volentes dicti ordinis dispendiis obviare, ac ipsius professorum saluti quantum cum Deo possumus providere, discretionis tuae in domo aliqua nostrae obedientiae ejusdem ordinis, quam ad hoc duxeris eligendam, capitulum generale praefati ordinis convocandi, & in eo definitores pro dicto capitulo etiam citra numerum consuetum, & in ipsius ordinis statutis expressum nominandi & constituendi, ac omnia & cetera statuendi, & ordinandi, & faciendi, quae tu & praedecessores tui in capitulo dictae domus Gratianopolitanae diocesis praesidentes statuere, ordinare & facere consuevistis & potuistis, statutis & consuetudinibus ac privilegiis dicti ordinis à sede apostolica, vel quibuscumque aliis quacumque auctoritate, & sub quacumque verborum forma concessis, etiamsi de illis & totis eorum tenori-

bus esset praesentibus specialis & expressa mentio facienda, non obstantibus quibuscumque, plenam & liberam tenore praesentium concedimus facultatem. Nulli ergo omnino liceat hanc paginam nostrae concessionis infringere, vel ei ausu temerario contraire. Si quis autem hoc attentare praesumerit, indignationem omnipotentis Dei & beatorum Petri & Pauli apostolorum ejus se noverit incursurum. Datum apud Turrim de Plano extra muros Barcinonis 18. Junii, Pontificatus nostri anno 16. Anno à Nativitate Christi 1410.

### EPISTOLA BENEDICTI XIII. ad Bonifacium Ferrerii.

*Mandat ei ut non obstante cessione, officium prioris majoris Carthusiae exerceat.*

**B**ENEDICTUS episcopus servus servorum Dei dilecto filio Bonifacio Ferrarii priori majoris domus ordinis Carthusiensis.

Super facto prioratus majoris domus Carthusiae tibi commissi, credimus per nos sufficienter fore provisum; tamen quia adhuc litterae non sunt expeditae, cum superiori modo expeditionis pendeat deliberatio; volumus, tibi mandamus, quatenus tamquam prior generalis majoris domus ordinis Carthusiensis omnia quae ad officium tuum spectant, tam in spiritualibus, quam in temporalibus, proinde exerceas, ac si cessio tua & alia quae supervenerit nullatenus praecessissent. Scias enim dictum prioratum cum plena potestate prout prius tibi per nos nunc fore commissum. Datum Terracone die 26. Septembris, sub signato nostro secreto. Anno à nativitate Domini 1410.

### EPISTOLA BENEDICTI XIII. ad capitulum generale ordinis Carthusiensis.

*Hortatur eos ad preces pro pace ecclesiae effundendas, eisque concedit indulgentias.*

Dilectis filiis priori majoris domus, & ceteris prioribus, & fratribus ordinis Carthusiensis in generali capitulo apud Vallem Jesu-CHRISTI, Segobricensis diocesis, de proximo celebrando congregatis.

**B**ENEDICTUS episcopus servus servorum Dei dilectis filiis priori majoris domus, & ceteris prioribus, & fratribus ordinis Carthusiensis in generali capitulo apud Vallem Jesu-CHRISTI Segobricensis diocesis de proximo celebrando congregatis, salutem & apostolicam benedictionem.

Dilecti filii, appropinquante vestri generalis capituli solemni celebritate, nobis in itinere constitutis, se facultas opportuna non exhibet apud vos prolixioris scripturae vacare mysterio, sed ne in oblivionem praeterisse videatur mos laudabilis

laudabilis, quem sedes apostolica consuevit annis singulis observare, exhortationis verba depromere in caritate satagimus. Nostis, filii carissimi, quanta mundum nostris temporibus tempestas involvit, quot sunt schismata in Dei Ecclesia suscitata, non sine periculo multarum animarum, quot etiam in christiano populo non faciliter numeranda discrimina, ministri satanæ procurarunt, quia plura cernimus quam in codicibus legamus, ad explicandum per singula non descendimus, sed Christi Dei nostri ducti discipulorum exemplo ad celeste præsidium confugimus, caritatem vestram paternis obsecrantes affectibus, quatenus in hac sacra vestra congregatione nos inter tot persecutionum fremitus, in mari hujus sæculi fluctuantes orationum vestrarum velit tabula sustentare, & Moyſis manus debiles genuaque infirma juvare, ut ipse Deus qui potest & solus qui novit in his congruentia ministrare remedia, nos non permittat ex humana fragilitate deficere, sed corroboret humeros debiles, ad tanti oneris sarcinam facilius portandam, & tandem concedat in Ecclesia sua sancta, extirpatis vepribus jurgiorum, perpetuam tranquillitatem & pacem. Nec vos terreat, filii amantissimi, si pauci fideles sitis, procurante inimico homine à pluribus derelicti. Nam in exordio nascentis ecclesiæ post Christi passionem in paucis fidem remansisse sacra scriptura commemorat, & Dominum exercituum in paucis fidelibus consuevisse multorum domare superbiam. Agite ergo viriliter, & in Domino figite anchoram spei vestræ. Ipse enim pius & misericors, qui cum iratus fuerit, non obliviscitur misereri, non dabit in æternum fluctuationem justis, sed dimittet si quod conscientia metuit, & adjiciet quod oratio non præsumit: nos vero devotionem vestram spiritualiter consolantes, indulgentias vobis solitas apostolica auctoritate concedimus, & aliis beneficia temporalia mandavimus suffragia ministrare. Datum Bonifacani Dertusensis diocesis sub signeto nostro secreto VII. Idus Maii, Pontificatus nostri anno XVII.

P. SORIANI.

AVISAMENTA PETITA PER anticardinalem Barensem Italicum, quem intrusus Johannes, Bononiensis olim dictus cardinalis, mittendum antilegatum ad partes istas decreverat anno 1410.

**Q**uia fide attestante minus feriunt jacula quæ prævidentur, reddatur avisatus dominus noster, si expediret quod per doctores Bononienses, & alios litteratos curiales, de quibus videbitur faceret deliberari consulte, ac consultius super impugnationibus infra inferendis, quas PETRUS DE LUNA & sui possunt facilius contra processum & sententiam contra eum in concilio generali Pisano factam & promulgatam allegare.

*Theſauri Anecd. Tom. II.*

1. Et primo poterit dicere de facto idem PETRUS & sui, quod ipse fecit per omnia debitum suum juxta oblationem suam, veniendo Saonam juxta oblata, conventa & concordata in Massilia.

2. Item, ad convincendam malitiam adversarii sui pro tunc ANGELI CORRARI, ad ipsius requisitam ipse Petrus cum collegio suo personaliter tranſtulit se ad Portum-Veneris.

3. Item, obtulit se in limitibus obedientiarum, utriusque improbe contendentium.

4. Item, in loco de Petra sancta in dominio Lucano & obedientia dicti Angeli pro tunc situato.

5. Item, Angelus prædictus acceptare recusavit locum de Liburnio.

6. Item, cum Lavenſa & Carrara loca prompta ad duo vel tria milliaria in dominio Lucano & ipsius Angeli obedientia pro conventionem utriusque damnabiliter de papatu contendentium, per ambaxiatores Veneriarum nominata in Luca per nuntios dicti PETRI fuerant libere acceptata, quod valde placuit omnibus ambaxiatoribus diversorum & terrarum ibidem præsentium, qui etiam illa duo accomoda idonea & secura valde commendarunt.

7. Item, allegabunt quod dictus ANGELUS adversarius suus solus ruperit tractatum unionis Ecclesiæ, nolendo dare seu prorogare saluum conductum nuntio dicti PETRI, etiam congeriendo eos expresse à civitate, & interdicendo suis cardinalibus quod dictis nuntiis non loquerentur.

8. Item, forſan allegabunt, quod unus maximus Princeps præpotens, mandaverat ipsum PETRUM DE LUNA & aliquos prælatos suos in Portum-Veneris capi, licet ab eodem haberet litteras de conductu & securitate & negotio unionis infecto pro securitate personæ suæ & suorum, de consilio D. cardinalium suorum pro tunc, ut dicit, habuit se reponere in securo, & sic ad partes Cataloniæ in Perpiniano se reduxit.

9. Contra concilium generale mandatum E per utrumque tunc collegium, nunc autem unicum & unitum, Pisis congregatum & celebratum, scio quod allegabunt jura communia, dicentia sine auctoritate Ro. Pontificis concilium generale non posse convocari & congregari 17. di. q. hinc etiam, & quasi per totam illam di. 3. q. 6. c. mandasti, ubi dicit quod ubicumque reperitur mandatum & congregatum concilium generale, intelligitur de auctoritate & mandato Ro. Pontificis; & si allegatur contra eos nota Hugucionis dicentis in cap. si duo contra fas, & c. 79. di. quod ad dominos cardinales illos tunc dicitur pertinere convocare concilium generale sive universale, replicabunt quod Hugucio nihil allegat, & ideo vel non ei standum pro c. ego solis 11. di. potissime per jura etiam statim allegata, quod dictam notam non posuit Arel. in rotario quasi contemnendo, cum sit expresse contra textum in capite significasti extr. de electis.

10. Item, quia aut vacabat papatus aut non, si non, domini cardinales non habuerunt potesta-

Ecces:

tem, siue jurisdictionem aliquam ad instar capitulorum ecclesiarum cathedralium. Si vero vacabat, non habuerunt potestatem extra cap. *ubi majus* & c. *ne Romani* de electis 51. 6. & in Clemen.

11. Item, contra processum agitatum in dicto concilio contra dictum PETRUM poterunt allegare, quod dictus Petrus non fuit citatus seu vocatus ad dictum concilium generale, dato quod etsi legitime convocatum & congregatum esset iudex contra papam competens in causa hæresis, vel schismatis, aut incorrigibilis contumaciæ notoriæ, vel criminis notorii scandalisantis totam Ecclesiam, non tamen domini cardinales, qui non faciunt concilium generale, nec totam Ecclesiam repræsentant, & sic non potuerunt citare seu provocare per jura communia, dicentia quod à non iudice est, valet citatio emanata, & contra non legitime citata, seu aliter provocata agitatus fuit processus & sententia lata, & sic nulla ipso jure.

12. Item, allegabit se exspoliatum fuisse notorie, & per subtractiones obedientiæ, & jurium papalium, & sic ante restitutionem omnium prædictorum non potuit vocari ad concilium nec judicari, in c. *in scripturis*, & c. *nullus* 11. q. 11.

13. Item, nullus episcopus spoliatus ante restitutionem integerrimam potest de crimine accusari. in c. *nullus* in primo. & c. *finali* 2. q. 2. & constat quod dictus PETRUS erat pro tunc episcopus, &c.

14. Præterea allegare poterunt, quod ab inimicis notoriis dicti PETRI fuit factus processus, videlicet à prælatis regni Franciæ, Provinciæ, Ripariæ, Januæ, & aliis qui se notorie subtraxerunt ab ejus obedientia, quia qui nostra tollit notorie inimicus est notorius c. *accedens* 2. tit. lit. Non contextus. Et etiam à prælatis alterius obedientiæ pro tunc qui sui inimici notorii semper fuerunt, & sic non potuerunt esse iudices, 111. q. 5. v. c. *quia suspecti*.

15. Item, allegabunt quod non potuit nec debuit citari in civitate Pisana, eo quod esset odio sibi provocata in Clem. *pastor* q. notorium 1. *Pisana* de re judi. & quod esset provocata contra dictum PETRUM patet, quia in obedientia sua non erat, sed adversarii sui, unde Christus, qui non est mecum, contra me est; & si dicatur quod habebat saluum conductum, & securitates legitimas seu debitas. replicabunt, quod non debebat se submittere suis inimicis capitalibus, licet haberet litteras de salvo conductu, & in c. *accedens* 11. ut lit. *non potest* allegato, prout fuerat expertus etiam in Portu Veneris, ut dictum est supra. Hæc quidem de jure timentur, hæc de more vitantur, hoc refugit ratio, hoc abhorret natura, in allegato c. *pastoral* 11. *Pisana*, de re. Judi. in Clem. Et est verum, quod numquam habuit saluum conductum, ut pars dicti Petri allegat.

16. Item, allegabunt quod fuit agitatus processus à subtractis ab ejus obedientia, & sic schismaticis per q. hinc etiam ante si 17. di. *allegata*, & sic non habuerunt jurisdictionem super eum,

quia schismatici nullam jurisdictionem habent 24. q. 1. c. *didicimus*, & prælati alterius partis pro tunc secundum suam fidem etiam erant schismatici, & sic nullam etiam jurisdictionem habuerunt, & sic processus & sententia fuerunt nulli.

17. Item, allegabunt quod à publice excommunicatis fuit factus processus, quia à publice schismaticis, & sic non valet processus, nec sententia in c. *approbando* de re. judi.

18. Item, allegabunt quod congregationes schismaticorum non faciunt concilium generale, seu non repræsentant Ecclesiam universalem, in c. *clericus* 24. q. 3. & dicetur quod tales erant illi de concilio, vel major pars ipsorum per superius dicta in tertia proxima ratione.

19. Item, allegabunt quod licet prælati de parte sua non essent schismatici, non erat dubium secundum fidem suam, quod illi de parte adversarii sui tales essent, & sic prælati de parte sua non potuerunt, nec debuerunt quoquo modo cum talibus schismaticis convenire in concilio generali in cap. statim allegato in c. *cum quibus*. & ca. & q. allegatis. Et illi de alia parte erant publice excommunicati ab homine & à jure, non valuerunt processus, nec sententiæ c. *cum sup.* quæstionum in q. si vero duo de offic. dele & in allegatis c. ad probandum.

20. Item, forsan allegabunt, quod non valuit sententia contra non legitime citatum ac mandatum, & per consequens indeffensum, per Clem. *pastora* q. *denique* de re. judi. allegatus, & nuntii sui per eum missi auditi non fuerunt, qui forte talia aperuissent, de quibus concilium fuisset contentum, maxime stante occasione, quod nihil dicerent contra pacta, sed ut ponunt fuerunt pessime & dure tractati.

21. Item, allegabit forte quod Marcellinus papa licet esset crimine idololatriæ irretitus, non fuit judicatus per concilium, licet ad hoc confessus in q. *nunc autem*, 21. di.

22. Item, poterunt allegare quod propter vehementem suspicionem vel præsumtionem non est dictus de tam gravi crimine condemnandus in c. *cum contumacia* & c. *accusatus de hæresi*, p. 1. 6. & c. *litteras* de præsumpt. & de pugna c. *inter versu attendentes*.

23. Item, ejectionem Romani pontificis à patu solus sibi Deus reservavit. 11. c. fi. 69. di.

24. Item, nemo judicabit primam sedem, neque ab augusto, neque ab omni clero, neque à regibus, neque à populo judicabitur. in c. *nemo*. 9. q. 3.

25. Item, aliorum quæstiones siue causas Deus per homines voluit judicari, Romanum pontificem solus Deus suo judicio voluit terminare. in c. *aleorum* & c. *factam* eadem causa & quæstione.

26. Item, suspectus de hæresi, etiam citatus ut deside respondeat, excommunicandus est: quam sententiam si per annum sustinuerit animo indurato, ex tunc velut hæreticus condemnetur, in c. *cum contumacia* de hæretico 6.

27. Item, licet citatus ut ad concilium conveniat, si fuerit contumax, possit excommunicari, non tamen suo statu privari, de judi c. 1.

28. Item, forsitan allegabunt, quod iste processus & sententia fuerunt valde præcipitati, quia infra duos menses agitari & lata sententia, infra quos de meritis ipsius causæ concilium non videbatur plene fuisse instructum infra tam modicum tempus per *c. tuum ex litteris vel prospeximus* de integr. rest. & in allegato q. *denique* cum etiam in causis similibus instantia iudicii duraret etiam ultra triennium saltem de iure canonico *c. venerabilis* de judi.

29. Item, forsitan etiam allegabunt, quod in processu non nominantur testes primo nomine, ex quibus dicuntur probati esse articuli, & sic non videtur valere processus, ut in *c. qualiter* in q. de 6. de causa.

30. Item, allegabunt quod non tenebatur constituere procuratorem ad resignandum, quia ardua causa per *c. querelam* de procura.

31. Item, forsitan dicetur quod ipse PETRUS qui præsul erat, non potuit condemnari, nisi articulis criminum oppositorum contra dictum Petrum probatis p. 7. *testes* II. q. q. 4. *c. præsul* & c. sequenti.

32. Item, poterunt allegare, quod ipse PETRUS in concilio suo cum instrumentis publicis ibi factis & scriptis, publice aut occulte per eum, supposuit se, & facta, & scripta, & dicta huiusmodi determinationi sacrosanctæ Romanæ Ecclesiæ, per quod videtur excusari ab hæresi & schismate, in *c. damnamus*. ante fi. de summa Trinitate & in cap. *hec est fides* 24. q. 1. & 24. 9. 8. *c. dixit apostolus*.

33. Item, fortassis allegabunt quod per concilium dicti PETRI in Perpiniano super prosecutione unionis Ecclesiæ celebratum, ad quod per bullam suam affixam publice in valvis ecclesiæ & sui palatii in Portu Veneris, fuerunt vocati omnes vocandi de obedientia sua, ipse Petrus fuit approbatus catholicus & verus Christianus: & de hoc constat per instrumenta publica etiam manibus prælatorum, qui ibi interfuerunt, paucis exceptis, subscripta.

34. Item, quod dictus PETRUS tenendo suum concilium in Perpiniano, vel saltem ipso mandante fuit ipse convocatus ad concilium Pisenum, & non potuit nec debuit ad dictum concilium venire.

Et idem de aliis dubiis occurrentibus.

#### INSTRUMENTUM PUBLICUM editum in concilio Parisiensi de deputandis ex provincia Rothomagensi ad concilium Constantiense, & de subventionem ipsis facienda.

Anno 1414  
Ex ms.  
Gemmeti-  
ensi.

**I**N nomine Domini amen. Noverint universi & singuli præsens publicum instrumentum inspecturi, quod anno ejusdem Domini millesimo quadringentesimo quarto decimo, indictione octava, die vero decima mensis Novembris, pontificatus sanctissimi in Christo patris & domini nostri domini JOHANNIS divina providentia papæ XXIII. anno quinto, in camera viridi regalis palatii Parisius, in nostrum notario-

*Theauri Anecdor. Tomus II.*

**A**rum publicorum testiumque infra scriptorum constituti præsentia, & congregati quamplurimi reverendi in Christo patres & domini domini archiepiscopi, episcopi, abbates, procuratores nonnullorum dominorum archiepiscoporum, episcoporum, abbatum, & aliorum Ecclesiasticorum absentium, alique notabiles viri magistri & doctores, concilium Ecclesiæ Gallicanæ de mandato domini nostri Francorum regis celebrantes, in præsentia magnifici viri domini cancellarii Franciæ, & plurimi aliorum, tam de magno consilio, quam de curia parlamenti ipsius domini nostri regis, super hiis quæ perfectionem unionis & prosperum statum universalis Ecclesiæ conspiciunt celebrandis, & pro ampliori ac maturiori deliberatione agendorum in concilio Constantiensi, per præfatum dominum nostrum papam pro prosecutione unionis, & reformatione Ecclesiæ decreto & ordinato celebrari deliberant tractantes, cupientesque mandatis domini nostri sanctissimi pontificis præfati, generale concilium apud Constantiam actu celebrantis, ex debito obedire: attendentes quod nimis grave & sumtuosum foret clero regni & Dalphinatus, si indifferenter omnes mandati ad concilium accederent, quodque hoc in detrimentum ecclesiarum & regni nimium redundaret: providere in hiis indemnitatibus ecclesiarum & regni cupientes, inter alia salubriter & concorditer ordinatum fuit, quod ad præfatum generale concilium, de qualibet provincia aliqui domini archiepiscopus, episcopi, abbates, magistri, doctores, & notabiles viri tam pro seipsis, quam aliis prælatis, & clero suæ provincie absentibus transmittantur, & in dicto concilio compareant, ac pro eorum sumtibus & expensis supportandis ordinarunt quod de . . . pro parte cujlibet provincie provideatur de vadiis & stipendiis competentibus, & quod quilibet dominus archiepiscopus mittendus ad dictum concilium Constantiense pro qualibet die de decem francis, quilibet dominus Episcopus de octo francis, quilibet dominus abbas de quinque francis, quilibet doctor aut nobilis vel officarius regis seu in dignitate constitutus de tribus francis, quilibet non doctor vel licenciatus de duobus francis, quamdiu huic commissioni & negotio eundo, stando, & redeundo intenderint. Nominavitque dictum sacrum concilium pro provincia Rothomag. de consensu illorum de provincia dominos & magistros ad præfatum generale concilium destinandos, scilicet reverendum in Christo patrem dominum Episcopum Ebroicensem, venerabiles patres dominos Gemeticensem, sanctorum Wandregisilii, Georgii de Bauquiervilla, de Cruce sancti Leuffredi, & de Bellobecco abbates, venerabiles & circumspectos vivos dominos & magistros archidiaconum Ebroicensem Ursinum de *Talevande*, Jordanum Morini canonicum Rothomagensem, sacre Theologiæ professores, & magistrum Johannem de Masticone legum doctorem Thesaurarium Lexoviensem: pro quorum solutione stipendiorum dictorum dominorum ad præfatum con-

Eeeee ij



cilium iturorum decrevit & ordinavit dictum A  
 sacrum concilium levare in dicta provincia Rothomagensi unum subsidium, ad valorem unius medietatis decimae, ab omnibus & singulis personis ecclesiasticis, regularibus, & saecularibus, exemptis & non exemptis, privilegiatis & non privilegiatis, beneficia ecclesiastica, administrationes, vel officia taxata & non taxata obtinentibus: nominavit que & ordinavit dictum sacrum concilium pro provincia Rothomagensi praedicta receptorem generalem, venerabilem & circumspectum virum magistrum Johannem *Filleul*, magistrum in artibus, & in utroque jure licentiatum: disposuitque & ordinavit dictum sacrum concilium, per receptorem generalem dictae provinciae Rothomagensis praefatum, de pecuniis per ipsum levandis, dictis dominis ad praedictum concilium generale mittendis persolvi integraliter de suis stipendiis, secundum formam superius expressatam, per quatuor menses integros, a die recessus computandos, si ipse receptor generalis receperit. Si vero contingat dictos commissarios aut eorum aliquos ultra dictos quatuor menses in dicto viagio insistere pro negotiis superius expressatis, voluit & ordinavit dictum sacrum concilium, quod eisdem provideatur de dictis suis stipendiis de pecuniis supradictis, si supersint, aut de noviter imponendis, si videatur expediens. De quibus praemissis & singulis dicti reverendissimi patres ac domini concilium Ecclesiae Gallicanae representantes & facientes petierunt & requisiverunt D  
 a nobis notariis publicis infrascriptis publica instrumenta, unum vel plura. Acta fuerunt haec sub anno, indictione, mense, die, pontificatu, & loco praedictis, praesentibus ad haec venerabilibus & circumspectis dominis & magistris Petro de *Ogeix* decano Ebroicensi, Gerardo *Perriere* Johanne Gerardi, Adam de Cameraco consiliariis praefati domini nostri regis in sua curia parlamenti, nec non Johanne Marchia curato de Maranco Xanctonensis diocesis, Michaele de Rivo, & Martino de Brueriis, cum pluribus aliis notabilibus viris testibus ad praemissa vocatis & rogatis. E

Et ego Johannes Perrini diaconus Remensis diocesis, bacalarius in decretis, publicus apostolica & imperiali auctoritate notarius, quia praemissis supra scriptis, dum sic, ut praemittitur, agerentur, & fierent, una cum dictis testibus & notario subscripto praesens interfui, ideo huic praesenti publico instrumento manu aliena scripto signum meum solitum signorum subscriptione ejusdem notarii apposui requisitus *Petrini*. F

Et quia ego Johannes de *Laubrelle* Laudunensis diocesis oriundus subdiaconus & bacalarius in decretis, publicusque apostolica & imperiali auctoritate notarius, dum praemissa, sic ut praemittitur, fierent & agerentur, una cum testibus & notario praescriptis praesens fui. Ideo huic publico instrumento aliena manu scripto, me pluribus occupato negotiis, solitum signum meum hic me subscribendo una cum signorum subscriptione praedicti notarii apposui requisitus.

L I T T E R A E V I C A R I O R U M  
 generalium G. episcopi Ebroicensis continentes litteras Constantiensis concilii ad Ludovicum archiepiscopum Rothomagensem & ejus suffraganeos de subsidio concedendo ad dictum concilium deputatis.

N Os vicarii generales in spiritualibus reverendi in Christo patris ac domini domini, G. miseratione divina Ebroicensis episcopi in remotis notorie nunc agentis, & capitulum ecclesiae Ebroicensis decano ejusdem ecclesiae nunc absente, tenore praesentium notum facimus universis, nos litteras Sacrosanctae & generalis synodi Constantiensis sigillo plumbeo in cordula canapis sigillatas, sanas & integras cum reverentia recepisse debita, sub hac forma: Sacrosancta & generalis synodus Constantiensis venerabilibus fratribus LUDOVICO archiepiscopo Rothomagensi ceterisque suffraganeis suis & dilectis ecclesiae filiis eorum capitulis salutem & Dei omnipotentis benedictionem. Et si altari servientibus debita veniant alimenta praestanda, quanto aequabilius necessaria pro supportando expensarum oneribus provisionum sunt exhibenda remedia, pro reformatione status ecclesiarum omnium civitatum diocesis atque provinciae suarum, quorum gerunt & prosequuntur negotia: propensius tamen vigilantibus circa concernentia bonum inestimabile cunctis mortalibus, atque desiderabile integerrimae unionis & pacis in universali Ecclesia sancta Dei cunctorum matre & magistra fidelium. Cum itaque sicut fide dignorum insinuatione percepimus, in natione Gallicana, occasione indictionis hujus sacri generalis concilii Constantiensis, fuerit inter cetera provisum & ordinatum pro reformatione status Romanae & aliarum ecclesiarum tam in capite quam in membris, & consequutionis effectus pacis & unionis hujusmodi, quod de qualibet provincia nationis praedictae aliquae personae notabiles deputarentur ad hujusmodi venturae concilium, ac mansurae ibidem quousque dictum foret concilium absolutum, ne inexplentis concernentibus effectum reformationis & unionis praedictarum concilium ipsum posset quoquo modo dissolvi, fuerintque propterea pro vestris Rothomagensi civitate, diocesi atque provincia nominati & specialiter deputati sex de numero decem pro eadem provincia ad ipsum concilium de Parisius destinati, videlicet dilecti in Christo filii SIMON de Gemicis, JOHANNES sancti Vuandregesili, GUILLERMUS sancti Georgii decretorum doctores, ac AEGIDIUS Bellibecchi vestrae Rothomagensis diocesis monasteriorum abbates, ac magister Ursinus de *Tulvende* & Jordanus Morini sacrae paginae professores, & cum eis pro capitulo Rothomagensis Ecclesiae Andreas *Marquerie* in artibus magister ac licentiatum in jure civili & bacallarius in decretis, canonicus & archidiaconus parvi Caleti in eadem ecclesia, & post adventum eorumdem

Anna 1415  
 Ex m.  
 Gemmet-  
 cerfi.

semper in eodem concilio circa publica tam Romanæ quam vestrarum & aliarum ecclesiarum negotia effectus huiusmodi concernentia curis vigilantibus perstiterint & persistant, sicque ex ipsa provincia ipsis incumbat sic ordinatis necessitas in dicto concilio usque ad ipsius finem continuò permanendi, & rationi congruat, ut nemini labor suus sit damnosus, divisaque in plures onera facilius supportentur. Et attendentes laudabilem eorum providentiam ac diligentiam circa præmissa omnia & dependentia, altitudine scientiæ & salutaris consilii semper exhibitas, ob id discretionem ac diligentiam vestras toti affectibus requirimus & hortamur in Domino, quatenus pro cula justitiæ, consideratione laudabilium actionum virtutis, scientiæ ac excellentiæ singularis eorum, & ne virtus videatur ipsorum à recognitione debita sequestrari, & ne etiam oporteat nos in talibus aliquid ulterius ordinare, suadente justitia placeat, prout expedire videbitis, providere, quod condignam recompensam à prælatis, capitulis, & conventibus, atque clero exemptis & non exemptis civitatum diocesum atque provinciarum vestrarum suscipiant & ab oneribus relevamen, ut præbeatur eis & reliquis major affectio ob provisionem condignam, in singulis vestris opportunitatibus accuratissimis semper studiis insudandi, etiam consideratione habita juxta vestri examen judicii, ad negotii magnitudinem & personarum excellentiam tam dirigentium quam missarum, ut fructus exinde proveniant, subveniantur indigentibus, & pro meritis laborantibus, & negotia vestra publica & privata continuatis successibus prout cupimus jugiter in Domino coalescant. In præmissis igitur tam efficacem curam velitis impendere, ut oratores ipsi, prout est rationi consonum, recompensam huiusmodi tam pro præterito tempore quam futuro, quousque in hoc sacro concilio ipsos immorari contigerit, effectualiter consequantur. Alioquin in præmissis mediante justitia procedentes contra vos & alios, qui provisionem ipsam præfatis oratoribus tenentur persolvere, per alia scripta nostra executionem debitam facientia, de opportuno remedio curabimus providere. Datum Constantiæ vi. calendas Septembris, anno à nativitate Domini millesimo quadringentesimo decimo quinto, indictione octava, apostolica sedè vacante. Sic signatum B. de Monte Policiano.

Quibus quidem litteris superscriptis per nos reverenter receptis, ut præfertur, à nobis visis, & cum maturitate inspectis, consideratisque, & attentis contentis in eisdem, volentes ac pro bono & unitate sacrosanctæ matris Ecclesiæ totis visibus appetentes, ad executionem contentorum in ipsis litteris quantum in nobis est ac nostra interest, procedere, ut decet diligenter. Nos Vicarii generales & capitulum præfati, matura deliberatione super hiis inter nos præhabita: considerato etiam quod reverendissimus in Christo pater dominus Rothomagensis archiepiscopus, ac venerabiles & circumspecti viri domini decanus & capitulum ecclesiæ Ro-

thomagensis quartam partem unius integræ decimæ concesserunt, prout in eorum litteris sigillis suis sigillatis vidimus plenius contineri, propter causas valde rationabiles in præscriptis litteris latius designatas, ad providendum personis etiam in eisdem præscriptis litteris nominatis, de quarta parte unius integræ decimæ, secundum tamen reductionem felicitis recordationis Urbani papæ sexti super prælatis, abbatibus, capitulis, conventibus, curatis, Ecclesiarum parochialium rectoribus, & personis aliis ecclesiasticis, sæcularibus & regularibus, exemptis & non exemptis, cujuscumque status, gradus, ordinis, aut conditionis existant, civitatis & diocesis Ebroicensis in termino seu festo sancto Paschæ proximè venturo, levanda exigenda & colligenda certo receptore ad hæc per nos specialiter deputato, nostrum consensum præbuimus & præbemus pariter & assensum, volentes & ordinantes huiusmodi quartam partem unius integræ decimæ super nos & alias personas ecclesiasticas supradictæ civitatis & diocesis Ebroicensis in dicto termino Paschæ proximè venturo exigere, recipere, & levare, ut personis suprascriptis in dicta sacrosancta Synodo Constantiensi pro dicta provincia Rothomagensi existentibus, ut decet, succurratur juxta & secundum earundem præscriptarum continentiam litterarum, de & pro quibus executioni debitæ demandandis nostras alias patentes litteras duximus concedendas, prout hæc & alia in eisdem litteris plenius etiam continentur. In quorum testimonium præmissorum præsentibus litteras sigilli magni curiæ Ebroicensis ac etiam sigilli magni capituli Ebroicensis impressione firmas communiri. Datum & actum in dicto capitulo Ebroicensi, die Lunæ 17. mensis Februarii, anno Domini millesimo quadringentesimo quinto decimo secundum usum ecclesiæ Gallicanæ. BACHELÆ.

#### INSTRUMENTUM PUBLICUM

Deliberationum nationis Gallicanæ in concilio Constantiensi super materia annatarum.

**I**N nomine Domini, amen. Per hoc præsens instrumentum cunctis tam præsentibus quam futuris pateat, & manifestum existat, quod anno à nativitate Domini millesimo quadringentesimo quinto decimo, indictione octava, & die Martis quinta decima mensis Octobris, hora tertia post meridiem, fuit Constantiæ in domo fratrum Prædicatorum de mandato reverendi in Christo patris & domini, domini JOHANNIS miseratione divina patriarchæ Antiocheni, tunc venerabilis & inclytæ nationis Gallicanæ præfidentis, eadem natio solemniter congregata, ad tractandum & avisandum nonnulla in sacro generali concilio Constantiensi, & aliis nationibus proponenda & communicanda: Inter quæ reverendus in Christo pater & dominus, dominus JOHANNES eadem miseratione patriarcha Constantinopolitanus tenens in manibus quam-

Anno 1415.  
Ex authentico, quod fuit olim cardinalis Salustiarum, & acceptum à domino Mallet communicavit dominus de Clairambault.

E s s e e e i i j

dam papyri cedulam, dixit quod ipse cum quibusdam aliis advisaverit quædam utilia vacantium fructuum primarum annatarum prælaturarum, quas summi pontifices & collegium reverendissimorum in Christo patrum dominorum sanctæ Ecclesiæ cardinalium hætenus perceperunt & percipiunt concernentia: Quæ quidem advisamenta in dicta cedula plenius continebantur, quam quidem cedulam idem dominus patriarcha Constantinopolitanus in medium produxit, & de verbo ad verbum legit sub tenore sequenti.

Schedula  
super fa-  
cto va-  
cantiarum  
præsen-  
tata à  
Johanne  
patriar-  
cha Con-  
stantino-  
politano.

Sacro sancta Constantiensis synodus volens imitari traditionem sanctorum patrum, qui non solum uti prohibuerunt in statu ecclesiastico quæ de se mala erant, sed etiam quæ in eo occasionem mali dare poterant; & his diebus novissimis expertum fuerit, quantam mali scandalosi occasionem dederit reservatio, præstatio, & solutio fructuum primi anni prælaturarum, dignitatum, administrationum, & officiorum vacantium cameræ apostolicæ, & cœtui reverendissimorum patrum dominorum cardinalium, qui jure proprietatis conantur hoc sibi vindicare: unde multi prælati se & ecclesias, sive monasteria sua nimium reputaverint oppressos & gravatos, ac reputent, & vanas querelas deposuerint, per quæ parantur viæ ad scandala. Obviare volens igitur his malis, & scandalis declarat, statuit, & ordinat, quod deinceps nec à cetero tales fructus sive præstationes, nec etiam similes, quocumque colore vel occasione quæsitis, etiam pro minutis servitiis, pallio, aut sacræ benedictionis munere solvatur, præstetur, vel exigatur donec per sanctum generale concilium aliud super hoc fuerit ordinatum, quicumque in contrarium attentaverit recipiendo, exhibendo, vel præstando; aut solvi vel exigi mandando cujuscumque status, gradus, vel præminentie existat, etiamsi cardinali, patriarchali, archiepiscopali vel episcopali, aut quacumque alia præfulgeat dignitate, velut symoniacus & gregiziacus, eo ipso & incontinenti, ab omni statu ecclesiastico & liminibus ecclesiæ sit exclusus & privatus, dignitasque talium & beneficia quæ tunc obtinebant, aliis dignis & idoneis dentur & etiam conferantur. Et quia in Pisano concilio super his generalis remissio facta fuit opportune, & de præsentis evidentior causa viget ad pariter remittendum, maxime quia causa debendi exquisita est, & stipulatio inde secuta extorta, & per quamdam voluntiam, eo quod per litterarum retentionem. Et propter hæc sancta synodus omnia & singula debita camera apostolicæ vel cœtui dictorum dominorum cardinalium occasione præmissa generaliter remittit, & etiam cassat, & annullat quascunque obligationes, instrumenta, notulas, abbreviaturas, & stipulationes super ipsis & eorum occasione facta & recepta & quoscumque processus inde secutos, dans & concedens quibuscumque archiepiscopis & patriarchis, & cuilibet ipsorum, plenariam potestatem absolvendi à sententia excommunicationis (eos) qui se petie-

rent absolvi simpliciter vel ad cautelam, etiam ab irregularitate, si sic ligati se divinis immiscuerint, habilitandique, & alia faciendi quæ ipsorum animarum saluti fructuosa extiterint, litteras oportunas sub eorum sigillis petentibus concedendo, & etiam omnes & singulos contra hanc generalem remissionem, cassationem, & annulationem, venientes vel etiam attentantes, per censuram ecclesiasticam compescendi, auxilium brachii sæcularis si opus fuerit invocando.

Qua quidem cedula lecta venerabilis & circumspectus vir magister Pontius Symoneti magister in theologia exhibuit & præsentavit in medium & præfato domino præsidenti quamdam aliam papyri cedulam, quæ multum faciebat, ut asseruit, ad materiam vacantiarum prædictarum, quam instanter publice legi petiit, & quam de mandato præfati domini præsentis, ego Johannes Guiardi sacri Constantiensis concilii & dictæ nationis notarius alta & intelligibili voce de verbo ad verbum legi sub hiis verbis.

CAROLUS Dei gratia, &c. Universis, &c. Si dotare vel dotari novas ecclesias, vel veteres opibus ampliare, opus est perspicuæ caritatis, multo præstantius est relevare depressas, & gravatis congrua suffragia exhibere. Lacrymabilem si quidem querimoniam nostri ac plurium principum prosapiæ nostræ procuratorum, necnon prælatorum, capitulorum, collegiorum, conventuum, ac cleri regni nostri & Dalphinatus, ac etiam dilectæ filiæ nostræ Universitatis Parisiensis recepimus continentie subsequenter: videlicet.

Quamvis secundum apostolicam doctrinam papæ potestas à Christo sit ad ecclesiæ ædificationem non ad destructionem ordinata, ad justitiam rectumque judicium exercendum, cui non competit pro libito facultas exactiones, angarias & tyrannides super ecclesias aut subditos exercendi, cum Dominus docuerit pascere gregem & docere, non terrenis lucris inhiare aut avaritiis delectari, sintque fructus ecclesiarum & beneficiorum quorumcumque etiam vacantium, tam secundum definitiones conciliorum generalium & jurium, quam secundum piam intentionem fundatorum ordinati ad sustentationem ministrantium, in divinum & ipsius divini cultus augmentum, alimentationem pauperum, redemptionem captivorum, ecclesiarum, suorumque ædificiorum reparationem, terrarum & possessionum ecclesiæ culturam, terrarum ipsarum conservationem, ceterorumque onerum incumbentium supportationem, adeo & quod bona per prælatos post eorum obitum dimissa futuris debent successoribus reservari in ecclesiæ utilitatem convertenda, nisi forte in illis locis regni ubi de usu & consuetudine notorie observatis licitum sit prælati ipsis & aliis viris ecclesiasticis & sæcularibus de eisdem bonis facere testamentum, quibus etiam ab intestato in dictis bonis secundum consuetudinem & observantiam supradictas sui succedunt hæredes. Quique licet fuerit decretum sanctorum patrum institutum, ut prælati ecclesias sibi subditas annis singulis visitare deberent, quatinus sic do-

» cerent indoctos, corrigerent excessus, mores  
 » reformarent, ecclesias restaurarent, & cetera  
 » praelatis incumbencia ad Dei honorem exerce-  
 » rent, & per hoc procuraciones in victualibus aut  
 » pecunia reciperent ad optionem visitati: nihilo-  
 » minus tamen aliqui collectores & aliqui officarii  
 » Romanorum pontificum, praesertim papae mo-  
 » derni, ab aliquibus annis citra ecclesiam & viros  
 » ecclesiasticos praefatorum regni & Dalphinatus  
 » contrapraedicta pluribus jugibus & importabilibus  
 » servitutibus oppresserunt & affligerunt potissime  
 » bona praefatorum & virorum ecclesiasticorum  
 » decedentium, tam regularium quam saecularium,  
 » quae spolia defunctorum interdum nuncupantur,  
 » reservando & usurpando fructus ecclesiae tempo-  
 » re vacationis praefaturarum aut beneficiorum ec-  
 » clesiasticorum, obventiones levando, & capien-  
 » do arreragia praeteritorum & incognitorum tem-  
 » porum tamquam debita, per fulminationem  
 » censurarum ecclesiasticarum exigendo à bene-  
 » ficiatis quibuscumque primam annatam, expe-  
 » tendo & extorquendo, cujus annatae medietas  
 » tem, quoad majores dignitates, collegio do-  
 » minorum cardinalium consueverunt assigna-  
 » re: & hanc annatam una cum quadam pecuniae  
 » summa, quam vocant *minuta servitia*, & quam  
 » pro familiaribus esse dicunt, cum exactione ju-  
 » ramenti, & sub poenis perjurii & aliis diversis  
 » modis & censuris exegerunt, procuracionesque  
 » praefatis & aliis, ratione factae visitationis, tan-  
 » tummodo debentur, capiendo & levando in  
 » pecunia numerata licet visitationis officio non  
 » impenso. Ab illis autem qui ad procuracionem  
 » nullatenus tenebantur, tantumdem quod tunc  
 » vocant *aquivalens* exigendo, decimas & alia  
 » subsidia tractatu non habito cum praefatis, pro  
 » libito voluntatis imponendo. In hiis etiam exi-  
 » gendis sicut nec modus, sic nec misericordia  
 » nec aequalitas servatur aut mensura. Et cum praef-  
 » latus prohibeatur administrare sine bullis, quid-  
 » quid placet solvere compellitur, quia bullae non  
 » expediuntur sine pecuniis pro annata. Unde sic  
 » beneficium ecclesiasticum obtineri videtur cum  
 » pretio vel mercede, quod pro bono communi  
 » potius debetur, scientia, aut virtute, & qui suf-  
 » ficientissimi sunt, si pauperes, nullatenus promo-  
 » ventur. Propter quae & alia innumera gravami-  
 » na, ipsae ecclesiae, & monasteria, & earum aedi-  
 » ficia multis in locis dictorum regni nostri & Dal-  
 » phinatus irreparabiliter corruunt, hereditagia  
 » conspiciuntur inculta, immobilia interdum de  
 » facto alienantur aut impignorantur, mobilia  
 » etiam pretiosa, reliquiarum vasa, ecclesiastica  
 » ornamenta, calices, libri & similia interdum  
 » etiam vili pretio distrahuntur, nemora non ca-  
 » denda frequentius inciduntur & venundantur,  
 » & ecclesiae innumerabilium mole debitorum im-  
 » portabiliter onerantur, numerus Deo servien-  
 » tium magistrorum qui sustentari in consueto nu-  
 » mero non valent minuitur, & qui remanent  
 » Deo & Ecclesiae servientes propter frequentes  
 » excommunicationes & censuras occasione dicta-  
 » rum exactionum, quibus satisfacere non debent,  
 » de facto prolatas, à divino servitio plurimum  
 » retrahuntur, & interdum aliqui mendicare com-

A pelluntur, & in maxima penuria rediguntur, «  
 non habentes de quo valeant Deo serviendo, «  
 aut in studiis existendo sive commorando susten- «  
 tari, & regnum nostrum, quod inter alia regna «  
 viris scientificis communiter floruerat copiose, «  
 & per quos etiam regni justitia gubernari con- «  
 suevit, talibus viris his temporibus, prohi dolor: «  
 nimium vacuatur. Inde cultus divinus & opera «  
 caritatis quae fieri debuerant multipliciter de- «  
 fraudantur & cessant, & intentio fundatorum «  
 non servatur. Hiis etiam modis regnum redditur «  
 B pecuniis & opibus plurimum depauperatum, & «  
 infinita vixque enarrabilia scandala quotidie «  
 oriuntur. Quae omnia licet sint satis ad oculum, «  
 manifesta, & fini ad quem est papae potestas ordi- «  
 nata de directo censeantur obviare, fuitque papa «  
 modernus & alii praedecessores sui super revoca- «  
 tione aut moderatione dictorum gravaminum, «  
 ac de congregando concilium generale ad pro- «  
 videndum super praemissis pluries requisiti: at- «  
 tamen sic omnia absque remedio diuturna con- «  
 tinuatione perdurarunt, donec dudum super «  
 C quibusdam per nostram regiam ordinationem, «  
 & novissime super aliis ex dictis gravaminibus «  
 per quoddam arrestum nostrae curiae parlamenti «  
 sub ea forma ordinatum, quod cessarent, quo- «  
 usque per eandem curiam fuisset aliter ordi- «  
 natum, provisum extitisset, & ut ad perpetuum «  
 uberius & plenius provideatur in praedictis, nu- «  
 per per procuratorem nostrum regium, in con- «  
 cilio praefatorum & cleri dictarum ecclesiarum «  
 Gallicanae & Dalphinatus Parisius celebrato, «  
 ubi erant archiepiscopi, episcopi, abbates, & «  
 praefati, & procuratores capitulorum, & colle- «  
 D giorum, & universitatum, & alii viri ecclesia- «  
 stici notabiles in grandi numero solemniter «  
 congregati, ubi etiam consanguineus noster rex «  
 Siciliae LUDOVICUS, & primogenitus noster dux «  
 Aquitaniae, & duces Bituriae patruus, & con- «  
 sanguineus noster Burgundiae, & Borbonii avun- «  
 culus pro nobis illo tunc praesidebant, proposi- «  
 tum fuit & requisitum, quod taliter ordinaretur «  
 & fieret, quod exactiones & gravamina, de «  
 quibus supra, cessarent penitus & omnino. Super «  
 quae, plurimis repetitis intervenientibus discus- «  
 E sionibus & maturis, per praefatos & alios viros «  
 ecclesiasticos supradictos deliberatum pariter «  
 & conclusum, quod, attentis illis quae supra praef- «  
 missa sunt, & aliis attendendis, talia gravamina «  
 & usurpationes secundum Deum & conscien- «  
 tiam non valebant commode, nec debebant «  
 amplius tolerari. Supplicabant igitur humillime «  
 quatenus ad Dei laudem, reipublicae utilitatem, «  
 & ecclesiasticarum libertatum, dictarum eccle- «  
 siarum regni & Dalphinatus conservationem, «  
 super praemissis efficaciter & ad perpetuum de «  
 F remedio opportuno providere dignaremur, praef- «  
 dicta omnia & singula dicta gravamina cassare «  
 faciendo, & nihilominus praedictas ordinationes «  
 alias per nos factas & dictum arrestum parla- «  
 menti confirmando, & ad perpetuum extenden- «  
 do, nostram super hoc ordinationem regiam «  
 ubique publicam teneri & observari facientes. «  
 Nos igitur attendentes quod ad stabilitatem «  
 ecclesiae est potestas regia divinitus ordinata, «



„ & quod per regnum terrenum caeleste regnum  
 „ tunc proficit, quando destruentes ecclesiam ri-  
 „ gore principum conteruntur: immo sacri cano-  
 „ nes, quando talia per majores ecclesiae perpe-  
 „ trantur, ad reges docent habere recursum, &  
 „ in hiis de quibus notorie turbatur status eccle-  
 „ siae, etiam papae non obedire consulunt sancti  
 „ doctores, recognoscentes, ut tenemur, quod  
 „ propter ecclesiam quam, in quantum ad nos  
 „ spectat, etiam ex speciali debito juramenti Chri-  
 „ sto tuendam suscepimus, Deo sumus rationem  
 „ reddituri, progenitorum nostrorum exemplis  
 „ edocti, qui sacrosanctas Dei ecclesias & viros  
 „ ecclesiasticos zelo fidei ac pia devotionis ac-  
 „ censi, immensis muneribus atque privilegiis  
 „ munientes, ecclesias aedificantes, & contritas  
 „ restaurantes, eas concussionibus & quibusdam  
 „ novitatibus indebitis praeservare curarunt: qua-  
 „ rum etiam nos proni defensores & pugiles  
 „ existere gloriamur, praedictis omnibus cum de-  
 „ bita praemeditatione pensatis, habita etiam prius  
 „ deliberatione cum principibus nostrae prolapiae  
 „ regalis, & aliis proceribus, multisque viris pru-  
 „ dentibus & notabilibus regni nostri, nobis in  
 „ consilio nostro assistentibus, tam gravem &  
 „ manifestam deformationem atque destructio-  
 „ nem ecclesiarum praedictarum regni Dalphina-  
 „ tus virorumque ecclesiasticorum desolationem  
 „ sub conniventia oculorum amplius dissimulare  
 „ non valentes, ordinavimus, & tenore praesen-  
 „ tium ordinamus, quod omnia & singula exactiones  
 „ & gravamina, proxime declarata, & enar-  
 „ rata cessare debeant, & cessabunt de cetero in  
 „ nostris regno & Dalphinatu praedictis, & quod  
 „ illa quae per dictum arrestum curiae nostrae par-  
 „ lamenti circa hoc fuerant, donec fuisset aliud  
 „ ordinatum, dicta atque pronunciata, de cetero  
 „ in dictis regno & Dalphinatu perpetuo tenean-  
 „ tur, & inviolabiliter servabuntur. Hac autem  
 „ praesentium litterarum scripto annotari publi-  
 „ carique, & inter regias nostras ordinationes  
 „ registrari mandavimus, ut harum praesentium  
 „ interventu plenam inde notitiam habeat poste-  
 „ ritas successura. Quocirca vobis omnibus &  
 „ singulis supradictis, & vestrum cuilibet, qui super  
 „ hoc fueritis requisiti, committimus & manda-  
 „ mus, quatenus hanc nostram ordinationem in  
 „ dictis regno & Dalphinatu nostris publicari,  
 „ custodiri, & inviolabiliter observari faciatis,  
 „ dictas ecclesias & personas ecclesiasticas ab om-  
 „ nibus & singulis exactionibus supradictis liberas  
 „ & immunes servare, & in hac libertate manu-  
 „ teneri facientes. Contradictores, &c. Quia sic  
 „ volumus, &c. Datum anno cccc. sexto, decima  
 „ octava Februarii.

Qua quidem cedula lecta, reverendus Pater  
 in Christo dominus HELIAS episcopus Anicien-  
 sis primò ac subsequenter praefatus magister  
 Pontius Simoneti dixerunt, quod dictae vacan-  
 tia debebant tolli, quia etiam hoc serenissimus  
 princeps & christianissimus dominus noster rex  
 Franciae, & concilium ecclesiae Gallicanae Pa-  
 risius solemniter celebratum, hoc ordinaverat;  
 & statim aliqui clamaverunt: Placet, placet.  
 Aliqui dixerunt quod materia erat ardua, &

A quod super hoc erat bene mature & digeste de-  
 liberandum, & quod audirentur super hoc vota  
 singularium. Aliqui vero dixerunt quod super  
 hoc, ut liberius quilibet posset dicere votum  
 suum, fieret scrutinium secretum; aliqui etiam  
 dixerunt quod antequam procederetur ad ul-  
 teriora, erat bonum quod darentur & deputa-  
 rentur aliqui notabiles, qui irent ad alias natio-  
 nes, ad finem quod in ista materia omnes natio-  
 nes essent concordēs, & cum hora esset tarda &  
 diversae essent opiniones, materia sic remansit  
 indiscussa, & omnes recesserunt.

B Die vero Martis, quae fuit vicesima secunda  
 dicti mensis Octobris, hora tertia post meri-  
 diem, in praedicta domo Praedicatorum fuit dicta  
 natio Gallicana congregata, & post multa ibi-  
 dem proposita praefatus magister Pontius Symo-  
 neti proposuit de dicta materia vacantiarum,  
 prout alias proposuerat, & qualiter alias fuerat  
 posita in deliberatione, & quod contineretur &  
 concludatur ante omnia, & antequam proce-  
 datur ad alia, & super hoc requisivit ex parte  
 regis omnes ambassiatores regis & regni ac cleri  
 Franciae & Dalphinatus, & omnes regnicolas,  
 ut in hoc sibi assistant, & faciant debitum suum,  
 quod omnino tollantur, & fiat voluntas regis,  
 qui hoc, ut asseruit, ordinavit, & de praemissis  
 petiit publicum sibi fieri instrumentum.

C Quibus per dictum magistrum Pontium Symo-  
 neti dictis, propositis, & requisitis, quidam dixe-  
 runt quod esset providendum super exactionibus  
 quae fuerint in regno, & quod prius super hoc pro-  
 videatur, & multi clamaverunt, Fiat. Deinde cum  
 quibusdam aliis fuit positum in deliberatione  
 utrum esset tractandum tunc, vel superseden-  
 dum de dicta materia vacantiarum, & super  
 hoc sunt petita, recepta, & audita publice vota  
 illorum de dicta natione, certis, & interpolatis,  
 & sequentibus diebus, ut inferius describitur.

E Et primo eadem die Martis vicesima secunda  
 dicti mensis Octobris ibidem praesidente praefato  
 reverendo in Christo patre JOHANNE pa-  
 triarcha Antiocheno per ordinem fuerunt in-  
 terrogati subsequeutes.

F Primò reverendus in Christo pater dominus  
 JOHANNES patriarcha Constantinopolitanus,  
 qui dixit quod sibi videbatur quod pro nunc  
 dicta materia vacantiarum non erat tractanda,  
 sed supersederetur, & ad tempus differretur.  
 Item, magister JORDANUS MORINI magister  
 in theologia praefati domini nostri Francorum  
 regis ambassiator, dixit quod deliberaretur su-  
 per hoc, & etiam de modo providendi de statu  
 domini nostri papae & cardinalium, & quod  
 tollantur dictae vacantiae, & simul debite & ho-  
 neste provideatur praefato domino nostro papae  
 & cardinalibus, sed adhuc non publicetur. Item,  
 magister Petrus de Vercellis magister in theolo-  
 gia, prior prioratus de Calvomonte ordinis S. Be-  
 nedicti Rotomagensis diocesis, ambassiator praefati  
 domini nostri Francorum regis, dixit ut praefatus  
 magister Jordanus Morini immediate praecedens.  
 Item, dominus Petrus Cauchon vice-  
 dominus ecclesiae Remensis ambassiator illustris  
 principis domini JOHANNIS ducis Burgundiae,  
 dixit

Vota sin-  
 gularum  
 de tollendis  
 annatis.



quod simul tractetur de revocando dictas vacan-  
 tias, & de providendo papæ & cardinalibus, &  
 quod ista materia differatur & supersedeat per  
 hebdomadam. Item dominus Johannes de Peru-  
 sio, quod simul provideatur papæ & cardinalibus,  
 & tollantur vacantia. Item, dominus HELYAS  
 episcopus Aniciensis dixit, quod nullomodo dif-  
 feratur deliberatio; \* sed tollantur vacantia  
 prædictæ, sed differatur publicatio in sessione  
 generali concilii. Item dominus STEPHANUS  
 episcopus Dolensis, dixit quod simul tractetur  
 de removendo dictas vacantias & de providendo  
 papæ & cardinalibus, & quod ad hoc dentur  
 deputati, sed pro nunc differatur. Item domi-  
 nus VITALIS episcopus Tholonensis dixit ut  
 dominus episcopus Dolensis. Item, dominus  
 Johannes *Basger* decretorum doctor & litte-  
 rarum apostolicarum corrector dixit ut domi-  
 nus episcopus Dolensis. Item, dominus ALA-  
 NUS episcopus Leonensis dixit quod ista ma-  
 teria differatur. Item, dominus JOHANNES epis-  
 copus Vaurenensis dixit quod differatur. Postea  
 dixit quod tollantur vacantia, & provideatur  
 papæ & cardinalibus, & proposuit de dandis  
 bonis deputatis super provisione fienda. Item,  
 dominus LUDOVICUS episcopus in Wallia dixit  
 ut dominus episcopus Dolensis, & post istum  
 cum hora jam esset tarda, nullus locutus fuit,  
 sed omnes recesserunt. Sed fuit ordinatum quod  
 crastina die hora secunda post meridiem fieret  
 congregatio dictæ nationis, & continuaretur  
 materia, & auditio votorum, præsentibus re-  
 verendis in Christo patribus dominis JOHANNES  
 Vaurenensis, OGERIO Augustensis episcopis,  
 JOHANNES abbate Cisterciensi ac venerabili-  
 bus & circumspæctis viris Amedeo *de Talaru*  
 decano Lugdunensi decretorum doctore, Ni-  
 colao de Gonnessa sacre theologiæ professore,  
 Petro Gajetani canonico Conseranensi, sacre  
 poenitentiarie scriptore, Johanne de Monte-  
 acuto notario publico, clerico Laudunensis dio-  
 cesis, & pluribus aliis reverendis in Christo pa-  
 tribus, & dominis episcopis, abbatibus, necnon  
 reverendis magistris, & doctoribus, & aliis no-  
 tabilibus personis dictæ nationis, in multitudine  
 copiosa, testibus ad præmissa vocatis specialiter  
 & rogatis.

Adveniente vero dicta die crastina, quæ fuit  
 dies Mercurii vicesima tertia dicti mensis Octo-  
 bris hora secunda post meridiem in refectorio  
 Prædicatorum Constantiæ fuit dicta natio con-  
 gregata, qua congregatione facta, proposuit  
 aliqua dominus patriarcha Antiochenus præsi-  
 dens, & antequam procederetur ad auditionem  
 votorum super dicta materia vacantiarum, super-  
 venerunt domini episcopi Feltrensis & Verden-  
 sis & magister Robertus *Apulton* cum multis  
 aliis nomine trium nationum, videlicet Italicae,  
 Germanicae, & Anglicanae, & nomine dictarum  
 trium nationum dominus Feltrensis episcopus  
 proposuit, dicens quod dictæ tres nationes in-  
 tellexerant, quod in ista venerabili natione Gal-  
 licana per aliquos fuerat dictum & persuasum,  
 quod in dictis tribus nationibus erat conclusum,  
 quod annatæ seu vacantia tollerentur omnino,

*Theſauri Anecdos. Tom. II.*

A & pro natione Italica dixit quod Italici, nec  
 ipsa natio Italica numquam istam materiam tra-  
 ctaverunt, nec super hoc aliquid concluderunt.  
 Et subsequenter dominus episcopus Verdenensis  
 dixit, quod in natione Germanica licet fuerit  
 aliquando tractatum, tamen non fuit conti-  
 nuatum, nec aliquid conclusum. Et præfatus  
 magister Robertus *Apulton* Anglicus pro natio-  
 ne Anglicana dixit, ut dominus Verdenensis. Post  
 quæ dominus Patriarcha præsidens regratiatus  
 fuit ipsis dominis & nationibus præfatis, & dixit  
 eis quod materia per illos exposita & proposita  
 numquam fuit dicta in ista venerabili natione  
 Gallicana & proposita, nec aliquid auditum de  
 eadem. Quibus auditis, incontinenti recesserunt.

Postmodum dominus JOHANNES episcopus  
 Vaurenensis super dicta materia vacantiarum nar-  
 ravit plura, & post multa dicta dixit, quod de-  
 putentur certi nobiles de natione, qui vadant  
 ad dominos cardinales, qui videant cum ipsis  
 modum providendi domino nostro papæ, &  
 ipsis cardinalibus in aliis, & simul provideatur  
 & tollantur. Item dominus OGERIUS episcopus  
 Augustensis dixit, quod domini deputati in ma-  
 teria reformationis super hoc deliberaverunt,  
 & dixit quod videatur eorum deliberatio, & si  
 sit bona, stetur ei; alioquin simul provideatur  
 & tollantur. Item, dominus JOHANNES epis-  
 copus Silvanectensis pro universitate Parisiensi,  
 dixit quod declararetur quod dictæ vacantia non  
 debentur & tollantur, & quod bene providea-  
 tur ecclesiæ Romanæ, & super hoc dentur de-  
 putati, & differatur ista materia per unam heb-  
 domadam. Item, dominus JOHANNES abbas  
 monasterii Cisterciensis dixit quod provideatur  
 papæ & dominis cardinalibus, & super hoc de-  
 putentur aliqui, qui videant de modo providen-  
 di, & interim supersedeatur. Item, magister  
 Thiericus licentiatus Aurelianensis pro univer-  
 sitate Aurelianensi dixit, ut domini Dolensis  
 & Tholonensis episcopi, videlicet quod simul  
 tractetur de removendo vacantias & providen-  
 do similiter, & quod dentur deputati ad hoc,  
 sed pro nunc differatur. Et postmodum magis  
 declaravit quod primo provideatur papæ &  
 cardinalibus, & postea tollantur dictæ vacantia.  
 Item dominus PETRUS abbas S. Maxentii or-  
 dinis S. Benedicti Pistaviensis diocesis, decreto-  
 rum doctor dixit, quod dentur deputati, qui  
 videant de omnibus, & de modo providendi  
 papæ & cardinalibus, & quod dictæ vacantia  
 tollantur. Item doctor antiquus Tholosanus or-  
 dinis S. Augustini pro universitate Tholosana  
 dixit, quod dictæ vacantia removeantur, &  
 loco ipsarum provideatur papæ & cardinalibus  
 de decima decimæ simul. Item, dominus abbas  
 Claræ-vallis Cisterciensis ordinis multa dixit  
 super deliberatione domini nostri Francorum  
 regis & ecclesiæ Gallicanae, & postmodum con-  
 clusit quod primo tollantur, & postmodum pro-  
 videatur papæ & cardinalibus loco illarum con-  
 decenter, & quod hoc tractetur cum aliis na-  
 tionibus. Item, dominus HERVEUS Abbatis, le-  
 gum doctor, ambaffiator universitatis Andega-

Fffff

vensis pro ipsa universitate dixit, quod simul tollantur, & provideatur loco earum debite & honeste statui papæ & dominorum cardinalium. Item, dominus abbas de Cellis ordinis S. Augustini Bituricensis diocesis, post multa proposita dixit & conclusit, quod dentur deputati, qui videant & concordent de deputando domino nostro papæ & cardinalibus. Item, dominus abbas de Cormeriaci dixit, quod ipse stat cum ordinatione domini nostri regis & regni: placet tamen sibi quod dentur deputati, qui concordent de provisione fienda domino nostro papæ & cardinalibus. Item dominus Amedeus *de Talaru*, decretorum doctor, decanus Lugdunensis pro universitate Avenionensi dixit, quod simul provideatur & tollantur, & quod super hoc deputentur de quolibet statu duo, videlicet de episcopali & abbatiali capitulorum & rectorum, qui cum deputatis per dominos cardinales tractent & concordent de modo providendi papæ & cardinalibus. Item, præfatus dominus Amedeus *de Talaru* decanus dixit illud idem pro domino archiepiscopo Lugdunensi, & pro capitulo, ac tota provincia Lugdunensi; & cum hora esset tarda, continuata fuit dicta materia usque ad primam futuram congregationem dictæ nationis, præsentibus magistris Ursino *Tallevende*, Matthæo *Rodel* sacre Theologiæ professoribus & Oliverio *Guenne* in artibus & medicina magistro, & pluribus dominis episcopis, abbatibus, magistris & doctoribus, & aliis notabilibus personis dictæ nationis in dicta congregatione existentibus.

Subsequenter vero die Veneris vicesima quinta dicti mensis Octobris in loco supradicto fuit dicta natio de mandato dicti domini præsentis solemniter hora tertia post meridiem congregata, & continuata vota suppositorum dictæ nationis super dicta materia vacantiarum, fuerunt ut sequitur.

Primo licentiatu & procurator universitatis Montispeffulani pro eadem universitate dixit in omnibus, ut dominus Amedeus *de Talaru* decanus Lugdunensis, qui in alia præcedenti dieta congregationis ultimus dixerat votum suum, & sic stat cum opinione sua pro se & dicta universitate. Item, dominus abbas de Ursicampo Cisterciensis ordinis, Noviomensis diocesis, dixit ut dominus JOHANNES episcopus Silvanectensis dixit pro universitate Parisiensi. Item, dominus abbas de Bello-beco dixit ut dominus abbas immediate præcedens. Item, dominus abbas Villæ-lupensis dixit idem. Item, dominus abbas S. Lupi Trecentis dixit quod primo provideatur papæ & cardinalibus, & quod bonus modus reperiatur providendi, & post tollantur, & dentur in omnibus deputati. Item, dominus abbas Belli-fontis dixit, quod dictæ vacantia declarantur non debita, postea tractetur de providendo honorifice domino nostro papæ & cardinalibus, & dentur deputati qui videant & adfuerint modum in omnibus tenendum. Item, dominus prior Celsiniarum pro abbate, conventu & ordine Cluniacensi dixit quod simul tractetur de utroque, de providendo & tollendo. Item,

A magister Ursinus *Tallevende* sacre Theologiæ professor dixit, quod dictæ vacantia cessent, & non habeant cursum de jure, sed deputentur aliqui qui videant de modo providendi domino nostro papæ & cardinalibus. Item, magister Matthæus *Rodel* sacre theologiæ professor dixit, quod quoad inferiora beneficia & quoad reservata tollantur, sed dentur deputati ad providendum statui domini nostri papæ & dominorum cardinalium. Item, dominus archidiaconus sancti Flori dixit quod tollantur dictæ vacantia & provideatur simul & semel, & deputentur de quolibet statu ad videndum & tractandum de omnibus, & communicetur aliis nationibus. Item, magister Pontius Symoneri sacre theologiæ professor supradictus multa proposuit super dicta vacantiarum materia, & fecit longum sermonem, & post plura conclusit, quod primo dictæ vacantia tollantur, & deinde tractetur de modo providendi papæ & cardinalibus, & provideatur ipsis. Et cum fecisset longum sermonem, & esset hora tarda, fuit congregatio dissoluta, & omnes recesserunt.

Postmodum vero die Lunæ vicesima octava dicti mensis Octobris in loco prædicto hora octava post mediam noctem fuit de mandato dicti domini præsentis natio prædicta congregata, & in eadem congregatione fuit dicta vacantiarum materia posita in deliberatione, & petita vota fuerunt illorum qui non dixerant. Et primo magister Guillelmus Pulcri nepotis sacre theologiæ professor, ambassiator serenissimi christianissimique principis domini nostri Francorum regis dixit, quod dictæ vacantia non debentur, & ideo tollantur & provideatur domino nostro papæ & cardinalibus, & super hoc deputentur aliqui. Item, magister Nicolaus de Gonnessia sacre theologiæ professor dixit, quod dictæ vacantia tollantur, & provideatur papæ & cardinalibus usque ad primum futurum generale concilium. Item, procurator capituli Senonensis dixit quod simul dictæ vacantia tollantur, & provideatur papæ & cardinalibus. Item, prior beatæ Mariæ Deauratæ Tholosanæ dixit, quod dictæ vacantia tollantur & provideatur papæ & cardinalibus. Item, magister Anthonius *Coffe* ordinis Prædicatorum, sacre theologiæ professor, procurator domini episcopi Gratianopolitani, dixit, quod provideatur domino nostro papæ & cardinalibus. Item magister Bertrandus Baquini ordinis beatæ Mariæ de Monte Carmeli, magister in theologia, dixit quod dictæ vacantia moderentur. Item, magister Johannes *Dolier* archidiaconus de Sabolio in ecclesia Cenomanensi dixit, quod simul tractetur de tollendo dictas vacantias, & de providendo papæ & cardinalibus. Item, dominus Camerarius monasterii Majoris monasterii prope Turones, dixit quod dictæ vacantia tollantur & provideatur domino nostro papæ & cardinalibus. Item, magister Rocha ordinis fratrum minorum, sacre theologiæ professor, dixit quod dictæ vacantia non tollantur, sed tollatur abusus. Item, magister Andræas Bernardi canonicus Bisuntinus, sacre theologiæ professor,

dixit, quod primo tollantur, & postea provideatur domino nostro papæ & cardinalibus. Item, procurator ordinis Præmonstratensis magister in sacra pagina dixit, quod dictæ vacantia tollantur, & provideatur papæ & cardinalibus. Item magister Johannes Hugoneti licentiatus in utroque jure dixit, quod non debentur dictæ vacantia, & ideo tollantur & simul provideatur papæ & cardinalibus; & cum hora esset tarda omnes recesserunt, & fuit continuata materia usque ad primam congregationem.

Rursum die Martis vicesima nona dicti mensis Octobris hora tertia post meridiem in loco consueto, dicta natio de mandato præfati domini præfidentis solemniter congregata, & in eadem processum ad audientiam illorum qui non dixerant in dicta vacantiarum materia, ut sequitur.

Et primo dominus archidiaconus Parvi-Caleti in ecclesia Rothomagensi, procurator capituli Rothomagensis dixit, quod declaretur quod dictæ vacantia non debentur, & quod provideatur papæ & cardinalibus, & si alias non possit eis provideri nisi de vacantiis quod modificentur & sub modificatione ordinetur & tollantur. Item, procurator Cluniacensis dixit quod declarentur non deberi, & tollantur, & provideatur papæ & cardinalibus. Item, magister Petrus Salomonis, ordinis fratrum Minorum sacre theologie professor, ambassiator domini ducis Burgundiæ dixit, quod primo provideatur papæ & cardinalibus, & postea tollantur, & dimittatur arbitrio papæ quod provideatur sibi & ecclesiæ Romanæ condecenter & honeste. Item, dominus prior Electensis dixit, quod dictæ vacantia tollantur & provideatur papæ & cardinalibus. Item, magister Nicolaus Cavache sacre theologie professor dixit in omnibus, ut dominus episcopus Silvanectensis dixit pro universitate Parisiensi. Item, dominus prior S. Maclovii, procurator domini abbatis de Rothono, ordinis S. Benedicti, Rhedonensis diocesis dixit quod dictæ vacantia tollantur & provideatur papæ & cardinalibus. Item, dominus decanus Lemovicensis dixit ut immediate præcedens. Item magister Thomas Avis ordinis B. Mariæ de Monte-Carmeli, sacre theologie professor dixit, quod provideatur papæ & cardinalibus & quod dictæ vacantia modificentur. Item, magister Odo Gabini ordinis fratrum Prædicatorum magister in theologia dixit, quod simul provideatur papæ & cardinalibus, & tollantur vacantia prædictæ. Item, magister Oliverius Guennec in artibus & medicina magister dixit, quod provideatur domino nostro papæ & cardinalibus, & tollantur dictæ vacantia simul. Item, magister Johannes Ademare sacre theologie professor dixit quod dentur deputati quibus dicet opinionem suam. Item, dominus abbas Victoriæ dixit ut dominus episcopus Tholonensis, videlicet quod simul tractetur de removendo dictas vacantias, & de providendo simul domino nostro papæ & cardinalibus, & dentur ad hoc deputati, sed pro nunc materia differatur. Item, magister Symon Bocheux ar-

*Theſauri Anecdor. Tom. II.*

chidiaconus Vapincensis dixit quod dictæ vacantia tollantur, & provideatur domino nostro papæ & cardinalibus. Item, magister Johannes Symonis, procurator illustris principis domini ducis Borbonii, dixit quod provideatur domino nostro papæ & cardinalibus, & tollantur dictæ vacantia. Item, dominus Johannes Veteris canonicus Gratianopolitanus pro capitulo Gratianopolitano dixit quod dictæ vacantia tollantur & provideatur papæ & cardinalibus. Item, magister Guilermus Guignon magister in artibus, licentiatus in decretis, canonicus Aniciensis dixit quod dictæ vacantia tollantur & provideatur papæ & cardinalibus. Item, magister Petrus Negraudi canonicus Pictavensis, procurator illustris principis domini ducis Bituricensis, dixit quod simul provideatur domino nostro papæ & cardinalibus & præfata vacantia tollantur. Item, magister Nicolaus de Hubanto canonicus & procurator ecclesiæ & capituli Autissiodorensis dixit in omnibus, prout dominus episcopus Silvanectensis dixit pro universitate Parisiensi. Item, magister Egidius Achane in utroque jure licentiatus dixit, quod dictæ vacantia tollantur, & quod provideatur papæ & cardinalibus; & cum hora esset tarda, non fuit processum ad ulteriora, sed continuatum usque ad primam congregationem, & sic omnes recesserunt.

Consecutive autem die Jovis ultima dicti mensis Octobris fuit de mandato dicti domini præfidentis dicta natio in loco consueto congregata, & quia idem dominus Præfidentis aliis arduis negotiis sacrum concilium concernentibus occupatus non potuit in dicta congregatione interesse, substituit loco sui ad præsidendum in dicta congregatione reverendum in Christo patrem dominum VITALEM episcopum Tolonensem, qui tunc loco domini præfidentis in dicto loco hora tertia post meridiem præsedie in eadem congregatione, & continuata sunt vota suppositorum dictæ nationis in dicta materia vacantiarum. Et primo magister Guido Martus canonicus Ambianensis in utroque jure licentiatus dixit, quod simul tollantur dictæ vacantia, & provideatur domino nostro papæ & cardinalibus. Item, magister Guilermus de Spelunca in artibus & medicina magister dixit, ut immediate præcedens. Item, magister Johannes Grasseti canonicus capituli Aniciensis, procurator ecclesiæ Aniciensis, dixit ut dominus prior Celsiniarum, videlicet quod simul tractetur de utroque, de providendo & tollendo. Item, magister Johannes Martini dixit ut dominus episcopus Tolonensis, videlicet quod simul tractetur de removendo dictas vacantias, & de providendo domino nostro papæ & cardinalibus, & quod ad hoc dentur deputati, sed pro nunc differatur. Item, reverendus in Christo pater dominus episcopus Cameracensis dixit quod tenet se cum opinione universitatis Parisiensis. Item, magister Johannes Nicolai canonicus Tullensis, & Viridunensis ac procurator domini episcopi Viridunensis & capituli Tullensis dixit, quod simul provideatur papæ & car-

Fffff ij

dinalibus, & tollantur dictæ vacantia, & quod non sit præjudicium minorum beneficiarum, & petit instrumentum. Item, magister Gaufridus *d'Anly* procurator domini episcopi Lemoicensis dixit quod dictæ vacantia tollantur, & provideatur papæ & cardinalibus. Item, magister Petrus Pfesbyteri procurator capituli Cameracensis dixit quod provideatur domino nostro papæ & cardinalibus, & si dictæ vacantia non debeantur, quod tollantur. Item, magister Petrus Quibleti archidiaconus & canonicus in ecclesia Cabilonensi, & procurator domini comitis Sabaudia, dixit, quod simul tollantur dictæ vacantia, & provideatur papæ & cardinalibus. Item, magister Vivianus magister in artibus & licentiatu in utroque jure dixit, quod tollantur dictæ vacantia, & provideatur papæ & cardinalibus. Item, dominus prior de Massano diocesis Leodiensis, dixit ut dictum fuit pro universitate Parisiensi. Item, dominus præpositus S. Andreæ Grarianopolitana diocesis dixit quod provideatur domino nostro papæ & cardinalibus, & tollantur dictæ vacantia. Item, dominus præpositus S. Andreæ canonicus Gebennensis dixit idem pro capitulo Gebennensi. Item, Johannes Bartholdi de Pennatis sine titulo, dixit quod dictæ vacantia tollantur, & non provideatur papæ neque cardinalibus. Item, magister Symon *Loyson* pro capitulo Viridunensi ut asseruit, dixit quod dictæ vacantia tollantur, & non provideatur papæ neque cardinalibus. Item, dominus Johannes Vigerii archidiaconus in ecclesia Leonensi dixit quod dictæ vacantia tollantur, & provideatur papæ & cardinalibus. Item, procurator monasterii Belli portus dixit ut dictum est super ista materia pro universitate Parisiensi. Item, dominus prior Talardi dixit quod dictæ vacantia tollantur, & provideatur papæ & cardinalibus. Item, dominus elemosynarius Cluniacensis dixit idem. Item, dominus prior de Duratio dixit idem. Item, magister Guillelmus *Lavaley* magister in artibus, dixit quod provideatur papæ & cardinalibus, & quod dictæ vacantia tollantur. Item, magister Petrus *Amiot* magister in artibus, dixit ut immediate præcedens. Item, dominus prior S. Michaelis de Castro Bituricensi dixit quod dictæ vacantia tollantur, & provideatur papæ & cardinalibus. Item, dominus prior S. Johannis Andegavensis diocesis dixit idem. Item, procurator domini episcopi Redonensis dixit idem. Item, magister Jacobus Britonis licentiatu in legibus, dixit quod dictæ vacantia tollantur, & quod non provideatur papæ neque cardinalibus. Item, magister Johannes de Perona, canonicus & procurator capituli Tironensis, dixit quod provideatur papæ & cardinalibus, & dictæ vacantia simul tollantur. Item, procurator præpositi Piniacensis in Provincia dixit ut immediate præcedens. Item, Petrus Bèguelli canonicus Nannetensis dixit idem ut præcedens. Item, dominus abbas de Sableyo dixit quod tollantur dictæ vacantia & provideatur papæ & cardinalibus. Item, magister Symon *de Grandi* canonicus

A Metensis & procurator domini episcopi Metensis dixit quod per deputatos videatur & referatur. Item, procurator domini episcopi Tornacensis, dixit quod dictæ vacantia tollantur, & quod provideatur papæ & cardinalibus. Item, magister Petrus de Archa licentiatu in decretis, dixit ut fuit dictum pro universitate Parisiensi. Item, dominus procurator capituli Veneriensis, canonicus ecclesie Veneriensis, dixit quod provideatur papæ & cardinalibus, & dictæ vacantia simul tollantur. Item, dominus *Pichot* procurator capituli ecclesie Andegavensis, dixit quod dictæ vacantia tollantur, & provideatur papæ & cardinalibus simul. Item, magister Robertus *Sanat* licentiatu in legibus dixit, quod dictæ vacantia tollantur, & provideatur papæ & cardinalibus. Item, magister Johannes de *Closse* magister in artibus dixit ut immediate præcedens. Item, procurator dominorum episcopi Conseranensis & abbatis monasterii S. Saturnini Tholosæ, dixit ut universitas Tholosana, videlicet quod dictæ vacantia removeantur, & loco earum provideatur domino nostro papæ & cardinalibus de decima decima simul. Item, procurator capituli Conseranensis dixit quod simul provideatur papæ & cardinalibus & tollantur.

Item, magister Bernardus Baptista licentiatu in theologia, dixit quod tollantur, dum tamen provideatur quod ordinarii nihil recipiant à subditis suis. Item, procurator Domini episcopi Autissiodorensis, dixit quod tollantur dictæ vacantia, & provideatur domino nostro papæ & cardinalibus.

D Et tunc fuit petitu per aliquos præfato domino episcopo Tolonensi, quod ipse concluderet, quia sufficiebat de votis auditis, & aliqui clamaverunt: Audiantur vota omnium. Et cum idem dominus episcopus Tolonensis diceret quod volebat deliberare, nec ille tunc concluderet, fuerunt multi de supra nominatis qui dixerunt, quod ipsi volebant uti pluribus votis, nominibus procuratoriis prælatorum, & aliorum absentum, & capitulorum aliorum, quorum erant procuratores, & dixerunt pro illis  
E sicut dixerant pro seipsis. Et primo dominus HELIAS episcopus Aniciensis dixit nomine serenissimi Christianissimi que principis domini nostri Francorum regis, & pro regno suo, & toto clero regni Franciæ, prout alias dixerat, videlicet quod tollantur dictæ vacantia sine dilatione, sed postea provideatur honorifice & decenter domino nostro papæ & cardinalibus: quod declaravit magis per hunc modum, videlicet quod intelligebat & intelligit quod fiat declaratio, quod dictæ vacantia tamquam indebita, sive non debita tollantur, sed antequam practicetur, & publicetur in sessione publica & generali dicti sacri concilii Constantiensis, quod provideatur honorifice & decenter statui domini nostri papæ & dominorum cardinalium. Item, magister Matthæus *Rodel* sacre theologie professor, nomine procuratorio dominorum episcopi & Capituli Trecorensis, dixit ut prius dixerat, videlicet, quod quoad inferiora beneficia, &c. & quoad reservata tol-



lantur, sed dentur deputati ad providendum domino nostro papæ & cardinalibus. Item, dominus JOHANNES episcopus Vaurensis pro dominis episcopis Tutelenſi & Appamiarum, & pro capitulo Agathenſi, & pro quatuor abbatibus, & pro tota provincia Tholoſana dixit, ut ipſe prius dixerat, videlicet primo quod differretur, & poſtea tollantur dictæ vacantia, & provideatur papæ & cardinalibus, & plura alia dixerat, videlicet quod certi deputarentur qui irent ad dominos cardinales, & viderent modum providendi in iſtis & ſimul provideatur. Item, dominus VITALIS episcopus Tolonenſis, procurator & procuratorio nomine domini FRANCISCI archiepiſcopi Narbonenſis, dixit prout dixerat pro ſe, videlicet quod ſimul tollantur dictæ vacantia, & provideatur domino nostro papæ & cardinalibus. Item, dominus STEPHANUS episcopus Dolenſis, procurator domini GATIANI episcopi Coriſopitenſis, dixit pro eodem domino episcopo Coriſopitenſi ut pro ſe dixerat, videlicet quod ſimul tractetur de removendo dictas vacantias & providendo domino nostro papæ & cardinalibus, & quod dentur ad hoc deputati, ſed pro nunc differatur. Item, dominus ALANUS episcopus Leonenſis dixit pro domino episcopo Nannetenſi tamquam ejus procurator, ut ipſe dixerat, videlicet quod eſſet differendum, & quod differatur. Item, dominus OGERIUS episcopus Auguſtenſis, procurator capituli Auguſtenſis, dixit pro eodem capitulo, ſicut pro ſe dixerat, videlicet quod domini reformatores ſuper materia dictarum vacantiarum deliberaverant, & quod videretur eorum deliberatio, & ſi ſit bona, ſtetur eidem, alioquin ſimul provideatur. Item, dominus ALEXANDER abbas Belliſontis, procurator domini episcopi Lucionenſis, dixit pro eodem domino episcopo, ſicut dixerat pro ſe, videlicet quod dictæ vacantia declarentur non debita, poſtea tractetur de providendo domino nostro papæ & cardinalibus, & ſuper hoc dentur deputati, qui ſuper hoc habeant videre & deliberare. Item, dominus PETRUS abbas S. Maxentii decretorum doctör, dixit pro provincia Burdegalenſi ſicut dixerat pro ſe, videlicet quod videatur modus providendi papæ & cardinalibus, & ſuper hoc dentur deputati, & addidit quod omnino ante omnia tollantur dictæ vacantia. Item, dominus decanus Lugdunenſis dixit pro dominis archiepiſcopo & capitulo & tota provincia Lugdunenſi, ſicut dixerat pro ſe, & pro univerſitate Avenionenſi, videlicet quod ſimul provideatur domino nostro papæ & cardinalibus, & deputentur de quolibet ſtatu, duo videlicet de epiſcopali, abbatiali, & duo de capitulis, ac etiam duo de rectoribus qui cum dominis deputatis per dominos cardinales tractent & concordent de modo providendi domino nostro papæ & cardinalibus, & de tollendo dictas vacantias. Item, procurator S. Amari Duacenſis Attrebatenſis diocesis, qui non dixerat votum ſuum, dixit quod dictæ vacantia tollantur, & quod provideatur domino nostro papæ & cardinalibus.

Post quæ magiſter JORDANUS MORINI ſacræ theologiæ profeſſor, ambaffiator præſati domini noſtri Francorum regis, propoſuit de domino patriarcha præſidente, quod erat multum impeditus aliis arduis negotiis, ſic quod non poterat vacare in præſidentia, & quod forſan non erat expediens quod præſideret plus, & tempus præſidentia ultra determinationem nationis occupaverat, & neſciebatur qualiter, & quomodo, & quod menſis primus tranſierat, & per alium ſine electione aut confirmatione tenerat, & quod hodie erat ſinis alterius menſis, & quod etiam honores debebant partiri, & propterea petiit quod alius eligeretur, & multi pro majori parte clamaverunt, Placet: & alii dixerunt quod adhuc audirentur vota, & illo tunc fuit dictum, quod illi qui non dixerant dicerent, & tunc incepit procurator capituli eccleſiæ Viennenſis, qui dixit quod ſimul provideatur domino nostro papæ & cardinalibus, & dictæ vacantia tollantur. Item, dominus procurator capituli eccleſiæ Vivarienſis dixit, ut immediate præcedens. Item, dominus procurator capituli eccleſiæ Piſtavienſis dixit quod dictæ vacantia non tollantur, ſed tollantur abusus & moderentur. Item, magiſter Oliverius *Guenet* in artibus & medicina magiſter dixit pro ſex abbatibus, ut pro ſe dixerat, videlicet quod provideatur domino nostro papæ & cardinalibus, & dictæ vacantia tollantur ſimul. Item, quidam magiſter Judocus procurator dixit idem. Item, dominus procurator domini episcopi Aduenſis dixit idem.

Et poſt ea fuit clamarum per aliquos quod concluderetur. Et dictus dominus episcopus Tolonenſis noluit concludere, cum non eſſet deliberatum per ipſum, nec vota erant concordata, & etiam quia præſatus dominus patriarcha Antiochenus, cujus vices in præſidentia pro iſta congregatione gerebat, fuerat deſiſtus, & non erat plus præſidens, & tunc aliqui ſurrexerunt & dixerunt: Eligatur alius qui concludat in dictarum vacantiarum materia, & tunc omnes in turbine ſurrexerunt, & aliqui poſt modum iverunt ad dominum episcopum Anicienſem, dicentes quod eſſet præſidens, & quod præſidentia ſibi de jure debebatur, cum eſſet antiquior in præſentia omnium dictæ nationis, & quod omnino præſidentiam acceptaret, & reciperet, & in dicta vacantiarum materia concluderet, & fuit illo tunc magna turbatio, & quaſi omnes reſceſſerunt, & ſic nihil fuit concluſum, & omnes reſceſſerunt paulatim, & multa fuerunt petita de omnibus fieri inſtrumenta per diverſos à notariis dictæ nationis, præſentibus reverendis in Chriſto patribus & dominis, dominis JOHANNES Vaurenſi, JOHANNES Silvanectenſi episcopis, PETRO S. Maxentii, ALEXANDRO Belliſontis monaſteriorum abbatibus, JORDANO MORINI, Nicolao de Gonneſſia, Marthæo *Rodel* ſacræ theologiæ profeſſoribus, Oliverio *Guenet* in artibus & medicina magiſtro, & pluribus aliis dominis præſentibus, episcopis, & abbatibus, ac dominis magiſtris, & doctöribus ceteriſque notabilibus perſonis in multitudine copioſa.

F f f f f iij



Conclusio  
de tollen-  
dis Anna-  
tis, minu-  
tis servitiis  
&c.

Subsequenter vero die sabbati secunda mensis Novembris, anno, indictione & loco supradictis, hora secunda post meridiem, fuit dicta natio Gallicana congregata, & in eadem natione proposuit reverendissimus in Christo pater dominus JOHANNES patriarcha Antiochenus prædictus tria, primo de facto præsidentiæ, & quod eligeretur præsidens, qui præsideret in dicta natione, & regratiatus fuit de honoribus sibi impensis, & excusavit se ut est moris. Secundo proposuit de concordia habita & facta inter reverendissimos in Christo patres & dominos, dominos cardinales de Urfinis & Ragusinum super officio majoris pœnitentiarum curiæ Romanæ. Tertio de materia vacantiarum, & incontinenti ad clamores & voces clamantium & dicentium, quod in dicta materia vacantiarum concludatur, ipse dominus patriarcha nulla alia examinatione & concordia votorum facta, neque concordata, dixit quod major pars & duplo major fuit opinionis, quod dictæ vacantiarum non sunt, nec fuerunt debita, & quod tamquam indebita tollantur. Et tunc dominus JOHANNES episcopus Silvanectensis dixit quod non solum vacantiarum, sed etiam communia & minuta servitia, & omnia contingentia, & dependentia tollantur. Et plures clamaverunt quod placet. Et tunc idem dominus patriarcha dixit quod concludebat cum majori parte, quod dictæ vacantiarum & servitia communia & alia inde sequuta tamquam indebita tollantur, tam de præteritis, quam præsentis & futuro temporibus. Et tunc fuit magnum murmur in natione & tumultus maximus, & magna turbatio clamantium hinc inde ad diversa: & inter ceteros dominus HELIAS episcopus Aniciensis multa clamavit. Et tunc fuit lecta opinio sua, prout supra in declaratione sua dixerat. Et dixit quod illa quæ dixerat declarando dictum suum dixit, quod loquebatur opinative, & quod dominus abbas S. Maxentii non advocavit eum. Et dominus episcopus Dolensis dixit, quod ipse & plures alii fuerunt opinionis, quod tollantur dictæ vacantiarum, & provideatur simul domino nostro papæ & cardinalibus, alias non tollantur. Et magister Johannes Ponceti canonicus Bisuntinus surrexit & dixit, quod ipse erat procurator plurium prælatorum, & capitulorum & nondum dixerat votum suum, & dixit quod simul deberet provideri: & si forte dictæ vacantiarum tollerentur, & non provideretur, protestatus est quod onus non cadat super capitulis & alio clero inferiori, & casu quo alias fieret & concluderetur, appellabat & appellavit, ut in quadam cedula, quam porrexit, plenius continetur. Qua cedula porrecta, fuit quasi per omnes clamaturn, quod dicta cedula legeretur: sed propter tumultum sic transivit, quod non fuit lecta, sed remansit penes me Johannem Guiardi dictæ nationis notarium infra scriptum. Et incontinenti magister Thiericus de S. Deodato licentiatus in legibus, ambasciator universitatis Aurelianensis dixit, quod se opposuerat in hoc quod tollerentur dictæ vacantiarum, nisi alias provideretur papæ & cardinalibus: sed propter

Protestationes & appellationes adversus eam.

aliquos, qui contra eum propterea scripserant in Francia, ipse suam opinionem revocabat, & de hoc petiit sibi fieri publicum instrumentum. Et tandem idem dominus Patriarcha iterato dixit ad vocem clamantium, quod concluderetur, Concludo quod tam de tempore præterito quam futuro tollantur vacantiarum cum communibus & minutis servitiis: sed videatur de modo providendi domino papæ & cardinalibus, & eisdem provideatur condecener & honeste, & deputentur certi notabiles, de quolibet statu ad providendum in præmissis. Et incontinenti magister Johannes Grasseti canonicus & procurator capituli ecclesiæ Aniciensis narravit qualiter præfatus dominus HELIAS episcopus Aniciensis dixerat alia die, quod in provisione facienda domino nostro papæ & cardinalibus, episcopi contribuant, & quod eorum subditi in aliquo non graventur: quod approbavit idem episcopus Aniciensis, videlicet quod ipse bene vult contribuere: & hoc dixit pro se & successoribus suis. Et de hoc dictus magister Johannes Grasseti petiit sibi fieri publicum instrumentum: & ulterius dixit, quod si tollantur vacantiarum, & imponatur aliud onus in præjudicium capituli Aniciensis, & cleri inferioris beneficiatorumque pro providendo papæ & cardinalibus, quod se opponit & opposuit, & petiit instrumentum. Et incontinenti dominus decanus Lugdunensis pro capitulo & interesse capituli Lugdunensis, & pro sibi adhærentibus, & adhærere volentibus se conclusioni opposuit protestando quod nullum onus seu servitium in providendo domino nostro papæ & cardinalibus imponatur super capitulo Lugdunensi, & clero ejusdem capituli, & sibi subjectis, & aliis adhærentibus, & adhærere volentibus, nisi ipso præsentis & vocato. Item, dominus prior Celsiniarum ambasciator, & missus per dominum abbatem Cluniacensem Matisconensis diocesis, tamquam unus de electis per concilium ecclesiæ Gallicanæ ad comparandum in hoc generali concilio pro provincia Bituricensi se opposuit, ut in cedula per ipsum tradita continetur, cujus tenor talis est:

Reverendissimi patres ac domini mei venerabiles, quia quæstio ventilatur utrum vacantiarum seu communia servitia, &c. primo & ante omnia præcise debeant tolli papæ & dominis cardinalibus & curiæ, & postea de eorum statu provideri, an simul debeat tractari materia, videtur mihi quod deputandi sunt aliqui notabiles viri de hac venerabili natione in paucos numero, qui concurrentes cum deputatis super hoc aliarum nationum, simul tractent de hoc cum dominis cardinalibus cum bona modestia: qui attendere debeant quantum ascendunt vires patrimonii ecclesiæ Romanæ, & de quo congrue papa futurus cum sua curia debeat sustentari cum minori detrimento subditorum. Unde & si vacantiarum illarum solverentur, non ante annum, sed post unum, duos, aut tres annos a tempore possessionis adeptæ, reductæ tamen ad taxam prætaxatam, casu quo papa cum sua curia indigeat, minus oneris videtur esse vobis subditis, quam si papa ipse in defectu va-

Cedula  
prioris  
Celsiniarum.

„cantiarum annuatim pro suo libito nos faceret  
 „suos tributarios, vel per modum decimarum,  
 „vel alterius compositionis, & quam si domini  
 „cardinales in defectum præmissarum vacantia-  
 „rum, & in supplementum occuparent beneficia  
 „vestra, unde magna incommoda in spiri-  
 „tualibus & temporalibus nobis provenient, tam  
 „regularibus quam sæcularibus, & dicto casu quo  
 „per præmissos deputatos reperiretur, papam,  
 „dominos cardinales, & curiam pro nunc indi-  
 „gere tanto subsidio, cum quadam tolerantia sic  
 „expectate aliud concilium, quod in brevi ordi-  
 „natur celebrandum, & quicquid ego dicam per  
 „modum avifamenti, remitto me tamen ad de-  
 „liberationem prædictorum dominorum depu-  
 „tandorum, & determinationem sacri concilii  
 „generalis, &c. ex casu quo vos velletis aliam  
 „conclusionem capere, ego ut missus per reve-  
 „rendum patrem & dominum meum, dominum  
 „abbatem Cluniacensem Matiscensis diocesis,  
 „pro se & suo ordine, & etiam tamquam unus  
 „de electis per concilium ecclesiæ Gallicanæ ad  
 „comparendum in hoc sacro generali concilio  
 „pro provincia Bituricensi, in quantum quidem  
 „acciperetis aliquam conclusionem mihi & domi-  
 „nis meis pro quibus sum, aut eorum ecclesiis &  
 „beneficiis incommodam & damnosam, & in  
 „quantum redargui possemus de irreverentia su-  
 „per hoc, vel injustitia erga sedem apostolicam,  
 „non consentio, sed me oppono.

Item, reverendus in Christo pater dominus  
 ALANUS episcopus Leonensis opposuit se no-  
 mine ducis & cleri Britanniae. Item, magister  
 Petrus Quibletti procurator domini comitis Sa-  
 baudiae opposuit se pro ipso domino comite &  
 clero Sabaudiae & alias, ac pro aliis, ut in qua-  
 dam cedula quam postmodum tradidit plenius  
 continetur. Cujus cedulae tenor de verbo ad  
 verbum tale est.

Opposi-  
tio pro  
curatoris  
comitis  
Sabau-  
diae.

„Quia extitit facta quaestio, an vacantiae seu  
 „communia servitia, &c. primo & ante omnia  
 „præcise debeant tolli papæ, & dominis cardi-  
 „nalibus, & curiæ Romanæ, & deinde de eorum  
 „statu provideri, an simul debeat tractari mate-  
 „ria prædicta, mihi videtur, quod ante omnia  
 „sit providendum papæ, & collegio, & Romanæ  
 „curiæ, antequam tollantur, & decenter & ho-  
 „neste secundum eorum statum, aut saltem, si  
 „tollantur, quod fiat dicta provisio simul & semel,  
 „& si dictæ vacantiae solvantur, quod moderen-  
 „tur & reducantur ad taxam debitam, & non  
 „solvantur ante annum, sicut solebat fieri; sed  
 „post unum, duos vel tres annos à tempore adeptæ  
 „possessionis, & ad finem quod ecclesiæ quæ sunt  
 „liberæ & personæ ecclesiasticæ non efficiantur  
 „annuales & perpetuo tributariæ, aut alias per  
 „impositionem, decimas, aut alias quotidianas  
 „exactiones vexentur, & in supplementum bene-  
 „ficia haberent occupare, & in provisione ista  
 „fienda mihi apparet quod esset bonum quod  
 „darentur certi boni deputati de hac venerabili  
 „natione, qui conferant cum aliis deputatis su-  
 „per hoc aliarum nationum, qui simul tractent  
 „de hoc cum dominis cardinalibus, & cum bona  
 „modestia, & qui attendere debeant valorem &

A onera patrimonii ecclesiæ Romanæ, de quo  
 congrue & decenter papa futurus cum sua curia,  
 & sui successores ac domini cardinales debe-  
 bunt sustentari cum minori detrimento subdi-  
 torum ecclesiarum, & personarum ecclesiasti-  
 carum, & in casu quo dictos deputatos dare  
 velletis, & aliquid contra præmissa & in præ-  
 judicium ecclesiarum terrarum domini mei Sa-  
 baudiae & personarum ecclesiasticarum dicto-  
 rum territoriorum concluderetis, ego Petrus  
 Quibletti procurator prædictus, & nomine pro-  
 curatorio præfati domini mei, nec non & pro-  
 curator capituli ecclesiæ Cabilonensis, ac archi-  
 diaconus & canonicus in eadem ecclesia, meo  
 nomine & adhærentium mihi & adhærere vo-  
 lentium me oppono nominibus prædictis, &  
 potissime ubi dicta conclusio reperiretur dam-  
 nosa præfatis dominis meis, & eorum ecclesiis,  
 & beneficiis, & mihi, vel erga sanctam sedem  
 apostolicam injusta, cum tamen determina-  
 tione hujus sacri concilii & dictorum deputato-  
 rum reverentia & honore quibus decet.

C Item, magister Guillelmus Brilletti procurator Alia oppo-  
 illustris principis domini ducis Britanniae se op- sitiones.  
 posuit pro eodem domino duce, & toto clero  
 Britanniae, protestando quod nullum aliud no-  
 vum onus perpetuum singulis annis perpetuo  
 solvendum imponatur super clero, & exinde  
 efficiatur clerus alias perpetuo tributarius. Item,  
 magister Petrus de Vercellis prior de Calvo-  
 monte Rothomagensis diocesis, magister in theo-  
 logia, se opposuit pro toto ordine S. Benedicti,  
 & protestatus fuit solemniter, quod dictus Ordo  
 per aliqua alia quæ evenire possent, non gra-  
 vetur in aliquo, nec subjiciatur alicui annuo &  
 perpetuo tributo. Item, dominus JOHANNES  
 abbas monasterii Cisterciensis, sacrae theologiæ  
 professor dixit, quod non consentit, quod per-  
 petua annualia subsidia seu tributa noviter im-  
 ponantur in ordine Cisterciensi, immo est plus  
 contentus quod solvantur vacantiae, dum tamen  
 moderentur monasteria nimis taxata, & quod  
 post possessionem pacificam solvantur vacantia  
 æquis portionibus infra duos vel tres annos; &  
 si sic fiat, non videatur sibi magnum onus, &  
 quamplures alii nomine capitulorum & cleri  
 diversarum provinciarum protestati fuerunt so-  
 lemniter, & se opposuerunt, & petierunt instru-  
 mentum & instrumenta sibi fieri per notarios  
 dictæ nationis & quemlibet ipsorum. Et quia  
 nomina non poterant in tali turba rescribi cum  
 una voce plures se opponerent, & instrumenta  
 peterent, fuit dictum per me Johannem Guiar-  
 di dictæ nationis notarium alta voce, quod om-  
 nes se opposcentes darent nomina & cognomi-  
 na sua, pro quibus se opponebant, & causas  
 suarum oppositionum, quod facere promiserunt  
 & tacuerunt.

Postmodum idem patriarcha Antiochenus  
 narravit concordiam factam inter duos cardinales, de Urfinis & Ragusinum, videlicet quod  
 officium majoris poenitentiarii remaneat domi-  
 no cardinali de Urfinis, & quod camera aposto-  
 lica provideat domino Ragusino singulis annis  
 de trecentis florenis, donec aliter fuerit sibi pro-

Concordia  
inter cardinales  
de  
Urfinis &  
Ragusinum

visum. Et petiit si placeat nationi, quod auctorisaretur in sessione generali dicti sacri concilii. Et omnes dixerunt, Placet, excepto domino ELIA episcopo Aniciensi, qui multa dixit in contrarium; sed non obstantibus dictis suis, iterato omnes dixerunt, Placet.

Patriarcha  
Antiochenus  
eligitur  
praeses  
nationis  
gallicanae.

Deinde idem dominus patriarcha Antiochenus exposuit de facto praesidentiae, & quod dicta natio provideret sibi de novo praesidente, re-gratiatus fuit de honore, &c. & obtulit se semper paratum obedire mandatis dictae nationis, & sibi prompto animo servire, ut merito teneatur, & excusavit se, ut est moris. Et tandem fuit processum ad electionem futuri praesidentis, & auditis votis singulorum, idem dominus patriarcha per conclusionem votorum fuit iterum reelectus, & confirmatus, ut praesideret in natione per totum mensem Novembrem cum potestate & auctoritate consuetis, & omnes clamaverunt, Placet, Placet. Et quamquam recusaret, tamen finaliter dictam praesidentiam acceptavit: de quibus omnibus dicta die factis per promotores dictae nationis & nonnullos alios fuerunt petita & requisita publica instrumenta per nos notarios dictae nationis, & quemlibet nostrum sibi fieri ad aeternam rei memoriam. Et praefatus magister Johannes Ponceti petiit & requisivit de omnibus istam vacantiarum materiam tangentibus integraliter sine divisione quacumque & de interpositione suae appellationis, sive praesentatione & datione dictae cedulae de qua supra fit mentio, & aliis per ipsum dictis & propositis sibi fieri publicum & publica instrumentum & instrumenta per nos notarios dictae nationis, & quemlibet nostrum, praesentibus reverendis in Christo patribus dominis HELIA episcopo Aniciensi, MARTINO episcopo Atrebatensi, JOHANNES episcopo Silvanectensi, JOHANNES abbate Cisterciensi, PETRO abbate S. Maxentii, dominis & magistris JORDANO MORINI ambassiatore domini nostri Francorum regis, Nicolao de Gonneffia sacrae theologiae professoribus, Petro Cajetani canonico Conseranensi, litterarum sacrae poenitentiae scriptore, Oliverio Guennet in artibus & medicina magistro, & Johanne de Montecacuto notario publico, & nonnullis aliis dominis episcopis, abbatibus, magistris & doctoribus, & aliis notabilibus dictae nationis in multitudine copiosa testibus ad praemissa vocatis specialiter & rogatis. Tenor vero dictae appellationis cedulae per praefatum magistrum Johannem Ponceti tradita de verbo ad verbum sequitur & est talis.

Appellatio  
Johannis  
Ponceti  
canonici  
Bisuntini

Coram vobis reverendis patribus & dominis praesidenti ceterisque praelatis, & aliis venerabilis nationis Gallicanae Constantiae convocatis pro generali concilio celebrando, & in loco praesenti pro congregatione ipsius nationis congregatis, ipsamque nationem representantibus, personaliter constitutus Johannes Ponceti in decretis licentiatus, canonicus Bisuntinus & rector parochialis ecclesiae de Ormans Bisuntinensis diocesis, clericus sacri collegii reverendissimorum patrum dominorum S. R. E. cardinalium

procuratorque in hoc sacro concilio plurimum dominorum ecclesiasticorum, videlicet reverendi patris domini episcopi Lombariensis, domini abbatis S. Pauli Bisuntini, & capituli ecclesiae Bisuntinensis suo proprio & praedictorum dominorum suorum & aliorum sibi in hac parte & in hac materia adherere volentium, quorumcumque nominibus appellando dicit, quae sequuntur. Et primo quod licet dudum in quadam congregatione hujus venerabilis nationis Gallicanae in ista domo Praedicatorum Constantiensium de anno Domini mccccxv. solemniter celebrata, mature digestum, & per dictam nationem deliberatum & conclusum extitit pro bono unionis, pacis, & reformationis universalis ecclesiae, & ad hoc quod liberius sineurbatione vel impedimento quocumque, omnes & singuli de dicta natione sua, vota valerent explicare libere & sincere, secundum suas conscientias, sine incurrendo indignationem cujuscumque, vel aliud periculum sive damnum, videlicet quod quodcumque contingeret aliquam materiam arduam in dicta natione & per dictam nationem tractari, illa materia hujusmodi per scrutinium secretum de cetero tractaretur, dando singulorum vota certis fidelibus ad hoc deputatis, qui votis ad invicem compositis, domino praesidenti, qui pro tempore foret in praedicta natione referrent, & facta relatione in hujusmodi negotio, concluderetur secundum majorem & saniolem partem votorum hujusmodi, facta collatione zeli & numeri: quae ordinatio, & definitio, seu statutum in materia inventionis & electionis viae pacis & unionis ecclesiae, videlicet cessionis papatus & aliis arduis negotiis tentata & praticata & per dictam nationem feliciter observata extiterint, salvis scilicet infra dicendis. Licet etiam in hoc sacro generali Constantiensi concilio fuerit statutum & ordinatum per nationes, & praesertim per hanc venerabilem Gallicanam, & usque nunc haecenus laudabiliter observatum, tentum & praticatum, quod venerabiles deputati generales quatuor nationum, tam per advisamenta aliorum dominorum de concilio, quam per scriptum materias tractandas in congregationibus nationum proponendas aperirent & eligerent, & singuli praesidentes seu deputati ipsarum nationum ad singulas nationes suas easdem materias pertractandas traderent seu deferrent, ut in eisdem nationibus tractaretur, & in deliberatione seu conclusionem concorditer concurrerent & convenirent, ut deinde easdem in sessionibus publicis deffinirent. Et quondam JOHANNES papa xxiii. a tempore suae creationis usque ad tempus suae depositionis de papatu, ceterique summi pontifices sui praedecessores a x. xx. xxx. xl. l. lx. & centum annis proxime praeteritis citra & ultra, & a tanto tempore, & per tantum tempus, cujus initii memoria hominum non existit, pro sustentatione status sui & reverentia diffimorum patrum dominorum cardinalium fuerunt in possessione pacifica habendi, levare faciendi, & recipiendi per omnes & singulas Galliae provincias sub dominio Christianissimi

&

» & illustrissimi Francorum regis existentes, ac  
 » etiam per alia regna & provincias christianitatis  
 » primo anno vacationis beneficiorum annatas  
 » seu vacantias, id est beneficiorum primo anno  
 » sive vacationis fructus, & redditus cum modera-  
 » tione in camera apostolica declarata, præsertim  
 » beneficiorum auctoritate apostolica habitorem,  
 » sitque summis pontificibus, qui ad universalis  
 » ecclesiæ gubernationem deputantur, de bonis  
 » ecclesiæ debite providendum de jure divino pa-  
 » riter & humano, & major pars sustentationis pa-  
 » palis status & suæ curiæ in hujusmodi annatis  
 » seu vacantiis dignoscatur consistere, adeo quod  
 » ipse summus pontifex statum suum de præsentem,  
 » & stantibus rebus prout sunt, non possit com-  
 » mode sustentare sine hujusmodi vacantiis, nisi  
 » aliunde sibi provideretur: attento præsertim  
 » quod propter schisma, quod, pro dolor in Dei  
 » ecclesia longo tempore viguit, & malam guber-  
 » nationem aliquorum ecclesiæ Romanæ præsi-  
 » dentium, malitiamque temporis, & cariam ty-  
 » rannorum patrimonium ecclesiæ est totaliter  
 » collapsum, & camera apostolica funditus exina-  
 » nita, & prædictis Johanni & sibi adhærentibus,  
 » nominibus quibus supra videatur in judicio con-  
 » scientiarum suarum statui papæ & cardinalium  
 » de bonis ecclesiæ secundum jura divina & hu-  
 » mana fore sufficienter providendum, sicut etiam  
 » major pars votorum hujus venerabilis nationis  
 » in hoc concordat, nec videatur eis convenien-  
 » tior modus, & pauperibus clericis & ecclesiis  
 » minus onerosus, quam huic vacantiæ seu anna-  
 » tæ, moderatæ tamen in quantitate, loco, & tem-  
 » pore solutionis eorumdem, & prout dicitur, per  
 » dictum collegium dominorum cardinalium jam  
 » est oblatum, videlicet quod sicut sentiunt iidem  
 » Johannes & adhærentes in scriptis inter illos,  
 » qui pro parte nationum deputati sunt super re-  
 » formatione, quod communia servitia prælato-  
 » rum non possunt solvi etiam à volentibus ante  
 » annum, & quod fiat talis constitutio, quæ ser-  
 » veretur ex necessitate, quod à die habitæ pos-  
 » sessionis in fine anni solvatur medietas, & in  
 » fine alterius anni alia medietas, & si pluries in  
 » anno vacaverit, non solvatur nisi semel, &  
 » quod ecclesiæ & monasteria indebite taxatæ de-  
 » bite taxentur. Item, spolia prælatorum defun-  
 » ctorum & fructus medii temporis ecclesiarum  
 » seu beneficiorum vacantium, & procuraciones,  
 » quæ ratione visitationis debentur, & decimæ  
 » per alias constitutiones advisatæ per reforma-  
 » tores prædictos sunt sublata papæ & Romanæ  
 » sedi: unde etiam si tollantur annatæ prædictæ,  
 » nihil dimittitur papæ & cardinalibus & suæ  
 » curiæ unde vivant; quod non est aliud dicere,  
 » nisi quod vel non sint papa, nec cardinales, nec  
 » curia, vel qui serviant reipublicæ totius eccle-  
 » siæ. Quæ res si bene intelligeretur, non fuisset  
 » processum cum tanta levitate, nec procedere-  
 » tur, sed magis mature & cum majori & matu-  
 » riori deliberatione. Præmissis tamen non obstan-  
 » tibus, nonnulli reverendi patres domini episcopi,  
 » & nonnulli domini abbates, & alii de ipsa natio-  
 » ne ei adhærentes, nescitur quo spiritu ducti, nisi

*Theſauri Anecd. Tomus II.*

A forte quia ipsorum aliqui sunt debitores dictarum  
 annatarum, & volunt hoc modo se liberare: non  
 advertentes quod sede vacante, nihil est in præ-  
 judicium vacantis ecclesiæ innovandum, & quod  
 per innovationem hujusmodi damnaretur, im-  
 mo destrueretur status summi pontificis; quod  
 est totum ecclesiasticum ordinem confundere,  
 nisi aliter provideatur super materia annatarum  
 seu vacantiarum hujusmodi in prædicta natione  
 per importunitatem & minus consulte, & præ-  
 sertim, ut dicitur, aliis nationibus inconsultis,  
 B introducta: quæ etsi fuisset debito modo & bono  
 zelo introducta, & in deliberatione posita, de-  
 buerit & deber, sicut fuit per plures petitum &  
 petitur hujusmodi materia per scrutinium secre-  
 tum tractari: attenta ejus arduitate, juxta con-  
 stitutionem & observationem prædictas ejusdem  
 nationis: & tamen hoc petentes non solum non  
 exauditi, immo nec auditi fuerunt, immo au-  
 dientia & libertas dicendi vota sua fuit eis de-  
 negata, & quod pejus est, per minas, terrores,  
 & allegationes voluntatum aliquorum princi-  
 C pum temporalium, comminationes de ipsis &  
 impressiones alias verbales quamplures ad suam  
 voluntatem trahentes: alios vero timore terri-  
 tos ad non exprimendum vota sua juxta ipso-  
 rum conscientias inducentes, in præjudicium li-  
 bertatis hujus sacri generalis Constantiensis  
 concilii, vota etiam dicentium expediens fore  
 papæ & cardinalium statui provideri expresse  
 interrumpentes, salva ipsorum debita reveren-  
 tia, in præmissis ad deliberationem publicam vo-  
 calem per rara verba sua perperam, & inique,  
 D indebite & injuste procedentes, dictas primas  
 annatas non esse debitas, ipsasque tollendas  
 fore omnino taliter qualiter per sua vota, ut  
 dicitur, declaraverunt & concluderunt, quan-  
 tum in eis est, ac per vos dominum præsen-  
 tem & per venerabilem nationem prædictam  
 nituntur facere declarari & concludi, nulla per  
 prius provisione facta, seu fieri ordinata per eos  
 pro sustentatione status papæ & dominorum  
 cardinalium, licet hoc in deliberatione votorum  
 E hujusmodi fuerit per magnam & majorem par-  
 tem dictæ nationis dictum & deliberatum, con-  
 clusum & petitum, quod si dictæ vacantiæ tol-  
 lantur, provideatur statui prædictorum domi-  
 norum papæ & cardinalium, & quod super hoc  
 dentur deputati; & hoc fecerunt & faciunt in  
 præjudicium & enormem læsionem honoris &  
 status ordinis clericalis, dignitatis & status papæ  
 & cardinalium, & totius reipublicæ ecclesiasticæ  
 Ea propter prædictus Johannes Ponceri nomi-  
 nibus quibus supra tam conjunctim, quam di-  
 visim sentiens se & dominos suos, sibi que  
 F adhærere volentes in præmissis & per præmissa  
 læsos & gravatos, timensque per præmissa alte-  
 rum ex duobus evenire, & totius ordinis cleri-  
 calis, cui in vilipendiurn reputatur, si unus cle-  
 ricus mendicare cogatur, subversionem & con-  
 fusionem, aut novi oneris & gravioris super ipso  
 clero impositionem, volensque imitari sanctos  
 patres, qui in concilio Viennensi similiter con-  
 siderantes quod statui papali non poterat me-

G g g g g



lius & lenius provideri, quam per dictas va-  
 cantias seu annatas, circa hanc materiam tunc  
 \* f. casu. \* causam tractatam nihil immutare voluerunt. Et  
 etiam timens ipse Johannes, ne per hujusmodi  
 novitatem unio ecclesiæ impediatur, & graviora  
 sequantur scandala, cum inter dominum regem  
 Romanorum & nuncios PETRI DE LUNA,  
 super modo conventionis faciendæ, quæ jam  
 pendet, fuit conventum & ordinatum quod  
 pendente dicta conventionem, nihil hinc inde  
 fieret novitatis, maxime in illis quæ concernunt  
 statum papatus & ecclesiæ Romanæ. Constat  
 autem quod hæc est maxima novitas, per quam  
 nimium præjudicatur, immo subvertitur status  
 ecclesiæ Romanæ: timens etiam ulterius per  
 eos aggravari in futurum tam per impositionem  
 novorum onerum, quam ex causis præactis aut  
 aliis quibuscumque ab ipsis dominis episcopis  
 eorumque adhærentibus in præmissis, & contra  
 eos & eorum quemlibet, ab eorum & cujusli-  
 bet ipsorum voce, deliberationibus & conclu-  
 sionibus, & contra eas, & contra reverendum  
 patrem dominum præidentem, si, quod absit,  
 ad conclusionem procedat sic indeliberate,  
 ad eorum petitionem, seu alias nominibus qui-  
 bus supra, in his scriptis ad sacrum generale  
 concilium & ad summum pontificem futurum,  
 & ad sanctam sedem apostolicam conjunctim  
 provocat & appellat, & apostolos petit instan-  
 ter, instantius, & instantissime, & cum debita  
 instantia per vos dictum dominum præidentem  
 dictæ nationis, vel alium seu alios, qui eos dare  
 velit & possit, seu velint & possint, & super præ-  
 missis omnibus singulis una cum responsione, D  
 vel sine prædictis appellans petit, nominibus  
 quibus supra, sibi confici & fieri instrumentum  
 publicum, & instrumenta publica, unum &  
 plura, tot quot necessaria fuerint per notarios  
 dictæ nationis, seu per eorum alterum, & cum  
 protestatione corrigendi, addendi, minuendi,  
 vel mutandi, prout videbitur.

Deputan-  
 tur ad alias  
 nationes.

Subsequenter vero die Lunæ quarta dicti  
 mensis Novembris, de mandato domini præsi-  
 dentis nationis Gallicanæ præfate, in refectorio  
 domus fratrum Prædicatorum Constantiæ, E  
 hora secunda post meridiem, fuit eadem na-  
 tio solemniter congregata, fuitque propositum  
 per dominum præidentem, quod darentur  
 aliqui notabiles deputati ad eundem ad alias  
 nationes, ut velint concurrere cum dicta natione  
 Gallicana super conclusione vacantiarum facta  
 die sabbati, secunda præfati mensis Novembris  
 proxime lapsa, & fuit conclusum quod dentur  
 deputati, & fuerunt nominati atque dati, vide-  
 licet domini episcopi Aniciensis & Silvanesten-  
 sis, PETRUS abbas S. Maxentii, magistri Ur-  
 sinus *Talvande*, Pontius Simoneti sacre Theo-  
 giæ professores, dominus Amedeus de *Talaru*  
 decanus Lugdunensis, & dominus archidiaconus  
 Parvi-Caleti, & quod referant quicquid in aliis  
 nationibus & cum ipsis repererint proxima die  
 Veneris, vel proxima die sequenti. Et in con-  
 tinenti magister Oliverius *Guennet* in artibus &  
 medicina magister, & Petrus Negrandi archi-

diaconus de Brianceyo in ecclesia Pictavenfi,  
 litterarum apostolicarum scriptor, nonnullor-  
 um absentium procuratores dixerunt, & pro-  
 testati sunt, quod vacantia, quas recipiunt  
 præfati episcopi, archidiaconi & alii, omnino  
 tollantur, alias non consenserunt quod impo-  
 natur onus aliquod super clero inferiori, nec  
 quod vacantia supra contenta, super quibus  
 vota audita fuerunt, tollantur, & de hoc petie-  
 runt instrumentum.

Adveniente vero dicta die Veneris, quæ fuit  
 octava mensis prædicti Novembris, fuit dicta <sup>Relatio de-  
 putatorum.</sup>  
 natio Gallicana de mandato domini præiden-  
 tis ejusdem nationis in loco prædicto post pran-  
 dium congregata: & dominus patriarcha præ-  
 sidentis præfatus proposuit, qualiter in ultima  
 congregatione fuerant certi deputati ad eun-  
 dum ad alias nationes super facto vacantiarum,  
 & quod hodie debent facere eorum relationem.  
 Et præfatus dominus Aniciensis episcopus  
 unus & primus de deputatis super hoc fecit re-  
 lationem de his quæ super dictis vacantibus repe-  
 rerant tam in Italica, quam Germanica & An-  
 glicana nationibus: & in effectu dixit & retu-  
 lit, quod natio Italica in facto dictarum vacan-  
 tiarum erat contraria, nec vult quod tollan-  
 tur. Natio vero Germanica super dictis vacan-  
 tiis non deliberavit, & etiam dixit quod natio  
 Anglicana non deliberavit adhuc super iisdem  
 vacantibus; sed habet spem quod concordabunt.  
 Post quæ magister Pontius Simoneti dixit,  
 qualiter fuit hic pridie facta & data in mate-  
 ria vacantiarum una appellatio, & quod videat-  
 ur & sciatur quod continet & cur fuit data.  
 Secundo, sciatur qui sunt & quot sunt oppo-  
 nentes, & sciatur causæ suarum oppositionum.  
 Tertio quod sciatur minieras & merita voto-  
 rum, auditorum, & scriptorum in præfata ma-  
 teria vacantiarum. Quarto quod conclusio super  
 hoc facta redigatur in scriptis, & tradatur in  
 forma publici instrumenti, & de his petiit pu-  
 blicum instrumentum.

Die vero dominica præfati mensis Novem-  
 bris, dicta natione post prandium in domo  
 Prædicatorum de mandato præfati domini præ-  
 sidentis congregata, supervenit magister Johan-  
 nes de Scribanis procurator fiscalis sedis apo-  
 stolicæ, dicens quod à decem diebus citra ve-  
 nit ad notitiam suam, quod in ista congrega-  
 tione fuerunt aliqua facta in præjudicium sedis  
 apostolicæ, &c. & propterea infra decem dies  
 existens appellabat, & appellavit, prout in  
 quadam cedula in duobus foliis papyri des-  
 cripta, quam exhibuit continetur, & tradidit  
 legendam, apostolosque petiit sibi dari: & lecta  
 fuit in congregatione prædicta. Qua lecta, dic-  
 tus magister Johannes de Scribanis repetiit apo-  
 stolos sibi dari, & petiit de omnibus sibi fieri  
 publicum & publica instrumentum & instru-  
 menta per nos notarios dictæ nationis, & quos-  
 vis alios præfentes, & quemlibet nostrum. Et  
 in continenti magister Pontius Simoneti petiit  
 copiam dictæ appellationis, & protestatus fuit  
 de injuriis & hæresibus in ea contentis. Et præ-



fatus dominus præsidens, collatione facta & habita ad partem cum dominis prælati, dixit multa bona verba exhortatoria ad pacem, &c. Postea respondit dicto magistro Johanni de Scribanis. Primo petiit copiam dictæ suæ appellationis, secundo potestatis suæ, & tertio respondit quod domini de natione dictam appellationem videbunt, & super ea deliberabunt, & postea sibi respondebitur, & ad respondendum sibi assignavit diem quintam decimam proxime futuram, retento sibi termino juris, quem terminum aliis in ista materia appellanti assignaverat, & assignare intendebat. Et idem magister Johannes de Scribanis procurator petiit copiam hujusmodi responsionis. Tenor vero dictæ cedulæ appellationis per præfatum magistrum Johannem de Scribanis traditæ, ut præfertur, de verbo ad verbum sequitur, & est talis.

Appellatio Johannis de Scribanis procuratoris fiscalis sedis apostolicæ.  
 Coram vobis reverendissimis patribus dominis præsidentibus, ceterisque prælati & aliis nationis Gallicanæ Constantiæ congregatis pro generali concilio celebrando præsentibus, & personaliter constitutis, appellando proponit Johannes de Scribanis de Placentia, procurator fisci sedis apostolicæ & curiæ Romanæ, fisci ejusdem sedis, & camera apostolicæ, sibi que adhærentium, & in hac materia adhærere volentium: & dicit quod licet dudum in quadam congregatione venerabilis nationis Gallicanæ, in domo Prædicatorum de anno Domini mccccxv. solemniter celebrata mature digestum, & per dictam nationem deliberatum & conclusum extiterit, pro bono pacis & reformatione ecclesiæ, ad hoc ut liberius sineurbatione quacunque omnes & singuli de dicta natione sua vota explicare valerent sine indignatione cujuscunque, videlicet quod quando cumque contingeret, aliquam materiam arduam in dicta natione & per dictam nationem tractari, hujusmodi talis materia per scrutinium secretum de cetero tractaretur, dando singulorum vota certis fidelibus deputatis, qui votis ad invicem compensatis, domino præsidenti qui pro tempore foret, præsentem prædictam incluta natione, referrent, & facta relatione in hujusmodi negotio concluderetur. Quæ ordinatio, definitio, seu statutum in materia inventionis & electionis viæ pacis & unionis ecclesiæ, videlicet via cessionis papatus & aliis arduis negotiis tentata & praticata, & per dictam nationem fideliter observata extiterit, salvis infra dicendis. Et licet etiam in hoc sacro generali concilio Constantensi fuerit hætenus laudabiliter observatum, tentum, & praticatum, quod venerabiles deputati quatuor nationum, tam per advisamenta aliorum dominorum de concilio, quam per seipsos materias in congregationibus nationum proponendas eligerent, & singuli deputati ad singulas nationes easdem materias pertractandas deferrent, ut in eisdem conclusionibus concurrerent, & easdem in sessione publica diffinirent. Licet etiam Romanis pontificibus, quibus imminet universalis cura regiminis, omni jure sit subveniendum ab inferioribus ecclesiis, quæ omnes à Romana ecclesia descenderunt,

A pro sustentatione status eorum, & supportatione onerum eis pro universali regimine incumbendum, & reverendissimorum patrum dominorum cardinalium, qui eisdem in officio coadjutores existunt, & etiam aliorum officialium Romanæ curiæ ipsi Romano pontifici & universo orbi servientium, cum etiam in quibusdam aliis rebus publicis, regiminibus seu regnis aut comitatibus hoc semper observatum fuerit, & hodie fervetur, quod his qui insistant regimini rerum publicarum, de publico provideretur, unde possint honeste vivere. Cum etiam ipsi Romani pontifices & domini cardinales & officiales prædicti à quiquaginta, centum, ducentis annis & ultra tempus de quo memoria non existit fuerint, prout etiam de præsentem existunt sedes & apostolica camera in possessione pacifica & quieta prælati inferiorum ecclesiarum, immo & conciliis generalibus pluribus interim congregatis scientibus & patientibus & non contradicentibus: immo postquam de hoc tractaverunt saltem tacite approbantibus percipiendi & levandi fructus & communia servitia per omnes & singulas Galliarum provincias, præsertim sub dominio christianissimi & illustrissimi Francorum regis existentes primo anno vacationis beneficiorum annatas, seu beneficiorum primo anno suæ vacationis fructus, redditus & præsertim beneficiorum auctoritate apostolica habitorum, ac major pars sustentationis status papalis & suæ curiæ hujusmodi annatis seu vacantiis & communibus servitiis, quæ ideo communia servitia appellantur, quia pro servitio quod communitati & reipublicæ per papam & cardinales impenditur solvuntur, dignoscuntur consistere: adeo quod statum suum papa non posset commode sustentare sine hujusmodi vacantiis & communibus servitiis, nisi aliunde sibi provideretur: attento præsertim quod propter schisma, quod, proh dolor! longo tempore viguit, & malam gubernationem Romanæ ecclesiæ præsidentium, malitiamque temporum & rabiem tyrannorum, patrimonium ecclesiæ totaliter est collapsum, & camera apostolica funditus exinanita, nec videatur sibi nomine quo supra, convenientior modus, nec pauperibus clericis minus onerosus ad providendum statui papæ & reverendissimorum patrum dominorum cardinalium, quibus de bonis ecclesiæ secundum jura divina & humana providendum existit, prout nec visum fuit sanctis patribus in concilio Viennensi in copioso numero congregatis de hac materia tractantibus, qui circa hanc materiam nihil immutare voluerunt, consuetudinem & privilegium prædicta per hoc saltem tacite approbantes, quam sint vacantiæ seu annatæ moderatæ, tamen in quantitate, loco & tempore solutione earundem, & prout dicitur, per collegium dictorum reverendissimorum patrum domino cardinalium jam est oblatum, videlicet quod sicut audivit idem appellans in scriptis inter illos, qui pro parte nationum deputati sunt super reformatione, quod communia servitia prælatorum non possint solvi etiam à volentibus ante annum, & quod fiat talis consti-

Ggg gg ij

„tutio, quæ servetur ex necessitate, quod à die  
 „habitæ possessionis in fine anni solvatur medie-  
 „tas, & in fine alterius anni alia medietas, &  
 „si pluries in anno vacaverint, non solvatur nisi  
 „semel, & quod ecclesiæ vel monasteria inde-  
 „bite taxatæ debite taxentur. Item, spolia præ-  
 „latorum defunctorum & fructus medii tempo-  
 „ris ecclesiarum sive beneficiorum vacantium &  
 „procuraciones, quæ ratione visitationis debentur.  
 „Item, decimæ per alias constitutiones ad-  
 „satas per dictos reformatores prædictos sunt  
 „sublatæ papæ & Romanæ sedi, unde si etiam  
 „tollantur annatæ prædictæ, nihil dimittitur  
 „papæ, & dictis reverendissimis patribus dominis  
 „cardinalibus & suæ curiæ unde vivant: quod  
 „non est aliud dicere nisi quod vel non sint papa  
 „& cardinales, nec curia, vel quod serviant rei-  
 „publicæ totius ecclesiæ, & cum voluerint pran-  
 „dere, vadant ostiatim mendicando: quæ res si  
 „bene intelligeretur, non fuisset processum in ea  
 „cum tanta levitate, nec procederetur. Præmis-  
 „sis tamen non obstantibus, nonnulli reverendi  
 „patres domini episcopi, & nonnulli domini ab-  
 „bates, & alii eis adhærentes, nescitur quo spi-  
 „ritu ducti, nisi forte quia aliqui ipsorum sunt  
 „debiter dictarum annatarum, & volunt se hoc  
 „modo liberare: non advertentes quod sede va-  
 „cante, nihil est in præjudicium vacantis eccle-  
 „siæ innovandum, & quod innovatione hujus-  
 „modi deprimeretur status summi pontificis, à  
 „quo post Deum status hominum christianorum  
 „dependet: quod nihil aliud est, quam eccle-  
 „siasticum ordinem confundere & prorsus extin-  
 „guere & adnihilare super materia annatarum  
 „seu vacantiarum in prædicta natione ad instan-  
 „tiam prædictorum dominorum episcoporum &  
 „sibi adhærentium, ut creditur, aliis nationibus  
 „inconsultis, deducta: volentesque ac petentes  
 „hujusmodi materiam per scrutinium secretum  
 „tractari, attempta ejus arduitate, juxta constitu-  
 „tionem prædictam ejusdem nationis non solum  
 „non exaudientes, immo nec audire volentes, &  
 „quod pejus est, per minas & terrores & allega-  
 „tiones voluntatum aliquorum principum tem-  
 „poralium quamplures ad suam voluntatem tra-  
 „hentes, alios vero timore territos ad non ex-  
 „primendum vota sua juxta ipsorum conscientias  
 „inducentes, in præjudicium libertatis generalis  
 „Constantiensis concilii, vota etiam dicentium  
 „expediens fore papæ & dominorum cardina-  
 „lium statui provideri expresse interruptentes,  
 „salva ipsorum debita reverentia in præmissis per-  
 „peram, & inique, indebite & injuste proceden-  
 „tes, etiam, ut verisimiliter creditur, præter con-  
 „scientiam, & consensum christianissimi principis  
 „domini regis Francorum, & aliorum principum  
 „domus suæ, quorum prædecessores Romanam  
 „ecclesiam sæpius in multis & magnis necessita-  
 „tibus sublevarunt, & per consequens non cre-  
 „ditur eos nunc in destructione ipsius ecclesiæ,  
 „intendere primas annatas papæ non esse debi-  
 „tas, ipsasque de præsentis, præterito & futuro  
 „tollendas fore omnino totaliter, qualiter per  
 „sua vota, ut dicitur, declaraverunt & conclu-  
 „serunt, quantum in eis est, nulla per prius pro-

visione facta seu ordinata per eos pro sustenta-  
 „tione papæ & dominorum cardinalium, licet  
 „hoc fuerit per magnam partem dictæ nationis  
 „deliberatum, conclusum, & petum: immo,  
 „quod videtur prorsus inhumanum, nulla de  
 „hac re facta intimatione vel requisitione reve-  
 „rendissimorum patrum dominorum cardinalium  
 „& ipsorum sacro collegio, ad quod de jure &  
 „antiqua & diutissime per tempus cujus contra-  
 „rii non est memoria, observata consuetudine  
 „pertinuit & spectavit, pertinet & spectat prote-  
 „ctio Romanæ & apostolicæ sedis, ea vacante, &  
 „similiter ipsius apostolicæ cameræ. Qui etiam  
 „domini cardinales hic erant & sunt causa unio-  
 „nis in Dei ecclesia procurandæ, & hoc fece-  
 „runt in præjudicium & enormem læsionem ho-  
 „noris & status ordinis clericalis, ab excellentia  
 „dignitatis & status papæ, & dictorum domi-  
 „norum cardinalium post Deum, ut præmittitur  
 „dependentium: immo etiam, ut dicitur, nitun-  
 „tur asserere simoniacum fuisse, & esse eas in præ-  
 „teritum solvisse & hodieolvere; non adver-  
 „tentes, quod per hoc videntur damnare totum  
 „ecclesiasticum statum à multis annorum cen-  
 „tenariis, & concilia etiam generalia, quæ præ-  
 „teritis temporibus facta sunt, quorum tempori-  
 „bus prædictæ annatæ seu communia servitia  
 „fuerunt ab omnibus christianis & maxime cle-  
 „ricis & prælatis recepta & observata sine ulla  
 „contradictione; non advertentes etiam quod  
 „istud munus sive onus annatarum seu commu-  
 „nium servitiorum est impositum ecclesiis non  
 „personis: ita quod etiam si promotus, qui debet  
 „annatam, transferatur, tamen onus non sequi-  
 „tur eum, sed ecclesiam, & successor & ecclesia  
 „remanent obligati: unde nullus respectus habe-  
 „tur ad personam, sed ad ecclesiam; & sic non  
 „apparet unde dici possit, quod ipse promotus,  
 „qui in effectu ad nihil se obligavit, possit dici  
 „simoniam commisisse. Ea propter prædictus  
 „Johannes de Scribanis procurator dicti fisci &  
 „sedis apostolicæ, nomine quo supra, & sibi in  
 „hac parte adhærere volentium, sentiens nomine  
 „præfato in præmissis & per præmissa læsum &  
 „gravatum, timensque per præmissa alterum de  
 „duobus evenire, vel totius christianitatis, præ-  
 „sertim ordinis clericalis, cui in vilipendium re-  
 „putatur si unus clericus minimus mendicare  
 „cogatur, superversionem & confusionem aut  
 „novi oneris & gravioris ipsi clero impositionem,  
 „ac etiam timens, ne per hujusmodi novitatem  
 „unio ecclesiæ impediatur, cum in conventioni-  
 „bus inter serenissimum principem dominum re-  
 „gem Romanorum, & nuncios domini Petri de  
 „Luna super modo conventionis fiendæ, quæ  
 „jam pendet, fuit conventum & ordinatum, quod  
 „pendente ista conventionem, nihil hinc inde fieret  
 „novitatis. Constat autem quod hæc est maxima  
 „novitas, per quam nimium præjudicatur, immo  
 „pene subvertitur status ecclesiæ Romanæ, nec  
 „non timens per eos ulterius aggravari in futu-  
 „rum ab ipsis dominis episcopis & abbatibus eo-  
 „rumque adhærentibus in præmissis contra eas  
 „& eorum quemlibet, ab eorum votis, delibera-  
 „tionibus & conclusionibus hujusmodi, & contra

» eas, & contra reverendum patrem dominum A  
 » præfidentem, & ab omni alio gravamine, quod  
 » ex prædictis colligi & elici potest, & ad appel-  
 » landum sufficiat, nomine quo supra, in his scri-  
 » ptis ad sanctam sedem apostolicam, & ad sum-  
 » mum pontificem futurum provocat & appellat,  
 » & apostolos petit instantèr, instantius, instan-  
 » tissime, & cum debita instantia per vos dictum  
 » dominum præfidentem dictæ nationis, & alium  
 » seu alios, qui dare velit & possit, seu velint &  
 » possint, & super præmissis omnibus & singulis B  
 » una cum vestra responsione vel sine, prædictus  
 » appellans petit sibi nomine quo supra, fieri &  
 » confici unum & plura publicum & publica in-  
 » strumenta, & tot quot fuerint necessaria.

Postmodum die Martis duodecima dicti men-  
 sis Novembris, in domo Prædicatorum, in loco  
 consueto, fuit post prandium de mandato præ-  
 fari domini præfidentis, præfata natio congrega-  
 ta, & proposuit in ipsa congregatione præ-  
 fatus dominus præfident, continuando mate-  
 riam vacantiarum, & narravit de appellatione  
 interposita per procuratorem fiscalem, videlicet C  
 magistrum Johannem de Scribanis, & etiam  
 per magistrum Johannem Ponceti, & alios no-  
 mine dominorum cardinalium, & qualiter assi-  
 gnata fuit dies ad respondendum dictis appel-  
 lantibus, videlicet quinta decima, computando  
 à prima appellatione per procuratorem fisca-  
 lem, videlicet magistrum Johannem de Scriba-  
 nis interposita, & conclusit, quod dentur depu-  
 tati, qui videant dictas appellationes, videlicet  
 appellationem primo per magistrum Johannem  
 Ponceti traditam, secundo appellationem per  
 dictum magistrum Johannem de Scribanis da-  
 tam, quarum tenores superius sunt descripti,  
 necnon appellationem secundo per dictum ma-  
 gistrum Johannem Ponceti interpositam, & ap-  
 pellationem per alios, videlicet dominum Johan-  
 nem de Reate decretorum doctorem, & magi-  
 strum Johannem Nicolai sacri collegii procu-  
 ratores, nomine dictorum dominorum cardina-  
 lium, dictique deputati videant & advisent dic-  
 tas appellationes, & modum respondendi dictis  
 appellantis, & referant in congregatione na-  
 tionis ante diem assignatam, ut eisdem appel-  
 lantibus debite valeat responderi. Post hæc  
 supervenerunt plures domini prælati, ac docto-  
 res, & magistri ex parte duarum nationum, vi-  
 delicet Germanicæ & Anglicanæ. Et magister  
 Job nationis Germanicæ nomine proposuit &  
 narravit materiam dictarum vacantiarum, &  
 discordias inde ortas, & de gestis per ipsas na-  
 tiones, & post multa eleganter dicta, rogando  
 conclusit, quod natio Gallicana deputaret ali-  
 quos certos notabiles viros, sicut aliæ nationes  
 fecerunt, qui videant & examinent materiam  
 dictarum vacantiarum, & cessent omnes appel-  
 lationes & lites. Et dominus patriarcha præsi-  
 dens regratius fuit eisdem ex parte nationis,  
 & dixit quod super propositis per dictum ma-  
 gistrum Job dicta natio deliberabit, & deputa-  
 buntur certi super petitis, & sic recesserunt.  
 Postea fuit positum in deliberatione super pe-  
 titis per prædictos, & auditis rationibus singu-

lorum, fuit conclusum quod eligantur quatuor,  
 & quod dominus præfident sit unus de illis qua-  
 tuor, & quod ipse nominet alios tres, qui videant  
 cum deputatis aliarum nationum materiam  
 supradictam, & non habeant potestatem nisi  
 pro prima conventionem cum aliis deputatis alia-  
 rum nationum, videlicet ad tractandum, au-  
 diendum, & referendum duntaxat, & rela-  
 tione eorum audita, si videatur, alii deputati  
 addentur, vel deputabuntur, & incontinenti  
 præfatus dominus præfident habita deliberatio-  
 ne cum certis prælati & aliis, idem dominus  
 præfident nominavit alios tres, videlicet Vau-  
 rensem & Silvanectensem episcopos, & magi-  
 strum JORDANUM MORINI ambassiatorem  
 præfati domini nostri Francorum regis, sacra-  
 theologiæ professorem, quibus nominatis, pla-  
 cuit nationi. Tenor vero dictarum duarum ap-  
 pellationum per præfatos magistrum Johannem  
 Ponceti secundo & dominum Johannem de  
 Reate & magistrum Johannem Nicolai inter-  
 positarum, de quibus superius fit mentio, de  
 verbo ad verbum sequitur & sunt tales. Et pri-  
 mo sequitur tenor appellationis secundæ præ-  
 fati magistri Johannis Ponceti.

Non recedendo ab oppositione & appella-  
 tione nuper per Johannem Ponceti licentiarum  
 in decretis, canonicum Bisuntinum & rectorem  
 parochialis ecclesiæ de *Ormans* Bisuntinensis dio-  
 cesis, ac sacri collegii reverendissimorum pa-  
 trum dominorum S. R. E. cardinalium cleri-  
 cum, procuratoremque plurium dominorum ec-  
 clesiasticorum, in dicta oppositione seu appel-  
 latione nominatorum suo proprio nomine, &  
 dominorum suorum, & aliorum sibi in hac ma-  
 teria adhærere volentium, facta & interposita  
 in venerabili natione Gallicana, à quibusdam  
 dominis prælati, & alijs sequacibus mentibus  
 sanctam sedem & cameram apostolicam, & sa-  
 crum collegium dictorum dominorum car-  
 dinalium S. R. E. juribus & possessionibus suis  
 antiquis, præsertim vacantiis, seu primis anna-  
 tis dignitatum & beneficiorum vacantium tanto  
 tempore, & per eos pacifice possessis, quod de  
 initio hominum memoria non existit, spoliare,  
 & à quibusdam deliberationibus & prætensis  
 conclusionibus super illa materia factis, immo  
 verius extortis, post, & contra præfati Johan-  
 nis, & plurium aliorum oppositiones, seu appel-  
 lationes. Sed potius ipsis inhærendo, & atten-  
 ta re declarando illas per istam, & istam per  
 illas justificando, ac nullitatis, iniquitatis, &  
 injustitiæ ipsarum prætensarum deliberationum  
 declarando dicit & asserit quæ sequuntur:  
 Primo quod processum fuit ad dictam delibe-  
 rationem præter & contra ordinationem, &  
 observantias hujus sacri concilii & nationum in  
 eo existentium, præsertim dictæ venerabilis na-  
 tionis, & specialiter contra ordinationes, qui-  
 bus cavetur quod nulla materia ponatur in de-  
 liberatione alicujus nationis seorsum, donec  
 prius fuerit advisata inter dominos generales  
 deputatos ipsarum nationum simul congrega-  
 tos, & inter eos deliberatum, an sit repellenda  
 vel differenda, aut quando in deliberatione

« Tenor se-  
 « cundæ  
 « appella-  
 « tionis  
 « Johannis  
 « Ponceti.

Deputati  
 ad alias  
 nationes  
 designan-  
 tur.

G g g g iij

» ipsarum nationum sit ponenda. Item, quia quan-  
 » do aliqua materia, ut præmittitur, debet poni  
 » in deliberatione, hoc fieri debet per dominum  
 » tunc præsentem in natione, & non per quem-  
 » cumque alium, cujuscumque status vel gradus  
 » existat. Item, quod nullus, cujuscumque gradus  
 » vel status existat, possit vel debeat aliquid con-  
 » cludere in dicta natione, nisi solus præfatus de-  
 » bite per majorem partem dictæ nationis electus,  
 » quorum omnium contrarium hic existit obser-  
 » vatum, nam contempto domino præfate dictæ  
 » nationis, ac etiam contemptis dominis genera-  
 » libus deputatis & aliis nationibus, dominus  
 » patriarcha Constantinopolitanus primo dictam  
 » materiam posuit in deliberatione, & postea ma-  
 » gister Pontius Symoneti, nulla fultus auctoritate  
 » vel potestate, nisi sicut unus alius ex aliis ma-  
 » gistris, posuit eam secundo in deliberatione, &  
 » ad clamores ipsius, & quorundam aliorum fuit  
 » nulliter & taliter qualiter dicta deliberatio fa-  
 » cta, & materia sine præfate conclusa. Nam  
 » in congregatione immediate præcedenti domino  
 » episcopo Tolonenſi loco reverendissimi patris  
 » domini patriarchæ Antiocheni præfati in  
 » dicta natione per prosequentes istam materiam,  
 » contra eundem dominum patriarcham Antio-  
 » chenum fuit facta magna murmuratio, im-  
 » nendo sibi quod dissimulabat, & scienter diffe-  
 » rebat procedere in ista materia, & tandem tunc  
 » revocaverunt eum à dicta præfata, & pete-  
 » bant quod concluderetur per dictum dominum  
 » Tolonenſem, & ipse noluit concludere, sed res-  
 » pondit eis, quod postquam revocaverant à præ-  
 » fata dictum dominum patriarcham Antio-  
 » chenum, loco cujus venerat ipse dominus Tho-  
 » lonenſis, nullam habebat potestatem conclu-  
 » dendi, & sic recessit, & nihilominus in congre-  
 » gatione sequenti, videlicet die secunda Novem-  
 » bris, postquam dictus dominus patriarcha An-  
 » tiochenus graciosè proposuisset in dicta natione  
 » aliquas excusationes, excusando se à dicta præ-  
 » fata, & rogando quod eligerent quem elige-  
 » re vellent: præfati prosequentes, dictam ma-  
 » teriam \* vacantium contra sedem apostolicam  
 » & dictum collegium, propter nimiam & inor-  
 » dinatam affectionem, salvâ eorum reverentiâ,  
 » quam habebant ad illam materiam, non expe-  
 » ctaverunt, nec permiserunt quod eligeretur ali-  
 » quis præfatus: sed primo per clamores & im-  
 » pressionem fecerunt concludi, sicut voluerunt,  
 » & aliter quam esset per majorem partem deli-  
 » beratum; & postmodum etiam pluribus cla-  
 » moribus interpositis, elegerunt in præfatum  
 » dominum patriarcham Antiochenum, & sic  
 » clare patet, quod quando ipse conclusit jam  
 » non erat præfatus, quia in congregatione præ-  
 » cedenti, ut prædictum est, fuerat revocatus, &  
 » post dictam conclusionem fuit electus. Ulterius  
 » dicit, quod licet per majorem & saniores partem  
 » dictæ venerabilis nationis fuisset aliter delibera-  
 » tum, videlicet per aliquos, quod prædictæ vacan-  
 » tiæ simul tollerentur & provideretur, & quod  
 » darentur deputati notabiles viri non passionati  
 » in hac materia, qui cum aliis nationibus prius  
 » tractarent, & advisarent quomodo ista materia

\* 1. va-  
cantiarum.

A esset tractanda ad honorem & utilitatem Ro-  
 manæ ecclesiæ, ceterarum ecclesiarum, & to-  
 tius cleri; & per alios, quod ista materia dif-  
 ferretur: nihilominus prædicti hanc materiam  
 prosequentes, ut præmittitur, procurarunt per  
 magnos clamores suos, post oppositionem seu  
 provocationem prædicti Johannis appellantis,  
 & nonnullorum aliorum, concludi quod dictæ  
 vacantiae tollerentur. Postea non assignando ali-  
 quem terminum, nec tunc ordinando de de-  
 putatis super alia provisione. Item, dicit quod  
 B in arduis materiis, quando est discordia inter  
 partes, debent audiri omnes quos tangit, &  
 quorum interest, & si sint aliqui oppositores  
 antequam concludatur, debent examinari causas  
 suarum oppositionum: quæ hic non fuerunt ob-  
 servata: nam licet ipse Johannes & multi alii  
 parati essent dicere & assignare causas suarum  
 oppositionum, suis & dominorum suorum, quo-  
 rum sunt procuratores, nominibus; non tamen  
 fuerunt exauditi, sed fuerunt impediti dicere  
 C vota sua per clamores & terrores illatos, pa-  
 tenter & secrete, per dictos materiam prose-  
 quentes, qui inferebant minas de procurando  
 damna contradicentibus suæ opinioni, & de  
 procedendo contra ipsos dicentes quod contra-  
 rium facere esset contra eorum instructiones,  
 cum tamen eo modo quo dicunt, non conti-  
 neatur in suis instructionibus, prout referunt &  
 asserunt multi qui viderunt eas. Item, dicit quod  
 diu antequam de hac materia vacantiarum tra-  
 ctaretur, domini Cardinales sponte & gratiose,  
 D etiam non requisiti, dominis per sacrum concilium  
 deputatis super reformationibus obtule-  
 runt quod dictæ vacantiae moderarentur, & ec-  
 clesiæ minus taxatæ reducerentur ad debitam  
 taxam, & ordinaretur de temporibus & modis  
 solutionum faciendarum ut dictæ ecclesiæ non  
 essent nimis gravatæ vel oneratæ, & nullus ha-  
 beret causam conquerendi, nec oporteret im-  
 ponere nova onera super ecclesiis. Qua obla-  
 tionem penitus contempta, prædicti hanc subla-  
 tionem vacantiarum prosequentes, ad dictam  
 E conclusionem, ut præmittitur, de facto proces-  
 serunt: sic volentes, ut dicitur, se ipsos libe-  
 rare, & dicentes, quod aliter bene provide-  
 retur ecclesiæ Romanæ: quod fieri non pos-  
 set, nisi imponendo nova onera super mi-  
 noribus beneficiis, ad quod dicti hanc ma-  
 teriam prosequentes tendere videntur, & per  
 quod totus clerus nimium gravaretur, & seque-  
 retur in exactionibus nimia oppressio subdito-  
 rum. Ex quibus causis apparet semper loquen-  
 do cum debita reverentia dictam conclusionem  
 F fuisse factam per clamores inordinatos, nulli-  
 ter, indebite, per impressionem, & contra  
 justitiam, & etiam contra conventiones habitas  
 cum domino rege Romanorum & nunciis PETRI  
 DE LUNA, videlicet quod pendente tractatu seu  
 conventionem quæ nunc pendet super facto pro-  
 sequendæ unionis nihil innovaretur, in hiis  
 maxime quæ concernere possent statum papæ  
 & ecclesiæ Romanæ. Ista enim tanta est novi-  
 tas, quod posset impedire, vel saltem differre  
 dictam unionem, propter contradictiones &



» discordias. Ea propter dictus Johannes videns  
 » prædictos dominos suos, seipsum, & sibi in hac  
 » parte adhærere volentes, ac statum ecclesiæ  
 » Romanæ, & totius cleri lætos, gravatos, & per-  
 » turbatos ex causis prædictis, timensque ulterius  
 » aggravari per impositionem novorum onerum  
 » super ecclesiis suis & sibi subditis, nominibus  
 » quibus supra provocat & appellat in iis scriptis  
 » conjunctim ad sacrum generale concilium &  
 » futurum summum pontificem, & apostolos  
 » petit instanter, instantius, instantissime, & cum  
 » debita instantia per dominum præsentem di-  
 » ctæ nationis, & alium, seu alios qui eos dare  
 » velit & possit, seu velint & possint, super præ-  
 » missis omnibus & singulis una cum vestra res-  
 » ponsione vel sine, prædictus appellans petit no-  
 » minibus quibus supra sibi confici & fieri instru-  
 » mentum publicum & instrumenta publica,  
 » unum, plura, & tot quot fuerint necessaria, &  
 » cum protestatione corrigendi, addendi vel dimi-  
 » nuendi prout videbitur expedire.

Alterius vero appellationis cedula per domi-  
 num Johannem de Reate & magistrum Johan-  
 nem Nicolai supradictos datæ & interpositæ  
 tenor sequitur in hunc modum.

Tenor  
 appella-  
 tionis  
 Johannis  
 de Reate  
 & Johan-  
 nis Nico-  
 lai pro-  
 curatorū  
 sacri col-  
 legii.  
 » Coram vobis reverendis patribus dominis  
 » præsentibus ceterisque prælati, & aliis nationis  
 » Gallicanæ Constantiæ congregatis, ac coram  
 » ipsa natione pro generali concilio celebrando,  
 » præsentibus & personaliter Johannes de Reate  
 » decretorum doctor, & Johannes Nicolai Tul-  
 » lensis, & Virdunensis ecclesiarum canonicus,  
 » procuratores sacri collegii reverendissimorum  
 » patrum dominorum cardinalium, sanctæ Ro-  
 » manæ ecclesiæ constituti, appellando propo-  
 » nunt, nomine sanctæ Romanæ ecclesiæ, & sacri  
 » collegii prædictorum, & omni huic appellationi  
 » adhærere volentium, & dicunt quod licet Ro-  
 » manis pontificibus, quibus imminet cura uni-  
 » versalis regiminis, omni jure sit subveniendum  
 » ab inferioribus ecclesiis, quæ omnes à Romana  
 » ecclesia descenderunt, pro sustentatione status  
 » eorum, & supportatione onerum eis pro universali  
 » regimine incumbendum, & reverendissimorum  
 » patrum dominorum cardinalium, qui eisdem  
 » in officio coadjutores existunt, ac etiam alio-  
 » rum officialium Romanæ curiæ ipsi Romano  
 » pontifici, & universo orbi servientium, sicut ec-  
 » clesiarum aliarum pontificibus, per alias infe-  
 » riores, etiam ex ordinatione Lateranensis con-  
 » ciliis providendum est; cum etiam in quibus-  
 » libet aliis rebus publicis, regiminibus, seu re-  
 » gnis, aut communitatibus, hoc semper obser-  
 » vatum fuerit, & hodie servetur, quod aliis qui  
 » insistant regimini rerum publicarum, de publico  
 » provideatur: cum etiam ipsi Romani pontifices  
 » & domini cardinales ac officiales prædicti à  
 » quinquaginta, centum, ducentis annis & ultra  
 » tempus de quo memoria non existit fuerint,  
 » prout etiam de præsentibus existunt sedes & apo-  
 » stolica camera in possessione pacifica & quieta,  
 » prælati inferiorum ecclesiarum primo & con-  
 » ciliis generalibus pluribus interim congregatis,  
 » scientibus, patientibus, & non contradicenti-  
 » bus, immo postquam de hoc tractaverunt, sal-

A tem tacite approbantibus, percipiendi & le-  
 vandi annatas, vacantias, communia servitia per  
 omnes & singulas provincias christianitatis, &  
 major pars sustentationis status papalis, & suæ  
 curiæ in hujusmodi annatis seu vacantiis, &  
 communibus servitiis, quæ ideo communia ser-  
 vitia appellantur, quia pro servitio quod com-  
 munitati & reipublicæ per papam & cardinales  
 impenditur solvuntur, dinoscantur consistere;  
 adeoque statum suum papa & cardinales non  
 possent commode sustentare sine hujusmodi  
 vacantiis & communibus servitiis: Attento præ-  
 sertim, quod propter schisma, quod, pro  
 dolor! in Dei ecclesia longo tempore viguit,  
 malitiamque temporis & rabiem tyrannorum  
 patrimonium ecclesiæ totaliter est collapsum,  
 & camera apostolica est funditus exinanita, nec  
 videatur prædictis appellantibus, nomine quo  
 supra, convenientior modus, & universo  
 clero minus onerosus, ad providendum statui  
 papæ, & reverendissimorum patrum domino-  
 rum cardinalium, quibus de bonis ecclesiæ se-  
 cundum jura divina & humana & consuetudi-  
 nem præscripta providendum existit, prout &  
 visum fuit patribus in concilio Viennensi in co-  
 pioso numero congregatis, de hac materia  
 tractantibus: qui circa hanc materiam nihil im-  
 mutare voluerunt, consuetudinem & privile-  
 gium prædicta per hoc saltem tacite approba-  
 runt. Quod sint vacantiarum communia servitia  
 seu annatæ, moderatæ tamen quantitate, loco,  
 & tempore solutionis earundem, & prout per  
 collegium dictorum dominorum cardinalium  
 jam est oblatum in scriptis, inter illos, qui pro  
 parte nationum deputati sunt super reforma-  
 tione, videlicet quod communia servitia præ-  
 latorum non possint solvi etiam à volentibus  
 ante annum, & quod fiat talis constitutio quæ  
 servetur ex necessitate, quod à die habitæ pos-  
 sessionis in fine anni solvatur medietas, & in fine  
 alterius anni alia medietas; & si plures in anno  
 vacaverint, non solvatur nisi semel, & quod  
 ecclesiæ vel monasteria indebite taxata debite  
 taxentur, attento præsertim quod spolia præ-  
 latorum defunctorum & fructus medii temporis  
 ecclesiarum, sive beneficiorum vacantium, &  
 procurationis, quæ ratione visitationis de-  
 bentur. Item, decimæ per alias constitutio-  
 nes advisatas per reformatores prædictos sunt  
 sublata papæ & Romanæ sedi, unde si etiam  
 tollantur annatæ prædictæ, nihil dimittitur  
 papæ, & dictis reverendis patribus dominis car-  
 dinalibus & suæ curiæ unde vivant, quod non  
 est aliud dicere; nisi quod vel non sit papa, &  
 cardinales, nec curia, vel quod serviant reipu-  
 blicæ totius ecclesiæ, & non habeant unde va-  
 leant sustentari. Quæ ratio si bene intelligeretur,  
 non fuisset processum in ea cum tanta levitate,  
 nec procederetur: præmissis tamen non obstanti-  
 bus, nonnulli reverendi patres domini episcopi, &  
 nonnulli domini abbates, non curantes juramen-  
 tum per eos in eorum promotione eidem Ro-  
 manæ ecclesiæ præstitum, & alii eis adhæren-  
 tes, nescitur quò spiritu ducti, nisi forte quia  
 ipsorum aliqui sunt debitores dictarum anna-



» tarum, & volunt se hoc modo liberare, jura-  
 » menta etiam per eos præstita in camera aposto-  
 » lica parvipendentes, non advertentes quod sede  
 » vacante nihil est in præjudicium vacantis ec-  
 » clesiæ innovandum, & quod per innovationem  
 » hujusmodi deprimeretur status summi pontificis:  
 » quod nihil aliud est, quam totum ordinem ec-  
 » clesiasticum confundere, & prorsus extinguere,  
 » & adnihilare, super materia annatarum & va-  
 » cantiarum in prædicta natione ad instantiam  
 » prædictorum dominorum episcoporum & sibi  
 » adhærentium, ut creditur, aliis nationibus incon-  
 » sultis, deducta per minas, terrores, & allegatio-  
 » nes voluntatum aliquorum principum tempo-  
 » raliū, quamplures ad suam voluntatem tra-  
 » hentes, alios vero timore territos ad non ex-  
 » primendum vota sua juxta ipsorum conscientias  
 » inducentes, in præjudicium libertatis generalis  
 » Constantiensis concilii, vota etiam dicentium  
 » expediens fore papæ & dominorum cardinalium  
 » statui provideri expresse interruptentes, salva  
 » ipsorum debita reverentia, in præmissis perpe-  
 » ram & inique, indebite & injuste procedentes,  
 » etiam, ut verisimiliter creditur, præter con-  
 » scientiam & consensum Christianissimi principis  
 » domini regis Francorum, & aliorum principum  
 » domus suæ, qui & quorum prædecessores Ro-  
 » manam ecclesiam sæpius in multis & magnis  
 » necessitatibus sublevaverunt, & per consequens  
 » non creditur eos nunc ad destructionem ipsius  
 » ecclesiæ præsertim vacantis, & plurimum laces-  
 » sitæ intendere primas annatas papæ non esse  
 » debitas, ipsasque de præterito, præsentis, & fu-  
 » turo tollendas fore omnino taliter qualiter per  
 » sua vota, ut creditur, declaraverunt & conclu-  
 » serunt, quantum in eis est; & postea his non con-  
 » tenti, alias nationes hujus sacri concilii pro si-  
 » mili conclusione facienda totis viribus sollicita-  
 » verunt, nulla per prius provisione facta seu or-  
 » dinata per eos pro sustentatione papæ & dicto-  
 » rum dominorum cardinalium: immo, quod vi-  
 » detur prorsus inhumanum, nulla alia de hac  
 » re facta mentione, vel requisitione reverendis-  
 » simis patribus dominis cardinalibus & ipsorum  
 » sacro collegio, ad quod de jure, & antiqua, &  
 » diutissime per tempus cujus contrarii non est  
 » memoria, observata consuetudine, pertinuit &  
 » spectavit, pertinet & spectat defensio Romanæ  
 » & apostolicæ sedis, ea vacante: qui etiam do-  
 » mini cardinales hic erant, & sunt causa unionis  
 » in Dei ecclesia procurandæ. Et hæc fecerunt  
 » in præjudicium & enormem læsionem honoris  
 » & status ordinis clericalis: immo etiam, ut di-  
 » citur, non verentur asserere simoniacum fuisse  
 » & esse eas in præteritum solvisse vel hodie sol-  
 » vere: non advertentes quod per hoc videntur  
 » damnamare totum ecclesiasticum statum à multis  
 » annorum centenariis, & concilia etiam gene-  
 » ralia quæ prædictis temporibus facta sunt: quo-  
 » rum temporibus prædictæ annatæ, seu com-  
 » munia servitia fuerunt ab universo clero rece-  
 » pta, & observata sine ulla contradictione: Ea  
 » propter procuratores prædicti sentientes, se no-  
 » minibus quibus supra læsos, timentesque per  
 » præmissa alterum de duobus evenire, vel totius

A christianitatis, præsertim ordinis clericalis, cui  
 in vilipendium reputatur, si etiam unus mini-  
 mus clericus mendicare cogatur, subversionem  
 & confusionem aut novi oneris & gravioris ipsi  
 clero impositionem: ac etiam timentes ne per  
 hujusmodi novitatem unio ecclesiæ impediatur,  
 tam in conventionibus inter serenissimum prin-  
 cipem dominum regem Romanorum & nun-  
 cios domini PETRI DE LUNA super modo con-  
 ventionis faciendæ, quæ jam pendet, fuit con-  
 ventum & ordinatum, quod pendente ista con-  
 ventione, nihil hinc inde fieret novitatis. Con-  
 stat autem, quod hæc est maxima novitas, per  
 quam nimium præjudicatur, immo pene subver-  
 titur status Romanæ ecclesiæ: nec non timen-  
 tes per eos ulterius aggravari in futurum ab  
 ipsis dominis præsidentibus episcopis & abbati-  
 bus, eorumque adhærentibus in præmissis, & ab  
 ipsa natione, nomine quo supra, in his scriptis  
 ad sanctam sedem apostolicam & ad summum  
 pontificem futurum cum concilio, si congrega-  
 tum reperiretur tempore quo hujusmodi appel-  
 lationis per ipsos prosecutæ fiet, alioquin sine  
 concilio, provocant & appellant, & apostolos  
 petunt instanter, instantius, instantissime; &  
 cum debita instantia, per vos dictum dominum  
 præsentem dictæ nationis & alium seu alios,  
 qui eos dare velit & possit, velint & possint: &  
 super præmissis omnibus & singulis una cum  
 vestra responsione vel sine prædicta appellantis,  
 nomine quo supra, petunt sibi fieri & confici  
 unum & plura, publicum & publica, instrumen-  
 tum & instrumenta, & tot quot fuerint necessa-  
 ria salvo jure corrigendi, &c. & protestatur.

Rursus die Veneris xxii. dicti mensis Novem-  
 bris, in domo Prædicatorum, post prandium,  
 fuit dicta natio de mandato domini præsentis  
 congregata: in qua congregatione præfatus do-  
 minus episcopus Aniciensis proposuit de facto  
 annatarum seu vacantiarum, de quibus supra  
 fit mentio, & narravit appellationes propter di-  
 ctam materiam vacantiarum interpositas, &  
 alia facta & inde secuta, & petiit in congrega-  
 tione prædicta, quod in termino per præfatum  
 dominum præsentem appellandi assignato  
 dentur apostoli, & quod domini deputati ad  
 visitandum & videndum dictas appellationes,  
 & ad advisandum responsionem fiendam dictis  
 appellantibus faciant diligentiam, & in con-  
 gregatione dictæ nationis relationem faciant  
 de omnibus, & de propositione sua petiit &  
 requisivit sibi fieri per nos notarios dictæ na-  
 tionis, & quemlibet nostrum publicum & pu-  
 blica instrumentum & instrumenta. Et subse-  
 quenter die Dominica xxiv. dicti mensis No-  
 vembris, in domo Prædicatorum Constanciae,  
 post prandium fuit de mandato præfati  
 præsentis dicta natio Gallicana congregata,  
 & in dicta congregatione præfatus dominus pa-  
 triarcha Antiochenus præsidentis proposuit de  
 duabus appellationibus, prima per magistrum  
 Johannem de Scribanis nomine sedis apostoli-  
 cæ, & secunda per quosdam nomine collegii  
 dominorum cardinalium, & de aliis super dicta  
 materia vacantiarum appellationibus interpo-  
 sitis,

fitis, & de assignatione termini facta ab hodie respondendi dictis appellanti-  
bus, retento termino in iis & de deputatis ad deliberandum  
super præmissis, ac responsione facienda hodie, & de forma responsionis sibi heri tradita, quam  
vidit hac nocte præcedenti, in quodam quaterno papyri, & de verbis sibi per dominum episco-  
pum Bathoniensem & certos alios, ad concor-  
diam tendentibus dictis appellanti-  
bus, & de responsione eis facta, & etiam qualiter aliqui  
de majoribus sacri concilii & nationum pete-  
bant, quod nihil innovaretur in materia vacan-  
tiarum prædicta, sed videretur bonus, honora-  
bilis & competens modus de providendo statui  
& honori summi Romani pontificis, suæque  
curiæ, & dominis cardinalibus. Quibus propo-  
sitis, magister Pontius Simoneti supra nomina-  
tus dixit, quod habebat in scriptis in quodam  
quaterno papyri responsionem dictis appellan-  
tibus faciendam: quem quaternum tradidit  
magistro Ægidio Zachariæ in utroque jure li-  
centiato, dicendo quod ipse magister Pontius  
Simoneti pro se & suis adhærentibus dabat illa  
quæ in dicto quaterno continebantur pro res-  
pensione. Postmodum vero fuit dictum per do-  
minum præsidem, & multos alios de dicta  
natione in eadem congregatione existentes,  
quod domini deputati super ista vacantiarum  
materia audiantur, & suam faciant relationem,  
ut tenentur, prout fuit per dictam nationem in  
congregatione ordinatum, & tunc fuerunt lecta  
nomina dominorum in ista materia deputato-  
rum, videlicet primi & adjuncti, scilicet domini  
episcopi Aniciensis, Dolensis & Sylvanectensis,  
abbas S. Maxentii, magister Ursinus Talavendo,  
Nicolaus de Gonneffia, Poncius Simoneti sacre  
Theologiæ professores, decanus Lugdunensis,  
archidiaconus Parvi-Caleti, & nonnulli alii, qui  
non sunt hic descripti. Quibus nominibus lectis,  
præfatus dominus episcopus Dolensis super ista  
materia retulit multa, & specialiter quod res-  
pensione dictis appellanti-  
bus faciendâ non fuerat  
per dominos deputatos bene visa, nisi per unum  
ipsum duntaxat, & quod ille referret, & alii  
domini in ista materia deputati consimiliter di-  
xerunt, & unus eorum, videlicet magister Pon-  
tius Simoneti subjunxit, quod supervenerat in  
visitatione scripturarum super dicta materia con-  
fectarum aliquod inconueniens, propter quod  
ipsi domini deputati insimul videre non potue-  
runt, subjunxitque dictam causam, videlicet  
quod ille qui habebat omnia penes se, & visi-  
tabat, & in debita forma ponere debebat, ob-  
dormitavit, & casualiter una pars earum est com-  
busta: tamen dixit quod omnia iterato per ce-  
dulas fuerunt debite recollecta, & debite in  
præfato quaterno papyri descripta, & quod erant  
vera & in debita forma posita, & hoc per suum  
juramentum, suamque conscientiam, manum  
dextram ad pectus ponendo, juravit & affirma-  
vit. Post quod juramentum & affirmationem  
prædictam, præfatus dominus episcopus Ani-  
ciensis, & idem magister Pontius Simoneti cla-  
maverunt dicentes, quod fiat responsio secun-  
dum quod continetur in quaterno per præfatum

*Theſauri Anecd. Tom. 1.*

A magistrum Pontium Simoneti dicto magistro  
Ægidio Zachariæ tradito. Et incontinenti quasi  
omnes de dicta natione in eadem congregatione  
existentes, dixerunt quod legeretur dictus qua-  
ternus, alii vero dixerunt quod audirentur vota,  
& fuit auditio dictorum votorum inchoata. Et  
primo dominus patriarcha Constantinopolita-  
nus dixit quod fiat responsio dictis appellan-  
tibus, prout in quaterno continetur, reservato  
dicto quaterno pro correctione in manu notarii  
dictæ nationis per unum diem. Magistri Jor-  
danus Morini, Guillelmus Pulcri-nepotis, Petrus  
de Versaliis sacre theologiæ professores præfati,  
domini nostri Francorum regis ambassiatores  
dixerunt, quod viderunt dictum quaternum,  
nec non contenta in eodem; dominus episco-  
pus Atrebatensis dixit quod illi de ambassata  
domini ducis Burgundiæ non fuerunt ad hoc  
vocati, & quod detur alia dilatio, videlicet ter-  
minus juris, & interim videatur & deliberetur.  
Alii clamaverunt iterum quod audiantur vota,  
& dominus decanus Lugdunensis, prior Celsi-  
niarum, Nicolaus de Gonneffia, magister Oli-  
verius Guennec, & plures alii dixerunt quod non  
viderunt dictum quaternum, nec contenta in  
eo, & quod ipsum volunt videre & audire con-  
tenta in eo, & quod legatur & differatur res-  
pensione usque ad terminum juris, alias se oppo-  
nunt, & realiter opposuerunt, & plures alii.  
Postmodum iterum clamaverunt, audiantur  
vota. Et tunc propter murmur diversa claman-  
tium hinc & inde dominus præsidens præfatus  
surrexit de sede sua, & venit ad loquendum cum  
dominis prælatis, & consulendum ipsos domi-  
nos prælatos singulariter singulos ex utroque  
latere dicti loci: & dum dominos prælatos con-  
suleret, surrexerunt de locis suis domini HELIAS  
Aniciensis & JOHANNES Sylvanectensis episco-  
pi, & locuti sunt cum dicto domino patriarcha  
præsidente ad partem, & post eorum locutionem  
idem dominus præsidens rediit ad sedem suam  
& ait: Video quod frustra laboravi: nam habe-  
bam consensum dominorum cum quibus fui  
locutus, quod differretur hæc responsio, & pro-  
Erogaretur terminus usque ad terminum juris,  
si pars appellans consentire vellet: Sed dominus  
episcopus Sylvanectensis dixit quod universitas  
vult quod statim fiat responsio. Et illo tunc  
superveniunt magister Johannes de Scribanis  
procurator fiscalis, dominus Johannes de Reate  
decretorum doctor, Magister Johannes Nico-  
lai, & magister Johannes Ponceti procuratores  
supradicti; & dictus magister Johannes de Scri-  
banis ceterique procuratores dixerunt, quod  
venerant ad petendum apostolos in termino eis  
præfixo & assignato, & illico præfatus dominus  
episcopus Aniciensis primo dixit, & post eum  
dominus patriarcha præsidens supradictus,  
quod dictus magister Johannes de Scribanis ante  
omnia debet facere fidem de mandato suo, &  
ita dixit aliis, videlicet domino Johanni de  
Reate, magistris Johanni Ponceti, & Johanni  
Nicolai. Et magister Johannes de Scribanis res-  
pondit & dixit, quod notorium est ipsum esse  
procuratorem fiscalem. Et dominus Johannes

H h h h h

de Reate, & magister Johannes Nicolai dixerunt, quod notarius qui recepit instrumentum potestatis eorum erat ibi præsens, & idem notarius retulit quod instrumentum potestatis eorum receperat, ipsique Johannes de Reate & Johannes Nicolai obtulerunt loco & tempore necessariis, debitibus & opportunis ipsum instrumentum producere & tradere, ubicumque fuerit opportunum, & tunc fuit discutatum in dicta natione utrum hæc sufficiebant, & si ante omnia tenerentur docere de mandatis & potestatibus eorundem. Et tandem præfatus dominus patriarcha Antiochenus præsidens, ad petitionem & requisitionem dictorum dominorum Aniciensis & Sylvanæensis episcoporum, protestatione præmissa per ipsos appellantes, dixit quod nec aliquem ipsorum prætendit in præsentia actu propter aliqua quæ dicet vel faciet habilitare, nec admittere, si alias de jure non forent admitendi; dixitque quod in dicto quaterno erant aliqua verba descripta, quæ viderat, quæ sibi non placebant; sed quia tunc non poterat propter murmur & turbationem aliter deliberare, & quod placebat majori parti nationis, & aliqui etiam de deputatis volebant quod fieret incontinenti responsio, respondit prælatis appellatibus prout in præfato quaterno continetur, quem quaternum penes me Johannem Guiardi notarium publicum infra scriptum dictus magister Ægidius Zachariæ de præcepto dicti domini præsentis tradidit, & præcepit idem præsidens, quod dictum quaternum apud me retinerem per unam diem, pro corrigendo, vel addendo, aut diminuendo, si aliquid corrigendum, addendum, vel diminuendum foret, antequam copia dicti quaterni, & contentorum in eodem alicui traderetur. Et incontinenti illi qui supra se opposuerant, & nonnulli alii se opposuerunt, & quamplurimi non consenserunt, quod dicta responsio sive aliqui apostoli dentur nomine nationis, prout continetur in quaterno prædicto, quia non viderunt responsionem, nec sciunt quid continet ille quaternus papyri, dixeruntque quod prorogetur terminus juris juxta assignationem primo factam, in qua fuit reservatus terminus juris.

Post hæc autem præfatus magister Johannes Ponceti petiit apostolos super appellationibus suis sibi dari, asserens tamen quia vidit in congregatione & natione prædictis turbationem & contradictionem prædictas, quod consentire volebat, & consentiit, si dicto præsidenti placeat, quod idem dominus præsidens proroget terminum ad diem de qua sibi videbitur, & interim cum bona maturitate fiat deliberatio super dicta responsione fienda vel apostolis dandis. Et similiter dominus Johannes de Reate & alii appellantes illud idem dixerunt, & de hoc fuerunt contenti, & statim factum est murmur dicentium, quod ita fiat; & aliorum, quod statim respondeatur; & tunc dominus præsidens dixit, quod responderet dicto magistro Johanni Ponceti, prout aliis appellatibus responderat; videlicet prout in dicto quaterno superius designato continebatur, protestando de ipso magistro Johanne Ponceti, quod non intendit

A ipsum habilitare, nec admittere in aliquo, prout protestatus fuit de aliis appellatibus supradictis. Tenor vero præfati quaterni papyri responsionem & apostolos de quibus supra fit mentio continentis, de verbo ad verbum sequitur, & est talis.

Cum evangelica veritas dicat, nihil cum scandalo fiendum esse, subjungit tamen quod necesse est ut veniant scandala: sed imputet sibi per quem venit scandalum, maxime activum, quia passivum vel defensivum communiter non est in dolo nec in culpa. Cum autem venerabilis natio Gallicana, & ipsius honorabilia supposita, tam majora, mediocria, quam inferiora, Constantiæ congregata pro majori concilio inibi convocato & debite congregato, pro deliberando deducenda in eo, in quo habent voces judicativas, consultivas, & querelosas, secundum materias suppositas & relationes debitas, cogatur respondere, & apostolos ad quos teneri posset dare cuidam interpositæ appellationi pro parte magistri Johannis de Scribanis asserentis se procuratorem fiscales nomineque cameræ apostolicæ & omnium sibi adhærere volentium, & pro ipsius nationis honore & conclusione in ea habitæ, ex qua oriri dicitur interposita appellatio, justificatione, ac veritatis manifestatione, in responsione hujusmodi, & apostolorum petitorum datione ordietur veritas: quæ si scandalum ingerant apud aliquos, vel etiam alicubi, hoc causam activam præstantibus, non autem venerabili nationi Gallicano defensivam assumendi, suæque & ecclesiarum, ac monasteriorum, ceterorumque beneficiorum apud ipsam positum necessitatibus prospicienti ascribatur.

I. Descendendo igitur ad materiam novit idem magister Johannes de Scribanis domini que cardinales & eorum collegium, ac ceteri universi qui tunc & nunc pro generali concilio sunt & fuerunt Constantiæ congregati, fuisse ordinatum quod deputarentur de singulis nationibus certi, qui cum deputatis dominis cardinalibus convenirent ad advisandum quæ essent reformanda in curia Romana tam in capite quam in ipsius membris, & de modo pro futuro providendi, sicut factum fuit, & est inter sic deputatos nationum, cum quibus fuerunt & tunc erant domini cardinales Pisanus, Cameracensis, & Florentinus: qui domini cardinales, contradicentibus deputatis nationis Gallicanæ, aperuerunt materiam annatarum & communium ac minutorum servitiorum, & quantum potuerunt fundaverunt eas esse debitas, adducendo in medium rationes & justificationes quas per prius longè advisaverant, & discussione inter omnes facta, validioribus & efficacioribus rationibus & auctoritatibus juris divini pariter & humani demonstratum est non esse debitas. Et quamvis dedissent operam ad trahendum ad eorum opinionem quos potuerant: inductione tamen facta de singulorum deputatorum votis, longè major fuit pars quod non deberentur, nec ulterius tolerari deberent, propter quod domini cardinales concludere noluerunt, sicut in aliis fecerant. Et sic fuerunt primi qui materiam promoverunt & aperuerunt: unde secuta inde sibi imputent & nulli alteri.

Apostoli  
dati per  
nationem  
Gallicanæ  
nam ad  
oppositi-  
onem  
ex parte  
Collegii  
Cardina-  
lium fi-  
ctam.

» II. Novit etiam idem de Scribanis dictique A  
 » domini cardinales & ceteri alii deputatos fuisse  
 » certos alios de singulis nationibus ad advisan-  
 » dum de remediis & modo procedendi & pro-  
 » videndi in exorbitantiis exorbitanterque & in-  
 » debite factis de præterito in curia Romana per  
 » olim JOHANNEM tunc papam & alios de tem-  
 » pore suo, inter quos fuit advisatum quod do-  
 » minus JOHANNES præfatus, & camera sua apo-  
 » stolica, & domini cardinales, & eorum collegii  
 » camerarius, sive pro camerario se gerens, à B  
 » beneficiis prælatiisque & prælaturis vacantibus,  
 » & quotiens vacabant, etiam si ter aut pluries  
 » vacassent in anno pro qualibet mutatione tituli  
 » voluerunt habere & exigere fructus primi anni  
 » beneficii sive prælaturæ vacantis, & aliquando  
 » longè ultra: & quandoque papa qualibet vice  
 » integram annatam vacantem habebat, & car-  
 » dinales nihilominus mediam, quodque propter  
 » vacantiam quandoque fuerunt privati prælati,  
 » translati inviti, & quandoque propter plus of-  
 » ferre, sumtis aliis coloribus, aliquando assumti C  
 » & alii prælati, qui fortè non erant præferendi,  
 » ex quibus secutæ sunt strages, guerræ, & scan-  
 » dala etiam nondum sopita, & quia exorbitan-  
 » ter factum fuerat, & contra jus & justitiam, in  
 » oppressionem prælaturarum, ecclesiarumque,  
 » monasteriorum & beneficiorum, & etiam per-  
 » sonarum quibus contigerat, & ita factum fue-  
 » rat: ideo per eosdem deputatos pluribus ratio-  
 » nibus fuit conclusum non esse debitum, & esse  
 » tollendum de præterito, & per aliquos ex eis-  
 » dem fuit etiam dictum eisdem rationibus & infra D  
 » dicendis esse extendendum ad futura, & super  
 » hoc fuit concepta cedula, & inter eos lecta,  
 » & sicut solet fieri communicata, & deinde ad  
 » nationes singulas missa, saltem per deputatos  
 » dictæ venerabilis nationis Gallicanæ fuit relata  
 » in eadem atque lecta, & consequenter super ea  
 » solemniter septem diebus deliberatum succes-  
 » sive, sciente dicto de Scribanis, dominis car-  
 » dinalibus collegialiter & singulariter ut singulis,  
 » qui etiam in hujus odium & vindictam dixe-  
 » runt aliquos notabiles prælatos excommunica- E  
 » tos contra rei veritatem.

» III. Etiam pro ipsorum parte, eorum nomi-  
 » nibus non expressis, magister Johannes Ponceti  
 » pro eorum collegio, clerico & promotore se  
 » gerente, se interponere appellationem dixit,  
 » aliisque nationibus & cunctis Constantiæ pro  
 » generali concilio congregatis scientibus, & de-  
 » bite in ea conclusum fuit de præterito, præ-  
 » senti, & futuro esse tollendum. Causæ verò,  
 » motiva, rationesque, & jura recollecta, quan-  
 » tum fieri potuit, ex dictis diversorum, qui in F  
 » dicta natione deliberaverunt, & alias aperta  
 » fuerunt, subsequenter exprimentur, & juxta  
 » Gregorii responsum oraculum & concilii La-  
 » teranensis prohibitionem, edictum, initium, &  
 » causam debendi istarum vacantiarum & præ-  
 » stationum fructum primi anni prælaturarum di-  
 » gnitatis vel beneficii vacantis, qui asseruntur  
 » debiti, & quas voluit exigere, diligentius inqui-  
 » rentes, privilegio, consuetudine aut præscri-  
 » ptione non posse defendi certum est, sicut fuit

*Theauri Anecd. Tom. II.*

observatum, & de non vacantibus in curia se-  
 cundum antiqui juris ordinem nullum reperiri  
 posse initium, præterquam reservationem quam-  
 dam triennalem primò per JOHANNEM papam  
 xxi. factam pro certo passagio ultramarino  
 & quibusdam aliis necessitatibus suis de omni-  
 bus dignitatibus & beneficiis, exceptis abbatia-  
 libus, propter quod servatum est in Anglia usque  
 ad hodiernum diem nihil sedi apostolicæ sol-  
 vere pro hujusmodi fructibus abbatiarum vacan-  
 tium. Excepitque etiam episcopales & alias  
 supra majores per expressum: certasque post-  
 modum fecit super illis deliberationes. Deinde  
 nonnulli Romani pontifices ipsius successores  
 etiam certis temporibus similes fecerunt refer-  
 vationes, certis causis expressis, quas clerus,  
 principes, & populus aliquo tempore tolera-  
 verunt: sed postmodum nimium gravati ex eis  
 in aliquibus regnis & provinciis recusaverunt  
 solvere, prout fuit factum in Anglia & qui-  
 busdam aliis partibus, eo quod per modum  
 facultatis toleratum fuerat: & sic quæcumque  
 eis placuit licite potuerunt atque possunt recu-  
 sare, maxime quia cessant causæ quæ tunc  
 erant, eo quod non sit passagium ultramari-  
 num, nec aliud virtuosum ex talibus pecuniis,  
 & quia Italiæ, Galliæ, Almanniæ, & Angliæ  
 partes per Dei gratiam sunt unitæ adinvicem,  
 propterea amplius tolerari non debent, cum  
 propter divisionem temporibus retroactis ali-  
 quantulum diutius fuisset toleratum.

IV. Nec sine reservatione aut contradic-  
 tione, quæ impedivit & cessare fecit exactionem,  
 reperitur talis præstatio decem annis continuata,  
 & quando essent talia, præscriptionem non in-  
 ducunt, maxime de supremo ad inferiores, &  
 minus consuetudinem, ut est jure notum &  
 infra expressius dicetur.

V. De vacantibus verò & fructibus primi  
 anni majorum prælaturarum, abbatialium vi-  
 delicet, episcopalium, & supra, nullum aliud  
 initium fuisse invenitur, quàm voluntaria &  
 gratuita oblatio quorundam, qui in discordia  
 electi ad abbatialem vel cathedralem ecclesiam,  
 prosequentes in curia per appellationem devolu-  
 tam in ea factam per eum qui obtinebat finalem  
 sententiam seu victoriam, & promovebatur sive  
 eligebatur, & talis oblatio & gratuita datio juxta  
 vulgare Italicum dicta fuit servitium, & secun-  
 dum Almannos propina dicitur, & dicta fue-  
 runt communia, quia communiter inter omnes  
 dividebantur, eo quod singulos quibus dare  
 volebat non convocabat, & quia singulis dare  
 fuisset nimis onerosum.

VI. De quibus tunc agebatur in publico con-  
 sistorio, sed postmodum deductum est ad con-  
 sistorium secretum, quod tamen fuerat & est  
 simoniacum, vel de simonia multum suspectum,  
 & species mali evidens etiam si prætextu con-  
 suetudinis. Tum quia ante & post promotionem  
 ad hujusmodi dignitates aliquid hujus prætextu  
 dare vel recipere secundum sacros canones  
 simoniacum est & etiam prohibitum. Tum  
 quia alienatio est talis datio, oblatio, vel  
 obligatio, quam etiam facere non potest

H h h h h ij



" electus vel promotus; & successivo tempore vo-  
 " lentes gratuite dare & voluntarie offerre sum-  
 " mam certam vel aliquid, eò quòd tunc nulla  
 " certa taxa constituta erat, quæ hodie taxara  
 " est in camera, quoad aliqua ad tertiam partem  
 " valoris episcopatus vel monasterii, aliqua verò  
 " ad mediam: in aliquibus etiam taxa duas va-  
 " loris partes excedit, prout in libris cameræ  
 " scriptæ sunt. Et ultra pro minutis servitiis com-  
 " pulsi sunt dare & offerre, & ad solvendum, se  
 " & monasterium sive ecclesiam obligare, per  
 " suarum litterarum retentionem. Et novissime  
 " additum est: & compelluntur per eandem  
 " retentionem se obligare ad id solvendum quod  
 " reperiretur esse debitum in libris eorundem  
 " cameræ sive dominorum cardinalium per obla-  
 " tionem vel obligationem alicujus prædecesso-  
 " ris, monasterii, vel ecclesiæ, ad quam assumitur  
 " vel transfertur.  
 " VII. Ex quo resultat periculum & maxima  
 " absurditas propter diversitates librorum, in qui-  
 " bus diversimode possunt scribi solutiones, vel  
 " non scribi, secundum diversitatem vel oblatio-  
 " nem aut fortè malitiam officiariorum qui præ-  
 " sunt talibus, prout quandoque expertum est,  
 " quemadmodum de hoc plenius per formas obli-  
 " gationum, quas super hoc habent in camera,  
 " & quas in talibus observant, quarum copia in-  
 " ferius describetur, poterit constare plenius,  
 " & nullus talis modus inducit consuetudinem,  
 " præscriptionem, nec justam causam talia exi-  
 " gendi vel etiam observandi: tum quia gra-  
 " tuita vel voluntaria oblatio unius vel plu-  
 " rium singularium non inducit consuetudinem  
 " vel oblationem ad quam teneantur alii, nisi  
 " velint; cum hoc sit per modum facultatis quod  
 " præscribi non valet, nec est jus confinium, quia  
 " respectu diversorum & separatorum corporum  
 " oblatio & datio facta est, quæ per successores  
 " continuata non est; & si continuata foret, nihil  
 " refert ad alios. Et quia etiam quamplures ex  
 " illis qui obtulerant & dederant, seque ad sol-  
 " vendum obligaverant, postmodum recusaverunt  
 " solvere tamquam indebitum, nec etiam solve-  
 " runt. Tum quia nullo statuto, privilegio, con-  
 " suetudine, præscriptione, aut alio titulo potest  
 " induci, quod propter conferre aut consentire  
 " promotioni aut electioni alicujus monasterii vel  
 " ecclesiæ cathedralis, sive ut præficiatur admi-  
 " nistrationi, prælaturæ beneficii, sive ecclesiæ,  
 " constet aliud non posse vel debere peti vel exigì,  
 " eò quòd secundum apostolicas & canonicas tra-  
 " ditiones constat clarissime fore simoniacum.  
 " Tum quia non petuntur, neque exiguntur hæ-  
 " annatæ per cameram apostolicam & dominos  
 " cardinales ex eo quod vacant, sed quia confe-  
 " runt, seu quia collationi & promotioni quæ fit  
 " per papam assentiunt: & hoc est clarè secun-  
 " dum canones simoniacum. Tum quia constat  
 " quia propterea exigunt quia conferunt, seu  
 " electioni vel promotioni vel collationi consen-  
 " tiunt, & non quia vacant, eò quòd ab illis qui  
 " promoventur ad prælaturas hujusmodi extra  
 " curiam & per alium quàm per papam, nihil ha-  
 " bent vel exigunt. Et constat etiam ex eo quòd

nihil percipiunt in tali exactione, nisi domini  
 cardinales, qui actu sunt præsentés, & tamen  
 de jure communi omnes cardinales etiam ab-  
 sentes participarent, si quia vacant deberentur  
 vel exigerentur. Tum quia talis usus est vitiosus  
 & inhonestus, continens speciem mali, & de  
 jure prohibitus: propterea nulla consuetudo  
 potest super eo situari, & minus præscriptio  
 induci. Tum quia violentantur qui in curia pro-  
 moventur ad dandum & offerendum, seque &  
 monasterium sive ecclesiam, ad quod sive  
 quam promoventur, obligandum ad solvendum  
 taxam sive quotam quæ refertur eis esse in li-  
 bris cameræ cum minutis servitiis, & omne illud  
 & quidquid reperiretur debitum per dationem  
 vel obligationem consimilem factam cameræ  
 apostolicæ & dominis cardinalibus suorum præ-  
 decessorum per litterarum suæ promotionis re-  
 tentionem & detentionem, & tales modi num-  
 quam inducunt consuetudinem, neque præ-  
 criptionem cum sint violenti. Tum quia resul-  
 tat alia violentia, quia quantumcumque sint  
 promoti, benedicti, vel consecrati, & notum sit  
 monasteriis vel ecclesiis quibus præficiuntur,  
 tamen sine litteris hujusmodi non possunt in-  
 trare possessionem propter constitutionem por-  
 talem factam in favorem hujusmodi indebita-  
 rum exactionum, quæ incipit *Injunctæ*. Tum  
 quia simoniacum vel suspectum de simonia, quia  
 petuntur fructus primi anni, & solvitur in curia  
 realis pecunia pro fructibus colligendis in parti-  
 bus, & quia solvitur ante tempus, & quia quando-  
 que solvitur totum cameræ apostolicæ, & ante  
 adeptam possessionem, & nihilominus cardinales  
 taxam requirunt, & per detentionem litterarum  
 exigunt re vel obligatione quando possunt. Tum  
 quia ex præmissis infertur rationabiliter diffu-  
 soria murmuratio contra Romanam curiam,  
 quam decet servare puritatem & justitiam, &  
 ab omni specie mala abstinere. Resultatque in-  
 sectio & nullitas omnium & singulorum, quæ  
 fiunt in præmissis datione, obligatione, senten-  
 tiarum contra obligantes fulminatione, & sub-  
 missione, propter modum & causam ex quibus  
 fit concurrentia in actu qui non tenet: propterea  
 qui dicuntur incidere in sententiis quæ hujus  
 occasione sequuntur, non debent eas tenere,  
 nec videntur absolutione indigere. Propter enim  
 prædictam concurrentiam continet errorem in-  
 tolerabilem, & quia contra juris constitutionem.  
 Nam viderentur obligare hominem ad inciden-  
 dum in hæresim, largo sumto vocabulo, vide-  
 licet quòd sit licitum spiritualia emere, vel pro  
 spiritualibus pecuniam & temporalia dare. Tum  
 quia talis consuetudo, præscriptio, seu privile-  
 gium, quando essent, nimium forent ecclesiis,  
 clero, & provinciis onerosa, & substantiarum  
 ecclesiarum destructiva, & propterea de jure  
 nulla, præscriptioque nullatenus procederet, &  
 privilegium, si quod apparet, non solum de  
 jure decurtandum, sed etiam totaliter submo-  
 vendum, utroque jure hoc clarè testante. Tum  
 quia quilibet prælatus qui in curia promovetur  
 ad monasterium vel ad ecclesiam cathedralem,  
 antequam suæ expediantur litteræ in cancel-



» laria, jurat nihil de juribus monasterii vel ec-  
 » clesie alienare, & ipsis litteris in cancellaria  
 » expeditis, & deinde bullatis, ac etiam registra-  
 » tis portantur ad cameram, à qua haberi non  
 » possunt, nisi primo se obliget, ut præfertur:  
 » quæ obligatio est alienatio clara, & sic promo-  
 » tus videtur cogi committere simoniam, & simi-  
 » liter perjurium. Tum quia non fuisset creden-  
 » dum, sicut nec est, cameram apostolicam, ne-  
 » que dominos cardinales, aut quoscumque alios,  
 » propter quodcumque lucrum sive temporale  
 » commodum velle sustinere aut etiam defendere  
 » tantam inhonestatem, prætextu cujuscumque  
 » consuetudinis, præscriptionis, aut privilegii,  
 » etiam quando essent, in quibus includitur labe-  
 » simoniæ, & clarum perjurium, scandalumque  
 » & \* damnatio animarum. Tum quia adhuc præ-

\* Al. Per  
 dictio.

Papæ po-  
 testas im-  
 mediate  
 à Christo.

» missis cessantibus, & supposito quod annatæ pe-  
 » titæ deberentur, tollendæ sunt ex toto, causis  
 » & inconvenientibus ac scandalis sequentibus.  
 » Nam licet secundum apostolicam doctrinam  
 » papæ potestas à Christo immediate sit: tamen  
 » est ad ecclesie ædificationem & non ad ipsius  
 » destructionem; quæ tamen resultaret in obser-  
 » vatione prædictorum. Estque hujusmodi papæ  
 » potestas ordinata ad justitiam & rectum judi-  
 » cium exercendum, quod obligaret & cessaret in  
 » exactionibus præmissis: habetque præsidere pro-  
 » pter bonum publicum & salutem animarum, &  
 » non propter seipsum, qui aliter videretur abu-  
 » sus, nec videtur facultas papæ nec ecclesie ra-  
 » tione concessa, neque eis competit pro libito  
 » voluntatis exactiones sive præstationes aliquas  
 » imponere ecclesiis aut personis ecclesiasticis,  
 » cum eorum non sint domini, sed tantum-  
 » modo Christus, maxime per quas censetur ipso-  
 » rum oppressio; vel inde oriatur scandalum, de-  
 » turque causa murmurandi, vel etiam resultet  
 » detrimentum animarum, aut frustretur intentio  
 » fundatorum ecclesiarum cathedralium, mona-  
 » steriorum & aliorum inferiorum beneficiorum.  
 » Tum quia per exactionem dictarum annatarum  
 » tam ardentem & inhonestè exactarum sine cleri  
 » principumque in quorum sunt dominio, & eo-  
 » rum de genere qui ea fundaverunt expresso  
 » consensu, & levem decimæ impositionem se-  
 » cutæ sunt oppressiones in clero & in ecclesiis,  
 » & inde murmurationes graves exortæ, & apud  
 » reges magnosque principes & alios nobiles illos  
 » de populo usque ad plebeios scandala grandia  
 » & possent inde graviora sequi. Tum quia viden-  
 » tes pati ruinam ecclesias cathedrales, monaste-  
 » riaque & alia beneficia, quæ sui progenitores  
 » & alii magnates fundaverunt & uberanter do-  
 » taverunt, & largiti sunt ducatus, comitatus &  
 » alias dignitates temporales, baronias, castra,  
 » terras, jurisdictiones, & alia temporalia bona  
 » pro sustentatione ministrantium in divinis, & ad  
 » divini cultus laudem & augmentum suorum.  
 » que peccaminum expiationem, alimentatio-  
 » nem pauperum, redemptionem captivorum,  
 » ecclesiarum & ipsarum ædificiorum reparatio-  
 » nem, terrarum ac possessionum ecclesiarum  
 » & monasteriorum culturam, jurium ipsarum  
 » prosecutionem, conservationem, & defensio-

A nem: quæ omnia cessant, nec fieri possunt, sed «  
 numerum in ecclesiis sic fundatis ministrantium «  
 juxta fundatorum ordinationem minuere oportet «  
 propter dictas intolerabiles exactiones. Tum «  
 quia scandalizantur & inde murmurant cum «  
 recurrunt ad causas propter quas talia contin- «  
 gunt, dicentes non fuisse intentionis fundato- «  
 rum, nec eorum existere, quod propter tales «  
 exactiones aut etiam similes vel propter replere «  
 quadraginta aut plures personas debeant fru- «  
 strari intentionibus & ordinationibus suis fun- «  
 dadores, & ipsi in hoc pati verecundiam; quod «  
 dotata per eos & largita tam uberanter dedu- «  
 cantur ad ruinam, & patria reddatur infirmior «  
 ad se defendendum contra hostes, eò quod ca- «  
 stra & munitiones retinere neque defendere «  
 possunt, quibus collata sunt; & propterea nolle «  
 pati omnino dicunt, cum talia in nullo subdan- «  
 tur papæ, nec cardinalibus, ut fiant eis tribu- «  
 taria, cum sint feudalialia aut merè temporalialia. «  
 Tum quia scandala & murmurationes insurgunt «  
 dum vident & sentiunt exigi hujusmodi vacan- «  
 cias & præstationes sine pietate, misericordia, «  
 aut aliqua remissione, quantumcumque impo- «  
 tentes, & hoc notum fuit, sicut contigit in ab- «  
 bate S. Saturnini Tolosani compulso obligari «  
 ad taxam sibi relictam, quæ est quatuor millia «  
 & ducentorum florenorum, & non valet in om- «  
 nibus etiam uniendo supra locum quingentos, «  
 & tam ipse quam plures alii compelluntur per «  
 exactores deputatos usque ad impignorationem «  
 terrarum dotialium ecclesie vel monasterii, & «  
 usque ad venditionem calicum etiam non con- «  
 flatorum, librorum & aliorum ornamentorum «  
 & bonorum aliorum ecclesie quæ petuntur sol- «  
 vere. Tum quia scandala & murmurationes in- «  
 surgunt, quod propter hujusmodi exactionem «  
 prælati & alii ecclesie ministri reputantur per «  
 exactores excommunicati, & per processus & «  
 litteras quas affigunt in locis publicis eos de- «  
 nuntiant, injuriuntur & verecundiam faciunt, «  
 & diebus solemnibus, nec aliis audent celebrare, «  
 licet in veritate non teneant sententiæ; & inde «  
 scandalizantur principes & alii de populo, & in «  
 tantum artantur ad solvendum, quod pro dila- «  
 tionibus non dantur nisi tres menses, & pro lit- «  
 tera & sigillo relaxationis sententiæ oporteat «  
 realiter solvere tres vel quatuor florenos, quod «  
 si sit simoniacum, videat unusquisque, & sunt «  
 in anno xx. floreni, sine eo quod dare oportet «  
 clericis ad hujusmodi prosecutionem deputatis, «  
 & quod expendit nuntius in eundo & redeundo, «  
 nec per hoc principale minuitur. Tum quia scan- «  
 dala sunt exorta & non cessant propter exactio- «  
 nes prædictas, ex eo quod postquam ecclesia «  
 Romana continuavit tales exactiones, non ces- «  
 savit à guerris, & major sollicitudo Romani «  
 pontificis & suorum cardinalium usque ad «  
 JOHANNEM inclusivè novissime depositum, fuit «  
 de guerrarum continuatione, in qua fit effusio «  
 humani sanguinis. Et licet Ecclesia habeat orien- «  
 tale imperium, non tamen cadunt honestè talia «  
 in viris tam perfectis, & quia per humilitatem, «  
 & sanctimoniam, & devotionem solebant jura «  
 ecclesie inesse, conservari, retineri, & acquiri sine «  
 H h h h ii

„artificiali gladio aut alia violentia, & idem posset  
 „hodie. Tum quia propter tam promptam nume-  
 „rationem hujusmodi vacantiarum, & aliarum  
 „exactionum, camera ac domini cardinales non  
 „curaverunt, neque solliciti fuerunt de dote &  
 „patrimonio ecclesiæ Romanæ, de quo vivere  
 „possent & debent, neque de recolligendo tri-  
 „buta, pensiones, & debita, quæ rationabiliter  
 „eis debentur, sed ea per expressum remiserunt  
 „& remittunt, prout fecerunt aliquibus commu-  
 „nitatibus, & jam etiam moderni domini cardi-  
 „nales centum millia Florentinis cum quibusdam  
 „aliis regi Apuliæ tributa, pro quindecim annis  
 „Marchioni Ferrariæ, & ita fecerunt pluribus  
 „aliis, quibus concesserunt dare terras & castra  
 „patrimonii ecclesiæ, de quorum fructibus vivere  
 „habent, & videntur quodammodo affectare oc-  
 „cupationem dicti patrimonii, & non solutionem  
 „dictarum pensionum & etiam tributorum, ut  
 „sub illo colore possint dictas vacantias & alias  
 „exactiones exigere, ac per hoc collationem be-  
 „neficiorum & promotionem ad prælaturas re-  
 „tinere, ut inde magis ab illis de clero timean-  
 „tur, & universalis reveantur, & etiam ho-  
 „norentur, sicut de facto observant. Tum quia  
 „scandala propter præmissas & similes exactiones  
 „& impium modum exigendi in Galliis exorta  
 „sunt, eò quod superstites de genere illorum, qui  
 „ecclesias, monasteria, & alia beneficia dotave-  
 „runt, audientes referri quòd pro pecuniis bene-  
 „ficia habebantur in Romana curia, & quòd  
 „propterea ruinæ & præmissæ beneficiorum de-  
 „structiones sequebantur, querelam fecerunt fieri  
 „apud regem Francorum eorum supremum prin-  
 „cipem, in cujus parlamento & suo consistorio,  
 „auditis quæ fuerunt proposita pro parte cameræ  
 „apostolicæ & dominorum cardinalium, quod  
 „bene sciunt aliqui ex eisdem, fuit clarè & ad  
 „plenum solemniter apertum & evidenter mon-  
 „stratum, quòd nullo jure deberentur, & quod  
 „clara simonia in modo se habendi includeba-  
 „tur, quæ plurimum erat sibi periculosa, & ad  
 „ipsum spectabat, ut dicebant, in suo dominio  
 „reprimere tales abusus & vitiosos excessus, ne  
 „consentiendo iram Dei provocare videretur in  
 „seipsum, juxta Gregorii epistolam Theodorico  
 „& Theoberto Francorum regibus missam in de-  
 „cretorum volumine insertam. Fuitque clarè de-  
 „monstratum, quòd ultra præmissa & multa alia  
 „inconvenientia, per tales exactiones vacuaba-  
 „tur regnum & dominium suum pecuniis & di-  
 „vitiis, quæ ad nullam pietatem applicabantur,  
 „sed postmodum malos atque pessimos pariebant  
 „exitus, & causabant effectus; quòdque Romani  
 „pontifices pluries fuerant moniti & requisiti, ut  
 „in his tam scandalosis & causantibus animarum  
 „damnationem providerent, & canonicum or-  
 „dinem darent, quod facere neglexerunt, cer-  
 „tam tunc provisionem super his rationabiliter  
 „edidit, quæ per quoscumque regnicolas & in  
 „dominiis suis domiciliatos, sub divina & re-  
 „gia offensa servanda est, & quando debe-  
 „rentur, propter tale scandalum tollendæ sunt.  
 „Tum quia nec dicta provisio totaliter suffecit,  
 „quin per pratticam Romanæ ecclesiæ, æque

A pecuniis intervenientibus in dominiis suis bene-  
 ficia \* conferrentur, & resullaret quod prius  
 per solemnes suos ambaxiatores, adjunctis nun-  
 tiis notabilibus pro parte prælatorum & cleri  
 regni sui atque universitatis Parisiensis, desti-  
 natos ad urbem Romanam inter cetera domino  
 JOHANNI tunc in sede apostolica & Romana  
 sedenti proponi, eumque requiri, exhortari, &  
 moneri fecit, ut tales exactiones, per quas tales  
 abusus sequebantur, & perditio animarum, sub-  
 B movere curaret, & providere non tardaret. Qui  
 verbo respondit hoc sibi placere, & totaliter  
 submovere velle, & super hoc onerare legatum,  
 quem destinaturus, ut dicebat, erat ad Fran-  
 ciam, & quia nulla provisio secuta est, licet justè  
 potuisset atque posset juxta dicti Gregorii epi-  
 stolam, & aliàs de jure per seipsum providere,  
 magis mitem in favorem & honorem Ecclesiæ  
 volens se in hoc habere, distulit; & suis am-  
 bassiatoribus & aliis pro prælatis atque clero  
 regni sui, & Dalphinatus destinatis ad præsens  
 C generale concilium injunxit hanc provisionem  
 & remediationem prosequi, quam multipliciter  
 conantur quidam impedire, plus curantes de  
 quæstu quàm animarum profectu. Tum quia  
 multiplicatum est scandalum, & causa nova ad-  
 juncta, ex eo quod dominus JOHANNES olim  
 papa novissimè destitutus, testificatur, & se pu-  
 blicè facit audiri, quòd unum milionem & se-  
 ptuaginta millia florenorum auri habet in di-  
 versis locis reposita; & collegium dominorum  
 cardinalium ad medietatem summæ tantumdem  
 præsumuntur habuisse, quorum fortè major pars  
 D de Galliis processerunt; quod principes, clerus  
 & populus attendentes, magis commoventur  
 ad exquirendum remedium, cum dictæ pecuniæ  
 nullum profectum fecerunt; sed plures ani-  
 mas maculaverunt, & causa destitutionis dicti  
 JOHANNIS & magni scandali fuerunt. Ergo talis  
 causa tollenda, ne similia futuris temporibus  
 eveniant aut etiam contingant. Et si prædicta  
 locum non habuissent vel habere possent, sicut  
 tamen habent, adhuc prædictæ annatæ, & va-  
 cantia, ac indebitæ hujusmodi exactiones sunt  
 E tollendæ, & totaliter submovendæ, quia dant  
 causam proximam simoniæ committendæ in  
 curiâ diversimode, infamantque curiam Roma-  
 nam, & infinitorum malorum dant occasionem,  
 & quia sunt & fuerunt causa quod venderen-  
 tur beneficia ecclesiastica, prælaturæ, & digni-  
 tates, & mercarentur, sicut fuisse factum repe-  
 ritur cum domino olim JOHANNNE papa. Quod  
 quando simoniacum non esset, sicut est, tamen  
 turpissimum abominabileque & scandalosum  
 valde est. Tum quia sub prætextu & colore sol-  
 vendi vacantias secundum verum valorem at-  
 F que taxam antiquam prætensam triplicaretur,  
 & quadruplicaretur, juxta verbum quorundam  
 dicentium, quòd sicut offert juxta taxam, ita  
 potest offerre & dare totum valorem unius vel  
 plurium annorum, & per hoc promoventur am-  
 bitiosi; & malè morigerati, illiterati, & quibus  
 defunt aliæ virtutes, recurrunt ad pecunias,  
 repelluntur litterati & virtuosus viri non ha-  
 bentes pecunias, & futurum est de proximo

\* Al.  
 „Confe-  
 rantur.

» quod sicut factum est, continuaretur in promo- A  
» tionibus & beneficiorum distributionibus, studia  
» efficerentur deserta, nullusque curaret scire vel  
» etiam studere, & posset inde pati fides & reli-  
» gio christiana propter defectum doctrinæ ma-  
» ximum detrimentum.

» VIII. Sunt etiam tollendæ & removendæ, quia  
» juxta taxam prælaturæ vacantis, cui committitur  
» inquisitio & processus, mercatur & vult limitare  
» salarium, quod asserit sibi debitum ab illo pro  
» quo debet relationem facere, & in securo vult  
» habere antequam referat, prout in hac venera- B  
» bili natione Gallicana per egregium dominum  
» Paulum doctorem alterius nationis conqueren-  
» do fuit notabiliter propositum, & aliquantu-  
» lum casus unus apertus, videlicet quod quia  
» erat conventum cum tunc papa pro vacantia  
» debere solvere tria millia, qui relationem facere  
» debebat volebat habere trecentos, quos oport-  
» rebat detrahere de prædicta summa, eò quod  
» promovendus nihil plus habebat, & tunc papa  
» de suo proprio solvit quinquaginta, & centum C  
» procuravit pars propria, & sic pro quolibet  
» milliaro habuit quinquaginta, si sit simoniacum  
» judicent audientes. Idem facit notarius qui scri-  
» bit in processu, scutifer papæ, & scutifer domini  
» cardinalis referentis, qui de more mittuntur ad  
» promotum ut plurimum, ad intimandum suam  
» promotionem, qui sua salaria dicunt esse limi-  
» tanda secundum quantitatem vacantiarum; &  
» idem trium portarum ostiarii, & quam plures  
» alii consimiles, qui non exprimuntur de præ- D  
» senti. Tum quia promotus in curia propter tales  
» angarias cogitur esse passivè usurarius, & intrare  
» manus mercatorum, qui pro quingentis mutua-  
» tis volunt habere & recuperare mille cum aliquo  
» interesse, quod clarè expertum est, & adhuc  
» cogitur fieri simoniacus propter hujusmodi ma-  
» culatas exactiones, eò quod oportet secundum  
» limitationem taxæ pro jure sacræ vel benedi-  
» ctionis munere realiter pecunias solvere, quod  
» abhorrendum est. Tum quia ex hujusmodi va-  
» cantis insurrexit quædam turpissima venalitas, E  
» eò quod licet fuerit commissum pro aliquo no-  
» tabili promovendo ad prælaturam vacantem,  
» quantumcumque notabilis & sufficiens fuerit,  
» nihilominus pro omnibus aliis volentibus con-  
» currere similiter committeretur, & quandoque  
» eidem commissario, quandoque diverso; &  
» qui melius vacantias solvere poterit, & se  
» commissario gratum reddere, & apud camp-  
» fores quibus pecuniæ sunt numerandæ de sol-  
» vendo certos & cautos facere, ille sufficien-  
» tior est, & præfertur alii secundum modum  
» quandoque observatum; & inde secuta sunt  
» scandala diversa, & pro nunc taceamus illa.

» IX. Rursus quia propter retinere solutionem  
» vacantiarum, decimæ & subsidii caritativi,  
» quando indicuntur, & aliarum exactionum  
» hujusmodi, venundatus est clerus & libertas  
» ecclesiastica sublata & totaliter remissa, & est  
» data & concessa principibus & communitatibus  
» participatio in hujusmodi exactionibus, ne con-  
» tradicerent & nullatenus clero assisterent, &  
» ut ea per brachium suum sæculare possent fa-

cere exigere, & ultra illa alia tributa & exactiones  
» aliquibus concessa sunt super clerum: ita quod  
» in plerisque dominiis facti sunt prælati, clerus,  
» & quicumque religiosi deterioris conditionis  
» quàm laici, quod fortè papa facere non potuit,  
» neque potest, cum sit in subversionem & tur-  
» bationem universalis status ecclesiastici, absor-  
» bendo privilegia & libertates eorum qui servare  
» eas habent, ut in pace & quiete Deo valeant fa-  
» mulari, & iram Dei pro populo placare. Præ-  
» missis igitur omnibus stantibus, dicere eas de-  
» bitas & exigere posse, ut præfertur, & pertina-  
» citer hoc tenere esset fortè hæreticum & peri-  
» culosum valde.

X. Ex ipsis igitur & quibusdam aliis de præ-  
» senti non expressis & ex causa & resultantibus  
» ex eis, & parte eorum, quæ sufficere ad hoc  
» poterant sive possunt, concludit rationabiliter  
» & de jure hæc venerabilis natio & supposita  
» ejusdem, matura deliberatione habita, dictas  
» annatas sive vacantias, & quas appellant com-  
» munita & minuta servitia, de præsentis vel de præ-  
» terito, nec aliquo tempore ut continuari de-  
» beant, nec per modum tributi seu debiti imponi  
» posse monasteriis vel ecclesiis, aut beneficiis aliis  
» seu personis ecclesiasticis non esse debitas, &  
» quatenus de facto, prætextu eorum, quæ præteri-  
» erunt, conaretur quis eas exigere vel levare  
» totaliter esse tollendæ, & resistendum etiam de  
» facto. Modo ad causas & rationes quibus niti-  
» tur justificare & causare suam appellationem in-  
» terpositam præfatus de Scribanis & qui eam com-  
» posuerunt, & sibi adhærentes restat respondere.

XI. In primis enim dicit idem de Scribanis fuisse  
» deliberatum in natione procedendum esse in ar-  
» duis per secretum scrutinium, & ita fuisse præ-  
» tatum, &c.

Respondetur quod in actibus particularibus,  
» de quibus actum est, quod per scrutinium fieret  
» deliberatio, ita observatum est. In aliis verò  
» in quibus specialiter actum non est, nequaquam:  
» quia repugnat honestati & naturæ concilii &  
» plenariæ libertati; & quando ita ordinatum fuis-  
» set, non est substantiale formæ, nec decretum  
» irritans in contrarium; & quia nationes singulæ  
» deliberant apud se quæ videntur eis utilia vel  
» necessaria sine aliarum nationum concurrentia,  
» sicut factum fuit de procedendo in causis pen-  
» dentibus & committendis supervenientibus in  
» curia sede apostolica vacante, quod non est de  
» jure, in quo deliberatum fuit & etiam conclu-  
» sum in quibusdam nationibus antequam fuisset  
» datum verbum in natione Gallicana. Quæ qui-  
» dem natio constringi non debet, nec plus ancil-  
» lare ceteris nationibus, & ultra quandoque fuit  
» actum, ut in actibus certis per secretum scru-  
» tinium deliberaretur, in quo fuit solemniter &  
» debitè oppositum. Quare super falso fundat se  
» & nulliter præfatus de Scribanis.

Cum dicit ultra & in ordine idem de Scri-  
» banis appellans, quod materiæ in nationibus  
» deliberandæ primo deliberari debent apud de-  
» putatos quatuor nationum, &c.

Respondetur ita factum fuisse, ut supradictum  
» est, & quando non esset substantiale non est.

„ Cùm dicit idem appellans esse papæ subve-  
 „ niendum ab inferioribus ecclesiis, quas asse-  
 „ rit descendisse à Romana, &c.

Respondetur, quòd quilibet episcopatus de-  
 „ bet certos suos habere redditus pro dotatione &  
 „ sustentatione sua sive episcopi, sicut habuit, &  
 „ habet episcopatus Romanus, qui suffecerunt &  
 „ sufficere possunt cum industria, & alia quæ ex-  
 „ traordinarie superveniunt: nam Apostolus ex in-  
 „ dustria quærebat sibi victum, ne quibus mini-  
 „ strabat esset nimium onerosus; & si non suffi-  
 „ ciant redditus episcopatus Romani de præsentì,  
 „ primò habet requirere subsidium & subventio-  
 „ nem à clero suæ civitatis & diocesis, deinde  
 „ suæ provinciæ, per modum subsidii caritativi  
 „ temporalis & non perpetui census, postmodum  
 „ ab aliis ecclesiis mediatè subditis potest subsi-  
 „ dium benigniter implorare, quæ causâ neces-  
 „ sariâ suppositâ, expressâ quoque & verâ, ho-  
 „ nestè non possunt denegari ad tempus, nec  
 „ tunc fortè venit exactio subventionis respectu  
 „ datæ temporalitatis per fundatores ecclesiis, ut  
 „ certum onus supportetur, aut aliquid aliud fiat  
 „ secundùm eorum ordinationem, ne frustrentur  
 „ ordinatione & intentione eorum, sed tantùm  
 „ respectu eorum quæ proveniunt ratione spiritua-  
 „ litatis & dotis constitutæ à jure, ut sunt decimæ,  
 „ oblationes, portio canonica mortuorum &  
 „ similibus.

Quòd autem ecclesiæ aliæ descenderunt à  
 „ Romana, præcessit etiam Græca, in qua primò  
 „ sedit Petrus Antiochiæ & Christus Hierosoly-  
 „ mis, & fuerunt aliquæ quæ contendebant de  
 „ pari, & quæ præcesserunt ab ea non videtur  
 „ descendisse. Verumtamen ab omnibus recognos-  
 „ citur tamquam suprema domina & magistra  
 „ omnium propter virtutes & merita eorum qui  
 „ præfuerunt in ea, cujus ultima non correspon-  
 „ dent primis.

Subjungit postmodum præfatus appellans,  
 „ quod subveniendum est dominis cardinalibus,  
 „ qui coadjutores sunt papæ, &c. sicut dicit.

Respondetur, quòd domini cardinales dupli-  
 „ cem habent statum: primævum, cujus retinent  
 „ titulum, & principales dignitates in collegiatis  
 „ ecclesiis in urbe Romana obtinent, vel sunt  
 „ curati parochialium ecclesiarum ejusdem: &  
 „ illo respectu dicuntur cardinales, id est prin-  
 „ cipales, quod non competit eis specialiter; sed  
 „ multæ sunt ecclesiæ, sicut Ravennatensis, quæ  
 „ obtinentes dignitates in ea nominat cardinales,  
 „ & ita est in pluribus aliis ecclesiis in diversis  
 „ regnis & provinciis. Et ex ista prima institutione  
 „ eorum primum officium fuit, est, & esse debet  
 „ confessiones audire, prædicare, ac etiam bap-  
 „ tizare, &c. quoad presbyteros. Episcopi vero  
 „ cardinales hoc habent facere & exercere in suis  
 „ diocesibus. Et isti de suis titulis & eorum emo-  
 „ lumentis isto respectu debent & tenentur con-  
 „ tentari, sicut alii de clero in singulis dioce-  
 „ sibus; si non valent quantum valuerunt, limi-  
 „ tent expensas, vel petant sibi provideri debitè  
 „ & per modum canonicum. Et ille status fuit in  
 „ caritate fundatus, & valde humilis, & benignus.  
 „ Alium statum assumerunt quando Constantinus

A imperium occidentale contulit Ecclesiæ Ro-  
 „ manæ, quam voluit habere senatum, & quòd  
 „ senatorum vestibibus, honore & ornatu decora-  
 „ rentur qui statum illum repræsentarent, & illum  
 „ tenent, & repræsentant, domini cardinales, ut  
 „ dicit Innocentius, quorum officium est principi  
 „ consulere, videlicet papæ, sicut consulebant  
 „ principi temporali, sciens Constantinus eccle-  
 „ siam non posse onera talis status sufferre, nec  
 „ expensas sustinere, & quod statum eorum pro-  
 „ pter hoc nollet admittere, nisi aliter provideret,  
 „ B contulit & dedit eis patrimonium & temporalia  
 „ pro statu eorum, quod postmodum augmenta-  
 „ tum est. Et si illud occupatum fuerit, culpa  
 „ & negligentia eorum factum est, sicut supra  
 „ dictum est, ideo vel recuperent, vel sint con-  
 „ tenti eorum primo statu, cùm status eorum sit  
 „ nimium Ecclesiæ onerosus, & non est necessa-  
 „ rius, sicut prætendunt multi, maximè cum tanto  
 „ Ecclesiæ onere.

Quòd enim domini cardinales sint papæ coad-  
 „ jutores, sicut dicit qui appellat, nihil est,  
 „ C super falso se fundat; quia episcopi sunt papæ  
 „ coadjutores, & supra cardinales de jure. Car-  
 „ dinales verò tantummodo consultores sunt  
 „ papæ; & patet quia dudum cardinales qui bene  
 „ servierant, in eorum remunerationem & pro-  
 „ quiete ipsorum promovebantur ad cathedrales  
 „ ecclesias. Patet etiam quod episcopi majores  
 „ esse videantur cardinalibus, quia cùm florebat  
 „ temporalitas eis data, Ecclesia & generale con-  
 „ cilium statum eorum limitavit ad xxv. fami-  
 „ liares tantum, episcoporum verò ad xxx. quos  
 „ D tamen contemnunt hodie, & per violentiam eos  
 „ & alios de clero opprimere conantur, atque  
 „ volunt sibi facere tributarios, & per eos faciunt  
 „ nimis familiariter serviri, nec pro quocumque  
 „ prælato etiam prone adorante eos & supinato  
 „ in terra ponerent manum ad capellum aut salu-  
 „ tarent eum, quod numquam aliquis rex aut  
 „ princeps fecit, neque hodie permetteret, cùm  
 „ immediatè recipiant episcopi potestatem & di-  
 „ gnitatem à Christo, domini verò cardinales ab  
 „ homine, quoad statum assumptum senatorie  
 „ E dictum: & futurum est atque necessarium in  
 „ statu eorum providere, ut certus constituatur  
 „ numerus, status quoque eorum limitetur, ta-  
 „ cendo quod fierent tantummodo temporales,  
 „ sicut aliqui dixerunt, & quod in quolibet ge-  
 „ nerali concilio, qui bene se habuissent, con-  
 „ firmarentur; qui verò malè, ejudicarentur, &  
 „ ad domos suas remitterentur, quod non esset  
 „ bene factum.

Cùm ulterius subjungit appellans, quod papa  
 „ & cardinales sunt in possessione percipiendi à  
 „ F prælatis annatas, præsertim in dominio regis  
 „ Franciæ, &c.

Respondetur, prout supra, & ultra, quòd  
 „ nullus umquam illis competiit titulus perci-  
 „ piendi; & si aliquando perceperunt, hoc fuit  
 „ per modum permissivæ facultatis & benignæ  
 „ tolerantia, quæ secundùm Innocentium & quos-  
 „ cumque doctores potest revocari quodcum-  
 „ que: & est mirum, litteratos talia pro funda-  
 „ mento allegare, quam à cetero sufferre nec  
 „ tolerari



tolerare intendunt, quia quando esset eis aliter  
subveniendum, contribuendum esset æqualiter  
per nationes & provincias, & talis provisio so-  
lutionis annatarum esset nimium excessiva. Nam  
taxa vacantiarum secundum quod descriptum  
est in libris cameræ apostolicæ & ecclesiis ca-  
thedralibus & abbatialibus Galliarum taxatis,  
ascendit ad sexcenta nonaginta septem millia  
septingentos quinquaginta francos, sine præla-  
turis non taxatis & aliis inferioribus dignitati-  
bus & beneficiis quæ fere ad tantumdem as-  
cendunt. Quæ summa infra sex annos, ut clarè  
demonstraretur, integraliter solvitur, & singulis  
annis divisâ ascenderet ad ducenta millia, præ-  
laturis & minoribus beneficiis junctis. Quod si  
in singulis nationibus tantumdem reciperetur  
& haberent, ascenderet summa, & essent in uni-  
verso sex milliones nonaginta septuaginta se-  
ptem millia & quingenti floreni, quod esset  
excessivum valde, etiam quando non solvere-  
tur, nisi tota in decennio. Et ultra domini car-  
dinales moderni obtinent in Galliis sex cathe-  
drales ecclesias & alias dignitates, & alia bene-  
ficia infinita, quæ fere annis singulis ascendunt  
de sexaginta ad septuaginta millia, de quo de-  
berent contentari, sine tanto quæstu vacanti-  
rum, & recurrere ad alias nationes, ut tantum-  
dem eis facerent quomodo esset rationabilius.  
Quando enim Italica, Germanica, Hispanica &  
Anglicana nationes tantum facerent eis, essent  
ad minus trecenta & quinquaginta millia annis  
singulis. Detrahunt enim & obloquuntur natio-  
ni Gallicanæ, quæ sola plus facit quàm totum

residuum, & sustinet pondus & ætus diei.  
Quod autem communia servitia, sicut dicit  
appellans, debeantur propter servitium, quod  
communitati & reipublicæ impenditur per pa-  
pam & cardinales, &c.

Respondetur, quod papa administrans justi-  
tiam, & regnans ad ædificationem Ecclesiæ &  
salutem animarum, & non propter seipsum, ser-  
vit quàm plurimum, & tali serviendum esset,  
etiam realiter. Quoad dominos cardinales, si  
non debeatur eis, nisi quia serviunt, quàm plures  
ex eis de nihilo serviunt, immo nocent & offi-  
ciunt supersedendo ab expressione causarum,  
quæ suo tempore locum habere poterunt.

Quando ulterius subjungit appellans, quod  
sine vacantiis vivere non possunt, attento quod  
patrimonium Ecclesiæ propter schisma & ma-  
lum regimen ecclesiæ Romanæ & præsentium  
in ea est occupatum, &c.

Allegat suam turpitudinem, & devorantibus  
substantiam suam non est dandus recursus ad  
alienas, & qui præsiderunt in Romana Eccle-  
sia fuerant cardinales, & de illo statu assumti,  
& eos qui præfuerunt elegerunt domini cardi-  
nales etiam qui sunt moderni, & præsumuntur  
elegisse meliores, qui ut confitentur appellan-  
tes & sibi adhærentes, totum destruxerunt. Im-  
putent ergo sibi ipsis.

Et cum ulterius appellans dicit, quod si re-  
moverentur vacantia, cardinales servientes  
reipublicæ non haberent unde viverent, & sic  
eas non debere solvi nimia levitate, fuit conclu-

*Theauri Anecd. Tom. II.*

A sum in natione Gallicana, &c.

Respondetur quod ex supradictis potest ap-  
parere, si ex nimia levitate vel digesta delibe-  
ratione processerit conclusio, & si nimia cupi-  
ditate conetur eam impedire.

Procedendo ulterius dicit idem appellans,  
quod procurantes fieri dictam conclusionem  
erant debitores cameræ apostolicæ, &c.

Respondetur, quod si debitores reputet pro-  
pter vacantias quas asserit debitas, patet per  
supradicta non esse debitores, nec etiam debi-  
tas, nec esse solvendas. Si ex alia causa dicat  
eos debitores, justificet actum.

Quod sede apostolica vacante, sicut dicit ipse  
appellans, nihil sit innovandum, &c.

Respondetur, quod nihil innovatur, sed quod  
est vitiosum, simoniacum, scandalosumque, &  
indebitum, tale esse declaratur, & declarari  
petitur.

Quando ulterius progreditur antedictus ap-  
pellans, quod inconsultis aliis nationibus ad  
conclusionem Gallicana natio processit, &c.

Respondetur, quod per medium deputato-  
rum aliarum nationum qui omnes consense-  
runt, quod de futuro tollendæ essent, satis na-  
tiones consultæ videntur, & quod super illis  
natio Gallicana deliberaret, omnes sciverunt  
nationes, & etiam domini cardinales, & ultra  
deliberationem, motiva & conclusionem suam  
communicare voluerunt aliis nationibus ad ef-  
fectum concurrentiæ & provisionis dandæ: quod  
domini cardinales per exquisita media impe-  
diverunt, & inter nationes non est quæ in tan-  
tum gravata fuerit, sicut Gallicana, in istis  
exactionibus, & propterea magis sollicita esse  
debet: & constat quod in Anglia nihil percipit,  
nisi de episcopatibus qui sunt pauci, camera,  
nec domini cardinales, nec paterentur quod  
in ea cardinales obtinerent beneficia. In His-  
paniis pragmatica sanctione sancitum est car-  
dinales non posse obtinere beneficia, & in certis  
regnis Hispaniarum ordinatum est quod camera  
nihil totaliter recipiat. In Italia verò beneficia,  
prælaturæ, & dignitates modici sunt valoris, &  
cum hoc domini temporales & communitates  
prohibent, quando videtur eis, atque placet,  
quod dicta camera nihil recipiat. Et novissimè  
communitas Florentiæ, papa JOHANNES qui  
tunc erat, & dominis cardinalibus in eorum ci-  
vitate existentibus, propter unicum abusum,  
quem papa commisit in conferendo unam ab-  
batiam sitam in eorum dominio, privaverunt  
papam potestate conferendi beneficia in eorum  
dominio usque ad quinque annos, nec tunc ap-  
pellaverunt, & tamen per hoc perduntur fru-  
ctus annatarum. In Almania in certis diocesibus  
& provinciis percipit aliquid, in aliis verò nihil,  
immò nec admittuntur litteræ apostolicæ nisi  
quantum placet episcopis, qui recusant in dene-  
gando *Vidimus*. Et propterea Gallia quia ni-  
mium gravata fuit & obediit, nimium gravata  
est, & adhuc opprobriis laceratur.

Quando verò subjungit sæpèdictus appellans,  
quod minis, & terroribus, & certorum princi-  
pum voluntatibus allegatis, fuerunt impediti-

Iiiii



» volentes deliberare, &c.

» Respondetur, quòd, sicut dictum est, ad op-  
» probria & injurias prorupit appellans sibi que  
» adhærentes & appellationis compositor. Et bene  
» intelligitur, & est falsum quod asserit, sed do-  
» mini cardinales fuerunt illi qui incutiebant ter-  
» rores, inferebant minas, atque dicebant inju-  
» rias prælatis, & aliis notabilibus viris nationis  
» Gallicanæ, & eorum familiares cum nimia  
» austeritate, ut liberè non auderent quod con-  
» scientia dictaret super illis exprimere, & ali-  
» quibus dixerunt, quod inquireretur contra eos  
» ad finem destructionis status eorum, aliis dixe-  
» runt injurias, aliis verò spem dabant promotio-  
» nis & exaltationis status, de quo adhuc confi-  
» dunt aliqui, & familiares suos venire faciebant  
» ad nationem Gallicanam ad vociferandum &  
» clamandum, sicut de facto fecerunt ad delibera-  
» tionem impediendam, & ultra videntes non  
» posse impedire deliberationem quæ fiebat, ad  
» invicem congregati omnes prothonotarios, au-  
» ditores palatii, scriptores, notarios, cursores,  
» & quoscumque alios, etiam mœchantes curiam  
» Romanam sequentes convocarunt, & ad se  
» venire fecerunt, & cum gemitibus eis dixerunt  
» quòd natio Gallicana sola per se præsumebat  
» velle destruere statum papæ, & cardinalium,  
» prothonotoriorumque, clericorum cameræ,  
» auditorum palatii, scriptorum, & notariorum,  
» advocatorum, cursum, & ceterorum quorum-  
» cumque Romanam curiam sequentium, & ipsam  
» curiam, incitative loquendo, & quod oportebat  
» se illis opponere & ad contrarium laborare, &  
» conclusionem receptam de non solvendo vacan-  
» tias, facere per media ut non admittatur per alias  
» nationes; & fuit dubium & etiam periculum de  
» magna commotione contra natos de Galliis,  
» nec talia attentarunt, quando natio Anglicana  
» & eorum rex illustris interdixit tales exactiones  
» nolle plus sustinere in regno suo Angliæ. Et vi-  
» dentes propter hoc non posse proficere, quia  
» rationabile est, quod petitur, & irrationabile  
» quod impedire conantur, converterunt se ad  
» appellationes & unam interposuerunt nomini-  
» bus suis, & aliam interposuerunt seu interponi  
» fecerunt per dictum de Scribanis, aliam vero  
» per magistrum Johannem Ponceri eorum pro-  
» motorem & clericum, per tales appellationes  
» & oppositiones volentes impedire & illibertare  
» dicentes vota sua, & in prædicationibus publi-  
» cis materiam procurarunt prædicari ad inten-  
» tum eorum, & per verba magistralia notari non  
» sibi propitios, quod bene fuit intellectum. Quare  
» quod imponit aliis, apud semetipsum & sibi  
» adhærentes quærat.

» Cùm enim subjungit ipse idem appellans,  
» quòd ad dictam conclusionem processum est,  
» sine prius providendo dominis cardinalibus, &  
» quòd in hoc natio Gallicana insufficienter con-  
» sulta fore tollendas dictas annatas vacantias  
» conclusit, &c.

» Respondetur quòd quoad ipsam nationem  
» satis lautè & amplè provisum est dominis cardi-  
» nalibus apud ipsam in beneficiis quæ in ea ob-  
» tinent, quæ ascendunt de sexaginta ad septua-

A ginta millia, ut supra dictum est, & consultissimè  
conclusit, & mirum est quòd tanto tempore  
toleravit.

Cùm ulterius dicit idem appellans, quod de  
laudabili consuetudine protectio & tuitio Ro-  
manæ curiæ & cameræ sede apostolica vacante,  
ad cardinales spectat, qui non fuerunt requisiti  
in dicta conclusione, &c.

B Respondetur quòd bene facit allegare con-  
suetudinem pro titulo putativo, quia de jure  
est eis interdictum, ne de factis cameræ in ali-  
quo se intromittant sede apostolica vacante.  
Et si qua sit consuetudo, est occulta & taliter  
ignota, nec debuerunt vocari nec etiam requiri.  
C Conclusio est nationis, quæ quò ad nationem  
respectu aliarum nationum est consultiva, &  
quoad totum concilium est querelosa, quam  
concilio intendunt insinuare, & apud eum pro-  
sequi, ut remediatur in eis, ut redeunt ad pro-  
pria suis principibus, prælatis, & clero qui ibi  
remanent, & ceteris de populo possint referre  
diligentiam quam fecerunt, ne videantur con-  
sensum præbuisse nec acquiescere tolerantia abu-  
sivæ in vacantiarum prædictarum præstatione,  
ut si concilium provisionem non dederit, con-  
stet quod per eos non steterit.

Progrediendo ulterius dicit idem appellans,  
quod domini cardinales sunt causa unionis,  
&c.

D Respondetur, quòd utinam ita esset, quo-  
niam de præterito non fecerunt, nec usque nunc  
est factum: quid fiet videbitur postea, nec quo-  
ad hoc exprimuntur quæ in facto consistunt  
etiam de præsentibus, quæ contrariantur unioni.

Cùm dicit ulterius ille idem appellans quod  
removere vacantias, est subversio totius ordinis  
clericalis, &c.


E Respondetur, quod de inordinato & vitioso  
ordine vellet facere ordinem ad ipsius commo-  
dum, nec curaret de nutrimento peccati, nec  
de quocumque scandalo, dummodo affluant  
aurum & pecuniæ. Si debeat subverti ordo cle-  
ricalis propter tollere vacantias, potest videri  
ex jam præcedentibus.

Uterius præfatus de Scribanis dicit, quod  
attestare simoniam intervenire in solutione ea-  
rumdem, est venire contra vota plurium con-  
ciliorum, &c.

F Respondetur, quia numquam in aliquo gene-  
rali concilio fuit ordinatum quòd quis possit  
recipere pecunias, ut spiritualia aut beneficium  
conferat, vel aliquem eligat ad dignitatem vel  
prælaturas, sed bene jure divino, canonico, &  
civilis, & per generalia concilia reperiuntur talia  
prohibita, quæ etiam damnant actum aut con-  
suetudinem.

Quando ulterius progreditur contra claram  
rei veritatem & ipsius conscientiam, videlicet  
quod solutio istarum vacantiarum, est onus  
reale, nec in hoc versatur aliqua obligatio per-  
sonalis, cùm per aliam maneat beneficium obli-  
gatum & non persona, &c.

Respondetur, quòd mirabiliter justificat ac-  
tum ex istis appellans, sicut supra dictum est.  
Clarum est quòd litteræ promotionum haberi



» non possunt, donec obtulerit quod petitur ab  
 » eo, seque & monasterium vel ecclesiam obli-  
 » gaverit, nec aliter exigitur. Modo si ista sit obli-  
 » gatio personalis, aut jura omnia fallunt, aut est  
 » personalis. Nec potest esse realis, quia per obli-  
 » gationem quam facit de monasterio vel ecclesia  
 » non est hypothecaria, quia dominus non est, &  
 » quia non possidet tempore obligationis, & quia  
 » non vergit in utilitatem ecclesiæ vel monaste-  
 » rii; & quia ex turpi causa, & quia sine consensu  
 » conventus vel capituli, & quia tempore fun-  
 » dationis non fuit tale onus impositum, nec post  
 » per consensum illorum qui consentire haberent  
 » necessario, aliter non potest esse reale, & quando  
 » esset hypothecaria, adhuc discuteretur primò  
 » persona quæ antea fuerat obligata. Quòd mu-  
 » tata persona remaneat onus supra ecclesiam vel  
 » monasterium quod dimittit, non est verum nisi  
 » quantum per retentionem dictarum litterarum  
 » eum obligare faciunt ad solvendum, in quo  
 » reperiretur obligatus fuisse antecessor, & sic  
 » possunt exigere ab utroque totum debitum  
 » quando volunt. Et quòd ita sit verum patet  
 » per formam obligationis, quam observant in  
 » talibus in camera apostolica, & domini car-  
 » dinales quæ talis est.

*Primo rubricat formam obligationis patriarchæ, archiepiscopi, vel episcopi aut electi quando in propria ut sequitur:*

*Vos, domine patriarcha, archiepiscopo, episcopo, aut electe, de licentia & auctoritate apostolica vobis in hac parte concessa, gratis & sponte offertis, dare promittitis, & donatis pro vestro communi servitio camerae sanctissimi in Christo Patris & Domini Domini, &c. Alexandri papæ V. & sacro collegio reverendissimorum in Christo patrum dominorum S. R. E. cardinalium, videlicet, &c. Florenos auri de camera boni & legitimi ponderis, & quinque servitia consueta pro familiaribus & officialibus domini nostri papæ & dominorum cardinalium prædictorum.*

*Item, recognoscitis eisdem camerae & collegio ac familiaribus & officialibus omnes illas pecuniarum quantitates, in quibus prædicta vestra ecclesia reperiretur in libris ipsorum camerae & collegii per aliquorum prædecessorum vestrorum personas obligata, quos quidem florenos, cum quinque servitiis & recognitis supradictis promittitis reddere & solvere realiter cum effectu in Romana curia ubicumque fuerit, videlicet Reverendissimis in Christo patribus & dominis dominis divina miseratione HENRICO episcopo Sabinensi, & AMEDEO S. Mariæ novæ diacono Neapolitano & de Saluciis vulgariter nuncupatis S. R. E. cardinalibus & FRANCISCO eadem miseratione archiepiscopo Narbonensi, domini nostri papæ & sacri collegii cardinalium camerariis, vel eorum successoribus aut deputatis ab eis, medietatem scilicet in festo, &c. & aliam medietatem in festo, &c. Recognita vero in alio simili festo, &c.*

*Quòd si dictis loco & terminis dictorum florenorum summam & quinque servitia consueta & recognita supradicta non solvatis, ut est dictum, promittitis redire ad Romanam curiam infra quatuor menses post elapsos terminos hujusmodi vel alterum*

*Theſauri Anecd. Tom. II.*

*A eorumdem immediate sequentem, & coram dictis dominis camerariis seu eorum successoribus aut deputatis ab eis personaliter comparere, & inde non recedere donec per vos fuerit de prædictis integraliter satisfactum. Super hoc obligatis vos & ecclesiam vestram & successores vestros ac omnia bona ecclesiæ vestre mobilia & immobilia, presentia & futura, ubicumque sint & consistent: & ut sitis vinculo fortioris obligationis astrictus, submittitis vos & successores vestros jurisdictioni & coercioni dictorum dominorum camerariorum, & cujuscumque eorum in solidum, ac etiam successorum suorum & deputandorum ab eis, & de voluntate vestra, quoniam hos vultis & petitis, & hanc jurisdictionem in eos prorogatis, præfati camerarii & quilibet eorum eandem jurisdictionem in se suscipientes & suscipiens in vos, mandatum faciunt & præceptum, ut de re confessata de solvendo dictam florenorum summam, & quinque servitia ac recognita supradicta, & de reveniendo ad Romanam curiam, & de non recedendo ab ea absque satisfactione, & quòd omnia alia & singula supradicta efficaciter compleatis, & attendatis; quòd si non feceritis, suspensionem ab administratione spiritualium & temporalium dictæ ecclesiæ, & ab executione pontificalium, & majoris excommunicationis sententias ex nunc prout ex tunc in vos canonica monitione præmissa proferunt in his scriptis: comminantes nihilominus dicti domini camerarii, & quilibet eorum, se contra vos dictum dominum patriarcham, archiepiscopum, episcopum vel electum processuros & processurum, absque alia vocatione seu monitione ad graviores penas & sententias spirituales & temporales, & aggravationes earum, prout eis seu eorum alteri placuerit seu visum fuerit expedire, & quòd vos denuntiabunt & denunciari facient per se vel alium seu alios excommunicatum, suspensum, perjurum, & aliis penis & sententiis astrictum, quas propter hoc in vos duxerint proferendas. Et vos, domine patriarcha, archiepiscopo, episcopo, vel electe, renunciatis super hoc omnibus litteris, privilegiis, indulgentiis apostolicis impetratis vel impetrandis, concessis vel concedendis quibuscumque, & beneficio appellationis & restitutionis in integrum, ac omni foro, usui, præscriptioni, & juri revocandi domum & omni auxilio juris canonici & civilis, per quod contra præmissa de jure vel de facto venire vissetis, vel aliquod præmissorum, & omnia præmissa & singula juratis ad sancta Dei Evangelia tenere, servare, & approbare, & in contrarium non venire, directe vel indirecte, per vos aut alium vel alios. Si verò ante satisfactionem hujusmodi vos contingat mori, cedere vel transferri, & ille vel illi qui ad regimen ipsius ecclesiæ vobis substitutus seu substitui fuerint, infra quatuor menses post substitutionem & dictæ ecclesiæ possessionem adeptam de prædictorum florenorum summa, & servitiis, ac recognitis satisfacere non curaverit, seu curaverint, ex nunc prout ex tunc easdem penas & sententias in eosdem substitutos, & eorum quemlibet infligunt & proferunt in his scriptis, prout dictum est & narratum, auctoritate dictorum dominorum cardinalium & nostra proferimus in his scriptis. Et vos dominum patriarcham, archiepiscopum, episcopum vel electum, volentem, petentem & requirentem ad prædicta recitata*

lilii ij

*condemnamus, & nihilominus monemus vos semel, A  
secundò, & tertio, & peremptoriè, & sub excommu-  
nicationis pœna, ut prædicta adimpleatis, attenda-  
tis, & observetis: alioquin excommunicationis sen-  
tentiam in vos proferimus in his scriptis. Et vos  
domine patriarcha, archiepiscopo, episcopo, vel electe,  
vultis quòd per nos clericos vel notarios camera qui  
sumus hic præsentis de præmissis omnibus & singulis  
fiant unum vel plura publica instrumenta.*

» Similes formæ sunt pro eisdem quando fit  
» per procuratores, & idem pro abbatibus; & sic  
» per tenorem dictæ formæ obligationis, constat  
» quòd non est reale, sed violentum personale, B  
» sicut supradictum est, eò quòd per litterarum  
» retentionem ad hoc compelluntur; & licet com-  
» posuerint formam aptiori modo quo potuerunt,  
» ad justificandum & colorandum factum suum,  
» verumtamen vitiosa est & reprobanda valde;  
» & propterea numquam super hujusmodi obli-  
» gationibus voluerunt grossare instrumentum,  
» nec copiam obligationis dare. Peccat enim in  
» quatuor vel quinque substantialibus secundum  
» formam juris, quòd per quemlibet intelligentem  
» potest clarè intueri, nec etiam cardinales, aut  
» eorum præsentis camerarius umquam habue- C  
» runt jurisdictionem, nec habent potestatem ad  
» hoc quam prætendunt.

» Cùm dicit ulterius idem de Scribanis appel-  
» lans, quòd attentis conventionibus per regem  
» & PETRUM DE LUNA factis, videlicet quòd  
» nihil debet innovari, unde per hoc posset im-  
» pediri unio Ecclesiæ, cùm sit in vilipendium  
» totius christianitatis remove vacantias, &c.

» Responderetur, quòd remove causam quæ  
» præstat & occasionem dat peccati, damnationis  
» animarum, per quam etiam parantur scandala D  
» & fiunt, per quam destruuntur ecclesiæ, & uni-  
» versaliter personæ ecclesiasticæ opprimuntur, &  
» stant in errorem, intentioque fundatorum ec-  
» clesiarum & beneficiorum fraudatur, & per  
» quæ opera pietatis impediuntur, & justitia læ-  
» ditur, est adornare christianitatem, & eam in  
» debita devotione confovere, nec per hoc fit  
» innovatio vel immutatio contra promissum vel  
» conventum. Et quando hæc facta non essent aut  
» fierent, Romanorum rex illustrissimus & omnes E  
» alii reges, & quicumque christiani haberent in-  
» terpellare totum generale concilium, quòd  
» mora in hoc data fuisset, & ultra quòd citius  
» veniunt qui obediunt PETRO DE LUNA, de  
» quo modica spes quòd voluntariè aliquid boni  
» faciat, & facilius propter hoc inclinabunt ad  
» recedendum ab ejus obedientia.

» Subjungit, quòd ex illis appellat ad sedem  
» apostolicam & summum pontificem futurum,  
» & apostolos petit, &c. omittens concilium ge- F  
» nerale fraudulenter, non dubium quòd deberet  
» esse iudex competens in causa hujusmodi, &  
» quòd sedet de præsentis, & ad eum potest haberi  
» recursus faciliter. Et appellando ad papam, tan-  
» tùm facit causa diffugii, ne papa videretur iudex  
» competens, eò quòd sit pars formata, & ejusca-  
» mera apostolica & consilio cardinalium in hoc  
» uteretur, qui affectum quem ad hoc habent o-  
» stendunt.

» Ideo ex præmissis & resultantibus ex eis tam

conjunctim quàm divisim appellationem dicti «  
de Scribanis, neque aliam interpositam nomine «  
dictorum dominorum cardinalium & eorum «  
collegii, nec aliam interpositam per magistrum «  
Johannem Poncetum seu quoscumque alios in «  
materia hujusmodi & ipsius occasione, hæc ve- «  
nerabilis Gallicana natio propter hoc solem- «  
niter congregata, matura deliberatione habita, «  
non duxit admittendum, nec eos admittit ap- «  
pellantes, nec eorum frivolis appellationibus «  
vel alteri earum esse deferendum neque defert. «  
Parata eadem venerabilis natio, & se offerens «  
velle respondere plenius ac singulariter singulis «  
causis ex quibus causantur & justificare nituntur «  
dicti domini cardinales & dictus Poncetum appel- «  
lationes per eos suis nominibus interpositas, «  
quarum copiam etiam, facta debita diligentia, «  
habere non potuit, quandocumque dabitur ei «  
vel habere poterit, protestando etiam de speci- «  
ficatione quorundam aliorum hinc non expres- «  
forum. Hanc responsionem eidem de Scribanis «  
procuratorique collegii dominorum cardina- «  
lium, & ipsis dominis cardinalibus, ac præfa- «  
to Poncetum singulariter singulis quibuscumque «  
suis adhærentibus & adhærere eis volentibus «  
conjunctim & divisim pro apostolis ad quos re- «  
neri posset dans & eis faciens & præsidens ejus «  
dem nationis de consensu & mandato totius «  
nationis, protestans eadem venerabilis natio, «  
& præsidens, ac singularia supposita ejusdem, «  
maximè & specialiter destinati pro parte præ- «  
latorum atque cleri Galliarum ad hoc generale «  
concilium, de proseguendo receptam eorum «  
conclusionem apud præsens generale concilium, «  
& ubicumque de jure debite poterit & licebit, «  
& de eam referendo, intimandoque & scriben- «  
do serenissimo principi Francorum regi & ger- «  
mano suo regi Siciliæ LUDOVICO nominato, «  
illustri duci Aquitanie primogenito regis Fran- «  
cie illustris, ceterisque ducibus, & comitibus, «  
ac baronibus, Galliarum prælatis, ac illis de «  
clero qui in partibus remanserunt nobilibus, & «  
illis de populo omni Galliarum, ad ipsorum «  
excusationem, & exonerationem, & ad debitam «  
provisionem consequendam.

» Postmodum vero die Jovis vicesima octava «  
dicti mensis Novembris, anno à nativitate  
Domini supra dicto, de mandato præfati do-  
mini patriarchæ præsentis, fuit dicta natio  
Gallicana post prandium in loco solito congre-  
gata, in qua congregatione venerabilis & cir-  
cumspectus vir magister Poncius Simoneti sacræ  
theologiæ professor supra nominatus petiit;  
Primo quòd domini deputati pro natione Gal-  
licana prædicta, super facto vacantiarum ad-  
sollicitandum alias nationes faciant diligentiam  
apud alias nationes, quòd consentiant, & ordi-  
nent, & concludant quòd dictæ vacantiarum tollan-  
tur omnino. Secundo quòd legatur in dicta con-  
gregatione dictæ Gallicanæ nationis responsio  
de quibus supra fit mentio. Tercio quòd super  
his & omnibus connexis grossentur instrumen-  
tum & instrumenta, & quòd notarii dictæ na-  
tionis in prima congregatione ejusdem nationis  
ostendant minutam super hoc factam & confe-  
ctam.

Post quam quidem petitionem, fuit in dicta natione apunctuatum, quod crastina die in loco prædicto legeretur prædicta responsio præfatis appellanti-  
bus facta, prout in supradicto quaterno continetur, & quod super omnibus aliis fiat bona diligentia. Et subsequenter die Lunæ secunda mensis Decembris anno supradicto, de mandato præfati domini præfidentis, fuit dicta natio Gallicana in refectorio domus fratrum Prædicatorum Constantiensium post prandium congregata, in qua congregatione fuerunt multa  
proposita & petita, inter quæ præfatus magister Pontius Simoneti petiit legi responsionem & apostolos super facto prædictarum vacantiarum supradictis appellanti-  
bus factam & datos, cum usquequaque nulla lectura facta fuerit de eisdem in natione prædicta. Qua petitione facta, placuit nationi quod legerentur responsio & apostoli prædicti, prout in quaterno dato & superius descripto continetur: quem quidem quaternum decem & septem folia papyri ab utraque parte descripta continentem  
ego Johannes Guardi, notarius publicus infra scriptus legere incœpi; & cum quasi medietatem perlegissem, & esset hora tarda, petiit fuit à me per multos si supererat multum ad legendum, & ego respondi quod nondum erat lecta medietas. Et cum attradiati essent, dixerunt quod crastina die residuum legeretur: & multi clamaverunt, & dixerunt quod compleatur lectura. Et tunc dominus JOHANNES patriarcha Constantinopolitanus suprascriptus recepit quaternum prædictum & lecturam perfecit usque ad finem. De quibus omnibus & singulis suprascriptis reverendi in Christo patres aliique domini & magistri domini, Aniciensis, Vaurensis, Silvanectensis episcopi, Pontius Simoneti, Oliverius Guenec, ac etiam oppositores & appellantes supradicti, & nonnulli alii diversorum statuum de dicta natione in diversis congregationibus dictæ nationis, ut superius describuntur, petierunt & requisiverunt diversimode & diversis vicibus sibi per me Johannem Guardi, & magistrum Michaellem Absalonis notarios publicos, & ad conscribendum acta, propositiones, conclusiones, & alia in congregationibus dictæ nationis facta, & fienda, per eandem nationem deputatos, ordinatos & electos, & quemlibet nostrum fieri & confici, unum & plura, publicum & publica, instrumentum & instrumenta. Acta fuerunt hæc Constantiæ anno, indictione, diebus, mensibus, horis, loco, & congregatione, quibus supra, præsentibus reverendis in Christo patribus & dominis dominis JOHANNES patriarcha Constantinopolitano, JOHANNES patriarcha Antiocheno præfidente dictæ nationis, MARTINO ATTREBATENSI, STEPHANO Dolensi, ALANO Lehonensi, VITALI Tolonensi, JOHANNES Vaurensi, OGERIO Augustensi, JOHANNES Silvanectensi episcopis JOHANNES Cisterciensi, PETRO S. Maxentii monasteriorum abbatibus, JORDANO DE MORINIS, PETRO DE VERSELLIS sacre theologie professoribus, Serenissimi & Christianissimi domini nostri Francorum regis ambassia-

toribus, Petro Cauchon Vice-domino Remensi, Petro Salomonis ordinis fratrum Minorum, in Theologia magistri, illustrissimi principis domini JOHANNIS Burgundiæ ducis una cum dicto domino Attrebatensi nunciis & ambassiatoribus, Ursino Talevende, Nicolao de Gonesia, Mathæo Rodet in dicta sacra theologia magistris, Johanne Hugoneti, Ægidio Achariæ in utroque jure licentiat, Petro Gajetani canonico Conseranensi, litterarum sacre pœnitentiariæ scriptore; Johanne de Monte-acuto notario publico & nonnullis aliis dominis præfatis magistris & doctoribus, ac principum, prælatorum, universitatum, studiorum, capitulorum, conventuum & aliorum diversorum dictæ nationis Gallicanæ nunciis, procuratoribus, & ambassiatoribus, multisque aliis notabilibus, & egregiis, ac scientificis viris in grandi numero & multitudine copiosa, diversis vicibus ad præmissa testibus vocatis specialiter & rogatis.

Et subsequenter interpolatis aliquibus mensibus & diebus, discretus vir Jacobus de Sabaudia apostolicæ sedis cursor, die Veneris xx. mensis Martii circa horam vesperorum anno à nativitate Domini mccccxvi. indictione viiii. mihi Johanni Guardi notario publico infra scripto præsentavit & exhibuit quasdam litteras patentes à Reverendo patre domino ANGELO de Ballionibus de Perusio decretorum doctore, archipresbytero ecclesiæ Perusinæ, sedis apostolicæ capellano, ipsiusque & ejus camerarii & causarum curiæ, cameræ apostolicæ generali auditore emanatas, & sub sigilli proprii dictæ curiæ, quo utitur, impressione sigillatas, & signo Cyni de Lambardis dictæ curiæ notarii signatas, meque monuit, ut in dictis litteris continetur, mihi que dixit, quod magister Michael Rolosonis erat & fuerat bene certificatus de præmissis litteris, quibus sic per dictum cursorem peractis, copiam dictarum litterarum petii, quam mihi tradidit cursor præfatus, & de dicta copia cum præfatis originalibus litteris collationem feci diligentem: quarum litterarum tenor de verbo ad verbum sequitur & est talis.

ANGELUS de Ballionibus de Perusio, decretorum doctor, archipresbyter ecclesiæ Perusinæ, sedis apostolicæ capellanus, ipsiusque & ejus camerarii & causarum curiæ cameræ apostolicæ generalis auditor, honorabilibus magistris notariis sive tabellionibus & scribis publicis per inclytam nationem Gallicanam in præsentis sacro concilio Constantiensi existentibus ad scribendum & publicandum gesta seu per dictam nationem gerenda seu deliberanda specialiter deputatis, salutem in Domino. Querelam pro parte venerabilium & circumsectorum virorum dominorum procuratoris fiscalis sedis & cameræ apostolicæ, nec non clericorum sacri collegii dominorum S. R. E. cardinalium receptam effectualiter continentem, quod cum per aliquos de natione prædicta asseratur in eadem natione fuisse deliberatum & conclusum, quod deinceps annata in Romana curia solvi consuetæ omnino remitterentur, & nullatenus sol-



„ verentur, & per nonnullos alios nationis præ-  
 „ fatæ conclusioni hujusmodi oppositum, contra-  
 „ dictum fuerit & etiam appellatum, & appella-  
 „ tionibus hujusmodi coram responsum & plura  
 „ dictam conclusionem præcedentia & præam-  
 „ bula, & plura alia concomitantia connexa &  
 „ alia etiam inde secuta dependentia, emergentia,  
 „ & cetera quæ ad rei veritatem & ejus clarifica-  
 „ tionem & verificationem non modicam facere  
 „ & servire videntur, & per aliquos estis, ut as-  
 „ seritur, requisiti, ut omissis seu prætermis-  
 „ sionibus, contradictionibus, anteceden-  
 „ tibus, præambulis, concomitantibus & con-  
 „ nexis, nec non appellationibus, responsionibus,  
 „ dependentibusque emergentibus & inde secutis,  
 „ dictam prætenfam conclusionem tantum nudam  
 „ & crudam, quæ nequaquam uniformis & con-  
 „ corditer facta extitit, & absque circumstantiis  
 „ suis debitis in formam publicam reducat, &  
 „ etiam formam publici instrumenti expediat,  
 „ quodque vos votis eorumdem annuere nolen-  
 „ tes, licet pro parte dictorum procuratoris, fiscalis  
 „ sedis apostolicæ & clericorum alias pluries debite  
 „ fueritis requisiti, ut ipsi pro dictæ sedis & sacri  
 „ collegii interesse & ceteris quorum interest de  
 „ præmissis omnibus in bona & debita forma nihil  
 „ de contingentibus omittendo, instrumenta pu-  
 „ blica faceretis & expediretis, mediante salario  
 „ competenti: quod tamen usque nunc facere  
 „ distulistis in grave damnum sedis & cameræ  
 „ apostolicæ, & sacri collegii dominorum car-  
 „ dinalium prædictorum præjudicium, & bonæ  
 „ consuetudinis Romanæ curiæ violationem. Su-  
 „ per quibus à nobis iidem procurator & clerici  
 „ præfati sedis & cameræ ac collegii prædicto-  
 „ rum nominibus de opportuno remedio sibi pro-  
 „ videri imploraverunt, vobisque inhiberi, ne de  
 „ dictis prætenfa conclusione & aliis dictum pro-  
 „ cessum concernentibus alicui in publicam for-  
 „ mam tradatis frustatim, separatim, & divisim,  
 „ contra formam juris & stylum officii tabellio-  
 „ natus: immo quod vos utraque simul in formam  
 „ publicam reducat, & eis & quibuslibet peten-  
 „ tibus, quorum intersit tribuat. Nos igitur au-  
 „ ditor præfatus non valentes neque volentes  
 „ alicui debitam & postulatam justitiam dene-  
 „ gare, sed eam potius, ut tenemur, unicuique  
 „ debite ministrare, vos omnes & singulos præ-  
 „ sentium tenore requirimus & monemus, & per  
 „ quemcumque apostolicæ sedis cursores moneri  
 „ volumus & mandamus, vobisque nihilominus  
 „ & vestrum cuilibet in virtute sanctæ obedi-  
 „ tiæ sub excommunicationis poena, quam in vos  
 „ & vestrum quemlibet ferimus in his scriptis, nisi  
 „ feceritis quæ mandamus, discrete præcipimus,  
 „ ac præcipi volumus, vobisque ac vestrum cui-  
 „ libet districtius inhibentes, quatenus vos & ve-  
 „ strum quilibet, seu alter vestrum, hujusmodi  
 „ prætenfam conclusionem, oppositiones, contra-  
 „ dictiones, appellationes & alia supradicta depen-  
 „ dentia & connexa frustatim & per se, sive di-  
 „ visas aut separatas nulli personæ tradatis aut  
 „ publiceris: immo eas & utrasque seu quaslibet  
 „ earum simul & in uno contextu, ac sub eadem  
 „ publicatione quibuslibet petentibus obligetis,

A expediat, & tradatis: vestra tamen com-  
 petenti mercede recepta & semper salva. Verum  
 si vos vel aliquis alius ex præmissis senseritis aut  
 senserit se aggravatum, compareatis, aut com-  
 pareat coram nobis causam vestri aut aliorum  
 gravaminis ostenturi vel ostenturus, atque re-  
 cepturi vel recepturus à nobis jus & justitiæ com-  
 plementum. Alioquin si monitionibus & man-  
 datis nostris hujusmodi non paruerit cum ef-  
 fectu, ad declarationem, denunciationem &  
 publicationem dictæ excommunicationis senten-  
 tiæ & alias ut juris fuerit contra vos & vestrum  
 quemlibet procedemus, vestra contumacia non  
 obstante. Datum Constantiæ provinciæ Magun-  
 tinensis in audientia domus nostræ residentiæ &  
 sub sigilli proprii dictæ curiæ quo utimur im-  
 pressionem sigillatis die Jovis xix. mensis Martii  
 nonæ indictionis sub anno à nativitate dominica  
 mccccxvi. apostolica vero sede vacante. Sic si-  
 gnatum CYNUS DE LAMBARDIS.

Et quia ego Johannes Guiardi clericus Picta-  
 venensis diocesis publicus apostolica & imperiali  
 auctoritate & sacri generatis concilii Constans-  
 tienensis pro natione Gallicana, & ejusdem natio-  
 nis notarius, præmissis omnibus & singulis dum  
 sic ut superius describuntur in congregationibus  
 dictæ nationis diebus, horis interpolatis dice-  
 rentur, proponerentur, responderentur, age-  
 rentur & fierent una cum dominis testibus supra  
 scriptis præfatus fui, eaque sic fieri vidi & au-  
 divi: ideo huic præfati publico instrumento alia  
 manu in septem membranis conglutinat, fide-  
 liter scripto manu mea propria me subscripsi,  
 & signum meum consuetum, apposui, in fidem  
 & testimonium omnium & singulorum præmis-  
 sionum requisitus specialiter & rogatus. Congluti-  
 nationes autem signo meo prædicto signatas, nec  
 non dictiones in fine prædicti instrumenti ante  
 meam præsentem subscriptionem post dictionem  
*Lambardis* & ante signum meum manuale ad  
 supra diversa positas approbo, ne de eisdem hæ-  
 sitari valeat, seu quomodolibet dubitari.

E V A R I Æ E P I S T O L Æ  
 oratorum Universitatis Colonienensis ad  
 concilium Constantiense directorum;  
 aliorumque, nonnullaque monumenta  
 de schismate, & actis in concilio Con-  
 stantiensi.

*Ex ms. Bigotiano.*

## E P I S T O L A I.

Seu littera Universitati directa per ambaxiatores  
ejusdem.

*Significant suam in Constantiam adventum, quo-  
modo à summo pontifice excepti fuerint,  
& alia nonnulla.*

**H** Umili recommendatione præscripta reve-  
rendi Patres & domini, civitatem Con- Anno 1445



stantiensem post longas laboriosi itineris fatigas, sumtibus etiam excrescentibus propter augmentum pretii currum & bigarum ultra solitum, intravimus sani & salvi in crastino circumcisionis Domini nostri: & sumus recepti in hospitio competenti, in quo pro hospitio, lectis, utensilibus, & igne expendimus singulis mensibus xvi. florenos Rhenenses. Ad quantum verò expensæ nostræ quas mandamus, ut possumus, se extendant singulis mensibus aut septimanis, adhuc scire non valemus. Venerabilis dominus JOHANNES DE NOVOLANDE intravit in vigilia Epiphaniæ, & in crastino Epiphaniæ fuimus in missa papæ, & valde reverenter una cum domino JOHANNE collocati, & ad trinum osculum velut magnates, quia ambaxiatores civitatis & universitatis Colonienfis, admissi. Et quia idem dominus JOHANNES ante missam papæ fuit locutus cum domino papa, & ei de præsentia nostra fecit mentionem; nos post missam papæ, præsentante nos reverendissimo cardinali de Columnis, dominus Apostolicus audivit in publico coram dominis cardinalibus & aliis prælatis quàm pluribus ibidem congregatis. Et brevi collatione facta per socium nostrum M. THEODERICUM DE MONASTERIO, dominus Apostolicus cum singulari gratitudine zelum nostræ universitatis valde approbavit. Et sicut idem M. THEODERICUS eandem universitatem coram papa humilem fore, & ad vocationem tanti Patris, & ad tanta negotia se reputare indignam peroravit; ita vice versa dominus Apostolicus eandem universitatem revera multum magnificavit, allegando & aliquantulum prosequendo *Qui se humiliat exaltabitur*, quodque vellet eandem universitatem non ad parva tantum sicut in collatione petebatur admitti; immo ad majora & maxima deputari, & majoribus parificari. Insuper bona hora venimus ad concilium; quia jam negotia concilii incipiunt efficaciter disponi & ordinari. Et de provincia Colonienfi quoad extraneos curiæ nos primò comparuimus; & fuimus jam in duabus convocationibus nationis Alemanniæ cum multis prælatis, archiepiscopis, episcopis, abbatibus, præpositis, ambaxiatoribus, & doctoribus reverenter suscepti & collocati, & speramus de consolatione Ecclesiæ Dei: non possumus tamen reverentias vestras particularius informare. Ambaxiatores contentium cum domino JOHANNE papa nondum intraverunt, nec Francigenarum, nec Anglicorum, neque dominus Maguntinus; sed isti & plures expectantur de propinquo venturi & præcarissimi patres & fratres, placeat pro consolatione Ecclesiæ fideliter exorare; & à toto clero & aliis personis devotis exorari procuretis, quia hujus negotii necessitas & difficultas exigunt quod divinum auxilium devotissimè imploretur. De rotulo vero etiamsi adstatim nobis mitteretur, nihil facere possemus: tum quia non esset honor universitatis jam in principio concilii pro hujusmodi personalibus commodis instare. Hoc etiam an gratiæ apostolicæ revocentur, aut non, est incertum, & verisimiliter sciri non potest, nisi super puncto unionis Ecclesiæ

A prius concludatur. Hæc scribimus ne videamur sitire pecuniam inrotulorum amplius quàm profectum & commodum eorundem. Si tamen alia postea contingat occurrere, vestris reverentiis curabimus quantocius intimare; quas feliciter conservet Altissimus per tempora longiora. Datum Constantiæ anno Domini mccccxv. in crastino Epiphaniæ Domini sub sigillo M. ANTONII DE VELME.

## EPISTOLA II.

Oratorum Universitatis Colonienfis.

*De mittendo rotulo, adventu prælatorum & aliorum in Urbem, & detentione Johannis Hus.*

R everendi Patres & domini, de introitu nostro alias scripsimus reverentiis vestris cum quodam N. & secundum quod nobis videtur, nisi caristia notabilis crescat, poterimus stare de pecuniis nobis assignatis per tres menses vel circa à tempore introitus computando: utrum autem concilium ad tantum tempus durabit vel non, ignoramus. Si igitur placet mittere rotulum, ordinetis quod conficiatur; & cum confectus fuerit, mittatis nobis eundem, si placet: Sumus enim parati facere diligentiam nostram tempore opportuno, si tamen usque ad illud tempus poterimus perdurare in Constantia. Intelleximus etiam ab aliarum Universitatum ambaxiatoribus, præsertim Viennensis, Erfordensis, & Lybicensis, quod Universitates ipsorum etiam intendunt sub spe mittere rotulos. Idem intelleximus de Universitate Parisiensi, sed quid sit nescimus. Insuper est in Constantia maxima multitudo prælatorum, cardinalium, archiepiscoporum, episcoporum, abbatum, ambaxiatorum & doctorum, inter quos dominus Maguntinus intravit multum solemniter in profesto Octavarum Epiphaniæ cum septingintis equis. Et videtur nobis quod prædicti domini & prælati habent magnum zelum, & præcipuè rex Romanorum ad reformationem Ecclesiæ: Dominus Deus dignetur perducere ad effectum optatum. Francigenæ & Anglici, Poloni & Bohemi adhuc expectantur, propter quorum absentiam sessio, quæ fuisset celebrata in crastino octavarum Epiphaniæ, est prorogata usque ad festum conversionis S. Pauli, ad requisitum domini regis hoc petentis propter absentiam prædictorum.

De JOHANNE HUYSS capto & detento per concilium suo tempore scribemus: quia revera est hodie occasio perturbationis non modicæ propter salvum conductum sibi præstitum: de quo non plura nunc. Insuper licet Ambaxiatores PETRI DE LUNA sint in Constantia, ac regis Arragoniæ, & auditi per dominum regem & deputatos per concilium, de hoc finaliter scribere non possumus, licet illi auditioni interfuimus. Ambaxiatores verò ANGELI DE CORRARIO nondum intraverunt, licet stent & diu steterint in propinquo: cujus causam non ex-

Maguntinus archiepiscopus cum 700. equis ingreditur Constantiam.

Johannes Hus detentus.

pedit vobis scribere pro præfenti. Non plura A  
pro nunc. Sed quàm primum meliora occurre-  
rint, vestris reverentiis, quantocius poterimus,  
intimabimus. Item, de nulla provincia totius  
Alemanniæ sunt tam pauci in concilio sicut de  
provincia Colonienfi: speramus quòd plures sint  
venturi. Valete feliciter & longæve, & omnino  
ordinetis pro posse vestro apud clerum Colonien-  
sem ac dominos de concilio, quòd pro refor-  
matione Ecclesiæ devotissimè exoretur, ne tot  
gloriosi prælati, ambaxiatores & doctores sine  
optato fine separentur. Scriptum Constantiæ B  
ipso die S. Antonii. Magistri THEODERICI  
sub sigillo.

## EPISTOLA III.

Oratorum universitatis Colonienfis.

*De adventu plurium prælatorum, & zelo Regis  
Romanorum.*

R Everendi Patres & Domini, Sessio quæ  
fuisset in profesto Conversionis S. Pauli,  
propagata est ad octo dies ex certis causis. Frater  
JOANNES DOMINICI heri intravit, & ex  
conniventia concilii dominus rex permisit eum  
intrare sub forma Cardinalis. De mandatis suis  
& potestate, ac de bono fine qui à multis ex-  
pectatur informabimus vos suo tempore. Verum  
est quòd in introitu ejus Dux LUDOVICUS  
Heydelbergensis, nec non episcopi Worma-  
tensis & Spirensis ipsum associaverunt. Item, D  
Ambaxiatores domini archiepiscopi Trevirensis  
sunt in Constantia, Anglici pridie intraverunt  
in magno numero, & quotidie confluunt alii  
de omnibus mundi partibus, & præsertim de  
Alemannia, de qua habemus jam quatuor archi-  
episcopos, plures episcopos & abbates diver-  
sarum ecclesiarum, prælatorum ecclesiastico-  
rum ac sæcularium, ac sex Universitatum am-  
baxiatores, scilicet Pragensis, Viennensis, Hey-  
delbergensis, Colonienfis, Erfordensis & Ly-  
bicensis; inter quos non minimi reputamur. Et E  
revera non gratis panem nostrum manduca-  
mus, utinam felicem finem videre mereamur.  
Verum est quòd Serenissimus dominus Rex  
magnum zelum habet ad reformationem Ec-  
clesiæ, de quo laudandus est in sæcula: qui  
etiam ad alleviandum civitatem Constantien-  
sem ab excessiva hominum multitudine, mille  
equos de suis ad alia loca destinavit. Ista referre  
poteritis magistris nostris & dominis doctoribus  
ac aliis Universitatis nostræ suppositis. De ro-  
tulo bis scripsimus videre nostrum, verum, F  
tamen vestræ committimus prudentiæ, quate-  
nus sicut vobis visum fuerit faciatis, quoniam  
magnam spem de fructuosa signatura vobis fa-  
cere non præsumimus, nisi alia occurrerent  
quæ adhuc ignoramus. Valete feliciter & lon-  
gæve. Scriptum Constantiæ in profesto Con-  
versionis S. Pauli, magistri THEODERICI socii  
nostri sub sigillo.

## EPISTOLA IV.

Oratorum universitatis Colonienfis.

*Significant quid actum fuerit ad inducendum  
papam ad viam cessionis.*

R Everendi domini, ad firmandum reve-  
rentias vestras in majori spe xv. die men-  
sis Februarii de jussu Regis miserunt tres na-  
tiones Gallicana, Germanica, & Anglicana  
suos deputatos, inter quos fui, ad nationem  
Italicam; intimè supplicantes quatenus & ipsi  
vellent unà cum eis instare pro via cessionis  
apud Sanctissimum Dominum nostrum JOHAN-  
NEM XXIII. papam nostrum. Et quamquam  
petitio ista erat coram eis pulcherrimè per epis-  
copum Toletanum proposita, surrexit episco-  
pus Castellanus, & consolabatur nos de sanctis-  
sima intentione domini nostri, quam ipse à  
multo tempore cognovisset. Postea quidam ex-  
cellens juris utriusque doctor dominus RA-  
PHAEL, quem papa adduxit, & est sibi mul-  
tùm secretus, illud amplius confirmavit, dicens  
inter cetera, quòd eodem mane sanctissimus  
dominus noster papa dixisset, quod omnino  
vellet dare pacem Ecclesiæ, etiam per viam  
cessionis, & quatenus Spiritus sanctus numquam  
permitteret eum cadere ab illo proposito, vellet  
celebrare missam, & pro illo divinam majesta-  
tem toto corde implorare. Post hoc duo epis-  
copi cubicularii & secretissimi domino nostro  
idem confirmaverunt, & addiderunt, quod si  
aliæ nationes prius eos requisivissent; prius li-  
bentissimè cooperati fuissent. Novissimè ille  
egregius doctor PETRUS DE ANCHORANO ad-  
huc fortius idem confirmavit; & adjunxit quia  
nec sanctissimus dominus noster vellet quærere  
provisionem; quia magnam habuisset gloriam  
in mundo, ipse vellet jam aliam gloriam quæ-  
rere, & ad illam habendam vitam suam diri-  
gere. Et statim sequenti die facta sunt quæ in  
littera principali continentur. Sitis jam firmiter  
sperantes quod dominus noster est tam magni-  
fici cordis, quod non velit videri nutritor an-  
tiqui schismatis. Idem domnus PETRUS DE  
ANCHORANO ibidem proposuit in natione Ita-  
licana coram aliarum nationum deputatis. Ita  
desinit hæc epistola quæ videtur imperfecta.

## EPISTOLA V.

Oratorum universitatis Colonienfis.

*Ejusdem argumenti.*

R Everendi Patres & domini, noviter scrip-  
simus vobis de inchoatione tractatus pro  
unione Ecclesiæ: in quo tractatu multùm affe-  
ctuosè proceditur; & Celsitudo Regiæ Maje-  
statis supra modum commendabilis de inaudita  
diligentia unà cum plurium Regum amba-  
xiatoribus,

xiatoribus, & tribus nationibus, Germanica, Anglicana, & Gallicana post longa & varia concilia super via ad unionem de sanctiori, breviori, dulciori, certiori, & magis serenativa conscientiarum apud omnes homines, inclinaverunt se ad viam cessionis omnium trium contententium: quam etiam viam hoc die nationi Italicæ cum pulcherrimis motivis dominus Rex & aliæ nationes obtulerunt. Et non credimus aliud quin libenter velint se ad eandem viam promovendam inclinare, præsertim quia sanctissimus dominus noster JOHANNES B XXIII. licet habeamus eum pro vero papa, se ad eandem viam coram regia maiestatem, & coram pluribus aliis inclinavit, reputans hoc sibi pro maxima gloria, si sic possit dare pacem Ecclesiæ; & sic omnium nostrum corda à certo tempore citra multis angustiis & melancholiis concussa exhilarata sunt. Ille qui incoepit per suam infinitam misericordiam perficere dignetur, & sicut sæpe supplicavimus, ita adhuc supplicamus, quod ordinetis, & pro posse vestro procuretis fieri processiones & alia pieratis opera, pro consolatione Ecclesiæ sanctæ Dei, quatinus illa solemnissima congregatio sacri concilii Constantiensis non frustretur. Et quam primum ad aliqua ulteriora processum fuerit, libenter scribemus. Et rogamus quod ista referre velitis domino HENRICO URUNC pastori S. Martini, quod & ipse, si sibi videatur, referat dominis nostris de consilio. Dominus Moguntinus quia per aliquot dies infirmus fuit, post convalescentiam propter aëris illius contrarietatem se absentavit, rediturus ad mandatum regis maiestatis, ut ab eodem domino rege audivimus. Recommendetis nos omnibus doctoribus & magistris totique universitati. Et scitote quod omnes cibi quadragesimales sunt valde cari in Constantia, exceptis offis, brionibus & fabis. In materia fidei contra errores *Wycleiff*, & *Huyff*, & suorum sequentium procedetur, isto negotio unionis aliquo modo fundato: quod non potest ita cito perfici propter insufficientia procuratoria PETRI DE LUNA. Et utinam ante dissolutionem concilii compleatur plenè. Facilius erit hoc concilium prolongari, quàm novum super eo congregari: quid tamen fiet ignoramus. Valete feliciter & longæve. Scriptum Constantiæ xv. Februarii.

Episcopus  
Moguntinus  
propter  
infirmi-  
tatem re-  
cedit à con-  
cilio.

#### RESPONSIO DOMINI NOSTRI PAPÆ

ad petitiones nationum, quibus petebatur Constitutio procuratoria; & quod concilium non dissolvatur ante perfectam unionem & reformationem ecclesiæ, & quod non transferatur ad alium locum sine consensu concilii, facta die Martii in palatio apostolico publice coram omnibus.

**V**enerabiles fratres & dilecti filii, ad illud quod dicitur de constituendo procuratorio ad cedendum nostro nomine papæ, videtur nobis & certi sumus, nec aliquem prudentem credimus in dubium revocare, quod ipsa

*Theſauri Anecd. Tomus II.*

A ccessio ad pacem ecclesiæ multò certius, multò securius, multò celerius, multò honestius, & generaliter multò melius fiet per nos in persona propria, quàm per procuratores. Etenim circa procuratoris officium & respectu formæ mandati, & respectu litterarum, & alia multa opponi possunt & plura dubia oriri: quæ omnia cessant quando agit negotium persona principalis.

Secundò, quis dubitat quòd in illa conventionem, antequam perveniatur ad effectum cessionis, ex parte PETRI DE LUNA & ANGELI CORRARIO, multa proponuntur, plura petuntur, & exponentur, & quæ nunc excogitari non possunt, quæ requirent magnum tractatum, magnam deliberationem, non solum nostram, immo collegii & totius concilii; & ad quæ agenda nec facile, nec securè, nec certè possent constitui, nec instrui procuratores; & propter quæ necesse esset de illo loco Nyciæ huc mittere & remittere & pluries: quæ requirent magna temporum curricula: quæ tamen si ipsi præsentemur, uno die poterunt expediri, & ita celerius fient.

Tertiò, fertur hic satis publicè; & hæc dicunt ambaxiatores regis Aragonum & PETRI DE LUNA hic stantes, quod idem PETRUS DE LUNA numquam per procuratores, neque cum alterius procuratore cedet. Quod si ita est, ut creditur, videtur necessarium quòd in propria persona fiet.

Quartò, quis dubitat huiusmodi negotium & respectu rei, & respectu nostri, & respectu totius Ecclesiæ, & huius concilii honestius fieri per nos in propria persona, quàm per procuratores? Quis insuper dubitat rem multum melius agi in persona propria, quàm per procuratorem? Cum hæc attendimus, miramur satis unde procedunt ista consilia, attento quòd nos parati sumus promissa nostra exequi in propria persona. Cur à nobis qui volumus & possumus exigitur procurator? quod tamen non negamus, si essemus infirmitate detenti vel alias legitime impediti. Miramur insuper quòd in re tam ardua, qua nulla major inter mortales est, nulla singularior (quia credimus ante nos in hoc casu similem non habuisse, & nescimus si sequentem habebit,) à nobis exigitur procurator, cum in rebus multis quis de jure non cogitur.

Nos autem huiusmodi petitioni respondentes, volumus promissam per nos fiendam cessionem secundum formam cedulae per nos datæ in propria persona nostra, cessante infirmitate vel alio legitimo impedimento, exequi & perficere, accedendo ad locum Nyciæ vel alium locum vicinum per totum mensem Junii proximè futuri. Quod si fortè dubitetur de hoc, si volumus divertere, sive alias purè & sincerè non procedere & non exequi promissa; ex nunc volumus & consentimus nos efficaciter obligare, quòd in casu quo per nos stabit, quominus pax detur Ecclesiæ per nostram cessionem personaliter faciendam, quemadmodum promisimus, juravimus, & vovimus; tunc per venerabiles fratres nostros cardinales, præsens sacrum con-

K k k k k

cilium, & universalem Ecclesiam haberi pro non papa, & perinde ac si papatui renunciasset. Volumus insuper quod iidem fratres nostri S. R. E. cardinales jurent pro tali nos in casu prædicto habituros; & ipsos & omnes alios in casu prædicto absolutos esse volumus ab omni vinculo juramenti & obedientiæ, quo nobis tenemur astricti. Volumus autem quod infirmitate corporali, vel alio modo legitimo impedimento, existent præterquam sinobis invitis detineremur, quominus personaliter prædictam cessionem implere possemus, procuratores constituere ad præmissa per nos promissa fideliter exequenda. Et si non fecerimus, locum habeat provisio securitatis capituli præcedentis. Et nihilominus si qua alia securitas præmissorum videbitur vobis rationalis ultra præmissa, adhuc illam vel plures non recusamus.

Ad articulum vero quod præsens concilium non dissolvatur, &c. respondemus quod optimè nobis placet & volumus.

Quantum ad ipsum concilium transferendum ad partes illas, vel hic vel alibi manendum, videtur nobis melius & expedientiùs concilium ad partes illas vicinas loco Nyciæ, ubi debet esse conventio, transferri in loco habili; & hoc propter rationes præactas.

## EPISTOLA VI.

Oratorum Universitatis Colonienfis.

*De zelo regis Romanorum ad procurandam viam D  
cessionis & aliis nonnullis.*

**R**everendi Patres & Domini, alias scripsimus reverentiis vestris quod sanctissimus dominus noster JOHANNES papa XXIII. inclinat se ad viam cessionis de papatu, si &, inquam, alii cedant. Et licet sanctum propositum ejusdem domini nostri totum concilium lætificaverit, tamen idem concilium instetit apud sanctitatem suam, quatenus offerret se ad cessionem, non solum in uno casu, scilicet cessionis aliorum, sed etiam in aliis casibus, juxta deliberationem concilii Constantiensis. Et finaliter ad hoc devenit, quod idem sanctissimus dominus noster prima die Martii post missam secretam, quam legebat in ecclesia sua, intravit palatium apostolicum, ubi coram Christianissimo rege nostro, cardinalibus pluribus, ambaxiatoribus, & aliis quam pluribus inclinat se læto & sereno vultu ad viam cessionis juxta formam cedulæ inferius insertæ; quam clarè, plenè & planè obtulit ad magnum gaudium astantium. Ideo dominus noster rex verè Christianissimus & magna gloria dignissimus fuit præ gaudio ad fletum provocatus, ac alii prælati. Super id decantabatur alta voce usque ad finem ille dulcissimus hymnus *Te Deum laudamus*, &c. omnes campanæ civitatis pulsabantur, & idem dominus rex postea dicebat coram nationibus, quod nunc vellet se citius morti exponere pro domino nostro, quam prius ascendisset equum

Papa offert  
viam cessionis.

pro ipso. Quin immo dux Heydelbergenfis & prælati sui sunt propter illam gloriosam oblationem domini nostri multum ad ipsum inclinati: & credimus quod habito hoc fundamento, mittetur ad PETRUM DE LUNA; quia de ANGELO CORRARIO non dubitatur, quatenus ipse similiter faciat. Afferunt namque sui ambaxiatores, quod hanc viam nullatenus recusabit. Et clementissimus dominus noster rex in hoc negotio unionis pugil fortissimus paratus erit in propria persona ire ad Nyceam, & ibi convenire cum rege Aragonum & dicto PETRO DE LUNA, juxta postulationem ambaxiatorum eorumdem. Illam namque conventionem dictus dominus noster rex in Italia existens fieri procuravit: sed aliquibus impeditus intervenientibus, non fuit impletum. Et prælati in Constantiensi concilio congregati videntur esse inclinati ad hoc quod concilium non dissolvatur ante reditum regis, seu illorum qui mittendi sunt ad regem Aragonum & PETRI DE LUNA, pensantes quod minus difficile est hoc concilium continuare, quam novum congregare, & medio tempore tractabitur de reformatione Ecclesiæ in capite & in membris, & de extirpatione hæresum. Et sic verisimiliter credimus quod dictum concilium vix infra quinque menses à data præsentium finiri possit. Præsertim quia nuncii regis Aragonum dicunt, quod conventio domini nostri regis cum rege suo non possit fieri ante primum Junii, & post hoc ad tractandum ibi & respondendum notabile tempus requiretur. Propter quam causam reverendus dominus doctor JOHANNES DE VOIRB Coloniam redire deliberavit: quid autem de nobis aliis fieri volueritis, quantoties poteritis rescribatis: quoniam pecuniæ nostræ tendunt ad finem. Hoc tamen pensare velitis, quod non foret pro honore Universitatis nostræ quod omnes recederemus: quoniam inter alias Universitates Alemanniæ existentes sex in numero, modo fuit & est satis reputata in dicto concilio. Sunt etiam bene septem Universitates de Gallia & Anglia. De rotulo quid expediat, informabit reverentias vestras dominus doctor supra scriptus & reverendi patres. Credimus quod illa quæ facta sunt processerunt ab immensa Dei misericordia: unde instantissimè rogamus devotiones vestras, quatenus divinam bonitatem incessanter imploretis, ut hoc quod misericorditer incipit, ad sui nominis gloriam, & totius fidelis populi consolationem misericordissimè consummet, alios ad idem faciendum efficaciter inducendo. Vestras reverentias conserveat Altissimus feliciter & longæve. Scriptum Constantiæ prima die Martii THEODORICI socii nostri sub sigillo. Informetis de contentis in hac littera dominum N. ad referendum ea dominis nostris de concilio.

Ad quæ  
inclinat  
Angelus  
Corrario.



COPIA BULLÆ DOMINI JOHANNIS  
PAPÆ XXIII. super cessione sui papatus.

**J**OHANNES episcopus servus servorum Dei  
universis Christi fidelibus, salutem & apostoli-  
cam benedictionem. Pacis bonum bonorum  
omnium excellentissimum, &c. *ut in appendice  
ad concilium Constantiense conciliorum tom. XII.  
pag. 1459. & apud Raynaldum ad annum 1415.  
num. 3.*

COPIA LITTERÆ QUAM IN  
CRASTINO S. BENEDICTI MISIT PAPA  
domino regi Romanorum post recessum ejus  
occultum de Constantia.

**C**arissime fili, gratia Dei omnipotentis li-  
beri & in convenienti aëre sumus in Schaf-  
husa, & venimus istic absque filio nostro duce  
Austriæ, non animo declinandi ab his quæ promi-  
simus per renunciationem nostram facere pro pace  
Ecclesiæ sanctæ Dei, sed ut in libertate ac salute  
propriæ personæ possimus, prout indubiè volu-  
mus, ea executioni demandare. Datum in Schaf-  
husa die XXI. Martii MCCCCXV.

*Carissimo filio nostro Sigismundo regi Romanorum.*

EPISTOLA VII.

Ambaxiatorum universitatis missa de Constan-  
tia ad eandem.

*De recessu papæ à concilio, de zelo Cancellarii &  
doctorum Parisiensium, & bellis inter regem  
Romanorum & Austriæ ducem.*

**V**enerabiles patres & domini, post recessum  
domini nostri papæ, qui fuit in nocte S.  
Benedicti, turbatus est & justè christianissimus  
dominus noster rex, totumque concilium, pro  
eo quod tantum scandalum positum est in Ec-  
clesia Dei. Et revera si clara die cum omni so-  
lemnitate recessisset, nec rex, nec civitas, nec  
aliquis alius eum impedivisset. In prima nocte  
ivit ad Schafhusen, & ibi remansit usque ad  
diem parasceves, & tunc inde recessit ad aliud  
quoddam castrum distans à Schafhusen per  
tria milliaria, & per dominos cardinales offert  
dare procuratorium ad cedendum tempore &  
loco congruis, & multa alia, de quibus non est  
sacrum concilium adeo contentum, sicut fuisset  
de sua præsentia usque ad finem ejusdem con-  
cilii, & quod fideliter cum concilio laborasset  
pro reformatione Ecclesiæ in capite & in mem-  
bris, & ad faciendum alia pro consummatione  
unionis juxta circumstantias occurrentes oppor-  
tuna. Multi enim, & valde multi propter suum  
occultum recessum timent ipsum aliter inten-  
dere quàm promisit & juravit, quod Deus aver-  
tat. Dominus Remensis archiepiscopus in Fran-  
*Thesauri Anecd. Tomus II.*

**A**cia venit de domino nostro papa cum littera  
credentiæ ad dominum nostrum regem, & dixit  
inter cetera quod dominus papa non recessisset  
de Constantia metu domini regis aut suorum: &  
super hoc rex requisivit notarios nationum, &  
deputatos nationum qui præsentem erant in te-  
stimonium. Deinde dominus papa evocavit suos  
officiarios per quoddam mandatum de Constan-  
tia, quod tamen suspensum est usque ad *Quasi  
modo geniti*. Contra quod mandatum concilium  
providit in illa Sessione quæ fuit in vigilia Pas-  
chæ, & ut credo latius providebit. Item quidam  
de dominis cardinalibus secuti sunt dominum  
papam, alii sunt in Constantia: & vox cardina-  
lium est ista, quod si papa prosequi velit, & pro-  
sequatur negotium unionis, sicut promisit &  
juravit, velint sibi favorabiliter assistere: quod  
si secus fecerit, velint eum deserere, & sacro  
concilio adhærere.

Item, post recessum papæ fuit sollemnis con-  
gregatio concilii & in loco Sessionis, tamen sine  
Sessione, & ibi egregius doctor & magnus unio-  
nis zelator cancellarius Parisiensis post brevem  
cujusdam thematis introductionem proposuit  
XII. considerationes, quarum copiam vestris  
reverentiis transmittimus. Universitas Parisien-  
sis bene se habet in negotiis Ecclesiæ, & habet  
magnam audientiam. Solent enim in arduis do-  
ctores & magistros suæ universitatis Constantiæ  
existentes cc. in numero vel plures congregare  
& de consilio eorum concludere. Item post re-  
cessum papæ sunt habitæ duæ Sessiones, una feria  
tertia post festum Palmarum, alia in vigilia  
Paschæ. Diffinitum in illis Sessionibus vestris  
reverentiis transmittimus.

**I**nsuper dominus noster rex movet duras  
guerras contra FREDERICUM ducem Austriæ;  
& habet dominus rex magnam assistentiam prin-  
cipum & civitatum. Verum est quod domini  
cardinales cum quibusdam aliis valde instant,  
quod dominus rex supersedeat de illis guerris;  
sed res jam posita est in executione. Deus pacis  
intercipere dignetur, ne pauperes & innocentes  
luant, &c. Item, ambaxiatores domini nostri  
Colonienfis avidè expectant, & utinam omnes  
prælati habentes abundantiam seu competen-  
tiam de stipendiis Ecclesiæ jam non tepescerent  
aut dormitarent, sed sanctæ Ecclesiæ suæ matri  
in istis duris angustiis suis consilii, si non in  
propriis personis, tamen per alios idoneos nun-  
cios suos succurrere non negligerent: quia nisi  
in hoc concilio veniat Ecclesiæ salus, quando  
veniet? Dominus novit. Non possunt omnes  
prælati in hoc concilio existentes in ipso perma-  
nere usque in finem propter gravitatem expen-  
sarum, & propter ardua negotia suis ecclesiis  
incumbentia. Et utinam alii qui nondum vene-  
runt nec miserunt, adhuc mitterent, ut sic hoc  
sacrum concilium ad consummationem unio-  
nis consummari posset. Quos prælatos sive ma-  
jores, sive minores, sive alios non prælatos de  
beneficiis ecclesiasticis & stipendiis abundanter  
ditatos merito movere deberet, quod ille chri-  
stianissimus Romanorum rex nullis expensis,  
nullis laboribus parcat, sed quasi infatigabilis  
K k k k k ij



existat, & cum inexplicabili humilitate pro bono A unionis Ecclesiæ ferventissimè laboret. Vestras reverentias Deus conservet feliciter, & longæve, ad quem vestras devotas orationes incessanter effundatis, & ab aliis effundi procuratis: quoniam oratio continuata pro bono fine, inefficax esse non poterit. Scriptum Constantiæ in sancto die resurrectionis.

CEDULA AFFIXA AD VALVAS  
palatii episcopalis Constantiensis die Lunæ  
VIII. \* mensis Martii 1415.

**A** Uдите qui sequimini quod justum est, quia, ut ait Johannes in canonica sua, nunc antichristi multi exierunt in mundum, multi adulescentes, & veritatis detractores, Deo & mundo odibiles, quæ sua sunt non quæ Jesu-Christi quærentes, ponentes tenebras lucem & è converso, mortificantes animas quæ non moriuntur, &c. quos scriptura commemorat dicens: *A fructibus eorum cognoscetis eos*. Ea propter ne decipiāmini, ne fallamini, placeat se-  
quentia parumper attendere.

Matth. 7.  
16.

1. In primis quidem quod hoc sacrum concilium Constantiense tam solemner congregatum à primo mensis Novembris citra fuit per papam & cardinales mirabiliter protrahit per devia tractatum multorum inutilium usque ad primam diem Martii, in qua dominus noster papa cedulam sibi super libera cessione exhibitam acceptaverat, promisitque, vovit, & juravit se cessurum, & cetera quemadmodum in illa continetur.

2. Item, ex post requisitus quatinus procuratorem aut procuratores constituere vellet ad cedendum, &c. semper renuit, nec acquiescere voluit, ut bene ageret: Et domini cardinales sibi in hac parte faventes protrahendo hujusmodi negotium, semper dederunt certas exceptiones, cautelas & cavillationes, ne tantum bonum haberet effectum in animarum suarum grave periculum, & istius sanctæ congregationis jacturam & vilipendium.

3. Item, istis pendentibus, dominus papa JOHANNES XXIII. suorum promissi, voti, & juramenti immemor, volens hujusmodi negotium, videlicet istud sacrum concilium dirimere & dissolvere, quod Ecclesiam Dei militantem repræsentat, clam, furtivè, & nocturno tempore, sui cordis sequens tenebras, ab hinc cum suo comite duce Austriæ, & in habitu vili recessit, oves deferens, pro quibus seipsum impendere tenebatur, in dedecus, scandalum, ac vilipendium istius sacri concilii.

4. Item, quod statim serenissimus princeps dominus rex Romanorum viriliter agens ne concilium dirimeretur, corda nutantia confortavit, & sanctæ congregationi procuravit stabilimentum, totus in certamine positus. Sed non sic isti patres reverendissimi, qui à via veritatis hanc sacram congregationem avertere conantur suis cautelosis consiliis & cavillationibus: quoniam magna pars ipsorum secuti sunt patrem suum, sperantes Italiam aut aliunde ad

placitum se ituros. Et quia non sperabant reperire bonam coquinam, aliqui miserè & verècundè sunt reversi; alii in Schafhusen confusè remanserunt, ne sibi deteriora contingerent.

5. Item, post hæc iste pater sanctissimus, qui est lapis offensionis & petra scandali in Ecclesia Dei, suam volens palliare malitiam, scripsit in dolo Romanorum regi litteras mendaces & falsas, quod absque scitu ducis Austriæ recesserat: & hoc constat esse falsissimum.

6. Item, quod ex post domini cardinales incoeperunt tractare cum concilio, tenentes homines in verbis, & in suspenso trahentes ex adverso, de quibus Psalmista ait, *loquuntur pacem Psal. 127. 3. cum proximo suo, mala autem in cordibus eorum*. Et ut istud pateat evidentissimè, advertite qualiter iste pater reverendissimus cardinalis Florentinus cedulam, quam nationes concordaverant in sessione quæ facta fuit penultima martii, suorum fretus consilio sociorum & favorum detruncavit & decurtavit, deludendo ac vilipendendo hanc sacram congregationem, in qua talia præsumentes non sunt digni ut à modo admittantur juxta illud 2. ad Corinth. *Et quæ participatio justitiæ cum iniquitate?* Exite de medio eorum & separamini ab eis, & immundum ne tetigeritis.

7. Item, quales isti cardinales fuerint seu sint, manifestè patet in electione domini papæ JOHANNIS XXIII. per eos facta, si sanè attendatur. Nam juraverunt sanctiorem, justiorem, meliorem, & sufficientiorem ex ipsis eligere. Ipsi autem istum BALTHASAR, quem tunc sciebant tyrannum, homicidam & Symoniacum (alia prætermitto vitia quàm plura) elegerunt. Qui si eorum sanctior & melior fuit, quales dici possunt ceteri cardinales? certe deteriores. Considerent ergo oculi justorum, & videant, & judicent veritatem & mala quæ nunc sunt. Ex præmissis videmus insurgere illud quod habetur 1. q. 1. *principatus*. Difficile ut bono peragantur exitu, quæ malo sunt inchoata principio.

8. Item, isti domini papa & cardinales & eorum sequaces quotidie quærunt per eorum longas oblationes, tractatum prolongationes, ut istud sacrum concilium tædio affectum, laborum & expensarum afflictum & exhaustum dissolvatur, & dissipetur, de quibus psalmista: *In circuitu impii ambulabunt*; & ideo non amplius eis credendum, sed faciendum juxta illud 1. q. 1. *si quis*. Separamini, inquit, à viis istis durissimis, ne simul pereatis in peccatis eorum.

9. Item, istis à modo non est credendum, quoniam illusores sunt, pro quo notatur illud XXIII. q. c. Transferunt principes Juda terminos quos posuerunt patres eorum, qui mutant mendacio veritatem. Nam aliud prædicant quàm ab apostolis acceperunt.

10. Quia à Deo sacerdotes positi fuerunt & prophetæ, id est speculatores. Isti ergo vertuntur in laqueum tortuosum, ponentes ubique scandalum. Verba sunt Hieronymi.

\* Hic error irrepsit in numero. Nam hæc cedula mentionem facit fugæ Johannis papæ quæ contigit 21. Martii ac pro inde ante diem octavam.

11. Item, considerate quis umquam Ecclesiam Dei magis scandalizaverit, quam iste JOHANNES XXIII. & sui fautores cum eorum sequacibus mercatoribus, qui tam enormiter & publice velut porcos in foro dignitates archiepiscopales, episcopales, abbatiales, canonicatus, & præbendas, ac parrochiales ecclesias pretio appretiato vendiderunt? Immo quod pejus est, bullæ non expediebantur in cancellaria apostolica, sed in barreo nummulariorum seu usurariorum & mercatorum, maxime Florentinorum.

12. Item, sol justitiæ Christus Deus & Dominus noster ementes & vendentes de templo ejecit. Illos verò papa JOHANNES XXIII. & sui sequaces in templo introducere nisi sunt, & menfas nummulariorum in templo erexerunt, quas Christus subverterat. Ista & plura alia manifesta sunt & notoria, nam in omnem terram exivit sonus eorum.

13. Item, si quæzatur utrum tales simoniacos accusare necesse sit. Respondet B. GREGORIUS super Genesim de morte Abelis: Evidentia patrati sceleris clamore non indiget accusatoris. Ex quibus concludi potest, quòd isti Simoniaci sunt perfecti hæretici, quibus non est fors neque pars in hac fide Christi, quia cor eorum non est rectum coram Deo, ut habetur 1. q. 1. *Petrus*. Omnis avaritia cum multis aliis ibidem.

14. Item, cum omnis Simoniacorum hæresis damnabilior esse comprobatur, ut dicta 1. q. c. *eos qui*. Igitur ab eis recedendum. Nam ut ait Apostolus ad Rom. 1. *qui talia agunt, morte digni sunt: & non tantum qui ea faciunt, sed qui consentiunt facientibus*.

15. Item, attendatur quod populus commendabiliter zelo fidei commotus CONSTANTINUM episcopum, qui erat Ecclesiæ oculus, privavit & deposuit.

16. Item, HENRICUS secundus Romam transiens BENEDICTUM IX. & duos alios qui contentionibus suis scandalizabant Ecclesiam Dei, imperiali & catholica censura deposuit, & CLEMENTEM II. Romanæ Ecclesiæ papam constituit.

17. Item, OTTO primus JOHANNEM XII. qui luxuriosus & venator fuerat, fugientem etiam à concilio deposuit; & ut dicit quidam solemnus doctor Parisiensis, violentiam gladii ipse illo abutendo potest repellere per gladium suum cum moderamine, nec agere contra papam ut papa est, sed contra hostem suum & hostem reipublicæ, sicut Ayoth qui Eglon regem Moab interfecit sagitta infixâ in femore ejus, eo quòd gravi servitute populum Dei premebat, non est reputatus interfecisse rectorem, sed hostem. Hoc enim agere, non est contra Ecclesiam agere, sed pro Ecclesia.

18. Item, etiam multis aliis quæ causa brevitas omitto attentis, consurgere necesse est cum Psalmista clamante, *Quis consurget mihi adversus malignantes? aut quis stabit mecum adversus operantes iniquitatem?* Et ne amplius seducant istam sanctam congregationem fallacibus

A verbis & promissionibus dolosis, magna cum instantia reddere illusoribus iniquitatem ipsorum necessarium & expedit, videlicet procedendo jugiter ad sacras Sessiones & determinationes juxta canonicas sanctiones, prout tempus & personarum merita requirunt. Nam ad hoc data est huic sacro concilio potestas & virtus ab Altissimo, quæ non veretur magnitudinem cujusquam. Viriliter igitur agite & confortetur cor vestrum in Domino. Et ut docet Machab. *Verba hominis precatoris ne timueritis, quoniam stercus & vermes sunt. Nam hodie extollitur, & cras non invenitur: sed estote fortes in bello & pugnate cum antiquo serpente. Nam si in Constantia constantes fueritis, videbitis auxilium Domini super vos, & accipietis vitam æternam, quam vobis & mihi concedat Altissimus. Amen.*

## SEQUUNTUR XII. PROPOSITIONES,

quas in vigilia Palmarum proposuit coram omnibus prælatis & aliis in concilio existentibus eximius sacræ theologiæ doctor \* Cancellarius Parisiensis, unus de ambasciatoribus regni Franciæ.

\* Johannes Gerfoni

1. **E**ccllesiastica unitas ad unum caput Christum fit & agglutinatur per amorosum Spiritus sancti vinculum mediantibus divinis carismatibus tamquam qualitatibus, dispositionibus reddentibus in corpore mystico complexionalem harmoniam vivificam, & docentem ad opera vitæ spiritualis exercenda.

2. Ecclesiastica unitas ad unum caput secundarium, quod dicitur summus pontifex Christi vicarius, fecundior est, multiplicior, copiosior, & major, quàm fuerit congregatio Synagogæ, & quàm sit congregatio civilis sub uno rectore, rege, vel imperatore.

3. Ecclesia habet potestatem seu facultatem ex vivifico germine sibi insito per Spiritum sanctum, quod seipsam potest continuare in integritate membrorum suorum tam cericalium seu formalium, quàm materialium seu fluentium.

4. Ecclesia habet sponsum indefectibilem Christum; sic quòd lege stante, nec Christus potest ipsi sponsæ suæ Ecclesiæ dare libellum repudii, nec è contra.

5. Ecclesia non ita ligatur matrimoniali vinculo ad vicarium indefectibilis sponsi, quin mutuo se possint absolvere & dare libellum repudii.

6. Ecclesia vel generale concilium eam representans est regula à Spiritu sancto directâ; tradita à Christo, ut quilibet cujuscumque status, etiam papalis existat, eam audire vel eidem obedire teneatur: alioquin habendus est ut ethnicus & publicanus. Pater ex immutabili lege divina Matthæi XVIII. promulgata. Concilium generale sic describi potest; concilium generale est congregatio legitima auctoritate facta ad aliquem locum, ex omni statu hierarchico totius Ecclesiæ catholicæ, nulla fidei persona quæ audiri requirat exclusâ, ad salubriter tractandum & ordinandum ea quæ debitum regimen ejusdem Ecclesiæ in fide & moribus respiciunt.

Concilia generalia definitio.

7. Ecclesia vel generale concilium, dum dicat aliqua regimen Ecclesiæ concernentia, papa non sic est supra jura, etiam positiva, quod possit pro libito disponere talia dictata per Ecclesiam eo modo & intentione, quibus dictata conclusaque sunt.

Concilii  
auctoritas  
in papam.

8. Ecclesia vel generale concilium, quamvis non possit tollere plenitudinem potestatis papalis à Christo supernaturaliter & misericorditer collatæ; potest tamen usum ejus limitare sub certis regulis ac legibus in ædificationem Ecclesiæ: & in hoc est totius ecclesiasticæ reformationis stabile fundamentum.

Concilium  
quando  
non con-  
sentiente  
papa possit  
congrega-  
ri.

9. Ecclesia vel generale concilium potuit & potest aggregari sine expresso consensu vel mandato papæ etiam ritè electi & viventis in multis casibus. Unus inter ceteros est, si accusatus sit & evocatus, ut audiat Ecclesiam juxta legem evangelicam allegatam, cui legi subjectus est, & ipse renuit contumaciter Ecclesiam convocare. Alius casus ubi materiæ generales continentes regimen Ecclesiæ veniunt terminandæ per generale concilium, & papa renuit contumaciter illud convocare. Alius si jam dictatum sit per generale concilium, quod debeat tali vel tali tempore convocari. Alter casus est ubi probabilis est dubitatio super contententia plurium de papatu.

10. Ecclesia seu generale concilium, si viam aliquam concluderit seu dictaverit acceptandam esse à papa pro terminatione schismatis; ipse tenetur illam acceptare; & ita secundum præparationem animi tenetur ad cessionem; & dum ultrò offert eam, & prævenit, ipse redditur multum commendandus.

Concilio-  
rum finis.

11. Ecclesia seu generale concilium præcipue debet intendere cum prosecutione unionis perfectæ, ad extirpationem errorum & emendationem errantium sine personarum acceptione. Similiter ad hoc quod hierarchicus ordo ecclesiasticus prælatorum & curatorum multipliciter turbatus, reformetur ad similitudinem cœlestis hierarchiæ, & conformiter ad regulas primitus institutas.

12. Ecclesia non habet efficacius medium ad generalem sui ipsius reformationem, quam si statuatur generalium conciliorum continuatio, celebrationem provincialium non omittendo.

DECRETA ET DEFINITA IN PRIMA  
Sessione, quæ fuit feria tertia post festum  
Palmarum, pronuntiata ibidem per cardina-  
lem Florentinum.

**A**D honorem & gloriam sanctissimæ Tri-  
nitatis, Patris, & Filii, & Spiritus-sancti,  
&c. *ut in editis ad Sessionem 3.*

DECRETA ET DEFINITA IN SECUNDA  
Sessione, quæ fuit in vigilia Paschæ pronun-  
ciata ibidem per cardinalem Florentinum.

**I**N nomine sanctæ & individue Trinitatis,  
Patris, & Filii, & Spiritus-sancti, Amen. Hæc

A sancta Synodus Constantiensis, &c. *ut in editis  
ad Sessionem 4. excepto articulo quarto, qui in  
nostro ms. desideratur.*

## LITTERA UNIVERSITATIS PARISIENSIS AD CONCILIUM.

**E**Gregii & inclyti patres, &c. *ut in Historia  
Universitatis Parisiensis, tom. 5. p. 283.*

**COPIA LITTERÆ MISSÆ PER  
UNIVERSITATEM PARISIENSEM**  
suis nunciis, cui littera quam scribunt papæ  
est inserta.

**G**Raviter & cum magna cordis acerbitate,  
&c. *ut in edit. Sessione VI. pag. 33.*

## SESSIO \*III.

**C**Anno Domini MCCCCXV. die Sabbati sexta  
mensis Aprilis serenissimo & invictissimo Ro-  
manorum rege SIGISMUNDO & reverendis-  
simo patre domino cardinali de Urfinis præ-  
sidentibus, reverendus pater dominus electus  
episcopus Posnaniensis de mandato & jussu  
totius concilii generalis publicavit conclu-  
siones & ordinationes infra scriptas in plena  
Sessione.

**I**N nomine sanctæ & individue Trinitatis,  
Patris, & Filii, & Spiritus-sancti, Amen. Hæc  
sancta Synodus Constantiensis, &c. *ut in edit.  
Sessione V pag. 22. usque ad ea quæ littera, ut  
vocant Italica, impressa sunt.*

## EPISTOLA VIII.

Oratorum universitatis Colonienfis.

*De actis in Sessione die VI. Aprilis, & de Bulla  
papæ qua fugam excusare conatur.*

**E**Venerabiles patres & domini, de gestis in  
sacro concilio Constantiensi post recessum  
papæ usque ad festum Paschæ inclusivè, scrip-  
simus vestris reverentiis. Noviter de Sessione  
habita sexta die mensis Aprilis, conclusa in  
eadem fuerunt in parte conclusa in Sessione  
præcedenti, sed non ita extensè. Tunc enim  
aliqua ad instantiam dominorum cardinalium  
fuerunt omissa & aliqua addita, ut vestræ reve-  
rentiæ videre poterunt utriusque Sessionis diffi-  
nita inspiciendo, & in proxima Sessione, ut  
credo, agetur in materia fidei contra WYCLEIFF,  
contra HUYSS. & eorum sequaces. Dominus  
noster Apostolicus stat in Louffenberch in do-  
minio ducis Austriæ septem milliaribus à Con-  
stantia. Et heri habuimus Bullam suam in Con-  
stantia, in qua scribit universis Christi fidelibus,  
quomodo propter metum cadentem in constan-  
tem recesserit de Constantia, & post hoc de  
Schafhusa: de qua Bulla dominus Romanorum  
rex verè christianissimus unionis zelator ac to-  
tum sacrum concilium malè contentantur:

quoniam rex die præcedenti noctem recessus papæ, fuit cum domino papa, & coram quinque cardinalibus, & coram principibus dixit sibi, quòd nullomodo deberet timere, quia deberet esse securissimus: de quo papa tunc videbatur multum contentus. Quapropter si contingat aliquam talem bullam pervenire ad conspectum vestrum; non propter hoc intret in corda vestra aliqua sinistra suspicio contra serenissimum dominum regem; aut contra sacrum concilium: quoniam in brevi dictum sacrum concilium & rex scribent regibus, principibus, universitatibus, comitatibus, hujus rei planam veritatem. Insuper domini cardinales qui sunt in Constantia jam satis coaptant se sacro concilio, & procurabunt quòd dominus apostolicus dabit procuratores ad cedendum papatui in omni casu sub oblatione facta alias comprehenso. Quod procuratorium si dominus apostolicus dederit in illa forma quam concilium ordinavit; ex tunc omni mansuetudine ibi concilium dicto domino nostro complacebit. Si verò hoc recusaverit, ex tunc de modo procedendi congruo concilium deliberabit. Et constanter oretis Altissimum quòd bono & optato fine feliciter concludatur. Qui vos conservet feliciter & longævè. Scriptum Constantiæ ix. die Aprilis.

BULLA PAPÆ, IN QUA ALLEGAT  
M E T U M.

**J**OHANNES episcopus servus servorum Dei  
universis Christi fidelibus, &c. *ut in Appendice  
ad concilium Constantiense, pag. 1471.*

LITTERA DUCIS AUSTRIÆ.

**N**Os Fridericus dux Austriæ, &c. Recognoscimus, &c. quod cum serenissimi principis domini SIGISMUNDI Romanorum & Hungariæ regis indignationem inciderimus, venimus in propria persona ad conspectum dicti domini regis Constantiam, &c. *ut in editis Sessione VIII. pag. 51.*

LITTERA CONCILII SCRIPTA  
UNIVERSITATI COLONIENSI.

*Concilium significat furtivam summi pontificis fugam.*

**S**acro-sancta synodus in civitate Constantiensi generale concilium legitimè faciens, dilectissimis Rectori & Universitati studii Coloniensis, gratia vobis & pax.

Magnam in Domino qui glorificatur in concilio sanctorum bonæ voluntatis fideles omnes concepere fiduciam, quòd per hanc congregationem, tanto studio, tantis sumptibus, multo labore, miroque viarum discrimine, tam concordii communique totius fere Christianita-

tis assensu collectam; loco uberi & sufficienter accommo, fieret in primis schismatis pestiferi jam lustris septem lacerantis Ecclesiam, extirpatio diutius expectata, rediret pulchra pax velut ab exilio, tollerentur insuper hæreses & errores mille locis periculosè pullulantes, fieret consequenter errantium correctio, & denique ecclesiastici status tam in capite quàm in membris reformatio salutaris. Propter hos etenim fines hæc synodus convocata: super quorum desideratæ consummationis initio dum jam magna opera Domini per assumptæ cessionis viam claruissent, quibus gratulando exultabamus & gloriabamur in Domino: conversus est in luctum chorus noster, dum Pastor noster, quod mœsti referimus, noctu clam abiit, habitu transformato, insalutatum deferens gregem suum, ipsumque suo facto dissipans, & hujus sacri concilii auctoritatem miserabiliter evacuans, quantum in ipso fuerat, si detuper non providisset Altissimus. Compellebat quoque officarios curiæ suæ tremendis edictis sua sequi vestigia; propter quod ipsum plures numero cardinales comitabantur, & concurrebant ad eum quàm plurimi, fortè prædam sequentes, non hominem: quorum tamen pars major, pastore sic per abrupta gradiente derelicto, ad hoc ovile dominicum est reversa. Ceterum cum nullum efficacius nocumentum excogitare potuerat malignus hostis ad invalidationem prædictorum tam feliciter inchoatorum, & plausibiliter receptorum super oblatione viæ cessionis; allegata est per ipsum dominum papam super suo recessu causa justī metus cadentis in constantem. Ita enim publicis litteris inseruit: Adjiciens ad recessum, inquit, nostrum, non tam movit nos metus mortis, quæ omnium terribilium ultimum est, sicut hoc unum, ne hac occasione captata, PETRUS DE LUNA olim BENEDICTUS XIII. & ANGELUS CORARIO GREGORIUS XII. in eorum obedientiis nominati, allegantes impressionem nobis illatam, se quoquo modo retraherent à cessione prætensi juris quomodolibet in papatu. Existimamus autem, veracissime Deus, hoc edictum quale perspicuum existat cuilibet intuenti. Mirasquidem est vis veritatis, falsitas verò sibi ipsi dissona est, seque destruit. Nam per sanctos sanctasque omnes quo pacto potuerat efficacius, ne dicatur callidius, oblatio viæ cessionis jurata, vota, & promissa per ipsum dominum papam reddi calumniabilis apud alios contententes? quod tamen refugere videri conatur plusquàm mortem, prætendendo metum, ubi nulla erat, coram Deo loquimur & testamur, iudicio nostro causa vel occasio justī metus. Si saltem non aliunde metus inerat, quem conscientia solet præsumere turbata, quæ fugit nemine prosequente. Justus autem ut leo confidit. Quæ singula inspector cordium judicet Deus. Porro viderit ipse dominus papa, pudet dicere, sed dicendum est; quid à modo de suis promissionibus, juramentis, & votis sperare fas habemus, quando suspicionem hanc ingerit: quod dum magis se paratum omnibus exhibere videtur, tunc

inquiet, non mea libera voluntate, sed pro A  
 alieno arbitrio hæc feci, vel obtuli. Hoc verò  
 dicere quid aliud esse videtur, quàm à pro-  
 missis & juratis occasionem quærere discedendi?  
 Ita ne docuit Christus bonum pastorem fugere,  
 & non dare potius animam pro ovibus, om-  
 nibus se confidenter exponendo periculis, &  
 ubi timor non est aliquatenus non trepidare?  
 Quid præterea, quid pollicitus erat idem do-  
 minus papa? pridie & paucis ante diebus semel  
 & pluries ab hoc loco Constantiensi se nequa-  
 quam discessurum, præsertim clandestinè, cum  
 de serenissimo Romanorum & Hungariæ rege  
 semper Augusto, hujus sacræ conventionis fidelis-  
 simo protectore, plenissimam se gerere fiduciam  
 apertius affirmaret: & utique satis esse debuerat  
 ad non timendum salvus conductus ab eodem  
 rege probatissimæ & antiquæ fidei principe,  
 & unionis optatæ ferventissimo zelatore jam  
 concessus. Offerebat nihilominus alteram om-  
 nem, quæ ad tutè manendum peteretur &  
 avifaretur, securitatem ante & post ipsius ces-  
 sionem. Hæc idcirco summatim volumus in  
 vestram & omnium perferre notitiam; qua-  
 tenus nulla adversus hoc sacrum concilium &  
 eorum quæ gerit, gesta que sunt, informatio  
 sinistra prævaleat, sive per litteras sive per  
 relationes falsas, subdolas, atque fictas: pro-  
 visuri ad ulteriora, sicut visum fuerit Spiritui-  
 sancto & nobis, tam super hoc recessu scanda-  
 lofo, probroso, & damnofo, quàm super om-  
 nibus propter quæ saluberrimum hoc concilium  
 tamquam efficacissimum ecclesiasticæ libertatis  
 & honestatis reformativum & ordinatum existit  
 congregatum: tantum modo qui cœpit Deus  
 ipse perficiat, & à nostra nos expectatione non  
 confundat, orationum totius Ecclesiæ catho-  
 licæ sedulò propitiatus interventu. Ad quæ  
 omnia & similia vos & omnes zelum Dei ac  
 suæ Ecclesiæ habentes cum omni celeritate &  
 efficacia concursuros speramus. Denique super  
 ceteris omnibus actis & agendis certam proponi-  
 mus informationem tempore opportuno trans-  
 mittere, quandoque in scriptis, quandoque per  
 nuncios. Hæc tamen interim suscipiantur ut  
 acta fuerant de præsentī. Verùm quia honora-  
 bilis GOTFRIDUS DE DURSEM artium magi-  
 ster ac sacræ theologiæ baccalareus vestri præ-  
 sentiam cum præsentium exhibitione visitabit:  
 ideo sicut eidem præmissa singula vobis distin-  
 ctius & latius referre commisimus; ita sibi  
 tamquam sufficienter instructo in suis dicendis  
 fidem adhibere velitis creditivam. Datum Con-  
 stantiæ provinciæ Magutinæ in publica sessio-  
 ne die decima septima Aprilis, reverendorum  
 patrum JOHANNIS patriarchæ Antiochenis,  
 JOHANNIS archiepiscopi Rigenis, ROBERTI  
 episcopi Saresberiensis & JACOBI episcopi Ja-  
 driensis sub sigilis.

*Illuminatis & scientificis viris Rectori &  
 Universitati studii Coloniensis zelatoribus  
 pacis & unionis Ecclesiæ devotissimis.*

## EPISTOLA IX.

Oratorum universitatis Coloniensis.

*De actis in concilio post papæ fugam.*

V Enerabiles patres & domini, recessu do-  
 mini nostri papæ, de quo alias scripsimus  
 vobis, non obstante, sacrum Constantiense  
 concilium adhuc schismatis extirpationem &  
 ad Ecclesiæ sanctæ reformationem in capite &  
 in membris, quantum Deus dederit, efficaci-  
 ter est intentum & erit in futurum: Et qua-  
 tuor nationes sunt, Deo dante, in prosecutione  
 præmissorum amplius quàm pridem sperabatur,  
 concordēs; & ut speratur de contingentibus nihil  
 omittetur. Mittimus reverentiis vestris aditata  
 in quarta sessione post recessum domini nostri  
 papæ, quæ fuit xvii. Aprilis, & revera multum  
 solemnis. Formam verò procuratorii nondum  
 mittimus; quoniam nondum nobis constat de  
 assensu domini nostri papæ. Verum est quod  
 idem procuratorium est valde studiosè confe-  
 ctum, ut per gratiam Dei suo tempore videre  
 poteritis: ita quod quilibet duo ex universo  
 numero procuratorum constituendorum, aliis  
 invitis aut nescientibus, etiam papa invito,  
 præsentē vel absente, cessionem papatus facere  
 possunt in omni casu in cedula cessionis cujus  
 copiam alias misimus comprehenso. Et domino  
 nostro jam existente in *Friborg* oppido ducis  
 Austriæ, distante à Constantia fere per tres  
 diētas, vadunt ad ipsum ex parte totius con-  
 cilio duo cardinales cum aliis per concilium  
 deputatis pro illis expediendis quæ in prædicta  
 Sessione decreta sunt; & hodie, videlicet xviii.  
 die Aprilis sunt exituri. Insuper recessus papæ de  
 Constantia statim innotuit universitati Pari-  
 siensi, quæ sacro concilio & papæ & regi, &  
 dominis cardinalibus atque suis nunciis scripsit  
 super eodem. Copias verò litteræ missæ ad con-  
 cilium ac alterius litteræ missæ ad nuncios suos  
 vestris paternitatibus unà cum dictis aditatis  
 transmittimus, quatenus illius almæ universi-  
 tatis zelus utique commendabilis cunctis cedat  
 in exemplum. Insuper credimus quod dominus  
 Coloniensis, & civitas, & vestræ reverentiæ,  
 sint in brevi à sacro concilio litteras certas sus-  
 cepturi. Sic enim est in prædicta sessione decre-  
 tum, quòd hujusmodi litteræ per universam  
 Christianitatem sint ad veritatis testimonium  
 contra forsitan dicto concilio aut domino regi  
 minus justè detrahentes, & indecentem fugam  
 papæ colorantes. Alia de præsentī non occur-  
 runt; sed ut scripsimus, sitis sine intermissione  
 orantes pro Ecclesia Dei, ut consolationem  
 ab illo recipiat cujus misericordiæ non est nu-  
 merus, qui & vestras paternitates in omni fe-  
 licitate conservet per tempora longiora. Scri-  
 ptum Constantiæ xviii. mensis Aprilis THEO-  
 DERICI DE MONASTERIO sub sigillo.

DECRETA



DECRETA XVII. APRILIS IN PUBLICA  
Sessione quæ fuit quarta post recessum  
papæ.

**I**N nomine sanctæ & individuæ Trinitatis,  
Patris, & Filii, & Spiritus sancti. Amen. Hæc  
sancta synodus Constantiensis generale concilium  
faciens, & Ecclesiam catholicam repræsentans,  
in Spiritu sancto congregata ad consequendum  
facilius pacem & unionem Ecclesiæ decernit,  
declarat, ordinat, statuit & definit ut sequitur.

Et primo decernit & declarat procuratorium  
&c. ut in editis in Sessione VI. p. 26.

EPISTOLA X.

Oratorum universitatis Colonienfis.

*Significant acta in papam post ejus fugam, reconciliationem ducis Austriæ cum rege Romanorum,  
& alia nonnulla.*

**V**enerabiles magistri & domini, alias scriptimus reverentiis vestris de statu sacri concilii per dominum PETRUM DE ERPEL. Misimus vobis etiam acta quartæ sessionis post recessum papæ: post cujus domini PETRI recessum, misit sacrum concilium duos cardinales cum aliis octo prælati & doctoribus, qui credentes eum invenire in *Friburg*, non invenerunt eum ibi, quia processerat ad *Brisacum*, ubi invenerunt eum. Et prima die ipse præterdentes infirmitatem non dedit eis audientiam; sed die sequenti audivit eos, & post auditionem dixit se velle deliberare & respondere; & die immediate sequenti manè recessit ab illo loco, ipsis insalutatis & insciis, tendens ad *Burgundiam*. Sed Deus aliter ordinavit: quia dux Austriæ ipsum licet invitum reduci fecit in *Friburg*: ad quem locum nuncii dicti concilii ipsum comitabantur: sed quod rationabiliter petebant nomine concilii non obtinuerunt, nisi sub conditionibus difficilibus; concilio non placentibus. Præsumsit etiam concilium quod cum allegasset metum se habuisse in *Constantia*, quod à fortiori suo tempore allegaret metum se habuisse in *Friburg*, & propter hoc totum quod ibi fecisset fore irritum & inane. Quapropter sacrum concilium concorditer quoad omnes nationes deliberavit amplecti viam justitiæ & rigoris contra papam; & in secunda die Maii in sessione publica citatus fuit papa ad comparandum nona die sequenti in publica sessione, visurus decerni & declarari suum recessum clandestinum esse, & fuisse damnosum, & opprobriosum Ecclesiæ sanctæ Dei, de hæresi suspectum, deviativum à juramentis & votis per ipsum factis; & alias responsurus cur propter malam administrationem ac alia crimina universalem Ecclesiam notoriè scandalizantia ejici non debeat de papatu.

*Theſauri Anecd. Tom. II.*

**A** Interea dum hæc agerentur dominus FREDERICUS dux Austriæ sub salvo conductu regis, sacri concilii, ac etiam civitatis, venit personaliter ad *Constantiam* ob spem gratiæ à rege consequendæ, & post multos tractatus ad hoc devenit, quod quinta die Maii hora tertia post meridiem, domino rege existente in refectorio fratrum Minorum cum multis prælati & aliis deputatis quatuor nationum, præsentibus etiam pluribus illustribus, prædictus dux FREDERICUS per illustres LUDOWICUM de *Bavaria* fratrem Reginæ Franciæ, & Borchgraviū de *Noremberga* præsentatus fuit regiæ celsitudini, ubi procidit ad genua sua; & Borchgravius pro eo dixit hæc verba vel similia in effectu. Avunculus meus dux Austriæ de omnibus offensis factis sacro concilio, & regiæ celsitudini humiliter petit indulgentiam; & suam personam ac totum suum dominium, totam terram, ac omnem populum sibi subjectum plenè & planè ponit ad gratiam vestram, rex serenissime, ut de illis facere possitis sicut vestræ placuerit celsitudini. Promittit etiam quod faciet dominum papam ad hunc locum *Constantiensem* reduci, & sacro concilio præsentari. Supplicat tamen idem avunculus meus pro honore suo conservando, quatenus per sacrum concilium & vos dominum regem papa de vita sua affecretur, & etiam de bonis ad suam personam pertinentibus, quæ secum adducet ad dictam civitatem; & quod similis securitas detur venturis cum eodem; & quod etiam idem sacrum concilium velit eidem papæ post cessationem suam de statu competenti providere. Istis propositis per dominum Borchgraviū, dictus dominus FREDERICUS aperta & intelligibili voce personaliter dixit hæc verba ad dominum regem: Dilecte gloriose domine, sicut avunculus meus à parte mei petiit; ita & ego peto, quod recipiatis me & mea ad gratiam vestram; & illa quæ dicta sunt volo bene & fideliter adimplere, & vestræ celsitudini semper servire. His gestis, Rex verba proposita per dominum Borchgraviū distinctè repetiit, & quæsiit an ita dixisset. Quo respondente sic, & duce consentiente, & super genibus sedente, recepit eum ad gratiam, & surgere fecit. Et sic pater misericordiarum & Deus totius consolationis, iterum suæ Ecclesiæ zelatores post tristitiam duplici gaudio non modico exhilaravit; scilicet de papæ reductione, & restitutione terræ ad pacem. Nec modica necessitas impulit dominum ducem ad faciendum ea quæ promissa sunt: quia certum est quod dominus rex per suam potentiam latam & extensam jam abstulit ab eo vi armorum quadraginta fortalicia, civitates, & castra, & visibiliter ipsum exterminasset.

Insuper CAROLUS DE MALATESTA est in via veniendi ad *Constantiam* cum magna comitiva episcoporum, abbatum, & doctorum, habens plenissimum mandatum ex parte GREGORII vocati in sua obedientia. Et dominus rex post hunc mensem movebit se versus *Nyciam*; & ex certis conjecturis firmissimè speratur quod ibi

L1111

habebit de vocato BENEDICTO quoad negotium unionis suam voluntatem: vel fortè si obstinatio ipsius vocati BENEDICTI recalcitraret, quòd ad minus habebit suam obedientiam pro sua voluntate: ita quòd sumus in magna spe consequendæ unionis diu expectatæ: quod nobis ille concedat cujus potentia atque sapientia & insuperabilis bonitas omnem malitiam sufficit superare: cujus misericordiam vestræ reverentiæ dignentur pro isto fine devotissimè implorare, & quatenus ab aliis Christi fidelibus similiter fiat pro posse ordinare, quas vestras reverentias eadem divina bonitas conserveat incolumes feliciter & longæve. Scriptum Constantiæ VII. die Maii.

## EPISTOLA XI.

Oratorum universitatis Colonienfis.

*De reductione & suspensione papæ: de damnis in Hungaria illatis à Turcis, & detentione Johannis Hus, &c.*

Venerabiles patres, magistri & domini, improvvisus occurfus nuncii coegit me scribere cursoriè de actis in concilio. In crastino Ascensionis Domini fuerunt missi per concilium & dominum Regem ad conducendum papam, archiepiscopus Rigenfis, & quidam archiepiscopus de natione Gallicana, & dominus Burgavivius Noremburgæ, nobilis genere & virtute; quos papa multum sponte, ut apparuit, secutus est, & erunt hac nocte in oppido *Selle* prope Constantiam ad duo milliaria; & quo cras ibunt, non certifico. Insuper XIII. Maii fuit sessio in qua accusabatur contumacia papæ, suorumque sequentium & receptatorum. Et fuerunt deputati commissarii ad audiendum testes super mala administratione sua & criminibus: & fuerunt deputati iudices ad audiendum causas devolutas & devolvendas ad concilium. Et fuit lecta littera universitatis Parisiensis missa concilio: quæ universitas plenè & constanter se concilio conformat. Et licet in eadem sessione fuerit per dominum cardinalem Florentinum exhibitum procuratorium pro parte papæ, ubi constituit cardinales, Cameracensem, S. Marci, & Florentinum in procuratores; nullus tamen ipsorum onus acceptavit: Et non apparet aliud quin cardinales velint stare cum concilio. Et eadem die post prandium domino rege existente apud fratres Minores cum deputatis nationum, fuit primò lecta copia bullæ apportatæ per quemdam de cancellaria comitis Palatini: in qua GREGORIUS vocatus in sua obedientia concedit suæ obedientiæ quod jungat se concilio Constantiensi in quantum BALTHASAR papa noster non præsideat.

Damna in Hungaria à Turcislata.

Item, tunc lectæ fuerunt tres litteræ missæ domino Regi per fideles suos de Ungaria, in quibus continebatur inter alia, quod Turci valde damnificarent quædam regna Ungariæ, & hoc ad suggestionem Venetorum, qui præstitissent

eis sexcentos balistarios & bumbardos, seu pixides, & victualia. Quibus lectis dixit Christianissimus rex: Et si oporteret perdere totum regnum Ungariæ, non dimittam Ecclesiam & hoc sacrum concilium. Item, tunc lectæ fuerunt litteræ missæ domino regi & nationibus concilii per CAROLUM DE MALATESTA, qui est in via ex parte GREGORII cum plenissimo mandato, impeditus propter defectum salvi conductus, quem jam habiturus est post reconciliationem ducis Austriæ cum domino rege.

Item, tunc domino rege recedente, quidam nobiles de Polonia & Ungaria intraverunt ad deputatos nationum, allegantes pro magistro JOHANNES HUYS detento per concilium de hæresi, quod duo milites ibidem præsentem ipsum adduxissent sub salvo conductu regis Romanorum, ut ibi respondeat de fide sua omnibus volentibus sibi objicere; & quomodo nec auditus, nec convictus incarcerationis esset, & usque ad hunc diem graviter detentus; in quo honor Regis & honor ipsorum valde læderetur, cum pluribus aliis, quæ longum esset scribere. Quorum occasione sacrum concilium in causa illa procedet ante recessum domini regis de propinquo instante de benignitate & justitia, prout ordo juris & rationis dictaverit: & cras de mane domini cardinales Cameracensis cum octo deputatis de nationibus, quorum unus inutilis sum Ego, ibunt ad castrum propinquum civitati Constantiensi, ubi pro nunc iste Huys detinetur, ad loquendum secum super certis. Item, XIII. Maii fuit sessio publica, in qua sacrum concilium præmissis præmittendis amovit papam ab amministrazione tam spiritualium, quam temporalium per suam sententiam, cujus copiam pro nunc non mitto, quia tempus non habui. Alia non occurrunt, sed dignentur vestræ devotiones divinam pulsare misericordiam, quatenus tot & tantis angustiis & difficultatibus suam Ecclesiam non derelinquat; sed optatum finem feliciter & breviter videre faciat cum lætitia. Scriptum Constantiæ in vigilia Pentecostes meo sub sigillo.

In ms. codice sequitur parvum spatium in pagina vacuum, deinde sine titulo sequentes quinque articuli.

1. Et prima veritas est quod nequaquam in hoc sacro concilio debent interesse papa & cardinales, seu in tractatibus qui fiunt in eodem concilio. Ratio quia ibi est agendum de reformatione Ecclesiæ in capite & in membris principalibus, scilicet de papa & cardinalibus; sed illi non possunt nec debent esse iudices in facto proprio, & per consequens etiam ipsa non reformata in illis, remaneret deformata in ceteris membris.

2. Quia cum ipsi domini cardinales electores domini JOHANNIS papæ scientes eum esse talem prout fuit & est, nihilominus ipsum elegerunt in papam, ubi optimum debebant elegisse, vel saltem mediocriter bonum & utilem, abusi sunt potestate eligendi, & debent privari electione; & alias sunt maximè puniendi, propterea quòd per talem abusivam electionem ipsorum totam

nostram ecclesiam scandalizarunt; & sic nullatenus hujusmodi concilio & ejus actibus debent interesse.

3. Quia cum ipsi domini cardinales dictum dominum papam post ejus turpem fugam de Constantia, & per quam totam scandalizavit & obumbravit Ecclesiam, illicitiati per hujusmodi concilium secuti fuerunt, eo ipso se reddiderunt suspectos vehementer prædicto concilio, quasi approbantes dictam fugam: quod etiam plures actus sequentes ipsorum aliqui huc reversi amplius declararunt; & sic etiam perinde reddiderunt se valde suspectos, qui ad hoc quod ex tunc non poterint sive possint eisdem concilio & actibus interesse.

4. Quia cum ipsi domini cardinales vel plures ipsorum huc reversi post eandem fugam, etiam aliqui eorum qui hic remanserunt publicè asseruerunt, quod post recessum dicti domini JOHANNIS papæ talem qualem de Constantia, dissolutum fuit concilium prædictum: ita quod ex tunc non fuerit concilium, sed conciliabulum, videntur enormiter errasse, salva pace tantorum patrum, hoc casu saltem quo agitur quod schisma tollatur, & vera unio fiat in ipsa ecclesia, & ut illa in capitibus reformetur: quia concilium in illis casibus est supra papam & cardinales, & dependet immediate à Deo; Et hoc non fallit secundum theologos & doctores juris canonici expertos & veraces, ac evidentissimas rationes; & per consequens ipsa dicentes seipso exclusuerunt à concilio & actis antedictis; nec non reddiderunt se suspectos vehementer quoad illa, nisi faterentur ante omnia se errasse; & submitterent se ordinationi concilii memorati.

5. Quia interim quod revocabuntur vel suspenduntur generales reservationes papales dignitatum, &c. numquam poterit ipsa ecclesia reformari in capite & in membris per quemcumque etiam ingeniosum & potentem, nec per ipsum concilium, neque etiam provideri super hoc, quin ipse dominus papa inveniatur sibi favorabiles & fautores potentes, ut lac sugant de eo, scilicet aurum, quod plures sole libentius speculantur: invenietque semper emptores dignitatum in copia, & ab eis habebit aurum copiosè: & quamdiu hoc durabit, ipse sui que sequaces, nec non ceteri ambitiosi, quorum infinitus est numerus, hujusmodi concilium dividunt.

A heim coquo, & Francisco Policiano: & hodie in coena venit W. Boicholta qui fuit secum in prandio & nobiscum in coena, qui retulit nobis lamentabilem ejus vitam. Venit in desperatione personæ, in continuo fletu, accusat multos de malo consilio, & præsertim Viscop Henken Van. Menff. dux Austriæ non est captus, sed honestè stat hic in bona custodia, non potest abhinc recedere; & Svvitzsch ac alii inimici sui capiunt possessionem suorum castrorum, oppidorum, &c. Perdidit huc usque XLVIII. oppida & castra, quæ vidi nominatim in scriptis. Verum quod concordia facta est, sed tradimentum conceptum contra regem in recessu suo versus Nyciam in Francia, de quo totum concilium turbatur, videlicet, quomodo Venetiani, Florentini, & JOHANNES papa procurarunt per pecunias apud ducem Austriæ, comitem Sabaudia, ducem Burgundiæ de interceptione regis. Absit quod hoc verum sit Sed hoc in publico & in præsentia omnium nationum hodie hora vesperorum in præsentia ducis Austriæ dux LUDOVICUS Bavariæ coram rege exposuit. Ambaxiatores ducis Burgundiæ & comitis Sabaudia surrexerunt, & stentes excusaverunt eorum dominos. Rex valde benignè & providè respondebat, asserens hæc non posse credere, &c. sic quod ex his maxima est tribulatio concilii, quia rex paratus est, iturus versus Nyciam: nec credo quod propter ista recedet à proposito. Omnia fuerunt hic in competenti foro, immo multo meliori, quam umquam in Bononia aut Roma.

Die Mercurii proxime futura erit Sessio in qua JOHANNES HUYSS, ut credo, judicabitur ad ignem. Heri præsens fui in examine ejus & numquam vidi ita audacem & temerarium rivaldum; & qui ita cautè sciret respondere detegendo veritatem. In ultima Sessione præterita quæ fuit die Martis XIV. Maii papa fuit suspensus ab administratione tam in spiritualibus quam in temporalibus, tamquam suspectus & notorius dilapidator bonorum ecclesiarum. Et bulla hodie est sibi subtracta, ut audivi; & vidi hora vesperorum bullatores intrare hanc civitatem. In prima Sessione post sententiam Huyss. feretur sententia diffinitiva contra papam: quia de multis criminibus accusatus est; & timeo quod probata sint, maximè Simonia, homicidia, & intoxicatio ALEXANDRI. Alia non occurrunt quæ possum ad præsens scribere. Valere, &c. Scriptum Constantiæ, XIX. Maii.

#### LITTERA QUAM UNUS CARTUSIANUS SCRIPSIT ALTERI.

*De reductione & suspensione papæ, de custodia ducis Austriæ, de regis itinere Nyciam & Johannis Hus examine.*

Venerabilis domine, de novis scitote, quod die Veneris papa reductus est ad Sellam distantem ab hoc loco ad duo milliaria, & ibidem stabit quousque deputetur sibi locus tutus, &c. Omnes dereliquerunt eum, excepto Boken-Thefauri Anecdor. Tom. II.

#### HÆC SENTENTIA LATA FUIT XIV. MAII.

F IN Nomine sanctæ & individuae Trinitatis, Patris, & Filii, & Spiritus sancti, Amen. Quia nobis constat dominum JOHANNEM papam XXIII. à tempore, &c. ut in editis ad Sessionem x. pag. 66.



LIII ij

## EPISTOLA XII.

Oratorum universitatis Colonienſis.

*De papæ deſiſitione & aliis multis.*

**V**enerabiles patres & domini, nuper per quemdam familiarem BALDEWINI DE DIICK ſcripſi reverentiis vſtris quòd die xiv. menſis Maii fuerat papa ſuſpenſus ab amminiſtratione tam ſpiritualium quàm temporalium in Seſſione publica cùm eſt celebrata; & de quibuſdam aliis quæ nunc non repeto, proceſſurus ad alia quæ facta ſunt. In xxvi. die Maii in Seſſione publica fuerunt lecti quàm plures articuli, L. aut plures contra papam, ſufficienter probati, & alii multi articuli, quia nimis ſordidi erant omiſſi, quamvis ſcripti fuerunt & probati. Die verò ſequenti miſſi fuerunt ad ipſum in *Selle*, ubi ipſe jam ſtat, quatuor prælati de quatuor nationibus cum notariis & teſtibus, ad exhibendum ſibi huiusmodi articulos cum atteſtationibus eorundem, ut reſponderet ad quemlibet eorum prout ſibi videretur, &c. Quibus nunciis comparentibus coram eo, reſuſcitavit huiusmodi articulos videre, vel audire, & dixit quòd vellet ſe in omnibus dare ad gratiam ſacri concilii; & ſi contingeret ipſum ſacrum concilium procedere ad ſententiam contra ipſum, illi ſententiæ nollit contradicere, ſed potius eam laudare & approbare, eiſdem nunciis ſupplicando quatenus vel-  
Dlent eum ſacro concilio & regiæ maiſtati fideliter recommendare: qui domino regi, per eoſdem nuncios litteram ſcripſit valde provocativam ad clementiam & pietatem, ſibi ſupplicando, quatenus ſuam ſolitam clementiam & pietatem circa perſonam ſuam non negligeret, cum pluribus aliis de quibus tranſeo. Deinde menſis Maii xxix. ſcilicet in feſto Sacramenti, in Seſſione publica valde ſolemni, in præſentia domini regis & dominorum cardinalium xvi. in numero, fuit dictus JOHANNES papa per ſententiam concilii depoſitus & eiectus de papatu; & omnibus fidelibus inhibitu, ne in antea aliquis ipſum pro papa habeat, nominet, aut ei obediat. Et ex parte concilii dominus rex tamquam advocatus & protector Eccleſiæ ipſum tenere debeat ſub bona cuſtodia, quamdiu ſacro concilio viſum fuerit expedire: pœnas quoque ſibi infligendas pro ſuis criminibus ſacrum concilium ſibi reſervavit. Quæ ſententia erit per omnes cardinales, alios prælatos, & nuncios, & ambaxiatores ſubſcribenda.

Item in eadem Seſſione decretum fuit, quòd nullo modo procedatur ad electionem novi pontificis, donec videatur huic ſacro concilio expedire, ſuſpendendo omnia jura poſitiva, etiam conciliorum, quibuſcumque ſuper eo conceſſa, & conſuetudines in contrarium facientes. Item, decretum fuit in eadem Seſſione, quòd nec BALTASAR DE COSSA, nec ANGELUS CO-  
FRARIO, nec PETRUS DE LUNA ullo umquam tempore eligi deberent in papam. Item, decretum fuit quod iudices concilii, qui ſunt quatuor

**A** prælati de quatuor nationibus alias deputati, deberent prælatos abſentes vocare ad concilium ſub pœnis, prout viſum fuerit, illos præſertim, qui non habent ſuos procuratores legitimos in eodem. Item, licet notabilis numerus armatorum ſit pro cuſtodia pridem papæ deputatus, tamen ultra ſunt duo notabiles de quolibet natione, & pauciſſimi de ſuis ſunt ſecum. Et licet multi etiam extranei ſibi compatiuntur de hoc magno caſu: tamen tolerabilius eſt hoc fieri, quam honeſtatem Eccleſiæ Dei ab intolerabili malitia, quæ jam à pluribus annis citra crescendo pervenit ad exceſſum, penitus abſorberi.

**B** Inſuper quidam magiſter HIERONYMUS qui ſamatur de hæreſi ſuſpectus, fuit feria quinta poſt Pentecoſtes feſtum præſentatus concilio per illuſtriſſimum Baviaræ ducem, comitem Palatinum Rheni, & tenetur in carceribus. Quem dominum ducem LUDOVICUM intendit dominus rex inſtituere, ut poſt ſuum reſceſſum ſit ſacri concilii protector. Sed omnino vult dominus rex quod idem dux LUDOVICUS, antequam hoc fiat, cum ſuis ab obedientia vocati GREGORII recedat plenè & expreſſè, ac ſacro concilio ſe conjungat & conformet, nec alias ſacrum concilium ipſum reciperet in protectorem. Alia non occurrunt. Dignetur Altiffimus vſtras reverentias longæve conſervare incolumes: quem pro ſua Eccleſia militantem, quatenus contra ſuos adverſarios triumphare valeat, fideliffimè exorare non ceſſetis. Scriptum Conſtantiæ in feſto Sacramenti.

**D** Item, hodie ſcilicet in feſto Sacramenti dominus noſter rex recepit duplicia bona nova, quæ fecit publicari in præſentia deputatorum nationum. In primis quòd CAROLUS DE MALATESTA, qui ſtetit in via impeditus propter defectum ſalvi conductus, quem ſibi denegavit vocatus dominus Mediolanenſis, jam illo ſibi præſtito, de mandato domini regis eſt in veniendo; & cito erit in Conſtantia cum pleniffimo mandato ex parte vocati GREGORII. Item, idem dominus rex recepit litteras à rege Aragonum propria ejus manu ſcriptas, in quibus efficaciffimè hortatur noſtrum regem ad conveniendum ſecum juxta conditum, & offert ſe concurſurum cum omni conatu ad unionem eccleſiæ Dei. Recepit etiam duo inſtrumenta publica unum à dicto rege Aragonum, aliud à vocato BENEDICTO, ratificantia & approbantia omnia capitula per nuncios eorum cum domino rege concluſa & jurata ſuper conventionem eorum cum rege noſtro in Nycia, &c. Et ſic non reſtat aliud niſi quod habita concluſione cum CAROLO DE MALATESTA dominus rex iter arripiat.

SENTENTIA QUA JOHANNES XXIII. privatur papatu per generale Conſtantiense concilium, quæ lata fuit xxix. menſis Maii.

**I**N nomine ſanctæ & individuæ Trinitatis, Patris, & Filii, & Spiritus ſancti, Amen. Sa-

cro. sancta generalis Constantiensis synodus in A Spiritu. sancto legitimè congregata, invocato Christi nomine, &c. *ut in editis Sessione XII. pag. 95.*

COPIA LITTERÆ QUAM JOHANNES  
PAPA PROPRIA MANU SCRIPSIT  
DOMINO REGI.

**C**arissimo in Christo filio SIGISMUNDO B Romanorum regi semper Augusto, ac Hungariæ, Dalmatiæ, Croaciæ, &c. regi. Ea salute, &c. *ut in edit. Seff. XI. pag. 87.*

EPISTOLA XIII.

Oratorum universitatis Colonienfis.

*De cessione papatus facta à Gregorio XII.*

**R**everendi patres, magistri & domini. Diu non scripsi dominationibus vestris, quia non occurrerunt aliqua scribi digna. Jam verò desiderans dominationes vestras gaudiorum sacri concilii fore participes, eisdem duxi intimandum, quod post introitum CAROLI DE MALATESTIS ad Constantiam, nuncii quondam domini GREGORII XII. multi tractatus fuerunt habiti cum eo super renunciatione papatus domini sui prædicti: ad quam faciendam loco & tempore opportunis plenissima mandata exhibuit. Et quia sibi videbatur hujusmodi cessio seu renunciatio differenda usque ad Nyciam, quo se iturum cum rege Romanorum sponderat, ad videndum quid vocatus BENEDICTUS facere vellet, post multos tractatus super eo habitos, vix precibus & rationibus inclinavit se ad faciendum hujusmodi renunciationem in Constantia, Christianissimi regis Romanorum solita diligentia & instantia concurrente, sine quo revera nihil potuissimus, nec in his, nec in aliis. Et postquam capitula super utriusque obedientiæ honore salvando concepta fuerunt & conclusa per deputatos, & approbata per nationes; domini cardinales difficultates aliquas ingesserunt, pro eo quod sacrum concilium tempus, modum, formam electionis futuri pontificis sibi reservavit juxta tenorem capitulorum vestris reverentiis transmittendorum: sed Deo volente, cui nullus resistere potest, iidem domini cardinales post sacri concilii rationabilem informationem & requestam, in eadem capitula omnia & singula plenè consenserunt: asserentes quod nedum in istis, sed in omnibus aliis parati essent se sacro concilio conformare. Et sic de communi omnium nationum, dominorum cardinalium, ac illorum de parte GREGORII consensu facta fuit Sessio publica quarta die Julii, quæ fuit dies S. Udalrici, in qua dominus cardinalis Pisanus missam celebravit, & ante incoptionem missæ sacrum generale concilium Constantiense fuit per nuncios dicti GREGORII juxta tenorem bullæ ibi lectæ approbatum; & quantum ex parte sui erat ex superabundanti

convocatum. In quam approbationem ex superabundanti cautela, & in favorem unionis sacrum concilium Constantiense expressè consensit. Et statim cardinalis GREGORII ibi præsens nostris cardinalibus, & patriarcha patriarchis, episcopi episcopis in publica Sessione se fraternaliter conjunxerunt. Quo factò, decantabatur solennis missa de sancto Spiritu, infra quam post evangelium fuit per me quidam sermo factus, quem tamen propter intensos calores, quibus illa intensa multitudo, quæ præsens erat, æstuabat, ad votum perficere non potui. Deinde finita missa, multa capitula fuerunt per sacrum concilium diffinita & conclusa, honorem & concordiam ambarum obedientiarum concernentia. Quo factò, magnificus & magnæ sapientiæ vir CAROLUS DE MALATESTIS prædictus, collatione præmissa super excusatione honoris & famæ domini GREGORII bene longa & matura, sine omni pacto prævio occulto vel manifesto, ex parte domini sui, tamquam procurator irrevocabilis & sufficiens, liberè & sponte cessit & renunciavit papatui domini sui, amministrationi & omni juri quod domino suo quomodolibet comperit, aut competere potuit in eodem. Quo factò, decantabatur per sacrum concilium alta & læta voce *Te Deum laudamus*; & omnes campanæ pulsabantur, & omnes unionis zelatores gavisi fuerunt gaudio magno. In proxima Sessione quæ erit post cras, ut creditur, feretur sententia damnationis contra *Huyff*. Et credo quod traderetur judicio sæculari, pro eo quòd licet dixerit se prius velle stare informationi & directioni sacri concilii, jam tamen abrenunciationem & revocationem quam sacrum concilium dictavit recusare videtur. Capitula concordata inter sacrum concilium & CAROLUM prædictum vestris reverentiis quàm primò potero transmittam. Christianissimus rex noster est statim iturus versus Nyciam, pro cuius prosperitate & salute ordinetis in omnibus sermonibus & alias per zelatores Ecclesiæ Dei fideliter exorari, quia à tempore CAROLI MAGNI nescio si fuit similis illi. Alia pro præsentis non occurrunt. Scriptum Constantiæ quarta die Julii meo sub sigillo.

*Sequuntur acta Sessionis XIII. sed aliquanto contractiora quam in editis.*

EPISTOLA XIV.

Oratorum universitatis Colonienfis.

*Significant regem Romanorum ad procurandam Ecclesiæ unionem Nyciam esse profectum, & privilegia Gregorio post cessionem indulta.*

**P**ost humillimam recommendationem venerabiles patres, magistri & domini, vestris reverentiis præsentibus duxi intimandum, quod hoc die xv. mensis Julii, in quo celebratur festum divisionis sanctorum apostolorum in omnem terram se dividendum, ut omnes per orbem à vera fide deviantes in unum recollige-

LIII iij



rent, christianissimus dominus rex, ad eundem finem à sacro concilio post missam de Spiritu-  
sancto & letaniam cum orationibus & benedi-  
ctionibus ad hoc congruis, cum sibi adjunctis  
se divisit, iter versus Nyciam arrepturus quan-  
tocius, ad perfectam ejusdem Ecclesiæ unionem  
procurandam, qui una cum comitibus suis iti-  
neris sit vestris devotionibus fideliter recom-  
missus. Et quatenus ejusdem regis pia intentio  
vestras reverentias non lateat, scire dignemini,  
quòd dicti mensis die XIII. vocatis prælatis, &  
aliis deputatis quatuor nationum sacri concilii,  
loquebatur cum eisdem in effectu, quomodo  
omnibus suis negotiis neglectis, jam diu labo-  
rasset in negotio Ecclesiæ, & vellet inchoatum  
laborem continuare cum divino adjutorio usque  
ad totalem schismatis extirpationem; quamvis  
regnum Hungariæ impatientissimè ferret tam  
diutinam suam absentiam. Et adjunxit quòd  
non solùm intenderet ad pacem Ecclesiæ, sed  
etiam ad pacem omnium regnorum & principum  
christianitatis, non ob gloriam mundanam sibi  
per hoc acquirendam, de qua nihil curaret,  
quia expertus esset quàm fallax & vana illa exi-  
steret, sed ad gloriam Dei; & ut per hoc me-  
dium pacis in christianitate habitæ posset suc-  
currere cum auxilio christianorum per generale  
passagium terræ sanctæ, in qua Christus Domi-  
nus noster est crucifixus, mortuus, & sepultus,  
ut illa non per blasphemos nominis Christi, sed  
per veros ejusdem Christi cultores inhabitaretur.  
Et multum humiliter supplicavit sacro con-  
cilio, quatenus in omnibus istis sibi efficaciter  
cooperari vellet. Addens quòd in hac via vellet  
tractare de perpetua pace inter Franciam &  
Angliam, inter duces Aurelianensem & Bur-  
gundiæ, inter regem Poloniæ & Cruciferos de  
Prussia. Tractatus inchoati sunt in Constantia,  
& speratur omnino de bono fine ante dissolu-  
tionem concilii. Multum etiam seriòse recom-  
mendavit dominus rex sacro concilio ecclesiam  
Coloniensem, multum dolens de ejus oppres-  
sione, & alias ecclesias oppressas generaliter; &  
petiit provideri per sacrum concilium, quòd  
prælati ecclesiastici non foverent in terris suis  
prædones & maleficos pacem terrarum turban-  
tes. Recommendavit etiam sacro concilio im-  
perium, & quòd inter imperium & ecclesiam  
semper mutuus amor nutriretur. Et deinde pro-  
posuit quomodo comitem Palatinum Rheni ibi-  
dem præsentem in protectorem sacri concilii  
pro tempore suæ absentiae deputasset. His &  
aliis per dominum regem disertè & humiliter  
propositis, responsum fuit sibi ex parte sacri  
concilii in effectu, quòd ipsum sacrum concilium  
non sufficeret ad plenum regratari suæ  
regiæ majestati de suis immensis laboribus &  
sanctissima intentione, & paratissimum esset ad  
sequendum monita sua, desiderans quatenus  
ipse dominus rex dignaretur in favore solito ad  
sacrum concilium perseverare usque in finem.

Insuper in Sessione publica, quæ fuit xv.  
mensis Julii supra dicta, fuerunt lectæ & de-  
cretæ quædam provisiones pro statu domini  
GREGORII pro eo quòd sponte & liberè sine

omni pacto papatui quem prætendebat renun-  
ciavit. Prima quòd debeat habere aliquem titu-  
lum cardinalium episcoporum, & gaudere com-  
modis & privilegiis eorundem. Secunda quòd  
debeat esse legatus de latere in Marchia. Tertia  
quòd pro nullis per eum gestis debeat inquie-  
tari. Alia non occurrunt, nisi quòd Turci reli-  
querunt Hungariam, & quòd CAROLUS DE  
MALATESTIS cum omnibus fratribus & amicis  
suis vult firmissimè stare cum Ecclesia & cum  
domino rege. Et dilectissimi patres, quia præ-  
dictus dominus noster rex agit commune nego-  
tium totius Christianitatis, lex gratitudinis exi-  
git quòd ab omnibus pro ipso, ut salvus vadat  
& cum optato fine redeat, suppliciter exoretur:  
unde sacrum concilium in hodierna sessione or-  
dinavit, quòd singulis diebus dominicis usque  
ad reditum Regis debeat fieri solemnis processio  
cum missa per sacrum concilium, & omnis qui  
intererit habebit centum dies indulgentiarum.  
Et similiter quicumque missam celebraverit  
ubicumque terrarum, & pro salute regis ut  
salvus vadat & cum optato fine redeat, oraverit,  
habebit rotidem. Et qui alias dixerit *Pater noster*  
cum *Ave Maria* ubicumque terrarum pro sa-  
lute ejusdem Regis, XL. dies indulgentiarum  
consequetur. Valeant vestræ paternitates feli-  
citer & longævè, & omnino ordinetis quate-  
nus pro domino rege fideliter exoretur, quia à  
sua persona dependet salus Ecclesiæ plus quàm  
ab alio aliquo mortali. Scriptum Constantiæ  
mensis Julii die xv.

*Sequuntur positiones & articuli dati contra pa-  
pam Johannem per procuratores sive promotores  
concilii Constantiensis infra scripti, omnia fere  
ut in editis sessione XI.*

## EPISTOLA XV.

Oratorum Universitatis Colonienfis.

*De regis itinere & tractatu de reformatione  
Ecclesiæ.*

Venerabiles domini, nova specialia non  
occurrunt, nisi quòd dominus noster rex  
ivit per Sabaudiam viam brevissimam ad Ny-  
ciam; & Comes Sabaudiae occurrebat sibi cum  
magna reverentia, ipsum diligentissimè con-  
ducendo, & credimus firmiter quòd jam sit in  
Nycia. Item, intelleximus quòd ex parte obe-  
dientiæ BENEDICTI sit optima dispositio ad  
unionem, & quòd renunciatio BENEDICTI  
celeriter fiet: & quòd dominus noster rex sit  
citiùs quàm credebatur cum optato fine Con-  
stantiam rediturus. Item, Constantiæ tractatus  
de reformatione Ecclesiæ in capite & in mem-  
bris est inchoatus, & ut spero cum maturitate  
continuabitur; quia ad illum tractatum tres de  
dominis cardinalibus & de qualibet quatuor  
nationum sunt sex deputati ad concipiendum.  
Inter quos Ego licet inutilis sum pro natione  
Germaniæ deputatus. Deus det nobis intelle-

ctum & voluntatem bene faciendi. De confectio-  
ne rotuli nescio quid adhuc scribere, quia  
de collatione beneficiorum per quem vel quos  
fiet indubiè tractabitur; & nondum est tracta-  
tum. Videtur expediens quòd rotulus esset  
paratus; & si postea inveniretur quòd esset ex-  
pediens ipsum mittere, mitteretur: Si verò non  
esset expediens, cuilibet restitueretur suum. Nef-  
cio quid aliud consulere. Valeant vestrae reve-  
rentiae feliciter & longævè. Universitatum nun-  
cii existentes Constantiae non dormient, sed  
vigilanter curabunt pro Universitatibus labo-  
rare. Scriptum Constantiae prima die Augusti.

## EPISTOLA

Nuntiorum concilii Constantiensis ad Petrum  
de Luna.

*Directi cum rege Romanorum ad Petrum de Luna  
significant suum in Narbonam civitatem adven-  
tum, nihilque hactenus actum, obistente Regis  
Aragonum aegritudine.*

**R**everendissimis in Christo patribus & do-  
minis praestantissimis praesidentibus ce-  
terisque almae nationis Germanicae concilii  
Constantiensis.

Reverendissimi patres domini praestantissimi  
post recommendationem & promptam obsequii  
voluntatem vestris dominationibus innotescat,  
quòd pridem, die videlicet decima mensis prae-  
sentis, corporibus, equis, ac rebus nostris Dei  
gratia sanis & salvis, venimus ad hunc locum, **D**  
quem eadem gratia dirigente Serenissimus prin-  
ceps & dominus noster SIGISMUNDUS Roma-  
norum, Ungariae, &c. rex inclitissimus die dicti  
mensis xv. eo quòd feriùs applicandi Narbo-  
nam de Serenissimi domini FERDINANDI regis  
Aragonum & domini PETRI DE LUNA volun-  
tate pariter & assensu ad eandem diem fuerat  
prorogatus, cum tota sua comitiva sospes &  
salvus ingressus est, & ex post die xx. mensis  
prae-fati per notabilem ambasiatam dicti Petri  
de Luna, qui pro parte sua die xix. praecedente **E**  
in magna episcoporum, doctorum, atque mi-  
litum multitudine huc applicuit, sub hoc the-  
mate *Descendit justificatus in domum suam*, reve-  
renter & honorificè nobis & aliis sacri concilii  
nunciis assistentibus salutatus fuerat & susce-  
ptus, quemadmodum haec & alia in litteris per  
prae-fatos nuncios dicto sacro concilio commu-  
niter destinatis plenius & latius continetur.  
Verùm patres reverendissimi, quòd his sic  
gestis, nihil in principali negotio, maximè quo-  
ad visiones mutuo celebrandas & alia nobis **F**  
injuncta negotia usque in hunc diem fieri po-  
terat, seu congruis modis pertractari, aegritu-  
dine corporali dicti domini regis Aragonum  
etiam usque ad horrendae mortis periculum  
obistente. Nunc autem idem Rex Redemptoris  
nostri gratia saluti seu sanitati pristinae restitutus  
in parte, non absque medicorum suorum dis-  
suasione manifesta, divinae se penitus commit-  
tens dispositioni, iter de Valentia per mare ar-

ripuit, & heri Deo duce ad prope villam Pei-  
pigniani prosperis appulit successibus, eandem  
per currum in diem crastinum ingressurus, tota-  
liter & peroptimè, quantum nos concipere  
possumus, ad pacem Ecclesiae, nec non Christi  
fidelium totalem reintegrationem dispositus &  
cordialiter inclinatus, quemadmodum etiam  
ex copiis litterarum praedicto domino nostro  
Romanorum regi infra biduum per eundem  
transmissarum, quas vestris circumspeditionibus  
reverendissimis praesentibus inclusa destinamus,  
**B** luce clarius poterit apparere. Jam igitur tem-  
pus acceptum mutuae visionis & practicae finalis  
super nobis commissis cum desiderio per nos  
expectatum advenit: in quo ea quae fient &  
concludentur praefatis vestris dominationibus  
quantocius fieri poterit curabimus intimare.  
Quas Altissimus pro salubri & felici Ecclesiae  
reformatione, &c. salubriter & feliciter juxta  
vota dignetur conservare. Supplicamus nihilo-  
minus instanter, quatenus nos de mora scribendi  
eadem vestrae paternitates velint habere ex-  
cusatos: quia per recessum nostrum de Geben-  
nis usque in diem istum nihil certi de quo scri-  
bere congrueret occurrebat. Datum Narbonae  
die xxv. Augusti mccccxv. mei Ripensis sub  
secreto.

Earumdem reverendissimarum paternita-  
tum humiles nuncii, PETRUS Ripensis  
episcopus, CONRADUS de Sufato sacrae  
Theologiae, & LAMBERTUS de Scipite  
sacrorum canonum professores.

## EPISTOLA

FERDINANDI ARAGONUM REGIS AD  
SIGISMUNDUM ROMANORUM REGEM.

*Intineri se commisisse significat pro indito  
colloquio.*

**S**erenissimo principi SIGISMUNDO Dei  
gratia Romanorum regi semper Augusto,  
ac Ungariae, Dalmatiae, Croaciae, &c. regi,  
fratri nostro praecarissimo FERDINANDUS  
eadem gratia Rex Aragonum, Siciliae, &c. sa-  
lutem & operis gloriosi propositum votivo exitu  
consummare.

Serenissime princeps, frater nobis praecari-  
sime, in hujusmodi data, noctis crepusculo ante  
locum *Conit* in nostri galea recto tramite no-  
strum iter continuantes vestras recepimus lit-  
teras, nostris aliis novissimis responsivas, quarum  
glorioso contextu perlecto, serenitati vestrae  
praesentibus intimamus, quòd die mercurii pro-  
ximè transacta mare cum proposito ingredi, ad  
gradum civitatis Valentiae accessimus: sed super-  
veniente aura contraria, oportuit nos in quibus-  
dam ambulatoriis equites ad monasterium B.  
Mariae *Delping*, ubi proposueramus accedere,  
flectere iter nostrum: & post vigiliam illa nocte  
ibidem in aliquibus exeniis celebratam, Jovis  
die sequenti ingressi maria, accessus nostros  
tenuimus continuo & sine aliqua digressionem,

marisque nulla passione in nos operante, huc attigimus Deo propitio gloriosè; & ipsius gratia cooperante intendimus cras in logia civitatis Barchinonensis, prandio sine cœna solum assumto, idem nostrum iter celerius quò poterimus maturare, ut negotia gloriosissima quæ vos & nos illuc flectunt, quæque à cunabulis citra menti habuimus infixæ, à quibus nulla pericula, nulli labores, nec alia quæque contingentia seu sinistra nos retrahent, operis experientia & vestri & nostri continuo participata labore in actum ut discimus perducantur, & tantum patrem & principem actuali visione, ut concupivimus, contemplemur. Moram igitur, serenissime princeps, frater nobis præcarissime, totis præcordiis rogamus vestram serenitatem patienter admittat, quem nostræ personæ ægritudo & indispositio produxerunt. Hæc enim, princeps serenissime, frater nobis præcarissime, quæ intra manus geritis & augent vestri nominis gloriam per universum dilatatam orbem, & Christi, cujus res agitur, caritate vos imbuunt, & ad Ecclesiam venire vos facient suam beatitudinem cum electis. Datum in nostri galea in maritimis *Conit*, xxv. die Augusti sub nostro sigillo secreto anno à nativitate Domini mccccxv.

*Præsentata xxviii. die mensis Augusti.*

#### EJUSDEM EPISTOLA ALTERA AD EUMDEM

*Hac littera quamvis de data anteriore fuit similiter cum prioribus datis xxv. Augusti præsentata significat se quàm citius profecturum ad colloquium pro negotio unionis indictum.*

Serenissimo principi SIGISMUNDO Dei gratia Romanorum regi semper Augusto, ac Ungariæ, Dalmatiæ, Croaciæ, &c. regi, fratri nobis carissimo, FERDINANDUS eadem gratia rex Aragonum, Siciliæ, &c. salutem debitam cum honore.

Serenissime princeps, frater noster carissime, serenitatis vestræ literas hilari fronte recepimus, quarum tenore plenius gratuito animo intellecto contextu hujusmodi intimamus, quod de infirmitatis ac diræ nostræ ægritudinis articulo & nonnullis aliis jam vos & intimante fideli consiliario & ambaxiatore nostro PETRO de Falche legum doctore, & nostris diversis litteris satis plenè reddidimus certiores. Et licet, excellentissime Princeps, medici & alii nostri accedentes habentes notitiam, recessum nostrum tam per mare quàm per terram non sine præstationibus dissuadeant, diversa profutura nostræ personæ pericula prævidentes: eorum verumtamen pro tanto Dei servitio spreto consilio, infra hebdomadam secuturam auxiliante Deo, quodcumque grave immineat periculum, avidissimi & inceptum propositum sacrum prosequi, & personam tanti principis videre, quod summè optamus, proposuimus per mare, quia celerius iter, absque alia diversione proficisci,

& ad villam Perpiniani sine itineris ulla reflectione personaliter nos conferre: ita firmiter sperantes in Domino, cujus res agitur, quod ab omni periculo nos servabit illæsum. Et etiam si placeret altissimo aliter de nobis disponere, non verebimur pro tam almo redemptore nostro, ut credimus, acceptissimo famulatu personam & vitam nostram eidem ut victimam immolari. Hoc quidem, Christianissime princeps, frater nobis carissime, vestræ excellentiæ deducimus non ambiguum sed jocundum, quàm interno rogamus affectu, quatenus pro bono & directione negotii, si jam civitatem Narbonæ attigeritis, placeat cum sanctissimo domino B. papa XIII. seu aliis quibuscvis in nullo materiam unionis Ecclesiæ sacro-sanctæ in particulari aliqua specie practiquare, quousque nos ibi aderimus personales: ut eo tunc diurnum ad quod anhelamus, gratius & acceptius prosequamur. Et si qua, serenissime princeps, frater nobis carissime, de regnis & terris nostris grata vobis occurrant, nobis fiducialiter intimetis. Datum Valentia sub nostro sigillo secreto xvii. die Augusti anno, &c.

#### EPISTOLA TERTIA EJUSDEM AD EUMDEM

Serenissimo principi SIGISMUNDO Dei gratia Romanorum regi semper Augusto, ac Ungariæ, Dalmatiæ, Croaciæ, &c. regi, fratri nostro præcarissimo, FERDINANDUS eadem gratia rex Arragonum, Siciliæ, &c. salutem debitam cum honore.

Serenissime princeps, frater nobis præcarissime, excellentiam vestram volumus non latere, quod hodie die mercurii per centum milliaria navigantes, huc in villam Canquilliberi vergente sole in occasum appulimus; & cum intendissemus ad locum de *Conit* per mare nos conferre, qui distat à villa Perpiniani per solam leucam; quia plaga est malefida carinis, ad moram evitandum & fyrtes, proponimus cras duce Deo hinc discedere, & per totum diem sabbati, ut parcamus indispositioni personæ nostræ, villam Perpiniani prædictam intrare. Datum in villa Canquilliberi xxviii. die Augusti anno, &c.

*Præsentata \* xxii. die Augusti,*

#### EPISTOLA

#### SCRIPTA CONCILIO GENERALI CONSTANTIENSI PER ANGLEUM CORARIO

*Post factam per Gregorium XII. sessionem concilio humiliter se subiicit.*

Sacro sancto Universali concilio Constantiensi devotionem & subjectionem cum humili recommendatione.

\* Error in numero, nam si die 28. Augusti fuit scripta, die 22. præsentari non potuit. Forte legendum 31.

humili

Humana conditio post peccatum primi parentis fragilis facta est, nec ullum ex suis operibus perfectum consistit, quin adjici ad perfectionem non possit, vel non accadat ad intentionem obstaculum: quia cum homo partes in se habeat ab invicem dissidentes, secum rixatur, & ille felix est, cui de cælo datum est appetitum voluntate, & voluntatem integra regi ratione. Et cum sit difficile ascendere ad felicitatem, à se excludere rixam non est facile: quanto magis societatem humanæ mentis finibus divisam, suspicionibus agitatam, detractio-  
nibus seductam, adversis voluntatibus lacera-  
tam, opinionibus variatam, passionibus corru-  
ptam à discordia liberari & in perfectam uniri  
formam est arduissimum reputandum? & hinc  
omne magisterium in actibus est arduum hu-  
manis, nec aliud est magnum in illis nisi recta  
ratione approbandum, Sed cum duo mala inci-  
dimus, si alterum sine peccato nostro sequi-  
mur, magnum reputamus. Ea propter cum ad  
congregationem per regiam majestatem in  
Constantia habitam & vocatam potestatem  
Beatissimi Petri à Salvatore nostro Jesu. Christo  
capite nostro sibi Petro pro se & successoribus  
datam, quam tunc in persona nostra esse indu-  
biè tenebamus, quomodo potuimus partici-  
pandam, misimus per magnificum virum filium  
nostrum carissimum CAROLUM DE MALA-  
TESTIS tamquam personam nostram, ut ejus  
sacratissimæ potestatis usu schismata extirparen-  
tur, & universalis pax haberetur Ecclesiæ, &  
clerus & verus papa sequeretur quem licite &  
affectuosissime adorarem: qua potestate per  
modum participationis plenæ sufficienter ad &  
circa præmissos effectus per vos recepta, ô sy-  
node inde sacrata & sanctificata, habita si-  
plici credulitate de nostra renuntiatione obtem-  
peravimus votis vestris. O synode sancta, cui  
me subjicio, desiderans ex intimis cordis in usu  
illius sacratissimæ potestatis beatissimi Petri  
vobis participatæ nullum fuisse defectum, &  
circa provisionem ex benigna providentia pro  
honestate papatus, ut pote mihi gratiam fa-  
ctam benivolam cognosco, & fidelibus labori-  
bus sacro concilio me submitto: supplicans hu-  
militer eidem, ut fideliter & efficaciter inten-  
dat ad reintegrationem & schismatis extirpa-  
tionem: cui sacro concilio tardavi scribere ex-  
pectans ambasiatam ejusdem, quæ dicebatur  
mihi destinari, quatuor ambassiatorum, quæ  
nondum applicuit. Datum Racaneti die sep-  
timo Octobris millesimo quadringentesimo  
quinto decimo, octava indictione.

*Humilis & devotus vester ANGELUS epis-  
copus Sanctæ Romanæ Ecclesiæ cardinalis.*



## EPISTOLA XVI.

Oratorum universitatis Colonienfis.

*De colloquio Perpiniani habito inter regem  
Romanorum & Petrum de Luna, ac regem  
Aragonum.*

**P**ost humilem recommendationem, vene-  
rabilis domini & amici. Heri novissimè  
recepimus nova de domino nostro rege, ista sci-  
licet, quod rex decima nona die Septembris  
intravit Perpignianum, ubi fuerunt rex Arago-  
num & BENEDICTUS, non obstante quod quàm  
plures hoc sibi dissuaserant propter pericula quæ  
timebant sibi per hoc imminere, volens inchoa-  
tum Dei negotium proseguire ut incœpit. Et citò  
post introitum suum ascendit ad castrum muni-  
tissimum, in quo erat BENEDICTUS, à quo erat  
honestissimè receptus: & habuit singulare col-  
loquium cum eo per duas horas vel ultra, ex  
quo ipse BENEDICTUS fuit ad profluvium la-  
chrymarum permotus, & posuit regem no-  
strum in bona spe, dicens quòd intentionis suæ  
esset omnino dare pacem Ecclesiæ. Deinde idem  
rex noster sequenti die visitavit regem Arago-  
num in lecto decumbentem & expectantem  
parochismum suum, qui cum magna lætitia  
recepit eum & omnes sui, promittens effica-  
citer se cooperaturum ad finem pro quo vene-  
rat. Et ipsa lætitia quam conceperat ex præ-  
sentia regis, parochismum exclusit, & ipsum  
regem Aragonum ad statum convalescentiæ  
reposuit. De honore vero ipsi regi nostro per  
ipsum BENEDICTUM & per regem Aragonum  
& per civitatem, & de variis pretiosis donariis  
multa scribuntur & famantur. Et post hæc pro-  
cesserunt ad tractatus pacis Ecclesiæ, qui eò  
usque perducti fuerunt, quòd scribentes erant  
in firmissima spe optatæ confirmationis negotii  
inchoati. De statu verò concilii Constantiensis  
aliud scribere non possum, nisi quòd multum  
laboratur circa reformationem Ecclesiæ, &  
avidè expectantur diu optata nova renuncia-  
tionis BENEDICTI: quæ omnia perficere digne-  
tur ille qui solo verbo restaurat universa, cu-  
jus clementia vestrarum reverentiarum salus &  
protectio. De rotulo scribo sicut sæpe scripsi,  
quòd in omnem eventum compleatur; sed ejus  
missio differenda videtur, donec vestras reve-  
rentias super hoc avisaverò. Videris etenim  
quòd istud negotium electionis novi pontificis  
dilationem capit, & nequaquam expediret quòd  
pecuniæ de rotulo provenientes ante tempus  
consumerentur. De collatione beneficiorum  
adhuc nihil est conclusum, nec, ut credo, cito  
concludetur. Et tota mentis meæ angustia atque  
solicitude circa hoc versatur, si possit Univer-  
sitatibus studiorum utiliter provideri. Scriptum  
Constantiæ XI. die Octobris.

RESPONSIO FINALIS FACTA  
DOMINO IMPERATORI PER PETRUM DE  
LUNA IN PERPINIONE XIII. OCTOBRI  
PRÆSENTIS 1415.

**C**Um per Serenissimum dominum D. SIGISMUNDUM regem Romanorum fuerit supplicatum domino nostro papæ BENEDICTO, quod ipse qui propter antiquitatem, scientiam, & negotiorum experientiam debet præ ceteris ista scire, velit viam seu vias aperire per quam vel quas possit in Dei Ecclesia breviter unio haberi.

Prædictus Dominus noster quoad providendum salutis animarum & ad obviandum erroribus & schismatibus quæ sunt & oriri possunt, respondit: via securior & salubrior est via justitiæ, quam ipse semper obrulit & offert, & quæ faciliter videri potest.

Si tamen præfatus dominus rex & alii ad prædictam viam condescendere nolint; sed in via renunciationis persistant; dominus noster responderet, quod remoto obstaculo Pisano, sicut continetur in cedula tradita per episcopum Samorensem, prout alias obtulit, nullam aliam excludendo, paratus est propter Dei servitium & ipsius Ecclesiæ unionem renunciare papatui; proviso prius sufficienter quod per reges & principes Christianitatis assumendo seu eligendo in posterum in papatum tamquam vero Christi vicario obediatur; & quod futura electio fiet canonicè & in loco securo statim post ejus renunciationem, super quorum practica & executione placeat domino nostro aliquas personas eligere, quæ simul cum aliquibus per dominum regem assignandis præmissa breviter videant & concordent.

*S. & signata ff. REUNA.*

PRÆSENTATA EST HÆC CEDULA  
IN PERPINIONE XIV. DIE MENSIS  
OCTOBRI 1415.

**A**Nte omnia per Serenissimum principem dominum imperatorem congregentur existentes in Constantia simul cum collegatis & præfato domino nostro hic in Perpinione existente in unum locum notabilem & liberum, ad quem omnes nationes liberè possint venire, stare, redire. Et inter cetera loca offerantur per dominum imperatorem & præfatos legatos villæ seu civitates sequentes, videlicet Lugdunensis, Avenionensis, vel Montispeffulani, Tholosa, Marciliensis, Vig. Nemausensis, Vitterensis. Quo facto, fiat & determinetur per totum sacrum concilium, sicut dictum est congregatum, in modum qui sequitur, ante renunciationem.

Sacro sancta Constantiensis Synodus in Spiritu sancto congregata decidit, declarat, determinat, concludit processus omnes & singulos

**A** factos seu promulgatos in concilio Pyfano contra dominum PETRUM DE LUNA tunc BENEDICTUM XIII. in sua obedientia nuncupatum esse nullos, cassos, irritos, & inanes: quos tenore præsentium cassat, irritat, & annullat, & simpliciter nullos esse aut fuisse asserit & judicat, sive dicti processus facti fuerint contra ejusdem domini nostri personam mediata vel immediate, sive contra aliquem vel aliquos conjunctim vel disjunctim de sua obedientia.

**B** Ex pari forma ibidem annullentur, ipso domino & illis de sua obedientia præsentibus, omnes & singuli processus per ipsum quovis modo facti contra quascumque personas vel quemcumque alterius obedientiæ, seu aliarum obedientiarum: quibus sic completis, convocabitur per ipsum dominum B. totum concilium universalis Ecclesiæ tam aliarum obedientiarum quam suæ: & ibidem fiet habilitatio & absolutio per ipsum dominum B. de consensu patris & voluntate totius sacri concilii tunc ibidem congregati, si & in quantum fuerit opportunum; Et immediate post ibidem & in eadem sessione fiet renunciatio per ipsum dominum B. & deponet toto concilio præsentem insignia papalia, &c.

**C** Antequam tamen imperator concilium in Constantia existens vocet ad locum per dominum BENEDICTUM deputandum; ipse dominus P. præfatum dominum imperatorem reddat certum & securum de sua renunciatione forma & modo melioribus, quibus judicabit ordo rationis.

PRO VERO STATU DICTI DOMINI P.  
POST EIUS RENUNTIATIONEM OFFERENTUR SIBI SEQUENTIA.

**P**Rimò quod ipso remanente in statu cardinalatus habeat vicariatum seu legationem à latere cum pleno dominio in spiritualibus & temporalibus in tota obedientia quam actu habet, & omnibus viis & modis quibus nunc habet: hoc tamen excepto, quod non vocabitur nec denominabitur papa, nec erit papa nisi universaliter omnibus in concilio existentibus, seu in electione vocem habentibus, juxta determinationem totius sacri concilii tunc, ut dictum est, congregati, deputaretur.

**E** Item, \* afferentur eidem domino B. quod \* f. assen- omnes promoti seu assumpti per ipsum ad quam- cumque dignitatem seu ad quodcumque officium maneant in suis dignitatibus seu officiis juxta dicti domini nostri arbitrium seu dispositionem: & interim etiam possit assumere seu promovere illos qui sibi serviunt seu servierunt in sua obedientia, nisi aliter videretur dicto domino simul in toto concilio generali providendum.

**F** Item, quod reverentia & honor per universum orbem fiat sibi per omnes mundi prælatos, & dominos temporales, & spirituales post papam, ubi contingat ipsum non remanere papam; nec reeligere.



Item, quòd illi qui habebunt competitores A  
maneant sicut stant in dignitatibus suis & officiis usque ad decessum unius vel alterius, & uno decedente, alter succedat in toto, nisi concilium generale universaliter congregatum aliter pro bono utriusque pariter provideret.

Si præmissa per dominum imperatorem & legatos sacri concilii præfato domino BENEDICTO offerentur, habebitur ante recessum domini imperatoris unio vera & perfecta, aliter autem non speretur quovis modo de unione. B  
Et si præfatus dominus benignè, humiliter, & non rigorosè tractetur, habebitur quod petitur, & non aliter.

Via electionis hujusmodi summi pontificis futuri videtur hæc aliquibus clausulis servanda, quod priorum Cardinalium episcoporum trium obedientiarum, videlicet JOHANNIS, domini B. & GREGORII, & priorum cardinalium presbyterorum, & priorum cardinalium diaconorum utriusque obedientiæ dumtaxat habeant eligere summum pontificem simul cum tribus notabilibus prælatis seu personis bonæ conscientie cujuslibet quatuor nationum: qui quidem prælati eligentur per suam nationem. Cardinales vero supradicti eligentur seu deputabuntur per totum generale concilium universalis Ecclesiæ; & sic essent xxiv. electores dumtaxat, de quibus nulla natio seu obedientia, ut videtur, conqueri posset.

*Præsentatæ Petri de Luna domino Imperatori in Perpinione.*

## EPISTOLA

WLADISLAI POLONIÆ REGIS

ad Constantiense concilium.

*Novos ad concilium mittit oratores, significatque desiderium suum de reconciliandis Ecclesiæ schismaticis, & quæ cum Turcis in gratiam regis Romanorum egerit exponit.*

Sacro sanctæ Constantiensi synodo Universalem Ecclesiam repræsentanti.

Reverendissimi patres & metuendissimi. Quamvis circa principium sacri concilii nostros ambaxiatores reverendissimos in Christo patres N. Archiepiscopum Gnesnensem, JACOBUM episcopum Poltzensensem, & ANDRÆAM electum Poznaniensem ad hanc sanctissimam synodum in Spiritu sancto congregatam expediverimus ad reverentiam debitam & assistentiam efficacem U. P. faciendam quantum ad reintegrationem sanctæ matris Ecclesiæ, quam semper diligentissima sollicitudine optabamus, & exquisita diligentia, quantum in nobis fuit, quærebamus. Considerantes tamen quòd multi zelatores unionis prædictæ propter longam protractionem ipsius multis & intolerabilibusurbationibus afficiuntur & tædiis: Immo spes ipsorum jam in toto deficeret, si non cognosce-

*Theauri Anecd. Tomus II.*

rent, seu viderent vos ita fortes & solidos in sancto proposito, per quod utique, præstante Altissimo, ipsam sanctam Ecclesiam ad pacis dulcedinem perfectam vultis reducere, & in eadem etiam unitatem optatam & debitam consummare. Pro quo nos primum Deo, ut vos confortet in eodem sancto proposito, cum omnibus subditis nostris semper devotas preces offerimus. Demum & vestræ sanctitati, qui pro sanandis vulneribus sectionis detestandæ viriliter & intrepide laborantes, commodo utilitatis reipublicæ vultis prodesse, cathedramque sanctissimam sedis apostolicæ multis inquinamenti deformatam ab omni morbo pestifero expurgare, ad debitas & jugi tempore recolendas cum omni devotione gratiarum assurgimus actiones, eidem U. S. humiliter supplicando quatenus in nomine illius qui vos vocavit & congregavit ad dandam scientiam salutis plebi ejus, multiplicare velit sollicitudinis vestræ studia & diligentiam virium vestrarum denuo acuire, qui jam in vinea Domini laborantes pondus diei & æstus sufferre consuevistis; laboribus corporeis & sumtibus non parcentes, quatenus audacter & sine cujusvis perplexitatis aut tentationis formidine omnes errores & defectus in ipsa sancta Dei Ecclesia pullulantes possitis radicitus extirpare. Vos enim, patres reverendissimi, constituit Dominus super gentes & regna, ut evellatis & destruatis in eadem Ecclesia Dei plantationes iniquas, & quòd de vestra felici provisione ipsa sancta mater Ecclesia statum semper mereatur obtinere pacificum & tranquillum, & ut in consummatione ipsius desideratissimæ unionis vos aliquammodo confortare valeamus, non dubitantes ex longa absentia serenissimi principis domini SIGISMUNDI Romanorum Regis semper Augusti fratris nostri carissimi, pro ipsa Ecclesiæ sanctissima unione ferventissimè laborantis, U. P. multis affici molestiis & tædiis, quorum nos vobiscum volumus esse participes. Et ecce nunc per novos recentisque ambaxiatores nostros primis nostris ambaxiatoribus applicatos & adjunctos, nos ad bene placita vestra fidelissimè offerimus cum vestra concione in vita & in morte permanere, & vobis assistere satagentes, pro facto, tali devotione nos cum subditis nostris U. S. merè subicimus, quasi obedientes filii virtuosis patribus subjici sunt soliti. Illudque vobis nos debere profiteamur, quod devoti discipuli suo tenentur facere præceptori.

Præterea U. S. per venerabilem fratrem THEODORUM Vicarium ordinis fratrum Prædicatorum peregrinantium de Constantinopoli per certas scriptorum nostrorum series intimavimus, quomodo multitudines schismaticorum in subjectionibus dominiorum nostrorum, & alios in erroribus gentilium existentes ad unitatem fidei cum summa devotione vellemus reducere, & gremio sanctæ matris Ecclesiæ aggregare: Nunc tamen ad hoc ipsum consummandum major nos pulsat devotio, quòd prædicti schismatici, & alii erronei fidei orthodoxæ, interim quòd vitam ducimus in

M m m m m ij

\* f. qui ca-  
tholicos.

humanis, adunentur. Formidantesque quod circa successores nostros fervor devotionis huiusmodi nostræ poterit frigescere; U. S. humiliter supplicamus, quatenus nobis salubre consilium & auxilium opportunum ad hoc præbere velitis juxta modum, & doctrinam, quam juris periti & viri prudentissimi in hoc sacro concilio congregati poterint exquirere, quod prædicti schismatici, \* catholicis veram fidem in amplianda sancta fide catholica impedire consueverunt, compescantur, & ne nos amplius impendant. Nam si circa primordium regenerationis nostræ non fuisset impediti, tantus fructus in dilata-  
tione sanctæ fidei provenisset, de quo tota hierarchia sanctæ matris Ecclesiæ potuisset jugiter gratulari.

Ceterum scripta vestra noviter nobis oblata de casu deffendo & dolendo stragis nobilium gentium armorum regni Ungariæ, quos rabies Turcorum crudelis & impia nuper in bello cum ipsis habito dejecit & prostravit, cum omni reverentia & gratitudine recepimus: per quæ inter cetera per U. P. prudentissime declarata & descripta nos benignissimè & sollicitè dignati fuistis requirere & hortari ad subventionem regno Ungariæ & regnicolis ipsius faciendam: & ut ex hoc nos ostenderemus catholicæ fidei scutum solidissimum & firmissimum ac verissimum defensorem. Sed quia ante exhibitionem litterarum vestrarum à quibusdam mercatoribus nostris de eadem strage lamentabili & amara informati, damnis & periculis prædicti Serenissimi principis domini SIGISMUNDI regis Romanorum, &c. fratris nostri carissimi non minus quàm propriis condolentes, illico dum nobis de hoc casu doloroso innotuit, ad reverendum in Christo patrem dominum JOHANNEM archiepiscopum Strigoniensem ipsius serenissimi principis domini S. regis vicarium, & ad alios prælatos & barones regni Hungariæ, quamvis per ipsos non fuimus requisiti, litteras nostras direximus, exhibentes nos eisdem prælatis & baronibus regni Hungariæ ad omnem subventionem possibilem ipsis fideliter per nos faciendam; & sic concurrentibus ipsorum & nostris ad hoc consiliis, attento eo quod propriarum guerrarum insidiis & incommodis nos, regnum, & terras nostras gravissimè urgentibus modus haberi non potuit, quo exercitus nostros contra insultus Turcorum prædictorum sine detrimento proprio potuissemus ita celeriter conducere: ad hoc tandem concorditer devenimus, quòd ambasiatores nostros ad *Christem* magnum Turcum & alios ad Bosnam, ad *Hervvoy* transmisimus: imponendo ipsis quod eisdem *Christem* magnum Turcum & *Hervvoy* informarent, & certos redderent ac significarent eis seriosè, quòd nos cum eodem serenissimo principe domino nostro SIGISMUNDO rege Romanorum fratre nostro carissimo sumus indissolubili fœdere reciprocè colligati, ipsumque nullatenus possumus nec volumus deserere. Ideo quidquid damni per eosdem *Christem* & *Hervvoy* eidem domino S. Regi & regno ipsius Hungariæ illatum est vel inferri

A poterit; nobis, personæ nostræ propriæ factum reputamus, & jugiter volumus reputare. Et ut iidem *Christem* Turcus magnus & *Hervvoy* à molestatione & turbatione regis & regni Hungariæ resipiscant, ipsis ambasiatoribus nostris prædictis mandavimus commonere, ac eos ali- quibus mediis congruentibus inducere, quòd ad tempus certum cum eodem serenissimo principe, Romanorum rege, & regno ipsius Hungariæ treugas statuerent, & omnes Barones & quosvis armigeros circa hanc stragem capti-  
B vatos & detentos ad fideijussoriam dimitterent cautionem; ut interim durantibus treugis de pace perpetua inter ipsos Turcos & ipsum regem Romanorum ac regnum ipsius Hungariæ disponere possemus. Quod si disponi non poterit, ex tunc post decursum treugarum huiusmodi potentiis nostris cum ipso serenissimo principe domino S. Romanorum rege fratre carissimo adunatis, pacificatisque, ab omnibus finibus terris nostris crudelitatem & impietatem ipsorum Turcorum, quorum magna est potentia, reprimere, divino nobis auxilio suffragante, valeamus. Et quamvis nos ad semovenda damna & pericula ejusdem serenissimi principis S. Romanorum regis fideliter & nitidè exponimus; quidam tamen æmuli nostri propriæ salutis immemores famam nostram innocentem denigrare non desinunt, asserentes quòd strages prædicta Baronum & armigerorum regni Hungariæ memorati de nutu & conniventia nostra processisset, cum tamen hoc ipsum difficulter credi poterit per quemlibet probum & fidelem & Christianum, ut illum nos supplantare vellemus, pro quo parati sumus exponere vitam no-  
D stram. Ideo ad reclamandum hoc nuncios nostros direximus ad Constantiam & alia loca, quibus circa expurgandam innocentiam nostram petimus sinceram & benevolam exhibere dignemini voluntatem. Quibus quidem nuntiis & ambasiatoribus nostris exhibitoribus præsentium, videlicet validis & nobilibus viris JOHANNI DE THOLISCOVO Castellano Calisiensi, GEORGIO alias *Gedigolt* capitaneo Podoliæ & NICOLAO SEPYNsky consiliariis nostris fide-  
E libus alia satis ardua U. S. in præsentia Serenissimi principis domini SIGISMUNDI prædicti regis Romanorum, &c. fratris nostri carissimi exponenda & referenda commisimus, quibus fidem in referendis exhibere dignemini credulam atque firmam, & eos habere gloriosè recommissos. Datum in Leopoli XVIII. die mensis Octobris.

Vestri filii humiles & devoti WLADISLAUS Dei gratia rex Poloniae, Lituaniaeque princeps supremus, heres Russiae, &c. & ALEX. Alias WIL-  
F THOUDUS magnus dux Lichvvaniae, &c



## EPISTOLA XVIII.

Oratorum Universitatis Colonienſis.

*De Petri de Luna obſtinatione.*

**V**enerabiles domini, nondum percepimus finalia nova certa de negotio pro quo ivit dominus noſter, niſi quod ille obſtinatus PETRUS DE LUNA malivolè ſe habet. Verum eſt quod jam per aliquot dies volavit fama de ſubtractione obedientiæ ſibi facta per reges ſibi adhærentes, de quo tamen certitudinem non habemus, & de tanta mora regis noſtri multum anguſtiamur, deſideranter expectantes conſolationem. Mitto vobis copias duarum litterarum ſcriptarum noviter ſacro concilio, & alia nova non occurrunt, niſi quod propter abſentiam regis fructum habemus exiguum, quamvis labores plurimos. Recommendetis me dominis de concilio & matri meæ Universitati. Scriptum Conſtantiæ VII. Decembris.

## EPISTOLA XVII.

Oratorum univerſitatis Colonienſis.

*Fauſta nuncia ab imperatore accepta ſignificant.*

**P**oſt humilem recommendationem & omnem ſerviendi promittitudinem venerabiles patres magiſtri & domini, ſcire placeat quòd poſt diuturnum mœrorem quadam deſperatione mixtum, Verbum incarnatum infra feſti ſuæ nativitatis octavas miſit Eccleſiæ ſuæ ſponſæ in Conſtantia congregatæ quædam conſolatoria in litteris ſacro concilio per illum angelum pacis chriſtianiſſimum regem noſtrum & per ambafſiatores ejuſdem concilii deſtinata. Unde quinta die poſt nativitatem Domini, ipſo die ſcilicet Thomæ martyris hora veſperarum venerunt litteræ ad Conſtantiam, & aliæ diverſæ litteræ miſſæ ſingularibus perſonis, omnes nunciantes pacem hominibus bonæ voluntatis, de quorum numero non eſt ille maligniſſimus hoſtis pacis PETRUS DE LUNA. In quarum litterarum apertione ſacrum concilium ac totus populus magno gaudio exultavit in Domino, *Te Deum laudamus* ſonora voce perſtreptentes, omnes totius civitatis campanas iteratis vicibus uſque ad profundam noctem compulſando; & ſequenti die ſolemne miſſam cum multis cereis & tubis decantando. Copias verò litterarum principalium veſtris reverentiis duxi pro informatione tranſmittendas, & poſt adventum ſacri concilii vos de ſingulis plenius informabo. Utrum verò dominus noſter rex citò ſit rediturus Conſtantiam neſcimus, licet unus ad partem ſcripſit, quod rex diſpoſuit feſtum nativitatis tenere in Avenione. Viderur mihi quòd tempus aliquantum tranſibit antequam ambafſiatores illorum regum & aliorum de obedientia PETRI DE LUNA veniant Conſtantiam ad conſummandum omnia conſuſa, prout ex aliis litteris concepi: quia

A conſuſio facta inter dominum regem & alios reges ac reliquos de obedientia PETRI DE LUNA tendit ad hoc, quòd dictus PETRUS vel in Conſtantia per ſe vel procuratores reſignet, vel quòd in Conſtantia ejiciatur aut declaretur ejeſtus, quatenus non relinquantur veſtigia ſchiſmatis; & quòd ipſi cum noſtris eligant ſummum pontificem. De hiſtamen certiùs ſcribam poſt reditum ambafſiatorum, Domino concedente. De honore & gloria quibus rex noſter per omnes nationes magnificatur ad plenum ſcribere non ſufficerem. Sint igitur illius electiſſimi principis humilitas, ſollicitudo & mirapatientia, quibus in hoc negotio triumphavit, V. P. ſemper recommendatæ: pro quo & Eccleſia Chriſti veſtras orationes placeat effundere, & ut à toto clero & populo fundantur, cum diligentia procurare ad gloriam ſummi Dei, qui veſtras paternitates conſervet incolumes cum felicibus incrementis. Datum Conſtantiæ penultima Decembris.

C *Sequuntur in mſ. litteræ Sigifmundi, quas quia ignoto nobis idiomate, ſcilicet Germanico, ſcriptæ ſunt, prætermittimus.*

## EPISTOLA

JACOBI TURONENSIS ARCHIEPISCOPI

Ad concilium Conſtantiense.

*Negotia feliciter conſummata fuiſſe ſignificat.*

**S**acro ſanctæ generali Conſtantiensi ſynodo, reverendiſſimis in Chriſto patribus & dominis noſtris præſtantiſſimis.

Reverendiſſimi patres & domini, humillima recommendatione præmiſſa cum obſequio promiſſimo. Altiffimus qui ſperantes in ſe non deferit, ſed res penitus deſperatas ſuæ virtutis magnitudine conſumat, poſt permaximos labores & turbines varios & ingentia tædia dignatus eſt quos diligit conſolari. Hinc manum ad fortia ponens, cervices antiqui hoſtis confringendo, rem unionis Eccleſiæ, pro qua firmi & intrepidi certatis, felices & nos, quantum ex alto elargitum eſt, grandi cum patientia qua potuimus complevimus. Adeo diſpoſuit, quòd ejus dirigente dextra, exiſtat factum, in unum ovile reducti canticum pacis & lætitiæ referre poterunt ſacræ dominationes veſtræ. Idcirco R. V. P. præfata ſcribimus, quatenus ſpes vos pulcherrima fovet pacem & unionem eccleſiæ diu deſideratam & conſequendam, veluti per nos latius eiſdem in brevi explanabitur, Domino concedente, qui R. V. P. conſervare dignetur, ut ea quæ ſua ſunt, pacem & alia virtutum opera feliciter compleatis. Scriptum Narbonæ Decembris die xiv.

*Veſtrarum R. P. humiles & devoti* JACOBUS  
Turonenſis & ceteri collegæ legati nuncii veſtri.

M m m m m iij

## EPISTOLA

SIGISMUNDI REGIS ROMANORUM

Ad concilium Constantiense.

*Significat nonnulla determinata fuisse capitula, ex quibus unio optata sequatur.*

**S**acro sanctæ generali Constantiensi synodo in Spiritu-sancto congregatæ universalem Ecclesiam repræsentanti SIGISMUNDUS Dei gratia Romanorum rex semper Augustus, ac Ungariæ, Dalmatiæ, Croaciæ, &c. rex filialem obedientiam cum debito honore.

Quamquam pervigili cura, omnique sollicitudine post ingressum nostrum ad terras istas pro bono sacratissimæ unionis feliciter consummando non cessavimus, quemadmodum etiam in votis habuimus fideliter laborare: quia tamen tractatus desuper habiti, Deo permittente, continuæ mutationi subjacebant, sic quod hodie adpunctuata, & circa circumstantias occurrentes fere conclusa, crastina die vel variatâ fuerant, vel saltem penitus retractata; V. S. super actitatis à certo nequivimus avisare. Verum quia Christus JESUS sponsus Ecclesiæ, cujus res agitur, oculis misericordiæ suæ nos respicere dignatus est, & vestræ sanctitati consolationem hujusmodi communicare cupientes, præsentibus intimamus, quod die hesternâ parte nostra, & nuntiorum præfata vestræ sanctitatis cum ambaxiatoribus & procuratoribus regum & principum obedientiæ illius quem B. appellant super certis capitulis, punctis, & articulis, ex quorum prattica unionem in Ecclesia Dei perfectam & completam pervenire nullatenus dubitamus, conclusum fuerat, & optato fine determinatum & concordatum, super quibus nuntii breviter ad Constantiam reversuri, supradictam sanctitatem plenius & expressius informabunt: quam Altissimus pro felici & salubri suæ Ecclesiæ reformatione feliciter dirigere & salubriter dignetur inspirare. Datum Narbonæ sub sigillo secreto nostro Lutzelburgensi xiv. die Decembris regnorum nostrorum Ungariæ, &c. vigesimo nono, Romanorum vero sexto.

*Ad mandatum regis MICHAEL cancellariensis Wratislaviensis.*

## EPISTOLA XIX.

Oratorum universitatis Colonienfis.

*Mittunt duas epistolas regis Aragonum ad Sigismundum regem, capitula apud Narbonam determinata, deinde recitant ea quæ cum Petro de Luna acta fuerunt.*

**H**umili recommendatione præscripta, venerabiles patres, magistri & domini, alias infra octavas nativitatis Christi nisi vestris reverentiis litteram loquentem in genere de concordia feliciter conclusa inter christianissimum regem Romanorum & ambassiatores sacri con-

**A**cilii Constantiensis ex una; & ambassiatores regum Aragonum, Castellæ, Navarræ, &c. parte ex altera, cum copiis quarumdem litterarum sacro concilio Constantiensi super eo missarum. Jam vero post reditum ambassiatorum dicti concilii, qui istis tractatibus intererant; & post veracissimam & felicissimam relationem eorundem factam per archiepiscopum Turonensem, discurrentem fere per singulos dies post domini regis, atque eorum introitum ad Narbonam: **B**quam relationem quia in illa extentione scribere non suffeci, saltem XII. capitula concordata, ubi principalis vis consistit, vobis duxi transmittenda unâ cum copia subtractionis obedientiæ BENEDICTI factæ per dominum regem Aragonum; & cum copiis duarum litterarum, quas idem rex Aragonum post dictam subtractionem dicto domino regi scripsit. Primam ipso die subtractionis, quæ fuit dies Epiphaniæ Domini; secundam die sequenti, ex quibus litteris satis apparet quanto ardore accensus est ille **C**serenissimus rex Aragonum ad celerem unionis consummationem.

Et nedum ex relatione dictorum ambaxiatorum concilii Constantiensis, sed etiam ex forma subtractionis vobis missa constat de inflexibili pertinacia cum impietate impermixta illius crudelissimæ bestię, quæ sibi sumsit nomen BENEDICTUS suis nefandissimis operibus omnino dissonum usurpare. Vix sermone posset explicari quantis dolis, quantis astutiis & nequissimis machinationibus se nitebatur & nititur in suo prætenso papatu conservare, ut odibilis Deo & hominibus memoria sua in maledictione perseveret. Quanto tempore tenuit christianissimum regem nostrum fortissimum zelatorem unionis? qui tamen illius bestię malitiam suâ humilitate, suâ longanimitatē, suâ patientia superavit. Quot vicibus ille refuga conatus fuit ponere divisionem in ambassiatoribus sacri concilii? Sed ille, cujus opus agebant, conservabat eos in perfecta animorum unitate. Demum quando processum fuit ad finales tractatus, dictus refuga petiit totalem cassationem concilii Pisani. Item petiit quod \*renunciationem suam \* L. post denunciationem. ipse solus eligeret papam, quia ipse solus su-  
peresset de cardinalibus ante schisma. Quando istud negabatur, petiit quod soli sui cardinales eligerent, vel quod illi de sua obedientia. Et novissimè adjunxit se velle in hoc condescendere quod fierent duæ conclaves; una pro suis, alia pro electoribus de aliis obedientiis: ita tamen quod quemcumque eligerent electores de nostris obedientiis non esset papa, nisi duæ partes de electoribus suæ obedientiæ consentirent in eum. His & his pluribus delusionibus conabatur dominum nostrum regem & alios pro renunciatione sua laborantes frustrare suo fine. Etiam istis tractatibus pendentibus, ipse dolosè practicavit cum Romanis & aliis quibusdam comitatibus Italiæ, & dominos ipsos variis modis ad suam obedientiam alliciendo: sed sicut Domino placuit, sua versutiarum maligna machinatio tam clarè patuit universis, quod pene omnes reges, principes, & prælati

ipsum tamdiu manutinentes sibi facti sunt inimici, volentes toto conatu cum sacro concilio Constantiensi pro dicti vocati BENEDICTI ejectione ac unici summi pontificis electione efficacissimè laborare. Et licet tenor dictorum capitulorum videatur quam longam dilationem innuere; verumtamen ex relatis per dictos ambaxiatores concilii Constantiensis, & ex litteris dicti domini regis Aragonum confidenter speratur quod res ista consummabitur termino breviori. Serenissimus rex noster, prout ex eorundem ambaxiatorum relatione didicimus, declinavit versus Franciam, ad interponendum se pro pace inter reges Franciæ & Angliæ procuranda. Quæ quidem pax ad perfectiorem Ecclesiæ unionem proficere non dubitatur. Non tamen intendit idem dominus rex ibidem facere longam moram; sed quantocius poterit, ad sacrum concilium Constantiense, cujus salus revera multipliciter ab ipso pendet, se transferre. Vix tamen speratur quod ista poterit ante Septembrem proximè futurum plenariè consummare. Nihilominus omnino magis expedit isti miseriæ tam inveteratæ uno contextu finem dare, quàm ipsam Christi sponsam jam in bona convalescentia existentem relinquere in periculo recidivæ gravioris, christianissimo rege nostro ejus fidelissimo medico circa alia in futurum occupato: quam Christi sponsam una cum dicto suo advocato vestris dominationibus humiliter recomendo, ut easdem vestras devotiones Ecclesiæ sponsus copiosè remuneret in præsentis per gratiam, & in futuro per gloriam. Datum Constantiæ VII. Februarii.

SECUNDA LITTERA MISSA DOMINO NOSTRO REGI PER REGEM ARAGONUM post subtractionem obedientiæ, sed prima littera ponitur infra statim post copiam subtractionis.

Serenissimo principi SIGISMUNDO Dei gratia Romanorum regi semper augusto, ac Hungariæ, Dalmatiæ, Croatiæ, &c. regi, fratri nostro præcarissimo FERDINANDUS Dei gratia rex Aragonum, Siciliæ, &c. salutem debitam cum honore.

Serenissime princeps, frater nobis præcarissime, heri sexta die præsentis mensis serenitati vestræ intimasse meminimus publicationem subtractionis obedientiæ domini BENEDICTI, cujus formam vobis nostris litteris misimus interclusam; & certa alia quæ in eisdem vidistis, ut credimus, contineri. Sed quia, serenissime princeps frater nobis præcarissime, parum prodesset dare instrumenta rei, nisi suo exitui associetur votivo, excellentiam eandem summè precamur, quatenus cum instantia vigilis operis studere velitis, quod litteræ vocatoriæ, quanto-  
 cius fieri poterit, transmittantur, adeo quod dilationis otio, quo nullum bonum proficit, tam sancta negotia non torpescant. Nos enim vice versa hujusmodi exemplo vigile adhibebimus studium in agendis. Et si qua, serenissime prin-

ceps, frater nobis præcarissime, de regnis & terris nostris placida vobis occurrant, audaci fiducia rescribatis. Datum Perpiniani sub nostro sigillo secreto, & propter indispositionem personæ nostræ signata manu nostri secretarii, die septima Januarii anno à nativitate Domini MCCCCXVI.

COPIA SUBTRACTIONIS PER REGEM ARAGONUM FACTÆ DOMINO P. DE LUNA olim BENEDICTO in ejus obedientia XIII. nominato.

Nos FERDINANDUS, &c. *ut in Appendice ad concilium Constantiense*

COPIA PRIMÆ LITTERÆ CLAUSÆ EX PARTE DOMINI REGIS ARAGONUM directæ Domino imperatori.

Serenissimo principi Sigismundo, &c. solliciti cura præcipua, &c. *ut ibidem.*

Die Veneris XIII. mensis Decembris, anni Domini MCCCCXV. indict. VIII. in capitulo novo sanctæ Ecclesiæ Narbonensis, hora secunda post meridiem, ante tamen prandium, & in camera magnæ turris novi palatii archiepiscopalis, capitula sequentia per serenissimum principem dominum Romanorum, &c.... concordata extiterunt cum Dei adjutorio modo infra scripto, *ut in Sessione xx. p. 177.*

EPISTOLA SIGISMUNDI IMPERATORIS

Ad Ludovicum Baviaræ ducem.

*Mittit ei litteras Ferdinandi regis Aragonum de subtractione obedientiæ Petri de Luna.*

SIGISMUNDUS Dei gratia Romanorum rex semper Augustus, ac Hungariæ, Dalmatiæ, Croaciæ, &c. rex illustri principi LUDOVICO duci Baviaræ & comiti Palatino Rheni avunculo nostro carissimo.

Illustis princeps, avuncule carissime, die hesternæ hora quasi tertia noctis civitatem Vienneensem ad Rodanum sitam nobis feliciter ingredientibus, litteræ serenissimi principis domini FERDINANDI regis Aragonum fratris nostri carissimi, Perpiniani die septima præsentis mensis Januarii scriptæ, quas præsentibus inclusas tibi dirigimus, nostræ præsentatæ fuerunt majestati, in quibus idem serenissimus frater noster rex Aragonum, qui etiam diem constitutum & conditum in subtractione obedientiæ PETRI DE LUNA prævenit, prout & ex litteris ejusdem serenissimi fratris nostri ac forma subtractionis præmissæ nuper per dilectum secretarium nostrum JODOCUM tibi transmissis plenius elucescit, & quem nos ad sacrum generale Constantiense concilium pro hujus facti incæpti felici negotii terminatione requirere & sollicitare deberemus, nos effectuosissime pro faciendo nostri vigili operis studio requirere studuit, ut litteræ voca-



toriarum pro præmissi negotii celeriori expeditione A  
quantocius sibi transmittantur. Quapropter te  
instantanter rogamus, tibi que seriosè committen-  
dum edicimus, ut præsentatis litteris præfati  
serenissimi fratris nostri annotato sacro Constan-  
tienti concilio in specie pro parte exhibendis,  
idem sacrum concilium instantissime pro hujus-  
modi litterarum vocatoriarum ipsi serenissimo  
regi Aragonum celerrima transmissione ac alio-  
rum in talibus pro honore Dei & Ecclesiæ san-  
ctæ ejus reintegratione, prædictorum peractione,  
uti eidem sacro concilio meliùs & consultiùs B  
videbitur nostri parte requiras. Datum Lug-  
duni die xxii. mensis Januarii prædicti, regno-  
rum nostrorum anno Hungariæ, &c. xxix. Ro-  
manorum verò sexto nostri sub signeto.

B. PRÆPOSITUS ALBENSIS.

## EPISTOLA XX.

Oratorum universitatis Colonienfis.

*De bulla Petri de Luna in regem Aragonum post  
subtraham ei obedientiam, & de ejusdem Petri  
recessu in insulam maritimam, ubi obsidebatur.*

**H**umili recommendatione præmissa, re-  
verendi patres & domini. Hodie intellexi  
à veridicis quod illa regna quæ fuerunt de obe-  
dientia BENEDICTI sint optimè disposita pro  
acceleratione unionis Ecclesiæ, & quod effica-  
citer se disponunt ad cito mittendum ad Con-  
stantiam. Et aliqui ambaxiatores regis Arago-  
num hodie intraverunt Constantiam; & alii  
ambaxiatores ejusdem in majori numero sunt  
in via veniendi. Et dicitur quod ille infelicissi-  
mus hominum PETRUS DE LUNA post sub-  
tractionem obedientiæ sibi factam, misit bullam  
regi Aragonum privationis & maledictionis:  
quam bullam ipse rex in præsentia nuntii por-  
tantis fecit coram se comburi; & addidit quod  
si haberet magistrum suum, faceret sibi simi-  
liter, vel mitteret eum ad Constantiam. Et  
adjunxit dicens: Magister tuus tot habet male-  
dictiones à populo christiano, quot possent suf-  
ficere pro omnibus maledicendis; sed spero me  
non esse de numero illorum. Revertatur ergo  
maledictio in suum auctorem. Et post hæc idem  
PETRUS DE LUNA recessit de loco in quo fuit,  
& retraxit se ad unam insulam in mari, ubi  
dicitur esse obsessus tam in mari quàm in terra;  
& coram fortalicio in quo stat sunt erecta pati-  
bula pro illis qui dictum PETRUM non relin-  
quent, & pro apportantibus sibi victualia: &  
sic est jam odiosus Deo & hominibus, sua ma-  
litia qua jamdudum flagellavit Ecclesiam ne-  
quiter & impudicè, hæc exigente. Et utinam  
hæc vexatio daret sibi intellectum, ut spiritus  
ejus salvus fieret. Valeant vestræ reverentiæ  
feliciter & longævè. Scriptum Constantiæ ul-  
tima die Februarii.



## EPISTOLA XXI.

Oratorum universitatis Colonienfis.

*De oratore regis Aragonum, de Jacobo Siciliae  
rege, & de Manuele imperatore Constan-  
tinopolitano.*

**V**enerabiles Domini, post illa quæ alias  
scripsi reverentiis vestris, alia non occur-  
runt, nisi quod ille venerabilis sacre theologiæ  
professor generalis ordinis beatæ Mariæ de  
Mercede ambaxiator regis Aragoniæ, alias mul-  
tum pulchrè & attentè informavit sacrum con-  
cilium de sancta & firma intentione domini sui  
pro unione Ecclesiæ celeriter consummanda.  
Post quæ alia nova suscepimus quod propter  
rigorofum edictum dicti regis Aragonum multi  
de his qui PETRUM DE LUNA comitabantur  
recesserunt ab eodem. Et isto mane sacrum con-  
cilium recepit litteras de JACOBO, qui se gerit  
pro rege Sicilia; & duxit in uxorem sororem  
regis proximè defuncti, qui multum seriosè se  
recommendaat sacro concilio ad præstandum  
opem pro defensione Ecclesiæ in spiritualibus &  
temporalibus; & satis placent ista nova, quia  
fama erat quod serpentina astutia dicti PETRI  
DE LUNA conaretur dictum JACOBUM ad sibi  
obediendum allicere: & etiam certum est quod  
ad hoc procurandum aliquos angelos satanæ  
idem PETRUS DE LUNA dudum emiserat. In-  
super noviter venerunt ambaxiatores MANUE-  
LIS imperatoris Constantinopolitani proponen-  
tes de angustia, quam patiuntur à Turcis, &  
perentes auxilium Christi fidelium; spondentes  
etiam per medium regis nostri posse effici quod  
ipsi Græci Romanæ Ecclesiæ se in suis ritibus &  
fidei articulis conformarent. Alia non occur-  
runt de præsentī. Dominus vos conservet feli-  
citer & longævè. Scriptum Constantiæ in cra-  
stino annunciationis B. Mariæ.

## EPISTOLA XXII.

Oratorum universitatis Colonienfis.

*Significant Hispanos accedere ad concilium, &  
omnes à Petro de Luna discedere.*

**R**everendi patres & Domini, hodie post  
missam solemnem lecta fuit littera JOHAN-  
NIS Apicis auditoris, qui cum litteris convoca-  
toriis Hispanorum missus fuerat, in qua scripsit  
de earundem litterarum præsentatione per eum  
facta; & quod Hispani essent dispositi ad venien-  
dum, si ipsi haberent litteras salvi conductus à  
rege Franciæ, Delphino, &c. Et per alios per-  
cepimus quomodo diu est quod nuntius exivit  
Parisiis cum eisdem litteris: ita quod omnino  
speramus illas litteras salvi conductus jamdu-  
dum pervenisse ad eos; & ita speramus quod  
cito se movebunt versus Constantiam. Non per-  
cipimus

Cardinalis  
Petro de  
Luna ad-  
dictus per  
funem de  
turre eva-  
dit.

cipimus aliud, nisi quod rex Aragonum & alii firmiter stant in conclusionibus alias factis. PETRUS DE LUNA pene ab omnibus deseritur: immo unus cardinalis, qui secutus fuerat eum per funem se submisit de illo fortaliter in quo stat PETRUS DE LUNA, cum aliter non posset ab eo recedere. Si aliqui fortè rumores venerunt ad aures vestras de turbatione concilii ex dissensione inter sacrum concilium & cives Constantienses super moneta, super pretio domorum & victualium, non moveant vos: quia omnia vel concordata sunt, vel in optima dispositione ad concordiam. Verum est quod patimur aliqualem panis caritiam; sed hoc est non solum in Constantia, sed in aliis locis: quam caritiam illi qui causam ignorant impatienter tolerant, pretia domorum minorata sunt. Redi- tum domini regis desideranter expectamus. Altissimus vos conservet. Scriptum Constantiæ festinanter ipso die Paschæ post prandium.

## EPISTOLA XXIII.

Oratorum universitatis Coloniensis.

*De actis ab imperatore pro pace inter Franciæ & Angliæ reges, & de felici obitu regis Aragonum.*

Anno 1416

Venerabiles patres & domini, quamvis de negotiis principalibus in sacro concilio occurrentibus me lateat, & scire placeat, quod penultima die Aprilis loco nationis Germanicæ ante prandium lectæ fuerunt quædam litteræ christianissimi regis nostri Romanorum directæ episcopo Strigoniensi de Ungaria, in quibus idem dominus rex eidem scripsit, quomodo fuisset Parisius, & iret versus Calesium ad regem Angliæ, ibidem sibi prima die Maii occurrurum; ad concludendum ibidem super pace inter reges Franciæ & Angliæ, aut longis treugis; & super matrimonio inter filiam regis Franciæ & regem Angliæ; & quod omnino speraret de consummatione istorum prædictorum. Eadem verò die post prandium in eodem loco fuerunt lectæ litteræ illius auditoris sacri palatii, qui fuit missus per sacrum concilium cum litteris convocatoriis Hispanorum, in quibus inter cetera scripsit de flebili obitu regis Aragonum valde contristante sacrum concilium: qui rex secunda die Aprilis circa meridiem emisit spiritum post decoctionem longæ ægritudinis, quæ ipsum invaserat ante tempus congregationis ejusdem cum rege Romanorum. Verum est quod idem rex Aragonum sentiens ægritudinem suam mortem inevitabilem comminari, accersivit ALFONSUM primogenitum suum, necnon matrem ejusdem, reginam scilicet, cum multis regni proceribus, & eundem suum primogenitum valde devotè instruxit, quatenus omnibus diebus suis Deum & Dei Ecclesiam diligeret; & quod negotium unionis Ecclesiæ, prout ipse pater incœpisset, fideliter prosegueretur. Et post hoc desideravit quod nec regina, nec primogenitus ad ipsum de cetero ingrederentur, quatenus posset in antea se liberius cum

*Theſauri Anecdor. Tomus II.*

A suo creatore reconciliare, & de animæ suæ salute cogitare. Deinde verò ultimo die Aprilis in loco Sessionis coram prælatis & aliis in causa Argentinensi congregatis fuerunt prædictæ litteræ relectæ. Et primùm per dominum Laudensem, deinde per ambaxiatorem dicti regis Aragonum fuerunt propositæ breves collationes provocantes ad compassionem, & deinde ad consolationem propter bonitatem dicti ALFONSI primogeniti suæque matris ad prosecutionem inchoatæ unionis inclinatorum, totiusque populi applausum ad eum finem. Item rex noster scripsit eidem episcopo de quo supra, quod in festo Pentecostes velit esse in Constantia. Alia non occurrunt de præsentis. Scriptum Constantiæ ultima die mensis Aprilis.

## EPISTOLA XXIV.

Oratorum universitatis Coloniensis.

C *De prorogatione treugæ inter regem Polonia & dominos de Prussia & de litteris ex Aragonia receptis.*

Venerabiles patres & domini, nona die mensis Maii duo solemnes prælati, archiepiscopus Gnesnensis de Polonia, & Strigoniensis de Ungaria venientes de domino rege, inter alia intimaverunt sacro concilio de ejusdem regis mandato. Referebant quod dominus noster rex esset citò venturus Constantiam; & quod treugæ inter regem Polonia & dominos de Prussia essent prorogatæ usque ad festum B. Margaritæ ad annum. Die vero xi. mensis Maii venerunt litteræ Aragoniæ missæ per nuncium concilii continentes in effectu quod quidam magni prælati ecclesiastici regni illius sollicitarent regem modernum primogenitum regis proximè defuncti super restitutione obedientiæ PETRO DE LUNA; & quod erga negotium Ecclesiæ non esset sine periculo. De quibus novis aliqui malivoli non doluerunt, boni verò zelatores pacis Ecclesiæ non modicum tristabantur. Sed juxta verba Christi Ecclesiæ sponsi in evangelio dominicæ tunc currentis, tristitia eorum versa est in gaudium; quoniam xiiii. die dicti mensis venerunt litteræ ALFONSI moderni regis Aragonum, quarum copiam vestris reverentiis transmittito, & consimilem in effectu scripsit idem dominus rex comiti Palatino Rheni, & ultra illam quamdam litteram credentialem suo ambassiatori, quæ viva voce in loco sessionis proposuit, quomodo sine omni ambiguitate rex modernus vellet inchoata per patrem suum efficaciter proseguere toto posse. Et quod ipse rex modernus hoc jam per suos ambassiatores & litteras patentes multis regibus, principibus, & comitatibus intimasset, & quod pater ejus in extremis existens ipsum suum primogenitum modernum regem ad hoc validissimè hortatus esset; & sub omnis maledictionis imprecatione, si secus faceret, constrinxisset; de quo gloriantur omnes recti corde. Vestras

Nnnnn

reverentias dirigat Altissimus ad omne bonum. A  
Constantiæ xv. die Maii.

## EPISTOLA XXV.

Oratorum Universitatis Coloniensis.

COPIA LITTERÆ ALFONSI  
REGIS ARAGONUM MISSÆ, &c.

*Significat obitum patris sui Ferdinandi, & unionem ecclesiæ quantum in ipso fuerit procuraturum se promittit.*

*De Johanne de Prussia. Oratores regis Castellæ nondum missos fuisse, & de triumphis de Turcis reportatis.*

Anno 1416

**R**everendis venerabilibus in Christo patribus, amicis carissimis, dilectis & devotis nostris dominis cardinalibus, patriarchis, archiepiscopis, episcopis, ceterisque prælatis & aliis in Constantia Maguntinensis provinciæ congregatis ALFONSUS Dei gratia rex Aragonum, Sicilia, &c. salutem & honoris augmentum.

Flebilis tragœdia calamo non sine alta cordis amaritudine & lacrymarum fluvio nunciamus, quòd illustrissimus dominus rex pater & dominus noster, recordationis eximie in villa Aquælatæ die Jovis secunda Aprilis instantis circa meridiem suæ debitum, quod saucia mente referimus, fatalitatis exsolvens, ab hoc sæculo migravit ad Christum. Et quamquam de tanti principis patris & domini obitu nequeamus amarissime non tristiari, considerato attamen quod nihil humanæ naturæ decentius ad nihilque certiùs in hanc vallem lacrymarum venimus, quàm ut tremendæ mortis janua exeamus, nostram aliquatenus obtemperamus tristitiam: præcipuè tamen in suæ vitæ glorioso exitu, ut Christianissimus princeps cum tota cordis contritione ecclesiastica sumsit sacramenta. Ex quibus tenemus de firmo quod ultra gloriosum nomen & famam quam ob sua magnifica gesta & opera virtuosa, & inter multa alia quæ ad arctam unionem sanctæ matris Ecclesiæ devotè peregit, reliquit in terris, animam ejus diriget in excelsis. Ideo paternitates vestræ, quas credimus, ut humanum est, tantæ amaritudinis acerbitate dolere, pro refrigerio animæ suæ ut libeat ad dominum intercedant, ut si quid maculæ purgandum remanserit, devotorum orationibus abstergatur, scituræ quòd si vivente dicto serenissimo Domino genitore nostro, prout nobis, ex hinc negotia dirigebantur Ecclesiæ; non minus nos qui igne paternæ caritatis adurimur, voluntate prona, studio pervigili, & intentione sincera præter omnia ad consummationem tam meritorii & sacri negotii gloriosissime initiati, ejus suffragio dirigente, cujus res agitur, procedemus, parati si qua restent quæ super his vobis occurrerint, ut pote à paterno non degenerantes affectu, pro viribus adimplere. Datum in monasterio Popleti sub nostro sigillo secreto XIII. die Aprilis, anno à nativitate Domini mellefimo quadringentesimo sexto decimo.



**H**umili recommendatione præscripta, venerabiles patres & domini, litteras vestras scriptas XIX. mensis Maii, loquentes de fratre JOHANNES DE PRUSSIA recepi primum XVII. Julii in die S. Alexii; & M. JOHANNES DE MONTE & ego matura deliberatione præhabita decrevimus præsentationem litteræ sacro concilio directæ suspendere usque ad reditum venerabilis domini CHRISTIANI DE ERPELL. qui vidit declarationem, cui innitur dictus frater JOHANNES, super qua & aliis hoc negotium concernentibus loqui habet venerabili M. JACOBO DE SUSATO inquisitore, & etiam fortassis cum reverentiis vestris, si opportunitas affuerit, per quem si processus vel copia ejusdem contra dictum fratrem habitus apportatus fuerit ad Constantiam, tunc deliberari poterit cum aliquibus expertis de modo tenendo circa prosecutionem hujus negotii: quo processu non habito & non viso, non video quomodo expediret aliquid contra dictum fratrem JOHANNEM attentare. Etiam habito processu multum erit laboriosum & sumtuosum in illo negotio procedere, prout dictus dominus CHRISTIANUS poterit vos latius informare. Verumtamen vestris mandatis in his & aliis parere sum paratus. Credo etiam quod dictus frater JOHANNES non præsumet contra dominum inquisitorem aliquid attentare.

De statu concilii credo vestras reverentias per dictum dominum CHRISTIANUM sufficienter informatas fore. Post cujus recessum pauca nova emerferunt. Expectamus & reexpectamus reditum Christianissimi domini regis, & illorum de Hispania, & utrumque contra spem protrahitur in longum. Ambasiatores regis Aragonensis creduntur esse in via, de quo plena certitudo non habetur. Rex Castellæ, & Regina mater ejus scripserunt sacro concilio infra tres dies, excusantes moram mittendi ambasiatores suos propter illam turbationem non modicam, quæ surrexit in regno illo post obitum regis Aragonum, qui erat tutor regis Castellæ. Et quia si hujusmodi turbatio jam sedata esset, jam vellent sollicitam operam dare ad mittendum suos ambasiatores ad Constantiam pro consummatione unionis Ecclesiæ Dei.

Insuper venerunt nova de Hungaria, quòd Hungari habuissent magnum triumphum contra Turcos. Et venerunt nova alia de Venetiis quòd Veneti obtinuerunt in mari sex galeas Turcorum & multas galiotas. Quæ nova dux eorum scripsit ad Constantiam. Insuper JACOBUS qui jam tenet regnum Neapolitanum, mittit solemnem ambaxiatum ad sacrum concilium, quæ

Anno 1416

Hungari de  
Turcis triumphum  
reportant.

stat in Tridenti; & scripsit pro salvo conductu A ad comitem Palatinum protectorem sacri concilii. Alia specialia non occurrunt. Verum est quod quia hoc negotium sacri concilii sic protrahitur in longum, libenter scirem intentionem vestram de persona mea, an manere debeam vel redire ad vos. Quamvis enim ad honorem nostræ Universitatis & ad commodum ejus si opportunitas se offerret procurandum, libenter vellem manere sub expensis propriis ad duos menses vel tres, diutius tamen continuare non possem: quia revera quamvis de vestris ac B insignis civitatis Colonienfis stipendiis hucusque in principalibus sustentatus sum expensis: tamen in extraordinariis satis expendi de propriis. Super his vestrum humiliter peto responsum. Vestras reverendissimas paternitates confortet Altissimus in omne bonum. Scriptum Constantiæ xxiii. mensis Julii.

## EPISTOLA XXVI.

Oratorum universitatis Colonienfis.

*Regem Aragonum sacro concilio fuisse incorporatum.*

Anno 1416

**H**umili recommendatione præscripta, post multos & varios tractatus prævios habitos cum egregiis ambaxiatoribus regis Aragonum, hoc die sanctorum Maurorum martyrum, quæ est xv. Octobris, est ipse rex Aragonum cum toto regno suo in publica sessione, D multis adhibitis solemnitatibus, ipsi sacro concilio per dictos ambaxiatores plena potestate suffultos incorporatus & unitus juxta formam capitulorum in Narbona conclusorum; & sic ex gratia Dei omnipotentis passim proceditur ad optatæ unionis complementum. Quod quidem isti fecerunt, illos de regnis Castellæ & Navarræ, qui omnino ex litteris scriptis certis personis jam sperantur esse in Avenione, dum venerint Constantiam, facere nullatenus dubitamus. Etiam ex litteris Christianissimi Romanorum regis noviter susceptis celerem ejus adventum ad Constantiam speramus in Domino, qui negotium suæ ecclesiæ de sua clementia hucusque perductum dignetur mirum consummare, vestras quoque reverentias in omni bono confortare feliciter & longæve. De beneficentia vestra qua meam personam exilem & immeritam tanto tempore dignati fuistis in dicto Constantienfi concilio confovere, vobis regratior toto corde. De ulteriori sacri concilii protelatione nescirem vestras paternitates certitudinaliter informare, donec super processu tenendo contra PETRUM DE LUNA concordetur; quod si ante adventum aliorum Hispanorum fieri possit, ignoro. Scriptum Constantiæ ipso die quo supra.

*Theſauri Anecd. Tom. II.*

## EPISTOLA XXVII.

Oratorum universitatis Colonienfis.

*De diſſenſionibus in concilio exortis.*

**V**enerabiles patres & magistri, post humilem recommendationem vestris reverentiis, ne qualiscumque volatilis fama, quam multorum levitas passim consuevit dilatare, vestros plusquam oportet conturbet animos, duxi intimandum, quomodo suadente pacis inimico, quædam diſſenſiones ortæ sunt in Constantienfi concilio negotiorum gerendorum retardativæ, & nisi citius sopirentur multipliciter impeditivæ. Una diſſenſio orta est inter ambaxiatores regis Aragonum, qui nunc in concilio repræsentant quintam nationem, scilicet Hispanicam ex una, & nationem Anglicanam parte ex altera, pro eo quod dicta natio Hispanica instare videtur, C & quod dictæ nationi Anglicanæ præferatur: quæ petitio, in quantum prætenderetur procedere quasi ex debito, est dictæ nationi Anglicanæ plurimum ingrata. Quin immo ex juribus, ex antiquis observantiis, & ex certarum litterarum olim inter horum regnorum reges scriptarum serie, suam prælationem dicta natio Anglicana etiam ad justitiam se offerendo publicè defendere proponit: Et natio Hispanica etiam instat pro justitia sibi ministranda; & licet natio nostra Germanica, eo quod concilium est in Germania, & omnes alii sunt advenæ, fuit disposita & deliberata ad tenendum saltem per istud concilium, cum debitis tamen protestationibus, locum ultimum, non tamen fuit per hoc dicta diſſenſio hucusque sopita.

Alia diſſenſio sumpsit exordium occasione cujusdam tractatus, quem dominus cardinalis Cameracensis de auctoritate concilii & quibusdam aliis noviter compilavit, & pronunciari fecit. In quo tractatu dicit inter cetera multis videri, quod post adventum Hispanorum debeat ista natio E Anglicana reduci ad nationem Germanicam: quod ipsa natio Anglicana multum ægre recipit, & ad impugnationem ejusdem tractatus in aliquibus locis efficaciter se disponit.

Alia diſſentio exordium sumsit occasione quarundam protestationum, quas dictus dominus cardinalis Cameracensis fecit, primam nomine regis Franciæ; & secundam, in qua metum quemdam allegavit, nomine proprio. De cujus metus allegatione consiliarii Christianissimi regis nostri, videlicet dominus LUDOWICUS comes Palatinus, ac dominus Borchgravius Noremburgensis, atque alii, & tota natio Germanica, ac totum fere concilium malè fuerunt contenti, cum certissimum sit in dicto concilio plenam fore securitatem atque libertatem, quam prædicti principes usque ad sanguinem conservare volunt illæsam. Verumtamen omnes prædictæ diſſenſiones laudabiliter & absque magno strepitu, auctore pacis afflante, ut omnino speratur, sopientur. Ad hoc enim dicti sacri concilii

N n n n n ij

lii prælati dictique principes sunt multum inclinati, & modus est datus, & in practica positus; & ut omnino speratur, omnino consummandus.

Insuper credo satis quod concilium longum accipiet tractum propter citationem PETRI DE LUNA quæ nondum exivit: cito tamen exhibit ut speratur; & illi de regnis Castellæ & Navarræ nondum advenerunt. Regem etiam nostrum non habemus; & dum certiora intelligere potero, vestris reverentiis intimabo. Scientes etiam quod nisi ad mandatum vestrum redire non præsumo; quia de singulis studiis Alemanniæ sunt aliqui in Constantia, excepto studio Erfordensi, & hucusque perseverant. Altissimus vos conservet feliciter & votive. Scriptum Constantiæ xvi. die mensis Novembris.

## EPISTOLA XXVIII.

Oratorum universitatis Colonienfis.

*Dissensiones in concilio esse sedatas, ac Petrum de Luna fuisse citatum.*

Anno 1416

**H**umili recommendatione præscripta, venerabiles patres, magistri & domini, materiæ dissensionum alias ortæ in concilio, de quibus noviter scripsi ad finem ne vestræ reverentiæ turbarentur, sunt modo per gratiam Dei sedatæ: & citatio contra PETRUM DE LUNA de consensu & voluntate omnium nationum est in publica sessione, & etiam in audientia contradictarum exsecuta xxviii. die mensis Novembris; & citatus est personaliter ad diem centesimum post dictam executionem, quæ erit, ut credo, viii. Martii, vel ad diem septuagesimum post executionem fiendam ex superabundanti in regno Aragoniæ: pro qua exsequenda sunt certæ personæ deputatæ, quæ statim exhibunt. Et verisimiliter est quod post terminum sibi præfixum, sive venerit personaliter, sive non venerit, ut veriùs creditur, aliquantum temporis transibit antequam unius summi pontificis electio celebretur, & alia fienda per sacrum concilium plene perficiantur. Et licet libenter vellem, si saltem Deo & vestris reverentiis placeret & expediens videretur, permanere usque ad finem: tamen illis quæ de sanctæ civitatis Colonienfis liberalitatibus immeritus recepi exhaustis, non possem si vellem de tenuitate proventuum meorum tanto tempore continuare. Placeat igitur infra trium mensium à data præsentium computando, mihi voluntatem vestram super his intimare. Nam usque ad tantum tempus volo libenter, si saltem vobis placeat, de meis continuare. Et spero quod in hoc tempore circa reformationem Ecclesiæ sacrum concilium, sancti Spiritus accedente gratia, diligenter vigilabit, pro cuius consummatione vestræ devotiones dignentur suppliciter exorare. Nihil enim magis necessarium est viris Ecclesiasticis, religiosis, & sæcularibus ubilibet tribulatis, quàm cum humili acceptatione necessariæ re-

formationis confugere pro auxilio ad illum, cuius cultui & servitio sunt peculiariter deputati, qui vos confortare dignetur ad omne bonum. Scriptum tertia die mensis Decembris.

## EPISTOLA XXIX.

Oratorum universitatis Colonienfis

*Comitem Fuxi & regem Navarræ concilio fuisse unitos.*

**V**enerabiles patres, magistri & domini, Quatenus vestræ reverentiæ confortentur in spe videndæ unionis Ecclesiæ sanctæ Dei, ea quæ ad dictam unionem consummandam disponunt, vestris reverentiis intimare decrevi, prout teneor; videlicet quod in crastino B. Lucie fuit comes de Fuxi cum omnibus suis dominiis & triplici statu eorumdem, scilicet clero, nobilibus, & communitatibus, per solemnes eorumdem & procuratores & ambaxiatores sacro concilio unitus juxta tenorem capitulorum in Narbona conclusorum. Et post hæc in vigilia nativitatis Domini fuit eidem concilio similiter unitus rex Navarræ cum omnibus suis dominiis & tribus statibus eorumdem per ambaxiatores & procuratores ipsorum. Et sic quoad Hispaniam expectatur adventus illorum de Castella, de quorum adventu non dubitatur. Etiam non dubitatur de regno Scotiæ: quibus habitis & unitis, tota Christianitas concors est pro unico summo pontifice eligendo. Alia de præfenti non occurrunt; sed sicut alias scripsi humiliter rogo, quatenus voluntatem vestram de persona mea de manendo vel non manendo in concilio placeat ante finem Februarii intimare velitis. Placeat etiam pro felici consummatione dictæ unionis ac etiam necessariæ reformationis Ecclesiæ fideliter exorare. Scriptum Constantiæ ipso die S. Johannis Evangelistæ.

**E**COPIA LITTERÆ QUAM UNUS nuntiorum qui per concilium Constantiense fuerunt missi ad citandum PETRUM DE LUNA scripsit episcopo Rigenfi.

**R**everendissime pater, post humilem & devotam recommendationem cum omni promptitudine mei proni servitii. Scire dignetur vestra reverenda paternitas, quod de præfenti non scribo inclytæ & almæ nationi vestræ, ne videar singularis esse, aut aliquid aliud scribere, aut sapere, quàm quod collegæ mei sciunt aut sapiunt; sed refero me ad litteram nostram communem, quam scio veram, & quam propria manu signavi unà cum aliis sociis meis. Etiam non scribo serenissimo domino nostro domino imperatori, quia nescio an sit in Constantia, an non; sed vestræ reverendæ paternitati aliqua scribo latius pro consolatione, cum tamen omnimoda vestri benigna supportatione. Et primò in solo verbo regio sine salvo



conductu PETRI DE LUNA, etiam sine comitiva armigerorum magister BERNARDUS Anglicus & ego Alamannus personaliter intravimus Paniscolam, habentes nobiscum tres notarios apostolicos, quos nobiscum de Constantia duxeramus; etiam unum ex parte domini regis Aragonum, duos milites, & alios scutiferos & personas honestas pro testibus, &c. Et in introitu villæ Paniscolæ reperimus dominum RODIGONEM nepotem PETRI DE LUNA, associatum bene cum ducentis armigeris satis bene armatis: qui læto animo, ut apparebat, nos suscepit. Et quidam vocatus SIMON SALVATORIS doctor venit in obviam nobis per medium miliare, tractans ut vellemus retrocedere usque ad crastinum; quia suus dominus volebat nos amplius honorare. Renuimus ista; ita quod contra voluntatem suam intravimus, ut præscripsi. Isti diaboli videntur salvari quando possunt materiam unionis differre, etiam per horam. Reverende pater, quanta fuit nobis gloria, quando vidimus istum PETRUM DE LUNA in tanto timore positum, quod propter duos monachos inermes fecit talem armaturam, ut ostenderet suam potentiam, aut magnificentiam. Ipse bene poterit plus timere quando Deus & homo erunt contra eum, & jam quasi sunt. Confundatur ejus malitia & non resurgat, quia mala est.

Die XXI. Januarii beatæ Agnetis virginis & martyris in crastino nostri introitus statim post octavam horam comparuimus in castro Paniscolæ, ubi reperimus ipsum PETRUM DE LUNA cum tribus cardinalibus suis, aliis episcopis, ac clericis, & laicis usque ad numerum trecentorum virorum utriusque generis; & inclinatione facta sine genuflectione more monachorum, facto summo silentio, ego incœpi exordiri factum nostrum, & alta & intelligibili voce, prout potui, legi totam citationem distinctè. Deum eum citavi de verbo ad verbum, prout in citatione continebatur, nihil omittendo. Unde iste homo tantam impatientiam habebat, quando eum nominabam schismaticum & hæreticum, quod non poterat continere: Immo dicebat non esse verum, alia via, non est sic, alia, mentiuntur, & sic de singulis. Ipso sic citato per me & notarios requisitos & rogatos super confectione instrumentorum, &c. magister BERNARDUS voluit legere sibi citationem; sed ipse habuit pro lecta, ex quo erat ejusdem tenoris. Deinde ipse dominus BERNARDUS citavit eodem modo sicut ego feceram in latino; & quia ibidem erant milites & aliæ personæ sæculares latinum non intelligentes, ipse dominus BERNARDUS intelligibili voce eum citavit in vulgari de verbo ad verbum, sicut fecerat in latino: unde ipse PETRUS DE LUNA fuit satis confusus propter simul discumbentes. Et rogatus & requisitus notorie, &c.

Ipse PETRUS DE LUNA respondit in gallico & latino, quod quia materia erat magna & ardua; ideo finaliter non poterat ibidem respondere: sed habita deliberatione cum suis cardinalibus in brevi responderet. Quo dicto, ad

justificationem suam dixit se quatuor dicturum: & non dixit nisi tria; quia adeo se commovit in loquendo, quod quartum dimisit in capsula. Totus malus est. Incœpit primum ab exemplo cujusdam abbatis, de quo recitatur in viris patrum, quem discipuli sui non poterant provocare ad impatientiam donec vocaverunt eum hæreticum. Et recitando totam illam historiam dixit, sic de seipso; quod si dixissemus sibi defectus corporales, cum sit peccator, patientiam habuisset; sed quia schismaticum & hæreticum nominabamus; ideo vix patientiam habebat. Verumtamen aliqua contradicturus erat, cum majori honestate verborum diceret prout posset, dicendo quod non malè contentaremur si aliqua diceret quæ forte non libenter audiremus; quia hoc faciebat in impatientia sua quam habebat ex eo quod vocabamus eum hæreticum. Primum quod proposuit fuit de nullitate concilii Constantiensis, secundum fuit de justificatione sui, quod non est impeditor unionis, tertium quod ipse non sit neque schismaticus neque hæreticus.

Circa primum institit multis verbis, sed in effectu resolvuntur in hoc, quod in Constantia nulli sunt prælati; quia aut fuerunt de obedientia sua, aut de Romana: si fuerunt de sua, omnes sunt privati, inhabiles per suos processus, &c. si sint de Romana, eodem modo sunt privati, inhabiles, &c. per sententias GREGORII olim. Est processus amborum. Istud deduxit multis verbis frivolis.

Secundum deduxit per historiam multum prolixam, incipiendo ante nativitatem suam. Dixit enim quod antequam natus fuisset, fuit promissus Ecclesiæ ut esset clericus (melius fuisset, ut laicus,) &c. narrans quomodo in scholis & ubique fuit honestæ vitæ; & iterum quomodo invitatus fuit assumptus ad papatum; deum quomodo prosecutus est unionem Ecclesiæ. Et hic tenuit nos per dimidiam horam, recitans totam fabulam quam gessit in Riparia Januensi, semper concludens pro se, videlicet quod unionem prosequeretur Ecclesiæ. Evomit tamen in hac recitatione, quod numquam ante suam assumptionem laudaverat viam cessionis. Confitebatur tamen quod ipse juraverat cedulam in conclavi; sed ad cessionem minimè tenebatur, nisi aliis tentatis, ut sæpius consuevit dicere ipse; & sui etiam publice dixerunt, quod via cessionis numquam apparuit melior, nec apparet, nec sibi apparebit: sed etiam acceptavit cum certis modificationibus seu pratticis ad satisfaciendum mundo; quia reputat alias vias meliores, scilicet viam justitiæ, &c. Et hic recitavit omnia quæ obtulit in Perpiniano, & ibidem fixè manet. Et breviter, nulla dispositio ejus est ad cedendum secundum verba sua, nisi servetur modus datus per eum in Perpiniano; & super hæc mittet suos ad Constantiam, credo episcopum Conchensem, fratrem Minorum, qui noluit ire pro domino rege Castellæ ut proficeret; sed nunc vult ire ut noceat. Et per istos quos mittet, intendit negotium unionis rumpere, aut in Constantia divisionem procurare,

N n n n iij

aut negotium taliter differre, quod habeat intentum, quare provideatur, quia firmus est in opinione de Perpiniano.

Quoad tertium, scilicet quod non sit schismaticus neque hæreticus, patet per præmissa; & maximè quia paratus est stare Ecclesiæ iudicio; & super isto ipse alias fecit solemnes protestationes, ut licebat. Nam à quocumque melius in fide sapiente vellet edoceri, quia Deus quandoque revelat minori quod celat majori. Et sic istis verbis insistendo descendit ad istam conclusionem sive propositionem. Dixit enim quod ipse paratus est capere viam cessionis, sed hæc per petita sua & per ipsum data, quia non vult cedere nisi sequatur vera unio. Et quia non cedit sicut placet illis in Constantia, ideo non sequitur quod sit hæreticus, quia ibi non est Ecclesia, sed in Paniscola est vera Ecclesia. Et verberando manum ad cathedram dixit: Hic est arca Noe & vera Ecclesia. Subiunxit: Illi de Constantia dicunt quod ego sum schismaticus & hæreticus, quia impedio unionem Ecclesiæ, & quia non pono Ecclesiam in manu ipsorum, quod non faciam: à manibus eorum liberet me Dominus. Ego dicebam, ipse profequar unionem, & jam est dimidius annus quod unionem habuissemus, nisi fecissent illi de Constantia. Igitur ex quo impediui? potius sunt schismatici & hæretici quàm ego. Lata est differentia inter ipsos & me; ego laboro ut veniant ad veram opinionem, & ipsi volunt me hæreticare. Deduxit istam materiam quoad saturitatem. Quo silente, ego petivi instrumentum super sua responsione, & maxime super illo verbo quo dixerat se responsurum citò, quod erat tempus incertum. Statim festinanter dixit: Non, non do vobis istud pro responso; sed habita deliberatione cum cardinalibus meis infra paucos dies dabo vobis responsum; & ita debetis expectare circa formam citatorii in fine. Et requisivit notarios ne clauderent instrumenta, donec fecisset responsum. Iterum cepi instrumentum super ista responsione incerta, & dixi nos velle recedere. Institit ipse deceptor ut vellemus ibi manere ad finem quod nos corrumperet, aut multa bona diceremus de eo dum ad Constantiam veniremus. Sed non sic impii, non sic, quia vel magis est obstinatus, quàm umquam fuit, & nullo modo bene dispositus, sed ad omnia male paratus.

Ad convincendam ejus pertinaciam, ibidem dimisimus penes eum secretarium domini regis Aragonum, quia consuetudo est patriæ, quod secretarii seu notarii regis non claudunt instrumenta factis talibus actis usque post triduum; & ita recessimus; & venimus hic hodie de sero in civitate Derthusen, ubi est dominus rex Aragonum. Et expectato notario regis per tres dies, intendimus recedere & venire Constantiam, Deo dante.

Reverendissime Pater, sciatis quod huc usque nos omnes nuntii sacri concilii sumus concordēs & unius animi. Et quod non ivimus omnes Paniscolam, hoc fuit de consensu regis, & nostrum omnium, & pro bono, & securitate nego-

tii. Item ante recessus de Avenione supplicavimus domino Camerario quatenus mitteret post nos unum cursorem, ut complero negotio concilium redderemus certum de nostra executione; quod & fecit, & cras recedet ipse cursor portans nostras litteras; quem Deus conserveat. Plura alia & magis ampla referemus V. R. P. dummodo per Dei gratiam Constantiam veni-remus. Finaliter quidquid dicatur, iste PETRUS DE LUNA est in posse domini regis Aragonum; & quamquam habeat forte castrum & armigeros, armigeri sunt omnes desperati, & quoniam prodige sua exposuerunt, nihilominus tamen quando rex voluerit, nullus ibidem remanebit. Et ita festinetur ad ejus ejectionem, quia dignus, & Deus pacis erit nobiscum, qui custodiat V. R. P. ut optatis. Scriptum festinanter, malè, & ineptè, ut consuevi, in Derthusa civitate xxii. mensis Januarii. Nova iocosa consideretis, quomodo duo monachi nigri colore diaboli intraverunt infernum, & ibidem citaverunt Belschubur magnum diabolum, ut veniat ad iudicium. Item duo Benedictini monachi citaverunt BENEDICTUM, alio proprio nomine Maledictum. Item reperimus ambaxiatores regis Castellæ, duos milites in Perpiniano, ut prius scripsimus, & duos episcopos eadem die, scilicet v. Januarii, qui recesserant à domino rege Aragonum de Terragona. Et reperimus duos milites bene affectatos, & episcopum Conchensem pro PETRO DE LUNA satis arguentem, quia fuerat nunc cum eo v. dies. Sed quidquid sit secundum instructiones eorum non possunt se separare ab opinione domini regis Aragonum. Et quidquid fecerint in Paniscola isti duo episcopi, quia milites non fuerunt, sciemus à domino rege Aragonum, quia hoc nobis promisit, & vobis referemus. Consulo ut non acquiescatis prima facie eis, quia credo quod aperient opinionem PETRI DE LUNA, prout ipse PETRUS aperuit in Perpiniano.

### EPISTOLA XXX.

Oratorum universitatis Colonienfis.

*Certa nuntia advenisse de citatione Petri de Luna, oratores regis Castellæ & Scotiæ necdum advenisse.*

Venerabiles magistri & domini, de benigna vestra liberalitate in continuando personam meam exilem in sacro concilio Constantiensi per pecuniam mihi alias per medium honorabilis magistri GOTFRIDI DE BURSTEN directam regratior toto posse; & utinam rerum futura dispositio mihi faveret ad vestrarum reverentiarum & totius universitatis matris meæ commodum & honorem posse proficere. Spero omnino quod pro viris litteratis & universitatibus studiorum, ut plus solito promoveantur, sacrum concilium & futurus papa velint providere, multorum contradictione non obstante. Et si pro aliis Universitatibus aliquid factum fuerit, Anno 1477

spero nostram universitatem à similibus gratiis A non excludi.

Heri recepimus certa nova de executione citationis contra PETRUM DE LUNA facta, ut in copia immediate subscripta cujusdam litteræ, per dominum LAMBERTUM DE STIPITE priorem ordinis S. BENEDICTI Leodiensis diocesis, archiepiscopo Rigenfi directæ, plenius continetur. Qui magister LAMBERTUS una cum magistro BERNARDO priore ejusdem ordinis S. BENEDICTI nationis Anglicanæ citationem exsequebatur. Et quia post diem citationis currunt sic dies septuaginta, non potest procedi ad ejus ejectionem ante primam diem Aprilis. Et creditur quod illo transacto, processus erit brevis. Quo ejecto, indubie festinabitur ad futuri pontificis electionem, & ad conclusionem illorum quæ super reformatione Ecclesiæ avifata sunt & avifabuntur.

Ambaxiatores regni Castellæ licet aliquandiu fuerint in via, non tamen adhuc venerunt propter infirmitatem cujusdam episcopi inter eos existentis retardati. Verumtamen de unione ipsorum ad nos, & etiam illorum de regno Scotiæ non dubitatur, nonobstante quod ille calidissimus serpens PETRUS DE LUNA suis venenosissimis sibilis ab hac re istos & illos retrahere nisus est. Non est diu quod misit nuntios suæ malitiæ ad regem Franciæ, si fortassis quoquo modo potuisset illum & regnum suum à favore & prosecutione concilii retraxisse: sed omnimodam passi sunt repulsam. Et ita malis sine cessatione accumulatis, maximum Ecclesiæ inimicum omnibus se ostendit & persecutorem atrocissimum. Fient igitur dies pauci, & episcopatum ejus accipiet alter. Altissimus vos conservet, quem pro felici consummatione in concilio agendorum dignentur vestræ devotiones suspiriosis precatibus invocare. Scriptum Constantiæ xvi. die mensis Februarii.

### EPISTOLA XXXI.

Oratorum universitatis Colonienfis.

*Accusatam fuisse Petri de Luna contumaciam.*

Anno 1417

HUmili recommendatione præscripta, venerabiles magistri & domini, ne spes unionis in longum dilatæ vestros nimis affligat animos: de omnibus ad hunc finem disponentibus vestras reverentias soleo, prout teneor, de tempore in tempus libenter informare. Scire igitur placeat quod in crastino *Reminiscere* in sessione publica fuit accusata contumacia PETRI DE LUNA quoad terminum citationis ejus factæ in Constantia per edictum ad diem centesimam, & nihilominus in principio Aprilis accusabitur iterum contumacia ejus in termino executionis contra ipsum in facie sua, & suorum cardinalium ac aliorum plurium suorum prælatorum & armatorum tam in lingua latina, quàm etiam in lingua vulgari. Post quam executionem idem PETRUS DE LUNA longo sermone se nitebatur excusare de continuatione schismatis, de hæresi,

& obstinatia. Et tandem post prædictos dies respondere in scripto. Sed tam verba sua quàm scripta sunt testimonia suæ pertinaciæ, impietatis & malevolentiae, prout illi egregii viri qui dictam executionem executi sunt, in sua relatione facta feria quarta post *Reminiscere* coram sacro concilio plenius explicarunt. Et sic de sua cessione quoad prætensum papatum desperatur. Et solum superest quod ad ejus ejectionem citius quo fieri poterit procedatur. Ambaxiatores verò regni Castellæ sunt in foribus, pro quibus nostrum sunt in Constantia hospitia recepta. Placeat igitur, si poteritis, implorare invincibilem virtutem: quatenus adversarios & turbatores unitatis & reformationis suæ militantis Ecclesiæ cohibeat, & omnes malivolos sic compescat, quod tam necessarium bonum impedire non præsumant. Alia non occurrunt de præsentis. Altissimus vos ab omni malo protegat. Scriptum Constantiæ xvi. die Martii.

### EPISTOLA XXXII.

Oratorum universitatis Colonienfis.

*De disceptatione inter nationes & Castellanos, & de schedula à cardinalibus data super forma eligendi summi Pontificis.*

Venerabilis domine Rector, aliquandiu non scripsi matri meæ universitati, quod non omisi ex desidia; sed de die in diem sperabam sentire meliora, dictam matrem meam exhilarantia, quæ nondum sentire potui. Fuit namque & est quædam disceptatio inter nationes & Castellanos, qui hucusque distulerunt se unire sacro concilio, volentes prius certificari de forma & modo electionis futuri summi pontificis, sentientes quod super hujusmodi electione domini cardinales aliter sentiunt quàm nationes, & sic ista materia adhuc stat in tractatibus satis arduis. Novissimè, scilicet pridie, obtulerunt domini cardinales domino regi & nationibus cedulam super forma electionis continentem in effectu, quod in electione summi pontificis essent omnes cardinales, & quod secundum numerum cardinalium reciperent in æquali numero simul de omnibus nationibus; & quicumque eligeretur per bonas partes cardinalium, & per duas partes illorum de nationibus, esset papa. Sed utrum hæc cedula acceptetur à nationibus singulis, an non, ignoro, quia super hoc hodie & deinceps tractabitur in nationibus. Quarta feria fiet relatio de processu habito contra PETRUM DE LUNA. Præpositus in *Nydegghen* fuit heri mortuus & sepultus. Alia non occurrunt de præsentis; & quàm primum occurrerint meliora, quæ speramus, scribam indilate. Placeat me recommendare matri meæ universitati & singulis ejus suppositis. Dominus conservet eos in omni bono. Scriptum Constantiæ ultima Maii.

Anno 1417



## EPISTOLA XXXIII.

Oratorum universitatis Colonienſis.

*De diſceptionibus Caſtellanorum in concilio.*

Anno 1417 **V**enerabiles patres & domini, alias ſcripſi matri meæ univerſitati de unione regnorum Caſtellæ & Legionis, &c. cum ſacro concilio. Sed licet illa unio facta ſit; tamen ut non dubito vos intellexiſſe & forte gravius quàm res expoſcat, pendet adhuc quædam diſceptatio in concilio, verumtamen ut ſpero cito concordanda, ſi Deus ſuam gratiam apponere dignabitur. Propter quam diſceptionem agendam in concilio dilationes accipiunt iteratas: quæ diſceptatio ſi, ut ſpero, ſublata fuerit; de gratia Dei omnia planius, celerius, & fructuoſius conſummabuntur. Concedat Altiffimus quod ſuper his citò ſe offerat materia vſtris reverentiis ſcribendi lætiora. Verum etiam eſt quod febres & fluxus incœperunt aliquantulum Conſtantiam flagellare, quos ille compelſcat cujus virtutis verbo omnia obtemperant. Recommenderis me matri noſtræ univerſitati & ſimul ejus magiſtris & ſuppoſitis: quorum orationibus ſit Eccleſia Dei & mea pauperſcula perſona ſemper recommendata. Scriptum Conſtantię tertia die menſis Julii.

## EPISTOLA XXXIV.

Oratorum univerſitatis Colonienſis.

*De quibuſdam diſſenſionibus in concilio exortis.*

Anno 1417 **R**everendi patres & domini, poſt unionem Caſtellanorum cum ſacro concilio, quædam materia diſſenſionis, quamvis prius exorta multum invaluit, & ſacrum concilium quaſi per medium diviſit: una parte volente quod ante ejectionem PETRI DE LUNA tractaretur de modo & forma eligendi futurum ſummum pontificem: & alia parte volente quod primò fieret ejectione, deinde reformatio, præſertim quoad curiam Romanam; & deinde procederetur ad videndum de modo electionis, & conſequenter ad canonicam & ſinceram electionem. Et iſtum ordinem tamquam conformem capitulis in Narbona juratis, & poſtea juratis ſimiliter in concilio per omnes, ſereniſſimus dominus noſter rex una cum inclytis nationibus Germanica & Anglicana obſervari petierunt, aliis renitentibus. Sed ſicut placuit auctori pacis, ipſa die B. Margaritæ Virginis, quæ fuit XIII. Julii, ſunt hæc negotia ad meliorem ſtatum deducta: qua die hora quarta poſt meridiem certis tractatibus pacis præcedentibus, totum concilium cardinalium miſit quatuor Cardinales, qui vice & nomine omnium in loco nationis Germanicæ, in præſentia domini regis & totius nationis Germanicæ & quàm plurium prælatorum aliarum nationum publicè per organum domini Pyſani

A dicebant quod ſequitur. Primò quòd de ſalvo conductu domini regis ſub forma qua datus eſt ſtarent optimè contenti. Secundò quòd caſſarent & revocarent quaſcumque proteſtationes ſuper defectu plenæ libertatis factas. Tertiò quòd ipſi prompti eſſent & parati ſtatim procedere cum aliis de concilio ad ejectionem PETRI DE LUNA, & poſt hoc ad reformationem Eccleſiæ quoad curiam, & conſequenter ad electionem ſinceram & canonicam unici ſummi pontificis. Et ſic nihil occurrit, quod pacifico proceſſui in negotiis peragendis videatur obviare, niſi quædam diſſenſio inter Aragonenſes & Caſtellanos, orta occasione cujuſdam decreti per Aragonenſes ante adventum Caſtellanorum obtenti: cui ipſi Caſtellani efficaciter ſe opponunt. Pro qua diſſenſione ſedanda efficaciter laboratur. Et ſuppoſito quod illa ſedetur, poſt cras citabitur PETRUS DE LUNA ad audiendam ſententiam ejectionis quinta die ſequenti. Alia non occurrunt; ſed ſatis gravor ex dilatione tantâ. Scriptum Conſtantię XIV. Julii. Iſti litteræ incluſa fuit cedula præſentis tenoris quod poſt datam litteræ nova quædam difficultas orta eſt, quæ dilatationem quamdam facit & ſpero quod citò tolletur.

## EPISTOLA XXXV.

Oratorum univerſitatis Colonienſis.

D *Petrum de Luna in proxima ſeſſione citandum ut compareat ad audiendam ſententiam in ipſum ferendam. Diſſenſiones inter Caſtellanos & Aragonenſes nondum eſſe ſopitas.*

**V**enerabiles patres, magiſtri & domini, Noviter ſcripſi vſtris reverentiis, quomodo poſt impetuoſas perturbationes ortas in ſacro concilio tranquillitas ſucceſſiſſet: & ita fuit verum; ſed ſtatim poſt iterum turbata fuit aqua, & ad pacificum progreſſum in agendis perveniri non potuit: quæ tamen turbatio per illum qui non reliquit ſperantes in ſe vix heri ſedata fuit, taliter quòd hodie, ſcilicet ipſo die B. Mariæ Magdalenæ XXII. die menſis Julii de mane hora ſeptima, de conſenſu & voluntate dominorum cardinalium, & omnium nationum, etiam Hiſpanorum tenta eſt ſolemniſ ſeſſio præſentibus omnibus ſupradictis, in qua decreta eſt citatio contra PETRUM DE LUNA, ut die lunæ proxima ipſe PETRUS DE LUNA compareat in ſeſſione publica ſacri concilii ad audiendam ſententiam per ſacrum concilium ferendam, juxta proceſſum factum contra ipſum, &c. Et ſic divino adjutorio à die præſenti die quinta delebitur iniquitas terræ, & conculcabitur illud crudeliſſimum caput draconis quod machinabatur ſanctam Eccleſiam abſorbere. Et ita firmiter ſperamus, quod major difficultas quæ nos retraxit ab agendis, Deo miſerante, ſit ſublata.

Diſſenſio noviffima, de qua ſupra ſcripſi, fuit in natione Hiſpanica inter Aragonenſes & Caſtellanos,

stellanos, pro eo quòd Aragonensibus prius venientibus ad concilium antequam se vellent unire cum sacro concilio concedere oportuit, ut in natione eorum omnes prælati tam regni Aragoniæ, quàm Siciliæ & quarumdam aliarum terrarum, quæ dicuntur esse sub ditione regis Aragoniæ, voces haberent licet absentes tamquam præsentes. Et super hæc editum fuit quoddam decretum per sacrum concilium. Promiserunt tamen quod ipsi de hoc facerent Castellanos in suo adventu contentos: cui decreto ipsi Castellani totis viribus se opposuerunt & opponunt allegantes quòd regnum Castellæ omnia regna Hispanorum excedat. Et licet tam per sacrum concilium quàm per serenissimum dominum nostrum regem multæ viæ concordiae sint attentatæ; tamen nullatenus potuit ista dissentio per viam amicabilis concordiae sopiri: & vix ad hoc deventum est, quod partibus consentientibus ista causa in via iustitiæ per iudices ad hoc per sacrum concilium deputandos terminabitur. Et ita spero quod die Lunæ prædicta transacta procedetur celeriter ad reformationem, & consequenter ad electionem.

Placeat igitur vestris Reverentiis cogitare de expeditione Rotuli, quia si pestis de fluxu, quæ incœpit Constantiam flagellare, continuata fuerit, fortassis singula per agentur. Recomendo sanctam Ecclesiam vestris devotis orationibus, & personam meam vestram modicam servitricem. Altissimus vos conservet & dirigat ad omne bonum. Scriptum Constantiæ ipso die sanctæ Mariæ Magdalenzæ xxii. Julii.

Huic litteræ inclusa fuit præsens cedula tenoris sequentis de manu ipsius M. THEODORICI DE MONASTERIO, videlicet:

Dies optata advenit, & hodie in solemnissima cessione, domino rege in regalibus insigniis, dominis cardinalibus, omnibusque nationibus copiosissimè congregatis & consentientibus, nemine reclamante, PETRUS DE LUNA dejectus, quia perjurus, turbator ecclesiasticæ pacis, scandalosus, incorrigibilis, schismaticus, hæreticus. Fuerunt præsentes Castellani & Aragonenses, &c. Et sic modo procedetur ad reformationem, & deinde ad electionem. Oretis ut omnia bene concludantur. Scriptum crastino Jacobi apostoli xxvi. Julii.

*In ms. subjicitur sine titulo sequens schedula.*

Quia bonorum laborum juxta sententiam sapientis gloriosius est fructus, considerantes S. R. E. cardinales quanto religionis zelo fideique fervore serenissimus & christianissimus dominus SIGISMUNDUS Romanorum rex & Hungariæ semper augustus ad procurandam pacem & unionem Ecclesiæ studia & labores, nullis parcens periculis & expensis, impenderit; volentesque, ut etiam tenentur ex debito, quantum in eis est, perpetuam tantis meritis gratitudinem exhibere, & ut inter Romanam Ecclesiam & imperium ac eis præsidentes atque cardinalium collegium pax, amicitia, atque concordia perseverent; eidem serenissimo regi

*Theſauri Anecd. Tomus II.*

A sponte & libera voluntate promittunt & jurant singulariter singuli, quòd ipsi statum & gloriam, honorem, bonaque & jura personæ suæ, imperii & regnorum suorum suo posse conservabunt, & in illorum conservatione assistent favoribus & consiliis opportunis; nec umquam procurabunt, neque procurantibus auxilium, consilium, vel favorem, aut consensum præstabunt, quod sit in diminutionem seu læsionem status gloriæ, honoris, bonorum & jurium personæ suæ, sacri imperii, ac regnorum suorum. Et quantum in eis erit, idem procurabunt apud futurum summum pontificem & suos successores. Et ut ipsi summi pontifices statum, gloriam, honorem, bona, & jura prædicta conservent, & eundem serenissimum regem in filiali ac speciali & caritativa dilectione habeant, & specialibus favoribus prosequantur; idem serenissimus rex qui specialis advocatus, protector & defensor Ecclesiæ Romanæ existit, vice mutua promittit fide regia & jurat Romanæ Ecclesiæ, ac eisdem cardinalibus, quod statum, honorem, bona, & jura sanctæ Romanæ Ecclesiæ atque collegii cardinalium singulariumque personarum ipsorum cardinalium subscriptorum suo posse conservabit, & in illorum conservatione assistet favoribus & consiliis opportunis, nec umquam procurabit, aut procurantibus consentiet; neque auxilium, consilium, vel favorem præstabit, quod sit in diminutionem seu læsionem status, honoris, bonorum, & jurium Ecclesiæ Romanæ, sacri cardinalium collegii, vel singularium personarum prædictarum; illosque tamquam veros amicos habebit, fovebit, & honorabit veraciter cum effectu.

Inclytæ Germanica & Anglica nationes hujus sacri generalis Constantiensis concilii, nec non aliarum, videlicet Italicæ, & Gallicanæ nationum reverendissimi patres domini cardinales, patriarchæ, archiepiscopi, episcopi, abbates, magistri & doctores atque ambaxiatores regum, principum, universitatum, communitatum atque dominorum multitudo copiosa, in hoc dictis nationibus adhærentibus, unâ cum serenissimo & gloriosissimo principe & domino domino SIGISMUNDO Romanorum rege semper augustus; & qui ex infusa sibi cælitus gratia diutinis maximisque rerum, corporis, regnorum, terrarum, conjugis, prolis, & amicorum periculis vigilanter & sollicite velut Dei minister & Ecclesiæ defensor, scissam dubiamque diversitatem trium obedientiarum in dicto sacro Constantiensi concilio congregari procuravit; exclamant, apertissimè protestando, quòd dictis sacri concilii decretis diffinitis & capitulis Narbonæ solemniter, auctoritative, & sub multis juramentis ibidem & in hoc concilio factis & præstitis, clarè determinatis & conclusis, sine cujuscumque disputatione ambigua firmiter inhærere, nec ab eis quemlibet recedere volunt, intimantes ad hoc cetera supposita hujus sacri concilii, cujuscumque status, gradus, ordinis, aut conditionis existant, & per viscera misericordiæ Dei in Domino exhortantes & requi-

Ooooo



rentes, quatenus cum ipsis in omnibus & per omnia concurrere velint usque ad hujus negotii sacratissimi complementum, juxta modum, ordinem, atque formam conventorum, atque providè decretorum: ut videlicet ille primò notorius & probatus schismaticus, continue pertinax, PETRUS DE LUNA schisma faciens atque fovens, à suo prætenso papatu & pestilentiae cathedra abjiciatur.

Secundò quòd Ecclesia Dei saltim in capite & Romana curia reformetur, ut in futuris promotionibus & ceteris agendis secundum solitos abusus ipsa curia amplius non erret; & demum capite & curia reformatis, & singulis dubitationibus amotis, taliter tamquam justè, sanctè, & canonicè, ad electionem unici summi pontificis tanta certitudine procedatur, ut etiam nullus catholicus de electione & electo possit aut debeat rationabiliter dubitare.

Protestantur quod si qui, quod absit, forsan illas cautiones & securitates de non fienda impressione quo ad electionem futuram per dictum serenissimum regem secundum deliberationem hujus sacri concilii determinandas, liberaliter exhibitas, acceptare nollent, & ordine prætermisso supradicto, seorsum se colligere aut disputationum involutionibus se propter privata commoda aut inordinatas affectiones tractatibus vellent quomodolibet perturbare, quod contra illos generaliter & specialiter tamquam contra turbatores sacri concilii, reformationis, & unionis impeditores, schismaticos, & schismaticorum fautores & nutritores omni modo quo possunt procedere, & processum contra eos promovere intendunt usque ad justitiæ complementum.

#### SENTENTIA LATA CONTRA PETRUM DE LUNA.

De vultu ejus hoc judicium prodeat, &c. *ut in editis Sessione 37.*

#### CONSULTATIO THEOLOGORUM DE NONNULLIS PROPOSITIONIBUS

Erroneis circa materiam unionis.

**A**D obviandum multis erroribus qui nunc oriri videntur circa materiam unionis Ecclesiae, petitur consilium & deliberatio theologorum supra dubiis infra scriptis, quæ JOHANNIS HUYSS doctrinam erroneam sapere dicuntur.

1. Utrum dicere quòd oblatio super modo electionis futuri summi pontificis facta per dominos cardinales & acceptata per nos nationes, est erronea, aut Ecclesiae periculosa, vel scandalosa, sit erroneum & injuriosum, ac pacis & tranquillitatis sacri concilii turbativum.

2. Utrum dictam conditionem non acceptare, nec aliam æque bonam vel meliorem offerre, & non velle super hac materia cum aliis conferre, sed rem istam tam necessariam in lon-

gum periculosius differre, sapiat fautoriam schismatis & impedimentum unionis.

3. Utrum inducere potentiam sæcularem ad prohibendum seu de facto impediendum, ne super dicta oblatione deliberent aut respondeant aliæ nationes, sit libertatis concilii turbativum, & impressivum metus, aut Ecclesiae unionis impeditivum.

4. Utrum dicere quòd apostolica sede apud omnes nationes vacante, non est facienda electio futuri summi pontificis secundum canonicas sanctiones; sed quòd post dictam vacationem Ecclesia diu & sine determinato tempore manet acephala, id est sine apostolico capite seu pastore, & absque canonica provisione super forma & modo futuræ electionis; sit contra jus divinum, videlicet ordinationem Christi de instituendo sibi vicario Petri successore.

5. Utrum prædicta assertio sit hæretica, vel sapiat fautoriam pravitatis hæreticæ, & specialiter hæresis, contra JOHANNEM HUYSS per hoc sacrum concilium condemnata, videlicet quod Ecclesia melius potest regi sine papa.

6. Utrum quantumque hujusmodi consilii decreta, capitula, vel juramenta sanè intellecta possint obstare præfato juri divino seu ordinationi Christi de substituendo sibi vicario, & utrum hoc dicere sit erroneum & sapiens hæresim & huic sacro concilio injuriosum.

7. Utrum dicere & efficaciter procurare quòd non solum electio futuri summi pontificis, sed etiam provisio super facto, modo & tempore futuræ electionis differatur, donec & quousque prius fiat reformatio capitis, videlicet papæ, cardinalium, & Romanæ curiæ hujusmodi reformatio bene fieri nequeat papa præsidente; sit erroneum & sapiens hæresim JOHANNIS HUYSS supradictam.

8. Utrum canonica provisio super futura electione sit prima & principalis, aut saltem præponenda; & an dicere contrarium sit erroneum, & debito ordine reformationis turbativum, & hæc deformitas, scilicet ut Ecclesia, ut præmittitur, maneat, sit periculosissima, & per consequens hujus deformitatis reformatio sit per totum nociva.

9. Utrum dicere quòd minus inconveniens est Ecclesiam carere capite, quàm carere capitis reformatione, sit erroneum & à bonis moribus ecclesiasticis alienum.

10. Utrum dicere quòd Romanus pontifex aut universalis Ecclesia non possit perfectè & debite reformari, nisi per subtractionem bonorum temporalium, quibus à principibus superflue est dotata; sit erroneum & expresse favens hæresim contra JOHANNIS HUYSS, per hoc concilium condemnatam.

11. Utrum consulere vel inducere potentiam sæcularem, quòd exercent viam facti vel brachium sæculare ad certas personas ecclesiasticas hujus sacri concilii absque auctoritate & expresso decreto, seu sub prætenso colore, quod isti vel illi sint perturbatores concilii, reddat sic consulentes & inducentes reos poenarum juris, statutarum contra violatores ecclesiasticæ liber-

tatis: quarum poenarum aliquæ confirmatæ sunt & noviter institutæ per hoc sacrum concilium.

12. Utrum tales consulentes & persuadentes, quod dominus rex Romanorum ratione suæ dignitatis vel alio prætenso titulo, sive conservatoris hujus concilii, sive decretorum ab eodem concilio statutorum, possit aliquam jurisdictionem in ecclesiasticos exercere absque speciali ejusdem concilii mandato, dicendi sint errantes in moribus & in jure, & de fautoria schismatis vehementer accusandi tamquam præsentis concilii turbatores, & violatores ecclesiasticæ libertatis, prædictas juris poenas damnablem incurrere.

Super materia dictarum quæstionum offerunt se multi notabiles doctores theologiæ probare & defendere tres conclusiones sequentes, videlicet:

Ex articulis fidei clarè deducitur quòd Ecclesia non debet absque unico summo pontifice derelinqui usque ad consummationem sæculi; & hoc de lege communi.

Ex articulis fidei clarè deducitur quòd præceptum divinum & affirmativum super electione summi pontificis fienda, dum sedes apostolica vacat, obligat omnem Christianum ad non impediendam hujusmodi canonicè & salubriter faciendam.

Ex articulis fidei deducitur quòd prædictum præceptum obligat ad ultimum hominem Christianum ad procurandum juxta qualitatem sui status quòd electio summi pontificis nequaquam differatur, ubi & quando non occurrit dilationis ratio, dum scilicet electio deteriore exitum probabiliter non haberet.

Ex prædictis tribus conclusionibus sequitur responsio affirmativa ad prædicta duodecim dubia.

Sequuntur rationes ad declarationem præmissorum contra nonnullos qui, sub prætextu & pallio reformationis status Romani pontificis & collegii dominorum cardinalium ac Curie Romanæ, moluntur differre non solum electionem futuri Romani pontificis, immo nituntur impedire ne provideatur de forma, modo & tempore electionis.

Pro fundamento trium conclusionum prædictarum, in primis præsupponendum est, quòd ex institutione Christi, qui est principale caput usque ad consummationem sæculi, debet succedere aliquod caput ministeriale Christo subordinatum, quale caput papam vel summum pontificem appellamus; & secundum canonicas sanctiones valde periculosum est, quòd sede apostolica vacante, diu differatur electio talis capitis sive pontificis, & maximè sine determinatione modi, & formæ, & præfixionis temporis electionis, maximè considerato longo tempore & inaudito quo jam vacavit Ecclesia, ut per suas litteras testatur concilium: quoniam aliter Ecclesia exponitur discrimini ut remaneat acephala à tali capite, quæ est maxima deformatio Ecclesiæ: cujus deformitatis reformatio præ ceteris est necessaria; & per consequens exponere Ecclesiam tali discrimini, sine manifesta provisione contra scandala quæ inde possint

*Theſauri Anecdor. Tom. 11.*

oriri, est favere schismati, & præbere impedimentum ecclesiasticæ unitati, quod sapit hæresim JOHANNIS HUYSS per hoc sacrum concilium condemnatam; & maximè in illis qui alios volentes contra prædicta scandala providere, vocant turbatores concilii & fautores.

Hoc itaque fundamento præsupposito, quòd tam jure divino quàm humano potest multipliciter stabiliri, consequenter dicendum est, quòd contradicentes conclusioni præmissæ; quantum in se est, manifestè se reddunt suspectos fautoria inveterati schismatis, aut generativi novi, quòd sic potest probari. Certum est quòd si istud concilium solveretur antequam haberetur Romanus pontifex, quòd haberemus schisma pejus quàm aliud, propter difficultatem iterum congregandi concilium: quoniam difficillimè congregaretur sub quocumque principe Christiano, propter multa quæ faciliter considerari possunt.

Item, quia secundum omnes suspensa sunt jura virtute quorum ipsa electio pertinet ad collegium dominorum cardinalium, & sic non valeret electio eorum, dato quòd eam vellent facere & celebrare. Sed certum & notorium est, quòd nos sumus in eminenti periculo & quasi inevitabili solutionis prædictæ, & hoc propter multas causas. Prima propter longam & diutinam moram quam fecimus hic, ex qua longa mora non solum attædiata sunt nobilia supposita hujus concilii, immo hæc civitas Constantiensis cum tota patria circumvicina. Secunda propter periculum pestilentiaë aëris ad quam secundum judicium astronomorum & meteorologorum tempus valde disponitur. Tertia propter divisiones, odia, & dissensiones, quæ durante isto concilio exortæ sunt inter regem Romanorum & nonnullas nationes; nec non ambaxiatores aliquorum regum & principum, ut notorium est. Quarta propter strages & guerras quæ invalescunt in aliquibus regnis & regionibus, propter quas invaduntur & dissipantur bona & monasteria plurimorum prælatorum & aliorum hic existentium. Quinta propter diffidentiam quæ habetur de aliqua bona reformatione obtinenda in hoc concilio, viso quòd per duos annos licet major pax, dilectio, & concordia inter nationes tunc esset, vix tunc potuit plenè & perfectè concordari unum solum capitulum super dicta reformatione de qua tractatur, videlicet de statu papæ & collegii dominorum cardinalium. Et sic viso imminente & verisimili periculo solutionis prædictæ: quo periculo non obstante, prædicti machinatores non curant providere circa factum electionis præmissæ; sed nituntur occupare tempus circa dictam reformationem, vehementer se reddunt suspectos de fautoria antiquati schismatis in conspuratione & generatione novi: & videntur Ecclesiam reddere acephalam, nec curant de hujusmodi periculo.

Item, & si dicta reformatio est in suo tempore necessaria, nullus tamen sanæ mentis dicet quòd sit præferenda electioni Romani pontificis, vel saltim provisioni dictæ electioni & determina-

Ooooo ij

tionem modi, formæ, & temporis ejus, & hujusmodi, eo quod dicta electio est principale negotium hujus concilii; & si non perficitur, quod Deus avertat, viget periculosum & nocivum: immo est quasi tota & unica spes universi principalis Christiani. Valde absurdum est tantum principale propter unum accessorium ponere in periculo, immo quodammodo postponere.

Item, non solum pro hoc quod volunt dictam reformationem præponere, & in ea tempus occupare, se reddunt prædicti suspectos. Sed potius & verius ex hoc quod nolunt quod concurrerent, provideatur circa electionem vel saltem determinationem modi, formæ, temporis ejus & hujusmodi: cum tamen convenientissime uno & eodem tempore posset provideri super utroque, nec unum in aliquo possit aliud impedire.

Nunc restat ad aliqua eorum objecta respondere. Primò dicunt quod creato papa bono modo, non possit fieri dicta reformatio, primò quia ipse per præsentiam suam impedit eam, &c. Respondeo, aut dicta reformatio potest canonicè absque eo & consensu suo fieri, aut non: si sic, absurdum est dicere quod impedit eam, cum non posset impedire dejectionem suam. Si verò sine eo & consensu suo non potest fieri, nec modo poterit fieri: quoniam pariter consensus esset, vel eum creatum non vocare, vel tandem non expectare: immo plus nocet consensus paucorum, quam contradictio multorum.

Secundò ad hoc quod dicunt quod plurimi vellent sibi complacere, alii timerent sibi displicere: & ideo nunc majorem haberent libertatem, &c. Respondeo primò, tales quicumque sunt, non sunt amici veritatis, qui favore vel timore negarent veritatem; neque per tales debet fieri hæc reformatio; & impudens est istud objectum & sapit corruptionem.

Tertiò ad hoc quod dicunt quod habito papa, quilibet niteretur recedere, & dant exemplum de concilio Pisano. Repondeo: Istud objectum repugnat eis qui tantum cupiunt ipsam reformationem: quoniam si tantum desiderarent eam, non cito recedent quam prius perficiatur: etiam si ipsi pauci deberent remanere ob hanc causam dumtaxat, viso quod in ipsis in hoc casu poterit remanere auctoritas concilii. Item, unum est quod concilium non poterit ita providere post electionem sicut ante, ne prælati recedant. Item, quod datur exemplum de concilio Pisano. Respondeo quod de dilatione ipsius reformationis fuerit libere concors totum illud concilium, nec fuit culpa papæ, vel collegii dominorum cardinalium; sed potius totius concilii, si pro tunc dicta reformatio non fuit facta. Item, dicta reformatio non fuit impedita propter creationem papæ, sed solum propter consensum totius concilii ex causa rationabili. Item deformitas Ecclesiæ in hoc quod vacet papa, est præ omnibus deformitatibus generalior: quia tangit bonos & malos, & omnes generaliter Christianos.

Item, periculosum est, ut supra dictum est,

A quod ex dilatione ejusmodi status Ecclesiæ non mediocriter deteriorari possit tam in fide quam in moribus.

Item, tam longa expectatio futuri Romani pontificis est præ ceteris deformitatibus populis magis scandalosa, quam pauci cogitant in ista reformatione capitis: quamvis non negatur quin sit expediens & necessaria, sed electioni prædictæ nullo modo præponenda: patet igitur quam vehemens suspicio laborat contra prædictos, quod non rectè tendant ad ea quæ sunt JESU CHRISTI & gloriosæ sponsæ ejus. Et fortè intendunt sic expendere tempus, & attrahere concilium, ut paucis tandem remanentibus, eligatur papa ad vota sua.

B Allegationes autem tam divini quam humani juris leviter poterunt fieri ad præmissa, &c.

Sacro sancta Synodus Constantiensis, &c. statuit & ordinat quod futurus summus pontifex per Dei gratiam de proximo assumendus, cum ex hoc concilio deputandis per singulas nationes debeat reformare Ecclesiam in capite & curia Romana secundum æquitatem & bonum regimen Ecclesiæ antequam hoc sacrum concilium dissolvatur super materiis alias per nationes in reformatorio oblatores quæ sequuntur, scilicet de annatis tollendis, de collationibus beneficiorum, de numero cardinalium, contra simoniacos, de revocatione alienatorum tempore schismatis, de providendis ad beneficia & officia, de exemptionibus & privilegiis tempore schismatis impetratis revocandis, &c. Videlicet hoc adjecto, quod facta per nationes deputatione prædicta, liceat aliis de licentia ad propria remeare. Istud decretum per singulas nationes & collegium cardinalium est admissum. De modo verò electionis summi pontificis nondum est concordatum, &c. isti quinque articuli subsequentes fuerunt xi. die mensis Octobris præsentis ad sacrum concilium Constantiense in plena & publica Sessione conclusi & publicati. Primus de futuris conciliis celebrandis, videlicet proximum ad quinquennium, secundum ad septennium; tertium, quartum, quintum ad decennium. Secundus articulus de provisione adversus futura schismata. Tertius de provisione facienda per papam. Quartus ne prælati transferantur inviti. Quintus de spoliis & procurationibus.

E Sequuntur in ms. decreta de quinque articulis prædictis, 1. de conciliis generalibus celebrandis & provisione adversus futura schismata. 2. De professione facienda pro papa. 3. Ne prælati transferantur inviti. 4. De spoliis & procurationibus. Omnia ut extant in editis Sessione 39 p. 238.

## EPISTOLA XXXVI.

Oratorum universitatis Colonienfis.

*De modo providendi ab beneficiis.*

Venerabilis domine Rector, agitur in concilio de collationibus beneficiorum, in Anno 147

qua materia ambaxiatores nationis Germanicæ sunt valde angustati, nescientes quid eligant. Si opponant se prælati & ambaxiatoribus prælatorum; & domino regi, qui ad hoc efficaciter tendunt quod ordinarii conferant, timent quod eis invitis transeat, & quod tunc nihil facient pro studiis. Si conforment se eis, iterum timent si forte alii prævaleant. Reputo me hoc certum, quod natio nostra bene in hoc consentiet, quod certa portio omnium beneficiorum deputeretur pro graduatis, ad minus sexta pars. Sed timeo de difficultate introitus ad beneficia. Deus per suam misericordiam disponat sicut noverit pro sua Ecclesia & pro consolatione studiorum expedire. Fuimus cum rege, qui dicit quod velit pro viris doctis fideliter laborare: & ita incoepit facere publice in natione nostra, ubi dicebat quod ipse vellet in hac materia esse mediator, si aliqua dissensio oriretur inter prælatos & ambaxiatores prælatorum ex una; & nuntios studiorum parte ex altera. Et sitis certi quod dictorum studiorum nuntii non quærunt se, sed utilitatem studiorum suorum. Verum est quod Parisienses formaliter se opponunt, ne collationes veniant ad ordinarios; quibus ex certis causis non audemus expresse assistere, timentes pericula. Videretur mihi quod super hac materia loqueremur secretè cum paucis, & intimaretis mihi consilium vestrum; quia fortassis non ita citò concludetur. Verum est quod ædificatur conclave, sed super modo electionis nondum est deliberatum. Altissimus vos conservet. Scriptum Constantiæ ultima Augusti manu propria. De tempore electionis nescio vos adhuc certificare.

#### RESPONSIO AD PRÆCEDENTEM EPISTOLAM.

*Utilius esse publico bono collationes beneficiorum fieri per papam quàm per ordinarios.*

Anno 1417 **V**enerabilis magister & domine, recepimus litteras vestras sub data ultima Augusti nobis directas, in quibus inter cetera continebatur in effectu qualiter in concilio Constantiensi sit magna altercatio inter dominum regem & prælatos ac ambaxiatores prælatorum nationis Germanicæ ex una; & ambaxiatores studiorum Parisiensium & aliorum parte ex altera, de & super collatione & dispositione beneficiorum, qui debeant de ipsis disponere, an dominus papa, an ordinarii collatores; & ideo perplexi estis, cui parti adhærere debeatis, propter certa motiva per vos saltem implicite in eadem littera tacta. Quapropter consilium nostrum super his & aliis in littera vestra contentis à nobis petitis, quia de facto nostro agitur, & vos & alii ambaxiatores studiorum, ut scribitis, & bene credimus, non quærunt quæ sua sunt, sed bonum & utilitatem studiorum suorum. Idcirco vobis sub brevitate rescribimus, quod videtur nobis omnibus expedire, immo necessarium esse pro utilitate ecclesiarum, & totius cleri, & maxi-

**A** me ecclesiarum collegiatarum & monasteriorum, non solum civitatis & diocesis Colonien-  
**B** sis, sed totius provinciæ Colonien-  
**C** sis & partium circumvicinarum, quod collationes & nominationes & dispositiones beneficiorum maneat in potestate papæ; quia ut melius nobis scitis, si ordinarii collatores haberent collationes eorundem, tot ad eos venirent preces armatæ dominorum, nobilium, & ruterorum, quod non possent de eis disponere ad utilitatem ecclesiarum, nec conferre ea dignis & bene meritis, sed oporteret condescendere precibus eorum, nec in hoc satisfacerent: quia ubi complacerent uni, displicerent aliis; & illi statim se vindicaret incendiis, rapinis, & bona ecclesiarum & maximè collegiatarum & monasteriorum in brevi funditus destruerentur. Quare his maximè attentis & aliis exorbitantibus, quæ ab ipsis ordinariis collatoribus fierent & visibilter fieri deberent, si collationes eorum in manibus eorum remanerent; consilium omnium nostrum est, quod fideliter, fixè, & totis viribus assistatis ambaxiatoribus studii Parisiensis, & resistatis, ne collationes & dispositiones beneficiorum veniant in partibus nostris ad manus ordinariorum collatorum. Et inducatis etiam ad hoc ambaxiatores aliorum studiorum nationis Germanicæ, prout scitis, & noveritis expedire: nec curetis quid inde vobis aut studio possit evenire: quia qui sincera intentione laborant, Deus, qui novit corda hominum & scit quid ipsis expediat, ipsis assistet, ita quod non frustrabuntur effectu. Si autem in præmissis obtentum obtineritis, laboretis ulterius pro utilitate studii nostri, prout alias nostris litteris vobis scripsimus, quarum etiam copiam vobis transmittimus interclusam, & alias facietis prout melius noveritis expedire. Si vero in præmissis intentum vestrum cum aliis ad hoc collaborantibus nullatenus possitis obtinere, quod absit, tunc laboretis quod concilium & papa futurus provideant regentibus, graduatis, & studentibus nostræ universitatis, quod ordinarii collatores habeant eis prævidere præ ceteris, prout vos melius cum aliis scietis adinvenire, quàm nos pro nunc sciremus excogitare.

*In ms. sequuntur acta in Sessione xl. ut in editis, sed ordine nonnihil immutato.*

#### EPISTOLA

UNIVERSITATIS COLONIENSIS  
ad T. archiepiscopum Coloniensem.

**R**everendissimo in Christo patri & domino T. sanctæ Colonien-  
**F** sis ecclesiæ archiepiscopo ac sacri imperii per Italiam archicancellario, ducique Westphaliæ, &c. domino nostro gloriosissimo.

Post humilem in Christo recommendationem, reverende pater & domine, noscat vestra pia dominatio quod universitas nostra, vestra filia, in brevi missura est suos ambaxiatores ad

Q o o o o iij

dominum nostrum apostolicum juxta morem cum suo rotulo. Quare ipsa eadem vestra dominationi humiliter supplicat, quatenus vestra clementia generose dignetur imitari vestigia venerandæ memoriæ prædecessoris vestri, & pro eadem dicto domino nostro papæ ac cardinali vestra gratiæ protectori, juxta litterarum copias eidem vestra dominationi per M. HENRICUM DE BRYLON nostræ universitatis venerabile membrum præsentandas, exhibere eidem aurem credulam in his quæ nostri ex parte desideramus per eundem vestra venerandæ paternitati exponere, quam dominus Deus dignetur conservare sanam & incolumem per tempora longiora. Datum Coloniae die, &c.

*Vestri humiles filii Rector & universitas studii  
Coloniensis.*

## EPISTOLA

MARTINI PAPÆ V.

Ad Universitatem Coloniensem.

*Significat suam in summum pontificem electionem.*

Anno 1417

MARTINUS episcopus servus servorum Dei dilectis filiis rectori & universitati studii Coloniensis, salutem & apostolicam benedictionem.

Misericors & miserator Dominus unigenitus Dei filius JESUS CHRISTUS, qui cælestia simul & terrena suæ majestatis omnipotentia dirigit & gubernat, sacrosanctam Romanam catholicam Ecclesiam sponsam nostram, quam non factò solum, sed sui proprii & sacratissimi sanguinis aspersione fundavit, suæ pietatis oculis ab alto respectans, ipsius Ecclesiæ viduitatis incommoda post resignationem juris papatus per olim JOHANNEM XXIII. & subsequenter per GREGORIUM XII. ipsiusque JOHANNIS depositionem ab ipso papatu, & per privationem & depositionem de BENEDICTO XIII. etiam à papatu hujusmodi, ut toti orbi jam debet esse compertum, in hoc generali concilio Constantiensi ac per ipsum canonicè celebratas, deplorare ulterius non est passus: Nam post longos varios diutinosque tractatus inter collegium venerabilium fratrum nostrorum sanctæ Romanæ Ecclesiæ cardinalium, de quorum numero tunc eramus, ac quosdam venerabiles prælatos nationum præfati concilii super electionis Romani pontificis celebratione solemniter habitos, & consilia repetita diebus præteritis ad instar miraculi, divina superillustrante clementia, in ipso concilio extitit summo omnium consensu pro effectu saluberrimæ unionis in præfata Ecclesia consequendo, ac totali extirpatione nefandi schismatis salubriter ordinatum, quòd collegio ipsorum cardinalium ad eligendum ipsum futurum pontificem, per quinque nationes in eodem concilio existentes, sex pro qualibet in coelectores adjungerentur: ita quod ille qui per duas partes ipsius collegii concorditer, & subsequenter per duas partes coelectorum cujuslibet

A ipsarum nationum in papam etiam concorditer eligeretur, pro unico vero & indubitato Romano pontifice à cunctis Christi fidelibus haberetur, prout in decretis dicti concilii confectis desuper ac solemniter latius continetur. Unde, sicuti quidem Altissimo placuit, est effectum, quòd celebrata per nationes ipsas electione dictorum coelectorum triginta numero, & approbata per ipsum concilium die Lunæ octava præsentis mensis, circiter horam quartam post meridiem, in illius nomine qui perpetua mundum ratione gubernat, cardinales numero viginti tres & coelectores triginta hujusmodi cooperante Spiritus-sancti gratia, conclave libertate, ac securitate, & celeberrima ab extra custodia munitissimum, ad pacem Ecclesiæ aspirantes intraverunt, missarumque celebratis de more solemnibus, ac deinde consiliis habitis repetitis, prout tantæ rei sublimitas exposcebat, die Jovis undecima hujus mensis celebratis B. Martini confessoris atque pontificis \* hora quasi

C decima, eodem Spiritu, qui fidelium corda vivificat, illustrat, ac dirigit semper in bonum mentes nostras, uniformiter & humillimè, ac etiam concorditer inspirante, ad Altissimi laudem & gloriam ac statum ipsius Ecclesiæ, avulsionem totalem ex agro dominico præfati schismatis, cardinales & coelectores præfati, in nos tunc S. Georgii ad velum aureum diaconum cardinalem, licet ex fragilitate humanæ conditionis ad tantum onus regiminis universalis Ecclesiæ insufficientibus humeris eorum vota unanimiter, discrepante nemine, direxerunt, in jubilo Te Deum & cantico decantantes: moxque inthronizare ac etiam adorare solemniter, ut est moris. Post quæ sacris servatis solemnibus apud Constantiensem ecclesiam regali, cardinalium, prælatorum, & procerum, ac aliorum notabilium immensa multitudo astante præsentia, hac præsentis die ad Altissimi laudem, & pacem universi gregis fidelium, coronationis nostræ insignia cum omni exultatione, (in altissimis sit gloria) cum humilitate suscepimus. Quæ universitati vestra, ad cujus incrementa & statum paternis aspiramus affectibus, ad vestrorum cordium jocunditatem specialiter decrevimus intimanda: quam etiam status & honoris nostri & præfata Ecclesiæ sanctæ cognoscimus zelatricem. Illam quoque de nobis certam devotionem vestram volumus habere fiduciam, quòd vestram prosperitatem & pacem paterno zelantes affectu, illas conservare proponimus; & in quibus cum Deo poterimus, facultate succedente, favorabiliter promovere. Erga statum vero nostrum pariter & honorem, ac ipsius Ecclesiæ præfatam devotionem vestram hortamur, sic velit, ut speramus & cupimus, invigilare sedulo, ut ultra nostram ac apostolicæ sedis benedictionem, & gratiam ab æterno rerum opifice indeficientis vitæ munera post hujus labilis vitæ cursum consequi mereatur. Datum Constantiæ xi. calendas Decembris, pontificatus nostri anno primo.

\* Deest solemnitas aut quid simi-



## EPISTOLA

## COLLEGII CARDINALIUM

Ad universitatem Coloniensem.

*Significant celebratam electionem summi pontificis.*

**M**iseratione divina, episcopi, presbyteri & diaconi S. R. E. cardinales egregiis viris rectori & universitati studii Colonienfis salutem in domino sempiternam.

Pater futuri sæculi Princeps pacis de throno ejus ineffabilis pietatis atque clementiæ ad statum Petri naviculæ, variis & calamitosis undarum turbinibus per quadraginta annorum lugenda curricula ob schisma peltiferum lacrymabiliter laceffitæ, prospiciens, ac misertus jam tandem super illam, nec passus diutius sacrosanctam Romanam Ecclesiam catholicam post cessionem juris papatus dudum per olim JOHANNEM XXIII. & subsequenter GREGORIUM XII. in eorum obedientiis nuncupatos factas, & depositionem à papatu de dicto olim JOHANNI per sacrosanctam & generalem synodum Constantiensem; ac deinde de BENEDICTO XIII. in ejus obedientia nuncupato, & per ipsam synodum legitimè celebratas, suo præfule viduatam in maximum & enorme præjudicium animarum & corporum, & interitum deplorandum fidelium christianorum, ipsius viduitatis ulterius deplorandæ incommoda non ferens per infusionem Spiritus sancti paracliti diebus his proximis in corda hominum inspirare in maximo rerum turbine (nam ubi vult spirat) inestimabiliter est dignatus, ut post multos, diutinos, varios, laboriososque tractatus inter nos & deputatos commissarios nationum in præsentī synodo existentium, quas divina majestas ad pacem, reformationem, & unionem dictæ Ecclesiæ de universis christianitatis, & nonnullis aliis partibus in unum mirabiliter adunavit, super electione summi Romanique & futuri tunc proximi pontificis habitos, in ipsa generali synodo concorditer provisum extitit, & conclusum super modo & forma electionis ipsius Romani & futuri proximi pontificis, quod collegio nostro præfatæ Ecclesiæ cardinalium, sex coelectores pro qualibet quinque nationum in ipso concilio seu synodo existentium ad peragendum unà nobiscum electionem hujusmodi adjungerentur: ita tamen quod electus in papam per duas nostri collegii & duas alias partes coelectorum cujuscunque nationum prædictorum, concorditer à cunctis Christi fidelibus pro unico vero & indubitato pontifice præfatæ Ecclesiæ catholicæ haberetur, prout in decretis ipsius synodi latius denotatur. Post quæ nationes ipsæ supremis aspirantes affectibus, ut pro universali bono christianitatis electio ipsa in Altissimi gratiam concluderetur celeriter, ad electionem coelectorum hujusmodi procedentes, sex inter prælatos & alios viros gradibus, scientia, & virtute conspicuos ad electionem hujusmodi pro earum quinque nationum qualibet, nobis & no-

Astro collegio adjunxerunt; & deinde dictorum sex pro natione numero triginta coelectorum ad electionem ipsam celebrandam, electione per nationes, ut præmittitur, celebrata, in eadem synodo fuit confirmata solemniter cum potestate in decreto dicti concilii alias declarata. Quibus opportunè & solemniter peractis, die Lunæ octava instantis mensis circiter horam quartam post meridiem nos & dicti coelectores, fervatis de more fervandis, decretum conclave in domo communitatis Constantiensis notabili accommo, libertate atque securitate amplissimis communitum, ad omnipotentis Dei laudem & gloriam, pacem, statum & unionem præfatæ Ecclesiæ ac totalem extirpationem schismatis prædicti in Spiritus sancti nomine exultantes intravimus. Illoque qui de supero cardine ubi vult spirat, & fidelium corda vivificat, & illustrat, mentes nostras & nostrorum coelectorum inestimabiliter ac divinitus inspirante, die Jovis XI. præsentis mensis, circa horam decimam, & ad tam sacratissimum negotium, eodem Spiritu humillimè, prout tam sublimis materia exposcebat, ab intimis præcordiis invocato, unà cum coelectoribus præfatis consultatione & deliberatione maturis super statu ipsius Ecclesiæ, tranquillitate fidelium, & electione hujusmodi, præfati schismatis confusione universalī, vota nostra cum eisdem coelectoribus unanimi consensu ac libera voluntate, nemine discrepante, in reverendissimum in Christo patrem & dominum ODOM DE COLUMNA tunc S. Georgii ad velum aureum diaconum cardinalem confratrem nostrum, ejusdem Ecclesiæ verum & indubitatum pontificem suprema cordium nostrorum affectione direximus, ac ipsum elegimus & præfecimus eidem Romanæ Ecclesiæ in hujusmodi pontificem & pastorem. Moxque cum hymnis de more & canticis ipsum, mutato ODOMIS nomine in MARTINUM papam quintum, solemniter inthronizavimus, & adtravimus juxta morem, confectis super his omnibus ad futuram rei memoriam publicis documentis. Et deinde solemniter juxta ritum præfatæ Romanæ Ecclesiæ hac præsentī die in ecclesia Constantiensi canonicè & solemniter celebratis, adstante multitudine percelebri, in præsentia serenissimi principis domini SIGISMUNDI regis Romanorum & Ungariæ illustris, prælatorum, procerum, nobilium, ceterorumque ipsius domini nostri coronationis insignia celebravimus cum exultatione præmaxima. Quæ licet dominus circumspeditioni vestræ latius affectibus per suas litteras intimet; nos etiam significare decrevimus ad lætitiā singularem. Offerentes nos prona semper affectione dispositos apud ipsum dominum nostrum tranquillitatem vestram pariter, & honorem fraternaliter amplectentem pro omni statu & honore vestris interponere, totiusque vigilantie nostræ curas, casu quolibet ingruente. Vos autem, prout de vestra circumspeditione, & integritate erga statum, honorem, & gloriam præfatorum domini nostri & Ecclesiæ abunde confidimus, sic vos exhibeatis diligentissimum & solertem, ut

merito valeatis in Altissimo collaudari & condignæ remunerationis impendia promereri. Datum Constantiæ provinciæ Maguntinæ sub trium priorum nostrorum sigillis, XXI. Novembris ab assumptione pontificalis culminis ipsius domini nostri anno primo millesimo quadringentesimo decimo septimo, indictione decima.

# INSTRUMENTUM STUDII

HEYDELBERGENSIS TRADITUM NUNTIO B  
sibi nutianti electionem domini Martini papæ V.

Anno 1417

**I**N nomine sanctæ & individuæ Trinitatis, Amen. Noverint universi præsentis & futuri hoc præsens publicum instrumentum inspecturi, quod anno nativitatis Dominicæ MCCCCXVII. indictione x. die nona mensis Decembris, pontificatus sanctissimi in Christo patris domini nostri domini MARTINI digna Dei providentia sacrosanctæ Romanæ ac universalis Ecclesiæ & summi pontificatus papæ V. anno primo coram venerabili & egregio doctorum doctore domino magistro JOHANNE DE NOET rectore ad præsens almæ universitatis Heydelbergensis Wormatiensis diocesis, necnon venerabilibus viris dominis NICOLAO DE JANWER, HENRICO DE HOEMBORCH, WILLELMO DE EPPENBACH sacre theologiæ professoribus, NICOLAO DE BERTEMBERG, NICOLAO DE TREYSSET sacrorum canonum, WILLELMO DE DAVANTICIA in medicina doctoribus, WILLELMO DE LYRA decano facultatis artium, totoque cœtu aliorum regiminis & non regiminis nobilium baccaleorum, scolarium & suppositorum almæ Universitatis per bedellum ejusdem, ex commissione dicti domini rectoris, ut moris est, ad hunc audiendum specialiter evocatorum, personaliter constitutus venerabilis LUDOVICUS DE MUTLIANA Faventinæ diocesis artium & medicinæ magister & doctor egregius, à præfato domino nostro papa ad hujusmodi almam universitatem nuntius specialiter destinatus, quasdam litteras, unam videlicet secretam præfati domini nostri papæ, ejus vera bulla in cordula canapis more Romanæ curiæ impendente bullatam, & aliam papyream reverendissimorum in Christo patrum & dominorum S. R. E. cardinalium sub tribus sigillis priorum cardinalium eorundem de cera rubea per impressionem signatam, modum & formam electionis & coronationis dicti domini nostri papæ in se continentes in præsentia dictæ almæ universitatis hujus rei causa, ut præmittitur, congregatæ, in medium produxit, atque præfato domino rectori tamquam capiti ejusdem universitatis honorificè præsentavit. Quas idem dominus de manibus humiliter & devotè ac cum omni qua decuit reverentia suscipiens, ipsas mihi notario tradidit publicè legendas, & eidem universitati publicandas: quas ego notarius infra scriptus de mandato ejusdem rectoris aperiens, easdem publicè alta & intelligibili voce perlegi & publicavi. Quibus quidem litteris sic, ut præ-

mittitur, debite perlectis & publicatis cum collatione & assumptionis, electionis, coronationisque præfati domini nostri papæ recitatione, ac ipsius & universalis sanctæ matris Ecclesiæ status, & horum recommendatione per præfatum dominum LUDOVICUM nuntium ad ipsam universitatem laudatis, factis & expeditis; egregius sacre theologiæ professor magister NICOLAUS prælibatus præfato nuntio præfati & astanti, ac suæ collationi nomine dictæ universitatis respondit hujusmodi verba, videlicet: *Hæc est dies boni nuntii* pro themate assumendo: quod quidem thema per similia membra subtiliter distinguendo & introducendo solemniter & honorificè cum jubilo & gaudio immenso conclusit: Hæc est dies boni nuntii, unionis videlicet sanctæ matris Ecclesiæ per tot annorum lugenda circula lamentabiliter lacescitæ, ac electionis & assumptionis præfati Sanctissimi domini nostri domini MARTINI papæ V. unici veri & summi pontificis per omnes cardinales & deputatos singularum nationum in civitate & concilio Constantiensi tunc in conclavi existentes, unanimiter, eorum nemine discrepante factæ & celebratæ: cui domino nostro papæ tamquam vero & indubitato Romano & universalis Ecclesiæ summo pontifici & pastori, & B. Petri legitimo successori; ipsiusque præceptis, monitis, & mandatis, ipsa hujusmodi universitas sæpedita, tamquam filii humillimi volunt & intendunt irrevocabiliter in omnibus, & per omnia, prout decet, devotè & humiliter obedire. Recommendantes se & sua cum humilibus reverentia & subjectione ad præfati sanctissimi domini nostri papæ pedum oscula beatorum: hymnumque *Te Deum laudamus* de principio usque ad finem cum antiphona de B. MARIA Virgine gloriosa solemniter cum exultatione maxima decantantes, ad laudem, gloriam & honorem omnipotentis Dei ac pacem & unitatem universalis Ecclesiæ & totius populi christiani. Super quibus omnibus & singulis præfatus M. LUDOVICUS nuntius petiit sibi per me notarium infra scriptum unum vel plura publica fieri instrumenta. Acta fuerunt hæc in ecclesia regali S. Spiritus Heydelbergensi dictæ Wormatiensis diocesis, sub anno, indictione, die, mense & præsentibus quibus supra, hora vesperorum vel quasi; præsentibus ibidem supradictis doctoribus & magistris aliisque suppositis dictæ Universitatis ad hoc, ut præfertur, inibi congregatis, aliorumque notabilium virorum in multitudine copiosa, tenores & fines dictarum litterarum, de quibus fit mentio sequuntur per ordinem & sunt tales: MARTINUS Episcopus servus servorum Dei dilectis filiis rectori & universitati Heydelbergensi salutem & apostolicam benedictionem. Misericors & miserator dominus, &c. usque deplorare non compassus, &c. & sibi fiant. Datum Constantiæ XI. calendas Decembris pontificatus nostri anno primo. Alterius vero litteræ dominorum cardinalium principium sequitur in hæc verba: Miseratione divina episcopi, presbyteri, diaconi S. R. E. Cardinales egregis viris Rectori & universitati

versitati studii Heydelbergensis salutem in domino sempiternam. Pater futuri sæculi, Princeps pacis, de throno ejus, &c. usque ibi suo præfule viduata, &c. & sic finit: Datum Constantiæ provinciæ Maguntinæ sub trium priorum nostrorum sigillis XXI. \* Decembris ab assumptione pontificalis culminis ipsius domini nostri anno primo MCCCCXVII. Indictione X.

\* 1. Novembris.

Et ego JOHANNES DE WERTHUSEN clericus Trajectensis diocesis, publicus apostolica auctoritate notarius præmissis omnibus & singulis, dum sic, ut præmittitur, agerentur & fierent, unà cum præfatis rectore, doctoribus & magistris, nec non totius Universitatis suppositis interfui, eaque omnia & singula sic fieri vidi & audiui. Ideo hoc præsens publicum instrumentum manu mea propria scriptum ... confeci, publicavi, & in hanc formam publicam redegi, signumque meum solitum & consuetum apposui rogatus & requisitus in fidem & testimonium omnium & singulorum præmissorum.

*Similes litteras iisdem pene verbis conceptas & expressas nomine universitatis Colonienfis die prima Januarii anni MCCCCXVIII. datas continet idem codex ms. quas hic exscribere non multum juvat.*

## EPISTOLA XXXVII.

Oratorum universitatis Colonienfis.

*Mittunt nonnulla decreta proposita circa reformationem.*

Anno 1418.

Venerabiles magistri & Domini. Infra scripta sanctissimus dominus noster apostolicus die XVIII. mensis Januarii obtulit nationibus, aperiens quid circa subscriptos XVIII. articulos reformationis, super quibus primò agendum erat, suæ sanctitati videatur. Non tamen sunt adhuc per nationes approbata. Sed tractabitur circa illa. Misi tamen illos vestris reverentiis, ut possitis intelligere quòd negotia tendant, & secundum hoc vos regere. Videretur mihi bonum quod mittendi per vos venirent, & sub tali numero quòd non deficiant in expensis. Magnum murmur est in concilio contra conservatorias Universitatum, contra injuriatores & offensores: & multi tam principes quàm comites & alii nobiles conqueruntur. Expediit quod ista adhuc teneantur apud vos sub secreto.

*Sequantur decreta pro reformatione, de numero cardinalium, de provisionibus Ecclesiarum, monasteriorum, &c. ut in edita appendice ad concilium Constantiense pag. 1450. & seq.*



*Theſauri Anecd. Tomus II.*

## EPISTOLA XXXVIII.

Oratorum universitatis Colonienfis.

*De modo conferendi beneficia.*

D Omini & magistri dilectissimi, valde perplexus sum in materia collationis beneficiorum nesciens quid pro quo eligere. Parisienses omnino sunt inclinati ad hoc quod omnes collationes maneant apud papam. Oxonienses non, & alia quædam studia. Et attentata dispositione Almanniæ durum esset quòd universitas nostra faceret contra prælatos Almanniæ, & similiter si faceret se partem pro eis. Deus det illud fieri quod melius & sanctius fuerit. Sentio quòd multi sunt inclinati ad hoc quòd provideatur Universitatibus principaliter; sed solidum & securum modum difficillimum est invenire propter diversos status diversarum nationum, regnorum & provinciarum. Fortè non expedit ista coram tota Universitate publicare. De rotulo scripti aliquoties quod fiat in omnem eventum: tamen non consulo nisi aliud scripsero, quod cum pecuniis de rotulo colligendis aliqua ambaxiata mittatur: quoniam si non sequeretur effectus, esset hoc ad confusionem nuntiorum. Verum est tamen quòd multum expediret quòd aliquis vel aliqui de sociis meis redirent ad me ad promovendum negotia Universitatis per unum modum vel per alium; & spes esset quòd etiam personis ipsorum aliquo modo provideretur. Scriptum Constantiæ XIX. Septembris.

## EPISTOLA XXXIX.

Oratorum universitatis Colonienfis.

*Hispaniam vero summo pontifici obedire, & Græcos ad Romanam ecclesiam reverti.*

Venerabiles magistri & domini, sicut prius An 1418 scripsi; videretur mihi expedire quòd nuntii Universitatis nostræ venirent; quia dominus apostolicus jam aliquos rotulos signavit, præsertim pro Hispania, & etiam pro magistris de natione Gallicana præsentibus in concilio. Non tamen intellexi quòd aliquem signaverit pro principe aut prælato nationis Germanicæ. Alia non occurrunt, nisi quod in profesto Purificationis B. Mariæ fuit missa celebrata de sancto Spiritu propter nova certa recepta de Hispania. Ista scilicet quòd omnes reges Hispaniæ derelinquunt PETRUM DE LUNA, & obediunt domino nostro apostolico. Et illi prælati cardinales & alii qui adhærebant dicto PETRO, omnes dimiserunt eum, tribus demtis. Item, venerunt certa nova de baptismo generaliter suscepto per Samaycas, & de firma spe reversionis Græcorum ad obedientiam Ecclesiæ Romanæ. Alias per N. nuntium civitatis misi vobis avisamenta domini nostri; non tamen concordata. Et circa avisamentum de exemptionibus

Ppppp

quoad finem ejus sum satis perplexus quia posset fortè esse præjudiciale nostræ Universitati, si in illa forma transiret.

## EPISTOLA XL.

Oratorum universitatis Colonienfis.

*Quæ fuerit mens summi pontificis de collatione beneficiorum.*

Anno 1418.

**R**everende magister & amice carissime, recepi hodie duas vestras litteras, ex quarum ultima intellexi exitum vestrum fore suspensum usque ad scripturam meam. Et revera super digestionem negotiorum concilii non possum adhuc scribere conclusivè, sed juxta ea quæ hodie intellexi cras aperiet papa mentem suam super illis XVIII. punctis reformationis concernentibus curiam. Et si mens papæ placuerit nationibus, citius erimus expediti. Citò scribam plenius. Verum est quòd jam pluribus diebus expectavi adventum vestrum; & non credidisse de tanta tardatione, quæ si expediat nescio. Et utinam jam essetis mecum. Verumtamen contra deliberationem Universitatis scribere non præsumo. Et nisi fallor, tempus est veniendi. Quoad numerum mittendorum non decet me dare legem matri meæ Universitati: tamen videtur mihi quòd duo sufficerent. Hodie, scilicet vicesima Januarii papa aperuit mentem suam in scriptis, & quoad collationem beneficiorum disposuit quòd ipse conferat beneficia reservata, clausa in corpore juris, & juxta extravagantem *Ad regimen*. Et de residua parte beneficiorum ipse conferet duo prima, ordinarius tertium, quando velit dare gratias expectativas nescio adhuc. Nec scio an nationes acceptabunt avisata per papam. Alia non occurrunt de præsentis. Scriptum Constantiæ XVIII. Januarii.

## AVISAMENTUM.

**R**everendissimi patres & domini, Quia post usurpationem collationum beneficiorum ecclesiasticorum ad Romanam curiam, gravis contra eandem à collatoribus ordinariis querela surrexit, nimia exorbitantia ex multiplicitate gratiarum, confusio & distorta inordinatio litigantium, intrudentium & intrusorum rebellio, & depauperatio universarum mundi provinciarum & regnorum; immo & omnimoda desolatio generalium studiorum factæ sunt: quia omnes in unum, dives & pauper currebant, & afferebant munera prælatorum, qui coquinis & stabulis inservierunt, & quod pretio pecuniarum aut præsidio scientiarum non poterant, servitiis & ejusmodi mercede ab honestate clericali penitus alienis comparare satagebant. Ideo modis omnibus sacrum concilium propter reformationem status ecclesiastici tam in capite quàm in membris salubriter congrega-

tum de istis debet & habet necessario providere, Et ne status summi pontificatus in hoc nimium deprimatur; & ex adverso ordinariorum collatorum potestas, quæ etiam nimis laxata evidenter exorbitat, nimium exaltetur, attendantur avisamenta quæ sequuntur.

Primò quia papalem gravitatem, quæ maximis negotiis continuè agitur, non decet se circa minima occupare, sed illa inferioribus expedienda relinquere: ideo statuatur hoc generale concilium quòd summus pontifex nullatenus conferat illa minora beneficia, quæ taxam octo marcarum argenti non excedant: & si qua provisio de illis fiat, aut si gratiam habens tale beneficium acceptare præsumserit, & sibi de illo provideri obtinuerit; sint provisio & acceptatio hujusmodi nullæ ipso facto, nec sub gratia cujusquam quoquo modo cadat.

Item, ad evitandam nimiam multitudinem gratiarum expectatarum hætenus in gravamen ordinariorum, & tam diffusè factarum, disponat sacrum concilium quòd hujusmodi gratiæ cum tantis ordinatione & moderatione fiant: ita quòd alternativè summus pontifex primum & collator secundum; & iterum papa tertium, & collator quartum; & ita consequenter habeant conferre beneficia personis habilibus & idoneis; & quilibet in ordine suo acceptet vel sibi providere faciat, ut non sit cuicumque optio suum ordinem prætereundi, & ex fomite avaritiæ pinguius beneficium expectandi. Et de isto caveatur in litteris apostolicis per clausulas ad hoc aptas. Et contra hujusmodi alternationem & apostolicum expectantem in ordine suo post publicatas litteras sub decreto papali non liceat ordinario sub pœna suspensionis à collatione sua per tempus vitæ suæ quemquam in beneficium intrudere, aut alteri conferre quoquo modo.

Item, ultra hoc habeat summus pontifex conferre omnia & singula beneficia apostolicæ sedi in corpore juris & in extravaganti *Ad regimen* reservata, summam prædictam excedentia.

Item, habeat ultra hoc disponere de beneficiis inhabilium & irregularium, & de quibus ordinarii male disposuerunt, aut quæ ad ipsius dispositionem secundum dispositionem juris devolvuntur aut forent devoluta.

## EPISTOLA

## UNIVERSITATIS COLONIENSIS AD PRÆCEDENTES RESPONSIVA

*Non expedire beneficia conferri per ordinarios: si tamen aliter fieri non possit, quid tunc agendum.*

**V**enerabilis magister & domine, super materia litteræ vestræ nobis directæ juxta contenta ejusdem aliquos de universitate nostra convocavimus, cum quibus deliberavimus; & finaliter omnium nostrum deliberationes in hoc resederunt, quòd nullo modo expedit ecclesiis in partibus nostris quòd ordinarii collatores &

Anno 147

collatrices beneficia sua conferant, propter preces principum & dominorum armatas, & propter multa damna & mala quæ inferrentur ecclesiis & prælatis, ac aliis personis ecclesiasticis, si hujusmodi preces non exaudirent, prout etiam vos nobis melius sentire potestis. Verumtamen si ordinationi concilii in his resistere non possitis, quia timetis quod ipsi prævalere debeant, prout scribitis: propterea propter indoneitatem personarum ecclesias parochiales in partibus Almanniæ regentium, immo verius absentium, ut super his cum prælatis inibi congregatis tractetis de opportunitate congruentissima quæ erit sanctæ civitati Coloniensi & toti Universitati bene grata & acceptata, &c. visum est nobis, salvo consilio vestro meliori, quod Universitatibus in genere provideatur hoc modo, videlicet, quod sacrum concilium statuatur & ordinet, & papa postea electus confirmet, quod ordinarii collatores & proinde ecclesiastici ecclesias parochiales x. marcas puri argenti & ultra valentes non conferant nisi in aliqua facultate graduatis & de alia provincia natis, qui nullum aliud habeant beneficium, & in eisdem perpetuam jurent & faciant residentiam. Item, quod ad dignitates non eligantur aut assumantur, nisi illustres aut in theologia professores, vel in eadem aut in altero jure licentiati, aut bachalarii in theologia formati, vel ad minus ex utroque parente de militari prosapia procreati, de eadem provincia nati, & competentis litteraturæ, unicum beneficium dumtaxat & compatibile habentes, qui similiter in eis continuam residentiam facere jurent & faciant. Et si aliis personis conferantur, irrita sit ipso jure collatio, & ipsi collatores sint eo ipso potestate conferendi illas hac vice privati; & ad proximum superiorem devolvatur conferendi potestas, qui personis prædictis de illis providere habeat, & non aliis sub pœnis prædictis. De aliis autem beneficiis, videlicet præbendis, ecclesiis parochialibus minoris valoris, ac vicariis, disponant ordinarii collatores pro servitoribus & amicis suis; sic tamen quod ultra tria beneficia simplicia nulli conferantur. Si quis autem quartum beneficium tria habenti contulerit, per annum suspensus sit & maneat à collationibus omnium beneficiorum, & potestas conferendi ea devolvatur pro illo tempore ad proximum superiorem. Et ille qui quartum beneficium acceptaverit, amittat ipso facto tria priora. Si prædictus modus per ordinarios collatores observetur, ipsi sufficienter providere poterunt suis servitoribus & amicis; & scientia cum graduatis fulgebit in ecclesia Dei; & per eosdem gratia ipsius populus regetur in plenitudine pacis; & multi undique confluent ad studia litterarum, ut promoveantur ad gradus & ad dignitates exaltentur. Insuper videtur nobis expedire, ut obtineatur confirmatio privilegiorum Universitatis nostræ, quorum copias vobis transmittimus, ut super his plenius deliberare possitis. Item, videtur nobis expedire, si obtineri possit, quod impetraretur pro fundatione & incorporatione nostræ Universitatis,

*Theauri Anecd. Tom. II.*

A & sibi incorporaretur totum collegium ecclesiæ S. Andreæ Coloniensis: ita quod cedentibus aut decedentibus iis qui ibidem jam sunt præbendati, in locum ipsorum non assumerentur nisi birretati de Universitate studii nostri prædicti, qui ibidem perpetuè Deo & Ecclesiæ ac Universitati nostræ servirent, & continuè residerent. Scimus quod pro vobis & pro præmissis pecuniæ sunt necessariae; & ideo laborabimus apud dominos de consilio civitatis Coloniensis, & inter nos, prout melius poterimus, pro eis habendis & mittendis.

## LITTERÆ JOHANNIS OSTIENSIS

E P I S C O P I

AD UNIVERSITATEM COLONIENSEM.

*Mittit capitula reformationis in concilio Constantiensi edita.*

C U Niversis & singulis JOHANNES miseratione divina episcopus Ostiensis S. R. E. cardinalis & vicecancellarius, salutem in Domino & præsentibus fidem adhibere.

Anno 1417.

Si juxta laudabilem antiquorum sententiam & providum sapientum consilium, dignum est ea quæ majorum consultissima providentia in subditorum gratiam & commoda geruntur, scripturæ testimonio redigere: dignum per consequens est & rationi consentaneum, ut adeo nota fiat eorum veritas, quod inde nec desit pacificis opportuna provisio, nec usquam perverfis sub ignorantia variandi supina facilitas relinquatur. Cùm itaque nuper inter sanctissimum in Christo patrem & dominum dominum MARTINUM divina providentia papam quintum, & reverendos patres prælatos, nec non egregios & circumspectos viros ambaxiatores, procuratores, doctores, & magistros, ceterosque venerabilem nationem Germanicam in generali Constantiensi concilio \* repræsentantes & fa- Deest ecclesiam. cientes nonnulla capitula concordata & ab utraque parte sponte suscepta, nec non de dicti domini nostri papæ mandato in libro cancellariæ S. R. E. in quo Romanorum pontificum constitutiones & ordinationes solent conscribi, ad futuram rei certitudinem, nobis operam dante, prout ad nostrum spectat officium, die xv. mensis Aprilis pontificatus domini nostri papæ anno primo conscripta fuerunt, ac de simili mandato in audientia contradictarum die secunda mensis Maii anno quo supra lecta & publicata: adjecto quod sub nostrarum litterarum testimonio indigens quisque sibi testimonium sumere valeat in toto, vel in ea parte qua indigeret earumdem, nos ad venerabilium nunciorum universitatis studii Coloniensis instantiam capitula hujusmodi sic, ut præfertur, concordata & sponte suscepta ex integro ex libro prædicto de verbo ad verbum fideliter conscribi & præsentibus annotari fecimus: quorum tenor sequitur in hunc modum.

P p p p p ij



*De numero & qualitate cardinalium.*

Statuimus, ut deinceps cardinalium numerus S. R. E. adeo sit moderatus, quòd non sit gravis Ecclesiæ, qui de omnibus partibus christianitatis proportionaliter, quantum fieri poterit, assumantur: ut notitia causarum & negotiorum in Ecclesia emergentium facilius haberi possit, & æqualitas regionum in honoribus ecclesiasticis observetur: Sic tamen quòd numerum xxiv. non excedant, nisi pro honore nationum quæ cardinales non habent, unus vel duo pro semel de consilio & consensu cardinalium assumendi viderentur. Sint autem viri in scientia, moribus, & rerum experientia excellentes, doctores in theologia, aut in jure canonico vel civili, præter admodum paucos, qui de stirpe regia vel ducali aut magni principis oriundi existant: in quibus competens litteratura sufficiat. Non fratres aut nepotes ex fratre vel sorore alicujus cardinalis viventis, nec de uno ordine mendicantium ultra unum. Non corpore vitiati, nec alicujus criminis vel infamiæ nota respersi. Nec fiat eorum electio per auricularia vota solummodo; sed etiam de concilio cardinalium collegialiter, sicut in promotione episcoporum fieri consuevit. Qui modus etiam observetur quando aliquis ex cardinalibus in episcopum assumetur.

*De provisione ecclesiarum, monasteriorum, prioratuum, dignitatum, & aliorum beneficiorum.*

Sanctissimus dominus noster papa MARTINUS V. super provisionibus ecclesiarum, monasteriorum & beneficiorum quorumcumque utetur reservationibus juris scripti & constitutionis *execrabilis* & ad regimen modificatæ ut sequitur. Ad regimen ecclesiæ generalis quamquam immeriti fraterna dispositione vocati, gerimus in nostris desideriis, ut debemus, quod per nostræ diligentiae studium ad quorumlibet ecclesiarum & monasteriorum regimina, & alia beneficia ecclesiastica, juxta divinum beneplacitum & nostræ intentionis affectum, viri assumantur idonei, qui præsent & prosint committendis eis ecclesiis, monasteriis, & beneficiis prælibatis. Præmissorum namque consideratione inducti, & suadentibus nobis aliis rationabilibus causis nonnullorum prædecessorum nostrorum Romanorum pontificum vestigiis inhærentes, omnes patriarchales, archiepiscopales, episcopales ecclesias, monasteria, prioratus, dignitates, personatus, & officia, nec non canonicatus & præbendas, & ecclesias, ceteraque beneficia ecclesiastica cum cura vel sine cura, sæcularia & regularia, quæcumque & qualiæcumque fuerint, etiam si ad illa consueverint seu debuerint personæ per electionem seu quemvis alium modum assumi, nunc apud sedem apostolicam quoquo modo vacantia & in posterum vacatura, nec non per depositionem vel privationem seu translationem per nos seu auctoritate nostra factas & in antea faciendas ubilibet, nec non ad quæ aliqui in concordia seu discordia electi vel postulati

A fuerint, quorum electio cassata seu postulatio repulsa, vel per eos facta renuntiatio, & admissa nostra auctoritate constiterit; seu quorum electorum vel postulatorum & in antea eligendorum seu postulandorum electionem cassari, vel postulationem repelli, aut renunciationem admittere per nos, aut auctoritate nostra contigerit apud sedem prædictam, vel alibi ubicumque, & etiam per cardinales ejusdem Ecclesiæ Romanæ aut officiariorum dictæ sedis, quamdiu ipsa officia aliqualiter tenebunt, videlicet vicecancellarii, camerarii, septem notariorum, auditorum litterarum contradictarum, & apostolici palatii causarum auditorum, correctorum cetuum & unius, scriptorum litterarum apostolicarum, & xxiv. poenitentiariæ dictæ sedis, & xxv. abbreviatorum, nec non verorum commensalium nostrorum, & aliorum xxv. capellanorum sedis ejusdem in epitaphio descriptorum, & etiam quorumcumque legatorum seu collectorum, ac in terris Ecclesiæ Romanæ rectorum, & thesaurariorum deputatorum, seu missorum hactenus, vel deputandorum ac mittendorum in posterum vacantia & in antea vacatura, dictos legatos, vel collectores, seu rectores aut thesaurarios antequam ad Romanam curiam redierint seu venerint, rebus eximi contigerit ab humanis, necnon quorumlibet pro quibuscumque negotiis ad Romanam curiam venientium vel etiam recedentium ab eadem, si in locis à dicta curia ultra duas dietas legales non distantibus jam forsitan obierint, vel eos in antea transire de hac luce contigerit, & etiam simili modo quorumcumque curialium peregrinationis, infirmitatis, aut recreationis, seu alia quacumque causa ad quævis loca secedentium, si eos antequam ad dictam curiam redierint in locis ultra duas dietas ab eadem curia, ut præmittitur, non remotis, dummodo eorum proprium domicilium non existat ibidem, jam forsitan decesserint, vel in posterum eos contigerit de medio submoveri, nunc per obitum hujusmodi vacantia vel in posterum vacatura. Rursus monasteria, prioratus, decanatus, dignitates, personatus, administrationes, officia, canonicatus, præbendas, & ecclesias, ceteraque beneficia sæcularia & regularia cum cura vel sine cura, quæcumque vel qualiæcumque fuerint, etiam si ad illa personæ consueverint seu debuerint per electionem seu quemvis alium modum assumi, quæ promoti per nos vel auctoritate nostra ad patriarchalium, archiepiscopatum & episcopatum ecclesiarum, necnon monasteriorum regimina obtinebant tempore promotionum de ipsis factarum, nunc quocumque modo vacantia seu in posterum vacatura, necnon etiam quæ per assentionem pacificam quorumcumque prioratum, personatum, officiorum, canonicatum, præbendarum, ecclesiarum aut beneficiorum aliorum per nos seu auctoritate nostrarum litterarum immediate collatorum seu conferendorum in posterum, præterquam si virtute gratiæ expectativæ assensio fiat, nunc vacantia & in antea vacatura, plena super præmissis omnibus & singulis cum fatribus nostris collatione præhabita, &



matura deliberatione secuta; ordinationi, dispositioni, ac provisioni nostræ usque ad quinquennium de ipsorum fratrum consilio auctoritate apostolica reservamus: decernentes ex nunc irritum & inane, si secus super præmissis, & quolibet eorum per quoscumque quavis auctoritate scienter vel ignoranter contigerit attentatum: non obstantibus quibuscumque constitutionibus à prædecessoribus nostris Romanis pontificibus editis, quatenus obsistere possent superius enarratis articulis, vel alicui seu aliquibus eorum dicto quinquennio durante. Nulli ergo, &c.

In ecclesiis cathedralibus & etiam in monasteriis apostolicæ sedis immediatè subjectis fiant electiones canonicæ, quæ ad sedem apostolicam deferantur, quas etiam ad tempus constitutum, & in constitutione NICOLAI III. quæ incipit *Cupientes* papa expectet. Quo facto, si non fuerint præsentatæ, vel si præseotatæ minus canonicæ fuerint, papa provideat: si verò canonicæ, papa eas confirmet, nisi ex causa rationabili vel evidenti, & de fratrum consilio de digniori & utiliori persona duxerit providendum: proviso quòd confirmati per papam nihilominus Metropolitanis & aliis præstent debita juramenta, & alia ad quæ jure tenentur.

In monasteriis quæ non sunt immediatè subjecta sedis apostolicæ, nec non aliis beneficiis regularibus, super quibus pro confirmatione seu provisione non consuevit haberi recursus ad sedem apostolicam, non teneantur venire electi seu illi, quibus providendum est ad curiam, ad habendam confirmationem seu provisionem: nec etiam dicta beneficia regularia cadant in gratias expectativas. Ubi autem in monasterio ad curiam Romanam pro confirmatione venire vel mittere consueverunt, ibi papa non aliter confirmet aut provideat, quam superius de ecclesiis cathedralibus est expressum. De monasteriis monialium papa non disponet, nisi sint exempta; & tunc per commissionem in partibus.

De ceteris dignitatibus & beneficiis quibuscumque sæcularibus & regularibus vacaturis, ultra reservationes jam dictas, majoribus dignitatibus post pontificalem in cathedralibus & principalibus & collegiatis ecclesiis, exceptis de quibus jure ordinario provideatur per illos inferiores ad quos pertinet, nec computentur in turno seu vice eorum; idem dominus noster papa declarat, quòd per quamcumque aliam reservationem, gratiam expectativam, seu quamvis aliam dispositionem, sub quacumque verborum forma per eum aut ejus auctoritate factam vel faciendam non velit, neque vult; neque intendebat, nec intendit, facere aut fieri quominus de media parte illarum & illorum, cum vacabunt, alternis vicibus, prout ad ipsos spectabit de consuetudine vel de jure: ita quòd cum de una dignitate, personatu, officio, vel beneficio ex illis ad electionem, provisionem, collationem, seu quamvis aliam dispositionem primo loco pertinebat, de alio immediatè postea vacaturo provideat aut disponat prout ad eum

A pertinebit: & ita consequenter de singulis hujusmodi dignitatibus, personatibus, officiis & beneficiis vacaturis auctoritate ejusdem domini nostri papæ & aliorum prædictorum alternatis vicibus disponatur: reservationibus aut aliis à præmissis dispositionibus domini nostri papæ factis vel faciendis non obstantibus quibuscumque. Quotiens verò aliquo vacante beneficio cadente in vice & gratia expectativa non apparuerit infra tres menses à die notæ vacationis in loco beneficii, quòd alicui de illo secundum prædictas ordinationes fuerit apostolica auctoritate provisum; ordinarius ad quem illius dispositio pertinebit, de illo liberè disponat, nec sibi in sua vice computetur.

Sanctissimus dominus noster papa MARTINUS V. ad exaltationem fidei catholicæ & spirituales profectum populi christiani de consensu & beneplacito nationis Germanicæ statuit, ordinat & decernit, quòd deinceps in metropolitanis & cathedralibus ecclesiis nationis Germanicæ ejusdem sexta pars canonicatum & præbendarum pro doctoribus aut licentiatibus in sacra pagina aut altero jurium, vel in theologia bachalariis formatis, aut magistris in medicina, qui per biennium; seu magistris in artibus, qui per quinquennium post magisterium in theologia aut altero jurium studuerint in studio generali: sic videlicet quòd ubicumque non fuerit sexta pars canonicorum præbendatorum in metropolitana vel cathedrali ecclesia taliter graduatorum; ibi quicumque deinceps vacaverit canonicatus aut præbenda quacumque etiam apostolica vel alia auctoritate, nonnisi taliter graduatis conferatur, quousque dicta sexta pars compleatur taliter graduatis. Si tamen infra mensem à tempore vacationis cujuslibet præbendæ numerandum repertus fuerit taliter graduatus & alias idoneus, qui per se vel procuratorem voluerit acceptare: quòd postmodum continuetur, ut ad minus dictus numerus sextæ partis canonicorum, ut præmittitur, graduatorum in ipsis metropolitanis & cathedralibus ecclesiis habeatur. Ubi autem soli consueverunt illustres aut de comitum & baronum genere, vel ex utroque parente militares in canonicos admitti, taliter graduati qui acceptare voluerint, si taliter nobiles, ut præmittitur, fuerint in illis Ecclesiis, ceteris etiam nobilibus usque ad dictum numerum præferantur.

Item, quòd in aliis collegiatis ecclesiis ejusdem nationis similiter sexta pars canonicatum & præbendarum deinceps præmissis modo conferantur sic, ut præmittitur, graduatis, aut saltem in medicina, vel in artibus magistris, vel licentiatibus, aut in theologia aut altero jurium bachalariis examinatis per rigorem.

Item, quòd parochiales ecclesiæ habentes communicantes, qui secundum famam publicam attendantur duo millia communicantium vel plures, deinceps non conferantur etiam apostolica vel alia quavis auctoritate, nisi doctoribus aut licentiatibus in sacra pagina, aut jure canonico vel civili, vel bachalariis in theologia formatis: si tamen infra mensem à die vacatio-

nis ecclesiæ numerandum reperiatur taliter graduatus, qui per se vel procuratores voluerit acceptare: Decernatur irritum & inane, si secus in præmissis, tam circa canonicatus & præbendas, quam parochiales ecclesias, vel eorum aliquod à quoquam, quamvis auctoritate etiam apostolica fuerit attentatum: salvis semper laudabilibus consuetudinibus & statutis ecclesiarum, quæ præmissis non adversantur; in contrarium autem facientibus non obstantibus quibuscumque.

Item, quatenus prædicta ordinatio pluribus profit, & humanæ ambitioni frænum imponatur; ordinat, statuit, & decernit idem dominus noster papa, quod vigore præsentis constitutionis seu ordinationis nemo graduatorum possit ultra unum beneficium ecclesiasticum adipisci. Item, vult quod in pari data ad eandem collationem graduatus non graduato præferatur, prærogativis & diligentia non obstantibus quibuscumque.

Beneficio-  
rum plura-  
litas dam-  
nata.

Item, quod vicariæ ad certa chori officia in ecclesiis cathedralibus & collegiatis deputatæ, non conferantur, etiam auctoritate apostolica, nisi talibus, qui hujusmodi officia cantando, legendo, & alias sciverint, & potuerint personaliter adimplere.

#### *De Annatis.*

De ecclesiis & monasteriis virorum dumtaxat vacantibus & vacaturis, solventur pro fructibus primi anni à die vacantiae summæ pecuniarum in libris cameræ apostolicæ taxatæ, quæ communia servitia nuncupantur. Si quæ verò excessivè taxatæ sunt, justè retaxentur; & provideatur specialiter in gravatis regionibus secundum qualitatem rerum, temporum, & regionum, ne nimium prægraventur. Ad quod dabuntur commissarii qui diligenter inquirent & retaxent. Taxæ autem prædictæ pro media parte infra annum à die habitæ possessionis pacificæ totius vel majoris partis solventur: & pro media parte alia infra sequentem annum. Et si infra illud tempus bis vel pluries vacaverit, semel tantum solvetur, nec debitum hujusmodi in successorem in ecclesia vel monasterio transeat. De ceteris autem dignitatibus, personatibus, officiis & beneficiis sæcularibus quibuscumque, quæ auctoritate sedis apostolicæ conferuntur, vel providebitur de eisdem; præter quàm vigore gratiarum expectativarum aut causa permutationis, solvatur annata, seu medii fructus juxta taxam solitam à tempore unionis infra annum; & debitum hujusmodi in successorem in beneficio non transeat. De beneficiis verò qui valorem xxiv. florinorum de camera non excedunt, nihil solvatur: debitum omnibus præteriti temporis usque ad administrationem domini nostri communium servitorum & annatarum pro medietate relaxatis solventibus aliam medietatem infra sex menses à die publicationis.

*De causis tractandis in Romana curia vel non.*

Sanctissimus dominus noster papa MARTINUS

V. statuit & ordinat, quod nullæ causæ in Romana curia committantur, nisi quæ de jure & natura causæ in Romana curia tractari debent: & quod causæ quæ ad forum ecclesiasticum de jure vel consuetudine non pertinent, per Romanam curiam, & etiam prætextu crucesignationis laïcorum extra tempus passagii generalis non recipiantur, de illis cognoscendo in curia, vel extra committendo, nisi de consensu partium. Quæ verò ad forum ecclesiasticum pertinent, & de jure per appellationem, aut alias ad curiam Romanam sunt devolutæ, ac de sui natura in eadem tractandæ; tractentur in ea. Ceteræ committantur in partibus, nisi forsan pro causæ & personarum qualitate in commissione exprimenda, illas tractari in curia expediret pro justitia consequenda, vel de partium consensu in curia tractarentur.

#### *De commendis.*

Ordinat dominus noster papa, quod in posterum monasteria aut magni prioratus conventuales his partibus ultra x. religiosos & officia claustralia, dignitates majores post pontificalem in cathedralibus, sive ecclesiæ parochiales nulli prælato etiam cardinali dentur in commendam. Datæ autem & dati quàm primùm commendatariis loco illarum de æquivalenti providebitur. Post pacificam possessionem adeptam illas dimittant. Una ecclesia metropolitana uni cardinali vel patriarchæ concedi poterit provisionem sufficientem alias non habenti.

#### *De Simonia.*

Ut autem considerata malitia aliquorum temporum proximè præteritorum, de quibus labes simoniaca tam in ordinibus, quàm in beneficiis ecclesiasticis tunc conferendis & percipiendis, ac religionibus ingrediendis, fuit, heu! nimium frequentata; læsis in hoc conscientiis ad puriorem administrationem & perceptionem sacramentorum ecclesiasticorum salubriter consulatur: omnibus & singulis patriarchis, archiepiscopis, episcopis, abbatibus, abbatissis, ceterisque prælatis, nec non clericis & personis ecclesiasticis, religiosis & sæcularibus utriusque sexus, ut quilibet eorum infra tres menses post publicationem aut insinuationem præsentium sibi, aut in diocesi ubi domicilium habuerit, factam, aliquem in sacra pagina, vel in jure canonico doctorem aut licentiatum vel baccalarium formatum, ubi talis commode poterit reperiri; vel ubi talis non reperiretur, lectorem, aut alias intelligentem sacerdotem, discretum, ac bonæ famæ curatum vel non curatum eligere valeat confessorum, qui infra prædictum tempus, quantocius commodè fieri poterit, ejus confessione audita, ipsam personam confitentem à suis peccatis, & à quibuscumque excommunicationis, suspensionum, ac interdicti aliisque sententiis, censuris, atque pœnis, quas forsan propter simoniam in ordine vel beneficio ecclesiastico, religionis ingressu, aut alias qualitercumque

activè vel passivè commissam, usque ad tempus publicationis prædictæ dignoscitur incurrisse, in foro conscientiae dumtaxat absolvere: nec non secum super irregularitate pro eo quòd hujusmodi sententias vel eorum aliqua ligata forsan missas vel alia divina officia celebrasse, aut se illis immiscuisse censebitur, usque ad tempus prædictum contracta. Ipsaque propter præmissa vel eorum aliquod à suorum ordinis vel officii executione suspensa, quòd in illis nihilominus ministrare, illa exercere, adepta beneficia vel statum in quo est retinere & ad ulteriora promoveri possit, in dicto foro valeat dispensare, & eidem beneficia quæ obtinet ob hoc forsitan vacantia vel vacatura, si & postquam dimiserit reconferre, omnemque inhabilitatis & irregularitatis, nec non infamiae maculam sive notam atque aliam labem per eam occasione prædicta usque ad tempus prædictum contractam in eodem foro abolere, fructus quoque beneficiorum ecclesiasticorum quos forsitan indebitè percepit, & quos percipere potuisset, ac quidquid occasione prædicta fuerit refundendum, dummodo persona ipsa ad refusionem faciendam deductione egeat in statu in quo tunc fuerit, aut alias absque nota vel scandalo sufficiens non fuerit, in dicto foro remittere, ac eas de his quittare & liberare, tenore præsentium indulgemus, constitutionibus apostolicis, ac aliis in contrarium facientibus non obstantibus quibuscumque.

Insuper ad vitandum scandala & multa pericula, subveniendumque conscientiae timoratis, omnibus Christi fidelibus tenore præsentium . . . indulgemus, quòd nemo deinceps à communione alicujus in sacramentorum administratione, vel receptione, aut aliis quibuscumque divinis vel extra prætextu cujuscumque sententiae aut censurae ecclesiasticae à jure vel ab homine generaliter promulgatae teneatur absolvere, vel aliquem vitare, aut interdictum ecclesiasticum observare, nisi sententia vel censura hujusmodi fuerit in vel contra personam, collegium, vel universitatem, ecclesiam, communitatem, aut locum certam aut certum à iudice publicata vel denunciata specialiter & expresse, constitutionibus apostolicis & aliis in contrarium facientibus non obstantibus quibuscumque. Salvo si quem pro sacrilega manuum injectione in clericum sententiam latam à canone adeo notoriè constiterit incidisse, quòd factum non possit aliqua tergiversatione celari, nec aliquo juris suffragio excusari. Nam à communione illius licet denunciatus non fuerit, volumus abstineri juxta canonicas sanctiones.

*De dispensationibus.*

Ordinat etiam dominus noster quod ad ecclesias cathedrales, monasteria, prioratus, conventuales, aut parochiales ecclesias super defectu ætatis ultra triennium nullatenus dispensare, \* nisi fortè in ecclesiis cathedralibus ex ardua & evidenti causa de consilio cardinalium seu majoris partis eorum videretur aliter dispensandum.

A Item, dominus noster in gravibus & arduis casibus sine consilio cardinalium non intendit dispensare.

*De provisione papæ & cardinalium.*

B Romano pontifici & S. R. E. cardinalibus pro eorum sustentatione, rebus Romanæ Ecclesiæ stantibus ut sunt, non videtur aliter posse provideri, quàm hucusque factum est, scilicet per beneficia & communia servitia, quæ vacantia nuncupantur. Verùm circa beneficiorum qualitatem taliter duximus providendum, quòd nulli cardinali monasterium, prioratus conventualis ultra numerum x. religiosorum secundum moderna tempora habere consuetus, nulla major dignitas post pontificalem in cathedrali, aut parochiali ecclesia, nullum officium claustrale, nullum xenodochium, hospitale, eleemosynaria, seu leprosaria in titulum vel administrationem conferantur. Et si qua talia nunc obtinent, quàm primùm papa loco illorum de alio æquivalenti providebit, illa dimittere teneantur, sicut superius de commendis est dictum.

*De indulgentiis.*

Cavebit dominus noster papa in futurum nimiam indulgentiarum effusionem, ne vilescant; & in præteritum concessas ab obitu GREGORII XI. adinstar alterius indulgentiae revocat & annullat.

D Item, sanctissimus dominus noster & inclita natio Germanorum consenserunt & protestati sunt, quod omnia & singula supradicta durare & tolerari debeant usque ad quinquennium dumtaxat à data præsentium numerandum: constitutionibus apostolicis, regulis cancellariae factis vel fiendis, & aliis in contrarium facientibus non obstantibus quibuscumque: quodque per observantiam eorum nullum jus novum Romano pontifici, Romanæ, aut alicui alteri ecclesiae, vel personae acquiratur seu præjudicium generetur. Et lapso dicto quinquennio, quælibet ecclesia & persona prædicta liberam facultatem habeat utendi quolibet jure suo, non obstantibus supradictis. Et quòd capitula prædicta & quodlibet eorum dentur cuilibet ea habere volenti communiter aut divisim in authentica forma sub sigillo domini vicecancellarii cum subscriptione notarii, sic quòd fidem faciant exhibita ubicumque.

E Hæc itaque Universitati vestrae tenore præsentium attestamus, easdem nostras patentes litteras in horum fidem & testimonium præfatis concessimus nostri sigilli munimine roboratas. Datum Constantiae provinciae Maguntinae in domo habitationis nostrae. Anno quo supra, die mensis Maii, pontificatus domini nostri papæ anno primo.

LOBENXIUS.



E P I S T O L A  
UNIVERSITATIS COLONIENSIS

Ad Concilium Constantiense.

*De Johanne de Prussia suspecto de hæresi.*

**S**acro sanctæ generali Constantiensi Synodo, præfidenti, patribus & dominis nostris reverendissimis.

Humillima subjectione & obedientia præmissis. Vobis præstantissimis dominis nostris & ecclesiæ universalis ac sacrosanctæ Synodo Constantiensi præfidentibus summarie exposuimus, quòd ad nos supervenerat quidam frater JOHANNES DE PRUSSIA moram nobiscum Coloniæ trahens, qui suspectus de hæresi habebatur, non initiative apud nos inventus, sed in aliis locis pluribus, in quibus antequam se applicuerit provinciae nostræ, ut sufficit intelleximus, pro tali habebatur. Idem JOHANNES apud nos per sententiam canonicam venerabilis JACOBI DE SUSATO Ordinis fratrum Prædicatorum sacre theologiæ professoris inquisitoris hæreticæ pravitatis, carceri satis facili pro custodia mancipatus; & ne ab eodem illicitiatus exiret juramento per eum præstito ad hoc astrictus: Universitate nostra & prælatis ecclesiarum ad hoc specialiter vocatis, & in illam sententiam unanimiter consentientibus: Illicitiatus tamen abiit, allegans se post abscessum suum à GREGORIO papa absolutionem ab omnibus suis excessibus obtinuisse. Processum contra eum factum vestris paternitatibus referent magistri nostri venerabiles THEODORICUS DE MONASTERIO & JOHANNES DE MONTE ordinis fratrum Prædicatorum sacre theologiæ professores. Supplicamus igitur humillimè quatenus singulis auditis & attentis quæ concernunt factum istud, dicto M. JACOBO & nobis scribere dignemini, qualiter nos in hoc facto habere debeamus, ut nec ecclesiæ sanctæ, cujus caput apud nos pro tunc censebatur & tenebatur papa JOHANNES, confusio vel ignominia generentur. Factum & totum processum contra eum factum noverunt magistri Universitatis nostræ prædicti, videlicet T. de Monasterio & Johannes de Monte, quibus scripsimus rogantes, ut Reverentias vestras super istis plenius informet. quas dignetur dirigere, & sanas ac incolumes conservare ad honorem & unionem suæ Ecclesiæ sanctæ gratia nostri Salvatoris. Scriptum XXI. Maii.

*Vestri humiles devoti & Rector & universitas studii Coloniensis.*

E J U S D E M E P I S T O L A

Ad Theodoricum de Monasterio & Johannem de Monte.

*Ejusdem argumenti.*

**V**enerabilibus & scientificis viris magistris T. DE MONASTERIO & JOHANNI DE

A MONTE Ordinis fratrum Prædicatorum sacre theologiæ professoribus amicis nostris prædictis.

Reverendi magistri & domini honorandi, intelleximus à magistro JACOBO DE SUSATO ordinis fratrum Prædicatorum inquisitore hæreticæ pravitatis per provinciam Coloniensem deputato, nobis exponente, quatenus dominus JO. MALKAW de Prussia judicem obtinuerit dominum cardinalem Ragusinum contra dictum magistrum JACOBUM in causa fidei alias per eundem magistrum JACOBUM adversus præfatum JOHANNEM institutum: & quod olim GREGORIUS XII. tunc in sua obedientia sic nominatus, ipsum dominum JOHANNEM absolvisse debuisset à sententiis excommunicationis in eundem dominum JOHANNEM ab ipso magistro JACOBO in causa fidei promulgatis; quodque præfatus dominus cardinalis Ragusinus requirit & desiderat, ut ipse magister JACOBUS in congregatione Universitatis nostræ desuper habita consilium nostrum imploraverit, quid esset facturum in præmissis, ut nihil honori suo, cleri, neque nostro derogaret. Ubi nostra concordavit deliberatio quod si dicta absolutio facta fuerit secundum formam juris *Cap. ut officium §. si vero de hæreticis lib. v. r.* æquanimiter tolerari debeat quod ibidem suum sortiatur effectum. Sed si idem dominus JOHANNES DE PRUSSIA ad civitatem & provinciam Coloniensem descenderit, & ibidem malum semen suum, ut prius, spargere voluerit; à prædictis sententiis in eum latis non censeatur immunis: quia dictus GREGORIUS, de cujus obedientia tempore præsentis absolutionis prædictæ nos non eramus, ipsum dominum JOHANNEM præfatum absolvere non poterat à sententiis prædictis in eum promulgatis, maximè pro excessibus & delictis per eum in nostra obedientia perpetratis & commissis, ut à nobis pro absoluto haberetur. Si tamen concilium declaraverit ipsum fore absolutum & pro tali habendum, huic declarationi sit acquiescendum. Et ideo consultum fuit, ut copia processus per dictum inquisitorem contra præfatum dominum JOHANNEM facti vobis mitteretur, ut ex eo & cardinalis prædictus & alii de concilio magis & melius de factis & erroribus dicti domini JOHANNIS possint informari. Insuper, reverendi magistri, misimus etiam litteras nostræ Universitatis toti Synodo supplicantes, quatenus audita & cognita veritate facti processus contra dominum JOHANNEM, &c. ipsi nos dirigant & informet quomodo nos habere debeamus in ista præsentia absolutione, &c. ab eo obtenta, scilicet an validam & canonicam eam censere debeamus, de quo certi non sumus, præcipue ex eo quòd tempore hujusmodi absolutionis, si talis dici mereatur, eramus sub obedientia JOHANNIS papæ. Nec credimus, si idem frater JOHANNES veritatem processus plenariè narrasset, absolutionem à quocumque discreto tanta saltem facilitate obtinisset. Unde in literis nostris synodo generali directis eos ad vestras reverentias ad habendam plenam informationem super facto



facto & processu, in quo ipsos plenarie & certitudinaliter informari poteritis, remisimus; & supplicamus quatinus utique diligenter de processu in hac causa per magistrum JA. & nos una cum ipso habito dominos de synodo informetis & certificetis.

*Rektor & Universitas studii Colonienfis.*

### ALIA EJUSDEM ARGUMENTI.

**N**overitis magistrum JACOBUM DE SUSATO ordinis fratrum Prædicatorum, inquisitorem hæreticæ pravitatis per provinciam Coloniensem nobis litteras magistri THEODERICI DE MONASTERIO sacre theologiæ professoris exhibuisse, quomodo frater JOHANNES MALKAW de Prussia obtinuerit judicem cardinalem Ragusinum contra dictum magistrum JACOBUM, qui scribit sibi quod GREGORIUS XII. in sua obedientia sic nominatus absolvit prædictum fratrem JOHANNEM DE PRUSSIA à sententia excommunicationis, quam idem M. JACOBUS tulit in causa fidei contra eundem fratrem JOHANNEM: qui nos & totum clerus Coloniensem congregari fecit, requirens nos quid sibi & nobis expediret in hoc facto. Nos verò concorditer sibi dedimus responsum, non dubitantes de consensu domini nostri archiepiscopi Colonienfis, ob reverentiam dicti domini cardinalis sub istis modo & forma: Reverendo, &c. Primo ad ultimam clausulam litteræ ipsius M. THEODERICI DE MONASTERIO. Nam si JOHANNES papa ipsum absolvisset à dictis excommunicatione & perjurio, oportuisset hoc vos tolerare; quod ex hoc sequerentur multa absurda, scilicet divisio ecclesiarum, disparitas collegiorum, parochiarum bicipitum, tripitumque multiplicatio. Nec disparitatis esset finis. Sed quidquid GREGORIUS fecit legitime in sua reali obedientia esse approbatum non contradicimus; sed facta in nostra obedientia non sunt talia quæ concernunt obedientiam dicti GREGORII. Ergo non habemus nos de his factis implicare. Et quia idem M. JACOBUS inquisitor numquam post concilium Pisanum tenuit ipsum sic nominatum GREGORIUM pro papa, sicut nec clerus Colonienfis, nec etiam nos. Ergo facta nostræ obedientiæ non sunt revocata. Idcirco sententia in ipsum lata stat & stabit in suo vigore. Maneat ergo ille in sua obedientia, nec occupabimus nos cum ipso, nisi venerit ad loca nostræ quondam obedientiæ. Item ob reverentiam & honorem dicti domini cardinalis concordēs sumus sub istis modis & forma: Si absolutio facta est debito juris ordine secundum tenorem capituli & officium inquisitionis §. 1. Si vero aliqui, extra de hæreticis lib. vi. ubi sic dicitur: Si vero aliqui ex prædictis hæretica labe primitus abjurata, redire voluerint ad ecclesiæ unitatem, eis juxta formam Ecclesiæ absolutionis beneficium impendatis, & injungatis eisdem quod injungi talibus consueverit. Ubi Glossa super verbum *consueverit* notat modum secundum capitulum *Quotiens cordis 1.*

*Theauri Anecd. Tom. II.*

**A** q. vii. &c. *Saluberrimum. & de consec. di. secunda. Ego Berengarius.* Si sic legitime factum est, & habere poteritis legitimum documentum de quo dominum archiepiscopum, Universitatem, clerumque totum Coloniensem, & dictum magistrum JACOBUM certos reddere poteritis, placebit omnibus prædictis & nobis quod dictus frater JOHANNES se gerat pro absoluto, dummodo maneat extra provinciam Coloniensem, certis rationibus nos ad hoc moventibus. De istis petimus informari sacrum concilium, & dominum cardinalem Ragusinum prædictum, ut superfedeant de isto facto, quia non possumus nos à domino nostro archiepiscopo & toto clero Colonienfi separare.

### EPISTOLA UNIVERSITATIS COLONIENSIS

Ad Johannem Ostiensem episcopum.

**R**everendissimo in Christo Patri ac domino domino Jo. episcopo Hostienfi S. R. E. cardinali presbytero & viced cancellario, domino & promotori nostro gloriosissimo. Humillima recommendatione cum salute in eo qui est salutis auctor.

Reverendissime Pater, exposuit nobis quidam dominus ANTONIUS DE VELME artium & medicinæ doctor regens pro præfenti in facultate medicinæ in nostra universitate Colonienfi, habens quasdam lites in Romana curia de & super canonicatu & præbenda ecclesiæ S. Pauli Leodiensis contra quemdam THEODERICUM DE HOEKELEM, minorem quatuor-decim annis, filium naturalem & illegitimum domini THEODERICI DE HOEKELEM ejusdem Ecclesiæ S. Pauli Leodiensis canonici presbyteri, in presbyterio genitum. Sed cum indecorum sit & juri scripto obvium patrem & filium in eadem ecclesia in æqualibus beneficiis Deo ministeria offerre: unde etiam devotio minuatur laicorum & aliorum sic quod exinde magnum in partibus scandalum oriretur & generaretur plurimorum. Hinc vestram paternitatem deprecamur & exoramus in Domino devotè, quatenus contra præmissum scandalum, ut penitus extirpetur, dignemini de remedio providere opportuno, prout advocati & sollicitatores dicti magistri ANTONII vestram paternitatem reverendissimam plenius quàm sufficeremus verbo vel scripto informabunt: quam Dominus noster JESUS-CHRISTUS ad salutem conservet in ævum. Scriptum Colonia in crastino beati Francisci nostræ rectoriæ sub sigillo.

*Vestra paternitatis humiles & devoti filii  
Rektor & Universitas studii Colonienfis.*

### AD EUMDEM

**H**umillima recommendatione præmissa in eo qui est vera salus. Reverendissime pater, intelleximus qualiter paternitas vestra

Qqqqq

\* hic deest  
aliquid.

causam inter dilectum nobis honorabilem A virum magistrum ANTONIUM, &c. in eadem medicinæ facultate in nostra Universitate regentem ab una parte; & quemdam T. de Hoeklem à parte altera super canonicatu & præbenda ecclesiæ S. Pauli Leodiensis in Romana curia vertentem: super qua etiam alias eidem vestræ paternitati scripsimus, & pro dicto M. ANTONIO & Ecclesiæ honore humiliter supplicavimus usque ad futuri summi unici pontificis assumptionem suspenderit. De quo vestræ paternitati devotas gratiarum referimus actiones, sperantes indubiè quod vestra paternitas ad sustollenda scandala, & hujusmodi indecentibus Theodorici desiderii nobis relatis, quæ in notoriam confusionem præfatæ ecclesiæ S. Pauli, & totius cleri cedere videretur, artius obviandum, debitas diligentia servabit excubias. Nec ignoramus paternitatem vestram, licet adversariorum parte multa frequentatione quotidie fatigetur, ab hujusmodi rectitudinis proposito & ab eo quod semel ritè placuit, non posse deflecti. Causam itaque præfatam ac dicti magistri ANTONII justitiam, ac ejus & in eo nostrum simul honorem ecclesiæque & vestrum, de præteritis grati, in futurum continuata prece vestræ paternitati sæpeditæ recommendamus attentè. Quam Altissimus conservare dignetur feliciter & longæve ad honorem Ecclesiæ suæ sanctæ. Scriptum Colonia ipso die B. Thomæ apostoli nostri rectoratus sub sigillo.

## EPISTOLA GERALDI DE BRIE.

Ad consules Albienfes.

*Ut Johannem Carrerii in oppido de Turrena, Panisculeta dicto, obsidione cingentes copiis & victualibus adjuvent.*

Anno 1431  
Ex archi-  
vis civitatis  
Albienfis.

**G**eraldus Brie alias de Regno canonicus Narbonensis legum doctor, Camera apostolicæ clericus & sanctæ sedis apostolicæ per SS in Christo patrem dominum nostrum D. MARTINUM divina providentia papam quintum ad partes Linguae Occitanæ & ducatus Aquitanie nuntius specialiter destinatus, honorabilibus viris dominis consulibus Albie, salutem in domino sempiternam.

Devotioni vestræ notum facimus per præfatos hæresiarcham & filonem illum JOHANNEM CARRERII, scandalum orbis, & lætæ majestatis reum, per Ecclesiam cum suis fautoribus & complicibus, justo Dei judicio, condemnatum, & velut membrum putridum ab eadem rescissum & abjectum, nec non & ab illustri principe Armaniaci ad submovendum multorum dubietatem, & à suis fertur disavotum, in spelunca illa residentie suæ de Turrena, dicta Panisculeta, per nonnullos Christi fideles nobiles & militares viros zelo fidei & ardore devotionis incensos, cum quibus adjuncti sunt certi commissarii pro parte sanctæ sedis apostolicæ, & inclytissimi principis domini Dalphini re-

gnum regentis, specialiter deputati fuisse & esse obsessum. Vos igitur tamquam veros & devotos Ecclesiæ filios, ac legis dominicæ defensores, per viscera misericordie JESU-CHRISTI, & ejus pretiosi sanguinis asperlionem, in vestrorum remissionem peccatorum, obsecramus in Domino, & sub pœnis in litteris & processibus apostolicis & præfati serenissimi principis promulgatis requirimus & hortamur, & per vos universitatem dictæ civitatis, ut omni dissimulatione postposita, quæ in tali facto perniciofa est nimium & damnata, & gravis notæ fautorie schismatis & hæresis inductiva, tam in gentibus bellicis, armis, victualibus, quam aliis præmissis necessariis secundum vestrarum virium facultatem, sic in adjutorium causæ Dei, moris quibuscumque postpositis, exsurgatis, ut certamine hujusmodi feliciter consummato, sedis apostolicæ gratiam, & de vera obedientia apud superiores vestros commendationem, ac post hujuslabilis vitæ decursum gloriæ coronam valeatis adipisci. In quorum omnium fidem & testimonium, præfentes litteras fieri & sigilli nostri quo in talibus utimur fecimus appensione muniri. Actum & datum loco de Mirandolio dictæ diocesis, anno à nativitate Domini mccccxxi. diè octava mensis Maii, indictione decima-quarta, pontificatus vero domini nostri domini Martini papæ præfati anno quarto.

## EPISTOLA SIGISMUNDI IMPERATORIS

Ad B. tituli S. Clementis S. R. E. cardinalem.

*De bello inferendo hæreticis Bohemiæ.*

**R**everendissimo in Christo patri domino B. tituli S. Clementis sacro sanctæ Romanæ Ecclesiæ cardinali Placentino, amico nostro carissimo.

Anno 1431  
Ex m.  
Germeth-  
confi.

Reverendissime pater, amice carissime, convenientibus cum serenissimo principe domino WADISLAO rege Poloniæ fratre nostro carissimo, inter nos, ipsum, & etiam WYTOLDUM ducem Lituanie, pace restaurata, & fraterno fœdere reformata, ut in antea, sopitis dissensionibus, nulla mutue caritatis violatio posset oriri, secum conclusimus, quod alter eorum in propria persona, cum omnipotentia regni & principatuum ipsorum, suis propriis sumtibus & impensis adversus hæreticos in Bohemiam super proximo S. Johannis Baptistæ festo debeant proficisci, immo esse in Bohemia constituti. Debet etiam illustris FREDERICUS dux Saxonie, Marchio Misnensis, & Lantgravius Daringæ, princeps electus avunculus noster carissimus cum duobus millibus lanceariis & totidem ballistariis etiam in Bohemia super diè prædicto figere castra sua. Paramus & nos exercitum de Hungaria, ad cujus cumulum magnificè ad agendum adjicimus duces Slesie, fideles Bohemie, & Moravie. Et non minus illustrem ALBERTUM ducem Austrie filium nostrum ca-

rissimum cum tota potentia sua monemus, ut nobis, ut præmittitur, dirigente nos dextra regis regum, virtutibus, erectis vexillis, hæreticos Bohemiam conteramus, & tota christianitas, ut & sancta mater Ecclesia in fide solida roborata, ab impulsis hæreticorum & machinamentis frivolis liberentur, & in pacis & honestatis pristina dulcedine conquiescant. Idcirco ad tale grande negotium fideliter consummandum & finem optatum salubriter deducendum, credimus fore congruum, immò penitus necessarium, nedum fidei honestatis intuitu, ut seipsa tota Almania reddat participem, non tanti laboris expertem, ne dici posset peregrinis procedentibus contra infideles Ecclesie in succursum, ubi est sacrum Romanorum imperium? ubi electores imperii? ubi totus populus christianus? quem hoc negotium quodammodo videtur tangere in medulla. R. P. V. studiosius requirimus & rogamus, quatenus hoc grandi præfato negotio, nedum electores, verum totam Almaniam placeat commovere, inducere, & prout industria novit, sollicitius exhortari, quatenus etiam ipsi electores, vocatis ad se aliis principibus, comitibus, baronibus, militibus, clientibus, populo, & communi omnium nationum se præparent festinanter, & ad festum S. Johannis veniant ad Bohemiam, & cooperentur viriliter pro hujusmodi hæreticis conculcandis, & funditus extirpandis, prout etiam de hoc R. P. CONRADO archiepiscopo Maguntino archicancellario, &c. principi, electori, locum tenenti & nepoti nostro carissimo de hoc latè scripsimus: quem sollicitare placeat huic operi diligentiam adhibere, sicut etiam vos & eundem archiepiscopum spectabiles ADOLPHUS DE NASSAUWE & MICHAEL DE WERTHEIM comites nostri & imperii sacri fideles dilecti præsentis litteras celerius secuturi clarius informabunt. Datum Letwotzowic proxima feria v. post festum Paschæ, regnorum nostrorum anno Ungariæ, &c. xxxvii. Romanorum xiii. & Bohemiarum iiii.

SIGISMUNDUS Dei gratia Romanorum rex semper Augustus, &c. Ungariæ, Bohemiarum, Dalmatiæ, Croatiæ, &c. rex.

Ad mandatum domini regis D. GEORGIO episcopo præsentis cancellario, &c. referente, FRANCISCUS princeps Strigoniensis.

# JOHANNIS DE THURENA ANTICARDINALIS LITTERÆ

Ad Johannem Armeniaci comitem & universos Christi fideles.

*De publicatione electionis Benedicti XIV. antipapæ ab ipso electi in papam.*

IN NOMINE PATRIS ET FILII ET SPIRITUS-SANCTI. AMEN. SALVE BENIGNE JESU. AVE MARIA.

Anno 1429  
Ex archivis  
castri Fuentis.  
**M**iseratione divina JOHANNES tituli S. Stephani in Coelio monte presbyter cardinalis dominorum sacrosanctæ Romanæ Ecclesiæ  
*Theauri Anecdor. Tomus II.*

A cardinalium sacrum collegium totum in hac parte & vicem ejus repræsentans, serenissimo principi ac illustri domino JOHANNI Dei gratia comiti Armeniaci, Ruthenæ, ac Insulæ, &c. ceterisque in Christo fidelibus christiano nomine insignitis, & eorum cuilibet, cujuscumque dignitatis, potestatis, præminentie ecclesiasticæ vel secularis aut conditionis existant, salutem in Domino JESU-CHRISTO, de cujus causa agitur, sempiternam, & Ecclesiæ Dei ejus sponsæ sacrosanctæ fere dissipatæ & desolatæ restorationem & consolationem.

B Adversarii catholicæ fidei, & dictæ Ecclesiæ matris nostræ, dum contra regulas veritatis, diabolicis armis contra ipsas pugnare nituntur, nos sollicitudine repugnandi faciunt cautiore, se vero decipiunt antequam nostrorum aliquem valeant vulnerare. Cum enim cæci alios fidei orthodoxos, veros ecclesiæ filios, & Dei electos excœcare conantur, & ipsam Ecclesiam spe fidei evacuare jam fessi certant tanto magis à patre luminum Spiritu sancto, lumine veritatis illustrantur, & Dei gratia ipsam opitulante, amplius fide, spe & caritate uberius repletur, & in agendis dirigitur, Christo duce, & dum hypocrisi vigilant, (noscitur de quibus per prophetam dictum puto: Propterea ablati sunt somni oculis eorum. Non enim dormiunt nisi male fecerint) nos quodammodo excitant dormientes, ut arrepto clypeo veritatis, falsitatibus eorum corde resistere vigilemus, evangelica tuba nostris auribus personante: *Vigilate & orate, ut non intretis in tentationem*: & ideo hæreses & scandala futura prædicta sunt, ut contra inimicos erudiamur, ac sic & fides & dilectio nostra possit esse probabilior: fides itaque, ne ab eis decipiamur: dilectio autem, ut & ipsis quantum possumus consulamus, non solum instantes ne infirmis noceant, atque ut ab errore nefario liberentur, sed etiam orantes pro eis, ut Dominus aperiat sensum illorum, ut intelligant sacras scripturas. Horum hostium etenim Ecclesiæ alii murmurant, & inani livore torquentur, aut quæ sua sunt quærunt in Ecclesia, quamvis videantur catholici, aut ex ipso Christi nomine gloriam quærentes hæretici, aut curiositatem humanæ lætitiæ perdere timentes & pagani. Sed Ecclesia catholica per totum orbem longè lateque diffusa, impetus eorum prioribus temporibus frangens magnos, magisque roborata non resistendo sed perferendo, nunc insidiosas eorum quæstiones fide irridet, diligentia discutit, intelligentia dissolvit, criminatores palearum suarum non curat, quia tempus messium, & tempus arearum, & tempus horreorum cautè diligenterque distinguit. Criminatores autem frumenti sui aut errantes corrigit, aut invidentes inter spinas aut zizaniam computat. Sanè quidem vestram serenissimam ac illustrem dominationem, ceterorumque in Christo fidelium serenissimas ac illustres seu superillustres dominationes, reverendissimas ac reverendas paternitates, & dilectissimas in eodem Domino nostro JESU-CHRISTO fraternitates, ut opinamur non latuit, quomodo bonæ memoriæ domino

Qqqqq ij

GREGORIO XI. papa indubitato de anno Domini MCCCCLXXVIII. die xxvii. mensis Martii vita functo, viginti tribus cardinalibus indubitatis, sexdecim ex illis existentibus, uno absente apud Florentiam, ad quos pertinebat electio, ceteris à curia Romana absentibus, tumultu militari & populari Romanorum, per seditionem & impressionem notoriam & metu justo ducti, qui nedum in constantem, immò constantissimum caderet virum, de facto elegerunt, verius intruserunt quemdam dictum BARTHOLOMÆUM CASCARELLI, pro tunc archiepiscopum Barrensem nuncupatum, qui scienter eandem prætentam electionem, sic infectam & ipso jure nullam, papatum ambiens, in Roma pro tunc personaliter existens, & dictam impressionem videns & audiens, gratis acceptavit: licet secundum sacros canones, quos quilibet verus, christianus, & Ecclesiæ constitutiones & epistolae decretales, & apostolicas imitari & observare tenetur, quos nemo etiam mutare, tollere, suppressere vel abrogare potest sine sedis apostolicæ expresso consensu, eadem prætentæ electio esset per expressum repressum reprobata, & ipso jure nulla, & cum decreto papæ maximè secundum illa decreta papæ Nicolai secundi, de quibus habetur III. c. *In nomine Domini* xxiii. di. & in c. *Si quis pecunia* lxxix. di. quæ nullo modo sunt correctæ, per illud caput seu constitutionem domini Alexandri III. quod & quæ incipit *Licet de evitanda*, &c. de elect. secundum omnes fere doctores & canonum magistros, & maximè qui ad tres casus de quibus dicto c. *In nomine Domini*. q. quod si quis contrahere & dicto c. *Si quis pecunia*, ad quos tres casus restringitur decretum ejusdem papæ Nicolai, ut ex dicto capite patet. Unde ipse BARTHOLOMÆUS scienter eandem acceptans electionem talem, ab inde ineligibilis factus extitit active & passive. Quod considerantes iidem eligentes, tam ultra quam citramontani cardinales, uno demto, scilicet cardinali S. Petri, jamque in Roma mortuo, eandem electionem jam satis cassatam à canone scientes, & cum dicto decreto ipsius papæ Nicolai II. ut per dicta jura, sic quod non fuit necesse eam amplius cassare ab homine, maximè cum fieret ab eisdem electoribus, qui non erant propter prædicta privati ipso jure eligendi, etiam pro illa vice, propter dictum justum metum excusati, in Fundis jam per ipsos adepta libertate, quæ in talibus electionibus maximè requiritur, de qua privati extiterant fere à morte dicti domini GREGORII, quamdiu in Roma fuerunt, & donec in dicto loco de Fundis applicuerunt, eodem justo metu semper usque tunc perdurante, cum jam in ipsum Bartholomæum jam excommunicatum & anathematizatum, & antichristum factum non pœnitentem consentire non possent, præsertim cum in errore suo perseverans nollet corrigi seu resipisci, & se absolvi & habilitari jam monitus recusaret, dominum ROBERTUM DE GEBENNIS, pro tunc cardinalem Gebennensem nuncupatum elegerunt, qui ab omnibus tandem cardinalibus post

A mortem dicti domini GREGORII superstitibus approbatus in papam verum fuit receptus, etiam per serenissimos reges Franciæ, Castellæ & tandem Aragoniæ, Navarræ, & Scotiæ, & Johannam Neapolis reginam, præfectumque Urbis Romæ, & alios plures reges & mundi principes, nobiles clericos & populares acceptatus fuit: qui eidem domino ROBERTO electo ut vero summo pontifici obedierunt. De cujus jure in papatu tam ex jam dictis sacris canonibus constat jure & in facto, tam ex depositionibus ipsorum dominorum cardinalium & plurium aliorum, qui dictos tumultus populares & militares, ac ipsam impressionem & seditionem viderunt & audiverunt, verum & experti sunt pro tunc in Roma personaliter existentes, quam ex illo solemnī processu coram serenissimo & illustri principe domino JOHANNNE Dei gratia Castellæ & Legionis rege, & domino HENRICO ejus genitore similiter rege, de voluntate & expresso consensu utriusque de papatu contenditum agitato, & ex attestationibus testium per utramque partium prædictarum in dicta causa, & coram dicto rege & domino ejus genitore productorum, etiam de communi consensu eorumdem auditorum & examinatorum, etiam de voluntate utriusque partis publicatorum, & ex dicti domini regis nobili declaratione, quam in præsentibus tamquam præcipuam propter titubantes super dicta electione, & ad consolationem partis veræ inferere libet tenoris sequentis.

JOHANNES Dei gratia Castellæ & Legionis rex Universis Christi fidelibus salutem & in pastorum noticia non errare. A Solis ortu usque ad occasum, heu! turbinis excitata subversio satis innuit evidenter quanta malignatus est inimicus in sancto, dum adversus Dominum & adversus Christum ejus pestiferas instruens solitæ iniquitatis insidias, & in nova furentis incendii horrenda præstigia voraces conflans truculentibus machinationibus officinas, divini & humani imperii principatum nefariæ collisionis acerbitate discerpsit, & fidei ac religionis integritate fuscata, vinculum catholicæ unitatis arrupit. Erroris sentibus dominica seges suffocata necatur, & totius pietatis humanitate calcata, in matris injuriam devotio filialis armatur, & sordidæ cæcitatē monstruosa ludibria ad unius sponsæ complexum geminos vocant dubitata sponsalia, & unius familiæ binos patres conformia duorum pollicentur insignia, inter pastores diversos unius gregis cura sectatur. Fit de cælestis sponsi hæreditate contentio, sponsæ patrimonium hinc inde distrahitur, passim expellitur hereditas & veri noticia patris à pupillis ignoratur, & christianæ plebis enervata devotio præceps impietas, prodigiosa caligo. Quomodo obscuratus est sol & splendidæ veritatis auriga luciferos convertit in tenebras? ubi fides, ubi religio, ubi lex & vinculum caritatis. Nimirum ergo Christi cultores & orthodoxæ fidei strenui sectatores & reges terræ hoc videntes admirati sunt, conturbati & commoti sunt, & stupor apprehendit eos. Nam his sane strepitibus, his perniciosis clamoribus excitatus glo-

riofæ recordationis dominus Rex HENRICUS A genitor noster illustris, pio mentis affectu, dum ageret in humanis solemniter attendens, quibus esset onusta dispendiis, quantis plena periculis hujuscemodi, expositave ruinis nefandæ pestis calamitas incarnata, ne fuscata coloribus multorum suspecta loquacitas execrabilem nutrirer excessum; ad rei gestæ scrutanda remedia, divinum nobis prælibavit initium, cujus laudanda vestigia, sic nobis cælestis dignatio imitanda proposuit, ut quem sibi fecit in regni folio regiæ claritatis culmine successorem, eundem probaret in zelo fidei atque devotionis sinceritate consortem. Quapropter prædictæ pestis vagabunda piacula intra pectoris claustra, non absque amaritudine sollicitè revolventes, qualesve esset exitus paritura diutius neglecta pensantes, præsertim ubi longa arcem capitis occupat; tunc fluxus ad inferiora plerumque membra diffusus, aut ea consumendo depascit, aut male torquendo cruciatu atrocior consumit. Illud etiam nihilominus recensentes, quod credulum vulgus non suo iudicio, sed peregrinis, ut plurimum, rumoribus innitens, sæpe per devia & errorum abrupta convolvitur, & quasi per tenebras alienis insistens vestigiis, periculosas & inexplicabiles superstitiones ingrediens, eousque passim labendo reptatur, donec suis una cum ducibus in æternæ mortis baratrum obruatur: cum ea sit dignior & officiosa magis tranquillitas publicæ rei, & tamen splendidior in regnante, per quam pacis dulcedo humanis non tantum paratur corporibus; sed salus & quies animabus ad illius laudem & gloriam, per quem reges regnant, cujusque ductu omnia incœpta feliciter finiuntur, & cujus cultus non nisi pacis tempore religiosa devotio disponitur, ad vestri fideliumque vestrorum ac omnium vere & rite credentium animarum salutem, ad scrutandum grandis causæ scientiam, & veri pastoris notitiam, subscripto ordine prosequentes, & breviori quo possumus stylo reperta per nos in primis fideliter declarata narrantes, omnibus fidelibus præsentibus aperimus, & quod divinæ lucis veritas nos sequi docuit in præmissis totis affectibus indicamus. Dudum beatæ memoriæ domino GREGORIO papa XI. sicut Domino placuit vita functo, & ex ejus obitu sede Romana vacante, tam fama communi quam spiritualium relationibus litterarum, claræ memoriæ domino HENRICO regi Castellæ & Legionis genitori nostro illustri tunc in humanis agenti nobis luculenter insonuit, & ad quos summi pontificis spectabat electio, populi Romani Italicum petentis vel Romanum pontificem sibi dari interveniente tumultu, de quo levi quamvis murmure erumpens tunc infamia susurrabat, quod electus fuerat archiepiscopus Barrensis in papam, & per eos subsequenter inthronizatus, & demum solemniter coronatus. Post vero non longi temporis intervallum, litteras dictorum cardinalium, qui, ut asseriebant, ob illatam violentiam, coactionem & metum, ac injurias à Romanis, cedentes ab Urbe apud Anagniam præituri, deinde vero apud Funda-

nam convenerunt civitatem, idem genitor noster dignæ recordationis accepit, quod post benignæ monitionis notitiam eidem Barrensi archiepiscopo, ut dicebatur, à cardinalibus ipsis factam, contra ipsum ejusque electionem, ut allegabant, per impressionem violenter extortam, in dicta civitate Anagninæ procedentes, quamdam suam declarationem publicaverunt in præmissis: post quam quidem declarationem, subsequenter in dicta civitate Fundana convenientes in unum, ut asseriebant, reverendissimum patrem cardinalem Gebennensem collegialiter & canonice summum pontificem elegerunt. Ex quarum diversitate rerum & novitate gestorum dictus piæ recordationis genitor attonitus & perplexus, de suorum consilio tutius æstimavit, in hoc ancipiti periculo ab utriusque obedientia se subducere & indifferenter habere, quam ad alteram eorumdem, indiscusso negotio, improvide declarare: quamvis pro elicienda ex hac intricata ambiguitate veritate, ad actus aliquos processisset, quos fatali sorte præventus, ad optatum non perduxit effectum. At nos sicut in regno, Deo auctore, successimus, sic in his quæ ad ejus cultum & reverentiam diriguntur successisse confidimus, quæ per eundem genitorem nostrum laudabiliter fuerant inchoata, ad Dei & Ecclesiæ suæ laudem prosequi cupientes, in felicibus nostræ coronationis initiis, convocatis & congregatis regni nostri prælatis, proceribus, ac divinæ & humanæ legis doctoribus universis, deliberato consilio, paternæ indifferentiæ viam elegimus in præmissis, quod ipse qui veritas est veritatem nobis propitius aperiret: pro qua suo munere discernenda, de cujus tractatur, non pepercimus laboribus, nec expensis, scribendo principibus christianis; nec non cardinalibus ceterisque prælatis, & aliis singularibus privatisque personis, quæ aut in præmissis interfuerant, aut specialem de illis notitiam habere credebantur, eos per speciales nuncios effusis precibus exorando, ut si quid in his ambiguitatibus & dubiis certi eis forsitan constitisset, nobis communicare amica caritate placeret, ad laudem Dei & salutem animarum populi christiani, ceteraque operando, scrutando, & inquirendo, per quæ optatum finem per ipsius veritatis callem pure & simpliciter gradientes, possemus Deo dirigente contingere. Et ne quicquam de contingentibus videretur obmitti, eoque majorem processus nostri efficaciam sortirentur, quo principalium personarum assertionibus contingeret communiri, ad utrumque dictorum electorum nuncios & ambasiatores nostros direximus, dirigendo viros utique circumspectos, nostrosque fideles, ut prudenter & discrete fiscitarentur ab eis in eorum periculis animarum, in quantum fas erat, suarum salva reverentia dignitatum, de falsitate & veritate gestorum, & sic de his & omnibus dictarum electionum circumstantiis ac juribus utriusque ab ipsis & à quibuscumque videretur, ac etiam ubicumque deligenter inquirerent, & se informare curarent, quod per ea scriptis fideliter redigenda rei gestæ veritatem in posterum nobis



aperirent. Qui quidem nuncii nostri ad dictorum electorum se præsentiam conferentes, eis injuncta diligenter & sollicitè adimplentes, exhibitas eis & traditas, omnia & singula pro parte dictorum electorum informationes, &c. nec non eos Romæ & Avenioni à fide dignis etiam civibus & custodibus conclavis ubique reperta, & in scriptis etiam fideli manu redacta, & specialiter à reverendissimis de Florentia & de Mediolano cardinalibus, qui una cum aliis reverendissimis cardinalibus interfuerunt, & indifferenti, ut dicebant, ambiguitate suspensi, ab utroque secesserunt, nobis exacta diligentia legaliter detulerunt, cum quibus nunciis nostris fuerunt ad præsentiam nostram destinati per dictum primum electum venerabilis frater noster FRANCISCUS Faventinus episcopus decretorum, & FRANCISCUS DE CHATLENIS de Papia legum doctores, qui quemdam casum sub nomine sui, bullas & certa alia scripta dictam causam tangentia ex parte ejus nostræ mansuetudini tradiderunt. Interea autem dicti de Florentia & Mediolanensis cardinales apud civitatem Niciz audientes adventum, quorum ad nos, ut promiserant, sperabamus accessum, ad plenioram informationem & instructionem super præmissis habendam ab eis oraculo vivæ vocis, misimus ad eos venerabilem patrem decretorum doctorem consiliarium & collateralem nostrum episcopum Zamorensem, cum certo numero galearum in decenti & debito apparatu, ut si eis placeret personaliter nobiscum convenirent ad dandam scientiam salutis nobis, & etiam regnicolis nostris, qui se à promisso ad nos accessu certis rationibus excusantes, informationes suas eidem episcopo Zamorensi dederunt, quas ipse apud Medinam del Campo Salmantinenſis diocesis reportavit: ubi tunc propter hoc convocatis & accersitis regnorum nostrorum prælatis, proceribus, doctoribus, religiosis, & multis magnæ auctoritatis viris, nostra serenitas residebat, ibique pro parte secundi electi reverendissimus pater PETRUS S. Mariæ in Cosmedim diaconus cardinalis, dictus DE LUNA ex speciali sibi facta commissione convenerat: præsentibus quoque pro parte primi electi episcopo Faventino, & magistro Francisco præfatis, aliisque pluribus pro parte utriusque electorum assistentibus, quibus omnibus & singulis sic per nos sollicita investigatione collectis, quoniam ardui negotii magnitudo, & assertorum hinc inde diversitas maturum ordinem, & repertorum productorumque hinc inde discussionem exactissimam requirebant, scrutatis prius per nos casibus nobis exhibitis pro parte dictorum, & ceteris circumstantiis prædictorum cardinalis de Luna, FRANCISCI episcopi Faventini & Francisci doctoris: demumque in nostri consistorii & consilii præsentia super præmissis, & aliis nonnullis articulis per eos productis, palam & publice interrogationibus & responsionibus à præfatis cardinali & episcopo ac Francisco hinc inde prolatis, dictisque attestationibus prælatorum, doctorum & aliorum fide dignorum, qui hujus rei credebant habere notitiam, sub sacramenti rela-

atione, & ea qua decuit reverentia receptis & apertis, ac publicatis disputationibus & collo-  
 cutionibus alternatim inter partes prædictas in dicti nostri consilii præsentia continuatis dubiis super punctis allegatis ambiguis & toto processu tam in facto quam in jure sequutis, prout hæc & alia in processu per nos & consilium habito latius continetur, & tandem ab omnibus & singulis dictum negotium tangentibus per memoratos religiosos & clericos sæculares, in theologia magistros, juris utriusque doctores, & alios venerabiles & authenticos, & magnæ auctoritatis viros totius consistorii nostri judicium cum magna maturitate ac firma deliberatione discussis, omnium unanimiter judicio declaratum extitit, & conclusum, ac irrefragabiliter terminatum, sub eorum conscientiis & periculis animarum, & sub virtute præstiti juramenti dictum BARTHOLOMÆUM primo electum olim Barrensem archiepiscopum, fuisse & esse apostolici culminis invasorem, & in apostolica sede violenter intrusum, utpote electum per popularem tumultum & notoriam impressionem ipsis cardinalibus publice illatam per Romanos: secundum vero electum, videlicet reverendissimum in Christo patrem dominum ROBERTUM tunc cardinalem Gebennensem fuisse & esse summum verum pontificem Christi vicarium, & Petri verissimum successorem CLEMENTEM VII. à Deo electum, & gregis indubitatum beatissimumque pastorem, & eidem fore tamquam vero papæ ab omnibus obsequendum. Quorum consilium lætis desideriis virtute Altissimi amplectentes, dominorum principum progenitorum nostrorum in morem, quorum fidei constantia & illabata devotio erga Deum & Ecclesiam suam sincera semper integritate resplenduit, toto mentis affectu & cordis puritate eorum vestigia sectantes, & Deo laudes & gratias referentes, qui nobis dedit digni sui vicarii notitiam divina illustratione scrutari, peractis præmissorum solemnibus, & Christi nomine invocato, de prædictorum nostrorum consilio in eorum præsentia publicè, in conspectu cleri & populi hac die & hora infra insertis, præfatum BARTHOLOMÆUM, ut præfertur, in apostolica sede damnabiliter intrusum respuentes, evitantes, ac serenissimum in Christo patrem & dominum nostrum dominum CLEMENTEM VII. præfatum in verum papam & Christi vicarium ac gregis dominici directorem devotè suscipientes, & ejus obedientiæ inhærentes, omnibus & singulis subditis & fidelibus nostris declaramus, indicamus & etiam publicamus præfatum B. fuisse & esse, sicut præfertur per notoriam impressionem in apostolica sede violenter intrusum, eumque non esse apostolicum, sed apostaticum nominandum, nec ei fore obediendum, aut quomodolibet adhærendum, præfatumque sanctissimumque patrem dominum CLEMENTEM fuisse & esse verum papam Christi vicarium & Petri verissimum successorem, eidemque devotè & humiliter, ut vero papæ esse parendum. Iphis omnibus & singulis subditis & fidelibus nostris, cujuscumque status, eminentiæ seu con-

ditionis existant districtè præcipiendo mandantes, sub divinæ animadversionis & indignationis nostræ pœna, hanc declarationem, denunciationem, publicationem & mandatum nostrum præfatum custodiant, & totis affectibus studeant observare. De quibus omnibus & singulis ad perpetuam rei memoriam publica instrumenta mandamus & majestatis nostræ bullæ plumbæ munimine roborari: præsentibus ad præmissa reverendo in Christo patre PETRO DE LUNA cardinali, nec non venerabilibus archiepiscopis, episcopis, abbatibus, & aliis regnorum nostrorum prælatis, &c. Faveat igitur nostris clementia æterna judiciis, & ita nostræ sinceræ devotionis dignetur acceptare primitia, ut quod ad ejus gloriam & laudem ipso inspirante pure mente peregrimus, ad omnium fidelium animarum salutem proficere comprobemus: & sic ecclesiæ Dei totique mundo refarciatur scissa concordia, quod per hoc gaudia mereamur æterna. Datum Salmanticæ XIV. Junii MCCCXXXI. regnorum nostrorum anno secundo. Ego Petrus Ferdinandi. Ego Fernandus Martini notarii, &c.

Cui etiam declarationi adjungi posset declaratio venerabilis universitatis Parisiensis tenoris subsequenter.

Universis Christi fidelibus sacro sanctæ matris Ecclesiæ nostræ filiis, & alumniis unum Deum, unum Dominum, unam fidem, unumque baptismum, in quibus orthodoxæ disciplinæ residet intemerata structura & formula tenentibus inconcussa Parisiensis universitas primogenita studiorum, in tetragono celeberrimorum doctrinarum fundata, in apicibus à sui exordio hætenus stabiliter radicata, terram suis imbribus saporosis ad modum fluvii paradisi irrigans universam, limitibus veritatis indefinenter adhærens, singulis falsis graphis subplantatis, scibilia cuncta sorbens, aliis abundantissime resplendens, motuum naturalium, intellectualium & moralium tenens dextram, eliminansque sinistram, non decidens in adversis, in prosperis absque tumore perdurans, fons proprius, cui non convenit alienus, gratiam & amorem, reverentiam & honorem in salutari supremo, in quo est omnium singulariter vera salus. Notum igitur facimus per præsentibus omnibus & singulis præsentibus & futuris, has nostras litteras inspecturis, quod in veritate scienda plenarii schismatis in Ecclesia sancta Dei, prohi dolor! tam diuturnè vigentis, & diuturnius durare dispositi, nisi Dominus JESUS-CHRISTUS Ecclesiæ veræ sponsus manus apposuerit adjutrices, interposuimus vires nostras, quantum potuimus efficaces, modis nedum patentibus sed secretis, nedum penes proximos, sed longinquos, nedum penes favorabiles sed adversos, nedum penes clericos sed plebanos, nedum penes Gallicos sed Italicos & Lombardos, nedum penes dominos cardinales, ad quos spectat in solidum, sed etiam penes cives. Et finaliter omnibus ponderatis concorditer invenimus BARTHOLOMÆUM olim Barensem in sede apostolica per notoriam impressionem intrusum, & nullum per consequens in papatu jus habere, aut umquam habuisse: do-

minum verò CLEMENTEM electionem canonicam habuisse, & pro vero papa debere ab omnibus catholicis affirmari. Ea propter veraciter consulti, deliberato animo & diuturno, non præcipitato, sed maturo, à Philosopho eruditi quod sermones in principio debent esse longi, executio vero velox, veritate præmissorum pensata, & matre rerum experientia declarata, quam qui negant ratiunculis frivolis hærentes sunt debilis intellectus, unanimiter & concorditer sub nostris publicis patentibus litteris & membranis declaravimus mentes nostras & etiam declaramus pro justa sancta & canonica electione domini CLEMENTIS papæ VII. ad summi pontificatus apicem, electum per dominos cardinales unanimiter assumptum, dictum verò BARTHOLOMÆUM nullum jus habere aut alias habuisse, sed seipsum in sede B. Petri damnabiliter intrusisse de facto tantummodo non de jure, prout omnia jura divina pariter & humana testantur, suam intrusionem damnabilem detestando, & electioni domini CLEMENTIS tamquam ritæ & canonice inviolabiliter adhærendo. Datum Parisius in capitulo fratrum Prædicatorum anno MCCCXXXII. die III. Februarii in nostra congregatione per juramentum celebrata.

Et etiam declaratio universitatis magistrorum Parisiensium, cujus tenor sequitur in hunc modum

Universis Christi fidelibus sacro sanctæ matris Ecclesiæ nostræ filiis universitatis Parisiensium magistrorum, ad quos præsentibus pervenerint, honorem & salutem in supremo in quo consistit vera salus.

Notum facimus singulis præsentibus pariter & futuris has nostras litteras inspecturis, quod cum patres nostri orthodoxæ fidei catholicæ consueverunt bona dare, mala reprobare, nescientibus quid agant, quid expectare debeant nunciare & intimare, dantes illis escam doctrinæ salubris in tempore opportuno, nos eorum vestigia, prout nobis fuerit possibile, imitantes, tacti dolore cordis intrinsecus, schisma Ecclesiæ sanctæ audientes, prohi dolor! tam diuturnè viguisse, & diutius paratum in dispositione longiori, nisi Dominus noster JESUS-CHRISTUS, verus ipsius Ecclesiæ sponsus apposuerit misericorditer vires suas, sub cura vigili non unius diei tantum, sed in multorum circula temporum, quantum potuimus melius ad elucidandam veritatem, quam tenere, in aliis docere debemus, insudamus. Tandem partibus per sua scripta auditis, ac etiam consideratis & diligentius multis præhabitis deliberationibus, compèrimus & in veræ fidei unitate tenuimus, tenemus & firmiter confitemur omnes simul unanimiter confitentes sanctissimum in Christo Patrem & dominum nostrum dominum CLEMENTEM VII. unicum verum summum pontificem universalis sanctæ Ecclesiæ Romanæ sponsum, & Christi ac B. Petri vicarium, prout in nostris aliis litteris, alias super hoc confectis clarius declaravimus & tenore præsentium declaramus. Datum Parisius in congregatione nostra generali in S. Mathurino propter hoc specialiter

celebrata die IX. mensis Februarii, anno Domini MCCCLXXXVI.

Quibus declarationibus posset adjungi tractatus sollemnis reverendissimi patris domini P. cardinalis S. Eustachii super ista materia schismatis editus, qui incipit *Quia res memoratu digna*, una cum replicatione, quam fecit domino archiepiscopo Tolerano, qui ipsum tractatum impugnaverat. Quæ impugnatio incipit *Reverendissimo in Christo Patri*, & dicta replicatio incipit *Reverendo Patri*. Posset etiam adjungi Tractatus domini ROBERTI FRANSOLA Januensis, & Tractatus magistri VINCENTII FERRERII, qui incipit *Vestra regie majestati*, & brevis Tractatus domini RAYMUNDI BERNARDI militis & legum doctoris, qui incipit *Cæsar*, qui pro parte domini CLEMENTIS concludunt evidenter: non obstantibus allegationibus domini Johannis de Linhano, quia in suis tertiis allegationibus se correxit, quæ incipiunt *Quia post completum*, qui tractatus omnes possent inseri, sed ad evitandam prolixitatem obmittuntur & causa brevitatis.

Post quæ idem dominus CLEMENS VII. ferè papatus sui sexdecim annis exaratis, vel circa, feliciter in domino expiravit, BARTHOLOMÆO prædicto jam præmortuo, cui in antipapatu quidam PETRUS DE THOMASELLIS, BONIFACIUS IX. appellatus, & alter COSMATUS INNOCENTIUS VII. nuncupatus, & post ANGELUS CORRARIO, GREGORIUS XII. vocatus successivè pariter & vitio successerunt, sedis apostolicæ invasores, totius christianitatis destructores, absque dubio antichristi ministri & præcursores. Post mortem autem dicti CLEMENTIS VII. dominus PETRUS DE LUNA pro tunc tituli S. Mariæ in Cosmedim diaconus cardinalis canonicè fuit electus, nedum per ipsius domini Clementis cardinales, quin immo & ab omnibus post mortem dicti domini Gregorii XI. indubitatis cardinalibus superstitibus, qui erant isti, scilicet cardinalis Portuensis dictus Florentinus promotus per Urbanum papam V. & cardinalis Penestrinus Pictaviensis promotus per papam Gregorium XI. qui non interfuerant in electione Clementis VII. prædicti, & cardinalis Ambianensis promotus per eundem papam Gregorium, qui interfuerat in electione ipsius Bartholomæi, & cardinalis S. Martialis promotus per papam Innocentium VI. qui in nulla prædictarum electionum fuerat, & cardinalis de Agrifolio promotus per papam Urbanum V. & cardinalis de Brenhio promotus per papam Gregorium XI. & ipse idem cardinalis de Luna promotus ab eodem, in quibus & ad quos, etsi neutra dictarum electionum Clementis VII. & Bartholomæi teneret de jure, quod absit, jus eligendi verum summum pontificem residebat seu devolutum fuerat in totum. Per quod patet quod si dictus dominus Clemens VII. verus apostolicus non fuisset, dictus tamen BENEDICTUS XIII. sic canonicè, ut præmittitur, electus, etiam ab illis qui non peccaverant in primis electionibus receptus in papam, fuit verus Christi vicarius, & ab universali Ecclesia talis recipi debuit, tamquam verus papa situs & re-

ceptus ab omnibus prædictis cardinalibus fuit, præmissisque regibus & principibus, & aliis antedictis, & tandem à dominis regibus LUDOVICO Cypri & Scotiæ, per totum comitatum Provinciæ, cum omnimoda obedientia, quam idem dominus BENEDICTUS ab Hispanis inclusive etiam per totam fere rippariam Januensem usque ad Portum-veneris in Domino feliciter ampliavit. Quomodoque, licet sacri canones clare habeant, quod papa ex quo semel verus est, à papatu deijci vel expelli aut deponi non valet, præterquam à Deo, nisi cum pertinacia & incorrigibilitate fuerit à fide catholica devius, & nullo alio casu, nisi gratis & sponte suo papatui renunciaret, &c. præter quodcumque crimen enorme, quodcumque sit illud, secundum veram & communem doctorum sacrorum in decretis & magistrorum in sacra pagina, reverendorum etiam sanctorum opinionem, & communem doctrinam & determinationem. Et merito, cum alia crimina non sic ab unitate fidei præcidant sicut hæresis: Nihilominus tamen ad incitationem seu requestam quorundam domini BENEDICTI æmulorum & capitalium inimicorum, eundem dominum BENEDICTUM aut odio gratis habentium, aut ex eo quod ab eo dignitates & beneficia, seu officia, aut alia subsidia, sive bona, aut honores ad votum habere non poterant, & eum utique probum & sanctum virum verum summum pontificem, ut præmittitur, criminantium & hæreticantium de hæresi nec vera in facto aut jure aut possibili secundum ipsos sacros canones contra omnimodam veritatem diffamantium, iidem domini cardinales dicti domini Benedicti, seu eorum quidam, qui etiam si veri essent cardinales, nullam jurisdictionem seu superioritatem aut potestatem supra papam etiam de hæresi diffamatum inveniuntur de jure habere, seu habuisse, nec habent, prius ab obedientia ejusdem domini BENEDICTI notorie subtracti, & jam schismatici facti, per prædictum dominum BENEDICTUM anathematizati & excommunicati & depositi, tam de jure communi, quam per processus & constitutiones per dictos tam dominum Clementem VII. quam dictum dominum Benedictum XIII. factos & factas & editas forent privati, temere & sine causa justa & rationabili, una cum anticardinalibus ejusdem Angeli Corrario antipapæ prædicti, & in antipapatu dicti Bartholomæi, & vitio successoris, cum quibus existentibus extra Ecclesiam, ipsi existentes intra, si veri essent cardinales & catholici, unum collegium facere non poterant, obstante jure naturali & divino quo existentes intus & existentes extra non possunt facere unam unitatem Ecclesiæ, vel unum collegium; fallacem suam in messem alienam ponentes, cum nec reperiatur jure cautum, nec umquam casu simili in Dei Ecclesia pratticatum, quod collegium dominorum cardinalium, Ecclesia vacante, vel non vacante, sed maxime non vacante, concilium generale convocare possit, seu etiam præbere auctoritatem, sed totum contrarium reperitur, nisi papa sit à fide devius, & de hæresi ipse veniat accusandus, & ipse sufficienter

&amp;

& canonice requisitus recuset convocare ipsum concilium generale: quo casu secundum quosdam, licet non reperiatur in sacris canonibus expresse decissum, plus dicitur Ecclesiam quam concilium generale congregari. Nec est locus in casu isto c. *Si duo, quæ fas in decretis* LXXIX. di. quando loquitur, in quo neuter ex electis erat notorie verus papa, & cardinales nullo modo de electione se valebant concordare: unde ad electionem procedi debet, ut ibi dicitur; sed in casu nostro unus erat verus papa; & primo non est idem, ut patet ex q. sequenti.

Hoc autem concilium contra eundem dominum BENEDICTUM & contra dictum ANGELUM CORRARIO absque licentia, consensu, & auctoritate dicti sanctissimi domini nostri papæ BENEDICTI prædicti, de facto in civitate Lucana prius vocaverunt, non obstante quod etiam si de hæresi sibi imposita veniret accusandus, ad ipsum dominum BENEDICTUM tantum, quem in verum papam receperant, qui hæresim & crimina sibi imposita expresse negabat, & se verum esse catholicum affirmabat, & non ad quemvis alium convocatio concilii generalis pertineret, ad quod & non ad ipsos cardinales de hæresi sibi false imposita, an vera esset in facto & jure vel non, secundum quorumdam opinionem, pertinebat tantum, & quod deterius est ipsum dominum BENEDICTUM ad dictum locum de Luca ad certam diem minus canonice citari fecerunt, quem locum assignatum mutaverunt in Pisis, absque eo quod loci & diei mutationem sibi domino BENEDICTO notificarent, seu notificare facerent, saltem bona hora: Quamquam dicta loca sint diversorum districtuum & diversarum jurisdictionum, & sub diversis dominis, & eidem domino BENEDICTO fuissent loca notorie non tuta, & de obedientia partis adversæ, videlicet dicti Corrario. Quod fecerunt etiam iidem domini cardinales: quamquam idem dominus BENEDICTUS à Portu-Veneris congediatus, à domino gubernatore Ripariæ Januensis discedens, de voluntate & expresse consensu dictorum dominorum cardinalium pro tunc ibidem existentium, jam concilium generale in Perpiniano, ipsos in convocatione concilii generalis præveniens, convocasset. In quo concilio iidem domini cardinales jam præventi promiserunt interesse, ut constat de dicta convocatione per quoddam publicum instrumentum de præmissis manu notarii publici confectum, ex quo liquide patet secundum ipsosmet canones & dominorum doctorum in decretis sententiam, quod etiam si quovis modo, quod non reperitur, tantum jure ad ipsos dominos cardinales pertineret ipsius concilii generalis convocatio, quod super eadem convocatione præventi extiterant, & generale concilium aliud convocare non poterant jam præventi per convocationem præcedentem dicti concilii generalis in Perpiniano factam, maxime reluctantibus & non consentientibus aliis cardinalibus, dicto domino BENEDICTO actu obedientibus, & secum in Romana curia residentibus, quod subsequenter ibidem congregatum

*Theſauri Anecd. Tom. II.*

A extitit & canonice celebratum: coram quo & trecentis fere patribus, qui in eodem concilio interfuerunt, de præmissis hæresis & schismatis criminibus & fautoria eorundem & ceteris criminibus, sibi, ut præmittitur, impositis, liquide se purgavit. In quo tamen concilio iidem domini cardinales dictum conciliabulum in Pisis convocantes, licet actu obedientiæ in eodem concilio Perpiniani \* interfuerint, interesse noluerunt: immo in tantam vesaniam, verum & cæcitatem inciderunt, quod eis visum fuit, quod

\* f. interesse debuerint.

B caput eorum membra sua & non membra caput sequi debent & deberent: quod nedum abominabile audire, immo quasi monstrum esset in humanis. quibus non obstantibus in dicto Pisano concilio, immo verius conciliabulo per eosdem dominos cardinales convocato & congregato, idem dominus BENEDICTUS de eisdem super eisdem criminibus & singulariter schismatis, hæresis & fautoriæ eorum, de quibus accusatus seu inquisitus extitit, ipso in partibus Aragoniæ existente, & sic absente & indefenso, nec legitime & per non habentes ullam potestatem ad dictum conciliabulum convocato, maxime attenta dicti loci mutatione, etiam facta ad locum notorie non tutum, & insuper contra ipsum sic absentem inauditum & indefensum, etiam non expectato anni lapsu post ejus contumaciam & excommunicationem, si quæ essent, & tantum semel vocatum, & non iterum ad audiendum sententiam, ut decebat & oportebat, processum fuit usque ad definitivam sententiam, si talis dici mereatur, inclusive. Nec eos retinuit à tanta vesania seu stultitia, ut citra eorum injuriam loquamur, expoliatio notoria, qua idem dominus BENEDICTUS spoliatus de facto extiterat ab obedientia regni Franciæ per medium cujusdam neutralitatis, & plurium aliorum regnorum & terrarum, in qua obedientia erat reintegrandus ante omnia secundum sacros canones, sic quod ante eandem rationalem restitutionem, nec ad dictam synodum, etiam si vere & canonice fuisset convocatus, ire seu mittere, vel si esset ibi præfens respondere cuiquam tenebatur, nec etiam legatio dominorum notabilium, quam ad Pisas jam miserat ad dicendum causas suæ absentiæ, & allegandum quod locus non erat sibi tutus, immo notorie non tutus, & ad alios certos fines pro unione habenda accommodos. Qui in Pisis legati applicuerunt ante sententiam prætenfam, quos minimè audire, immo vix videre voluerunt, & inauditos cum injuriis & opprobriis ignominiosè cum minis remiserunt, immo quod stultius fuit, & de facto, præmissis non obstantibus, ad dictam prætenfam sententiam processerunt, absque alia citatione. Et post hæc, vigore talis judicati prætensi, quatenus in eis fuit, dominus B. à papatu, licet ipsum nunquam reperissent à fide catholica devium, & de hoc eis non constaret, nec constare poterat, quia nec verum erat, nec recte, sed inique, ut citra injuriam cujusque loquamur; non rite, sed irritè; non canonicè sed canicè deponentes, non iudices, sed cæcorum duces existentes, à

R r r r r



\* f. inexcusablem.

fide apostolica & ab Ecclesia abegerunt.

Post quam vesaniam & temeritatem \*excusablem, ipso domino BENEDICTO adhuc in humanis agente, seu vivente, nec canonice deposito, seu ejecto, nec gratis renunciente papatui, contra dictos sacros canones, seu præter, quemdam alium pro papa in sede apostolica intrudere attentarunt, nomine PETRI FILARDI DE CANDIA, quem ALEXANDRUM V. pollutis labiis nuncuparunt. Post cujus mortem quemdam alium BALTAZAREM COSSA nominatum in eodem antipapatu & vitio substituerunt, qui JOHANNES XXIII. exitit apud suos pro papa nuncupatus, qui concilium, verius conciliabulum Constantiæ asseritur subsequenter convocasse: quamquam concilia generalia convocandi antipapa, qui & inter antichristos computatur, & destructor totius christianitatis, seu quamvis aliam jurisdictionem in Ecclesia exercendi nullam habeat, aut intra Dei Ecclesiam, potestatem seu facultatem habere valeat, quam maxime supra papam. In quo conciliabulo Constantiæ, aliquam auctoritatem sufficientem non habentes aut potestatem, sed eis omnimode carentes, præsertim supra Christi vicarium, qui tantum subest Dei judicio, nisi dum est à fide catholica devius, pertinax, & incorrigibilis, & de hoc constat Ecclesiæ militanti, dicti domini BENEDICTI æmuli & capitales inimici, contra eundem dominum BENEDICTUM eadem crimina, quæ in Pisano conventiculo, de quibus se purgaverat canonice in dicto concilio generali Perpiniani convocato & celebrato, refutaverunt, & duas hæreses eidem domino BENEDICTO contra veritatem facti & juris impingere ausi sunt, unam metaphorice dictam, quæ potius contumacia vocatur, quæ à fide catholica, seu fidei catholicæ unitate non deviat, etsi vera esset: propter quam, etiamsi vera esset in facto, papa semel verus nullo modo deponi posset, etiam per generale concilium, etiam canonice convocatum, seu deberet: quidquid dicat una falsa glossa decreti in capitulo *si papa* XL. di. ferè per omnes doctores juris canonici & reverendos in sacra pagina magistros pluries iustissime reprobata: & merito, cum de directo sit contra suum textum illiusmet capituli, & omni legitimo careat fundamento, de hæresi æquivocando, quæ hæresis metaphorica non devians ab unitate fidei catholicæ allegabatur contra eum: quia, ut dicebant, non obstante cedula jurata in conclavi ante electionem tam per ipsum dominum B. quam etiam per alios dominos cardinales, suo noluit cedere, ut promiserat, papatui, pro unione in Dei Ecclesia celebriter obtinenda, sæpe sæpius requisitus & monitus: quod quam falsum sit in facto patet clarissimè, tam ex responsionibus per ipsum factis super dicta materia etiam ANGELO CORRARIO cum bullis patentibus, processuque per ipsum tento & facto, ex quo ambaxiatores ANGELI CORRARIO pro pace Ecclesiæ cum ipso domino B. & unione ejus tractanda convenerunt in Massilia, tam in eodem loco, Saonaque, & Janua, quam in Portu-Veneris, usque ejus ad ultimum discessum de ipso

A Portu-Veneris, ut supra dictum est, violentum: tam etiam ex gestis in dicto concilio in Perpiniano celebrato, etiam ex oblati per ipsum in villa Perpiniani serenissimis dominis Romanorum & Aragoniæ regibus ambaxiatoribus dicti conciliabuli Constantiæ, de anno Domini MCCCCXV. de mense Octobris, & post: ex quibus de contrario eorum quæ sibi impingebantur constat, & etiam quod per ipsum non stetit, quominus cum efficacia & celeriter fuerit habitatio in Ecclesia Dei præoptata: quamquam etsi dictam cedulam & juramentum minime servavisset, & servare per expressum recusasset, quod absit, pro suæ promissionis & juramenti violatione reus perjurii tantum apud Deum puniendus esset, & ex hoc notari non posset nec debuisset per peritos à fide catholica devius, hæreticus, vel schismaticus; sed apud Deum & homines perjurus, & ut ita dixerim, malus christianus, teste Augustino, dicente: Inter catholicos malos & hæreticos interest, quod hæretici falsa credant, illi autem vera credentes non vivunt ita ut credunt. Schismatici autem ab hæreticis distant, cum schismaticos non fides diversa faciat, sed communis disrupta societas. Ex perjurio igitur nec fuisset à fide catholica devius, sed malus christianus; sed non ex hoc per concilium generale à papatu dejiciendus, prout jura canonica & dicta sanctorum sunt super his satis clara, & determinationes sacrorum doctorum in decretis: alias quilibet perjurus, vel in mortali peccato constitutus, perseverans in peccato, se corrigere recusans, obmittens aut differens plus debito, esset hæreticus vel schismaticus censendus, quod est falsum secundum communem scholam dominorum theologorum & canonicorum: nec obstat si dicatur, quod perjurium in causis Dei hæresim importat: quod verum est cum hæresis præcedit, quæ abjuratur, & juramentum per relapsum in eandem hæresim violatur: in quo casu hæresis præcedens & perjurium, & sequens hæresis eadem repetita concurrunt, quod quam longè distet à casu nostro, in quo de perjurio tantum agitur sine hæresi præcedenti vel sequenti norunt periti.

E Aliam vero hæresim sibi imponentes ex schismate indurato ipsum fuisse schismaticum, & ex duratione ipsius schismatis hæreticum acclamarunt: quæ tamen hæresis nec cadit, nec cadere potest in vero papa: cum verus papa nisi incipiat ab hæresi, non possit incidere in schismate, nec propter schisma in hæresim, prout Glossæ dicunt duæ ad hoc singulares comprobatae communiter per doctores, & patet ex definitione schismatis, & dictorum sacrorum doctorum, tam theologorum, quam sacrorum canonum, & patet vivaci ratione, cum schisma præscindat à capite, & papa verus non possit præscindi à seipso capite Ecclesiæ, nisi præscindatur à Christo per hæresim. Ex quibus patet quod non solum de falsis hæresibus in facto & jure, immo & de impossibilibus seu minus veris in jure ipsum dominum BENEDICTUM damnabiliter & contra veritatem diffamaverunt & accusaverunt fautoriam, &c. præterea sibi impeerunt notam



schismatis, jura calumniantes & veritatem, cum A  
 patiens schisma papa verus contra suam voluntatem, non possit dici fautor schismatis nec schismaticorum, quos viriliter excommunicat, anathematizat & condemnat, & evitari præcipit, ut fecit idem dominus BENEDICTUS, & patet per processum per ipsum factos, & sententias per ipsum latas, & per constitutiones apostolicas per ipsum editas. Unde liquidius claret, quod inter homines Deum timentes & scientificos, nec fautor est schismatis, suum verum jus quod in papatu habebat continuando, exercendo, seu defendendo, nec fautor schismaticorum potuit seu debuit æstimari vel judicari, maximè cum per ipsum non steterit, quominus per vias justas & practicas, securas, per ipsum apertas & oblatas, schismate extirpato, unio in Dei Ecclesia habita fuerit, ut patet per oblata per ipsum in Perpiniano, de quibus tacuerunt in Constantia malitiosè, & quod deterius est, post hæc os suum ponentes in cælum præter & contra jurium & sacrorum canonum omnimodam dispositionem, cum & dictæ falsæ hæreses verius nullæ, seu earum fautoria prætenfa ipsi conciliabulo Constantiæ, etsi alias canonicè fuisset convocatum & celebratum, nec jurisdictionem aliquam aut auctoritatem aliquam attribuerunt, nec attribuire potuerunt. Præmissis non obstantibus contra ipsum tamquam contra notorium schismaticum & hæreticum, & schismatis & hæresis fautorem processerunt usque ad definitivam sententiam inclusivè, quamquam concilium generale supra papam nullam habeat jurisdictionem, nisi cum est à fide catholica devius: quod D  
 vix possunt fundare doctores hoc tenentes.

Post quem processum irritum & inanem & dictam prætenfam sententiam, tam ex causis præmissis, quam ex pluribus aliis, suis loco & tempore declarandam ipso jure nullam & nullius efficaciæ seu valoris, ipso domino B. XIII. adhuc vivente, non canonicè de papatu ejecto, & nullo modo papatui renuntiante aut mortuo, sed vero papa perdurante, dominum OTHONEM DE COLUMNA antipapam hodiernum intrudere ausi sunt, contra eorundem sacrorum canonum dispositionem & determinationem, habentium quod vero Romano pontifice adhuc in humanis agente, quamdiu est papa, non potest eligi vel superaddi alius, & quod talia attentantes, ut rei crimine læsæ majestatis puniendi, diversis pœnis plectendi sunt. Quem OTHONEM postea pro vero papa adorandum acclamaverunt, ipsumque seu eorum aliqui ipsum ut talem adoraverunt, & ab aliis nequiter adorari præceperunt & adorari fecerunt. Unde & reges omnes & principes, nobiles, clerumque & populum, prohi dolor! deceperunt, quos ad fornicandum cum dicto idolo antichristo spiritualiter induxerunt & adduxerunt; quamquam non obstantibus tam in Pisis quam in Constantia gestis verius attentatis, idem dominus BENEDICTUS verus papa in Dei Ecclesia remansisset & remanserit, teste ipso ejus vices gerebat in terris, qui veritas est inconvincibilis apud omnes, usque ad ejus obitum inclusivè.

*Theſauri Anecd. Tomus II.*

Ceterum nec etiam vos latere credimus, quod dominus idem BENEDICTUS successivè in Paniscola, creatis per ipsum primo quatuor cardinalibus inferius nominatis, senio contractus feliciter migravit ad Dominum. Post cujus felicem transitum de hoc sæculo nequam ad regnum æternum, ut firmiter credimus, tres ex dictis cardinalibus in Paniscola existentes, nobis extra curiam Romanam pro tunc agentibus, & in castro de Torena diocesis Ruthenenfis moram nostram trahentibus, ad electionem Romani pontificis, adversus antipapæ intrusionem, post lapsum certi temporis processerunt, nobis non vocatis, nec de ejus morte certificatis ullo modo, & alias fecerunt & dixerunt, prout in facto quodam per nos in terminis posito, & cum pluribus catholicis viris verificato & examinato, ad quod post plura alia tandem nos reduximus & reducimus serioſius, continetur tenoris subsequentis.

Novembris die xvii. anni Domini mcccc. xxiv. sanctæ memoriæ dominus BENEDICTUS XIII. papa verus, incipiens infirmari eodem mense, die xxvii. quatuor cardinales, duos videlicet Aragonenses & duos Gallicos creavit, videlicet JULIANUM tituli xii. apostolorum & EXIMINUM tituli S. Laurentii in Lucina Aragonenses, DOMINICUM tituli S. Petri ad vincula; JOHANNEM tituli S. Stephani in Cælio monte Gallicos: quibus creatis, die penultima ejusdem mensis inter septimam & octavam horam in Domino expiravit. Est verum quod tempore mortis ejus duo cardinales Aragonenses prædicti erant in curia, in qua applicuit cardinalis S. Petri sabbatho quatuor temporum mensis Decembris proximè sequentis. Cardinalis autem S. Stephani extra curiam residebat, in castro videlicet de Torena Ruthenenſis diocesis, cui numquam fuit significata mors dicti domini BENEDICTI per dictos cardinales nec alios, usquequo mense Junii proximè sequenti fuit significata sibi per serenissimum principem dominum comitem Armaniaci: immo dicta mors eidem cardinali fuit celata ex industria per alios cardinales, usque ad electionem inclusivè, de qua inferius habetur mentio, quam etiam celaverunt omnibus catholicis in curia residentibus, & aliis, paucis demtis, à dicta die penultima Novembris usque ad xxiii. mensis Maii proximè sequentis, & ultra ferè usque ad septimam Julii. Quo pendente tempore bona Ecclesiæ non fuerunt administrata per camerarium apostolicum seu ejus locum tenentem, nec per manum cameræ, seu ejus aliquem rectorem seu regentem: immo dicti cardinales ad administrationem & gubernationem tam bonorum dicti domini BENEDICTI quondam, quam Ecclesiæ se propria auctoritate immiscuerunt, bonorum dictæ Ecclesiæ & domini Benedicti quamplurima recipientes, occupantes, & inter se dividentes, sicut sunt pecuniæ aureæ & argenteæ, anuli cum lapidibus pretiosis, reliquiæ S. Crucis & sanctorum, calices aurei & argentei, & alia vasa aurea & argentea, sicut sunt taccæ, librique diversi &  
 R r r r r ij

diversarum facultatum, ornamenta, paramenta, capellæ munitæ, supellectilia diversa, & alia multa bona non modici immo maximi valoris. Hoc etiam tempore pendente, dicti cardinales fingentes dictum dominum BENEDICTUM vivere, in Missis diebus consuetis dabant indulgentias solitas ac si papa viveret. Scripserunt seu scribi fecerunt plures litteras diversis personis nomine dicti papæ ut viventis, & plures bullas plumbaverunt seu plumbari fecerunt cum plumbo dicti domini BENEDICTI jam mortui, & ferè in omnibus utebantur ac si viveret. Pendente etiam hoc tempore, cardinales Aragonenses, & dominus RODERICUS DE LUNA mortem prædictam regi Aragonum, pro tunc circa partes Neapolitanas existenti secretè nunciaverunt, & interim intrare conclave, eligere, & Ecclesiæ de pastore providere prætermiserunt malitiosè, ut creditur, prout experientia exposit docuit. Cum autem cardinalis S. Petri instaret sæpe & sapius, ut conclave intrarent, & Ecclesiæ providerent de papa, sibi dicebant: Domine, non curetis, quia non intendimus alium eligere quam vos, & tam separatim quam insimul pluries sibi dixerunt, & promiserunt, quod ipsum eligerent in papam: adjicientes quod nolebant alium, dum tamen ipse vellet acceptare: & sic per tales fictas & vanas promissiones, quas dictus cardinalis S. Petri ante ingressum conclavis non acceptavit ullo modo, ipsum duxerunt, absque eo quod Ecclesiæ providerent, usquequo habuerunt responsum à dicto rege ferè circa medium mensis Maii proximè sequentis, ut infra dicetur. Hoc etiam pendente tempore, diversi tractatus habiti sunt inter dominum RODERICUM DE LUNA, & dominum ÆGIDIUM SANCII MUNIONIS tam in loco de Villa-nova, quam in loco de Bemeasse; & sic post completas locutiones, dictus dominus Rodericus in comestationibus mutuis faciebat fieri probam sive credentiam dicto domino ÆGIDIO, licet sibi non consuevisset fieri proba sive credentia, nec esset status seu dignitatis quod ei fieri deberet: unde assistentes præsumserunt, sicut exposit apparuit, fore verum, quod dictus dominus RODERICUS promiserat eidem domino ÆGIDIO ipsum facere papam. Post hæc autem habito responso à rege super præmissis, litteræ regiæ lectæ fuere in domo dicti domini ÆGIDII in Valentia per bajulum Valentia: quare percepto tenore, non expectans, ut vocaretur ut Aaron, sed ambiendo papatum se ingerens, procuravit sibi dari commissionem à bajulo Valentino socero suo sororio nomine regio, & ejus, notificandi dictis dominis cardinalibus contenta in dictis litteris regiis. Quamobrem & Paniscolam vadens eisdem dominis cardinalibus jam de responsione regia certificatis, & jam in conclavi existentibus, ex parte regia & dicti bajuli notificavit, quod voluntas erat regia, quod omnimodo à quacumque electione abstinerent, vel si eligebant, eligerent Aragonensem, vel de terris subditis regi Aragonum. Asseritur tamen à quibusdam, quod litteræ regiæ continebant, quod eligerent omnimodo, & unde.

cumque vellent: sed ut veniret ad id quod optabat, dominus prædictus aliter retulit, ut præfertur: adjiciens etiam quod per dictos dominos cardinales nihil sibi responderetur, quod & ÆGIDIUS ipse consulebat eis quod eligerent eum, cum hoc tamen quod complacentes regi eligerent Aragonensem, vel de nationibus dicto regi subjectis, & ab inde à dictis cardinalibus recessit. Post cujus recessum eisdem cardinalibus remanentibus in conclavi in discordia, & inter se diversa verba injuriosa habentibus, cardinali XII. apostolorum eligente cardinalem S. Petri, & vice versa, cardinalis vero S. Laurentii nominavit dictum ÆGIDIUM in papam: qui illico ab aliis duobus tamquam vilis & abjecta persona fuit refutatus: quod audiens idem ÆGIDIUS adhuc in Paniscola existens, tamquam furibundus recessit: & existens in itinere, & ut fertur, dum applicuit in loco de Cabanis Dertusensis diocesis vel circa, scripsit quasdam litteras dicto domino RODERICO ejus & generis sui diffamatorias, inter cetera continentes, quod malum erat servire sibi & suis, quia non consueverunt attendere quod promittebant, & quod non erat hoc quod promiserat sibi: quas dictus dominus RODERICUS non sine aliquali indignatione recepit. Post hæc cum dictus Ægidius suum iter versus Valentiam continuaret, molestus obviavit dicto bajulo, & gubernatori ad Bellicardonem accedentibus: qui videntes ipsum molestum ex præmissis per ipsum eisdem explicatis, fecerunt eum retrocedere cum ipsis usque ad Bellicardonem: ubi dum fuerunt, prædicto ÆGIDIO, & in favorem ejus scripserunt domino RODERICO, magnalia promittentes & offerentes: qui cornua flectens, promissis devictus, accedens ad portam conclavis vocavit duos cardinales, Aragonenses dumtaxat, non vocato domino S. Petri, & eisdem duobus dixit talia verba, vel in effectu similia: Cur non eligitis dominum Ægidium Sancii Munionis in papam, qui tenet viginti vel triginta millia florenorum in capsa: unde cum tendatis ad personam potentem & divitem, quæ possit sustinere statum vestrum, ille est quem quæritis. Dicti autem duo cardinales, dictis verbis auditis, & favore regis & patriæ, ut creditur, & ad instantiam dicti domini RODERICI, post recessum dicti domini RODERICI, ad invicem inter se loquentes, illico declinaverunt ad personam dicti domini ÆGIDII, quam gratam fore regi credebant, & notificaverunt dicto domino S. Petri, quod ipsi erant concordēs de eligendo dictum dominum ÆGIDIUM: quod audiens cardinalis S. Petri & graviter ferens: videns tamen quod ipsi erant duo & faciebant duas partes collegii in conclavi, & quod in vanum contradiceret eis super coeligendo, eisdem tandem adquevit. Advertentes autem dicti cardinales quod multa de bonis dicti domini Benedicti & Ecclesiæ administraverant & receperant, verum & rapuerant, & sibi appropriaverant, & quod pensionem octuaginta trium florenorum Aragoniæ pro quolibet mense sibi & inter se taxaverant, & ordinaverant de bonis

Ecclesiæ recipiendam pro sustinendo statu suo: A scientesque dictum dominum **ÆGIDIUM** fore terribilem & malignam personam, timentesque de raptis & habitis ab eodem vexari & pensionem diminui, si ipsum eligerent, volentes prospicere & providere in futurum, fecerunt ordinari quamdam cedulam, cujus tenor inferius describitur, per manum cardinalis S. Laurentii scriptam, septem articulos continentem: cui post fuit additus octavus articulus, & in principio posita data, & inter cetera quod eligendus non turbaret executionem testamenti dicti domini **BENEDICTI**, Immo de bonis Ecclesiæ traderet usque ad dictæ executionis complementum inclusivè, & dictos cardinales teneret in eodem statu, in quo hætenus fuerant usque tunc, & quod haberet eos recommissos, & numquam eis deficeret, & quod gratias expectativas familiarium & servitorum dicti domini **Benedicti**, nondum sortitas effectum, non revocaret: immo ipsos haberet recommissos, prout in dicta cedula latius continetur. Est verum quod cardinales intelligebant illa verba in eodem statu, quod nihil de raptis, perceptis, & administratis per eos peteret ab eisdem, & pro quolibet mense solveret eis dictam pensionem absque aliquali diminutione. Qua cedula sic ordinata & scripta manu dicti S. Laurentii cardinalis, intra conclave mandaverunt dictum dominum **ÆGIDIUM** ad se venire, quod & fecit, cui notificaverunt quod ipsi erant concordēs de ipsum eligendo in papam: attamen volebant quod ante electionem ipse promitteret & juraret tenere & servare & complere contenta in dicta cedula, quam copiatam & scriptam manu domini cardinalis pro tunc XII. apostolorum ei exhibuerunt, & quod propria manu ea subscriberet, ut **ÆGIDIUS SANCII MUNIONIS**, & quod post electionem similiter promitteret & juraret iterum de novo se subscribere. Quæ promisit & juravit, & ut præmittitur bina subscriptione ante electionem, & post vallavit, ut ex tenore dictæ cedulæ liquet, & cum præmissis, & post præmissa ipsum in papam elegerunt & inthronizaverunt, receperunt & publicaverunt, absente & nesciente S. Stephani cardinali, qui in præmissis nullo modo peccavit. Tenor vero cedulæ de qua superius habetur mentio sequitur & est talis.

Actum die decima Junii anno Domini **MCCCXXV.** quæ sequuntur debent promitti & jurari per quemcumque ad papatum promovendum seu eligendum.

Primò quod prosequetur unionem Ecclesiæ, quantum honestè fieri poterit sine offensione Dei, & infamia, & dejectione hujus partis, maxime propter illa quæ sunt facta contra sanctæ memoriæ dominum **BENEDICTUM** papam XIII. & sequaces ejus, seu de obedientia ejus semper & cum consilio cardinalium.

Secundò, quod ubi talis via reperiretur, per quam sine offensa Dei & scandalo hujus partis unio posset dari, quod revocentur ante omnia gesta contra dictum dominum **BENEDICTUM** & sequaces ejus seu de obedientia ejus, & hæc

omnia fiant de & cum consilio cardinalium.

Tertiò, quod executionem sanctæ memoriæ dicti domini **BENEDICTI** non impediet, & bona assignabit ad complementum dictæ executionis juxta facultates Ecclesiæ.

Quartò, quod cardinales manutenebit, durante hoc tempore prosecutionis, in statu quem hætenus usque nunc tenuerunt: & quod numquam eis deficiet, & privilegia & libertates Romanæ Ecclesiæ eis concessa servabit.

Quintò, quod familiares qui hætenus servierunt & fuerunt cum domino nostro **BENEDICTO**, sive in beneficiis & aliis gratis & beneficiis habebit propensius recommissos.

Sextò, quod provisiones & gratias concessas familiaribus, quæ hætenus non fuerunt sortitæ effectum, non revocabit.

Septimò, quod nullum tractatum faciet circa unionem Ecclesiæ sine, sed de & cum consensu cardinalium.

Octavò, quod dominus **ÆGIDIUS SANCII MUNIONIS** jurabit nunc dicta capitula observare, sicut nos tres, videlicet **JULIANUS** Basilicæ XII. apostolorum de Urbe. **EXIMINUS** tituli S. Laurentii in Lucina, & **DOMINICUS** tituli S. Petri ad Vincula collegium facientes juravimus. Et casu quo assumtus esset, illico illa ratificabit per juramentum, & quod subscribat se propria manu Ego **ÆGIDIUS SANCII MUNIONIS** prædictis omnibus per me juratis & promissis subscripsi manu propria. Nos **CLEMENS** divina providentia papa octavus prædictis omnibus per nos juratis & promissis subscribimus nos manu propria, & ita juravimus attendere & complere.

Post hæc autem dictus dominus **ÆGIDIUS** una die mensis Septembris proximè sequentis vocavit dictos tres cardinales, qui ipsum elegerunt, dicens quod maturius pensaverat super dicta cedula & ejus tenore, & super contentis in eadem consilium habuerat cum peritis, qui sibi retulerant quod dicta cedula importabat simoniam, cujus labes nedum tangebatur ipsum & ejus electionem, immo famam ipsorum cardinalium, cum ipse & ipsi in hoc essent participes. Adjiciens quod postquam præmissa audiverat, fuerat tristis & infirmus; & ita infirmum se fore fingebat, persuadens dictis cardinalibus quod vellent sibi restituere dictam cedulam, eis quamplurima promittens. Qui tandem promissionibus devicti, ipsam sibi restituerunt, quam igne combussit & in aygueria sive cloaca projecit, & sic ut tutus de præmisso, in papatu remansit.

Cardinalis autem S. Stephani de Thorena vi ejectus, Paniscolam applicuit XII. die mensis Decembris anno Domini **MCCCXXV.** qui aliquatim præmissa sentiens, licet non plene informatus, in dubio ad vitandum poenas juris, volensque Ecclesiæ sacrosanctæ providere, antequam se præsentaret in conspectu dicti domini **ÆGIDII**, coram notario & tribus testibus fide dignis solemniter protestatus fuit, quod non intendebat consentire in eum, nec per aliquos actus coram ipso exercendos aliquod jus sibi attribuere vel ampliare, nisi quantum ex vera & canonica ele-

R r r r iij

ctione sibi competebar, prout latius continetur in instrumento sumto manu dicti notarii. Postquam protestationem dictus cardinalis S. Stephani in Paniscola residens paulative & secrete, ut melius potuit se informavit; & præmissa fore vera, præsertim contenta in dicta cedula; & sic dictam electionem, si talis dici mereatur, simoniace factam, ex pluribus capitibus ipso jure nullam, Ecclesiæ Dei sacrosandæ sic à morte dicti domini Benedicti vacanti providens, prout tenebatur, ex tenore sui officii juxta decretum domini Nicolai papæ II. quod incipit *Si quis pecuniam* LXXIX. di. quemdam Gallicum Aquitanum elegit in papam. Quo facto in terminis posito pro vero supposito, saltem quoad contenta in dicta cedula, & quantum sufficiunt ad nullitatem dictæ electionis probandam, quoad superfluum probationem nullatenus non astringit, electionem prædictam de dicto domino ÆGIDIO per dictos tres cardinales factam juxta dictum factum in terminis positum, cum quibusdam viris catholicis etiam litteratis per certa dubia juris ex dicto facto elicitæ examinavimus, & examinari fecimus: ad quæ tandem nos reduximus quæ sequuntur in effectu.

Primò an antedicta electio prima de dicto domino ÆGIDIO facta ex præmissis censeatur simoniaca seu simoniace facta, super quo videatur c. *Talia* VIII. q. III. cum c. sequenti cum ibi notis in Rosario. Secundò, an electio papæ simoniace facta sit ipso jure nulla vel non, super quo videatur c. *Si quis pecuniam* & can. *In nomine Domini* XXIII. di. & in q. I. §. *Patet*. Tertiò, dato quod electio dicti domini ÆGIDII sit ipso jure nulla, an dictus cardinalis S. Stephani potuerit procedere ad secundam electionem, prima non cassata. Casus videtur quod sic in dicto capitulo, *Si quis pecunia* rejecta materia c. *Consideramus*, de electione quæ locum habet in inferioribus electionibus. Et circa istud etiam quæritur utrum dictus cardinalis S. Stephani antequam procederet ad secundam electionem, habuit necesse declarare vel facere declarari electionem primam, si talis dici mereatur, scilicet de dicto domino ÆGIDIO SANCTI MUNIONIS factam simoniace fuisse nullam ipso jure, dominosque cardinales ipsum eligentes simoniace fuisse privatos ipso jure eligendi, ipso domino ÆGIDIO seu ejus parte non vocato seu vocata & plene audito seu audita. Quartò, dato quod dictus cardinalis S. Stephani non delinquens potuerit ad secundam electionem procedere, an de necessitate teneretur in secunda electione vocare alios cardinales delinquentes in prima. Videatur materia in cap. *Cum Viccomen.* & can. *Audit.* de elect. & in can. *Gratum* de postulatione episcopi. Quintò, juxta nullitatem dictæ electionis posset videri, an electio papæ facta à falsariis, raptoribus, excommunicatis, & suspensis cardinalibus, & anathematizatis collegialiter valeat vel non. Videtur quod sic pro Clemente ne Romanus; sed aliter intelligitur. Sextò, an electio dicti domini ÆGIDII laboret pari morbo, sicut electio præfensa Bartholomæi Cascavelli sive Barrensis facta in Ro-

ma populo acclamante *Romano lo volomo*, ho almancho Italiano, cum prædictus rex Aragonum mandaverit cardinalibus Aragonensibus quod non eligerent nisi Aragonensem, vel de terris sibi subditis, maxime attentata congregatione facta in Bellicardone ad unam horam Paniscolæ, per quemdam vocatum Cormanio regis Aragonum secretarium & ejus socium, qui nomine regis & reginæ Aragonum, qui venientes cum minis & terroribus volebant occupare castrum Paniscolæ, bonaque dicti domini BENEDICTI, & ecclesiæ Paniscolensis obsidionem comminantes. Quibus tam per nos quam per alios viros catholicos etiam litteratos examinatis & discussis, satis liquide comperimus dictam præfensam electionem de dicto ÆGIDIO factam, si talis nuncupari debeat, simoniacam & simoniace factam, ac callido & doloso tractatu factam, verius attentatam, & ex pluribus capitibus ipso jure nullam, & sic Ecclesiam universalem canonico papa & vero Christi vicario viduatam, usque ad nostram electionem remansisse & esse vacantem, dicti domini ÆGIDII prædicta intrusione non obstante, ipsosque tres dominos cardinales ipsum modo prædicto eligentes, qui vigore talis electionis ipso jure nullæ, ipsum ÆGIDIUM in papam admiserunt & ceperunt, & ab aliis adorari fecerunt, ex pluribus capitibus ipso jure fuisse privatos jure eligendi, saltem pro ista vice, sicut præmittitur. Vacanti ab obitu dicti domini BENEDICTI de pastore Romano pontifice vero papa canonico & vero Christi vicario providere cupientes, prout ex injuncto nobis officio tenebamur, juxta decretum papæ Nicolai II. de quo supra fit mentio, ad electionem viri Romani Pontificis & Christi vicarii processimus, prout in instrumento dictæ electionis publico exinde confecto superius inserto est expressum; qua facta propter multa & grandia pericula, quæ dictæ Ecclesiæ & personæ nostræ & nostris servitoribus & ceteris catholicis verisimiliter poterant contingere, & evenire, à dicto loco de Paniscola, de nocte, hora captata opportuna, cum de die commode non possemus, S. Spiritus gratia, qua Ecclesia militans regitur, nos & iter nostrum salubriter dirigente, & de consilio quorundam catholicorum & Dei electorum, ut credimus, qui more Pauli, personam nostram cum funibus submiserunt per murum, quam citius discessimus, & ad regnum istud Franciæ continuatis dietis, quamquam gravi infirmitate febrium essemus lacerati, tute ipsa dirigente gratia, applicuimus: de quibus Domino Deo gratias non quales debemus referentes, dum peritorum copiam habere potuimus in theologia & decretis, facto eis & eorum cuilibet in terminis prædictis tradito & ostenso, cum præinsertis dubiis, easdem electiones, videlicet nostram & dictorum dominorum trium cardinalium pro majori securitate nostræ & Ecclesiæ utilitate, antequam ipsam electionem præsentaremus, cujus necdum copiam habebamus, nec commode habere poteramus, cum vix inveniremus locum tutum in quo reclinare



possemus caput, per solemnes magistros in sacra pagina & utriusque juris doctores, & licentiatos examinari fecimus eadem præinserta dubia: qua diligenti examinatione facta super utraque electione, electionem, verius intrusionem per dictos dominos tres cardinales de dicto domino Ægidio factam ipso jure nullam fuisse & esse, & nostram prædictam validam & canonicam fore electionem luculentius comperimus, ac ipsos tres dominos cardinales fuisse & esse ipso jure privatos, saltem pro ista vice, jure papam eligendi invenimus, & eandem nostram electionem canonicam repertam successivè, dum commodè potuimus, prius eidem electo per nos secretè denunciavimus, & subsequenter præsentavimus. Post cujus consensum electi habitum, fuimus aliquandiu opinionis ipsam nostram electionem non publicandi, donec per concilium generale cognitum fuisset, an non obstantibus in Pisis & Constantia gestis contra dictum dominum BENEDICTUM, & exinde scandalis subsequutis, & per dictos tres cardinales post dicti domini BENEDICTI decessum attentatis, & aliis superius explicatis, dicta nostra electio secundum canones procederet, vel non: coram quo ostendere disposueramus omnia quæ nobis in facto vel jure contra in Pisis & Constantia gesta & exinde subsequuta, & contra intrusiones dictorum OTHONIS DE COLUMNA & ÆGIDII SANCII MUNIONIS secundum sacros prædictos canones veridice pro tunc nobis occurrebant; & sic in dicta opinione per aliquodierum intervalla remansimus, donec ad nos reversus occurrit limpidius quod non solum ipsa concilii convocatio & celebratio nimis forsitan diu posset retardari, ex quo tamdiu Ecclesia non esset consolata pastore sibi noto: quin immo quod nec dictum concilium poterat, obstantibus sacris canonibus, canonicè convocari, cum non sit hodie vivens in orbe, nisi ipse per nos electus, vel ab ipso specialiter deputatus, qui super præmissis vel aliis concilium generale valeret convocare; unde nostram opinionem in melius reformantes, dictum concilium non fore expectandum deservimus, ipsam electionem nostram publicare intendentes quam citius, quod & fecissemus: sed rabies schismaticorum & hæreticorum quorundam absque dubio antichristi ministrorum, sic contra Ecclesiam & nos invaluit, quod hoc facere commodè non valuimus, nec ausi sumus, nec utile fore pro tunc æstimavimus, ne rabies ipsa sic semper superbiens & sæviens, omnes Dei electos aut plures diræ neci traderet, & à præsentè sæculo nequam eriperet ante tempus. Quapropter à dicta publicatione magis abstinere placuit, Ecclesiæ prædictæ silentii remedium, ut nobis videtur prophetatum per præscios, adhibentes, donec commodius absque tantorum scandalorum dispendio publicari valeret in tempore opportuno. Utque etiam falleretur qui fallere & delere nititur Ecclesiam crucifixi, ipsa Ecclesia sit sub utili ad tempus silentio, non tamen pastore destituta humiliter remanente. Verum hoc intermedio temporis intervallo, multi vericatholici de nullitate ele-

ctionis ipsius domini Ægidii & aliis præmissis ad plenum informati, scientesque ipsum jus papam eligendi hac vice solum devolutum fuisse seu in nobis recidisse, ipsosque tres dominos cardinales fuisse privatos ipso jure papam eligendi ad minus pro ista vice: nostram tamen prædictam electionem nescientes, & non mirum, ignorantes, de salute animarum, & conservatione ipsius Ecclesiæ tamen solliciti: quorum etiam exuberantem caritatem in Domino meritò commendamus, sæpe & pluries, oportune & importune, & etiam per medium quorundam magnorum dominorum, nos tam supplicando, quam requirendo infestant, ut ad electionem Romani pontificis, quæ ad nos solum in hoc casu pertinebat, procederemus breviter, propter vitanda pericula, quæ ex tam diuturna vacatione ipsi Ecclesiæ possent verisimiliter evenire, maxime si, Domino permittente, nos subtrahi contingeret à luce. Alii autem sanius existimantes, quod non eramus tam ridiculi, tantæque dementiæ, nec tam malæ conscientiæ, nec sic salutis Ecclesiæ atque nostræ immemores, quod sic scienter & ex proposito teneremus Ecclesiam Dei sic diu vacantem, quod nec per sanæ mentis viros debuit æstimari, & verius opinantes, scilicet quod jam elegeramus, licet electionem secretam teneremus, pro publicatione dictæ electionis apud nos magnam fecerunt instantiam: asserentes quod omnimodo ipsam expediebat publicare, propter plura scandala, potissime schismatum, quæ ex silentio dictæ nostræ electionis Ecclesiæ possent evenire, si aliqui eandem electionem ignorantes in nostri defectu, alium seu alios eligere niterentur, sed nec his, sicut nec aliis aures adhuc præbere volumus, sed consilio Apostoli usi dicentis, *Omnia tentate, quod bonum est tenete*, hoc utique pendente silentio dictam electionem nondum factam per nos fingentes cautè tentare volumus, quod & fecimus, scilicet an per medium dictæ nostræ electionis nondum publicatæ atque nostri, an per ejus publicationem, contententes de papatu Romanum & Paniscolensem ad pacem reducere valeremus, & totam christianitatem ad tam optatam & desideratam unionem, nos felices æstimantes, si ad tantum bonum faciendum in hoc mundo vivere nos reservasset ipse de cujus causa agitur JESUS-CHRISTUS dictæ Ecclesiæ verus sponsus. Super quibus per medium serenissimi principis domini comitis Armaniaci, cui super hoc major opportunitas occurrere videbatur, quamdam viam, ut credimus, justam & rationabilem utrique ex dictis contententibus præsentari fecimus, videlicet ipsi domino OTHONI DE COLUMNA per nobilem virum dominum ANTONIUM DE CAPRALARIO primo, & per R. P. dominum Auxitanum secundo, ambaxiatores ad ipsum per dictum dominum comitem successivè destinatos, & dicto domino Ægidio in Paniscola per reverendum in sacra pagina magistrum JOHANNEM FABRI, & JOHANNEM MARTINI familiarem dicti domini Auxitani, nuncios per ipsum dominum comitem super hoc ad illum



de Paniscola missos, qui de Paniscola litteratoriè satis congruam super præmissis, licet, ut credimus, fictè & simulatoriè fecisse videbatur, responsionem. De qua responsione, cujus copia eidem OTHONI missa fuit, & dicta via per nos oblata, idem dominus OTHO fuit sufficienter informatus: cui etiam certo modo scripsimus discrimina plura & scandala, quæ ipsi Ecclesiæ ad causam tam, proh dolor! inveterati schismatis evenerant, & damna quæ ejus occasione patiebatur Ecclesia irreparabilia, & quæ ei in futurum amplius imminebant referendo; eundem in visceribus Christi exhortantes, ut eamdem viam eidem qui penitus nullum jus habet in papatu etiam multum favorabilem acceptare, & pacem Ecclesiæ dare favorabiliter & breviter dignaretur, in dictis nostris litteris, certis, justis causis & rationabilibus insertis, quibus etiam durior cervice ipso in tam favorabili materia flecti deberet & speraretur. Dictus autem de Columna, qui prius aures ipsis nuntiis præbere inceperat, more vulpino usus, terga vertens ipsi Auxitano, & nunciis serenissimi principis domini regis Aragonum faciem præbens, cum quibus de ista materia utilius sibi tractare videbatur, licet in contrarium recto Dei judicio, ut credimus, res sit versa, partem nostram ferè ad nihil reputans, tandem more aspidis surdæ obturantis aures suas, ipsam viam per nos apertam penitus refutavit; & tacitè per suos satellites plura nobis præsentari faciendo, se per nos eligi de novo procuravit. Quibus data repulsa, cum sit omnino ineligibilis, nisi resipiscens absolvi & habilitari meruisset, papatu etiam realiter dimisso, personam nostram sub umbra cujusdam salvi conductus, per quosdam abbates præten-

**D** sos Bonævallis & Bonæcumbæ, ac quemdam Heliam Kadragesime, nec dubium antichristi ministros & executores, occidi aut capi proditoriè procuravit, nos turpissima morte prævenire cupiens, ne ad electionem alterius, quam credebatur nondum factam, procedere valeremus, cum ipsum non lateret, ipsum jus eligendi ad nos pertinere, & etiam per multos alios multas & magnas summas dignitates & beneficia nos occidentibus vel capientibus promittendo, id sæpius conati sunt deducere ad effectum per multas vias exquisitas & veneficas, & alias in tanto folio præsidenti de facto & hominibus de tam claro genere, sicut se esse asserunt, minus honestas, viris ecclesiasticis maximè incestuosas, ut ita diximus, & nefarias, utrisque juribus, divino, naturali & positivo evidentissime reprobata. Sed dominus noster JESUS-CHRISTUS, de cujus causa agitur, ad preces, ut firmiter credimus, ejus genitricis semper Virginis B. Mariæ gloriosæ, beatique Michaelis, & omnium patronorum nostrorum & patronarum, & omnium sanctorum & electorum & sanctarum Dei, quos pro Dei Ecclesia incessanter orare nec dubitamus, à tam nefandis & reprobatis proditoribus & eorum laqueis nos liberare misericorditer dignatus est, & ut speramus, præservabit salubriter in futurum: ad quæ pericula electi Dei & fideles quamplurimi Ecclesiæ prædictæ

**A** atque nostri antedicta etiam plusquam nos advertentes, mortem nostram aut captionem dubitantes Ecclesiæ fore damnosam, si sic contigisset aut contingeret in futurum, multo magis solliciti extiterunt de nos instigando etiam importune; ut quam citius ad dictam electionem, si facta non est, procederemus, aut factam publicarem. Ad quam etiam nos instigare non cessant, jam factam ignorantes, & factam publicari cupientes: pro qua etiam nobis plus solito supplicarunt.

**B** Nos igitur præmissa attendentes, & quod dicti duo de papatu contententes OTHO & ÆGIDIUS ad pacem Ecclesiæ dandam desideratam diutius venire minime curant, super quo jam per tres annos & ultra eos expectavimus; sed negligunt & malitiose differunt, sic causam Dei sine remedio dimittentes, intentioni nostræ sinceræ jam data repulsa; quodque dictæ nostræ electionis silentium Ecclesiæ matri nostræ catholicæ nec prodest amplius, cum propter hoc schismatici & hæretici ab ipsius Ecclesiæ damnosa & sæva prosecutione notoria non desistant, sæpe & sæpius repetita: quinimmo nostram electionem jam factam nescientes & futuram dubitantes, morte aut personali captionem & detentionem, ne eligere possimus, prævenire conantur, & superbia repetita plus solito prosequuntur, & amplius prosequi moliantur, juxta illud: *Superbia eorum qui te oderunt ascendit semper*; Sancti Spiritus gratia, qua Ecclesia militans regitur, recepta pro vexillo, sub cujus protectione & salva gardia speciali nos & Dei Ecclesiam catholicam supponimus, qui ut firmiter credimus fragilitatem nostram & defectus supplebit, maxime quantum ad ea quæ ulteriori indigebunt probatione, precibus catholicorum inclinati, quidquid de persona nostra contingat, quas in hac parte ad nunc justas & ab eodem Spiritu-sancto procedere reputamus, eorumque voto & devotioni annuentes, quod & quam in Domino multipliciter commendamus, ab onere quod ex debito nostri cardinalatus officii nobis incumbere confitemur, liberantes, exitus aquarum oculorum, & gemitus sacro sanctæ ipsius Ecclesiæ matris nostræ catholicæ continuos advertentes, ipsam de pastore canonico dudum desolatam consolantes, reintegrantes, & reformantes quatenus in nobis est & ad nos pertinere dignoscitur, vobis serenissimo Principi prædicto, ceterisque universis & singulis in Christo fidelibus volumus esse notum, & notificamus, & publicamus per præsentem, quod illud quod ipsi veri fideles & catholici & vos à nobis cum tanta instantia petierunt & petunt, petiistis & petitis, factum est, videlicet quod vacante Ecclesia seu sede apostolica per obitum sanctæ memoriæ dicti domini BENEDICTI XIII. non obstantibus in Pisis & Constantia temere gestis, attentatis, & subsequutis exinde intrusionibus, & aliis scandalis ipso jure nullis, & à canone & cum decreto cassatis & annullatis, scilicet dictorum OTHONIS & ÆGIDIUM, quos inter antichristos nec dubium computamus, & invasores sedis apostolicæ & totius christianitatis

christianitatis destructores æstimamus, & qui A ex præmissis jam tales patent inter peritos, de-terminatione ipsius sacro sanctæ matris Ecclesiæ catholicæ in omnibus semper salva, cui nos & facta & dicta nostra subjicimus & submittimus, fidem ipsius Ecclesiæ & doctrinam in omnibus & semper nostræ opinioni præferentes, Nos pro nobis & vice & nomine totius sacri collegii & dominorum sacro sanctæ Romanæ Ecclesiæ cardinalium, eligimus in summum Romanum pontificem, papam verum, & sanctum Christi vicarium, in terris videlicet dominum BENEDICTUM XIII. papam hodiernum anno, mense, die, loco, & regnantibus in instrumento publico de dicta electione manu notarii publici confecto latius contentis & expressatis, & ex causis & rationibus jam superius liquidissime deductis, & in eodem instrumento & facto in terminis supra inserto jam expressis, ex quibus de justitia & sinceritate nostræ prædictæ electionis jam liquidissime peritis liquet, & aliis cum caritate & humilitate veritatem quærentibus clarere potest & poterit quibuscumque in scripturis sanctis & canonicis.

O Serenissimi reges & principes, vosque serenissimi principes, & ceteri domini & fratres carissimi, veram Ecclesiam & verum Christi vicarium cum mansuetudine & humilitate requiramus, bene tamen intellectis & non in falsa glossa, vel doctorum aliquorum particularibus opinionibus, seu sophismatibus aut terminorum intricacionibus communiter per sanctos doctores reprobatis, quia scriptum est: Proteges eos à contradictione linguarum. Super quo Augustinus: Contradicunt linguæ multæ diversis hæresibus, diversa schismata personant, multæ linguæ contradicunt veritatis doctrinæ. Recurramus igitur ad tabernaculum Dei, Ecclesiam catholicam teneamus, & ejus veram, sanam & communem doctrinam, à regulis veritatis & sacris canonibus non discedamus, & protegamur in tabernaculo à contradictione linguarum. Nam non ob aliud hæretici sunt qui scripturas catholicas legunt, nisi quod eas non recte intelligentes, suas falsas opiniones contra earum veritatem pertinaciter asserunt & defendunt; sed cadunt in meridie quasi in media nocte. Hoc omnium hæreticorum est, quod veritatem manifestissimam in luce omnium gentium constitutam videre non possunt. Sed nec terreantur catholici, quia pauci sunt respectu adversariorum qui multi sunt. Dominus enim in Evangelio dicit: *multi sunt vocati, pauci vero electi*. Et in Exodo: *non sequaris turbam ad faciendum malum, nec in iudicio plurimorum adquiescas sententiæ, ut à vero devies*. Unde in Ecclesiastico legitur: *non enim concupiscit multitudinem filiorum infidelium, & inutilem*. Et sequitur: *ne jocularis in filiis impiis, si multiplicentur, nec oblecteris super ipsos, si non est timor Dei cum illis. Non credas vitæ illorum, & ne respexeris in laboribus illorum: melior est enim unus timens Deum, quam mille filii impii*.

Item, schismatici & hæretici nec sua multitudine gloriantur, catholicos quia pauci sunt deridentes, nec ex sua multitudine sibi au-

toritatem usurpent; multo quippe plures cum Mahometo sunt, & cum antichristo erunt, quam cum Christo & Ecclesia nunc sunt seu erunt eo tempore. Sed numquam ex hoc dimittere debemus Christum & sequi Machometum vel antichristum; & absit hoc à nobis & cunctis fidelibus. Nam B. Johannes Evangelista in Apocalypsi de fumo abyssi obscuratum dicit solem, non occidisse. Peccata omnium malorum vel superbiorum quæ passim committuntur per orbem obscurant solem, id est Ecclesiam, & sanctis & justis interdum faciunt obscuritatem; sed lumen eorum extinguere non possunt: quia illis ad malum non adquiescunt. Sed nec hos timet Ecclesia, templum Dei sanctum ipsa est Ecclesia sancta, Ecclesia una, Ecclesia vera catholica: quæ contra omnes hæreses pugnans pugnare potest, & expugnari non potest, ut succumbat. Hæreses omnes ex illa exierunt tamquam sarmenta inutilia de ipsa jam præcisa. Ipsa autem manet in radice sua, in vite sua, in caritate sua; portæ inferorum non vincunt eam. Ceterum propter persecutiones quas pars nostra patitur, vera Ecclesia, nec desperent catholici, qui eas patiuntur: quoniam in Evangelio dicitur, ut etiam si fieri potest, varient electi. Nempe consueta est Ecclesia catholica tribulationes & persecutiones pati, non solum hodie, sed à juventute sua. Unde Augustinus, Non solum à tempore temporalis præsentis Christi & apostolorum ejus, sed ab ipso Abel, quem primum justum impius frater occidit, & deinceps usque hujus sæculi finem inter persecutiones mundi & consolationes Dei peregrinando percurrit Ecclesia. Et ideo dicit: *Sæpe expugnaverunt me à juventute mea*. Ecclesia loquitur de his quæ tolerat & quos tolerat: & tamquam si diceretur, numquid modo solum ex quo vocantur Sancti est Ecclesia in terra? quasi dicat, non. Nam ut B. Augustinus dicit, aliquando in solo Abel Ecclesia erat, & expugnatus est à fratre malo & perduto Caino; aliquando in solo Enoch Ecclesia erat, & translatus est ab iniquis; aliquando in sola domo Noe Ecclesia erat, & pertulit omnes qui diluvio perierunt, & sola arca natavit in fluctibus & evasit ad siccum; aliquando in solo Abraham Ecclesia erat, & quanta pertulit ab iniquis novimus; in solo filio fratris sui Loth, & in domo ejus, & in Sodomis Ecclesia erat, & pertulit Sodomorum iniquitates & perversitates, quousque eum Deus de medio eorum liberavit; & cœpit esse in populo Israel Ecclesia, & pertulit Pharaonem & Ægyptianos. Cœpit esse in ipsa Ecclesia, id est in populo Israel numerus sanctorum, ut Moyses & ceteri sancti, & pertulerunt iniquos Judæos populum Israel. Ventum est ad dominum Jesum Christum, prædicatum est Evangelium; non solum illi crediderunt, qui pertinent ad numerum sanctorum, sed & super numerum intraverunt multi inficii, sed plures iniqui, & pertulerunt justii iniquos in Ecclesia, & numquam modo solum, sed ex quo commemoratur; ideo non miretur modo Ecclesia, ut nec miretur quisquam in Ecclesia. Audite, *Sæpe expugnaverunt me à juventute mea*,  
S f f f

\* f. Diocle-  
tiano.

\* 1. Bonifa-  
cium IX.

jam modo severius Ecclesia expugnatur, sed non timeat: nam non cessaverunt illi, scilicet quando vixerunt expugnando, sed delere non potuerunt. Consoletur ergo Israel, consoletur se ipsam Ecclesia de præteritis exemplis, & dicat, *Sæpe expugnaverunt me à juventute mea.* Sed à Christo citra fuitne expugnata? etiam sub Herode, sub Nerone, sub Domitiano, sub Trajano, sub Adriano Helio tempore Sixti primi, sub Marco Antonino, sub Severo Augusto, sub Maximiano, sub Decio, sub Valeriano & Galieno, sub Decio juniore, sub Ameliano, sub \* Diadeciano & Maximiano, sub Maximiano & Severo, Constantino, Galerio & Maxentio, sub Constantino, sub Juliano apostata, Valente, Acilla, Zenone, Anastasio, Cosdroe, Macometo, Constante, sive Constantino, Theoderico, Justiniano secundo, Philippo secundo, Leone tertio, Constantino quarto, Leone quarto, Ludovico tertio, à quatuor Berengariis, cum uno Lothario, ab Henrico, Frederico primo, & Frederico secundo, & pluribus aliis imperatoribus & regibus etiam Christianis, Judæis, infidelibus & tyrannis ex chronicis summorum Pontificum & imperatorum, ac plurium regum aliorum satis patet. An autem fuerit expugnata diversis hæresibus & à diversis hæreticis & eorum fautoribus ex eisdem chronicis patet. An autem etiam expugnata fuerit à schismatibus & schismaticis Ecclesia in Cornelio papa per Novatianum, in Damasio I. per Ursinum, in Symmacho per Laurentium, in Bonifacio II. per Dioscorum, in Silverio per Constantinum seu Vigilium, in Formoso per Stephanum I. in Christophoro per Sergium III. in Johanne XII. per Leonem, in Gregorio V. per Johannem XVII. in Leone per Benedictum, in Alexandro II. per Cadulum, in Gregorio VII. per Gibbertum, in Paschali II. per tres Antipapas, in Callixto II. per Burdinum, in Innocentio II. per Petrum Leonis, in Benedicto VIII. per quemdam alium, in Benedicto IX. per episcopum Sabinensem, in Alexandro III. per quatuor Antipapas, in Johanne XXII. per Petrum Rainaldi de Corbario, in Clemente VII. per Bartholomæum Cascaveli, in Benedicto XIII. per antipapas \* Urbanum IX. Innocentium VII. Gregorium XII. Alexandrum V. Johannem XXIII. & Othonem de Columna Martinum V. Et post mortem dicti domini Benedicti & nunc per dictos Othonem & Ægidium, & etiam diversis aliis schismatibus & schismaticis pluribus etiam ex chronicis patet, juncta chronica ultimo confecta Episcopi Cluensis nuper vita functi. An autem hodiernis temporibus à Roma, ab Imperatore Sigismundo, & ab omnibus regibus & fere omnibus principibus Christianis, clero & populo mirabiliter deceptis, exceptis paucis electis, patiatur vera Ecclesia & expugnetur. Heu me! plus est experiri quam docere; & an pugna de qua apocha decima septima vigeat in præsentem contra Ecclesiam, videant domini Theologi & qui vacant in prophetiis, & quibus donum eas intelligendi datum est desuper. Quid plus dicamus? Hodie

A nedum ab Oriente & à Meridie, à Saracenis, à Moreis & Africanis, paganis & infidelibus vexatur & expugnatur Ecclesia: quinimmo ab Aquilone & ab Occidentalibus partibus, ab schismaticis & hæreticis, & ferè undique à tyrannis circumdatur, vexatur, & expugnatur persecutione violenta simul & fraudulenta, de qua aut simili Augustinus ait super Psalmum LIX. dicens, Prima persecutio Ecclesiæ violenta fuit dum proscriptionibus, tormentis, cædibus Christiani ad sacrificandum cogerentur. Altera persecutio fraudulenta est, quæ nunc per hæreticos & falsos fratres agitur. Superest per antichristum ventura, qua nihil est periculosius: quoniam & violenta & fraudulenta erit, vim habebit ex imperio, dolum ex miraculis. Sed numquid propter hoc desperabit Ecclesia? absit. Sed sicut scriptum est, mulier fugit in eremum. Mundum istum non incongrue eremum accipimus, ubi usque in finem Christus Ecclesiam suam gubernat & pascit, in quo ipsa etiam superbos & impios homines tamquam scorpiones, viperas, & omnem virtutem Satanæ per Christi adjutorium calcitrat & conterit. Unde Augustinus, Navis Petri in altum hujus sæculi natat, ut prætereunte mundo omnes quos suscipit servet illæsos, cujus figuram jam in veteri videamus testamento. Sicut enim Noë in arca, naufragante mundo, quos susceperat cunctos incolumes reddidit: ita & Ecclesia Petri, naufragante sæculo, omnes quos amplectitur reservabit illæsos; & sicut adhuc in transacto diluvio ad arcam Noë columba signum pacis detulit: ita in transacto judicio Christus ad Ecclesiam Petri gaudium pacis defert, quod ipse columba & pax est: quia ut ipse promisit, *Iterum, inquit, videbo vos & gaudebit cor vestrum.* Non igitur desperabit Ecclesia, sed dicat: *Sæpe expugnaverunt me à juventute mea, sed non potuerunt mihi:* quia expugnaverunt me, exercuerunt me, non oppresserunt, scilicet in totum, valuerunt mihi sicut ignis aurum, non sicut ignis ad fœnum: quia sordem tollit, non in cinerem vertit. Ergo non potuerunt mihi, quia non consensi eis, quia non me fecerunt quales erant ipsi. Super dorsum meum fabricaverunt, fecerunt quod tollerem, non fecerunt ut eis consentirem. Prolongaverunt iniquitatem, longè fecerunt injustitiam suam. Florent illi qui regnant iniqui, & ut sermonem loquamur vulgi, dominantur iniqui, extolluntur in tympos & in calumnias, sed non semper. Sequitur: *Ideo Dominus justus concidet cervices peccatorum: ideo confundantur & reveantur qui oderunt Sion,* id est Ecclesiam veram, qui oderunt eam nolunt observare verbum Dei; *Ideo fient sicut fœnum iectorum.* Advertite, rogamus, extra istam Ecclesiam non est veritas, quisquis autem à ventre Ecclesiæ separatus fuerit, necesse est ut loquatur falsa, ut ait Augustinus super psalmo LVII. & ibidem potest fieri ut homo vinciatur, non potest fieri ut veritas vinciatur. Ex veritatis ore cognosco Christum ipsam veritatem, ex veritatis ore cognosco Ecclesiam participem veritatis. Nemo mihi falsa loquatur. Sed qui loquuntur falsa currant, cur-

rant ab utero in visceribus Ecclesiæ. Nec igitur nos catholici desperemus, ut Ecclesia mater nostra, toleremus mundum, toleremus tribulationes ipsius, toleremus scandala tentationum, non recedamus à via veritatis, teneamus unitatem Ecclesiæ, teneamus Christum, teneamus caritatem, non divellamur à membris sponsæ ipsius, non divellamur à fide ejus, non divellamur à sacris scripturis, non divellamur propter falsas glossas & opiniones damnatas & reprobata à sacris canonibus, non divellamur à vera & catholica & sancta doctrina, ut gloriemur in præsentia ipsius; & securi manebimus in eo, modo per fidem, tum per spem, cujus tamen habemus donum Spiritus sancti. Non divellamur à vera Ecclesia & vero papa propter multitudinem adversariorum; in paucis frequenter est veritas. Errare multorum est. Non intelligis quomodo sit dictum ad non paucos intrare per angustam portam? Etenim electi Dei pauci sunt in comparatione longè plurium, qui cum diabolo puniendi sunt juxta prædicationem tertii angeli, de quo Apoc. 14. cap. Præmissis igitur attentis, & vos illustrissimi reges, serenissimi principes, resumtis viribus, veram Ecclesiam in vero papa, & papam verum in Ecclesia vera perquirite, & per litteratos vestros in scripturis sacris & sanctis canonibus cum humilitate & ferventi caritate, non declinantes ad dextram, neque ad sinistram, & per probos & sanctos viros perquiri facite, libertatem dicendi veritatem in facto & jure peritis concedite: sic quod veritatem dicentes ex hoc non vexentur seu tribulentur in corpore, vel in bonis patrimonialibus vel ecclesiasticis per dictos antipapas, seu eorum sequaces aut fautores. Edicta vestra in contrarium edita tollite. Volentes vobis dicere veritatem patienter audite. Sed & vos fuisse, proh dolor! deceptos à sophistis, & antichristi ministris & præcursoribus cognoscite, sicut & de vobis scriptum videbatur in Apoc. cap. 17. Deus enim dedit & promisit in corda illorum, scilicet regum & principum, de quibus loquutus est supra, ut faciant quod illi, scilicet regi Romanorum in persecutione Ecclesiæ & Agni, id est Christi, placitum est ut dent, id est accommodent regnum suum, id est regiam potestatem, sive brachium sæculare, pro dicta persecutione facienda & complenda: quatenus in eis est, vestra scilicet, regi Romanorum & regno, quod bestia quarta dicitur in Daniele, donec consumantur verba Dei, & compleantur prophetiæ super hoc editæ per sanctos Domini prophetas prophetantes verba Dei. Postquam deceptionem cognitam facite, sicut & de vobis scriptum ibidem videtur, dum dicitur: Hi, scilicet reges, de quibus supra loquutus est, cognita veritate odient fornicariam, id est falsam ecclesiam, de qua in psalmo: *Odivi ecclesiam malignantium, & cum impiis non sedabo*; & desolatam facient illam, ab illa animo & corpore recedendo, & nudam facient illam, scilicet omnem obedientiam eidem subtrahendo, ad veram Ecclesiam & verum papam redeunt, & carnes ejus manducabunt, scilicet rapinas suas & divitias simoniace acqui-

*Theſauri Anecdor. Tomus II.*

litas, & alia illicitè eidem auferendo, & ipsam concremabunt in igne, id est penitus ipsam annihilabunt, diversis pœnis eam affligentes, & implete quod scribitur in Psalmo 2. Et nunc reges intelligite, scilicet veritatem in facto Ecclesiæ, & erudimini, id est erudiri vos finite, & procurate, & juxta doctrinam veram, quam reperitis, ut vere eruditi agite qui judicatis terram, scilicet in temporalibus, in regnis vestris. Servite Domino in timore & exultate ei cum tremore; scilicet ne puniat vos æternaliter Deus, & forsan temporaliter pro inobedientia, & rebellionem, & persecutionem præstitis contra Ecclesiam veram inadvertenter, & verum Christi vicarium pro ceteris peccatis per vos commissis; apprehendite disciplinam, id est facite dignos fructus pœnitentiæ, scilicet pro dictis peccatis, & aliis per vos commissis, ne quando irascatur Dominus & pereatis de via justa, scilicet jam per vos deceptos obmissa. Quid ultra? Si in præmissis dubitaveritis concilium generale, seu Ecclesiam convocari, congregari universalem & celebrari procurate per illum seu illos ad quem seu ad quos pertinebit convocatio concilii. Discutiat ibi canonicè an apud illum OTHONEM vel ÆGIDIUM, aut apud electum nostrum Ecclesia vera sit, & quis eorum verus papa est. Electus noster de jure suo confidit, ut credimus, convocare concilium præsto est, si requiratur. Vos etiam, ceteri ecclesiastici, & alii Ecclesiæ filii boni, amate tantam matrem, sic sæpius expugnatam, desolatam, & tribulatam. Filii boni, nolite deserere quotidie vos requirentem. Rependite vitam, & ex quo in tanta tribulatione sexta tuba jam terrenis dedita, ferè postposita omni regulari disciplina, qui habet aures audiendi audiat, matrem nostram Ecclesiam veram sic vexatam, sic tribulatam in tantâ tribulatione, in qua diabolus sævit ut leo, & decipit occulte ut draco, & insidiatur, desinit consolari de prædicatione communi, de quibus non est quæstio contenta, merito faciens locum septimæ tubæ, quæ videtur pertinere ad electos & fideles catholicos nostri temporis, in quibus nunc restat & residet Ecclesia vera. Vos filii boni, ad hoc à Deo reservati, electi, fideles & catholici matrem vestram amate. Considerate, tanta est, talis est, à quo fine data est & super quo fundamento, clangite, buccinate, & ipsam desolatam confortate. Apprehendite manum ejus dextram, à leone pariter & dracone ipsam præservate, totis viribus ipsam defendite. Regia prole sæcunda est, non eam patiamini aut filiorum malorum, hæreticorum & schismaticorum, aut pessimorum servorum injuriis affici, aut insidiis lacerari seu macerari; neque à virginitate sua deflorari. Pia regina est, virgo est, munda est, quæ non recipit maculam, neque rugam. Agite causas matris nostræ, exercete ejus amplissimam dignitatem; decepti qui à vera Ecclesia discesserunt, ad ipsam revertantur, quæ non claudit gremium redeuntibus. Servus malus non insultet dominæ. Hæretici & schismatici, & dictus OTHO & ÆGIDIUS & eorum sequaces non insultent Ecclesiæ. Lupi sunt & fures sunt,

SSSS ij



agnoscite. Serpentes sunt, eorum capita con-  
quassate & dicite arguendo, reprehendendo in  
vestris prædicationibus, quare fremuerunt gemitus  
& quare meditati sunt inania? Adstiterunt reges  
terræ, & principes convenerunt in unum ad-  
versus Dominum & adversus Christum ejus. Et  
facite quod sequitur, Dirumpamus vincula eo-  
rum, scilicet ipsos pœnitentes absolvendo, &  
projiciamus à nobis jugum ipsorum, scilicet per  
modum præmissum, quoad pœnitentes. Contra  
autem impœnitentes: Qui habitat in cœlis, &c.  
usque ad versum: Et nunc, reges, intelligite. Estote  
fortes in bello, & pugnate cum antiquo serpente,  
& accipietis regnum æternum. Nec quovis mo-  
do de Christi adjutorio desperetis, de cujus agi-  
tur causa: quia scriptum de his persecutoribus  
videtur: hi cum Agno, id est Christo in per-  
sona sui vicarii eum sequentes pugnabunt, &  
Agnus eos vincet, quoniam dominus domino-  
rum est, & rex regum; & qui cum illo sunt vo-  
cati & electi & fideles. Qui potest capere capiat.  
Quod nobis & vobis concedat & breviter vi-  
dere faciat ipse Dominus JESUS-CHRISTUS, qui  
vivit & regnat cum Deo Patre in unitate Spi-  
ritus sancti Deus benedictus, Amen. Datum sub  
sigillo nostro parvo in absentia majoris die vi-  
gesima mensis Januarii, anno à nativitate ejus-  
dem Domini MCCCCXXIX. & à dicta nostra  
electione anno quarto.

LITTERÆ JOHANNIS COMITIS  
FUXENSIS.

Ad dominum d'Audous & Nicolaum de  
Bologne.

*Ut ad Podium Laurentii se transferant, & Car-  
rerium cardinalem apprehensum tradant  
summo pontifici.*

Anno 1432  
Ex archivio  
Fuxensi.

JOHAN Comte de Foix & de Begore Loct-  
nen general per lo Rey nostre Sire en son  
pais de Languedoc & du gat de Guiayne, à  
nostres ben amats lo senhor d'Audaule & Ni-  
colas de Bolonhe, Saluts.

Comme il soit notoire à toute la chretien-  
té, qu'il est advenu de grands dommages & incon-  
veniens à l'eglise universelle, & ce par les divi-  
sions & schismes qui ont esté au temps passé &  
ont duré long temps; & depuis par ordonnance  
du Concile celebré en la ville de Constance,  
lesdits schismes & division ayent finy, & fait un  
pape unique, auquel tous chrétiens, prelatz,  
gens d'eglise, ont esté, sont, & doivent estre  
obéissans; & nonobstant l'ordonnance de l'eglise  
& dudit Concile universel, un nommé Carriere,  
qui auparavant & après ledit Concile de Con-  
stance tenoit & favorisoit ledit schisme, & se  
disoit estre cardinal au grand scandale de l'e-  
glise; & pour continuer ledit schisme secretem-  
ent & en habit deguisé, se seroit naguières  
transporté en certains endroits suspects, & por-  
tés à rompre l'union susdite, & auroit esté trou-  
vé sous ledit habit, & prins, & arresté par quel-  
ques bons & fidels catholiques, au grand bien

A de l'eglise universelle, & de la susdite union.  
Pour ce est-il, que nous, qui de tout nostre  
pouvoir au temps passé, avons esté attachez au  
bien & union susdites, & y sommes encore at-  
tachez comme bon & fidel catholique, desirans  
que semblables schismatiques & contraires à  
l'union de l'eglise, soient reduits à bonne vie:  
vous mandons, & à chacun de vous, de par  
nostre Sire & nous, que d'effet, vûes les presen-  
tes, vous vous transportiez au lieu de Picglau-  
rens, & en d'autres parts où besoing sera, &  
B preniez ledit Carrier, & l'ayant pris l'ameniez  
devers nous pour le rendre à nostre seigneur le  
pape, & à l'eglise, pour en faire ce que par raison  
nostredit seigneur le pape en devra faire. De  
ce faire vous donnons plain pouvoir & mande-  
ment special. Mandons pareillement de par  
nostredit Sire & nous aux Senechaux de Thou-  
louse, Carcassonne, & Beaucaire, Viguiers &  
Juges desdits lieux, & à tous autres Justiciers,  
officiers, & sujets de nostredit Sire, à peine de  
tant qu'ils peuvent mefaire envers nostredit  
Sire, & d'estre fauteurs dudit Carrier, & des  
autres qui sont en sa compagnie, ils vous don-  
nent conseil, faveur, & ayde, si besoin est, &  
qu'ils en soient requis, ils vous fassent compagnie  
de leurs personnes, & vous baillent conducteurs  
asseurez; & leur mandons en outre, & vous  
donnons pouvoir, que de la part de nostredit  
Sire, vous puissiez demander sous les grandes  
peines ou autrement, comme bon vous semblera,  
aux susdites ou autres qui que ce soient, qu'ils  
vous ayent à accompagner, & ouvrir les lieux  
D & forteresses par où vous passerez, & vous don-  
ner des gens pour vous conduire & vous obeir  
en toutes choses susdites. Données à Maseres  
le xiv. jour de Fevrier l'an MCCCCXXXII.

Par Monseigneur le Comte & Lieutenant,  
Jean DE CARRESSA.

LITTERÆ CAROLI VII.  
REGIS FRANCORUM.

E

De præstanda Eugenio papæ IV. obedientia.

F

CHARLES par la grace de Dieu, Roy de  
France, à tous ceux qui ces presentes Let-  
tres verront, Salut. Comme en ensuivant nos  
predecesseurs tres catoliques, qui toudis les  
scismes de l'eglise ont eu en tres grande dé-  
plaisance, & de leur force & puissance ont la-  
bouré & procuré à les extirper; oster & tollir.  
Nous ayans de tout nostre cuer tres grande  
douleur de ce present scisme nagaires mis en  
l'eglise, eussions mandez les prelatz, chapitres,  
universitez, gens d'eglise, & autres notables  
personnes, clers bien experts de nostre royaulme  
& Dauphiné, assembler en nostre ville de Bour-  
ges pour trouver maniere dudit scisme paci-  
fier & oster de nostre puissance, & avoir conseil  
& avis avec eux sur ce que avons à faire sur la  
matiere dudit scisme, à laquelle assemblée  
soient convenus en bien grand nombre, & aussi

Anno 1440  
Ex archivio  
episcopi Bi-  
terrensis.



les ambassadeurs de nostre S. Pere le pape Eugene & ceux de Bâle & autres adjoints avec eux, lesquels ambassadeurs tant d'une part que d'autre nous ont requis estre ouïs, auxquels en obtemperant à leur requeste, nous avons donnez audience successivement les uns après les autres, & ouy bien au long en la presence de plusieurs seigneurs de nostre sang & lignage, & ceux de nostre grand conseil & desdits prelatz, chapitres, universitez, & autres personnes notables pour ce assemblez en nostredite ville; & après ce que les avons ouy bien au long à tout ce qu'ils ont voulu dire d'une part & d'autre pardevant nous, avons par plusieurs & diverses journées en conseil & avis avec ceux de nostredit sang, ceux de nostredit grand conseil & autres dessusdits sur lesdites matieres, & la chose longuement debattuë, n'a semblé à nous ne aux dessusdits que par chose qui ayt esté dite, ayent esté alleguées raisons souffisants, par quoy dussions adherer à la suspension, deposition, privation & election faite à l'encontre de nostredit saint pere le pape Eugene, ne nous departir de son obéissance; lesquelles choses attendues & considerées sçavoir faisons, que nostre intention est de persister en la bonne & vraye obéissance d'iceluy nostre saint pere le pape Eugene, & voulons que nostredite intention soit publiée & denotée à tous nos suiez, en deffendant que nul ne soit sy hardy de dogmatizer ou de precher contre nostredit entention; & que à lettres de quelconque que ce soit, intitulée de quelconque foy-disant, avoir droit au papat ne d'autres quelconques sous tiltre de conseil de Bâle, ne soit obéy en nos royaumes & Dauphiné, voulans que laucuns en usent ou publient, que les usans ou publians avecques leurs lettres soient prins & punis selon que le cas le requiert: & entendons requerir nostredit S. Pere, qu'il veuille assembler & celebrer concile general dedans un an, & procurer devers les autres roys & princes nos aliez & bienveillans; que pareillement requierent nostredit S. Pere pour la celebration dudit concile general pour l'apaisement des opinions diverses estans es matieres dessusdites, sur lesquelles avons toujours estez, sommes & serons prests d'obéir à toute verité catolique. Si donnons en mandement par ces presentes à nos amez & feaulx conseillers, les gens de nostre parlement, au prevost de Paris, à tous nos senechaux & baillis, & autres nos justiciers & officiers de nosdits royaumes & Dauphiné & obéissance; que nosdites volonté, entention & declaration fassent tenir & garder sans enfreindre, & publient & fassent publier par tous les lieux de nosdits royaumes & Dauphiné, ou métier sera ces presentes, au *vidimus* desquelles fait sous seel royal ou autentique, voulons plaine foy estre ajoutée comme à ce present original: en temoint de ce nous avons fait mettre à ces presentes nostre seel ordonné en l'absence du grand. Donné à Bourges le 2. jour du mois de Septembre l'an de grace 1440. & de nostre regne le dix-huitième.

# EPISTOLA UNIVERSITATIS CRACOVENSIS.

Ad Parisiensem.

*Consulunt Universitatem Parisiensem de præstanda  
Nicolao V. papæ obedientia.*

**E**Ximii præstantissimique patres, doctores & magistri, præceptores nostri, domini, amici & fratres in Domino Jesu colendissimi, divinæ & humanæ sapientiæ eruditi. Litteris illud imitandum statuimus, ut majorum in omnibus sequamur vestigia, sic quod verum scire cupiamus, ut uniuscujusque prudentia efficiamur doctores. Equidem tria esse genera hominum veterum traditione præclarum est, meique optimi illum esse aiunt, qui per se ipsum quæ agenda sunt conspiciatur, sequenti autem gradu qui aliorum consilia sequitur, qui vero ad neutrum horum aptus est, eum penitus esse inutilem; atque ideo si nobis fortasse desit perspicacia videndi quod rectum est, illud etiam volumus deesse, ut aliorum monitis & doctrinis non adquiescamus. Verum quia eam rem agimus, in qua non quod potentes sæculi seu imperitum vulgus utrumque sequatur approbandum arbitramur, ne pecorum ritu sequamur antecedentium gregem, pergentes non quo quaque eundum est, sed quo itur, quærimus tantum quid optime factum est, non quid usitatissimum, & quod nos in hac infausta divisione sanctæ Ecclesiæ in agnitione rentioneque veri constituat. Quo pacto vos viros & patres præcipuos, doctores, & magistros, quorum gravissimum & integerrimum est judicium, convenire merito instituimus, ad quos à priscis patribus veracium scripturarum auctoritas & intelligentia certissima successione pervenerunt, ad profecto sacram Universitatem tamquam ceterarum Universitatum matrem, & si cunctis veritatis auctoribus generali quadam ratione possit esse refugium, nobis id speciali consideratione convenit, quoniam ut apostolicæ sedis attestantur privilegia, studium sacræ paginæ Universitati nostræ ad instantiam serenissimi & celebris memoriæ principis, domini Wladislai regni Poloniæ est concessum, ut quemadmodum rivus à fonte ab Universitate vestra nostra videatur emanasse. Atque ideo audire viscerosius dignetur nos sacra concio vestra, & quod juste obtinere cupimus, gratiose concedat. Superioribus quippe temporibus postquam concilium in civitate Basileensi pro extirpatione schismatis & reformatione Ecclesiæ in capite & in membris congregatum fuisset, nullusque ambigeret de auctoritate illius, quam constaret ad ipsius legitimam congregationem concilii Constantiensis & duorum summorum pontificum, videlicet Martini & Eugenii auctoritatem accessisse, furore divisionis instigante, ne unitas & reformatio diutius jam expectatæ in Dei ecclesia subsequerentur, gravis inter concilium & sum-


Annor 448.  
Ex ms.  
Cossinianno.

Sliff iij

num pontificem mox oborta est divisio; interea accedentibus ad regnum hoc sacri concilii oratoribus, requisiti fuimus sub debito professionis nostræ ut veritatem, quam ex scripturis divinis & canonicis super hujuscemodi differentia sentiremus, verbo profiteremur & scripto. Fecimus debitum nostrum, & innixi scripturæ sacræ auctoritate, imitati doctorum approbatorum sententias, scripsimus sub correctione ecclesiæ & apostolicæ sedis concilium Basileense prædictum fuisse legitime congregatum, atque illud & quodlibet aliud generale repræsentare ecclesiam catholicam militantem, & habere potestatem immediate à Christo, etiam super papam in hiis quæ pertinent ad fidem, & extirpationem schismatis, & ad generalem reformationem ecclesiæ Dei in capite & in membris, & potuisse causa extante legitima deponere papam & alium instituere; cui ab omnibus veluti vicario JESU CHRISTI esset obediendum. Hoc quoque hic ad custodiam fidei inter hæreticos & schismaticos positi docuimus hætenus, omnibusque respondimus petentibus de ea quæ in nobis est fide rationem. Temporis successu, dum à serenissimo principe Kasimiro rege moderno domino nostro gloriosissimo data fuisset obedientia domino THOMÆ de Sarfona, quem NICOLAUM papam vocant, venit ad regnum hoc Reverendus pater dominus BAPTISTA DE ROMA episcopus Camerinenfis tamquam nuncius apostolicus, etiam cum potestate legati de latere ad regiam majestatem missus. Recipere eum tamquam veri papæ legatum recusavimus, ne contrarii haberemur doctrinæ & scripturæ nostris prædictis, magno profecto cum scandalo populi, cum magna etiam infamia nominis nostri, cum offensa quoque nostrarum conscientiarum, ex quo non videremus scripturas magis efficaces, aut rationes valentiores contrarium concludentes. Arguimur ob eam rem temeritatis magnæ, contemtores summi pontificis dicimur, & conschismatici coram regia majestate per legatum illum criminamur, qui etiam demum ut pellamur de sedibus nostris, aut exsolvamus debitas pænas graviter instat. Respondimus mansuete ad singula, prout ratio exigebat, nulla nos ratione à veritate, quam professi fuimus, discedere velle aut posse, constanter protestantes nisi aliud nobis ex scripturis probabilius ostendatur. Terrores, comminationes & alia plura quæ intervenerunt missa facimus. Ad illud quod urget, & quod menti nostræ præcipuum est narrandum acceleramus. Postquam enim inter alternos sermones prædictus legatus ad rebellandum intentionem nostram talibus verbis inter alia uteretur; omnes Christianitatis reges dederunt jam obedientiam sanctissimo domino nostro NICOLAO papæ, sed & Universitates omnes pro ipso etiam se declaraverunt, & complures enumerans, Universitatis vestræ almæ Parisiensis inter illas etiam memoratus est. Nos propter hujuscemodi verba coram regia potestate precati sumus attentius dari nobis inducias, quibus Universitatem vestram veluti principem & matrem nostram super

ea re possemus consulere. Semper enim inter loquendum protestati sumus nihil nos pertinaciter asserere, sed quod omnia sub correctione magis peritorum poneremus, parati semper illud complecti, non quod vulgus conclamitat, sed quod sapientium judicio comprobatur. Placuit sane multis ejusmodi oblatio nostra, sed resistente dicto legato, nihilominus per regem & regni proceres conclusum extitit, ut super his quæ taliter nobiscum & per nos agitata dictaque fuerunt, per dictum legatum, qui ad Urbem proficisceret informaretur Nicolaus papa; & demum quicquid de nobis ipse decerneret rex exqueretur. Inter hæc itaque pericula constituti, quo nobis opportune consulamus, fulciamurque præsidio, directione, & auxiliis vestris, dignum rati sumus refugere ad sacram Universitatem vestram, vosque patres, majores & seniores nostros per viscera miserentis Dei & salvatoris nostri petimus, precamur & obsecramus, ferte opem nobis, nostras levate curas, præscindite laborem, & periculum submovete. Scribite, quæsumus, si ita res se habeat, quemadmodum hic de vobis dictus legatus testatus est. Et si ita quidem, quid vos ad id permoverit, ut & nos illis intellectis, sequamur quod solidius est, & apud eos quos docuimus merito simus excusati. Fieri enim potest quod plura quæ ad rem hanc scitis nos ignoremus. Quod si relationi prædicti legati veritas non assistat, quemadmodum vehementer præsumimus, & magna nobis fiducia persuademus, & illud potius scribite pro magno profecto adjumento & fulcimento nostro. Ex hoc enim intelliget rex noster rem aliter se habuisse, quam sibi fuerat illa narratione suggestum. Sub hac quoque habitudine si & præmemorato domino regi nostro pariformiter scribere dignum duxeritis. Si quoque efficiente virtute vestra, christianissimus princeps dominus rex Franciæ in favorem nostrum aliquid scribere dignabitur, eidem domino regi nostro, super opes Cræsi illud computaremus, & suæ strenuitatis ad sidera semper attolleremus nomen. Et ut finem faciamus, iterum & iterum petimus, favete votis nostris, non redeat vacuus nuncius iste noster, nec repellere preces nostras duxeritis, pro quibus Christus dominus mori dignatus est. Datum Cracoviæ xvi. die mensis Julii anno Domini MCCCXLVIII.

Rector, magistri & doctores Universitatis studii Cracoviensis.



#### ORATIO GUILLELMI DE PERRERIIS IN ELECTIONE SUMMI PONTIFICIS.

*Ex ms. RR. PP. Cælestinorum Metensium.*

*Sermo habitus Romæ in basilica principis Apostolorum per reverendum patrem dominum Guillelmum de Perreriis auditorem apostolicam super electione futuri pontificis anno mccccxxxiiii. die Jovis xxvi. Augusti.*

**Q**uoniam miserandam ecclesiæ Romanæ calamitatem & infinita christianæ reli-

Anno 1484

gionis pericula, reverendissimi patres, cuncto. A rum fidelium corda cognoscunt: eo magis vobis annitendum & summopere laborandum est, ut puris mentibus & recto iudicio dignus eligatur antistes. Nam etsi universi sanctæ matris Ecclesiæ filii maternis necessitatibus occurrere debeant, vos tamen præcipue, qui gradum excelsum in ejus gremio tenetis, constanter & celeriter de optimo sibi debetis providere pastore. In cunctis namque Dei sacerdotibus eligendis curam semper oportet esse conspicuam. Ad summum tamen pontificatum talis ac tantus, hæc præcipue necessitatis tempestate provehendus est, cui tuto periclitantis Ecclesiæ gubernacula committantur. Nam ubi sæva orta tempestas est, ac turbato mari rapitur vento navis, magno gubernatore ac peritissimo opus est. Non tranquillo certe mari navigavimus, sed multis adversitatum procellis submersi pene sumus. Idcirco magis evigilandum est. In domo Domini, id est sancta Ecclesia nihil corruptum, nihil præposterum esse debet. Sed attente prospiciendum est, ut in electione illius qui super omnes gradus constituitur, nullatenus erretur. Nam, affirmante B. Leone, *totius familiæ Domini status & ordo mutabitur, si quod requiritur in corpore, non inveniatur in capite*. Pensandum est itaque diligenter, ac pia cogitatione mentibus vestris revolvendum est, quantum Ecclesiæ & universæ Christianæ religioni detrimentum sit, parum bonum, aut inutilem, vel aliter quam decet habere pastorem.

In Romano pontifice magna exiguntur me- D rita cum vita, quia dum honor vitia remunerat, omnis pervertitur Ecclesiæ majestas. Ait enim B. Leo: *principatus quem aut seditio extorsit aut ambitus occupaverit, etiamsi moribus atque artibus non offenderit, ipsius tamen initii sui perniciosus est exemplo, & difficile est ut bono peragantur exitu, quæ malo sunt inchoata principio*. Vulnerato pastore, ut B. Gregorius inquit, *quis curandis ovibus adhibebit medicinam? aut quomodo populum orationis clypeo tuebitur, qui jaculis hostium sese feriendum exponit? aut qualem de se fructum producturus est, cujus gravi peste radix inficitur? Major ergo tunc est metuenda calamitas, ubi tales intercessores ad locum regiminis adducuntur, qui Dei magis iracundiam in se provocent, quam per semetipsos placare debuerant*. Imminentem militantis Ecclesiæ ruina contemplari debetis. Diutius Theucrorum rabies religionem nostram continua persecutione devastat, & singularis ferus depascit Ecclesiam, hostilibus gladiis christianus sanguis effunditur: augentur morbi, & medicina nulla paratur. Ecclesia quæ olim inter omnes orbis nationes gloriosissima fuit, nunc ignominia plena est, & inter hostiles incurfus humiliata conculcatur. Facta est vidua non habens consolatorem. Christianorum principum videtur esse destituta præsidiis, sacerdotum denudata consilio, vitiorum insurgentium sordibus contaminata, ab adjutore Deo dicitur esse deserta: & quæ virtutum claritate & sanctorum suffragiis redundare consueverat, nunc squalida sedet inter malorum angustias, & procellis magis ac

magis intumescens, fæna summi piscatoris pene cogitur in naufragii profunda submergi. Et vere Romana Ecclesia princeps olim provinciarum facta est sub tributo peccantium. Nam laïcis pariter & hostibus propter demerita facinorum nostrorum adversus nos insurgentibus, sacerdotium sub miserabili quadam servitute redactum est: & multi sæcularium hominum cum plus vitam sacerdotum quam suam discutiant, in magnum divinorum sacramentorum contemptum incurrunt, & libertatem ecclesiæ penitus abolere moluntur. Hæc omnia in præfidentium culpam atque desidiam retorquentur. Omnes quæ sua sunt quærunt & nemo quæ Jesu-Christi: & cum nullus se opponat murum & antemurale pro domo Domini, omnis Ecclesiæ libertas enervatur, & Ecclesia Dei rursum peccatis nostris exigentibus captiva reducit in Babilonem. Omnes amici ejus spreverunt eam, & propter ministrorum defectum ab interioribus & exterius oppressa conculcatur. Omnes portæ ejus, ac veri sensus vagi & dissipati sunt, & mors intrat per eas, dum per malam præfidentium vitam inferiorum corda vulnerantur. Unde, inquit B. Gregorius, *scire prælati debent, quia si perversa umquam perpetrant, tot mortibus digni sunt, quot ad subditos suos perditionis exempla transmittunt*. Litterarum scientia ab omni fere sacerdotio rejicitur, & ideo squallet fidelium caritas. Et gemit regale sacerdotium, dum pro virtutibus replemur amaritudinibus vitiorum, nec ab his angustias eripitur: quoniam aurum ejus optimum obscuratum est, & inter infinitas sæculi vanitates color sanctitatis evanuit, subsequenterque iniquitatum tenebris, justitiæ lumen extinctum est, & dum christianitas intra se populorum & hominum furore collisa viribus suis concutitur, ecclesia minutatim per frustra discerpitur, & vineam domini Sabaoth vulpes quæ ab oriente procedunt dietim exterminant. Nam cum inimici nostræ fidei cunctum pene orbem subiectum teneant, extrema pars occidui nobis miseris relicta est. Eia ergo, reverendissimi Patres, propensius attendere dignemini in quantas miseras sumus præcipitati, in quanta necessitate Romana versatur Ecclesia, quæ super electione pontificis fidem à vobis exposcit. Attendite quantum & quam arduum vobis onus incumbit, cum de creatione vicarii JESU-CHRISTI agitur, qui successor est Petri, & summus gregis dominici ac totius Ecclesiæ rector: quem scitis non solum vestram, & hujus sedis apostolicæ, sed omnium ecclesiarum atque pontificum esse primatem. F Omni itaque privata affectionis inordinatione remota, misereamini omnium fidelium & Ecclesiæ collabentis, & sola utilitate publica mature pensata, puris ac liberis mentibus, nuda & integra conscientia, talem studeatis pontificem eligere, qui habeat Spiritum Dei in semetipso, & qui omnes actus vitæ suæ didicerit in timore Domini dirigere, per quem misericors Deus in diebus nostris expugnet impugnantes nos, muniat fidem nostram, multiplicet devotionem, indicet bellum vitiis & pacem virtutibus. Nam,

ut ait B. Gregorius, *in eligendi pontificis causa nullus vestrum, utilitate communi neglecta, suo lucro prospiciat, ne si quisquam prospera commoda appetat, frivola aestimatione fallatur: quia nec in libero judicio præferendam sibi personam examinat mens, quam cupiditas ligat.* Tanto igitur nunc à vobis subtiliter antequam eligatur discutiendus est, quanto postmodum à vobis non erit iudicandus, sed ipse cunctos iudicabit: nec illi vos legem imponere poteritis, quem timor Dei & recta conscientia à malis operibus non revocabunt. Ille namque pontifex eligendus est, qui, ut ait B. Hieronymus, *sit ex omnibus præstantior, qui doctior, qui sanctior, qui in omni virtute sit eminentior,* qui testimonium bonæ vitæ habeat ab iis qui foris sunt, qui non ambulet in magnis neque in mirabilibus super se, qui modestiam servet in honore tam sublimi, qui Ecclesiam in manibus laicorum prostituendam non exponat, qui sentiat impositum sibi ministerium, non datum dominium. Discat sese ex ore prophetico non tam ad impetrandum, quam ad fatigandum assumptum. Discat opus esse sarculo, non sceptro; pace non bello, virga correctionis non gladio perditionis. Quoniam si verus Petri successor esse velit, curam potius hæreditabit quàm gloriam & divitias. Nam eum, qui hæreditatem Christi gubernandam accepit, non convenit torpere otio, non resolvi divitiis, non pompis, non vanitatibus insistere; quia nihil horum tabulæ testatoris assignant. Non blandiatur sibi eminentia cathedræ quæ plena est laboris & vigiliarum. Nam idcirco Romanus pontifex in eminentiori loco super omnes constituitur, ut inde prospiciat universa, & speculetur ad sollicitudinem omnium ecclesiarum. Hostiles incursus prævideat, ad gregis sibi commissi custodiam, clericos ac populos non recte viventes, velut oves errantes corripiat. Potentatus sæculi Ecclesiæ libertatem opprimentes reprimat, & pastoralis auctoritate coerceat. Inde clamet sine fine, sine timore, & velut tuba evangelica pro lege Domini vocem suam in omnem terram exaltet, & canonum censuram dum opus fuerit exercent. Inde legatos ad gentes & regna suggerenti necessitate transmittat, qui sedis apostolicæ vices impleant: qui ab eo bonis exemplis & virtutibus instructi, non quæstuosis facultatibus suffarcinati egrediantur, qui ad extirpandum vitia, non ad seminandum scandala proficiscantur. Erit, inquam, talis pontifex qui plus Ecclesiæ prodesse studeat quam præesse. Nam primatum honoris gratia concupiscere vanitas est, & gentiliū est talē quærere principatum. Unde bene Chrysostomus ait, principes Ecclesiæ fiunt, ut serviant membris & ministrent eis quæcumque acceperunt à Christo, ut suas voluntates negligant, & illorum procurent, & mori non recusent pro salute filiorum. Primatum ergo Ecclesiæ concupiscere neque justum est, neque utile. Quis enim vult ultro se subicere servituti ac periculo tali, ut det rationem pro omni Ecclesia, nisi fortè qui non timet Dei iudicium, abutens primatu ecclesiastico sæculariter, ut illum convertat in sæcularem? Erit præterea qui

A eligitur pontifex iustitiæ cultor, & gratiarum cum discretione distributor, pauperibus & oppressis benignus auxiliator. Sit in audientia facilis, & in concedendo non prodigus, sed prudens atque discretus. Non est autem Romano pontifici conveniens, ut de illorum sit numero, de quibus ait Chrysostomus, inter principes ecclesiæ multi sapius inveniuntur, qui omnes principatus mundi superbia excedere videantur, accessu difficillimi, & qui nullam affabilitatem, B maximè pauperibus adhibent; sed velut in quodam arrogantiae culmine positi, nesciunt quicquam inferre aut respondere modeste. Alios ut longè infra se positos velut in ima respiciunt; quibus non consulendo, sed vix dominando loqui dignantur. Familiam quoque modestam & honestam, non inutilem atque profanam Romanus pontifex debet secum habere, non per ambitionem inductam aut per alluvionem aggregatam, sed cum discretione & pro necessitate receptam. Quoniam ad magnam ejus gloriam C redundat tales circa se jugiter habere, qui Romanæ curiæ sint honestatis speculum & forma virtutum. Unde B. Bernardus ait, inter mitratos non decet discurrere calamistratos. Si bonus erit pontifex ac timens Deum, ardua quæque, ut decet, juxta majorum instituta maturo ac sapienti sacri senatus vestri consilio & assensu tractabit, examinabit atque concludet: alioquin si sine vobis & pro libito disponet universa, ad conclusa vocabimini ut testes, non ut consultatores. Cum bono pontifice simul & jura dignitatis vestræ vobis restituentur, quæ qualiter amisistis, D vos ipsi recogitetis. Ita quoque futuri pontificis incumbet officio, ut quicquid prædecessorum facilitate usquam reprehensioni obnoxium, aut corruptionis vel alienis usurpatione præsumptum invenerit, absque personarum acceptione pastoralis studeat gravitate corrigere. Erit ipse verax in sermone & constans in opere. Nam pontificis lingua nullius debet mendacii contaminatione fœdari. Ejus quoque sententia, ut Gregorius inquit, tanta semper debet consilii moderatione concipi, tanta sapientiæ maturitate decoqui, tanta deliberationis gravitate proferri, ut necessarium postea non sit, eam cum levitatis nota mutare; persequetur vitia & virtutes augebit. Giesitas ut Elisæus, Symoniacos ut Petrus, fornicantes notorios ut Paulus, quorum opibus ecclesiæ Romanæ laceratur auctoritas, pastoralis severitate damnabit. Non ædificabit Sion, id est Ecclesiam in sanguinibus, quam Petrus non per carnem & sanguinem, sed per Patrem cælestem & Filium Dei cognovit. Præterea B. Hieronymus ait, Moyses amicus Dei, cui facie ad faciem loquutus est Deus, potuit utique successores principatus sui filios suos facere, & posteris propriam relinquere dignitatem. Sed extraneus de alia tribu Jesus erigitur, ut sciremus principatum in populos non sanguini deferendum esse, sed vitæ. Et subdit: At nunc cernimus plurimos hanc rem beneficium habere, ut non quærant eos in Ecclesia columnas erigere, quos plus cognoscunt Ecclesiæ prodesse: sed quos vel ipsi amant, vel quorum sunt obsequiis deliniti, vel


pro quibus majorum quispiam rogaverit, & ut deteriora taceam, qui ut clerici fierent muneribus impetrarunt. Non desunt autem plurimi qui ex hoc sedis apostolicæ dignitatem impugnant, dicentes quod Ecclesiæ ædificantur in sanguine, quodque prælati ex sanguine nascuntur, & ex voluntate carnis generant. Sanguis sanguinem invocatur, & caro carni indicat malitiam. His detractionibus obstruendis, opus nobis esset tali pontifice, qui ut rex Salem, nec patrem, nec matrem, nec genealogiam haberet, aut inordinatam carnis affectionem. Felix certè ille pontifex erit, qui insultanti contra debitum caritatis sanguini cum psalmista respondere poterit: quæ utilitas in sanguine meo cum descendero in corruptionem? Si bonus erit pontifex, ad collegium vestrum, quando necessitas exegerit, modo canonico, & determinatis temporibus, viros probos & graves assumet expertos, non probandos merito, non ambitiosos; virtutibus & litteris divites, non qui pecuniarum abundantia gloriantur. Alios quoque prælatos non præcipitanter, sed matura morum & vitæ discussione præmissa promovebit: nec contra doctrinam Apostoli, cito, id est inconsideratè promovendis manum imponet. Romanam curiam facto non inanibus verbis reformare curabit, ut ex ea tantus vanitatis, corruptionis & carnalis immunditiæ fœtor procul abigatur. Nam ex his letale venenum conficitur, quod fidelibus visu vel fama propinatum omnem in eis devotionem religionis extinguit, & ecclesiæ Romanæ perimit auctoritatem. Paulatim hæc vitia primo per quamdam alluvionem multorum animos occuparunt, & interdum etiam vindicata fuerunt: at nunc illorum contagio velut generalis pestilentia totam curiam invasit, & corrupti mores, quos hæc pessima ac diversa inter se mala luxuria atque avaritia gignunt, curiam ipsam ab omni honestate dispoliarunt: quodque deterius est & magis perniciosum exemplo, inveniuntur multi, quibus non satis est hæc mala impunè perpetrare, nisi etiam velut de pudicitia ceterisque virtutibus subversis triumphantes, in malefactis publicè gloriantur. Olim dum boni mores in Romana curia colebantur, gradus ad dignitates & honores, non nisi per virtutes & litteras aperiebantur. At nunc postquam inter bonos & malos nullum discrimen est, & omnia virtutis præmia ambitio possidet, ac avaritia cunctas bonas artes subvertit, homines adigunt animum, ut malis artibus ad dignitates ascendant, & talibus doctrinis imbuti ad omnes libidines facile se conferunt: & ne

A mali mercatores fuisse videantur, quod multis nummis emerunt, carius ipsi aliis vendere laborant. Eligatur ergo pontifex qui talia abhorreat, & pastoralis sarculo radicem illorum extirpet, ac curiam ita reformet, ut unde quondam sanctæ religionis emanavit auctoritas, inde morum & recte vivendi prodeat disciplina. Ipsam vero curiam inutilium officiorum novitate non angariabit, & quæ sine ratione inducta sunt ac reipublicæ penitus inutilia submovebit. Nam B Romanam curiam majores nostri paucis ac manifestis necessariorum officialium taxatis præmiis semper in libertate conservarunt; & sic eam tot tantisque superinductis oneribus nec convenit, nec expedit aggravari, longeque melius ac utilius est, ut onera consueta sponte ferantur, quam si aggravato nimis pondere tota simul sarcinâ deponatur ad terram. Generale concilium velut quamdam immanem belluam bonus pontifex non effugiet, sed convocabit. Nam ad recuperandam ecclesiæ libertatem, C hoc unicum salubre remedium nobis relictum est. Quæ enim major esse potest Romano pontifici gloria, quam generali concilio præsidere ad reformandam universalem Ecclesiam? qui autem aliter vivunt & regunt quam honestatis & justitiæ ratio dicat, generalia concilia abhorere consueverunt.

Superest tandem, reverendissimi patres, ut ego pro temporis qualitate finem dicendi faciam, & vos quæ de optimo pontifice creando audivistis, cooperante Spiritu-sancto opere compleatis, ac electionis sanctæ ministerium, quod apud vos ecclesia Romana deposuit, & repositi cum omni fidelitate persolvatis; & postpositis cujuslibet pravitatis studiis obicem Spiritui-sancto non opponatis. Et si forsitan aliquis corruptionis spiritus corda vestra tentaverit, eo repulso, magna voce cum Petro clametis, *Pecunia tua tecum sit in perditionem, quia existimasti donum Dei pecunia possideri*: ut inexpressibili peccato rejecto, ecclesia Dei incontaminata servetur, & vos divinum quod non fallitur judicium ac æternæ damnationis interitum evitetis. D Deus autem noster per viscera misericordiæ suæ, sicut facit in sublimibus concordiam, ita vos faciat in bene eligendo sua pietate concordēs, ut populus christianus merito gaudere possit, viduatam ecclesiam dignis ac fidelibus ministris fuisse creditam, quorum ministerio sponsum optimum consequatur. Amen.

F I N I S.





R O B E R T I  
G I L L E S B I I  
M A X I M I L I A N I R O M A N O R U M  
R E G I S E T P H I L I P P I A U S T R I Æ  
A R C H I D U C I S O R A T O R I S  
A D S E D E M A P O S T O L I C A M

ORATIO CORAM SUMMO PONTIFICE DE EPISCOPATU TORNACENSI.

*Ex ms. RR. PP. Celestinorum Metensium.*

Anno 1492



EATISSIME PATER, serenissimus A  
rex Romanorum semper augu-  
stus, ac illustrissimus ejus filius  
PHILIPPUS archiduces Austriae  
Burgundiaeque duces, &c. domini  
mei metuendissimi, se Vestrae San-  
ctitati sanctaeque Romanae Sedi devotissimos,  
deditissimosque commendant, offerentes se fa-  
cultatesque suas Vestrae Sanctitati, cujus diu-  
turnam incolumitatem & felicitatem vehe-  
menter affectant. Qui cum negotium suum  
Tornacense vehementer cordi habeant, me  
licet indignum servitorem suum oratorem cum  
his litteris ad Vestram Sanctitatem miserunt,  
aliquaque referenda mandata dederunt: quae  
cum placuerit Vestrae Sanctitati, consistorio con-  
gregato, referre paratum me offero.

*Sacro collegio cardinalium.*

Ea semper fuit, beatissime pater Innocenti  
pontifex maxime, vosque reverendissimi in Chri-  
sto patres, sanctae Romanae Ecclesiae dignissima  
culmina. Ea, inquam, semper fuit serenissimi Ro-  
manorum regis semper Augusti MAXIMILIANI,  
ejusque illustrissimi filii PHILIPPI archiducum  
Austriae, ducumque Burgundiae, &c. domino-  
rum meorum metuendissimorum, totiusque an-  
tiquae Burgundiae domus erga hanc sanctam  
Romanam sedem, tuamque divinam Sanctita-  
tem praecipue, constans firmaque devotio, &  
observantia, ut cum mihi humillimo eorum ser-

vitori ac subdito perexiguo aliquid dicendum  
esse jusserint, quod praefatae eorum devotioni  
fortasse non convenire videri possit, onerosam  
atque difficilem humeris meis sarcinam impo-  
sitam fuisse conspiciam: quippe qui in hoc di-  
vino conspectu vestro, quem ipse, ut debeo,  
omni sincera devotione & colo & observo, ea  
quae non omnibus fortasse grata sint futura,  
nunciare compellar. Det igitur veniam, quaeso,  
tua clementissima Sanctitas, piissime pater, ve-  
straque reverendissimi patres humanissimae do-  
minationes ignoscant, si non quaesitum, sed in-  
vito potius impositum onus attulerim, quod  
certe, salva fide, serenissimis principibus meis  
jubentibus, detrectare non potui. Spero quidem  
cum ipsa mandata aequis mentibus vestris sus-  
cepta fuerint, omnia tam rationi & aequitati  
consona fore, ut nulli merito debeant displicere.  
Cum praesertim devotissimi principes hoc unum  
me praefari, protestarique jusserint, quicquid pro  
suo patriarumque suarum jure tutando dici fe-  
cerint: suam tamen innatam perpetuamque de-  
votionem in sanctam Romanam sedem, nisi  
ab ea coactos, se numquam immutatu-  
ros: quin immo sacrae regiae majestati molestum esse (Fi-  
lium enim propter imbecilem adhuc aetatem  
in patre semper intelligo) eam sibi necessitatem  
imponi, ut Tuae Sanctitati se videatur opponere:  
in qua tamen illam credit esse justitiam, veram-  
que prudentiam, ut se non tam opposuisse, quam  
jus suum defendisse, rebus cognitis, sit judica-  
tura.

Episcopatum Tornacensem etiam apud hanc tuam sedem vacantem nulli, nisi à se nominato, conferri posse sua regia majestas intendit. Et si enim episcopales dignitates, præsertim familiarium morte & in hac urbe vacantes, Tuæ Sanctitatis dispositioni antiquorum patrum decreto reservari non ignoret; id tamen ita moderandum esse intelligit, ut nulli fiat injuria, quam sibi non parvam fieri censeret, si de ipso episcopatu, se inconsulto, qui jus nominandi habeat, facta provisio maneat.

Cum enim, ut inquit, nullus tam exiguus christianus sit princeps vel communitas, (ut pragmaticos reges ac potentatus huic sanctæ Romanæ sedi parum obedientes omittamus) ad cujus nominationem ac petitionem, etiam de minimis episcopatibus non provideatur, suam præcipuam devotionem ait ob stare non debere, immo potius præ aliis suffragari, ut tam communi omnium jure & consuetudine, cum ceteris, quibus longè major, nedum par esse censetur, potiri debeat.

Illustrissimam Burgundorum ducum familiam, huic sanctæ Romanæ sedi devotissimam, semper hætenus in hujusmodi episcopalibus dignitatibus, ditioni suæ subiectis, eo jure nominandi usam fuisse reperit. Illi enim prudentissimi duces, tum pro necessitate & utilitate patriarum suarum, tum pro suo honore, ecclesiarumque ipsarum decore, semper, ut par fuit, alique principes faciunt; servaverunt & obtinuerunt sibi subditis ac fidelibus servitoribus, non autem extraneis ac ignotis, de suis episcopatibus providendi, qui sua continua residentia atque præsentia, ut boni pastores debent suis gregibus succurrere ac providere, eosque à seditionibus & rebellionibus, quibus naturaliter inclinantur, avertere & deterrire, & ecclesias sibi commissas protegere ac defendere, suosque principes eorumque senatum prudenti doctrina, gravitate, digno fidei comitatu, honestarent atque decorarent.

Et ne longe exempla petamus, in hac eadem Tornacensi ecclesia, de qua nunc agitur, consistentes: quæ quidem civitas imperialis juris est, licet nunc rege Franciæ custode gubernetur, comperiemus olim mota controversia inter Franciæ reges ac Burgundionum duces seu comites Flandriæ, pro episcopis ad eam ecclesiam nominandis, ipsos Burgundos obtinuisse, quod sub eorum ditione tota fere diocesis ac ejus utilitas jaceat, quorumve potissimum inter sit, de sibi fidei, idoneis, & gratis episcopis providendi: sicque per felicis memoriæ Martinum, Eugenium, Nicolaum, Calixtum, & Pium pontifices maximos declaratum decretumque fuisse.

Patet etiam recenti memoria episcopum quemdam SEVROTUM nomine, illustrissimi quondam PHILIPPI Burgundiæ ducis servitorem, ab eo nominatum, hanc eandem ecclesiam obtinuisse contra archiepiscopum Narbonensem genere illustrem & regis Franciæ servitorem domesticum. Patet præterea dominum GUILLELMUM abbatem S. Bertini præmortuum

*Theſauri Anecd. Tom. II.*

A pariter obtinuisse contra episcopum Constantiensem, contraque alium de illustrissima Burbonia domo, cui ipse Constantiensis jus suum renunciaverat, quive postea archiepiscopus fuit Lugdunensis, & licet hic Burboniensis nepos charus esset ipsi illustrissimo duci PHILIPPO, contra illum tamen ipse GUILLELMUS abbas per eundem dominum suum PHILIPPUM ducem nominatus obtinuit.

B Qua de re conquerenti olim regi Franciæ per divæ memoriæ PII pontificem maximum conscriptæ litteræ æquiores Burgundorum partem ostendunt, cum inquit, *si doles hominem duci Burgundiæ subditum illic esse præpositum, minor culpa hæc nostra est, quam fuerit prædecessorum nostrorum, qui plures Burgundos illic statuerunt. Nos rem novam non fecimus, veterem & usitatam sumus sequuti. Hoc quoque ad transferendum Tullensem proniores nos fecit, quod, sicut serenitas tua intelligit, tota Tornacensis diocesis sub dominatu est Burgundionum; nec putamus videri inconveniens posse, si ex dominio illo daretur episcopus, intra cujus limites major est & amplior jurisdictionis illius pars.*

C Quod quidem nominandi jus & consuetudinem non modo in hac Tornacensi, verum etiam in aliis suis episcopatibus iidem Burgundorum duces obtinuerunt, testis est, aliis ob brevitem omisissis, Atrebatensis ecclesia, de qua cum per sedem apostolicam cuidam domino QUINTINO MANART, ipsius illustrissimi PHILIPPI ducis fidei servitori provisum fuisset, ipse tamen dux eo à se non nominato rejecto, pro altero de FORTIGUERRA appellato, quem ipse sibi gratum nominavit obtinuit. Sicque semper observatum, aiunt, usque ad obitum reverendissimi quondam in Christo patris domini FRIDERICI cardinalis Tornacensis, ubi cum sanctissimus piæ memoriæ SIXTUS pontifex maximus providisset domino JOHANNI MONISARDO, cujus anima requiescat in pace, existimans illum serenissimo regi nostro tunc Burgundorum duci gratum fore, quod ejus fidelis servitor ac subditus esset; ipse tamen serenissimus rex suorum jura sustinendo, illum à se non nominatum multis annis exclusum tenuit, nec ad possessionem prius admitti passus est, quam suæ majestati promissum fuerit, quod eo decedente, ejusdem ecclesiæ futurorum episcoporum libera nominatio ad se suosque successores esset reditura, sibi que episcopus ipse Monissardus promitteret ad actualem se residentiam perventurum: quibus quidem mediis, sua sacratissima majestas, illum qui suus subditus fidelisque servitor erat, ad possessionem venire permisit, præsertim multis litteris tua Sanctitate suadente, ei possessionem negari non debuisset, qui suæ serenitati deditissimus subditus, deque ea bene meritus esset.

Inquit præterea regia majestas, cum superioribus annis per suos oratores tuæ Sanctitati obedientiam præstari faceret, sibi promissum fuisse, quod in omnibus majorum suorum juribus & consuetudinibus, præsertim in nominationibus episcoporum suarum patriarum, tam sua ma-

T t t t t ii

jeſtas, quam omnes ejus poſteri ſervarentur illæſi: quæ quidem jura omnia, ſi ſua majeſtas nunc iſtam proviſionem ratam haberet, poſſeſſionemque concederet, ex hoc repetito actu conſenſus, amitteret, cum maxima ſuæ majeſtatis ignominia, patriarumque ſuarum intolera- bili damno. Aliam autem horum episcopatu- tum quam Italogum, qui exiguas fere dioceſes nullaque dominia temporalia poſſident, habendam eſſe rationem: cum hi perexigui per abſentes prælatos & regi valeant & gubernari; illos vero propter magnitudinem actuali prælatorum ſuorum reſidentia non debere nec poſſe carere, omnibuſque notum eſſe, ſuæque majeſtati nimis conſtare quantam jacturam, quantave calamitates ex abſentia ultimorum episcoporum, tota Flandria paſſa ſit. Qui quidem episcopi, ſi in ſua dioceſi ſuis temporibus permanſiſſent, ſuum gregem, quem ſine gravi ſuarum conſcientiarum onere deſerere non potuerunt, à tot inteſtinis bellis, factionibus & rebellionibus, ad principum ſuorum obedientiam, pacem, atque concordiam, tum cohortando, tum cogendo, tum etiam per alios prædicari faciendo, procul dubio revocaſſent, ſuamque eccleſiam ferventiori atque decentiori cultu circa divina decoraſſent, ipſamque dioceſim ſua neceſſaria quotidianæ vitæ expoſitione ditaeſent.

Ea propter ſuam majeſtatem, ſi populi, ſi honoris, ſi juris ſui, immo etiam animæ curam habere velit, omnino cogi ad hujusmodi proviſionem factam impugnandum, ſuamque ac majorum ſuorum nominationem ſuſtinendam, ac tot patriarum ſuarum periculis & calamitatibus obviandum, cum Reipublicæ tanta utilitas unius amici favore vel commodo ſit omni judicio ſine contraverſia præferenda.

Ipſum vero reverendiſſimum in Chriſto patrem dominum cardinalem S. Anaſtaſiæ Regia Majeſtas inter ceteros externos ſe ut amicum vel gratum habere non negat, tum quia Tuæ Sanctitati affinis ſit, tum quia eum multis rationibus benemeritum putet. Sed cum ſua reverendiſſima paternitas perſonalem reſidentiam in ipſa dioceſi facere, & ſupradictis neceſſariis rebus intendere, nec poſſit, nec debeat; ſuam Serenitatem nullo modo ad ejus proviſionem inclinari poſſe, nec ei poſſeſſionem quæ tantam ſuo honori ignominiam, tantamque patriis ſuis perniciem, atque ruinam perductura ſit, quovis pacto debere nec poſſe permittere: quam etiam ſi annueret, ſui & honoris & patriæ utilitate poſthabita, attamen proceres nobiles ac patriarum illarum populum univerſum, ea jam de re murmurantes, prædictis rationibus numquam fore permiſſuros: & ea ratione po- tiſſimum quod in ea eccleſia in limitibus hoſtium conſtituta fidus & in patria natus, practicus & aliorum exemplo cautus providuſque prælatus, qui mores hominum vitæque cognoſcat, qui regrediſſis animos pectoraque mulcere calleat, regiſque tandem fidus ſervitor exiſtat, etiam pro aliarum patriarum ſecuritate vigilanter debeat reſidere, quive ipſam eccleſiam atque

dioceſim tot bellis deſolatam ſua actuali reſi- dentia, ut ubique paſſim conquerendo loquun- tur, & conſoletur, & in priſtinum ſuum ſtatum reſtaurare conetur, quod certe abſens, & ut ipſi inquiunt, Romæ vivens prælatus omnes redditus & fructus eccleſiæ veluti ejus patriæ viſcera extra ducendo, nullo modo facere poſſet, ſed in breve potius ipſam eccleſiam totamque dioceſim cum maximo ipſorum principum to- lerantium ſcandalo, & ignominia, gravique eorum conſcientiarum onere vaſtaret atque dele- ret.

His omnibus difficultatibus circumſpectis, regia ſerenitas ipſum reverendiſſimum cardi- nalem ab incepto deſiſtere cohortatur, cum ſupradictis neceſſitatibus ſe ſufficere non poſſe conſpiciat. Qui ſi ſuæ majeſtati deſiſtendo com- placeat, nec tam claris tamque neceſſariis ſuis rationibus obſtet, ſua ſerenitas de aliis benefi- ciis in ſuis patriis vacaturis, quæ talia non ſecum ferant incommoda, cum is poſtulaverit, ſe om- nem ei favorem daturum promittit.

Ea propter, Beatiffime Pater, cum tuæ di- vine clementiæ ſit tantorum regis ac principis pias juſtaſque preces non abſurda aure recipere, nec eorum præcipuam devotionem & obedi- tiam in perniciem ſuam convertere: ipſi Tuam Sanctitatem vehementer orant, rogant & ob- ſecrant, ut proviſionem in manifeſtam ſuæ pa- triæ cladem factam revocare, & per ſe nomi- nando de ipſa eccleſia providere, ac ſua ma- jorumque ſuorum jura ſibi illæſa ſervare, & de ceteris huic materiæ neceſſariis, ut æquum pium- que patrem decet, opportune providere digneris, & eos erga te tuamque ſanctam Romanam ſedem devotiſſimos atque promiſſiſſimos ſemper inveniet tua clementiſſima ſanctitas. Cui ſe rex pater & filius dux iterum atque iterum com- mendari præcipiunt. Dixi.

## INNOCENTII PAPÆ VIII.

Ad Maximilianum Romanorum regem.

**I**nnocentius papa VIII. Maximiliano Roma- norum regi illuſtri.

Cariffime in Chriſto fili noſter, ſalutem & apoſtolicam benedictionem. Cum eccleſiæ Tor- nacenſi de perſona dilecti filii noſtri A. cardi- nalis S. Anaſtaſiæ providimus, non tam meritis ipſius cardinalis affinis noſtri ſatisfacere, quam ejus eccleſiæ commoditati proſpicere cogita- vimus: non igoſantes præterea, quod præter utilitatem, quæ eccleſiæ ex ea proviſione orie- batur, unicuique hac præſertim tempeſtate ſicuti alias Majeſtati Tuæ in minimis cujuſque contentionis occaſio adimebatur. Nemini eſt enim eccleſia Tornacenſis nec eſſe debet majori curæ quam nobis, & cum poſtremo vacavit, non niſi ad ejus opportunitatem oculos mentis noſtræ direximus. Præfecimus enim illi in pa- ſtorem talem ac tantum S. R. E. cardinalem, qui omni laude digniſſimus habetur, quique pro ejus inſtituto, ut nobis ſatis compertum eſt,

in ea ecclesia dominicum cultum conservabit & augebit, atque illi utilitati commodius quam simplex episcopus multis modis intendet, rebusque majestatis tuæ multo utilius adesse poterit, cum ei singulariter afficiatur. Quod quidem dum pingues illas condiciones pro hac ecclesia ab aliis ei propositas, pro dignitate tuæ majestatis ita constanter respuit, manifeste demonstravit. De quo etiam tua majestas & dilectus filius nobilis vir PHILIPPUS archidux Austriæ in postremis litteris suis ad nos & sacrum venerabilium fratrum nostrorum S. R. E. cardinalium collegium scripserunt. Non est igitur aliqua causa propter quam tua majestas ad tradendam præfato cardinali ejus ecclesiæ possessionem nostris hortationibus flecti non debeat. Si enim in hoc omnia recte pensaveris, secundum cor suum ecclesiæ Tornacensi à nobis provisum fuisse existimabit. Non deest præterea qui ex adverso multiplices atque efficaces rationes afferat, quibus de persona sibi accepta eidem ecclesiæ deberet provideri. Eo itaque modo quo providimus omnis contentionis suspicionisque occasio sublata fuit, quod majestati pro singulari affectu ipsius cardinalis erga eam gratissimum debet accedere. Si quod in hac re à nobis petit fieri non videat, non est quod ejus desiderio in omnibus quæ cum Deo liceant, paterno affectu gratificari non velimus. Sed quia in hoc neque apostolicæ sedis, neque etiam ipsius ecclesiæ opportunitas versatur, facta est consistorialis provisio in personam cardinalis, quæ si abrogaretur, neque dignitati apostolicæ conveniret, neque justitiæ esset satisfactum. Si vero ipsi ecclesiæ de persona aliqua his temporibus per tuam majestatem nominata provideretur, his temporibus propter inextricabiles controversias, quæ ea causa orirentur, extremæ ejus ecclesiæ desolationis seminarium pararetur. Facta est canonica provisio cardinali nemini jure suspecto, & qui ad divellendas radices quas jam egit ejus ecclesiæ verustas occupator satis accommodus erit. Hortamur tuam majestatem, ut non solum pro justitia, quæ in hac re manifestissima est, & pro ipsius solita erga nos & hanc sanctam sedem reverentia, quam in omnibus semper præcipuam fuisse cognovimus, sed etiam pro acceptissima & singulari complacentia nostra velit efficere, ut cardinali præfato possessio ipsius ecclesiæ diutius non denegetur: in quo & nobis mirum in modum complacebit, & pro rerum suarum & ipsius ecclesiæ commoditate se id fecisse in dies magis ac magis gaudebit. Datum Romæ apud S. Petrum sub anulo piscatoris die XVIII. Maii 1492. pontificatus nostri anno VIII. *Sic signatum* Hic. Balbanus *Et à tergo* F carissimo in Christo filio nostro MAXIMILIANO Romanorum regi illustri.



# SEQUITUR EPISTOLA SACRI COLLEGII DOMINORUM CARDINALIUM

Ad præfatum regem Romanorum super eadem materia.


Serenissimo principi & excellentissimo domino, domino Maximiliano Romanorum regi dignissimo, majori nostro honoratissimo.

Serenissime princeps & potentissime domine rex, miseratione divina episcopi, presbyteri & diaconi S. R. E. cardinales post sinceram in Domino commendationem. Intelleximus quæ vestra celsitudo & serenissimus ejus filius de ecclesia Tornacensi ad sanctissimum dominum nostrum & ad nostrum sacrum collegium scripserunt, desiderantes provisionem jam de ea factam domino cardinali S. Anastasiæ abrogari; illique de persona ab eis nominata provideri: quibus profecto nobis plurimum displicet ea respondere non posse, quæ ipsius Celsitudinis Vestræ desiderii forent. Nam vacante apud sedem apostolicam ipsa ecclesia, in sacro consistorio omnibus rationibus ac horum temporum qualitatibus diligenter ac mature prospectis, pensatisque, ut quibuscumque controversiis, quas oriri posse prospiciebamus occurreretur, unanimi apostolico judicio eidem ecclesiæ de persona nemini suspecta providendum esse, decretum fuit, pro qua reverendissimus dominus cardinalis S. Anastasiæ præfatus communi omnium voto delectus est. Ipsi enim singularibus meritis suis & probitate nihil à quoquam potest objectari, quin hujusmodi canonica apostolica dispositio non solum effectum debitum sortia-  
tur, verum omnibus debeat esse gratissima & ante alias majestati vestræ, cui ipsum reverendissimum cardinalem mirifice affectum fore cognovimus. Vidimus enim & clare intelleximus, quando nomine occupatoris ejus ecclesiæ cum eo conventio tentata fuit, ipsum ut majestati vestræ non displiceret, pingues & firmissimas condiciones respuisse. Consideret, si placet, majestas vestra tempus, condiciones; consideret jus reverendissimo domino cardinali jam quæsitum, & ejus erga ipsam singularem devotionem; animoque suo revolvat, qua honestate consistorialis provisio facta uni ex S. R. E. cardinalibus de sede apostolica, immo & de ipsa majestate vestra, ob ipsius erga eam dispositionem optime merito irritari possit. Si res integra esset & posset vestræ majestatis desiderio absque indignitate sedis apostolicæ satisfieri, quemadmodum post lectas intelligibili voce litteras suas, & ejus illustrissimi filii in sacro consistorio sermo habitus fuit, præsentem etiam domino oratore vestro ROBERTO GISLESBII & hujus negotii sollicitatore. Procul dubio tanta est clementia sanctissimi domini nostri, & caritas erga vestram majestatem, & illustrissimum filium suum, quod ejusmodi desiderio suo omnino annuisset, & nos summo studio, summis  
Ttttt iij

precibus suæ beatitudini propterea supplicavimus. Verum quod factum est aliquo pacto infectum esse non potest. Igitur obsecramus vestram majestatem, velit pro suo probatissimo more huic apostolicæ dispositioni acquiescere, qua nulla quidem convenientior fieri potuisset, & quæ rebus ipsius ecclesiæ ac vestræ majestatis & illustrissimi filii sui quotidie majori commodo accedet. Novimus naturam & mores hujus reverendissimi cardinalis. Vidimus quam ferventer rebus majestatis vestræ semper affuerit. Potest itaque ipsa vestra majestas, nunc suo laudabili instituto, satisfacere justitiæ, desiderio sanctissimi domini nostri morem gerere, sicut ex brevi beatitudinis suæ dignoscere poterit; nobis, qui ejusdem aposto-

licas dispositiones pro debito justitiæ & dignitate hujus sanctæ sedis effectum sortiri cupimus, gratiam præstare omni tempore memorandam. Atque hunc reverendissimum cardinalem, amicis fidissimum, ingenio & dexteritate præstantem ad quæque commoda sua sibi conservare: pro quo ipsam iterum atque iterum obsecramus. Bene valeat serenitas vestra, cui nos commendamus. Datum Romæ die 20. mensis maii anno 1492. sub signetis nostrorum trium in ordine priorum. H. Brunus.

Episcopi  
Presbyteri  
Diaconi } Sanctæ Romanæ Ecclesiæ  
cardinales.



# LEONELLI EPISCOPI CONCORDIENSIS,

## ORATIO IN FUNERE INNOCENTII

PAPÆ VIII.

*Ex ms. RR. PP. Cælestinorum Metensium.*

*Reverendissimi in Christo patris domini Leonelli episcopi Concordiensis oratio habita Romæ in ecclesia S. Petri in funere felicitis recordationis domini Innocentii papæ VIII. coram sacro cœtu reverendissimorum dominorum cardinalium, & tota curia, die xxviii. mensis Julii mccccxii. apostolica sede vacante.*

**R**ursus ad hoc studium dicendi, à quo jamdudum desueveram, arescente, si qua usquam in me fuit orationis vena, repente quodam modo revocor, Patres amplissimi, nec tam pium à me contendentibus officium audeo contradicere, ne ingritudinis erga principem meum, qui me plurimum dilexit, nec minus, ut palam est, ornavit, etiam postquam inter homines esse desiit, accuser. Sed unde præ dolore initium dicendi faciam non satis constituo. Flere tamen magis libet, quam vel laudationem, vel consolationem attingere. Quis erit quæso tam ferreus? quis tam saxeus, Patres amplissimi, qui non potius ubertim effundatur in lacrymas? Summus pontifex INNOCENTIUS VIII. discessit à nobis, dereliquit nos pontifex mansuetissimus, prudentissimus, integerrimus. Destituta est Ecclesia magno in rerum turbine humano rectore. Quis dabit capiti meo aquam, aut oculis meis

A fontem lacrymarum, & communem amissi tanti pontificis una nobiscum calamitatem plorabo? Sic filii Israël defunctos Aaron & Moysen xxx. diebus deflevit, quamvis utrique successor jam designatus esset à Domino: huic ad regendum populum Josue; illi ad obeundum pontificatum Eleazarus. At quanto magis lugendum est nobis, non tam obdormientis pontificis, qui tranquillam translatus in requiem nos ancipiti in certamine dereliquit? Quam miseram vicem nostram quos undique tot mala circumstant! Imminet quotidie christianis cervicibus immanissima Turchorum ferocitas. Sævit adhuc cum potest in catholicos fratres furibunda & armata Hussitarum perfidia. Pullulant ubique adversus orthodoxam fidem nefandissimi errores. Crescit in dies magis pervicax in sacrosanctam Romanam Ecclesiam universalis Ecclesiæ matricem radicemque contumacia. Viget ingens tam in clero quam in populo luxus. Quassatum est intestinis dissidiis B. Petri apostolorum principis patrimonium, eminentiores christiani nominis principes ardentissimis odiis in mutuum, nisi celeriter occurratur, armantur excidium. Turbatus est ager Romanus, Urbs ipsa quotidie cædibus & rapinis quorundam temeritate cupidateque fœdatur. Tanta denique, ut Jeremiæ verbis utar, super contritione vocata



est contritio, ut ad ipsam matrem nostram Ecclesiam conversi, cum eodem Jeremia merito lamentari valeamus: *Filia Sion, magna est velut mare contritio tua, quis medebitur tui?* Sumus enim adhuc incerti quem elegerit Dominus locum & apostolatum accipere, qui tot tantaque pericula non secus repellere, quam nubes sol oriens valeat dissipare. Sed videamus qualem pontificem amiserimus, ut vel succincta eximiarum laudum ejus enumeratione acerbissimo levemur dolore, vel vota nostra non inferiorem habendi successorem Salvatori nostro pandamus. Patria ortus Genua, Ligurum metropoli, terra marique potentissima, cujus amplitudinem ad claritatem consequendam non parum conferre, Themistocles apud Platonem objicienti sibi Athenas Seriphio non diffiteretur. Familia Ciborum vetusta nobilitate apud Neapolitanos quoque sub Tomacellorum cognomine insigni, ex qua & Romanus pontifex BONIFACIUS ejus nominis Nonus, & cardinales & episcopi complures tamquam ex equo Trojano prodire, parentibus honestissimis, ex bonis enim, ut idem Plato ait, boni nascuntur; & bona arbor, ut Salvator noster adstipulatur, bonos fructus producit. ARONIUS siquidem pater, equestris ordinis, vir probatissimus, & in regenda Neapoli, & in prætura urbana, quem nunc senatum appellant, administranda mirificè claruit. Liberalibus quàm primum per ætatem licuit à parentibus traditus disciplinis, ad eruditionem magis quam ostentationem profecit. Initiatus ecclesiasticis sacris Romam veniens, in clientelam PHILIPPI cardinalis Bononiensis, NICOLAI V. primæ sedis antistitis germani, se contulit: qui ejus virtuti tantum tribuit, ut ipsius fidei ac diligentiae proprii corporis ac rerum suarum curam crediderit, & per omnes ejus gradus ad episcopatum usque provexit: quo in statu tantam omnium suavissimis moribus benevolentiam sibi conciliavit, ut assumtus ad supremam SIXTUS ejus nominis IV. quem prius ob ingenii amœnitatem, dexteritatem atque modestiam, majorem in modum dilexerat, in domesticum & datarium, quod est, ut nostis, non parvæ existimationis officium, ascivit. In quo ita se industrium, fidum, vigilantem & integrum se gessit, ut crescente in dies magis magisque apud ipsum SIXTUM gratia & auctoritate, non solum ex Saonensi ecclesia ad Melfitensem translatus, verum etiam secundis cardinalium creandorum comitiis in amplissimum ordinem vestrum, summo omnium consensu, nec minori gratulatione fuerit cooptatus. Hic mihi in tanta non vulgarium laudum occurrentium copia immorandum foret, præstantissimi Patres, ut eas si non exornarem, at saltem aliqua ex parte recensere: sed tam stricta temporis angustia premor, ut unica probataque sententia illas ante oculos vestros ponere statuerim. Neque enim, ut ait ille, quisquam aliquando ad summam rerum pervenit, qui non prima ætate gradibus virtutis ascenderit. Expectatis fortè, Patres amplissimi, ut qualem se cardinalem habuerit edisseram; sed id ego supervacaneum puto. Ipsi audistis,

A ipsi vidistis, quàm crebro, quod est optimi senatoris, in senatum ventirabat, quàm graves, quàm liberas, quàm opportunas de rebus magnis & arduis sententias dicebat. Aderat assiduus publicis solemnitatibus rei divinæ, & præter suam, quam promptissime obibat, aliorum quoque desiderium, vicem hilari & devota mente supplebat. Alebat præterea vir ditissimæ paupertatis multam honestamque familiam tanta moderatione, ut in recta privata domus gubernatione juxta sciram divini Apostoli traditionem, optimum se universalis Ecclesiæ rectorem futurum demonstrarit, præbuit tamen prius majus de se specimen probitatis; demandatam siquidem turbulentissima pestilentia tempestate, legationem Romanam, SIXTO maximo pontifice cum tota curia Urbem Romanam deferente, sancte, integrè, ac etiam pacatissimè administravit. Senensem quoque difficillimis sanè temporibus tanta prudentia & magnanimitate gessit, ut ex ea splendidissimam laudem reportaverit. Designatus est deinde in Germaniam legatus, cum in cunctis ad Ecclesiæ dignitatem prosperitatemque spectantibus se obsequentissimum, omni labore postposito, summo pontifici exhiberet: sed visum est postea SIXTO per inferiorem minore incommodo rem peragi posse. Hæc summatim per capita percurro, Patres amplissimi, nec decore sermone singula narro, cum quia vobis notissima sunt, tum quia nolo vos diutius detinere, ut commodius his, quæ in tanta Ecclesiæ necessitate in horas accidunt, prospicere valeatis. Quare ad pontificatum festinat oratio, quo se tot tantisque meritis dignum reddidisse judicatis, ad quem vos ipsi propenso studio divinæ providentiæ ministri unanimiter evexistis. Cujus si in Christi vicariatu rectè administrando immensa præconia exactè pergerem referare, haud equidem observare propositæ brevitatis institutum, & ejus vitæ historiam potius texere quam epitaphium dicere viderer. Cuperem nihilominus vehementissime singularem, ac inauditam, atque ipsi innatam humilitatem, quæ non minus in eo jam pontifice, quàm in omni antea acta vita excellenter emicuit, idoneis exprimere verbis; cum nihil, ut magnus Gregorius est auctor, in pontificali cervice splendidius fulgeat, quàm humilitas. Vidimus ipsum, quod sane rarissimum est, eadem se in pontificatu adeuntes humanitate, affabilitate, ac benignitate suscipere, quæ & episcopus & cardinalis antea consueverat: ut idem semper, servato tamen decore, fuisse videretur; nec immutati in eo mores, sed aucta tantum dignitas agnosceretur. Quanta verò sermonis dulcedine & elegantia, quanta perspicacia atque memoria, quàm aptis rationibus & postulata colligeret & petentibus responderet, nemo umquam sine admiratione potuit audire. Observabat illud, quod est principis proprium, ut sive concedendo, sive negando, neminem à se tristem dimitteret. Quis autem tanta facundia præditus, qui magnificas ac salutare de republica cogitationes appposito valeat explicare sermone? Omnem curam mentemque ac dili-

\* Videtur  
hic deesse  
colloquio  
cum Zizi-  
mo, aut  
quid simi-  
le.

gentiam ad subditorum commoda, ad tuendam dignitatem Ecclesiæ, & e contra ipsam rebellionem delendas, ac religionem, habito jam maximis laboribus \* Zizimo Sultano propagandam converterat. Quibus in rebus cum mea, quantulacumque sit, opera, sicut nostis, uti voluerit, multa mihi sæpenumero illum sapientissime loquentem audivisse nequeo reticere. Constantissimus justitiæ cultor, pacis studiosissimus amator, & exuberantis annonæ vigilantissimus ordinatore, sedatis honorificè sibi ingruentibus bellis, peculiare Ecclesiæ populos & Romanos in primis, quam felicissimos exoptavit. Exultavit enim summopere cum ad majores dignitates viros extulit eruditos & probos. Erat enim ipsi vera insita bonitas, quæ illum ad quascumque optimas actiones propensissimum super omnia reddebant. Fuit præterea in pauperes misericors, afflictorum non minus consolator, quàm principum susceptor liberalis, & Dei ac sanctorum ejus piissimus venerator. Pontificale palatium miro sumptuosoque opere exornavit, amplificavitque, & multiplici pretiosissimeque suppellectili tam divinis quam domesticis usibus apta largissime decoravit. Visitatus à Domino pluribus longisque morbis, quos patientissime toleravit, multa sancta & utilia cogitata perficere nequivit. Adveniente demum divinæ vocationis hora, sumtis ex ritu christiano devotissimo animo salutaribus sacramentis, intrepide adeo spiritum reddidit Creatori, ut securus de immarcescibili gloria videretur, sicut erat, cælestem vitam cum morte commutare. Ecce qualem quantumque pontificem amisimus, Patres amplissimi, ideo planctus magnus est in Ecclesia, quam vos facile consolari poteritis, si proprio affectu, si ambitu, si impressione, ut speramus, eliminatis, divinæ cooperatores voluntatis, nihil nisi de sanctimonia, doctrina, & rerum peritia, fulgente pontifice deligendo cogitaveritis. Sunt enim totius Ecclesiæ in vos oculi coniecti, Patres optimi. Date illi pontificem qui solo boni nominis odore cunctos post se fideles populos ad salutem trahere queat. Sicut enim, ut est in Legibus Ciceronis, cupiditatibus principum & vitiis solet infici tota civitas, sic emendari & corripi continentia. Nam qualiscumque mutatio morum in principibus extiterit, eadem & in populo sequetur, planeque verissimum est illud, principes plus exemplo quam peccato nocere. Optimus itaque constituendus est princeps, quem facile cognoscetis, si Platonem audiveritis, qui eum deligendum putat, qui singulis semper ætatibus probatus fuerit, & immaculatum se præstitit, ac perseveranter id agere studuit, quod reipublicæ conducere arbitraretur: aliter quasi ex divino oraculo censet rempublicam perituram. Eadem ferme sententia vos instruit Leo pontifex, ut illum eligatis, cujus omnis ætas à puerilibus exordiis usque ad perfectiores annos per

A disciplinæ stipendia ecclesiastica cucurrerit: cuique testimonium præbeat prior vita, quia non potest de ejus provectione dubitari, cui pro laboribus multis, pro moribus castis, pro actionibus strenuis, celsioris loci præmium debetur. Exhortatis terribilem illam Domini vocem, Patres amplissimi, ne umquam de vobis exclamet, Fecerunt sibi regem, & non per me; principem, & non per consilium meum. Consilium autem Domini est, si Hieronymo credimus, ut qui præstantior est omnibus, qui doctior, qui sanctior, ille purè sincereque sine ambitu ad summum sacerdotium eligatur. Recordamini, ut reliqua prætermittam, quod Abimelech qui Israelitici populi principatum ambivit, & modico tempore turbulentissime imperavit, & turpi tandem cæde vitam finivit. Infigite cordibus vestris, ut brevi clausula universa comprehendam, & exsequimini sacros canones vobis notissimos, de Romani pontificis & aliorum pontificum electione conscriptos, & iterum sub expectato successore novo proculdubio florebit Ecclesia, præstante Domino nostro Jesu Christo, qui est benedictus in sæcula sæculorum. Amen.

## JOHANNIS VALESII

Ad Didacum de Muros archidiaconum Carmonensem.

*Mittit ei orationem Pacensis episcopi de eligendo summo pontifice.*

D Idaco de Muros archidiacono Carmonensi reverendissimi domini cardinalis Hispaniæ secretario meritissimo Johannes Valesius decretorum doctor, salutem.

Cum debeam tibi plurimum, ornatissime Didace, quod meis rebus non secus ac tuis auxilio fueris, quid autem rependam non satis habeam; cogitavi vel partem meæ obligationis implere, idque non mediocriter absolvam, cum orationem sapientissimam, quam de eligendo summo pastore nuper Pacensis antistes, nostri ævi splendor ac portentum, apud sacratissimum senatum, INNOCENTIO VIII. demortuo, cum magna omnium laude, immo admiratione habuit, tibi in primis destinandam censuerim. Conjecta in ea simul aspicias moralia, theologica & oratoria universa. Sed nescio quid vivæ vocis factus divinus perstrepebat: ut si ipsum audisses, sua resonantem verba, Demosthenis memor esses. Accipe igitur illius luculentissimæ orationis primitias, communes eas facias domino meo reverendissimo cardinali Hispaniæ, ac illustri marchioni Villenæ, ac mihi observandæ plurimum nobili nutrici serenissimi Hispaniarum principis. Lege eam feliciter & vale.



# BERNARDINI CARVAJAL

## EPISCOPI PACENSIS, ORATIO DE ELIGENDO SUMMO PONTIFICE.

*Ex ms. RR. PP. Cælestinorum Metensium.*

*Oratio de eligendo summo Pontifice habita Romæ in ecclesia S. Petri ad sacratissimum senatum cardinalium, Innocentio VIII. demortuo, per reverendum in Christo patrem Bernardinum Carvajal, Pacensem episcopum, & reginæ Hispaniæ oratorem, die Transfigurationis dominicæ, sexto Augusti, anno millesimo quadringentesimo nonagesimo secundo.*

*Ne lateris inimica mea super me; si cecidi, consurgam. Scribitur verbum Michæ VIII.*

**S**I umquam Romanæ Ecclesiæ opus fuit, Patres amplissimi, illustrari superno ac divino lumine, hoc ipsum vel præcipuum est tempus, quando destituta pastore & capite, felicissimo transitu sanctissimæ recordationis INNOCENTII papæ VIII. ad suffectionem pastoris alterius appropinquat. Cum enim oculus & speculator deficiunt, grave est admodum ovibus bene dirigi nisi superiori pastore ducantur. Mihi quoque in hac re tam ardua de mandato vestri sacratissimi senatus, orationem habituro operæ pretium fuerit, supplicatione divina, Spiritus sancti assistentiam impetrare. Nempe qui hodierna die in missarum solemniis ab Ecclesia invocatus est, ut electioni summi pontificis assistat, isdem mihi suppliciter implorandus erit, quatenus jejuna ac nuda orationi meæ, de persuasionem ejusdem optimæ electionis, efficaciam tribuat, cogitatus meos instruat, mentes vestras illis & sibi conformes reddat, linguam meam dirigat, aures vestras benignissime aperiat, mea verba vivificet, corda vestra ad illa capescenda foveat & alliciat. Nec diffidendum est, quin occurrat hodie Ecclesiæ in tantis calamitatibus & periculis constitutæ, qui juxta Apostoli verbum non permittat illam ultra pos-

*Theſauri Anecd. Tomus II.*

**A** sibilitatem tentari, & qui in Evangelio futurum se medium pollicetur, ubi duo vel tres in suo nomine convenerint, quique numquam se deserturum Ecclesiam usque ad consummationem sæculorum Matthæi ultimo calce promisit. Igitur Spiritus sancti singularem assistentiam vulgata illa Ecclesiæ oratione supplicabimus dicentes, *Veni sancte Spiritus, reple tuorum corda fidelium, & tui amoris in eis ignem accende. Amen.*

**B** Non arbitror futurum molestum beatissimo vestro cœtui, Patres reverendissimi, militantis Ecclesiæ fulgentissimæ columnæ, ac hodie spes unica salutis mundi, si vobiscum de meo more scholasticè eloquar, ac dicenda breviori perstringam ordine, ea quoque quæ mihi considerata occurri, in electione pontificis maximi thematis prosecutione expediam. Erit igitur oratio nostra tripartita. Prima pars de ipso INNOCENTIO demortuo, secunda de illius pontificatu vacante, ultima quæ moralior & aprior erit, de illius clarissima sponsa Romana & universali Ecclesia restauranda, & horum trium nomine trifariam thematis verba claudemus, *Ne lateris inimica mea super me; si cecidi, consurgam.*

**C** In primo conqueritur forsitan quispiam Innocentianus, quod absumsetit mors inimica benefactorem suum, quod clementissimum & indulgentissimum dominum, ac verè humanissimum & pientissimum patrem sæculo eripuit. Lego hinc oculis complures, qui etiam lacrymas cohibere nequeunt, memores dulcissimæ conversationis suæ. Ego quoque illius beneficio plus meis meritis delinitus, nisi ratione in aliud traherem, crudelem illius mortem incusarem, & graviter lugendam censerem. Verum enim vero Christianis molestè admodum lugere mortuos non licet: nam & apud gentes Liciorum feruntur esse præcepta, Ambrosio teste, quæ viros

Vuuuu

jubeant mulierum vestes induere, si mœrori indulgeant, quod mollem & effeminatum judicaverint in viro luctum, fuisse etiam ejusdem testimonio feruntur populi gentium, qui ortus hominum lugerent, obitusque celebrarent. Nec imprudenter quidem. Eos enim qui in hoc vitæ salum venissent mœrendos putabant: eos vero qui ex istius mundi procellis & fluctibus emerissent, non injusto gaudio prosequendos arbitrabantur. Et si hæc apud gentes constantia, in quibus fuit carnis imperium, non spiritus; apud illuminatos & spirituales christianorum animos multo esse debet uberior; atque inde nos natales dies defunctorum obliviscimur, & eum quo obierunt diem celebri solemnitate quot annis renovamus. Mors igitur christianorum corda non frangat, primum quia communis est & cunctis debita, & hac lege naturam ex contrariis mixtam induimus, ut illam exuamus quotiens placuerit auctori naturæ. Unde & juxta Apostoli verbum, statutum est hominibus semel mori, in quo & Dei Filio in humanis non est indultum; nempe si non pateretur, senio defecisset, prout nostri seniores scribunt. Quid igitur absurdius, quam ut id quod scias omnibus esse præscriptum, quasi speciale deploras. Hoc est enim supra conditionem extollere, legem non recipere, commune naturæ consortium devitare. Deinde & mors gravius deflenda non est, quoniam sæculi hujus nos absolvit ærumnis. Nulla nempe vera potest esse jocunditas inter tot vitæ nostræ amaritudines, quæ velut ex ipsius corporis infirmitate, quasi certa ac necessaria officina generantur. Quid enim in hac vita non experimur adversi? quas non procellas tempestatemque perpetimur? quibus non agitur incommotis? & quibus parcitur meritis? Lege patriarchas, animo volve prophetas, considera Dei sanctos & amicos, omnis eorum vita, labor, anxietas, langor, ærumna, militia. Unde & sapiens Salomon apud Ecclesiasten ait, *Laudavi ego magis mortuos, quam viventes*. Inde & sanctissimus Job perire voluit diem nativitatis suæ, quasi malorum omnium initium. Generationis quidem diem perire voluit, ut resurrectionis diem acciperet. Juxta quod & Paulus *Cupio dissolvi & esse cum Christo*. Et alibi: *Mihi vivere Christus est & mori lucrum*. Mors igitur tamquam ærumnarum omnium laborumque perfugium, fida securitatis statio, quietis portus, amarè christianis deflenda non est. Et rursus somno quietem nanciscimur, laboresque vitamus, ac nemo amici somnum gravius lugendum censeret. Mortem verò christianus somnum deputat. Unde & magister Christus de Lazaro quatruiduano, *Lazarus amicus noster dormit, venite à somno excitemus eum*. Et Ecclesia cum meminit defunctorum ait, *qui nos præcesserunt cum signo fidei & dormiant in somno pacis*. Postremo non est christiani officium frangi mœrore ex morte carorum, cum eos sciat non prorsus demori, quin immo pretiosam esse in conspectu Domini sanctorum mortem, qua esse beatificum, & vivere consequitur æternum, ac expeditis vinculis carnis quæ aggravant animam, jubat splendidif-

simum quod oculus non vidit, nec auris audivit, meritis superioris vitæ contingunt. Et præterea revivenda corporis expectatio christianis demortuis non adimitur. Quo fit ut minus contrisari habeant carorum excessu, cujus rei & Paulus meminit ad Thessalonicenses scribens: *Nolumus vos ignorare, fratres, de dormientibus, ut non contristemini, sicut & ceteri qui spem, videlicet resurrectionis non habent, & reliqua*. Unde claret profundius consternatos animo christianorum interitu spe resurrectionis carere, aut christiani consolatione & fructu privari. Plangat igitur Christianus carum perperam morientem, quoniam utrobique demoritur. Verum ubi beata est mors, ubi in Domino dormitio, cum bona videlicet recognitione conditoris, criminum fletu, sacramentorum participatione, feratur æquo animo talis exitus.

De INNOCENTII autem excessu nuper dignissime Concordiensis antistes sapientissimus atque ornatissimus Orator plura disseruit, & uti pax concordie convenit, ita Pacensis Concordiensis conveniet præfili in hac re sapienter, quæ universæ ecclesiæ est notissima. INNOCENTIUS igitur sanctissimæ & recolendæ memoriæ VIII. pontifex universo pontificatu suo clementiam, pietatem, humilitatem, humanitatem, & affabilitatem servavit egregie. Justitiam custodivit præ ceteris, pacem & abundantiam verbis nutrit & auxit, compluraque alia præclara egit, quæ enumerari longum esset, inter quæ hæreticos Hispaniæ & Valdenses Galliæ exterminio dedit, ac Granatensi bello ad ultimam usque victoriam auctoritate, consilio, & auxilio christianissimi Hispaniæ regi & reginæ semper astitit. Tandem octavo sui pontificatus anno longo ac diutino morbo laborans, ad certam suæ mortis notitiam Dei singulari munere devenit. Flevit antea vitam, credidit Creatori, viaticum & alia salutis sacramenta devotè suscepit, unde merito juxta verba thematis increpitat morti, confusus de Dei misericordia & auxilio, *Ne lateris, mors inimica super me*, ne jacteris quod cecidi: nempe si cecidi, si ruinam per mortem & somnum corporis passus sum, consurgam denuo & vita beata & resurrectionis gloria. Et vero, Patres, christianissimus hic exitus INNOCENTII singulari nos implet spe futuræ bonæ electionis. Voluit nempe Deus & PAULUM II. & SIXTUM IV. felicitis recordationis pontifices maximos prædecessores suos quasi repentina morte de medio tollere; INNOCENTIUS vero, quantum ex parte Dei fuit, magno illius beneficio longè aliter ad patres suos adgregatus est. Cui sanctissimo fini beatissimum quoque initium futuræ creationis adjungeret in Ecclesia sua divina clementia, quæ in necessariis non deficit, & in se sperantes consolatur. Quare vale ultimum Innocentio dicentes, & ei beatam requiem deprecantes, ad aliam orationis partem transeamus. ubi de illius summo pontificatu verba thematis explicaturi sumus, ac si pontificatus ejus summus & maximus per excessum Innocentii vacans ex seipso hodie innuebat morti dicens: *Ne lateris inimica mea super me, Si cecidi consurgam*. Pro

Innocentius  
VIII. elegium.

cujus introductione duplex erit problema. Primum utrum plenitudo potestatis clavium à Christo collata Petro par confurgat in successore. Secundum utrum ista plenitudo potestatis maneat in Ecclesia vel collegio sede vacante.

Duo hæc disposueram copiosius expedire, verum ut videre videor, & temporis brevitatis & major Ecclesiæ occupatio, ac æstus immensa vis non permittunt explicare concepta: quare summam duo verba faciam. Quod B. Petrum Christus constituerit caput & principem apostolorum, universarum animarum pastorem, immediatum vicarium suum, ac eidem concesserit plenitudinem potestatis clavium, & apostolicæ dignitatis primatum nemo ambigit qui christianè sentit. Hoc enim omnis historia evangelica, apostolica & conciliaris habet exploratissimum. Nempe Petrus est cui Dominus dixit, *Tu vocaberis Cephas*, quod Isidorus interpretatur caput. Fuit enim caput & os apostolorum, vertexque collegii, dicente Chrysostomo: Hinc Dominus singulariter dicit, *Tibi dabo claves regni celorum*, hinc rogavi pro te ut non deficiat fides tua, & tu aliquando conversus confirma fratres tuos, quod est officium pastoris & principis, inquit Chrysostomus. Eidem Dominus ascensurus ad cœlos provisorius Ecclesiæ de universali rectore, in aliorum apostolorum præsentia reliquos pertransiens juxta verba Chrysostomi, ter Ecclesiam pascendam & gubernandam commendavit, dicens antonomastice primo pastori, *Pasce agnos meos, pasce oves meas*, hoc est mei loco præpositus esto & caput fratrum tuorum, inquit Chrysostomus. Huic eodem loco Dominus dixit, *Sequere me*, quod non tantum de genere martyrii, in quo Petrus præ ceteris successit Christo, Theophilus, Chrysostomus & Bernardus interpretantur. Et in solutione didragmæ quam Dominus pro se & Petro fieri jussit, & quæ solum erat capitis census, ostendit jam Dominus Petrum caput esse, vel post suam resurrectionem futurum esse apostolorum, juxta Augustini sententiam. Idem in lotionem pedum, cum ad Petrum veluti caput primum Dominus primus venerit: quod etiam inde Cyrillus argumentatus est, ipse solus pro collegio interrogare & respondere solitus more promotoris, & ducis Origenes inquit. Post ascensionem quoque Domini universa apostolica historia plena est, quod in conciliis & congregationibus apostolorum ipsis astantibus Petrus fuerit primus loquens, primus docens, primus definiens. Patet in electione S. Mathiæ apostoli, in confutatione irrisu Judæorum de dono linguarum in apostolis, in disputatione cum Judæis, in sententia contra Ananiam & Saphiram, in repulsione Simonis magi, in aggregatione gentium ad fidem quæ sub Cornelio coepit, in definitione cessationis legalium, quibus & aliis plurimis universa actuum apostolicorum scriptura respersa est. Hæc autem Petrus beatissimus Spiritu sancto plenus, præcipuus humilitatis cultor minime attentasset, inquit Didymus, nisi ea ex officio sibi incumbere cognovisset, & se ceteris prælatum fore institutione divina mi-

*Theſauri Anecd. Tom. II.*

nime dubitasset. Inde & Cyrillus diviniſſimus doctor Alexandrinus patriarcha in libro Theſaurorum ait: quod apostoli in suis evangeliiſ & epistolis & in omni doctrina affirmarunt, Petrum esse loco Domini in ejus Ecclesia, dantes ei primum locum in omni concilio & ſynagoga, in omni electione & confirmatione. Primatum quoque Petri & pro eo Romanæ Ecclesiæ duo illa prima œcumenica concilia de quatuor principalibus, quæ Gregorius uti quatuor evangelia venerari proſitetur, definierunt, Conſtantinopolitana videlicet & Chalcedonenſis ſynodus, & ordinariſſime quidem Deus Ecclesiæ ſuæ unicum P. & univerſalem pastorem præfecit, ad quem rerum omnium ſumma deferretur, ne deſtitueretur ecclesia gubernatione unius, quam regnum aut monarchiam vocant, quàmque omnis humana & divina ſapientia ceteris prælationibus anteponit. Tollit enim confuſionem, auget reverentiam, exequitur deliberationem, quæ ſunt potiora optimi principatus. Hinc ſapientiſſimus Ariſtoteles, Entia nolunt malè diſponi, nec eſt bona pluralitas principatuum, unus ergo princeps. Inde vetus illa mater ſynagoga, quæ noſtram figurabat Eccleſiam, unicum habuit pontificem ſummum, & cæleſtis Jeruſalem, quam noſtra quoque in terris militans præfiguratur, unico rectore gaudet. Media igitur noſtra paſtori unico convenientiſſime commendatur. Quod vero in eodem primatu & plenitudine potestatis aliquis ſuccedere debeat Petro in Ecclesia, ex eo evidentiſſime conſtat, quod Chriſtus inſtituit Eccleſiam uſque in finem ſæculi duraturam Matthæi ultimo. Non durat autem Eccleſia abſque capite. Caput autem ex ſuperinductis eſt apoſtolicus thronus & primatus. Hic igitur duraturus eſt uſque in ſæculi finem. Verum Petrus feliciffimo martyrio nobis aſſumptus eſt. Conſurgit ergo apoſtolicus primatus in ſucceſſore Petri Romano pontifice, in eadem potestatis & juriſdictionis plenitudine, quæ in Petro præfuit: nec enim alias eſſet primatus apoſtolicus, nec alias ſtaret Eccleſia, nec portas inferi ſuperaret, ſi nullus in plenitudine potestatis Petro ſuccederet. Hinc habet canon concilii Conſtantinopolitani primi, *Veneramur ſecundum ſcripturas & canonum definitiones ſanctiſſimum antiquæ Romæ epiſcopum primum eſſe & maximum epiſcoporum*. Et in canone concilii Chalcedonenſis ſcribitur: *Si quis epiſcopus prædicatur infamis, liberam habet licentiam appellandi ad beatiſſimum epiſcopum antiquæ Romæ, quem habemus Petrum, petram reſugium, & omnia definita ab eo teneantur tamquam à vicario apoſtolicæ throni*. Et in eodem concilio Chalcedonenſi legitur, quod tanta Synodus Leoni papæ primò acclamaverit, dicens: *Leo ſanctiſſimus apoſtolicus & œcumenicus*, id eſt univerſalis, patriarcha per multos annos vivat. Juxta quod Johannes xxii. in quadam extravaganti hæreticum damnavit Marſilium de Padua, & Conſtantiens ſynodus Johannem Huſ, quod aſſeruerint non eſſe de neceſſitate ſalutis obedire Romano pontifici.

In altero dubio utrum iſte ſummus pontificatus, aut hæc plenitudo potestatis maneat in

V u u u ij



Ecclesia vel in collegio sede vacante solitum est per sapientes distingui. Aut enim hic pontificatus appellat auctoritatem ipsam & summam jurisdictionem in fonte, & sic non perit, decedente pontifice. Manet enim in Christo primo pastore, qui resurgens ex mortuis jam non moritur, quique eam potestatem Petro & ejus successoribus immediate legavit. Aut hic pontificatus materialiter acceptus notat facultatem eligendi & determinandi personam quæ summo pontificatu fungatur, & in ea acceptione manet immediate in collegio cardinalium, mediate autem in Ecclesia universali, quæ tamen facultas ex auctoritate pontificum senatui cardinalium accessit. Aut summus pontificatus in propria acceptione notat Christi vicariatam, & executionem sive administrationem illius summæ jurisdictionis, & plenitudinem potestatis clavium. Sic enim cessat morte pontificis. In Ecclesia nempe non manet, nec in collegio, cui nulla talis plenissima administratio competit, nisi quantum sibi statuto prædecessoris conceditur. Nec rursus in Christo, qui de lege communi post ascensionem non est exsecutus hujusmodi potestatem in Ecclesia, nisi summo pontifice mediante. Cessat igitur, vacat, perit hujusmodi pontificatus, hoc est exsecutio & administratio plenissima potestatis clavium perempto pontifice, nec usque ad alterius suffectionem consurgit. Quare grave est in Ecclesia periculum differri summi pontificis electionem. Caret enim interim perfectissimo illo munere executionis & administrationis plenissimæ potestatis clavium. Hic igitur summus INNOCENTII pontificatus illius quodammodo morte demortuus, confusus de sua optima & celeri resurrectione, actione quidem vestra, Patres, quoad personæ determinationem, Christi vero actione, quoad continuationem & executionem illius summæ potestatis à Christo Petro & successoribus traditæ. Increpitat morti, *ne lateris inimica mea super me*, ne gratuleris quod cecidi, quod Innocentii transitu executionem plenitudinis clavium intermisi: nempe nec sic diu detinebis purgandos, nec alias spirituales gratias inimica mors diu differes. Non speres ea ratione portas tuas posse contra Ecclesiam prævalere, brevi enim consurgam in optimo novo ac dignissimo deligendo pastore. Et de secunda parte satis.

Sed jam ultimo revocat nos carissima INNOCENTII sponsa Romana & universalis Ecclesia, quæ verba thematis pro sua restauratione non corporali sed spiritali morte desiderat posse dicere. Hic autem adeste, Patres, æquo animo, hæc nempe portio hodiernæ orationis prior est. Verum sustinete obsecro, si paucula ligna in plenissimam vestram deduxero silvam, & modicam aquæ guttam in vestrum oceanum effudero. Par enim fuerit quod insipiens ego sapientissimum cœtum vestrum de his quæ ad se spectant admoneam. Verum quoniam ea mihi provincia à vobis demandata est, prosequar iter cœptum oportet. Indulgendum tamen mihi magis expostulo si familiarius aut liberius quæ

A sentio eloquar. Nempe conscendi hunc locum ut mederer Ecclesiæ, non blandirer, & caris ad interitum properantibus vera omnia aperienda sunt. Et quis hæc aperit, nisi ceteris carior & notior? Ego vero vester vernaculus, Patres, vester cliens, vestrarum opus manuum. Aperiam igitur censum nostrum, ruinam nostram, interitum nostrum, si quomodo vel ex cognito relevemur interitu. Cecidit, cecidit quæ stare solebat majestas illa & gloria Romanæ Ecclesiæ, immutatus est color vultus ejus, obtexit caligine Dominus filiam Syon, projecit de cælo in terram inclytam Israel. Egressus est à filia Syon omnis decor ejus, & quæ vere olim magistra fuit disciplinæ, virtutum schola, locuples sanctis & doctis, proh dolor! his omnibus in majori parte vacua, universorum civium amaritudine repleta est. Et quod Johan. partitur omne mundanum crimen triplici capite, concupiscentia carnis, concupiscentia oculorum, superbia vitæ, nonne id omne nos quatit, Patres? utinam quateret modo, utinam pulsaret tantum, & non jam irruisset, quin immo rupisset & violasset claustra pudoris & integritatis Romanæ! Famosam peccatricem qui ambigit urbem Romam, de qua & utinam Deus sicut ab illa Evangelica septem ejiciat dæmonia, quorum servit multitudini. Bone Deus! quanta istic criminum alluvio! Horret tamen animus dicere, quando meminit sedem Petri. Sed numquid nos blandiendo silebimus quod in plateis malefactis nostris publicavimus? Quid enim apud nos non sibi vendicat luxus? quem locum superbia non implet? cui parcit avaritia? quem non subjecit auri sacra fames? Quid sibi ulterius descendam? Jubeat tamen hic & Plato quiescere. Fumabunt nempe vitiorum stercora, & sola ipsa enarratio templum hoc sacratissimum polluet. Consulto præteream Urbis & curiæ nostræ excessus, ac deformia membratim distinguere, ne parentis videar pudenda revelare. Sed dicet mihi quispiam: Jam hæc præcesserunt in sæculis quæ fuerunt ante nos. Præcesserunt quidem, non inficior, in Ecclesia Romana crimina. Nam & septies in die cadit justus, verum non paria, verum non ita crebra, verum non ita publica, verum non sic impunita, adde verum non sic præmiata, adjuuge rursus verum non sic capitalia, hoc est capita ferentia, & capitis salus membris etiam infectis tunc salubriter influebat. Unde sit, Patres, ut tempestate nostra majora vulnera patiamur. Hæc nos exponunt inobedientiæ subditorum, hæc contemptui populorum & principum, hæc irrisioni & prædæ Turcorum; dum enim libidinibus, ambitionibus, & cupiditatibus nostris vacamus, majestas perit ecclesiastici throni, & vigilantia curæ pastoralis eliditur. Concidit igitur magna ex parte Ecclesiæ Romanæ majestas, libertas, auctoritas. Gloriæ & misericordiæ Domini est quod non profundius cecidit: immo quod juxta Hieremiæ verbum consumti non sumus. Universa hæc mala unde procedunt, Patres? à capite, inquam. Infirmi nempe capitis omne membrum languet. Quando speculator cæcus, quando exemplar corrup-

tum, quando caput morbidum, perperam inde venire omnia necesse est. Sed caput orbis à quo nobis erigitur? à senatu nempe vestro. Indulgete, obsecro. Vos igitur estis in causa aut universæ salutis, aut universæ ruinæ totius orbis. Advertite quale vobis hodie onus incumbat. Datur vobis optio, aut summi meriti, si bonum; aut summi demeriti, si malum elegeritis pastorem. Nullum quippe in universitate criminum huic par est, quo malus deligitur orbis rector. Veniunt nempe omnia mala, omnia crimina pariter cum illo. Quorum enim iniquus elector in culpa est, quidquid enim successor pontifex, si, quod absit, rectus non est, exorbitantiæ, crudelitatis, scandali, iniquitatisve commiserit, hoc omne scelus ad malos electores defertur. Redderis illius rationem in examine districti iudicis. Cogitate vos morituros, Patres, & brevi quidem: quotidie nempe morimur, attendite quid profuerunt huiusmodi cogitatus & somnia Paulo, Sixto, Innocentio, quorum recens est memoria; quid collegis vestris, quos omnes absumsit mors, ut nunc esculenta vermibus præbeant. Intendite gregi dominico, in cuius sollicitudinis potiore partem vocati estis. Quod si vos æterna non movent, quæ etiam moverent ferreos, & velut magnes attraherent. Consulite saltem conservationi temporalis dignitatis vestræ, cuius vel maxima summa est in electione Romani pontificis. Attendite rursum, Patres, attendite, & mihi, vera dicam, dicam equidem, indulgete: Non habuit semper vestra dignitas, quamvis in Ecclesia excellentissima omnimodam electionem Romani pontificis. Fuit aliquando imperatoribus credita, quod & jure constat. Adriani pontificis tempore. Aliquando cœtui vestro simul cum clero & Romano populo juxta ordinationem Nicolai secundi, deinde propter scindenda schismata & saniolem ac breviorlem electionem ad senatum vestrum & merito quidem unice delata est. Non interfluere tamen multa tempora, quando universalis Ecclesia hoc tantisper immutavit. Quia enim variæ electiones à dominis cardinalibus celebratæ apud universam Ecclesiam de ambitione simulatæ & avaritia graviter suspectæ fuerant; ordinavit Ecclesia in Constantiensis synodo, quod præcise in electione MARTINI V. viginti alii electores, oratores principum & prælati ex parte nationum deputati senatui cardinalium adjungerentur: inter quos & Jo. tunc mæx Pacensis ecclesiæ antistes pro parte nationis Hispanicæ annumeratus est. Non tamen hæc eveniant, Patres, non digna sunt ut aliquid immutetur de solita & convenientissima Ecclesiæ ordinatione, qua electio capitis orbis ad cardinales Urbis unice ac meritissime defertur. Verum non sit in vobis abusus muneris. Nempe si, quod absit, crebræ essent & assiduæ in vos simultates, ambitiones, factiones, in electione vicarii JESU-CHRISTI, & non pro utilitate publica, sed privata sponsum Ecclesiæ institueretis, cogitabit Ecclesia, cogitabunt principes, ne is error cunctis fidelibus & universo orbi in perniciem sit. Considerare debetis, Patres, quam artificio vinculo Ecclesiæ

A Romanæ teneamini, quæ vos carissimè fovet in sinu pectoris sui cum summa gloria & summa venerationis gratia. Rependite illi vicem, respondete in actione, occurrите labenti ac fluctuanti Petri naviculæ, quæ etiam non modo jam magnis operitur fluctibus, verum carybde & scylla importunis periculis involvitur. Præficate illi ductorem qui merito dicatur & sit vicarius Christi, successor Petri, universalis Ecclesiæ sponsus, director & pastor. Verum dicet aliquis: Satis mihi est, si bonum deligam, cui nihil obsistat canonicum. Longe ego aliter in hac summa electione sentio. Nempe non est mihi tutus quoad Deum, quamvis in contentione nihil timeat. Quæ cum agitur de summo eligendo pastore, relicto meliore, saltem in collegio bonum deligit. Inde Hieronymus: *Sciant omnes quod qui doctior, qui sanctior, qui omni virtute eminentior, is ad summum sacerdotium eligendus est.* Nempe si in ceterorum episcoporum electionibus attendenda sunt & pro possibili servanda illa capitula apostolicæ regulæ ad Timotheum, oportet episcopum irreprehensibilem esse, unius uxoris virum, sobrium, ornatum, prudentem, pudicum, hospitalem, doctorem, non violentum, non percussorem, sed modestum, non litigiosum, non cupidum, sed domui bene præpositum, & alia reliqua; quanto uberius in electione episcopi episcoporum, & universalis pastoris animarum hæc discutienda sunt? Inde Symmachus papa beatissimus ait, Vilissimus reputandus est cum non excedit sanctitate & scientia qui est honore præstantior. Et Bernardus de Consideratione ad Eugenium III. Monstruosa res est gradus summus & animus infimus; sedes prima & vita ima. Si ergo, Patres, ad summum pontificatum semper & omni tempore melior assumendus fuit; quanto magis tempestate nostra, quando propter ruinam auctoritatis, libertatis & reformationis Ecclesiæ difficilior est illi regiminis via: adeo ut non modo videatur indigere hodie pontifice successore Petri in plenitudine potestatis clavium, verum & in plenitudine gratiæ miraculorum, cum fere miraculo adscribi debeat ex tanta ruina, ac fere ex stercore Ecclesiam erigere. In tanta ergo calamitate & necessitate, ac servitute Ecclesiæ plurimum oportebat inter alia capitula apostolicæ regulæ hodie cogitare, Patres, de quinto capitulo *prudentem*, de viro aliquo videlicet prudenti, provido, circumsperto sufficiens pastore. Prudentia omnia fere bona sub se continere videtur, & maxima Ecclesiæ ruina ex ignavia & modica circumspectione pontificum pullulavit. Deligatur igitur à vobis prudentior quispiam, qui contra huic languori medeatur, restituat cum prudentia jura, privilegia & libertatem Ecclesiæ; principes & populos in bona obedientia continebit. Prudentia enim sine scandalo reformabit domum suam, Romanam curiam, & inde facile omnem Ecclesiam, quam etiam in pace & cum prudentia generaliter congregabit, vel in Laterano saltem, cum ea vel sola sit relicta medicina auctoritatis & libertatis & reformationis ecclesiasticæ restaurandæ, & Mahumeticæ expugnandæ


perfidia, per viam scilicet unius prudentis & pacifici generalis christianorum conventus rescindet, quantum par fuerit, exactiones novas, & servitutes curia, fideles & prudentes servos super familiam Domini constituet, fideles, inquam, ne fraudent; prudentes, ne fraudentur. Profligabit cum prudentia Turcos infestissimos hostes à fidelium terminis, qui quotidie imminet dorso nostro, ac membratim christiana dominia conscindunt. O mirabilem & exitialem somnum ac ignaviam Romanorum pontificum christianorum principum! Expergiscimini, expergiscimini. Jam prope est hostis, est in januis, & nos somno vinoque sepelimur. Non curamus cum ad nos hodie non devenerit hostis, quod ad Pannoniam vel christicolas alios descenderit. Omnibus tamen debet Romana Ecclesia, Patres, omnium est universalis parens, curam & sollicitudinem universi gregis dominici à Christo Domino suscepit, & vicissitudinem plagarum expectemus, verius timeamus ab hoste, qui ita assuevit, nunc hos, nunc illos percutere. Confurgite, christiani Principes, vigilate omnes, devitate securim, quæ ad radicem vestram, verius ad cervicem sæpius apponitur. Si vellet bonus pontifex, quod utique summe velle debet, animare christianos principes in exterminium istius feræ pessimæ, quæ universam depascitur Ecclesiam; non ambigo, quin bene suæ menti occurreret Deus, zelus christianorum non deerit, juvabitur expeditio ex Zenzemnio nobiscum agenti, qui vires fratris sui tyranni Turcorum schismate minuet. Nempe si solum, Patres, ut nostra tueamur, exercitum comparemus, dietim exspurcissimus hostis nostra corrodet dominia, nec existimo divino carere mysterio quod hoc tempore hostis exercitum in christianos dimiserit, ut vobis, Patres, Innocentio demortuo magis ac magis necesse sit cogitare de optimo pastore, & dignissimo defensore christiani cœtus deligendo.

Verum si hæc omnia quæ sunt maxima & potissima missa faceremus, solum vestri gratia meliorem & prudentiorem eligere deberetis. Is enim solus poterit restituere vobis, libertatem, auctoritatem, existimationem, reputationem, gloriam deperditam. Et præterea numquam respondet gratitudine & amore qui bonus non est, nec fundamentum aliquod stabile amicitia & dilectionis teneri potest ubi virtus abest. Date igitur, Patres, pastorem, cui & vos merito subjiciamini, & terrarum principes cum Valentiniano dicant, talem in pontificali constituite sede, cui & nos qui gubernamus imperium sincere nostra capira submittamus, & ejus monita, dum tamquam homines delinquimus, velut curantis medicamina suscipiamus. Est enim merito Romanus pontifex, juxta Bernardum de Consideratione ad Eugenium, sacerdos magnus, pontifex summus, princeps episcoporum, hæres apostolorum, primatu Abel, gubernatu Noë, patriarchatu Abraham, ordine Melchisedech, dignitate Aaron, auctoritate Moyses, judicatu Samuel, potestate Petrus, unctione Christus. Attendite igitur patres accessuri ad tantum my-

sterium, tantum sacramentum, ad tam summam electionem. Circumcidite preputium cordium vestrorum, hoc est ambitionem, rancorem, æmulationem, ac similitatem omnem deponite. Spoliare veterem hominem cum omnibus actibus & tractatibus suis. Reddite hanc vicem Deo & Ecclesiae, quæ apud vos hoc electionis munus deposuit. Nec vacare divino arbitror mysterio, quod prima dies istius veræ electionis in celebritate dominicæ transfigurationis incœperit. Nempe solemnitates Ecclesiae imitationes sunt earum rerum, quas Ecclesia celebrat, Augustino dicente, solemnitates martyrum exhortationes sunt mysteriorum, ut imitari non pigeat, quod celebrare delectat. Eia igitur, transformamini, transfiguramini, Patres, in viros alios, transformate Ecclesiam columnæ Ecclesiae in splendorem alium, ita ut resplendeat facies ejus sicut sol, & vestimenta ejus albescant sicut nix. Per faciem autem quid nisi caput & sponsum Ecclesiae intelligam, per vestimenta quid nisi illius membra concipiam? Constituite ergo, Patres, in novo Ecclesiae sponso deligendo tria illa tabernacula, quæ Petrus in excessu mentis constitutus fieri petebat, Christo videlicet, Moyse & Elia. Tabernaculum Christi ut fidelis & catholicus sit futurus pontifex & Christi imitator cujus vicarius. Moysi, ut legislator optimus & mansuetissimus sit super terram. Helia, ut divini amoris zelator & Ecclesiae reformationis & gloriæ æmulator vehementissimus sit. Confidite, sperate, Patres, in Christo Domino: illuminabit vos, juvabit vos, si recte in bonum tenderitis. Magna nempe est sibi de Ecclesia cura, unde Chrysostomus ait dignissime in quadam homelia: propter Ecclesiam cælum extensum est, aer sparsus est, mare diffusum est, terra fundata est, paradysus plantatus est, mirabilia magna facta sunt. Propter Ecclesiam mare dividebatur, & iterum suebatur. Propter Ecclesiam prophetæ, propter Ecclesiam apostoli, propter Ecclesiam unigenitus Dei filius factus est homo. Ipse illam fundavit, qui angelos & cælum creavit. Propter cælum crucifixus non est, propter cælum cæleste corpus non accepit, nec naturam cælorum assumpsit, ut discas quoniam cælo angelus & omni creatura honorabilior est Ecclesia. Hæc Chrysostomus. Cui igitur tanta est de Ecclesia cura; non erit de capite & sponso ecclesiae? Erit profecto summa & maxima. Illuminatio quippe, motio, & inspiratio divina in electione capitis Ecclesiae major quam in ceteris futura est, nisi nos obicem divinæ motioni apposuerimus, quod nostris quandoque demeremur criminibus, juxta quod scriptum est, regnaverunt & non ex me, & qui regnare facit hypocritam propter peccata populi. Hoc tamen vestro ministerio & divina clementia in tanta Ecclesiae necessitate non expectamus, Patres, utinam verba nostra, quæ non nostra sed Dei sunt, eo suscipiantur animo, quo dicuntur. Vobis ergo, Patres, sit bona mens, non deerit divina illuminatio, concordia & inspiratio. Nobis omnibus inde erit optima spes, erit vobis auxilio his diebus universa Ecclesia oratione continua, & ad Christum, de cujus vicario

agitur; & ad Petrum, de cujus successore. Dabit nobis pastorem qui reformabit & eriget collapsam Ecclesiam, sub quo ad spirituales audeat dicere, *Ne lateris inimica mea super me,*

nempe *si cecidi*, *ignavia*, *infamia*, *crimine*; ab his omnibus sub Optimo pastore *consurgam* quem nobis concedat Christus Dominus in sæcula benedictus. Amen.



# CHRISTOPHORI MARCELLI ELECTI CORCIRENSIS ORATIO

AD LEONEM DECIMUM PONTIFICEM MAXIMUM.  
DE SUMENDA IN TURCAS PROVINCIA.

*Ex ms. S. Vincentii Canonamensis.*

**Q**uod erat optandum maximè, Pater sancte, & quod unum ad christianæ reipublicæ salutem, Romanique imperii dignitatem pertinebat, id non humano consilio, sed divinitus donatum, ac oblatum his temporibus esse videtur. Quibus te in excelsa hac pontificatus sede collocatum tamquam Deum alterum veneramus. Quippe quoniam partim discordia, ac ignavia principum, partim atrocissimorum hostium impietate ferè prorsus sit collapsa religio, ducem alium Deus optimus instituere non poterat, neque nos desiderare pontificem, qui melius aut sanctius, citius aut integrius eam erigeret, augeret, confirmaret, quam tu cui tam felicibus auspiciis in florentissima ætate, quod nullis aut paucis contigit, datum est sacratissimi hujus imperii habenas regere, omniumque principum virtutem ac felicitatem facile superare. Si enim perturbationem, qua pontificia prius dignitas agitabatur, quodque illi ex fidelium & armis periculum imminabat, respicimus, non aliunde profecto putandum est te tamquam unicuique felicitatis jugum nobis apparuisse, neque alia ex causa effrenes, ac immoderatos eorum animos tibi conciliaisse, quam quod Dii immortales ita ex proposito voluerunt, ut pacatis fidelium animis, communi utilitati, ac reipublicæ saluti consuleretur, atque ideo adversus impias Turcarum gentes, quandoque manus nostras dirigere, vires & arma tamdiu infausto cruore madentia experiri auderemus. Sperat, immo inflammata est universa Christi religio ad tam pulchrum, tamque necessarium expediendum opus, quod tantopere commendatur assidue, sed numquam potuit inchoari. Expectata venit (si libeat) jam illa dies, quæ te felicis-

simæ hujus provinciæ auctorem habere potest, statutum tempus habetur, quo si volueris immanissimas Turcarum feras facile superabis. Si enim potentissimum ac felicissimam victoriam potitum regem, cui armis jam coactus es cedere, & quem ad imponendam tuæ ditioni manum fortuna impellere videbatur, sola auctoritate continere, ac inflectere potuisti, quid quando auctoritati jungentur arma, & adversus truculentissimos Dei hostes dimicandi data erit occasio? eo tempore de totius reipublicæ salute non agebatur, neque adversus impios acies erant instructæ, aut validissimæ Elvetiorum phalanges, ac modo (si dabitur) & pro universa religione provinciam sumes, & impiissimis te objicies hostibus. Id voluit divini numinis auctoritas, non tuis armis efficere, ut & in tui benevolentiam christianum regem facilius concitares, & majorem quamdam tibi inesse facultatem rex ipse cognosceret, cui nulla armorum vis, nullus gentium apparatus, nullum robur legitime valeat comparari, si victus itaque victorem exsuperas, si ad exorandam pacem tuosque sanctissimos exosculandos pedes supplicem reddis, quid in nequissimum tyrannum fieri posse putas? Si quandoque bellum illi, & quam justissimum inferas, subque sanctissimo Christi vexillo ultionis fidelium arma commoveas? Certe id ipsum palam fecit, antequam hunc dignitatis attingeres apicem, divina virtus, cum pro ecclesia in castris legatam agens victus caperis, è manibus hostium nulla vi mortalium liberaris, redderis patriæ, immo ipsa tibi redditur patria, ac demum præter omnium, & tui etiam ipsius expectationem, quod à Diis immortalibus numquam ausus fuisses expetere assequeris, in christi-

stianæ reipublicæ principem omnium votis eligis. Sunt hæc præludia, ac manifestissima tuæ felicitatis indicia. Quæ profectò cum nulli ex pontificibus contingere visa vel audita sint umquam, neque major principi gloria debeat, quam quæ ex communium hostium debellatone confurgit, hæc tibi à cælo ipso provincia demandata esse videtur. Id nobis tua virtus, summaque sapientia pollicetur, ac ingens animi magnitudo, qua pro viribus semper meliora prosequeris, obliqua dirigis, & quæ ad reipublicæ dignitatem faciunt fieri majora procuras. Nullus est qui velut rei hujus ardentissimo desiderio detinetur; ita etiam id fieri non posse putet, ut tuis auspiciis omnia ad vota, & facile deducantur. Sciunt omnes te ex tuo munere & christianæ pietatis amantissimum, & Romani amplificandi imperii cupidum fuisse, & jure optimo debuisse. Considerant quanta sit tua apud christianos reges auctoritas, fides, potestas, atque ita ex fide auctoritatem, ex auctoritate virtutem conjiciunt, ut in certissimæ victoriæ spem maximam erecti diem illam non videant, quæ compositis fidelium animis explicentur sacratissima crucis vexilla, ut tam diri hostes nostra quoque arma pungerent intelligant, debitasque luant tantorum scelerum pœnas, quorum impietas quanta sit, quam sceleratissima vitæ consuetudo, sævitia, & præcipue in christianum nomen odium, furor, immanitas, nemo est qui possit æquis verbis exprimere. Gens crudelis ab origine, & impia ferarum more non inter homines educata virtutem omnem abjicit, omne scelus admittit, justitiam violat, furori cedit, libidini indulget, rapinæ, cædibus, proditori vacat sine certis legibus, sine certo Deorum cultu, summum bonum in voluptate, ac humani generis dissipatione constituit. Nulla ei amicitia, aut affinitatis est ratio, non fratribus, aut parentibus, neque (quod ferè incredibile) liberis parcit, qui solent esse carissima vitæ pignora, non dominandi gratia, sed immanissimam puto sitim explendi, quod semper humanum genus ex prava consuetudine consecratur.

Quippe cujus progenitores Scythas fuisse compertum est, qui asperrimos ad mare Caspium adjacentes montes inhabitant, quos & humanis carnibus vesci, & volutari cruore, testis est Aristoteles.

Quomodo enim justī, aut cujuscūque legis cultores appellandi sunt hi, qui in minimis dumtaxat vix quamdam justitiæ umbram sequuntur, in maximis nihil observant? Horum plurimi ex aliena fide venientes christianis utuntur ritibus, & ipsi inter se varias sectas habent, quibus nullum certum religionis cultum præ se ferre videntur, christiani tamen nominis indiscriminatim omnes ofores acerrimi, præsertim hi, qui varietate legis, suam respiciunt in melius commutasse fortunam. Id omni sublata ratione ipsa rei experientia docuit, qua à lxx. jam annis tot populationes, incendia, præclarissimarum urbium everSIONES, tot cruentissimæ, & sine numero visæ sunt cædes, tot eorum hostium per omnem

A Greciæ oram, per Illyricum in Italiam usque debacchantium horribiles discursiones, provinciæ hinc inde in Asia in magna Europæ parte vi captæ, subjugata imperia, nulla fidei, aut pietatis habita ratione, ut dum considero à lacrimis continere non possim, & præ aliis dum hæc refero, in mentem venit dira illa ac crudelis nimium Constantinopolis captio, à qua tamquam à fonte quodam uberrimo omnium malorum & ingentia quidem flumina prodire, ubi numquam major visa est in christianos diritas, ubi sacrorum omnium defœdatio, pol-

B lutio virginum, templorum profanatio, uterorum extectio, imaginum everSio, abusu, concisio, incendium, & quædam alia (proh dolor) quæ pudet dicere, immo cogitare scelus esse videtur? Idipsum (ut alia taceamus) apud Methonem solas in tanto terrarum numero Peloponensi reliquias, nostris temporibus captam exercuerunt nefandissimi Turcæ. Quo tempore tota trepidavit Italia, nedum urbs Venetiarum amplissima. In qua passim cernere erat lacrymas, singultus, & ad cælum usque adeo elata

C suspiria, ut cujusque jugulo Turcarum ensibus proximè inferendum exitui videretur. Hæc sunt gentis hujus in nos odia, hæc quotidie horum hostium corda corrodentia, exurentiaque venena; quibus die nocteque nil aliud cogitant, quam de adimendo à Christianis imperio, nullam rem magis affectant, ac ipsi palam ingenuè profitentur, quàm sanctissimam tuam occupare sedem, teque è tuo solio pellere, tuum sceptrum accipere, Christi servatoris nomen delere, uni-

D verso terrarum orbi leges imponere, hoc & nil aliud moliantur, hoc concipiunt animo, hoc fatagunt, hoc indefinenter cura sollicitant. Feres æquo animo tantam insolentiam? imminens capiti tuo periculum non formidabis? voles hanc ignominiam pati? tolerabis super beatorum apostolorum (ut minantur) aram truculentissimi Regis equum depasci? sacra omnia deturpari, conculcari, inverti? tolerabis hæc iniqua omnia, an potius christianorum ignaviam concitabis, arma movebis, quæ rubigine exesa in communes hostes dirigi non potuerunt, inter fi-

E deles novo quotidie sanguine fervere conspecta sunt? Nonne memoriæ proditum est Sixti Quarti pontificis tempore hanc pestem apud

\* Idiotum præclaram Apuliæ urbem Italiæ invasisse, ibique tamdiu immorantem esse, ut non

facile dimoveri potuerit? revoca in mentem quantus inde ut pellerentur hostes, virium conatus affuit, quanta trepidatio animorum, quam ingenti periculo subdi res ecclesiæ videbantur. In caput properabat furor ille contendere, ut uno ictu cetera membra languescerent, ac suo deinceps imperio subderentur: Quid putas aliam illis modo mentem adesse, vel animum? an imbecilliores ingenio aut viribus facti sunt Turcæ, quorum fortuna ab eo tempore hætenus semper increvit? Crede mihi, dira eadem ac effrenata eis est dominandi libido, idem impetus & flamma furoris, quæ tantum incrementi assidue suscipit, quantum ipsa voti consecutio retardari videtur. Neque quod sævissimus




simus ille tyrannus in Persas est à principio bellum adortus, Venetisque nescio quoddam pacis præstigium pollicitus, credendum est eum à majorum suorum instituto nullatenus dissentire. enim fratres omnes ferro necaverit, ne solus nepos, qui ad Persarum regem Sophenum sic appellatum fortè confugerat, superesset, furore quodam potius actum fama erat, quam sponte eam belli provinciam suscepisse. At si secus forsan conceperit animo, ( ut jam passim, & certus factus est rumor, eum Alexandri Macedonis instar, parto oriente, in occidentem arma moturum ) ad totius terrarum orbis imperium ita sibi facilius vindicandum aspirat. Nonne rei hujus manifestissimum indicium habitum est? Quum ubi se in Sophenum denuò iturum insimulans, copias in Syriam deflexisset, cum Mauris decertasse, vicisse, jamque defuncto eorum rege, quem Soltanum appellant, eam occupasse provinciam totus orbis intonuit, quo pacto ad credendum quispiam adduci potest, qui fratres interemit, qui patrem spoliavit imperio, qui jura omnia tam divina, quam humana pervertit, in eos quos semper habuit hostes mitescat modo, refrigeat, ac, ut ita dixerim, à semetipso recedat. Jamque ingens ex triremibus classis, quæ ad navigationem facile deducatur, non in Persas neque ad Bosphori custodiam, cum longe minor sufficeret, sed potius ad Ægeæ Ionique maris insulas, ad Cyprum omnium electissimam capiendam, mox & fortasse prius ad Italiæ invasionem, ad tui perniciem, ad supremum nostræ religionis excidium præparatur. Timenda est omnino hujus ferocissimæ belluæ immanitas, qua, audio, progenitores suos, & avos, & proavos furore, sævitia, impetu, uno, & eodem ordine superavit. Neque velut in Persas ad morum, quamquam minus ei prospere bellum successit, nos docuit pavere fortuna, ita modo, sed longe magis pertimescendum est, quum in soltanum regem maxima potitus victoria post Syriam Ægyptum quoque ( ut puto ) paulo post suo adjunget imperio. An nesciebamus quam anceps & dubius esse solet fortunæ motus, & qui interdum ad internecionem deductus est, respirare statim, vires assumere, qui victus erat victorem fieri, hostemque magno discrimine superare? Ut Romani in Hannibalem, Lacedæmonii in Persas, ut Cæsar, Marius, Lucullus, ac his demum temporibus Veneti insperatæ victoriæ compotes exitere? Qui amissum fere totum imperium recipere nisi sunt, ac in pristinam pene ditionem restituti. Nulla profecto est culicis ad elephantem, lepusculi ad leonem, columbæ ad aquilam comparatio. Supererat ab eo conflictu tyranno ingens copiarum vis, eaque junctis opibus auctoritas, qua tantum sibi ( ut par erat credere ) comparavit imperium. Non est itaque pellendus pavor, non abjicienda sed augenda suspicio, non postponenda, sed quam ullo umquam tempore suscipienda magis hæc tam celebris, tam necessaria, tamque diu expectata provincia. Gens hæc dira nimium antequam orientali potiretur imperio terrarum modicum possidebat, quæ mox parvo interjecto

*Thesauri Anecd. Tomus II.*

A tempore pluribus & Asiæ, ut vides, & Europæ ne dicam urbibus, sed regionibus latissimè dominatur. Crede mihi velut ex modicis iniriis aucta est, inque maximum dignitatis culmen evecta, ita nunc immò longè facilius in alias victorias erigi, sibi que totum terrarum orbem vindicare posse si præstolabimur, si diutiùs vili hac soporis ignavia detinebimur. Quum de diruenda Carthagine apud priscos Romanos in dubium verteretur, ac ipse Cato Censorius id omnino suadere vellet, in senatum recentes attulit ficus, quas ex Carthagine allatas esse dicebat, sique ulterius eam sibi infensam urbem servatam vellent, numquam de pace, sed quotidie in majori discrimine rem Romanam constitui cogitarent. Cujus tantæ vis ea fuit oratio, ut evertendam quo citius fieri posset illam decernerent. Num minùs propinqua nobis est Turcarum regio, aut minus infensa quam Carthago Romanis? An illis ex eorum hostium viribus majus periculum imminebat, quam nobis ex nostris? Cingitur quod in Græcia terrarum modicum possidetur à Turcis, immò præter insulas quasdam, maritima tantum, neque omnis nostræ ditionis est ora. Totum Illiricum occupant, unde acerrimè, & assiduæ fiunt discuriones in paucas illas Dalmatiæ urbes, quæ sine agris solæ vix continentur à Venetis. Ita scire potest ( si velis ) hos hostes nostris esse non regionibus, sed penetralibus intimos, ut una tantum, & brevissima quidem velificatione nobiscum in Italiam veniant hospitatum. Si Romanis rerum dominis cordi erat pro servanda pace unam tantum urbem evertere, quid nobis in animo esse debet, & tibi imprimis hujusce reipublicæ principi in admovendis quandoque copiis, in inferendo bello pro consequenda victoria adversus maximæ auctoritatis Tyrannum, qui tam felix à fidelibus prius, mox à sui generis infidelibus ademit imperium, qui nostris cervicibus imminet, quodque reliquum est spiritus & vitæ, nisi refragetur, arripier. Verè ipse Deus optimus maximus, neque aliud tantis impiorum furoribus obstitit, neque struxit..., quamque suis manibus fundavit, everteretur Ecclesia. Quem etiam quandoque spero ( dum velis, nostraque non obsistat ignavia ) in tam pio aggrediendo munere ita præsto futurum, ut omnia pro votis sis facilè assecuturus. Neque ita nos perterreant hostes, ut timeamus tantam provinciam sumere. Ceterum is timor adsit qui nos animosiores efficiat, qui cum fortitudine bene compositus in causa sit, cur prudenter & viriliter omnia conficiantur. Duplex enim timoris est species, ut voluit Plato, altera qua id quod timemus, tamquam perniciosum quoddam effugimus; altera qua in id quod opponitur vehementius concitamur. Muliebris quidem, & effeminati est ita in rebus arduis absterri, ac concidere animo, ut agere quicquam, vel audere non liceat. Vir fortis ac magnanimus inde cognoscitur, quod non nisi magna & difficilia aggreditur, quæ cum timeat, ne majora interdum, difficilioraque fiant, sese illis opponit. Formidemus hostes, quum assequi victoriam audeamus. Ti-

Xxxxx



meamus bellum, quum pacem, restitutamque rempublicam esse velimus. O quam probus, quam felix est timor ille, qui mortales ad quicquam egregium excitat, quam prava & detestabilis hominum arrogantia, quæ ita segnes illos, ac desides habet, ut de futuro non cogitent, imminetia mala non spectent, incautique ruant in præceps. Consideremus quæ sustinuiamus, & quæ cito latari sumus diligenter prospiciamus, ut reipublicæ salutem & restitutionem curemus. Idque in primis ante oculos habeamus quod usque adeo difficillimum extitit, ut fieri numquam potuerit, Christianorum scilicet principum conspirationem, quæ tamen superioribus annis in Venetos ita fieri potuit, ut magis adversus impios fuisse quandoque debuerit, & facilius futura credatur, si nos ipsos patriam, Dei immortalis pietatem ante oculos habuerimus. Tantæ animorum discordiæ, tantæ injuriarum, ac ultionum intentiones, votorum disparitates, odia, æmulationes numquam credebantur, non dicam in Venetos, sed ullatenus posse conjungi. Quæ tamen, & junctæ sunt, & longè deteriores peperere fructus, quam si à Turcis ipsis reipublicæ maxima illata fuisset afflictio. Non enim hic, exclamare liceat, ô Reges (mihi parcite) ullam tantæ conspirationis causam habebatis in Venetos, omnem in Turcas. Hæc numquam fieri potuit, quod noluitis, quod mille oblatis occasionibus torpore quodam acti tam gloriosam provinciam semper abhorruistis. Quam utilius vestra in communes hostes cum Venetis arma coissent, quam magnificentius cum Christiana republica ac gloriosius ageretur, quam latiores adessent victoriæ, quam feliciores triumphi. Non extitisset tanta mortalium cædes, neque tanto cruore maduisset sæpius hæc infelix Italia. Gauderet Tuscia, exultaret Æmilia, utraque Gallia jubileret, quam maximè omnium laturum Venetia. In qua non alia ex causa (ut reor) præclaram urbem solam adversus tot & tantos bellorum impetus Dii immortales subsistere voluerunt, quam ut sine Venetorum ope felicem hanc expeditionem fieri non posse pateret. Quis enim umquam princeps, quæ civitas, qui populi, quæ respublica jam tot annos veluti propugnaculum quoddam his sese opposuit hostibus, quæ opibus, & sanguine rem Christianam tutata est, quæ barbaricam rabiem, ne ad tuam usque sacratissimam sedem ac universam occidentis plagam proripere intercepit, repressit, minuit, præterquam Veneta? Quoties munitissimas, numerosissimasque classes in Thraciam, Epyrum, Liciam, Pamphiliam, aliasque orientales provincias pro re fideli miserunt Veneti, quot felices victorias reportaverunt, nemo est qui mente referre non possit, an nescis alias una cum Gallis eos, & Constantinopolim, & maritimam Syriæ oram usque ad Hierosolymam, & Domini sepulchrum cœpisse? Conciliandi sunt itaque fidelium animi, sancta hæc veraque pax & concordia componenda, sedanda discordia, impia hæc & atrocia inter christianos diutius agitata arma ponenda. Tu illis suade, qui supremæ auctoritatis es pontifex, cui à cælo

A ipso datum est terrena hæc omnia moderari; tu, inquam, suade, quoniam præstantissima est, & à sæculorum principe in hereditatem nobis ac unicum thesaurum condonata. Omnia pace vivunt, concordia constant, conspiratione subsistunt, amicitia coeunt, & animalia, & stirpes, & elementa, & cælum ipsum, & divinarum mentium chorus, & denique quidquid in universo rerum ambitu continetur, hinc apud Orpheum ante Deos omnes productus amor ab absolutissimo universi principio canitur. Et celebratissimus ille, sanctusque ex ore Dei locutus vates, verbo Domini cælos firmatos dixit; & spiritu oris ejus, quem amorem appellant, omnem eorum prodiisse virtutem. Quid enim vera pace dulcius, quid consensu suavius? quid ad omnia aut inchoanda, aut conficienda præstantius? quid denique in humana societate felicius? Natura enim socialis homo cum sit, inclinatur ad pacem. Hanc Deus optimus præcipit, ratio suadet, justitia petit, & tanta malorum moles cogere, nedum expostulare videtur. Huc tuum admove animum, in hoc tuas vires exerce, mentem ac ingenium adhibe, omne studium & auctoritatem impone. Jam vides (sic permittente Deo) quemadmodum Veneti in tantis bellorum fluctibus durare, seque secundis servare poterint. Jam divina, si umquam irata fuerint (ut reor) placata sunt numina, neque amplius cædes, furores, dissidia, sed pacem & concordiam affectare videntur. Facile si quid superest dissensionis tua auctoritate sedabis, omnibus communem hunc animum & voluntatem impones. Quam certe dicunt ita ex tuo pendere arbitrio, ut eam in manibus teneas, & quotiescumque volueris præstare possis. Jam diluta, abolitaque sunt, ac esse debent (si qua fuerint) crimina. Jam indignatio tollenda, extinguendum odium, ut justissimum & gloriosissimum bellum adortis pax illa qua major in terris dari non potest, suo jure succedat. Jamque in vulgatum passim habetur, hanc si volueris, expectatissimam venisse pacem, qua res Italiæ, à tanto bellorum turbine conquiescant. Cui auctoritate tua in Turcas est adjiciendus consensus, si veram, si probam, si Deo gratam, si denique perpetuam esse velimus. O quam felicem (si id fieri quandoque contigerit) quamque gloriosam habebimus pacem? Qua post tantam belli amaritudinem, vastamque sanguinis effusionem in tanto rerum discrimine cælestis patriæ instar, tua hæc respublica amore flagrans, sibi ipsi consentiat, vires uniat, hancque tam præclaram expeditionem suscipiat. Numquam hæc christianorum conspiratio confecta fuit, numquam etiam vel tanta necessitas institit, vel nobis major data est, ut conficiatur occasio. Non enim tyrannum habuit aut feliciorem, aut sæviorem impietas, neque alterius Pontificis auctoritas similis affuit, excusatur Pius secundus, qui morte præventus id muneris non potuerit exsequi, sed non eam quidem, si superstiteret, habuisset erga se fidelium animorum propensionem. Neque tam in promptu eo tempore habebantur arma, aut adeo pugnares militum animi, quemadmodum tempestate

hac præsto erunt (si volueris) magnanimine pontifex. Adest in Italia christianissimi & invicti regis exercitus, qui pluribus animatus victoriis se ad felicissimam accinget militiam. Non tergiversabunt hanc provinciam quamvis agitatissimi Veneti, immo si solus eis vitæ spiritus nedum arma, vel opes superessent, eum quidem ita pro communi omnium voto æquo exponerent animo, ut nihil umquam egisse libentius viderentur. Sunt illis etiam ingenuæ satis, neque animatæ minus militum copiar, quæ (si vera sint quæ publicus attulit rumor) superiori anno in præstando Gallis subsidio ita eorum spem confirmarunt, auxerunt, ut & ipse qui tum aderat rex invictissimus & Galli omnes, & fracti Elvetii, ac universus denique terrarum orbis attestetur à Venetis memorabilem illam victoriam processisse. Eoque facilius tam præclarum subibunt onus, quo se viderint & à tanto pontifice concitatos (cui parere regnare est) & præter communem in recuperandis urbibus, propriam etiam utilitatem inspexerint. Non deerunt fortissimæ Elvetiorum phalanges, quas tuo semper nutu quocumque volueris admovebis. Non deerit Hispanus, non Britannicus, non ipse Cæsar deerit, quem (ut audio) cum suapte natura sit clemens, ac animi satis ingenui, pro re tam pia in tuam venire sententiam non dubitamus. Potuit cum infensissimo sibi & honoris, & imperii hoste componi adversus immanissimos Dei hostes, cum tam pio, tamque magno pontifice coire non poterit? Nonne illa mens illi semper fuit, & animus, præsertim eo tempore quo magnum, neque amplius auditum, creditumve foedus percusserunt maximi reges in Venetos? Quibus attritis, aut sublatis è medio tamquam gradibus quibusdam liceret impiis hostibus pro communi pace commune bellum incutere? si tantam adorti provinciam sine Venetis se confecturos sperabant, eosdemque modo (ipsis consistentibus) & longè faciliores gradus Deus, & fortuna concedit, quid negliget amplius, aut aspernabitur una cum ceteris Cæsar tam felicem belli occasionem? Utinam non fuissent alii huic tam præclaro apparatusi impedimento, quam Veneti, tam egregie nobiscum ageretur modo, ut hac de re de qua nunc impensissime agimus, non esset sermonis locus. Non enim impedimento christianis rebus, sed adjumento semper maximo Veneti extitere: quippe qui Barbaricos toties continuere & repressere tumultus. O quam probrum id, quam justum fuit hisce regibus impedimentum, de quibus ita oppido benemeritum extitit, ut illius causa ea molirentur nescii in sui perniciem, quæ Deus optimus & oculatissimus avertere statuit, ac eorum votis pro communi omnium salute obstitit, suæque (sic dixero) intentissima tela direxit. Id maximè tuum debet confirmare animum, ac in spem meliorem erigere, quod videas non dicam sine numine divum, sed maxima Deorum omnium prudentia factum fuisse. Non erit Cæsari pro ullo discrimine tam necessarium omittendum opus, tam felix postponenda provincia, tam amplum, tamque faustum dimittendum imperium. Coibit

*Theſauri Anecd. Tom. II.*

A certe cum ceteris, si hæc illi, & alia commemoraveris, quæ sunt imperatorio nomine digna, si vehementer institeris, eumque sæpius tuo, christianæ reipublicæ & servatoris nomine fueris adhortatus. Quo facto tibi reliquos non dubito principes adhæsurus, qui tuis pareant votis, quosque forsan tam ardentiori animo, quam viribus aliàs paratos invenies. Qui gentium apparatus subministrare non poterit, supplebit opibus, & inter alias præclarissima Florentina respublica, quæ ita tuo subest imperio, ut pro re hac nihil suffragii, aut virium ab ea sis petiturus, quin sit ex animo, & facillimè concessura. Quippe quæ & divino cultui, & communi pietati semper intenta floruit, & nunc maximè tua amplitudine floret. Quid de invictissima Pannoniorum gente commemorem? Quæ nil aliud magis affectat aut cogitat, quam ut tam sanctæ rei hujus intueatur initia, lævaque hæc christianorum principum sedetur discordia, coeant vires, subministrentur opes, quibus sola, ne dum alienis adjuta viribus, non hostium modo, quos diu sustinuit, conatus impediatur, sed vincat & superet, est eis gentibus validissimus equitatus, & frequentes sunt, numerosissimæ, & ad id peragendum munus flagrantissimæ peditum copiar, quibus audeant ingenue profiteri, dum opes adsint, posse Turcarum impetus facilè superare. Nulla sanè gens aut populus pro christiana pietate magis est ad pugnandum (sique oportuerit) moriendum paratus, quod fides & religio ea sit quæ ita illos inflammet, & diutina in hujusce generis hostes præliandi consuetudo. Vidimus his superioribus annis, dum apud eos in Turcas, fictane, an vera (nescio) convocatio fieret, tantam animorum accessionem, tantumque bellandi ardorem, ut in communem locum omnibus fortunis depositis, maximoque facto concursu, ferventi animo arma è vestigio caperent, peditesque soli (relictis equitibus) auderent tantam provinciam aggredi. Utinam sic ipsi equites prompti extitissent animo, ac pariter christianæ rei præsto fuissent, non accidisset inter eos tam dira, tamque crudelis & truculenta seditio, qua equites conati sunt peditum ardorem illum optimum una cum vita restinguere. Jam extincta seditio est, tumultus abiit, adest pristina animorum concordia, idem omnes quod prius, modo concupiunt, neque à tua voluntate dissentient. In communem itaque sententiam, postquam eos principes tua auctoritate deduxeris, facillimum quidem erit modum, viamque statuere, qua hæc suscipiatur provincia, ubi congregentur copiar, an terra marique præparandum sit bellum. Hoc uno principio maximè laborandum, cetera suo cursu ac ratione succedent. Semper enim difficilia hæc habuerunt initia, ut faciliores, melioresque sequuti sint exitus, & quæ principio modica viderentur, maxima circa finem sint amplitudine aucta. Incipe igitur ac feliciter auspicare; quodque opus est jam bono omine aggredere. Et (ut mea fert opinio) cum classico, & terrestri indigeas apparatu, utrumque tibi pro viribus efficiendum. Hinc per planiciem Pannoniæ terrestri deducendus exercitus, inde

X x x x x ij

validissima classis, quæ non urbem hostium ullam, aut insulam adeat, sed utrimque uno, & eodem tempore (si fieri possit) Constantinopolim illam regiam accedendum, ut ea capta reliquas omnes cœpisse proculdubio videaris. Hoc enim caput habet, ut dum languet & patitur, membra similiter omnia patiantur, neque diutius queant sine illius ope subsistere. Is urbis situs est, quo juxta Pontum in Græciæ finibus constituta fere Asiam ab Europa disternat. Ubi hostilis imperii medium residet, ac in ea velut in corde suas Turcæ colligunt vires, unde opes & robur accipiunt. Huc animum tuum appone, huc tende, huc dirige oculos, in hanc tuos statue in primis exercere conatus. Terrestris exercitus Elvetiorum, Germanorumque instructissimum habeat peditatum. Galli, Itali, ac Hispani sint equites. Ad eumque militum numerum deducendæ sunt copiæ, quo nec multitudo nimia confusione, nec paucitas imbecillitate ignominiam pariat. Nec te itineris longitudo deterreat, quin & Germanas, & Gallicas in Pannoniam rationes deducas. Nam per Danubium eò cito Germani devenient, à Mediolano Galli ad Budam Pannoniæ metropolim mensis unius commodissimum iter habebunt. Neque pro tam felici provincia via ulla potest esse difficilis, aut longitudine tædiosa, cum & montium asperitatem, & marium amplitudinem pia hæc intentio leniret atque minueret. Dabunt suam Veneti Classem, qui cum alias apud Jopensem Ciliciæ portum ducentas numero naves habuerint, remque modo sint feliciorem acturi eam munitissimam quidem habebunt. Rex christianissimus in hoc quoque suam præstabit opem, si & cognominis dignitatem, & animi præstantiam præ se ferre voluerit. Itidem Genuenses agent, & piissimi Rhodii, qui in maritimis versati negotiis, & pugnaces & viriles semper habiti sunt, qui etiam adversus hæc scœdissima impietatis monstra & præsertim in sua civitate servanda multos, ac strenuos edidere conatus. In hunc modum obseffa (si dabitur) civitas (quod futurum facillè creditur cum in Syriam sit Turcarum omnis translatus exercitus) diutius contineri non poterit, laborabit rei frumentariæ inopia; quæ ex mari plurimum advehi solet, neque ob classis amplitudinem vel præclusus Bosphori habebitur aditus, vel ex Asia ulterius copiarum deductio fieri poterit: triremium ille maximus apparatus, si solertes erimus, impedietur. Quod si forte antequam utrimque vires accesserint, cum hostibus conferendæ sint manus, non est propterea de victoria dubitandum, si quas commemoravimus habueris copias. Et enim non ea sunt Turcarum arma, quæ præferunt, aut frequentia militum, cujus terrore sæpius res christiana est in discrimine posita. Levis est equitibus armatura, peditibus certè levissima. Nostri equites eorum comparatione turre armatæ videntur, Elvetiorum fortissimæ, stipatissimæque phalanges nostri erunt exercitus mœnia, & longis illis, quarum Turcæ nullam habent experientiam, interfectis Sarissis, muri cujusdam instar & cum equitibus pugnabunt

acriter, & omnem peditum ordinem commutabunt. Neque hostium usque adeo maritimæ expavescendæ sunt vires, cum & navium multitudine, & tormentorum præstantia & hominum peritia tua erit (spero) classis longè superior. Certè si hæc gentium arma eo usque collecta deduxeris, victoria tua est, atque ita tua, ut non alterius futura sit, neque ullo umquam tempore esse potuerit. Sæpius gens hæc immanis ob nostram nobis ignaviam, maximumque dissidium terrorem pariter & jacturam incussit. Numquam talia Turcæ experti sunt arma, numquam tales hostes oppositos habuere. Ferè semper vel sine congressu in populos debacchati sunt, vel in regem aliquem ab aliis destitutum suos intulere conatus. Quemadmodum & imperator ille infelicissimus concidit, & urbes quæ pro Venetis habebantur captæ, & totum occupatum Illyricum, & novissime Maurorum defuncto rege, à quibus alias semper belli ignominiam passi sunt Turcæ, in Syria subactum imperium. Si enim id quandoque, quod tantoperè desideravimus, datum fuisset à cælis, ut nostra tam felix militia sese his hostibus opposuisset, numquam profecto, neque minimam victoriam reportassent, semper occubuisset. Nonne Mathias ille Pannoniæ rex invictissimus (cui similem numquam habebit posteritas) id palam sæpius fecit? Nonne eos terga vertere, secumque turpiter victos pacem componere docuit? Sæpius rex iste fortissimus ac maximus belli splendor cum inferioribus copiis, sed longè superioribus animis hisce cum hostibus manus conferuit, ac felices victorias reportavit. Quos medius fidius edomuisse si vel majori adjunctus præsidio, vel tam cito ejus felicitati fata non fuissent invisa. Quid referam quam strenuè, quam viriliter apud Belgradum maximam illam excentum millibus armatorum obsidionem solverit & Crucis Vexillo munitus, & firma in Deum optimum pietate animi roboratus? Ubi maximus & ferocissimus Turcarum qui aderat imperator si alias pluribus clarus victoriis dictus est felix, ob eam quam tunc passus est ignominiam, certe fuit infelicissimus, supersunt iidem populi una cum viribus, eadem arma supersunt. Adsunt etiam Bohemi viri quidem in armis experti, ac ipsi Pannonibus loco, & in hac potissimum re semper affines. Si solæ hæc hominum vires potuerint in Turcas proficere, quid putas te tuo facturum exercitu tanto robore, & numerosa militia prædito. Potuerunt Baldvinus, Gefredus, & Roberti duo ex Gallia principes una cum Venetis paucis quibusdam copiis ad Hellespontum felicia asportare signa, ac inde in Asiam devecti totam martimam Siriæ oram ad Ægyptum usque & Hierosolymam occupare. Qui non erant tibi aut regibus auctoritate pares, sed viribus dispares, opibus longè inferiores, minori bellandi occasione compulsi. Tu vero qui maximorum regum tibi socia arma conjunges, qui christianæ religionis es unicum in terris exemplar, qui quotiescumque volueris ex toto terrarum orbe, & fortunas, & militem comparabis, qui pro sola fidelium



pietate contendes, non poteris hanc provinciam æquo Marte suscipere, ac susceptam feliciter, & ad vota conficere? Aliàs ex triginta tantum triremibus instructa Venetorum classis cum Peloponesum appelleret, ita hujusce gentis hostes aspectu solo deterruit, ut trucidatis illis incolæ subitam fecerint deditionem. Quid fiet si magno navium apparatu christianam rem agi conspicient? Sunt per ea passim loca, qui christianis ritibus & religione viventes his odiis Turcas, quos etiam multitudine superant, prosequuntur, quibus die nocteque nil aliud cogitant, quam nacta occasione in eos statim insurgere, sese à terribissimo servitutis jugo redimere, antiquissimam patriam liberrati & legibus restituere, qui si tuum id sanctissimum institutum intelligent, non expectabunt ut classem aut exercitum intueantur, verum ad hujus tamdiu expectatæ provinciæ famam animati, ac ardore quodam accensi armis consurgent in hostes, eosque si qui superfuerint, cogent ad regni intimam penetrare. Jam vigesimus & secundus agitur annus, quo Carolus Francorum rex cum felices admodum ac insperatos in Italia habuisset fortunæ discursus, acceptum est Turcas omnem maritimam Græciæ oram sola nominis auctoritate perterritos destituisse. Mira quidem res, & forsàn à sæculo non audita eos qui tot victoriis & imperio aucti res nostras diutius affligere, unius regis fama terreri & ad munitiora loca unde quaque confugere. Quanto id celerius fieri credimus, cum te non unius populi regem, sed totius christianæ reipublicæ principem, qui & sanctitatis, & apud Deos immortales, & homines summæ auctoritatis es habitus, armis admoturum intelligent. Quot credis quotidie pias matres pro liberis ad Deum optimum maximum juges preces effundent, ipsosque liberos ante ora parentum statim cum servitutis miseriam agnoscere incipiunt, ab eis sciscitari quando erit illa dies qua liberabimur, christianoque jure vivemus? Continua ac indefinens hæc est apud eos cura, & cogitatio cordis visceribus insita, hac spe vivunt, hujus beneficio respirant, ad hanc tamquam ad unicum suarum miserationum solamen confugiunt. Quanti beneficii hæc expectatio sit, jam ipse considera, ab expectatione animos, vires, ipsumque belli exitum metire. Tuum ad id animum præpara, teque immensa hac liberalitate uti posse confide. Aude summo omnium conditori hoc in magnifico munere assimilari. Nullas umquam majores opes, vel thesaurum præstare posses, si mille adhuc annos viveres, quam tempestate hac præstandi tibi offert occasio. Magnum quidem est, & ingenuo Principe dignum suas mortalibus communicare fortunas, sed longè majus, ac preciosius est libertatem impendere, ac eam libertatem, qua non tantum humani corporis jus, verum etiam animi sanctio, candor & puritas servatur illæsa. Omnes te liberalissimum, piissimum, ac justissimum prædicant, fac ut largas profusionis manus hi mortales miseri sentiant, qui impietatis vinculis detinentur tuam eis divinam justitiam impartire, ut quod suum

est tuæ probitati & amplitudini acceptum referant. Redde illis sacratissimum vivendi cultum, ut tuæ fiant pietatis in sancta religione participes. Cogita hoc tempore novum tibi instaurare mundum, novam erigere patriam, sanctaque hac suscepta provincia, cælōs ipsos novissimis exornare luminibus, quibus longè magis, ante splendeat universum. Tuis viribus id eis beneficium præsta, auctoritate amplifica, Principum communionem confirma, & tanti denique apparatus militia injunge. Neque in exercitu gentium varietatem extimeas, cum rem unam tam salutarem tamque unicuique propriam sint milites omnes acturi, qui hunc ipsum neque alium finem inspiciant. Afflabit divinus ille Spiritus, cujus nutu tantam inchoabis provinciam, suoque ineffabili numine intra discrepantes (si qui fuerint) animos summam concordiam ponet & pacem. Afflabit, inquam, viresque majores dabit, quam cuipiam credere, aut exprimere liceat. Id in Romanos quod ei maximæ laudi adscribitur, virtute obtinuit Hannibal. Tu adversus summi Opificis hostes, qui excelsi Olympi claves in manibus detines, divina afflatus aura id ipsum obtinere non poteris? Dissident quoque inter se quam maxime Turcæ ac mutuis odiis ita se invicem prosequuntur, ut majoribus fortasse non possint. Namque alii indigenæ, adventitii alii cum sint, de militia jugiter, de nobilitate, de religione decertant. Sume igitur læto magnoque animo hanc provinciam, Leo Pontificum Maximè, cum eam tibi Deus vincendi præbeat occasionem, qua plenis velis ex maxima ventorum ac fluctuum jactatione in salutis portum navigium Petri deducas, qua cælestis militia angelorum chori, mentium supernarum exercitus tibi præsto sint, ac totius orbis terrarum innovationem, procurent. Dissident inter se Turcæ & novissime cum Turcis infideles ferè ceteri dissident. Jam asperrima, & cruentissima inter eos aguntur, & quotidie exaugentur bella. Jam sævissimus eorum furor excanduit, lateque per totam pene Asiam debacchatur, surrexit defuncto patre, quem regno privaverat in Persas impius Turcarum Tyrannus, ad Taurisum regiam, ac remotissimam Persiæ civitatem progressus, contra Sopheni regis egregiæ militiæ ac splendentibus armis instructus exercitus impetum fecit, eique jacturam pariter, & fugam incussit. Instat denuò atrox ille tyrannus, & denuò ab hostibus superatur. Sævit magis ac magis ferocissima bellua, gentes unde quaque congregat, fortunas arripit, congerit, distribuit, parat exercitum, suis quoque viribus freti Persæ certamen non detrectaturi videntur, immo ad Euphratem usque eos devenisse compertum est. Neque Maurorum magnus ille Princeps ab armis potuit contineri. Iniit cum Persis fœdus, in belluæ rabiem extinguendam molitus, quodque alias auditum est numquam ipse è suo solio motus, ex Ægypto in Syriam una cum viginti quoque millibus electorum equitum profectus, ut sua Persis sociæ arma conjungeret. Qui sua defraudatus spe cum hoste, qui jam citius quam Persicus affuisset exer-




citius, adventaverat, præ nimio (ut aiunt) dolore qui senex erat interiit. Quippe cum prima Turcarum acies in congressu inclinare cœpisset, seque propterea putantes Mauri forè victoriæ compotes, huc atque illuc prædatum euntes à supervenienti acie tormentorum ictibus fusi, fugatique relictis aliis urbibus in Damascum præclaram Syriæ civitatem se contulere. Tantum equidem orientis motum non alia de causa factum arbitror, quam ut quandoque ignava hæc christianorum principum militia concitetur, expergiscatur, armetur in Turcas. Timuerunt opibus, ac viribus potentissimi reges, non semel, sed bis turpiter superatum Tyrannum. Nos longè inferiores ab eo toties victi, conculcati, accisi, furorem ejus, ac vires non pertimescimus, præstolamur quotidie, maximis bellorum tumultibus dissentimus, in nostram perniciem ac dissolutionem intendimus. O infelix nostra hæc hominum conditio, ô miserrima tempora, quibus in tanto rerum discrimine oblata etiam vincendi occasione torpescimus, deque civitatibus unus ab alio dirimendis, non de totius reipublicæ salute, aut christiano ab atrocissimis hostibus servando imperio cogitamus. Unde jam per octennium effusus cruor, si pro fidei pietate commune profluvium habuisset, non torrentis, sed vasti fluminis instar acceptissimum Deo sacrificium exhibuisset. O quam iustiores tum facti fuissent tumultus, quam certiores victoriæ, quam feliciores transitus animorum! Revoca tu in mentem, qui eorum es princeps, & custos, quanta modo ob injusta dissidia rabidumque dominandi furorem apud inferos molestiam patiuntur, qui tunc fuissent cælesti Laurea coronati. Verè velut est in se divina quædam res animus ac post Deum ipsum colenda (ut voluit Orpheus) ita cum perenni privatur bono, nihil eo vilius est, nihil deterius, nihil infelicius. Si singulam tuæ ditionis civitatem amisisses, optime pontifex, nonne magna quidem affectus molestia quam citius posses illam totis viribus redimendam velles? Si non unicam, sed plures, longè major tibi esset afflictio, si omnes, maxima & incredibilis, qua vitam quoque pariter malles amittere, quam te tuo, quod tamen temporis est, spoliatum imperio superesse. At quanto spirituale majus, quod etiam tuum est, immo magis tuum, quanto dignius, quanto præstantius? Velut enim animus nobilitate corpus exsuperat, ita etiam animorum, quæ rei perennis est, gubernatio, & jura sunt temporalibus juribus præferenda. Temporalem igitur tuo jure ditionem servabis, quam certè majorem quam habuerit umquam, obtinere modo sese jactat Ecclesia, & spiritalem quotidie voles amittere? Non turmas, vel legiones, sed numerosos exercitus, non oppida vel civitates, sed latissimas provincias animorum in præceptis ire permittes? Non est sensu perceptibilis animus, neque ad oculum ipsius bona queunt ostendi, verum mens ipsa est, quæ sinceritate sua, cum se à terrenis sordidisque rebus abjunxerit, ea quanta sint intuetur & meminit. Quæ si alioqui corporeis luminibus mortales inspicerent, non essent adeo ad sanguini-

nis effusionem parati. Tuum id est munus, qui tanto Deorum immortalium afflatu animis præses. Tua est cura, tuum considerandi officium, ut hæc omnia cum recto mentis examine ponderaveris, cures tuam penè collapsam rempublicam instaurare, ac veluti Deus quidam suum, cui præsit, ne corruat orbem, admota benignitatis, & justitiæ manu contineas. Intende itaque virtute tua tantum reipublicæ bonum, neque hanc bellandi occasionem dimitte. Invade prius quam ex Syria pestis hæc maxima in tuum redeat caput, truculentissimi hostis imperium, quod in Europa nihil armorum habet, aut virium, omnem militiam in Asiam transtulit, ut sese tantis objiceret hostibus. Qui se fortè fortuna, (ut credi potest) quod allatum est à pugna loco tum Persicas parum distare copias, utrique coiverint, fiantque victoriæ compotes, quomodo res tua erit in tuto? Ideoque vincant ipsi, seu vincantur ab hoste, quam citius fieri potest tibi est Turcarum invadendum imperium. Tutius ac facilius in alieno agro ignis extinguatur, quam cum in proprias domos irrepperit, ubi multoties extinguere non potest. Si id facies, res tua non erit in discrimine posita, non erunt tibi barbarorum formidandæ vires, aut impetus. At si segnis dubiusque ad provinciam istam accesseris, aut eadem cum novissimis quæ cum prioribus difficultas habebitur, aut tyranno qui ad totius orbis aspirat imperium inserviamus operæ pretium est. Surge igitur, teque una cum lectissimis copiis maximoque navium apparatu ad eas oras jam adventare constitue. Surge, inquam, & hanc christianorum principum ex oculis somnolentiam excute, quodque jamdiu concepisti animo aggredere. Juvenis hostis iste tuus acerrimus, ac alicujus modo armis implicitus, ex quibus si explicabitur, totum in tuum corruet caput. Præverte, provide, exsequere, te ad sanctissimum bellum accinge. Tua hæc est, cui tanto cum fastu & gloria præsides, patria, cuique parentibus magis, quam nobis ipsis longè debemus. Hæc nutrix est nostra, hæc parens, hæc (ut Plato voluit) nobis est Dea. Quid si pro sua Socrates, Curcii, Decii, alique complures mori non dubitarunt, pro tua tu, quæ vera & singularis est Patria, quæ divinitus fundata est, servata, & aucta, pro qua etiam in humanis agere, morique voluit maximus ille, ac rerum omnium Dominus, Princeps pacis, verusque Patriæ liberator, quid inquam tu in tanta opportunitate pro tua efficies Patria? Nonne summo studio, & celeritate opes, vires, conatus ad id egregie peragendum expones, si vitam illi intrepide exposuere, maluerique gloriosam pro patria mortem oppetere, quam cum illius detrimento aliquo superesse? Parum est, quod petimus, multum certe quod dabis, atque ita reipublicæ necessarium, ut inde illi & tota vivendi spes & salus ipsa dependeat. Non habet unde subsistat, unde vitam, nedum quietem, aut pacem (si qua sit) diutius protrahat, nisi te in hanc sanctam actionem direxeris. Tua erit hæc gloria, tuum decus, tuum ad sidera elatum nomen, quo omnium sæculorum immor-

talitatem facile comparabis, dum magno cum animo felicem hanc provinciam aggressus expedias. Neque vana, vel fluxa, aut populari aura celebrata tua erit hæc gloria, sed perennis, sed immarcescibilis, sed divina, tuum quæso fatum considera, te ipsum animumque tuum. adverte, in alterius oculo (ut Plato monuit) tuum inspicere oculum, clarius quidem atque sublimius mentem tuam, officium, auctoritatem, intelliges, Deum ipsum, qui te ad summi apostolatus apicem evexit, id tibi demandasse munus invenies. Ille suo te vocat numine, tibi maximorum regum furorem mitigat, conciliat animos, vires inflectit, ac felicius quam umquam alius habuerit pontifex concessit imperium. Vocat te Deus, & mille modis universo terrarum indicat orbi te eum fore Pontificem, qui terrena omnia moderetur, qui post varios fortunæ casus nobis pacem & salutem restituat, qui aurea denique mundo efficiat sæcula. Id tibi delata ab Indis munera prætulere. Id fi-

delium ad inaccessas orbis partes ostendit accessio, ubi nomen tuum, dignitas & religio prædicata est. Id denique (quod maximum puto) Divinæ hujus voluntatis extat indicium, quod tempestate hac, qua in suprema terrarum sede consistis, temporum mutandus sit ordo, ac innovandum anni principium, ut sub tuo augustissimo principatu, leges, mores, sacra, imperium, ac cetera omnia commutandos in melius intelligantur. Tuis itaque cede fatis, maximis indulge mortalium votis, Diis immortalibus hære, pro eis suppliciter oramus omnes, ac ipsa te orant numina, ut tam celebrem, tamque expectatam provinciam sumas. Indue lorricam fidei, apprehende justitiæ clipeum, benignitatis arma conquire. Quibus te, filiosque tuos, quos in fide quotidie parturis, & aras, & focos, & templa, & penates, & ipsam denique patriam liberes, serves, amplifies. Ne quando dicant impiissimæ Turcarum gentes,

Ubi est Deus eorum?



# CLEMENTIS

## PAPÆ IV.

### EPISTOLÆ QUATUOR SUIS LOCIS

### ADDENDÆ.

#### EPISTOLA I.

Ad Hugonem comitem Ruthenensem.

*Permittit ei habere altare portatile.*

Anno 1266  
Ex ms.  
Colbertino  
addenda ad  
paginam  
278. post  
epistolam  
132.

CLEMENS episcopus servus servorum Dei dilecto filio nobili viro HUGONI comiti Ruthenensi, salutem & apostolicam benedictionem.

Quia Deo & apostolicæ sedi devotus & ecclesiæ Romanæ specialis vassallus esse dignosceris, te libenter prosequimur favoris gratia specialis. Cum itaque te, sicut asseris, frequenter ad loca, in quibus non sunt ecclesiæ vel capellæ, devenire contingat, timeasque propter hoc interdum divinis officiis defraudari. Nos tuis devotis supplicationibus inclinati, apostolica tibi auctoritate concedimus, ut capellanus tuus, qui pro tempore fuerit, secum possit habere altare portatile cum debita reverentia & honore, in quo tibi & familiæ tuæ, cum ad hujusmodi loca perveneris, vel alias evidens necessitas imminet, missarum solemnities celebrare valeat, sine juris præjudicio alieni. Nulli ergo omnino hominum liceat hanc paginam nostræ

A concessionis infringere, vel ei ausu temerario contraire. Si quis autem hæc attentare præsumserit, indignationem omnipotentis Dei & beatorum Petri & Pauli apostolorum ejus se noverit incursum. Datum Perusii XII. kalendas Martii, Pontificatus nostri anno II.

#### EPISTOLA II.

Ad Heliam de Caturco canonicum Parisiensem.

*De electione abbatisse SS. Trinitatis  
Cadomensis.*

CLEMENS episcopus servus servorum Dei dilecto filio magistro Helix de Caturco canonico Parisiensi, salutem & apostolicam benedictionem.

Monasterio S. Trinitatis de Cadomo ordinis S. Benedicti Bajocensis diocesis abbatisse regimine destituto, duæ partes conventus ipsius monasterii dilectam in Christo filiam BEATRICEM DE SARQUEX monialem dicti monasterii in abbatisam ipsius concorditer elegerunt, quibusdam aliis monialibus licet paucis NICOLAAM monialem dicti monasterii nominantibus in abba-

Anno 1266  
Ex ms.  
olim Fossatiensi nunc  
S. Germani  
à Pratis  
addenda ad  
paginam  
431. post  
epistolam  
415.

tissam monasterii memorati. Sanè hujusmodi electione venerabili fratri nostro Bajocensi episcopo præsentata, & eadem Beatrice ac illis quæ illam elegerunt petentibus electionem confirmari prædictam ab eodem episcopo, Lucia de Bosvilla, Lucia de *Crievcoer* & quædam aliæ moniales prædicti monasterii in hac parte consortes, electionem impugnantes prædictam, eam infirmari ab eodem episcopo petierunt. Idem vero episcopus in hujusmodi negotio procedens, sententialiter electionem cassavit eandem, & de dicta Lucia de *Crievcoer* de facto, cum de jure non posset, in abbatissam auctoritate propria providit: propter quod BEATRIX & electrices ejus prædictæ ad Rothomagensem curiam appellarunt. Porro venerabilis frater noster archiepiscopus Rothomagensis hujusmodi provisionem factam de dicta Lucia eidem monasterio per episcopum supradictum sententialiter cassans & irritans, quod circa cassationem ipsius electionis per eundem episcopum factum extitit, confirmavit, ac nihilominus de Johanna de Castro moniali monasterii S. Salvatoris Ebroicensis ordinis S. Benedicti eidem monasterio S. Trinitatis providit de facto in abbatissam auctoritate propria pro suæ libito voluntatis, quæ provisioni hujusmodi de se factæ noluit consentire. Ab hujusmodi autem confirmatione ac provisione ipsius archiepiscopi BEATRIX & electrices ejus prædictæ ad sedem apostolicam appellaverunt, nosque dilectum filium nostrum V. S. Eustachii diaconum cardinalem dedimus in eodem negotio partibus auditorem: qui hujusmodi processum, prout ex propositis coram ipso & actis ipsius causæ sibi exhibitis constitit, coram nobis & fratribus nostris fideliter recitavit. Nos autem attendentes quod episcopus & archiepiscopus prædicti, non in casu negligentiae sibi concessa à jure, cum secundum generalis statuta concilii providendi potestas ad eum qui proximè præesse dinoscitur, non nisi in casu hujusmodi devolvatur, cum conventus sæpediti monasterii sanctæ Trinitatis in eligendo non fuerint negligentes, hujusmodi provisiones, quas de prædictis Lucia de *Crievcoer* & Johanna fecerant monasterio memorato provisiones, easdem irritas & inanes de fratrum nostrorum consilio decrevimus, prout erant, injuncto tibi per nostras litteras, ut eandem Luciam de *Crievcoer*, quæ administrationi bonorum prædicti monasterii in spiritualibus & temporalibus prætextu dictæ provisionis factæ de ipsa supradicto monasterio S. Trinitatis per episcopum memoratum se ingerere dicebatur, ab administratione ipsius prorsus amovens, duas vel tres personas idoneas ejusdem monasterii, vel etiam aliunde de quibus videres deputares ad colligendum redditus & proventus monasterii memorati, contradictores auctoritate nostra, appellatione postposita, compescendo. Qui mandatum tibi super hoc injunctum à nobis fuisti laudabiliter executus. Eidem quoque injunximus cardinali, ut diligenter attenderet, si per acta sibi exhibita, sive per eaquæ partes in ipsius præsentia proposuerant, de dicta electione ipsius Beatricis,

A & his quæ contra eam fuere proposita posset ad plenum liquere. Qui actis priorum judiciorum diligentius recensitis, & his in quibus procuratores partium circa factum convenerant examinatis, prudenter à nobis & eisdem fratribus nostris plenariè retulit universa. Nos igitur meritis totius negotii plene discussis, in duobus articulis alicujus materiam disputationis invenimus, ceteris omnibus reprobatis. Nam ex partium assertionem constabat, quod perfecto scrutinio & in communi, prout juris & moris est, publicato, scrutatrices in partem secesserant, & videntibus ceteris monialibus, non tamen audientibus, una legente voce demissa scrutinium & duabus aliis personas numerantibus, prout eis earum nomina legebantur, ad sorores conversæ inibi congregatas, eis manifeste dixerunt: Collationem fecimus & invenimus, quod quadraginta ex vobis in BEATRICEM DE SARQUEX, & in NICOLAAM DE BOSVILLA quindecim convenerunt, & sic nos quæ in ipsam Beatricem consensimus, majorem habentem numerum, zelum etiam meliorem, quia eadem consanguineas in monasterio ipso non habet, quibus conferat bona ejus. Pars vero impugnans electionem ipsius Beatricis dicebat quod per hæc verba non fuerat facta collatio debita: quia licet quadraginta septem plures sint numero longè quam quindecim, & sic major pars esset dictam eligentium Beatricem, partis comparatione minoris, non tamen ex hoc inferri poterat, quod pars major esset conventus cujus totalis numerus tacebatur. Sed & seorsum collatio facta fuerat per tres sodales scrutatrices prædictas, quæ fieri debuit in communi, quoniam coram aliis recitando, tunc novam collationem facere dici non poterant, sed factam potius nuntiare. Ad quod pars Beatricis respondebat prædictæ, quod eum satis liqueret ex actis, omnes interfuisse scrutinio quæ noluerunt & potuerunt commodè interesse, & omnium vota monialium fuisse recepta præterquam quatuor, quæ vota sua exprimere voluerunt, per expressionem prædicti numeri plene potuit in eandem Beatricem majorem partem totius conventus ipsius monasterii convenisse, & quod omissa non fuerit collatio in communi, cum prædictæ scrutatrices recitando in communi quod sub earum oculis fecerant, conferre denuo videbantur: præsertim cum post expressum numerum de zelo & merito coram eodem conventu contulerunt, omnibus ratur habentibus quod fiebat, & statim mandaverunt electionem celebrari communem. Obiciebatur etiam Beatrici prædictæ, quod una die antequam eligerent, electioni de se consenserat faciendæ, quod per tres testes dicebatur fuisse probatum, videlicet per Luciam de Altaribus, Floridam dictam *Havart*, & Æliciam de Bosvilla moniales monasterii sæpediti. Ad quod pars ipsius Beatricis respondit, quod duæ ex illis tribus, scilicet Lucia de Altaribus & Florida erant de adhærentibus Lucie de *Crievcoer*, & Lucia de Bosvilla prædictis quæ ipsius L. de *Crievcoer* negotium fuerant pro secutæ in appellationis

lationis causa ab eodem episcopo ad prædictum Archiepiscopum interpositæ, cum eidem Lucia de Crievecoer & Lucia de Bosvilla ac coram cardinali prædicto, procuratores constituisse monstrabant aperte, propter quod non erat super hoc earum testimonium admittendum. Nos igitur collationem hujusmodi sufficere in casu proposito decernentes, maxime inter tales personas, quibus sexus fragilitas, claustrum silentium & religiosa simplicitas jure possunt necessitatem adimere tam districte de juris apicibus disputandi; discretionem tuam per apostolica scripta præcipiendo mandamus, quatenus super hoc ex nostro mero procedens officio diligenter inquiras, an Lucia de Altaribus, & Florida præfatæ prædicti monasterii moniales, eo tempore quo contra prædictam Beatricem fuerant ex officio in testes receptæ per eundem episcopum Bajocensem, vel ante pendente hujusmodi negotio coram eo, fuerint de adhærentibus Lucie de Crievecoer, & Lucie de Bosvilla prædictis, quæ pro se ac sibi adhærentibus negotium prosequerentur. Et si de hoc tibi constiterit, cum Lucie de Altaribus & Florida prædictarum testimonium in hoc casu fidem non faciat, & remaneat sola dicta Aelia quæ deponit Beatricem prædictam electioni de se faciendæ, requirente Juliana præposita, præbuisse consensum; electionem prædictam celebratam de dicta BEATRICE auctoritate nostra confirmes, faciens ei munus benedictionis impendi, & à suis subditis obedientiam & reverentiam debitam exhiberi. Alioquin ipsa cassata, prædicto monasterio S. Trinitatis, de persona idonea in abbatissam auctoritate nostra provideas, & eidem obedientiam & reverentiam debitam à suis subditis facias exhiberi: contraditores auctoritate nostra, appellatione postposita, compescendo. Testes autem qui fuerunt nominati, si se gratia, odio, vel timore subtraxerint, per censuram ecclesiasticam appellatione cessante, compellas veritati testimonium perhibere. Datum Viterbii v. Idus Decembris, &c.

## EPISTOLA III.

Ad Henricum natum Hugonis comitis Ruthenensis.

*Concedit ipsi ut à nullo iudice sedis apostolicæ legato, aut subdelegato possit excommunicari.*

Anno 1268.  
Ex ms. Col-  
bertino ad-  
denda ad  
pag. 573. post  
epistolam  
600.

CLEMENS episcopus servus servorum Dei dilecto filio nobili viro HENRICO nato dilecti filii nobilis viri HUGONIS comitis Ruthenensis, salutem & apostolicam benedictionem.

Intendentes quieti tuæ, paterna qua te nostrum & ecclesiæ Romanæ devotum prosequimur, benevolentia providere, tuis supplicationibus inclinati, ut nullus iudex à sede apostolica delegatus, vel subdelegatus ab ipso, executor, aut etiam conservator à sede deputatus eadem, in te possit excommunicationis vel interdicti

*Theauri Anecd. Tom. II.*

sententiam promulgare sine speciali mandato sedis prædictæ faciente plenam & expressam de indulto hujusmodi mentionem, auctoritate tibi præsentium indulgemus, præsentibus post triennium minimè valituris. Nulli ergo omnino hominum liceat hanc paginam nostræ concessionis infringere, vel ei ausu temerario contraire. Si quis autem hoc attentare præsumserit, indignationem omnipotentis Dei & beatorum Petri & Pauli apostolorum ejus se noverit incursum. Datum Viterbii decimo secundo calendas Februarii, Pontificatus nostri anno III.

## EPISTOLA IV.

Ad episcopum Conseranensem.

*Ut per censuram ecclesiasticam cogat comitem Fuxensem, & ejus assecclas ad cedendum terram de Carcassessio executoribus testamenti Rogerii comitis Fuxensis.*

CLEMENS episcopus servus servorum Dei venerabili fratri Conseranensi episcopo, salutem & apostolicam benedictionem.

Sua nobis venerabilis frater noster AMANENSIS archiepiscopus Auxitanus, de Bolbonio & Mansiazilis monasteriorum abbates executores testamenti quondam ROGERII comitis Fuxi petitione monstrarunt, quod idem Rogerius intendens conscientie consulere ac salutem, in ultima disposuit voluntate, ut executores ipsi terram de Carcassessio ad dictum comitem pertinentem tamdiu ad manus suas tenerent, donec de illius fructibus & proventibus de damnis per eum, dum viveret, quibuscumque locis aut personis datis, ac aliis forefactis suis, super quibus ad emendam vel restitutionem aliquam tenebatur, per eosdem executores, per quos fructus ipsos omnes ac proventus in hujusmodi usus converti præceperat, foret congrue satisfactum. Verum magister Bartholomæus de Podio clericus, nobilis vir comes Fuxi, Guillelmus de Coardona miles, Petrus Provin. Bartholomæus dictus, magister Robertus de Senonis, Raymundus Willemi de Tribus bonis, Raymundus Senherii & Petrus Addonis laici Tholosanensis, Carcassonensis & Conseranensis civitatum & diocesum, magnam partem hujusmodi fructuum & proventuum post ipsius comitis obitum contra justitiam occuparunt & detinent taliter occupatam, illam dictis executoribus restituere indebitè recusantes: propter quod salubris in hac parte præfati comitis nondum impleta dispositio impeditur.


Quocirca fraternitati tuæ per apostolica scripta mandamus, quatenus si ita est eisdem clericum, nobilem, militem ac laicos, quod fructus ac redditus ipsos quos detinent executoribus eisdem sine difficultate ac diminutione aliqua restituant, per executores ipsos in usus hujusmodi convertendos, monitione præmissa, per censuram ecclesiasticam, appellatione remota, prævia ratione compellas, non obstante

Y y y y

si eis seu ipsorum aliquibus vel alicui à sede apostolica est indultum, quod excommunicari, vel interdicti, sive quod extra vel ultra certa loca conveniri non possint, sive qualibet indulgentia dictæ sedis, per quam effectus justitiæ in hac parte impediri valeat vel differri, & de qua in nostris litteris fieri debeat mentio specialis, proviso ne in terram dicti nobilis excom-

municationis vel interdicti sententiam proferas, nisi super hoc à nobis mandatum receperis speciale. Testes autem qui fuerint nominati, si se gratia, odio, vel timore subtraxerint, per censuram eandem, appellatione cessante, compellas veritati testimonium perhibere. Datum Viterbii xv. calendas Junii pontificatus nostri anno iv.

FINIS.





# I N D E X

## R E R U M E T V E R B O R U M

### H U J U S V O L U M I N I S .

## A

**A** Cardinalis S. Anastasii Innocentii VIII. consanguineus ad episcopatum Tornacensem nominatus, 1764. d. 1765. c.

A. tituli XII. apostolorum cardinalis, 89. c.

Abbas benedicendus juramenrum sedi apostolicæ præstare debet, 556. a.

Abbates & majores prælati etiam suspecti non possunt capi, 264. c.

Abbates vitiosi amovendi, 438. c. f.

Abbatissa non facienda vidua aut aliàs corrupta, 401. b.

Abbatibus boni monachi præficiendi, 562. d.

Absentes canonici privandi retributione, 206. a.

Absentes in ecclesia Aniciensi censendi, qui sex abfuerint mensibus, 480. a.

Absolutio à gravioribus peccatis, & excommunicatione, à quibus facienda tempore subtractionis, 1598. f. 1599. b.

Absolvendi à censuris impediens transvehimentum ad curiam si respiciant, facultatem donat Innocentius VI. 907. f.

Abulensis episcopus pro facto unionis à Benedicto XIII. missus ad dominum regem Franciæ, 1143. a. Ejus ad regem verba 1143. b.

Acceptatio ducentorum florenorum acceptorum à nuntiis regis ad pontificem Romanum pro unione ecclesiæ, 1328. c.

Accursius inquisitor hæreticæ pravitatis, 743. b.

Accerrarum comes pacem facit cum Carolo rege, 302. c.

Accerrarum comes vir sanguinum, 340. b. Ejus conversio, 356. c.

Acherontinus episcopus Laurentius, 465. c.

Aconensi civitati subsidium mittit Clemens IV. 426. c.

Ademarius de Pictavia comes Valentiniensis, 502. b. d.

Ademarius comes Valentiniensis animatur ad repellendos à civitate Sancti Spiritus prædones, 872. c. 874. c.

Adolfus comes de Nassauve 1714. d.

Adrianus Cortin, 1419. c.

Adulatores regi vitandi, 252. f. 255. b. Adulterorum natis dispensatio non danda, 401. a.

Advocati malas lites non deferunt, nisi deferantur à pecuniis, 1468. f.

Æduensis episcopus Reginaldus, 874. d. 937. d. 995. b. 1006. a. 1013. b. 1042. c.

Ægidia femina pauper domum religiosam ædificat, 587. d.

Ægidius Tyrensis archiepiscopus, 127. b. 355. b. 383. c. colligendis pro terra sancta subsidiis ab Urbano IV. destinatus 7. a. 47. b. & seq. 421. c.

Ægidius episcopus Sabinensis, 870. c. 886. f. 889. f. 907. b. 909. b. d. 921. a. 932. b. c. 934. c. 944. f. 952. c. 970. f. 975. f. 984. d. 987. c. 994. c. 999. d. apostolicæ sedis legatus, 864. c. præcipuum ecclesiæ membrum 997. c. de vicariatu Bononiensi tractat cum Aldebrandino Marchione E-

stenis, 897. f. conditiones ipsi præscribit papa 900. d. & seq. Ei committitur inquisitio de moribus officialium Urbis, 1069. f. & seq. Ejus beneficia in Hispania detecta 997. c. 998. c. Ipsum recusat revocare à sua legatione Innocentius VI. 1068. f. & seq.

Ægidius Tusculanus episcopus, 1073. b.

Ægidius episcopus Vicentinus, 985. c. 1005. b. 1012. c. 1014. a. Nuncius papæ ad imperatorem 990. a. Mittitur ad Carolum imperatorem ad terminandum via arbitrali negotium Bononiense cum Bernabovo, 970. a. Ad procurandam pacem inter Carolum imperatorem & Rodulfum Austriæ ducem, 971. c. 978. c. 979. d. 980. b. Recusantes sibi concessa solvere subsidia per censuram ecclesiasticam cogere potest, 973. a. Marchioni Brandeburgensi commendatur, 974. f.

Ægidius Sancii Munionis papatum ambit, 1732. d. & seq. Eligitur antipapa, 1733. b. per Simoniam 1733. d. 1735. d. jurata quadam schedula sibi exhibita, 1734. c. Clementis VIII. nomine accepto, 1737. c. schedulam juratam comburit, 1735. c. Ejus electioni se opponit Johannes de Thurena, 1735. c. circa quam proponit dubia, 1736. c. & seq.

Ægidius abbas Belli-becci deputatus ad concilium Constantiense, 1539. f. 1541. f.

S. Ægidii villa patria Clementis IV. 619. f.

S. Ægidii monasterium, 375. d. Monasterium sanctum 370. a. Illud commendat S. Ludovico Clemens IV. 372. à b. Ejus privilegia confirmat, 518. d. & seq. eique brachium S. Georgii concedit, 538. b. est reformandum, 325. d.

S. Ægidii abbati scribit Clemens IV. ut P. de Montepesato monachi studio vacantis provideat expensis, 572. c.

Afflictiones tamquam summi regis filiarum excipiendæ, 563. a.

Agathensem episcopum à percutienda moneta dehortatur Clemens IV. 404. b.

Agathensis episcopus Guido Prænestinus cardinalis, 1460. b.

Agennensis episcopus Deodatus, 1056. b.

Agnetis de Castro cum Petro rege Portugalie matrimonium approbare recusat Innocentius VI. 1030. f.

Agnes meretrix Johannis Galeatii ducis Mediolanensis, 1471. f.

Alamannus archiepiscopus Pisanus, 1433. b.

Alanus episcopus Lehenensis, 1550. b. 1558. c. 1562. c. 1606. f.

Alariensis episcopus Bartholomæus, 395. b.

Alatrinenfes ne gubernatores ex Romanis accipiant absque suorum officialium consensu verat Innocentius VI. 930. d.

Alazacia neptis Clementis IV. 591. d.

Albanenses episcopi Angelus, 1128. b.

Anglicus, 1073. a. Nicolaus 1378. d. 1461. c. 1491. d. R. 339. b. c. Radulphus 207. c. 388. c. 471. f.

Albertus dux Austriæ, 1153. d. 1713. f.

Albertus Marchio Estensis 953. c. 994. f.

Albertus Urbani IV. notarius, 21. c. 23. a. Scriptæ ad eum Urbani 4. epistolæ, 19. 11. 23. 26. 30. b. ad sedem apostolicam revocatur, 89. c.

Albionensis episcopus cum rege tractat de temporali jurisdictione urbis Albionensis, 94. b. & seq. Temporalem urbis Albionensis jurisdictionem in se ipsum tenet de archiepiscopo Bituricensi, 94. c.

Albonetus ecclesiæ proditor, 83. c.

Alcuinus à Gallia in Franciam transit Carolum magnum edocturus, 1242. d.

Aldobrandinus Marchio Estensis, 994. f. Civitatis Ferrariensis vicarius, 953. c. Ei. Vicariatum urbis Bononiensis, quibusdam conditionibus committere meditabatur Ægidius Sabinensis episcopus, 898. a. & seq. Conditiones ipsi præscribit Innocentius VI. 901. c. Ipsius juramentum vicariatum Bononiensis acceptando, 904. c.

Alestinus electus episcopus Quinquévinc minus grammaticus, 400. c.

Alemannia variis lacerata scissuris languet & deficit, 313. c.

Alexander III. ab antipapa Roma pulsus, 1471. b.

Alexander papa IV. à Manfredi vexatus, 90. b.

Alexander episcopus Alexandrinus Ario commisit sacrorum librorum emendationem, 1495. c.

Alexander abbas - Belli fontis, 1558. d. 1559. f.

Alexander Brancacius Siciliæ Marecallus, 886. c.

Alexandrinus patriarcha Simon Cremaudi, 1335. f. Ejus epistola ad Cantuariensem archiepiscopum, 1230. f.

Alfonso confessor regis Castellæ, 1280. c.

Alfonso rex Aragonum obedientiam Petro de Luna etiam sollicitatus negat, 1663. d. Ecclesiæ unionem prosequi paratus, 1665. f. Moriens unionem ecclesiæ filio suo commendat, 1662. f. 1663. f.

Alfonso Aragonum rex patris sui obitum concilio Constantiensi significat, atque ecclesiæ unionem se procuraturum pro posse promittit, 1664. c. & seq.

Alfonso rex Portugallie, 1031. a.

Alfonso comes Pictavenfis, 20. a. b. 40. c. 527. c. 561. c. 589. a. Siciliæ regi sine liberis morienti in regno succedere debet, 225. c. Clemens IV. se excusat de impotentia ministrandi ei subsidii pro Terræ sanctæ negotio, 313. b. 385. a. 427. b. Pecuniarium subsidium promittit, 494. a. b. quod postea dare non posse dicit, 495. c. d.

Allegata coram rege Castellæ pro Clemente VII. contra intrusum, 1094. c.

Alphandus de Terrasone Clementis IV. nepos, 121. d. 300. f. 548. a. 591. c. c.

Alvicia neptis Clementis papæ IV. 590. a. Eam à secundis nuptiis dehortatur, 590. b. & seq. Rationis ipsius usus hebetatus, 591. b.

Amalricus de Rupe Magister domorum Mi-



- litiz Templi in Francia Carolo Siciliz regi pecunias procurat, 534. b.
- Amarteus archiepiscopus Auxitanus 1817. c.
- Ambaldus XII. apostolorum cardinalis, 107. d. 221. c. 222. c. 223. d.
- Ambianensis episcopus Johannes de Grangia, 1440. f. 1461. c. 1494. b.
- Ambitioni datus jam non res ipsas, sed suæ passionis phantasias videt, 1454. b.
- Ambrosius Theodosium imperatorem excommunicavit, 710. c.
- Amedeus de Saluciis cardinalis, 1266. f. 1378. c. 1458. f. 1602. c.
- Amedeus de Talaru decanus Lugdunensis, 1550. d. 1552. b.
- Amedeus comes Gebennensis, 856. b.
- Amedeus comes Sabaudia, 850. b. 873. c. Ipsi in gratiam Arnoldi de Roeca-folio archidiaconi Valentiniensis spoliati & de-terenti scribit Innocentius VI. 865. a.
- Americus electus Vvulteranus, 1028. f.
- Amici nihil aliud quam unum esse conantur, 1165. f.
- Amicitia nullum certius indicium, quam persequi in amico, quæ corpus & animam trahunt in exterminium, 448. c.
- Amoris Dei præceptum in via perfecte non potest adimpleri, 1122. f.
- Amor Christi & timor gehennæ omnia vincunt, 1080. a.
- Anagninam civitatem sibi restitui jubet Innocentius VI. 931. b.
- Anagninensis episcopi controversia cum Raynaldo Rubeo, 634. f.
- Ancherus cardinalis S. Prædix, 207. d.
- Anchonitani, 134. c. Eorum aculei & insidiz in ecclesiam, 316. f. Eos mitius tractandos censet Clemens IV. 345. c.
- Andegavensis dux Italiz, civitates plures occupat, 1174. c.
- Andenagogus episcopus Pampelonensis, 582. d.
- Andreas episcopus Ariminensis, 844. b. 845. b. 876. f. 877. f.
- Andreas electus Polnaniensis, 1650. c.
- Androinus abbas Cluniacensis, 940. f. 1038. c. ad procurandam pacem inter Carolum ducem Britanniz & Johannem comitem Montisfortis à papa mittitur, 893. b. 894. a. c. 895. d. 896. c. f. Fit cardinalis, 1027. b. 1066. c. Ei extra curiam capellum rubrum mittere recusat Innocentius VI. 1063. b. quem tamen postea mittit ad instantiam regis 1068. b. Eum ad curiam vocat Innocentius VI. 1063. c.
- Angelus Corratio, 1432. d. 1433. c. 1435. a. 1611. f. 1728. c. electus in papam Gregorium XII. 1287. c. 1289. b. Paratus ad cessionem in concilio Constantiensi, 1617. a. in quo eligi in papam non potest, 1636. f. ei se subicit, 1646. d. V. Gregorius XII.
- Angelus episcopus Albanensis, 1128. b.
- Angelus cardinalis S. Laurentii in Damaso, 1274. b.
- Angelus S. Potentianæ cardinalis, 1274. b. 1322. f. 1367. a. 1368. a.
- Angelus episcopus Ostiensis, 1322. f. 1367. a. 1368. a.
- Angelus Tavernini patrimonii S. Petri in Tuscia thesaurarius, 843. a.
- Angelus de Ballionibus papæ capellanus, & ipsius causarum auditor, 1607. c.
- Angeriacensis monasterii abbati congaudet Clemens IV. 585. c. Albanensi episcopo in negotiis ecclesiæ collaborat, 339. b. De debitis anxius à Clemente IV. securitatem accipit, 366. a.
- Anglia Lupis munda est, 248. d.
- Anglia multis attrita molestiis, 313. b.
- Angliz pericula, 327. c.
- Anglicanæ gentis mobilitas, 542. f.
- Anglici mutuum difficile solvunt, 133. a.
- Angli Guidonem cardinalem legatum admittere recusant, eique viam præcludunt, 247. c. 551. f. Clementem papam IV. in minori officio constitutum contemserunt, 115. b. Qui tamen Angliz regis & regni stabilimento intendit, 200. c. Angliz reginæ nuncium in Angliam mittendum promittit Clemens IV. 115. c. Legato suo ut pacis nullos tractatus in Anglia admittat, mandat, 166. c. & seq. Angliz beneficia in commendam petit pro episcopo Hostiensis, 211. d. Angliz beneficiorum decimas per biennium pro urgentibus ecclesiæ necessitatibus petit Innocentius VI. papa, 965. f. & seq. Angliz præfules subsidium pecuniarium concedunt Innocentio VI. 1065. f. 1067. a.
- Angli in concilio Constantiensi Hispanos præcedere contendunt, 1667. b. Ex Anglis & Germanis unicam nationem faciendam esse quinam censent, 1667. b.
- Anglicus Albanensis episcopus, 1073. a.
- Angularis comes, 548. f. Carcere liberatus beneficio sedis apostolicæ, 415. d. & seq. Ejus liberationi congaudet Clemens IV. 147. f.
- Aniciensis ecclesiæ primum præfuit episcopus Clemens IV. 447. a. Ejus statuta confirmat, 477. a. & seq.
- Anicenses episcopi Elias 1548. f. 1550. a. 1557. c. 1560. d. 1561. c. 1564. a. d. 1568. f. 1569. b. 1581. d. 1583. d. 1584. b. Johannes 1043. c.
- Annatarum origo 1587. a. & seq. Earum auctor Johannes xxii. 1421. f. In his major pars sustentationis papalis, 1566. b. Earum taxa quanta, 1598. a. His galli præ aliis gravati 1598. c. 1599. d. Quam sint exitiales, 1420. d. 1546. c. 1590. c. 1592. c. De Simonia arguuntur 1587. f. 1588. c. f. 1592. d. 1601. c. Belli materiam administrant, 1591. f. Non possunt defendi jure consuetudinis 1589. a. De his vota nationis Gallicanæ in concilio Constantiensi 1549. b. Annatarum materiam primi aperuerunt cardinales in concilio Constantiensi, 1585. c. f. Qui ne tollerentur in concilio Constantiensi totis nisibus laborant, 1600. a. & seq. Quas tollendas censet natio Gallicana, 1543. c. Instrumentum publicum eadere, 1543. c. Protestationes adversus annatarum sublationem 1560. c. Prioris Celsinensis, 1561. c. comitis Sabaudienfis, 1562. d. abbatis Cisterciensis, 1563. d. Johannis Ponceti canonici Bisuntini, 1564. f. 1575. c. De Annatis concilii Constantiensis decretum, 1704. c. Concilium Parisiense pro tollendis annatis, 1547. c. 1548. f. Caroli VI. regis litteræ de annatis tollendis, 1545. c. Adversus eas insurgit Parisiense Parlamentum, 1542. d.
- Annibaldenses Sabiniam invadunt, 134. d.
- Annulos publice non deferant clerici, 485. c.
- Antichristi tempora qualia futura, 1513. f. & seq.
- Antiochenis patriarcha Johannes, 1543. f. 1549. d. 1560. a. 1564. a. 1581. d. 1606. c.
- Antonetus Fornerii domicellus, 873. b.
- S. Antonii corpus in prioratu Montis-majoris, 508. d.
- S. Antonii abbatia Viennensis, 508. f.
- Antonius cardinalis S. Ceciliz 1274. b.
- Antonius cardinalis S. Prædix, 1323. a. 1367. a. 1368. a.
- Antonius de Chalant cardinalis, 1452. c. 1453. d. interfuit concilio Perpiniensi, 1453. d. A. Benedicto xiii. de flectit, 1453. f. 1454. d. Homo ambitiosus, 1434. b.
- Antonius episcopus Prenestinus, 1394. c. 1395. d.
- Antonius de Pireto generalis ordinis Minorum, 1285. b. c.
- Antonius Coste ord. Prædicatorum procurator episcopi Gratianopolit. in concilio Constantiensi, 1553. c.
- Antonius de S. Severino comes Marcini, 886. a.
- Antonius comes Casertanus, 886. d.
- Antonius comes Catauzerii, 886. d.
- Apamiensis abbas tractatus cum S. Ludovico, 628. d.
- Apostoli limitatam potestatem à Christo acceperunt, 707. c.
- Apostolis & Christo nullum jus fuisse in his quæ habuerunt, sed tantum utrum, asserere est hæreticum, 682. c. & seq. 698. f. 717. b. 752. b. & seq.
- Appellatio innocentiz præsidium, 1250. c.
- Appellationes tempore subtractionis quomodo faciendæ, 1402. f.
- Appellationes frivolas nullas declarat Clemens IV. 133. c.
- Appellatio cardinalium à Gregorio XII. 1394. d.
- Appellatio universitatis Parisiensis à domino Benedicto XIII. 1295. c.
- Aquas mortuas muro cingit S. Ludovicus, & in civitatem ædificat, 405. c. & seq.
- Aquensis archiepiscopus de excessibus fratrum Prædicatorum in Maurinum inquisitorem inquit, 354. c.
- Aquilegensis patriarcha agente rege Bohemiz libertate donatur, 531. c.
- Aquilegensis cardinalis epistola ad Universitatem Parisiensem de electione Gregorii XII. 1228. a.
- Aquinatus episcopus oblivioni non tradendus, 356. c.
- Ar. abbas de Puzalia 582. f.
- Aragonia patria Benedicti XIII. 1455. c. Ibi summa libertas, 1470. a.
- Aragonum rex adversus Saracenos pugnat in Hispania 278. d. Eum ut vices suas ad liberationem electi Veronenfis in vinculis detenti interponat, rogat Clemens papa IV. 100. b. Pro ejus liberatione laborat, 150. c. Ei gratias agit Clemens IV. de liberatione ejus, 192. b. Regem de incestuoso adulterio redarguit Clemens IV. 362. c. 449. a. Ejus matrimonium solvere recusat, 277. c. & seq. Ei decimas per triennium concedit, 278. d. Ei gratias agit pro missis muneribus, hortaturque ut cesset ab ecclesiarum vexatione, 182. c. & seq. Ei cardinalem mittere non decet, 564. d.
- Aragonum rex diu adhæsit Benedicto XIII. 1455. b. Quem tamen ad viam cessionis hortatur, 1165. b. Aragonum reginegatur processus concilii Pisani, 1519. c. cum rege Romanorum confert de ecclesiæ unionem 1647. c. Incorporatur concilio Constantiensi, 1666. d. Ejus oratores accedunt ad concilium Constantiense, 1660. d. 1661. b. Benedicti XIII. bullam comburi jubet, 1660. d. Aragonum regis Pius obitus, 1662. c. f. Illum concilio Constantiensi annuntiat Alfonso ejus filius, 1664. c.
- Aragonensis regi secreto significatur mors Petri de Luna, 1732. b.
- Arcadius imperator, 710. c.
- Archiepiscopi xiv. Alemanni in concilio Constantiensi, 1612. d.
- Arelatensis ecclesiæ sua jura restitui curat Clemens IV. 406. d.
- Arelatenses archiepiscopi Bertrandus, 521. f. Guillelmus, 1029. d.
- Arelatenses nobiles Carolo regi commendat Clemens IV. 277. a.
- Aretium ecclesiæ Romanæ reconciliatur, 310. c.
- Aretina civitas à Gallis expugnata, 1174. d. & vendita Florentinis, 1174. d.
- Aretinum episcopus in partem sui corporis admittit rex Siciliz, 180. d.
- Aretinis ecclesiæ hostibus episcopus ullum ferre auxilium prohibetur, 161. c.
- Aretinis annunciat Bononiensium victoria de Bernabovo, 1022. c.
- Argentinenfis episcopus Johannes, 861. c. f. 982. d. 986. d.
- Ariani favore principum conciliabula celebrabant, 1446. f.
- Ario commisit Alexander episcopus emendationem librorum sacrorum, 1475. c.
- Ariminensis civitati pax concessa, 116. b. f. 237. c.
- Ariminensis episcopus Andreas, 844. b. 845. b. 876. f. 877. f.
- Armannus Asturicensis electus, 431. b. Clementis IV. olim Parisiis in scholis socius, 431. c. oblatum episcopatum recusat, 431. c. acceptare jubetur, 431. d.
- Armeniz regis nata cum filio nobilis viri Balduini de Bilmo matrimonio conjuncta, 293. 6.
- Armeniz regi ordinem S. Johannis Jerosolymitani commendat Clemens IV. 170. c.
- Armeniz rex per furorem Babilonici exercitus attritus, 469. b. Ei auxilium procurat Clemens IV. 469. b. Ejus calamitatibus compatitur Clemens IV. 470. d. & seq.
- A-naldus dominus de Lebreto bellum gerit adversus Gastonem comitem Fuxensem, 1056. c.

Arnaldus abbas S. Facundi, 448. b.  
 Arneſtus archiepiſcopus Pragenſis, 899. c.  
 980. f. 981. d. 986. c.  
 Arnoldus archiepiſcopus Auxitanus, 1009. d.  
 Arnoldus de Rocca-folio archidiaconus Valentinenſis, 865. a.  
 Arnoldus de Andruam Mareſcallus Franciæ copias ducit adverſus confœderatos villam Sancti-Spiritus occupantes, 867. b.  
 Arnulfus capellanus Clementis IV. 368. b.  
 Aronius pater Innocentii VIII. 1770. c.  
 Arreſtum parlamenti ut ceſſent annatæ, 1547. c.  
 Arſurii civitatis deſtructio, 335. f.  
 Aſperæ caſtri habitatores eccleſiæ proditores, 163. c. 165. a.  
 Aſtenſi eccleſiæ damna intuliſſe arguitur Carolus Provinciæ comes, 105. f. Ejus jura reſtitui curat Clemens IV. 406. d.  
 Aſturicenſis epicoſcopus Ferdinandus, 961. f. electus Armarinus, 431. b.  
 Atreaba miles, 450. a.  
 Atrebatenſes epicoſcopi Forſi-guerra, 1763. c. Martinus, 1564. d. 1583. d. 1606. f. 1607. a. Quintinus Manard reſectus, 1763. c.  
 Atrebatenſis comes cruce ſignatur, 465. d.  
 Avaritia epicoſcoporum carpitur, 511. b.  
 Avenionenſis eccleſia cathedralis combuſta, 1183. b.  
 Avenionenſis epicoſcopo ſcribit Clemens papa, ut Caroli comitis adverſarios comprehendere curet, 161. c.  
 Avenionenſis epicoſcopus regi Siciliæ mittitur, 174. c. 176. a. 189. d.  
 Avenionenſi epicoſcopo ad Valentinenſem ſedem tranſlato quatuor perſonas eccleſiæ Avenionenſi præficiendas proponit Clemens IV. 501. b.  
 Avenionenſis epicoſcopus à Benedicte XIII. miſſus ad regem Francorum, 1298. b. 1340. d.  
 Avenionenſis urbis muri conſtruuntur, 869. c. 1050. a. f.  
 Avenionenſes nobiles Carolo regi commendat Clemens IV. 177. a.  
 Avenionenſes cives quomodo à Benedicte XIII. obedientia reſceſſerint, 1489. d. Ei reconciliantur, 1269. c. Avenionis pontem lignum fecit comburi Benedictus XIII. 1183. b. 1299. c. 1341. d.  
 Averſani Corradino faventes ab excommunicatione pœnitentes ſunt abſolvendi, 630. f.  
 Augerius de Oſſerano abbas ſæcularis S. Marcelli Legionenſis, 963. c.  
 Augi comes cruce ſignatur, 465. d. In Hiſpania regi Caſtellæ fideliter aſſirit, 191. a. Ei Clemens IV. notam facit victoriam de Manfredo reportatam à Carolo Siciliæ rege, 299. f.  
 Auguſtenſis dioceſis decimas pro Carolo rege ſolvat, 255. d.  
 Auguſtenſis epicoſcopus Ogerius, 1550. d. 1551. c. 1558. c. 1606. f.  
 Auguſtinus fatetur ſe quædam ſcripiſſe quæ poſſunt culpari, 1220. a.  
 Auguſtinus de Briſaco Eremitarum ordinis S. Auguſtini procurator generalis, 989. c. 1013. a. 1014. d.  
 Auguſtodunenſis epicoſcopus Petrus Bertrandi, 1420. a. v. Eduenſis.  
 Aurelianenſis electus Bertrandus, 431. f.  
 Auriensis epicoſcopus Johannes de Cardaillaco, 1029. c.  
 Aufonetus Fornerii domicellus, 846. c.  
 Auſtriæ-dux, Vid. Fredericus.  
 Autiſſiodorenſis epicoſcopus Iſterius, 891. a.  
 Autiſſiodorenſem epicoſcopum ut crucem cum Carolo Siciliæ rege ſumat hortatur Clemens IV. 100. a. & ſeq.  
 Auxitanum archiepiſcopum hortatur Urbanus IV. ut facile ſe præbeat ſuffraganeosque ſuos inducat ad ſolvendam Carolo comiti Andegaviæ decimam, 75. c. & ſeq.  
 Auxitani archiepiſcopi Amanevus, 1817. c. Arnoldus, 1009. d.  
 Azotum à Saracenis expugnatum, 169. c. 170. d. 421. d.

## B

B. Cardinalis S. Clementis, 1713. d.  
 B. Archiepiſcopus Cuſentinus de regno Siciliæ tractat cum Carolo comite, 223. c.  
 B. Regina Siciliæ, 564. b. 567. f. Ejus, ſepultura apud fratres Hoſpitalis Hieroſolimitani, 616. a.  
 B. De Bello-vicino, 683. c.  
 Bajocenſem epicoſcopum in litigando cautum reddit Clemens IV. 181. c.  
 Balduinus archiepiſcopus Trevirenſis, 637.  
 Balduinus imperator Conſtantinopolitanus Manfredo eccleſiæ hoſti favet, 23. d. 354. c. poſtea ipſi eccleſiæ, 354. c. Ejus ad Manfredum epiſtola, 23. f.  
 Baldus famoſus doctor utriusque juris, 1468. d. Mutat ſententias pro mutatione locorum, 1469. f. 1472. c.  
 Ballivi Carcaffonenſis vexat eccleſiam Narbonenſem, 131. a. b.  
 Ballivorum in prælatos vexationes à rege tolli rogat Clemens IV. 129. c.  
 Baltazar de Coſta, 1530. c. Factus papa Johannes XXIII. 1728. a. Qualis eſſet cum fuit electus in papam, 1621. d. In concilio Conſtantiensi in papam eligi non poſteſt, 1616. f. v. Johannes XXIII.  
 Baptiſta de Roma epicoſcopus Camerinus legatus papæ in regno Poloniæ, 1752. c.  
 Baptiſta Polligotii conſervator Romæ, 1373. c.  
 Barchinonenſes Benedictum XIII. ad redeundum Barchinonam invitant, 1455. c.  
 Barchinonenſis epicoſcopus Michael, 1043. d.  
 Barralus Baucii Dominus poteſtas Mediolanenſis, 268. c. 289. a. Major juſtitiarius Siciliæ, 543. f. Carolo regi Siciliæ fidelis, 334. c. cum ab eccleſiæ cenſuris abſolvi mandat Clemens IV. 335. b.  
 Barrenſis cardinalis dubia circa concilium Piſanum, 1480. c. 1534. f.  
 Barrenſem inter & Luceburgenſem comites pax S. Ludovico reformanda commendatur, 426. c.  
 Bartholdus de Nyſſen Ludovici Bavari Orator fautor hæreticorum, 754. d. Exercitum congregat adverſus exercitum eccleſiæ, 755. c. Quæ fecit in Lombardia irritatur, 756. b. Proceſſus adverſus eum, 832. d.  
 S. Bartholomæus civitatis Beneventanæ patronus, 306. d.  
 Bartholomæus Barrenſis coluber tortuoſus, 1098. d.  
 Bartholomæus Caſcavelli archiepiſcopus Barrenſis per impressionem electus papa, 1122. d. 1716. b. Ejus electio nulla fuiſſe probatur, 1123. d.  
 Bartholomæus electus à duabus partibus ante impressionem, 1085. c. Electio ejus aliquandiu occultata, 1085. d. Poſtea iterata, 1086. b. Idque ut eſſet verus papa 1086. d. Dicitur intruſus, 1075. c. 1076. c. Ejus electio in papam non canonica, 1076. c. 1124. a. 1439. d. Facta per metum & impressionem, 1078. Quæ impressio duravit, 1078. c. Intronizatur à cardinalibus, 1088. d. Qui ejus electionem veram fuiſſe conſentunt, 1089. c. Suos anticardinales beneficiis cumulat, 1127. d. Eum tamquam per vim electum omnes relinquant cardinales, 1125. a. Sine ullo proceſſu, 1125. b. Electioni ſuæ conſentens cenſetur ineligibilis, 1716. d. Bartholomæus Barrenſis à rege Caſtellæ rejicitur, 1721. c. & ſeq. vide infra Urbanus, VI.  
 Bartholomæus epicoſcopus Alariensis, 1595. b.  
 Bartholomæus abbas S. Theodori, de Trebis epicoſcopus ordinandus, 583. c.  
 Bartholomæus de Carpineto papæ ſecretarius, 961. a. f. 965. d. 964. a. d. 965. b.  
 Bartholomæus Simplex comes in prælio Beneventano captus, 284. d. 288. a. 302. b.  
 Bartholomæus de Poplenchiſ orator Florentinorum ad Gregorium XII. & cardinales, 1411. b.  
 Baudonus Caſtri-novi dominus, 496. d.  
 Beatrix de Sarquex abbaſſa S. Trinitatis Cadomenſis, 1813. 1814. b. & ſeq.  
 Belam Hungariæ regem redarguit Clemens IV. quod Timotheum Zegabrienſem epicoſcopum dignitate pacifice frui non ſinceret, 171. b. & ſeq.

Belli-becci abbas in concilio Conſtantiensi, 1552. c.  
 Belli fontis abbas in concilio Conſtantiensi, 1552. f.  
 Belvacenſes epicoſcopi Guillelmus de greſſibus, 462. c. Johannes, 1335. f. P. 1320. c. Electus Reginaldus de Nantolio, 509. b.  
 Clementis IV. nepoti collata præbenda in eccleſia Belvacenſi, 357. c.  
 Belvacenſem epicoſcopum increpat Clemens IV. quod injuſtè quærat de præbendarum collatione, 357. c. Ejus preſſuris compatitur, 357. f.  
 Benedictini monachi in cathedrali Vvintonienſi eccleſia, 413. f.  
 Benedictus poſt mortem Stephani III. papæ electus poſt novem menſes de papatu ejicitur, 1125. d. 1622. d.  
 Benedictus XIII. 1245. c. 1347. b. Ex Aragonia traxit originem 1134. d. 1455. c. Grandem comam & barbam contra canones deſert, 1183. d. Spe ceſſionis futuræ à cardinalibus electus, 1178. a. Electus viam ceſſionis ſe proſecuturum jurat, 1178. b. Præſentibus principibus à rege miſſis eam recuſat, 1178. c. Etiam urgentibus cardinalibus 1179. a. Et nunciis univerſitatis Pariſienſis, 1179. b. Et rege Caſtellæ 1179. c. & rege Aragonum, 1179. f. Viam ceſſionis ante papatum laudabat, 1177. f. 1297. c. 1340. b. c. Factus papa recuſavit, 1298. a. 1299. a. 1301. c. 1304. 1341. Ei quam contrarius, 1180. d. & ſeq. Eam facit impugnare coram rege Aragonum, 1300. b. 1342. c. per epicoſcopum Abulenſem varias format difficultates ſuper viis à principibus apertis ad extinguendum ſchiſma, 1143. c. Extinguendo ſchiſmati viam conventionis eligit, quæ reprobat, 1167. f. & diſcuſſionis quæ variis patet incommodis, 1170. d. 1183. a. Cui tamen ſemper adhæſit 1246. a. Scribit ad Johannem regem Aragonum adhortantem ut ſuam conferat operam ad tollendum ſchiſma, 1134. a. Bis mittit ad regem Franciæ pro eccleſiæ unione, 1167. b. 1242. b. Qui ſalvam gardiam dat Ei, 1229. b. Et miſit ei legatos regii ſanguinis, 1298. c. Sed regem deſuſit, ibid. Pontem Avenionis comburi fecit 1183. b. 1299. c. 1341. Palatium Avenionenſe incaſtellavit, 1383. c. Obedientia ei ſubtracta à multis, 1182. b. Et quidem licitè denegata, 1190. b. & ſeq. à Maria regina Siciliæ & Jeruſalem, 1264. b. Quinam obedientiæ ſubtractionem denegarunt, 1194. c. Obedientiam ſubtrahere recuſarunt reges Aragonum, Scoriz, Cypri & comes Sabaudiz, 1228. b. Subtracta obedientia verat rex ipſius gratias ſua effecit ſortiri, 1153. c. & ſeq. Facta ſibi ſubtractione viam ceſſionis acceptat, 1301. d. 1343. c. 1363. c. Quam facta reſtitutione obedientiæ recuſavit, 1301. c. 1343. f. 1444. a. Ei anno 1403. reconciliantur cardinales qui ipſi obedientiam ſubtraxerant, 1266. f. & ſeq. Eum convenit apud Avenionem Ludovicus II. rex Jeruſalem & Siciliæ, eique obedientiam reſtituit, 1265. a. & ſeq. Ei reconciliantur cives Avenionenſes, 1269. c. & reſtituitur obedientia in Francia, 1273. c. Mittit ad Bonifacium IX. 1429. a. Promotiones ritè factas tempore ſubtractionis confirmare recuſat, 1302. a. Sed neque concilium celebrare curat, 1302. b. Eccleſiam Gallicanam variis gravaminibus opprimit, 1302. b. & ſeq. Fructus unius anni beneficiorum vacantium uſurpat, 1302. b. Procuraciones prælatorum eccleſias viſitantium omiſſa viſitatione, 1302. c. Decimas ſuper clerum levat, 1302. d. Spolia eccleſiaſticorum defunctorum ſibi retinet, 1302. c. Fructus defunctorum vacantium per plures annos, 1302. f. Immo fructus quos aiebat male perceptos, 1303. a. & Arreſtagia per quadraginta annos, 1393. b. Monetas mutat, 1303. c. Ejus exactiones prætextu indulgentiarum, 1303. c. Per reſervationes, 1303. f. per mutua, 1303. f.  
 Benedictus XIII. Gregorio XII. ſcribit pro ſedando ſchiſmate, 1294. a. Reſponſio data oratoribus Gregorii XII. ſuper hoc quod  
 Z z z z z

- sibi offerebat aliqua loca ad conveniendum, 1386. c. Benedicti collusio cum adversario 1300. d. 1342. c. f. Versus super illa collusione 1394. c. Citatur ad procurandam ecclesie pacem, 1169. b. Concilium generale in Gallia celebrare recusat, 1344. b. Pro extirpando schismate celebrare promittit, 1268. b. Concilium Perpiniani celebrandum convocatur, 1413. c. 1416. f. 1473. e. in quo se purgare tentat, 1474. c. 1727. a.
- Benedictus xiiii.** ad concilium Pisanum vocatus, 1474. c. Ad illud legatos mittit, 1727. e. ab eodem concilio repulso, ibid. In eo damnatur, 1727. b. & seq. dura & displicibilia ei loquitur Bonifacius Ferrerii, 1442. b. Qui pro ipsius defensione edidit tractatum, 1436. d. Illius epistola ab Bonifacium Ferrerii, ut officium prioris Carthusie resumatur, 1530. f. 1533. c. Cui permittit ut generale sui ordinis capitulum celebret in quo voluerit monasterio, 1532. d. Indulgentias concedit generali capitulo Carthusienfium, 1534. d.
- Benedicti xiiii.** pertinacia, 1182. b. Quantis criminibus sit obnoxius, 1304. f. Cedula adversus eum, 1340. b. An erraverit in fide, & fuerit ab ecclesia praeclusus, cum ei fuit subtrahenda obedientia, 1227. f. Fuit schismatis fautor, 1296. f. De haeresi insimulatur, 1188. c. & seq. 1192. a. Reclusus & incarceratus per biennium ad omnia se paratum protestatur, 1227. d. Multa opprobria regi Francie imponit, 1342. d. Gallis est injuriosus, 1300. b. A rege Francorum jussus est capi, 1473. d. Fuit per quatuor annos incarceratus, 1489. d. De carcere furtive evadit, 1493. b. Ab omnibus populis maledictus fuit, torque habuit maledictiones quor possent sufficere omnibus maledicendis, 1660. c. In insulam se recipit ubi obsideretur, 1660. c. Bullam privationis vibrat in regem Aragonum qui ei subtraxerat obedientiam, 1660. d.
- Benedictus xiii.** obit apud Paniscolam creatis quatuor cardinalibus, 1731. a. c. Ejus mors celata per aliquot menses, 1731. d.
- Benedictus xiv.** antipapa, 1742. b. Ejus electionem discuti in concilio generali petit Johannes de Thurena, 1747. c.
- Benedictus** ordinis Prædicatorum fratrem Maurinum inquisitorem contrumeliosis afficit, 349. a. 553. f. Ei poenitentia injungitur, 354. c.
- S. Benedicti de Miranda** abbas secularis Fortunius, 360. c.
- Beneficia** aliquot Anglie in commendam petit Clemens IV. pro episcopo Ostiensi 211. d. Item pro Octaviano cardinali, 213. b.
- Beneficiorum pluralitas** prohibita, 483. e. 1704. b. Retardat Guidonis de Alvernia postulationem in archiepiscopum Vienneensem, 452. c. & seq. permittitur ex dispensatione, 68. c. Beneficium quartum simplex acceptanti omnia tollantur, 1698. c.
- Beneficiorum illicitæ impetrationes**, 1447. d. A beneficiis amovendi non legitime instituti, 607. c. Filii illegitimi non debent beneficia obtinere in eadem ecclesia, in qua pater eorum deservit, 1711. d.
- Beneficia** quomodo conferenda tempore subtractionis, 1405. b. Et seq. Deliberatio cleri Gallicani de collatione beneficiorum durante schismate, 1307. c. 1311. b.
- Beneficiorum provisio** res est consistorialis, 1000. c. De beneficiorum collatione anxiantur doctores in concilio Constantiensi, 1686. a. & seq. Per papam conferenda potius quam per ordinarios censent doctores Parisienses 1686. c. 1697. e. & universitas Colonienfis, 1687. a. 1699. f. Circa beneficiorum collationem papa mentem suam aperit concilio Constantiensi, 1696. c. d. Monita circa collationem beneficiorum, 1696. c. & seq. de Beneficiorum provisione concilii Constantiensis decretum, 1700. d.
- Beneficiorum vacantium fructus** chori servitio assignati, 481. b.
- Beneventi** patronus S. Bartholomeus, 306. d.
- Beneventum** sibi retinet Summus pontifex, 20. a. Quæ civitas propria est sedis apostolicæ, 10. a. 20. a. 224. d. 232. c. 299. a. 307. d.
- Beneventani** Friderico regi resistunt, 299. c. 308. a. Apud eos se recipit Manfredus, 299. c.
- Beneventanum prælium**, 284. a. & seq. 286. f. 288. a. 290. f. Beneventum Urbs patens & absque murorum ambitu, 307. f. Eam deprædatur Carolus rex Siciliæ, 299. b. & seq. 306. d. Cæsaris edictum pro ejus excidio, 307. c. Sacrilegia inibi commissa, 307. a. b. Beneventanæ civitatis resectio, 10. d.
- Beneventanus archiepiscopus** Geraldus, 915. b. 916. c. d. 918. f. 956. d. 958. a. 960. f. 961. c.
- Berardus** notarius Clementis IV. 213. c. Ad Carolum regem nuntius, 257. d.
- Berengaria** peller regis Aragonum, 440. c.
- Beringherius de Palatio** miles, 867. d. 868. d.
- Bernabos de Vicecomitibus**, 1004. a. 1005. a. c. 1018. d. 1019. c. 1020. c. 1036. Miles Mediolanensis, 898. d. & seq. 926. b. Tirannus, 1471. b. castrum Luci occupat, 899. a. Illius tractatus cum Nicolao Sederini cive Florentino, 900. d. Guillelmum abbatem S. Germani Autissiodorensis ad tractandum cum eo mittit Innocentius VI. 909. c. 957. b. Carolum imperatorem & Ludovicum Ungariæ regem arbitros eligit ad terminandum Bononiense negotium, 970. c. 975. d. 978. c. 981. a. Illud papæ & imperatori, 983. c. 988. a. 1013. b. Territorium Bononiense suis incursionibus infestat, 999. d. e. Ejus copiæ prope Bononiam victæ, 1021. c. 1022. c. 1023. b. d. 1024. c. f. Certam partem comitatus Bononiensis occupat, 1071. b. Pacem cum eo fieri assentit Innocentius VI. 1072. d.
- Bernardi Carvajal** episcopi Pacensis oratio de eligendo summo pontifice, 1774. a.
- S. Bernardi** capsa argentea vendita ad solvendas annatas, 1420. c.
- Bernardus** abbas S. Michaelis de Podio Boniti, 1395. b.
- Bernardus** Anglus prior ordinis S. Benedicti citatur Petrum de Luna, 1670. 1674. a.
- Bernardus** Languiselli capellanus Clementis papæ IV. 350. a. 351. a.
- Bernardus** comes Armaniæ, 1432. b. Johannes xiii. ad eum epistola, 1132. c.
- Bernardus de Capraria** miles, 851. a. 875. d.
- Bernardo** Rascacii militi Avenionensi committitur cura civitatis Avenionensis muris circumcingendæ, 1049. f. & seq. 1050. a.
- Bertholdus** de Groyspach Ludovici Bavari orator fautor hæreticorum, 754. d.
- Processus contra Bertholdum de Nyffen**, 797. c. Citatur responsurus super crimine hæresis, 759. c.
- S. Bertini** monasterium reformari jubet Clemens IV. 238. c.
- S. Bertini** abbas Guillelmus factus episcopus Tornacensis, 1762. f.
- Bertrandus** cardinalis S. Marcelli, 756. d.
- Bertrando** archiepiscopo Arelatensi permittitur ut crucem ante se deferri faciat, 522. b.
- Bertrandus** archiepiscopus Neapolitanus, 952. a. 957. c. 960. f. Paci reformandæ inter regem Siciliæ & ducem Duratii destinatur, 915. b. f.
- Bertrandus de Maumont** episcopus Biterrensis Petro de Luna adhæret, 1425. d. Ab eo furtim se separat, 1425. c. Sedi suæ restituitur, 1426. b.
- Bertrandus** episcopus Convenarum, 1009. b.
- Bertrandus** episcopus Lubicensis nuntius in Dania, Suevia & Norvegia, 1054. b. 1055. d.
- Bertrandus** episcopus Ostiensis, 723. d. 786. f.
- Bertrandus** episcopus Tusculanus, 750. b. 757. c. 760. f. 783. b.
- Bertrandus** Ucetienfis episcopus, 329. f.
- Bertrandus** Aurelianensis electus, 431. f.
- Bertrandus** abbas Toroneti, 1007. b. Cives Massilienses excommunicatos denunciare mandatur, 1052. a. & seq.
- Bertrandus** præpositus Tolosanus, 518. c.
- Bertrandus** comes de Alesto, 402. a.
- Bertrandus** Albe miles, 451. c.
- Bertrandus** Judex Caroli regis, 258. a.
- Bertrandus** Judex Mediolanensis, 264. f.
- Bertulinus** missus ab intrulo ad Benedictum, xiii. 1181. a.
- Bethleemitanus** episcopus translatus ad Cusentinam sedem, 465. c.
- Bethleemitani**, episcopi Durandus, 847. b. G. 566. c. 567. b. d. 569. c. c.
- Biterrensis** episcopatus per sex annos vacat, 1424. c.
- Biterrensi** episcopo gratias agit pro muneribus Clemens IV. 256. f.
- Biterrensis** episcopus Bertrandus de Maumont à Petro de Luna separatus suæ sedi restituitur, 1425. c.
- Bituricensis** archiepiscopus, de eo in seivum tenet temporalem jurisdictionem Albienfis episcopus, 94. c.
- Bituricensis**, Burgundiæque ac Aurelianensis duces deputati à rege ad papam, & cardinales ad tractandum de unione ecclesiarum, 1136. f.
- Blasphemi** quibus poenis puniendi, 587. b. 623. f. 624. Contra eos ad papam scribit S. Ludovicus 130. a.
- Bohemiz** rex Carolo Siciliæ regi addictus, 555. a. Aquilegiensis patriarchæ libertatem procurat, 531. Ei fatuos Conradini conatus scribit Clemens IV. 576. d.
- Bohemiz** hæreticis bellum infert Sigismundus imperator, 1713. c. & seq.
- Bona** comitissa Armaniæ, 1433. a.
- Bona** gratia ordinis minorum, 750. f. 783. c. excommunicatur, 751. d. Citatur ad papam fugit ad Ludovicum Bavarum, 803. a.
- Bonjohannes** episcopus Firmamus, 907. c. 926. c. 929. d. 932. c. 1004. b. 1005. c.
- Bonævallis** monasterium Ruthenenfis diocesis sub sua protectione suscipit papa, 473. c.
- Bonifacius** viii. S. Ludovicum sanctorum albo inscribit, 1449. c. Interfectus fuit à Guillelmo Noguareto, 1449. d.
- Bonifacius** ix. 1234. a. 1245. f. 1301. f. 1353. f. 1429. a. 1724. c. 1770. b. Vias extinguendo schismati non assumere accusatur, 1255. a. Sed fovere schisma, 1258. a. Pluries à principibus interpellatus ut ecclesie pacem daret obedire recusat, 1253. a. & seq. Censuras minatur adversus eos qui suam ipsi subtraxerant obedientiam, 1258. c.
- Bonifacius** advocatus factus cardinalis quia impugnaverat viam cessionis, 1342. d.
- Bonifacius** archiepiscopus Cantuariensis, 510. c.
- Bonifacius** Ferrerii, 1455. c. 1473. c. Humili loco natus 1506. f. Erat doctus, 1441. c. Patriæ amore non tactus, nec timore, 1442. a. Ambitionis & avaritiæ expertus, 1441. b. Odit prælationem, 1506. f. Demens esset & fræneticus si præsidere optaret, 1507. c. Fuit prior Portæ cœli ordinis Carthusienfis, 1267. f. Prioratum Carthusie invitatus accepit, 1503. c. Zelus ipsius erga suos, 1503. f. Multa confert majori Carthusiæ, 1441. b. c. Ei permittit Benedictus, xiiii. ut capitulum generale sui ordinis celebrare queat, in quo voluerit monasterio, 1531. d. Cessit dignitati, 1436. a. 1505. b. 1513. b. Eam resumere cogit Benedictus xiiii. 1436. b. 1506. d. 1531. e. 1532. a. Cessionem fecerit, 1436. f. Suis suadet neutralitatem, 1437. b. Improbatur subtractionem à Benedicto xiiii. factam à Gallis, 1437. f. 1443. b. & seq. De rebus ad schisma pertinentibus valde fuit instructus, 1441. d. Tractavit negotia cum dominis de Francia, 1441. c. Papæ & cardinalibus dura aspera & displicibilia loquitur, 1442. b. Nicolai cardinalis Albanensis ad eum epistola, 1484. c. Tractatus ejus pro sua & Benedicti xiiii. defensione, 1435. c. Insimulatus fuit quod ecclesie unionem turbaret, 1458. c. Ei erronea proponit cardinalis de Chalant, 1458. b. Speciali bulla est vocatus ad concilium Perpiniani, 1480. c. Cui interfuit invitatus, 1441. c. Ut legatus Benedicti xiiii. interfuit concilio Pisano, 1436. a. 1441. c. Immo ut ambaxiator omnium regum & principum obedientiæ Benedicti xiiii. 1478. d. Suos Carthusianos certos facit de omnibus actis in concilio Perpiniano & Pisano, 1509. b. & seq. Causatur de Pisano, 1519. b. in quo vix evasit vitæ periculum



1477. b. c. 1478. c. Illud impugnat, 1462. a. & seq. Ei recufatur falvus. conductus ad Gregorium xii. 1479. c. Perufii vix mortem evadit, 1472. d. Sed tandem Benedicto obedientiam negat, 1436. c.

Bonifacius de Canofa Marefcallus ductor militum Urbani IV. 84. d.

Bononiæ fitus ad multas invitat expenfas, 423. c.

Bononiensis cardinalis papatum ambit, 1461. d.

Bononienses epifcopi A. Gregorii xii. nepos, 1335. c. Philippus, 1770. d.

Bononiensis vicariatus Johanni archiepifcopo Mediolanenfis commiffus, 898. a. Illum Carolo imperatori committere intendit Innocentius VI. 899. f. Qui vicarius instituitur, 1072. a. Bononiensis civitatis vicariatum Aldobrandino Marchioni Eftenfi committere fatagit Ægidius epifcopus Sabinenfis fub quibufdam conditionibus, 898. a. & feq. Eas præfcribit Innocentius VI. 901. c.

Bononiensium zelus in Romanam ecclefiam laudatur, 933. c. In Bernabovem irruentes ejus copias vincunt, 1021. c. 1022. 1023. 1035. b. 1037. f. Ea de re gratulatur eis Innocentius VI. 1024. c.

Bononiense negotium multis indiget expenfis, 1071. a. illud Florentinis commendat Innocentius VI. 1024. a. Johannes Marchio Montis-ferrati ad defenfionem civitatis Bononiensis animatur, 1019. c. 1020. d.

Bovilli cardinalis, 1228. f.

Bracharenfem archiepifcopum ad celebrandum feftum SS. Dominici & Petri martyris hortatur Clemens IV. 295. c. & feq.

Bracarenfes archiepifcopi Guillelmus, 1029. d. Johannes de Cardallaco, 1029. c.

Brandeburgenfem Marchionatum fuo primogenito confert Ludovicus Bavarus, 645. a. 660. f.

Brandeburgenfem Marchionem ad Terrafanctæ subsidium animat Clemens IV. 170. a.

Brandus epifcopus Placentinus, 1373. c.

Breviarium ordinis Prædicatorum confirmat Clemens IV. 503. b. & feq.

Briardus de Caftellione electus Placentinus, 1276. d.

Brixia reddenda Mediolanenfibus, 161. a.

Brixienfis fciffura, 567. a.

Britanniæ comes cruce fignatur, 465. d.

Buccicaldus Avenionis capitaneus, 1491. a. Ejus epiftola Oratoribus regis ad Gregorium, xii. 1331. a. 1334. d.

Burchardus comes Magdeburgenfis, 982. c.

Burdigalenfis archiepifcopus Philippus, 1014. f. 1016. d.

Burgundix dux auxiliares copias adverfus Saracenos Carolo regi Siciliæ defert, 623. f.

Burgundix ducum jus nominandi ad epifcopatus fuæ ditionis, 1762. c. 1763. c.

Burgundix dux Philippus 1760. c. 1762. f. 1766. a.

## C

**C**æfaris edictum pro destruenda civitate Beneventana, 307. c.

Cæfarea à Saracenis expugnata, 412. d. A Soldano Ægypti everfa, 169. c. 170. d. 335. f.

Calatravæ ordo Morimundi monafterio fubjectus, 171.

Callenfem civitatem legato fuo commendat Clemens IV. 326. c. & feq. illius defenfionem fufcipit Clemens IV. 294. c.

Callenfibus mercatoribus fpoliatis facienda reftitutio, 253. c.

Camere apoftolicæ debitas pecunias colligat Innocentius VI. 1039. d. 1040. b. d.

Cameracenfis epifcopus Petrus de Alliaco, 1301. c. 1320. c. 1129. a. 1464. b. 1496. b. Propositiones ab eo traditæ ad extirpationem fchifmatis, 1406. a. Illius tractatus de auctoritate concilii, 1667. d. Interfuit cardinalis in concilio Constantienfi, 1585. c. In quo recufat fieri procurator Johannis xxiii. 1632. c.

Cameracenfis diocefis ecclefia decimas folvunt pro negotio Siciliæ, 121. a.

Camerarius comes cum Manfredi camera reddit fe Carolo regi, 302. b. illius foror de Siciliæ regno eliminanda, 401. b.

Camerinenfes epifcopum honore profequantur, 294. c.

Camerinus epifcopus Baptifta de Roma, 1752. c.

Campani Manfredi auxilium Petro de Vico ferenti tranfitum præcludunt, 83. c.

Cancellarius caput studentium poft epifcopum, 604. d.

Canones fanctorum patrum firmiter observandi, 303. c.

Canonici uni faltem horæ per diem interfint, 477. d. Bis in hebdomada matutinis, 478. c. Abfentes privandi retributione, 206. a. Cum celebratur officium extra chorum non fint, 484. c.

Canonicorum Anicienfium cura quibus commiffa, 486. c.

Cantuarienfis ecclefia totius Angliæ mater, 1249. a.

Cantuarienfes archiepifcopi Bonifacius à Sabaudia, 510. c. Simon, 1060. c.

Capuanus archiepifcopus Engerannus, 877. a.

Capellum rubeum extra curiam cardinalibus non mittit papa, 1063. b. c. 1064. a.

Capitulum ad campanæ pulfum ter in hebdomada congregandum, 482. d. In eo prævaleat pars major, 282. c.

Capitula generalia monachorum Benedictinorum & canonicorum regularium, 1402. c. d. & feq.

Capitula Maffilienfia de modo procedendi ad unionem ecclefie confequendam, 1314. a. & feq. Ea confirmat Gregorius xii. fed cum variis modificationibus & conditionibus, 1370. b. & feq.

Carcassonenfis ballivus Narbonenfem ecclefiam vexat, 131. a. b.

Cardinalium ftatus origo, 1596. c. & feq.

Collegium eorum ad hominibus institutum, 1209. c. Quales ei aggregandi 1700. b. 1758. b. Eorum numerus in concilio Constantienfi præfcriptus, 1700. Epifcopis funt inferiores, 1597. c.

Cardinales in aliis ecclefiis quam in Romana, 1596. c. funt Ecclefie columnæ, 1487. c. Eorum finceritas animorum, 118. c. Eorum fufcultationi providet concilium Conftantienfe, 1707. a. Eorum antea paupertatem relevarat bonis ecclefiarum & monafteriorum Clemens IV. 218. c. 240. f. 250. c. Nihil habentibus ccc. marchas anni redditus affignat 250. c. Collegio cardinalium affignata medietas annatarum, 1546. c. Eorum familia ad xxv. perfonas limitata, 1597. c. Ipfis beneficia monaftica non danda in commendam, 1707. b. Sed ab eis omnes commendæ tollendæ, 1705. b.

Cardinales fallere poffunt & falli, 1210. a. Eorum quidam omnium funt maximi proditores, 1491. d. Eorum privilegium peccare ad libitum fine reprehenfione, 1460. a. Eorum pauci ferviunt ecclefiæ, 1598. d. f.

Cardinales an poffit deponere papa, 1486. a. A folo concilio poffunt deponi, 1212. c.

Cardinales in Urbe dimittit Clemens IV. Carolum comitem fuis confiliis adjutores, 146. c.

Cardinalium ecclefie vacantes in Urbe Johanni electo Urbevetano adminiftrandæ committuntur, 1033. b.

Cardinalium vota in electione papæ poft mortem Gregorii XI. 1083. f. Poft electionem Urbani VI. castrum S. Angeli intrant, 1082. c. Eorum compromiffum in conclavi poft obitum Bonifacii IX. 1274. b. Ante electionem Gregorii xii. vovent fe renuntiaturos papatu pro fedando fchifmate, 1280. f. Eorum litteræ ad Johannem ducem Bituricenfem, 1293. c. Refponfo ad requestam ambaffiatorum regis, 1775. a. c. Cardinalium quinque epiftola ad Benedictum xiiii. quibus confultunt ei offerre Gregorio xii. urbem Pifanam ad conveniendum, 1377. d. Cardinalium refponfo ad oratores Venetorum & Florentinorum fupfedando fchifmate, 1411. b. Cardinalium Romanorum appellatio à Gregorio

xii. 1394. d. Eis fub pœna privationis dignitatis prohibet Gregorius xii. ne exeant de Luca, 1395. c.

Cardinales Baltafarum Coffa virum multis criminibus reum eligunt papam, 1633. f.

Cardinales Johannem xxiii. in fuga fua fecuti omnino fufpecti, 1614. a. Cardinales & papæ an debeant intereffe concilio Constantienfi, 1633. c. & feq.

Cardinales in Constantienfi concilio totis viribus nituntur ne tollantur annatæ, 1600. a. & feq. Ad eos an fpectet tuitio cameræ & curiæ Romanæ fede apoftolica vacante, 1601. a. & feq.

Cardinales Benedicto xiii. adhærentes incarcerati, 1491. a.

Cardinalis S. Laurentii in Lucina G. à legatione Germanica & Danica revocatur, 464. c.

Carleolenfes epifcopi Gilbertus, 1061. a. Thomas, 1395. b.

Carmelitas tamquam fedi obedientes laudat Clemens IV. 115. d. Prælatos eos gravantes, & divina officia fuis in oratoriis facere impediētes arguit, 135. c.

Carnot-enfes canonici fructus præbendæ Johannis de Baro canonici papæ obfequiis occupati retinent, 1049. c.

Caroli magni præceptor Alcuinus, 1242. d.

Carolus IV. imperator, 1001. d. 1014. a. Ei committitur vicariatus urbis Bononiæ, 1072. a. Eum & Bohemiæ regem ad reprimendos in ecclefiam confederatos hortatur Innocentius VI. 659. f. & feq. Et ad pacem cum Radulfo duce Austriæ, 976. f. 982. b. Eos reconciliare laborat, 984. f. Ægidium epifcopum Vicentinum ad procurandam pacem vel treugas inter eos mittit, 971. c. 978. c. 979. d. 980. b. Carolo imperatori negotium Bononiense adverfus Bernabovem commendatur, 1004. a. f. 1005. c. Eum ad confummandum inceffum in Bernabovem negotium hortatur Innocentius papa VI. 983. b. & feq. laudatur quod partes fuas interponere velit ad componendam pacem inter ecclefiam & Bernabovem de Vice-comitibus fuper negotio Bononiensi, 975. c. Ipfe & Ludovicus rex Ungariæ arbitri electi ad terminandum Bononiense negotium cum Bernabove de Vice-comitibus, 970. c. Carolo imperatori & papæ illud Bernabos de Vice-comitibus, 988. a. Ut omnes in eum vires exerat hortatur papa, 1013. b.

Carolo imperatori & Bohemiæ regi Bononiensem vicariatum committere intendit Innocentius VI. 899. f.

Carolo imperatori promittitur archiepifcopatus Magdeburgenfis pro Theodorico Mindenfis epifcopo, 1000. d.

Carolus imperator Urbanum VI. papam agnofcit, 1091. f.

Carolum V. Galliarum regem defunctæ ejus conjugis cardinales papam facere voluerunt, 1174. b.

Carolus VI. rex Francorum preces & fuffragia petit pro tollenda ægritudine, 1119. f. Ejus litteræ de tollendis annatis lectæ in concilio Constantienfi, 1545. c. Ejus epiftola ad Senefcallum Ruthenenfem nequis sermonem habeat contra viam ceffionis, 1151. c. Nuncios & oratores ad diverfos reges mittit pro extinguendo fchifmate, 1168. d. Principes regii Sanguinis legatos mittit ad Benedictum xiiii. 1298. c. Ejus litteræ fuper inftructione data fuis oratoribus ad Benedictum xiiii. & Gregorium xii. pro pace ecclefie, 1357. b. Subtracfa Benedicto xiiii. obedientia, verat gratias ab eo concessas fuum fortiri effectum, 1153. a. Ei tractatum de congregando concilio tempore fchifmatis dicat Conradus præpofitus Vvormatiensis, 1200. b.

Caroli VII. regis Francorum epiftola de præftanda Eugenio IV. obedientia, 1749. c.

Carolus VII. comitia Bituricis congregat pro extirpando fchifmate, 1749. f.

Carolus VIII. rex Francorum regno Neapolitano armis acquifito, Turcis incurrit terrorem, 1808. c.

Carolus Andegaviæ & provinciæ comes, 23. d. Carolus Andegaviæ & provinciæ



- comes senator Urbis electus, 26. c. 83. a. ejus electionem approbat Urbanus IV. modo non sit ad vitam, 28. b. & seq. Mittit cautiones sub quibus dignitatem acceperit, 30. b. & seq. 44. c. & seq. In Senatorem Urbis electus ut se exercere debeat, 97. b. & seq.
- Carolus Provinciæ comes electus Urbis defensor, 106. e. f.
- Carolus Andegaviæ comes cavere præmonetur ab insidiis Balduini imperatoris, 23. d. Ei vitam veneno auferre tentat Manfredus, 86. d. Eum ad accelerandum suum in Italiam adventum invitat Urbanus, 87. b. Illum ut procuraret Urbanus IV. summam ducentarum millium librarum expendit, 85. e. Præstito juramento in Urbem se venturum promittit, 86. b. Ad festinatum ferendum Urbi subsidium invitatur, 122. d. 123. c. Ejus in Urbem adventus prænunciatur, 130. c. 134. b. Ei cardinales obviam mittit Clemens IV. 132. d. 134. c. In Urbem sine pecuniis & equis advenit, 138. f. 165. c. Ejus in Urbem adventus die Jovis ante Pentecosten, 1265. Romanis quam gratus fuerit, 136. c. Eum de suo in Lateranense palatium ingressu redarguit Clemens IV. 142. a. Ipsi in Urbe exstanti tres cardinales quorum regatur consiliis concedit Clemens IV. papa, 146. c. Ejus in Urbe occultos adversarios Clemens papa comprehendit jubet, 161. c. Mutuum contrahit à Senensibus mercatoribus, 139. c. & seq. Ei Siciliæ negotium prosequenti decimas proventuum ecclesiarum per triennium concedit Urbanus IV. 21. f. & seq. Subsidium ex decima collectum ei distribui jubet Clemens IV. 115. e. f. 119. a. Turbatur de Cisterciensium, Hospitaliorum, Templariorum exemptione à præstatione decimarum, 118. d. Turbatio tollenda mandatur, 118. c. Ecclesiæ se obligat, & illi ecclesia, 158. e.
- Carolo comiti prov. citius committendum regnum Siciliæ, 82. c. Datur in feudum, 220. e. sub certis conditionibus, 9. f. & seq. 19. e. & seq. Ei regnum acceptanti quæ leges impositæ, 225. b. & seq. Siciliæ regnum acceptanti concessæ decimarum redituum ecclesiasticorum per triennium, redemptiones votorum, &c. 22. a. & seq.
- Carolus rex Siciliæ, 544. e. 545. a. 546. e. 547. b. d. 594. c. 598. f. 610. a. 992. b. Electus à Domino in populi sui defensionem, 368. e. 369. a. Ejus elogium, ibid. Fuit Deo & hominibus carus, 284. f. Pugil ecclesiæ singularis, 456. e. Nec hostem nec pericula metuit, 165. b. Baculus est senectutis Clementis papæ IV. 243. b. Ei Siciliæ regnum ex mera liberalitate Romani pontificis concessum, 237. c. Regium diadema de manu summi pontificis in urbe recipere desiderat, 251. e. & seq. Illud indie Epiphaniæ accipiendum censet Clemens IV. 252. d. Quo die coronatur, 257. f. Siciliæ regno per vexillum investitur, 187. c. Illius possessionem adipisci permittitur, 187. c. Investito collectam ex decima ei tradi mandat Clemens IV. 151. b. c. Ei gratulatur Clemens IV. de assumpto regio nomine, 153. a. Hortatur eum ad difficultates superandas, 153. c. Auxilium ex parte regis Franciæ ei promittit, 153. c.
- Carolus Siciliæ rex pauper 472. e. Pro expensis ejus quotidie mille libræ necessariæ, 178. f. In quotidianas expensas mille ducentas libras expendit, 215. a. Ejus angustia, 189. c. & seq. 199. c. 214. a. 219. b. & seq. Ei Clemens IV. angustias suas & pecuniarii subsidii impotentiam conferendi aperit, 173. e. & seq. Suadet ut fratris regis Franciæ clementiam imploret, 175. a. Caroli regis angustias S. Ludovico exponit Clemens IV. atque ab eo pecuniæ subsidium petit, 187. e. & seq. Pro eo Templarii domos suas in Gallia obligant, 534. b. Bona etiam ecclesiæ obligat Clemens papa IV. 269. e. 270. d.
- Carolus regem piis & salutaribus informat monitis Clemens IV. 267. c. & seq. 369. f. & seq. 464. f. 505. f. 589. e. Hortatur ut se redeuntibus affabilem se præstet, 377. b. c. Monet ut insidias caveat, 261. a. Deterret ne tam præcipite impetu irruat in hostes, 163. c. f. & seq. 166. e. In agendis dirigit Clemens IV. 356. f. Eum contra Manfredum ecclesiæ hostem cruce signatum sub sua protectione suscipit, 195. d. 197. a. c. Ipsi scribit ut Manfredi civitati Tiburtinæ insidiant occurrat, 160. c.
- Carolus rex Siciliæ significat Clementi IV. papæ victoriam de Manfredi reportatam, 283. c. & seq. Quam Simoni cardinali notam facit Clemens IV. 286. b. Infra xxi. dies Manfredum regno Siciliæ & vita privavit, 416. c. Querit an melius sit Conradino occurrere, an ad suum regnum reverti, 574. b. & seq. Ipsi scribit Clemens ne extra regnum pugnaturus Conradinum, procedat obviam, 524. c. 525. f. Conradinum & ejus affectas victos tenet in vinculis, 627. f. Ejus epistola ad Clementem IV. de victoria ab eo in Conradinum reportata, 624. e.
- Carolo Siciliæ regi Luceriam civitatem reddunt Saraceni, 301. a. Ei rebellant Luceriæ Saraceni, 576. a. Viterbio proficiscitur adversus Saracenos Luceriæ, 589. c. Contra eos dirigit aciem, 601. b. Obsidet Podium-Boniti 543. c. Castrum Mulceronis, 577. f. Pisanos ad pacem cogit, 567. e. Classem in subsidium Terræ-sanctæ parat, 439. e. Castrum Podii-Boniti per pacem obtinet, 563. b. In Pisanos inardescit, 563. c. Siciliæ partem amittit, 563. c.
- Carolus rex Siciliæ Richardi de S. Angelo cardinalis præsentiam desiderat, 215. e.
- Caroli regis ad papam adventum non probat Clemens IV. 444. f. Viterbium accessit ad papam, 466. f. Ubi una cum papa degit, 472. d. & pascha cum eo celebrat, 584. f. Ab eo fit imperii capitaneus in Tuscia, 472. d. 587. f. 588. b. Florentinorum Pisfanorum & Pistoriensium potestas, 465. d. 472. d. 543. c.
- Carolus Tusciam intrat, 466. f. Apud Florentiam fit paciarius, 458. f. in Tuscia, & in Lombardia 499. c. 512. d. 543. Eum in Tuscia vicarium suum creat Clemens IV. 650. e. 674. c. Ejus casus in Tuscia, 613. d. 615. a. 620. f. Senatorium retinere dignitatem petit, 361. a. Ipsi postulata contra libertatem ecclesiæ recusat Clemens IV. 444. c. & seq.
- Carolus Siciliæ regem regi Franciæ commendat Clemens IV. 240. b.
- Caroli Siciliæ regis imprudentia notatur, 327. f. Eum de excessibus ab eo & suis commissis redarguit Clemens IV. 264. b. & seq. maxime apud Beneventum, 299. a. & seq. 306. d. & seq. Ipsum de pluribus in ipso & suis emendandis arguit, 406. c. & seq. de exactionibus increpat, 445. c. 525. e. Collectas ab ipso in regno Siciliæ factas improbat, 443. b. & seq. de prorogatis parlamentis notatur, 356. f. Ipsi officiales populos vexant, 524. c. d. Ipsi mala parantur in regno, 555. a. Juramentum in Provincia exigit, 603. a. b. Ipsum hortatur Clemens, ut amicabiliter cum fratre suo S. Ludovico Francorum rege de gabella Rodani componat, 371. b. & seq.
- Carolo Siciliæ regi ad secundas nuptias transvolare cum filia regis Aragonum auctor est Clemens IV. 547. c. Cum filia comitis Gloverni, 599. c. Matrimonium contrahere nequit cum filia regi Bohemiæ, 630. d. Qui ei fuit addictus, 555. a.
- Carolo regi Siciliæ adversatur Henricus Urbis Senator, 540. d. 543. c. Ipsi creditam ab Henrico nato regis Castellæ pecuniam restitui jubet Clemens IV. 529. e. 540. a.
- Carolo regi Siciliæ induciæ conceduntur ad solvendum debitum ecclesiæ censum annum, 520. e. 598. c. Ejus censum annum solvit, 542. b. Ejus litteræ ad Gregorium X. de solutione census anni pro regno Siciliæ, 635. b.
- Caroli regis Siciliæ filix pia mors, 533. b.
- Carolus dux Britannia, 865. f. 893. b. f. 894. c. 1009. f. 1010. c. Copias adversus prædones Spiritus sancti villam occupantes mittit, 876. d. Eum ad pacem cum comite de Monte-forti hortatur Innocentius VI. 895. b. & seq.
- Carolus dux Calabria, 744. f.
- Carolus dux Normanniæ, 849. e. 854. d.
- Carolus de Brancaciis, 1276. d.
- Carolus de Brancaciis comes campaniæ, 1373. c.
- Carolus de Malatesta Gregorii xii. ad Constantiense concilium legatus, 1631. f. 1633. a. 1637. d. Ejus nomine renuntiat papatu, 1638. c.
- Carrerus cardinalis schismatis fautor capiendus & summo pontifici tradendus, 1749. b.
- Cartusienis ordinis sinceritas in sua simplicitate non deficit, 372. d. Clementi, IV. carus fuit, 372. c. Illum commendat S. Ludovico, 372. c.
- Cartusiani certi facti de omnibus actis in Perpiniano & Pisano conciliis, 1509. b. & seq.
- Cartusæ capitulum generale post concilium Pisenum, 1437. d.
- Cartusia Vallis viridis à S. Ludovico fundata, 372. f.
- Cata Dei abbas conservator statutorum Aniciensis ecclesiæ, 487. c.
- Casertanus comes, 302. a. c. Ejus conversio, 356. c.
- Casertinus episcopus Philippus, 546. d.
- Casinenfis abbas, 585. c. f. Milites stipendiat, 877. f. Mittitur adversus Saracenos Luceriæ, 450. e. 451. a. Ei pecunias dari jubet Clemens IV. 619. d. f.
- Casinenfis ecclesia cathedralis, 467. b.
- Casimirus rex Poloniæ adhæret Nicolao papæ V. 1752. c.
- Cassanensis episcopus Marcus, 546. d.
- Castella omnibus Hispaniarum regnis præcellit, 1678. b.
- Castellæ regni summa libertas, 1470. a.
- Castellæ & Legionis regis terram invadunt Saraceni, 144. e.
- Castellæ regi à Saracenis molestate decimas proventum ecclesiasticorum concedit Clemens IV. 144. f. & seq. Castellæ regi concessæ per triennium decimarum proventum ecclesiasticum sui regni, 475. f. & seq. Tertiam propria auctoritate levat, 476. a. Ejus compassio in Terram-sanctam, 611. c. Ipsi reliquias promittit Clemens papa IV. 490. a.
- Castellæ rex die S. Clementis natus & eodem die multis beneficiis à Deo datus, 193. b. Regem Granatæ debellat, 534. e. Eum hortatur Clemens papa ut qui multos magnos reges vicit, vincat & se ipsum, 194. b. Petita ei denegat, ibid. Eumque arguit quod injusta petat, 303. b.
- Castellæ rex in regem Romanorum electus à papa imperii coronam petit, 488. d. Eum sedat Clemens IV. super rumoribus de collato Carolo Siciliæ regi imperio, 499. b. & seq. Atque ab ecclesiæ vexatione compescere conatur Clemens IV. 137. b. & seq. & ut discedat sponte à negotio Romani imperii persuadere tenet, 137. e.
- Castellanos ad faciendam treugam cum Marchione de Monte-Misam hortatur Clemens IV. 148. b.
- Castellæ regis tutor rex Aragonum, 1665. e. c. Coram rege Castellæ allegata pro Clemente VII. papa contra intrusum, 1094. e. Clementem VII. verum papam agnoscit, Ejus via ad tollendum schisma, 1149. d. Conqueritur de papa & cardinalibus quod ipso inficio cum missis à rege Franciæ principibus tractaverint de unione ecclesiæ, 173. b. Ejus Schedules pro tollendo schismate regi Galliæ oblata, 1278. d. Ejus oratores quæ gesserint apud Benedictum, 1389. c. & seq. In concilio Pisano non auditi, 1478. b. 1482. c. Adhæsit Benedicto xiii. etiam post concilium Pisenum, 1455. a. Repulsam patitur ab eo super via cessionis, 1299. f. Ei obedientiam subtrahit, 1301. d. Scribit consilio Constantiensi, 1665. e.
- Castelli cives de excessibus redarguit Clemens IV. 565. d.

Castelli ecclesie præficitur abbas S. Severi, 191. d.  
 Castellanus episcopus Jacobus, 746. b. & seq. 765. f. 836. b.  
 Castrensis episcopus, 448. d.  
 Castrum S. Angeli nemini consignari debet nisi accedente omnium cardinalium consensu, 1074. c.  
 Castrum Ceperani sibi restitui papa imperat, 932. b.  
 Castrus thesaurum ecclesie in Lucana S. Afrodiani ecclesia reconditum diripit, 743. c. Processus in Lud. Bavarum prædicari impedit, 743. d.  
 Cathalanus ordinis militie B. Virginis rector, 361. c.  
 Cathalano & Lotaringo civitatis Florentinae regimen committitur, 321. c. 429. c. 436. c.  
 Catholici non terreantur de sua paucitate, nec hæretici aut schismatici gloriantur de sua multitudine, 1742. e. f.  
 Cavallicensis episcopus Philippus, 1043. c.  
 De causis tractandis in Romana curia concilii Constantiensis decretum, 1705. a.  
 Cecilia Fulcodia Clementis IV. consanguinea, 110. f. 591. c.  
 Cellæ Bituricensis abbas in concilio Constantensi, 1552. a.  
 Cellæ Trecentis abbates Felicius, 3. c. Vvillemus, 2. c.  
 Celsinarius prior, 1552. f.  
 Censuras in quolibet exercendi facultas datur Simoni legato sedis apostolicæ, 80. c.  
 Censuræ a rege Siciliæ debitas sedi apostolicæ, 77. c. 396. a. & seq. Qualis esse debeat, 230. d. Terminus solutionis illius prorogatur, 399. c. d.  
 Centesimam reddituum ecclesiasticorum in subsidium Terræ-sanctæ concedit ad triennium Urbanus IV. b. c. Ad quinquennium 7. b. & seq. 7. a. 8. d. 157. f. 389. d. 436. c. Illius collectio committitur Simoni cardinali, 382. d. & seq. 383. b. 421. c.  
 Cessionis via extinguendo schismati melior & brevior, 1167. d. 1168. f. Opportunior, 1149. & divina, 1163. c. Commendatur, 1163. d. & seq. Eam probant cardinales, 1168. a. 1178. f. Eam qui amplexati sunt principes, 1168. d. Illam eligunt reges Franciæ, Angliæ, Castellæ & Navarræ, 1152. a. Contra eam sermonem habere vetat Carolus rex Franciæ, 1152. c. Illius præctica per regem Galliæ & ejus consilium excogitata, 1150. b. Eam ante papatum laudabat Benedictus XIII. 1187. f. Quam papa recusavit, 1615. c. Eam amplecti promittit Johannes XXIII. in concilio Constantensi, 1614. b. 1616. c. Ad eam etiam paratus Angelus Corrarior in eodem concilio, 1627. a. Eam qui non admiserit sit sicut schismaticus & intrusus, 1164. b. Cessionem tamen non temerè faciendam censet Bonifacius Ferrerii, 1525. e.  
 Chalanus cardinalis, 1344. b. 1426. b. 1427. b. Interfuit concilio Perpiniani, 1481. c. c. Erronea proponit Bonifacio Ferrerii, 1458. b. Abbatiam S. Michaelis de Monte petit à papa, 1459. c.  
 Choreæ clericis prohibet, 485. c.  
 Christes magnus Turcus, 1652. e.  
 Christophorus cardinalis S. Cyriaci, 1274. b.  
 Christophorus prior Maggiani ordinis Carthusiensis generalis, 1435. f.  
 Christus volens non coactus solvit didragma census, 705. b.  
 Christo & apostolis in his quæ habuerint jus nullum fuisse, sed tantum usum asserere hæreticum, 682. c. & seq. 698. f. & seq. 717. 712. b. & seq.  
 Cisterciensis episcopus multatus, 319. c.  
 Cinthii canonici Remensis zelus in ecclesiam Romanam, 618. d.  
 Cinthius rector Cornetanus, 632. d.  
 Cistercienses abbates Guido factus cardinalis, 149. f. Johannes, 1550. d. 1551. c. 1563. d. 1564. d. 1606. f.  
 Cistercienses à solutione decimæ pro negotio Siciliæ exempti 111. c. 304. b. & seq. ab eis si necessitas urgeat exigenda, 118. d. c.  
 Cisterciensium monasteriorum ingressus semel in anno permissus mulieribus nobilibus, 80. c. Id semel in anno quatuor no-

bilibus feminis permittere poterat Simon cardinalis S. Cæcilie, 113. d.  
 Cisterciensis ordinis scissuras ægrè fert Clemens IV. 148. d. Cisterciensium capitulo ut abusus in professione fratrum de Calatrava emenderet, præcipit Clemens IV. 171. b. & seq.  
 Citatio Castrucii de fautoria hæreticorum damnati, 743. a. & seq.  
 S. Claræ ecclesiam Assisii consecrat Clemens IV. 190. c.  
 S. Claræ sorores difficultatem patiuntur circa regulam suam, 338. d.  
 S. Claræ monasteriorum ingressus permissus semel in anno nobilibus mulieribus, 80. c. Illum quatuor nobilibus feminis permittere poterat Simon cardinalis, 113. d.  
 Clarevallensis abbas orator regis ad Benedictum XIII. & Gregorium XII. 1357. c. Interest concilio Constantensi, 1551. f. Caplam S. Bernardi vendit ut solvat annatas, 1420. c. Diffentiones in ordine inducit, 148. f. Turbatur ex Clementis IV. statutis circa diffinitiones capituli generalis, 148. c.  
 Claromontanus episcopus ad Lugdunensem archiepiscopatum postulatus repulsam patitur à Clemente IV. 568. c.  
 Claromontensis episcopus redarguitur de vexatione Obasiniensis monasterii, 511. c.  
 Clemens papa, 1161. f.  
 Clemens II. papa, 1622. d.  
 Clemens IV. ortus ex villa S. Agidii, 371. f. 528. d. 629. f. Tres obtinuit episcopatus, 1397. b. Fuit episcopus Aniciensis, 477. a. f. Deinde archiepiscopus Narbonensis, 131. d. f. 167. f. 477. a. f. 519. a. Ante papatum legatus in Angliam repulsam passus ab Anglis, 247. c. 355. c. Nulli tamen oneri esse voluit cum fuit legatus, 159. b. Super sua ad papatum promotione lacrymas fundit, 109. f. 110. d. 193. c. Onus sibi impositum præ humilitate sentit, 110. d. 125. a.  
 Clemens IV. in camera papali pecunias non invenit, nec ad eas manus porrigit, 108. b. Cardinalium inopiam providet, 240. f. 250. c. Nihil habentibus ccc. Marcas annui redditus assignat, 250. c. Jura suæ sedis propugnat viriliter, 580. c. Ecclesiasticæ fuit libertatis defensor acerrimus, 252. a. Postulata contra ecclesiæ libertatem à Carolo Siciliæ rege negat, 444. c. & seq. Vacaturis ecclesiis eligendi libertatem restituit, 356. d. Patrimonium S. Petri conservari curat, 316. a. Divitias tamen non congregat, 174. a. 182. b. Sed summa fuit ejus paupertas, 182. b. Tanta ut quotidianis sumptibus sufficere vix possit, 171. c. Eam tamen æquanimiter tolerat, 186. c. Ægrè pecunias invenit, 133. a. Nec deliciis nec divitiis abundat, 240. f. Humilis, nec delictis dissolvitur, nec divitiis sibi dominari permittit, 130. a. Ægrè fert munera, 256. f. 257. a. Collatam nepoti suo præbendam in ecclesia Belvacensi frigide audit, 357. c. Quæstam pro sibi conjunctis non facit, 371. c.  
 Clemens IV. qualis erga nepotes & consanguineos, 423. d. & seq. Monet nepotem ne extollatur de exaltatione sua, 110. d. Ne ipse aut ullus suorum ad curiam veniat, 110. c. Ne in sororis nuptiis altiore gradum quærat, 110. c. A pompis abhorret, 301. d. Ejus constantia in adversis, 518. d. 543. d. Ejus clementia prævalet rigori justitiæ, 309. c. 311. d. Summo Medico se committit, 340. a. Illos diligit qui Deum diligunt, nec quicquam vult nisi quod ei est acceptum, 156. c.  
 Clemens IV. in conferendis beneficiis non ad personas sed ad meritum respicit, 303. d. Valentinensem episcopum ad ecclesiam sancte administrandam hortatur, 502. a. Lites in episcopis damnat, 181. c. Aliorum non delectatur excidio sed pace, 275. d. Aliorum consiliis potius innititur quam suis, 407. c. Promittere non vult quod implere non potest, 107. b. Librum petit à Rogerio Bacon Minorita, 358. b. Semper discere cupit, 359. a. Erga ordinem Prædicatorum devotus, eorum se commendat orationibus, 397. b. Religionem novas mul-

tiplicare volentibus non faver, 587. b. d. Assisii ecclesiam S. Claræ consecrat, 190. c.  
 Clemens IV. Affligitur de populi christiani afflictionibus, 129. c. Ejus anxietas pro Terra-sancta, 436. a. Fidelium Terræ-sanctæ animos erigit, 169. e. Regem Franciæ & Marchionem Brandeburgensem ad subsidium eorum animat, 169. f. Ejus labores pro Terra-sancta, 611. d. Quanta fecerit pro illius subsidio, 469. f. 471. a.  
 Clemens IV. Perusio venit Urbem-Veterem deinde Viterbium, 315. d. Dispensat super consanguinitatis gradus inter filiam regis Armeniæ, & filium nobilis viri Balduini de Bilmio, 293. b. Negat dispensationem pro matrimonio contrahendo inter filium Balduini imperatoris & filiam regis Castellæ, 303. f. Regis Aragonum vices ad liberationem electi Veronensis in vinculis detenti interponit, 100. b. Aragonum regem de incestuoso illius adulterio increpat, 362. e. 449. a. & seq. Illius matrimonium solvere recusat, 277. c. & seq. Calamitatibus regis Armeniæ compatitur, 470. d. & seq. Gratulatur regi Castellæ de reportata in regem Granatæ victoria, 534. c. S. Ludovico fuit amicus & familiaris, 128. c. Ipsi tamen negat privilegium quo filii ipsius non possint excommunicari, 586. b. & seq. Ipsi aperit angustias Caroli regis Siciliæ, 241. c. & seq.  
 Clementis IV. erga Carolum comitem affectus, 126. a. Cameram suam & Ecclesiam Romanam pro eo obligat, 126. b. 128. c. Quanta fecerit pro Siciliæ regno ei procurando, 241. d. & seq. Pecunias dat, 108. b. Ecclesiæ Romanæ bona obligat, 242. a. 269. c. 270. d. Cardinales in Urbe existentes consulit super obligandis possessionibus ecclesiarum Urbis ad ferendum regi Siciliæ auxilium, 176. a. & seq. Clementis anxietas ad subveniendum regi Siciliæ, 178. c. & seq. 182. b. & seq. 254. c. Angustias suas & impotentiam pecuniarum subsidium mittendi eidem aperit, 173. c. & seq. 274. b. Suadet ut ad regem Franciæ recurrat, 175. a. Contracta pro negotio Siciliæ debita solvi procurat, 295. f. & seq. Hospitalis S. Johannis Hierosolymitani fratres hortatur ad sumenda arma adversus hostes regis Siciliæ, 532. d. Excusat se quod ad Urbem Carolo regi coronam impositurus accedere non queat, 251. c. & seq. Litteras authenticas de acceptatione diffinitionis negotii regni Siciliæ petit 116. c. 117. d. Item de juramento ab eo præstito super negotio senatus Urbis, 116. f. Imperii vicarium in Tuscia eum creat, 587. f. 588. b. 650. c. 674. c. Pius eum informat monitis, 267. c. & seq. 369. f. & seq. 464. f. 505. f. & seq. 589. c. Eum dirigit in agendis, 356. f. Concordiam & pacem inter ipsum & P. natum F. regis Castellæ conciliat, 510. b. Dehortatur ipsum ne extra regnum pugnaret in Coradinum obviam eat, 524. c. 515. f. Eum arguit de damnis illatis ecclesiæ Astensis, 105. f. & de aliis excessibus ab eo commissis, 264. b. & seq. 406. c. & seq. De exactionibus, 445. c. 525. c. de collectis in regno Siciliæ ab eo factis, 441. b. & seq. Caulatur de vexationibus officialium ipsius, 524. c. & seq. Auctor est ipsi ut secundas cum filia regis Aragonum nuptias contrahat, 547. c.  
 Clemens IV. Henricum Urbis senatorem arguit quod recte non ambulet, 548. f. & seq.  
 Clemens IV. noram facit archiepiscopo Narbonensi & suffraganeis ejus victoriam de Manfredi reportatam, hortaturque ad gratiarum actionem, 287. d. & seq. Item comiti Augi 289. f.  
 Clemens papa V. 958. b. Thesaurum ecclesie in Lucana S. Afrodiani ecclesia collocat, 743. c. Robertum Siciliæ regem suum in Tuscia vicarium creat, 650. 674. c.  
 Clemens papa VI. 898. a. 952. d. regi Franciæ optime affectus, 943. a.  
 Clemens papa VII. 1297. c. 1340. b. Ejus

- electio Fundis celebrata, 1125. a. Ipsi adherent omnes cardinales, 1127. d. Pro ipso vero papatu testimonium collegii cardinalium, 1128. b. & seq. Ejus electionem canonicam declarat Universitas Parisiensis, 1723. a. f. Ei quinam adhererint, 1158. c. verum papam agnoscit rex Castellæ, 1098. c. cessionem recusavit, 1177. f. Ejus obitus, 1724. c. Eo defuncto archiepiscopus Coloniensis & proceres Germaniæ deprecatoriam ad regem Francorum epistolam scribunt, ut impediatur ne successor illi detur, ut facilius schisma extirpetur, 1132. f.
- Clementia firmatur thronus regis, 276. f. 515. d.
- Clerici recipiendi examinandi, 484. d. Eorum habitus exterior, 485. c. Cum ecclesiæ habitu foris ne procedant, 485. b.
- Clerici portantes superpellicium in ecclesia Aniciensi, 479. d.
- Clericis talliæ non imponendæ, 235. d. In causa criminali coram iudice sæculari non judicandi, 235. d. anulos publice non deferant, 485. c. Eistabernæ prohibita, 485. d. & choreæ, 485. e. Concubinarij ut tractandi, 356. e.
- Clericuli in ecclesia Aniciensi ante annum vigesimum non admittendi, 479. a.
- Cletus papa, 1161. e.
- Cluniacensi abbati in gratiam Minorum Carolocensium scribit Clemens IV. 545. d.
- Cluniacensis abbas Androinus, 940. f. 1027. b. 1038. c.
- Collardus de Calleville, 1345. a. 1357. c.
- Collectæ ab ecclesiis & monasteriis non levandæ, 508. a. Collectas in regno Siciliæ à Carolo rege factas improbat Clemens IV. papa, 443. b. & seq.
- Collis-nigri castrum sub custodia J. cardinalis S. Colmæ ponit Clemens IV. 363. e.
- Collusio Florentini epistola ad Jodocum Marchionem Brandeburgensem super facto unionis ecclesiæ per viam cessionis, 1155. c.
- Collusio inter duos contententes de papatu, 1180. f. 1181. a.
- Colonienses archiepiscopi Henricus, 637. f. T. 1687. f.
- Coloniensis archiepiscopus ex jure debet regem Romanorum coronare, 497. e.
- Coloniensis electo centesimæ reddituum ecclesiasticorum collectio in subsidium terræ sanctæ commissa, 6. a. & seq.
- Coloniensi universitati cardinales notam faciunt electionem Gregorii xii. 1280. c. Quæ ipsi gratulatur de sua electione & proposito renunciandi papatu pro sedendo schismate, 1283. b. & seq. Ejusdem litteræ ea de re ad collegium cardinalium, 1284. a. Ad Johannem cardinalem Leodiensem, 1281. a.
- Coloniensis universitatis oratores in concilio Constantiensi quomodo suscepti, 1610. b. & seq.
- Coloniensis universitas uniri sibi postulat collegiatam S. Andreæ ecclesiam, 1699. a.
- Comitia Bituricis congregata pro extirpando schismate, 1749. f.
- Commendæ prohibita, 1707. b. c. & reprobata in concilio Constantiensi, 1705. c.
- Conchenensis episcopus à Petro de Luna missus ad concilium Constantiæ ut ecclesiæ impediatur unionem, 1671. f.
- Conciliorum celebrandorum formam dederunt apostoli, 1204. f. Generale quid sit, 1217. f. 1613. f. A quo debeat convocari, 1117. c. Convocatio illius pertinet ad papam, 710. a. 1409. f. 1474. c. Tamen quandoque potest congregari papa non consentiente, 1222. a. 1624. b. In certis casibus, 1410. b. Pro sedando schismate etiam invito papa potest convocari, 1410. c.
- Conciliorum finis 1624. d. Ad ea recurrendum imminente necessitate, 1207. f. Papa in arduis ad concilium recurrere consuevit, 110. f. Celebrandum est pro ecclesiæ reformatione, 1624. a. Tollendo schismate, 1229. 1293. b. Concilii congregandi tempore schismatis triplex necessitas, 1193. b. 1200. b. 1203. f. Concilium pro extirpatione schismatis celebrare promittit Benedictus xii. 1268. b.
- Concilium non potest judicare papam, 1525. d.
- Concilii auctoritas in papam, 1210. c. 1624. a. In causa fidei est papæ iudex, 1212. c. Qui ipsi subest in his quæ fidem & statum ecclesiæ concernunt, 1247. a. 1398. a. Ita censet universitas Cracoviensis, 1751. b. Concilio se submisserunt Leo & Sixtus papæ, 1212. a. Ipsi subest collegium cardinalium 1208. d. Concilia quatuor ab apostolis celebrata, 1204. c. Concilium convocandi in sua legatione facultas datur Simoni cardinali, 79. d.
- Concilium generale ad recuperandam ecclesiæ libertatem unicum remedium, 1759. b.
- Concilia generalia celebranda præscribuntur in concilio Constantiensi, 1685. d. Concilium generale à Benedicto xiii. petit rex Castellæ, 1390. d. Concilio generali causam suam cum Friderico imperatore submitit Innocentius IV. 1212. d. In concilio generali electionem Orthonis seu Martini V. Aegidii & Benedicti xiv. petit Johannes de Thurena, 1747. c. Concilium generalium defectu multæ exortæ hæreses, 1205. a.
- Concilia quatuor principalia, 1205. c.
- Concilium provinciale singulis annis celebrandum tempore subtractionis, 1401. d. & seq.
- Concilio Basileensi favet Universitas Cracoviensis, 1751. a. b.
- Concilium Constantiense convocat Johannes xxiii. 1728. b. Adventus prælatorum ad illud, 1612. c. & seq. Archiepiscopi Maguntini, 1611. d. Ad illud deputati ex Provincia Rothomagensi, 1539. c. f. Subsidia eis concessa, 1539. d. 1541. a. Ipsi litteræ ad Ludovicum archiepiscopum Rothomagensem, 1541. c. Ipsi incorporatur rex Aragonum, 1666. d. Illius decreta ad instantiam Cardinalium decurtata, 1625. e. Illius translationem petit Petrus de Luna, 1648. c. Illud Niccam transferre meditatur Johannes xxiii. 1216. c. Per fugam papæ non est dissolutum, 1614. b. Ei se submitit Gregorius xii. 1646. d. Schismati finem imposuit, 1748. e.
- Concilium ad civitatem Lucanam pro sedando schismate convocatum, 1726. b. Postea Pisas translatus, 1726. b.
- Concilii Nicæni acta & decreta S. Silvestro missa ut ab eo probarentur, 1205. c.
- Concilium Parisiense, 1347. b.
- Concilium prælatorum Parisiis celebratum pro facto unionis Ecclesiæ, 1273. b. & extirpatione schismatis, 1301. b. Illius deliberatio super facto unionis, 1312. c. & seq. In eo conclusa fuit subtractio obedientiæ à Benedicto xiii. 1343. b. Ab eo quædam deliberata tempore subtractionis observanda, 1398. c.
- Concilium Parisiense ad deputandum ad concilium Constantiense, 1538. c. Pro tollendis annis, 1547. c.
- Concilium apud Perpinianum 1473. c. 1476. c. Convocat Benedictus xiii. 1726. c. In quo de impositis sibi criminibus se purgare contendit, 1727. a. Ad illud quidam ex Francia conveniunt sub dissimulato habitu, 1474. c. Ad illud speciali bulla vocatur Bonifacius Ferrerii, 1480. c. Qui ei interfuerunt, 1481. a.
- Concilii Pisani convocatio, 1415. f. Ad illud citatur Benedictus xiii. 1474. c. Adversus eum procedit, 1727. b. & seq. Illius processus Aragonum regi negatus, 1519. e. In eo non auditi oratores regis Castellæ, 1478. b. 1482. c. Adversus illud dubia scribit Petrus episcopus Cameracensis, 1496. b. cardinalis Barenfis, 1534. f. De eo causatur Bonifacius Ferrerii, 1519. b. Qui illud impugnatur, 1462. a. & seq. Illius statuta irritari petit Petrus de Luna, 1649. a. 1657. d.
- Concilium à comite Sabaudiensi pro abjiciendo Petro de Luna, 1452. d.
- Conclusiones in Benedictum xiii. tamquam schismatis fautorem, 1183. f.
- Concordia est convenientia partium ad invicem discordantium, 1415. d.
- Concordienses episcopi Guido, 947. f. Leonel-
- lus, ejus oratio in funere Innocentii VIII. 1768.
- Concubinarij clerici ut tractandi, 356. e.
- Concubinarij beneficiis privati, 420. f.
- Condomensis episcopi epistola ad Carolum VI. regem 1129. f. ad summum pontificem, 1130. c. Tractatus super materia schismatis, 1131. c.
- Conradinus seu Corradinus, 466. f. 472. c. 474. a. 500. d. 518. c. 567. c. 594. c. 616. c. Conradinus Frederici imperatoris nepos in Thufcia, 456. c. 458. a. Ipsum imperio præficere multi laborant, 319. c. Ejus adventus in Italiam, 514. c. Tridento transire Veronam se accingit, 515. d. 536. c. Veronæ existens totam Lombardiam contrariam habet, 543. d. Veronam intendit venire Papiam, 563. b. Ejus angustia apud Papiam, 581. c. 555. a. 577. d. Ipsi & episcopis liberum transitum permittunt Lombardi, 597. c. Pisas intrat, 584. f. Pisas Lucanos vult aggredi, 602. c. Ejus Angustia, 602. e. Ejus in Italia fatui conatus, 576. d. Ad Urbem traducendus, 609. d. Ipsi favet Henricus Senator Urbis, 540. d. 543. c. Favent & Averiani, 630. f. A papa excommunicatur, 544. d. A Carolo rege Siciliæ victus omnino deletur, 635. d. Detentus in vinculis, 627. f. Ita prostratus fuit ut nec sibi consulere, nec suis providere valeat, 416. b. Conradus cardinalis S. Chrysogoni, 1321. f. 1367. a. 1368. a. 1395. d.
- Conradus archiepiscopus Moguntinus, 1714. c.
- Conradus filius Frederici imperatoris, 225. a.
- Conradus puer filius Frederici regis Siciliæ, 16. c. 22. d.
- Conradus de Antiochia, 302. c. 345. d. Victus detentus in vinculis, 627. f. Et corruptione liberatus, 305. f. & seq.
- Conradus de Aqua-viva comes S. Valentini, 886. d.
- Conradus Capetia favet Conradino adversus Carolum regem, 456. c.
- Conradi de Grlenhusen Vormatiensis prepositi tractatus de congregando concilio tempore schismatis, 1200. b.
- Conradus de Sufato concilii Constantiensis nuntius ad Petrum de Luna, 1643. c.
- Conradus Trincia favet Conradino adversus Carolum regem, 456. c.
- Consiliarii regum quales debeant esse, 220. a. 252. f. Non suspecti, 407. f.
- Consilium de modo procedendi ad tollendum schisma, 1391. c.
- Consiliis aliorum potiusquam suis innititur Clemens IV. 407. c.
- Constantinopolitanus patriarcha Johannes, 1543. f. 1549. c. 1606. c. f.
- Constantinopolis imperator ad papam accedit, 388. c.
- Constantiensis episcopus postea archiepiscopus Lugdunensis ad episcopatum Tornacensem nominatus à rege, causa cadit, 1765. a.
- Constantini intrusi ordinationes, 1233. c.
- Constantinus papa depositus, 1622. d.
- Constantinus archidiaconus Nimofensis carceri detentus, 448. c.
- Constantinus imperator clericos judicare recusat, 709. f.
- Consuetudines perversæ dici debent corruptelæ, 404. a. & ut tales abolendæ, 611. b.
- Consultatio de recusanda Petro de Luna obedientia, 1177. d.
- Consultatio theologorum de quibusdam propositionibus erroneis circa materiam unionis ecclesiæ, 1680. e. & seq.
- Contemni amare gradus humilitatis sublimior, 423. f.
- Contentiones exortæ in concilio Constantiensi super præcellentia, 1667. b.
- Convenarum episcopus Bertrandus, 1009. b.
- Corcirenensis electi oratio adversus Turcas, 1786. a.
- Corinthiensis episcopus ad Montis-regalis sedem translatus, 465. c.
- Corinthiensis episcopus P. de Confluentia, 578. c.
- Corisopitenensis episcopus Gatianus, 1558. b.

Cormeriacensis abbas in concilio Constantiensi, 1552. a.  
 Cornetani papæ mentiuntur, 184. a. Cornetanorum negotium prosequendum scribit Clemens IV. 162. c.  
 Corona imperialis à Romano pontifice concedenda, 498. a.  
 Coronatio triplex imperatorum, 487. f.  
 Coronam de manu papæ recipere desiderat Carolus rex Siciliæ, 251. c. & seq. Eam in die epiphaniæ accipi suadet Clemens IV. 252. d.  
 Cosmæus cardinalis S. Crucis in Jerusalem, 1274. b.  
 Cracoviensis Universitatis epistola ad Parisiensem, 1751. a.  
 Crassensis monasterii privilegia confirmat Clemens IV. 594. c. & seq.  
 Crassensis abbas Raimundus, 595. c.  
 Creditoribus satisfieri mandat Clemens IV. 133. b.  
 Cremona sedi apostolicæ subjecta, 353. d.  
 Cremonenses ad pacem hortatur Clemens IV. 569. c. 570. c. Ad Ecclesiam redeunt, 327. d.  
 Crucem ante se deferre solis competit Romanis pontificibus, 522. a.  
 Crucis prælicationi instandum, 375. b. His qui adsunt ei concessæ indulgentiæ, 422. a.  
 Crux predicanda pro rebus Anglicanis, 200. f. Pro subsidio Terræ-sanctæ, 141. b. & seq. 379. c. & seq. 423. a. Adversus Manfredum, 22. b. 72. c. 114. a. 155. f. Adversus Saracenos Luceriæ, 72. c. 576. b. Adversus pravas societates Ecclesiæ adversarias, 849. b. 851. f. 855. a. 859. b. 860. c.  
 Cruce signati votum impleant, 73. d. His indulgentiæ concessæ, 73. f. His terminus ad transfretandum præfigendus, 420. c. Bos sub sua protectione suscipit Clemens IV. 195. b. & privilegia concedit, 196. 197. d.  
 Culpas agnoscunt sancti ubi nulla noxa, 92. a.  
 Cusani castrum ad Concordiensem ecclesiam pertinens à nobilibus de Pramberg occupatum, 947. c.  
 Cusentinus archiepiscopus in Lombardiam nunciatus à Clemente IV. missus 203. c. f. Ad sedandam urbis rebellionem, 489. c. Ei scribit ut Caroli comitis adversarios in Urbe comprehendat, 161. c. Ipsi facultas datur abolvere redeunt ad ecclesiæ gremium ab excommunicatione, 175. d. Ipsi libertatem abbas S. Polycarpi à regi Siciliæ detenti commendat Clemens IV. 261. d. Transfertur ad sedem Messanensem, 302. d.  
 Cusentinam ad sedem transfertur episcopus Bethleemitanus, 465. c.  
 Cypri rex dispensatur ut matrimonium contrahere possit cum filia Johannis domini Beriti, 155. b.

## D

**D**aci feroces populi, 464. b.  
 Dalphinus de Fleffis, 952. d.  
 Damandus nullus non auditus, 1114. a.  
 Debita pro negotio Siciliæ contracta solvi procurat Clemens IV. 295. & seq.  
 Decanus eligendus in ecclesia Aniciensi sit in sacris ordinibus constitutus, 486. b.  
 Decanus Trecentis S. Urbani residentiarum obligatus, 205. c. A papa confirmandus, 240. b.  
 De decimis, 604. f. Ab earum solutione nulli exempti, 246. a. Eas ab exemptis colligi jubet Clemens IV. 214. f. Qui eas duplicare recusat, 214. f. Non sunt exigendæ ab iis quorum beneficia valorem annui redditus xv. librarum non excedunt, 245. c. Nec de glenis pauperum, 461. b.  
 Decimas proventuum ecclesiarum Castellæ regi per triennium concessæ, 475. f. & seq. ob Saracenorum infestationem, 144. f. & seq.  
 Decimas proventuum ecclesiasticorum Angliæ ad subveniendum ecclesiæ necessitatibus per biennium petit Innocentius VI.

938. b. & seq. 965. f. & seq.  
 Decimæ ecclesiasticorum proventuum Carolo Andegaviæ & Provinciæ comiti concessæ, 22. a. 58. d. 59. c. & seq. 75. c. 121. f. Celerius colligendæ, 132. f. 139. a. & ei tradendæ, 151. c. Etiam à religiosis exigendæ, 244. f. Non tamen à Cisterciensibus, 305. b. & seq. Ab ipsis nihilominus & à Templariis Hospitalariis & aliis exemptis exigendæ si necessitas urgeat, 118. c. Sed decimas fratrum Prædicatorum de suo solvi jubet Clemens IV. 413. b. Decimas pro negotio Siciliæ colligendas regi Franciæ obligari permittit papa, si ille mutuum germano suo præstare voluerit, 109. d. Decima triennali pro regno Siciliæ gravatur Francia, 313. b.

Decimæ pro subsidio Terræ-sanctæ, 557. b. 584. d. Eas solvere recusant Remensis Senonensis & Rotomagensis ecclesiæ, 523. a.  
 Decima pro extirpatione schismatis, 346. c.  
 Defuncti in lectis suis ad sepulturam delati, 612. c.  
 Deliberatio cleri Gallicani de collatione beneficiorum durante schismate, 1307. c.  
 Delicias spernit Clemens papa IV. 130. a.  
 Demetrius Strigoniensis archidiaconus regis Hungariæ ad papam legatus, 272. b.  
 Deodatus episcopus Agennensis ad procurandam pacem inter Gastonem Fuxi comitem & Arnaldum dominum Lebrei ab Innocentio VI. incitatur, 1056. b. & seq.  
 Dertusensis episcopus Johannes, 575. a. d. 876. a.  
 Detrahentes semetipsos excœcant, 1250. b.  
 Diaconus vir nobilis, 496. b.  
 Diaconi in officio suo non servientes puniendi, 482. c.  
 Diffamati ab officio altaris removendi, 484. f.

Dignitates ecclesiæ non conferendæ nisi theologis licentiat, &c. 1103. f. 1698. c.  
 Dignitates seu personatus in ecclesia Aniciensi, 479. d. 480. c. Ad sacros ordines promoveantur, 486. c.  
 Diligendum nihil præter Deum, aut diligibile propter Deum, 274. d. Plus diligendi qui plus Deum diligunt & ab eo plus diliguntur, 326. b.

S. Dionysii abbatæ conceduntur indulgentiæ pro visitantibus monasterium in festo ejusdem Sancti, Dedicationis, & Parasceve, 599. f. Abbas potest concedere indulgentias ad suam prædicationem & missam accedentibus 600. d. Ei facultas conferendi primam tonsuram monasterii sui manu missis conceditur, 601. c. Quasdam ei ecclesias confirmat Clemens IV. 601. c. S. Dionysii abbas carceri mancipatus redemptionem emit quinque millibus scutorum aureorum, 1444. f.

S. Dionysii abbas Philippus, 1329. a.  
 Dionysius de Essartis clericus Caroli comitis Andegaviæ, 87. c.

Discepciones in concilio Constantiensi de forma eligendi futuri Summi pontificis, 1075. c.

Discretia febrilis, 88. d.

Discursus Monachis vitandi, 325. f. & familiaritates, 282. a.

De dispensationibus concilii Constantiensis decretum, 1706. f.

Dispensationes tempore subtractionis qui concedere possint circa ætatis defectum, 1399. d. circa defectum natalium, 1399. c. circa irregularitates, 1399. f. circa matrimonii impedimenta, 1400. b. circa promovendos ad episcopatum, 1400. c.

Dissentiones ortæ in concilio Constantiensi, 1676. b. d. & seq. 1677. f.

Distributiones in ecclesia Aniciensi, 479. b. 480. b. & seq. 481. c. & seq.

Divitias spernit Clemens IV. papa, 130. a.

Doctores in studiis ad docendum ab episcopis instituendi, 604. a.

Doctores plus sunt in Parisiensi universitate quam in toto regno, 1424. c.

Doctores Universitatis Parisiensis ducenti in concilio Constantiensi quam bene se gesserint, 1619. c.

Dolenis episcopus, 1582. d.

Dolenis episcopus Stephanus, 1550. a. 1558. b. 1606. f.

S. Dominici festum, 295. a. & seq. Indulgentiæ concessæ in ejus festo, 212. f.

Dominicus anticardinalis S. Petri ad vincula, 1731. c. 1735. c.

Dominicus de Campo-cassio canonicus Januensis, 888. c. 891. c.

Dulcia de S. Georgio, 301. c.

Dunelmensis episcopus Thomas, 1060. f.

Durandus episcopus Bethleemitanus, 847. b.

Duces patruos & fratrem regis misit rex Franciæ ad Benedictum xiii. pro extinguendo schismate, 1167. c.

## E

**E**boracensis archiepiscopus Johannes, 1060. f.

Ebredunenses cives ad sumenda arma adversus pravas societates Ecclesiæ inimicas Innocentius vi. hortatur, 852. c.

Ebroicensis episcopus Guillelmus 1320. c. 1336. a. Deputatus ad concilium Constantiense, 1539. c. 1541. b.

Ecclesia non est collegium papæ & cardinalium, 1214. c. & seq. Aliquando in uno solo fuit, 1743. d. & seq. Ecclesia etiam in conjugatis virgo est 1214. f. Universalis deviare non potest, 1209. a. Ab ea separatus etiam laudabiliter vivens non habebit vitam, 1215. c.

Ecclesiæ variaz persecutiones, 1744. a. & seq. Expugnari non potest ut succumbat, 1741. b. & seq. Navis Petri quantumque agitata periculis naufragium finale non timer, 328. c. Ecclesia indiget potestate sacerdotali & regali, 1413. c. Eam tueri rex debet, 1548. a. Ecclesiæ defensoribus principibus semper bene cessit, persecutoribus semper male, 210. f. Ecclesiæ libertatem S. Ludovico commendat Clemens papa IV. 129. c. Ecclesia punire potest punitione coactiva, non consentiente imperatore, 713. a. Ecclesiæ bona subesse imperatori docebant Marfilus de Padua, & Johannes de Janduno, 705. c. Ecclesiis bona ablata restituenda, 234. a.

Ecclesia Romana omnium catholicorum mater, 1207. c. Suprema & magistra omnium, 1596. d.

Ecclesiarum Urbis possessiones an sint obligandæ pro rege Siciliæ consilium cardinalium requirit Clemens IV. 176. a. & seq. Eas obligat, 187. c. 260. d. 269. c. 270. d. Ecclesiæ Urbis pro negotio Siciliæ obligatæ quantocius à debitis liberandæ, 352. c.

Ecclesiæ Romanæ Angustia, 187. c.

Ecclesiæ Romanæ reformatio, 1680. a. Pontifici commendatur, 1758. c. & seq. Ecclesiæ asserere non posse perfecte & debite reformari, nisi per subtractionem bonorum temporalium est hæresis Johannis Hus 1681. c.

Ecclesiis Siciliæ restituenda est libera electio, 234. d.

Ecclesiasticæ causæ in foro ecclesiastico dirimendæ, 234. f.

Edilbertus rex Angliæ, 1244. c.

Eduardus rex Anglorum, 860. b. 938. d. 1026. b.

Athleta Domini, ecclesiæ brachium singulare, 1037. a. Pro pace procuranda inter Carolum Britannæ ducem & Johannem comitem Montis-fortis partes suas interponit, 893. d. 895. c. 896. b. Ab ipso subsidium caritativum petit Innocentius vi. 1059. c. Adversus Bernabovem, 1036. f. & seq. Ipsi dispensationem pro matrimonio sui primogeniti concedit Innocentius vi. 1066. b. Eidem scribit, ut electus Londonensis fidelitatis sacramentum per procuratorem ei præstet, 1064. c.

Eduardus regis Angliæ primogenitus, 200. c.

Ei crucis vorum dissuadet Clemens papa IV. propter turbas Angliæ, 563. c.

Eduardus princeps Valliæ 1038. c. 1061. c. 1065. a. Ipsi datur dispensatio super Matrimonio cum Johanna comitissa Cantia, 1017. a. & seq.

Edmundus filius Henrici regis Anglorum ab

A a a a a ij



Urbano IV. citatus, 52. a.  
 Bistensis episcopus Gebhardus, 696. d.  
 Elcani-Apacha princeps Tartarorum factus Christianus, 527. c. & seq.  
 Electense monasterium, 266. f.  
 Electio nulla ubi adimitur facultas eligendi, 1123. c. Cum voci tumultuantis populi obeditur, 1123. c. Per vim aut per metum facta, 1124. a. Electus per seditionem vel presumptionem abjiciendus, 1239. c.  
 Electiones episcoporum tempore subtractionis à quibus confirmandæ, 1400. d. Item abbatum 1404. f. In electione papæ quid attendendum, 1755. f. & seq. Consultationes theologorum de quibusdam propositionibus erroneis circa electionem papæ, 1680. f. Electionem papæ sibi reservavit concilium Constantiense, 1638. c. Quæ aliquandiu differtur, 1636. f. Quamvis non sit differenda, 1781. c. Eam retardare est schisma fovere, 1683. a. In concilio Constantiensi facta fuit per cardinales & deputatos quinque nationum, 1688. f. 1690. e. Electionem suam universitati Colonienfi significat Martinus V. papa 1688. c. Item, collegium cardinalium, 1690. a. & seq.  
 Electiones in Sicilia liberæ, nec requisito regis assensu, 15. f. Earum restitutio, 234. d. 400. d. Per Clementem IV. 447. f.  
 Eligendi libertatem vacaturis ecclesiis restituit Clemens IV. 356. d. Ad electionem episcopi Aniciensis non vocandi in sacris ordinibus non constituti, 486. d.  
 Eleonora regina Aragonum, 850. e. 875. a. e. Innocentio VI. copias offert ad repellendas perverfas societates, 868. d.  
 Elias episcopus Aniciensis, 1548. f. 1550. a. 1557. c. 1560. d. 1561. b. 1564. a. d. 1568. f. 1569. b. 1581. d.  
 Elias abbas S. Salvatoris de Blavia, 1016. e. 1039. c.  
 Elias Peletri capellanus papæ generalis causarum palatii auditor ad Florentinos missus, 428. b. c. 429. b.  
 Eliensis episcopo gratia nulla facienda, 241. a. Ejus absolutionem sibi reservat Clemens IV. 201. b.  
 Eliensis episcopus Thomas, 1026. c. 1065. e.  
 Elisaberh infantissa Majoricarum, 948. b.  
 Elnensis episcopus Remundus, 987. f. 989. f.  
 Emendatio sacrorum librorum Ario commissa, 1495. c.  
 Emocho episcopus Spirensis dignitate privatur, 196. d. & seq.  
 Engelbertum episcopum Leodiensem hortatur Innocentius VI. ut recuperando comitatu Loffensi invigilet, 944. a.  
 Engerannus archiepiscopus Capuanus, 877. a.  
 Epiphaniæ die assignata Caroli regis Siciliæ coronatio, 252. d. 257.  
 Episcopatus unus in Ecclesia, 1211. d.  
 Episcopatus vacantis temporalium cui cura committenda, 487. c.  
 Episcopalis non providendi extranei, 1762. d. 1764. f.  
 Episcopatum uniones Clementi IV. displicent, 448. b.  
 Episcopatum avidi religiosi mendicantes, 578. d.  
 Episcopatus Italiæ exigui, 1764. a.  
 Episcopi electioni non interfunt in sacris ordinibus non constituti, 486. d.  
 Episcopi pro populis non pro se ordinantur, 1240. a. Episcopi non reputantur quorum consecratio ignoratur, 1233. e. Episcopus non est qui præesse diligit non prodesse, 1234. c. Episcopo datur jurisdictio per inthronizationem, 1107. a. Episcopus stultiorum caput, 604. d. In eo scientiæ defectum supplet vita sancta, 400. e. Pompis sæculi non delectetur, 449. f. Apud iudices laicos non trahendus, 709. e. In episcopis lites damnat Clemens IV. 181. c. Eorum avaritia carpitur, 111. b. Episcopum sublimiorem vel inferiorem non facit divitiarum potentia & paupertatis humilitas, 1224. c.  
 Episcoporum familia ad xxx. personas limitata, 1597. c.  
 Episcopis inferiores cardinales, 1597. c.

Episcopi qui Ludowici Bavari coronationi interfuerunt excommunicati, suspensi & dignitate privati declarantur, 734. c.  
 Equitare permissum Minoribus & Prædicatoribus cum legato sedis apostolicæ commorantibus, 79. f.  
 Ermengaudus de Molgorio militi viduitatis statum suadet Clemens IV. 239. f. Sæculo renunciat, 414. c. & seq.  
 Error cui non resistitur approbari videtur, 642. c. 644. b.  
 Esculanus ecclesiæ unionem turbat, 1346. f.  
 Estensis Marchio Ecclesiæ fidelis, 628. a.  
 Eugubinis potestatem creat Clemens IV. Robertum de Robertis, 209. c.  
 In Eucharistia realis Christi præsentia, 560. c. Est ecclesiæ fides, 537. a. Narbonensis archiepiscopus arguitur quod male sentiat de Sacramento altaris, 536. f.  
 Eugenio IV. adhæret Carolus VII. rex Francorum, 1750. c.  
 Eveshamensis abbas electus Guillelmus de Maleberge, 355. c.  
 Eumenus de Bergamon ordinis Prædicatorum papæ poenitentiarius, 883. a. d.  
 Evodius episcopus Antiochenus, 1161. f.  
 Exactiones in Carolo rege Siciliæ redarguit Clemens IV. 445. c.  
 Excommunicationis absolutio à quibus facienda tempore subtractionis, 1397. b. S. Ludovico regi Francorum privilegium, ut filii sui non possint excommunicari negat Clemens IV. 586. b.  
 Exemplo plus nocent principes quam peccato, 1772. c.  
 Exemptorum excessus in Urbe emendandi facultas datur Johanni electo Urbevetano, 1046. c.  
 Exhortatio præclara ad regem, 1225. c.  
 Eximius anticardinalis S. Laurentii in Lucina, 1731. b. 1735. c.

## F

S. **F**acundi abbas Arnaudus monachus Gerarenfis, 448. b.  
 Falsariorum presbyterorum poenitentia, 348. c.  
 Famegustanus episcopus frater Velasus 191. c.  
 Familiaritas inferiorum vitanda, 276. a.  
 Familiaritas religiosi vitanda, 282. a.  
 Fanensi ecclesiæ præficitur prior Prædicatorum, 191. c.  
 Farfensis abbas notatur, 473. f.  
 Falchinus - canis rumpit guerram cum gubernatore Januæ, 1369. b.  
 Faventinus episcopus Franciscus, 1720. b.  
 Faventini electi allegationes coram rege Castellæ pro Urbano VI. 1083. c.  
 Felicius Monachus S. Vincentii Laudunensis, Urbani IV. consanguineus fit abbas Cellensis, 3. b. & seq. Theobaldo Navarræ regi & Campaniæ comiti eum commendat Urbanus IV. ibid.  
 Feltrensis episcopus infamatus de captione Aquilegiensis Patriarchæ, 520. c.  
 Feltrensis episcopus in concilio Constantiensi, 1550. c.  
 Ferdinando episcopo Astoricensi commendatur Bartholomæus de Carpineto papæ secretarius, 962. f.  
 Ferdinandi, regis Aragonum epistolæ ad Sigismundum regem Romanorum, 1643. d. 1644. d. 1645. c. Alia post subtractionem obedientiæ Benedicto XIII. 1658. d. 1659. c. Ejus infirmitas, 1642. f.  
 Ferdinandus de Eredia Castellanus Empostæ comitatus Vainetini gubernator, 954. c. 995. b. c.  
 Fernandus natus Petri regis Portugalliæ, 1030. c.  
 Ferrandum priorem S. Egidii apud se retinet Clemens IV. 292. a. Eum remittit ad suum prioratum, 292. d.  
 Ferrariensis abbas Simon, 1059. e. 1060. c. 1061. f. 1063.  
 Ferrariensis civitas ad jus & proprietatem sedis apostolicæ pertinet, 650. d. 663. c. 675. a.  
 Feudorum jura partim ex imperialibus legi-

bus partim ex consuetudinibus pendent, 392. a.  
 Fides debet esse libera, non coacta, 1517. d.  
 In paucis reramanere potest, 1534. c. Fides firmata in uno solo salvari potest, 1215. a.  
 Firmanus episcopus Johannes Bonjohannes, 900. d. 907. c. 909. c. 926. c. 929. d. 932. c. 1004. b. 1005. c.  
 Firmani episcopi proditores & dolos inquit Clemens IV. 160. f. Illius prodicione detecta conjicitur in vincula, 143. b. Inquisitio facienda de objectis Firmanensi episcopo, 316. c. Excommunicatus est denunciandus, 145. f.  
 Firmani, 134. c. Proditores, 434. c. & factionis auctores, 374. d. & Ecclesiæ hostes, 467. c. & seq. Infidelitate pleni in Ecclesiam Romanam, 566. b. Eorum superbia frangenda, 416. c. Eorum civitas proditorum Ecclesiæ præsidium, 287. a. 289. f. De legato sedis apostolicæ conqueruntur, 293. c. Ad Ecclesiæ gremium redeunt benigne suscipit Clemens IV. 593. a.  
 S. Firmini prior in diocesi Magalonensi, 612. b.  
 Flagellatorum mores & vita inquiri mandat Innocentius, 960. f.  
 Flandriæ comes cruce signatur, 465. d.  
 Flandriæ comes Guido, 387. f.  
 Florentini Pisanam civitatem occupant, 1471. c. 1477. d.  
 Florentiæ potestas Carolus rex Siciliæ, 465. Illius regimen Lotaringo & Catalano committitur, 321. c. Illius rectores quales esse debeant, 429. f. Ipsius reformatio opus divinum non hominum, 427. c. 428. c.  
 Florentinus cardinalis in concilio Constantiensi, 1185. e. Concordata in concilio truncat, 1621. b. Recusat fieri procurator Johannis XXII. 1632. e.  
 Florentinus episcopus Philippus, 891. f.  
 Florentini privant papam potestate conferendi beneficia per quinque annos, 1599. e.  
 Florentini viri infideles, 1475. b. Multas in Italia villas occupant, 1475. d. Sunt excommunicati, 261. d. Eorum abbates depositi, 377. c. Ad papam redeunt, 302. d. Eis gratiam præstat Clemens IV. 378. b. A sententia excommunicationis soluti sunt ecclesiæ Romanæ rebelles, 418. b. & seq. Ad viam salutis reversi, 429. d. Ecclesiæ Romanæ reconciliantur, 310. b.  
 Florentinus negotiorum Bononiensium commendat Innocentius VI. papa, 1024. a.  
 Florentinorum oratoribus data responsio à cardinalibus super sedando schismate, 1411. a.  
 Florentinorum Constantia & fides in Carolum Siciliæ regem 615. b. Mutuum Clementi IV. pro Carolo Provinciæ comite præstant, 123. f. 128. b. Florentinis mercatoribus mutuata pro rege Siciliæ pecunia restituenda, 152. d. 168. d. 177. f. 208. b. 300. c. 344. c.  
 S. Florentii Salmurienfis abbas Guillelmus, 1010. b.  
 Fontanellensis abbas Johannes, 1539. f. 1541. f.  
 Fortunius abbas sæcularis S. Benedicti de Miranda Martinum Sancium Sarracenum ad fidem conversum crudeliter tractat, 360. c.  
 Forosimpronii munitiones an faciendæ arbitrio legati relinquit Clemens IV. 365. c.  
 Forosimpronii episcopus de prodicione à papa redarguitur, 161. a. Carceri mancipatur, 136. c.  
 Forosimpronienfes Carolo regi commendat Clemens IV. 280. e. Viros nobiles Guidonem & fratres ejus crudeliter afficiunt, 136. d.  
 Franciæ regnum multis præstationibus attritum, 385. c. Pro negotio Siciliæ trienniali decima gravatur, 313. b.  
 Franciæ regnum sedis apostolicæ refugium, 187. c. Uxorem quæ Francorum regnum diligit fratri suo eligendam Navarræ regi præscribit Clemens IV. 123. c.  
 Franciæ reges semper fidei puritate clari, 221. b. 223. c. Sedi apostolicæ semper devoti, 187. b. Ad ejus beneplacita semper parati, 197. a.

Francorum



Francorum rex pro Carolo Siciliæ rege effi-  
caciter laborat, 133. d. Francorum regi  
germano suo mutuum præstanti decimas  
pro negotio Siciliæ colligendas obligari  
papa permittit, 119. d.  
Franciscus cardinalis S. Sufannæ, 1274.  
b.  
Franciscus archiepiscopus Narbonensis, 1435.  
a. 1452. c. 1458. b. f. 1602. c.  
Franciscus episcopus Faventinus coram rege  
Castellæ Urbani vi. jura propugnat, 1720.  
b.  
Franciscus princeps Strigoniensis, 1714. c.  
Franciscus de Baucio dux Andriæ, 886. a.  
Franciscus de Ebato comes Tarentinus Petri  
episcopi Tarentini bona legata cameræ  
apostolicæ retinet, 1044. c.  
Franciscus de Carraria Paduæ vicarius impe-  
rialis, 1036. c.  
Franciscus de S. Severino miles, 886. c.  
Franciscus Justinianus Venerus, 1387. d.  
Franciscus de Châtelensis legis doctor ab Ur-  
bano vi. ad regem Castellæ destinatus,  
1720. b.  
Franciscus de Ursinis, 1373. c.  
Fredericus II. imperator, 125. a. De regno  
Siciliæ se suosque ditabat, 524. c. Ei diu  
restitit Beneventum, 299. c. 308. a. Ejus  
statuta contra libertates ecclesiæ revocan-  
da à rege Siciliæ, 232. c.  
Fredericus regis Castellæ filius dux Siculorum  
rebellium, 543. c.  
Fredericus dux Austriæ in imperatorem ele-  
ctus in discordia, 644. d. 647. d. Co-  
ronatur, 637. Ab adversario fufus cogi-  
tur ad cessionem, 637.  
Fredericus dux Austriæ, 1618. c. 1619. d.  
1626. d. Concilio Constantiensis se sistit  
atque ab imperatore deprecatur veniam &  
gratiam, 1631. a. & seq.  
Fredericus dux Saxoniz, 1713. f.  
Fredericus partis insulæ Siciliæ detentor,  
992. d.  
Fredericus Lancea ecclesiæ persecutor, 94.  
f.  
Fredericus & Galvanus comites ad Caroli  
Siciliæ regis gratiam redeunt, 431. f. &  
seq.  
Fredericus de *Trindengen* Ludovici Bavarî  
orator fautor hæreticorum, 574. d.  
Frumentum pro sui hospitii & pignoris usu à  
patrimonio S. Petri in Tuscia advehi pro-  
curat Innocentius vi. 887. a. & seq. 888.  
c. & seq. 889. c. 891. c. 905. c. 906. d.  
908. a. 1006. b. Illud retinentes excom-  
municandi, 1008. b.  
Fulco de Podio-Ricarii vicarius Siciliæ, 525.  
b.  
Fundis celebrata electio Clementis papæ vii.  
1225. a.  
Fuxense monasterium, 518. f.  
Fuxi comes concilio Constantiensis unitur,  
1669. b.

G

Cardinalis S. Laurentii in Lucina lega-  
tione Danica sit contentus, 559. d. &  
seq. A legatione revocatur, 555. c.  
G. Aquilegiensis patriarcha capus à comite  
Goricensi, 530. b.  
G. De Salvaticis comes, 216. c.  
G. de Medio-Bladi miles regni Siciliæ circa  
Farum capitaneus, 530. a. 533. a. 579. d.  
581. b.  
G. Novellus, 456. c.  
Gabbellæ salis origo vitiosa, 106. d.  
Gabbellæ Rodani, 371. c.  
Gabulensis episcopi translatio ad Potentivam  
ecclesiâ, 505. b. Eidem duo fratres or-  
dinis Prædicatorum ad solatium assignati,  
505. c.  
Gaillardus episcopus Xantonensis, 878. d.  
879. b.  
Galeatus de Vice-comitibus, 743. c. 754. c.  
926. d. De hæresi condemnatus, 645. b.  
650. b. 653. b. 660. f. 672. d.  
Galeorus de Malatestis miles Bernabovem  
vincit, 1021. c. Ei gratulatur ea de re  
papa, 1025. c.  
Galiorus detentus in vinculis, 627. f.  
Galiorus Galvani Lanceæ filius Reatz reti-  
Tom. II.

nendus, 378. d.  
Gallicana ecclesia procuracionibus legatorum  
apostolicorum gravata, 89. b. Ab his exo-  
neratur, 89. c. Eam scandalizare vitat  
Urbanus iv. 89. Gallicani cleri delibera-  
tio de collatione beneficiorum durante  
schismate, 1307. c. 1311. b.  
Galli procurant obedientiam restitui Bene-  
dicto xiii. à Ludovico II. rege Siciliæ,  
1265. a. De regia stirpe Gallicana filios  
benedictionis semper suscepit ecclesia, 57.  
c.  
Gallorum vitia, 1448. f.  
Galvanus comes, 284. c. 302. c. 578. a.  
581. c. Ex obside factus inimicus, 377. a.  
Proditor notorius, 549. a. In vinculis de-  
tentus, 627. f. Fugæ præsidio vitat mortem,  
296. c. Ad regis Caroli gratiam redit,  
431. f. & seq. Occiditur in prælio Bene-  
ventano, 288. a.  
Galvanus Lancea, 540. d. Ecclesiæ persecu-  
tor, 94. f. 349. a. 627. f.  
Gantelmus sub Carolo senatore Urbis vica-  
rius, 97. c.  
Gasto comes Fuxensis, 855. f. 856. a. 877.  
b. Bellum habet adversus Arnaldum de  
Lebreto, 1056. c.  
Gasto vice-comes Bearnensis, 569. a. 628.  
d.  
Gatianus episcopus Corisopitensis, 1558. b.  
Gaufridus electus Xantonensis, 1433. b.  
Gaufridus de Bellomonte capellanus Clemen-  
tis iv. 132. d. 378. b.  
Gaufridus de Bellomonte cancellarius Bajo-  
censis, 176. c. 564. c. A legatione revo-  
catur mittendus ad regem Carolum, 263.  
c.  
Gaufridus de Serginis miles, 408. c. Regis  
Jerolymitani Senescallus, 392. d.  
Gaufridus *Forrier* de Vernolio cruce-signatus,  
367. c. Ei subsidium provideri jubet Clemens  
iv. 367. c.  
Gebehardus episcopus Eistensis dignitate pri-  
vatur, 696. d. & seq.  
Gebennensis episcopus Johannes Bertoldus,  
1456. b.  
Gemmeticensis abbas ad pontificem Roma-  
num pro unione ecclesiæ deputatus, 1328.  
d. Regis ad Gregorium xii. orator, 1331.  
b. 1350. b. 1357. c.  
Gemeticensis abbas Simon deputatus ad con-  
cilium Constantiensis, 1539. c. 1541. f.  
Gengembacensis abbas Lambertus, 944.  
d.  
S. Genovefæ Parisiensis monasterium sedi apo-  
stolicæ immediate subjectum, 322. c. Theo-  
baldus ipfius abbas apud sedem apostolicam  
moritur, 322. c. Illius successoris electio  
confirmatur, 323. b. Forma juramenti ab  
eo præstandi, 323. d.  
S. Georgii brachium monasterio S. Egidii  
concedit Clemens iv. 538. b.  
Georgius episcopus, 1714. c.  
Georgius Capitaneus Podoliz, 1653. d.  
S. Georgii prope Rothomagum abbas Guil-  
lelmus, 1539. f. 1541. f.  
Germaniæ pericula, 327. c. Apostolicis ius-  
sionibus male parat, 385. c.  
Germani feroces populi, 464. b.  
S. Germani Autissiodorensis abbas Guillelmus,  
907. b. 909. c. 929. c. 927. f. 918. c. 932.  
f. 1004. b. 1005. c. 1019. a. c. 1020. b.  
1021. c.  
S. Germani Claromontensis abbatia secularis,  
412. a.  
S. Germani Pratenfis abbas ad solvendas an-  
natas pingue vendit prædium, 1420. d.  
S. Germani civitas inexpugnabilis à Carolo  
rege Siciliæ capta, 287. d.  
Geraldus archiepiscopus Beneventanus, 956.  
d. 958. a. 960. f. Paci reformandæ  
inter regem Siciliæ & ducem Duratii desti-  
natur, 915. b. 916. c. d. Ei facultatem recu-  
perandi bona ab ecclesiis & monasteriis  
usurpata Innocentius vi. tribuit, 961. c.  
Gerardus episcopus Nurembergensis, 990.  
a.  
Gerardus de Ramplion archidiaconus Seno-  
nensis, 808. d.  
Gerardus miles frater archiepiscopi Lugdu-  
nensis, 874. d.  
Geratdi de Brie legum doctoris epistola ad

consules Albienfes, 1712. d.  
Gibellinæ factionis auctor Perusinus de Flo-  
rentia, 184. d.  
Gibellinorum excessus in nuncios regis Castel-  
læ, 555. c.  
Gibellina potestas depressa, 465. d.  
Gifonius cardinalis scribit in papam, 1493. a.  
veniam deprecatur, 1493. c.  
Gilbertus episcopus Carleolenfis, 1061.  
a.  
Gilbertus episcopus Lodovenfis, 1043. b.  
Gilia Clementis i v. consanguinea iii. a.  
Girardus Longus potestas Urbis-veteris, 597.  
f.  
Glandatenfis episcopus fit episcopus Ostien-  
fis, 1081.  
Glenæ pauperum decimis non subjectæ,  
461. b.  
Gnesnensis archiepiscopus N. 1650. c.  
Gnesnensis archiepiscopus in Polonia, 1663.  
c.  
Gomesius Garcias de Albornos, 1069. c.  
Gomesius rector civitatis Bononiensis, 1019.  
b.  
Goffridus cardinalis S. Georgii ad Velum  
Aureum, 207. c.  
Goffridus comes Squillatii Siciliæ admira-  
tus, 886. a. 952. b. 957. d.  
Goricensis comes G. Patriarcham Aquile-  
giensem captum detinet in vinculis, 53.  
a. b.  
Graduatis conferenda sexta pars canonica-  
tum & beneficiorum in cathedralibus,  
1702. d.  
Græci cur ab Ecclesiæ recesserunt obedientia,  
1450. c. Eorum conversioni Romana ec-  
clesia laborat, 493. f. Ad Romanæ ecclesiæ  
obedientiam redeunt, 169. c. f. Redeuntibus  
ad gremium Ecclesiæ mittuntur fratres  
Prædicatorum qui eos in fide firment, 494.  
d. 1695. f.  
Græci falsas reliquias venditant, 588. c.  
Granatæ rex à rege Castellæ victus, 534.  
c.  
Gratiæ expectativæ graves collatoribus bene-  
ficiorum, 1697. b.  
Gravinenfis episcopus depositus & degradatus  
cum spe restitutionis si claustrum ingressus  
biennio post religiosam professionem pie  
conversatus fuerit, 414. b. & seq.  
S. Gregorius ecclesiâ in domo paterna con-  
struxit, 5. a.  
Gregorius ix. capita SS. Petri & Pauli populo  
ostendit, 588. d.  
Gregorius papa ix. in patrimoniali solo mo-  
nasterium Florinenfis ordinis fundavit, 5.  
b. Ejus statuta pro Monachis, 105. b.  
f.  
Gregorio x. scribit Carolus rex Siciliæ pro solu-  
tione sensus annui pro regno Siciliæ, 635.  
b. Ejus frater in Anglia captivus, 1113.  
d.  
Gregorii xi. elogium, 1079. c. 1081. f. Vvillel-  
num Anglicum in episcopum Maragensem  
consecrat, 1128. d. Cur relicta Avenione  
Romam accesserit, 1450. b. Vetat castrum  
S. Angeli ulli consignari post ejus mortem  
nisi de consensu omnium cardinalium,  
1073. c. Ejus obitus, 1716. a. 1718. c.  
Gregorius xii. 1338. d. 1344. f. 1347. b. 1724.  
c. Ejus electio, 1281. c. 1289. b. 1429. c.  
Jurat se renuntiaturum papatui pro sedando  
schismate, 1280. 1289. c. 1291. d. Ejus bulla  
ad Universitatem Parisiensem de sua ele-  
ctione & proposito renunciandi pontifica-  
tui ad sedandum schisma, 1286. c. Ei gra-  
tularur universitas Colonienfis de sua ele-  
ctione & de proposito renunciandi papatui  
pro sedando schismate, 1283. b. & seq.  
Gregorius xii. ad Benedictum xiii. scribens  
offert cessionem pontificatus ut procuraret Ec-  
clesiæ unionem, 1287. d. 1292. d. 1293. c.  
1430. a. Benedicti ad eum responsio, 1294.  
a. Ejus bulla ad universitatem Colonien-  
sem, 1285. b. Epistola ad Johannem du-  
cem Bituricensis, 1339. a. Oratores regis  
Castellæ honorifice recipit, 1389. c.  
Gregorius xii. pro viribus viam cessionis decli-  
nat, 1430. b. Schismatis est fautor, 1305. c.  
Ei data securitas ad accedendum Saonam  
pro Ecclesiæ tractanda unione, 1322. c.  
Rumpit tractatum pacis pro unione  
Bbbbbb

- ecclesie, 1349. a. Petit mutationem loci Saonæ ad conveniendum cum Benedicto, 1349. c. f. 1367. c. 1368. d. 1379. c. Benedicti ad eum responsio, 1380. f. Cessionis viam improbat, 1349. f. A conventionibus Massiliensibus recedit, 1349. f. Multa prædicationi jubet Senis ad sui excusationem quod locum Saonæ mutari peteret, 1382. a. & seq. Cessionem obrulit, 1382. a. Eamque approbare videtur, 1350. b. Urgetur multis ei oblatis conditionibus ad locum Saonæ acceptandum, 1350. d. & seq. Ejus responsio ad Benedicti xiii. ambassiatores, 1366. f. Adambassiatores Caroli vi. regis, 1367. f. Capitula Massiliensia cum variis modificationibus & conditionibus approbat, 1370. b. & seq. Ea impleta non fuisse causatur, 1382. d. Varia ad conveniendum offert loca, 1385. c. & seq. Benedicti xiii. ad eum responsio super hac oblatione, 1386. c. Gregorii xii. altera responsio ad oratores regis & Benedicti xiii. 1374. b. Offert ad conveniendum Petram latam, 1374. b. Quem locum postea recusat, 1374. c. Versus super collusionem Gregorii xii. & Benedicti xiii. 1394. c.
- Gregorius xii. concilium in exarchatu Ravennatensi convocat, 1411. c. 1413. c. 1417. a. Prohibet cardinalibus sub pœna privationis dignitatis ne exeant de Luca, 1395. e. Item, ne simul congregentur, 1396. f. Item, ne participant cum oratoribus Petri de Luna & cum Gallicis, 1397. d. Recusat videre cardinales cum citantes ad concilium Pisanum, 1414. a. Appellatio cardinalium, 1344. d. Eum non agnoscit universitas Colonienfis post concilium Pisanum, 1710. c. Permittit suis cardinalibus conjungi concilio, 1632. f. Qui conjunguntur revera, 1539. a. Renuntiat papatu, 1639. b. Privilegia ipsi concessa, 1641. a.
- Grimaldus nobilis domicellus exsul, 320. a.
- Guala seu Gualo cardinalis legatus sedis apostolicæ statuta pro monasteriis Galliarum condit, 32. c. 105. b.
- Gueldrix comiti ad transfretandum se paranti viginti librarum millia dari jubet Clemens iv. 346. c.
- Guelfi ecclesie Romanæ fideles, 310. c. Eis favet Clemens iv. 437. c. d. & promittit militiam Clemens iv. 440. c.
- Guichardus de Combernio miles, 945. d.
- Guicherus comes de Lundolbo, 689. c. 691. d.
- Guidinum Adillanum ducem Sueviæ ad se invitat Clemens iv. 156. d.
- Guido cardinalis Penestrinus, Pictavenfis vulgariter appellatus, 1266. f.
- Guido cardinalis S. Sabinæ, postea Clemens papa iv. 97. a. Mittitur ad Capitulum Cisterciensē exortas inter patres abbates lites compositurus, 148. d. & seq.
- Guido Narbonensis archiepiscopus, 331. c.
- Guido episcopus Concordienfis, 947. f.
- Guido episcopus Penestrinus, 1458. f.
- Guido episcopus Portuensis, 899. c. 964. a. 998. c. Apostolicæ sedis legatus, 868. b.
- Guido de Alvernia postulatus archiepiscopus Viennensis, 411. d. 527. b. c. Ejus electionem seu postulationem propter varios defectus sed præsertim beneficiorum pluralitatem suspendit Clemens iv. 412. a. & seq. 452. c. Ab his defectibus dispensatur, 412. c.
- Guido abbas Cisterciensis factus cardinalis, 149. f.
- Guido abbas S. Pauli Romæ, 921. b.
- Guido de Pileo archidiaconus Sueffionensis patrimonii ecclesie Romanæ rector, 321. b.
- Guidoni Flandriæ comiti ad transfretandum se accingenti viginti millia librarum distribui jubet Clemens iv. 381.
- Guido Guerra comes Tusciæ, 216. c. 613. c. Regi Siciliæ fidelis, 929. c. & Ecclesiæ 318. c.
- Guido Novelli comes Manfredi principis vices gerens, 317. b. Ecclesiæ inimicus, 437. b.
- Guido de Monte-Felitano Urbis vicarius inurbanus, 634. c.
- Guido de Brien miles, 1059. c. 1061. d.
- Guido de Forlaio miles, 373. b.
- Guido Flandrini famosus doctor, 1516. f.
- Guillelmus cardinalis episcopus Tusculanus, 1009. c.
- Guillelmus cardinalis S. Cecilie, 1267. a.
- Guillelmus cardinalis S. Marci, 207. d. 368. c. 521. a.
- Guillelmus cardinalis S. Mariæ in Cosmedin, 998. f.
- Guillelmus cardinalis S. Vitalis, 1073. b.
- Guillelmus electus patriarcha Hierosolymitanus, 8. b.
- Guillelmus archiepiscopus Arelatenfis, 1029. d.
- Guillelmus de Gressibus episcopus Belvacensis, 462. c.
- Guillelmus episcopus Ebroicensis, 1336. a.
- Guillelmus episcopus Lucanensis, 809. b.
- Guillelmus episcopus Vintonienfis, 1060. f. 1065. c.
- Guillelmus abbas S. Bertini postea episcopus Tornacensis, 1762. f.
- Guillelmus abbas S. Georgii prope Rothomagum, deputatus ad concilium Constantiense, 1559. f. 1541. f.
- Guillelmus abbas S. Germani Autissiodorensis, 927. c. 928. c. 929. c. 1004. b. 1005. c. 1019. c. 1020. b. 1021. b. Ad Bernabovem de Vicecomitibus militem Mediolanensem missus ab Innocentio vi. 907. b. 909. c. 932. f.
- Guillelmus abbas Beneventanus S. Sophiæ, 1044. b. 1047. a.
- Guillelmus abbas Salmuriensis, 1010. b.
- Guillelmus abbas Vvestmonasterii, 1395. b.
- Guillelmus de Maleberge electus abbas de Evesham, 355. c.
- Guillelmus de Tonneux ordinis Prædicatorum papæ nuncius, 615. d. 618. c. 620. c.
- Guillelmus Bertrandi, ordinis Minorum inquisitor hæreticæ pravitatis, 347. d.
- Guillelmus de Lignavilla præpositus Parisiensis, 1343. b.
- Guillelmus decanus Vifegradensis, 899. c. 982. c. 986. d.
- Guillelmus Raynaldi Prior Carthusiæ, 1435. f. 1438. c.
- Guillelmus de Placentia papæ capellanus, 440. a.
- Guillelmus de Mora monachus & procurator Carthusiæ, 1436. c. A Bonifacio Ferrerii persuasus redit ad obedientiam Benedicti xiii. 1530. a. Ipse imponitur pœnitentia, 1530. d.
- Guillelmus I. rex Angliæ, 1244. a.
- Guillelmus II. rex Siciliæ, 17. a. 235. c.
- Guillelmus comes de Asperem, 886. c.
- Guillelmus comes Belli fortis, 942. f.
- Guillelmus Baratter regis orator ad Gregorium xii. 1331. b.
- Guillelmus Pulcri-nepotis orator regis Franciæ ad concilium Constantiense, 1553. c. 1581. b.
- Guillelmus de Vezerio dominus de Mirabello Delphinatus gubernator, 849. c.
- Guillelmus de S. Egidio, 866. c.
- Guillelmus Bulbonensis miles, 590. a. 591. b.
- Guillelmus de Monte-Olivo miles, 866. c.
- Guillelmus de Montepesato, 572. c.
- Guillelmi de Perreriis oratio in electione Summi pontificis, 1753. f.
- Guillelmus de Sancto Amore & ejus liber, 417. c. & seq.
- Guillelmus Nogaret Bonifacii viii. interfectus, 1449.
- Guillelmus Okan hæretica dogmatizat, 750. f. 783. c. 802. f. 829. c. Excommunicatur, 751. d.
- Gurcensis episcopus Johannes, 857. d. 980. b.
- H
- De Consentiis miles Marecallus S. Ludovici regis Franciæ, 472. c.
- Habitus clericorum exterior, 485. c. Cum Ecclesiæ habitu foras non prodeant, 485. b.
- Hæresis duplex habet venenum errorem &
- pertinaciam, 1207. b. Hæreticorum omnium hoc est quod veritatem manifestam videre non possunt, 1742. c. Hæreticum inter, malum catholicum & schismaticum quid sit discriminis, 1729. b. Hæreticus est schismaticus, sed non omnis schismaticus est hæreticus, 1189. c.
- Hæreticis Bohemiæ bellum infert Sigismundus imperator, 1713. c. & seq.
- Hannoniæ ecclesie pro negotio Siciliæ decimas solvebant, 122. a.
- Helias episcopus Aniciensis, 1583. d. 1584. b.
- Helias episcopus Segobricensis, 1010. f. 1011. a. c.
- Helias Peleti papæ Capellanus canonicus Belvacensis missus in Tusciam, 514. c. 515. b. 516. a. f. Ei facultas datur mutuum contrahendi pro Ecclesia, 523. f.
- Henricus cardinalis S. Anastasiæ, 1274. b.
- Henricus cardinalis S. Sabinæ, 550. c.
- Henricus archiepiscopus Colonienfis, 637.
- Henricus electus Trevirensis apud Urbanum iv. de pluribus criminibus accusatus, 549. f. Et apud Clementem iv. quod telonium imposuerit, 550. c. Quod pallium petere neglexerit, 552. b. Quod Metensem episcopum confirmaverit & consecrari mandaverit, 552. c. Quod missam per annos sex non celebraverit, 552. c. Quod consecranti altare consecrator extiterit, 553. a. Quod fuerit perjurus, 553. b. Quod abbatem & monachos S. Michaelis incarcerationi, 554. a. Sententiam in eum profert Clemens iv. 554. d.
- Henricus episcopus Ostiensis & Velletrensis, 207. c. Ecclesiæ membrum honorabile, 211. c. Ejus paupertatem relevare cogitat Clemens iv. *ibid* & quædam ipsi Angliæ beneficia in commendam dari procurat, 211. f. 251. b.
- Henricus episcopus Sabinensis, 1602. c.
- Henricus episcopus Tusculanus, 1322. f. 1367. a. 1368. a.
- Henricus Urunc pastor S. Martini Colonienfis, 1614. c.
- Henricus imperator, 642. a. 644. c. 1174. b.
- Henricus II. imperator Benedictum ix. papam & duos alios contendentes deposuit, 1622. d.
- Henricus vii. imperator, 637.
- Henricus rex Anglorum & Edmundus ejus filius ab Urbano iv. citati, 52. a.
- Henricus iv. rex Angliæ, 1243. c.
- Henricus rex Castellæ, 1102. f. 1717. b. 1718. a. c. 1719. b.
- Henrico fratri Navarræ regis permittit Clemens iv. matrimonium contrahere, 124. c.
- Henricus natus F. regis Castellæ senator Urbis, 512. f. 516. b. 519. f. 539. c. 572. a. Ejus matrimonium, 569. b. Ecclesiæ hostem & Caroli regis Siciliæ se declarat, 540. d. & c. 542. d. 543. c. Ei creditam Carolo regi Siciliæ pecuniam jubet restitui Clemens iv. 529. c. 540. a. Carolo regi Siciliæ fuit contrarius, 548. b. c. 549. a. Eum Clemens iv. hortatur ut sua potestate modeste utatur, 575. b. Ipse excessus, 545. b. c. In papam & suos, 555. c. & seq. In cardinalem S. Nicolai in carcere Tulliano, 556. d. A Carolo rege Siciliæ deletur, 615. d. In vinculis detinetur, 627. f.
- Henricus comes de Elvaltz-burg, 890. d.
- Henricus comes Montis-Beliardi, 856. b.
- Henricus comes de Trastamara, 1043. c.
- Henricus de Consentiis Marecallus, 586.
- Henricus de Gunde-Vuennen præceptor hospitalis B. M. Theotonorum, 696. c.
- Henrico domino Soliaci scribit Clemens iv. in gratiam comitis Vindocinensis, 619. b.
- Henricus comes, 284. c.
- Herfordensis electus Johannes, 1061. a.
- Herfardensis episcopus Johannes Barret, 1027. a.
- Hermannus Humola scholasticus Spirensis, 696. d.
- Herveus Abbat orator universitatis Andegavenfis ad concilium Constantiense, 1551. f.
- Heydelbergensis universitatis instrumentum

- traditum nuntio electionem Martini v. nuntianti, 1692. b.
- S. Hieronymi elogium, 1210. a.
- Hieronymus abbas S. Johannis de Parma, 1381. f.
- Hieronymus de Praga in concilio Constantiensis de hæresi accusatus, 1637. b.
- Hispalensi archiepiscopo negotia cum rege Castellæ tractanda committit Clemens iv. 137. a. & seq.
- Hispaniæ pericula, 327. c. Hispaniæ status ecclesiasticus multum collapsus, 543. b.
- Hispania suis gravata oneribus, 385. c.
- Hispani principes deserunt Petrum de Luna, 1695. f.
- Hispani ad concilium Constantiense venire disponunt, 1661. f. In concilio Constantiensis Anglos præcedere contendunt, 1667. b.
- Honor sæculi momentaneus, 110. c.
- Honoratus comes Fundanus Anagnini civitatem officialibus papæ restituere jubetur, 931. b.
- Hortani conqueruntur de Bertholdo vicario, 147. d.
- Hospitalarii S. Johannis Hierosolymitani à Soldano Ægypti percussus, 170. e.
- Hospitalitas in ecclesia Aniciensi, 482. f.
- Hostiensis episcopus Johannes, 1711. c.
- Hugo cardinalis S. Mariæ in Porticu, 1073. b.
- Hugo episcopus Valentinus in Hispania, 1011. a.
- Hugo de Lezignano Senator Urbis, 846. f. 847. c. 929. f.
- Hugo marchio Estensis, 994. f. 953. c.
- Hugo Staqua capitaneus Aquilæ, 602. d.
- Hugo de *Ketaiter* miles senescallus Britanniæ, 876. d.
- Hugo Sageri miles Arelatensis, 250. b.
- Hugo de Vienna Dominus S. Crucis, 856. a.
- Hugo de S. Severino, 886. b.
- Hugolinus comes civis Pisanus, 517. a.
- Humbertus generalis magister ordinis Prædicatorum breviarium ordinis componit, 501. b.
- Humilitatis gradus sublimior amare contemni, 423. f.
- Hungaria à Turcis devastata, 1652. b.
- Hungari victoriam reportant de Turcis, 1666. f.
- I
- J. De Corneliaco, 562. c.
- Jacobino Rubeo potestatem Firmanensem dare recusat Clemens IV. 566. b.
- Jacobinus de Torsio Gregorii xii. ambasciator, 1354. f.
- Jacobinum Cremonensem civem Carolo regi commendat Clemens iv. 239. d.
- S. Jacobi Hispanica peregrinatio, 543. a.
- Jacobus S. Mariæ in Cosmedin cardinalis patrimonio S. Petri in Tuscia præfectus, 84. d. 207. d. 221. 222. 223. d.
- Jacobus Aquerentinus archiepiscopus 1373. c.
- Jacobi archiepiscopi Turonensis epistola ad concilium Constantiense, 1655. d. 1657. a.
- Jacobus episcopus Castellanus Petrum de Corbario antipapam consecrat, 765. f.
- Anti-cardinalis creatur, 802. c. Processus adversus eum, 835. d. Dignitate privandus citatur, 746. b. & seq.
- Jacobus episcopus Poltzensis, 1650. c.
- Jacobus monachus de Vulturno non deprimendus potiusquam levandus, 340. a.
- Jacobus de Sufato inquisitor, 1665. c. Johannem Malkau de Prussia de hæresi suspectum damnat, 1708. c. 1710. b.
- Jacobi regis Aragonum desiderium pro Terra sancta, 571. c. & seq. Laudatur de zelo in Saracenos, 211. b. Ei de reportata ab hostibus Christi victoria gratulatur Clemens iv. 362. c. Eum adhortatur ad propriæ carnis victoriam ejecta adultera, 362. c. Decimæ ei concessæ, 605. f. Regnum Sardinie ei negat Clemens iv. 509. b. Crassenfem monasterium in sua protectione suscipit, 594. c. 595. c. 596. c. c.
- Jacobus rex Majoricarum, 948. c.
- Jacobus regis Majoricarum natus à Petro rege Aragonum detentus in vinculis, 948. c.
- Jacobus rex Neapolis, 1665. f.
- Jacobus rex Siciliæ, 1661. c.
- Jacobus de Pratis consanguineus Martini regis Aragonum, 1272. f.
- Jacobus de Vico comes, 949. c. 951. d.
- Jacobus Gantelmi vicarius Urbis, 123. f. 125. f. 128. b. 168. d. Teuthonicos vincit, 83.
- Jacobus Alba miles Avenionensis vicarius, 1045. c.
- Jacobus de Claromonte miles, 873. c.
- Jacobus de Collemedio miles potestas Florentiæ, 418. d.
- Jacobus de Collemedio, 429. d. 437. d.
- Jacobus de Sabaudia miles, 856. b.
- Jacobus de S. Severino miles, 886. c.
- Jacobus de Pisis civitatem Pisanam vendit, 1471. f.
- Jacobus de Ceva advocatus famosus, 1092. b.
- Jacobus Kyronensis nuncius Gregorii xii. ad Benedictum xiii. 1378. f. 1379. b. c. 1381. c.
- Janua à Gallis occupata, 1174. c.
- Januensium litteræ de neutralitate seu de non obediendo alteri contendunt de papæ, 1048. a.
- Januenses frumentum ad usum hospitii papæ retinentes denunciandi excommunicari, 1008. b.
- Ignatius episcopus Antiochenus, 1161. f.
- Ildebrandinus Marchio Eitenensis, 922. c. f.
- Ildebrandus Marchio Eitenensis, 650. c. 656. c.
- Illedensi episcopo subsidium pecuniarium adversus hostes Ecclesiæ petit Innocentius vi. 1027. c.
- Illegitimi non debent obtinere beneficia in ecclesia, in qua pater eorum ministrat, 1711. d.
- Imperatoris subesse res ecclesiæ temporales docuerunt Marfilii de Padua & Johannes de Janduno, 705. c.
- Imperatoris esse papam instituere & destituere dogmatizarunt Marfilii de Padua & Johannes de Janduno, 708. b.
- Imperatoris electi examen & confirmatio ad sedem apostolicam pertinere dicit Johannes xxii. 660. d. 672. b.
- Imperatorum coronatio triplex, 487. f.
- Imperatores privilegiis abusi in hæresim prolapsi, 709. b.
- Imperatorem ad ulciscendam ecclesiæ injuriam hortatur Innocentius vi. 987. c.
- Imperator Siciliæ regnum cum imperio tenere non potest, 230. b.
- Imperialis corona à Romano pontifice concedenda, 498. a.
- Imperii à Græcis ad Latinos translatio per sedem apostolicam, 644. c. 708. c. Ad defensionem sedis apostolicæ, 498. b.
- Imperii fines à finibus regni discreti, 610. f.
- Imperii vicariatuum in Italia usurpantes excommunicantur, 642. d. & seq. Imperii vicarium in Tuscia Carolum regem Siciliæ creat Clemens iv. 587. f. 588. b.
- Impressio facta demonstratur in electione Bartholomæi Bartenensis, 1094. c. & seq. 1121. d. & seq.
- Impressionem in concilio Pisano obtinuisse causatur Bonifacius Ferrerii, 1488. b.
- Impubes in monasteriis non admittendi, 459. c.
- Indulgentiæ ne vilescant non sint effusæ, 1707. c. Facile non tribuendæ, ne quod statutum est in remedium convertatur in ludibrium, 409. d. Concessæ orantibus pro statu pacifico ecclesiæ, 748. b. & seq. His qui audiunt crucis prædicationem, 1422. a. Crucesignatis, 380. c. Pro Terræ sanctæ subsidio 342. d. Orantibus pro felici itinere Sigismundi imperatoris versus Niciam, 1641. b. Ludovico Bavaro bellum inferentibus, 781. a. & seq.
- Indulgentiæ concessæ in festis SS. Dominici & Petri martyris, 112. f. Visitantibus in festo S. Damiani ecclesiæ sororum S. Claræ apud Montem-Pesulanum, 460. c. Acceden-
- tibus ad translationem corporis S. Majoli 453. d. & seq. Visitantibus ecclesiam S. Dionysii in festis ejusdem sancti, in dedicatione & in pasceve, 599. f. Capitulo generali ordinis fratrum Prædicatorum præsentibus, 937. c.
- Indulgentiæ concessæ ad constructionem pontis super fluvium Levi elemosynas conferentibus, 461. f.
- Inimici revertentes ad gratiam cum pietate recipiendi, 377. c.
- Innocentius papa excommunicavit Arcadium imperatorem, 710. c.
- Innocentius iii. indulgentias concedit crucesignatis, 73. a. & seq. In discordia Philippî & Ottonis de imperio contententium ut se gesserit, 497. a. & seq.
- Innocentius papa iv. comitem Tolosanum privat comitatu Melgoriensis, 402. a. A Manfredi vexatur, 90. b. causam suam cum Friderico imp. submitit concilio, 1212. d.
- Innocentius vi. ad usum hospitii & pauperum frumentum à Tusciæ S. Petri patrimonio ad curiam transvchi curat, 905. c. 906. d. 908. a. Diffidia inter Ludovicum regem Siciliæ & Lodovicum ducem Duraci sopire satagit, 913. f. 915. f. 917. b. Pacem inter Johannem Armaniæ & Gastonem comitem Fuxensem procurare laborat, 857. b. Aniciensem episcopum hortatur, ut Armaniacum & Fuxensem comites ad pacem inducat, 857. b. In Italiam transire meditabatur, 1036. d. Ejus desiderium de repetenda Urbe si per valetudinem liceret, 946. d. & seq. Pestis evadit periculum, 1059. b. Providet angustiis regni Siciliæ, 992. b. Ejus epistolæ, 843. a.
- Innocentius vii. papa, 1302. a. 1429. c. 1724. c. Ejus electio 1277. a. & seq. Obitus, 1280. c. 1286. f. 1288. f.
- Innocentii vii. nepos, 1353. f.
- Innocentius papa viii. 1760. b. Ejus epistola ad Maximilianum Romanorum regem 1765. c.
- Innocentii papæ vii. elogium, 1777. c. oratio funebris, 1768. a. Ejus patria & parentes, 1760. b. Fit episcopus, 1770. d. Datarius & cardinalis, 1770. d. c. Legatus pluribus in locis, 1771. b. Tandem papa, 1771. d. Ejus virtutes, 1771. c. f. Obitus, 1772. c.
- Inquisitionem hæreticæ pravitate agere fecerunt Viterbienses, 191. c.
- Instructio data oratoribus regis ad tractandum de unione ecclesiæ cum Benedicto xiii. & Gregorio xii. 1358. a. 1363. f.
- Instrumenta publica subtractionis tempore quomodo inscripta, 1154. f.
- Insula in Rodano nata, 375. d.
- Insulensis ecclesiæ præpositus à capitulo eligendus, 589. c.
- Interdictum quomodo servare debeant religiosi, viatores, & moniales, 96. b.
- Inthronizatione datur episcopo jurisdictio, 1107. a.
- Invasor quamdiu est invasor sine processu potest eligi, 1125. b.
- Jodoco Marchioni Brandeburgensi scribit Collusius Florentinus super facto unionis Ecclesiæ per viam cessionis, 1155. c.
- Joffredus comes de Linages, 800. f.
- S. Johannis Hierosolymitani fratres ad sumenda arma adversus hostes regis Siciliæ hortatur Clemens iv. 532. d.
- S. Johannis Hierosolymitani hospitalarii à Soldano Ægypti percussus, 170. e.
- Johannes xii. papa depositus, 1622. c.
- Johannes papa xiii. 1710. Ordinationes factas à Leone damnat, 1233. d.
- Johannes papa xii. 958. c. 1031. a. 1449. f. Triennalem reservationem vacantium beneficiorum pro passagio transmarino præscribit, 1587. a. Fuit auctor annatarum, 1421. f. Indulgentias concedit orantibus adversus hostes Ecclesiæ, 748. b. & seq. Preces instituit in missa post orationem dominicam dicendas adversus eos, 449. a. Ejus varii processus in Ludovicum Bavarium & ejus adhecas, 637. Qua occasione facti, 639.
- Johannes xxii. 1530. c. 1565. f. 1599. c. 1610. B b b b b b ij

- e. Ejus ante papatum violentiæ in Bonna, 1479. b. c. Et si multis criminibus reus à cardinalibus electus, 1633. c. Dignitates ecclesiasticas indignis viris donat, 1622. a. Ejus excessus circa annatas reformandi, 1586. a. Decimam unius anni ab ecclesiis Galliarum & Delphinatus exigit pro recuperatione urbis Romæ, 1433. b. & seq.
- Johannis xxiii. quantæ divitiarum, 1593. c. Barrensem cardinalem mittit in Aragoniam, 1534. c. Ejus epistola ad Bernardum comitem Armaniaci de his quæ gesserit pro schismate extirpando, 1432. a. Convocat concilium Constantiense, 1728. b. Ipse & cardines concilium Constantiense tractatibus inutilibus protrahere conantur, 1620. c. Urgetur viam cessionis amplecti in concilio Constantiensi, 1613. b. & seq. Eam promittit, 1613. c. 1614. b. 1615. a. 1616. c. 1620. c. Ejus litteræ de cessione papatus, 1618. a. Recusat cedere per procuratorem, 1615. a. & seq. 1620. d. Concilium Constantiense transferre meditari, 1616. c. A Constantia fugit, 1618. c. Habitu mutato 1620. c. 1617. b. Comitantibus cum quibusdam cardinalibus, 1619. b. 1627. c. Quorum aliqui redeunt 1617. c. Ipse imperator saluum-conductum promiserat, 1628. b. Fuga elapsus divertit ad *Schabusen* 1618. c. Deinde ad *Louffemberch*, 1615. f. Tum Friburgum, 1219. c. Tandem Brisacum, 1230. d. Duos cardinales ad eum mittit concilium, 1229. d. Cum aliis octo prælatibus & doctoribus, 1630. c. Quibus negat audientiam, 1630. d. Iterum fugit & reducit Friburgum, 1630. c. Citatur à concilio de pluribus sibi objectis responsurus, 1630. f. Eum concilio representari promittit dux Austriæ, 1631. c. Concilium deputat ad eum reducendum, 1632. c. Deputat & commissarios ad audiendos testes, 1632. d. Cardinales tres recusant fieri ejus procuratores, 1632. e. Suspenditur à spiritualibus & temporalibus, 1633. d. 1636. a. Ab omnibus deseritur, 1635. a. Crimina ipsi objecta, 1635. c. 1636. b. Sententia in eum lata, 1635. f. 1637. f.
- Johannis xxiiii. Bulla qua fugam suam metu adscribit, 1625. f. 1626. d. Litteræ concilii Constantiensis de ejus fuga, 1626. f. Ejus litteræ ad regem Romanorum post suum à Constantia recessum, 1618. b. 1621. a. Implorat concilii clementiam, 1636. c. Deponitur, 1591. c. 1593. a. 1636. c. Tenetur interim sub bona custodia, 1636. c.
- Johannes cardinalis S. Anastasiæ, 1267. a.
- Johannes cardinalis Leodiensis SS. Cosmæ & Damiani, 1282. a. 1292. a. 1323. a. 1367. a. 1368. a. 1395. d.
- Johannes cardinalis S. Crucis in Jerusalem, 1323. a. 1367. a. 1368. a.
- Johannes cardinalis S. Cyriaci, 1266. f.
- Johannes cardinalis S. Nicolai in Via-lata, 207. d. 221. c. 222. c. 223. d.
- Johannes cardinalis S. Theodori 716. c. 721. c. 744. f. 810. d.
- Johannes Carrerii lætæ majestatis reus damnatus, 1712. c. In oppido Turehna obsessus, 1712. f.
- Johannes antiscardinalis S. Stephani in Cælio monte, 1731. c.
- Johannes de Thurena antiscardinalis novum antipapam solus eligit, 1737. d. Cujus electionem aliquandiu celat, 1738. b. Ejus electionem petiti discuti in concilio generali, 1747. c.
- Johannes Dominici sub forma cardinalis intrat Constantiam, 1612. c.
- Johannes patriarcha Antiochenus, 1581. d. 1606. f. Nationis Gallicanæ in concilio Constantiensi præses 1543. f. 1549. d. 1590. a. 1564. a.
- Johannes patriarcha Constantinopolitanus, 1549. c. 1606. c. f. Schedulam de tollendis annatis in concilio Constantiensi offert nationi Gallicanæ, 1544. b.
- Johannes de Cardallaco archiepiscopus Bracarensis, 1029. c.
- Johannes archiepiscopus Eboracensis, 1060. f.
- Johannes archiepiscopus Mediolanensis Bononiensis urbis vicarius, 898. b.
- Johannes de Courtenay archiepiscopus Remensis, 449. f. 521. b. f.
- Johannes archiepiscopus Strigoniensis Sigismundi imperatoris in Hungaria vicarius, 1652. d.
- Johannes episcopus Ambianensis, 1450. f. 1461. c. Cardinalis, 1494. b.
- Johannes episcopus Aniciensis, 1043. c.
- Johannes episcopus Argentinensis, 861. c. f. 982. d. 986. d.
- Johannes episcopus Belvacensis, 1335. f.
- Johannes episcopus Dertulensis Innocentii vi. consanguineus, 875. a. d. 876. a.
- Johannes Bertholdus episcopus Gebennensis, 1456. b.
- Johannes Bonjohannes episcopus Firmanus, 900. d. 907. c. 909. c.
- Johannes episcopus Gurcensis, 857. d. 880. b.
- Johannes Barreti episcopus Herefordensis, 1027. a.
- Johannes episcopus Lincolnensis, 1060. f.
- Johannes episcopus Luthomusensis seu Luthomusensis, 982. c. 986. a.
- Johannis episcopi Mimateris obitus, 1527. a.
- Johannes episcopus Olomusensis, 986. d.
- Johannes episcopus Ostiensis, 1711. c. Universitati Coloniensi mittit capitula reformationis edita in concilio Constantiensi, 1699. c. & seq.
- Johannes Portuensis & S. Rufinæ episcopus, 207. c.
- Johannes episcopus Sabinensis, 1073. b.
- Johannis episcopi Seguntini castra à regis Castellæ officialibus detenta, 997. d. 998. c.
- Johannes episcopus Silvanectensis, 1551. c. 1552. c. 1559. f. 1564. d. 1568. f. 1583. d. 1584. b. 1606. f.
- Johannes Mucci episcopus Theanensis, 1048. c.
- Johannes Montifardus episcopus Tornacensis, 1763. d.
- Johannes episcopus Vaurenensis, 1550. b. c. 1551. b. 1558. a. 1559. f. 1575. b. 1606. f.
- Johannes episcopus Vercellensis, 892. c. Fœdus inire cum Mediolanensibus jubetur adversus Marchionem Montisferrati, 919. c. & seq. & initum cum hostibus ecclesiæ dissolvere, 934. c.
- Johannes Vintoniensis episcopus ab officio suspensus, 413. d.
- Johannes electus Urbevitanus latas in Urbevitanos sententias relaxare permittitur, 1045. d. Exemptorum in Urbe excessus emendare, 1046. c. Urbis vicarius constituitur 1031. f. Et ecclesiarum cardinalium in Urbe vacantium administrator, 1033. a.
- Johannes electus Hetfordensis, 1061. a.
- Johannes de Bavaria electus Leodiensis, 1250. f.
- Johannes Raymundi papæ nuncius, 969. d.
- Johannes abbas Cisterciensis, 1550. d. 1551. c. 1563. d. 1564. d. 1606. f.
- Johannes abbas B. Mariæ de Pratalia, 1387. c.
- Johannes abbas Montis Aragonum, 1381. f.
- Johannes abbas S. Vvandregesili deputatus ad concilium Constantiense, 1539. f. 1541. f.
- Johannes *Garcie* Urbani iv. capellanus, 5. d.
- Johannes de Monciaco Urbani papæ iv. capellanus, 31. c.
- Johannes de Mosnilio elemosynarius Caroli Siciliæ regis, 398. b.
- Johannes præpositus Agriensis, 600. c.
- Johannes Barrensis prior Carthusiæ Trifulti factus ordinis sui generalis ab Urbano vi. 1435. d.
- Johannes de Vercellis ordinis Prædicatorum magister generalis, 197. f.
- Johannes de Meliano ordinis Minorum Provinciarum minister, 810. d.
- Johannes de Alvernia ordinis Prædicatorum à Gregorio xii. missus ad Bucaldum, 1333.
- Johannes de Trevis archidiaconus Bajocensis S. Ludovici regis ad Clementem iv. nuncius, 129. a.
- Johannes Bruni archidiaconus Venetensis, 1050. f.
- Johannes Carevale professor in sacra pagina ordinis Prædicatorum, 845. f.
- Johannes Guidonis ordinis Prædicatorum notatus, 347. c. Maurinum inquisitorem contumeliis afficit, 353. a. Ei poenitentia injungitur, 354. c.
- Johannes de Manlio ordinis Minorum, 586. a.
- Johannem Aragonum regem hortatur Benedictus xiii. ut suam conferat operam ad tollendum schisma, 1334. a.
- Johannes rex Bohemiæ, 637. Ei scribit Johannes xxiii. de Ludovico Bavaro, 800. c.
- Johannes rex Castellæ, 1137. b. Adhæret Clementi papæ vii. 1717. b. Post magnum examen, 1719. a. Ejus ea de re epistola, 7717. d.
- Johannes rex Francorum, 860. b. 925. c. 938. d. 1037. c. Cum Eduardo Anglorum rege laborat ad procurandam pacem inter Carolum ducem Britanniarum & Johannem comitem Montis-fortis, 893. d. f. 896. a. Ea de re scribit ad papam 893. b. Copias mittit adversus confederatos urbem S. Spiritus deprædantes, 867. b. Ei Robertum Delphini commendat Innocentius vi. 910. a. Eundem hortatur Innocentius vi. ut societates perverfas & Ecclesiæ adversarias in regno suo compescat, 851. b. Ipse quæ postulaverat pro Andruino cardinali negat, 1062. b. & seq.
- Johanna regina Siciliæ, 870. 871. d. 884. c. 915. c. 918. c. 924. f. 949. b. 951. a. d. 956. c. 957. c. 992. a. d. 993. f. Ejus precibus se commendat Innocentius vi. papa 1038. f.
- Johannes dux Bituricensis, 1293. c. 1339. a. 1425. c. Sinistra de eo disseminata, 1345. f.
- Johannes dux Burgundiæ, 1549. f. 1607. a.
- Johannem Buccahigrum ducem Januensem hortatur Innocentius, ut adversus pravos in Ecclesiæ confederationes se accingat 8. b. & seq.
- Johannes Galeatus dux Mediolanensis, 1471. f.
- Johannes Delphinus dux Venetiarum, 953. c. 955. f. 1018. c. 1020. c.
- Johanna ducissa Britanniarum, 865. f. 1010. a. c.
- Johanna ducissa Duratii, 912. f. 913. b.
- Johannes Marchio Montis-ferrati, 891. c. 909. b. 933. b. 934. f. 948. b. 995. c. 1034. f. Ad resistendum nefariis ausibus Bernabovis animatur, 999. d. & ad defensionem civitatis Bononiensis, 1019. c. 1020. d. Ipse annunciat victoria de Bernabovo, 1021. c.
- Johannes Marchio Moraviæ, 979. d.
- Johannes Ambaldus proconsul Romanorum, 591. f.
- Johannes Lantgravius Lucelburgensis, 975. c.
- Johannes comes Armeniaci, 855. c. 857. b.
- Johannes comes de Artesio, 856. b.
- Johannis comitis Fuxensis epistola de capiendi cardinali Carrerio & tradendo summo pontifici, 1748. d.
- Johannes de Claremonte comes Moach Ludovico Bavaro & Petro de Corbaria antipapæ adhæret, 794. d. & seq. In Marchia Anconitana se Ludovici Bavari vicarium & pro Petro de Corbaria rectorem gerit, 793. f. Fautor hæreticorum ac excommunicatus declaratur, 795. c. Comitatu & aliis dignitatibus privatur, 795. d. Citatur responsurus super crimine hæresis, 795. f. Processus adversus eum, 838. a.
- Johannescomes Montis-fortis, 893. b. f. 894. c. Eum ad pacem cum Carolo duce Britanniarum hortatur Innocentius vi. 895. f.
- Johannes comes Richemondiarum, 1060. c.
- Johanna comitissa Cantiarum dispensatur super Matrimonio cum Eduardo principe Valliarum, 1017. a. & seq.
- Johannes vicecomes Leomaniarum, 1433. a.
- Johannes de Aredia Castellanus Empostæ, 847. f.
- Johannes de Aurono miles Avenionensis, 1034. b.

Johannes



- Johannes de Brena miles, 969. e.  
 Johannes de Caires miles, 384. d.  
 Johannes de Comite Signinam civitatem officialibus papæ restituere jubetur, 931. d.  
 Johannes de Doaco perfidus & gyrovagus, 400. d.  
 Johannes de Janduno hæretica docet, 683. a. & seq.  
 Johannes de Janduno & Marfilus de Padua errores & hæreses prædicant, 704. d. Eorum varii errores, 705. b. & seq. Librum erroribus & hæresibus plenum Ludovico Barbaro exhibent, 700. a. & seq. 718. b. 724. d. 773. a. 779. a.  
 Johannes de Janduno hæreticus judicatur, 715. c. & seq. à Romanis receptus, 741. b. Dignitatibus privatur, 696. e. & seq.  
 Johannes de Lignano scribit de schismate, 1101. a. Retrahet ea quæ scripserat in gratiam Urbani vi. 1724. b.  
 Johannis de Marerio machinationes reprimit Clemens, iv. 578. a. 579. f.  
 Johannes de Procidia, 340. a.  
 Johannes de Prussia, 1665. b. Suspectus de hæresi, 1708. b. Damnatur à Jacobo de Sufato ordinis Prædicatorum inquisitore, 1708. c. 1710. c. Fugit de carcere absolutum se prætendens à Gregorio xii. 1708. c. Defertur concilio Constantiensi, 1708. d. Deo epistola Theoderici de Monasterio & Johannis de Monte, 1708. f. Item, Universitatis Colonienfis, 1710. b. Judicem adversus Jacobum de Sufato inquisitorem obtinet cardinalem Ragusinum, 1710. b.  
 Johannes de Rabie doctor Bononiensis, 1469. c.  
 Johannis de Reate & Johannis Nicolai procuratorum sacri Collegii appellatio ad concil. Constantiensem, 1578. c.  
 Johannes de Ria senescallus Burgundiæ, 848. d. 881. a. d.  
 Johannes de Roma, 1013. a. 1014. d.  
 Johannis Sarisberienfis fama clerum Angliæ decorat, 1235. d.  
 Johannis de Scribanis procuratoris fisci sedis apostolicæ appellatio in concil. Constantiensi, 1570. b.  
 Johannes de Tholiscoro Castellanus Calisiensis, 1653. d.  
 Johannes de Vicecomitibus, 754. c.  
 Johannes Bereti dominus, 135. c.  
 Johannes Valencenis miles, 375. b.  
 Johannes de Valencenis dominus de Caiphe, 7. d. 127. b. Manfrido favet, 25. f. Collector factus subsidii Terræ sanctæ, 47. b. 48. f.  
 Johannes de Vernayo Anglus vir pessimus, 925. b.  
 Johannes de Ursinis, 1345. c. Nobilis & potens in Urbe, 1292. c.  
 Johannes Brigholandi thesaurarius Carthaginensis ab Hispanis spoliatus & detentus, 998. f. & seq.  
 Johannis Gerson Cancellarii universitatis Parisiensis zelus in concilio Constantiensi, 1619. c.  
 • Ejus rationes ad differendam subtractionem à Benedicto xiii. 1329. a. xii. propositiones coram prælati facit in vigilia Palmatum in concilio Constantiensi, 1623. b.  
 Johannes Guga Senensis civis regem Francorum se dicit, 925. a.  
 Johannis Guiart epistola de sua ad Benedictum xiii. apud Perpinianum legatione, 1426. e.  
 Johannes Hus, 1614. d. 1616. f.  
 Johannis Hus hæreses, 1680. e. 1681. d. f. 1583. a. Ejus audacia, 1635. d. Detentio in concilio Constantiensi, 1611. e. Incarceratur, 1633. b. Mittuntur ad eum interrogandum deputati, 1633. c.  
 Johannes Juvenalis advocatus regis in parlamento, 1308. a.  
 Johannes le Maingre dictus *Baucicaut*, 1408. a. Marefcallus Franciæ, Januæ gubernator, 1323. b. 1324. e. Ejus epistola ad oratores missos à rege ad Greg. xi. 1331. a. 1334. d. Ejus reditum in Franciam postulat Gregorius xii. 1371. f.  
 Johannes Scakik Marefcallus magnæ societatis, 883. a.  
 Johannis Valesii epistola ad Didacum de *Muros* archidiaconum Carmonensem, 1773. c.  
 Johannes Vvyclef, 1614. d. 1625. f.  
 Johannorus Extendardus, regni Siciliæ Marefcallus, 886. e.  
 Jordanus cardinalis SS. Cosmæ & Damiani, 207. e.  
 Jordanus cardinalis S. Martini, 1323. a. 1367. a. 1368. a. 1395. d.  
 Jordanus cardinalis de Ursinis, 1337. f.  
 Jordanus comes in prælio Beneventano captus, 284. d. 288. a. 302. a.  
 Jordanus de Insula vir nobilis, 561. f. in carcere detentus, 406. f.  
 Jordanus Morini regis orator in concilio Constantiensi, 1549. e. 1559. a. f. 1564. d. 1575. b. 1583. b. 1606. f.  
 Jorrensis electa cassanda, 621. d.  
 Irregularitatem intrantiam ordinem solvere possunt Prædicatores, 144. e.  
 Isabellis S. Ludovici soror, 588. c.  
 Isabellis de Clara comitissa Montis-ferati, 599. c.  
 Italiæ rebellio in papam & imperatorem, 1471. d.  
 Ilerius episcopus Autissiodorensis, 891. a.  
 Judices munera respuant, 507. a. 508. b.  
 Judicia Dei occulta, 1500. d.  
 Juliensis comes cruce-signatus, 393. a. Ei pro subsidio Terræ-sanctæ decem millia librarum distributa, 388.  
 Julianus anticardinalis xii. apostolorum, 1731. c. 1735. c.  
 Juramentum ab episcopo pro sui reverentia non exigendum, 333. d. Ab electo abbate benedicendo præstandum, 356. a. A Sicilia rege papæ præstandum, 226. e. Sub præscripta forma, 12. d. A comitibus, baronibus & proceribus Siciliæ non exigendum, 79. a.  
 Juramenta apud Francos frequentia, 623. c. Poenis sunt multanda, 623. a.  
 Juramenta in gratiam Ludovici Bavari relaxat Johannes xxi. 665. b. e. 669. c.  
 Juris fons in Italia, 1092. b.  
 Jura ecclesiæ sic conferenda ut aliena non violentur, 293. f.  
 Jura sunt volubilia in quamcumque partem, 1494. d.  
 Jurisdictio datur episcopo per inthronizationem, 1107. a.  
 Juristæ ut se gerunt erga petentes consilium, 1467. d.  
 Justinianus imperator, 711. f.  
 K  
 Yronensis episcopus Jacobus, 1378. f. 1379. b. c. 1381. e.  
 L  
 Acrymæ divinam impetrant misericordiam, 169. f.  
 Ladislaus rex Siciliæ & Jerusalem, 1277. c. 1338. c. 1339. c. 1345. d. Unionis Ecclesiæ adversarius, 1345. a. Romam occupat, 1433. d. Tusculanam civitatem, 1355. c. 1356. d.  
 Lambertus abbas Gengembacensis, 944. d.  
 Lambertus de Stipite prior S. Jacobi Leodiensis Petrum de Luna apud Paniscolam nomine concilii Constantiensis citat, 1643. c. 1670. a. & seq. 1674. c.  
 Landulfus cardinalis S. Nicolai in carcere Tulliano, 1174. b.  
 Lateranensis palatii ingressum nulli Urbis senatori papa permittit, 142. b.  
 Laudensis episcopus Angelus, 1321. f.  
 Lavellensis ecclesiæ providendum, 448. c.  
 Laurentius antipapa, 1246. b.  
 Laurentius episcopus Acherontinus, 465. c.  
 Laurentius Theopoli potestas Firmanensis, 174. c. Ecclesiæ hostis, 544. a. Vir pestilens & proditor, 434. b.  
 Lausanensis episcopus germanus cardinalis de *Chalem*, interfuit concilio Perpiniani, 1481. e.  
 Lecti defunctorum Ecclesiæ dimissi, 612. c.  
 Legationi multum adjicit gravitas ejus qui mittitur, 219. e.  
 Legato observandas in legatione præscribit leges Clemens iv. 311. b. & seq. Legatorum moræ & transitus multas provincias turbaverunt, 260. a. Legatorum multiplicium transitus sibi graves conqueritur ecclesiæ Remensis, 519. d.  
 Leges non semper ad litteram servandæ, 1218. b.  
 Legionis regis terram invadunt Sarraceni, 144. c.  
 Lehenensis episcopus Alanus, 1550. b. 1558. c. 1562. c. 1606. f.  
 Leicestria comitissa queritur de Carolo Sicilia rege, 573. b.  
 Lemovicenses à papatu remove contendunt cardinales, 1084. c.  
 Leo papa concilio se submisit, 1202. a.  
 Leo papa ix. 1234. d.  
 Leo de Jovis domicellus, 859. c.  
 Leodiensis episcopus cruce-signatus, 393. a.  
 Leodienses episcopi Engelbertus, 944. a.  
 Johannes, 1323. a. Electus Johannes à Bavaria, 1250. f.  
 Leodiensium appellatio à Bonifacio papa post subtractionem obedientiæ ab eo, 1250. e.  
 Leonardus de Gifonio cardinalis S. Sixti, 1266. f.  
 Leonardus de Monte-alto nuncius Januensium ad papam, 909. b.  
 Leonelli episcopi Concordiensis oratio in funere Innocentii viii. 1768. a.  
 Libertas Ecclesiæ asserta, 10. f. 16. e.  
 Libertatis defensor acerrimus Clemens iv. 252.  
 Librorum sacrorum emendatio commissa Ario, 1495. c. Prædicatores ad episcopatus assumpti libros suis prioribus ante consecrationem consignent, 606. d. & seq.  
 Licensis episcopi electionem nullam declarat Clemens iv. 593. d.  
 Lincolnienfis episcopus Johannes, 1060. f.  
 Lincolnienfis episcopus regis sui secreta pandit, 466. b. Ei gratia nulla facienda, 241. a. Ejus absolutionem sibi reservat Clemens iv. 201. b.  
 Linus papa, 1161. e.  
 Lippacius de Auxinio hæreticus, 743. d.  
 Lismorensis episcopus collectam pro negotio Terræ-sanctæ facit in Hibernia, 577. b.  
 Lites in episcopis damnat Clemens iv. 181. c.  
 Litteraturæ parum confidendum, 1495. b.  
 Lodevensis episcopus Gilbertus, 1045. b.  
 Lombardia abbatissa, 448. d.  
 Lombardi Ecclesiæ fideles, 597. d. Conradino contrarii, 553. d. Ipsi ramen & ejus copiis transitum permittunt, 597. c.  
 Lombardi majorem partem tenere non possunt reges Siciliæ, 78. d.  
 Lombardiæ variz scissuræ, 203. b.  
 Londonensis electus Simon, 1064. c.  
 Londonensis episcopus notatus, 319. c. Ad papam citandus, 248. c. Ei nulla gratia facienda, 241. a. Ejus absolutionem sibi reservat Clemens, iv. 201. b.  
 Lotharingo Florentinæ civitatis regimen committitur, 321. e.  
 Lotharingus & Cathalanus rectores civitatis Florentinæ, 429. c. 436. e.  
 Lotharingus ordinis militiæ B. Virginis rector, 361. e.  
 Lubicensis episcopus Bertrandus, 1054. b. 1055. d.  
 Lucanensis episcopus Guillelmus, 809. b.  
 Lucani sedi apostolicæ devoti, 317. d. An regi Siciliæ sint utiles, 254. d. Eorum oratores Carolo Sicilia regi commendat Clemens iv. 246. e. Ipsi spem propinqui auxilii offert Clemens iv. 109. a. Ipsos inter & Pisanos quadriennales inducias petit Clemens iv. 442. c.  
 Lucas de Sabellis domicellus Romanus, 921. b.  
 Luceburgenfis comes cruce-signatus, 393. a. Ipsi ad transfretandum se accingenti quindecim millia librarum distribui jubet Clemens iv. 387. a.  
 Luceburgensem inter & Barrensem comites pax reformanda S. Ludovico commendatur, 426. e.  
 Luceria Saraceni Carolo Sicilia regi rebelles, 876. a.  
 Luceriam civitatem ipsi reddunt, 301. a.  
 Luchinus de Vicecomitibus, 754. c.  
 Luci castrum occupat Bernabos de Vicecomitibus miles Mediolanensis, 899. a.  
 Lucius rex Angliæ, 1244. d.  
 Lucoldus de *Faches* miles Basleensis, 911. d. 912. b.

C c c c c



- Ludovicus archiepiscopus Rothomagensis, 1541. c.
- Ludovicus episcopus in Vvalla, 1550. c.
- Ludovicus electus Valentinenus, 846. c. 872. f. 874. c. Ejus solertia laudatur, 873. b.
- Ludovicus imperator Bulgariae, 885. c.
- S. Ludovicus rex Franc. 604. f. 619. b. 629. f. Filius benedictionis & gratiae, 415. d. Christianissimus principum, 240. c. Eum tamquam regum speculum Aragonum regi proponit Clemens IV. 278. a. Suam fortitudinem legem iustitiae esse volebat, 607. f. Misericordiae viceribus affluens, 242. d. Nullum gravat, 610. c. Protegendis personis & juribus ecclesiasticis attentus, 185. f. Quos amare debet non deserit, 165. c. Erga fratrem patris gerit affectum ibid. In rebus dubiis consulit sedem apostolicam, 401. c. Ipsi familiaris & amicus Clemens IV. papa, 128. c. f. Qui ad eum recurrit, 201. a.
- S. Ludovico tria commendat Clemens IV. Ecclesiae libertatem, pacem inter reginam & comitem Provinciae, & concordiam ipsum inter & eundem comitem de confiniis terrarum suarum, 129. c. Eidem Terrae-sanctae negotia commendat, 426. d. Ipsi de variis crucis negotium spectantibus scribit, 563. d. & seq. ipsum ad Terrae-sanctae subsidium animat, 169. f. Pro quo fuit zelo succensus, 389. d. 471. d. Cum filiis suis cruce signatur, 465. c. 469. c. Peram & baculum peregrinationis accipit apud S. Dionysium, 471. f. Ad iter transmarinum se accingit, 626. a. 628. f. Ipsi decimae ecclesiarum pro subsidio Terrae-sanctae concessae, 522. c. Petit decimas à fratribus Fontis-Bleaudi & S. Mauricii non exigi, 412. f.
- Sanctus Ludovicus Ecclesiam protegit adversus ipsius vexatores, 131. c. 132. a. Eidem ecclesiam Narbonensem à ballivo Carcaffonae vexatam commendat Clemens papa IV. 131. a. Ordinem Carthusiensem, 372. c. Vallis-viridis prope Parisios monasterium ordinis Cartusienis ab ipso fundatum, 129. f. 372. f. Rogerius ipse prior S. Ludovici nuncios ad Clementem IV. 129. a. S. Ludovico commendatur S. Aegidii monasterium, 372. a. b. Fratribus Minoribus faver, 545. c.
- S. Ludovici leges in blasphemos, 623. f. contra quos scribit ad Clementem papam IV. 130. a.
- S. Ludovico petita concedere semper parata fuit apostolica sedes, 288. c. Et tamen privilegium ut filii sui non possint excommunicari recusat ipsi Clemens IV. 586. b. & seq. Latis à papa sententiis non astringitur, 122. f.
- S. Ludovici tractatus cum ecclesia Apamienfi, 628. d.
- S. Ludovici regis consilium requirendum in tractatu negotii regni Siciliae cum Carolo comite Andegaviae, 76. d. Caroli Siciliae regis Angustias ipsi exponit Clemens IV. papa atque ab eo pro ipso pecuniae subsidium petit, 165. d. 187. c. & seq. 199. c.
- S. Ludovicus in fratrem suum Siciliae regem commoratus, 175. b. Cui tamen ad solvenda foceri sui debita pecuniam mutuo dedit, 371. b. De gabella Rodani cum fratre suo contendit, 371. b.
- S. Ludovici Aquas-mortuas in villam edificat, 404. c. & seq.
- De Sancto Ludovico queruntur regni episcopi, 564. f.
- S. Ludovicus Sanctorum catalogo inscriptus à Bonifacio VIII. 1449. c.
- Ludovicus rex Cypri & Siciliae, 1725. f.
- Ludovicus rex Hungariae, 900. c. 983. c. 984. c. 1012. c. Laudatur quod partes suas interponere velit ad procurandam pacem inter Romanam Ecclesiam & Bernabovem de vice-comitibus super negotio Bononiensi, 978. Ipse & Carolus imperator electi arbitri ad terminandum Bononiense negotium cum Bernabove de Vice-comitibus, 970. c. 975. d. Ipsi gratias agit Innocentius VI. de suis in regem & reginam Siciliae obsequiis, 993. d.
- Ludovicus rex Siciliae, 870. 871. d. 884. c. 923. d. 924. f. 949. b. 951. a. d. 956. c. 957. c. 992. 993. f. a. d. Armorum subsidia offert papae adversus Ecclesiae hostes, 924. a. Conqueritur apud papam de Petro rege Aragonum quod turbet pacis foedera, 972. d. Cum Ludovico duce Duracii discordias sopire laborat Innocentius VI. 915. f. & seq. 915. f. 917. b.
- Ludovicus II. rex Siciliae & Jerusalem, 1272. b. 1333. d. 1338. c. 1345. a. d. 1547. d. 1605. d. Obedientiam restituit Benedicto XIII. 1263. b. & seq. Perentibus Gallis, 1264. c. eumque visitat Avenione, 1265. a.
- Ludovicus dux Bavariae, 543. d. 563. b. Electus in discordia nec confirmatus à sede apostolica, imperatoris munia exercet, 644. c. 647. d. Monetur ut de Italia & Lombardia exeat, 686. d. c. Ut nomen & munia imperatoris non exerceat, 645. d. & seq. 661. b. & seq. 663. b. 668. c. 672. b. & seq. 686. a. Ejus sigillum, 648. a. 655. a. 662. b. Nuncios ad papam mittit, 648. c. 673. c. Dilationem termini competentis ad se defendendum petit, 648. c. 649. a. & seq. Quem ei aegre concedit papa, 651. b. & seq. 655. c. & seq. 675. a. Citatur responsurus super diversis criminibus, 680. c. Filio suo secundo genito puellam nobilem, ejus consanguineam in gradu prohibito contra interdicta canonum dedit uxorem, 683. c. Citatur ad audiendam sententiam super crimine haereticis, 682. a. & seq. Libellum haereticis refertum suo appenso sigillo ad varias urbes mittit, 717. c. f. Marfilii de Padua & Johannis de Janduno haereticorum fuit fautor, 689. c. & seq. Haereticos de Mediolano & de Ferraria aliosque rebelles Ecclesiae Tridentum ad suum consilium convocat, 684. f. 679. d. Galeacii de Vice-comitibus de haereticis damnati fautorem se exhibet, 645. b. 650. b. Excommunicatus declaratur, 656. b. 662. f. 675. d. Contumax, 667. a. 677. c. Haereticus & fautor haereticorum, 680. c. 699. d. & seq. 701. c. 719. c. 725. a. 772. c. 773. c. 774. d. 780. a. Privatur comitatu Palatinatus Rheni, 702. d. Titulo regis ac jure quod praetendit habere in imperio, 667. c. & seq. 677. f. Feudis quae ab Ecclesia habebat & ducatu Bavariae, 680. a.
- Ludovicus Bavarus Pisanam civitatem occupat, 726. a. 746. f. Pisanos vexat, 731. c. Coronam imperialem accipit ferream Mediolani, 731. d. Coronam auream Romae 731. f. Inunctus à schismatico, 732. a. Utraque coronatio irrita declaratur, 733. b. Aggravatio contra eum & ei adherentes, 787. d. & seq. Per nuncios regis Bohemiae, archiepiscopi Trevirensis & ducis Austriae proponit articulos concordiae cum papa faciendae, 801. b. & seq. Eos papa ut injustos recusat, 801. c. Papam deponit, 773. f. Petrum de Corvaria in antipapam eligit, 802. b. Ab eo inungitur in imperatorem, 802. c. Ecclesias spoliavit, 802. c. Ipsum impugnantibus indulgentiam in Terrae-sanctae subsidium concedi solitam tribuit Johannes XXII. 720. d. 723. b. 781. a. Adhaerentes in beneficiis privantur, 695. d. & seq.
- Ludovicus Bavarus Marchionatum Brandeburgensem suo primogenito confert, 645. a. 660. f. Qui citatur à Johanne XXII. super usurpatione Marchionatus Brandeburgensis, 688. f. & seq. 691. d.
- Ludovicus de Bavaria frater reginae Franciae, 1631. b. 1635. c. Ad eum epistola Sigismundi imperatoris, 1659. d. In absentia imperatoris tutor fuit & defensor concilii Constantiensis, 1637. c.
- Ludovicus dux Aurelianensis, 1273. a.
- Ludovicus dux Duracii, 885. f. Neptis suae castra indebite occupare dicitur, 912. f. 913. a. Ejus cum Ludovico rege Siciliae discordias sopire laborat Innocentius VI. 913. f. & seq. 915. f. 917. b.
- Ludovicus dux Heydelbergensis in concilio Constantiensis, 1612. c.
- Ludovicus comes Flandrensis, 856. b.
- Ludovicus comes Palatinus Rheni electus imperator, 657.
- Ludovicus comes Palatinus, 1667. f.
- Lugdunensis electus Philippus à Sabaudia, 411. d. 461. f. 510. f. Poltea Burgundiae comes, 511. f.
- Lugdunensem ad sedem postulat episcopus Claromontanus patitur repulsam, 568. c.
- Lugdunensis archiepiscopus praedones compescit, 874. c.
- Lugdunensis Vicarius Amedeus de Taleris, 1550. d. 1552. c.
- Lugdunensi ecclesiae se gravatam decimae impositione querenti, respondet Clemens IV. 159. f.
- S. Lupi Trecentis abbas in concilio Constantiensis, 1552. c.
- Luthomullensis episcopus Johannes, 982. c. 986. a.

## M

- Abilia Clementis IV. consanguinea, 110. f.
- Magalonensi episcopo comitatus Melgorien- sis concessus, 402. b.
- Magdeburgenses canonici vacanti suae eccle- siae providere verantur, 1001. c.
- Magdeburgensis archiepiscopus Theodorico episcopo Mindenensi promissus, 1000. d. c. Concessus, 1003. c. 1004. d.
- Magdeburgenses archiepiscopi 1005. c. Theo- dericus Otto, 1057. c. 1058. b.
- Magdeburgensi archiepiscopo collectio cente- simae reddituum ecclesiasticorum ad sub- sidium Terrae-sanctae concessa commissa, 6. a. & seq.
- Mahometi nutritor Sergius, 1459. f.
- Mahometica secta à Nicolao cardinali intro- ducta, 1235. c. Armis non praedicatione promulgata, 1448. c.
- Majoris-monasterii privilegia confirmat Cle- mens IV. papa, 140. f.
- Melius est mala omnia tolerare quam malo alicui consentire, 311. f.
- Malatesta de Veriolo seu Vernolio, 511. f. 622. a. Ecclesiae fidelis, 534. b. Potestas Ariminensis, 25. b. Ei sexcentas libras dari jubet Clemens IV. 361. b. Litteras Bal- duini imperatoris Constantinopolitani ad- versus Ecclesiam comprehensas mittit Urbano papae IV. 23. b. Ipsi Clemens IV. annunciat victoriam reportatam à Carolo rege de hostibus, 627. a. Ejusque prosperis congaudet, 215. f.
- Malatesta miles Bernabovem vincit, 1011. c. Ipsi gratulatur Innocentius VI. de victo- ria, 1023. d.
- Manfredus electus Veronenus, 609. b. Re- ctor Marchiae, 84. f. Ejus elogium, 90. f. 93. b. 99. d. Ecclesiae defensionem ei com- mittit Urbanus IV. adversus Manfredum Tarentinum principem, 99. c. A quo captus in vinculis detinetur, 99. f. Et in Apuliam ducitur, 84. f. Manfredus pro eo scribit Urbanus IV. 90. c. Caprum benigne tractat Manfredus, 93. f. Pro eo Clemens IV. scribit ad regem Aragonum, 100. b. Qui ejus libertatem impetrat à Manfredus, 192. b.
- Manfredus quondam Tarentinus princeps, 23. b. Filius Friderici imperatoris, 225. a. Malitiae fomes & minister sceleris, 90. d. Diaboli filius, 457. d. Paternae nequi- tia heres & odii in Ecclesiam, quanta ei in- tulerit mala, 196. d. Regnum Siciliae de- tinet, 16. c. Ejus ad Urbanum epistolam, 91. f. De ejus affectione diffidit, 92. c. & seq. Ecclesiam Romanam fidei magistratam & dominam agnoscit, 92. a. Reconcilia- tionis gratiam exoptat, 92. b. Foedus pacis init cum O. cardinali apostolicae sedis le- gato, 9. f. Oblatam gratiam repulit, 275. b. Pacis tractatus cum Ecclesia violat, 24. a. Balduini imperatoris Constanti- nopolitani ad eum epistola, 23. f. Ab eo singulari epistola monetur, ut sibi caveat & regi Franciae nuncios mittat ibid. & seq. Adversus eum crucis praedictio in- dicta, 22. b. 72. c. 114. a. 155. f. Cum Sarracenis foedus init adversus Eccle- siam, 70. f. Eos armat adversus Eccle-

- Sam, 55. c. 71. a. Eorum auxilio regnum Sicilia occupat, 55. d. 71. b. Saracenorum situs amplectitur, 55. e. 71. b. Ecclesias episcopales & abbatias detinet, 56. a. 71. b. Terras ecclesiarum Romanarum in Marchia Anconitana & Tuscia occupat, 56. b. c. Obsidere meditatatur Urbevetanam civitatem, 85. c. Et Urbanum papam iv. capere, 85. b. Carolo Provinciae & Andegaviae comiti arque Urbano pontifici vitam veneno auferre tentat, 86. e. f. Ei civitati Tiburtinae insidiantur occurri mandat Clemens iv. 160. c. Venit Cellas, 166. e. In Tuscia Ecclesiarum patrimonium tremere facit, 179. b. Cassiam sedi apostolicae aufert, 190. a. f. Ad Tiburtinam civitatem anhelat, 190. f. In regnum Siciliae redit, 191. a. Ipse opponendus eligitur rex Siciliae comes Andegavensis & Provinciae, 197. a. Carolum confundere tentat, 195. c. d. Petro de Vico auxilium ei ferenti obstant Campani, 83. e. Eum ad debitum officium revocare conatur Urbanus iv. 60. d. & seq. Citatur ad Clementem iv. papam, 279. c.
- Manfredus** audito Caroli comitis Andegaviae & Provinciae adventu in Urbem suos infra regnum Siciliae colligit, 134. d. Beneventum se recipit, 199. c. Apud S. Germanum victus, 283. f. Apud Beneventum debellatus cadit, 284. a. & seq. 286. f. 288. a. Occisus, 300. f. Eum infra xxi. dies regno & vita privavit rex Carolus, 416. c. Ejus bona Ecclesiae sunt non regis, 400. d. Manfredini auri receptatores inquiri jubet Clemens iv. 315. e.
- Manfredus Marchio** Malae-spinae, 575. d.
- Manfredus** Lancea, 302. a.
- Mantuanus** ecclesiarum Romanarum devoti, 499. f.
- Manuelis** imperatoris Constantinopolitani oratores ad concilium Constantiae, 1861. d.
- Marcellinus** papa, 1177. a. Semetipsum condemnavit, 1209. c.
- Marchia** ad papam redit, 302. d.
- Marchiani**, 134. d. Eorum infidelitas & perfidia, 609. b. Corradino sunt addicti, 416. b. Eis plus aequo favet Carolus Rex Siciliae, 280. c. Ecclesiarum Romanarum infestis satisfactionem illi offerunt, 285. b. & seq. Cum Marchianis legatus indicit parlamentum, 294. a. Ecclesiarum reconciliantur, 319. c.
- Marchus** episcopus Cassanensis, 546. d.
- Marchus** de Vicecomitibus, 754. c.
- Margarita** regina Franciae, 51. a. 366. c.
- Margarita** filia comitis Glovern, 599. c. 1.
- Maria** imperatrix Constantinopolitana, 846. f.
- Maria** regina Siciliae & Jerusalem subtrahit obedientiam Benedicto xiii. 1264. b.
- Mariæ** regis Aragonum filiae obitus, 579. c.
- Marsilius** de Padua & Johannes de Janduno librum erroribus & haeresibus refertum Ludovico Bavaro exhibent, 700. a. & seq. 718. b. 724. d. 773. a. 779. a.
- Marsilius** de Padua & Johannes de Janduno haereses praedicant, 683. a. & seq. 704. d. Eorum varii errores, 705. b. & seq.
- Marsilius** de Padua dignitatibus suis privatur, 696. e. & seq. Haereticus judicatur, 705. c. & seq. A Romanis receptus, 741. b. Eum familiarem habet Ludovicus Bavarus, 803. b.
- S. Martini** à Campis Prior missus ad Benedictum à principibus ad sedandum schisma, 1180. a.
- S. Martini** thesaurarius Simon cardinalis S. Cecilii, 113. a.
- Martinus** V. suam in summum pontificem electionem significat Universitati Coloniensi, 1688. c. Heydelbergensis universitatis instrumentum tradidit nuntio electionem Martini v. nuntiantis, 1692. b.
- Martino** v. quoddam vias pacis, ut dicebat, proponit per nuncios Johannes de Thurena anticardinalis, 1740. a.
- Martinus** cardinalis S. Laurentii in Lucina, 1292. f.
- Martinus** episcopus Atrebatensis, 1564. d. 1606. f.
- Martinus** de Peste doctor Bononiensis, 1469. c.
- Martinus** poenitentarius, 551. a.
- Marrinus** Sancius nobilis Saracenus ad fidem conversus crudeliter tractatus à Fortunio abbate saeculari, 360. c.
- Martinus** Judex de Reate, 181. a.
- Massiliensibus** nuncios mittit Innocentius VI. 866. c. Excommunicati denuntiantur ob reventa curiae Romanae victualia, 1052. a. & seq.
- Massiliensia** capitula de modo procedendi ad unionem Ecclesiarum, 1314. a. & seq. Approbata, 1323. c. Cum variis modificationibus & conditionibus approbat Gregorius xii. 1370. b. & seq.
- Matrimonium** debent esse libera, 507. d. Contra statuta canonum celebrata dirimenda, 448. a. Matrimonii benedictionem mittit Clemens iv. L. relictæ Atrebatensis militis, 450. c. Matrimonii anxietates, 578. c. d.
- Matrimonium** regis Aragonum solvere recusat Clemens iv. 277. c. & seq.
- Matrimonium** inter Jacobum Aragonum regis filium & natam comitis Sabaudiae an contrahendum, 391. e. & seq.
- Matrimonium** inter H. regis Castellae filium & filiam Micalipi, 437. f. & seq. 438. d.
- Matrimonium** inter H. filium regis Castellae & filiam regis Aragonum, 468. c.
- Matrimonium** inter filium nobilis viri Balduini de Bilmio & filiam regis Armeniae, 293. b.
- Matrimonium** in quarto affinitatis gradu prohibitum, 124. d. Dispensatio pro matrimonio in quarto consanguinitatis gradu, 1041. b. & seq. Concessa liberis Caroli Siciliae regis, 537. f. Dispensationem super contrahendo matrimonio inter filium Balduini imperatoris Constantinopolitani & filiam regis Castellae negat Clemens iv. 303. f. Matrimonium secundum dissuadet Clemens iv. 558. b. & seq.
- Mathaeus** de Celano castrum Ceperani officialibus papae resignare jubetur, 922. a.
- Mathaeus** de Vicecomitibus, 743. f. 754. c. Ejus funus igne concremandum, 744. a.
- Mathias** de Giovaldo senescallus Provinciae, 933. b. 1034. c. 1045. b.
- Maurinus** ordinis Minorum inquisitor haereticæ pravitatis à Prædicatoribus laceratus injuriis, 347. b. 351. f.
- S. Mayoli** translatio, 453. e.
- S. Maxentii** abbas Petrus, 1551. c. 1558. e. 1564. d. 1568. f. 1606. f.
- Maximiliani** imperatoris erga sedem apostolicam firma devotio, 1760. c. Ei scribit Innocentius viii. in gratiam cardinalis S. Anastasiae ad episcopatum Tornacensem nominati, 1765. c. Item collegium cardinalium, 1767. a.
- Medicis** credere debet infirmus, 318. b.
- Mediolanensi** ecclesiarum infestus Ubertus Pelavicinus, 335. a.
- Mediolanensis** archiepiscopus Johannes, 898. b.
- Mediolanenses** indecentes papae propositiones faciunt, 180. a.
- Mediolanensibus** Brixia reddenda, 191. a. Cum ipsis adversus Marchionem Montis-ferrati foedus inire prohibetur Johannes episcopus Vercellensis, 919. c.
- Meldenensis** episcopus P. 1320. c.
- Meldenenses** canonici immunditias ab ecclesiis suis circuitu remonent, 532. a.
- Melfitenis** episcopus Innocentius viii. 1770. c.
- Melgoriensis** comitatus episcopo Magalonensi concessus, 402. b. Rex Franciae nulum in eo jus habet, 402. b. & seq. Est feudum censuale Ecclesiarum Romanarum, 401. f. Melgoriensis comitatu privatur Tolosanum comitem Innocentius iv. 402. a.
- Mendicantes** de multis contenderent, si multa licite possiderent, 451. e.
- Mendicantes** Ludovico Bavaro adherentes sententia percelluntur, 825. f.
- Mentientes** circa beneficiorum suorum reditus, ut à solvenda decima se eximant ipso beneficio privandi, 245. d.
- Metensis** episc. Philippus de Florenge, 552. d.
- S. Michaelis** in periculo Maris abbas milites ad regem Aragonum pro unione ecclesiarum, 1342. b. Ejus ad eum oratio ut ipsum inducat ad viam cessionis, 1165. b.
- S. Michaelis** de Monte-abbatiam petit cardinalis de Chalens, 1459. c.
- Michael** episcopus Barchinonensis, 1043. d.
- Michael** de Celana generalis ordinis Minorum adversus Ecclesiam machinatur in Italia, 749. d. 760. d. 782. c. Fratres Minores Saonenses verat servare interdictum, 761. d. Citatur coram pontifice, 550. c. 757. a. 760. f. Fugit de civitate Avenionensi, 751. a. & seq. 757. c. 761. b. 783. f. Confugit ad antipapam, 783. d. Pisas se recipit ad Ludovicum Bavarum & Petrum de Corvaria, 784. Excommunicatur, 751. d. 784. c. Haereticus declaratur ac omni gradu & dignitate privatur, 785. c. d. 787. a. b. 801. f. Haereticus, 808. a. 810. b. Processus contra eum executoria, 828. f.
- Michael** Palaeologus imperator, 469. f. Eum hortatur papa ut ad Ecclesiam gremium rediens Terrae-sanctae subsidium ferat, 470. a.
- Michael** comes de Vuertheim, 1714.
- Michael** Vice-cancellarius Romanarum Ecclesiarum, 207. f.
- Mimatenis** episcopus Johannes obit Avenione, 1527. a.
- Mindenensis** episcopus Theodoricus, 982. d. 986. d. 1000. c. 1003. c. 1004. d.
- Minorenses** episcopi, A. 448. a. Odo, 390. f.
- Minorum** ordinis elogium, 346. c. Ordinis Minorum & Prædicatorum comparatio, 314. d. Minoribus favet S. Ludovicus, 545. c. Eorum privilegia interpretari non debent episcopi, 614. d. Minoribus fratribus quos secum retinebat legatus sedis apostolicæ, equitare licitum & ingredi monasteria virginum, 79. f.
- Minores** fratres opulentas ecclesias cathedrales appetunt, 538. c. Ad episcopatus promoti absque licentia superiorum suorum sunt suspensi, 546. c.
- Minores** inquisitores adversus Prædicatorum non agant, 348. c.
- Minores** & Prædicatorum se invicem lacerant, 347. a. 359. c. Contentio ipsorum de conventu Capuano & Sulmonensi, 451. f. & seq.
- Minores** apud Carilicum, repugnantibus Cluniacensibus, sedem figure tentant, 545. d. Eos abbati S. Benedicti de Nurcia commendat Clemens iv. 217. f.
- Minores** Saonenses propter fautoriam Michaelis de Celana privilegiis privati, 758. c. & seq. 762. a. & seq.
- Misericordia** non debet destitui disciplina, 311. c.
- Missæ** & vesperis qui interfuerint canonicis Aniciensibus duo denarii distribuendi, 480. a.
- Missam** ter aut quater non celebrantes episcopi sunt arguendi, 552. e. Trevirensis electus Henricus per sex annos non celebravit, 552. e. Preces in missa dicendæ adversus hostes Ecclesiarum post orationem Dominicam, 746. a.
- Mitratos** inter non decet discurrere calamistratos, 1757. c.
- Modestia** in clericis in choro & extra chorum commendatur, 484. f. 485. a.
- Modica** non spernenda, 276. b.
- Modificationes** in negotio regni Siciliae cum Carolo comite, Simoni cardinali commissæ, 76. c. 77. d. & seq.
- Moguntinus** archiepiscopus cum septingentis equis venit ad concilium Constantiense, 1611. d. Defectu valetudinis discedit ab eo, 1614. c.
- Moguntini** archiepiscopi Conradus, 1714. c. Petrus, 937.
- Molismensis** abbas regis ad Gregorium xii. Orator, 1350. b.
- Monachis** discursus verandi, 325. f. In monasteriis ad habitum non admittendi imputabiles, 459. e.
- Monasteriorum** reformationi intendit Clemens iv. 445. f.
- Monasteriorum** virginum ingressus permissus ccccc ij

- fratribus Prædicatoribus & Minoribus cum legato sedis apostolicæ commorantibus, 79. f. Item, nobilibus mulieribus semel in anno, 80. c.
- Monasteriis Siciliæ talliæ non imponendæ, 136. d.
- Monasteria Urbis pro negotio Siciliæ obligata à debitis contractis absolvenda, 351. c.
- Monasterium, S. Bertini reformandum, 138. c.
- S. Johannis in Sicilia, 401. b. S. M. de Capua, 377. f. B. Mariæ *Delping*, 1643. f. B. Mariæ ad Moniales Trecense, in cujus parochia Urbanus IV. baptizatus, 29. c. B. Mariæ de Pratis ordinis Cisterciensis, in quo sepulta mater Urbani papæ IV. 29. c. S. Petri de Ara cui providi jubet Clemens IV. 356. d. S. Salvatoris in Sicilia, 579. c. SS. Trinitatis in Sicilia, 400. c. S. Trinitatis de Venusio, cui abbas præfuit Prior Montis Pilosi, 571. b.
- Monellus marchio Malæ-spinæ, 575. d.
- Moneta Miliarensis, 403. c. e.
- Monetam cedere quis possit, 403. f.
- Monialium in monasteriis numerus præfigendus, 535. f. Quomodo servare debeant interdictum 96. b. Monialium ordinis S. Augustini cura commissa Patribus Prædicatoribus, 446. c. & seq.
- Montis-ferrati Marchioni petium pecuniarium subsidium negat Clemens IV. 171. b.
- Montis-majoris monasterium pastore destitutum tuetur Clemens IV. 298. c.
- Montis S. Michaelis abbas regis orator ad Benedictum XIII. & Gregorium XIII. 1357. c.
- Montis-pestulani civitas pro privatorum delictis interdicto non potest subponi, 463. d. c.
- Montis-pestulani clerici arguuntur, quod decimas de glebis pauperum exigerent, 461. b.
- Montis-pestulani consules sedi apostolicæ devoti, 165. d. Coram iudice extra diocesim evocari non possunt, 165. c. Lucanos eis commendat Clemens IV. 317. d. Arguuntur quod clericos exactionibus & indebitis processibus gravarent, 455. d.
- Montis-regalis ad sedem transfertur Corinthiensis episcopus, 465. c.
- Montis-regalis archiepiscopus Paulus, 1373. c.
- Morellus de Fiemnis Marefcallus Franciæ, 856. b.
- Morimundo monasterio subjectus ordo Calatravæ, 171. d.
- Morinensi cardinali missa epistola post exortum schisma, 1080. b.
- Mortæ castris expugnatio, 942. f.
- Mulceronis castrum obsidet Carolus rex Siciliæ, 577. f.
- Mundus est eremus, 1745. b.
- Munera respuenda, 252. f. Judicibus, 507. a. 508. b. Ea reprobat Clemens IV. 312. c. Nec nisi ægre recipit, 256. f. 257. a.
- Murtanius cardinalis, 1451. d.
- Murcia à Jacobo rege Aragonum debellata, 362. d.
- Murolii cardinalis mors, 1492. b.
- N
- Narbonensis ecclesia abundat sapientibus, 168. b. Ipse præfuit Clemens IV. 131. d. f. 167. f. Qui ejus vexationes ægre fert, 130. f. 131. f. Et eam à Carcallonensi ballivo vexatam S. Ludovico commendat, 131. c. d. Narbonenses archiepiscopi jurium regis defensores, 131. d.
- Narbonensi archiepiscopo salutaria dat monita Clemens IV. 147. d. Arguit eum de præcipitibus sententiis in laicos & suffraganeos, 167. d. Sed præcipue in Tolosanum episcopum, 167. f. Ipse notam facit victoriam de Manfredi à Carolo Siciliæ rege reportatam, 287. d. Hortaturque ad gratiarum actionem, 288. b.
- Narbonensis archiepiscopus arguitur, quod male sentiat de Sacramento altaris, 536. f. Sed ab hac se calumnia purgat, 559. a. & seq.
- Narbonensis archiepiscopus ad sedem Tornacensem à rege Franciæ nominatus causa cadit, 1762. f.
- Narbonenses archiepiscopi Franciscus, 1435. a. 1558. b. 1602. c. Guido, 331. c.
- Navarræ rex cum Pampelonsi episcopo de quibusdam castris decertans pacem petit, 346. b. Eum ad succurrendum Terræ-sanctæ animat Clemens IV. 337. b. Ipse dispensationem pro filio concedit, 125. c. Unitur concilio Constantensi, 1669. c.
- Navarræ reginæ pietatem erga Ecclesiam laudat Clemens IV. 109. c.
- Navarræ regis & reginæ exsequiæ in omnibus Hispaniæ cathedralibus ecclesiis celebrandæ, 1. b.
- Neapoleo 370. d. Frater J. cardinalis in carcere Tulliano, 363. c.
- Neapolio comes Manupelli, 886. c. 957. c.
- Neapolioni de Ponterolis civi Forojulienfi committitur cura civitatis Avenionensis circumcingendæ muris, 1050. a. f.
- Neapolis Samaritæ, 334. b.
- Neapolitani archiepiscopi Amedeus de Salutiis, 1602. c. Bertrandus, 915. b. 918. f. 952. a. 957. c. 960. f. Henricus, 1322. f.
- Neapolitanos hortatur Innocentius VI. ut regi Siciliæ adversus sociates perverfas ferant auxilium, 883. f.
- Nicolai papæ III. constitutio adversus usurpantes senatoriam Urbis dignitatem, 731. b. 741. a.
- Nicolaus papa V. 1752. c. 1770. d. Ei cuncti reges adhærent, 1752. c.
- Nicolaus cardinalis sectæ Mahometicæ introductor, 1235. c.
- Nicolaus cardinalis Albanensis, 1266. f. 1378. d. 1461. c. 1491. d. Ejus epistola ad Bonifacium Ferrerii, 1484. c.
- Nicolaus de Cremona episcopus Brigiensis, 1084. d.
- Nicolaus episcopus Vigorniensis translatus ad Vintoniensem sedem, 578. c.
- Nicolaus abbas S. Mariæ de Scoffecis, 1276. d.
- Nicolaus de Acxerolis comes Melfiensis Siciliæ senescallus, 870. b.
- Nicolaus comes Melfiensis magnus senescallus Siciliæ, 885. f. 900. d. 919. c. 923. c. 952. 957. c. 1035. a. Laudatur de suis pro sede apostolica laboribus, 870. b. Ab ea mittitur ad repellendos à Sicilia prædones, 871. c. & seq.
- Nicolaus comes Nolanus, 886. d. 957. c.
- Nicolaus Marchio Estensis, 952. c. 953. c. 994. f.
- Nicolaus de Louvain miles, 1065. c. 1066. f.
- Nicolaus de Lyra, 1500. a.
- Nicolaus Boochius miles, 637.
- Nicolaus Sepynsky consiliarius Vladislai regis Poloniæ, 1653. d.
- Nicolaus Spinellus de Neapoli legum doctor, 897. f.
- Nicolaus Viola miles, 917. b.
- Notarios ad remotiora sine aliquo dignitatis titulo mittere non consuevit sedes apostolica, 213. c.
- Novi-castris cardinalis subito extinctus, 1491. f.
- Novitii ad electionem prælati non admittendi, 607. c.
- Nurcienfi S. Benedicti abbati fratres Minores commendat Clemens IV. 217. f.
- Nurinburgensis episcopus Gerardus, 990. a.
- Nurinburgæ Burgravius, 1631. b.
- O
- O. S. Adriani diaconus cardinalis, 511. c.
- O. cardinalis S. Mariæ in Via-lata, 515. b. f. 565. f.
- Obazina monasterium duplex, 511. c. f.
- Non obedire non semper est malum, 1237. f.
- Religio non deseritur sed fovetur, si ex obedientia quis sæculi tumultibus implicatur, 321. c.
- Obedientia Benedicto XIII. subtracta à regibus Gallia & Castellæ, 1279. d. Et quidem iuste, 1190. b. & seq. Ipse in Gallia restituta, 1273. c.
- Obizo Marchio Estensis, 952. c.
- Obizo Aldobrandini Marchionis Estensis filius, 899. b. 904. b.
- De obligandis possessionibus Urbis pro rege Siciliæ Clemens IV. consulit cardinales, 1762. a.
- Obligationis formula de solutione annatarum, 1601. c.
- Obsequio vincitur animus generosus, 183. a.
- Octavianus in sede apostolica intrusus, 1471. a.
- Octavianus cardinalis S. Mariæ in Via-lata, 207. d.
- Octaviano cardinali quæ beneficia in commendam dari in Angliæ Clemens IV. procurat, 213. b.
- S. Odilo Silviniaci requiescit, 453. c.
- Odo de Columna electus in papam Martinum V. 1691. c. In concilio Constantensi, 1730. 1738. c.
- Odo cardinalis S. Georgii ad Velum aureum, 1323. a. 1364. a. 1395. d.
- Odo de Loriaco episcopus Bajocensis, 382. d. 424. c.
- Odo Minorensis episcopus, 390. f.
- Odo de Lorriaco canonicus Bajocensis, 7. c.
- Odo de Corpeley miles cruce-signatus, 384. c.
- Odo de Cortona, 618. a.
- Odo Gualducci civis Pisanus in Terræ-sanctæ subsidium transfretat, 442. f.
- Officium cum celebratur canonici extrachorum non sint, 484. c.
- De officialium Urbis moribus inquiri mandat Innocentius VI. 1069. f. & seq.
- Ogerius episcopus Augustensis, 1350. d. 1351. c. 1358. c. 1606. f.
- Olivario ordinis Minorum Carolus rex Siciliæ à papa petit episcopatum, 536. c.
- Oliverius de Terminis ad Terram-sanctam proficisci proponit, 147. a. b.
- Olozonius prior ab hominibus Calvimontis crudeliter tractatus, 184. f.
- Olomusensis episcopus Johannes, 986. d.
- Opizo natus Marchionis Estensis de hæresi suspectus, 650. c. 656. c. 663. c. 670. a.
- Oratio non illud est quod os petit, sed quod cor desiderat, 1524. b. Exaudit Deus aliquando licet petita non concedat, 1522. b. & seq. Quot modis Deus non exaudire dicatur, 1521. f. 1523. a. & seq.
- Oratorum regis ad Benedictum XIII. supplicatio in Massilia, 1376. b.
- Oratorum regis Franciæ ad Benedictum XIII. pro ecclesiæ unionis epistola de tractatu cum eo, 1320. c.
- Ordine quæ sunt, ex ipso ordine recipiunt pulchritudinem & splendorem, 406. b.
- Ordinati ab Intruso characterem recipiunt inefficacem, 1232. f. His nisi religionem intraverint aut sint valde boni dispensatio non concedenda, 448. c.
- Ordinationes factas à Constantino intruso damnat Stephanus III. papa, 1233. c. Item factas à Leone Johannes XIII. 1233. d.
- Ortans faver Clemens IV. 162. c.
- Osius episcopus, 1456. d.
- Ostiensis episcopus primus post papam, 1081. d.
- Ostiensis episcopi Anglicus, 1322. f. Bertrandus, 723. d. 786. f. H. 462. d. Henricus, 207. c. Ecclesiæ honorabile membrum, 211. c. Cujus paupertatem sublevare contendit Clemens IV. 211. c. Eique aliquot Angliæ beneficia dari in commendam, 211. f. 251. b. Johannes, 1699. b. Philippus de Alenconio, 1115. a.
- Otto archiepiscopus Magdeburgensis, 1057. c. 1058. c.
- Otto I. Johannem XII. deponit, 1612. c.
- Orto IV. à Coloniensi archiepiscopo in regem Romanorum coronatus, 497. c.
- Otto dux Austriæ, 800. c. 801. a.
- Otto filius H. ducis Saxonie in imperatorem electus, 497. a.
- Ottobonus cardinalis S. Adriani, 180. b.
- P
- P. De Confluentia episcopus Corinthiensis, 578. c.
- P. de Corneliaco episcopus Surrentinus, 578. b.
- P. abbas Ilerdensis, 1381. f.
- P. de Corneliaco ordinis Minorum, 536. c.
- P. Cambellanus miles à Clemente IV. ad Carolum regem Siciliæ pro concilio missus, 379. a.
- P. Proconsul Romanus, 527. f.
- Pacenses

pacenses episcopi Bernardinus Carvajal, 1774. a. Johannes, 1382. c.  
 Palefridus albus singulis annis Romano Pontifici à rege Siciliæ dandus, 11. c. Singulis triennis, 231. a.  
 Pampalonenſis episcopus cum rege Navarræ de quibusdam caſtris litigat, 346. a. b.  
 Pampelonenſis electus Pelegrinus juri ſuo cedit, 582. c. Andenagogus, 582. d.  
 Papam non facit niſi canonica electio, 1103. b. Solus cardinalium conſenſus, 1112. d. Papæ electionem differre eſt periculoſum, 1681. c. Eam retardare eſt ſchiſma fovere, 1683. a. In concilio Conſtantiensi differtur, 1636. f. Electionis rationem proponit Petrus de Luna, 1650. b. Ibi eligi non poſſunt Baltazar Coſſa, Angelus Corrarior, & Petrus de Luna, 1636. f. Facta ſuit per cardinales & deputatos quinque nationum, 1688. f. 1690. c.  
 Papa qualis eligendus eſt, 1754. d. & ſeq. 1772. d. Eligendus non ſolum bonus, ſed etiam optimus, 1783. a. Eum aliquando elegerunt imperatores, aliquando clerus & populus, poſtea ſoli cardinales, 1781. d. Eum inſtituere non poſſunt imperatores, 708. f. quamvis papam inſtituere & deſtituere imperatoris eſſe docuerint Marſilius de Padua & Johannes de Janduno, 708. b.  
 Papæ prærogativæ 1778. b. 1784. f. Illius primatum agnoſcunt concilia, 1779. c. Ejus poteſtas immediate à Deo, 1590. c. Ad ædificationem, 1590. c. Non ad deſtructionem, 1218. a. Ipſius poteſtas limitata, 1419. f. Habere plenitudinem poteſtatis non ut Dominus, ſed ut miniſter principalis Domini, 1410. c.  
 Papæ auctoritate omnes eccleſiæ regi debent, 1232. b. Eccleſiam ſine papa regi poſſe aſſerere hereticum eſt, 1681. b. 1682. c. Non dominus episcoporum, ſed unus eſt ex illis 1419. c. Beneficia potius per papam quam per ordinarios eſſe conferenda cenſent doctores Pariſienſes, 1686. c. Idem cenſet univerſitas Colonienſis, 1687. a. Papam privant Florentini poteſtate conferendi beneficia per quinque annos, 1599. c.  
 Ad papam pertinet Romæ dominium & electio Senatoris Urbis, 27. a. Ipſius preces vim habent præcepti, 337. f. Illius poteſtatem nullus ligare poteſt, 712. c.  
 Papa ſubjectus evangelio, 1238. b. Legibus humanis non ligatur, ſed legibus conſcientiæ contringitur, 194. c. Non poteſt diſponere pro libito de juribus, 1614. a. Non licentiam peccandi ex officio ſuſcepit, ſed neceſſitatem bene vivendi 1237. f. Papæ obediens in eo quod turbat Eccleſiam peccat mortaliter, 1240. f. Papæ conſtitutio injuſta non obſervanda, 1412. c. Papam convenientes principes Romani expanſis rentoriis morabantur in caſtris, 445. b. Oratio pro papa quotidie dicenda in miſſa in Trecentiſ S. Urbani eccleſia, 206. f.  
 Papa ſigillo piſcatoris in ſuis ſecretis litteris utitur, 111. b.  
 Papæ reditus unde vivere debeat, 1596. a. Ejus ſuſtentioni provider concilium Conſtantiense, 1707. a. Papalis ſuſtentionis pars major ex annatis 1566. b. Papæ ſingulis triennis palefridum album offerre debet rex Siciliæ, 231. a. Item, indigenti & petenti milites, 231. c. Papæ Avenionenſes tempore ſchiſmatis quanta ex Gallia eccleſiis ſubſidia levarent, 1423. b.  
 Papa in arduis ad concilium re currere conſuevit, 1211. a. Illius eſt convocare concilium, 1474. c. Papam concilium judicare non poteſt, 1425. d. Ipſi tamen ſub eſt in his quæ fidem & ſtatum Eccleſiæ univerſalis concernunt, 1210. c. 1212. c. 1247. d. Ita cenſet univerſitas Cracoviensis, 1752. b.  
 Papa ſolius Dei ſub eſt judicio niſi ſit hæreticus, 1728. c. Papa & cardinales, ut multi putant, poſſunt errare, 1209. b. c. 1210. a. Papa nutriendus ſchiſma ſit minor quocumque catholico, 1417. f. Perſtinaciter errans in fide papa non eſt, 1197. f.  
 Papa deponi non poteſt, 1486. Niſi pro facto hæreſis, 1255. f. Papam ab imperatore poſſe deponi aſſerere inſanum eſt & erroneum,

Tom. II.

709. d. Papæ quidam depoſiti, 1622. d.  
 Papa an poſſit deponere cardinales, 1486. a.  
 Parentibus præferendus eſt Chriſtus, 1080. b.  
 Parlamenta nimis prorogat Carolus rex Siciliæ, 356. f.  
 Parochiales eccleſiæ non conferendæ niſi graduatis & reſidentibus, 1698. c.  
 Parmenſis abbas S. Johannis Hieronymus, 1381. f.  
 Paſſigniani abbas Valdaffarus, 1395. b.  
 Patientia facilius ſuadetur quam toleratur, 1487. d.  
 Patria ſeu natale ſolum allicit, tranſlatio ad exteros terret, 368. b.  
 Patriarchæ Hieroſolymitani tribulationibus compatitur Clemens IV. 408. f. Eum conſolatur eique promptum promittit auxilium, 392. c. & ſeq.  
 Patrimonium eccleſiæ Romanæ 1592. a. Conſervari curat Clemens IV. 316. a.  
 S. Pauli apoſtolici caput Romæ, 588. d.  
 Paulus II. papa, 1777. c.  
 Paulus Montis-regalis archiepiſcopus, 1373. c.  
 Paulus de Urſinis, 1345. c. 1352. c. 1373. c.  
 S. Pauli monaſterium, 370. c.  
 S. Pauli in Urbe abbas Guido, 921. b.  
 Paupertatis amatoribus acriores & ſubtiliores inſidias parat diabolus, 346. d.  
 Paupertatem æquanimiter tolerat Clemens IV. 186. c. Paupertati cardinalium providet, 240. f. Eamque ſublevat bonis eccleſiarum & monaſteriorum, 218. c.  
 Pax vera quæ, 436. f.  
 Pax inter civitates Lombardiæ, 472. e.  
 Pacem recuſans rex Angliæ de throno deturbatur, 1243. c.  
 Peccatores in ſui excuſationem erroris non poſſe ponunt in cauſa, cum nolle tantum ſit in culpa, 178. c. Iis reſiſtendum, 1439. b. Publice peccantes, publice arguendi, 700. d. 718. c. 779. c. Peccatorum graviorum abſolutio à quibus facienda tempore ſubtractionis, 1399. f.  
 Pecunias ægre invenit Clemens papa IV. 133. a.  
 Pecunia pro negotio Siciliæ mutuatur à Laurentio Odone Serroniano mercatore Romano ſolvi mandat Clemens IV. 343. b.  
 Pelavicinus vir nequiſſimus, 102. f. Iniquas propoſitiones papæ facit, 180. a. Captivos ducit Cremonam, 191. b. Ejus converſio, 333. d. Ad ſinum Eccleſiæ redit, 302. 327. d.  
 Pelegrinus electus Pampelonenſis juri ſuo cedit, 582. c.  
 Percivallus de Oria Manfredi principis Tarentini capitaneus ſtatum Urbis evertere tentat, 84. a. Arrone flumine merſus perit, 84. c.  
 Perdiaci comiti committitur pax procuranda inter Gaſtonem comitem Fuxenſem & Arnoldum dominum Lebreſi, 1057. b.  
 Periculum qui quantum cavere poteſt non cavet, magis tentat Deum quam ſperat in Deum, 1524. c.  
 Perſecutiones variæ Eccleſiæ, 1744. a. & ſeq. Perſecutio Eccleſiæ violenta in tormentis, fraudulenta in hæreticis, periculosa in Anti Chriſto, 1745. a. Perſecutione inſtante veritas non deferenda, 328. d.  
 Peruſinus de Florentia Gibellinæ factionis auctor captus in prælio Beneventano, 284. d.  
 Peruſini mercatores mutuum præſtant pro Carolo Provinciæ comite, 128. b.  
 Peruſinis annunciat victoria Bononiensium de Bernabovæ, 1022. b.  
 Peſtis Avenione graſſatur, 1000. c. 1014. c. 1059. b. 1128. f. Januæ, Ripariæ & Maſſiliæ, 1369. b.  
 Petragoricenſis episcopus Petrus, 1016.  
 Petruccius natus Lucæ de Sabellis, domicelli Romani, 921. b.  
 Petrus cum Chriſtum negavit tantæ ſanctitatis & firmitatis erat quam nunc papa & cardinales, 1209. c.  
 S. Petri prærogativæ, 1778. b. Non limitatam poteſtatem à Chriſto accepit, 707. d. Petrum non plus auctoritatis habuiſſe, quam alii apoſtoli, nec fuiſſe caput Eccleſiæ & Chriſti vicarium dogmatizarunt

Marſilius de Padua & Johannes de Janduno, 706. a. Petri navis quantuſcumque periculis agitata finale naufragium non timet, 328. c.  
 S. Petri martyris feſtum, 295. a. & ſeq. In eo conceſſæ indulgentiæ, 212. f.  
 Petrus Fiſandi de Candia, 1471. b. 1499. b. 1531. c. Factus papa Alexander V. 1461. c. 1728. a.  
 Petrus de Corvaria ordinis Minorum, 639. 763. c. Dimiſſa uxore ordinem Minorum ingreditur, 765. b. Fit miniſter provincialis, 765. c. Cenſuras Eccleſiæ ſpernit, 765. d. Eligitur antipapa, 765. c. 783. d. 802. b. 819. d. Conſecratur à Jacobo Caſtellano episcopo, 765. f. 811. c. Cardinales nominat, 766. a. A vero papa deponitur ab omni gradu, 767. b. Papæ per imperatorem deſiſtationem approbat, 811. f. Excomunicatur, 707. c. Hæreticus & hæreticorum fautor declaratur, 768. b. Acta per eum omnia irrita declarantur, 768. d. Erratum ſuum recognoſcens deponit nomen papæ, 803. f. 804. a. & ſeq. Ejus de ſua reſipiſcentia ad papam epistoſta, 804. a. 806. f. Errores & exceſſus ſuos condemnat, 807. c. Ejus abjuratio, 809. a. & ſeq. Abſolvitur à papa, 815. d. & ſeq.  
 Petrus de Luna, 1432. d. 1433. f. 1535. d. 1538. a. 1577. f. 1581. a. 1604. c. d. 1615. b. c. 1617. a. 1632. a. 1637. d. 1666. f. 1668. a. 1671. f. Antequam natus promiſſus à Deo ut eſſet clericus, 1671. d. Cardinalis coram rege Caſtellæ Clementis VII. electionem propugnat, 1720. d. & ſeq. In electione papæ abhorret à fictione, 1087. c. Jacobum regem Siciliæ ad ſuas partes allicere conatur, 1661. c.  
 Petrus de Luna calidiſſimus ſerpens, 1674. c. Maligniſſimus hoſtis pacis, 1564. c. Cru- deliſſima bellua, 1657. c. Diriforie appellatus Petriqui, 1508. c. Petri ut ſolus in concilio Conſtantiensi papam eligat, 1657. c. Ipſe eligi non poteſt, 1636. f. A quibus cardinalibus electus papa, 1724. d. Negat ante ſuam aſſumptionem laudaſſe viam ceſſionis, 1671. c. Cedere recuſat, 1615. c.  
 Petri de Luna legati in concilio Piſano non auditi, 1477. a. 1482. c. Ejus ambaffiatores ad concilium Conſtantiense, 1611. f. Conſentem episcopum mittit ad concilium Conſtantiense, ut impediatur Eccleſiæ unionem, 1671. f. Petrus de Luna regem Romanorum Petriniani in caſtro munitiſſimo excipit, 1647. Promittit ei pacem Eccleſiæ, 1647. c. Finalis ejus reſponſio facta Perpiniani Sigismundo imperatori, 1648. a. Viam offert juſtitiæ, 1648. b. Et ceſſionis ſub certis conditionibus, 1648. c. Petit concilii tranſlationem, 1648. c. Piſana ſtatuta reſcindi, 1349. a. Omnes proceſſus ibi factos, 1649. b. Quæ ſibi cedenti privilegia poſtulerit, 1649. d. Nominem concilii Conſtantiensis accuſatur de contumacia, 1674. f. In concilio citatur, 1668. c. 1674. a. Ejus citatio ad audiendam adverſus ſe ſententiam, 1677. c. Toto niſu retardat citationem ſibi faciendam, 1670. b. Quo modo eam exceperit, 1670. c. Ad eam quid reſponderit, 1671. a. Conſultatio de recuſanda obedientia Petro de Luna, 1177. d.  
 Petrus de Luna in Gallia reputatus hoſtis capitalis, 1444. a. Eum capere ſibi proponit rex Galliar, 1434. a. A principibus & præſulibus Hiſpaniæ deſeritur, 1695. f. Immo ab omnibus deſeritur, 1662. a. Cardinalis ei addiſtus per funem de turre Panicolæ evadit, 1662. a.  
 Petri de Luna obſtinatio in ſchiſmate, 1654. 1657. c.  
 Petrus de Luna de papatu dejectus, 1678. d. V. Benedictus XIII.  
 Petri de Romana electio in Licienſem episcopum nulla declaratur, 593. c.  
 Petrus de Thomafellis dictus Bonifacius IX. in ſua obedientia, 1234. a.  
 Petrus cardinalis episcopus Anicienſis, 1167. a.  
 Petrus cardinalis S. Angeli, 1266. f. 1323. a. 1367. a. 1368. a. 1378. c. 1465. d.  
 D d d d d



- Petrus cardinalis S. Anastasii, 1073. a.  
 Petrus cardinalis Florentinus episcopus Portuensis, 1266. f.  
 Petrus cardinalis S. Mariæ in Via-lata, 1267. a.  
 Petrus Bertrandi cardinalis episcopus Augustodunensis, 1420. a.  
 Petrus Blavii cardinalis missus ad regem à Benedicto XIII. 1298. b. 1340. d. 1458. a. f.  
 Petrus Rinar cardinalis, 1427. b.  
 Petrus de Turre, 1009. f. 1010. b.  
 Petrus de Thureio cardinalis, 1378. e. 1451. a. 1458. f. 1494. b. 1465. f. Papatum ambit, 1460. e. 1461. c. 1485. d.  
 Petrus archiepiscopus Maguntinus, 637.  
 Petrus de Alliaco episcopus Cameracensis, 1301. e. 1464. b. Natus Compendii humili loco, 1464. f. Episcopatum Cameracensem obtinuit invito duce Burgundiæ, 1464. d. In episcopatu æmulus passus, 1464. f. In concilio Pisano ut se gesserit, 1464. b. Proponit dubia contra concilium Pisenum, 1496. b. Ejus rationes ad differendam subtractionem à Benedicto XIII. 1329. a.  
 Petrus episcopus Meldensis, 1335. f.  
 Petrus episcopus Petragericensis, 1016. e.  
 Petrus episcopus Ripensis, 1743. c.  
 Petrus Romani episcopus Soranus, 465. e.  
 Petrus episcopus Tarentinus bona legat Cameræ apostolicæ, 1044. b.  
 Petrus episcopus Vaurenensis, 1452. e.  
 Petrus abbas S. Maxentii, 1551. c. 1558. e. 1564. d. 1568. f. 1606. f.  
 Petrus rex Aragonum, 848. b. 850. e. 875. f. Fœdera inter prædecessores suos & reges Siciliæ turbat, 992. d. Captivum detinet Jacobum natum Jacobi regis Majoricarum, 948. e. Ei gratias agit Innocentius VI. de oblatiis copiis ad repellendas pravas societates, 867. d. Ei scribit Innocentius VI. ut Johanni Montis-ferrati Marchioni curet fieri satis de dote uxoris suæ, 948. b. Ipse commendatur Bartholomæo de Carpineto papæ secretarius, 962. b.  
 Petrus regis Aragonum filius laudatur de zelo in Saracenos, 210. c.  
 Petrus rex Castellæ & Legionis, 1867. f. Ei scribit Innocentius VI. in gratiam Ægidii episcopi Sabiniensis & Johannis episcopi Seguntini, 997. c. 998. c. Ipsius officiales Johannem Brigholandi thesaurarium Carthaginensem spoliant, 999. a.  
 Petri regis Portugalliæ matrimonium cum Agnere de Castro approbare recusat Innocentius VI. ac prolem ejus legitimam declarare, 1030. f. Ei Johannem de Cardalliaco commendat Innocentius VI. 1029. d.  
 Petrus de Aragonia infans, 1084. d.  
 Petrus Richardi nepos J. cardinalis S. Nicolai in carcere Tulliano, 361. d.  
 Petrus de S. Ægidio nepos Clementis IV. 110. d. Præclara papæ ad eum epistola, 110. d.  
 Petrus Clementis IV. camerarius & archidiaconus Senensis, 152. b. d.  
 Petrus de Prado minister provincie S. Francisci, 750. b.  
 Petrus Eraudi Prior S. Eutropii Xantonensis, 878. c. 879. b. 882. b. 990. c.  
 Petrus de Versaliis, 1585. b. Prior de Calvomonte interest concilio Constantiensi, 1549. f. 1563. c. Ut orator regis, 1606. f.  
 Petrus archidiaconus Senonensis camerarius Clementis IV. 258. e. 269. d.  
 Petrus notarius sedis apostolicæ 107. b. 116. d. 117. b. f. 123. a. 222. e. Sedis apostolicæ nuncius ejus nomine mutuum contrahit pro Carolo Siciliæ rege, 201. e.  
 Petrus Qubleti archidiaconus Cabilonensis procurator comitis Sabaudie in consilio Constantiensi, 1556.  
 Petrus comitis Britannie filius ad Terras sanctas ferendum auxilium se præparat, 389. e. De subsidio ei tribuendo consulendus rex Franciæ, 389. d.  
 Petrus Sicardi canonicus Narbonensis construendis muris civitatis Avenionensis præfectus, 869. c.  
 Petrus de Alcorano doctor Bononiensis, 1469.  
 c. Egregius doctor in concilio Constantiensi, 1613. d.  
 Petrus filius S. Ludovici, 472. f.  
 Petrus Salomonis ordinis Minorum orator ducis Burgundiæ in concilio Constantiensi, 1554. e. 1607. a.  
 Petrus de Vico comes, 949. c. 950. c. 951. c. Tuscanenses incautos vincit, 83. c. Et ipse devictus, 81. f. 82. a. f. 83. a. Ei auxilium ferre tentat Manfredus, 83. c. Audito Caroli comitis Andegaviæ & provincie in Urbem adventu recedit, 134. d. Summum pontificem graviter offendit, 138. e. Ejus reconciliatio quo ordine facienda, 154. b. & seq. Arcem Vici & Bletæ reddere cogendus est, 184. c.  
 Petrus *Carchon* Vice-dominus Remensis, 1607. a. Orator ducis Burgundiæ in concilio Constantiensi, 1549. f.  
 Petrus de Cambacurra, 1471. f.  
 Petrus de Cassiliaco mercator Montispeffulani mutuum præstat Carolo Siciliæ regi, 201. e.  
 Petrus de Castro, 1030. f.  
 Petrus de Columba miles, 416. d.  
 Petrus de Columbario miles, 266. b.  
 Petrus de Farnesio Bernabovem vincit, 1021. c.  
 Petrus Audebertus papæ familiaris purgatur de illatis apud Britannie ducem calumniis, 866. a.  
 Petrus Cambellanus miles, 388. e. A Clemente IV. ad S. Ludovicum missus, 426. c.  
 Petrus Gandelini Castellanus castri S. Angeli idem castrum Urbano VI. restitui jubetur, 1072. b. & seq.  
 Petrus Negrandi procurator ducis Bituricensis ad concilium Constantiense, 1555. b.  
 Petrus *Plaut* orator regius ad Januenses, 1408. c.  
 Petrus Raimbaldus de Carumbo militis cingulum recipit, 315. a. 430. e.  
 Petrus Sarracenus papæ adversarius, 340. c.  
 Philippus cardinalis Bononiensis, 1770. d.  
 Philippus archiepiscopus Burdigalensis, 1814. f.  
 Philippus à Sabaudia electus Lugdunensis, 510. f. Viennensis decanus Guidonem de Alvernia eligit archiepiscopum Viennensem, 411. d. e. Aut ordines suscipere aut episcopatu renunciare jubetur, 462. b. c. Beneficiis suis privatur, 511. f. Aleidem Burgundiæ comitissam ducit, 461. f.  
 Philippus archiepiscopus Ravennensis, 969. f.  
 Philippus episcopus Casertinus, 546. d.  
 Philippus episcopus Cavallicensis, 1043. c.  
 Philippus episcopus Florentinus, 891. e.  
 Philippus de *Florenge* episcopus Metensis, 552. d. Abdicare coactus, 552. f.  
 Philippus de Alenconio episcopus Hostiensis hortatur Universitatem parisiensem ut ad extirpandum schisma navet operam, 1135. a.  
 Philippi abbatis S. Dionysii rationes ad differendam subtractionem à Benedicto XIII. 1329. a.  
 Philippus ordinis Minorum missus ab Alphonso comite pictaveni ad Clementem papam, 589. a.  
 Philippus ordinis Minorum provincialis minister ad episcopatum promovendus, 562. c.  
 Philippus dux Sueviæ in imperatorem electus, 497. a. A Tarentasiensi archiepiscopo coronatus, 497. c.  
 Philippus filius S. Ludovici, 472. f.  
 Philippi archiducis Austriæ & Burgundiæ ducis erga sedem apostolicam firma devotio, 1760. c. Ad episcopatum Arrebatensem nominat Fortiguerram, 1763. d. Ad Tornacensem Servorum, & Guillelmum S. Bertini abbatem, 1762. f.  
 Philippus dux Burgundiæ, 848. c. Eum hortatur Innocentius VI. ad reprimendos prædones, 880. f. & seq.  
 Philippus dux Turonensis, 855. e.  
 Philippus de Sanginato comes Altimontis, 886. a.  
 Philippus Brancacii miles Neapolitanus missus à Papa Romano ad Benedictum XIII. Avenionensem, 1181. a.  
 Philippus de Mercerio vir nobilis deferre Manfredi Ecclesiæ reconciliatur, 320. e.  
 Philippus de Marerio vir nobilis ab excommunicatione absolvitur, 155. e. Ei scribit Clemens IV. 156. b.  
 Philippus de Monte-forti, 289. b. 302. c. Vicarius Caroli regis in Sicilia & in Apulia, 300. f. Ei gratiam Caroli regis Siciliæ augere intendit Clemens IV. 185. e. f.  
 Philippus de Tarento, 885. f. 957. b.  
 Philippo de Ægris permittitur cum rege Siciliæ remanere, 633. e.  
 Pictavenis cardinalis tractatus de celebrando concilio pro tollendo schismate, 1193. b.  
 Pictaveni comitis de subsidio tribuendo consulendus est rex Franciæ, 385. c.  
 Pictaviensis comes mutuum fratri suo regi Siciliæ præstat, 219. d.  
 Pileus cardinalis, 1175. d.  
 Pinianis canonicis castra restitui curat Clemens IV. 406. d.  
 F. Pinotus Cartusianus, 1529. a.  
 Pisanus cardinalis in concilio Constantiensi, 1585. e.  
 Pisani archiepiscopi Alamannus, 1433. b. Simon, 809. b.  
 Pisani Ecclesiæ Romanæ infensi, 442. d. 516. f. Multum faciunt si non noceant, 255. a. Omni sunt gratia indigni, 249. c. Excommunicati, 544. d. A Clemente IV. petunt absolvi ab excommunicatione, 373. b. Absolvendi sub quibusdam conditionibus, 373. c. Eos de proposito redeundi ad Ecclesiæ gremium laudat Clemens IV. 106. b. & seq. Revertentes Carolo Siciliæ regi commendat, 441. c. e.  
 Pisanos inter & Lucanos inducias quadriennales petit Clemens IV. 442. c. Pisanos de militia regis Siciliæ turbatos sedat Clemens IV. 457. c. & seq. In eos inardescit Carolus rex Siciliæ, 563. c. Eos ad pacem cogit, 567. e. Ab eis Galeas in subsidium Terras sanctas petit Clemens IV. 442. d. Terras sanctas sustentant, 441. d. f.  
 Pisanorum loca vastata, 577. e. Pisanam civitatem occupant Florentini, 1471. e. 1475. a. 1477. d. A Jacobo de Pisis venditam, 1471. f.  
 Pisana civitas proponitur Benedicto XIII. ad conveniendum cum Gregorio XII. 1377. d. Illius custodia commissa tempore concilii Pisani Simoni Cramaudo, 1478. b. Ei annuntiatur victoria Bononiensium de Bernabovæ, 1022. e. Pisano in concilio non auditi Petri de Luna Legati, 1477. a. 1482. e.  
 Piscatoris sigillo uruntur Summi pontifices in suis secretis litteris, 111. b.  
 Pistorium Ecclesiæ Romanæ reconciliatur, 310. c.  
 Pii culpas agnoscunt ubi nulla noxa, 92. a.  
 Pius II. papa, 1763. a.  
 Placentini ad Ecclesiam redeunt, 327. d.  
 Placentia sedi apostolicæ subdita, 353. d.  
 Placentini episcopi B. cardinalis S. Clementis 1713. d. Briardus de Castellione, 1276. d. Brandus, 1373. e.  
 Pluralitas beneficiorum prohibita, 483. e. Ab ea dispensatur, 68. e.  
 Podium Boniti oblidet Carolus rex Siciliæ, 543. c. Et obtrinet, 563. b.  
 S. Policarpi abbas à rege Siciliæ dure habitus, 266. b. Pro ipsius libertate scribit Clemens IV. 266. b. d.  
 Polonix rex Vladislavus, 1350. c.  
 Poltzensis episcopus Jacobus, 1650. e.  
 Poncellus de Ursinis, 1373. e.  
 Pons super fluvium Levi construendus, 461. e.  
 Pontem Avenionis ligneum comburi facit Benedictus XIII. 1185. b. 1341. d.  
 Pontifex non attendat carni & sanguini, 1758. a.  
 Pontificibus Romanis solis competit crucem ante se deferre, 522. a.  
 Pontius episcopus Urbevetanus Urbis vicarius, 1032. b.  
 pontii episcopi Urbevetani in curia defuncti, bona colligi jubet Innocentius VI. 1001. f.



Portuenses episcopi Guido, 368. b. 390. c. 964. a. 998. c. Johannes, 107. c.  
 possessiones Ecclesie pro Carolo rege obligatae, 188. c. 190. a. 191. a.  
 potestas coactiva Ecclesie non ab imperatore, sed à Christo, 713. d.  
 praebeatae presbyterales diaconales & subdiaconales in ecclesia Aniciensi, 481. f.  
 praebeatas in ecclesia Remensi sede vacante rex conferebat, 521. c.  
 praecipitatio noverca iustitiae, 1518. d.  
 praedicatorum ordinis elogium, 282. c. & seq. 346. c. Fuit à mari ad mare dilatatus, 503. b. praedicatores hoc solum delectat, quod divinae voluntati sit placitum, 144. b. Fuerunt missi ad Graecos redeuntes ad Ecclesiam erudiendos, 494. d. Quales in praetorum domos mitti debeant, 281. d. Quales ad audiendas confessiones, 281. c. Iis facultas datur audiendi confessiones in ecclesiis vacantibus, in quibus ante vacationem eas audire licebat, 141. c. d. Absolvendi ipsorum ordinem intrantes ab excommunicatione & irregularitate, 144. b. & seq. Ipsi commissi cura monialium ordinis S. Augustini, 446. c. & seq. Ad episcopatus assumpti libros ante consecrationem prioribus consignent, 606. d. & seq.  
 praedicatorum privilegia episcopi non debent interpretari, 614. d.  
 praedicatoribus fratribus quos secum retinebat Simon legatus sedis apostolicae equitare permissum & ingredi monasteria Virginum, 79. f. Duos fratres episcopo Gabulensi ad consortium concedit Clemens IV. 505. c.  
 praedicatoribus ad capitulum generale congregatis scribit Innocentius VI. 936. b.  
 praedicatorum & Minorum ordinis comparatio, 314. d. Inter eos contentio de Capuana & Sulmonensi conventu, 451. f. & seq.  
 praedicatores Minoribus infesti, 353. c.  
 praedicatores & Minores invicem se mordentes arguit Clemens IV. 347. a. 359. c. praedicatores inquisitores adversus fratres Minores non agant, 348. c. Querelae de praedicatoribus factae Clementi IV. occasione sepeliendorum, 397. d.  
 Fratrum praedicatorum decimas de suo solvi jubet Clemens IV. 413. b.  
 praedicatorum breviarium confirmat Clemens IV. 503. b. & seq. Eorum orationibus se commendat, 283. a. 475. b. Ad sedem apostolicam sine magistri licentia non accedant, 287. d. Studium habent parisis & Bononiae, 281. c. Cautelam in recipiendis ad habitum adhibeant, 281. f. Discursus notabiles & familiaritates vitent, 282. a.  
 praelatio multum tremenda, 1507. c. Infans est aut salutem propriam odit, qui ad praelationem voluntarius venit, 1507. b. Monstruosa res est gradus summus & animus infimus, 1783. d. Vilissimus reputandus est cum non excedit sanctitate & scientia qui est honore praestantior, 1783. c. praelati quidam impudici, 1499. a.  
 praedium Beneventanum adversus Manfredum, 284. a. & seq. 287. c. 284. a. & seq. 286. f. 288. a. 290. f. 302. f.  
 praenestini cardinalis proposita coram dominis ducibus & concilio regis Franciae anno mcccc. 1226. f.  
 praenestineses episcopi Antonius, 1394. c. 1395. d. G. 1378. d. Guido, 1458. f. Stephanus, 107. c.  
 pragensis archiepiscopus Arnestus, 899. c. 980. f. 981. d. 986. c.  
 praesidium integritas salus est subditorum, 803. c.  
 practica Benedicti XIII. tradita ducibus à rege Francorum missis super facto unionis, 1138. a.  
 practica viae cessionis per regem Francorum & ejus consilium excogitata, 1150. b.  
 practica missa regi Francorum per nuncios regis Castellae, 1140. a. & seq.  
 preces in missa dicendae adversus hostes Ecclesiae, 449. a.  
 principatum honoris gratia concupiscere vanitas est, 1756. c.

principes plus exemplo nocent quam peccato. 1772. c.  
 principem decet inimicum ad gratiam revertentem cum gratia suscipere, 377. c.  
 principibus ut non possint excommunicari privilegium negat Clemens IV. 586. b. & seq.  
 privilegia circa interdictum & excommunicationem revocata, 393. d. & seq.  
 privilegium regni Siciliae Carolo regi concessum Simoni cardinali absenti mittitur subscribendum, 238. b.  
 processiones pro consolatione Ecclesiae, 1614. c.  
 processus in Ludovicum Bavarum Johannes XXII. publicari jubet, 776. f.  
 procuraciones legatorum in regno Franciae temperat Urbanus IV. 81. b.  
 prodigalitas nulla peior, quam sustinere ut à garrionibus & furibus consumantur quae in usus honestos possent expendi, 408. c.  
 De propositionibus erroneis circa electionem papae consultationes theologorum, 1690. f.  
 provinciae comes Carolus cum regina contendit, 129. c. & cum fratre pro limitibus, 129. d.  
 prudentia in pontifice commendatur, 1783. c. f.  
 psalmodiensis abbas, 498. f.  
 puteolana arena, 312. b.

## Q

Quintinus Manart ad episcopatum Atrebatensem à papa nominatus rejicitur, 1763. c.

## R

Radicofanensibus auxilium promittit Clemens IV. 172. f. Ipsi mentiuntur, 183. f.  
 Radulphus episcopus Albanensis, 107. c. 368. b. Clementi IV. affectione conjunctus, 365. c. Qui eum hortatur ut in legatione Siciliae perseveret, 388. c. peram & baculum peregrinationis S. Ludovico ad iter in Terram sanctam se paranti tradit, 417. f.  
 Ragulfinus cardinalis iudex in causa Johannis de prussia de haeresi suspecti adversus Jacobum de Suzato, 1710. b.  
 Raimundus episcopus Elnensis, 987. f. 989. f.  
 Raimundus episcopus Ruthenensis, 1842. a.  
 Raimundus episcopus Vivariensis, 611. a.  
 Raimundus abbas Crassensis, 595. c.  
 Raimundus abbas S. Victoris Massiliensis, 1071. a.  
 Raimundus Stephani papae nuncius, 809. b.  
 Raimundus de Lados procurator generalis ordinis Minorum, 750. b.  
 Raimundus Alfredi canonicus Aniciensis Clementis IV. nepos, 423. f.  
 Raimundus de pennaforti ordinis Praedicatorum, 390. b. f.  
 Raimundus comes Soleti, 886. d.  
 Raymundus de Baucio comes Spoleti, 957. f.  
 Raimundi Bernardi tractatus pro defensione electionis Clementis VII. 1724. b. Oratio ad Caesarem adversus Urbanum VI. 1120. c.  
 Raimundus Bertrandus haereticus, 276. c.  
 Raimundus de Variaco miles, 611. a.  
 Rainaldus cardinalis S. Viti, 1274. b. 1313. a. 1367. a. 1368. a. 1395. d.  
 Rainaldus vir nobilis exsul, 253. c. 326. c.  
 Rainaldus Callensibus infestus, 294. c.  
 Rainaldus de Zambraffis, 921. f. 922. c.  
 Rainaldus filius Marchionis Estensis de haeresi suspectus, 650. c. 656. c. 663. c. 675. a.  
 Raphael Johannis XXIII. papae doctor in concilio Constantiensi, 1613. c.  
 Ratio ex timore obtenebratur, 1528. c.  
 Ravennenses archiepiscopi Johannes, 1323. a. philippus, 569. f.  
 Reatina civitas à reatu perfidiae praeservanda, 183. f. 184. a.  
 Reatinam ad sedem transfertur Tiburtinus episcopus, 191. c.  
 Reatini increpantur quod fufos à Carolo rege

Siciliae hostes apud se receperint, 626. c.  
 Recanatensibus treuga concedenda, 143. c.  
 Rectores quales velit Romanus populus, 97. b.  
 Rectores civitatis Florentinae quos secum habere debeant, 429. f.  
 Redemtionen votorum Carolo Andegaviae comiti regni Siciliae negotium prosequenti concessa, 22. c.  
 Reformatio Ecclesiae Romanae, 1680. a. pontifici commendatur, 1758. c. & seq.  
 Reformatio Ecclesiae fieri nequit, nisi tollantur reservationes papales, 1634. d.  
 Reformatio ecclesiae in capite & in membris inchoatur, 1641. f. 1647. c. Reformationis articuli à papa oblatis in concilio Constantiensi, 1694. d. 1696. b. Missi universitati Colonienfi, 1699. c. Asserere Ecclesiam non posse debite reformari, nisi per subtractionem bonorum temporalium est haeresis Johannis Hus, 1681. c.  
 Reformatio monasterii S. Aegidii, 315. d. S. Bertini, 238. c. Vizeliacensis, 194. f.  
 Regalia beneficiorum non habent reges Siciliae, 16. f.  
 Regalia in episcopatu Tolosano temere usurpat vicarius comitis Tolosani, 533. d.  
 Reginaldus episcopus Aduensis, 937. d. 1006. a. 1012. b. 1013. b. 1042. c. Thesaurarius Innocentii VI. papae, 874. d. 995. b.  
 Reginaldus de Nantolio electus Belvacensis ad cautelam absolvendus à censuris, 509. b.  
 Religio non deseritur, sed fovetur, si ex obedientia quis saeculi tumultibus implicetur, 321. c.  
 Religiones novas multiplicari non probat Clemens IV. 587. b. d.  
 Religiosis etiam pro Siciliae negotio decimae imponendae, 244. f.  
 Reliquias regi Castellae promittit Clemens papa IV. 490. a.  
 Reliquias falsas Graecae venditant, 588. c.  
 Remensis ecclesia Romanae carissima, 157. b. Ejus praerogativa, 1576. c. Eam protexit semper sedes apostolica, 157. d. Ejus quarumoniis respondet Clemens IV. 157. d. & seq. In ipsa praebendam postulat papa Clemens pro cardinali S. Marci, 432. d.  
 Remensis ecclesiae decimas pro subsidio Terrae sanctae concedere recusat, 523. a.  
 Remensis archiepiscopus Johannes de Commenay, 449. f. 521. b.  
 Remensis electus J. 432. d. Arguitur quod pecuniis inhiat, & ecclesiam Remensem obligaverit, 410. a. & seq.  
 Reservationes papales nisi tollantur nequit fieri Ecclesiae reformatio, 1634. d.  
 Reservatio bonorum praetorum defunctorum per papam damnat Carolus VI. rex Francorum, 1546. b.  
 Residentia in episcopis commendatur, 1762. d. 1763. c. 1764. b. e. 1765. a. In curatis, 1698. c. In ecclesia Aniciensi, 482. f. Residentiae dispensatio, 70. b. 76. f.  
 Restitutiones Carolo Siciliae regi praescribit Clemens IV. 589. c.  
 Requesta universitatis Parisiensis ad regem super facto unionis Ecclesiae, 1135. f.  
 Rex victorem se potius quam ultorem exhibeat, 515. c. Regiam magnitudinem decet mansuetudo, 914. f. Regis thronus firmatur clementia, 276. f. 515. d. Regum est facere iustitiam & oppressos tueri, 360. c. Regis lateri quales debeant adherere, 252. f. Regum lateribus debent assistere qui ipsa regna sciunt regere, 219. f. Regum consilarii quales debent esse, 219. f. Regi vitandi adulatores, 252. f. 255. b.  
 Reges Ecclesiam tueri tenentur, 1548. a. Et requisiti eam defendere, 1424. a. Ac pacificare, 1245. a. b. Non tamen spiritualibus se immiscere debent, 272. a. Extinguendo schismati laborant, 1242. d.  
 Richardus, S. Angeli cardinalis, 221. c. 222. c. 223. d. Ejus praesentiam desiderat Carolus rex Siciliae, 215. c. Arguitur, 158. b. & seq. Et ad collegium revocatur, 143. c.  
 Richardus rex, 553. c.  
 Richardus in Romanorum regem electus, 27. c. 319. c.

D d d d d ij

- Richardus Casertanus comes, 94. f.  
 Richardus comes Soranus germanus Innocentii papæ III. 38. d. 236. a.  
 Richardus Petri fororius cardinalis S. Nicolai in carcere Tulliano, 363. d.  
 Richardus Mustatus Conestabularius Magnæ Societatis, 883. a.  
 Ripensis episcopus Petrus, 1643. c.  
 Robertus Gebennensis ante ingressum conclavis ligam facit cum sex cardinalibus, 1082. a. In papam Clementem VII. electus, 1128. f. 1716. f. 1719. b. Qui ipsi adhererunt, reges, 1717. a. V. Clemens VII.  
 Robertus imperator Constantinopolitanus, 885. d. 949. f. 950. c. 951. d. 957. a.  
 Robertus rex Apuliz, 637.  
 Robertus rex Siciliæ, 720. b. 722. f. 727. f. 737. b. 749. c. Eum in Tuscia vicarius suum creat Clemens V. 650. c. 674. c.  
 Robertus comes Atrebatensis, 472. f.  
 Robertus de *Fienes* comes stabuli copias ducit adversus occupantes villam Spiritus sancti, 867. b.  
 Robertus de Maro regni Siciliæ prothonotarius, 400. a.  
 Robertus de Robertis capitaneus Perusinus & Eugubinatorum potestas, 209. c.  
 Robertus *Cordeler* causa mortis cardinalis S. Angeli, 1492. c.  
 Robertus Delphini dominus S. Ulpidii, 910. b. 911. b.  
 Roberti Franzolæ Januensis tractatus pro electione Clementis VII. 1724. a.  
 Roberti Gislebii Maximiliani Romanorum regis & Philippi Austriæ archiducis oratoris ad sedem apostolicam oratio de episcopatu Tornacensi 1760. a.  
 Rocce-arcis castrum Siciliæ inexpugnabile obtinet Carolus rex Siciliæ, 301. a.  
 Rodericus de Luna, 1732. b. d. 1733. b. c.  
 Rodolphus nepos Petri de Luna, 1670. a.  
 Rodulfus dux Austriæ 776. f. 857. c. 944. d. 947. d. 979. b. d. 1013. f. 1072. e. Munera papæ mittit, 911. d. Eum ad faciendam cum Carolo imperatore pacem hortatur Innocentius VI. papa, 984. f. & seq. Qui propterea Egidium episcopum Vicentinum ad eum mittit, 971. c. 978. c. 979. d. 980. b. Ei gratias agit Innocentius VI. de missis adversus confederatos in Ecclesiam copiis, 862. c.  
 Rodolphus dux Saxoniz, 637. 982. f.  
 Rodolphus comes Palatinus Rheni, 637.  
 Roffensis episcopus Vvilelmus 1061. a.  
 Rogerius prior Vallis-viridis, S. Ludovici regis ad Clementem IV. nuncius, 129. a.  
 Rogerio Bacon ordinis Minorum librum petit Clemens IV. 358. b.  
 Rogerius comes Celani, 886. a.  
 Rogerius comes Fuxensis, 518. f.  
 Rogerius de S. Severino comes Militenis, 886. b.  
 Rogerius Bernardus natus comitis Fuxensis, 519. d.  
 Rogerius nobilis domicellus exsul, 320. a.  
 Rogerius Grilus de Salerno legum doctor, 992. b.  
 Rogerius de Pinibus magister hospitalis S. Johannis Hierosolymitani, 945. c.  
 Romanæ urbis excellentia, 592. a. Ejus subversionem minitantur hostes sedis apostolicæ, ad ejus defensionem invitatur Carolus Andegaviz & Provinciæ comes, 122. c. d. 123. c.  
 Romam repetere optat Innocentius VI. si per valertudinem liceret, 946. d. & seq. Eam armis recuperare cogitat Johannes XXIII. papa, 1433. d.  
 Romæ dominium & senatoris Urbis electio ad papam pertinet, 27. a.  
 Romana ecclesia fidei magistra & domina, 92. a. Omnium catholicorum mater, 1207. c. 1570. f. Non domina, 1419. c. Sacerdotii fons, 707. b. Regnum Siciliæ regere debet si rex necdum 18. ætatis annos attigerit, 229. c. Censuræ à rege Siciliæ ipsi solvendus qualis esse debeat, 230. d. Romanam ecclesiam pro Carolo comite Andegaviz obligat Clemens IV. 126. a. Romanæ ecclesiæ exactiones de beneficiis vacantibus, de fructibus male acquisitis, de procurationibus reservatis carpuntur, 1422. a. & seq.  
 Romanæ ecclesiæ decor immutatus, 1781. a.  
 Illius reformatio commendatur pontifici, 1758. c. & seq.  
 Romana curia ab officiis inutilibus purganda, 1759. a.  
 Romani principes papam convenientes morantur in tentoriis, 445. b.  
 Romanorum pravi mores, 1504. f. Si se contentos vident, faciles sunt & ipsi ad contentum, 123. c. Quales velint rectores, 97. b.  
 Romanorum rebellio in Capitaneum Urbis, 489. c. Ludovicum Bavarum recipiunt, eique senatoriam dignitatem conferunt, 240. e. & seq. Quem expellere monentur, 741. f. Marfilium de padua & Johannem de Janduno hæreticos recipiunt, 741. b.  
 Romanos in civitatibus ecclesiæ Romanæ institutos gubernatores absque licentia sedis apostolicæ revocari jubet Innocentius VI. 929. a. & seq. Romanos laudat Clemens IV. quod Carolum Provinciæ comitem Urbis elegerint defensorem, 106. f.  
 Romanensis monasterii abbas archiepiscopus Viennensis in cujus electione vocem habent canonici Romanenses, 411. f.  
 Rossus Marino Venetorum orator ad Gregorium XII. & cardinales, 1411. b.  
 Rostagnus de Alvernico miles in Ecclesiæ obsequio mortuus, 250. c.  
 Rostagnus Clementis IV. consanguineus, 301. b.  
 Rotomagensis ecclesia decimas pro subsidio Terræ sanctæ concedere recusat, 123. a.  
 Rotomagensis archiepiscopus subsidia Terræ sanctæ colligere negligit, 7. c.  
 Rothomagensis archiepiscopus Ludovicus, 1541. c.  
 Rupertus rex Romanorum, 129. c.  
 Rupertus dux Heydelbergensis dehortatur Vvinceslaum regem Boemiz à subtractione obedientiz domino Bonifacio IX. 1172. f. & seq. & à confederatione cum Gallis, 1174. c.  
 Ruthenensis episcopus Raymundus, 1042. a.  
 Ruthenensis episcopus de turpi us infimulatus, 376. a. Ad papam citatur, 376. d.
- S**
- S.** Legatus apostolicæ sedis in Marchia Manfredi contrarius, 92. c.  
 S. ordinis Minorum Urbani IV. ad Manfredum principem Tarentinum nuncius, 91. d.  
 Sabauliz domus nobilis & antiqua, 361. f.  
 Sabaudiz comes Benedicto XIII. adhæsit utque ad concilium Pisanum, 1455. c.  
 Sabiniam invadit Petrus de Vico cum Annibaldensibus, 134. d. sedis apostolicæ jura in Sabinia lacerata, 364. a.  
 Sabinenses episcopi Egidius, 864. c. 886. f. 889. f. 897. f. 900. d. 907. b. 909. b. d. 911. a. 912. b. c. 934. c. 944. f. 952. f. 970. f. 975. f. 984. d. 987. c. 994. c. 997. c. 999. d. 1068. f. 1069. c. 1070. f. 1072. c. Henricus, 1602. c. Johannes, 1073. b.  
 Sacerdotes omnes, sive papam, sive episcopos, sive simplices sacerdotes æqualis esse potestatis asserere est hæreticum, 711. a.  
 Sacerdotes in exercitu christiano existentes ut se gerere debeant, 73. b.  
 Salis gabellæ origo vitiosa, 406. d.  
 Salernitanus archiepiscopus commendatur, 120. c.  
 Salernitanus archiepiscopus Dei & Ecclesiæ inimicus, 391. b.  
 Salernitanus archiepiscopus C. 960. f.  
 Salisburgensis archiepiscopus N. nepos regis Bohemiz, 511. c.  
 S. Salvatoris de Blavia abbas Elias, 1016. c. 1039. c.  
 Saluris propriæ amator est qui vetat alienæ mortis incursum, 1240. c.  
 Sancius episcopus Segobricensis, 1010. f. 1011. a.  
 Sancius filius regis Aragonum, 388. c. An præficiendus sedi Toletanæ, 389. f. & seq.  
 Saona à Gallis occupata, 1174. c. Designata ad tractandum de unione Ecclesiæ, 1314. a. & seq. Ejus interim iuridictio tradenda duobus contendentibus, 1315. b. 1321. c. Quibus cives fidelitatem promittant, 1315. d. 1323. f. Eam recusat Gregorius XI. ad conveniendum cum Petro de Luna, 1339. c. 137. c. 1368. d.  
 Saonenfis civitas interdicto supposita, 761. b. Saonenfes Minores propter fautoriam Michaelis de Cefana privilegiis privantur, 758. c. & seq. 762. a. & seq.  
 Saonenfis episcopus Innocentius VIII. 1770. c.  
 Sapheri expugnatio à Saracenis, 419. b. 422. d.  
 Saraceni ad fidem conversi crudeliter à Fortunio abbate tractati, 360. c.  
 Saraceni regis Castellæ & Legionis terram invadunt, 144. c.  
 Sarracenos Marciz artat Petrus regis Aragonum filius, 210. c.  
 Saracenis foedere jungitur Manfredus adversus Ecclesiam, 70. f.  
 Saraceni Luceriæ Carolo regi Siciliæ rebelles, 576. a. Abbas Cassinensis adversus eos mittitur, 450. c. 451. a. Intranit Siciliam, 525. d. A Caroli regis Siciliæ copiis delentur, 633. a. Ei se subjiciunt, 302. c. Et Luceriam civitatem reddunt, 301. a.  
 Sardiniz ingressum meditatur H. regis Castellæ filius, 438. c.  
 Sarlatensis sedes per sex annos vacat, 1426. c.  
 S. Saturnini Tolosani annatz, 1591. c.  
 S. Savini de Firmo abbas, 627. d.  
 Scandala non terreat, si causa non detur scandalis, 319. c.  
 Scandalum utilis permittitur quam veritas relinquatur, 1239. c.  
 Schisma vitandum, 1237. c. Beatius est subire martyrium ut Ecclesia non scindatur, quam quod idolis non imoletur, 1234. c. Schismati pro posse non obvians fidem negavit, 1203. b.  
 Schisma quantum malum, 1160. e. 1166. b. 1193. c. & seq. 1201. a. 1253. b. Schismatici tyrannis facilius quam principibus æquantur, 1235. a. Schisma superbia nutritum humilitate extinguendum, 1163. c.  
 Schisma raro sine hæresi 1206. f. Schismaticum inter & hæreticum quid sit discriminis, 1729. b. Schisma antiquum est hæresis, 1248. a.  
 Schismata varia in Ecclesia, 1744. c.  
 Schisma pontificum Avenionensium, 1073. a. & seq. Schisma Græcorum introduxis dominandi libido, 1235. c.  
 Schismatis extinguendi tres viæ, 1162. b.  
 Consilium de modo procedendi ad tollendum schisma, 1391. c. Schismati finem imposuit concilium Constantiense, 1748. c. Schismati semper finem dederunt reges Franciæ, 1294. d.  
 Schismatici vitandi, 1190. b. & seq.  
 Scholarum magister in ecclesia Aniciensi sit canonicus, 483. f. Absens ut puniendus, 484. b.  
 Scripturæ sacræ sensum nullus habere potest, nisi habeat veram fidem in Mediatorem, 1502. a.  
 Segobricensis episcopus, 1010. f. 1011. a.  
 Sancius Helias, 1010. f. 1011. c. c.  
 Seguinus abbas S. Tiberii, 1043. a.  
 Seguinus de Melgorio cruce-signatus, 495. c.  
 Seguntinus episcopus Johannes, 997. d.  
 Sede apostolica vacante nihil innovandum, 1599. b.  
 Sedelocensis urbis incendium, 937. c.  
 Senatoris Urbis electio ad papam pertinet, 27. a. Senatoris Urbis dignitatem ad vitam dari nolunt Romani pontifices, 27. a. & seq. 28. b. & seq. 30. c. 31. b. 50. a. & seq. Senatores Urbis simul duo confusionem inducunt, 353. c. Senatoriam Urbis dignitatem sibi continuari petit Carolus rex Siciliæ, 324. b. Senatum Urbis sub qua cautione debeat tenere Carolus Andegaviz comes, 49. c. & seq. Litteras de juramento super negotio Urbis senatus præstito exigit Clemens IV. 117. a. d.  
 Senensis episcopus, 1526. f.  
 Senenses mercatores Simoni cardinali commendat Clemens IV. 101. f. & seq. 1. 4. b. Iis pecunias de collecta decima dari mandat, 104. c. Carolo Andegaviz comiti mutuum

- uum præstans, 126. a. 139. c. Iis mutua-  
tam pecuniam solvi jubet Clemens IV, 149.  
d. & seq. 168. d. 248. f. 262. b. 269. c.
- Senenses à Carolo Siciliæ rege militiam pe-  
tunt, 268. b. Duo castra Urbevetanis au-  
ferunt, 91. c. Qui castris recuperatis Senen-  
sium terram devastant. Ibid. Carolo regi  
Siciliæ pecunias præparant, 273. c.
- Senenses perfidi, 514. e. Ecclesiæ adversarii,  
513. c. Et Carolo Siciliæ regi, 261. c. Ex-  
communicati, 102. a. 261. c. 544. d. Ad  
Ecclesiæ finem redeunt sub qua forma re-  
conciliandi, 350 b. & seq. Iis annuncia-  
tur victoria Bononiensium de Bernabovæ,  
1022. e.
- Senonenfis ecclesia decimas pro subsidio  
Terræ sanctæ concedere recusat, 513. a.
- Senonensem archiepiscopum S. Ludovico  
commendat Clemens IV, 580. b.
- Senonenfi archiepiscopo G. infirmo cedere  
volenti pensio assignanda, aut cedere no-  
lenti coadjutor dandus, 424. f. & seq. Assi-  
gnata ei pensio, 504. b. & seq.
- Senonenfis archiepiscopus P. 608. a. c.
- S. Sepulcri peregrinatio, 1008. f.
- Sergius Mahometi nutritor, 1459. f.
- Servitia communia papæ & cardinalibus unde  
debita, 598. d.
- Servitus originalis ei non nocet quem gra-  
tia commendat, 272. d.
- Servotus à Philippo Burgundiæ duce no-  
minatus ad episcopatum Tornacensem  
præfertur archiepiscopo Narbonensi à rege  
Francorum nominato, 1762. f.
- Servus Dei quantum ælificat Ecclesiam vitæ  
merito, tantum nocet si destruentibus eam  
non resistit, 1439. b.
- Sessiones concilii Constantiensis, 1619. b. c.  
1624. f. 1625. c.
- S. Severi abbas præficitur Ecclesiæ de civi-  
tate Castelli, 191. d.
- Sicardus Alemanni vir nobilis, 142. c.
- Siciliæ regnum nobile & divitiis plenum,  
327. f. Speciale sedis apostolicæ, 70. e.  
Ecclesiæ Romanæ singulare peculium, 991.  
f. A qua illud tenent reges Siciliæ, 18. f.  
20. c. d. Illud administrare debet Eccle-  
sia Romana, si rex annos 18. nondum  
compleverit, 229. e.
- Siciliæ regno quinam succedere debeant, 225.  
b. & seq. In plures non est dividendum,  
226. d.
- Siciliæ regnum à Friderico rege & ejus filiis  
attritum, 54. e. & seq. Ejus opulencia im-  
pinguari ejus persecutores, 55. a.
- Sicilia à prædonibus invaditur, 870. Ab ea  
provenit omne malum, 49. b. Ejus An-  
gustis providet Innocentius VI. papæ, 992.  
b. Illud perturbantes à summis pontificibus  
excommunicatione percelluntur, 958. b.  
& seq.
- Siciliæ negotium cum Carolo comite Pro-  
vinciæ accelerandum mandat Urbanus IV.  
82. Quod fieri non potest sine magnis  
sumptibus, 119. c. Divinitus traditur Carolo  
regi, 369. d. Cujus possessionem adipis-  
cendi licentia ei datur, 187. c. Illo inve-  
stitur, 151. b. Ex mera liberalitate Romani  
pontificis, 237. c. Ipse regnum accipienti quæ  
leges imposuit, 9. f. 19. e. 33. c. 225. b.
- Siciliæ regnum in manu forti acqui-  
situm, in fortiori conservandum, 369. d. Siciliæ  
partem amittit rex Carolus, 563. c. Sici-  
liæ pars rebellat duce Frederico regis Ca-  
stellæ filio, 543. c.
- Siciliæ rex qualem censum papæ solvere de-  
beat, 230. d. Palefridum album singulis  
trienniis dare debet, 231. a. Indigenti ac  
perenti Romano pontifici milites debet mi-  
nistrare, 231. e.
- Siciliæ rex revocare debet statuta Frederici  
imperatoris contra libertates Ecclesiæ, 232.  
c. & seq. Et Ecclesiarum electiones liberas  
restituere, 234. d.
- Siciliæ reges non possunt eligi Imperatores,  
23. a. 78. c. nisi regno renuntient, 41. d. nec  
regnum imperio subdere, 14. e. Nec eligi  
in regem Romanorum aut Lombardorum,  
227. c. Nec tenere majorem partem Tus-  
ciæ & Lombardiæ, 78. d. e.
- Siculis auxilium adversus perversas societates  
procurat Innocentius VI. 883. f.
- Temus II.*
- Siciliæ regnum Fredericum imperatorem  
suosque ditabat, 524. e.
- Siciliæ regni infeudatio, 220. e. & seq.
- Sigillo piscatoris utuntur Summi pontifices  
in suis litteris secretis, 111. b.
- Sigismundus imperator, 1618. c. 1623. c.  
1626. d. 1744. f. 1651. d. 1654. d. 1655. c.  
1691. e. Ecclesiæ Romanæ præcipuus de-  
fensor, 1679. b. e. Ejus pietas, 1633. a.  
Zelus in concilio Constantiensi, 1612. e.  
1619. f. 1620. f. Pro pace inter principes  
& pro Ecclesia, 1640. b. Properat versus  
Niciam ad tractandum de pace Ecclesiæ  
cum rege Aragonum & Petro de Luna,  
1640. a. Ipse Niciam ituro parat infidiz,  
1635. b. Occurrit ei dux Sabaudiz 1641. c.  
Applicat Narbonam, 1642. d. Appulit Per-  
pinianum, 1647. b. Benedictum XIII. con-  
venit in castro munitissimo b. Confert  
cum rege Aragonum de statu & pace  
Ecclesiæ, 1347. c. Præsentata ei schedula  
ex parte Petri de Luna apud Perpinianum,  
1648. e. 1649. d. Responso finalis ei facta  
Perpiniani à Petro de Luna, 1648. a. De-  
clinat versus Franciam ad procurandam  
pacem inter reges Franciæ & Angliæ,  
1658. b. Venit Parisios ut de pace inter  
Franciæ & Angliæ reges tractet, 1662. d.  
Ei subsidium armorum offert Vladislaus  
rex Poloniæ, 1652. c. d. Ejus epistola ad  
B. cardinalem de bello inferendo hæreti-  
cis Bohemiæ, 1713. d. Ad Ludovicum Ba-  
variz ducem, 1659. d. Ad concilium Con-  
stantiense, 1656. a. Ferdinandi regis Ara-  
gonum ad eum epistolæ, 1643. d. 1644.  
d. 1645. c.
- Sigismundus rex Romanorum 48. Fortalicia  
ducis Austriæ vi expugnat, 1631. f. 1635. a.  
Eum tenet sub custodia, 1635. a. Eum in  
gratiam recipit, 1631. e.
- Signinam civitatem officialibus suis restitui  
jubet papa, 931. e.
- Silvanectensis episcopus Johannes, 1551. c.  
1552. e. 1559. f. 1564. d. 1568. f. 1583. d.  
1584. b. 1606. f.
- Silvensis episcopus occisus à Gibellinis, 555. c.
- Silvinjacensi in monasterio quiescunt sancti  
Mayolus & Odilo, 453. e.
- Simon S. Cecilie cardinalis, 526. c. Thesau-  
rarius S. Martini Turonensis, 112. f. Ejus  
elogium, 158. c. Est honorabile Ecclesiæ  
membrum, 101. b. Eloquent 59. a. Benedi-  
ctionis filius 101. b. In Franciam mittitur  
ab Urbano IV. 60. c. Qui cum commendat  
episcopis, 62. b. & seq. Ei facultatem  
testandi tribuit, 53. b. Tabelliones in-  
stituendi in sua legatione, 53. d. Absolvendi  
à censuris quas incurrerant violatores sta-  
tutorum Gualonis cardinalis, 52. e. Ab ir-  
regularitate absolvendi excommunicatos  
à delegatis à sede apostolica, 63. e. Inno-  
datos irregularitate pro indebita ordinum  
susceptione, 64. b. Dispensandi ordinandos  
super ætatis defectu, 64. c. Dispensandi  
cum clericis super defectu natalium, 65.  
b. Dispensandi quinque personas ut in  
quarto consanguinitatis gradu matrimo-  
nium possint contrahere, 65. e. Ut quinque  
ex suis clericis impertiri possit beneficia in  
Ecclesiis suæ legationis, 66. b. Ut retinere  
secum possit aliquos ex fratribus Prædica-  
toribus & Minoribus, & eis uti prout opor-  
tunum viderit, 66. f. Eidem Urbano IV.  
permittit concedere indulgentias in diebus  
dedicationum ecclesiarum Carnotensium,  
Rotomagensium & Laudunensium, 67. e.  
Instituere canonicos in cathedralibus &  
collegiatis Ecclesiis suæ legationis, 67. e.  
Dispensare cum quinque clericis super plu-  
ralitate beneficiorum, 68. e. Clericorum  
secum defunctorum beneficia aliis conferre,  
69. b. Concedere clericis qui secum erant  
beneficiorum reditus perinde ac si residerent,  
70. b. Ei facultas datur convocandi con-  
cilium generale in sua legatione, 79. d.  
Retinendi secum fratres Prædicatores &  
Minores eisque equitationem permittendi  
ac ingressum monasteriorum Monialium,  
79. f. Censuras in quoslibet exercendi, 80.  
c. Negotium regni Siciliæ cum Carolo  
Provinciæ comite retractandum committit  
Urbanus IV. 74. e. 76. c. Quantos subiecit
- pro regni Siciliæ negotio labores, 87. e.  
& seq.
- Simoni cardinali iterum permittitur dispen-  
sare in sua legatione ab irregularitate,  
104. f. Ut possit absolvere violantes sta-  
tuta Gregorii papæ IX. 105. e. Facultas  
conceditur disponendi de rebus suis, 111. e.  
Dispensandi à suspensione, 112. b. d. Per-  
mittendi quatuor nobilibus feminis semel  
in anno ingressum monasteriorum ordinis  
Cisterciensis & S. Claræ, 113. d. Conce-  
dendi indulgentias in dedicationibus Eccle-  
siarum, translationibus reliquiarum, san-  
ctorum festivitibus, 114. b. Item acce-  
dentibus ad concionem ejus, 114. e. Ut  
cum quinque personis possit dispensare  
super matrimonio contrahendo in quarto  
consanguinitatis gradu, 120. b. Ejus lega-  
tionem per obitum Urbani IV. non expi-  
rasse declarat Clemens IV. 121. d. Eidem  
scribit de angustiis Caroli Siciliæ regis,  
hortaturque ut pecunias illi quocum-  
que modo quærat, 243. b. & seq. No-  
vam ei in Gallia legationem committit  
Clemens IV. 472. b. Arguitur quod lega-  
tioni prædicationem præferat, 416. e. Vi-  
ctoriam à Carolo rege de Manfredo re-  
portatam annunciat Clemens IV. 286. b.
- Simon de Cramaudo patriarcha Alexandri-  
nus, 1307. f. 1311. d. 1335. f. 1451. a. 1453.  
c. 1465. f. 1473. d. Auctor primæ subtra-  
ctionis, 1511. a. Pro sedando schismate mis-  
sus in Angliam, &c. 1248. d. Ejus epistola  
ad archiepiscopum Cantuariensem, 1230.  
f. Ei commissa custodia civitatis Pisane  
tempore concilii Pisani, 1478. b.
- Simon archiepiscopus Cantuariensis, 1060.  
e.
- Simon Archiepiscopus Pisanus, 809. b.
- Simon electus Londonensis, 1064. c.
- Simon abbas Ferrariensis, 1063. c. 1064. a.  
Missus à papa ad regem Angliæ, 1059. e.  
1060. c. 1061. f.
- Simon abbas Gemeticensis deputatus ad con-  
cilium Constantiense, 1339. f. 1341.
- Simon magister ordinis Prædicatorum, 936.  
b.
- Simon de Torono capellanus Innocentii VI.  
850. e. 868. c.
- Simon Salvatoris doctor Petri de Luna, 1670.  
b.
- Simon de Bucanigro dux Januensis, 891. c.  
909. a. 912. c. 935. a. 1000. b. 1006. b.
- Simon Lycestriz comes, 124. e. 201. b. Apo-  
stolicæ sedis in Angliam legato viam præ-  
cludit, 147. c. Excommunicatur, ibid. d.
- Simon de Rali miles, 384. d.
- Simonia an sit in annatarum solutione, 1601.  
e.
- Sixtus papa concilio se submisit, 1212. a.
- Sixtus IV. papæ, 1763. d. 1710. d. e. 1771. b.  
1777. e.
- Soldanus Egypti Cæsarea everfa capto Azoro  
Terram sanctam occupat, 170. d.
- Soldanus Babiloniæ Christianitatis hostis,  
435. d. Ejus superbia, 471. e. In Terram  
sanctam irrumpit, 392. e. Eamque devas-  
tat, 439. e.
- S. Sophiæ Beneventanus abbas Guillelmus,  
1044. b. 1047. a.
- Soranus episcopus Petrus Romani, 465. c.
- Sordellus miles, 406. f.
- Spirensis episcopus in concilio Constantiensi,  
1612. d.
- Spirensis episcopus Emocho, 696. d. & seq.
- Sancti Spiritus castrum à perversis societatibus  
Ecclesiæ adversariis occupatum, 848. f.  
851. d. 853. a. 854. d. 858. c. 867. e. Ad-  
versus eos principes ad arma arripiente  
excitat Innocentius VI. 848. c. & seq. Et  
varias civitates, 854. a.
- Spoletanus episcopus missus ad sedandam  
Urbis rebellionem in suum capitanum,  
489. c.
- Squilliensis episcopus, 401.
- Status tres Provinciæ Aquis congregati pro  
restitutione obedientiæ Benedicto XIII.  
1264. d.
- Statuta pro monasteriis Galliæ condiderunt  
Gregorius IX. & Guala cardinalis, 105. b.
- Stephanus III. papa ordinationes factas à  
Constantino intruso reprobatur, 1233. c.
- E e e e e

- Stephanus episcopus Dolenſis, 1550. a. 1558. b. 1606. f.
- Stephanus episcopus Præneſtinus, 207. c.
- Stephanus abbas S. Victoris Maſſilienſis, 891. a.
- Stephanus prior S. Leonardi 969. d.
- Stephanus Maco prior Mediolanenſis ordinis Carthuſienſis generalis, 1435. f.
- Stephanus de Tegula ordinis Minorum balaureus, 883. a. d.
- Stephanus de Vice-comitibus, 754. c.
- Sterilitas nimia, 888. d.
- Strigoniensis archiepiscopus in Hungaria, 1663. c.
- Strigoniensis archiepiscopus Johannes, 1652. d.
- Subdiaconi ſuo non ſervientes in officio puniendi, 482. c.
- Subtractio obedientiæ Petro de Luna per reges ſibi ad hærentes, 1654. b. 1657. b. 1659. b.
- Subtractionis tempore quid obſervandum circa abſolutionem peccatorum reſervatorum, 1198. f. Circa diſpenſationes, 1399. c. Circa adminiſtrationem juſtitie in appellationibus & aliis, 1401. d. Circa diſtributionem beneficiorum, 1407. b. Quomodo inſcripta inſtrumenta, 1154. f.
- Subtractionem à Benedicte XIII. factam à Gallis improbat Bonifacius Ferrerii, 1443. b. & ſeq.
- Subtractionem ab obedientia Benedicte recuſant regna Aragonum, Navarræ, Scotiæ & Cypri & Sabaudi, 1194. d.
- Succeſſio in regno Siciliæ, 78. b.
- Sueviz dux Guidinus Aſſolanus, 156. d.
- Superpellicium in eccleſia Anicienſi quibus dandum, 483. d. Quibus datur fidelitatis juramentum præſent, 483. c.
- Superborum corda frangit Dominus, 299. d.
- Surentinus episcopus P. de Corneliaco, 578. b.
- Sutrinam civitatem recuperat vicarius Urbis, 81. f. 82. f.
- Symmacus papa, 710. a. 1246. a. b.
- T**
- Abernæ clericis, prohibet, 485. d.
- Tadæus comes Feltrienſis Eccleſiæ fidelis, 614. b. Pacem Ariminenſi civitati procurat, 216. f. Ei Clemens IV. annuntiat Caroli regis victoriam de Corradino, 627. a.
- Talliz Eccleſiis, monaſteriis & clericis non imponendæ, 235. d.
- Tancredus miles, 149. f.
- Tancredus de Scharlino familiaris ac nunciuſ Carolo comiti Andegaviæ & Provinciæ, 103. c.
- Tarentaſienſis archiepiscopus notatur quod Philippum in regem Romanorum coronaverit, 497. c.
- Tarentinus episcopus Petrus, 1044. b.
- Tarraconenſis archiepiscopi electio differenda, 1605. c. Clemens IV. Tarraconenſes canonicos, ut ſecurius procedant ad electionem archiepiscopi, à cenſuris abſolvit, 605. c. Eis datur facultas eligendi archiepiscopum, 607. d.
- Tarraconenſis archiepiscopus B. 607. b.
- Tartarorum princeps Elchani Apacha factus chriſtianus, 517. c. & ſeq.
- Taxa annatarum ſeu vacantiarum quanta, 1098. a.
- Templarii in Francia pro Carolo Siciliæ rege domos ſuas obligant, 534. b.
- Tentationes tamquam ſummi regis nuncii excipiendæ, 563. a.
- Teriſia regina Aragonum, 277. d. 449. c.
- Terra viluit hiſ qui cælum animo concupiſcunt, 275. d.
- Terræ ſanctæ negotium, 577. Suſcipiunt reges Franciæ & Navarræ, 517. f. Illud S. Ludovico commendat Clemens IV. 426. d. Quod maxime vacillat, 153. f.
- Terræ ſanctæ anguſtiæ, 611. d. Grave diſpendium, 419. b. 422. d. Status deſcendens, 335. c. 434. f. & ſeq. 439. c. 492. c. Peccatis chriſtianorum adſcriptus, 571. d.
- Illius pericula Clementem IV. argunt, 327. c. Qui fidelium illam incolentium animoſerigit, 169. c.
- Terræ-ſanctæ ſubſidium, 424. c. Proſequendum, 312. c. Pro quo crux prædicanda, 379. c. & ſeq. Ei ſubvenire laborat Urbanus IV. 6. c. & ſeq. 7. a. & ſeq. 8. d. & ſeq. 47. b. 48. c. Qui ad hoc opus cenſuſam redituum eccleſiaſticorum concedit 6. a. & ſeq. 126. c. Ei operi intendit Clemens IV. 341. b. & ſeq. Collectæ in Terræ ſanctæ ſubſidium ad nutum regis Franciæ diſtribuendæ, 420. b. Quod tamen eſt inutile niſi vitia deſerantur, 440. b.
- Terræ ſanctæ iter in Oliverio de Terminis laudat Clemens IV. 147. b.
- Teutonicis apud Sutrinam civitatem debellati, 82. f. 83. a. Mutuum difficile ſolvunt, 133. c. Eos à Tuſcia ejici jubet Clemens IV. 352. a. 437. c. Sed maxime Florentia, 418. d.
- Theanenſis episcopus Johannes Mucii, 1048. c.
- Theobaldus abbas S. Genoveſæ ad ſedem apoſtolicam mortuus, 321. c.
- Theobaldus dictus Saracenus ab episcopatu removendus, 448. b.
- Theobaldus rex Navarræ, 622. b. 631. a. Cruce-ſignatus, 490. d. 492. f. Decimas proveniunt eccleſiaſticorum regni Navarræ ei concedit Clemens IV. 490. c. f. 493. a. Eum ſub ſua protectione ſumit ſedes apoſtolica, 491. d. Eidem commendatur Trecentis S. Urbani eccleſia, 208. Eidem etiam Feliciuſ abbatem Cellenſem commendat Urbanus IV. 2. b. & ſeq. Et electum Pampelonem Clemens IV. 581. c. Eidem ſcribit Clemens IV. ut Sarracenis quibuſdam injuſte ablata reſtitui faciat, 360. b. & ſeq. Ejus exſequias in omnibus Hiſpaniæ eccleſiis celebrari mandat Urbanus IV. 1. a. & ſeq.
- Theodericus archiepiscopus Magdeburgenſis, 1005. c.
- Theodericus episcopus Mindenſis, 982. d. 986. d. Tranſlatus ad archiepiscopatum Magdeburgenſem, 1000. d. 1003. c. 1004. d.
- Theodericus de Monaſterio orator Univerſitatis Colonienſis ad concilium Conſtantiense, 1610. c. 1612. b. f. 1678. d.
- S. Theodori de Trebis abbas Bartholomæus, 583. c.
- Theodorus vicarius ordinis fratrum Prædicatorum, 1611. c.
- Theodoſius imperator, 709. c. 710. a. c.
- Theopoli proditor Eccleſiæ & regis Siciliæ, 467. c. d.
- Therſia regina Aragonum, 277. d. 449. c.
- Tholonenſis, episcopus Vitalis, 1550. b. 1558. b. 1576. c.
- Thomas de Sarſona factus papa Nicolaus V. 1752. c.
- S. Thomas Cantuariæ archiepiscopus, 1248. f.
- Thomas episcopus Carleolenſis, 1195. b.
- Thomas episcopus Dunelmienſis, 1060. f.
- Thomas episcopus Elienſis, 1065. c. Ejus proceſſus adverſus quosdam prælatos ſuſpendit Innocentius VI. papa, 1026. c.
- Thomas de Aquino ordinis Prædicatorum, 505. c.
- Thomas de Spina Miſſus à papa Romano ad Benedicte XIII. Avenionem, 1181. a.
- Thomas comes Acerrarum, 94. f.
- Thomasius comes Cereti, 886. b.
- Thomas comes Vvarvici, 1161. b.
- Thomas de Cociaco vir ſamoſe bonitatis Eccleſiæ & Carolo Siciliæ regi addiſtus, 366. c. Ei ad Terræ ſanctæ deſenſionem ſe paranti pecuniarum ſubſidium conſerri mandat Clemens IV. 366. f. & ſeq.
- Thomasius de S. Severino, 886. b. c.
- Thomasius rector civitatis Bononienſis fundit copias Bernabovis, 1023. a.
- S. Tiberii abbas Seguinus 1043. a.
- Tiburtinus episcopus ad Reatinam Eccleſiam tranſfertur, 191. c.
- Tiburinæ civitati inſidianti Manfredo occurrendum, 160. c.
- Timendum nihil præter Deum aut propter Deum, 274. d.
- Timoratus homo qui ſingulariter Deum timet, 274. d.
- Timotheus Zagabrienſis episcopus ab Urbano IV. inſtitutus & à Bela, rege Hungariæ rejectus, 271. f. Ob originis vilitatem, 272. c.
- Tolerani archiepiscopi acta ſuper factio ſchiſmatis, 1099. a. In regnum Portugalliæ properat, 1100. d.
- Toletanæ eccleſiæ proviſio, 303. c.
- Toletanus electus S. de variis increpatus delictis, 430. c. & ſeq.
- Toletanæ eccleſiæ pro deſiderio regis Caſtellæ providere recuſat Clemens IV. 194. b.
- Toletanæ ſedi an præficiendus Sancius Aragonum regis filius, 190. a. & ſeq.
- Tolonienſis episcopus Vitalis, 1555. d. 1606. f.
- Thoſolanus episcopus de variis accuſatus criminibus, 404. c.
- Toloſanum episcopum nullo ſervato juris ordine excommunicat archiepiscopus Narbonenſis, 167. f.
- Toloſani episcopi domus deprædata, 533. c.
- Toloſanus episcopus R. infamatus teſtes pro ſua deſenſione audiri poſtulat, 433. a. & ſeq.
- Toloſano comiti decimam pro negotio Terræ-ſanctæ dare recuſat, Clemens IV. 291. c. 427. b. Eum comitatu Melgorienſi privat Innocentius, IV. 402. a.
- Toloſani comitis vicarius excommunicatus ob deprædatam episcopi Toloſani domum, 531. f.
- Tonſuram monaſterii ſui manuſcriptis conferendi facultas conceſſa abbati S. Dionyſii, 601. c.
- Tornacenſes episcopi A. cardinalis S. Anaſtaſiæ, 1764. 1765. c. Fredericus cardinalis, 1773. d. Guillelmus, 1762. f. Johannes Moniſardus, 1773. d. Servotus, 1762. f.
- Tornacenſi episcopatu apud ſedem apoſtolicam vacanti non poſſe provideri niſi de nominato à ſe contendit Philippus dux Burgundiz, 1762. a.
- Tornacenſis diocēſis eccleſiæ decimas ſolvunt pro negotio Siciliæ, 122. a.
- Tornacenſis civitas juris impetialis, 1762. c.
- Toroneti abbas Bertrandus, 1007. b. 1051. f.
- Toſcanenſes à Petro de Vico deviſti, 83. c.
- Tractata cum Benedicte xiii. & cardinalibus de unione Eccleſiæ per regis oratores, 1320. d. & ſeq.
- Tranenſis episcopus Remenſis canonicus, 455. c.
- Trecenti episcopo pecuniam mittit Urbanus IV. ad fundationem ſui anniſſarii in Cathedrali, in collegiata S. Stephani; in B. Mariæ ad moniales & B. Mariæ de Pratiſ eccleſiis, 29. a. & ſeq.
- Trecentes B. Mariæ moniales benedictionem cimiterii canonicorum S. Urbani impediunt, 616. f.
- Trecentis eccleſiæ S. Urbani fundatio, 284. b. & ſeq. Eccleſiæ Romanæ ſumtibus facta, 204. c. In ſolo paternæ domus Urbani IV. ibid, 209. Eccleſiæ Romanæ ſubjecta, 204. c. 209. a. Pro xiii. canonicis, 203. a. Theobaldo regi Navarræ commendatur, 208. c.
- Trevirenſes archiepiscopi Balduinus, 637. Henricus de multis accuſatus, 549. f.
- Tudertinus episcopus Antonius, 1323. a.
- Tudertinus favet Clemens IV. 162. c.
- Tullenſis episcopus Guillelmus tranſlatus ad episcopatum Tornacenſem, 1763. b.
- Turcæ Teuceri potius dicendi quam Turci, 1159. c. Eorum mores, 1159. f. 1788. c. d. Eorum depopulationes, 1788. f. 1989. a. Hungariam devaſtant, 1632. f. 1652. b. Inde recedunt, 1941. a. Iſ ſe opponunt Chriſtiani, 1784. a. De hiſ victoriam reportant Hungari, 1665. f.
- Turonenſis archiepiscopi Jacobi epiſtola ad concilium Conſtantiense, 1655. d. 1657. a.
- Tuſcanorum paupertas, 163. d.



Tuscia pacarius constituitur Carolus rex  
Siciliae, 512. d.  
Tuscia comitem S. ad regis Siciliae partes  
tuendas hortatur Clemens IV. 500. d.  
Tuscia maiorem partem non possunt tenere  
reges Siciliae, 78. d.  
Tusculani episcopi Aegidius, 1073. b. Ber-  
trandus, 750. b. 757. c. 760. f. 783. b.  
Guillelmus, 1009. c.  
Tyrellus Mansella miles Salernitanus, 912.  
f. 913. f.  
Tyrensis archiepiscopus, 421. c.  
Tyrensi archiepiscopo collectio centesimae  
pro subsidio Terrae-sanctae committitur,  
126. c. Procuraciones in ecclesiis & mo-  
nasteriis Franciae accipere prohibetur, 81.  
b. & seq. Ei permittitur se ad suam Ec-  
clesiam recipere, 313. f.  
Tyrensis archiepiscopus Aegidius, 355. b. 382.  
d. 383. c. 387. c.

## V

**V** Aldassarus abbas S. Michaelis de Passi-  
gnano, 1395. b.  
Valentinensem episcopum de sua Ecclesia  
sancte administranda monet Clemens IV.  
500. f. & seq.  
Valentinenses electi Ludovicus, 84. b. c. 872.  
f. 873. a. 874. c. Philippus à Sabaudia,  
461. f.  
Valentinenses in Hispania episcopi Hugo,  
1011. a. Vitalis, 1011. c.  
Valentinense in Hispania capitulum ab ex-  
communicationis & suspensionis sententia  
absolvitur, 1010. f. & seq.  
Valentinensis populi levitas, 502. a.  
Vasionensis ecclesia paupertatis onere gra-  
vata à ballivis comitis Tolosani oppressa,  
305. c.  
Vaurenensis episcopi Johannes, 1550. b. c. 1551.  
b. 1558. a. 1559. f. 1575. b. 1606. f. Petrus,  
1432. c.  
Ubertus cardinalis S. Eustachii, 107. c.  
Ubertus Pelavicinus Marchio Manfredi prin-  
cipis quondam Tarentini socius, homo  
pestilens, 179. b. Ecclesiae adversarius, 56.  
c. Et persecutor, 94. c. Etiam ecclesiae Me-  
diolanensi infestus, 335. a. Citatur ad  
Clementem IV. papam, 179. c. De haeresi  
judicatur suspectus, 179. c. Ecclesiae re-  
conciliari querit, 319. c.  
Ucetiensis episcopus Bertrandus, 329. f. 332.  
c. Praepositus R. 331. c. Sententia super  
collatione beneficiorum in ecclesia Ucetiensi,  
329. b. & seq.  
Velasus episcopus Famagustanus, 191. c.  
Vellethrensis episcopus Henricus, 107. c.  
Venaisinus comitatus à perversis confederatis  
deprædatur, 878. d. 860. d. 938. c. 966.  
b. 1183. b. Recedit à Benedicti XIII. obe-  
dientia, 1489. d. Illius gubernator insti-  
tuitur Ferdinandus de Eredia Castellanus  
Impostor, 954. f.  
Venaisini decimas offerunt Carolo Provinciae  
comiti, 120. c. f.  
Venaisini capitaneus interfectus, 1461. b.  
Veneris suggerentibus Turci inferunt Hun-  
gariae damna, 1636. f.  
Veneros ad subsidium Terrae-sanctae hortatur  
Clemens IV. 439. c. Eorum naves in Ca-  
labria naufragium passas reddi iubet, 573.  
c. Ipsi naves mercibus onustas Alexan-  
driam & in terras Sodano subjectas trans-  
vehere permittit Innocentius VI. 953. f.  
& seq.  
Venerorum oratoribus data responsio à car-  
dinalibus super sedando schismate, 1411. a.  
Verbum Dei non otiose seminatur, 358. d.  
Verbis duris in peccantes uti non est detra-  
ctio sed cautio & instructio, 1503. d.  
1504. b.  
Vercellensis episcopus Johannes, 892. c.  
919. c. 934. c.  
Vercellensis episcopus absolvitur ab irregu-  
laritate, 538. c.  
Verdenensis episcopus in concilio Constantiensi,  
1550. c. 1551. a.  
Veritas est scandalum insanis magistris,  
1505. c. Pro veritate melius est pati sup-  
plicium quam pro adulatione beneficium,  
1234. b.

Veronenensis electus Manfredus, 609. b. 612. a.  
619. b. In armis strenuus, 151. b. Ejus  
elogium, 99. d. Ei committitur Ecclesiae  
defensio adversus Manfredum principem  
Tarentinum, 99. c. Ab eo capitur, 99. f.  
In Apuliam ducitur, 84. f. Ejus in carcere  
patientia laudatur, 150. d. Eum benigne  
tractat Manfredus, 93. f. Pro ejus libera-  
tione scribit Clemens IV. ad regem Ara-  
gonum, 100. Quo agente à vinculis ab-  
solvitur, 192. b.  
Veronenensis electus O. 593. a.  
Veronica, 592. d.  
Verulanenses ne gubernatores ex Romanis  
accipiant absque officialium suorum con-  
sensu vetat Innocentius VI. 930. d.  
Vexillum de hostibus reportatum Clementi  
IV. Mittit Jacobus rex Aragonum, 362.  
c. Per vexillum regno Siciliae investitur rex  
Carolus, 187. c. 222. a. 224. c.  
Vicariatum imperii in Italia usurpantes ex-  
communicantur, 642. d. & seq.  
Vicarius Urbis arguitur de commissis excelsi-  
bus, 107. c.  
S. Victoris Massiliensis abbates Raimundus,  
1071. a. Stephanus, 891. a.  
S. Victoris monachis sua castra restitui curat  
Clemens IV. 406. d.  
Victoriz abbas in concilio Constantiensi,  
1554. f.  
Vidualia ab Urbe non prohibenda, 632. d.  
Vici obsidio soluta, 81. f. 83. b.  
Viduitatis statum Ermengaudus de Melgorio  
militi suadet Clemens IV. 239. f.  
Vicentinus episcopus Aegidius, 970. a. 971. c.  
973. a. 974. f. 977. d. 978. 979. d. 980.  
c. 981. c. 985. c. 990. a. 1005. b. 1012. c.  
1014. a. Ei subsidium adversus hostes Ec-  
clesiae petit Innocentius, 1018. c.  
Vicentinum episcopum ut in episcopatu per-  
severet hortatur Clemens IV. 358. d.  
Viennensis archiepiscopus Guido de Alvernia,  
527. b. Postulatur, 411. d. Ejus postulatio  
retardatur, 452. d. & seq.  
Viennensis decanus Philippus electus Lugdu-  
nensis, 411. d.  
Villaz-lupæ abbas in concilio Constantiensi,  
1552. c.  
S. Vincentius Ferrerii, 1485. b. Frater Boni-  
facii prioris Cartusiae, 1435. f. Benedictum  
XIII. verum papam prædicat, 1526. d.  
Ejus tractatus pro defensione electionis  
Clementis VII. 1724. b. Processum adver-  
sus eum comburi facit Benedictus XIII.  
1182. a. Cujus fuit confessor & favere  
schismati insimulatus, 1181. f. & seq. 1182.  
c. Ejus hortatu rex Aragonum regum ul-  
timus obedientiam negat Benedicto XIII.  
1436. c.  
Vindocinensis comes B. 619. b.  
Vintoniensis episcopus Guillelmus, 1060. f.  
1065. c.  
Vi vel timore aut impressione acta effectum  
non habent, 1446. c.  
Visitare Ecclesias suas singulis annis debent  
prælati, 1545. f.  
Vitalis episcopus Tholonensis, 1550. b. 1558.  
b. 1576. c. 1606. f. Praestit congregatio-  
nibus nationis Gallicanae in concilio Con-  
stantiensi, 1555. d.  
Vitalis episcopus Valentinus, 1011. c.  
Vitterbiensium subterfugia, 163. d.  
Vitterbienses cum mansuetudine tractandi,  
185. c. Inquisitionem haereticæ pravitatis  
agre tolerant, 191. c.  
Vivariensis cardinalis, 1459. d.  
Vivarienses episcopi ad imperium pertinent,  
611. a.  
Vivariensis episcopus Raymundus, 611. a.  
Vizeliacense monasterium hortus deliciarum  
& paradisi Domini, 194. f. Eidem de-  
bitum onere gravato succurri mandat  
Clemens IV. 194. c. & seq.  
Vladislaus rex Poloniae, 1711. a. Sigismundo  
imperatorii subsidium armorum offert ad-  
versus Turcas, 1652. c. d. Ejus epistola ad  
concilium Constantiense, 1650. c. Craco-  
viensem universitatem instituit, 1753. c.  
Ulricus comes de Lundolbe, 689. c. 691. d.  
Ungherus miles Ariminenis vincit copias  
Bernabovis, 1623. d.  
Unionis utilitas, 1165. c.

Unio in Ecclesia constat in tribus, 1165. d.  
Uniones episcoporum etiam tenuium Cle-  
menti IV. displicent, 448. b.  
Universitatis Colonienensis oratorum ad con-  
cilium Constantiense directorum epistolae,  
1609. f.  
Universitati Colonienensi scribit concilium  
Constantiense de fuga Johannis XXIII.  
papae, 1626. f. V. Colonienensis Universitas.  
Universitas Parisiensis ceterarum universita-  
tum mater, 1751. d.  
Universitas Parisiensis doctorum virorum  
foecunda, 1290. d. 1424. c. Ab ea deri-  
vat universitas Cracoviensis, 1751. c.  
1752. f. Quae eam consulit an præstanda  
sit Nicolao papae obedientia, 1751. d. &  
seq.  
Universitatis Parisiensis litterae quibus Cle-  
mentis VII. electionem solam canonicam  
approbat & declarat, 1722. c. 1723. d. Eam  
ad schismatis extirpationem hortatur Phi-  
lippus de Alenconio, 1135. a. Vias ad  
extinguendum schisma excogitat, 1167.  
a. Ejus requesta ad regem Francorum super  
facto unionis, 1135. f.  
Universitati Parisiensis scribit Aquileiensis car-  
dinalis de electione Gregorii XII. 1188.  
Item cardinalis Leodiensis, 1291. b. Item  
cardinalis de Turcio, 1292. b. Ipse etiam  
Gregorius XII. ei scribit de sua electione  
& proposito renunciandi pontificatui ad  
sedandum schisma, 1276. c. Ipse appella-  
tio à Benedicto XIII. anno MCCCXVI. 1295. A  
sermonibus & lectionibus cessat per decem  
hebdomadas propter vexationes Benedicti  
XIII. 1302. d. Scribit concilio Constantiensi,  
1632. d.  
Unitas. Melius est unus pereat quam unitas,  
1237. b.  
Votum intrandi religionem in ætate non le-  
gitima factum relaxatur, 395. d.  
Votorum mutatio 541. a.  
Votorum redemptiones Carolo Adegaviz comi-  
ti regni Siciliae negotium prosequenti  
concessa, 22. c.  
S. Urbani Trecentis fundatio, 104. Illius  
cimiterii benedictionem impediunt monia-  
les B. Mariae, 616. f. Hanc ecclesiam Theo-  
baldo regi commendat papa Clemens IV.  
1208. c. Ipsi facultas acquirendi possessio-  
nes tribuenda, 431. b. & seq.  
Urbanus IV. Trecentis natus, 4. c. Baptizatus  
in ecclesia Trecentis B. Mariae ad monia-  
les, 29. c. Puer conversatus in ecclesia Tre-  
centis S. Stephani, 29. b. Ejus mater se-  
pulta in ecclesia B. Mariae de Pratis, 29.  
c. Die festo S. Urbani electus, 4. b. Eccle-  
siam in honore S. Urbani in domo paterna  
aedificare cogitat, 4. d. Idque exemplum S.  
Gregorii & Gregorii IX. 5. a. Anniversa-  
rium fundat in cathedrali Trecentis, in col-  
legiata S. Stephani, in ecclesiis B. Mariae  
ad Moniales & B. Mariae de Pratis, 29. a.  
& seq.  
Urbanus IV. Henricum regem Angliae &  
Eadmundum ejus filium citat, 51. a. Ejus  
cum Theobaldo rege Navarrae consuetudo,  
631. c. Ad procurandum Carolo comiti  
Andegaviz regnum Siciliae quanta fecerit,  
82. c. 87. a. Summam ducentarum millium  
librarum ad procurandum Caroli comitis  
Provinciae & Andegaviz in Italiam ad-  
ventum expendit, 85. c. Approbat addi-  
tiones à Carolo comite Andegaviz &  
Provinciae factas conditionibus super ne-  
gotio Siciliae ei propositis, 33. c. & seq. Lau-  
dat Simonis cardinalis prudentiam in tra-  
ctando regni Siciliae negotio, 88. b. &  
seq.  
Urbanus IV. centesimam proventuum eccle-  
siasticorum jubet colligi pro subsidio Ter-  
rae-sanctae, 126. 157. f. 389. d. Gallicanam  
ecclesiam scandalizare vitat, 89. f.  
Urbanum IV. capere meditatur Manfredus,  
85. b. Et ei vitam veneno auferre tentat,  
86. c. Litteris suis Manfredum hortatur  
ad respicientiam, 90. b. & seq.  
Urbanus papa IV. Ecclesiae defensionem in  
Marchia committit Veronenensi electo, 99. c.  
Urbanus VI. electus ab omnibus cardinalibus,  
1103. c. e. 1112. c. Ejus electio quomodo  
facta, 1113. b. & seq. 1120. f. Romani mor-  
B e e e e e ij



- tem minantur cardinalibus nisi eligant papam Romanum, 1096. c. & seq. Portas conclavis fregerunt per vim, 1096. c. Conclave armati intrant, 1097. c. Urbani vii. intronizatio, 1097. d. f. 1102. e. 1107. b. A Romanis factas sacro Collegio injurias remittit, 1097. f. Castrum S. Angeli repetit & sibi denegatur nisi accedat omnium cardinalium consensus, 1074. a. Post suam electionem rogatus à cardinalibus Urbe exire recusavit, 1095. c. f. Consilia varia Romanorum ad habendum papam Romanum, 1096. b. Renitentibus cardinalibus, 1096. c. Variæ sententiæ de electione Urbani vii. 1101. b. & seq. Rationes pro defensione electionis Urbani papæ VI. 1155. a. & seq. Eum per impressionem electum fuisse non usquequaque certum est, 1157. a. & seq. Propensio cardinalium ante conclave fuit eligere in papam Bartholomæum Barensem, 1084. c. Ejus electio à cardinalibus morientibus vera asserta, 1090. c. Gratias & beneficia ab eo petunt, 1090. c. Eum verum papam multi agnoscunt, 1115. c. 1119. b. Urbano qui obediant principes, 1091. f. 1092. a. 1158. c. Eum agnoscunt viri sancti, 1092. d.
- Urbanum vi. respuunt cardinales propter ejus austeritatem, malentes esse schismatici quam Martyres, 1090. b. Ejus electionem reprobant universitas Parisiensis, 1722. f. 1723. f. Sermo in depositione Urbani quondam Barenfis archiepiscopi, 1075. b.
- Urbevetanus episcopus Pontius, 1001. f.
- Urbevetanus electus Johannes, 1045. d. 1046. b.
- Urbevetanam civitatem obsidere meditatur Manfredus, 85. c.
- Urbevetanorum angustia, 163. d. Eis duo castra offerunt Senenses, 191. c. Quibus recuperatis Senensium terram devastant, 191. c. Interdictum in Urbevetanos suspensum in festo assumptionis & octo dies sequentes, 394. f.
- Urbinate bellum non inferendum, 161. c. Ipsos ad satisfactionem hortatur Clemens IV. 163. b.
- Urbinate stratas reddunt suspectas, 416. c.
- Urgellensi episcopo adversus hostes Ecclesie pecuniarium subsidium petit Innocentius VI. 1028. d.
- Urficampi abbas in concilio Constantiensi, 1552. c.
- Usurarium filii in Ecclesia non promovendi, 181. f.
- Uticensis ecclesie Beneficia quomodo conferantur, 474. c. d.
- Valterius miles capitaneus Magnæ Societatis, 882. f.
- Venceclaus Boëmiæ regem à subtrahenda Bonifacio IX. obedientia dehortatur Rupertus dux Heydelbergenfis, 1172. f. & seq. Et à confederatione cum Gallis, 117. c.
- Venceclaus rex Romanorum Urbanum VI. papam agnoscit, 1061.
- Vestm. abbas Guillelmus, 1395. b.
- Vigornienfis episcopus ad papam citandus, 248. c. Ejus absolutionem sibi reservat Clemens IV. 101. b. Ei nulla curia facienda, 241. a.
- Vigornienfis episcopus Nicolaus, 778. c.
- Villelmus episcopus Maragaensis à Gregorio XI. consecratus, 1128. d.
- Villelmus electus Hierosolymitanus, 8. b.
- Villelmus electus Roffensis, 1061. a.
- Villelmus abbas S. Petri de Cella Trecenti abdicat dignitatem, 2. e.
- Villelmus de Horborem nuncius in Brementis provincia, 1055. b.
- Vintonienfis episcopus ad papam citandus, 248. c.
- Vintonienfes episcopi Johannes multa agit inordinate, 419. d. J. 578. c. Nicolaus, 578. c. c.
- Vintonienfis ecclesia cathedralis à monachis Benedictinis possessa, 413. f.
- Vytoldus dux Lituaniæ, 1653. f. 1713. c.
- Vulteranus electus, 1028. f.
- Vulteranus capellanus papæ 544. f.
- Voldemarus rex Daciæ, 1055. d.
- Volmarus marchio Brandeburgensis, 637. c.
- Vormatiensis episcopus in concilio Constantiensi, 1612. c.

## X

- X Antonenfis episcopus Gallardus, 378. d. 879. b.
- Xantenenfis electus in curia Romana defunctus, 990. d.
- Xantenenfis electus Gaufridus, 1433. b.

## Y

- Y Snardus Hugolinus vicarius regis Siciliæ in civitate Florentina, 602. a. 620. b.

## Z

- Z Egabrienfis episcopus Timotheus, 171. f.
- Zelus debet esse rectus, 1518. d.
- Zenobius de Florentia papæ capellanus & secretarius, 891. f. 924. a.

## ERRATA CORRIGENDA.

Pag. 16. f. per feudis lege pro feudis. pag. 81. c. sedes leg. sedis. pag. 91. bonitates leg. bonitatis. pag. 138. d. docentes leg. dolentes. pag. 144. e. conventum leg. proventum. pag. 146. d. auxiliis leg. auxilio. pag. 150. ille placuit leg. illi placuit. pag. 164. b. ver cellarum leg. vel cellarum. pag. 181. a. Reata leg. Reate. pag. 213. b. episcopa leg. epistola. pag. 232. b. avenam leg. arenam. pag. 250. c. clamoe leg. clamor. pag. 263. suis instruendum leg. tuis instruendum. pag. 264. de voluntate tua leg. de voluntate tua. pag. 280. lin. ultima, anno primo leg. anno secundo. pag. 299. f. provide leg. proinde. pag. 311. a. diacono leg. presbytero. pag. 313. f. anxit leg. auxit. pag. 326. b. de tuis leg. te tuis. pag. 372. d. Siciliæ leg. Franciæ. pag. 375. Petri Raimbaldi leg. Petro Raimbaldi. pag. 431. Fredicum leg. Fredericum. pag. 536. a. comitissæ leg. comitissæ. pag. 544. c. ab eos leg. ab eo. pag. 553. in margine, consecrante episcopo leg. consecranti altari. pag. 559. b. non dixisse leg. nos dixisse. pag. 574. d. obsequentium leg. obloquentium. pag. 597. c. audins leg. audies. pag. 611. f. al. F. omnibus leg. f. omnibus. pag. 623. d. referare leg. refecare. pag. 626. b. xviii. leg. viii. pag. 806. ante Johannis papa bullam appone hunc titulum, Bulla de resipiscentia Petri de Corvaria. pag. 912. e. comitissam leg. ducissam. pag. 913. c. ad non leg. ad eum. pag. 983. d. viginta leg. viginti. pag. 1114. c. prima, non cassata, leg. prima non cassata. pag. 1116. c. nutu mortis leg. metu mortis. pag. 1129. a. testate leg. testati. pag. 1134. a. papæ viii. leg. papæ xiii. pag. 1194. e. faciet ruere leg. facient ruere. pag. 1212. c. bonis & dictis leg. scriptis & dictis. pag. 1215. a. salvare posset leg. salvari posset. pag. 1242. b. si quid nostrum leg. si quis nostrum. pag. 1334. a. parts leg. pactes. pag. 1342. c. f. conclusionem leg. collusionem. pag. 1343. a. conclusionis leg. collusionis. pag. 1358. Louveront leg. loueront. pag. 1375. f. Landensis leg. Laudensis. pag. 1464. inducti de rubeo croceoque leg. induci de rubeo coccoque. pag. 1477. a. tant leg. extant. Ibid. e. delibera leg. deliberati. pag. 1480. c. Berrensis leg. Bartenfis. pag. 1490. selpondent leg. respondent. pag. 1500. e. Doni leg. Domini. pag. 1512. b. videris leg. videris.







